


ପାରମ୍ପରାଗ୍ରହଣ
ଜୀବିତ୍ ବାଚାନ୍



The New Testament in the Munda language of India:

ପାରମ୍ପରାଗ୍ରହଣ ଜୀବିତ୍ ବାଚାନ୍

ପାରମେଶ୍ଵାରୀୟାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରୀୟାଃ ଜୀନିଦ୍ ବାଚାନ୍

copyright © 2020 The Word for the World International

Language: मुन्दा (Munda)

Contributor: The Word for the World International

ପାରମେଶ୍ଵାରୀୟାଃ ଜୀନିଦ୍ ବାଚାନ୍
ନାମ୍ନା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023
 903abb6b-97c3-582d-9df8-a6a8f2fce6d6

Contents

ମାଥୁରା	1
ମାର୍କ	59
ଲୁକ	96
ଯୋହାନ୍	155
ପ୍ରେରିତ୍	198
ରୋମି	254
୧ କରିନ୍ଥୁୟ	278
୨ କରିନ୍ଥୁୟ	301
ଗାଲାତିୟ	317
ଏଫିସିୟ	327
ଫିଲିପିୟ	336
କଲସିୟ	343
୧ଥେସଲନିକା	350
୨ଥେସଲନିକା	356
୧ ଡିମଥ୍	359
୨ ଡିମଥ୍	366
ତିତସ୍	371
ଫିଲମନ୍	374
ଏବ୍ରୀ	376
ଯାକୁବ	395
୧ପାତ୍ରରାସ୍	402
୨ ପାତ୍ରରାସ୍	409
୧ ଯୋହାନ୍	414
୨ଯୋହାନ୍	421
୩ ଯୋହାନ୍	423
ଯିହୁଦା	425
ଉନୁତୁବ୍	428

ମାଧୁର ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାଧୁର ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଦାନକେ ଉଦୁବେତାନ ନାଝା ନିୟାମରାଃ ଉପୁନିୟା* ପୁଅକଏତେ ମାଧୁର ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନ୍ ପୁଅକକେ ଯୀଶୁ ଖ୍ରୀଷ୍ଟଆଃ “ସୁକୁକାଜି” କାଜିୟଃତାନା । ଯୀଶୁଆଃ ଗନଏଃ ତାୟମ୍ତେ ଏନ୍ ସୁକୁକାଜିକେ ମାଧୁର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ମାଧୁର ଅଲ୍ଲାକାଦ୍ ସୁକୁକାଜିରାଃ ଅନଲ୍ ଦିପିଲି କା ସାରିୟଃରେୟ, ବାଇବାଲ୍ ପାଣ୍ଡିତ୍ କାଜିୟାଃକ ଯେ, ନେଆଁ ଖ୍ରୀଷ୍ଟଆଃ ଜାନାମ୍ ତାୟମ୍ ୭୦ କରେ ଅଲ୍ଲାକାନ୍ ତାଇକେନା । ନେଆଁରାଃ ଅନଲ୍ ଠାୟାଦ୍ କା ସାରିୟଃତାନରେୟ, ତିମିନ୍ କ ପାଲେଷ୍ଟାଇନ୍ ଦିଶୁମରାଃ ଯୀରୁଶାଲେମ୍ ନାଗାରେ ଅଲ୍ଲାକାନା ମେନ୍ତେକ ବିଶ୍ୱାସାଃ ।

ନେ ପୁଅରାଃ ଅନଲ୍ନିଃ ମାଧୁର ତାନିଃ, ଯୀଶୁ ଇନିଃକେ ଆୟାଃ ତେଲ ବାଇୟଃ ନାଝା କେଡ଼ା ସିଦାରେ ଇନିଃ ମାଲ୍ହାରମ୍ ତାଇକେନାଏ । ଇନିଃ ଲେବୀ ମେନ୍ତେୟ ସାରିୟଃ ତାଇକେନାଏ । ମାଧୁର ଗେଲ୍ବାର୍ଡ଼ ପ୍ରେରିତ୍ କଏତେ ମିହୁଡ୍ ତାଇକେନାଏ ଆତଃ ଇନିଃ ବିଶେଷକେଦ୍ତେ ଯିହୁଦୀ ହଡକଆଃ ନାଗେନ୍ତେ ନେ ସୁକୁକାଜି ଅଲ୍ଲାକାଦାଏ । ଅକନାଃତି ଆୟାଃ ଅନଲ୍ରେ ମାରି ନିୟାମ୍ ଧାରାମ୍ପୁଅରାଃ ଆଦିହିସିଠୁ ବାଚାନ୍, ନେ ମାଧୁର ପୁଅରେ ଉଦୁବଃତାନା । ଯୀଶୁ ଖ୍ରୀଷ୍ଟ ତାଏ ମାସି ପାର୍ମେଶ୍ୱରଆଃ ସାଲ୍ଲାକାନ୍ ବାଞ୍ଛାନିଃ ଆତଃ ରାଜା ତାନିଃ । ଅକଏୟାଃ ହିନିଜୁଃ ବିଷାଏରେ ମାରି ନିୟାମରାଃ ଧାରାମ୍ପୁଅରେ ଆୟାର୍କାଜିଃ କାଜିକାନ୍ ତାଇକେନା, ଏନା ମାଧୁର ପୁରାଃତେ ଉଦୁବ୍ ନାଝା ସାନାଝା ତାଇକେନାଏ । ଯିହୁଦୀକ ମାସିକେ ଆକଆଃ ରାଇଜରାଃ ରାଜା ହବାଅଃଆଁଏ ମେନ୍ତେ ଆସ୍ତାକାଦ୍ ତାଇକେନାକ । ମାଧୁର, ପାର୍ମେଶ୍ୱରଆଃ ରାଇଜକେ, ଆମିକ୍ରେୟାଃ ରାଇଜ୍ ତାନାଃ, ଅତେଦିଶୁମରାଃ ରାଇଜ୍ ନାହାଁଲାଃ ମେନ୍ତେ କାଜିକାଦା । ମାଧୁର ଆୟାଃ ଅନଲ୍ରେ ପାର୍ମେଶ୍ୱରଆଃ ରାଇଜ୍ ବିଷାଏରେ ପୁରାଃତେ ଉଦୁବ୍ ନାଝା ସାନାଝାକାଦାଏ ।

ମାଧୁର ଅଲ୍ଲାକାଦ୍ ସୁକୁକାଜି ନାଝା ନିୟାମରାଃ ପାହିଲା ପୁଅ ନାଗେନ୍ତେ ପୁରାଃ ବୁଗିନ୍ ତାନାଃ, ତିୟାଃତି ମାରି ନିୟାମରାଃ ବାଚାନ୍ କ ପୁରାଃତେ ଉଦ୍ବାକାନା । ନେ ପୁଅ, ମାରି ଆତଃ ନାଝା ନିୟାମ୍ ବାରାନାଃକେ ମେସାଏ । ବାଇବାଲ୍ ପାଣ୍ଡିତ୍ କହଁ କାଜିୟାଃକ, ମାଧୁର ଆୟାଃ ଅନଲ୍ରେ ମୁଖା ନାବାରାଃ ଆନ୍ତୁ ଲେକା ସେସେନ୍ ନାଝା ସାନାଝାକାଦାଏ, ଅକନାଃତି ମାରି ନିୟାମରାଃ ପାହିଲା ମଶୋୟାଁସ୍ ପୁଅ ତାନାଃ । ଯୀଶୁଆଃ ବୁରୁ ଚେତାନରେୟାଃ ଇନିଠୁ ୫-୭ ଆଧ୍ୟାୟକେ ପାର୍ମେଶ୍ୱର, ମୁଖା ନାବାକେ ଏମାକାଲ୍ ଆନ୍ତୁଲିଃ ହବି ଜିକାଃଏ ୨ କିଲିକଆଃ ୧୯:୩-୨୧ ।

ପୁଅ ଭିତାରେ ତାଇକାନ୍ କାଜି

- ୧. ଯୀଶୁ ଖ୍ରୀଷ୍ଟଆଃ ଜାନାମ୍ ଆତଃ ସେଝାକାମିରାଃ ଏନେଚେଦ୍ । ୧-୪
- ୨. ଯୀଶୁ ଖ୍ରୀଷ୍ଟଆଃ ସେଝାକାମି ଆତଃ ଇନିଠୁ । ୫-୨୫
- ୩. ଯୀଶୁ ଖ୍ରୀଷ୍ଟଆଃ ଗନଏଃ ଆତଃ ଜୀଉବିନିରିଦ୍ । ୨୬-୨୮

ଯୀଶୁ ଖ୍ରୀଷ୍ଟଆଃ କିଲି
(ଲୁକ ୩:୨୩-୩୮)

୧ ନେଆଁ ହବାଅଃତାନା ଯୀଶୁ ଖ୍ରୀଷ୍ଟଆଃ ପୁରୁଖା ଆପୁକଆଃ ନୁଡ଼ମ୍ ଅଲ୍ଲାକାନ୍ ପୁଅ, ଯୀଶୁ ଖ୍ରୀଷ୍ଟ, ଦାଉଦ୍ ଆଃ କିଲିରେନ୍ ଆତଃ ଦାଉଦ୍, ଆବ୍ରାହାମ୍ ଆଃ କିଲିରେନ୍ ତାଇକେନାଏ ।

୨ ଆବ୍ରାହାମ୍ ଆଃ ହନ୍ ଇସାକ୍, ଇସାକ୍ ଆଃ ହନ୍ ଯାକୁବ୍, ଯାକୁବ୍ ଆଃ ହନ୍ ଯିହୁଦା ଆତଃ ଆୟାଃ ହାଗାକ ତାଇକେନା, ୩ ଯିହୁଦାରାଃ ହନ୍ ପେରସ୍ ଆତଃ ସେରହ୍, ଇନିକିନାଃ ଏକ୍ଷାତେ ତାମର୍ ତାଇକେନାଏ, ପେରସ୍ ରାଃ ହନ୍ ହେସ୍ରୋନ୍, ହେସ୍ରୋନ୍ ରାଃ ହନ୍ ଅରାମ୍, ୪ ଅରାମ୍ ରାଃ ହନ୍ ଅସ୍ମାନାଦ୍, ଅସ୍ମାନାଦ୍ ରାଃ ହନ୍ ନହଶୋନ୍, ନହଶୋନ୍ ରାଃ ହନ୍ ସାଲ୍ମନ, ୫ ସାଲ୍ମନ ରାଃ ହନ୍ ବୋୟାଜ୍, ବୋୟାଜ୍ ରାଃ ହନ୍ ଏକ୍ଷାତେୟାଃ ନୁଡ଼ମ୍ ରାହାଦ୍, ବୋୟାଜ୍ ରାଃ ହନ୍ ଓବେଦ୍, ଓବେଦ୍ ରାଃ ଏକ୍ଷାତେ ରୁଡ୍, ଓବେଦ୍ ରାଃ ହନ୍

* : ୧:୦ ଗଇଲ୍ † : ୧:୦ ବାରାଖନ୍ ‡ : ୧:୦ ସିଦାରେ ହବାଃଅତେୟାଃ § : ୧:୦ ପାଞ୍ଚୁ

ଯିଶି, ^୬ଯିଶିରାଃ ହନ୍ ରାଜା ଦାଉଦ୍, ରାଜା ଦାଉଦାଃ ହନ୍ ସୁଲିମାନ୍, ସୁଲିମାନ୍ରାଃ ଏଙ୍ଗାତେ ସିଦାହେତେ ଉରିୟରାଃ କୁଡ଼ି ତାଇନ୍ନକେନା,

^୭ ସୁଲିମାନ୍ରାଃ ହନ୍ ରିହବିୟାମ୍, ରିହବିୟାମ୍ରାଃ ହନ୍ ଅବିୟ, ଅବିୟରାଃ ହନ୍ ଆସା, ଠ ଆସାରାଃ ହନ୍ ଯିହୋଶାଫତ୍, ଯିହୋଶାଫତ୍ରାଃ ହନ୍ ଯୋରାମ୍, ଯୋରାମ୍ରାଃ ହନ୍ ଉଲ୍ଲିୟ, ^୯ ଉଲ୍ଲିୟରାଃ ହନ୍ ଯୋଥାମ୍, ଯୋଥାମ୍ରାଃ ହନ୍ ଆହାସ୍, ଆହାସ୍ରାଃ ହନ୍ ହିଜକିୟ, ^{୧୦} ହିଜକିୟରାଃ ହନ୍ ମନଶି, ମନଶିରାଃ ହନ୍ ଆମୋନ୍, ଆମୋନ୍ରାଃ ହନ୍ ଯୋଶିୟ, ^{୧୧} ଯୋଶିୟରାଃ ହନ୍ ଯିକନିୟ ଆତଃ ଆୟାଃ ହାଗାକ ତାଇକେନା, ନେଆଁ ଇସ୍ରାଏଲ୍ ହଡକକେ କିରିଙ୍ଗ୍ ଦାସିକେଦ୍ତେ ବାବିଲୋନ୍ତେ ଇଦିକୁତାଇକେନ୍ ଦିପିଲିରାଃ କାଜିତାନାଃ ।

^{୧୨} ବାବିଲୋନ୍ତେ ତଲ୍ଲଇଦି ତାୟମ୍ତେ ଯିକନିୟ ଶଲ୍ଲଟିୟେଲ୍ଲକେ ଜାନାମ୍କିୟା, ଶଲ୍ଲଟିୟେଲ୍ଲରାଃ ହନ୍ ଜିରୁବାବେଲ୍, ^{୧୩} ଜିରୁବାବେଲ୍ରାଃ ହନ୍ ଅବିହୁଦ୍, ଅବିହୁଦ୍ରାଃ ହନ୍ ଏଲିୟାକିମ୍, ଏଲିୟାକିମ୍ରାଃ ହନ୍ ଆଜୋର୍, ^{୧୪} ଆଜୋର୍ରାଃ ହନ୍ ସାଦୋକ୍, ସାଦୋକ୍ରାଃ ହନ୍ ଆଖୁମ୍, ଆଖୁମ୍ରାଃ ହନ୍ ଏଲିହୁଦ୍, ^{୧୫} ଏଲିହୁଦ୍ରାଃ ହନ୍ ଏଲିୟାଜାର୍, ଏଲିୟାଜାର୍ରାଃ ହନ୍ ମାଭାନ୍, ମାଭାନ୍ରାଃ ହନ୍ ଯାକୁବ୍, ^{୧୬} ଯାକୁବ୍ରାଃ ହନ୍ ଯୋଷେଫ୍, ଇନିଃ ମାରିୟାମ୍ରାଃ କଡ଼ାତେ ତାଇକେନା, ଏନ୍ ମାରିୟାମ୍ ଯୀଶୁକେ ଜାନାମ୍କିୟା, ଇନିଃକେ ମାସି ମେନ୍ତେ କାଜିୟାଃକ ।

^{୧୭} ନେ ଲେକାତେ ଆହାହାମ୍ତେ ଦାଉଦ୍ ଜାକେଦ୍ ଗେଲ୍ଉପୁନ୍* ପିଢି, ଆତଃ ଦାଉଦ୍ତେ ବାବିଲୋନ୍ତେ ତଲ୍ଲଇଦିକାଦ୍ ଜାକେଦ୍ ଗେଲ୍ଉପୁନ୍ ପିଢି, ଆତଃ ବାବିଲୋନ୍ତେ ଇଦିକାଦ୍ ଦିପିଲିତେ ମାସି ଜାକେଦ୍ ଗେଲ୍ଉପୁନ୍ ପିଢିକ ତାଇକେନା ।

ୟୀଶୁ ଖ୍ରୀଷ୍ଟ ଆଃ ଜାନାମ୍
(ଲୁକ ୨:୧-୭)

^{୧୮} *ୟୀଶୁ ଖ୍ରୀଷ୍ଟ ନେ ଲେକାଏ ଜାନାମ୍ଲେନା । ଇନିୟାଃ ଏଙ୍ଗାତେ ମାରିୟାମ୍କେ ଯୋଷେଫ୍ ନାଙ୍ଗ୍ ଆସିଆକାନ୍ ତାଇକେନା । ମେନ୍ଦ୍ ଇନିଃଲଃ ଆଶ୍ୱିୟନ୍ ସିଦାରେ ଇନିଃ ପାବିତାର୍ ଆମ୍ମାତେ ଆବ୍ରାହାମ୍ନା ଆତଃ ହାମ୍ମାଲ୍ରୋଝା କାନାଏ ମେନ୍ତେ ଆବ୍ରାହାମ୍ନା । ^{୧୯} ଇନିୟାଃ କଡ଼ା ଯୋଷେଫ୍ ମିଆଁଦ୍ ଆବ୍ରାହାମ୍ ହଡ ତାଇକେନାଏ, ଏନାତେ ମାରିୟାମ୍ ବାଦ୍ନାମ୍ଠକାଏ ମେନ୍ତେ ଇନିଃ କାଏ ସାନାଙ୍ଗ୍କେଦା, ଏନାମେନ୍ତେ ଇନିଃକେ କା ଆଶ୍ୱିୟନ୍ ନାଙ୍ଗ୍ ଉଡ଼ୁକେଦାଏ । ^{୨୦} ମେନ୍ଦ୍ ଇନିଃ ଇନିଃ ନେଆଁ ଉଡ଼ୁକାନ୍ ତାଇକେନ୍ତେ ପ୍ରାଭୁଆଃ ମିଆଁଦ୍ ଦୁଡ୍ କୁମ୍ରେ ଉଡ଼ୁବେନ୍ୟାନା ଆତଃ କାଜିକିୟାଏ, “ହେ ଦାଉଦ୍ ଆଃ ହନ୍ ଯୋଷେଫ୍, ଆମାଃ କୁଡ଼ି ଲେକା ମାରିୟାମ୍କେ ଅଡ଼ାଃତେ ଇଦିନାଙ୍ଗ୍ ଆଲ୍ମ୍ ବରଏୟା, ଚିୟାଃତି ଇନିୟାଃ ହାମ୍ମାଲ୍ରୋଝା ପାବିତାର୍ ଆମ୍ମାତେ ହବାକାନା । ^{୨୧} *ଇନିଃ ମିଆଁଦ୍ କଡ଼ାହନ୍ ଜାନାମ୍ନିୟାଏ, ଆତଃ ଆମ୍ ଇନିଃକେ ଯୀଶୁ ମେନ୍ତେମ୍ ନୁତୁମ୍ନିୟା, ଚିୟାଃତି ଇନିଃକେ ଆୟାଃ ହଡକକେ ଆକଆଃ ପାଦ୍ତେ ବାଞ୍ଛାଅକଆ ।”

^{୨୨} ନାବାକଆଃ ହରାତେ ପ୍ରାଭୁ କାଜିକାଦ୍ ନେ କାଜି ପୁରାଆଃ ନାଗେନ୍ତେ ନେ ସବେନାଃ ହବାକାନା, ^{୨୩} “ମିଆଁଦ୍ ଡିଶ୍ୱାକୁଡ଼ି ହାମ୍ମାଲ୍ରୋଝା ହବାଅଥାଏ ଆତଃ କଡ଼ାହନ୍ ଜାନାମ୍ନିୟାଏ, ଆତଃ ହଡକ ଇନିଃକେ ଇମ୍ମାନ୍ୟେଲ୍” ମେନ୍ତେମ୍ ନୁତୁମ୍ନିୟା, ଏନାରେୟାଃ ମ୍ଣିଦ୍, “ପାଦ୍ମେଶ୍ୱାର୍ ଆବୁଲ୍ଲଃରିୟା ।”

^{୨୪} ଏନ୍ତେ ଯୋଷେଫ୍ ଦୁଡ଼ମ୍ତେ ବିରିଦ୍କେଦ୍ତେ, ପ୍ରାଭୁଆଃ ଦୁଡ୍ ଆବୁକାଇ ଲେକା ଆୟାଃ କୁଡ଼ି ମାରିୟାମ୍କେ ଅଡ଼ାଃତେ ଇଦିକିୟା । ^{୨୫} *ମେନ୍ଦ୍ ଇନିଃ ମୁଡ଼କୁଲ୍ କଡ଼ାହନ୍ ଆଉରି ଜାନାମ୍ନିୟା କେଦ୍ ଯୋଷେଫ୍ ଇନିଃକେ କାଏ ଜୁଡିଦିକିୟା । ଆତଃ ଯୋଷେଫ୍ ଏନ୍ ହନ୍କେ ଯୀଶୁ ମେନ୍ତେ ନୁତୁମ୍ନିୟା ।

୨

ସିଙ୍ଗିତୁରଃସାଃରେନ୍ ପାଣ୍ଡିତ୍ୱକ ଯୀଶୁକେ ନେନେଲ୍ନାଙ୍ଗ୍ କିହ୍ନୁଃତାନା

^୧ ହେରୋଦ୍ ରାଜାରାଃ ଦିପିଲିରେ ଯିହୁଦା ଦିଶ୍ୱମ୍ରେୟାଃ ବେଅଲେହେମ୍ ସାହାବ୍ରେ ଯୀଶୁ ଜାନାମ୍ନିୟାନ୍ ତାୟମ୍ତେ, ସିଙ୍ଗିତୁରଃସାଃରେନ୍ ଚିମ୍ନ୍ ପାଣ୍ଡିତ୍ୱକ* ଯୀରୁଶାଲେମ୍ତେକି ହିଜୁଃୟାନା, ^୨ ଆତଃ କୁଲିକେଦାଃକ, “ସିହୁଦାକଆଃ ରାଜା ହବାଅନିଃ ଜାନାମାକାନ୍ ହନ୍ ଅକଡ଼ାଃରିୟା ? ଆଲେଦ୍ ସିଙ୍ଗିତୁରଃସାଃରେ ଇନିୟାଃ ଇପିଲ୍ଲକେ ନେଲ୍କେଦ୍ତେ ଇନିଃକେ ଜହାରି ନାଗେନ୍ତେଲେ ହିଜୁଃକାନା ।”

* ୧:୧୭ ୧:୧୭ ଗଉଦା † ୧:୧୮ ୧:୧୮ ଲୁକ ୧:୨୭ ‡ ୧:୨୧ ୧:୨୧ ଲୁକ ୧:୩୧ § ୧:୨୫ ୧:୨୫ ଲୁକ ୨:୨୧ * ୨:୧ ୨:୧ ନିକୁଦ୍ ସିମ୍ନାରେନ୍ ଇପିଲ୍ଲକେ ପାଞ୍ଚାଅକେଦ୍ତେ ସାରିଉତୁମ୍ନିୟା ତାଇକେନା

୩ ନେଆଁ ଆୟୁମ୍ବକେଦତେ ହେରୋଦ୍ ରାଜା ଆତଃ ଜନିଃଲଃ ଗଟା ଯୀରୁଗାଲେମ୍ବରେନ୍ଦକ ଆକ୍ବବାକାଅୟାନା । ୪ ଆତଃ ଜନିଃ ହତ୍ବକଆଃ ସବେନ୍ ମୁଲ୍ ଯାଜାକ୍ ଆତଃ ଆଇନ୍ ଇତ୍ବକକେ ହାକାଅ ହୁଣ୍ଡିକେଦତେ “ମାସି ଚାଏ ଖ୍ରୀଷ୍ଟ୍, ଅକ୍ତଃରେ ଜାନାମଃଆ ?” ମେନ୍ତେ କୁଲିକେଦକଆ ।

୫ ଜନ୍କୁ ଜନିଃକେ କାଜିରୁହାଡ଼କିୟାକ୍, “ଯିହୁଦା ଦିଶ୍ବମ୍ବରେୟାଃ ବେଥଲେହେମ୍ ସାହାରରେ,” ଚିୟାଃଟି ନେଆଁକେଦ ନାବୀ ନେଲେକାଏ ଅଲୀକାଦା,

୬ “ରେ ଯିହୁଦା ଦିଶ୍ବମ୍ବରେୟାଃ ବେଥଲେହେମ୍,

ଆମ୍ ଯିହୁଦାରେୟାଃ ମାରାଜ୍ ନାଗାର୍ବକଏତେ ଜେତାଲେକାତେ କାମ୍ ହୁଡ଼ିଙ୍ଗ୍ୟା,

ଚିୟାଃଟି ଆମେତେଦ ମିଆଁଦ୍ ଆଗୁଆଇ ଅତଙ୍ଗ୍ଅଃଆଏ,

ଜନିଃ ଆଇଁୟାଃ ଇସ୍ରାଏଲ୍ ହତ୍ବକକେ ହରକଆ । ”

୭ ଏନ୍ତେ ହେରୋଦ୍, ଏନ୍ ସିଙ୍ଗିତୁରଃସଃରେନ୍ ପାଣ୍ଡିତ୍ବକକେ ଦାନାଙ୍ଗ୍ତେ ହାକାଅକେଦକଆ, ଆତଃ ଏନ୍ ଇପିଲ୍ ଚିମ୍ତାଏ ନେଲଃୟାନା, ଏନା ଜନ୍କୁତଃଏତେ ବୁଗିଲେକାଏ ସାରିନାମ୍ବକେଦା । ୮ ଏନ୍ତେ ଜନିଃ ଜନ୍କୁକେ ବେଥଲେହେମ୍ତେ କୁଲିକେଦତେ ମେତାଦକଆ, “ସେନଃସେ ଆତଃ ବୁଗିଲେକାତେ ଏନ୍ ବାଲେଃହନ୍ଦକେ ଦାଣ୍ଡାଲପେ ଆତଃ ଜନିଃକେ ନାମ୍ବକିଃରେ ଉଦୁବାଇଙ୍ଗ୍ପେ, ଏନ୍ତେ ଆଇଙ୍ଗ୍ହଁ ସେନ୍ଦକେଦତେ ଜନିଃକେ ଜହାରିୟାଇଙ୍ଗ୍ ।”

୯ ଜନ୍କୁ ରାଜାରାଃ କାଜି ଆୟୁମ୍ବକେଦତେ ଆକ୍ଆଃ ହରାରେ ସେନଃୟାନାକ୍ ଆତଃ ନେଲେପେ, ଜନ୍କୁ ସିଙ୍ଗିତୁରଃସଃରେ ନେଲୀକାଇ ଏନ୍ ଇପିଲ୍କେଗି ନେଲ୍କିଃତେ ପୁରାଃ ରାସ୍ବକାୟାନାକ୍ । ଏନ୍ ଇପିଲ୍, ଏନ୍ ହନ୍ ତାଇକେନ୍ ଠାୟାଦତେ ଆଉରି ସେଟେର୍ ଜାକେଦ୍ ଜନ୍କୁକେ ଆୟାର୍ ଇଦିକତାନ୍ ତାଇକେନା, ଏନ୍ତେ ଏନ୍ ଠାୟାଦତେ ସେଟେର୍ୟାନ୍ତି, ଏନ୍ ଇପିଲ୍ ଏନ୍ତାରେ ଆବ୍ବକାୟାନା । ୧୦ ଜନ୍କୁ ଏନ୍ ଇପିଲ୍କେ ନେଲ୍କିଃତେ ପୁରାଃଗିକ୍ ରାସ୍ବକାୟାନା । ୧୧ ଆତଃ ଜନ୍କୁ ଅଡ଼ାଃତେ ବଲୟାନ୍ତି ହନ୍ଦକେ ଆୟାଃ ଏଙ୍ଗାତେ ମାରିୟାମ୍ବଲଃ ନେଲ୍କିୟାକ୍ ଆତଃ ଜନ୍କୁ ଇକ୍ତ୍ବମ୍ବକେଦତେ ଜନିଃକେକ୍ ଜହାଡ଼କିୟା ଏନ୍ତେ ଆକ୍ଆଃ ପଟମକେ ରାଡ଼ାକେଦତେ ସୋନା, କୁନ୍ଦୁରୁ ଆତଃ ବୁଗିନ୍ ସହାନ୍ସୁନ୍ଦ୍ ଦାନ୍ଦକ୍ ଏମ୍ବକିୟା ।

୧୨ ଏନ୍ତେ ହେରୋଦ୍ତଃରେ ଆଲ୍ପେ ସେନ୍ଦୁହାଡ଼ାଃ ମେନ୍ତେ ପାର୍ମେଶ୍ବର୍ଆଃ ଆନାରୁ କୁମ୍ବେ ନାମ୍ବୟାନ୍ତି, ଜନ୍କୁ ଏଗାଃ ହରାତେ ଆକ୍ଆଃ ଦିଶ୍ବମ୍ବତେକ ସେନଃରୁହାଡ଼ୟାନା ।

ଯୋଷେଫ୍ ଆତଃ ମାରିୟାମ୍ବ ହନ୍ଦକେ ମିସାର୍ତେକିନ୍ ଇଦିତାନା

୧୩ ଜନ୍କୁ ସେନଃୟାନ୍ ତାୟମ୍ବତେ, ପ୍ରାଭୁଆଃ ମିଆଁଦ୍ ଦୁଁଦ୍ ଯୋଷେଫ୍ତଃରେ କୁମ୍ବେ ହିଜୁଃୟାନା ଆତଃ କାଜିକିୟାଏ, “ହେରୋଦ୍, ହନ୍ଦତାମାଃକେ ଗଏଃନାଙ୍ଗ୍ ଦାଣ୍ଡାତାନାଏ, ଏନାତେ ମାର୍ ବିରିଦ୍ମେ, ହନ୍ ଆତଃ ଆୟାଃ ଏଙ୍ଗାତେକେ ମିସାର୍ ଦିଶ୍ବମ୍ବତେ ଇଦିକିନ୍ମେ ଆତଃ ଆଉରିଙ୍ଗ୍ ଉଦୁବାମେ ଜାକେଦ୍ ଏନ୍ତାରେ ତାଇଙ୍ଗ୍ମେ ।”

୧୪ ଯୋଷେଫ୍ ବିରିଦ୍କେଦତେ ଏନ୍ ନିଦାରେଗି ହନ୍ ଆତଃ ଜନିୟାଃ ଏଙ୍ଗାତେକେ ମିସାର୍ ଦିଶ୍ବମ୍ବତେ ଇଦିକେଦକିନା । ୧୫ ହେରୋଦ୍ ଆଉରି ଗଜଃ ଜାକେଦ୍ ଏନ୍ତାରେଗି ତାଇନ୍ୟାନା । “ଆଇଙ୍ଗ୍ ମିସାର୍ ଦିଶ୍ବମ୍ବହେତେ ହନିଙ୍ଗ୍କଡ଼ାକେଇଙ୍ଗ୍ କେଡ଼ାଆଉକିୟା” ମେନ୍ତେ ନାବାତେ କାଜିକାଦ୍ ପ୍ରାଭୁଆଃ କାଜି ନେଲେକାତେ ପୁରାୟାନା ।

ସିଚିଆ ହନ୍ଦକକେ ଗଗଏଃ

୧୬ ହେରୋଦ୍ ରାଜା, ସିଙ୍ଗିତୁରଃସଃରେନ୍ ପାଣ୍ଡିତ୍ବ ହତ୍ବକ ବେଦାକେଦିୟାଁ ମେନ୍ତେ ଆବ୍ବକାର୍ବକେଦତି, ପୁରାଃଗି ଖୁସ୍ୟାନା ଆତଃ ପାଣ୍ଡିତ୍ବକକେ କୁଲିକେଦତେ ଅକ୍ନାଃ ସାରିକାଦ୍ ତାଇକେନାଏ, ଏନ୍ ଲେକାଗି ବେଥଲେହେମ୍ରେନ୍ ଆତଃ ଏନାରେୟାଃ ହପ୍ବଜାପାଃରେନ୍ ହନ୍ଦକ୍, ଅକନ୍ଦକି ବାବାର୍ ସିମ୍ବାରେନ୍ ଆତଃ ଏନାଏତେ ହୁପ୍ଡିଙ୍ଗ୍ ସବେନ୍ କଡ଼ାହନ୍ଦକକେ ଗଏଃନାଙ୍ଗ୍ ଆତ୍ବକେଦକଆଏ ।

୧୭ ନେ ଲେକାତେ ଯିରିମିୟ ନାବୀ କାଜିଲେଦ୍ କାଜି ପୁରାୟାନା,

୧୮ “ରମା ସାହାରରେ ହାୟ ହାୟରେୟାଃ ରାଆଃ

ଆତଃ ପୁରାଃ କୁସୁଦ୍ କୁସୁଦ୍ ରାଆଃ ଆୟୁମ୍ବୟାନା,

ରାହେଲ୍ ଆୟାଃ ହନ୍ଦକ ନାଗେନ୍ତେ କୁସୁଦ୍ କୁସୁଦ୍ ରାଆଃ କେଦାଏ;

ଜନିଃ ଜୀଉରାଡ଼େଜେନ୍ କାଏ ସାନାଙ୍ଗ୍ତାନ୍ ତାଇକେନା,

ଚିୟାଃଟି ଆୟାଃ ସବେନ୍ ହନ୍ଦକ ଗଏଃୟାନାକ୍ ।”

ଯୋଷେଫ୍ ଆତଃ ମାରିୟାମ୍ବ ମିସାର୍ତେକେ ରୁହାଡ଼ୟାନାକିନ୍

୧୯ ହେରୋଦ୍ ଗଏଃୟାନ୍ ତାୟମତେ, ପ୍ରାଭୁଆଃ ମିଆଁଦ୍ ବୁଢ଼୍ ମିସାର୍ ଦିଶ୍ୱମ୍ରେ ଯୋଷେଫତାଃରେ କୁମ୍ବରେ ଉଦ୍ଭବେନ୍ୟାନ୍ଲଃ କାଜିକିୟାଏ, ୨୦ “ବିରିଦ୍ମେ, ହନ୍ ଆତଃ ଜନିୟାଃ ଏଜାତେକେ ଇସ୍ରାଏଲ୍ ଦିଶ୍ୱମ୍ରେ ସୁତ୍ରଃଇଦିକିନ୍ମେ, ଚିୟାଃଚି ହନ୍ରାଃ ଜୀଉ ଇଦି ନାଜ୍ ସାନାଜ୍ ତାଇକେନ୍ ହଡକଦ ଗଏଃୟାନାକ ।” ୨୧ ଏନ୍ତେ ଯୋଷେଫ୍ ବିରିଦ୍କେଦ୍ତେ ହନ୍ ଆତଃ ଜନିୟାଃ ଏଜାତେକେ ଇସ୍ରାଏଲ୍ ଦିଶ୍ୱମ୍ରେ ସୁତ୍ରଃରୁହାଡ୍କେଦକିନାଏ ।

୨୨ ମେନ୍ଦ୍ ଆଖି ଲିୟସ୍ ଆୟାଃ ଆପୁତେ ହେରୋଦ୍ଆଃ ଠାୟାଦ୍ରେ ଯିହୁଦା ଦିଶ୍ୱମ୍ରେ ରାଜାକାନା ମେନ୍ତେ ଆୟୁମକେଦ୍ତେ, ଇନିଃ ଗାଲିଲ୍ତେ ସେନ୍ନାଜ୍ ବରକେଦାଏ । ୨୩ *ଆତଃ କୁମ୍ବରେ ପାରମେଶ୍ୱାର୍ ଆରୁକାଦ୍ ଲେକା ଗାଲିଲ୍ ଦିଶ୍ୱମ୍ରେ ନାଜ୍ରେଦ୍ ସାହାର୍ତେ ସେନ୍ୟାୟାନା । ଆତଃ “ଇନିଃ ନାଜ୍ରେଦ୍ରେନ୍ ମେନ୍ତେ ନୁତୁମଃଆ ।” ମେନ୍ତେ କାଜିକାନ୍ ନାବାକଆଃ କାଜି ନେ ଲେକାତେ ପୁରାୟାନା ।

୩

ବାପ୍ତିସ୍ମା ଏମଃନିଃ ଯୋହାନ୍ରାଃ ଇନିତୁ

(ମାର୍କ ୧:୧-୮; ଲୁକ ୩:୧-୯, ୧୫-୧୭; ଯୋହାନ୍ ୧:୧୯-୨୮)

୧ ଏନ୍ ଦିପିଲ୍ରେ ବାପ୍ତିସ୍ମା ଏମଃନିଃ ଯୋହାନ୍ ହିଜୁଃୟାନାଏ, ଆତଃ ଯିହୁଦାରେୟାଃ ବିର୍ରେ ଇନିତୁ କାଜି ଏଟେଦ୍କେଦା, ୨ * “ଆପେୟାଃ ପାପ୍ତେତେ ମନ୍ରୁହାଡ୍ତେପେ ଚିୟାଃଚି ସିର୍ମା ରାଇଜ୍ଦ ନାଡେଃରେରିୟାଃ ।” ୩ ଅକନ୍ ହଡ୍ଆଃ ବିଷାଏରେ ଯିଶାୟ ନାବୀ କାଜିକାଦ୍ନିଃ ଯୋହାନ୍ଚି ତାନିଃ : ଇନିଃ କାଜିକେଦାଏ,

“ଜେତାଏ ବିର୍ରେ କାଉରିତାନିୟାଃ ସାଡ୍ଡି ଆୟୁମଃତାନା,
 ପ୍ରାଭୁଆଃ ହରା ବାଇୟେପେ;
 ଇନିୟାଃ ନାଜ୍ ହରା ସିଧାଏପେ ।”

୪ ଯୋହାନ୍ ଉର୍ରାଃ ଉଦ୍ତେ ବାଇୟାକାନ୍ ଲିଜାଃ ତୁସିଜ୍ଆଁତାନ୍ ତାଇକେନାଏ, ଆୟାଃ ମାୟାଜ୍ରେ ଉତ୍ତୁରାଃ କାସନା ତଲଃ ତାଇକେନାଏ ଆତଃ ଇନିଃ ସନ୍ସରେଦ୍ ଆତଃ ହୁରୁମ୍ସୁକୁ ଜମ୍ବକତାନ୍ ତାଇକେନାଏ । ୫ ଯୀରୁଶାଲେମ୍ରେନକ, ଗଟା ଯିହୁଦାରେନକ ଆତଃ ଯାଦାନ୍ ନାହିଁ ରାଃ ସବେନ୍ ହପଦ୍ଜାପାଃରେନ୍ ହଡକ ଇନିଃତାଃତେକ ହିଜୁଃୟାନା । ୬ ଆତଃ ଇନକୁ ଆକଆଃ ପାପକ ପାଡିୟାଡ୍କେଦା, ଏନ୍ତେ ଇନିଃ ଯାଦାନ୍ ନାହିଁରେ ଇନକୁକେ ବାପ୍ତିସ୍ମାକେଦକଆ ।

୭ *ମେନ୍ଦ୍ ଯୋହାନ୍ ପୁରାଃ ଫାରୁଶୀକ ଆତଃ ସାଦୁକିକ ଆୟାଃତାଃତେ ବାପ୍ତିସ୍ମା ନାମେ ନାଗେନ୍ତେ ହିଜୁଃତାନାଏ ନେଲ୍କେଦକଚି ଇନକୁକେ ମେତାଦକଆ, “ଏ ବିଜ୍ଜକଆଃ ହନ୍କ !” ହିଜୁଃତାନ୍ ମାରାଜ୍ ଏନେସେଦ୍ଏତେ* ନିର୍ ନାଗେନ୍ତେ ଅକଏ ଆପେକେ ଚେତାଝାଦ୍ପେୟାଏ ? ୮ ଆପେ ସାର୍ଚିରି ପାପ୍ତେତେ ହେୟାଡିଜ୍ଜକାଦ୍ରେଦ୍ ଆପେୟାଃ ବୁଗିନ୍ କାମିତେ ଉଦ୍ଭବେନ୍ୟେ । ୯ *ଆତଃ ଆହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ଡିଡିକେଦ୍ତେ କାଜିତାନ୍ଲଃ ନେ ସାଜାକ୍ଏତେ ବାଞ୍ଛାଝାଲେ ମେନ୍ତେ ଆଲ୍ପେ ଉଡ୍ଡୁୟା । ଚିୟାଃଚି ଆଇଜ୍ ଆପେକେ କାଜିୟାପେ ତାନାଇଜ୍, ପାରମେଶ୍ୱାର୍ଦ୍ ନେ ଦିରିକଏତେ ଆହାହାମ୍ ନାଗେନ୍ତେ ହନ୍କଏ ବାଇଦାଡ୍ଡିୟା ! ୧୦ *ଆତଃ ନାହିଁଃ ଦାରୁରେୟାଃ ବୁଗାରେ ହାକେ ମାଞ୍ଛାଝା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଜେଲ୍ରେ ହୁରାଜ୍ଅଃଆ ।

୧୧ “ଆଇଜ୍ଦ୍ ଆପେୟାଃ ହେୟାଡିଜ୍ ନାଗେନ୍ତେ ଦାଆଃତେ ବାପ୍ତିସ୍ମାପେ ତାନାଇଜ୍ ମେନ୍ଦ୍ ଆଇୟାଃ ତାୟମତେ ଆଇଜ୍ଏତେ ପେଡେୟାନ୍ନିଃ ହିଜୁଃତାନାଏ; ଇନିୟାଃ ଖାର୍ପା ଗଅଃଇଦି ଲେକାନିଃହ ଆଇଜ୍ ନାହିଁଲିଜ୍ । ଇନିଃ ଆପେକେ ପାବିତାର୍ ଆମ୍ । ଆତଃ ସେଜେଲ୍ତେ ବାପ୍ତିସ୍ମାପେୟା । ୧୨ ଆୟାଃ ଡିଃଇରେ ହାଗଆଃ ମେନାଃ, ଏନାତେ କଲମ୍ରେୟାଃ ଗହମ୍ ଆତଃ ବାବା ଗୁମ୍ ସାଫାକେଦ୍ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାୟା ଆତଃ ପେଟେଃକେ କା ଇଣିଁ ଜଃ ସେଜେଲ୍ରେ ଅଣ୍ଡୁରଏଣ୍ଡାରେୟା ।”

ୟୀଶୁ ବାପ୍ତିସ୍ମାୟାନାଏ

(ମାର୍କ ୧:୯-୧୧; ଲୁକ ୩:୨୧-୨୨)

* ୨:୨୩ ୨:୨୩ ମାର୍କ ୧:୨୫; ଲୁକ ୨:୩୯; ଯୋହାନ୍ ୧:୪୫. * ୩:୨ ୩:୨ ମାଧୁର ୪:୧୭; ମାର୍କ ୧:୧୫. * ୩:୭ ୩:୭ ମାଧୁର ୧୨:୩୫; ୨୩:୩୩. * ୩:୭ ୩:୭ ଏନେସେଦ୍ଏତେଖ୍ଏତେ * ୩:୯ ୩:୯ ଯୋହାନ୍ ୮:୩୩. * ୩:୧୦ ୩:୧୦ ମାଧୁର ୭:୧୯.

୧୩ ଏନ୍ ଦିପିଲିରେ ଯୀଶୁ ଯୋହାନ୍‌ତେ ବାପ୍ତିସ୍ମା ଇଦି ନାଗେନ୍ତେ ଗାଲିଲ୍‌ଏତେ ଯାଦୀନ୍ ନାହିଁତେ ହିଜୁଃୟାନାଏ । ୧୪ ମେନ୍‌ଦ ଯୋହାନ୍ ଇନିଃକେ ମାନାତାନ୍‌ଲଃ କାଜିକିୟାଏ, “ଆଇଙ୍ଗକେ ଆମାଃଏତେ ବାପ୍ତିସ୍ମା ଇଦି ଲାଗାତିଙ୍ଗିୟାଃ, ଏନ୍‌ରେହଗି ଆମ୍ ଆଇଙ୍ଗତାଃତେମ୍ ହିଜୁଆକାନା ।”

୧୫ ମେନ୍‌ଦ ଯୀଶୁ ଇନିଃକେ କାଜିରୁହାଡ଼କିୟାଏ, “ନାହିଃ ନେଆଁରେ ମାନାତିଙ୍ଗିୟାଃମେ, ଚିୟାଃତି ନେ ଲେକାତେ ଆବୁ ପାର୍‌ମେଣ୍ଟାରିଆଃ ସବେନ୍ ଧାର୍‌ମାନ୍ କାଜି ପୁରାନାଙ୍ଗ୍ ଆବୁକେ ରିକା ଲାଗାତିଙ୍ଗିୟାଃ ।” ଏନ୍ତେ ଯୋହାନ୍ ଇନିୟାଃ କାଜିକେ ମାନାତିଙ୍ଗିକେଦାଏ ।

୧୬ ଯୀଶୁ ବାପ୍ତିସ୍ମାୟାନ୍ ତରସା ଦାଆଃଏତେ ଅତଙ୍ଗିୟାନା । ଏନ୍ତେ ଇନିଃ ନାଗେନ୍ତେ ସିର୍ନା ନିଜୁୟାନା ଆଡଃ ଇନିଃରେ ପାର୍‌ମେଣ୍ଟାରିଆଃ ଆମ୍ ଦୁଦୁମୁଲ୍ ଲେକା ଆଡ଼ଗୁଃତାନ୍‌ତେୟାଃ ଯୋହାନ୍ ନେଲ୍‌କିୟାଏ । ୧୭ ଆଡଃ ସିର୍ନାଏତେ ନେଲେକା କାଜି ଆୟୁମ୍‌ୟାନା, “ନିଃଗି ଆଇଁୟାଃ ଦୁଲ୍‌ତା ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ ।”

୪

ୟୀଶୁଆଃ ବିନିତାଅ

(ମାର୍କ ୧:୧୨-୧୩; ଲୁକ ୪:୧-୧୩)

୧ ଏନ୍ତେ ପାବିତାର୍ ଆମ୍ ଦୀଶୁକେ ବିରୁତେ ଇଦିକିୟା, ଏନ୍ତାଃରେ ସାଏତାନ୍ ଇନିଃକେ ବିତାଅକିୟା । ୨ ବାରୁହିସି ନିଦାସିଙ୍ଗି ରେଙ୍ଗେଃ କାଟାବକେଦ୍ ତାୟମତେ ଯୀଶୁକେ ରେଙ୍ଗେଜୁକିୟାଃ । ୩ ଏନ୍ତେ ସାଏତାନ୍ ଇନିଃତାଃତେ ହିଜୁଃୟାନା ଆଡଃ କାଜିକିୟାଏ, “ଆମ୍ ପାର୍‌ମେଣ୍ଟାରିଆଃ ହନ୍ ତାନ୍‌ମେରେଦ୍, ନେ ଦିରିକକେ ହଲଙ୍ଗ୍ ବାଇୟାଃକା ମେନ୍ତେ ଆତୁତାମ୍ ।”

୪ ମେନ୍‌ଦ ଯୀଶୁ ଇନିଃକେ କାଜିରୁହାଡ଼କିୟା, “ଧାରାମ୍‌ପୁଅରେ ଅଲ୍‌କାନା, ‘ହଡ଼ ହଲଙ୍ଗ୍‌ତେ ଏସ୍କାର୍ କା ମେନ୍‌ଦ ପାର୍‌ମେଣ୍ଟାରିଆଃ ମଟାଏତେ ଅତଙ୍ଗିଅଃତାନ୍ ସବେନ୍ କାଜିତେ ଜାହିଦଅଆ ।”

୫ ଏନ୍ତେ ସାଏତାନ୍ ଯୀଶୁକେ ଯୀରୁଶାଲେମ୍ ଏନ୍ ପାବିତାର୍ ନାଗାରୁତେ ଇଦିକିଃତେ ମାହିର୍ ଅଡ଼ାଃରେୟାଃ ରୁଟିରେ ତିଙ୍ଗିକିୟା, ୬ ଆଡଃ କାଜିକିୟାଏ, “ଆମ୍ ପାର୍‌ମେଣ୍ଟାରିଆଃ ହନ୍ ତାନ୍‌ମେରେଦ୍ ନେତାଃଏତେ ଲାତାରୁତେ ତେଗାଅତାମେ, ଚିୟାଃତି ଧାରାମ୍‌ପୁଅରେ ଅଲ୍‌କାନା,

“ପାର୍‌ମେଣ୍ଟାରି ଆୟାଃ ଦୁଁଡ଼କକେ ଆବୁକଆ;

ଆଡଃ ଆମାଃ କାଟା ଦିରିରେ ଅଲ୍‌କା ଠଗକା ମେନ୍ତେ ଇନ୍‌କୁ ଆକଆଃ ତିଃଇତେକ ତେଲାମେୟାଁ ।”

୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଧାରାମ୍‌ପୁଅରେ ନେଆଁହଗି ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଣ୍ଟାରିକେ ଅଲ୍‌ମ୍ ବିତାଅଇୟା ।”

୮ ଏନ୍ତେ ସାଏତାନ୍ ଯୀଶୁକେ ମିଆଁଦ୍ ସାଲ୍‌ଜି ରୁରୁତେ ଇଦିକିଃତେ ଅତେଦିଶୁମ୍‌ରେୟାଃ ସବେନ୍ ରାଇଜ୍ ଆଡଃ ଏନାରେୟାଃ ସୁଗାଡ଼ାନ୍‌ତେୟାଃକ ଉଦୁବକିୟାଏ । ୯ ଆଡଃ ସାଏତାନ୍ ଯୀଶୁକେ କାଜିକିୟାଏ, “ଆମ୍ ଆଇଙ୍ଗକେ ଇକଡ଼ମୁକେଦ୍‌ତେ ଜହାରିଙ୍ଗ୍‌ରେଦମ୍ ନେ ସବେନାଃଇଙ୍ଗ୍ ଏମାମେୟାଁ ।”

୧୦ ଏନ୍ତେ ଯୀଶୁ ଇନିଃକେ କାଜିକିୟାଏ, “ଆତମେନ୍‌ମେ ସାଏତାନ୍, ଚିୟାଃତି ନେଆଁ ଧାରାମ୍‌ପୁଅରେ ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଣ୍ଟାରିକେ ଜହାରିମେ ଆଡଃ ଇନିଃକେ ଏସ୍କାର୍ ସୁସାରିମେ ।”

୧୧ ଏନ୍ତେ ସାଏତାନ୍ ଯୀଶୁକେ ବାଗିକେଦ୍‌ତେ ନିର୍‌ୟାନା ଆଡଃ ଦୁଁଡ଼କ ହିଜୁଃକେଦ୍‌ତେ ଇନିଃକେ ସୁସାର୍ ଏଟେଦକିୟାକ ।

ଗାଲିଲ୍‌ରେ ଯୀଶୁଆଃ କାଜିକାମି ଏନେଟେଦ୍

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ଯୋହାନ୍ ଜେହେଲ୍‌ୟାନାଏ ମେନ୍ତେ ଯୀଶୁ ଆୟୁମ୍‌କେଦ୍‌ତେ ଗାଲିଲ୍ ସାହାରୁତେ ସେନଃୟାନା । ୧୩ ନାଜ୍‌ରେଦ୍ ବାଗିକେଦ୍‌ତେ ସବ୍‌ଲୁନ୍ ଆଡଃ ନପ୍ରାଲି ସିମ୍‌ନାରାଃ ଗାଲିଲ୍ ଦରେୟା ହେପାଦ୍‌ରାଃ କପରନାହୁମ୍ ସାହାରୁତେ ସେନ୍‌କେଦ୍‌ତେ ତାଇନ୍‌ୟାନାଏ । ୧୪ ନେଆଁତେ ଯିଶାୟ ନାବୀ କାଜିକାଦ୍ କାଜି ପୁରାୟାନା,

୧୫ “ସବ୍‌ଲୁନ୍ ଦିଶୁମ୍ ଆଡଃ ନପ୍ରାଲି ଦିଶୁମ୍,

୧୩:୧୨ ୩:୧୭ ମାଧୁରୀ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. ୪:୧ ୪:୧ ଏବଂ ୨:୧୮; ୪:୧୫. ୪:୧୨ ୪:୧୨ ମାଧୁରୀ ୧୪:୩; ମାର୍କ ୭:୧୭; ଲୁକ ୩:୧୯, ୨୦. ୪:୧୩ ୪:୧୩ ଯୋହାନ୍ ୨:୧୨.

ଦରେୟା ହେପାଦରାଃ ଯାଦୀନ୍ ଗାଡ଼ା ହାନ୍ ପାରମ୍ବରେ
ସାଆଁୟାରକଆଃ ଗାଲିଲ୍ ଦିଶ୍ଟୁମ୍,
୧୭ ନୁବାଃରେ ତାଇନକାନ୍ ହଡ଼କ

ମାରାଙ୍ଗ ମାର୍ଯ୍ୟାଲକ ନେଲେୟା
ଆତଃ ଗନଏଃରେୟାଃ ଉମ୍ବଲୁରେ ତାଇନକାନ୍ ହଡ଼କ ନାଙ୍ଗ
ମାର୍ଯ୍ୟାଲ ତୁରଃଆ ।”

୧୭ ଏନ୍ ଦିପିଲିଏତେ ଯୀଶୁ ଇତୁ ଏବେଦକେଦତେ କାଜିକେଦା, “ଆପେୟାଃ ପାପ୍ତହେତେ
ମନ୍ତୁହାଡ଼େପେ ଚିୟାଃଚି ସିମା ରାଇଜଦ ନାଡ଼େଃରେଗିୟାଃ ।”

ୟୀଶୁ ଉପୁନିୟା* କେଉଁଟକକେ କେଡ଼ାକତାନା
(ମାର୍କ ୧:୧୭-୨୦; ଲୁକ ୫:୧-୧୧)

୧୮ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମତା, ପାଦ୍ରରାସ୍ ନୁତୁମଃତାନ୍ ଶିମୋନ୍
ଆତଃ ଆୟାଃ ହାଗାତେ ଆହିୟ, ଏନ୍ ବାରାନ୍ ହାଗିୟାକିନଦେ ଦରେୟାରେ ଜାଲୋମ୍ ହୁଦମାକେଦତେ
ହାକୁ ସାବତାନ୍ ନେଲକେଦକିନାଏ, ଚିୟାଃଚି ଇନକିନଦ କେଉଁଟକିନ୍ ତାଇକେନା । ୧୯ ଯୀଶୁ
ଇନକିନକେ କାଜିୟାଦକିନା, “ଦେଲା ଆଇଙ୍ଗକେ ଅତଙ୍ଗଇଙ୍ଗବେନ୍, ଆଇଙ୍ଗ ଆବେନକେ ହଡ଼କକେ
ପାର୍ଗେଶ୍ଵାରତାଃତେ ଆଉଡେୟାଃ ଇତୁବେନାଇଙ୍ଗ ।” ୨୦ ଏନ୍ ଇନକିନ୍ ଇମତାଙ୍ଗି ଜାଲୋମ୍
ବାଗିକେଦତେ ଯୀଶୁକେ ଅତଙ୍ଗକିୟାକିନ୍ ।

୨୧ ଯୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁରତେ ସେନକେଦତେ ଏଟାଃ ବାଉହଡ଼ ହାଗିୟାକିନ୍,
ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍ନକେ ଆକିନାଃ ଆପୁତେ ଜେବଦୀଲଃ
ଲାଉକାରେ ଜାଲୋମ୍ ଚାପିତାନ୍ ନେଲକେଦତେ ଇନକିନକେ କେଡ଼ାକେଦକିନା । ୨୨ ଏନ୍ ଇନକିନ୍
ଇମତାଙ୍ଗି ଲାଉକା ଆତଃ ଆକିନାଃ ଆପୁତେକେ ବାଗିକେଦତେ ଯୀଶୁକେ ଅତଙ୍ଗକିୟାକିନ୍ ।

ୟୀଶୁଆଃ ଇନିତୁ, ପ୍ରାଚାର, ଆତଃ ପେଡ଼େୟାନ୍ କାମି
(ଲୁକ ୬:୧୭-୧୯)

୨୩ ୟୀଶୁ ଗଟା ଗାଲିଲ୍ ସେନକେଦତେ ଇନକୁଆଃ ସାମାଜ୍ ଅଡ଼ାଃକରେ ଇତୁତାନ୍ଲଃ ରାଇଜ୍ରେୟାଃ
ସୁକୁକାଜି ଉଦୁବକେଦାଏ ଆତଃ ହଡ଼କଆଃ ସବେନ୍ ଦୁକୁ ଆତଃ ସବେନ୍ ହାସୁକଏତେ ବୁଗିକତାନ୍
ତାଇକେନାଏ । ୨୪ ଆତଃ ଇନିୟା ନୁତୁମ୍ ଗଟା ସିରିୟା ଦିଶ୍ଟୁମ୍ ଜାକେଦ ସେଟେରୁୟାନ୍ ଆତଃ ହଡ଼କ
ସବେନ୍ ଲେକାନ୍ ଦୁକୁତାନ୍, ହାସୁତାନ୍କକେ ଆତଃ ବଙ୍ଗା ଏସେରକାନ୍କକେ, ମିକ୍ ବେମାରକକେ,
ଆତଃ ବାଡ଼ତାକାନ୍କକେ ଇନିଃତାଃତେକ ଆଉକେଦକଆ ଆତଃ ଇନିଃ ଇନକୁକେ ବୁଗିକେଦକଆ ।
୨୫ ଆତଃ ଗାଲିଲ୍, ଦେକାପଲ୍ଲୀ*, ଯୀରୁଶାଲେମ୍, ଯିହୁଦା ଆତଃ ଯାଦୀନ୍ ହାନ୍ ପାରମ୍ବଏତେ ଗାଦେଲ୍
ହଡ଼କ ଇନିଃକେକ ଅତଙ୍ଗକିୟା ।

୫

ୟୀଶୁ ବୁରୁ ଚେତାନ୍ରେ ଗାଦେଲ୍ ହଡ଼କକେ ଇତୁକତାନା

୧ ଯୀଶୁ ଗାଦେଲ୍ ହଡ଼କକେ ନେଲକେଦତେ ବୁରୁତେ ରାକାବ୍ଯାନ୍ ଆତଃ ଇନିଃ ଦୁବାକାନ୍ତାଃ ଆୟାଃ
ଚେଲାକ ହୁଣ୍ଡିବିୟୁନକିୟାକ, ୨ ଆତଃ ଇନିଃ ହଡ଼କକେ ଇତୁ ଏବେଦକେଦତେ ମେତାଦକଆ,

ସାର୍ଚି ରାସକା
(ଲୁକ ୬:୨୦-୨୩)

- ୩ “ଆମ୍ବାରେ ରେଙ୍ଗେଃତାନ୍କ ସୁକୁତାନ୍ଗିୟାଃ;
ଚିୟାଃଚି ସିମା ରାଇଜ୍ ଇନକୁଆଃଗି ତାନାଃ !
- ୪ ଏୟମ୍ବେତାନ୍କ ସୁକୁତାନ୍ଗିୟାଃ;
ଚିୟାଃଚି ପାର୍ଗେଶ୍ଵାରଦ ଇନକୁକେ ଜୀଉରାଡ଼େଃକଆ !
- ୫ ଲେବେଃଜୀଉକ ସୁକୁତାନ୍ଗିୟାଃ;
ଚିୟାଃଚି ପାର୍ଗେଶ୍ଵାର ବାନାର୍ଯ୍ୟା* ଏମାକାଦ୍ତେୟାଃକ ଅତେରେକ ଆକ୍ତେୟାରେୟା ।

* ୪:୧୭ ୪:୧୭ ମାଧୁର ୩:୨. * ୪:୧୭ ୪:୧୮ ତାଇଜ୍ ଷାନ୍ * ୪:୨୩ ୪:୨୩ ମାଧୁର ୯:୩୫; ମାର୍କ ୧:୩୯. † ୪:୨୫ ୪:୨୫
ଦାଗ୍ଲୁ ସାହାବରାଃ ସିମା * ୫:୫ ୫:୫ ବାନାର୍ଯ୍ୟା କାଜି ଏମକାନା

୭ ଆପେ ଧାର୍ଯ୍ୟାନ୍ ନାଗେନ୍ତେ ରେଙ୍ଗେଝତାନ୍କ, ସୁକୁତାନ୍ ଗିୟାଝପେ;

ଚିୟାଝଚି ପାର୍ମେଣ୍ଠାର୍ ଆପେକେ ବିୟଝଗି ଏମାପେୟା !

୮ ଦାୟାତାନ୍କ ସୁକୁତାନ୍ଗିୟାଝ;

ଚିୟାଝଚି ପାର୍ମେଣ୍ଠାର୍ ଇନ୍କୁକେ ଦାୟାକଆ !

୯ ମନ୍ରେ ପାର୍ତ୍ତିଆକାନ୍କ ସୁକୁତାନ୍ଗିୟାଝ;

ଚିୟାଝଚି ଇନ୍କୁଦ ପାର୍ମେଣ୍ଠାର୍କେକେ ନେଲିୟା !

୧୦ ବାପାଇଚିକ ସୁକୁତାନ୍ଗିୟାଝ;

ଚିୟାଝଚି ଇନ୍କୁଦ ପାର୍ମେଣ୍ଠାର୍ଆଝ ହନ୍କ ନୁତୁମଝଆ !

୧୧ *ଧାର୍ଯ୍ୟାନ୍ ନାଗେନ୍ତେ ସାସାତି ନାମତାନ୍କ ସୁକୁତାନ୍ଗିୟାଝ;

ଚିୟାଝଚି ସିର୍ମା ରାଇଜ୍ଦ ଇନ୍କୁଆଝଗି ତାନାଝ !

୧୨ *ଆଇଙ୍ଗ ନାଗେନ୍ତେ ହଡକ ଆପେକେ ନିନ୍ଦାପେୟାକ, ସିଗିଦପେୟାକ, ଆତଝ ହସଡ୍ କାଜିତେ ଆପେୟାଝ ବିରୁଧରେ ଏଡକାନ୍ କାଜିକ କାଜିୟାପେରେଦ, ଆପେ ସୁକୁତାନ୍ଗିୟାଝ । ୧୩ *ଆପେ ପୁରାଝଗି ରାସକାଝପେ, ଚିୟାଝଚି ସିର୍ମା ଦିଶ୍ଟମରେଦ ଆପେୟାଝ ନାଲା ପୁରାଝଗିୟା, ଏନ୍ ଲେକାଗିଦ ଇନ୍କୁ ଆପେୟାଝ ସିଦାରେନ୍ ନାବାକକେ ସିଗିଦକେଦକଆକ ।

ବୁଲୁଙ୍ଗ ଆତଝ ମାର୍ଯ୍ୟାଲ୍

(ମାର୍କ ୯:୫୦; ଲୁକ ୧୪.୩୪-୩୫)

୧୩ *ଆପେ ସବେନ୍କ ଅତେଦିଶ୍ଟମରେନ୍ ହଡକ ନାଗେନ୍ତେ ବୁଲୁଙ୍ଗ ଲେକାଗି ତାନ୍ପେ, ମେନ୍ଦ ବୁଲୁଙ୍ଗ ସାବାଗଝରେଦ ଏନା ଚିଲ୍କାତେ ଆତଝମିସା ସିବିଲ୍ଲୁହାଡ଼ଝଆ ? ଏନା ଆତଝ ଜେତାନ୍ କାମିରେ କା ଲାଗାଡିଙ୍ଗ ଦାଡ଼ିୟଝଆ ଆତଝ ବାହାରିରେ ହୁରାଙ୍ଗ ଏଣ୍ଠାଗଝଆ । ହଡକ ଏନାକେ ଡିକାକେଦତେ ସେନ୍ଝଆକ ।

୧୪ *ଆପେ ଅତେଦିଶ୍ଟମରେୟାଝ ମାର୍ଯ୍ୟାଲ୍ ଲେକାଗି ତାନ୍ପେ । ବୁରୁରେ ବାଇକାନ୍ ନାଗାର୍ କା ଉକୁଦାଡ଼ିୟଝଆ । ୧୫ *ଆତଝ ହଡକ ଦିମି ଲୁଲ୍ଲକେଦତେ ତାଝାଲାତାରୁରେ କାକ ହାରୁବେୟା ମେନ୍ଦ ଦିକାରେକ ଦହୟା, ଆତଝ ଅଡ଼ାଝରେନ୍ ସବେନ୍କକେ ଏନା ମାର୍ଯ୍ୟାଲ୍ ଏମାକଆଏ । ୧୬ *ଏନ୍ ଲେକାଗି ଆପେୟାଝ ମାର୍ଯ୍ୟାଲ୍ ହଡକଆଝ ଆୟାଝରେ ମାସ୍ତାଲଝକା, ଏନାତେ ଇନ୍କୁ ଆପେୟାଝ ବୁଗିନ୍ କାମି ନେଲ୍ଲକେଦତେ ସିର୍ମା ଦିଶ୍ଟମରେନ୍ ଆପୁକେକ ମାରାଙ୍ଗ୍ଠାକ ।

ଆଇନ୍ ବିଷାଏରେ ଇନିତୁ

୧୭ *ଆଇଙ୍ଗ ମୁଣା ନାବା ଏମାକାଦ୍ ଆନ୍ତୁ ଆତଝ ନାବାକଆଝ ଇନିତୁ ଇଣ୍ଠା ନାଗେନ୍ତେ ହିଜୁଆକାନାଇଙ୍ଗ ମେନ୍ତେ ଆଲ୍ପେ ଆଡ଼କାରେୟା, ମେନ୍ଦ ଏନା ପୁରାଆଝ ନାଗେନ୍ତେ ହିଜୁଆକାନାଇଙ୍ଗ । ୧୮ *ଆଇଙ୍ଗ ସାର୍ତ୍ତିଗି କାଜିତାନାଇଙ୍ଗ, ସିର୍ମା ଦିଶ୍ଟମ ଆତଝ ଅତେ ଆଉରି ଜିୟନଝ ଜାକେଦ୍ ଆତଝ ସବେନାଝ ଆଉରି ବାବାଝଆ ଜାକେଦ୍, ମୁଣା ନାବାଆଝ ଆନ୍ତୁରେୟାଝ ହୁଡିଙ୍ଗ୍ ଅନଲ୍ ଚାଏ ହୁଡିଙ୍ଗ୍ ବିଶ୍ଟୁହ ଜେତାଲେକାତେ କା ଜିୟନଝଆ । ୧୯ ଏନା ନାଗେନ୍ତେ ଜେତାଏ ନେ ହୁପଡିଙ୍ଗ୍ ଆନ୍ତୁଏତେ ଜେତା ମିଆଦ୍ ଆନ୍ତୁ କାଏ ମାନାଡିୟାଝ ଆତଝ ଏନ୍ ଲେକାଗି ହଡକକେ ଇତୁକଆ, ଇନିଝ ସିର୍ମା ରାଇଜ୍ଦରେ ସବେନ୍କଏତେ ହୁଡିଙ୍ଗ୍ ମେନ୍ତେ ଲେକାଆଝଆଏ ମେନ୍ଦ ଜେତାଏ ଏନ୍ ସବେନାଝକେ ମାନାଡିୟାଝ ଆତଝ ଇତୁଆଝଏ, ଇନିଝ ସିର୍ମା ରାଇଜ୍ଦରେ ମାରାଙ୍ଗ୍ ମେନ୍ତେ ଲେକାଆଝଆ । ୨୦ ଆଇଙ୍ଗ୍ ଆପେକେ କାଜିପେତାନାଇଙ୍ଗ, ଆପେୟାଝ କାମି ପାର୍ମେଣ୍ଠାର୍ଆଝ ମନେ ଲେକା, ଆଇନ୍ ଇତୁକ ଆତଝ ମେରୁଣୀକଆଝଏତେ ଆଦକା ପାଡିୟାର୍ କା ହବାଆଝ ଜାକେଦ୍ ଆପେ ଜେତାଲେକାତେ ସିର୍ମା ରାଇଜ୍ଦରେ କାପେ ବଲ ଦାଡ଼ିୟାଝ ।

ଖ୍ଯ ବିଷାଏରେ ଇନିତୁ

(ଲୁକ ୧୨.୫୭-୫୯)

* ୫:୧୦ ୫:୧୦ ଏ ପାଡ଼ରାସ୍ ୩:୧୪. * ୫:୧୧ ୫:୧୧ ଏ ପାଡ଼ରାସ୍ ୪:୧୪. * ୫:୧୨ ୫:୧୨ ପ୍ରେଡିଡ୍ ୭:୫୨. * ୫:୧୩ ୫:୧୩ ମାର୍କ ୯:୫୦; ଲୁକ ୧୪.୩୪.୩୫. * ୫:୧୪ ୫:୧୪ ସୋହୋଡ଼ ୮:୧୨; ୯:୫. * ୫:୧୫ ୫:୧୫ ମାର୍କ ୪:୨୧; ଲୁକ ୮:୧୭; ୧୧.୩୩. * ୫:୧୬ ୫:୧୬ ଏ ପାଡ଼ରାସ୍ ୨:୧୨. * ୫:୧୮ ୫:୧୮ ଲୁକ ୧୨:୧୭. † ୫:୧୮ ୫:୧୮ ଏନ୍ ସବେନାଝଝଝ ଇନିତୁ ପୁରା ହବାଝଆ କାକେଦ୍

୨୧ “ସିଦା ଦିପିଲିରେନ୍ ହଡ଼କକେ କାଜିୟାକାନ୍ ତାଇକେନା, ‘ଆଲମ୍ ଗରାଏଃ ଆତଃ ଜେତାଏ ଗରାଏଃରେଦ, ଇନିଃ ବିଚାର୍ରେ ସାଜାଇ ନାମେୟାଏ’ ମେନ୍ତେ ଆପେ ଆୟୁମ୍‌କାଦାପେ । ୨୨ ମେନ୍ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆୟାଃ ହାଗାତେକେ ତଣ୍ଡୁ ମେନ୍ତେ କାଜିନିଃ ମାଉଙ୍ଗ୍ ପାଞ୍ଚେଟ୍ରେ ସାଜାଇ ନାମେୟାଏ, ଆତଃ ଜେତାଏ କକଲେ ମେନ୍ତେ କାଜିନିଃ ସେଙ୍ଗେଲ୍ ନାରାକ୍ରେ ସାଜାଇ ନାମେୟାଏ । ୨୩ ଏନାମେନ୍ତେ ଆମ୍ ଆମାଃ ଦାନ୍ ପାର୍‌ମେଶ୍ୱାର୍‌ଆଃ ନାଗେନ୍ତେ ବେଦିତେମ୍ ଆଉଞ୍ଚେ ଇମ୍‌ତା ଆମାଃ ବିରୁଧ୍ରେ ଆମାଃ ହାଗାମାଃ ଜେତା କାଜି ମେନାଃ ମେନ୍ତେମ୍ ପାହାମ୍‌ତାରେ, ୨୪ ଏନ୍ ବେଦିତାଃରେ ଆମାଃ ଦାନ୍‌କେ ବାଗିକେଦ୍‌ତେ ସେନଃମେ ଆତଃ ସିଦାତେ ଆମାଃ ହାଗାମ୍‌ଲଃ ବାପାଇୟେନ୍‌ମେ, ଏନ୍ତେ ହିଜୁଃକେଦ୍‌ତେ ଆମାଃ ଦାନ୍‌କେ ପାର୍‌ମେଶ୍ୱାର୍‌ତାଃରେ ରାକାବେମେ ।

୨୫ “ଆମାଃ ବାଇରିଲଃ ହରାରେ ସେନ୍‌ଦାନ୍ ଇମ୍‌ତା ବାପାଇବାବେନ୍‌ମେ, କା’ରେଦ ବାଇରି ଆମ୍‌କେ ବିଚାର୍‌ନିୟାଃ ତିଃଇରେ ଏମ୍‌ମେୟା, ଆତଃ ବିଚାର୍‌ନିଃ ସିପାଇକଆଃ ତିଃଇରେ ଜିମାମ୍‌ୟା, ଏନ୍ତେ ଆମ୍ ଜେହେଲଃଆମ୍ । ୨୬ ଆଇଙ୍ଗ୍ ଆମ୍‌କେ ସାର୍‌ତିଗି କାଜିତାନା, ଆମ୍ କାଉଡ଼ି କାଉଡ଼ି ଆଉରି ହାଲ୍‌ତାବାଏ ଜାକେଦ୍ ଏନ୍ତାଃଏତେ କାମ୍ ଅତଙ୍ଗ୍ ଦାଡ଼ିୟା ।

ଆପାଙ୍ଗିର୍ ବିଷାଏରେ ଇନିତୁ

୨୭ “ଆଲ୍‌ପେ ଆପାଙ୍ଗିରାଃ, ମେନ୍ତେ ‘କାଜିୟାକାନ୍ କାଜିପେ ଆୟୁମ୍‌କାଦାଃ ।’ ୨୮ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ଜେତାଏ ଜେତା କୁଡ଼ିକେ ଏଡ଼କାନ୍ ସାନାଙ୍ଗ୍‌ତେ ନେଲିରେଦ ଇନିଃ ଆୟାଃ ମନ୍‌ରେ ଇନିଃଲଃ ଆପାଙ୍ଗିର୍‌ୟାନାଏ । ୨୯ *ଆତଃ ଆମାଃ ଜମ୍‌ତିସାଃରାଃ ମେଦ୍ ପାପ୍‌ଇତିମେରେଦ, ଏନାକେ ଅତଙ୍ଗ୍‌କେଦ୍‌ତେ ହୁଦ୍‌ମାଏଶ୍ୱାଃଏମେ, ତିୟାଃତି ଆମାଃ ଗଟା ହଡ଼ମ୍ ନାରାକ୍ରେ ହୁଦ୍‌ମାଅଃଏତେ ମିଆଁଦ୍ ହାଟିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ । ୩୦ *ଆତଃ ଆମାଃ ଜମ୍‌ତିସାଃରାଃ ତିଃଇ ପାପ୍‌ଇତିମେରେଦ, ଏନାକେ ଛପାଏଶ୍ୱାଃଏମେ, ତିୟାଃତି ଆମାଃ ଗଟା ହଡ଼ମ୍ ନାରାକ୍ରେ ହୁଦ୍‌ମାଅଃଏତେ, ମିଦ୍ ହାଟିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ ।

କଡ଼ାକୁଡ଼ିବାଗି ବିଷାଏରେ ଇନିତୁ

(ମାଧୁର ୧୯:୯; ମାର୍କ ୧୦:୧୧-୧୨; ଲୁକ ୧୬:୧୮)

୩୧ *ନେଆଁହଗି କାଜିକାନା, ‘ଜେତାଏ ଆୟାଃ କୁଡ଼ିକେ ବାଗିରେଦ, ଇନିଃ ଏନ୍ କୁଡ଼ିକେ ବାଗିରେଆଃ ଅନଲ୍‌ତିଠା ଏମ୍ ଲାଗାତିଙ୍ଗ୍‌ୟାଃ ।’ ୩୨ *ମେନ୍ଦ୍ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜେତାଏ ଆୟାଃ କୁଡ଼ିତେକେ ଆପାଙ୍ଗିର୍ କାମି ବାଗିକେଦ୍‌ତେ ଏଟାଃ କାମି ନାଗେନ୍ତେ ବାଗିରେଦ, ଇନିଃ ଆୟାଃ କୁଡ଼ିତେକେ ଆପାଙ୍ଗିର୍ ରିକାଇରେୟାଃ ଗୁଣ୍ଡାରେ ତିଟାଃଏ ଆତଃ ଜେତାଏ ବାଗିୟାକାନ୍ କୁଡ଼ିକେ ଆଣ୍‌ଦିନ୍‌ରେଦ, ଇନିଃ ଆପାଙ୍ଗିର୍ କାମି ରିକାଃଏ ।

କିରିୟା ବିଷାଏରେ ଇନିତୁ

୩୩ “ଆପେ ଆତଃଗିପେ ଆୟୁମ୍‌କାଦା, ନେଆଁ ସିଦା ଦିପିଲିରେନ୍ ହଡ଼କକେ କାଜିୟାକାନା, ‘ଆପେ ହସଡ଼ କିରିୟା ଆଲ୍‌ପେୟାଃ, ମେନ୍ଦ୍ ଆପେୟାଃ କିରିୟାକ ପ୍ରାଭୁଆଃ ଆୟାର୍‌ରେ ପୁରାଏପେ ।’ ୩୪ *ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, କିରିୟାଏ ଇମ୍‌ତା ଜେତାନ୍ ବିଷାଏରେ କିରିୟା ଆଲ୍‌ପେ ରିକାଏ, ସିମା ଦିଶ୍‌ମ୍‌ରେୟାଃ ଆଲ୍‌ପେୟାଃ, ତିୟାଃତି ଏନାଦ୍ ପାର୍‌ମେଶ୍ୱାର୍‌ଆଃ ରାଜ୍‌ଗାଦି ତାନାଃ, ୩୫ ଚାଏ ଅତେରେୟାଃ ଆଲ୍‌ପେୟାଃ, ତିୟାଃତି ଏନାଦ୍ ଇନିୟାଃ କାଟାରେୟାଃ ଗାଣ୍ଡୁ ତାନାଃ, ଆତଃ ଯୀରୁଶାଲେମ୍‌ରେଆଃ ଆଲ୍‌ପେୟାଃ, ତିୟାଃତି ଏନାଦ୍ ମାରାଙ୍ଗ୍ ରାଜାକଆଃ ନାଗାର୍ ତାନାଃ । ୩୬ ଆତଃ ଆପେୟାଃ ବହଃରେୟାଃ କିରିୟା ଆଲ୍‌ପେୟାଃ, ତିୟାଃତି ଏନାରାଃ ମିଆଁଦ୍ ଉଦ୍‌କେ ପୁଣ୍ଡି ଚାଏ ହେନ୍‌ଦେ ରିକାନାଙ୍ଗ୍ ଆପେ କାପେ ଦାଡ଼ିୟା । ୩୭ ଏନାତେ ଆପେୟାଃ କାଜି ‘ହଁ ରେଦ୍ ହଁ’ ଚାଏ ‘କା ରେଦ୍ କା’ ମେନ୍ତେ କାଜିପେ, ନେଆଁଏତେ ଆଦ୍‌କା କାଜିତେୟାଃ ଏଡ଼କାନ୍‌ଏତେ ହିଜୁଃଆ ।

ବାଦ୍‌ଲା ଇଦି ବିଷାଏରେ ଇନିତୁ

(ଲୁକ ୬:୨୯-୩୦)

‡ ୫:୨୨ ୫:୨୨ ତିମିମ୍ ମାରି ଅନଲ୍‌ରେ ଅଲ୍‌କାନା, ହାଗାତେକେ ସାମା ସାମାରେ ଖୁସ୍‌ଅଃଆଏ * ୫:୨୯ ୫:୨୯ ମାଧୁର ୧୮:୯; ମାର୍କ ୯:୪୭ * ୫:୩୦ ୫:୩୦ ମାଧୁର ୧୮:୮; ମାର୍କ ୯:୪୩ * ୫:୩୧ ୫:୩୧ ମାଧୁର ୧୯:୭; ମାର୍କ ୧୦:୪ * ୫:୩୨ ୫:୩୨ ମାଧୁର ୧୯:୯; ମାର୍କ ୧୦:୧୧,୧୨; ଲୁକ ୧୬:୧୮; ୧ କିରିସ୍ତିୟ ୭:୧୦,୧୧ * ୫:୩୪ ୫:୩୪ ଯାକ୍‌ବ ୫:୧୨; ମାଧୁର ୨୩:୨୨.

୩୮ “ଆପେ ମେଦ୍‌ରେଆଃ ବାଦ୍‌ଲା ମେଦ୍, ଆତଃ ତାଟାରେୟାଃ ବାଦ୍‌ଲା ତାଟା ମେନ୍ତେପେ ଆୟୁମାକାଦାଃ ।”^{୩୮} ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆପେୟାଃ ଏଡ୍‌କାନ୍ ରିକାଏରେଦ, ଇନିଃକେ ଏଟାଃ ଜଞ୍ଜାହଗି ବିୟୁରାଇପେ ।^{୪୦} ଆତଃ ଜେତାଏ ଆପେଲଃ ବିତାର୍ ଠାୟାଦ୍‌ରେ ଏପ୍‌ରାଙ୍ଗ୍‌କେଦ୍‌ତେ ଆପେୟାଃ ତୁସିଙ୍ଗ୍ ଲିଜାଃ ଇଦିନାଙ୍ଗ୍ ସାନାଙ୍ଗ୍‌ରେଦ, ଇନିଃକେ ଚାଦାର୍ ଲିଜାଃ ହଗି ଏମାଇପେ ।^{୪୧} ଜେତାଏ ପାଲ୍‌ଗାନ୍ ଆୟାଃ ବୋଝା ଗଅଃକେଦ୍‌ତେ ଆପେକେ ମିଦ୍ କିଲୋମିଗ୍‌ଟ୍ ହରା ସେନ୍ ରିକାପେରେଦ, ଇନିଃଲଃ ବାର୍ କିଲୋମିଗ୍‌ଟ୍ ସେନଃପେ ।^{୪୨} ଜେତାଏ ଆପେକେ ଆସିପେରେଦ ଇନିଃକେ ଏମାଇପେ, ଆତଃ ଜେତାଏ ଆପେତାଃଏତେ ରିଣୀ ଇଦି ସାନାଙ୍ଗ୍‌ରେଦ ଇନିଃକେ ଏମାଇପେ ।

ବାଇରିକକେ ଦୁଲାଡ଼କପେ
(ଲୁକ ୭:୨୭-୨୮, ୩୨-୩୬)

୪୩ “ଆପେୟାଃ ଗାତିକକେ ଦୁଲାଡ଼କପେ ଆତଃ ବାଇରିକକେ ହିଲାଙ୍ଗ୍‌କପେ ମେନ୍ତେ ଆପେ ଆୟୁମାକାଦାଃ ।”^{୪୪} ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଆପେ ଆପେୟାଃ ବାଇରିକକେ ଦୁଲାଡ଼କପେ ଆତଃ ଆପେକେ ସିଗିଦ୍‌ପେତାନ୍‌କଆଃ ନାଗେନ୍ତେ ବିନ୍ତିପେ ।^{୪୫} ଏନାତେ ଆପେ ଆପେୟାଃ ସିର୍ମା ଦିଶ୍ଟୁମ୍‌ରେନ୍ ଆପୁଆଃ ହନ୍‌କପେ ବାଇୟାଆ, ଇନିଃ ଏଡ୍‌କାନ୍ ଆତଃ ବୁଗିନ୍ ହଡ଼କ ନାଗେନ୍ତେ ସିଙ୍ଗି ତୁରାଃଏ, ଆର୍‌ମାନ୍ ହଡ଼ ଆତଃ ଏଡ୍‌କାନ୍ ହଡ଼କ ନାଗେନ୍ତେ ଦାଆଃ ଗାମାଃଏ ।^{୪୬} ଆପେକେ ଅକନ୍‌କ ଦୁଲାଡ଼କପେତାନାକ ଇନ୍‌କୁକେ ଏସକାର୍ ଦୁଲାଡ଼କରେକରେଦ ଆପେୟାଃ ଚିକାନ୍ ନାଲା ନାମଃଆ ? ଚିୟାଃ ମାଲ୍‌ହାରେମ୍‌କହ୍ ନେଲେକା କାକ ରିକାଃଟି ?^{୪୭} ଆତଃ ଆପେ ଆପେୟାଃ ହାଗାକକେ ଏସକାର୍‌ପେ ଜହାର୍‌କ ରେଦ, ଆଦକା ଚିନାଃପେ ଚିକାକାଦା ? ଚିୟାଃ ସାଅଁସାର୍‌କହ୍ ଏନ୍‌ଲେକା କାକ କାମିୟାଃ ?^{୪୮} ଏନାମେନ୍ତେ ଆପେୟାଃ ସିର୍ମାରେନ୍ ଆପୁ ଲେକା ଆପେୟ ପାବିତାର୍ ତାୟାଃପେ ।



ଏମଃରେୟାଃ ଇନିଡୁ

୧ “ହଡ଼କ ନେଲେକା ମେନ୍ତେ ଆପେୟାଃ ଧାର୍‌ମାନ୍ କାମି ଇନ୍‌କୁଆଃ ଆୟାଃରେ ଆଲ୍‌ପେ ରିକାୟା, ଏନାମେନ୍ତେ ଆପେ ଚିର୍ଗାଲାକାନ୍ ତାଇନ୍‌ପେ, କା'ରେଦ ଆପେୟାଃ ସିର୍ମା ଦିଶ୍ଟୁମ୍‌ରେନ୍ ଆପୁତାଃଏତେ ଆପେ ଜେତାନ୍ ନାଲା କାପେ ନାମେୟା ।

୨ “ଏନା ନାଗେନ୍ତେ ଆପେ ରେଙ୍ଗେଃକକେ ଜେଡ୍‌ନାଃ ଏମ୍ ଇମ୍‌ତା ବେଦାହଡ଼କଆଃ ଲେକା ବିଙ୍ଗ୍‌ଲ୍ ବାଜା ଆଲ୍‌ପେ ସାଡ଼ିଆ, ଇନ୍‌କୁ ହଡ଼କତାଃଏତେ ଜହାର୍ ନାମେ ନାଗେନ୍ତେ ସାମାଜ୍ ଅଡ଼ାଃକରେ ଆତଃ ହରାକରେ ଏନ୍‌ଲେକା ରିକାଃକ । ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ ।^୩ ମେନ୍‌ଦ୍ ଆପେ ଦାନ୍ ଏମ୍ ଇମ୍‌ତା ଆପେୟାଃ ଜମ୍‌ତିଃଇ କାମିତାନ୍‌ତେୟାଃ ଲେଙ୍ଗାତିଃଇ ଆଲକାଏ ସାରିକା, ^୪ ନେ ଲେକାଗି ଆପେୟାଃ ଏମଃତେୟାଃ ଦାନାଙ୍ଗି ତାଇନାଃ, ଆତଃ ଆପେୟାଃ ଆପୁ ଦାନାଙ୍ଗ୍‌ରେ କାମିତେୟାଃ ନେଲାଃଏ, ଇନିଃ ଆପେକେ ନାଲାଏ ଏମାପେୟା ।

ବିନ୍ତିରେଆଃ ଇନିଡୁ
(ଲୁକ ୧୧:୨-୪)

୫ “ଆପେ ବିନ୍ତି ଇମ୍‌ତା ବେଦାହଡ଼କ ଲେକା ଆଲ୍‌ପେ ରିକାନାଃ, ଚିୟାଃଟି ଇନ୍‌କୁ ହଡ଼କଆଃ ନେପେଲ୍‌ରେ ସାମାଜ୍ ଅଡ଼ାଃକରେ ଆତଃ ହରା କଚାକରେ ତିଙ୍ଗ୍‌କେଦ୍‌ତେ ବିନ୍ତି ନାଗେନ୍ତେ ସୁକୁଆଃକ, ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ ।^୬ ମେନ୍‌ଦ୍ ଆପେ ବିନ୍ତି ଇମ୍‌ତା ଆପେୟାଃ ଭିତାର୍ ବାଖିରାରେ ବଲ୍‌ପେ ଆତଃ ଦୁଆର୍ ହାଣ୍ଡେଦ୍‌କେଦ୍‌ତେ ଆପେୟାଃ କାଏ ନେଲଃତାନ୍ ସିର୍ମାରେନ୍ ଆପୁତାଃରେ ବିନ୍ତିପେ ଏନ୍ତେ ଦାନାଙ୍ଗ୍‌ରେ ନେଲ୍‌ତାନ୍ ଆପୁ ନାଲାଏ ଏମାପେୟା ।

୭ “ବିନ୍ତି ଇମ୍‌ତା ସାଅଁସାର୍‌କ ଲେକା ଏନାଏନାକେଗି ଆଲ୍‌ପେ କାଜିୟା, ଚିୟାଃଟି ଇନ୍‌କୁ ପୁରାଃ କାଜି କାଜିଲେରେ ଆକଆଃ ବିନ୍ତି ଆୟୁମଃଆ ମେନ୍ତେକ ଉଡ଼୍‌ୟା ।^୮ ଏନା ନାଗେନ୍ତେ ଆପେ ଇନ୍‌କୁ ଲେକା ଆଲ୍‌ପେୟାଃ, ଚିୟାଃଟି ଆପେୟାଃ ସିର୍ମାରେନ୍ ଆପୁଦ୍ ଆପେ ଆସି ସିଦାରେ ଆପେୟାଃ ଲାଗାଡ଼ିଙ୍ଗ୍‌ତେୟାଃ ସାରିୟାଏ ।^୯ ଏନାତେ ଆପେ ନେ ଲେକା ବିନ୍ତିପେ,

* ୬:୧ ୬:୧ ମାଧୁର ୨୩:୫. * ୬:୫ ୬:୫ ଲୁକ ୧୮:୧୦-୧୪.

“ହେ ଆଲୋୟାଃ ସିର୍ମାରେନ୍ ଆବା;
 ଆମାଃ ନୁତୁମ୍ ପାବିତାରଃକା;
 ୧୦ ଆମାଃ ରାଇଜ୍ ହୁଣ୍ଡ଼ିକା;
 ଆମାଃ ମନେ ସିର୍ମାରେ ଲେକା ଅତେଦିଶ୍ୱମ୍ରେୟ ପୁରାଅଃକା ।
 ୧୧ ଆଲୋୟାଃ ତିସିଙ୍ଗ୍ରେୟାଃ ଜମୋୟାଃ ଏମାଲେମେ ।*
 ୧୨ ଆଲୋ ଆଲୋୟାଃ ଏଡ଼କାନିକକେ ଛାମାକେଦକ ଲେକା,
 ଆଲୋୟାଃ ପାପକ ଛାମାଏମୌ ।
 ୧୩ ଆତଃ ବିଡ଼ାଅରେ ଆଲମ୍ ଆଉଲୋୟା,
 ମେନ୍ଦ ଏଡ଼କାନିଃଏତେ ବାଞ୍ଛାଅଲେମ୍ ।
 ତିୟାଃତି ରାଇଜ୍, ପେଡେଃ ଆତଃ ମାନାରାଙ୍ଗ୍ ଜାଉ ଜରଙ୍ଗ୍ ଆମାଃଗି ହବାଅଃକା, ଆମେନ୍ ।†

୧୪ *“ଆପେ ହଡ଼କଆଃ ଗୁଣ୍ଡାକପେ ଛାମାଏମେଦ, ଆପେୟାଃ ସିର୍ମାରେନ୍ ଆପୁ ଆପେକେୟଗି ଛାମାପେୟା । ୧୫ ମେନ୍ଦ ଆପେ ହଡ଼କଆଃ ଗୁଣ୍ଡାକେ କାପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁହ୍ ଆପେକେ କାଏ ଛାମାପେୟା ।

କାଟାବ୍ ବିଷାଏରେ ଇନିତୁ

୧୬ “ଆପେ କାଟାବ୍ ଇମତା ବେଦାହଡ଼କ ଲେକା ଆଲପେ ଗସ ମେଦମୁହାଁଡେନା, ତିୟାଃତି ଇନ୍ଦକୁଦ କାଟାବ୍ତାନାଲେ ମେନ୍ତେ ହଡ଼କଆଃ ଆୟାରରେ ନେଲଃକାଲେ ମେନ୍ତେ ଆକ ଗସ ମେଦମୁହାଁଡ଼ିକ ତାଇନାଃ । ଆଇଙ୍ଗ୍ ଆପେକେ ସାର୍ତ୍ତିକି କାଜିପେତାନା, ଇନ୍ଦକୁ ଆକଆଃ ନାଲା ନାମ୍ ତାବାକାଦାକ । ୧୭ ମେନ୍ଦ ଆପେ କାଟାବ୍ ଇମତା ଆପେୟାଃ ମେଦମୁହାଁଡ଼ ଆବୁଙ୍ଗ୍‌ୟେନ୍ଦେ ଆତଃ ବହଃରେ ସୁନୁମ୍ ଗସଗେନ୍ଦେ । ୧୮ ନେ ଲେକାତେ ଆପେ ହଡ଼କଆଃ ଆୟାରରେ କାଟାବ୍ତାନାକ ମେନ୍ତେଦ କା ମେନ୍ଦିଦ କା ନେଲଃତାନ ଆପୁତାଃରେ କାଟାବ୍ତାନାକ ମେନ୍ତେଦେ ତଦୁବଃଆ, ଆତଃ ଦାନାଙ୍ଗ୍ରେ ନେଲ୍ତାନ ଆପେୟାଃ ଆପୁ ନାଲିଏ ଏମାପେୟା ।

**ସିର୍ମାରେ ଖୁଜ୍
(ଲୁକ ୧୨:୩୩-୩୪)**

୧୯ *“ନେ ଅତେରେ ଆପେୟାଃ ନାଗେନ୍ତେ ଖୁଜ୍ ଆଲପେ ହୁଣ୍ଡିଆଃ, ନେତାଃରେ ନିଦିର୍କ ଆତଃ ମୁର୍ତ୍ତାକମ୍‌କେଦତେ ଜିୟନଃଆ ଆତଃ କୁମ୍‌ତୁକୁ ସିନ୍ଧି ତଡ଼ାଅକେଦତେ କୁମ୍‌ତୁଆଃକ । ୨୦ ମେନ୍ଦ ଆପେ ନାଗେନ୍ତେ ସିର୍ମାରେ ଖୁଜ୍ ହୁଣ୍ଡିପେ, ଏନ୍ତାଃରେ ତିକୁ ଆତଃ ନିଦିର୍କ କାକ ଜିୟନେଆ ଆତଃ କୁମ୍‌ତୁକୁ ସିନ୍ଧି ତଡ଼ାଅକେଦତେ କାକ କୁମ୍‌ତୁଆଃ । ୨୧ ତିୟାଃତି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ଦ ତାଇନାଃ ।

**ହଡ଼ମରେୟାଃ ମାର୍ସାଲ୍
(ଲୁକ ୧୧:୩୪-୩୬)**

୨୨ “ମେଦଦ ହଡ଼ମରେୟାଃ ଦିମି ତାନାଃ, ଆପେୟାଃ ମେଦ୍ ନିରାଲ୍ ମେନାଃରେଦ ଗଟା ହଡ଼ମତାପେୟାଃ ମାର୍ସାଲଃଆ । ୨୩ ମେନ୍ଦ ଆପେୟାଃ ମେଦ୍ ଏଡ଼କାନ ମେନାଃରେଦ, ଆପେୟାଃ ଗଟା ହଡ଼ମ ନୁବାଗଃଆ । ଏନା ନାଗେନ୍ତେ ଆପେରେ ତାଇନଃତାନ ମାର୍ସାଲ୍ ନୁବାଗଃରେଦ, ତିମିନ୍ ମାରାଙ୍ଗ୍ ବରଝାନ୍ ନୁବାଃ ହବାଅଆଃ ।

**ପାରମେଶ୍ୱାର୍ ଆତଃ ଖୁଜ୍
(ଲୁକ ୧୬:୧୩; ୧୭:୨୨-୩୧)**

୨୪ “ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ଼ିୟଃଆ । ତିୟାଃତି ଇନିଃ ମିହୁଡ଼କେ ହିଲାଙ୍ଗ୍‌ଇୟାଏ ଆତଃ ଏଗାଃ ମିହୁଡ଼କେ ଦୁଲାଡ଼ିୟାଏ, ତାଏ ମିଆଁଦ୍‌ନିଃଲଃ ମେସାନାଏ ଆତଃ ଏଗାଃନିଃଲଃ କାଏ ମେସାନା । ଆପେ ପାରମେଶ୍ୱାର୍ ଆତଃ ଖୁଜ୍ ବାରାନାଃରେ କାପେ ଦାସିଦାଡ଼ିନା ।”

୨୫ “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜାନିଦ୍ ତାଇନଃ ନାଗେନ୍ତେ ଚିକ୍‌ନାଃରୁ ଜମାଃ ଆତଃ ଚିକ୍‌ନାଃରୁ ନୁଁଏୟା, ତାଏ ହଡ଼ମରେ ଚିକ୍‌ନାଃରୁ ତୁସିଙ୍ଗ୍‌ୟେନା ମେନ୍ତେ ଆପେୟାଃ

* ୭:୧୧ ୭:୧୧ ଆଲୋୟାଃ ଲାଗାଡ଼ିକ୍‌ତେୟାଃ ତିସିଙ୍ଗ୍ ଆତଃ ଗାପା ନାଗେନ୍ତେ † ୭:୧୩ ୭:୧୩ ନେ ବାଗାନ୍ ତିମିନ୍ ମାରି ଅନଲ୍‌ରେ ବାନଆଃ
 * ୭:୧୪ ୭:୧୪ ମାର୍ଚ୍ଚ ୧୧:୨୫,୨୬. * ୭:୧୯ ୭:୧୯ ଯାକୃବ ୫:୨,୩.

ଜୀଉରେ ଆଲ୍ଲାପେ ଉଡ଼ୁୟୁ । ଜମେୟାଃଏତେ ଜୀଉ ଆତଃ ଲିଜାଃଏତେ ହଡ଼ମ କା'ଚି ମାରାଜ୍‌ଆଁ ?
 ୨୬ ଚେଣ୍ଟେକକେ ନେଲ୍‌କପେ, ଇନ୍‌କୁ କାକ ହେରେୟା ଚାଏ କାକ ଇରେୟା, ଆତଃ ଇନ୍‌କୁଆଃ ଭାଣ୍ଡାନ୍
 ଅଡ଼ାଃରେ କାକ ହୁଣ୍ଡିଆଃ, ହଲେହ୍ ଆପେୟାଃ ସିର୍ମାରେନ୍ ଆପୁ ଇନ୍‌କୁକେ ଆସୁଲ୍‌କତାନାଏ । ଆପେ
 ଚିନାଃ ଇନ୍‌କୁତାଃଏତେ କାପେ ମାରାଜ୍‌ଆଃ ? ୨୭ ଆପେକଏତେ ଅକଏ ଉଡୁଃକେଦ୍‌ତେ ଆୟାଃ ଜୀଉକେ
 ମିଦ୍ ଘାଡ଼ି ପସାଦାଡ଼ିୟାଏ ?

୨୮ “ଆତଃ ଆପେ ଲିଜାଃ ନାଗେନ୍ତେ ଚିନାଃ ମେନ୍ତେପେ ଉଡ଼ୁଡ଼ତାନା ? ଅତେରେୟାଃ ବାହାକକେ
 ନେଲେପେ, ଏନାକ ଚିଲ୍‌କା ହାରାତାନା, ଏନାକ କାକ କାମିତାନା, ଚାଏ କାକ ତୁକୁଇତାନା, ୨୯ ହଲେହ୍
 ଆଇଜ୍‌ ଆପେକେ କାଜିୟାପେ ତାନାଇଜ୍‌, ସୁଲ୍‌ମାନ୍‌ହ୍ ଆୟାଃ ସବେନ୍ ସୁଗାଡ଼ାନ୍‌ତେୟାଃଏତେ ଏନ୍
 ବାହାକ ଲେକା କାଏ ସିଜ୍‌ମାରାକାନ୍ ତାଇକେନା । ୩୦ ତିସିଜ୍‌ ମେନାଃ ଆତଃ ଗାପା ତୁଲ୍‌ରେ ହାଁଶବଃତାନ୍
 ଅତେରାଃ ତାସାଦକେ ପାର୍‌ମେଶ୍‌ୱାନ୍ ନେ ଲେକାଏ ସିଜ୍‌ମରେ ରେଦ, ଏ ହୁଡ଼ିଜ୍‌ ବିଶ୍ୱାସତାନ୍‌କ, ଚିୟାଃ
 ଇନିଃ ନେଆଁଏତେ ଆଦକା ଆପେକେ କାଏ ତୁସିଜ୍‌ପେୟା ?

୩୧ “ଏନା ନାଗେନ୍ତେ ‘ଚିକ୍‌ନାଃରୁ ଜମେୟାଁ ? ଚାଏ ଚିକ୍‌ନାଃରୁ ହ୍ମିଁଏୟା ? ଚାଏ ଚିକ୍‌ନାଃରୁ ତୁସିଜ୍‌ୟେଁନା
 ?’ ମେନ୍ତେ ଆଲ୍ଲାପେ ଉଡ଼ୁଚୁରୟା । ୩୨ ଚିୟାଃଚି ସାଆଁସାନ୍ ହଡ଼କ ନେ ସବେନାଃ ଦାଣ୍ଡାବାଡ଼ାଃକ, ଆତଃ ନେ
 ସବେନାଃ ଆପେୟାଃ ଲାଗାଡ଼ିଜ୍‌ୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ । ୩୩ ମେନ୍‌ଦ ଆପେ
 ସିଦାତେ ପାର୍‌ମେଶ୍‌ୱାନ୍‌ଆଃ ରଇଜ୍‌ ଆତଃ ଇନିୟାଃ ଧାର୍‌ମାନ୍ କାଜି ଦାଣ୍ଡାଏପେ, ଆତଃ ନେ ସବେନାଃହ
 ଆପେକେ ଏମଃଆ । ୩୪ ଏନା ନାଗେନ୍ତେ ଗାପାନାଇଜ୍‌ ଆଲ୍ଲାପେ ଉଡ଼ୁୟୁ, ଚିୟାଃଚି ଗାପାଦ ଆୟାଃ ନାଜ୍‌
 ଆଇଃକ୍‌ଚି ଉଡ଼ୁୟୁ । ମୁସିଜ୍‌ରେୟାଃ ଦୁକୁ ମୁସିଜ୍‌ ନାଗେନ୍ତେ ଥୁମ୍‌ଗିଆ ।



**ଏଗଃକକେ ବିଚାର୍‌ଏମଃ
 (ଲୁକ ୬:୩୭-୩୮, ୪୧-୪୨)**

୧ “ଏଗଃକକେ ଆଲ୍ଲାପେ ବିଚାର୍‌କଆ, ଏନାରେ ପାର୍‌ମେଶ୍‌ୱାନ୍ ଆପେକେ କାଏ ବିଚାର୍‌ପେୟା ।
 ୨ ଚିୟାଃଚି ଆପେ ଏଗଃକକେ ବିଚାର୍‌କ ଲେକାଗି ପାର୍‌ମେଶ୍‌ୱାନ୍ ଆପେକେ ବିଚାର୍‌ପେୟାଏ, ଆତଃ
 ଆପେ ସଜ୍‌ ତାମ୍‌ରେଗି ଆପେ ନାଗେନ୍ତେ ସୋଜ୍‌ଆ । ୩ ଆମ୍ ଆମାଃ ମେଦ୍‌ରେଆଃ ରୁବାଃ କା
 ନେଲ୍‌କେଦ୍‌ତେ ହାଗାମାଃ ମେଦ୍‌ରେଆଃ ହୁଡ଼ିଜ୍‌ ରୁବାଃ ଚିକା ନାଗେନ୍ତେମ୍ ନେଲେତାନା ? ୪ ଆମାଃ
 ମେଦ୍‌ରେ ରୁବାଃ ତାଇନ୍‌କେଦ୍‌ତେ, ‘ହାଗାମାଃ ମେଦ୍‌ରେଆଃ ରୁବାଃକେ ଅଡ଼ଜ୍‌ତାମାଇଜ୍‌’ ମେନ୍ତେ
 ଚିଲ୍‌କାତେ କାଜି ଦାଡ଼ିୟାମ୍ ? ୫ ଏ ବେଦାହଡ଼, ସିଦାତେ ଆମାଃ ମେଦ୍‌ରେଆଃ ରୁବାଃ ଅଡ଼ଜ୍‌ୟେଁମେ,
 ଏନ୍ତେ ହାଗାମାଃ ମେଦ୍‌ରାଃ ରୁବାଃ ଅଡ଼ଜ୍‌ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

୬ “ପାବିତାର୍‌ତେୟାଃ ସେତାକକେ ଆଲ୍ଲାପେ ଏମାକଆ ଚାଏ ଆପେୟାଃ ମୋତି ସୁକୁରିକଆଃ
 ଆୟାଃରେ ଆଲ୍ଲାପେ ଏଣ୍ଡାଃଏୟା, କା'ରେଦ ଇନ୍‌କୁ ଏନାକକେ ଆକଆଃ କାଗାତେକ ତିକାଏୟା ଆତଃ
 ରୁହାଡ଼କେଦ୍‌ତେ ଆପେକେ ଅଡ଼େଃପେୟାକ ।

**ଆସି, ଦାଣ୍ଡାଁ ଆତଃ ଦୁଆର୍‌ରେ ଠକ୍ ଠକାଏପେ
 (ଲୁକ ୧୧:୯-୧୩)**

୭ “ଆସିପେ ଏନାରେଦ ଆପେକେ ଏମଃଆ, ଦାଣ୍ଡାଁଏପେ ଏନ୍‌ରେଦପେ ନାମେୟା, ଦୁଆର୍‌ ଠକ୍
 ଠକାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ । ୮ ଚିୟାଃଚି ଜେତାଏ ଆସିତାନ୍‌ନିଃଦ୍ ତେଲାଇମାଃ,
 ଆତଃ ଦାଣ୍ଡାଁଏନିଃଦ୍ ନାମେୟାଏ, ଆତଃ ଠକ୍ ଠକାଏନିଃ ନାଗେନ୍ତେ ନିଜଆଃ । ୯ ଆପେକଏତେ ଅକନ୍
 ହଡ଼ ନେଲେକା ମେନାଇୟା, ଆୟାଃ ହନ୍ ହଲଜ୍‌ ଆସିରେଦ, ଚିନାଃ ଇନିଃକେ ଦିରି ଏମାଇୟାଏ, ୧୦ ଚାଏ
 ହାକୁ ଆସିରେଦ ଚିୟାଃ ଇନିଃକେ ବିଜ୍‌ ଏମାଇୟାଏ ? ୧୧ ଏନ୍ତେ ଆପେ ଏଡ଼କାନ୍‌କ ତାଇନ୍‌ରେୟା,
 ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାବ୍‌ଦ ଆପେୟାଃ ସିର୍ମାରେନ୍ ଆପୁ, ଅକନ୍‌କଚି
 ଆଇଃକ୍‌କେ ଆସି ତାନାକ, ଇନ୍‌କୁକେ ଏନାଏତେ ଆଦକା ବୁଗିନ୍‌ତେୟାଃ କାଏଚି ଏମାକଆ !

୧୨ “ଏନାମେନ୍ତେ ହଡ଼କ ଆଲୋନାଇଜ୍‌ ରିକାଏକାକ ମେନ୍ତେପେ ସାନାଇଜ୍‌ତାନ୍ ଲେକା ଆପେୟାଗି ଇନ୍‌କୁ
 ନାଗେନ୍ତେ ଏନ୍‌ଲେକା ରିକାଏପେ, ଚିୟାଃଚି ନେଆଁଗି ମୁଶାଗାଃ ଆନ୍‌ତୁ ଆତଃ ନାବୀକଆଃ ଇନିତୁରାଃ
 ମୁଣ୍ଡିତାନାଃ ।

* ୭:୨ ୭:୨ ମାର୍କ ୪:୨୪. * ୭:୧୨ ୭:୧୨ ଲୁକ ୬:୩୧.

**ରେସେଦ ଦୁଆରୁ
(ଲୁକ ୧୩:୨୪)**

୧୩ “ରେସେଦ ଦୁଆରୁତେ ବଲପେ, ଚିୟାଃଚି ଜିୟନଃତେ ଇଦି ନାରାକ ଦୁଆରୁଦ ଚାକାର୍ଚ୍ଚିୟା ଆତଃ ଏନ୍ ହରାତେ ସେନ୍ ନାଈ ପୁରାଃଚି ସାହାଜ୍ଚିଆ, ଏନାରେ ବଲନାଈ ପୁରାଃ ହଡ଼କ ମେନାକଆ । ୧୪ ମେନ୍ଦ କା ଚୁଣ୍ଡୁ ଜ୍ଞାଦାନତେ ସେଟେର୍ ଦୁଆରୁ ରେସେଦ୍ଚିଆ ଆତଃ ଏନ୍ ହରାତେ ସେନ୍ ନାଈ ପୁରାଃଚି କେଟେଦ୍ଚିୟା, ଏନାକେ ନାମେ ହଡ଼କ ହୁଡ଼ିଙ୍ଗି ମେନାକଆ ।

**ଦାରୁ ଆତଃ ଏନାରେୟାଃ ଜ
(ଲୁକ ୬:୪୩-୪୪)**

୧୫ “ହସଡ଼ ନାବୀକତାଃଏତେ ଚିର୍ଗାଲୀକାନପେ, ଇନ୍କୁ ବାହାରି ନେପେଲ୍ରେ ମିଣ୍ଡିକ ଲେକା ଆପେୟାଃ ହେପାଦତେକ ହିଜୁଃଆ, ମେନ୍ଦ ଇନ୍କୁ ଭିତାର ନେପେଲ୍ରେ ହୁଣ୍ଡାରକ ଲେକାନକ ତାନକ । ୧୬ ଆପେ ଇନ୍କୁଆଃ କାମିତେ ଇନ୍କୁକେପେ ନେଲ୍ଭରୁମ୍କଆ । ଚିୟାଃ ହଡ଼କ ଜାନୁମ୍ ଦାରୁଏତେ ଦାଖ୍ ଜ ଚାଏ ଦଧାଡ଼ି ଦାରୁଏତେ ଲଆ ଜ ଗଦେୟାକ ? ୧୭ ଏନ୍ ଲେକାତେ ସବେନ୍ ବୁଗିନ୍ ଦାରୁ ବୁଗିନ୍ ଜ ଜଅଃତାନା ମେନ୍ଦ ଏଡ଼କାନ ଦାରୁ ଏଡ଼କାନ ଜ ଜଅଃଆ । ୧୮ ବୁଗିନ୍ ଦାରୁଏତେ ଏଡ଼କାନ ଜ କା ଜ ଦାଡ଼ିୟଃଆ, ଚାଏ ଏଡ଼କାନ ଦାରୁଏତେ ବୁଗିନ୍ ଜ କା ଜଅଃଆ । ୧୯ ଏଜେତା ଦାରୁଏତେ ବୁଗିନ୍ ଜ କା ଜ'ରେଦ, ଏନା ମାଗଃଆ ଆତଃ ସେକ୍ଲେରେ ଏଣ୍ଡାଗଃଆ । ୨୦ ଏନାମେଣ୍ଡେ ଆପେ ହସଡ଼ ନାବୀକଆଃ କାମିତେ ଇନ୍କୁକେପେ ନେଲ୍ଭରୁମ୍କଆ ।

**ଆଇଙ୍ଗ୍ ଆପେକେ କାଇଙ୍ଗ୍ ସାରିୟା
(ଲୁକ ୧୩:୨୫-୨୭)**

୨୧ “ଆଇଙ୍ଗ୍କେ ‘ହେ ପ୍ରାଭୁ, ହେ ପ୍ରାଭୁ’ ମେତାଈଙ୍ଗ୍ତାନ ଏନ୍ ହଡ଼କଏତେ ସବେନ୍ ହଡ଼କ ସିମ୍ପା ରାଇଜ୍ରେ କାକ ବଲଆ, ମେନ୍ଦ ଜେତାଏ ଆଇଁୟାଃ ସିମ୍ପାରେନ୍ ଆପୁଆଃ ମନେଲେକା ସେସେନ୍ନିଃ ବଲଆଏ । ୨୨ ପାର୍ମେଣ୍ଡାର୍ଆଃ ସାଜାଲ ହୁଲାଇ ହିଜୁଃରେ, ପୁରାଃ ହଡ଼କ ଆଇଙ୍ଗ୍କେ ‘ହେ ପ୍ରାଭୁ, ହେ ପ୍ରାଭୁ, ଚିୟାଃ ଆଲେ ଆମାଃ ନୁଡୁମ୍ତେ ପାର୍ମେଣ୍ଡାର୍ଆଃ କାନାଜି କାଲେଚି କାଜି ? ଆମାଃ ନୁଡୁମ୍ତେ ବଙ୍ଗାକକେ କାଲେଚି ହାଡ଼ଅଡ଼କ ? ଆତଃ ଆକ୍ଦାଦାଏ କାମି କାଲେଚି କାମି ?’ ୨୩ ଏଣ୍ଡେ ଆଇଙ୍ଗ୍ ଇନ୍କୁକେ ମେତାକଆଇଙ୍ଗ୍, ‘ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ, ଏ ଏଡ଼କାନକ, ଆଇଙ୍ଗ୍ତାଃଏତେ ଆତମେନ୍ଦେ ।’

**ବାରହଡ଼ ଅଡ଼ାଃ ବାବାଇକିନ୍
(ଲୁକ ୬:୪୭-୪୯)**

୨୪ “ଏନା ନାଗେଣ୍ଡେ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍କେଦ୍ତେ ମାନାଡ଼ିଙ୍ଗିନିଃ, ଚାଟେନ୍ ଦିରିରେ ଆୟାଃ ଅଡ଼ାଃ ବାଇକେଦ୍ ସେଣ୍ଡିନ୍ ହଡ଼ ଲେକାଃଏ । ୨୫ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍ଦିହୟ ହୟକେଦାଏ ଆତଃ ଅଡ଼ାଃରେ ଟଅଃୟାନା, ମେନ୍ଦ ଏନା କା ହାଦୁଡ଼ୟାନା, ଚିୟାଃଚି ଏନାଦ ଚାଟେନ୍ ଦିରି ଚେତାନରେ ବାଇୟାକାନ ତାଇକେନା ।

୨୬ “ମେନ୍ଦ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍କେଦ୍ତେ କା ମାନାଡ଼ିଙ୍ଗିନିଃ, ଗିଡିଲ୍ରେ ଆୟାଃ ଅଡ଼ାଃ ବାଇକେଦ୍ ଡ଼ଣ୍ଡୁ ହଡ଼ ଲେକାଃଏ । ୨୭ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍ଦିହୟ ହୟକେଦାଏ ଆତଃ ଅଡ଼ାଃରେ ଟଅଃୟାନା, ଏଣ୍ଡେ ଏନା ହାଦୁଡ଼ୟାନା, ଆତଃ ଏନାରାଃ ଜିୟନଃ ପୁରାଃ ବରଝାନ୍ଚି ହବାୟାନା ।”

ୟୀଶୁଆଃ ଆକ୍ତେୟାର୍

୨୮ ଯୀଶୁ ନେ କାଜିକ କାଜିରୁଣ୍ଡୁକେଦ୍ଚି, ଗାଦେଲ୍ ହଡ଼କ ଇନିୟାଃ ଇନିତୁରେ ଆକ୍ଦାଦାୟାନାକ, ୨୯ ଚିୟାଃଚି ଇନିଷଦ ଇନ୍କୁଆଃ ଆଇନ୍ ଇଡୁକ ଲେକାଦ କାହା, ମେନ୍ଦ ମିଆଁଦ୍ ଆକ୍ତେୟାର୍ ନାମାକାଦ୍ନିଃଲେକା ଇଡୁକ ତାଇକେନା ।



**ୟୀଶୁ ମିଆଁଦ୍ ନାଗେଘାଅନିଃକେ ବୁଗି ତାନା
(ମାର୍କ ୧:୪୦-୪୫; ଲୁକ ୫:୧୨-୧୬)**

☆ ୭:୧୯ ୭:୧୯ ମାଧୁର ୩:୧୦; ଲୁକ ୩:୯. ☆ ୭:୨୦ ୭:୨୦ ମାଧୁର ୧୨:୩୩. ☆ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨.

୧ ଯାଶୁ ବୁରୁଏତେ ଆଡ଼ଗୁୟାନ୍ତି, ଗାଦେଲ୍ ହଡ଼କ ଜନିଷକେକ ଅତଙ୍ଗକିୟା । ୨ ଏନ୍ତେ ମିଆଁଦ୍ ନାଗେଘାଅନିଷ ଜନିଷତାଃ ହିଜୁଃକେଦ୍ତେ, ଇକଡ଼ମୁକେଦ୍ତେ ବିନ୍ତିତାନଲଃ କାଜିକିୟାଏ, “ହେ ପ୍ରାଭୁ, ଆମ୍ ଯାନାଙ୍ଗ୍ରେଦେ ଆଇଙ୍ଗ୍ରେକେ ବୁଗିନିୟାନ୍ ଦାଡ଼ିୟାମ୍ ।”

୩ ଏନ୍ତେ ଯାଶୁ ଆୟାଃ ତିଃଇ ଜିଲିଙ୍ଗ୍ରେକେଦ୍ତେ ଜୁଡ଼ିଦ୍କିୟାଏ ଆତଃ କାଜିକିୟାଏ, “ଆଇଙ୍ଗ୍ ଯାନାଙ୍ଗ୍ତାନିଙ୍ଗ୍ ଆମ୍ ବୁଗିନିୟାଋମେ ।” ଆତଃ କାଜିତାନ୍ ତରୁସାଗି ଜନିୟାଋ ନାଗେଘାଅ ଫାଡ଼ିୟାମ୍ । ୪ ଏନ୍ତେ ଯାଶୁ ଜନିଷକେ କାଜିକିୟାଏ, “ନେଲେମେ, ଜେତାଏକେ ନେ କାଜି ଆଲମ୍ ଉଦୁବକଆଃ, ମେନ୍ଦ୍, ଜୁ, ଯାଜାକତାଃରେ ଉଦୁବେନ୍ମେ ଆତଃ ଆମ୍ ବୁଗିୟାକାନାମ୍ ମେନ୍ତେ ଇନ୍କୁଆଃ ଗାଞ୍ଜା ନାଗେନ୍ତେ ମୁଣା ନାବୀ ଆରୁକାଦ୍ ଦାଗୋରାଃ ଦାନ୍ ରାକାବେମେ ।”

ଯାଶୁ ମିଦ୍ ସାଅ ସିପାଇକଆଃ ଗମ୍ବେୟାଃ ଦାସିକେ ବୁଗି ତାନା
(ଲୁକ ୭:୧-୧୦; ଯୋହାନ୍ ୪:୪୩-୫୪)

୫ ଯାଶୁ କପରନାହୁମ୍ ସାହାରତେ ବଲୟାନ୍ ଇମ୍ବତା ମିଦ୍ଗାଅ ସିପାଇକଆଃ ମିଆଁଦ୍ ରୋମି ଗମ୍ବେକେ ଜନିଷତାଃରେ ହିଜୁଃୟାନା ଆତଃ ଦେଙ୍ଗାନାଙ୍ଗ୍ ବିନ୍ତିକିୟାଏ, ୬ “ହେ ଗମ୍ବେକେ, ଦାସିତାଇଙ୍ଗ୍ ବାଡ଼କାନ୍ତେ ଅଡ଼ାଋରେ ବିରିଦ୍ବାଡ଼ା କାଏ ଦାଡ଼ିତାନ୍ ଆତଃ ବରଞ୍ଜନଗି ଦୁକୁତାନାଏ ।”

୭ ଯାଶୁ ଜନିଷକେ କାଜିକିୟା, “ଆଇଙ୍ଗ୍ ସେନ୍କେଦ୍ତେ ଜନିଷକେ ବୁଗିଆଇଙ୍ଗ୍ ।”

୮ ମେନ୍ଦ୍ ମିଦ୍ଗାଅ ସିପାଇକଆଃ ଗମ୍ବେକେ କାଜିରୁହାଡ଼କିୟା, “ହେ ଗମ୍ବେକେ, ଆମ୍ ଆଇଁୟାଃ ଅଡ଼ାଋରେମ୍ ବଲୟା ଏନ୍ ଲେକାନ୍ନିଷଦ୍ ନାହାଲିଙ୍ଗ୍, ମେନ୍ଦ୍ ମିସାଗି କାଜିତାମ୍ ଏନ୍ରେଦ୍ ଦାସି ତାଇଁୟାଃ ବୁଗିକଆଃଏ । ୯ ତିୟାଃତି ଆଇଙ୍ଗ୍ ହିଁ ଏଟାଃକଆଃ ଆକ୍ତେୟାଋରେ ମେନାଲୟାଃ, ସିପାଇକ ଆଇଁୟାଃ ଆକ୍ତେୟାଋରେ ମେନାକଆଃ । ଆଇଙ୍ଗ୍ ମିହୁଡ଼କେ ସେନ୍ଋମେ ମେତାଇରେଦ୍ ଜନିଷ ସେନ୍ଋଆଏ ଆତଃ ଏଟାଋନିଷକେ ହିଜୁଃମେ ମେତାଇରେ ଜନିଷ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଜନିଷ କାମିୟାଏ ।”

୧୦ ଯାଶୁ ନେଆଁ ଆୟୁମ୍ବେକେଦ୍ତେ ଆକ୍ଦାଦାଅୟାନା ଆତଃ ଆଇଃକ୍ରେ ଅତଙ୍ଗ୍ଇତାନ୍ ହଡ଼କକେ ମେତାଦ୍କଆ, “ଆଇଙ୍ଗ୍ ଆପେକେ ସାର୍ଡ଼ିଗି କାଜିପେତାନାଇଙ୍ଗ୍, ଇସ୍ରାଏଲ୍ରେହ ନେ ଲେକାନ୍ ମାରାଙ୍ଗ୍ ବିଶ୍ୱାସ କାଇଙ୍ଗ୍ ନାମ୍ବକାଦା । ୧୧ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ପୁରାଃ ହଡ଼କ ପୁରାବ୍ ଆତଃ ପାଶୁମ୍ବେକେ ହିଜୁଃଆ, ଏନ୍ତେ ଆଗ୍ରାହାମ୍, ଇସାକ୍, ଆତଃ ଯାକ୍ବତ୍ତେକଲଃ ସିମ୍ବୀ ରାଇଙ୍ଗ୍ରେ ଜଜମ୍ ନାଙ୍ଗ୍ ଦୁବାଃ, ୧୨ ମେନ୍ଦ୍ ଏନ୍ ରାଇଙ୍ଗ୍ରେନ୍ ହନ୍କ ନୁବାଃଉତାଋରେକ ହୁରାଙ୍ଗ୍ ଏଶ୍ୱାଗଆଃ । ଏଡ଼ାଋରେ ଆକଆଃ ରାନାଆଃ ଆତଃ ତାଗା ହାଦ୍ ରିଡିଦଃଆ ।” ୧୩ ଏନ୍ତେ ଯାଶୁ ମିଦ୍ ସାଅ ସିପାଇକଆଃ ଗମ୍ବେକେ କେ କାଜିକିୟା, “ଜୁ ଅଡ଼ାଋରେ ସେନ୍ଋମେ, ଆତଃ ଆମ୍ ବିଶ୍ୱାସକାଦ୍ ଲେକା ଆମାଃ ନାଗେନ୍ତେ ହବାଅଃକା ।”

ଆତଃ ମିଦ୍ ସାଅ ସିପାଇକଆଃ ଗମ୍ବେୟାଃ ଦାସି ଏନ୍ ଦିପିଲିରେଗି ବୁଗିୟାନା ।

ଯାଶୁ ପୁରାଃ ଦୁକୁତାନ୍ ହଡ଼କକେ ବୁଗିକେଦ୍କଆ
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ଯାଶୁ ପାଡ଼ରାସଆଃ ଅଡ଼ାଋରେ ହିଜୁଃୟାନ୍ତି, ଜନିଷ ପାଡ଼ରାସଆଃ ହାନାରତେକେ ଉରିୟୁତେ ପାରକମ୍ବେ ବାଗିୟାକାନ୍ ନେଲ୍କିୟାଏ । ୧୫ ଏନ୍ତେ ଯାଶୁ ଜନିୟାଃ ତିଃଇ ଜୁଡ଼ିଦ୍କେଦାଏ ଆତଃ ଜନିଷ ଉରିୟୁଏତେ ବୁଗିୟାନା, ଏନ୍ତେ ଜନିଷ ବିରିଦ୍କେଦ୍ତେ ଜନିୟାଃ ସୁସାର୍ ଏଟେଦ୍କେଦାଏ ।

୧୬ ସିଙ୍ଗାହାସୁରଃ ତାନ୍ରେ ହଡ଼କ ପୁରାଃ ବଙ୍ଗା ଏସେରକାନ୍ ହଡ଼କକେ ଯାଶୁତାଋତେକ ଆଉକେଦ୍କଆ । ଜନିଷ ବଙ୍ଗାକକେ କାଜିତେଗି ହାଡ୍ ଅତଙ୍ଗ୍ରେକେଦ୍କଆ ଆତଃ ସବେନ୍ ଦୁକୁହାସୁତାନ୍କକେ ବୁଗିକେଦ୍କଆ । ୧୭ ସିଶାୟ ନାବୀ କାଜିକାଦ୍ତେୟାଃ ପୁରାଅଃକା ମେନ୍ତେ ଜନିଷ ନେ ଲେକାଏ କାମିକେଦା, “ଜନିଷ ଆଇଃକ୍ରି ଆବୁଆଃ ଦୁକୁହାସୁକଏ ଗଅଃଇଦିକେଦା ।”

ଯାଶୁକେ ଅତଙ୍ଗ୍ଇରାଃ ଗନଙ୍ଗ୍
(ଲୁକ ୯:୫୭-୬୨)

୧୮ ଯାଶୁ ଆୟାଃ ଉପୁନ୍ସାଋରେ ପୁରାଃ ହଡ଼କକେ ନେଲ୍କେଦ୍ତେ ଦରେୟା ହାନ୍ ପାରମ୍ବେବୁ ସେନା ମେନ୍ତେ ତେଲକକେ ଆଡୁକେଦ୍କଆ । ୧୯ ଏନ୍ତେ ମିଆଁଦ୍ ଆଇନ୍ ଇତୁନିଷ ହିଜୁଃକେଦ୍ତେ କାଜିକିୟା, “ହେ ଗୁରୁ, ଆମ୍ କତେମ୍ ସେନା ଏନ୍ତେଇଙ୍ଗ୍ ଅତଙ୍ଗ୍ମେୟାଁ ।”

* ୮:୧୧ ୮:୧୧ ଲୁକ ୧୩:୨୯. * ୮:୧୨ ୮:୧୨ ମାଧୁରୀ ୨୨:୧୩; ୨୫:୩୦; ଲୁକ ୧୩:୨୮.

୨୦ ଯୀଶୁ ଜନିଷକେ କାଜିରୁହାଡ଼କିୟା, “ତୁମ୍ଭକଆଃଦ ଲାତା ମେନାଃ ଆତଃ ସିର୍ମା ଲାତାର୍ରେନ୍ ଚେଟ୍ଟେକଆଃ ଅକା ମେନାଃ ମେନ୍ଦ ମାନଞ୍ଜାହନ୍ଆଃ ବହଃ ଦହନାଙ୍ଗ ଠାୟାଦ୍ ବାନଆଃ ।”

୨୧ ଆୟାଃ ଚେଲ୍ଲାକଏତେ ଏଗାଃନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଜଙ୍ଗକେ ତପାଇ ନାଗେନ୍ତେ ସେନ୍ଇଡ଼ିଙ୍ଗମେ ।”

୨୨ ମେନ୍ଦ ଯୀଶୁ କାଜିରୁହାଡ଼କିୟାଏ, “ଅତଙ୍ଗଇଙ୍ଗମେ, ଆତଃ ଗଏଃକାନ୍ଦକ ଆକଆଃ ଗଏଃକାନ୍ଦକକେ ତପାକିକାକ ।”

ୟୀଶୁ ମାରାଙ୍ଗ ହୟକେ ହାପାଉତାର୍ରେକଦା

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଯୀଶୁ ଲାଉକାରେ ଦେଏଃୟାନା ଆତଃ ଜନିୟାଃ ଚେଲ୍ଲାକ ଜନିଷକେକ ଅତଙ୍ଗକିୟା । ୨୪ ଏନ୍ତେ ନେଲ୍ଲେଦ, ଦରେୟାରେ ଇମ୍ପତାଙ୍ଗି ଚୁଦୁଗାରହୟ ବିରିଦୟାନା ଆତଃ ଲାଉକାରେ ଆଲ୍ଲପୁଙ୍ଗକ ରାକାଦୟାନା, ଆତଃ ଲାଉକା ତୁବିଃଗୟାନ୍ ଲେକା ହବାୟାନା । ମେନ୍ଦ ଯୀଶୁ ତୁଡୁମ୍ ତାଇକେନାଏ । ୨୫ ଚେଲ୍ଲାକ ଜନିଷତାଃତେ ସେନ୍କେଦତେ ବିରିଦିତାନ୍ଲଃ କାଜିକିୟାକ, “ହେ ପ୍ରାଭୁ, ବାଞ୍ଛାଅଲ୍ଲେମେ, ଆଲ୍ଲେ ତୁବିଃଗ ଗଜଃତାନାଲେ !”

୨୬ ଯୀଶୁ ଜନକୁକେ କାଜିରୁହାଡ଼କେଦକଆ, “ଏ ହୁଡ଼ଙ୍ଗ ବିଶ୍ୱାସ୍ତାନକ, ତିନାଃ ମେନ୍ତେପେ ବରତାନା ।” ଏନ୍ତେ ଜନିଃ ବିରିଦକେଦତେ ହୟ ଆତଃ ଦରେୟାରାଃ ଆଲ୍ଲପୁଙ୍ଗକେ ମାରାଙ୍ଗମତାକେଦା, ଏନ୍ତେ ସବେନାଃ ପୁରା ସିଃସଏଃୟାନା ।

୨୭ ହଡ଼କ ଆକଦାନ୍ଦାୟାନାକ, ଆତଃ ମେନ୍କେଦକ, “ନିଃ ଚିଲ୍ଲକାନ୍ ହଡ଼ ତାନିଃ ? ହୟ ଆତଃ ଦରେୟାରାଃ ଆଲ୍ଲପୁଙ୍ଗକ ନିଃକେ ମାନାଡ଼ିଙ୍ଗତାନାକ !”

ୟୀଶୁ ବଙ୍ଗା ଏସେରକାନ୍ ବାରହଡ଼କିନ୍କେ ବୁଗିକେଦକିନ

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଯୀଶୁ ଦରେୟା ହାନ୍ ପାରମ୍ ଗେରାସିମିକଆଃ ପାରଗାନ୍ତେ ସେଚେରୁୟାନ୍ତି, ବାରହଡ଼ ବଙ୍ଗା ଏସେରକାନ୍କିନ୍ ତପାଠାୟାଦଏତେ ଅତଙ୍ଗକେଦତେ ଯୀଶୁକେ ସେନ୍ଦାରମ୍ପକିୟାକିନ୍ । ଜନ୍ଦକିନାଃ ପୁରାଃ ପେଡ଼େଃ ଆତଃ ବରଞ୍ଜାନ୍ତି ତାଇକେନାକିନ୍, ଏନାତେ ଏନ୍ ହରାରେ ଜେତାଏ କାକ ସେନ୍ଦପାରମ୍ ଦାଡ଼ିତାଇକେନା । ୨୯ ଆତଃ ଇମ୍ପତାଗି ଇନ୍ଦକିନ୍ କାଉରିତାନ୍ଲଃ କାଜିକେଦାକିନ୍, “ହେ ପାରମ୍ପେଶ୍ୱାରୁଆଃ ହନ୍, ଆଲ୍ଲିଙ୍ଗଲଃ ଆମାଃ ଚିକାନ୍ କାମି ? ଚିୟାଃ ଆମ୍ ନେତା ଆଉରି ସେଚେରୁ ସିଦାରେ ଆଲ୍ଲିଙ୍ଗକେ ସାଜାଇ ଏମ୍ ନାଗେନ୍ତେ ନେତଃତେମ୍ ହିଜୁଆକାନା ?”

୩୦ ଆତଃ ଜନ୍କୁଏତେ କାଟିଃ ସାଜିନ୍ରେ ସୁକୁରିକଆଃ ମାରାଙ୍ଗ ଗୋଟ୍ ଆଡ଼ିଙ୍ଗତାନ୍କ ତାଇକେନା । ୩୧ ଏନ୍ତେ ଏନ୍ ହଡ଼ଆଃ ଭିତାରଏତେ ବଙ୍ଗାକ ଯୀଶୁକେ ବିନ୍ତ୍ରକେଦତେ କାଜିକିୟାକ, “ଆମ୍ ଆଲ୍ଲେକେ ଅତଙ୍ଗଲ୍ଲେରେଦମ୍ ଏନ୍ ସୁକୁରିକଆଃ ଗୋଟ୍ରେ କୁଲ୍ଲତାଲ୍ଲେମେ ।”

୩୨ ଯୀଶୁ ଜନକୁକେ ମେତାଦକଆ, “ସେନଃପେ ।” ଏନ୍ତେ ଜନ୍କୁ ଅତଙ୍ଗକେଦତେ ସୁକୁରିକରେକ ବଲୟାନା, ଆତଃ ସୁକୁରିକଆଃ ଗୋଟ୍, ଦରେୟାରେ ନିର୍ ଭୁଷ୍ଟମାୟାନାକ ଆତଃ ଦାଆଃରେ ତୁବିଃଗ ଗଏଃୟାନାକ ।

୩୩ ସୁକୁରି ଗୁପିତାନ୍କ ନିର୍ୟାନା ଆତଃ ସାହାରୁତେ ତେବଃୟାନ୍ତି, ହବାକାନ୍ ସବେନାଃ ଆତଃ ଏନ୍ ବଙ୍ଗା ଏସେରକାନ୍କିନ୍କେ ହବାକାନ୍ତେୟାଃ ସବେନାଃ ଉଦୁବାଦକଆକ । ୩୪ ଏନ୍ତେ ସାହାରୁରେନ୍ ସବେନ୍ ହଡ଼କ ଯୀଶୁକେ ନେଲ୍ ନାଗେନ୍ତେକ ଅତଙ୍ଗୟାନା ଆତଃ ଜନିଷକେ ନେଲ୍ଲକିଃତେ, ଆଲ୍ଲେୟାଃ ସାହାରୁରାଃ ସିମ୍ନାଏତେ ଅତଙ୍ଗଆଃତେ ମେନ୍ତେକ ବିନ୍ତ୍ରକିୟା ।



ୟୀଶୁ ମିଆଁଦ୍ ବାଡ଼କାନ୍ ହଡ଼କେ ବୁଗି ତାନା

(ମାର୍କ ୨:୧-୧୨; ଲୁକ ୫:୧୭-୨୬)

୧ ଯୀଶୁ ଲାଉକାରେ ଦେଏଃୟାନ୍ତେ ଦରେୟା ପାରମ୍କେଦତେ ଆୟାଃ ସାହାରୁତେ* ହିଜୁରୁହାଡ଼ୟାନାଏ । ୨ ନେଲ୍ଲେପେ, ମିଆଁଦ୍ ବାଡ଼କାନ୍ ହଡ଼କେ ପାରମ୍ମରେ ବାଟିୟାକାନ୍ତି ଯୀଶୁତାଃ ଗଅଃ ଆଉକିୟାକ । ଯୀଶୁ ଜନ୍କୁଆଃ ବିଶ୍ୱାସ୍ ନେଲ୍ଲକେଦତେ ଏନ୍ ବାଡ଼କାନ୍ନିଃକେ କାଜିକିୟା, “ଏ ହନ୍ ଆଲମ୍ ବରଏୟା ! ଆମାଃ ପାପକ ଛାମାୟାନା ।”

* ୯:୧ ୯:୧ କପରନାହୁମ୍

୩ ଏଣେ ଆଇନ୍ ଇତୁକଏତେ ଚିମିନ୍ଦକ ଆକ ଆକରେକ କାଜିକେଦା, “ନେ ହଡ଼ ପାର୍ମେଶ୍ୱାରକେ ନିନ୍ଦାଇତାନା ।”

୪ ଯୀଶୁ ଇନ୍ଦକୁଆଃ ମନ୍ଦରେୟାଃ ଉଡ଼ୁ ଆଟକାରକେଦତେ ମେତାଦକଆ, “ଆପେ ଚିକାନାଜ୍ ଆପେୟାଃ ମନ୍ଦରେ ଏଡ଼କାନାଃପେ ଉଡ଼ୁଡ଼ାନା ? ୫ ଅକନାଃ ରାଝାଲାଃ ? ‘ପାପ ତାମାଃକ ଛାମାୟାନା’ ମେଣ୍ଡେ କାଜିତେୟାଃ ରାଝାଲାଃ ଚି ‘ବିରିଦମେ ଆତଃ ସେନେନେ’ ମେଣ୍ଡେ କାଜିତେୟାଃ ? ୬ ମେନ୍ଦଦ ନେ ଅତେରେ ପାପ ଛାମାରେୟାଃ ଆକତେୟାର୍ ମାନଝାହନ୍ଦଆଃ ମୋନାଃ,” ଏନା ଆପେ ସାରିଦାଡ଼ିପେ ମେଣ୍ଡେ ଇନିଃ ଏନ୍ ବାଡ଼କାନିନିଃକେ କାଜିକିୟା, “ମାର୍ ବିରିଦମେ ଆତଃ ପାର୍ତ୍ତକମ୍ତାମାଃ ଗଅଃକେଦତେ ଆମାଃ ଅଡ଼ାଃତେ ସେନଃମେ ।”

୭ ଇନିଃ ବିରିଦୟାଣ୍ଡେ ଅଡ଼ାଃତେ ସେନଃୟାନା । ୮ ନେଆଁ ନେଲକେଦତେ ପୁରାଃ ହଡ଼କ ବରକେଦକ ଆତଃ ପାର୍ମେଶ୍ୱାର୍, ହଡ଼କକେ ନେ ଲୋକାନ୍ ଆକତେୟାର୍ ଏମାକାଦକ ନାଗେଣ୍ଡେ ପାର୍ମେଶ୍ୱାରକେ ମାରାଜ୍କିୟାକ ।

ୟୀଶୁ ମାଥୁରକେ କେଡ଼ାଇତାନା

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଯୀଶୁ ଏଣ୍ଡାଃ ବାଗିକେଦତେ ସେନଃତାନ୍ ଇମତା ମାଥୁର ନୁଡ଼ୁମ୍ ମିଆଁଦ୍ ହଡ଼କେ ମାଲ୍ହାରମ୍ ଠାୟାଦରେ ଦୁବାକାନ୍ ନେଲକେଦତେ ଇନିଃକେ କାଜିକିୟା, “ଦେଲା ଅତଙ୍ଗକଙ୍ଗମେ ।”

୧୦ ସେ ମାଥୁର ବିରିଦକେଦତେ ଇନିଃକେ ଅତଙ୍ଗକିୟା ।

୧୧ *ୟୀଶୁ, ମାଥୁରଆଃ ଅଡ଼ାଃରେ* ଜମ୍ ଦୁବାକାନ୍ ତାଇକେନ୍ ଇମତା, ପୁରାଃ ମାଲ୍ହାରମ୍ ଆତଃ ପାପିକ ହିଜୁଃକେଦତେ, ଯୀଶୁଲଃ ଆତଃ ଆୟାଃ ଚେଲ୍ଲକଲଃକ ଦୁବ୍ ମେସାୟାନା । ୧୧ ଫାରୁଶୀକ ନେଆଁ ନେଲକେଦତେ ଇନିଃୟାଃ ଚେଲ୍ଲକକେ କୁଲିକେଦକଆକ, “ଆପେୟାଃ ଗୁରୁ ଚିକାନାଜ୍ ମାଲ୍ହାରମ୍କଲଃ ଆତଃ ପାପିକଲଃ ଜମ୍ତାନାଏ ?”

୧୨ ଯୀଶୁ ନେଆଁ ଆୟୁମକେଦତେ କାଜିରୁହାଡ଼କେଦକଆ, “ବୁରିନ୍ ହଡ଼କ ନାଗେଣ୍ଡେ ମେଣ୍ଡେଦ କାହା ମେନ୍ଦଦ ହାସୁତାନ୍ଦକ ନାଗେଣ୍ଡେ ବାଇଦ୍ ଲାଗାତିଙ୍ଗୟାଃ । ୧୩ *ମେନ୍ଦଦ ଆପେ ସେନଃପେ ଆତଃ ‘ଆଇଙ୍ଗ୍ ଦାଶୋରାକାଦ୍ କାହାରି ମେନ୍ଦଦ ଲିବୁଇଙ୍ଗ୍ ସୁକୁତାନା’ ନେ କାଜିରେୟାଃ ମୁଣ୍ଡି ଇଡ଼ୁନ୍ଦେ, ଚିୟାଃତି ଆଇଙ୍ଗ୍ ଧାର୍ମାନ୍ ହଡ଼କକେ କେଡ଼ା ନାଗେଣ୍ଡେଦ କା ମେନ୍ଦଦ ପାପିକକେ କେଡ଼ା ନାଗେଣ୍ଡେଇଙ୍ଗ୍ ହିଜୁଆକାନା ।”

କାଟାବ୍ରେୟାଃ କୁନୁଲିଃ

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଣ୍ଡେ ବାପିସ୍ତା ଏମଃନିଃ ଯୋହାନ୍ଆଃ ଚେଲ୍ଲକ ଯୀଶୁତାଃତେ ହିଜୁଃକେଦତେ କୁଲିକିୟାକ, “ଆଲେ ଆତଃ ଫାରୁଶୀକ କାଟାବ୍ ରିକାଃରେ, ମେନ୍ଦଦ ଆମାଃ ଚେଲ୍ଲକ ଚିନାଃମେଣ୍ଡେ କାକ କାଟାବଃ ?”

୧୫ ଯୀଶୁ ଇନ୍ଦକୁକେ ମେତାଦକଆ, “ଆଣ୍ଡିଅଡ଼ାଃରେ ବାଲ୍ଲକଲଃ ଦୁଲ୍ଲକଡ଼ା ତାଇନଃ ଜାକେଦ୍ ଚିୟାଃ ଇନ୍ଦକୁ ରେକେଃ କାଟାବ୍ ଚି ତାଇନାଃକ ? କାହାରି, ଏନ୍କାଦ କା ହବଅଆଃ । ମେନ୍ଦଦ ନେତା ତେବାଗାଃ, ଦୁଲ୍ଲକଡ଼ାକେ ଇନ୍ଦକୁତାଃଏତେ ଇଦିୟଃଆ, ଏନ୍ ଦିପିଲିରେ ଇନ୍ଦକୁ କାଟାବେୟାକ ।

୧୬ “ଜେତାଏ ନାଝା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦତେ କାକ ତୁନାୟା, ଚିୟାଃତି ନାଝା ଲିଜାଃରାଃ କେଚାଃ ମାରି ଲିଜାଃଏତେ ଆତଃଚି ଚେଚାଃ ଇଦିୟାଏ, ଆତଃ ଏନ୍ ଚେଚାଃ ସିଦାଏତେ ଆତଃଚି ମାରାଜ୍ ଇଦିୟଃଆ । ୧୭ ଆତଃ ହଡ଼କ ନାଝା ଦାଖରାସିକେ ମାରି ଉହୁରତୁମ୍ପାରେ ଜେତାଏ କାକ ଦୁଲ୍ଲକପେରେଜେୟା, ଚିୟାଃତି ଦାଖରାସି ଉହୁରତୁମ୍ପାକେ ଅଡ଼େତାଃଏ ଆତଃ ଦାଖରାସି ଲିଜି ଏଣ୍ଡାଗଃଆ, ଏନାମେଣ୍ଡେ ହଡ଼କ ନାଝା ଦାଖରାସିକେଦ ନାଝା ଉହୁରତୁମ୍ପାରେ ପେରେଜାଃକ, ଆତଃ ବାରାନାଃ ଦହ ଜାତାନଃଆ ।”

ଯାଇରସାରଃ ହନ୍ଦକୁଡ଼ି ଆତଃ ଦୁକୁତାନ୍ କୁଡ଼ି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଯୀଶୁ ଇନ୍ଦକୁକେ ନେଆଁ କାଜିୟାକ ତାଇକେନ୍ ଇମତା, ଯିହୁଦୀକଆଃ ମିଆଁଦ୍ ଆଗୁଆଇ ଇନିଃତାଃ ହିଜୁଃକେଦତେ ଆୟାଃ ଆୟାର୍ରେ ଇକଡ଼ମ୍ପାୟାନା ଆତଃ କାଜିକିୟାଏ, “ହନିଙ୍ଗ୍କୁଡ଼ି ନାହାଁଃଚି ଗୁଣ୍ଡୁକଦା । ଇନିଃ ଚିଲ୍ଲକା ବାଞ୍ଛାଅଃଆଏ, ଏନାମେଣ୍ଡେ ହିଜୁଃମେ, ଆତଃ ଇନିଃୟାଃ ଚେତାନ୍ରେ ତିଝଇ ଦହେମେ ।”

୧୯ ଏଣ୍ଡେ ଯୀଶୁ ବିରିଦକେଦତେ ଆୟାଃ ଚେଲ୍ଲକଲଃ ଏନ୍ ହାକିମ୍ତେ ଅତଙ୍ଗକିୟାକ ।

* ୯:୧୦ ୯:୧୦ ଲୁକ ୧୫:୧,୨. † ୯:୧୦ ୯:୧୦ ଯୀଶୁଆଃ ଅଡ଼ାଃରେ * ୯:୧୩ ୯:୧୩ ମାଥୁର ୧୭:୬. ‡ ୯:୧୩ ୯:୧୪ କୁଲିକେୟାଃ

୨୦ ଆତ୍ମ ବାରା ବାରାଷ୍ୟତେ ମାୟୋମଲିଙ୍ଗି ଦୁକ୍ତରେ ଦୁକ୍ତତାନ୍ ମିଆଁଦ୍ କୁଡ଼ି ଦୟାହରା ହିଜୁଃକେଦତେ ଯୀଶୁଆଃ ଲିଜାଃରାଃ ଆର୍ଦ୍ରା ଜୁଟିଦକେଦାଏ । ୧୯ ଚିୟାଃଟି ଜନିଃ ଆୟାଃ ମନ୍ଦରେ “ଜନିୟାଃ ଲିଜାଃ ଏସକାର୍ ଜୁଟିଦତାରେଦ ଆଇଙ୍ଗ ବୁଟିକଆଇଙ୍ଗ” ମେନ୍ତେ ଉଡ଼ୁତାନ୍ ତାଇକେନାଏ ।

୨୧ ମେନ୍ଦ୍ ଯୀଶୁ ହେତାରୁହାଡ଼କେଦତେ ଜନିଃକେ ନେଲ୍‌କେଃତେ କାଜିକିୟା, “ଏ ମାଇ, ଆଲମ୍ ବରଏୟା, ବିଶ୍ୱାସ୍ ତାମାଃ ବୁରିୟାକାଦମୈୟା ।” ଏନ୍ ନେତାରେରି ଏନ୍ କୁଡ଼ି ବୁରିୟାମା ।

୨୩ ଏନ୍ତେ ଯୀଶୁ ଏନ୍ ଆଗୁଆଇରାଃ ଅତାଃତେ ହିଜୁଃକେଦତେ ଗନ୍‌ଏଃରାଃ ମୁରଲିସାଡ଼ି ହଡ଼କକେ ଆତ୍ମ ହାଲଗୁଲୀତାନ୍ ହଡ଼କକେ ନେଲ୍‌କେଦତେ, ୨୪ ଜନିଃ ମେତାଦକଆଏ, “ବାହାରି ଅତଙ୍ଗଅଃତେ କୁଡ଼ିହନ୍ଦ୍ କାଏ ଗଏଃକାନା, ମେନ୍ଦ୍ ଦୁଡ଼ୁତାତାମାଏ ।” ଏନ୍ତେ ଜନକୁ ଜନିଃକେ ଲାଦାକିୟାକ ।

୨୫ ମେନ୍ଦ୍ ପୁରାଃ ହଡ଼କକେ ଅତଙ୍ଗକେଦତେ, ଜନିଃ ଭିତାଃତେ ବଲୟାମା ଏନ୍ତେ କୁଡ଼ି ହନ୍ଦ୍ରାଃ ତିଃଇ ସାଦକେଦାଏ, ଆତ୍ମ କୁଡ଼ି ହନ୍ଦ୍ ବିରିଦୟାମାଏ । ୨୬ ଆତ୍ମ ନେ କାଜି ଏନ୍ ଗଟା ଦିଶୁମ୍ ଆୟୁମୟାମା ।

ୟୀଶୁ ବାରହଡ଼୍ କା ନେଲ୍‌ଦାଡ଼ିକିନ୍‌କେ ବୁଟିକେଦକିନା

୨୭ ଯୀଶୁ ଏନ୍ତାଃଏତେ ସେନଃତାନ୍ ତାଇକେନ୍ ଇମ୍ତା ବାରହଡ଼୍ କା ନେଲ୍‌ଦାଡ଼ିକିନ୍ ଜନିୟାଃ ଦୟାଦୟାତେ ଅତଙ୍ଗକିଃତେ କାଉରିକେଦାକିନ୍, “ହେ ଦାଉଦ୍‌ଆଃ ହନ୍, ଆଲିଙ୍ଗକେ ଦାୟାଲିଙ୍ଗମେ ।”

୨୮ ଯୀଶୁ ଅତାଃତେ ବଲୟାନ୍‌ଟି, ଏନ୍ କା ନେଲ୍‌ଦାଡ଼ିକିନ୍ ଜନିଃତାଃତେ ହିଜୁଃକେଦାକିନ୍ ଆତ୍ମ ଯୀଶୁ ଜନକିନ୍‌କେ କୁଲିକେଦକିନା, “ଆଇଙ୍ଗ ଆବେନ୍‌କେ ବୁଟି ଦାଡ଼ିୟାଇଙ୍ଗ ମେନ୍ତେ ଚିନାଃ ଆବେନ୍ ବିଶ୍ୱାସ୍‌ତାନାବେନ୍ ?”

ଜନକିନ୍ କାଜିରୁହାଡ଼କିୟା, “ହେରି, ପ୍ରାଭୁ ।”

୨୯ ଏନ୍ତେ ଯୀଶୁ ଜନକିନାଃ ମେଦକେ ଜୁଟିଦକେଦତେ ମେତାଦକିନା, “ଆବେନାଃ ବିଶ୍ୱାସ୍ ଲେକା ହବାଅଃକା ।” ୩୦ ଆତ୍ମ ଜନକିନ୍ ନେଲ୍ ଦାଡ଼ିକେଦାକିନ୍ । ଏନ୍ତେ ଯୀଶୁ ତେତାଞ୍ଜାନ୍‌ଟି ଜନକିନ୍‌କେ ମେତାଦକିନା, “ନେଲେବେନ୍, ନେଆଁ ଜେତାଏକକେ ଆଲ୍‌ବେନ୍ କାଜିକ ।”

୩୧ ମେନ୍ଦ୍ ଜନକିନ୍ ଅତଙ୍ଗକେଦତେ, ଯୀଶୁଆଃ ବିଷାଏରେ ଏନ୍ ଦିଶୁମ୍‌ରାଃ ସବେନ୍‌ତାଃକିନ୍ ଉଦୁଦକେଦା ।

ୟୀଶୁ ମିଆଁଦ୍ କା ବାଖାଁଣ୍ ଦାଡ଼ିତାନ୍ ହଡ଼କେ ବୁଟିକିୟା

୩୨ ହଡ଼କ ଅତଙ୍ଗଅଃତାନ୍ ତାଇକେନ୍ ଇମ୍ତା, ଚିମିନ୍ ହଡ଼କ ମିଆଁଦ୍ କା ବାଖାଁଣ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା । ଜନିଃ ବଙ୍ଗା ଏସେରକାନ୍ ତାଇକେନାଏ । ୩୩ ଆତ୍ମ ବଙ୍ଗା ଅତଙ୍ଗୟାନ୍ ଇମ୍ତାରି ଜନିଃ ଜାଗାର୍ ଏତେଦକେଦାଏ । ସବେନ୍ ହଡ଼କ ଆକ୍‌ଦାଦାୟାମାନା ଆତ୍ମ କାଜିକେଦାଃକ, “ଆଲେ ନେ ଲେକାନ୍ କାମି ଚିଉଲାହ ଇସ୍ରାଏଲ୍‌ରେ କାଲେ ନେଲାକାଦା ।”

୩୪ ମେନ୍ଦ୍ ପମ୍‌ରୁଣାକ ମେନ୍‌କେଦା, “ବଙ୍ଗାକଆଃ ଗମ୍‌କେରାଃ ଦେଙ୍ଗାତେ ଯୀଶୁ ବଙ୍ଗାକକେ ହାର୍ ଅତଙ୍ଗକତାନା ।”

ୟୀଶୁ ହଡ଼କକେ ଲିବୁଇକେଦକଆ

୩୫ ଯୀଶୁ ସବେନ୍ ସାହାର୍ ଆତ୍ମ ହାଡୁ ହାଡୁ ହନ୍‌ରତାନ୍ ତାଇକେନାଏ । ଜନିଃ ଜନକୁଆଃ ସାମାନ୍ ଅତାଃକରେ ଇଡୁକତାନ୍‌ଲଃ ରାଜ୍‌ରେୟାଃ ସୁକ୍ତକାଜି ଉଦୁଦକେଦାଏ ଆତ୍ମ ହଡ଼କଆଃ ସବେନ୍ ଦୁକ୍ତ ଆତ୍ମ ସବେନ୍ ହାସୁକଏତେ ବୁଟିକତାନ୍ ତାଇକେନାଏ । ୩୬ ଜନିଃ ଗାଦେଲ୍ ହଡ଼କକେ ନେଲ୍‌କେଦତେ ଆୟାଃ ମନ୍ଦରେ ବିଲ୍‌କାୟାମାଏ, ଚିୟାଃଟି ଜନକୁଦ ଗୁପିନିଃ ବାଙ୍ଗାଜି ମିଣ୍ଡିକ ଲେକା ଜୀଉ ଦୁକ୍ତଆକାନ୍ ଆତ୍ମ ଛିଟିବିଡକାନାକ । ୩୭ ଏନ୍ତେ ଜନିଃ ଆୟାଃ ଚେଲାକକେ କାଜିକେଦକଆ, “ଇରୋଃ ପୁରାଃରିୟାଃ ମେନ୍ଦ୍ କାମିନାଲାକ ହୁଡ଼ିଙ୍ଗ୍‌ଆଁକ । ୩୮ ଆମ୍ ଆମାଃ ଇରୋଃତେ କାମି ନାଲାକ କୁଲ୍‌କମ୍ ମେନ୍ତେ ଇରୋଃ ଗମ୍‌କେତାଃରେ ବିନ୍ତମେ ।”



ୟୀଶୁଆଃ କୁଲ୍‌କାନ୍ ଗେଲ୍‌ବାର୍ ଚେଲାକ
(ମାର୍କ ୩:୧୩-୧୯; ୬:୭-୧୩; ଲୁକ ୬:୧୨-୧୬; ୯:୧-୬)

୫ ୯:୩୪ ୯:୩୪ ମାଧୁର୍ୟ୍ୟ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ୫ ୯:୩୫ ୯:୩୫ ମାଧୁର୍ୟ୍ୟ ୪:୨୩; ମାର୍କ ୧:୩୯; ଲୁକ ୪:୪୪.
୫ ୯:୩୬ ୯:୩୬ ମାର୍କ ୬:୩୪. ୫ ୯:୩୭ ୯:୩୭ ଲୁକ ୧୦:୨.

୧ ଯୀଶୁ ଆୟାଃ ଗେଲ୍‌ବାର୍ ଚେଲକକେ ଆୟାଃତାଃତେ ହାକାଅକେଦ୍‌ତେ ସଦ୍‌ରା ଆମ୍ବାକକେ ହାଡ଼ଅଡ଼କ୍‌ରେୟାଃ ଆକ୍‌ତେୟାର୍ ଆଡ଼ଃ ସବେନ୍ ଲେକାନ୍ କିଲିମିଲି ଦୁକୁ ହାସୁଏତେ ବୁଗିକ ନାଗେନ୍ତେ ଆକ୍‌ତେୟାର୍ ଏମାଦକଆଏ । ୨ ଏନ୍ ବାରା ପ୍ରେରିଡ଼କଆଃ ନୁଡୁମ୍ ନେ ଲେକା ମେନାଃ, ପାହିଲାନିୟାଃ ନୁଡୁମ୍ ଶିମୋନ୍, ଜନିଃଦ ପାଡ଼ରାସ୍ ମେନ୍ତେ କାଜିୟଃତାନା ଆଡ଼ଃ ଆୟାଃ ହାଗାତେ ଆନ୍ତ୍ରିୟାସ୍, ଜେବଦାୟାଃ ବାରିଆ ହନ୍‌କଡ଼ାକିନ୍ ଯାକୁବ୍ ଆଡ଼ଃ ଯୋହାନ୍, ୩ ଡିଲିପ୍ ଆଡ଼ଃ ବାଥୋଲମି, ଥୋମା ଆଡ଼ଃ ମାଲ୍‌ହାରମନିଃ ମାଧୁର, ଆଲ୍‌ଫିୟନାଃ ହନ୍ ଯାକୁବ୍, ଆଡ଼ଃ ଅକିୟ, ୪ ଶିମୋନ୍ ଅକ୍‌ଏଟି ଇସ୍ରାଏଲ୍ ହଡ଼କଆଃ ତନଲ୍‌ହେତେ ରାଡ଼ା ନାଗେନ୍ତେ ସାନାଙ୍ଗ୍ ତାଜକେନାଏ, ଆଡ଼ଃ ଇଷ୍ଟାରିୟ୍‌ଡ଼ ଯିହୁଦା ଅକ୍‌ଏଟି ତାୟମ୍‌ତେ ଯୀଶୁକେ ବାଇରିକଆଃ ତିଃଇରେ ଏମ୍ ଏଣ୍ଡାଃକିୟାଏ ।

ବାରାଖାନ୍ ପ୍ରେରିଡ଼କକେ ଏମାକାନ୍ ସେଝାକାମିରାଃ ବାହାରମ୍

(ମାର୍କ ୬:୭-୧୩; ଲୁକ ୯:୧-୬)

୫ ଯୀଶୁ ନେ ଗେଲ୍‌ବାର୍ ଚେଲକକେ କୁଲ୍‌କେଦ୍‌ତେ ଇନ୍‌କୁକେ ଆରୁକତାନ୍‌ଲଃ ମେତାଦକଆଏ, “ସାଅଁସାର୍ ହଡ଼କତାଃତେ ଆଲ୍‌ଦେ ସେନା ଚାଏ ଶମିରୋନିକଆଃ ଜେତା ସାହାର୍‌ତେ ଆଲ୍‌ଦେ ବଲଆ । ୬ ମେନ୍‌ଦ ଇସ୍ରାଏଲ୍‌ରେନ୍ ହଡ଼କ, ମିଶ୍ଟିକଲେକା ଆଦାକାନ୍ ହଡ଼କତାଃତେ ସେନଃତେ । ୭ ଆଡ଼ଃ ସେନ୍‌ତାନ୍ ସେନ୍‌ତାନ୍‌ଲଃ ‘ସିର୍ମା ରାଜଜ୍ ନାଡ଼େଃକାନା’ ମେନ୍ତେ ଉଦୁବେଦେ । ୮ ହାସୁତାନ୍‌କକେ ବୁଗିକଦେ, ଚାଏଃକାନ୍‌କକେ ଜାଉବିରିଦକଦେ, ନାଗେନ୍ତାଆନ୍‌କକେ ଫାର୍‌ଚିକଦେ ଆଡ଼ଃ ବଜାକକେ ହାରି ଅଡ଼କ୍‌କଦେ । ଆପେ ବେଗାର୍ ଗନଜ୍‌ତେ ନାମ୍‌କାଦ୍‌ତେୟାଃ ବେଗାର୍ ଗନଜ୍‌ତେ ଏମାକଦେ । ୯ ଆପେୟାଃ ଆଇଲାରେ ସୋନା, ରୁପା ଚାଏ ତାମ୍ବାରେୟାଃ ଟାକା ଆଲ୍‌ଦେ ଇଦିୟା । ୧୦ ଆଡ଼ଃ ହରା ସେନ୍ ନାଗେନ୍ତେ ଆଇଲା ଚାଏ ବାରିଆ ତୁସିଜ୍ ଲିଜାଃ ଚାଏ ଖାର୍‌ପା ଚାଏ ସମା ଆଲ୍‌ଦେ ଇଦିୟା, ଚିୟାଃଟି କାମିନିଃଦ ଆୟାଃ ନାଲା ନାମେ ଲେକାଃଏ ।

୧୧ “ଆଡ଼ଃ ଆପେ ଜେତା ସାହାର୍‌ରେ ଚାଏ ହାତୁରେଦେ ବଲରେଦ୍, ଏଣ୍ଡାଃରେ ଆପେକେ ସୁକୁଆପେତାନ୍‌ଲଃ ଦାରମ୍‌ପେନିଃକେ ଦାଶିଈଦେ, ଆଡ଼ଃ ଏଣ୍ଡାଃଏତେ ଆଉରି ସେନଃ ଜାକେଦ୍ ଏଣ୍ଡାଃରେନି ତାଇନ୍‌ଦେ । ୧୨ ଆଡ଼ଃ ଆପେ ଏନ୍ ଅଡ଼ାଃରେ ବଲ ଇମ୍‌ତା, ‘ଆପେରେ ଜାଉସୁକୁ ହବାଅଃକା’ ମେତାକଦେ । ୧୩ ଆପେକେ ଏନ୍ ଅଡ଼ାଃରେନ୍ ହଡ଼କ ଦାରମ୍‌ପେରେଦ୍, ଆପେୟାଃ ଜାଉସୁକୁ ଇନ୍‌କୁକେ ତାଇନ୍‌କା, ମେନ୍‌ଦ ଇନ୍‌କୁ କାକ ଦାରମ୍‌ପେରେଦ୍ ଆପେୟାଃ ସୁକୁ ଆପେତାଃତେ ରୁହାଡ଼କା । ୧୪ ଆଡ଼ଃ ଜେତାଏ କାକ ଦାରମ୍‌ପେରେଦ୍ ଚାଏ ଆପେୟାଃ କାଜି କାକ ଆୟୁମରେଦ୍, ଏନ୍ ଅଡ଼ାଃଏତେ ଚାଏ ଏନ୍ ସାହାର୍‌ଏତେ ଅଡ଼କ୍ ଇମ୍‌ତା ଇନ୍‌କୁକେ ବାଗିକେଦକଆପେ ମେନ୍ତେ ମିଆଁଦ୍ ଚିହ୍ନାଁ ଲେକା ଆପେୟାଃ କାଚା ତାଲ୍‌କାରେୟାଃ ଧୂଡ଼ି କଚା ବାଗିତାପେ । ୧୫ ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ବିଚାର୍ ହୁଲାଙ୍ଗ୍‌ରେ ଏନ୍ ସାହାର୍‌ରେନ୍ ହଡ଼କତାଃଏତେ ସୋଦମ୍ ଆଡ଼ଃ ଗମରା ଦିଶୁମରେନ୍ ହଡ଼କଆଃ ନାଗେନ୍ତେ ପାର୍‌ମେଶ୍‌ବାର୍ ପୁରାଃ ଲିବୁଇୟାକଆଏ ।

ହିକ୍ତୁଃତାନ୍ ସାସାତି

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ “ନେଲେଦେ, ଆଇଙ୍ଗ୍ ଆପେକେ ମିଶ୍ଟିକ ଲେକା ହୁଣ୍ଡା଼ରକ ଆଲାରେଇଙ୍ଗ୍ କୁଲ୍‌ପେତାନା, ଏନା ନାଗେନ୍ତେ ବିଙ୍ଗ୍ କଲେକା ସେଶିନଃତେ ଆଡ଼ଃ ଦୁଦୁମ୍‌ଲୁକ ଲେକା ଲେବେୟାଃତେ । ୧୭ ମେନ୍‌ଦ ହଡ଼କତାଃଏତେ ଚିଗାଲକାନ୍ ତାଇନ୍‌ଦେ, ଚିୟାଃଟି ଇନ୍‌କୁ ଆପେକେ ପାଞ୍ଚେଡ଼କରେକ ଜିମାପେୟା ଆଡ଼ଃ ସାମାଜ୍ ଅଡ଼ାଃକରେକ ହାଣ୍‌ସାପେୟା । ୧୮ ଆଡ଼ଃ ଆଇୟାଃ ନାଗେନ୍ତେ ଆପେକେ ଇନ୍‌କୁତାଃ ଆଡ଼ଃ ସାଅଁସାର୍‌କତାଃ ଗାଝା ଏମ୍ ନାଗେନ୍ତେ ହାକିମ୍ ଆଡ଼ଃ ରାଜାକଆଃ ସାମ୍‌ନାଜ୍‌ତେକ ଆଉପେୟା । ହାକିମ୍ ଆଡ଼ଃ ରାଜାକଆଃ ସାମ୍‌ନାଜ୍‌ତେକ ଆଉପେୟା । ୧୯ ମେନ୍‌ଦ ଚିମ୍‌ତାଙ୍ଗ୍ ଇନ୍‌କୁ ଆପେକେ ଜିମାପେୟାକ ଇମ୍‌ତା ଚିନାଃବୁ କାଜିୟା ଚିଲ୍‌କାବୁ କାଜିୟା ମେନ୍ତେ ସିଦାରେ ଆଲ୍‌ଦେ ଉଡ଼଼ୁୟା, ଚିୟାଃଟି ଏନ୍ ଦିପିଲି ହିକ୍ତୁଃଆ ଇମ୍‌ତା ଆପେକେ ଅକଆଃ କାଜି ନାଗେନ୍ତେ ଏମାଆ ଏନାପେ କାଜିୟା । ୨୦ ଚିୟାଃଟି ଆପେ ଅକ କାଜିପେ କାଜିୟା ଏନାପେ ଆପେତେଗି କା, ମେନ୍‌ଦ ଆପେୟାଃ ଆପୁଆଃ ପାବିତାର୍ ଆମ୍ବାରାଃ ହରାତେପେ କାଜିୟା ।

୫ ୧୦:୧୦ ୧୦:୧୦ ୧ କରିନ୍ଥୀୟ ୯:୧୪; ୧ ଡିମାଥ୍ର ୫:୮୧. ୬ ୧୦:୧୪ ୧୦:୧୪ ପ୍ରେରିଡ଼ ୧୩:୫୧. ୭ ୧୦:୧୫ ୧୦:୧୫ ମାଧୁର ୧୧:୨୪.
 ୮ ୧୦:୧୫ ୧୦:୧୫ ଲୁକ ୧୦:୪-୧୨. ୯ ୧୦:୧୬ ୧୦:୧୬ ଲୁକ ୧୦:୩. ୧୦ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧-୧୨; ୨୧:୧୨-୧୫.

୨୧ *ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନୁକେ ଗଜି ନାଗେନ୍ତେ ଜିମାଲୟାଏ, ଆତଃ ହନୁକ ଆକଆଃ ଏଜା ଆପୁକଆଃ ବିରୁଧରେକ ବିରିଦାଃ ଆତଃ ଜନୁକେ ଗଏଃ ଇତିକଆକ । ୨୨ *ଆଇଁୟାଃ ନାଗେନ୍ତେ ସବେନ୍ ହଡକ ଆପେକେ ହିଲାଇପେୟାକ, ମେନ୍ଦ ଦେତାଏ ଚୁଣ୍ଟୁ ଜାକେଦ୍ ତିଜୁ କେଟେୟାକାନ ତାଇନିଃ ବାଞ୍ଚାଅଥାଏ । ୨୩ ଚିମତାଜ୍ ଜନୁ ଆପେକେ ମିଆଁଦ୍ ସାହାରରେକ ସାସାତିପେରେ, ଜମତାଜ୍ ଏଟା ସାହାରରେ ନିରପେ, ଚିୟାଃଟି ଆଇଜ୍ ଆପେକେ ସାର୍ତିଚି କାଜିପେତାନା, ଆପେ ଇସ୍ରାଏଲ୍‌ରା ସବେନ୍ ସାହାରରେ କାମି ଆଉରି ଚାବାଏ ସିଦାରେ ମାନଝାହନ ହିଜୁଃଆଏ ।

୨୪ *ଗୁରୁଏତେ ଚେଲା କାଏ ମାରାଜ୍‌ଆଃ ଚାଏ ଆୟାଃ ଗମକେଏତେ ଦାସି କାଏ ମାରାଜ୍‌ଆଁ । ୨୫ *ଚେଲା ଆୟାଃ ଗୁରୁ ଲେକା ଆତଃ ଦାସି ଆୟାଃ ଗମକେ ଲେକା ହବାଅଃରେଦ, ଜନୁକେ ଜମନାଜ୍‌ରେଗି ସୁଜୁ ହବାଅଃ ଲାଗାତିଜ୍‌ୟାଃ । ଜନୁ ଆଡ଼ାଃରେନ୍ ଗମକେ କେ ବାଲ୍‌ଜେତୁଲ୍ ମେନ୍ତେକ ମେତାଜତାନ୍‌ରେଦ, ଜନିୟାଃ ଅଡ଼ାଃରେନ୍‌କକେ ଏନାଏତେ ଆଦକା ଏଡ଼କାନକ ନୁଡ଼ମକଆ ।

ଅକଏକେ ବର ଲାଗାତିଜ୍‌ୟାଃ
(ଲୁକ ୧୨:୨-୭)

୨୬ *ଏନା ନାଗେନ୍ତେ ହଡକକେ ଆଲ୍‌ପେ ବରଆକଆ, ଚିୟାଃଟି ଅକନାଃ ଉକୁଆକାନ୍‌ତେୟାଃ ଉଦୁବଃଆ ଆତଃ ଅକନାଃ ଦାନାଜ୍‌ଆଁକାନ୍‌ତେୟାଃ ସାରିୟାଃଆ । ୨୭ ଆଇଜ୍ ଆପେକେ ଅକନାଃ ନୁବଃରେଇଜ୍ କାଜିକାଦ୍‌ତେୟାଃ ମାର୍‌ସାଲ୍‌ରେ ଉଦୁବେପେ ଆତଃ ଅକନାଃ ଉକୁକେଦ୍‌ତେ ଆୟୁମେତେୟାଃ ସାଡ଼ମି ଚେତାନ୍‌ଏତେ ଉଦୁବେପେ । ୨୮ ଆପେୟାଃ ହଡ଼ମ ଗଗଏଃକକେ, ମେନ୍ଦ ଆମ୍ବାକେ କା ଗଏଃ ଦାଡ଼ିକକେ ଆଲ୍‌ପେ ବରଆକଆ, ମେନ୍ଦ ପାର୍‌ମେଶ୍‌ୱାର୍ ଆପେୟାଃ ହଡ଼ମ ଆତଃ ଆମ୍ବା ବାରନାଃକେ ନାରାକ୍‌କେ ଜିୟନ୍ ଦାଡ଼ିୟାଏ, ଜନିଃକେ ବରଆଇପେ । ୨୯ ଚିୟାଃ ବାରିଆ ଗେର୍‌ଝାକିନ୍ ମିଦ୍ ସିକାତେ କାକିନ୍ ଆଖ୍‌ରିଜ୍‌ୟାଃ ? ହଲେହ୍ ଆପେୟାଃ ଆପୁଆଃ ବେଗାର୍ ଆଡ଼ିତେ ଜନକିନ୍‌ଏତେ ମିଆଁଦ୍‌ହ୍ ଅତେ ଲାତାରରେ କାଏ ଉୟୁଗଃଆ । ୩୦ ମେନ୍ଦ ଆପେୟାଃ ବହଃରାଃ ସବେନ୍ ଉବହ ଲେକାକାନା । ୩୧ ଏନା ନାଗେନ୍ତେ ଆଲ୍‌ପେ ବରଏୟା, ଆପେ ପୁରାଃ ଗେର୍‌ଝାକଏତେ ପୁରାଃଟି ଗନଜ୍‌ଆଁଃପେ ।

୩୨ “ଜେତାଏ ନେପେଲ୍‌ରେ ଆପାନକେ ଆଇଁୟାଃ ମେନ୍ତେ ଆତଃ ଆଇଜ୍‌କେ ସାରିୟାଃକ ମେନ୍ତେ ହଡକଆଃ ଆୟାଃରେ ଆଇଜ୍‌କେ ସାରିୟାଃଇଜ୍ ମେନ୍ତେ କାଜିରେଦ, ଆଇଜ୍‌ହ୍ ଆଇଁୟାଃ ସିମ୍‌ରେନ୍ ଆପୁଆଃ ଆୟାଃରେ ଜନିଃକେ ସାରିୟାଃଇଜ୍ ମେନ୍ତେ କାଜିୟାଇଜ୍ । ୩୩ *ମେନ୍ଦ ଜେତାଏ ହଡକଆଃ ଆୟାଃରେ ଆଇଜ୍‌କେ କାଇଜ୍ ସାରିୟାଃ ମେନ୍ତେ କାଜିନିଃକେ, ଆଇଜ୍‌ହ୍ ଆଇଁୟାଃ ସିମ୍‌ରେନ୍ ଆପୁଆଃ ଆୟାଃରେ ଜନିଃକେ କାଇଜ୍ ସାରିୟାଃ ମେନ୍ତେ କାଜିୟାଇଜ୍ ।

ଜୀଉସୁକୁ କା ମେନ୍ଦ ତାରାଉଡ଼ି*
(ଲୁକ ୧୨:୫୧-୫୩; ୧୪:୨୬-୨୭)

୩୪ “ଆଇଜ୍ ଅତେଦିଶ୍‌ମ୍‌ରେ ଜୀଉସୁକୁ ଏମ୍‌ତେ ହିଜୁଆକାନାଇଜ୍ ମେନ୍ତେ ଆଲ୍‌ପେ ଆବ୍‌କାରେୟା । ବାନଃଟି, ଜୀଉସୁକୁ ଏମ୍ ନାଗେନ୍ତେ କା ମେନ୍ଦ ତାରାଉଡ଼ି ଏମ୍ ନାଗେନ୍ତେ ହିଜୁଆକାନାଇଜ୍ । ୩୫ ଚିୟାଃଟି ଆଇଜ୍ ହନୁକଡ଼ା ବିରୁଧରେ ଆପୁ, ଆତଃ ହନୁକଡ଼ି ବିରୁଧରେ ଏଜା, କିମିନ୍ ବିରୁଧରେ ହାନାରତେକେ ବିନ୍‌ଗାଅ ନାଜ୍ ହିଜୁଆକାନାଇଜ୍ । ୩୬ ଆତଃ ଅଡ଼ାଃରେନ୍‌କଗି ଅଡ଼ାଃରେନ୍‌କଆଃ ବାଇରିକ ବାୟଆଃ ।

୩୭ “ଜେତାଏ ଆୟାଃ ଏଜା ଚାଏ ଆପୁତେକେ ଆଇଜ୍‌ଏତେ ଆଦକା ଦୁଲ୍‌ଲାଡ଼ରେଦ, ଜନିଃ ଆଇଁୟାଃ ଚେଲା ବାଇୟାଃ ଲେକାନିଃ ନାହାଁଲିଃ, ଆତଃ ଜେତାଏ ଲେକା ଆୟାଃ ହନ୍ତେକଡ଼ା ଚାଏ ହନ୍ତେକଡ଼ିକେ ଆଇଜ୍‌ଏତେ ଆଦକା ଦୁଲ୍‌ଲାଡ଼ରେଦ, ଜନିଃ ଆଇଁୟାଃ ଚେଲା ବାଇୟାଃ ଲେକାନିଃ ନାହାଁଲିଃ । ୩୮ *ଜେତାଏ ଆୟାଃ କୁଗି ଗଅଃକେଦ୍‌ତେ ଆଇଜ୍‌କେ କାଏ ଅତଜ୍‌ଇଜ୍‌ରେଦ, ଜନିଃ ଆଇଁୟାଃ ଚେଲା

* ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭. * ୧୦:୨୨ ୧୦:୨୨ ମାଧୁର ୨୪:୯; ମାର୍କ ୧୩:୧୩; ଲୁକ ୨୧:୧୭ମାଧୁର ୨୪:୧୩; ମାର୍କ ୧୩:୧୩. * ୧୦:୨୪ ୧୦:୨୪ ଲୁକ ୬:୪୦ମେୟାହାନ୍ ୧୩:୧୨; ୧୫:୨୦. * ୧୦:୨୫ ୧୦:୨୫ ମାଧୁର ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. * ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭. * ୧୦:୩୩ ୧୦:୩୩ ୨ ଚିମଥ ୨:୧୨. * ୧୦:୩୩ ୧୦:୩୪ ଖାଣ୍ଡୁ * ୧୦:୩୮ ୧୦:୩୮ ମାଧୁର ୧୭:୨୪; ମାର୍କ ୮:୩୫; ଲୁକ ୯:୨୩.

ବାଇୟାଃ ଲେକାନନିଃ ନାହାଁଲିଃ । ୩୯* ଜେତାଏ ଆୟାଃ ଜୀଉ ନାମେନିଃ, ଏନାଏ ଆପେୟା ଆତଃ ଜେତାଏ ଆଇୟାଃ ନାଗେନ୍ତେ ଆୟାଃ ଜୀଉ ଆପେନିଃ, ଏନାଏ ନାମେୟା ।

ନାଲା ନାମେନିଃ
(ମାର୍କ ୯:୪୧)

୪୦* ଜେତାଏ ଆପେକେ ସୁକୁଆପେନିଃ, ଆଇଙ୍ଗକେ ସୁକୁଆୟାଏ, ଆତଃ ଆଇଙ୍ଗକେ ସୁକୁଆଇଙ୍ଗନିଃ, ଆଇଙ୍ଗକେ କୁଲ୍ଲିନିଃକେ ସୁକୁଆଇୟାଏ । ୪୧* ଜେତାଏ, ନାବୀ ତାନିଃ ମେନ୍ତେ ପାର୍ମେଶ୍ୱାରଆଃ କୁନୁଲ୍ଲିନିଃ ଲେକା ଦାରମିନିଃ ନାବୀଆଃ ନାଲାଏ ନାମେୟା ଆତଃ ଜେତାଏ, ଇନିଃ ଧାର୍ମାନ ହଡ଼ ତାନିଃ ମେନ୍ତେ ଧାର୍ମାନ ହଡ଼ ଲେକାଏ ସୁକୁଆଇନିଃ ଧାର୍ମାନ ହଡ଼ଆଃ ନାଲାଏ ନାମେୟା । ୪୨* ଆତଃ ଜେତାଏ, ନେ ହୁପ୍ତଞ୍ଜକଏତେ ମିହୁଡ଼କେ ଇନିଃ ଆଇୟାଃ ଚେଲା ତାନିଃ ମେନ୍ତେ ମିଦ୍ ଗିଲାୟ ରେହାଡ଼୍ ଦାଆଃ ହୁଏ ନାଗେନ୍ତେ ଏମାଇରେଦ୍, ଆଇଙ୍ଗ ଆପେକେ ସାର୍ତ୍ତିଗି କାଜିପେତାନାଇଙ୍ଗ, ଇନିଃ ଆଇୟାଃ ଚେଲାତାନିଃ ମେନ୍ତେ ଆୟାଃ ନାଲା ନାମେଗିୟାଏ ।”

୧୧

ୟାଶୁ ଆତଃ ବାପ୍ତିସ୍ମା ଏମଃନିଃ ଯୋହାନ
(ଲୁକ ୭:୧୮-୩୫)

୧ ଯାଶୁ ଆୟାଃ ଗେଲ୍ଲବାରୁ ଚେଲ୍ଲକକେ ଆରୁ ଚାବାକେଦକଟି, ଇନିଃ ଏନ୍ନାଃ ବାଗିକେଦତେ ହେପାଦ୍‌ରାଃ ସାହାରୁତେ ହଡ଼କକେ ଇଚ୍ଚୁକ ନାଙ୍ଗ ଆତଃ ପ୍ରାଚାରୁ ନାଗେନ୍ତେ ସେନଃୟାନାଏ ।

୨ ଏନ୍ତେ ବାପ୍ତିସ୍ମା ଏମଃନିଃ ଯୋହାନ ଜେହେଲ୍ଲରେ ତାଇକେନ୍ ଇମତା ଶ୍ରୀଷ୍ଟିଆଃ କାମିକ ଆୟୁମକେଦତେ, ଆୟାଃ ବାନ୍‌ହଡ଼୍ ଚେଲ୍ଲକିନକେ ଇନିଃତାଃ କୁଲି ନାଗେନ୍ତେ କୁଲ୍ଲକେଦକିନାଏ । ୩ ଇନକିନ୍ ଯାଶୁକେ କୁଲିକିୟାକିନ୍, “ଅକନ୍ ହଡ଼ ହିଲୁଃଆଏ ମେନ୍ତେ ଯୋହାନ କାଜିକାଦ୍ ତାଇକେନାଏ, ଇନିଃ ଆମ୍ବି ତାନମେ ତି ଏଗଃନିଃଲେ ନେଲ୍ଲହରାଇୟା ?”

୪ ଯାଶୁ ଇନକିନକେ ମେତାଦକିନା, “ଆବେନ୍ ରୁହାଡ଼କେଦତେ ଅକ୍‌ନାଃବେନ୍ ନେଲ୍ଲକାଦା ଆତଃ ଆୟୁମକାଦା ଏନାକ ଯୋହାନକେ ଉଦୁବାଇବେନ୍ । ୫ କା ନେଲ୍ଲଦାଡ଼ିତାନକ ନେଲେତାନା, କାଟା ଲେଙ୍ଗଡ଼ାକାନକ ସେସେନ୍‌ତାନା, ନାଗେଘାଅକାନକ ବୁଗି ନିଆଁରଃତାନା, ଭାଏଁରାକାନକ ଆୟୁମେତାନା, ଗଜାକାନକ ଜୀଉବିରିଦ୍ ରୁହାଡ଼ତାନା, ଆତଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଃତାନା । ୬ ଆତଃ ଆଇୟାଃ ବିଷାଏରେ ଅକନକଆଃ ଜେତାନ୍ ଆଡ଼ାଃଉଡ଼ୁ ବାନଃଆ, ଇନକୁ ସୁକୁତାନ୍‌ଗିୟା ।”

୭ ଯୋହାନଆଃ ଚେଲ୍ଲକ ସେନଃ ତାଇକେନ୍ ଇମତା ଯାଶୁ ଯୋହାନଆଃ ବିଷାଏରେ ପୁରାଃ ହଡ଼କକେ କାଜି ଏଟେଦକେଦଆଏ, “ଆପେ ଯୋହାନକେ ନେଲ୍ଲ ନାଗେନ୍ତେ ସେନକେନାପେ ଇମତା, ଚିକ୍‌ନାଃ ନେଲ୍ଲ ନାଗେନ୍ତେ ସେନକେନାପେ ? ତିନାଃ ହୟତେ ଏକ୍‌ଲ୍ଲାଅଃତାନ୍ ବିର୍‌ଗି ତାସାଦକେ ?

୮ ଏନା କାହାରେଦ ଚିକ୍‌ନାଃ ନେନେଲ୍ଲତେପେ ଅତଙ୍ଗକାନ୍ ତାଇକେନା । ତିନାଃ ଗନଙ୍ଗଆନ୍ ଲିଜାଃ ତୁସିଙ୍ଗଆଁକାନ୍ ହଡ଼କେ ? ଗନଙ୍ଗଆନ୍ ଲିଜାଃ ତୁସିଙ୍ଗଆଁକାନ୍ ହଡ଼କ ରାଜାକଆଃ ଅଡ଼ାଃକରେକ ତାଇନାଃ । ୯ କାଜିଙ୍ଗପେ, ଏନା କାହାରେଦ, ଚିକ୍‌ନାଃ ନେନେଲ୍ଲତେପେ ଅତଙ୍ଗଲେନା ? ତିନାଃ ମିଆଁଦ୍ ନାବୀକେ ? ଆଇଙ୍ଗ ଆପେକେ ସାର୍ତ୍ତିଗି ମେତାପେ ତାନାଇଙ୍ଗ, ନାବାଏତେ ମାରାଙ୍ଗନିଃକେପେ ନେଲିୟା ।

୧୦ ଚିୟାଃତି ଯୋହାନଆଃ ନାଗେନ୍ତେ ଧାରାମ୍ପପୁଅରେ ନେଆଁ ଅଲ୍ଲକାନା, ‘ପାର୍ମେଶ୍ୱାର କାଜିକେଦାଏ, ଆଲେ ଆମାଃଏତେ ସିଦାରେ ଆଲେୟାଃ ହୁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୧୧ ଆଇଙ୍ଗ ଆପେକେ ସାର୍ତ୍ତିଗିଙ୍ଗ କାଜିୟାପେତାନା, କୁଡ଼ିକଏତେ ଜାନାମାକାନ୍ ସବେନକଆଃ ଭିତାରରେ ବାପ୍ତିସ୍ମା ଏମଃନିଃ ଯୋହାନଏତେ ମାରାଙ୍ଗ ଜେତାଏ ବାଙ୍ଗାଇୟା, ହଲେହିଁ ସିର୍ମା ରାଇଜରେନ୍ ହୁଡ଼ିଙ୍ଗନିଃ ଯୋହାନଏତେ ମାରାଙ୍ଗଆଏ । ୧୨* ଆତଃ ବାପ୍ତିସ୍ମା ଏମଃନିଃ ଯୋହାନ ଆୟାଃ କାଜି ପ୍ରାଚାରୁକେଦ୍ ଦିପିଲିଏତେ ତିସିଙ୍ଗ ଜାକେଦ୍ ସିର୍ମା ରାଇଜରେ ପୁରାଃଗି ପେଡେୟାନ୍‌ତେ ଏଡ଼କାନ୍ ହଡ଼କ ଏନାକେ ଆକଡେୟାରେ ନାଗେନ୍ତେ ସାନାଙ୍ଗ ତାନାକ । ୧୩ ଯୋହାନଆଃ ଦିପିଲି ଜାକେଦ୍ ସବେନ୍ ନାବୀକ ଆତଃ ମୁଗାରାଃ ଆନ୍‌ଡୁ ସିର୍ମା ରାଇଜ ବିଷାଏରେ ଆୟାରୁକାଜିକ କାଜିକାଦା । ୧୪* ଆତଃ ଆପେ ଆପେୟାଃ ମନେଲେକା ଇନକୁଆଃ କାଜିପେ ବିଶ୍ୱାସେରେଦ୍, ଏନ୍ ହିଲୁଃତାଇକେନ୍ ଏଲିୟ ନିଃଗି ତାନିଃ । ୧୫ ଆୟୁମ ନାଗେନ୍ତେ ଲୁଚୁର୍ ମୋନାଃନିଃ ଆୟୁମେକାଏ ।

* ୧୦:୩୯ ୧୦:୩୯ ମାଧୁର ୧୭:୨୫; ମାର୍କ ୮:୩୫; ଲୁକ ୯:୨୫; ୧୭:୩୫; ଯୋହାନ ୧୨:୨୫. * ୧୦:୪୦ ୧୦:୪୦ ଲୁକ ୧୦:୧୭; ଯୋହାନ ୧୩:୨୦ମାର୍କ ୯:୩୭; ଲୁକ ୯:୪୮. * ୧୧:୧୨ ୧୧:୧୨ ଲୁକ ୧୭:୧୭. * ୧୧:୧୫ ୧୧:୧୫ ମାଧୁର ୧୭:୧୦-୧୩; ମାର୍କ ୯:୧୧-୧୩.

୧୭ “ଆଇଙ୍ଗ ନେ ଦିପିଲିରେନ୍ ହଡକକେ ଅକଏଲଃ ଜକାକଆଇଙ୍ଗ ? ଇନ୍କୁଦ ପିଟ୍ରେ ଦୁବାକାନ୍ ଆଡ଼ ଆକ ଆକରେ କେଡ଼ାଅଃତାନ୍ ହନ୍କ ଲେକାଃକ, ୧୭ ‘ଆଲେ ଆପେ ନାଗେନ୍ତେ ମୁର୍ଲିଲେ ସାଡ଼ିକେଦା, ମେନ୍ଦ ଆପେ କାପେ ସୁସୁନ୍କେଦାଃ, ଆଲେ ଦୁକୁତାନ୍ ଦୁରାଙ୍ଗଲେ ଦୁରାଙ୍ଗକେଦାଃ ମେନ୍ଦ ଆପେ କାପେ ରାଆଃ କେଦାଃ ।’ ନେ ଦିପିଲିରେନ୍ ହଡକ ଏନ୍ ଲେକାନ୍କ ତାନ୍କ । ୧୮ ବାପିସ୍ତା ଏମଃନିଃ ଯୋହାନ୍ କାଟାବ୍କେଦାଏ ଆଡ଼ ଦାଖରାସି କାଏ ନୁଁ କେଦାଃ, ଆଡ଼ ହଡକ ‘ଇନିଃକେ ବଙ୍ଗା ଏସେବ୍ରିକ୍ଯାଏ’ ମେନ୍ତେକ କାଜିକେଦା । ୧୯ ଚିମ୍ତା ମାନଖାନ୍ ହିଜୁଃକେଦତେ ଜମ୍ ନୁଁ କେଦାଏ, ଇମ୍ତା ହଡକ ଇନିଃକେ ‘ପେଟ୍ ଆଡ଼ ଦାଖରାସି ନୁଁ ହଡ, ମାଲହାବମ୍ବିଆଃ ଆଡ଼ ପାପିକଆଃ ଗାଡି ତାନିଃ’ କାଜିକିୟାକ । ମେନ୍ଦ ପାର୍ମେଶ୍ଵାର୍ ଆଃ ସେଣ୍ ଆୟାଃ କାମିତେ ଏନା ସାର୍ତ୍ତି ମେନ୍ତେ ଉଦୁବାକାନା ।”

**କା ବିଶ୍ଵାସତାନ୍ ସାହାରକ
(ଲୁକ ୧୦:୧୩-୧୫)**

୨୦ ଯୀଶୁ ଅକନ୍ ସାହାରରେନ୍ ହଡକତାଃରେ ଆୟାଃ ପୁରାଃ ଆକ୍ଦାନ୍ଦାଅ କାମିକ ରିକାକାଦ୍ ତାଇକେନାଏ, ଏନ୍ ସାହାରରେନ୍ ହଡକକେ ଇନିଃ ହିଲାଙ୍ଗକେଦକଆଏ, ଚିୟାଃତି ଇନ୍କୁ କାକ ହେୟାଡିଙ୍ଗକେଦା । ୨୧ “ଏ କରାଜିନ୍, ଆମାଃ ଚିମିନ୍ ପୁରାଃ ବରଖାନ୍ଦି ହବାଅଥା, ଏ ବେଥସାଇଦା, ଚିମିନ୍ ପୁରାଃ ବରଖାନ୍ଦି ହବାଅଥା, ଆବେନ୍ରେ ହବାୟାନ୍ ଆକ୍ଦାନ୍ଦାଅ କାମିକ ସୋର୍ ଆଡ଼ ସିଦୋନ୍ରେ ହବାକାନ୍ରେଦ, ଇଦୁ ଇନ୍କୁ ଚିଉଲାରେ ବସ୍ତା ତୁସିଙ୍ଗକେଦତେ ଆଡ଼ ତରେକ୍ ତେତାନ୍ରେ ଦୁବ୍କେଦତେ ମନ୍ରୁହାଡ୍ କେଦତେୟାଃକ । ୨୨ ଆଇଙ୍ଗ ସାର୍ତ୍ତିରିଙ୍ଗ କାଜିୟାପେତାନା, ବିଚାର୍ ହୁଲାଙ୍ଗରେ ପାର୍ମେଶ୍ଵାର୍ ଆପେତାଃଏତେ ସୋର୍ ଆଡ଼ ସିଦୋନ୍ରେନ୍ ହଡକକେ ପୁରାଃ ଲିବୁଇୟାକଆଏ । ୨୩ ଆଡ଼ ଏ କପର୍ନାହୁମ୍, ଚିୟାଃ ଆମ୍ ସିମା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ । ଚିୟାଃତି ଆମରେ ଅକନ୍ ଆକ୍ଦାନ୍ଦାଅ କାମିକ ରିକାୟାନା, ଏନା ସିଦୋମ୍ରେ କାମିୟାକାନ୍ତେୟାଃ ହଲେ ସୋଦମ୍ ତିସିଙ୍ଗ ଜାକେଦ୍ ତାଇନ୍କାନ୍ତେୟାଃ । ୨୪ *ମେନ୍ଦ ଆଇଙ୍ଗ ଆପେକେ ସାର୍ତ୍ତିରିଙ୍ଗ କାଜିପେତାନା, ବିଚାର୍ ହୁଲାଙ୍ଗରେ ପାର୍ମେଶ୍ଵାର୍ ଆପେତାଃଏତେ ସୋଦମ୍ ଦିଶ୍ଵାସରେନ୍ ହଡକକେ ପୁରାଃ ଲିବୁଇୟାକଆଏ ।”

**ଲାଗାକାନ୍କ ଯୀଶୁତାଃ ହିଜୁଃପେ ରୁଡ୍ନୁପେ ନାମେୟା
(ଲୁକ ୧୦:୨୧-୨୨)**

୨୫ ଏନ୍ ଦିପିଲିରେ ଯୀଶୁ ବିକ୍ରିକେଦତେ କାଜିକେଦାଏ, “ହେ ଆବା, ସିମା ଆଡ଼ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍ଡାନ୍କ ଆଡ଼ ଇଡୁଆନ୍କତାଃଏତେମ୍ ଦାନାଙ୍ଗ୍ଆଁ କାଦାଃ, ଆଡ଼ କା ଇଡୁଆକାନ୍କତାଃରେମ୍ ଉଦୁବାକାଦାଃ ମେନ୍ତେଇଙ୍ଗ ଧାନ୍ୟାବାଦ୍ ଏମାମ୍ତାନାଇଙ୍ଗ । ୨୬ ହେଗି, ହେ ଆବା, ନେୟାଗିଦ ଆମାଃ ବୁଗିନ୍ ସାନାଙ୍ଗ ।

୨୭ *ଆପୁଇଙ୍ଗ ସବେନାଃ ଏମାକାଦିୟାଏ, ଆପୁକେ ବାଗିକେଦତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆଡ଼ ହନ୍କେ ବାଗିକେଦତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ ଅକନ୍କକେ ଏନା ସାରି ନାଗେନ୍ତେ ହନ୍ ଆଇଃକ୍ରି ସାଲାକୁଆଏ, ଇନ୍କୁ ଏସକାର୍ ପାର୍ମେଶ୍ଵାର୍ ବିଷାଏରେ ସାରିୟାଃକ ।

୨୮ “ଏ ଲାଗାକାନ୍ ଆଡ଼ ବାହାବମ୍ବିତେ ତେନାକାନ୍ ହଡକ ଆଇଙ୍ଗତାଃତେ ହିଜୁଃପେ, ଆଇଙ୍ଗ ଆପେକେ ରୁଡ୍ନୁଇଙ୍ଗ୍ ଏମାପେୟା । ୨୯ ଆଇଁୟାଃ ଆଡ୍ନା ଗଅଃଏପେ ଆଡ଼ ଆଇଙ୍ଗଏତେ ଇଡୁନ୍ପେ, ଚିୟାଃତି ଆଇଙ୍ଗ୍ ମନ୍ରେ ଲେବେଃ ଆଡ଼ ନାରାମ୍ବିୟାଇଙ୍ଗ, ଆଡ଼ ଆପେ ରୁଡ୍ନୁପେ ନାମେୟା । ୩୦ ଆଇଁୟାଃ ଆଡ୍ନାଦ କେଚେଦ୍ ବାନଆଃ ଆଡ଼ ବାହାବମ୍ବି ତାଇୟାଃ କା ହାମ୍ବାଲାଃ ।”



**ରୁଡ୍ନୁ ହୁଲାଙ୍ଗ ବିଷାଏରେ କୁନୁଲି
(ମାର୍କ ୨:୨୩-୨୮; ଲୁକ ୬:୧-୫)**

୧ ଏନ୍ ଦିପିଲିରେ ଯୀଶୁ ରୁଡ୍ନୁ ହୁଲାଙ୍ଗରେ ହେରାକାନ୍ ପିଡ଼ି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ ଆୟାଃ ତେଲାକ ରେଙ୍ଗେଃତେ ଗେଲେ ଜାକେ ହଦ୍କେଦତେ ଜମ୍କେଦାକ ।

* ୧୧:୨୪ ୧୧:୨୫ ମାଧୁର ୧୦:୧୫; ଲୁକ ୧୦:୧୨. * ୧୧:୨୭ ୧୧:୨୭ ଯୋହାନ୍ ୩:୩୫; ଯୋହାନ୍ ୧:୧୮; ୧୦:୧୫.

୨ ଫେନ୍ଦଫ ଫୀରୁଣୀକ ଏନା ନେଲ୍ଲକେଦତେ, ଯୀଶୁକେ କାଜିକିୟାକ, “ନେଲେମେ, ରୁଡ଼ୁନୁ ହୁଲାଙ୍ଗରେ କା ଲାଗାତିଙ୍ଗ କାମି ଆମାଃ ତେଲାକ କାମିତାନା ।”

୩ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଦାଉଦ୍ ଆତଃ ଆୟାଃ ଗାତିକ ରେଙ୍ଗେଃୟାନ୍ ଇମ୍ଫତା ଚିନାଃଏ କାମିକେଦାଃ ଏନା କାପେତି ପାଢ଼ାଝା କାଦାଃ ? ୪ ଇନିଃ ପାର୍ଫେଶ୍ଵାର୍ ଆଃ ଅଡ଼ାଃତେ ବଲ୍ଲୟାନା, ଆତଃ ପାର୍ଫେଶ୍ଵାର୍ ଆଃ ନୁଡ଼ୁମ୍ଫରେ ଏମାକାନ୍ ହଲ୍ଲଙ୍ଗ, ଅକ୍ନାଃକେତି ଆଇନ୍ ଲେକାତେ ଯାଜାକ୍ ଏସକାର୍ ଜମ୍ଫ ଦାଢ଼ିୟାଏ ଫେନଃତାନା, ଏନାକେ ଆଉକେଦତେ ଜମ୍ଫକେଦାଏ ଆତଃ ଆୟାଃଲଃ ତାଇକାନ୍କକେୟ ଜମ୍ଫନାଙ୍ଗ୍ ଏମାଦକଆଏ । ୫ ଚାଏ ରୁଡ଼ୁନୁ ହୁଲାଙ୍ଗରେ ଯାଜାକ୍ ମାନ୍ଦିର୍ ଅଡ଼ାଃରେ ରୁଡ଼ୁନୁ ହୁଲାଙ୍ଗକେ ସଦ୍‌ଚାଏ ରେୟ କାକ ଚିଗାଅଃଆ, ନେଆଁ ଚିନାଃ ମୁଗାରାଃ ଆନ୍‌ତୁରେ ଆପେ କାପେ ପାଢ଼ାଅକାଦା ? ୬ ଆଇଙ୍ଗ୍ ଆପେକେ ମେତାପେ ତାନାଇଙ୍ଗ୍, ଦାନ୍ଦିର୍ ଅଡ଼ାଃଏତେ ମାରାଙ୍ଗ୍ ନେତାଃରେ ଫେନାଇୟା । ୭ ଧାରାମ୍ପୁଅରେ ଅଲ୍ଲାନା, ‘ଆଇଙ୍ଗ୍ ମାର୍ଦ୍ଦୋରାକ୍ କାହାରି ଫେନ୍ଦଫ ଲିବୁଇଙ୍ଗ୍ ସୁକୁତାନା,’ ନେଆଁରାଃ ମୁଣ୍ଡିପେ ଆବ୍‌କାର୍‌ଉମ୍ଫକାରେଦ, ନେ ବେଗାର୍ ଗୁହ୍ନାନ୍‌କକେ କାପେ ଚିଟାକାକତେୟାଃ । ୮ ଚିୟାଃତି ମାନଝାହନ୍ ରୁଡ଼ୁନୁ ହୁଲାଙ୍ଗ୍‌ରେନ୍ ଗମ୍ଫକେ ତାନିଃ ।”

ୟୀଶୁ ରହଡ଼ିଃଇ ହଡ଼କେ ବୁଗି ତାନାଏ
(ମାର୍କ ୩:୧-୬; ଲୁକ ୬:୬-୧୧)

୯ ଯୀଶୁ ଏନ୍ ଠାୟାଦ୍ ବାଗିକେଦତେ ସାମାଜ୍ ଅଡ଼ାଃତେ ବଲ୍ଲୟାନା । ୧୦ ଆତଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ଏନ୍ତେ ଚିମିନ୍ ହଡ଼କ ଯୀଶୁକେ ଚିଟାଇ ନାଗେନ୍ତେ କୁଲିକିୟାକ, “ରୁଡ଼ୁନୁ ହୁଲାଙ୍ଗ୍‌ରେ ବୁଗିତେୟାଃ ଆଇନ୍ ଲେକାତେ ଠାଉକାନ୍‌ଗିୟାତି ?”

୧୧ ଧୀଶୁ ଇନ୍କୁକେ କାଜିରୁହାଡ଼ାଦକଆ, “ଆପେକଏତେ ଜେତାଏୟାଃ ମିଣ୍ଡି, ରୁଡ଼ୁନୁ ହୁଲାଙ୍ଗ୍ ଗାତାରେ ଉୟୁଃକେନଃରେ, ଚିୟାଃ ଆପେ ଇନିଃକେ ସାବ୍‌କିତେ କାପେ ଅତଙ୍ଗ୍‌ଇୟା ? ୧୨ ଆତଃ ମିଣ୍ଡିଏତେ ହଡ଼ ପୁରାଃଗି ଗନଙ୍ଗ୍‌ଆଁଏ । ଏନା ନାଗେନ୍ତେ ରୁଡ଼ୁନୁ ହୁଲାଙ୍ଗ୍‌ରେ ବୁଗିନାଃ କାମିତେୟାଃ ଆଇନ୍‌ଲେକାତେ ଏଗାଃନିଃକେ ଦେଙ୍ଗାତେୟାଃ ଠାଉକାନ୍‌ଗିୟା ।”

୧୩ ଏନ୍ତେ ଇନିଃ ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍‌ୟେମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍‌କେଦାଏ, ଆତଃ ଏଗାଃ ତିଃଇ ଲେକା ବୁଗିରୁହାଡ଼ୟାନା । ୧୪ ଫେନ୍ଦଫ ଫୀରୁଣୀକ ଅତଙ୍ଗ୍‌କେଦତେ ଯୀଶୁକେ ଚିଲ୍‌କାତେବୁ ଗଜିୟା ମେନ୍ତେକ ରଜୋଟକେଦା ।

ପ୍ରାଭୁଆଃ ସାଲ୍ଲକାନ୍ ଦାସି

୧୫ ଚିମ୍ଫତା ଯୀଶୁ ଆୟାଃ ବିରୁଧ୍‌ରେ ରଜୋଟତାନାକ ମେନ୍ତେ ଆୟୁମ୍ଫକେଦା ଇମ୍ଫତା ଇନିଃ ଏନ୍ତାଃଏତେ ଅତଙ୍ଗ୍‌ୟାନା ଆତଃ ଗାଦେଲ୍ ହଡ଼କ ଇନିଃକେ ଅତଙ୍ଗ୍‌କିୟାକ ଏନ୍ତେ ସବେନ୍ ଦୁକୁତାନ୍‌କକେ ବୁଗିକେଦକଆଏ । ୧୬ ଆତଃ ଆଇଁୟାଃ ବିଷାଏରେ ଏଗାଃକକେ ଆଲ୍‌ପେ କାଜିକିୟା ମେନ୍ତେ ଇନିଃ ଇନ୍କୁକେ ମାରାଙ୍ଗ୍‌ମତା କେଦକଆଏ । ୧୭ ପାର୍ଫେଶ୍ଵାର୍ ଯିଶାୟ ନାବାଆଃ ହରାତେ କାଜିକାଦ୍‌ତେୟାଃ ପୁରାଆଃ, ନାଗେନ୍ତେ ଇନିଃ ନେଆଁ କାମିକେଦାଏ,

୧୮ “ଆଇଁୟାଃ ଦାସି ନେତାଃରିୟା, ଅକଏକେତି ଆଇଙ୍ଗ୍ ସାଲ୍ଲକାଜାଇଙ୍ଗ୍,
ଇନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ଦୁଲାଡ଼୍‌ତାନା, ଇନିଃତାଃରେ ଆଇଁୟାଃ ପୁରାଃଗି ସୁକୁ,
ଆଇଙ୍ଗ୍ ଇନିଃରେ ଆଇଁୟାଃ ଆମ୍‌କେ କୁଲିୟାଇଙ୍ଗ୍,
ଆତଃ ଇନିଃ ସବେନ୍ ସାଆଁସାର୍ ହଡ଼କତାଃରେ ଆଇଁୟାଃ ବିଚାର୍ ଉଦୁବେୟାଏ ।

୧୯ ଇନିଃ କାଏ ଏପେରାଙ୍ଗ୍‌ଆଃ ଚାଏ କାଏ କିର୍‌ଲ୍ଲାଅୟା,
ଚାଏ ଆଲା ହରାରେ କାଏ ତିଙ୍ଗ୍‌ନା ଆତଃ ପୁରାଃତେ କାଏ କିର୍‌ଲ୍ଲାଅୟା ।

୨୦ ଇନିଃ କା ପେଡ଼େୟାନ୍‌କକେ ଲେବେଃ ମନ୍‌ଡେ ନେଲ୍‌କଆ,
ଆତଃ ନାରାଦୁରାକକେ ଲିବୁଇୟାକଆ ।
ଇନ୍‌କୁ ବିଚାର୍ ଆଉରି ନାମେ ଜାକେଦ୍ ଏନ୍ କାମି ନାଗେନ୍ତେ କାଏ ଅହରାଅଆଃ,
୨୧ ଆତଃ ଇନିୟାଃ ନୁଡ଼ୁମ୍ଫରେ ଦିଶ୍ଵମ୍‌ରେନ୍ ସବେନ୍ ହଡ଼କ ଆସ୍ରାଏୟା ।”

ୟୀଶୁ ଆତଃ ବାଲ୍‌ଜେବୁଲ୍
(ମାର୍କ ୩:୨୦-୩୦; ଲୁକ ୧୧:୧୪-୨୩)

* ୧୨:୬ ୧୨:୭ ମାଧୁର ୯:୧୩. * ୧୨:୧୧ ୧୨:୧୧ ଲୁକ ୧୪:୫.

୨୨ ଏଣେ ଚିମିନ୍ ହତୁକ ବଜା ଏସେରକାନ୍ ମିଆଁଦ୍ କା ନେଲ୍ ଦାଡ଼ିତାନ୍ ଆତଃ କା ବାଗାଁଣ ଦାଡ଼ିତାନ୍ ହତୁକେ ଯାଶୁତାଃତେକ ଆଉକିୟା, ଆତଃ ଇନିଃ ଏନ୍ ହତୁକେ ବୁଗିକିୟାଏ, ଏଣେ ଇନିଃ ବାଗାଁଣ୍ ଆତଃ ନେଲ୍ ଦାଡ଼ିକେଦାଏ । ୨୩ ନେଆଁ ନେଲ୍କେଦତେ ଗାଦେଲ୍ ହତୁକ ଆକ୍ଦାନ୍ଦାୟାମାନାକ ଆତଃ ମେନ୍କେଦା, “ଚିୟାଃ ନିଃ ଦାଉଦ୍ଆଃ ହନ୍ କା’ତି ତାନିଃ ?”

୨୪ *ମେନ୍ଦ୍ ଦଫାରୁଶୀକ ନେଆଁ ଆୟୁମକେଦତେ କାଜିକେଦାକ, “ବଜାକଆଃ ଗମକେ ବାଲ୍ଲେବୁଲ୍ଲିଗି ନିଃକେ ବଜାକକେ ହାଉଅତଜ୍ଜା ନାଜ୍ ପେଡେଃ ଏମାଲତାନାଏ ।”

୨୫ ଯାଶୁ ଇନ୍କୁଆଃ ମନ୍ରେୟାଃ ଉଡ଼ୁ ଆବ୍ବକାବ୍ବକେଦତେ ଇନ୍କୁକେ ମେତାଦକଆ, “ଜେତା ରାଲ୍ଲ୍ ଆଇଃକ୍ତେଗି ବିନ୍ଗାଅକେଦତେ ଆକ ଆକଆଲ୍ଲାରେ ଲାପ୍ଡାଲ୍ରେଦ୍ ଏନ୍ ରାଲ୍ଲ୍ କା ତିଜ୍ଜାନାଃ । ଜେତା ସାହାଉ ଚାଏ ଅଡ଼ାଃରେ ବିନ୍ଗାଅ ହବାକେଦତେ ଆକ ଆକରେ ଲାପ୍ଡାଲ୍ରେଦ୍, ଇନ୍କୁ କାକ ତାଇନ୍ ଦାଡ଼ିୟା । ୨୬ ଏନ୍ଲେକାଗି ସାଏତାନ୍, ସାଏତାନ୍ଆଃ ରାଲ୍ଲ୍ ହିଗାଡ଼କେଦତେ ବିନ୍ଗାଅରେଦ୍ ଏନା କା ତିଜ୍ଜାନାଃ, ମେନ୍ଦ୍ ଛିତିବିତିକେଦତେ ବୁଶୁଡ଼ାଉଃଆ । ଏନ୍ରେଦ୍ ଚିଲ୍ଲକାତେ ଆୟାଃ ରାଲ୍ଲ୍ ତାଇନ୍ ଦାଡ଼ିୟାଆ ? ୨୭ ଆତଃ ଆଇଜ୍ ବାଲ୍ଲେବୁଲ୍ଲିଆଃ ପେଡେଃତେ ବଜାକଇଜ୍ ହାଉଅତଜ୍ଜକ୍ ତାନ୍ରେଦ୍, ଆପେୟାଃ ହତୁକ ଅକଏୟାଃ ହରାତେକ ହାଉ ଅତଜ୍ଜକତାନା ? ଏନା ନାଗେଣ୍ଟେ ଇନ୍କୁଗି ଆପେୟାଃ ବିଚାରୁନିଃକ ହବାଅଆଃ । ୨୮ ମେନ୍ଦ୍ ଆଇଜ୍ ପାର୍ମେଶ୍ୱାର୍ଆଃ ଆମାତେ ବଜାକଇଜ୍ ହାଉଅତଜ୍ଜକ୍ ତାନ୍ରେଦ୍ ଏନାତେ ଆବ୍ବକାରଃତାନା ପାର୍ମେଶ୍ୱାର୍ଆଃ ରାଲ୍ଲ୍ ଆପେୟାଃତେ ଡେବାର୍ଶକାନା ।

୨୯ “ପେଡେୟାନ୍ନିଃକେ ଆଉରି ତଲ୍ଲ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲ୍ଲକେଦତେ ଆୟାଃ ମେନାଃତେୟାଃ କାଏ ରେଃକ୍ଦାଡ଼ିୟା, ମେନ୍ଦ୍ ସିଦାତେ ଇନିଃକେ ତଲ୍ଲକେଦତେ ଆୟାଃ ମେନାଃତେୟାଃ ରେଃକ୍ଦାଡ଼ିୟାଏ ।

୩୦ *ଜେତାଏ ଆଇୟାଃଲଃ ବାଜାଈନିଃ, ଆଇୟାଃ ବିରୁଧ୍ରେ ମେନାଲ୍ଲୟା ଆତଃ ଜେତାଏ ଆଇୟାଃଲଃ କାଏ ହୁଶ୍ଟିନିଃ ଛିତିବିତିୟାଆଏ । ୩୧ ଏନା ନାଗେଣ୍ଟେ, ଆଇଜ୍ ଆପେକେ କାଜିପେତାନାଲ୍ଲ୍, ହତୁକଆଃ ସବେନ୍ ପାପ୍ ଆତଃ ଏଡ଼କାନ୍ କାଜିକ ଛାମାଃ, ମେନ୍ଦ୍ ପାବିତାର୍ ଆମାରାଃ ବିରୁଧ୍ରେ ନିୟା କାଜିକ କା ଛାମାଃ । ୩୨ *ଜେତାଏ ମାନଃହନ୍ଆଃ ବିରୁଧ୍ରେ କାଜିନିଃ ଛାମାଃ, ମେନ୍ଦ୍ ଜେତାଏ ପାବିତାର୍ ଆମାରାଃ ବିରୁଧ୍ରେ କାଜିନିଃକେ ନେ ପାରିୟା* ଚାଏ ହିଜ୍ଜତାନ୍ ପାରିୟାରେୟା କା ଛାମାଃ ।

ଦାରୁ ଆତଃ ଏନାରେୟାଃ ଜ
(ଲୁକ ୬:୪୩-୪୫)

୩୩ *ଆପେ ଦାରୁ ବୁଗିନାଃପେ ମେନେରେଦ୍ ଜ ବୁଗିନାଃପେ ମେନେୟା ଚାଏ ଦାରୁ ଏଡ଼କାନାଃପେ ମେନେରେଦ୍ ଜ ଏଡ଼କାନାଃପେ ମେନେୟା, ଚିୟାଃତି ଦାରୁଦ୍ ଆୟାଃ ଜ’ତେ ଆବ୍ବକାରୁରୁମଃଆ ।

୩୪ *ବିଜ୍ଜକ ଲେକା ଏଡ଼କାନ୍ ହତୁକ ତାନ୍ପେରେଦ୍ ଚିଲ୍ଲକାତେ ବୁଗିନ୍ତେୟାଃପେ କାଜିଦାଡ଼ିୟା ? ଚିୟାଃତି ମନ୍ରେ ଅକ୍ନାଃ ପେରେଜାକାନ୍ତେୟାଃ ମତାଏ କାଜିୟା । ୩୫ ବୁଗିନ୍ ହତୁ ଆୟାଃ ବୁଗିନ୍ ଭାଶ୍ଟ୍ୱାର୍ଆତଃଏତେ ବୁଗିନ୍ତେୟାଃ ଅତଜ୍ଜୟେଆଏ, ଏଡ଼କାନ୍ ହତୁ ଆୟାଃ ଏଡ଼କାନ୍ ଭାଶ୍ଟ୍ୱାର୍ଆତଃଏତେ ଏଡ଼କାନ୍ତେୟାଃ ଅତଜ୍ଜୟେଆଏ ।

୩୬ “ମେନ୍ଦ୍ ଆଇଜ୍ ଆପେକେ କାଜିପେତାନାଲ୍ଲ୍, ହତୁକ ଆକଆଃ ମିମିଆଦ୍ ସାମାକାଜିରେୟାଃ ହିସାଦ୍ ବିଚାର୍ ହୁଲ୍ଲାଜ୍ରେକ ଏମେୟା । ୩୭ ଆପେ ଆପେୟାଃ ଜାଗାବ୍ତେଗି ବିଚାରୁୟାନ୍ଲଃ ଗୁଞ୍ଜାକାଦାପେ ଚି କାପେ ଗୁଞ୍ଜାକାଦା, ଏନା ଉଦୁବଃଆପେ ।”

ଆଇନ୍ ଇତୁକ ଆତଃ ଦଫାରୁଶୀକ ଯାଶୁକେ ଚିହ୍ନିକ ଆସିତାନା
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ଏଣେ ଆଇନ୍ ଇତୁକ ଆତଃ ଦଫାରୁଶୀକଏତେ ଚିମିନ୍ ହତୁକ କାଜିକିୟାକ, “ହେ ଗୁରୁ, ଆଲେ ଆମାଃତାଃଏତେ ମିଆଁଦ୍ ଚିହ୍ନି ନେନେଲ୍ ସାନାଜ୍ତାନାଲେ ।”

୩୯ *ମେନ୍ଦ୍ ଯାଶୁ ଇନ୍କୁକେ କାଜିରୁହାଡ଼କେଦକଆଏ, “ଆପେ ନେ ପାରିୟାରେନ୍ ହତୁକ, ଚିମିନ୍ ଏଡ଼କାନ୍ ଆତଃ ପାର୍ମେଶ୍ୱାର୍କେ କା ବିଶ୍ୱାସ୍ତାନ୍କ ତାନ୍ପେ । ଆପେ ଆଇଜ୍କେ ମିଆଁଦ୍

* ୧୨:୨୪ ୧୨:୨୪ ମାଧୁର ୯:୩୪; ୧୦:୨୫. * ୧୨:୩୦ ୧୨:୩୦ ମାର୍କ ୯:୪୦. * ୧୨:୩୨ ୧୨:୩୨ ଲୁକ ୧୨:୧୦. * ୧୨:୩୨ ୧୨:୩୨ ଯୁଗ୍ * ୧୨:୩୩ ୧୨:୩୩ ମାଧୁର ୭:୨୦; ଲୁକ ୬:୪୫. * ୧୨:୩୪ ୧୨:୩୪ ମାଧୁର ୩:୭; ୨୩:୩୩; ଲୁକ ୩:୨ମାଧୁର ୧୫:୧୮; ଲୁକ ୬:୪୫. * ୧୨:୩୮ ୧୨:୩୮ ମାଧୁର ୧୭:୧; ମାର୍କ ୮:୧୧; ଲୁକ ୧୧:୧୭. * ୧୨:୩୯ ୧୨:୩୯ ମାଧୁର ୧୭:୪; ମାର୍କ ୮:୧୨.

ଚିହ୍ନାଂସେ ଆସିତାନା, ମେନ୍ଦୁ ଯୁନ୍ସ ନାବାଆଃ ଚିହ୍ନାଁ ବାଗିକେଦତେ ଆତଃ ଏଗଃ ଚିହ୍ନାଁ ଆପେକେ କା ଉଦୁବଃଆ । ^{୪୦} ଯୁନ୍ସ ନାବା ଆପି ମାହାଁ ନିଦାସିଜ୍ଞି ମାରାଜ୍ଞ ହାକୁଆଃ ଲାହିଦରେ ତାଇକେନାଏ, ଏନ୍ଲେକାଗି ମାନଝାହନ୍ ଆପି ମାହାଁ ନିଦାସିଜ୍ଞି ଅତେ ଭିତାରରେ ତାଇନାଏ । ^{୪୧} ନିନିବିରେ ଯୁନ୍ସ ନାବା ପ୍ରାଗାଚ୍ଚକେଦ୍ ଇମତା ପାତିୟାଚ୍ଚକେଦ୍ ହଡ଼କ ତିଜ୍ଞୁକେଦତେ ନେ ଦିପିଲିରେନ୍ ହଡ଼କଲଃ ପାରମେଶ୍ଵାର ବିଚାର ହୁଲାଜ୍ଞରେ ଇନ୍କୁକେକ ଚିଟାକଆ, ଚିୟାଃଚି ଇନ୍କୁ ଯୁନ୍ସ ପାରଚାଚ୍ଚକେଦ୍ ଇମତା ମନ୍ରୁହାଡ଼କେଦାକ, ଆତଃ ନାହାଁଃ ଆଇଜ୍ଞ କାଜିପେତାନାଇଜ୍ଞ, ଯୁନ୍ସଏଏତେ ମାରାଜ୍ଞନିଃ ନେତାଃରେ ମେନାଇୟା । ^{୪୨} ବିଚାର ହୁଲାଜ୍ଞରେ ଦାକ୍ଷିଣ୍ ଦିଶ୍ଵମରେନ୍ ରାନା ନେ ଦିପିଲିରେନ୍ ହଡ଼କଲଃ ତିଜ୍ଞୁନାଃ ଆତଃ ଇନ୍କୁକେ ଚିଟାକଆ, ଚିୟାଃଚି ଇନିଃ ସୁଲିମାନୁଆଃ ସେଣାଁନ୍ କାଜି ଆୟୁମ୍ ନାଗେନ୍ତେ ଆୟାଃ ଅତେଦିଶ୍ଵମରେୟାଃ ଚୁଣ୍ଡୁଏତେ ହିଜ୍ଞୁଃକାନ୍ ତାଇକେନା, ଆତଃ ନେଲେପେ, ସୁଲିମାନୁଏତେ ମାରାଜ୍ଞନିଃ ନେତାଃରେ ମେନାଇୟା ।

ଏଡ଼କାନ୍ ଆମ୍ବାରାଃ ହିଜ୍ଞୁଃଚୁହାଡ଼୍
(ଲୁକ ୧୧:୨୪-୨୬)

^{୪୩} “ସଡ଼ରା ଆମ୍ବା ମିହୁଡ଼ତାଃଏତେ ଅତଜ୍ଞୟାନ୍ରେ, ରହଡ଼୍ ପାୟାଦକରେ ହନରବାଡ଼ାକେଦତେ ରୁଡ଼ୁ ନାଗେନ୍ତେ ଦାଣାୟାଏ ଆତଃ କାଏ ନାମତାରେ, ^{୪୪} ଇନିଃ କାଜିୟାଏ, ‘ଆଇଜ୍ଞ ଅକନ୍ ଅଡ଼ାଃଏତେ ଅତଜ୍ଞକାନ୍ ତାଇକେନାଇଜ୍ଞ, ଏନ୍ ଅଡ଼ାଃତେଗି ସେନ୍ରୁହାଡ଼ାଇଜ୍ଞ,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଦାକାନ୍ ଆତଃ ସୁଗାଡ଼ାନ୍ଗି ନେଲେୟା । ^{୪୫} ଏନ୍ତେ ଇନିଃ ସେନ୍କେଦତେ ଆୟାଃତାଃଏତେ ଆଦକା ଏଡ଼କାନ୍ ସାଡ଼ୁ ଆମ୍ବାକକେ ମିଦତେ ଆଉକଆ, ଆତଃ ଇନ୍କୁ ଏନାରେକ ବଲଆ ଆତଃକ ତାଇନଃଆ । ଆତଃ ଏନ୍ ହଡ଼ରାଃ ଦାସା ପାହିଲଏତେ ଚୁଣ୍ଡୁ ଦାସା ପୁରାଃଗି ଏଡ଼କାନ୍ ହବାଅଆଃ । ନେ ଦିପିଲିରେନ୍ ଏଡ଼କାନ୍ ହଡ଼କଆଃଲଃ ନେ ଲେକା ହବାଅଆଃ ।”

ୟାଶୁଆଃ ଏଜା ଆତଃ ହାଗାକ
(ମାର୍କ ୩:୩୧-୩୫; ଲୁକ ୮:୧୯-୨୧)

^{୪୬} ଯାଶୁ ଗାଦେଲ୍ ହଡ଼କକେ କାଜିକତାନ୍ ତାଇକେନ୍ରେ, ଇନିୟାଃ ଏଜା ଆତଃ ହାଗାକ ଏନ୍ତାଃ ସେଚେଚ୍ଚକେଦତେ ବାହାରିରେ ତିଜ୍ଞୁୟାନାକ ଆତଃ ଆୟାଃଲଃ ଜାଗାର୍ ନାଗେନ୍ତେ ମିହୁଡ଼ତାଃରେ କାଜିକୁଲ୍କେଦାକ । ^{୪୭} ଏନ୍ତେ ମିହୁଡ଼୍ ଇନିଃକେ କାଜିକିୟାଏ, “ଆମାଃ ଏଜାମ୍, ଆତଃ ହାଗାମ୍ତେକ ବାହାରିରେ ତିଜ୍ଞୁକେଦତେ ଆମାଃଲଃ ଜାଗାର୍ ନାଗେନ୍ତେକ ସାନାଇଡ଼ାନା ।”^{୪୮}

^{୪୯} ମେନ୍ଦୁ ଯାଶୁ ଇନ୍କୁ କାଜିରୁହାଡ଼କେଦକଆଏ, “ଅକଏ ଆଇୟାଃ ଏଜାକଇଜ୍ଞ ? ଆତଃ ଅକନ୍କ ଆଇୟାଃ ହାଗାକଇଜ୍ଞକ ତାନ୍କ ?” ^{୫୦} ଏନ୍ତେ ଇନିଃ ଆୟାଃ ଚେଲାକକେ ଚୁଣ୍ଡୁକେଦତେ ମେତାଦକଆ, “ନେଲ୍କପେ, ନିକୁଦ, ଆଇୟାଃ ଏଜା ଆତଃ ହାଗାକତାନ୍କ । ^{୫୧} ଆଇୟାଃ ସିମାରେନ୍ ଆପୁଆଃ ମନେଲେକା କାମିନିଃଗି ଆଇୟାଃ ହାଗା, ମିଗି ଆତଃ ଏଜା ତାନ୍କ ।”

୧୩

ହିତାହେର୍ନିଆଃ ଜନ୍କା କାଜି
(ମାର୍କ ୪:୧-୯; ଲୁକ ୮:୪-୮)

^୧ ଏନ୍ ହୁଲାଜ୍ଞଗି ଯାଶୁ ଅଡ଼ାଃଏତେ ଅତଜ୍ଞକେଦତେ ଦରେୟା ଗେନାରେ ଦୁବୟାନାଏ, ଆତଃ ଇଡ଼୍ ଏଚେଦକେଦାଏ । ^୨ ଆତଃ ଗାଦେଲ୍ ହଡ଼କ ଇନିୟାଃ ହେପାଦରେକ ଜୁରୁହୁଣ୍ଡିୟାନ୍ତେ ଇନିଃ ମିଆଁଦ୍ ଲାଉକାରେ ଦୁବୟାନାଏ ଆତଃ ଗାଦେଲ୍ ହଡ଼କ ଦରେୟା ଗେନାରେ ତିଜ୍ଞୁୟାନା । ^୩ ଇନିଃ ଇନ୍କୁକେ ଜନ୍କା କାଜିତେ ପୁରାଃ କାଜି ଉଦୁବକେଦକଆ ।

“ମୁସିଜ୍ଞୁଲାଜ୍ଞ ମିଆଁଦ୍ ହିତାହେର୍ନିଃ ହିତା ହେର୍ ନାଗେନ୍ତେ ଅତଜ୍ଞୟାନା । ^୪ ଇନିଃ ହିତା ହେର୍ତାନ୍ ଇମତା, ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ଚେଣେକ ଆଡ଼ଗୁକେଦତେ ଏନାକ ହାଲାଜ୍ଞ ଜମକେଦା । ^୫ ଚିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଜ୍ଞଗି ତାଇକାନ୍ ହରାତେ ଅମାନ୍ ଧାବୟାନା । ^୬ ମେନ୍ଦୁ ସିଜ୍ଞିରାଃ ରାଁପ୍ତେ ଏନ୍ ଅମନ୍ତେୟାଃକ ସବେନ୍ ରହଡ଼ଗସୟାନା, ଚିୟାଃଚି ଏନାଏତେ ଭିତାରତେ ପୁରାଃ କା ରେହେଦକାନ୍ ତାଇକେନା । ^୭ ଚିମିନ୍ ହିତା ଜାନୁମ୍ ଚୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ

† ୧୨:୪୭ 12:47 ନେ ବାଗାନ୍ ଚିମିନ୍ ମାରି ଅନଲ୍ରେ ବାନଆଃ * ୧୩:୭ ୧୩:୭ ଲୁକ ୫:୧-୩.

ୟାନା । ୮ ଫେନ୍ଦ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଆଦକା ଜ'ୟାନା, ଚିମିନ୍ ମିଦଶାଅଗୁନା, ଚିମିନ୍ ଷାଠେ, ଆତଃ ଚିମିନ୍ ତିରିଶଗୁନା, ଜ'ୟାନା । ୮

୯ ଆତଃ ଯୀଶୁ ଫେନ୍ଦକେଦାଏ, “ଆୟୁମ୍ ନାଗେନ୍ତେ ଲୁତୁର୍ ଫେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ ଜନ୍ମକା କାଜି କାଜିକେଦାଏ

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏନ୍ତେ ଚେଲାକ ଯୀଶୁତାଃ ହିଜୁଃକେଦ୍ତେ କୁଲିକିୟାକ, “ଚିକାନାଙ୍ଗ ହତ୍ତକେକେ ଜନ୍ମକା କାଜିତେମ୍ କାଜୁକତାନା ?”

୧୧ ଯୀଶୁ ଇନ୍କୁକେ କାଜିରୁହାଡ଼ାଦକଆ, “ଆପେଦ ସିମ୍ବା ରାଇଜ୍ରେୟାଃ ଉକୁଆକାନ୍ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍ଟି ଏମାକାନା, ଫେନ୍ଦ ବାହାରିରେନ୍ ଏଟାଃକକେ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍ଟି କା ଏମାକାନା । ୧୨ *ଜେତାଏତାଃରେ ଫେନାଃନିଃକେ ଏମଃଆ, ଆତଃ ଇନିୟାଃ ପୁରାଃଗି ହବାଅଥାଃ, ଫେନ୍ଦ ଜେତାଏତାଃରେ ବାନଃଆ, ଇନିଃତାଃଏତେ ଅକନାଃ ଫେନାଃ ଏନାହଗି ଇଦିୟଃଆ । ୧୩ ଇନ୍କୁକେ ଆଇଙ୍ଗ ଜନ୍ମକା କାଜିତେ ଇତୁକ ତାନାଇଙ୍ଗ, ଚିୟାଃଗି ଇନ୍କୁ ନେଲ୍ଦକ ନେଲେୟା ଫେନ୍ଦ କାକ ନେଲେୟା, ଆୟୁମ୍ଦକ ଆୟୁମେୟା ଫେନ୍ଦ କାକ ଆବ୍‌କାର୍‌ଉରୁମେୟା । ୧୪ ଇନ୍କୁରେ ଯିଶାୟ ନାବାଆଃ ଆୟାରକାଜି ପୁରାଆଃତାନା,

“ନେ ହତ୍ତକ ଆୟୁମ୍ଦକ ଆୟୁମେୟା ଫେନ୍ଦ କାକ ଆବ୍‌କାର୍‌ଉରୁମେୟା;

ଆତଃ ନେଲ୍ଦକ ନେଲେୟା ଫେନ୍ଦ କାକ ନେଲ୍‌ଉରୁମେୟା,

୧୫ ଚିୟାଃଗି ନେ ହତ୍ତକଆଃ ମନ୍ କେଟେଦ୍‌ଉତାର୍‌ୟାନା, ଇନ୍କୁଆଃ ଲୁତୁର୍ ଫେନାଃରେୟ କାକ ଆୟୁମେୟା ଆତଃ ଇନ୍କୁଆଃ ଫେଦ୍ ଫେନାଃରେୟ କାକ ନେଲେୟା ।

କା'ରେଦ, ଇନ୍କୁ ଆକଆଃ ଫେଦ୍‌ତେକ ନେଲେତେୟାଃ,

ଆତଃ ଆକଆଃ ଲୁତୁର୍‌ତେକ ଆୟୁମେତେୟାଃ,

ଆତଃ ଆକଆଃ ମନ୍‌ତେକ ଆବ୍‌କାର୍‌ଉରୁମେତେୟାଃ,

ଆତଃ ଇନ୍କୁ ଆଇଁୟାଃତାଃରେ ରୁହାଡ଼ତେୟାଃକ,

ଏନ୍ତେ ଆଇଙ୍ଗ ଇନ୍କୁକେଇଙ୍ଗ ବୁଗିକତେୟାଃ । ୮”

୧୬ *ଫେନ୍ଦ ଆପେ ଚିମିନ୍ ସୁକୁତାନିୟାଃପେ, ଚିୟାଃଗି ଆପେ ନେଲ୍ ଦାଡ଼ିତାନାପେ, ଆତଃ ଆୟୁମ୍ ଦାଡ଼ିତାନାପେ । ୧୭ ଆଇଙ୍ଗ୍‌ଦ ସାର୍‌ତିଗିଙ୍ଗ କାଜିୟାପେତାନା, ଆପେ ନେଲ୍‌ତାନେତେୟାଃ ପୁରାଃ ନାବୀକ ଆତଃ ଧାର୍‌ମାନ୍ ହତ୍ତକ ନେନେଲ୍ ସାନାଙ୍ଗକେଦକଆ ଫେନ୍ଦ କାକ ନେଲ୍‌କେଦା ଆତଃ ଆପେ ଆୟୁମକେଦ୍‌ତେୟାଃ ଇନ୍କୁକେ ଆୟୁମ୍ ସାନାଙ୍ଗକେଦକଆ ଫେନ୍ଦ କାକ ଆୟୁମକେଦା ।

ୟୀଶୁ ହିତାହେର୍‌ନିଆଃ ଜନ୍ମକାରାଃ ମୁଣ୍ଡି ଉଦୁବକେଦା

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆପେ ନାହିଁଃ ହିତାହେର୍‌ନିଆଃ ଜନ୍ମକା କାଜିରେୟାଃ ମୁଣ୍ଡି ଆୟୁମେପେ । ୧୯ ଜେତାଏ ହତ୍ତ ସିମ୍ବା ରାଇଜ୍ରେୟାଃ କାଜି ଆୟୁମକେଦ୍‌ତେ ଏନା କାଏ ଆବ୍‌କାର୍‌ଉରୁମେରେ, ଏନ୍ ଏଡ଼କାନିନିଃ ହିଜୁଃଆଏ ଆତଃ ଇନିୟାଃ ମନ୍‌ପୁରୁଦ୍‌ରେ ହେରାକାନ୍‌ତେୟାଃ ରେଃକ ଇଦିୟାଏ, ଇନିଃ ହରା ଗେନାରେ ହେରାକାନ୍ ହିତା ଲେକାନିନିଃ ତାନିଃ । ହରା ଗେନାରେ ଉୟୁଗାକାନ୍ ହିତାରାଃ ମୁଣ୍ଡି ନେଆଁ ତାନାଃ । ୨୦ ଜେତାଏ କାଜି ଆୟୁମାଃଏ ଆତଃ ରାସ୍‌କାତେ ତେଲାଦାବେଆ, ଇନିଃ ଦିରି ଅତେରେ ଉୟୁଗାକାନ୍ ହିତା ଲେକାନିନିଃ ତାନିଃ । ୨୧ ଫେନ୍ଦ ଇନିୟାଃ ମନ୍‌ରେ କାଏ ରେହେଦ୍‌ୟାନ୍‌ତେ ହୁଡ଼ଙ୍ଗ୍‌ ଦିପିଲିଗି ତାଇନାଏ ଆତଃ କାଜି ନାଗେନ୍ତେ ସାସାତି ଚାଏ ସିଗିଦ୍ ହିଜୁଃୟାନ୍‌ରେ ଇନିଃ ତହ୍‌ଦ୍‌ଦାବଃଆଏ । ୨୨ ଜେତାଏ କାଜି ଆୟୁମାଃଏ ଫେନ୍ଦ ସାଂସାର୍‌ରେୟାଃ ଉଡ଼ୁ ଆତଃ ପୁରାଃ ଫେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନିନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୨୩ ଆତଃ ଜେତାଏ କାଜି ଆୟୁମକେଦ୍‌ତେ ଆବ୍‌କାର୍‌ଉରୁମିନିଃ ବୁଗିନ୍ ଅତେରେ ଉୟୁଗାକାନ୍ ହିତା ଲେକାନିନିଃ ତାନିଃ, ଇନିଃ ବୁଗିନ୍ ସାର୍‌ତିଗି ଜଅଃଆ ଆତଃ ମିଦଶାଏ ଗୁଣ୍ଡ ଆଦକା, ଷାଠେ ଗୁଣ୍ଡ ଆତଃ ତିରିଶ ଗୁଣ୍ଡ ଜଅଃଆ ।”

ଚୁଲିତାସାଦ୍ ରେୟାଃ ଜନ୍ମକା କାଜି

* ୧୩:୧୨ ୧୩:୧୨ ମାଥୁର ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭. * ୧୩:୧୭ ୧୩:୧୭ ଲୁକ ୧୦:୨୩,୨୪.

୨୪ ଆତଃ ଇନିଃ ଏଗାଃ ଜନ୍‌କା କାଜି କାଜିୟାଦକଆଏ, “ସିର୍ମା ରାଈଜ୍ ନିଆଁଦ୍ ହଡ଼ ଲେକା ତାନାଃ, ଇନିଃ ଆୟାଃ ଅତେରେ ବୁଗିନ୍ ହିତାଏ ହେବ୍‌କେଦା । ୨୫ ମେନ୍‌ଦ୍ ହଡ଼କ ବୁଡ଼ୁଆକାନ୍ ତାଇକେନ୍ ଇମ୍‌ତା ଇନିୟାଃ ବାଈରି ହିଜୁଃକେଦ୍‌ତେ ଗହମ୍ ହେରାକାନ୍ ଅତେରେ ଚୁଲିତାସାଦ୍ ଜାଙ୍ଗ୍ ହେବ୍‌କେଦ୍‌ତେ ସେନଃୟାନା । ୨୬ ଗହମ୍ ଅମନ୍‌ୟାନା ଆତଃ ଗେଲେୟାନ୍‌ରେ ଚୁଲିତାସାଦ୍ ନେଲ୍‌ୟାନା । ୨୭ ଅଡ଼ାଃରେନ୍ ଗୁସିୟା ଦାସିକ ହିଜୁଃଲେକ୍ତେ କାଜିକିୟାକ, ‘ହେ ଗମ୍‌କେ, ତିୟାଃ ଆମ୍ ଆମାଃ ଅତେରେ ବୁଗିନ୍ ହିତା କାମ୍ ହେବ୍‌ଲେଦା, ଏନ୍ ଚୁଲିତାସାଦ୍ ଅକ୍‌ତାଃଏତେ ହିଜୁଆକାନା ?’ ୨୮ ଇନିଃ ଇନ୍‌କୁକେ ମେତାଦକଆ, ‘ମିଆଁଦ୍ ବାଈରି ନେଆଁ ରିକାକାଦାଏ ।’ ଏକ୍ତେ ଦାସିକ କୁଲିକିୟାକ, ‘ଆଲେ ସେନ୍‌କେଦ୍‌ତେ ଏନାକେଲେ ହେଡ଼େଦ୍ ହୁରାଙ୍ଗ୍‌ୟେଆ ମେକ୍ତେମ୍ ସାନାଙ୍ଗ୍‌ତାନାଟି ?’ ୨୯ ଇନିଃ ‘ବାନଃଗି’ ମେତାଦକଆଏ, ‘ତିୟାଃଗି ଚୁଲିତାସାଦ୍ ହେଡ଼େଦ୍‌ତାନ୍ ଇମ୍‌ତା ଗହମ୍‌ହଁ ଏନାଲଃ ହେଡ଼େଦ୍‌ମେସାଅଃଆ । ୩୦ ଇରୋଃ ଦିପିଲି ଜାକେଦ୍ ଗହମ୍ ଆତଃ ଚୁଲିତାସାଦ୍ ବାନ୍‌ନାଃକେ ମିଦ୍‌ତେ ହାଠାଈଟିପେ ଏକ୍ତେ ଆଈଜ୍ ଇରୋଃ ଦିପିଲିରେ ଇରୋଃକକେ କାଜିକଆଈଜ୍, ସିଦାତେ ଚୁଲିତାସାଦ୍ ହୁଣ୍ଡିପେ ଆତଃ ଉରୁବେ ନାଗେକ୍ତେ ବିଡ଼ା ତଲେପେ ଏକ୍ତେ ଗହମ୍‌କେ ଆଈୟାଃ ଭାଣ୍ଡା଼ ଅଡ଼ାଃରେ ଦହଏପେ ।”

ମାନିଜାଙ୍ଗ୍‌ରେଆଃ ଜନ୍‌କା କାଜି
(ମାର୍କ ୪:୩୦-୩୪; ଲୁକ ୧୩:୧୮-୨୧)

୩୧ ଯୀଶୁ ଆତଃମିଆଁଦ୍ ଜନ୍‌କା କାଜି ଇନ୍‌କୁକେ କାଜିୟାଦକଆ, “ସିର୍ମା ରାଈଜ୍ ନିଆଁଦ୍ ମାନିଜାଙ୍ଗ୍ ଲେକା ଏନା ଜେତା ହଡ଼ ଇଦିକେଦ୍‌ତେ ଆୟାଃ ଅତେରେ ହେବ୍‌କେଦା । ୩୨ ଏନାଦ୍ ସବେନ୍ ହିତାଏତେ ହୁଡ଼ିଙ୍ଗ୍‌ଆଁ ମେନ୍‌ଦ୍ ଏନା ହାଠାୟାନ୍‌ଟି ସବେନ୍ ଆଡ଼ାଃଏତେ ମାରାଙ୍ଗ୍‌ଅଃଆ ଏକ୍ତେ ବାଠୁ ହବାଅଃଆ, ଆତଃ ଏନାରେୟାଃ କତରେ ସିର୍ମାରେନ୍ ଡେଣ୍‌କି ଅକାୟା ।”

୩୩ ଯୀଶୁ ଆତଃମିଆଁଦ୍ ଜନ୍‌କା କାଜି ଇନ୍‌କୁକେ କାଜିୟାଦକଆ, “ସିର୍ମା ରାଈଜ୍ ନିଆଁଦ୍ ରାନ୍‌ ଲେକାଃ, ଏନାକେ ଜେତାଏ କୁଡ଼ି ଆଉକେଦ୍‌ତେ ଆପି କେଜି ମାଈଦାରେ ଏନା ଆଉରି ରାନ୍‌ଗାବାଅଃ ଜାକେଦ୍ ସିପୁଦ୍‌କେଦାଏ ।”

୩୪ ନେ ସବେନାଃ, ଯୀଶୁ ଜନ୍‌କା କାଜିତେ ଗାଦେଲ୍ ହଡ଼କକେ କାଜିୟାଦକଆ ଆତଃ ବେଗା଼ ଜନ୍‌କା କାଜିତେ ଇନିଃ ଇନ୍‌କୁକେ ଜେଡ଼ନାଃ କାଏ କାଜିୟାଦକଆ । ୩୫ ନାବୀଆଃ ନେ କାଜି ନେ ଲେକାତେ ପୁରାୟାନା,

“ଇନ୍‌କୁଲଃ ଜାଗା଼ ଇମ୍‌ତା ଆଈଜ୍ ଇନ୍‌କୁକେ ଜନ୍‌କା କାଜିତେ କାଜିକଆଈଜ୍;
ଅତେଦିଶୁମରେୟାଃ ମୁନ୍‌ରାଃ ସିଦାଏତେ ଉକୁଆକାନ୍ କାଜିକଈଜ୍ ଉଦୁବେୟା ।”

ୟୀଶୁ ଚୁଲିତାସାଦ୍‌ରେୟାଃ ଜନ୍‌କା କାଜିରେୟାଃ ମୁଣ୍ଡି

୩୬ ଏକ୍ତେ ଯୀଶୁ ଗାଦେଲ୍ ହଡ଼କକେ ବାଗିକେଦ୍‌ତେ ଅଡ଼ାଃତେ ସେନଃୟାନା ଆତଃ ଇନିୟାଃ ଚେଲାକ ଇନିଃତାଃତେ ହିଜୁଃକେଦ୍‌ତେ କାଜିକିୟାକ, “ଆମ୍ ଅତେରେୟାଃ ଚୁଲିତାସାଦ୍‌ରେୟାଃ ଜନ୍‌କା କାଜିରେୟାଃ ମୁଣ୍ଡି ଉଦୁବାଲେମେ ।”

୩୭ ଯୀଶୁ କାଜିରୁହାଡ଼ାଦକଆଏ, “ବୁଗିନ୍ ହିତା ହେବ୍‌ନିଃ ମାନଃହନ୍‌ ତାନିଃ । ୩୮ ନେ ପିଡ଼ି, ଅତେଦିଶୁମ୍ ତାନାଃ ଆତଃ ବୁଗିନ୍ ହିତା, ସିର୍ମା ରାଈଜ୍‌ରେନ୍ ହଡ଼କ ତାନ୍‌କ ଆତଃ ଚୁଲିତାସାଦ୍ ଜାଙ୍ଗ୍, ଏଡ଼କାନ୍ ଆମ୍‌ରାଃ ହଡ଼କ ତାନ୍‌କ । ୩୯ ଆତଃ ଏନା ହେବ୍‌କେଦ୍ ବାଈରି, ସାଏତାନ୍‌ ତାନିଃ, ଆତଃ ଇରୋଃ ଦିପିଲି ଅତେଦିଶୁମ୍‌ରେୟାଃ ଚୁଣ୍ଡାତାନାଃ ଆତଃ ଇରୋଃକ ସିର୍ମାରେନ୍ ଦୁଢ଼କ ତାନ୍‌କ । ୪୦ ଅତେଦିଶୁମ୍‌ରେୟାଃ ଚୁଣ୍ଡାତେ ଏନ୍ ଚୁଲିତାସାଦ୍‌କ ହୁଣ୍ଡିକେଦ୍‌ତେ ସେଜେଲ୍‌ରେ ଉରୁବଃ ଲେକାଅଃଆ । ୪୧ ମାନଃହନ୍‌ ଆୟାଃ ସିର୍ମାରେନ୍ ଦୁଢ଼କକେ କୁଲିକଆଏ ଆତଃ ଇନ୍‌କୁ ଇନିୟାଃ ରାଈଜ୍‌ରେ ସବେନ୍ ତହଦଃ ଲେକାନାଃ ତାଈନ୍‌ଡେୟାଃ ଆତଃ ଏଡ଼କାନାଃ କାମିତାନ୍‌କକେ ହୁଣ୍ଡିକଆ । ୪୨ ଇନ୍‌କୁ ସେଜେଲ୍ ହୁଞ୍ଜାଙ୍ଗ୍‌ରେକ ହାଁଣବଆଃ, ଏନ୍‌ଗାଃରେ ରାନାଆଃ ଆତଃ ତାଗା ହାଦ୍ ରିଡ଼ିଦଃଆ । ୪୩ ଏକ୍ତେ ଧା଼ମାନ୍‌ ହଡ଼କ ଆକଆଃ ସିର୍ମାରେନ୍ ଆପୁଆଃ ରାଈଜ୍‌ରେ ସିଜ୍‌ଲେକାକ ନେଲ୍‌ଆଃ । ଲୁଚୁର୍ ମେନାଃନିଃ ବୁଗିଲେକା ଆୟୁମେକାଏ ।

ଉକୁଆକାନ୍ ଖୁଜ୍‌ରାଃ ଜନ୍‌କା କାଜି

୪୪ “ସିର୍ମା ରାଈଜ୍ ଅତେରେ ତପାକାନ୍ ଖୁଜ୍‌ ଲେକାନାଃ ତାନାଃ, ମିଆଁଦ୍ ହଡ଼ ନାମ୍‌କେଦ୍‌ତେ ଆତଃମିସା ଅତେରେ ଉକୁକେଦାଏ ଏକ୍ତେ ସୁକୁଜୀଠତେ ସେନଃୟାନା ଆତଃ ଆୟାଃ ସବେନାଃ ଆଖିରିଙ୍ଗ୍‌କେଦ୍‌ତେ ଏନ୍ ଅତେକେ କିରିଙ୍ଗ୍‌କେଦା ।

୪୫ “ଆତ୍ମତ୍ୟାଗି ସିର୍ମା ରାଜଜ୍ଞ ବୁଗିନ୍ ବୁଗିନ୍ ମୋତି ଦାଣ୍ଡାତାନ୍ ମିଆଁଦ୍ କିରିଙ୍ଗ୍ ଆଖିରିଙ୍ଗ୍ତାନ୍ ହତ୍ତଲେକାଃ । ୪୬ ଆତ୍ମତ୍ୟାଗି ସିର୍ମାଦ୍ ପୁରାଃ ଗନଙ୍ଗ୍ଆନ୍ ମୋତି ନାମକେଦ୍ତେ ସେନଃୟାନାଏ ଆତ୍ମତ୍ୟାଗି ସାୟାଃ ସବେନାଃ ଆଖିରିଙ୍ଗ୍କେଦ୍ତେ ଏନାକେ କିରିଙ୍ଗ୍କେଦା ।

ଜାଲୋମ୍ପରାଃ ଜନକା କାଜି

୪୭ “ଆତ୍ମତ୍ୟାଗି ସିର୍ମା ରାଜଜ୍ଞ ମିଆଁଦ୍ ଜାଲୋମ୍ପ ଲେକାଃ, ଚିମିନ୍ ହାକୁସାଦ୍‌କ ଆକଥାଃ ଜାଲୋମ୍ପକେ ଦରେୟାରେ ହୁରାଙ୍ଗ୍କେଦାକ ଆତ୍ମତ୍ୟାଗି ଏନାରେ ସବେନ୍ ଲେକାନ୍ ହାକୁକ୍ ଜାଲୋମ୍ପୟାନା । ୪୮ ଏନା ପେରେୟାନ୍‌ଚି ହତ୍ତକ ଗେନାତେକ ଆଜଜ୍ ଅତଙ୍ଗ୍କେଦା ଆତ୍ମତ୍ୟାଗି ଦୁବ୍‌ୟାନ୍ତେ ବୁଗିନ୍ ହାକୁକ୍‌କେ ଚୁକ୍‌ରେକ ସାଲ୍ୟାକେଦ୍‌କଥା ମେନ୍‌ଦ୍ ଏଡ୍‌କାନ୍‌କକେ ଏଣ୍ଡାକେଦ୍‌କଥାକ । ୪୯ ଅତେଦିଶୁମ୍ପରେୟାଃ ଚୁଣ୍ଡୁରୁୟାଚି ନେକାଥଃଥା । ସିର୍ମାରେନ୍ ଦୁଁଡ୍‌କ ଅତଙ୍ଗ୍‌ଥଃଥା ଆତ୍ମତ୍ୟାଗି ଧାର୍‌ମାନ୍‌କଥାଃ ଆଲ୍ୟାଏତେ ଏଡ୍‌କାନ୍‌କକେ ଆତମକଥା । ୫୦ ଆତ୍ମତ୍ୟାଗି ଇନ୍‌କୁକେ ସେଙ୍ଗେଲ୍ ହୁଞ୍ଜାଙ୍ଗ୍‌ରେକ ହାଣ୍ଡାଦ୍‌କଥା, ଏନ୍ତାଃରେ ରାନାଥାଃ ଆତ୍ମତ୍ୟାଗି ତାଟା ରିଡ୍‌ଦଥା ।

ନାଞ୍ଜା ଆତ୍ମତ୍ୟାଗି ସାନାରୁତି

୫୧ “ୟାଶୁ ଇନ୍‌କୁକେ କୁଲିକେଦ୍‌କଥା, ଚିୟାଃ ଆପେ ନେ ସବେନାଃପେ ଆବ୍‌କାରୁରୁମ୍‌କେଦା ?” ଇନ୍‌କୁ କାଜିରୁହାଡ୍‌କିୟାକ,

“ହେଗି, ଆବ୍‌କାରୁରୁମ୍‌କେଦାଲେ ।”

୫୨ ଯାଶୁ କାଜିରୁହାଡ୍‌କଥାଏ, “ଏନା ନାଗେନ୍ତେ ସିର୍ମା ରାଜଜ୍ଞରେୟାଃ ତେଲ୍ୟାକାନ୍ ମିଆଁଦ୍ ଆଜଜ୍ ଇତ୍ତୁନିଃ, ମିଆଁଦ୍ ଅଡ଼ାଃ ଗମ୍‌କେ ଲେକାନ୍‌ନିଃ ତାନିଃ । ଇନିଃ ଆୟାଃ ଭାଣ୍ଡାବ୍‌ଅଡ଼ାଃଏତେ ନାଞ୍ଜା ଆତ୍ମତ୍ୟାଗି ଚିତ୍ତେୟାଃ ଅତଙ୍ଗ୍‌ୟେଥାଏ ।”

ୟାଶୁକେ ନାଜ୍‌ରେଡ୍‌ରେନ୍‌କ ହିଲ୍ୟାଙ୍ଗ୍‌କିୟା

(ମାର୍କ ୭:୧-୭; ଲୁକ ୪:୧୭-୩୦)

୫୩ ଯାଶୁ ନେ ଜନକା କାଜି ଚାବାକେଦ୍‌ଚି ଏନ୍ତାଃଏତେ ସେନଃୟାନା । ୫୪ ଆତ୍ମତ୍ୟାଗି ଆୟାଃ ଆପୁତେୟାଃ ସାହାରୁତେ ତେବାଃୟାନ୍‌ଚି ଇନ୍‌କୁଥାଃ ସାମାଜ୍ ଅଡ଼ାଃରେ ଇନ୍‌କୁକେ ଇତ୍ତୁକେଦ୍‌କଥା ଆତ୍ମତ୍ୟାଗି ଇନ୍‌କୁ ଆକ୍‌ଦାନ୍‌ଆୟାନ୍ତେ, “ଇନିଃ ଅକ୍‌ତାଃଏତେ ନେ ସେଣ୍ଡା ଆତ୍ମତ୍ୟାଗି ପେଡ୍‌ୟାନ୍ କାମିକରେୟାଃ ପେଡ୍‌ତେ ନାମାକାଦାଏ ?” ମେନ୍ତେକ କାଜିକେଦା । ୫୫ “ଚିୟାଃ ନିଃ ଏନ୍ ବାଡ୍‌ଇଥାଃ ହନ୍ କାଚି ତାନିଃ ? ଚିୟାଃ ଇନିୟାଃ ଏଙ୍ଗାଋଃ ନୁଡ୍‌ମ୍ ମାରିୟାମ୍ କାଚି ତାନିଃ ? ଯାକୁବ୍, ଯୋଷେଫ୍, ଶିମୋନ୍ ଆତ୍ମତ୍ୟାଗି ଯିହୁଦା ନେ ସବେନ୍‌କ ଆୟାଃ ହାଗାକ କାଚି ତାନକ ? ୫୬ ଆତ୍ମତ୍ୟାଗି ଇନିୟାଃ ମିଶିକ୍ ଆବୁଲ୍‌ସିଟି ବାଙ୍ଗ୍‌କଥା ? ନିଃ ଏନ୍ ସେଣ୍ଡା ଆତ୍ମତ୍ୟାଗି ପେଡ୍‌ତେ ଅକ୍‌ତାଃଏତେ ନାମାକାଦା ?” ମେନ୍ତେକ କାଜିକେଦା । ୫୭ ଏନାତେ ଇନ୍‌କୁ ଇନିଃକେ ହିଲ୍ୟାଙ୍ଗ୍‌କିୟାକ ।

ୟାଶୁ ଇନ୍‌କୁକେ ମୋତାଦ୍‌କଥା, “ନାବୀ ଆୟାଃ ଦିଶୁମ୍ ଆତ୍ମତ୍ୟାଗି ଅଡ଼ାଃ ବାଗିକେଦ୍‌ତେ ଏଗାଃ ସବେନ୍‌ତାଃରେ ମାଜ୍‌ନାଏ ନାମେୟା ।” ୫୮ ଚିୟାଃଚି ଇନ୍‌କୁ ଇନିଃକେ କାକ ବିଶ୍ୱାସ୍‌କିଃ ନାଗେନ୍ତେ ଇନିଃ ଏନ୍ତାଃରେ ପୁରାଃ ଆକ୍‌ଦାନ୍‌ଆ କାମିକ କାଏ କାମିକେଦା ।

୧୪

ବାପ୍ତିସ୍ମା ଏମିନିଃ ଯୋହାନ୍‌ଆଃ ଗନଏଃ

(ମାର୍କ ୭:୧୪-୨୯; ଲୁକ ୭:୭-୯)

୧ ଏନ୍ ଦିପିଲିରେ ହେରୋଦ୍ ଗାଲିଲ୍‌ରେନ୍ ଲାବ୍‌ସାହେବ୍ ତାଜକେନାଏ ଆତ୍ମତ୍ୟାଗି ଯାଶୁଆଃ ବିଷାଏରେ ଆୟୁମ୍‌କେଦା । ୨ ଆତ୍ମତ୍ୟାଗି ଇନିଃ ଆୟାଃ କାମିତାନ୍‌କକେ ମୋତାଦ୍‌କଥା, “ବାପ୍ତିସ୍ମା ଏମିନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ, ଏନା ମେନ୍ତେଗି ଆକ୍‌ଦାନ୍‌ଆ କାମିକ ଇନିୟାଃ ହରାତେ ହବାଅଃତାନା ।”

୩ ହେରୋଦ୍ ଆୟାଃ ହାଗାତେ ଫିଲିପ୍‌ଥାଃ କୁଡ୍ ହେରୋଦିୟା ନାଗେନ୍ତେ ଯୋହାନ୍‌କେ ସାବ୍‌କିତେ ତଲ୍‌କିୟାଏ ଆତ୍ମତ୍ୟାଗି ଜେହେଲ୍‌କାଜ ତାଜକେନାଏ । ୪ ଚିୟାଃଚି ଯୋହାନ୍ ହେରୋଦ୍‌କେ କାଜିକାଜ ତାଜକେନା, “ଆମ୍ ହେରୋଦିୟାକେ କୁଡ୍ ଲେକା ଦହକାଜ ତାଜକେନାମ୍ ଏନା ଆଜଜ୍ ଲେକାତେ କା ତାଜକାନ୍‌ତେୟାଃ ତାନାଃ ।” ୫ ଏନାତେ ଇନିଃ ଯୋହାନ୍‌କେ ଗଗଏଃ ସାନାଙ୍ଗ୍ ତାଜକେନାଏ, ମେନ୍‌ଦ୍

୫ ୧୩:୫୭ ୧୩:୫୭ ଯୋହାନ୍ ୪:୪୪. ୫ ୧୪:୩ ୧୪:୩ ଲୁକ ୩:୧୯,୨୦.

ଇନିଃ ଯିହୁଦୀ ହତୁକକେ ବରକେଦକଆ, ଚିୟାଃଚି ଇନକୁଦ ଯୋହାନକେ ମିଆଁଦ ନାବା ତାନିଃ ମେନ୍ତେକ ଆବକାରି ତାଇକେନା ।

^୭ ହେରୋଦ୍‌ଆଃ ଜାନାମ୍ ହୁଲାଇଁ ସେଟେରୟାନରେ, ହେରୋଦିୟାଃ ହନ୍ତେକୁଡ଼ି କେଡ଼ାକାନ ହତୁକଆଃ ଆଲାରେ ସୁସୁନ୍‌କେଦାଏ ଆଡ଼ଃ ହେରୋଦ୍ ପୁରାଃଚି ସୁକୁୟାନାଏ । ^୮ ଆଡ଼ଃ ହେରୋଦ୍ ଇନିଃକେ କିରିୟାତାନଲଃ କାଜିକିୟାଏ, “ଆମ୍ ଆସିଙ୍ଗ୍‌ତେୟାଃ ସବେନାଃଇଙ୍ଗ୍ ଏମାମେୟା ।”

^୯ ଆଡ଼ଃ ଇନିଃ, ଆୟାଃ ଏଙ୍ଗାତେ ଆତୁକାଇ ଲେକା ଆସିକିୟା, “ବାପ୍ତିସ୍ତା ଏମାନିଃ ଯୋହାନଆଃ ବହଃ ନେ ଆଡ଼ିରେ ଏମାଇଙ୍ଗ୍‌ମେ ।”

^{୧୦} ଏନ୍ତେ ରାଜା ହୁଡ଼ିଙ୍ଗ୍‌ଜାଉୟାନାଏ ମେନ୍‌ଦ ଇନିଃ ନେଆଁତାକାନକଆଃ ସାମନାଙ୍ଗ୍‌ରେ କିରିୟାକାଦ୍ ହରାତେ ଏମାଇପେ ମେନ୍ତେ ଆତୁକେଦକଆ । ^{୧୧} ଆଡ଼ଃ ଇନିଃ ଜେହେଲାଇକାନ ଯୋହାନଆଃ ବହଃ ମାଆଃ ଆଉ ନାଙ୍ଗ୍ ହତୁକକେ କୁଲ୍‌କେଦକଆ । ^{୧୨} ଆଡ଼ଃ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆଡ଼ଃ ହନ୍ତେକୁଡ଼ିକେକ ଏମକିୟା ଏନ୍ତେ ଇନିଃ ଆୟାଃ ଏଙ୍ଗାତେତାଃତେ ଇଦକେଦା । ^{୧୩} ଯୋହାନଆଃ ଚେଲାଇ ହିଜୁଃକେଦତେ ଆୟାଃ ହତ୍‌ମକେ ଇଦକେଦତେ ତପାକେଦାକ ଆଡ଼ଃ ସେନଃୟାନ୍ତେ ଯାଗୁକେକ ଉଦୁକିୟା ।

ୟାଗୁ ଗାଦେଲ୍ ହତୁକକେ ଜମେୟାଃ ଏମାଦକଆଏ
(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହାନ ୬:୧-୧୪)

^{୧୩} ଯାଗୁ ଯୋହାନଆଃ ବିଷାଏ ଆୟୁମକେଦତେ ଏନ୍ତାଃ ବାଗିକେଦତେ ଲାଉକାରେ ସିଃସଏଃ ଠାୟାଦତେ ଏସକାର୍‌ଚି ସେନଃୟାନା । ଗାଦେଲ୍ ହତୁକ ନେଆଁ ଆୟୁମକେଦତେ ଆକଆଃ ସାହାରକଏତେ ସେସେନ୍‌ତେଗି ଇନିଃକେ ଅତଙ୍ଗକିୟାକ । ^{୧୪} ଇନିଃ ଲାଉକାଏତେ ଅତଙ୍ଗୟାନଲଃ ପୁରାଃ ଗାଦେଲ୍ ହତୁକକେ ନେଲ୍‌କେଦକଆ ଆଡ଼ଃ ଆୟାଃ ମନ୍‌ସୁରୁଦ୍ ଲିବୁଇତେ ବିଲ୍‌କାଆୟାନା । ଇନିଃ ପୁରାଃ ହାସୁତାନକକେ ବୁଗିକେଦକଆଏ ।

^{୧୫} ଆଡ଼ଃ ସିଙ୍ଗି ହାସୁରଃତାନରେ, ଯାଗୁଆଃ ଚେଲାଇ ଆୟାଃତାଃ ହିଜୁଃକେଦତେ କାଜିକିୟାକ, “ନେ ଠାୟାଦ୍ ସିଃସଏଃଗିୟା ଆଡ଼ଃ ସିଙ୍ଗି ହାସୁରଃତାନା, ଏନାତେ ମାର୍ ଗାଦେଲ୍ ହତୁକକେ କୁଲ୍‌ତାକମେ, ଆଡ଼ଃ ଇନକୁ ହାତୁ ସେନକେଦତେ ଆକଆଃ ନାଙ୍ଗ୍ ଜମେୟାଃକ କିରିଙ୍ଗ୍‌ୟେକା ।”

^{୧୬} ଯାଗୁ ମେତାଦକଆଏ, “ଇନକୁ ଚିନାଃମେନ୍ତେକ ସେନଆଃ ? ଆପେଗି ଇନକୁକେ ଜମେୟାଃ ଏମାକପେ ।”

^{୧୭} ଇନକୁ ଇନିଃକେ କାଜିରୁହାଡ଼କିୟାକ, “ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ଏସକାର୍ ଆଲେତାଃରେ ମେନାକଆ ।”

^{୧୮} ଯାଗୁ ମେତାଦକଆଏ, “ଏନ୍ ସବେନାଃକେ ଆଇଙ୍ଗ୍‌ତାଃତେ ଆଉଝେପେ ।” ^{୧୯} ଇନିଃ ଗାଦେଲ୍ ହତୁକକେ ତାସାଦ୍ ଚେତାନରେ ଦୁଦକପେ ମେନ୍ତେ ଆତୁକେଦକଆ, ଆଡ଼ଃ ଏନ୍ ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ସାବକେଦତେ ସିମାସାଃ ସାଜିଲ୍‌ରାକାବତାନଲଃ ଆଗିଷ୍ଟକେଦାଏ ଆଡ଼ଃ ହଲଙ୍ଗ୍ କେତାଃକେଦତେ ଚେଲାଇକେ ଏମାଦକଆଏ, ଆଡ଼ଃ ଚେଲାଇ ଗାଦେଲ୍ ହତୁକକେ ହାଚିଙ୍ଗ୍‌ଆଁଦକଆକ । ^{୨୦} ସବେନ୍‌କ ଜମକେଦତେ ବିୟାନାକ ଆଡ଼ଃ ଚେଲାଇ ସାରେୟାକାନତେୟାଃ ବାରା ଟୁଲ୍‌କ ହୁଣ୍ଡିକେଦା । ^{୨୧} ଜମକେଦ୍ ହତୁକ, କୁଡ଼ିକ ଆଡ଼ଃ ହନକକେ ବାଗିକେଦତେ ପାଞ୍ଚ ହାଜାର୍ କଡ଼ାକ ଏସକାର୍ ତାଇକେନାକ ।

ୟାଗୁ ଦାଆଃ ଚେତାନରେ ସେସେନ୍‌କେନାଏ
(ମାର୍କ ୬:୪୫-୫୨; ଯୋହାନ ୬:୧୫-୨୧)

^{୨୨} ଇମତାଗି ଯାଗୁ ଚେଲାଇକେ ଆତୁକେଦକଆ, ଲାଉକାରେ ଦେଏଃପେ ଆଡ଼ଃ ହାନ୍ ପାରମ୍‌ତେ ସେନ୍ ଆୟାଃତେ, ଇମତାଲଃ ଇନିଃ ଗାଦେଲ୍ ହତୁକକେ ବିଦାକେଦକଆ । ^{୨୩} ଏନ୍ତେ ଇନିଃ ଗାଦେଲ୍ ହତୁକକେ ବିଦାକେଦତେ, ଆଇଃକ୍ରି ବିକ୍ରି ନାଗେନ୍ତେ ବୁରୁତେ ରାକାବୟାନା ଆଡ଼ଃ ସିଙ୍ଗିହାସୁତାନରେ ଇନିଃ ଏସକାର୍‌ଚି ଏନ୍ତାଃରେ ତାଇନୟାନାଏ । ^{୨୪} ଆଡ଼ଃ ଏନ୍ ଦିପିଲିରେ ଲାଉକା ଦରେୟା ଖାଉଁଣ୍‌ଏତେ ପୁରାଃ ସାଜିନରେ ଆଲ୍‌ପୁଙ୍ଗ୍‌ତେ ଏକ୍‌ଲାଅଃତାନ୍ ତାଇକେନା, ଚିୟାଃଚି ଲାଉକା ସେନଃତାନ୍‌ସାଃଏତେ ହୟ ହିଜୁଃତାନ୍ ତାଇକେନା ।

^{୨୫} ସେତାଃ ନିଦାରେୟାଃ ଉପୁନ୍ ଘାଡ଼ି ଇମତାକରେ ଯାଗୁ ଦରେୟାରେ ସେସେନ୍‌କେଦତେ ଇନକୁତାଃତେ ହିଜୁଃତାଇକେନା । ^{୨୬} ଚେଲାଇ ଇନିଃକେ ଦରେୟାରେ ସେସେନ୍‌ତାନ୍ ନେଲ୍‌କିଃତେକ ବରକେଦା ଆଡ଼ଃ “ବଙ୍ଗା ତାନିଃ” ମେନ୍ତେ ବରତେକ କାଉରିକେଦାଃ ।

୨୭ ଫେନଦ ଯୀଶୁ ଇମ୍ବତାଗି ଇନକୁକେ ଜାଗାର୍ତାନଲିଃ ମେତାଦକଆ, “ଜୀଉରେ କେଟେଜେପେ, ଆଇଙ୍ଗ ତାନିଙ୍ଗ ଆଲ୍ଲପେ ବରଏୟା ।”

୨୮ ଏନ୍ତେ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆମ୍ବଗି ତାନମେରେଦ ଦାଆଃରେ ଆଇଁୟାଃତାଃତେ ହିଜୁଃମେ ମେନ୍ତେ ଆରୁଇଙ୍ଗମେ ।”

୨୯ ଯୀଶୁ କାଜିରୁହାଡ଼କିୟାଏ, “ହିଜୁଃମେ ।” ଏନ୍ତେ ପାଡ଼ରାସ୍ ଲାଉକାଏତେ ଆଡ଼ଗୁୟାନ୍ତି ଦାଆଃରେ ସେସେନକେଦ୍ତେ ଯୀଶୁତାଃତେ ସେନଃ ତାଇକେନା । ୩୦ ଫେନଦ ଇନିଃ ହୟ ନେଲ୍ଲକେଦ୍ତେ ବରକେଦାଏ ଆତଃ ଇନିଃ ଦାଆଃରେ ତୁବିଃଗ୍ ଏଟେଦଃତାନ୍ ନେଲ୍ଲକେଦ୍ତେ କାଉରିକେଦାଏ, “ହେ ପ୍ରାଭୁ, ବାଞ୍ଛାଅଇଙ୍ଗମେ ।”

୩୧ ଯୀଶୁ ଇମ୍ବତାଗି ତିଃଇତାୟାଃ ଜିଲିଙ୍ଗକେଦ୍ତେ ଇନିଃକେ ସାଦ୍‌କିୟାଏ ଆତଃ କାଜିକିୟାଏ, “ଏ ହୁଡ଼ିଙ୍ଗ ବିଶ୍ୱାସ୍‌ତାନିଃ ତିନାଃମେନ୍ତେମ୍ ଆଡ଼ାଃଉଡ଼ୁକେଦା ?”

୩୨ ଆତଃ ଇନକିନ୍ ଲାଉକାରେ ଦେଏଃୟାନ୍ତି ହୟ ସାଲ୍ଲସାନ୍ତୟାନ୍ । ୩୩ ଏନ୍ତେ ଲାଉକାରେ ତାଇକେନ୍ ଚେଲ୍ଲକ ଯୀଶୁକେ ଜହାର୍‌କିଃତେ କାଜିକିୟାକ, “ଆମ୍ ସାର୍‌ତିଗି ପାର୍‌ମେଶ୍ୱାର୍‌ଆଃ ହନ୍ ତାନମେ ।”

ୟୀଶୁ ଗିନେସରେଡ଼ରେ ଦୁକୁହାସୁତାନକକେ ବୁଗିକେଦକଆ
(ମାର୍କ ୬:୫୩-୫୬)

୩୪ ଯୀଶୁ ଆତଃ ଆୟାଃ ଚେଲ୍ଲକ ଦରେୟା ପାରମକେଦ୍‌ତି ଗିନେସରେଡ଼ ନୁଡୁମ୍ ପାର୍‌ଗାନ୍‌ଡେକ ସେଟେରୟାନ୍ । ୩୫ ଏନ୍ତାଃରେନ୍ ହଡ଼କ ଯୀଶୁକେ ନେଲ୍‌ଉଡ଼ୁମ୍‌କିୟାକ । ଆତଃ ଇନିଃ ନେତାଃରିୟା ମେନ୍ତେ ସବେନ୍‌ପାଃତେ କାଜିକୁଲ୍‌କେଦାକ ଆତଃ ହଡ଼କ ସବେନ୍ ଦୁକୁହାସୁତାନକକେ ଇନିଃତାଃତେ ଆଉକେଦକଆକ । ୩୬ ଆତଃ ଇନକୁ ବିନ୍ତିକିୟାକ, ଦୁକୁହାସୁତାନକ ଆମାଃ ଲିଜାଃରେୟାଃ ଆଡ଼ରାକେ ଏସକାର୍ ଜୁଡିଦ୍ ଇତି ନାଗେନ୍ତେ ଆରୁକମ୍ ଆତଃ ଜୁଡିଦ୍‌କେଦ୍ ସବେନ୍‌କ ବୁଗିୟାନ୍ ।

୧୫

ହାଡ଼ାମ୍‌ହଡ଼କଆଃ ଇନିଡୁ
(ମାର୍କ ୬:୧-୧୩)

୧ ଏନ୍ତେ ତିମିନ୍ ଫାରୁଶୀକ ଆତଃ ଯୀରୁଶାଲେମ୍‌ହେତେ ସେଟେରାକାନ୍ ତିମିନ୍ ଆଇନ୍ ଇଡୁକ ଯୀଶୁତାଃତେକ ହିଜୁଃୟାନ୍ ଆତଃ କୁଲିକିୟାକ, ୨ “ତିନାଃମେନ୍ତେ ଆମାଃ ଚେଲ୍ଲକ ଆବୁଆଃ ପ୍ରାତିନକଆଃ ରିତିରିଞ୍ଜାକ୍ କାକ ମାନାତିଙ୍ଗତାନା ? ଇନକୁ ଆବୁଆଃ ରିତିରିଞ୍ଜାକ୍ ଲେକାତେ ବୁଗିଲେକା ତିଃଇ କା ଆବୁଙ୍ଗ୍ ସିଦାରେକ ଜଜମାଃ !”

୩ ଯୀଶୁ କାଜିରୁହାଡ଼ାଦକଆଏ, “ଆପେ ପାର୍‌ମେଶ୍ୱାର୍ ଏମାକାଦ୍ ଆନ୍‌ରୁକେ କା ମାନାତିଙ୍ଗକେଦ୍‌ତେ ଚିକାନାଙ୍ଗ୍ ଆପେୟାଃ ରିତିରିଞ୍ଜାକ୍ ମାନାତିଙ୍ଗ୍ ତାନାପେ ? ୪ ପାର୍‌ମେଶ୍ୱାର୍ କାଜିୟାକାଦାଏ, ‘ଏଙ୍ଗାମ୍ ଆପୁମ୍‌କିନ୍‌କେ ମାନାତିଙ୍ଗକିନ୍‌ମେ, ‘ଆତଃ ‘ଜେତାଏ ଏଙ୍ଗାତେକେ ଚାଏ ଆପୁତେକେ ସାର୍‌ପାଅକିନ୍‌ରେଦ ଇନିଃ ଗଜଃକାଏ ।’ ୫ ଫେନଦ୍ ଆପେ ସବେନ୍‌କ କାଜିତାନାପେ, ଜେତା ହଡ଼ ଆୟାଃ ଏଙ୍ଗା ଆପୁକିନ୍‌କେ, ଆଇଙ୍ଗତାଃଏତେ ଅକ୍‌ନାଃ ଦେଙ୍ଗାବେନ୍ ନାମାକାତେତେୟାଃ, ଏନା ‘ପାର୍‌ମେଶ୍ୱାର୍‌କେ ଦାନ୍ ଏମାକାନା’ ମେନ୍ତେ କାଜିତାନଲିଃ, ୬ ଇନିଃ ଆୟାଃ ଏଙ୍ଗା ଆପୁକିନ୍‌କେ କାଏ ମାନାତିଙ୍ଗରେୟ ହବାଅଥା, ମେନ୍ତେପେ କାଜିତାନା । ଆତଃ ପାର୍‌ମେଶ୍ୱାର୍‌ଆଃ ଆନ୍‌ରୁକେ କା ମାନାତିଙ୍ଗକେଦ୍‌ତେ ଆପେ ଆପୁନାଃ ରିତିରିଞ୍ଜାକ୍‌ରାଃ ଇନିଡୁ ଲେକାପେ ସେସେନ୍‌ତାନା । ୭ ଆପେ ବେଦାହଡ଼କ ତାନ୍‌ପେ, ସିଗାୟ ଆପେୟାଃ ବିଷାଏରେ ସାର୍‌ତିଗି ଆୟାର୍‌କାଜି କାଜିକାଦା,

୮ “ନେ ହଡ଼କ ମଚାତେକ ମାଇନିଙ୍ଗତାନା,
ଫେନଦ୍ ଆକଆଃ ମନ୍ ଆଇଙ୍ଗତାଃଏତେ ସାଜିନ୍‌ରେଆ ।

୯ ଇନକୁ ସାମାଗିକ ସେଞ୍ଜାଇଙ୍ଗତାନା,
ତିୟାଃତି ହଡ଼କଆଃ ରିତିରିଞ୍ଜାକ୍‌ରାଃ ଇନିଡୁକେ ପାର୍‌ମେଶ୍ୱାର୍‌ଆଃ ଇନିଡୁ ତାନାଃ ମେନ୍ତେକ ଇଡୁକତାନା !”

ହଡ଼କେ ସଡ଼ରାଈରାଃ ବିଷାଏ
(ମାର୍କ ୬:୧୪-୨୩)

୧୦ ଯାଶୁ ଗାଦେଲ୍ ହତକକେ କେଡାକେଦକଆଏ ଆତଃ ମେଡାଦକଆଏ, “ଆୟୁମେଦେ ଆତଃ ଆଟ୍‌କାର୍ ଉରୁମେଦେ । ୧୧ ଅକ୍‌ନାଃ ହତ୍ ହନ୍‌ରାଃ ମଚା ଭିତାର୍‌ତେ ବଲଃଆ ଏନା ଇନିଃକେ କାଏ ସତ୍‌ରା ଦାଡ଼ିୟାଲଆ, ମେନ୍‌ଦ ଆୟାଃ ମଚାଏତେ ଅକ୍‌ନାଃ ଅତଙ୍‌ଅଃଆ ଏନା ଆଇଃକକେ ସତ୍‌ରାଲଆଏ ।”

୧୨ ଏଡ୍ରେ ଯାଶୁଆଃ ଚେଲାକ ଇନିଃତାଃ ହିଜୁଃକେଦ୍‌ତେ କାଜିକିୟାକ, “ନେ କାଜି ଆୟୁମ୍‌କେଦ୍‌ତେ ଫାରୁଶୀକ ଖ୍‌ସ୍‌ୟାନାକ, ଚିୟାଃ ନେଆଁମ୍ ସାରିତାନା ?”

୧୩ ମେନ୍‌ଦ ଯାଶୁ କାଜିରୁହାଡ଼ାଦକଆଏ, “ଆଇଁୟାଃ ସିର୍ମାରେନ୍ ଆପୁ କାଏ ରୟାକାଦ ଦାରୁ ତୁଦ୍ ଏଣ୍ଡାଗଆଃ । ୧୪ ଧ୍‌ଇନକୁକେ ବାରିତାକୁପେ, ଇନକୁଦ ମେଦ୍ କା ନେଲ୍ ଦାଡ଼ିତାନିନ୍‌ୟାଃ ମେଦ୍ କା ନେଲ୍ ଦାଡ଼ିତାନ୍ ଆଗୁଆଇକ ତାନ୍‌କ, ମେଦ୍ କା ନେଲ୍ ଦାଡ଼ିନିଃ, ମେଦ୍ କା ନେଲ୍‌ଦାଡ଼ିନିଃକେ ଆୟାର୍‌ଇଦ୍‌ରେଦ୍ ବାରାନ୍‌କିନ୍ ଗାଡାରେକିନ୍ ଉୟୁଗଃଆ ।”

୧୫ ପାଡ଼ରାସ୍ କାଜିକିୟାଏ, “ନେ ଜନ୍‌କା କାଜିରାଃ ମୁଣ୍ଡି ଚିନାଃ ତାନାଃ ଉଦୁବାଲେମ୍ ?”

୧୬ ଯେତୁ କାଜିରୁହାଡ଼ାଦକଆଏ, “ଆପେୟତି ନାହିଁଃ ଜାକେଦ୍ ତଣ୍ଡରିୟାପେ । ୧୭ ଅକ୍‌ନାଃ ମଚା ହରାତେ ଲାହିଦ୍‌ତେ ବଲଃଆ ଆତଃ ହତ୍‌ମ୍‌ଏତେ ଅତଙ୍‌ଅଃଆ ନେୟାଁ ଚିୟାଃ କାପେ ଆଟ୍‌କାରେତାନା ? ୧୮ ଧ୍‌ଜେତାଏ ହତ୍‌ଆଃ ମଚାହରା ଅକ୍‌ନାଃ ଅତଙ୍‌ଅଃଆ ଏନା ଆୟାଃ ମନ୍‌ରାଃ ବିଚାର୍‌ଏତେ ଅତଙ୍‌ଅଃଆ, ଏନା ଇନିଃକେ ସତ୍‌ରାଲଆ । ୧୯ ମନ୍ ଭିତାର୍‌ଏତେଗି ଏଡ୍‌କାନ୍ ଉଡ୍‌ଝୁ, ହତ୍‌ଗଏଃ, ଆପାଙ୍‌ଗ୍‌ କାମି, ଆଣଦି ଆପାଙ୍‌ଗ୍‌, କୁମ୍‌ତୁ ହସତ୍ ଗାଖା, ପାର୍‌ମେଶ୍‌ବାର୍‌କେ ନିନ୍‌ୟାଲଆକ । ୨୦ ନେ ସବେନାଃତେଗି ହତ୍‌କେ ସତ୍‌ରାଲଆଏ, ମେନ୍‌ଦ ରିଡିରିଖାଜ୍ ଲେକାତେ ତିଃଇ ବେଗାର୍ ଆବୁଙ୍‌କେଦ୍‌ତେ ଜମେତେୟାଃତେ ହତ୍‌କେ କାଏ ସତ୍‌ରାଲଆ ।”

ମିଆଁଦ୍ ସାଆଁସାର୍ କୁଡ଼ିଆଃ ବିଶ୍ୱାସ୍
(ମାର୍କ ୭:୨୪-୩୦)

୨୧ ଯାଶୁ ଏନ୍ ପାୟାଦ୍ ବାରିକେଦ୍‌ତେ ସୋର୍ ଆତଃ ସିପୋନ୍ ପାର୍‌ଗାନ୍‌ରେୟାଃ ସାହାର୍‌ତେ ସେନଃୟାନା । ୨୨ ଆତଃ ନେଲେପେ କିନାନ୍‌ରେନ୍ ମିଆଁଦ୍ ସାଆଁସାର୍ କୁଡ଼ି ଏନ୍ ଦିଶ୍‌ମ୍‌ଏତେ ଅତଙ୍‌ୟାନ୍‌ତେ ହାକାଅକିୟାଏ, “ହେ ଗମ୍‌କେ, ଦାର୍‌ଦ୍‌ଆଃ ହନ୍ ଲିବୁଆଇଙ୍‌ମେ, ହନିଙ୍‌କୁଡ଼ି, ବଙ୍‌ମା ଏସେର୍‌କାନ୍ ହରାତେ ପୁରାଃଗି ହାସ୍‌ତାନା ।”

୨୩ ମେନ୍‌ଦ ଇନିଃ ଜେଡ୍‌ନାଃ କାଏ କାଜିରୁହାଡ଼କିୟା ଆତଃ ଇନିୟାଃ ଚେଲାକ ବିଡ଼ିକିଃତେ କାଜିକିୟାକ, “ଇନିଃକେ କୁଲ୍‌ତାଲମେ, ଚିୟାଃଚି ଇନିଃଦ୍ ପୁରାଃ ରାଆଃତାନିଲଃ ଆବୁକେ ଅତଙ୍‌ବୁତାନା ।”

୨୪ ମେନ୍‌ଦ ଇନିଃ କାଜିରୁହାଡ଼ାଦକଆଏ, “ଆଇଙ୍‌ ଇସ୍ରାଏଲ୍‌ରେନ୍ ଆଦାକାନ୍ ମିଣ୍ଡିକତାଃତେ ଏସ୍‌କାର୍ କୁଲ୍‌କାନାଲଙ୍‌, ଏତାଃକତାଃତେଦ୍ କାହାଗି ।”

୨୫ ମେନ୍‌ଦ ଏନ୍‌କୁଡ଼ି ନାଡେଃୟାନ୍‌ଚି ଇନିୟାଃ ଆୟାର୍‌ରେ ଇକ୍‌ଡ୍‌ମୁକେଦ୍‌ତେ କାଜିକିୟାଏ, “ହେ ଗମ୍‌କେ, ଦେଙ୍‌ମାଲଙ୍‌ମେ ।”

୨୬ ଏଡ୍ରେ ଯାଶୁ କାଜିରୁହାଡ଼କିୟାଏ, “ହନ୍‌କଆଃ ଜମେୟାଃ ରେଃକକେଦ୍‌ତେ ସେତାକଆଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୭ ସାଆଁସାର୍ କୁଡ଼ି କାଜିରୁହାଡ଼କିୟାଏ, “ହେଗି ପ୍ରାଭୁ, ନେଆଁ ସାର୍‌ଚି କାଜିତାନାଃ, ମେନ୍‌ଦ ସେତାକହଗି ଆକଆଃ ଗମ୍‌କେଆଃ ମେଜିଏତେ ଉୟୁଗାକାନ୍ ହଲଙ୍‌କେଗାଃକ ଜଜମାଃ ।”

୨୮ ଏଡ୍ରେ ଯାଶୁ କାଜିକିୟାଏ, “ଏ କୁଡ଼ି, ଆମାଃ ବିଶ୍ୱାସ୍ ପୁରାଃ ମାରାଙ୍‌ଆଃ ! ଆମାଃ ମନେଲେକା ହବାଅଃକା ।” ଆତଃ ଇନିୟାଃ ହଡ୍ରେକୁଡ଼ି ଏନ୍ ଦିପିଲିରେଗି ବୁଗିୟାନା ।

ୟାଶୁ ପୁରାଃ ହତକକେ ବୁଗିକେଦକଆଏ

୨୯ ଯାଶୁ ଏଡ୍ରେଏତେ ଅତଙ୍‌ୟାନ୍‌ତେ ଗାଲିଲ୍ ଦରେୟାସାଃତେ ସେଟେର୍‌ୟାନା, ଆତଃ ବୁରୁତେ ଚାକାଦ୍‌କେଦ୍‌ତେ ଏଡ୍ରେରେ ଦୁବ୍‌ୟାନାଏ । ୩୦ ପୁରାଃ ଗାଦେଲ୍ ହତ୍‌କ ଛୁଟା, କାଣାଁ, କେପା, କା ବାଖାଁଣ୍ ଦାଡ଼ିତାନ୍, ଆତଃ ଏଗାଃ ହତ୍‌କକେ ଆକଆଃଲଃ ଆଉକେଦ୍‌ତେ ଇନିଃତାଃତେକ ହିଜୁଃୟାନା ଆତଃ ଇନକୁକେ ଆୟାଃ କାଟା ସୁବାରେ ଦହକେଦକଆକ ଆତଃ ଇନିଃ ଇନକୁକେ ବୁଗିକେଦକଆଏ । ୩୧ ଏନ୍‌ଲେକାଗି କା ବାଖାଁଣ୍ ଦାଡ଼ିତାନ୍‌କ ବାଖାଁଣ୍ ଦାଡ଼ିୟାନା, କାଣାଁକାନ୍‌କ ନେଲ୍ ଦାଡ଼ିୟାନା, କେପାକାନ୍‌କ ବୁଗିୟାନା, ଛୁଟାକାନ୍‌କ ସେସେନ୍‌କେଦା, ନେଆଁ ନେଲ୍‌କେଦ୍‌ତେ ଗାଦେଲ୍ ହତ୍‌କ ଆକଦାନ୍‌ଆୟାନା ଆତଃ ଇନକୁ ଇସ୍ରାଏଲ୍‌ରେନ୍ ପାର୍‌ମେଶ୍‌ବାର୍‌କେକ ମାରାଙ୍‌କିୟା ।

☆ ୧୫:୧୫ ୧୫:୧୫ ଲୁକ ୬:୩୯. ☆ ୧୫:୧୮ ୧୫:୧୮ ମାଧୁର ୧୨:୩୫.

ୟୀଶୁ ଏଗାଃ ଗାଦେଲ୍ ହଡ଼କକେ ଜମେୟାଁଃତେ ବିକେଦକଆ

(ମାର୍କ ୮:୧-୧୦)

୩୬ ଏନ୍ତେ ୟୀଶୁ ଚେଲାକକେ ଆୟାଃତାଃତେ ହାକାଅକେଦତେ କାଜିୟାଦକଆଏ, “ନେ ଗାଦେଲ୍ ହଡ଼କ ନାଗେନ୍ତେ ଆଇଁୟାଃ ଜୀଉ ବିଲ୍ଲକାଅଃତାନା, ତିୟାଃତି ଆଦି ମାହାଁଏତେ ଆଇଁୟାଃଲଃ ମେନାକଆ, ଆତଃ ନାହାଁଃ ଜନକ୍ରତାଃରେ ଜମେୟାଁଃ ଜେଡ଼ନାଃ ବାନଃଆ, ଜନକ୍ର ହରାକରେ ଭୁକ୍ସୁଲ୍ଲକଆଃକ, ଏନାତେ ଆଇଙ୍ଗ ଜନକ୍ରକେ ବେଗାର୍ ଜମକେଦତେ କୁଲ୍ଲ କାଇଙ୍ଗ ସାନାଙ୍ଗତାନା ।”

୩୭ ଜନିୟାଃ ଚେଲାକ କାଜିରୁହାଡ଼କିୟା, “କତାଃଏତେ ନେ ସିଃସଏଃ ଠାୟାଦରେ ନିମିନାଙ୍ଗ ଗାଦେଲ୍ ହଡ଼କ ନାଗେନ୍ତେ ବିୟାଃତି ଜମେୟାଁଃଲେ ନାମେୟା ?”

୩୮ ୟୀଶୁ କୁଲିକେଦକଆଏ, “ଆପେତାଃରେ ତିମିନାଙ୍ଗ ହଲଙ୍ଗ ମେନା ?” ଜନକ୍ର କାଜିରୁହାଡ଼କିୟା, “ସାଡ଼ୁ ହଲଙ୍ଗ ଆତଃ ତିମିନ ହୁପଡ଼ଙ୍ଗ ହାକୁ ।”

୩୯ ୟୀଶୁ, ଗାଦେଲ୍ ହଡ଼କକେ ଅତେରେ ଦୁବ୍ଦେ ମେନ୍ତେ ଆରୁକେଦକଆ । ୩୬ ଏନ୍ତେ ଜନିଃ ଏନ୍ ସାଡ଼ୁ ହଲଙ୍ଗ ଆତଃ ହାକୁ ଜଦିକେଦତେ ପାରମେଶ୍ୱାରକେ ଧାନ୍ୟାବାଦ୍ ଏମ୍ବିକିୟାଏ ଆତଃ ଏନା କେଚାଃକେଦତେ ଆୟାଃ ଚେଲାକକେ ଏମାଦକଆଏ ଆତଃ ଚେଲାକ ହଡ଼କକେ ହାଟିଙ୍ଗଆଁଦକଆକ ।

୪୦ ଏନା ଜମକେଦତେ ସବେନକ ବିୟାନାକ ଆତଃ ହଲଙ୍ଗ କେଚାଃ ସାଡ଼ୁ ଟୁଙ୍ଗି ସାରେଃୟାନା । ୩୮ କ୍ରଡ଼ିକ ଆତଃ ହନକ ବାରିକେଦତେ ଉପ୍ପୁନ୍ ହାଜାର୍ କଡ଼ାକ ଜମକେଦା ।

୪୧ ଏନ୍ତେ ୟୀଶୁ ଗାଦେଲ୍ ହଡ଼କକେ କୁଲିକେଦକତି ଲାଉକାରେ ଦେଏଃୟାନାଏ ଆତଃ ମାଗ୍ଦଲ୍ଲା ପାର୍ଗାନତେ ସେନଃୟାନାଏ ।



ପେଡ଼େୟାନ୍ କାମିରେୟାଃ ହାଟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧୦ ଫାରୁଶୀକ ଆତଃ ସାଦୁକିକ ୟୀଶୁତାଃ ହିଲୁଃକେଦତେ, ଜନିଃକେ ତିଚାଲ ନାଗେନ୍ତେ ବିଡ଼ାଅତାନ୍ଲଃ ସିମାଏତେ ମିଆଁଦ୍ ତିହ୍ନା ଉଦୁବାଲେମେ ମେନ୍ତେକ କାଜିକିୟା ।

୨ ୟୀଶୁ କାଜିରୁହାଡ଼ାଦକଆଏ, “ଆପେ ଆୟୁବତାନ୍ରେ ସିମା ଆରାଃଗିପେ ନେଲେରେଦ, କାଜିୟାଃପେ ତିସିଙ୍ଗ ଫାର୍ତିଗିୟା । ୩ ଆତଃ ସେତାଃ ଜଦାନ୍ରେ ସିମା ଆରାଃଗି ଆତଃ ରିମିଲାକାଦ୍ରିପେ ନେଲେରେଦ, କାଜିୟାଃପେ, ତିସିଙ୍ଗ ଦୁଦୁଗାର୍ ହୟ ହିଲୁଃଆ । ଆପେଦ ସିମାରେୟାଃ ତିହ୍ନାପେ ନେଲ୍ଲଉରୁମେତାନା ମେନ୍ଦ ଦିପିଲିରାଃ ତିହ୍ନାକ କାପେ ନେଲ୍ଲଉରୁମ୍ ବାଡ଼ିତାନା । ୪ ଏଡ଼କାନ୍ ଆତଃ ପାରମେଶ୍ୱାରକେ କା ବିଶ୍ୱାସତାନ୍ ହଡ଼କ ତିହ୍ନାକ ଦାଣାଁ, ମେନ୍ଦଦ ଯୁନ୍ସୁ ନାବାଆଃ ତିହ୍ନା ବାରିକେଦତେ ଜନକ୍ରନାଙ୍ଗ ଏଗାଃ ତିହ୍ନା କା ଏମାଃଆ ।”

ଆତଃ ଜନକ୍ରକେ ବାରିକେଦତେ ଜନିଃ ସେନଃୟାନାଏ ।

ଫାରୁଶୀ ଆତଃ ସାଦୁକିକଆଃ ଜନିତୁ

(ମାର୍କ ୮:୧୪-୨୧)

୫ ଚେଲାକ ଦରେୟା ହାନ୍ ପାରମ୍ତେ ସେଟେୟାନ୍ତି ହଲଙ୍ଗ ଜଦି ନାଙ୍ଗକ ରିଡ଼ିଙ୍ଗକେଦା । ୬ ୟୀଶୁ ଜନକ୍ରକେ କାଜିୟାଦକଆଏ, “ଫାରୁଶୀକଆଃ ଆତଃ ସାଦୁକିକଆଃ ରାନ୍ସତେ ତିର୍ଗାଲାକାନ୍ ତାଇନ୍ଦପେ ।”

୭ ଜନକ୍ର ଆକ ଆକରେକ ମେନ୍ଦକେଦା, “ଆରୁ ହଲଙ୍ଗ କାରୁ ଆରକାଦା ଏନାମେନ୍ତେ ଜନିଃ ଆରୁକେ କାଜିୟାରୁତାନାଏ ।”

୮ ୟୀଶୁ, ଜନକ୍ର କାଜିତାନ୍ତେୟାଃ ଆଟ୍ଟକାରକେଦତେ କାଜିକେଦକଆଏ, “ଏ ହୁଡ଼ିଙ୍ଗ ବିଶ୍ୱାସତାନ୍କ, ଆପେତାଃରେ ହଲଙ୍ଗ ବାନଃ ମେନ୍ତେ ତିକାନାଙ୍ଗ ଆପେତି ଉଡ଼ୁତାନା ? ନାହାଁଃ ଜାକେଦ୍ କାପେତି ସାରିକାଦା ଆତଃ ଆଟ୍ଟକାରଉରୁମାକାଦା ? ୯ ଏନ୍ ପାଞ୍ଚ ହାଜାର୍ ହଡ଼କ, ମଣେୟାଁ ହଲଙ୍ଗ ଜମକେଦତେ, ତିମିନ୍ ଟୁଙ୍ଗି ସାରେଃୟାନା ଏନା କାପେତି ପାହାମେତାନା ? ୧୦ ଆତଃ ଏନ୍ ଉପ୍ପୁନ୍ ହାଜାର୍ ହଡ଼କ, ସାଡ଼ୁ ହଲଙ୍ଗ ଜମକେଦତେୟାଃ କାପେତି ପାହାମେତାନା ? ତିମିନ୍ ଟୁଙ୍ଗି ସାରେଃୟାନା

୫ ୧୭:୧ ୧୭:୧ ମାଧୁର ୧୨:୩୮; ଲୁକ ୧୧:୧୭. ୬ ୧୭:୪ ୧୭:୪ ମାଧୁର ୧୨:୩୯; ଲୁକ ୧୧:୨୯. ୭ ୧୭:୬ ୧୭:୬ ଲୁକ ୧୨:୧. ୮ ୧୭:୯ ୧୭:୯ ମାଧୁର ୧୪:୧୭-୨୧. ୯ ୧୭:୧୦ ୧୭:୧୦ ମାଧୁର ୧୫:୩୪-୩୮.

? ୧୧ ହଲଙ୍କ ନାଗେନ୍ତେ କାଇଙ୍କ କାଜିୟାପେତାନା, ଚିଲକାତେ ନେଆଁ କାପେ ଆବ୍‌କାର୍‌ଉରୁମେତାନା ? ମେନ୍‌ଦ ଫାରୁଶୀକଆଃ ଆତଃ ସାଦୁକିକଆଃ ରାନ୍‌ଏତେ ଚିର୍ଗାଲାକାନ୍ ତାଇନ୍‌ପେ ।”

୧୨ ଏନ୍ତେ ଇନ୍‌କୁ ହଲଙ୍କରାଃ ରାନ୍‌ଏତେଦ କା ମେନ୍‌ଦ ଫାରୁଶୀକଆଃ ଆତଃ ସାଦୁକିକଆଃ ଇନ୍‌ତୁଏତେ ଚିର୍ଗାଲାକାନ୍‌ପେ ମେନ୍ତେ ଇନ୍‌ଃ କାଜିୟାଦ୍‌ବୁଆଏ ମେନ୍ତେ ଆବ୍‌କାର୍‌ଉରୁମେକେଦା ।

ୟାଶୁ ଖ୍ରୀଷ୍ଟ ମାସି ତାନିଃ

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ କାଇସରିୟା ଫିଲିପି ପାର୍‌ଗାନ୍* ରାଃ ସାହାର୍‌ତେ ସେବେରୁୟାନ୍‌ତି ଯାଶୁ ଆୟାଃ ଚେଲାକକେ କୁଲିକେଦକଆ, “ମାନଝାହନ୍ ଅକଏ ତାନିଃ ମେନ୍ତେ ହଡକ କାଜିତାନା ?”

୧୪ *ଇନ୍‌କୁ କାଜିରୁହାଡକିୟାକ, “ତିମିନ୍‌କ ବାପ୍ତିସ୍ମା ଏମାଃନିଃ ଯୋହାନ୍, ତିମିନ୍‌କ ଏଲିୟ, ତିମିନ୍‌କ ଯିରିମିୟ ଚାଏ ନାବାକଏତେ ମିଆଁଦିନିଃ ତାନିଃ ମେନ୍ତେ କାଜିତାନା ।”

୧୫ ଯାଶୁ ଇନ୍‌କୁକେ କୁଲିକେଦକଆ, “ମେନ୍‌ଦ ଆପେ ଚିନାଃ ମେନେତାନାପେ ? ଆଇଙ୍କ ଅକଏ ତାନିଜ୍ ମେନ୍ତେ କାଜିତାନା ?”

୧୬ *ଶିମୋନ୍ ପାଡରାସ୍ କାଜିରୁହାଡକିୟାଏ, “ଆମ୍‌ଗି ଖ୍ରୀଷ୍ଟ, ଜାନିଦ୍ ପାର୍‌ମେଶ୍ୱାର୍‌ଆଃ ହନ୍ ତନ୍‌ମେ ।”

୧୭ ଯାଶୁ କାଜିରୁହାଡକିୟାଏ, “ହେ ଯୁନ୍‌ସ୍‌ରାଃ ହନ୍ ଶିମୋନ୍, ଆମ୍ ସୁକୁତାନ୍‌ଗିୟାମ୍, ନେଆଁଦ ହଡହନ୍ ଆମାଃତାଃ କାଏ ଉଦୁବ୍, ମେନ୍‌ଦ ସିର୍ଗାରେନ୍ ଆପୁ ଉଦୁବାଦ୍‌ମେୟାଏ । ୧୮ ଆତଃ ଆଇଙ୍କହିଁ ଆମ୍‌କେ କାଜିୟାମେ ତାନାଇଙ୍କ, ଆମ୍ ପାଡରାସ୍ ତାନ୍‌ମେ ଏନାରାଃ ମୁଣ୍ଡି ଚାଟେନ୍ ତାନାଃ ମେନ୍‌ଦ ଆଇଙ୍କ ନେ ଚାଟେନ୍‌ରେ ଆଇଁୟାଃ କାଲିସିୟା ବାଇୟାଇଙ୍କ ଆତଃ ନାରାକରାଃ ପେଡେଃ ଏନାକେ କାଏ ହାଦୁଡ୍ ଦାଡ୍ଡିୟା । ୧୯*ଆଇଙ୍କ ସିର୍ଗା ରାଇକ୍‌ରେୟାଃ ଚାଢି ଏମାମେୟାଁ, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିର୍ଗାରେ ଏନା ତଲଃଆ, ଆତଃ ଆମ୍ ଅତେରେ ଅକ୍‌ନାଃମ୍ ରାଡ୍‌ଏତେୟାଃ, ସିର୍ଗାରେ ଏନା ରାଡ୍‌ଅଃଆ ।”

୨୦ ଏନ୍ତେ ଆଇଙ୍କ ମାସି ତାନିଜ୍, ନେଆଁ ଜେତାଏତାଃ ଆଲ୍‌ପେ ଉଦୁବିୟାଁ ମେନ୍ତେ ଯାଶୁ ଆୟାଃ ଚେଲାକକେ ଆଡୁକେଦକଆ ।

ୟାଶୁ ଆୟାଃ ଗନଏଃ ଆତଃ ଜୀଉବିନ୍‌ରିଦ୍‌ରେୟାଃ ଆୟାଃକାଜି କାଜିୟାଦକଆ

(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ଏନ୍ ଦିପିଲିଏତେ ଯାଶୁ ଆୟାଃ ଚେଲାକକେ ଫାର୍‌ଚିତେ କାଜିକେଦକଆଏ, “ଆଇଙ୍କକେ ଯାରୁଶାଲେମ୍‌ତେ ସେନ୍ ଲାଗାଡିଙ୍ଗିୟାଁ, ଏନ୍ତାଃରେ ପ୍ରାତିନ୍‌କ, ମୁଲ୍ ଯାଜାକକ ଆତଃ ଆଇନ୍ ଇଡୁକଆଃ ଡିଃଇରେ ସାବ୍‌ଇତିକେଦ୍‌ତେ ପୁରାଃ ଦୁକୁ ସାହାଡିଙ୍ଗି ଆତଃ ଗଜଃ ଲାଗାଡିଙ୍ଗିୟାଁ ଏନ୍ତେ ଆପି ମାହାଁ ତାୟମ୍‌ତେ ଜୀଉବିନ୍‌ରିଦ୍ ହବାଅଃଆ ।”

୨୨ ପାଡରାସ୍ ଯାଶୁକେ ଗେନାତେ ଇଦିକିଃତେ ଏଗେର୍‌ଏଟେଦକିୟାଏ । “ହେ ପ୍ରାଭୁ, ପାର୍‌ମେଶ୍ୱାର୍ ଆମ୍‌କେ ଲିବୁକମେକାଏ, ନେଆଁ ଆମାଃରେ ଚିଉଲାଅ ଆଲକା ହବାଅଃକା ।”

୨୩ ଯାଶୁ ହେତାରୁହାଡକେଦ୍‌ତେ ପାଡରାସ୍‌କେ କାଜିରୁହାଡକିୟାଏ, “ଏ ସାଏତାନ୍ ଆଇଁୟାଃତାଃଏତେ ଆଡମେନ୍‌ମେ, ଆମ୍ ଆଇଙ୍କକେ ଡହ୍‌ଦଇତିଙ୍ଗିତାନାମ୍, ଚିୟାଃତି ଆମ୍‌ଦ ପାର୍‌ମେଶ୍ୱାର୍‌ଆଃ କା ମେନ୍‌ଦ ହଡକଆଃ ଲେକାମ୍ ଉଡ଼ୁତାନା ।”

୨୪ *ଏନ୍ତେ ଯାଶୁ ଆୟାଃ ଚେଲାକକେ କାଜିୟାଦକଆଏ, “ଜେତାଏ ହଡ ଆଇଙ୍କକେ ଅତଙ୍ଗି ସାନାଙ୍ଗିରେଦ ଇନିଃ ଆୟାଃ ମନେ ବାଗିତାକାଏ ଆତଃ ଆୟାଃ କୁଣ୍ ଗଅଃକେଦ୍‌ତେ ଅତଙ୍ଗିଇଙ୍ଗିକାଏ । ୨୫*ଚିୟାଃତି ଜେତାଏ ଆୟାଃ ଜୀଉକେ ବାଞ୍ଛାଅ ସାନାଙ୍ଗିନିଃଦ ଏନାଏ ଆଦେୟା ମେନ୍‌ଦ ଜେତାଏ ଆୟାଃ ଜୀଉକେ ଆଇଙ୍କ ନାଙ୍ଗି ଆଦେନିଃ ଏନାଏ ବାଞ୍ଛାଅୟା । ୨୬ ଜେତାଏ ହଡ ଗତା ଅତେଦିଶୁମ୍ ନାମ୍‌କେଦ୍‌ରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଃଆ ? ଚାଏ ଜେତାଏ ହଡ ଆୟାଃ ଜୀଉ ନାମ୍‌ରୁହାଡ୍ ନାଗେନ୍ତେ ଚିନାଃଏ ଏମ୍ ଦାଡ୍ଡିୟା ? ୨୭*ମାନଝାହନ୍‌ଦ ଆୟାଃ ସିର୍ଗାରେନ୍ ଦୁଡ୍‌କଲଃ ଆୟାଃ ଆପୁଆଃ ମାନାରାଙ୍ଗରେ ହିଜୁଃ ଇମ୍‌ତା ଇନିଃ ମିଆଁଦ୍ ହଡକେ ଆୟାଃ

* ୧୭:୧୩ ୧୭:୧୩ ଅଞ୍ଚଳ * ୧୭:୧୪ ୧୭:୧୫ ମାଧୁର ୧୪:୧୨; ମାର୍କ ୭:୧୪,୧୫; ଲୁକ ୯:୭.୮. * ୧୭:୧୭ ୧୭:୧୭ ଯୋହାନ୍ ୬:୬୮,୭୯. * ୧୭:୧୯ ୧୭:୧୯ ମାଧୁର ୧୮:୧୮; ଯୋହାନ୍ ୨୦:୨୩. * ୧୭:୨୪ ୧୭:୨୪ ମାଧୁର ୧୦:୩୮; ଲୁକ ୧୪:୨୭. * ୧୭:୨୫ ୧୭:୨୫ ମାଧୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. * ୧୭:୨୭ ୧୭:୨୭ ମାଧୁର ୨୫:୩୧ରୋମି ୨:୬.

କାମିଲେକାଏ ଏମାଲୟା । ୨୮ ଆଇଙ୍ଗ ସାବୁଡିଗିଙ୍ଗ କାଜିୟାପେତାନା, ନେତାଃରେ ମେନାକଏତେ ଚିମିନ୍ ହଡକ ମାନଖାହନ୍ ଆୟାଃ ରାଇଜରେ ହିଜୁଃତାନ୍ ଆଉରିକ ନେଲେ ଜାକେଦ୍ କାକ ଗଜଃଆ ।”

୧୭

ୟାଶୁଆଃ ରୁପ ବାଦଲିଆଃ

(ମାର୍କ ୯:୨-୧୩; ଲୁକ ୯:୨୮-୩୭)

୧ ତୁରିୟା ମାହାଁ ତାୟମତେ ଯାଶୁ, ପାଡ଼ରାସ୍, ଯାକୁବ୍ ଆତଃ ହାଗାତେ ଯୋହାନ୍ତେକୁକେ ଆୟାଃଲଃ ମିଆଁଦ୍ ସାଲାଇଁ ବୁରୁତେ ଇଦିକେଦକଆଏ । ଏନ୍ତାଃରେ ଇନ୍କୁ ଏସକାର୍ଗିକ ତାଇକେନା । ୨ ଇନିୟାଃ ମେଦମୁହାଁଡ୍, ଇନ୍କୁଆଃ ସାମନାଙ୍ଗରେ ବାଦଲାଇନା ଆତଃ ଇନିୟାଃ ମେଦମୁହାଁଡ୍, ସିଙ୍ଗିଲେକା ଜୁଲିୟାନା ଆତଃ ଇନିୟାଃ ଲିଜାଃ ଝାକ୍ ମାକ୍ ପୁଣ୍ଡିୟାନା । ୩ ଏନ୍ତେ ମୁଣା ଆତଃ ଏଲିୟ ଯାଶୁଲଃ ତାଗାଡ଼ତାନକ ନେଲକେଦକଆ । ୪ ପାଡ଼ରାସ୍ ଯାଶୁକେ କାଜିକିୟାଏ, “ହେ ପ୍ରାଭୁ, ଆବୁଆଃ ନେତାଃରେ ତାଇନଃ ପୁରାଃ ବୁଗିନାଃ, ଆତଃ ଆମ୍ ସୁକୁରେଦ, ଆଇଙ୍ଗ ନେତାଃରେ ଆପିୟା କୁମ୍ପାଲଙ୍ଗ୍ ବାଲୟା, ଆମାଃ ନାଗେନ୍ତେ ମିଆଁଦ୍, ମୁଣା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍ ।”

୫ **ୟାଶୁ ଜାଗାଡ଼ତାନ୍ ଇମତାଗି ମିଆଁଦ୍ ମାର୍ସାଲ୍ ରିମିଲ୍ ଇନ୍କୁକେ ଉମ୍ପୁକେଦକଆ ଆତଃ ନେଲେପେ, ଏନ୍ ରିମିଲ୍ଏତେ ଲାବଜା ଆୟୁମୟାନା, “ନିଃଗି ଆଇଁୟାଃ ଦୁଲାଇଡ୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ, ନିୟାଃ କାଜି ଆୟୁମେପେ ।”

୬ ଚେଲାଇ ନେଆଁ ଆୟୁମକେଦଡ଼ି, ବରତେ ତାବେବ୍ରେକେଦତେ ଅତେରେକ ଉୟୁଃୟାନା । ୭ ଯାଶୁ ଇନ୍କୁତାଃ ନାଡ଼େଃୟାନିଟି ଜୁଡିଦକେଦତେ କାଜିକେଦକଆଏ, “ବିରିଦ୍ପେ, ଆଲ୍ପେ ବରଏୟା ।” ୮ ଇନ୍କୁ ଆରିଦରାକାବ୍ରେକେଦତେ ଯାଶୁକେ ବାଗିକେଦତେ ଏନ୍ତାଃରେ ଜେତାଏକେ କାକ ନେଲକେଦକଆ ।

୯ ଇନ୍କୁ ବୁରୁଏତେ ଆଡ଼ଗୁତାନ୍ ଇମତା ଯାଶୁ ଇନ୍କୁକେ ଆବୁକେଦକଆ, “ମାନଖାହନ୍ ଗଜାକାନକଏତେ ଆଉରି ଜୀଉବିରିଦ୍ ଜାକେଦ୍ ଆପେ ନେଲାଇଦ୍ତେୟାଃ ଜେତାଏକକେ ଆଲ୍ପେ ଉଦୁକାକଆ ।”

୧୦ ଚେଲାଇୟାଃ ଇନିଃକେ କୁଲିକିୟାକ, “ଆଇନ୍ ଇତୁକଆଃ ଆଇନ୍ ଚିନାଃ ମେନ୍ତେ ଏଲିୟକେ ପାହିଲା ହିଜୁଃ ଲାଗାଡ଼ିଙ୍ଗୟାଃ ମେନେତାନାଏ ?”

୧୧ ଯାଶୁ କାଜିରୁହାଡ଼ାଦକଆଏ, “ଏଲିୟ ହିଜୁଃକେଦତେ ସବେନାଃ ଆତଃମିସା ବାଲୁହାଡ଼େୟାଏ, ଏନା ସାବୁଡିଗି ତାନାଃ । ୧୨*ମେନ୍ଦ୍ ଆଇଙ୍ଗ କାଜିୟାପେ ତାନାଇଙ୍ଗ୍, ଏଲିୟ ହିଜୁଃୟାନାଏ ଆତଃ ଇନ୍କୁ ଇନିଃକେ କାକ ନେଲ୍ଉରୁମ୍ପିୟା ଆତଃ ଆକଆଃ ମନେଲେକା ଇନିଃକେ ସିଗିଦକିୟାକ । ଏନ୍ ଲେକାଗି ମାନଖାହନ୍କେକ ସିଗିଦିଆ ।”

୧୩ ଏନ୍ତେ ଚେଲାଇକ, ଇନିଃ ବାପ୍ତିସ୍ମା ଏମଃନିଃ ଯୋହାନ୍ଆଃ ବିଷାଏ କାଜିକତାନାଏ ମେନ୍ତେ ଆବ୍ କାଡ଼କେଦାକ ।

ୟାଶୁ ମିଆଁଦ୍ ବଙ୍ଗା ଏସେରାକାନ୍ ହନ୍କେ ବୁଗିକିୟାଏ

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଯାଶୁ ଆତଃ ଆୟାଃ ଚେଲାଇ ଗାଦେଲ୍ ହଡକତାଃତେ ରୁହାଡ଼ୟାନିଟି ମିଆଁଦ୍ ହଡ୍ ଯାଶୁତାଃତେ ହିଜୁଃୟାନା ଆତଃ ଇକ୍ତଡ଼ୁକେଦତେ, ୧୫ କାଜିକିୟାଏ, “ହେ ପ୍ରାଭୁ, ହନିଙ୍ଗକଡ଼ାକେ ଲିବୁଆଇମେ, ଇନିଃଦ ମିକ୍ ବେମାଡ଼ତେ ପୁରାଃଗି ଦୁକୁତାନାଏ ଆତଃ ଇନିଃ ମଣେୟା ସେଙ୍ଗେଲରେ ଆତଃ ଦାଆଃରେ ଉୟୁଗତାନାଏ । ୧୬ ଆଇଙ୍ଗ ଆମାଃ ଚେଲାଇତାଃ ଇଦିକିୟାଲଙ୍ଗ୍ ମେନ୍ଦ୍ ଇନ୍କୁ କାକ ବୁଗିଦାଡ଼ିକିୟା ।”

୧୭ ଯାଶୁ କାଜିରୁହାଡ଼ାଦକଆଏ, “ଏ କା ବିଶ୍ୱାସ୍ତାନ୍ ଆତଃ କେଟେଦ୍ ମନ୍ ହଡକ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ? ଚିମିନ୍ ଜାକେଦ୍ ଆପେକେ ସାହାଡ଼ିଙ୍ଗପେଆଇଙ୍ଗ, ଇନିଃକେ ଆଇଙ୍ଗତାଃତେ ଆଉଝିପେ ।” ୧୮ ଯାଶୁ କଡ଼ାହନ୍ରେ ତାଇକାନ୍ ବଙ୍ଗାକେ ମାରାଙ୍ଗମତାକିୟା ଆତଃ ଇନିଃତାଃଏତେ ବଙ୍ଗା ଅତଙ୍ଗୟାନା ଆତଃ ଏନ୍ କଡ଼ାହନ୍ ଏନ୍ ଦିପିଲିଏତେ ବୁଗିୟାନାଏ ।

୧୯ ଏନ୍ତେ ଚେଲାଇ ଯାଶୁତାଃତେ ଏକାଡ଼ରେ ହିଜୁଃକେଦତେ କୁଲିକିୟାକ, “ଆଲେଦ୍ ଚିନାଃମେନ୍ତେ ଏନ୍ ବଙ୍ଗାକେ କାଲେ ଅତଙ୍ଗ୍ ଦାଡ଼ିକେନା ?”

* ୧୭:୫ ୧୭:୫ ମାଧୁର ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨. * ୧୭:୫ ୧୭:୫ ୨ ପାଡ଼ରାସ୍ ୧:୧୭,୧୮. * ୧୭:୧୨ ୧୭:୧୨ ମାଧୁର ୧୧:୧୪.

୨୦ * ଯୀଶୁ ମୋତାଦକଆଏ, “ଆପେୟାଃ ହୁଡ଼ିଙ୍ଗ ବିଶ୍ୱାସ୍ ମେନ୍ତେ କାପେ ଦାଡ଼ିକେନା । ଆଇଙ୍ଗ୍ ସାର୍ତ୍ତରିଙ୍ଗ୍ କାଜିୟାପେତାନା, ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗ୍ଲେକା ମେନାଃରେଦ୍, ମିଆଁଦ୍ ବୁରୁକେ ନେତାଃଏତେ ହାନ୍ତାଃତେ ସେନଃମେ ମେନ୍ତେ କାଜିରେଦ୍ ଏନା ସେନଃଆ ଆତଃ ବିଶ୍ୱାସ୍ତୟାଃ ପେଡେଃତେ କା ଦାଡ଼ିୟଃଲେକା ଜେତ୍ତନଃ ବାନଆଃ । ୨୧ ନେ ଲେକାନ୍ ବଙ୍ଗାକ ବିକ୍ତୁ ଆତଃ କାଟାଦକେଦ୍ତେ ଏସ୍କାର୍ କ ଅଡଙ୍ଗ୍ଅଃଆ ଆତଃ ଏଟାଃ ଲେକାତେଦ୍ କାହାରି ।”*

ୟୀଶୁ ଆୟାଃ ଗନଏଃ ବିଷାଏରେ ଆତଃମିସା କାଜିକେଦାଏ

(ମାର୍କ ୯:୩୦-୩୨; ଲୁକ ୯:୪୩-୪୪)

୨୨ ସବେନ୍ ତେଲାକ ଗାଲିଲ୍ରେ ହୁଣ୍ଡିୟାନ୍ତି ଯୀଶୁ ଇନ୍ କୁକେ କାଜିୟାଦକଆଏ, “ଆଇଙ୍ଗ୍ ମାନିଝାହନ୍ ତାନିଙ୍ଗ୍, ଆତଃ ହଡ଼କଆଃ ଚିଃଇରେ ଏମ୍ ଏଣ୍ଡାଗଃଆଇଙ୍ଗ୍ । ୨୩ ଇନ୍ କୁ ଇନିଃକେକ ଗଜିୟା ଆତଃ ଆପି ମାହାଁରେ ଜୀଉବିରିଦ୍ ରୁହାଡାଏ ।”

ଆତଃ ତେଲାକ ପୁରାଃଗିକ ହୁଡ଼ିଙ୍ଗ୍ ଜୀଉୟାନ ।

ୟୀଶୁ ମାହିର୍ ଅଡ଼ାଃରାଃ କାର୍ ପାଏସା ଏମ୍ତାନାଏ

୨୪ ଯୀଶୁ ଆତଃ ଆୟାଃ ତେଲାକ କପର୍ନାହୁମ୍ତେକ ସେଟେରୁୟାନ୍ତି, ମାହିର୍ ଅଡ଼ାଃରେନ୍ ମାଲ୍ଲହାରେମ୍ ପାଡ଼ରାସଡ଼ାତେ ହିଜୁଃୟାନାକ ଆତଃ କୁଲିକିୟାକ, “ଚିୟାଃ ଆପେୟାଃ ଗୁରୁ ମାହିର୍ ଅଡ଼ାଃରାଃ କାର୍ ପାଏସା କାଏ ଏମାଃ ?”

୨୫ ପାଡ଼ରାସ୍ କାଜିକେଦକଆଏ, “ହେରି, ଏମାଃଏ ।”

ଏନ୍ତେ ପାଡ଼ରାସ୍ ଅଡ଼ାଃରେ ବଲ୍ଲୟାନ୍ତି, ଯୀଶୁ ପାଡ଼ରାସ୍ କେ ପାହିଲ୍ କାଜିକିୟାଏ, “ଶିମୋନ୍ ଚିନାଃମ୍ ମେନେତାନା ? ନେ ଅଡେରେନ୍ ରାଜାକ ଅକଏତାଃଏତେ କାର୍ ହାରେମାଃକ ? ଇନ୍ କୁ ଆକଆଃ ପାର୍ଜାକତାଃଏତେ ଚି ପାର୍ଦେଶିକତାଃଏତେ ?”

୨୬ ପାଡ଼ରାସ୍, “ପାର୍ଦେଶିକତାଃଏତେ” ମେନ୍ ରୁହାଡ଼କେଦ୍ତି,

ୟୀଶୁ କାଜିକିୟାଏ, “ଏନ୍ରେଦ୍ ପାର୍ଜାକ ପାଏସା କାକ ଏମ୍ପାରାକାଜି । ୨୭ ମେନ୍ଦ୍ ନାହାଁଃ ଆବୁ ଇନ୍ କୁକେ ତହଦ୍ରିକା ନାଙ୍ଗ୍ କାବୁ ସାନାଙ୍ଗ୍ ତାନା, ଏନା ମେନ୍ତେ ଆମ୍ ଦରେୟାତେ ସେନ୍ କେଦ୍ତେ ବାନ୍ ଶି ହୁରାଙ୍ଗ୍ ଯେଁମେ ଆତଃ ସିଦା ବାନ୍ ଶିଅଃ ହାକୁକେ ସାବିମେ ଏନ୍ତେ ଇନିୟାଃ ମଟାଏତେ ମିଆଁଦ୍ ରୁପାଠାଃ ସିକାମ୍ ନାମେୟା, ଏନାକେ ଇଦିକେଦ୍ତେ ଆଇଁୟାଃ ଆତଃ ଆମାଃ ନାଗେନ୍ତେ ଏମାକମେ ।”

୧୮

ସିର୍ମା ରାଇଜ୍ରେ ଅକଏ ମାରାଙ୍ଗ୍ଆଁଏ

(ମାର୍କ ୯:୩୩-୩୭; ଲୁକ ୯:୪୬-୪୮)

୧ * ଏନ୍ ଦିପିଲିରେ ତେଲାକ ଯୀଶୁତାଃତେ ହିଜୁଃକେଦ୍ତେ କୁଲିକିୟାକ, “ସିର୍ମା ରାଇଜ୍ରେ ଅକଏ ମାରାଙ୍ଗ୍ଆଁଏ ?”

୨ ଯୀଶୁ ମିଆଁଦ୍ ହୁଡ଼ିଙ୍ଗ୍ ହନ୍ କେ ଆୟାଃତାଃତେ ଆଉକେଦ୍ତେ ଇନ୍ କୁଆଃ ଆଲାରେ ଡିଙ୍ଗୁକିୟାଏ,

୩ * ଆତଃ ମୋତାଦକଆଏ, “ଆଇଙ୍ଗ୍ ସାର୍ତ୍ତରିଙ୍ଗ୍ କାଜିୟାପେତାନା, ଆପେ ହେୟାଡିଙ୍ଗ୍ କେଦ୍ତେ ହୁଡ଼ିଙ୍ଗ୍ ହନ୍ ଲେକା କାପେ ବାଈୟେନ୍ରେ, ଜେତାଏ ସିର୍ମା ରାଇଜ୍ରେ କାପେ ବଲଆ । ୪ ଏନାମେନ୍ତେ ଜେତାଏ ଆପାନ୍ କେ ଲେବେୟେନ୍ନିଃ ଆତଃ ନେ ହନ୍ ଲେକା ବାଈୟେନ୍ନିଃରି ସିର୍ମା ରାଇଜ୍ରେ ମାରାଙ୍ଗ୍ଆଁଏ । ୫ ଆତଃ ଜେତାଏ ନେ ଲେକାନ୍ ହୁଡ଼ିଙ୍ଗ୍ ହନ୍ କେ ଆଇଁୟାଃ ନୁଡୁମ୍ତେ ସୁକୁଆଇନିଃ ଆଇଙ୍ଗ୍ କେ ସୁକୁଆଃଏ ।”

ବିଶ୍ୱାସ୍ରେ ଆଲ୍ପେ ତହଦ୍ଋଆ ମେନ୍ତେ ଯୀଶୁ ଇଡୁକତାନାଏ

(ମାର୍କ ୯:୪୨-୪୮; ଲୁକ ୧୭:୧-୨)

୬ “ଜେତାଏ ଆଇଁୟାଃରେ ବିଶ୍ୱାସ୍ତାନ ନେ ହୁପ୍ଡିଙ୍ଗ୍ କଏତେ ମିଆଁଦ୍ନିଃକେ ଆୟାଃ ବିଶ୍ୱାସ୍ରେ ତହଦ୍ରିକାଈରେଦ୍ ଇନିୟାଃ ହଡ଼ରେ ଜାନ୍ତାଦିରି ହାକାକେଦ୍ତେ ଇନିଃକେ ଇକିର୍ ଦରେୟାରେ ହୁଦ୍ମାତେୟାଃ ଇନିଃ ନାଗେନ୍ତେ ବୁରିଅଃତେଆଃ । ୭ ହାୟ, ଚିମିନ୍ ବରଝାନ୍ତି ନେ ଅଡେଦିଶ୍ମ୍ ଚିୟାଃଚି ହଡ଼କଆଃ ବିଶ୍ୱାସ୍ରେ ତହଦ୍ରିକା ନାଗେନ୍ତେ ପୁରାଃତେୟାଃ ମେନାଃ । ନେ ଲେକାନ୍ ତହଦ୍ଋତେୟାଃଦ୍

* ୧୭:୨୦ ୧୭:୨୦ ମାଧୁର ୨୧:୨୧; ମାର୍କ ୧୧:୨୩; ୧ କରିନ୍ଥ୍ ୧୩:୨. * ୧୭:୨୧ ୧୭:୨୧ ନେ ବାଟାନ୍ ଚିମିନ୍ ମାରି ଅନଲ୍ରେ ବାନଆଃ
* ୧୮:୧ ୧୮:୧ ଲୁକ ୨୨:୨୪. * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭.

ହିଜୁରଗି ଲାଗାତିକ୍‌ୟାଃ ଫେନ୍‌ଦ ଜେତାଏ ତହ୍‌ଦ୍‌ରିକାନିଆଃ ହାୟ, ଇନିୟାଃ ଦାସା ତିମିନ୍ ବରଝାନ୍‌ଗି ହୁବାଅଥାଃ ।

୮ *ଆମାଃ ତିଃଇ ଚାଏ ଆମାଃ କାଚା ଆମାଃ ବିଶ୍ୱାସରେ ତହ୍‌ଦ୍‌ ରିକାମ୍‌ତାନ୍‌ରେଦ ଏନାକେ ଛପା ଏଣ୍ଡାଗେମେ । ବାରିଆ ତିଃଇ ଆତଃ ବାରିଆ କାଚା ତାଜକେଦ୍‌ତେ ନାରାକ୍‌ରେ ଜାନାଅ କା ଇଣ୍ଡିଜଃ ସେଜେଲ୍‌ରେ ସେନଃଏତେଦ ଚୁଣ୍ଡାୟାନ୍ତେ ଜୀଦାନ୍‌ରେ ବଲଃ ଆମାଃ ନାଗେନ୍ତେ ବୁଗିନାଃ । ୯ *ଆମାଃ ମିଆଁଦ୍ ମେଦ୍ ପାପ୍‌ଇତିମେରେଦ, ଏନାକେ ଅତଜ୍‌କେଦ୍‌ତେ ହୁଦ୍‌ମାଏଣ୍ଡାଃଏମେ । ବାରିଆ ମେଦ୍ ତାଜକେଦ୍‌ତେ ନାରାକ୍ ସେଜେଲ୍‌ରେ ହୁଦ୍‌ମାଅଃହେତେ ମିଆଁଦ୍ ମେଦ୍‌ତେ ଜୀଦାନ୍‌ରେ ବଲ୍‌ତେୟାଃ ବୁଗିନାଃ ।

ମିଆଁଦ୍ ଆଦାକାନ୍ ମିଣ୍ଡିଆଃ ଜନ୍‌କା କାଜି
(ଲୁକ ୧୫:୩-୭)

୧୦ *ନେ ହୁପ୍‌ତିକ୍ ହନ୍‌କଏତେ ମିଆଁଦ୍‌ନିଃକେହ୍ ଆଲ୍‌ପେ ହିଲାଜ୍‌ଇଆ ଚିୟାଃତି ଆଇଜ୍ ଆପେକେ କାଜିପେତାନାଇଜ୍, ଇନ୍‌କୁକେ ଜାତ୍‌ନାଅକତାନ୍ ସିର୍ମାରେନ୍ ଦୁଢ୍‌କ ଜାନାଅଗି ଆଇଁୟାଃ ଆପୁ ପାର୍‌ମେଶ୍ୱାର୍‌ତାଃରେ ମେନାକଆ । ୧୧ ଚିୟାଃତି ମାନଝାହନ୍‌ଦ୍ ଆଦାକାନ୍‌କେ ବାସ୍ତାଅ ନାଗେନ୍ତେ ହିଜୁଆକାନା । *

୧୨ *ତିକ୍‌ନାଃପେ ଉଡ୍‌ହୁ ତାନା ? ଜେତାଏ ହଡ୍‌ଆଃ ମଣ୍ଡେହିସି ମିଣ୍ଡିକ ମେନାକଆ, ଆତଃ ଇନ୍‌କୁଏତେ ମିଆଁଦ୍‌ନିଃ ଆଦକରେ ଚିୟାଃ ଏନ୍ ଉପୁନ୍‌ହିସି† ଗେଲ୍‌ଅରେୟା‡ ମିଣ୍ଡିକେ ବୁରୁରେ ଗୋଟ୍‌କେଦ୍‌ତେ ବାଗିତାକଆଏ ଆତଃ ଆଦାକାନ୍ ମିଣ୍ଡିକେ କାଏ ତି ଦାଣ୍ଡିୟା ? ୧୩ ଆତଃ ଇନିଃକେ ନାମ୍‌ତାଜରେ, ସାର୍‌ତିଗିଜ୍ କାଜିୟାପେତାନା, ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା କା ଆଦାକାନ୍ ମିଣ୍ଡିକଏତେ ମିଆଁଦ୍ ନାମାକାଇ ମିଣ୍ଡି ନାଗେନ୍ତେ ପୁରାଃଗି ରାସ୍‌କାଅଃଆ । ୧୪ ଏନ୍‌ଲେକାଗି ନେ ହୁପ୍‌ତିକ୍‌କଏତେ ମିଆଁଦ୍‌ନିଃକେହ୍ ଲିୟନଃକାଏ ମେନ୍ତେ ଆପେୟାଃ‡ ସିର୍ମାରେନ୍ ଆପୁ କାଏ ସାନାଜ୍‌ତାନା ।

ପାପ୍‌ତାନ୍ ହାଗା ଚାଏ ମିଗିକ
(ଲୁକ ୧୭:୩)

୧୫ *ହାଗାମ୍‌ତାମାଃ ଆମାଃ ବିରୁଧ୍‌ରେ ପାପ୍ ରିକାଏରେଦ, ଆୟାଃତାଃ ସେନ୍‌ମେ ଆତଃ ଆବେନ୍ ବାରାନ୍‌କିନାଃ ଆଲାରେ ଆୟାଃ ଚିଟାତେୟାଃ ଉପୁବାଇମେ । ଇନିଃ ଆୟୁମ୍‌ରେଦ ହାଗାମ୍‌ତାମାଃକେ ନାମ୍‌ରୁହାଡ୍‌କିୟାମ୍ । ୧୬ ମେନ୍‌ଦ ଇନିଃ କାଏ ଆୟୁମ୍‌ରେଦ ମିହୁଡ୍ ଚାଏ ବାର୍‌ହଡ୍‌ ଏଗାଃକେ ଆମାଃଲଃ ଇଦିକୁମେ । ଧାରାମ୍‌ପୁଅରେୟାଃ କାଜିଲେକା, ‘ବାର୍‌ହଡ୍‌ ଚାଏ ଆପିହଡ୍‌ଆଃ ଗାଞ୍ଜାତେ ସବେନ୍ କାଜି ମାନାତିକ୍ ହବାଅଃଆ ।’ ୧୭ ଆତଃ ଇନିଃ ଇନ୍‌କୁଆଃ କାଜିକ କାଏ ଆୟୁମ୍‌ରେଦ କାଲିସିୟାକେ ଉଦ୍‌ବିମେ, ଆତଃ ଇନିଃ କାଲିସିୟାରାଃ କାଜିୟା କାଏ ଆୟୁମ୍‌ରେଦ, ଇନିଃକେ ସାଅଁସାର୍ ହଡ୍ ଆତଃ ମାଲ୍‌ହାମ୍‌ନିଃ ଲେକା ରିକାଇମେ, ଆତଃ ଇନିଃଲଃ ଆଲମ୍ ମେସାଅଃଆ ।

୧୮ *ଆଇଜ୍ ସାର୍‌ତିଗିଜ୍ କାଜିୟାପେତାନା, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍‌ନାଃମ୍ ରାଡ୍‌ଏତେୟାଃ, ସିର୍ମାରେ ଏନା ରାଡ୍‌ଆଃଆ ।

୧୯ *ଆତଃ ସାର୍‌ତିଗିଜ୍ କାଜିପେତାନା, ଆପେକଏତେ ବାର୍‌ହଡ୍‌ ନେ ଅତେରେ ଜେଡ୍‌ନାଃ ମିଦ୍ ମନ୍‌ଡେକିନ୍ ଆସିରେଦ, ଏନା ସିର୍ମାରେନ୍ ଆପୁଇଜ୍ ସାଃଏତେକିନ୍ ନାମେଗିୟା । ୨୦ ଚିୟାଃତି ବାର୍‌ହଡ୍‌ ଚାଏ ଆପିହଡ୍‌ ଆଇଁୟାଃ ନୁଡ୍‌ମ୍‌ତେ ହୁଣ୍ଡିୟଃତାଃରେ ଆଇଜ୍ ଇନ୍‌କୁଆଃ ଆଲାରିୟାଃ ।”

ଛାମା କା ଏମ୍‌ତାନ୍ ଦାସିଆଃ ଜନ୍‌କା କାଜି

୨୧ *ଏନ୍ତେ ପାଡ୍‌ରାଏ ଯାଗୁତାଃତେ ହିଜୁଲେନ୍ତେ କୁଲିକିୟାଏ, “ହେ ପ୍ରାଭୁ, ହାଗାଇଜ୍ ତାଇୟାଃ ଆଇଁୟାଃ ବିରୁଧ୍‌ରେ ସବେନ୍ ଇମ୍‌ତା ପାପ୍‌ଏରେଦ ତିମିନ୍‌ସା ଜାକେଦ୍ ଛାମାଇୟାଇଜ୍ ? ଚିୟାଃ ସାଡ୍ ଧାଅଁ ଜାକେଦ୍ ?”

୨୨ ଯାଗୁ କାଜିରୁହାଡ୍‌କିୟାଏ, “ସାଡ୍ ଧାଅଁ ଜାକେଦ୍ ମେନ୍ତେ କାହାଗି, ମେନ୍‌ଦ ସତସ୍ତୋର୍ ଧାଅଁ ଜାକେଦ୍ ? ୨୩ ଚିୟାଃତି ସିର୍ମା ରାଇଜ୍‌ଦ୍ ମିଆଁଦ୍ ରାଜାଲେକା, ଇନିଃ ଆୟାଃ ଦାସିକଆଃ ହିସାବ୍ ଆସି ନାଜ୍

* ୧୮:୮ ୧୮:୮ ମାଥୁର ୫:୩୦. † ୧୮:୯ ୧୮:୯ ମାଥୁର ୫:୨୯. ‡ ୧୮:୧୦ ୧୮:୧୦ ଲୁକ ୧୯:୧୦. * ୧୮:୧୧ ୧୮:୧୧ ନେ ବାଗନ୍ ତିମିନ୍ ମାଗି ଅନଲ୍‌ରେ ବାନଆଃ † ୧୮:୧୨ ୧୮:୧୨ ଅସି ‡ ୧୮:୧୨ ୧୮:୧୨ ଅଶେଇଜ୍ § ୧୮:୧୪ 18:14 ତିମିନ୍ ମାଗି ଅନଲ୍‌ରେ ଆଇଁୟାଃ ଅଲ୍‌କାନା * ୧୮:୧୫ ୧୮:୧୫ ଲୁକ ୧୭:୩. * ୧୮:୧୮ ୧୮:୧୮ ମାଥୁର ୧୭:୧୯; ଯୋହାନ୍ ୨୦:୨୩. * ୧୮:୨୧ ୧୮:୨୧ ଲୁକ ୧୭:୩,୪.

ଉହାଟ୍‌କେଦାଏ । ୨୪ ଆତଃ ରାଜା ହିସାବ୍ ଏଟେଦ୍‌ତାଜକେନ୍ ଜମ୍‌ତା ମିଆଁଦ୍ ଦାସିକେ ଜନିଃତାଃକ ଆଉକିୟା, ଜନିଃଦ ଗେଲ୍ ହାଜାର୍ ଦିନାରି ରିଣା ଜଦିକାଦ୍ ତାଜକେନା । ୨୫ ଜନିଃତାଃରେ ହାଲ୍‌ରୁହାଡ୍, ନାଗେନ୍ତେ ଜେଡ୍‌ନାଃ କା ତାଜକେନା । ଏନାମେନ୍ତେ ରାଜା ଜନିଃକେ ଆତଃ ଆୟାଃ କୁଡ୍, ହନ୍‌ଗାଣା, ଆତଃ ଆୟାଃ ମେନାଃତେୟାଃ ସବେନାଃ ଆଖିରିଜ୍‌କେଦ୍‌ତେ ରିଣା ପେରେଃ ନାଗେନ୍ତେ ଆତୁକେଦ୍‌କଆ । ୨୬ ଏନ୍ତେ ଏନ୍ ଦାସି ରାଜାରାଃ ଆୟାଃରେ ଜକଡ୍‌ମୁକେଦ୍‌ତେ ଉୟାୟାନାଏ, ଆତଃ କାଜିକିୟାଏ, ‘ହେ ଗମ୍‌କେ, ଆତଃ ତିମିନ୍ ମାହାଁଲେକା ତାଜିତାମେ, ଏନ୍ତେ ଆଇଜ୍ ସବେନାଃଇଜ୍ ହାଲ୍‌ରୁହାଡ୍‌ମେଆ ।’ ୨୭ ଏନ୍ତେ ଏନ୍ ଦାସିରାଃ ରାଜା ଜନିଃରେ ବିଲ୍‌କାଅକେଦ୍‌ତେ, ଜନିଃକେ ଆଡ଼ାଃକିୟା, ଆତଃ ଆୟାଃ ରିଣାକ ବାଗିକେଦାଏ ।

୨୮ “ମେନ୍‌ଦ୍ ଏନ୍ ଦାସି ଅତଜ୍‌ୟାନ୍‌ତେ, ଆୟାଃତାଃଏତେ ମିଦ୍ ସାଥ ମୁସିଜ୍‌ରାଃ ନାଲା ସିକା ରିଣା ଜଦିକାଦ୍ ମିଆଁଦ୍ ଗାଡିଦାସିକେ ନାମ୍‌କିୟାଏ, ଏନ୍ତେ ଜନିଃକେ ସାବ୍‌କିତେ ହଟ୍‌ରେ ଲିମ୍‌ଦୁ ଏଟେଦ୍‌କିୟା ଆତଃ କାଜିକିୟାଏ, ‘ଆଇୟାଃତାଃଏତେ ରିଣାକାଦ୍‌ତେୟାଃ ସବେନାଃ ପେରେଜାଜ୍‌ମେ ।’ ୨୯ ଏନ୍ ଗାଡିଦାସି ଜକଡ୍‌ମୁକେଦ୍‌ତେ ବିକ୍ରିକିୟାଏ, ଆତଃ କାଜିକିୟାଏ, ‘ଆତଃ ତିମିନ୍ ମାହାଁଲେକା ତାଜିତାମେ, ଏନ୍ତେ ଆଇଜ୍ ସବେନାଃଇଜ୍ ହାଲ୍‌ରୁହାଡ୍‌ମେଆ ।’ ୩୦ ମେନ୍‌ଦ୍ ଜନିୟାଃ ବିକ୍ରି କାଏ ଆୟୁମ୍‌କେଦା, ଆତଃ ଜନିଃ ରିଣା ଆଉରି ହାଲ୍‌ରୁହାଡ୍‌ଜେ ଜାକେଦ୍ ଜେହେଲ୍‌କିୟାଏ । ୩୧ ଜନିୟାଃ ଗାଡିଦାସିକେ ନେଆଁ ନେଲ୍‌କେଦ୍‌ତେ ପୁରାଃଗିକ ହୁଡ୍‌ଜ୍‌ଜୀଉୟାନା ଆତଃ ସେନଃୟାନ୍ତେ ସବେନାଃ ଆକଆଃ ରାଜାକେକ ଉଦ୍‌ବ୍‌କିୟାକ । ୩୨ ଏନ୍ତେ ଜନିୟାଃ ରାଜା ଜନିଃକେ ହାକାଅକିୟାଏ, ଆତଃ କାଜିକିୟାଏ, ‘ଏ ଏଡ୍‌କାନ୍ ଦାସି, ଆମ୍ ଆଇଜ୍‌କେ ବିକ୍ରିକେଦିଜ୍‌ଜ୍‌ରେ ଆମାଃ ସବେନ୍ ରିଣା ବାଗିତାଦ୍‌ମେୟାଁଇଜ୍ ।’ ୩୩ ଆଇଜ୍ ଆମ୍‌କେ ବିଲ୍‌କାଅକେଦ୍‌ମେଲେକା, ଆମ୍‌ହ ଆମାଃ ଗାଡିଦାସିକେ ବିଲ୍‌କାଅ* ଲାଗାଡିଜ୍ ତାଜକେନା । ୩୪ ରାଜା ପୁରାଃଗି ଏସେଦ୍‌ୟାନାଏ ଆତଃ ଜନିଃ ଏନ୍ ଦାସିକେ ସବେନ୍ ରିଣା ଆଉରି ହାଲ୍‌ରୁହାଡ୍‌ଜେ ଜାକେଦ୍ ସାଜାଜ ନାମେ ନାଗେନ୍ତେ ଜେହେଲ୍‌ତେ କୁଲ୍‌କିୟାଏ ।”

୩୫ ଯୀଶୁ ଜନ୍‌କା କାଜି କାଜିଚାବାକେଦ୍‌ଚି କାଜିକେଦାଏ, “ଆପେକଏତେ ମିଆଁଦ୍ ହଡ୍ ଆପେୟାଃ ହାଗାକଆଃ ଗୁହାଁ ଆପେୟାଃ ମନ୍‌ସୁରୁଦ୍‌ତେ କାପେ ଛାମାକରେଦ୍, ଆଇୟାଃ ସିମାରେନ୍ ଆପୁହ୍ ଏନ୍‌ଲେକାଗି କାଏ ଛାମାପେୟା ।”

୧୯

କତାକୁଡିବାଗିରେୟାଃ ଜନିତୁ (ମାର୍କ ୧୦:୧-୧୨)

୧ ଯୀଶୁ ନେଆଁ କାଜି ଚାବାକେଦ୍‌ଚି ଗାଲିଲ୍ ବାଗିକେଦ୍‌ତେ ଯାଦ୍‌ନାହ~ ହାନ୍‌ପାରମ୍ ଯିହୁଦା ପାର୍‌ଗାନ୍‌ତେ ସେନଃୟାନା । ୨ ପୁରାଃ ଗାଦେଲ୍ ହଡ୍‌କ ଜନିଃକେକ ଅତଜ୍‌କିୟା ଆତଃ ଜନିଃ ଏନ୍ତାଃରେ ଦୁକୁହାସୁତାନ୍‌କେକ ବୁଗିକେଦ୍‌କଆଏ ।

୩ ତିମିନ୍ ଫାରୁଶୀକ ଆୟାଃତାଃରେ ବିଡାଅ ନାଗେନ୍ତେକ ହିଜୁଃୟାନା ଆତଃ କୁଲିକିୟାକ, “ମୁଗାରାଃ ଆଇନ୍ ଲେକାତେ, ତିୟାଃ କଡା ଆୟାଃ କୁଡିକେ ଜେତାନ୍ କାଜି ନାଗେନ୍ତେ ବାଗିତାଡିୟାଏ ଚି କାହା ?”

୪ ଜନିଃ କାଜିରୁହାଡାଦ୍‌କଆଏ, “ଧାରାମ୍‌ପୁଅରେ କାପେଚି ପାଢାଅକାଦା, ବାବାଜନିଃ ମୁନୁରେ ଏନ୍ ବାରାନ୍‌କିନ୍‌କେ, କଡା ଆତଃ କୁଡି ବାଜକେଦ୍‌କିନାଏ ? ୫ ଆତଃ ପାର୍‌ମେଶ୍‌ବାର୍ କାଜିକେଦାଏ, ‘ଏନା ନାଗେନ୍ତେ ହଡ୍ ଆୟାଃ ଏଜା ଆପୁକିନ୍‌କେ ବାଗିକେଦ୍‌ତେ ଆୟାଃ କୁଡିଲଃ ମିଦଃଆଏ, ଆତଃ ଜନ୍‌କିନ୍ ବାରାନ୍‌କିନ୍ ମିଦଃଆକିନ୍ ।’ ୬ ଏନାମେନ୍ତେ ଜନ୍‌କିନ୍ ବାରିଆ ହଡ୍‌ମ ନାହାଁଲାଃକିନ୍, ମେନ୍‌ଦ୍ ମିଆଁଦ୍ ହଡ୍‌ମତାନ୍‌କିନ୍, ଏନା ନାଗେନ୍ତେ ପାର୍‌ମେଶ୍‌ବାର୍ ମିଦ୍‌ରେ ତଲାକାଦ୍‌ତେୟାଃ ହଡ୍ ଆଲକାଏ ବିନ୍‌ଗାଏକା ।”

୭ ଫାରୁଶୀକ ଯୀଶୁକେ କୁଲିକିୟାକ, “ତାଦ୍ ମୁଶା ତିନାଃମେନ୍ତେ କୁଡିକେ ବାଗିରେଆଃ ଅନଲ୍‌ଚିଠା ଏମ୍‌କେଦ୍‌ତେ ବାଗିକପେ ମେନ୍ତେ ଆଇନ୍‌ରେ ଆତୁକାଦା ?”

୮ ଯୀଶୁ କାଜିରୁହାଡାଦ୍‌କଆଏ, “ମୁଶାଦ୍ ଆପେୟାଃ କେଟେଦ୍‌ମନ୍ ନାଗେନ୍ତେ ଆପେୟାଃ କୁଡିକେକେ ବାଗି ଚିକାଦ୍‌ପେୟାଏ, ମେନ୍‌ଦ୍ ଅତେଦିଶ୍‌ମରେୟାଃ ମୁନୁରାଃ ସିଦାରେ ଏନ୍‌ଲେକା କା ତାଜକେନା ।

୯ ଆଇଜ୍ ଆପେକେ କାଜିୟାପେ ତାନାଜଜ୍, ଜେତାଏ ହଡ୍ ଆପାଜିର୍ କାମି ବେଗାର୍ ଏଟାଃ କାଜି

* ୧୮:୩୩ ୧୮:୩୩ ଦାୟା ☆ ୧୯:୭ ୧୯:୭ ମାଧୁର ୫:୩୧. ☆ ୧୯:୯ ୧୯:୯ ମାଧୁର ୫:୩୨; ୧ କରିଷ୍ଟିୟ ୭:୧୦,୧୧.

ନାଗେନ୍ଦ୍ର ଆୟାଃ କୁଡ଼ିକେ ବାଗିକେଦତେ ଏଟାଃ କୁଡ଼ିକେ ଆଣ୍ଠିୟଃରେ ଆପାଞ୍ଜିର୍ କାମି କାମିୟାଏ ଆତଃ ଇନିଃ ଆଇଃକ୍ତି ଆପାଞ୍ଜିର୍ନିଃ ହବାଅଃଆଏ ।”

୧୦ ଚେଲାକ ଯୀଶୁକେ କାଜିକିୟାକ, “କଡ଼ା ଆତଃ ଆୟାଃ କୁଡ଼ିଆଃ ଆଲାରେ ନେ ଲେକା ହବାଅଃତାନ୍ରେଦ ଆଣ୍ଠି କା ବୁଗିନାଃ ।”

୧୧ ଯୀଶୁ ଇନ୍କୁକେ କାଜିରୁହାଡ଼କେଦକଆଏ, “ସବେନ୍ ହଡ଼କ ନେ ଇନିତୁ କାକ ମାନାତିଜ୍ ଦାଡ଼ିୟା, ମେନ୍ଦ ପାର୍ମେଶ୍ଵାର୍ ଏନା ଅକନ୍କକେ ଏମାକାଦକଆଏ, ଇନ୍କୁ ଏସ୍କାର୍ଡ଼ି ଦାଡ଼ିୟାକ । ୧୨ ଚିୟାଃତି ଚିମିନ୍ ଚାକୁରା*କ ମେନାକଆ, ଇନ୍କୁ ଏନ୍ଲେକାଗିକ ଜାନାମାକାନା, ଆତଃ ଏଟାଃ ଚିମିନ୍ଦ ହଡ଼କଆଃତେ ଚାକୁରାକ ବାଇୟାକାନା, ଆତଃ ଏଟାଃକ ସିର୍ମା ରାଇଜ୍ଠାଃ କାମି ନାଗେନ୍ଦ୍ର କାକ ଆଣ୍ଠିଦିତାନା । ନେୟାଁ ମାନାତିଜ୍ ଦାଡ଼ିନିଃ ମାନାତିଜ୍ଫେୟାକାଏ ।”

ୟୀଶୁ ହୁଡ଼ିଜ୍ ହନ୍କକେ ଆଶିଷକେଦକଆଏ
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏନ୍ଦ୍ର ଯୀଶୁ ହନ୍କଆଃ ଚେତାନ୍ରେ ତିଃଇ ଦହକେଦତେ ବିନ୍ତିକାଏ ମେନ୍ଦ୍ର ହଡ଼କ ହୁଡ଼ିଜ୍ ହନ୍କକେ ଯୀଶୁତାଃତେକ ଆଉକେଦକଆ ମେନ୍ଦ ଚେଲାକ ଇନ୍କୁକେକ ମାରାଜ୍ଫମଚାକେଦକଆ ।

୧୪ ଯୀଶୁ ମେତାଦକଆଏ, “ହୁଡ଼ିଜ୍ ହନ୍କକେ ଆଇଜ୍ଫତାଃତେ ହିଜ୍ଠିକତିକପେ ଆତଃ ଇନ୍କୁକେ ଆଲ୍ପେ ମାନାକଆ, ଚିୟାଃତି ସିର୍ମା ରାଇଜ୍ଠ ଦ ନେ ହନ୍କ ଲେକାନ୍କଆଃ ତାନାଃ ।”

୧୫ ଏନ୍ଦ୍ର ଇନ୍କୁ ଚେତାନ୍ରେ ତିଃଇ ଦହକେଦତେ ଆଶିଷକେଦକଆଏ ଆତଃ ଇନିଃ ଏନ୍ଦ୍ରଏତେ ସେନଃୟାନା ।

କିର୍ସାଣ୍ଡ ଧାଞ୍ଜଡ଼ା
(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ମିଆଁଦ ଧାଞ୍ଜଡ଼ା ଯୀଶୁତାଃତେ ହିଜ୍ଠିୟାନା ଆତଃ କୁଲିକିୟାଏ, “ହେ ଗୁରୁ, ଜାନାଅ ଜାଦାନ୍ ନାମେ ନାଗେନ୍ଦ୍ର ଆଇଜ୍ଫକେ ଚିକାନ୍ ବୁଗିନ୍ କାମି ରିକା ଲାଗାତିଜ୍ଫୟାଃ ?”

୧୭ ଯୀଶୁ କାଜିରୁହାଡ଼କିୟାଏ, “ଚିକାନାଜ୍ ଆଇଜ୍ଫକେ ଅକନାଃ ବୁଗିନ୍ ବିଷାଏ ତାନାଃ ମେନ୍ଦ୍ରମ୍ କୁଲିଜ୍ଫତାନା ? ପାର୍ମେଶ୍ଵାର୍ ଏସ୍କାର୍ ବୁଗିନ୍ନିଃ ତାନିଃ । ମେନ୍ଦ ଆମ୍ ଜାଦାନ୍ରେ ବଲ ନାଗେନ୍ଦ୍ର ସାନାଜ୍ଫତାନ୍ରେଦ, ପାର୍ମେଶ୍ଵାର୍ଆଃ ଆନ୍ତୁକ ମାନାତିଜ୍ଫମେ ।”

୧୮ ଇନିଃ ଯୀଶୁକେ କୁଲିକିୟାଏ, “ଅକନ୍ ଆନ୍ତୁକ ?”

ୟୀଶୁ କାଜିରୁହାଡ଼କିୟାଏ, “ହଡ଼ ଆଲମ୍ ଗଜିୟା, ଆଲମ୍ ଆପାଞ୍ଜିରାଃ, ଆଲମ୍ କୁମ୍ବୁଆଃ, ହସଡ଼ଗାଞ୍ଜା ଆଲମାଃ, ୧୯ ଏଜା ଆପୁକିନ୍କେ ମାନାତିଜ୍ଫକିନ୍ମେ, ଆତଃ ଆମାଃ ହପର୍ଜାପାଃରେନ୍କକେ ଆମ୍ଲେକା ଦୁଲାଡ଼କମେ ।”

୨୦ ଏନ୍ ଧାଞ୍ଜଡ଼ା କାଜିରୁହାଡ଼କିୟାଏ, “ଏନ୍ ସବେନ୍ ଆନ୍ତୁକଇଜ୍ଫ ମାନାତିଜ୍ଫକାଦା ଆତଃ ଚିକ୍ନାଃ ଆଇଜ୍ଫକେ ରିକା ଲାଗାତିଜ୍ଫୟାଃ ?”

୨୧ ଯୀଶୁ କାଜିରୁହାଡ଼କିୟାଏ, “ପକତାମ୍ ସାନାଜ୍ଫତାନ୍ରେଦ, ମିଆଁଦ କାଜି ଆମ୍ଲେକେ ରିକା ଲାଗାତିଜ୍ଫୟାଃ, ଜୁ, ଆମାଃ ସବେନାଃ ଆଖିରଜ୍ଫକେଦତେ ରେଜ୍ଫେକକେ ହାଜିଜ୍ଫଆକମ୍, ଆତଃ ଆମ୍ ସିର୍ମାରେ ଖୁଜ୍ ମ୍ ନାମେୟା । ଏନ୍ଦ୍ର ରୁହାଡ଼କେଦତେ ଅତଜ୍ଫଇଜ୍ଫମେ ।”

୨୨ ଏନ୍ ଧାଞ୍ଜଡ଼ା ନେକାଜି ଆୟୁମ୍ଲକେଦତେ ହୁଡ଼ିଜ୍ଫଜାଠୟାନ୍ଦ୍ର ସେନଃୟାନା ଚିୟାଃତି ଇନିଃ ପୁରାଃଗି କିର୍ସାଣ୍ଡ ତାଇକେନାଏ ।

୨୩ ଯୀଶୁ ଆୟାଃ ଚେଲାକେ କାଜିୟାଦକଆଏ, “ସାର୍ଡ଼ିଗିଜ୍ଫ କାଜିୟାପେତାନା, କିର୍ସାଣ୍ଡ ହଡ଼କନାଜ୍ଫ ସିର୍ମା ରାଇଜ୍ଠରେ ବଲଃ ପୁରାଃଗି ହାମ୍ଲାଃ । ୨୪ ଆତଃଗିଜ୍ଫ କାଜିପେତାନା, ପାର୍ମେଶ୍ଵାର୍ଆଃ ରାଇଜ୍ଠରେ କିର୍ସାଣ୍ଡ ହଡ଼ ବଲ ଦାଡ଼ିଏତେ, ସୁଇ ଭଣ୍ଡୁରେ ଡିର୍ ପାରମଃତେୟାଃ ରାଖାଲାଃ ।”

୨୫ ଚେଲାକ ନେଆଁ ଆୟୁମ୍ଲକେଦତେ ପୁରାଃଗିକ ଆକ୍ଦାଦାଅୟାନା, ଆତଃ ଆକ ଆକରେକ କୁପଲିୟାନା, “ତାଦ୍ ଅକଏ ଜାଠ ବାଞ୍ଜାଅ ନାମ୍ ଦାଡ଼ିୟାଏ ?”

୨୬ ଯୀଶୁ ଇନ୍କୁକେ ଆରିଦକେଦତେ କାଜିକେଦକଆଏ, “ହଡ଼କ ନାଗେନ୍ଦ୍ର ନେଆଁ କା ଦାଡ଼ିୟାଃ କାମିତାନା ମେନ୍ଦ ପାର୍ମେଶ୍ଵାର୍ତେ ହବାଦାଡ଼ିୟାଃ ।”

* ୧୯:୧୭ ୧୯:୧୭ ଚାକୁରା, ନପୁଂସକ

୨୭ ଏବେ ପାତ୍ରରାଘ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାରିକେଦ୍‌ତେ ଆମ୍‌କେଲେ ଅତଙ୍‌କେଦ୍‌ମେୟା । ଆଲେ ଚିକ୍‌ନାଃଲେ ନାମେୟା ?”

୨୮ ଯୀଶୁ ଇନ୍‌କୁକେ ମେତାଦକଆ, “ସାର୍‌ଡିରିଙ୍‌ କାଜିୟାପେ ତାନାଲଙ୍‌, ସବେନାଃରାଃ ନାଖାରି ବାଜରୁହାଡ୍‌କେଦ୍‌ତେ, ମାନଖାହନ୍‌ ଆୟାଃ ମାନାରାଙ୍‌ରେୟାଃ ରାଜଗାଦିରେ ଦୁବାଃଏ ଇମ୍‌ତା ଆପେ ଆଇଙ୍‌କେ ଅତଙ୍‌କାଦିଙ୍‌କରି ଗେଲ୍‌ବାର୍‌ ରାଜଗାଦିରେ ଦୁବ୍‌କେଦ୍‌ତେ ଇସ୍‌ଏଲ୍‌ରେନ୍‌ ଗେଲ୍‌ବାର୍‌ କିଲିକିଆଃ ତେତାନ୍‌ରେ ରାଇଜେୟାପେ । ୨୯ ଆତଃ ଜେତାଏ ହଡ୍‌ ଆଇଙ୍‌କେ ମେଟ୍ରେ ଅଡ଼ାଃ ଚାଏ ହାଗା ଚାଏ ମିଗି ଚାଏ ଆପୁ ଚାଏ ଏଙ୍‌ଗା ଚାଏ ହନ୍‌ଗାଁଣା ଚାଏ ଅତେହାସା ବାରିତାରେଦ୍‌, ଇନିଃ ଏନା ସାଅଗୁନା ଆଦକାଏ ନାମେୟା ଆତଃ ଜାନାଅ ଜାନାଅରେୟାଃ ଜୀଦାନ୍‌ ନାମେୟାଏ । ୩୦*ମେନ୍‌ଦ ପୁରାଃ ଆୟାରେନ୍‌କ ତାୟମଃଆ ଆତଃ ତାୟମରେନ୍‌କ ଆୟୁରଃଆ ।

୨୦

ଦାଖବାକ୍‌ଡିରେ କାମିତାନ୍‌ ହଡ୍‌କିଆଃ ଜନ୍‌କା କାଜି

୧ “ସିମା ରାଇଜନ୍‌ ମିଆଁଦ୍‌ ଚାଷି ହଡ୍‌ଲେକାଃ, ଇନିଃ ଇଦାନ୍‌ତେ ଆୟାଃ ଦାଖବାକ୍‌ଡିରେ କାମିନାଙ୍‌ ହଡ୍‌କକେ ଦାଗାଁ ନାଗେଟ୍ରେ ଅତଙ୍‌କୟାନା । ୨ ଇନିଃ ସିଙ୍‌ସାଗୁବ୍‌ରେ ମୁସିଙ୍‌ରାଃ ନାଲା ସିକାପେ ନାମେୟା ମେଟ୍ରେ ଇନ୍‌କୁକେ କାଜିକେଦକଆ, ଆତଃ ଆୟାଃ ଦାଖବାକ୍‌ଡିରେ କାମିନାଙ୍‌ କୁଲ୍‌କେଦକଆଏ । ୩ ଇନିଃ ସେତାଃ ନାଅ ଘାଡ୍‌କ ହବାଅଃତାଇକେନ୍‌ରେ ପିଟ୍‌ ପିଡିରେ ଏଟାଃ ହଡ୍‌କ ସାମାଗି ତିଙ୍‌ଆକାନ୍‌ ନେଲ୍‌କେଦକଆଏ । ୪ ଇନିଃ ଇନ୍‌କୁକେ କାଜିୟାଦକଆଏ, ‘ଆପେୟ ଦାଖବାକ୍‌ଡିରେ ସେନଃପେ ଆତଃ କାମିପେ, ଆଇଙ୍‌କେ ଆପେକେ ଠାଉକାନ୍‌ ଲେକାଗି ନାଲାଲଙ୍‌ ଏମାପେୟା ।’ ୫ ଆତଃ ଇନ୍‌କୁ କାମିତେକ ସେନଃୟାନା, ଏବେ ଇନିଃ ଆତଃଗି ତିକିନ୍‌ରାଃ ବାରାବାଜେ ଆତଃ ତାୟସିଙ୍‌ ତିନ୍‌ବାଜେ ଅତଙ୍‌କୟାନା ଆତଃ ଚିମିନ୍‌ ନାଲାକାମି ହଡ୍‌କକେ ଆଉକେଦ୍‌ତେ କାମି ଏମାଦକଆଏ । ୬ ସିଙ୍‌ ହାସୁରଃତାନରାଃ ପାଞ୍ଚବାଜେକ ଇନିଃ ଆତଃମିସା ଅତଙ୍‌କୟାନା, ଏବେ ପିଟ୍‌ ପିଡିରେ ଚିମିନ୍‌ ନାଲାକାମିକ ସାମାଗି ତିଙ୍‌ଆକାନ୍‌ ନେଲ୍‌କେଦକଆଏ, ଆତଃ ମେତାଦକଆଏ, ‘ଚିନାଃ ମେଟ୍ରେ ଆପେ ନେତାଃରେ ସିଙ୍‌ସାଗୁବ୍‌ ଜାକେଦ୍‌ ସାମାଗିପେ ତିଙ୍‌ଆକାନ୍‌ ?’ ୭ ଇନ୍‌କୁ କାଜିରୁହାଡ୍‌କିୟାକ, ‘ଜେତାଏ ଆଲେକେ କାମିନାଙ୍‌ କାକ ଆଚୁକାଦ୍‌ଲେୟା ।’ ଇନିଃ ମେତାଦକଆଏ, ‘ଠିକ୍‌ମେନାଃ, ଜୁ, ଆପେୟ ଦାଖବାକ୍‌ଡିରେ ସେନଃପେ ଆତଃ କାମିପେ ।’

୮ “ଆୟୁବ୍‌ୟାନ୍‌ତି ଦାଖବାକ୍‌ଡିରେନ୍‌ ଗମ୍‌କେ, ଆୟାଃ ଭାଣ୍ଡାରିକେ କାଜିକିୟାଏ, ‘ସବେନ୍‌ ନାଲାତାଇକେନ୍‌କକେ ହାକାଅକେଦ୍‌ତେ ଆକଆଃ ନାଲା ଏମାକମେ ।’ ତାୟମ୍‌ତେ କାମି ହିଜୁଆକାନ୍‌କକେ ପାହିଲା ଆତଃ ମୁଲ୍‌ଏତେ କାମିକେନ୍‌କକେ ଚୁଣ୍‌ଚୁର ନାଲା ଏମାକମେ । ୯ ସିଙ୍‌ହାସୁରତାନରାଃ ପାଞ୍ଚବାଜେ କାମିକେଦ୍‌ ସବେନ୍‌ ହଡ୍‌କ ମିପିହୁଡ୍‌ରେ ମୁସିଙ୍‌ରାଃ ନାଲା ସିକାକ ନାମ୍‌କେଦା । ୧୦ ମୁଲ୍‌ଏତେ କାମିକେନ୍‌କ ଆଦକା ନାଲାଲେ ନାମେୟା ମେଟ୍ରେକ ଉଡ୍‌ଖୁକେଦା, ମେନ୍‌ଦ ଇନ୍‌କୁହାରି ମିପିହୁଡ୍‌ରେ ମୁସିଙ୍‌ରାଃ ନାଲା ସିକାକ ନାମ୍‌କେଦା । ୧୧ ଇନ୍‌କୁ ନାଲା ତେଲାକେଦ୍‌ତି, ଅଡ଼ାଃ ଗମ୍‌କେୟାଃ ବିରୁଧ୍‌ରେ କୁରୁମ୍‌ତୁରୁମ୍‌ୟାନ୍‌ଲଃ କାଜିକେଦକା, ୧୨ ‘ତାୟମ୍‌ତେ ହିଜୁଆକାନ୍‌ ହଡ୍‌କ ମିଦ୍‌ ଘାଡ୍‌ଗି କାମିକେଦକା ଆତଃ ଆଲେ ସିଙ୍‌ସାଗୁବ୍‌ ନିମିନ୍‌ରାଃ ସିତୁଙ୍‌ ସାହାଡିଙ୍‌କେଦ୍‌ତେ କାମିକେଦ୍‌ରେୟ ଆମ୍‌ ଆଲେକେ ଇନ୍‌କୁଲଃ ମିଦ୍‌ଗିମ୍‌ ଜକାକେଦ୍‌ଲେୟା ।’

୧୩ “ମେନ୍‌ଦ ଇନିଃ ଇନ୍‌କୁଏତେ ମିହୁଡ୍‌କେ କାଜିରୁହାଡ୍‌କିୟାଏ, ‘ଏ ଗାଡି, ଆଇଙ୍‌କେ କାଇଙ୍‌କେ ବେଦାମେତାନା, ଆମ୍‌ ଆତଃ ଆଇଙ୍‌କେ ଚିନାଃ ମୁସିଙ୍‌ରାଃ ନାଲା ସିକା ଏମାଆ ମେଟ୍ରେ କାଲାଙ୍‌ ବାଗାଁଣ୍ କାଦ୍‌ତାଇକେନା ?’ ୧୪ ନେ ଆମାଃ ନାଲା ଇଦିମେ ଆତଃ ସେନଃପେ । ଆଇଙ୍‌କେ ତାୟମ୍‌ତେ ହିଜୁକାନ୍‌ କାମିନିଃକେ ଆମ୍‌କେ ଏମାକାଦ୍‌ମେ ଲେକା ଏମାଙ୍‌କେ ସାନାଙ୍‌ତାନାଲଙ୍‌ । ୧୫ ତିୟାଃ ଆଇଁୟାଃ ମେନାଃତେୟାଃକେ ଆଇଁୟାଃ ମନେଲେକା ଏମ୍‌ କାଇଙ୍‌କେ ଦାଡିୟା ? ତି ଆଇଙ୍‌କେ ବୁଗିନ୍‌ ଏମନିଃ ତାନିଙ୍‌ ମେଟ୍ରେମ୍‌ ହିସଙ୍‌ଗାଲଙ୍‌ତାନା ?”

୧୬ *ଆତଃ ଯୀଶୁ ନେ ଲେକାତେ କାଜିଚାବାକେଦା, “ତାୟମରେନ୍‌କ ସିଦାଅଃଆ, ଆତଃ ଆୟାରେନ୍‌କ ତାୟମଃଆ ।”

ୟୀଶୁ ଆୟାଃ ଗନଏଃ କାଜି ଆପିସାତେ କାଜିୟାଦକଆଏ
(ମାର୍‌କ୍‌ ୧୦:୩୨-୩୪; ଲୁକ ୧୮:୩୧-୩୪)

* ୧୯:୨୮ ୧୯:୨୮ ମାଥିର ୨୫:୩୧; ଲୁକ ୨୨:୩୦. * ୧୯:୩୦ ୧୯:୩୦ ମାଥିର ୨୦:୧୭; ଲୁକ ୧୩:୩୦. * ୨୦:୧୭ ୨୦:୧୭ ମାଥିର ୧୯:୩୦; ମାର୍‌କ୍‌ ୧୦:୩୧; ଲୁକ ୧୩:୩୦.

୧୭ ଯୀଶୁ ଯୀରୁଶାଲେମ୍ ସେନଃ ଇମ୍ତା ଗେଲ୍‌ବାର୍ ଚେଲାକକେ ଗେନାତେ ଇଦିକେଦ୍‌ତେ କାଜିକେଦ୍‌କିଆଏ, ୧୮ “ନେଲେପେ, ଆବୁ ଯୀରୁଶାଲେମ୍‌ତେବୁ ସେନଃତାନା ଆତଃ ମାନଝାହନ୍‌କେ ମୁଲ୍ ଯାଜାକ୍‌କିଆଃ ଆତଃ ଆଇନ୍ ଇତୁକିଆଃ ତିଃଇରେକ ଜିମାଲୟା ଆତଃ ଇନ୍‌କୁ ଇନିଃକେ ଗନ୍‌ଏଃ ସାଜାଲ ନାଗେନ୍ତେକ ବିଚାରେୟା । ୧୯ ଆତଃ ଇନ୍‌କୁ ଇନିଃକେକ ଲାୟାଲୟା, ହାଁଣସାଲୟା ଆତଃ କୁଣ୍ଡରେ କିଲା ନାଗେନ୍ତେ ସାର୍ଥସାର୍‌କିଆଃ ତିଃଇରେକ ଏମିୟା, ମେନ୍‌ଦ ଆଦି ମାର୍ହାଁ ତାୟମ୍‌ତେ ଇନିଃ ଜୀଉବିରିଦାଏ ।”

ମିଆଁଦ୍ ଏଙ୍ଗାରାଃ ବିକ୍ରି
(ମାର୍କ ୧୦:୩୫-୪୫)

୨୦ ଏନ୍ତେ ଜେବଦୀୟାଃ କୁଡ଼ିତେ ଆୟାଃ ବାରିଆ ହନ୍‌କିନ୍‌ଲଃ ଯୀଶୁତାଃତେ ହିଜୁଃୟାନା ଆତଃ ଇକ୍‌ଡ଼ମୁକେଦ୍‌ତେ ଦେଙ୍ଗା ଆସିକିୟାଏ ।

୨୧ ଏନ୍ତେ ଯୀଶୁ କୁଲିକିୟାଏ, “ଆମ୍ ତିନାଃ ସାନାଙ୍ଗ୍ ତାନାମ୍ ?” ଇନିଃ କାଜିରୁହାଡ଼କିୟାଏ, “ଆଇଁୟାଃ ନେ ହନ୍‌କିନ୍‌ ଆମାଃ ରାଜ୍‌ଜେରେ ମିଆଁଦିନିଃକେ ଜମ୍‌ତିସାଃରେ ଆତଃମିଆଁଦିନିଃକେ ଲେଙ୍ଗାତିସାଃରେ ଦୁବକାକିନ୍‌ ମେନ୍ତେ ଆତୁକିନ୍‌ମେ ।”

୨୨ ଯୀଶୁ ଜେବଦୀୟାଃ ବାରିଆ ହନ୍‌କିନ୍‌କେ କାଜିରୁହାଡ଼କେଦ୍‌କିନାଏ, “ତିନାଃବେନ୍ ଆସିତାନା ଏନା କାବେନ୍ ସାରିତାନା । ତିନାଃ ଆଇଁୟାଃ ଦୁକୁରେୟାଃ ମୁଁଏ କାଟୋରାରେ ନୁଁବେନ୍ ଦାଡ଼ିୟା ?”

ଇନ୍‌କିନ୍ କାଜିରୁହାଡ଼କେଦା, “ଦାଡ଼ିୟାଲିଙ୍ଗ୍ ।”

୨୩ ଯୀଶୁ ମେତାଦ୍‌କିନାଏ, “ଆଇଁୟାଃ କାଟୋରାତେ ମୁଁଦ୍‌ବେନ୍ ମୁଁଇୟା ମେନ୍‌ଦ୍ ଆଇଁୟାଃ ଜମ୍‌ତିସାଃରେ ଆତଃ ଲେଙ୍ଗାତିସାଃରେ ଦୁବରିକାତେୟାଃ ଆଇଁୟାଃ ତିଃଇରେ ବାନଆଃ ମେନ୍‌ଦ୍ ନେ ଠାୟାଦ୍ ଆପୁଇଙ୍ଗ୍ ଅକନ୍‌କ ନାଗେନ୍ତେ ବାଲୟାକାଦାଏ ଇନ୍‌କୁ ନାଙ୍ଗ୍ ଏସ୍‌କାର୍ ତାନାଃ ।”

୨୪ ଏଟାଃ ଗେଲ୍ ଚେଲାକ ନେଆଁ ଆୟୁମ୍‌କେଦ୍‌ତେ ଏନ୍ ବାରାନ୍ ହାରିୟାକିନ୍‌କେ ଖୁସ୍‌ୟାନାକ । ୨୫ *ମେନ୍‌ଦ୍ ଯୀଶୁ ଇନ୍‌କୁକେ କେଡ଼ାକେଦ୍‌ତେ କାଜିୟାଦ୍‌କିଆଏ, “ନେ ଅତେଦିଶ୍ଟୁମ୍‌ରେନ୍ ହଡ଼କିଆଃ ହାକିମ୍‌କ ଇନ୍‌କୁରେକ ରାଜ୍‌ଜେତାନା ଆତଃ ଆକ୍‌ତେୟାର୍ ନାମାକାଦ୍‌କ ଇନ୍‌କୁଆଃ ଚେତାନ୍‌ରେ ପୁରାଃଗି ଆକ୍‌ତେୟାର୍‌ରେ ତାନାକ, ଏନା ଆପେ ସାରିୟାକାଦାଃପେ । ୨୬ *ଆପେୟାଃ ଆଲାରେ ଆଲକା ଏନ୍‌କାଅଃକା, ମେନ୍‌ଦ୍ ଆପେ ଆଲାରେ ଜେତାଏ ମାରାଙ୍ଗ୍ ସାନାଙ୍ଗ୍‌ରେଦ୍ ଇନିଃ ଏଟାଃକିଆଃ ସୁସାର୍‌ନିଃ ହବାଅଃକାଏ, ୨୭ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନ୍‌ନିଃ, ଏଟାଃକିଆଃ ଦାସିଲେକା ଏଟାଃକକେ ସୁସାର୍‌କକାଏ । ୨୮ ନେ ଲେକାତେ ମାନଝାହନ୍ ସୁସାର୍ ନାମେ ନାଗେନ୍ତେଦ୍ କା ମେନ୍‌ଦ୍ ସୁସାର୍ ନାଗେନ୍ତେ ଆତଃ ଆୟାଃ ଜୀଉ ପୁରାଃ ହଡ଼କନାଙ୍ଗ୍ ଦାଣ୍ଡେଁ ଗନଙ୍ଗ୍ ଏମ୍ ନାଗେନ୍ତେ ହିଜୁଆକାନାଏ ।”

ୟୀଶୁ ବାର୍‌ହଡ଼ କାଣ୍ଡାକିନ୍‌କେ ବୁଗିକେଦ୍‌କିନାଏ
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଯିରିହୋ ସାହାର୍‌ଏତେ ଅତଙ୍ଗ୍ ତାଜକେନ୍‌ରେ ପୁରାଃ ଗାଦେଲ୍ ହଡ଼କ ଇନିଃକେକ ଅତଙ୍ଗ୍‌କିୟା । ୩୦ ଆତଃ ବାର୍‌ହଡ଼ କାଣ୍ଡାକିନ୍ ହରାଗେନାରେ ଦୁବାକାନ୍ ତାଜକେନ୍ ଇମ୍ତା ଯୀଶୁ ପାଉମଃତାନାଏ ମେନ୍ତେକିନ୍ ଆୟୁମ୍‌କେଦ୍‌ତି କାଉରିକେଦାକିନ୍, “ହେ ଗମ୍‌କେ, ହେ ଦାଉଦ୍‌ଆଃ ହନ୍, ଦାୟାଲିଙ୍ଗ୍‌ମେ ।”

୩୧ ଗାଦେଲ୍ ହଡ଼କ ହାଦାଃଅବେନ୍ ମେନ୍ତେକ ମାରାଙ୍ଗ୍‌ମଟାକେଦ୍‌କିନା ମେନ୍‌ଦ୍ ଇନ୍‌କିନ୍ ଆତଃ ପୁରାଃତେ କାଉରିକେଦାକିନ୍, “ହେ ପ୍ରାଭୁ, ଦାଉଦ୍‌ଆଃ ହନ୍ ଦାୟାଲିଙ୍ଗ୍‌ମେ !”

୩୨ ଯୀଶୁ ତିଙ୍ଗ୍‌ୟାନ୍ତେ ହାକାଅକେଦ୍‌କିନାଏ ଆତଃ ମେତାଦ୍‌କିନାଏ, “ଆଇଙ୍ଗ୍ ଆବେନାଃ ନାଗେନ୍ତେ ତିନାଃଇଙ୍ଗ୍ ଚିକାୟା ମେନ୍ତେବେନ୍ ସାନାଙ୍ଗ୍‌ତାନା ?”

୩୩ ଇନ୍‌କିନ୍ ଯୀଶୁକେ କାଜିରୁହାଡ଼କିୟାକିନ୍, “ହେ ପ୍ରାଭୁ, ମେଦ୍‌ଲିଙ୍ଗ୍ ନେଲ୍ ଦାଡ଼ିକା ମେନ୍ତେଲିଙ୍ଗ୍ ସାନାଙ୍ଗ୍‌ତାନା ।”

୩୪ ଯୀଶୁ ଇନ୍‌କିନ୍‌କେ ଲିବୁଇୟାଦ୍‌କିନାଏ ଆତଃ ଇନ୍‌କିନାଃ ମେଦ୍ ଜୁଡ଼ିଦ୍‌କେଦାଏ, ଏନ୍ତେ ଇମ୍‌ତାଗି ନେଲ୍ ଦାଡ଼ିକେଦାକିନ୍ ଆତଃ ଇନ୍‌କିନ୍ ଯୀଶୁକେ ଅତଙ୍ଗ୍‌କିୟାକିନ୍ ।

* ୨୦:୨୫ ୨୦:୨୫ ଲୁକ ୨୨:୨୫, ୨୬. * ୨୦:୨୬ ୨୦:୨୬ ମାଧୁର ୨୩:୧୧; ମାର୍କ ୯:୩୫; ଲୁକ ୨୨:୨୬.

୨୧

ୟାଶୁ ମାନାରାଜ୍‌ରେ ଯୀରୁଶାଲେମ୍‌ତେ ବଲତାନା

(ମାର୍କ ୧୧:୧-୧୧; ଲୁକ ୧୯:୨୮-୩୮; ଯୋହାନ୍ ୧୨:୧୨-୧୯)

୧ ଯାଶୁ ଆଡ଼ ଆୟାଃ ଚେଲାଇ ଯୀରୁଶାଲେମ୍ ନାଡ଼େଃରାଃ ଜାଲତୁନ୍ ବୁରୁ ଜାପାଃ ବେଦ୍‌ଫାରି ହାଡୁଡେ ସେଡେରୟାନାକ, ଇମ୍‌ତା ଯାଶୁ ବାରିଆ ଚେଲାଇନକେ କୁଲ୍‌କେଦ୍‌ଡେ, ମେଡାଦ୍‌କିନାଏ ୨ “ଆବେନ୍ ଆବେନାଃ ସାମ୍‌ନାଜ୍‌ରେଆଃ ହାଡୁଡେ ସେନଃବେନ୍ ଆଡ଼ ଏନ୍ତାଃତେ ଡେବାଃ ଇମ୍‌ତାରି ମିଆଁଦ୍ ଗାଧା ଆଡ଼ ଗାଧାହନ୍‌କେ ତଲ୍‌କାନ୍‌ବେନ୍ ନାମିୟା, ଇନ୍‌କିନ୍‌କେ ରାଡ଼ାକେଦ୍‌ଡେ ଆଇଜ୍‌ଡ଼ାଃତେ ଆଉକିନ୍‌ବେନ୍ । ୩ ଆଡ଼ ଜେତାଏ ଜେଡ଼ନାଃ କାଜିବେନ୍‌ରେଦ୍, ‘ନିକିନ୍‌ଡ଼ାଃରେ ପ୍ରାଭୁଆଃ କାମିମେନାଃ’ ମେଡାଜ୍‌ବେନ୍ ଆଡ଼ ଇନିଃ ଇମ୍‌ତାରି କୁଲ୍‌ବାରିକିନାଏ ।”

୪ ନେଆଁ ନାବୀକଆଃ କାଜି ପୁରାଆଃ ନାଗେନ୍ତେ ନେ ଲେକା ହବାୟାନା ।

୫ “ସିୟୋନ୍‌ରେନ୍ ହନ୍‌କୁଡ଼ିକେ କାଜିପେ, ‘ନେଲେମେ, ଆମାଃ ରାଜା ଆମାଃଡ଼ାଃତେ ହିଜୁଃତାନା ! ଲେବେୟାନ୍‌ଗି ଇନିଃ, ଗାଧା

ଆଡ଼ ଗାଧାହନ୍ ଚେଡାନ୍‌ରେ ଦୁବ୍‌କେଦ୍‌ଡେ ଆମାଃଡ଼ାଃତେ ହିଜୁଃତାନା ।”

୬ ଏନ୍ ଚେଲାଇନ୍ ସେନଃୟାନ୍ତେ ଯାଶୁ ଆଡୁକାଦ୍‌କିନ୍ ଲେକା କାମିକେଦାକିନ୍ । ୭ ଚେଲାଇନ୍ ଗାଧା ଆଡ଼ ଗାଧାହନ୍‌କେ ଆଉକେଦ୍‌ଡେ, ଗାଧାକିନାଃ ଚେଡାନ୍‌ରେ ଲିଜାଃ ଆଗେଦ୍ କେଦାକିନ୍ ଆଡ଼ ଯାଶୁ ଏନ୍ ଚେଡାନ୍‌ରେ ଦୁବ୍‌ୟାନାଏ । ୮ ଗାଦେଲ୍‌ହଡ଼କଏଡେ ଚିମିନ୍‌କ ଆକଆଃ ଲିଜାଃ ହରାରେକ ଆଗେଦ୍‌କେଦା, ଆଡ଼ ଏଗାଃକ ବାରୁଏଡେ କଡ଼କ ମାଆଃକେଦ୍‌ଡେ ହରାରେକ ଆଗେଦ୍‌କେଦା । ୯ ଆଡ଼ ଆୟୁର୍ ତାୟମ୍‌ତେ ସେନ୍‌ତାନ୍ ଗାଦେଲ୍‌ହଡ଼କ କାଉରିକେଦା, “ଦାଉଦ୍‌ଆଃ ହନ୍ ହୋଗାନ୍ନା, ପ୍ରାଭୁଆଃ ନୁଡ଼ମ୍‌ତେ ହିଜୁଃତାନ୍‌ନିୟାଃ ଧାଇନ୍ ହବାଅଃକା, ସାଲାଇ଼ଉତାଡ଼ ଠାୟାଦ୍‌ରେ ପାର୍‌ମେଶ୍‌ୱାର୍‌ଆଃ ମାନାରାଜ୍ ହବାଅଃକା ।”

୧୦ ଯାଶୁ ଯୀରୁଶାଲେମ୍‌ତେ ବଲୟାନ୍ ଇମ୍‌ତା ଗଟା ନାଗାର୍‌ରେନ୍ ହଡ଼କ ଆକ୍‌ଦାନ୍‌ଆୟାନା ଆଡ଼ “ନିଃ ଅକଏ ତାନିଃ ?” ମେନ୍ତେକ କୁଲ୍‌ବାଡ଼ାକେଦା ।

୧୧ ଗାଦେଲ୍ ହଡ଼କ କାଜିରୁହାଡ଼କେଦା, “ନିଃ ଗାଲିଲ୍‌ରେୟାଃ ନାଜ୍‌ରେଡ଼ରେନ୍ ନାବୀ ଯାଶୁ ତାନିଃ” ମେନ୍ତେକ କାଜିକେଦା ।

ୟାଶୁ ମାନ୍‌ଦିର୍ ଅଡ଼ାଃତେ ସେନ୍‌ତାନାଏ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୨ ଯାଶୁ ମାନ୍‌ଦିର୍ ଅଡ଼ାଃରେ ବଲୟାନାଏ ଆଡ଼ ମାନ୍‌ଦିର୍ ଅଡ଼ାଃରେ ସବେନ୍ କିରିଜ୍ ଆଖିରିଜ୍ ତାନ୍‌କକେ ହାର୍ ଅଡ଼ଜ୍‌କେଦ୍‌କଆ ଆଡ଼ ପାଏସା ଭାଞ୍ଜାଅତାନ୍‌କଆଃ ଚେବୁଲ୍‌କ, ଦୁବୁମ୍‌ଲ୍‌କ ଆଖିରିଜ୍‌ତାନ୍‌କଆଃ ଦୁବ୍‌ଡେୟାଃ ଉଦୁର୍‌ବାଟିକେଦାଏ, ୧୩ ଆଡ଼ ଇନିଃ ଇନ୍‌କୁକେ କାଜିୟାଦ୍‌କଆଏ, “ଧାର୍‌ମ୍‌ପୁଅରେ ନେଆଁ ଅଲ୍‌କାନା, ‘ଆଇୟାଃ ଅଡ଼ାଃ ବିନ୍ତିଅଡ଼ାଃ ମେନ୍ତେ ନୁଡ଼ମ୍‌ଆଃ’ ମେନ୍‌ଦ୍ ଆପେ ନେଆଁକେ କୁମ୍‌ଡୁକୁଆଃ ତାଜନ୍‌ଃ ଠାୟାଦ୍‌ପେ ବାଈୟାକାଦା ।”

୧୪ ମେଦ୍ କା ନେଲ୍ ଦାଡ଼ିତାନ୍‌କ ଆଡ଼ କାଟା ଟୁଣ୍ଡାକାନ୍‌କ ମାନ୍‌ଦିର୍ ଅଡ଼ାଃରେ ଇନିଃଡ଼ାଃତେକ ହିଜୁଃୟାନା ଆଡ଼ ଇନିଃ ଇନ୍‌କୁକେ ବୁଗିକେଦ୍‌କଆଏ । ୧୫ ମେନ୍‌ଦ୍ ମୁଲ୍ ଯାଜାକ୍‌କ ଆଡ଼ ଆଇନ୍ ଇଡ଼କ ଇନିୟାଃ ଆକ୍‌ଦାନ୍‌ଅକାମିକ ଆଡ଼ ମାନ୍‌ଦିର୍ ଅଡ଼ାଃରେ “ଦାଉଦ୍‌ଆଃ ହନ୍ ହୋଗାନ୍ନା” ମେନ୍ତେ ହନ୍‌କ କାଉରିତାନ୍‌ଡେୟାଃ ନେଲ୍‌କେଦ୍‌ଡେ ଖ୍‌ସ୍‌ୟାନାକ, ୧୬ ଆଡ଼ କୁଲିକିୟାକ, “ଚିୟାଃ ଆମ୍ ଇନ୍‌କୁ କାଜିତାନ୍‌ଡେୟାଃ ଆୟୁମେତାନାମ୍‌ତି ?”

ଏନ୍ତେ ଯାଶୁ ଇନ୍‌କୁକେ କାଜିରୁହାଡ଼ାଦ୍‌କଆ, “ହେରି ଆୟୁମ୍‌ତାନାଈଜ୍ । ଆପେ ଧାର୍‌ମ୍‌ପୁଅରେ ଅଲ୍‌କାନ୍‌ଡେୟାଃ ଚିତଲ୍‌ହା କାପେ ପାଡ଼ାଅତି ? ‘ଆପେ ହନ୍‌କକେ ଆଡ଼ ହୁଡ଼ିଜ୍ ହନ୍‌କକେ ବୁଗିନ୍ ଜହାର୍ ନାଗେନ୍ତେ ଇଡ଼କାଦ୍‌କଆପେ ।”

୧୭ ଯାଶୁ ଇନ୍‌କୁକେ ଯୀରୁଶାଲେମ୍ ବାରିକେଦ୍‌ଡେ ବେଅ୍‌ନିଆ ନାଗାର୍‌ରେ ସେନଃୟାନା ଆଡ଼ ଏନ୍ତାଃରେ ମିଦ୍‌ନୁବୀଃ ତାଇନ୍‌ୟାନାଏ ।

ୟାଶୁ ଲଆ ଦାରୁକେ ସାର୍‌ପାଅକେଦା

(ମାର୍କ ୧୧:୧୨-୧୪, ୨୦-୨୪)

୧୮ ସେତାଃ ଇଦାନରେ ଯାରୁଶାଲେମ୍ ନାଗାରୁତେ ସେନସରୁହାଡ଼ତାନ ତାଇକେନ୍ ଇମ୍ତା ଯୀଶୁକେ ରେକ୍ଷେକିୟା । ୧୯ ହରାଗେନାରେ ମିଆଁଦ୍ ଲିଆଦାରୁକେ ନେଲ୍‌କେଦ୍‌ତେ ଏନ୍ତାଃତେ ସେନ୍ ନାଡ଼େଃୟାନା, ମେନ୍‌ଦ୍ ସାକାମ୍ ବାରିକେଦ୍‌ତେ ଏନାରେ ଜେଡ଼ନାଃ କାଏ ନାମକେଦା ଆତଃ କାଜିକେଦାଏ, “ଆମାଃତାଃରେ ଚିଉଲ୍‌ଆ ଆଲକା ଜଅଃକା” ଆତଃ ଲିଆଦାରୁ ଇମ୍ତାଗି ରହଡ଼ୟାନା ।

୨୦ ତେଲକ ନେଆଁ ନେଲ୍‌କେଦ୍‌ତେ ଆକ୍‌ଦାନ୍‌ଆୟାନାକ ଆତଃ କୁଲିକିୟାକ, “ଲିଆଦାରୁ ଚିଲ୍‌କାତେ କାଜି ତର୍‌ସାଗି ରହଡ଼ୟାନା ?”

୨୧ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ମନ୍‌ରେ କା ଆଡ଼ାଃଉଡ଼ସୁକେଦ୍‌ତେ ପୁରାଃ ବିଶ୍ୱାସ୍‌ତାନଲ୍‌ଃ ନେ ଲିଆଦାରୁକେ ଆଇଙ୍ଗ୍ ରିକାକାଦ୍‌ଲେକା, ଆପେୟ ଏନ୍‌ଲେକା ରିକାଦାଡ଼ିୟାପେ । ଆତଃ ନେଆଁକେ ଏସକାର୍ କା ମେନ୍‌ଦ୍ ବୁରୁକେହ୍ ‘ମାର୍ ବିରିଦ୍‌ମେ ଆତଃ ଦରେୟାରେ ଉୟୁଗଃମେ’ ମେନ୍ତେପେ କାଜିରେ ଏନା ଏନ୍‌ଲେକା ହବାଆଃ । ୨୨ ଆତଃ ଆପେ ବିଶ୍ୱାସେରେଦ୍, ବିନ୍ତିତେ ଆସିତେୟାଃ ସବେନାଃପେ ନାମେୟା ।”

ୟୀଶୁଆଃ ଆକ୍‌ତେୟାର୍ ବିଷାଏରେ କୁନୁଲି
(ମାର୍କ ୧୧:୨୭-୩୩; ଲୁକ ୨୦:୧-୮)

୩୩ ଯୀଶୁ ମାନ୍‌ିନ୍ ଅଡ଼ାଃରେ ବଲ୍‌କେଦ୍‌ତେ ଇଡୁତାନ ତାଇକେନ୍ ଇମ୍ତାଗି ମୁଲ୍ ଯାଜାକ୍‌କ ଆତଃ ହଡ଼କଆଃ ପ୍ରାତିନ୍‌କ ଇନିଃତାଃତେକ ହିଜୁଃୟାନା ଆତଃ କୁଲିକିୟାକ, “ଆମ୍ ଅକ ଆକ୍‌ତେୟାର୍‌ତେ ନେଆଁକମ୍ କାମିତାନା ? ଆତଃ ଅକଏ ନେ ଆକ୍‌ତେୟାର୍ ଏମାକାଦ୍‌ମେୟାଏ ?”

୨୪ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆଇଙ୍ଗ୍‌ହ୍ ମିଆଁଦ୍ କାଜିଇଙ୍ଗ୍ କୁଲିପେୟା, ଏନାପେ ଉଡୁକାଇଙ୍ଗ୍‌ରେଦ୍ ଆଇଙ୍ଗ୍ ଅକ ଆକ୍‌ତେୟାର୍ କାମିତାନାଇଙ୍ଗ୍ ଏନାଇଙ୍ଗ୍ ଉଡୁବାପେୟା । ୨୫ ଯୋହାନ୍, ବାପ୍ତିସ୍ତା ଏମ୍ ନାଗେନ୍ତେ ଅକ୍‌ତାଃଏତେ ଆକ୍‌ତେୟାର୍ ନାମାକାଦ୍ ତାଇକେନା ? ସିମ୍‌ରେନ୍ ପାର୍‌ମେଶ୍ୱାର୍‌ତାଃଏତେ ଚି ହଡ଼କତାଃଏତେ ?”

ଆତଃ ଇନ୍‌କୁ ଆକ ଆକରେକ ଉଡ଼ସୁକେଦା, “ଆବୁ, ‘ସିମ୍‌ରେନ୍ ପାର୍‌ମେଶ୍ୱାର୍‌ତାଃଏତେ’ ମେନେରେଦ୍ ଇନିଃ ‘ଚିକାନାଙ୍ଗ୍ ଯୋହାନ୍‌ରେ କାପେ ବିଶ୍ୱାସ୍‌କେଦା’ ମେତାବୁଆଏ ? ୨୬ ମେନ୍‌ଦ୍ ଆବୁ, ‘ହଡ଼କତାଃଏତେ’ ମେନେରେଦ୍, ଗାଦେଲ୍ ହଡ଼କତାଃଏତେ ବରମେନାଃ, ଚିୟାଃଚି ଯୋହାନ୍‌କେ ସବେନ୍ ହଡ଼କ ନାବୀ ତାନିଃ ମେନ୍ତେକ ବିଶ୍ୱାସୀ ତାଇକେନା ।” ୨୭ ଏନାତେ ଇନ୍‌କୁ “ଆଲେ କାଲେ ସାରିୟା” ମେନ୍ତେ ଯୀଶୁକେକ କାଜିରୁହାଡ଼କିୟା ।

ଏନ୍ତେ ଇନିଃ ଇନ୍‌କୁକେ ମେତାଦ୍‌କଆ, “ଆଇଙ୍ଗ୍‌ହ୍ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଡୁବାପେୟା ।

ବାରିଆ ହନ୍‌କିନାଃ ଜନ୍‌କା କାଜି

୨୮ “ନେ ବିଷାଏରେ ଆପେ ଚିନାଃପେ ଉଡ଼ସୁତାନା ? ଜେତାଏ ହଡ଼ରାଃ ବାରିଆ ହନ୍‌କିନ୍ ତାଇକେନା, ଆତଃ ମାରାଙ୍ଗ୍‌ନିଃତାଃତେ ସେନ୍‌କେଦ୍‌ତେ କାଜିକିୟାଏ, ଏ ହନ୍, ଜୁ ତିସିଙ୍ଗ୍ ଆଇଁୟାଃ ଦାଖ୍‌ବାକ୍‌ଡ଼ିରେ କାମିମେ ।” ୨୯ ଇନିଃ କାଜିକିୟାଏ, ‘ଆଇଙ୍ଗ୍‌କେ କାମି କା ସାନାଙ୍ଗ୍ ତାନାଃ,’ ମେନ୍‌ଦ୍ ତାୟମ୍‌ତେ ହେୟାଡ଼ିଙ୍ଗ୍‌କେଦ୍‌ତେ ସେନଃୟାନାଏ । ୩୦ ଏନ୍ତେ ଆପୁତେ ହୁଡ଼ିଙ୍ଗ୍ ହନ୍‌କଡ଼ାତାଃତେ ସେନ୍‌କେଦ୍‌ତେ ଏନ୍‌ଲେକାଗି କାଜିକିୟାଏ, ଆତଃ ଇନିଃ ‘ହେଗି, ଆଇଙ୍ଗ୍ ସେନାଇଙ୍ଗ୍’ ମେନ୍ତେ କାଜିରୁହାଡ଼କିୟାଏ, ମେନ୍‌ଦ୍ ଇନିଃ କାଏ ସେନ୍‌ୟାନା । ୩୧ ଏନ୍ ବାରାନ୍‌କିନ୍‌ଏତେ ଅକଏ ଆପୁତେୟାଃ ମନେଲେକା କାମିକେଦାଏ ?”

ଇନ୍‌କୁ “ମାରାଙ୍ଗ୍‌ନିଃ,” ମେନ୍ତେକ କାଜିରୁହାଡ଼କିୟା ।

ୟୀଶୁ ଇନ୍‌କୁକେ କାଜିୟାଦ୍‌କଆ, “ସାର୍‌ତିଗିଙ୍ଗ୍ କାଜିୟାପେତାନା, ମାଲ୍‌ହାରମ୍‌କ ଆତଃ ବେଶ୍ୟାକ ଆପେଏତେ ସିଦାରେ ପାର୍‌ମେଶ୍ୱାର୍‌ଆଃ ରାଇଙ୍ଗ୍‌ରେକ ବଲ୍‌ତାନା । ୩୨ ଯାପ୍ତିସ୍ତା ଏମାଃନିଃ ଯୋହାନ୍‌ଦ୍ ଆପେତାଃ ଧାର୍‌ମାନ୍ ହରା ଉଡୁବ୍ ନାଗେନ୍ତେ ହିଜୁଃୟାନା ଆତଃ ଆପେ ଇନିଃରେ କାପେ ବିଶ୍ୱାସ୍‌କେଦା, ମେନ୍‌ଦ୍ ମାଲ୍‌ହାରମ୍‌କ ଆତଃ ଆଣ୍ଡିଆଦାଙ୍ଗ୍‌ରକ ଇନିଃରେକ ବିଶ୍ୱାସ୍‌କେଦା । ଆତଃ ଆପେ ନେଆଁ ନେଲ୍‌କେଦ୍‌ରେହ୍, କାପେ ହେୟାଡ଼ିଙ୍ଗ୍‌କେଦା ଆତଃ ଇନିଃରେ କାପେ ବିଶ୍ୱାସ୍‌କେଦା ।

☆ ୨୧:୨୧ ୨୧:୨୧ ମାଧୁର ୧୭:୨୦; ୧ କରିନ୍ଥ୍‌ୟ ୧୩:୨. ☆ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦.

ଦାଖିବାକ୍ତିରାଃ କାର୍ତ୍ତାମି ହତ୍ତକଥାଃ ଜନକା କାଜି
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ୟାଶୁ କାଜିକେଦାଏ, ଏଗାଃ ଆତଃମିଆଁଦ୍ ଜନକା କାଜି ଆୟୁମେଦେ । ମିଆଁଦ୍ ଲୟଜ୍ଞ ଗମ୍ଭକେ ଦାଖିବାକ୍ତି ବାଜକେଦାଏ ଆତଃ ଏନା କେସେଦ୍ବିୟୁରକେଦାଏ, ଘାନା ନାଗେନ୍ତେ ଗାତା ଉରକେଦାଏ, ଆତଃ ହରମେନ୍ତେ ମାତେନ୍ ଦିତ୍ତାଃ ବାଜକେଦାଏ, ଏନ୍ତେ ଇନିଃ ଦାଖିବାକ୍ତି କାର୍ କାମିତାନକକେ ଏମକେଦଦେତେ ସାଜିନ୍ ଦିଶୁମ୍ଭେତେ ସେନଃୟାନାଏ । ୩୪ ଜ ଗଦଃ ସାହା ତେବଃୟାନତି, ଦାଖିବାକ୍ତିରେୟାଃ ଜ ନାମେ ନାଗେନ୍ତେ ଇନିଃ ଦାସିକକେ ଏନ୍ କାର୍ କାମିକତାଃତେ କୁଲ୍ଲକେଦକଥାଏ । ୩୫ କାର୍ତ୍ତାମି ହତ୍ତକଦ ଏନ୍ ଦାସିକକେ ସାବକେଦଦେତେ ମିହୁଡ୍ତକେ ଦାଲ୍ଲକିୟାକ, ଆତଃମିହୁଡ୍ତକେ ଗଏଃକିୟାକ, ଆତଃ ଏଗାଃ ମିହୁଡ୍ତକେ ଦିରି ଚିଦ୍ବିକିୟାକ । ୩୬ ଏନ୍ତେ ଇନିଃ ସିଦାଏତେ ଆତଃଗି ଆଦକା ଦାସିକକେ କୁଲ୍ଲକେଦକଥାଏ, ଆତଃ କାର୍ତ୍ତାମି ହତ୍ତକ ଇନକୁକେହ ଏନ୍ଲେକାଗି ରିକାକେଦକଥାକ । ୩୭ ରୁଶୁଭୁର, ଇନିଃ, ଆୟାଃ ହନ୍ତେକଡାକେ କାର୍ କାମିହତ୍ତକତାଃତେ କୁଲ୍ଲକିୟାଏ, ଆତଃ କାଜିକେଦାଏ, ‘ଇନକ୍ତ ହନିଜ୍ଞକଡାକେ ମାଜନିୟାକ ।’ ୩୮ ମେନ୍ଦ୍ କାର୍ତ୍ତାମି ହତ୍ତକ ଏନ୍ ହନକେ ନେଲ୍ଲକେଦଦେତେ, ମେଦେନ୍ଦୟାନାକ, ‘ନିଃଗି ଏନ୍ ଗମକେୟାଃ ହନ୍ ତାନିଃ, ଦଲ୍ଲାବୁ ଗଜିୟା ଆତଃ ଇନିୟାଃ ହାନାଚିଜ୍ଞବୁ ଇଦିୟା ।’ ୩୯ ଏନ୍ତେ ଇନକୁ ଇନିଃକେ ଦାଖିବାକ୍ତିଏତେ ସାବଅତଜ୍ଞକିଃତେ ଗଏଃକିୟାକ ।

୪୦ “ନାହାଁଃଦ ଦାଖିବାକ୍ତିରେନ୍ ଗମକେ ହିଜୁଃରେ ଏନ୍ କାର୍ତ୍ତାମି ହତ୍ତକକେ ଚିନାଃଏ ଚିକାକଥା ?” ମେନ୍ତେ ଯାଶୁ କୁଲ୍ଲକେଦକଥାଏ ।

୪୧ ଇନକୁ କାଜିରୁହାଡ୍ଡକିୟା, “ଇନିଃ ଏନ୍ ଏଡକାନକକେ ପୁରାଃ ସାସାତିତେ ଗଏଃକଥା ଆତଃ ଦାଖିବାକ୍ତି ଏଗାଃ କାର୍ତ୍ତାମି ହତ୍ତକକେ ଏମାକଥା, ଅକନକଚି ଠିକ୍ ନେତାରେ ଇନିଃକେ ଆୟାଃ ହିସାକ ଏମାଜୟା ।”

୪୨ ଯାଶୁ ଇନକୁକେ ମେତାଦକଥା, “ନେଆଁ ଧାରାମ୍ପପୁୟରେ କା’ପେଚି ପାଢାଅକାଦା ? “ଆତଃ ବାଜତାନକ ଆତମ୍ ଏଶ୍ଵାଗାକାନ୍ ଦିରିକେ କଗାରାଃ ଦିରିକ ବାଜକେଦା । ପ୍ରାଭୁ ଆଇଃକ୍ତ୍ରି ନେଆଁକେ ବାଜୟାକାଦା

ଆତଃ ଆବୁଆଃ ନେପେଲ୍ଲରେ ଆକ୍ଦାନ୍ଦାଅଗିୟା !”

୪୩ “ଏନା ନାଗେନ୍ତେ ପାର୍ମେଶ୍ଵାର୍ଆଃ ରାଜଜ୍ ଆପେଏତେ ରେଜଃଆ ଆତଃ ଅକନ୍ ହତ୍ତକ ପାର୍ମେଶ୍ଵାର୍ଆଃ ମନେ ଲେକା କାମିୟାଃକ ଇନକୁକେ ଏମଃଆ ।

୪୪ “ଏନ୍ ଦିରିରେ ଉୟୁଗଃନିଃ ଗୁଶ୍ଵାଅଥାଏ ଆତଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”*

୪୫ ମୁଲ୍ ଯାଜାକକ ଆତଃ ଫରୁଶାକ ଯାଶୁଆଃ ଜନକା କାଜି ଆୟୁମ୍ଭକେଦଦେ, ଇନିଃ ଆବୁକେ କାଜିୟାବୁତାନାଏ ମେନ୍ତେ ଆଡକାର୍ତ୍ତକେଦା । ୪୬ ଏନାତେ ଇନକୁ ଇନିଃକେ ସାସାବ୍ ସାନାଜ୍ଞକେଦାକ, ମେନ୍ଦ୍ ଇନକୁ ଗାଦେଲ୍ ହତ୍ତକକେ ବରକେଦକଥାକ, ଚିୟାଃତି ହତ୍ତକ ଇନିଃକେ ନାବା ମେନ୍ତେକ ଆଡକାରି ତାଜକେନା ।

୨୨

ଆଣ୍ଡି ଭୋଜିରେଆଃ ଜନକା କାଜି
(ଲୁକ ୧୪:୧୫-୨୪)

୧ ଯାଶୁ ଆତଃଗି ଜନକା କାଜିତେ ହତ୍ତକକେ କାଜିକେଦକଥା । ୨ “ସିର୍ମା ରାଜଜ୍ ମିଆଁଦ୍ ନେ ଲେକାନାଃ ତାନାଃ । ମିଆଁଦ୍ ରାଜା ହନ୍ତେକଡାରାଃ ଆଣ୍ଡିରେ ମାରାଜ୍ଞମେୟାଃ ବାଜକେଦାଏ । ୩ ଇନିଃ କେଡକାନକକେ ଆଣ୍ଡି ଭୋଜି ଜନମ୍ ନାଗେନ୍ତେ ହାକାଅ ନାଜ୍ ଆୟାଃ ଦାସିକକେ କୁଲ୍ଲକେଦକଥାଏ ମେନ୍ଦ୍ ଇନକୁ ହିଜୁଃ କାକ ସାନାଜ୍ଞକେଦା । ୪ ଇନିଃ ଏଗାଃ ଦାସିକକେ ନେଆଁ କାଜିକେଦଦେତେ ଆତଃମିସା କୁଲ୍ଲକେଦକଥାଏ, ‘ଆଇଜ୍ ମାରାଜ୍ଞମେୟାଃ ବାଜୟାକାଦାଜ୍ଞ, ଆଇୟାଃ ମାପୁରାଜ୍ କିରିକାନ୍ ଜାତୁକ ମାଆଃକେଦଦେତେ ସବେନାଃ ବାଜସେକାଡକାନା, ଆଣ୍ଡି ଭୋଜି ଜନମ୍ତେ ହିଜୁଃଦେ ।’ ୫ ମେନ୍ଦ୍ କେଡକାନକ ଜେତାଏ କାକ ଉଡ୍ଡୁକେଦଦେତେ ଆକଥାଃ କାଜିକାମିରେ ତାଜନ୍ୟାନାକ, ଚିମିନ୍ଦ୍ ଆକଥାଃ ଲୟଜ୍ଞତେ, ଆତଃ ଚିମିନ୍ଦ୍ କିରିଜ୍ ଆଖିରିଜ୍ଞତେକ ସେନଃୟାନା । ୬ ଏଗାଃକ ରାଜାରାଃ ଦାସିକକେ ସାବକେଦଦେତେ ଇନକୁକେ ସାସାତିକେଦକଥାକ ଆତଃ ଗଏଃକେଦକଥାକ । ୭ ରାଜା

* ୨୧:୪୪ ୨୧:୪୪ ନେ ବାଗନ୍ ଚିମିନ୍ ମାରି ଅନଲ୍ଲରେ ବାନଆଃ

ନେଆଁ ଆୟୁମ୍ବଳେଦ୍ୱେତେ ଶୁଭୟାନାଏ ଆତଃ ଆୟାଃ ସିପାଲକକେ କୁଲକେଦ୍ୱେତେ ଏନ୍ ଗଗଏଃକକେ ଜିୟନ୍କେଦ୍ୱକଥାଏ ଆତଃ ଜନ୍କୁଆଃ ନାଗାର୍ତ୍ତକେ ଅଶ୍ୱରକେଦା । ୮ ଏନ୍ତେ ଏନ୍ ଆଶ୍ୱଦି ଗମ୍ବକେ ଦାସିକକେ କାଜିୟାଦ୍ୱକଥାଏ, ‘ଆଶ୍ୱଦି ଜମେୟାଃ ବାଲୟାକାନା ମେନ୍ଦ୍ୱ କେଡ଼ାକାନନ୍ ଏନା ନାମେଲେକା କାକ ତାଇକେନା । ୯ ଏନା ନାଗେନ୍ତେ ବାରିଆ ହରା ମେସାଅଃତାନ୍ତଃ ସେନଃପେ ଆତଃ ଆପେ ନାମ୍ତାନ୍ ସବେନ୍କକେ ଆଶ୍ୱଦି ଜମେୟାଃ ନାଗେନ୍ତେ ହାକାଅକପେ । ୧୦ ଏନ୍ ଦାସିକ ହରାକରେ ସେନ୍କେଦ୍ୱେତେ ଜନ୍କୁ ନାମ୍ବକେଦ୍ୱ ସବେନ୍ ଏଡ଼କାନ୍ ଆତଃ ବୁଗିନ୍ ହଡ଼କକେ ହୁଣ୍ଡିକେଦ୍ୱକଥାଏ ଆତଃ ଆଶ୍ୱଦି ଅତ୍ତଃ ଇନ୍ତେ ପେରେୟାନା ।

୧୧ “ରାଜା ଜଜମ୍ବକକେ ନେନେଲ୍ୱେତେ ବଲୟାନ୍ ଇମ୍ବତା, ଆଶ୍ୱଦି ଲିଜାଃ କା ତୁସିଙ୍ଗକାନ୍ ମିଆଁଦ୍ ହଡ଼କେ ନେଲ୍ୱକିୟାଏ । ୧୨ ଆତଃ ଜନିଃ କୁଲିକିୟାଏ, ଏ ଗାତି, ଆମ୍ ଆଶ୍ୱଦି ଲିଜାଃ କା ତୁସିଙ୍ଗକେଦ୍ୱେତେ ଚିଲ୍ୱକାତେମ୍ ବଲିଆକାନା ?” ମେନ୍ଦ୍ୱ ଏନ୍ ହଡ଼ ହାପାୟାନାଏ । ୧୩ ଏନ୍ତେ ରାଜା ଦାସିକକେ କାଜିକେଦ୍ୱକଥାଏ, ‘ଆୟାଃ ତିଃଇ କାଟା ତଲ୍ୱକେଦ୍ୱେତେ ନୁବାଃରେ ହୁରାଙ୍ଗତାଇପେ, ଏନ୍ତାଃରେ ଜନିଃ ରାଆଃୟାଏ ଆତଃ ତାଟା ରିଦେୟାଏ ।”

୧୪ ଆତଃ ଯାଶୁ କାଜିଚୁଣ୍ଡକଦାଏ, “ପୁରାଃକଦ ହାକାଅକାନା ମେନ୍ଦ୍ୱ ହୁଡ଼ିଙ୍ଗଲେକକା ସାଲ୍ୱାକାନା ।”

କାର୍ ପାଏସା ଏମ୍ରେୟାଃ ବିଷାଏରେ କୁନୁଲି
(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏନ୍ତେ ଫାରୁଶୀକ ସେନଃକେଦ୍ୱେତେ, ଆବୁ ଚିଲ୍ୱକାତେ ଯାଶୁକେ ଆୟାଃ କାଜିତେବୁ ସାରିଆ, ମେନ୍ତେକ ରିଜୋଟିକେଦା । ୧୬ ଜନ୍କୁ ହେରୋଦ୍ ଆଃ ହଡ଼କଲଃ, ଆକିଆଃ ଚେଲକକେ ଯାଶୁତଃତେକ କୁଲକେଦ୍ୱକଥାଏ ଆତଃ ଜନ୍କୁ ଯାଶୁକେ କାଜିକିୟାକ, “ହେ ଗୁରୁ, ଆଲେ ସାରିତାନାଲେ, ଆମ୍ ସାର୍ତ୍ତଙ୍ଗ ହଡ଼ ତାନମେ ଆତଃ ପାର୍ମେଶ୍ୱାର୍ ଆଃ ସାର୍ତ୍ତି ହରା ଇତୁଆଃମେ ଆତଃ ଜେତାଏକେ କାମ୍ ବରଝା, ତିୟାଃତି ଆମ୍ ହଡ଼କଆଃ ମେଦ୍ମୁହୀଡ଼୍ କାମ୍ ନେଲଃ । ୧୭ ଆମ୍ ଆଲେକେ କାଜିୟାଲେମ୍, ଆମ୍ ଚିକନାଃମ୍ ଉଡ଼ୁତାନା ? କାଈସାର୍ତ୍ତେ ଆଇନ୍ ଲେକାତେ କାର୍ ପାଏସା ଏମ୍ ଲାଗାଡ଼ିଙ୍ଗ୍ୟାଃ ତି କାହା ?”

୧୮ ମେନ୍ଦ୍ୱ ଯାଶୁ ଜନ୍କୁଆଃ ଏଡ଼କାନାଃ ଆଡ଼କାର୍ତ୍ତକେଦ୍ୱେତେ କାଜିୟାଦ୍ୱକଥାଏ, “ହେ ବେଦାହଡ଼କ ତିନାଃ ମେନ୍ତେ ଆଇଙ୍ଗ୍ ଚିଟାଙ୍ଗ୍ ନାଗେନ୍ତେ ବିଡ଼ାଅତାନାପେ ? ୧୯ କାର୍ ପାଏସା ଏମ୍ରେୟାଃ ସିକା ମିଆଁଦ୍ ଏମାଈଙ୍ଗପେ ।”

ଏନ୍ତେ ଜନ୍କୁ ମୁସିଙ୍ଗ୍ ରାଃ ନାଲ୍ୱା ସିକା ଜନିଃତଃତେକ ଆଉକେଦା । ୨୦ ଆତଃ ଜନିଃ ଜନ୍କୁକେ କୁଲିକେଦ୍ୱକଥାଏ, “ନେ ସିକାରେ ଅକଏୟାଃ ମୁରୁଡ଼୍ ଆତଃ ନୁଡୁମ୍ ମେନାଃ ?”

୨୧ ଜନ୍କୁ କାଜିକିୟାକ, “କାଈସାର୍ ଆଃ,”

ଏନ୍ତେ ଜନିଃ ଜନ୍କୁକେ ମେତାଦ୍ୱକଥା, “ଅକନାଃ କାଈସାର୍ ଆଃ ଏନା କାଈସାର୍ତ୍ତେ ଏମାଈପେ, ଅକନାଃ ପାର୍ମେଶ୍ୱାର୍ ଆଃ ଏନା ପାର୍ମେଶ୍ୱାର୍ତ୍ତେ ଏମାଈପେ ।”

୨୨ ଆତଃ ଜନ୍କୁ ନେଆଁ ଆୟୁମ୍ବଳେଦ୍ୱେତେ ହାଏକାର୍ତ୍ତୟାନାକ ଆତଃ ଜନିଃକେ ବାରିକେଦ୍ୱେତେ ସେନଃୟାନାକ ।

ହଡ଼କଆଃ ଜାଉବିନିରିଦ୍ ବିଷାଏରେ କୁନୁଲି
(ମାର୍କ ୧୨:୧୮-୨୬; ଲୁକ ୨୦:୨୭-୪୦)

୨୩ ଏନ୍ ହୁଲାଙ୍ଗିଟି ଚିମିନ୍ ସାଦୁକିକ ଯାଶୁତଃତେକ ହିଜୁଃୟାନା ଆତଃ ଜନ୍କୁ ଜାଉବିନିରିଦ୍ ବାନଆଃ ମେନ୍ତେକ କାଜିତାଇକେନା । ୨୪ ଜନ୍କୁ କାଜିକିୟାକ, “ହେ ଗୁରୁ, ଜେତାଏ ହଡ଼ ବେଗାର୍ ହନ୍ଗାଁଣାତେ ଗଜଃରେଦ୍, ହାଗାତେ ଜନିୟାଃ କୁଡ଼ିକେ ଆଶ୍ୱଦିୟଃ ଲାଗାଡ଼ିଙ୍ଗ୍ୟାଃ ଆତଃ ଗଜାକାନ୍ ହାଗାତେୟାଃ ନାଙ୍ଗ୍ ହନ୍ଗାଁଣା ହାରାକକାଏ ମେନ୍ତେ ମୁଣା ନାବୀ କାଜିକାଦା । ୨୫ ନେଲେମେ, ଆଲେତଃରେ ସାଡ଼୍ ହାଗିୟା ତାଇକେନାକ ମାରାଙ୍ଗିନିଃ ଆଶ୍ୱଦିକେଦ୍ୱେତେ ବେଗାର୍ ହନ୍ଗାଁଣାତେ ଗଏଃୟାନାଏ, ଆତଃ ଏନ୍ ରାଣ୍ଡିକୁଡ଼ିକେ ହାଗାତେ ଆଶ୍ୱଦିୟାନାଏ । ୨୬ ଏନ୍ଲେକାଗି ଏଗଃ ହାଗାତେଲଃ ଆତଃ ଆପିୟାନିଃଲଃ ହବାୟାନା, ଚୁଣ୍ଡିର ସାଡ଼୍ ହାଗିୟାକ ଜନିଃକେ ଆଶ୍ୱଦିୟାନାକ । ୨୭ ଆତଃ ସବେନ୍କଆଃ ତାୟମ୍ତେ ଏନ୍ ରାଣ୍ଡି କୁଡ଼ିୟାଗି ଗଏଃୟାନାଏ । ୨୮ ଏନ୍ତେ ଜାଉବିନିରିଦ୍ ଇମ୍ବତା ଏନ୍ କୁଡ଼ି ଅକଏୟାଃ କୁଡ଼ିତେ ହବାଅଆଏ ? ସବେନ୍କଦ୍ୱ ଜନିଃକେ ଆଶ୍ୱଦିୟାନାକ ।”

☆ ୨୨:୧୩ ୨୨:୧୩ ମାଧୁର ୮:୧୨; ୨୫:୩୦; ଲୁକ ୧୩:୨୮. ☆ ୨୨:୨୩ ୨୨:୨୩ ପ୍ରେରିଡ଼ ୨୩:୮.

୨୯ ଯୀଶୁ ଇନକୁକେ ମେତାଦକଆ, “ଆପେ ଧାରାମପୁଅ ଆତଃ ପାର୍ମେଶ୍ୱାର୍ ଆଃ ପେଡ଼େଃ କାପେ ସାରିୟା ଏନା ନାଗେନ୍ତେପେ ଆଦାକାନା । ୩୦ ଜୀଉବିନିରିଦ୍ କେଦତେ ଜେତାଏ କାକ ଆଣ୍ଡିନାଃ, ତାଏ ଆଣ୍ଡି କାକ ଏମଃଆ, ମେନ୍ଦ୍ ଇନକୁ ସିମ୍ପାରେନ୍ ଦୁର୍ଲେକାକ ତାଇନାଃ । ୩୧ ଆତଃ ଗଜାକାନୁକଆଃ ଜୀଉବିନିରିଦ୍ ବିଷାଏରେ ପାର୍ମେଶ୍ୱାର୍ କାଜିୟାକାଦ୍ କାଜିକେ କାପେଟି ପାଢାଅକାଦା ? ୩୨ ‘ଆଇଙ୍ଗ୍ ଆବ୍ରାହାମଆଃ ପାର୍ମେଶ୍ୱାର୍, ଇସାକଆଃ ପାର୍ମେଶ୍ୱାର୍ ଆତଃ ଯାକୁବଆଃ ପାର୍ମେଶ୍ୱାର୍ ତାନିଙ୍ଗ୍ ।’ ଇନଃ ଗଏଃକାନୁକଆଃ ପାର୍ମେଶ୍ୱାର୍ ନାହାଁଲିଃ ମେନ୍ଦ୍ ଜାନିଦ୍ କଆଃ ପାର୍ମେଶ୍ୱାର୍ ତାନିଃ ।”

୩୩ ଆତଃ ଗାଦେଲ୍ ହଡ଼କ ନେଆଁ ଆୟୁମକେଦତେ ଇନିୟାଃ ଇନିତୁତେ ହାଏକାଢ଼ୟାନାକ ।

ମାରାଙ୍ଗ୍ ଆନ୍ତୁ

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଯୀଶୁ ସାଦୁକିକେ ହାପାକେଦକଆଏ ମେନ୍ତେ ଫାରୁଶୀକ ଆୟୁମକେଦତି ହୁଣ୍ଡିୟାନାକ । ୩୫ ଆତଃ ଇନକୁ ଏତେ ମିଆଁଦ୍ ଆଇନ୍ ଇତୁନିଃ ଯୀଶୁକେ ଚିଟାଲ ନାଗେନ୍ତେ ବିତ୍ତାଅକିୟାଏ ଆତଃ କୁଲିକିୟାଏ, ୩୬ “ହେ ଗୁରୁ, ମୁଣାରାଃ ଆଇନ୍ରେୟାଃ ମାରାଙ୍ଗ୍ ଆନ୍ତୁ ଅକନାଃ ତାନାଃ ?”

୩୭ ଯୀଶୁ ଇନିଃକେ କାଜିରୁହାଡ଼କିୟାଏ, “ ‘ଆମାଃ ସବେନ୍ ମନ୍ଦେ, ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ମନ୍ଦେ ପ୍ରାଭୁ ଆମାଃ ପାର୍ମେଶ୍ୱାର୍ କେ ଦୁଲାଡ଼ିମେ ।’ ୩୮ ନେଆଁଗି ମାରାଙ୍ଗ୍ ଆତଃ ପାହିଲା ଆନ୍ତୁ ତାନାଃ । ୩୯ ଆତଃମିଆଁଦ୍ ମାରାଙ୍ଗ୍ ଆନ୍ତୁ ଏନ୍ଲେକାଗିୟା, ‘ଆମାଃ ହପରଜାପାଃରେନିଃକେ ଆମାଃ ଲେକା ଦୁଲାଡ଼ିମେ ।’ ୪୦ ଧନେ ବାରିୟା ଆନ୍ତୁରେ ମୁଣାରାଃ ଆଇନ୍ ଆତଃ ନାବୀକଆଃ ଇନିତୁରେ ଆସାଏତାନା ।”

ଶ୍ରୀଷ୍ଟ ମାସି ତାନିଃ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଫାରୁଶୀକ ହୁଣ୍ଡିୟାନି ଇମତା ଯୀଶୁ ଇନକୁକେ କୁଲିକେଦକଆଏ ? ୪୨ “ଆପେ ଶ୍ରୀଷ୍ଟଆଃ ବିଷାଏରେ ଚିନାଃପେ ଉଡ଼ୁତାନା ? ଇନିଃ ଅକଏୟାଃ ହନ୍ ତାନିଃ ?”

ଇନକୁ କାଜିରୁହାଡ଼କିୟାକ, “ଦାଉଦ୍ ଆଃ ।”

୪୩ ଯୀଶୁ ଇନକୁକେ କାଜିୟାଦକଆଏ, “ଦାଉଦ୍, ମାସିକେ ‘ଆଇଁୟାଃ ପ୍ରାଭୁ’ ମେନ୍ତେ ଚିନାଃମେନ୍ତେ ତାମ୍ କାଜିକିୟାଏ ? ଚିୟାଃଟି ପାବିତାର୍ ଆମାତେ ଇନିଃ ଅଲ୍ଲାକାଦାଏ,

୪୪ “ ‘ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟା,

ଆଇଙ୍ଗ୍ ଆମାଃ ବାଇରିକକେ ଆମାଃ କାଟା ଲାତାର୍ରେ ଆଉରି ଦହକ ଜାକେଦ୍

ଆମ୍ ଆଇଁୟାଃ ଜମଡ଼ିସାଃରେ ଦୁବାକାନୁମେ ।”

୪୫ “ଦାଉଦ୍ ଶ୍ରୀଷ୍ଟକେ ‘ଆଇଁୟାଃ ପ୍ରାଭୁ’ ମେତାଜତାନୁରେଦ୍, ଇନିଃ ଚିଲ୍ଲକାତେ ଇନିୟାଃ ହନ୍ ତାନିଃ ?”

୪୬ ଆତଃ ଜେତାଏ ମିଆଁଦ୍ କାଜିୟା ଯୀଶୁକେ କାକ କାଜିରୁହାଡ଼୍ ଦାଡ଼ିକେଦା, ଏନ୍ ହୁଲାଇଁତାଃଏତେ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହାଁସକେଦା ।

୨୩

ଆଇନ୍ ଇତୁକଆଃ ଆତଃ ଫାରୁଶୀକଆଃ ବିରୁଧ୍ରେ ଯୀଶୁଆଃ ଚେତାଅ

(ମାର୍କ ୧୨:୩୮-୪୦; ଲୁକ ୧୧:୩୭-୪୨; ୨୦:୪୫-୪୭)

୧ ଏନ୍ତେ ଯୀଶୁ ଏନ୍ ଗାଦେଲ୍ ହଡ଼କକେ ଆତଃ ଆୟାଃ ଚେଲକକେ କାଜିୟାଦକଆଏ, ୨ “ଆଇନ୍ ଇତୁକ ଆତଃ ଫାରୁଶୀକ ମୁଣାରାଃ ଆଇନ୍ ଇତୁରାଃ ଆକ୍ତେୟାର୍ ନାମାକାଦ୍ ଇନିତୁକ ତାନ୍କ । ୩ ଏନା ନାଗେନ୍ତେ, ଆପେ ନେଆଁ ମାନାତିଙ୍ଗ୍ପେ ମେନ୍ତେକ କାଜିରେଦ୍ ଏନ୍ ସବେନାଃ ମାନାତିଙ୍ଗ୍ପେ, ମେନ୍ଦ୍ ଇନକୁଆଃ କାମିଲେକା ଆଲ୍ପେ କାମିୟା, ଇନକୁ କାଜିଦକ କାଜିୟା ମେନ୍ଦ୍ କାକ କାମିୟାଃ । ୪ ଇନକୁ ଆକଆଃ ଇନିତୁକେ ହଡ଼କଆଃ ତାରାନ୍ ଚେତାନ୍ରେ ହାମ୍ପାଲ୍ଡେୟାଃକ ଲାଦିତାନା, ମେନ୍ଦ୍ ଇନକୁ ଏନାକେ ଆକଆଃ ମିଆଁଦ୍ ସାଢ଼ସାଢ଼ହେଉ ଉଠାଅକେଦତେ ଗଠାଃଇଦି ନାଙ୍ଗ୍ କାକ ଦେଙ୍ଗାଃ । ୫ ହଡ଼କ ଆଲେକେ ନେଲ୍ଲେକାକ ମେନ୍ତେ ଇନକୁ ଆକଆଃ ସବେନ୍ କାମିକ କାମିୟାଃ । ନେଲ୍ଲକପେ, ଇନକୁଦ୍ ଧାରାମପୁଅରେ ଅଲ୍ଲାନୁଚେୟାଃ ଆକଆଃ ମଲ୍ଲଙ୍ଗ୍ କରେକ ତଲେୟା ଆତଃ ଆକଆଃ ତୁସିଙ୍ଗ୍ ଲିଜାଃରେୟାଃ ଝାଲେରୁକେକ ଜିଲିଙ୍ଗ୍ ଆଃ । ୬ ଆତଃ ଇନକୁ ମାରାଙ୍ଗ୍ କମେୟାଃତାଃରେ

☆ ୨୨:୪୦ ୨୨:୪୦ ଲୁକ ୧୦:୨୫-୨୮. ☆ ୨୩:୫ ୨୩:୫ ମାଧୁର ୭:୧.

ତେତାନ୍ ଠାୟାନ୍ଦରେ ଆତଃ ସାମାଜ ଅତଃକରେ ଆୟାନ୍ରେ ଦୁବନାଞ୍ ସୁକ୍ତକଥା । ୭ ଆତଃ ଇନ୍ଦୁ ହୃତକତାଃଏତେ ପିତ୍ ପିତ୍ତିକରେ ଜହାରତେଲ୍ଲା ଆତଃ 'ହେ ଗୁରୁ' ମେନ୍ତେ କାଜିୟାଲେକାକ ନେଆଁ ସୁକ୍ତାଧାଃ । ୮ ମେନ୍ଦ ଏପେ 'ହେ ଗୁରୁ' ମେନ୍ତେ ଆଲ୍ଲପେ ନୁତୁମଃଆ, ଚିୟାଃତି ଆପେୟାଃ ଇତୁନିଃଦ ମିଆଁଦ୍ରିଆଏ, ଆତଃ ଆପେ ସବେନ୍ଦ ହାଗା ତାନ୍ଦେ । ୯ ଆତଃ ଅତେରେ ଜେତାଏକେ 'ଆବା' ମେନ୍ତେ ଆଲ୍ଲପେ କାଜିୟା, ଆପେୟାଃ ଆପୁଦ ମିଆଁଦ୍ରିଆଏ ଆତଃ ଇନିଃ ସିର୍ମାରେ ମେନାଲୟା । ୧୦ ଆତଃ ଆପେ ହୃତକଥାଃ 'ଗମ୍ବେ' ମେନ୍ତେ ଆଲ୍ଲପେ ନୁତୁମଃଆ, ଚିୟାଃତି ଆପେୟାଃ ଗମ୍ବେକେ ମିଆଁଦ୍ରିଆଏ, ଇନିଃ ମାସି ତାନିଃ । ୧୧ *ଆତଃ ଆପେୟାଃ ଆଲ୍ଲାରେ ସବେନ୍ଦକଏତେ ମାରାଜ୍ଜନିଃ ଆପେୟାଃ ସୁସାନ୍ନିଃ ହବାଅଃକାଏ । ୧୨ *ଆତଃ ଜେତାଏ ଆପାନ୍ଦକେ ମାରାଜ୍ଜୟେନ୍ଦି ସାନାଜ୍ଜରେଦ ଇନିଃ ହୁଡିଜ୍ଜୟେନ୍ଦିକାଏ, ଆତଃ ଜେତାଏ ଆପାନ୍ଦକେ ହୁଡିଜ୍ଜୟେନ୍ଦିନିଃ, ମାରାଜ୍ଜୟେନ୍ଦିକାଏ ।

ୟାଶୁ ହସଡ଼ହୃତକକେ ସାଜାଲକେଦକଥାଏ
(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ “ଏ ହସଡ଼ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, ଆପେଦ ହୃତକଥାଃ ସାମାଜାଞ୍ରେ ସିର୍ମା ରାଜ୍ଜରେୟାଃ ଦୁଆର୍ଦେ ହାଣ୍ଡେଦ ତାନାଃ, ଆପେଦ ଆପେଗି ଏନାରେ କାପେ ବଲତାନା ଆତଃ ବଲ ସାନାଜ୍ଜାନ୍ଦକକେ କାପେ ବଲ ଇତିକୃତାନା । ୧୪ ଏ ହସଡ଼ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, ଚିୟାଃତି ଆପେ ବେଦାତେ ଜିଲିଜ୍ଜି ଜିଲିଜ୍ଜିରି ବିକ୍ରିୟାପେ ଆତଃ ରାଣ୍ଡିକୃତିକଥାଃ ଅତଃକ ଉଦେତାନାପେ, ଏନାମେନ୍ତେ ଆପେ ଆଦ୍ଦକା ସାଜାଲପେ ନାମେୟା । *

୧୫ “ଏ ହସଡ଼ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, ଆପେଦ ମିଆଁଦ୍ ହୃତକେ ଯିହୁଦୀ ଧାରାମରେ ମେସାଲ ନାଗେନ୍ତେ ଦରେୟା ଆତଃ ଗଟା ଅତେଦିଶ୍ଟୁମ୍ପେଦ ହନରତାନା, ଆତଃ ଚିମ୍ବତାଞ୍ ଇନିଃ ଯିହୁଦୀ ଧାରାମରେ ମେସାୟାନ୍ରେ, ଆପେଏତେ ବାନ୍ଦୁଗୁନା ଇମ୍ନାଜ୍ଜ ନାରାକ୍ରେ ସାଜାଲ ନାମେ ନାଗେନ୍ତେଦେ ଦେଜାଈତାନା ।

୧୬ “ଆଜ୍ଞା ହରା ଆୟାନ୍ଦକଦିକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, 'ଜେତାଏ ମାନ୍ଦିର୍ ଅତଃରେୟାଃ କିରିୟାଏରେଦ ଇନିଃ ମାନାତିଜ୍ଜି ନାଗେନ୍ତେ କାଏ ତଲଃଆ ମେନ୍ଦ ଜେତାଏ ମାନ୍ଦିର୍ ଅତଃରେୟାଃ ସୋନାରାଃ କିରିୟା ଜମେରେଦ ଇନିଃକେ ଏନା ମାନାତିଜ୍ଜି ଲାଗାତିଜ୍ଜୟାଃ ।' ୧୭ ଏ କା ନେଲ୍ ଦାଡିତାନ୍ ତଣ୍ଡକ, ସୋନା ମାରାଜ୍ଜି ତି ସୋନାକେ ପାବିତାରକାଦ୍ ମାନ୍ଦିର୍ ଅତଃ ମାରାଜ୍ଜି ତାନାଃ ? ୧୮ ଆତଃଗି ଇତୁଆଃପେ, 'ଜେତାଏ ବେଦିରାଃ କିରିୟାଏରେଦ ଇନିଃକେ ଏନା ମାନାତିଜ୍ଜି ନାଗେନ୍ତେ କା ଲାଗାତିଜ୍ଜୟାଃ, ମେନ୍ଦ ଜେତାଏ ଏନାରେ ରାକାବାକାନ୍ଦ ଦାନରାଃ କିରିୟାଏରେଦ ଇନିଃକେ ଏନା ମାନାତିଜ୍ଜି ଲାଗାତିଜ୍ଜୟାଃ ।' ୧୯ ଏ ମେଦ୍ କା ନେଲ୍ ଦାଡିତାନ୍ ହୃତକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, ଏନ୍ ଦାନ୍ ମାରାଜ୍ଜିଆଁ ଦାନ୍ଦକେ ପାବିତାର୍ ରିକାଏତାନ୍ ଏନ୍ ବେଦି ମାରାଜ୍ଜିଆଁ, ନେ ବାରାନାଃରେ ଅକ୍ନାଃ ମାରାଜ୍ଜିଆଁ ? ୨୦ ନେଆଁମେନ୍ତେ ଜେତାଏ ବେଦିରେୟାଃ କିରିୟାଏରେଦ, ଇନିଃ ଏନାରେୟାଃ ଆତଃ ଏନାରେ ରାକାବାକାନ୍ଦତେୟାଃ ସବେନାଃରାଃ କିରିୟାଏତାନା । ୨୧ ଜେତାଏ ମାନ୍ଦିର୍ ଅତଃରେୟାଃ କିରିୟାଏରେଦ ଇନିଃ ଏନାରେୟାଃ ଆତଃ ଏନାରେ ତାଜନିଃତାନ୍ ପାର୍ମେଶ୍ଵାର୍ଆଃ କିରିୟାଏତାନା । ୨୨ *ଆତଃ ଜେତାଏ ସିର୍ମାରେୟାଃ କିରିୟାଏରେଦ ଇନିଃ ପାର୍ମେଶ୍ଵାର୍ଆଃ ରାଜ୍ଜଗାଦିରେୟାଃ ଆତଃ ଏନାରେ ଦୁବାକାନ୍ଦ ପାର୍ମେଶ୍ଵାର୍ଆଃ ନୁତୁମ୍ପେଦ କିରିୟାଏତାନା ।

୨୩ “ଏ ହସଡ଼ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, ଆପେଦ ପୁଦ୍ନା, ପାନ୍ଦୁହୁରି ଆତଃ ଜୀରାରାଃ ଗେଲ୍ ହାନାଗିଜ୍ଜି ପାର୍ମେଶ୍ଵାର୍କେପେ ଏମାଜତାନା, ମେନ୍ଦ ମୁଶାରାଃ ଆନ୍ଦୁରେୟାଃ ମାରାଜ୍ଜକାଜି, ନ୍ୟାୟ ବିଚାର୍, ଲିବୁଜ୍ ଆତଃ ପାତିୟାନ୍ଦରଃ ଲେକାନ୍ଦ କାଜିକେ ବାଗିୟାକାଦାପେ, ମେନ୍ଦ ଏଗାଃତେୟାଃକକେ କା ବାଗିକେଦ୍ତେ ନେ ସବେନାଃକେ ମାନାତିଜ୍ଜି ଲାଗାତିଜ୍ଜୟାଃ । ୨୪ ଏ କାଣାଁ ହରା ଆୟାନ୍ଦକଦିକ, ଆପେଦ ସିକିଣ୍ଟିକପେ ଛାନାଅତାନା ଆତଃ ଉଡ଼କପେ ଉଦକତାନା ।

୨୫ “ଏ ହସଡ଼ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଝାନ୍ନି ହବାଅଥାଃ, ଚିୟାଃତି ଆପେଦ ଦୁବନ୍ ଆତଃ ଆଡିରାଃ ବାହାରିକପେ ଗାସାର୍ ଆବୁଜ୍ଜି ତାନା । ମେନ୍ଦ ଏନାରେୟାଃ

* ୨୩:୧୧ ୨୩:୧୧ ମାଧୁର ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭. * ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪.
 * ୨୩:୧୪ ୨୩:୧୪ ନେ ବାଗାନ୍ ଚିମିନ୍ ମାରି ଅନଲ୍ଲରେ ବାନଅଥା * ୨୩:୨୨ ୨୩:୨୨ ମାଧୁର ୫:୩୪.

ଭିତରୁ ହିସାବ ଆଡ଼ ଏଡ଼କାନାଃ ପେରେଜାକାନା । ୨୬ ହେ କାଣ୍ଟାଁ ଫାରୁଶୀକ ସିଦାତେ ତୁବ୍ନି ଆଡ଼ ଆଡ଼ିରାଃ ଭିତରୁ ଆବୁଜ୍ଜାଗାସାରେପେ ଏନ୍ତେ ଏନାରେୟାଃ ବାହାରିହୁଁ ଆବୁଜ୍ଜାଗାସାରଥା ।

୨୭ *ହେ ହସଡ଼ ଆଇନ୍ ଇତୁକ ଆଡ଼ ଫାରୁଶୀକ, ଆପେୟାଃ ସାଜାଇ ପୁରାଃ ବରଝାନ୍ତି ହବାଅଥାଃ, ଆପେ ତୁନାତେ ଜଲମାକାନ୍ କାବାର୍ ଲେକାନ୍ କ ତାନ୍ପେ, ଏନା ବାହାରି ନେପେଲ୍ରେପ ପୁରାଃ ବୁଗିନ୍ତି ନେଲ୍ଲତାନା ମେନ୍ଦ ଏନାରେୟାଃ ଭିତରୁରେ ଗଜାକାନ୍କଥାଃ ଜାଜ୍ଜକ ଆଡ଼ ସବେନାଃ କା ଫାରୁତିତେ ପେରେଜାକାନା । ୨୮ ନେ ଲେକାତେ ଆପେ ବାହାରି ନେପେଲ୍ରେ ହଡ଼କଥାଃ ସାମ୍ନାକ୍ରେ ଧାର୍ମାନ୍ତିପେ ନେଲଥାଃ ମେନ୍ଦ ମନ୍ ଭିତରୁରେ ବେଦାତେ ଆଡ଼ ଏଡ଼କାନ୍ତେ ପେରେଜାକାନା ।

ୟାଶୁ ଇନ୍କୁଆଃ ସାଜାଇକେ ଆୟାରୁକାଜି କାଜିକେଦାଏ
(ଲୁକ ୧୧:୪୭-୫୧)

୨୯ “ଏ ହସଡ଼ ଆଇନ୍ ଇତୁକ ଆଡ଼ ଫାରୁଶୀକ ଆପେୟାଃ ସାଜାଇ ପୁରାଃ ବରଝାନ୍ତି ହବାଅଥାଃ, ଆପେଦ ନାବୀକଥାଃ ନାଗେନ୍ତେ ବୁଗିନ୍ କାବାର୍ ବାଇକେଦତେ ଧାର୍ମାନ୍କଥାଃ ତପାଗାଡ଼ାରେ ନୁତୁମ୍ ଅଲ୍ଲକାନ୍ ଖୁଣ୍ଟକେପେ ସିଙ୍ଗାଅ ତାନା । ୩୦ ଆଡ଼ କାଜିତାନାପେ, ‘ଆବୁ ଆବୁଆଃ ହାଡ଼ାମକଥାଃ ଦିପିଲିରେବୁ ତାଇନ୍କାନ୍, ଆବୁ ଇନ୍କୁ ଲେକା କାବୁ କାମିକାଦ୍ତେୟାଃ ଆଡ଼ ନାବୀକଥାଃ ଗନ୍ଦଏ ମାୟୋମ୍ ଲିଙ୍ଗରେ ଇନ୍କୁଲଃ କାବୁ ମେସାକାନ୍ତେୟାଃ ।’ ୩୧ ନେଆଁତେ ଆପେଗି ନାବୀକକେ ଗଏଃକେନ୍କଥାଃ କିଲିକ ତାନ୍ପେ ମେନ୍ତେ ଆପେୟାଃ ନାଗେନ୍ତେ ଗାଝାପେ ଏମତାନା । ୩୨ ଆପେଗି ହାଡ଼ାମକଥାଃ ପାପୁରାଃ ସସଙ୍ଗତେୟାଃ ପେରେଜେପେ । ୩୩ ଏ ବିଜ୍ଜକ, ଆପେ ବିଜ୍ଜକଥାଃ ହନ୍କ ! ଆପେ ନାରାକ୍ରେୟାଃ ସାଜାଇଏତେ ଚିଲ୍ଲକାପେ ବାଞ୍ଛାଅଥା ? ୩୪ ଏନାମେନ୍ତେ ଆଇଜ୍ଜ ଆପେତାଃତେ ନାବୀକ, ସେଣ୍ଟାନ୍କ, ଆଡ଼ ଇତୁକକେ କୁଲ୍ଲକତାନାଇଜ୍ଜ, ଆଡ଼ ଆପେ ଇନ୍କୁଏତେ ଚିମିନ୍କକେ ଗଏଃକଥାପେ ଆଡ଼ କୁଣ୍ଡରେପେ କିଲ୍ଲକଥା ଆଡ଼ ଏଗାଃକକେ ଆପେୟାଃ ସାମାଜ୍ ଅଡ଼ାଃକରେପେ ହାଣ୍ଡାକଥା ଆଡ଼ ସାହାର୍ ସାହାର୍ଏତେ ହାରକତାନଲ୍ଲ ସିଗିଦ୍‌କଥାପେ । ୩୫ ଆଡ଼ ନେ ଲେକାତେ ଧାର୍ମାନ୍ ହାବିଲ୍ଲକେ ଗଏଃକିଃତାଃଏତେ ମାନ୍ଦିରେୟାଃ ପାବିତାର୍ ଠାୟାଦ୍ ଆଡ଼ ଦାଣ୍ଟୋରାକାବ୍ ବେଦିରାଃ ଆଲ୍ଲାମାଲ୍ରେ ଆପେ ଗଏଃକିଃ ବେରୁୟାଆଃ ହନ୍ତେକଡ଼ା ଜିଗ୍ରିୟା ଜାକେଦ୍ ଆଡ଼ ଅତେଦିଶୁମରେନ୍ ଧାର୍ମାନ୍ ହଡ଼କକେ ଗଏଃକେଦ୍ ନାଗେନ୍ତେ ଆପେ ସାଜାଇପେ ନାମେୟା । ୩୬ ସାର୍ଡ଼ିଗିଜ୍ଜ କାଜିୟାପେତାନା, ନେ ସବେନ୍ ହଡ଼ଗଏଃକଥାଃ ସାଜାଇ ନେ ଦିପିଲିରେନ୍ ହଡ଼କକେ ନାମଥା ।

ୟାରୁଶାଲେମ୍ ନାଜ୍ ଯୀଶୁଆଃ ଦୁଲାଡ଼
(ଲୁକ ୧୩:୩୪-୩୫)

୩୭ “ହେ ଯୀରୁଶାଲେମ୍, ହେ ଯୀରୁଶାଲେମ୍, ଆମ୍ ନାବୀକକେମ୍ ଗଏଃକେଦ୍‌କଥା ଆଡ଼ ଆମ୍‌ତାଃତେ କୁଲ୍ଲକାନ୍‌କକେ ଚିଦ୍‌ଗିଗଏଃ କେଦ୍‌କଥାମ୍, ଏଜ୍ଜାସିମ୍ ଆୟାଃ ହନ୍‌କକେ ଆପୁରବ୍ ଲାତାରୁରେ ଆବୁରୁମ୍ ତପାକତାନଲେକା ଚିମିନ୍‌ସା ଆଇଜ୍ଜ ଆମାଃ ହନ୍‌କକେ ହୁଣ୍ଡିସାମାଜ୍‌କେଦାଈଜ୍ଜ, ମେନ୍ଦ୍ ଆପେ କାପେ ସାନାଜ୍‌କେଦାଃ । ୩୮ ନେଲେପେ, ଆପେୟାଃ ମାନ୍ଦିର୍ ଆପେତାଃରେ ହାଡ଼ୁଡ଼ନାଜ୍ ବାଗିୟତାନା । ୩୯ ଚିୟାଃଟି ଆଇଜ୍ଜ ଆପେକେ କାଜିୟାପେ ତାନାଇଜ୍, ‘ପ୍ରାଭୁଆଃ ନୁତୁମ୍‌ତେ ହିଜୁଡ଼ନିଃକେ ପାର୍ମେଶ୍ୱାର୍ ଆଗିଷ୍ଟ୍ ଏମାଇକାଏ’ ମେନ୍ତେ ଆପେ ଆଉରି କାଜି ଜାକେଦ୍ ନାହିଃଏତେ ଆଡ଼ ଆଇଜ୍‌କେ କାପେ ନେଲିୟାଃ ।”

୨୪

ୟାଶୁ ମାନ୍ଦିର୍‌ଅଡ଼ାଃ ହାଡ଼ୁଡ଼ରେୟାଃ କାଜି ଉଦୁବ୍‌କେଦା
(ମାର୍କ ୧୩:୧-୩୧; ଲୁକ ୨୧:୫-୩୩)

୧ ଯାଶୁ ମାନ୍ଦିର୍ ଅଡ଼ାଃଏତେ ଅଡ଼ଜ୍‌କେଦ୍‌ତେ ସେନଃତାନ୍ ଦିପିଲିରେ ଆୟାଃ ଚେଲାକ, ମାନ୍ଦିର୍ ଅଡ଼ାଃରେ ବାଇୟାକାନ୍ତେୟାଃ, ଆଡ଼ ମାପୁରାଜ୍ ଅଡ଼ାଃକ ଉଦୁବାଇ ନାଗେନ୍ତେକ ହିଜୁଃୟାନା । ୨ ମେନ୍ଦ୍ ଯାଶୁ ଇନ୍କୁକେ ମେତାଦ୍‌କଥା, “ଆପେ ଚିନାଃ ଏନ୍ ସବେନାଃ କାପେ ନେଲେତାନା ? ସାର୍ଡ଼ିଗିଜ୍ଜ କାଜିୟାପେତାନା, ଏନାରେ ଦିରି ତେତାନ୍ ଦିରି ଡିରିୟାକାନ୍ କା ତାଇନା, ସବେନାଃ ହାଡ଼ୁଡ଼ଥା ।”

* ୨୩:୨୭ ୨୩:୨୭ ପେରିବ୍ ୨୩:୩. ✦ ୨୩:୩୩ ୨୩:୩୩ ମାଧୁର ୩:୭; ୧୨:୩୪; ଲୁକ ୩:୭.

ଦୁକୁ ଆତଃ ସାଧାତି

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଯାଣୁ ଜାଇତୁନ୍ ବୁରୁରେ ଦୁବାକାନ୍ ତାଇକେନ୍ ଇମ୍ମତା ତେଲାଇ ଏସକାର୍ରେ ଇନିଃତାଃତେକ ହିଜୁଃୟାନା ଆତଃ କୁଲିକିୟାକ, “ଆଲେକେ ଉଦୁବାଲେମେ ନେ ସବେନାଃ ଚିଉଲା ହବାଅଥାଆ ଆତଃ ଆମାଃ ହିଜୁଃରେୟାଃ ଚିହ୍ନାଁ ଚିନାଃ ତାନାଃ ଆତଃ ଅତେଦିଶ୍ଟୁମ୍ରେୟାଃ ତୁଣ୍ଡୁ ଦିପିଲି ଚିଉଲା ହବାଅଥାଆ ?”

୪ ଯାଣୁ କାଜିରୁହାଡ଼କେଦକଆଏ, “ଚିର୍ଗାଲାକାନ୍ଦେ, ଜେତାଏ ଆଲକାକ ବେଦାପେକା । ୫ ଚିୟାଃତି ପୁରାଃ ହଡ଼କଦ ଆଇୟାଃ ନୁଡ଼ମତେକ ହିଜୁଃଆ ଆତଃ ‘ଆଇଙ୍ଗ୍ ଖ୍ରୀଷ୍ଟ୍ ତାନିଙ୍ଗ୍’ ମେନ୍ତେକ କାଜିୟା ଆତଃ ପୁରାଃକକେ ବେଦାକଆକ । ୬ ଆପେ ମାପାଃତୁପୁଇଙ୍ଗ୍ ଆତଃ ମାପାଃତୁପୁଇଙ୍ଗ୍‌ରାଃ କାଜିପେ ଆୟୁମେରେଦ, ଚିର୍ଗାଲାକାନ୍ଦେ, ବରତେ ଆଲପେ ଆକବାକାଆଥାଆ । ନେଆଁ ସବେନାଃଦ ହବାଅଥାଆ ଲାଗାତିୟାଃ, ମେନ୍ଦ ଏନ୍ ଦିପିଲିହ ତୁଣ୍ଡୁ ନୁହାଁଲାଃ । ୭ ଚିୟାଃତି ଦିଶ୍ଟୁମ୍ ବିରୁଧରେ ଦିଶ୍ଟୁମ୍ ଆତଃ ରାଇଜ୍ ବିରୁଧରେ ରାଇଜ୍ ଲାଡ଼ାଇ ହବାଅଥାଆ, ସବେନ୍ ଠାୟାଦରେ ଅତେ ଏକଲାଅଥାଆ ଆତଃ ରିଙ୍ଗାଅଥାଆ । ୮ ମେନ୍ଦ ନେ ସବେନାଃ ହନ୍ ଜାନାମାଃ ଇମ୍ମତାରାଃ ଦୁକୁରେୟାଃ ଏନେଟେଦ୍ ଲେକାନାଃ ତାନାଃ ।

୯ “ଏନ୍ତେ ଇନ୍ଦକୁ ଆପେକେ ସାଧାତିପେ ନାଗେନ୍ତେକ ଜିମାପେୟା ଆତଃକ ଗଏଃପେୟା, ଆତଃ ଆପେ ଆଇଙ୍ଗ୍‌ତାଃରେ ପାତିୟାଡ଼କାଦ୍ ନାଗେନ୍ତେ ସବେନ୍ ହଡ଼କ ଆପେକେକ ହିଲାଙ୍ଗ୍‌ପେୟା । ୧୦ ଏନ୍ ଦିପିଲିରେ ପୁରାଃ ହଡ଼କ ଆକଆଃ ବିଶ୍ଟାସକ ଆଦେୟା, ଆତଃ ଆକ ଆକଗି ମିହୁଡ଼୍ ଆତଃମିହୁଡ଼କେ ଏମ୍‌ଏଶ୍ଟାରିୟାକ ଆତଃ ହିଲାଙ୍ଗ୍‌ଇଆକ । ୧୧ ଆତଃ ପୁରାଃ ହସଡ଼ ନାବୀକ ହିଜୁଃଆ ଆତଃ ଇନ୍ଦକୁ ପୁରାଃ ହଡ଼କକେ ବେଦାକଆକ । ୧୨ ଚିୟାଃତି ଏଡ଼କାନ୍ ନିତିରୟାନ୍ ନାଗେନ୍ତେ ପାର୍ମେଶ୍ଟାର୍‌ଆଃ ନାଙ୍ଗ୍ ପୁରାଃ ହଡ଼କଆଃ ଦୁଲାଡ଼୍ ହୁଡ଼ିଙ୍ଗ୍‌ଇଦିୟାଃଆ । ୧୩ ଏମେନ୍ଦ୍ ଜେତାଏ ତୁଣ୍ଡୁ ଜାକେଦ୍ ସାହାତିଙ୍ଗ୍‌ତାନିଃ ତିଙ୍ଗ୍ କେଟେୟାକାନ୍ ତାଇନ୍‌ରେଦ୍ ବାଞ୍ଛାଅଥାଆଏ । ୧୪ ଆତଃ ପାର୍ମେଶ୍ଟାର୍‌ଆଃ ରାଇଜ୍ ବିଷାଏରେ ନେ ସୁକୁକାଜି ଏଟାଃ ଏଟାଃ ଜାଗାର୍‌ତାନ୍ ସବେନ୍ ହଡ଼କଆଃ ଗାଞ୍ଜା ନାଗେନ୍ତେ, ଗଟା ଅତେଦିଶ୍ଟୁମ୍ରେ ଉଦୁବିଃଆ ଆତଃ ଏନ୍ତେ ତୁଣ୍ଡୁଆ ।

ୟାଣୁ ଏନ୍ ଅଡ଼େଜଃ ପୁରାଃ ସଡ଼ରା ବିଷାଏରେ ଉଦୁବେତାନ

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଆପେ ଚିମ୍ତା ଏନ୍ ‘ଅଡ଼େଜଃ ସଡ଼ରାକାନ୍‌ନିଃ’ ମାନ୍ଦିର୍ ଅଡ଼ାଃରାଃ ପାବିତାର୍ ଠାୟାଦରେ ତିଙ୍ଗ୍‌ଆକାନ୍‌ପେ ନେଲିୟା,” ନେ କାଜି ଅକ୍‌ନାଃତି ଦାନିୟେଲ୍ ନାବୀ କାଜିକାଦାଏ, ପାଡ଼ାଅନିଃ ନେଆଁରାଃ ମୁଣ୍ଡି ଆଟ୍‌କାର୍‌ଉରୁମେକାଏ । ୧୬ “ଇମ୍ମତା ଯିହୁଦା ପାର୍ଗାନ୍‌ରେ ତାଇନିଃତାନିକ୍ ବୁରୁତେକ ନିରତେବାଃକା । ୧୭ ଏକ ହଡ଼ ଆୟାଃ ଅଡ଼ାଃ ସାଡ଼ମିରେ ମେନାଇୟାଃ ଇନିଃ ଆୟାଃ ଜେଡ଼ନାଃ ଇଦିମେନ୍ତେ ଅଡ଼ାଃଏତେ ଆଲକାଏ ଆଡ଼ଗୁଃକା । ୧୮ ଆତଃ ପିଡ଼ି ଲୟଙ୍ଗ୍‌ରେ ମେନାଇନିଃ ଆୟାଃ ଲିଜାଃ ଇଦି ନାଗେନ୍ତେ ଆଲକାଏ ରୁହାଡ଼କା । ୧୯ ମେନ୍ଦ ଏନ୍ ଦିପିଲିରେନ୍ ବାଜ୍ ଆକାନ୍ କୁଡ଼ିକଆଃ ଆତଃ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନ୍‌ଗି ଦୁକୁ ହବାଅଥାଆ । ୨୦ ଆପେ ନିର୍‌ସେନାଃ ନାଗେନ୍ତେ ରାବାଙ୍ଗ୍‌ସାହା ଚାଏ ରୁଡ଼ୁ ହୁଲାଙ୍ଗ୍ ଆଲକା ହବାଅଥାଆ ମେନ୍ତେ ଆପେୟାଃ ପାର୍ମେଶ୍ଟାର୍‌ତାଃରେ ବିନ୍ତେପେ । ୨୧ ଚିୟାଃତି ଏନ୍ ଦିପିଲିରେଦ୍ ମାରାଙ୍ଗ୍ ଦୁକୁ ହବାଅଥାଆ ଏନା ପୁରାଃ ବରଝାନ୍‌ଗି ହବାଅଥାଆ ନେ ଲେକାନାଃ ଅତେଦିଶ୍ଟୁମ୍ରେୟାଃ ଏନେଟେଦ୍‌ଏତେ ନାହାଁଜା କେଦ୍ ଚିଉଲାଆ କା ହବାକାନା ଆତଃ ଚିଉଲାଆ କା ହବାଅଥାଆ । ୨୨ ଆତଃ ପାର୍ମେଶ୍ଟାର୍ ଏନ୍ ହୁଲାଙ୍ଗ୍‌କକେ କାଏ କାମ୍‌ତିକାରେଦ୍ ଜେତାଏ କାକ ବାଞ୍ଛାଅଥାତେୟାଃ, ମେନ୍ଦ୍ ଆୟାଃ ସାଲାକାନ୍ ହଡ଼କଆଃ ନାଗେନ୍ତେ ଏନ୍ ହୁଲାଙ୍ଗ୍‌କକେ କାମ୍‌ତିୟାଏ ।

୨୩ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ୍ ନେତାଃରିୟା’ ଚାଏ ‘ହାନ୍ତାଃରିୟା,’ ମେତାପେରେଦ୍ ଇନିଃକେ ଆଲପେ ବିଶ୍ଟାସାଆ । ୨୪ ହସଡ଼ ଖ୍ରୀଷ୍ଟ୍ ଆତଃ ହସଡ଼ ନାବୀକ ବିରିଦାଃ ଆତଃ ମାପୁରାଙ୍ଗ୍ ଚିହ୍ନାଁ ଆତଃ ଆକ୍‌ଦାମାଅ କାମିକ ରିକାର୍‌ଦୁବେଆ, ଆତଃ ହବାଦାଡ଼ିୟାଃରେଦ୍ ପାର୍ମେଶ୍ଟାର୍‌ଆଃ ସାଲାକାନ୍‌କକେହିଁ ବେଦାକଆକ । ୨୫ ଏନାମେନ୍ତେ ଆୟୁମେପେ, ଆଇଙ୍ଗ୍ ଆପେକେ ନେତା ହିଜୁଃ ସିଦାରେଇଙ୍ଗ୍ ଉଦୁବାଦ୍‌ପେୟା ।

୨୪:୯ ୨୪:୯ ମାଧୁର ୧୦:୨୨. ୨୪:୧୩ ୨୪:୧୩ ମାଧୁର ୧୦:୨୨. ୨୪:୧୭ ୨୪:୧୭ ଲୁକ ୧୭:୩୧. ୨୪:୧୯ ୨୪:୧୯ ହଡ଼ମକାନ୍ ୨୪:୨୧ ୨୪:୨୧ ଉନୁଦୁବ କାଜି ୭:୧୪.

୨୭ *ଏନା ନାଗେନ୍ତେ, ଜେତାଏ ଆପେକେ, 'ନେଲିପେ, ଇନିଃ ବିର୍ରେ ଫେନାଲୟା' ଫେତାପେରେ, 'ଏନ୍ତାଃତେ ଆଲ୍ଲପେ ସେନା' ଚାଏ ନେଲିପେ, 'ନେତାଃରାଃ ଭିତାର ବାଖାରରେ ଉକ୍ତକାନାଏ' ଫେତାପେରେ ଆଲ୍ଲପେ ବିଶ୍ୱାସୀଆ । ୨୭ ଜେ'ଲେକାଚି ହିଚିର୍ଦ୍ ସିଜିତୁର୍ ସାଃଏତେ ଅତଙ୍ଗକେଦ୍ତେ ସିଜି ହାସୁରୁୟାଃ ଜାକେଦ୍ ସିର୍ମାକେ ମାୟାଲେୟାଏ, ଏନ୍ ଲେକାଚି ମାନୱାହନ୍‌ଆଃ ହିନିଜୁଃ ହବାଅଥାଃ ।

୨୮ *ଅକ୍ତାଃରେ ମାଁଡ଼ା ଫେନାଃ, ଏନ୍ତାଃରେ ଗିଦିକ ହୁଣ୍ଡିୟଃଆଃ ।

ମାନୱାହନ୍‌ଆଃ ହିଜୁଃରୁହାଡ୍,
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ *ଏନ୍ ଦିପିଲିରେୟାଃ ଦୁକ୍ତ ତାୟମ୍‌ତେ ଇମ୍‌ତାଗି ସିଜି ନୁବାଗଃଆ ଆତଃ ଚାଣ୍ଡୁ ମାର୍ସାଲ୍ କାଏ ଏଫେୟା ଆତଃ ଇପିଲ୍ଲକ ସିର୍ମାଏତେକ ଉୟୁଗଃଆ ଆତଃ ସିର୍ମାରେୟାଃ ପେଡ଼େୟାନ୍‌ତେୟାଃକ ଏକଲୀଅଥା । ୩୦ *ଏନ୍ ଦିପିଲିରେ ମାନୱାହନ୍‌ଆଃ ଚିହ୍ନାଁ ସିର୍ମାରେ ନେଲଆଃ ଆତଃ ଅତେରେନ୍ ସବେନ୍ ହଡକ ଏୟମ୍‌ୟା† । ଇନ୍‌କୁ ମାନୱାହନ୍‌କେ ପୁରାଃ ପେଡ଼େଃତେ ଆତଃ ମାନାରାଙ୍ଗଲଃ ସିର୍ମାରାଃ ରିମିଲ୍ରେ ହିଜୁଃତାନକ ନେଲିୟା । ୩୧ ଆତଃ ବିକ୍ତୁଲ୍ ବାଜା ସାଡିଆ, ଆତଃ ଇନିଃ ଆୟାଃ ସିର୍ମାରେନ୍ ଦୁଡ୍‌କକେ ଅତେଦିଶ୍ୱମରାଃ ନେ ଚୁଣ୍ଡୁଏତେ ହାନ୍ ଚୁଣ୍ଡୁ ଜାକେଦ୍ ଆୟାଃ ସାଲ୍ଲାନକକେ ହୁଣ୍ଡି ନାଗେନ୍ତେ କୁଲ୍‌କଥା ।

ଲଥା ଦାରୁରାଃ ଇନିତୁ
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ *ଲଥାଦାରୁରେୟାଃ ଜନକା କାଜିତେ ଇତୁଃପେ, ଏନାରେୟାଃ କତ ସାଗେନ୍‌ତାନ୍ ଆତଃ ସାକାମ୍ ପୁଡ଼ାଅଃତାନ୍ ଇମ୍‌ତା ଜେଟ୍‌ସିଜି ନାଡ଼େଃଗିଆ ଫେନ୍ତେପେ ସାରିୟା । ୩୩ ଏନ୍‌ଲେକାଚି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା, ଆଇଁୟାଃ ହିଜୁଃ ନେଡା ନାଡ଼େଃରେଗିଆଃ ଫେନ୍ତେ ସାରିପେ । ୩୪ ସାର୍‌ତିଗିଙ୍ଗ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡକ କାକ ଚୁଣ୍ଡୁଆ । ୩୫ ସିର୍ମା ଆତଃ ଅତେ ଚୁଣ୍ଡୁତାରଃଆ, ଫେନ୍‌ଦ ଆଇଁୟାଃ କାଜିକ କା ଚୁଣ୍ଡୁଆ ।

ଏନ୍ ମାହାଁ ଆତଃ ଏନ୍ ଘାଡିକେ ଜେତାଏ କାକ ସାରିୟା
(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ *ଏନ୍ ହୁଲାଇ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଡ୍‌କହ କା, ଆଇଙ୍ଗ ପାରାମେଶ୍ୱାର୍‌ଆଃ ଦୁଲ୍ଲାଡ୍ ହନ୍‌ହ କା, ଫେନ୍‌ଦ ଆଇଁୟାଃ ଆପୁ ଏସକାରୁରି ସାରିଆଃଏ । ୩୭ ଆତଃ ନୁହୁଁରାଃ ପାରିୟାରେ ଜେ'ଲେକା ହବାୟାନା, ମାନୱାହନ୍‌ଆଃ ହୁଲାଇଙ୍ଗେହରି ଏନ୍‌ଲେକା ହବାଅଥାଃ । ୩୮ ଚୁଡା ଦାଆଃ ହିଜୁଃ ସିଦାଏତେ ନୁହୁଁ ଲାଉକାରେ ଆଉରି ବଲ୍ ଜାକେଦ୍ ହଡକଦ୍ ଜଜମ୍ ନୁଁ ଆତଃ ଆଣ୍‌ଦିତାନ୍ ଆତଃ ଆଣ୍‌ଦି ଏମ୍‌ତାନ୍‌ରେ ତାଜକେନାକ । ୩୯ ଆତଃ ଚୁଡା ଦାଆଃ ହିଜୁଃକେଦ୍‌ତେ ସବେନକକେ ଆଉରି ଆତୁଇଦି ଜାକେଦ୍ ଇନ୍‌କୁ ଜେଡ୍‌ନାଃ କାକ ଆଟ୍‌କାରେ ତାଜକେନା, ଏନ୍ ଲେକାଚି ମାନୱାହନ୍‌ଆଃ ହିଜୁଃ ହୁଲାଇଙ୍ଗେ ହବାଅଥାଃ । ୪୦ ଇମ୍‌ତାଙ୍ଗ ବାରହଡ୍ ଲୟଙ୍ଗରେଇନ୍ କାମିକାତେରେ, ମିହୁଡ୍‌କେ ଇଦିୟଃଆ ଆତଃ ମିହୁଡ୍‌କେ ବାରିଅଥା । ୪୧ ଜାଙ୍ଗାଦିରିରେ ଗୁଣ୍ଡା ରିଦେତାନ୍ ବାରିଆ କୁଡିକିନ୍‌ଏତେ ମିଆଁଦିନିଃକେ ଇଦିୟଃଆ, ଆତଃ ଏଟାଃନିଃକେ ବାରିଅଥା ।

୪୨ *ଏନାଫେନ୍ତେ ଏୟନାକାନ୍‌ତାଜନ୍‌ପେ, ଚିୟାଃଗି ଆପେଦ୍ ଆପେୟାଃ ପ୍ରାଡୁଆଃ ହିଜୁଃ ଦିପିଲି କାପେ ସାରିୟା । ୪୩ *ଫେନ୍‌ଦ ନେଆଁ ଆଟ୍‌କାରେପେ, ଅଡ଼ାଃ ଗମ୍‌କେ କୁମ୍‌ତୁ ହିଜୁଃ ଦିପିଲିକେ ସାରିକାରେଦ୍ ଏୟନାକାନ୍‌ ତାଜନ୍‌ତେୟାଃଏ ଆତଃ ଆୟାଃ ଅଡ଼ାଃକେ ସିହି ତଡ଼ାଅକେଦ୍‌ତେ କାଏ ବଲ୍‌ରିକାକତେୟାଃ । ୪୪ ଏନା ନାଗେନ୍ତେ ଆପେସ୍ ସାପଡ଼ାଅକାନ୍‌ ତାଜନ୍‌ପେ, ଚିୟାଃଗି ଆପେ କାପେ ଉଡ଼ୁତାନ୍‌ ଦିପିଲିରେଗି ମାନୱାହନ୍‌ ହିଜୁଃଆଏ ।

ପାଡିୟାର୍‌ତାନ୍ ଆତଃ କା ପାଡିୟାର୍‌ତାନ୍ ଦାସିକଆଃ ଜନ୍‌କା କାଜି
(ଲୁକ ୧୨:୪୧-୪୮)

* ୨୪:୨୭ ୨୪:୨୭ ଲୁକ ୧୭:୨୩, ୨୪. † ୨୪:୨୮ ୨୪:୨୮ ଲୁକ ୧୭:୩୭. * ୨୪:୨୯ ୨୪:୨୯ ଉନ୍‌ଦୁବ୍ କାଜି ୬:୧୨; ଉନ୍‌ଦୁବ୍ କାଜି ୬:୧୩. * ୨୪:୩୦ ୨୪:୩୦ ଉନ୍‌ଦୁବ୍ କାଜି ୧:୭. † ୨୪:୩୦ ୨୪:୩୦ ମନ୍‌ସୁରୁଦ୍‌ଲଃ ରାନାଃ * ୨୪:୪୩ ୨୪:୪୩ ଲୁକ ୧୨:୩୯, ୪୦.

୪୫ “ଏନ୍ତେ ଗୁସିୟାଁ ଆୟାଃ ଅଡ଼ାଃରେନ୍‌କକେ ବୁଗିନ୍ ନେତାରେ ଜମେୟାଃ ଏମାକ ନାଗେନ୍ତେ ଅକଏକେ ଜନିଃ ସାଲାଇଆଏ, ଏନ୍‌ଲେକାନ୍ ପାତିୟାର୍‌ରଃ ଆତଃ ସେଣ୍‌ନ୍ ଦାସି ଅକଏ ତାନିଃ ? ୪୬ ଆୟାଃ ଗୁସିୟାଁ ନେଲେକା କାମିତାନ୍ ଦାସିକେ ହିଜୁଃ ନାମିରେ ଜନିଃ ସୁକୁତାନ୍‌ଗିୟାଏ । ୪୭ ସାଡ଼ିଗିଜ୍ କାଜିୟାପେତାନା, ଜନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ବାଇୟାଏ । ୪୮ ମେନ୍‌ଦ ଏନ୍ ଦାସି ଏଡ଼କାନ୍ ତାନିଃରେଦ, ଜନିଃ, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲ୍‌ମାଫତାନାଃ ମେନ୍ତେ ଆଇଃକଗି ଆୟାଃ ମନ୍‌ରେ କାଜିୟାଏ, ୪୯ ଆତଃ ଆୟାଃ ଗାଡ଼ିଦାସିକେ ଦାଲ୍ ଏଟେଦକଆଏ ଆତଃ ବୁଲ୍ ହଡ଼କଲଃ ଜମି ନୁଁରେ ତାଇନାଏ । ୫୦ ଏନ୍ତେ ଏନ୍ ଦାସି କାଏ ଉଡ଼ୁକା ହୁଲାଇଃରେ ଆତଃ କାଏ ସାରି ଦିପିଲିରେ ଜନିୟାଃ ଗୁସିୟାଁ ହିଜୁଃଆଏ, ୫୧ ଆତଃ ଗୁସିୟାଁ ଜନିଃକେ ପୁରାଃ ଦୁକୁ ଏମାଜତାନ୍‌ଲଃ ବୁକଡ଼ା ବୁକଡ଼ା ମାଆଃଇୟାଏ ଆତଃ ହସଡ଼ ହଡ଼କଲଃ ହାନାଗିଜ୍ ଏମାଜୟାଏ ଆତଃ ଏନ୍ତାଃରେ ରାଆଃ ଆତଃ ତାଗା ରିଦ୍ ହବାଅଆଃ ।

୨୫

ଗେଲେୟା ଡିଣ୍ଡାକୁଡ଼ିକଆଃ ଜନ୍‌କା କାଜି

୧ “ଏନ୍ ଦିପିଲିରେ ସିର୍ମା ରାଇଜୁରାଃ ହିନିଜୁଃ ନେ ଗେଲେୟା ଡିଣ୍ଡାକୁଡ଼ିକ ଲେକା ହବାଅଆଃ, ଜନ୍‌କୁ ଆକଆଃ ଦିମି ସାଦକେଦତେ ଦୁହ୍ଲାଇତାଲଃ ନେପେଲ୍ ନାଗେନ୍ତେ ଅତଜ୍‌ୟାନା । ୨ ଜନ୍‌କୁଏତେ ମଶେୟାଁ ସେଣ୍‌ନ୍‌କ ଆତଃ ମଶେୟାଁ ତଣ୍ଡକ ତାଇକେନା । ୩ ଏନ୍ ତଣ୍ଡ କୁଡ଼ିକ ଆକଆଃ ଦିମି ଜଦିକେଦ୍ ଇମ୍‌ତା ଆଦକା ସୁନୁମ୍ କାକ ଜଦି । ୪ ମେନ୍‌ଦ ଏନ୍ ସେଣ୍‌ନ୍‌କ ଆକଆଃ ଦିମି ଜଦିତାନ୍‌ଲଃ ଶିଗିରେ ଆଦକା ସୁନୁମ୍‌କ ଜଦିକେଦା । ୫ ଦୁହ୍ଲାଇତା ହିଜୁଃରେ ବିଲ୍‌ମାକେଦାଏ, ଏନାତେ ଏନ୍ ସବେନ୍‌କକେ ଝୁପାଏ ଏଟେଦକେଦକଆ ଆତଃ ଦୁଡ଼ୁ ବାଗିୟାନାକ ।

୬ “ଏନ୍ତେ ଆଲ୍ ନିଦାରେ କାଉରି ଆୟୁମୟାନା, ‘ନେଲିପେ, ଦୁହ୍ଲାଇତା ହିଜୁଃତାନାଏ, ଜନିଃକେ ଦାରମ୍‌ତେ ଅତଜ୍‌ଅଃପେ ।’ ୭ ଏନ୍ତେ ଏନ୍ ଗେଲେୟା ଡିଣ୍ଡାକୁଡ଼ିକ ବିରିଦକେଦତେ ଆକଆଃ ଆକଆଃ ଦିମିକ ସାଜାଡ଼ାଅକେଦତେ ଜୁଲକେଦକା । ୮ ଆତଃ ଏନ୍ ତଣ୍ଡ କୁଡ଼ିକ ସେଣ୍‌ନ୍ କୁଡ଼ିକକେ ମେତାଦକଆକ, ‘ଆପେୟାଃ ସୁନୁମ୍ କାଗିଃଲେକା ଏମାଲେପେ ଆଲେୟାଃ ଦିମିଦ୍ ଜଣ୍ ଜଃତାନା ।’ ୯ ମେନ୍‌ଦ ସେଣ୍‌ନ୍ କୁଡ଼ିକ କାଜିରୁହାଡ଼ାଦକଆ, ‘କାହାଗି ଆଲେୟାଃ ଆତଃ ଆପେୟାଃ ନାଗେନ୍ତେ ନିମିନାଜ୍ ସୁନୁମ୍ କା ପୁରାଅଆ, ଏନାମେନ୍ତେ ଜୁ ଆଖିରଜ୍‌କତାଃ ସେନଃପେ ଆତଃ ଆପେୟାଃ ନାଗେନ୍ତେ କିରିଜ୍‌ୟେପେ ।’ ୧୦ ଆତଃ ଜନ୍‌କୁ କିରିଜ୍ ନାଗେନ୍ତେ ସେନଃତାନ୍ ତାଇକେନ୍ ଜମ୍‌ତାଜ୍‌ଗି ଦୁହ୍ଲାଇତା ସେଟେରୟାନାଏ ଆତଃ ସାପଡ଼ାଅକାନ୍‌କ ଜନିଃଲଃ ଆଣ୍‌ଦି ଅଡ଼ାଃତେକ ବଲୟାନା, ଆତଃ ଦୁଆର୍ ହାଣ୍ଡେୟାନା ।

୧୧ “ତାୟମତେ ଏନ୍ ତଣ୍ଡ କୁଡ଼ିକ ହିଜୁଃକେଦତେ କାଜିକିୟାକ, ‘ହେ ପ୍ରାଭୁ, ହେ ପ୍ରାଭୁ, ଆଲେୟାଃ ନାଗେନ୍ତେ ଦୁଆର୍ ନିଜାଲେମ୍ ।’ ୧୨ ଏନ୍ତେ ଦୁହ୍ଲାଇତା କାଜିରୁହାଡ଼ାଦକଆଏ, ‘ଆଇଜ୍ ଆପେକେ ସାଡ଼ିଗିଜ୍ କାଜିୟାପେତାନା, ଆଇଜ୍ ଆପେକେ କାଜିଜ୍ ସାରିୟାଃ ।’ ”

୧୩ ଆତଃ ଯାଗି କାଜିଡ଼ୁଣ୍ଡୁକେଦତେ କାଜିକେଦାଏ, “ଏୟନାକାନ୍‌ପେ, ଆପେଦ ମାନଃହନ୍‌ଆଃ ହିଜୁଃ ହୁଲାଇ ଆତଃ ହିଜୁଃ ଘାଡ଼ି କାପେ ସାରିୟା ।

ଆପିୟା ଦାସିକଆଃ ଜନ୍‌କା କାଜି (ଲୁକ ୧୯:୧୧-୨୭)

୧୪ “ଏନ୍ ଦିପିଲିରେ ସିର୍ମା ରାଇଜୁଦ୍ ନେ ଲେକାଗିଆ, ମିଆଁଦ୍ ହଡ଼ ଆୟାଃ ଦାସିକକେ ହାକାଅକେଦତେ ଆୟାଃ ସବେନ୍ ଖୁଜ୍ ଏମାଦକଆଏ ଆତଃ ସାଜିନ୍ ଦିଶ୍‌ମ୍‌ତେ ଅତଜ୍‌ୟାନା । ୧୫ ଜନିଃ ମିହୁଡ଼କେ ମଶେୟାଁ ହାଜାର୍ ରୁପା ସିକା, ଆତଃମିହୁଡ଼କେ ବାରିୟା ହାଜାର୍ ରୁପା ସିକା, ଆତଃମିହୁଡ଼କେ ମିଦ୍ ହାଜାର୍ ରୁପା ସିକା, ନେ ଲେକା ସବେନ୍‌କକେ ଆକଆଃ ଆପ୍‌ନାଃ ପେଡ଼ଃ ଲେକାତେ ଏମାଦକଆ ଆତଃ ସାଜିନ୍ ଦିଶ୍‌ମ୍‌ତେ ସେନଃୟାନା । ୧୬ ମଶେୟାଁ ହାଜାର୍ ରୁପା ସିକା ନାମ୍‌କେଦନିଃ ଜମ୍‌ତାଗି ସେନଃୟାନାଲଃ ଏନାକେ କିରିଜ୍ ଆଖିରଜ୍‌ରେ ଏମ୍‌କେଦତେ ଆତଃ ମଶେୟାଁ ହାଜାର୍ ରୁପା ସିକା ପସାକେଦାଏ । ୧୭ ଏନ୍‌ଲେକାଗି ବାରିୟା ହାଜାର୍ ରୁପା ସିକା ନାମ୍‌କେଦନିଃହି

☆ ୨୫:୧ ୨୫:୧ ଲୁକ ୧୭:୨୫. ☆ ୨୫:୧୧ ୨୫:୧୧ ଲୁକ ୧୩:୨୫. ☆ ୨୫:୧୪ ୨୫:୧୪ ଲୁକ ୧୯:୧୧-୨୭.

ଆତଃ ବାରିୟା ହାଜାର ରୂପା ସିକା ପସାକେଦାଏ । ୧୮ ଫେନ୍ଦ୍ ଫିଦ୍ ହାଜାର ରୂପା ସିକା ନାମକେଦ୍‌ନିଃ ସେନ୍‌କେଦ୍‌ତେ ଅତେରେ ଗାତା ଉରକେଦାଏ ଆତଃ ଆୟାଃ ଗୁସିୟାଃ ଟାକାକେ ତପାକେଦାଏ ।

୧୯ “ତିନିନ୍ ମାହାଁ ତାୟମ୍‌ତେ ଏନ୍ ଦାସିକଆଃ ଗୁସିୟାଁ ହିଜୁଃରୁହାଡ଼ୟାନାଏ ଆତଃ ଇନ୍‌କୁଲଃ ହିସାବ୍‌କେଦାଏ । ୨୦ ମଣେୟାଁ ହାଜାର ରୂପା ସିକା ନାମାକାଦ୍‌ନିଃ ହିଜୁଃୟାନାଏ ଆତଃ ମଣେୟାଁ ହାଜାର ରୂପା ସିକା ଆଦକା ଆଉକେଦ୍‌ତେ କାଜିକିୟାଏ, ‘ହେ ଗମ୍‌କେ, ଆମ୍ ମଣେୟାଁ ହାଜାର ରୂପା ସିକା ଏମାକାଈଜ୍ ତାଇକେନାମ୍, ନେଲେମେ ଆଇଜ୍ ମଣେୟାଁ ହାଜାର ରୂପା ସିକା ପସାକାଦାଈଜ୍ ।’ ୨୧ ଇନିୟାଃ ଗୁସିୟାଁ କାଜିକିୟାଏ, ‘ସାବାସ୍, ଆଇୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତଃ ପାତିୟାର୍‌ରଃ ଲେକାନ୍ ଦାସି ତାନ୍‌ମେ, ଆମ୍ ହୁଡ଼ିଜ୍‌ତେୟାଃରେ ପାତିୟାର୍‌ରଃ ଲେକାମ୍ କାମିକାଦ୍ ହରାତେ, ଆଇଜ୍ ଆମ୍‌କେ ପୁରାଃତେୟାଃରାଃ ଗୁସିୟାଁ ବାଇମେୟାଈଜ୍ । ଏଲା ହିଜୁଃମେ, ଆଇୟାଃଲଃ ରାସ୍‌କାନ୍‌ମେ ।’

୨୨ “ବାରିୟା ହାଜାର ରୂପା ସିକା ନାମାକାଦ୍‌ନିଃ ହିଜୁଃୟାନାଏ ଆତଃ କାଜିକିୟାଏ, ହେ ଗମ୍‌କେ, ଆମ୍ ବାରିୟା ହାଜାର ରୂପା ସିକା ଏମାକାଈଜ୍ ତାଇକେନାମ୍, ନେଲେମେ ଆଇଜ୍ ବାରିୟା ହାଜାର ରୂପା ସିକା ଆଦକା ପସାକାଦାଈଜ୍ । ୨୩ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ବୁଗିନ୍ କାମିକାଦାମ୍, ଆମ୍ ବୁଗିନ୍ ଆତଃ ପାତିୟାର୍‌ରେନ୍ ଦାସି ତାନ୍‌ମେ, ଆମ୍ ହୁଡ଼ିଜ୍‌ତେୟାଃରେ ପାତିୟାର୍‌କାନାମ୍ ଏନାତେ ଆଇଜ୍ ପୁରାଃତେୟାଃରାଃ ଗୁସିୟାଁ ବାଇମେୟାଈଜ୍, ଏଲା ହିଜୁଃମେ, ଆଇୟାଃଲଃ ରାସ୍‌କାନ୍‌ମେ ।’

୨୪ “ଏନ୍ତେ ଏନ୍ ଫିଦ୍ ହାଜାର ରୂପା ସିକା ନାମାକାଦ୍‌ନିଃ ହିଜୁଃକେଦ୍‌ତେ କାଜିକିୟାଏ, ‘ହେ ଗମ୍‌କେ, ଆମ୍ କେଟେଦ୍ ଫନ୍‌ରେନ୍ ହଡ଼ ତାନ୍‌ମେ ଏନା ଆଇଜ୍ ସାରିତାଇକେନାଈଜ୍ । ଆମ୍ କା ହେରାକାନ୍‌ତାଃଏତେ ଇରାଃମେ ଆତଃ କା ତାସିକାନ୍‌ତାଃଏତେ ହୁଣ୍ଡିୟାଃମେ । ୨୫ ଏନାତେ ଆଇଜ୍ ବରକେଦାଈଜ୍ ଆତଃ ସେନଃକେଦ୍‌ତେ ଆମ୍ ଆଇଜ୍‌କେ ଏମାକାଦିଜ୍ ଟାକାକେ ଅତେରେ ଗାତା ଉରକେଦ୍‌ତେ ଉକୁକେଦାଈଜ୍, ନେଲେମେ, ନେ ନେତାଃରେୟା ଟାକା, ଅକ୍‌ନାଃତି ଆମାଃତାନାଃ ।’

୨୬ “ଇନିୟାଃ ଗୁସିୟାଁ ଇନିଃକେ କାଜିରୁହାଡ଼କିୟାଏ, ‘ଏ ଏଡ଼କାନ୍ ଆତଃ ଆଲ୍‌ସି ଦାସି, ଆଇଜ୍ କା ହେରାକାନ୍‌ତାଃଏତେ ଇରାଈଜ୍ ଆତଃ କା ତାସିକାନ୍‌ତାଃଏତେ ହୁଣ୍ଡିୟାଈଜ୍ ମେନ୍ତେ ସାରିତାଇକେନ୍‌ରେଦ୍, ୨୭ ଆମ୍ ଆଇୟାଃ ଟାକାକେ ବ୍ୟାଜ୍‌ରେ ଏମଃ ଲାଗାତିଜ୍ ତାଇକେନା ଆତଃ ଆଇଜ୍ ହିଜୁଃରୁହାଡ଼କେଦ୍‌ତେ ସବେନ୍ ମୁଲ୍‌କାନ୍‌ତାରୁଲଃ ଟାକା ନାମ୍‌ରୁହାଡ଼ କେଦ୍‌ତେୟାଈଜ୍ । ୨୮ ଏନାତେ ନାହାଁଃ, ଏନ୍ ଫିଦ୍ ହାଜାର ରୂପା ସିକା ଇଦିକେଦ୍‌ତେ, ଅକ୍‌ଏତାଃରେ ଗେଲ୍ ହାଜାର ରୂପା ସିକା ମେନାଃନିଃକେ ଏମାଈଜେ । ୨୯ ଚିୟାଃତି ଅକ୍‌ଏତାଃରେ ମେନାଃ, ଇନିଃକେ ଏମଃଆ ଆତଃ ଇନିୟାଃ ପୁରାଃଗି ହବାଅଃଆ, ମେନ୍‌ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଃଆ । ୩୦ ଏଆତଃ ନେ ଏଡ଼କାନ୍ ଦାସିକେ ବାହାରି ନୁବାଃରେ ହୁଦ୍‌ମାଈଜେ, ଏନ୍ତାଃରେ ଚାନାଃ ଆତଃ ତାଟା ରିନିଦ୍ ହବାଅଃଆ ।’

ବୁଣ୍ଡି ଛିଟାର୍

୩୧ “ମାନଃହନ୍ ଆୟାଃ ସିର୍ମାରେନ୍ ସବେନ୍ ଦୁଢ଼କଲଃ ଆୟାଃ ମାନାଈଜ୍‌ରେ ରାଜା ଲେକା ହିଜୁଃ ଦିପିଲିରେ ଇନିଃ ଆୟାଃ ମାନାଈଜ୍ ସିର୍ମାରେୟାଃ ରାଜଗାଦିରେ ଦୁବାଃଏ । ୩୨ ଆତଃ ଅତେଦିଶ୍‌ମ୍‌ରେନ୍ ସବେନ୍ ଜାତିରେନ୍ ହଡ଼କ ଇନିୟାଃ ଆୟାଃରେକ ହୁଣ୍ଡିୟାଃଆ ଆତଃ ଗୁପିନିଃ ମିଣ୍ଡିକକେ ମେରମ୍‌କଏତେ ହିଗାଡ଼କ ଲେକା ଇନିଃ ଇନ୍‌କୁକେ ମିହୁଡ଼ଏତେ ଆତଃମିହୁଡ଼କେ ହିଗାଡ଼କଆ । ୩୩ ଇନିଃ ମିଣ୍ଡିକକେ ଆୟାଃ ଜମ୍‌ତିସାଃରେ ଆତଃ ମେରମ୍‌କକେ ଲେଜାତିସାଃରେ ଦହକଆଏ । ୩୪ ଏନ୍ତେ ରାଜା ଆୟାଃ ଜମ୍‌ତିସାଃରେନ୍‌କକେ କାଜିକିୟାଏ, ‘ଆଇୟାଃ ଆପୁଈଜ୍‌ତାଃଏତେ ଆଗିଷ୍ଟକାନ୍‌କ ହିଜୁଃମେ ଆତଃ ଆପେୟାଃ ନାଗେନ୍ତେ ଅତେଦିଶ୍‌ମ୍‌ରେୟାଃ ଏନେଟେଦ୍ ସିଦାରେ ବାଇୟାକାନ୍ ରାଇଜ୍‌ରେ ବଲ୍‌ସେ । ୩୫ ଚିୟାଃତି ଆଇଜ୍‌ଦ୍ ରେଜେଜାକାନ୍ ତାଇକେନ୍‌ରେ ଜମେୟାଁଃମେ ଏମାଦିୟାଁ, ଆତଃ ତେତାଜିଜ୍ ତାଇକେନ୍‌ରେ ନୁଁଏ ନାଗେନ୍ତେ ଦାଆଃମେ ଏମାଦିୟାଁ, ଆଇଜ୍ ଏଗଃ ଦିଶ୍‌ମ୍‌ରେ ତାଇକେନ୍‌ରେ ଆପେୟାଃ ଅତାଃରେ ତାଇନ୍ ନାଜ୍ ଠାୟାଦ୍‌ସେ ଏମାଦିୟାଁ, ୩୬ ଆଇଜ୍ ସାମାହଡ଼ମ୍ ତାଇକେନ୍‌ରେ ଲିଜାଃମେ ତୁସିଜ୍‌କେଦିୟାଁ, ଆଇଜ୍ ହାସ୍‌ତାନ୍ ତାଇକେନ୍‌ରେ ଯାଦ୍‌ନାଅ ସାକ୍‌ଲାଅ କେଦିୟାଁମେ, ଆଇଜ୍ ଜେହେଲ୍‌ରେ ତାଇକେନ୍ ଇମ୍‌ତା ନେନେଲ୍‌ତେପେ ହିଜୁଃୟାନା ।’

୧୮ ୨୫:୨୯ ୨୫:୨୯ ମାଧୁର ୧୩:୧୨; ମାର୍କ ୪:୨୫; ଲୁକ ୮:୧୮. ୨୫ ୨୫:୩୦ ୨୫:୩୦ ମାଧୁର ୮:୧୨; ୨୨:୧୩; ଲୁକ ୧୩:୨୮. ୨୫:୩୧ ୨୫:୩୧ ମାଧୁର ୧୭:୨୭; ମାଧୁର ୧୯:୨୮.

୩୭ “ଏଣ୍ଡେ ଧାର୍ମିକ ହତକ ଜନିଷକେ କାଜିରୁହାଡ଼କିୟାକ, ‘ହେ ଗମ୍ବକେ, ତିଉଲ୍ଲା ଆଲେ ଆମ୍ବକେ ରେଜେଡ଼ାନଲେ ନେଲ୍ଲେଦ୍‌ମେୟା ଆତଃ ଆମ୍ବକେ ଜଜମାଃଲେ ଏମାଦ୍‌ମେୟା, ଚାଏ ତିଉଲ୍ଲା ତେଡ଼ାଙ୍ଗତାନଲେ ନେଲ୍ଲେଦ୍‌ମେୟା ଆତଃ ନୁଁ ନାଙ୍ଗ୍ ଦାଆଃଲେ ଏମାଦ୍‌ମେୟା ? ୩୮” ତିଉଲ୍ଲା ଆଲେ ଆମ୍ବକେ ନେଲ୍ଲେଦ୍‌ମେୟା ଏତଃ ଦିଶ୍‌ମ୍ବରେନ୍ ତାନିଃ ମେଣ୍ଡେ ଆଲେୟାଃ ଅଡ଼ାଃରେ ତାଇନ୍ ନାଙ୍ଗ୍ ଠାୟାଦ୍‌ଲେ ଏମାଦ୍‌ମେୟା ଆତଃ ତିଉଲ୍ଲା ସାମାହଡ଼ମ୍ ତାଇକେନ୍‌ରେ ତୁସିଙ୍ଗ୍ ନାଙ୍ଗ୍ ଲିଜାଃଲେ ଏମାଦ୍‌ମେୟା ? ୩୯” ଆତଃ ଆମ୍ବ ହାସୁତାନରେ ଚାଏ ଜେହେଲ୍ଲକାନରେ ତିଉଲ୍ଲା ଆଲେ ଆମ୍ବକେ ନେଲ୍ଲେଦ୍‌ମେୟା ସେନ୍‌କେନା ?” ୪୦” ଆତଃ ରାଜା ଜନକୁକେ କାଜିରୁହାଡ଼କିୟାକ, ‘ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ଆପେ ଆଇଁୟାଃ ନେ ହାଗାକ୍‌ଏତେ ମିହୁଡ଼୍ ନାଗେଣ୍ଡେ ଅକ୍‌ନାଃପେ ରିକାକାଦା, ଏନା ଆଇଁୟାଃ ନାଗେଣ୍ଡେୟ ରିକାକାଦାପେ ।’

୪୧ “ଏଣ୍ଡେ ପାର୍‌ମେଶ୍‌ୱାର୍ ଆୟାଃ ଲେଙ୍ଗାତିସାଃରେନ୍‌କକେ କାଜିୟାଦ୍‌କିୟାକ, ‘ହେ ସାର୍‌ପାଅକାନ୍ ହଡ଼କ ! ଆଇଁୟାଃତଃଏତେ ନିରପେ ଏଣ୍ଡେ ସାଏତାନ୍ ଆତଃ ଆୟାଃ ଦୁଁଡ଼କ ନାଗେଣ୍ଡେ ବାଇୟାକାନ୍ ଜାନାଅ କା ଇଙ୍ଗିଁ ଜଃ ସେଙ୍ଗେଲ୍‌ତେ ସେନପେ । ୪୨” ତିୟାଃତି ଆଇଙ୍ଗ୍ ରେଜେଃଡ଼ ତାଇକେନ୍‌ରେ ଜମେୟାଃ କାପେ ଏମାଦିୟା, ଆଇଙ୍ଗ୍ ତେଡ଼ାଙ୍ଗ୍ ତାଇକେନ୍‌ରେ ନୁଁ ନାଗେଣ୍ଡେ ଦାଆଃ କାପେ ଏମାଦିୟା । ୪୩” ଆଇଙ୍ଗ୍ ଏତଃ ଦିଶ୍‌ମ୍ବରେ ତାଇକେନ୍ ଇମ୍‌ତା ଆପେ ଆପେୟାଃ ଅଡ଼ାଃରେ ତାଇନ୍ ନାଙ୍ଗ୍ ଠାୟାଦ୍ କାପେ ଏମାଦିୟା, ଆଇଙ୍ଗ୍ ସାମାହଡ଼ମ୍ ତାଇକେନ୍‌ରେ ତୁସିଙ୍ଗ୍ ନାଙ୍ଗ୍ ଲିଜାଃ କାପେ ଏମାଦିୟା, ଆତଃ ଆଇଙ୍ଗ୍ ଦୁକୁରେ ଆତଃ ଜେହେଲ୍‌ରେ ତାଇକେନ୍ ଇମ୍‌ତା ଆଇଙ୍ଗ୍‌କେ କାପେ ଯାଡ଼ନାଏ ସାକ୍‌ଲାଅ କେଦିୟା ।’

୪୪ “ଏଣ୍ଡେ ଜନକୁହଗି ଜନିଷକେ କାଜିରୁହାଡ଼ିୟାକ, ‘ହେ ପ୍ରାଭୁ, ତିଉଲ୍ଲା ଆଲେ ଆମ୍ବକେ ରେଜେଃଡ଼ାନ ଚାଏ ତେଡ଼ାଙ୍ଗତାନ ଚାଏ ଏତଃ ଦିଶ୍‌ମ୍ବରେନ୍, ଚାଏ ସାମାହଡ଼ମ୍, ଚାଏ ହାସୁତାନ୍, ଚାଏ ଜେହେଲ୍‌ରେ ନେଲ୍ଲେଦ୍‌ମେୟା କାଲେ ଦେଙ୍ଗାକେଦ୍‌ମେୟା ।’ ୪୫” ଏଣ୍ଡେ ରାଜା କାଜିରୁହାଡ଼କିୟାକ, ‘ସାର୍‌ତିଗିଙ୍ଗ୍ କାଜିୟାପେତାନା, ଆପେ ନେ ହୁପ୍‌ତିଙ୍ଗ୍‌କ୍‌ଏତେ ମିହୁଡ଼କେହ୍ କାପେ ଦେଙ୍ଗାକେଦ୍‌କ ନାଗେଣ୍ଡେ ଆଇଙ୍ଗ୍‌କେହ୍ କାପେ ଦେଙ୍ଗାକେଦିୟା ।’ ୪୬” ଏଣ୍ଡେ ଜନକୁ ଜାନାଅ ଜାନାଅରେୟାଃ ଦୁକୁ, ମେନ୍‌ଦ୍ ଧାର୍ମିକ ଜାନାଅ ଜାନାଅରେୟାଃ ଜୀଦାନ୍‌କ ନାମେୟା ।”

୨୭

ୟୀଶୁଆଃ ବିରୁଧରେ ରଜୋଟ

(ମାର୍କ ୧୪:୧-୨; ଲୁକ ୨୨:୧-୨; ଯୋହାନ୍ ୧୧:୪୫-୫୩)

୧ ଯୀଶୁ ନେ ସବେନ୍ କାଜିକ କାଜି ଚାବାକେଦ୍‌ତି, ଜନିଃ ଆୟାଃ ଚେଲାକକେ କାଜିୟାଦ୍‌କିୟାକ, ୨ “ବାର୍‌ସିଙ୍ଗ୍ ତାୟମ୍‌ତେ ପାସ୍‌କା ପାରାଦ୍ ହବାଅଆଃ ଏନା ଆପେ ସାରିତାନାପେ । ଇମ୍‌ତା ମାନାଃହନ୍ କୁଶ୍‌ରେ କିଲାଅଃ ନାଗେଣ୍ଡେ ଜିମାଃଏଏ ।”

୩ ଏଣ୍ଡେ ମୁଲ୍ଲ୍ ଯାଜାକ୍‌କ, ଆତଃ ପ୍ରାତିନ୍‌କ, କାୟାଃ ନୁଡ଼ମ୍ ମାରାଙ୍ଗ୍ ଯାଜାକ୍‌ରାଃ ଅଡ଼ାଃରାଚାରେ ହୁଣ୍ଡିୟାନା । ୪ ଆତଃ ଜନକୁ ଯୀଶୁକେ ବେଦାତେ ସାବ୍‌କେଦ୍‌ତେ ଗଜି ନାଗେଣ୍ଡେ ରଜୋଟକେଦାକ । ୫ ମେନ୍‌ଦ୍ ଜନକୁ କାଜିକେଦାକ, “ପାରାବ୍‌ରେଦ୍ କାହାଗି, କା'ରେଦ୍ ହଡ଼କ ହାଲାଗୁଲ୍ଲାୟାକ ।”

ବେଥ୍‌ନିଆରେ ଯୀଶୁଆଃ ବହଃରେ ସୁନୁମ୍ ଦୁଲ୍‌ଃତାନା

(ମାର୍କ ୧୪:୩-୯; ଯୋହାନ୍ ୧୨:୧-୮)

୬ ଯୀଶୁ ବେଥ୍‌ନିଆରେ ନାଗେଘାଅଏତେ ବୁଗିଆକାନ୍ ଶିମୋନ୍‌ଆଃ ଅଡ଼ାଃରେ ତାଇକେନ୍ ଇମ୍‌ତା, ୭ *ମିଆଁଦ୍ କୁଡ଼ି ପୁରାଃ ଗନଙ୍ଗ୍‌ଆଁନ୍ ବୁଗିନ୍ ସହାନ୍ ସୁନୁମ୍‌ତେ ପେରେଜାକାନ୍ ମିଆଁଦ୍ ପୁଣ୍ଡିଦିରାଃ ତୁକାଃ ସାବ୍‌କେଦ୍‌ତେ ଯୀଶୁତାଃତେ ହିଜୁଃୟାନା, ଆତଃ ଯୀଶୁ ଜଜମ୍ ନାଗେଣ୍ଡେ ଦୁବାକାନ୍ ଇମ୍‌ତା ଜନିୟାଃ ବହଃରେ ଦୁଲ୍‌କେଦାଏ । ୮ “ଜନିୟାଃ ଚେଲାକ ନେଆଁ ନେଲ୍ଲେଦ୍‌ମେୟା ଶ୍ଵୟାୟାନାକ ଆତଃ କୁଲିକିୟାକ, “ତିୟାଃ ନାଗେଣ୍ଡେ ନେ ସବେନ୍ ସାମାଗି ଏଣ୍ଡାଗଃତାନା ? ୯” ନେ ବୁଗିନ୍ ସହାନ୍ ସୁନୁମ୍ ପୁରାଃ ଗନଙ୍ଗ୍‌ତେ ଆଖିରଙ୍ଗ୍ ଦାଡ଼କାନ୍‌ତେୟାଃ ଆତଃ ରେଜେଃଡ଼କକେ ଏମାକାନ୍‌ତେୟାଃ ।”

୧୦ ଚେଲାକ କାଜିତାନ‌ତେୟାଃ ଯୀଶୁ ସାରିକେଦ୍‌ତେ କାଜିକେଦ୍‌କିୟାକ, “ଆପେ ତିନାଃମେଣ୍ଡେ ଏନ୍ କୁଡ଼ିକେ ବିଡ଼ଲାଭତାନାପେ ? ନିଃଦ୍ ଆଇଁୟାଃ ନାଗେଣ୍ଡେ ବୁଗିନ୍ କାମି କାମିକାଦାଏ । ୧୧” ରେଜେଃଡ଼କଦ୍ ଆପେଲ୍‌ଃ ସବେନ୍ ଇମ୍‌ତା ତାଇନାଃକ ମେନ୍‌ଦ୍ ଆଇଙ୍ଗ୍ ଆପେଲ୍‌ଃ ସବେନ୍ ଇମ୍‌ତା କାଜିକ୍ ତାଇନା

* ୨୨:୨ ୨୬:୭ ଲୁକ ୭:୩୭,୩୮.

। ୧୭ ଆଇଁୟାଃ ତପାଅଃରାଃ ସେକାଡ଼େନ୍ ନାଗେନ୍ତେ ଇନିଃ ନେ ବୁଗିନ୍ ସହାନ୍ ସୁନ୍ମ୍‌କେ ଆଇଁୟାଃ ହଡ଼ମ୍‌ରେ ଦୁଲ୍‌କାଦା । ୧୮ ସାର୍‌ତିଗିଙ୍ଗ କାଜିୟାପେତାନା, ଅତେଦିଗ୍‌ମ୍‌ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍‌ତା ଏନ୍ କୁଡ଼ି କାମିକାଦତେୟାଃ ପାହାମେ ନାଗେନ୍ତେ ଉଦୁବଃଆ ।”

ୟୀଶୁକେ ସାବ୍‌ରିକାଇ ନାଗେନ୍ତେ ଯୀହୁଦା ଟାକା ନାମେତାନା

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏନ୍ତେ ଏନ୍ ଗେଲ୍‌ବାର୍ ଚେଲ୍‌କାଏତେ ମିଆଁଦ୍‌ନିଃ, ଇଷ୍ଟାରିୟଡ଼ ଯିହୁଦା ମୁଲ୍ ଯାଜାକ୍‌କତାଃ ସେନଃୟାନାଏ, ୧୫ ଆତଃ କୁଲିକେଦକଆଏ, “ଆଇଙ୍ଗ ଇନିଃକେ ଆପେୟାଃ ତିଃଇରେ ଜିମାଇରେଦ ଆପେ ଆଇଙ୍ଗକେ ଚିନାଃପେ ଏମାଇୟାଁ ?” ଏନ୍ତେ ଇନ୍‌କୁ ଇନିଃକେ ତିରିଶ୍‌ଠୁ ରୁପା ସିକା ଲେକାକେଦତେ ଏମ୍‌କିୟାକ । ୧୬ ଏନ୍ ହୁଲ୍‌ଲଙ୍ଗତାଃଏତେ ଇନିଃ ଯୀଶୁକେ ସାବ୍‌ରିକାଇ ନାଗେନ୍ତେ ସୁୟୋଗ୍ ଦାଣ୍ଡିତାନାଏ ତାଇକେନା ।

ୟୀଶୁ ଆୟାଃ ଚେଲ୍‌କଲଃ ପାସ୍‌କା ପାରାବ୍ ଜମେତାନାଏ

(ମାର୍କ ୧୪:୧୨-୨୧; ଲୁକ ୨୨:୭-୧୩, ୨୧-୨୩; ଯୋହାନ୍ ୧୩:୨୧-୩୦)

୧୭ ସାବାଃ ହଲ୍‌ଙ୍ଗ ପାରାବ୍‌ରେୟାଃ ସିଦା ହୁଲ୍‌ଲଙ୍ଗରେ ଚେଲ୍‌କା ଯୀଶୁତାଃତେ ହିଜୁଃକେଦତେ କୁଲିକିୟାକ, “ଆଲେ ଅକ୍‌ତାଃରେ ଆମାଃ ନାଗେନ୍ତେ ପାସ୍‌କା ପାରାବ୍‌ରେୟାଃ ଜମେୟାଃଲେ ବାଇୟା ମେନ୍ତେମ୍ ସାନାଙ୍ଗତାନା ?”

୧୮ ଯୀଶୁ ଚେଲ୍‌କକେ ମେତାଦକଆ, “ଏନ୍ ନାଗାର୍‌ରେନ୍ ଜେତାଏ ହଡ଼ତାଃତେ ସେନ୍‌ପେ ଆତଃ ମେତାଇକେ, ‘ଗୁରୁ କାଜିତାନାଏ, ଆଇଁୟାଃ ନେତା ସେବେରାକାନା, ଆଇଙ୍ଗ ଆଇଁୟାଃ ଚେଲ୍‌କଲଃ ଆମାଃ ଅତାଃରେ ପାସ୍‌କା ପାରାବ୍ ମାନଅୟାଇଙ୍ଗ ।”

୧୯ ଏନ୍ତେ ଚେଲ୍‌କା ଯୀଶୁ ଆରୁକାଦଲେକା ରିକାକେଦକା ଆତଃ ପାସ୍‌କା ପାରାବ୍‌ରେୟାଃ ଜମେୟାଃକ ବାଇକେଦା ।

୨୦ ଆୟୁବ୍‌ୟାନତି ଯୀଶୁ ଗେଲ୍‌ବାର୍ ଚେଲ୍‌କଲଃ ଜମମ୍ ନାଗେନ୍ତେ ଦୁବ୍‌ୟାନାଏ । ୨୧ ଇନ୍‌କୁ ଜମ୍‌ତାଇକେନ୍ ଇମ୍‌ତା ଇନିଃ ମେତାଦକଆଏ, “ସାର୍‌ତିଗିଙ୍ଗ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗକେ ବାଇରିକଆଃ ତିଃଇରେ ସାବ୍‌ରିକାଇଙ୍ଗ୍‌ୟାଏ ।”

୨୨ ଇନ୍‌କୁ ପୁରାଃଗି ହୁଡ଼ିଙ୍ଗାତାୟାନାକ ଆତଃ ଇନିଃକେ “ହେ ପ୍ରାଭୁ, ଇନିଃ ଆଇଙ୍ଗ ତାନିଙ୍ଗତି ?” ମେନ୍ତେ ମିହୁଡ଼ ମିହୁଡ଼ତେ କୁଲି ଏବେଦକିୟାକ ।

୨୩ ଆତଃ ଯୀଶୁ କାଜିରୁହାଡ଼ାଦକଆଏ, “ଆଇଁୟାଃଲଃ କାଟୋରାରେ ଆୟାଃ ତିଃଇ ସୁରଃକାଦ୍‌ନିଃଗି ସାବ୍‌ରିକାଇଙ୍ଗ୍‌ୟାଏ । ୨୪ ପାବିତାର୍ ଅନଲ୍‌କରେ ଅଲ୍‌କାନ୍ ଲେକା, ଆଇଙ୍ଗ ମାନଝାହନ୍ ତାନିଙ୍ଗ, ଆଇଙ୍ଗକେ ଗଜଃଲ୍‌ଗାତିୟାଃ । ମେନ୍‌ଦ ଆଇଙ୍ଗ ମାନଝାହନ୍ ତାନିଙ୍ଗ, ଆଇଙ୍ଗକେ ବାଇରିକଆଃ ତିଃଇରେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହଡ଼ କାଏ ଜାନାମ୍‌କାନ୍‌ରେଦ ଇନିଃ ନାଗେନ୍ତେ ବୁଗିକାନ୍‌ତେଆଃ ।”

୨୫ ଏନ୍ତେ ଯୀଶୁକେ ସାବ୍‌ରିକାଈନିଃ ଯିହୁଦା କାଜିରୁହାଡ଼କିୟାଏ, “ହେ ଗୁରୁ, ଇନିଃ ଆଇଙ୍ଗ ତାନିଙ୍ଗତି ?”

ୟୀଶୁ ଇନିଃକେ କାଜିକିୟାଏ, “ହେଗି, ଆମ୍‌ଗି ତାନ୍‌ମେ ।”

ପ୍ରାଭୁ ଭୋଜ

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୬ ଚେଲ୍‌କ ଜମ୍‌ତାଇକେନ୍ ଇମ୍‌ତା ଯୀଶୁ ମିଆଁଦ୍ ହଲ୍‌ଙ୍ଗ ଇଦିକେଦତେ ଆଶିଷକେଦାଏ ଆତଃ ଏନାକେ କେଚାଃକେଦତେ ଆୟାଃ ଚେଲ୍‌କକେ ଏମ୍‌କେଦତେ ମେତାଦକଆଏ, “ନେ ଚେଲ୍‌କାଏପେ ଆତଃ ଜମେପେ, ନେଆଁ ଆଇଁୟାଃ ହଡ଼ମ୍ ତାନାଃ ।”

୨୭ ଏନ୍ତେ ଇନିଃ କାଟୋରା ଇଦିକେଦତେ ଆଶିଷକେଦାଏ ଆତଃ ଏନା ଇନ୍‌କୁକେ ଏମ୍‌କେଦତେ ମେତାଦକଆଏ, “ଆପେ ସବେନ୍ ନେଆଁଏତେ ନୁଁଏପେ । ୨୮ ନେଆଁଦ୍ ପାରମେଶ୍ୱାର୍‌ଆଃ ରାଜିନାମାକେ ମୋହର୍‌କାଦ୍ ଆଇଁୟାଃ ମାୟୋମ୍ ତାନାଃ । ଅକ୍‌ନାଃଗି ପୁରାଃ ହଡ଼କଆଃ ପାପ୍ ଛାମା ନାଗେନ୍ତେ ନେ ମାୟୋମ୍ ଲିଙ୍ଗିଆକାନା । ୨୯ ଆଇଙ୍ଗ ଆପେକେ କାଜିୟାପେ ତାନାଇଙ୍ଗ, ଆପୁଇଁୟାଃ ରାଇଜ୍‌ରେ ଆପେଲଃ ନାଝା ଦାଖ୍‌ରାସି ଆଉରିଙ୍ଗ ନୁଁଇ ଜାକେଦ୍, ନାହାଃଏତେ ନେ ଦାଖ୍‌ରାସି ଆତଃ ତିଉଲ୍‌ଆକାଇଙ୍ଗ୍ ନୁଁଇଆ ।”

୩୦ ଏନ୍ତେ ଇନ୍‌କୁ ମାଲ୍‌ନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦତେ ଜାଇତୁନ୍ ବୁରୁଡେକ ସେନଃୟାନା ।

ୟୀଶୁ ପାଡ଼ରାସକେ ଚେତାଇତାନା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୩୧ ଏନ୍ତେ ୟୀଶୁ ଚେଲାକକେ କାଜିୟାଦକଆଏ, “ଆପେ ସବେନକ ନେ ନିଦାରେ ଆଇଙ୍ଗକେ ବାଗିକେଦତେ ନିରକଆଃପେ, ନେଆଁଦ ଧାରାମପୁଅରେ ଅଲାକାନା, ‘ପାର୍‌ମେଶ୍ୱାର୍ ଗୁପିନିଃକେ ଦାଲିୟାଏ ଆତଃ ଗୋଟ୍‌ରେନ୍ ମିଣ୍ଡିକ ଛିତିବିତିୟଃଆ ।’ ୩୨ *ମେନ୍‌ଦ ଆଇଙ୍ଗ ଜୀଉବିରିଦକେଦତେ ଗାଲିଲ୍ ପାର୍‌ଗାନ୍‌ତେ ଆପେଏତେ ଆୟାର୍‌ରେଇଙ୍ଗ ସେନାଃ ।”

୩୩ ଆତଃ ପାଡ଼ରାସ୍ ୟୀଶୁକେ କାଜିକିୟାଏ, “ଏଟାଃକ ବାଗିତାମ୍‌ରେହ୍, ଆଇଙ୍ଗ୍ ଆମ୍‌କେ କାଇଙ୍ଗ ବାଗିମେଆ ।”

୩୪ ୟୀଶୁ ପାଡ଼ରାସକେ କାଜିକିୟାଏ, “ଆଇଙ୍ଗ ସାର୍‌ତିଗିଙ୍ଗ୍ କାଜିୟାମତାନା, ନେ ନିଦାରେ ସାଣ୍ଡିସିମକ ରାଃଏ ସିଦାରେ ଆମ୍ ଆଇଙ୍ଗକେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୫ ପାଡ଼ରାସ୍ ଇନିଃକେ କାଜିରୁହାଡ଼କିୟାଏ, “ଆଇଙ୍ଗକେ ଆମାଃଲଃ ଗଜଃ ଲାଗାତିଙ୍ଗ୍‌ରେୟ ଆଇଙ୍ଗ୍ ଆମ୍‌କେ କାଇଙ୍ଗ୍ ସାରିୟା ମେନ୍ତେ କାଇଙ୍ଗ୍‌ଗି କାଜିୟା,”

ଆତଃ ସବେନ୍ ଏଟାଃ ଚେଲାକହ ଏନ୍‌ଲେକାଗି କାଜିକେଦାକ ।

ଗେଥ୍‌ସିମାନି ବାଖ୍‌ଡ଼ିରେ ୟୀଶୁଆଃ ବିକ୍ତି

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏନ୍ତେ ୟୀଶୁ ଆୟାଃ ଚେଲାକଲଃ ଗେଥ୍‌ସିମାନି ନୁଡୁମ୍ ମିଆଁଦ୍ ବାଖ୍‌ଡ଼ିତେକ ସେନଃୟାନା, ଆତଃ ଇନିଃ ଇନ୍‌କୁକେ ମେତାଦକଆଏ, “ଆଇଙ୍ଗ୍ ଏନ୍ତାଃରେ ବିକ୍ତି ଜାକେଦ୍ ଆପେ ନେତାଃରେ ଦୁବପେ ଆତଃ ବିକ୍ତିପେ ।” ୩୭ ଇନିଃ ପାଡ଼ରାସ୍ ଆତଃ ଜେବଦୀୟାଃ ବାରାନ୍ ହନ୍‌କିନ୍‌କେ ଆୟାଃଲଃ ଇଦିକେଦକଆଏ, ଆତଃ ଇନିଃ ପୁରାଃଗି ଦୁକୁତେ ଆକୁଲ୍‌ବାକୁଲ୍‌ୟାନା, ୩୮ ଆତଃ ଇନିଃ ଇନ୍‌କୁକେ କାଜିୟାଦକଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍‌କାନ୍‌ପେ ଆତଃ ଆଇଁୟାଃଲଃ ଏୟନାକାନ୍ ତାଇନ୍‌ପେ ।”

୩୯ ଆତଃ ୟୀଶୁ କାଟିଃ ସାଙ୍ଗିନ୍ ସେନକେଦତେ ଅତେରେ ଇକ୍‌ଡ଼ୟାନ୍‌ଲଃ ଅମାଃୟାନାଏ ଆତଃ ବିକ୍ତିକେଦାଏ, “ହେ ଆବା, ହବାଦାଡ଼ିୟଃରେଦ ନେ ଦୁକୁରାଃ କାଟୋରା ଆଇଙ୍ଗ୍‌ତାଃଏତେ ଇଦିୟଃକା, ଏନ୍‌ରେୟ ଆଇଁୟାଃ ମନେଲେକାଦ କା ମେନ୍‌ଦ ଆମାଃ ମନେଲେକାଗି ହବାଅଃକା ।”

୪୦ ଏନ୍ତେ ୟୀଶୁ ଚେଲାକତାଃ ରୁହାଡ଼ୟାନ୍‌ତି ଇନ୍‌କୁକେ ଦୁଡ଼୍‌ମୁକାନ୍ ନାମ୍‌କେଦକଆଏ, ଆତଃ ପାଡ଼ରାସକେ କାଜିକିୟାଏ, “ଆପେ ଆଇଁୟାଃଲଃ ମିଦ୍‌ଦାଣ୍ଡାହ୍ ଏୟନକେଦତେ କାପେ ତାଇନ୍ ଦାଡ଼ିକେନା ? ୪୧ ବିଡ଼ାଅରେ ଆଲ୍‌ପେ ଭୟଃଗଃକା ମେନ୍ତେ ଏୟନାକାନ୍ ତାଇନ୍‌ପେ ଆତଃ ବିକ୍ତିପେ । ଆମ୍‌ଦ ସାନାଙ୍ଗ୍‌ତାନାଏ, ମେନ୍‌ଦ ହଡ଼ମ ନାରାଦୁରାଗିୟାଃ ।”

୪୨ ଇନିଃ ଆତଃମିସା ସେନଃୟାନାଏ ଆତଃ ବିକ୍ତିକେଦାଏ, “ହେ ଆଇଁୟାଃ ଆବା, ଆଇଙ୍ଗ୍ କାଇଙ୍ଗ୍ ନୁଁ ଜାକେଦ୍ ନେ ଦୁକୁରାଃ କାଟୋରା ଆଇଙ୍ଗ୍‌ତାଃଏତେ କା ଇଦି ଦାଡ଼ିୟଃରେଦ, ଆମାଃ ମନେ ଲେକାଗି ହବାଅଃକା ।” ୪୩ ଇନିଃ ଇନ୍‌କୁତାଃ ହିଜୁଃରୁହାଡ଼ୟାନ୍‌ତି ଆତଃମିସା ଦୁଡ଼୍‌ମୁକାନ୍ ନାମ୍‌କେଦକଆଏ, ଚିୟାଃଗି ଇନ୍‌କୁଦ ଦୁଡ଼୍‌ମୁତେ ମେଦତାକଆଃ ଆରିଦ୍ କାକ ଦାଡ଼ିତାଇକେନା ।

୪୪ ୟୀଶୁ ଇନ୍‌କୁକେ ବାଗିକେଦତେ ଆତଃଗି ସେନଃୟାନା ଆତଃ ଏନ୍ ଲେକାଗି ଆପିସାଏ ବିକ୍ତିକେଦା । ୪୫ ଏନ୍ତେ ଇନିଃ ଆୟାଃ ଚେଲାକତାଃ ହିଜୁଃକେଦତେ ଇନ୍‌କୁକେ ମେତାଦକଆ, “ନାହାଁଃ ଜାକେଦ୍‌ତିପେ ଦୁଡ଼୍‌ମୁତାନା ଆତଃ ରୁଡ଼୍‌ନୁତାନା ? ନେଲେପେ, ଆଇଙ୍ଗ୍ ମାନଖାହନ୍ ପାପିକଆଃ ତିଃଈରେ ସାବ୍‌ରିକାଅଃତାନାଇଙ୍ଗ୍ । ୪୬ ବିରିଦ୍‌ପେ, ଦଲାବୁ ସେନଆଃ ! ନେଲିପେ, ଆଇଙ୍ଗକେ ସାବ୍‌ରିକାଈଙ୍ଗିନିଃ ସେଟେରାକାନାଏ ।”

ୟୀଶୁକେକ ସାବିତାନା

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୭ ୟୀଶୁ ନେଆଁ କାଜିତାନ୍ ଇମ୍‌ତାଗି ଗେଲ୍‌ବାର୍ ଚେଲାକଏତେ ମିଆଁଦିନିଃ ସିହୁଦା ନୁଡୁମ୍ ଚେଲା ହିଜୁଃୟାନାଏ, ଇନିଃଲଃ ପୁରାଃ ଗାଦେଲ୍ ହଡ଼କ ତାରାଉଡ଼ି ଆତଃ ଭଙ୍ଗାମ୍‌କ ସାବ୍‌କେଦତେ ହିଜୁଃୟାନାକ । ମୁଲ୍ ଯାଜାକ୍ ଆତଃ ପ୍ରାତିନ୍‌କ ଇନ୍‌କୁକେ କୁଲାକାଦକ ତାଇକେନା । ୪୮ “ଆଇଙ୍ଗ୍ ଅକ୍‌ନିଃକେ

* ୨୭:୩୨ ୨୭:୩୨ ମାଧୁର ୨୮:୧୭.

ଚଅଃଇଈ ଜନିଃକେଗି ସାବକିତେ ତଲିପେ” ମେତ୍ରେ ଯୀଶୁକେ ସାବ୍ରିକାନିଃ ଯିହୁଦା ଏନ୍ ଗାଦେଲ୍ ହଡକକେ ଚିହ୍ନାଁ ଏମାକାଦକ ତାଇକେନାଏ ।

୪୯ ଯିହୁଦା, ଯୀଶୁଆଃ ନାଡେଃ ସେନ୍କେଦତେ, “ହେ ଗୁରୁ, ଜହାର୍” ମେତାଇୟାଏ ଆତଃ ଜନିଃକେ ଚଅଃକିୟାଏ ।

୫୦ ଯୀଶୁ କାଜିରୁହାଡକିୟାଏ, “ଏ ଗାତି ଆମ୍ ଅକନ୍ କାମିନାଜ୍ ହିଜୁଆକାନାମ୍ ଏନା ରିକାଧାବେମେ ।”

ଏତ୍ରେ ଜନ୍ମକୁ ନାଡେଃ ହିଜୁଃକେଦତେ ଯୀଶୁକେ ସାବକେଦତେ ତଲ୍ଲକିୟାଃକ । ୫୧ ଯୀଶୁଲିଃ ତାଇକେନ୍ ହଡକଏତେ ମିହୁଡ୍, ଆୟାଃ ତାରାଉଡି ଅତଙ୍ଗକେଦତେ ମାରାଜ୍ ଯାଜାକରାଃ ଦାସିଆଃ ଲୁଡୁରକେ ମାଆଃ ଖାଣ୍ଡାଅକେଦାଏ । ୫୨ ଯୀଶୁ ଜନିଃକେ କାଜିକିୟାଏ, “ଆମାଃ ତାରାଉଡିକେ ଖାପୁରେ ଦହଏମେ, ତିୟାଃତି ତାରାଉଡି ସାବକେଦତେ କାମିତାନ୍ ସବେନ୍କଦ ତାରାଉଡିତେକ ଗଜଃଆ । ୫୩ ଆପେ ତିନାଃ କାପେ ସାରିତାନା, ଆଇୟାଃ ଆପୁଇଈକେ ବିନ୍ତିଲେରେ, ଜନିଃ ତିନାଃ ଆଇୟାଃ ନାଗେତ୍ରେ ଜମ୍ତାଗି ଗେଲ୍ବାର୍ ଫାଉଦତାଃଏତେ ଆଦ୍ କା ଦୁଡକକେ କାଏ କୁଲ୍ଦାଡିୟା ? ୫୪ ମେନ୍ଦ ନେ ଲେକାତେ ହବାଅଃଗି ଲାଗାତିଙ୍ଗୟାଃ ମେତ୍ରେ ଧାରାମ୍ପୁଅୁରେ ଅଲ୍ଲାନାଦେୟାଃ ତିଲ୍ଲକାତେ ପୁରାଅଃଆ ।”

୫୫ ଏନ୍ ଦିପିଲିରେ ଯୀଶୁ ଗାଦେଲ୍ ହଡକକେ ମେତାଦକଆ, “ତିୟାଃ କୁମ୍ପୁଲ୍ ଲେକା ସାବିଜ୍ ନାଗେତ୍ରେ ତାରାଉଡିକ ଆତଃ ଭଙ୍ଗାଟକ ସାବକେଦତେ ହିଜୁଃକାନାପେ ? ଆଇଜ୍ ସବେନ୍ ହୁଲ୍ଲାଇ ମାନ୍ଦିର ଅଡ଼ାଃରେ ଦୁବକେଦତେ ଇଡୁକ ତାଇକେନାଇଜ୍ ଆତଃଆପେ ଆଇଜ୍ କାପେ ସାବକେଦିୟା । ୫୬ ମେନ୍ଦ ଧାରାମ୍ପୁଅୁରେ ନାବାକ ଅଲ୍ଲାନାଦେୟାଃ ପୁରାଅଃ ନାଗେତ୍ରେ ନେ ସବେନାଃ ହବାୟାନା ।”

ଏତ୍ରେ ସବେନ୍ ଚେଲ୍ଲକ ଜନିଃକେ ବାଗିକିୟାକ ଆତଃ ନିର୍ୟାନାକ ।

ଯିହୁଦାକଆଃ ପାଞ୍ଚେଟ୍ରେ ଯୀଶୁଆଃ ବିଚାର୍

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଯୋହାନ୍ ୧୮:୧୩, ୧୪, ୧୯-୨୪)

୫୬ ଯୀଶୁକେ ସାବାକାଇ ହଡକ ଜନିଃକେ କାୟଫା ମାରାଜ୍ ଯାଜାକଆଃ ଅଡ଼ାଃତେକ ଇଦିକିୟା, ଏଡ଼ାଃରେ ଆଇନ୍ ଇଡୁକ ଆତଃ ପ୍ରାତିନ୍ଦକ ହୁଣ୍ଡିୟାକାନ୍ଦକ ତାଇକେନା । ୫୮ ମେନ୍ଦ ପାଡୁରାସ୍ ସାଜିନ୍ଏତେ ମାରାଜ୍ ଯାଜାକଆଃ ଅଡ଼ାଃରାଗା ଜାକେଦ୍ ଅତଙ୍ଗକେଦକଆଏ ଆତଃ ଚୁଣ୍ଡୁରେ ତିନାଃ ହବାଅଆଃ ଏନା ନେନେଲ୍ ନାଗେତ୍ରେ ଜନିଃ ଭିତାର୍ ବଲକେଦତେ ଏଡ଼ାଃରେ ଦାର୍ଢାନ୍ଦକଲଃ ଦୁବ୍ଦିୟାନାଏ ।

୫୯ ମୁଲ୍ ଯାଜାକ୍ ଆତଃ ଯିହୁଦୀ ପାଞ୍ଚେଟ୍ରେନ୍ ସବେନ୍କ ଯୀଶୁକେ ଗଗଏଃ ନାଗେତ୍ରେ ହସଡ୍ ଗାଝାକ ଦାଣ୍ଠାବାଡ଼ା ତାଇକେନା । ୬୦ ମେନ୍ଦ ପୁରାଃ ହଡକ ହସଡ୍ ଗାଝାକ ଏମକେଦ୍ରେୟ ଜେଡନାଃ କାକ ନାମକେଦା, ଏତ୍ରେ ଚୁଣ୍ଡୁରେ ବାରହଡ୍ ଆୟାର୍ତେ ହିଜୁଃକେଦତେ କାଜିକେଦାକିନ୍, ୬୧ ଏନ୍ ହଡ କାଜିକାଦ୍ ତାଇକେନାଏ, “ଆଇଜ୍ ପାର୍ମେଶ୍ୱାର୍ଆଃ ମାନ୍ଦିର ଅଡ଼ାଃକେ ହାଦୁଡକେଦତେ ଆପିମାରେ ଏନାକେ ବାଇରୁହାଡ୍ ଦାଡିୟାଇଜ୍ ।”

୬୨ ଏତ୍ରେ ମାରାଜ୍ ଯାଜାକ୍ ବିରିଦ୍ଦିୟାନାଏ ଆତଃ ଯୀଶୁକେ କାଜିକିୟା, “ନେ ହଡକ ଆମାଃ ବିରୁଧ୍ରେ ଗାଝାକ ଏମ୍ତାନା, ଆମ୍ ତିକାନାଜ୍ ଜନ୍ମକୁକେ କାମ୍ କାଜିରୁହାଡକତାନା ?” ୬୩ ମେନ୍ଦ ଯୀଶୁ ହାପାକାନ୍ ତାଇକେନାଏ, ଜମ୍ତା ମାରାଜ୍ ଯାଜାକ୍ ଆତଃଗି କାଜିକିୟାଏ, “ଆଇଜ୍ ଜାନିଦ୍ ପାର୍ମେଶ୍ୱାର୍ଆଃ ନୁଡୁମ୍ତେ କିରିୟାନ୍ତାନଲଃ କୁଲିମେ ତାନାଇଜ୍, ସାର୍ତିଗି କାଜିୟାଲେମ୍, ଆମ୍ ପାର୍ମେଶ୍ୱାର୍ଆଃ ହନ୍ ଖାଷ୍ଟ୍ ତାନ୍ମେଟି ?”

୬୪ ଯୀଶୁ ଜନିଃକେ କାଜିରୁହାଡକିୟାଏ, “ଆମ୍ ଠାଉକାଗି କାଜିକେଦାମ୍, ମେନ୍ଦ ଆଇଜ୍ ଆପେ ସବେନ୍କକେ କାଜିୟାପେ ତାନାଇଜ୍, ନାହାଃଏତେ ଆପେ ମାନଝାହନ୍ଦକେ ସବେନ୍ ପେଡେୟାନ୍ ପାର୍ମେଶ୍ୱାର୍ଆଃ ଜମ୍ତାସାଃରେ ଦୁବାକାନ୍ ଆତଃ ସିମାଃରେ ରିମିଲ୍ରେ ହିଜୁଃକାନ୍ଦେ ନେଲିୟା ।”

୬୫ ଏତ୍ରେ ମାରାଜ୍ ଯାଜାକ୍ ଆୟାଃ ଲିଜାଃ ଚେଟାଃକେଦତେ କାଜିକେଦାଏ, “ନିଃଦ ପାର୍ମେଶ୍ୱାର୍ଆଃ ହିଲ୍ଲାଇକାଜି କାଜିକେଦା, ଆତଃଆବୁକେ ତିକାନ୍ ଗାଝା ଲାଗାତିଙ୍ଗୟାଃ ? ନେଲେପେ, ଆପେଦ ନାହାଃଗି ପାର୍ମେଶ୍ୱାର୍ଆଃ ନିନ୍ଦାକାଜିପେ ଆୟୁମକେଦା, ୬୬ ଆପେ ତିନାଃପେ ଉଡ଼ୁତାନା ?”

ଜନ୍ମକୁ କାଜିରୁହାଡକେଦାକ, “ଜନିଃ ତିକାନାନ୍ନିଃ ତାନିଃ, ଜନିଃକେ ଗଜଃ ଲାଗାତିଙ୍ଗୟାଃ ।”

☆ ୨୨:୫୫ ୨୭:୫୫ ଲୁକ ୧୧:୪୭; ୨୧:୩୭. ☆ ୨୭:୭୧ ୨୭:୭୧ ଯୋହାନ୍ ୨:୧୯.

୭୭ ଏନ୍ତେ ଇନ୍ଦ୍ର ଇନିୟାଃ ମେଦମୁହାଁତୁରେ ବେଏକକିତେ ଦାଲ୍ଲକିୟାକ ଆତଃ ଏଗାଃ ଆପୂଡ୍ଡିତାନଲଃ ୭୮ କାଜିକିୟାକ, “ଏ ଖ୍ରୀଷ୍ଟ ! ଆମ୍ ପରେ ନାବୀ ତାନମେ, ମାର୍ କାଜିଲେମେ, ଆମକେ ଅକଏ ଦାଲ୍ଲମେତାନାଏ ?”

ପାତ୍ରରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ ଦଦାଦୟାନାଏ
(ମାର୍କ ୧୪:୬୭-୭୨; ଲୁକ ୨୨:୫୭-୬୨; ଯୋହାନ୍ ୧୮:୧୫-୧୮, ୨୫-୨୭)

୭୯ ପାତ୍ରରାସ୍ ବାହାରି ଅଡ଼ାଠାରାଗାରେ ଦୁବାକାନ ଡାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍‌ରାଃ ମିଆଁଦ୍ କାମ୍‌ଡ୍ ଇନିୟାଃ ନାଡ଼େଃତେ ହିନ୍ଦୁଃକେଦ୍‌ତେ କାଜିକିୟାଏ, “ଆମ୍‌ହ ଗାଲିଲ୍‌ରେନ୍ ଯୀଶୁଲଃ ତାଇକେନାମ୍ ।”

୮୦ ମେନ୍‌ଦ ପାତ୍ରରାସ୍ ସବେନ୍‌କଆଃ ସାମ୍‌ନାଙ୍ଗ୍‌ରେ ଦଦାଦ୍* ତାନଲଃ କାଜିରୁହାଡ୍‌କିୟାଏ, “ଆମ୍ ତିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ସାରିୟା ।” ୭୯ ଆତଃ ଇନିଃ ବାହାରି ଅଡ଼ାଠାରାଗାରେୟାଃ ବଲ୍‌ଦୁଆରତାଃତେ ସେନଃୟାନା । ଆତଃମିଆଁଦ୍ କାମ୍‌ଡ୍ ଇନିଃକେ ନେଲ୍‌କେଦ୍‌ତେ ଏନ୍ତାଃରେ ତାଇକାନ୍ ହଡ୍‌କେକେ ମେତାଦକଆ, “ନିଃଦ ନାଜ୍‌ରେଡ୍‌ରେନ୍ ଯୀଶୁଲଃ ତାଇକେନାଏ ।”

୭୭ ଇନିଃ ଆତଃମିସା କିରିୟାତାନଲଃ ଦଦାଦୟାନାଏ ଆତଃ କାଜିକେଦାଏ, “ଆଇଙ୍ଗ୍ ଏନ୍ ହଡ୍‌କେକ କାଇଙ୍ଗ୍ ସାରିୟା ।”

୭୩ ଘାଡ୍‌କାଦ୍ ଡାୟମ୍‌ତେ ନାଡ଼େଃରେ ତିଙ୍ଗ୍‌ଆକାନକ୍ ପାତ୍ରରାସ୍‌ତାଃତେ ସେନ୍‌କେଦ୍‌ତେ କାଜିକିୟାକ, “ଆମ୍‌ହ ସାର୍‌ତିରି ଇନ୍‌କୁଏତେ ମିଆଁଦ୍‌ନିଃ ତାନମେ, ତିୟାଃତି ଆମାଃ ଜାଗାର୍ ଉଦୁବେତାନା ।”

୭୪ ଏନ୍ତେ ପାତ୍ରରାସ୍ କାଜିକେଦାଏ, “ଆଇଙ୍ଗ୍ କିରିୟାକେଦ୍‌ତେ ସାର୍‌ତିରି କାଜିତାନାଇଙ୍ଗ୍, କାହାରେଦ ପାର୍‌ମେଶ୍ୱାର୍ ଆଇଙ୍ଗ୍‌କେ ସାଜାଇ ଏମାଇଙ୍ଗ୍‌କାଏ, ଆଇଙ୍ଗ୍ ଏନ୍ ହଡ୍‌କେକ କାଇଙ୍ଗ୍ ସାରିୟା,”

ଇମ୍‌ତାଙ୍ଗି ସାଣ୍ଡିସିମ୍ ରାଆଃକେଦାଏ, ୭୫ ଆତଃ “ସାଣ୍ଡିସିମ୍ ଆଉରି ରାଆଃ ସିଦାରେ ଆମ୍ ଆଇଙ୍ଗ୍‌କେ ଆପିସା କାଇଙ୍ଗ୍ ସାରିୟା ମେନ୍ତେ କାଜିୟାମ୍” ମେନ୍ତେ ଯୀଶୁ କାଜିକାଇ କାଜିକେ ପାତ୍ରରାସ୍ ପାହାମ୍‌କେଦାଏ ଆତଃ ଇନିଃ ଅଡ଼ଙ୍ଗ୍‌କେଦ୍‌ତେ କୁସୁଦ୍ କୁସୁଦ୍‌ତାନ ରାଆଃକେଦାଏ ।

୨୭

ୟୀଶୁକେ ପିଲାତୁସ୍‌ତାଃତେ ଇଦିକିୟାକ
(ମାର୍କ ୧୫:୧; ଲୁକ ୨୩:୧-୨; ଯୋହାନ୍ ୧୮:୨୮-୩୨)

୧ ସେତାଃ ଇଦାନରେ ସବେନ୍ ମୁଲ୍ ଯାଜାକ୍‌କ ଆତଃ ହଡ୍‌କଆଃ ପ୍ରାତିନକ ଯୀଶୁକେ ଗଜି ନାଗେନ୍ତେକ ରଜୋଟକେଦା । ୨ ଇନ୍‌କୁ ଯୀଶୁକେ ସିକ୍‌ଡ୍‌ତେ ତଲ୍‌କେଦ୍‌ତେ ରୋମିରେନ୍ ଲାଟ୍‌ସାହେଦ୍ ପିଲାତୁସ୍‌ତାଃରେକ ଜିମାକିୟା ।

ସିହୁଦାରାଃ ଗନଏଃ
(ପ୍ରେରିଡ୍ ୧:୧୮-୧୯)

୩ *ବାଇରିକଆଃ ତିଃଇରେ ସାଦ୍‌ରିକାକାଇ ସିହୁଦା, ଯୀଶୁଆଃ ଗନଏଃ ସାଜାଇରେୟାଃ ବିଚାର୍ ଆୟୁମକେଦ୍‌ତେ ହେୟାତିଙ୍ଗ୍‌କେଦା ଆତଃ ଏନ୍ ତିରିଶ୍‌ଠୁ ରୁପା ସିକା ରୁହାଡ୍ ନାଗେନ୍ତେ ମୁଲ୍ ଯାଜାକ୍ ଆତଃ ପ୍ରାତିନକତାଃ ଆଉକେଦାଏ । ୪ ଆତଃ କାଜିକେଦାଏ, “ଆଇଙ୍ଗ୍ ମିହୁଡ୍‌କା ତିଗାଃଅ ହଡ୍‌କେ ଗଏଃ ନାଗେନ୍ତେ ବାଇରିକଆଃ ତିଃଇରେ ଜିମାକେଦ୍‌ତେ ପାପ୍‌କାଦାଇଙ୍ଗ୍,”

ମେନ୍‌ଦ ଇନ୍‌କୁ କାଜିରୁହାଡ୍‌କିୟାକ, “ଏନାରେ ଆଲେ ତିନାଃ ତିକାୟାଲେ ? ଏନା ଆମ୍‌ଗି ସାରିମେ !”

୫ ସିହୁଦା ଏନ୍ ସିକାକେ ମାଦିର୍ ଅଡ଼ାଃରେ ହୁଦ୍‌ମାକେଦ୍‌ତେ ସେନଃୟାନା ଆତଃ ଆଇଃକ୍‌ଗି ହାକା ଗଏଃୟାନାଏ ।

୬ ମୁଲ୍ ଯାଜାକ୍‌କ ଏନ୍ ସିକା ଆଉକେଦ୍‌ତେ କାଜିକେଦାକ, “ନେଆଁଦ୍ ମାୟୋମ୍‌ରେୟାଃ ଟାକା ତାନାଃ, ଆଇନ୍ ଲେକାତେ ନେଆଁକେ ମାଦିର୍ ଅଡ଼ାଃରେୟାଃ ଖୁଜ୍ ଅଡ଼ାଃରେ ଦହ ନାଙ୍ଗ୍ କା ବୁଗିନାଃ ।”

୭ ଏନ୍ତେ ଇନ୍‌କୁ ନେ ବିଷାଏରେ ସାଲ୍‌ହାକେଦ୍‌ତେ, ଏତାଃ ଦିଶୁମ୍‌ରେନ୍‌କକେକେ ତପାକ ନାଗେନ୍ତେ ଏନ୍ ଟାକାତେ କୁମ୍‌ସ୍‌ଆଃ ଅଡ଼େକେ କିରିଙ୍ଗ୍‌କେଦାକ । ୮ ଏନାମେନ୍ତେ ଏନ୍ ଅଡ଼େକେ ତିସିଙ୍ଗ୍ ଜାକେଦ୍ “ମାୟୋମ୍‌ରେୟାଃ ଅଡ଼େ” ମେନ୍ତେକ କାଜିତାନା ।

* ୨୭:୨୦ ୨୭:୨୦ ଅସ୍ୱାକାନ୍ ☆ ୨୭:୩ ୨୭:୩ ପ୍ରେରିଡ୍ ୧:୧୮,୧୯.

ଏତେବେଳେ ବିଷୟରେ ଯିରିମିୟ ନାବା କାଜିକାଦ୍ କାଜି ପୁରାୟାନା, “ଇସ୍ରାଏଲରେନ୍ ହତକ ଇନିୟାଃ ନାଙ୍ଘ ଠାହାରଅକାଦ୍ ଗନଙ୍ଘକେ ଚାଏ ଏନ୍ ତିରିଶୁଠୁ ରୁପା ସିକା ଇଦିକେଦ୍ତେ, ୧୦ ଆଇୟାଃ ପ୍ରାଭୁଆଃ ଆତୁ ଲେକା ଇନକୁ କୁମ୍ପାରଆଃ ଅତେକ କିରିଙ୍ଘକେଦା ।”

ୟାଶୁକେ ପିଲାତୁସ୍ୟଆଃ କୁନୁଲି

(ମାର୍କ ୧୫:୨-୫; ଲୁକ ୨୩:୩-୫; ଯୋହାନ୍ ୧୮:୩୩-୩୮)

୧୧ ଯାଶୁକେ ରୋମିରେନ୍ ଲାଟ୍‌ସାହେଦ୍ ପିଲାତୁସ୍ୟଆଃ ସାମ୍‌ନାଙ୍ଘରେ ତିଙ୍ଗୁକିୟାକ, ଆତଃ ଲାଟ୍‌ସାହେଦ୍ ଇନିଃକେ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଟି ?”

ୟାଶୁ କାଜିରୁହାଡ଼କିୟାଏ, “ହେଗି, ଆମ୍‌ଗି କାଜିତାନାମ୍ ।” ୧୨ ମୁଲ୍ ଯାଜାକ୍ ଆତଃ ପ୍ରାତିନକ୍ ଇନିଃକେ ଚିଟାଈତାନ୍ ଇମ୍‌ତା ଇନିଃ ଜେଦ୍‌ନାଃ କାଏ କାଜିରୁହାଡ଼କେଦା ।

୧୩ ଏତେ ପିଲାତୁସ୍ ଇନିଃକେ କାଜିକିୟାଏ, “ଇନକୁ ଆମାଃ ବିରୁଧରେ ଚିଟାନାଙ୍ଘ ପୁରାଃ ଗାଞ୍ଜାକ୍ ଏମ୍‌ତାନା ଏନା ଚିନାଃ କାମ୍ ଆୟୁମେତାନା ?”

୧୪ ମେନ୍‌ଦ୍ ଯାଶୁ ମିଆଁଦ୍ କାଜିୟ କାଏ କାଜିକେଦା, ଏନାମେତେ ଲାଟ୍‌ସାହେଦ୍ ପୁରାଃଗି ଆକ୍‌ଦାନାଅୟାନା ।

ୟାଶୁଆଃ ଗନଏଃ ବିଚାର୍

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୧୫ ରୋମିରେନ୍ ଲାଟ୍‌ସାହେଦ୍‌ଆଃ ରିତିଲେକାତେ ପାସ୍କା ପାରାଦ୍ ଦିପିଲିରେ ଗାଦେଲ୍ ହତକଆଃ ମନେଲେକା ମିଆଁଦ୍ ଜେହେଲ୍‌କାନିନିଃକେ ଇନକୁଆଃ ନାଗେତେ ଆଡ଼ାଗାକତାନ୍ ତାଇକେନାଏ ।

୧୬ ଏନ୍ ଦିପିଲିରେ ବାରବ୍‌ବା* ନୁତୁମ୍ ମିଆଁଦ୍ ନାମିକୁମ୍‌ତୁ ଜେହେଲ୍‌ରେ ତାଇକେନାଏ । ୧୭ ଏତେ ଇନକୁ ହୁଣ୍ଡିକାନ୍ ତାଇକେନ୍ ଇମ୍‌ତା ପିଲାତୁସ୍ ଇନକୁକେ କୁଲିକେଦକଆଏ, “ଆଇଙ୍ଘ୍ ଆପେୟାଃ ନାଗେତେ ଅକଏକେଇଙ୍ଘ୍ ଆଡ଼ାଃଇୟା ମେତେପେ ସାମାଙ୍ଘତାନା ? ବାରବ୍‌ବାକେ ଚି ଖ୍ରୀଷ୍ଟ୍ ନୁତୁମ୍‌ତାନ୍ ଯାଶୁକେ ?” ୧୮ ଚିୟାଃଗି ଯିହୁଦୀକଆଃ ପ୍ରାତିନକ୍ ହିସ୍‌ଙ୍ଘାତେ ଇନିଃକେକ ଜିମାକିୟା, ଏନା ପିଲାତୁସ୍ ସାରିତାଇକେନାଏ ।

୧୯ ପିଲାତୁସ୍ ବିଚାର୍ ଠାୟାଦ୍‌ରେ ଦୁବାକାନ୍ ତାଇକେନ୍ ଇମ୍‌ତା ଆୟାଃ କୁଡ଼ି, “ଏନ୍ ଧାର୍‌ମାନ୍ ହତକେ ଜେଦ୍‌ନାଃ ଆଲମ୍ ରିକାଈୟା, ଚିୟାଃଗି ଇନିୟାଃ ନାଗେତେ ଆଇଙ୍ଘ୍ କୁମ୍‌ରେ ତିସିଙ୍ଘ୍ ନିଦାରେ ପୁରାଃଗି ଦୁକୁଇଙ୍ଘ୍ ନାମାକାଦା” ମେତେ କାଜି କୁଲ୍‌କେଦାଏ ।

୨୦ ମେନ୍‌ଦ୍ ମୁଲ୍ ଯାଜାକ୍ ଆତଃ ପ୍ରାତିନକ୍ ବାରବ୍‌ବାକେ ଆସି ନାଙ୍ଘ୍ ଆତଃ ଯାଶୁକେ ଗଜି ନାଗେତେ ଗାଦେଲ୍ ହତକକେ ଉସକୁରକେଦକଆକ । ୨୧ ମେନ୍‌ଦ୍ ରୋମିରେନ୍ ଲାଟ୍‌ସାହେଦ୍ ଗାଦେଲ୍ ହତକକେ କୁଲିକେଦକଆଏ, “ନେ ବାରାନ୍‌କିନ୍‌ଏତେ ଆପେୟାଃ ନାଗେତେ ଅକଏକେଇଙ୍ଘ୍ ଆଡ଼ାଃଇୟା ମେତେପେ ସାମାଙ୍ଘତାନା ?”

ଇନକୁ “ବାରବ୍‌ବାକେ” ମେତେକ କାଜିରୁହାଡ଼କିୟା ।

୨୨ ପିଲାତୁସ୍ ଇନକୁକେ କୁଲିକେଦକଆଏ, “ଖ୍ରୀଷ୍ଟ୍ ନୁତୁମ୍ ଯାଶୁକେ ଆଇଙ୍ଘ୍ ଚିନାଃ ଚିକାଈୟାଈଙ୍ଘ୍ ?”

ଇନକୁ ସବେନ୍‌କ କାଉରିକେଦ୍‌ତେ କାଜିରୁହାଡ଼କିୟା, “ଇନିଃକେ କୁଶ୍‌ରେ କିଲାଈମେ ।”

୨୩ ମେନ୍‌ଦ୍ ପିଲାତୁସ୍ ଇନକୁକେ କୁଲିକେଦକଆଏ, “ଚିକାନାଙ୍ଘ୍ ଇନିଃ କିଲାଞ୍‌ଏଃ ଚିକାନ୍ ଗୁହ୍ନାଁ ରିକାକାଦାଏ ?”

ମେନ୍‌ଦ୍ ଇନକୁ ପୁରାଃତେକ କାଉରିକେଦା, “କୁଶ୍‌ରେ କିଲାଅଃକାଏ ।”

୨୪ ଏତେ ପିଲାତୁସ୍ ଜେଦ୍‌ନାଃ ରିକା କାଏ ଦାଡ଼ିକେନା, ମେନ୍‌ଦ୍ ଆଦକା ପୁରାଃ ହାଲାଗୁଲାଅଃତାନା, ନେଆଁ ଆଟ୍‌କାର୍‌କେଦ୍‌ତେ ଦାଆଃ ଆଉକେଦାଏ ଆତଃ ଗାଦେଲ୍ ହତକଆଃ ସାମ୍‌ନାଙ୍ଘରେ ଆୟାଃ ଡିଃଇ ଆବୁଙ୍ଘ୍‌କେଦ୍‌ତେ କାଜିକେଦାଏ, “ନେ ହତ୍‌ଆଃ ଗନଏଃ ମାୟୋମ୍‌ରେ ଆଇଙ୍ଘ୍ କାଈଙ୍ଘ୍ ଚିଟାନାଃ, ଏନା ଆପେୟାଃ କାମିତାନାଃ ।”

୨୫ ସବେନ୍ ହତକ କାଜିରୁହାଡ଼କିୟାକ, “ୟାଶୁଆଃ ଗନଏଃଗାଃ ଗୁହ୍ନାଁ ଆଲେୟାଃରେ ଆତଃ ଆଲେୟାଃ ହନକଆଃରେ ଠଗଃକା ।”

୨୬ ଏତେ ପିଲାତୁସ୍ ବାରବ୍‌ବାକେ ଇନକୁ ନାଗେତେ ଆଡ଼ାଃକିୟା, ମେନ୍‌ଦ୍ ଯାଶୁକେ ହାଁଶ୍‌ସା ରିକାକେଦ୍‌ତେ କୁଶ୍‌ରେ କିଲାଅଃକାଏ ମେତେ ସିପାଇକଆଃ ଡିଃଇରେ ଜିମାକିୟାଏ ।

* ୨୭:୧୭ ୨୭:୧୭ ଚିମିନ୍ ମାରି ଅନଲ୍‌ରେ ଇନିୟାଃ ନୁତୁମ୍ ଯାଶୁ ବାରବ୍‌ବାସ୍ ଅଲାକାନା

ୟୀଶୁକେ ସିପାଇକ ଲାନ୍ଦାଜତାନା

(ମାର୍କ ୧୫:୧୭-୨୦; ଯୋହାନ୍ ୧୯:୨-୩)

୨୭ ଏନ୍ତେ ପିଲାତୁସଆଃ ସିପାଇକ ଯୀଶୁକେ ରୋମିରେନ୍ ଲାଟ୍‌ସାହେଦ୍‌ଆଃ ଅଡ଼ାଃ ଭିତାରୁତେ ଇଦିକେଦତେ ଗଟା ପାଲ୍‌ଗାନ୍‌କରେନ୍‌କକେ ହୁଣ୍ଡିକେଦକଆକ । ୨୮ ଇନ୍‌କୁ ଇନିୟାଃ ଲିଜାଃ ହଲେଃକକେଦତେ ଇନିଃକେ ମିଆଁଦ୍ ବାଜଗିନିଆ ଲିଜାଃକ ତୁସିଙ୍ଗିକିୟା । ୨୯ ଏନ୍ତେ ଜାନୁମ୍ କତ ଗାଲାଙ୍ଗକେଦତେ ମୁକୁଟ୍‌କ ବାଜକେଦା ଏନ୍ତେ ଇନିୟାଃ ବହଃରେକ ରୁପୁରିକିଆ ଆତଃ ଇନିୟାଃ ଜମ୍ ତିଃଜରେ ମିଆଁଦ୍ ସଟାକ ଏମ୍‌କିୟା ଆତଃ ଇନିୟାଃ ଆୟାନ୍‌ରେ ଇକ୍‌ଡ଼ମୁକେଦତେ, “ଏ ଯିହୁଦୀକଆଃ ରାଜା ଜାନାଅ ଜାକେଦ୍ ତାଜନ୍‌ମେ” ମେନ୍ତେ କାଜିକେଦତେ ଇନିଃକେକ ଲାନ୍ଦାକିୟା । ୩୦ ଆତଃ ଇନ୍‌କୁ ଇନିଃକେ ବେଏକ୍‌କିୟାକ ଆତଃ ଏନ୍ ପାଇଦ୍ ଇଦିକେଦତେ ଇନିୟାଃ ବହଃରେକ ଦାଲ୍‌କିୟା । ୩୧ ଇନ୍‌କୁ ଇନିଃକେ ଲାନ୍ଦା ଚାବାକିତେ, ଏନ୍ ଲିଜାଃକ ହଲେଃକକେଦା ଆତଃ ଆୟାଃ ଲିଜାଃ ତୁସିଙ୍ଗିକିତେ କୁଣ୍ଡରେ କିଲାକ ନାଗେନ୍ତେକ ଇଦିକିୟା ।

ୟୀଶୁ କିଲାୟାନାଏ

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୩୨ ଇନ୍‌କୁ ସାହାର୍‌ଏତେ ସେନଃତାନ୍ ତାଜକେନ୍ ଇମ୍‌ତାଗି ଶିମୋନ୍ ନୁତୁମ୍ କୁରିନି ସାହାରୁରେନ୍ ମିଆଁଦ୍ ହଡ଼କେ ନେଲ୍‌କେଦତେ ଯୀଶୁଆଃ କୁଣ୍ଡ ଗଅଃ ନାଗେନ୍ତେ ଇନିଃକେ ଜାବାରଜାସ୍ତିକିୟାକ । ୩୩ ଇନ୍‌କୁ ଗାଲ୍‌ଗାଆ, ନେଆଁରାଃ ମୁଣ୍ଡିଦ୍ “ବହଃଜାଙ୍ଗ” ନୁତୁମ୍ ମିଆଁଦ୍ ଠାୟାଦତେକ ହିଜୁଃୟାନା । ୩୪ ଏନ୍ତାଃରେ ଇନ୍‌କୁ ଇନିଃକେ ମେହେରୁତେଆଃ ମେସାକାନ୍ ଦାଖିରାସି ନୁଇ ନାଗେନ୍ତେକ ଏମ୍‌କିୟା, ମେନ୍‌ଦ ଇନିଃ ଏନାକେ ଚାଖାଅକେଦତେ ନୁଁ କାଏ ଦାଡ଼ିକେନା ।

୩୫ ଇନ୍‌କୁ ଯୀଶୁକେ କୁଣ୍ଡରେ କିଲାକିୟାକ, ଏନ୍ତେ ଇନିୟାଃ ଲିଜାଃକକେ ଇଦି ନାଗେନ୍ତେ ତିଠା ଭୟଃକେଦାକ ଆତଃ ଲିଜାଃତାୟାଃ ହାଟିଙ୍ଗକେଦାକ । ୩୬ ଏନ୍ ତାୟମ୍‌ତେ ଇନ୍‌କୁ ଏନ୍ତାଃରେ ଦୁବ୍‌କେଦତେ ଇନିଃକେକ ହରକିୟା । ୩୭ ଆତଃ ଇନିୟାଃ ବହଃ ତେତାନ୍‌ରେ ଇନ୍‌କୁ “ନିଃ ଯିହୁଦୀକଆଃ ରାଜା ଯୀଶୁ ତାନିଃ,” ମେନ୍ତେ ଆୟାଃ ବିରୁଧ୍‌ରେ ମିଆଁଦ୍ ତିଠାଅନଲ୍‌ରେ ଅଲ୍‌କେଦତେ ହାକକେଦାକ । ୩୮ ଏନ୍ତେ ଇନିଃଲଃ ବାରୁହଡ଼୍‌ରେରେଃକକିନ୍‌କେ କୁଣ୍ଡରେକ କିଲାକେଦକିନା ମିଆଁଦ୍‌ନିଃକେ ଜମ୍‌ସାଃରାଃ କୁଣ୍ଡରେ ଆତଃମିଆଁଦ୍‌ନିଃକେ ଲେଙ୍ଗାଡିସାଃରାଃ କୁଣ୍ଡରେ ।

୩୯ ଆତଃ ଏନ୍ ହରାରେ ସେନ୍‌ପାରମଃତାନ୍ ହଡ଼କ ଆକଆଃ ବହଃ ହିଲାଅକେଦତେ ଯୀଶୁକେ ନିନ୍ଦାତାନ୍‌ଲଃ ଲାନ୍ଦାକିୟାକ, ୪୦ ଆତଃ କାଜି ଏଟେଦକେଦାକ, “ବାଃରେ, ମାନ୍ଦିର୍ ହାବୁଡ଼ିନିଃ ଆତଃ ଆପିମାରେ ବାଜରୁହାଡ଼ିନିଃ, ଆମ୍ ପାର୍‌ମେଶ୍ୱାର୍‌ଆଃ ହନ୍‌ତାନ୍‌ମେରେଦ ମାର୍ କୁଣ୍ଡଏତେ ଆଡ଼ଗୁନ୍‌ମେ ଆତଃ ବାଞ୍ଚାଅଏନ୍‌ମେ ।”

୪୧ ଏନ୍ ଲେକାଗି ମୁଲ୍ ଯାଜାକକ, ଆଇନ୍ ଇଡୁକ ଆତଃ ପ୍ରାତିନ୍‌କ ସବେନ୍ ଲାନ୍ଦାକିୟାକ, ୪୨ ଆତଃ କାଜିକିୟାକ, “ଇନିଃଦ୍ ଏଟାଃକକେ ବାଞ୍ଚାଅକେଦକଆଏ, ମେନ୍‌ଦ ଇନିଃ ଆଇଃକ୍‌ଗି ବାଞ୍ଚାଝେନ୍ କାଏ ଦାଡ଼ିତାନ୍ । ଇନିଃ ଇସ୍ରାଏଲ୍‌ରେନ୍ ରାଜା ତାନିଃରେଦ ନାହାଁଃଟି କୁଣ୍ଡଏତେ ଆଡ଼ଗୁନ୍‌କାଏ, ଆତଃ ଆବୁ ସବେନ୍‌କ ଏନା ନେଲ୍‌କେଦତେ ଇନିଃରେବୁ ବିଶ୍ୱାସେତେୟାଃ । ୪୩ ଇନିଃଦ୍ ଆଇଃକ୍‌ଗି ପାର୍‌ମେଶ୍ୱାର୍‌ଆଃ ହନ୍‌ତାନିଙ୍ଗ ମେନ୍ତେ କାଜିୟାଃଏ ଆତଃ ପାର୍‌ମେଶ୍ୱାର୍‌ତାଃରେ ଭାର୍‌ସାକାଦାଏ । ଠାଡ଼କାଗିୟା, ପାର୍‌ମେଶ୍ୱାର୍ ଇନିଃକେ ବାଞ୍ଚାଅ ସାନାଙ୍ଗତାନାଏ ତି କାହା ଏନା ମାର୍‌ବୁ ନେଲେୟା ।”

୪୪ ଆତଃ ଇନିଃଲଃ କୁଣ୍ଡରେ କିଲାକାନ୍ ଏଡ଼କାନ୍ କାମିକିନ୍‌ହରି ନେ ଲେକାଗି ଇନିଃକେକିନ୍ ଲାନ୍ଦାକିୟା ।

ୟୀଶୁଆଃ ଗନଏଃ

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୪୫ ତିକିନ୍‌ସିଙ୍ଗିଏତେ ତାର୍‌ସିଙ୍ଗ ତିନ୍‌ପାଣ୍ଡା ଜାକେଦ୍ ଗଟା ଦିଶ୍‌ମ୍ ନୁବାଃୟାନା । ୪୬ ତାର୍‌ସିଙ୍ଗ ତିନ୍‌ବାଜେ ଇମ୍‌ତାକ ଯୀଶୁ ପୁରାଃତେ କାଉରିକେଦତେ କାଜିକେଦାଏ, “ଏଲୋଇ, ଏଲୋଇ, ଲାମା ସାବାକ୍‌ଆନି ?” ଏନାରାଃ ମୁଣ୍ଡିଦ୍, “ଏ ଆଇୟାଃ ପାର୍‌ମେଶ୍ୱାର୍, ଏ ଆଇୟାଃ ପାର୍‌ମେଶ୍ୱାର୍ ତିନାଃମେନ୍ତେ ଆଇଙ୍ଗକେ ବାଗିକିୟାମ୍ ?”

☆ ୨୭:୪୦ ୨୭:୪୦ ମାଧୁର ୨୭:୨୧; ଯୋହାନ୍ ୨:୧୯.

୪୭ ଏନ୍ତାଃରେ ତିଜୁଆକାନ୍ ଚିମିନ୍ ହଡକ ନେଆଁ ଆୟୁମକେଦତେ, “ଇନିଃ ଏଲିୟକେ ହାକାଅତାନା” ମେନ୍ତେକ କାଜିକେଦା । ୪୮ ଇନକୁଏତେ ମିଆଁଦିନିଃ ନିରୟାବକେଦତେ ସ୍ତୁଞ୍ଜକେ ସାବକେଦାଏ ଆତଃ ମେହେର ରାସିରେ ତୁପୁକେଦତେ ମିଆଁଦ୍ ଜିଲିଙ୍ଗ ସତାରେୟାଃ ତୁଟିରେ ଗୁତୁକେଦାଏ, ଏନ୍ତେ ଇନିଃକେ ହୁଁ ନାଗେନ୍ତେ ଏମ୍‌କିୟାଏ ।

୪୯ ମେନ୍‌ଦ ଏଟାଃକ କାଜିକେଦା, “ରାହା, ନାହାଁଃ ଏଲିୟ ଇନିଃକେ ବାଞ୍ଚାଅ ନାଗେନ୍ତେ ହିଜୁଃଆଏ ଚି କାହା ଏନାବୁ ନେଲେୟା ।”

୫୦ ଯୀଶୁ ଆତଃମିସା ପୁରାଃଗି କାଉରିକେଦାଏ ଆତଃ ଜୀଉତାୟାଃ ଅତଙ୍ଗୟାନା ।

୫୧ ଏନ୍ତେ ମାନ୍ଦିର ଅଡ଼ାଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗ୍‌ଲିଜାଃ ଚେତାନ୍‌ଏତେ ଲାତାର ଜାକେଦ୍ ଥାଲାରେ ବାର୍ ହିସା ଚାଗାଡ଼ୟାନା ଆତଃ ଅତେ ଏକ୍‌ଲାଅକେଦତେ ଚାଟେନ୍‌କ ଫାଡ଼ାଃୟାନା । ୫୨ ଆତଃ ଚିମିନ୍ ତପାଗାଡ଼ାକ ଅଟାଃୟାନା ଆତଃ ପାର୍‌ମେଶ୍‌ବାର୍‌ଆଃ ଚିମିନ୍ ଗଜାକାନ୍ ପାବିତାର୍ ହଡକଆଃ ହଡ଼ମ ଜୀଉବିରିଦ୍‌ୟାନା । ୫୩ ଆତଃ ଇନକୁ ତପାଗାଡ଼ା ବାଗିକେଦତେ ଯୀଶୁଆଃ ଜୀଉବିରିଦ୍ ତାୟମ୍‌ତେ ପାବିତାର୍ ନାଗାର୍ ଯୀରୁଶାଲେମ୍‌ତେ ସେନଃୟାନାକ । ଏନା ପୁରାଃ ହଡକ ଇନକୁକେ ନେଲ୍‌କେଦକଆକ ।

୫୪ ମିଦ୍‌ଶାଅ ସିପାଜକଆଃ ଗମକେ ଆତଃ ଆୟାଃଲଃ ଯୀଶୁକେ ହରଇତାନ୍‌କ ଅତେ ଏକ୍‌ଲାଅଃତେୟାଃ ଆତଃ ସବେନ୍ ହବାୟାନ୍‌ତେୟାଃକ ନେଲ୍‌କେଦତେ ପୁରାଃଗିକ ବରକେଦା ଆତଃ ଆକ୍‌ଦାଆଃତାନ୍‌ଲଃ କାଜିକେଦାକ, “ସାର୍‌ତିଗି ନେ ହଡ଼ ପାର୍‌ମେଶ୍‌ବାର୍‌ଆଃ ହନ୍‌ଗି ତାଜକେନାଏ ।”

୫୫ ଏନ୍ତାଃରେ ଯୀଶୁକେ ଦେଙ୍ଗାକାଇ ପୁରାଃ କୁଡ଼ିକ ସାଙ୍ଗିନ୍‌ଏତେ ନେଲି ତାଜକେନାକ । ଇନକୁ ଗାଲିଲ୍‌ଏତେ ଅତଙ୍ଗ୍‌ଆଉକାଇ ତାଜକେନାକ । ୫୬ ଇନକୁଏତେ, ମାଗ୍‌ଦାଲିନି ମାରିୟାମ୍, ଯାକୁବ୍ ଆତଃ ଯୋଷେଫ୍‌ଆଃ ଏଙ୍ଗାତେ ମାରିୟାମ୍ ଆତଃ ଜେବଦୀୟାଃ ହନ୍‌କଆଃ ଏଙ୍ଗାତେ, ନେ ସବେନ୍‌କ ତାଜକେନା ।

ୟୀଶୁଆଃ ତପାଅଃ

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୫୬ ଆୟୁବୟାନ୍‌ଚି ହାରମାଥୁୟା ସାହାରରେନ୍ ଯୋଷେଫ୍ ନୁତୁମ୍ ମିଆଁଦ୍ କିସାଁଣ୍ ହଡ଼ ହିଜୁଃୟାନାଏ, ଇନିଃହଗି ଯୀଶୁଆଃ ମିଆଁଦ୍ ଚେଲା ତାଜକେନାଏ । ୫୮ ଇନିଃ ପିଲାତୁସ୍‌ତାଃତେ ସେନ୍‌କେଦତେ ଯୀଶୁଆଃ ଗଏଃହଡ଼ମ୍ ଆସିକିୟାଏ, ଏନ୍ତେ ପିଲାତୁସ୍ ଇନିୟାଃ ଗଏଃହଡ଼ମ୍ ଏମାଲ ନାଗେନ୍ତେ ଆତୁକେଦକଆ । ୫୯ ଆତଃ ଯୋଷେଫ୍ ଯୀଶୁଆଃ ଗନଏଃ ହଡ଼ମ୍ ଆଉକେଦତେ ଫାର୍‌ଚି ନିରାଲ୍ ଲିଜାଃତେ ପଟମକେଦାଏ । ୬୦ ଆତଃ ଇନିଃ ଆୟାଃ ନାଗେନ୍ତେ ଚାଟେନ୍‌ରେ ଉରାକାନ୍ ନାଞ୍ଜା ତପାଗାଡ଼ାରେ ଇନିଃକେ ଦହକିୟାଏ ଆତଃ ତପାଗାଡ଼ା ଦୁଆରରେ ମିଆଁଦ୍ ମାରାଙ୍ଗ୍ ଦିରିତେ ବାଟିକେସେଦକେଦତେ ସେନଃୟାନାଏ । ୬୧ ଆତଃ ମାଗ୍‌ଦାଲିନି ମାରିୟାମ୍ ଆତଃ ଏଟାଃ ମାରିୟାମ୍ ତପାଗାଡ଼ା ହେପାଦ୍‌ରେ ଦୁବୟାନାକିନ୍ ।

ତପାଗାଡ଼ାତାଃରେ ଦାରଖାନ୍‌କ

୬୨ ଏଟାଃ ହୁଲାଙ୍ଗ୍, ଅକ୍‌ନାଃଚି ରୁଡ଼ନୁହୁଲାଙ୍ଗ୍‌ରେ ମୁଲ୍ ଯାଜାକ୍‌କ ଆତଃ ଫାରୁଶୀକ ପିଲାତୁସ୍‌ତାଃତେ ସେନଃୟାନାକ ୬୩ ଏଆତଃ କାଜିକିୟାକ, “ହେ ଗମକେ, ଆଲେ ନାହାଁଃ ଜାକେଦ୍ ପାହାମ୍‌କାଦାଲେ ଏନ୍ ବେଦାନିଃ ଜାନିଦ୍ ତାଜକେନ୍‌ରେ ‘ଆଇଙ୍ଗ୍ ଆପିମା ତାୟମ୍‌ତେ ଜୀଉବିରିଦାଇଙ୍ଗ୍’ ମେନ୍ତେ କାଜିକାଦ୍ ତାଜକେନାଏ । ୬୪ ଏନା ନାଗେନ୍ତେ ତପାଗାଡ଼ାକେ ଆପିମା ଜାକେଦ୍ ହର ନାଗେନ୍ତେ ଆତୁକମ୍, କା’ରେଦ ଇନିୟାଃ ଚେଲାକ ନିଦାରେ ହିଜୁଃଆକ ଆତଃ ଗଏଃହଡ଼ମ୍‌କେ କୁମ୍‌ତୁ ଉଦିକେୟାକ ଏନ୍ତେ ଇନିଃ ଗଜାକାନ୍‌କଏତେ ଜୀଉବିରିଦାକାନାଏ ମେନ୍ତେ ହଡକକେ କାଜିୟାକଆକ । ନେ ତୁଣ୍ଡୁବେଦା ପାହିଲା ବେଦାଏତେ ପୁରାଃ ଏଡ଼କାନ୍ ହବାଅଆଃ ।”

୬୫ ପିଲାତୁସ୍ ଇନକୁକେ କାଜିରୁହାଡ଼ାଦକଆଏ, “ଜୁ ଦାରଖାନ୍‌କକେ ଇଦିକପେ ଆତଃ ଏନ୍ ତପାଗାଡ଼ାକେ ବୁଗିଲେକା ହରୟେପେ ।”

୬୬ ଏନ୍ତେ ଇନକୁ ଦାରଖାନ୍‌କଲଃ ସେନ୍‌କେଦତେ ତପାଗାଡ଼ା ବଲତାଃରେ ହାଣ୍ଡେଦାକାନ୍ ଦିରିକେ ମୋହର୍ ଏମ୍‌କେଦତେ ତପାଗାଡ଼ାକେ ହର ନାଗେନ୍ତେ ଦାରଖାନ୍‌କକେ କାଜିକେଦକଆକ ।

☆ ୨୭:୫୫ ୨୭:୫୫ ଲୁକ ୮:୨,୩. ☆ ୨୭:୬୩ ୨୭:୬୩ ମାଧୁର ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୨୮

ୟୀଶୁଆଃ ଜୀଉବିନିରିଦ୍

(ମାର୍କ ୧୬:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

^୧ ରୁଡ଼ନ୍ ହୁଲାଙ୍ଗ ତାୟମତେ, ଏତଆର୍ ହୁଲାଙ୍ଗ ସେତାଃ ଇଦାନରେ ମାଗଦାଲିନି ମାରିୟାମ୍ ଆତଃ ଏଗାଃ ମାରିୟାମ୍ ତପାଗାଡ଼ା ଠାୟାଦତେ ନେନେଲ୍ଲତେକିନ୍ ସେନଃୟାନା । ^୨ ଆତଃ ଏନ୍ତାଃରେ ପୁରାଃଗି ଅତେ ଏକ୍ଲାଅୟାନା ଚିୟାଃତି ପ୍ରାଭୁଆଃ ଦୁଁଡ଼ ସିର୍ମାଏତେ ଆଡ଼ଗୁୟାନା ଏନ୍ତେ ତପାଗାଡ଼ା ସେନକେଦତେ ଦୁଆର୍ତାଃରାଃ ପୁରାଃ ମାରାଙ୍ଗ ଦିରିକେ ବାଟି ଆତମକେଦତେ ଏନାରେ ଦୁଦୟାନାଏ । ^୩ ଇନିଃଦ ହିଟିର୍ ଲେକା ନେଲଃ ତାଇକେନାଏ ଆତଃ ଇନିୟାଃ ଲିଜାଃ ବାରାୟ୍ ଲେକା ପୁଣ୍ଡିଗି ତାଇକେନା । ^୪ ଦାରଝାନ୍କ ଇନିଃକେ ନେଲ୍ଲକେଦତେ ବରତେ ଆରଥାରାୟାନାକ ଆତଃ ଗଜାକାନ୍କ ଲେକା ହବାୟାନାକ ।

^୫ ମେନ୍ଦ ଦୁଁଡ଼ ଏନ୍ କୁଡ଼ିକକେ ମେତାଦକଆଏ, “ଆଲ୍ଲପେ ବରଏୟା । ଆଇଙ୍ଗ ସାରିତାନାଇଙ୍ଗ ଆପେ କୁଣ୍ଡରେ କିଲାୟାନ୍ ଯୀଶୁକେ ଦାଣ୍ଡାତାନାପେ ।” ^୬ ଇନିଃ ନେତାଃରେ ବାଙ୍ଗାୟା ଇନିଃଦ ଆୟାଃ କାଜିଲେକାତେ ଜୀଉବିରିଦାକାନାଏ । ନେତାଃ ହିଜୁଃକେଦତେ ନେଲ୍ଲପେ, ନେତାଃରେ ଇନିୟାଃ ଗଏଃ ହଡ଼ମକେ ଦହକାଦ୍ ତାଇକେନାକ । ^୭ ଆତଃ ଆପେ ଜାଲ୍ଲଦି ସେନକେଦତେ ତେଲା ତାୟାଃକକେ କାଜିୟାକପେ, “ଇନିଃ ଗଜାକାନ୍କଏତେ ଜୀଉବିରିଦାକାନାଏ, ଆତଃ ଆପେଏତେ ଆୟାଃରେ ଇନିଃ ଗାଲିଲ୍ଲତେ ସେନଃତାନା । ଏନ୍ତାଃରେ ଆପେ ଇନିଃକେଦେ ନେଲିୟା ।” ଆଇଙ୍ଗ ଆପେକେ କାଜିକାଦପେତେୟାଃ ପାହାମେପେ ।”

^୮ ନେଆଁ ଆୟୁମକେଦତେ ଇନ୍କୁ ବରତାନରେୟ ପୁରାଃ ରାସକାତାନୁଲଃ ଇମ୍ତାଗି ତପାଗାଡ଼ା ବାଗିକେଦତେ ଆୟାଃ ତେଲାକକେ ଉଦବାକ ନାଗେନ୍ତେ ନିରକେଦାକ ।

^୯ ଇମ୍ତାଙ୍ଗି ଯୀଶୁ ଇନ୍କୁକେ ହିଜୁଃନାମକେଦତେ କାଜିୟାଦକଆଏ, “ଆପେୟାଃ ଜୀଉସୁକୁ ହବାଝକା” ଆତଃ ଇନ୍କୁ ସେନ୍ ହେପାଦକେଦତେ ଇନିୟାଃ କାଟା ସାବକେଦତେ ଜହାଋକିୟାକ ।

^{୧୦} ଏନ୍ତେ ଯୀଶୁ ଇନ୍କୁକେ କାଜିୟାଦକଆଏ, “ଆଲ୍ଲପେ ବରଏୟା, ଆପେ ସେନକେଦତେ ଆଇଁୟାଃ ହାଗାଈକକକେ କାଜିୟାକପେ, ଗାଲିଲ୍ଲତେ ସେନଃପେ ଆତଃ ଏନ୍ତାଃରେ ଇନିଃକେଦେ ନେଲିୟା ।”

ଦାରଝାନ୍କଆଃ ଉନ୍ଦୁଦୁଦ୍

^{୧୧} ଏନ୍ କୁଡ଼ିକ ସେନଃତାଇକେନ୍ ଇମ୍ତା, ତପାଗାଡ଼ା ହରତାଇକେନ୍ ଦାରଝାନ୍ ସିପାଇକଏତେ ଚିମିନ୍ଦକ ନାଗାରତେ ରୁହାଡ଼କେଦତେ ମୁଲ୍ଲ ଯାଜାକକକେ ହବାଲେନ୍ତେୟାଃ ସବେନାଃ ଉଦୁବାଦକଆକ ।

^{୧୨} ଆତଃ ମୁଲ୍ଲ ଯାଜାକକ ଆତଃ ପ୍ରାଚିନ୍ଦକ ହୁଣ୍ଡିକେଦତେ ବାଣ୍ଡାଣ୍ ବାଇକେଦାକ ଏନ୍ତେ ଦାରଝାନ୍ ସିପାଇକକେ ପୁରାଃ ଟାକା ଏମକେଦତେ, ^{୧୩} କାଜିକେଦକଆକ, “ଆଲେ ଦୁଡ଼ମ୍ପାକାନ୍ ତାଇକେନ୍ ଇମ୍ତା ଇନିୟାଃ ତେଲାକ ନିଦାରେ ହିଜୁଃକେଦତେ ଇନିଃକେ କୁମ୍ପୁଡୁ ଛୁଦିକିୟାକ ମେନ୍ତେ କାଜିୟାକପେ । ^{୧୪} ଆତଃ ନେ କାଜି ରୋମିରେନ୍ ଲାବ୍‌ସାହେଦ୍ ଆୟୁମେରେଦ ଆଲେ ଇନିଃକେ ବୁଗିଲେକା କାଜିତାଇୟାଲେ ଯେ, ଆପେୟାଃ ଜେତାନ୍ ଗୁଣ୍ଡାଁ ବାନଆଃ । ନେ ବିଷାଏରେ ଆପେ ଜେଡ଼ନାଃ ଆଲ୍ଲପେ ଉଡ଼ୁୟା ।”

^{୧୫} ଦାରଝାନ୍ ସିପାଇକ ଟାକା ନାମକେଦତେ ଇନ୍କୁ ଇଡୁକାଦକ ତାଇକେନ୍ ଲେକାକ କାଜିକେଦା ଆତଃ ଏନ୍ କାଜି ହିୟୁଦାକଆଃ ଆଲାରେ ନିତିରୟାନା ଆତଃ ତସିଙ୍ଗ୍ ଜାକେଦ୍ ମେନାଃ ।

ୟୀଶୁ ଆୟାଃ ତେଲାକତାଃରେ ଉଦୁବେନ୍ୟାନା

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୬-୮)

^{୧୬} ଏଗାରାଝାନ୍ ତେଲାକ ଗାଲିଲ୍ଲତେ ସେନକେଦତେ ଯୀଶୁ କାଜିକାଦକ ତାଇକେନ୍ ବୁରୁତେକ ସେନଃୟାନା । ^{୧୭} ଏନ୍ତାଃରେ ଇନ୍କୁ ଯୀଶୁକେ ନେଲ୍ଲକେଦତେ ଜହାଋକିୟାକ ମେନ୍ଦ ଚିମିନ୍ଦକ ଆତାଃଉଡ଼ୁୟାନା । ^{୧୮} ଏନ୍ତେ ଯୀଶୁ ଇନ୍କୁତାଃରେ ହିଜୁଃକେଦତେ କାଜିକେଦକଆଏ, “ସିର୍ମା ଆତଃ ଅତେରେୟାଃ ସବେନ୍ ଆକ୍ତେୟାର୍ ଆଇୟାଃ ତିଃଇରେ ଏମାକାନା, ^{୧୯} ଏନାମେନ୍ତେ ସେନଃପେ ଆତଃ ଅତେଦିଶୁମରେନ୍ ସବେନ୍ ହଡ଼କକେ ଆଇଁୟାଃ ତେଲା ବାଇକପେ ଆତଃ ଇନ୍କୁକେ ଆପ୍, ହନ୍ ଆତଃ ପାବିତାର୍ ଆମ୍ପାରାଃ ନୁଡୁମତେ ବାପ୍ତିସ୍ମାକପେ ।” ^{୨୦} ଆତଃ ଆଇଙ୍ଗ ଆଡୁକାଦ୍ ସବେନାଃ ମାନାଡ଼ିଙ୍ଗ ନାଗେନ୍ତେ ଇଡୁକପେ ଆତଃ ସାରିଜମେପେ, ଆଇଙ୍ଗ ଅତେଦିଶୁମରେୟାଃ ଟୁଣ୍ଡୁ ଦିପିଲି ଜାକେଦ୍ ଆପେଲଃ ସବେନ୍‌ଇମ୍ତା ତାଇନାଇଙ୍ଗ ।”

☆ ୨୮:୧୬ ୨୮:୧୭ ମାଧୁର ୨୬:୩୨; ମାର୍କ ୧୪:୨୮. ☆ ୨୮:୧୯ ୨୮:୧୯ ପ୍ରେରିଡ଼ ୧:୮.

ମାର୍ଚ୍ଚ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାର୍ଚ୍ଚ ଅଲୀକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିତ୍ୟ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ ନାଞ୍ଜା ନିୟାମରାଃ ଚାରୁ ପୁଅକଏତେ ମାର୍ଚ୍ଚ ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡି “ବୁଗିନ୍ କାଜି” ତାନାଃ । ଯୀଶୁଆଃ ଗନଏଃ ତାୟମତେ, ଏନ୍ ସୁକୁକାଜିକେ ମାଥୁର, ମାର୍ଚ୍ଚ, ଲୁକ, ଆତଃ ଯୋହାନ୍ ତିକୁ ଅଲୀକାଦାଃକ । ଉପୁନିୟା ସୁକୁକାଜିକଏତେ ମାର୍ଚ୍ଚ ହବାଅଃତାନା ସବେନ୍ଏତେ ହୁଡିଙ୍ଗ୍ । ନେ କାଜିୟଗି ବିଶ୍ୱାସଃ ତାନା ଯେ, ନେ ସୁକୁକାଜି ସବେନ୍ ସୁକୁକାଜି ଏତେ ସିଦା, ଯୀଶୁତାୟମ୍ ୬୫-୭୦ କରେ ଅଲୀକାନା । ତିମିନ୍ ବାଲବେଲ୍ ପାଣ୍ଡିଡକ ବିଶ୍ୱାସେତାନାକ, ରୋମରେ ତାଇନଃତାନ ଖ୍ରୀଷ୍ଟ ବିଶ୍ୱାସୀକକେ ବିଶ୍ୱାସରେ କେଟେଦଃ ନାଗେଡ୍ରେ ରୋମରେ ନେ ସୁକୁକାଜି ଅଲୀକାନ୍ ତାଇକେନା ।

ମାର୍ଚ୍ଚ, ଅକଏତି ଯୋହାନ୍ ମାର୍ଚ୍ଚ ନୁତୁମତେ ସାରିଅଃତାଇକେନାଏ, ଜିନିଃ ପାଉଲୁୟ ଆତଃ ବର୍ଣ୍ଣବାସରାଃ ଗାତି ତାଇକେନାଏ, ମେନ୍ଦ ତିମତା ଜିନିଃ ଜନକୁଆଃ ସେଞ୍ଜାମିରାଃ ସେନଃରେ ବାଗିକେଦ୍ତେ ରୁହାଡ଼ୟାନାଏ, ଜମତା ଜିନିୟା ନୁତୁମରେ ଆଞ୍ଜ ହିଜୁଃୟାନା ପ୍ରେରିଡ୍ ୧୩:୧୩ । ତାୟମତେ ଆତଃମିସା ଜିନିଃ ବର୍ଣ୍ଣବାସଲଃ ସେଞ୍ଜାମି ନାଗେଡ୍ରେ ସେନଃୟାନାଏ ପ୍ରେରିଡ୍ ୧୫:୩୭-୩୯ । ମାର୍ଚ୍ଚହଗି ପାଡ଼ରାସରାଃ ମିଆଁଦ୍ ଦୁଲ୍ଲାଡ୍ ଗାତି ମେଡ୍ରେ ସାରିଅଃତାଇକେନାଏ ୧ ପାଡ଼ରାସ୍ ୫:୧୩ । ମାର୍ଚ୍ଚ ଯୀଶୁଆଃ ଜୀଞ୍ଜାନକେ ମେଦ୍ତେ କାଏ ନେଲ୍କାଇରେୟଗି, ବାଲବେଲ୍ ପାଣ୍ଡିଡକ ବିଶ୍ୱାସେତାନାକ ଯେ, ଜିନିଃ ପାଡ଼ରାସରାଃ ଗାଞ୍ଜାଇଲେକାତେ ଆୟାଃ ସୁକୁକାଜିକେ ଅଲୀକାଦାଏ । ନେ ସୁକୁକାଜିରେ ମାର୍ଚ୍ଚ ଚେଲ୍ବାବାଇ ଆତଃ ରୁଣ୍ଡ ଦିପିଲି ବିଷାଏରେ ଯୀଶୁଆଃ ଜିନିତୁକେ ଉଦୁବାକାଦା ।

ମାର୍ଚ୍ଚ ନେ ପୁଅରେ ଯୀଶୁ ଖ୍ରୀଷ୍ଟକେ ଲେବେଃ ଦାସି ଆତଃ ଆପୁ ପାର୍ମେଶ୍ୱାରରାଃ ସାନାଙ୍ଗ୍ ପୁରାନାଙ୍ଗ୍ ସବେନ୍ ନେତାରେ ତାୟାରାକାନ୍ କାଜି ମାନାତିଙ୍ଗ୍ ହନ୍କଡା ଲେକା ଉଦୁବିତାନାଏ, ଏନାମେଡ୍ରେ ଜିନିଃ ବିଶେଷକେଦ୍ତେ, ପ୍ରାଭୁ ଯୀଶୁଆଃ ପେଡ୍ରେୟାନ୍ କାମିକ ବିଷାଏରେ ଅଲ୍ଲକେଦା । ଦିଶୁମରାଃ ସବେନ୍କତାଃରେ ପାର୍ମେଶ୍ୱାରରାଃ ସୁକୁକାଜି ପ୍ରାଚାର୍ ଉକାରାଃ ମାରାଙ୍ଗ୍ ଆନ୍ଦୁହଗି ନେ ସୁକୁକାଜିରେ ଅଲୀକାନା ।

ପୁଅ ବିତାଡରେ ତାଇକାନ୍ କାଜି

- ୧. ବାପ୍ତିସ୍ମା ଏମଃନିଃ ଯୋହାନ୍ ଆତଃ ଯୀଶୁଆଃ ବାପ୍ତିସ୍ମା । ୧:୧-୧୩
- ୨. ଗାଲିଲ୍ରେ ପ୍ରାଭୁ ଯୀଶୁଆଃ ସେଞ୍ଜା । ୧:୧୪-୯:୫୦
- ୩. ଯୀରୁଶାଲେମତେ ସେନଃ ଆତଃ ମାନ୍ଦିର୍ ଅଡ଼ାଃରେ ବଲଃ । ୧୦:୧-୧୨:୪୪
- ୪. ହିଜୁଃ ବିଷାଏକରାଃ ଆୟାର୍କାଜି । ୧୩:୧-୩୭
- ୫. ଯୀଶୁଆଃ ଗନଏଃ ଆତଃ ଜୀଉଗିନିରିଡ୍ । ୧୪:୧-୧୬:୨୦

ଯୋହାନ୍ ବାପ୍ତିସ୍ମା ଏମଃନିଃରାଃ ପ୍ରାଚାର୍
(ମାଥୁର ୩:୧-୧୨; ଲୁକ ୩:୧-୧୮; ଯୋହାନ୍ ୧:୧୯-୨୮)

୧ ନେଆଁ ପାର୍ମେଶ୍ୱାର୍ ଆଃ ହନ୍ ଯୀଶୁ ଖ୍ରୀଷ୍ଟ*ଆଃ ସୁକୁକାଜିରାଃ ଏନେଟେଦ୍ । ୨ ଯିଶାୟ ନାବୀ* ଅଲୀକାଦ୍ ପୁଅ ଲେକାତେ,

“ପାର୍ମେଶ୍ୱାର୍ କାଜିକେଦାଏ, ‘ଆଲେ ଆମାଃଏତେ ସିଦାରେ ଆଲେୟାଃ ଦୁଁଡକେଲେ କୁଲିତାନା ଜିନିଃ ଆମାଃ ନାଗେଡ୍ରେ ପାହିଲାରେ ହରା ବାଇୟାଏ ।’

୩ ଜେତାଏ ମିହୁଡ୍ ବିରରେ କାଉରିକେଦାଏ,
‘ପ୍ରାଭୁଆଃ ହରା ବାଇୟେପେ,

ଆୟାଃ ଏଙ୍ଗବେଙ୍ଗ୍ ହରା ସିଧାଏପେ ।’”

୪ ଏଡ୍ରେ ବାପ୍ତିସ୍ମା ଏମଃନିଃ ଯୋହାନ୍ ବିରରେ ସେଟେରତାନଲଃ, ଜିନିଃ ହଡକକେ କାଜିୟାଦ୍କଆ,
“ପାଦ୍ଏତେ ମନ୍ଦୁହାଡ୍ରେପେ ଆତଃ ବାପ୍ତିସ୍ମାଆଃପେ, ଏନାରେ ପାର୍ମେଶ୍ୱାର୍ ଆପେୟାଃ ପାପ୍କ

* ୧:୧ ୧:୧ ମାସି, † ୧:୨ ୧:୨ କାଜି ଆୟାର୍ଜିନିଃ

ଛାମାପେୟାଏ ।” ୫ ଏନ୍ତେ ଯିହୁଦା ରାଜଜ୍ଞ, ଯୀରୁଶାଲେମ୍ ନାଗାରୁଏତେ ଆତଃ ଯାଦୀନ୍ ନାହିଁ ରାଃ ସବେନ୍ ହପରଜାପାଃରେନ୍ ହଡକ ଯୋହାନ୍ତାଃ ଆୟୁମ୍ ନାଗେନ୍ତେ ହିଜୁଃୟାନାକ । ଏନ୍ତେ ହଡକ ଆକଆଃ ପାପକ ପାଟିୟାବ୍ରେକେଦା ଏନ୍ତେ ଜନିଃ ଯାଦୀନ୍ ନାହିଁରେ ଜନକୁକେ ବାପ୍ତିସ୍ତାକେଦକଥା ।

୬ ଯୋହାନ୍ ଉର୍ବରାଃ ଉବ୍ରେତେ ବାଜୟାକାନ୍ ଲିଜାଃ ତୁସିଙ୍ଗ୍ ଅଃତାନ୍ ତାଜକେନାଏ, ଆୟାଃ ମାୟାଙ୍ଗ୍ରେ ଉହୁରରାଃ କାସ୍ନା ତଲଃ ତାଜକେନାଏ ଆତଃ ଜନିଃ ସନ୍ସବରେଦ୍ ଆତଃ ହୁରୁମ୍ସୁଜ୍ ଜମ୍ବକତାନ୍ ତାଜକେନାଏ । ୭ ଜନିଃ ପାର୍ତାରେତାନ୍ଲଃ କାଜିୟାଦ୍ବକଥାଏ, “ଆଜଙ୍ଗ୍ ଏତେ ପୁରାଃଟି ପେଡ଼େୟାନ୍ନିଃ ଆଇଁୟାଃ ତାୟମ୍ତେ ହିଜୁଃତାନା, ଉଜ୍ଞୁଦ୍ବକେଦ୍ରେ ଜନିୟାଃ ଖାର୍ପାରେୟାଃ ତନଲ୍ ରାଡ଼ାଏ ଲେକାନ୍ନିଃ ନାହିଁଲିଙ୍ଗ୍ । ୮ ଆଜଙ୍ଗ୍ଦ୍ ଆପେକେ ଦାଆଃତେ ବାପ୍ତିସ୍ତାପେ ତାନାଜଙ୍ଗ୍, ମେନ୍ଦ୍ ଜନିଃ ଆପେକେ ପାବିତାର୍ ଆମ୍ବ୍ରେତେ ବାପ୍ତିସ୍ତା ଏମାପେୟାଏ ।”

ୟୀଶୁଆଃ ବାପ୍ତିସ୍ତା ଆତଃ ବିଡ଼ାଅ

(ମାଥୁର ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ଏନ୍ ଦିପିଲିରେ ଯୀଶୁ ଗାଲିଲ୍ ପାର୍ଗାନ୍ରେୟାଃ ନାଜ୍ରେଡ୍ ନାଗାରୁଏତେ ଯାଦୀନ୍ ନାହିଁତେ ହିଜୁଃୟାନା, ଆତଃ ଯୋହାନ୍ ଯୀଶୁକେ ବାପ୍ତିସ୍ତା ଏମ୍ବକିୟାଏ । ୧୦ ଆତଃ ଯୀଶୁ ଦାଆଃ ଭିତାରୁଏତେ ବାହାରି ଅତଙ୍ଗ୍ୟାନ୍ ଜମ୍ବତା ଜନିଃ ସିର୍ମା ନିଜାକାନ୍ ଆତଃ ପାବିତାର୍ ଆମ୍ବ୍ ଦୁଦୁମ୍ଲ୍ ଲେକା ଆୟାଃ ତେତାନ୍ରେ ଆଡ଼ଗୁତାନାଏ ନେଲ୍କିୟା । ୧୧ ଆତଃ ସିର୍ମାଏତେ ନେଲ୍କା କାଜି ଆୟୁମ୍ୟାନା, “ଆମ୍ବ୍ ଆଇଁୟାଃ ଦୁଲାଡ଼୍ ହନ୍, ଅକଏକେତି ଆଜଙ୍ଗ୍ ଦୁଲାଡ଼ାଃ; ଆମାଃତାଃରେ ଆଇଁୟାଃ ପୁରାଃଟି ସୁକୁ ।”

୧୨ ଜମ୍ବତାଗି ପାବିତାର୍ ଆମ୍ବ୍ ଯୀଶୁକେ ବିବ୍ରେତେ ଜଦିକିୟା । ୧୩ ଯୀଶୁ ଏନ୍ତାଃରେ ବାର୍ହିସି ନିଦାସିଲ୍ ତାଜକେନାଏ, ଆତଃ ସାଏତାନ୍ ଜନିଃକେ ବିଡ଼ାଅକିୟା । ଜନିଃ ବିର୍ ଜାଡ଼ୁକଲଃ ତାଜକେନାଏ ଆତଃ ଦୁଡ଼କ ହିଜୁଃକେଦ୍ରେତେ ଜନିଃକେ ସୁସାର୍ ଏବେଦ୍କିୟାକ ।

ୟୀଶୁ ଚାର୍ଖାନ୍ କେଉଁବ୍ବକେ କେଡ଼ାକତାନାଏ

(ମାଥୁର ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଯୋହାନ୍ ଜେହେଲ୍ୟାନ୍ ତାୟମ୍ତେ, ଯୀଶୁ ଗାଲିଲ୍ ସାହାର୍ରେତେ ହିଜୁଃୟାନାଏ ଆତଃ ପାର୍ମେଶ୍ଵାରରାଃ ସୁକୁକାଜି ଉଦୁବ୍ବଦାଡ଼ାକେଦାଏ । ୧୫ ନେତା ପୁରାୟାନା, ଆତଃ ପାର୍ମେଶ୍ଵାର୍ଆଃ ରାଜଜ୍ଞ ଆପେତାଃ ନାଡ଼େୟାକାନା ! ଆପେୟାଃ ପାପ୍ହେତେ ମନ୍ଦୁହାଡ଼େପେ ଆତଃ ସୁକୁକାଜିରେ ବିଶ୍ଵାସେପେ” ମେନ୍ତେ ଜନିଃ କାଜିକେଦ୍ବକଥାଏ ।

୧୬ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଜମ୍ବତା ଶିମୋନ୍ ଆତଃ ଆୟାଃ ହାଗାତେ ଆନ୍ଦ୍ରିୟକେ ଦରେୟାରେ ଜାଲୋମ୍ ହୁଦ୍ମାକେଦ୍ରେତେ ହାକୁ ସାଦ୍ତାନ୍ ନେଲ୍କେଦ୍ବକିନାଏ, ତିୟାଃଟି ଜନକିନ୍ଦ୍ କେଉଁବ୍ବକିନ୍ ତାଜକେନା । ୧୭ ଯୀଶୁ କାଜିକେଦ୍ବକିନାଏ, “ଦେଲା ଆଜଙ୍ଗ୍କେ ଅତଙ୍ଗ୍ଜଙ୍ଗ୍ବେନ୍, ଆଜଙ୍ଗ୍ ଆବେନ୍ଦ୍ବକେ ହଡକକେ ପାର୍ମେଶ୍ଵାର୍ତାଃତେ ଆଉତେୟାଃ ଜଡ଼ୁବେନାଜଙ୍ଗ୍ ।” ୧୮ ଜନକିନ୍ ଜମ୍ବତାଙ୍ଗ୍ଗି ଜାଲୋମ୍ ବାଗିକେଦ୍ରେତେ ଯୀଶୁକେ ଅତଙ୍ଗ୍କିୟାକିନ୍ ।

୧୯ ଆତଃ ଯୀଶୁ ଏନ୍ତାଃଏତେ କାଟିଃସାଜିନ୍ ଆୟୁର୍ରେତେ ସେନ୍ଦ୍ବକେଦ୍ରେତେ ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍ନକେ ଲାଉକାରେ ଜାଲୋମ୍ ଚାପିତାନ୍ ନେଲ୍କେଦ୍ବକିନାଏ । ୨୦ ଆତଃ ଜମ୍ବତାଙ୍ଗ୍ଗି ଯୀଶୁ ଜନକିନ୍ଦ୍ବକେ କେଡ଼ାକେଦ୍ବକିନାଏ, ଆତଃ ଜନକିନ୍ ଆକିନାଃ ଆପୁ ଜେବଦାକେ ନାଲାମାମ୍ ହଡକଲଃ ଲାଉକାରେ ବାଗିକେଦ୍ରେତେ ଯୀଶୁକେ ଅତଙ୍ଗ୍କିୟାକିନ୍ ।

ବଙ୍ଗା ଏସେରାକାନ୍ ହଡକେ ଯୀଶୁ ବୁଗିକିୟାଏ

(ଲୁକ ୪:୩୧-୩୭)

୨୧ ଏନ୍ତେ ଯୀଶୁ ଆୟାଃ ତେଲାକଲଃ କପର୍ନାହୁମ୍ ସାହାର୍ରେତେ ସେନଃୟାନାଏ, ଆତଃ ଜନିଃ ରୁଡ଼ନ୍ ହୁଲାଙ୍ଗ୍ରେ ସାମାଜ୍ ଅଡ଼ାଃରେ ୧ ବଲକେଦ୍ରେତେ ଧାରାମ୍ କାଜି ଉଦୁବ୍ ଏବେଦ୍ବକେଦାଏ । ୨୨ ଆୟାଃ ଧାରାମ୍ କାଜି ଆୟୁର୍ବକେଦ୍ରେତେ ହଡକ ଆକ୍ଦାଦାୟାୟାନାକ, ତିୟାଃଟି ଜନିଃ ଆଜିନ୍ ଜଡ଼ୁକ ଲେକାଦ୍ କାହା, ମେନ୍ଦ୍ ମିଆଁଦ୍ ଆକ୍ତେୟାର୍ ନାମାକାଦ୍ନିଃଲେକା ଜନକୁକେ ଧାରାମ୍ କାଜି ଉଦୁବ୍ବକ ତାଜକେନାଏ ।

‡ ୧:୧୦ ୧:୧୦ ପାରା ✱ ୧:୧୧ ୧:୧୧ ମାଥୁର ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨. ✱ ୧:୧୫ ୧:୧୫ ମାଥୁର ୩:୨. § ୧:୨୧ ୧:୨୧ ଯିହୁଦାକଆଃ ବିକ୍ରିଅଡ଼ାଃ ✱ ୧:୨୨ ୧:୨୨ ମାଥୁର ୭:୨୮, ୨୯.

୨୩ ଇମ୍ବତାଗି ଇନ୍ଦ୍ରକୁଆଃ ସାମାଜ୍ ଅଡ଼ାଃରେ ମିଆଁଦ୍ ସତ୍ତରା ଆମ୍ବାତେ ଏସେରାକାନ୍ ହଡ଼ କାଉରିକେଦାଏ, ୨୪ “ହେ ନାଜ୍ରେଡ଼ରେନ୍ ଯୀଶୁ, ଆଲେଲୁଆଃ ଆମାଃ ଚିକାନ୍ କାମି ? ଆମ୍ ତିନାଃ ଆଲେକେ ଜିୟନ୍ ନାଗେଗ୍ରେମ୍ ହିଜୁଆକାନା ? ଆମ୍ ପାର୍ମେଶ୍ୱାର୍ଆଃ ପାବିତାର୍ନିଃ ତାନ୍ମେ, ଏନା ଆଇଜ୍ ସାରିତାନାଇଜ୍ ।”

୨୫ ଯୀଶୁ ଇନିଃକେ ମାରାଜ୍ମତାକେଦ୍ତେ କାଜିକିୟାଏ, “ହାପାଅଃମେଁ, ଆତଃ ଇନିଃତାଃଏତେ ଅଡ଼ଜ୍ଆଃମେ ।”

୨୬ ଏଗ୍ରେ ଏନ୍ ସତ୍ତରା ଆମ୍ବା ଇନିଃକେ ମୁରୁକୁଟାଅକିୟାଏ ଆତଃ କାରରିତାନ୍ଲୁଃ ଇନିଃତାଃଏତେ ଅଡ଼ଜ୍ଆଃମେ । ୨୭ ନେୟାଁ ନେଲ୍ଲକେଦ୍ତେ ସବେନ୍କ ନେଲ୍ଲେକା ଆକ୍ଦାୟାୟାନାକ ଯେ, ଇନ୍ଦ୍ରକୁ ଆକ ଆକଗି କୁଲ୍ଲିୟଃତାନ୍କ ତାଇନ୍କେନା “ନେୟାଁ ଚିକ୍ନାଃ ? ନେଆଁଦ୍ ନାଞ୍ଜା ଇତୁ ! ନିଃଦ୍ ଆକ୍ତେୟାର୍ତେ ସତ୍ତରା ଆମ୍ବାକକେ ଅଡ଼ଜ୍ଆଃ ନାଜ୍ ଆଚୁକତାନାଏ ଆତଃ ଇନ୍ଦ୍ରକୁ ଇନିୟାଃ କାଜିକି ମାନାଡ଼ିଜ୍ତାନା ।”

୨୮ ଆତଃ ଯୀଶୁଆଃ କାଜି ଇମ୍ବତାଗି ଗାଲିଲ୍ ଦିଶୁମ୍ବାରାଃ କଚାକୁନି ସବେନ୍ସାଃରେ ନିଡ଼ିୟାନା ।

ୟୀଶୁ ଦୁକୁହାସୁତାନ୍କକେ ବୁଗିକୁତାନାଏ
(ମାଥ୍ୱର ୮:୧୪-୧୭; ଲୁକ ୪:୩୮-୪୧)

୨୯ ଇମ୍ବତାଜ୍ଗି ଯୀଶୁ ଆତଃ ଆୟାଃ ଚେଲ୍ଲାକ ସାମାଜ୍ ଅଡ଼ାଃ ବାଗିକେଦ୍ତେ, ଯାକୁଦ୍ ଆତଃ ଯୋହାନ୍ନଲୁଃ, ଆନ୍ଦ୍ରିୟ ଆତଃ ଶିମୋନ୍ଆଃ ଅଡ଼ାଃତେ ସେନଃୟାନାକ । ୩୦ ଶିମୋନ୍ଆଃ ହାନାର୍ତେ ଉରିୟୁତେ ପାର୍ମେଶ୍ୱାର୍ ବାଟିୟାକାନ୍ ତାଇକେନାଏ, ଆତଃ ଇମ୍ବତାଗି ଇନିୟାଃ କାଜି ଯୀଶୁକେ ଉଦୁବ୍କିୟାଃକ । ୩୧ ଏଗ୍ରେ ଯୀଶୁ ଇନିୟାଃ ଜାପାଃତେ ସେନ୍ୟାନ୍ତିଃ ଇନିୟାଃ ତିଃଇ ସାବ୍କେଦ୍ତେ ବିରିଦ୍କିୟାଏ ଆତଃ ଇନିଃ ଉରିୟୁଏତେ ବୁଗିୟାନା, ଆତଃ ଇନିଃ ଇନ୍ଦ୍ରକୁକେ ସୁସାର୍ ଏଟେଦ୍କେଦ୍କଆ ।

୩୨ ସିଜ୍ଜିହାସୁରଃ ତାନ୍ରେ ହଡ଼କ ପୁରାଃ ବଜ୍ଜା ଏସେରକାନ୍ ଆତଃ ଦୁକୁହାସୁତାନ୍ ସବେନ୍ ହଡ଼କକେ ଯୀଶୁତାଃତେକ ଆଉକେଦ୍କଆ । ୩୩ ଆତଃ ଏନ୍ ସାହାର୍ରେନ୍ ହଡ଼କ ଏନ୍ ଅଡ଼ାଃ ଦୁଆରୁରେକ ହୁଣ୍ଡିୟାନା । ୩୪ ଏନ୍ରେଦ୍ ଯୀଶୁ ଚିମିନ୍ ରାକାମରେନ୍ ହାସୁ ଦୁକୁତାନ୍ ଚିମିନ୍ ଚିମିନ୍ ହଡ଼କକେ ବୁଗିକେଦ୍କଆଏ, ଆତଃ ଚିମିନ୍ ଚିମିନ୍ ବଜ୍ଜାକକେ ହାଡ଼ଅଡ଼ଜ୍ କେଦ୍କଆଏ, ଆତଃ ଇନିଃ ବଜ୍ଜାକକେ କାଏ କାଜି ଇଚିକେଦ୍କଆ, ଚିୟାଃଚି ଇନ୍ଦ୍ରକୁ ଯୀଶୁକେ ସାରିତାଇକେନାକ ।

ୟୀଶୁ ଗାଲିଲ୍ରେ ସୁକୁକାଜି ଉଦୁବ୍କେଦାଏ
(ଲୁକ ୪:୪୨-୪୪)

୩୫ ଏଗାଃ ହୁଲ୍ଲାଇ ଆଜ୍ମାୟାଲ୍ ଝୁଲ୍ପୁଲ୍ଲୁନ୍ବଃ ତାଇନ୍ଲୁଃଗି ଯୀଶୁ ବିରିଦ୍କେଦ୍ତେ ସିଃସଏଃ ଠାୟାଦ୍ତେ ସେନଃୟାନାଏ ଆତଃ ଏଗ୍ରାଃରେ ବିକ୍ତିକେଦାଏ । ୩୬ ମେନ୍ଦ୍, ଶିମୋନ୍ ଆତଃ ଗାଡ଼ି ତାୟାଃକ ଯୀଶୁକେ ଦାଣିଁ ନାମ୍କେଦ୍ତେ, ୩୭ ଆୟାଃତାଃକ ହିଜୁଃୟାନା ଆତଃ କାଜିକିୟାଃକ, “ସବେନ୍କ ଆମ୍ବକେ ଦାଣିଁବାଡ଼ାତାନାକ ।”

୩୮ ମେନ୍ଦ୍ ଇନିଃ କାଜିୟାଦ୍କଆଏ, “ଦଲ୍ଲା, ଜାପାଃକରାଃ ହାଡ଼ତେବୁ ସେନଆଃ, ଜେଲ୍ଲେକାଚି ଏଗ୍ରାଃକରେହିଁ ଆଇଜ୍ କାଜିକି ଉଦୁବେୟାଈଜ୍, ଚିୟାଃଚି ଏନା ନାଗେଗ୍ରେ ପାର୍ମେଶ୍ୱାର୍ ଆଇଜ୍କେ କୁଲ୍ଲାକାଈଜ୍ୟାଁ ।”

୩୯ ଏଗ୍ରେ ଇନିଃ ଇନ୍ଦ୍ରକୁଆଃ ସାମାଜ୍ ଅଡ଼ାଃକରେ ଇତୁକେଦ୍କଆ ଆତଃ ବଜ୍ଜାକକେ ହାଡ଼ତାନ୍ଲୁଃ ଗଟା ଗାଲିଲ୍ ହନର୍କେଦାଏ ।

ୟୀଶୁ ମିଆଁଦ୍ ନାଗେଗ୍ଆନିଃକେ ବୁଗି ତାନାଏ
(ମାଥ୍ୱର ୮:୧-୪; ଲୁକ ୫:୧୨-୧୬)

୪୦ ମୁସିଜ୍ ହୁଲ୍ଲାଇ ମିଆଁଦ୍ ନାଗେଗ୍ଆନିଃ ଯୀଶୁତାଃ ଦେଜ୍ଆସି ମେଗ୍ରେ ହିଜୁଃୟାନାଏ, ଆତଃ ଇକ୍ତୁଦ୍ମୁକେଦ୍ତେ ବିକ୍ତିତାନ୍ଲୁଃ କାଜିକିୟାଏ, “ଆମ୍ ସାନାଜ୍ରେଦ୍ ଆଇଜ୍କେ ବୁଗିନିୟାଡ଼୍* ଦାଡ଼ିୟାମ୍ ।”

୪୧ ଏଗ୍ରେ ଯୀଶୁ ଦାୟାତେ ପେରେଃୟାନାଏ ଆତଃ ଆୟାଃ ତିଃଇ ଜିଲ୍ଲିଜ୍କେଦ୍ତେ କୁଡ଼ିଦ୍କିୟାଏ ଆତଃ କାଜିକିୟାଏ, “ଆଇଜ୍ ସାନାଜ୍ତାନିଜ୍ ଆମ୍ ବୁଗିନିୟାଃରେମେ ।” ୪୨ କାଜିଡ଼ିୟାଗି ଇନିୟାଃ ନାଗେଗ୍ଆ ନିର୍ୟାନା ଆତଃ ଇନିଃ ବୁଗିୟାନାଏ । ୪୩ ଏଗ୍ରେ ଯୀଶୁ ଇମ୍ବତାଗି ଏଗ୍ରାଃଏତେ କୁଲ୍ଲିକିୟାଏ, ଆତଃ

* ୧:୩୯ ୧:୩୯ ମାଥ୍ୱର ୪:୨୩; ୯:୩୫. * ୧:୪୦ ୧:୪୦ ସିହୁଦାକଆଃ ଲେକାତେ ନାଗେଗ୍ଆ ତାଇକାନ୍ ହଡ଼ ସତ୍ତରା କାଜିୟାଃ ତାଇକେନା ଆତଃ ପାର୍ମେଶ୍ୱାର୍ବାରାଃ ସେଞ୍ଜା କାଏ ଦାଡ଼ିତାଇକେନା

ମାରାଜ୍ଞମତାତେ କାଜିକିୟାଏ, ^{୪୪} “ଆୟୁମେମେ, ଜେତାଏକେ ନେ କାଜି ଆଲମ୍ ଉଦୁବକଆଃ, ମେନ୍ଦ, ଜୁ, ଯାଜାକତାଃରେ ଉଦୁବେନ୍ମେ ଆତଃ ଜନିଃ ନେଲ୍ମେକାଏ, ଏନ୍ତେ ଆମ୍ ବୁଟିଫାବ୍ରିୟଃତେୟାଃ ସବେନ୍ ହଡକଆଃ ସାରିନାଗେନ୍ତେ, ମୁଣା ହୁକୁମାକାଦଲେକା ଦାଗୈରାକାବେମେ ।”

^{୪୫} ମେନ୍ଦ ଏନ୍ ହଡ ସେନଃୟାନ୍ତି ନେ କାଜି ସବେନ୍ତାଃରେ ଉଦୁବ୍ ଏଟେଦକେଦାଏ, ଜନିୟାଃ ନେ କାଜି ମେନ୍ତେ ଯୀଶୁ ଜେତାନ୍ ସାହାରରେ ହଡକଆଃ ଆୟୁରେ କାଏ ବଲ୍ ଦାଡିକେନା, ଆତଃ ସିଃସଏଃ ଠାୟାଦ୍ରେ ତାଇନ୍ଦବାଡାୟାନାଏ, ହଲେହି ହଡକ ସବେନ୍ସାଃଏତେ ଜନିଃତାଃତେ ହିଜୁଃତାନ୍ ତାଇକେନାକ ।

୨

ୟୀଶୁ ମିଆଁଦ୍ ବାଡକାନ୍ନିଃକେ ବୁଟିକିୟାଏ (ମାଥୁର ୯:୧-୮; ଲୁକ ୫:୧୭-୨୬)

^୧ ଚିମିନ୍ ମାହାଁ ତାୟମତେ, ଯୀଶୁ କପରନାହୁମତେ ଆଇଃକ୍ ତାଇନଃ ଅଡ଼ାଃତେ ରୁହାଡ଼ୟାନ୍ତି, ଅଡ଼ାଃରିୟା ମେନ୍ତେ ଜନ୍କୁ ଆୟୁମକେଦା, ^୨ ଏନ୍ତେଦ ହଡକ ପୁରାଃଗି ହୁଣ୍ଡିୟାନ୍ତେ ଏନ୍ତାଃରେ ଦୁଆର୍ପିଣ୍ଡିଗିରେହ ଠାୟାଦ୍ କା ତାଇକେନା, ଆତଃ ଯୀଶୁ ଜନ୍କୁକେ ବାଚାନ୍ ଉଦୁବାଦକଆଏ । ^୩ ଏନ୍ ଦିପିଲିରେ, ମିଆଁଦ୍ ବାଡକାନ୍ ହଡକେ ଚାର୍ଝାନ୍ ହଡକ ଜନିଃତାଃତେକ ଗଅଃ ଆଉକିୟା । ^୪ ମେନ୍ଦ ଗାଦେଲ୍ ହଡକ ନାଗେନ୍ତେ ଜନ୍କୁ ଯୀଶୁଆଃ ନାଡ଼େଃତେ କାକ ସେନ୍ଦାଡ଼ିୟାନା । ଏନାମେନ୍ତେ ଯୀଶୁ ତିଜ୍ଞକାନ୍ତାଃରାଃ ଅଡ଼ାଃ ସାଡ଼ମି ଗେନାକେଦତେ, ଏନ୍ ବାଡକାନ୍ନିଃକେ, ବାଟିୟାକାନ୍ ପାର୍ବକମ୍ଲଃଗି ଆଡ଼ଗୁକିୟାକ । ^୫ ଆତଃ ଯୀଶୁ ଜନ୍କୁଆଃ ବିଶ୍ୱାଏ ନେଲ୍କେଦତେ ବାଡକାନ୍ନିଃକେ ମେତାଇୟାଏ, “ଏ ହନ୍ ଆମାଃ ପାପକ୍ ଛାମାୟାନା ।”

^୬ ଏନ୍ତାଃରେ ଦୁବାକାନ୍ ଚିମିନ୍ ଆଇନ୍ ଇଡୁକ ଏନା ନେଲ୍କେଦତେ ଆକ ଆକଆଃ ମନ୍ରେ ପାହାମକେଦାଃକ, ^୭ “ନିଃ ଚିଲ୍ଲକାକେଦତେ ନେ ଲେକାଏ କାଜି ଦାଡିତାନ୍ ? ନିଃଦ ପାର୍ମେଶ୍ୱା଼କେ ନିନ୍ଦାଇତାନା, ମିହୁଡକେ ବାଟିକେଦତେ, ମେନ୍ଦ ପାର୍ମେଶ୍ୱା଼ ବେଗା଼ ଅକଏ ପାପ୍ ଛାମା ଏମ୍ ଦାଡିୟାଏ ।”

୮ ଜନ୍କୁ ଏନ୍ଲେକା ଆକଆଃ ମନ୍ରେ ପାହାମତାନା ମେନ୍ତେ ଯୀଶୁ ଜମ୍ତାଗି ଆୟାଃ ଆମ୍ରେ ଆଡ଼କାର୍ବକେଦା, ଆତଃ ମେତାଦକଆଏ, “ଆପେ ଆପେୟାଃ ମନ୍ରେ ତିନାଃପେ ଉଡୁହୁତାନା ?”

^୯ ଅକନଃ ରାଝାଲାଃ, ନେ ବାଡକାନ୍ନିଃକେ “ପାପ୍ ତାମାଃକ ଛାମାୟାନା” କାଜିତେୟାଃ ରାଝାଲାଃ* ତି “ବିରିଦମେ, ପାରକମ୍ ତାମାଃ ଗଅଃକେଦତେ ସେନଃମେ” ମେନ୍ତେ କାଜିତେୟାଃ ରାଝାଲା ? ^{୧୦} ମେନ୍ଦ ଆପେ ସାରିଦାଡ଼ି ନାଗେନ୍ତେ ଉଦୁବାପେତାନାଇଜ୍ ନେ ଅତେଦିଶ୍ୱମରେ ପାପ୍ ଛାମାରେୟାଃ ଆକ୍ତେୟାର୍ ମାନଝାନ୍ଦିଆଃ† ମୋନାଃ, ଏନ୍ ବାଡକାନ୍ନିଃକେ କାଜିକିୟାଏ, ^{୧୧} ଆଇଜ୍ କାଜିମେତାନାଇଜ୍, “ମା଼ ବିରିଦମେ ଆତଃ ପାର୍ବକମ୍ତାମାଃ ଗଅଃକେଦତେ ଆମାଃ ଅଡ଼ାଃତେ ସେନଃମେ ।”

^{୧୨} ଜମ୍ତାଗି ଜନିଃ ବିରିଦୟାନାଏ, ଆତଃ ଆୟାଃ ପାର୍ବକମ୍ ଗଅଃକେଦତେ ସବେନ୍କଆଃ ସାମ୍ନାଜ୍ରେ ସେନଃୟାନାଏ, ଏନାତେ ସବେନ୍କ ଆକ୍ଦାନ୍ଦାଅଃତାନ୍ଲଃ ମେନ୍ଦକେଦାଃକ “ନେ ଲେକା ତିଉଲାଇ କାବୁ ନେଲ୍ଲକାଦ୍ ତାଇକେନା, ଆତଃ ପାର୍ମେଶ୍ୱା଼କେ ମାରାଜ୍ଞକିୟାକ ।”

ୟୀଶୁ ଲେବୀକେ କେଡ଼ାଇତାନାଏ (ମାଥୁର ୯:୯-୧୩; ଲୁକ ୫:୨୭-୩୨)

^{୧୩} ଆତଃଗି ଯୀଶୁ ଗାଲିଲ୍ ଦରେୟା ଗେନାତେ ସେନଃୟାନାଏ, ଗାଦେଲ୍ ହଡକ ଜନିଃତାଃକ ହିଜୁଃୟାନା ଆତଃ ଜନିଃ ଜନ୍କୁକେ ଇଡୁ ଏଟେଦକେଦକଆ । ^{୧୪} ଆୟାର୍ତେ ସେନଃତାନ୍ ଦିପିଲିରେ ଆଲ୍ଫିୟାନ୍ରାଃ ହନ୍ତେକଡ଼ା ଲେବୀ ଆୟାଃ ମାଲ୍ହାରମ୍ ଠାୟାଦ୍ରେ ଦୁବାକାନ୍ ନେଲ୍କେଦତେ ଯୀଶୁ କାଜିକିୟାଏ, “ଦେଲ୍ ଅତଜ୍ଞଇଜ୍ମେ ।” ଏନ୍ତେ ଜନିଃ ବିରିଦକେଦତେ ଅତଜ୍ଞକିୟା ।

^{୧୫} ତାୟମ୍ ଦିପିଲିରେ ଯୀଶୁ ଲେବୀଆଃ ଅଡ଼ାଃରେ ଜମ୍ନାଜ୍ ଦୁବାକାନ୍ ତାଇକେନାଏ, ଜମ୍ତାଜ୍ ଯୀଶୁକେ ଅତଜ୍ଞଇଜ୍ତାନ୍ ପୁରାଃ ମାଲ୍ହାରମ୍, ପାପିକ ଯୀଶୁ ଆତଃ ଆୟାଃ ତେଲ୍ଲକଲଃ ଜମ୍ମକ ଦୁବୟାନା । ^{୧୬} ଫାରୁଗାକଏତେ ଚିମିନ୍ ଆଇନ୍ ଇଡୁକ, ଯୀଶୁକେ ମାଲ୍ହାରମ୍ ଆତଃ ପାପିକଲଃ ଜମ୍ତାନ୍ ନେଲ୍କେଦତେ ଆୟାଃ ତେଲ୍ଲକକେ କାଜିୟାଦକଆ “ଚିନାଃମେନ୍ତେ ଜନିଃ ନେ ଲେକାନ୍ ହଡକଲଃ ଜମ୍ତାନାଏ ?”

* ୨:୯ ୨:୯ ପାହକ୍ † ୨:୧୦ ୨:୧୦ ଯୀଶୁ

୧୭ ଯୀଶୁ ନେୟା ଆୟୁର୍ଯ୍ୟକେଦେତେ କାଜିୟାଦକଆଏ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କା, ମେନ୍ଦ ଦ ହାସୁତାନ୍ କ ନାଗେନ୍ତେ ବାଇଦ ଲାଗାତିଙ୍ଗୟାଃ, ଧାର୍ଯ୍ୟାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍ଦ ପାପିକକେ କେଡ଼ା ମେନ୍ତେଇଙ୍ଗ ହିଜୁଃକାନା ।”

କାଟାବ୍ରେୟାଃ କୁନ୍ତୁଲି
(ମାଥୁର ୯:୧୪-୧୭; ଲୁକ ୫:୩୩-୩୯)

୧୮ ଯୋହାନ୍ ତୁବାକରାଃ ଚେଲାଇ ଆଡ଼ଃ ଫାରୁଶୀକ କାଟାବ୍ ତାଇକେନ୍ଦ ଦିପିଲିରେ ଚିମିନ୍ ହଡ଼ ଯୀଶୁତାଃ ହିଜୁଃକେଦେତେ କୁଲିକିୟାକ, “ଚିନାଃମେନ୍ତେ ଯୋହାନ୍ ତୁବାକରାଃ ଚେଲାଇ ଆଡ଼ଃ ଫାରୁଶୀକଆଃ ଚେଲାଇ କାଟାବାଃ ? ମେନ୍ଦ ଆମାଃ ଚେଲାଇକଦ କାକ କାଟାବାଃ ?”

୧୯ ଯୀଶୁ ମେତାଦକଆଏ, “ଆଣ୍ଡିଅଡ଼ାଃରେ ଦୁଲ୍ଲାଇକଡ଼ା ବାଲାଇଲଃ ତାଇନଃରେ, ବାଲାଇ ଚିଲ୍ଲକାତେ ରେଙ୍ଗେଃ କାଟାବ୍ ଚାଇନଃ ? କାହାଗି, ଏନ୍କାଦ କା ହବାଆଃ ଆକଲଃ ଦୁଲ୍ଲାଇକଡ଼ା ତାଇନଃ ଜାକେଦ କାକ କାଟାବ୍ ଦାଡ଼ିୟାଃ ।” ୨୦ ମେନ୍ଦ ନେଡ଼ା ତେବାଗାଃ, ଆଡ଼ଃ ଦୁଲ୍ଲାଇକଡ଼ାକେ ଇନ୍ଦୁଆଃ ଆଲାଇଏତେ ଇଦିୟଃଆ, ଏନ୍ ଦିପିଲିରେ ଇନ୍ଦୁ ରେଙ୍ଗେଃ କାଟାବ୍ ଚିକାଏୟାକ ।

୨୧ “ଜେତାଏ ନାଝା ଲିଜାଃରାଃ କେଟାଃ ମାରି ଲିଜାଃରେ ଜଡ଼ାଇକେଦେତେ କାଏ ତୁନାଏୟା, ଏନ୍କାଲେରେ ନାଝା ଲିଜାଃରାଃ କେଟାଃ ମାରି ଲିଜାଃରେ ତେଟାଃ ଇଦିୟାଏ, ଆଡ଼ଃ ଏନ୍ ଚେଟାଃ ସିଦାଏତେ ଆଡ଼ଃଗି ମାରାଙ୍ଗ ଇଦିୟଃଆ । ୨୨ ଆଡ଼ଃ ନାଝା ଦାଖରାସିକେ ମାରି ଉହୁର୍ତୁମ୍ପାରେ ଜେତାଏ କାକ ଦୁଲ୍ଲେପରେଜେୟା, ଏନ୍କାଲେରେ ଦାଖରାସି ଉହୁର୍ତୁମ୍ପାକେ ଅଡ଼େଟାଃଆଏ ଆଡ଼ଃ ଦାଖରାସି ଲିଙ୍ଗି ଏଣ୍ଡାଗଃଆ, ଏନାମେନ୍ତେ ନାଝା ଦାଖରାସିକେଦ ନାଝା ଉହୁର୍ତୁମ୍ପାରେ ପେରେଜାଃକ ।”

ରୁଡ଼ନ୍ ହୁଲାଇଁରେଆଃ କୁନ୍ତୁଲି
(ମାଥୁର ୧୨:୧-୮; ଲୁକ ୬:୧-୫)

୨୩ ମୁସିଙ୍ଗି ରୁଡ଼ନ୍ ହୁଲାଇଁ ଯୀଶୁ ହେରାକାନ୍ ପିଡ଼ି ଆଲାଆଲାତେ ଚେଲାଇଲଃ ସେନଃଡ଼ାନ୍ ତାଇକେନାଏ, ଆଡ଼ଃ ଇନିୟାଃ ଚେଲାଇ ସେନ୍ଦାନ୍ଲଃ ଗେଲେକ ହଦ୍ ଏଟେଦକେଦା । ୨୪ ଆଡ଼ଃ ଫାରୁଶୀକ ଯୀଶୁକେ କାଜିକିୟାଃକ, “ନେଲେମେ, ରୁଡ଼ନ୍ ହୁଲାଇଁରେ ଆମାଃ ଚେଲାଇ ଆଇନ୍ ଲେକାତେ ଅକ୍ନାଃ କା ଠାଉକାନ୍ କାମି ତାନାଃ, ଏନା ଚିନାଃମେନ୍ତେକ ରିକାତାନା ?”

୨୫ ଯୀଶୁ ଇନ୍ଦୁକେ କାଜିରୁହାଡ଼ାଦକଆଏ, “ଦାଉଦ୍ ଆଃ ଜମେୟାଃ କା ତାଇକେନା ଇମ୍ପା ଇନିଃ ଆଡ଼ଃ ଆୟାଃ ଗାତିକ ରେଙ୍ଗେଃୟାନ୍ ଇମ୍ପା, ଇନିଃ ଚିନାଃଏ ଚିକାକାଦ୍ ତାଇକେନା, ଏନା ଚିଉଲ୍ଲାହ ଚି କାପେ ପାଡ଼ାଅକାଦା ? ୨୬ ଚିଲ୍ଲକା ଇନିଃ ମାରାଙ୍ଗ ଯାଜାକ୍ ଅବିୟାଅର୍ରାଃ ସାମାଏରେ ପାର୍ମେଶ୍ୱାର୍ ଆଃ ଅଡ଼ାଃତେ ବଲୟାନା ଆଡ଼ଃ ଅକ୍ନାଃକେଚି ଆଇନ୍ ଲେକାତେ ଯାଜାକକକେ ଏକ୍ସକାର୍ ଜମେବାଇୟାଃ ହଲଙ୍ଗିକେ ଜମ୍ପକେଦାଏ ଆଡ଼ଃ ଆୟାଃ ଗାତିକକେୟ ଜମ୍ପନାଙ୍ଗ୍ ଏମାଦକଆଏ ।”

୨୭ ଆଡ଼ଃ ଚୁଣ୍ଡୁରେ ଯୀଶୁ ମେତାଦକଆଏ, “ରୁଡ଼ନ୍ ହୁଲାଇଁକେ ମାନଝାଃରାଃ ବୁଗିନାଃ ନାଗେନ୍ତେ ବାଇୟାକାନା, ମେନ୍ଦ ମାନଝାକେ ହାମ୍ପାଲ୍ତେ ତେନ୍ ନାଗେନ୍ତେ କାହାଗି । ୨୮ ନେ ଲେକାଗି ମାନଝାହନ୍ ରୁଡ଼ନ୍ ହୁଲାଇଁରେନ୍ ହୁଁ ଗମ୍ପକେ ତାନିଃ ।”

୩

ୟୀଶୁ ରହଡ଼ିଃଇନିଃକେ ବୁଗି ତାନାଏ
(ମାଥୁର ୧୨:୯-୧୪; ଲୁକ ୬:୬-୧୧)

୧ ଏନ୍ତେ ଯୀଶୁ ସାମାନ୍ ଅଡ଼ାଃତେ ବଲୟାନା, ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୨ ଆଡ଼ଃ ଯୀଶୁ ରୁଡ଼ନ୍ ହୁଲାଇଁରେ ଏନ୍ ହଡ଼କେ ବୁଗିୟାଏ ଚି କା ମେନ୍ତେ ଚିଟାଲ ନାଗେନ୍ତେ ଚିମିନାଙ୍ଗ୍ ହଡ଼କ ହରାକ ଦାଣ୍ଡାତାନ୍ ଆଡ଼ଃ ଲଡ଼ଇତାନ୍ କ ତାଇକେନା । ୩ ଯୀଶୁ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ଏଲା, ସବେନ୍କଆଃ ଆଲାରେ ତିଙ୍ଗୁନ୍ମେ ।”

୪ ଏନ୍ତେ ଯୀଶୁ ଇନ୍ଦୁକେ କାଜିୟାଦକଆଏ, “ଆବୁଆଃ ଆଇନ୍ଲେକାତେ ରୁଡ଼ନ୍ ହୁଲାଇଁରେ ଅକନ୍ କାମି ରିକା ଲାଗାତିଙ୍ଗୟାଃ ? ମିହୁଡ଼ିଆଃ ବୁଗିନ୍ ରିକାତେୟାଃ ଚି ଏଡ଼କାନ୍ ରିକାତେୟାଃ ? ମିହୁଡ଼ିଆଃ ଜାଉ ବାଞ୍ଛାଅଡ଼େୟାଃ ଚି ଜାଉ ଗଗସଃତେୟାଃ ?” ମେନ୍ଦ ଇନ୍ଦୁ ଇନିଃକେ ଜେଡ଼ନାଃ କାକ କାଜିରୁହାଡ଼ ଦାଡ଼ିକେନା ।

୫ ଏନ୍ତେ ଇନ୍ଦୁଆଃ କେଟେଦ୍ ମନ୍ ନେଲ୍ଲକେଦେତେ ଯୀଶୁଆଃ ମନ୍ ଦୁକୁୟାନା, ଆଡ଼ଃ ଖୁସ୍ତେ ଇନ୍ଦୁକେ ନେଲ୍ଲବିୟୁର୍ କେଦକଚି ଏନ୍ ହଡ଼କେ ମେତାଇୟାଏ, “ତିଃଇତାମାଃ ଜିଲିଙ୍ଗ୍ୟେମେ,”

ଇନିଃ ତିଃଇ ଜିଲିଙ୍ଗକେଦାଏ, ଆତଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା । ୭ ଆତଃ ଫାରୁଣୀକ ଅତଙ୍ଗକେଦତେ ଯୀଶୁକେ ଚିଲ୍ଲକାତେବୁ ଗଜିୟା ମେନ୍ତେ ଇମ୍ପାଗି ହେରୋଦ ରାଜାରାଃ ହଡ଼କଲଃ ରଜୋଟ* କେଦାଃ ।

ଗାଦେଲ୍ ହଡ଼କ ଯୀଶୁକେକ ଅତଙ୍ଗକ୍ତାନା
(ମାଥୁଉ ୪:୨୩-୨୫; ୧୨:୧୫-୧୬; ଲୁକ ୬:୧୭-୧୯)

୭ ଏନ୍ତେ ଯୀଶୁ ଆୟାଃ ଚେଲ୍ଲକଲଃ ଗେନାକେଦତେ ଗାଲିଲ୍ ଦରେୟାସାଃତେ ସେନଃୟାନାଏ, ଆତଃ ଗାଲିଲ୍ ଆତଃ ଯିହୁଦାଏତେ ଗାଦେଲ୍ ହଡ଼କ ଇନିଃକେକ ଅତଙ୍ଗକିୟା, ି ଯୀରୁଶାଲେମ୍, ଇଦୁମ୍, ଯାଦ୍ନାନ୍ ଗାଡ଼ା ହାନ୍ପାରମ୍, ସୋର୍ ଆତଃ ସିଦୋନ୍ରାଃ ହପରଜାପାଃ ନାଗାନ୍ରକଏତେ ପୁରାଃ ଗାଦେଲ୍ ହଡ଼କ ଇନିଃୟାଃ ସବେନ୍ ମାପୁରାଙ୍ଗ କାମି ରିକାରେୟାଃକାଜି ଆୟୁମକେଦତେ ଇନିଃତାଃତେକ ହିଜୁଃୟାନା । ୮ *ଏନ୍ତାଃରେ ହଡ଼କ ହୁଣ୍ଡିୟାନ୍ତି ଇନ୍କୁଆଃ ଉପୁଦୁରଠେପସାଥୀ † ଏତେ ବାଞ୍ଛାଅ ନାମେ ନାଗେନ୍ତେ ଯୀଶୁ ଆୟାଃ ନାଙ୍ଗ ମିଆଁଦ୍ ଲାଉକା ଜଗାଡ଼ନାଙ୍ଗ ଚେଲ୍ଲକକେ କାଜିକେଦକଥାଏ । ୧୦ ଚିୟାଃତି, ଯୀଶୁ ପୁରାଃ ହଡ଼କକେ ବୁଗିକାଦକ ତାଇକେନା, ଏନାମେନ୍ତେ ଦୁକୁହାସୁତାନ୍ ସବେନ୍କ, ଇନିଃକେ ଜୁଟିଦି ନାଗେନ୍ତେ ଇନିଃତାଃ ଜୁରୁହୁଣ୍ଡିନ୍ତାନ୍କ ତାଇକେନା । ୧୧ ଆତଃ ସଡ଼ରା ମାମ୍ବାତେ ଏସେରାକାନ୍ ହଡ଼କ ଇନିଃକେ ନେଲ୍ତାଇଲଃଗି ଇନିଃୟାଃ କାଟାସୁବାରେ ଉୟୁଗେନ୍ତାନ୍କ ତାଇକେନା, ଆତଃ “ମାମ୍ବାଗି ପାର୍ମେଶ୍ୱରୀଆଃ ହନ୍ ତାନ୍ମେ” ମେନ୍ତେକ କାଉରିତାଇକେନା ।

୧୨ ଏନ୍ତେଦ ଆଇୟାଃ ବିଷାଏରେ ଏଗାଃକକେ ଆଲ୍ପେ କାଜିକଥା ମେନ୍ତେ ଇନିଃ ଇନ୍କୁକେ ମାରାଙ୍ଗମତା କେଦକଥାଏ ।

ୟୀଶୁ ଗେଲ୍ବାର୍ କୁଲ୍ଲାନକକେ ସାଲ୍ଲାକେଦକଥାଏ
(ମାଥୁଉ ୧୦:୧-୪; ଲୁକ ୬:୧୨-୧୬)

୧୩ ଏନ୍ତେ ଯୀଶୁ ବୁରୁତେ ରାକାବୟାନାଏ, ଆତଃ ଆୟାଃ ସାନାଙ୍ଗଆଁକାଦକକେ ଆୟାଃତାଃତେ କେଡାକେଦକଥାଏ, ଆତଃ ଇନ୍କୁ ଇନିଃତାଃତେକ ହିଜୁଃୟାନା । ୧୪ ଆତଃ ଇନିଃ ଗେଲ୍ବାର୍ ‡ପ୍ରେରିଡ଼କକେ ସାଲ୍ଲାକେଦତେ, ଇନ୍କୁକେ ପ୍ରେରିଡ଼ ମେନ୍ତେ ନୁଡ଼ୁମକେଦକଥାଏ । ଇନିଃ ଇନ୍କୁକେ କାଜିକେଦକଥାଏ, “ଆଇଙ୍ଗଲଃ ତାଇନଃ ନାଗେନ୍ତେ ଆପେକେ ସାଲ୍ଲାକାଦପେଆଇଙ୍ଗ, ଆତଃ ସୁକ୍ଳକାଜି ଉଦୁବ୍ ନାଗେନ୍ତେଇଙ୍ଗ କୁଲ୍ପେୟା । ୧୫ ଆତଃ ବଙ୍ଗାକ ହାଡ଼ଅତଙ୍ଗ ନାଗେନ୍ତେ ଆପେକେ ପେଡ଼େଃ ଏମାପେୟାଇଙ୍ଗ ।”

୧୬ ଯୀଶୁ ନେ ଗେଲ୍ବାର୍ କୁଲ୍ଲାନକକେ ସାଲ୍ଲାକେଦକଥାଏ, ଶିମୋନ୍, ଅକଏକେଚି ଇନିଃ ପାଡ଼ରାସ୍ ନୁଡ଼ୁମକିଥାଏ । ୧୭ ଜେବଦୀଆଃ ବାରିୟା ହନ୍କଡ଼ାକିନ୍ ଯାକୁବ୍ ଆତଃ ଯୋହାନ୍, ନେ ବାରାନ୍ ହାଗିୟାକିନ୍କେ ଯୀଶୁ, ବାନାରଗେସ୍ ମେନ୍ଲେରେ “ରିମିଲ୍ବାଡ଼ିରେନ୍ ହନ୍କିନ୍” ମେନ୍ତେ ନୁଡ଼ୁମକେଦକିନା; ୧୮ ଆଦ୍ରିୟ, ଫିଲିପ୍, ବାର୍ଥୋଲମି, ମାଥୁଉ, ଥୋମା, ଆଲ୍ଫିୟନାଃ ବାରିଆ ହନ୍କଡ଼ାକିନ୍ ଯାକୁବ୍ ଆତଃ ଅଦିୟ, କିନାନ୍ରେନ୍ ଶିମୋନ୍, ଅକଏଚି ଇସ୍ରାଏଲ୍ଲକେ ମୁକ୍ତି ଏମ୍ ସାନାଙ୍ଗତାନ୍ ଯିହୁଦୀକ ଏତେ ମିହୁଡ଼ ତାଇକେନାଏ । ୧୯ ଆତଃ ଇଷ୍ଟାରିୟଡ଼ ଯିହୁଦା ଅକଏଚି, ତାୟମ୍ତେ ଯୀଶୁକେ ବାଈରିକଥାଃ ତିଃଇରେ ଆଖିରେକିୟା ।

ୟୀଶୁ ଆତଃ ବାଲ୍ଲଜେବୁଲ୍
(ମାଥୁଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ଏନ୍ତେ ଯୀଶୁ ଅଡ଼ାଃତେ ରୁହାଡ଼ୟାନାଏ, ଆତଃ ଏନ୍ତାଃରେ ପୁରାଃ ହଡ଼କ ହୁଣ୍ଡିୟାନା, ଏନାତେ ଇନିଃ ଆତଃ ଆୟାଃ ଚେଲ୍ଲକ ଜମ୍ ହ କାକ ଦାଡ଼ିକେଦାଃ । ୨୧ ନେୟା ଆୟୁମକେଦତେ ଆୟାଃ ଅଡ଼ାଃରେନ୍ ହଡ଼କ ଆଇଃକକେ ସାଦ୍ ଇଦି ନାଗେନ୍ତେ ଅତଙ୍ଗୟାନାକ, ଚିୟାଃତି ହଡ଼କ କାଜିତାଇନାକ, “ନିଃ ବାଲ୍ଲଅଃତାନାଏ ।”

୨୨ *ଆତଃ, ଯୀରୁଶାଲେମ୍ଏତେ ହିଜୁଆକାନ୍ ଆଇନ୍ ଇଡ଼ୁକ ମେନ୍କେଦାଃକ “ବଙ୍ଗାକଥାଃ ଗମ୍ କେ ବାଲ୍ଲଜେବୁଲ୍ ଇନିଃକେ ଏସେରକିୟାଏ । ଇନିଃଗି ଇନିଃକେ ବଙ୍ଗା ହାଡ଼ଅତଙ୍ଗ ନାଙ୍ଗ ପେଡ଼େଃ ଏମାଈତାନାଏ ।”

୨୩ ଏନାମେନ୍ତେ ଯୀଶୁ ଇନ୍କୁକେ ହାକାଅକେଦକଥାଏ, ଆତଃ ଜନ୍ନକା କାଜିତେ ମେତାଦକଥାଏ, “ସାଏତାନ୍ଗିଃ ସାଏତାନ୍କେ ଚିଲ୍ଲକା ହାଡ଼ଅତଙ୍ଗ ଦାଡ଼ିୟାଏ ? ୨୪ ମିଆଁଦ୍ ରାଇଜ୍ ଆୟାଃରେଗି

* ୩:୭ ବିଚାର୍ / ମଜୁଣା † ୩:୯ ୩:୯ ମାର୍କ ୪:୧; ଲୁକ ୫:୧-୩. ‡ ୩:୧ ୩:୧ ଠେଲ୍ପେଲ୍ § ୩:୧୪ ୩:୧୪ ବାଗାଝାନ୍
* ୩:୨୨ ୩:୨୨ ମାଥୁଉ ୯:୩୫; ୧୦:୨୫.

ବିନ୍ଦଗାଅକେଦତେ ଆକ ଆକଆଲାରେ ଲାଫୁଡ଼ାଇରେଦ ଏନ୍ ରାଇଜ୍ ଛିତିବିଡ଼ିକଆଃ । ୨୫ ଆତଃ, ମିଆଁଦ୍ ଅଡ଼ାଃରେନ୍ଦକ ଆକ ଆକଗି ଲାଫୁଡ଼ାଇରେଦ ଏନ୍ ଅଡ଼ାଃ କା ତିଜ୍ଜୁନାଃ । ୨୬ ଏନ୍ଲେକାଗି ସାଏତାନ୍, ସାଏତାନ୍ଆଃ ରାଇଜ୍ ହିଗାଡ଼କେଦତେ ବିନ୍ଦଗାଅରେଦ ଏନା କା ତିଜ୍ଜୁନାଃ, ମେନ୍ଦ୍ ଛିତିବିଡ଼ିକେଦତେ ତୁଣ୍ଡୁଡ଼ା଼ରଃଆ ।

୨୭ “ପେଡ଼େୟାନ୍ନିଃକେ ଆଉରି ତଲ୍ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲକେଦତେ ଆୟାଃ ମେନାଃତେୟାଃ କାଏ ରେଃକ୍ଦାଡ଼ିୟା, ମେନ୍ଦ୍ ସିଦାତେ ଇନିଃକେ ତଲ୍ଲକେଦତେ ଆୟାଃ ମେନାଃତେୟାଃ ରେଃକ୍ଦାଡ଼ିୟାଏ ।

୨୮ “ସାଡ଼ତିଗି କାଜିପେତାନାଇଜ୍, ମାନଝାହନକଆଃ ସବେନ୍ ପାଫ୍ ଆତଃ ଇନ୍କୁଆଃ ନିନ୍ଦା କାଜିକ ଛାମାଝାଃ; ୨୯ *ମେନ୍ଦ୍ ପାବିତାର୍ ଆମ୍ବାକେ ହିଲାଇଜ୍ ହଡ଼କେ ଚିରଲାଇ କା ଛାମାଝାଃ, ଚିୟାଃଚି ଇନିଃ ଜାନାଅ ଜାନାଅରାଃ ପାଫ୍ କେଦାଏ ।” ୩୦ “ସଡ଼ରା ଆମ୍ବା ଇନିଃକେ ଏସେରାକାଇୟାଏ” ମେନ୍ତେ ଆଇନ୍ ଇଡ଼କ କାଜିକେଦତି ନେ ସବେନାଃ ଯାଣ୍ଟୁ କାଜିକେଦାଏ ।

ୟାଣ୍ଟୁଆଃ ଏଜା ଆତଃ ହାଗାକ
(ମାଥୁର ୧୨:୪୭-୫୦; ଲୁକ ୮:୧୯-୨୧)

୩୧ ଏନ୍ତେ ଯାଣ୍ଟୁଆଃ ଏଜାତେ ଆତଃ ହାଗାକ ହିଜୁଃୟାନା ଆତଃ ରାଚାରେ ତିଜ୍ଜୁକେଦତେ, ଇନିଃକେ କେଡ଼ାଆଉଡ଼ି ନାଗେନ୍ତେ ମିହୁଡ଼କେକ କୁଲ୍ଲକିୟାଃ । ୩୨ ଆତଃ ଗାଦେଲ୍ ହଡ଼କ ଇନିଃତାଃରେ ଦୁଦ୍ ଜୁରୁଆକାନ୍ଦକ ତାଇକେନା, ଆତଃ ଇନ୍କୁ କାଜିକିୟାଃକ, “ନେଲେମେ, ଆମାଃ ଏଜାମ୍ ଆତଃ ହାଗା ମିଗିକ ରାଚାରେକଆ, ଇନ୍କୁ କେଡ଼ାମେତାନାକ ।”

୩୩ ଯାଣ୍ଟୁ କାଜିୟାଦକଆଏ, “ଅକଏ ଆଇଁୟାଃ ଏଜାଈଜ୍ ? ଆତଃ ଅକନ୍ଦ ଆଇଁୟାଃ ହାଗାଈଜ୍ କ ତାନ୍ଦ ?” ୩୪ ଆତଃ ଦୁବାକାନ୍ଦକକେ, ଆରିଦ୍ବିୟୁରକେଦତେ କାଜିକେଦାଏ, “ନେଲ୍ଲକପେ ନିକୁଦ ଆଇଁୟାଃ ଏଜା ଆତଃ ହାଗାକତାନ୍ଦ । ୩୫ ଅକଏ, ପାର୍ମେଶ୍ୱାର୍ଆଃ ସାନାଜ୍ ପୁରାଃଏ, ଇନିଃ ଆଇଁୟାଃ ଏଜାଈଜ୍, ହାଗାଈଜ୍ ଆତଃ ମିଗିଜ୍ ତାନିଃ ।”

୪

ହିତାହେରୁନିଆଃ ଜନ୍ଦକା କାଜି
(ମାଥୁର ୧୩:୧-୯; ଲୁକ ୮:୪-୮)

୧ *ୟାଣ୍ଟୁ ଆତଃଚି ଗାଲିଲ୍ ଦରେୟା ଗେନାରେ ଇନିଡୁ ଏଟେଦକେଦାଏ, ଆତଃ ଏନ୍ତାଃରେ ଗାଦେଲ୍ ହଡ଼କ ହୁଣ୍ଡିୟାନ୍ତି ଦରେୟାରେ ତାଇକାନ୍ ମିଆଁଦ୍ ଲାଉକାରେ ଦୁବ୍ୟାନାଏ ଆତଃ ସବେନ୍ ହଡ଼କ ଦରେୟା ଗେନାରେ ଅତେରେକ ତାଇକେନା । ୨ ଯାଣ୍ଟୁ ଇନ୍କୁକେ ଜନ୍ଦକା କାଜିତେ ପୁରାଃ କାଜିକ ଇଡୁକେଦକଆଏ, ଆତଃ ଇଡୁକତାନ୍ଲଃ କାଜିକେଦକଆଏ,

୩ “ଆୟୁମେପେ, ମିଆଁଦ୍ ହିତାହେରୁନିଃ ହିତା ହେରୁନାଗେନ୍ତେ ଅତଜ୍ୟାନା । ୪ ଆତଃ ଇନିଃ ହିତା ହେରୁତାନ୍ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ଚେଣ୍ଟକ ଆଡ଼ଗୁକେଦତେ ଏନାକ ହାଲାଜ୍ ଜମକେଦାଃ । ୫ ଚିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଜ୍ଗି ତାଇକାନ୍ ହରାତେ ଅମନ୍ ଧାବ୍ୟାନା । ୬ ମେନ୍ଦ୍ ସିଜ୍ ରାକାବ୍ୟାନ୍ତି ଏନ୍ ଅମନ୍ତେୟାଃକ ସବେନ୍ ଗସୟାନା, ଆତଃ କା ରେହେଦାକାନ୍ ହରାତେ ରହଡ଼ୟାନା । ୭ ଚିମିନ୍ ହିତା ଜାନୁମ୍ ତୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ ଯାନା । ୮ ମେନ୍ଦ୍ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଜ ଯାନା, ଅକଆଃକ ଡିରିଗ, ଅକଆଃ ଷାଠେ, ଅକଆଃ ମିଦ୍ଗାଅଗୁନା, ଜ ଯାନା ।”

୯ ଆତଃ ଯାଣ୍ଟୁ ମେନ୍ଦକେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁକେଦାଏ ।”

ୟାଣ୍ଟୁ ଚିକାନାଜ୍ ଜନ୍ଦକା କାଜି କାଜିକେଦାଃଏ
(ମାଥୁର ୧୩:୧୦-୧୭; ଲୁକ ୮:୯-୧୦)

୧୦ ଯାଣ୍ଟୁ ଏସକାରୁଗି ତାଇକାନ୍ ଦିପିଲିରେ, ଆୟାଃଲଃ ତାଇକେନ୍ ହଡ଼କ, ଗେଲ୍ବାର୍ ତେଲାଇକଲଃ, ନେ ଜନ୍ଦକା କାଜିରେୟାଃ ମୁଣ୍ଡି ଚିକ୍ନାଃ ତାନାଃ ମେନ୍ତେକ କୁଲ୍ଲକିୟାଃ ? ୧୧ ଇନିଃ କାଜିୟାଦକଆଏ, “ଆପେଦ ପାର୍ମେଶ୍ୱାର୍ଆଃ ରାଇଜ୍ରେୟାଃ ଉକୁଆକାନ୍ କାଜିରାଃ ମୁଣ୍ଡିପେ ନାମକାଦାଃ । ମେନ୍ଦ୍ ଦହାରିରେନ୍ ଏଟାଃକକେ କାଜିରାଃ ଜନ୍ଦକା କାଜିତେ ସବେନାଃ ଉଦୁବଃତାନା । ୧୨ ଏନ୍ଲେକାତେ,

* ୩:୨୯ ୩:୨୯ ଲୁକ ୧୨:୧୦. ୪:୧ ୪:୧ ଲୁକ ୫:୧୩.

“ ‘ଇନକୁ ନେଲୁଦକ ନେଲେଆ, ମେନ୍ଦକ କାକ ନେଲୁଉରୁମେୟାଁ, ଇନକୁ ଆୟୁମଦକ ଆୟୁମେୟା, ମେନ୍ଦକ କାକ ଆଟ୍‌କାରେୟା, କା'ରେଦ ଇନକୁ ମନ୍ଦକ ରୁହାଡ଼େଡ଼େୟାଃ, ଆତଃ ପାର୍‌ମେଶ୍ୱାର ଇନକୁକେ ଛାମା ଏମାଦକତେୟାଏ । ”

ୟାଶୁ ହିତାହେରୁନିଆଃ ଜନ୍ମକା କାଜିରେୟାଃ ମୁଣ୍ଡି ତଦୁବେତାନାଏ
(ମାଥୂର ୧୩:୧୮-୨୩; ଲୁକ ୮:୧୧-୧୫)

୧୩ ଏତ୍ତେ ଯାଶୁ ମୋଦାଦକଆଏ, “ନେ କାଜିରାଃ ଜନ୍ମକା କା'ଚିପେ ମୁଣ୍ଡିକେଦା ? ତାଦ୍‌ଦ, ଆତଃ ଜନ୍ମକାକ ଚିଲ୍‌କାପେ ମୁଣ୍ଡିଆ ? ୧୪ ହିତାହେରୁନିଃଦ ପାର୍‌ମେଶ୍ୱାରୁଆଃ କାଜି ହେରୁନିଃ ତାନିଃ । ୧୫ ଚିମିନ୍ ହଡ଼କ ପାର୍‌ମେଶ୍ୱାରୁରାଃ କାଜି ଆୟୁମ୍ ତାନ୍‌ଲଃଗି ସାଏତାନ୍ ହିଜୁଃକେଦ୍‌ତେ ଇନକୁତାଃଏତେ ଆୟୁମ୍ କାଜିକେ ରେଃକ୍‌ଇଦିତାଃଏ, ଇନକୁଦ ହରା ଗେନାରେ ହେରାକାନ୍ ହିତା ଲେକାଃକ । ୧୬ ଏନ୍‌ଲେକା, ଚିମିନ୍ ହଡ଼କଦ ହିତା ହେରାକାନ୍ ଦିରିଅତେ ଲେକାନ୍‌କ ତାନ୍‌କ, ଇନକୁଦ କାଜି ଆୟୁମ୍‌ଲଃଗି ରାସ୍‌କାତେ ତେଲ୍ୟତାନ୍ ହଡ଼କ ତାନ୍‌କ । ୧୭ ମେନ୍‌ଦ ଇନକୁତାଃରେ ‘ରେହେଦ୍’ କା ତାଜନ୍ ହରାତେ ଇନକୁ କାଟିଃ ପାଡ଼ିଚିକ ତାଜନାଃ, ତାୟମତେ କାଜିରାଃ ହରାତେ ଦୁକୁହାସୁ ଚାହେ ସାସାତି ହିଜୁଃରେ ଇମ୍‌ତାଚିକ ରୁହାଡ଼କଆଃ । ୧୮ ଜେତାଏ କାଜି ଆୟୁମାଃଏ ମେନ୍‌ଦ ସା'ସାରୁରେୟାଃ ଉଡ଼ୁ ଆତଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୧୯ ନେ ଲେକାନ୍ ହଡ଼କଦ ଜାନୁମ୍ ଆଲାରେ ହେରାକାନ୍ ହିତାଲେକାନ୍‌କତାନ୍‌କ । ୨୦ ଆତଃ ବୁଗିନ୍ ଅତେରେ ହେରାକାନ୍ ହିତାଲେକା ଚିମିନ୍ ହଡ଼କ ସୁକୁକାଜି ଆୟୁମ୍‌କେଦ୍‌ତେ ମାନାତିଙ୍ଗ୍‌ୟାଃକ, ଆତଃ ମିଆଁଦ୍‌ନିଃ ତିରିଗ୍, ଏଗାଃନିଃ ଷାଠେ, ଆତଃ ମିଆଁଦ୍‌ନିଃ ମିଦ୍‌ଶାଏ ଗୁନାକ, ଜ ଆଃ ।”

ଦିମିରେୟାଃ ଜନ୍ମକା କାଜି
(ଲୁକ ୮:୧୭-୧୮)

୨୧ *ଆତଃଗି ଯାଶୁ କାଜିୟାଦକଆଏ, “ଚିୟାଃ ଜେତାଏ ହଡ଼ ଦିମି କୁଲ୍‌କେଦ୍‌ତେ ‘ତାଝାତେ’ ଚାଏ ପାର୍‌କମ୍ ଲାତାରୁରେ ଦହୟାଏ ? ଏନାକେଦ ପାଖା ଚାଏ ଦିକା ଚେତାନ୍‌ରେ ଦହୟାଏ । ୨୨ *ଅକ ସବେନ୍ ଉକ୍‌ଆକାନ୍‌ତେୟାଃ ଏନା ମାୟାଲ୍‌ତେ ଆତଃଆ, ଆତଃ ଅକ ସବେନାଃ ଦାନାଙ୍‌ଆଁକାନା ଏନା ଉଦୁବଃଆ । ୨୩ ଲୁଡ଼ୁର ତାପେଆଃ ଆୟୁମ୍ ନାଗେତ୍ତେ ମେନାଃରେଦ, ଆୟୁମେପେ ।”

୨୪ *ଆତଃଗି ଇନିଃ କାଜିୟାଦକଆଏ, “ଆପେ ଆୟୁମେତେୟାଃ ବୁଗିଲେକା ଆୟୁମ୍‌ଉରୁମେପେ, ଆପେ ସଙ୍ଗେ ତାଗିରେଗି ଆପେ ନାଗେତ୍ତେ ସୋଙ୍ଗଃଆ, ଆତଃ ଏନାଏତେ ଆଦ୍‌କାପେ ନାମେଆଁ । ୨୫ *ଚିୟାଃଗି, ଅକଏତାଃ ମେନାଃ ଇନିଃଦ ଆତଃଗି ନାମେଆଁ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ ।”

ହାରାତାନ୍ ହିତାରେୟାଃ ଜନ୍ମକା କାଜି

୨୬ ଆତଃଗି ଯାଶୁ କୁଲିକେଦକଆଏ, “ପାର୍‌ମେଶ୍ୱାରୁଆଃ ରାଜଜ୍ ନେ'ଲେକାଗିଆଃ, ମିଆଁଦ୍ ହଡ଼ ଆୟାଃ ଅତେରେ ହିତା ହେରୁକେଦାଏ । ୨୭ ଆତଃ ଇନିଃ ନିଦାରେ ବୁଡ଼ୁମାଏ, ସିଙ୍ଗିରେ ବିରିଦାଏ, ଆତଃ ଇନିୟାଃ କା ସାରିତେ ହିତା ଅମନଆଃ ଆତଃ ହାରାଅଆଃ । ୨୮ ଅତେଦ ଆୟାଃତେଗି ଜ'ଏମାଃଏ, ସିଦା ଅମନେୟାଏ, ଏତ୍ତେ ଗେଲେୟାଏ, ଏତ୍ତେ ଗେଲେରେ ଜାଙ୍‌ଅଆ । ୨୯ ଜ ଜାଙ୍‌ୟାନ୍‌ତି ଏନ୍ ହଡ଼, ଇରୋଃ ଦିପିଲି ସେବେରୁୟାନ୍ ମେତ୍ତେ, ଦାଡ଼ରମ୍ ସାବେଆଏ ।

ମାନିଜାଙ୍ଗ୍‌ରେଆଃ ଜନ୍ମକା କାଜି
(ମାଥୂର ୧୩:୩୧-୩୨,୩୪; ଲୁକ ୧୩:୧୮-୧୯)

୩୦ “ଆତଃଗି ଯାଶୁ କୁଲିକେଦକଆଏ, ପାର୍‌ମେଶ୍ୱାରୁଆଃ ରାଜଜ୍ ଚିନାଃଲଃଗୁ ଜକାଏୟା ଚାଏ ଅକ ଜନ୍ମକା କାଜିତେ ଏନାବୁ ଉଦୁବେୟା । ୩୧ ଏନାଦ ମିଆଁଦ୍ ମାନିଜାଙ୍ଗ୍ ଲେକା, ଅତେରେ ହେରୁତାନ୍ ସାମାଏରେ ଅତେରାଃ ସବେନ୍ ହିତାଜାଙ୍ଗ୍ ଏତେ ହୁଡ଼ିଙ୍ଗ୍‌ଆଁ, ୩୨ ମେନ୍‌ଦ ଅତେରେ ହେରୁୟାନ୍‌ତି ଏନାରେୟାଃ କତକ ଏଗାଃ ଆଡ଼ାଃଦାରୁକଏତେ ପୁରାଃ ମାରାଙ୍ଗ୍ ହାରାସାଲାଙ୍ଗିଅଆ, ଆତଃ ସିମାରେନ୍ ଚେଟ୍‌କେ ଏନାରେୟାଃ ଉମ୍‌ଲୁରେକ ପକାୟା ।”

* ୪:୨୧ ୪:୨୧ ମାଥୂର ୫:୧୫; ଲୁକ ୧୧:୩୩. * ୪:୨୨ ୪:୨୨ ମାଥୂର ୧୦:୨୭; ଲୁକ ୧୨:୭. * ୪:୨୪ ୪:୨୪ ମାଥୂର ୭:୨; ଲୁକ ୭:୩୮. * ୪:୨୫ ୪:୨୫ ମାଥୂର ୧୩:୧୨; ୨୫:୨୯; ଲୁକ ୧୯:୨୭.

୩୩ ଯୀଶୁ ଇନକୁକେ ଆବକାର୍ତ୍ତରୁମ୍ ଦାଡ଼ିଲେକା ପୁରାଃ ନେଲେକାନ୍ ଜନ୍ମକା କାଜିକ କାଜିକେଦକଆଏ । ୩୪ ବେଗାର୍ ଜନ୍ମକା କାଜିକେ ଇନିଃ ଇନକୁକେ ଜେଡ଼ନାଃ କାଏ କାଜିୟାଦକଆ, ମେନ୍ଦ ଏସକାର୍ରେ ଇନିଃ ଆୟାଃ ଚେଲକକେ ସବେନାଃରାଃ ମୁଣ୍ଡି ଉଦୁବାକ ତାଇକେନାଏ ।

ୟୀଶୁ ମାରାଜ୍ଞହୟକେ ହାପାଉତାର୍ରେକେଦାଏ
(ମାଥୱର ୮:୨୩-୨୭; ଲୁକ ୮:୨୨-୨୫)

୩୫ ଏନ୍ ହୁଲାଜ୍, ଆୟୁବୟାନ୍ତି ଯୀଶୁ ଚେଲକକେ କାଜିୟାଦକଆଏ, “ଦଲାରୁ, ଦରେୟା ହାନ୍ ପାରମ୍ପଡେବୁଆ ।” ୩୬ ଆତଃ ଚେଲକ ଗାଦେଲ୍ ହଡ଼କକେ ବାରିକେଦଡେ ଲାଉକାରେ ଦୁବୟାନାକ, ମେନ୍ଦ ଯୀଶୁ ସିଦାରେ ଦୁବାକାନ୍ ତାଇକେନାଏ, ଏଡ୍ରେ ଇନକୁ ଲାଉକାକେ ଚାଲିଅକେଦାଃକ, ଏନ୍ତାଃରେ ଏଗାଃ ଲାଉକାକହ ତାଇକେନା । ୩୭ ଇମ୍ପାତାଜ୍ଞି ଦୁଦୁଗାର୍ତ୍ତହୟ ବିରିଦୟାନା ଆତଃ ଲାଉକାରେ ଆଲ୍ପୁଜ୍ଞକ* ରାକାବୟାନା, ଏନାଡେ ଲାଉକାରେ ଦାଆଃ ପେରେଜଃତାନ୍ ତାଇକେନା । ୩୮ ଇମ୍ପାତା ଯୀଶୁ ଲାଉକାରେୟାଃ ତାୟମସାଃରେ ଉଠୁଜ୍ଞିକେଦଡେ ଦୁଡ଼ୁକାକାନ୍ତ ତାଇକେନା । ଚେଲକ ଇନିଃକେ ବିରିଦତାନ୍ଲଃ କାଜିକୟାଃକ, “ହେ ଗୁରୁ, ତୁବିଃଗ୍ ଗଜଃତାନାଲେ, କାମ୍ପି ପାହାମ୍ପତାନା ?”

୩୯ ଯୀଶୁ ବିରିଦତ୍ତୟାନ୍ତି ହୟକେ ମାରାଜ୍ଞମତାକୟା ଆତଃ ଆଲ୍ପୁଜ୍ଞକେ କାଜିକେଦା, “ହାପାଅଃମେଁ,” ଆତଃ ଏନା ରୁଡ଼ୟାନା, ଆତଃ ପୁରା ସିଃସଏଃୟାନା† । ୪୦ ଏଡ୍ରେ ଯୀଶୁ ଚେଲକକେ କାଜିୟାଦକଆଏ, “ଚିନାଃ ମେଡ୍ରେପେ ବରତାନା ? ନାହାଁଃ, ଜାକେଦ୍ ଆପେୟାଃ ବିଶ୍ୱାସ୍ ବାନଃଆଚି ?”

୪୧ ଏନାଡେ ଇନକୁ ପୁରାଃଗି ବରକେଦାଃକ, ଆତଃ ମେପେନ୍ଦୟାନାକ, “ନିଃଢ ଅକଏ ତାନିଃ ? ହୟ, ଆତଃ ଦରେୟା ହାଁ ନିୟାଃ କାଜିକ ମାନାଡିଜ୍ଞତାନା ।”

୫

ବଜା ଏସେରାକାନିଃକେ ଯୀଶୁ ବୁଚି ତାନା
(ମାଥୱର ୮:୨୮-୩୪; ଲୁକ ୮:୨୭-୩୯)

୧ ଏଡ୍ରେ ଯୀଶୁ ଆୟାଃ ଚେଲକଃ ଗାଲିଲ୍ ଦରେୟା ସେନ୍ପାରମ୍ପକେଦଡେ ଗେରାସିମିକଆଃ ପାର୍ଗାନ୍ଡେ ଡେବାଃୟାନାକ । ୨ ଇନିଃ ଲାଉକାଏଡେ ଆଡ଼ଗୁୟାନ୍ତି, ସଡ଼ରା ଆମ୍ପାଡେ ଏସେରାକାନ୍ ମିହୁଡ୍ ହଡ଼ ତପାଠାୟାଏଏଡେ ଅଡ଼ଜ୍ଞକେଦଡେ ସେନ୍ଦାରମ୍ପକୟାଏ । ୩ ଇନିଃ ତପା ଠାୟାଦରେ ତାଇନଃତାନାଏ ତାଇକେନା, ଇନିଃକେ ଜେତାଏ କାକ ତଲ୍ ଦାଡ଼ିତାଇକେନା, ସିକ୍ତଡେହାଁ କାହାଗି । ୪ ପୁରାଃସା ଇନିୟାଃ କାଗା ଡିଃଇକ ସିକ୍ତଡେ ତଲ୍ଲକାନ୍ ତାଇକେନାଏ, ମେନ୍ଦ ସବେନ୍ ଇମ୍ପାତା ଇନିଃ ସିକ୍ତଡି ଆତଃ ବେଡ଼ିକକେ ଟଗାଃକେଦାଏ । ଇନିଃତାଃରେ ପୁରାଃ ପେଡ଼େଃ ତାଇକେନା ଆତଃ ଜେତାଏ ହାଁ ଇନିଃକେ କାକ କାବୁ ଦାଡ଼ିତାଇକେନା । ୫ ନିଦା ଆତଃ ସିଜ୍ଞି ତପା ଠାୟାଦକରେ, ବୁରୁରେ କାଉରିତାନ୍ ଆତଃ ଦିରିଡେ କଟେୟଃତାନାଏ ତାଇକେନା ।

୬ ସାଜିନ୍ଏଡେ ଯୀଶୁକେ ନେଲ୍ତାଇଲଃ ନିର୍ଦଦାରମ୍ପକେଦଡେ ଆୟାଃ ଆୟାର୍ରେ ଅମ୍ପାଃ ଇକ୍ତୁମ୍ପୁ ଯାନାଏ । ୭ ଆତଃ କାଉରିତାନ୍ଲଃ କାଜିକେଦାଏ, “ଏ, ସାଲ୍ଲାଜିଉତାର୍ ପାର୍ମେଶ୍ୱାର୍ଆଃ ହନ୍ ଯୀଶୁ, ଆଇୟାଃଲଃ ଆମାଃ ଚିକାନ୍ କାମି ମେନାଃ ? ପାର୍ମେଶ୍ୱାର୍ରେ ନୁଡ଼ମ୍ପଡେ କର୍ମେ ତାନାଲ୍ଲଜ୍, ଆଲମ୍ପ ସାସାଡିଆଁ ।” † ଚିୟାଃଡି “ଏ, ସଡ଼ରା ଆମ୍ପା, ନେ ହଡ଼ଏଡେ ଅଡ଼ଜ୍ଞଅଃମେଁ” ମେଡ୍ରେ ଯୀଶୁ କାଜିକାକ ତାଇକେନାଏ ।

୮ ଏଡ୍ରେ ଯୀଶୁ ଇନିଃକେ କୁଲିକୟା, “ଆମାଃ ନୁଡ଼ମ୍ପ ଚିକ୍ନାଃ ? ଆଇୟାଃ ନୁଡ଼ମ୍ ଫାଡଦ୍, ଆଲେ ପୁରାଃଗି ମେନାଲେୟା” ମେଡ୍ରେ କାଜିରୁହାଡ଼କୟା । ୯ ଆତଃ ଇନିଃ ଯୀଶୁକେ, ନେ ଦିଶ୍ୱମ୍ପଏଡେ ଆଲମ୍ପି ହାର୍ ଅଡ଼ଜ୍ଞଲେୟା, ମେଡ୍ରେ ପୁରାଃଗି ବିକ୍ତିତାନ୍ଲଃ କାଜିଗହାର୍କୟାଏ ।

୧୦ ବୁରୁଗେନା ଜାପାଃରେ ସୁକୁରିକଆଃ ମାରାଜ୍ଞ ଗୋଟ୍ ଆଡିଜ୍ଞତାନ୍କ ତାଇକେନା । ୧୧ ଆତଃ, ବଜାକ ବିକ୍ତିକେଦଡେ କାଜିକୟାଃକ, “ଆଲେକେ ଏନ୍ ସୁକୁରିକରେ ବଲଃ ନାଗେଡ୍ରେ କୁଲ୍ତାଲେମେ ।”

୧୨ ଯୀଶୁ ଇନକୁକେ ସେନ୍ଇଚିକେଦକଆ, ଆତଃ ଏନ୍ ସଡ଼ରା ଆମ୍ପାକ ଏନ୍ ହଡ଼ଏଡେ ଅଡ଼ଜ୍ଞକେଦଡେ ସୁକୁରିକରେକ ବଲୟାନା, ଆତଃ ଏନ୍ତାଃରେ ଦୁଇ ହାଜାର୍ ଲୋକା ସୁକୁରିକ ଆଡିଜ୍ଞ ତାଇକେନା, ଇନକୁ ଦରେୟାରେକ ନିର୍ ଡୁଷ୍ଟାମ୍ପାୟାନା ଆତଃ ତୁବିଃଗ୍ ଗଏଃୟାନାକ ।

୧୩ ସୁକୁରି ଗୁପିତାକ ନିର୍ଯ୍ୟାନାକ ଆତଃ ସାହାର୍ ଆତଃ ଚଲକରେ ନେ କାଜିକ ଉଦୁବକେଦାଃ, ଏଡ୍ରେ ଚିକ୍ନାଃ ଚିକାୟାନା ମେଡ୍ରେ ହଡ଼କ ନେଲ୍ ନାଗେଡ୍ରେ ଅଡ଼ଜ୍ଞୟାନାକ । ୧୪ ଆତଃ ଇନକୁ ଯୀଶୁତାଃ

* ୪:୩୭ ୪:୩୭ ଆଲ୍ପୁଜ୍ଞ † ୪:୩୯ ୪:୩୯ ଆମ୍ପା

ତେବଂୟାନ୍ତଃ ବଜ୍ରା ଏସେରକାନ୍ ହତକେ ଇନିୟାଃ କାଟାସୁବାରେ ବୁଗିନ୍‌ମନ୍ଦତେ ଦୁବାକାନ୍, ଆତଃ ଲିଜାଃ ତୁସିଙ୍ଗାଆକାନ୍ ନେଲ୍‌କିଃତେ ବରକେଦାଃ । ୧୭ ନେ ସବେନ୍ ନେଲ୍‌କାଦ୍ ହତକ, ବଜ୍ରା ଏସେରକାନ୍ ଏନ୍ ହତ ଚିଲ୍‌କା ବୁଗିୟାନ୍‌ଏ ଆତଃ ସୁକୁରିକ ଚିଲ୍‌କାୟାନ୍‌ଏ । ଏନା ସବେନ୍ ହତକକେ ଉଦୁବାଦକଆକ ।

୧୭ ଏତ୍ତେ ଇନ୍‌କୁ ଯୀଶୁକେ, ଆଲେୟାଃ ସିମନାଏତେ, ଅତଃଆଃମେ ମେତ୍ତେକ ବିକ୍ରିକିୟା ।

୧୮ ଏତ୍ତେ ଯୀଶୁ ଲାଉକାରେ ରାକାଦ୍‌ତାନ୍ ଇମ୍‌ତା, ବଜ୍ରା ଏସେରଏତେ ବୁଗିକାନ୍ ହତ, ଯୀଶୁକେ “ଆମାଃଲଃ ତାଇନ୍ ଚିକାଆଇଙ୍ଗେ” ମେତ୍ତେ ବିକ୍ରିକିୟା ।

୧୯ ମେନ୍‌ଦ ଯୀଶୁ “କାହାଗି, ଆମାଃ ଅଡ଼ାଃତେ ରୁହାଡ଼େ” ଆତଃ ଗମକେ ଆମାଃ ନାଗେତ୍ତେ ଚିନାଃ ରିକାକେଦାଃଏ, ଆତଃ ଚିଲ୍‌କା ଆମକେ ଦାୟାକାଦ୍‌ମେୟା ଏନ୍ ସବେନାଃ ଆମାଃ ଅଡ଼ାଃରେନ୍‌କକେ ଉଦୁବାକମେ” ମେତ୍ତେ କାଜିକିୟା ।

୨୦ ଏତ୍ତେ ଏନ୍ ହତ ରୁହାଡ଼ୟାନ୍‌ଏ ଆତଃ ଆୟାଃ ନାଗେତ୍ତେ ଯୀଶୁ ଚିନାଃ ରିକାକେଦାଃଏ ଏନା ସବେନ୍ ଦେକାପଲ୍ଲୀ*ରେ ଉଦୁବ ଏଟେଦ୍‌କେଦାଏ, ଆତଃ ଏନା ଆୟୁମ୍‌ତାନ୍‌କ ଆକ୍‌ଦାନ୍‌ଆୟାନ୍ ।

ଗଏଃ୫କାନ୍ ହନ୍‌କୁଡ଼ି ଆତଃ ଦୁକୁତାନ୍ କୁଡ଼ି
(ମାଥୁର ୯:୧୮-୨୭; ଲୁକ ୮:୪୦-୫୬)

୨୧ ଯୀଶୁ ଲାଉକାରେ ଦରେୟାଃ ହାନ୍ ପାରମ୍‌ଏତେ ନେ ପାରମ୍‌ତେ ରୁହାଡ଼ୟାନ୍‌ତି, ଏନ୍ତାଃରେ ଗାଦେଲ୍ ହତକ ହୁଣ୍ଡିୟାନ୍‌, ଆତଃ ଯୀଶୁ ଦରେୟା ଗେନାରେ ତାଇକେନାଏ । ୨୨ ଏତ୍ତେ ଯାଇରସ ନୁତୁମ୍‌ ନିଆଁଦ୍ ସାମାଜଅଡ଼ାଃରେନ୍ ଆଗୁଆଇ ହତ ହିଜୁଃୟାନ୍‌ଏ, ଆତଃ ଯୀଶୁକେ ନେଲ୍‌କେଦ୍‌ତେ ଆୟାଃ କାଟାସୁବାରେ ଉୟୁଃୟାନ୍‌, ୨୩ ପୁରାଃଗି ବିକ୍ତିତାନ୍‌ଲଃ କାଜିକେଦା, “ହନିଙ୍ଗ୍‌କୁଡ଼ି ଦୁକୁତେ ଗଜଃ ଲେକାକାନ୍‌ଏ, ଇନିଃ ଚିଲ୍‌କା ବାଞ୍ଛାଅଃଆଏ, ଏନାମେତ୍ତେ ହିଜୁଃମେ, ଆତଃ ଇନିୟାଃ ତେତାନ୍‌ରେ ତିଃଇ ଦହେମେ ।”

୨୪ ଏତ୍ତେ ଯୀଶୁ ଇନିଃଲଃ ସେନଃୟାନ୍‌ଏ ଆତଃ ଗାଦେଲ୍ ହତକ ଉଦୁଦୁରଠେପ୍‌ସାକେଦ୍‌ତେ ଜୁରୁବିହୁର୍ ତାନ୍‌ଲଃ ଦୟା ଦୟାକ ଅତଃକିୟା ।

୨୫ ଆତଃ ଏନ୍ତାଃରେ ବାରା ବାରାଷଏତେ “ମାୟୋମ୍‌ଲିଙ୍ଗି” ଦୁକୁତେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ । ୨୬ ଇନିଃ ପୁରାଃ ବାଜଦ୍‌କତାଃରେ ରାନ୍‌ଆକାନ୍ ତାଇକେନାଏ, ଆତଃ ଆୟାଃ ସବେନ୍ ତାଇକେନ୍‌ତେୟାଃ ଇନ୍‌କୁଆଃରେ ଚାବାକେଦାଏ, ଏନ୍‌ରେୟ କାଏ ବୁଗିୟାନ୍‌, ମେନ୍‌ଦ, ଦୁକୁତାୟାଃ ଆତଃଗି ସାବ୍‌ସାଅୟାନ୍‌† । ୨୭ ଇନିଃ ଯୀଶୁଆଃ ବିଷାଏ ଆୟୁମ୍‌କେଦ୍‌ତି ଗାଦେଲ୍ ହତକଆଃ ଆଲାରେ ଇନିୟାଃ ଦୟାହରା ଏତେ ଲିଜାଃରାଃ ଆବ୍‌ରା ଜୁଟିଦ୍ ନାଜ୍ ହିଜୁଃୟାନ୍‌, ୨୮ ଚିୟାଃତି ଇନିଃ ଆୟାଃ ମନ୍‌ରେ “ଇନିୟାଃ ଲିଜାଃ ଏସ୍‌କାର୍ ଜୁଟିଦ୍‌ତାରେଦ୍ ଆଇଙ୍ଗ୍ ବୁଗିକଆଇଙ୍ଗ୍” ମେତ୍ତେ ଉଡ଼ୁତାନ୍ ତାଇକେନାଏ ।

୨୯ ଏତ୍ତେ ଇନିଃ ଯୀଶୁଆଃ ଲିଜାଃ ଆବ୍‌ରାକେ ଜୁଟିଦ୍‌କେଦାଏ ଆତଃ, ଇମ୍‌ତାଙ୍ଗି ଇନିଃ ମାୟୋମ୍‌ ଲିଙ୍ଗି ଦୁକୁଏତେ ବୁଗିୟାନ୍‌ଏ । ଆତଃ ଦୁକୁଏତେ ବୁଗିୟାନ୍‌ଆଇଙ୍ଗ୍ ମେତ୍ତେ ଆୟାଃ ହତ୍‌ମରେ ଆବ୍‌କାବ୍‌କେଦା । ୩୦ ଇମ୍‌ତାଙ୍ଗି ଯୀଶୁ, “ଆଇଙ୍ଗ୍‌ଏତେ ପେଡ଼େଃ ଅତଃକିୟାନ୍‌” ମେତ୍ତେ ଜାଉରେ ସାରିଆବ୍‌କାବ୍‌କେଦାଏ, ଆତଃ ଗାଦେଲ୍ ହତକକେ ହେତାରୁହାଡ଼କେଦ୍‌ତେ, “ଅକଏ, ଆଇଁୟାଃ ଲିଜାଃ ଜୁଟିଦ୍‌କେଦାଏ ?” ମେତ୍ତେ କୁଲିକେଦକଆ ।

୩୧ ଆତଃ ଚେଲା ତାୟାଃକ ଯୀଶୁକେ କାଜିକିୟାଃକ, “ଗାଦେଲ୍ ହତକ ଆମାଃ ତେତାନ୍‌ରେ ଉୟୁଗଃତାନାକ, ଏନାଦ ନେଲ୍‌କତାନାମ୍‌, ଆତଃ ‘ଅକଏ ଜୁଟିଦ୍‌କିଦିୟାଏ,’ ମେତ୍ତେ ଚିନାମ୍‌ କୁଲିତାନା ?”

୩୨ ମେନ୍‌ଦ ଜୁଟିଦ୍‌କେଦ୍‌ନିଃକେ ଯୀଶୁ ନେଲ୍‌ନାମି ନାଗେତ୍ତେ ହେତାବାଡ଼ାକେଦାଏ । ୩୩ ଏନ୍ କୁଡ଼ି ଆଇଁୟାଃ ଚିକ୍‌ନାଃ ଚିକାୟାନ୍‌ ନେଆଁ ଆବ୍‌କାବ୍‌କେଦ୍‌ତେ, ବରତେ ଏକ୍‌ଲାଅଃତାନ୍‌ଲଃ ହିଜୁଃୟାନ୍‌ଏ ଆତଃ ଇକ୍‌ଡ଼ମ୍‌ ତାନ୍‌ଲଃ ସବେନାଃ ସାବ୍‌ଚିଗି ଯୀଶୁକେ ଉଦୁବକିୟା । ୩୪ ଯୀଶୁ କାଜିକିୟାଏ, “ଏ ମାଇ, ବିଶ୍ୱାଦ୍‌ ତାମାଃ ବୁଗିୟାକାଦ୍‌ମେୟାଏ, ଜୁ ସୁକୁ ଜାଉତେ ସେନଃମେ, ଆତଃ ଆମାଃ ଦୁକୁଏତେ ବୁଗିୟାକାନ୍ ତାଇନଃମେ ।”

୩୫ ଯୀଶୁ ଏନା କାଜିତାନ୍ ଇମ୍‌ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଉଝାକାଦ୍ ହତ ଯାଇରସକେ କାଜିକିୟାଏ, “ହନ୍‌ମେକୁଡ଼ି ଗଏଃୟାନ୍‌ଏ, ଗୁରୁକେ ଆତଃ ଆଲ୍‌ମେ ଦୁକୁଇୟା ।”

* ୫:୨୦ ୫:୨୦ ଗ୍ରାକ୍ କାଗାବ୍‌ତେ ନେଆଁରାଃ ମୁଣ୍ଡି “ବାଗ୍‌ଠୁ ସାହାବ୍” † ୫:୨୨ ୫:୨୨ ବାକ୍‌ଅୟାନ୍

୩୬ ଯୀଶୁ ଏନକାଜି ଆୟୁମକେଦତେ କା ଆୟୁମତାନ୍ ଲେକା ସାମାଜଅଡ଼ାଃରେନ୍ ଆଗୁଆଇକେ କାଜିକିୟା, “ଆଲମ ବରଏୟା, ବିଶ୍ୱାସ୍‌ରେରି ତାଇନଃମେ ।” ୩୭ ଆଡ଼ ଯୀଶୁ, ପାଡ଼ରାସ୍, ଯାକୁବ୍, ଆଡ଼ ଯୋହାନ୍, ଯାକୁବ୍‌ଆଃ ହାଗାତେକେ ବାରିକେଦତେ ଆଡ଼ ଜେତାଏକକେ କାଏ ସେନ୍ ଇତିକେଦକଆ । ୩୮ ଯାଇରସଆଃ ଅଡ଼ାଃତେ ସେଟେରୁୟାନ୍ତି, ଯୀଶୁ ଗାଦେଲ୍ ହଡ଼କ ହାଲଗୁଲ୍‌ତାନ୍‌ଲଃ, ରାଆଃତାନ୍ ଆଡ଼ ଏୟମତାନ୍ ନେଲ୍‌କେଦକଆ । ୩୯ ଇନିଃ ଅଡ଼ାଃରେ ବଲୟାନାଏ, ଆଡ଼ ଇନକୁକେ କାଜିୟାଦକଆ, “ଚିନାଃ ମେନ୍ତେସେ ହାଲଗୁଲ୍‌ଏତାନା ଆଡ଼ାଃତେ ରାଆଃଏତାନା ? ଏନ୍ ହନ୍ଦ କାଏ ଗଜାକାନା ମେନ୍ଦ ଦୁଡ଼ମୁତାନାଏ ।”

୪୦ ଏନ୍ତେ ଇନକୁ ଇନିଃକେ ଲାକାକିୟାଃକ । ମେନ୍ଦ ଯୀଶୁ ସବେନ୍ ହଡ଼କକେ ଏନ୍ତାଃଏତେ ଅତଙ୍ଗକେଦକଚି, କୁଡ଼ିହନ୍‌ରାଃ ଏଙ୍ଗାଆପୁକିନ୍ ଆଡ଼ ଆୟାଃଲଃ ତାଇକାନ୍ ତେଲାଇଲଃ, କୁଡ଼ିହନ୍ ଗିତିଜାକାନ୍‌ତାଃ ସେନ୍ ବଲୟାନାକ । ୪୧ ଆଡ଼ ଇନିୟାଃ ତିଃଇ ସାବ୍‌କେଦତେ “ଗାଲିଆକୁମ୍” ମେନ୍‌କିୟାଏ, ନେ କାଜିରେୟାଃ ମୁଣ୍ଡି ନେଆଁ ତାନାଃ, “ଏ ମାଇ ବିରିଦମେ ।”

୪୨ ଇମତାଗି ଏନ୍ କୁଡ଼ିହନ୍ ବିରିଦୟାନାଏ ଆଡ଼ ସେସେନ୍ ବାଡ଼ାକେଦାଏ, ଚିୟାଃଟି ଇନିଃଦ ବାରା ବାରାଷରେନ୍ ତାଇକେନାଏ । ନେଆଁ ନେଲ୍‌କେଦତେ ସବେନ୍‌କ ପୁରାଃଟି ଆକଦାଦାଅୟାନାକ । ୪୩ ମେନ୍ଦ ଯୀଶୁ “ନେ କାଜି ଜେତାଏତାଃରେ ଆଲ୍‌ସେ ଉଦୁବେୟା,” ମେନ୍ତେ କାଜିୟାଦକଆଏ, ଆଡ଼ “କୁଡ଼ିହନ୍‌କେ ଜେଡ଼ନାଃ ଜଙ୍ଗ୍ ନାଙ୍ଗ୍ ଏମାଇସେ” ମେତାଦକଆଏ ।



ୟୀଶୁକେ ନାଜରେଡ଼ରେ କାକ ବିଶ୍ୱାସ୍‌କିୟା
(ମାଥୱ ୧୩:୫୩-୫୮; ଲୁକ ୪:୧୬-୩୦)

୧ ଯୀଶୁ ଏନ୍ତାଃଏତେ ଅତଙ୍ଗୟାନା । ଆଡ଼ ତେଲାଇଲଃ ଆୟାଃ ସାହାଡ଼େ ହିଜୁଃୟାନାଏ । ୨ ରୁଡ଼ୁ ହୁଲାଇ ସାମାଜ ଅଡ଼ାଃରେ ଇନିଃ ଇଡୁ ଏଟେଦକେଦାଏ । ଏନ୍ତାଃରେନ୍ ପୁରାଃ ହଡ଼କ ଇନିୟାଃ କାଜି ଆୟୁମକେଦତେ ଆକଦାଦାଅୟାନାକ, ଆଡ଼ଃକ ମେନ୍‌କେଦାଃ, “ଇନିଃ ନେ ସବେନ୍‌କାଜି ଅକତାଃଏତେ ନାମାକାଦା ? ଇନିଃ ଅକତାଃଏତେ ନେ ସେଣ୍ଟାଁ ଆଡ଼ ପେଡ଼େୟାନ୍ କାମିକରେୟାଃ ପେଡ଼େଃ ନାମାକାଦାଏ ? ନିଃ ଚିଲ୍‌କା ନେ ଲେକା ପେଡ଼େୟାନ୍ କାମିକ କାମିତାନାଏ ? ୩ ଚିୟାଃ ନିଃ ଏନ୍ ବାଡ଼ାଲ ନାହାଁଲିଃ ? ଚିୟାଃ ନିଃ ମାରିୟାମଆଃ ହନ୍ତେକଡ଼ା ନାହାଁଲିଃ ? ଆଡ଼ ଯାକୁବ୍, ଯୋସି, ଶିମୋନ୍ ଆଡ଼ ଯିହୁଦା ନେ ସବେନ୍‌କ ଆୟାଃ ହାଗାକ କା'ଟି ତାନ୍‌କ ? ଆଡ଼ ଇନିୟାଃ ମିଶିକ ଆବୁଲଃଟି ବାଙ୍ଗକଆ ?” ଆଡ଼, ଇନକୁ ଯୀଶୁକେ କାକ ବିଶ୍ୱାସ୍‌କିୟା ।

୪ ଯୀଶୁ ଇନକୁକେ ମେତାଦକଆ, “ନାବୀ ଆୟାଃ ଦିଶ୍‌ମ୍ ଆଡ଼ ଆୟାଃ କୁଚୁମ୍, ଆଡ଼ ଆୟାଃ ଅଡ଼ାଃରେନ୍‌କକେ ବାରିକେଦତେ ସବେନ୍‌ତାଃରେ ମାଇନଃଆଏ ।”

୫ ଯୀଶୁ ଚିମିନ୍ ଦୁକୁତାନ୍‌କକେ ତିଃଇତେ ଜୁଟିଦକେଦତେ ବୁଗିକେଦକଆଏ, ଏନା ବାରିକେଦତେ ଆଡ଼ ଏନ୍ତାଃରେ ଇନିଃ ଜେତାନ୍ ଆକଦାଦାଅ କାମିକ କାଏ ରିକା ଦାଡ଼ିକେଦାଃ । ୬ ଆଡ଼ ଯୀଶୁ ଇନକୁଆଃ କା ବିଶ୍ୱାସ୍‌ତେୟାଃ ନେଲ୍‌କେଦତେ ଆକଦାଦାଅୟାନା । ଏନ୍ତେ ଯୀଶୁ ହଦରକାପାଃ ହାଡୁ ହାଡୁ ସେନ୍‌କେଦତେ ଇଡୁତାନାଏ ତାଇକେନା ।

ୟୀଶୁ ଗେଲ୍‌ବାର୍ ତେଲାଇକକେ କୁଲ୍‌କତାନାଏ
(ମାଥୱ ୧୦:୫-୧୫; ଲୁକ ୯:୧-୬)

୭ ଏନ୍ତେ ଗେଲ୍‌ବାର୍ ତେଲାଇକକେ କେଡ଼ାକେଦତେ, ବାବାରହଡ଼ଲେକା କୁଲ୍‌କେଦକଆଏ । ଆଡ଼ ସଡ଼ରା ଆମ୍ବା ହାଡ଼ଅତଙ୍ଗ ନାଗେନ୍ତେ ଇନକୁକେ ଆକ୍‌ତେୟାନ୍ ଏମାଦକଆଏ । ୮ ଆଡ଼ ଯୀଶୁ ଚିଗାଲ୍‌କେଦକଆଏ, “ହରାସେନ୍ ନାଗେନ୍ତେ ସଗା ବାରିକେଦତେ ଆଡ଼ ଜେଡ଼ନାଃ ଆଲ୍‌ସେ ଇଦିୟା, ହଲଙ୍ଗ୍ ତି ଆଇଲା, ମାୟାଙ୍ଗ୍‌ରେ ଟାକା ପାଏସା ହ୍ଟି କାହାଗି । ୯ କାଟାରେ ଖାଡ଼ପା ତୁସିଙ୍ଗ୍‌ୟେନ୍‌ସେ ମେନ୍ଦ ବାରିଆ ତୁସିଙ୍ଗ୍ ଲିଜାଃ ଆଲ୍‌ସେ ସାବେୟା । ୧୦ ଆଡ଼ ଇନିଃ ମେତାଦକଆଏ, ଜେତା ଅଡ଼ାଃରେ ଦାରମ୍‌ପେରେ, ଏନ୍ ସାହାବ୍‌ଏତେ ଆଉରିସେ ଅତଙ୍ଗାଃ ଜାକେଦ୍ ଏନ୍ ଅଡ଼ାଃରେରି ତାଇନକାନ୍‌ସେ । ୧୧ ଇହାନ୍ ଠାୟାଦରେନ୍‌କ କାକ ସୁକୁଆପେରେ, ଆଡ଼ ଆପେୟାଃ କାଜି କାକ ଆୟୁମରେଦ୍, ଏନ୍ତାଃଏତେ ସେନଃତାନ୍‌ଲଃ, ଆପେୟାଃ କାଟା ତାଲ୍‌କାରେୟାଃ ଧୂଡ଼ି ଇନକୁଆଃ ବିରୁଧରେଆଃ ଗାଖା ନାଗେନ୍ତେ କଗା ବାରିତାପେ ।”

* ୬:୪ ୬:୪ ଯୋହାନ୍ ୪:୪୪. * ୬:୧୧ ୬:୧୧ ପ୍ରେଭିଡ଼ ୧୩:୫୧. * ୬:୧୧ ୬:୧୧ ଲୁକ ୧୦:୪-୧୧.

୧୭ ଇନକୁ ସେନଃସ୍ଥାନାକ ଆତଃ ହତକକେ ହେୟାତିଞ୍ଚା ଲାଗାତିୟାଃ ମେନ୍ତେ ଉଦୁବକେଦାକ ।
୧୮ ଇନକୁ ପୁରାଃ ବଜ୍ରାକକେ ହତକତାଃଏତେ ହାରଅତଞ୍ଚା କେଦକଆକ ଆତଃ ପୁରାଃ ଦୁକୁହାସୁତାନ୍
ହତକକେ ସୁନ୍ନୁମ୍ ଗସଃକେଦତେ ବୁଚିକେଦକଆକ ।

ଯୋହାନ୍ ତୁବାକରାଃ ଗନ୍ଏଃ
(ମାଧୁର ୧୪:୧-୧୨; ଲୁକ ୯:୭-୯)

୧୪ *ୟାଶୁଆଃ ନୁତୁମ୍ ସବେନ୍ସାଃରେ ନିତିରୁୟାନ୍ତେ*, ହେରୋଦ୍ଵା ରାଜା ଇନିୟାଃ ବିଷାଏ
ଆୟୁମ୍‌କେଦା । ତିମିନ୍ ହତକ କାଜିତାଇକେନାକ, “ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍ଏତେ
ଜୀଉବିରିଦାକାନ୍ଏ, ଏନା ମେନ୍ତେଗି ଆକ୍‌ଦାନ୍‌ଏ କାମିକ ଇନିୟାଃ ହରାତେ ହବଅଃତାନା ।”

୧୫ ମେନ୍ଦ ଏଗଃକ କାଜିକେଦାଃକ, “ଇନିଃ ଏଲିୟ ତାନିଃ, ଆତଃ ତିମିନ୍ ହତକ କାଜିକେଦାଃକ,
ଇନିଃ ସିଦାରେନ୍ ନାବାକଏତେ ମିଆଁଦ୍ ନାବା ତାନିଃ ।”

୧୬ ମେନ୍ଦ ହେରୋଦ୍ ନେଆଁକ ଆୟୁମ୍‌କେଦତେ ମେନ୍‌କେଦାଏ, “ଆଇଙ୍ଗ ବହଃ ଖାଣ୍ଡାଅକାନ୍
ଯୋହାନ୍ ଗଜାକାନ୍ କଏତେ ଜୀଉବିରିଦିୟାନ୍ଏ ।” ୧୭ *ନେ ହେରୋଦ୍‌ଗି ଯୋହାନ୍‌କେ ସାସାବ୍‌ରାଃ
ହୁକୁମ୍ ଏମାକାଦ୍ ତାଇକେନାଏ, ଆତଃ ଇନିଃକେ ତଲ୍‌କିଃତେ ଜେହେଲ୍‌କିୟାଏ, ହେରୋଦ୍ ନେଆଁ
ରିକାକେଦାଏ, ତିୟାଃଟି ହେରୋଦ୍ ଆୟାଃ ହାଗାତେ ଫିଲିପ୍‌ରାଃ କୁଡ଼ିତେ ହେରୋଦିୟାଃକେ ମାଣ୍ଡାଅକାଜ
ତାଇକେନା । ୧୮ ତିୟାଃଟି “ହାଗାମାଃ କୁଡ଼ିକେ ଦହତେୟାଃ ଆଇନ୍ ଲେକାତେ ଆମାଃ ନାଙ୍ଗ୍ କା ଠାଉକାଃ”
ମେନ୍ତେ ଯୋହାନ୍ ହେରୋଦ୍‌କେ କାଜିକାଜ ତାଇକେନା ।

୧୯ ଏନାତେ, ହେରୋଦିୟାଃ ଇନିଃକେ ଖୁସ୍‌ତେ ଗଗଏଃ ସାନାଙ୍ଗ୍ ତାଇକେନାଏ, ମେନ୍ଦ ହେରୋଦିଆ
କାଏ ଦାଡ଼ିତାଇକେନା । ୨୦ ତିୟାଃଟି, ହେରୋଦ୍ ଯୋହାନ୍‌କେ ମିଆଁଦ୍ ଧାର୍‌ମାନ୍ ଆତଃ ପାବିତାର୍
ହତ୍ ତାନିଃ ମେନ୍ତେ ସାରିକେଦତେ ବରଆଇତାନ୍ ତାଇକେନାଏ ଆତଃ ଇନିଃକେ ଜେହେଲ୍‌ରେ
ଜୀହିଦ୍‌ଗି ମାଣ୍ଡାଅକାଜ ତାଇକେନାଏ । ଆତଃ ଇନିୟାଃ କାଜିକ ଆୟୁମ୍‌କେଦତେ ପୁରାଃଗି ଦାନ୍‌ରାଃ
ତାଇକେନ୍‌ରେୟ ଇନିୟାଃ କାଜିକ ରାସ୍‌କାତେ ଆୟୁମ୍ ତାଇକେନା ।

୨୧ ତୁଣ୍ଡୁରେ ହେରୋଦିଆ ନାଗେନ୍ତେ ନେଡା ସେଡେରୁୟାନ୍, ହେରୋଦ୍ ଆୟାଃ ଜାନାମ୍ ହୁଲାଙ୍ଗ୍‌କେ
ମାନାଅ ନାଗେନ୍ତେ, ଆୟାଃ ମାପ୍‌ରାଙ୍ଗ୍ ଦାର୍‌ବାର୍ ହତକ, ପାଲ୍‌ଗାନ୍‌କଆଃ ସାର୍‌ଦାର୍‌କ, ଆତଃ
ଗାଲିଲ୍‌ରେନ୍ ମାପ୍‌ରାଙ୍ଗ୍ ହତକଆଃ ନାଗେନ୍ତେ ନୁବଃରେୟାଃ ମାରାଙ୍ଗ୍ ଜଜମାଃ ବାଇକେଦାଏ ।
୨୨ ହେରୋଦିୟାଃରେ ହେନ୍ତେକୁଡ଼ି ଜମେଅଡ଼ାଃରେ ବଲ୍‌କେଦତେ ସୁସୁନ୍‌କେଦାଏ, ଆତଃ ହେରୋଦ୍‌ତାଃ
ହିଜୁଆକାନ୍ ସବେନ୍ ନେଆଁତା ହତକକେ ରାସ୍‌କା କେଦକଆଏ । ଏନ୍ତେ ରାଜା ହେରୋଦ୍ ହେନ୍ତେକୁଡ଼ିକେ
କାଜିକିୟାଏ “ଆମ୍ ସୁକୁଃତେଆଃ ଜେଡ୍‌ନାଃମ୍ ଆସିଙ୍ଗ୍‌ରେହ୍, ଏନାଇଙ୍ଗ୍ ଏମାମେୟାଁ ।” ୨୩ “ଜାହାନାଃଗି
ଆସିଙ୍ଗ୍‌ମେ, ରାଇଜ୍‌ରାଃ ତାରାହାଟିଙ୍ଗ୍ ମେନେରେୟାଗି ଆଇଙ୍ଗ୍ ଏମାମେୟାଁ” ମେନ୍ତେ ରାଜା ଇନିଃତାଃରେ
କିରିୟାକେଦାଏ ।

୨୪ ଆତଃ ଏନ୍ କୁଡ଼ିହନ୍ ଅତଙ୍ଗ୍‌ୟାନ୍‌ତେ, ଚିକାନାଃଇଙ୍ଗ୍ ଆସିୟା ମେନ୍ତେ ଏଙ୍ଗାତେକେ କୁଲିକିୟାଏ ?
ଆୟାଃ ଏଙ୍ଗାତେ କାଜିରୁହାଡ଼କିୟା “ବାପ୍ତିସ୍ତା ଏମଃନିଃ ଯୋହାନ୍‌ଆଃ ବହଃ ।”

୨୫ ଏନ୍ କୁଡ଼ିହନ୍ ଜାଲ୍‌ଦିଗି ହିଜୁଃ ରୁହାଡ଼କେଦତେ ରାଜାକେ କାଜିକିୟାଏ, “ନାହାଁଃଗି ନେତାଃରେ,
ବାପ୍ତିସ୍ତା ଏମଃନିଃ ଯୋହାନ୍‌ରାଃ ବହଃ ମିଆଁଦ୍ ଆଡ଼ିରେ ଏମାଇଙ୍ଗ୍‌ମେ ।”

୨୬ ଏନ୍ କାଜି ହରାତେ ରାଜା ପୁରାଃଗି ହୁଡ଼ିଙ୍ଗ୍‌ଜୀଉୟାନ୍, ମେନ୍ଦ ନେଆଁତାକାନ୍‌କଆଃ ସାମ୍‌ନାଙ୍ଗ୍‌ରେ
କିରିୟାକାଦ୍ ହରାତେ ଇନିଃ ଆୟାଃ ଆନାସିକେ ବାନଃ ମେନ୍ତେ ମାନା କାଏ ଦାଡ଼ିକେନା । ୨୭ ଏନା ମେନ୍ତେ
ରାଜା ଇମ୍‌ତାଗି ମିଆଁଦ୍ ସିପାଇକେ, ଯୋହାନ୍‌ଆଃ ବହଃ ଆଡ଼ିରେ ଆଉ ନାଗେନ୍ତେ କୁଲିକିୟାଏ, ଇନିଃଦ୍
ସେନଃସ୍ଥାନ୍ତେ, ଜେହେଲ୍‌ରେ ଯୋହାନ୍‌ରାଃ ବହଃକେ ମାଆଃକେଦାଏ, ୨୮ ଏନ୍ତେ ଇନିୟାଃ ବହଃ ମିଆଁଦ୍
ଆଡ଼ିରେକ ଆଉକେଦା ଆତଃ ଉନ୍ତେକୁଡ଼ିକେକ ଏମ୍‌କିୟା, ଏନ୍ତେ କୁଡ଼ିହନ୍ ଏଙ୍ଗାତେକେ ଏନା ଏମ୍‌କିୟାଏ
। ୨୯ ଯୋହାନ୍‌ଆଃ ଚେଲାକ ଏନା ଆୟୁମ୍‌କେଦତେକ ହିଜୁଃୟାନ୍ ଆତଃ ଆୟାଃ ହତ୍‌ମ୍‌କେ ଇଦିକେଦତେ
ତପାଗାଡ଼ାରେକ ତପାକେଦା ।

ୟାଶୁ ଗାଦେଲ୍ ହତକକେ ଜମେୟାଃ ଏମାକତାନାଏ
(ମାଧୁର ୧୪:୧୩-୨୧; ଲୁକ ୯:୧୦-୧୭; ଯୋହାନ୍ ୬:୧-୧୪)

* ୬:୧୩ ୬:୧୩ ଯାକ୍‌ବ ୫:୧୪. * ୬:୧୪ ୬:୧୪ ମାଧୁର ୧୭:୧୪; ମାର୍କ ୮:୨୮; ଲୁକ ୯:୧୯. * ୬:୧୪ ୬:୧୪ ବିଖ୍ୟାତ୍ † ୬:୧୪
୬:୧୪ ଗାଲିଲ୍‌ରେନ୍ ହାକିମ୍ * ୬:୧୭ ୬:୧୭ ଲୁକ ୩:୧୯, ୨୦.

୩୦ ପ୍ରେରିତକ ଯୀଶୁତାଃରେକ ହୁଣ୍ଡିୟାନା, ଆତଃ ଆକ କାମିକାଦ ସବେନାଃ, ହତକକେ ଇତୁତେଆଃକ ଜନିଃକେ ଉଦୁବକିୟାକ । ୩୧ ଏନ୍ତେ ପୁରାଃ ହତକ ହିଜୁଃ ସେନଃତାନକ ତାଇକେନା, ଆତଃ କୁଲ୍ଲାନାନ୍ ତେଲ୍ଲକ ଜଜମ୍ ନାଗେନ୍ତେ ସାମାଏ କାକ ନାମକେଦାଃ, ଏନାମେନ୍ତେ ଯୀଶୁ ମେତାଦକଆଏ, “ଦଲ୍ଲା ଜାହାନ୍ ସିଃସଏଃ ଠାୟାଦତେବୁଆଃ, ଅକତାଃରେ ଆବୁ ହୁଡିଙ୍ଗଲେକା ରୁଡନୁବୁ ଦାଡ଼ିୟାଃ ।” ୩୨ ଏନ୍ତେ ଇନକୁ ଲାଭକାରେ ଦେଏଃୟାନ୍ତେ ମିଆଁଦ ସିଃସଏଃ ଠାୟାଦତେ ସେନଃୟାନାକ ।

୩୩ ମେନ୍ଦ, ହତକ ଇନକୁକେ ସେନଃତାନକ ନେଲ୍ଲକେଦକଆ ଆତଃ ଇନକୁକେ ନେଲ୍ଲଉତୁମ୍ କେଦକଆକ, ଆତଃ ସବେନ୍ ସାହାରକଏତେ ହତକ ସେସେନ୍ତେଗି ଏନ୍ ଠାୟାଦତେ ସିଦାରେଗି ତେଦାଃୟାନାକ । ୩୪ ଯୀଶୁ ଲାଭକାଏତେ ଆଡ଼ଗୁୟାନ୍ତି ଗାଦେଲ୍ ହତକକେ ନେଲ୍ଲକେଦତେ ଜାଉରେ ବିଲ୍ଲକାଅୟାନାଏ, ତିୟାଃତି ଇନକୁଦ ଗୁପିନିଃ ବାଙ୍ଗାଲ ମିଣ୍ଡିକ ଲେକାକ ତାଇକେନା, ଏନ୍ତାଃରେ ଇନିଃ ଇନକୁକେ ଇତୁ ଏତେଦକେଦଆଏ । ୩୫ ଆତଃ ସିଙ୍ଗି ହାସୁରତାନରେ, ତେଲ୍ଲକ ଯୀଶୁତାଃ ସେନକେଦତେକ କାଜିକିୟା, “ନେ ଠାୟାଦ ସିଃସଏଃଗିୟା, ଆତଃ ସିଙ୍ଗିଅଃ ସେନଃୟାନା । ୩୬ ଏନାମେନ୍ତେ ଜାପାଃ ହାତୁ ଆତଃ ଟଲ୍ଲକତେ ସେନକେଦତେ ଜଜମାଃକ କିରିଙ୍ଗ ଜମେକା ମେନ୍ତେ ଏନ୍ ହତକକେ ବିଦାତାକମେ ।”

୩୭ ଯୀଶୁ କାଜିରୁହାଡ଼ାଦକଆଏ, “ଆପେଗି ଇନକୁକେ ଜାହାନାଃ ଜମେୟାଃ ଏମାକପେ,” ଇନକୁଦ ଇନିଃକେ କାଜିକିୟାକ, “ଆଲେଗି ତି ୨୦୦ ରୁପାଃସି ସିକାଏତେ ହଲ୍ଲଙ୍ଗ କିରିଙ୍ଗକେଦତେ ଜମେୟାଃଲେ ଏମାକଆ ?”

୩୮ ଏନ୍ତେ ଯୀଶୁ ଇନକୁକେ କୁଲ୍ଲକେଦକଆଏ, “ଆପେତାଃରେ ତିମିନ୍ ହଲ୍ଲଙ୍ଗ ମେନାଃ ? ଜୁ, ନେଲ୍ଲଭଲେପେ,” ଇନକୁଦ ନାମକେଦତି ଇନିଃକେକ ଉଦୁବକିୟା, “ମଣେୟାଁ ହଲ୍ଲଙ୍ଗ ଆତଃ ବାରିଆ ହାକୁ ।”

୩୯ ଏନ୍ତେ ଯୀଶୁ ତେଲ୍ଲକକେ “ହାରିୟାର୍ ତାସାଦରେ ସବେନ୍ ହତକକେ ପାଣ୍ଡିପାଣ୍ଡି ଦୁବକୁପେ” ମେନ୍ତେ ଆରୁକେଦକଆ । ୪୦ ଆତଃ ହତକ ମିଆଁଦ ପାଣ୍ଡିରେ ଶାଅ ଶାଅ ଆତଃ ମିଆଁଦ ପାଣ୍ଡିରେ ପାଗାଣ୍ ପାଗାଣ୍ ଲେକାକ ଦୁବୟାନା । ୪୧ ଆତଃ, ଯୀଶୁ ଏନ୍ ମଣେୟାଁ ହଲ୍ଲଙ୍ଗ ଆତଃ ବାରିଆ ହାକୁ ସାବକେଦତେ ସିମାସାଃ ସାଜିଲ୍ଲୋକାକାଦତାନଲଃ ଆଗିଷକେଦାଏ ଆତଃ ହଲ୍ଲଙ୍ଗ କେଟାଃକେଦତେ ତେଲ୍ଲକକେ ଏମାଦକଆଏ ଆତଃ ହାକୁକେହଁ ଇନକୁ ହାଟିଙ୍ଗକେଦାଃକ । ୪୨ ସବେନକ ଜମକେଦତେ ବିୟାନାକ । ୪୩ ଏନ୍ତେ ତେଲ୍ଲକ ଜମ୍ ସାରେଜାକାନ୍ ହଲ୍ଲଙ୍ଗ ଆତଃ ହାକୁ ବାରା ଟୁଲ୍ଲିକ ହାଲାଙ୍ଗ ପେରେଃକେଦାଃକ । ୪୪ ଜମକେନକଦ, ପାଞ୍ଚ ହାଜାର୍ କଡ଼ାକ ତାଇକେନାକ ।

ୟୀଶୁ ଦାଆଃ ଚେତାନରେ ସେସେନତାନାଏ
(ମାଥୁଉ ୧୪:୨୨-୩୩; ଯୋହାନ୍ ୬:୧୫-୨୧)

୪୫ ଇମତାଗି ଯୀଶୁ ତେଲ୍ଲକକେ ଲାଭକାରେ ଦୁବକେଦତେ ଦରେୟା ହାନ୍ ପାରମ୍ ବେଥସାଇଦାତେ କୁଲ୍ଲ ଆୟାବକେଦକଆ । ଇମତାଲଃ ଇନିଃ ଗାଦେଲ୍ ହତକକେ ବିଦାକେଦକଆ । ୪୬ ଇନିଃ ଗାଦେଲ୍ ହତକକେ ବିଦାକେଦତେ, ବିନ୍ତ୍ର ନାଗେନ୍ତେ ବୁରୁତେ ରାକାଦୟାନା ।

୪୭ ଆତଃ ସିଙ୍ଗିହାସୁରତାନରେ ଲାଭକା ଆଲା ଦରେୟାରେ ତାଇକେନା, ଇମତାଦ ଯୀଶୁ ଏସକାର୍ଗି ଅତେରେ ତାଇକେନାଏ । ୪୮ ସାମାଜାଙ୍ଗରାଃ ମାରାଙ୍ଗହୟତେ ତେଲ୍ଲକ ଦୁକୁତେ ଲାଭକାକେ ଇଦିତାନ୍ ନେଲ୍ଲକେଦତେ, ଇନିଃ ସେତାଃ ନିଦାରେୟାଃ ଉପୁନ୍ ଘାଡ଼ି ଇମତାକରେ ଯୀଶୁ ଦରେୟାରେ ସେସେନକେଦତେ ଇନକୁତାଃତେ ହିଜୁଃକେଦତେ ସେନପାରମକତାନାଏ ତାଇକେନା । ୪୯ ମେନ୍ଦ ଇନକୁ ଦରେୟା ଚେତାନରେ ଇନିଃକେ ସେସେନତାନକ ନେଲ୍ଲକିଃତେ ବରକେଦକା ଆତଃ “ବଙ୍ଗା ତାନିଃ” ମେନ୍ତେକ କାଉରିକେଦା । ୫୦ ସବେନକ ଇନିଃକେ ନେଲ୍ଲକିଃତେ ବରକେଦକ ଆରୁଆରାୟାନା ।

ଇମତାଗି ଯୀଶୁ ଇନକୁକେ ମେତାଦକଆ, “ଜାଉରେ କେଚେଜେପେ, ଆଇଙ୍ଗ ତାନିଙ୍ଗ ଆଲ୍ଲପେ ବରଏୟା ।” ୫୧ ଏନ୍ତେ ଇନକୁଲଃ ଲାଭକାରେ ଦେଏଃୟାନ୍ତି ହୟ ସାଲ୍ଲସାନ୍ତୟାନା, ତେଲ୍ଲକଦ ପୁରାଃଗି ଆକଦାଦାଅୟାନାକ, ୫୨ ଇନକୁ ପାଞ୍ଚ ହାଜାର୍ ହତକକେ ଜମେୟାଃ ହାଟିଙ୍ଗ କାଜିରାଃ ହରାତେ କାକ ସେଣ୍ଟାୟାନା, ତିୟାଃତି ଆକଆଃ ମନ୍ କେଚେଦ ତାଇକେନା ।

ୟୀଶୁ ଗିନେସରେଡ଼ରେ ଦୁକୁହାସୁତାନକକେ ବୁଗିକତାନାଏ
(ମାଥୁଉ ୧୪:୩୪-୩୬)

୫୩ ଯୀଶୁ ଆତ୍ମା ଆୟାତ୍ମା ଚେଲକ ଦରେୟା ପାରମ୍ପକେଦ୍ୱି ଗିନେସରେଡ୍ ନୁଡୁମ୍ ପାର୍ଗାନ୍ଦେକ ସେଟେରୁୟାନା, ଆତ୍ମା ଲାଭକାକେ ତଲ୍ଲକେଦାକ । ୫୪ ଇନ୍କୁ ଲାଭକାଏତେ ଆଡ୍ଗୁୟାନ୍ ତରୁୟା, ଏନ୍ତାରେନ୍ ହଡ଼କ ଯୀଶୁକେ ନେଲ୍ଲଡୁମ୍ପକିୟାକ । ୫୫ ହଡ଼କ ନେତେହେଟ୍ଟେକ ନିରୁଦାଡାକେଦା ଆତ୍ମା ଇନି୪ ଏନ୍ତାରେୟା ମେଟ୍ଟେ ଇନ୍କୁ ସାରିକେଦ୍ୱି ଦୁକୁହାସୁତାନ୍ଦକକେ ପାରକମ୍ପକରେ ଇନି୪ତାତ୍ତେକ ଗଥା ଆଭକେଦକଥା । ୫୬ ଆତ୍ମା ଯୀଶୁ ସବେନ୍ ହାଡୁ, ଚଲା, ସାହାର୍ତ୍ତେ ବଲ୍ଲତାଭକେନ୍ଲୁଣି, ହଡ଼କ ଦୁକୁହାସୁତାନ୍ଦକକେ ପିର୍ ଠାୟାଦ୍ତେକ ଆଭକେଦକଥା, ଆତ୍ମା ଲିନା୪ରେୟା ଆତ୍ମାକେ ଜୁଟିଦ୍ତାକାକ ମେଟ୍ଟେ ଇନି୪କେକ ବିନ୍ତି ତାଭକେନା, ଆତ୍ମା ଜୁଟିଦ୍ତକେଦ୍ ସବେନ୍ଦ ବୁଗିୟାନା ।

୭

ହାଡ଼ାମ୍ପହଡ଼କଥା ଇନିଡୁ
(ମାଥୁ ୧୫:୧-୯)

୧ ଚିମିନ୍ ଫାରୁଣୀକ ଆତ୍ମା ଯୀରୁଣାଲେମ୍ପଏତେ ହିଜୁ୪ଲେନ୍ ଚିମିନ୍ ଆଇନ୍ ଇଡୁକ ଯୀଶୁତାତ୍ତେକ ହୁଣ୍ଡିୟାନା । ୨ ଆତ୍ମା ଇନ୍କୁ ଯୀଶୁଆତ୍ମା ଚିମିନ୍ ଚେଲକକେ ଯିହୁଦୀକଥା ରିତିରିଖାଜ୍ ଲେକାତେ ସଡ଼ାକେଦ୍ତେ କା ଆବୁଙ୍ଗ୍ ତି୪ଇତେ ଜମ୍ପତାନ୍ଦକ ନେଲ୍ଲକେଦକଥା ।

୩ ଚିୟା୪ଚି ଫାରୁଣୀକ ଆତ୍ମା ସବେନ୍ ଯିହୁଦୀକ ପ୍ରାଚିନ୍ ହଡ଼କଥା ରିତିରିଖାଜ୍ ଲେକା ତି୪ଇ ବୁଗିଲେକାତେ କା ଆବୁଙ୍ଗ୍ ଜାକେଦ୍ କାକ ଜଜମାତ୍ । ୪ ଆତ୍ମା ପିର୍ଏତେ ରୁହାଡ଼କେଦ୍ତେ ଦାଆ୪ତେ ଆଉରି ଆବୁଙ୍ଗ୍ ଜାକେଦ୍ କାକ ଜଜମାତ୍ । ଆତ୍ମା ନେ'ଲେକାନ୍ ରିତିରିଖାଜ୍ ମାନାତିଜ୍ ତାଭକେନାକ, ତାଖାକ, ଚାଟୁକ, ପାରକମ୍ପକ*, ଆତ୍ମା ତାମ୍ପାତେ ବାଭୟାକାନ୍ ବାଚାନ୍ଦକେ ଦାଆ୪ତେ ଆବୁଙ୍ଗ୍ ଗାସାର୍ ତାଭକେନାକ ।

୫ ଏନାମେଟ୍ଟେ ଫାରୁଣୀକ ଆତ୍ମା ଆଇନ୍ ଇଡୁକ ଯୀଶୁକେ କୁଲିକିୟାକ, “ଚିନା୪ମେଟ୍ଟେ ଆମାତ୍ ଚେଲକ ତି୪ଇ ବେଗାଡ୍ ଆବୁଙ୍ଗ୍ କେଦ୍ତେ ସଡ଼ାଗି ଜଜମ୍ପକ ଦୁବା୪ ଆତ୍ମା ଆବୁଆତ୍ ପ୍ରାଚିନ୍ଦକଥା ରିତିରିଖାଜ୍ କାକ ମାନାତିଜ୍ ତାନା ?”

୬ ଯୀଶୁ କାଜିରୁହାଡ଼କେଦକଥାଏ, “ଆପେ ବେଦାହଡ଼କ ତାନ୍ଦେ, ଯିଶାୟ ଆପେୟା ବିଷାଏରେ ସାଡ଼ତିଗି ଆୟାଡ଼କାଜି କାଜିକାଦା, ନେଆଁଦ ଅଲ୍ଲକାନା, “ପାର୍ମେଶ୍ୱାର୍ କାଜିକେଦାଏ, ‘ନେ ହଡ଼କ ମତାତେକ ମାଭିଜ୍ ତାନା, ମେନ୍ଦ ଆକଥା ମନ୍ ଆଭଜ୍ତାତ୍ତେ ସାଜିନ୍ରେଥା ।

୭ ଆଭଜ୍ତକେ ସାମାଗିକ ସେଖାଭଜ୍ତାୟା; ଆତ୍ମା ଇନ୍କୁଦ ନେୟା ଧାରାମ୍ପରେୟା କାଜି ତାନା ମେଟ୍ଟେ ହଡ଼କଥା ଆନାଟୁକ ଇଡୁକତାନା ।

୮ “ଆପେ ପାର୍ମେଶ୍ୱାର୍ତ୍ତା ଆନ୍ତୁକ ଦୟା କୁଣ୍ଡାମ୍ପକେଦ୍ତେ ହଡ଼କଥା ରିତିରିଖାଜ୍ ମାନାତିଜ୍ ତାନାପେ ।”

୯ ଯୀଶୁ ଆତ୍ମାଗି କାଜିୟାଦକଥାଏ, “ପାର୍ମେଶ୍ୱାର୍ତ୍ତା ଆନ୍ତୁକେ କା ମାନାତିଜ୍ କେଦ୍ତେ ଆପେୟା ରିତିରିଖାଜ୍ କେ ମାନାତିଜ୍ ନାଗେଟ୍ଟେ ଆପେ ଆପେୟା ହରାପେ ନାମାକାଦା । ୧୦ ମୁଣା ଆନ୍ତୁକେ କାଜିୟାକାଦାଏ, ଏଜ୍ମା ଆପୁ କିନ୍ଦେ ମାନାତିଜ୍ କିନ୍ଦେ” ଆତ୍ମା ଜେତାଏ ଏଜ୍ମାତେକ ଚାଏ ଆପୁତେକେ ସାଡ଼ପାଥ ରେଦ ଇନି୪ ଗଜ୪କାଏ । ୧୧ ମେନ୍ଦ ଆପେ କାଜିତାନାପେ, ଜେତାଏ ଆୟାତ୍ ଆପୁ ଚାଏ ଏଜ୍ମାକେ କାଜିୟାକିନାଏ, ଆୟାତ୍ତାଏତେ ଅକ୍ନା୪ ନାଗେଟ୍ଟେ ଆମାତ୍ ବୁଗିନା୪ ନାମେତେୟା “କୁର୍ବାନା” କାନା, ନେଆଁରା୪ ମୁଣ୍ଡିଦ ନେୟା ପାର୍ମେଶ୍ୱାର୍ ନାଗେଟ୍ଟେ ଦାନ୍ ଏମାକାନା, ୧୨ ଏଜ୍ମାତେ ଆପେ ତାୟମ୍ପତେ ଇନି୪କେ ଆୟାତ୍ ଏଜ୍ମା ଚାହେ ଆୟାତ୍ ଆପୁଆତ୍ ନାଜ୍ ବୁଗିନା୪ ଚିକା ନାଗେଟ୍ଟେ ଆତ୍ମା ଜେତ୍ନା୪ କାପେ ଚିକାତିକାଭତାନା । ୧୩ ଆତ୍ମା ନେ ଲେକାତେ ଆପେୟା ରିତିରିଖାଜ୍ତେ ପାର୍ମେଶ୍ୱାର୍ତ୍ତା କାଜିପେ ଫାଦାଆତମେତାନା† । ଆତ୍ମା ନେ ଲେକାନ୍ କାମିକ ପୁରାତେ କାମିତାନା ।”

ହଡ଼କେ ଅକ୍ନା୪ ସଡ଼ାଭୟାଏ
(ମାଥୁ ୧୫:୧୦-୨୦)

୧୪ ଏଜ୍ମା ଯୀଶୁ ଗାଦେଲ୍ ହଡ଼କକେ କେଡାକେଦକଥାଏ ଆତ୍ମା ମେତାଦକଥାଏ, “ଆୟୁମେପେ ଆତ୍ମା ଆବ୍ କାଡ୍ ଉରୁମେପେ । ୧୫ ହଡ଼ରେ ବାହାରିଏତେ ବଲ୍ଲତେୟା ଜେତ୍ନା୪ ଇନି୪କେ କାଏ ସଡ଼ା

* ୨:୪ 7:4 ଚିମିନ୍ ମାଗି ଅନଲ୍ଲକରେ ପାରକମ୍ପ କା ଅଲ୍ଲକାନା † ୭:୧୩ ୭:୧୩ ସାମାଭତାରେତାନା

ଦାଢ଼ିୟାଈଆ, ମେନ୍ଦ ଇନିଷତେ ଅକନାଃ ଅତଙ୍ଗଅଃଆ ଏନା ଆଇଃକକେ ସତ୍ତରାଈଆଏ ।”^{୧୭} ଆୟୁମ୍ବ ନାଗେନ୍ତେ ଲୁତୁର୍ ମେନାଃନିଃ ଆୟୁମ୍ବଜମେକାଏ ।^{୧୮}

^{୧୭} ଆତଃ ଇନିଃ ଗାଦେଲ୍ ହତ୍ତକସାଃଏତେ ଫାଠକାକେଦତେ ଅତଃରେ ବଲୟାନ୍ତି, ତେଲାତାୟାଃକ ଏନ୍ ଜନ୍ନକା କାଜିରାଃ ମୁଣ୍ଡିକ କୁଲିକିୟାଃ ।^{୧୮} ଇନିଃ କାଜିରୁହାଡ଼ାଦକଆଏ, “ତିୟାଃ ଆପେୟାଗି ତଣ୍ଡାଗିୟାପେ ? ବାହାରିଏତେ ହତ୍ତରେ ବଲୟାତେୟାଃ ଇନିଃକେ କାଏ ସତ୍ତରା ଦାଢ଼ିୟାଈଆ ।^{୧୯} ତିୟାଃତି ଏନା ମନ୍ଦରେ କାହାଗି, ମେନ୍ଦ ଲାହିଦ୍ରେ ବଲୟାଆ, ଆତଃ ହତ୍ତମଏତେ ଅତଙ୍ଗ ଏଣ୍ଡାଗାଆଃ, ନେୟାଁ ତିୟାଃ କାପେ ଆଠକାରେତାନା ।” ନେ କାଜିରେ, ସବେନ୍ ଜଜମାଃ ଫାଠ୍ଟିଗିୟା ମେନ୍ତେ ଯାଣୁ ଉତ୍ତୁବ୍ କେଦାଏ ।

^{୨୦} ଆତଃଗି ଇନିଃ ମେତାଦକଆଏ, “ଅକନାଃ ହତ୍ତରାଃ ବିତାଠ୍ଟଏତେ ଅତଙ୍ଗଅଃଆ, ଏନା ହତ୍ତକେ ସତ୍ତରାଈୟାଏ ।^{୨୧} ତିୟାଃତି ଭିତାଠ୍ଟଏତେଗି, ହତ୍ତକଆଃ ମନ୍ଦଏତେ ଏତ୍ତକାନ୍ ଉତ୍ତୁ ଅତଙ୍ଗଅଃଆତାନା, ଆପାଙ୍ଗିର୍ କାମି, କୁମ୍ବୁତ୍ ହତ୍ତଗଏଃ,^{୨୨} ଆପାଙ୍ଗିର୍, ଲାଲାର୍, ଏତ୍ତକାନାଃ, ବେଦା, ନିଲାଜ୍, ହିସଙ୍ଗା, ନିନ୍ଦା, ଦୁଗାନି ଆତଃ ବାଲୁସେଣାଁ ।^{୨୩} ନେ ସବେନ୍ ଏତ୍ତକାନ୍ କାଜି ମନ୍ଦଏତେ ଅତଙ୍ଗଅଃଆତାନା ଆତଃ ହତ୍ତକେ ସତ୍ତରାଈୟାଏ ।”

ୟାଣୁ ମିଆଁଦ୍ ସାଅଁସାର୍ କୁଡ଼ିହନ୍ନକେ ବୁଗି ତାନାଏ
(ମାଥୁଉ ୧୫:୨୧-୨୮)

^{୨୪} ଏନ୍ତେ ଯାଣୁ ଏନ୍ତାଃକେ ବାଗିକେଦତେ ସୋର୍ ଦିଶ୍ମମରାଃ ଜାପାଃ ହାତୁତେ ସେନଃୟାନାଏ । ଇନିଃ ମିଆଁଦ୍ ଅତଃରେ ବଲୟାନ୍ତାଏ ଆତଃ ଜେତାଏ ଏନ୍ ଅତଃରେ ମେନାଈୟା ଏନା ଆଲକାକ ସାରିକା ମେନ୍ତେ ଇନିଃ ସାନାଙ୍ଗକେଦାଏ, ମେନ୍ଦ ଇନିଃ କାଏ ଉକ୍ତୁ ଦାଢ଼ିୟାନା ।^{୨୫} ମେନ୍ଦ ଇମତାଗି ମିଆଁଦ୍ କୁଡ଼ି, ଯାଣୁ ହିଜୁଃକାନାଏ ମେନ୍ତେ ଆୟୁମ୍ବକେଦତେ ହିଜୁଃୟାନାଏ ଆତଃ ଯାଣୁଆଃ କାଗାସୁବାରେ ଉୟୁଃୟାନାଏ, ତିୟାଃତି ସତ୍ତରା ଆମ୍ବାଦ୍ ଇନିୟାଃ ହନ୍ତେକୁଡ଼ିକେ ଏସେରାକାଇ ତାଇକେନାଏ ।^{୨୬} ଇନିଃ ସିରିୟା ଦିଶ୍ମମରାଃ ଫୋନେସିୟାରେନ୍ ମିଆଁଦ୍ ସାଅଁସାର୍ କୁଡ଼ି ତାଇକେନାଏ, ଇନିଃ ହନ୍ତେକୁଡ଼ିଏତେ ବଙ୍ଗାକେ ହାଠ୍ଟଅତଙ୍ଗତାଇମେ ମେନ୍ତେ ଯାଣୁକେ ବିକ୍ତିକିୟାଏ ।

^{୨୭} ମେନ୍ଦ ଯାଣୁ ମେତାଈୟାଏ, “ସିଦାତେ ହନ୍ନକକେ ଜମ୍ ରିକାକମେ, ତିୟାଃତି ହନ୍ନକଆଃ ଜମେୟାଃରେଃକକେଦତେ ସେତାକଆଃ ଆୟାଠ୍ରେ ହୁଦ୍ମାତେୟାଃ କା ବୁଗିନାଃ ।”

^{୨୮} ଏନ୍ତେ ଏନ୍ କୁଡ଼ି କାଜିକିୟାଏ, “ହେଗି ପ୍ରାଭୁ, ମେନ୍ଦ ମେଜ୍ ଲାତାଠ୍ରେ ସେତାକହଗି ହନ୍ନକଆଃ ହଲଙ୍ଗକେତାଃକ ଜଜମାଃ ।”

^{୨୯} ଏନ୍ତେ ଯାଣୁ ଇନିଃକେ କାଜିକିୟାଏ, “ନେ କାଜିରେୟାଃ ନାଗେନ୍ତେ ଜୁ, ଅତଃରେତେ ରୁହାଡ଼ମ୍, ହନ୍ନମ୍ କୁଡ଼ିତାଃଏତେ ବଙ୍ଗା ଅତଙ୍ଗୟାନା ।”

^{୩୦} ଏନ୍ କୁଡ଼ି ଅତଃରେତେ ରୁହାଡ଼ୟାନ୍ତେ ହନ୍ତେକୁଡ଼ିତାୟାଃକେ ପାଠକମ୍ରେ ଗିତିଜାକାନ୍ ନେଲ୍ଲିକିୟାଏ, ଆତଃ ବଙ୍ଗା ଇନିଃତାଃଏତେ ଅତଙ୍ଗଆଁକାନ୍ ନାମ୍ବକିୟାଃ ।

କା ଆୟୁମ୍ବଦାଡ଼ି ଆତଃ କା ବାଖାଁଣ୍ଡଦାଡ଼ି ହତ୍ତକେ ଯାଣୁ ବୁଗି ତାନାଏ

^{୩୧} ଆତଃଗି ଯାଣୁ ସୋର୍ ଦିଶ୍ମମଏତେ ଅତଙ୍ଗୟାନ୍ତି, ସିଦୋନ୍ ଦିଶ୍ମମରାଃ ଆଲା ହରା, ଗାଲିଲ୍ ଦରେୟା, ଆତଃ ଦେକାପଲ୍ଲା ସିମନାସାଃତେ ସେନଃୟାନାଏ ।^{୩୨} ଚିମିନ୍ ହତ୍ତକ ମିଆଁଦ୍ କା ଆୟୁମ୍ବ ଦାଡ଼ିତାନ୍ ହତ୍ତ ଆତଃ କା ବାଖାଁଣ୍ଡ ଦାଡ଼ିତାନ୍ ହତ୍ତକେ ଯାଣୁତାଃତେ ଆଉକିୟାଃକ, ଆତଃ ଆମାଃ ତିଃଇ ଇନିଃରେ ଦହେମେ ମେନ୍ତେକ ବିକ୍ତିକିୟା ।

^{୩୩} ଆତଃ ଯାଣୁ ଇନିଃକେ ଗାଦେଲ୍ ହତ୍ତକ ଆଲାଏତେ ଗେନାତେ ଏସ୍କାର୍ଗି ଇଦିକିୟାଏ, ଆତଃ ଆୟାଃ ସାଠ୍ସାଠ୍ ଇନିୟାଃ ଲୁତୁର୍ରେ ଦହକେଦାଏ, ଆତଃ ବେଏକକେଦତେ ଇନିୟାଃ ଆଲାଙ୍ଗକେ ଜୁଟିଦକେଦାଏ ।^{୩୪} ଆତଃ ସିମାସାଃତେ ସାଙ୍ଗିଲକେଦତେ, ମାରେସାହେଦ୍ଲଃ ମେନ୍ଦକେଦାଏ “ଏଫ୍ମାଆଃ” ନେଆଁରାଃ ମୁଣ୍ଡିଦ୍ “ନିଜଃମେଁ” ।

^{୩୫} ଇମତାଗି ଇନିୟାଃ ଲୁତୁର୍ଦ୍ ନିଜ୍ୟାନା ଆତଃ ଆଲାଙ୍ଗରେୟାଃ ତନଲ୍ ରାଡ଼ାୟାନା, ଆତଃ ଇନିଃ ବୁଗିଲେକାତେ ବାଖାଁଣ୍ଡ ଦାଡ଼ିକେଦାଏ ।^{୩୬} ଏନ୍ତେ ଯାଣୁ ଜେତାଏକକେ ନେ କାଜି କା ଉତ୍ତୁବ୍ ନାଗେନ୍ତେ ଇନ୍ନକ୍ତୁକେ କାଜିକେଦକଆଏ, ମେନ୍ଦ ଇନିଃ ହତ୍ତକକେ ପୁରାଃଗି କାଜିକେଦକରେହ ଇନ୍ନକ୍ତୁ ଆତଃଗି ପୁରାଃତେକ ଉତ୍ତୁବ୍ ବାଡ଼ାକେଦା ।^{୩୭} ଆତଃ ଏନା ଆୟୁମ୍ବକେଦ୍ ହତ୍ତକ ପୁରାଃଗିକ ଆକ୍ଦାଦାଆୟାନା, ଆତଃ କାଜିକେଦାଃକ, “ଇନିଃଦ୍ ସବେନାଃ ବୁଗିଲେକାତେ କାମିୟାକାଦାଏ, କା ଆୟୁମ୍ବଦାଡ଼ିତାନ୍କକେ

‡ ୭:୧୭ 7:16 ନେ ବାଗାନ୍ ଚିମିନ୍ ମାରି ଅନଲ୍ରେ ବାନ୍ୟା

ଜନିଃ ଆୟୁର୍ ରିକାକେଦକଥାଏ, ଆତଃ କା ବାଘାଣ୍ଡଦାଡ଼ିତାନକକେ ବାଘାଣ୍ଡ ନାଗେନ୍ତେ ପେଡ଼େଃ ଏମାକୁତାନାଏ ।”

୮

ୟୀଶୁ ଉପ୍ସୁ ହାଜାର୍ ହଡ଼କକେ ଜମେୟାଃ ଏମାକତାନାଏ
(ମାଥୁର ୧୫:୩୨-୩୯)

୧ ଏନ୍ ଦିପିଲିରେ ଆତଃଠି ଗାଦେଲ୍ ହଡ଼କ ହୁଣ୍ଡିୟାନା, ଆତଃ ଜଜମାଃକ ବାନଃ ହରାତେ, ଯୀଶୁ ଚେଲାକକେ ଆୟାଃତାଃତେ ହାକାଅକେଦତେ କାଜିୟାଦକଥାଏ, ୨ “ନେ ଗାଦେଲ୍ ହଡ଼କ ନାଗେନ୍ତେ ଆଇଁୟାଃ ଜୀଉ ବିଲ୍‌କାଅଃତାନା, ଚିୟାଃଚି ଆପି ମାହାଁଏତେ ଆଇଁୟାଃଲଃ ମେନାକଥା, ଆତଃ ନାହାଁଃ ଜନକୁତାଃରେ ଜମେୟାଃ ଜେଡ଼ନାଃ ବାନଃଆ । ୩ ଜନକୁକେ ସାମାଲାହିଦ୍ ଅତାଃତେଜଜ୍ କୁଲ୍‌ତାକୁରେ ହରାକରେ ଲାଗାଉତାରଃଆକ*, ଚିୟାଃଚି ଜନକୁଏତେ ଚିମିନକ ସାଜିନକଏତେ ହିଜୁଆକାନାକ ।”

୪ ଜନିୟାଃ ଚେଲାକ କାଜିରୁହାଡ଼କିୟା, “ଅକଏ ନେ ସିଃସଏଃ ଠାୟାଦରେ ନିମିନାଜ୍ ଗାଦେଲ୍ ହଡ଼କ ନାଗେନ୍ତେ ବିୟଃଚି ଜମେୟାଃ ଏମଦାଡ଼ିୟାଏ ?”

୫ ଯୀଶୁ କୁଲିକେଦକଥାଏ, “ଆପେତାଃରେ ଚିମିନାଜ୍ ହଲଜ୍ ମେନା ?”
ଜନକୁ କାଜିରୁହାଡ଼କିୟା, “ସାଡ଼ୁ ହଲଜ୍ ।”

୬ ଜନିଃ ସବେନ୍ ହଡ଼କକେ ଅତେରେ ଦୁବପେ ମେତାଦକଥାଏ । ଏନ୍ତେ ଏନ୍ ସାଡ଼ୁ ହଲଜ୍ ଜଦିକେଦତେ ପାର୍ମେଶ୍ୱାର୍‌କେ ଧାନାବାଦ୍ ଏମକିୟାଏ, ଆତଃ ଏନା କେଚାଃକେଦତେ ହଡ଼କକେ ହାଚିଜ୍‌ଆଁକ ନାଗେନ୍ତେ ଚେଲାତାୟାଃକକେ ଏମାଦକଥାଏ, ଆତଃ ଜନକୁକେ ହାଚିଜ୍‌ଆଁଦକଥାକ ।

୭ ଜନକୁତାଃରେ ହୁଡ଼ିଜ୍‌ଲେକା ହୁପଡ଼ିଜ୍ ହାକୁ ତାଇକେନାକ, ଏନ୍ ହାକୁ ନାଗେନ୍ତେ ପାର୍ମେଶ୍ୱାର୍‌କେ ଧାନାବାଦ୍ ଏମକିୟାଏ, ଆତଃ ଏନାକେ ହାଚିଜ୍ ନାଗେନ୍ତେ ଚେଲାକକେ କାଜିକେଦକଥାଏ ।

୮ ଏନା ଜମକେଦତେ ସବେନକ ବିୟାନାକ, ଆତଃ ସାରେଜାକାନ୍ କେଚାଃତେୟାଃକ ସାଡ଼ୁ ବୁଜି ହାଲାଇକେଦାଃକ । ୯ ଏନ୍ତାଃରେ ଉପ୍ସୁ ହାଜାର୍ ଲେକା ହଡ଼କ ତାଇକେନା । ୧୦ ଆତଃ ଜନିଃ ଜନକୁକେ ବିଦାକେଦକଚି, ଜମତାଚି ଯୀଶୁ ଆୟାଃ ଚେଲାକଲଃ ଲାଉକାରେ ଦେଏଃୟାନାଏ, ଆତଃ ଦାଲ୍‌ମାନୁଆ ସିମନାତେ ସେନଃୟାନା ।

ଫାରୁଶୀକ ମିଆଁଦ୍ ପେଡ଼େଃରାଃ କାମି ଯୀଶୁତାଃଏତେକ ନେଲ୍ ସାନାଜ୍‌ତାନା
(ମାଥୁର ୧୨:୩୮-୪୨; ୧୬:୧-୪)

୧୧ *ଆତଃ ଫାରୁଶୀକ ହିଜୁଃକେଦତେ ଯୀଶୁଲଃ ଏପରାଜ୍‌ଜାଗାର୍ ତାନଲଃ, ଜନିଃକେ ବିଡ଼ାଅ ନାଗେନ୍ତେ ଜନିଃ ସିମାଏତେ ହିଜୁଆକାନାଏ, ନେଆଁ ଉଦୁବ୍ ନାଗେନ୍ତେ ସିମାଏତେ ମିଆଁଦ୍ ଚିହ୍ନାଁକ ଆସିକିୟା । ୧୨ *ୟୀଶୁ ଜୀଉରେ ମାରାଜ୍ ସାହେଦ୍‌କେଦତେ କାଜିୟାଦକଥାଏ, “ଚିନାଃମେନ୍ତେ ନେ ପାରିୟାରେନ୍ ହଡ଼କ ପେଡ଼େଃରାଃ କାମିକ ରିକା ନାଗେନ୍ତେ କୁଲିତାନା ? ଆଇଜ୍ ସାଡ଼ିଚିଜ୍ କାଜିୟାପେତାନା, ନେ ପାରିୟାରେନ୍ ହଡ଼କଆଃ ନାଗେନ୍ତେ ମିଆଁଦ୍ ଚିହ୍ନାଁହ କା ଏମଃଆ ।”

୧୩ ଜନିଃ ଜନକୁକେ ବାଚିକେଦତେ, ଲାଉକାରେ ଦେଏଃରୁହାଡ଼ିୟାନାଏ ଆତଃ ଦରେୟା ହାନ୍‌ସାଃ ପାରମ୍‌ୟାନାଏ ।

ହେରୋଦ୍ ଆତଃ ଫାରୁଶୀକଆଃ ରାନ୍
(ମାଥୁର ୧୬:୫-୧୨)

୧୪ ଯୀଶୁଆଃ ଚେଲାକ ହଲଜ୍ ଜଦି ନାଜ୍‌କ ରିଡ଼ିଜ୍‌କେଦା ଆତଃ ଲାଉକାରେ ମିଆଁଦ୍‌ଚି ହଲଜ୍ ଆକତାଃରେ ତାଇକେନା, ୧୫ *ୟୀଶୁ କେଚେୟାନ୍‌ଚି କାଜିୟାଦକଥାଏ, “ନେଲେପେ, ଫାରୁଶୀକଆଃ ଆତଃ ହେରୋଦ୍‌ଆଃ ହସଡ଼ ଜନିଡୁ, ଅକଆଃଚି ରାନ୍‌† ଲେକାଃ ଏନାଏତେ ଚିଗାଲ୍‌କାନ୍ ତାଇନ୍‌ପେ ।”

୧୬ ଜନକୁଦ୍ ଆକ ଆକରେକ ମେନ୍‌କେଦା, “ଆବୁତାଃରେ ହଲଜ୍‌କ ବାନଆଃ ଏନାମେନ୍ତେ ଜନିଃ ଆବୁକେ କାଜିୟାବୁତାନାଏ ।”

୧୭ ଯୀଶୁ ଜନକୁଆଃ ଜୀଉରାଃ କାଜି ସାରିକେଦତେ ମେତାଦକଥାଏ, “ଆପେତାଃରେ ହଲଜ୍ ବାନଃ ମେନ୍ତେ ଚିକାନାଜ୍ ଆପେଚି ଉଡ଼ୁଡ଼ିତାନା ? ନାହାଁଃ ଜାକେଦ୍ କାପେଚି ସାରିକାଦା ଆତଃ ଆବ୍‌କାର୍‌ଉରୁମାକାଦା ? ଆପେୟାଃ ମନ୍ ନାହାଁଃ ଜାକେଦ୍‌ଚି କେଚେଦ୍‌ଚିୟା ? ୧୮ *ମେଦ୍ ମେନାଃତେହ

* ୮:୩ ୮:୩ ଆକଅକଆଃକ ☆ ୮:୧୧ ୮:୧୧ ମାଥୁର ୧୨:୩୮; କୁକ ୧୧:୧୭ ☆ ୮:୧୨ ୮:୧୨ ମାଥୁର ୧୨:୩୯; କୁକ ୧୧:୨୯.
☆ ୮:୧୫ ୮:୧୫ କୁକ ୧୨:୧. † ୮:୧୫ ୮:୧୫ ପାପ୍ / ରାନ୍ ହଲଜ୍‌କେ ମିଆଁଆଃ ☆ ୮:୧୮ ୮:୧୮ ପାର୍କ ୪:୧୨.

କା ଚିପେ ନେଲେତାନା ? ଆଡ଼ଃ ଲୁହୁର୍ ମେନାଃତେହ କା ଚିପେ ଆୟୁମେତାନା ? ଆଡ଼ଃ କା ଚିପେ ପାହାମେତାନା ? ୧୯ ମଣେୟା ହଲଙ୍ଗକେ କେଟାଃକେଦ୍ଦେତେ ପାଞ୍ଚ ହାଜାର୍ ହଡ଼କକେ ହାଟିଙ୍ଗାଆଁଦକଆ, ଜମ୍ ସାରେଜକେଟାଃ ଚିମିନ୍ ଟୁଙ୍କିପେ ହାଲଙ୍ଗକେଦାଃ ?”

ଚେଲାଇ କାଜିକିୟାଃ, “ବାରା ଟୁଙ୍କି ।”

୨୦ ଆଡ଼ଃ ଆଇଙ୍ଗ “ଉପୁନ୍ ହାଜାର୍ ହଡ଼କ ନାଗେନ୍ତେ ସାତୁ ହଲଙ୍ଗ କେଟାଃକେଦ୍ଦ୍ ଇମ୍ତାଙ୍ଗ, ସାରେଜାକାନ୍ କେଟାଃତେୟାଃ ଚିମିନ୍ ଟୁଙ୍କିପେ ହାଲଙ୍ଗକେଦାଃ ?”

ଇନ୍କୁଦ କାଜିକିୟାଃ “ସାତୁ ଟୁଙ୍କିଲେ ହାଲଙ୍ଗକେଦା ।”

୨୧ ଯୀଶୁ ମେତାଦକଆଏ, “ନାହାଁଃ ଜାକେଦ୍ ତି କାପେ ଆଟ୍ଟକାର୍ ଉରୁମେତାନା ?”

ୟୀଶୁ ବେଥସାଇଦାରେନ୍ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ବୁଗି ତାନା

୨୨ ଏନ୍ତେ ଇନ୍କୁ ବେଥସାଇଦା ତେବାଃୟାନାକ, ଆଡ଼ଃ ହଡ଼କ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ଯୀଶୁଟାଃତେକ ଆଉକିୟା ଆଡ଼ଃ ଇନିଃକେ ଜୁଟିଦକେଦ୍ଦେତେ ବୁଗିମେ ମେନ୍ତେକ ବିକ୍ତିକିୟା । ୨୩ ଯୀଶୁ, ଏନ୍ କା ନେଲ୍ ଦାଡ଼ିତାନ୍ ହଡ଼ରାଃ ତିଃଇ ସାଦକେଦ୍ଦେତେ ହାତୁଏତେ ଅଡ଼ଙ୍ଗକିୟା । ଇନିୟାଃ ମେଦ୍ରେ ବେଏକ୍କିୟାଏ ଆଡ଼ଃ ଆୟାଃ ତିଃଇ ଇନିଃରେ ଦହକେଦ୍ଦେତେ କୁଲିକିୟାଏ, “ତିୟାଃ ଆମ୍ ଜେଡ଼ନାଃମ୍ ନେଲେତାନା ?”

୨୪ ଏନ୍ ହଡ଼ଦ୍ ଆରିଦକେଦାଏ ଆଡ଼ଃ କାଜିକେଦାଏ, “ଆଇଙ୍ଗ ହଡ଼କକେ ସେନ୍ଦାଡ଼ାତାନା ଦାରୁଲେକାଇଙ୍ଗ ନେଲ୍କେତାନା ।”

୨୫ ଯୀଶୁ ଆଡ଼ଃମିସା ଇନିୟାଃ ମେଦ୍ରେକେ ଜୁଟିଦକେଦାଏ, ଏନ୍ତେ ଇନିଃ ନେଲ୍ ଦାଡ଼ିକେନାଏ, ଇନିଃ ବୁଗିୟାନାଏ ଆଡ଼ଃ ସବେନାଃ ଫାଟ୍ଟିଚି ନେଲ୍କେଦାଏ । ୨୬ ଯୀଶୁ ଇନିଃକେ ଅଡ଼ାଃତେ କୁଲ୍ ରୁହାଡ଼ିତାନ୍ଲଃ କାଜିକିୟାଏ, “ନେ ହାତୁତେ ଆଲମ୍ ସେନାଃ ।”

ପାଟ୍ଟରାସଆଃ ବିଶ୍ୱାସ୍

(ମାଥୁର ୧୭:୧୩-୨୦; ଲୁକ ୯:୧୮-୨୧)

୨୭ ଏନ୍ତେ ଯୀଶୁ ଆୟାଃ ଚେଲାଇଲଃ କାଇସରିୟା ଫିଲିପ୍ ଦିଶୁମ୍ବରାଃ ହାତୁକ ସେନଃତାନ୍ ଇମ୍ତା ଚେଲାଇକେ କୁଲିକେଦକଆ, “ଆଇଙ୍ଗ ଅକଏ ତାନିଙ୍ଗ୍ ମେନ୍ତେ ହଡ଼କ କାଜିତାନା ?”

୨୮ *ଇନ୍କୁ କାଜିରୁହାଡ଼କିୟାକ, “ଚିମିନ୍କ ବାପ୍ତିସ୍ତା ଏମଃନିଃ ଯୋହାନ୍, ଚିମିନ୍କ ଏଲିୟ ମେନ୍ଦ୍ ଚିମିନ୍କ ନାବାକଏତେ ମିହୁଡ୍ ତାନିଃ ମେନ୍ତେକ କାଜିତାନା ।”

୨୯ *ୟୀଶୁ ଇନ୍କୁକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?” ପାଟ୍ଟରାସ୍ କାଜିରୁହାଡ଼କିୟାଏ, “ଆମ୍ଗି ଖ୍ରୀଷ୍ଟ୍, ତାନ୍ମେ ।”

୩୦ ଏନ୍ତେ ଯୀଶୁ ଇନ୍କୁକେ ହୁକୁମ୍କେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ନେ କାଜି ଜେତାଏତାଃରେ ଆଲ୍ପେ ଉଦୁବେୟାଃ ।”

ୟୀଶୁ ଆୟାଃ ଦୁକୁସାହାଡ଼ିଙ୍ଗ୍ ଆଡ଼ଃ ଗନଏଃରାଃ କାଜି ଉଦୁବେତାନାଏ

(ମାଥୁର ୧୭:୨୧-୨୮; ଲୁକ ୯:୨୨-୨୬)

୩୧ ଏନ୍ତେ ଯୀଶୁ ଆୟାଃ ଚେଲାଇକେ ଇତୁ ଏରେଦକେଦାଏ, “ଆଇଙ୍ଗ୍ ମାନଞ୍ଜିହନ୍ ତାନାଇଙ୍ଗ୍, ଆଇଙ୍ଗ୍କେ ପୁରାଃ ଦୁକୁ ସାହାଡ଼ିଙ୍ଗ୍ ଲାଗାଡ଼ିୟାଃ, ଆଡ଼ଃ ପ୍ରାଚିନ୍କ, ମୁଲ୍ ଯାଜାକ୍ ଆଡ଼ଃ ଆଇନ୍ ଇତୁକ ଆଇଙ୍ଗ୍କେ ହିଲାଇଙ୍ଗ୍ୟା ଆଡ଼ଃ ଗଜିୟା, ଆଡ଼ଃ ଆଇଙ୍ଗ୍ ଆପି ମାହାଁ ତାୟମତେ ଜୀଉ ବିଦାାଇଙ୍ଗ୍ ।” ୩୨ ଆଡ଼ଃ ଇନିଃ ନେ ବିଷାଏ ଫାଟ୍ଟିଆନ୍ଗି ଇନ୍କୁକେ ଉଦୁବାଦକଆ । ଏନ୍ତେ ପାଟ୍ଟରାସ୍ ଯୀଶୁକେ ଗେନତେ ଇଦିକିଃତେ ଏଗେଟ୍ଟ୍ଏରେଦକିୟାଏ† । ୩୩ ମେନ୍ଦ୍ ଯୀଶୁ ହେଡ଼ାରୁହାଡ଼କେଦ୍ଦେତେ ଆୟାଃ ଚେଲାଇସାଃ ଆରିଦକେଦ୍ଦେତେ, ପାଟ୍ଟରାସ୍କେ ଏଗେଟ୍ଟିୟା, “ଏ ସାଏତାନ୍ ଆଇୟାଃତାଃଏତେ ଆଡ଼ମେନ୍ମେ ଆମ୍ଦ୍ ପାଟ୍ଟମେଶ୍ୱାଟ୍ଟିଆଃ ଲେକା କାହା ମେନ୍ଦ୍ ହଡ଼କଆଃ ଲେକାମ୍ ଉଡ଼ଃତାନା ।”

୩୪ ‡ଏନ୍ତେ, ଗାଦେଲ୍ ହଡ଼କକେ ଆଡ଼ଃ ଚେଲାଇକେ, ଯୀଶୁ କେଡ଼ାକେଦକଆଏ ଆଡ଼ଃ ମେତାଦକଆଏ, “ଜେତାଏ ହଡ଼ ଆଇଙ୍ଗ୍କେ ଅଡ଼ଙ୍ଗ୍ ସାନାଙ୍ଗ୍ରେଦ୍ ଇନିଃ ଆଇଃକ୍ ଆପାନ୍କେ ହିଲାଇଙ୍ଗକାଏ§, ଆଡ଼ଃ ଆୟାଃ କୁଶ୍* ଗଅଃକେଦ୍ଦେତେ ଅଡ଼ଙ୍ଗ୍ଇଙ୍ଗକାଏ । ୩୫ †ଚିୟାଃଚି ଆୟାଃ ଜୀଉ ବାଞ୍ଛାଅ ସାନାଙ୍ଗ୍ତାନ୍ନିଃ ଏନାଏ ଆଦେୟା, ମେନ୍ଦ୍ ଆଇଙ୍ଗ୍ ମେନ୍ତେ ଆଡ଼ଃ ସୁକୁକାଜି ମେନ୍ତେ ଆୟାଃ ଜୀଉ ଆଦେନିଃ, ଏନାଏ

* ୮:୨୮ ୮:୨୮ ମାର୍ଚ୍ଚ ୭:୧୫, ୧୫; ଲୁକ ୯:୨୮. † ୮:୨୯ ୮:୨୯ ଯୋହାନ୍ ୭:୬୮, ୭୯. ‡ ୮:୩୨ ୮:୩୨ ଆନ୍ତର୍ଜାଗିକିୟାଏ * ୮:୩୪ ୮:୩୪ ମାଥୁର ୧୦:୩୮; ଲୁକ ୧୪:୨୭. § ୮:୩୪ ୮:୩୪ ଆଇଃକ୍ ଆପାନ୍କେ ହିଲାଇଙ୍ଗକାଏ ଆପଣାକ୍ ଅସ୍ୱାକାକ୍ କରୁ * ୮:୩୪ ୮:୩୪ ଯୀଶୁକାଜି ଦୁକୁସାହାଡ଼ିଙ୍ଗ୍, ଆଡ଼ଃ ଗଜଃନାଙ୍ଗ୍ ସେକାଡ଼ାକାନ୍ଲଃ † ୮:୩୫ ୮:୩୫ ମାଥୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

ବାସ୍ତାବ୍ୟତା । ୩୭ ଜେତାଏ ହଡ଼ ଗଟା ଅତେଦିଶ୍ୱମ୍ ନାମକେଦରେୟ ଆୟାଃ ଜୀଉକେ ଆଦେରେଦ ଇନିୟାଃ
 ଚିକାନ୍ ଫାଏଦା ହବାଅଆଃ ? ୩୭ ତାଏ ଜେତାଏ ହଡ଼ ଆୟାଃ ଜୀଉ ନାମରୁହାଡ଼େ ନାଗେନ୍ତେ ଚିନାଃଏ ଏମ୍
 ଦାଡ଼ିୟା ? ୩୮ ନେ ପାରିୟାରେନ୍ ଆପାଜିର୍ ଆତଃ ପାପିହଡ଼କଆଃ ଥାଲାରେ ଆଇଙ୍ଗ୍ ଆତଃ ଆଇଁୟାଃ
 କାଜି ବିଷାଏରେ ଅକଏ ଗିହୁଗଃଆଏ, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ପାବିତାଡ଼ ଦୁଁଡ଼କଲଃ
 ଆପୁଇଁୟାଃ ମାନାରାଙ୍ଗ୍ରେ ହିଜୁଃରୁହାଡ଼ ଦିପିଲରେ ଆଇଙ୍ଗ୍‌ହରି ଏନ୍ ବିଷାଏରେ ଗିହୁଗଃଆଇଙ୍ଗ୍ ।”



୯ ଆତଃ ଯୀଶୁ ମେତାଦକଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ପାର୍‌ମେଶ୍ୱାର୍‌ଆଃ ରାଇଙ୍ଗ୍
 ପେଡ଼େଃଲଃ ହିଜୁଃତାନ୍ ଆଉରି ନେଲେ ଜାକେଦ୍, ନେତାଃରେ ତିଙ୍ଗ୍‌ଆକାନ୍ କଏତେ ଚିମିନ୍‌କ ଗନଏଃ
 କାକ ଚାଖାଅୟା ।”

ୟୀଶୁଆଃ ରୁପ୍ ବାଦଲିଆଃ
 (ମାଥୁଉ ୧୭:୧-୧୩; ଲୁକ ୯:୨୮-୩୭)

୨ *ତୁରୁଇ *ମାଃ ତାୟମ୍‌ତେ ଯୀଶୁ ପାଡ଼ରାସ୍, ଯାକୁବ୍ ଆତଃ ଯୋହାନ୍‌କେ ମିଆଁଦ୍ ସାଲାଙ୍ଗି ବୁରୁ
 ଚେତାନ୍ ଇଦିକେଦକଆଏ ଆତଃ ଇନ୍‌କୁ ଏନ୍‌ଃରେ ଏସକାର୍‌ଗି ତାଇକେନାକ, ଆତଃ ଇନ୍‌କୁଆଃ
 ନେପେଲରେ ଯୀଶୁଆଃ ରୁପ୍ ବାଦଲିଆୟାନ୍ । ୩ ନେ ଅତେଦିଶ୍ୱମ୍‌ରେନ୍ ଜେତାଏ ଧୋବି କାଏ ପୁଣ୍ଡି
 ଦାଡ଼ିଲେକା, ଲିଜାଃକ ତାୟାଃପ ଝାକ୍ ମାକ୍ ପୁଣ୍ଡିୟାନ୍ । ୪ ଏନ୍ତେ ମୁଣା ଆତଃ ଏଲିୟକେ, ଯୀଶୁଲଃ
 ଜାଗାର୍‌ତାନ୍ ନେଲକେଦକିନାକ । ୫ ପାଡ଼ରାସ୍‌ଦ ଯୀଶୁକେ ମେତାଇୟାଏ, “ହେ ଗୁରୁ, ଆବୁ ନାଙ୍ଗ୍
 ନେତାଃରେଚି ତାଇନଃ ପୁରାଃ ବୁଗିନାଃ, ଆପିୟା କୁମ୍‌ବାବୁ ବାଇୟାଃ, ମିଆଁଦ୍ ଆମାଃ ନାଗେନ୍ତେ, ମିଆଁଦ୍
 ମୁଣା ନାଗେନ୍ତେ ଆତଃ ମିଆଁଦ୍ ଏଲିୟ ନାଗେନ୍ତେ ।” ୬ ପାଡ଼ରାସ୍ ଚିକ୍‌ନାଃଏ କାଜିରୁହାଡ଼େୟା ଏନା କାଏ
 ଉଡ଼ୁ ଦାଡ଼ିକେଦା, ଚିୟାଃଚି ଇନ୍‌କୁଦେ ପୁରାଃଗି ବରକେଦାକ ।

୭ *ଏନ୍ତେ ମିଆଁଦ୍ ରିମିଲ୍ ହିଜୁଃକେଦ୍‌ତେ ଇନ୍‌କୁକେ ଉମ୍‌ଲୁ କେଦକଆଏ, ଆତଃ ଏନ୍ ରିମିଲ୍‌ଏତେ
 ମିଆଁଦ୍ କାଜି ଆୟୁମ୍‌ୟାନ୍ “ନିଃଗି ଆଇଁୟାଃ ଦୁଲ୍‌ଲାଡ଼୍ ହନ୍‌ତାନିଃ, ଅକଏକେଚି ଆଇଙ୍ଗ୍ ଦୁଲ୍‌ତାଃଇଙ୍ଗ୍,
 ନିୟାଃ କାଜି ଆୟୁମ୍‌ମେପେ ।” ୮ ଇନ୍‌କୁ ଇମ୍‌ତାଗି ଆରିଦ୍ ବିୟୁରକେଦାକ, ଆତଃ ଆକଲଃ ଯୀଶୁକେ
 ବାଗିକେଦ୍‌ତେ ଜେତାଏକେ କାକ ନେଲକିୟାଃ ।

୯ ବୁରୁଏତେକ ଆଡ଼ଗୁନ୍‌ତାନ୍‌ରେ ଯୀଶୁ ଇନ୍‌କୁକେ ଚେତାଅକେଦକଆ, “ଆପେ ନେଲାକାଦ୍‌ତେଆଃ,
 ମାନଝାହନ୍ ଗଜାକାନ୍‌କଏତେ ଆଉରି ଜୀଉବିରିଦେନ୍ ଜାକେଦ୍, ଜେତାଏକେ ଆଲ୍‌ପେ ଉଡୁବାକଆ ।”

୧୦ ଇନ୍‌କୁଦ ଇନିୟାଃ କାଜିକ୍ ଆୟୁମ୍‌କେଦ୍‌ତେ “ଗଏଃକାନ୍ କଏତେ ଜୀଉବିରିଦେନ୍ କାଜିରାଃ ମୁଣ୍ଡି
 ଚିକ୍‌ନାଃ ତାନାଃ ?” ମେନ୍ତେ ଆକ୍ ଆକରେକ କୁଲିୟାଃତାନ୍ ତାଇକେନା । ୧୧ *ଆତଃ ଇନ୍‌କୁ ଯୀଶୁକେ
 କୁଲିକିୟାଃକ, “ଚିନାଃ ମେନ୍ତେ ଆଇନ୍ ଇଡୁକ୍ ଏଲିୟକେ ସିଦାତେ ହିଜୁଃଲାଗାତିୟାଃ ମେନ୍ତେକ କାଜିୟାଃ
 ?”

୧୨ ଇନିଃ କାଜିରୁହାଡ଼ାଦକଆଏ, “ନେଆଁ ସାର୍‌ତିଗି ତାନାଃ, ଏଲିୟ ଆୟୁର୍‌ତେ ହିଜୁଃଗିୟାଏ, ଆତଃ
 ସବେନାଃ ଆତଃମିୟା ବାଜରୁହାଡ଼େୟାଏ । ମାନଝାହନ୍‌କେ ପୁରାଃ ଦୁକୁସାହାତିଙ୍ଗ୍ ଲାଗାତିଙ୍ଗ୍‌ୟାଃ ଆତଃ
 ହିଲାଙ୍ଗ୍‌ଆକ, ନେୟା ଚିନାଃ ମେନ୍ତେତାମ୍ ଆୟାଃ ବିଷାଏରେ ଅଲାକାନା ? ୧୩ ଆଇଙ୍ଗ୍‌ଦଇଙ୍ଗ୍
 କାଜିପେତାନା, ଏଲିୟ ହିଜୁଃୟାନାଏ, ଆତଃ ପାବିତାଡ଼ ଅନଲ୍‌କ ଇନିୟାଃ ବିଷାଏରେ ଅଲାକାଦ୍ ଲେକା,
 ହଡ଼କ୍ ଆକଆଃ ସାନାଙ୍ଗ୍ ଲେକା ଇନିଃକେ ରିକାକିୟାଃକ ।”

ୟୀଶୁ ମିଆଁଦ୍ ବଙ୍ଗା ଏସେରାକାଲ୍ ସିଟିଆକେ ବୁଗି ତାନା
 (ମାଥୁଉ ୧୭:୧୪-୨୧; ଲୁକ ୯:୩୭-୪୩)

୧୪ ଆତଃ ଇନ୍‌କୁ ଏଟାଃ ଚେଲାକତାଃକ ରୁହାଡ଼ୟାନ୍‌ଚି, ଗାଦେଲ୍ ହଡ଼କ୍ ଇନ୍‌କୁଆଃ ବିୟୁର୍‌ତେ
 ହୁଣ୍ଡିଆକାନ୍ ଆତଃ ଆଇନ୍ ଇଡୁକଲଃ କାପାଜିତାନ୍‌କ ନେଲକେଦକଆ । ୧୫ ଯୀଶୁକେ ନେଲ୍‌ତାଇଲଃଗି
 ହଡ଼କ୍ ଆକ୍‌ଦାନ୍‌ଆୟାନ୍ ଆତଃ ନିର୍ ଦାରମ୍‌କେଦ୍‌ତେକ ଜହାଡ଼କିୟାଃ । ୧୬ ଯୀଶୁ, ଆୟାଃ ଚେଲାକକେ
 କୁଲିକେଦକଆଏ, “ଆଇନ୍ ଇଡୁକଲଃ ଚିନାଃପେ କାପାଜିତାନା ?”

୧୭ ଗାଦେଲ୍ ହଡ଼କଏତେ ମିଆଁଦ୍‌ନିଃ ମେତାଇୟାଏ, “ଏ ଇଡୁନିଃ, ହନିଙ୍ଗ୍‌କଡ଼ାକେ ଆମାଃତାଃ
 ଆଉକିୟାଈଙ୍ଗ୍, ଚିୟାଃଚି ଇନିଃରେ ମିଆଁଦ୍ ବଙ୍ଗା ବଲକାନାଏ ମେନ୍ତେ ଇନିଃ କାଏ ବାଖାଣ୍ଡି ଦାଡ଼ିତାନା

* ୯:୨ ୯:୨ ପାଡ଼ରାସ୍ ୧:୧୭.୧୮. * ୯:୨ ୯:୨ ଛ † ୯:୨ ୯:୨ ଆୟାଃ ରୁପ୍ / ମେଦ୍‌ମୁହାଡ଼୍ ଆତଃ ଲିଜାଃ ପୁଣ୍ଡି ଝାକ୍ ମାକୟାନ୍
 * ୯:୨ ୯:୨ ମାଥୁଉ ୩:୭; ମାର୍କ ୧:୧୧; ଲୁକ ୩:୨୨. * ୯:୧୧ ୯:୧୧ ମାଥୁଉ ୧୧:୧୪.

। ୧୮ ଜେତାଏ ଠାୟାଦରେ ସାବକିଦତେ ଜନିଷକେ ଆଞ୍ଜାଠବାଟିୟାଏ, ଆତଃ ଜନିୟାଃ ମତା ପୁତୁରିଦଃଆ, ଜନିଃ ତାଟାଏ ତାଗଧୃତିଦେୟା ଆତଃ ଗଜାକାନ୍ ଲେକାଏ ରିକାଅଃଆ । ଆଇଙ୍ଗ୍ ଆମାଃ ଚେଲାଇକେ ଅତଙ୍ଗହାରତାଇପେ ମେନ୍ଦକେଦକଆଇଙ୍ଗ୍, ମେନ୍ଦ ଜନ୍କୁ କାକ ଦାଡ଼ିକେନା ।”

୧୯ ଯାଶୁ ମେତାଦକଆଏ, “ଏ କା ବିଶ୍ୱାସତାନ୍ ହତ୍ତକ, ତିମିନ୍ ଜାକେଦ୍ ଆପେଲଃ ତାଇନାଇଙ୍ଗ୍ ? ତିମିନ୍ ଜାକେଦ୍ ଆଇଙ୍ଗ୍ ସାହାତିଙ୍ଗ୍ପେଆ ? ମାର୍ ଏନ୍ ସିଟିଆକେ ଆଇଙ୍ଗ୍ତାଃତେ ଆଉଢ଼ିପେ ।” ୨୦ ଏତ୍ତେ ଜନ୍କୁ ସିଟିଆକେ ଆୟାଃତାଃକ ଆଉକିୟା । ଏତ୍ତକାନ୍ ଆମ୍ବାଦ ଯାଶୁକେ ନେଲ୍ତାଇତି ଇମ୍ତାଙ୍ଗ୍ଗି ଏନ୍ ହନ୍ଦକେ ଆଇଠାଅକିୟାଏ ଆତଃ ହନ୍ ଅତେରେ ଉୟୁଃକେଦତେ ବାଟିବାଡ଼ାୟାନାଏ ଆତଃ ଜନିୟାଃ ମତା ପୁତୁରିଦଃ ତାଇକେନା । ୨୧ ଯାଶୁ ଏନ୍ ହନ୍ଦରାଃ ଆପୁତେକେ କୁଲିକିୟାଏ, “ତିମିନ୍ ମାହାଏତେ ନେକାଅଃତାନାଏ ?”

ଆପୁତେ କାଜିରୁହାଡ଼କିୟାଏ, “ମିଦ୍ ସିଟିଆଏତେଗି ।” ୨୨ “ଗଜି ନାଗେତ୍ତେ ଏତ୍ତକାନ୍ ଆମ୍ବା ଜନିଷକେ ପୁରାଃସା ଦାଆଃରେ ଆତଃ ସେଙ୍ଗେଲ୍ରେ ଇଲିଙ୍ଗ୍ଉୟୁଃକାଇ ତାଇକେନା । ଏନାମେତ୍ତେ ଜେତ୍ତନାଃମ୍ ରିକାଦାଡ଼ିରେଦ ଦାୟାକେଦତେ ଆମ୍ ଦେଙ୍ଗାଲେମ୍ ।”

୨୩ ଯାଶୁଦ୍ “ହେ” ମେନ୍ଦତାନ୍ଲଃ, କାଜିକେଦାଏ, “ତିନାଃମେତ୍ତେ ରିକାଦାଡ଼ିରେଦ ମେନେତାନାମ୍, ବିଶ୍ୱାସତାନ୍ନିଃ ନାଗେତ୍ତେ ସବେନାଃ ରିକାଦାଡ଼ିୟାଃ ।”

୨୪ ଏନ୍ ତରସାଗି ଏନ୍ ହନ୍ଦରାଃ ଆପୁତେ ରାଆଃତାନ୍ଲଃ କାଜିକେଦାଏ, “ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍, ଆଇୟାଃ କା ବିଶ୍ୱାସ୍ରେ ଦେଙ୍ଗାଲ୍ଲେମ୍ ।”

୨୫ ହତ୍ତକକେ କୁରୁ ହୁଣ୍ଡିନ୍ତାନ୍ ଯାଶୁ ନେଲ୍ଲକେଦକି, ସତ୍ତରା ଆମ୍ବାକେ ମାରାଙ୍ଗ୍ମତାକିୟାଏ ଆତଃ ମେତାଇୟାଏ, “ଏ ଭାଏରା ଆତଃ କା ବାଞ୍ଜାଣ୍ ଦାଡ଼ିତାନ୍ ଆମ୍ବା, ଆଇଙ୍ଗ୍ ହୁକୁମ୍ ଏମାମ୍ତାନାଇଙ୍ଗ୍, ନିଃଏତେ ଅତଙ୍ଗଅଃମେ, ଆତଃ ନିଃଇରେ ତିଲ୍ଲାଇ ଆଲମ୍ ବଲ୍ ରୁହାଡ଼ାଃ ।”

୨୬ ଏତ୍ତକାନ୍ ଆମ୍ବା କାଉରିକେଦତେ ଏନ୍ ହନ୍ଦକେ ସିଦୁବକିୟା ଆତଃ ଅତଙ୍ଗ୍ ବାଗିତାଇୟାଏ । ସିଟିଆ କଡ଼ାଦ ଗଜାକାନ୍ନିଃ ଲେକାଏ ରିକାୟାନା; ହତ୍ତକ ମେନ୍ଦକେଦାଃ, “ଗଧୟାନାଏ ।” ୨୭ ମେନ୍ଦ ଯାଶୁ ତିଃଇ ସାବକିତେ ବିରିଦକିୟାଏ, ଆତଃ ଜନିଃ ତିଙ୍ଗ୍ଗକେଚେଦୟାନାଏ ।

୨୮ ଏତ୍ତେ ଯାଶୁ ଅତଃତେ ସେନଃୟାନାଏ, ଆତଃ ଏସକାର୍ରେ ଚେଲାଇତାୟାଃ ଜନିଷକେ କୁଲିକିୟାଃକ, “ଆଲେଦ୍ ତିନାଃମେତ୍ତେ ଏନ୍ ବଙ୍ଗାକେ କାଲେ ଅତଙ୍ଗ୍ ଦାଡ଼ିକେନା ?”

୨୯ ଯାଶୁ ମେତାଦକଆଏ “ନେ ଲେକାନ୍ ଏତ୍ତକାନ୍ ଆମ୍ବାକ ବିନ୍ତିତେ ଏସକାର୍ ଅତଙ୍ଗ୍ ଦାଡ଼ିୟାଆ, ଆତଃ ଜେତାଲେକାତେଦ କାହାଗି ।”

ଯାଶୁ ଆୟାଃ ଗନଏଃ କାଜି ଆତଃମିଆ ଉଦୁବେତାନାଏ
(ମାଥୁର ୧୭:୨୨-୨୩; ଲୁକ ୯:୪୩-୪୫)

୩୦ ଯାଶୁ ଆତଃ ଚେଲାଇତାୟାଃ ଏତ୍ତାଃଏତେ ସେନଃୟାନ୍ତି ଗାଲିଲ୍ ଦିଶ୍ୱମ୍ ଥାଲା ଆଲାତେକ ସେନଃୟାନା । ଜେତାଏ ଏନା ଆଲକାକ ସାରିନାମେକା ମେତ୍ତେ ଜନିଃ ସାନାଙ୍ଗ୍ତାଇକେନାଏ, ୩୧ ତିୟାଃତି ଜନିଃଦ ଆୟାଃ ଚେଲାଇକେ ଇତ୍ତକ ତାଇକେନାଏ । ଜନିଃ କାଜିୟାଦକଆଏ, “ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍, ଆଇଙ୍ଗ୍ ହତ୍ତକଆଃ ତିଃଇରେ ଏମ୍ଏଣ୍ଡାଗଃଆଇଙ୍ଗ୍, ଆତଃ ହତ୍ତକ ଆଇଙ୍ଗ୍କେ ଗଜିୟାକ୍, ଗନଏଃରାଃ ଆପିମା ତାୟମ୍ତେ ଆଇଙ୍ଗ୍ ଜାଉ ବିରିଦାଃଇଙ୍ଗ୍ ।”

୩୨ ମେନ୍ଦ ଜନ୍କୁ ନେ କାଜି କାକ ଆବକାର୍ ଉରୁମ୍ ଦାଡ଼ିକେଦା, ଆତଃ ଜନ୍କୁଦ୍ ଜନିଷକେ କୁଲି ନାଗେତ୍ତେ ବରକେଦାଃକ ।

ଅକଏ ମାରାଙ୍ଗ୍ ?
(ମାଥୁର ୧୮:୧-୫; ଲୁକ ୯:୪୬-୪୮)

୩୩ ଯାଶୁ ଆତଃ ଆୟାଃ ଚେଲାଇ କପ୍ପରନାହୁମ୍ ତେବାଃକେଦ୍ତି ଅତଃତେକେ ରେଲୟାନା, ଆତଃ ଜନିଃ ଚେଲାଇକେ କୁଲିକେଦକଆଏ, “ହରାରେ ତିନାଃପେ ଜାଗାର୍ତାନ୍ ତାଇକେନା ?”

୩୪ ଏମେନ୍ଦ ଜନ୍କୁ ହାପାୟାନାକ, ତିୟାଃତି ଜନ୍କୁ ଅକଏ ମାରାଙ୍ଗ୍ଆଁ ମେତ୍ତେ ହରାରେକ କାପାଜିତାନ୍ ତାଇକେନା । ୩୫ ଏୟାଶୁ ଦୁବୟାନ୍ତି ବାରାଞ୍ଜାକେକେ ହାକାଅକେଦକଆଏ, ଆତଃ ମେତାଦକଆଏ, “ଅକନ୍ ହତ୍ତ ସବେନ୍ଦକଏତେ ମାରାଙ୍ଗ୍ୟେନ୍ ସାନାଙ୍ଗ୍ରେଦେ, ସବେନ୍ଦକଏତେ ଲାତାରେନ୍ଦକାଏ ଆତଃ ସବେନ୍ଦକଆଃ ଦାସିନ୍ କାଏ ।” ୩୬ ଏତ୍ତେ ମିଆଁଦ୍ ହୁଡ଼ିଙ୍ଗ୍ ହନ୍ଦକେ ହାକାଅକିଃତେ ଜନ୍କୁଆଃ ଥାଲାରେ ତିଙ୍ଗ୍ଗକିୟାଏ ଆତଃ କୟଙ୍ଗକିଃତେ ମେତାଦକଆଏ, ୩୭ ଏନେ ଲେକାନ୍ ମିଆଁଦ୍ ହୁଡ଼ିଙ୍ଗ୍ ହନ୍ଦକେ ଅକନ୍ ହତ୍ତ

☆ ୯:୩୪ ୯:୩୫ ଲୁକ ୨୨:୨୪. ☆ ୯:୩୫ ୯:୩୫ ମାଥୁର ୨୦:୨୬, ୨୭; ୨୩:୧୧; ମାର୍କ ୧୦:୪୩, ୪୪; ଲୁକ ୨୨:୨୬. ☆ ୯:୩୭ ୯:୩୭ ମାଥୁର ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦.

“ଆଇଁୟାଃ ନୁତୁମ୍ବେ ସୁକୁଆଇୟାଏ ଭନିଃଦ ଆଇଙ୍ଗକେ ସୁକୁଆୟାଏ, ଆତଃ ଅକନ୍ ହଡ୍ ଆଇଙ୍ଗକେ ସୁକୁଆୟାଏ, ଭନିଃ ଆଇଙ୍ଗକେ ଏସକାନ୍ କା ମେନ୍ଦ ଆଇଙ୍ଗକେ କୁଲ୍‌ନିଃ ଆଇଁୟାଃ ଆବାକେୟରି ସୁକୁଆଇୟାଏ ।”

ଆବୁକେ ଦାରମ୍ ରୁହାଡ୍‌ବୁତାନ୍‌ନିଃଦ ଆବୁଲ୍‌ଃରିୟା
(ଲୁକ ୯:୪୯-୫୦)

୩୮ ଯୋହାନ୍ ଯୀଶୁକେ କାଜିକିୟାଏ, “ହେ ଗମ୍‌କେ, ମିଆଁଦ୍ ହଡ୍ ଆମାଃ ନୁତୁମ୍ବେ ବଙ୍ଗାକକେ ଅଡଙ୍ଗକତାନ୍‌ଲେ ନେଲ୍‌କିୟା ଆତଃ ଭନିଃ ଆବୁଆଃ ଜାମାରେନ୍ କାଏ ତାଇକେନା, ଏନାମେନ୍ତେ ଭନିଃକେ ମାନାକିୟାଲେ ।”

୩୯ “ୟୀଶୁ ମେତାଦକଆଏ, ଆଲ୍‌ପେ ମାନାଭୟା, ଆଇଁୟାଃ ନୁତୁମ୍ବେ ଆକଦାୟାଅ କାମି କାମିତାନ୍ ଜେତାଏନିଃ ଆଇଁୟାଃ ନୁତୁମ୍ବେ ଏଡକାନ୍ କାଜି କାମି କାଏ ଦାଡ୍‌ୟା । ୪୦ *ତିୟାଃତି ଅକଏ ଆବୁକେ ଦାରମ୍‌ବୁତାନାଏ, ଭନିଃଦ ଆବୁଲ୍‌ଃରିୟା । ୪୧ *ଆଇଙ୍ଗ ଆପେକେ ସାର୍‌ତିଗିଇଙ୍ଗ କାଜିୟାପେତାନା, ଆପେ ଖ୍ରୀଷ୍ଟ୍‌ଆଃ ତାନ୍‌ପେ ମେନ୍ତେ ଅକ ହଡ୍ ଆପେକେ ମିଦ୍ ଗିଲାୟ୍ ରେହାଡ୍ ଦାଆଃ ନୁଁଏ ନାଗେନ୍ତେ ଏମାପେରେଦ, ଏନ୍ ହଡ୍ ଆୟାଃ ନାଲା ନାମେଗିୟାଏ ।

ଆଲ୍‌ପେ ତହଦଃଆ ମେନ୍ତେ ଯୀଶୁ ଇଡୁକତାନାଏ
(ମାଥୁଉ ୧୮:୨-୯; ଲୁକ ୧୭:୧-୨)

୪୨ “ଆତଃଗି ଯୀଶୁ କାଜିକେଦାଃଏ, ଜେତାଏ ଆଇଁୟାଃରେ ବିଶ୍ୱାସ୍‌ତାନ୍ ନେ ହୁପ୍‌ଡିଙ୍ଗକଏଡେ ମିଆଁଦ୍‌ନିଃକେ ଆୟାଃ ବିଶ୍ୱାସ୍‌ରେ ତହଦ୍‌ରିକାଇରେଦ ଭନିୟାଃ ହଟଃରେ ଜାନ୍ତାଦିରି ହାକାକେଦ୍‌ଡେ ଭନିଃକେ ଇକିର୍ ଦରେୟାରେ ହୁଦ୍‌ମାତେୟାଃ ଭନିଃ ନାଗେନ୍ତେ ବୁଗିଅଃଡେଆଃ । ୪୩ *ଆତଃ ଆମାଃ ଡିଃଇ ବିଶ୍ୱାସ୍‌ରେ ତହଦ୍ ରିକାମ୍‌ତାନ୍‌ରେଦ, ଏନାକେ ଛପାଏଶ୍ୱାଃଏମେ । ବାରିଆଃ ଡିଃଇ ତାଇକେଦ୍‌ଡେ ନାରାକ୍‌ଡେ, ଡିଭଲ୍‌ଆ କା ଇଣ୍‌ଜିଃ ଯେଙ୍ଗେଲ୍‌ଡେ ସେନଃଏଡେଦ ଚୁଣ୍ଡାୟାନ୍ତେ ଜୀଦାନ୍‌ରେ ବଲ୍‌ଃ ଆମାଃ ନାଗେନ୍ତେ ବୁଗିନାଃ । ୪୪ ନାରାକ୍‌ରେ ଭନିକୁକେ ଜମ୍‌ତାନ୍ ଡିଜୁ କାକ ଗଜଃଆ ଆତଃ ସେଙ୍ଗେଲ୍ କା ଇଣ୍‌ଜିଃଆ ୪୫ ଆତଃ ଆମାଃ କାଟା ତହଦ୍ ରିକାମ୍‌ତାନ୍ ରେଦ, ଏନାକେ ଛପା ଏଶ୍ୱାଃତାମ୍ । ବାରିଆ କାଟାଡେ, ସେଙ୍ଗେଲ୍ ନାରାକ୍‌ରେମ୍ ହୁରାଙ୍ଗ୍ ହାଣ୍‌ବଃଏଡେଦ, ଲାଙ୍ଗ୍‌ଡାକାନ୍ ଜୀଦାନ୍‌ରେ ବଲ୍‌ଃଡେୟାଃ ଆମ୍ ନାଗେନ୍ତେ ବୁଗିନାଃ । ୪୬ ନାରାକ୍‌ରେ ଭନିକୁଆଃ ଡିଜୁ କାଏ ଗଜଃଆ ଆତଃ ସେଙ୍ଗେଲ୍ କା ଇଣ୍‌ଜିଃଆ । ୪୭ *ଆତଃ ଆମାଃ ମିଆଁଦ୍ ମେଦ୍ ପାପ୍‌ଇଡିମେରେଦ, ଏନାକେ ଅଡଙ୍ଗକେଦ୍‌ଡେ ହୁଦ୍‌ମାଏଶ୍ୱାଃଏମେ । ଆମାଃ ବାରିଆ ମେଦ୍ ତାଇକେଦ୍‌ଡେ ସେଙ୍ଗେଲ୍ ନାରାକ୍‌ରେ ହୁଦ୍‌ମାଅଃଏଡେ ମିଆଁଦ୍ ମେଦ୍ ତାଇକେଦ୍‌ଡେ ପାର୍‌ମେଶ୍ୱାଃର୍‌ଆଃ ରାଇଜ୍‌ରେ ବଲ୍‌ଃ ଆମାଃ ନାଗେନ୍ତେ ବୁଗିନାଃ । ୪୮ ଏନ୍ତାଃରେଦ ଭନିକୁକେ ଜମ୍‌ତାନ୍ ଡିଜୁକ କାକ ଗଜଃଆ ଆତଃ ଏନ୍ତାଃରାଃ ସେଙ୍ଗେଲ୍ ଡିଭଲ୍‌ଆ କା ଇଣ୍‌ଜିଃଆ ।

୪୯ “ଦାଣ୍ଡେ ବୁଲ୍‌ଙ୍ଗ୍‌ଡେ ଫାଃଡିଅଃ ଲେକା ସବେନ୍ ହଡକହ୍ ସେଙ୍ଗେଲ୍‌ଡେକ ଫାଃଡିଅଃଆ ।

୫୦ * “ବୁଲ୍‌ଙ୍ଗ୍ ବୁଗିନାଃ, ମେନ୍ଦ ଏନା ସାବାଗଃରେଦ, ଏନା ଚିଲ୍‌କାତେ ଆତଃମିଆ ସିବିଲ୍‌ରୁହାଡ୍‌ଆ ? ଆପେରେ ଦୁପୁଲ୍‌ଡାଃରାଃ ବୁଲ୍‌ଙ୍ଗ୍ ତାଇନଃକା, ଆତଃ ଆପେ ମିହୁଡ୍ ଆତଃମିହୁଡ୍‌ଲ୍‌ଃ ସୁକୁରେ ତାଇନ୍‌ପେ ।”

୧୦

କଡାକୁଡିବାଗିରେୟାଃ କାଜି
(ମାଥୁଉ ୧୯:୧-୧୨; ଲୁକ ୧୭:୧୮)

୧ ଏନ୍ତେ ଯୀଶୁ କପର୍‌ନାହୁମ୍‌ଏଡେ ଅଡଙ୍ଗୟାନ୍‌ଡେ ଯାଦାନ୍‌ନାହିଁ ପାରମ୍‌କେଦ୍‌ଡେ ଯିହୁଦା ପାର୍‌ଗାନ୍‌ଡେ ସେଟେର୍‌ୟାନାଏ । ଏନ୍ତେ ଗାଦେଲ୍ ହଡକ ଭନିଃଡାଃ ଆତଃଗିକ ହୁଣ୍ଡିୟାନା ଆତଃ ଭନିଃ ସିଦାଲେକା ଭନିକୁକେ ଇଡୁକେଦକଆଏ ।

୨ ଚିମିଦି ଫାରୁଶୀକ ଭନିଃଡାଃ ହିଜୁଃକେଦ୍‌ଡେ ବିଡାଅ ନାଗେନ୍ତେକ କୁଲିକିୟା, “ମିଆଁଦ୍ କଡା ଆୟାଃ କୁଡିଡେକେ ବାଗିଡେଆଃ ଆଇନ୍‌ଲେକାତେ ଠାଉକାଗିୟାଃ ଚି ?”

* ୯:୪୦ ୯:୪୦ ମାଥୁଉ ୧୨:୩୦; ଲୁକ ୧୧:୨୩. ✧ ୯:୪୧ ୯:୪୧ ମାଥୁଉ ୧୦:୪୨. ✧ ୯:୪୩ ୯:୪୩ ମାଥୁଉ ୫:୩୦. ‡ ୯:୪୪ ୯:୪୪ ନେ ବାଗାନ୍ ଚିମିଦ୍ ମାରି ଅନଲ୍‌କରେ ବାନଃଆ § ୯:୪୬ ୯:୪୬ ନେ ବାଗାନ୍ ଚିମିଦ୍ ମାରି ଅନଲ୍‌କରେ ବାନଃଆ ✧ ୯:୪୭ ୯:୪୭ ମାଥୁଉ ୫:୨୯. ✧ ୯:୫୦ ୯:୫୦ ମାଥୁଉ ୫:୧୩; ଲୁକ ୧୪:୩୪,୩୫.

୩ ଯୀଶୁ କୁଲିରୁହାଡ଼କେଦକଆଏ, “ମୁଣା ଆଇନରେ ଚିକନାଏଏ ଆରୁକାଦପେୟା ?”

୪ *ଇନକୁ କାଜିକିୟା, “ବାଗିରେଆୱ ଅନଲୁଚିଠା ଏମକେଦତେ ଜେତାଏ କୁଡ଼ି ତାୟାୱକେ ବାଗି ନାଗେନ୍ତେ ମୁଣା କାଜିୟାକାଦାଏ ।”

୫ ଯୀଶୁ କାଜିରୁହାଡ଼ାଦକଆଏ, “ଆପେୟାୱ କେଟେଦମନ୍ ନାଗେନ୍ତେ ମୁଣା ନେ ଆନ୍ତୁ ଅଲ୍ଲାଦପେଆଏ । ୬ ମେନ୍ଦ ପୁଅରେ ଆଲକାନ୍ ଲେକା, ଅତେଦିଶୁମରାୱ ବାଇୟାୱ ମୁନ୍ତରେ ପାରମେଶ୍ୱାର୍ ମାନୱା କିନ୍କେ କଡ଼ା ଆତୱ କୁଡ଼ି ବାଇକାଦକିନାଏ । ୭ ଏନାମେନ୍ତେ କଡ଼ା ଆୟାୱ ଏକ୍ସା ଆତୱ ଆପୁକିନ୍କେ ବାଗିକିନାଏ, ଆତୱ ଆୟାୱ କୁଡ଼ିତାୟାୱଲୱ ନିଦୱଆଏ, ୮ ଆତୱ ଇନ୍କିନ୍ ମିଆଁଦୱଆକିନ୍ । ୯ ଏନାମେନ୍ତେ ଇନ୍କିନ୍ ବାଗିଆ ହଡ଼ମ ନାହାଁଲାୱକିନ୍, ମେନ୍ଦ ମିଆଁଦ ହଡ଼ମତାନ୍କିନ୍ । ୧୦ ଏନା ନାଗେନ୍ତେ ପାରମେଶ୍ୱାର୍ ନିଦରେ ତଲ୍ଲାକାଦତେୟାୱ ହଡ଼ ଆଲକାଏ ବିନ୍ଗାଏକା ।”

୧୦ ଅତୱାୱତେ ସେନୱୟାୱନ୍ତେ, ଏନ୍ତାୱରେ ଆୟାୱ ତେଲ୍ଲାକ ଯୀଶୁକେ ଏନ୍କାଜି ଆତୱୱାକି କୁଲିକିୟାୱ ।

୧୧ *ୟୀଶୁଦ ମେତାଦକଆଏ, “ଜେତାଏ ଆୟାୱ କୁଡ଼ିତେକେ ବାଗିକେଦତେ ଏଟାୱ କୁଡ଼ି ଆଣ୍ଡିୟାୱନିୱଦ ଆୟାୱ କୁଡ଼ିତେୟାୱ ବିରୁଧରେ ଆପାଜିର୍ କାମି କାମିୟା । ୧୨ ଏନ୍ ଲେକାତେ କୁଡ଼ି ଆୟାୱ କଡ଼ାତେକେ ବାଗିକେଦତେ ଏଟାୱ କଡ଼ାକେ ଆଣ୍ଡିନ୍ରେଦ ଇନିୱ ଆୟାୱ କଡ଼ାତେୟାୱ ବିରୁଧରେ ଆପାଜିର୍ କାମି କାମିୟା ।”

ୟୀଶୁ ସିଚିଆ ହନ୍କକେ ଆଶିଷକତାନାଏ
(ମାଥୁର ୧୯:୧୩-୧୫; ଲୁକ ୧୮:୧୫-୧୭)

୧୩ ହୁପତିଙ୍ଗ ହନ୍କକେ, ତିୱଇ ଦହକେଦତେ ଆଶିଷକାଏ ମେନ୍ତେ, ହଡ଼କ ଯୀଶୁତାୱତେକ ଆଉକେଦକଆ, ମେନ୍ଦ ତେଲ୍ଲାକ ଆଉକତାନ୍କକେ ମାରାଙ୍ଗମଟା କେଦକଆକ । ୧୪ ଏନା ନେଲ୍ଲକେଦତେ ଯୀଶୁ ଖୁସୟାନାଏ ଆତୱ ତେଲ୍ଲାକକେ ମେତାଦକଆଏ, “ହୁପତିଙ୍ଗ ହନ୍କକେ ଆଇଙ୍ଗାତାୱତେ ହିନ୍ତୁୱାକକାଦେ, ଆତୱ ଆଲ୍ଲପେ ମାନାକଆ, ନିକୁଲେକାନ୍ କଆୱାଦି ପାରମେଶ୍ୱାର୍ଆୱ ରାଇଜ୍ ତାନାୱ । ୧୫ *ସାର୍ତିଚିଙ୍ଗ କାଜିୟାପେତାନା ଜେତାଏ ହଡ଼ ପାରମେଶ୍ୱାର୍ଆୱ ରାଇଜ୍, ମିଆଁଦ ହୁଡ଼ିଙ୍ଗହନ୍ ଲେକା କାଏ ତେଲ୍ଲାଏରେଦ, ଏନାରେ ଚିଉଲାହଗି କାଏ ବଲ୍ଲଦାଡ଼ିୟାୱ ।” ୧୬ ଏନ୍ତେ ଇନିୱ ହନ୍କକେ ହାମ୍ବୁଦକେଦକଆଏ, ଆତୱ ଇନ୍କୁଆୱ ତେତାନ୍ରେ ତିୱଇ ଦହକେଦତେ ଆଶିଷକେଦକଆଏ ।

କିର୍ସାଣି ଧାଙ୍ଗଡ଼ା
(ମାଥୁର ୧୯:୧୭-୩୦; ଲୁକ ୧୮:୧୮-୩୦)

୧୭ ଆତୱୱା ଯୀଶୁ ସେନୱନାଙ୍ଗ ଅତଙ୍ଗତାନ୍ ଇମତା ମିଆଁଦ ହଡ଼ ଇନିୟାୱ ଆୟାୱରେ ନିର୍ହିନ୍ତୁୱାୟାନଚି ଇକୁଡ଼ମୁୟାନାଏ ଆତୱ କୁଲିକିୟାଏ, “ଏ ବୁଗିନ୍ ଇଡୁନିୱ, ଜାନାଅ ଜାବାନ୍ ନାମେ ନାଗେନ୍ତେ ଚିନାୱଇଙ୍ଗ ଚିକାୟା ?”

୧୮ ଯୀଶୁ ମେତାଇୟାଏ, “ଆମ୍ ଚିନାୱମେନ୍ତେ ଆଇଙ୍ଗକେ ବୁଗିନ୍ ମେନ୍ତେମ୍ କାଜିଇଙ୍ଗତାନା ? ମିଆଁଦିନିୱ ଏସକାର୍ ବୁଗିନାଏୱ ଇନିୱ ପାରମେଶ୍ୱାର୍ ତାନିୱ ଆତୱ ଜେତାଏକାହା । ୧୯ ଆମ୍ ଆନ୍ତୁମ୍ ସାରିତାନା, ଆଲମ୍ ଗଗଏୟାୱ, ଆଲମ୍ ଆପାଜିର୍ବରାୱ, ଆଲମ୍ କୁମ୍ବୁତୁୟା, ହସଡ଼ଗାୱା ଆଲମାୱ, ଆଲମ୍ ବେଦାୱ, ଏକ୍ସା ଆପୁ କିନ୍କେ ମାନାତିଙ୍ଗକିନ୍ମେ ।”

୨୦ ଇନିୱଦ ମେନ୍ତୁହାଡ଼ାଇୟାଏ, “ହେ ଗୁରୁ, ନେ ସବେନ୍ ଆନ୍ତୁ ନିଦସିଚିଆଏତେଇଙ୍ଗ ମାନାତିଙ୍ଗ ଆଉକାଦା ।”

୨୧ ଯୀଶୁ ଇନିୱକେ ନେଲ୍ଲାବାଇକୱତେ ଦୁଲ୍ଲାଡ଼କିୟାଏ ଆତୱ ମେତାଇୟାଏ, “ଆତୱ ମିଆଁଦ କାଜି ଆମକେ ରିକାଲଗାତିଙ୍ଗୟାୱ, ଜୁ, ଆମାୱ ସବେନାୱ ଆଖିରିଙ୍ଗତାମେ, ଆତୱ ଏନ୍ ଟାକା ରେଙ୍ଗେୱକକେ ହାଚିଙ୍ଗଆଁକମ, ସିର୍ମା ଦିଶୁମରେ ଖୁଲ୍ ନାମେଆଁ, ଆତୱ ରୁହାଡ଼କେଦତେ ଅତଙ୍ଗଇଙ୍ଗମେ ।” ୨୨ ଏନା ଆୟୁମକେଦତେ ଏନ୍ ହଡ଼ ହୁଡ଼ିଙ୍ଗଜାଉୟାନାଏ, ଆତୱ ଗସ ମେଦମୁହାଁଡ଼ାଏ ସେନୱୟାନା । ଚିୟାୱାଚି ଇନିୱଦ ପୁରାୱାଚି କିର୍ସାଣି ଡାଇକେନାଏ ।

୨୩ ଯୀଶୁ ତେଲ୍ଲାକକେ ହେତାବିୟୁରକେଦକଆଏ ଆତୱ ମେତାଦକଆଏ, “ଅକନ୍ ହଡ଼କଆୱ ଟାକା ପାଏସା ମେନାୱ, ଏନ୍ କିର୍ସାଣି ହଡ଼କନାଙ୍ଗ ପାରମେଶ୍ୱାର୍ଆୱ ରାଇଜ୍ରେ ବଲୱ ପୁରାୱାଚି ହାମ୍ବୁଲାୱ ।”

୨୪ ଏନ୍ କାଜିକ ଆୟୁମକେଦତେ ତେଲ୍ଲାକ ଆକ୍ଦାଦାଅୟାନା, ମେନ୍ଦ ଯୀଶୁ ଆତୱୱା କାଜିୟାଦକଆଏ, “ଏ ହନ୍କ, ପାରମେଶ୍ୱାରାୱ ରାଇଜ୍ରେ ବଲୱ ପୁରାୱାଚି ହାମ୍ବୁଲାୱ ।

* ୧୦:୪ ୧୦:୪ ମାଥୁର ୫:୩୧. * ୧୦:୧୧ ୧୦:୧୧ ମାଥୁର ୫:୩୨; ୧ କରିନ୍ଥୁ ୭:୧୦,୧୧. * ୧୦:୧୫ ୧୦:୧୫ ମାଥୁର ୧୮:୩.

୨୫ ପାର୍ଲମେଣ୍ଟର ଆଠ ରାଜକ୍ଷେତ୍ର କିପାଇଁ ହତ୍ତ ବଳ ଦାଢ଼ିଏତେ, ସୁଇଡ଼ିଶ୍ରେ ଉର୍ଦ୍ଧ୍ୱ ପାରମ୍ପରାତଥାଃ ରାଖିଲୁଣ ।”

୨୬ ନେଆଁ ଆୟୁର୍ବେଦକେତେ ଚେଲକ ଆତଃଶି ଆକଦାଦାଅୟାନା ଆତଃ ଆକ ଆକରେ କୁଲିବାତାକେଦାଃକ, “ତାଦ୍ ଅକଏ ଜାଉବାଞ୍ଚାଅ ନାମ୍ ଦାଢ଼ିୟାଏ ?”

୨୭ ଯାଶୁ ଇନ୍ଦ୍ରସାଃତେ ଆରିଦ୍ଦକେଦେତେ ମେତାଦକଆଏ, “ହତ୍ତକ ନାଗେନ୍ତେ ଏନା କା ଦାଢ଼ିୟଃ କାମି ତାନାଃ, ମେନ୍ଦ୍ ପାର୍ଲମେଣ୍ଟର ନାଗେନ୍ତେ ଦାଢ଼ିଅଃଆ । ତିୟାଃତି ପାର୍ଲମେଣ୍ଟରତେ ହବାଦାଢ଼ିୟାଃ ।”

୨୮ ଏନ୍ତେ ପାତ୍ରରାସ୍ କାଜିକେଦା, “ନେଲେମେ, ଆଲେଦ ସବେନାଃ ବାରିକେଦେତେ ଆମ୍ବକେଲେ ଅତଙ୍ଗକେଦମେୟା ।”

୨୯ ଯାଶୁ କାଜିରୁହାତାଦକଆଏ, “ସାର୍ତ୍ତଗି କାଜିୟାପେ ତାନାଇଙ୍ଗ୍, ଜେତାଏ ହତ୍ତ ଆଇଙ୍ଗ୍ ମେନ୍ତେ ଚାଏ ସୁକ୍ତକାଜିମେନ୍ତେ, ଅତାଃଦୁଆର୍, ଚାଏ ହାଗା ଚାଏ ମିଶି, ଚାଏ ଏଙ୍ଗା ଚାଏ ଆପୁ, ଚାଏ ହନ୍ଦଗାଁଣା, ଚାଏ ପିଡ଼ିହାସା ବାରିତାରେଦ, ୩୦ ଇନିଃ ନେ ପାରିୟାରେ, ସାଅଗୁଣା ଆଦକା ଅତାଃଦୁଆର୍କ, ହାଗା ମିଶିକ, ଏଙ୍ଗାକ, ହନ୍ଦକ ଆତଃ ଅତେହାସାକ ନାମେୟାଏ, ଆତଃ ଏନାଲଃ ଦୁକ୍ତସାସ୍ତି ହ୍, ଆତଃ ତାୟମ୍ ଦିପିଲିରେ ଜାନାଅ ଜାନାଅରେୟାଃ ଜାଦାନ ନାମେୟାଏ । ୩୧ ଧମେନ୍ଦ୍ ପୁରାଃ ହତ୍ତକ ସିଦାକାନକ୍ ତାୟମଃଆ, ଆତଃ ତାୟମାକାନକ୍ ସିଦାଅଃଆ ।”

ୟାଶୁ ଆତଃଶିଆ ଆୟାଃ ଗନଏଃ କାଜି ଉଦୁବେତାନାଏ
(ମାଥୁର ୨୦:୧୭-୧୯; ଲୁକ ୧୮:୩୧-୩୪)

୩୨ ଯାଶୁ ଆତଃ ଆୟାଃ ଚେଲକ ନାହାଁଃଦ ଯାତୁଣାଲେମେତେ ସେନଃତାନ୍ ହରାକ ସାବକେଦା । ଯାଶୁ ଆୟାଃ ଚେଲକଆଃ ଆୟୁର୍ ଆୟୁର୍ରେ ସେନଃ ତାଇକେନା, ଚେଲକ ଆକ୍ତାକାଅକାନ୍ ତାଇକେନାକ୍ ଆତଃ ତାୟମ୍ରେ ସେନତାନ୍ ଏଟାଃ ହତ୍ତକହରି ବର ତାଇକେନାକ । ଯାଶୁ ଆତଃଶି ଗେଲ୍ବାର୍ ଚେଲକକେ ହରାଏତେ ହାକାଅ ଆତମ୍ବକେଦକଆ, ଆତଃ ଆଇଃକ୍ରେ ଟଗଃ କାଜିକ ଇନ୍ଦ୍ରକେ ଉଦୁବ୍ ଏବେଦକେଦକଆ । ୩୩ ଆତଃ ମେତାଦକଆଏ, “ଆତୁ ଯାତୁଣାଲେମେତେବୁ ସେନଃତାନା, ଆତଃ ଏନ୍ତାଃରେ ଆଇଙ୍ଗ୍କେ ମାନଃହନ୍ଦକେ ମୁଲ୍ ଯାଜାକ୍ତାଆଃ ଆତଃ ଆଇନ୍ ଇନ୍ଦ୍ରକଆଃ ତିଃଇରେ ଏମ୍ବଣ୍ଡାଗିଆଁକ । ଇନ୍ଦ୍ର ଆଇଙ୍ଗ୍କେ ଗନଏଃ ସାଜାଇ ଏମ୍ବକେଦେତେ ସାଅସାୟ୍ ହତ୍ତକଆଃ ତିଃଇରେକ ଜିମାୟାଃ । ୩୪ ଇନ୍ଦ୍ର ଆଇଙ୍ଗ୍କେ ଲାୟାୟାଃକ, ବେଜିୟାଃକ, ଚାତୁକ୍ରେକ ହାଁଣାୟାଃ, ଆତଃକ ଗଜିୟାଁ ମେନ୍ଦ୍ ଆପିମାରେ ଆଇଙ୍ଗ୍ ଜାଉ ବିରିଦାଇଙ୍ଗ୍ ।”

ଯାକ୍ତୁବ୍ ଆତଃ ଯୋହାନ୍ରାଃ ଆନାସି
(ମାଥୁର ୨୦:୨୦-୨୮)

୩୫ ଜେବଦୀୟାଃ ହନ୍ଦକିନ୍ ଯାକ୍ତୁବ୍ ଆତଃ ଯୋହାନ୍, ଯାଶୁତାଃକିନ୍ ହିନ୍ଦ୍ରୟାନା, ଆତଃକିନ୍ କାଜିକିୟା, “ହେ ଗୁରୁ ଜେତାନକାଜି ଆଲିଙ୍ଗ୍ ଆସିମେତେୟାଃ ଆଲିଙ୍ଗ୍ ନାଙ୍ଗ୍ ରିକାଏମେ ।”

୩୬ ଯାଶୁ ଇନ୍ଦ୍ରକିନ୍କେ କୁଲିକେଦକିନାଏ, “ତିକାନାଃବେନ୍ଦ୍ ଆସିତାନା, ତିନାଃଇଙ୍ଗ୍ ରିକାୟା ?”

୩୭ ଇନ୍ଦ୍ରକିନ୍ କାଜିକିୟା, “ଆମାଃ ରାଇଙ୍ଗ୍ ମାନାରାଙ୍ଗ୍ରାଃ ରାଜଗାଦିରେ ଆଲିଙ୍ଗ୍ଏତେ ମିହୁଡ୍ ଆମାଃ ଜମତିସାଃରେ, ଆତଃ ଏଟାଃଶି ଆମାଃ ଲେଙ୍ଗାତିସାଃରେ ଦୁବକାଏ ମେନ୍ତେ କାଜିତାମ୍, ନେୟାଲିଙ୍ଗ୍ ସାନାକ୍ତାନା ।”

୩୮ ଧୟାଶୁଦ ମେତାଦକିନାଏ, “ତିନାଃବେନ୍ଦ୍ ଆସିତାନା ଏନା କାବେନ୍ଦ୍ ଆବ୍କାର୍ ଉରୁମେତାନା । ତିୟାଃ ଆଇଙ୍ଗ୍ ଅକନ୍ଦ୍ ଦୁକ୍ତସାହାତିଙ୍ଗ୍ରାଃ କାଟୋରାରେ ନୁଁଇଙ୍ଗ୍, ଏନା ନୁଁବେନ୍ଦ୍ ଦାଢ଼ିୟା ? ଚାଏ ଆଇଙ୍ଗ୍ ଅକନ୍ଦ୍ ଗନଏଃରାଃ ବାପ୍ରିସ୍ତାତେଇଙ୍ଗ୍ ବାପ୍ରିସ୍ତାଅଃଆ, ଏନାରେ ତିନାଃ ଆବେନଃବେନ୍ଦ୍ ବାପ୍ରିସ୍ତା ଦାଢ଼ିୟାଃ ?”

୩୯ “ଦାଢ଼ିୟାଃଲିଙ୍ଗ୍,” ମେତାଇଙ୍ଗାକିନ୍, ଯାଶୁ ମେତାଦକିନାଏ, “ଆଇଙ୍ଗ୍ ନୁଁଏ କାଟୋରାରେଦବେନ୍ଦ୍ ନୁଁଇୟାଃ ଆତଃ ଆଇଙ୍ଗ୍ ବାପ୍ରିସ୍ତାଅଃ ବାପ୍ରିସ୍ତାତେବେନ୍ଦ୍ ବାପ୍ରିସ୍ତାଅଃଆ । ୪୦ ମେନ୍ଦ୍ ଆଇଁୟାଃ ଜମତିସାଃରେ ଚାଏ ଲେଙ୍ଗାତିସାଃରେ ଅକଏ ଦୁବାଃଏ ନେଆଁ କାଜିତେୟାଃଦ୍ ଆଇଁୟାଃ ତିଃଇରେ ବାନଆଃ । ଅକଏୟାଃ ନାଗେନ୍ତେ ଏନା ପାର୍ଲମେଣ୍ଟର ବାଇୟାକାଦାଃଏ ଇନ୍ଦ୍ରକେ ଇନିଃ ଏନା ଏମାକଆଏ ।”

୪୧ ଏନା ଆୟୁର୍ବେଦକେତେ, ଏଟାଃ ଗେଲ୍ ଚେଲକ ଯାକ୍ତୁବ୍ ଆତଃ ଯୋହାନ୍କେ ଖୁସ୍ତୟାନାକ ।

୪୨ ଧୟାଶୁ ଇନ୍ଦ୍ରକେ ଆୟାଃତାଃତେ ହାକାଅ କେଦକଆଏ ଆତଃ ମେତାଦକଆଏ, “ସାଅସାୟ୍ ଅକଆଃ ଗୁସ୍ତୟାକ୍ ନୁହ୍ମମଃତାନ୍ଦକ ଇନ୍ଦ୍ରକେ ରାଇଙ୍ଗ୍ତାନା ଆତଃ ଇନ୍ଦ୍ର ଆଲାରେ ମାପ୍ତାଙ୍ଗ୍କାନକ୍ ଆକଆଃ

୫ ୧୦:୩୧ ୧୦:୩୧ ମାଥୁର ୨୦:୧୭; ଲୁକ ୧୩:୩୦. ୫ ୧୦:୩୮ ୧୦:୩୮ ଲୁକ ୧୨:୫୦. ୫ ୧୦:୪୨ ୧୦:୪୨ ଲୁକ ୨୨:୨୫,୨୬.

ଆକତେୟାରକ* ଇନ୍କୁକେ ଆବ୍‌କାର୍ ରିକାଟିକାକତାନା, ନେଆଁପେ ସାରିଆଃ । ୪୩ ଧିଆପେରେଦ ଆଲକା ଏନକାଅଃକା । ଆପେ ଆଲାରେ ଜେତାଏ ମାରାଙ୍ଗ୍‌ୟେନ୍ ସାନାଙ୍ଗ୍‌ରେଦ ଇନିଃ ଆପେୟାଃ ସୁସାର୍‌ନିଃ ବାଇୟେନକାଏ । ୪୪ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନିଃ ସବେନକାଆଃ ଦାସି ବାଇୟେନକା । ୪୫ ଆଇଙ୍ଗ୍ ମାନଞ୍ଜାହନ୍, ସୁସାର୍‌ନାମେ ନାଗେନ୍ତେଦ କା, ମେନ୍‌ଦ ସୁସାର୍ ନାଗେନ୍ତେ ଆତଃ ଆଇୟାଃ ଜାଉ ପୁରାଃ ହଡ଼କଆଃ ଦାଣ୍ଟେ ଗନଙ୍ଗ୍ ଏମ୍‌ପୁରା ନାଗେନ୍ତେଇଙ୍ଗ୍ ହିଜୁଃକାନା ।”

ୟୀଶୁ ମେଦ କାଏ ନେଲ୍ ଦାଡ଼ିତାନ୍ ବାଟ୍ ମାୟକେ ବୁଗି ତାନା
(ମାଥ୍‌ଉ ୨୦:୨୯-୩୪; ଲୁକ ୧୮:୩୫-୪୩)

୪୬ ଯୀଶୁ ଆୟାଃ ଚେଲକଲଃ ଯିରିହୋତେକ ସେଟେରୁୟାନା, ଆତଃ ଇନ୍କୁ ଗାଦେଲ୍ ହଡ଼କଲଃ ଏନ୍ ସାହାର୍‌ଏତେ ଅତଙ୍ଗ୍‌ଅଃତାନ୍ ଇମ୍‌ତା ତିମାୟୁଆଃ ହନ୍ କା ନେଲ୍‌ଦାଡ଼ିତାନ୍ ବାଟ୍ ମାୟ ହରାଗେନାରେ ଦୁବ୍‌କେଦ୍‌ତେ କର୍‌ଏ ଆସିତାନାଏ ତାଇକେନା । ୪୭ ଇନିଃ ନାଜ୍‌ରେଡ଼ରେନ୍ ଯୀଶୁ ତାନିଃ ମେନ୍ତେ ଆୟୁମ୍‌ତାଦ୍‌ତି, “ହେ ଦାଉଦ୍‌ଆଃ ହନ୍ ଯୀଶୁ ଦାୟାଈଙ୍ଗ୍‌ମେ” ମେନ୍ତେ କାଉରିତାନ୍‌ଲଃ ହାକାଅ ଏଟେଦ୍‌କିୟା ।

୪୮ ଗାଦେଲ୍ ହଡ଼କ ଇନିଃକେ ହାପାଅଃକାଏ ମେନ୍ତେକ ମାରାଙ୍ଗ୍‌ମତାକିୟାଃ । ମେନ୍‌ଦ ଇନିଃ ଆତଃତି ପୁରାଃ “ହେ ଦାଉଦ୍‌ଆଃ ହନ୍ ଦାୟାଈଙ୍ଗ୍‌ମେ” ମେନ୍ତେ କାଉରିକେଦାଏ ।

୪୯ ଯୀଶୁ ତିଙ୍ଗ୍‌ୟାନାଏ ଆତଃ, “କେଡ଼ାଆଉଇପେ” ମେନ୍‌କେଦାଏ । ଇନ୍କୁ ଏନ୍ କା ନେଲ୍‌ଦାଡ଼ିତାନ୍ ହଡ଼କେ କେଡ଼ାକିୟାଃକ ଆତଃ କାଜିକିୟାକ, “ଆଲମ୍ ବରଏୟା, ମାର୍ ବିରିଦ୍‌ମେ ! ଇନିଃ କେଡ଼ାମେତାନାଏ ।”

୫୦ ଇନିଃଦ ଆୟାଃ ଲିଜାଃ ହୁଦ୍‌ମା ଏଣ୍ଡାଃକେଦ୍‌ତେ ବିରିଦ୍ ଧାବ୍‌ୟାନାଏ ଆତଃ ଯୀଶୁତାଃତେ ହିଜୁଃୟାନାଏ ।

୫୧ ଯୀଶୁ ଇନିଃକେ କୁଲିକିୟାଏ, “ଆଇଙ୍ଗ୍ ଆମାଃ ନାଙ୍ଗ୍ ତିନାଈଇଙ୍ଗ୍ ଚିକାୟା ମେନ୍ତେମ୍ ସାନାଙ୍ଗ୍‌ତାନା” ଏନ୍ କା ନେଲ୍‌ଦାଡ଼ିତାନ୍ ହଡ଼ ମେତାଇୟାଏ, “ହେ ଗୁରୁ ନେନେଲାଇଙ୍ଗ୍ ସାନାଙ୍ଗ୍‌ତାନା ।”

୫୨ ଯୀଶୁ ଇନିଃକେ ମେତାଇୟାଏ, “ଜୁ ସେନଃମେ, ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।” ଇମ୍‌ତାଙ୍ଗ୍‌ଗି ଇନିଃ ନେଲ୍ ଦାଡ଼ିକେଦାଏ ଆତଃ ଯୀଶୁକେ ହରାହରାତେ ଅତଙ୍ଗ୍‌କିୟା ।

୧୧

ୟୀଶୁ ଯୀରୁଶାଲେମ୍‌ତେ ବଲତାନା
(ମାଥ୍‌ଉ ୨୧:୧-୧୧; ଲୁକ ୧୯:୨୮-୪୦; ଯୋହାନ୍ ୧୨:୧୨-୧୯)

୧ ଯୀଶୁ ଆତଃ ଚେଲକ ଯୀରୁଶାଲେମ୍ ନାଡ଼େଃୟାନତେ, ଜାଇତୁନ୍ ବୁରୁଜାପାଃ ବେଡ୍‌ଫାଗି ଆତଃ ବେଅନିଆ ନାଡ଼େଃତେକ ସେଟେରୁୟାନା, ଇମ୍‌ତା ଯୀଶୁ ଆୟାଃ ଚେଲକଏତେ ବାର୍‌ହଡ଼କିନ୍‌କେ ଆୟାର୍‌ତେ କୁଲିକେଦ୍‌କିନାଏ । ୨ ଆତଃ ମେତାଦ୍‌କିନାଏ, “ସାମ୍‌ନାଙ୍ଗ୍‌ରେଆଃ ହାତୁତେ ସେନଃବେନ୍, ଏନ୍ ହାଡୁ ତେବାଃ ଇମ୍‌ତାଙ୍ଗ୍‌ଗି ନାହିଁଃ ଜାକେଦ୍ ଜେତାଏ ଇନିଃରେ କା ଦେଜାକାନ୍ ମିଆଁଦ୍ ଗାଧାହନ୍ ତଲ୍‌କାନ୍‌ବେନ୍ ନାମିଆଁ, ଇନିଃକେ ରାଡ଼ାଇବେନ୍ ଆତଃ ନେତାଃ ଆଉଞ୍ଜିବେନ୍ । ୩ ଜେତାଏ ହଡ଼ ଇନିଃକେ ତିନାଃ ମେନ୍ତେବେନ୍ ରାଡ଼ାଇତାନା ମେନ୍ତେ କୁଲିବେନ୍‌ରେଦ, କାଜିୟାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ, ଆତଃ ହୁଡ଼ଙ୍ଗ୍‌ତାୟମ୍‌ତେ କୁଲିହାଡ଼ତାଇୟା ।”

୪ ଇନ୍କିନ୍‌ଦ ସେନଃୟାନକିନ୍ ଆତଃ ରାତା ଦୁଆର୍‌ତାଃ ବାହାରିରେ ମିଆଁଦ୍ ଗାଧାହନ୍ ତଲ୍‌କାନ୍‌କିନ୍ ନାମକିୟାଃ । ଇନିଃକେକିନ୍ ରାଡ଼ାଇ ଇମ୍‌ତା, ୫ ଏନ୍ତାଃରେ ତିଙ୍ଗ୍‌ଆକାନ୍ ହଡ଼କ କୁଲିକେଦ୍‌କିନା, “ଗାଧାହନ୍‌କେ ତିନାଃ ମେନ୍ତେବେନ୍ ରାଡ଼ାଇତାନା ?”

୬ ଇନ୍କିନ୍‌ଦ ଯୀଶୁ କାଜିୟାଦ୍‌କିନ୍ ଲେକାକିନ୍ କାଜିରୁହାଡ଼ାଦ୍‌କାଆ, ଏନ୍ତେ ଇନ୍କୁ ଇନ୍କିନ୍‌କେ ରାଡ଼ା ରିକାଦ୍‌କିନାକ । ୭ ଗାଧାହନ୍‌କେ ଇନ୍କିନ୍ ଯୀଶୁତାଃକିନ୍ ଆଉକିୟା, ଆତଃ ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଟେଦ୍‌କେଦା, ଆତଃ ଯୀଶୁ ଇନିଃରେ ଦୁବ୍‌ୟାନାଏ । ୮ ପୁରାଃ ହଡ଼କ ଯୀଶୁକେ ମାଇନି ନାଗେନ୍ତେ ଆକଆଃ ଲିଜାଃ ହରାହରାକ ବିଲ୍‌ଇଦି ତାଇକେନା; ଏଟାଃକଦ୍, ପିଡ଼ିକଏତେ ହୁଡ଼ଙ୍ଗ୍ ଢାଉଡ଼ା ମାଆଃ ଆଉକେଦ୍‌ତେ, ହରାହରାକ ଆଟେଦ୍‌ଇଦି ତାଇକେନା । ୯ ଯୀଶୁଆଃ ଆୟୁର୍‌ତାୟମ୍‌ରେ ସେନଃତାନ୍ ଗାଦେଲ୍ ହଡ଼କ କାଉରିକେଦାଃ, “ ‘ହୋଶାନ୍ନା’ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ହବାଅଃକା,

* ୧୦:୪୨ ୧୦:୪୨ ଆଧିକାର୍ ☆ ୧୦:୪୩ ୧୦:୪୩ ମାଥ୍‌ଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭.

ପ୍ରାଭୁଆଃ ନୁତୁମତେ ହିକ୍ସନିଃ ଧାଇନ ହବାଅଃକାଏ । ୧୦ ଆବୁଆଃ ପୁରୁଖାଆପୁ ଦାଉଦଆଃ ହିକ୍ସନିଃ
ରାଇନୁ ଧାଇନ ହବାଅଃକା, ସାଲାଇନୁତାର୍ ଠାୟାଦରେ ପାର୍ମେଶ୍ୱାରରାଃ ହୋଶାନା ହବାଅଃକା”
ମେନ୍ତେକ କାଉରିକେଦାଃ ।

୧୧ ଯୀଶୁ ଯୀରୁଶାଲେମତେ ତେବାରୟାନ୍ତି ମାନ୍ଦିର୍ ଅଡ଼ାଃରେ ବଲୟାନାଏ ଆତଃ ଜନିଃ ସବେନାଃ
ନେଲ୍ ବାଡ଼ାକେଦ୍ଦତି ସିଜ୍ହାସୁରଠାତ ଇମ୍ତା ବାରାଝାନ୍ ଚେଲାଇଲଃ ବେଥ୍ଲିଆତେ ସେନଃୟାନାଏ ।

ୟୀଶୁ ଲିଆଦାରୁକେ ସାର୍ପାଅକେଦା
(ମାଥୁର ୨୧:୧୮-୧୯)

୧୨ ଏଗାଃ ହୁଲାଙ୍ଗ୍ ଯୀଶୁ ଆୟାଃ ଚେଲାଇଲଃ ବେଥ୍ଲିଆଏତେ ରୁହାଡ୍ ଇମ୍ତା, ଯୀଶୁକେ
ରେଜେଃକିୟା । ୧୩ ସାଜିନ୍ଦରେ ଜନିଃ ସାକାମାକାନ୍ ମିଆଁଦ୍ ଲିଆଦାରୁକେ ନେଲ୍କେଦ୍ଦତେ, ଏନ୍ରେ
ଜକଇଜ୍ ନାମେଜାଃ ମେନ୍ତେ ଏନ୍ତାଃରେ ସେନଃୟାନା । ମେନ୍ଦ୍ ତେବାରୟାନ୍ତି ଏନାରେ ସାକାମ୍ ବିଡ଼ାଙ୍ଗ୍
ନାମ୍କେଦାଏ ଆଡ଼ାଃ ଜ କାଏ ନାମ୍କେଦାଃ, ଚିୟାଃଟି ଇମ୍ତା ଲିଆ ଜସାହା କା ତାଇକେନା । ୧୪ ଏନ୍ତେ,
“ଆମାଃ ଜ ଆତଃ ଜେତାଏ ହଡ୍ ଚିଉଲାଇଆ ଲାଇକାଏ ଜମେକା” ମେନ୍ତେ ଲିଆ ଦାରୁକେ କାଜିକେଦା ।
ଆତଃ ଚେଲାଇତାୟାଃ ଏନ୍ କାଜିକ ଆୟୁମକେଦା ।

ୟୀଶୁ ଯୀରୁଶାଲେମ ମାନ୍ଦିର୍ ଅଡ଼ାଃରେ ବଲତାନାଏ
(ମାଥୁର ୨୧:୧୨-୧୭; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୫ ଯୀରୁଶାଲେମତେ ତେବାରୟାନ୍ତି, ଯୀଶୁ ମାନ୍ଦିର୍ ଅଡ଼ାଃରେ ବଲୟାନାଏ, ଆତଃ ଏନ୍ତାଃରେ
ଦାଶୈନାଙ୍ଗ୍ ଜାତୁକକେ କିରିଙ୍ଗ୍ ଆଖିରିଙ୍ଗ୍ ତାନକକେ ହାଡ୍ଅଡଙ୍ଗ୍ ଏଟେଦ୍କେଦ୍ଆଏ । ପାଏସା
ଭାଞ୍ଜାଅତାନକଆଃ ମେଜ୍କ ଆତଃ ଦୁଦୁମୁଲ୍ ଆଖିରିଙ୍ଗ୍ ତାନକଆଃ ଦୁବ୍ତେୟାଃକ ଉଦୁରାଟିକେଦାଏ
। ୧୬ ଆତଃ ମାନ୍ଦିର୍ ଅଡ଼ାଃରାଃ ବାହାରି ରାତା ଥାଲ୍ ଥାଲାତେ କିରିଙ୍ଗ୍ ଆଖିରିଙ୍ଗ୍ତେଆଃକ ସାବ୍କେଦ୍ଦତେ
ଜେତାଏକେୟ କାଏ ସେନ୍ ପାରମ୍ ଇତିକେଦ୍ଦକଥା । ୧୭ ଏନ୍ତେ ଜନ୍କୁକେ ଇଡୁତାନ୍ଲଃ ମେତାଦ୍କଥାଏ,
ନେଆଁ ଅଲାଇନା,

“ଆଇୟାଃ ଅଡ଼ାଃ ଦିଶୁମ୍ବରାଃ ସବେନ୍ ଜାତିକ ନାଗେନ୍ତେ ବିକ୍ତିଅଡ଼ାଃ ନୁତୁମଆ
ମେନ୍ଦ୍ ଆପେ ନେଆଁକେ କୁମ୍ପୁଡୁଆଃ ତାଇନଃ ଠାୟାଦ୍ଦେ ବାଲୟାକାଦା ।”

୧୮ ମୁଲ୍ ଯାଜାକ୍ ଆତଃ ଆଇନ ଇଡୁକ୍, ଏନା ସବେନ୍ ଆୟୁମକେଦ୍ଦତେ, ଯୀଶୁକେ ଚିଲ୍ଲକାକ ଗଜିୟା
ମେନ୍ତେ ହରାକ ଦାଶୈବାଡ଼ାକେଦାଃ । ସବେନ୍ ହଡ୍କଦ୍ ଯୀଶୁଆଃ ଜନିତୁରେ ଆକ୍ଦାଦାଅୟାନା ମେନ୍ତେ
ଜନ୍କୁ ଜନିଃକେ ବରଥାଇତାନ୍କ ତାଇକେନା ।

୧୯ ସିଜ୍ହାସୁରୟାନ୍ତି ଯୀଶୁ ଆୟାଃ ଚେଲାଇଲଃ ଅଡଙ୍ଗ୍କେଦ୍ଦତେ ସାହାର୍ଏତେ ସେନଃୟାନାଏ ।

ଲିଆଦାରୁଏତେ ଜନିତୁ
(ମାଥୁର ୨୧:୨୦-୨୨)

୨୦ ଏଗାଃ ହୁଲାଙ୍ଗ୍ ସେତାଃ ଇଦାନ୍ତେ ହରାରେ ସେନଃ ଇମ୍ତା ଜନ୍କୁ ଲିଆଦାରୁକେକ ନେଲ୍କେଦା
। ଏନା ବୁଟାଏତେ ଚୁଟି ଜାକେଦ୍ ରହଡ୍ ଗଜାକାନ୍ ତାଇକେନା । ୨୧ ପାଦ୍ରାସ୍ ସିଦାହୁଲାଙ୍ଗ୍ରାଃ କାଜି
ପାହାମ୍କେଦ୍ଦତେ ମେତାଇୟାଏ “ନେଲେମେ, ହେ ଗୁରୁ, ଆମ୍ ସାର୍ପାଅଲେଦ୍ ଲିଆଦାରୁ ରହଡ୍କାନା ।”

୨୨ ଯୀଶୁ ଚେଲାଇକେ କାଜିରୁହାଡ଼ାଦ୍କଥାଏ, “ପାର୍ମେଶ୍ୱାରରେ ବିଶ୍ୱାସ୍ ଦହେଦେ ।” ୨୩ ସାର୍ପାଅତିରି
କାଜିୟାପେ ତାନାଇଙ୍ଗ୍, “ଜେତାଏ ହଡ୍ ନେ ବୁରୁକେ, ମାର୍ ବିରିଦ୍ ମେ ଆତଃ ଦରେୟାରେ ଭୟଗଃମେ
ମେନ୍ତେ କାଜିରେ, ଆତଃ ମନ୍ଦିରେ କାଏ ଆଡ଼ାଃଉଡ଼ୁରେ ଆତଃ ଜନିଃ ଆସିତେୟାଃ ସାର୍ପାଅତିରି ହବାଅଆଃ
ମେନ୍ତେ ବିଶ୍ୱାସେବେଦ୍, ଜନିଃ ସାନାଇତାନ୍ଲେକା ହବାଅଆଃ । ୨୪ ଏନାମେନ୍ତେ କାଜିୟାପେ ତାନାଇଙ୍ଗ୍,
ବିକ୍ତି ଇମ୍ତା ଜେତ୍ନାଃପେ ଆସିଆ, ଏନ୍ ସବେନାଃ ନାମାକାଦାଃଲେ ମେନ୍ତେପେ ବିଶ୍ୱାସେବେଦ୍,
ଆସିତେୟାଃ ସବେନାଃପେ ନାମେୟା । ୨୫ ଆତଃ ବିକ୍ତି ନାଗେନ୍ତେପେ ତିଙ୍ଗ୍ନରେ ଜେତା ହଡ୍ଆଃ
ବିରୁଧ୍ରେ ଜେତ୍ନାଃ ଆପେୟାଃ ଗୁହ୍ନାଁ ମେନାଃରେଦ୍, ଜନିଃକେ ଏନା ଛାମାଇପେ, ଏନାରେ ଆପେୟାଃ
ସିର୍ମାରେନ୍ ଆପୁ ଆପେକେୟିରି ଛାମାପେୟା । ୨୬ ମେନ୍ଦ୍ ଆପେ କାପେ ଛାମାଇରେଦ୍, ଆପେୟାଃ
ସିର୍ମାରେନ୍ ଆପୁହ୍ ଆପେୟାଃ ପାପ୍ କାଏ ଛାମାଏଆ* ।”

ୟୀଶୁଆଃ ପେଡ଼େକେ କୁଲିକେଦାଃକ
(ମାଥୁର ୨୧:୨୩-୨୭; ଲୁକ ୨୦:୧-୮)

☆ ୧୧:୨୩ ୧୧:୨୩ ମାଥୁର ୧୭:୨୦; ୧ କରିନ୍ଥ୍ଯ ୧୩:୨. ☆ ୧୧:୨୫ ୧୧:୨୫ ମାଥୁର ୬:୧୫,୧୫. * ୧୧:୨୨ ୧୧:୨୨ ନେ ବାଗାନ୍
ଚିମିନ୍ ମାରି ଅନଲ୍କକରେ ବାନଆଃ

୨୭ ଯୀଶୁ ଆତ୍ମ ତେଲ୍ୟକ ଆତ୍ମତ୍ତ ଯୀରୁଶାଲେମ୍‌ରେ ହିଜୁଃୟାନାକ । ମାନ୍ଦିରାତ୍ମାତ୍ତରେ ଯୀଶୁ ସେନାତ୍ତାତାନ୍ ଦିପିଲିରେ, ମୁଲ୍ ଯାଜାକକ, ଆଇନ୍ ଇତୁକ ଆତ୍ମ ପ୍ରାଚିନ୍‌କ ଇନିଃତାତ୍ତେକ ହିଜୁଃୟାନା ।

୨୮ ଆତ୍ମ, ଇନ୍‌କୁ କୁଲିକିୟାଃକ, “ଆମ୍ ଆକ ଆକ୍‌ତେୟାର୍‌ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍‌ତେୟାର୍‌ଏ ଏମାକାଦମେଆ ?”

୨୯ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆଇଙ୍ଗ୍‌ହ୍‌ ନିଆଁଦ୍ କାଜିଙ୍ଗ୍ କୁଲିପେୟା, ଏନା ଉଦୁବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍‌ ଅକ ପେଡ଼େଃତେ ନେଆଁକଇଙ୍ଗ୍ ରିକାତାନା, ଏନାଇଙ୍ଗ୍ ଉଦୁବାପେୟା । ୩୦ ଯୋହାନ୍‌ଆଃ ବାପ୍ତିସ୍ତା ସିର୍ମାରେନ୍ ପାର୍‌ମେଶ୍‌ବାର୍‌ତାଃଏତେ ଚି ମାନିଃତାଃଏତେ ତାଇକେନା ? ନେଆଁ, ମାର୍ କାଜିୟାଇଙ୍ଗ୍‌ପେ ।”

୩୧ ଇନ୍‌କୁ ଆକ ଆକରେକ କାପ୍‌ଜିୟାନା, “ଆବୁ ନେ କାଜିରେ ତିନାଃବୁ କାଜିରୁହାଡ଼ିୟା ? ‘ସିର୍ମାରେନ୍ ପାର୍‌ମେଶ୍‌ବାର୍‌ତାଃଏତେ’ ମେନେରେଦ୍, ଇନିଃ ‘ଚିକାନାଙ୍ଗ୍ ଯୋହାନ୍‌ରେ କାପେ ବିଶ୍ୱାସ୍‌କେଦା’ ମେତାବୁଆଏ ?” ୩୨ ମେନ୍‌ଦ୍ ମାନିଃତାଃଏତେ ମେନ୍ତେ କାଜିନାଙ୍ଗ୍ ବରକେଦାଃକ ତିୟାଃଚି, ଇନ୍‌କୁ ହଡ଼କକେ ବର ତାଇକେନାକ, ତିୟାଃଚି ସବେନ୍ ହଡ଼କ ଯୋହାନ୍ ଆୟାର୍‌କାଜିନିଃ† ତାନିଃ ମେନ୍ତେ ମାନାଚିଙ୍ଗ୍‌ଇ ତାଇକେନାକ । ୩୩ ଏନାମେନ୍ତେ ଇନ୍‌କୁ ଯୀଶୁକେ କାଜିରୁହାଡ଼ିକିୟାଃକ, “ଆଲେ କାଲେ ସାରିଆଃ ।”

୩୪ ଯୀଶୁ ମେତାଦକଆଏ, “ଆଇଙ୍ଗ୍‌ହ୍‌ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

୧୨

ଦାଖବାକ୍‌ଡ଼ିରେ କାର୍ କାମିତାନ୍ ହଡ଼କଆଃ ଜନ୍‌କା କାଜି (ମାଥୁଉ ୨୧:୩୩-୪୬; ଲୁକ ୨୦:୯-୧୯)

୧ ଏନ୍ତେ ଯୀଶୁ ଜନ୍‌କା କାଜିତେ ଇନ୍‌କୁକେ ଜାଗାର୍ ଏଟେଦ୍‌କେଦ୍‌ଆଏ, “ନିଆଁଦ୍ ହଡ଼ ନିଆଁଦ୍ ଦାଖବାକ୍‌ଡ଼ି ବାଇକେଦାଏ, ଆତ୍ମ କେସେଦ୍‌ବିୟୁରକେଦାଏ, ଘାନା ନାଗେନ୍ତେ ଗାଡା ଉରକେଦାଏ, ଆତ୍ମ ହରମେନ୍ତେ ହରଠାୟାଦ୍* ବାଇକେଦାଏ, ଏନ୍ତେ ଇନିଃ ଏନ୍ ଦାଖବାକ୍‌ଡ଼ି କାର୍ କାମିତାନ୍ ହଡ଼କକେ ଏମକେଦ୍‌ତେ ସାଜିନ୍ ଦିଶ୍‌ମ୍‌ତେ ସେନଃୟାନାଏ । ୨ ଜ ଗଦଃ ସାହା ତେବାଃୟାନ୍‌ଚି, ଦାଖବାକ୍‌ଡ଼ିରେୟାଃ ଜ ନାମେ ନାଗେନ୍ତେ ଇନିଃ ନିଆଁଦ୍ ଦାସିକେ ଏନ୍ କାର୍ କାମିତାନ୍ ହଡ଼କତାଃତେ କୁଲିକିୟାଏ । ୩ କାର୍ କାମି ହଡ଼କଦ୍ ଏନ୍ ଦାସିକେ ସାବ୍‌କିତେକ ଦାଲ୍‌କିୟାଃ, ଆତ୍ମ ସାମାତିଃଇକ କୁଲିରୁହାଡ଼ିକିୟା । ୪ ଏନ୍ତେ ଇନିଃ ଏଟାଃ ଦାସିକେ ଇନ୍‌କୁତାଃ କୁଲିକିୟାଏ, ଇନିଃକେଦ୍ କାର୍‌କାମି ହଡ଼କ ବହଃରେ ଦାଲିତାନ୍‌ଲଃ ହିଲାଇଙ୍ଗ୍‌କେଦ୍‌ତେ କୁଲିରୁହାଡ଼ିକିୟାକ । ୫ ଏନ୍ତେ ଇନିଃ ଆତ୍ମନିଆଁଦ୍ ଦାସିକେ କୁଲିକିୟାଏ, ଆତ୍ମ ଇନିଃକେହ୍ ଗଏଃକିୟାକ । ଇନିଃ ପୁରାଃ ଏଟାଃ ଦାସିକେ କୁଲିକେଦ୍‌କଆଏ, ଚିମିନ୍‌କକେ ଦାଲ୍‌କେଦ୍‌କଆକ, ଆତ୍ମ ଚିମିନ୍‌କକେ ଗଏଃକେଦ୍‌କଆକ । ୬ ନାହାଁଃ ନିଆଁଦ୍‌ଚି କୁଲିନିଃ ସାରେଜାକାନାଏ, ଇନିଃଦ୍ ଆୟାଃ ଦୁଲ୍‌ଲାଡ଼ ହନ୍‌କଡା ତାନିଃ । ନାହାଁଃ ଇନ୍‌କୁ ହନିଙ୍ଗ୍‌କଡାକେ ମାଲିନିୟାକ, ମେନ୍‌କେଦ୍‌ତେ ଚୁଣ୍ଡୁର ଇନିଃ ଆୟାଃ ଏନ୍ ହନ୍‌କେ ଇନ୍‌କୁତାଃତେ କୁଲିକିୟାଏ । ୭ କାର୍‌କାମି ହଡ଼କ ମେପେନ୍‌ୟାନା, ‘ନିଃଚି ଏନ୍ ଗମ୍‌କେୟାଃ ହନ୍‌ତାନିଃ, ମାର୍‌ବୁ ଗଜିୟା ଆତ୍ମ ଇନିଃୟା ହାନାଚିଙ୍ଗ୍ ଆଖୁଆଃ ହବାଅଆଃ ।’ ୮ ଏନାମେନ୍ତେ ଇନ୍‌କୁ ଇନିଃକେ ସାବ୍‌କିତେ ଗଏଃକିୟାକ, ଆତ୍ମ ଇନିଃୟା ଦାଖବାକ୍‌ଡ଼ିଏତେ ହୁରାଙ୍ଗ୍ ଅଡ଼ଙ୍ଗ୍‌କିୟାଃକ ।

୯ “ଦାଖବାକ୍‌ଡ଼ି ଗମ୍‌କେ ତାଦ୍ ତିନାଃଆଏ ଚିକାୟା ?” ମେନ୍ତେ ଯୀଶୁ କୁଲିକେଦ୍‌କଆଏ । “ଇନିଃଦ୍ ହିଜୁଃକେଦ୍‌ତେ ଏନ୍ କାର୍ କାମିହଡ଼କକେ ଗଏଃକିୟାଏ, ଆତ୍ମ ବାଖ୍‌ଡ଼ିତାୟାଃକେ ଏଟାଃ କାର୍ କାମିହଡ଼କକେ ଏମାକଆଏ । ୧୦ ଚିୟାଃ ଆପେ ଧାରାମ୍‌ପୁଥ୍‌ରେ ନେ କାଜି କାପେ ପାଢ଼ାଅକାଦାଃ ?

“ବାବାଇକ ଅକନ୍ ଦିରିକେ ଆତମ୍ ଏଣ୍ଡାଃଲେଦାକ ଏନାଦ କଚାରାଃ ମୁଲ୍‌ଦିରି ହବାୟାନା ।

୧୧ ନେ କାମିଦ୍ ପ୍ରାଭୁଗି ରିକାକେଦାଏ ଆତ୍ମ ଏନାଦ୍ ଆବୁଆଃ ନେନେଲ୍‌ରେ ଆକ୍‌ଦାୟାଅଗିୟା ।”

† ୧୧:୩୨ ୧୧:୩୨ ଆୟାର୍‌କାଜିନିଃ ନାବ୍ * ୧୨:୧ ୧୨:୧ ହରଠାୟାଦ୍ ମାତେନ୍

୧୨ ଯିହୁଦୀ ନେତାଙ୍କଠାରୁ ବିରୁଧରେ ନେ ଜନ୍ମକା କାଳି କାଳିକେଦାଏ ଏନା ଆବ୍‌କାର୍‌କେଦ୍‌ଦେ ଇନିଷକେ ସାସାବ୍ ସାନାଙ୍ଗ୍‌ତାନକ ତାଇକେନା, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌ଦେ ଇନିଷକେ ବାଗିକେଦ୍‌ଦେକ ନିର୍‌ୟାନା ।

**କାର୍ ଏମୱରେୟାଃ ଇନିତୁ
(ମାଥୁର ୨୨:୧୫-୨୨; ଲୁକ ୨୦:୨୦-୨୬)**

୧୩ ଆତଃ ଯୀଶୁଆଃ କାଳି ହରାତେ ସାବି ନାଗେନ୍ତେ ଇନ୍‌କୁ ଫୀରୁଗୀକଏତେ ଆତଃ ହେରୋଦ୍‌ରାଃ ତିମିନ୍ ହଡ଼କକେ ଇନିଷତାଃତେକ କୁଲ୍‌କେଦ୍‌କଆ । ୧୪ ଇନ୍‌କୁ ଆୟାଃତାଃ ହିଜୁଃୟାନ୍‌ତିକ କାଳିକିୟା, “ହେ ଗୁରୁ, ଆମ୍‌ଦ ସାର୍‌ତିନିଃ ତାନ୍‌ମେ ଆତଃ ଜେତାଏକେ କାମ୍ ବରଥାଃ ମେନ୍ତେ ଆଲେ ସାରିତାନାଲେ, ଆମ୍‌ଦ ହଡ଼ରାଃ ମେଦ୍‌ମୁହାଁଡ୍ କାମ୍ ନେଲାଃ, ମେନ୍‌ଦ ସାର୍‌ତିଗି ପାର୍‌ମେଶ୍‌ବରାଃ ହରା ଇତୁଆଃମେ, ମାର୍ କାଳିୟାଲେମେ, ଆଇନ୍ ଲେକାତେ ଆଲେକେ କାଇସାର୍‌କେ କାର୍ ଏମୱ ଲାଗାତିୟାଃ ତି କାହା ?”

୧୫ ମେନ୍‌ଦ ଯୀଶୁ ଇନ୍‌କୁଆଃ ବେଦା ଆବ୍‌କାର୍‌କେଦ୍‌ଦେ ମେତାଦ୍‌କଆ, “ତିନାଃ ମେନ୍ତେପେ ବିଡ଼ାଅଇଙ୍ଗ୍ ତାନା ? ମୁସିଙ୍ଗ୍‌ରାଃ ନାଲା ସିକା ଆଉଝାଇଙ୍ଗ୍‌ପେ, ଏନା ନେଲେଆଇଙ୍ଗ୍ ।”

୧୬ ଇନ୍‌କୁ ମିଆଁଦ୍ ସିକା ଆୟାଃତାଃକ ଆଉକେଦା, ଏନ୍ତେ ଇନିଃ ଇନ୍‌କୁକେ କୁଲିକେଦ୍‌କଆ, “ନେ ମୁରୁଡ୍ ଆତଃ ନୁତୁମ୍ ଅକଏୟାଃ ତାନାଃ ?”
ଇନ୍‌କୁ “କାଇସାର୍‌ରାଃକ” କାଳିକିୟା ।

୧୭ ଯୀଶୁ କାଳିରୁହାଡ଼ାଦ୍‌କଆଏ, “ଏନ୍‌ରେଦ୍ ଅକନାଃ କାଇସାର୍‌ରାଃ ତାନାଃ ଏନା କାଇସାର୍‌କେଗି ଏମାଇପେ, ଆତଃ ଅକନାଃ ପାର୍‌ମେଶ୍‌ବରାଃ ତାନାଃ ଏନା ପାର୍‌ମେଶ୍‌ବରକେଗି ଏମାଇପେ ।”
ଆତଃ ଯୀଶୁଆଃ ନେ କାଳିରେ ଇନ୍‌କୁ ହାଏକାର୍‌ୟାନାକ ।

**ୟୀଶୁ ହଡ଼କଆଃ ଜୀଉ ବିନିରିଦ୍‌ରେୟାଃ କାପୁଜିରେ ସାଦୁକିକକେ ହାପାକତାନାଏ
(ମାଥୁର ୨୨:୨୩-୩୩; ଲୁକ ୨୦:୨୭-୪୦)**

୧୮ ଜୀଉବିନିରିଦ୍‌ରେ କା ବିଶ୍ୱାସେତାନ୍ ସାଦୁକିକଏତେ ତିମିନ୍ ହଡ଼କ ଯୀଶୁତାଃତେ ହିଜୁଃକେଦ୍‌ଦେ ଇନିଷକେ କୁଲିକିୟାଃକ : ୧୯ “ହେ ଗୁରୁ, ମୁଣା ଆଲେ ନାଗେନ୍ତେ ଅଲକାଦାଏ, ଜେତାଏ ହଡ଼ଆଃ ଦାଦାତେ ବେଗାର୍ ହନ୍‌ଗାଁଣାକ ହବାଅଃ ସିଦାରେ ଗଏଃକେନଃ ରେଦ୍, ଆୟାଃ ହାଗାତେ ଇନିୟାଃ କୁଡ଼ିକେ ଆଣ୍‌ଦିୟାଃକାଏ, ଆତଃ ଦାଦାତେ ନାଙ୍ଗ୍ ହନ୍‌ଗାଁଣା ଜାନାମ୍‌କାଏ । ୨୦ ମିଦ୍ ଦିପିଲିରେ ସାଡ୍ ହାଗିୟା ତାଇନ୍‌କେନାକ ମାରାଙ୍ଗ୍‌ନିଃ ଆଣ୍‌ଦିକେଦ୍‌ଦେ ବେଗାର୍ ହନ୍‌ଗାଁଣାତେ ଗଏଃୟାନାଏ । ୨୧ ଏତାଃନିଃ ଏନ୍ ରାଜିକେ ଆଣ୍‌ଦିୟାନାଏ ଆତଃ ଇନିଃ ହନ୍‌ଗାଁଣା ହବାଅଃ ସିଦାରେ ଗଏଃୟାନା, ଆପିୟାନିଃହଗି ଏନ୍‌କାୟାନାଏ । ୨୨ ଏନ୍‌କାତେ ସାଡ୍ ହାଗିୟାକ ବେଗାର୍ ହନ୍‌ଗାଁଣାତେକ ଗଏଃୟାନା, ସବେନ୍‌କ ତାୟମତେ ଏନ୍ କୁଡ଼ିୟଗି ଗଏଃୟାନାଏ । ୨୩ ତାଦ୍‌ଦ ଜୀଉବିନିରିଦ୍‌ରେ, ସବେନ୍‌କ ଜୀଉବିରିଦ୍‌ଃ ଦିପିଲିରେ, ଏନ୍ କୁଡ଼ି ଇନ୍‌କୁଏତେ ଅକଏୟାଃ କୁଡ଼ି ହବାଅଥାଃଏ ? ତିୟାଃତି ସାଡ୍ ହାଗିୟା ସବେନ୍‌କଦ ଇନିଷକେ ଆଣ୍‌ଦିକାନ୍ ତାଇକେନାକ ।”

୨୪ ଯୀଶୁ ଇନ୍‌କୁକେ ମେତାଦ୍‌କଆ, “ଆପେ ଧାରାମ୍‌ପୁଥୁ ଆତଃ ପାର୍‌ମେଶ୍‌ବରାଃ ପେଡ଼େଃକ କାପେସାରି ହରାତେ ଆଦାକାନାପେ । ୨୫ ଗଏଃକେଦ୍‌ଦେ ଜୀଉ ବିନିରିଦ୍ ତାୟମତେ ହଡ଼କ କାକ ଆଣ୍‌ଦିନାଃ ଆତଃ କାକ ଆଣ୍‌ଦି ଏମୱଆ, ଇନ୍‌କୁ ସିମ୍‌ରେନ୍ ଦୁଡ୍‌କ ଲେକାକ ତାଇନାଃ । ୨୬ ଆତଃ ଗଏଃକାନ୍‌କଆଃ ଜୀଉବିରିଦ୍‌ରାଃ କାଳିପେ କୁଲିଙ୍ଗ୍‌ତାନା, ମୁଣା ଅଲକାନ୍ ପୁଥୁରେ ଅଲକାନା, ଜୁଲିଃତାନ୍ ତୁପାଦ୍‌ରାଃ କାଳି କାପେତି ପାଢ଼ାଅକାନା ? ନେ ସବେନ୍‌କ ଗଜାକାନ୍‌ରେୟଗି, ତିଲ୍‌କା ପାର୍‌ମେଶ୍‌ବର ମୁଣାକେ କାଳିକିୟାଏ, ଆଇଙ୍ଗ୍ ଆବ୍‌ହାମ୍‌ଆଃ ପାର୍‌ମେଶ୍‌ବର, ଇସାକ୍‌ଆଃ ପାର୍‌ମେଶ୍‌ବର, ଆତଃ ଯାକ୍‌ବ୍‌ଆଃ ପାର୍‌ମେଶ୍‌ବର ତାନିଙ୍ଗ୍ । ୨୭ ପାର୍‌ମେଶ୍‌ବର ଗଜାକାନ୍‌କଆଃ ପାର୍‌ମେଶ୍‌ବର ନାହାଁଲିଃ ମେନ୍‌ଦ ଜାନିଦ୍ ହଡ଼କଆଃ ପାର୍‌ମେଶ୍‌ବର ତାନିଃ । ଆପେ ପୁରାଃଗିପେ ଆଦାକାନା ।”

**ସବେନାଃଏତେ ମାରାଙ୍ଗ୍ ଆନ୍‌ତୁ
(ମାଥୁର ୨୨:୩୪-୪୦; ଲୁକ ୧୦:୨୫-୨୮)**

୨୮ ମିଆଁଦ୍ ଆଇନ୍ ଇତୁନିଃ ଇନ୍‌କୁକେ କାପାଳିତାନ୍ ଆୟୁମ୍‌କେଦ୍‌କଆଏ । ଯୀଶୁ ଏନ୍ ସାଦୁକିକକେ ତିଲ୍‌କା ବୁଗିଲେକାତେ କାଳିରୁହାଡ଼ାଦ୍‌କଆଏ ଏନା ଆବ୍‌କାର୍ ଉରୁମ୍‌କେଦ୍‌ତି, ଇନିଃ କୁଲିକିୟାଏ, “ସବେନ୍ ଆନ୍‌ତୁକଏତେ, ମାରାଙ୍ଗ୍ ଆନ୍‌ତୁ ଅକଆଃ ତାନାଃ ?”

☆ ୧୨:୧୮ ୧୨:୧୮ ପ୍ରେରିଡ୍ ୨୩:୮.

୨୯ ଯୀଶୁ କାଜିରୁହାଡ଼କିୟାଏ, “ସବେନାଃଏତେ ମାରାଙ୍ଗ ଆନୁରୁଦ ନେଆଁତାନାଃ, ହେ ଇସ୍ରାଏଲ୍, ଆୟୁମେମେ, ପ୍ରାଭୁ ଆବୁଆଃ ପାରମେଶ୍ୱାର୍, ଏସକାରଗି ପ୍ରାଭୁତାନିଃ । ୩୦ ପ୍ରାଭୁ ଆମାଃ ପାରମେଶ୍ୱାର୍‌କେ ଆମାଃ ସବେନ୍ ମନ୍‌ଡେ, ଆତଃ ଆମାଃ ସବେନ୍ ଜୀଉଡେ, ଆତଃ ଆମାଃ ସବେନ୍ ସେଣ୍‌ଡେ, ଆତଃ ଆମାଃ ସବେନ୍ ପେଡେଃଡେ ଦୁଲ୍‌ଡିମେ । ୩୧ ଏଟାଃ ଆନୁରୁଦ ନେଆଁତାନାଃ, ଆମାଃ ହପରଜାପାଃରେନିଃଠେ ଆମ୍‌ଲେକା ଦୁଲ୍‌ଡିମେ । ନେ ବାରିଆଃ ଆନୁରୁଦଏତେ, ମାରାଙ୍ଗ ଆତଃ ଜେତାଏ ଆନୁରୁ ବାନଆଃ ।”

୩୨ ଆଇନ୍ ଇଡୁକ ଯୀଶୁକେ କାଜିକିୟାଃ, “ଠାଉକାଗିମ୍ କାଜିତାନା, ଏ ଇଡୁନିଃ, ଆମାଃ କାଜି ପାରତିଗିଆଃ, ଆମାଃ କାଜି ଲେକାତେ ପାରମେଶ୍ୱାର୍ ମିଆଁଦଗିଆଏଃ, ଆତଃ ଇନିଃଠେ ବାଗିକେଦ୍‌ଡେ ଏଟାଃ ଜେତାଏ ପାରମେଶ୍ୱାର୍ ବାଙ୍ଗାଲଆଃ । ୩୩ ଆତଃ ହଡ଼କେ, ଆୟାଃ ସବେନ୍ ମନ୍‌ଡେ, ଆତଃ ଆୟାଃ ସବେନ୍ ସେଣ୍‌ଡେ, ଆତଃ ଆୟାଃ ସବେନ୍ ପେଡେଃଡେ ଇନିଃଠେ ଦୁଲ୍‌ଡିମେ, ଲାଗାତିୟାଃ ଆତଃ ଆୟାଃ ହପରଜାପାଃନିଃଠେହ ଆୟାଃ ଲେକା ଦୁଲ୍‌ଡିମେ, ଲାଗାତିୟାଃ । ନେ ବାରିଆ ଆନୁରୁ ମାନାତିଙ୍ଗ୍‌ଡେଆଃଦ ଉରୁବଃ ଦାଣ୍‌ଡେ ଚାଏ ସବେନ୍ ଏଟାଃ ଦାଣ୍‌ଡେରାକାଏଏତେ ମାରାଙ୍ଗ କାମିତାନାଃ ।”

୩୪ ଇନିଃଠେ ସେଣ୍‌ଡେ ଲେକାତେ କାଜିକେଦାଏ, ଏନା ନେଲ୍‌କେଦ୍‌ଡେ ଯୀଶୁ ଇନିଃଠେ ମେତାଲୟାଏ, “ଆମ୍‌ଦ ପାରମେଶ୍ୱାର୍‌ଆଃ ରାଜ୍‌କ୍‌ଏତେ ସାଜିନ୍‌ରେ ବାଙ୍ଗ୍‌ମେଆଁଃ ।” ଆତଃ ଏନ୍‌ଡାୟମ୍‌ଡେ ଜେତାଏ ଇନିଃଠେ ଜେଡନାଃ କୁଲିନାଙ୍ଗ୍ କାକ ସାହାଁସକେଦା ।

ଖ୍ରୀଷ୍ଟ ଦାଉଦାଃ ହଡ଼କଡ଼ା
(ମାଥୁଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାଦିର୍ ଅଡ଼ାଃରେ ଇଡୁତାନ୍ ଇମତା ଯୀଶୁ କୁଲିକେଦ୍‌କଆଏ, “ଖ୍ରୀଷ୍ଟ ଦାଉଦ୍‌ଆଃ ହନ୍ ତାନିଃ ମେଡେ ଆଇନ୍ ଇଡୁକ ଚିଲ୍‌କାତେକ କାଜିୟାଃ ? ୩୬ ଦାଉଦ୍ ଆଇଃକ୍‌ଗି ପାବିତାର୍ ଆମ୍‌ରାଃ ଉସ୍‌କୁରଡେ କାଜିକେଦାଏ,

“ପ୍ରାଭୁ ଆଇଁୟାଃ ପ୍ରାଭୁକେ ମେତାଲୟାଏ;
ଆମାଃ ବାଇରିକକେ ଆମାଃ କାଟାସୁବାରେ କା ଆଉ ଜାକେଦ୍
ଆଇଁୟାଃ ଜମତିସାଃରେ ଦୁବାକାନ୍‌ମେ ।”

୩୭ ଦାଉଦ୍ ଆଇଃକ୍‌ଗି ଖ୍ରୀଷ୍ଟକେ ପ୍ରାଭୁ ମେତାଲତାନ୍‌ରେଦ୍, ପାରମେଶ୍ୱାର୍‌ଆଃ ସାଲ୍‌କାନ୍ ବଞ୍ଚାଅନିଃ ଖ୍ରୀଷ୍ଟ ଚିଲ୍‌କାତେ ଦାଉଦ୍‌ଆଃ ହଡ଼କଡ଼ା ତାନିଃ ?

ଗାଦେଲ୍ ହଡ଼କ ଯୀଶୁଆଃ କାଜି ସୁକୁଡେକ ଆୟୁମ୍ ତାଲକେନା ।

ୟୀଶୁ ଆଇନ୍ ଇଡୁକଆଃ ଗୁର୍ଣ୍ଣାଏ ଉଦୁବେତାନା
(ମାଥୁଉ ୨୩:୧-୩୬; ଲୁକ ୨୦:୪୫-୪୭)

୩୮ ଯୀଶୁ ଇନ୍‌କୁକେ ଇଡୁତାନ୍‌ଲଃ ମେତାଦ୍‌କଆଏ, “ଆଇନ୍ ଇଡୁକତାଃଏତେ ଚିର୍ଗାଲ୍‌କାନ୍‌ପେ । ଇନ୍‌କୁ ଜିଲିଙ୍ଗ୍ ଲିଜାଃ ତୁସିଙ୍ଗ୍‌କେଦ୍‌ଡେ ସେନ୍‌ବାଡ଼ା, ଆତଃ ପିର୍ ପିଡ଼ିକରେ ଜହାନ୍‌ଡେଲ୍, ୩୯ ଆତଃ ଇନ୍‌କୁକେ ସାମାଜ ଅଡ଼ାଃକରେ ଆୟାଃରେ ଦୁବ୍‌ନାଙ୍ଗ୍, ଆତଃ ମାରାଙ୍ଗ୍ ଜମନ୍‌କ୍‌ରେ ସିଦା ଠାୟାଦ୍‌ରେ ଦୁବ୍‌ନାଙ୍ଗ୍ ସୁକୁକଆ । ୪୦ ଇନ୍‌କୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେଦାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିନ୍ତିୟା । ଏନ୍‌ଲେକାନ୍ ହଡ଼କଦ୍ ଆଦକା ସାଜାଲକ ନାମେୟା ।”

ରାଣ୍ଡିକୁଡ଼ିଆଃ ଏମାଃ
(ଲୁକ ୨୧:୧-୪)

୪୧ ଯୀଶୁ ମାଦିର୍ ଖାଜନା ବାକାସ୍ ନାଡେଃଠେ ଦୁବାକାନ୍ ତାଲକେନ୍ ଇମତା ହଡ଼କକେ ଏନାରେ ପାଏସା ସାଭୁତାନ୍ ନେଲ୍‌କେଦ୍‌କଆଏ । ପୁରାଃ କିସାଁଣ୍ ହଡ଼କ ପୁରାଃଗି ପାଏସା ଉୟୁଃକେଦାଃକ । ୪୨ ଏଡେ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ହିଜୁଃକେଦ୍‌ଡେ ମିଦ୍‌ଦୋକଡ଼ାଁ ଗନଙ୍ଗ୍‌ରାଃ ବାରିଆଃ ହୁପ୍‌ଡିଙ୍ଗ୍ ତାମ୍‌ସା ସିକା ଉୟୁଃକେଦାଏ । ୪୩ ଯୀଶୁ ଆୟାଃ ଚେଲାକକେ ହାକାଅକେଦ୍‌ଡେ ମେତାଦ୍‌କଆଏ, “ସାର୍‌ଡିଗିଙ୍ଗ୍ କାଜିୟାପେତାନା, ଖାଜନା ବାକାସ୍‌ରେ ଏମକେଦ୍ ସବେନ୍ ହଡ଼କ ଏତେ, ନେ ଗାରିଦ୍ ରାଣ୍ଡିକୁଡ଼ି ଥୁମ୍‌ସା ଏମାକାଦାଃଏ । ୪୪ ଏଟାଃ ହଡ଼କ ଆକଆଃ ଆଦକା ମେନାଃଡେୟାଃଏତେ କାଟିଃଲେକାକ ଏମକେଦାଃ; ମେନ୍‌ଦ୍ ନିଃ ରେଙ୍ଗେଃ ରାବାଙ୍ଗ୍ ତାଲନ୍‌ରେୟ ଆୟାଃ ଜୀଉ ବାଞ୍ଚାଅ ନାଗେଡେ ଆୟାଃତାଃରେ ତାଲକେନ୍‌ଡେୟାଃ ସବେନାଃଏ ଏମକେଦା ।”

* ୧୨:୩୪ ୧୨:୩୪ ଲୁକ ୧୦:୨୫-୨୮. † ୧୨:୪୨ ୧୨:୪୨ ମିଦ୍‌ଦୋକଡ଼ା ଆଧିଲି

୧୩

ମାନ୍ଦିର ହାତୁଡ଼଼ରେୟାଃ ଆୟାତ୍‌କାଳି
(ମାଥୁରା ୨୪:୧-୨; ଲୁକା ୨୧:୫-୬)

୧ ଆତଃ ଯାଶୁ ମାନ୍ଦିର ଅଡ଼ାଃଏତେ ସେନଃତାନ୍ ଦିପିଲିରେ ଆୟାଃ ଚେଲାକଏତେ ମିହୁଡ଼ କାଳିକିୟାଏ, “ଏ ଇଜୁନିଃ, ନେ ମାପୁରାଈ ଅଡ଼ାଃକରେ ନେଲେମେ, ତିଲ୍ଲକାନ୍ ମାପୁରାଈ ଦିରିକ ଆତଃ ତିଲ୍ଲକାନ୍ ପୁରାଡ଼ାନ୍ ଦିରିକ ମେନାଃ ।”

୨ ଯାଶୁ ଇନିଃକେ କାଜିରୁହାଡ଼କିୟା, “ନେ ମାପୁରାଈ ଅଡ଼ାଃକ ଚିମ୍ ନେଲେତାନା ? ଦିରି ଚେତାନ୍ ଦିରି ତିରିୟାକାନ୍ କା ତାଇନା, ସବେନାଃ ହାତୁଡ଼଼ଆ* ।”

ୟାଶୁ ଚୁଣ୍ଡ ଦୁପିଲିରାଃ ଦୁକୁ ବିଷାଏରେ କାଜିକେଦାଏ
(ମାଥୁରା ୨୪:୩-୧୪; ଲୁକା ୨୧:୭-୧୯)

୩ ମାନ୍ଦିର ସାମନାଈରେଆଃ ଜାଈଡ଼ୁନ୍ ବୁରୁ ଚେତାନ୍ରେ ଯାଶୁ ଦୁବାକାନାଏ ତାଇକେନ୍ ଦିପିଲିରେ, ପାଡ଼ରାସ, ଯାକୁବ୍, ଯୋହାନ୍ ଆତଃ ଆନ୍ଦ୍ରିୟ ଇନିଃତାଃ ଏସକାବ୍ରେ ହିଜୁଃକେଦ୍‌ତେକ କୁଲିକିୟା, ୪ “ନେଆଁକ ତିରଲା ହବାଅଆଃ ? ଆତଃ ନେ କାଜି ପୁରାଅଃଲେକାରେ ଅକନ୍ ଚିହ୍ନାଁ ଉଦୁବଃଆ ଏନା ଉଦୁକାଲେମେ ।”

୫ “ୟାଶୁ ଇନକୁକେ କାଜିୟାଦ୍‌କଆଏ, ଚିରାଲକାନ୍‌ପେ, ଜେତାଏ ଆଲକାକ ବେଦାପେକା । ୬ ପୁରାଃ ହଡ଼କଦ ଆଇୟାଃ ନୁଡ଼ୁମ୍‌ତେକ ହିଜୁ଼ଆ ଆତଃ “ଆଇଈ ଶ୍ରୀଷ୍ଟ ତାନିଜ୍” ମେଟ୍ରେକ କାଜିୟା ଆତଃ ପୁରାଃ ହଡ଼କକେ ବେଦାକଆକ । ୭ ଆପେ ମାପାଃତୁପୁଇଈ ଆତଃ ମାପାଃତୁପୁଇଈରାଃ କାଜିପେ ଆୟୁମେରେଦ ବରତେ ଆଲ୍‌ପେ ଆକବାକାଅଆଃ, ନେଆଁ ସବେନାଃଦ ହବାଅଃଗି ଲାଗାତିୟାଃ, ମେନ୍‌ଦ ଏନ୍ ଦିପିଲିହ ଚୁଣ୍ଡ ନାହାଁଲାଃ । ୮ ଚିୟାଃତି ଦିଶ୍‌ମ୍ ବିରୁଧ୍‌ରେ ଦିଶ୍‌ମ୍ ଆତଃ ରାଇଜ୍ ବିରୁଧ୍‌ରେ ରାଇଜ୍ ଲାଡ଼ାଇ ହବାଅଆଃ, ସବେନ୍ ଠାୟାଦ୍‌ରେ ଅତେ ଏକ୍‌ଲାଅଆଃ ଆତଃ ରିଜ୍‌ମାଅଆଃ । ମେନ୍‌ଦ ନେ ସବେନାଃ ହନ୍ ଜାନାମଃ ଇମ୍‌ତାରାଃ ଦୁକୁରେୟାଃ ଏନେଚେଦ୍ ଲେକାନାଃ ତାନାଃ ।

୯* “ଆପେକେ ଚିରାଲକାନ୍ ତାଇନଃ ଲାଗାତିୟାଃ, ଇନକୁଦ ପାଞ୍ଚେବକରେକ ଏମ୍‌ଏଶ୍‌ୟାଃପେୟା ଆତଃ ସାମାଜ୍ ଅଡ଼ାଃକରେ ଦାଲ୍‌ପେୟାକ । ଆପେ ଆଇୟାଃ ଚେଲାକ ତାନ୍‌ପେ ମେଟ୍ରେ, ସୁକୁକାଜି ଉଦୁବେ ନାଗେଟ୍ରେ ଆପେକେ ହାକିମ୍ ଆତଃ ରାଜାକତାଃ ତିଜ୍ ହବାଅଆଃ । ୧୦ ଆତଃ ଚୁଣ୍ଡ ଦୁପିଲି ସେଚେର୍ ସିଦାରେ ସୁକୁକାଜି ସବେନ୍ ଜାତିରାଃ ହଡ଼କତାଃରେ ଉଦୁବ୍‌ଗି ଉଦୁବଃଆ । ୧୧ ଚିମ୍‌ତାଈ ଆପେକେ ସାବ୍‌କେଦ୍‌ତେ ଇନକୁ କାଚାଇରିତେ ଇଦିପେୟାକ, ଇମ୍‌ତା ଚିନାଃଷୁ କାଜିୟା ମେଟ୍ରେ ସିଦାରେ ଆଲ୍‌ପେ ଉଡ଼ୁଇୟା ଏନ୍ ଦିପିଲି ହିଜୁ଼ଆ ଇମ୍‌ତା ଆପେକେ ଅକଆଃ କାଜି ନାଗେଟ୍ରେ ଏମାଆ ଏନାପେ କାଜିୟା । ଚିୟାଃତି ଏଡ଼ାଃରେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍‌ଦ ପାବିତାର୍ ଆମ୍‌ରାଃ ପେଡ଼େଃ ହରାତେପେ କାଜିୟା । ୧୨ ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନ୍‌କେ ଗଜି ନାଗେଟ୍ରେ ଏମ୍‌ଏଶ୍‌ୟାଈଆଏ, ଆତଃ ହନ୍‌କ ଆକଆଃ ଏଜ୍‌ମାଆପୁକଆଃ ବିରୁଧ୍‌ରେକ ବିରିଦାଃ ଆତଃ ଇନକୁକେ ଗଏଃ ଇଚିକଆକ । ୧୩ *ଚିୟାଃତି ଆପେ ଆଇୟାଃ ଚେଲାକ ତାନ୍‌ପେ ସବେନ୍ ହଡ଼କ ଆପେକେ ହିଲାଈପେୟାକ, ମେନ୍‌ଦ ଜେତାଏ ଚୁଣ୍ଡ ଜ୍ଞାକେଦ୍ ସାହାତିଜ୍‌ତାନିଲଃ ତିଜ୍ କେଚେୟାକାନ୍ ତାଇନରେଦ ବାଞ୍ଚାଅଆଏ ।

ୟାଶୁ ଏନ୍ ଅଡ଼େଜଃ ପୁରାଃ ସଡ଼ରା ବିଷାଏରେ ଉଦୁବେତାନା
(ମାଥୁରା ୨୪:୧୫-୨୮; ଲୁକା ୨୧:୨୦-୨୪)

୧୪ “ଆପେ ଚିମ୍‌ତା, ଏନ୍ ଅଡ଼େଜଃ ସଡ଼ରାକାନ୍‌ନିଃ” ଅକ୍‌ତାଃରେଚି ଇନିୟାଃ କା ତାଇନଃ ଲାଗାତିଜ୍ ଠାୟାଦ୍‌ରେ ତିଜ୍‌ଆକାନ୍‌ପେ ନେଲିୟା ।” ପାଢ଼ାଅନିଃ ନେଆଁରାଃ ମୁଣ୍ଡି ଆଡ଼କାଉରୁମେକାଏ, ଇମ୍‌ତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁଡେକ ନିରୁତେବାଃକା । ୧୫ *ଅକ ହଡ଼ ଆୟାଃ ଅଡ଼ାଃ ସାଡ଼ମ୍‌ରେ ମେନାଈୟାଃ ଇନିଃ ଆୟାଃ ଜେଡ଼ନାଃ ଇଦିମେଟ୍ରେ ଆଡ଼କୁକେଦ୍‌ତେ ଅଡ଼ାଃତେ ଆଲକାଏ ବଲଃକା । ୧୬ ପିଡ଼ି ଲୟାଈରେ ତାଇନିଃ, ଇନିଃ ଆୟାଃ ଲିଜାଃ ଇଦିମେଟ୍ରେ ଅଡ଼ାଃତେ ଆଲକାଏ ରୁହାଡ଼କା । ୧୭ ମେନ୍‌ଦ ଏନ୍ ଦିପିଲିରେନ୍ ବାଜ୍ ଆକାନ୍ କୁଡ଼ିକଆଃ ଆତଃ ତଆ ନୁନ୍‌ଆକତାନ୍ ଏଜ୍‌ମାଆ ନାଗେଟ୍ରେ ଚିମିନ୍ ବରଝାନି ଦୁକୁ ହବାଅଆଃ । ୧୮ ରାବାଜ୍‌ସାହା ନେଆଁ ଆଲକା ହବାଅଆକା ମେଟ୍ରେ ପାର୍‌ମେଶ୍‌ୱାଡ଼ାଃରେ ବିକ୍ରିପେ, ୧୯ *ଚିୟାଃତି ଏନ୍ ମାହାଁକରାଃ ଦୁକୁଦ ପାର୍‌ମେଶ୍‌ୱାଡ଼

* ୧୩:୨ ୧୩:୨ ଯାଈସ ୧୩:୯ ୧୩:୯ ମାଥୁରା ୧୦:୧୭-୨୦; ଲୁକା ୧୨:୧୧, ୧୨. ୧୩:୧୩ ୧୩:୧୩ ମାଥୁରା ୧୦:୨୨. ୧୩:୧୫ ୧୩:୧୫ ଲୁକା ୧୭:୩୧. ୧୩:୧୯ ୧୩:୧୯ ଉଦୁବୁଦ କାଜି ୭:୧୪.

ବାଇୟାକାଦରେଆଃ ଏନେଟେଦ୍‌ଏତେ ନାହାଁଃ ଜାକେଦ୍‌ ଚିଉଲୀଅ କା ହବାକାନା ଆତଃ ଚିଉଲୀଅ କା ହବାଅଆଃ । ୨୦ ଫେନଦ୍‌ ପ୍ରାଭୁ ଏନ୍ ହୁଲାଇକକେକେ କାଏ କାମ୍‌ତିକାରେଦ୍‌ ଜେତାଏ କାକ ବାସ୍ତାଅଃତେୟାଃ, ଫେନଦ୍‌ ଆୟାଃ ସାଲୀକାନ୍ ହଡକଆଃ ନାଗେନ୍ତେ ଏନ୍ ହୁଲାଇକକେକେ କାମ୍‌ତିୟାକାଦା ।

୨୧ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ୍ ନେତାଃରିୟା’ ଚାଏ ‘ହାନ୍ତାଃରିୟା,’ ଫେତାପେରେଦ୍‌ ଜନିଃକେ ଆଲ୍‌ପେ ବିଶ୍ଵାସୀଆ । ୨୨ ଚିୟାଃଚି ହସଡ୍‌ ଖ୍ରୀଷ୍ଟ୍ ଆତଃ ହସଡ୍‌ ନାବାକ ବିରିଦାଃ ଆତଃ ଜନ୍‌କୁ ଫାପ୍‌ରାଙ୍ଗ୍ ଚିହ୍ନାଁ ଆତଃ ଆକ୍‌ଦାୟା କାମିକ ରିକାଉଦୁବେଆ, ଆତଃ ହବାଦାଡ୍‌ୟାରେଦ୍‌ ପାର୍‌ଫେଶ୍ଵାର୍‌ଆଃ ସାଲୀକାନ୍‌କକେହ୍‌ ବେଦାକଆକ । ୨୩ ଏନାମେନ୍ତେ ଚିରୀଲୀକାନ୍‌ପେ, ଆଇଙ୍ଗ୍ ଆପେକେ ନେତା ହିଜୁଃ ସିଦାରେଇଙ୍ଗ୍ ଉଦୁବାଦ୍‌ପେୟା ।

ୟାଶୁ ଆୟାଃ ହିଜୁଃରୁହାଡ୍ କାଜି ଉଦୁବକେଦାଃଏ
(ମାଥୁଉ ୨୪:୨୯-୩୧; ଲୁକ ୨୧:୨୫-୨୮)

୨୪ *ଏନ୍ ଦିପିଲିରେୟାଃ ଦୁକୁ ତାୟମ୍‌ତେ, ସିଙ୍ଗି ନୁବାଗଃଆ, ଆତଃ ଚାଶ୍ଟୁ ଆୟାଃ ମାର୍‌ସାଲ୍‌ କାଏ ଏମେୟା, ୨୫ *ଇପିଲ୍‌କ ସିମାଏତେକ ଉୟୁଗଃଆ, ଆତଃ ସିମାରେୟାଃ ପେଡେଃୟାନ୍‌ତେୟାଃକ ଏକଲୀଅଆଃ । ୨୬ *ଏନ୍ତେ ଆଇଙ୍ଗ୍ ମାନଝାହନ୍ ତାନିଙ୍ଗ୍ ହଡକ ପୁରାଃ ପେଡେଃତେ ଆତଃ ମାନାରାଙ୍ଗ୍‌ଲଃ ରିମିଲ୍‌ରେ ହିଜୁଃତାନକ ନେଲିଙ୍ଗ୍‌ୟାଃ । ୨୭ ପାର୍‌ଫେଶ୍ଵାର୍‌ଆଃ ସାଲୀକାନ୍ ହଡକକେ ଅତେଦିଶ୍ଵମ୍‌ରାଃ ନେ ଚୁଶ୍ଟୁଏତେ ସିମାରେୟାଃ ହାନ୍ ଚୁଶ୍ଟୁ ଜାକେଦ୍ ହୁଶ୍ଟିକ ନାଗେନ୍ତେ ଜନିଃ ଆୟାଃ ଦୁଡ୍‌କକେ ଅତେଦିଶ୍ଵମ୍‌ରାଃ ଚାରିୟାଃତେ କୁଲ୍‌କଆଏ ।

ଲୀଆ ଦାରୁରାଃ ଜନ୍‌କା କାଜି
(ମାଥୁଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ନାହାଁଃ ଲୀଆଦାରୁରେଆଃ ଜନ୍‌କା କାଜିତେ ଭଡୁନ୍‌ପେ, ଏନାରେୟାଃ କତ ସାଗେନଃତାନ୍ ଆତଃ ସାକାମ୍‌ ସୁଡ୍‌ଆଃତାନ୍ ଜମ୍‌ତା ଜେଡ୍‌ସିଙ୍ଗି ନାଡେଃଃଗିଆ ମେନ୍ତେପେ ସାରିୟା । ୨୯ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଜମ୍‌ତା, ଆଇଁୟାଃ ହିଜୁଃନେତା ନାଡେଃଃରେଗିଆଃ, ହେଗି ଏନା ଦୁଆର୍‌ତାଃରେୟାଃ ମେନ୍ତେ ସାରିପେ । ୩୦ ସାର୍‌ତିଗିଙ୍ଗ୍ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡକ କାକ ଚୁଶ୍ଟୁଆ । ୩୧ ସିମା ଆତଃ ଅତେ ଚୁଶ୍ଟୁତାଃରାଃଆ, ଫେନଦ୍‌ ଆଇଁୟାଃ କାଜିକ କା ଚୁଶ୍ଟୁଆ ।

ୟାଶୁଆଃ ହିଜୁଃ ଦିପିଲି ଜେତାଏ କାଏ ସାରିଆଃ
(ମାଥୁଉ ୨୪:୩୬-୪୪)

୩୨ *ଏନ୍ ହୁଲାଇ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିମାରେନ୍ ଦୁଡ୍‌କହ କା, ଆଇଙ୍ଗ୍ ପାର୍‌ଫେଶ୍ଵାର୍‌ଆଃ ଦୁଲୀଡ୍ ହନ୍‌ହ କା, ଫେନଦ୍‌ ଆଇଁୟାଃ ଆପୁ ଏସକାର୍‌ଗି ସାରିଆଃଏ । ୩୩ ଚିରୀଲୀକାନ୍‌ତାଇନ୍‌ପେ, ଏୟନାକାନ୍ ନେଲ୍‌ହରାଏପେ, ଚିୟାଃଚି ଏନ୍ ନେତା ଚିମ୍‌ତା ତେବାଗାଃ ଏନା ଆପେଦ କାପେ ସାରିୟା । ୩୪ *ଏନା ସାଙ୍ଗିନ୍ ଦିଶ୍ଵମ୍‌ତେ ସେନଃତାନ୍ ମିଆଁଦ୍ ହଡ୍‌ଲେକା । ଜନିଃ ଆୟାଃ ଅଡ଼ାଃ ବାଗିକେଦ୍‌ତେ ଆୟାଃ ଦାସିକକେ ଆକ୍‌ତେୟାନ୍ ଏମାଦ୍‌କଆଏ, ଆତଃ ମିଆଁଦ୍‌ନିଃକେ ଆୟାଃ କାମି ଏମାଦ୍‌କଆଏ, ଆତଃ ହରନିଃକେ ଏୟନାକାନ୍‌ମେ ମେନ୍ତେ ଆକୁକାଦା । ୩୫ ଏନାମେନ୍ତେ ଏୟନାକାନ୍‌ତାଇନ୍‌ପେ, ଚିୟାଃଚି ଆପେଦ ଆପେୟାଃ ଅଡ଼ାଃ ଗମ୍‌କେଆଃ ହିଜୁଃ ଦିପିଲି କାପେ ସାରିୟା, ଆୟୁବ୍‌ତାନ୍‌ରେ, ଚାହେ ଆଲାନିଦାରେ, ଚାହେ ସିମ୍‌କରାଃରେ, ଚାଏ ସେତାଃ ଇଦାନ୍‌ତେ । ୩୬ ଆଡ୍‌କାଗି ଜନିଃ ତେବାଃକରାଃ ଦୁଡ୍‌ଫୁକାନ୍ ଆଲକାଏ ନାମ୍‌ପେକା । ୩୭ ଆଇଙ୍ଗ୍ ଆପେକେ କାଜିୟାପେତାନ୍ କାଜି ସବେନ୍‌କକେଇଙ୍ଗ୍ କାଜିୟାକତାନା, ଏୟନାକାନ୍ ତାଇନ୍‌ପେ ।”

୧୪

ୟାଶୁକେ ଗଜି ନାଗେନ୍ତେ ରଜୋଟ
(ମାଥୁଉ ୨୭:୧-୫; ଲୁକ ୨୨:୧-୨; ଯୋହାନ୍ ୧୧:୪୫-୫୩)

* ୧୩:୨୪ ୧୩:୨୪ ଉନ୍‌ଦୁଦ୍ କାଜି ୬:୧୨. * ୧୩:୨୫ ୧୩:୨୫ ଉନ୍‌ଦୁଦ୍ କାଜି ୬:୧୩. * ୧୩:୨୬ ୧୩:୨୬ ଉନ୍‌ଦୁଦ୍ କାଜି ୧:୭.
* ୧୩:୩୨ ୧୩:୩୨ ମାଥୁଉ ୨୪:୩୬. * ୧୩:୩୪ ୧୩:୩୪ ଲୁକ ୧୨:୩୬-୩୮.

୧ ପାସ୍କା ପାରାବ୍ ଆତଃ ସାବାଃ ହଲଙ୍ଗରାଃ ପାରାବ୍ ଏତେ ବାଋସିଙ୍ଗ୍ ସିଦା, ମୂଲ୍ ଯାଜାକକ ଆତଃ ଆଇନ୍ ଇତୁକ ଅକ ସେଣ୍ଟାତେ ଯୀଶୁକେକ ସାବିଆ ଆତଃକ ଗଜିୟା ମେନ୍ତେ ହରାକ ଦାଣ୍ଟାତାନ୍ ତାଇକେନା । ୧ “ପାରାବ୍ ହୁଲାଙ୍ଗ୍ ଦ କାରୁଆଃ, କା'ରେଦ ହଡ଼କ ହାଲାଗୁଲାୟାକ” ମେନ୍ଦକେଦା ।

ବେଥନିଆରେ ମିଆଁଦ୍ କୁଡ଼ି ଯୀଶୁଆଃ ବହଃରେ ସୁନୁମ୍ ଗସଗିତାନାଏ
(ମାଥୁଉ ୨୭:୬-୧୩; ଯୋହାନ୍ ୧୨:୧-୮)

୩ ଯୀଶୁ ବେଥନିଆ ହାତୁରେ, ଶିମୋନ୍ ନାଗେଘାଅନିଆଃ ଅଡ଼ାଃରେ ତାଇକେନାଏ । ଜଜମ୍ ନାଙ୍ଗ୍ ଦୁବାକାନ୍ ଦିପିଲିରେ, ମିଆଁଦ୍ କୁଡ଼ି ପୁରାଃ ଫାର୍ତି ଗନଙ୍ଗ୍ଆନ୍ ଜଟାମା'ସି ବୁଗିନ୍ ସହାନ୍ ସୁନୁମ୍ତେ ଫେରେଜାକାନ୍ ପୁଣ୍ଡିଦିରିରାଃ ତୁକାଃ ସାବ୍କେଦ୍ତେ ବଲ୍ଲୟାନ୍ । ଇନିଃ ଏନ୍ ତୁକାଃରାଃ ଠିପି ଅଡ଼େଃକକେଦ୍ତେ ଏନ୍ ସୁନୁମ୍ ଯୀଶୁଆଃ ବହଃରେ ଦୁଲ୍ଲକେଦାଏ । ୪ ମେନ୍ଦ୍ ଏଣ୍ଟାଃରେ ତାଇକେନ୍ଦ୍ ଚିମିନ୍ ହଡ଼କ ଏସେଦ୍ୟାନ୍ତେ ମେପେନ୍ୟାନାକ, “ଚିନାଃମେନ୍ତେ ନେ ବୁଗିନ୍ ସହାନ୍ ସୁନୁମ୍ ସାମାରେ ଦୁଲ୍ଲଏଣ୍ଟାଗଃତାନା ? ୫ ନେ ବୁଗିନ୍ ସହାନ୍ ସୁନୁମ୍ତେଦ୍ ମିଆଁଦ୍ ହଡ଼ରାଃ ମିଦ୍ବାରାଷ୍ କାମିକାଦ୍ ନାଲା ସିକାଏତେ ଆଦକା ଗନଙ୍ଗ୍ରେ ଆଖରିଙ୍ଗ୍ ଦାଡ଼ିକାନ୍ତେୟାଃ ଆତଃ ରେଙ୍ଗେଃ ରାବାଙ୍ଗ୍କକେ ଏମାକାନ୍ତେୟାଃ ।” ଆତଃ ଇନ୍କୁ ଏନ୍ କୁଡ଼ିକେକ କୁରୁମ୍ ତୁରୁମ୍କିୟାଃ ।

୬ ମେନ୍ଦ୍ ଯୀଶୁ ଇନ୍କୁକେ ମେତାଦ୍ଦକଆଏ, “ଇନିଃକେ ତାଇନ୍ ଚିକାଇପେ । ଚିନାଃ, ମେନ୍ତେପେ ଦୁକୁଇଚିତାନା ? ଆଇଙ୍ଗ୍ ନାଗେନ୍ତେ ଇନିଃ ବୁଗିନ୍ କାମି ଚିକାକାଦାଏ । ୭ ରେଙ୍ଗେଃ ରାବାଙ୍ଗ୍କଦ୍ ଜାନାଅ ଆପେଲିଃକ ତାଇନା, ଆତଃ ଆପେୟାଃ ସାନାଙ୍ଗ୍ ଲେକା ଜା'ଇମ୍ତାଗି ଇନ୍କୁକେ ଦେଙ୍ଗାପେ ଦାଡ଼ିୟାକଆ, ମେନ୍ଦ୍ ଆଇଙ୍ଗ୍ ଆପେଲିଃ ସବେନ୍ ଇମ୍ତା କାଇଙ୍ଗ୍ ତାଇନାଃ । ୮ ନିଃ ଚିମିନାଙ୍ଗ୍ ଦାଡ଼ିୟାନ୍ ଏ ଇମିନାଙ୍ଗ୍ ଚିକାକେଦାଏ, ଆଇଙ୍ଗ୍ ହାସାଗାଡ଼ାଆଃ ମେନ୍ତେ ସିଦାରେ ଆଇଁୟାଃ ହଡ଼ମ୍ରେ ନେ ସୁନୁମ୍ତେ ଦୁଲ୍ଲକେଦାଏ । ୯ ସାର୍ତିଗିଙ୍ଗ୍ କାଜିୟାପେତାନା, ଅତେଦିଶ୍ମ୍ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍ତା ଏନ୍ କୁଡ଼ି କାମିକାଦ୍ତେୟାଃ ପାହାମେ ନାଗେନ୍ତେ ଉଦୁବଃଆ ।”

ଇଷ୍ଟାରିୟଡ଼୍ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ଟାକା ନାମେତାନାଏ
(ମାଥୁଉ ୨୭:୧୪-୧୬; ଲୁକ ୨୨:୩-୬)

୧୦ ଏନ୍ତେ ଇଷ୍ଟାରିୟଡ଼୍ ଯିହୁଦା, ଗେଲ୍ବାର୍ ଚେଲ୍ଲକଏତେ ମିଆଁଦ୍ନିଃ, ଯୀଶୁକେ ସାବ୍ରିକାଇ ମେନ୍ତେ ମୂଲ୍ ଯାଜାକକକେ ସେନ୍ନାମ୍ କେଦ୍ଦକଆଏ । ୧୧ ଇନ୍କୁଦ୍ ନେଆଁ ଆୟୁକେଦ୍ତେକେ ରାସ୍କାୟାନା, ଆତଃ ଟାକାଲେ ଏମାମେୟା ମେନ୍ତେ ଇନିଃକେକ ବାନାର୍ସା ଏମ୍କିୟାକ । ଏନାମେନ୍ତେ ଯିହୁଦା ଇନ୍କୁଆଃ ଡିଃଇରେ ଯୀଶୁକେ ସାବ୍ରିକାଇ ନାଗେନ୍ତେ ସୁଯୋଗ୍ ଦାଣ୍ଟାତାନାଏ ତାଇକେନା ।

ପାସ୍କା ପାରାବ୍ରେୟାଃ ସାର୍ଜାମା ସେକାଡ଼େନ୍
(ମାଥୁଉ ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଯୋହାନ୍ ୧୩:୨୧-୩୦)

୧୨ ସାବାଃ ହଲଙ୍ଗ୍ ପାରାବ୍ରେୟାଃ ସିଦା ହୁଲାଙ୍ଗ୍ରେ, ପାସ୍କା ପାରାବ୍ରେ ମିଣ୍ଡିହନ୍ ଦାଣ୍ଟାଆଃ ତାଇକେନ୍ଦ୍ ହୁଲାଙ୍ଗ୍ ଚେଲ୍ଲକ ଯୀଶୁକେକ କାଜିକିୟା, “ଆଲେ ଅକ୍ତାଃଲେ ସେନା ଆତଃ ଆମାଃ ନାଗେନ୍ତେ ପାସ୍କା ପାରାବ୍ରେ ଜମେଆଃଲେ ବାଇୟା ମେନ୍ତେ ସାନାଙ୍ଗ୍ତାନାମ୍ ?”

୧୩ ଏନ୍ତେ ଯୀଶୁ ବାଋହଡ଼, ଚେଲ୍ଲକିନ୍ତେ କୁଲ୍ତାନିଲିଃ ମେତାଦ୍ଦକିନାଏ, “ନାଗାରୁତେ ସେନଃବେନ୍ ଆତଃ, ମିଆଁଦ୍ ହଡ଼ ଦାଆଃଟାରୁ ତେଙ୍ଗେକେଦ୍ତେ ଦାରମ୍ବେନାଏ, ଇନିଃକେ ଅଡ଼ଙ୍ଗ୍ଲବେନ୍ । ୧୪ ଆତଃ ଇନିଃ ବଲିଃ ଅଡ଼ାଃରେନ୍ ଗମ୍ତେ କେ ମେତାଇବେନ୍, ଇତୁନିଃ କୁଲ୍ତାନାଏ, ଆଇଁୟାଃ ଚେଲ୍ଲକଲିଃ ପାସ୍କା ପାରାବ୍ରେ ଜମେ ନାଗେନ୍ତେ ବାଖିରା ଅକ୍ତାଃରେୟା ? ୧୫ ଏନ୍ତେ ଇନିଃ ଚେତାନ୍ ଅଡ଼ାଃରେ ମିଆଁଦ୍ ବାଇସେକାଡ଼ାକାନ୍ ମାରାଙ୍ଗ୍ ବାଖିରା ଉଦୁବାବେନାଏ, ଏନାରେଗି ଆବୁ ନାଗେନ୍ତେ ଜମେନାଙ୍ଗ୍ ବାଇୟେବେନ୍ ।”

୧୬ ଚେଲ୍ଲକିନ୍ ନାଗାରୁତେକିନ୍ ସେନଃୟାନା, ଆତଃ ଯୀଶୁ କାଜିୟାଦ୍କିନ୍ ଲେକାଗି ସବେନଃକିନ୍ ନାମ୍ତେଦାଃ ଆତଃ ପାସ୍କା ପାରାବ୍ରେୟାଃ ଜମେୟାଃକିନ୍ ବାଇକେଦାଃ ।

୧୭ ଆୟୁବ୍ଯାନ୍ତି ଯୀଶୁ ଗେଲ୍ବାର୍ ଚେଲ୍ଲକଲିଃ ତେବାଃୟାନାଏ । ୧୮ ଇନ୍କୁ ଜମ୍ ଦୁବାକାନ୍ ଦିପିଲିରେ, ଯୀଶୁ ମେତାଦ୍ଦକଆଏ, “ସାର୍ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍ନିଃ ଆଇଙ୍ଗ୍ଲିଃ ଜମ୍ତାନିଃଗି ବାଇରିକଆଃ ଡିଃଇରେ ସାବ୍ରିକାଇଙ୍ଗ୍ୟାଏ ।”

୧୯ ଚେଲ୍ଲକଦ୍ ହୁଡ଼ଙ୍ଗ୍ଜାରିୟାନାକ, ଆତଃ ମିହୁଡ଼୍ ମିହୁଡ଼୍ତେ କାଜିକିୟାକ, “ଇନିଃ ଆଇଙ୍ଗ୍ ତାନିଙ୍ଗ୍ଟି ?”

୧୪:୩ ୧୪:୩ ଲୁକ ୭:୩୭,୩୮.

୨୦ ଯୀଶୁ ମେତାଦକଆଏ, “ବାରାନ୍ଧାନ କଏତେ ମିଆଁଦନିଃ, ଆଇଁୟାଃଲଃ ମିଆଁଦ କାଟୋରାରେ ଆୟାଃ ତିଃଇ ସୁତଃକାଦନିଃଶି ସାଦ୍‌ରିକାଜ୍‌ଆଏ । ୨୧ ପାବିତାର୍ ଅନଲ୍‌କରେ ଅଲ୍‌କାନ୍ ଲେକା, ଆଇଜ୍‌ ମାନଝାହନ୍ ତାନିଜ୍, ଆଇଜ୍‌କେ ଗଜଃଲ୍‌ଗାତିୟାଃ । ମେନ୍‌ଦ ଆଇଜ୍‌ ମାନଝାହନ୍ ତାନିଜ୍, ଆଇଜ୍‌କେ ବାଇରିକଆଃ ତିଃଇରେ ସାଦ୍‌ରିକାନିଃ ହାୟ ହାୟ ଚିମିନ ଦୁକୁନାମେୟାଏ । ଏନ୍ ହଡ୍ କାଏ ଜାନାମ୍‌କାନ୍‌ରେଦ ଜନିଃ ନାଗେନ୍ତେ ବୁଗିନ୍ ହବାକାନ୍‌ଡେୟାଃ ।”

ପ୍ରାଭୁ ଭୋଜ

(ମାଥ୍‌ୱ ୨୨:୨୭-୩୦; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୨ ଜନ୍‌କୁ ଜମ୍‌ତାନ୍ ଦିପିଲିରେ, ଯୀଶୁ ମିଆଁଦ ହଲ୍‌ଜ୍‌କେ ସାଦ୍‌କେଦ୍‌ତେ ଧାନ୍ୟାବାଦ୍ ଏମ୍‌କେଦାଏ ଆତଃ କେଟାଃକେଦ୍‌ତେ ଚେଲ୍‌କକେ ଏମ୍‌କେଦ୍‌ତେ ମେତାଦକଆଏ, “ନେ ମାର୍ ଡେଲ୍‌ଏଦେ, ନେଆଁ ଆଇଁୟାଃ ହଡ୍‌ମ୍‌ ତାନାଃ ।”

୨୩ ଏନ୍ତେ ଜନିଃ କାଟୋରା ଇଦିକେଦ୍‌ତେ ବିନ୍ତିକେଦାଏ ଆତଃ ଏମାଦକଆଏ, ଆତଃ ଜନ୍‌କୁ ଏନାଏତେକ ନୁଁକେଦାଃ । ୨୪ ଆତଃ ଯୀଶୁ ମେତାଦକଆଏ, “ନେଆଁ ଆଇଁୟାଃ ମାୟୋମ୍‌ ତାନାଃ, ମାନଝାଋଃ ପାପ୍‌ ଛାମା ନାଗେନ୍ତେ ଆଇଜ୍‌ ଆଇଁୟାଃ ଅକ ମାୟୋମ୍‌କେ ଲିଜ୍‌ ନାଗେନ୍ତେ ସେନ୍‌ତାନାଇଜ୍, ଏନା ପାର୍‌ମେଶ୍‌ୱାର୍‌ଆଃ ରାଜିନାମାକେ ମୋହ୍‌ରକାଦା ।” ୨୫ ଆଇଜ୍‌ ସାର୍‌ତିଗିଜ୍‌ କାଜିୟାପେତାନା, “ପାର୍‌ମେଶ୍‌ୱାର୍‌ଆଃ ରାଜ୍‌ଜରେ ନାଝା ଦାଖରାସି ଆଉରିଜ୍‌ ନୁଁଇ ଜାକେଦ୍, ଦାଖଜ୍‌ଋଃ ରାସି ଆତଃ ତିଉଲ୍‌ଆ କାଇଜ୍‌ ନୁଁଇଆ ।”

୨୬ ଏନ୍ତେ ଜନ୍‌କୁ ମାଲ୍‌ନାନ୍ ଦୁରାଜ୍‌ ଦୁରାଜ୍‌କେଦ୍‌ତେ ଜାଇତୁନ୍ ବୁରୁଡେକ ସେନ୍‌ୟାନା ।

ଆଇଜ୍‌କେ କାଇଜ୍‌ ସାରିଆଃମେନ୍ତେ ପାଡ୍‌ରାସ୍‌କେ ଯୀଶୁ ସିଦାରେ କାଜିୟାଜତାନା

(ମାଥ୍‌ୱ ୨୨:୩୧-୩୫; ଲୁକ ୨୨:୩୧-୩୪; ଯୋହାନ୍ ୧୩:୩୭-୩୮)

୨୭ ଯୀଶୁ ଜନ୍‌କୁକେ ମେତାଦକଆଏ, “ଆପେ ସବେନ୍‌କ ନେ ନିଦାରେ ଆଇଜ୍‌କେ ବାଗିକେଦ୍‌ତେ ନିରକଆଃପେ, ନେଆଁଦ ଧାରାମ୍‌ପୁଅରେ ଅଲ୍‌କାନା, ‘ପାର୍‌ମେଶ୍‌ୱାର୍‌ ଗୁପିନିଃକେ ଦାଲିୟାଏ ଆତଃ ଗୋଟ୍‌ରେନ୍ ମିଶ୍‌ରିକ ଛିତିବିତିୟାଃଆ ।’ ୨୮ ମେନ୍‌ଦ ଆଇଜ୍‌ ଜୀଉବିରିକେଦ୍‌ତେ ଗାଲିଲ୍‌କେ ଆପେଏତେ ଆୟାଡ୍‌ରେଇଜ୍‌ ସେନା ।”

୨୯ ପାଡ୍‌ରାସ୍‌ କାଜିରୁହାଡ୍‌କିୟାଏ “ଏଟାଃକ ବାଗିତାମ୍‌ରେହ୍, ଆଇଜ୍‌ କାଇଜ୍‌ ବାଗିମେଆ ।”

୩୦ ଯୀଶୁଦ ପାଡ୍‌ରାସ୍‌କେ ମେତାଭୟାଏ, “ସାର୍‌ତିଗିଜ୍‌ କାଜିୟାମ୍‌ତାନା, ତିସିଜ୍, ନେ ନିଦାରେ ସାଣ୍ଡିସିମ୍‌ ବାଡ୍‌ସା ରାଆଃଏ ସିଦାରେ ଆଇଜ୍‌କେ କାଇଜ୍‌ ସାରିୟା ମେନ୍ତେ ଆପିସାମ୍‌ କାଜିୟା ।”

୩୧ ପାଡ୍‌ରାସ୍‌ ଆତଃଗି ପୁରାଃତେ କାଜିକିୟାଏ, “ଆମାଲଃ ଗଜଃ ଲାଗାତିଜ୍‌ରେଅ ଆଇଜ୍‌ ଆମ୍‌କେ କାଇଜ୍‌ ସାରିଆଃ ମେନ୍ତେ କାଇଜ୍‌ଗି କାଜିୟା ।” ଆତଃ ଏନ୍‌ଲେକା ସବେନ୍ ଏଟାଃ ଚେଲ୍‌କହଗି କାଜିକେଦାଃକ ।

ଗେଅସିମାନି ବାଖ୍‌ଡିରେ ଯୀଶୁ ବିନ୍ତିତାନାଏ

(ମାଥ୍‌ୱ ୨୨:୩୬-୪୨; ଲୁକ ୨୨:୩୯-୪୬)

୩୨ ଗେଅସିମାନି ନୁତୁମ୍‌ ଠାୟାଦ୍‌ତେକ ଡେବାଃକେଦ୍‌ଡି, ଯୀଶୁ ଆୟାଃ ଚେଲ୍‌କକେ ମେତାଦକଆଏ, “ଆଇଜ୍‌ ବିନ୍ତି ଜାକେଦ୍ ନେତାଃରେ ଦୁବାକାନ୍‌ପେ ।” ୩୩ ଜନିଃ ପାଡ୍‌ରାସ୍, ଯାକୁଦ୍, ଆତଃ ଯୋହାନ୍‌କେ ଆୟାଃଲଃ ଇଦିକେଦକଆଏ । ଆତଃ ଜନିଃ ପୁରାଃଗି ଦୁକୁଡେ ଆକୁଲ୍‌ବାକୁଲ୍‌ୟାନା । ୩୪ ଆତଃ ଜନିଃ ଜନ୍‌କୁକେ କାଜିୟାଦକଆଏ, “ଜୀଉତାଲ୍‌ୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍‌କାନ୍‌ପେ ଆତଃ ଆଇଁୟାଃଲଃ ଏୟନାକାନ୍‌ ତାଇନ୍‌ପେ ।”

୩୫ ଯୀଶୁ କାଟିଃ ସାଜିନ୍ ସେନ୍‌କେଦ୍‌ତେ ଅତେରେ ଇକ୍‌ଡ୍‌ନୁୟାନ୍‌ଲଃ ଅମ୍‌ୱାଃୟାନାଏ ଆତଃ ବିନ୍ତିକେଦାଏ, “ହବାଦାଡ୍‌ୟାଃରେଦ ନେ ଦୁକୁ ଦିପିଲି ଆଇଜ୍‌ତାଃଏତେ ପାରମଃକା ।” ୩୬ ଜନିଃ ବିନ୍ତିରେ ମେନ୍‌କେଦା, “ହେ ଆବା, ହେ ଆପୁ, ଆମାଃତେ ସବେନାଃ ହବାଦାଡ୍‌ଅଃଆ । ନେ ଦୁକୁ କାଟୋରାକେ ଆଇଜ୍‌ଏତେ ଆତମ୍‌ତାମ୍; ଇମିନ୍‌ରେଅ ଆଇଁୟାଃ ସାନାଜ୍‌ଲେକାଦ୍ କାହାଗି, ମେନ୍‌ଦ ଆମାଃ ସାନାଜ୍‌ ଲେକାଗି ହବାଅଃକା ।”

୩୭ ଏନ୍ତେ ଜନିଃ ଆୟାଃ ଚେଲ୍‌କତାଃ ରୁହାଡ୍‌ୟାନ୍‌ଡି ଜନ୍‌କୁକେ ଦୁଡ୍‌ମ୍‌କାନ୍ ନାମ୍‌କେଦକଆଏ । ଜନିଃ ପାଡ୍‌ରାସ୍‌କେ କାଜିକିୟାଏ, “ଏ ଶିମୋନ୍, ଦୁଡ୍‌ମ୍‌ ତାନାମ୍‌ ଚି ? ମିଦ୍ ଘାଣ୍ଟାଅତି ଏୟନାକାନ୍ କାମ୍‌ତାଇନ୍

* ୧୪:୨୮ ୧୪:୨୮ ମାଥ୍‌ୱ ୨୮:୧୭.

ଦାଡ଼ିଯାନା ?” ୩୮ ଆତଃ ଜନିଃ କାଜିକେଦକଆଏ, “ବିଡ଼ାଅରେ ଆଲୁପେ ଭୟଗଃକା ମେନ୍ତେ ଏୟନାକାନ୍ ତାଇନ୍ଦେପେ ଆତଃ ବିନ୍ତ୍ରପେ । ଆମ୍ବାଦ ସାନାଙ୍ଗତାନାଏ, ମେନ୍ଦଦ ହଡ଼ମ ନାରାଦୁରାଗିଆଃ ।”

୩୯ ଜନିଃ ଆତଃଗି ସେନଃୟାନାଏ, ଆତଃ ସିଦାଲେକାଗି ବିନ୍ତ୍ରକେଦାଏ । ୪୦ ଏନ୍ତେ ଜନିଃ ହିଜୁଃରୁହାଡ଼ଲେନାଏ ଆତଃ ଚେଲକକେ ଆତଃମିସା ଦୁଡ଼ମ୍ବାକାନାଏ ନାମକେଦକଆ, ଚିୟାଃଗି ଜନକୁ ଦୁଡ଼ମ୍ବୁତେ ମେଦତାକଆଃ ଆରିଦ୍ କାକ ଦାଡ଼ିତାନ୍ତାଇକେନା । ଜନିଃକେ ଚିନାଃଗୁ କାଜିରୁହାଡ଼କିୟା ମେନ୍ତେ ଜନକୁ କାକ ସାରିକେଦା ।

୪୧ ଆତଃ ଜନିଃ ଆପିସା ରୁହାଡ଼ୟାନ୍ତି, ଜନକୁକେ କାଜିୟାଦକଆଏ, “ନାହାଃ ଜାକେଦ୍ତିପେ ଦୁଡ଼ମ୍ବାକାନା ଆତଃ ରୁଡ଼ନ୍ତାନା ? ଜମନାଙ୍ଗଗି ! ନେତା ତେବାଃୟାନା, ନେଲେପେ, ଆଇଙ୍ଗ ମାନଝାହନ୍ ପାପିକଆଃ ଡିଃଜରେ ସାଦ୍ରିକାଅଃତାନାଇଙ୍ଗ । ୪୨ ବିରିଦ୍ପେ, ଦଲାରୁ ସେନଆଃ ! ନେଲିପେ, ଆଇଙ୍ଗକେ ସାଦ୍ରିକାଜନିଃ ସେଟେରାକାନାଏ ।”

ୟାଶୁକେକ ସାବିତାନା
(ମାଥୁର ୨୭:୪୭-୫୬; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୩ ୟାଶୁ ଜାଗାର୍ତାନ ତାଇକେନ୍ଦ ଜମତାଗି ଯିହୁଦା, ବାରାଝାନକଏତେ ମିଆଁଦ୍ନିଃ ତେବାଃୟାନାଏ । ଜନିଃଜଃ ମୁଲ୍ଲ ଯାଜାକ୍, ଆଇନ୍ ଜତୁକ ଆତଃ ପ୍ରାଚିନ୍ଦକ ସାଃଏତେ କୁଲାନାନ୍ ଗାଦେଲ୍ ହଡ଼କ ତାରାଡ଼ଡ଼ିକ ଆତଃ ଭଙ୍ଗାଦ୍ କ ସାଦ୍ରିକେଦ୍ପେ ହିଜୁଃୟାନାକ । ୪୪ ୟାଶୁକେ ସାଦ୍ରିକାନିଃ ଏନ୍ ଗାଦେଲ୍ ହଡ଼କକେ ମିଆଁଦ୍ ଚିହ୍ନାଁ ଏମାକାଦ୍ ତାଇକେନାଏ, “ଆଇଙ୍ଗ ଅକ୍ନିଃକେ ଚଅଃଇଙ୍ଗ, ଜନିଃଗି ୟାଶୁ ତାନିଃ । ଜନିଃକେ ସାବିପେ ଆତଃ ଚିଗାଲ୍ଡେ ଇଦିପେ” ମେନ୍ତେ ସିଦାରେ କାଜିକାଦକ ତାଇକେନାଏ ।

୪୫ ଯିହୁଦା ତେବାଃୟାନ୍ତି, “ହେ ଗୁରୁ” ମେତାଜତାନ୍ଲଃ ଜନିଃକେ ଚଅଃକିୟାଏ । ୪୬ ଆତଃ ଜନକୁ ୟାଶୁକେ ସାଦ୍ରିକେଦ୍ପେ ତଲକିୟାଃକ । ୪୭ ଜାପାଃରେ ତିଙ୍ଗୁଆକାନ୍ଏତେ ମିଆଁଦ୍ନିଃ ତାରାଡ଼ଡ଼ି ଅତଙ୍ଗକେଦାଏ ଆତଃ ମାରାଙ୍ଗ ଯାଜାକ୍ରଃ ଦାସିକେ ମାଆଃକିୟାଏ ଆତଃ ଜନିୟାଃ ମିଆଁଦ୍ ଲୁଡୁର୍ ହାଦ୍ତାଦାଏ । ୪୮ ଏନ୍ତେ ୟାଶୁ ପୁରାଃ ହଡ଼କକେ କାଜିୟାଦକଆଏ, “ଚିୟାଃ, ମିଆଁଦ୍ କୁମୁଡ଼ୁଲକା ସାବିଙ୍ଗ ନାଗେନ୍ତେ ତାରାଡ଼ଡ଼ିକ ଆତଃ ଭଙ୍ଗାଦ୍ କ ସାଦ୍ରିକେଦ୍ପେ ହିଜୁଃକାନାପେ ? ୪୯ ଏବେନ୍ ହୁଲାଇଁ ଆଇଙ୍ଗ ମାନ୍ଦିର୍ ଅଡ଼ାଃରେ ଜତୁତାନ୍ଲଃ ଆପେଲଃ ତାଇକେନାଇଙ୍ଗ ଆତଃ ଆପେ କାପେ ସାଦ୍ରିକେଦ୍ପେୟାଃ । ମେନ୍ଦଦ ଧାରାମ୍ପୁଅରେ ଆଲାନାନ୍ତେୟାଃ ପୁରାଅଃକା ମେନ୍ତେ ନେ ସବେନାଃ ହବାଅଃତାନା ।”

୫୦ ଏନ୍ତେଦ ଆୟାଃ ସବେନ୍ ଚେଲକ ଜନିଃକେ ନିର୍ବାଗିକିୟାଃକ ।

୫୧ ମିଆଁଦ୍ ଧାଙ୍ଗଡ଼ା ଜନିଃକେ ଅତଙ୍ଗକିୟା, ଜନିଃ ସାମା ହଡ଼ମରେ ନିରାଲ୍ ଲିଜାଃ* ଭୟକାନ୍ ତାଇକେନାଏ, ଚିମତା ସିପାଇକ ଧାଙ୍ଗଡ଼ାକେ ସାଦ୍ ନାଗେନ୍ତେ ହିଜୁଃୟାନା, ୫୨ ଜନିଃ ଆୟାଃ ନିରାଲ୍ ଲିଜାଃ ବାଗିକେଦ୍ପେ, ଜନିଃ ସାମାହଡ଼ମ ନିର୍ୟାନାଏ ।

ୟାଶୁ ମାରାଙ୍ଗ ଯାଜାକ୍‌କଆଃ ପାଞ୍ଚେଟ୍ରେ
(ମାଥୁର ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଯୋହାନ୍ ୧୮:୧୩-୧୪, ୧୯-୨୪)

୫୩ ଏନ୍ତେ ଜନକୁ ୟାଶୁକେ ମାରାଙ୍ଗ ଯାଜାକ୍‌କତାଃ ଇଦିକିୟାଃକ । ଏନ୍ତାଃରେ ମୁଲ୍ଲ ଯାଜାକ୍, ପ୍ରାଚିନ୍ଦକ ଆତଃ ଆଇନ୍ ଜତୁକ ହୁଣ୍ଡିୟାନା । ୫୪ ପାଡ଼ରାସ୍ ସାଙ୍ଗିନ୍ଏତେ ମାରାଙ୍ଗ ଯାଜାକ୍‌ଆଃ ଅଡ଼ାଃରାତା ଜାକେଦ୍ ଅତଙ୍ଗ ଇଦିକିୟାଏ । ଏନ୍ତାଃରେ ଜନିଃ ହରହଡ଼କଲଃ ଦୁବ୍ କେଦ୍ପେ ସେଙ୍ଗେଲ୍ ଜୁରୁଦ୍ତାନ୍ ତାଇକେନାଏ । ୫୫ ମୁଲ୍ଲ ଯାଜାକ୍ ଆତଃ ପାଞ୍ଚେଟ୍ରେନ୍ଦ୍ ସବେନ୍ଦକ ୟାଶୁକେ ଗଜି ନାଗେନ୍ତେ ଗାଞ୍ଜାକ ଦାଣାଁବାଡ଼ା ତାଇକେନା, ମେନ୍ଦଦ ଏନା କାକ ନାମ୍ ଦାଡ଼ିକେଦା । ୫୬ ପୁରାଃ ହଡ଼କ ଜନିୟାଃ ବିରୁଧ୍ରେ ହସଡ଼ ଗାଞ୍ଜାକ ଏମକେଦାଃ, ମେନ୍ଦଦ ଜନକୁଆଃ ଗାଞ୍ଜାକ ମିଦ୍ଲେକା କା ତାଇକେନା ।

୫୭ ଏନ୍ତେ ଚିମିନ୍ଦ୍ ହଡ଼କ ତିଙ୍ଗୁୟାନାକ, ଆତଃ ୟାଶୁଆଃ ବିରୁଧ୍ରେ ନେ ହସଡ଼ ଗାଞ୍ଜାକ ଏମକେଦାଃ : ୫୮ * “ହଡ଼କଆଃ ଡିଃଜରେ ବାଇୟାକାନ୍, ନେ ମାନ୍ଦିର୍କେ ହାଡ଼ୁଡ଼ୁଆଇଙ୍ଗ, ଆତଃ ଆପିମାରେ, ହଡ଼କଆଃ ଡିଃଜରେ କା ବାଇୟାକାନ୍ ମାନ୍ଦିର୍କେ ତିଙ୍ଗୁୟାଜଙ୍ଗ ମେନ୍ତେ ନିଃକେ କାଜିତାନ୍ଲେ ଆୟୁମ୍‌କିୟା ।” ୫୯ ମେନ୍ଦଦ ଜନକୁଆଃ ନେ କାଜିକରଃ ଗାଞ୍ଜାକ କା ମିଦ୍‌ୟାନା ।

୬୦ ଏନ୍ତେ ମାରାଙ୍ଗ ଯାଜାକ୍, ସବେନ୍ଦକଆଃ ସାମନାଙ୍ଗରେ ତିଙ୍ଗୁକେଦ୍ପେ ୟାଶୁକେ କୁଲିକିୟାଏ, “ନେ ହଡ଼କ ଆମାଃ ବିରୁଧ୍ରେ ଗାଞ୍ଜାକ ଏମକେଦାଃ, ଚିୟାଃ ଆମ୍ ଜେଡ଼ନାଃ କାମକାଜି ରୁହାଡ଼େତାନା ?”

* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭. * ୧୪:୫୧ ୧୪:୫୧ ପୁଣ୍ଡିଲିଜାଃ, ପାଞ୍ଚାଗାଦା଼. ☆ ୧୪:୫୮ ୧୪:୫୮ ଯୋହାନ୍ ୨:୧୯.

୭୧ ଫେନଦ ଯୀଶୁ ହାପାକାନୁ ତାଇକେନାଏ ଆତଃ ଜେଡନାଃ କାଏ କାଜିରୁହାଡ଼କେଦା । ଆତଃଗି ମାରାଙ୍ଗ ଯାଜାକ୍ ଇନିଃକେ କୁଲିକିୟାଏ, “ଆମ୍ବି ଚି ଶ୍ରୀଷ୍ଟ, ପାର୍ମେଶ୍ୱାରାଃ ହନ୍ ତାନଫେ, ଅକଏୟାଃଚି ସବେନ୍ ମାଇନାନ୍ ତାନାଃ ?”

୭୨ ଯୀଶୁ ମେତାଇୟାଏ, “ଆଇଙ୍ଗି ତାନିଙ୍ଗ୍ । ଆଇଙ୍ଗ୍ ମାନଝାହନ୍ ସବେନ୍ ଯେଡେୟାନିୟାଃ ଜମ୍ପତିସାଃରେ ଦୁବାକାନୁ ଆତଃ ସିମାରାଃ ରିମିଲ୍ରେ ଆଡ଼ଗୁନ୍ତାନଫେ ନେଲିଙ୍ଗ୍ୟାଁ ।”

୭୩ ଏଡେ ମାରାଙ୍ଗ ଯାଜାକ୍, ଆୟାଃ ଲିଜାଃ ଚାଗାଡ଼କେଦାଏ । “ଆବୁକେ ଆତଃ ଚିକାନ୍ ଗାଝା ଲାଗାତିୟାଃ ?” ମେଡେ ଇନିଃ କୁଲିକେଦକଥାଏ । ୭୪ “ଆପେଦ ପାର୍ମେଶ୍ୱାରାଃ ନିନ୍ଦାକାଜିପେ ଆୟୁକେଦା । ଚିନାଃପେ ବିଚାରେତାନା ?”

ସବେନକ ଇନିୟାଃ ବିରୁଧରେ କାଜିକେଦାଃକ ଚି ଇନିଃକେ ଗନଏଃ ସାଜାଇ ଏମଃ ଲାଗାତିଙ୍ଗ୍ୟାଁ ।

୭୫ ଏଡେ ଚିମିୟାଙ୍ଗକ ଯୀଶୁକେ ବେଏକକିୟାଃକ, ଆତଃ ଇନିୟାଃ ମେଦ୍ ହାରୁଦକେଦତେ ଦାଲିତାନଲଃ କାଜିକିୟାଃକ, “ଆମ୍ ପରେ ନାବୀ ତାନଫେ, ମାର୍ କାଜିଲେମେ, ଅକଏ ଦାଲ୍ମେତାନାଏ ।” ଆତଃ ହରହଡ଼କ ଇନିଃକେ ସାଦକେଦତେ ଆପଡ଼ିକିୟାଃକ ।

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିଆଃ ମେଡେ କାଜିତାନାଏ
(ମାଥୂ ୨୭:୨୯-୩୫; ଲୁକ ୨୨:୫୭-୬୨; ଯୋହାନ୍ ୧୮:୧୫-୧୮, ୨୫-୨୭)

୭୬ ଚିମ୍ପା ପାଡ଼ରାସ୍ ଲାତାର୍ ଅଡ଼ାଃରାଚାରେ ତାଇକେନରେ, ମାରାଙ୍ଗ ଯାଜାକ୍ରାଃ ମିଆଁଦ୍ କାମଡ଼ିକୁଡ଼ିଁ ହିଜୁଃୟାନାଏ । ୭୭ ଆତଃ ପାଡ଼ରାସ୍କେ ଜୁରୁଦତାନ୍ ନେଲ୍ଲକିୟାଏ, ଇନିଃକେ ଆରିଦ୍ବାଇକେଦତେ ମେତାଇୟାଏ, “ଆମ୍ ଅଗି ନାଜରେଡ଼ରେନ୍, ଯୀଶୁଲଃ ତାଇକେନାମ୍ ।”

୭୮ ମେନ୍ଦ ଇନିଃ କାହାଗି ମେନ୍ଦକେଦତେ, କାଜିରୁହାଡ଼କେଦାଏ, “ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟା । ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ମୁଣ୍ଡିଆଡ଼ତାନାଃ ।” ଏଡେ ଇନିଃ ବଲଃଦୁଆଡ଼ତେ ସେନଃୟାନାଏ, ଇମ୍ପାଗି ସାଣ୍ଡିସିମ୍ ରାଆଃକେଦାଏ‡ ।

୭୯ ଆତଃମିସା କାମଡ଼ିକୁଡ଼ି ଇନିଃକେ ନେଲ୍ଲକିଃଡେ, ଜାପାଃକରେ ତିଙ୍ଗୁଆକାନୁ ହଡ଼କକେ ମେତାଦକଥାଏ, “ନିଃଇହ ଇନ୍ଦୁଏଡେ ମିଆଁଦନିଃ ତାନିଃ ।” ୮୦ ମେନ୍ଦ ପାଡ଼ରାସ୍ ଆତଃଗି “କାହାଗି” ମେନ୍ଦକେଦାଏ ।

ଘାଡ଼ିକାଦ୍ ତାୟମତେ ଏଡ଼ାଃରେ ତିଙ୍ଗୁଆକାନୁକ ପାଡ଼ରାସ୍କେକ କାଜିକିୟା, “ସାର୍ତ୍ତି, ଆମ୍ ଇନ୍ଦୁଏଡେ ମିଆଁଦନିଃ ତାନଫେ, ଚିୟାଃଚି ଆମ୍ ଅଗି ଗାଲିଲ୍ରେନ୍ ତାନଫେ ।”

୮୧ ଏଡେ ପାଡ଼ରାସ୍ କିରିୟା ଜମ୍ପକେଦତେ କାଜିକେଦାଏ, “ଆପେ କାଜିତାନ୍ ନେ ହଡ଼କେ ଆଇଙ୍ଗ୍ କାଇଙ୍ଗ୍ ସାରିଆଃ ।”

୮୨ ଏଡେ ଇମ୍ପାଗିଗି ସାଣ୍ଡିସିମ୍ ବାର୍ସାଏ ରାଆଃକେଦାଃ, ଆତଃ “ସାଣ୍ଡିସିମ୍ ବାର୍ସା ଆଉରି ରାଆଃ ସିଦାରେ ଆପିସା ଆଇଙ୍ଗ୍କେ କାଇଙ୍ଗ୍ ସାରିଆ ମେଡେ କାଜିୟାମ୍,” ଏନା ଯୀଶୁ କାଜିଲେଦକାଜି ପାଡ଼ରାସ୍ ପାହାମକେଦାଏ । ଆତଃ ଇନିଃ କୁସୁଦ୍ କୁସୁଦତାନ୍ ରାଆଃକେଦାଏ ।

୧୫

ପିଲାତୁସରାଃ ସାମନାଙ୍ଗରେ ଯୀଶୁ
(ମାଥୂ ୨୭:୧-୨, ୧୧-୧୪; ଲୁକ ୨୩:୧-୫; ଯୋହାନ୍ ୧୮:୨୮-୩୮)

୧ ଆଙ୍ଗୟାନଲଃଗି ମୁଲ୍ ଯାଜାକ୍, ପ୍ରାଚିନ୍ଦକଲଃ, ଆଇନ୍ ଇଡୁକଲଃ ଆତଃ ପାଞ୍ଚେଡ଼ରେନ୍ ସବେନକଲଃକ ରଜୋଟକେଦା । ଇନ୍ଦୁ ଯୀଶୁକେ ତଲ୍ଲକେଦତେକ ଇଦିକିୟା, ଆତଃ ପିଲାତୁସରାଃ ଡିଃଇରେ ଏମ୍କିୟାକ । ୨ ପିଲାତୁସ୍ ଇନିଃକେ, “ଆମ୍ବିଚି ଯିହୁଦୀକଆଃ ରାଜା ତାନଫେ ?” ମେଡେ କୁଲିକିୟାଏ ।

ୟୀଶୁ ମେନ୍ଦରୁହାଡ଼ାଇୟାଏ, “ହଁ, ଆମ୍ବିମ୍ କାଜିତାନା ।”

୩ ମୁଲ୍ ଯାଜାକ୍ ଯୀଶୁକେ ପୁରାଃ କାଜିତେକ ଚିଟାକିୟା । ୪ ଏନାମେଡେ ପିଲାତୁସ୍ ଆତଃଗି ଇନିଃକେ କୁଲିକିୟାଏ, “ଚିୟାଃ ଆମ୍ ଜେଡନାଃ କାମ୍ କାଜିରୁହାଡ଼କଥା ? ନେଲ୍ଲକୁମ୍, ଇନ୍ଦୁ ଆମ୍ କେ ଚିମିନ୍ ପୁରାଃ କାଜିତେକ ଚିଟାମେତାନା ।”

୫ ମେନ୍ଦ ଯୀଶୁ ଜେଡନାଃହ କାଏ କାଜିରୁହାଡ଼କିୟା, ଏନାମେଡେ ପିଲାତୁସ୍ ଆକ୍ଦାନ୍ଦାୟାନା ।

† ୧୪:୨୨ ୧୪:୨୭ ଦାସିକୁଡ଼ି ‡ ୧୪:୨୮ 14:68 ଚିମିନ୍ ମାରି ଅନଲ୍ଲକରେ, ଇମ୍ପାଗି ସାଣ୍ଡିସିମ୍ ରାଆଃକେଦାଏ, ମେଡେୟାଃ ବାନଃଆ

ୟୀଶୁଙ୍କେ ଗଏଃନାଙ୍ଗ ବିଚାର୍

(ମାଥୁର ୨୭:୧୫-୨୬; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୬)

୭ ପିଲାତୁସ୍‌ରାଃ ରିଡିଲେକାତେ, ସବେନ୍ ପାସ୍କା ପାରାବ୍ ଦିପିଲିରେ ହଡ଼କ ମିଆଁଦ୍ ଜେହେଲାନାନ୍‌ନିଃକେ ଆସି ତାଜକେନାକ, ଜନିଃକେ ପିଲାତୁସ୍ ଜନ୍‌କୁନାଙ୍ଗ ଆଡ଼ାଗାକତାନ୍ ତାଜକେନାଏ । ୮ ଦିଶୁମ୍‌ରେ ହାଲାଗୁଲା ହବାୟାନ୍ ଦିପିଲିରେ, ହଡ଼ଗଏଃ ହରାତେ ଜେହେଲାନାନ୍‌କଏତେ, ବାରବ୍‌ବା ନୁଡୁମ୍ ମିଆଁଦ୍ ହଡ଼ହଁ ତାଜକେନାଏ । ୯ ଗାଦେଲ୍ ହଡ଼କ ପିଲାତୁସ୍‌ତାଃ ହିଜୁଃୟାନ୍ତେ, ଆମ୍ ଜାନାଅ ରିକାତାନ୍ ଲେକା ଆଲେୟାଃ ନାଙ୍ଗ୍ ରିକାଗାଲେମ୍, ମେନ୍ତେକ ଆସିଏଟେଦକିୟା । ୧୦ ପିଲାତୁସ୍ ଜନ୍‌କୁକେ ମେତାଦକଆଏ, “ଚିନାଃ ଆଇଙ୍ଗ୍ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ୍ ଆଡ଼ାଃତାଜୟା ମେନ୍ତେପେ ସାନାଙ୍ଗ୍‌ତାନା ?” ୧୧ ଚିୟାଃଟି ମାରାଙ୍ଗ୍ ଯାଜାକ୍ ହିସଙ୍ଗାତେ ଯୀଶୁଙ୍କେ ଆଇଃକ୍‌ତାଃରେ ଜିମାକାଇ ତାଜକେନାକ, ଏନା ଜନିଃ ଆଡ଼କାରକେଦାଏ ।

୧୧ ମୁଲ୍ ଯାଜାକ୍, ଯୀଶୁଙ୍କେ ବାନଃ ମେନ୍‌ଦ୍ ବାରବ୍‌ବାକେ ରାଡ଼ା ନାଗେନ୍ତେ ପିଲାତୁସ୍‌କେ ଆସିପେ ମେନ୍ତେ ଗାଦେଲ୍ ହଡ଼କକେ ଉସ୍‌କୁରକେଦକଆକ । ୧୨ ପିଲାତୁସ୍ ଆତଃଟି ହୁଣ୍ଡିଆକାନ୍‌କକେ କୁଲିକେଦକଆଏ, “ଆପେ ଯିହୁଦୀକଆଃ ରାଜା ମେତାଜନିଃକେ ଚିନାଃଇଙ୍ଗ୍ ଚିକାଇୟା ମେନ୍ତେପେ ସାନାଙ୍ଗ୍‌ତାନା ?”

୧୩ ଜନ୍‌କୁଦ୍ ଆତଃଟିକ କାଉରିକେଦାଃ, “ଜନିଃକେ କୁଗ୍‌ରେ କିଲାଇମେ ।” ୧୪ ମେନ୍‌ଦ୍, “ଜନିଃ ଚିନାଃ ଗୁଣ୍ଡାକାଦାଏ ?” ମେନ୍ତେ ପିଲାତୁସ୍ ଜନ୍‌କୁକେ କୁଲିକେଦକଆଏ ।

ଜନ୍‌କୁଦ୍ ଆତଃଟି କାଉରିକେଦତେ କାଜିକିୟା, “କୁଗ୍‌ରେ କିଲାଇମେ ।”

୧୫ ପିଲାତୁସ୍ ହଡ଼କକେ ସୁକୁ ସାନାଙ୍ଗ୍‌ତାନ୍‌ତେ ବାରବ୍‌ବାକେ ଜନ୍‌କୁଆଃ ନାଗେନ୍ତେ ରାଡ଼ାକିୟାଏ । ଏନ୍ତେ ଜନିଃ ଯୀଶୁଙ୍କେ ହାଣ୍ଡାଏ ରିକାକିଃତେ କୁଗ୍‌ରେ ରାକାବଃକାଏ ମେନ୍ତେ ଜନିଃକେ ଜିମାକିୟାଏ ।

ୟୀଶୁଙ୍କେ ସିପାଇକ ଲାନ୍‌ଇତାନା

(ମାଥୁର ୨୭:୨୭-୩୧; ଯୋହାନ୍ ୧୯:୨-୩)

୧୬ ସିପାଇକ ପିଲାତୁସ୍‌ରାଃ ଅଡ଼ାଃରାଗା ଭିତାଡ଼ତେ ଯୀଶୁଙ୍କେକ ଜଦିକିୟା, ଆତଃ ଗଟା ପାଲ୍‌ଗାନ୍‌କକେ ହୁଣ୍ଡିକେଦକଆକ ୧୭ ଜନ୍‌କୁ ଜନିଃକେ ମିଆଁଦ୍ ବାଜଗିନିଆ ଲିଜାଃକ ତୁସିଙ୍ଗ୍‌କିୟାଃ ଆତଃ ଜାନୁମ୍ ମୁକୁଟ୍ ଗାଲାଙ୍ଗ୍‌କେଦତେ ଜନିୟାଃ ବହଃରେକ ଟୁପୁରିକିୟା । ୧୮ ଏନ୍ତେ ଜନ୍‌କୁ ଜନିଃକେ କାଜି ଏଟେଦକିୟାଃକ, “ହେ, ଯିହୁଦୀକଆଃ ରାଜା, ଜାନାଅ ଜାନାଅ ନାଙ୍ଗ୍ ତାଜନଃମେ ।” ୧୯ ଜନ୍‌କୁ ଜନିଃକେ ସଟାତେ ବହଃରେକ ଦାଲ୍‌କିୟା, ବେଏକକିୟା ଆତଃ ଜକ୍‌ଡୁମ୍‌କେଦତେକ ଜହାଡ଼କିୟା । ୨୦ ଜନ୍‌କୁ ଜନିଃକେ ଲାନ୍‌କାକିତେ ଏନ୍ ବାଜଗିନିଆ ଲିଜାଃକେକ ହଲେଃକକେଦା ଆତଃ ଆୟାଃ ଲିଜାଃକେକ ତୁସିଙ୍ଗ୍‌କିୟା । ଏନ୍ତେ ଜନ୍‌କୁ ଜନିଃକେ କୁଗ୍‌ରେ କିଲାଇ ନାଗେନ୍ତେ ବାହାରିତେକ ଜଦିକିୟା ।

ୟୀଶୁଆଃ କୁଗ୍‌ରକାବଃ

(ମାଥୁର ୨୭:୩୨-୪୪; ଲୁକ ୨୩:୨୬-୪୩; ଯୋହାନ୍ ୧୯:୧୭-୨୭)

୨୧ *କୁରିନିରେନ୍ ଶିମୋନ୍ ନୁଡୁମ୍ ମିଆଁଦ୍ ହଡ଼, ଆଲେକଜାଣ୍ଡାର୍ ଆତଃ ରୁପୁସ୍‌ରାଃ ଆପୁତେ, ହାଡୁଏତେ ହିଜୁଃତାନ୍‌ଲଃ ଏନ୍ ହରାରେ ପାରମଃତାନ୍ ତାଜକେନାଏ, ଆତଃ ପାଲ୍‌ଗାନ୍‌କ ଜନିଃକେକ ଯୀଶୁଆଃ କୁଗ୍‌କେ ଜାବାର୍‌ଜାସ୍ତି ଗଃଃ ରିକାକିୟାଃକ । ୨୨ ଜନ୍‌କୁ ଯୀଶୁଙ୍କେ ଗାଲ୍‌ଗାଆ ନୁଡୁମ୍ ମିଆଁଦ୍ ଠାୟାଦତେକ ଜଦିକିୟା, ଗାଲ୍‌ଗାଆରାଃ ମୁଣ୍ଡିଦ୍, “ବହଃଜାଙ୍ଗ୍‌ରୁ” । ୨୩ ଏନ୍ତାଃରେ ଜନ୍‌କୁ ଜନିଃକେ ମେହେଡ଼େତଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏନାଇୟା, ମେନ୍‌ଦ୍ ଯୀଶୁ ଏନା କାଏ ନୁଁକେଦାଃ । ୨୪ ଏନ୍ତେ ଜନ୍‌କୁ ଜନିଃକେ କୁଗ୍‌ରେକ ରାକାବ୍‌କିଆ, ଆତଃ ଜନିୟାଃ ଲିଜାଃକ, ଅକଏ ଅକ୍‌ନାଃବୁ ନାମେଆଁ ଏନା ଚିଠା* ଉୟୁଃକେଦତେ ନେଲ୍‌କେଦାଃକ, ଏନ୍ତେ ଆକ ଆକରେଗି ହାଚିଙ୍ଗ୍‌ୟାନାକ । ୨୫ ସେତାଃରାଃ ନାଅବାଜେ† ଜନ୍‌କୁ ଜନିଃକେ କୁଗ୍‌ରେକ କିଲାକିୟାଃ ୨୬ ଜନିୟାଃ ବିରୁଧ୍‌ରେ ଅଲ୍‌କାନ୍ ଚିଠାରେ, “ଯିହୁଦୀକଆଃ ରାଜା” ମେନ୍ତେ ଅଲ୍‌କାନ୍ ତାଜକେନା । ୨୭ ଜନ୍‌କୁ ବାରିଆ କୁମ୍‌ଡୁକ୍‌କିନ୍‌କେ ଜନିଃକେ କୁଗ୍‌ରେକ କିଲାକେଦକିନା, ମିଆଁଦ୍‌ନିଃକେ ଜମ୍‌ଡିସାଃରେ, ଏଗାଃନିଃକେ ଲେଙ୍ଗାଡିସାଃରେ

* ୧୫:୨୧ ୧୫:୨୧ ରୋମି ୧୭:୧୩ * ୧୫:୨୪ ୧୫:୨୪ ପାଞ୍ଜିଖାଡ଼ି † ୧୫:୨୫ ୧୫:୨୫ ନାଅବାଜେ ଅରେୟାବାଜେ

। ୨୮ ଏନ୍‌ଲେକାତେ, ପାବିତାର ଅନଲକରେ, “ଏଡ଼କାନକଲୱ ଲେକାୟାନାଏ, ମେନ୍ତେ ଧାରାମ୍‌ପୁଅରେ ଅଲକାନ କାଜି ପୁରାୟାନା ।”^୬

୨୯ ଏନ୍ ହରାରେ ସେନ୍‌ପାରମଃତାନ୍ ହଡ଼କ, ଆକଆଃ ବହଃ ହିଲାଅକେଦ୍‌ତେ ଜନିଃକେ ନିନ୍‌ତାନ୍‌ଲୱ କାଜିକିୟାଃକ, “ବାଃରେ ମାନ୍‌ିର ହାଡ଼ୁଡ଼ନିଃ ଆତଃ ଆପିମାରେ ବାଜରୁହାଡ଼ନିଃ, ^୭ ମାର୍ କୁଶ୍‌ଏତେ ଆଡ଼ଗୁନ୍‌ମେ ଆତଃ ବାଞ୍ଚାଅଏନ୍‌ମେ ।”

୩୦ ଏନ୍‌ଲେକାଗି ମୁଲ୍ ଯାଜାକ୍‌କ ଆତଃ ଆଇନ୍ ଇଡ଼ୁକ, ଯିଶୁକେ ଆକ ଆକରେକ ହିଲାଙ୍‌କିଆ ଆତଃ ମେପେନ୍‌ୟାନା “ଏଠାଃକକେଦ୍ ଜନିଃ ବାଞ୍ଚାଅକେଦ୍‌କଆଏ, ମେନ୍‌ଦ୍ ଜନିଃ ଆଇଃକ୍‌ଗି ବାଞ୍ଚାଞ୍ଜେନ୍ କାଏ ଦାଡ଼ିତାନ୍ । ^୮ ଆମ୍ ସାର୍‌ତିଗି ଖ୍ରୀଷ୍ଟ, ଇସ୍ରାଏଲ୍‌ରାଃ ରାଜାତାନ୍‌ମେ ରେଦ୍, କୁଶ୍‌ଏତେ ନାହାଁଃ ଆଡ଼ଗୁନ୍‌କାଏ, ଆତଃ ଏନା ନେଲ୍‌କେଦ୍‌ତେବୁ ବିଶ୍ୱାସୀତେଆଃ ।” ଆତଃ ଜନିଃଲୱ କୁଶ୍‌ରେ କିଲାକାନକିନ୍ ଜନିଃକେକିନ୍ ହିଲାଙ୍‌କିୟା ।

ୟିଶୁଆଃ ଗନଏଃ

(ମାଥୁର ୨୭:୪୫-୫୨; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୩୧ ତିକିନ୍‌ସିଙ୍ଗିକରେ ତିନ୍‌ପାଣ୍ଟା ଜାକେଦ୍ ଗଟା ଦିଶୁମ୍ ନୁବଃୟାନା । ^୯ ଆତଃ ତିନ୍‌ବାଜେ ଯିଶୁ ପୁରାଃଗି କାଉରିକେଦ୍‌ତେ କାଜିକେଦାଏ, “ଏଲୋଇ ଏଲୋଇ ଲାମା ସାବାକ୍‌ଆନି ?” ଏନାରାଃ ମୁଣ୍ଡିଦ୍, “ଏ ଆଇୟାଃ ପାର୍‌ମେଶ୍ୱାର୍, ଏ ଆଇୟାଃ ପାର୍‌ମେଶ୍ୱାର୍, ତିନାଃମେନ୍ତେ ଆଇଙ୍‌କେ ବାଗିକିଦିୟାମ୍ ?”

୩୨ ଏନ୍ ଜାପାଃରେ ତିଙ୍ଗୁଆକାନକଏତେ ତିମିନ୍ ହଡ଼କ ନେଆଁ ଆୟୁମ୍‌କେଦ୍‌ତେ କାଜିକେଦା, “ଆୟୁମେପେ, ଜନିଃ ଏଲିୟକେ ହାକାଅତାନା ।” ^{୧୦} ଇନ୍‌କୁଏତେ ମିଆଁଦ୍‌ନିଃ ନିରୁକେଦ୍‌ତେ ସ୍ତୁକେ ମେହେର୍ ରାସିରେ ତୁପୁକେଦାଏ ଆତଃ ଏନାକେ ମିଆଁଦ୍ ସପାରେ ଗୁଡ଼କେଦ୍‌ତେ ଯିଶୁକେ ନୁଇ ନାଗେନ୍ତେ ଏମ୍‌କିୟାଏ, ଆତଃ ମେନ୍‌କେଦାଏ, “ରାହା କୁଶ୍‌ଏତେ ଜନିଃକେ ଆଡ଼ଗୁ ନାଗେନ୍ତେ ଏଲିୟ ହିଜୁଃତାନାଏ ତି କାହା ନେଆଁବୁ ନେଲେଆ ।”

୩୩ ଯିଶୁ ପୁରାଃଗି କାଉରିକେଦାଏ ଆତଃ ଜାଉତାୟାଃ ଅତଙ୍‌ୟାନା ।

୩୪ ମାନ୍‌ିର ଅଡ଼ାଃରେ ହାକାକାନ ହାନାଗିଙ୍‌ ଦାନାଙ୍‌ଲିଜାଃ ତେତାନ୍‌ଏତେ ଲାତାର ଜାକେଦ୍ ଆଲାରେ ବାର୍ ହିସା ଚାଗାଡ଼ୟାନା । ^{୧୧} କୁଶ୍‌ରାଃ ସାମ୍‌ନାଙ୍‌ରେ ତିଙ୍ଗୁଆକାନ ସିପାଇକଆଃ ଗମ୍‌କେ^{୧୨} ଯିଶୁ ତିଲ୍‌କାଏ ଗଏଃୟାନା, ଏନା ନେଲ୍‌କେଦ୍‌ତେ ମେନ୍‌କେଦାଏ, “ସାର୍‌ତିଗି ନେ ହଡ଼ ପାର୍‌ମେଶ୍ୱାର୍‌ଆଃ ହନ୍‌ଗି ତାଇକେନାଏ ।”

୩୫ ଆତଃ ଏନ୍‌ଗାଃରେ ତିମିନ୍ କୁଡ଼ିକ ସାଜିନ୍‌ଏତେ ନେଲ୍‌ତାନ୍‌କ ତାଇକେନା । ଇନ୍‌କୁଆଃ ଆଲାରେ ମାରିୟାମ୍ ମାଗ୍‌ଦାଲିନି, ହୁଡ଼ିଙ୍‌ ଯାକ୍‌ବ୍ ଆତଃ ଯୋସିରାଃ ଏଙ୍‌ମେତେ ମାରିୟାମ୍, ଆତଃ ସାଲୋମିତେକ ତାଇକେନା । ^{୧୩} ଇନ୍‌କୁ, ଯିଶୁ ଗାଲିଲ୍‌ରେ ତାଇକେନ୍ ଇମ୍‌ତା ଅତଙ୍‌ଙ୍‌ତାନ୍ ଆତଃ ସୁସାରିତାନ୍‌କ ତାଇକେନା । ଇନିଃଲୱ ଯିରୁଶାଲେମ୍‌ତେ ହିଜୁଃକାନ୍ ପୁରାଃ ଏଗାଃ କୁଡ଼ିକହ ଏନ୍‌ଗାଃରେ ତାଇକେନାକ ।

ୟିଶୁକେକ ତପାଇତାନା

(ମାଥୁର ୨୭:୫୭-୬୧; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୩୬ ଏନ୍‌ହୁଲାଙ୍‌ଦ୍ ସାପ୍‌ଡ଼ାଅନ୍ ହୁଲାଙ୍‌ ତାଇକେନା, ଏନା ରୁଡ଼ନ୍ ହୁଲାଙ୍‌ରାଃ ସିଦାହୁଲାଙ୍‌ ତାଇକେନା, ଆତଃ ଆୟୁବ୍‌ୟାନ୍‌ତି, ^{୧୪} ହାରୋମାଥୁୟା ସାହାର୍‌ରେନ୍ ଯୋଷେଫ୍, ଜନିଃଦ୍ ଯିହୁଦୀକଆଃ ମାରାଙ୍‌ ପାଞ୍ଚେସ୍‌ରେନ୍ ମିଆଁଦ୍ ମାଇନାନ୍ ହଡ଼ ତାଇକେନାଏ, ଜନିଃହ ପାର୍‌ମେଶ୍ୱାର୍‌ଆଃ ରାଜାନ୍ ନେଲ୍ ହରାତାନ୍ ତାଇକେନାଏ, ଏନାମେନ୍ତେ ଜନିଃ ଜେତାଏକେ କାଏ ବରକେଦ୍‌ତେ ପିଲାତୁସ୍‌ତାଃତେ ବଲ୍‌ୟାନାଏ ଆତଃ ଯିଶୁଆଃ ଗଏଃ ହଡ଼ମ୍ ଆସିକିୟାଏ । ^{୧୫} ଯିଶୁଆଃ ଜୀଉତୁଶ୍‌ୟାନା ମେନ୍ତେ ଆୟୁମ୍‌କେଦ୍‌ତେ ପିଲାତୁସ୍ ଆକ୍‌ଦାନ୍‌ଅୟାନା । ଜନିଃ ସିପାଇକଆଃ ଗମ୍‌କେ କେ କେଡ଼ାକେଦ୍‌ତେ, ତିୟାଃ ଜନିଃ ଗଏଃୟାନାଏ ମେନ୍ତେ ଜନିଃକେ କୁଲିକିୟାଏ । ^{୧୬} ପିଲାତୁସ୍ ସିପାଇକଆଃ ଗମ୍‌କେୟାଃ କାଜିତେ ଏନା ଆଡ଼କାର୍‌କେଦ୍‌ତେ, ଜନିଃ ଯିଶୁଆଃ ଗଏଃହଡ଼ମ୍ ଯୋଷେଫ୍‌କେ ଏମ୍‌କିୟାଏ । ^{୧୭} ଯୋଷେଫ୍ ନିରାଲ୍ ଲିଜାଃ କିରିଙ୍‌କେଦ୍‌ତେ ଯିଶୁକେ କୁଶ୍‌ଏତେ ଆଡ଼ଗୁକିଆଏ ଆତଃ ଏନ୍ ଫାବ୍‌ରି ନିରାଲ୍ ଲିଜାଃରେ ପଟମ୍‌କିୟାଏ, ଆତଃ ସେରେଙ୍‌ରେ^{୧୮} ଉରାକାନ୍ ତପାଗାଡ଼ାରେ ଗିଡ଼ିଃକିୟାଏ । ଏନ୍ତେ ଏନ୍ ଦୁଆରକେ

୬ ୧୫:୨୮ ୧୫:୨୮ ତିମିନ୍ ମାରି ଅନଲକରେ ନେ ବାଗାନ୍ ବାଗଃଆ ୭ ୧୫:୨୯ ୧୫:୨୯ ମାର୍ଶ୍ ୧୫:୫୮; ଯୋହାନ୍ ୨:୧୯ ୮ ୧୫:୩୯ ୧୫:୩୯ ନିଦ୍‌ଗାଅ ସିପାଇକଆଃ ମାରାଙ୍‌ ୯ ୧୫:୪୦ ୧୫:୪୦ ଲୁକ ୮:୨୩ ୧୦ ୧୫:୪୨ ୧୫:୪୨ ଦିରିତେ ପେରେଜାକାନ୍ ବୁରୁ

ମିଆଁଦ୍ ମାରାଜ୍ ଦିରିତେ ବାଟିକେସେଦ୍‌ତାଦାଏ । ୪୭ ମାରାଗାଲିନି ମାରିୟାମ୍ ଆତଃ ଯୋସିଆଃ ଏଜାତେ ମାରିୟାମ୍ ଜନିଃକେ ଅକ୍‌ତାଃରେ ତପାକିୟାକ ଏନାକିନ୍ ନେଲ୍‌କେଦା ।

୧୭

ୟୀଶୁଆଃ ଜୀଉବିରିଦ୍

(ମାଥୁଉ ୨୮:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ୍‌ନୁ ହୁଲାଙ୍ଗ୍ ସେନଃୟାନ୍‌ତି ମାରାଗାଲିନି ମାରିୟାମ୍, ଯାକୁଦ୍‌ରାଃ ଏଜାତେ ମାରିୟାମ୍, ଆତଃ ସାଲୋମି ସେନକେଦ୍‌ତେ ଯୀଶୁଆଃ ଗଏଃ ହଡ୍‌ମରେ ଗସରେ ନାଗେନ୍ତେ ବୁଗିନ୍ ସହାନ୍ ସୁନ୍‌ମତେୟାଃ ବିନିଜ୍‌କେଦାଃ । ୨ ଏତଆର୍ ହୁଲାଙ୍ଗ୍ ସେତାଃ ଇଦାନ୍‌ରେ ସିଙ୍ଗି ତୁରଃଲଃଠି ଇନ୍‌କୁ ତପାଗାଡ଼ା ଠାୟାଦ୍‌ତେ ସେନଃତାନ୍ ତାଇକେନାକ, ୩ ଆତଃ ଇନ୍‌କୁ ଆକ ଆକରେ ମେପେନ୍‌ୟାନାକ, “ତପାଗାଡ଼ା ଦୁଆର୍‌ରେୟାଃ ପୁରାଃ ମାରାଜ୍ ଦିରିକେ ଅକଏ ବାଟିଆତମାବୁଆଏ ?” ୪ ମେନ୍‌ଦ ଇନ୍‌କୁ ଏନ୍ ଦିରିକେ ଆତମବାଟିକାନ୍ ନେଲ୍‌କେଦାକ, ଏନାଦ୍ ପୁରାଃ ମାରାଜ୍ ଦିରି ତାଇକେନା । ୫ ତପାଗାଡ଼ାରେକ ବଲ୍‌ୟାନ୍‌ତି, ପୁଣ୍ଡି ଲିଜାଃ ତୁସିଙ୍ଗ୍‌ଆକାନ୍ ମିଆଁଦ୍ ସେପେଡ୍‌ଦ୍‌କେ ଜମସାଃରେ ଦୁବାକାନ୍‌କ ନେଲ୍‌କିୟାଃ, ଆତଃକ ଆକ୍‌ବାକାଅୟାନା ।

୬ ଇନିଃଦ ମେତାଦକଆଏ, “ଆଲ୍‌ପେ ବରଏୟା, କୁଗ୍‌ରେ କିଲାଗଏଃୟାନ୍ ନାଜ୍‌ରେଡ୍‌ରେନ୍ ଯୀଶୁକେପେ ଦାଣ୍ଡାତାନା, ଇନିଃ ଜୀଉବିରିଦ୍‌ୟାନାଏ, ଇନିଃ ନେତାଃରେ ବାଙ୍ଗାଈୟା । ନେଲେପେ, ନେ ଠାୟାଦ୍‌ରେଗି ଇନିଃକେକ ବାଟିଆକାଇ ତାଇକେନା । ୭ ମେନ୍‌ଦ୍ ଦୁ ରୁହାଡ୍‌ପେ, ଆୟାଃ ତେଲାକକେ ଆତଃ ପାଡ୍‌ରାସ୍‌କେ ଉଦୁବାକପେ, ଆପେଏତେ ଆୟାଃରେ ଇନିଃ ଗାଲିଲ୍‌ତେ ସେନଃତାନା, ଇନିଃ କାଜିୟାଦ୍‌ପେ ଲେକା ଏନ୍ତାଃରେ ଇନିଃକେପେ ନେଲିୟା ।”

୮ ଆତଃ ଇନ୍‌କୁ ଅତଙ୍ଗ୍‌ୟାନ୍‌ତି ବରତାନ୍ ଆତଃ ଏକ୍‌ଲାଅଃତାନ୍‌ଲଃ ତପାଗାଡ଼ାତାଃଏତେକ ନିର୍‌ୟାନା । ଇନ୍‌କୁକେଦ ବରଭେଦାଅ ହରାତେ ଜେତାଏକେ ଜେଡ୍‌ନାଃ କାକ କାଜିୟାଦ୍‌କଆ ।

ୟୀଶୁ ବାଋହଡ୍‌ ତେଲାକିନ୍‌ତାଃରେ ଉଦୁବେନ୍‌ୟାନାଏ

(ଲୁକ ୨୪:୧୩-୩୫; ମାଥୁଉ ୨୮:୯-୧୦; ଲୁକ ୨୪:୧୦-୧୧; ଯୋହାନ୍ ୨୦:୧୧-୧୮)

୯ ଯୀଶୁ ହାପୁରାଃ ପାହିଲାହୁଲାଙ୍ଗ୍ ସେତାଃଇଦାନ୍‌ରେ ଜୀଉବିରିଦ୍‌କେଦ୍‌ତେ, ଇନିଃ ସିଦାତେ ମାରାଗାଲିନି ମାରିୟାମ୍‌ତାଃରେ ଉଦୁବେନ୍‌ୟାନା, ଇନିଃତାଃଏତେ ସାଡ୍‌ତୁ ବଙ୍ଗାକକେ ଅତଙ୍ଗ୍‌କାକ ତାଇନା । ୧୦ ଇନିଃ ସେନ୍‌ୟାନ୍ତେ ଯୀଶୁଲଃ ତାଇକେନ୍‌କକେ ଉଦୁବାଦ୍‌କଆଏ । ଇନ୍‌କୁଦ ରାଆଃତାନ୍ ଆତଃ ଏୟମ୍‌ତାନ୍‌କ୍ ତାଇକେନା । ୧୧ ଇନିଃ ଇନ୍‌କୁକେ ଯୀଶୁ ଜୀଉବିରିଦାକାନାଏ ଆତଃ ରାଆୟାତାଃ ଉଦୁବେନ୍‌ୟାନାଏ ନେଆଁ କାଜିକେଦ୍‌କଆଏ, ମେନ୍‌ଦ ଇନ୍‌କୁ ଇନିଃକେ କାକ ବିଶ୍ୱାସ୍‌କିୟାଃ ।

୧୨ ଏନ୍ ତାୟମତେ, ଇନ୍‌କୁଏତେ ବାଋହଡ୍, ହାଡ୍‌ତେକିନ୍ ରୁହାଡ୍‌ତାନ୍ ଦିପିଲିରେ, ଯୀଶୁ, ଏଟାଃ ମେଦ୍‌ମୁହାଡ୍‌ୟାନ୍ତେ ଇନ୍‌କିନ୍‌ତାଃ ହରାରେ ଉଦୁବେନ୍‌ୟାନାଏ । ୧୩ ଇନ୍‌କିନ୍ ରୁହାଡ୍‌କେଦ୍‌ତେ ଏଟାଃ ତେଲାକକେ ଏନା ଉଦୁବାଦ୍‌କଆକିନ୍, ମେନ୍‌ଦ ଇନ୍‌କୁ ଇନ୍‌କିନାଃ କାଜିୟାଃ କାକ ବିଶ୍ୱାସ୍‌କେଦାଃ ।

ୟୀଶୁ ଏଗାରାଝାନ୍‌କତାଃ ଉଦୁବେନ୍‌ତାନାଏ

(ମାଥୁଉ ୨୮:୧୬-୨୦; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ୍ ୧:୬-୮)

୧୪ ତାୟମତେ ଯୀଶୁ ଏଗାରାଝାନ୍ ତେଲାକତାଃରେ ଜମକ ଦୁବାକାନ୍ ଦିପିଲିରେ ଉଦୁବେନ୍‌ୟାନାଏ ଆତଃ ଅକନ୍‌କ ଇନିଃକେ ଜୀଉବିରିଦାକାନ୍ ନେଲ୍‌କାଇ ତାଇକେନାକ, ଇନ୍‌କୁଆଃ କାଜିକକେ କାକ ବିଶ୍ୱାସ୍‌କେଦା ଆତଃ ଇନ୍‌କୁଆଃ କେଟେଦ୍‌ମନ୍ ନାଗେନ୍ତେ ଇନିଃ ଇନ୍‌କୁକେ ମାରାଜ୍‌ମତାକେଦ୍‌କଆଏ । ୧୫ ଇନିଃ ଇନ୍‌କୁକେ ମେତାଦକଆଏ, “ଜୁ ଗଟା ଅତେଦିଶ୍ୱମ୍‌ତେପେ ଆତଃ ସବେନ୍ ହଡ୍‌କକେ ନେ ସୁକୁକାଜି ଉଦୁବାକପେ । ୧୬ ବିଶ୍ୱାସେନିଃ ଆତଃ ବାପ୍ତିସ୍ମାଅଃନିଃ ବାଞ୍ଛାଅଥାଏ, ମେନ୍‌ଦ କା ବିଶ୍ୱାସେନିଃ ବିଚାରକେଦ୍‌ତେ ପାର୍‌ମେଶ୍ୱାରତାଃଏତେ ସାଜାଇ ନାମେୟାଏ । ୧୭ ବିଶ୍ୱାସ୍‌ତାନ୍‌କକେଦ୍‌ ପେଡ୍‌ଡଃକରାଃ କାମି ନାଗେନ୍ତେ ପେଡ୍‌ଡଃ ଏମଥା; ଇନ୍‌କୁ ଆଇଁୟାଃ ନୁଡ୍‌ମତେ ବଙ୍ଗାକ ହାଋଅତଙ୍ଗ୍‌କଆ, ଇନ୍‌କୁ ନାଞ୍ଜା ଜାଗାର୍‌କ ବାଞ୍ଚାଣେଆ । ୧୮ ଇନ୍‌କୁ ବିଜ୍‌କକେ ହାଲାଙ୍ଗ୍‌କରେ ଚାଏ ମାହୁଁରାକ ନୁଁଏରେଅଃ ଜେତାକାକ ରିକାଅଥାଃ, ଇନ୍‌କୁ ଦୁକୁହାସୁତାନ୍‌କଆଃ ଚେତାନ୍‌ରେ ଆକଆଃ ଡିଃଇକ ଦହଲେରେ, ଇନ୍‌କୁ ବୁଗିଅଥାକ ।”

☆ ୧୭:୭ ୧୭:୭ ମାଥୁଉ ୨୭:୩୨; ମାର୍ଚ୍ଚ ୧୪:୨୮. * ୧୭:୧୦ ୧୭:୧୦ କୁସୁଦ୍ କୁସୁଦ୍ ରାଆଃ ☆ ୧୭:୧୫ ୧୭:୧୫ ପ୍ରେରିଡ୍ ୧:୮.

ୟାଶୁ ସିମ୍ବାତେ ସେନଃତାନାଏ

(ଲୁକ ୨୪:୫୦-୫୩; ପ୍ରେରିତ୍ ୧:୯-୧୧)

^{୧୯} *ୟାଶୁ ପ୍ରାଭୁ ନେଆଁ କାଜିକେଦକତି, ସିମ୍ବା ଦିଶୁମ୍ତେ ଇଦିୟାନା ଆଡ଼ଃ ଇନିଃ ପାର୍ତ୍ତମେଶ୍ୱାର୍ଆଃ ଜମ୍ତସାଃରେ ଦୁଦ୍‌ୟାନାଏ । ^{୨୦} ଏନ୍ତେ ଚେଲ୍ଲାଇ ସେନଃୟାନ୍ତେ ସବେନ୍ତାଃରେ ପାର୍ତ୍ତାକ୍‌କେଦାଃକ, ଆଡ଼ଃ ପ୍ରାଭୁ ଇନ୍‌କୁଲଃ କାମିକେଦାଏ ଆଡ଼ଃ ଆୟାଃ ଉଦୁବଃତାନ୍ କାଜିକେ ଚିହ୍ନିତେ ସାର୍ତ୍ତି ତାନାଃ ମେନ୍ତେ ପକ୍‌ତାକେଦାଏ ଆଡ଼ଃ ଗାଞ୍ଜା ଏମ୍‌କେଦାଏ ।†

ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପୁଥିରେୟାଃ ପାରିଚାଏ

ନେ ସୁକୁକାଜିରେ ପ୍ରାଭୁ ଯୀଶୁକେ, ଇସ୍ରାଏଲ୍ ଆତଃ ସବେନ୍ ହଡ଼କଆଃ ଜୀଉ ବାଞ୍ଛାଅ ଆତଃ ନାରାଦୁରାକଆଃ ଆୟାଃରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ପାର୍ମେଣ୍ଟାଃ ଆମ୍ବାଲଃ ହିଜୁଃୟାନାଏ ମେନ୍ତେ ଲୁକ ଅଲ୍ଲାକାଦାଏ । ଏନାମେନ୍ତେ ନେ ସୁକୁକାଜିରେ ହଡ଼କଆଃ ନାଗେନ୍ତେ ଜୀଉରାଡ଼େଃରେୟାଃ କାଜି ପେରେଜାକାନା । ନେ ପୁଥିରେ ଆତଃମିଆଁଦ୍ ମାରାଙ୍ଗ୍ ଇନିତୁ ମେନାଃ, ଏନା ହବାଅଃତାନା ରାସକା । ଯୀଶୁଆଃ ହିନିଜୁଃ ଆତଃ ଯୀଶୁ ଖ୍ରୀଷ୍ଟ୍ ସିର୍ମାତେ ସେନଃତାନ୍ ଇମତାରେୟାଃ କାଜି ନେ ସୁକୁକାଜିରେ ଉଦୁବାକାନା । ନେ ସବେନ୍ ବିଷାଏ ହଡ଼କଆଃ ନାଗେନ୍ତେ ମିଆଁଦ୍ ରାସକାନ୍ରେୟାଃ କାଜିତାନା ।

ନେ ସୁକୁକାଜିରେ ଆତଃ ଚିମିନ୍ ବିଷାଏକ ଅଲ୍ଲାକାନା, ସିର୍ମା ଦୁଡ଼କଆଃ ଦୁରାଙ୍ଗ୍, ସିଟିଆ ଯୀଶୁକେ ମିଣ୍ଟିଗୁପିକ ସେନ୍କେଦ୍ଦେତେ ନେଲ୍ଲକିୟାକ, ମାନ୍ଦିର୍ ଅଡ଼ାଃରେ ପାଣ୍ଡିଡ଼କଲଃ ସିଟିଆ ଯୀଶୁଆଃ ଜାଗାନ୍, ବୁଗିନ୍ ଶମିରୋନିଆଃ କାଜି ଆତଃ କା ମାନାତିଙ୍ଗ୍ ହନ୍ଦିଆଃ ଜନ୍ଦକା, ନେ ସବେନାଃ ଏତାଃ ସୁକୁକାଜିରେ କା ଅଲ୍ଲାକାନା ।

ଲୁକ ଆତଃମିଆଁଦ୍ ପୁଥି ଅଲ୍ଲାକାଦାଏ, ଏନା ହବାଅଃତାନା “ପ୍ରେରିଡ଼କଆଃ କାମି” । ଏନ୍ ପୁଥିରେ ଖ୍ରୀଷ୍ଟିୟାନ୍ ହଡ଼କ ଚିଲ୍ଲକା ପାସରାୟାନାକ ଏନ୍ ସବେନ୍ ବିଷାଏକ ଅଲ୍ଲାକାନା । ବିକ୍ରି, ପାବିତାର୍ ଆମ୍ବା, ଯୀଶୁ ଖ୍ରୀଷ୍ଟିଆଃ ସୁକୁକାଜି ଉଦୁବ୍ ଦିପିଲିରେ କୁଡ଼ିକ ଚିଲ୍ଲକା ଯୀଶୁଆଃ ଆତଃ ଚେଲ୍ଲାକଆଃ ସେଞ୍ଜା ରିକାକେଦାକ, ଏନ୍ ସବେନାଃ ନେତାଃରେ ଲୁକ ଆବୁକେ ଉଦୁବାକାଦ୍ବୁଆ ।

ପୁଥି ଭିତରରେ ଚାଉକାନ୍ କାଜି

- ୧. ଏନେଚେଦ୍ ବାତାନ୍ । ୧:୧-୪
- ୨. ବାପ୍ତିସ୍ମା ଏମଃନିଃ ଯୋହାନ୍, ଯୀଶୁଆଃ ଜାନାମ୍ ଆତଃ ସିଟିଆ ଦିପିଲି । ୧:୫-୨:୫୨
- ୩. ବାପ୍ତିସ୍ମା ଏମଃନିଃ ଯୋହାନ୍ଆଃ ପାର୍ଚାର୍ । ୩:୧-୨୦
- ୪. ଯୀଶୁଆଃ ବାପ୍ତିସ୍ମା ଆତଃ ସାଏତାନ୍ରାଃ ବିନିଡ଼ାଅ । ୩:୨୧-୪:୧୩
- ୫. ଗାଲିଲ୍ରେ ଯୀଶୁଆଃ ପାର୍ଚାର୍ ଆତଃ ସେଞ୍ଜାକାମି । ୪:୧୪-୯:୫୦
- ୬. ଗାଲିଲ୍ହେତେ ଯୀରୁଶାଲେମ୍ତେ ସେନଃ । ୯:୫୧-୧୯:୨୭
- ୭. ଯୀରୁଶାଲେମ୍ ହେପାଦ୍ରେୟାଃ ହାଡ଼କରେ ଚୁଣ୍ଡ ହୁାପ୍ତା ଇମତା ଯୀଶୁଆଃ କାମି । ୧୯:୨୮-୨୩:୫୭
- ୮. ପ୍ରାଭୁ ଯୀଶୁଆଃ ଜୀଉବିନିରିଦ୍, ଚେଲ୍ଲାକତାଃରେ ଉଦୁବେନ୍ ଆତଃ ସିର୍ମାତେ ସେନଃ । ୨୪:୧-୫୩

ପାରିଚାଏ

୧ ହେ ଦୁଲ୍ଲାଡ଼୍ ଥୁଅଫିଲ୍, ପୁରାଃ ହଡ଼କ ଆଲେ ଆଲ୍ଲାରେ ହବାକାନ୍ ଯୀଶୁ ଖ୍ରୀଷ୍ଟିଆଃ ଜାନାମ୍, ଗନଏଃ ଆତଃ ଜୀଉବିନିରିଦ୍ରେୟାଃ ପକ୍ତାନ୍କାଜିକ ଅଲ୍ ନାଙ୍ଗ୍ ସାନାଙ୍ଗ୍କାଦାକ । ୨ ଅକନ୍କଟି ନେ ହବାକାନ୍ ବିଷାଏକେ ଏନେଚେଦ୍ଏତେ ନେଲ୍ଲାକାଦାଃକ ଆତଃ ହଡ଼କତାଃରେ ନେୟାଁ ଉଦୁବ୍କେଦାଃକ, ଏନ୍ ହଡ଼କତାଃଏତେ ଅକନ୍ ବିଷାଏଲେ ଇତୁଆକାନା ଏନ୍କାଜି ଇନ୍କୁ ଅଲ୍ଲାକାଦାଃକ । ୩ ଏ ମାଜନାନ୍ ଥୁୟଫିଲ୍ସ, ଏନାନାଗେନ୍ତେ ଆଇଙ୍ଗ୍ ନେ ସବେନ୍ କାଜି ମୁଲ୍ଏତେ ବୁଗିଲେକା କୁଲିନାମ୍ ବାଡ଼ାକେଦ୍ଦେତ ସାରିକାଦାଇଙ୍ଗ୍, ଏନାମେନ୍ତେ ଆମାଃ ନାଗେନ୍ତେ ମିଆଁଦ୍ ପୁଥି ଲେକା ତାରାଗେନାଏତେ ସବେନ୍ କାଜି ଅନଲ୍ ସାନାଙ୍ଗ୍କେଦାଆଇଙ୍ଗ୍, ୪ ଜେଲ୍ଲେକା ଆମ୍ ଅକନ୍ ସବେନ୍ କାଜିକମ୍ ଇତୁଆକାନା ଏନ୍ ସବେନ୍ କାଜିକରେୟାଃ ପକ୍ତାମ୍ ନାମଦାଡ଼ିୟାଃ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍ ଉଦୁବଃତାନା

୫ ଯିହୁଦା* ଦିଶୁମ୍ରେନ୍ ରାଜା ହେରୋଦ୍ଆଃ ଦିପିଲିରେ ଅବିୟାଆଃ ଯାଜାକ୍ ଝୁଣ୍ଡରେନ୍ ଜାଖରିୟା ନୁତୁମ୍ ମିଆଁଦ୍ ଯାଜାକ୍ ତାଇକେନାଏ । ଇନିୟାଃ ଦାନ୍ନି ଏଲିଶାବେଥ୍, ଇନିଃ ହାନ୍ତୁନ୍ଆଃ କିଲିରେନ୍ ତାଇକେନାଏ । ୬ ଏନ୍ ବାରାନ୍କିନ୍ ପାର୍ମେଣ୍ଟାଃ ସାମ୍ବାଙ୍ଗ୍ରେ ଧାର୍ମାନ୍ ଆତଃ ପ୍ରାଭୁଆଃ ସବେନ୍

* ୧:୫ 1:5 ପାଲେଷ୍ଟାଇନ୍ରେୟାଃ ଗମ୍ ଦିଶୁମ୍ରେକେ କାଜିୟାଃକ

ଆନନ୍ଦୁ ଆତଃ ରିତିରିଖାଜ୍ଞ ବେଗାଋ ବିଗାତେ ବୁଗିଲେକା ମାନାତିଜ୍ଞ ତାଇକେନାକିନ୍ । ୭ ମେନ୍ଦଦ ଜନ୍କିନାଃ ହନ୍ଗାଁଣା କାକ ତାଇକେନା, ଚିୟାଃତି ଏଲିଶାବେଥ୍ଦ ଗଣିତ୍ତଃ ତାଇକେନାଏ, ଆତଃ ବାରାନ୍କିନ୍ ହାଡ଼ାମ୍ ବୁଜାଆକାନ୍କିନ୍ ତାଇକେନା ।

୮ ଜାଖ୍ରିୟା, ଆୟାଃ ଝୁଣ୍ଡରେୟାଃ ପାଲି ଲେକାତେ ମାନ୍ଦିର୍ ଅଡ଼ାଃରେ ପାର୍ମେଶ୍ଵାଋଆଃ ସାମ୍ନାଙ୍ଗ୍ରେ ଯାଜାକ୍ କାମି କାମିତାନ୍ ଜମ୍ପତା, ୯ ଯାଜାକ୍‌କଥାଃ କାମିରେୟାଃ ରିତିଲେକାତେ ପାଞ୍ଜିଖାଡ଼ିଲଃ ଜନିଃକେ ପାର୍ମେଶ୍ଵାଋଆଃ ମାନ୍ଦିର୍ ଅଡ଼ାଃରେ ବଲକେଦ୍‌ତେ ବୁଗିନ୍‌ସଖାନ୍‌ତେୟାଃ ଧୁଆନ୍ ଉରୁବ୍ ଲାଗାତିଙ୍ଗ୍‌ୟାନା । ୧୦ ଆତଃ ବୁଗିନ୍‌ସଖାନ୍‌ତେୟାଃ ଧୁଆନ୍ ଉରୁବ୍ ଦିପିଲିରେ ସବେନ୍ ହଡ଼କ ମାନ୍ଦିର୍ ଅଡ଼ାଃରାଗାରେ ବିକ୍ରିତାନ୍‌କ ତାଇକେନା ।

୧୧ ଜମ୍ପତାଙ୍ଗ୍ ଜାଖ୍ରିୟାରାଃ ଆୟାଋରେ ପାର୍ମେଶ୍ଵାଋଆଃ ଦୁଁଡ଼ ଉଦୁବେନ୍‌ୟାନାଏ ଆତଃ ଧୁଆନ୍ ଉରୁବ୍ ବେଦିରେୟାଃ ଜମ୍ପାଃରେ ତିଙ୍ଗ୍‌ୟାନାଏ । ୧୨ ଜାଖ୍ରିୟା ଜନିଃକେ ନେଲ୍‌କେଦ୍‌ତେ ଆକ୍‌ଦାନ୍‌ଆୟାନା ଆତଃ ବରକେଦାଏ । ୧୩ ମେନ୍ଦଦ ଦୁଁଡ଼ କାଜିକିୟାଏ, “ଏ ଜାଖ୍ରିୟା ! ଆଲ୍‌ମେ ବରୟାଃ, ଆମାଃ ବିକ୍ରିଦ ପାର୍ମେଶ୍ଵାଋତାଃ ଆୟୁମୟାନା । ଆମାଃ ଘାଋନ୍ ଏଲିଶାବେଥ୍ ଆମାଃ ନାଗେନ୍ତେ ମିଆଁଦ୍ କଡ଼ାହନ୍‌ଆଏ ଜାନାମ୍‌ୟା, ଆତଃ ଜନିଃକେ ଯୋହାନ୍ ମେନ୍ତେପେ ନୁଡୁମ୍‌ୟା । ୧୪ ଆମ୍ ପୁରାଃଗି ସୁକୁ ରାସକାଞ୍ଜାମ୍ ଆତଃ ଆୟାଃ ଜାନାମରେ ପୁରାଃ ହଡ଼କ ରାସକାଞ୍ଜାମ୍ । ୧୫ ଜନିଃଦ ପାର୍ମେଶ୍ଵାଋଆଃ ନେପେଲ୍‌ରେ ମାରାଙ୍ଗ୍‌ଅଃଆଏ, ଜନିଃ ଦାଖ୍‌ରାସି ଚାଏ ବୁଲଃଡେୟାଃ ତିଉଲାହ୍ କାଏ ନୁଁଏୟା ଆତଃ ଜନିଃ ଏଙ୍ଗାତେୟାଃ ଲାହିଦ୍‌ତେଗି ପାବିତାଋ ଆମ୍‌ଗେତେ ପେରେଜଃଆଏ, ୧୬ ଆତଃ ଜନିଃ ଜସ୍‌ଏଲ୍ ହଡ଼କଆଃଏତେ ପୁରାଃ ହଡ଼କକେ ପାର୍ମେଶ୍ଵାଋ ଆକଆଃ ପ୍ରାଭୁୟାଃତେ ରୁହାଡ଼୍ ହିଜୁଃନାଙ୍ଗ୍ ଦେଙ୍ଗାକିଞ୍ଜାଏ । ୧୭ ଆତଃ ଆପୁକଆଃ ମନ୍ ହନ୍‌କସାଃ ଆତଃ କା ମାନାତିଜ୍ଞ ତାନ୍‌କକେ ଧାର୍ମାନ୍‌କଆଃ ସେଣାଁସାଃ ରୁହାଡ଼କଆଏ ଆତଃ ପ୍ରାଭୁନାଙ୍ଗ୍ ମିଆଁଦ୍ ବାଇସେକାଡ଼ାକାନ୍ ହଡ଼କେ ବାଇନାଗେନ୍ତେ ଜନିଃ ଏଲିୟାଆଃ ଆମ୍‌ଗେତେଡ଼େଟେ ଜନିୟାଃ ସାମ୍ନାଙ୍ଗ୍ରେ ସେନେୟାଏ ।”

୧୮ ନେ କାଜି ମେନ୍ତେ ଚିଲ୍‌କାଜ୍ଞ ସାରିୟାଃ ? ଆଜ୍ଞଦ୍ ହାଡ଼ାମ୍ ଯାନାଜ୍ଞ ଆତଃ ଆର୍ଜୟାଃ ଘାଋନ୍‌ୟଗି ବୁଡି ଯାନାଏ ।”

୧୯ ସିମାରେନ୍ ଦାସି କାଜିରୁହାଡ଼କିୟାଏ, “ଆଜ୍ଞେ ଗାବ୍ରିଏଲ୍ ଦୁଁଡ଼ ତାନିଙ୍ଗ୍, ପାର୍ମେଶ୍ଵାଋଆଃ ସାମ୍ନାଙ୍ଗ୍ରେ ତିଙ୍ଗ୍‌ନ୍‌ନିଃ ତାନିଙ୍ଗ୍ ଆତଃ ଆମ୍‌କେ ନେ ସୁକୁକାଜି ଉଦୁବ୍ ନାଗେନ୍ତେ ପାର୍ମେଶ୍ଵାଋ ଆଜ୍ଞକେ କୁଲ୍‌କାଜ୍ଞୟାଏ । ୨୦ ନାହାଁଃ ଆୟୁମେମ୍, ନେ ସବେନ୍ ସାଋତି କାଜି କା ପୁରାଆଃ ଜାକେଦ୍ ଆମ୍ ବାଖାଁଣ୍ କାମ୍ ଦାଡ଼ିୟାଃ ଚିୟାଃତି ଆର୍ଜୟାଃ କାଜିରେ ଆମ୍ କାମ୍ ପାଡିୟାଋଃ କେଦାଃ, ଏନାଦ୍ ଠିକ୍ ନେତାରେଁସ୍ ପୁରାଆଆ ।”

୨୧ ଜମ୍ପତାଙ୍ଗ୍ ହଡ଼କ ଜାଖ୍ରିୟାକେ ନେଲ୍‌ହରାଇତାନ୍‌କ ତାଇକେନା ଆତଃ ଜନିଃ ମାନ୍ଦିର୍ ଅଡ଼ାଃଏତେ ଜାଲ୍‌ଦି କାଏ ଅତଙ୍ଗ୍‌ଅଃତାନ୍ ନେଲ୍‌କେଦ୍‌ତେ ଜନ୍‌କୁ ଆକ୍‌ଦାନ୍‌ଆଃ ତାଇକେନାକ । ୨୨ ଚିମ୍‌ତାଙ୍ଗ୍ ଜାଖ୍ରିୟା ଅତଙ୍ଗ୍‌ୟାନା, ଜନିଃ ଜନ୍‌କୁକେ ଜେଡ଼ନାଃ କାଜି କାଏ ଦାଡ଼ିକେନା । ଏନାତେ ଜନ୍‌କୁ ଆଡ଼୍‌କାଋ କେଦାଃକ ଯେ ଜନିଃ ମାନ୍ଦିର୍ ଭିତାଋରେ ଜେଡ଼ଏୟାଃ ଦାଋଶାନ୍‌ନାଏ ନେଲ୍‌କାଦା, ଚିୟାଃତି ଜନିଃ ଜନ୍‌କୁକେ ତିଃଜତେ ଉଦୁବ୍‌କତାନ୍ ତାଇକେନାଏ ଆତଃ କାଏ ବାଖାଁଣ୍ ଦାଡ଼ିକେଦା ।

୨୩ ଜାଖ୍ରିୟାରାଃ ସେଞ୍ଜା ପାଲିରେୟାଃ ସାମାଏ ପୁରାୟାନ୍‌ତି ଜନିଃ ଅଡ଼ାଃତେ ରୁହାଡ଼ୟାନାଏ । ୨୪ ନେଆଁ ତାୟମ୍‌ତେ ଜାଖ୍ରିୟାରାଃ ଘାଋନ୍ ଏଲିଶାବେଥ୍ ହାମ୍‌ଲ୍ ରୋଞ୍ଜାୟାନାଏ । ଆତଃ ଜନିଃ ପାଞ୍ଜି ମାହିଁନା ଜାକେଦ୍ ଜେଡ଼ଏକେ ଜେଡ଼ନାଃ କାଏ କାଜିକେଦ୍‌କଥା । ୨୫ ଏନ୍ତେ ଏଲିଶାବେଥ୍ କାଜିକେଦାଏ, “ନେଲେପେ, ତୁଣ୍ଡରେ ପାର୍ମେଶ୍ଵାଋ ଆଜ୍ଞ ନାଙ୍ଗ୍ ନେଆଁ ରିକାକାକଥାଏ । ହଡ଼କଆଃ ଆଲାରେ ଆର୍ଜୟାଃ ଚିହ୍‌ହେ ଆତମେ ନାଗେନ୍ତେ ପ୍ରାଭୁ ଆଜ୍ଞକେ ଦେଙ୍ଗାକେଦିୟାଁ ।”

ୟାଶୁଆଃ ଜାନାମ୍ ଉଦୁବଃତାନା

୨୬ ଏଲିଶାବେଥ୍‌ଆଃ ହାମ୍‌ଲ୍‌ରୋଞ୍ଜାଋଃ ଛ ମାହିଁନା ତାୟମ୍‌ତେ ପାର୍ମେଶ୍ଵାଋ ଗାବ୍ରିଏଲ୍ ନୁଡୁମ୍ ମିଆଁଦ୍ ସିମାରେନ୍ ଦୁଁଡ଼କେ ଗାଲିଲ୍‌ରେୟାଃ ନାଜ୍‌ରେଡ଼ ନାଗାଋତେ ମିଆଁଦ୍ ତିଶ୍ଵାକ୍‌ଡ଼ିତାଃତେ କୁଲ୍‌କିୟାଏ, ୨୭ ଏନ୍‌ ତିଶ୍ଵାକ୍‌ଡ଼ିଦ ଦାତଦ୍‌ଆଃ କିଲିରେନ୍ ଯୋଷେପ୍ ନୁଡୁମ୍ ମିଆଁଦ୍ ହଡ଼ନାଙ୍ଗ୍ ଆସିଆକାନ୍‌ଏ ତାଇକେନା, ଜନିୟାଃ ନୁଡୁମ୍ ମାରିୟାମ୍ ତାଇକେନା । ୨୮ ସିମାରେନ୍ ଦୁଁଡ଼ ଜନିୟାଃ

† ୧:୨ ୧:୭ ଗଣିତ୍ ଗାଁଖେନ୍ ‡ ୧:୨୦ ୧:୨୦ ପାଡିୟାଋ ବିଶ୍ଵା ․ ୧:୨୦ ୧:୨୦ ନେତାରେ ଦିପିଲିରେ * ୧:୨୨ ୧:୨୨ ମାଥ୍‌ର ୧:୧୮.

ଅତୀତରେ ବଳକେଦ୍ୱରେ କାଳିକିୟାଏ, “ଏ ଲିବୁଇୟାକାନୁନିଃ, ଆମ୍ଭଙ୍କେ ଜହାର୍ ! ପ୍ରାଭୁ ଆମ୍ଭଙ୍କେ ପୁରାଃଗି ଲିବୁଇୟା କାଦ୍‌ମେୟାଏ ଆତଃ ଜନିଃ ଆମାଃଲଃ ମେନାଭୟାଃ !”

୨୯ ମେନ୍‌ଦ ମାରିୟାମ୍ ଜନିୟାଃ କାଳିକେତେ ପୁରାଃଗି ଆକଦାଦାଅୟାନା, ଆତଃ ନେୟାଁ ଚିଲ୍‌କାନ୍ ଜହାର୍ ତାନାଃ ମେନ୍ତେ ଆୟାଃ ମନ୍‌ରେ ଉଡ଼ୁତାନାଏ ତାଇକେନା । ୩୦ ଏନାତେ ସିର୍ମାରେନ୍ ଦୁଢ଼ ଜନିଃକେ କାଳିକିୟାଏ, “ଏ ମାରିୟାମ୍, ଆଲମ୍ ବରଏୟା, ଚିୟାଃଚି ଆମ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ସାୟାଦ୍ ନାମାକାଦାମ୍ । ୩୧ ଆତଃ ନେଲେମେ, ଆମ୍ ହାମ୍‌ଲାଇ ରୋଝାଅଥାମ୍ ଆତଃ ମିଆଁଦ୍ କଡ଼ାହନ୍‌ନାମ୍ ଜାନାମ୍‌ୟା ଆତଃ ଜନିଃକେ ଯାଶୁ ନୁଡୁମ୍‌ୟାମ୍ । ୩୨ ଜନିଃ ମାରାଜ୍‌ଆଥାଏ ଆତଃ ହଡ଼କ ଜନିଃକେ ମାରାଜ୍ ଉତାର୍‌ନିୟାଃ ହନ୍ ମେନ୍ତେକ କାଳିୟାଃ ଆତଃ ପ୍ରାଭୁ ପାର୍‌ମେଶ୍ୱାର୍ ଜନିଃକେ ଜନିୟାଃ ଆପୁଡେ ଦାଉଦ୍ ରାଜାରାଃ ରାଜଗାଦି ଏମାଭୟା । ୩୩ ଆତଃ ଜନିଃ ଜାନଅଥାକେଦ୍ ଯାକୁବ୍‌ଆଃ କିଲିରେନ୍‌କଆଃ ରାଜା ତାଇନାଏ, ଜନିୟାଃ ରାଇଜ୍ ଚିଭଲାଅ କା ଚୁଣ୍ଡୁଆ !”

୩୪ ମାରିୟାମ୍ ସିର୍ମାରେନ୍ ଦୁଢ଼କେ କୁଲିକିୟାଏ, “ନେଆଁ ଚିଲ୍‌କାତେ ହବାଅଥାଃ ? ଆଇଜ୍‌ଦ ଜେତାନ୍ କଡ଼ାକେ କାଇଜ୍ ସାରିୟାକାଇଜାଃ ।”

୩୫ ସିର୍ମାରେନ୍ ଦୁଢ଼ ମାରିୟାମ୍‌କେ କାଜିରୁହାଡ଼କିୟାଏ, “ପାବିତାର୍ ଆମ୍ ଆମ୍‌ରେ ଆଡ଼ଗୁନାଏ ଆତଃ ମାରାଜ୍ ଉତାର୍‌ନିୟାଃ ପେଡ଼େଃ ଆମ୍‌କେ ଉମ୍‌ଲୁ* ମେୟାଏ । ଏନାନାଗେନ୍ତେ ଜାନାମାଃତାନ୍ ହନ୍ ପାବିତାର୍ ହବାଅଥାଏ ଆତଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ନୁଡୁମାଃଆଏ । ୩୬ ଆତଃ ନେଲେମେ, ଆମାଃ ମିଶିମ୍ ଏଲିଶାବେଥ୍ ବୁଡିୟାଃତାନ୍ ନେତାରେ ମିଆଁଦ୍ କଡ଼ାହନ୍ ଜାନାମ୍‌ୟାଏ, ଆତଃ ଜନିଃଦ ଚିଟି† ମେନ୍ତେ କାଜିୟାଃତାନ୍ ତାଇକେନାଏ, ନାହାଁଃ ଜନିୟାଃ ହଡ଼ମାଃତେୟାଃ ଛ ମାହିଁନା ହବାଅଥାତାନା । ୩୭ ଚିୟାଃଚି ପାର୍‌ମେଶ୍ୱାର୍‌ଆଃ ଆୟାର୍‌ରେଦ୍ ଜାହାନ୍ କାଜି କା ହାମ୍‌ଲାଇଆଃ ।”

୩୮ ଏନ୍ତେ ମାରିୟାମ୍ କାଳିକିୟାଏ, “ନେଲେମେ, ଆଇଜ୍ ପାର୍‌ମେଶ୍ୱାର୍‌ଆଃ ଦାସି ତାନିଜ୍ ଆମାଃ କାଜିଲେକାଚି ଆଇଜ୍‌ରେ ହବାଅଥାକା,” ଏନ୍ତେଦ୍ ଦୁଢ଼ ଜନିଃତାଃଏତେ ସେନଃୟାନାଏ ।

ଏଲିଶାବେଥ୍‌ଲଃ ମାରିୟାମାଃ ନେପେଲ୍

୩୯ ଏନ୍ତେ ମାରିୟାମ୍ ଏନ୍ ନେତାରେ ବିରିଦ୍‌ୟାନୁଲଃ ବୁରୁଦିଶୁମ୍ ଯିହୁଦା ରାଇଜ୍‌ରେୟାଃ ମିଆଁଦ୍ ସାହାର୍‌ତେ ଜାଲ୍‌ଦିଗି ସେନଃ ଦାବ୍‌ୟାନା । ୪୦ ଜନିଃ ଜାଖ୍‌ରିୟାରାଃ ଅତୀତରେ ବଳୟାନ୍‌ଚି ଏଲିଶାବେଥ୍‌କେ ଧାନାଦାଦ୍ ଏମକିୟାଏ । ୪୧ ଆତଃ ଏଲିଶାବେଥ୍ ମାରିୟାମ୍‌ଆଃ ଜହାର୍ ଆୟୁମ୍‌କେଦ୍‌ଚି ଏଲିଶାବେଥ୍‌ଆଃ ଲାହିଦ୍‌ରେନ୍ ହନ୍ ଏନେଃକ୍‌କେଦାଏ ଆତଃ ଏଲିଶାବେଥ୍ ପାବିତାର୍ ଆମ୍‌ଗାତେ ପେରେୟାନାଏ । ୪୨ ଜନିଃ କାଉରିତାନ୍‌ଲଃ କାଜିକେଦାଏ, “ଆମ୍ କୁଡ଼ିକଆଃ ଆଲାର୍‌ମେ ମାଭନ୍‌ଗିୟାଃ ଆତଃ ଆମ୍ ଜାନାମ୍‌ ହନ୍ ଧାଇନ୍‌ଗିୟାଃ ! ୪୩ ମେନ୍‌ଦ ଆଇୟାଃ ପ୍ରାଭୁଆଃ ଏଜାତେ ଆଇଜ୍‌ତାଃତେ ହିଜୁଆକାନାଏ, ଏନା ଆଇଜ୍ ନାଜ୍ ଚିଲ୍‌କାତେ ହବାକାନା । ୪୪ ଚିୟାଃଚି, ନେଲେମେ, ଆମାଃ ଜହାର୍ ଆୟୁମ୍‌କେଦ୍‌ଚି ଆଇୟାଃ ଲାହିଦ୍‌ରେନ୍ ହନ୍‌ଦ ରାସ୍‌କାତେ ଏନେଃକ୍‌କେଦାଏ । ୪୫ ଅକଏ ବିଶ୍ୱାସ୍‌କେଦାଏ ଜନିଃ ଧାଇନ୍‌ଗିୟାଃଏ, ଚିୟାଃଚି ପାର୍‌ମେଶ୍ୱାର୍‌ତାଃଏତେ ଜନିଃକେ କାଜିୟାକାନ୍ କାଜିଦ୍ ହବାଅଥାଗିଆ !”

ମାରିୟାମ୍‌ଆଃ ମାନାରାଜ୍ ଦୁରାଜ୍

୪୬ ଆତଃ ମାରିୟାମ୍ କାଜିକେଦାଏ,
“ଆଇୟାଃ ମନ୍‌ସୁରୁଦ୍ ପ୍ରାଭୁକେ ମାରାଜ୍‌ଜତାନା;
୪୭ ଆତଃ ଆଇୟାଃ ଜାଉ ବାଞ୍ଛାଅନିଃ ପାର୍‌ମେଶ୍ୱାର୍‌ତାଃରେ ରାସ୍‌କାଅଥାତାନାଏ,
୪୮ ଚିୟାଃଚି ଜନିଃ ଆୟାଃ ଦାସିଆଃ ନାରାଦୁରାକେ ନେଲାକାଦାଏ !
ଆତଃ ନେଲେମେ, ନାହାଁଃଏତେ ସବେନ୍ ପାରିୟାରେନ୍ ହଡ଼କ ଆଇଜ୍‌କେ ସୁକୁତାନ୍‌ଗିୟାମେ ମେନ୍ତେକ ମେତାଇୟାଁ,

୪୯ ଚିୟାଃଚି ପେଡ଼େୟାନ୍ ପାର୍‌ମେଶ୍ୱାର୍ ଆଇୟାଃନାଜ୍ ମାପୁରାଜ୍ କାମିକ କାମିୟାକାଦାଏ ।
ଜନିୟାଃ ନୁଡୁମ୍ ପାବିତାର୍‌ଗିୟାଃ;

୫୦ ଆତଃ ଜନିଃକେ ବରତାନ୍‌କଆଃନାଜ୍ ଜନିୟାଃ ଦାୟା

ଜନ୍‌କୁଆଃ ପିଢ଼ି ପିଢ଼ି ଜାକେଦ୍ ଜାନାଅଗି ତାଇନାଃ ।

୫୧ ଜନିଃ ଆୟାଃ ସୁପୁତାଃରେୟାଃ ପେଡ଼େଃ ଉଦୁବାକାଦାଏ ।

* ୧:୩୧ ୧:୩୧ ମାଥୁର ୧:୨୧. † ୧:୩୫ ୧:୩୫ ଉମ୍‌ଲୁ ଆବରାଅ ‡ ୧:୩୬ ୧:୩୬

ଇନିଃ ମାରୀୟାମ୍ ଚାନ୍ଦକକେ ଆକଥାଃ ମନ୍ରେୟାଃ ଉତ୍ତୁଷ୍ଟେତେ ଛିତିବିତିୟା କାଦକଥାଏ ।

୫୨ ଇନିଃ ଆକ୍ତେୟାନ୍ ନାମାକାଦ୍ ପେଡ୍ରେୟାନ୍ ରାଜାକକେ ରାଜଗାଦିଏତେ ଆଡ୍‌ଗୁଆ କାଦକଥାଏ, ଆଡଃ ନାରାଦୁରାକକେ ଚେତାନୁତେ ରାକାବା କାଦକଥାଏ ।

୫୩ ଇନିଃ ରେଙ୍ଗେଜାକାନକକେ ବୁଗିନ୍ ବିଷାଏତେ ବିୟାକାଦକଥାଏ, ମେନ୍ଦ୍ କିସାଁଣ୍ ହଡକକେ ସାମା ତିଃଇଗି କୁଲୁହାଡ୍ କାଦକଥାଏ ।

୫୪ ଆବୁଆଃ ପୁରଖାହାଡ଼ାମକକେ କାଜିୟାକାଦକ ତାଇକେନ୍ ଲେକା, ଇନିଃ ଆୟାଃ ଦାସି ଆବ୍ରାହାମ୍ ଆଡଃ ଇସ୍ରାଏଲ୍ ହଡକକେ ଦାୟା କାଦକଥା ।

୫୫ ଇନିଃ ଜାନାଥ ଜାନାଥ ନାଗେନ୍ତେ ଆବ୍ରାହାମ୍ ଆଡଃ ଆୟାଃ ସବେନ୍ କିଲିକକେ ଲିନିବୁଇ ଉଦୁବ୍ ନାଗେନ୍ତେ କାଏ ରିଡ୍‌ଜକାଦା ।”

୫୬ ମାରିୟାମ୍ ଆଦି ମାହୁଁନା ଜାକେଦ୍ ଏଲିଶାବେଥୁଆଃ ଅଡ଼ାରେ ତାଇନ୍‌ୟାନାଏ, ତାୟମ୍‌ତେ ଆୟାଃ ଅଡ଼ାରେ ରୁହାଡ୍‌ୟାନାଏ ।

ବାପ୍ତିସ୍ତା ଏମଃନିଃ ଯୋହାନ୍‌ଆଃ ଜାନାମ୍

୫୭ ଏଲିଶାବେଥୁଆଃ ହନ୍‌ଜାନାମ୍ ଦିପିଲି ସେବେନ୍‌ୟାନା, ଆଡଃ ଇନିଃ ମିଆଁଦ୍ କଡ଼ାହନ୍ ଜାନାମ୍‌କିୟାଏ । ୫୮ ଆଡଃ ପାର୍‌ମେଶ୍ୱାର୍ ଯେ ଏଲିଶାବେଥୁକେ ପୁରାଃଗି ଲିବୁଇୟାକାୟାଏ ମେନ୍ତେ ଆୟୁମ୍‌କେଦ୍‌ତେ ଆୟାଃ ହପରଜାପାଃରେନ୍ ହଡକ ଆଡଃ ପାରିବାରେନ୍‌କ ଆୟାଃଲଃକ ରାସକାୟାନା ।

୫୯ ହନ୍ ଜାନାମ୍‌ରେୟାଃ ଇରାଲିୟା ମାହାଁରେ ଇନ୍‌କୁ ବାଲେଃହନ୍‌କେ ଖାଡ୍‌ନାଥ ନାଗେନ୍ତେକ ହିକ୍ସୟାନା, ଆଡଃ ଆୟାଃ ଆପୁଡେୟାଃ ନୁଡୁମ୍‌ଲେକା ଆଇଃକକେ ଜାଖ୍‌ରିୟା ମେନ୍ତେ ନୁଡୁମ୍ ଚାନ୍ଦକ ସାନାଙ୍ଗ୍ ତାଇକେନା, ୬୦ ମେନ୍ଦ୍ ଇନିୟାଃ ଏଙ୍ଗାତେ କାଜିକେଦାଏ, “ବାନଃଗି ଇନିଃକେ ଯୋହାନ୍ ନୁଡୁମଃଆ ।”

୬୧ ଇନ୍‌କୁ ଏଲିଶାବେଥୁକେ କାଜିକିୟାଃକ, “ଆପେୟାଃ କିଲିରେନ୍ ହାଗା ହନ୍‌କରେ ଜେତାଏୟାଃ ନୁଡୁମ୍ ନେ ଲେକା ବାନଃଆ !” ୬୨ ଏନ୍ତେ ଏନ୍ ସିଡିଆକେ ଚିକାନ୍ ନୁଡୁମ୍ ନୁଡୁମଃଆ ମେନ୍ତେ ଆୟାଃ ଆପୁଡେ ସାନାଙ୍ଗ୍‌ତାନାଏ, ଏନା ସାରିନାଙ୍ଗ୍ ଆପୁଡେକେ ତିଃଇଡେକ କୁଲିକିୟାଃ ।

୬୩ ନେୟାଁ ଆୟୁମ୍‌କେଦ୍‌ତେ ଆପୁଡେ ମିଆଁଦ୍ ଡାକ୍‌ତାଃ ଆସିକେଦ୍‌ଡି, “ବାଲେଃହନ୍‌ଆଃ ନୁଡୁମ୍ ଯୋହାନ୍ ତାନାଃ” ମେନ୍ତେ ଅଲ୍‌କେଦାଏ, ଏନାତେ ସବେନ୍‌କ ଆକଦାଦାଅୟାନାକ । ୬୪ ଆଡଃ ଇମ୍‌ତାଗି ଇନିୟାଃ ମଚା ଆଡଃ ଆଲାଙ୍ଗ୍ ରାଡ଼ାୟାନା ଆଡଃ ଇନିଃ ଆଡଃମିସା ବାଗାଁଣ୍ ଏବେଦ୍‌କେଦ୍‌ତେ ପାର୍‌ମେଶ୍ୱାର୍‌କେ ଧାନାବାଦ୍ ଏମକିୟାଏ । ୬୫ ଏନାତେ ଇନ୍‌କୁଆଃ ସବେନ୍ ହପରଜାପାଃରେନ୍‌କ ବରକେଦାଃକ, ଆଡଃ ସବେନ୍ କାଜି ଯିହୁଦା ଦିଶୁମ୍‌ରେୟାଃ ଗଟା ବୁରୁ ଦିଶୁମ୍‌ରେ ଉମିନ୍‌ୟାନା । ୬୬ ନେ କାଜି ଆୟୁମାକାଦ୍ ସବେନ୍ ହଡକ ଆକଦାଦାଅୟାନ୍‌ଲଃ ଆକଥାଃ ଆୟାଃ ମନ୍ରେ କୁଲିକେଦାଃକ, “ନିଃ ଚିଲ୍‌କାନ୍ ହନ୍‌ଦାଏ ହବାଅଥାଃ ?” ତିୟାଃଗି ପାର୍‌ମେଶ୍ୱାର୍‌ଆଃ ତିଃଇ ଇନିଃଲଃ ତାଇକେନା ।

ଜାଖ୍‌ରିୟାଃ ଆୟାଃକାଜି

୬୭ ଆଡଃ ଯୋହାନ୍‌ଆଃ ଆପୁଡେ ଜାଖ୍‌ରିୟା ପାବିତାର୍ ଆମ୍‌ତେ ପେରେଃୟାନ୍ତେ, ନେ ଆୟାଃକାଜିୟାଏ ଉଦୁବ୍‌କେଦାଃ :

୬୮ “ଇସ୍ରାଏଲ୍‌ଆଃ ପ୍ରାଭୁ ପାର୍‌ମେଶ୍ୱାର୍‌ଆଃ ସାହାରାଅ ହବାଅଃକା !

ତିୟାଃଗି ଇନିଃଦ୍ ଆୟାଃ ହଡକକେ ଦେଙ୍ଗାନାଙ୍ଗ୍ ମେନ୍ତେ ହିକ୍ସାକାନାଏ ଆଡଃ ଇନ୍‌କୁକେ ରାଡ଼ା କାଦକଥାଏ ।

୬୯ ଇନିଃ ଆବୁଆଃନାଙ୍ଗ୍ ମେନ୍ତେ ଆୟାଃ ଦାସି ଦାଉଦ୍‌ଆଃ କିଲିଏତେ ମିଆଁଦ୍ ପେଡ୍ରେୟାନ୍ ଜୀଉବାସ୍ତାଅନିଃକେ ଏମାକାଦ୍‌ବୁଆଏ ।

୭୦ ନାକ୍ ପାରିୟାଏତେ ତାଇନଃଗତାନ୍ ତାଇକେନ୍ ଆୟାଃ ପାବିତାର୍ ନାବୀକଥାଃ ମଚାତେ ପାର୍‌ମେଶ୍ୱାର୍ ନେୟାଁଏ ଉଦୁବ୍‌ଲେଦା ।

୭୧ ଏନ୍‌ଲେକାଗି ଆବୁଆଃ ବାଈରିକଏତେ ଆଡଃ ସବେନ୍ ଖୁସାଆବୁତାନ୍‌କଥାଃ ତିଃଇଏତେ ଜୀଉବାସ୍ତାଏ ଏମାକାଦ୍‌ବୁଆଏ ।

୭୨ ଆବୁଆଃ ପୁରଖାହାଡ଼ାମକକେ ଦାୟାକଥା ଆଡଃ ଆୟାଃ ପାବିତାର୍ ରାଜିନାମାରାଃ କାଜିକେ ପାହାମେ ନାଗେନ୍ତେ,

୭୩ ଇନିଃ ଆବୁଆଃ ଆପୁ ଆବ୍ରାହାମ୍‌ଲଃ କିରିୟାକାଦ୍ ତାଇକେନାଏ ।

‡ ୧:୨୩ ୧:୨୩ ଡାକ୍‌ତା ସିଲେଟ୍ ଲେକନା § ୧:୨୦ ୧:୨୦ ସ୍ତୁତ୍ୟଏତେ

- ୭୪ ଆବୁକେ ଆବୁଆଃ ବାଇରିକଆଃ ତିଃଇଏତେ ବାସ୍ତାଅବୁଆଏ, ଆତଃ କା ବରତାନଲଃ ଇନିୟାଃ ସେଝାନାଙ୍ଗ୍,
- ୭୫ ପାବିତାର୍ ଆତଃ ଧାର୍ମାନ୍ ଲେକାତେ ଇନିୟାଃ ସାମ୍ନାନାଙ୍ଗ୍ରେ ଆବୁ ଜାଉଜରଙ୍ଗ୍ ତାଇନାଃ ।
- ୭୬ ଆତଃ ଏ ହନ୍, ଆମ୍ ଫାରାଙ୍ଗ୍ ଉତାର୍ନିଃ ପାର୍ମେଶ୍ଵାର୍ଆଃ ନାବୀ ନୁତୁମଃଆମ୍ ଆମ୍ଦ ପ୍ରାଭୁଆଃ ଆୟାର୍ରେ ଇନିୟାଃ ହରା ବାବାଇତେମ୍ ସେନାଃ ।
- ୭୭ ଇନିୟାଃ ହଡ଼କକେ ଆମ୍ ଆକଆଃ ପାପ୍ ଛାମାରୋୟାଃ ହରାତେ ଜୀଉବାସ୍ତାଅରାଃ ସେଣ୍ଟାମ୍ ଉଦୁବାକଆ ।
- ୭୮ ତିୟାଃଚି ପାର୍ମେଶ୍ଵାର୍ଆଃ ଫାରାଙ୍ଗ୍ ଲିବୁଇତେ ତୁରୋଃତାନ୍ ସିଙ୍ଗି ସିମ୍ପାଏତେ ଆବୁତାଃରେ ଉଦୁବଃଆ ।
- ୭୯ ଏନା ନୁବାଃରେୟାଃ ଆତଃ ଗନଏଃରେୟାଃ ଉମ୍ଲୁରେ ଦୁବାକାନକକେ ଫାର୍ଯ୍ୟାଲ୍କଆଏ, ଆତଃ ଜାଉ ସୁକ୍ତରେୟାଃ ହରାରେ ସେନନାଙ୍ଗ୍ ଆୟାର୍ ଇଦିକଆଏ ।^୮
- ୮୦ ନେ ଲେକାଗି ଏନ୍ ସିଟିଆ ହନ୍ ଫାଡ଼ି ଫାଡ଼ିତେ ହାରା ଇଦିୟାନଲଃ ଆମ୍ରେ ପେଡ଼େଃ ଇଦିୟାନାଏ, ଆତଃ ଇସ୍ରାଏଲ୍ତାଃ ଆଉରି ଉଦୁବଃ ଜାକେଦ୍ ବିର୍ରେ ତାଇକେନାଏ ।

୨

ୟୀଶୁଆଃ ଜାନାମ୍ (ମାଥୁ ୧:୧୮-୨୫)

୧ ଏନ୍ ହୁଲାଙ୍ଗ୍ରେ ଗଟା ରୋମ୍ ଦିଶ୍ଵିରେନକଆଃ ନୁତୁମ୍ ଅଲ୍ଲଃକା ମେନ୍ତେ ଲାଟ୍ସାହେବ୍ କାଇସାର୍ ଆଗସ୍ତସ୍ ହୁକୁମ୍ ଜାରିକେଦାଏ ।^୨ କୁରିଣିୟ ନୁତୁମ୍ ସିରିୟାରେନ୍ ଲାଟ୍ସାହେବ୍ ତାଇକେନ୍ ଦିପିଲିରେ ନେଆଁ ପାହିଲା ନୁତୁମ୍ ଅନଲ୍ ତାଇକେନା ।^୩ ଏନା ନାଗେନ୍ତେ ସବେନ୍କ ଆକଆଃ ନୁତୁମ୍ ଅଲ୍ଲିକାନାଙ୍ଗ୍ ଆକଆଃ ଆକଆଃ ନାଗାର୍ତେକ ସେନଃୟାନା ।

୪ ଆତଃ ଯୋଷେଫ୍ ହରି ନୁତୁମ୍ ଅଲ୍ଲିକା ନାଗେନ୍ତେ ଫାରିୟାମ୍ଲଃ ଗାଲିଲ୍ରେୟାଃ ନାଜ୍ରେତ୍ ନାଗାର୍ଏତେ ଯିହୁଦା ଦିଶ୍ଵିରେୟାଃ ବେଅଲେହେମ୍ ନୁତୁମ୍ ଦାଉଦ୍ଆଃ ନାଗାର୍ତେକିନ୍ ସେନକେନା, ତିୟାଃଚି ଯୋଷେଫ୍ ଦାଉଦ୍ଆଃ କିଲି ଆତଃ ଅଡ଼ାଃରେନ୍ନିଃ ତାଇକେନାଏ ।^୫ ଯୋଷେଫ୍ ନାଙ୍ଗ୍ ଆସିଆକାନ୍ କୁଡ଼ିଲଃ ନୁତୁମ୍ ଅଲ୍ଲିକାତେ ହିଜୁଃୟାନା, ଇମ୍ତା ଇନିଃ ହାମ୍ବାଲ୍ରୋଝା *କାନାଏ ତାଇକେନା । ଏନ୍ କୁଡ଼ିରାଃ ନୁତୁମ୍ ଫାରିୟାମ୍ ତାଇକେନା ।^୬ ଇନ୍କିନ୍ ବାଏଡୁଲାମ୍ ରେନ୍କିନ୍ ତାଇକେନା ଇମ୍ତାଙ୍ଗ୍ ଫାରିୟାମ୍ଆଃ ରାଝାଲଃରେୟାଃ^୭ ନେଡା ସେଟେର୍ୟାନା ।^୮ ଆତଃ ଇନିଃ ଆୟାଃ ମ୍ବକ୍ଲୁଲ୍^୯ହନ୍ ଜାନାମକିୟାଏ, ଆତଃ ଇନିଃକେ ଲିଜାଃରେ ପୋଟଫିକିଃତେ ତାତାକାରେୟାଏ ବାଟିକିୟାଃ, ତିୟାଃଚି ଇନ୍କିନାଃ ନାଗେନ୍ତେ ଦେରା ଅଡ଼ାଃରେ ଠାୟାଦ୍ ହ କା ତାଇକେନା ।

ମିଶ୍ଵିଗୁପିମାହାରାକ ଯୀଶୁଆଃ ଜାନାମ୍ ଉନୁଦୁବକଃ ଆୟୁମ୍ଲଃ

୮ ଆତଃ ଏନ୍ ହାତୁ ଜାପାଃରେୟାଃ ପିଡ଼ିରେ ମିଶ୍ଵିଗୁପିମାହାରାକ ତାଇକେନା, ଇନ୍କୁ ନିଦାରେ ଆକଆଃ ମିଶ୍ଵିକେକ ହରତାନକ ତାଇକେନା ।^୯ ଆତଃ ପ୍ରାଭୁଆଃ ମିଆଁଦ୍ ଦୁଫ୍ ଇନ୍କୁତାଃରେ ତିଙ୍ଗିୟାନାଏ ଆତଃ ପ୍ରାଭୁଆଃ ମାନାରାଙ୍ଗ୍ରାଃ ଫାର୍ଯ୍ୟାଲ୍ ଇନ୍କୁତାଃରେ ଜୁଲ୍ବିୟୁର୍ୟାନା ଆତଃ ଇନ୍କୁ ପୁରାଃଗିକ ବରକେଦାଃ ।^{୧୦} ମେନ୍ଦ୍ ଦୁଫ୍ ଇନ୍କୁକେ କାଜିକେଦକଆଏ, “ଆଲ୍ପେ ବରୟାଃ ! ନେଲେପେ, ଆଇଙ୍ଗ୍ ଆପେକେ ପୁରାଃ ରାସକାରେୟାଃ ସୁକ୍ତକାଜିଙ୍ଗ୍ ଉଦୁବାପେତାନା, ଏନା ସବେନ୍ ହଡ଼କଆଃ ନାଗେନ୍ତେ ତାଇନାଃ ।^{୧୧} ତିୟାଃଚି ତିସିଙ୍ଗ୍ ଦାଉଦ୍ଆଃ ନାଗାର୍ରେ ଆପେୟାଃ ନାଗେନ୍ତେ ମିଆଁଦ୍ ବାସ୍ତାଅନିଃ ଜାନାମା କାନାଏ, ଇନିଃ ଖ୍ରୀଷ୍ଟ୍ ପ୍ରାଭୁ ତାନିଃ ।^{୧୨} ଆତଃ ଆପେୟାଃ ନାଗେନ୍ତେ ନେଆଁ ତିଣ୍ଟା ତାନାଃ, ଆପେ ମିଆଁଦ୍ ବାଲେଃ ହନ୍କେ ଲିଜାଃରେ ପୋଟଫାକାନ୍ ଆତଃ ତାତାକାରେ ବାଟିୟାକାନ୍ଦପେ ନାମିୟା ।”

୧୩ ଇମ୍ତାଗି ଏନ୍ ଦୁଫ୍ଲଃ ସିମ୍ପାରେନ୍ ଫାଉଦକ୍ ହୁଣ୍ଡିୟାନାକ ଆତଃ ଇନ୍କୁ ପାର୍ମେଶ୍ଵାର୍କେ ମାରାଙ୍ଗ୍ ଇତାନଲଃ କାଜିକେଦାଃକ :
 ୧୪ “ସାଲାଙ୍ଗ୍ ଉତାର୍ ସିମ୍ପାରେ ପାର୍ମେଶ୍ଵାର୍ଆଃ ମାନାରାଙ୍ଗ୍,

* ୨:୫ ୨:୫ ହାମ୍ବାଲ୍ରୋଝା ହଡ଼ମଃଆଁ † ୨:୬ ୨:୬ ରାଝାଲଃରେୟାଃ ବୁରିୟାଃରେୟାଃ ‡ ୨:୬ ୨:୬ ପାହିଲା

ଆତ୍ମା ଅତେରେ ଆୟାଃ ସୁକୁଆକତାନ୍ ହତକରେ ସୁକୁ ହବାଅଃକା !”

୧୫ ଦୁର୍ଭିକ୍ଷ ଇନ୍ଦ୍ରଜିତଃଏତେ ସିର୍ମାତେକ ସେନଃୟାନ୍ତି, ମିଶ୍ଟିଗୁପ୍ତମାହାରାଜ ଆକ ଆକରେ ମେନ୍ଦକେଦାଃକ, “ଦଲ୍ଲୀରୁ ବେଥଲେହେମତେବୁଆ ଆତ୍ମା ପ୍ରାଭୁ ଉଦୁବାକାଦବୁଆଏ ଏନ୍ ହବାକାନ୍ କାଜିରୁ ନେଲେୟାଃ ।”

୧୬ ଆତ୍ମା ଇନ୍ଦ୍ରକୁ ଜାଲଦିଗି ସେନ୍ଦେବଃୟାନ୍ତେ ମାରିୟାମ୍, ଯୋଷେଫ୍ ଆତ୍ମା ତାତାକାରେ ବାରିୟାକାନ୍ ବାଲେଃ ହନ୍ଦକେକ ନେଲ୍ଲାନାମ୍‌କିୟାଃ । ୧୭ ଇନ୍ଦ୍ରକୁ ଇନିଃକେ ନେଲ୍ଲକିଃତେ ହନ୍ଦଆଃ ବିଷାଏରେ ଦୁର୍ଭିକ୍ଷ କାଜିଲେଦ୍ କାଜିକ ଉଦୁବବାତାକେଦାଃ । ୧୮ ମିଶ୍ଟିଗୁପ୍ତମାହାରାଜ ଉଦୁବକେଦ୍ କାଜିତେ ସବେନ୍ ଆୟୁମ୍‌କେଦ୍ ହତକ ଆକଦାନ୍‌ଆୟାନାକ । ୧୯ ମେନ୍ଦ୍ ମାରିୟାମ୍ ନେ ସବେନ୍ କାଜି ଆୟାଃ ମନ୍ଦରେ ଦହକେଦାଏ ଆତ୍ମା ପୁରାଃ ଉତ୍ତୁତାନାଏ ତାଇକେନା । ୨୦ ଆତ୍ମା ମିଶ୍ଟିଗୁପ୍ତମାହାରାଜକେ ଉଦୁବଲେନ୍‌ଲେକା, ଏନ୍ ସବେନାଃ ଆୟୁମ୍‌କେଦ୍‌ତେ ଆତ୍ମା ନେଲ୍ଲକେଦ୍‌ତେ ପାର୍ମେଶ୍ଵାର୍‌ଆଃ ମାନାରାଜ୍ ଦୁରାଜ୍‌ତାନ୍‌ଲଃ ଇନ୍ଦ୍ରକୁ ରୁହାଡ୍‌ୟାନାକ ।

ୟାଶୁକେ ଯାରୁଶାଲେମ୍ ମାନ୍ଦିରତେକ ଇଦିକିୟାଃ

୨୧ ଏନ୍ ସିରିଆକେ ଇରାଲିୟା ମାହାଁ ହବାୟାନ୍‌ଲଃ ଖାଦ୍‌ନାଅକିୟାକ, ଆତ୍ମା ଇନିଃକେ ଯାଶୁ ମେତ୍ରେକ ନୁତୁମ୍‌କିୟାଃ, ନେ ନୁତୁମ୍ ଇନିୟାଃ ହାମ୍‌ଲାରୋଃ ହବାଅଃ ସିଦାରେ ଦୁର୍ଭିକ୍ଷ ହରାତେ ନୁତୁମ୍‌କାନ୍ ତାଇକେନା । ୨୨ ମୁଶାରାଃ ଆନ୍‌ତୁଲେକା ଇନ୍ଦ୍ରକୁଆଃ ଫାର୍‌କିରେୟାଃ ନେତା ତେବଃୟାନ୍‌ରେ, ପ୍ରାଭୁଆଃ ସାମ୍‌ନାଜ୍‌ରେ ରାକାବି ନାଗେନ୍ତେ ଯୋଷେଫ୍ ଆତ୍ମା ମାରିୟାମ୍ ଇନିଃକେ ଯାରୁଶାଲେମ୍ ମାନ୍ଦିରତେକିନ୍ ଇଦିକିୟାଃ । ୨୩ ପ୍ରାଭୁଆଃ ଆନ୍‌ତୁରେ ଅଲ୍ଲାନା, “ସବେନ୍ ମୁଡ୍‌କୁଲ୍ କଡାହନ୍‌କ ପ୍ରାଭୁଆଃ ନାଗେନ୍ତେକ ପାବିତାରଃକା,” ୨୪ ଆତ୍ମା ଇନ୍ଦ୍ରକିନ୍ ପ୍ରାଭୁଆଃ ଆନ୍‌ତୁରେୟାଃ କାଜିଲେକା, ବାରିୟା ପୁତାମ୍ ଚାଏ ବାରିୟା ଦୁଦୁମ୍‌ଲ୍ ହନ୍ଦକିନ୍‌କେ ଦାଣ୍ଠେ ରାକାବ୍‌ତେକିନ୍ ସେନଃୟାନ୍ ।

ଶିମିୟନ୍ ଆତ୍ମା ହାନ୍ନା ଯାଶୁକେକିନ୍ ନେଲ୍ଲକିୟା

୨୫ ନେଲେଦେ, ଯାରୁଶାଲେମ୍‌ରେ ଶିମିୟନ୍ ନୁତୁମ୍ ମିଆଁଦ୍ ହଡ୍ ତାଇକେନାଏ, ଇନିଃ ଆର୍‌ମାନ୍ ଆତ୍ମା ମାନାଡିଜ୍‌ନିଃ ତାଇକେନାଏ । ଇନିଃ ଇସ୍ରାଏଲ୍ ହଡ୍‌କଆଃ ଜୀଉରାଡେଃ ଏମିନିଃକେ ନେଲ୍‌ହରା ତାଇକେନାଏ, ଆତ୍ମା ଇନିଃରେ ପାବିତାର୍ ଆମ୍‌ ତାଇନିଃତାନାଏ ତାଇକେନା । ୨୬ ଆତ୍ମା ଆମ୍ ପ୍ରାଭୁଆଃ ଖ୍ରୀଷ୍ଟକେ ଆଉରି ନେଲିୟାକେଦ୍ ଆମାଃ ଗନ୍‌ଏଃ କା ହବାଅଆଃ ମେନ୍ତେ ପାବିତାର୍ ଆମ୍ ଇନିଃକେ ଉଦୁବାକାଜ ତାଇକେନା । ୨୭ ଆତ୍ମା ଶିମିୟନ୍ ପାବିତାର୍ ଆମ୍‌ତେ ମାନ୍ଦିର୍ ଅଡ଼ାଃତେ ହିନ୍ଦୁୟାନ୍‌ଏ । ଆତ୍ମା ଆନ୍‌ତୁରେୟାଃ କାଜିଲେକାତେ କାମିନାଜ୍ ଯାଶୁଆଃ ଏଜା ଆପୁକିନ୍ ଇନିଃକେ ସାବକେଦ୍‌ତେ ମାନ୍ଦିରତେକିନ୍ ବଲୟାନା, ୨୮ ଇମ୍‌ତାଜ୍ ଶିମିୟନ୍, ହନ୍ଦକେ ଖାକିୟାଅକିୟାଏ ଆତ୍ମା ପାର୍ମେଶ୍ଵାର୍‌କେ ଧାନ୍‌ବାଦ୍ ଏମ୍‌ତାନ୍‌ଲଃ କାଜିକେଦାଏ :

୨୯ “ହେ ଗମ୍‌କେ, ନାହିଁଃଦ୍ ଆମ୍ ଆମାଃ କାଜିଲେକା,

ଦାସିତାମାଃକେ ସୁକୁତେମ୍ ବିଦାଇତାନା ।

୩୦ ଚିୟାଃତି ଆଇଜ୍‌ଦ୍ ଆଇୟାଃ ମେଦ୍‌ତେ ଆମାଃ ପାରିତାଣକେ ନେଲ୍‌କାଦାଇଜ୍,

୩୧ ଅକଆଃତି ସବେନ୍ ହଡ୍‌କଆଃ ଆୟାଃରେ ସେକାଡାକାଦାମ୍ :

୩୨ ଆତ୍ମା ଏଗାଃ ଜାତିରେନ୍‌କଆଃ ନାଜ୍ ମାୟାଲ୍‌ରାଃ ଦିମ୍
ଆତ୍ମା ଆମାଃ ଇସ୍ରାଏଲ୍ ହଡ୍‌କଆଃ ନାଗେନ୍ତେ ମାଇନାନ୍ ଆଉଝେୟାଏ ।”

୩୩ ସିରିଆ ହନ୍ଦଆଃ ଏଜାଆପୁକିନ୍ ଆୟାଃ ବିଷାଏରେ କାଜିୟାଃତେୟାଃ ଆୟୁମ୍‌କେଦ୍‌ତେ ଆକଦାନ୍‌ଆୟାନାକିନ୍ । ୩୪ ଶିମିୟନ୍ ଇନ୍ଦ୍ରକୁକେ ଆଶିଷ୍ କେଦ୍‌କଆଏ, ଆତ୍ମା ଇନିୟାଃ ଏଜାତେ ମାରିୟାମ୍‌କେ କାଜିକିୟାଏ, “ନେଲେମେ, ନେ ହନ୍ ପୁରାଃ ଇସ୍ରାଏଲ୍‌କଆଃ ଉୟାଃ ଆତ୍ମା ବିରିଦଃ ନାଗେନ୍ତେ ପାର୍ମେଶ୍ଵାର୍‌ଆଃ ମିଆଁଦ୍ ସାଲ୍‌କାନ୍ ଚିହ୍ନାଁ ହବାଅଆଏ, ମେନ୍ଦ୍ ପୁରାଃ ହଡ୍‌କ ଇନିୟାଃ ବିରୁଧ୍‌ରେ ବାଶାଣେୟାକ । ୩୫ ଆତ୍ମା ଏନାତେ ପୁରାଃ ମନ୍ଦରେୟାଃ ଉତ୍ତୁ ଉଦୁବଃଆ । ଆତ୍ମା ଏନ୍ ବିଷାଏନାଜ୍ ଆପେୟାଃ ମନ୍‌ସୁରୁଦ୍‌ରେ ତାରାଉଡି ଗୁଡ୍ ପାରମଃଆ ।”

୩୬ ଆସେର୍ କଲିରେନ୍ ପିନ୍‌ଏଲ୍‌ଆଃ ହଡ୍‌କକୁଡି ହାନ୍ନା ନୁତୁମ୍ ମିଆଁଦ୍ କୁଡିନାବୀ ତାଇକେନାଏ । ଇନିଃ ଡିଶ୍ଟାଏତେ ସାଦ୍ ବାରାଷ୍ ଆୟାଃ କଡାତେଲଃ ତାଇକେନ୍‌ତେ ବୁଡି ଲୁକୁଦ୍ ଲୁକୁଦା କାନାଏ ତାଇକେନା । ଆତ୍ମା ଇନିଃ ଚାନ୍‌ହିସ୍ ଚାନ୍‌ବାରାଷ୍ ରେନ୍ ରାଶ୍ଟିକୁଡି ତାଇକେନାଏ । ୩୭ ଆତ୍ମା ଇନିଃ

☆ ୨:୨୧ ୨:୨୧ ଲୁକ ୧:୩୧.

ଚିତ୍ତାନ୍ତରଣ ଫାନ୍ଦିର ଅତ୍ୟନ୍ତ ଉଚିତ୍ତ ଥିବାରୁ ତାଙ୍କୁ କେବଳ, ମେନ୍ଦ କାଟାବତୀନିଆର ଅତ୍ୟନ୍ତ ବିଚିତ୍ରତାକୁ ନିଦାୟିତ୍ତ ପାରମ୍ପରିକତାକୁ ମାନ୍ୟତା ଦେବାକୁ ତାଙ୍କୁ କେବଳ । ୩୮ ଜନିତ ଉତ୍ତରାଧିକାରୀ ଯିତ୍ତା ହିନ୍ଦୁ ଅତ୍ୟନ୍ତ ଆୟାତ ଏକାଧିକାରୀନିଆ ନାତ୍ୟନ୍ତରାଧିକାରୀ ପାରମ୍ପରିକତାକୁ ଧ୍ୟାନାବାଦକିୟା ଅତ୍ୟନ୍ତ ଅକର୍ମକ ଯାତ୍ୟନ୍ତରାଧିକାରୀ ମୁକ୍ତି ନେଲୁହାରାତାନ୍ ସବେନ୍ଦକକେ ଜନିତ ଯୀଶୁଆତ ବିଷାଏରେ କାଜିୟାଦକିୟା ।

ଯୋଷେଫ୍ ଆତ୍ୟନ୍ତ ଫାନ୍ଦିୟାତ ଚିକିତ୍ସା ଅତ୍ୟନ୍ତ ରୁହାଡ଼

୩୯ ଯୋଷେଫ୍ ଆତ୍ୟନ୍ତ ଫାନ୍ଦିୟାତ ପାରମ୍ପରିକତା ଆନୁରୂପେକା ସବେନାତ ଚାବାକେଦତ୍ତ ଗାଲିଲୁ ଦିଶ୍ଟ୍ରରେୟାତ ଆକିନାତ ନାଗାର ନାଜରେଡ଼ତେକିନ୍ ରୁହାଡ଼ୟାନା । ୪୦ ଆତ୍ୟନ୍ତ ଯିତ୍ତା ହିନ୍ଦୁ ମାଡ଼ି ମାଡ଼ିତେ ହାରା ଇଦିୟାନିଆ ପେଡ଼େ ଅତ୍ୟନ୍ତ ସେଣ୍ଟିତେ ପେରେତଇଦିୟାନାଏ, ଆତ୍ୟନ୍ତ ପାରମ୍ପରିକତାତ ସାୟାଦ୍ ୪୧ ଜନିତକୁ ତାଙ୍କୁ କେବଳ ।

ବାରା ବାରାଷରେନ୍ ଯୀଶୁ ଫାନ୍ଦିର ଅତ୍ୟନ୍ତରେ ଗୁରୁକଲତ ଜାଗାବକେଦାଏ

୪୧ ଯୀଶୁଆତ ଏକାଧିକାରୀନ୍ ସବେନ୍ ବାରାଷ୍ଟ ପାୟକା ପାରାବରେ ଯୀଶୁଗାଲେମ୍ତେ ସେନତ ତାନ୍ଦକିନ୍ ତାଙ୍କୁ କେବଳ । ୪୨ ଯୀଶୁକେ ବାରା ବାରାଷ୍ଟ ହବାଅତାନ୍ଦ ତାଙ୍କୁ କେବଳ ଇମ୍ତା, ଇନ୍ଦୁ ରିତିଲେକା ପାରାବ୍ ମାନାତିକ୍ତ ନାଜକ୍ ସେନ୍ଦକେନା । ୪୩ ଆତ୍ୟନ୍ତ ପାରାବ୍ ମାନାତିକ୍ତ ଚାବାକେଦତ୍ତ, ଅତ୍ୟନ୍ତ ସେନ୍ଦ ରୁହାଡ଼ତାନ୍ ଇମ୍ତା ହିନ୍ଦୁ ଯୀଶୁ ଯୀଶୁଗାଲେମ୍ତେ ତାଙ୍କୁ ଯାନାଏ, ଏନା ଆୟାତ ଏକାଧିକାରୀନ୍ କାକିନ୍ ସାରିତାନ୍ ତାଙ୍କୁ କେବଳ । ୪୪ ମେନ୍ଦ ଜନିତ ଗାତିକଲତ ମେନାତୟାତ ମେନ୍ଦେକିନ୍ ପାହାମକେଦତେ, ସିକ୍ତାବୁବରେୟାତ ହରା ସେନତୟାନାକିନ୍, ଏନ୍ଦେ ଆକିନାତ କୁପୁଲ୍ କୁ ଆତ୍ୟନ୍ତ ଗାତିକଆତ ଆଲାରେକିନ୍ ଦାଣ୍ଟିଏବେଦକିୟାତ । ୪୫ ଜନିତକେ କାକିନ୍ ନାମକିତେ ଦାଣ୍ଟିତାନ୍ଦକିନ୍ ଯୀଶୁଗାଲେମ୍ତେକିନ୍ ରୁହାଡ଼ୟାନା । ୪୬ ଆଦି ମାତ ତାୟମ୍ତେ ଇନ୍ଦକିନ୍ ଯୀଶୁକେ ଫାନ୍ଦିର ଅତ୍ୟନ୍ତରେକିନ୍ ନାମକିୟାତ, ଧାରାମଗୁରୁକ ଆଲାରେ ଦୁବକେଦତେ ଇନ୍ଦୁଆତ କାଜି ଆୟୁମ୍ତାକେନାଏ ଆତ୍ୟନ୍ତ ଇନ୍ଦୁକେ କୁଲିକତାନ୍ ତାଙ୍କୁ କେବଳ । ୪୭ ଜନିତୟାତ ବାଣ୍ଟି ଆୟୁମ୍ତାନ୍ ସବେନ୍ ହଡ଼କ ଜନିତୟାତ ସେଣ୍ଟି ଆତ୍ୟନ୍ତ କାଜିରୁହାଡ଼ରେ ଆକ୍ତାଦାଆୟାନାକ । ୪୮ ଜନିତୟାତ ଏକାଧିକାରୀ ଜନିତକେ ନେଲୁକିତେ ଆକ୍ତାଦାଆୟାନାକିନ୍, ଆତ୍ୟନ୍ତ ଏକାଧିକାରୀ ଜନିତକେ କୁଲିକିୟାଏ, “ଏ ହିନ୍ଦୁ, ଆମ୍ ତିକାନାଜ୍ତେ ନେକାକେଦକିୟାମ୍ ? ନେଲେମେ, ଆପୁମ୍ ଆତ୍ୟନ୍ତ ଆଇଜ୍ ଦୁକୁତାନ୍ଦକିନ୍ ଦାଣ୍ଟିବାଡ଼ାମ୍ ତାନାଲିଜ୍ ତାଙ୍କୁ କେବଳ ।”

୪୯ ଯୀଶୁ ଇନ୍ଦକିନ୍ଦେ କାଜିକେଦକିନାଏ, “ତିନାତମେନ୍ଦେଦେନ୍ ଦାଣ୍ଟିବାଡ଼ାକ୍ତ ତାଙ୍କୁ କେବଳ ? ତିୟାତ ଆଇଜ୍ତେ ଆପୁକ୍ତୟାତ ଅତ୍ୟନ୍ତରେ ତାଙ୍କୁ ଲାଗାତିକ୍ତୟାତ ଏନାଚି କାବେନ୍ଦ ସାରିତାନ୍ ତାଙ୍କୁ କେବଳ ?” ୫୦ ମେନ୍ଦ ଜନିତ ଇନ୍ଦକିନ୍ଦେ କାଜିୟାଦକିନ୍ କାଜିକେ ଇନ୍ଦକିନ୍ କାକିନ୍ ଆବକାରୁରୁକେଦାତ ।

୫୧ ଏନ୍ଦେ ଯୀଶୁ ଇନ୍ଦକିନ୍ଦକିନ୍ ନାଜରେଡ଼ତେ ସେନତୟାନାଏ, ଆତ୍ୟନ୍ତ ଇନ୍ଦକିନାତ କାଜିକ ମାନାତିକ୍ତତାନ୍ଦକିନ୍ ତାଙ୍କୁ ଯାନାଏ । ମେନ୍ଦ ଜନିତୟାତ ଏକାଧିକାରୀ ଏନ୍ଦ ସବେନ୍ କାଜି ଆୟାତ ମନ୍ଦରେୟାଏ ଦହକେଦା । ୫୨ ଆତ୍ୟନ୍ତ ଯୀଶୁ ସେଣ୍ଟିତେ, ହଡ଼ମ୍ତେ ଆତ୍ୟନ୍ତ ପାରମ୍ପରିକତାତ ଅତ୍ୟନ୍ତ ହଡ଼କଆତ ସାୟାଦ୍ରେ ହାରା ଇଦିୟାନାଏ ।

୩

ବାପ୍ତିସ୍ମା ଏମତନିତ ଯୋହାନ୍ନଆତ ପ୍ରାଚାର

(ମାଥୁର ୩:୧-୧୨; ମାର୍କ ୧:୧-୮; ଯୋହାନ୍ନ ୧:୧୯-୨୮)

୧ ତିବିରିୟା କାକ୍ତାବୁଆତ ରାଜତାନ୍ ପାଦରା ବାରାଷ୍ଟ ତାଙ୍କୁ କେବଳ ଇମ୍ତା ପନ୍ଦିୟସ୍ ପିଲାତୁସ୍ ଯିହୁଦାରେନ୍ ଲାବ୍ସାହେଦ୍ ତାଙ୍କୁ କେବଳ, ଆତ୍ୟନ୍ତ ହେରେଦ୍ ଗାଲିଲୁରେନ୍ ମିଦ୍ହାନାଚିକ୍ ରାଜା, ହାଗାତେ ଫିଲିପ୍ ଇତ୍ତରିୟା ଆତ୍ୟନ୍ତ ବ୍ରାଖୋନିତିଆରେନ୍ ମିଦ୍ହାନାଚିକ୍ ରାଜା, ଆତ୍ୟନ୍ତ ଲୁସାନିଆଁ ଅବିଲିନରେନ୍ ମିଦ୍ହାନାଚିକ୍ ରାଜା ତାଙ୍କୁ କେବଳ । ୨ ହାନାନ୍ ଆତ୍ୟନ୍ତ କାୟଫା ନୁତୁମ୍ ମାରାଜ୍ ଯାଜାକ୍ ତାଙ୍କୁ କେବଳ ପାରିୟାରେ ପାରମ୍ପରିକତାତ କାଜି ଜାଖ୍ରିୟାତୟାତ ହିନ୍ଦୁ ବାପ୍ତିସ୍ମା ଏମତନିତ ଯୋହାନ୍ନତାତରେ ବିବ୍ରେ ସେଟେରୁୟାନା । ୩ ଏନାତେ ଜନିତ ଯାଦାନ୍ ଗଡ଼ା ଯାପାତରେୟାତ ସବେନ୍ସାତେ ସେନ୍ଦକେଦତେ “ପାପ୍ ଛାମା ନାମେନାଗେନ୍ଦେ ମନ୍ଦୁହାଡ଼ରେୟାତ ବାପ୍ତିସ୍ମା” ଉଦ୍ଭବବାଡ଼ା ତାନାଏ ତାଙ୍କୁ କେବଳ ।

୪ ଜେଲେକା ନେଆଁଦ ଯିଶାୟ ନାବୀୟାତ କାଜିରେୟାତ ପୁଥ୍ରେ ଅଲାନାମା,

୨:୩୯ ୨:୩୯ ମାଥୁର ୨:୨୩ । ୨:୪୦ ୨:୪୦ ସାୟାଦ୍ ଆନୁଗ୍ରାହ

“ଜେତାଏ ବିରରେ କାଉରିତାନିୟାଃ ସାଡ଼ି ଆୟୁମାତାନା,
ପ୍ରାଭୁଆଃ ହରା ବାଇୟେପେ,
ଇନିୟାଃ ହରା ସିଧାଏପେ

୫ ସବେନ୍ ଗାଡ଼ା ପେରେଜଃଆଃ,
ସବେନ୍ ବୁରୁ ଆତଃ ଗୁରୁ ଲାତାରଆଃ ।

ବେଜଆକାନ୍ ହରାକ ସିଧାଅଃଆ

ଆତଃ ଗାତା ତିପା ହରାକ ସବେନ୍ ସାମ୍ବାଇୟଆଃ ।

୬ ଆତଃ ସବେନ୍ ହଡ଼କ ପାର୍ମେଶ୍ୱାରଆଃ ପାରିତ୍ରାଣକ ନେଲେୟାଃ ।”

୭ *ଯୋହାନ୍‌ତାଃତେ ବାପ୍ତିସ୍ମା ଇଦିନାଗେନ୍ତେ ହିଜୁଆକାନ୍ ପୁରାଃ ଫାରୁଣୀ ଆତଃ ସାଦୁକି ହଡ଼କକେ କାଜିୟାଦକଆଏ, “ଏ ବିଜକଆଃ ହନ୍‌କ !” ହିଜୁତାନ୍ ମାରାଜ୍ ଏନେସେଦ୍‌ଏତେ* ନିର୍ ନାଗେନ୍ତେ “ଅକଏ ଆପେକେ ଚେତାଃଦାପେୟାଏ ? ।” *ଆପେ ସାର୍ତ୍ତିଗି ପାପ୍‌ଏତେ ହେୟାତିଜକାଦ୍‌ରେଦ ଆପେୟାଃ ବୁଗିନ୍ କାମିତେ ଉଦୁବେନ୍‌ପେ । ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ତିତିକେଦ୍‌ତେ କାଜିତାନ୍‌ଲଃ ନେ ସାଜାକଏତେ ବାସ୍ତାଃଃଲେ ମେନ୍ତେ ଆଲ୍‌ପେ ଉଡ଼ୁୟା । ତିୟାଃତି ଆଇଜ୍ ଆପେକେ କାଜିୟାପେ ତାନାଇଜ୍ ପାର୍ମେଶ୍ୱାର୍‌ଦ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନ୍‌କଏ ବାଇଦାଡ଼ିୟା ! ।” *ଆତଃ ନାହାଃ ଦାରୁରେୟାଃ ବୁଟାରେ ହାକେ ମାଣ୍ଡାଃ କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଜେଲ୍‌ରେ ହୁରାଜ୍‌ଅଃଆ ।”

୧୦ ଏନ୍ତେ ଗାଦେଲ୍ ହଡ଼କ ଇନିଃକେ କୁଲିକିୟାଃକ, “ତାଦ୍‌ଦ ଆଲେ ତିନାଃଲେ ଚିକାୟା ?”

୧୧ ଯୋହାନ୍ ଇନ୍‌କୁକେ କାଜିରୁହାଡ଼ାଦକଆଏ, “ଅକଏତାଃରେ ବାରିଆ ତୁସିଜ୍ ଲିଜାଃ ମେନାଃ, ଇନିଃ ଅକଏତାଃରେ ବାନଆଃ ଇନିଃକେ ମିଦ୍ ହାଚିଜ୍ ଏମାକାଏ, ଆତଃ ଅକଏତାଃରେ ଜମେୟାଃ ମେନାଃ, ଇନିଃହ ଏନ୍‌କାଗି ହାଚିଜ୍‌ୟେକାଏ ।”

୧୨ *ଆତଃ ମାଲ୍‌ହାରମକହ ବାପ୍ତିସ୍ମା ଇଦିନାଜ୍‌କ ହିଜୁଃୟାନା ଆତଃ ଯୋହାନ୍‌କେକ କୁଲିକିୟାଃ, “ହେ ଗୁରୁ ଆଲେ ତିନାଃଲେ ଚିକାଏୟା ?”

୧୩ ଏନ୍ତେ ଇନିଃ ଇନ୍‌କୁକେ କାଜିକେଦକଆଏ, “ଆପେକେ ତିମିୟାଜ୍ ଇଦିନାଜ୍ କାଜିୟାକାନା, ଏନାଏତେ ଆଦକା ଆଲ୍‌ପେ ହାରୋମେୟା ।”

୧୪ ଆତଃ ପାଲ୍‌ତାନ୍‌କ ଯୋହାନ୍‌କେକ କୁଲିକିୟାଃ, “ଆଲେ ତିନାଃଲେ ଚିକାୟା ?” ଇନ୍‌କୁକେ କାଜିକେଦକଆଏ, “ପେଡ଼େଃତେ ତାଏ ବେଦାତେ ଆତଃ ହାଉକାଅକେଦ୍‌ତେ ଜେତାଏୟାଃ ଖୁଜ୍ ଆଲ୍‌ପେ ଇଦିୟା ଆତଃ ଆପେୟାଃ ନାଲାରେ ସୁକୁଆକାନ୍‌ପେ ।”

୧୫ ସବେନ୍ ହଡ଼କ ବାସ୍ତାନିଃକେ ନେଲ୍‌ହରାତାନ୍‌କ ତାଇକେନ୍ ହରାତେ, ଯୋହାନ୍‌କେ ଖ୍ରୀଷ୍ଟ ତାନିଃ ମେନ୍ତେ ଆକଆଃ ମନ୍‌ରେ ପାହାମ୍ ତାଇକେନାକ । ୧୬ ଏନାମେନ୍ତେ ଯୋହାନ୍ ଇନ୍‌କୁକେ କାଜିକେଦକଆଏ, “ଆଇଜ୍‌ଦ ଦାଆଃତେ ବାପ୍ତିସ୍ମାପେ ତାନାଇଜ୍ ମେନ୍‌ଦ ଆଇଜ୍‌ଏତେ ପେଡ଼େୟାନ୍‌ନିଃ ହିଜୁତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନିଃହ ଆଇଜ୍ ନାହାଲିଜ୍ । ଇନିଃ ଆପେକେ ପାବିତାର୍ ଆମ୍ ଆତଃ ସେଜେଲ୍‌ତେ ବାପ୍ତିସ୍ମାପେୟା । ୧୭ ଆୟାଃ ତିଃଇରେ ହାଟାଆଃ ମେନାଃ, ଏନାତେ କଲ୍‌ମ୍‌ରେୟାଃ ରାହମ୍ ଆତଃ ବାବା ଗୁମ୍ ସାପାକେଦ୍‌ତେ ଆୟାଃ ଭାଣ୍ଡାଡ଼ି ଅଡ଼ାଃରେ ମାଣ୍ଡାଅୟା ଆତଃ ପେଚେଃକେ କା ଇଣ୍ ଜଃ ସେଜେଲ୍‌ରେ ଅଣ୍ଡୁବ୍‌ଣ୍ଡାଗେୟା ।”

୧୮ ନେ ଲେକା ଆତଃଚି ପୁରାଃ ଏଗାଃ ଇନିଡୁ କାଜିକତେ ଯୋହାନ୍ ହଡ଼କକେ ସୁକୁକାଜି ଉଦୁବାକତାନ୍ ତାଇକେନା । ଆତଃ ମନ୍‌ରୁହାଡ଼ ନାଗେନ୍ତେ ଇନ୍‌କୁକେ ଆରୁକେଦକଆ । ୧୯ *ମେନ୍‌ଦ ମିଦ୍ ହାନାରିଜ୍‌ରେନ୍ ରାଜା ହେରୋଦ୍ ଆୟାଃ ହାଗାତେୟାଃ କୁଡ଼ି ହେରୋଦିୟାଲଃ ଆଣ୍‌ଦିୟାନ୍ ନାଗେନ୍ତେ ଆତଃ ହେରୋଦ୍ କାମିକେଦ୍ ସବେନ୍ ଏଡ଼କାନାଃ ନାଗେନ୍ତେ ଯୋହାନ୍ ହେରୋଦ୍‌କେ ମାରାଜ୍ ମଚାକିୟାଏ । ୨୦ ଏନା ନାଗେନ୍ତେ ହେରୋଦ୍ ଯୋହାନ୍‌କେ ଜେହେଲ୍‌କିୟାଏ ଆତଃ ନେ ଲେକାତେ ଇନିଃ ଆୟାଃ ଏଡ଼କାନାଃକେ ଆଦକାକେଦା ।

ଯୋହାନ୍ ଯାଶୁକେ ବାପ୍ତିସ୍ମାକିୟାଏ
(ମାଥୁର ୩:୧୩-୧୭; ମାର୍କ ୧:୯-୧୧; ଯୋହାନ୍ ୯:୨୩-୩୫)

* ୩:୭ ୩:୭ ମାଥୁର ୧୨:୩୪; ୨୩:୩୩. * ୩:୭ ୩:୭ ଏନେସେଦ୍‌ଏତେଖୁଦ୍‌ଏତେ * ୩:୮ ୩:୮ ଯୋହାନ୍ ୮:୩୩. * ୩:୯ ୩:୯ ମାଥୁର ୭:୧୯. * ୩:୧୨ ୩:୧୨ ଲୁକ ୭:୨୯. * ୩:୧୯ ୩:୧୯ ମାଥୁର ୧୪:୩,୪; ମାର୍କ ୬:୧୭,୧୮.

୨୯ ସବେନ ହତୁକ ବାପ୍ତିସ୍ମାୟାନ୍ତେ ଯୀଶୁ ହରି ବାପ୍ତିସ୍ମାୟାନାଏ । ଆତଃ ଜନିଃ ବିକ୍ରିତାନ୍ ଜମତାଜ୍ଞ ସିର୍ମା ନିଜ୍ଞୟାନା, ୨୨ *ଆତଃ ପାବିତାର୍ ଆମ୍ବା ଦୁଦୁମ୍ବଲେକା ନେଲଃ ହତ୍ତଫା, ଯୀଶୁଆଃ ଚେତାନରେ ଆଡ଼ଗୁୟାନା ଆତଃ “ଆମ୍ ଆଇୟାଃ ଦୁଲୀଡ଼ ହନ୍, ଆଇଜ୍ ଆମ୍ବକେ ପୁରାଃ ସୁକୁଆମ୍ବତାନାଇଜ୍” ମେନ୍ତେ ସିର୍ମାଏଚେ ଆୟୁମ୍ବୟାନା ।

ୟୀଶୁଆଃ କିଲିରେନକ
(ମାଥୂଉ ୧:୧-୧୭)

୨୩ ଯୀଶୁ ଆୟାଃ ସେଖାଏଚେଦକେଦ୍ ଜମତାଜ୍ଞ ତିରିଶ୍ ବାରାଷରେନ୍ ଲେକାଏ ତାଇକେନା ଆତଃ ଜନିଃ ହତୁକଆଃ ସାରିଲେକାଚେ ଯୋଷେଫ୍ଆଃ ହନ୍, ଆତଃ ଯୋଷେଫ୍ ଏଲିଆଃ ହନ୍, ୨୪ ଏଲି ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀଆଃ ହନ୍, ଲେବୀ ମଲ୍ଲୁଆଃ ହନ୍, ମଲ୍ଲୁ ଯାନ୍ନୟଆଃ ହନ୍, ଯନ୍ନୟ ଯୋଷେଫ୍ଆଃ ହନ୍, ୨୫ ଯୋଷେଫ୍ ମାଡ଼ିଥାୟାଃ ହନ୍, ମାଡ଼ିଥାଆମୋସ୍ଆଃ ହନ୍, ଆମୋସ୍ ନାହୁମ୍ଆଃ ହନ୍, ନାହୁମ୍ ଏସ୍ଲିଆଃ ହନ୍, ଏସ୍ଲି ନଗୟଆଃ ହନ୍, ୨୬ ନଗୟ ମହଥଆଃ ହନ୍, ମହଥ ମଡ଼ିଥାୟାଃ ହନ୍, ମଡ଼ିଥା ଶିମୟୀଆଃ ହନ୍, ଶିମୟୀ ଯୋସେଖାୟାଃ ହନ୍, ଯୋସେଖା ଯୋଦାୟାଃ ହନ୍, ୨୭ ଯୋଦା ଯୋହାନ୍ଆଃ ହନ୍, ଯୋହାନ୍ ରେଷାଆଃ ହନ୍, ରେଷା ଜିରୁବାବେଲ୍ଆଃ ହନ୍, ଜିରୁବାବେଲ୍ ଶଲ୍ଲିତିୟେଲ୍ଆଃ ହନ୍, ଶଲ୍ଲିତିୟେଲ୍ ନେରୀଆଃ ହନ୍, ୨୮ ନେରୀ ମଲ୍ଲୁଆଃ ହନ୍, ମଲ୍ଲୁ ଅକୀଆଃ ହନ୍, ଅକୀ କୋସାମ୍ଆଃ ହନ୍, କୋସାମ୍ ଏଲ୍ମାଦାନ୍ଆଃ ହନ୍, ଏଲ୍ମାଦାନ୍ ଏରଥାଃ ହନ୍, ଏର ଯିହୋଶିୟରାଃ ହନ୍, ୨୯ ଯିହୋଶିୟ ଏଲିୟାଜାର୍ଆଃ ହନ୍, ଏଲିୟାଜାର୍ ଯୋରିମ୍ଆଃ ହନ୍, ଯୋରିମ୍ ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀୟାଃ ହନ୍, ୩୦ ଲେବୀ ଶିମୋନ୍ଆଃ ହନ୍, ଶିମୋନ୍ ଯିହୁଦାଃ ହନ୍, ଯିହୁଦା ଯୋଷେଫ୍ଆଃ ହନ୍, ଯୋଷେଫ୍ ଯୋନାମ୍ଆଃ ହନ୍, ଯୋନାମ୍ ଏଲିୟାକିମ୍ଆଃ ହନ୍, ୩୧ ଏଲିୟାକିମ୍ ମଲାହ୍ଆଃ ହନ୍, ମଲାହ୍ ମନ୍ନାୟାଃ ହନ୍, ମନ୍ନା ମଡ଼ିଥାୟାଃ ହନ୍, ମଡ଼ିଥା ନାଥାନ୍ଆଃ ହନ୍, ନାଥାନ୍ ଦାଉଦ୍ଆଃ ହନ୍, ୩୨ ଦାଉଦ୍ ଯିଶିଆଃ ହନ୍, ଯିଶି ଓବେଦ୍ଆଃ ହନ୍, ଓବେଦ୍ ବୋୟାଜ୍ଆଃ ହନ୍, ବୋୟାଜ୍ ଶାଲ୍ମନାନ୍ଆଃ ହନ୍, ଶାଲ୍ମନାନ୍ ନହଶୋନ୍ଆଃ ହନ୍, ୩୩ ନହଶୋନ୍ ଅମ୍ମାନାଦବ୍ଆଃ ହନ୍, ଅମ୍ମାନାଦବ୍ ଅବ୍ଦିନ୍ଆଃ ହନ୍, ଅବ୍ଦିନ୍ ଅର୍ଶ୍ୱୀଆଃ ହନ୍, ଅର୍ଶ୍ୱୀ ହେସ୍ତାନ୍ଆଃ ହନ୍, ହେସ୍ତାନ୍ ପେରୟାଃ ହନ୍, ପେରୟ ଯିହୁଦାଃ ହନ୍, ୩୪ ଯିହୁଦା ଯାକୁବ୍ଆଃ ହନ୍, ଯାକୁବ୍ ଇସାକ୍ଆଃ ହନ୍, ଇସାକ୍ ଆବ୍ରାହାମ୍ଆଃ ହନ୍, ଆବ୍ରାହାମ୍ ପେରହ୍ଆଃ ହନ୍, ପେରହ୍ ନାହୋର୍ଆଃ ହନ୍, ୩୫ ନାହୋର୍ ସରୁଗ୍ଆଃ ହନ୍, ସରୁଗ୍ ରଗୁଆଃ ହନ୍, ରଗୁ ଫେଲ୍ଲଗ୍ଆଃ ହନ୍, ଫେଲ୍ଲଗ୍ ଏବର୍ଆଃ ହନ୍, ଏବର୍ ଶେଲ୍ହଆଃ ହନ୍, ୩୬ ଶେଲ୍ହ କେନାନ୍ଆଃ ହନ୍, କେନାନ୍ ଅର୍ଫ୍ଷାଦ୍ଆଃ ହନ୍, ଅର୍ଫ୍ଷାଦ୍ ଶେମ୍ଆଃ ହନ୍, ଶେମ୍ ନୁହୁଆଃ ହନ୍, ନୁହୁ ଲାମାକ୍ଆଃ ହନ୍, ୩୭ ଲାମାକ୍ ମଥୁଶେଲ୍ହଆଃ ହନ୍, ମଥୁଶେଲ୍ହ ହନୋକ୍ଆଃ ହନ୍, ହନୋକ୍ ଯେରଦ୍ଆଃ ହନ୍, ଯେରଦ୍ ମହଲ୍ଲେଲ୍ଆଃ ହନ୍, ମହଲ୍ଲେଲ୍ କେନନ୍ଆଃ ହନ୍, ୩୮ କେନନ୍ ଏନୋଶ୍ଆଃ ହନ୍, ଏନୋଶ୍ ଶେଥ୍ଆଃ ହନ୍, ଶେଥ୍ ଆଦାମ୍ଆଃ ହନ୍, ଆଦାମ୍ ପାର୍ବମେଶ୍ୱାର୍ଆଃ ହନ୍ ।

୪

ୟୀଶୁକେ ସାଏତାନ୍ଆଃ ବିଡ଼ାଅ
(ମାଥୂଉ ୪:୧-୧୧; ମାର୍କ ୧:୧୨-୧୩)

୧ ଯୀଶୁ ପାବିତାର୍ ଆମ୍ବାଚେ ପେରେଃୟାନ୍ଲଃ ଯାଦାନ୍ ଗାଡ଼ାଏଚେ ରୁହାଡ଼ୟାନାଏ ଆତଃ ଆମ୍ବା ଜନିଃକେ ବିବ୍ରେଚେ ଜଦିକିୟା । ୨ ଏଡ଼ାଠରେ ବାଡ଼ହସି ନିଦାସିଲ୍ ଜାକେଦ୍ ସାଏତାନ୍ ଜନିଃକେ ବିଡ଼ାଅକିୟା । ଏନ୍ ହୁଲାଜ୍କରେ ଜନିଃଜେଡ଼ନାଃ କାଏ ଜମ୍ବେନା, ଆତଃ ଏନ୍ ନେଡ଼ା ଚୁଣ୍ଡୁୟାନ୍ରେ ରେଜେଜ୍କିୟାଃ ।

୩ ସାଏତାନ୍ ଯୀଶୁକେ କାଜିକିୟାଏ, “ଆମ୍ ପାର୍ବମେଶ୍ୱାର୍ଆଃ ହନ୍ ତାନ୍ମେରେଦ୍ ନେ ଦିରିକକେ ହଲ୍ଲଜ୍ ବାଇୟଃକା ମେନ୍ତେ ଆରୁତାମ୍ ।”

୪ ଯୀଶୁ କାଜିରୁହାଡ଼କିୟାଏ, “ନେଅଁ ଧାରାମ୍ପୁଅରେ ଅଲ୍ଲାନାନା, ‘ହଡ଼ ହଲ୍ଲଜ୍ଚେ ଏସ୍ବାର୍ କାଏ ଜାହିଦଃଆ ।’”

୫ ସାଏତାନ୍ ଜନିଃକେ ମିଆଁଦ୍ ସାଲ୍ଲାଜ୍ ଠାୟାଦ୍ଚେ ଜଦିକିୟାଏ ଆତଃ ଘାଡ଼ିକାଦ୍ରେଗି ଅତେଦିଶ୍ୱମ୍ରେୟାଃ ସବେନ୍ ରାଇଜ୍ ଉଦୁବ୍କିୟାଏ । ୬ ଆତଃ ସାଏତାନ୍ ଯୀଶୁକେ କାଜିକିୟାଏ, “ଆଇଜ୍ ନେ ସବେନାଃରେୟାଃ ଆକ୍ଚେୟାଡ଼ ଆତଃ ସୁଗାଡ଼ାନ୍ଚେୟାଃ ଆମ୍ବକେ ଏମାମେୟାଈଜ୍ ଚିୟାଃଚି ନେୟାଁ ସବେନ୍ ଆଇୟାଃ ଡିଃଜରେ ଏମାକାନା, ଆତଃ ଆଇଜ୍ ଆଇୟାଃ ସାନାଜ୍ ଲେକା ନେ

* ୩:୨୨ ୩:୨୨ ମାଥୂଉ ୩:୧୭; ମାର୍କ ୧:୧୧; ଲୁକ ୯:୩୫.

ସବେନାଃଇଙ୍ଗ ଏମ୍ ଦାଡ଼ିୟାଃ ।^୭ ଏନାମେନ୍ତେ ଆଇଙ୍ଗକେ ଇକ୍ତୁମୁକେଦତେ ଜହାରିଙ୍ଗରେଦମ୍ ନେୟାଁ ସବେନ୍ ଆମାଃଟି ହବାଅଥାଃ ।”

୮ ଯୀଶୁ ଇନିଃକେ କାଜିକିୟାଏ, “ଆତମେନମେ ସାଏତାନ୍, ଚିୟାଃଟି ନେଆଁ ଧାରାମ୍ପୁଥିରେ ଅଲ୍ଲାକାନା, ‘ପ୍ରାଭୁ ଆମାଃ ପାରମେଶ୍ୱାରକେ ଜହାରିମେ ଆତଃ ଇନିଃକେ ଏସକାର୍ ସୁସାରିମେ ।”

୯ ଏନ୍ତେ ସାଏତାନ୍ ଯୀରୁଶାଲେମ୍ତେ ଇଦକିଃତେ ମାନ୍ଦିର୍ ଅଡ଼ାଃରେୟାଃ ଚୁଟିରେ ତିଙ୍ଗୁକିୟା, ଆତଃ କାଜିକିୟାଏ, “ଆମ୍ ପାରମେଶ୍ୱାରଥାଃ ହନ୍ ତାନ୍ମେରେଦ ନେତାଃଏତେ ଲାଡ଼ାରେତେ ତେଗାଅତାମେ ।

୧୦ ଚିୟାଃଟି ଧାରାମ୍ପୁଥିରେ ନେୟାଁ ଅଲ୍ଲାକାନା, ‘ଆମ୍କେ ତେଲାମେ ନାଗେନ୍ତେ ପାରମେଶ୍ୱାର୍ ଆୟାଃ ହୁଡ଼କକେ ଆରୁକଥା ।’^{୧୧} ଆତଃଟି ଧାରାମ୍ପୁଥିରେ ଅଲ୍ଲାକାନା, ‘ଆମାଃ କାଟା ଦିରିରେ ଆଲ୍ଲାକା ଠଗଃକା ମେନ୍ତେ ଇନ୍କୁ ଆକଥାଃ ତିଃଇତେକ ତେଲାମେୟାଁ ।”

୧୨ ମେନ୍ଦ ଯୀଶୁ କାଜିରୁହାଡ଼କିୟାଏ, “ଧାରାମ୍ପୁଥିରେ ନେଆଁହରି ଅଲ୍ଲାକାନା, ‘ପ୍ରାଭୁ ଆମାଃ ପାରମେଶ୍ୱାରକେ ଆଲମ୍ ବିଡ଼ାଅଇୟା ।”

୧୩ ସାଏତାନ୍ ସବେନ୍ ବିନଡ଼ାଅ ଚାବାକେଦାଏ ଆତଃ ଯାତାଅ କା ନାମ୍ ଜାକେଦ୍ ଯୀଶୁକେ ବାରିକେଦତେ ନିରୁୟାନା ।

ଯୀଶୁ ଗାଲିଲ୍ରେ ଇତୁକତାନାଏ
(ମାଥୁର ୪:୧୨-୧୭; ମାର୍କ ୧:୧୪-୧୫)

୧୪ ଏନ୍ତେ ଯୀଶୁ ପାବିତାର୍ ଆମା୍ତେ ପେଡ଼େଃ ନାମ୍ତାନ୍ଲଃ ଗାଲିଲ୍ ସାହାରେତେ ରୁହାଡ଼ିୟାନାଏ, ଆତଃ ଇନିୟାଃ ନୁଡ଼ମ୍ ଗାଲିଲ୍ରେୟାଃ ହପରଜାପାଃ ସବେନ୍ସାଃ ନିଡ଼ିରୁୟାନା ।^{୧୫} ଇନିଃ ଇନ୍କୁଆଃ ସାମାଜ୍ ଅଡ଼ାଃକରେ ଇତୁକେଦକଥାଏ ଆତଃ ସବେନ୍କ ଇନିଃକେ ମାରାଙ୍ଗକିୟାଃକ ।

ଯୀଶୁକେ ନାଜରେଡ଼ରେ କାକ ବିଶ୍ୱାସକିୟା
(ମାଥୁର ୧୩:୫୩-୫୮; ମାର୍କ ୬:୧-୬)

୧୬ ଏନ୍ ତାୟମ୍ତେ ଇନିଃ ନାଜରେଡ଼ରେୟାଏ ହିଜୁଃୟାନା, ଏନ୍ତାଃରେ ଇନିଃ ଆସୁଲ୍ ହାରାକାନ୍ ତାଇନାଏ, ଆତଃ ଆୟାଃ ରିଡି ଲେକାତେ ରୁଡ଼ମ୍ ହୁଲାଙ୍ଗ୍ ସାମାଜ୍ ଅଡ଼ାଃରେ ବଲୟାନ୍ତେ, ଧାରାମ୍ପୁଥି ପାଢ଼ାଅ ନାଗେନ୍ତେ ବିରିଦ୍ୟାନାଏ ।^{୧୭} ଆତଃ ଇନ୍କୁ ଯିଗାୟ ନାବାୟାଃ ପୁଥି ଇନିଃକେକ ଏମ୍କିୟାଃ, ଇନିଃ ଏନା ରାଡ଼ାକେଦତେ ନେଆଁ ଅଲ୍ଲାକାନ୍ତେୟାଃ ନାମ୍କେଦାଏ :

୧୮ “ପାରମେଶ୍ୱାରଥାଃ ଆମ୍ ଆଇଙ୍ଗରେ ମେନାଇୟାଃ, ଚିୟାଃଟି ନାରାଦୁରା ହଡ଼କତାଃରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ଆଇଙ୍ଗକେ ଆଭିଷେକ୍କାଦିୟାଁ ।

ତଲ୍ଲାକାନ୍କ ରାଡ଼ାଅଃରେୟାଃ କାଜି ଉଦୁବ୍ ନାଗେନ୍ତେ, କାଣାକାନ୍କ ନେନେଲ୍ ଦାଡ଼ିରେୟାଃ କାଜି ଉଦୁବ୍ ନାଗେନ୍ତେ, ଦୁକୁତେ ତେନାକାନ୍କଥାଃ ଦୁକୁ ସାଜିନେ ନାଗେନ୍ତେ,

୧୯ ପାରମେଶ୍ୱାରଥାଃ ଲିଡ଼ୁୟାନ୍ ବାରାଷ୍ରେୟାଃ କାଜି ଉଦୁବ୍ ନାଗେନ୍ତେ ଆଇଙ୍ଗକେ କୁଲାକାଦିୟାଃଏ ।”

୨୦ ଏନ୍ତେ ଯୀଶୁ ପୁଥିକ୍ତାକେଦତେ ଦାସକେ ଏମ୍ରୁହାଡ଼କିୟାଏ ଆତଃ ଦୁବ୍ୟାନାଏ । ସାମାଜ୍ ଅଡ଼ାଃରେନ୍ ସବେନ୍କ ଇନିଃକେ ଆରିଦାକାଇକ ତାଇକେନା ।^{୨୧} ଯୀଶୁ ଇନ୍କୁକେ କାଜିକେଦକଥାଏ, “ଆଇଙ୍ଗ ପାଢ଼ାଅକେଦ୍ ଧାରାମ୍ପୁଥିରେୟାଃ ନେ କାଜି ତିସିଙ୍ଗ୍ ଆପେୟାଃ ସାମ୍ନାଙ୍ଗରେ ପୁରାୟାନା ।”

୨୨ ଆତଃ ସବେନ୍କ ଯୀଶୁଆଃ ବିଷାଏରେ ଗାଞ୍ଜା ଏମ୍ ଏଟେଦକେଦାକ, ଆତଃ ଇନିୟାଃ ମତାଏତେ ଅଡ଼ଙ୍ଗଅଃତାନ୍ ସାୟାଦ୍ରାଃ କାଜିତେକ ଆକ୍ଦାୟାୟାନା । ଆତଃ ଇନ୍କୁ କାଜିକେଦାଃକ, “ଚିୟାଃ ନିଃ ଯୋଷେଫ୍ଥାଃ ହନ୍ ନାହାଁଲିଃ ?”

୨୩ ଇନିଃ ଇନ୍କୁକେ କାଜିକେଦକଥାଏ, “ଆପେ ଆଇଙ୍ଗକେ ସାର୍ଡ଼ିଗି ଏନ୍ ମାରି ଜନ୍କାପେ କାଜିୟାଇଙ୍ଗୟାଁ, ‘ଏ ବାଇଦ୍ ଆମ୍ ଆମ୍ଗି ବୁଗିନିଃମେଁ’ ଆତଃଟିପେ କାଜିୟା, ‘ଆମ୍ କପର୍ନାହୁମ୍ ସାହାରେମ୍ କାମିକେଦ୍ ସବେନାଃଲେ ଆୟାକାଦାଃ, ଏନା ନେ ଆମାଃ ଦିଶ୍ୱମ୍ରେୟା କାମିମେଁ ।”

୨୪ *ଆତଃ ଯୀଶୁ ଇନ୍କୁକେ ମେତାଦକଥା, “ଆଇଙ୍ଗ ଆପେକେ ସାର୍ଡ଼ିଗିଙ୍ଗ୍ କାଜିୟାପେତାନା, ‘ଜେତାଏ ନାବୀ ଆୟାଃ ନାଗାର୍ରେ କାଏ ମାନାଡ଼ିଙ୍ଗ୍ଅଥା ।”

* ୪:୨୪ ୪:୨୪ ଯୋହାନ୍ ୪:୪୪.

୨୫ “ଆଇଙ୍ଗ ଆପେକେ ସାର୍ତ୍ତି କାଜିୟାପେ ତାନାଇଙ୍ଗ, ନାବୀ ଏଲିୟଥାଃ ଦିପିଲିରେ ଆପି ବାରାଷ୍ଟ ତୁରିୟା ମାହୁଁନା ଜାକେଦ୍ ସିର୍ମାଏତେ ଦାଆଃ କାଏ ଗାମାକେଦାଃ, ଏନାତେ ଗଟା ଦିଶ୍ଟୁମ୍ପରେ ରିଙ୍ଗାକାନ୍ ତାଇକେନରେ ଇସ୍ରାଏଲ୍ ଦିଶ୍ଟୁମ୍ପରେ ପୁରାଃଗି ରାଣ୍ଡିକ୍ତୁଡ଼ିତାଃ ତାଇକେନା ।^{୨୬} ମେନ୍ଦ୍ ସିଦୋନ୍ ଦିଶ୍ଟୁମ୍ପରେୟାଃ ସାରିପାଡ଼ ହାତୁରେନ୍ ମିଆଁଦ୍ ରାଣ୍ଡିକ୍ତୁଡ଼ିତାଃ ଏଲିୟ କୁଲ୍ଲୟାନାଏ ।^{୨୭} ଆତଃଗି ଏଲିଶାୟ ନାବାୟାଃ ଦିପିଲିରେ ଇସ୍ରାଏଲ୍ରେ ପୁରାଃ ନାଗେଘାଅଖାକାନ୍ଦ୍ ତାଇକେନା ମେନ୍ଦ୍ ଇନ୍କୁଏତେ ସୁରିୟା ଦିଶ୍ଟୁମ୍ପରେନ୍ ନାମାନ୍ ଏସକାର୍ ପାଠ୍ଟିୟାନାଏ ।”

୨୮ ନେ କାଜି ଆୟୁମ୍ପକେଦ୍ତେ ସାମାଜ୍ ଅଡ଼ାଃରେନ୍ ସବେନ୍ଦ୍ ଖୁସ୍ତେକ ପେରେୟାୟାନା ।^{୨୯} ଆତଃ ଇନ୍କୁ ବିରିଦ୍ୟାନ୍ତେ ଇନିଃକେ ସାହାଦ୍ଏତେକ ଅତଙ୍ଗକିୟା ଆକଥାଃ ସାହାଦ୍ ବୁରୁ ଚେତାନ୍ରେ ତାଇକେନା । ଆତଃ ଇନ୍କୁ ଇନିଃକେ ଇଲିଙ୍ଗ୍ ଉୟୁଗି ନାଗେନ୍ତେ ବୁରୁ ଚେତାନ୍ରେୟାଃ ଖାଇଣ୍ଡେକେ ଇଦିକିୟା ।^{୩୦} ମେନ୍ଦ୍ ଇନିଃ ଇନ୍କୁଆଃ ଆଲା ଆଲାଏତେ ଅତଙ୍ଗୟାନ୍ଲଃ ସେନୟାନାଏ ।

ୟୀଶୁ ବଙ୍ଗା ଏସେରାକାଲ ହଡ଼କେ ବୁଗିକିୟାଏ

(ମାର୍କ ୧:୨୧-୨୮)

୩୧ ଯୀଶୁ ଗାଲିଲ୍ରେୟାଃ କପର୍ନାହୁମ୍ ସାହାଦ୍ତେ ହିଜୁଃକେଦ୍ତେ ରୁଡ଼ନ୍ ହୁଲାଙ୍ଗ୍ରେ ଇନିଃ ହଡ଼କକେ ଇତୁ ଏଚେଦ୍କେଦଥାଏ ।^{୩୨} ଇନିୟାଃ ଇନିତୁରେ ହଡ଼କ ଆକ୍ଦାୟାୟାନାକ, ଚିୟାଃଗି ଇନିଃ ଆକ୍ତେୟାନ୍ ନାମାକାଦ୍ନିଃଲେକା ଇତୁକତାନାଏ ତାଇକେନା ।^{୩୩} ସାମାଜ୍ ଅଡ଼ାଃରେ ମିଆଁଦ୍ ସଡ଼ରା ଆମ୍ବାତେ ଏସେରାକାନ୍ ହଡ଼ ତାଇକେନାଏ । ଇନିଃ ପୁରାଃ କାଉରିତାନ୍ଲଃ କାଜିକେଦାଏ,^{୩୪} “ହାଏରେ, ହେ ନାଜ୍ରେତ୍ରେନ୍ ଯୀଶୁ ଆଲେଲଃଆମାଃ ଚିକାନ୍ କାମି ? ଆମ୍ ତିନା ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାଠ୍ଟେଶ୍ଟାଃପାଠ୍ଟିୟାଃ ପାବିତାନ୍ନିଃ ତାନ୍ମେ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୩୫ ଯୀଶୁ ଇନିଃକେ ମାରାଙ୍ଗାମାକେଦ୍ତେ କାଜିକିୟାଏ, “ହାପାଅଃମେଁ, ଆତଃ ଇନିଃତାଃଏତେ ଅତଙ୍ଗାଅଃମେ ।” ଏନ୍ତେ ଏନ୍ ସଡ଼ରା ଆମ୍ ଇନିଃକେ ସବେନ୍ଦ୍କଥାଃ ଆଲାରେ ଆଖାକିଦ୍ତି ଇନିୟାଃ ନକ୍ସାନ୍ କା ରିକାତାନ୍ଲଃ ଅତଙ୍ଗୟାନା ।

୩୬ ହଡ଼କ ଆକ୍ଦାୟାୟାନାଲଃକ କୁପୁଲିୟାନା, “ନେଆଁ ତିଲ୍କାନ୍ ଇନିତୁ ? ଇନିଃଦ୍ ଆକ୍ତେୟାନ୍ତେ ଆତଃ ପେଡ଼େଲଃ ସଡ଼ରା ଆମ୍ବାକେ ଅତଙ୍ଗାଅଃ ନାଙ୍ଗ୍ ଆଡ଼ିକତାନାଏ ଆତଃ ଇନ୍କୁ ଇନିୟାଃ କାଜିକି ମାନାଡ଼ିଙ୍ଗ୍ତାନା ।”^{୩୭} ଏନ୍ତେ ଯୀଶୁଆଃ କାଜି କଚାକ୍ତୁନି ସବେନ୍ସାଃରେ ନିଡ଼ିରିୟାନା ।

ୟୀଶୁ ପୁରାଃ ହଡ଼କକେ ବୁଗିକତାନାଏ

(ମାଥୁ ୮:୧୪-୧୭; ମାର୍କ ୧:୨୯-୩୪)

୩୮ ଯୀଶୁ ସାମାଜ୍ ଅଡ଼ାଃଏତେ ଶିମୋନ୍ଆଃ ଅଡ଼ାଃତେ ସେନୟାନାଏ । ପାଡ଼ରାସ୍ଆଃ ହାନାଡ଼ତେ ବରାନ୍ନାନ୍ ଉରିୟୁ ତାଇକେନା, ଆତଃ ଇନିୟାଃ ବୁଗିୟାଃ ନାଗେନ୍ତେ ଯୀଶୁକେ ବିକ୍ତିକିୟାଃକ ।^{୩୯} ଏନ୍ତେ ଯୀଶୁ ଇନିୟାଃ ହେପାଦ୍ରେ ତିଙ୍ଗ୍ୟାନ୍ଲଃ ଉରିୟୁକେ ମାରାଙ୍ଗାମାକେଦାଏ ଆତଃ ଇନିଃ ଉରିୟୁଏତେ ବୁଗିୟାନା । ଆତଃ ଇମ୍ବାତାଗି ଇନିଃ ବିରିଦ୍କେଦ୍ତେ ଇନ୍କୁକେ ସୁସାଦ୍ ଏଚେଦ୍କେଦକଥା ।

୪୦ ସିଙ୍ଗିହାପୁରଃ ତାନ୍ରେ ହଡ଼କତାଃରେ ତାଇକେନ୍ ଦୁକୁହାସୁତାନ୍ ସବେନ୍ ହଡ଼କକେ ଯୀଶୁତାଃତେକ ଆଉକେଦକଥା, ଇନିଃ ମିପିଆଁଦ୍ ହଡ଼କଥାଃରେ ତିଃଇ ଦହକେଦ୍ତେ ବୁଗିକେଦକଥାଏ ।^{୪୧} ଆତଃଗି, ପୁରାଃ ହଡ଼କତାଃଏତେ ବଙ୍ଗାକ ଅତଙ୍ଗୟାନ୍ଲଃକ କାଉରିକେଦାଃ, “ଆମ୍ ପାଠ୍ଟେଶ୍ଟାଃପାଠ୍ଟିୟାଃ ହନ୍ ତାନ୍ମେ ।” ମେନ୍ଦ୍ ଯୀଶୁ ଇନ୍କୁକେ ହାପାଅଃ ନାଗେନ୍ତେ ମାରାଙ୍ଗାମାକେଦକଥା, ଆତଃ ଇନିଃ ବଙ୍ଗାକକେ କାଏ କାଜି ଇଡିକେଦକଥା, ଚିୟାଃଗି ଏନ୍ ବଙ୍ଗାକ ଇନିଃ ଖ୍ରୀଷ୍ଟ୍ ତାନିଃ ମେନ୍ତେକ ସାରିତାଇକେନା ।

ସାମାଜ୍ ଅଡ଼ାଃରେ ଯୀଶୁଆଃ ଇନିତୁ

(ମାର୍କ ୧:୩୫-୩୯)

୪୨ ଆଙ୍ଗୟାନ୍ତି, ଯୀଶୁ ସାହାଦ୍ଏତେ ଅତଙ୍ଗୟାନା ଆତଃ ମିଆଁଦ୍ ସିଃସଏଃ ଠାୟାଦ୍ତେ ସେନୟାନାଏ । ଗାଦେଲ୍ ହଡ଼କ ଇନିଃକେ ଦାଣ୍ଡି ନାମାକେଦ୍ତେ ଆୟାଃତାଃକ ହିଜୁଃୟାନା, ଆତଃ ଇନିଃ ଆକତାଃଏତେ ଆଲକାଏ ସେନୟାନା ମେନ୍ତେ କେସେଦିତାନ୍ଦ୍ ତାଇକେନା ।^{୪୩} ମେନ୍ଦ୍ ଇନିଃ କାଜିୟାଦ୍କଥାଏ, “ଏତାଃ

୪:୩୨ ୪:୩୨ ମାଥୁ ୭:୨୮, ୨୯.

ନାଗାରରେୟ ପାର୍ମେଶ୍ୱାରୁଆଃ ରାଜନ୍ରେୟାଃ ସୁକ୍ମକାଜି ଆଇଙ୍ଗକେ ଉଦୁବ୍ ଲାଗାତିଙ୍ଗୟାଃ, ଚିୟାଃତି ଏନା ନାଗେନ୍ତେ ପାର୍ମେଶ୍ୱାର୍ ଆଇଙ୍ଗକେ କୁଲ୍ଲକାକାଙ୍ଗୟାଃ ।”

୪୪ ଆତଃ ଜନିଃ ଯିହୁଦା ଦିଶ୍ୱମ୍ରେୟାଃ ସାମାଜ୍ ଅଡ଼ାଃକରେ ଇତୁକତାନାଏ ତାଇକେନା ।

୫

ୟାଶୁ ପାହିଲା ଚେଲାକକେ କେଡ଼ାକେଦକଆଏ

(ମାଥୁଉ ୪:୧୮-୨୨; ମାର୍କ ୧:୧୭-୨୦)

୧ *ମୁସିଙ୍ଗ୍ ଯାଶୁ ଗିନେସରେଡ୍ ଦରେୟା ନାଡ଼େଃରେ ତିଙ୍ଗୁଆକାନ୍ ତାଇକେନାଏ, ଆତଃ ଗାଦେଲ୍ ହଡ଼କ ପାର୍ମେଶ୍ୱାରୁଆଃ କାଜି ଆୟୁମ୍ ନାଗେନ୍ତେ ଜନିଃକେ ଜୁରୁବିୟୁରାକାଇକ ତାଇକେନା, ୨ ଜନିଃ ବାରିଆ ଲାଉକା ଦରେୟା ଗେନାରେ ଦହଆକାନାଏ ନେଲ୍କେଦାଃ, ହାକୁସାଦ୍ ହଡ଼କ ଏନ୍ ଲାଉକାଏତେ ଆଡ଼ଗୁକେଦ୍ତେ ଜାଲୋମ୍ ଚାପିତାଇକେନା । ୩ ଯାଶୁ ଏନାଏତେ ମିଆଁଦ୍ ଲାଉକାରେ ରାକାବ୍ଯାନାଏ, ଏନାଦ୍ ଶିମୋନ୍ଆଃ ତାଇକେନା ଆତଃ ଯାଶୁ ଜନିଃକେ ଦରେୟା ଗେନାଏତେ ହୁଡ଼ିଙ୍ଗ୍ ସାଙ୍ଗିନ୍ତେ ଇଦିମେ ମେନ୍ତେ ବିକ୍ରିକିୟାଏ । ଏନ୍ତେ ଜନିଃ ଲାଉକାରେ ଦୁବ୍ଯାନତି ଗାଦେଲ୍ ହଡ଼କକେ ଇତୁକେଦକଆଏ ।

୪ ଜନିଃ କାଜିଚାବାକେଦ୍ତି ଶିମୋନ୍କେ କାଜିକିୟାଏ, “ଲାଉକା ତାମାଃକେ ଇକିରତେ ଇଦିମେ ଆତଃ ହାକୁସାଦ୍ ନାଗେନ୍ତେ ଜାଲୋମ୍ ତାମାଃ ହୁଦ୍ମାଏମେ ।”

୫ *ମେନ୍ଦ୍ ଶିମୋନ୍ କାଜିକିୟାଏ, “ହେ ଗୁରୁ, ଆଲେ ମିଦ୍ନିଦାଲେ କାମିକେଦା ଆତଃ ମିଆଁଦ୍ ହ ହାକୁ କାଲେ ସାବ୍କେଦକଆ । ମେନ୍ଦ୍ ଆମାଃ କାଜିତେ ଜାଲୋମ୍ ହୁଦ୍ମାୟାଈଙ୍ଗ୍ ।” ୬ *ଜନ୍କୁ ଜାଲୋମ୍ ହୁଦ୍ମାକେଦ୍ତି ପୁରାଃ ହାକୁକ୍ ଜାଲୋମ୍କେଦକଆ, ଆତଃ ଜନ୍କୁଆଃ ଜାଲୋମ୍ ଗାଗାଡ଼ଃତାନ୍ ତାଇକେନା । ୭ ଇମ୍ତାଙ୍ଗ୍ ଜନ୍କୁ ଦେଙ୍ଗାମାଙ୍ଗ୍ ମେନ୍ତେ ଆକଆଃ ଗାତିକକେ ହାକାଅ କେଦକଆକ । ଆତଃ ଗାତିକ ହିଜୁଃକେଦ୍ତେ ବାରିଆ ଲାଉକାରେ ନିମିନ୍ ହାକୁ ପେରେଃକେଦକଆକ ଯେ ଲାଉକା ତାକଆଃ ତୁବିଜଃତାନ୍ଲେକା ହବାଆଃ ତାଇକେନା । ୮ ଏନା ନେଲ୍କେଦ୍ତେ ଶିମୋନ୍ ପାଡ଼ରାସ୍ ଯାଶୁଆଃ କାଗା ସୁବାରେ ଉୟୁଃୟାନାଏ ଆତଃ କାଜିକେଦାଏ, “ହେ ପ୍ରାଭୁ ଆଇଁୟାଃତାଃଏତେ ସାଙ୍ଗିନଃଠେଁ, ଆଇଙ୍ଗ୍ ଦପାପି ହଡ଼ ତାନିଙ୍ଗ୍ ।”

୯ ଶିମୋନ୍ ପାଡ଼ରାସ୍ ଆତଃ ଆୟାଃ ଗାତିକ ମିସାତରା ନିମିନ୍ ହାକୁ ନେଲ୍କେଦ୍ତେ ଆକଦାଦାୟାନାକ । ୧୦ ଆତଃ ଜେବଦାୟାଃ ହନ୍ ଯାକୁଦ୍ ଆତଃ ଯୋହାନ୍ ଶିମୋନ୍ଲଃ ମିସାତେ କାମି ତାଇକେନାକିନ୍ ଆତଃ ଏନ୍ ବାରାନ୍କିନ୍ ହ ଆକଦାୟାୟ ଯାନାକିନ୍ । ଆତଃ ଯାଶୁ ଶିମୋନ୍କେ କାଜିକିୟାଏ, “ଆଲମ୍ ବରଏୟା, ନାହାଁଃଏତେ ଆମ୍ ହଡ଼କକେ ପାର୍ମେଶ୍ୱାରୁତାଃତେ ଆଉକଆମ୍ ।”

୧୧ ଏନ୍ତେ ଜନ୍କୁ ଲାଉକାକକେ ଦରେୟା ଗେନାତେ ତେବାଃକେଦ୍ତି ସବେନାଃ ବାଗିକେଦ୍ତେ ଯାଶୁକେକ ଅଡ଼ଙ୍ଗିକିୟା ।

ୟାଶୁ ମିଆଁଦ୍ ନାଗେୟାଃକାନ୍ ହଡ଼କେ ବୁଗିକିୟାଏ

(ମାଥୁଉ ୮:୧-୪; ମାର୍କ ୧:୪୦-୪୫)

୧୨ ଯାଶୁ ମିଆଁଦ୍ ସାହାରରେ ତାଇକେନ୍ ଇମ୍ତା ଏନ୍ତାଃରେ ନାଗେୟାଅତେ ପେରେଜାକାନ୍ ମିଆଁଦ୍ ହଡ଼ ତାଇକେନାଏ । ଜନିଃ ଯାଶୁକେ ନେଲ୍ଲଃଗି ଇକଡ଼ମ୍ବକେଦ୍ତେ ବିକ୍ରିତାନ୍ଲଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍ରେଦ୍ ଆଇଙ୍ଗ୍କେ ବୁଗିନିୟାବ୍ ଦାଡ଼ିୟାମ୍ ।”

୧୩ ଏନ୍ତେ ଯାଶୁ ଆୟାଃ ତିଃଇ ଜିଲିଙ୍ଗ୍କେଦ୍ତେ ଜୁଟିଦକିୟାଏ ଆତଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍ତାନିଙ୍ଗ୍ ଆମ୍ ବୁଗିନିୟାଃଠେଁ ।” ଆତଃ କାଜିତାନ୍ ତରୁସାଗି ଜନିୟାଃ ନାଗେୟାଅ ଫାରୁଚିୟାନା । ୧୪ ଏନ୍ତେ ଯାଶୁ ହୁକୁମ୍କିୟାଏ, “ଜେତାଏକେ ନେ କାଜି ଆଲମ୍ ଉଦୁବ୍କଆଃ, ମେନ୍ଦ୍, ଜୁ, ଯାଜାକ୍ତାଃରେ ଉଦୁବିନ୍ତେ ଆତଃ ଜନ୍କୁଆଃ ଗାଞ୍ଜାନାଙ୍ଗ୍ ମୁଗାନାବ୍ ଆରୁକାଦ୍ ଲେକାତେ ଆମାଃ ଫାରୁଚିରେୟାଃ ଦାଣେଁ ରାକାବେମେଁ ।”

୧୫ ଆତଃ ଯାଶୁଆଃ ବିଷାଏରେୟାଃ କାଜି ପୁରାଃଗି ନିତିରୁୟାନା, ଏନ୍ତେ ଜନିୟାଃ ଇତୁଆନ୍ କାଜିକ ଆୟୁମ୍ ନାଗେନ୍ତେ ଆତଃ ଆକଆଃ ଦୁକୁଏତେ ବୁଗିୟାଃ ନାଗେନ୍ତେ ପୁରାଃ ଗାଦେଲ୍ ହଡ଼କ ଜନିଃତାଃରେକ ହୁଶ୍ଟିୟାନା । ୧୬ ମେନ୍ଦ୍ ଯାଶୁ ସିଃସଏଃ ଠାୟାଦ୍ତେ ସେନଃୟାନ୍ତେ ବିକ୍ରିକେଦାଏ ।

* ୫:୧ ୫:୧ ମାଥୁଉ ୧୩:୧,୨; ମାର୍କ ୩:୯,୧୦; ୪:୧. ✦ ୫:୫ ୫:୫ ଯୋହାନ୍ ୨୧:୩. ✦ ୫:୬ ୫:୬ ଯୋହାନ୍ ୨୧:୬.

ୟୀଶୁ ମିଆଁଦ ବାଡ଼କାନିଃକେ ବୁଗି ତାନାଏ

(ମାଥୁର ୯:୧-୮; ମାର୍କ ୨:୧-୧୨)

^{୧୭} ମୁସିଙ୍ଗହୁଲାଇ ଯୀଶୁ ଇଡୁତାନାଏ ତାଇକେନା, ଏନ୍ତାଃରେ ଫାରୁଶୀ ଆତଃ ଆଇନ୍ ଇଡୁକ ଦୁବାକାନିକ ତାଇକେନା, ଇନ୍କୁ ଗାଲିଲ୍ରେୟାଃ ସବେନ୍ ହାତୁ ଆତଃ ଯିହୁଦା ଦିଶ୍ଟୁମରେୟାଃ ସବେନ୍ ହାତୁ ଆତଃ ଯୀରୁଶାଲେମ୍ଏତେ ହିଜୁଃକାନିକ ତାଇକେନା । ଆତଃ ଦୁକୁତାନିକେ ବୁଗିନ୍ ନାଗେନ୍ତେ ପ୍ରାଭୁଆଃ ପେଡ଼େଃ ଯୀଶୁଲଃ ତାଇକେନା । ^{୧୮} ହଡ଼କ ମିଆଁଦ ବାଡ଼କାନିଃକେ ପାରକମ୍ରେ ବାଟିୟାକାନି ଗଅଃ ଆଉକିୟାକ ଆତଃ ଇନିଃକେ ଭିତାର୍ତେ ଇଦିକେଦ୍ଦେ ଯୀଶୁଆଃ ସାମ୍ନାଙ୍ଗ୍ରେ ଦହନାଙ୍ଗ୍ ସାନାଙ୍ଗ୍ତାନିକ ତାଇକେନା । ^{୧୯} ଗାଦେଲ୍ ହଡ଼କ ତାଇକେନ୍ ହରାତେ ଇନ୍କୁ ଇନିଃକେ ଭିତାର୍ତେ ଆଉ ନାଙ୍ଗ୍ ହରା କାକ ନାମକେଦା । ଏନାତେ ଇନ୍କୁ ସାଡ଼ମି ଚେତାନ୍ଦେ ପାରକମ୍ଲଃଗି ଇନିଃକେ ତେଙ୍ଗଃ ରାକାବ୍କିୟାଃକ ଆତଃ ସାଡ଼ମି ଖାପୁରା ଆତମକେଦ୍ଦେ ଯୀଶୁଆଃ ସାମ୍ନାଙ୍ଗ୍ରେ ତୁଙ୍ଗା ଆଡ଼ଗୁକିୟାଃକ । ^{୨୦} ଯୀଶୁ ଏନ୍ ହଡ଼କଆଃ ବିଶ୍ୱାସ୍ ନେଲ୍କେଦ୍ଦେ କାଜିକିୟାଏ, “ଏ ଗାତି, ଆମାଃ ପାପକ ଛାମାୟାନା ।”

^{୨୧} ଆଇନ୍ ଇଡୁକ ଆତଃ ଫାରୁଶୀକ ଆକ ଆକରେ ଉଡ଼ୁକେଦାଃକ, “ପାର୍ମେଶ୍ୱାର୍ରେକ ନିନ୍ଦାକତାନ୍ ନେ ହଡ଼ ଅକଏ ତାନିଃ ? ପାର୍ମେଶ୍ୱାର୍ରେକ ବାଗିକେଦ୍ଦେ ଆତଃ ଅକଏ ପାପଛାମା ଦାଡ଼ିୟାଏ ?”

^{୨୨} ମେନ୍ଦ୍ ଯୀଶୁ ଇନ୍କୁଆଃ ଉଡ଼ୁ ଆବ୍କାର୍ରେକେଦ୍ଦେ ମେତାଦକଆଏ, “ଆପେ ଆପେୟାଃ ମନ୍ରେ ଚିନାଃପେ ଉଡ଼ୁତାନା ? ^{୨୩} ଅକ୍ନାଃ ରାଞ୍ଜାଲଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲଃ ତି ‘ବିରିଦ୍ମେ ଆତଃ ସେନେମେ’ ମେନ୍ତେ କାଜିତେୟାଃ ? ^{୨୪} ମେନ୍ଦ୍ ମାନଞ୍ଜାହନ୍ଦ୍ଆଃ ନେ ଅତେଦିଶ୍ଟୁମ୍ରେ ପାପ୍ ଛାମାରେୟାଃ ଆକ୍ତେୟାଃ ମେନାଃ” ଏନା ଆପେ ସାରିକାମେନ୍ତେ, ଇନିଃ ଏନ୍ ବାଡ଼କାନିଃକେ କାଜିକିୟାଏ, “ମାର୍ ବିରିଦ୍ମେ ଆତଃ ପାରକମ୍ତାମାଃ ଗଅଃକେଦ୍ଦେ ଆମାଃ ଅଡ଼ାଃତେ ସେନିଃମେ ।”

^{୨୫} ଇମ୍ତାଙ୍ଗ୍ଗି ଇନିଃ ଇନ୍କୁଆଃ ସାମ୍ନାଙ୍ଗ୍ରେ ବିରିଦ୍ମାନାଏ, ଆତଃ ଆୟାଃ ଗିତିକାକାନ୍ ପାରକମ୍ରେକେ ତେଙ୍ଗଃକେଦ୍ଦେ ପାର୍ମେଶ୍ୱାର୍ଆଃ ମାନାରାଙ୍ଗ୍ ଦୁରାଙ୍ଗ୍ତାନିଲଃ ଅଡ଼ାଃତେ ସେନିଃୟାନାଏ । ^{୨୬} ଏନ୍ତାଃରେ ତାଇକାନ୍ ସବେନକ ଆକ୍ଦାନ୍ଦାୟାନକ ଆତଃ ପାର୍ମେଶ୍ୱାର୍ରେକ ମାରାଙ୍ଗ୍କିୟାକ, “ଆବୁ ତିସିଙ୍ଗ୍ ହାଏକାବ୍ କାମିବୁ ନେଲ୍କେଦା” ମେନ୍ତେ ବରତାନିଃକେ କାଜିକେଦା ।

ୟୀଶୁ ଲେବୀକେ କେଡ଼ାଇତାନା

(ମାଥୁର ୯:୯-୧୩; ମାର୍କ ୨:୧୩-୧୭)

^{୨୭} ଏନ୍ ତାୟମ୍ରେ ଯୀଶୁ ଅଡ଼ଙ୍ଗ୍ୟାନା, ଆତଃ ଲେବୀ ନୁଡୁମ୍ ମିଆଁଦ ମାଲ୍ହାରମ୍ନିଃକେ ମାଲ୍ହାରମ୍ ଠାୟାଦ୍ରେ ଦୁବାକାନାଏ ନେଲ୍କିୟା । ଯୀଶୁ ଇନିଃକେ ମେତାଇଜାଏ, “ଦେଲ୍ଲା ଅଡ଼ଙ୍ଗ୍ଇଙ୍ଗ୍ମେ ।”

^{୨୮} ଆତଃ ଲେବୀ ସବେନାଃ ବାଗିକେଦ୍ଦେ ବିରିଦ୍ମାନାଏ ଆତଃ ଇନିଃକେ ଅଡ଼ଙ୍ଗ୍କିୟା ।

^{୨୯} ଏନ୍ତେ ଲେବୀ ଆୟାଃ ଅଡ଼ାଃରେ ଯୀଶୁ ନାଗେନ୍ତେ ମିଆଁଦ ମାରାଙ୍ଗ୍ ଜମେୟାଃ ବାଇକେଦାଏ, ଆତଃ ପୁରାଃ ମାଲ୍ହାରମ୍ନିକ ଆତଃ ଏଚାଃ ହଡ଼କ ଇନ୍କୁଲିଃକ ଜମ୍ତାଇକେନା । ^{୩୦} ମେନ୍ଦ୍ ଫାରୁଶୀ ଆତଃ ଆଇନ୍ ଇଡୁକ କୁର୍ବୁରାଅଃତାନିଃକେ ଆୟାଃ ଚେଲ୍ଲାକେ ମେତାଦକଆକ, “ଆପେ ମାଲ୍ହାରମ୍ନିକଲଃ ଆତଃ ପାପିକଲଃ ଚିକା ନାଗେନ୍ତେ ଜମ୍, ନୁଁ ତାନାପେ ?”

^{୩୧} ଯୀଶୁ ଇନ୍କୁକେ କାଜିକେଦକଆଏ, “କା ହାସୁତାନିକଆଃ ନାଗେନ୍ତେ ବାଇଦ୍ କା ଲାଗାତିଙ୍ଗ୍ୟାଃ ମେନ୍ଦ୍ ହାସୁତାନିକଆଃ ନାଗେନ୍ତେ ବାଇଦ୍ ଲାଗାତିଙ୍ଗ୍ୟାଃ । ^{୩୨} ଆଇଙ୍ଗ୍ ଆର୍ମାନ୍ ହଡ଼କକେ କେଡ଼ା ନାଗେନ୍ତେ କାଈଙ୍ଗ୍ ହିଜୁଆକାନା, ମେନ୍ଦ୍ ପାପି ହଡ଼କଆଃ ମନ୍ରୁହାଡ଼ ନାଗେନ୍ତେ ହିଜୁଆକାନାଈଙ୍ଗ୍ ।”

ରେଙ୍ଗେଃ କାଟାବ୍ରେୟାଃ କୁନୁଲି

(ମାଥୁର ୯:୧୪-୧୭; ମାର୍କ ୨:୧୮-୨୨)

^{୩୩} ଚିମିନ୍ ହଡ଼କ ଯୀଶୁକେ କାଜିକିୟାଃକ, “ଯୋହାନ୍ଆଃ ଚେଲ୍ଲାକ ମଣ୍ଡେୟା କାଟାବ୍ ଆତଃ ବିକ୍ରିୟାଃକ, ଏନ୍ଲେକା ଫାରୁଶୀକଆଃ ଚେଲ୍ଲାକହ୍ ରିକାଃକ, ମେନ୍ଦ୍ ଆମାଃ ଚେଲ୍ଲାକ ସବେନ୍ ଇମ୍ତାଙ୍ଗ୍ ଜମ୍ ନୁଁ ତାନାକ ।”

^{୩୪} ଯୀଶୁ ମେତାଦକଆଏ, “ତିୟାଃ ଆଣ୍ଡିଅଡ଼ାଃରେ ଦୁଲ୍ଲାକଡ଼ା ବାଲ୍ଲାକଲଃ ତାଇନଃ ଜାକେଦ୍ ଆପେ ତିୟାଃ ଇନ୍କୁକେ କାଟାବ୍ରିକା ଦାଡ଼ିୟାକଆପେ ? କାହାଗି ! ^{୩୫} ମେନ୍ଦ୍ ନେତା ହିଜୁଆ ଚିମ୍ତାଙ୍ଗ୍ ଇନ୍କୁତାଃଏତେ ଦୁଲ୍ଲାକଡ଼ା ବିନ୍ଗାଅଃଆଏ, ଇମ୍ତାଙ୍ଗ୍ ଇନ୍କୁ କାଟାବ୍ ରିକାଏୟାକ ।”

☆ ୫:୩୦ ୫:୩୦ ଲୁକ ୧୫:୧,୨.

^{୩୭} ଇନିଃ ଇନକୁକେ ନେ ଜନ୍କା କାଜି କାଜିୟାଦକଆଏ, “ଜେତାଏ ନାଞ୍ଜା ଲିଜାଃରେୟାଃ କେତାଃ ମାରି ଲିଜାଃରେ ଜଡ଼ାଇକେଦତେ କାକ ତୁନାୟା । ଆତଃ ଏନ୍କାଲେରେଦ ନାଞ୍ଜା ଲିଜାଃଏ ଚାଗାଡ଼େୟା ଆତଃ ନାଞ୍ଜା ଲିଜାଃରେୟାଃ କେତାଃ ମାରିଲିଜାଃରେ କା ମେସାଅଥା । ^{୩୮} ଆତଃ ଜେତାଏ ନାଞ୍ଜା ଦାଖରାସିକେ ମାରି ଉହୁରୁଡ଼ୁମ୍ପାରେ ଜେତାଏ କାକ ଦୁଲ୍ଲପେରେଜେୟା । ଚିୟାଃଚି ନାଞ୍ଜା ଦାଖରାସି ମାରି ଉହୁରୁଡ଼ୁମ୍ପାରେୟାଃ ଆଇଲାକେ ଚାଗାଡ଼ତାଃଏ ଆତଃ ଦାଖରାସି ଲିଜି ଏଣ୍ଟାଗଃଆ ଆତଃ ଉହୁରୁରେୟାଃ ଆଇଲା ଜିୟନଥା । ^{୩୯} ମେନଦ ନାଞ୍ଜା ଦାଖରାସିକେ ନାଞ୍ଜା ଉହୁରୁଡ଼ୁମ୍ପାରେୟାଃ ଆଇଲାରେ ପେରେଃ ଲାଗାତିଙ୍ଗିୟାଃ । ^{୪୦} ଆତଃ ଜେତାଏ ହଡ଼ ମାରି ଦାଖରାସି ଛୁଁକେଦ ତାୟମତେ ନାଞ୍ଜା କାଏ ସାନାଙ୍ଗଆଃ, ଚିୟାଃଚି ଇନିଃଏ ‘ମାରିତେୟାଃକେ ବୁଗିନଡ଼େୟାଃ ତାନାଃ’ ମେନେୟାଏ ।”



ୟାଶୁ ରୁଡ଼ନୁ ହୁଲାଙ୍ଗରେନ ଗମକେତାନିଃ

(ମାଥୂର ୧୨:୧-୮; ମାର୍କ ୨:୨୩-୨୮)

^୧ ରୁଡ଼ନୁ ହୁଲାଙ୍ଗରେ ଯୀଶୁ ହେରାକାନ ପିଡ଼ି ଆଲାଆଲାତେ ସେନଃତାନ ତାଇକେନାଏ, ଆତଃ ଆୟାଃ ଚେଲାକ ଗେଲେ ଜ କେ ହଦକେଦତେ ତିଃଇଲଃ ଇଡ଼କିଦକେଦତେ ଜମତାନକ ତାଇକେନା । ^୨ ମେନଦ ଚିମିନ ଫାରୁଶୀକ କୁଲିକିୟାଃକ, “ରୁଡ଼ନୁ ହୁଲାଙ୍ଗରେ କା ଲାଗାତିଙ୍ଗି କାମି ଚିନାଃମେନ୍ତେକ ରିକାତାନା ?”

^୩ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଦାରଦ ଆତଃ ଆୟାଃ ଗାତିକ ରେଙ୍ଗେଃୟାନ୍ ଇମତା ଚିନାଃଏ କାମିକେଦାଃ ଏନା କାପେଚି ପାଡ଼ାଞ୍ଜାକାଦାଃ ? ^୪ ଇନିଃ ପାର୍ମେଣ୍ଟାଡ଼ିଆଃ ଅଡ଼ାଃତେ ବଲୟାନା, ଆତଃ ପାର୍ମେଣ୍ଟାଡ଼ିଆଃ ନୁଡ଼ୁମ୍ପାରେ ଏମାକାନ ହଲଙ୍ଗ, ଅକନାଃକେଚି ଆଇନ ଲେକାତେ ଯାଜାକ ଏୟକାର ଜମ ଦାଡ଼ିୟାଏ ମେନଃତାନା, ଏନାକେ ଆଉକେଦତେ ଜମକେଦାଏ ଆତଃ ଆୟାଃଲଃ ତାଇକାନକକେୟ ଏମାଦକଆଏ ।”

^୫ ଏନ୍ତେ ଯୀଶୁ ମେତାଦକଆଏ, “ମାନଞ୍ଜାହନ ରୁଡ଼ନୁ ହୁଲାଙ୍ଗରେନ ଗମକେ ତାନିଃ ।”

ୟାଶୁ ମିଆଁଦ ରହଡ଼ାକାନ ତିଃଇନିଃକେ ବୁଗିତାନା

(ମାଥୂର ୧୨:୯-୧୪; ମାର୍କ ୩:୧-୬)

^୭ ଆତଃ ଏଗାଃ ରୁଡ଼ନୁ ହୁଲାଙ୍ଗରେ ଇନିଃ ସାମାଜ ଅଡ଼ାଃରେ ବଲୟାନ୍ତେ ଇଡ଼କେଦକଆଏ, ଆତଃ ଏନ୍ତାଃରେ ତିଃଇ ରହଡ଼ାକାନ ମିଆଁଦ ହଡ଼ ତାଇକେନାଏ । ^୮ ଆତଃ ଯୀଶୁ ରୁଡ଼ନୁ ହୁଲାଙ୍ଗରେ ଇନିଃକେ ବୁଗିୟାଏ ଚି କା ଏନା ନେଲ୍ ନାଗେନ୍ତେ ଫାରୁଶୀକ ଆତଃ ଆଇନ ଇଡ଼କ ଇନିଃକେ ପାତାଇତାନକ ତାଇକେନା ଚିୟାଃଚି ଇନକୁ ଯୀଶୁକେ ଚିଚାଇ ନାଗେନ୍ତେ ହରାକ ଦାଣି ତାଇକେନା । ^୯ ମେନଦ ଯୀଶୁ ଇନକୁଆଃ ଉଡ଼ୁ ସାରିକେଦତେ, ଏନ୍ ତିଃଇ ରହଡ଼ାକାନ ହଡ଼କେ କାଜିକିୟାଏ, “ମାର୍ ବିରିଦମେ ଆତଃ ସବେନକଆଃ ସାମନାଙ୍ଗରେ ତିଙ୍ଗୁନମେ, ଆତଃ ଇନିଃ ବିରିଦୟାନ୍ଚି ଏନ୍ତାଃରେ ତିଙ୍ଗୁୟାନାଏ ।” ^{୧୦} ଏନ୍ତେ ଯୀଶୁ ଇନକୁକେ କାଜିୟାଦକଆଏ, “ଆଇଙ୍ଗ ଆପେକେ କୁଲିପେତାନାଇଙ୍ଗ, ଆବୁଆଃ ଆଇନଲେକାତେ ରୁଡ଼ନୁ ହୁଲାଙ୍ଗରେ ଅକନ କାମି ରିକା ଲାଗାତିଙ୍ଗିୟାଃ ? ମିହୁଡ଼ିଆଃ ନାଗେନ୍ତେ ବୁଗିନ୍ କାମିତେୟାଃ ବୁଗିନାଃ ଚି ଏଡ଼କାନ କାମିତେୟାଃ ବୁଗିନାଃ ? ଜୀଉ ବାଞ୍ଚାଅତେୟାଃ ଚି ଜୀଉ ଜିୟନେତେୟାଃ ?”

^{୧୦} ଇନିଃ ସବେନକକେ ନେଲ୍ବିୟୁର୍ କେଦକଚି ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗିୟେମେ ।” ^{୧୧} ଏନ୍ତେ ଇନିଃ ତିଃଇତାୟାଃ ଜିଲିଙ୍ଗିକେଦାଏ ଆତଃ ତିଃଇତାୟାଃ ପୁରାଗି ବୁଗିରୁହାଡ଼ିୟାନା ।

^{୧୧} ମେନଦ ଇନକୁ ଏନେସେଦ*ତେ ବାଲୁୟାନାକ, ଆତଃ ଯୀଶୁକେ ଚିନାଃବୁ ଚିକାଇୟା ମେନ୍ତେ ଆକଆଲାରେ କାପାଜିୟାନାକ ।

ୟାଶୁ ଆୟାଃ ଗେଲ୍ବାର୍ ଚେଲାକକେ ସାଲାକତାନାଏ

(ମାଥୂର ୧୦:୧-୪; ମାର୍କ ୩:୧୩-୧୯)

^{୧୨} ଏନ୍ ହୁଲାଙ୍ଗକରେ ଯୀଶୁ ବିନ୍ତି ନାଗେନ୍ତେ ମିଆଁଦ ବୁରୁତେ ଅତଙ୍ଗିୟାନା, ଆତଃ ମିଦନିଦା ପାର୍ମେଣ୍ଟାଡ଼ିଆଃରେ ବିନ୍ତିକେଦାଏ । ^{୧୩} ଆଙ୍ଗିୟାନ୍ଚି ଇନିଃ ଆୟାଃ ଚେଲାକକେ ଆୟାଃତାଃତେ କେଡ଼ାକେଦକଆଏ ଆତଃ ଇନକୁଏତେ ଗେଲ୍ବାର୍ ହଡ଼କକେ ସାଲାକେଦକଆଏ, ଆତଃ ଇନକୁକେ ପ୍ରେରିଡ଼ ମେନ୍ତେ ନୁଡ଼ୁମ୍ପାକେଦକଆଏ । ^{୧୪} ଇନକୁଆଃ ନୁଡ଼ୁମ୍ପା ଶିମୋନ୍, ଇନିଃକେ ପାଡ଼ରାସ୍ ମେନ୍ତେ ନୁଡ଼ୁମ୍ପାକିୟାଏ, ଶିମୋନ୍ଆଃ ହାଗାତେ ଆନ୍ତ୍ରିୟାସ୍, ଯାକୁବ୍, ଯୋହାନ୍, ଫିଲିପ୍, ବାଥୌଲମି, ^{୧୫} ମାଥୂର, ଥୋମା, ଆଲ୍ଫିୟନାଃ ହନ୍ତେକଡ଼ା ଯାକୁବ୍, ଶିମୋନ୍, ଅକଏଚି ଇସ୍ରାଏଲ୍ ହଡ଼କଆଃ ତନଲ୍ହେତେ

* ୬:୧୧ 6:11 ଶ୍ଵ

ରାତ୍ରୀ ନାଗେନ୍ଦ୍ର ସାନାଙ୍ଗ ତାଜକେନାଏ, ୧୭ ଯାକୁବଆଃ ହନ୍ଦେକଡ଼ା ଯିହୁଦା, ଆତଃ ଇଷ୍ଟାରିୟତ୍ ଯିହୁଦା, ତାୟମତେ ନେ ଯିହୁଦା ଯାଶୁକେ ବାଈରିକତାଃରେ ଜିମାକିୟାଏ ।

ବୁରୁରେ ଯାଶୁଆଃ ଜନିତୁ
(ମାଥୁର ୪:୨୩-୨୫)

୧୭ ଯାଶୁ ଆୟାଃ ଚେଲାକଲଃ ବୁରୁଏତେ ଲାତାରତେ ଆଡ଼ଗୁୟାନାକ । ଆତଃ ଜନିଃ ତିଙ୍ଗୁକାନ୍ ସାମ୍ ଠାୟାଦତାଃରେ ଆୟାଃ ପୁରାଃ ଗାଦେଲ୍ ଚେଲାକ ତାଜକେନା ଆତଃ ଏନ୍ତାଃରେ ଗଟା ଯିହୁଦା ଦିଶୁମ୍ରେନ୍, ଯାରୁଶାଲେମ୍ରେନ୍, ଦରେୟାଗେନା ସୋରରେନ୍ ଆତଃ ସିଦୋନରେନ୍ ପୁରାଃ ହଡ଼କ ତାଜକେନା । ୧୮ ଜନ୍କୁ ଯାଶୁଆଃ ଜନିତୁ ଆୟୁମ୍ ଆତଃ ଆକଆଃ ଦୁକୁଏତେ ବୁଗିୟାଃ ନାଗେନ୍ଦ୍ର ହିଲୁଃକାନ୍ତକ ତାଜକେନା । ଆତଃ ସଦରା ଆମ୍ବାକଏତେ ଦୁକୁଆକାନ୍ତକ ବୁଗିୟାନା ୧୯ ଆତଃ ସବେନ୍ଦକ ଜନିଃକେ ଜୁରିଦିନାଙ୍ଗକ ସାନାଙ୍ଗ ତାଜକେନା, ଚିୟାଃତି ଜନିଃତାଃଏତେ ପେଡ଼େଃ ଅତଙ୍ଗଆଃତାନ୍ ତାଜକେନା ଆତଃ ଜନ୍କୁ ବୁଗିଆଃତାନ୍ତକ ତାଜକେନା ।

ଆଶିଷ୍ ଆତଃ ଦୁକୁ
(ମାଥୁର ୫:୧-୧୨)

୨୦ ଯାଶୁ ଆୟାଃ ଚେଲାକସାଃ ନେଲ୍କେଦତେ କାଜିକେଦକଆଏ,
“ରେଙ୍ଗେଃତାନ୍ତକ ସୁକୁତାନ୍ରିୟାଃ;

ଚିୟାଃତି ସିମା ରାଜନ୍ ଜନ୍କୁଆଃଗି ତାନାଃ ।

୨୧ ନାହାଁଃ ଆପେ ରେଙ୍ଗେଃତାନ୍ତକ, ସୁକୁତାନ୍ ରିୟାଃପେ,

ପାରମେଶ୍ୱାର୍ ଆପେକେ ବିୟାଃଗି ଏମାପେୟା !

ନାଆଃ ଆପେ ରାଆଃଏ ତାନ୍ତକ, ସୁକୁତାନ୍ ରିୟାଃପେ,

ଚିୟାଃତି ଆପେଦ ଲାନ୍ଦାଏୟାପେ ।

୨୨ *“ମାନଃହନ୍ଦଆଃ ନାଗେନ୍ଦ୍ର ହଡ଼କ ଆପେକେ ହିଲାଙ୍ଗପେରେ, ଆପେକେ ଆତମପେରେ, ଆପେକେ ନିନ୍ଦାପେରେ ଆତଃ ଆପେୟାଃ ନୁତୁମ୍ ଏଡ଼କାନ୍ ନୁତୁମ୍ଲେକାକ ଇଦିଲେରେ ଆପେ ସୁକୁତାନ୍ ରିୟାଃପେ । ୨୩ *ଏନ୍ ହୁଲାଙ୍ଗ ରାସ୍ତାଆଃପେ ଆତଃ ରାସ୍ତାତେ ସୁସୁନ୍ନେପେ, ଚିୟାଃତି ନେଲେପେ, ଆପେୟାଃ ନାଙ୍ଗ ପୁରାଗି ଜ ସିମାରେୟା । ଜନ୍କୁଆଃ ପୁରୁଶାହାଡ଼ାମକ ନାବାକକେ ସିଗିଦକେଦକଆକ ।

୨୪ “ମେନ୍ଦ ଆପେ କିସାଁଶ୍ ହଡ଼କଆଃ ହାୟ ହାୟ ଆପେ ଦୁକୁପେ ନାମେୟା,

ଚିୟାଃତି ଆପେଦ ଆପେୟାଃ ଜୀଦାନ୍ରେ ଜୀଉରାଡ଼େଃପେ ନାମ୍ତାବାକାଦାଃ ।

୨୫ ଆପେ ନାହାଁଃ ବିୟାକାନ୍ତକଆଃ ହାୟ ହାୟ,

ଆପେଦପେ ରେଙ୍ଗେଜଆଃ ।

ଆପେ ନାହାଁଃ ଲାନ୍ଦାତାନ୍ତକଆଃ ହାୟ ହାୟ,

ଚିୟାଃତି ଆପେଦପେ ଏୟମେୟା* ଆତଃପେ ରାଆଃୟା ।

୨୬ “ସବେନ୍ଦ ହଡ଼କ ଆପେକେ ବୁଗିନ୍ତକ ମେତାପେରେ, ଆପେୟାଃ ହାୟ ହାୟ, ଜନ୍କୁଆଃ ପୁରୁଶାହାଡ଼ାମକ ହସଡ଼* ନାବାକକେ ଏନ୍କାକେଦକଆକ ।

ବାଈରିକକେ ଦୁଲାଡ଼କପେ
(ମାଥୁର ୫:୩୮-୪୮; ୭:୧୨)

୨୭ “ମେନ୍ଦ ଆଇଙ୍ଗ ଆପେ ଆୟୁମ୍ତାନ୍ତକକେ କାଜିୟାପେ ତାନାଙ୍ଗ, ଆପେୟାଃ ବାଈରିକକେ ଦୁଲାଡ଼କପେ, ଅକନ୍ତକ ଆପେକେ ଖ୍ୱସ୍ତାଅପେୟାକ ଜନ୍କୁଆଃ ବୁଗିନ୍ ରିକାଏପେ । ୨୮ ଜେତାଏ ଆପେକେ ସାର୍ପାଅପେକ, ଆଶିଷ୍ଟକପେ, ଆପେକେ ହିଲାଙ୍ଗପେକ, ବିନ୍ତ୍ରପେ । ୨୯ ଜେତାଏ ଆପେକେ ମିଆଁଦ୍ ଜଆରେ ଆପଡ଼ିପେରେଦ, ଏଗାଃ ଜଞ୍ଜାହଗି ବିୟୁରାଜପେ । ଜେତାଏ ଆପେୟାଃ ଚାଦାର୍ ଲିଜାଃ ଇଦିରେଦ, ଜନିଃକେ ଆପେୟାଃ ହଡ଼ମରେ ତୁସିଙ୍ଗ ଲିଜାଃ ହଗି ଇଦିନାଙ୍ଗ ଆଲପେ ମାନାଇୟାଃ । ୩୦ ଜେତାଏ ଆପେକେ ଆସିପେରେଦ ଜନିଃକେ ଏମାଜପେ, ଆତଃ ଆପେୟାଃ ମେନାଃତେୟାଃ ରେଃକଇଦିପେରେଦ, ଜନିଃକେ ଆଲପେ ଆସିରୁହାଡ଼ିୟାଃ । ୩୧ *ହଡ଼କ ଆଲେନାଙ୍ଗ ରିକାଏକାକ ମେନ୍ଦେପେ ସାନାଙ୍ଗତାନ୍ ଲେକା, ଆପେୟାଗି ଜନ୍କୁ ନାଗେନ୍ଦ୍ର ଏନ୍ଲେକା ରିକାଏପେ ।

* ୬:୨୨ ୭:୨୧ ଏ ପାଦ୍ରାସ୍ ୪:୧୪. * ୬:୨୩ ୭:୨୩ ପ୍ରେରିଡ଼ ୭:୫୨. † ୬:୨୫ ୭:୨୫ ଶୋକ୍‌ଏୟା ‡ ୬:୨୬ ୭:୨୬ ଭଗ୍ନ
* ୬:୩୧ ୭:୩୧ ମାଥୁର ୭:୧୨.

୩୨ “ଆପେକେ ଅକନ୍ଦ୍ କ ଦୁଲ୍ଲାଡ଼ପେତାନାକ ଇନ୍ଦ୍ କୁକେ ଏସକାର୍ ଦୁଲ୍ଲାଡ଼ରେକରେ, ଆପେ ଚିକା ନାଙ୍ଗ୍ ଆଣିଷ୍ଠପେ ନାମେୟା ? ପାପି ହଡ଼କହ ଆକକେ ଦୁଲ୍ଲାଡ଼ତାନ୍ ହଡ଼କକେ ଦୁଲ୍ଲାଡ଼କଆକ । ୩୩ ଆତଃ ଅକନ୍ଦ୍ ଆପେୟାଃ ବୁଗିନାଃ କାମିତାନାକ, ଇନ୍ଦ୍ କୁଆଃ ଏସକାର୍ ଆପେ ବୁଗିନ୍ କାମିପେ ଚିକାଏ ରେଦ, ଆପେ ଚିକାନ୍ ଆଣିଷ୍ଠପେ ନାମେୟା ? ପାପି ହଡ଼କହରି ଏନ୍ଲେକା କାମିୟାଃକ । ୩୪ ଆତଃ ଅକନ୍ଦ୍ କତାଃଏତେ ଆପେୟାଃ ନାମଃ ରୁହାଡ଼ରେୟାଃ ଆସ୍ତା ତାଇନାଃ, ଇନ୍ଦ୍ କୁକେ ଏସକାର୍ ଗିଣୀଃ ଏମ୍ଲେକରେ ଆପେ ଚିକାନ୍ ଆଣିଷ୍ଠପେ ନାମେୟା ? ଏମାକାଦ୍ତେୟାଃ ଇମିୟାଙ୍ଗିବିବୁ ନାମରୁହାଡ଼େୟାଃ ମେନ୍ତେ ପାପି ହଡ଼କହରି ପାପିକକେ ଗିଣୀକ ଏମାକଆଃ । ୩୫ ମେନ୍ଦ୍ ଆପେୟାଃ ବାଇରିକକେ ଦୁଲ୍ଲାଡ଼କପେ, ବୁଗିନ୍ କାମି ଚିକାଏପେ ଆତଃ ନାମରୁହାଡ଼ରେୟାଃ ଆସ୍ତାବଗିକେଦ୍ତେ ଗିଣୀ ଏମାକପେ ଏନ୍ତେ ଆପେ ପୁରାଃ ଜ୍ପେ ନାମେୟା, ଆପେ ମାରାଙ୍ଗ୍ ଉତାର୍ଦ୍ଦିୟାଃ ହନ୍ଦକପେ ବାୟୁଃଆ, ଚିୟାଃଚି ଇନିଃଦ୍ କା ଜହାର୍ଦ୍ଦ୍ ଆତଃ ଏଡ଼କାନ୍ଦକକେ ଲିବୁଇୟାକତାନାଏ । ୩୬ ଆପେୟାଃ ସିମିରେନ୍ଦ୍ ଆପୁ ଲିବୁଇତାନ୍ ଲେକା, ଆପେୟ ଲିବୁଆକପେ ।

ଏଟାଃକକେ ଆଲ୍ଲପେ ବିଚାର୍ଚ୍ଚକଆ
(ମାଥୁର ୭:୧-୫)

୩୭ “ଏଟାଃକକେ ଆଲ୍ଲପେ ବିଚାର୍ଚ୍ଚକଆ, ଏନାରେ ପାର୍ତ୍ତମେଶ୍ଵାର୍ ଆପେକେ କାଏ ବିଚାର୍ପେୟା, ଆଲ୍ଲପେ ଚିଟାକଆ, ଏନ୍ତେ ଆପେ କାପେ ଚିଟାଃଝା । ଛାମାକପେ, ଏନ୍ତେ ଆପେକେ ଛାମାଝାଃ । ୩୮ ଏମେପେ, ଏନ୍ତେ ଆପେକେ ଏମଃଆ, ପାର୍ତ୍ତମେଶ୍ଵାର୍ ଆପେକେ, ତାମ୍ବିରେ ଅତାପେରେଃକେଦ୍ତେ, ଆତଃ ଉଛୁଲ୍ଲଆଃଗି ପୁରାଃ ସଙ୍ଗକେଦ୍ତେ ଆପେୟାଃ କୟଙ୍ଗ୍ରେକ ଦୁଲ୍ଲାପେୟା ଚିୟାଃଚି ଆପେ ସଙ୍ଗେ ତାମ୍ବିରେଗି ଆପେ ନାଗେନ୍ତେ ସୋଙ୍ଗଃଆ ।”

୩୯ *ଆତଃ ଯୀଶୁ ଇନ୍ଦ୍ କୁକେ ନେ ଜନ୍ଦ୍ କା କାଜି କାଜିୟାଦ୍ଦକଆଏ, “ଚିୟାଃ ମେଦ୍ କା ନେଲ୍ ଦାଡ଼ିନିଃ, ଆତଃ ମିଆଁଦ୍ ମେଦ୍ କା ନେଲ୍ ଦାଡ଼ିନିଃକେ ହରା ଉଦ୍ଦୁବ୍ ଦାଡ଼ିୟାଃଏ ? ଇନିଃ ଏନ୍ଦ୍ କା ଚିକାଏରେଦ, ଚିୟାଃ ବାରାନକିନ୍ ଗାଡାରେକିନ୍ ଉୟୁଗଃଆ ? ୪୦ *ଗୁରୁଏତେ ଚେଲା କାଏ ମାରାଙ୍ଗ୍ଆଃ, ମେନ୍ଦ୍ ଦ୍ ଜେତାଏ ପୁରା ଇଡ଼କେଦ୍ରେ ଆୟାଃ ଗୁରୁ ଲେକାଆଆଏ ।

୪୧ *ଆମ୍ ଆମାଃ ମେଦ୍ରେଆଃ ରୁବାରା କା ନେଲ୍ କେଦ୍ତେ ହାଗାମାଃ ମେଦ୍ରେଆଃ ହୁଡ଼ିଙ୍ଗ୍ ରୁବାରା ଚିକା ନାଗେନ୍ତେମ୍ ନେଲେତାନା ? ୪୨ ଆମାଃ ମେଦ୍ରେ ରୁବାରା ତାଇନ୍ଦକେଦ୍ତେ, ‘ହାଗାମାଃ ମେଦ୍ରେଆଃ ରୁବାରାକେ ଅଡ଼ଙ୍ଗ୍ତାମାଈଙ୍ଗ୍’ ମେନ୍ତେ ଚିଲ୍ଲକାତେ କାଜି ଦାଡ଼ିୟାମ୍ ? ଏ ବେଦାହଡ଼, ସିଦାତେ ଆମାଃ ମେଦ୍ରେଆଃ ରୁବାରା ଅଡ଼ଙ୍ଗ୍ ଯେମ୍, ଏନ୍ତେ ହାଗାମାଃ ମେଦ୍ରେଆଃ ରୁବାରା ଅଡ଼ଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍ ଦାଡ଼ିୟା ।

ମିଆଁଦ୍ ଦାରୁ ଆତଃ ଏନାରେୟାଃ ଜ
(ମାଥୁର ୭:୧୭-୨୦, ୧୨:୩୩-୩୫)

୪୩ “ବୁଗିନ୍ ଦାରୁରେଦ୍ ଏଡ଼କାନ୍ ଜ କା ଜଅଃଆଃ, ଆତଃ ଏଡ଼କାନ୍ ଦାରୁରେଦ୍ ବୁଗିନ୍ ଜ କା ଜଅଃଆଃ । ୪୪ *ମିମିଆଁଦ୍ ଦାରୁଦ୍ ଆୟାଃ ଜ୍ପେତେ ନେଲ୍ ଉରୁମଃଆ । ଜାନୁମ୍ ଦାରୁଏତେଦ୍ ହଡ଼କ ଲଆ ଜ କାକ ଗଦେୟା ଆତଃ ଜାନୁମ୍ ରୁଦାଦ୍ଏତେଦ୍ ଦାଖ୍ ଜ କାକ ଗଦେୟା । ୪୫ *ବୁଗିନ୍ ହଡ଼ ଆୟାଃ ମନ୍ଦ୍ସୁରୁଦ୍ ଲେକାନ୍ ବୁଗିନ୍ ଭାଣ୍ଡାଉଅଡ଼ାଃଏତେ ବୁଗିନାଃ ତେୟାଃ ଅଡ଼ଙ୍ଗ୍ ଯେମ୍ଆଏ ଆତଃ ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାଉଅଡ଼ାଃଏତେ ଏଡ଼କାନ୍ତେୟାଃ ଅଡ଼ଙ୍ଗ୍ ଯେମ୍ଆଏ । ଚିଆଃଚି ଆୟାଃ ମନ୍ଦ୍ସୁରୁଦ୍ରେ ପେରେକାକାନ୍ତେୟାଃ ମତାଏ କାଜିୟା ।

ବାର୍ ରାକାମ୍ ଅଡ଼ାଃରେୟାଃ ବାବାଇନିଃ
(ମାଥୁର ୭:୨୪-୨୭)

୪୬ “ଆପେ ଚିନାଃମେନ୍ତେ ଆଇଙ୍ଗ୍ କେ, ‘ହେ ପ୍ରାଭୁ, ହେ ପ୍ରାଭୁପେ,’ ମେତାଈଙ୍ଗ୍ତାନା ଆତଃ ଆଇଁୟାଃ କାଜି ଆପେ କାପେ ମାନାଡ଼ିଙ୍ଗ୍ତାନା ? ୪୭ ଜେତାଏ ଆଇଁୟାଃତାଃ ହିଜୁଃନିଃ ଆତଃ ଆଇଁୟାଃ କାଜି ଆୟୁମକେଦ୍ତେ ମାନାଡ଼ିଙ୍ଗ୍ନିଃ, ଇନିଃ ଅକଏ ଲେକାଃଏ ଏନା ଆପେକେଇଙ୍ଗ୍ ଉଦ୍ଦୁବାପେୟା । ୪୮ ଇନିଃ ନେଲ୍ କାନ୍ ଅଡ଼ାଃ ବାଇତାନ୍ ହଡ଼ ଲେକାଃଏ, ଇନିଃ ଉଡ଼କେଦ୍ତେ ନିହଁ ଗାଡ଼ା କେଦାଏ ଆତଃ ଦିରି ଚେତାନ୍ରେ ବାଇକେଦାଏ, ଆତଃ ରୁଡା ହିଜୁଃଲେନ୍ରେ ଏନ୍ ଅଡ଼ାଃରେ ଦାଆଃ ଚିଗଃତାନ୍

§ ୬:୩୪ ୬:୩୪ ରଥାର୍ଦ୍ଦ୍ * ୬:୩୯ ୬:୩୯ ମାଥୁର ୧୫:୧୪. * ୬:୪୦ ୬:୪୦ ମାଥୁର ୧୦:୨୪,୨୫; ଯୋହାନ୍ ୧୩:୧୭; ୧୫:୨୦.
* ୬:୪୪ ୬:୪୪ ମାଥୁର ୧୨:୩୩. * ୬:୪୫ ୬:୪୫ ମାଥୁର ୧୨:୩୪.

ତାଙ୍କକେନା ମେନ୍ଦ ଏନାକେ କାଏ ହାଦୁଡ଼ ଦାଡ଼ିକେଦା, ଚିୟାଃଚି ଏନାଦ ଚାଟେନ୍ ଦିରି ଚେତାନ୍ରେ ବାଲୟାକାନ୍ ତାଙ୍କକେନା ।^{୪୯} ମେନ୍ଦ ଆଇଁୟାଃ କାଜି ଆୟୁମକେଦତେ କା ମାନାଡ଼ିକ୍ନିଃ ଅତେରେ ବେଗାନ୍ ନିହଁ ଗାଡ଼ାତେ ବାଲୟାକାନ୍ ଅଡ଼ାଃ ଲେକାନ୍ନିଃ ତାନିଃ, ଏନ୍ ଅଡ଼ାଃରେ ଚୁଡ଼ା ଦାଆଃ ପୁରାଃଚି ଧାକକାକେଦ୍ ଇମ୍ତା ଏନା ହାଦୁଡ଼ୟାନା ଆତଃ ଏନାରାଃ ଜିୟନଃ ପୁରାଃ ବରଝାନ୍ନି ହବାୟାନା ।”



ୟୀଶୁ ମିଦ୍‌ଗାଅ ସିପାଇକଆଃ ଗମ୍‌କେୟାଃ ଦାସିକେ ବୁଗିକିୟାଃ
(ମାଥୂର ୮:୫-୧୩)

^୧ୟୀଶୁ ହଡ଼କକେ ଆୟାଃ ସବେନ୍ କାଜି କାଜିଚାବାକେଦ୍‌ଚି କପରନାହୁମ୍ ସାହାର୍‌ରେ ବଲୟାନାଏ ।^୨ ଏଡ଼ାଃରେ ମିଦ୍‌ଗାଅ ସିପାଇକଆଃ ମିଆଁଦ୍ ରୋମି ଗମ୍‌କେୟାଃ ଦାସି ବେମାର୍‌ରେ ଗଜଃଲେକାଏ ତାଙ୍କକେନା, ଇନିଃକେ ଇନିୟାଃ ଗମ୍‌କେ ପୁରାଃଚି ଦୁଲ୍‌ଡ଼ିତାନାଏ ତାଙ୍କକେନା ।^୩ ମିଦ୍‌ଗାଅ ସିପାଇକଆଃ ଗମ୍‌କେ ଯୀଶୁଆଃ ବିଷାଏରେ ଆୟୁମକେଦ୍‌ଚି, ଆମ୍ ହିଜୁଃକେଦ୍‌ତେ ଆଇଁୟାଃ ଦାସିକେ ବୁଗିମେ ମେନ୍ତେ ଯିହୁଦୀକଆଃ ପ୍ରାଚିନକକେ ଯୀଶୁତାଃ ଗୋହାର୍ ନାଗେନ୍ତେ କୁଲ୍‌କେଦ୍‌କଆଏ ।^୪ ଇନ୍‌କୁ ଯୀଶୁତାଃ ସେଟେରୁୟାନ୍‌ଚି ଇନିଃକେ ପୁରାଃଚି ବିକ୍ରିତାନ୍‌ଲଃ କାଜିକିୟାଏ, “ଇନିଃ ଆମାଃ ଦେକ୍‌କା ନାମେ ଲେକାଗିୟାଏ ।^୫ ଚିୟାଃଚି ଇନିଃଦ୍ ଆବୁ ଜାଚିରେନକକେ ଦୁଲ୍‌ଡ଼କତାନାଏ ଆତଃ ଆଇଃକ୍‌ଚି ଆବୁନାଜ୍ ସାମାଜ୍ ଅଡ଼ାଃ ବାଲୟାକାଦାଏ ।”

^୬ ଏନାତେ ଯୀଶୁ ଇନ୍‌କୁଲଃ ସେନଃୟାନାଏ । ଆତଃ ଯୀଶୁ ଇନିୟାଃ ଅଡ଼ାଃ ନାଡ଼େଃରେ ହିଜୁଃ ସେଟେରୁତାନ୍ ଇମ୍ତା ଇନିଃ ଆୟାଃ ଗାଡ଼ିକକେ ଯୀଶୁତାଃରେ କାଜି କୁଲ୍‌କେଦ୍‌କଆଏ, “ହେ ଗମ୍‌କେ ଆଲମ୍ ଦୁକୁନାଃ, ଚିୟାଃଚି ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନ୍ନିଃଦ୍ ନାହାଁଲିଜ୍ ।^୭ ଏନା ନାଗେନ୍ତେ ଆଇଃକ୍ ଆମାଃତାଃରେ ସେନଃନାଜ୍ କାଈଜ୍ ସାନାଜ୍‌କେଦାଃ । ମେନ୍‌ଦ୍ ଆମ୍ ମିସାଗି କାଜିତାମ୍, ଆଇଁୟାଃ ଦାସି ବୁଗିକିୟାଃଏ ।^୮ ଚିୟାଃଚି ଆଇଃକ୍‌ହ୍ ଏଗାଃକଆଃ ଆକ୍‌ତେୟାର୍‌ରେ ମେନାଲୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଃକ୍ ମିହୁଡ଼କେ ସେନଃମେ ମେତାଈରେ ଇନିଃ ସେନଃଆଏ ଆତଃ ଏଗାଃନିଃକେ ହିଜୁଃମେ ମେତାଈରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଈରେ ଇନିଃ କାମିୟାଏ ।”

^୯ୟୀଶୁ ନେୟାଁ ଆୟୁମକେଦ୍‌ତେ ଆକ୍‌ଦାନ୍‌ଆୟାନା, ଆତଃ ହେତାରୁହାଡ଼କେଦ୍‌ତେ ଆୟାଃ ତାୟମ୍‌ରେ ଅତକ୍‌କ୍‌ ତାନ୍‌କକେ କାଜିୟାଦ୍‌କଆଏ, “ଆଇଃକ୍ ଆପେକେ କାଜିୟାପେ ତାନାଈଜ୍, ଇସାଏଲ୍‌ରେୟ ନେ ଲେକାନ୍ ମାରାଜ୍ ବିଶ୍ୱାସ୍ କାଈଜ୍ ନାମାକାଦାଃ ।”

^{୧୦} ଏନ୍ତେ ଯୀଶୁଆଃ ଜାପାଃରେ କୁଲ୍‌ଲେନକ ଅଡ଼ାଃରେ ରୁହାଡ଼ୟାନ୍ତେ ଏନ୍ ଦାସିକେ ବୁଗିୟାକାନ୍‌କ ନାମ୍‌କିୟାଃ ।

ୟୀଶୁ ରାଣ୍ଡିକୁଡ଼ିଆଃ ହନ୍‌କେ ଜାହିଦ୍ ରୁହାଡ଼ିତାନାଏ

^{୧୧} ଏଗାଃ ହୁଲ୍‌କାମ୍‌ରେ ଯୀଶୁ ନାଈନ୍ ନୁଡ଼ମ୍ ମିଆଁଦ୍ ସାହାର୍‌ରେ ସେନଃୟାନାଏ, ଆତଃ ଇନିଃଲଃ ଆୟାଃ ଚେଲକ ଆତଃ ଗାଦେଲ୍ ହଡ଼କ ଇନିୟାଃଲଃ ସେନ୍‌ତାନ୍‌କ ତାଙ୍କକେନା ।^{୧୨} ଆତଃ ସାହାର୍ ଦୁଆର୍‌ରେ ଡେବୀଃୟାନ୍‌ଚି, ହଡ଼କ ମିଆଁଦ୍ ମାଡ଼ା ଗଅଃ ଅତକ୍‌ଏତାନ୍‌କ ତାଙ୍କକେନା । ଇନିଃ ଆୟାଃ ରାଣ୍ଡିକୁଡ଼ି ଏକ୍‌ପେଟୟାଃ ମିଆଁଦ୍‌ଚି ହନ୍‌କଡ଼ା ତାଙ୍କକେନାଏ । ଆତଃ ସାହାର୍‌ରେନ୍ ଗାଦେଲ୍ ହଡ଼କ ଇନିଃଲଃ ତାଙ୍କକେନାକ ।^{୧୩} ଏନ୍ ରାଣ୍ଡିକୁଡ଼ିକେ ନେଲ୍‌କେଦ୍‌ତେ ପ୍ରାଭୁ ଇନିଃକେ ଦାୟାଈତାନ୍‌ଲଃ କାଜିକିୟାଏ, “ଆଲମେ ରାଆଃୟା ।”^{୧୪} ଏନ୍ତେ ଯୀଶୁ ସେନ୍ ନାଡ଼େଃକେଦ୍‌ତେ ପାର୍‌କମାଏ ଜୁଚିଦ୍‌କେଦା ଆତଃ ଗଅଃକାଦ୍ ହଡ଼କ ତିଶ୍ୱାୟାନାକ । ଯୀଶୁ ଗଜାକାନ୍ ହଡ଼କେ କାଜିକିୟାଏ, “ଏ ସେପ୍‌ଡେଦ୍, ମାର୍ ବିରିଦ୍‌ମେ ମେତାମ୍‌ତାନାଈଜ୍ !”^{୧୫} ଏନ୍ ଗଜାକାନ୍‌ନିଃ ବିରିଦ୍‌ୟାନ୍‌ଲଃ ଦୁଦ୍‌ୟାନାଏ, ଆତଃ ବାଗାଁଣ୍ ଏଟେଦ୍‌କେଦାଏ, ଯୀଶୁ ଇନିଃକେ ଇନିୟାଃ ଏକ୍‌ପେଟେତାଃରେ ଜିମାକିୟାଏ ।

^{୧୬} ନେୟାଁ ନେଲ୍‌କେଦ୍‌ତେ ସବେନ୍‌କ ବରକେଦାଃକ ଆତଃ ପାର୍‌ମେଶ୍ୱାର୍‌କେ ମାନାରାଜ୍ ତାନ୍‌ଲଃ କାଜିକେଦାଃକ, “ଆବୁ ଆଲାରେ ମିଆଁଦ୍ ମାରାଜ୍ ନାବୀ ହିଜୁଆକାନାଏ । ପାର୍‌ମେଶ୍ୱାର୍ ଆୟାଃ ହଡ଼କକେ ବାଞ୍ଛାଅ ନାଜ୍ ହିଜୁଆକାନାଏ ।”

^{୧୭} ଆତଃ ଯୀଶୁଆଃ ନେ ବାନାର୍ ଗଟା ଯିହୁଦାରେ ଆତଃ ଗଟା ହପ୍‌ରକାପାଃ ଦିଶୁମ୍‌ରେ ନିଡ଼ିରୁୟାନା ।

୧୮ ଯୋହାନ୍‌ଆଃ ଚେଲକ ନେ ସବେନ୍ କାଜିକ ଯୋହାନ୍‌କେ ଉଦୁବକିୟାଃକ । ୧୯ ଯୋହାନ୍ ଆୟାଃ ଚେଲକଏତେ ବାଋହଡ଼କିନକେ କେଡାକେଦକିନାଏ, ଆଡଃ ପ୍ରାଭୁତାଃତେ ନେଆଁ କୁଲିନାଈ କୁଲକେଦକିନାଏ “ଏନ୍ ହିଜୁଃନିଃ ଆମ୍ବି ତାନ୍‌ମେ ତି ଏଟାଃନିଃଲେ ନେଲହରାଇୟା ?”

୨୦ ଆଡଃ ଇନ୍‌କିନ୍ ଯୀଶୁତାଃ ହିଜୁଃୟାନ୍ତେ କାଜିକେଦାଃକିନ୍ ବାପ୍ତିସ୍ମା ଏମାଃନିଃ ଯୋହାନ୍ ଆଲିଙ୍ଗକେ ଆମାଃତାଃତେ ନେୟାଁ କୁଲି ନାଗେନ୍ତେ କୁଲକାଦଲିଙ୍ଗଆଏ, “ଏନ୍ ହିଜୁଃନିଃ ଆମ୍ବି ତାନ୍‌ମେ ତି ଏଟାଃନିଃଲେ ନେଲହରାଇୟା ।”

୨୧ ଏନ୍ ଦିପିଲିରେକି ଯୀଶୁ ପୁରାଃ ହାସୁତାନ୍ ଦୁକୁତାନ୍ ଆଡଃ ଏଡକାନ୍ ଆମ୍ବା ଏସେରାକାଦ ହଡକକେ ବୁଗିକେଦକଆଏ, ଆଡଃ ପୁରାଃ କା ନେଲ୍‌ଦାଡ଼ିତାନ୍‌କକେ ନେଲ୍‌ରିକାକେଦକଆଏ ।

୨୨ ଯୀଶୁ ଯୋହାନ୍‌ଆଃ ଚେଲକିନକେ କାଜିକେଦକିନାଏ, “ଆବେନ୍ ରୁହାଡ଼କେଦତେ ଅକ୍‌ନାଃବେନ୍ ନେଲକାଦା ଆଡଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍, କାଣ୍‌କାନ୍‌କ ନେଲେତାନା, କାଟା ଲେଙ୍ଗଡ଼ାକାନ୍‌କ ସେସେନ୍‌ତାନା, ନାଗେନ୍ତାଅକାନ୍‌କ ଫାଋଡିଅଃତାନା, ଭାଏରାକାନ୍‌କ ଆୟୁମେତାନା, ଗଜାକାନ୍‌କ ଜାଉବିରିଦ୍ ରୁହାଡ଼ତାନା, ଆଡଃ ରେଙ୍ଗେଃ ହଡକତାଃରେ ପୁକୁକାଜି ଉଦୁବଃତାନା । ୨୩ ଆଇୟାଃ ବିଷାଏରେ ଅକନକଆଃ ଜେତାନ୍ ଆଡ଼ାଃତଡ଼ୁ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୨୪ ଯୋହାନ୍‌ଆଃ ଚେଲକିନ୍ ସେନଃୟାନ୍‌ତି ଯୀଶୁ ଯୋହାନ୍‌ଆଃ ବିଷାଏରେ ହଡକକେ କାଜି ଏଟେଦକେଦଆଏ, “ଆପେ ଚିକ୍‌ନାଃ ନେନେଲ୍‌ତେ ବିଋଡେପେ ସେନ୍‌କେନା ? ତିନାଃ ହୟତେ ଏକ୍‌ଲୀଅଃତାନ୍ ବିଋନ୍ ତାସାଦକେ ? ୨୫ ଏନା କାରେଦ ଚିକ୍‌ନାଃ ନେନେଲ୍‌ତେପେ ଅଡଙ୍ଗୟାନା । ତିନାଃ ଗନଙ୍ଗଆନ୍ ଲିଜାଃ ତୁସିଙ୍ଗଆକାନ୍ ହଡକେ ? ନେଲେପେ, ଗନଙ୍ଗଆନ୍ ଲିଜାଃ ତୁସିଙ୍ଗଆକାନ୍ ଆଡଃ ସୁକୁତେ ତାଇନଃତାନ୍ ହଡକ ରାଜାକଆଃ ଅଡ଼ାଃକରେକ ତାଇନାଃ । ୨୬ କାଜିଙ୍ଗପେ, ଏନା କାହାରେଦ, ଚିକ୍‌ନାଃ ନେନେଲ୍‌ତେପେ ଅଡଙ୍ଗଲେନା ? ତିନାଃ ମିଆଁଦ୍ ନାବୀକେ ? ଆଇଙ୍ଗ ଆପେକେ ସାଋଡିଗି ମେତାପେ ତାନାଇଙ୍ଗ, ନାବୀଏତେ ମାରାଙ୍ଗିନିଃକେପେ ନେଲିୟା । ୨୭ ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଆରେ ନେଆଁ ଅଲକାନା, ‘ପାରମେଶ୍ଵାର୍ କାଜିକେଦାଏ, ନେଲେମେ, ଆଲେ ଆମାଃଏତେ ସିଦାରେ ଆଲୋୟାଃ ଦୁଁଡକେଲେ କୁଲିତାନା ଇନିଃ ଆମାଃ ନାଗେନ୍ତେ ଦାହିଲାରେ ହରା ବାଇୟାଏ ।’ ୨୮ ଆଇଙ୍ଗ ଆପେକେ ସାଋଡିଗିଙ୍ଗ କାଜିୟାପେତାନା, ‘କୁଡିକଏତେ ଜାନାମାକାନ୍ ସବେନ୍‌କଆଃ ଭିଡାଋରେ ଯୋହାନ୍‌ଏତେ ମାରାଙ୍ଗ ଜେତାଏ ବାଙ୍ଗାଇୟା, ହଲେହିଁ ପାରମେଶ୍ଵାର୍‌ଆଃ ରାଇଙ୍ଗରେନ୍ ହୁଡିଙ୍ଗିନିଃ ଯୋହାନ୍‌ଏତେ ମାରାଙ୍ଗଆଏ ।”

୨୯ *ୟୀଶୁଆଃ ଇନିତୁ ଆୟୁମତାନ୍ ସବେନ୍ ହଡକ, ନେଲେକାଚି ମାଲ୍‌ହାରମ୍‌କହ, ସାରିକେଦାଃକ ଯେ, ପାରମେଶ୍ଵାର୍‌ଆଃ ହରା ସାଋଡିଗିଆଃ, ଚିୟାଃଡି ଇନ୍‌କୁକେ ସିଦାରେ ଯୋହାନ୍ ବାପ୍ତିସ୍ମା ଏମାକାଦକ ତାଇକେନାଏ । ୩୦ ମେନ୍‌ଦ ଫାରୁଶୀକ ଆଡଃ ଆଇନ୍ ଇଡୁକ ପାରମେଶ୍ଵାର୍‌ଆଃ ସାନାଙ୍ଗ ଆକ ନାଗେନ୍ତେକ ହିଲାଙ୍ଗକେଦାଃ ଆଡଃ ଯୋହାନ୍‌ତାଃଏତେ କାକ ବାପ୍ତିସ୍ମାୟାନା ।

୩୧ ଯୀଶୁ ଆଡଃଗି କାଜିକେଦାଏ, “ନେ ଦିପିଲିରେନ୍ ହଡକକେ ଅକଏଲଃ ଆଇଙ୍ଗ ଜକାକଆ ? ଆଡଃ ଇନ୍‌କୁ ଅକଏ ଲେକାଃକ ? ୩୨ ଇନ୍‌କୁଦ ପିଋରେ ଦୁବକାନ୍ ଆଡଃ ଆକ ଆକରେ ହାକାଅଃତାନ୍ ହନ୍‌କ ଲେକାଃକ, ଆଲେ ଆପେ ନାଗେନ୍ତେ ମ୍‌ପୁରଲିଲେ ସାଡିକେଦା, ମେନ୍‌ଦ ଆପେ କାପେ ସୁପୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍ଗଲେ ଦୁରାଙ୍ଗକେଦାଃ ମେନ୍‌ଦ ଆପେ କାପେ ରାଆଃକେଦାଃ । ଇନ୍‌କୁ ଏନଲେକାନ୍‌କ ତାନ୍‌କ । ୩୩ ବାପ୍ତିସ୍ମା ଏମାଃନିଃ ଯୋହାନ୍ ହଲଙ୍ଗ କାଏ ଜମକେଦାଃ ଆଡଃ ଦାଖରାସି କାଏ ନୁଁ କେଦାଃ, ଆଡଃ ଆପେ ‘ଇନିଃକେ ବଙ୍ଗା ଏସେରକିୟା’ ମେତେନ୍ତେ କାଜିକେଦା । ୩୪ ମାନଝାହନ୍ ହିଜୁଃକେଦତେ ଜମ୍ ନୁଁ କେଦାଏ, ଆଡଃ ଆପେ ‘ଇନିଃକେ ଦାଋଧା* ଆଡଃ ଦାଖରାସି ନୁଁ ହଡ ତାନିଃ, ମାଲ୍‌ହାରମ୍‌କଆଃ ଆଡଃ ପାପିକଆଃ ଗାଡି ତାନିଃ ମେତାଇତାନାପେ ।’ ୩୫ ମେନ୍‌ଦ ପାରମେଶ୍ଵାର୍‌ଆଃ ସେଣାଁ, ଆୟାଃ ସବେନ୍ ହନ୍‌କଆଃ ହରାତେ ସାଋଡି ତାନାଃ ମେତେ ଉଦୁବୟାନା ।”

ଫାରୁଶୀ ଶିମୋନ୍‌ଆଃ ଅଡ଼ାଃରେ ଯୀଶୁ

୩୬ ଫାରୁଶୀକଏତେ ମିଆଁଦ୍ ହଡ ଆଇୟାଃଲଃ ଜମେମେ ମେତେ ଯୀଶୁକେ ବିକ୍ତିକିୟାଏ, ଏନାତେ ଯୀଶୁ ଫାରୁଶୀଆଃ ଅଡ଼ାଃତେ ବଲୟାନ୍ତେ ଜଜମାଏ ଦୁଦୟାନା । ୩୭ *ଆଡଃ ନେଲେକେ, ଏନ୍ ନାଗାରରେନ୍ ମିଆଁଦ୍ ପାପିକୁଡି, ଯୀଶୁ ଫାରୁଶୀଆଃ ଅଡ଼ାଃରେ ଜମେ ନାଗେନ୍ତେ ଦୁବକାନାଏ ମେତେ ସାରିକେଦତେ ଇନିଃ ମିଆଁଦ୍ ପୁଣ୍ଡିଦିରିରାଃ ତୁକାଃ ବୁଗିନ୍ ସହାନ୍ ସୁନୁମ୍ ଆଉକେଦାଃଏ । ୩୮ ଆଡଃ ଯୀଶୁଆଃ କାଟା

* ୭:୨୯ ୭:୨୯ ମାଥୁର ୨୧:୩୨; ଲୁକ ୩:୧୨. * ୭:୩୪ ୭:୩୪ ପେତୁ * ୭:୩୭ ୭:୩୭ ମାଥୁର ୨୭:୭; ମାର୍କ ୧୪:୩; ଯୋହାନ୍ ୧୨:୩.

ସୁଦ୍ଧାରେ ଦୁର୍ବଳେଦ୍ୱୟେ ରାଆଃ ତାନିଲଃ ଆୟାଃ ମେଦଦାଃତେ ଜନିୟାଃ କାଟାକେ ଲୁମ୍ବକେଦାଏ ଆତଃ ଆୟାଃ ବହଃରେୟାଃ ଉଦ୍ୱେତେ ଜଦ୍ୱକେଦଲଃ ଜନିୟାଃ କାଟା ତଅଃ କେଦ୍ୱେତେ କାଟାରେ ବୁଗିନ୍ ସହାନ୍ ସୁନୁମ୍ବେତେ ଗସଃକିୟା ।^{୩୯} ନେୟା ନେଲ୍ୱକେଦ୍ୱେତେ ଯାଶୁକେ କେଡ଼ାକାଲ ଫାରୁଣୀ ଆୟାଃ ମନ୍ଦରେ କାଳିକେଦାଏ, “ନିଃ ନାବୀ ତାନିଃରେଦ୍, ନେ ଜୁଟିଦିତାନ୍ କୁଡ଼ି ଅକଏ ଆତଃ ଚିଲ୍ଲକାନ୍ନିଃ ତାନିଃ ଏନା ସାରିଦାଡ଼ିତେୟାଃ, ଚିୟାଃଚି ଜନିଃଦ ପାପିନିଃତାନିଃ ।”

୪୦ ଯାଶୁ ଶିମୋନ୍କେ କାଳିକିୟାଏ, “ଏ ଶିମୋନ୍ ଆମ୍ଭକେ ହୁଡ଼ିଙ୍ଗଲେକା କାଳିସାନାଙ୍ଗ ତାନାଇଙ୍ଗ ।” ଜନିଃ କାଳିକିୟାଏ, “ହେ ଗୁରୁ ମାନ୍ କାଳିଙ୍ଗମେ ।”

୪୧ “ଜେତାଏ ସାହୁକାର୍ ହଡ଼ଆଃ ବାର୍ହଡ଼୍, ରିଣୀ ସାବ୍ତାନକିନ୍ ତାଇକେନା । ମିହୁଡ଼୍, ମଣେୟା ହୁଲାଙ୍ଗରାଃ ନାଲା ସିକା ଆତଃ ଏଟାଃନିଃ ବାର୍ହସି ଗେଲେୟା ହୁଲାଙ୍ଗରାଃ ନାଲା ସିକା ।^{୪୨} ହାଲୁ ରୁହାଡ଼ଲାଇ ଜନକିନ୍ତାଃ ଜେଡ଼ନାଃ କା ତାଇକେନ୍ରେ ଜନିଃ ବାରାନ୍କିନାଃ ରିଣୀ ବାଗିତାଦାଏ । ଜନକିନ୍ଏତେ ଅକଏ ଜନିଃକେ ପୁରାଃ ଦୁଲାଡ଼ିୟାଏ ?”

୪୩ ଶିମୋନ୍ କାଳିରୁହାଡ଼କିୟାଏ, “ଆଇୟାଃ ବିଚାର୍ତେ ପୁରାଃରିଣୀ ବାଗିକିଃ ନିଃ ।”

୪୪ ଯାଶୁ ଶିମୋନ୍କେ କାଳିକିୟାଏ, “ଆମ୍ ବୁଗିନାଃମ୍ କାଳିକାଦାଃ ।”^{୪୪} ଆତଃ ଯାଶୁ ଏନ୍ କୁଡ଼ିସାଃ ହେତାରୁହାଡ଼କେଦ୍ୱେତେ ଶିମୋନ୍କେ କାଳିକିୟାଏ, “ଚିନାଃ ଆମ୍ ନେ କୁଡ଼ିକେମ୍ ନେଲିତାନା ? ଆଇଙ୍ଗ ଆମାଃ ଅଡ଼ାଃତେଇଙ୍ଗ ହିଜୁଃୟାନା, ଆମ୍ କାଟା ଆବୁଙ୍ଗନାଙ୍ଗ ଦାଆଃ କାଟିଃହ କାମ୍ ଏମାଦିୟା, ମେନ୍ଦ୍ ନେ କୁଡ଼ି ମେଦଦାଃତେ ଆଇୟାଃ କାଟା ଲୁମ୍ବକେଦାଏ ଆତଃ ଆୟାଃ ବହଃରେୟାଃ ଉଦ୍ୱେତେ ଜଦ୍ୱକେଦାଏ ।^{୪୫} ଆମ୍ ଆଇଙ୍ଗକେ ମିସାହ କାମ୍ ତଅଃକିୟାଃ, ମେନ୍ଦ୍ ଆଇଙ୍ଗ ବଲୟାନ୍ ଜମ୍ବାଏତେ ନିଃ କାଟାତାଇୟାଃକେ ତଅଃକାତେ ତାନାଏ ।^{୪୬} ଆମ୍ ଆଇୟାଃ ବହଃରେ ସୁନୁମ୍ କାମ୍ ଗସଃକେଦାଃ ମେନ୍ଦ୍ ନିଃ କାଟାତାଇୟାଃରେ ସହାନ୍ ସୁନୁମ୍ ଗସଃକେଦାଏ ।^{୪୭} ଏନାନାଗେନ୍ତେ କାଳିୟାମେ ତାନାଇଙ୍ଗ, ନିଃ ପୁରାଃ ଦୁଲାଡ଼କେନାଏ ମେନ୍ତେ ଜନିୟାଃ ପୁରାଃ ପାପ୍ ଛାମାକାନା । ମେନ୍ଦ୍ ହୁଡ଼ିଙ୍ଗଲେକା ଛାମାଅଃନିଃ ହୁଡ଼ିଙ୍ଗଲେକା ଦୁଲାଡ଼ାଃଏ ।”

୪୮ ଏନ୍ତେ ଯାଶୁ ଏନ୍ କୁଡ଼ିକେ କାଳିକିୟାଏ, “ଆମାଃ ପାପ୍ ସବେନ୍ ଛାମାୟାନା ।”

୪୯ ଆତଃ ଜନିଃଲଃ ଜମ୍ବେତେ ଦୁବାକାନ୍ ହଡ଼କ ଆକ ଆକରେଗି କାଳି ଏଟେଦକେଦାକ, “ଜଦୁ ନିଃ ଅକଏ ତାନିଃ ଯେ ପାପକହଗି ଛାମାଏତାନା ?”

୫୦ ଯାଶୁ ଏନ୍ କୁଡ଼ିକେ କାଳିକିୟାଏ “ଆମାଃ ବିଶ୍ୱାସ୍ ଆମ୍ଭକେ ବାଞ୍ଛାଅ କାଦ୍ମେୟାଏ ଜୀଠ ସୁକୁତେ ସେନଃମେ ।”

୮

ୟାଶୁ ଗେଲ୍ବାର୍ ଚେଲ୍ଲକଲଃ ପାର୍ତ୍ତମେଶ୍ୱାର୍ଆଃ ରାଇଜ୍ରେୟାଃ ସୁକୁକାଳି ଉଦ୍ୱବତାନାଏ

୧ ଏନ୍ ତାୟମ୍ବେତେ, ଯାଶୁ ସାହାର୍ ସାହାର୍ ଆତଃ ହାଡୁ ହାଡୁ ପାର୍ତ୍ତମେଶ୍ୱାର୍ଆଃ ରାଇଜ୍ରେୟାଃ ସୁକୁକାଳି ଉଦ୍ୱବତାନଲଃ ହନର୍ବାଡ଼ା ତାଇକେନାଏ ଆତଃ ଗେଲ୍ବାର୍ ଚେଲ୍ଲକ ଆୟାଃଲଃ ତାଇକେନାକ,^୨ ଆତଃ ଏଡ଼କାନ୍ ଆମ୍ଭାକଏତେ ଆତଃ ହାସୁଇତେ ବୁଗିଆକାନ୍ ଚିମିନ୍ କୁଡ଼ିକ ଯାଶୁଲଃ ତାଇକେନାକ, ଜନ୍କୁଇତେ ମାରିୟାମ୍, ଅକଏକେଟି ମାଗ୍ଦାଲିନି ମେତାଇ ତାଇକେନାକ, ଜନିଃଏତେଦ୍ ସାଡୁଠ ବଙ୍ଗାକକେ ହାର୍ଅଡ଼ଙ୍ଗକାଦ୍ ତାଇକେନା;^୩ ହେରୋଦ୍ଆଃ ଭାଣ୍ଡାରି ଖୁଜାରାଃ କୁଡ଼ିତେ ଯୋହାନ୍ନା, ଶୁସାନା ଆତଃ ପୁରାଃ ଏଟାଃ କୁଡ଼ିକ ଆକଆଃ ମେନାଃତେୟାଃତେ ଯାଶୁକେ ଆତଃ ଆୟାଃ ଚେଲ୍ଲକକେ ସୁସାରିତାଇକେନାକ ।

ହିତାହେର୍ନିଆଃ ଜନ୍କା କାଳି
(ମାଥୁର ୧୩:୧-୯; ମାର୍କ ୪:୧-୯)

୪ ଗାଦେଲ୍ ହଡ଼କ ହୁଣ୍ଡିୟାକାନ୍ ଆତଃ ସାହାର୍ ସାହାର୍ଏତେ ହଡ଼କ ଯାଶୁତାଃକ ହିଜୁଃତାନ୍ ତାଇକେନ୍ରେ, ଯାଶୁ ନେ ଜନ୍କା କାଳି କାଳିୟାଦକଆଏ ।^୫ ମିଆଁଦ୍ ହିତାହେର୍ନିଃ ହିତାହେର୍ନିଆଙ୍ଗ ଅଡ଼ଙ୍ଗୟାନା । ଜନିଃ ହେର୍ହେର୍ତ୍ତାନଲଃ ଚିମିନ୍ ହିତା ହରା ଗେନାରେ ଭୟଃୟାନା ଆତଃ ତିକାୟାନା, ଆତଃ ସିମ୍ବାର୍ରେନ୍ ଚେଟ୍ଟେକ୍ ଏନାକେ ହାଲାଙ୍ଗ୍ ଜମ୍ବକେଦା ।^୬ ଆତଃ ଚିମିନ୍ ହିତା ଦିରି ଅତେରେ ଭୟଃୟାନା, ଏନା ଗାଜା ଅମନ୍ୟାନା, ମେନ୍ଦ୍ ହାଲି କା ତାଇକେନ୍ତେ ରହଡ଼ୟାନା ।^୭ ଚିମିନ୍ ହିତା ଜାନୁମ୍ ଆଲ୍ଲାରେ ଭୟଃୟାନା ଆତଃ ଏନାକେ ଜାନୁମ୍ ହାରାତପାକେଦାଏ ।^୮ ଆତଃ ଚିମିନ୍ ହିତା ବୁଗିନ୍

୫ ୮:୮ ମାଥୁର ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

ଅଥେରେ ଉୟୁଃସ୍ୟାନା, ଏନା ଅମନ୍ ହାରାୟାନ୍ତେ ହେରାକାନ୍‌ଏତେ ସାଅଗୁନା ଆଦକା ଜ'ୟାନା । ନେ କାଜି କାଜିକେଦଡି ଇନିଃ କାଉରିକେଦାଏ, “ଆୟୁମ୍ ନାଗେନ୍ତେ ଲୁତୁର୍ ଫେନାଃନିଃ ଆୟୁମେକାଏ ।”

ୟାଶୁ ଚିକାନାଙ୍ଗ ଜନ୍‌କା କାଜି କାଜିକେଦାଏ

(ମାଥୁଉ ୧୩:୧୦-୧୭; ମାର୍କ ୪:୧୦-୧୨)

୯ ଏନ୍ତେ ଇନିୟାଃ ଚେଲ୍ଲାକ ନେ ଜନ୍‌କା କାଜିରେୟାଃ ମୁଣ୍ଡି ଚିନାଃତାନାଃ ମେନ୍ତେକ କୁଲିକିୟାଃ । ୧୦ ଇନିଃ କାଜିୟାଦକଆଏ, “ପାର୍‌ମେଶ୍ୱାର୍‌ଆଃ ରାଈଜ୍‌ରେୟାଃ ମୁଣ୍ଡି ସାରିରେୟାଃ ପେଡେଃ ଆପେଦପେ ନାମାକାଦାଃ ମେନ୍‌ଦ ଏଟାଃକକେ ଜନ୍‌କା କାଜିତେ ସବେନାଃ ଉଦୁବଃତାନା । ଇନ୍‌କୁ ନେଲ୍‌ଦକ ନେଲେୟାଃ, ମେନ୍‌ଦ କାକ ନେଲ୍ ଉରୁମେୟାଃ, ଇନ୍‌କୁ ଆୟୁମ୍‌ଦକ ଆୟୁମେୟାଃ, ମେନ୍‌ଦ କାକ ଆର୍‌କାର୍ ଉରୁମେୟାଃ ।

ୟାଶୁ ହିତାହେର୍‌ନିଆଃ ଜନ୍‌କାକାଜିରେୟାଃ ମୁଣ୍ଡି ଉଦୁବେତାନାଏ

(ମାଥୁଉ ୧୩:୧୮-୨୩; ମାର୍କ ୪:୧୩-୨୦)

୧୧ “ନେ ଜନ୍‌କା କାଜିରେୟାଃ ମୁଣ୍ଡି ନେଆଁତାନାଃ, ହିତା ହବାଅଃତାନା ପାର୍‌ମେଶ୍ୱାର୍‌ଆଃ କାଜି । ୧୨ ଆତଃ ହରା ଗେନାରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି ଆୟୁମାଃକ, ଏନ୍ତେ ସାଏତାନ ହିଲୁଃଆଏ ଆତଃ ଇନ୍‌କୁ ବିଶ୍ୱାସକେଦତେ ଆଲ୍‌କାକ ବାଆଁଅଃକା ମେନ୍ତେ ଇନ୍‌କୁଆଃ ମନ୍‌ଏତେ କାଜି ରେଃକ ଇଦିୟାଏ । ୧୩ ଦିରି ଅଥେରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି କାଜି ଆୟୁମ୍‌ତରୁସା ରାସ୍‌କାତେ ଚେଲ୍ଲାୟାକ, ମେନ୍‌ଦ ରେହେଦ୍ କା ତାଈନ୍ ହରାତେ ଇନ୍‌କୁ ହୁଡିଙ୍ଗ୍ ସାମାଏ ଜାକେଦକ ବିଶ୍ୱାସେୟାଃ, ମେନ୍‌ଦ ବିତାଅ ନେତାରେକ ବାରିୟା । ୧୪ ଆତଃ ଜାନୁମ୍ ଆଲ୍‌ରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି ଇନ୍‌କୁ କାଜି ଆୟୁମାଃକ, ମେନ୍‌ଦ ଜୀଉରେୟାଃ ଉଡ଼ଃତେ, ପୁରାଃ ମେନାଃତେୟାଃତେ, ଆତଃ ଜୀନିଦ୍‌ରେୟାଃ ସୁକୁ ରାସ୍‌କାତେକ ତପା ଇଦିୟାଃଆ ଆତଃ ଜାଙ୍ଗ୍‌ୟାନ୍ ଜ କାକ ଜ'ଅଃଆ । ୧୫ ମେନ୍‌ଦ ବୁଗିନ୍ ଅଥେରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି ବୁଗିନ୍ ଆତଃ ଫାର୍‌ଚି ମନ୍‌ରେ ବାତାନ୍‌କେ ଆୟୁମ୍‌କେଦତେକ ଚେଲ୍ଲାଦହୟା ଆତଃ ସାହାଡିଙ୍ଗ୍‌ତାନ୍‌ଲଃକ ଜ'ଅଃଆ ।

ଦିମିରେୟାଃ ଜନ୍‌କା କାଜି

(ମାର୍କ ୪:୨୧-୨୫)

୧୬ *ଜେତାଏ ହଡ଼ ଦିମି ଜୁଲ୍‌କେଦତେ ତାଝାତେ କାଏ ହାରୁବେୟା, ଚାଏ ପାର୍‌କମ୍ ଲାତାରରେ କାଏ ଦହୟାଃ, ମେନ୍‌ଦ ବଲ୍‌ତାନ୍ ହଡ଼କ ମାର୍‌ସାଲ୍‌କ ନେଲେକା ମେନ୍ତେ ଦିକାରେ* ଦହୟାଃ ।

୧୭ *ଚିୟାଃଚି ସବେନ୍ ଉକୁଆକାନ୍‌ଡେୟାଃ ଉଦୁବଃଆ ଆତଃ ସବେନ୍ ଦାନାଙ୍ଗ୍‌ଆଁକାନ୍‌ଡେୟାଃ ସାରିଅଃଆ ଚାଏ ମାୟାଲ୍‌ତେ ଆଉଅଃଆ ।

୧୮ *ଏନାମେନ୍ତେ, ଚିଲ୍‌କାପେ ଆୟୁମେୟାଃ ଏନା ଚିରାଲ୍‌କାନ୍‌ପେ, ଚିୟାଃଚି ଅକଏତାଃ ମେନାଃ ଇନିଃକେ ଦ ଆତଃଚି ଏମଃଆ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଃଆ ।”

ୟାଶୁଆଃ ଏଙ୍ଗା ଆତଃ ହାଗାକ

(ମାଥୁଉ ୧୨:୪୬-୫୦; ମାର୍କ ୩:୩୧-୩୫)

୧୯ ଯାଶୁଆଃ ଏଙ୍ଗାତେ ଆତଃ ହାଗାତେ ତେକ ଇନିଃତାଃ ହିଲୁଃସ୍ୟାନାକ ମେନ୍‌ଦ ଗାଦେଲ୍ ହଡ଼କ ନାଗେନ୍ତେ ଇନିଃତାଃ କାକ ସେବେର୍ ଦାଡ଼ିୟାନା । ୨୦ ଜେତାଏ ମିହୁଡ଼ ଯାଶୁକେ ଉଦୁବକିୟାଏ, “ଆମାଃ ଏଙ୍ଗାମ୍ ଆତଃ ହାଗାମ୍‌ତେକ ବାହାରିରେ ଚିଲ୍‌କେଦତେ ଆମ୍‌ଲଃ ନେପେଲ୍ ନାଙ୍ଗକ ସାନାଙ୍ଗ୍‌ତାନା ।” ୨୧ ଇନିଃ ମେନ୍‌ରୁହାଡ଼ାଦକଆଏ, “ପାର୍‌ମେଶ୍ୱାର୍‌ଆଃ କାଜି ଆୟୁମ୍ ଆତଃ ମାନାଡିଙ୍ଗ୍ ତାନ୍‌କଚି ଆଇୟାଃ ଏଙ୍ଗା ଆତଃ ହାଗାକ ତାନ୍‌କ ।”

ୟାଶୁ ଦୁଦୁଗାର୍‌ହୟାକେ ହାପା ଉତାର୍‌କେଦାଃ

(ମାଥୁଉ ୮:୨୩-୨୭; ମାର୍କ ୪:୩୫-୪୧)

୨୨ ମୁସିଙ୍ଗ୍ ଯାଶୁ ଆତଃ ଆୟାଃ ଚେଲ୍‌କା ଲାଉକାରେକ ଦେଏଃସ୍ୟାନା ଆତଃ “ଦଲ୍‌ବୁ ଦରେୟା ହାନ୍ ପାରମ୍‌ଡେବୁଆ” ମେତାଦକଆଏ । ଆତଃ ଇନ୍‌କୁ ଲାଉକା ରାଡ଼ାକେଦାଃକ ୨୩ ଇନ୍‌କୁ ସେନିଃତାନ୍ ଇମ୍‌ତା ଯାଶୁଦ ଦୁଡ଼ୟାୟାନାଏ । ଇମ୍‌ତାଙ୍ଗ୍ ଦରେୟାରେ ଦୁଦୁଗାର୍‌ହୟା ବିରିଦ୍‌ୟାନା, ଏନ୍ତେ ଲାଉକାରେ ଦାଆଃ

* ୮:୧୭ ୮:୧୭ ମାଥୁଉ ୫:୧୫; ଲୁକ ୧୧:୩୩. * ୮:୧୭ ୮:୧୭ ଦିମି ମାଥୁଉ ଠାୟାଦ * ୮:୧୭ ୮:୧୭ ମାଥୁଉ ୧୦:୨୬; ଲୁକ ୧୨:୨. * ୮:୧୮ ୮:୧୮ ମାଥୁଉ ୨୫:୨୯; ଲୁକ ୧୯:୨୭.

ପେରେଜଣତାନ୍ ତାଜକେନା, ଆତଃ ଜନ୍ମକୁଦ ହୁବିଜଃଲେକାକ ତାଜକେନା । ୨୪ ଚେଲାକ ଜନିଃତଃସତେ ହିଜୁଃୟାନତେକ ବିରିଦକିୟା, “ହେ ଗୁରୁ, ହେ ଗୁରୁ, ଆଲେ ହୁବିଃଗ୍ ଗଜଃତାନାଲେ” ମେନ୍ତେକ କାଜିକିୟା । ଏନ୍ତେ ଜନିଃ ବିରିଦୟାନ୍ତେ ହୟ ଆତଃ ଆଲ୍ପୁଜ୍ଜକେ[†] ମାରାଜ୍ଜମତାକେଦାଃ, ଜମତାଜ୍ଜଗି ସବେନାଃ ହାପାତରାୟାନା ଆତଃ ସିଃସଃୟାନା । ୨୫ ଏନ୍ତେ ଯୀଶୁ ଚେଲାକକେ ମେତାଦକଥାଏ, “ଅକତଃରେୟା ଆପେୟାଃ ବିଶ୍ୱା ?” ମେନ୍ଦ ଦ ଜନ୍ମକୁ ବରତାନଲଃ ମେପେନ୍ୟାନାକ, “ନିଃ ଅକଏ ତାନିଃ, ହୟ ଆତଃ ଦରେୟାରେୟାଃ ଦାଆଃକହ ନିୟାଃ କାଜି ମାନାତିଜ୍ଜ ତାନାକ ।”

ୟୀଶୁ ମିଆଁଦ ବଜା ଏସେରକାନନିଃକେ ବୁଗିଃତାନା
(ମାଥୁର ୮:୨୮-୩୪; ମାର୍କ ୫:୧-୨୦)

୨୬ ଯୀଶୁ ଆତଃ ଚେଲାତାୟାଃକ ଗେରାସିମିକଥାଃ ପାରଗାନତେ ସେଟେରୁୟାନାକ, ଏନା ଗାଲିଲ ଦରେୟାରାଃ ହାନ ପାରମରେୟା । ୨୭ ଯୀଶୁ ତଜାଏତେ ଦରେୟା ଗେନାରେ ଆଡୁଗୁଡ଼ୟା, ଏନ୍ ନାଗାରରେନ୍ ମିହୁଡୁ ଏଡକାନ ଆମ୍ବାଏତେ ପେରେଜାକାନ ହଡ଼ ଯୀଶୁଲଃ ନାପାମୟାନାକିନ୍, ଜନିଃ ତପାଃ ମାହାଏତେ ଲିଜାଃ କାଏ ହୁସିଜ୍ଜଅଁତାନ୍ ତାଜକେନା ଚାଏ ଅଡ଼ାଃରେ କା ତାଜକେଦତେ ହଡ଼ ତପା ଠାୟାଦରେ ତାୟାଃତାଜକେନାଏ । ୨୮ ଜନିଃ ଯୀଶୁକେ ନେଲ୍ଲତାନି ଆୟାଃ କାଟାସୁବାରେ ଉୟାଃକେଦତେ କାରରିତାନଲଃ କାଜିକେଦାଏ, “ହେ ଯୀଶୁ ସାଲାଜ୍ଜିତଡ଼ା ପାରମେଶ୍ୱାରଆଃ ହନ୍, ଆଜ୍ଜଲଃ ଆମାଃ ଚିକାନ କାମି ମେନାଃ ? ଆଜ୍ଜ ଆମ୍ବାକେ ଜହାଡ଼ ମେଁ ତାନାଜ୍ଜ ଆଲମ ଦୁକୁଜୟାଃ !” ୨୯ ଜନିଃ ଏନା କାଜିକେଦାଏ ଚିୟାଃଚି ଯୀଶୁ ଏନ୍ ସଡ଼ା ଆମ୍ବାକେ ନେ ହଡ଼ଏତେ ଅତଜ୍ଜଅଃମେ ମେନ୍ତେ ଆରୁକାଜତାଜନାଏ । ଏଡକାନ ଆମ୍ବା ହଡ଼କେ ପୁରାଃ ମାହାଏତେ ସାବାକାଜତାଜନାଏ । ଆତଃ ହଡ଼କ ଜନିଃକେ ସିକଡ଼ିଲଃ ଆତଃ ବେଡ୍ଡିରେ ତଲ୍ଲକିଃତେ ହରଜତାନକ ତାଜକେନା, ମେନ୍ଦ ଜନିଃ ତନଲ୍ଲକେ ଟଟାଃଏତାନ ଆତଃ ଏଡକାନ ଆମ୍ବା ଜନିଃକେ ବିଡ଼େତେ ହାରଜଦିତାନାଏ ତାଜକେନା ।

୩୦ ଯୀଶୁ ଜନିଃକେ କୁଲିକିୟାଏ “ଆମାଃ ନୁଡୁମ୍ ଚିକ୍ନାଃ ?” ଜନିଃ କାଜିରୁହାଡ଼କିୟାଏ, “ଆଜ୍ଜୟାଃ ନୁଡୁମ୍ ଫାଉଦ,” ‡ ଚିୟାଃଚି ଜନିଃରେ ପୁରାଃଚି ବଜାକ ତାଜକେନା । ୩୧ ଆତଃ ଜନ୍ମକୁ ଯୀଶୁକେ “ଆଲେକେ ହୁଆଜ୍ଜଗାଡ଼ାସିତେ ଆଲମ କୁଲ୍ଲଲେ” ମେନ୍ତେ ପୁରାଃଚିକ ବିକ୍ରିକିୟାଃ ।

୩୨ ବୁରୁଗେନା ଜାପାଃରେ ସୁକୁରିକଥାଃ ମାରାଜ୍ ଗୋଟ୍ ଆତିଜ୍ଜତାଜକେନାକ । ଏଡକାନ ଆମ୍ବାକ ଯୀଶୁକେ, ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍ଲତାଲେମେ ମେନ୍ତେକ ବିକ୍ରିକିୟାଃ, ଆତଃ ଜନିଃ ଜନ୍ମକୁକେ ବଲ୍ଲିକାକେଦକଥାଏ । ୩୩ ଏଡକାନ ଆମ୍ବାକ ଏନ୍ ହଡ଼ଏତେ ଅତଜ୍ଜୟାନତେ ସୁକୁରିକରେକ ବଲୟାନା ଆତଃ ସୁକୁରିକଥାଃ ଗୋଟ୍ ଦରେୟାରେକ ନିରୁବଲୟାନା ଆତଃ ହୁବିଃଗ୍ ଗଏଃୟାନାକ । ୩୪ ସୁକୁରି ଗୁପିତାନକ ନେଆଁ ନେଲ୍ଲକେଦତେ ନିରୁୟାନାକ ଆତଃ ସାହାଡ଼ ଜାପାଃରାଃ ଚଲାକରେ ନେ କାଜିକ ଉଦୁଦ ବାଡ଼ାକେଦାଃ, ୩୫ ଆତଃ ହଡ଼କ ହବାଲେନ୍ତେୟାଃ ନେଲ୍ଲନାଗେନ୍ତେ ଅତଜ୍ଜୟାନାକ ଆତଃ ଯୀଶୁତଃକ ହିଜୁଃୟାନ୍ତେ ଏଡକାନ ଆମ୍ବାକଥାଃ ଫାଉଦତେ ଏସେରକାନ ହଡ଼କେ ଯୀଶୁଆଃ କାଟାସୁବାରେ ଦୁବାକାନ, ଲିଜାଃ ହୁସିଜ୍ଜଅଁକାନ ନେଲ୍ଲକିଃତେ ବରକେଦାଃକ । ୩୬ ନେ ସବେନାଃ ନେଲାକାଦ ହଡ଼କ ବଜା ଏସେରକାନ ଏନ୍ ହଡ଼ ଚିଲ୍ଲକା ବୁଗିୟାନାଏ, ଏନା ସବେନ୍ ହଡ଼କକେ ଉଦୁବାଦକଥାକ । ୩୭ ଏନ୍ତେ ଗେରାସିମି ହପରଜାପାଃରେନ୍ ସବେନ୍ ହଡ଼କ ଆଲେୟାଃ ସାମନାଜ୍ଜଏତେ ସେନଃମେ ମେନ୍ତେ ଯୀଶୁକେକ ବିକ୍ରିକିୟା, ଚିୟାଃଚି ଜନ୍ମକୁ ବରତାଜକେନାକ । ଆତଃ ଯୀଶୁ ଲାଉକାରେ ଦେଏଃୟାନ୍ତେ ରୁହାଡ଼ୟାନାଏ । ୩୮ ଏଡକାନ ଆମ୍ବାଏତେ ବୁଗିୟାନାନ୍ ହଡ଼ ଯୀଶୁକେ କାଜିକିୟାଏ, “ଆମାଃଲଃ ତାଜନ୍ ଚିକାଆଜ୍ଜମେଁ” ମେନ୍ତେ ବିକ୍ରିକିୟାଏ,

ମେନ୍ଦ ଦ ଯୀଶୁ ଆଜ୍ଜକକେ ବିଦା ଏମତାନଲଃ କାଜିକିୟାଏ, ୩୯ “ଆମ ଆମାଃ ଅଡ଼ାଃତେ ରୁହାଡ଼ମେଁ ଆତଃ ପାରମେଶ୍ୱାର୍ ଆମାଃ ନାଗେନ୍ତେ ଚିକ୍ନାଃ ଚିକାକାଦାୟ, ଚିଲ୍ଲକା ଆମ୍ବାକେ ଦାୟାକାଦମେୟା ଏନା ସବେନକକେ ଉଦୁବାକମେ ।”

ଏନ୍ତେଦ ଏନ୍ ହଡ଼ ରୁହାଡ଼ୟାନାଏ, ଆତଃ ଯୀଶୁ ଆୟାଃ ନାଗେନ୍ତେ ନେଲ୍ଲକାନ ମାରାଜ୍ କାମି କାମିୟାଦିୟାଏ ମେନ୍ତେ ସବେନ୍ ନାଗାରରେ ଉଦୁବକେଦାଏ ।

ୟୀଶୁ ମିଆଁଦ ଡିଶ୍ୱାକୁଡ଼ିକେ ଜୀହୁଦ ରୁହାଡ଼ିତାନା ଆତଃ ମିଆଁଦ କୁଡ଼ିକେ ବୁଗିଃତାନାଏ
(ମାଥୁର ୯:୧୮-୨୬; ମାର୍କ ୫:୨୧-୪୩)

† ୮:୨୪ ୮:୨୪ ଆଲ୍ପୁଜ୍ଜ ‡ ୮:୩୦ ୮:୩୦ ବାହିନି § ୮:୩୧ ୫:31 ବଜାକଥାଃ ଚୁଶ୍ଟାୟାଜାଜ ଜାକେଦ ନେ ହୁଆଜ୍ଜଗାଡ଼ାରେ ତଲ୍ଲକେଦତେ ତାଜନାଃକ

୪୦ ଯୀଶୁ ଦରେୟା ହାନୁପାରମତେ ରୁହାଡ଼ିୟାନ୍ ଇମତା ଗାଦେଲ୍ ହଡ଼କ ଇନିଃକେ ଦାମଫକିୟାଃକ, ତିୟାଃତି ସବେନକଦ ଇନିଃକେ ନେଲ୍‌ହରାଈତାନ୍‌କ ତାଇକେନା । ୪୧ ଆତଃ ନେଲେପେ, ଯାଇରସ ନୁତୁମ୍ ସାମାଜ୍ ଅଡ଼ାଃରେନ୍ ଆଗୁଆଇ ହିଜୁଃୟାନାଏ, ଆତଃ ଯୀଶୁଆଃ କାଟା ସୁବାରେ ଉୟୁଃକେଦତେ ଆଇୟାଃ ଅଡ଼ାଃତେ ହିଜୁଃୟାନ୍ ମେନ୍ତେ ବିନ୍ତିକିୟାଏ, ୪୨ ତିୟାଃତି ଆୟାଃ ବାରା ବାରାଷ୍ଟରେନ୍ ମିଆଁଦ୍‌ଗି ହନକୃଡ଼ି ତାଇକେନାଏ, ଇନିଃ ଦୁକୁଡେ ଗଜଃଲେକା କାନାଏ ତାଇକେନା । ମେନ୍‌ଦ ଯୀଶୁ ସେସେନ୍‌ତାନ୍ ଦିପିଲିରେ ଗାଦେଲ୍ ହଡ଼କ ଇପିଲିଙ୍ଗ୍‌ଆଃ ତାଇକେନାକ । ୪୩ ଇମତା ବାରା ବାରାଷ୍ଟଏତେ ମାୟୋମଲିଙ୍ଗି ଦୁକୁରେ ଦୁକୁତାନ୍ ମିଆଁଦ୍ କୃଡ଼ି ତାଇକେନାଏ, ମେନ୍‌ଦ ଇନିଃ ଆୟାଃ ସବେନ୍ ତାଇକେନ୍‌ଦେୟାଃ ବାଇଦକତାଃରେ ଚାବାକେଦ୍‌ରେୟ୍* ଇନିଃକେ ଜେତାଏ ହ କାକ ବୁଗି ଦାଡ଼ି ତାଇକେନା । ୪୪ ଇନିଃ ଦୟାହରା ଯୀଶୁତାଃ ସେନ୍‌କେଦତେ ଲିଜାଃରାଃ ଆଡ଼ରା ଜୁଡିଦକେଦାଏ, ଆତଃ ଇମତାଙ୍ଗି ମାୟୋମଲିଙ୍ଗି ଦୁକୁଏତେ ବୁଗିୟାନାଏ । ୪୫ ଏନ୍ତେ ଯୀଶୁ ମେତାଦକଆଏ, “ଅକଏ ଆଇଙ୍ଗକେ ଜୁଡିଦକିଦିୟାଏ ?” ସବେନ୍‌କ କା ମାନାତିଙ୍ଗି ତାନ୍‌ତେ, ପାଡ଼ରାୟ କାଜିକିୟାଏ “ହେ ଗମକେ, ଗାଦେଲ୍ ହଡ଼କ ଇପିଲିଙ୍ଗକେଦତେ ଆମଃ ତେତାନ୍‌ରେ ଉୟୁଗଠାତାନାକ ।”

୪୬ ଯୀଶୁ କାଜିକେଦକଆଏ, “ଅକଏ ମିହୁଡ଼୍ ଆଇଙ୍ଗକେ ଜୁଡିଦ କେଦିଙ୍ଗ୍‌ଆଏ, ତିୟାଃତି ଆଇଙ୍ଗତାଃଏତେ ପେଡେଃ ଅଡ଼ଙ୍ଗ୍‌ୟାନା ମେନ୍ତେ ସାରିଉରୁମ କେଦାଆଇଙ୍ଗ ।” ୪୭ ଆତଃ ଏନକୃଡ଼ି କାଏ ଉକୁଦାଡ଼ିୟାନା ମେନ୍ତେ ଆଡ଼କାରକେଦତେ ଇନିଃ ବରତେ ଏକଲ୍‌ଆଃତାନ୍‌ଲଃ ହିଜୁଃୟାନାଏ ଆତଃ ଯୀଶୁଆଃ ସାମାଜ୍‌ରେ ଇକଡ଼ମୁକେଦତେ ସବେନକଆଃ ଆୟାଃରେ, ତିନାଃମେନ୍ତେଇଙ୍ଗ୍ ଜୁଡିଦକେଦମେୟାଁ ଆତଃ ଇମତାଗି ଚିଲ୍‌କାଇଙ୍ଗ୍ ବୁଗିୟାନା ମେନ୍ତେ ଉଦୁବକିୟାଏ । ୪୮ ଏନ୍ତେ ଯୀଶୁ କାଜିକିୟାଏ, “ଏ ମାଈ, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ, ଜୁ ସୁକୁ ଜୀଉତେ ସେନଃମେ ।”

୪୯ ଯୀଶୁ ଏନା କାଜିତାନ୍ ଇମତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଉଃକାଦ୍ ହଡ଼ ଯାଇରସକେ କାଜିକିୟାଏ, “ହନ୍‌ମେକୃଡ଼ି ଗଏଃୟାନାଏ, ଗୁରୁକେ ଆତଃ ଆଲ୍‌ମେ ଦୁକୁଇୟା ।”

୫୦ ଯୀଶୁ ନେ କାଜି ଆୟୁମକେଦତେ ଯାଇରସକେ କାଜିକିୟାଏ, “ଆଲ୍‌ମ୍ ବରଏୟା, ବିଶ୍ୱାସ୍‌ରେଗି ତାଇନଃମେ, ଆତଃ ଇନିଃ ବଞ୍ଚାଅଃଆଏ ।”

୫୧ ଏନ୍ତେ ଯୀଶୁ ଯାଇରସରାଃ ଅଡ଼ାଃତେ ହିଜୁଃୟାନ୍‌ଗି, ପାଡ଼ରାୟ, ଯାକୁବ୍, ଆତଃ ଆୟାଃ ହାଗାତେ ଯୋହାନ୍ ଆତଃ କୁଡ଼ିହନ୍‌ଆଃ ଏଙ୍ଗା ଆପୁକିନକେ ବାଗିକେଦତେ ଜେତାଏକକେ କାଏ ବଲ୍‌ରିକାକେଦକଆ । ୫୨ ମେନ୍‌ଦ ଏନ୍ କୁଡ଼ିହନ୍ ନାଗେନ୍ତେ ସବେନକ ରାଆଃତାନ୍ ଆତଃ କୁଡ଼ାମକରେ ତିଃଇ ଆପୁଡ଼ିଆଃତାଇକେନାକ । ଏନ୍ତେ ଯୀଶୁ କାଜିକେଦକଆଏ, ଆଲ୍‌ମେ ରାଆଃଏୟା ଇନିଃ କାଏ ଗଜାକାନା ମେନ୍‌ଦ ଦୁଡ଼ମୁତାନାଏ ।

୫୩ ଇନ୍‌କୁ ଯୀଶୁକେ ଲାନ୍‌କାକିୟାଃକ ତିୟାଃତି ଏନ୍ କୁଡ଼ିହନ୍ ଗଜାକାନାଏ ମେନ୍ତେ ଇନ୍‌କୁ ସାରିତାଇକେନାକ । ୫୪ ଯୀଶୁ ଏନ୍ କୁଡ଼ିହନ୍‌ଆଃ ତିଃଇ ସାବକେଦତେ କାଜିକିୟାଏ, “ଏ ମାଈ ବିରିଦମେ ।” ୫୫ ଏନ୍ କୁଡ଼ିହନ୍‌ଆଃ ଜୀଉ ଇମତାଗି ରୁହାଡ଼ିୟାନା, ଇନିଃ ବିରିଦୟାନାଏ ଆତଃ ଇନିଃକେ ଜାହାନାଃ ଜମେୟାଃ ଏମାଈପେ ମେନ୍ତେ ଯୀଶୁ କାଜିକିୟାଦକଆଏ । ୫୬ କୁଡ଼ିହନ୍‌ଆଃ ଏଙ୍ଗା ଆପୁ ଆକଦାନ୍‌ଆୟାନାକିନ୍ ମେନ୍‌ଦ ନେ କାଜି ଜେତାଏତାଃରେ ଆଲ୍‌ମେ ଉଦୁବେୟା ମେନ୍ତେ ଯୀଶୁ କାଜିକେଦକଆଏ ।

୯

ୟୀଶୁ ଆୟାଃ ଗେଲ୍‌ବାର୍ ଚେଲ୍‌କକେ କୁଲ୍‌କତାନାଏ

(ମାଥୂ ୧୦:୫-୧୫; ମାର୍କ ୬:୭-୧୩)

୧ ଏନ୍ତେ ଯୀଶୁ ଗେଲ୍‌ବାର୍ ଚେଲ୍‌କକେ କେଡ଼ାହୁଣ୍ଡିକେଦକଆଏ, ସବେନ୍ ବଙ୍ଗାକକେ ହାଡ଼ଅଡ଼ଙ୍ଗନାଙ୍ଗ, ଆତଃ ଦୁକୁ ଗେରାଙ୍ଗ୍ ଏତେ ବୁଗିକନାଙ୍ଗ୍ ମେନ୍ତେ ପେଡେଃ ଆତଃ ଆକଡେୟାର୍ ଏମାଦକଆଏ, ୨ ଆତଃ ଇନିଃ ଇନ୍‌କୁକେ ପାର୍‌ମେଶ୍ୱାର୍‌ଆଃ ରାଜ୍‌ରେୟାଃ କାଜି ଉଦୁବଃ ନାଗେନ୍ତେ, ଦୁକୁହାସୁତାନ୍‌କକେ ବୁଗିକ ନାଗେନ୍ତେ କୁଲ୍‌କେଦକଆଏ । ୩ ଇନିଃ ଇନ୍‌କୁକେ କାଜିକିୟାଦକଆଏ, “ଆୟେୟାଃ ହରାସେନ୍ ନାଗେନ୍ତେ ସଟା ଚାଏ ଆଇଲା, ହଲ୍‌ଙ୍ଗ୍ ଚାଏ ଟାକାପାଏସା, ଚାଏ ବାଗିଆ ତୁସିଙ୍ଗ୍ ଲିଜାଃ ହଁ ଆଲ୍‌ମେ ଇଦିୟା । ୪ ଜେତା ଅଡ଼ାଃରେ ଦାମଫପେରେ, ଏନ୍ ଜାପାଃଏତେ ଆଉରି ଅଡ଼ଙ୍ଗ୍‌ଆଃ

* ୮:୪୩ ୮:୪୩ ତିମିନ୍ ମାରିଅନଲ୍‌ରେ ନେ ପଦ ବାନଆଃ

ଜାଣେକି ଏନ୍ ଅତୀତରେ ତାଙ୍କର ଯେ ।^୫ ଜେତାଏ ଆପେକେ କାକ ଦାରମ୍ପେରେଦ ଏନ୍ ହାତୁଏତେ ଅତଙ୍ଗ ଇମତାଙ୍ଗ ଆପେୟାଃ କାଟା ତାଲକାରେୟାଃ ଧୂଡ଼ି ଗାଞ୍ଜା ନାଗେନ୍ତେ କଟା ବାଗିତାପେ ।”

^୬ ଏନାରେ ଇନ୍କୁ ଅତଙ୍ଗୟାନ୍ତେ ସବେନ୍ୟାଃ ସୁକୁକାଜି ଉଦୁବତାନଲଃ ଆତଃ ହଡକକେ ବୁରିକ ତାନଲଃ ହାତୁ ହାତୁକ ହନର୍ବତାଜେକଦା ।

ହେରୋଦଆ ଆକଟାକାଅ
(ମାଥୁଉ ୧୪:୧-୧୨; ମାର୍କ ୬:୧୪-୨୯)

^୭ ଆତଃ ଗାଲିଲ୍ଲରେନ୍ ରାଜା ହେରୋଦ ଯୀଶୁଆଃ କାମିକାଦ୍ ସବେନାଃ ଆୟୁମକେଦ୍ତେ ଆକଟାକାଅୟାନାଏ, ଚିୟାଃଟି ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍ଏତେ ଜୀଉବିରିଦାକାନାଏ ମେନ୍ତେ ଚିମିନ୍ ହଡକ ମେନ୍କେଦାଃକ ।^୮ ଆତଃ ଚିମିନ୍ ହଡକ ଏଲିୟ ଉଦୁବାକାନାଏ, ଆତଃ ଏଟାଃକ ସିଦାରେନ୍ ନାବାକଏତେ ମିଆଁଦନିଃ ଜୀଉବିରିଦାକାନାଏ ମେନ୍କେଦାଃକ ।^୯ ମେନ୍ଦ୍ ହେରୋଦ୍ କାଜିକେଦାଏ, ବାନଃଟି ଯୋହାନ୍ଆଃ ବହଃ ଆଇଙ୍ଗ୍ ମାଆଃ ରିକାକାଦା ମେନ୍ଦ୍ ଆଇଙ୍ଗ୍ ଇନିୟାଃ ନାଗେନ୍ତେ ନେ ଲେକା କାଜିଇଙ୍ଗ୍ ଆୟୁମତାନା ନେ ହଡ ଅକଏ ତାନିଃ ମେନ୍କେଦାଏ, ଆତଃ ଇନିଃ ନେଲ୍ଲ୍ୟାନାଙ୍ଗ୍ ତାଇକେନାଏ ।

ୟୀଶୁ ମଶୋୟାଁ ହାଜାର୍ ହଡକକେ ଜମେୟାଃ ଏମାକତାନାଏ
(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଯୋହାନ୍ ୬:୧-୧୪)

^{୧୦} ଏନ୍ତେ ପ୍ରେରିଡକ ହିନ୍ଦୁଃରହାଡ଼ୟାନା, ଆତଃ ଆକ କାମିକାଦ୍ ସବେନାଃ ଯୀଶୁକେକ ଉଦୁବକିୟା । ଆତଃ ଇନ୍କୁକେ ଏସକାରରେ ଇଦିକେଦକତେ ବେଥସାଇଦା ନୁଡୁମ୍ ମିଆଁଦ୍ ସାହାର୍ତେୟାଏ ସେନଃୟାନା ।^{୧୧} ମେନ୍ଦ୍ ଗାଦେଲ୍ ହଡକ ନେଆଁ ସାରିକେଦ୍ତେ ଅତଙ୍ଗକିୟାକ, ଇନିଃ ଇନ୍କୁକେ ଦାରମ୍କେଦକଆଏ ଆତଃ ପାର୍ମେଶ୍ୱାର୍ଆଃ ରାଇଜ୍ରେୟାଃ କାଜି ଉଦୁବାଦକଆଏ ଆତଃ ବୁରିୟଃଲଗାଡ଼ିଙ୍ଗ୍ତାନ୍ ତାଇକେନକେ ବୁରିକେଦକଆଏ ।

^{୧୨} ଆତଃ ସିକ୍ସି ହାସୁରତାନରେ ଗେଲ୍ବାର୍ ଚେଲକ ହିନ୍ଦୁଃୟାନ୍ତେ କାଜିକିୟାକ, “ଏନ୍ ଗାଦେଲ୍ ହଡକକେ କୁଲ୍ଲିହାଡ଼କିମ୍, ଜେଲେକାଟି ଇନ୍କୁ ଚାରିୟସାଃରେୟାଃ ହାତୁ ଚଲା ସେନକେଦ୍ତେ ଜମେୟାଃ ଆତଃ ତାଇନଃ ଠାୟାଦକ ନାମ୍ ଦାଡିୟା । ଚିୟାଃଟି ଆବୁଦ ସିଃସଏଃ ଠାୟାଦରେବୁଆ ।”

^{୧୩} ମେନ୍ଦ୍ ଯୀଶୁ ଇନ୍କୁକେ ମେତାଦକଆଏ, “ଆପେଗି ଇନ୍କୁକେ ଜମେୟାଃ ଏମାକପେ ।”

ଆତଃ ଇନ୍କୁ କାଜିରୁହାଡ଼କିୟାକ, “ଆଲେ ସେନକେଦ୍ତେ ନେ ସବେନ୍ ହଡକ ନାଗେନ୍ତେ ଜମେୟାଃ କାଲେ କିରିଙ୍ଗ୍ରେୟେରେଦ, ଆଲେତାଃରେ ମଶୋୟାଁ ହଲଙ୍ଗ୍ ଆତଃ ବାରିଆ ହାକୁ ଏସକାର୍ ମେନାକଆ ।”
^{୧୪} ଇନ୍କୁ ପାଞ୍ଚ ହାଜାର୍ ଲେକା କଡାକ ତାଇକେନା ।

ମେନ୍ଦ୍ ଯୀଶୁ ଆୟାଃ ଚେଲକକେ ମେତାଦକଆଏ, “ପାଟାଗ୍ ପାଟାଗ୍ ଝାନ୍ଲେକା ପାନ୍ତି ପାନ୍ତି ଦୁବକପେ ।”

^{୧୫} ଏନ୍ତେ ଇନ୍କୁ ଏନଲେକାଟି ସବେନକକେ ଦୁବକେଦକଆଏ ।^{୧୬} ଇନିଃ ଏନ୍ ମଶୋୟାଁ ହଲଙ୍ଗ୍ ଆତଃ ବାରିଆ ହାକୁ ସାବ୍କେଦ୍ତେ ସିମ୍ପାସା ସାଜିଲ୍ଲରାକାବତାନଲଃ ଆଣିଷ୍ଟକେଦ୍ତେ କେଟାଃକେଦାଏ, ଆତଃ ଗାଦେଲ୍ ହଡକତାଃରେ ହାଟିଙ୍ଗ୍ ନାଗେନ୍ତେ ଚେଲକକେ ଏମାଦକଆଏ ।^{୧୭} ସବେନକ ଜମକେଦ୍ତେ ବିୟାନାକ ଆତଃ ସାରେୟାକାନ୍ କେଟାଃ ବାରା ଟୁଲ୍ଲିକ ହାଲାଙ୍ଗ୍କେଦାଃ ।

ପାଡ଼ରାସଆଃ ବିଶ୍ୱାସ
(ମାଥୁଉ ୧୬:୧୩-୧୯; ମାର୍କ ୮:୨୭-୨୯)

^{୧୮} ମିସା ଯୀଶୁ ଏସକାରରେ ବିନ୍ତିତାନ୍ ତାଇକେନ୍ ଇମତା ଚେଲକ ଇନିଃଲଃକ ତାଇକେନା ଆତଃ ଇନିଃ ଚେଲକକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡକ କାଜିତାନା ?”

^{୧୯} ଏନ୍ତେଦ ଇନ୍କୁ କାଜିକିୟାଃକ, “ଚିମିନ୍କ ବାପ୍ତିସ୍ତା ଏମଃନିଃ ଯୋହାନ୍, ଚିମିନ୍କ ଏଲିୟ, ଚିମିନ୍କ ସିଦାରେନ୍ ନାବାକଏତେ ମିହୁଡ୍ ଜୀଉ ବିରିଦାକାନାଏ ମେନ୍ତେ କାଜିତାନା ।”

^{୨୦} ଯୀଶୁ ଇନ୍କୁକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

ପାଡ଼ରାସ କାଜିରୁହାଡ଼କିୟାଏ, “ଆମ୍ ପାର୍ମେଶ୍ୱାର୍ଆଃ ଶ୍ରୀଷ୍ଟ୍ ତାନମେ ।”

* ୯:୫ ୯:୫ ପ୍ରେରିଡ ୧୩:୫୧. * ୯:୫ ୯:୫ ଲୁକ ୧୦:୪-୧୧. * ୯:୭ ୯:୭ ମାଥୁଉ ୧୬:୧୪; ମାର୍କ ୮:୨୮; ଲୁକ ୯:୧୯. * ୯:୧୯ ୯:୧୯ ମାଥୁଉ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. * ୯:୨୦ ୯:୨୦ ଯୋହାନ୍ ୬:୨୮,୨୯.

ଆୟାଃ ମନେ ବାଗିରେଆଃ ଆତଃ ଆୟାଃ କ୍ରୁଶ୍ ଗଅଃରେୟାଃ ଜନିତୁ

(ମାଥୱ ୧୭:୨୦-୨୮; ମାର୍କ ୮:୩୦-୯:୧)

୨୧ ଏତ୍ରେ ଯୀଶୁ ନେ କାଜି ଜେତାଏକେ ଆଲ୍ଲପେ ଉଦୁବାଦକଆ ମେତ୍ରେ ହୁକୁମକେଦକଆ । ୨୨ ଆତଃ ଜନିଃ ଜନ୍ କୁକେ ମେତାଦକଆଏ, “ଆଇଙ୍ଗ୍ ମାନଝାହନ୍ ତାନାଇଙ୍ଗ୍, ଆଇଙ୍ଗ୍ କେ ପୁରାଃ ଦୁକୁ ସାହାତିଙ୍ଗ୍ ଲାଗାତିୟାଃ, ଆତଃ ପ୍ରାଚିନ୍ଦକ, ମୁଲ୍ ଯାଜାକ୍ ଆତଃ ଆଇନ୍ ଇତୁକ ଆଇଙ୍ଗ୍ କେ ହିଲାଇଙ୍ଗ୍ ଯାଆତଃ ଗଜିୟା, ଆତଃ ଆଇଙ୍ଗ୍ ଆପି ମାହାଁ ତାୟମ୍ ଗେ ଜୀଉ ବିରିଦାଇଙ୍ଗ୍ ।”

୨୩ ଯୀଶୁ ସବେନ୍ଦକକେ କାଜିକେଦକଆଏ, ଜେତାଏ ହଡ୍ ଆଇଙ୍ଗ୍ କେ ଅତଙ୍ଗ୍ ସାନାଙ୍ଗ୍ରେଦ ଜନିଃ ଆୟାଃ ମନେ ବାଗିତାକାଏ ଆତଃ ସବେନ୍ ହୁଲାଇ ଆୟାଃ କ୍ରୁଶ୍ ଗଅଃକେଦେ ଅତଙ୍ଗ୍ ଇଙ୍ଗ୍ କାଏ ।

୨୪ ଜେତାଏ ଆୟାଃ ଜୀଉ ବାଞ୍ଛାଅ ସାନାଙ୍ଗ୍ରେଦ, ଏନାଏ ଆଦେୟା, ମେନ୍ଦ ଆୟାଃ ଜୀଉ ଆଇଙ୍ଗ୍ ଯା ନାଗେତ୍ରେ ଆଦେନିଃ ଏନାଏ ବାଞ୍ଛାଆୟାଃ । ୨୫ ଜେତାଏ ହଡ୍ ଗଟା ଅତେଦିଶୁମ୍ ନାମକେଦରେୟ ଆୟାଃ ଜୀଉକେ ଜିୟନେରେଦ ଜନିୟାଃ ଚିକାନ୍ ଫାଏଦା ହବାଅଆଃ ? ୨୬ ଜେତାଏ ଆଇଙ୍ଗ୍ କେ ଆତଃ ଆଇଙ୍ଗ୍ କାଜିକେ ଗିହୁଃରେଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଁଦକଲଃ ଆପୁଇଙ୍ଗ୍ ଯା ମାନାରାଙ୍ଗ୍ରେ ହିଜୁଃରୁହାଡ୍ ଦିପିଲିରେ ଆଇଙ୍ଗ୍ ହଗି ଏନ୍ ବିଷାଏରେ ଗିହୁଃଗଃଆଇଙ୍ଗ୍ । ସିମ୍ବୀରେନ୍ ଦାସିକଆଃ ମାନାରାଙ୍ଗ୍ରେ ହିଜୁଃ ଜମ୍ତା ଜନିଃ ହଗି ଜନିୟାଃ ବିଷାଏରେ ଗିହୁଃଗଃଆଏ । ୨୭ ଆଇଙ୍ଗ୍ ସାର୍ତିଗିଙ୍ଗ୍ କାଜିୟାପେତାନା, “ନେତାଃରେ ତିଙ୍ଗୁଆକାନ୍ଦକଏତେ ଚିମିନ୍ଦକ ପାର୍ମେଶ୍ୱାର୍ ଆଃ ରାଇଙ୍ଗ୍ ଆଉରିକ ନେଲେଜାକେଦ୍ ଗନଏଃ କାକ ଚାଖାଏୟାଃ ।”

ୟୀଶୁଆଃ ରୁପବାଦଲିୟାଃ

(ମାଥୱ ୧୭:୧-୮; ମାର୍କ ୯:୨-୮)

୨୮ ଆତଃ ନେ କାଜିରେୟାଃ ଇରାଲିୟା ମାହାଁ ତାୟମ୍ ଗେ ଯୀଶୁ ପାଡ଼ରାଏ, ଯୋହାନ୍ ଆତଃ ଯାକୁବ୍ ତେକଆ ଆୟାଃଲଃ ଇଦିକେଦତେ ବିନ୍ତନାଙ୍ଗ୍ ବୁରୁତେ ରାକାବ୍ ଯାନାଏ । ୨୯ ଜନିଃ ବିନ୍ତିତାନ୍ ଇମ୍ତା ଜନିୟାଃ ମେଦ୍ ମୁହାଁଡ୍ ବାଦାଲାଇୟାନ୍ ଆତଃ ଜନିୟାଃ ଲିଜାଃ ପୁରାଃଗି ମାସ୍ତାଲ୍ଲେକା ପୁଣ୍ଡିୟାନ୍ । ୩୦ ଆତଃ ଇମ୍ତାଗି ବାରହଡ଼କିନ୍ ତାଇକେନା, ଇନ୍ଦକିନ୍ ହବାଅଃତାନାକିନ୍ ମୁଶା ଆତଃ ଏଲିୟ, ୩୧ ଇନ୍ଦକିନ୍ ସିମ୍ବୀରେନ୍ ମାନାରାଙ୍ଗ୍ରେକିନ୍ ଉଦୁବେନ୍ଦୟାନା, ଆତଃ ଯୀଶୁଲଃ ଯୀରୁଶାଲେମ୍ରେ ଆୟାଃ ଗନଏଃରେୟାଃ କାଜି ବାଖାଁଣେତାନ୍ଦକିନ୍ ତାଇକେନା । ୩୨ ପାଡ଼ରାଏ ଆତଃ ଜନିୟାଃ ଗାଡ଼କିନ୍ ଦୁଡ଼ୁତେ ପୁରାଃ ପେରେଜାକାନ୍ ତାଇକେନାକିନ୍, ମେନ୍ଦ ଇନ୍ଦକିନ୍ ପୁରା ଆଦାୟାଗ୍ରେ, ଜନିୟାଃ ମାନାରାଙ୍ଗ୍ ଆତଃ ଜନିଃଲଃ ତିଙ୍ଗୁଆକାନ୍ ବାରହଡ଼କିନ୍ କେ ନେଲ୍ଲକେଦକିନାକ । ୩୩ ଇନ୍ଦକିନ୍ ଯୀଶୁତାଃଏତେ ସେନଃତାନରେ ପାଡ଼ରାଏ, “ହେ ପ୍ରାଭୁ ଆବୁଆଃ ନେତାଃ ତାଇନଃତେୟାଃ ବୁଗିନାଃ, ଆଲେ ଆପିୟା କୁମ୍ପାଲେ ବାଇୟାଃ, ଆମାଃ ନାଗେତ୍ରେ ମିଆଁଦ୍, ମୁଶା ନାଗେତ୍ରେ ମିଆଁଦ୍ ଆତଃ ଏଲିୟ ନାଗେତ୍ରେ ମିଆଁଦ୍” ମେତ୍ରେ ଯୀଶୁକେ କାଜିକିୟାଃ । ଜନିଃ ଦ ଆୟାଃ କାଜିତାନ୍ତେୟାଃ କାଏ ସାରିତାନ୍ ତାଇକେନା ।

୩୪ ଜନିଃ ନେୟାଁ କାଜିତାନ୍ ଇମ୍ତାଗି ରିମିଲ୍ ହିଜୁଃକେଦେ ଇନ୍ଦକିନ୍ କେ ଦୁଲ୍ଲକେଦକଆ, ଆତଃ ଏନ୍ ରିମିଲ୍ରେ ବେଲତାନ୍ ଇମ୍ତା ଇନ୍ଦକିନ୍ ବରକେଦାଃକ । ୩୫ “ନିଃ ଆଇଙ୍ଗ୍ ଯାଲାଇନ୍ ଦୁଲ୍ଲାଡ୍ ହନ୍ ତାନିଃ, ଜନିୟାଃ କାଜି ଆୟୁମେପେ” ମେତ୍ରେ ମିଆଁଦ୍ କାଜି ରିମିଲ୍ଏତେ ଆୟୁମୟାନା ।

୩୬ ନେ କାଜି କାଜିୟାନ୍ରେ, ଇନ୍ଦକିନ୍ ଯୀଶୁକେ ଏସକାର୍ଗି ନାମକିୟାଃକ । ଆତଃ ତେଲାଇ ହାପାୟାନାକ, ନେଲ୍ଲକାଦ୍ କାଜି ଏନ୍ ଦିପିଲିରେ ଜେତାଏକେ କାକ ଉଦୁବକେଦକଆ ।

ୟୀଶୁ ବଜା ଏସେରାକାଇ ହନ୍କେ ବୁଗି ତାନାଏ

(ମାଥୱ ୧୭:୧୪-୧୮; ମାର୍କ ୯:୧୪-୨୭)

୩୭ ଏଗାଃ ହୁଲାଇ ଯୀଶୁ ଆତଃ ଆୟାଃ ଆପିୟା ତେଲାଇ ବୁରୁଏତେ ଆଡ଼ଗୁୟାନ୍ ଇମ୍ତା ପୁରାଃ ଗାଦେଲ୍ ହଡ଼କ ଯୀଶୁକେ ସେନ୍ଦାବରମକିୟାକ । ୩୮ ଆତଃ ନେଲେପେ, ଗାଦେଲ୍ ହଡ଼କଏତେ ମିହୁଡ୍ କାଉରିକେଦାଏ, “ହେ ଗୁରୁ ଆଇଙ୍ଗ୍ ବିଗ୍ରିମେତାନାଇଙ୍ଗ୍, ହନିଙ୍ଗ୍ କଡ଼ାକେ ହେତାଇମେ, ଜନିଃଦ ଆଇଙ୍ଗ୍ ଯା ମିଆଁଦ୍ଗି ହନ୍ଦକଡ଼ା ତାନିଃ” ମେନ୍ଦକିୟାଏ । ୩୯ ଆତଃ ନେଲିମେ, ମିଆଁଦ୍ ବଜା ଜନିଃକେ ସାବକିଃରେ ଜନିଃ ଆବକାଗି କାଉରିୟାଏ; ଆତଃ ମଗାଏତେ ପୁଡ଼ରିଦକ ଅତଙ୍ଗ୍ ଅଃଆ, ବଜା ଜନିଃତାଃଏତେ ଚିମିନ୍

* ୯:୨୩ ୯:୨୩ ମାଥୱ ୧୦:୩୮; ଲୁକ ୧୪:୨୭. * ୯:୨୪ ୯:୨୪ ମାଥୱ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. * ୯:୩୫ ୯:୩୫ ମାଥୱ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. * ୯:୩୫ ୯:୩୫ ୨ ପାଡ଼ରାଏ ୧:୧୭, ୧୮.

ତାର୍‌ସାର୍‌ତେ ଅତଙ୍ଗଅଃଥାଏ । ଆତଃ ଜନିଃଦ୍ ଜନିଃକେ ଜିୟନିତାନାଏ । ୪୦ ଆଇଙ୍ଗ୍ ଚେଲାକକେ ବିକ୍ରିକେଦକଆଇଙ୍ଗ୍, “ମାର୍ ବଙ୍ଗାକେ ଅତଙ୍ଗଇଁପେ, ମେନ୍ଦ୍ ଜନ୍‌କୁ କାକ ଦାଡ଼ିକେଦାଃ ।”

୪୧ ଆତଃ ଯୀଶୁ ମେନ୍‌କେଦାଏ, “ଏ କା ବିଶ୍ୱାୟ୍ ଆତଃ କେଟେଦ୍ ମନ୍‌ରେନ୍ ହଡ଼କ, ତିମିନ୍ ମାହ୍ଁ ଜାକେଦ୍ ଆପେଲଃ ତାଇନାଇଙ୍ଗ୍ ଆତଃ ସାହାଡ଼ିଙ୍ଗ୍‌ପେୟା ?” ଆତଃ ଏନ୍ ହଡ଼କେ କାଜିକିୟାଏ, “ମାର୍ ଆମାଃ ହନ୍‌କେ ଆଇଙ୍ଗ୍‌ତାଃତେ ଆଉଝିମେଁ ।”

୪୨ ଆତଃ କଡ଼ାହନ୍ ହିଜୁଃତାନ୍ ଜମ୍‌ତା ବଙ୍ଗା ଜନିଃକେ ଆଞ୍ଜକିୟାଏ, ମେନ୍ଦ୍ ଯୀଶୁ ଏନ୍ ସଦ୍‌ରା ଆମ୍‌ାକେ ମାରାଙ୍ଗ୍‌ମାଟକେଦ୍‌ତେ ଜନିଃକେ ବୁଗିକିୟାଏ ଆତଃ ଆପୁତେକେ ଏମ୍‌ରୁହାଡ଼ାଇୟାଏ ।

ୟୀଶୁ ଆତଃମିସା ଆୟାଃ ଗନ୍‌ଏଃ କାଜି କାଜିକେଦାଏ

(ମାଥୁର ୧୭:୨୨-୨୩; ମାର୍କ ୯:୩୦-୩୨)

୪୩ ଏକ୍ରେଦ୍ ସବେନ୍‌କ୍ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତେ ଆକ୍‌ଦାନ୍‌ଆୟାମାକ । ଆତଃ ଯୀଶୁ କାମିକେଦ୍ ସବେନ୍‌ କାମିତେୟ ହଡ଼କ ଆକ୍‌ଦାନ୍‌ଆଃତାନ୍ ତାଇକେନ୍‌ରେ, ଜନିଃ ଆୟାଃ ଚେଲାକକେ ମେତାଦ୍‌କଆଏ, ୪୪ “ନେ ସବେନ୍‌ କାଜି ଆପେୟାଃ ଲୁଚୁରରେ ଦହଏତେ, ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍, ଆଇଙ୍ଗ୍ ହଡ଼କଆଃ ତିଃଜରେ ଏମ୍‌ଏଶ୍ୱାଗଃଆଇଙ୍ଗ୍ ।” ୪୫ ମେନ୍ଦ୍ ବଚେଲ କେ କାଜି କାକ ଆଟ୍‌କାର୍ ଉରୁମ୍ ଦାଡ଼ିକେଦା ଆତଃ ଜନ୍‌କୁ ଏନା ଆଲକାକ ଆଟ୍‌କାରେକା ମେକ୍ରେ ଚେଲକନାଙ୍ଗ୍ ଉକୁଆକାନ୍ ତାଇକେନା ଆତଃ ଜନ୍‌କୁ ନେ କାଜି ଜନିଃକେ କୁଲି ନାଗେକ୍ରେ ବରତାନ୍‌କ ତାଇକେନା ।

ଅକଏ ମାରାଙ୍ଗ୍

(ମାଥୁର ୧୮:୧-୫; ମାର୍କ ୯:୩୩-୩୭)

୪୬ ଆତଃ ଆବୁକଏତେ ଅକଏ ମାରାଙ୍ଗ୍ ମେକ୍ରେ ଚେଲାକ ଆକ ଆକରେକ ଉଡ଼ୁତାନ୍ ତାଇକେନା । ୪୭ ମେନ୍ଦ୍ ଯୀଶୁ ଜନ୍‌କୁଆଃ ମନ୍‌ରେୟାଃ ଉଡ଼ୁ ସାରିକେଦ୍‌ତେ, ମିଆଁଦ୍ ହୁଡ଼ିଙ୍ଗ୍ ହନ୍‌କେ ଆଉକିୟାଏ ଆତଃ ଆୟାଃ ହେପାଦ୍‌ରେ ତିଙ୍ଗୁକିୟାଏ । ୪୮ ଏକ୍ରେ ଜନିଃ ମେତାଦ୍‌କଆଏ, “ଜେତାଏ ନେ ହୁଡ଼ିଙ୍ଗ୍ ହନ୍‌କେ ଆଇଁୟାଃ ନୁଡୁମ୍‌ତେ ଦାରମିରେଦ୍ ଆଇଙ୍ଗ୍‌କେ ଦାରମିଆଁ; ଆତଃ ଜେତାଏ ଆଇଙ୍ଗ୍‌କେ ଦାରମ୍‌ରେଦ୍ ଆଇଙ୍ଗ୍‌କେ କୁନୁଲ୍‌ଜନିଃକେହ୍ ଦାରମିଆଏ । ତିୟାଃତି ଆପେ ସବେନ୍‌କଏତେ ଅକଏ ହୁଡ଼ିଙ୍ଗ୍‌ଉତାରଃଆଏ ଜନିଃଗି ମାରାଙ୍ଗ୍ ।”

ଆବୁଆଃ ବିରୁଧ୍‌ରେ ବାଙ୍ଗାଜନିଃଦ୍ ଆବୁସାଃରିୟା

(ମାର୍କ ୯:୩୮-୪୦)

୪୯ ଆତଃ ଯୋହାନ୍ ଜନିଃକେ କାଜିରୁହାଡ଼କିୟାଏ, “ମିଆଁଦ୍ ହଡ଼ ଆମାଃ ନୁଡୁମ୍‌ତେ ବଙ୍ଗାକକେ ଅତଙ୍ଗକତାନ୍‌ଲେ ନେଲ୍‌କିୟା ଆତଃ ଆଲେ ଜନିଃକେ ମାନାକିୟାଃଲେ, ତିୟାଃତି ଜନିଃ ଆବୁଏତେ ମିହୁଡ଼ କାଏ ତାଇକେନା ।”

୫୦ ମେନ୍ଦ୍ ଯୀଶୁ କାଜିକିୟାଏ, “ଆଲ୍‌ପେ ମାନାଇୟା, ଆବୁଆଃ ବିରୁଧ୍‌ରେ ବାଙ୍ଗାଜନିଃଦ୍ ଆବୁସାଃରିୟା ।”

ଶମିରୋନିରେନ୍‌କ୍ ଯୀଶୁକେ କାକ ଦାରମ୍‌କିୟାଃ

୫୧ ଯୀଶୁଆଃ ସିମାଁ ରାକାବ୍‌ରେୟାଃ ଦିପିଲି ନାଡ଼େଃୟଃତାନ୍‌ରେ ଜନିଃ ଯୀରୁଶାଲେମ୍‌ତେ ସେନଃ ନାଗେକ୍ରେ ଏସ୍‌କାଦ୍‌ଗି ମନ୍‌ତାୟାଃ କେଟେଦ୍‌କେଦାଏ । ୫୨ ଆତଃ ଜନିଃ ହଡ଼କକେ କୁଲ୍ ଆୟାବ୍‌କେଦ୍‌କଆଏ, ଜନ୍‌କୁ ସେନଃୟାକ୍ରେ ଜନିଃନାଙ୍ଗ୍ ବାଜସାଡ଼ି* ନାଗେକ୍ରେ ଶମିରୋନିରେନ୍‌କ୍‌ଆଃ ମିଆଁଦ୍ ହାଡୁରେକ ବଲୟାନା । ୫୩ ମେନ୍ଦ୍ ଏକ୍ତାଃରେନ୍ ହଡ଼କ ଜନିଃକେ କାକ ଦାରମ୍‌କିୟା ତିୟାଃତି ଜନିଃ ଯୀରୁଶାଲେମ୍‌ସାଃତେ ସେନଃତାନା ମେକ୍ରେ ସାରିୟାଃ ତାଇକେନାଏ । ୫୪ ନେଆଁ ନେଲ୍‌କେଦ୍‌ତେ ଜନିଃୟାଃ ଚେଲା ଯାକୁଦ୍ ଆତଃ ଯୋହାନ୍ ବାରାନ୍‌କିନ୍ କାଜିକିୟାଃ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ୍ ଏଲ୍‌ୟକେ ଆଡୁକେଦ୍‌ଲେକାଁ ସିମାଁଏତେ ସେଙ୍ଗେଲ୍ ଉୟୁଗଃକା ଆତଃ ଜନ୍‌କୁ ଜିୟନିଃକାକ ।”

୫୫ ମେନ୍ଦ୍ ଯୀଶୁ ଜନ୍‌କିନ୍‌କେ ହେତାରୁହାଡ଼କେଦ୍‌ତେ ଏଗେରକେଦ୍‌କିନାଏ, ଆବେନ୍ ତିଲ୍‌କାନ୍ ଆମ୍‌ାରେନ୍ ତାନ୍‌ବେନ୍, ନେଆଁ କାବେନ୍ ସାରିତାନା । ହଡ଼କଆଃ ଜୀଉ ଜିୟନ୍ ନାଗେକ୍ରେଦ୍ କାହା ମେନ୍ଦ୍ ଜୀଉ ବାଞ୍ଛାଅ ନାଗେକ୍ରେ ମାନଞ୍ଜାହନ୍ ହିଜୁଃକାନାଏ । ୫୬ ଆତଃ ଜନ୍‌କୁ ଏଗାଃ ହାଡୁତେକ ସେନଃୟାନା ।

* ୯:୪୭ ୯:୪୭ ଲୁକ ୨୨:୨୪. * ୯:୪୮ ୯:୪୮ ମାଥୁର ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦. * ୯:୫୨ ୯:୫୨ ଆୟୋଜାନ୍
† ୯:୫୪ ୯:୫୪ ଏଲ୍‌ୟକେ ଆଡୁକେଦ୍‌ଲେକା, ନେଆଁ ତିମିନ୍ ମାରିଅନଲ୍‌ରେ ବାନଆଃ ‡ ୯:୫୫ ୯:୫୫ ନେ ପଦ୍ ତିମିନ୍ ମାରିଅନଲ୍‌ରେ ବାନଆଃ

**ପ୍ରାଭୁଆଃ ଚେଲାବାଇୟଃରେୟାଃ କାଜି
(ମାଥୂର ୮:୧୯-୨୨)**

^{୫୭} ଇନ୍କୁ ହରାରେ ସେନ୍ତାନ୍ ତାଇକେନ୍ ଇମ୍ତା ମିଆଁଦ୍ ହଡ୍, ଯୀଶୁକେ କାଜିକିୟାଏ, “ଆମ୍ କତେମ୍ ସେନା ଏନ୍ତେଇଙ୍ଗ୍ ଅତଙ୍ଗ୍ମେୟାଁ ।”

^{୫୮} ଯୀଶୁ ଇନିଃକେ କାଜିକିୟାଏ, “ତୁୟୁକଆଃଦ ଲାତା ମେନାଃ, ଆତଃ ସିମାଁ ଲାତାର୍ରେନ୍ ଚେଲେକିଆଃ ଥକା ମେନାଃ ମେନ୍ଦ୍ ମାନିଃହନ୍ୟାଃ ବହଃ ଦହନାଙ୍ଗ୍ ଠାୟାଦ୍ ବାନଆଃ ।”

^{୫୯} ଆତଃ ଇନିଃ ଏଟାନ୍ନିଃକେ କାଜିକିୟାଏ, “ମାର୍ ଅତଙ୍ଗ୍ମେୟାଁମେ ।”

ମେନ୍ଦ୍ ଇନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଗ୍କେ ତପାଇ ନାଗେନ୍ତେ ସେନ୍ଇଚିଙ୍ଗ୍ମେ ।”

^{୬୦} ମେନ୍ଦ୍ ଯୀଶୁ ଇନିଃକେ କାଜିକିୟାଏ, “ଗଏଃକାନ୍ଦକ ଆକଆଃ ଗଏଃକାନ୍ଦକେ ତପାକକାକ, ମେନ୍ଦ୍ ଆମ୍ ସେନ୍କେଦ୍ତେ ପାର୍ମେଶ୍ୱାର୍ଆଃ ରାଇଜ୍ରେୟାଃ କାଜି ଉତୁବେମେ ।”

^{୬୧} ଆତଃ ମିହୁଡ୍ କାଜିକିୟାଏ, “ହେ ପ୍ରାଭୁ, ଆଇଙ୍ଗ୍ ଅତଙ୍ଗ୍ମେୟାଁଇଙ୍ଗ୍ ମେନ୍ଦ୍ ସିଦାତେ ଆଇଁୟାଃ ଅଡ଼ାଃରେନ୍ଦକତାଃ ସେନ୍କେଦ୍ତେ ବିଦା ଇଦିନାଙ୍ଗ୍ କାଜି ଇଚିଙ୍ଗ୍ମେ ।”

^{୬୨} ଯୀଶୁ କାଜିକିୟାଏ, “ଆୟାଃ ତିଃଇକେ ନାଏଁହାଲ୍ରେ ଦହକେଦ୍ତେ ତାୟମ୍ସାଃ ହେତାଏନିଃ ପାର୍ମେଶ୍ୱାର୍ଆଃ ରାଇଜ୍ରେ କାମିଲେକାନିଃ କାଏ ହବାଅଆଃ ।”

୧୦

ୟୀଶୁ ଆପିହିସି ଗେଲ୍ବାର୍ ଚେଲାକକେ କୁଲ୍କତାନାଏ

^୧ ନେଆଁତାୟମ୍ତେ ପ୍ରାଭୁ ୭୨* ଏଟାଃ ଚେଲାକକେ ସାଲ୍ଲକେଦ୍ତେ, ଆଇଃକ ସେନଃ ସାନାଙ୍ଗ୍ତାନ୍ ସବେନ୍ ହାଡ୍, ଚଲାତେ ବାବାର୍ହଡ୍ କୁଲ୍ ଆୟାର୍କେଦକଆଏ । ^୨ ଇନିଃ ଇନ୍କୁକେ କାଜିୟାଦକଆଏ, “ଇରୋଃ ପୁରାଃଗିୟାଃ ମେନ୍ଦ୍ କାମିନାଲାକ ହୁଡିଙ୍ଗ୍ମାଁକ, ଏନା ନାଗେନ୍ତେ ଆପେ, ଆମ୍ ଆମାଃ ଇରୋଃତେ କାମି ନାଲାକ କୁଲ୍କମ୍ ମେନ୍ତେ ଇରୋଃ ଗମ୍କେତାଃରେ ବିନ୍ତିପେ । ^୩ ମାର୍ ସେନଃପେ, ଆଇଙ୍ଗ୍ ଆପେକେ ମିଣ୍ଡିହନ୍ଦ ଲେକା ହୁଣ୍ଡୁର୍କ ଆଲାରେଇଙ୍ଗ୍ କୁଲ୍ପେତାନା । ^୪ ଆପେ ପାଏସାମୁନା, ଆଇଲାଃ, ଖାର୍ପା ଆଲ୍ପେ ଇଦିୟା ଆତଃ ହରାରେ ଜେତାଏକେୟ ଆଲ୍ପେ ଜହାର୍କଆ । ^୫ ଆତଃ ଜେତା ଅଡ଼ାଃରେ ଦାରମ୍ପେରେ ‘ନେ ଅଡ଼ାଃରେନ୍ଦକଆଃରେ ସୁକୁ ହବାଅଃକା’ ମେନେପେ । ^୬ ସୁକୁ ନାମେଲେକାନ୍ ହଡ୍ ଏଡ଼ାଃରେ ତାଇନ୍ରେଦ ଆପେୟାଃ ସୁକୁ ଇନିଃରେ ତାଇନାଃ, କାରେଦ୍ ଏନା ଆପେତାଃତେ ରୁହାଡ଼ାଃ । ^୭ ଏନ୍ ଅଡ଼ାଃରେ ତାଇନଃପେ, ଇନ୍କୁ ଏମାପେତେୟାଃ ଜମ୍ ନୁଁଏପେ, କାମିନିଃଦ ଆୟାଃ ନାଲ୍ ନାମେଗିୟାଏ । ଆତଃ ଅଡ଼ାଃ ଅଡ଼ାଃ ଆଲ୍ପେ ହନରାଃ । ^୮ ଜେତାଏ ହାଡ୍ରେପେ ବଲ୍ରେଦ୍ ଆତଃ ହଡ୍ଦକ ଦାରମ୍ପେରେଦ୍, ଇନ୍କୁଆଃ ଏମେତେୟାଃ ଜମେପେ । ^୯ ଏଡ଼ାଃରେନ୍ ହାସ୍ତାନକକେ ବୁଚିକପେ, ଆତଃ ‘ପାର୍ମେଶ୍ୱାର୍ଆଃ ରାଇଜ୍ ଆପେତାଃ ନାଡ଼େୟାକାନା’ ମେତାକପେ । ^{୧୦} ମେନ୍ଦ୍ ଆପେ ଜେତାଏ ହାଡ୍ରେପେ ବଲ୍ରେଦ୍ ଆତଃ ହଡ୍ଦକ କାକ ଦାରମ୍ପେରେଦ୍, ଏନାରେୟାଃ ହରାଏତେ ଅତଙ୍ଗ୍କେଦ୍ତେ କାଜିପେ, ^{୧୧} ଆଲେୟାଃ କାଟା ତାଲ୍କାରେୟାଃ ଧୁଡ୍ ଆପେୟାଃ ହାଡ୍ରେୟାଃ ଆୟାର୍ରେଲେ କଟା ଏଣ୍ଡାଏଃତାନା, ଏନ୍ରେୟା ପାର୍ମେଶ୍ୱାର୍ଆଃ ରାଇଜ୍ ଆପେତାଃ ନାଡ଼େୟାକାନା ଏନା ସାରିପେ । ^{୧୨} ଆଇଙ୍ଗ୍ କାଜିୟାପେ ତାନାଇଙ୍ଗ୍, ଏନ୍ ହୁଲାଙ୍ଗ୍ରେ ଏନ୍ ହାଡ୍ରେୟାଃ ଦୁକୁଏତେ ସୋଦରାଃ ଦୁକୁ ସାହାଡିଙ୍ଗ୍ମେଁ ଲେକାଃଃ ।

**କା ବିଶ୍ୱାସ୍ତାନ୍ ନାଗାର୍କକେ ଯୀଶୁଆଃ ଚେଡ୍ନା
(ମାଥୂର ୧୧:୨୦-୨୪)**

^{୧୩} “ଏ କରାଜିନ୍, ଆମାଃ ହାୟ ହାୟ, ଏ ବେଥ୍ପାଇଦା, ଆମାଃ ହାୟ ହାୟ, ଆବେନ୍ରେ ହବାୟାନ୍ ଆକଦାଦାଏ କାମିକ ସୋର୍ ଆତଃ ସିଦୋନ୍ରେ ହବାକାନ୍ରେଦ୍, ଇଦୁ ଇନ୍କୁ ଚିଠାଲ୍ରେ ବସ୍ତା ତୁସିଙ୍ଗ୍କେଦ୍ତେ ଆତଃ ତରେକ୍ ଚେତାନ୍ରେ ଦୁବ୍କେଦ୍ତେ ମନ୍ଦୁହାଡ୍ କାତେତେୟାଃକ । ^{୧୪} ମେନ୍ଦ୍ ବିଚାର୍ ହୁଲାଙ୍ଗ୍ରେ ଆବେନାଏତେ ସୋର୍ ଆତଃ ସିଦୋନ୍ରେୟାଃ ଦୁକୁ ସାହାଡିଙ୍ଗ୍ମେଁ ଲେକାଃଃ । ^{୧୫} ଆତଃ ଆମ୍, ଏ କପର୍ନାହୁମ୍, ଚିୟାଃ ଆମ୍ ସିମାଁ ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ ।”

* **୧୦:୧** 10:1 ଚିମ୍ ମାରି ଅନଲ୍ରେ ୭୦ ହଡ୍ ଅଲ୍ଲାନା ✨ **୧୦:୨** ୧୦:୨ ମାଥୂର ୯:୩୭,୩୮. ✨ **୧୦:୩** ୧୦:୩ ମାଥୂର ୧୦:୧୭.
 ✨ **୧୦:୬** ୧୦:୬ କରିନ୍ଥ୍ରିୟ ୯:୧୪; ୧ ଚିମ୍ପ ୫:୧୮. ✨ **୧୦:୧୦** ୧୦:୧୦ ପ୍ରେବ୍ରିଜ୍ ୧୩:୫୧. ✨ **୧୦:୧୧** ୧୦:୧୧ ମାଥୂର ୧୦:୭-୧୪; ମାର୍କ ୭:୮-୧୧; ଲୁକ ୯:୩-୫. ✨ **୧୦:୧୨** ୧୦:୧୨ ମାଥୂର ୧୧:୨୪; ମାଥୂର ୧୦:୧୫.

୧୬ ଯୀଶୁ ଆୟାଃ ଚେଲାକଙ୍କେ ମେତାଦକଆଏ, “ଆପେୟାଃ କାଜି ଆୟୁମନିଃ ଆଇଁୟାଃ ଆୟୁମେୟାଏ, ଆତଃ ଆପେକେ କା ସୁକୁନିଃ ଆଇଞ୍ଜକେହ୍ କାଏ ସୁକୁଞ୍ଜାଇଆଃ ମେନଦ ଆଇଞ୍ଜକେ କାଏ ସୁକୁନିଃ ଆଇଞ୍ଜକେ କୁଲ୍‌ନିଃକେ ହ୍ କାଏ ସୁକୁଞ୍ଜାୟା ।”

ବାସ୍ତୋରଝାନ ଚେଲାକଆଃ ହିଜୁଃରୁହାଡ଼ୁ

୧୭ ଏନ୍ ୭୨^୧ ଝାନ ଚେଲାକ ରାସକାତାନିଲିଃକ ରୁହାଡ଼ୁୟାନା ଆତଃ “ହେ ପ୍ରାଭୁ, ଆମାଃ ନୁତୁମତେ ବଞ୍ଚାକିହ୍ ଆଲେକେ ମାନାଡିଞ୍ଜଲେତାନାକ” ମେନକିୟାଏ ।

୧୮ ଜନିଃ ମେତାଦକଆଏ, “ଆଇଞ୍ଜ ସାଏତାନକେ ହିଡିର୍ ଲେକା ସିମାଏତେ ଉୟୁଗଠାନତେୟାଃ ନେଲ୍‌କିୟାଇଞ୍ଜ । ୧୯ ନେଲେପେ, ଆଇଞ୍ଜ ବିଞ୍ଜକଆଃ ଆତଃ ମାର୍ତ୍ତାମାରକଆଃ ଚେତାନରେ ସେସେନରେୟାଃ ଆତଃ ବାଇରିୟାଃ ଗଟା ପେଡେଃରେ ଆକତେୟାରାଇଞ୍ଜ ଏମାଦପେୟା । ଆପେୟାଃ ଜେଡୁନାଃ କା ହାନିୟଃଆ । ୨୦ ଏନରେୟ ଏଡକାନ ଆମ୍ବାକ ଆଲେକେ ମାନାଡିଞ୍ଜତାନାକ ମେନ୍ତେ ଆଲପେ ରାସକାଞ୍ଜା, ମେନଦ ଆପେୟାଃ ନୁତୁମ ସିମାରେ ଅଲାନାନା ନେୟାତେ ରାସକାଆଃପେ” ମେନ୍ତେ କାଜିୟାଦକଆଏ ।

ୟୀଶୁ ରାସକାୟାନାଏ
(ମାଥୁର ୧୧:୨୫-୨୭; ୧୩:୧୬-୧୭)

୨୧ ଏନ୍ ଦିପିଲିରେ ଯୀଶୁ ପାବିତର ଆମ୍ବାରେ ପୁରାଃ ରାସକାୟାନିଲିଃ କାଜିକେଦାଏ, “ହେ ଆବା, ସିମା ଆତଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍ଡିନକ ଆତଃ ଇତୁଆନକତାଃଏତେମ୍ ଦାନାଞ୍ଜଆଁକାଦାଃ, ଆତଃ ବାଲେଃ ହନକତାଃରେନ୍ ଉଦ୍‌ବାକାଦାଃ ମେନ୍ତେଇଞ୍ଜ ଧାନମାବାଦମେତାନା । ହେରି ହେ ଆବା, ନେୟାରିଦ ଆମାଃ ବୁରିନ୍ ସାନାଞ୍ଜ ।

୨୨ “ଆପୁଇଞ୍ଜ ସବେନାଃ ଏମାକାଦିୟାଏ, ଆପୁକେ ବାରିକେଦତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆତଃ ହନକେ ବାରିକେଦତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନଦ ଅକନକକେ ଏନା ସାରି ନାଗେନ୍ତେ ହନ୍ ଆଇଃକ୍‌କ୍‌ରି ସାଲାନୁଆଏ, ଇନକୁ ଏସକାର୍ ପାରମେଶ୍ଵାର୍‌ଆଃ ବିଷାଏରେ ସାରିୟାଃକ ।”

୨୩ ଏନ୍ତେ ଜନିଃ ଆୟାଃ ଚେଲାକକେ ହେତାରୁହାଡ଼ୁକେଦତେ ଏସକାରରେୟାଏ କାଜିୟାଦକଆ, “ଆପେ ସବେନ୍ ନେ ସବେନାଃ ନେଲ୍‌ତାନତେୟାଃ ତିମିନ୍ ସୁକୁତାନିରିୟାଃପେ । ୨୪ ଆଇଞ୍ଜଦ ସାର୍‌ତିଗିଞ୍ଜ କାଜିୟାପେତାନା, ଆପେ ନେଲ୍‌ତାନତେୟାଃ ପୁରାଃ ନାବାକ ଆତଃ ରାଜାକ ନେନେଲ୍ ସାନାଞ୍ଜକେଦକଆ ମେନଦ କାକ ନେଲ୍‌କେଦା ଆତଃ ଆପେ ଆୟୁମକେଦତେୟାଃ ଇନକୁକେ ଆୟୁମ୍ ସାନାଞ୍ଜକେଦକଆ ମେନଦ କାକ ଆୟୁମକେଦା ।”

ବୁରିନ୍ ଗିମିରୋନରେନିଃୟାଃ ଜନକା କାଜି
(ମାଥୁର ୨୨:୩୫-୪୦; ମାର୍କ ୧୨:୨୮-୩୪)

୨୫ ଆତଃ ନେଲେପେ ମିଆଁଦ ଆଇନ୍ ଇତୁନିଃ ବିରିଦୟାନ୍ତେ ଯୀଶୁକେ ବିଡ଼ାଅ ନାଗେନ୍ତେ କୁଲିକିୟାଏ, “ଏ ବୁରିନ୍ ଇତୁନିଃ, ଜାନାଅ ଜୀଦାନ ନାମେ ନାଗେନ୍ତେ ତିନାଃଇଞ୍ଜ ତିକାୟା ?”

୨୬ ଯୀଶୁ କାଜିକିୟାଏ, “ଆନୁଡରେ ତିକନାଃ ଅଲାନାନା ? ଆମ୍ ତିଲ୍‌କାମ୍ ପାଢ଼ାଅ ଡାନା ?”

୨୭ ଆତଃ ଜନିଃ ମେନରୁହାଡ଼ୁକିୟାଏ, “ପ୍ରାଭୁ ଆମାଃ ପାରମେଶ୍ଵାରକେ ଆମାଃ ସବେନ୍ ମନ୍‌ସୁରୁଦତେ ଆତଃ ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ପେଡେଃଃପେ ଆତଃ ଆମାଃ ସବେନ୍ ସେଣ୍ଡିତେ ଦୁଲ୍‌ଡ଼ିମେ, ଆତଃ ଆମାଃ ହପର୍ ଜାପାଃରେନିଃକେ ଆମାଃ ଲେକାଗି ଦୁଲ୍‌ଡ଼ିମେ ।”

୨୮ ଏନ୍ତେ ଯୀଶୁ କାଜିରୁହାଡ଼ୁକିୟାଏ, “ବୁରିନାମ୍ କାଜିକାଦା, ଆମ୍ ନେକାଏରେଦମ୍ ଜୀହିଦଃଆ ।”

୨୯ ମେନଦ ଆଇନ୍‌ଇତୁନିଃ ଆଇଃକ୍‌କ୍‌ରି ଧାର୍‌ମାନ୍ ଉଦୁବେନ୍ ସାନାଞ୍ଜକିଃତେ ଯୀଶୁକେ କୁଲିକିୟାଏ “ଆଇଁୟାଃ ହପର୍‌ଜାପାଃରେନିଃ ଅକଏ ତାନିଃ ?”

୩୦ ଯୀଶୁ କାଜିରୁହାଡ଼ୁକିୟାଏ, “ମିଆଁଦ ହଡ଼ ଯୀରୁଗାଲେମ୍‌ଏତେ ଯିରିହୋତେ ସେନଠାନାଏ ତାଇକେନା ଆତଃ କୁମ୍‌ଡୁକୁଆଃ ତିଃଇରେ ଉୟୁଃୟାନାଏ, ଇନକୁ ଇନିୟାଃ ଲିଜାଃ ରେକ୍‌କିୟାଃକ ଆତଃ ଦାଲ୍‌କିଃତେ ଗଏଃଃଲକାକ ବାରିଡୁକାଇଜାଃ । ୩୧ ତାୟମତେ ମିଆଁଦ ଯାଜାକ୍ ଏନ୍ ହରାଡେଗି ସେନତାନାଏ ତାଇକେନା ଆତଃ ଇନିଃକେ ନେଲ୍‌କିଃତେ ଏଗାଃ ହରାରେ ପାରମ୍‌ୟାନାଏ । ୩୨ ନେ

୧୦:୧୭ ୧୦:୧୭ ମାଥୁର ୧୦:୪୦; ମାର୍କ ୯:୩୭; ଲୁକ ୯:୪୮; ଯୋହାନ୍ ୧୩:୨୦. † ୧୦:୧୭ 10:17 ଚିମିନ୍ ମାରି ଅନଲରେ ୭୦ ହଡ଼ ଅଲାନାନା ୧୦:୨୨ ୧୦:୨୨ ଯୋହାନ୍ ୩:୩୫; ଯୋହାନ୍ ୧୦:୧୫. * ୧୦:୨୫ ୧୦:୨୫ ମାଥୁର ୨୨:୩୫-୪୦; ମାର୍କ ୧୨:୨୮-୩୪.

ଲୋକାଗି ମିଆଁଦ୍ ଲେବୀହ, ଏନ୍ ଠାୟାଦରେ ସେଟେରୁୟାନ୍ତି ଜନିଃକେ ନେଲୁକିଃକେ ପାରମ୍ପାୟାନାଏ । ୩୩ ମେନ୍ଦ ମିଆଁଦ୍ ଶମିରୋନିରେନ୍ ହଡ୍ ସେନ୍ତାନ୍ଲଃ ଜନିଃ ତାଲକେନ୍ ଠାୟାଦରେ ସେଟେରୁୟାନ୍ତ ଆତଃ ଜନିଃକେ ନେଲୁକିଃକେ ବିଲୁକାଆୟାନାଏ । ୩୪ ସେନ୍ ନାଡ଼େଃକେଦ୍ରେ ଜନିଃୟାଃ ଘାଅକରେ ସୁନ୍ଦୁମ୍ ଆତଃ ଦାଖରାସି ଦୁଲୁକେଦାଏ, ଏନାକେ ତଲୁକେଦାଏ ଆତଃ ଜନିଃକେ ଆୟାଃ ଗାଧାଟେତାନ୍ରେ ଲାଦିକିଃକେ ଡେରା ଅଡ଼ାଃକେ ଇଦିକିୟାଏ ଆତଃ ଜନିଃକେ ଯାତାନ୍କିୟାଏ । ୩୫ ଏଟାଃ ହୁଲାଙ୍ଗ୍ ଜନିଃ ବା଼ସିଙ୍ଗ୍ଠାଃ ନାଲା ସିକା ଅତଙ୍ଗ୍ଠାକେଦ୍ରେ ଡେରା ଗମ୍ଠାକେ କେ ଏମ୍ଠାକିୟାଏ ଆତଃ ନିଃକେ ଯାତାନିଃକେ ଆତଃ ନିମ୍ଠାଙ୍ଗ୍ଠାଏତେ ଆଦକାମ୍ ଖାର୍ଗାଏରେଦ ଆଇଙ୍ଗ୍ ରୁହାଡ୍, ଇମ୍ଠା ପେରେଜାମ୍ଠାୟାଙ୍ଗ୍ ମେନ୍କିୟାଏ ।

୩୬ “ନେ ଆପିୟା ହଡ୍ଠାଏତେ ଅକଏ କୁମ୍ଠୁକୁଆଃ ତିଃକରେ ଉୟୁଗାକାନ୍ ହଡ଼ଠାଃ ହପରଜାପାଃରେନ୍ନିଃ ତାନିଃ ମେଟ୍ରେପେ ଉଡ଼ୁତାନା ?”

୩୭ ଏନ୍ ଆଇନ୍ ଇଡୁନିଃ ଜନିଃକେ କାଜିରୁହାଡ଼କିୟାଏ “ଅକଏ ଲିବୁକେକେନ୍ନିଃ ।” ଏଟ୍ରେ ଯାଣୁ ଆଇନ୍ ଇଡୁନିଃକେ କାଜିକିୟାଏ, “ଜୁ ଆମ୍ଠା ନେ ଲେକାଗି ରିକାଏମ୍ଠା ।”

ୟାଣୁ ମାଆଁ ଆତଃ ମାରିୟାମ୍ ଆଃ ଅଡ଼ାଃକେ ସେନ୍କେନାଏ

୩୮ ଯାଣୁ ଆୟାଃ ଚେଲାକଲଃ ସେନଃତାନ୍ ଇମ୍ଠା ମିଆଁଦ୍ ହାଡୁଡେ ବଲୟାନାଏ, ଆତଃ ମାଆଁ ନୁଡୁମ୍ ମିଆଁଦ୍ କୁଡି ଆୟାଃ ଅଡ଼ାଃକେ ଜନିଃକେ କୁପୁଲୁକିୟାଏ । ୩୯ ଆତଃ ମାରିୟାମ୍ ନୁଡୁମ୍ ଜନିଃୟାଃ ମିଆଁଦ୍ ମିଗି ତାଲକେନାଏ, ଜନିଃ ପ୍ରାଭୁ ଯାଣୁଆଃ କାଟା ସୁବାରେ ଦୁବୟାଟ୍ରେ ଜନିଃୟାଃ କାଜି ଆୟୁମ୍ଠାତାନାଏ ତାଲକେନା । ୪୦ ମେନ୍ଦ ମାଆଁ ପୁରାଃ ସୁସାରେ ବିଡ଼ଲାଅକାନାଏ ତାଲକେନା ଆତଃ ଜନିଃ ହେପାଦ୍ରେ ହିଜୁଃକେଦ୍ରେ କାଜିକିୟା, “ହେ ପ୍ରାଭୁ, ମିଗିଙ୍ଗ୍ଠାୟାଃ ଆଇଙ୍ଗ୍ଠାକେ ଏକ୍ଠା ସୁସା଼ ଇଡିଙ୍ଗ୍ଠାତାନାଏ, ତିୟାଃ ଏନା ଆମ୍ଠାକାମ୍ ଉଡ଼ୁତାନା ? ମା଼ ମିଗିମ୍ଠାକେ ଦେଙ୍ଗାଙ୍ଗ୍ଠାମ୍ଠା” ମେଟ୍ରେ ଜନିଃକେ ଆଡୁଙ୍ଗ୍ଠାମ୍ଠା ।

୪୧ ମେନ୍ଦ ପ୍ରାଭୁ ଯାଣୁ କାଜିରୁହାଡ଼କିୟାଏ, ଏ ମାଆଁ, ଏ ମାଆଁ, ଆମ୍ ପୁରାଃ କାଜି ନାଗେଟ୍ରେମ୍ ଉଡ଼ୁତାନା ଆତଃ ବିଡ଼ଲାଅକାନା ମେନ୍ଦ ମିଆଁଦ୍ କାଜି ଲାଗାଡିଙ୍ଗ୍ଠାୟାଃ । ୪୨ ମାରିୟାମ୍ଠା ଏନ୍ ବୁଗିନ୍ ହାନାଗିଙ୍ଗ୍ଠାକେ ସାଲାକାଦାଏ, ଏନା ଜନିଃତାଃଏତେ କା ରେଜଃଆ ।



ବିକ୍ରିରେ ଯାଣୁଆଃ ଜନିଡୁ (ମାଥୁଡ ୭:୯-୧୩; ୭:୭-୧୧)

୧ ଯାଣୁ ମିଆଁଦ୍ ଠାୟାଦରେ ବିକ୍ରିତାନାଏ ତାଲକେନା, ଆତଃ ଚୁଣ୍ଡୁକଦ୍ ଇମ୍ଠା ଜନିଃୟାଃ ଚେଲାକଏତେ ମିହୁଡ୍, କାଜିକିୟାଏ, “ହେ ପ୍ରାଭୁ, ବାପ୍ରିସ୍ତା ଏମ୍ଠାଜିଃ ଯୋହାନ୍ ଆୟାଃ ଚେଲାକକେ ବିକ୍ରି ଇଡୁକେଦ୍ଠାକେଲେକ ଆମ୍ଠା ହେ ଆଲେକେ ବିକ୍ରି ଇଡୁଲେମ୍ ।”

୨ ଯାଣୁ କାଜିୟାଦ୍ଠାଏ, “ଆପେ ବିକ୍ରି ଇମ୍ଠା ନେ ଲେକା ବିକ୍ରିପେ,”

“ହେ ଆଲେୟାଃ ସିମ୍ଠାରେନ୍ ଆବା, ଆମାଃ ନୁଡୁମ୍ ପାବିତାରଃକା, ଆମାଃ ରାଜ୍ଠା ହିଜୁଃକା, ଆମାଃ ମନେ ଚିଲୁକା ସିମ୍ଠାରେ, ଏନ୍ଲେକା ଅଡେଦିଶୁମ୍ଠାରେୟ ହବାଅଃକା

୩ ଆଲେୟାଃ ତିସିଙ୍ଗ୍ଠାରେୟାଃ ଜମେୟାଃ ଏମାଲେମେ ।

୪ ଆଲେୟାଃ ପାପକ ଛାମାଏମ୍ଠା,

ତିୟାଃଟି ଜେ'ଲେକା ଆଲେୟା ଆଲେୟା ସବେନ୍ ପାପକେନ୍କଲେ ଛାମାକଆ ଆତଃ ବିଡ଼ାଆରେ ଆଲମ୍ ଆଉଲେୟା, ମେନ୍ଦ ଏଡ଼କାନ୍ନିଃଏତେ ବାସ୍ତାଆଲେମ୍ ।”

୫ ଏଟ୍ରେ ଯାଣୁ ଆୟାଃ ଚେଲାକକେ କାଜିୟାଦ୍ଠାଏ, “ଇଡୁ ଆପେକଏତେ ଜେତାଏୟାଃ ମିଆଁଦ୍ ଗାଡି ମେନାଜୟା, ଆତଃ ଜନିଃ ଜନିଃତାଃକେ ଆଲାନିଦା ସେନ୍କେଦ୍ରେ ମେତାଜୟାଏ, ଏ ଗାଡି ଆପିୟା ହଲଙ୍ଗ୍ ଉଧା଼ ଏମାଙ୍ଗ୍ଠାମେ, ୬ ଆଇୟାଃ ମିଆଁଦ୍ ଗାଡିଦ୍ ହରାସେନ୍ତାନ୍ଲଃ ଆଇଙ୍ଗ୍ଠାତାଃକେ ହିଜୁଃକାନାଏ ଆତଃ ଜନିଃକେ ଜମ୍ ଏମାଃ ନାଗେଟ୍ରେ ଆଇଙ୍ଗ୍ଠାତାଃକେ ଜେଡ଼ନାଃ ବାନଆଃ । ୭ ଆତଃ ଜନିଃ କାଜିରୁହାଡ଼େୟାଏ, ଆଲମ୍ ଦୁକୁଇୟାଃ ନାହା଼ଃଦ୍ ଦୁଆ଼ ହାଣ୍ଡେଦାକାନା ଆତଃ ହନ୍କତାୟାଃ ଆଇଙ୍ଗ୍ଠାକେ ଗିଡିଜାକାନା । ଆଇଙ୍ଗ୍ ବିରିଦ୍ଠାକେଦ୍ରେ ଜେଡ଼ନାଃ କାଜିଙ୍ଗ୍ ଏମ୍ଠାଡ଼ିୟା । ୮ ଆଇଙ୍ଗ୍

୬ ୧୦:୩୮ ୧୦:୩୮ ଯୋହାନ୍ ୧୧:୧.

କାଳିୟାପେ ତାନାଇଙ୍ଗ୍, ଇନିଃ ଆୟାଃ ଗାତିତାନିଃ ରେୟ ବିରିଦକେଦ୍‌ତେ କାଏ ଏମାଇୟା, ଇମିନ୍‌ରେୟ, ଆୟାଃ ଗାତି ଘାଡ଼ି ଘାଡ଼ି ଆସିତାନ୍ ହରାତେ ଇନିଃ ବିରିଦୟାନ୍‌ଲଃ ଆୟାଃ ଗାତିରାଃ ଲାଗାତିଙ୍ଗ୍ ଲେକାଏ ଏମାଇୟା ।

୯ “ଆତଃ ଆଇଙ୍ଗ୍ କାଳିୟାପେତାନା, ଆସିପେ ଏନାରେଦ ଆପେକେ ଏମଃଆ, ଦାଣ୍ଠୀଏପେ ଏନ୍‌ରେଦପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ । ୧୦ ଚିୟାଃଚି ଜେତାଏ ଆସିତାନ୍‌ନିଃଦ ତେଲାଇମାଃ, ଆତଃ ଦାଣ୍ଠୀଏନିଃଦ ନାମେୟାଏ, ଆତଃ ଠକ୍ ଠକାଏନିଃ ନାଗେନ୍ତେ ନିଜଆଃ । ୧୧ ଆପେକଏତେ ଅକନ୍ ଆପୁ ନେ'ଲେକା ମେନାଇୟା, ଆୟାଃ ହନ୍ ହାକୁ ଆସିରେଦ, ଚିନାଃ ଇନିଃଦେ ବିଙ୍ଗ୍ ଏମାଇୟାଏ ? ୧୨ ଚାଏ ଇନିଃ ଜାରମ୍ ଆସିରେ ଚିୟାଃ ମାର୍‌ମାର୍ ଏମାଇୟାଏ ? ୧୩ ଏନ୍ତେ ଆପେ ଏଡକାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାଦ୍‌ଆପେୟାଃ ସିର୍ମାରେନ୍ ଆପୁ ଅକନ୍‌କଚି ଆଇଃକକେ ଆସି ତାନାକ, ଇନ୍‌କୁକେ ଏନାଏତେ ଆଦକା ପାବିତାର୍ ଆମ୍ନା କାଏଚି ଏମାକଆ !”

ୟୀଶୁ ଆତଃ ବାଲ୍‌ଜେବୁଲ୍
(ମାଥୁର ୧୨:୨୨-୩୦; ମାର୍କ୍ ୩:୨୦-୨୭)

୧୪ ଯୀଶୁ ମିଆଁଦ କା ବାଗ୍‌ଣା ଦାଡ଼ିତାନ୍ ବଙ୍ଗାକେ ଅତଙ୍ଗ୍‌କ୍‌ତାନାଏ ତାଇକେନା । ବଙ୍ଗା ଅତଙ୍ଗ୍‌ୟାନ୍‌ଚି ଏନ୍ କା ବାଗ୍‌ଣାଦାଡ଼ି ହଡ୍ ବାଗ୍‌ଣାକେଦାଏ, ଆତଃ ଗାଦେଲ୍ ହଡ୍‌କ ଆକ୍‌ଦାନ୍‌ଆୟାନାକ । ୧୫ *ମେନ୍‌ଦ ଇନ୍‌କୁଏତେ ଚିମିନ୍‌କ କାଳିକେଦା, “ୟୀଶୁ ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍‌ଆଃ ହରାତେ ବଙ୍ଗାକକେ ହାଡ୍ ଅତଙ୍ଗ୍‌କତାନା ।”

୧୬ *ଏଗାଃକ ଯୀଶୁକେ ବିଡାଅ ନାଗେନ୍ତେ, ପାର୍‌ମେଶ୍ୱାର୍ ଯେ ଆୟାଃ ସାଃ ରିୟାଃ ନେୟା ଉଦ୍‌ବେନାଙ୍ଗ୍ ସିର୍ମାରେୟାଃ ମିଆଁଦ ଚିଙ୍ଗ୍‌କ ଆସିକିୟାଃ । ୧୭ ଯୀଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ଆଡକାଡକେଦ୍‌ତେ ଇନ୍‌କୁକେ ମେତାଦକଆ, “ଜେତା ରାଇଜ୍ ଆଇଃକ୍‌କେଚି ବିନ୍‌ଗାଅକେଦ୍‌ତେ ଆକ ଆକଆଲାରେ ଲାପ୍‌ଡାଲରେଦ ଏନ୍ ରାଇଜ୍ କା ତିଙ୍ଗ୍‌ନାଃ । ୧୮ ଆତଃ ସାଏତାନ୍, ସାଏତାନ୍‌ଚି ହିଗାଡକେଦ୍‌ତେ ବିନ୍‌ଗାଅରେଦ, ଏନ୍ ରାଇଜ୍ ଚିଲ୍‌କାତେ ତିଙ୍ଗ୍‌ନାଃ ? ଆଇଙ୍ଗ୍ ନେଆଁ କାଳିୟାପେ ତାନାଇଙ୍ଗ୍ ଚିୟାଃଚି ଆପେଦ ଇନିଃ ବାଲ୍‌ଜେବୁଲ୍‌ରାଃ ହରାତେ ବଙ୍ଗାକକେ ଅତଙ୍ଗ୍‌କତାନାଏ ମେନ୍ତେପେ ମେନେତାନା । ୧୯ ଆତଃ ଆଇଙ୍ଗ୍ ବାଲ୍‌ଜେବୁଲ୍‌ଆଃ ପେଡେଃତେ ବଙ୍ଗାକକେ ହାଡ୍‌ଅତଙ୍ଗ୍‌କ ତାନ୍‌ରେଦ, ଆପେୟାଃ ହଡ୍‌କ ଅକଏୟାଃ ହରାତେକ ହାଡ୍ ଅତଙ୍ଗ୍‌କତାନା ? ଏନା ନାଗେନ୍ତେ ଇନ୍‌କୁଚି ଆପେୟାଃ ବିଚାର୍‌ନିଃକ ହବାଅଆଃ । ୨୦ ମେନ୍‌ଦ ଆଇଙ୍ଗ୍ ପାର୍‌ମେଶ୍ୱାର୍‌ଆଃ ପେଡେଃତେ ବଙ୍ଗାକକେ ହାଡ୍‌ଅତଙ୍ଗ୍‌କ ତାନ୍‌ରେଦ ଏନାତେ ଆଡକାରଃତାନା ପାର୍‌ମେଶ୍ୱାର୍‌ଆଃ ରାଇଜ୍ ଆପେତାଃତେ ତେବାଃକାନା ।

୨୧ “ପେଡେୟାନ୍‌ହଡ୍ ସବେନ୍ ହାଁତେୟାର୍ ସାଦକେଦ୍‌ତେ ଆୟାଃ ଅଡ଼ାଃରାଗାକେ ହରଏରେଦ ଆୟାଃ ମେନାଃତେୟାଃ ବୁଗିଲେକାତେ ତାଇନଃଆ । ୨୨ ମେନ୍‌ଦ ଚିମିତା ଆୟାଃଏତେ ଆଦକା ପେଡେୟାନ୍ ହଡ୍ ଇନିଃଲଃ ଲାଡ଼ାଲକେଦ୍‌ତେ ହାରାଅରେ, ଅକ ହାଁତେୟାର୍ ଚେତାନ୍‌ରେ ଆଇଃକ୍ ଭାର୍‌ସାକାଦ୍ ତାଇକେନାଏ, ଏନା ସବେନାଃଏ ରେଜିଆ ଆତଃ ରେଜାକାଦ୍‌ତେୟାଃ ହାଚିଙ୍ଗ୍‌ୟେଆଏ ।

୨୩ *“ଜେତାଏ ଆଇଁୟାଃଲଃ ବାଙ୍ଗାଇନିଃ, ଆଇଁୟାଃ ବିରୁଧ୍‌ରେ ମେନାଇୟା ଆତଃ ଜେତାଏ ଆଇଁୟାଃଲଃ କାଏ ହୁଣ୍ଡିନିଃ ଛିତିବିତିୟଃଆଏ ।

ଏଡକାନ୍ ଆମ୍ନାରାଃ ହିଜୁଃରୁହାଡ୍
(ମାଥୁର ୧୨:୪୩-୪୫)

୨୪ “ଏଡକା ଆମ୍ନା ମିହୁଡ୍‌ତାଃଏତେ ଅତଙ୍ଗ୍‌ୟାନ୍‌ରେ, ରହଡ୍ ଠାୟାଦକରେ ହନ୍‌ରୁବାଡାକେଦ୍‌ତେ ରୁଡ୍‌ଡୁ ନାଗେନ୍ତେ ଦାଣ୍ଠୀୟାଏ ଆତଃ କାଏ ନାମ୍‌ତାରେ, ଇନିଃ କାଳିୟାଏ, ‘ଆଇଙ୍ଗ୍ ଅକନ୍ ଅଡ଼ାଃଏତେ ଅତଙ୍ଗ୍‌କାନ୍ ତାଇକେନାଇଙ୍ଗ୍, ଏନ୍ ଅଡ଼ାଃତେଚି ସେନ୍‌ରୁହାଡାଲ୍‌ଙ୍ଗ୍,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆତଃ ସୁଗାଡାନ୍‌ଚି ନେଲେୟା । ୨୫ ଆତଃ ହିଜୁଃରୁହାଡକେଦ୍‌ତେ ଏନା ଜଅଃସାଫାକାନ୍ ଆତଃ ସିଙ୍ଗାରାକାନାଏ ନାମେୟା । ୨୬ ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦକା ଏଡକାନ୍ ସାଡ୍‌ତୁ ଆମ୍ନାକକେ ମିଦ୍‌ତେ ଆରକଆ, ଆତଃ ଇନ୍‌କୁ ଏନାରେକ ବଲଆ ଆତଃକ ତାଇନଃଆ । ଆତଃ ଏନ୍ ହଡ୍‌ରାଃ ଦାସା ପାହିଲାଏତେ ଚୁଣ୍ଡୁଦାସା ପୁରାଃଚି ଏଡକାନ୍ ହବାଅଆଃ ।”

ସାଡ୍‌ଚି ରାସ୍ୟା

* ୧୧:୧୫ ୧୧:୧୫ ମାଥୁର ୯:୩୪; ୧୦:୨୫. * ୧୧:୧୭ ୧୧:୧୭ ମାଥୁର ୧୨:୩୮; ୧୭:୧; ମାର୍କ୍ ୮:୧୧. * ୧୧:୨୩ ୧୧:୨୩ ମାର୍କ୍ ୯:୪୦.

୨୭ ଯୀଶୁ ନେଆଁ କାଜିତାନ୍ ଇମତା ଗାଦେଲ୍ ହତକରେନ୍ ମିଆଁଦ୍ କୁଡ଼ି କାଉରିତାନ୍ ଲାଠ କାଜିକେଦାଏ, “ଆମ୍ବକେ ଜାନାମାକାମ୍ ଆତଃ ତଥା ଆନୁକାମ୍ ଏକ୍ସା ତିମିନ୍ ସୁକୁତାନ୍ ଗିୟାଃଏ !”

୨୮ ମେନ୍ଦ୍ ଯୀଶୁ ମେନ୍ଦ୍ ରୁହାଡ଼ାଇୟାଏ, “ପାର୍ମେଶ୍ଵାର୍ ଆଃ କାଜି ଆୟ୍ମୁମ୍ ତାନ୍ ଆତଃ ମାନାତିଜ୍ଞତାନ୍ କହଗି ତିମିନ୍ ସୁକୁତାନ୍ ଗିଆଃକ !”

**ପେଡ଼େୟାନ୍ କାମି ନାଗେଡ଼େ ହାଟି ଦାବି
(ମାଥୁର ୧୨:୩୮-୪୨)**

୨୯ *ଗାଦେଲ୍ ହତକ ଯୀଶୁ ତାଃରେ ହୁଣ୍ଡିନ୍ ତାଇକେନ୍ରେ ଇନିଃ କାଜିଏଟେଦକେଦାଏ, ନେ ପାରିୟାରେନ୍ ହତକ ତିମିନ୍ ଏଡ଼କାନ୍ ଗିୟାଃକ, ଇନ୍ କୁ ତିଶ୍ଟାଁକ ନାମ୍ ତାନା ମେନ୍ଦ୍ ଯୁନ୍ଦ୍ ନାବାୟାଃ ତିଶ୍ଟାଁ ବାରିକେଦ୍ରେ ଇନ୍ କୁ ନାଜ୍ ଜେତାନ୍ ତିଶ୍ଟାଁ କା ଉଦୁବଃଆ । ୩୦ ନିନିବିରେନ୍ କା ନାଗେଡ଼େ ଯୁନ୍ଦ୍ ତିଶ୍ଟାଁଏ ତାଇକେନାଏ, ଏନ୍ ଲେକାଗି ମାନଖାହନ୍ ନେ ପାରିୟାରେନ୍ ହତକ ନାଗେଡ଼େ ଏନ୍ କାଆଃଆଏ । ୩୧ ଦାକ୍ଷିଣ୍ ଦିଶ୍ଟାମ୍ରେନ୍ ରାନା ନେ ଦିପିଲିରେନ୍ ହତକ ଲାଠ ବିତାର୍ ହୁଲାଇୟାରେ ବିରିଦାଃଏ ଆତଃ ଇନ୍ କୁକେ ତିଟାକଆ, ତିୟାଃତି ଇନିଃ ସୁଲିମାନ୍ ଆଃ ସେଗାଁନ୍ କାଜି ଆୟ୍ମୁମ୍ ନାଗେଡ଼େ ଆୟାଃ ଅତେଦିଶ୍ଟାମ୍ରେୟାଃ ଚୁଣ୍ଡୁଏତେ ହିଜୁଃକାନ୍ ତାଇକେନା ଆତଃ ନେଲିପେ ରାଜା ସୁଲିମାନ୍ ଏତେ ମାରାଜ୍ଠିନିଃ ନେତାଃରିୟା । ୩୨ ନିନିବିରେ ଯୁନ୍ଦ୍ ନାବା ପ୍ରାଚାରକେଦ୍ ଇମତା ପାତିୟାରେନ୍ ହତକ ତିଜ୍ଞକେଦ୍ରେ ନେ ଦିପିଲିରେନ୍ ହତକ ଲାଠ ପାର୍ମେଶ୍ଵାର୍ ବିତାର୍ ହୁଲାଇୟାରେ ଇନ୍ କୁକେକ ତିଟାକଆ, ତିୟାଃତି ଇନ୍ କୁ ଯୁନ୍ଦ୍ ପାର୍ମେଶ୍ଵାର୍ କେଦ୍ ଇମତା ମନ୍ଦ୍ ରୁହାଡ଼କେଦକ, ଆତଃ ନାହାଁଃ ଆଇଜ୍ କାଜିପେତାନାଇଜ୍, ଯୁନ୍ଦ୍ ଏତେ ମାରାଜ୍ଠିନିଃ ନେତାଃରେ ମେନାଇୟା ।

**ହତ୍ତମରେୟାଃ ଦିମି
(ମାଥୁର ୫:୧୫; ୬:୨୨-୨୩)**

୩୩ *ଜେତାଏ ହତ୍ତ ଦିମି ଜୁଲ୍ କେଦ୍ରେ ଦାନାଜ୍ରେ ଚାଏ ତାଖାଲାତାର୍ରେ କାଏ ମାଣ୍ଡାୟା ମେନ୍ଦ୍ ବଲତାନ୍ କା ମାର୍ସାଲ୍ କେ ନେଲେକା ମେଡ଼େ ଦିକାରେ ଦହୟା । ୩୪ ଆପେୟାଃ ମେନ୍ଦ୍ ହତ୍ତମରେୟାଃ ଦିମି ତାନାଃ, ଆପେୟାଃ ମେନ୍ଦ୍ ନିରାଲ୍ ମେନାଃରେନ୍ ଗଟା ହତ୍ତମରେୟାଃ ମାର୍ସାଲ୍ ଆୟା, ମେନ୍ଦ୍ ଏନା ଏଡ଼କାନ୍ ନଃରେ ଗଟା ହତ୍ତମ ତାପେୟାଃ ନୁବାଗଃଆ । ୩୫ ଏନାମେଡ଼େ ଆମ୍ରେୟାଃ ମାର୍ସାଲ୍ ଆଲକା ନୁବାଗଃକା ମେଡ଼େ ଚିଗାଲ୍ କାନ୍ ମେ । ୩୬ ଆମାଃ ଗଟା ହତ୍ତମ ମାର୍ସାଲ୍ କାନ୍ରେନ୍ ଆତଃ ଏନାରେୟାଃ ଜେତାଏ ହାନାଟିଜ୍ କା ନୁବାଃରେନ୍ ଦିମି ଏନାରେୟାଃ ଜୁଲ୍ କେଦ୍ରେ ମାର୍ସାଲ୍ ମେତାନ୍ ଲେକାଗି ଏନା ଗଟା ମାର୍ସାଲ୍ ଆୟା ।”

**ୟୀଶୁ ଫାରୁଶୀ ଆତଃ ଆଇନ୍ ଇଜୁକକେ ଚେତାଅକତାନାଏ
(ମାଥୁର ୨୩:୧-୩୬; ମାର୍କ ୧୨:୩୮-୪୦)**

୩୭ ଯୀଶୁ କାଜିତାବାକେଦ୍, ମିଆଁଦ୍ ଫାରୁଶୀ ଆମ୍ ଆଇଁୟାଃ ଅଡ଼ାଃରେ ଜମ୍ ଆଉକେମ୍ ମେଡ଼େ ବିକ୍ରିକିୟା; ଆତଃ ଇନିଃ ବଲୟାନ୍ ଲାଠ ଜମ୍ ନାଜ୍ ଦୁବୟାନ୍ ନାଏ । ୩୮ ମେନ୍ଦ୍ ଇନିଃ କାଟା ତିଃଇ କାଏ ଆବୁଜ୍ କେଦ୍ରେ ଜମ୍ ତାନ୍ ନେଲ୍ କେଦ୍ରେ ଏନ୍ ଫାରୁଶୀ ହାଏକାନ୍ୟାନ୍ ନାଏ । ୩୯ ଏଡ଼େ ପ୍ରାଭୁ ଇନିଃକେ କାଜିକିୟାଏ, “ହେଗି, ଆପେ ଫାରୁଶୀକ ତୁବ୍ନି ଆତଃ ଆଡ଼ିରାଃ ବାହାରିକପେ ଗାସାର୍ ଆବୁଜ୍ ତାନା, ମେନ୍ଦ୍ ଆପେୟାଃ ମନ୍ ଏଡ଼କାନ୍ ଠାରେ ପେରେଜାକାନା । ୪୦ ଏ ତଣ୍ଡକ, ବାହାରି ବାବାଇନି ତିୟାଃ ଇନିଃ ଭିତାର୍ ହ କାଏ ବାଇୟାକାଦାଃ ? ୪୧ ମେନ୍ଦ୍ ଆପେ ଲଜ୍ କେଦ୍ରେ ଅକ୍ନାଃ କାମିକାଦାପେ ଏନା ଗାରିବକକେ ଏମାକପେ ଏନାରେ ଆପେ ସାର୍ତିଗି ସବେନାଃଡ଼େପେ ଫାର୍ତିଆୟା ।

୪୨ ଏ ଫାରୁଶୀକ ଆପେୟାଃ ସାଜାଲ୍ ପୁରାଃ ବରଖାନ୍ତି ହବାଅଆଃ, ଆପେ ପୁଦ୍ନା, ଆତଃ କିଲିମିଲି* ଆଡ଼ାଃସାକାମ୍ରେୟାଃ ଗେଲ୍ ହାନାଟିଜ୍ପେ ଏମ୍ ତାନା ମେନ୍ଦ୍ ନ୍ୟାୟ୍ ବିତାର୍ ଆତଃ ପାର୍ମେଶ୍ଵାର୍ ଆଃ ଦୁଲ୍ଲାଡ଼ପେ ହେଡ଼ାଏତାନା । ଏନ୍ ଲେକା ରିକା କା ଲାଗାତିଜ୍ଞୟାଃ, ମେନ୍ଦ୍ ଏନ୍ ସବେନାଃକେ ମାନାତିଜ୍ଞ ତାନ୍ ଲାଠ ନ୍ୟାୟ୍ ବିତାର୍ ଆତଃ ପାର୍ମେଶ୍ଵାର୍ ଆଃ ଦୁଲ୍ଲାଡ଼କେ ଆଲପେ ହେଡ଼ାଏୟା ।

୪୩ “ଆପେ ଫାରୁଶୀକ ହାୟ୍ ହାୟ୍, ତିୟାଃତି ଆପେ ସାମାନ୍ ଅଡ଼ାଃରାଃ ଆୟାରେ ଦୁବନାଜ୍ ଆତଃ ପିଡ଼ ପିଡ଼ିକରେ ଜହାର୍ ତେଲ୍ ନାଜ୍ପେ ସୁକୁଃଆ । ୪୪ ଆପେୟାଃ ସାଜାଲ୍ ପୁରାଃ ବରଖାନ୍ତି

* ୧୧:୨୯ ୧୧:୨୯ ମାଥୁର ୧୭:୪; ମାର୍କ ୮:୨୭. * ୧୧:୩୩ ୧୧:୩୩ ମାଥୁର ୫:୧୫; ମାର୍କ ୪:୨୧; ଲୁକ ୮:୧୭. * ୧୧:୪୨ ୧୧:୪୨ ସବେନ୍ କିସିମ୍ ରାଃ ଆଡ଼ାଃ † ୧୧:୪୨ 11:42 ଅବହେଲା

ହବାଅଥାଃ, ଚିୟାଃଚି ଆପେ ଉକୁଆକାନ୍ ତପାଗାଡ଼ାଲେକାଃପେ, କା ସାରିତାନ୍ଲଃ ଏନା ଚେତାନ୍ରେ ହଡ଼କ ସେନେୟା ।”

୪୫ ଏନ୍ତେ ଆଇନ୍ ଇତୁକଏତେ ମିଆଁଦିନଃ କାଜିରୁହାଡ଼କିୟାଏ, “ହେ ଗୁରୁ ନେ କାଜିତେ ଆଲେକେ ଆମ୍ ହିନିସ୍ତାଲେତାନାମା ।”

୪୬ ଯୀଶୁ କାଜିକିୟାଏ, “ଏ ଆଇନ୍ ଇତୁକ ଆପେୟ ହାୟ ହାୟ, ଚିୟାଃଚି ଆପେ ପୁରାଃହାମ୍ବାଲ୍ ବାହାରମ୍ ହଡ଼କକେ ଲାଦିକାଦକଆପେ, ମେନ୍ଦ ଆପେ ଏନ୍ ବାହାରମ୍ ଆପେୟାଃ ମିଆଁଦ୍ ସାର୍ସାର୍ତେହ କୁଟିଦକେଦ୍ତେ କାପେ ଦେଙ୍ଗାତାନା । ୪୭ ଆପେୟାଃ ସାଜାଲ ପୁରାଃ ବରଞ୍ଜାନ୍ରି ହବାଅଥାଃ, ଆପେ ନାବାକଥାଃ ନାଙ୍ କୁରିନ୍ ତପାଗାଡ଼ାପେ ବାଇୟାକାଦା । ଏନ୍ ନାବାକକେ ଆପେୟାଃ ହାଡ଼ାମହଡ଼କ ଗଜାକାଦକଆକ । ୪୮ ନାହାଁଃ ଆପେ ଆପେୟାଃ ହାଡ଼ାମହଡ଼କଥାଃ କାମିରେୟାଃ ଗାଞ୍ଜାପେ ପେରେଜେତାନା; ଆତଃ ଏନାତେପେ ସୁକୁଃତାନା, ଇନ୍କୁଦ ନାବାକକେ ଗଏଃକେଦକଆକ ଆତଃ ଆପେ ଇନ୍କୁଥାଃ ତପାଗାଡ଼ାପେ ବାଇକେଦାଃ । ୪୯ ଏନାମେନ୍ତେ ପାର୍ମେଶ୍ୱାର୍ ଆୟାଃ ସେଣାଁତେ କାଜିୟାକାଦାଏ, ଆଇଙ୍ଗ୍ ଆପେତାଃତେ ନାବାକ ଆତଃ ପ୍ରେରିଡ଼କକେ କୁଲ୍କୁଆଇଙ୍ଗ୍, ଇନ୍କୁଏତେ ଚିମିନକକେ ଗଏଃକଆକ ଆତଃ ଏତାଃକକେ ସାତାଅକଆକ । ୫୦ ଏନାମେନ୍ତେ ଅତେଦିଶୁମ୍ପରାଃ ମୁନ୍ସଏତେ ସବେନ୍ ନାବାକଥାଃ ଲିଙ୍ଗିୟାନ୍ ମାୟୋମ୍ପରେୟାଃ ଲେକା ନେ ପାରିୟାରେନ୍କଏତେ ଇଦିୟାଃଆ, ୫୧ ହେଗି, ହାବିଲ୍ଆଃ ମାୟୋମ୍ପଏତେ ବେଦି ଆତଃ ମାନ୍ଦିରେୟାଃ ପାବିତାର୍ ଠାୟାଦ୍ ଆଲାରେ ଗଏଃୟାନ୍ ଜିଖ୍ରିୟା ମାୟୋମ୍ ଜାକେଦ୍, ସାର୍ତ୍ତିଗିଙ୍ଗ୍ କାଜିୟାପେତାନା, ଏନାରେୟାଃ ଲେକା ନେ ପାରିୟାରେନ୍କଏତେ ଇଦିୟାଃଆ ।

୫୨ “ଏ ହସଡ଼ ଆଇନ୍ ଇତୁକ, ଆପେୟାଃ ସାଜାଲ ପୁରାଃ ବରଞ୍ଜାନ୍ରି ହବାଅଥାଃ, ଚିୟାଃଚି ଆପେ ସେଣାଁରେୟାଃ ଚାଈଁପେ ଇଦିକେଦାଃ ଆତଃ ଆପେୟାଃ କାପେ ବଲଆକାନା ଚି ବଲତାନ୍କକେ ହ କେସେଦାକାଦକଆପେ ।”

୫୩ ଆତଃ ଇନିଃ ଏନ୍ତାଃପେତେ ଅତଙ୍ଗିୟାନ୍ ଇମ୍ପତା, ଆଇନ୍ ଇତୁକ ଆତଃ ଫାରୁଶୀକ ପୁରାଃଚି ବିରୁଧକିୟାଃକ ଆତଃ ପୁରାଃ କାଜିକ ଇନିଃକେ କୁଲିଗରଙ୍ଗକିୟାଃ । ୫୪ ଆତଃ ଇନ୍କୁ ଇନିୟାଃ ମିରାରେୟାଃ ଜେତାନ୍ ଭୁଲ୍ଲକାଜିତେ ସାବିନାଙ୍ଗ୍ ଲତଇତାନ୍କ ତାଇକେନା ।

୧୨

ହସଡ଼ ହଡ଼ କତାଃଏତେ ଚିରୀଲାକାନ୍ଦେ (ମାଥୁଉ ୧୦:୨୭-୨୭)

୧ ଏନ୍ତେ ପୁରାଃ ହାଜାର୍ ଗାଦେଲ୍ ହଡ଼କ ହୁଣ୍ଡିୟାନା, ଆତଃ ଆକ ଆକଗି ଇପ୍ଲିଙ୍ଗ୍ଆଃତାନ୍କ ତାଇକେନା, ଇମ୍ପତାଙ୍ଗ୍ ଯୀଶୁ ଆୟାଃ ଚେଲକକେ ପାହିଲା କାଜିୟାଦକଆଏ, ଫାରୁଶୀକଥାଃ ସାବାଃ ହଲଙ୍ଗ୍ ଲେକାନ୍ ହସଡ଼ ବିଷାଏହେତେ ଚିରୀଲାକାନ୍ ତାଇନ୍ଦେ । ୨ ଏସବେନ୍ ଉକୁଆକାନ୍ତେୟାଃ ନେଲଥାଃ ଆତଃ ସବେନ୍ ଦାନାଙ୍ଗ୍ଆଁକାନ୍ ତେୟାଃଦ ସାରିୟାଃଆ । ୩ ଆପେ ନୁବାଃରେ କାଜିକାଦ୍ତେୟାଃ ମାର୍ସାଲ୍ରେ ମାୟୁମଃଆ ଆତଃ ଆପେ ଭିତାର୍ ବାଖ୍ତାରେ ଉକୁକେଦ୍ତେ କାଜିକାଦ୍ତେୟାଃ, ସାଡ଼୍ମି ଚେତାନ୍ଏତେ ଉଦୁବଃଆ ।

ଅକଏକେ ବର ଲାଗାତିଙ୍ଗିୟାଃ (ମାଥୁଉ ୧୦:୨୮-୩୧)

୪ “ଏ ଆଇଁୟାଃ ଗାଡ଼ିକ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ହଡ଼ମ୍ ଗଗଏଃକକେ, ଆତଃ ତାୟମ୍ତେ ଜେଡ଼ନଃ କା ଚିକା ଦାଡ଼ିକକେ ଆଲ୍ପେ ବରଆକଆ । ୫ ମେନ୍ଦ ଆପେ ବରଆଇ ଲାଗାତିଙ୍ଗିନିଃକେ ଆଇଙ୍ଗ୍ ଉଦୁବାପେୟା, ଗଏଃକି ତାୟମ୍ତେ ନାରାକ୍ରେ ହୁରାଙ୍ଗ୍ଏଣ୍ଡାରେୟାଃ ପେଡ଼େଃତାଇନ୍ନିଃ ପାର୍ମେଶ୍ୱାର୍କେ ବରଆଇପେ; ହାଁ, ଆଇଙ୍ଗ୍ ଆପେକେ ସାର୍ତ୍ତିଗିଙ୍ଗ୍ କାଜିୟାପେତାନା, ଇନିଃକେଗି ବରଆଇପେ ।

୬ “ଚିୟାଃ ମଣେୟାଁ ଗେରଞ୍ଜାକ ବାରିଆ ସିକାତେ* କାକ ଆଖ୍ରିଙ୍ଗିୟାଃଆ ? ଆତଃ ଏନ୍ରେୟା ପାର୍ମେଶ୍ୱାର୍ ଇନ୍କୁଏତେ ମିଆଁଦିନଃକେହଁ କାଏ ରିଡ଼ିଙ୍ଗ୍ଇତାନା । ୭ ହେଗି, ଆପେୟାଃ ବହଃରାଃ ସବେନ୍ ଉଦ୍‌ହ ଲେକାକାନା । ଆଲ୍ପେ ବରଏୟା, ଆପେ ପୁରାଃ ଗେରଞ୍ଜାକଏତେ ପୁରାଃଚି ଗନଙ୍ଗ୍ଆଃପେ ।

‡ ୧୧:୫୨ ୧୧:୫୨ କୁଚି ☆ ୧୨:୧ ୧୨:୧ ମାଥୁଉ ୧୭:୭; ମାର୍କ ୮:୧୫. ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭. * ୧୨:୨ ୧୨:୨ ସବେନାଃଏତେ ସାପ୍ତା ଗନଙ୍ଗ୍

ଖ୍ରୀଷ୍ଟଙ୍କେ ସାରିନିଃ ଆତଃ କା ସାରିନିଃ
(ମାଥୂର ୧୦:୩୨-୩୩; ୧୨:୩୨; ୧୦:୧୯-୨୦)

୮ “ଆଇଙ୍ଗ କାଜିୟାପେ ତାନାଇଙ୍ଗ, ହଡ଼କଆଃ ଆୟାରରେ ଜେତାଏ ଆଇଙ୍ଗଙ୍କେ ସାରିୟାଃଇଙ୍ଗ ମେନ୍ତେ କାଜିରେଦ ମାନଖାହନ୍ ପାର୍ମେଶ୍ୱାର୍ ଆଃ ଦୁଡ଼କଆଃ ଆୟାରରେ ଇନିଃକେ ସାରିୟାଃଇଙ୍ଗ ମେନ୍ତେ କାଜିୟା । ୯ ମେନ୍ଦ ହଡ଼କଆଃ ଆୟାରରେ ଆଇଙ୍ଗଙ୍କେ କାଇଙ୍ଗ ସାରିୟାଃ ମେନ୍ତେ କାଜିନିଃକେ ମାନଖାହନ୍ଦ ପାର୍ମେଶ୍ୱାର୍ ଆଃ ଦୁଡ଼କଆଃ ଆୟାରରେ ଇନିଃକେ କାଇଙ୍ଗ ସାରିୟାଃ ମେନ୍ତେ କାଜିୟା ।

୧୦ * “ଆତଃ ମାନଖାହନ୍ ଆଃ ବିରୁଧରେ ଜେତାଏ କାଜିରେଦ ଇନିଃକେ ଛାମା ଏମଃଆ, ମେନ୍ଦ ପାବିତାର୍ ଆମ୍ବାରା ବିରୁଧରେ ନିନ୍ଦା କାଜିକ କାଜିନିଃକେ ଛାମା କା ଏମଃଆ ।

୧୧ * “ଆତଃ ଇନ୍ଦୁ ଆପେକେ ସାମାଜ୍ ଅଡ଼ାଃତେ, ଲାବ୍ ସାହାବ୍ କତାଃ ଆତଃ ଆକ୍ତେୟାର ନାମାକାଦ୍ ହାକିମକଆଃ ସାମନାଙ୍ଗତେକ ଆଉପେରେ, ଆପେ ଚିକ୍ ନାଃଆତଃ ଚିକ୍ ନାଃତେ କାଜିରୁହାଡ଼େୟା ଆତଃ ଚିକ୍ ନାଃତେ କାଜିୟାଃ ମେନ୍ତେ ଆଲ୍ପେ ପାହାମେୟା । ୧୨ ପାବିତାର୍ ଆମ୍ବା ଆପେକେ କାଜି ଲାଗାତିଙ୍ଗତେୟା ଏନ୍ ଦିପିଲିରେନି ଇତୁପେୟା ।”

ତଣ୍ଡୁ କିର୍ସାଣ୍ ହଡ଼ଆଃ ଜନ୍ନକା କାଜି

୧୩ ଗାଦେଲ୍ ହଡ଼କଏତେ ଜେତାଏ ହଡ଼ କାଜିକିୟାଏ, “ହେ ଗୁରୁ, ଆଇଁୟାଃ ହାଗାଇଙ୍ଗଙ୍କେ ଆପୁଏତେ ନାମାକାଦ୍ ଖୁଜ୍ କେ ଆଇଁୟାଃଲଃ ହାଚିଙ୍ଗ୍ ଝେଁମେ ମେନ୍ତେ କାଜିୟାଇମେ ।”

୧୪ ଯୀଶୁ କାଜିରୁହାଡ଼କିୟାଏ, “ଏ ଗାତି, ଆବେନାଃ ବିଚାର୍ ନିଃ ତାଏ ହାଚିଙ୍ଗ୍ ଏନିଃ ମେନ୍ତେ ଅକଏ ଆଇଙ୍ଗଙ୍କେ ସାଲକାଦିଙ୍ଗ୍ ଆଏ ?” ୧୫ ଆତଃ ଇନିଃ କାଜିୟାଦ୍ କଥାଏ, “ନେଲେପେ, ସବେନ୍ ହାୟାହେତେ ଆତମାକାନ୍ଦେ; ଜେତାଏୟାଃ ମେନାଃତେୟା ପୁରାଃଗିରେୟା ଏନାରେ ଇନିଃକେ ଜାଦାନ୍ ବାନଆଃ ।”

୧୬ ଆତଃ ଇନିଃ ଇନ୍ଦୁକେ ମିଆଁଦ୍ ଜନ୍ନକା କାଜି ଉଦୁବାଦ୍ କଥାଏ, “ଜେତାଏ ମିଆଁଦ୍ କିର୍ସାଣ୍ ହଡ଼ଆଃ ଲୟଙ୍ଗରେ ପୁରାଃ ଜ ଯାନା । ୧୭ ଇନିଃ ମନ୍ଦରେ ଉଡ଼ୁକେଦାଏ, ଚିନାଃଇଙ୍ଗ୍ ଚିକାୟା ? ଆଇଁୟାଃ ଜ ଦହତେ ଠାୟାଦ୍ ବାନଆଃ । ୧୮ ଏନ୍ତେ ଇନିଃ ମେନ୍ଦକେଦାଏ, ଆଇଙ୍ଗ୍ ନେକାୟା, ଆଇଁୟାଃ ଭାଣ୍ଡାର୍ ଅଡ଼ାଃ ଉଡ଼ୁକେଦତେ ଆଦକା ମାପୁରାଙ୍ଗାଇଙ୍ଗ୍ ବାଇୟାଃ, ଆତଃ ଏନ୍ତାଃରେ ଆଇଁୟାଃ ସବେନ୍ ଜ ଆତଃ ବୁଗିନ୍ତେୟାଃକଇଙ୍ଗ୍ ଦହୟା । ୧୯ ଆତଃ ଆଇଙ୍ଗ୍ ଜୀଉତାଭୟାଃକେଇଙ୍ଗ୍ କାଜିୟା, ଏ ଜୀଉ, ଆମାଃତାଃରେ ପୁରାଃ ସିମା ନାଗେନ୍ତେ ପୁରାଃ ବୁଗିନ୍ତେୟାଃ ଦହଆକାନା, ରୁଡ଼ୁମେ, ଜମ୍ ନୁଁଏମେ ଆତଃ ସୁକ୍ତେ ତାଇନଃମେ । ୨୦ ମେନ୍ଦ ପାର୍ମେଶ୍ୱାର୍ ଇନିଃକେ କାଜିକିୟାଏ, ଆମ୍ ତଣ୍ଡୁ, ନେ ନିଦାରେ ଆମାଃ ଜୀଉ ଆମାଃତାଃଏତେ ଇଦିୟାଃଆ, ତାବ୍ଦ ଆମ୍ ଆମାଃ ନାଙ୍ଗ୍ ସବେନ୍ ହୁଣ୍ଡିଆକାଦତେୟାଃ ଅକଏୟାଃ ହବାଅଖା ।”

୨୧ ଅକଏ ଆୟାଃ ନାଗେନ୍ତେ ଖୁଜ୍ ହୁଣ୍ଡିନିଃ ମେନ୍ଦ ପାର୍ମେଶ୍ୱାର୍ ନାଙ୍ଗ୍ କାଏ କିର୍ସାଣାଃ, ଇନିଃନାଙ୍ଗ୍ ନେ ଲେକାଗି ହବାଅଖା ।

ପାର୍ମେଶ୍ୱାର୍ ତାଃରେ ଆସ୍ତାଏପେ
(ମାଥୂର ୬:୨୫-୩୪)

୨୨ ଆତଃ ଯୀଶୁ ଆୟାଃ ଚେଲାକକେ କାଜିୟାଦ୍ କଥାଏ, “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ, ଜାନିଦ୍ ତାଇନଃ ନାଗେନ୍ତେ ଚିକ୍ ନାଃତୁ ଜମାଃ ଆତଃ ଚିକ୍ ନାଃତୁ ନୁଁଏୟା, ତାଏ ହଡ଼ମରେ ଚିକ୍ ନାଃତୁ ତୁସିଙ୍ଗ୍ ଝେଁନା ମେନ୍ତେ ଆପେୟାଃ ଜୀଉରେ ଆଲ୍ପେ ଉଡ଼ୁୟା । ୨୩ ଜମେୟାଃଏତେ ଜୀଉ ଆତଃ ଲିଜାଃଏତେ ହଡ଼ମ ମାରାଙ୍ଗ୍ ଆଃ । ୨୪ କାଉଖା ଚେଲେକକେ ନେଲ୍ଲକପେ, ଇନ୍ଦୁ କାକ ହେରେୟା ଆତଃ କାକ ଇରେୟା, ଆତଃ ଇନ୍ଦୁ ଆଃ ଭାଣ୍ଡାର୍ ଅଡ଼ାଃ ତାଏ ଗୋଦାମ୍ ଅଡ଼ାଃ ବାନଃରେୟା, ପାର୍ମେଶ୍ୱାର୍ ଇନ୍ଦୁକେ ଆସ୍ତୁଲ୍ଲକତାନାଏ । ଆପେ ଚେଲେକଏତେ ଚିମିନ୍ ଆଦକାଗିପେ ମାରାଙ୍ଗ୍ ଆଃ ! ୨୫ ଆପେକଏତେ ଅକଏ ଉଡ଼ୁକେଦତେ ଆୟାଃ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ । ୨୬ ଏନ୍ତେ ଆପେ ହୁଡ଼ିଙ୍ଗ୍ ଉଡ଼ାଡ଼ତେୟାଃକେହ କାପେ କାମିଦାଡ଼ିରେଦ ଚିକ୍ ନାଃ ମେନ୍ତେ ବାକିକାଜି ନାଗେନ୍ତେପେ ପାହାମ୍ ତାନା । ୨୭ ବାହାକକେ ନେଲେପେ, ଇନ୍ଦୁ କାକ କାମିୟାଃ ଚି କାକ ତୁକୁଇତାନା, † ହଲେହ୍ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ, ସୁଲିମାନ୍ ହ୍ ଆୟାଃ ସବେନ୍ ସୁଗାଡ଼ାନ୍ତେୟାଃଏତେ ନେ ମିଆଁଦ୍ କ ଲେକା କାଏ ସିଙ୍ଗାମାକାନ୍ ତାଇକେନା । ୨୮ ଏନ୍ତେ ପାର୍ମେଶ୍ୱାର୍ ତିସିଙ୍ଗ୍ ମେନାଃ ଆତଃ ଗାପା

* ୧୨:୧୦ ୧୨:୧୦ ମାଥୂର ୧୨:୩୨; ମାର୍କ ୩:୨୯. † ୧୨:୧୧ ୧୨:୧୧ ମାଥୂର ୧୦:୧୯, ୨୦; ମାର୍କ ୧୩:୧୧; ଲୁକ ୨୧:୧୪, ୧୫. ‡ ୧୨:୨୨ ତୁକୁଇତାନା ଚିପାଅ / ସିଲେଇ

ତୁଲ୍ୟରେ ହାଁଶବ୍ଦତାନ୍ ଅତେରାଃ ତାସାଦକେ ନେ ଲେକାଏ ସିଙ୍ଗାରେରେଦ, ଏ ହୁଡିଙ୍ଗ ବିଶ୍ୱାସ୍ତାନ୍କ, ଚିୟାଃ ଜନିଃ ନେଆଁଏତେ ଆଦକା ଆପେକେ କାଏ ତୁସିଙ୍ଗ୍‌ପେୟା ?

୨୯ “ଆତଃ ଚିକ୍‌ନାଃତୁ ଜମେୟାଁ ଆତଃ ଚିକ୍‌ନାଃତୁ ଦ୍ୱିଏୟା ମେତ୍ରେ ମନ୍‌ରେ ଆଲ୍‌ପେ ନାମବାତାୟା ଆତଃ ଆଲ୍‌ପେ ଉଡ଼ୁଗେୟା । ୩୦ ନେ ଅତେଦିଶ୍ୱମ୍‌ରେନ୍ ସାଆଁସାଠ ହଡ଼କ ନେ ସବେନାଃ ଦାଣ୍ଠାବାତାଃକ, ଆତଃ ନେ ସବେନାଃ ଆପେୟାଃ ଲାଗାତିଙ୍ଗ୍‌ୟାଃ, ଏନା ଆପେୟାଃ ସିମ୍‌ରେନ୍ ଆପୁ ସାରିୟାଏ । ୩୧ ମେନ୍‌ଦ ପାର୍‌ମେଶ୍ୱାଆଃ ରାଜନ୍ ଦାଣ୍ଠାଏପେ ଆତଃ ନେ ସବେନାଃହ ଆପେକେ ଏମଃଆ ।

ସିମ୍‌ରେ ଖୁଜ୍
(ମାଥୁର ୬:୧୯-୨୧)

୩୨ “ଏ ହୁଡିଙ୍ଗ ଗୋଟ୍‌କ ଆଲ୍‌ପେ ବରଏୟା ଆପେୟାଃ ଆପୁଦ ଆପେକେ ଆୟାଃ ରାଜନ୍ ଏମଃନାଙ୍ଗ୍ ସୁକୁଆକାନାଏ । ୩୩ ଆପେୟାଃ ମେନାଃତେୟାଃ ଆଖିଙ୍ଗ୍ କେଦ୍‌ତେ କଏଁକକେ ଏମାକପେ, କା ମାଇଲାଅଃ ପାଏସାମ୍‌ନା ଆପେନାଙ୍ଗ୍ ବାଇୟେପେ, କା ଖାରପଃ ଖୁଜ୍ ସିମ୍‌ରେ ଦହଏପେ, ଏନ୍ତାଃରେ କୁମ୍‌ତୁ କାଏ ତେବାଃଏୟା ଆତଃ ନିଦିର୍ କାଏ ଜମେୟାଁ । ୩୪ ଚିୟାଃତି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ଚିରାଲକାନ୍ ଦାସିକ

୩୫ “ଆପେୟାଃ ମାୟାଙ୍ଗ୍ ପାଟେକେଦ୍‌ତେ କାମିନାଙ୍ଗ୍ ସେକାଡ଼ାକାନ୍‌ପେ ଆତଃ ଆପେୟାଃ ଦିମ୍ ତୁଲ୍ୟାକାନ୍ ତାଇୟାଃକା । ୩୬ ଆତଃ ଏନ୍ ହଡ଼କଲେକାଅଃପେ, ଜନ୍‌କୁ ଆତୁଆଃ ଗମ୍‌କେ ଆଣ୍ଡିଏତେ ଚିଉଲ୍ୟା ରୁହାଡ଼ାଃ ଆତଃ ଜନିଃ ହିଜୁଃକେଦ୍‌ତେ ଠକ୍ ଠକାଏରେଦ ଜନିଃ ନାଗେତ୍ରେ ଜମ୍‌ତା ଦୁଆର୍‌ବୁ ନିଜେୟା ମେତ୍ରେକ ନେଲ୍‌ହରାଜତାନା । ୩୭ ଅକନ୍ ଦାସିକକେ ଆକଆଃ ଗମ୍‌କେ ଏୟନାକାନ୍ ଆତଃ ସେକାଡ଼ାକାନ୍ ହିଜୁଃନାମ୍‌କରେ ଏନ୍ ଦାସିକ ଚିମିନ୍ ସୁକୁତାନ୍‌ଚିୟାକ, ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଜନିଃ ମାୟାଙ୍ଗ୍ ପାଟେକେଦ୍‌ତେ ଜନ୍‌କୁଲଃ ଜଜମ୍ ନାଗେତ୍ରେ ଦୁବକଆଏ ଆତଃ ହିଜୁଃକେଦ୍‌ତେ ଜନ୍‌କୁକେ ସୁସାର୍‌କଆଏ । ୩୮ ଆତଃ ଜନିଃ ଆଲାନିଦା ଚାଏ ସିମ୍‌କରାଃ ହିଜୁଃକେଦ୍‌ତେ ଜନ୍‌କୁକେ ନେ ଲେକାଏ ନାମ୍‌କରେଦ ଏନ୍ ଦାସିକ ଚିମିନ୍ ସୁକୁତାନ୍‌ଚିୟାକ । ୩୯ ମେନ୍‌ଦ ନେଆଁ ଆଟ୍‌କାରେପେ, ଅଡ଼ାଃରେନ୍ ଗମ୍‌କେ କୁମ୍‌ତୁ ହିଜୁଃ ଦିପିଲି ସାରିକାଇରେଦ ଜନିଃକେ ଆୟାଃ ଅଡ଼ାଃରାଃ ସିକି କାଏ ଉଡ଼ୁଡ଼ିକା ଜରିକାଇତେୟାଃ । ୪୦ ଏନା ନାଗେତ୍ରେ ଆପେୟା ସାପ୍‌ଡ଼ାଆକାନ୍ ତାଇନ୍‌ପେ, ଚିୟାଃତି ଆପେ କାପେ ଉଡ଼ୁଡ଼ିକାନ୍ ଦିପିଲିରେଗି ମାନଃହନ୍ ହିଜୁଃଆଏ ।”

ପାତିୟାର୍ ଆତଃ କା ପାତିୟାର୍ ଦାସିକ
(ମାଥୁର ୨୪:୪୫-୫୧)

୪୧ ଏତ୍ରେ ପାଡ଼ରାଏ କୁଲିକିୟାଏ, “ହେ ପ୍ରାଭୁ ଚିୟାଃ ଆମ୍ ଆଲେକେ ଚି ସବେନ୍‌କକେ ନେ ଜନ୍‌କା କାଜି କାଜିୟାଲେତାନାମ୍ ?”

୪୨ ଆତଃ ପ୍ରାଭୁ କାଜିରୁହାଡ଼କେଦାଏ, “ଏତ୍ରେ ଗୁସିୟାଁ ଆୟାଃ ଅଡ଼ାଃରେନ୍‌କକେ ବୁଗିନ୍ ନେଡ଼ାରେ ଜମେୟାଃ ଏମାକ ନାଗେତ୍ରେ ଅକଏକେ ଜନିଃ ସାଲକିଆଏ, ଏନ୍‌ଲେକାନ୍ ପାତିୟାର୍‌ରେଃ ଆତଃ ସେଣ୍ଡିନ୍ ଭାଣ୍ଡାରି ଅକଏ ତାନିଃ ? ୪୩ ଆୟାଃ ଗୁସିୟାଁ ନେଲେକା କାମିତାନ୍ ଦାସିକେ ହିଜୁଃ ନାମିରେ ଜନିଃ ସୁକୁତାନ୍‌ଚିୟାଏ । ୪୪ ସାର୍‌ତିଗିଙ୍ଗ୍ କାଜିୟାପେତାନା, ଜନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ଦହଇୟାଏ । ୪୫ ମେନ୍‌ଦ ଏନ୍ ଦାସି, ଆଇଁୟାଃ ଗୁସିୟାଁରାଃ ହିଜୁଃତେୟାଃ ବିଲାମଃତାନାଃ ମେତ୍ରେ ମନ୍‌ତାୟାଃରେ କାଜିକେଦ୍‌ତେ ଦାସିକ ଆତଃ କାମ୍‌ଡ଼ିକକେ ଦାଦାଲ୍, ଆତଃ ଜଜମ୍ ନୁଁ ଆତଃ ବୁଲଃ ଏଡେଦ୍‌ରେଦ, ୪୬ ଏନ୍ ଦାସିଆଃ ଗମ୍‌କେ ଜନିଃ କାଏ ଉଡ଼ୁ ହୁଲାଇଙ୍ଗ୍‌ରେ ଆତଃ କାଏ ସାରି ଦିପିଲିରେ ହିଜୁଃଆଏ ଆତଃ ଜନିଃକେ ପୁରାଃ ଦୁକୁ ଏମାଜତାନ୍‌ଲଃ ଟୁକ୍‌ଡ଼ା ଟୁକ୍‌ଡ଼ା ମାଆଃଇୟାଏ, ଏତ୍ରେ କା ବିଶ୍ୱାସ୍ତାନ୍‌କଲଃ ହାନାଚିଙ୍ଗ୍‌ଆଏ ଏମାଜୟା ।

୪୭ “ଆୟାଃ ଗମ୍‌କେୟାଃ ମନ୍ ସାରିକେଦ୍‌ତେ କାଏ ସେକାଡ଼ାକାନ୍ ଆତଃ ଜନିୟାଃ ମନେଲେକା କା କାମିକେଦ୍ ଦାସି ପୁରାଃଚିୟାଏ ଦାଲଃଆ । ୪୮ ମେନ୍‌ଦ କା ସାରିକେଦ୍‌ତେ ଦାଲଃଲେକା କାମିକେଦ୍‌ନିଃ ହୁଡିଙ୍ଗ୍‌ଲେକାଏ ଦାଲଃଆ । ଆତଃ ପୁରାଃ ନାମାକାଦ୍‌କଏତେ ପୁରାଃ ଆସିୟାଃଆ; ଆତଃ ହଡ଼କ ପୁରାଃଚିକ ଏମାକାଜନିଃଏତେ ପୁରାଃଚିକ ଆସିୟା ।

☆ ୧୨:୩୫ ୧୨:୩୬ ମାଥୁର ୨୫:୧-୧୩. ☆ ୧୨:୩୭ ୧୨:୩୭ ମାର୍କ ୧୩:୩୪-୩୬. ☆ ୧୨:୩୯ ୧୨:୩୯ ମାଥୁର ୨୪:୪୩, ୪୪.

ୟୀଶୁଆଃ ନାଗେନ୍ତେ ବିନ୍‌ଗାଅ
(ମାଥୱ ୧୦:୩୪-୩୬)

୪୯ “ଆଇଙ୍ଗ ଅତେରେ ସେଙ୍ଗେଲ୍ ଜୁଲ୍‌ନାଙ୍ଗ ହିଜୁଆକାନାଇଙ୍ଗ, ଆତଃ ଆଇଙ୍ଗ ସାନାଙ୍ଗତାନାଇଙ୍ଗ, ଜାଲ୍‌ଦିଗି ସେଙ୍ଗେଲ୍ ଜୁଲ୍‌ନାଙ୍ଗ । ୫୦ *ମେନ୍‌ଦ ମିଆଁଦ୍ ବାପ୍ତିସ୍ମାଏତେ ଆଇଙ୍ଗକେ ବାପ୍ତିସ୍ମାଆଃ ଲାଗାତିଙ୍ଗୟାଃ, ଆତଃ ଏନା ଆଉରିତାବାଃଅ ଜାକେଦ୍ ଦୁକୁତେ ପୁରାଃଗିଇଙ୍ଗ ବିଦ୍‌ଲାଇକାନା । ୫୧ ଚିୟାଃ ଆଇଙ୍ଗ ଅତେଦିଶ୍ୱାମ୍‌ରେ ଜାତସ୍ତୁକ୍ ଏମତେ ହିଜୁଆକାନାଇଙ୍ଗ ମେନ୍ତେଦେ ଆଟ୍‌କାରିଙ୍ଗତାନା ? ବାନଃଗି, ମେନ୍‌ଦ ବିନ୍‌ଗାଅ ନାଗେନ୍ତେଇଙ୍ଗ ହିଜୁଂକାନା । ୫୨ ନାହାଃଏତେଦ ମିଆଁଦ୍ ପାରିବାରେନ୍ ପାଞ୍ଚାନ୍ ହଡକ ବିନ୍‌ଗାଅଆଃକ, ତିନ୍‌ଝାନ୍ ବାଃହଡକ୍‌କିନାଃ ବିରୁଧ୍‌ରେ ଆତଃ ବାଃହଡ୍, ତିନ୍‌ଝାନ୍‌କଆଃ ବିରୁଧ୍‌ରେ । ୫୩ ହନ୍‌କଡା ବିରୁଧ୍‌ରେ ଆପ୍, ଆତଃ ଆପ୍ ବିରୁଧ୍‌ରେ ହନ୍‌କଡା, ହନ୍‌କଡ୍ ବିରୁଧ୍‌ରେ ଏଙ୍ଗା, ଆତଃ ଏଙ୍ଗା ବିରୁଧ୍‌ରେ ହନ୍‌କଡ୍, କିମିନ୍ ବିରୁଧ୍‌ରେ ହାନାଃତେ ଆତଃ ହାନାଃତେୟାଃ ବିରୁଧ୍‌ରେ କିମିନ୍‌ତେ, ବିନ୍‌ଗାଅଆଃକ ।”

ଏନ୍ ଦିପିଲିରେୟାଃ ଚିହ୍ନାଁ
(ମାଥୱ ୧୨:୨-୩)

୫୪ ଜନିଃ ଗାଦେଲ୍ ହଡକକେ କାଜିୟାଦକଆଏ, ଆପେ ସିଙ୍ଗିହାସ୍‌ପୁରସାଃଏତେ ରିମିଲ୍ ରାକାବ୍‌ତାନ୍‌ଦେ ନେଲେତାନ୍ ଇମତା ଦାଆଃ ଗାମାୟାଏ ପେ ମେନେତାନା ଆତଃ ନେକାଅଃ ତାନ୍‌ଗିୟାଃ । ୫୫ ଆତଃ ଦାକ୍ଷିଣ୍ ହୟ ହୟତାନ୍ ନେଲ୍‌କେଦ୍‌ତେ ସିତୁଙ୍ଗ୍‌ୟେଆଏ ପେ ମେନେତାନା ଆତଃ ନେକାଅଃ ତାନ୍‌ଗିୟାଃ । ୫୬ ଏ ବେଦାହଡକ୍, ଆପେ ଅତେ ଆତଃ ସିମାରେୟାଃ ଚିହ୍ନାଁଦେ ଆଟ୍‌କାରିଙ୍ଗରୁମ୍ ଦାଡ୍‌ୟାଃ ମେନ୍‌ଦ ନେ ଦିପିଲିରେୟାଃ ଚିହ୍ନାଁ ଚିଲ୍‌କା କାପେ ନେଲ୍‌ଉରୁମେତାନା ?

ବାଇରିଲଃ ମେସାନାଃଗୁ
(ମାଥୱ ୫:୨୫-୨୬)

୫୭ ଚିନାଃମେନ୍ତେ ଠାଉକାନ୍ ଲେକାଗି ନେଲ୍‌ଃତେୟାଃ ଆପେଗି କାପେ ବିଚାରେତାନା ? ୫୮ ଆମାଃ ବାଇରିଲଃଦ ହାକିମ୍‌ତାମ୍ ସେନଃତାନ୍‌ରେ ଜନିଃଏତେ ଅତଙ୍ଗ୍‌ଆଃ ନାଙ୍ଗ୍ ହରାରେଗି ଉଡ୍‌ହୁଲେମେ, କାରେଦ୍ ଜନିଃ ବିଚାରିନିଃତାଃତେ ଆଇଙ୍ଗଇଦିମେୟାଏ, ଆତଃ ବିଚାରିନିଃ ସିପାଇକଆଃ ତିଃଇରେ ଜିମାମେୟା ଆତଃ ସିପାଇଦ୍ ଜେହେଲ୍‌ମେୟାଏ । ୫୯ ଆଇଙ୍ଗ କାଜିୟାମ୍ ତାନାଇଙ୍ଗ, ତାମ୍‌ ସିକା କାଉଡ୍ କାଉଡ୍ ଆଉରି ହାଲ୍‌ଗାବାଏ ଜାକେଦ୍ ଏନ୍‌ଃଏତେ କାମ୍ ଅତଙ୍ଗ୍ ଦାଡ୍‌ୟା ।

୧୩

ମନ୍‌ରୁହାଡ୍ ଲାଗାତିଙ୍ଗୟାଃ

୧ ଏନ୍ ଦିପିଲିରେ ଚିମ୍‌ନାଙ୍ଗ୍ ହଡକ ହିଜୁଆକାନ୍ ତାଇକେନାକ, ଇନ୍‌କୁ ଏନ୍ ଗାଲିଲ୍‌ରେନ୍‌କଆଃ କାଜି ଯୀଶୁକେ କାଜିକିୟାକ, ପିଲାତୁସ୍*ଦ ଚିଲ୍‌କା ପାରମେଶ୍ୱାଃତାଃରେ ବିଶ୍ୱାସ୍ ତାନ୍‌କଆଃ ମାୟୋମ୍ ଦାଣ୍ଟୋରାକାଦ୍ ଜାତୁକଆଃ ମାୟୋମ୍‌ଲଃ ମେସାକେଦାଏ । ୨ ଆତଃ ଯୀଶୁ ଇନ୍‌କୁକେ କାଜିକେଦକଆଏ, “ଚିୟାଃ ନେ ଗାଲିଲ୍‌ରେନ୍‌କ ସବେନ୍ ଗାଲିଲ୍‌ରେନ୍ କଆଃଏତେ ଆଦକା ପାପିକ ତାଇକେନ୍ ନାଗେନ୍ତେ ନେ ଦୁକୁକ୍ ସାହାଡିଙ୍ଗକେଦାଃ, ନେଆଁପେ ଆଟ୍‌କାରେ ତାନାତି ? ୩ ବାନଃଗି ମେତାପେତାନାଇଙ୍ଗ, ମେନ୍‌ଦ ଆପେ ପାପ୍‌ହେତେ କାପେ ମନ୍‌ରୁହାଡ୍ରେଦ୍ ଆପେ ସବେନ୍‌କ ନେ ଲେକାଗି ଜିୟନଃଆପେ । ୪ ଆତଃ ଶିଲୋହରେ ଦାଃଖାନ୍ ଅଡ଼ାଃ ଏନ୍ ଆଠ୍‌ରା ଝାନ୍ ହଡକରେ ଉୟୁଃୟାନା ଆତଃ ଇନ୍‌କୁକେ ଗଏଃକେଦକଆଏ, ଇନ୍‌କୁଆଃ ବିଷାଏରେ ଚିନାଃପେ ଉଡ୍‌ହୁତାନା ? ଚିୟାଃ ଇନ୍‌କୁ ସବେନ୍ ଯୀରୁଶାଲେମ୍‌ରେନ୍‌କଏତେ ଆଦକା ପାପିକ ତାଇକେନା ମେନ୍ତେଚିପେ ଆଟ୍‌କାରେ ତାନା ? ୫ ବାନଃଗି ମେତାପେ ତାନାଇଙ୍ଗ, ମେନ୍‌ଦ ଆପେ ପାପ୍‌ହେତେ କାପେ ମନ୍‌ରୁହାଡ୍‌ରେଦ୍ ଆପେ ସବେନ୍‌କ ନେ ଲେକାଗି ଜିୟନଃଆପେ ।”

କା ଜଅଃତାନ୍ ଲଆ ଦାରୁରାଃ ଜନ୍‌କା କାଜି

୬ ଏନ୍ତେ ଯୀଶୁ ନେ ଜନ୍‌କା କାଜି କାଜିକେଦାଏ, “ଜେତାଏ ମିଆଁଦ୍‌ହଡ୍ ଆୟାଃ ଦାଖ୍‌ବାକ୍‌ଡିରେ ମିଆଁଦ୍ ଲଆଦାରୁ ରୟାକାଦ୍ ତାଇକେନାଏ, ଆତଃ ଜନିଃ ଏନାରେ ଜ ନାମେନାଗେନ୍ତେ ହିଜୁଃୟାନାଏ, ମେନ୍‌ଦ ମିଆଁଦ୍ ହ ଜ କାଏ ନାମକେଦାଃ । ୭ ଏନାମେନ୍ତେ ଜନିଃ ମାଲିହଡକେ କାଜିକିୟାଏ, ‘ନେଲେମେ

* ୧୨:୫୦ ୧୨:୫୦ ମାର୍ଚ୍ଚ ୧୦:୩୮. * ୧୩:୧ ୧୩:୧ ପିଲାତୁସ୍_1୫ ୨୬-୩୭ ସାନ୍‌ତେ ଯାହୁଦାରେନ୍ ରୋମି ଶାସକ † ୧୩:୩ ୧୩:୩ ମନ୍‌ରୁହାଡ୍ ହେୟାଡିଙ୍ଗ

ଆଦି ସିର୍ମାଏତେ ନେ ଲଆଦାରୁରେ ଜ ନାମେନାଗେନ୍ତେ ହିଜୁଃତାନାଇଙ୍ଗ୍ ମେନ୍ଦ କାଇଙ୍ଗ୍ ନାମେତାନା, ଏନା ମାଏଃମେ, ଚିକାନାଙ୍ଗ୍ ଅତେ ଏସେରେତାନାଏ ?” ୮ ମେନ୍ଦ ମାଲିହଡ଼ କାଜିକେଦାଏ, ‘ହେ ଗମ୍ବକେ, ଏନାକେ ନେ ସିର୍ମାହରି ତାଇରିକାଏମେ, ଆଇଙ୍ଗ୍ ଏନାକେ ଉର୍ବିହୁର୍ବକେଦତେ ସାରାହାସା ପେରେଜେୟାଇଙ୍ଗ୍ । ୯ ଇଦୁ ହିଜୁଃସିର୍ମା ନେଆଁରେ ଜ ନାମ୍ ସାକାଅଆଃ, କା’ରେଦ ତାୟମ୍ବତେ ଏନାକେ ମାଆଃଇଚିମେ ।”

ୟାଶୁ ରୁଡ଼ନୁ ହୁଲାଙ୍ଗ୍ରେ ମିଆଁଦ୍ କୁବଡ଼ିକୁଡ଼ିକେ ବୁଗିନ୍ଦକିୟାଏ

୧୦ ଯାଶୁ ରୁଡ଼ନୁ ହୁଲାଙ୍ଗ୍ରେ ମିଆଁଦ୍ ଯିହୁଦୀକଆଃ ସାମାଜ୍ ଅଡ଼ାଃରେ ଇଡୁକତାନ୍ ତାଇକେନାଏ । ୧୧ ଆତଃ ନେଲେପେ ଏଗ୍ରାଃରେ ଆଠ୍ଠା ବାରାଷ୍ଠଏତେ ମିଆଁଦ୍ କୁଡ଼ିକେ ଏଡ଼କାନ୍ ଆମ୍ । ଏସେରାକାଇତେ ନାରାଦୁରାଇତାନ୍ ତାଇକେନାଏ, ଇନିଃ ଉଙ୍ଗ୍ଦକେଦତେ ତାଇକେନାଏ, ଜେତାଲେକାତେ ସିଧାଡ଼ିଙ୍ଗୁଃ କାଏ ଦାଡ଼ିତାନ୍ ତାଇକେନା । ୧୨ ଯାଶୁ ଇନିଃକେ ନେଲକିୟାଏ ଆତଃ ନାଡ଼େଃତେ ହାକାଅତାନ୍ଲଃ କାଜିକିୟାଏ, “ଏ କୁଡ଼ି, ଆମାଃ ନାରାଦୁରା ଦୁକୁଏତେ ବୁଗିନାନାମ୍ ।” ୧୩ ଆତଃ ଯାଶୁ ଇନିଃରେ ତିଃଇ ଦହକେଦାଏ ଆତଃ ଇନିଃ ଇମତାଙ୍ଗ୍ରି ବୁଗିନ୍ଦୟାନାଏ, ଆତଃ ପାର୍ମେଗ୍ଠାବ୍ରେକେ ମାରାଙ୍ଗ୍କିୟାଏ ।

୧୪ ଯାଶୁ ରୁଡ଼ନୁ ହୁଲାଙ୍ଗ୍ରେ ବୁଗିକିୟାଏ ନେଆଁତେ ସାମାଜ୍ ଅଡ଼ାଃରେନ୍ ଆଗୁଆଇ ଖୁସୟାନାଏ, ଆତଃ ହଡ଼କକେ କାଜିକେଦକଆଏ, “ଛ’ମାହାଁ ମେନାଃ ଏନାରେ କାମି ଲାଗାଡ଼ିଙ୍ଗ୍ୟାଃ, ଏନ୍ ହୁଲାଙ୍ଗ୍ରେ ବୁଗିନିଃ ନାଗେନ୍ତେ ହିଜୁଃପେ, ରୁଡ଼ନୁ ହୁଲାଙ୍ଗ୍ରେଦ କାହା ।”

୧୫ ମେନ୍ଦ ପ୍ରାଭୁ ଯାଶୁ ଇନିଃକେ କାଜିରୁହାଡ଼କିୟା, “ଆପେ ସବେନ୍ ବେଦାହଡ଼କ, ଚିୟାଃ ଆପେ ସବେନ୍ଦକ ରୁଡ଼ନୁ ହୁଲାଙ୍ଗ୍ରେ ଆପେୟାଃ ଉରିଃକ ଚି ଗାଧାକକେ ଗଣାଁଏତେ ରାଡ଼ାକେଦତେ ଦାଆଃ ନୁଁ ତେ କାପେ ଇଦିକତାନା ? ୧୬ ଆତଃ ନେ କୁଡ଼ିହନ୍ଦ୍ ଆଗ୍ରାହାମଆଃ କୁଡ଼ିହନ୍ଦ୍ ତାନିଃ, ନେଲିପେ ଇନିଃ ସାଏତାନ୍ରାଃ ତନଲ୍ରେ ଆଠ୍ଠା ବାରାଷ୍ଠ ତଲ୍ଲାଇତାଇନାଏ, ଚିୟାଃ ଇନିଃକେ ରୁଡ଼ନୁ ହୁଲାଙ୍ଗ୍ରେ ଏନାଏତେ ରାଡ଼ାଇତେୟାଃ କା ଲାଗାଡ଼ିଙ୍ଗ୍ ତାଇକେନା ?” ୧୭ ଯାଶୁ ନେଆଁ କାଜିକେଦ୍ ଇମ୍ବତା, ଇନିୟାଃ ସବେନ୍ ମୁଦାଇକ ଚିହୁଃୟାନାକ ମେନ୍ଦ୍ ହଡ଼କ ଯାଶୁଆଃ ଆକ୍ଦାଦାଅକାମି ନେଲ୍ଲକେଦତେ ରାସ୍ତାୟାନାକ ।

ମାନିଜାଙ୍ଗ୍ରାଃ ଜନକା କାଜି

(ମାଥୁଉ ୧୩:୩୧-୩୨; ମାର୍କ ୪:୩୦-୩୨)

୧୮ ଏନ୍ତେ ଯାଶୁ କୁଲିକେଦାଏ, “ପାର୍ମେଗ୍ଠାବ୍ରେଆଃ ରାଇଜ୍ ଚିନାଃ ଲେକା ? ଆଇଙ୍ଗ୍ ଏନାକେ ଚିନାଃତେରିଇଙ୍ଗ୍ ଜକାଏୟା ? ୧୯ ଏନା ମିଆଁଦ୍ ମାନିଜାଙ୍ଗ୍ଲେକା, ଏନା ମିଆଁଦ୍ ହଡ଼ ଇଦିକେଦତେ ଆୟାଃ ବାଖୁଡ଼ିରେ ହେରକେଦାଏ, ଏନା ହାରୟାନା ଆତଃ ମାରାଙ୍ଗ୍ ଦାରୁୟାନା, ସିର୍ମାରେନ୍ଦ୍ ଚେଣ୍ଟେକ୍ ଏନାରାଃ କତକରେକ ଅକାକେଦା ।”

ରାନୁରାଃ ଜନକା କାଜି

(ମାଥୁଉ ୧୩:୩୩)

୨୦ ଆତଃଚି ଯାଶୁ ମେତାଦକଆଏ, “ଆଇଙ୍ଗ୍ ପାର୍ମେଗ୍ଠାବ୍ରେଆଃ ରାଇଜ୍ ଚିନାଃତେରିଇଙ୍ଗ୍ ଜକାଏୟା ? ୨୧ ଏନା ରାନୁ ଲେକାଃ, ଏନା ଜେତା କୁଡ଼ି ଏନା ଆଉକେଦତେ ତିନ୍ କେଜି ମାଇଦାରେ ଏନା ଆଉରି ରାନୁଚାବାଆଃ ଜାକେଦ୍ ସିପୁଦକେଦାଏ ।”

ରେସେଦ୍ ଦୁଆର୍ତ୍ତେ ବଲଃରେୟାଃ ଇନିଡୁ

(ମାଥୁଉ ୭:୧୩-୧୪, ୨୧-୨୩)

୨୨ ଯାଶୁ ଇଡୁକତାନ୍ଲଃ ସାହାର୍ ସାହାର୍ ଆତଃ ହାଡୁ ହାଡୁ ପାରମ୍ପାୟାନ୍ତେ ଯାଶୁଗାଲେମ୍ପାସା ସେନଃତାନାଏ ତାଇକେନା । ୨୩ ଜେତାଏନିହୁଡ଼୍ କୁଲିକିୟାଏ, “ହେ ପ୍ରାଭୁ ଚିୟାଃ ବାଞ୍ଛାଆଃ ହଡ଼କ କାଟିଃଲେକାଃକ ?” ଯାଶୁ କାଜିୟାଦକଆଏ, ୨୪ “ରେସେଦ୍ ଦୁଆର୍ତ୍ତେ ବଲଃନାଗେନ୍ତେ ଚିହୁଲାନ୍ଦେ, † ଚିୟାଃଚି ଆଇଙ୍ଗ୍ କାଜିୟାପେତାନା, ଏନାରେ ବଲନାଙ୍ଗ୍ ପୁରାଃ ହଡ଼କ ସାନାଙ୍ଗ୍ଆଃ ମେନ୍ଦ୍ କାକ ଦାଡ଼ିୟାଃ । ୨୫ ଆତଃ ଗୁସିୟାଁ ବିରିଦ୍ୟାନ୍ତେ ଦୁଆର୍ ହାଣ୍ଡେଦତାରେ, ତାୟମ୍ବତେ ଆପେ ରାଚାରେପେ ତିଙ୍ଗୁନାଃ ଆତଃ ଦୁଆର୍ତ୍ତରେପେ ଠକ୍ଠକାଏୟା ଆତଃ ‘ହେ ପ୍ରାଭୁ ନିଜାଲେମ୍’ ମେନେୟା, ମେନ୍ଦ୍ ଇନିଃ ମେତାପେୟାଏ, ‘ଆପେ କତଃରେନ୍ଦକ ତାନ୍ଦେ ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’ ୨୬ ଏନ୍ତେ ଆପେ ମେନେୟା, ଆଲେ ଆମାଃଲଃ ଜମ୍ ଆତଃ ନୁଁ ତାଇନାଲେ ଆତଃ ଆମ୍ ଆଲେୟାଃ ହରାକରେ

† ୧୩:୨୪ ୧୩:୨୪ ଚିହୁଲାନ୍ଦେ ତେଷ୍ଟାଏପେ

ଇତ୍ରୁକେଦଲେୟାମ୍ । ୨୭ ଫେନଦ୍ ଇନିଃ ଫେନେୟାଏ, ‘ଆପେ ଅକଏ ଆତଃ କତାଃରେନକ୍ ତାନପେ ଏନା କାଈଙ୍ଗ୍ ସାରିୟାଃ, ଏ ଏଡକାନ୍ କାମିକେନକ୍, ଆପେ ସବେନ୍ ଆଇଙ୍ଗ୍ତାଃଏତେ ଆତମଃପେ । ୨୮ *ଆପେ ଚିମ୍ତା ଆଗ୍ରାହାମ୍, ଇସାକ୍, ଯାକ୍ତୁଏ ଆତଃ ସବେନ୍ ନାବାକକେ ପାର୍ମେଶ୍ୱାର୍ଆଃ ରାଈଙ୍ଗ୍ରେ ଦୁବାକାନ୍ ଆତଃ ଆପେକେ ବାହାରିରେ ଅତଙ୍ଗ୍ଆଁକାନ୍ ତେୟାଃପେ ନେଲେୟା । ଇମ୍ତା ଏନ୍ତାଃରେ ରାନାଆଃ ଆତଃ ତାଗା ହାବ୍ ରିଡିଦଃଆ, ୨୯ ହଡକ ପୁରାବ୍ ଆତଃ ପାଶ୍ଚିମ୍, ଉତ୍ତାର୍ ଆତଃ ଦାକ୍ଷିଣ୍ୟାଃଏତେ ହିଜୁଃକେଦ୍ତେ ପାର୍ମେଶ୍ୱାର୍ଆଃ ରାଈଙ୍ଗ୍ରେ ଜଜମ୍ ନାଙ୍ଗ୍ ଦୁବାଃ । ୩୦ *ଆତଃ ନେଲେପେ, ସାର୍ଡିଗି, ତାୟମ୍ରେନକ୍ ଆୟାରଃଆ ଆତଃ ଆୟାର୍ରେନକ୍ ତାୟମଃଆ । ’”

**ଯୀରୁଶାଲେମ୍ ନାଗେନ୍ତେ ଯୀଶୁଆଃ ଦୁଲାଡ୍,
(ମାଥୁର ୨୩:୩୭-୩୯)**

୩୧ ଏନ୍ ଦିପିଲରେଗି ଚିମିନ୍ ଫାରୁଶାକ ହିଜୁଃୟାନ୍ତେ ଯୀଶୁକେ କାଜିକିୟାଃକ, “ନେତାଃଏତେ ଅତଙ୍ଗ୍କେଦ୍ତେ ସେନଃପେ, ହେରେଦ୍ ଆମ୍ବ୍ କେ ଗିଗଏଃ ସାନାଙ୍ଗ୍ତାନାଏ ।”

୩୨ ଯୀଶୁ କାଜିୟାଦକଆଏ, “ଜୁ ନେଆଁ ଏନ୍ ତୁୟୁକେ କାଜିୟାଈପେ, ‘ଆଇଙ୍ଗ୍ ତିସିଙ୍ଗ୍ ଆତଃ ଗାପା ବଙ୍ଗାକଇଙ୍ଗ୍ ଅତଙ୍ଗ୍କଆ ଆତଃ ଦୁକୁଆକାନକଇଙ୍ଗ୍ ବୁଗିକଆ ଆତଃ ଆପି ମାହାଁରେଇଙ୍ଗ୍ ସେକାଡଃଆଃ ।’ ୩୩ ଏନ୍ରେୟ ତିସିଙ୍ଗ୍ ଆତଃ ଗାପା ଆତଃ ମେୟାଙ୍ଗ୍ ଆଇଙ୍ଗ୍କେ ହନର୍ ଲାଗାଡିଙ୍ଗ୍ୟାଃ, ସାର୍ଡିଗି ଜେତାଏ ନାବୀ ଯୀରୁଶାଲେମ୍ ଏତେ ଏତାଃ ଜାଗାରେ ଗଜଃ କା ଲାଗାଡିଙ୍ଗ୍ୟାଃ ।

୩୪ “ହେ ଯୀରୁଶାଲେମ୍, ହେ ଯୀରୁଶାଲେମ୍ ଆମ୍ ନାବାକକେମ୍ ଗଏଃକେଦକଆ ଆତଃ ଆମ୍ତାଃତେ କୁଲ୍ଲାନକକେ ଚିଦ୍ଗିଗଏଃ କେଦକଆମ୍, ଏଙ୍ଗାସିମ୍ ଆୟାଃ ହନକକେ ଆପରବ୍ ଲାତାର୍ରେ ଆବ୍ତୁମ୍ ତପାକତାନଲେକା ଚିମିନ୍ସ ଆଇଙ୍ଗ୍ ଆମାଃ ହନକକେ ହୁଣ୍ଡିସାନାଙ୍ଗ୍କେଦାଈଙ୍ଗ୍, ଫେନଦ୍ ଆପେ କାପେ ପାନାଙ୍ଗ୍କେଦାଃ । ୩୫ ନେଲେପେ, ଆପେୟାଃ ମାନ୍ଦିର ଆପେତାଃରେ ହାଦୁଡନାଙ୍ଗ୍ ବାଗିୟାତାନା । ଚିୟାଃତି ଆଇଙ୍ଗ୍ ଆପେକେ କାଜିୟାପେ ତାନାଈଙ୍ଗ୍, ‘ପ୍ରାଭୁଆଃ ନୁଡୁମ୍ତେ ହିଜୁଃତାନିଃକେ ପାର୍ମେଶ୍ୱାର୍ ଆଶିଷ୍ ଏମାଈକାଏ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଏତେ ଆତଃ ଆଇଙ୍ଗ୍କେ କାପେ ନେଲିୟାଃ ।’”

୧୪

ଯୀଶୁ ମିଆଁଦ୍ କାଗା ତିଃଇ ମିଃତାନ୍ ହଡକେ ବୁଗି ତାନାଏ

୧ ମୁସିଙ୍ଗ୍ ରୁଡୁନ୍ ହୁଲ୍ଲାଙ୍ଗ୍ରେ ଯୀଶୁ ଫାରୁଶାକଆଃ ମିଆଁଦ୍ ଆଗ୍ରାଆଇରାଃ ଅତାଃରେ ହଲ୍ଲଙ୍ଗ୍ ଜମ୍ତାନାଙ୍ଗ୍ ସେନଃୟାନାଏ ଆତଃ ଇନିଃକେ ଲଡ଼ଇତାନକ୍ ତାଇକେନା । ୨ ନେଲେପେ, ମିଆଁଦ୍ କାଗା ତିଃଇ ମିଃତାନ୍ ହଡ଼ ଇନିୟାଃ ଆୟାର୍ରେତେ ହିଜୁଃୟାନାଏ । ୩ ଯୀଶୁ “ରୁଡୁନ୍ ହୁଲ୍ଲାଙ୍ଗ୍ରେ ବୁଗି ଲାଗାଡିଙ୍ଗ୍ୟାଃ ତି କା” ମେନ୍ତେ ଆଇନ୍ ଇତ୍ରୁକ୍ ଆତଃ ଫାରୁଶାକକେ କୁଲ୍ଲିକେଦକଆଏ । ମେନଦ୍ ଇନକୁ ହାପାୟାନାକ ।

୪ ଆତଃ ଯୀଶୁ ଏନ୍ ହଡକେ ସାବତାନଲଃ ବୁଗିକିୟାଏ ଆତଃ କୁଲ୍ଲକିୟାଏ । ୫ *ଏନ୍ତେ ଯୀଶୁ ଇନକୁକେ କାଜିରୁହାଡାଦକଆ, “ଆପେକଏତେ ଜେତାଏରାଃ ହନକଡା” ତାଏ ଉରିଃକ୍ କୁଆଁରେ ଉୟୁଃକରେ ଚିୟାଃ ଇନିଃ ଇମ୍ତାଙ୍ଗ୍ଗି ରୁଡୁନ୍ ହୁଲ୍ଲାଙ୍ଗ୍ରେ କାଏ ଅତଙ୍ଗ୍ଇୟା ?”

୬ ଆତଃ ଇନକୁ ନେ ସବେନ୍ କାଜିନାଙ୍ଗ୍ ଇନିଃକେ କାକ କାଜିରୁହାଡାଦାଡିୟାନା ।

କୁପୁଲ୍ଲକ୍ ଆତଃ କୁପୁଲ୍ଲନିୟାଃ ଜନକା କାଜି

୭ ଯୀଶୁ କେଡାକାନ୍ ହଡକକେ ଚେତାନଠାୟାଦ୍ ସାଲାତାନ୍ ନେଲ୍ଲକେଦ୍ତେ, ନେ ଜନକା କାଜି ଇନକୁକେ କାଜିକେଦକଆ, ୮ “ଜେତାଏ ହଡ଼ ଆଣ୍ଡି ଜମେୟାଃରେ କେଡାମେରେଦ୍ ଚେତାନ୍ ଠାୟାଦ୍ରେ ଆଲ୍ଲମେ ଦୁବାଃ, ଇଜୁ ଇନିଃ ଆମାଃଏତେ ଆଦକା ମାଈନାନ୍ ହଡକେ କେଡାକାଈୟାଏ । ୯ ଆମ୍ ଆତଃ ଇନିଃକେ କେଡାକେଦ୍ମେନିଃ ହିଜୁଃଲେନ୍ତେ, ‘ମାର୍ ନେ ଠାୟାଦ୍ରେ ନେ ହଡକେ ଦୁବ୍ଇଚିମ୍ମେଁ ମେତାମ୍ମେୟାଏ, ଏନ୍ତେ ଆମ୍ ଗିହୁଃୟାନ୍ତେ ସବେନ୍ଏତେ ଲାତାର୍ ଠାୟାଦ୍ରେମ୍ ଦୁବାଃ । ୧୦ ମେନଦ୍ ଆମ୍ କେଡାଆଃରେ କେଡାକାଦ୍ମେନିଃ ହିଜୁଃକେଦ୍ତେ, ‘ଏ ଗାଡି ଚେତାନ୍ରେ ଦୁବ୍ମେଁ ମେତାମ୍ମେକାଏ ମେନ୍ତେ ସବେନାଃଏତେ ଲାତାର୍ ଠାୟାଦ୍ରେ ସେନ୍କେଦ୍ତେ ଦୁବ୍ମେଁ, ଏନ୍ତେ ଆମାଃଲଃ ଜଜମ୍ ଦୁବାକାନକଆଃ ଆୟାର୍ରେମ୍ ମାଈନଃଆ । ୧୧ *ଜେତାଏ ମାରାଙ୍ଗ୍ମେନ୍ନିଃଦ୍ ହୁଡିଙ୍ଗ୍ୟାଆଏ

* ୧୩:୨୮ ୧୩:୨୮ ମାଥୁର ୮:୧୧,୧୨. * ୧୩:୩୦ ୧୩:୩୦ ମାଥୁର ୧୯:୩୦; ୨୦:୧୭; ମାର୍କ ୧୦:୩୧. § ୧୩:୩୨ ୧୩:୩୨ ସେକାଡଃଆ ଆଇୟାଃ କାମି ଚାବଅଃଆ * ୧୪:୫ ୧୪:୫ ମାଥୁର ୧୨:୧୧. * ୧୪:୫ ୧୪:୫ ହନକଡାଚିମିନ୍ ଅନଲ୍ଲକରେ ଗାଧା ଅଲ୍ଲାନା * ୧୪:୧୧ ୧୪:୧୧ ମାଥୁର ୨୩:୧୨; ଲୁକ ୧୮:୧୪.

୩୨ କାଏ ଦାଡ଼ିରେଦ, ଏଗାଃ ରାଜା ସାଜିନରେ ତାଇନ୍ ଇମତାରି ଜନିଃ କାଜିଇଦିନିଃକେ କୁଲ୍ଲକେଦ୍‌ତେ ସୁକୁଜୀଉରେ ତାଇନଃ ନାଜ୍ ବିକ୍ରିୟାଏ । ୩୩ ନେ ଲେକାତେ ଆପେକଏତେ ଜେତାଏ ଆକଆଃ ସବେନ୍‌ ଫେନାଃତେୟାଃ କାକ ବାରିରେଦ ଆଇଁୟାଃ ତେଲା କାକ ହବାଦାଡ଼ିୟଆଃ ।”

ସାବାଃ ବୁଲୁଙ୍ଗ୍
(ମାଥୁର ୫:୧୩; ମାର୍କ ୯:୫୦)

୩୪ “ବୁଲୁଙ୍ଗ୍ ବୁଗିନାଃ, ଫେନ୍‌ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍‌କାତେ ଆତଃମିସା ସିବିଲ୍‌କୁହାଡ଼ଃଆ । ୩୫ ଏନା ଅତେନାଜ୍ ଚାଏ ସାରାଗାଡ଼ା ନାଗେନ୍ତେୟ କାମିରେ କା ହିଲୁଃଆ; ହଡ଼କ ଏନାକେ ଏଣ୍ଡାଃୟାକ । ଆୟୁମ୍ ନାଗେନ୍ତେ ଲୁଡ଼ର୍ ଫେନାଃନିଃ ଆୟୁମେକାଏ ।”

୧୫

ଆଦାକାନ୍ ମିଣ୍ଡି ଆତଃ ଆଦାକାନ୍ ସିକିରେୟାଃ ଜନ୍‌କା କାଜି
(ମାଥୁର ୧୮:୧୨-୧୪)

୧ * ମୁସିଙ୍ଗ୍ ହୁଲାଙ୍ଗ୍ ସବେନ୍‌ ମାଲ୍‌ହାରମ୍‌କ ଆତଃ ପାପି ହଡ଼କ ଯୀଶୁଆଃ କାଜି ଆୟୁମ୍ ନାଗେନ୍ତେ ଜନିଃତାଃତେ ହିଲୁଃତାନକ ତାଇକେନା । ୨ ଫେନ୍‌ଦ ଫାରୁଣୀକ ଆତଃ ଆଇନ୍ ଇଡ଼ୁକ କୁରୁମ୍‌ଡ଼ୁରୁମ୍‌ୟାନଲ୍‌ଲଃ* ଫେନ୍‌କେଦାଃକ, “ନିଃ ପାପିକକେ ସୁକୁଆକୁତାନାଏ ଆତଃ ଆକଆଃଲଃ ଜମେତାନାଏ ।” ୩ ଏନ୍ତେ ଯୀଶୁ ଇନ୍‌କୁକେ ନେ ଜନ୍‌କା କାଜି ଉତୁବାଦକଆଏ ।

୪ “ଆପେକଏତେ ଜେତାଏୟାଃ ମଣ୍ଡେହିସି† ମିଣ୍ଡିକ ତାଇନ୍‌ରେଦ ଆତଃ ଇନ୍‌କୁଏତେ ମିଆଁଦ୍ ଆଦଃରେଦ ଚିୟାଃ ଜନିଃ ଏନ୍‌ ଉପୁନ୍‌ହିସି ଗେଲ୍‌ଅରେୟା‡ ମିଣ୍ଡିକକେ ବିରରେ କାଏ ବାରିକଆ ଆତଃ ଏନ୍‌ ଆଦାକାନ୍‌ନିଃକେ ଆଉରିନାମି ଜାକେଦ୍ କାଏଚି ଦାଣ୍ଡାବାଡ଼ାୟା ? ୫ ଆତଃ ଜନିଃକେ ନାମତାଇରେଦ ରାସକାତାନଲ୍‌ଲଃ ଆୟାଃ ତାରାନ୍‌ରେୟାଏ ଗଅଃଆଉଝିୟା, ୬ ଆତଃ ଅଡ଼ାଃତେ ହିଲୁଃକେଦ୍‌ତେ ଆୟାଃ ଗାଡ଼ିକକେ ଆତଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ ‘ଆଇଁୟାଃଲଃ ରାସକାନ୍‌ପେ, ଆଇଁୟାଃ ଆଦାକାନ୍ ମିଣ୍ଡିକେଇଙ୍ଗ୍ ନାମରୁହାଡ଼କିୟା’ ମେତାକଆଏ । ୭ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାରି ମନ୍‌ରୁହାଡ଼୍ କା ଲାଗାଡ଼ିଙ୍ଗ୍ ଉପୁନ୍‌ହିସି ଗେଲ୍‌ଅରେୟା ଧାର୍‌ମାନ୍‌କଏତେ ଆଦକା ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ସିମ୍‌ରେନ୍‌କ ରାସକାଅଆଃକ ।

ଆଦାକାନ୍ ସିକା

୮ “ଚାଏ ଜେତାଏ କୁଡ଼ିରାଃ ଗେଲ୍‌§ ସିକା* ଫେନାଃରେଦ ଆତଃ ମିଆଁଦ୍ ଆଦଃରେଦ, ଚିୟାଃ ଜନିଃ କାଏ ଦିମିୟା ଆତଃ ଅଡ଼ାଃକେ କାଏ ଜଗେୟା ଆତଃ ଆଉରି ନାମେଜାକେଦ୍ ଚିହୁଲ୍‌ତେ† କାଏଚି ଦାଣ୍ଡାବାଡ଼ାୟା ? ୯ ଆତଃ ଏନା ନାମକେଦ୍‌ରେ ଆୟାଃ ଗାଡ଼ିକକେ ଆତଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ, ଆଇଁୟାଃଲଃ ରାସକାନ୍‌ପେ, ଆଇଁୟାଃ ଆଦାକାନ୍ ସିକାଇଙ୍ଗ୍ ନାମରୁହାଡ଼କାଦା ମେତାକଆଏ । ୧୦ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାରି ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ପାର୍‌ମେଶ୍‌ବରାଆଃ ଦୁଡ଼କ ରାସକାଅଆଃକ ।”

ଆଦ୍‌ଲେନ୍‌ ହନ୍‌ଆଃ ଜନ୍‌କା କାଜି

୧୧ ଏନ୍ତେ ଯୀଶୁ ଆତଃଠି କାଜିକେଦାଏ, “ଜେତାଏ ହଡ଼ଆଃ ବାର୍‌ହଡ଼୍ କଡ଼ାହନ୍‌କିନ୍‌ ତାଇକେନା । ୧୨ ଇନ୍‌କିନ୍‌ଏତେ ଲିଗା‡ ହନ୍‌ କାଜିକିୟାଏ, ‘ହେ ଆବା, ଫେନାଃତେୟାଃଏତେ ଆଇଁୟାଃ ହାଚିଙ୍ଗ୍ ଏମାଇଙ୍ଗ୍‌ମେ ।’ ଏନ୍ତେ ଏନ୍‌ ହଡ଼ ଆୟାଃ ଫେନାଃତେୟାଃ ହାଚିଙ୍ଗ୍‌ଆଦ୍‌କିନାଏ । ୧୩ ଚିମିନ୍‌ ମାଃ ତାୟମ୍‌ତେ ଲିଗା ହନ୍‌ ଏନ୍‌ ସବେନାଃ ହୁଣ୍ଡିକେଦ୍‌ତେ ସାଜିନ୍‌ ଦିଶୁମ୍‌ତେ ସେନଃୟାନାଏ ଆତଃ ଏନ୍ତାଃରେ ଏଡ଼କାନ୍ କାମିକରେ ତାଇକେନା ଏନ୍ତେ ଆୟାଃ ସବେନାଃତେୟାଃ ଛିଡ଼ିବିଡ଼ିକେଦାଏ । ୧୪ ଜନିଃ ସବେନାଃ ଚାବାକେଦ୍‌ଚି, ଏନ୍‌ ଦିଶୁମ୍‌ରେ ପୁରାଃ ରିଙ୍ଗାୟାନା ଆତଃ ଜନିଃ ରେଙ୍ଗେଃୟାନାଏ । ୧୫ ଏନ୍ତେ ଜନିଃ ସେନଃୟାନ୍ତେ ଏନ୍‌ ଦିଶୁମ୍‌ରେନ୍‌ ମିଆଁଦ୍ ହଡ଼ତାଃରେ ଦାସିତାଇକେନାଏ, ଏନ୍‌ ହଡ଼ ଆୟାଃ ପିଡ଼ିରେ ସୁକୁରି ଗୁପିତେ ଜନିଃକେ କୁଲ୍‌କିୟାଏ । ୧୬ ଆତଃ ଜନିଃ ସୁକୁରି ଜମତେୟାଃ ଆୟାଃ ଲାହିଦ୍ ବିଏ ସାନାଇଁତାନ୍ ତାଇକେନାଏ ଆତଃ ଜେତାଏ ଜନିଃକେ କାକ ଏମାଇତାନ୍ ତାଇକେନା ।

* ୧୫:୧ ୧୫:୧ ଲୁକ ୫:୨୯. ୩୦. * ୧୫:୨ ୧୫:୨ କୁରୁମ୍‌ଡ଼ୁରୁମ୍‌ୟାନଲ୍‌ଲଃଅଇୟୋଗ୍ / କୁର୍‌ବୁରାଅ † ୧୫:୪ ୧୫:୪ ମିଦ୍‌ଗାଅ ‡ ୧୫:୪ ୧୫:୪ ଅନାଇସ୍ § ୧୫:୮ ୧୫:୮ ଦାଗ୍ * ୧୫:୮ ୧୫:୮ ମିହୁଡ଼୍ ହଡ଼ରାଃ ମୁସିଙ୍ଗ୍‌ରାଃ ମାଜ୍‌ରି ଗନଙ୍ଗ୍ † ୧୫:୮ ୧୫:୮ ଚିହୁଲ୍‌ତେ ସାତାନ୍‌ତେ ‡ ୧୫:୧୨ ୧୫:୧୨ ଲିଗା ହୁଡ଼ିଙ୍ଗ୍

୧୭ ଏବେ ଜନିଃ ପାହାନ୍ ରୁହାଡ଼କେଦତେ କାଜିକେଦାଏ, ପୁରାଃଗି ସାରେଜଉତାରଃ ଲେକା ଜମେୟାଃ ଆପୁଇୟାଃ ଚିମିନ୍ ନାଲାକତାଃରେ ମେନାଃ ଆତଃ ଆଇଙ୍ଗ୍ ନେତାଃରେ ରେଙ୍ଗେଃତେ ଗଜଃତାନାଇଙ୍ଗ୍ । ୧୮ ଆଇଙ୍ଗ୍ ବିରିଦକେଦତେ ଆପୁଇଙ୍ଗ୍ତାଃ ସେନଃଆଇଙ୍ଗ୍ ଆତଃ କାଜିୟାଇଙ୍ଗ୍, ହେ ଆବା, ଆଇଙ୍ଗ୍ ସିମ୍ପାରେନ୍ ପାରମେଶ୍ଵାର୍ଥାଃ ଆତଃ ଆମାଃ ଆୟାରରେ ପାପକାଦାଃଇଙ୍ଗ୍ । ୧୯ ଆଇଙ୍ଗ୍ ଆମାଃ ହନ୍ କାଜିୟଃଲେକାନିଃ ନାହାଁଲାଇଙ୍ଗ୍, ଆମ୍ ଆମାଃ ନାଲା କାମିତାନ୍ ଦାସିକ ଲେକା ଦହିଙ୍ଗ୍ମେ । ୨୦ ଏବେ ଜନିଃ ବିରିଦୟାନ୍ତେ ଆପୁତେତାଃ ସେନଃୟାନାଏ । ମେନ୍ଦ୍ ଜନିଃ ସାଜିନ୍ରେଗି ତାଇକେନ୍ ଇମ୍ତା ଆପୁତେ ଜନିଃକେ ନେଲ୍କିଃତେ ଲିବୁଆଇକିୟାଏ, ଆତଃ ନିର୍ ଦାରମ୍କିୟାଏ, ଆତଃ ହାଁବୁଦକିଃତେ ଚଅଃକିୟାଏ । ୨୧ ହନ୍ ଜନିଃକେ କାଜିକିୟାଏ, ‘ହେ ଆବା, ଆଇଙ୍ଗ୍ ସିମ୍ପାରେନ୍ ପାରମେଶ୍ଵାର୍ଥାଃ ଆତଃ ଆମାଃ ଆୟାରରେଇଙ୍ଗ୍ ପାପକାଦାଃ, ଆଇଙ୍ଗ୍ ଆୟାରରେ ଆମାଃ ହନ୍ କାଜିୟଃଲେକାନିଃ ନାହାଁଲିଙ୍ଗ୍ ।’ ୨୨ ମେନ୍ଦ୍ ଆପୁ ଆୟାଃ ଦାସିକକେ କାଜିୟାଦକଆଏ, ‘ବୋଦେଗି ! ସବେନାଃଏତେ ବୁଗିନ୍ ଲିଜାଃ ଅତଙ୍ଗ୍ମେପେ ଆତଃ ଜନିଃକେ ତୁସିଙ୍ଗ୍ଇପେ ଆତଃ ଜନିୟାଃ ଡିଃଇରାଃ ସାର୍ସାରରେ ମୁଦାମ୍ ଆତଃ କାଟାରେ ଜୁତା ଚାଏ ଖାର୍ପା ତୁସିଙ୍ଗ୍ଇପେ । ୨୩ ଆତଃ କିରିକାନ୍ ବାଛାଁ ଆତକେଦତେ ଗଜିପେ, ଆବୁ ଜମ୍କେଦତେବୁ ରାସକାଅଃଆ । ୨୪ ନେ ହନିଙ୍ଗ୍କତାଦ ଗଜାକାନ୍ ତାଇକେନାଏ ଆତଃ ଜାହୁଦ୍ବୁହାଡ଼ାକାନାଏ, ଜନିଃ ଆଦାକାନ୍ ତାଇକେନାଏ ଆତଃ ନାମ୍ବୁହାଡ଼ାକାନାଏ, ଆତଃ ଇନ୍ବୁ ରାସକାଅଃ ଏଟେଦକେଦାକ ।’

୨୫ “ଆତଃ ଜନିୟାଃ ମାରାଙ୍ଗ୍ ହନ୍ ପିଡିରେ ତାଇକେନାଏ, ହିଜୁଃତାନ୍ଲଃ ଅଡ଼ାଃତାଃ ସେଟେରୁୟାନ୍ତେ ଦୁରାଙ୍ଗ୍ତାନ୍, ସୁସୁନ୍ତାନ୍କଆଃ ସାଡି ଆୟୁମକେଦା । ୨୬ ଏବେ ଜନିଃ ଦାସିକଏତେ ମିଆଁଦନିଃକେ ଆୟାଃତାଃତେ କେଡାକେଦତେ ‘ନେଆଁ ଚିନାଃ ହବାଅଃତାନାଃ’ ମେନ୍ତେ କୁଲିକିୟାଏ । ୨୭ ‘ହାଗାମ୍ ତାମାଃ ହିଜୁଆକାନାଏ’ ମେନ୍କିୟାଏ, ‘ଆତଃ ଜନିଃ ବୁଗିନ୍ ବୁଗିନାଏ ନାମ୍ବୁହାଡ଼ାକାନା ମେନ୍ତେ ଆପୁମ୍ ମିଆଁଦ କିରିୟାକାନ୍ ବାଛା ଗଜାକାଇୟାଏ ।’

୨୮ “ମେନ୍ଦ୍ ମାରାଙ୍ଗ୍ ହନ୍ତେକଡ଼ା ଖୁସୁୟାନାଏ ଆତଃ ଅଡ଼ାଃତେ କାଏ ବଲ ସାନାଙ୍ଗ୍କେଦା, ଏନାତେ ଆପୁତେ ଅତଙ୍ଗ୍କେଦତେ ଜନିଃକେ ବିଗ୍ନିକିୟାଏ । ୨୯ ମେନ୍ଦ୍ ଜନିଃ ଆପୁତେକେ କାଜିରୁହାଡ଼କିୟାଏ, ‘ନେଲେମେ, ନିମିନ୍ ବାରାଷ୍ ହବାୟାନା ଆଇଙ୍ଗ୍ ଆମାଃ ଦାସି ଲେକାଇଙ୍ଗ୍ କାମିତାନା ଆତଃ ଆମାଃ ଜେତାନ୍ ଆନ୍ତୁ ଚିଉଲ୍ଲାହଗି କାଇଙ୍ଗ୍ ଚଟାଃକେଦା ଆତଃ ଆମ୍ ଆଇୟାଃ ଗାଡିକଲଃ ରାସକାଃଅ ନାଗେନ୍ତେ ଚିଉଲ୍ଲାହ ମିଆଁଦ୍ ମେରମ୍ ହନ୍ହୁଁ କାମ୍ ଏମାକାଦିଇୟାଃ । ୩୦ ମେନ୍ଦ୍ ଆମାଃ ନେ ହନ୍ ବେଶ୍ଵାକଲଃ ଆମାଃ ସବେନ୍ ମେନାଃତେୟାଃ ଜମ୍ତାବାକେଦାଏ, ଆତଃ ନାହାଁଃ ଅଡ଼ାଃତେ ହିଜୁଃକାନ୍ ଇମ୍ତା ଆମ୍ ଜନିୟାଃ ନାଗେନ୍ତେ ମିଆଁଦ୍ କିରିକାନ୍ ବାଛା ଗଃଃକିୟାମ୍ ।’ ୩୧ ମେନ୍ଦ୍ ଆପୁତେ କାଜିକିୟାଏ, ‘ହେ ହନ୍, ଆମ୍ ଜାନାଅ ଆଇଙ୍ଗ୍ଲଃ ତାଇନଃତାନାମ୍ ଆତଃ ଆଇୟାଃ ସବେନାଃ ଆମାଃଗି ତାନାଃ । ୩୨ ମେନ୍ଦ୍ ରାସକାଅଃ ଆତଃ ସୁକୁଅଃଲାଗାଡିଙ୍ଗ୍ ତାଇକେନା ଚିୟାଃଗି ନେ ହାଗାମ୍ଦ ଗଜାକାନାଏ ତାଇକେନା ଆତଃ ଜାହୁଦ୍ବୁହାଡ଼ାକାନାଏ; ଜନିଃ ଆଦାକାନାଏ ତାଇକେନା ଆତଃ ନାମ୍ବୁହାଡ଼ାକାନାଏ ।’”

୧୭

ଲଗତାନ୍ ଭାଣ୍ଡାରି

୧ ଯୁଣ୍ଡା ଆୟାଃ ଚେଲାକକେ କାଜିୟାଦକଆଏ, “ମିଆଁଦ୍ କିସାଁଣ୍ ହଡ଼ଆଃ ଭାଣ୍ଡାରି ତାଇକେନାଏ, ଜନିଃ ମେନାଃତେୟାଃକ ଛିଡିବିଡି ତାନାଏ ମେନ୍ତେ କିସାଁଣାଃ ଆୟାରରେ ଭାଣ୍ଡାରିକ ଚିଟାକିୟାଃକ । ୨ ଏବେ କିସାଁଣ୍ ଜନିଃକେ ହାକାଅତାନ୍ଲଃ କାଜିକିୟାଏ, ‘ଆମାଃ ବିଷାଏରେ ଚିନାଃଇଙ୍ଗ୍ ଆୟୁମତାନା ? ଆମାଃ ଭାଣ୍ଡାରି କାମିରାଃ ହିସାଦ୍ ଏମାଇଙ୍ଗ୍ମେ, ଆମ୍ ଆୟାରରେ ଭାଣ୍ଡାରି କାମ୍ ତାଇନଦାଡ଼ିୟାଃ । ୩ ଏନ୍ ଭାଣ୍ଡାରି ଚିନାଃଇଙ୍ଗ୍ ଚିକାୟା ମେନ୍ତେ ଆୟାଃ ମନ୍ରେୟାଏ ଉଡୁଃକେଦାଃ, ଗମ୍କେତାଇଙ୍ଗ୍ଦ୍ ଭାଣ୍ଡାରି କାମି ରେଜିଙ୍ଗ୍ତାନାଏ । ଉରକେଦତେ କାମିଲେକା ଆଇୟାଃ ପେଡ଼େଃ ବାନଃଆ, ଆତଃ କଏତେଇଙ୍ଗ୍ ଚିହୁଃତାନା । ୪ ଭାଣ୍ଡାରିକାମିଏତେଇଙ୍ଗ୍ ଅତଙ୍ଗ୍ଏନ୍ରେଦ୍ ହଡ଼କ ଆକଆଃ ଅଡ଼ାଃରେକ ଦହିଙ୍ଗା ମେନ୍ତେ ଚିନାଃଇଙ୍ଗ୍ ଚିକାୟା ଏନାଇଙ୍ଗ୍ ସାରିୟାଃ ।’

୫ “ଏବେ ଜନିଃ ଆୟାଃ ଗମ୍କେୟାଃ ରିଶାସାବାକାଦକଏତେ ମିମିଆଦକକେ କେଡାକେଦକଆଏ । ସିଦାନିଃକେ କୁଲିକିୟାଏ, ‘ଆମ୍ ଆଇୟାଃ ଗମ୍କେୟାଃ ଚିମିନାଙ୍ଗ୍ ରିଶାମ୍ ଇଦିକାଦା ?’ ୬ ଜନିଃ

କାଳିକିୟାଏ ‘ମଣେଁହିସି ଚିନ୍ ସୁନ୍ମୁ ।’ ଏନ୍ତେ ଜନିଃ, ‘ମାର୍ ଆମାଃ ବହି ଆଉଝେମେ ଆତଃ ଦୁବଧାବକେଦତେ ବାଋହିସି ଗେଲେୟା ଅଲେମେ’ ମେନ୍ଦକିୟାଏ ।^୭ ଏନ୍ତେ ଏଟାଃନିଃକେ କାଳିକିୟାଏ, ‘ଆମ୍ ଚିମନାଙ୍ଗ ରିଶୀମ୍ ଭଦିକାଦା ?’ ‘ମିଦ୍ ହାଜାର୍ ବାସ୍ତା ଗହମ୍’ ମେନ୍ଦୁହାଡ଼କିୟାଏ । ଜନିଃ କାଳିକିୟାଏ, ‘ଆମାଃ ବହି ଆଉଝେମେ ଆତଃ ଭରାଲିୟା* ଶାଅ ବାସ୍ତା ଅଲ୍ଲତାମେ ।’

୮ “ଏନ୍ତେ ଜନିଃ ସେଣ୍ଣିତେୟାଏ କାମିୟାକାଦା ମେନ୍ତେ ଜନିୟାଃ ଗମକେ ଏନ୍ କା ଧାର୍ମାନ୍ ଭାଣ୍ଡାରିକେ ସାହାରାଅକିୟାଏ । ନେ ପାରିୟାରେନ୍ ହଡ଼କଦ ଆକଆଃ ଦିପିଲିରେନ୍ ହଡ଼କଆଃ ନାଗେନ୍ତେ ମାର୍ଯ୍ୟାଲ୍ରେନ୍ ହନ୍କଆଃଏତେ ଆଦ୍‌କାକ ସେଣ୍ଣାନିଃ ।”

୯ ଆଇଙ୍ଗ ଆପେକେ କାଜିୟାପେ ତାନାଇଙ୍ଗ, ଆପେ ସାଂସାର୍ରେୟାଃ କା ଧାର୍ମାନ୍ ଖୁଙ୍ଗି ତେଠା ଗାତିକ ବାଇକପେ, ଏନ୍ତେ ଏନା ଦୁଣ୍ଡୁଆଃ ଜମତାଙ୍ଗ ଜନ୍‌କୁ ଜାନାଅ ଜାନାଅ ତାଇନଃ ଠାୟାଦ୍‌ରେକ ଦହପେୟା ।^{୧୦} ସବେନାଃଏତେ ହୁଡ଼ିଙ୍ଗିଆଁରେ ପାତିୟାର୍‌ରଃ ଲେକାନିଃ ପୁରାଃ ବିଷାଏରେହରି ପାତିୟାର୍‌ରଃ ଲେକାନିଃ ତାନିଃ ଆତଃ ସବେନାଃଏତେ ହୁଡ଼ିଙ୍ଗିଆଁରେ କା ପାତିୟାର୍‌ରଃ ଲେକାନିଃ ପୁରାଃ ବିଷାଏରେହରି କା ପାତିୟାର୍‌ରଃ ଲେକାନିଃ ତାନିଃ ।^{୧୧} ଏନାମେନ୍ତେ ଆପେ ସାଂସାର୍ରେୟାଃ ଖୁଙ୍ଗିରେ କା ପାତିୟାର୍‌ରଃ ଲେକାପେ ତାଇନଃରେଦ, ସାର୍‌ତିତେୟାଃ ଅକଏ ଏମାପେୟାଏ ?^{୧୨} ଆତଃ ଆପେ ଏଟାଃନିୟାଃ ବିଷାଏରେ ପାତିୟାର୍‌ରଃ ଲେକା କାପେ ତାଇନ୍‌ରେଦ ଆପେକେ ଅକଏ ଆପେୟାଃତେୟାଃକେ ଏମାପେୟାଏ ।

୧୩ *ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ଼ିୟାଆ, ଚିୟାଃତି ଜନିଃ ମିହୁଡ଼କେ ହିଲାଙ୍ଗିକିୟାଏ ଆତଃ ଏଟାଃ ମିହୁଡ଼କେ ଦୁଲାଡ଼ିୟାଏ, ଚାଏ ମିଆଁଦିନିଃଲଃ ମେସାନାଏ ଆତଃ ଏଟାଃନିଃଲଃ କାଏ ମେସାନା । ଆପେ ପାର୍‌ମେଶ୍ୱାର୍ ଆତଃ ଖୁଙ୍ଗି ବାରାନାଃରେ କାପେ ଦାସିଦାଡ଼ିନା ।”

ଆନ୍‌ରୁରେୟାଃ ପେଡ଼େଃ

(ମାଥ୍ର ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଟାକା ପାଏସାରାଃ ହାୟାତାନ୍ ପୀରୁଶୀକ ନେ ସବେନ୍ କାଜି ଆୟୁମକେଦତେ, ଜନିଃକେକ ହିଲାଙ୍ଗିକିୟା ।^{୧୫} ଜନିଃ ଜନ୍‌କୁକେ କାଜିୟାଦ୍‌କଆଏ, “ଆପେଦ ହଡ଼କଆଃ ଆୟାର୍‌ରେ ଧାର୍ମାନ୍‌ପେ ଭଦୁବଃତାନା, ମେନ୍ଦ ପାର୍‌ମେଶ୍ୱାର୍ ଆପେୟାଃ ମନ୍ ସାରିୟାଏ । ହଡ଼କଆଃ ଆଲାରେ ମାରାଙ୍ଗିଆଃଦ ପାର୍‌ମେଶ୍ୱାର୍‌ଆଃ ସାନ୍‌ମାଙ୍ଗରେ ହିଲାଙ୍ଗିଆଃଲେକା ।

୧୬ *ମୁଣାଋଃ ଆନ୍‌ରୁ ଆତଃ ନାବୀକ ବାପ୍ତିସ୍ତା ଏମାଃନିଃ ଯୋହାନ୍ ଜାକେଦକ ତାଇକେନା, ଜମତାଙ୍ଗିଏତେ ପାର୍‌ମେଶ୍ୱାର୍‌ଆଃ ସିମା ରାଇଜ୍‌ରେୟାଃ ସୁକୁକାଜି ଭଦୁବଃତାନା ଆତଃ ସବେନ୍‌କ ପେଡ଼େଃଲଃ ଏନାରେ ବଲଃତାନାକ ।^{୧୭} *ସିମା ଆତଃ ଅତେ ଜିୟନିଃଆ ମେନ୍ଦ୍ ମୁଣା ନାବୀଆଃ ଆନ୍‌ରୁରେୟାଃ ମିଆଁଦ୍ ଅନଲ୍ ହରି କା ଜିୟନିଃଆ ।

୧୮ *ଜେତାଏ ହଡ଼ ଆୟାଃ କୁଡ଼ିକେ ବାରିକେଦତେ ଏଟାଃନିଃଲଃ ଆଣ୍‌ଦିନ୍‌ରେଦ ଜନିଃ ଆପାଙ୍ଗିଚିନିଃ ତାନିଃ ଆତଃ କଡ଼ାତେ ବାରିୟାକାନ୍ କୁଡ଼ିକେ ଜେତାଏ ଆଣ୍‌ଦିୟାଃରେଦ ଜନିଃ ଆପାଙ୍ଗିଚିନିଃ ତାନିଃ ।

କିସାଁଣ୍ ହଡ଼ ଆତଃ ଲାଜାର୍

୧୯ “ମିଆଁଦ୍ କିସାଁଣ୍ ହଡ଼ ତାଇକେନାଏ, ଜନିଃ ବାଜରିନିଆ ଲିଜାଃ ଆତଃ ବୁଗିନ୍ ସୁଗାଡ଼ ଲିଜାଃ ତୁସିଙ୍ଗିଆଁତାନ୍ ଆତଃ ସବେନ୍ ହୁଲାଙ୍ଗ ପୁରାଃ ରାସ୍‌ବାସ୍‌ରେୟାଏ ତାଇକେନା ।^{୨୦} ମେନ୍ଦ୍ ଲାଜାର୍ ନୁଡୁମ୍ ମିଆଁଦ୍ କର୍ସ୍‌ହଡ଼ ପାଅତେ ପେରେଜାକାନ୍ ତାଇକେନାଏ, ଜନିଃକେ କିସାଁଣ୍ ହଡ଼ରାଃ ଅଡ଼ାଃ ବଲ୍‌ଦୁଆର୍‌ତାଃରେ ବାରିତୁକାକାନାଏ ତାଇକେନା ।^{୨୧} ନେ କିସାଁଣ୍ ହଡ଼ଆଃ ମେଜ୍‌ଏତେ ଭୟାଗିତାନ୍ କେତାଃତେୟାଃଲଃ ଆୟାଃ ଲାହିଦ୍ ବିଏ ସାନାଙ୍ଗିତାନାଏ ତାଇକେନା, ସେତାକହ ହିଜୁଃଲେନ୍ତେ ଜନିୟାଃ ପାଅ ଜାଲ୍‌ଜାତାନ୍‌କ ତାଇକେନା ।

୨୨ “ଏନ୍ତେ ନେକା ହବାୟାନା, ନେ ରେଙ୍ଗେଃ ହଡ଼ ଗଏଃୟାନାଏ ଆତଃ ଦୁଡ଼କ ଆବାହାମ୍‌ଆଃ କୟଙ୍ଗିରେକ ଡେବଃକିୟା, ଆତଃ ଏନ୍ କିସାଁଣ୍ ହଡ଼ହରି ଗଏଃୟାନାଏ ଆତଃ ତପାକିୟାଃକ ।^{୨୩} ଜନିଃ ପାତାଲ୍‌ରେ ଦୁକୁସାହାଡ଼ିଙ୍ଗିତାନ୍ ଜମ୍‌ତା ଆରିଦ୍‌ରାକାବ୍‌କେଦାଏ ଆତଃ ସାଙ୍ଗିନ୍‌ରେ ଆବାହାମ୍‌ ଆତଃ ଆୟାଃ କୟଙ୍ଗିରେ ଲାଜାର୍‌କେ ନେଲ୍‌କିୟାଏ ।^{୨୪} ଏନ୍ତେ ଜନିଃ ହାକାଅକିଃତେ କାଜିକିୟାଏ, ‘ହେ

* ୧୭:୭ ୧୭:୭ ଆଠ † ୧୭:୯ ୧୭:୯ ଖୁଙ୍ଗି ତେ ଧାନ୍ / ଖୁଙ୍ଗି * ୧୭:୧୩ ୧୭:୧୩ ମାଥ୍ର ୭:୨୪. † ୧୭:୧୭ ୧୭:୧୭ ମାଥ୍ର ୧୧:୧୨, ୧୩. † ୧୭:୧୭ ୧୭:୧୭ ମାଥ୍ର ୫:୧୮. † ୧୭:୧୮ ୧୭:୧୮ ମାଥ୍ର ୫:୩୨; ୧ କେରିନ୍‌ସି ୭:୧୦, ୧୧. † ୧୭:୨୩ 16:23 ଗନ୍‌ଏଠାଃ ଦିଶ୍ୱମ୍

ଆବା, ଆବ୍ରାହାମ୍ ଲିବୁଆଇଙ୍ଗମ୍ ଆତଃ ଲାଜାରକେ କୁଲ୍ତାଇମ୍ ଜନିଃ ଆୟାଃ ସାର୍‌ସାର୍‌ରାଃ ତୁଚି ଦାଆଃରେ ତୁପୁକେଦ୍‌ତେ ଆଲାଙ୍ଗ୍‌ତାଇୟାଃକେ ତୁଡ୍‌କେନେକାଏ^୫, ଆଇଙ୍ଗଦ୍ ନେ ସେଙ୍ଗେଲ୍‌ରେ କାଲ୍‌ପାଆଃତାନାଇଙ୍ଗ ।^୬ ୨୫ ମେନ୍‌ଦ୍ ଆବ୍ରାହାମ୍ କାଜିକିୟାଏ, ‘ଏ ହନ୍, ନେଆଁ ଉଡ୍‌ଝୁଇମେ, ଆମ୍‌ଦ୍ ଜାନିଦ୍ ତାଇକେନ୍ ଜମ୍‌ତା ଆମାଃ ବୁଗିନାଃମ୍ ନାମ୍‌ତାବାକେଦାଃ ଆତଃ ଏନ୍ ଲେକାଗି ଲାଜାର୍ ପୁରାଃ ଦୁକୁ ନାମ୍‌କେଦାଏ, ମେନ୍‌ଦ୍ ନାହାଁଃ ଜନିଃ ନେତାଃରେ ଜୀଉରାଡ଼େଃ ନାମେତାନାଏ ଆତଃ ଆମ୍ କାଲ୍‌ପାଆଃତାନାମେ ।^୭ ଆତଃ ନେଆଁଏତେ ଆଦ୍‌କା ମାରାଙ୍ଗ୍ ହୁଞ୍ଜାଙ୍ଗ୍ ଆଲେ ଆତଃ ଆପେ ଥାଲାରେ ମେନାଃ, ନେତାଃଏତେ ହାନ୍‌ପାରମ୍ ଆପେତାଃ ଜେତାଏ କାକ ସେନ୍‌ଦାଡ଼ିୟା ଆତଃ ହାନ୍‌ପାରମ୍‌ରେନ୍‌କ ନେ ପାରମ୍ ଆଲେତାଃ କାକ ହିଞ୍ଜୁଃଦାଡ଼ିୟାଃ ।^୮ ୨୬ ଜନିଃ କାଜିକିୟାଏ, ‘ତାବ୍‌ଦ୍ ହେ ଆବା, ଲାଜାର୍‌କେ ଆପୁଇଁୟାଃ ଅଡ଼ାଃତେ କୁଲ୍‌ତାଇମ୍, ମେନ୍ତେଇଙ୍ଗ୍ ବିନ୍ତିମେ ତାନା ।^୯ ୨୭ ଚିୟାଃଟି ଆଇଁୟାଃଦ୍ ମଣେୟାଁ ହାଗାଜଙ୍ଗ୍‌କ ମେନାକଆ, ଜନିଃ ଜନ୍‌କୁତାଃ ପାର୍‌ତାରେକାଏ, ଆତଃ ଚେତାଅକକାଏ, କା'ରେଦ୍ ଜନ୍‌କୁହଗି ନେ ଦୁକୁ ଠାୟାଦ୍‌ତେକ ସେଚେରାଃ ।

^{୧୦} “ଆବ୍ରାହାମ୍ କାଜିକିୟାଏ, ‘ମୁଣା ଆତଃ ନାବୀକଆଃ ପୁଅ୍ ଜନ୍‌କୁତାଃରେୟାଃ; ଆମାଃ ହାଗାକ ଜନ୍‌କୁଆଃ କାଜିକିୟାଏ, ‘ମୁଣା ଆତଃ ନାବୀକଆଃ ।^{୧୧} ଜନିଃ କାଜିକିୟାଏ, ‘ହେ ଆବା ଆବ୍ରାହାମ୍, ବାନଃଗି ! ମେନ୍‌ଦ୍ ଗଜାକାନ୍‌କଏତେ ଜେତାଏ ଜନ୍‌କୁତାଃତେ ସେନ୍‌ସରେଦ୍ ଜନ୍‌କୁ ହେୟାଡ଼ିଙ୍ଗେଆକ ଆତଃ ପାପ୍‌ହେତେ ମନ୍‌ରୁହାଡ଼େୟାକ ।^{୧୨} ୨୮ ମେନ୍‌ଦ୍ ଜନିଃ କାଜିକିୟାଏ, ‘ଜନ୍‌କୁ ମୁଣା ଆତଃ ନାବୀକଆଃ କାଜି କାକ ମାନାଡ଼ିଙ୍ଗେରେଦ୍, ଗଜାକାନ୍‌କଏତେ ଜେତାଏ ଜୀଉବିରିଦଃରେୟା କାକ ମାନାଡ଼ିୟାଃ ।”

୧୭

ପାପ

(ମାଥୁର ୧୮:୭-୭, ୨୧-୨୨; ମାର୍କ ୯:୪୨)

^୧ ଯୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ଅକ ବିନିଡ଼ାଅ ହରାତେ ହଡ୍ ପାପ୍‌ରେ ଉୟୁଗଃଆ, ଏନ୍ ସବେନାଃ ଜାରୁଡ଼ି ହିଞ୍ଜୁଃଆ, ମେନ୍‌ଦ୍ ଅକଏୟାଃ ହାରାତେ ନେୟାଁ ହବାଅଃଆ, ଜନିୟାଃ ଟୁଣ୍ଟୁ ଦାସା ଚିମିନ୍ ବରଞ୍ଜାନ୍‌ଗି ହବାଅଃଆ ।^୨ ଜେତାଏ ନେ ହୁଡ଼ିଙ୍ଗ୍‌କଏତେ ମିଆଁଦ୍‌ନିଃକେ ପାପ୍‌ରେ ଉୟୁଃ ରିକାଜଏତେଦ୍, ଜନିଃ ଆଇଃଟି ହଃଃରେ ଜାନ୍ତାବିରି ହାକାକେଦ୍‌ତେ ଦରେୟାରେ ହୁଦ୍‌ମାଆଃତେୟାଃ ଆୟାଃ ନାଗେନ୍ତେ ବୁଗିନ୍ ହବାଅଃତେୟାଃ ।^୩ ଏନାତେ ଆପେ ଚିଗାଲ୍‌କାନ୍‌ପେ, ହାଗାମ୍ ତାମାଃ ପାପ୍‌ରେଦ୍ ଜନିଃକେ ଏଗେରକେଦ୍‌ତେ ଚେତାଇମ୍, ଆତଃ ଜନିଃ ହେୟାଡ଼ିଙ୍ଗେରେଦଃ ଛାମାଇମ୍ ।^୪ ଜନିଃ ସିଙ୍ଗିସାଟୁବ୍‌ରେ ସାଡ଼୍‌ଧାଆଁ ଆମାଃ ବିରୁଧ୍‌ରେ ପାପ୍‌ପେରେଦ୍, ଆତଃ ସିଙ୍ଗିସାଟୁବ୍‌ରେ ସାଡ଼୍‌ଧାଆଁ ଆମାଃତାଃତେ ରୁହାଡ଼ିୟାନ୍ତେ ଆଇଙ୍ଗ୍ ହେୟାଡ଼ିଙ୍ଗ୍‌ତାନାଇଙ୍ଗ୍ ମେନ୍‌ରେଦ୍ ଜନିଃକେ ଛାମାଇ ଲାଗାଡ଼ିଙ୍ଗିୟାଃ ।”

ବିଶ୍ୱାସ

^୫ ଆତଃ ପ୍ରେରିଡ୍‌କ କାଜିକିୟା, “ହେ ପ୍ରାଭୁ ଆଲେୟାଃ ବିଶ୍ୱାସ୍ ଆଦ୍‌କାଏମେ ।”^୬ ପ୍ରାଭୁ ଯୀଶୁ କାଜିରୁହାଡ଼କେଦା, “ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗ୍‌ଲେକା ମେନାଃରେଦ୍, ଆମ୍ ତୁଦଃମେଁ ଆତଃ ଦରେୟାରେ ରୟାମେ ମେନ୍ତେ ନେ ତୁଡ୍‌ଦାରୁକେ କାଜିରେ, ଏନା ଆପେୟାଃ ଆନ୍‌ରୁକେ ମାନାଡ଼ିୟାଃଏ ।

ମିଆଁଦ୍ ଦାସିଆଃ କାମି

^୭ “ଆପେକଏତେ ଜେତାଏୟାଃ ମିଆଁଦ୍ ସିହୁଃ ଚାଏ ଗୁପି ଦାସି ମେନାଇରେଦ୍, ଜନିଃ ପିଡ଼ିଏତେ ହିଞ୍ଜୁଃଲଃଗି, ଅକଏ ମାର୍ ଜମ୍‌ମ୍ ଦୁବ୍‌ମେଁ ମେତାଇୟାଏ ? ” ମେନ୍‌ଦ୍ ଜନିଃ ‘ଆଇଁୟାଃ ଜମେୟାଃ ବାଇୟେମ୍, ଆତଃ ପାଟେକେଦ୍‌ତେ ଆଇଙ୍ଗ୍ ଆଉରିଙ୍ଗ୍ ଜମେ ନୁଁଏ ଜାକେଦ୍ ସୁଆରିଙ୍ଗ୍‌ମେ ଆତଃ ଏନ୍ ଠାୟମ୍‌ତେ ଆମ୍ ଜମ୍‌ମ୍‌ଏମେ’ ମେତାଇୟାଏ ।^୮ ଚିୟାଃ ଜନିଃ ଏନ୍ ଦାସିକେ ଆରୁକାନ୍ କାମିକ କାମିକେଦାଏ ମେନ୍ତେ ଧାନାବାଦ୍ ଏମାଃଏ ?^୯ ନେ'ଲେକାତେ ଆପେୟା ସବେନ୍ ଆରୁଆକାନ୍ କାମିକ ଚାବାକେଦ୍‌ତେ, ଆବୁ ପାଡ଼ିୟାଃରଃ ଲେକାନ୍ ଦାସିକ ନାହାଁଲାବୁ, ଆବୁଆଃ ଲାଗାଡ଼ିଙ୍ଗ୍ କାମିକବୁ କାମିକେଦାଃ ମେନ୍ତେ କାଜିପେ ।”

ୟୀଶୁ ଗେଲ୍ ନାଗେଘାଅତାନ୍‌କକେ ବୁଗିକତାନାଏ

୫ ୧୭:୨୪ ୧୭:୨୪ ତୁଡ୍‌କେନେକାଏ ଆଶ୍ୱାସକାଏ * ୧୭:୩ ୧୭:୩ ମାଥୁର ୧୮:୧୫.

୧୧ ଯୀଶୁ ଯୀରୁଶାଲେମ୍‌ରେ ଯେନଃତାନ୍ ଇମ୍‌ତା, ଶମିରୋନ୍ ଆତଃ ଗାଲିଲ୍ ଦିଶୁମ୍ ଆଲା ଆଲାତେ ଯେନଃତାନାଏ ତାଇକେନା । ୧୨ ଇନିଃ ମିଆଁଦ୍ ହାତୁତେ ବଲତାନ୍ ଇମ୍‌ତା ଗେଲ୍ ନାଗେଘାଅତାନ୍ ହଡ଼କ ସାଜିନ୍‌ରେକ ତିଜୁୟାନ୍ତେ ଇନିଃକେ ଦାରମ୍‌କିୟାଃକ । ୧୩ ଆତଃ ଇନକୁ “ହେ ଯୀଶୁ ଦାୟାଲେମ୍” ମେନ୍ତେକ କାଉରିକେଦାଃ ।

୧୪ ଇନିଃ ଇନକୁକେ ନେଲ୍‌କେଦତେ ମେତାଦକଆଏ, “ସେନଃପେ ଆତଃ ଯାଜାକକତାଃ ଉଦୁବେନ୍‌ପେ ।” ଆତଃ ଇନକୁ ସେନଃତାନ୍‌ଲଃକ ଫାରିୟାନ୍ । ୧୫ ଇନକୁଏତେ ମିଆଁଦ୍‌ନିଃ ଆଇଙ୍ଗ୍ ବୁଗିକାନାଇଙ୍ଗ୍ ମେନ୍ତେ ନେଲ୍‌ୟାନ୍‌ତି କାଉରିକେଦତେ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍‌ତାନ୍‌ଲଃ ହିଜୁଃରୁହାଡ଼ୟାନ୍ । ୧୬ ଆତଃ ଯୀଶୁଆଃ କାଟାସୁବାରେ ଅମ୍‌ନାଃକେଦତେ ଇନିଃକେ ଧାନ୍ୟାବାଦ୍ ଏମ୍‌କିୟାଏ, ଆତଃ ଇନିଃଦି ଶମିରୋନିରେନ୍ ତାଇକେନାଏ । ୧୭ ଯୀଶୁ କୁଲିକେଦକଆଏ, “ତିୟାଃ ସବେନ୍ ଗେଲ୍ ହଡ଼କ କାକତି ଫାରିୟାନ୍ ? ଏଟାଃ ନାଅଝାନ୍‌କ କତାଃରେକଆଃ ? ୧୮ ତିୟାଃ ନେ ଏଟାଃ ଦିଶୁମ୍‌ରେନ୍ ନିଃକେ ବାଗିକିଃତେ ପାର୍‌ମେଶ୍‌ବାର୍‌କେ ଧାନ୍ୟାବାଦ୍ ଏମ୍‌ ନାଗେନ୍ତେ ଆତଃ ଜେତାଏ କାକ ରୁହାଡ଼ୟାନ୍ ?” ୧୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ମାର୍ ବିରିଦ୍‌ମେ ଆତଃ ସେନଃମେ ବିଶ୍ୱାସ୍‌ତାମାଃ ବୁଗିକାଦ୍‌ମେୟାଏ ।”

ପାର୍‌ମେଶ୍‌ବାର୍‌ଆଃ ରାଇଜ୍ ହିଜୁଃତାନା
(ମାଥୁର ୨୪:୨୩-୨୮, ୩୭-୪୧)

୨୦ ମିସା, ଚିମ୍‌ନାଙ୍ଗ୍ ଫାରୁଶୀକ ପାର୍‌ମେଶ୍‌ବାର୍‌ଆଃ ରାଇଜ୍ ଚିଉଲା ହିଜୁଃଆ ମେନ୍ତେ କୁଲିକିୟାଃକ, ଯୀଶୁ ମେନ୍‌ରୁହାଡ଼ାଦକଆଏ, “ପାର୍‌ମେଶ୍‌ବାର୍‌ଆଃ ରାଇଜ୍ ଆପେୟାଃ ନେନେଲ୍‌ରେ କା ହିଜୁଃଆ, ୨୧ ଆତଃ ହଡ଼କ ନେଲେପେ ନେତାଃରେୟା, ଚାଏ ନେଲେପେ ଏନ୍ତାଃରେୟା, ମେନ୍ତେ କାକ କାଜିୟା, ତିୟାଃତି ପାର୍‌ମେଶ୍‌ବାର୍‌ଆଃ ରାଇଜ୍ ଆପେ ଆଲାରେଗିୟା ।”

୨୨ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦକଆଏ, “ଏନ୍ ନେତା ହିଜୁଃତାନା, ଆପେକେ ମାନଃହନ୍‌ଆଃ ମିପିୟାଦ୍ ହୁଲାଙ୍ଗ୍‌କଏତେ ମିଆଁଦ୍ ହୁଲାଙ୍ଗ୍ ନେନେଲ୍ ସାନାଙ୍ଗ୍‌ପେୟା, ମେନ୍‌ଦ କାପେ ନେଲେୟା । ୨୩ ହଡ଼କ କାଜିୟାପେୟାକ, ‘ଇନିଃ ନେତାଃରିୟା, ଚାଏ ହେନ୍ତାଃରିୟା,’ ମେନ୍‌ଦ ଆଲ୍‌ପେ ସେନାଃ । ୨୪ ଜୁଲ୍‌ତାନ୍‌ହିଚିର୍‌ଦ୍ ସିମ୍‌ଲୀତାର୍ ନେ’ସାଃଏତେ ଏଟାଃସାଃ ଜାକେଦ୍ ସିମ୍‌ଲୀକେ ମାୟାଲେୟାଏ, ଏନ୍ ଲେକାଗି ମାନଃହନ୍‌ଆଃ ହିନିଜୁଃ ହବାଅଆଃ । ୨୫ ମେନ୍‌ଦ ସିଦାତେ ଇନିଃକେ ପୁରାଃଗି ଦୁକୁ ସାହାଡ଼ିଙ୍ଗ୍ ଲାଗାଡ଼ିଙ୍ଗ୍‌ୟାଃ ଆତଃ ନେ ଦିପିଲିରେନ୍ ହଡ଼କ ଇନିଃକେକ ହିଲାଙ୍ଗ୍‌ଇଆ । ୨୬ ଆତଃ ନୁହୁଁରାଃ ପାରିୟାରେ ଜେ’ଲେକା ହବାୟାନ୍, ମାନଃହନ୍‌ଆଃ ହୁଲାଙ୍ଗ୍‌ରେହଗି ଏନ୍‌ଲେକା ହବାଅଆଃ । ୨୭ ନୁହୁଁ ଲାଉକାରେ ଦେଏଃୟାନ୍ ହୁଲାଙ୍ଗ୍ ଜାକେଦ୍ ଇନକୁ ଜମ୍ ନୁଁତାନ୍ ଆଣିଦ୍ ଆତଃ ଆଣିଦ୍‌ଏମ୍‌ଟାନ୍‌କ ତାଇକେନା, ଇମ୍‌ତାଗି ଚୁଡ଼ା ହିଜୁଃୟାନ୍ତେ ସବେନ୍‌କକେ ଜିୟନ୍‌କେଦକଆଏ । ୨୮ ଲୁର୍‌ଆଃ ହୁଲାଙ୍ଗ୍‌ରେହ ଏନ୍‌କାୟାନ୍, ଇନକୁ ଜମ୍ ନୁଁତାନ୍, କିରିଙ୍ଗ୍ ଆଖିରିଙ୍ଗ୍‌ତାନ୍, ରଏତାନ୍ ଆତଃ ଅଡ଼ାଃ ବାଉତାନ୍‌କ ତାଇକେନା । ୨୯ ମେନ୍‌ଦ ଲୁର୍‌ ସୋଦମ୍ ଏତେ ଅଡ଼ଙ୍ଗ୍‌ୟାନ୍ ଇମ୍‌ତା ସିମ୍‌ଏତେ ସେଙ୍ଗେଲ୍ ଆତଃ ଗାନ୍ଧାକ୍ ଗାମାକେଦାଏ ଆତଃ ଏନ୍ ସବେନ୍‌କକେ ଜିୟନ୍‌କେଦକଆଏ । ୩୦ ଏନ୍ ଲେକାଗି ମାନଃହନ୍‌ଆଃ ଉଦୁବଃ ହୁଲାଙ୍ଗ୍‌ରେ ହବାଅଆଃ ।

୩୧ *ଏନ୍ ହୁଲାଙ୍ଗ୍‌ରେ ଜେତାଏ ସାଡ଼୍‌ମିରେ ତାଇନଃରେଦ୍ ଆତଃ ଇନିଃୟାଃ ମେନାଃତେୟାଃକ ଅଡ଼ାଃରେ ତାଇନ୍‌ରେଦ୍, ଏନା ଇଦିନାଗେନ୍ତେ ଆଲ୍‌କାଏ ଆଡ଼ଗୁନ୍‌କା, ଆତଃ ଏନ୍‌ଲେକାଗି ପିଡ଼ିଲ୍‌ୟାଙ୍ଗ୍‌ରେ ତାଇନ୍‌ନିଃ ଦୟାତେ ଆଲ୍‌କାଏ ରୁହାଡ଼କା । ୩୨ ଲୁର୍ କୁଡ଼ିତେକେ ପାହାମିପେ । ୩୩ *ଜେତାଏ ଆୟାଃ ଜାରି ବାଞ୍ଚାଅ ନାଙ୍ଗ୍ ସାନାଙ୍ଗ୍‌ରେଦ୍ ଏନା ଆଦେୟାଏ, ଆତଃ ଜେତାଏ ଏନା ଆଦେରେଦ୍ ଏନାଏ ବାଞ୍ଚାଅୟା । ୩୪ ଆଇଙ୍ଗ୍ ଆପେକେ କାଜିୟାପେ ତାନାଙ୍ଗ୍, ଏନ୍ ନିଦାରେ ବାରହଡ଼୍ ମିଆଁଦ୍ ପାର୍‌କମରେକିନ୍ ଗିଡ଼ିଃକାନ୍‌ରେଦ୍ ମିହୁଡ଼କେ ଇଦିୟାଆ ଆତଃ ମିହୁଡ଼କେ ବାଗିଅଆ । ୩୫ ବାରିଆ କୁଡ଼ିକିନ୍ ମିଦ୍‌ତେ ଜନ୍ତାଦିରେକିନ୍ ରିଦ୍‌କାତେରେଦ୍ ମିଆଁଦ୍‌ନିଃକେ ଇଦିୟାଆ ଆତଃ ଏଟାଃନିଃକେ ବାଗିଅଆ । ୩୬ ବାରହଡ଼୍ ଅତେରେକିନ୍ ତାଇନ୍‌ରେଦ୍ ମିଆଁଦ୍‌ନିଃକେ ଇଦିୟାଆ ଆତଃ ଏଟାଃନିଃକେ ବାଗିଅଆ ।”*

୩୭ ଇନକୁ କୁଲିକିୟାଃକ, “ହେ ପ୍ରାଭୁ କତାଃରେ ନେ ସବେନାଃ ହବାଅଆଃ ?” ଆତଃ ଇନିଃ “ଅକତାଃରେ ମୀଡ଼ା ମେନାଃ, ଏନ୍ତାଃରେ ଗିଦିକ ହୁଣ୍ଡିୟାଆଃ” ମେନ୍‌ରୁହାଡ଼ାଦକଆଏ ।

* ୧୭:୩୧ ୧୭:୩୧ ମାଥୁର ୨୪:୧୭,୧୮; ମାର୍କ ୧୩:୧୫,୧୬. * ୧୭:୩୩ ୧୭:୩୩ ମାଥୁର ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଯୋହାନ୍ ୧୨:୨୫. * ୧୭:୩୬ 17:36 ଚିମ୍‌ନି ମାରି ଅନଲ୍‌ରେ ନେ ପଦ ବାନଃଆ

୧୮

ରାଣ୍ଡିକୃତ୍ ଆତଃ ବିଚାରନିୟାଃ ଜନ୍ମକା କାଳି

୧ ଜାନାଥ ବିକ୍ରି ଆତଃ ଭାର୍ଯ୍ୟା କା ହୁଡ଼ିଙ୍ଗ ଲାଗାତିଙ୍ଗିୟାଃ ମେନ୍ତେ ଯାଣୁ ଆୟାଃ ତେଲାକକେ ମିଆଁଦ୍ ଜନ୍ମକା କାଳି ଉଦ୍‌ବାଦକଥାଏ । ୨ “ଜେତାଏ ସାହାରରେ ମିଆଁଦ୍ ବିଚାରନିଃ ତାଇକେନାଏ, ଇନିଃ ପାର୍‌ମେଶ୍ୱାରକେ କାଏ ବରଆଇ ତାଇକେନା ଚି ହଡ଼କକେ କାଏ ମାନାତିଙ୍ଗକ ତାଇକେନା । ୩ ଆତଃ ଏନ୍ ସାହାରରେ ମିଆଁଦ୍ ରାଣ୍ଡିକୃତ୍ ତାଇକେନାଏ, ଇନିଃ ଏନ୍ ବିଚାରନିଃତାଃ ମେଣ୍ଟିଆ ହିଜୁଃୟାନ୍ତେ, ‘ଆଇଁୟାଃ ବାଇରିକତାଃ ଏତେ ଆଇଙ୍ଗକେ ନ୍ୟାୟ ଏମାଇଙ୍ଗମେ’ ମେନ୍ତେ ବିକ୍ରିକିୟାଏ । ୪ ଇନିଃ ଚିମିନ୍‌ଦିନ୍ କାଏ ମାନାତିଙ୍ଗକେଦାଃ, ମେନ୍‌ଦ୍ ତାୟମତେ, ଆଇଙ୍ଗ ଦ୍ ‘ପାର୍‌ମେଶ୍ୱାରକେ କାଇଙ୍ଗ ବରଆଇତାନା ଚି ହଡ଼କକେ କାଇଙ୍ଗ ମାନାତିଙ୍ଗକତାନା’ ୫ ଏନ୍‌ରେୟ ନେ ରାଣ୍ଡିକୃତ୍ ବିଦ୍‌ଲାଇଙ୍ଗ ତାନାଏ, ଏନାତେ ଆଇଙ୍ଗ ଇନିୟାଃ ତେତାନ୍‌ରେ ହବାକାନ୍ କା ଲାଗାତିଙ୍ଗ କାମି ନାଙ୍ଗ ନ୍ୟାୟ ରିକାଏୟାଇଙ୍ଗ ଆତଃ ଆଇଙ୍ଗ ଇନିୟାଃ ଗହରାଅ ଆୟୁମେଆଇଙ୍ଗ, କା’ରେଦ ଇନିଃ ଜାନାଥ ଜାନାଥ ହିଜୁଃକେଦ୍‌ତେ ହାଏରାନିଆଁ ମେନ୍ତେ ଆୟାଃ ମନ୍‌ରେ କାଳିକେଦାଏ ।”

୬ ଆତଃ ପ୍ରାଭୁ କାଳିକେଦାଏ, “ଏନ୍ ଏଡ଼କାନ୍ ବିଚାରନିଃ ଚିକ୍‌ନାଃ କାଳିକେଦାଏ ଏନା ଆୟୁମେଦେ । ୭ ଆତଃ ପାର୍‌ମେଶ୍ୱାର୍ ନିଦାସିଙ୍ଗି ହାକାଅଇତାନ୍ ଆୟାଃ ସାଲ୍‌କାନ୍‌କଥାଃ ନାଙ୍ଗ ଥୁମ୍‌ସାମାଏ ସାହାତିଙ୍ଗରେହ ଚିୟାଃ ନ୍ୟାୟ କାଏ ରୁହାଡ଼ାକଥା ? ୮ ଆଇଙ୍ଗ ଆପେକେ କାଳିପେତାନାଇଙ୍ଗ, ଇନିଃ ଇନ୍‌କୁରେ ହବାକାନ୍ ଏଡ଼କାନ୍ କାଳିକ ସାଙ୍ଗିନେ ନାଙ୍ଗ ଜାଲ୍‌ଦିଗି ନ୍ୟାୟ ଏମ୍‌ରୁହାଡ଼ାକଥାଏ । ଏନ୍‌ରେୟ, ମାନଝାହନ୍ ହିଜୁଃଇମ୍‌ତା, ଚିୟାଃ ଅତେରେ ବିଶ୍ୱାସ୍ ନାମେୟାଏ ?”

ଫାରୁଶୀ ଆତଃ ମାଲ୍‌ହାରମିନିୟାଃ ଜନ୍ମକା କାଳି

୯ ଆବୁ ଧାର୍‌ମାନ୍‌ଗିୟାଃ୧୭ ମେନ୍ତେ ଆକରେ ଭାର୍ଯ୍ୟାଏତାନ୍ ଆତଃ ଏଗାଃକକେ ହିଲାଇଙ୍ଗକତାନ୍, ଚିମିନ୍ ହଡ଼କ ନାଗେନ୍ତେ ଯାଣୁ ନେ ଜନ୍ମକା କାଳି କାଳିୟାଦକଥାଏ । ୧୦ “ବାର୍‌ହଡ଼୍‌ମାନ୍‌ଦି ଅଡ଼ାଃତେ ବିକ୍ରିତେକିନ୍ ସେନଃୟାନା, ମିଆଁଦ୍‌ନିଃ ଫାରୁଶୀ ଆତଃ ଏଗାଃନିଃ ମାଲ୍‌ହାରମିନିଃ ।

୧୧ “ଫାରୁଶୀ ଆତମ୍‌ରେ ତିଙ୍ଗିୟାନ୍ତେ ବିକ୍ରିକେଦାଏ, ‘ହେ ପାର୍‌ମେଶ୍ୱାର୍, ଆଇଙ୍ଗ ଏଗାଃ ହଡ଼କଲେକା ନାହାଁଲାଇଙ୍ଗ, ଇନ୍‌କୁଦ୍ ରେଃକ୍‌ନିଃକ, ଏଡ଼କାନ୍‌କାମିକ, ଆପାଙ୍ଗିରକ ତାନ୍‌କୁ ଆତଃ ନେ ମାଲ୍‌ହାରମିନିଃ ଲେକାହ ନାହାଁଲାଇଙ୍ଗ । ୧୨ ଆଇଙ୍ଗ ହାପ୍ରାରେ ବାର୍‌ସାଇଙ୍ଗ କାଟାବ୍‌ତାନା ଆତଃ ଗଟା କାମିୟାକାଦ୍‌ରେୟାଃ ଗେଲ୍‌ହିସା* ହାନାତିଙ୍ଗ ଏମ୍‌ତାନାଇଙ୍ଗ ।”

୧୩ “ଆତଃ ମାଲ୍‌ହାରମିନିଃ ସାଙ୍ଗିନ୍‌ରେ ତିଙ୍ଗିୟାନ୍ତେ ସିର୍‌ମାସାତେ ସାଙ୍ଗିଲ୍ ନାଙ୍ଗ କାଏ ସାହାଁସ୍‌କେଦା ମେନ୍‌ଦ୍ ଆୟାଃ କୁଡ଼ାମ୍† ଆପ୍‌ଡ଼ିତାନ୍‌କଃ କାଳିକେଦାଏ, ‘ହେ ପାର୍‌ମେଶ୍ୱାର୍ ଆଇଙ୍ଗ ପାପି ତାନିଙ୍ଗ ଲିବୁଆଇଙ୍ଗମେଁ ।” ୧୪ ୧୫ ଏନ୍ତେ ଯାଣୁ କାଳିକେଦାଏ, “ଆଇଙ୍ଗ କାଳିୟାପେ ତାନାଇଙ୍ଗ, ମାଲ୍‌ହାରମିନିଃ ଫାରୁଶୀଏତେ ଆଦକା ଧାର୍‌ମାନ୍ ମେନ୍ତେ ଲେକାୟାନା ଆତଃ ଅଡ଼ାଃତେ ସେନଃୟାନା । ଜେତାଏ ମାରାଙ୍ଗ୍‌ୟେନ୍‌ନିଃଦ୍ ହୁଡ଼ିଙ୍ଗିୟାଃଆଏ ଆତଃ ଜେତାଏ ହୁଡ଼ିଙ୍ଗିୟାଃନିଃଦ୍ ମାରାଙ୍ଗ୍‌ଆଃଏ ।”

ୟାଣୁ ସିଚିଆ ହନ୍‌କକେ ଆଶିଷକତାନାଏ

(ମାଥୁର ୧୯:୧୩-୧୫; ମାର୍କ ୧୦:୧୩-୧୬)

୧୬ ଆତଃ ଯାଣୁ ସିଚିଆ ହନ୍‌କକେ ଜୁଟିଦ୍‌କକାଏ ମେନ୍ତେ ହଡ଼କ ଇନ୍‌କୁକେ ଇନିଃତାଃ ଆଉକେଦ୍‌କଥାକ, ମେନ୍‌ଦ୍ ତେଲାକ ନେଆଁ ନେଲ୍‌କେଦ୍‌ତେକ ମାରାଙ୍ଗ୍‌ମତାକେଦ୍‌କଥା । ୧୭ ମେନ୍‌ଦ୍ ଯାଣୁ ଇନ୍‌କୁକେ ଆୟାଃତାଃ ହାକାଅକେଦ୍‌ତେ କାଳିୟାଦକଥାଏ, “ହୁପ୍‌ଡ଼ିଙ୍ଗ ହନ୍‌କକେ ଆଇଙ୍ଗତାଃ ହିଜୁଃରିକାକଦେ ଆତଃ ଇନ୍‌କୁକେ ଆଲ୍‌ଦେ ରୁହାଡ଼କଥା, ପାର୍‌ମେଶ୍ୱାର୍‌ଆଃ ରାଇଜ୍‌ଦ୍ ନେଲ୍‌କାନ୍‌କଥାଃତାଃ । ୧୮ ଆଇଙ୍ଗ ସାର୍‌ତିଗିଙ୍ଗ କାଳିୟାପେତାନା, ଜେତାଏ ପାର୍‌ମେଶ୍ୱାର୍‌ଆଃ ରାଇଜ୍‌କେ, ହୁଡ଼ିଙ୍ଗିୟାଃ ଲେକା କାଏ ତେଲାଏରେଦ ଇନିଃ ଜେତାଲେକାତେ ଏନାରେ କାଏ ବଲ୍‌ଆ ।”

ମିଆଁଦ୍ କିର୍‌ସାଣ୍ ହାକିମ୍

(ମାଥୁର ୧୯:୧୬-୩୦; ମାର୍କ ୧୦:୧୭-୩୧)

୧୮ ଆତଃ ମିଆଁଦ୍ ହାକିମ୍ ଯାଣୁକେ କୁଲିକିୟାଏ, “ଏ ବୁଗିନ୍ ଇଡୁନିଃ, ଜାନାଥ ଜାଦାନ୍ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

* ୧୮:୧୨ ୧୮:୧୬ ଗେଲ୍‌ରେୟାଃ ମିଦ୍‌ଭାଗ୍ † ୧୮:୧୩ ୧୮:୧୩ ଛାଡ଼ି ☆ ୧୮:୧୫ ୧୮:୧୫ ମାଥୁର ୨୩:୧୨; ଲୁକ ୧୪:୧୧.

୧୯ ଯୀଶୁ କୁଲିକିୟାଏ, “ଆମ୍ ତିନାଃମେତ୍ରେ ଆଇଙ୍ଗକେ ବୁଗିନ୍ ମେତ୍ରେମ୍ କାଜିଇଙ୍ଗତାନା ? ମିଆଁଦ୍‌ନିଃ ଏସ୍‌କାର୍ ବୁଗିନାଏଃ ଇନିଃ ପାର୍‌ମେଶ୍‌ବାର୍ ତାନିଃ ଆତଃ ଜେତାଏକାହା । ୨୦ ଆମ୍ ଆନ୍‌ତୁମ୍ ସାରିତାନା, ଆଲମ୍ ଆପାଙ୍ଗିରୁରାଃ, ଆଲମ୍ ଗଗଏୟାଃ, ଆଲମ୍ କୁମ୍‌ତୁଲୁୟା, ହସଡ଼ଗାଞ୍ଜା ଆଲମାଃ, ଏଙ୍ଗା ଆପୁ କିନ୍‌କେ ମାନାଡ଼ିଙ୍ଗକିନ୍‌ମେ ।”

୨୧ ଇନିଃ କାଜିରୁହାଡ଼କିୟାଏ, “ନେ ସବେନ୍ ଆନ୍‌ତୁ ମିଦ୍‌ସିଟିଆଏତେଇଙ୍ଗ ମାନାଡ଼ିଙ୍ଗ ଆଉକାଦା ।”

୨୨ ଯୀଶୁ ନେଆଁ ଆୟୁମକେଦ୍‌ତେ ଇନିଃକେ କାଜିକିୟାଏ, “ନାହାଁଃହଁ ମିଆଁଦ୍ କାଜିତେମ୍ ଜାଞ୍ଜିଆକାନାଃ, ତୁ ଆମ୍ ଆମାଃ ସବେନାଃ ଆଖିରିଙ୍ଗକେଦ୍‌ତେ ଏନା ରେଙ୍ଗେଃଡ଼ାନକକେ ଏମାକମେ, ଏତ୍ରେ ସିମାରେ ଖୁଜ୍‌ମ୍ ନାମେୟା ଆତଃ ହିଜୁଃକେଦ୍‌ତେ ଅତଙ୍ଗଇଙ୍ଗମେ ।” ୨୩ ମେନ୍‌ଦ୍ ନେ କାଜି ଆୟୁମକେଦ୍‌ତେ ଇନିଃଦ୍ ପୁରାଃଗି ହୁଡ଼ିଙ୍ଗଜାଉୟାନାଏ, ଚିୟାଃଗି ଇନିଃଦ୍ ପୁରାଃଗି କିସାଁଣ୍ଡ ତାଇକେନାଏ ।

୨୪ ଯୀଶୁ ଇନିଃକେ ପୁରାଃ ହୁଡ଼ିଙ୍ଗଜାଉକାନି ନେଲୁକିଃତେ କାଜିକେଦାଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିସାଁଣ୍ଡ ହଡ଼କନାଙ୍ଗ୍ ପାର୍‌ମେଶ୍‌ବାର୍‌ଆଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାଇଃ । ୨୫ କିସାଁଣ୍ଡ ହଡ଼ ପାର୍‌ମେଶ୍‌ବାର୍‌ଆଃ ରାଇଜ୍‌ରେ ବଲଏତେ ସୁଇ ଉଣ୍ଡୁତେ ଉର୍‌ ପାରମଃତେୟାଃ ରାଞ୍ଜାଲାଇଃ ମେତାଦକଆଏ ।”

୨୬ ଆତଃ ନେଆଁ ଆୟୁମକେଦ୍‌ତେ ମେନ୍‌କେଦାଃ, “ତାବ୍‌ଦ୍ ଅକଏ ଜାଉବାଞ୍ଜାଆ ନାମ୍ ଦାଡ଼ିୟାଏ ।”

୨୭ ମେନ୍‌ଦ୍ ଯୀଶୁ କାଜିକିୟାଏ, “ହଡ଼କତେ କା ହବାଦାଡ଼ିୟାଃ କାଜି ପାର୍‌ମେଶ୍‌ବାର୍‌ତେ ହବାଦାଡ଼ିୟାଆଃ ।”

୨୮ ପାଦ୍ରାସ୍ କାଜିକିୟାଏ, “ନେଲେମେ, ଆଲେଦ୍ ସବେନାଃ ବାଗିକେଦ୍‌ତେ ଆମ୍‌କେଲେ ଅତଙ୍ଗକେଦ୍‌ମେୟାଁ ।”

୨୯ ଆତଃ ଯୀଶୁ ଇନ୍‌କୁକେ କାଜିୟାଦକଆଏ, “ସାର୍‌ଡ଼ିଗିଙ୍ଗ୍ କାଜିୟାପେତାନା ପାର୍‌ମେଶ୍‌ବାର୍‌ଆଃ ରାଇଜ୍ ନାଗେତ୍ରେ ଆପ୍‌ନାଃ ଅଡ଼ାଃ ଟାଏ କୁଡ଼ି ଟାଏ ହାଗା ଟାଏ ଏଙ୍ଗା ଆପୁକ ଟାଏ ହନ୍‌କକେ ବାଗିକାଦ୍ ସବେନ୍ ହଡ଼କ, ୩୦ ନେ ସାମାଏରେଗି ଏନାଏତେ ଆଦକାକ ନାମେୟା ଆତଃ ହିଜୁଃ ଦିପିଲିରେ ଜାନାଆ ଜାନାଅରେୟାଃ ଜୀଦାନକ ନାମେୟା ।”

ୟୀଶୁ ଆୟାଃ ଗନଏଃରେୟାଃ କାଜି ଉଦ୍‌ବେତାନାଏ

(ମାଥୁଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ଯୀଶୁ ଗେଲ୍‌ବାର୍ ଚେଲକକେ ଗେନାତେ ଇଦିକେଦ୍‌ତେ କାଜିୟାଦକଆଏ, “ନେଲେପେ ଆବୁ ଯୀରୁଶାଲେମ୍‌ତେବୁ ସେନଃତାନା ଆତଃ ମାନଃହନ୍‌ଆଃ ବିଷାଏରେ ନାବାକ ଅଲକାଦ୍ ସବେନାଃ ପୁରାଆଆଃ । ୩୨ ଇନିଃ ସାଅଁସାର୍ ହଡ଼କଆଃ ଚିଃଜରେ ଏମଃଆଏ । ଇନ୍‌କୁ ଇନିଃକେକ ଲାୟାଇୟା, ହିଲାଇଙ୍ଗିୟା, ଆତଃକ ବେଜିୟା । ୩୩ ହାଁଣ୍ଡସାଇୟା ଆତଃକ ଗଜିୟା, ଇନିଃ ଆପି ମାହାଁରେ ଜାଉବିରିଦାଏ ।”

୩୪ ମେନ୍‌ଦ୍ ଇନ୍‌କୁ ନେ କାଜିକ ଜେଡ଼ନାଃ କାକ ମୁଣ୍ଡିକେଦାଃ, ନେ କାଜି ଇନ୍‌କୁଆଃ ଆୟାଃରେ ଉକୁଆକାନି ତାଇକେନା, ଆତଃ ଇନ୍‌କୁ କାଜିୟାକାନିତେୟାଃ କାକ ଆର୍‌କାରକେଦାଃ ।

ୟୀଶୁ ମିଆଁଦ୍ କାଣାଁକାନିନିଃକେ ବୁଗିକିୟାଏ

(ମାଥୁଉ ୨୦:୨୦-୩୪; ମାର୍କ ୧୦:୪୭-୫୨)

୩୫ ଯୀଶୁ ଯିରିହୋ ସାହାର୍‌ତେ ସେଟେର୍‌ତାନ୍ ତାଇକେନ୍‌ରେ ମିଆଁଦ୍ କାଣାଁକାନି ହଡ଼ ହରାଗେନାରେ ଦୁବ୍‌କେଦ୍‌ତେ କର୍‌ ତାନାଏ ତାଇକେନା । ୩୬ ଆତଃ ପୁରାଃ ହଡ଼କ ସେନ୍‌ପାରମଃତାନ ଆୟୁମକେଦକତି, “ନେଆଁ ଚିକନାଃ ହବାଅଃତାନାଃ” ମେତ୍ରେ କୁଲିକେଦକଆଏ ।

୩୭ “ନାଜରେଡ଼ରେନ୍ ଯୀଶୁ ପାରମଃତାନାଏ” ମେତ୍ରେକ ଉଦ୍‌ବକିୟା ।

୩୮ ଏତ୍ରେ ଇନିଃ “ହେ ଯୀଶୁ, ହେ ଦାଉଦ୍‌ଆଃ ହନ୍ ଲିବୁଆଇଙ୍ଗମେ” ମେତ୍ରେ କାଉରିକେଦାଏ ।

୩୯ ଆୟାଃରାକାନକ ହାପାନ୍‌ମେ ମେତ୍ରେକ ମାରାଙ୍ଗମଚାକିୟାଃ, ମେନ୍‌ଦ୍ ଇନିଃ, “ହେ ଦାଉଦ୍‌ଆଃ ହନ୍ ଦାୟାଇଙ୍ଗମେ” ମେତ୍ରେ ଆତଃଗି ହାକାଅକିୟାଏ ।

୪୦ ଯୀଶୁ ତିଙ୍ଗିୟାତ୍ରେ ଇନିଃକେ ଆଇଙ୍ଗତାଃ ଆଉଝିପେ ମେତ୍ରେ ଆବୁକେଦକଆ ଆତଃ ନାଡ଼େଃୟାନ୍‌ତି କୁଲିକିୟାଏ, ୪୧ “ଆମ୍ ତିନାଃମ୍ ଆସିତାନା, ଆଇଙ୍ଗ୍ ଆମାଃ ନାଙ୍ଗ୍ ତିନାଃଇଙ୍ଗ୍ ଚିକାୟା ମେତ୍ରେମ୍

ସାନାଙ୍କତାନା” ମେନ୍ତେ କୁଲକିୟାଏ । ଜନିଃ କାଜିକିୟାଏ, “ହେ ପ୍ରାଭୁ, ମେଦ୍‌ତାଜଙ୍ଗ୍ ଆଡ଼ଃମିସା ନେଲ୍ ଦାଡ଼ିକା ।”

୪୨ ଯୀଶୁ କାଜିକିୟାଏ, “ତାବ୍‌ଦ ମେଦ୍‌ତାମ୍ ନାମ୍‌ଜମେମେଁ; ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।”

୪୩ ଆଡ଼ଃ ଜମ୍‌ତାଙ୍ଗ୍‌ଗି ଜନିଃ ନେଲ୍ ଦାଡ଼ିକେଦାଏ, ଆଡ଼ଃ ଯୀଶୁକେ ଅଡ଼ଙ୍ଗ୍‌ଇଁତାନ୍‌ଲଃ ପାର୍‌ମେଶ୍ୱାର୍‌କେ ମାରାଙ୍ଗ୍‌କିୟାଏ ଆଡ଼ଃ ସବେନ୍ ହଡ଼କ ନେଆଁ ନେଲ୍‌କେଦ୍‌ଡ଼େ ପାର୍‌ମେଶ୍ୱାର୍‌କେ ମାନାରାଙ୍ଗ୍‌କିୟାଃକ ।

୧୯

ୟୀଶୁ ଆଡ଼ଃ ମାଲ୍‌ହାରମ୍‌ନିଃ ଜଖ୍‌ୟ

୧ ଆଡ଼ଃ ଯୀଶୁ ଯିରିହୋ ନୁତୁମ୍ ହାଡ଼ୁରେ ବଲ୍‌ୟାନ୍‌ଲଃ ଥାଲା ଥାଲାତେ ସେନଃତାନାଏ ତାଇକେନା । ୨ ଆଡ଼ଃ ନେଲେପେ ଜଖ୍‌ୟ ନୁତୁମ୍ ମିଆଁଦ୍ ହଡ଼ ତାଇକେନାଏ, ଜନିଃ ମାଲ୍‌ହାରମ୍‌କଆଃ ଗମ୍‌କେ ଆଡ଼ଃ କିଆଁଣ୍ ହଡ଼ ତାଇକେନାଏ । ୩ ଜନିଃ ଯୀଶୁକେ ଚିଲ୍‌କାନ୍ ହଡ଼ ତାନିଃ ମେନ୍ତେ ନେଲ୍‌ସାନାଙ୍ଗ୍ ତାଇକେନାଏ, ଚିୟାଃଚି ଜନିଃ ବୁଚିୟା ହଡ଼ ତାଇକେନାଏ ଆଡ଼ଃ ଗାଦେଲ୍ ହଡ଼କରାଃତେ କାଏ ନେଲ୍ ଦାଡ଼ିକିୟା । ୪ ଏନାତେ ଜନିଃ ଯୀଶୁ ପାରମ୍ ହରାରେ ନିର୍ ଆୟାବ୍‌କେଦ୍‌ଡ଼େ ଯୀଶୁକେ ନେଲ୍ ନାଗେନ୍ତେ ମିଆଁଦ୍ ଲଆଦାରୁରେ ଦେଏଃୟାନାଏ । ୫ ଏନ୍ ଠାୟାଦ୍ ସେଟେରୁୟାନ୍‌ଡ଼େ ଯୀଶୁ ସାଙ୍ଗିଲ୍ ରାକାବ୍‌କେଦ୍‌ଡ଼େ ଜନିଃକେ ନେଲ୍‌କିୟାଏ ଆଡ଼ଃ କାଜିକିୟାଏ, “ଜଖ୍‌ୟ ମାର୍ ଆଡ଼୍‌ଗୁଃମେ, ତିସିଙ୍ଗ୍‌ଦ୍ ଆମାଃ ଅଡ଼ଃରେ ଆଇଙ୍ଗ୍‌କେ ତାଇନ୍ ଲାଗାଡ଼ିଙ୍ଗ୍‌ୟାଃ ।”

୬ ଆଡ଼ଃ ଜଖ୍‌ୟ ଆଡ଼୍‌ଗୁ ଧାବ୍‌ୟାନ୍ତେ ରାସ୍‌କାତେ ଯୀଶୁକେ ଦାରମ୍‌କିୟାଏ । ୭ ମେନ୍‌ଦ୍ ନେଆଁ ନେଲ୍‌କେଦ୍‌ଡ଼େ ସବେନ୍‌କ କୁରୁମ୍‌ତୁରୁମ୍‌ୟାନାକ ଆଡ଼ଃ ମେନ୍‌କେଦାଃକ, “ଜନିଃ ପାପିହଡ଼‌ଆ ଅଡ଼ଃରେ ଦେଡ଼ାଅଃତାନାଏ ।”

୮ ମେନ୍‌ଦ୍ ଜଖ୍‌ୟ ତିଙ୍ଗ୍‌ୟାନ୍ତେ ପ୍ରାଭୁକେ କାଜିକିୟାଏ, “ନେଲେମେ ହେ ପ୍ରାଭୁ, ଆଇଙ୍ଗ୍‌ତାଃରେ ମେନାଃତେୟାଃହେତେ ଆଧା, ରେଙ୍ଗେଃତାନ୍‌କକେକେଇଙ୍ଗ୍ ଏମାକଆ, ଆଡ଼ଃ ବେଦାତେ ଜେତାଏତାଃଏତେ ଜେଡ଼୍‌ନାଃ ଆଉକାଇରେଦ୍ ଚାର୍‌ଗୁନା ଏମ୍‌ରୁହାଡ଼େୟାଇଙ୍ଗ୍ ।”

୯ ଯୀଶୁ ଜନିଃକେ କାଜିକିୟାଏ, “ତିସିଙ୍ଗ୍ ନେ ଅଡ଼ଃରେ ଜୀଉବାଞ୍ଚାଅ ତେବାଃକାନା, ଚିୟାଃଚି ନେ ହଡ଼, ହାଁଦ୍ ଆବାହାମଆଃ ହନ୍ ତାନିଃ । ୧୦ ଚିୟାଃଚି ମାନଞ୍ଜାହନ୍‌ଦ୍ ଆଦାକାନ୍‌କକେ ନାନାମ୍ ଆଡ଼ଃ ବାଞ୍ଚାଅ ନାଗେନ୍ତେ ହିଜୁଆକାନାଏ ।”

ଗେଲ୍‌ଠୁ ସୋନା ସିକାରେୟାଃ ଜନ୍‌କା କାଜି (ମାଥ୍‌ଉ ୨୫:୧୪-୩୦)

୧୧ ହଡ଼କ ନେଆଁ ଆୟୁମତାନ୍ ତାଇକେନ୍‌ଜମ୍‌ତା, ଜନିଃ ମିଆଁଦ୍ ଜନ୍‌କା କାଜି କାଜିଏଟେଦ୍‌କେଦାଏ, ଚିୟାଃଚି ଜନିଃଦ୍ ଯୀରୁଶାଲେମ୍ ନାଡ଼େଃରେ ତାଇକେନାଏ ଆଡ଼ଃ ଜନ୍‌କୁ ପାର୍‌ମେଶ୍ୱାର୍‌ଆଃ ରାଇଜ୍ ବଦେଗି ଉତୁରଃଆ ମେନ୍ତେ ଆବ୍‌କାରେତାନ୍ ତାଇକେନାକ । ୧୨ ଜନିଃ କାଜିକେଦାଏ, “ମାରାଙ୍ଗ୍ ଜାଡ଼ିରେନ୍ ମିଆଁଦ୍ ହଡ଼ ରାଇଜ୍ ଚାଲାଅରେୟାଃ ଜନିତୁ ନାମ୍‌ନାଙ୍ଗ୍ ସାଙ୍ଗିନ୍ ଦିଶୁମ୍‌ତେ ସେନଃୟନା ଆଡ଼ଃ ଜନିଃ ଏଞ୍ଜାଏତେ ଠାଉକା ନେତାରେ ହିଜୁଃରୁହାଡ଼୍ ନାଙ୍ଗ୍ ଉହାବ୍‌କାଦ୍ ତାଇକେନାଏ । ୧୩ ଏନାମେନ୍ତେ ଜନିଃ ଆୟାଃ ଦାସିକଏତେ ଗେଲ୍‌ଖାନ୍‌କକେ ହାକାଅକେଦ୍‌ଡ଼େ ମିମିଆଦ୍ ହଡ଼କକେ ଗେଲ୍‌ଠୁ ସୋନା ସିକା ଏମାଦ୍‌କଆଏ । ଆଉରିଙ୍ଗ୍ ହିଜୁଃରୁହାଡ଼୍ ଜାକେଦ୍ କିରିଙ୍ଗ୍ ଆଖିରିଙ୍ଗ୍‌ଏଦେ’ ମେତାଦ୍‌କଆଏ । ୧୪ ମେନ୍‌ଦ୍ ଆୟାଃ ଦିଶୁମ୍‌ରେନ୍‌କ ଜନିଃକେ ଖୁଏଆଇତାନ୍‌କ ତାଇକେନା, ଆଡ଼ଃ ଏନ୍‌ହଡ଼ ଆଲେୟାଃ ରାଇଜ୍‌ରେ ରାଇ ହବଅଃକାଏ ନେଆଁ ଆଲେ କାଲେ ସାନାଙ୍ଗ୍‌ତାନା’ ମେନ୍ତେ କାଜିସେଟେରୁନିଃକେ କାଜିସେଟେରୁଡ଼େ ଜନିୟାଃତାଃକ କୁଲକିୟାଃ ।

୧୫ “ଏନ୍‌ରେହ ଜନିଃ ରାଇଜ୍‌ନାମ୍‌କେଦାଏ, ଆଡ଼ଃ ହିଜୁଃରୁହାଡ଼୍‌ୟାନାଏ । ଏନ୍ତେ ସୋନା ସିକା ନାମାକାଦ୍ ଦାସିକଏତେ ମିଆଁଦ୍‌ନିଃ ଚିମିନାଙ୍ଗ୍ କିରିଙ୍ଗ୍ ଆଖିରିଙ୍ଗ୍ କେଦ୍‌ଡ଼େ ପସାକାଦାଃକ ଏନା ସାରିନାଗେନ୍ତେ ଆଇଙ୍ଗ୍‌ତାଃ ହାକାଅକପେ ମେନ୍ତେ ଆବୁକେଦ୍‌କଆ । ୧୬ ସିଦାନ୍‌ନିଃ ହିଜୁଃୟାନ୍ତେ କାଜିକିୟାଏ, ‘ହେ ଗମ୍‌କେ, ଆମ୍ ଏମାକାଦ୍ ସୋନା ସିକାଏତେ ଆଇଙ୍ଗ୍ ଗେଲ୍‌ଠୁ ସୋନା ସିକା ଆଦ୍‌କା ପସାକାଦାଇଙ୍ଗ୍ ।’ ୧୭ ଜନିୟାଃ ଗମ୍‌କେ କାଜିକିୟାଏ, ‘ସାବାସ୍, ଆଇୟାଃ ବୁଗିନ୍ ଦାସି ! ଆମ୍

୧୯:୧୦ ୧୯:୧୦ ମାଥ୍‌ଉ ୧୮:୧୧.

ଗୁଣିନ୍ଦ ଆତଃ ପାତିୟାରୁଃ ଲେକାନ୍ ଦାସି ତାନ୍‌ମେ । ଆମ୍ ହୁତିଞ୍ଜତେୟାଃରେ ପାତିୟାରୁଃ ଲେକାମ୍ କାମିକାଦ୍ ହରାତେ, ଆମ୍ ଗେଲ୍ ନାଗାରୁରେନ୍ ଆକ୍‌ତେୟାରୁନିଃ ହବାଅଃଆମେ ।^{୧୮} ଏଗାଃ ଦାସି ହିନ୍ଦୁଃୟାନ୍ତେ କାଜିକିୟାଏ, 'ହେ ପ୍ରାଭୁ, ଆମ୍ ଏମାକାଦ୍ ସୋନା ସିକାଏତେ ମଣେୟାଁ ସୋନା ସିକା ଆଦ୍‌କା ପସାୟାନା ।'^{୧୯} ଜନିୟାଃ ଗୁସିୟାଁ ଜନିଃକେ କାଜିକିୟାଏ, 'ଆମ୍‌ଦ୍ ମଣେୟାଁ ନାଗାରୁରେନ୍ ଗମ୍‌କେୟଃମେଁ ।'

^{୨୦} "ଏନ୍ତେ ଆତଃଗି ଏଗାଃ ଦାସି ହିନ୍ଦୁଃୟାନ୍ତେ କାଜିକିୟାଏ, 'ହେ ପ୍ରାଭୁ ନେଲେମେ ଆମ୍ ଏମାକାଦ୍ ସୋନା ସିକାକେ ତାରାଲିଜାଃରେଇଞ୍ଜ୍ ଦହପଟମାକାଦାଃ ।'^{୨୧} ଆମ୍ କେଟେଦ୍ ମନ୍‌ରେନ୍ ହଡ୍‌ ତାନ୍‌ମେ ମେନ୍ତେ ଆଇଞ୍ଜ୍ ବରଆମେ ତାଇକେନାଇଞ୍ଜ୍, ଆମ୍ କାମ୍ ଦହତେୟାଃ ଜଦିୟାଃମେ ଆତଃ କାମ୍ ହେରତେୟାଃ ଇରୁଇଦିୟାଃମେ ।'^{୨୨} ଜନିୟାଃ ପ୍ରାଭୁ କାଜିରୁହାଡ୍‌କିୟାଏ, 'ଏ ଏଡ୍‌କାନ୍ ଦାସି, ଆମାଃ କାଜିତେଗିଞ୍ଜ୍ ବିଚାରମେୟାଃ । ଆଇଞ୍ଜ୍ କେଟେଦ୍ ମନ୍‌ରେନ୍ ହଡ୍‌ ତାନିଞ୍ଜ୍, ଆଇଞ୍ଜ୍ କାଈଞ୍ଜ୍ ଦହ ଏନାଇଞ୍ଜ୍ ଇଦିୟା ଆତଃ କାଈଞ୍ଜ୍ ହେର୍ ଏନାଇଞ୍ଜ୍ ଇରୁଇଦିୟାଃ, ଏନା ସାରିତାନାମ୍ ତାଇକେନା ।^{୨୩} ଚିନାଃମେନ୍ତେ ଆମ୍ ଆଇଁୟାଃ ଟାକାକେ ବେଞ୍ଜ୍‌ରେ କାମ୍ ଦହକେଦା ? ଆଇଞ୍ଜ୍ ହିନ୍ଦୁଃୟାନ୍ତେକେଦ୍‌ତେ ସବେନ୍ ମୁଲ୍‌କାନ୍‌ତାରୁଲଃ ଟାକା ନାମରୁହାଡ୍‌ କେଦ୍‌ତେୟାଃଇଞ୍ଜ୍ ।'

^{୨୪} "ଏନ୍ତେ ଜନିଃ ତିଞ୍ଜୁଜାପାଃକାନ୍ ହଡ୍‌କକେ କାଜିୟାଦ୍‌କଆଏ, ଏନ୍ ସୋନା ସିକା ଜନିଃତାଃଏତେ ରେଃଜିପେ ଆତଃ ଗେଲ୍ ସୋନା ସିକା ନାମାକାଦ୍ ହଡ୍‌କେ ଏମାଇପେ ।^{୨୫} ମେନ୍‌ଦ୍ ଇନ୍‌କୁ କାଜିକିୟା 'ହେ ପ୍ରାଭୁ, ଗେଲ୍ ସୋନା ସିକା ଜନିଃତାଃରେୟା ।'^{୨୬} *ଜନିଃ ମେନ୍‌ରୁହାଡ୍‌କଆଏ, ଆଇଞ୍ଜ୍ କାଜିୟାପେ ତାନାଇଞ୍ଜ୍, ସବେନ୍ ମେନାଃନିଃକକେ ଏମାଃଆ, ମେନ୍‌ଦ୍ ଜେତାଏତାଃରେ ବାନଃଆ, ଜନିଃତାଃଏତେ ଅକ୍‌ନାଃ ମେନାଃ ଏନାହରି ଇଦିୟାଃଆ ।^{୨୭} *ମେନ୍‌ଦ୍ ଆଲେରେ ଜନିଃ ରାଇଜେକାଏ ଏନା କା ସାନାଞ୍ଜ୍‌ତାନ୍ ତାଇକେନ୍ ଆଇଁୟାଃ ବାଈରିକକେ ନେତାଃ ଆଡ୍‌କୁପେ ଆତଃ ଆଇଁୟାଃ ସାମ୍‌ନାଞ୍ଜ୍‌ରେ ମାଃଆକପେ ।'"

ୟାଶୁ ଯୀରୁଶାଲେମ୍‌ତେ ବଲତାନାଏ

(ମାଥୁଉ ୨୧:୧-୧୧; ମାର୍କ ୧୧:୧-୧୧; ଯୋହାନ୍ ୧୨:୧୨-୧୯)

^{୨୮} ଯୀଶୁ ନେଆଁ କାଜିକେଦ୍‌ଚି, ଯୀରୁଶାଲେମ୍‌ତେ ସେନଃ ନାଗେନ୍ତେ ଆୟାଃ ତେଲ୍‌କାତାଃଏତେ ଆୟାରୁୟାନାଏ ।^{୨୯} ଆତଃ ଜାଇଡୁନ୍^{୩୦} ନୁଡୁମ୍ ବୁରୁ ହେପାଦ୍‌ରେ ତାଇନ୍‌ତାନ୍ ବେଡ୍‌ପାଗି ଆତଃ ବେଅନିଆ ହାଡୁତାଃ ସେଟେରୁୟାନ୍‌ଚି ଜନିଃ ଆୟାଃ ବାରହଡ୍‌ ତେଲ୍‌କିନ୍‌କେ ନେଆଁଏ କାଜିକେଦ୍‌କିନା,^{୩୧} "ଆବେନାଃ ଆୟାରୁରେୟାଃ ହାଡୁତେ ସେନଃବେନ୍, ଆତଃ ଏନାରେ ବଲଇମ୍‌ତାଗି ଆବେନ୍ ତଲ୍‌କାନ୍ ଗାଧାହନ୍‌କେବେନ୍ ନାମିଆଁ, ଜନିଃରେ ଜେତାଏ ହଡ୍‌ ଚିଉଲ୍‌ହ କାଏ ଦୁବାକାନା, ଜନିଃକେ ରାଡ୍‌ଆ ଉଠିବେନ୍ ।^{୩୨} ଜେତାଏ ଚିନାଃମେନ୍ତେ ଜନିଃକେବେନ୍ ରାଡ୍‌ତାଇତାନା ମେନ୍ତେ କୁଲିବେନ୍‌ରେଦ୍, ଜନିଃକେ ମେତାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ ।"

^{୩୩} ଏନ୍ କୁଲ୍‌କାନ୍‌କିନ୍ ସେନଃୟାନ୍ତେ ଯୀଶୁ କାଜିୟାଦ୍‌କିନ୍ ଲେକା ନାମ୍‌କିୟାଃକିନ୍ ।^{୩୩} ମେନ୍‌ଦ୍ ଇନ୍‌କିନ୍ ଗାଧାହନ୍‌କେ ରାଡ୍‌ତାଇତାନ୍‌ଇମ୍‌ତା ଜନିୟାଃ ଗମ୍‌କେକ "ଚିକାନାଗେନ୍ତେ ରାଡ୍‌ତାଇତାନାବେନ୍ ମେନ୍ତେ କୁଲିକେଦ୍‌କିନାକ ?"

^{୩୪} ଇନ୍‌କିନ୍, "ନିଃତାଃରେ ପ୍ରାଭୁଆଃ କାମିମେନାଃ" ମେନ୍ତେ କାଜିୟାଦ୍‌କଆକିନ୍ ।

^{୩୫} ଇନ୍‌କିନ୍ ଗାଧାହନ୍‌କେ ଯୀଶୁତାଃରେ ଆଉକିୟାକିନ୍, ଆତଃ ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଟେଦ୍‌କେଦା ଆତଃ ଯୀଶୁକେ ଦୁବ୍‌କିୟାକିନ୍ ।^{୩୬} ଆତଃ ଜନିଃ ସେନଃତାନ୍‌ରେ ହଡ୍‌କ ଆକଆଃ ଲିଜାଃ ହରାରେକ ଆଟେଦ୍‌କେଦା ।

^{୩୭} ଆତଃ ଯୀଶୁ ଯୀରୁଶାଲେମ୍‌ ନାଡେଃଃତେ ସେଟେରୁତାନ୍ ଇମ୍‌ତା ଏନ୍ତାଃରେୟାଃ ଜାଇଡୁନ୍ ବୁରୁତେ ସେନଃ ହରାତାଃରେ ସେଟେରୁୟାନ୍‌ଚି ଆୟାଃ ତେଲ୍‌କାଆଃ ଗଟାଗହଣାଁ ରାସ୍‌କାୟାନାକ ଆତଃ ନେଲ୍‌କାଦ୍ ତାଇକେନ୍ ସବେନ୍ ଆକ୍‌ଦାୟାଅ କାମି ନାଗେନ୍ତେ କାଡ୍‌ରିତାନ୍‌ଲଃ ପାର୍‌ମେଶ୍‌ବାର୍‌କେ ମାନାରାଞ୍ଜ୍‌କିୟାଃକ ।^{୩୮} ଆତଃ କାଜିକେଦାକ, "ପ୍ରାଭୁଆଃ ନୁଡୁମ୍‌ତେ ହିନ୍ଦୁଃତାନ୍ ରାଜାକେ ପାର୍‌ମେଶ୍‌ବାର୍ ଆଶିଷ୍ ଏମାଇକାଏ, ସିମା ଦିଶୁମ୍‌ରେ ଜୀଉସୁକୁ ଆତଃ ସାଲ୍‌ଜିଉତାର୍ ପାର୍‌ମେଶ୍‌ବାର୍‌ଆଃ ମାନାରାଞ୍ଜ୍ ହବାଅଃକା ।"^{୩୯} ଗାଦେଲ୍‌ହଡ୍‌କଏତେ ଚିମିନ୍ ଫୀରୁଶାକା କାଜିକେଦାଃକ, ହେ ଗୁରୁ ଆମାଃ ତେଲ୍‌କକେ ହପାଅଃନାଞ୍ଜ୍ ମାରାଞ୍ଜ୍‌ତାକମ୍ ।

^{୨୯} ୧୯:୨୨ ୧୯:୨୭ ମାଥୁଉ ୧୩:୧୨; ମାର୍କ ୪:୨୫; ଲୁକ ୮:୧୮. ^{୩୦} ୧୯:୨୭ ୧୯:୨୭ ମାଥୁଉ ୨୫:୧୫-୩୦. * ୧୯:୨୯ ୧୯:୨୯ ଜାଇଡୁନ୍

୪୦ ଇନିଃ କାଜିରୁହାଡ଼ାଦକଥାଏ, ଆଇଙ୍ଗ କାଜିୟାପେ ତାନାଇଙ୍ଗ, “ନିକୁ ହାପାନରେଦ ଦିରିକ ହାକାଅବିରିଦାଃ ।”

ୟୀଶୁ ଯୀରୁଶାଲେମ୍ ନାଗେନ୍ତେ ରାଆଃକେଦାଏ

୪୧ ଯୀଶୁ ଯୀରୁଶାଲେମ୍ ସାହାରତେ ନାଡ଼େଃୟାନତି ସାହାରକେ ନେଲ୍ଲକେଦାଏ ଆତଃ ଏନାନାଗେନ୍ତେ ରାଆଃକେଦାଏ, ୪୨ ଆତଃ କାଜିକେଦାଏ, “ଆମ୍ ଡିସିଙ୍ଗ୍ ସୁକୁରାଃ ବିଷାଏକ ସାରିକାଦତେୟାଃମ୍, ମେନ୍ଦ୍ ନାହାଃ ଏନା ମେଦତାମ୍ଏତେ ଉକୁଆକାନା । ୪୩ ଏନ୍ ହୁଲାଙ୍ଗ୍ ଆମ୍ତାଃ ହିଜୁଃଆ, ଏନ୍ରେ ଆମାଃ ବାଇରିକ ଡିପାୟାକ ଆତଃ ଆମ୍କେ ବିହୁରମ୍ପେୟାକ ଆତଃ ସବେନ୍ସାଃଏତେ କେସେଦ୍ବିହୁରମ୍ପେୟାକ । ୪୪ ଆମ୍ ଆତଃ ଆମାଃ ହନ୍କକେ ହାସାରେକ ମିଦ୍ପେୟା । ଆମାଃ ତେଡାନରେ ଦିରି ତେଡାନ ଦିରି ଡିରିୟାକାନ କା ତାଇନା, ଚିୟାଃତି ଆମ୍ଦ ପାର୍ମେଶ୍ୱାର୍ ହିଜୁଆକାନ ଦିପିଲିକେ କାମ୍ ନେଲ୍ଲଉମ୍ପକେଦାଃ ।”

ୟୀଶୁ ମାନ୍ଦିର ଅଡ଼ାଃତେ ବଲତାନାଏ

(ମାଥୁର ୨୧:୧୨-୧୭; ମାର୍କ ୧୧:୧୫-୧୯; ଯୋହାନ୍ ୨:୧୩-୨୨)

୪୫ ଏନ୍ତେ ମାନ୍ଦିର ଅଡ଼ାଃରେ ବଲୟାନତେ ଇନିଃ ସବେନ୍ କିରିଙ୍ଗ୍ ଆଖିରିଙ୍ଗ୍ତାନକକେ ହାରଅଡଙ୍ଗ୍ ଏଟେଦକେଦାଏ । ୪୬ ଇନିଃ ଇନ୍କୁକେ କାଜିୟାଦକଥାଏ, “ପାର୍ମେଶ୍ୱାର୍ କାଜିକେଦାଏ ଯେ ଧାରାମ୍ପୁଅରେ ନେଆଁ ଅଲ୍ଲାକାନା, ‘ଆଇୟାଃ ଅଡ଼ାଃ ବିନ୍ତୁଅଡ଼ାଃ ତାନାଃ’ ମେନ୍ଦ୍ ଆପେ ନେଆଁକେ କୁମ୍ପୁଜୁଆଃ ତାଇନଃ ଠାୟାଦ୍ପେ ବାଇୟାକଦା ।”

୪୭ ୟୀଶୁ ସବେନ୍ ହୁଲାଙ୍ଗ୍ ମାନ୍ଦିର ଅଡ଼ାଃରେ ଇଡୁକତାନାଏ ତାଇକେନାଏ, ମେନ୍ଦ୍ ମୁଲ୍ ଯାଜାକ୍, ଆଇନ୍ ଇଡୁକ ଆତଃ ହଡୁକଆଃ ମୁଖୁଆକ ଇନିଃକେ ଗଗଏଃ ସାନାଙ୍ଗ୍ତାନକ ତାଇକେନା । ୪୮ ମେନ୍ଦ୍ ଡିକନାଃଡୁ ଡିକାୟା ନେଆଁ କାକ ନାମ୍ଦାଡ଼ିକେଦାଃ, ଚିୟାଃତି ସବେନ୍ ହଡୁକଦ ଇନିୟାଃ କାଜି ଆୟୁମ୍ ନାଗେନ୍ତେ ଜୁରୁଆକାନକ ତାଇକେନା ।

୨୦

ୟୀଶୁଆଃ ଆକ୍ତେୟାର୍ ବିଷାଏରେ କୁନୁଲି

(ମାଥୁର ୨୧:୨୩-୨୭; ମାର୍କ ୧୧:୨୭-୩୩)

୧ ଏନ୍ ହୁଲାଙ୍ଗ୍ଏତେ ମୁସିଙ୍ଗ୍ ୟୀଶୁ ମାନ୍ଦିର ଅଡ଼ାଃରେ ହଡୁକକେ ଇଡୁକତାନ ଆତଃ ସୁକୁକାଜି ଉଦୁବାକତାନ ତାଇକେନ୍ରେ ମାରାଙ୍ଗ୍ ଯାଜାକ୍ ଆତଃ ଆଇନ୍ ଇଡୁକ ପ୍ରାଦିନ୍କଲଃ ଇନିଃତାଃତେ ହିଜୁଃଲେନ୍ତେ, ୨ ଇନିଃକେକ କୁଲିକିୟାଃ, “ଆମ୍ ଅକ ଆକ୍ତେୟାର୍ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍ତେୟାର୍ ଏମାକାଦମେଆ ?” ୩ ଇନିଃ ଇନ୍କୁକେ କାଜିରୁହାଡ଼ାଦକଥାଏ, “ଆଇଙ୍ଗ୍ହିଁ ମିଆଁଦ୍ କାଜିଙ୍ଗ୍ କୁଲିପେୟା, ଆତଃ ଆପେ କାଜିରୁହାଡ଼ିଙ୍ଗ୍ପେ, ୪ ବାପ୍ତୁସ୍ତା ଏମାଃନିଃ ଯୋହାନ୍ଆଃ ବାପ୍ତୁସ୍ତା ସିମ୍ପାରେନ୍ ପାର୍ମେଶ୍ୱାର୍ତାଃଏତେ ତି ମାନଃତାଃଏତେ ତାଇକେନା ?”

୫ ଏନ୍ତେ ଇନ୍କୁ ଆକ ଆକରେକ ଉଡ଼ୁକେଦା, “ଆବୁ, ‘ସିମ୍ପାରେନ୍ ପାର୍ମେଶ୍ୱାର୍ତାଃଏତେ’ ମେନେରେଦ ଇନିଃ ‘ଡିକନାଙ୍ଗ୍ ଯୋହାନ୍ରେ କାପେ ବିଶ୍ୱାସକେଦା’ ମେତାବୁଆଏ ? ୬ ମେନ୍ଦ୍ ହଡୁକ ସାଃଏତେ ମେନେରେଦ ସବେନ୍ ହଡୁକ ଆବୁକେ ଚିଦ୍ଗିବୁଆକ, ଚିୟାଃତି ବାପ୍ତୁସ୍ତା ଏମାଃନିଃ ଯୋହାନ୍ ନାବୀ ତାନିଃ ମେନ୍ତେ ଇନ୍କୁ ପୁରାଃଗି ଭାର୍ସାକାଦାକ ।” ୭ ଏନ୍ତେ ଇନ୍କୁ କାଜିରୁହାଡ଼ିକିୟାକ, “ଏନା କତାଃଏତେ ତାଇକେନା ଏନା କାଲେ ସାରିତାନା ।”

୮ ଏନ୍ତେ ୟୀଶୁ ଇନ୍କୁକେ ମେତାଦକଥାଏ, “ଆଇଙ୍ଗ୍ହିଁ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

ଦାଖ୍ବାକଡ଼ିରାଃ କାର୍କାମିହଡୁକଆଃ ଜନ୍କା କାଜି

(ମାଥୁର ୨୧:୩୩-୪୬; ମାର୍କ ୧୨:୧-୧୨)

୯ ୟୀଶୁ ହଡୁକକେ ନେ ଜନ୍କା କାଜି ଏଟେଦକେଦାଏ, “ମିଆଁଦ୍ ହଡୁ ଦାଖ୍ବାକଡ଼ି ବାଇକେଦାଏ, କାର୍କାମିହଡୁକକେ କାର୍ ଏମ୍କେଦତେ ପୁରାଃ ସାମାଏ ଜାକେଦ୍ ଏଗାଃ ଦିଶ୍ୱମ୍ତେ ସେନ୍ୟାୟାଏ ।

୧୦ ଇରୋଃଅ ଦିପିଲିରେ ଇନିଃ ଦାଖ୍ବାକଡ଼ିରେୟାଃ ଜ ଏମାଇଙ୍ଗ୍ପେ ମେନ୍ତେ ମିଆଁଦ୍ ଦାସିକେ କାର୍ କାମିହଡୁକତାଃତେ କୁଲିକିୟାଏ, ମେନ୍ଦ୍ କାର୍କାମିହଡୁକ ଇନିଃକେ ଦାଲ୍ଲକିୟାଃକ ଆତଃ ସାମାଡ଼ିଃଇନି

୫ ୧୯:୪୭ ୧୯:୪୭ ଲୁକ ୨୧:୩୭

କୁଲୁରୁହାଡ଼କିୟାଃକ । ୧୧ ଭନିଃ ଏଗାଃ ଦାସିକେ କୁଲୁକିୟାଏ, ଭନକୁ ଭନିଃକେହ ଦାଲୁକିୟାଃକ ଆତଃ ହିଲ୍ଲାଙ୍ଗକିଦତେ ସାମାତଃଭଗି କୁଲୁରୁହାଡ଼କିୟାଃକ । ୧୨ ଭନିଃ ଆତଃଗି ଆପିୟାନିଃକେହ କୁଲୁକିୟାଏ, ଆତଃ ଭନକୁ ଭନିଃକେ ଦାଅକିଃତେକ ଅତଙ୍ଗଏଶ୍ଵାଃକିୟାଃ । ୧୩ ଏନ୍ତେ ଦାଖବାକ୍ତିରାଃ ଗମ୍ବକେ ମେନ୍ଦକେଦାଏ, 'ଚିନଃଭଙ୍ଗ ଚିକାୟା ? ଆଇୟାଃ ଦୁଲ୍ଲାଡ଼ ହନିଙ୍ଗକଡ଼ାକେ କୁଲିୟାଭଙ୍ଗ, ଭଦୁ ଭନକୁ ଭନିଃକେ ମାଭନିୟାକ ।' ୧୪ ମେନ୍ଦଦ କାରକାମିହଡ଼କ ଭନିଃକେ ନେଲୁକିଦ୍ଵି ମେଦେନ୍ଦୟାନାକ, 'ନିଃଗି ଗୁସିୟାଃରାଃ ହନ୍ଦ ତାନିଃ ଦଲ୍ଲାବୁ ଗଲିୟା, ତାଦ୍ଦ ନିୟାଃ ହାନାଚିଙ୍ଗ ଆବୁଆଃଗି ହବାଅଥାଃ ।' ୧୫ ଆତଃ ଭନକୁ ଭନିଃକେ ଦାଖବାକ୍ତିଏତେ ଅତଙ୍ଗଏଶ୍ଵାଃକିୟାଃକ ଆତଃ ଗଏଃକିୟାଃକ ।

“ୟାଶୁ କୁଲିକେଦକଆ, 'ନାହାଃଦ ଦାଖବାକ୍ତି ଗମ୍ବକେ ଭନକୁକେ ଚିକ୍ତନାଃଏ ଚିକାକଆ ? ୧୬ ଭନିଃ ହିଲ୍ଲୁଃକେଦତେ ଏନ୍ଦ କାରକାମିହଡ଼କକେ ଗଏଃକଆଏ ଆତଃ ଦାଖବାକ୍ତି ଏଗାଃକକେ ଏମାକଆଏ ।” ହଡ଼କ ନେଆଁ ଆୟମ୍ବକେଦତେ ମେନ୍ଦକେଦାଃକ, “ଆଲକାଏ ଏନ୍ଦକାଅଃକା ।”

୧୭ ଯାଶୁ ଭନକୁସାଃ ନେଲୁକେଦତେ କୁଲିକେଦକଆଏ, “ତାଦ୍ଦ ଧାରାମ୍ପୁଅରେୟାଃ ନେ କାଜିରାଃ ମୁଣ୍ଡି ଚିକ୍ତନାଃ ତାନାଃ ?”

“ଆତଃ ବାବାଭକ ଅକ ଦିରିକେକ ଆତମ୍ ଏଶ୍ଵାଃକେଦା,

ଏନ୍ଦ ଦିରି ଅତଃରାଃ କଚାଦିରି ବାଭୟାକାନା ।”

୧୮ ଏନ୍ଦ ଦିରିରେ ଭୟଗଃନିଃ ଗୁଣ୍ଡାଅଥାଏ ଆତଃ ଏନା ଜେତାଏରେ ଭୟଗଃରେଦ ଭନିଃକେ ଚିଦିୟାଏ ।”

ମାଲ୍-ଏମ୍ ବିଷାଏରେୟାଃ କୁଲୁଲି
(ମାଥୁର ୨୨:୧୫-୨୨; ମାର୍କ ୧୨:୧୩-୧୭)

୧୯ ମାରାଙ୍ଗ ଯାଜାକକ ଆତଃ ଆଭନ୍ଦ ଭଡ଼କ ଭନିଃ ନେ ଭନକା କାଜି ଆବୁକେ କାଜିୟାଦ୍ଦୁଆଏ ନେଆଁ ସାରିକେଦତେ ଏନ୍ଦ ଦିପିଲିରେଗି ଭନିଃକେ ସାସାଦ୍ ସାନାଙ୍ଗ ତାଭକେନାକ, ମେନ୍ଦଦ ଭନକୁ ଗାଦେଲ୍ ହଡ଼କକେ ବରକେଦକଆକ । ୨୦ ଏନାତେ ଭନକୁ ଯାଶୁଆଃ କାଜିରେ ଭୁଲ୍ ସାବିନାଙ୍ଗ ଚିମିନ୍ଦ ହଡ଼କ ଆପାନୁକେ ଧାର୍ମାନ୍ଦ ମେନ୍ତେ ଭଦୁବେନ୍ଦତାନୁକକେ କୁଲିକେଦକଆକ, କେଲେକାଚି ଭନକୁ ଭନିଃକେ ସାବକେଦତେ ରୋମ୍ରେୟାଃ ଦେତେଃ ଆତଃ ଆକ୍ତେୟାର୍ ନାମାକାଦ୍ ଲାଦ୍ସାହେଦ୍ତାଃରେକ ଜିମାଦାଡ଼ିୟା । ୨୧ ଏନାତେ ଭନକୁ କୁଲିକିୟାଃକ, “ହେ ଗୁରୁ, ଆମ୍ ବୁଗିଲେକାତେମ୍ କାଜିତାନା ଆତଃ ଭଡ଼ତାନା ଆତଃ ହଡ଼କଆଃ ମେଦ୍ମୁହାଡ଼ କାମ୍ ନେନେଲାଃ, ମେନ୍ଦଦ ପାର୍ମେଶ୍ଵାର୍ରେୟାଃ ହରା ସାର୍ତ୍ତିତେମ୍ ଭଡ଼ତାନା, ଏନାଲେ ସାରିତାନା । ୨୨ କାଜିୟାଲେମ୍, ଚିୟାଃ ଆଲେ କାଭସାର୍ରେକେ କାର୍ ଏମାଭ ଲାଗାତାଙ୍ଗ୍ୟାଃ ଚି କା ?”

୨୩ ମେନ୍ଦଦ ଯାଶୁ ଭନକୁଆଃ ବେଦା ଆବ୍କାର୍ରେକେଦତେ ମେତାଦକଆଏ, ୨୪ “ମୁସିଙ୍ଗ୍ରେୟାଃ ନାଲ୍ ସିକା ଆରଖାଭଙ୍ଗ୍ପେ, ନେଆଁ ଅକଏୟାଃ ମୁରୁଦ୍ ଆତଃ ଅନଲ୍ ତାନାଃ ?” ଭନକୁ କାଜିରୁହାଡ଼କିୟାକ, “କାଭସାର୍ରେୟାଃ ।”

୨୫ ଯାଶୁ ଭନକୁକେ ମେତାଦକଆଏ, “ତାଦ୍ଦ କାଭସାର୍ରେୟାଃ କାଭସାର୍ରେକେ ଏମାଭପେ, ଆତଃ ପାର୍ମେଶ୍ଵାର୍ରେୟାଃ ପାର୍ମେଶ୍ଵାର୍ରେକେ ଏମାଭପେ ।”

୨୬ ଭନକୁ ହଡ଼କଆଃ ଆୟାର୍ରେରେ ଯାଶୁଆଃ କାଜିରେ କାକ ସାଦ୍ ଦାଡ଼ିକିୟାଃ, ଆତଃ ଭନିୟାଃ କାଜିରୁହାଡ଼ତେ ଆକ୍ଦାନ୍ଦାୟାନ୍ଲଃ ହାପାୟାନାକ ।

ଜୀଉବିନିରିଦ୍ରେୟାଃ କୁଲୁଲି
(ମାଥୁର ୨୨:୨୩-୩୩; ମାର୍କ ୧୨:୧୮-୨୭)

୨୭ *ସାଦୁକିକଏତେ ଚିମିନ୍ଦହଡ଼କ ଯାଶୁତାଃତେକ ହିଲ୍ଲୁଃୟାନା, ଭନକୁଦ ଜୀଉବିନିରିଦ୍ ବାନଃଆମେନ୍ତେକ କାଜିୟା, ଆତଃ ଭନକୁ ଭନିଃକେ କୁଲିକିୟାଃକ, ୨୮ “ହେ ଗୁରୁ, ଜେତାଏ ହଡ଼ଆଃ ହନ୍ଦାଁଶା ବାନ୍ଦୁୟାନ୍ତେ ଆୟାଃ କୁଡ଼ିତେକେ ଗଏଃବାଗିରେ ହାଗାତେ ଭନିୟାଃ କୁଡ଼ିତେକେ ଆଣ୍ଡିୟଃକା ଆତଃ ହାଗାତେୟାଃ ନୁଡ଼ମତେ ହନ୍ଦ ପସାକକାଏ, ନେଆଁଦ ମୁଣା ଆଲେ ନାଗେନ୍ତେ ଅଲକାଦାଏ ମେନ୍ଦକେଦକା । ୨୯ ନେଲେମେ ସାଦ୍ ହାଗିୟା ତାଭକେନାକ, ଆତଃ ମାରାଙ୍ଗ୍ନିଃ ଆଣ୍ଡିକେଦତେ ବେଗାର୍ ହନ୍ଦାଁଶାତେ ଗଏଃୟାନାଏ । ୩୦ ଆତଃ ବାରିୟାନିଃ ଭନିଃକେ ଆଣ୍ଡିୟାନାଏ ଆତଃ ଭନିଃହ ବେଗାର୍ ହନ୍ଦାଁଶାତେ ଗଏଃୟାନାଏ । ୩୧ ଏନ୍ତେ ଆପିୟାନିଃ ଭନିଃକେ ଆଣ୍ଡିୟାନାଏ ଆତଃ ନେ ଲେକାଗି ସାଦ୍ ହାଗିୟାକହିଁ ବେଗାର୍ ହନ୍ଦାଁଶାତେ ଗଏଃୟାନାକ । ୩୨ ତାୟମ୍ତେ, କୁଡ଼ିୟଗି

* ୨୦:୨୨ ୨୦:୨୭ ପ୍ରେରିକ୍ତ ୨୩:୮.

ଗଏଃୟାନାଏ । ୩୩ ନାହାଁଃଦ ଜୀଉବିନିରିଦ୍ ଇମତା ଇନିଃ ଅକଏୟାଃ କୁଡ଼ି ହବାଅଥାଃଏ ? ଏନ୍ ସାଡିୟ ହାରିୟାକଦ ଇନିଃକେ ଆଣ୍ଡିୟାକାନ୍ ତାଇକେନାକ ।”

୩୪ ଯୀଶୁ ମେନ୍‌ରୁହାଡ଼ାଦକଆଏ, “ନେ ଦିପିଲିରେନ୍ ହନ୍‌କ ଆଣ୍ଡିୟିୟଃତାନା ଆତଃକ ଆଣ୍ଡିକତାନା । ୩୫ ମେନ୍‌ଦ ହିଜୁଃତାନ୍ ପାରିୟାରେ ଜୀହୁଦଃ ହଡ଼କ ଆତଃ ଗଜାକାନ୍‌କଏତେ ଜୀଉବିନିରିଦ୍‌ଲେକାନ୍ ହଡ଼କ କାକ ଆଣ୍ଡିୟିୟଃଆ ଆତଃ କାକ ଆଣ୍ଡିନାଃ । ୩୬ ଆତଃ ଇନ୍‌କୁ ଆତଃରିସା କାକ ଗଏଃଦାଡ଼ିୟଃଆ, ରିୟାଃତି ଇନ୍‌କୁଦ ସିର୍ମାରେନ୍ ଦାସିକଲେକା, ଆତଃ ଜୀଉବିନିରିଦ୍‌ରେନ୍ ହନ୍‌କ ହବାୟାନ୍ତେ ଇନ୍‌କୁ ପାର୍‌ମେଶ୍ୱାର୍‌ଆଃ ହନ୍ ତାନ୍‌କୁ । ୩୭ ମେନ୍‌ଦ ଗଜାକାନ୍‌କ ଜୀଉବିନିରିଦ୍ କାଜି ମୁଣାହଁ ତୁପାଦ୍‌ରେୟାଃ କାଜିତେ ଉଦୁବାକାଦାଏ, ଏନ୍‌ରେ ଇନିଃ ପ୍ରାଭୁକେ କାଜିକିୟାଏ, ‘ଆମ୍ ଆହାହାମ୍‌ଆଃ ପାର୍‌ମେଶ୍ୱାର୍, ଆତଃ ଇସାକ୍‌ଆଃ ପାର୍‌ମେଶ୍ୱାର୍, ଆତଃ ଯାକ୍‌ବ୍‌ଆଃ ପାର୍‌ମେଶ୍ୱାର୍ ତାନ୍‌ମେ ।’ ୩୮ ନେଲେମେ ପାର୍‌ମେଶ୍ୱାର୍ ଗଜାକାନ୍‌କଆଃଦ ନାହାଁଲିଃ, ମେନ୍‌ଦ ଜୀହୁଦ୍‌ତାନ୍‌କଆଃ ପାର୍‌ମେଶ୍ୱାର୍ ତାନିଃ, ଇନିଃ ନାଗେନ୍ତେଦ ସବେନ୍‌କ ଜୀହୁଦଃତାନାକ ।”

୩୯ ଆଇନ୍ ଇତୁକଏତେ ଚିମିନ୍‌କ କାଜିରୁହାଡ଼କିୟାକ, “ହେ ଗୁରୁ ଆମ୍ ବୁଗିନାମ୍ କାଜିୟାକାଦାଃ ।”
୪୦ ଆତଃ ଜେତାଏ ଇନିଃକେ ଜେଡ୍‌ନାଃ କୁଲିନାଜ୍ କାକ ସାହାଁସକେଦା ।

ଖ୍ରୀଷ୍ଟ ଅକଏୟାଃ ହନ୍ ତାନିଃ
(ମାଥୁଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ଏନ୍ତେ ଯୀଶୁ ଇନ୍‌କୁକେ କାଜିୟାଦକଆଏ, “ହଡ଼କ ଖ୍ରୀଷ୍ଟ ଦାଉଦ୍‌ଆଃ ହନ୍ ତାନିଃ ମେନ୍ତେ ଚିନାଃମେନ୍ତେକ କାଜିତାନା ?” ୪୨ ନେଆଁ ଦାଉଦ୍ ଆଇଃକ୍‌ଗି ଦୁରାଜ୍ ପୁଅରେ କାଜିତାନାଏ,

“ପ୍ରାଭୁ ଆଇଁୟାଃ ପ୍ରାଭୁକେ କାଜିୟାକତାନାଏ,
ଆଇଁୟାଃ ଜମ୍‌ତିଃ ସାଃରେ ଦୁବାକାନ୍‌ମେଁ,

୪୩ ଆଇଜ୍ ଆମାଃ ବାଇରିକେକେ ପୁରା ଆଉରିଜ୍ ହାରାଅକ ଜାକେଦ୍ ।”

୪୪ “ଦାଉଦ୍‌ଦଃ ଇନିଃକେ ‘ପ୍ରାଭୁ’ ମେତାଜତାନାଏ, ଏନ୍ତେ ଖ୍ରୀଷ୍ଟ ଚିଲ୍‌କାତେ ଇନିୟାଃ ହନ୍ ତାନିଃ ?”

ୟୀଶୁ ଆଇନ୍‌ଇତୁକକେ ଚିଟାକତାନାଏ
(ମାଥୁଉ ୨୩:୧-୩୬; ମାର୍କ ୧୨:୩୮-୪୦)

୪୫ ସବେନ୍ ହଡ଼କ ଆୟୁମତାନ୍ ତାଇକେନ୍‌ରେ, ଯୀଶୁ ଆୟାଃ ତେଲାକକେ କାଜିୟାଦକଆଏ,
୪୬ “ଆଇନ୍ ଇତୁକତାଃଏତେ ଚିର୍ଗାଲ୍‌କାନ୍‌ପେ, ଇନ୍‌କୁ ଜିଲିଜ୍ ଲିଜାଃ ତୁସିଜ୍‌କେଦ୍‌ତେ ସେନ୍‌ବାଡା, ଆତଃ ପିର୍ ପିଡ଼ିକରେ ଜହାଉତେଲା ଆତଃ ସାମାଜ୍ ଅଡ଼ାଃକରେ ଆୟାଃରେ ଦୁବ୍‌ନାଜ୍ ଆତଃ ମାରାଜ୍ ଜମ୍‌ନୁକରେ ସିଦା ଠାୟାଦ୍‌ରେ ଦୁବ୍‌ନାଜ୍ ସୁକୁକଆ । ୪୭ ଇନ୍‌କୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଜ୍ ଜିଲିଜ୍‌ଗିକ ବିନ୍ତ୍ରୟା । ଏନ୍‌ଲେକାନ୍ ହଡ଼କଦ୍ ଆଦ୍‌କା ସାଜାକ ନାମେୟା ।”

୨୧

ମିଆଁଦ୍ ରାଣ୍ଡିକୁଡ଼ିଆଃ ଏମାଃ
(ମାର୍କ ୧୨:୪୧-୪୪)

୧ ଯୀଶୁ ଆରିଦ୍ ରାକାବ୍‌କେଦ୍‌ତେ କିସାଁଣ୍ ହଡ଼କ ଆକଆଃ ଦାନ୍ ଏମାଃ ଖାଜ୍‌ନା ବାକାସରେ ସାଜୁତାନ୍ ନେଲ୍‌କେଦକଆଏ । ୨ ଇନିଃ ମିଆଁଦ୍ ରେଜେଃ ରାବାଜ୍ ରାଣ୍ଡିକୁଡ଼ି ବାରିଆ ହୁପଡିଜ୍ ତାମ୍‌ା ସିକା ସାଜୁତେୟାଃ ନେଲ୍‌କିୟାଏ । ୩ ଯୀଶୁ ମେତାଦକଆଏ, “ସାର୍‌ଡିଗିଜ୍ କାଜିୟାପେତାନା, ନେ ରେଜେଃ ରାଣ୍ଡିକୁଡ଼ି ସବେନ୍‌କଏତେ ଥୁମ୍‌ା ଏମାକାଦାଃଏ । ୪ ଏନ୍ ସବେନ୍‌କଦ୍ ପାର୍‌ମେଶ୍ୱାର୍ ନାଜ୍ ଦାନ୍ ବାକାସରେ ଆକଆଃ ଆଦକା ମେନାଃତେୟାଃଏତେ କାଟିଃଲେକା ସାଜୁଆକାଦାଃକ ମେନ୍‌ଦ ନିଃ ଆୟାଃ ଜୀଉ ବାଞ୍ଚାଅ ନାଗେନ୍ତେ ଅକ୍‌ନାଃ ତାଇକେନା, ଏନା ସବେନାଃଏ ସାଜୁଆକାଦାଏ ।”

ମାନ୍ଦିର୍ ହାଦୁଡ଼ଃରେୟାଃ ବିଷାଏରେ ଯୀଶୁ କାଜିକେଦାଏ
(ମାଥୁଉ ୨୪:୧-୨; ମାର୍କ ୧୩:୧-୨)

୫ ଯୀଶୁଆଃ ଚିମିନ୍ ତେଲାକ ମାନ୍ଦିର୍ ଅଡ଼ାଃ ସୁଗାଡ୍ ଦିରିତେ ଆତଃ ପାର୍‌ମେଶ୍ୱାର୍‌ତାଃ ଦାନ୍ ରାକାବାକାନ୍ ତେୟାଃତେ ସିଜାମାକାନା ମେନ୍ତେ କାଜିକେଦାଃକ, ମେନ୍‌ଦ ଯୀଶୁ ମେତାଦକଆଏ, ୬ “ଏନ୍ ଦିପିଲି ହିଜୁଃଆ, ଏନାରେ ଆପେ ନେଲେତାନ୍ ସବେନାଃ ହାଦୁଡ଼ଃଆ, ଦିରି ତେତାନ୍ ଦିରି ଡିରିୟାକାନ୍ କା ତାଇନା ।”

ଦୁକୁ ଆତଃ ସିରିଦ୍

(ମାଥୂଉ ୨୪:୩-୧୪; ମାର୍କ ୧୩:୩-୧୩)

୨ ଯୀଶୁଆଃ ତେଲୀକ କୁଲିକିୟାଃକ, “ହେ ଗୁରୁ, ନେଆଁଦ ଚିଉଲୀ ହବାଅଥା ? ଆତଃ ନେ ସବେନାଃ ହବାଅଃରେୟା ଚିକାନ୍ ଚିହ୍ନାଁ ଉଦୁବଃଥା ?” ଠ ଜନିଃ କାଜିକେଦାଏ, “ଚିଗାଲୀକାନ୍ଦେ, ଆଲୁପେ ବେଦାଅଆଃ, ପୁରାଃ ହତୁକଦ ଆଇଙ୍ଗ ଜନିଃଚି ତାନିଙ୍ଗ ଆତଃ ସାମାଏ ନାଡ଼େଃକାନା ମେନ୍ତେ ଆଇଁୟାଃ ନୁତୁମତେକ ହିଜୁଃଥା, ଜନ୍ଦକୁକେ ଆଲୁପେ ଅତଙ୍ଗକଥା । ୯ ଆପେ ମାପାଃତୁପୁଲଙ୍ଗ ଆତଃ ହାଲୀଗୁଲୀରେୟାଃ କାଜି ଆୟୁମେରେ ଆଲୁପେ ଆକ୍‌ବାକାଅଆଃ, ନେ କାଜିକଦ ସିଦାରେ ହବାଅଃଚି ଲାଗାଡିୟାଃ, ମେନ୍ଦୁ ଚୁଣ୍ଡ କା ହିଜୁଃଧାବାଃ ।”

୧୦ ଏନ୍ତେ ଯୀଶୁ ଆତଃଚି ଜନ୍ଦକୁକେ କାଜିୟାଦକଥାଏ, “ହତୁକଦ ହତୁକଆଃ ବିରୁଧରେ ଆତଃ ରାଇଜ୍ ରାଇଜ୍‌ରେୟାଃ ବିରୁଧରେ ବିରିଦାଃ । ୧୧ ମିଦତାଃରେ ଅତେ ପୁରାଃ ଏକଲୀଅଥା, ରିଙ୍ଗା ଆତଃ ଦୁକୁ, ଆତଃ ବରଆନ୍‌ତେୟାଃକ ଆତଃ ସିମାଏତେ ମାପରାଙ୍ଗ ଚିହ୍ନାଁକ ଉଦୁବଃଥା । ୧୨ ମେନ୍ଦୁ ଏନ୍ ସବେନାଃ ସିଦାରେ, ହତୁକ ଆଇଁୟାଃ ନୁତୁମ୍ ନାଗେନ୍ତେକ ସାବପେୟା ଆତଃକ ସିରିଦପେୟା । ଜନ୍ଦକୁ ସାମାଜ୍ ଅଡ଼ାଃକରେକ ଜିମାପେୟା ଆତଃକ ଜେହେଲୁପେୟା, ଆତଃ ରାଜାକଆଃ ଆତଃ ହାକିମ୍‌କଆଃ ଆୟାଃରେକ ଜଦିପେୟା । ୧୩ ମେନ୍ଦୁ ନେଆଁ ଆପେୟାଃ ନାଗେନ୍ତେ ଗାଞ୍ଜା ହବାଅଥାଃ । ୧୪ ମେନ୍ଦୁ ଚିନାଃ କାଜିରୁହାଡ଼େୟାଲେ ମେନ୍ତେ ସିଦାରେ କା ଉଡ଼ୁକେଦତେ ଆପେୟାଃ ମନ୍ଦରେ ଉହାଟେପେ । ୧୫ ଚିୟାଃଚି ଆଇଙ୍ଗ ଆପେକେ ନେଲେକାନ୍ ବାଚାନ୍‌ରେୟାଃ ପେଡ଼େଃ ଆତଃ ସେଣାଁ ଏମାପେୟାଜଙ୍ଗ ଯେ, ଆପେୟାଃ କାଜିକେ ଆପେୟାଃ ବାଇରିକ ହସଡ଼ କାଜିତାନାଃ ମେନ୍ତେ କାକ କାଜିରୁହାଡ଼ ଦାଡ଼ିୟା । ୧୬ ଆପେୟାଃ ଏଙ୍ଗା ଆପୁକ ଆତଃ ହାଗାକ ଆତଃ କୁଚୁମ୍‌କୁପୁଲକ ଆତଃ ଗାଡିକ ସାବଜଡିପେୟା ଆତଃ ଆପେକଏତେ ଚିମିନକକେ ଗଏଃଜଡିକଥାକ । ୧୭ ଆଇଁୟାଃ ନୁତୁମ୍ ନାଙ୍ଗ୍ ସବେନ୍ ହତୁକ ଆପେକେ ଖୁସ୍‌ଆପେୟାକ । ୧୮ ମେନ୍ଦୁ ଆପେୟାଃ ବହଃଏତେ ମିଆଁଦ୍ ଉବହ କା ଜିୟନଃଥା । ୧୯ ଆପେ ସାହାଡିଙ୍ଗ୍ ତାନ୍‌ଲିଃ ଆପେୟାଃ ଜୀଉପେ ନାମେୟା ।

ଯୀରୁଶାଲେମ୍‌ରାଃ ଜିୟନଃ ବିଷାଏରେ ଯୀଶୁ କାଜିତାନାଏ

(ମାଥୂଉ ୨୪:୧୫-୨୧; ମାର୍କ ୧୩:୧୪-୧୯)

୨୦ ଯୀରୁଶାଲେମ୍ ପାଉଦତେ କେସେଦ୍‌ବିୟୁରାକାନ୍ ନେଲେ ଜମତା, ଏନାଦ ଉଡ଼ୁଧାବଆଃ ମେନ୍ତେ ସାରିପେ । ୨୧ ଜମତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁତେକ ନିରତେବାଃକା, ଯୀରୁଶାଲେମ୍ ଆଲୀରେ ତାଇନତାନ୍‌କ ଅତଙ୍ଗଅଃକାକ ଆତଃ ହାତୁକରେ ତାଇନତାନ୍‌କ ସାହାରତେ ଆଲକାକି ବଲଃକା । ୨୨ ଚିୟାଃଚି ସବେନ୍ ଅଲୀକାନ୍‌ତେୟାଃ ପୁରାଅଃ ନାଗେନ୍ତେ ନେ ହୁଲୀଜ୍‌କଦ ସାଜାଇଅଃରେୟାଃ ହୁଲୀଙ୍ଗ୍ ତାନାଃ । ୨୩ ମେନ୍ଦୁ ଏନ୍ ଦିପିଲିରେନ୍ ବାଜ୍ ଆକାନ୍ କୁଡିକଆଃ ଆତଃ ତଥା ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଞ୍ଚାନ୍‌ଚି ଦୁକୁ ହବାଅଥାଃ । ଚିୟାଃଚି ଅତେଦିଶୁମ୍‌ରେଦ ମାରାଙ୍ଗ୍ ଦୁକୁ ଆତଃ ନେ ହତୁକରେ ଏନେସେଦ୍* ଠଗଃଥା । ୨୪ ଜନ୍ଦକୁ ତାରାଉଡ଼ିତେ ମାଗଆଃକ ଆତଃ ସବେନ୍ ଦିଶୁମ୍‌ରେନକତାଃତେକ ତଲୁଜଦିୟାଃ ଆତଃ ଏଗାଃ ଜାଡିରେନକଆଃ ଦିପିଲି ଆଉରି ପୁରାଅଃଜାକେଦ୍ ଯୀରୁଶାଲେମ୍‌କେ ଏଗାଃ ଜାଡିରେନକ ଏନେୟା ।

ମାନଞ୍ଜାହନ୍‌ଆଃ ହିଜୁଃରୁହାଡ଼ରେୟାଃ ଆୟାଃକାଜି

(ମାଥୂଉ ୨୪:୨୯-୩୧; ମାର୍କ ୧୩:୨୪-୨୭)

୨୫ ସିଙ୍ଗି, ଚାଣ୍ଡୁ, ଆତଃ ଜପିଲକରେ ଚିହ୍ନାଁକ ଉଦୁବଃଥା । ଦରେୟା ଆତଃ ଆଲୁପୁଙ୍ଗ୍‌ରେୟାଃ ସାଡ଼ିରେ, ଅତେରେ ଜାଡିରେନକ ଦୁକୁତେକ ଆକ୍‌ବାକାଅଆଃ । ୨୬ ଅତେଦିଶୁମ୍‌ରେ ହିଜୁଃତାନ୍ ସାଙ୍କାଟ୍‌କେ ନେଲୁହରାତାନ୍‌ଲିଃ ହତୁକ ବରତେ ଗଜଃ ଲେକାକ ହବାଅଥା, ଚିୟାଃଚି ସିମାରେୟାଃ ପେଡ଼େଃୟାନ୍‌ତେୟାଃକ ଏକଲୀଅଥା । ୨୭ ଏନ୍ ସାମାଏରେ ହତୁକ ମାନଞ୍ଜାହନ୍‌କେ ପେଡ଼େଃ ଆତଃ ପୁରାଃ ମାନାରାଙ୍ଗଲଃ ଚିମିଲରେ ହିଜୁଃତାନ୍‌କ ନେଲିୟା । ୨୮ ଚିମ୍‌ତାଙ୍ଗ୍ ନେଆଁକ ଏଟେଜଃରେ ତିଙ୍ଗୁନ୍‌ପେ ଆତଃ ସାଜିଲେପେ, ଚିୟାଃଚି ଆପେୟାଃ ମୁକ୍ତିଦ ନାଡ଼େୟଃତାନା ।”

ଲୀଆଦାରୁଏତେ ଜନିତୁ

(ମାଥୂଉ ୨୪:୩୨-୩୫; ମାର୍କ ୧୩:୨୮-୩୧)

* ୨୧:୧୫ ୨୧:୧୪ ଲୁକ ୧୨:୧୧,୧୨. * ୨୧:୨୩ ୨୧:୨୩ ଖୁସ୍ * ୨୧:୨୫ ୨୧:୨୫ ଉନ୍‌ଦୁବ୍ କାଜି ୬:୧୨,୧୩. * ୨୧:୨୭ ୨୧:୨୭ ଉନ୍‌ଦୁବ୍ କାଜି ୧:୭.

୨୯ ଆତଃ ଯୀଶୁ ଇନ୍ଦ୍ରକୁଳେ ନେ ଜନ୍ମକା କାଜି କାଜିୟାଦ୍‌କଥାଏ, “ଲଥାଦାରୁ ଆତଃ ସବେନ୍ ଦାରୁ ଆତଃ ଏଗାଃ ଦାରୁକଏତେ ଇତ୍ତନ୍‌ଦେ । ୩୦ ଏନା ସୁଡ଼ାଅଃତାନୁ ନେଲକେଦ୍‌ତେ ଜେବ୍‌ସିଙ୍ଗି ନାହାଁଃଦ ନାଡ଼େୟାକାନା ନେତ୍ତେପେ ସାରିୟାଃ । ୩୧ ଏନ୍‌ଲେକାଗି, ନେଆଁ ସବେନାଃ ହବାଅଃତାନୁଦେ ନେଲେ ଇମ୍‌ତା ପାର୍‌ନେଶ୍ୱାର୍‌ରାଃ ରାଜଜ୍ ନାଡ଼େୟାକାନା ନେତ୍ତେ ସାରିପେ ।”

୩୨ ସାର୍‌ଡିଗ୍‌ଜ୍ କାଜିୟାଦେପାନା, “ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ । ୩୩ ସିର୍ମା ଆତଃ ଅତେ ଚୁଣ୍ଡୁତାରଃଆ, ନେନ୍‌ଦ ଆଇଁୟାଃ କାଜିକ କା ଚୁଣ୍ଡୁଆ ।

ଚିରାଲାକାନୁଦେ

୩୪ “ଚିରାଲାକାନୁଦେ, କା'ରେଦ ନୁଁରେୟାଃ ବୁନ୍‌ଲୁଡେ ଆତଃ ନେ ଜୀଦାନୁରେୟାଃ ଉଡ଼ୁକେଦ୍‌ତେ ଆପେୟାଃ ନନ୍ ହାମ୍‌ଲଆଃ ଆତଃ ଏନ୍ ହୁଲାଙ୍ଗ୍ ଆପେରେ ଆଡ଼କାତେ ଫାସ୍‌ରିଲେକା ହିଜୁଃଆ । ୩୫ ଏନାଦ ଏନ୍ ଫାଁସ୍‌ରି ଲେକାଗି ସବେନ୍ ଅତେରେନ୍‌କଆଃରେ ହିଜୁଃଆ । ୩୬ ଆପେ ନେ ସବେନ୍ ହିଜୁଃତେୟାଃକଏତେ ବାସ୍ତାଅ ଆତଃ ମାନୁଃହନ୍‌ଆଃ ଆୟାନ୍‌ରେ ତିଙ୍ଗୁଃଦାଡ଼ିକାଲେ ନେତ୍ତେ ସବେନ୍ ଦିପିଲିରେ ଏୟନାକାନୁଦେ ଆତଃ ବିକ୍ତିପେ ।”

୩୭ ଏସବେନ୍ ହୁଲାଙ୍ଗ୍ ଯୀଶୁ ମାନ୍‌ଦିର୍ ଅଡ଼ାଃରେ ଇତ୍ତକତାନୁ ଆତଃ ସିଙ୍ଗିହାସ୍‌ରୟାନ୍ତେ ଜାଜ୍‌ତୁନ୍ ବୁରୁରେ ତାଜ୍‌ନତାନାଏ ତାଜକେନା । ୩୮ ଆତଃ ସେତାଃୟାନ୍‌ରେଦ ସବେନ୍ ହଡ଼କ ଇନିୟାଃ କାଜି ଆୟୁମ୍‌ ନାଗେନ୍ତେ ମାନ୍‌ଦିର୍ ଅଡ଼ାଃତେ ଇନିଃତାଃକ ହିଜୁଃତାନୁ ତାଜକେନା ।

୨୨

ୟୀଶୁଆଃ ବିରୁଧରେ ରଜୋଟ

(ମାଥୁର ୨୬:୧-୫; ମାର୍କ ୧୪:୧-୨; ଯୋହାନ୍ ୧୧:୪୫-୫୩)

୧ ପାସ୍କା ପାରାବ୍ ନୁତୁମଃତାନୁ ସାବାଃ ହଲଙ୍ଗ୍‌ରେୟାଃ ପାରାବ୍ ନାଡ଼େଃୟାନା, ୨ ଆତଃ ମାରାଙ୍ଗ୍ ଯାଜାକ୍ ଆତଃ ଆଇନ୍ ଇତ୍ତକ ଆବୁ ଯୀଶୁକେ ଚିଲ୍‌କାବୁ ଗଜିୟା ନେତ୍ତେ ହରାକ ଦାଣ୍ଠାବଡ଼ା ତାଜକେନା, ଇନ୍‌କୁଦ ହଡ଼କକେ ବରଆକତାନୁ ତାଜକେନାକ ।

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ରାଜିୟାନା

(ମାଥୁର ୨୬:୧୪-୧୬; ମାର୍କ ୧୪:୧୦-୧୧)

୩ ଏନ୍ତେ ଚେଲ୍‌ବାର୍ ଚେଲ୍‌କଏତେ, ଇଷ୍ଟାରିୟଡ଼ ଯିହୁଦା ନୁତୁମଃତାନୁ ମିଆଁଦ୍‌ନିୟାଃରେ ସାଏତାନୁ ବଲୟାନାଏ । ୪ ଆତଃ ଇନିଃ ସେନଃୟାନ୍ତେ ଆଇଙ୍ଗ୍ ଯୀଶୁକେ ଚିଲ୍‌କା ଆପେୟାଃ ତିଃକରେ ଜିମାକୟା ନେତ୍ତେ ମାରାଙ୍ଗ୍ ଯାଜାକ୍ ଆତଃ ସିପାଜକଆଃ ଗମ୍‌କେକଲଃ ବାଣ୍ଠାଣକେଦାଏ । ୫ ଇନ୍‌କୁ ଚାକାଲେ ଏନାମେୟା ନେତ୍ତେ ରାସ୍କାତାନୁଲଃକ ହୁଣ୍ଡିୟାନା । ୬ ଆତଃ ଇନିଃ ରାଜିୟାନାଏ ଆତଃ କା ହାଲାଗୁଲାଏତାନୁଲଃ ଇନ୍‌କୁଆଃ ତିଃକରେ ଯୀଶୁକେ ସାବ୍‌ରିକାଇ ନାଗେନ୍ତେ ସୁୟୋଗ୍ ଦାଣ୍ଠାତାନାଏ ତାଜକେନା ।

ୟୀଶୁ ପାସ୍କା ପାରାବ୍‌ରେୟାଃ ଜମେୟାଃ ନାଗେନ୍ତେ ସେକାଡ଼ୟାନାଏ

(ମାଥୁର ୨୬:୧୭-୨୫; ମାର୍କ ୧୪:୧୨-୨୧; ଯୋହାନ୍ ୧୩:୨୧-୩୦)

୭ ସାବାଃ ହଲଙ୍ଗ୍‌ରେୟାଃ ପାରାବ୍ ଦିପିଲିରେ, ପାସ୍କା ପାରାବ୍ ନାଗେନ୍ତେ ମିଶ୍ଟିହନ୍‌ଆଃ ଦାଣ୍ଠା ମାୟୋମ୍ ଲାଗାଡ଼ିଙ୍ଗ୍ ତାଜକେନା । ୮ ଯୀଶୁ ପାଡ଼ରାସ୍ ଆତଃ ଯୋହାନ୍‌କେ “ପାସ୍କା ପାରାବ୍ ନାଜ୍ ଜମେୟାଃ ବାବାଇ ନାଗେନ୍ତେ” କୁଲ୍‌କେଦ୍‌କିନା ।

୯ ଏନ୍ତେ ଇନ୍‌କିନ୍ ଇନିଃକେ କୁଲ୍‌କିୟାକିନ୍, “ଆଲିଙ୍ଗ୍ ଅକ ଠାୟାଦ୍‌ରେ ବାଇୟାଲିଙ୍ଗ୍ ନେତ୍ତେମ୍ ସାନାଙ୍ଗ୍‌ତାନା ?”

୧୦ ଯୀଶୁ ମେତାଦ୍‌କିନାଏ, “ନାଗାରୁରେ ବଲଃ ଇମ୍‌ତା ଦାଆଃଗାରୁ ତେଙ୍ଗଃକାଦ୍ ମିଆଁଦ୍ ହଡ଼କେ ନାମ୍‌ୟାବେନ୍, ଇନିଃ ବଲଃ ଅଡ଼ାଃତେ ଅତଙ୍ଗ୍‌ଇବେନ୍, ୧୧ ଆତଃ ଅଡ଼ାଃରେନ୍ ଗମ୍‌କେ କେ କାଜିୟାକବେନ୍, ‘ଗୁରୁ କୁଲିତାନାଏ, ବାଖରା ଅକ୍‌ତାଃରେୟା ? ଏନ୍ତାଃଦ ଆଇଁୟାଃ ଚେଲ୍‌କଲଃ ପାସ୍କା ପାରାବ୍‌ରେୟାଃ ଜମେୟାଃ ଜମେୟାଈଙ୍ଗ୍ ।’ ୧୨ ଇନିଃ ବାଇସେକାଡ଼ାକାନୁ ମାରାଙ୍ଗ୍ ବାଖରା ଉଡ଼ୁବାବେନାଏ, ଏନ୍ତାଃରେ ବାଇୟେବେନ୍ ।”

† ୨୧:୩୦ ୨୧:୩୦ ପାର୍ଥଲାଃଅ ✨ ୨୧:୩୭ ୨୧:୩୭ ଲୁକ ୧୯:୪୭.

୧୩ ଇନ୍ଦକିନ୍ ସେନଃୟାନ୍ତେ ଯୀଶୁ ଉଦୁବାଦକିନ୍‌ଲେକା ନାମକେଦାଃକିନ୍, ଆତଃ ପାସକା ପାରାଦ୍ ନାଙ୍ଗ ଜନେୟାଃକିନ୍ ବାଈକେଦାଃ ।

ପ୍ରାଭୁ ଭୋଜ

(ମାଥୁର ୨୨:୨୭-୩୦; ମାର୍କ ୧୪:୨୨-୨୬; ୧ କରିନ୍ଥ୍ରିୟ ୧୧:୨୩-୩୫)

୧୪ ଆତଃ ଏନ୍ ଦିପିଲି ସେଟେରୟାନ୍ତି ଯୀଶୁ ଆୟାଃ ପ୍ରେରିତ୍‌କଲଃ ଜଜମ୍ ନାଗେନ୍ତେ ଦୁଦୟାନାଏ । ୧୫ ଆତଃ ଇନିଃ ଇନ୍‌କୁକେ କାଜିୟାଦକଆଏ, “ଆଇଙ୍ଗ ଦୁକୁ ସାହାତିଙ୍ଗ୍‌ୟେଁ ସିଦାରେ ନେ ପାସକା ପାରାଦ୍‌ରେୟାଃ ଜନେୟାଃ ଆପେଲଃ ଜଜମାଈଙ୍ଗ୍ ସାନାଙ୍ଗତାନା । ୧୬ ଆଇଙ୍ଗ୍‌ଦ ପାର୍‌ମେଶ୍‌ୱାର୍‌ଆଃ ରାଈଜ୍‌ରେ ଏନାରାଃ ସବେନ୍ ମୁଣ୍ଡି ଆଉରି ଉଦୁବଃ ଜାକେଦ୍ ଆତଃ ତିଉଲାଇ କାଈଙ୍ଗ୍ ଜମାଃ ମେତାପେତାନାଈଙ୍ଗ୍ ।”

୧୭ ଆତଃ କାଟୋରା ଆଉକେଦ୍‌ତେ, ଇନିଃ ଧାନ୍ୟାବାଦ୍ ଏମ୍‌ତାନିଲଃ ମେତାଦକଆଏ, “ଆପେୟାଃ ଆଲାରେ ନେଆଁ ହାରିଙ୍ଗ୍‌ୟେଁପେ ।” ୧୮ ଆଇଙ୍ଗ୍‌ଦ କାଜିୟାପେ ତାନାଈଙ୍ଗ୍, “ପାର୍‌ମେଶ୍‌ୱାର୍‌ଆଃ ରାଈଜ୍ ଆଉରି ହିନ୍ଦୁଃଜାକେଦ୍ ଆଇଙ୍ଗ୍ ଦାଖରାସି ଆତଃ ତିଉଲାଇ କାଈଙ୍ଗ୍ ନୁଁଈଆ ।”

୧୯ ଆତଃ ଇନିଃ ହଲଙ୍ଗ୍ ସାଦ୍‌କେଦ୍‌ତେ, ପାର୍‌ମେଶ୍‌ୱାର୍‌କେ ଧାନ୍ୟାବାଦ୍ ଏମ୍‌କିୟାଏ ଆତଃ ଏନାକେ କେତାଃକେଦ୍‌ତେ ଇନ୍‌କୁକେ ଏମ୍‌ତାନିଲଃ କାଜିୟାଦକଆଏ, “ନେଆଁ ଆଇଁୟାଃ ହତ୍‌ପତାନାଃ, ଆପେ ନାଗେନ୍ତେ ଏମଃତାନା, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।” ୨୦ ଏନ୍‌ଲେକାଗି, ଇନିଃ ଆୟୁଦ୍‌ଜନେୟାଃ ତାୟମ୍‌ତେ କାଟୋରା ସାଦ୍‌କେଦ୍‌ତେ ମେତାଦକଆଏ, “ନେ କାଟୋରା ଆଇଁୟାଃ ମାୟୋମ୍‌ତେ ଆପେୟାଃ ନାଙ୍ଗ୍ ଲିଙ୍ଗ୍‌ୟଃତାନ୍ ପାର୍‌ମେଶ୍‌ୱାର୍‌ଆଃ ରାଜିନାମାରାଃ ନାଞ୍ଜିନିୟାମ୍‌ ତାନାଃ ।

୨୧ “ମେନ୍‌ଦ୍ ନେଲେପେ ଆଇଙ୍ଗ୍‌କେ ସାଦ୍‌କିନିୟାଃ ତିଃଇ ଆଇଁୟାଃଲଃ ମେଜ୍‌ରେୟା । ୨୨ ମାନଞ୍ଜାହନ୍ ଆୟାଃ ନାଗେନ୍ତେ ଦହାକାନ୍ ଲେକାଏ ସେନଃତାନା, ମେନ୍‌ଦ୍ ବାଈରିକଆଃ ତିଃଇରେ ଇନିଃକେ ସାଦ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ ।”

୨୩ ଆତଃ ଇନ୍‌କୁ ଆବୁଏତେ ନେ କାମି କାମିନିଃ ଅକଏ ତାନିଃ ମେନ୍ତେ ଆକ ଆକରେକ କୁଲିବାଡାକେଦାଃ ।

ଆବୁଏତେ ଅକଏ ମାରାଙ୍ଗ୍ ମେନ୍ତେ ତେଲାଇ ଏପ୍‌ରାଙ୍ଗ୍‌ତାନା

(ମାଥୁର ୨୦:୨୫-୨୮; ମାର୍କ ୧୦:୪୨-୪୪)

୨୪ *ଚେଲାଇ ଆବୁଏତେ ଅକଏ ମାରାଙ୍ଗ୍‌ନିଃ ଆବ୍‌କାରଃଆଏ ମେନ୍ତେକ ଏପ୍‌ରାଙ୍ଗ୍‌ୟାନା । ୨୫ ଯୀଶୁ ଇନ୍‌କୁକେ କାଜିୟାଦକଆଏ, “ଏଗାଃ ଜାତିରେନ୍‌କଆଃ ରାଜାକ ଇନ୍‌କୁରେକ ରାଈଜେତାନା, ଆତଃ ଇନ୍‌କୁଆଃରେ ଆକ୍‌ତେୟାର୍ ତାନ୍‌କକେ ଗାତିକ କାଜିୟାଃତାନା । ୨୬ **ମେନ୍‌ଦ୍ ଆପେ ଆଲ୍‌ପେ ନେକାଆଆଃ, ଆପେୟାଃ ଆଲାରେ ମାରାଙ୍ଗ୍‌ନିଃ ହୁତିଙ୍ଗ୍‌ନିଃଲେକା, ଆତଃ ଆଗୁଆଇନିଃ ସୁସାର୍‌ନିଃଲେକା ତାଇନଃକାଏ । ୨୭ *ଅକଏ ମାରାଙ୍ଗ୍‌ଆଏ, ଜଜମ୍‌ରେ ଦୁବାକାନ୍‌ନିଃ ତି ଦାସି ? ତିୟାଃ ଜଜମ୍‌ରେ ଦୁବାକାନ୍‌ନିଃ କାଏ ମାରାଙ୍ଗ୍‌ଆଁ ? ମେନ୍‌ଦ୍ ଆଇଙ୍ଗ୍ ଆପେୟାଃ ଆଲାରେ ମିଆଁଦ୍ ଦାସିଲେକାଃଇଙ୍ଗ୍ ।

୨୮ “ଆଇଁୟାଃ ବିନିଡାଅକରେ ଆଇଙ୍ଗ୍‌ଲଃ ତାଇକାନ୍‌କ ଆପେଗି ତାନ୍‌ପେ । ୨୯ ଆତଃ ଆପୁଈଙ୍ଗ୍ ଆଇଙ୍ଗ୍‌କେ ରାଈଜ୍ ରିକାଏରେୟାଃ ଆକ୍‌ତେୟାର୍ ଏମାକାଦିଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ ଆକ୍‌ତେୟାର୍ ଏମାପେତାନାଈଙ୍ଗ୍, ୩୦ *ଜେ'ଲେକାଗି, ଆପେ ଆଇଁୟାଃ ରାଈଜ୍‌ରେ ଆଇଁୟାଃ ମେଜ୍‌ରେପେ ଜମ୍‌ନୁଁଏୟା ଆତଃ ରାଜ୍‌ଗାଦିରେ ଦୁଦ୍‌କେଦ୍‌ତେ ଈସ୍ରାଏଲ୍‌ରେନ୍ ବାରା କିଲିକଆଃପେ ବିଚାରେୟା ।

ପାରାସ୍ ଯୀଶୁକେ କାଈଙ୍ଗ୍ ସାରିଆ ମେନ୍ତେ କାଜିତେୟାଃକେ ଯୀଶୁ ଆୟାର୍‌କାଜି* କାଜିତାନା

(ମାଥୁର ୨୨:୩୧-୩୫; ମାର୍କ ୧୪:୨୭-୩୧; ଯୋହାନ୍ ୧୩:୩୬-୩୮)

୩୧ “ଏ ଶିମୋନ୍, ଏ ଶିମୋନ୍, ନେଲେମ୍ ତାସି ଗହମ୍‌କେ ହାଟାଃରେ କେଲାଅକେଦ୍‌ତେ ପେଟେଃକେ ଆତମେଲେକା, ଆପେକେ ବିଡାଆ ମେନ୍ତେ ସାଏତାନ୍‌ହରି ବୁଗିନ୍ ହତ୍‌କତାଃଏତେ ଏଦ୍‌କାନ୍ ହତ୍‌କକେ ଆଲ୍‌ଗାଅରେୟାଃ ଆନ୍‌ଚୁଇ ନାମାକାଦା । ୩୨ ମେନ୍‌ଦ୍ ଆମାଃ ବିଶ୍ୱାସ୍ ଆଲକା ଚାବାଃଆ ମେନ୍ତେ ଆଇଙ୍ଗ୍ ଆମାଃ ନାଗେନ୍ତେଇଙ୍ଗ୍ ବିଶ୍ୱାସ୍‌କାଦାଃ, ଆତଃ ଆମ୍ ରୁହାଡ୍‌ରେଦ୍ ଆମାଃ ହାଗାକକେ ପକ୍‌ତାକମେ ।”

* ୨୨:୨୪ ୨୨:୨୪ ମାଥୁର ୧୮:୧; ମାର୍କ ୯:୩୫; ଲୁକ ୯:୫୭. * ୨୨:୨୬ ୨୨:୨୬ ମାଥୁର ୨୩:୧୧; ମାର୍କ ୯:୩୫. * ୨୨:୨୭ ୨୨:୨୭ ମାଥୁର ୨୦:୨୫-୨୭; ମାର୍କ ୧୦:୪୨-୪୪. * ୨୨:୨୭ ୨୨:୨୭ ଯୋହାନ୍ ୧୩:୧୭-୧୫. * ୨୨:୩୦ ୨୨:୩୦ ମାଥୁର ୧୯:୨୮. * ୨୨:୩୦ ୨୨:୩୧ ହବାଃଆ ସିଦାରେ କାଜିତେୟାଃ

୩୩ ମେନ୍ଦ ପାଡ଼ରାସ୍ କାଜିକିୟାଏ, “ହେ ପ୍ରାଭୁ ଆମ୍ଭଲଘ ଜେହେଲୁଡେ ସେନ୍ ଆଡ଼ଃ ଗଜଃ ନାଗେନ୍ତେ ସାପ୍ତାଅକାନାଜଙ୍ଗ୍ ।”

୩୪ ଯୀଶୁ ମେତାଜକାଏ, “ଏ ପାଡ଼ରାସ୍, ତିସିଙ୍ଗି ସାଣ୍ଡିସିମ୍ ରାଆଃ ସିଦାରେ ଆପିସା ଜନିଃକେ କାଜଙ୍ଗ୍ ସାରିୟାଃ ମେନ୍ତେମ୍ ମେନେୟା, ନେଆଁଜଙ୍ଗ୍ ମେତାମ୍ତାନା ।”

ପାଏସାମୁନା, ଆଇଲା, ଆଡ଼ଃ ତାରାଉଡ଼ି

୩୫ ଏନ୍ତେ ଯୀଶୁ ଆୟାଃ ଚେଲାକକେ କୁଲିକେଦକଆଏ, “ଆଇଙ୍ଗ୍ ଆପେକେ ବେଗାଡ଼ ପାଏସାମୁନା, ଆଇଲା, ଆଡ଼ଃ ଖାଡ଼ପାଡେଜଙ୍ଗ୍ କୁଲିକେଦପେରେ, ଚିୟାଃ ଜେଡ଼ନାଃଡେପେ ଜାଞ୍ଜିୟାନା† ?” “ଜେଡ଼ନାଃଡେ କାହା” ମେନ୍ତେକ କାଜିରୁହାଡ଼କିୟା ।

୩୬ ଯୀଶୁ ଜନକ୍ତକେ ମେତାଦକଆଏ, “ମେନ୍ଦ ନାହାଁଃ ପାଏସାମୁନା ତାଜନିଃନିଃ ଏନା ଜଦିକାଏ, ଆଡ଼ଃ ଆଇଲାହ, ଆଡ଼ଃ ଅକଏତାଃରେ ତାରାଉଡ଼ି ବାନଆଃ ଜନିଃ ଆୟାଃ ଲିଜାଃ ଆଖିରିଙ୍ଗକେଦତେ ମିଆଁଦ୍ କିରିଙ୍ଗ୍ଝେକାଏ । ୩୭ ନେଆଁ ଧାରାମ୍ପୁପୁରେ ଅଲୀକାନା, ‘ଜନିଃ କା ଧାର୍ମାନ୍ ହଡ଼କଲଃ ଲେକାୟାନାଏ,’ ଆଡ଼ଃ ଆଇଙ୍ଗ୍ ମେତାପେ ତାନାଜଙ୍ଗ୍, ନେଆଁ ଆଇଁୟାଃରେ ହବାଅରିୟା । ହେଗି, ଧାରାମ୍ପୁପୁରେ ଆଇଁୟାଃ ବିଷାଏରେ ଅଲୀକାନତେୟାଃଦ ସାର୍ତ୍ତି ହବାଅରିୟା ।”

୩୮ ଚେଲାକ କାଜିକିୟାଃକ, “ହେ ପ୍ରାଭୁ, ନେଲେମେ ବାରିଆ ତାରାଉଡ଼ି ନେତାଃରେୟା ।” ଜନିଃ ମେତାଦକଆଏ, “ଇମ୍ନାଙ୍ଗ୍ରେ ହବାକଆଃ ।”

ଜାଲ୍ପାଇ ବୁରୁରେ ଯୀଶୁଆଃ ବିକ୍ତି

(ମାଥୁଉ ୨୬:୩୭-୪୬; ମାର୍କ ୧୪:୩୨-୪୨)

୩୯ ଯୀଶୁ ସାହାରୁହେଡେ ଅଡ଼ଙ୍ଗ୍ଝାନିଃକ୍ ସବେନ୍ ହୁଲାଙ୍ଗ୍ ସେନିଃତାନିଲେକା ଜାଜଡ଼ୁନ୍ ବୁରୁଡେ ସେନିଃୟାନା, ଆଡ଼ଃ ଜନିଃୟାଃ ଚେଲାକହ ଅଡ଼ଙ୍ଗ୍ଝିୟାକ । ୪୦ ଏନ୍ ଠାୟାଦରେ ସେଟେରୁୟାନିଡ଼ି ମେତାଦକଆଏ, “ବିଡ଼ାଅରେ ଆଲ୍ପେ ଉୟୁଗଃକା ମେନ୍ତେ ବିକ୍ତିପେ ।”

୪୧ ଯୀଶୁ ମିଆଁଦ୍ ଦିରିହୁଦମାଃ ଜମ୍ନାଙ୍ଗ୍ ସାଜିନ୍ ଜନକ୍ତଏତେ ଆଡ଼ମ୍ଝାନାଏ, ଆଡ଼ଃ ଜକ୍ତଡ଼ୁକେଦତେ ବିକ୍ତିକେଦାଏ । ୪୨ “ହେ ଆବା, ଆମ୍ ସାନାଙ୍ଗ୍ରେଦ ନେ କାଟୋରା ଆଇଙ୍ଗ୍ଏଡେ ଆଡ଼ମ୍ଝେମେ, ଏନ୍ରେୟ ଆଇଁୟାଃ ସାନାଙ୍ଗ୍ଲେକାଦ କାହା ମେନ୍ଦ ଆମାଃ ସାନାଙ୍ଗ୍ଲେକା ହବାଅଃକା ।” ୪୩ ସିର୍ମାସାଏତେ ମିଆଁଦ୍ ସିର୍ମାରେନ୍ ଦାସି ଜନିଃକେ ପେଡ଼େଜି ନାଗେନ୍ତେ ଜନିଃତାଃଡେ ହିଜୁଃୟାନା । ୪୪ ଆଡ଼ଃ ଯୀଶୁ ପୁରାଃ ଦୁକୁୟାନ୍ତେ ପୁରାଃଗି ବିକ୍ତିଗରୋଙ୍ଗ୍କେଦାଃଏ ଆଡ଼ଃ ଜନିଃୟାଃ ବାଲ୍ବାଲ୍ବାଦାଆଃ ଅଡେରେ ଜରତାନ୍ ସାକିଦ୍ ମାୟୋମ୍ଲେକାୟାନା ।‡

୪୫ ଜନିଃ ବିକ୍ତିକେଦତେ ବିରିଦ୍ଝାନାଏ ଆଡ଼ଃ ଆୟାଃ ଚେଲାକତାଃ ରୁହାଡ଼ୟାନିଡ଼ି, ଜନକ୍ତକେ ଦୁଡ଼ମ୍ଝାକାନ୍ ନାମକେଦକଆଏ, ଆଡ଼ଃ ହୁଡ଼ିଙ୍ଗ୍ଝିଜାୟାନାଏ । ୪୬ ଜନିଃ କୁଲିକେଦକଆଏ, “ଚିନାଃମେନ୍ତେପେ ଦୁଡ଼ମ୍ଝାତାନା ? ମାଡ଼ ବିରିଦ୍ପେ ଆଡ଼ଃ ବିଡ଼ାଅରେ ଆଲ୍ପେ ଉୟୁଗଃକା ମେନ୍ତେ ବିକ୍ତିପେ ।”

ୟୀଶୁଆଃ ସାବ୍ଝିଦିୟାଃ

(ମାଥୁଉ ୨୬:୪୭-୫୬; ମାର୍କ ୧୪:୪୩-୪୯; ଯୋହାନ୍ ୧୮:୨-୧୧)

୪୭ ଯୀଶୁ ନେଆଁ କାଜିତାନ୍ ତାଜକେନ୍ ଜମ୍ନାଗି ନେଲେପେ ଗାପେଲହଡ଼କ ହିଜୁଃୟାନା, ଆଡ଼ଃ ଗେଲ୍ବାର ଚେଲାକଏତେ ଯିହୁଦା ନୁଡ଼ୁମ୍ ମିଆଁଦ୍ ଚେଲା ଜନକ୍ତକେ ଆୟାଡ଼େତେ ଆଡ଼କେଦକଆ ଆଡ଼ଃ ଯୀଶୁକେ ଚଅଃ'ଜ ନାଗେନ୍ତେ ଜନିଃତାଃଡେ ନାଡ଼େୟାନା, ୪୮ ମେନ୍ଦ ଯୀଶୁ ମେତାଜକାଏ, “ଏ ଯିହୁଦା, ଚିୟାଃ ଆମ୍ ମାନଝାହନ୍କେ ଚଅଃ'ଜତାନିଲ୍ମ ସାବ୍ଝିତାନା ?”

୪୯ ଯୀଶୁଲଘ ତାଜକେନ୍ ହବାଅଃଡେୟାଃ ନେଲ୍କେଦତେ କାଜିକିୟାକ, “ହେ ପ୍ରାଭୁ ଚିୟାଃ ଆଲେ ତାରାଉଡ଼ିତେଲେ ମାଆଃକଆ ? ୫୦ ଆଡ଼ଃ ଜନକ୍ତଏତେ ମିଆଁଦ୍ନିଃ ମାରାଙ୍ଗ୍ ଯାଜାକ୍ଆଃ ଦାସିରାଃ ଜମ୍ କୁଡ଼ୁରକେ ମାଆଃଖାଣ୍ଡାଅକେଦାଏ ।” ୫୧ ମେନ୍ଦ ଯୀଶୁ କାଜିରୁହାଡ଼କେଦାଏ, “ନେଆଁଦ କାହା” ଆଡ଼ଃ ଏନ୍ ଦାସିଆଃ କୁଡ଼ୁର ଜୁଟିଦକେଦତେ ଜନିଃକେ ବୁଗିକିୟା । ୫୨ ଏନ୍ତେ ଯୀଶୁ ଆୟାଃତାଃ ହିଜୁଆକାନ୍ ମାରାଙ୍ଗ୍ ଯାଜାକ୍, ମାଦିର୍ ହରକଆଃ ଗୁସିୟାକ, ଆଡ଼ଃ ପ୍ରାଚିନ୍ଦକକେ କାଜିୟାଦକଆଏ, “ଚିୟାଃ ଆପେ କୁମ୍ପୁୟାବ୍ଲେକା ତାରାଉଡ଼ି ଆଡ଼ଃ ଉଙ୍ଗାମ୍ବକ ସାବ୍ଝିକେଦତେପେ ହିଜୁଆକାନା ? ୫୩ ଏସବେନ୍ ହୁଲାଙ୍ଗ୍

☆ ୨୨:୩୫ ୨୨:୩୫ ମାଥୁଉ ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪. † ୨୨:୩୫ ୨୨:୩୫ ଘାଟିୟାନା ‡ ୨୨:୪୪ 22:44 ଚିମ୍ପି ମାରି ଅନଲ୍କରେ ୪୩-୪୪ ପଦ ବାନ୍ଧଣା ☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭.

ଆଇଙ୍ଗ୍ ମାନ୍ଦିରରେ ଆପେଲଃ ତାଇକେନ୍‌ଇମତା ଆପେ ଆଇଙ୍ଗ୍‌ରେ ତିଃଇ କାପେ ଜିଲିଙ୍ଗ୍‌କେଦାଃ । ମେନ୍‌ଦ ନେଆଁ ଆପେୟାଃ ସାମାଏ ତାନାଃ ଆତଃ ନୁବାଃରେୟାଃ ରାଇଜ୍‌ତାନାଃ ।”

ପାଡ଼ରାସ୍ ଆଇଙ୍ଗ୍ ଯୀଶୁକେ କାଇଙ୍ଗ୍ ସାରିୟାଃ ମେନ୍ତେ କାଜିତାନାଏ

(ମାଥୂର ୨୨:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୭-୭୨; ଯୋହାନ୍ ୧୮:୧୨-୧୮, ୨୫-୨୭)

୫୪ ଜନ୍‌କୁ ଯୀଶୁକେ ସାବ୍‌ଇଦିକିଃତେ ମାରାଙ୍ଗ୍ ଯାଜାକ୍‌ଆଃ ଅଡ଼ାଃତେକ ଇଦିକିୟାଃ, ଆତଃ ପାଡ଼ରାସ୍ ସାଜିନ୍‌ରେ ତାଇକେନ୍‌ଦେତେ ଦୟା ଦୟା ଜନିଃକେ ଅତଙ୍ଗିକିୟା । ୫୫ ମେନ୍‌ଦ ଜନ୍‌କୁ ଅଡ଼ାଃରାଚାରେ ସେଙ୍ଗେଲ୍‌ଡିଙ୍ଗ୍‌କେଦେତେ ସବେନ୍‌କ ଦୁବ୍‌ୟାନା, ଆତଃ ପାଡ଼ରାସ୍‌ହ ଜନ୍‌କୁଲଃ ଦୁବ୍‌ୟାନାଏ । ୫୬ ମିଆଁଦ୍ କାମ୍‌ଡିଙ୍ଗ୍ ଜନିଃକେ ସେଙ୍ଗେଲ୍‌ଜାପାଃରେ ଦୁବାକାନ୍ ନେଲ୍‌କିଃତେ ନେଲ୍‌ବାଇକିୟାଏ ଆତଃ ମେନ୍‌କେଦାଏ, “ନିଃ ହରି ଯୀଶୁଲଃ ତାଇକେନାଏ ।” ୫୭ ମେନ୍‌ଦ ଜନିଃ ଦଦାଦ୍‌ତାନ୍‌ଲଃ କାଜିକିୟାଏ, “ଏ କୁଡ଼ି ଆଇଙ୍ଗ୍‌ଦ ଜନିଃକେ କାଇଙ୍ଗ୍ ସାରିୟାଃ ।”

୫୮ ଆତଃପାଡ଼ିକାଦ୍ ତାୟମ୍‌ଗେତେ ଏଟାଃ ହଡ଼ ଜନିଃକେ ନେଲ୍‌କିଦେତେ ମେତାଇଜାଏ, “ଆମ୍‌ହ ଜନ୍‌କୁଏତେ ମିଆଁଦ୍‌ନିଃ ତାନ୍‌ମେ ।” ମେନ୍‌ଦ ପାଡ଼ରାସ୍ କାଜିକିୟାଏ, “ଏ ହଡ଼ ଆଇଙ୍ଗ୍‌ଦ ନାହାଁଲିଙ୍ଗ୍ ।”

୫୯ ମିଦ୍‌ପାଶ୍ଟାଲେକା ତାୟମ୍‌ଗେତେ ଆତଃ ଏଟାଃନିଃ କାଜିକେଦାଏ, “ସାଡ଼ିଗି ନିଃହ ଜନିଃଲଃ ତାଇକେନାଏ, ନିଃଦ ଗାଲିଲ୍‌ରେନ୍ ନିଃ ତାନିଃ ।” ୬୦ ମେନ୍‌ଦ ପାଡ଼ରାସ୍ କାଜିରୁହାଡ଼କିୟାଏ, “ଏ ହଡ଼, ଆମ୍ କାଜିତାନ୍‌ତେୟାଃ କାଇଙ୍ଗ୍ ସାରିୟାଃ ।” ପାଡ଼ରାସ୍ ନେଆଁ କାଜିତାନ୍ ଇମ୍‌ତାଗି ସାଣ୍ଡିସିମ୍ ରାଆଃକେଦାଏ । ୬୧ ଏନ୍ତେ ପ୍ରାଭୁ ହେତାରୁହାଡ଼କେଦେତେ ପାଡ଼ରାସ୍‌କେ ଆରିଦ୍‌କିୟାଏ, ଏନ୍ତେ ପାଡ଼ରାସ୍ ସାଣ୍ଡିସିମ୍ ରାଆଃ ସିଦାରେ ଆସିଆ ଆଇଙ୍ଗ୍ ଜନିଃକେ କାଇଙ୍ଗ୍ ସାରିୟାଃ ମେନେୟାମ୍ ମେନ୍ତେ ପ୍ରାଭୁ କାଜିକାନ୍ କାଜିକେ ଦାହାମ୍‌କେଦାଏ । ୬୨ ଆତଃ ପାଡ଼ରାସ୍ ଅତଙ୍ଗିୟାନ୍‌ତେ କୁସୁଦ୍ କୁସୁଦ୍ ରାଆଃକେଦାଏ ।

ଯୀଶୁକେ ଲାନ୍‌କିୟାଃକ ଆତଃ ଦାଲ୍‌କିୟାଃକ

(ମାଥୂର ୨୨:୬୭-୬୮; ମାର୍କ ୧୪:୬୫)

୬୩ ଯୀଶୁକେ ସାବାକାଇ ହଡ଼କ ଲାନ୍‌କାତାନ୍‌ଲଃ ଦାଲ୍‌କିୟାଃକ । ୬୪ ଜନିୟାଃ ମେଦ୍ ତଲ୍‌ଜାପିଦ୍‌କିଃତେ କୁଲିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ ଉଦୁବାଲେମ୍, ଅକ୍‌ଏ ଆପ୍‌ଡିକେଦ୍‌ମେୟାଏ ।” ୬୫ ଆତଃ ଏଟାଃ ଏଟାଃ ପୁରାଃ ହିଲାଇଙ୍ଗ୍‌କାଜି ଜନିୟାଃ ବିରୁଧ୍‌ରେକ କାଜିକେଦା ।

ଯୀଶୁକେ ମାରାଙ୍ଗ୍ ଯାଜାକ୍‌ଆଃ ପାଞ୍ଚେଟ୍‌କେ ଆଉକିୟା

(ମାଥୂର ୨୨:୫୯-୬୬; ମାର୍କ ୧୪:୫୫-୬୫; ଯୋହାନ୍ ୧୮:୧୯-୨୪)

୬୬ ଆଙ୍ଗ୍‌ୟାନ୍‌ଲଃରି ହଡ଼କ‌ଆଃ ପ୍ରାଚିନ୍‌କ ଆତଃ ମାରାଙ୍ଗ୍ ଯାଜାକ୍‌କ, ଆଇନ୍ ଇଟୁକ ହୁଣ୍ଡିୟାନା ଆତଃ ଯୀଶୁକେ ଆକ‌ଆଃ ପାଞ୍ଚେଟ୍‌କେ ଇଦିକିୟାଃକ । ୬୭ “ଆମ୍ ଖ୍ରୀଷ୍ଟ୍ ତାନ୍‌ମେରେଦ୍ ମାର୍ କାଜିୟାଲେମ୍” ମେନ୍ତେ କାଜିକିୟାକ, ଯୀଶୁ ମେନ୍‌ରୁହାଡ଼ାଦ୍‌କ‌ଆଏ, “ଆଇଙ୍ଗ୍ ଆପେକେ କାଜିୟାପେରେହ ଆପେ କାପେ ବିଶ୍ୱାସେୟା, ୬୮ ଆତଃ ଆଇଙ୍ଗ୍ ଜେଡ଼ନାଃଇଙ୍ଗ୍ କୁଲିପେରେୟା ଆପେ କାପେ କାଜିରୁହାଡ଼ାକିୟାଃ । ୬୯ ମେନ୍‌ଦ ନାହାଁଃଏତେ ମାନ‌ଖାହନ୍ ସବେନ୍ ଦେଡେୟାନ୍ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବାକାନ୍ ନେଲ୍‌ଃଆଏ ।”

୭୦ ଆତଃ ସବେନ୍‌କ କୁଲିକିୟାଃକ, “ତାଦ୍‌ଦ, ଚିୟାଃ ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ?” ଜନିଃ ମେତାଦ୍‌କ‌ଆଏ, “ଆମ୍ ଜନିଃରି ତାନ୍‌ମେ ମେନ୍ତେ ଆପେଗିପେ କାଜିତାନା ।”

୭୧ ଏନ୍ତେ ଜନ୍‌କୁ ମେନ୍‌କେଦାଃ, “ନାହାଁଃଦ୍ ଆବୁଆଃ ଆତଃ ଚିକାନ୍ ଗାଜା ଲାଗାଡିଙ୍ଗ୍‌ୟାଃ ? ଆବୁଦ୍ ଜନିୟାଃ ମତାଏତେରି ଆୟୁମ୍‌କେଦାଃବୁ ।”

୨୩

ଯୀଶୁକେ ପିଲାତୁସତାଃତେକ ଆଉକିୟା

(ମାଥୂର ୨୨:୧, ୨, ୧୧-୧୪; ମାର୍କ ୧୫:୧-୫; ଯୋହାନ୍ ୧୮:୨୮-୩୮)

୧ ସବେନ୍ ପାଞ୍ଚେଟ୍‌ରେନ୍‌କ ବିରିଦ୍‌ୟାନ୍ତେ ଯୀଶୁକେ ପିଲାତୁସତାଃତେକ ଇଦିକିୟାଃ । ୨ ଆତଃ ଜନ୍‌କୁ ଜନିଃକେ ଚିଟାଇତାନ୍‌ଲଃ କାଜିକେଦାକ, “ନେ ହଡ଼, କାଇସାବ୍‌ରେକ କାର୍ ଆଲପେ ଏମାଇ ମେନ୍ତେ ହଡ଼କକେ ଉସ୍‌କୁରକ ତାନ୍ ଆତଃ ଆପାନ୍‌କେ ଖ୍ରୀଷ୍ଟ୍, ରାଜା ମେନ୍ତେ କାଜିନ୍‌ତାନ୍‌ଲେ ଆୟୁମ୍‌କାଇଜା ।”

୩ ଏଣେ ପିଲାତୁସ୍ ଯୀଶୁକେ କୁଲିକିୟାଏ, “ଆମ୍ ତିନାଃ ଯିହୁଦୀକଆଃ ରାଜାତାନମ୍ ?” ଯୀଶୁ କାଜିରୁହାଡ଼କିୟାଏ “ଆମ୍ଗିମ୍ କାଜିତାନା ।”

୪ ଏଣେ ପିଲାତୁସ୍ ମୁଲ୍ ଯାଜାକକେ ଆତଃ ଗାଦେଲ୍ ହଡ଼କକେ କାଜିୟାଦକଆଏ, “ନେ ହଡ଼ରେ ଜେତାନ୍ ଗୁହ୍ନାଁ କାଜି ନାମେତାନା ।”

୫ ମେନ୍ଦ ଇନ୍କୁ ଆତଃପୁରାଃ କାଜିକେଦାଃକ, “ଇନିଃ ଗାଲିଲ୍ଏତେ ନେତାଃ ଜାକେଦ୍ ଗଟା ଯିହୁଦାରେନ୍କକେ ଇତୁକତାନ୍ଲଃ ଉସ୍କୁରକତାନା ।”

ପିଲାତୁସ୍ ଯୀଶୁକେ ହେରୋଦ୍ତାଃତେ କୁଲିକିୟାଏ

୬ ପିଲାତୁସ୍ ଗାଲିଲ୍ ନୁତୁମ୍ ଆୟୁମକେଦତି କୁଲିକେଦକଆଏ, “ତିୟାଃ ନେ ହଡ଼ ଗାଲିଲ୍ରେନ୍ଦ ତାନିଃ ?” ୭ ଯୀଶୁ ହେରୋଦ୍ଆଃ ରାଜାରେନ୍ଦ ତାନିଃ ନେଆଁ ଆଟ୍ କାର୍ତ୍ତକେଦତି ପିଲାତୁସ୍ ଇନିଃକେ ହେରୋଦ୍ତାଃତେ କୁଲିକିୟାଏ । ଇନିଃଦ ଏନ୍ହୁଲାଇଁରେ ଯୀରୁଶାଲେମ୍ରେ ତାଇକେନାଏ । ୮ ଆତଃ ହେରୋଦ୍ ଯୀଶୁକେ ନେଲ୍କିଃତେ ପୁରାଃଗି ରାସ୍କାୟାନାଏ, ଇନିଃଦ ଯୀଶୁଆଃ କାଜିକାମି ବିଷାଏରେ ଆୟୁମାକାଦ୍ ତାଇକେନାଏ, ଏନାନାଗେଣ୍ଡେ ଇନିଃ ଯୀଶୁକେ ନେନେଲ୍ ସାନାଙ୍ଗତାନାଏ ତାଇକେନା, ଆତଃ ଆଇଙ୍ଗ୍ ଇନିୟାଃ ଜେତାନ୍ ମାରାଙ୍ଗ୍ ପେଡ଼େୟାନ୍ କାମି ନେଲେଆଇଙ୍ଗ୍ ମେଣ୍ଡେ ଆସ୍ତାଏତାନା ତାଇକେନା । ୯ ଏନାନାଗେଣ୍ଡେ ହେରୋଦ୍ ଇନିଃକେ ପୁରାଃ କାଜିକ କୁଲିକିୟାଏ, ମେନ୍ଦ ଯୀଶୁ ଜେଡ଼ନାଃ କାଏ କାଜିରୁହାଡ଼କିୟା । ୧୦ ମାରାଙ୍ଗ୍ ଯାଜାକ୍ ଆତଃ ଆଇନ୍ ଇତୁକ ତିଙ୍ଗ୍ୟାଣ୍ଡେ ପୁରାଃଗି ଇନିଃକେ ଚିଟାକିୟାଃକ । ୧୧ ଏଣ୍ଡେ ହେରୋଦ୍ ଆତଃ ଆୟାଃ ସିପାଇକଲଃ ଇନିଃକେ ହିନିସ୍ତାକିଃତେ ଲାମାକିୟାଃକ ଆତଃ ରାଙ୍ଗ୍ ଲିଜାଃ ତୁସିଙ୍ଗିଃତେ ପିଲାତୁସ୍ତାଃତେକ କୁଲ୍ରୁହାଡ଼କିୟାଃ । ୧୨ ଏନ୍ ହୁଲାଇଁଗି ପିଲାତୁସ୍ ଆତଃ ହେରୋଦ୍ ବାରାନ୍କିନ୍ ଗାଡିୟାନାକିନ୍, ସିଦାଦ ଇନ୍କିନ୍ ବାଈରିକିନ୍ ତାଇକେନା ।

ୟୀଶୁଆଃ ଗନଏଃ ସାର୍ତ୍ତିଗି ତାନାଃ

(ମାଥୁର ୨୭:୧୫-୨୬; ମାର୍କ ୧୫:୬-୧୫; ଯୋହାନ୍ ୧୮:୩୯-୧୯:୧୬)

୧୩ ପିଲାତୁସ୍, ମାରାଙ୍ଗ୍ ଯାଜାକକେ, ହାକିମ୍କେ ଆତଃ ହଡ଼କକେ କେଡ଼ାହୁଣ୍ଡିକେଦକଆଏ, ୧୪ ଆତଃ କାଜିୟାଦକଆଏ, “ନିଃ ହଡ଼କକେ ବାଗ୍ଡାଅନିଃ ତାନିଃ ମେଣ୍ଡେ ଆପେ ଆଇଁୟାଃତାଃପେ ଆଉକିୟା । ଆତଃ ନେଲେପେ ଆପେୟାଃ ଆୟାର୍ରେଗି କୁଲିକିୟାଇଙ୍ଗ୍, ମେନ୍ଦ ଆପେ ଚିଟାକତାନ୍ ଜେତାନ୍ ଗୁହ୍ନାଁ ନିଃରେ କାଜି ନାମକେଦାଃ । ୧୫ ଆତଃ ହେରୋଦ୍ ହ କାଏ ନାମାକାଦାଃ, ଏନାତେ ଇନିଃ ନିଃକେ ଆବୁତାଃତେ କୁଲ୍ରୁହାଡ଼କିୟାଃ, ନେଲେପେ ଗଜିଲେକାନ୍ ଜେତାନ୍କାମି ନିଃ କାଏ କାମିୟାକାଦାଃ । ୧୬ ଏନାମେଣ୍ଡେ ଆଇଙ୍ଗ୍ ହାଁଣସାକିଃତେ ଆଡ଼ାଃଇୟା ।” ୧୭ ଏନ୍ ପାରାଦ୍ରେ ହଡ଼କ ନାଗେଣ୍ଡେ ମିଆଁଦ୍ ହଡ଼କେ ଆଡ଼ାଃଇ ଲାଗାଡ଼ିଙ୍ଗ୍ ତାଇକେନା ।*

୧୮ ଆତଃ ସବେନକ ମିଦ୍ୟାଣ୍ଡେ କାଉରିକେଦାଃକ, “ନେ ହଡ଼କେ ଗଜିମ୍ ଆତଃ ବାରଦ୍ବାକେ ଆଲେ ନାଗେଣ୍ଡେ ଆଡ଼ାଃଇମେ ।” ୧୯ ହାତୁରେ ହବାଲେନ୍ ହାଲାଗୁଲା ଆତଃ ହଡ଼ ଗଏଃକେନ୍ ନାଗେଣ୍ଡେ ବାରଦ୍ବା ଜେହେଲ୍ଲାନାଏ ତାଇକେନା ।

୨୦ ପିଲାତୁସ୍ ଯୀଶୁକେ ଆଡ଼ାଃଇ ନାଗେଣ୍ଡେ ସାନାଙ୍ଗକିୟା ଏନାମେଣ୍ଡେ ଆତଃଗି ହଡ଼କକେ କାଜିୟାଦକଆଏ । ୨୧ ମେନ୍ଦ ଇନ୍କୁ କାଉରିକେଦାଃକ, “କୁଣ୍ଡରେ କିଲାଇମେ, କୁଣ୍ଡରେ କିଲାଇମେ ।”

୨୨ ଏଣେ ପିଲାଦ୍ ଆପିସାତେ କାଜିୟାଦକଆଏ, “ଚିକା ନାଗେଣ୍ଡେ, ନେ ହଡ଼ ଚିକାନ୍ ଏଡ଼କାନ୍ କାମିୟାକାଦାଏ ? ଆଇଙ୍ଗ୍ ଗଜିଲେକାନ୍ ଜେତାନ୍ ଗୁହ୍ନାଁ ଇନିଃରେ କାଜି ନାମାକାଦା, ଏନାମେଣ୍ଡେ ଇନିଃକେ ହାଁଣସାକିଃତେଇଙ୍ଗ୍ ବାରିୟା ।”

୨୩ ମେନ୍ଦ ଇନ୍କୁ ପୁରାଃଗି କାଉରିତାନ୍ଲଃ ଯୀଶୁକେ କୁଣ୍ଡରେ ରାକାବିମେଁ ମେଣ୍ଡେ ଆସିତାନ୍କ ତାଇକେନା, ଆତଃ ଇନ୍କୁଆଃ କାଉରିରେୟାଃ ଜିନିତାଏ ହବାୟାନା । ୨୪ ଏଣେ ପିଲାତୁସ୍, ଇନ୍କୁ ଆସିତାନ୍ ଲେକା ରିକାଏପେ ମେଣ୍ଡେ ଆଡ଼କେଦାଏ ।

ୟୀଶୁକେ ଗଲ୍ଗାଆତେକ ଇଦିତାନା

୨୫ ଇନିଃ ଇନ୍କୁ ଆସିତାନ୍ ହଡ଼କେ, ଅକଏଟି ହାଲାଗୁଲା ଆତଃ ହଡ଼ ଗଏଃକେନ୍ନାଙ୍ଗ୍ ଜେହେଲ୍ଲାନାନ୍ ତାଇକେନାଏ ଇନିଃକେ ଇନ୍କୁ ନାଗେଣ୍ଡେ ଆଡ଼ାଃକିୟା, ମେନ୍ଦ ଯୀଶୁକେ ଇନ୍କୁଆଃ ସାନାଙ୍ଗ୍ ଲେକା ଜିମାକିୟାଏ ।

* ୨୩:୧୭ ୨୩:୧୭ ନେ ପଦ ଚିମିନ୍ ମାରି ଅନଲ୍ଲକରେ ବାନଆଃ

ୟୀଶୁଙ୍କେ କ୍ରୁଶରେ କିଲାଇୟାଃକ

(ମାଥୂର ୨୭:୩୨-୪୪; ମାର୍କ ୧୫:୨୧-୩୨; ଯୋହାନ୍ ୧୯:୧୭-୨୭)

୨୭ ଆତଃ ଜନକୁ ଜନିଃକେ ଇଦିତାନ୍ ତାଇକେନ୍ଦରେ ହାତୁଏତେ ହିନ୍ଦୁଠାନ୍ ଶିମୋନ୍ ନୁତୁମ୍ କୁରିନିରେନ୍ ହତୁକେ ସାବକିୟାଃକ ଆତଃ ଯୀଶୁଆଃ ତାୟମ୍ ତାୟମ୍ତେ କ୍ରୁଶ୍ ଇଦି ନାଗେନ୍ତେ ଜନିଃକେ ଗଅଃଚିକାକିୟାଃକ ।

୨୮ ପୁରାଃ ହତୁକ ଜନିଃକେ ଅତଙ୍ଗକିୟାକ ଜନକୁ ଆଲାରେ ଜନିଃ ନାଜ୍ କୁଡ଼ାମ୍ ଆପ୍ତୁ ଆତଃ ରାଆଃତାନ୍ କୁଡ଼ିକହ ତାଇକେନାକ । ୨୯ ମେନ୍ଦ ଯୀଶୁ ଜନକୁସାଃ ହେତାରୁହାତୁକେଦତେ ଜନକୁକେ କାଜିୟାଦକଆଏ, “ହେ ଯୀରୁଶାଲେମ୍ରେନ୍ କୁଡ଼ିହନକ, ଆଇଁୟାଃ ନାଜ୍ ଆଲ୍ପେ ରାଆଃୟା, ମେନ୍ଦ ପାପେୟାଃ ଆତଃ ଆପେୟାଃ ହନକ ନାଜ୍ ରାଆଃଏତେ । ୨୯ ନେଲେପେ ଏନ୍ ହୁଲାଜ୍ ହିନ୍ଦୁଃଆ ଏନାରେ ହତୁକ ମେନେଆଁ, ‘କା ହାମ୍ବାଲଃ ଦାଡ଼ିତାନ୍ କୁଡ଼ି ଆତଃ ତିଉଲହ କା ହାମ୍ବାଲକାନ୍ ଲାହିଦ୍ ଆତଃ ତିଉଲହ ତଆ କା ନୁନୁଆକ ସୁକୁତାନ୍ରିଆଃ ।’ ୩୦ ଏନ୍ତେ ଜନକୁ କାଜିୟା, ‘ଏ ବୁରୁକ ଆଲେରେ ଭୟୁଗଠପେ ଆତଃ ଏ ବୁଜ୍ଜୁରିକି ଆଲେକେ ଦାନାଙ୍ଗଲେପେ ।’ ୩୧ ଜନକୁ ହାରିୟାନ୍ ଦାରୁକେ ନେଲେକାଇରେଦ ରହଡ଼ାକାନ୍ ଦାରୁରାଃ ଚିନାଃ ହବାଆଆଃ ?”

୩୨ ଜନକୁ ଜନିଃଲଃ ଗଏଠନାଗେନ୍ତେ ଏଡ଼କାନାଃ କାମିକେନ୍ ଆତଃଗି ବାଋହତୁକିନକେ ହ ଇଦିକେଦକିନାକ । ୩୩ ଜନକୁ “ବହଃଜାଜ୍” ନୁତୁମ୍ଠାନ୍ ଠାୟାଦତେ ସେଟେରୁୟାନ୍ତି ଏନ୍ତାଃରେ ଜନିଃକେ ଆତଃ ଏନ୍ ଏଡ଼କାନ୍ କାମିକେନ୍କିନ୍ଏତେ ମିଆଁଦକେ ଜନିୟାଃ ଜମ୍ଫାୟାଃ ଆତଃ ଏଗାଃନିଃକେ ଲେଙ୍ଗାୟାଃରେ କ୍ରୁଶ୍ରେକ କିଲାଇକେଦକିନା । ୩୪ ଏନ୍ତେ ଯୀଶୁ ମେନ୍ଦକେଦାଏ, “ହେ ଆବା ଜନକୁକେ ଛାମାକମେଁ, ଚିୟାଃତି ଜନକୁ ଚିନାଃ କାମିତାନାକ ଏନା କାକ ସାରିତାନା ।” ୩୫ ଆତଃ ଚିଠା ଭୟୁଃକେଦତେ ଜନିୟାଃ ଲିଜାଃକେ ହାଡ଼ିଙ୍ଗକେଦାଃକ । ୩୬ ହତୁକ ତିଙ୍ଗିୟାନ୍ତେ ନେଲ୍ତାନ୍ଦକ ତାଇକେନା, ଆତଃ ହାକିମକହ ଜନିଃକେ ଲାଦାକିଃତେ ମେନ୍ଦକେଦାଃକ, “ଜନିଃଦ ଏଗାଃକକେ ବାଞ୍ଛାଅକେଦକିଆଏ, ଜନିଃ ପାର୍ମେଶ୍ଵାର୍ଆଃ ସାଲକାନ୍ ଖ୍ରୀଷ୍ଟ୍ ତାଇନିଃରେଦ ଆପାନ୍ଦକେ ବାଞ୍ଛାଅନ୍ଦକା ।”

୩୭ ସିପାଇକହ ହିନ୍ଦୁଃଲେନ୍ତେ ଜନିଃକେ ଲାଦାକିୟାଃକ ଆତଃ ମେହେର୍ ରାସିକ ଆନୁକିୟାଃ, ୩୮ ଆତଃ କାଜିକିୟାକ, “ଆମ୍ ଯିହୁଦାକଆଃ ରାଜା ତାନ୍ମେରେଦ ଆପାନ୍ଦକେ ବାଞ୍ଛାଅନ୍ଦେ ।”

୩୯ ଆତଃ “ନିଃ ଯିହୁଦାକଆଃ ରାଜାତାନିଃ” ମେନ୍ତେ ମିଆଁଦ ଅନଲ୍ ଜନିୟାଃ ଚେତାନ୍ରେ ଅଲକାନ୍ଦ ତାଇକେନା ।

୪୦ ଏନ୍ତେ ହାକାକାନ୍ ଏଡ଼କାନ୍ କାମିକିନ୍ଏତେ ମିଆଁଦନିଃ ଯୀଶୁକେ ହିଲାଙ୍ଗକିଃତେ କାଜିକିୟାଏ, “ଆମ୍ ଖ୍ରୀଷ୍ଟ୍ ତାନ୍ମେରେଦ, ଆପାନ୍ଦକେ ଆତଃ ଆଲିଙ୍ଗକେ ବାଞ୍ଛାଅଲିଙ୍ଗମେଁ ।”

୪୧ ମେନ୍ଦ ଏଗାଃନିଃ ଜନିଃକେ ମାରାଙ୍ଗମତାକିଦତେ କାଜିରୁହାତୁକିୟାଏ, “ଆମ୍ହଦ ନେ ଲେକା ସାଜାଇ ନାମେତାନାମ୍, ପାର୍ମେଶ୍ଵାର୍କେ କାଚିମ୍ ବରଇତାନା ? ୪୧ ଆଲାଙ୍ଗଦ ଲାଗାତିଙ୍ଗଲେକା ସାଜାଇଅଃତାନାଲାଙ୍ଗ, ଆଲାଙ୍ଗ କାମିକାଦ୍ରେୟାଃ ନାଲାଲାଙ୍ଗ ନାମେତାନା, ମେନ୍ଦ ନିଃ ଜେତାନ୍ ଏଡ଼କାନାଃ କାଏ କାମିୟାକାଦା ।” ୪୨ ଏନ୍ତେ ଜନିଃ କାଜିକିୟାଏ, “ହେ ଯୀଶୁ ଆମାଃ ରାଇଜ୍ରେମ୍ ତେବାରଇମ୍ତା ଆଇଙ୍ଗକେ ପାହାମିଙ୍ଗମେଁ ।”

୪୩ ଯୀଶୁ କାଜିରୁହାତୁକିୟାଏ, “ସାର୍ତ୍ତିଗି କାଜିୟାମ୍ ତାନାଇଙ୍ଗ, ତିସିଙ୍ଗ୍ ଆମ୍ ଆଇଁୟାଃଲଃ ପାରାଦେସ୍ରେମ୍ ତାଇନାଃ ।”

ୟୀଶୁଆଃ ଗନଏଃ

(ମାଥୂର ୨୭:୪୫-୫୬; ମାର୍କ ୧୫:୩୩-୪୧; ଯୋହାନ୍ ୧୯:୨୮-୩୦)

୪୪ ଇମ୍ତା ତିକିନ୍ସିଙ୍ଗ୍ ହବାକାନ୍ ତାଇକେନା, ଆତଃ ବାଋସିଙ୍ଗ୍ ତିନ୍ଦାଣ୍ଡା ଜାକେଦ୍ ଗଟା ଦିଶୁମ୍ ନୁବାଃୟାନା । ୪୫ ସିଙ୍ଗ୍ ହ ନୁବାଃୟାନାଏ, ଆତଃ ମାନ୍ଦିର୍ ଅଡ଼ାଃରାଃ ହାନାଟିଙ୍ଗ୍ ଦାନାଙ୍ଗଲିଜାଃ ଆଲା ଆଲାତେ ଚେଟାଃୟାନା । ୪୬ ଯୀଶୁ ପୁରାଃ କାଉରିକେଦତେ ମେନ୍ଦକେଦାଏ, “ହେ ଆବା, ଆଇଁୟାଃ ଆମ୍ ଆମାଃତିଃକରେଇଙ୍ଗ୍ ଜିମାଏତାନା ।” ନେଆଁ କାଜିକେଦତେ ଜୀଉତାୟାଃ ଅତଙ୍ଗୟାନା ।

୪୭ ଏନ୍ତେ ମିଦ୍ଗାଅ ସିପାଇକଆଃ ଗମ୍ଫକେ ନେଆଁ ନେଲ୍କେଦତେ ପାର୍ମେଶ୍ଵାର୍କେ ମାନାରାଙ୍ଗକେଦତେ କାଜିକେଦାଏ, “ସାର୍ତ୍ତିଗି ନିଃ ଧାର୍ମାନ୍ ହତୁ ତାଇକେନାଏ ।”

୪୮ ଆତଃ ନେଆଁ ନେନେଲ୍ନାଗେନ୍ତେ ହୁଣ୍ଡିୟାକାନ୍ ସବେନ୍ ହତୁକ ହବାୟାନ୍ତେୟାଃ ନେଲ୍କେଦତେ, ଦୁକୁତେ ଆକଆଃ କୁଡ଼ାମ୍ ଆପ୍ତୁଡ଼ାନ୍ଲଃ ରୁହାଡ଼ୟାନାକ । ୪୯ ମେନ୍ଦ ଯୀଶୁଆଃ ସବେନ୍

☆ ୨୩:୩୦ ୨୩:୩୦ ଭନୁଦ୍ କାଜି ୭:୧. † ୨୩:୩୪ 23:34 କେ ପଦ ଚିନି ମାଜି ଅନଲ୍କରେ ବାନଆଃ ☆ ୨୩:୪୯ ୨୩:୪୯ ଲୁକ ୮:୨,୩.

ନେପେଲ୍‌ଉପରୁ ଉଠିବେ ଆତ୍ମା ଗାଲିଲ୍‌ଏରେ ଅତୀତ୍‌ଆଉକାଇ କୁଡ଼ିକ ସାଙ୍ଗିନରେ ତିଜ୍ଞକେଦତେ ନେଆଁ ନେଲ୍‌ତାନକ ତାଇକେନା ।

ୟୀଶୁକେ ତପାଇତାନାକ

(ମାଥୁର ୨୭:୫୭-୬୧; ମାର୍କ ୧୫:୪୨-୪୭; ଯୋହାନ୍ ୧୯:୩୮-୪୨)

୫୦ ନେଲେପେ ଯିହୁଦୀକଆଃ ହାରାମାଥୁୟା ସାହାରରେ ଯୋଷେଫ୍ ନୁତୁମ୍ ମିଆଁଦ୍ ହଡ଼, ଇନିଃ ପାଞ୍ଚେନ୍‌ରେନ୍ ମିହୁଡ଼ ବୁଗିନ୍ ଆତ୍ମା ଧାର୍ମାନ୍ ହଡ଼ ତାଇକେନାଏ । ୫୧ ଯିହୁଦୀକଆଃ ନାଗାରରେନ୍ ହାରାମାଥୁୟା ଇନ୍‌କୁଆଃ ଉଡ଼ୁଆ ଆତ୍ମା କାମିରେ କାଏ ମେସାକାନ୍ ତାଇକେନା । ଆତ୍ମା ଇନିଃ ପାର୍ମେଶ୍ୱାର୍‌ଆଃ ରାଇନ୍ ନେଲ୍‌ହରାତାନାଏ ତାଇକେନା । ୫୨ ଇନିଃ ପିଲାତୁସ୍‌ତାଃ ସେନଃୟାନ୍ତେ ଯୀଶୁଆଃ ଗଏଃ ହଡ଼ମକେ ଆସିକିୟାଏ । ୫୩ ଏନ୍ତେ ଇନିଃ ଏନାକେ ଆଡ଼ଗୁକେଦତେ, ଫାର୍‌ତି ନିରାଲ୍ ଲିଜାଃଲଃ ପଟମକେଦାଏ ଆତ୍ମା ଦିରିଏତେ ଉର୍ଲେଦ୍ ତପାଗାଡ଼ାରେ ଦହକେଦାଏ, ଏନାରେଦ୍ ତିଉଲ୍‌ହ ଜେତାଏକେ କାକ ତପାକାକ ତାଇକେନା । ୫୪ ଏନ୍ ହୁଲାଙ୍ଗ୍‌ଦ୍ ସାପ୍‌ଡ଼ାଅନ୍ ହୁଲାଙ୍ଗ୍ ତାଇକେନା, ଆତ୍ମା ରୁଡ଼ନ୍ ହୁଲାଙ୍ଗ୍ ନାଡ଼େୟାକାନ୍ ତାଇକେନା ।

୫୫ ଗାଲିଲ୍‌ଏତେ ଯୀଶୁଲଃ ହିତୁଆକାନ୍ କୁଡ଼ିକହ ଅତୀତ୍‌କିୟାକ, ତପାଠାୟାଦ୍ ଆତ୍ମା ଇନିୟାଃ ହଡ଼ମ୍ ତିଲ୍‌କାତେ ଦହାକାନା ଏନାକ ନେଲ୍‌କେଦାଃ । ୫୬ ଏନ୍ତେ ଇନ୍‌କୁ ରୁହାଡ଼ୟାନ୍ତେ ବୁଗିନ୍ ସହାନ୍ ସୁନୁମ୍‌କ ବାଇକେଦା । ଆତ୍ମା ଆନ୍‌ତୁଲେକା ରୁଡ଼ନ୍ ହୁଲାଙ୍ଗ୍‌ରେକ ରୁଡ଼ୟାନ୍ ।

୨୪

ୟୀଶୁଆଃ ଜୀଉବିନିରିଦ୍

(ମାଥୁର ୨୮:୧-୧୦; ମାର୍କ ୧୬:୧-୮; ଯୋହାନ୍ ୨୦:୧-୧୦)

୧ ହାପ୍‌ରେୟାଃ ପାହିଲା ହୁଲାଙ୍ଗ୍ ସେତାଃ ଇଦାନ୍ ନୁବୀଃ ତାଇକେନ୍ ଇମ୍‌ତା, ଏନ୍ କୁଡ଼ିକ ଆକଆଃ ବାଇୟାକାଦ୍ ବୁଗିନ୍ ସହାନ୍‌ତେୟାଃ ଆଉକେଦତେ ତପାଗାଡ଼ା ଠାୟାଦ୍‌ତାଃ ସେନଃୟାନ୍ । ୨ ଆତ୍ମା ଇନ୍‌କୁ ତପାଠାୟାଦ୍‌ରାଃ ଦୁଆର୍‌ଏତେ ପୁରାଃ ମାରାଙ୍ଗ୍ ଦିରିକେ ବାଟି ଆତମାକାନ୍‌କ ନେଲ୍‌କେଦାଃ । ୩ ମେନ୍‌ଦ ଇନ୍‌କୁ ବଲୟାନ୍ତେ ପ୍ରାଭୁ ଯୀଶୁଆଃ ହଡ଼ମ୍ କାକ ନାମକେଦାଃ । ୪ ଆତ୍ମା ଇନ୍‌କୁ ନେଆଁତେ ଆକ୍‌ଦାନ୍‌ଆୟାକାକ, ନେଲେପେ ଝାକ୍‌ମାକ୍ ଲିଜାଃ ତୁସିଙ୍ଗ୍‌ଆଁକାନ୍ ବାଃହଡ଼ ଇନ୍‌କୁଆଃ ଜାପାଃରେକିନ୍ ତିଜ୍ଞୟାନ୍ । ୫ ଇନ୍‌କୁ ବରତେ ଅତେସାଃ ତିରୁବାକାଦ୍ ତାଇକେନ୍ ଇମ୍‌ତା ଇନ୍‌କିନ୍ କାଜିୟାଦ୍‌କଆକିନ୍, “ଆପେ ଜୀଉଦତାନକକେ ଗଜାକାନ୍‌କଆଃ ଥାଲାରେ ତିନାଃମେନ୍ତେପେ ଦାଣ୍ଡିତାନା ? ୬ ଇନିଃ ନେତାଃରେ ବାଙ୍ଗାୟା, ଇନିଃଦ୍ ଜୀଉବିନିଦାକାନାଏ ! ଗାଲିଲ୍‌ରେ ତାଇକାନ୍ ଇମ୍‌ତା ଇନିଃ ଚିକ୍‌ନାଃ ମେତାକାପେ ତାଇନାଏ, ଏନା ପାହାମେପେ । ୭ ମାନଃହନ୍ ପାପିକଆଃ ତିଃଇରେ ସାଦ୍‌କିରିୟାଆଏ, ଆତ୍ମା କୁଣ୍ଡରେ ଗଜଆଏ ଆତ୍ମା ଆପି ମାହାଁରେ ଜୀଉବିରିଦ୍ ଲାଗାତିଙ୍ଗ୍‌ୟାଃ ।”

୮ ଏନ୍ତେ ଇନ୍‌କୁ ଇନିୟାଃ କାଜିକ ପାହାମକେଦାଃ । ୯ ତପାଗାଡ଼ାଏତେ ରୁହାଡ଼କେଦତେ, ଇନ୍‌କୁ ନେ ସବେନ୍‌କାଜି ଏଗାରାଝାନ୍ ଚେଲକକେ ଆତ୍ମା ସବେନ୍ ଏଟାଃ ହଡ଼କକେ ଉଦୁବାଦ୍‌କଆକ । ୧୦ ମାର୍ଗାଲିନି ମାରିୟାମ୍, ଯୋହାନ୍ନା, ଯାକୁବ୍ ଏଙ୍ଗାତେ ମାରିୟାମ୍, ଆତ୍ମା ଏଟାଃକେ ନେ କାଜି ପ୍ରେରିଡ଼କକେ ଉଦୁବାଦ୍‌କଆକ । ୧୧ ମେନ୍‌ଦ ଇନ୍‌କୁ ଇନ୍‌କୁଆଃ କାଜିକେ କାକ ବିଶ୍ୱାସକେଦାଃ, ଚିୟାଃତି ଇନ୍‌କୁଆଃ କାଜି ଆକକେ ସାମାକାଜିଲେକା ଆଡ଼କାରକେଦକଆ । ୧୨ ପାଡ଼ରାସ୍, ବିରିଦ୍‌ୟାନ୍ତେ ତପାଗାଡ଼ାତେ ନିରକେଦାଏ, ଆତ୍ମା ଇନିଃ ଉଜ୍ଞୁଦକେଦତେ ପାଡ଼ଲ୍ ଲିଜାଃ ଏସକାର୍ ଦହାକାନ୍‌ତେୟାଃ ନେଲ୍‌କେଦାଏ, ଆତ୍ମା ହବାକାନ୍‌ତେୟାଃ ନେଲ୍‌କେଦତେ ଆୟାଃ ମନ୍‌ରେ ଆକ୍‌ଦାନ୍‌ଆ ତାନ୍‌ଲଃ ଅଡ଼ାଃତେ ସେନଃୟାକାଏ ।*

ୟୀଶୁ ଇସ୍ତାୟୁସ୍‌ତେ ସେନଃତାନ୍ ବାରିଆ ଚେଲକିନ୍‌ତାଃ ନେଲ୍‌ଇତିୟଃତାନାଏ

(ମାର୍କ ୧୬:୧୨-୧୩)

୧୩ ନେଲେପେ ଏନ୍‌ହୁଲାଙ୍ଗି ଇନ୍‌କୁଏତେ ବାଃହଡ଼ ଇସ୍ତାୟୁସ୍ ନୁତୁମ୍ ହାଡୁତେ ସେନଃତାନ୍‌କିନ୍ ତାଇକେନା, ଏନ୍ ହାଡୁ ଯୀରୁଶାଲେମ୍‌ଏତେ ସାଡ଼ମାଲ୍ ଲେକା ସାଙ୍ଗିନ୍ ତାଇକେନା । ୧୪ ଇନ୍‌କିନ୍ ନେ ହବାକାନ୍ ସବେନ୍ କାଜିକ ବାଗାଁଣୋତାନ୍‌କିନ୍ ତାଇକେନା । ୧୫ ଚିମତାଙ୍ଗ୍ ଇନ୍‌କିନ୍ ବାଗାଁଣୋତାନ୍ ଆତ୍ମା କୁପୁଲିତାନ୍‌ଲଃ ସେନଃତାଇକେନାକିନ୍ ଯୀଶୁ ଆଇଃକ୍‌ହରି ନାଡ଼େୟାନ୍ତେ ଇନ୍‌କିନ୍‌ଲଃ ଗାତିୟାକାଏ

* ୨୪:୭ ୨୪:୭ ମାଥୁର ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩. * ୨୪:୧୨ 24:12 ନେ ପଦ ଚିନି ମାରି ଅନଲକରେ ବାନ୍‌ଝଆ

। ୧୭ ମେନ୍ଦ୍ ଇନ୍ଦକିନାଃ ମେଦ୍ ଦାନାଙ୍ଗକାନ୍ଦାଈକେନା, ଏନାନାଗେନ୍ତେ ଇନ୍ଦକିନ୍ ଇନିଃକେ କାକିନ୍ ନେଲ୍ଲୁଉରୁମକିୟାଃ । ୧୭ ଇନିଃ ଇନ୍ଦକିନ୍ଦେ କୁଲିକେଦକିନାଏ, “ଆବେନ୍ଦ୍ ସେନଃତାନୁଲଃ ତିକାନ୍ କାଜିବେନ୍ କୁପୁଲିତାନା ଆତଃ ହୁଡିଙ୍ଗଜୀଉକାନା ? ୧୮ ଏନ୍ତେ ଇନ୍ଦକିନ୍ଏତେ କ୍ଲେୟାଦା ନୁଡୁମନିଃ, କାଜିରୁହାଡୁକିୟାଏ, ଆମ୍ ତିନାଃ ଯୀରୁଶାଲେମ୍ରେ ତେରାଏତାନ୍ରେହ ତିସିଙ୍ଗ୍ ନେ ହବାକାନ୍ କାଜିକ ଆମ୍ ଏସକାରୁଚି କାମ୍ ସାରିୟାଃ ?”

୧୯ ଯୀଶୁ କୁଲିକେଦକିନାଏ, “ଚିଲ୍ଲକାନ୍ କାଜି ?”

“ନାଜରେଡୁରେନ୍ ଯୀଶୁଆଃ ବିଷାଏ,” ମେନ୍ତେକିନ୍ଦକାଜିକିୟାଃ । “ଇନିଃ ନାବୀ ତାଇକେନାଏ, ପାର୍ମେଶ୍ୱାର୍ ଆତଃ ହଡକିଆଃ ଆୟାରରେ କାମି ଆତଃ କାଜିରେ ପେଡେୟାନ୍ ହଡୁ ତାଇକେନାଏ । ୨୦ ଆଲେୟାଃ ମାରାଙ୍ଗ୍ ଯାଜାକ୍ ଆତଃ ହାକିମକ ଇନିଃକେ ଗନଏଃ ସାଜାଇ ଏମ୍ ନାଗେନ୍ତେକ ଏମ୍ଏଣ୍ଡଃକିୟାଃ ଆତଃ କୁଶ୍ରେକ କିଲାରଏଃକିୟାଃ । ୨୧ ମେନ୍ଦ୍ ଆଲେ ଇନିଃ ଇସ୍ରାଏଲ୍ରେନ୍ଦକେ ମୁକ୍ତି ଏମାକଆ ମେନ୍ତେ ଆସ୍ରାଏତାନ୍ଲେ ତାଇକେନା । ନେ ସବେନାଃ ହବାକାନ୍ଦେୟାଃ ତିସିଙ୍ଗଲଃ ଆପି ମାହାଁ ହବାଅଃତାନା । ୨୨ ଆତଃଗି ଆଲେୟାଃ ଗାତିରେନ୍ ତିମିନାଙ୍ଗ୍ କୁଡିକ, ଆକ୍ତାକାଅମ୍ କାଦ୍ଲେୟାକ, ଇନ୍ଦକୁ ଇଦାନ୍ରେ ତପାଗାଡ଼ାତାଃକ ସେନ୍ଦକେନା, ୨୩ ମେନ୍ଦ୍ ଇନ୍ଦକୁ ଇନିୟାଃ ଗଏଃହଡୁମ୍ କାକ ନାମକେଦାଃ । ଇନ୍ଦକୁ ରୁହାଡୁକେଦତେ କାଜିୟାଦ୍ଲେୟାକ, ଆଲେ ଦୁଡୁକେ ନେଲ୍ଲାଦକିନାଲେ, ଇନ୍ଦକିନ୍ ଯୀଶୁ ଜୀହୁଦଗିୟାଏ ମେତାଦ୍ଲେୟାକିନ୍ । ୨୪ ଏନ୍ତେ ଆଲେୟାଃ ଗାତିକଏତେ ତିମିନାଙ୍ଗକ ତପାଗାଡ଼ାତାଃକ ସେନଃୟାନା ଆତଃ କୁଡିକିଆଃ କାଜିଲେକାକ ନାମକେଦାଃ, ମେନ୍ଦ୍ ଯୀଶୁକେ କାକ ନେଲ୍ଲକିୟାଃ ।”

୨୫ ଯୀଶୁ ମେତାଦକିନାଏ, “ଏ ଡଣ୍ଡକିନ୍ ଆତଃ ନାବାକିଆଃ ସବେନ୍ କାଜି ବିଶ୍ୱାସନାଙ୍ଗ୍ ମନ୍ଦକେଟେୟାକାନ୍ ହଡକିନ୍ ! ୨୬ ତିୟାଃ ଖ୍ରୀଷ୍ଟ୍ ନେ ଦୁକୁ ସାହାତିଙ୍ଗ୍ ଆତଃ ଆୟାଃ ମାନାରାଙ୍ଗ୍ରେ ବଲ କା ଲାଗାତିଙ୍ଗ୍ତାନ୍ ତାଇକେନା ?” ୨୭ ମୁଣା ଆତଃ ସବେନ୍ ନାବାକିଏତେ ଏଟେଦକେଦତେ ଗଟା ଧାରାମ୍ପୁଅରେ ଆୟାଃ ବିଷାଏରେ ଆଲକାନ୍ କାଜିକରେୟାଃ ମୁଣ୍ଡି ଉଦୁବାଦକିନାଏ ।

୨୮ ଏନ୍ତେ ଇନ୍ଦକୁ ଆକସେନଃତାନ୍ ତାଇକେନ୍ ହାଡୁତେ ସେଟେରୁୟାନ୍ତି ଯୀଶୁ ଆୟାରୁତେ ସେନଃତାନ୍ ଲେକାଏ ଉଦୁବେନ୍ୟାନା । ୨୯ ମେନ୍ଦ୍ ଇନ୍ଦକିନ୍ “ଦେଲ୍ ଆଲିଙ୍ଗଲଃ ତାଇନଃମେଁ, ଆୟୁବଃତାନା ଆତଃ ସିଙ୍ଗିହାସୁରଃତାନା” ମେନ୍ତେ କାଜିକିୟାଃକିନ୍, ଆତଃ ଇନିଃ ଇନ୍ଦକିନ୍ଲଃ ତାଇନଃ ନାଗେନ୍ତେ ବଲ୍ଲୟାନାଏ । ୩୦ ଇନିଃ ଇନ୍ଦକିନ୍ଲଃ ଜମ୍ପଦୁବ୍ୟାନ୍ତି ହଲ୍ଲଙ୍ଗକେ ସାବକେଦତେ, ଆଶିଷ୍ ଏମକେଦାଏ, ଆତଃ ଏନା କେଟାଃକେଦତେ ଏମାଦକିନାଏ । ୩୧ ଏନ୍ତେ ଇନ୍ଦକିନାଃ ମେଦ୍ ରାଡ଼ାୟାନା ଆତଃ ଇନ୍ଦକିନ୍ ଯୀଶୁକେ ନେଲ୍ଲୁଉରୁମକିୟାକିନ୍, ଆତଃ ଇନିଃ ଇନ୍ଦକିନ୍ତାଃଏତେ ଦାନାଙ୍ଗ୍ୟାନାଏ । ୩୨ ଆତଃ ଇନ୍ଦକିନ୍ ଆକିନ୍ଆକିନ୍ରେ କୁଲିୟାନାକିନ୍, “ତିୟାଃ ଇନିଃ ହରାରେ ଆଲାଙ୍ଗଲଃ ବାଖାଣ୍ଡାନ୍ ଆତଃ ଧାରାମ୍ପୁଅରେୟାଃ ମୁଣ୍ଡି ଉଦୁବାଲାଙ୍ଗ୍ ତାଇକେନ୍ ଇମ୍ତା, ଆଲାଙ୍ଗ୍ଆଃ ମନ୍ଦ୍ ରାସକାତେ କାଟି କୁଲିଃତାନ୍ ତାଇକେନା ?”

୩୩ ଆତଃ ଇମ୍ତାଗି ଇନ୍ଦକିନ୍ ବିରିଦ୍ୟାନ୍ତେ ଯୀରୁଶାଲେମ୍ରେକିନ୍ ରୁହାଡୁୟାନା ଆତଃ ଏଗାରାଝାନ୍ ଚେଲ୍ଲାକ ଆତଃ ଇନ୍ଦକୁଆଃ ଗାତିକ ହୁଣ୍ଡିୟାକାନ୍ଦକିନ୍ ନାମକେଦକିଆ । ୩୪ “ସାରୁତିଗି ପ୍ରାଭୁ ଜୀଉବିରିଦାକାନାଏ ଆତଃ ଶିମୋନ୍ତାଃ ନେଲ୍ଲୁଇତିୟାନାଏ” ମେନ୍ତେ ଇନ୍ଦକୁକେ କାଜିୟାଦ୍କିଆକିନ୍ ।

୩୫ ଏନ୍ତେ ଇନ୍ଦକିନ୍ ହରାରେ ହବାଲେନ୍ଦେୟାଃ ଆତଃ ଚିଲ୍ଲକାତେ ହଲ୍ଲଙ୍ଗ୍ କେଟାଃତାନ୍ରେ ଆଲିଙ୍ଗ ଇନିଃକେ ନେଲ୍ଲୁଉରୁମକିୟାଃ ଏନା ଇନ୍ଦକୁକେ ଉଦୁବାଦକିଆକିନ୍ ।

ୟୀଶୁ ଚେଲ୍ଲକତାଃରେ ଉଦୁବଃତାନା

(ମାଥୁର ୨୮:୧୬-୨୦; ମାର୍କ ୧୬:୧୪-୧୮; ଯୋହାନ୍ ୨୦:୧୯-୨୩; ପ୍ରେରିଡ୍ ୧:୬-୮)

୩୬ ଇନ୍ଦକିନ୍ ନେ କାଜି କାଜିତାନ୍ ତାଇକେନ୍ ଇମ୍ତା, ପ୍ରାଭୁ ଯୀଶୁ ଆଈଃକ୍ତି ଇନ୍ଦକୁଆଃ ଆଲାରେ ତିଙ୍ଗ୍ୟାନାଏ, ଆତଃ ମେତାଦକିଆଏ, “ଆପେରେ ଜୀଉସୁକୁ ହବାଅଃକା ।” ୩୭ ମେନ୍ଦ୍ ଇନ୍ଦକୁ ଆକ୍ଦାଦାଅୟାନ୍ଲଃ, ବରକେଦତେ ଆରୁ ବଙ୍ଗାକୁ ନେଲ୍ଲକିୟାଃ ମେନ୍ତେକ ଆର୍ବକାରକେଦାଃ । ୩୮ ଇନିଃ କାଜିୟାଦ୍କିଆଏ, “ତିନାଃମେନ୍ତେଦେ ବରତାନା, ଆତଃ ଆପେୟାଃ ମନ୍ଦ୍ରେ ଆଡ଼ାଃଉଡୁଷୁ ତିନାଃମେନ୍ତେ ଅମନଃତାନା ? ୩୯ ଆଇଁୟାଃ ତିଃଈ ଆତଃ କାଟା ନେଲେଦେ, ଆଇଙ୍ଗି ତାନିଙ୍ଗ୍ ! ଜୁଟିଦିଙ୍ଗ୍ପେ ଆତଃ ନେଲ୍ଲବାଇଙ୍ଗ୍ପେ, ଆଇଙ୍ଗ୍ରେପେ ନେଲ୍ଲେତାନ୍ଲେକାନ୍ ଜାଙ୍ଗ୍ ଜିଲ୍ଲୁ ବଙ୍ଗାରେଦ୍ ବାନିଆଃ ।”

† ୨୪:୨୨ ୨୪:୨୨ ଚାକିଡ୍ ‡ ୨୪:୩୬ 24:36 ତିମିନ୍ ମାରି ଅନଲ୍ଲକରେ, “ଆତଃ ମେତାଦକିଆଏ, ଆପେରେ ଜୀଉସୁକୁହବାଅଃକା” ମେନ୍ତେ କା ଅଲ୍ଲକାନା

୪୦ ଜନିଷ ନେଆଁ କାଜିକେଦ୍‌ଚି ଜନ୍‌କୁକେ ଆୟାଃ ତିଃଇ ଆତଃ କାତା ଉଦୁବାଦକଥାଏ ।^{୪୧} ଆତଃ ଜନ୍‌କୁ ରାସ୍‌କାତେ କାକ ପାତିୟାର୍‌ତାନ୍ ଆତଃ ଆକ୍‌ଦାନ୍‌ଆକାନ୍ ତାଇକେନ୍‌ରେ, “ତିୟାଃ ଆପେତାଃ ହୁଡ଼ିଙ୍ଗ୍‌ଲେକା ଜମେୟାଃ ମେନାଃତି ?” ମେନ୍ତେ ଜନିଷ କୁଲିକେଦ୍‌କଥାଏ ।^{୪୨} ଏନ୍ତେ ଜନ୍‌କୁ ଜନିଷକେ ଆନାଗାକାନ୍ ହାକୁ ହୁଡ଼ିଙ୍ଗ୍‌ଲେକାକ ଏମ୍‌କିୟାଃ ।^{୪୩} ଆତଃ ଜନିଷ ଏନା ତେଲ୍‌କେଦ୍‌ତେ ଜନ୍‌କୁଆଃ ସାମ୍‌ନାଙ୍ଗ୍‌ରେ ଜମ୍‌କେଦାଏ ।

୪୪ ଏନ୍ତେ ଜନିଷ ମେତାଦ୍‌କଥାଏ, ମୁଶାରାଃ ଆନ୍‌ତୁ ପୁଥ୍‌ରେ ଆତଃ ନାବୀକଆଃ ଆତଃ ଦୁରାଙ୍ଗ୍ ପୁଥ୍‌ରେ ଆଇୟାଃ ବିଷାଏରେ ସବେନ୍ ଅଲ୍‌କାନ୍‌ତେୟାଃ ପୁରାଅଃ ଲାଗାତିଙ୍ଗ୍‌ୟାଃ, ଏନ୍‌କାଜି ଆପେଲଃ ତାଇକେନ୍ ଜମ୍‌ତାଙ୍ଗ୍ କାଜିକାଦ୍‌ପେୟାଙ୍ଗ୍ ।

୪୫ ଏନ୍ତେ ଜନିଷ ଧାରାମ୍‌ପୁଥ୍ ଆଟ୍‌କାନ୍‌ଉରୁମ୍‌ ନାଗେନ୍ତେ ଜନ୍‌କୁଆଃ ମନ୍‌କେ ସେଣ୍‌କେଦାଏ ।
 ୪୬ ଜନିଷ ଜନ୍‌କୁକେ କାଜିୟାଦ୍‌କଥାଏ, “ନେଆଁ ଅଲ୍‌କାନା, ଖ୍ରୀଷ୍ଟ୍ ଦୁକୁସାହାତିଙ୍ଗ୍ ଆତଃ ଆପି ମାହାଁରେ ଗଜାକାନ୍‌କଏତେ ଜୀଉବିରିଦ୍ ଲାଗାତିଙ୍ଗ୍‌ୟାଃ,^{୪୭} ଆତଃ ଯୀରୁଶାଲେମ୍‌ଏତେ ଏଟେଦ୍‌କେଦ୍‌ତେ ସବେନ୍ ଦିଶ୍‌ମ୍‌ରେନ୍ ସବେନ୍ ହଡ଼କକେ ଜନିୟାଃ ନୁତୁମ୍‌ତେ ହେୟାତିଙ୍ଗ୍‌ରେୟାଃ ଆତଃ ପାପ ଛାମାରେୟାଃ କାଜି ଉଦ୍‌ବ୍ ଲାଗାତିଙ୍ଗ୍‌ୟାଃ ।^{୪୮} ଆତଃ ଆପେ ନେ କାଜିରେୟାଃ ଗାଞ୍ଜାଇକ ତାନ୍‌ପେ ।^{୪୯} ନେଲେପେ ଆଇଙ୍ଗ୍ ଆପୁଇୟାଃ ବାନାର୍‌ସା* କାଜି ଆପେତାଃତେ କୁଲେୟା; ମେନ୍‌ଦ୍ ତେତାନ୍ ପେଡ଼େଃ ଆଉରିପେ ନାମେଜାକେଦ୍ ଯୀରୁଶାଲେମ୍ ସାହାର୍‌ରେ ତାଇନ୍‌ପେ ।”

ୟୀଶୁ ସିମ୍‌ନାତେ ରାକାଦ୍‌ୟାନାଏ
 (ମାର୍କ ୧୬:୧୯-୨୦; ପ୍ରେରିଦ୍ ୧:୯-୧୧)

୫୦ *ୟୀଶୁ ଜନ୍‌କୁକେ ବେଥ୍‌ନିଆ ସାମ୍‌ନାଙ୍ଗ୍‌ତେ ଅତଙ୍ଗ୍ ଇଦିକେଦ୍‌କଥାଏ ଆତଃ ଆୟାଃ ତିଃଇ ରିମ୍‌କେଦ୍‌ତେ ଜନ୍‌କୁକେ ଆଶିଷ୍‌କେଦ୍‌କଥାଏ ।^{୫୧} ଆତଃ ଜନିଷ ଜନ୍‌କୁକେ ଆଶିଷ୍‌କତାନ୍‌ଲଃ ଜନ୍‌କୁଏତେ ବିନ୍‌ଗାଅୟାନାଏ† ଆତଃ ସିମ୍‌ନା ଦିଶ୍‌ମ୍‌ତେ ଇଦିୟାନା ।^{୫୨} ଏନ୍ତେ ଜନ୍‌କୁ ଜନିଷକେ ଜହାର୍‌କିଃତେ ପୁରାଃ ରାସ୍‌କାତାନ୍‌ଲଃ ଯୀରୁଶାଲେମ୍‌ତେକ ରୁହାଡ଼୍‌ୟାନା ।^{୫୩} ଆତଃ ପାର୍‌ମେଶ୍‌ବାର୍‌କେ ଧାନ୍ୟାବାଦ୍ ଏମ୍‌ତାନ୍‌ଲଃ ଜାନାଅ ମାନ୍‌ଦିଅଡ଼ାଃରେକ ତାଇକେନା ।

§ ୨୪:୪୦ 24:40 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ * ୨୪:୪୯ ୨୪:୪୯ ପ୍ରେରିଦ୍ ୧:୪. * ୨୪:୪୯ ୨୪:୪୯
 ବାଖାଣ୍‌ସମାକାଦ୍ / ବାଏଦା † ୨୪:୫୦ ୨୪:୫୦ ପ୍ରେରିଦ୍ ୧:୯-୧୧. † ୨୪:୫୧ ୨୪:୫୧ ଫାର୍‌କାୟାନାଏ

ଯୋହାନ୍ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଯୋହାନ୍ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚ୍ୟ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ୍ ନାଞ୍ଜା ନିୟାମରାଃ ଚାରୁ ପୁଅକଏତେ ଯୋହାନ୍ ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡିଦ୍ “ବୁରିନ୍ କାଜି” ତାନାଃ । ଏନ୍ ସବେନାଃକକେ ଯୀଶୁଆଃ ଗନ୍ ଏଃ ତାୟମତେ ମାଥୁର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ଯୋହାନ୍ ଅଲ୍ଲାକାଦ୍ ସୁକୁକାଜି ଯୀଶୁତାୟମ୍ ୯୦ କରେ ପ୍ରେରିତ୍ ଯୋହାନ୍ ଅଲ୍ଲାକାଦାଏ । ନେ ସୁକୁକାଜିକେ ଯୋହାନ୍ ଅଲ୍ଲାକାଦାଃଏ ମେନ୍ତେ ନେ ସୁକୁକାଜିରେ କା ଅଲ୍ଲାକାନା ମେନ୍ଦ୍ ନେ ସୁକୁକାଜିରାଃ ଅନଲ୍ ତାରିକା ଆତଃ ଯୋହାନ୍ ଅଲ୍ଲାକାଦ୍ ଚିଠା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ ସବେନାଃ ମିଦଲେକାଗି ମେନାଃ । ଚିମିନ୍ ମାରି ଅନଲ୍ କ ବିଶ୍ୱାସେତାନାକ ଯେ ନେ ସୁକୁକାଜି ଏଫିସୁସଏତେ ଅଲ୍ଲାକାନା ରିୟାଃଚି ନେ ନେତାକରେ ଯୋହାନ୍ ଏଫିସୁସରେ ତାଇନଃ ତାଇକେନାଏ ।

ଯୋହାନ୍ ଫାରିକେଦତେ କାଜିୟାଏ, “ଯୀଶୁଗି ଖ୍ରୀଷ୍ଟ, ଜୀନିଦ୍ ପାରମେଶ୍ୱାର୍ ଆଃ ହନ୍,” ଯୋହାନ୍ ୨୦:୩୧ ନେଆଁ ପାତିୟାନ୍ ନାଗେନ୍ତେ ହତକକେ ଦେଙ୍ଗାତେୟାଃଗି, ନେ ସୁକୁକାଜିରାଃ ବିଶେଷ ଉଦେଶ୍ ତାନାଃ । ନେଆଁ ପାତିୟାରେ ହରାତେ, ସବେନ୍ କ ଜେଲେକା ଜୀଞ୍ଜାନକ ନାମ୍ ଦାଡ଼ିୟାଃ । ନେ ସୁକୁକାଜିକେ ଯିହୁଦୀକ ଆତଃ ସାଅଁସାରକଆଃ ନାଜ୍ ଅଲ୍ଲାକାନ୍ ତାଇକେନା । ଯୋହାନ୍ ନେ ସୁକୁକାଜିରେ ଯୀଶୁଆଃ ଜନ୍ କାଜି ଏତେ ଜନିୟାଃ ପେଡେୟାନ୍ କାମିକ ବିଷାଏରେ ପୁରାଃ ଅଲ୍ଲାକାଦାଃଏ । ଯୀଶୁଆଃ ବାପ୍ତିସ୍ମା, ବିର୍ରେ ଯୀଶୁଆଃ ବିଡାଏ, ଆତଃ ଚିମିନ୍ ବିଶେଷ୍ ଘାଟୁଣା ବିଷାଏରେ ଯୋହାନ୍ ନେ ସୁକୁକାଜିରେ ଜେଡନାଃ କାଏ ଅଲ୍ଲାକାଦାଃ । ନେ ସୁକୁକାଜି ବାକି ସବେନ୍ ଆପିୟା ସୁକୁକାଜିକ ଏତେ ଏଠାଠିଆଃ ।

ପୁଅ ବିତାନ୍ରେ ତାଇକାନ୍ କାଜି

- ୧. ସୁକୁକାଜିରାଃ ଏନେଚେଦ୍ । ୧:୧-୧୮
- ୨. ଯୀଶୁଆଃ ଚିମିୟାଜ୍ ପେଡେୟାନ୍ କାମିକ । ୧:୧୯-୧୨:୫୦
- ୩. ଯୀଶୁଆଃ ଜୀଞ୍ଜାନ, ଗନ୍ ଏଃ ଆତଃ ଜୀଉବିନିରିଦ୍ । ୧୩:୧-୨୦:୩୧
- ୪. ଯୀଶୁଆଃ ଜୀଉବିନିରିଦ୍ ତାୟମତେ ଉଦୁବେନ୍ । ୨୧:୧-୨୫

ଜୀଦାନ୍ ବାଚାନ୍

୧ ଏନେଚେଦ୍ରେ କାଜି ତାଇକେନା, ଆତଃ କାଜି ପାରମେଶ୍ୱାର୍ ଲାଃ ତାଇକେନା, ଆତଃ କାଜି ପାରମେଶ୍ୱାର୍ ତାଇକେନାଏ । ୨ ଜନିଃ ଏନେଚେଦ୍ରେ ପାରମେଶ୍ୱାର୍ ଲାଃ ତାଇକେନାଏ । ୩ ପାରମେଶ୍ୱାର୍ ସବେନାଃ ଜନିଃତେ ବାଇୟାକାଦା, ଆତଃ ବାଇୟାକାନ୍ ତେୟାଃଏତେ ଜେଡନାଃ ଜନିଃକେ ବାଗିକେଦ୍ତେ କା ବାଇୟାକାନା, ୪ ଜନିଃରେ ଜୀଦାନ୍ ତାଇକେନା ଆତଃ ଏନ୍ ଜୀଦାନ୍ ହତକଆଃ ମାର୍ସାଲ୍ ତାଇକେନା । ୫ ମାର୍ସାଲ୍ ନୁବାଃରେ ଜୁଲଃତାନା, ମେନ୍ଦ୍ ନୁବାଃ ଏନାକେ କାଏ ଆଟ୍ କାର୍ଡରୁମ୍ କେଦାଃ ।

୬ ପାରମେଶ୍ୱାର୍ ତେ କୁଲ୍ଲାକାନ୍ ମିଆଁଦ୍ କାଜିଏମ୍ ନିଃ ତାଇକେନାଏ, ଜନିୟାଃ ନୁଡୁମ୍ ଯୋହାନ୍ ତାଇକେନା । ୭ ଜନିଃ ଏନ୍ ମାସ୍ତାଲ୍ରେୟାଃ ଗାଞ୍ଜା ଉଦୁଦ୍ ନାଗେନ୍ତେ ହିଜୁଃୟାନାଏ, ଜେଲେକାଚି ଜନିୟାଃ ହରାତେ ସବେନ୍ ହତକ ବିଶ୍ୱାସେଆ । ୮ ଜନିଃ ଆଇଃକ୍ଚି ଏନ୍ ମାସ୍ତାଲ୍ କାଏ ତାଇକେନା; ମେନ୍ଦ୍ ଏନ୍ ମାସ୍ତାଲ୍ରେୟାଃ ଗାଞ୍ଜା ଏମ୍ ନାଗେନ୍ତେ ହିଜୁଃୟାନାଏ । ୯ ଏନା ସାର୍ଚି ମାର୍ସାଲ୍ ତାଇକେନା, ହେଚି ସବେନ୍ ହତକକେ ମାସ୍ତାଲ୍ କତାନ୍ ମାର୍ସାଲ୍ ଅତେଦିଶ୍ୱମ୍ରେ ହିଜୁଃତାଇକେନା ।

୧୦ ଜନିଃ ଅତେଦିଶ୍ୱମ୍ରେ ତାଇକେନାଏ, ଆତଃ ଅତେଦିଶ୍ୱମ୍ ଜନିଃତେ ବାଇୟାନା, ଏନ୍ରେୟା ଅତେଦିଶ୍ୱମ୍ରେନକ ଜନିଃକେ କାକ ସାରିକିୟା । ୧୧ ଜନିଃ ଆୟାଃ ଦିଶ୍ୱମ୍ରେ ହିଜୁଃୟାନାଏ ମେନ୍ଦ୍ ଆୟାଃ ହତକ ଜନିଃକେ କାକ ଦାରମ୍ କିୟା । ୧୨ ମେନ୍ଦ୍ ଆଇଃକ୍ଚି ଦାରମିତାନ୍ କକେ, ଆତଃ ଆୟାଃ ନୁଡୁମ୍ରେ ବିଶ୍ୱାସେତାନ୍ ସବେନ୍ ହତକକେ ଜନିଃ ପାରମେଶ୍ୱାର୍ ଆଃ ହନ୍ ହବାଅଃରେୟାଃ ଆକ୍ତେୟାଃ

* ୧:୬ ୧:୬ ମାଥୁର ୩:୧; ମାର୍କ ୧:୪; ଲୁକ ୩:୧,୨.

ଏମାଦକଥାଏ । ୧୩ ଇନ୍ କୁ ମାୟୋମ୍‌ତେଦ କାହା, ହଡ଼ମ୍‌ରେୟାଃ ମନେତେଦ କାହା ଆତଃ ହଡ଼ଆଃ ମନେତେଦ କାହା ମେନ୍‌ଦ ପାର୍‌ମେଶ୍‌ବର ଆଇଃକ୍‌କି ଆକଥାଃ ଆପୁ ।

୧୪ ଆତଃ ଏନ୍ କାଜି ହଡ଼ମ୍ ସାବ୍‌କେଦା, ପୁରାଃ ଦାୟା ଆତଃ ସାର୍‌ତିତେ ପେରେଜାକାନ୍, ଆବୁଆଃ ଆଲ୍‌ୟାରେ ତେରାକେଦାଏ ଆତଃ ଆବୁ ଇନ୍‌ୟାଃ ମାନାରାଜ୍‌ବୁ ନେଲ୍‌କେଦା ଏନା ଆପୁଆଃ ମିଆଁଦ୍‌ଗି ହନ୍‌ଆଃ ମାନାରାଜ୍ ତାଇକେନା ।

୧୫ ଆତଃ ଯୋହାନ ଇନ୍‌ୟାଃ ଗାଞ୍ଜା ଏମ୍‌ତାନ୍‌ଲଃ, କାଉରିକେଦ୍‌ତେ କାଜିକେଦାଏ, “ଆଇଜ୍‌ଅକ୍‌ଏୟାଃ କାଜି କାଜିତାଇକେନାଇଜ୍ ଇନ୍‌ଃ ନିଃଗିତାନିଃ, ଆଇଁୟାଃ ତାୟମ୍‌ତେ ହିଜୁଃଗିଆଏ, ମେନ୍‌ଦ ଇନ୍‌ଃ ମାରାଜ୍‌ଆଏ, ତିୟାଃଗି ଇନ୍‌ଃଦ ଆଇଁୟାଃ ଜାନାମ୍ ସିଦାରେ ତାଇକେନାଏ ।”

୧୬ ଇନ୍‌ୟାଃ ପେରେଜାକାନ୍ ଦାୟାଏତେ ଆବୁ ସବେନ୍‌କକେ ଆଗିଷାକାଦ୍‌ବୁଆଏ, ହେଗି, ଆଗିଷ୍ଟ ତେତାନ୍ ଆଗିଷ୍ଟ ଏମାକାଦ୍‌ବୁଆଏ । ୧୭ ପାର୍‌ମେଶ୍‌ବର ମୁଶାରାଃ ହରାତେ ଆନ୍‌ରୁ ଏମ୍‌କେଦାଏ, ମେନ୍‌ଦ ଦାୟା ଆତଃ ସାନାର୍‌ତି ଯାଶ୍‌ ଖ୍ରୀଷ୍ଟ୍‌ଆଃ ହରାତେ ହବାୟାନା । ୧୮ ପାର୍‌ମେଶ୍‌ବରକେ ଜେତାଏ ଚିଉଲ୍‌ହ କାକ ନେଲ୍, ମେନ୍‌ଦ ଇନ୍‌ୟାଃ ମିଆଁଦ୍‌ଗି ହନ୍, ଆପୁଆଃ କୟଜ୍‌ରେ ଦୁବାକାନ୍‌ନିଃ ଇନ୍‌ଃକେ ଉଦୁବ୍‌କିୟା ।

ବାପ୍ତିସ୍ମା ଏମ୍‌ଃନିଃ ଯୋହାନ୍‌ଆଃ ଗାଞ୍ଜାଇ
(ମାଥୁର ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଯୀରୁଗାଲେମ୍‌ରେନ୍ ଯିହୁଦୀ ହାକିମ୍‌କ ଚିମିନ୍ ଯାଜାକ୍‌କକେ ଆତଃ ଲେବାକକେ ଯୋହାନ୍‌ତାଃତେ “ଆମ୍‌ଅକ୍‌ଏ ତାନ୍‌ମେ” ମେନ୍ତେ କୁଲି ନାଗେନ୍ତେ କୁଲ୍‌କେଦକଥା । ଇମ୍‌ତା ଇନ୍‌ଃ ନେ ଗାଞ୍ଜା ଏମ୍‌କେଦାଏ ।

୨୦ ଯୋହାନ କାଏ ଦଦାଦତାନ୍‌ଲଃ ଉଦୁବ୍‌କେଦାଏ, “ଆଇଜ୍‌ ମାସି ନାହାଁଲିଜ୍ ।”

୨୧ ଏନ୍ତେ ଇନ୍‌କୁ ଯୋହାନ୍‌କେକ କୁଲିକିୟା, “ତାବ୍‌ଦ ଆମ୍‌ ଅକ୍‌ଏ ତାନ୍‌ମେ ?” “ତିୟାଃ ଆମ୍‌ ଏଲିୟ ତାନ୍‌ମେ ?”

ଇନ୍‌ଃ ମେନ୍‌କେଦାଏ, “କାହାଗି, ଆଇଜ୍‌ ନାହାଁଲିଜ୍ ।”

“ତିୟାଃ ଆମ୍‌ ଏନ୍ ନାବା ତାନ୍‌ମେ ?”

ଇନ୍‌ଃ ମେନ୍‌ରୁହାଡ଼ାଦକଥାଏ, “କାହାଗି ।”

୨୨ ଏନ୍ତେ ଇନ୍‌କୁ କାଜିକିୟାକ, “ତାବ୍‌ଦ ଆମ୍‌ ଅକ୍‌ଏ ତାନ୍‌ମେ ଆଲେକେ ଉଦୁବାଲେମ୍, ତିୟାଃଗି ଆଲେକେ ଅକ୍‌ନ୍‌କ କୁଲ୍‌କାଦ୍‌ଲେୟାକ, ଇନ୍‌କୁକେ କାଜିରୁହାଡ଼ାଲଗାତିଜ୍‌ୟାଃ, ଆମ୍‌ ଆପାନ୍‌କେ ଅକ୍‌ଏ ତାନ୍‌ମେ ମେନ୍ତେମ୍ କାଜିନ୍‌ତାନା ?”

୨୩ ଯୋହାନ କାଜିରୁହାଡ଼ାଦକଥାଏ, ଯିଶାୟ ନାବା କାଜିଲେଦ୍ କାଜିଲେକା :

“ଆଇଜ୍‌ ବିର୍‌ରେ କାଉରିତାନ୍‌ନିୟାଃ ସାଡ଼ି ତାନିଜ୍ :
ପ୍ରାଭୁଆଃ ହରା ସିଧାଏଦେ ।”

୨୪ ଆତଃ ଏନ୍ କୁଲ୍‌ଲେନ୍‌କ ମ୍‌ରୁଶାକ୍‌ଏତେକ ତାଇକେନା । ୨୫ ଇନ୍‌କୁ ଯୋହାନ୍‌କେକ କୁଲିକିୟା, “ଆମ୍‌ଦେ ମାସି ନାହାଁଲାଃମେ, ଏଲିୟ ହିଁ ନାହାଁଲାଃମେ ଆତଃ ଏନ୍ ନାବାହ ନାହାଁଲାଃମେ, ମେନ୍‌ଦ ତିନାଃ ମେନ୍ତେମ୍ ବାପ୍ତିସ୍ମାକତାନା ?” ୨୬ ଯୋହାନ କାଜିୟାଦକଥାଏ, “ଆଇଜ୍‌ଦ ଦାଆଃତେ ବାପ୍ତିସ୍ମାଦେ ତାନାଇଜ୍, ମେନ୍‌ଦ ଆପେୟାଃ ଆଲ୍‌ରେ ମିଆଁଦ୍ ହଡ଼ ତିଜ୍‌ଆକାମାଏ ଇନ୍‌ଃକେ ଆପେ କାପେ ସାରିୟା ।

୨୭ ଆଇଁୟାଃ ତାୟମ୍‌ତେ ହିଜୁଃନିଃ ଇନ୍‌ଃଗି ତାନିଃ, ଇନ୍‌ୟାଃ ଖାବ୍‌ପାରେୟାଃ ତନଲ୍ ରାଡ଼ାଏ ଲେକାନ୍‌ନିଃ ନାହାଁଲିଜ୍” ମେନ୍ତେ କାଜିରୁହାଡ଼ାଦକଥାଏ ।

୨୮ ନେ କାଜିକି ଯାଦାନ୍ ଗାଡ଼ା ହାନ୍ ପାରମ୍‌ରେୟାଃ ବେଅନ୍‌ଆରେ ହବାୟାନା ଏନ୍ତାଃରେ ଯୋହାନ ବାପ୍ତିସ୍ମା ଏମାକତାନ୍ ତାଇକେନାଏ ।

ପାର୍‌ମେଶ୍‌ବରୁଆଃ ମିଶ୍ରିହନ୍

୨୯ ଏଗାଃ ହୁଲାଜ୍ ଯୋହାନ ଯୀଶୁକେ ଆୟାଃତାଃତେ ହିଜୁଃତାନ୍ ନେଲ୍‌କିୟାଏ, ଆତଃ ମେନ୍‌କେଦାଏ, “ନେଲିଦେ ପାର୍‌ମେଶ୍‌ବରୁଆଃ ମିଶ୍ରିହନ୍, ଇନ୍‌ଃ ଅତେଦିଶ୍‌ମ୍‌ରେୟାଃ ପାପ୍‌କେ ଗଅଃ ଇଦିୟାଏ !

୩୦ ଆଇଁୟାଃ ତାୟମ୍‌ତେ ମିହୁଡ଼୍ ହିଜୁଃଆଏ ଇନ୍‌ଃ ଆଇଁୟାଃତାଃଏତେ ପୁରାଃ ମାରାଜ୍ ମେନ୍ତେଇଜ୍ କାଜିଲେଦ୍ ହଡ଼ ନିଃଗି ତାନିଃ, ଇନ୍‌ଃଦ ଆଇଁୟାଃ ଜାନାମ୍‌ଏତେ ସିଦାରେ ତାଇକେନା । ୩୧ ଆତଃ ଆଇଜ୍ ଇନ୍‌ଃକେ କାଇଜ୍ ସାରିଉରୁମିତାନ୍ ତାଇକେନା, ମେନ୍‌ଦ ଇନ୍‌ଃ ଇସ୍ରାଏଲ୍ ହଡ଼କତାଃରେ ଉଦୁବଃକାଏ ମେନ୍ତେ ଆଇଜ୍ ଦାଆଃତେ ବାପ୍ତିସ୍ମାକ ନାଜ୍ ହିଜୁଃକାନାଇଜ୍ ।”

୩୨ ଆତଃ ଯୋହାନ୍ ଗାଞ୍ଜା ଏମ୍ତାନ୍ତଲଃ କାଜିକେଦାଏ, “ଆଇଙ୍ଗ୍ ଆମ୍ବାକେ ଦୁଦୁମ୍ବାଲ୍ ଲେକା ସିର୍ବାଏତେ ଆଡ଼ଗୁତାନ୍ ଆତଃ ଜନିଃରେ ତାଇନଃତାନ୍ ନେଲ୍ଲକିୟାଇଙ୍ଗ୍ । ୩୩ ଆଇଙ୍ଗ୍ ହିଁ ଜନିଃକେ କାଇଙ୍ଗ୍ ନେଲ୍ଲଭୁମ୍ବା ତାଇକେନା ମେନ୍ଦ୍ ଆଇଙ୍ଗ୍ କେ ଦାଆଃତେ ବାପ୍ତିସ୍ମା ଏମ୍ ନାଙ୍ଗ୍ କୁଲ୍ଲକାଦିଙ୍ଗ୍ ନିଃ, ଆଇଙ୍ଗ୍ କେ କାଜିକିୟା, ଆମ୍ ଆମ୍ବାକେ ମିଆଁଦ୍ ହଡ଼ରେ ଆଡ଼ଗୁତାନ୍ ଆତଃ ଜନିଃରେ ତାଇନ୍ତାନ୍ ନେଲ୍ଲିୟାମ୍, ଜନିଃଗି ପାବିତାର୍ ଆମ୍ବାତେ ବାପ୍ତିସ୍ମା ଏମାକତାନ୍ନିଃ ତାନିଃ । ୩୪ ଆତଃ ଆଇଙ୍ଗ୍ ନେଲ୍ଲକେଦାଃଇଙ୍ଗ୍, ଆତଃ ନିଃଗି ପାର୍ମେଶ୍ୱାର୍ ଆଃ ହନ୍ ମେତ୍ରେ ଗାଞ୍ଜାଇଙ୍ଗ୍ ଏମେତାନା ।”

ୟାଶୁଆଃ ପାହିଲା ଚେଲାକ

୩୫ ଏଗାଃ ହୁଲାଙ୍ଗ୍ ଯୋହାନ୍ ଆୟାଃ ଚେଲାକଏତେ ବାର୍ହଡ଼କିନ୍ତଲଃ ଏଡ଼ାଃରେ ଆତଃଗି ତିଙ୍ଗୁଆକାନ୍ ତାଇକେନାଏ । ୩୬ ଜନିଃ ଯାଶୁକେ ସେନ୍ଦ୍ ପାରମଃତାନ୍ ନେଲ୍ଲକେଦ୍ତେ କାଜିକେଦାଏ, “ନେଲିପେ, ନିଃ ପାର୍ମେଶ୍ୱାର୍ ଆଃ ମିଶ୍ରିହନ୍ ।”

୩୭ ଆତଃ ଏନ୍ ବାରାନ୍ ଚେଲାକିନ୍ ଜନିଃ ନେଆଁ କାଜିତାନ୍ ଆୟୁମ୍ବକେଦ୍ତେ ଯାଶୁକେ ଅତଙ୍ଗକିୟାକିନ୍ ୩୮ ଯାଶୁ ହେତାରୁହାଡ଼କେଦ୍ତେ, ଜନ୍କିନ୍ ଅତଙ୍ଗକିତାନ୍ ନେଲ୍ଲକେଦ୍ତେନାଏ ଆତଃ ମେତାଦ୍ କିନାଏ, “ଚିକ୍ନାଃବେନ୍ ନାମ୍ତାନା ?” ଆତଃ ଜନ୍କିନ୍ ମେନ୍ଦ୍ ରୁହାଡ଼ାଇୟାକିନ୍, “ଏ ରାବି”* କତାଃରେମ୍ ତାଇନ୍ତାନା ?

୩୯ ମାର୍ “ହିଜୁଃକେଦ୍ତେ ନେଲେବେନ୍” ମେତାଦ୍ କିନାଏ । ଏନାମେତ୍ରେ ଜନ୍କିନ୍ ସେନ୍ଦୟାତ୍ରେ ଜନିଃ ତାଇନ୍ତାନ୍ ଠାୟାଦ୍ କିନ୍ ନେଲ୍ଲକେଦାଃ, ଜମ୍ତାଙ୍ଗ୍ ଦ୍ତେ ତାନ୍ ସିଙ୍ଗିରାଃ ଉପୁନ୍ ଘାଡ଼ି ହବାକାନ୍ ତାଇକେନା, ଆତଃ ଏନ୍ ହୁଲାଙ୍ଗ୍ ଜନିଃଲଃକିନ୍ ତାଇନ୍ୟାନା,

୪୦ ଯୋହାନ୍ ଆଃ କାଜି ଆୟୁମ୍ବକେଦ୍ତେ ଯାଶୁକେ ଅତଙ୍ଗକାଲ ଏନ୍ ବାରିଆ ଚେଲାକିନ୍ଏତେ ମିଆଁଦ୍ ନିଃ ଶିମୋନ୍ ପାଡ଼ରାସଆଃ ହାଗାତେ ଆନ୍ଦ୍ରିୟାସ୍ ତାଇକେନାଏ । ୪୧ ଆନ୍ଦ୍ରିୟାସ୍ ଆୟାଃ ହାଗାତେ ଶିମୋନ୍ କେ ନାମ୍ବକେଦ୍ତେ କାଜିକିୟା, “ଆଲିଙ୍ଗ୍ ମାସିକେ ନାମାକାଇଲାଇଙ୍ଗ୍ ।” ୪୨ ଆତଃ ଜନିଃ ଶିମୋନ୍ କେ ଯାଶୁତାଃତେ ଆଡ଼କିୟା, ଯାଶୁ ଜନିଃକେ ନେଲ୍ଲକେଦ୍ତେ କାଜିକିୟା, “ଆମ୍ ଯୋହାନ୍ ଆଃ ହନ୍ ଶିମୋନ୍ ତାନ୍ମେ, ଆମ୍ କେଦା, ଏନାରେୟାଃ ମୁଣ୍ଡି ‘ପାଡ଼ରାସ୍’ ମେତ୍ରେମ୍ ନୁଡୁମଃଆ ।”

ୟାଶୁ ଫିଲିପ୍ ଆତଃ ନିଅନିୟେଲ୍ଲକେ କେଡ଼ାକିନ୍ ତାନାଏ

୪୩ ଏଗାଃ ହୁଲାଙ୍ଗ୍ ଯାଶୁକେ ଗାଲିଲ୍ତେ ସେନ୍ଦ୍ ସାନାଙ୍ଗକିୟା । ଜନିଃ ଫିଲିପ୍ କେ ନାମ୍ବକିଃତେ ମେତାଭୟାଏ, “ଅତଙ୍ଗକିଙ୍ଗ୍ମେ ।” ୪୪ ଆନ୍ଦ୍ରିୟାସ୍ ଆତଃ ପାଡ଼ରାସ୍ ଲେକା ଫିଲିପ୍ ହଗି ବେଥ୍ସାଇଦା ସାହାର୍ରେନ୍ ତାଇକେନାଏ । ୪୫ ଫିଲିପ୍ ନିଅନିୟେଲ୍ଲକେ ନାମ୍ବକିଃତେ ମେତାଭୟାଏ, “ମୁଣା ଆଲ୍ଲାକାଦ୍ ଆନ୍ତରୁ ପୁଅରେ ଆତଃ ନାବାକହ ଆଲ୍ଲାକାଦ୍ ହଡ଼କେ ଆଲେ ନାମାକାଇୟାଃ ଜନିଃ ଯୋଷେଫ୍ ହନ୍ ନାଜ୍ରେତ୍ରେନ୍ ଯାଶୁ ତାନିଃ ।”

୪୬ ନିଅନିୟେଲ୍ କୁଲିକିୟାଏ, “ଚିୟାଃ ନାଜ୍ରେତ୍ରେଏତେ ଜେଡ଼ନାଃ ବୁଗିନ୍ ଅତଙ୍ଗଦାଡ଼ିଅଃଆ ?”

ଫିଲିପ୍ ମେନ୍ଦ୍ ରୁହାଡ଼ାଇୟା, “ମାର୍ ହିଜୁଃକେଦ୍ତେ ନେଲେମେ ।”

୪୭ ଯାଶୁ, ନିଅନିୟେଲ୍ଲକେ ଆୟାଃତାଃ ହିଜୁଃତାନ୍ ନେଲ୍ଲକେଦ୍ତେ କାଜିକେଦାଏ, “ନେଲିପେ, ନିଃ ସାର୍ଡ଼ତିଗି ଇସ୍ରାଏଲ୍ରେନ୍ ତାନିଃ, ଜନିଃରେ ଜେତାଏ ବେଦା ବାନଆଃ ।”

୪୮ ନିଅନିୟେଲ୍ ଜନିଃକେ କୁଲିକିୟା, “ଆମ୍ ଆଇଙ୍ଗ୍ କେ ଚିଲ୍ଲକାତେମ୍ ସାରିକେଦିୟା ?”

ୟାଶୁ କାଜିରୁହାଡ଼କିୟାଏ, “ଫିଲିପ୍ ଆମ୍ବକେ କେଡ଼ାକେଦ୍ତେ ସିଦାରେ ଆମ୍ ଲଆଦାରୁ ବୁଟାରେମ୍ ତାଇକେନା, ଜମ୍ତା ଆଇଙ୍ଗ୍ ନେଲ୍ଲକେଦ୍ତେମେୟା ।”

୪୯ ଏତ୍ରେ ନିଅନିୟେଲ୍ କାଜିକେଦାଃଏ, “ଏ ରାବି, ଆମ୍ ପାର୍ମେଶ୍ୱାର୍ ଆଃ ହନ୍ ତାନ୍ମେ; ଆମ୍ ଇସ୍ରାଏଲ୍ରେନ୍ ରାଜା ତାନ୍ମେ ।”

୫୦ ଯାଶୁ କାଜିକିୟାଏ, “ଚିୟାଃ ଆଇଙ୍ଗ୍ ଆମ୍ବକେ ଲଆଦାରୁ ବୁଟାରେଇଙ୍ଗ୍ ନେଲ୍ଲକେଦ୍ତେମେୟା ମେତ୍ରେ କାଜିୟାଦ୍ମାଆଇଙ୍ଗ୍, ଏନାମେତ୍ରେମ୍ ବିଶ୍ୱାସେତାନା ? ଆମ୍ ଏନାଏତେହ୍ ମାପ୍ପରାଙ୍ଗ୍ ବିଷାଏତେୟାଃକ ନେଲେୟାମ୍ ।” ୫୧ ଜନିଃ ଆତଃଗି ଜନ୍କିକେ କାଜିୟାଦ୍ କଥା, “ଆଇଙ୍ଗ୍ ସାର୍ଡ଼ତିଗି କାଜିୟାଦ୍ ତାନାଆଇଙ୍ଗ୍ ଆପେ ସିର୍ବା ନିଜାକାନ୍ ଆତଃ ପାର୍ମେଶ୍ୱାର୍ ଆଃ ଦୁଡ଼କ ମାନଃହାନ୍ ଚେତାନ୍ରେ ରାକାଦ୍ତାନ୍ ଆତଃ ଆଡ଼ଗୁନ୍ତାନ୍ଦ୍ତେ ନେଲ୍ଲକଥା ।”

* e:୩୮ e:୩୮ ଏ ରାବି ହେ ବୁରୁ † e:୪୧ e:୪୧ ଏବ୍ରାରେ ମାସି ଆତଃ ଗ୍ରାକରେ ଖ୍ରୀଷ୍ଟ

୨

କାନାହାତୁରେ ଆଣ୍ଠି

୧ ଆପି ମାହାଁ ହୁଲାଙ୍ଗରେ ଗାଲିଲରେୟାଃ କାନା ହାତୁରେ ଆଣ୍ଠି ହବାଅଃ ତାଇକେନା, ଆତଃ ଯୀଶୁଆଃ ଏଙ୍ଗାତେ ଏନ୍ତାଃରେ ତାଇକେନାଏ । ୨ ଯୀଶୁ ଆତଃ ଆୟାଃ ଚେଲାକକେ ହରି ଏନ୍ ଆଣ୍ଠି ଅଡ଼ାଃତେ କେଡ଼ାକାନ୍ ତାଇକେନାକ । ୩ ଚିମ୍ତା ଦାଖରାସି ଚାବାୟାନା, ଯୀଶୁଆଃ ଏଙ୍ଗାତେ ଜନିଃକେ କାଜିକିୟା, “ଜନ୍‌କୁତାଃରେ ଦାଖରାସି ବାନଆଃ ।”

୪ ଯୀଶୁ ମେନ୍‌ରୁହାଡ଼ାଇୟାଏ, “ଆଇଙ୍ଗଲଃ ଆମାଃ ଚିକାନ୍ ନାତା ? ଆଇଁୟାଃ ନେତା ଆଉରି ସେଟେରାଃ ।”

୫ ମେନ୍‌ଦ ଯୀଶୁଆଃ ଏଙ୍ଗାତେ ଦାସିକକେ କାଜିୟାଦକଆଏ, “ଜନିଃ ଆପେକେ କାଜିପେ ଲେକା କାମିପେ ।”

୬ ଆତଃ ଯିହୁଦୀକଆଃ ଫାଟ୍‌ଅଃନାଙ୍ଗ୍ ଏନ୍ତାଃରେ ଦିରିତେ ବାଇୟାକାନ୍ ତୁରିୟା ଘୁମା ଦହାକାନ୍ ତାଇକେନା, ମିଆଁଦରେ ମିଦ୍‌ହିସି* ଚାଏ ତିରିଶ୍ ଗ୍ୟାଲେନ୍‌† ଦାଆଃ ସାବେତାନ୍ ତାଇକେନା । ୭ ଯୀଶୁ ଦାସିକକେ କାଜିୟାଦକଆଏ, “ନେ ଘୁମାକରେ ଦାଆଃ ପେରେଃତାପେ” ଆତଃ ଜନ୍‌କୁ ଘୁମାରେ ଦାଆଃ ଦୁଲ୍ ପେରେଃକେଦା । ୮ ଏନ୍ତେ ଜନିଃ ଜନ୍‌କୁକେ କାଜିୟାଦକଆଏ, “ନାହାଁଃଦ ଏନ୍ ଦାଆଃଏତେ କାଟିଃ ଅତଙ୍ଗ୍‌ୟେପେ ଆତଃ ମାରାଙ୍ଗ୍‌ଜମାଃରେନ୍ ଗମ୍‌କେତାଃ ଜିପିପେ ।” ଏନ୍ତେ ଜନ୍‌କୁ ଏନ୍ ଦାଆଃକେ ଜିପିକେଦାଃକ, ୯ ଆତଃ ମାରାଙ୍ଗ୍‌ଜମାଃରେନ୍ ଗମ୍‌କେ ଏନ୍ ଦାଖରାସି ବାୟାକାନ୍ ଦାଆଃକେ ଗଖାଅକେଦାଃ ଆତଃ ଏନା ଅକ୍‌ତାଃଏତେ ହିଜୁଆକାନା ଏନା କାଏ ସାରିକେଦା, ମେନ୍‌ଦ ଏନ୍ ଦାଆଃ ଅତଙ୍ଗ୍‌କେନ୍ ଦାସିକ ସାରିତାଇକେନାକ । ଏନ୍ତେ ଜନିଃ ଦୁଲ୍‌କଡ଼ାକେ ଗେନାତେ ହାକାଅକିୟାଏ, ୧୦ ଆତଃ କାଜିକିୟାଏ, “ସବେନ୍ ହଡ଼କ ସିଦାତେ ବୁଗିନ୍ ଦାଖରାସିକ ଏମାକଆ ଆତଃ ହଡ଼କ ନୁଁ ଆସ୍‌ଦିୟାନ୍‌ରେ ସାବାଃତେଆଃକ ଏମାକଆ, ମେନ୍‌ଦ ଆମ୍ ବୁଗିନ୍ ଦାଖରାସି ନାହାଁଃ ଜାକେଦ୍ ଦହାକାଦାମ୍ ।”

୧୧ ନେ'ଲେକା ଯୀଶୁ ଗାଲିଲରେୟାଃ କାନା ହାତୁରେ ଆୟାଃ ପାହିଲା ପେଡ଼େୟାନ୍ କାମି ଏଟେଦକେଦାଏ ନେ'ଲେକା ଜନିଃ ଆୟାଃ ମାନାରାଙ୍ଗ୍ ଉଦୁବକେଦାଏ ଆତଃ ଜନିୟାଃ ଚେଲାକ ଜନିଃଃରେକ ବିଶ୍ୱାସକେଦାଃ ।

୧୨ ଏନ୍ ତାୟମ୍‌ତେ ଯୀଶୁ ଆତଃ ଜନିୟାଃ ଏଙ୍ଗାତେ, ହାଗାତେ, ଆତଃ ଚେଲାକ କପରନାହୁମ୍ ସାହାର୍‌ତେ ସେନଃୟାନା ଆତଃ ଏନ୍ତାଃରେ ଚିମିନ୍ ମାହାଁଲେକା ତାଇନ୍‌ୟାନାକ ।

ୟୀଶୁ ଯୀରୁଶାଲେମ୍ ମାନ୍ଦିର୍ ଅଡ଼ାଃତେ ସେନଃୟାନାଏ
(ମାଥୁର ୨୧:୧୨, ୧୩; ମାର୍କ ୧୧:୧୫-୧୭; ଲୁକ ୧୯:୪୫, ୪୬)

୧୩ ଆତଃ ଯିହୁଦୀକଆଃ ପାସ୍କା ପାରାଦ୍ ନାଡ଼େୟାକାନ୍ ତାଇକେନା, ଆତଃ ଯୀଶୁ ଯୀରୁଶାଲେମ୍‌ତେ ସେନଃୟାନାଏ । ୧୪ ଜନିଃ ମାନ୍ଦିର୍ ଅଡ଼ାଃରେ ଉରିଃକକ, ମିଶ୍ରିକ, ଦୁଦୁମୁଲ୍‌କକେ କିରିଙ୍ଗ୍ ଆଖିରିଙ୍ଗ୍‌ତାନ୍‌କକେ ଆତଃ ଦୁବାକାନ୍ ପାଏସା ଭାଞ୍ଜାଅତାନ୍‌କକେ ନାମ୍‌କେଦକଆଏ । ୧୫ ଏନ୍ତେ ଜନିଃ ବାଏହାର୍ ରେୟାଃ ହାଁଶସା ବାଇକେଦ୍‌ତେ ସବେନ୍ ମିଶ୍ରି ଆତଃ ଉରିଃକକକେ ମାନ୍ଦିର୍ ଅଡ଼ାଃଏତେ ଅତଙ୍ଗ୍‌କେଦକଆଏ ଆତଃ ପାଏସା ଭାଞ୍ଜାଅତାନ୍‌କଆଃ ଗାଣ୍ଡୁକକେ ଉଦୁବାଟିକେଦାଏ ଆତଃ ପାଏସାକ ଛିତିବିତିକେଦାଏ । ୧୬ ଆତଃ ଦୁଦୁମୁଲ୍ ଆଖିରିଙ୍ଗ୍‌କକେ କାଜିୟାଦକଆଏ, “ନିକୁକେ ନେତାଃଏତେ ଜିପିକପେ । ଆପୁଇଁୟାଃ ଅଡ଼ାଃ କିରିଙ୍ଗ୍ ଆଖିରିଙ୍ଗ୍ ଅଡ଼ାଃ ଆଲ୍‌ପେ ବାଇୟାଃ ।” ୧୭ ନେଆଁ ନେଲ୍‌କେଦ୍‌ତେ ଧାରାମ୍‌ପୁଅରେ ଅଲ୍‌କାନ୍‌ଡେୟାଃ ଜନିୟାଃ ଚେଲାକ ପାହାମ୍‌କେଦାକ, “ଆମାଃ ଅଡ଼ାଃ ନାଗେନ୍ତେ ଆଇଁୟାଃ ଚିହୁଲ୍‌ଡେୟାଃ ଇଙ୍ଗିଁ ଜଃଆ ।”

୧୮ ଏନ୍ତେ ଯିହୁଦୀକଆଃ ହାକିମ୍‌କ ଯୀଶୁତାଃ ହିଜୁରୁହାଡ଼କେଦ୍‌ତେ ନେଆଁ କୁଲିକିୟାଃକ, “ଆମ୍ ନେ ସବେନାଃ କାମି ନାଗେନ୍ତେ ଅକ୍‌ଡେୟାର୍ ନାମାକାଦାମ୍ ମେନ୍ତେ ଆଲେ ଚିଲ୍‌କାଲେ ସାରିୟା ? ଆତଃ ଚିକାନ୍ ଚିହ୍ନାଁତେ ଆଲେକେମ୍ ଉଦୁବାଲେତାନା ।” ୧୯ ଯୀଶୁ କାଜିରୁହାଡ଼ାଦକଆଏ, “ନେ ମାନ୍ଦିର୍ ଅଡ଼ାଃକେ ହାଡ଼ୁଡ଼ାପେ ଆତଃ ଆଇଙ୍ଗ୍ ଏନାକେ ଆପି ମାହାଁରେ ବାଇରୁହାଡ଼େୟାଙ୍ଗ୍ ।”

୨୦ ଆତଃ ଯିହୁଦୀକ କାଜିକିୟାଃକ, “ନେ ମାନ୍ଦିର୍‌କେ ବାଇକେସେଦ୍‌ନାଙ୍ଗ୍ ଛୟାଲିଶ୍ ସିମ୍‌ମା ଲାଗାଅୟାନା, ଚିୟାଃ ଆମ୍ ଆପି ମାହାଁରେ ଆତଃଟିସା ବାଇରୁହାଡ଼େୟାମ୍ ?”

* ୨:୬ ୨:୬ ମିଦ୍‌ହିସି କୁଡ଼େ † ୨:୬ ୨:୬ ଗ୍ୟାଲେନ୍ ଆପିହିସି ପାନ୍‌ଦା ଏତେ ମିଦ୍‌ଗାଅ ପାନ୍‌ଦା ଲିଟର୍ ଜାକେଦ୍ * ୨:୧୨ ୨:୧୨ ମାଥୁର ୪:୧୩. * ୨:୧୯ ୨:୧୯ ମାଥୁର ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

୨୧ ଫେନ୍ଦ ଦୟାଶୁ ଆୟାଃ ହୃଦୟରେୟାଃ ମାନ୍ଦିର୍ ଅଡ଼ାଃରାଃ କାଜି କାଜିତାନାଏ ତାଇକେନା । ୨୨ ଏକ୍ତେ ଜନିଃ ଗଜାକାନ୍ଦକ ଏତେ ଜୀଉବିରିଦୟାକ୍ତେ ଜନିୟାଃ ତେଲାଇ ଜନିଃ ନେ କାଜିଏ କାଜିଲେଦା ନେଆଁକ ପାହାମକେଦାଃ । ଏକ୍ତେ ଧାରାମପୁଅରେ ଆଡ଼ଃ ଯାଶୁ କାଜିକେଦ୍ କାଜିରେକ ବିଶ୍ୱାସକେଦା ।

ୟାଶୁ ହୃଦୟାଃ ମନକେ ସାରିୟାଏ

୨୩ ଆଡ଼ଃ ଯାଶୁ ପାସ୍ୱାକ ପାରାବ୍ ଦିପିଲିରେ ଯାରୁଶାଲେମ୍ରେ ତାଇକେନ୍ଦ୍ ଜମତା ପୁରାଃ ହୃଦୟ ଜନିଃ କାମି ତାଇକେନ୍ଦ୍ ଚିହ୍ନାକ୍ ନେଲକେଦ୍ତେ ଜନିଃତାଃରେକ ବିଶ୍ୱାସକେଦା । ୨୪ ଫେନ୍ଦ୍ ଯାଶୁ ଜନ୍ମକ୍ତେ କାଏ ବିଶ୍ୱାସକେଦକଆ, ଚିୟାଃଚି ଜନିଃ ହୃଦୟାଃ ମନକେ ସାରିତାଇକେନାଏ । ୨୫ ମାନସା ନାଗେକ୍ତେ ଜେତାଏ ଗାଞ୍ଜାକ୍ ଜନିୟାଃ ଲାଗାତିଙ୍ଗ୍ କା ତାଇକେନା, ଚିୟାଃଚି ମାନସାରାଃ ମନ୍ସୁରୁଦ୍ରେ ଚିକ୍ନାଃ ମେନାଃ ଏନାଦ୍ ଜନିଃ ଆଇଃକ୍ରି ସାରିତାନାଏ ତାଇକେନା ।

୩

ୟାଶୁ ଆଡ଼ଃ ନିକଦାମ୍

୧ ଫାରୁଶୀକଏତେ ନିକଦାମ୍ ନୁହୁମ୍ ମିଆଁଦ୍ ହୃଦ୍ ତାଇକେନାଏ, ଜନିଃ ଯିହୁଦୀକଆଃ ମିଆଁଦ୍ ଆଗୁଆଇ ତାଇକେନାଏ । ୨ ଜନିଃ ମିଆଁଦ୍ ନିଦା ଯାଶୁତାଃ ହିଜୁଃକେଦ୍ତେ କାଜିକିୟା, “ହେ ଗୁରୁ, ଆମ୍ ପାର୍ମେଶ୍ୱାର୍ତାଏତେ ଜଡ଼ନିଃ ହିଜୁଆକାନାମ୍ ଏନାଦଲେ ସାରିୟାଃ, ପାର୍ମେଶ୍ୱାର୍ ଜେତାଏଲଃ କା ତାଇକେନ୍ଦ୍ ଜନିଃ ଆମ୍ କାମିକାଦ୍ ଚିହ୍ନାକ୍ କାଏ କାମିଦାଡ଼ିୟାଃ ।”

୩ ଯାଶୁ କାଜିରୁହାଡ଼କିୟା, “ଆଇଙ୍ଗ୍ ସାର୍ତ୍ତିଗିଙ୍ଗ୍ କାଜିୟାମେତାନା, ଜେତାଏ କାଏ ଜାନାମ୍‌ରୁହାଡ଼*ରେଦ୍ ପାର୍ମେଶ୍ୱାର୍ତାଃ ରାଇଜ୍ କାଏ ନେଲ୍‌ଦାଡ଼ିୟା ।”

୪ ନିକଦାମ୍ କୁଲିକିୟାଏ, “ହୃଦ୍ ହାଡ଼ାମୟାକ୍ତେ ଚିଲ୍‌କାତେ ଜାନାମ୍‌ରୁହାଡ଼୍ ଦାଡ଼ିୟାଃ ?” “ଜନିଃ ଚିୟାଃ ଆଡ଼ଃମିସା ଏଙ୍ଗାତେୟାଃ ଲାହିଦ୍ରେ ବଲକେଦ୍ତେ ଜାନାମ୍ ଦାଡ଼ିୟାଃ ।”

୫ ଯାଶୁ କାଜିରୁହାଡ଼କିୟାଏ, “ସାର୍ତ୍ତିଗିଙ୍ଗ୍ କାଜିୟାମେତାନା, ଦାଆଃ ଆଡ଼ଃ ଆମ୍‌ତେ କାକ୍ ଜାନାମ୍‌ରୁହାଡ଼ରେଦ୍ ପାର୍ମେଶ୍ୱାର୍ତାଃ ରାଇଜ୍ରେ ଜେତାଏ କାକ୍ ବଲଦାଡ଼ିୟାଃ । ୬ ହୃଦୟଏତେ ଜାନାମାକାନ୍ତେୟାଃ ହୃଦୟାଚି ତାନାଃ ଆଡ଼ଃ ଆମ୍‌ଏତେ ଜାନାମାକାନ୍ତେୟାଃ ଆମ୍‌ଗି ତାନାଃ । ୭ ଜାନାମ୍‌ରୁହାଡ଼ ଲାଗାତିଙ୍ଗ୍‌ୟାଃ ମେକ୍ତେଜଙ୍ଗ୍ କାଜିୟାଦମେଆ, ଏନାତେ ଆଲମ୍ ହାଏକାଟଃଆ । ୮ ହୟ ଆୟାଃ ସାନାଙ୍ଗ୍ ଲେକାତେ ହୟତାନା ଆଡ଼ଃ ଏନାରେୟାଃ ଲାବ୍‌ଜା ଆୟୁମଟାନା, ମେନ୍ଦ୍ ଏନା ଅକସାଃ ଏତେ ହିଜୁଟାନା ଆଡ଼ଃ ଅକ୍ତାଃତେ ସେନଃତାନା ଏନା କା ସାରିୟାଃଆ । ଆମ୍‌ଏତେ ସବେନ୍ ଜାନାମାକାନ୍ଦକ ନେଲେକାରିଆଃକ ।” ୯ ନିକଦାମ୍ ଜନିଃକେ କୁଲିକିୟାଏ, “ନେଆଁ ଚିଲ୍‌କାତେ ହବାଦାଡ଼ିଞ୍ଜାଃ ?”

୧୦ ଯାଶୁ କାଜିକିୟାଏ, “ଚିୟାଃ ଆମ୍ ଇସ୍ରାଏଲ୍‌ରେନ୍ଦକଆଃ ଗୁରୁ ତାନ୍‌ମେ ଆଡ଼ଃ ନେଆଁ କାମ୍ ସାରିୟା ?” ୧୧ ସାର୍ତ୍ତିଗିଙ୍ଗ୍ କାଜିୟାମେତାନା, “ଆଲେ ସାରିୟାକାଦ୍ କାଜିଲେ କାଜିତାନା ଆଡ଼ଃ ନେଲ୍‌କାନ୍‌ରେୟା ଗାଞ୍ଜାଲେ ଏମେତାନା ଆଡ଼ଃ ଆପେ ଆଲେୟାଃ ଗାଞ୍ଜା କାପେ ମାନାତିଙ୍ଗ୍‌ତାନା । ୧୨ ଆଇଙ୍ଗ୍ ନେ ଅତେରେୟାଃ କାଜିଙ୍ଗ୍ କାଜିୟାଦପେରେ କାପେ ପାଡ଼ିୟାରେତାନା, ଏକ୍ତେ ଆଇଙ୍ଗ୍ ସିର୍ମାରେୟାଃ କାଜିଙ୍ଗ୍ କାଜିୟାପେରେ ଚିଲ୍‌କାତେପେ ପାଡ଼ିୟାରେଆ । ୧୩ ଅକ୍ତ ମାନସାହନ୍ଦ୍ ସିର୍ମାଏତେ ଆଡ଼଼ଗୁଆକାନାଏ, ଜନିଃକେ ବାରିକିଃତେ ଆଡ଼ଃ ଜେତାଏ ହୃଦ୍ ଚିଉଲ୍‌ହ ସିର୍ମାତେ କାଏ ରାକାବାକାନା ।”

୧୪ ଆଡ଼ଃ ମୁଣା ବିରୁରେ ପିତାଲ୍ ବିଙ୍ଗ୍‌କେ ଖୁଁଟାରେ ରାକାବି ଲେକା ମାନସାହନ୍ଦକେହରି ରାକାବଃ ଲାଗାତିଙ୍ଗ୍‌ୟାଃ । ୧୫ ଜନିଃରେ ବିଶ୍ୱାସତାନ୍‌କଦ୍ ଜାନାଅ ଜାନାଅରେୟାଃ ଜୀଦାନ୍‌କ ନାମେୟା ।

୧୬ ଫେନ୍ଦ୍ ପାର୍ମେଶ୍ୱାର୍ ଅତେଦିଶ୍ୱମ୍‌କେ ପୁରାଃଚି ଦୁଲ୍‌ହାଡ଼କେଦାଏ ଆଡ଼ଃ ଆୟାଃ ମିଆଁଦ୍‌ଗି ଦୁଲ୍‌ହାଡ଼କେଦ୍ ଏମ୍‌କିୟାଏ, ଜନିଃରେ ବିଶ୍ୱାସତାନ୍‌କଦ୍ କାକ୍ ଜିୟନଃଆ ଫେନ୍ଦ୍ ଜାନାଅରେୟାଃ ଜୀଦାନ୍‌କ ନାମେୟା । ୧୭ ପାର୍ମେଶ୍ୱାର୍ ଆୟାଃ ହନ୍‌କେ ଅତେଦିଶ୍ୱମ୍‌ରାଃ ବିଚାର୍ ନାଗେକ୍ତେଦ୍ କାହା, ମେନ୍ଦ୍ ଅତେଦିଶ୍ୱମ୍‌କେ ଜନିଃତେ ବାସ୍ତାଅ ନାଗେକ୍ତେ କୁଲିକିୟାଏ ।

୧୮ ଜେତାଏ ହନ୍‌ରେ ବିଶ୍ୱାସତାନ୍‌ନିଃ କାଏ ସାଜାଇୟାଃ ମେନ୍ଦ୍ କା ବିଶ୍ୱାସତାନ୍‌ନିଃ ସାଜାଇୟାକାନାଏ, ଚିୟାଃଚି ଜନିଃଦ୍ ପାର୍ମେଶ୍ୱାର୍ତାଃ ମିଆଁଦ୍‌ଗି ହନ୍‌ଆଃ ନୁହୁମ୍‌ରେ କାଏ ବିଶ୍ୱାସକାଦା । ୧୯ ଆଡ଼ଃ ଏନ୍ ବିଚାର୍ ନେଆଁଗି ତାନାଃ, ମାର୍ସାଲ୍ ଅତେଦିଶ୍ୱମ୍‌ରେ ହିଜୁଆକାନା, ମେନ୍ଦ୍ ହୃଦୟ ମାର୍ସାଲ୍ ଏତେ

* ୩:୩ ପାର୍ମେଶ୍ୱାର୍ତାଃଏତେ ଜାନାମ୍

ନୁବାଃକେ ଆଦକାକ ଦୁଲ୍ଲାଡ଼କେଦାଃ ଚିୟାଃଚି ଇନ୍କୁଆଃ କାମିକଦ ଏଡ଼କାନାଃ ତାନାଃ । ୨୦ ଏଡ଼କାନ୍ କାମିତାନ୍କଦ ମାର୍ଯାଲ୍ଲକେ କାକ ଦୁଲ୍ଲାଡ଼ାଃ, ଆତଃ ମାର୍ଯାଲ୍ଲତାଃତେ କାକ ହିଜୁଃଆ, ଚିୟାଃଚି ଇନ୍କୁଆଃ ଏଡ଼କାନ୍ କାମି ମାର୍ଯାଲ୍ଲରେ ଉଦୁବଃକା ମେନ୍ତେ ଇନ୍କୁ କାକ ସାନାଙ୍ଗୁଆଃ । ୨୧ ମେନ୍ଦ୍ ଜେତାଏ ସାର୍ଡ଼ତି କାମି କାମିୟାଏ, ଇନିଃ କାମିକାଦ୍ତେୟାଃକ ଜେଲେକା ପାର୍ମେଶ୍ଵାର୍ଆଃ ସାନାଙ୍ଗଲେକା କାମିକେଦାଏ ମେନ୍ତେ ଉଦୁବଃକା, ଏନାମେନ୍ତେ ଇନିଃ ମାର୍ଯାଲ୍ଲତାଃଏ ହିଜୁଃଆ ।

ୟୀଶୁ ଆତଃ ଯୋହାନ୍

୨୨ ନେଆଁ ତାୟମ୍ତେ, ଯୀଶୁ ଆତଃ ଆୟାଃ ଚେଲ୍ଲାକ ଯିହୁଦା ଦିଶ୍ଵମ୍ତେକ ସେନଃୟାନା ଆତଃ ଇନିଃ ଇନ୍କୁଲ୍ଲଃ ଏନ୍ତାଃରେ ତାଇନ୍ୟାନ୍ତେ ବାପ୍ତିସ୍ମାକତାନ୍ ତାଇକେନାଏ । ୨୩ ଆତଃ ଯୋହାନ୍ହଁ ସାଲିମ୍ ଜାପାଃ ଏନନ୍ରେ ବାପ୍ତିସ୍ମାକତାନ୍ ତାଇକେନାଏ, ଚିୟାଃଚି ଏନ୍ତାଃରେଦ ପୁରାଃଚି ଦାଆଃ ତାଇକେନା, ଆତଃ ହଡ଼କ ବାପ୍ତିସ୍ମାଆଃ ନାଗେନ୍ତେ ହିଜୁଃତାଇକେନାକ । ୨୪ *ଯୋହାନ୍ଦ୍ ଇମ୍ତାଙ୍ଗୁ ଜାକେଦ୍ କାଏ ଜେହେଲ୍ଲକାନ୍ଦ୍ ତାଇକେନା ।

୨୫ ଏନ୍ତେ ଯୋହାନ୍ଆଃ ଚିମିନ୍ ଚେଲ୍ଲାକ ଆତଃ ମିଆଁଦ୍ ଯିହୁଦୀ, ଫାର୍ଡ଼ିଅଃରେୟା ବିଷାଏରେ କୁପୁଲ୍ଲିୟାନାକ । ୨୬ ଇନ୍କୁ ଯୋହାନ୍ତାଃତେ ହିଜୁଃୟାନ୍ତେ କାଜିକିୟା, “ହେ ଗୁରୁ” ଯାର୍ଦୀନ୍ ହାନ୍ ପାରମ୍ ଆମାଃଲ୍ଲଃ ତାଇକେନ୍ନିଃ, ଇନିୟାଃ ନାଗେନ୍ତେ ଆମ୍ ଗାଞ୍ଜା ଏମ୍କେଦାଃ, ନେଲିମେ ଇନିଃ ବାପ୍ତିସ୍ମାକତାନାଏ, ଆତଃ ସବେନ୍କ ଇନିଃତାଃ ସେନଃତାନାକ ।

୨୭ ଯୋହାନ୍ କାଜିରୁହାଡ଼ାଦ୍କଆଏ, “ସିମ୍ପାଃଏତେ କା ଏମ୍ତରେଦ୍ ହଡ଼ ଜେଡ଼ନାଃ କାଏ ନାମ୍ଦାଡ଼ିୟାଃ । ୨୮ *ଆଇଙ୍ଗୁଦ୍ ମାସି ନାହାଲିଙ୍ଗୁ ମେନ୍ଦ୍ ଇନିୟାଃ ଆୟାଃରେ କୁଲ୍ଲକାନାଈଙ୍ଗୁ” ମେନ୍ଦ୍କେଦାଃଏ, ଏନାରେୟାଃ ଗାଞ୍ଜା ଆପେଗି ତାନ୍ଦେ । ୨୯ ଜେତାଏ ଆଣ୍ଡିୟନିଃଦ୍ ଦୁଲ୍ଲକଡ଼ାରାଃ ତାନିଃ, ମେନ୍ଦ୍ ଦୁଲ୍ଲତାଃ ଡିଙ୍ଗୁକେଦ୍ତେ ଇନିୟାଃ କାଜି ଆୟୁମ୍ତାନ୍ ଗାଡ଼ି ଦୁଲ୍ଲାରାଃ କାଜିତେ ପୁରାଃଚି ରାସ୍କାଆଃଆ । ଏନାତେ ଆଇଁୟାଃ ନେ ରାସ୍କାଦ୍ ନାମ୍ତାବାୟାନା । ୩୦ ଇନିଃକେ ମାରାଙ୍ଗୁ ହବ୍ ଲାଗାଡ଼ିଙ୍ଗୁୟାଃ ମେନ୍ଦ୍ ଆଇଙ୍ଗୁକେ ହୁଡ଼ିଙ୍ଗୁଆଃ ଲାଗାଡ଼ିଙ୍ଗୁୟାଃ ।”

ସିମ୍ପା ଏତେ ହିଜୁଃନିଃ

୩୧ ଚେତାନ୍ଏତେ ହିଜୁଃନିଃ ସବେନ୍କଏତେ ମାରାଙ୍ଗୁଆଁଏଃ । ଅତେସାଃଏତେ ହିଜୁଃନିଃ ଅତେରେନ୍ନିଃ ତାନିଃ ଆତଃ ଅତେସାଃଏତେ କାଜିୟାଏ ମେନ୍ଦ୍ ସିମ୍ପାସାଃଏତେ ହିଜୁଃନିଃ ସବେନ୍କଏତେ ମାରାଙ୍ଗୁଆଁଏଃ । ୩୨ ଇନିଃ ନେଲ୍ଲକାଦ୍ ଆତଃ ଆୟୁମାକାଦ୍ ତେୟାଃରାଃ ଗାଞ୍ଜା ଡେରେଃକେଦା ମେନ୍ଦ୍ ଇନିୟାଃ ଗାଞ୍ଜା ଜେତାଏ କାକ ମାନାଡ଼ିଙ୍ଗୁକେଦା । ୩୩ ମେନ୍ଦ୍ ଇନିୟାଃ ଗାଞ୍ଜା ଅକଏ ମାନାଡ଼ିଙ୍ଗୁନିଃ, ପାର୍ମେଶ୍ଵାର୍ ସାର୍ଡ଼ତିଗିୟାଏ ମେନ୍ତେ ଏନ୍ କାଜିରେ ମୋହରୁକାଦାଏ† । ୩୪ ପାର୍ମେଶ୍ଵାର୍ତାଃଏତେ କୁଲ୍ଲକାନ୍ନିଃଦ୍ ପାର୍ମେଶ୍ଵାର୍ଆଃ କାଜି କାଜିୟାଏ, ଚିୟାଃଚି ପାର୍ମେଶ୍ଵାର୍ଦ୍ ଇନିଃକେ ଆୟାଃ ଆମ୍ ପୁରାଃଚି ଏମିୟା । ୩୫ *ଆପୁଦ୍ ଆୟାଃ ହନ୍କେ ଦୁଲ୍ଲାଡ଼ାଃଏ ଆତଃ ସବେନାଃ ଇନିୟାଃ ତିଃଲରେ ଏମ୍ତରାକାଦାଏ । ୩୬ ହନ୍ରେ ବିଶ୍ଵାସ୍ତାନିୟାଃ ଜାନାଅଜୀଦାନ୍ ମେନାଃ, ମେନ୍ଦ୍ ହନ୍କେ କାଏ ଦାରମ୍ତାନିଃ ଜୀଦାନ୍ କାଏ ନେଲେୟା, ଚିୟାଃଚି ପାର୍ମେଶ୍ଵାର୍ଆଃ ଏନେସେଦ୍‡ ଇନିଃରେ ତାଇନ୍ତାନା ।



ୟୀଶୁ ଆତଃ ଶମିରୋନ୍ରେନ୍ କୁଡ଼ି

୯ ଫାରୁଶୀକ, ଯୀଶୁ ଯୋହାନ୍ ଏତେ ଆଦକା ଚେଲ୍ଲାକେଦ୍ତେ ବାପ୍ତିସ୍ମାକତାନାଏ ମେନ୍ତେକ୍ ଆୟୁମ୍କେଦା ନେଆଁ ଯୀଶୁ ଆବ୍କାର୍କେଦାଏ । ୨ ଯୀଶୁ ଆୟାଃତେଗି କାଏ ବାପ୍ତିସ୍ମାକ ତାଇକେନା ମେନ୍ଦ୍ ଇନିୟାଃ ଚେଲ୍ଲାକ ବାପ୍ତିସ୍ମା ଏମାକତାନ୍ ତାଇକେନାକ । ୩ ନେ ସବେନାଃ ଆବ୍କାର୍କେଦ୍ଚି ଇନିଃ ଯିହୁଦା ଦିଶ୍ଵମ୍ ବାଗିକେଦାଏ ଆତଃ ଗାଲିଲ୍ତେ ସେନ୍ରୁହାଡ଼ିୟାନାଏ । ୪ ଆତଃ ଇନିଃକେ ଶମିରୋନ୍ ଦିଶ୍ଵମ୍ ଆଲା ଆଲାତେ ସେନଃ ଲାଗାଡ଼ିଙ୍ଗୁ ତାଇକେନା ।

୫ ଏନ୍ତେ ଯୀଶୁ ଶମିରୋନ୍ରେଆଃ ଶିଖର୍ ନୁତୁମ୍ ମିଆଁଦ୍ ହାତୁତେ ସେଟେରୁୟାନାଏ, ଏନା ଯାକୁଦ୍ ଆୟାଃ ହନ୍ ଯୋଷେଫ୍କେ ଏମାକାଲ୍ ଅତେ ଜାପାଃରେ ତାଇକେନା । ୬ ଏନ୍ତାଃରେ ଯାକୁଦ୍ଆଃ କୁଆଁ

* ୩:୨୪ ୩:୨୪ ମାଥୁର୍ ୧୪:୩; ମାର୍କ ୬:୧୭; ଲୁକ ୩:୧୯,୨୦. † ୩:୨୮ ୩:୨୮ ଯୋହାନ୍ ୧:୨୦. ‡ ୩:୩୩ ୩:୩୩ ମୋହରୁକାଦାଏ ପକ୍ତାସାବୁଡ଼
* ୩:୩୫ ୩:୩୫ ମାଥୁର୍ ୧୧:୨୭; ଲୁକ ୧୦:୨୨. ‡ ୩:୩୬ 3:36 ଖୁଦ୍

ତାଙ୍କେନା, ଆତ୍ମା ଯୀଶୁ ହରା ସେସେନ୍ତେ ଲାଗାୟାନ୍ତେ, କୁଆଁତାଠରେ ଦୁର୍ଦ୍ଦୟାନ୍ୟ । ଇମ୍ତାଦ ତିକିନ୍ଦିକି ତାଙ୍କେନା ।

୭ ଏନ୍ତେ ମିଆଁଦ ଶମିରୋନ୍ରେନ୍ କୁଡ଼ି ଦାଆଃ ବୁରାଃତେ ହିଜୁଃୟାନ୍ୟ, ଆତ୍ମା ଯୀଶୁ ଇନିଃକେ କାଜିକିୟାଏ, “ନୁଁଏ ଦାଆଃ ଏମାଲଜ୍ଜାମେ ।” ି ଇମ୍ତାଜ୍ଜା ଇନିୟାଃ ତେଲକଦ ଜମେୟାଃ କିରିଜ୍ଜାତେ ସାହାରତେ ସେନାକାନ୍ ତାଙ୍କେନାକ ।

୯ ଏନ୍ କୁଡ଼ି ଯୀଶୁକେ କାଜିକିୟାଏ, “ଆମ୍ ଯିହୁଦୀ ତାନମେ ଆତ୍ମା ଆଇଜ୍ଜା ଶମିରୋନ୍ରେନ୍ ତାନିଜ୍ଜା, ଆମ୍ ତିଲକାତେ ନୁଁଏ ଦାଆଃ ଆସି ଦାଡ଼ିତାନାମ୍ ?” ତିୟାଃତି ଯୀହୁଦିକଦ ଶମିରୋନ୍ କଲଃ କାକ ମେସାଆଃ ତାଙ୍କେନା ।

୧୦ ଯୀଶୁ କାଜିରୁହାଡ଼କିୟାଏ, “ଆମ୍ ପାର୍ମେଶ୍ୱାର୍ ଆଃ ଏନେମ୍ତେୟାଃ ଆତ୍ମା ଦାଆଃ ଆସିନିଃ ଅକଏ ତାନିଃ, ଏନାମ୍ ସାରିରେଦ, ଆମ୍ ଇନିଃକେ ଆସିତେୟାଃ ଆତ୍ମା ଇନିଃ ଆମ୍ବେ ଜାନିଦ୍ ଦାଆଃ ଏମାମ୍ତେୟାଃ ।”

୧୧ ଏନ୍ କୁଡ଼ି କାଜିକିୟାଏ, “ଗମ୍ବେ, ଆମାଃତାଃରେ ବୁରାଃତେଆଃଦ ବାନଆଃ ଆତ୍ମା କୁଆଁଦ ଇକିରା* , ଏନ୍ ଜାନିଦ୍ ଦାଆଃ କତାଃଏତେମ୍ ନାମେୟା ? ୧୨ ତିୟାଃ ଆମ୍ ଆଲେୟାଃ ଆପୁ ଯାକୁଦ୍ ଏତେ ମାରାଜ୍ଜାଆମ୍ ? ଇନିଃ ନେ କୁଆଁ ଏମାଦଲେୟାଏ ଆତ୍ମା ଏନାଏତେ ଆଇଃକହରି ନୁଁକେଦାଏଃ, ଏନ୍ଲେକା ଇନିୟାଃ ହନ୍ହଦନ୍ଦକ ଆତ୍ମା ଇନିୟାଃ ଉରିଃକ୍, ମେରମ୍ବକହୁଁ ନୁଁକେଦାଃକ ।”

୧୩ ଯୀଶୁ ଇନିଃକେ କାଜିରୁହାଡ଼କିୟାଏ, “ନେ ଦାଆଃ ନୁଁଏନିଃକେ ତେତାଜ୍ଜା ରୁହାଡ଼ିଆ, ୧୪ ମେନ୍ଦ ଦାଆଜ୍ଜା ଏମାଲ ଦାଆଃ ନୁଁଏ ହଡ଼ ତିଉଲହ କାଏ ତେତାଜ୍ଜାଆଃ ଆତ୍ମା ଆଇଜ୍ଜା ଏମାଲ ଦାଆଃ ଇନିଃକେ ଜାନାଆ ଜାଦାନ୍ ଜାକେଦ୍ ଲିଜିୟାଆ ଦାଆଃରେୟାଃ କୁଆଁଦାଆଃ ବାଲୟାଆ ।”

୧୫ ଏନ୍ କୁଡ଼ି କାଜିକିୟାଏ, “ ‘ହେ ଗମ୍ବେ,’ ଆଇଜ୍ଜାକେ ଏନ୍ ଦାଆଃ ଏମାଲଜ୍ଜାମେ, ଜେଲେକାତି ଆଇଜ୍ଜା ଆଲକାଲଜ୍ଜା ତେତାଜ୍ଜାକ୍କାଃ, ଆତ୍ମା ଦାଆଃ ବୁରାଃନାଜ୍ଜା ନେତାଃତେ ଆଲକାଲଜ୍ଜା ହିଜୁଃକା ।”

୧୬ ଯୀଶୁ ଇନିଃକେ ମେନ୍ଦକିୟାଏ, “କୁ ଆମାଃ କଡ଼ାକେ କେଡ଼ାଇମେ,” ଆତ୍ମା “ନେତାଃ ହିଜୁଃବେନ୍ ।”

୧୭ ଏନ୍ କୁଡ଼ି ମେନ୍ଦରୁହାଡ଼ାଇୟାଏ, “ଆଇୟାଃ କଡ଼ା ବାଜାଲୟାଃ ।” ଯୀଶୁ ମେନ୍ଦରୁହାଡ଼ାଇୟାଏ, “ଆଇୟାଃ କଡ଼ା ବାଜାଲୟାଃ ମେନ୍ତେ ବୁଗିନାମ୍ କାଜିକେଦା, ୧୮ ଆମ୍ବ ମଶୋୟାତାଃ ଅଡ଼ାୟାନାମ୍ ଆତ୍ମା ଆମାଃଲଃ ନାହାଁଃ ତାଜ୍ଜାନ୍ତାନିଃ ଆମାଃ କଡ଼ା ନାହାଁଲିଃ, ନେଆଁ ଆମ୍ ସାର୍ତ୍ତିଗି କାଜିୟାକାଦାମ୍ ।”

୧୯ ଏନ୍ କୁଡ଼ି ମେନ୍ଦକିୟାଏ, “ହେ ଗମ୍ବେ, ଆମ୍ ନାବୀ ତାନମେ, ନେଆଁ ଆଇଜ୍ଜା ନେଲ୍ଦାଡ଼ିତାନା ।

୨୦ “ଆଲେୟାଃ ହାଡ଼ାମ୍ ହଡ଼କ ନେ ବୁରୁରେ ପାର୍ମେଶ୍ୱାର୍ ଆଃକେ ସେଝା କେଦାଃ ମେନ୍ଦ ଦାଆପେ ଯିହୁଦୀକ ମେନେତାନା, ଅକନ୍ ଜାଗାରେ ପାର୍ମେଶ୍ୱାର୍ ଆଃକେ ସେଝା ଲାଗାଡ଼ିକ୍କାୟାଃ ଏନା ଯୀରୁଶାଲେମ୍ରେ ମେନାଃ ।”

୨୧ ଯୀଶୁ ଇନିଃକେ କାଜିକିୟାଏ, “ଏ କୁଡ଼ି କାଜିତାଇୟାଃ ପାଡ଼ିୟାରେମ୍, ଏନ୍ ଦିପିଲି ହିଜୁଃଆ ଅକ ଦିପିଲିରେ ଆପେ ନେ ବୁରୁରେ ତି ଯୀରୁଶାଲେମ୍ରେହୁଁ ଆପୁଆଃ କାପେ ସେଝା ରିକାଗିଆ ।

୨୨ ଆପେ ଶମିରୋନ୍ରେନ୍ଦକ କା ସାରିନିଃକେପେ ସେଝାଜତାନା; ଆଲେ ଯିହୁଦୀକ ସାରିତାନିଃକେ ସେଝାଜତାନାଲେ, ତିୟାଃତି ଜାଉବାସ୍ତାଅନିଃ ଯୀହୁଦିକଏତେ ହିଜୁଃତାନା । ୨୩ ମେନ୍ଦ ଦିପିଲି ହିଜୁଃଆ ଆତ୍ମା ନାହାଁଃ ସେଟେରାକାନା, ଏନାରେ ସାର୍ତ୍ତି ସେଝାଇନିଃକେ ଆମ୍ ଆତ୍ମା ସାନାର୍ତ୍ତିତେ ଆପୁକେକ ସେଝାଜୟା, ଆପୁଦ ନେ ଲେକାନ୍ ସେଝାଜତାନ୍ଦକେ ନାମ୍ତାନା । ୨୪ ପାର୍ମେଶ୍ୱାର୍ ଆମ୍ ତାନିଃ ଆତ୍ମା ଇନିଃକେ ସେଝାଜତାନ୍ଦକ ଆମ୍ବାରାଃ ପେଡ଼େଃତେ ଏସ୍କାର୍ ଆତ୍ମା ସାନାର୍ତ୍ତିତେ ସେଝାଜ ଲାଗାଡ଼ିକ୍କାୟାଃ ।”

୨୫ ଏନ୍ କୁଡ଼ି ଇନିଃକେ ମେତାଇୟାଏ, “ଶ୍ରୀଷ୍ଟ ନୁଡୁମ୍ତାନ୍ଦ ମାସି ହିଜୁଆଃଏ, ଏନାଜ୍ଜା ସାରିତାନା, ଇନିଃ ହିଜୁଃକେଦ୍ତେ ସବେନାଃଏ ଉଦୁବାଲେୟା ।”

୨୬ ଯୀଶୁ ମେତାଇୟାଏ, “ଆଇଜ୍ଜା ଇନିଃ ତାନିଜ୍ଜା, ଅକଏତି ଆମାଃଲଃ ଜାଗାର୍ତ୍ତାନାଏ ।”

୨୭ ଆତ୍ମା ଏନ୍ ଦିପିଲିରେ ଇନିୟାଃ ତେଲକା ହିଜୁଃୟାନ୍ ଆତ୍ମା ଇନିଃ ମିଆଁଦ୍ କୁଡ଼ିଲଃ ଜାଗାର୍ତ୍ତାନା ନେଲ୍ଦକେଦ୍ତେ ହାଏକାର୍ଯ୍ୟାନାକ । ଏନ୍ରେହ ଜେତାଏ ଆମ୍ ତିକ୍ନାଃମ୍ ସାନାଜ୍ଜାତାନା ତାଏ ନିଃଲଃ ତିନାଃ ମେନ୍ତେମ୍ ଜାଗାର୍ତ୍ତାନା ମେନ୍ତେ ଜେତାଏ କାକ କୁଲିକିୟା ।

୨୮ ଏନ୍ତେ ଏନ୍ କୁଡ଼ି ଆୟାଃ ଚାଡୁ ବାଗିଡୁକାକେଦ୍ତେ, ହାଡୁତେ ସେନୟାନ୍ୟ ଆତ୍ମା ଏନ୍ତାଃରେ ହଡ଼କକେ କାଜିୟାଦ୍ଦକାଏ, ୨୯ “ଏଲା ମିଆଁଦ୍ ହଡ଼ ନେଲିପେ, ଇନିଃ ଆଇଜ୍ଜା କାମିକାଦ୍ ସବେନାଃ

* ୪:୧୧ ୪:୧୧ ଇକିରା ଗାଡ଼ାଗିଆଃ

ଆଇଙ୍ଗକେ ଉଦୁବାଦିଇୟାଁ, ଇଦୁ ଇନିଃ ମାସି ତାନିଃ ଚି କାହା ?” ୩୦ ଇନୁ ସାହାର୍‌ଏତେ ଅତଙ୍ଗୟାନ୍‌ତେ ଇନିଃତାଃତେକ ହିଜୁଃୟାନା ।

୩୧ ଏନ୍ତେ ଇନିୟାଃ ଚେଲାଇ ବିନ୍ତିକେଦ୍‌ତେ କାଜିକିୟାଃକ, “ହେ ଗୁରୁ, ଜେତ୍‌ନାଃ କାଚିକାନ୍ ଜମେମେ ।”

୩୨ ମେନ୍‌ଦ୍ ଯୀଶୁ ଇନକୁକେ କାଜିୟାଦ୍‌କଆଏ, “ଆପେ ଅକ ଜଜମ୍ ବିଷାଏରେ କାପେ ସାରିଆଃ, ଏନ୍ ଜମେୟାଃ ଆଇୟାଃତାଃରେୟା ।”

୩୩ ଏନ୍ତେ ଚେଲାଇ ଆକ ଆକରେ ମେପେନ୍‌ୟାନାକ, “ଜେତାଏ ମିହୁଡ୍, ଇନିଃକେ ଜମେୟାଁ ଆରଞ୍ଜାକାୟାଏ ?”

୩୪ ଯୀଶୁ ଇନକୁକେ କାଜିକେଦ୍‌କଆଏ, “ଆଇଙ୍ଗକେ କୁଲ୍‌କାନ୍‌ନିୟାଃ ମନେଲେକା ସେସେନ୍ ଆତଃ ଇନିଃ ଆଇଙ୍ଗକେ ଏମାକାଇଙ୍ଗ୍ କାମି ଚାବାଏତେୟାଃ ଆଇୟାଃ ଜମେୟାଁ ତାନାଃ । ୩୫ ଚିୟାଃ ଆପେ ଚାର୍ ମାହିଁ ନା ତାୟମ୍‌ତେ ଇରୋଃ ତେବାଗାଃ ମେନ୍ତେ କାପେ କାଜିତାନା ? ହେରାକାନ୍ ପିଡିକେ ଆରିଦ୍‌ରାକାବେପେ ଏନା ଇରୋଃ ନାଗେନ୍ତେ ବିଲି ଚାବାକାନା ନେଆଁ ଆଇଙ୍ଗ୍ କାଜିୟାପେତାନା ।

୩୬ ନାହିଁଃ ଜାକେଦ୍ ଇରୋଃନିଃ ନାଲ୍ ନାମତାନାଏ, ଆତଃ ଜାନାଅ ଜୀଦାନ୍ ନାଗେନ୍ତେ ଜ’ଆଏ ହୁଣ୍ଡିତାନା, ଜେ’ଲେକା ଏନାତେ ହେରଃନିଃ ଆତଃ ଇରୋଃନିଃ ବାରାନ୍‌କିନ୍ ମିଦ୍‌ତେକିନ୍ ରାସକାଅଃଆ । ୩୭ ମିଆଁଦ୍ ହଡ୍ ହେରେତାନାଏ ଆତଃ ଏଚାଃନିଃ ଇରେତାନାଏ, ନେ କାଜିଦ୍ ସାର୍‌ଡିଗିଆଃ । ୩୮ ଆପେ କାପେ କାମିୟାକାଦ୍‌ତେୟାଃ ଇରେ ନାଗେନ୍ତେଇଙ୍ଗ୍ କୁଲ୍‌କେଦ୍‌ପେୟା । ଏଚାଃକ କାମିୟାକାଦାଃ ଆତଃ ଆପେ ଇନକୁଆଃ କାମିରେ ଆଦାଏପେ ନାମାକାଦା ।”

୩୯ ଆତଃ ଏନ୍ ସାହାର୍‌ରେନ୍ ଶମିରୋନିକଏତେ ପୁରାଃ ହଡ୍‌କ ଯୀଶୁରେକ ବିଶ୍ୱାସକେଦାଃ, ଚିୟାଃଚି ଏନ୍ କୁଡିଦ୍ “ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗକେ ଉଦୁବାଦିଇୟାଁ” ମେନ୍ତେ ଗାଞ୍ଜା ଏମ୍‌କେଦାଏ । ୪୦ ଏନାମେନ୍ତେ ଶମିରୋନିରେନ୍ ଇନିଃତାଃ ହିଜୁଃଲେନ୍ତେ ଆମ୍ ଆଲେଲଃ ତାଇନ୍‌ମେ ମେନ୍ତେକ ବିନ୍ତିକିୟାଃ ଆତଃ ଇନିଃ ଏନ୍ତାଃରେ ବାର୍‌ସିଙ୍ଗ୍ ତାଇନ୍‌ୟାନାଏ ।

୪୧ ଆତଃ ଇନିୟାଃ କାଜି ନାଗେନ୍ତେ ଆଦ୍‌କା ହଡ୍‌କ ବିଶ୍ୱାସକେଦାଃ । ୪୨ ଆତଃ ଇନକୁ ଏନ୍ କୁଡିକେ କାଜିକିୟାଃକ, “ନାହିଁଃଦ୍ ଆମାଃ କାଜି ନାଗେନ୍ତେ କାଲେ ବିଶ୍ୱାସତାନା, ଚିୟାଃଚି ଆଲେଦ୍ ନାହିଁଃ ଆୟୁମାକାଦାଲେ ଆତଃ ନିଃ ସାର୍‌ଡିଗି ଅତେଦିଶୁମରାଃ ଜୀରବାଞ୍ଚାଅନିଃ ତାନିଃ ନେଆଁଲେ ସାରିତାନା ।”

ୟୀଶୁ ମିଆଁଦ୍ ଗମ୍‌କେୟାଃ କଡାହନ୍‌କେ ବୁଗିକିୟାଏ

୪୩ ଆତଃ ବାର୍‌ସିଙ୍ଗ୍ ତାୟମ୍‌ତେ ଯୀଶୁ ଏନ୍ତାଃଏତେ ଅତଙ୍ଗୟାନ୍‌ତେ ଗାଲିଲ୍‌ତେ ସେନଃୟାନାଏ । ୪୪ ଯୀଶୁ ଆୟାଃତେଗି ଗାଞ୍ଜା ଏମ୍‌କେଦାଏ, “ନାବୀ ଆୟାଃ ଦିଶୁମ୍‌ରେ କାଏ ମାଲନଃଆ ।” ୪୫ ଇନିଃ ଗାଲିଲ୍‌ତେ ତେବାଃୟାନ୍‌ଚି, ଗାଲିଲ୍‌ରେନ୍‌କ ଇନିଃକେ ଦାରମ୍‌କିୟାଃ । ଇନକୁଦ୍ ଯୀରୁଶାଲେମ୍‌ରେଆଃ ପାରାଦ୍ ପିପିଲିରେ ଇନିଃ କାମିକେଦ୍ ସବେନାଃ ନେଲ୍‌କାଦ୍‌କ ତାଇକେନା, ଚିୟାଃଚି ଇନକୁହ ପାରାଦ୍‌ତେକ ସେନ୍‌କେନା ।

୪୬ ଯୀଶୁ ଆତଃଗି ଗାଲିଲ୍‌ରେୟାଃ କାନା ହାଡୁରେ ତେବାଃୟାନା, ଏନ୍ତାଃରେଦ୍ ଇନିଃ ଦାଆଃକେ ଦାଖାରାସି ବାଇୟାକାଦ୍ ତାଇକେନାଏ । ଆତଃ ଏନ୍ତାଃରେ ମିଆଁଦ୍ ଗମ୍‌କେ’ ତାଇକେନାଏ, ଇନିୟାଃ ହନ୍ କପର୍‌ନାହୁମ୍ ସାହାର୍‌ରେ ଦୁକୁତାନ୍ ତାଇକେନାଏ । ୪୭ ଆତଃ ଯୀଶୁ ଯିହୁଦା ଏତେ ଗାଲିଲ୍‌ତେ ହିଜୁଆକାନାଏ ମେନ୍ତେ ଇନିଃ ଆୟୁମ୍‌କେଦ୍‌ଚି ଇନିଃତାଃତେ ସେନଃୟାନାଏ, ଆତଃ ଆମ୍ ହିଜୁଃକେଦ୍‌ତେ ଆଇୟାଃ ହନ୍‌କେ ବୁଗିମେ ମେନ୍ତେ ବିନ୍ତିକିୟାଏ, ଚିୟାଃଚି ଇନିଃଦ୍ ଗଜଃଲେକାନ୍ ତାଇକେନାଏ ।

୪୮ ଯୀଶୁ ଇନିଃକେ କାଜିକିୟାଏ, “ଆପେ ଚିହ୍ନାଁ ଆତଃ ଆକ୍‌ଦାୟାଅ କାମି କାପେ ନେଲେରେଦ୍ କାପେ ବିଶ୍ୱାସେଆ ।”

୪୯ ଏନ୍ ଗମ୍‌କେ ମେତାଇୟାଏ, “ହେ ଗୁରୁ, ଆଇୟାଃ ହନ୍ ଗଜଃ ସିଦାରେ ହିଜୁଃମେ ।”

୫୦ ଯୀଶୁ ଇନିଃକେ ମେନ୍‌ରୁହାଡାୟାଏ, “ଜୁ, ସେନଃମେ, ଆମାଃ ହନ୍ ଜୀହୁଦଃଆଏ ।”

ଏନ୍ ହଡ୍ ଯୀଶୁ କାଜିକାଲ୍ କାଜିରେ ବିଶ୍ୱାସକେଦ୍‌ତେ ସେନଃୟାନାଏ । ୫୧ ଆତଃ ଇନିଃ ସେନଃତାନ୍ ତାଇକେନ୍‌ରେ ଇନିୟାଃ ଦାସିକ ଇନିଃକେ ସେନ୍‌ଦାରମ୍‌କିୟାଃକ ଆତଃ “ହନ୍‌ତାମାଃ ଜୀହୁଦ୍‌ୟାନାଏ” ମେନ୍ତେକ ଉଦୁବ୍‌କିୟା ।

୫ ୪:୪୪ ୪:୪୪ ମାଥୁର ୧୩:୫୭; ମାର୍କ ୭:୪; ଲୁକ ୪:୨୪. ୫ ୪:୪୫ ୪:୪୫ ଯୋହାନ୍ ୨:୨୩. ୬ ୪:୪୬ ୪:୪୬ ଯୋହାନ୍ ୨:୧-୧୧. ୭ ୪:୪୭ ୪:୪୭ ଗମ୍‌କେ ମାରାଙ୍ଗ୍ ହଡ୍

^{୫୭} ଏଣେ ଜନିଃ ଅକ ଦିପିଲିରେ ବୁଗି ଏଟେଦୟାନାଏ ମେଣ୍ଡେ ଇନ୍କୁକେ କୁଲିକେଦକଥାଏ । ଆତଃ ଇନ୍କୁ ହଲା ହୁଡ଼ିଙ୍ଗ ସିଙ୍ଗି ମିଦ ଘାଣ୍ଟାରେ ଇନିୟାଃ ଉରିୟୁ ବାଗିକିୟାଏ ମେଣ୍ଡେ ଇନ୍କୁ କାଜିକିୟାଃକ । ^{୫୮} ଆତଃ ହନ୍ତାମାଃ ଜୀହୁଦଃଥାଏ ମେଣ୍ଡେ ଯୀଶୁ କାଜିୟାଈ ଦିପିଲିରେଗି ନେକାୟାନା ଏନା ଆପୁତେ ଆଟ୍ଟକାରୁକେଦାଏ, ଏଣ୍ଡେ ଜନିଃ ଆତଃ ଇନିୟାଃ ଅଡ଼ାଃରେନ୍ଦକ ଯୀଶୁରେକ ବିଶ୍ୱାସକେଦାଃ । ^{୫୯} ଯୀଶୁ ଯିହୁଦାଏତେ ଗାଲିଲ୍ରେ ହିଜୁଃୟାଣ୍ଡେ ନେଆଁ ବାଝାଏତେ ପେଡ଼େୟାନ୍ କାମି କାମିକେଦାଏ ।

୫

ୟୀଶୁ ବାନ୍ଦାତାଃରେ ମିଆଁଦ୍ ହାସୁତାନ୍ନିଃକେ ବୁଗିକିୟାଏ

^୧ ନେଆଁ ତାୟମତେ, ଯୀଶୁ ଯୀରୁଶାଲେମ୍ତେ ସେନଃୟାନାଏ, ତିୟାଃତି ଯିହୁଦୀକଥାଃ ପାରାବ୍ ତାଇକେନା । ^୨ ଯୀରୁଶାଲେମ୍ତାଃ ମିଶ୍ଟି ଦୁଆର୍ ଜାପାଃରେ ମିଆଁଦ୍ ବାନ୍ଦା ମେନାଃ, ଏବୁ କାଜିତେ ଏନାଦ ବେଥେସଦା ନୁହୁମତାନା । ଏନ୍ ବାନ୍ଦାରେ ମେଣ୍ଡେୟାଁ ପିଣ୍ଡୁଗି ତାଇକେନା । ^୩ ଏଣ୍ଡାଃରେ ପୁରାଃ ଦୁକୁତାନ୍କ, କାଣାଁକ, ଛୁଟାକ ଆତଃ ରହଡ଼ାକାନ୍ଦକ ବାଟିଆକାନ୍ କେଦା ତାଇକେନାକ । ଇନ୍କୁଦ ଦାଆଃ ହେଲତେଆଃ ନେଲ୍ହରାତାଇକେନାକ । ^୪ ତିୟାଃତି ମିସା ମିସାଦ ମିଆଁଦ୍ ଦୁଡ୍ ବାନ୍ଦାରେ ଆଡ଼ଗୁକେଦତେ ଦାଆଃ ହେଲତାଇକେନାଏ ଆତଃ ଦାଆଃ ହେଲୟାନ୍ ତାୟମତେ, ଅକଏ ସିଦାତେ ଏନାରେ ଆଡ଼ଗୁୟାନ୍ନିଃ ଇନିୟାଃ ସବେନ୍ ଦୁକୁଏତେ ବୁଗିଅଃତାନ୍ ତାଇକେନାଏ । ^୫ ଏଣ୍ଡାଃରେ ମିଆଁଦ୍ ହଡ୍ ତାଇକେନାଏ, ଇନିଃ ହିସିଗେଲ୍* ଇରାଲିୟା† ବାରାଷ୍ଏତେ ହାସୁତାନାଏ ତାଇକେନା । ^୬ ଯୀଶୁ ଇନିଃକେ ବାଟିଆକାନ୍ ନେଲ୍କିୟାଏ ଆତଃ ଏନ୍ଲେକା ପୁରାଃ ମାହାଁ ହେତେ ମେନାଈୟା ଏନା ଆଟ୍ଟକାରୁକେଦତେ, “ତିୟାଃ ଆମ୍ ବୁଗିଅଃ ସାନାଙ୍ଗତାନାମ୍” ମେଣ୍ଡେ କୁଲିକିୟାଏ ।

^୭ ଏନ୍ ହାସୁତାନ୍ନିଃ କାଜିରୁହାଡ଼କିୟାଏ, “ଗମ୍ବେ, ଦାଆଃ ହେଲତାନ୍ ଇମତା ବାନ୍ଦାରେ ଆଡ଼ଗୁଇଙ୍ଗିନିଃ ଜେତାଏ ବାଙ୍ଗକୁଆ ଆତଃ ଆଇଙ୍ଗ୍ ସେଟେର୍ ସିଦାରେ ଏଗାଃନିଃ ଆଡ଼ଗୁ ଆୟାରେନ୍ତାନାଏ ।”

‡ ଯୀଶୁ ଇନିଃକେ ମେତାଈୟାଏ, “ବିରିଦ୍ମେ, ପାରୁକମ୍ତାମାଃ ଗଅଃକେଦତେ ସେନଃମେ ।” ^୯ ଆତଃ ଇମତାଗି ଏନ୍ ହଡ୍ ବୁଗିୟାନାଏ ଆତଃ ଆୟାଃ ପାରୁକମ୍ ଗଅଃକେଦତେ ସେନଃୟାନାଏ । ଏନା ରୁଡ଼ନ୍ ହୁଲାଙ୍ଗ୍ ତାଇକେନା, ^{୧୦} ଏନାମେଣ୍ଡେ ଯିହୁଦୀକ ବୁଗିଆକାନ୍ ହଡ଼କେ କାଜିକିୟାଈକ, “ତିସିଙ୍ଗ୍ ରୁଡ଼ନ୍ ହୁଲାଙ୍ଗ୍ ତାନାଃ, ପାରୁକମ୍ ଗଅଃ ଆମ୍ବେ କା ଲାଗାତିଙ୍ଗ୍ୟାଈ ।”

^{୧୧} ମେନ୍ଦ୍ ଜନିଃ କାଜିରୁହାଡ଼ାଦକଥାଏ, “ଆଇଙ୍ଗ୍କେ ବୁଗିକେଦନିଃ ପାରୁକମ୍ ଗଅଃକେଦତେ ସେନଃମେ ମେତାଦିୟାଏ ।”

^{୧୨} ଏଣ୍ଡେ ଇନ୍କୁ ଇନିଃକେ କୁଲିକିୟାଈକ, “ପାରୁକମ୍ତାମାଃ ଗଅଃକେଦତେ ସେନଃମେ ମେତାଦ୍ମେ ହଡ୍ ଅକଏ ତାନିଃ ?”

^{୧୩} ମେନ୍ଦ୍ ଏନ୍ ବୁଗିଆକାନ୍ ହଡ୍ ଯୀଶୁ ଅକଏ ତାନିଃ ନେଆଁ କାଏ ସାରିତାନ୍ ତାଇକେନା, ଏଣ୍ଡାଃରେ ଗାଦେଲ୍ ହଡ଼କ ତାଇକେନ୍ ହରାତେ ଯୀଶୁଦ ଦାନାଙ୍ଗକେଦତେ ସେନଃୟାନାଏ ।

^{୧୪} ନେଆଁ ତାୟମତେ ଯୀଶୁ, ବୁଗିଆକାନ୍ ହଡ଼କେ ମାଦିର୍ ଅଡ଼ାଃରେ ନାମକିୟାଏ ଆତଃ ମେତାଈୟାଏ, “ନେଲେମେ ଆମ୍ ବୁଗିଆକାନ୍ମାମ୍, ଆତଃ ଆଲମ୍ ପାପ୍ପେଥା କା’ରେଦ୍ ନେଆଁଏତେ ଆଦ୍କା ଏଡ଼କାନ୍ ଦୁକୁରେ ଭୟଗଃଆମ୍ ।”

^{୧୫} ଏନ୍ ହଡ୍ ସେନଃୟାଣ୍ଡେ, ଆଇଙ୍ଗ୍କେ ବୁଗିକେଦ୍ ହଡ୍ ଯୀଶୁ ତାନିଃ ମେଣ୍ଡେ ଯିହୁଦୀକଥାଃ ହାକିମକେ ଉଦୁବଦକଥାଏ । ^{୧୬} ଏଣ୍ଡେ ଯୀଶୁ ନେ କାମିକେ ରୁଡ଼ନ୍ ହୁଲାଙ୍ଗ୍ରେ କାମିକେଦ୍ ମେଣ୍ଡେ ଯିହୁଦୀକ ଇନିଃକେ ସାସାତିକିୟାଈକ । ^{୧୭} ମେନ୍ଦ୍ ଯୀଶୁ ଇନ୍କୁକେ କାଜିରୁହାଡ଼ାଦକଥାଏ, “ଆପୁଇଙ୍ଗ୍ ତାଇୟାଈ ଜାନାଅ କାମିତାନାଏ ଆତଃ ଏନ୍ଲେକା ଆଇଙ୍ଗ୍ ହଗି କାମିତାନାଈକ ।”

^{୧୮} ଏଣ୍ଡେ ଯିହୁଦୀକ ଯୀଶୁକେ ପୁରାଃଗି ଗଗଏଃ ସାନାଙ୍ଗକେଦାକ, ତିୟାଃତି ଯୀଶୁ ରୁଡ଼ନ୍ ହୁଲାଙ୍ଗ୍କେ କାଏ ମାନାତିଙ୍ଗ୍କେଦାଃ, ଆତଃ ନେଆଁ ନାଗେଣ୍ଡେ ଏସକାର୍ କାହା, ମେନ୍ଦ୍ ପାରୁମେଶ୍ୱାଟ୍ଟକେ ଇନିଃ ଆୟାଃ ଆପୁ ମେନ୍ଦକେଦାଏ ଆତଃ ଆପାନ୍କେ ପାରୁମେଶ୍ୱାଟ୍ଟକ ଜକା କେଦାଏ ।

ୟୀଶୁ ଯୀହୁଦିକତାଃରେ ପାରୁମେଶ୍ୱାଟ୍ଟାଃ ହନ୍ ମେଣ୍ଡେ ଉଦୁବଃତାନା

^{୧୯} ଏଣ୍ଡେ ଯୀଶୁ କାଜିରୁହାଡ଼ାଦକଥାଏ, “ସାର୍ଡ଼ିଗି କାଜିୟାପେ ତାନାଈଙ୍ଗ୍, ହନ୍ ଆୟାଃତେ ଜେଡ଼ନାଃ କାଏ କାମିଦାଡ଼ିୟାଈ, ଆପୁକେ କାମିକେଦତେୟାଈ ନେଲ୍କିଃତେ ଏନା ଏସକାର୍ ଇନିଃ କାମିୟାଏ,

* ୫:୫ ୫:୫ ତିରିଶ୍ † ୫:୫ ୫:୫ ଆଠ୍

ଆପୁ କାମିକାଦ୍ ସବେନ୍ କାମିକ ହନ୍‌ହ ଏନାଲେକାଗି କାମିକାଦାଃଏ । ୧୦ ଚିୟାଃଚି ଆପୁଦ ହନ୍‌କେ ଦୁଲ୍‌କାଡ଼ିତାନାଏ ଆତଃ ଇନିଃ ଆୟାଃ କାମିକାଦ୍ ସବେନାଃ ଉଦୁବାଇତାନାଏ ଆତଃ ଆପେ ଚିଲ୍‌କା ହାଏକାଟଆଃ ଏନାମେନ୍ତେ ନେଆଁଏତେ ଆତଃ ମାରାଙ୍ଗ୍ କାମି ଉଦୁବାଇୟା । ୧୧ ଆପୁ ଜେ'ଲେକା ଗଜାକାନ୍‌କକେ ଜାଉବିନିଦ୍‌କେଦତେ ଜୀଦାନ୍ ଏମାଃଏ ଏନ୍‌ଲେକା ହନ୍‌ହଗି ଆୟାଃ ସାନାଙ୍ଗ୍‌ତାନ୍‌କକେ ଜୀଦାନ୍ ଏମାଃଏ । ୧୨ ଆତଃ ଆପୁଦ ଆଇଃକ୍‌ଗି ଜେତାଏକେ କାଏ ବିଚାରୁକଆ ମେନ୍‌ଦ୍ ଗଟାବିଚାର୍ ନାଗେନ୍ତେ ଇନିଃ ଆୟାଃ ହନ୍‌କେ ଏମ୍‌କିୟାଏ । ୧୩ ନେଆଁମେନ୍ତେ ସବେନ୍‌କ ଆପୁକେ ମାଈଜିତାନ୍‌ଲେକା ହନ୍‌କେହ ମାଈଜିଆକ । ହନ୍‌କେ କାଏ ମାଈଜିନିଃ କୁଲ୍‌କାଇ ଆପୁକେ ହଗି କାଏ ମାଈଜିଆଃ ।

୧୪ “ସାର୍‌ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ଆୟୁମତାନ୍ ଆତଃ ଆଇଁୟାଃ କୁଲ୍‌ନିଃରେ ବିଶ୍ୱାସ୍‌ତାନ୍ ହଡ୍ ଜାନାଅ ଜୀଦାନ୍ ନାମାକାଦାଃଏ ଆତଃ ଇନିଃ କାଏ ବିଚାର୍‌ଆଃ; ମେନ୍‌ଦ୍ ଇନିଃ ଗନ୍‌ଏଃ ଏତେ ଜୀଦାନ୍‌ରେ ପାରମ୍ ସେଟେରୁକାନାଏ । ୧୫ ସାର୍‌ତିଗି କାଜିୟାପେ ତାନାଇଙ୍ଗ୍ ଏନ୍ ଦିପିଲ୍ ହିଜୁଃଆ, ନାହାଁଃ ହଗି ହିଜୁଆକାନା, ଏନାରେ ଗଜାକାନ୍‌କ ପାର୍‌ମେଶ୍ୱାର୍‌ଆଃ ହନ୍‌ଆଃ ସାଡ଼ିକ ଆୟୁମେୟା ଆତଃ ଆୟୁମେକ ଜାହିଦଃଆ । ୧୬ ଆପୁଦ ଆୟାଃତେଗି ଜୀହିଦଃତାନ୍ ଲେକା, ହନ୍‌କେ ହଗି ଆୟାଃତେଗି ଜାହିଦଃରେୟାଃ ପେଡ଼େଃ ଏମ୍‌କିୟାଏ । ୧୭ ଆତଃ ଇନିଃ ମାନୱାହନ୍ ତାନିଃ ମେନ୍ତେ ଇନିଃକେ ବିଚାର୍‌ରେୟା ପେଡ଼େଃ ଏମାକାୟାଏ । ୧୮ ନେଆଁତେ ଆଲ୍‌ପେ ହାଏକାଟଆଃ, ଏନ୍ ଦିପିଲ୍‌ଦ ହିଜୁଃଆ ଏନାରେ ସବେନ୍ ତପାକାନ୍‌କ ଇନିୟାଃ ସାଡ଼ିକ ଆୟୁମେୟା ୧୯ ଆତଃ ଇନ୍‌କୁ ତପାକାନ୍‌ଏତେ ଅଡ଼ଙ୍ଗ୍‌ଆଁକ, ବୁଗିନ୍‌ଆଃ କାମିକାଦ୍‌କ ଜୀଦାନ୍ ନାମେ ନାଗେନ୍ତେ ଆତଃ ଏଡ଼କାନାଃ କାମିକାଦ୍‌କ ବିଚାର୍‌ରେୟାଃ ସାଜାଇ ନାମେ ନାଗେନ୍ତେ ଇନ୍‌କୁଆଃ ଜୀଉବିନିଦ୍‌ ହବାଅଃଆ ।

ୟୀଶୁଆଃ ଗାଞ୍ଜା

୨୦ “ଆଇଙ୍ଗ୍ ଆଇଁୟାଃ ପେଡ଼େଃତେ ଜେଡ଼ନାଃ କାଈଙ୍ଗ୍ କାମିଦାଡ଼ିୟାଃ, ଆଇଙ୍ଗ୍‌କେ ପାର୍‌ମେଶ୍ୱାର୍ କାଜିତାନ୍ ଲେକାଗିଇଙ୍ଗ୍ ବିଚାରେତାନା ଆତଃ ଆଇଁୟାଃ ବିଚାର୍ ସାର୍‌ତିଗିଆଃ, ଚିୟାଃଚି ଆଇଙ୍ଗ୍‌ଦ ଆଇଁୟାଃ ମନେଲେକା କାହା ମେନ୍‌ଦ୍ କୁଲ୍‌କାନ୍‌ନିୟାଃ ମନେଲେକା ସେସେନ୍ ନାଗେନ୍ତେ ସାନାଙ୍ଗ୍‌ତାନା । ୨୧ ଆଇଙ୍ଗ୍ ଆଇଁୟାଃ ଗାଞ୍ଜା କାଜିରେଦ୍ ଆଇଁୟାଃ ଗାଞ୍ଜା କା ସାର୍‌ତିଞ୍ଜାଃ । ୨୨ ଆଇଁୟାଃ ଗାଞ୍ଜା ପେରେନିଃ ଏଗାଃ ତାନିଃ ଆତଃ ଆଇଁୟାଃ ନାଗେନ୍ତେ ଇନିଃ ଏମେତାନ୍ ଗାଞ୍ଜା ସାର୍‌ତିଗିଆଃ ନେଆଁଇଙ୍ଗ୍ ଇଡୁଆନ୍‌ତାନା । ୨୩ ଆପେ ଯୋହାନ୍‌ତାଃତେ ହଡ଼କକେ କୁଲ୍‌କେଦ୍‌କଆ ଆତଃ ଇନିଃ ସାନାର୍‌ତିରେଆ ଗାଞ୍ଜା ଏମ୍‌କେଦାଃଏ । ୨୪ ଆଇଙ୍ଗ୍‌କେ ହଡ଼ସାଃଏତେ ଗାଞ୍ଜା କା ଲାଗାଡ଼ିଙ୍ଗ୍‌ୟାଃ, ମେନ୍‌ଦ୍ ଆପେୟାଃ ବାଞ୍ଛାଅଃ ନାଗେନ୍ତେଦ୍ ନେ ସବେନାଃ କାଜିତାନାଇଙ୍ଗ୍ । ୨୫ ଯୋହାନ୍ ଜୁଲ୍‌ତାନ୍ ଆତଃ ମାୟାଲେତାନ୍ ଦିମି ତାଈକେନାଏ, ଆତଃ ଆପେକେ ଇନିୟାଃ ମାୟାଲ୍‌ରେ ପାଡ଼ିକାଦ୍ ରାସ୍‌କା ସାନାଙ୍ଗ୍ ଲେଦ୍‌ପେୟା । ୨୬ ମେନ୍‌ଦ୍ ଯୋହାନ୍‌ଆଃ ଗାଞ୍ଜାଏତେ ମାରାଙ୍ଗ୍ ଗାଞ୍ଜା ଆଇଁୟାଃତାଃରେୟା, ତିଆଃଚି ଆପୁଇଙ୍ଗ୍ ଏମାକାଦ୍ କାମିକକେ ଚାବାଏ ନାଗେନ୍ତେ ଏମାକାଦିୟାଃଏ, ଆଇଙ୍ଗ୍ ଅକନ୍ କାମିକ ରିକାତାନାଇଙ୍ଗ୍ ଏନ୍‌ସବେନାଃ ଆପୁଇଙ୍ଗ୍ ଆଇଙ୍ଗ୍‌କେ କୁଲ୍‌କାଦିୟାଃଏ ଏନାରେୟାଃ ଗାଞ୍ଜା ଏମେତାନା । ୨୭ ଆତଃ ଆଇଙ୍ଗ୍‌କେ କୁଲ୍‌କାଦ୍ ଆପୁ ଆଇଁୟାଃ ନାଗେନ୍ତେ ଗାଞ୍ଜା ଏମେତାନାଏ, ଆପେ ଇନିୟାଃ ସାଡ଼ି ଚିଲ୍‌ହଗି କାପେ ଆୟୁମାକାଦାଃ ଆତଃ ଇନିୟାଃ ମେଦ୍‌ମୁହାଁଡ଼ କାପେ ନେଲ୍‌କାଦାଃ । ୨୮ ଆତଃ ଇନିୟାଃ କାଜି ଆପେରେ କା ତାଈଜିତାନା, ଚିୟାଃଚି ଆପେଦ୍ ଇନିଃ କୁଲ୍‌କାଈନିଃରେ କାପେ ବିଶ୍ୱାସ୍‌ତାନା । ୨୯ ଆପେ ଧାରାମ୍‌ପୁଅପେ ଦାଣ୍ଠାଁଏ ତାନାପେ, ଚିୟାଃଚି ଆପେଦ୍ ଏନାରେ ଜାନାଅ ଜୀଦାନ୍‌କୁ ନାମେୟା ମେନ୍ତେପେ ଆଡ଼କାରେତାନା । ଆତଃ ଏନାଗି ଆଇଁୟାଃ ଗାଞ୍ଜା ଏମେତାନା । ୩୦ ମେନ୍‌ଦ୍ ଜୀଦାନ୍ ନାମ୍ ନାଗେନ୍ତେ ଆପେକେ ଆଇଁୟାଃତାଃତେ ହିଜୁଃ କା ସାନାଙ୍ଗ୍‌କେଦ୍‌ପେୟା ।

୩୧ “ଆଇଙ୍ଗ୍ ହଡ଼କତାଃ ଏତେ ମାଈଜ୍ କାଈଙ୍ଗ୍ ନାମେତାନା, ୩୨ ମେନ୍‌ଦ୍ ଆପେ ଚିଲ୍‌କାନ୍ ହଡ଼ ତାନ୍‌ପେ ଆଇଙ୍ଗ୍ ଆପେକେ ସାରିତାନାଇଙ୍ଗ୍, ଚିୟାଃଚି ଆପେୟାଃ ମନ୍‌ରେ ପାର୍‌ମେଶ୍ୱାର୍‌ଆଃ ଦୁଲ୍‌କାଡ଼୍ ବାନଆଃ । ୩୩ ଆଇଙ୍ଗ୍ ଆପୁଆଃ ନୁଡୁମତେଗି ହିଜୁଆକାନାଇଙ୍ଗ୍ ଆତଃ ଆପେ କାପେ ଦାରମତାନା, ଏଗାଃନିଃ ଆୟାଃ ନୁଡୁମତେଗି ହିଜୁଃରେଦ୍ ଇନିଃକେ ଆପେ ଦାରମିୟା । ୩୪ ଆପେ ମିଆଁଦ୍‌ନିଃ ଏଗାଃନିଃଏତେ ମାଈଜ୍‌ପେ ନାମ୍‌ତାନା ଆତଃ ଏନ୍ ମିଆଁଦ୍‌ଗି ପାର୍‌ମେଶ୍ୱାର୍‌ଏତେ ହିଜୁଃତାନ୍ ମାଈଜ୍ କାପେ ଦାଣ୍ଠାଁଏତାନା, ଏନ୍ତେଦ୍ ଚିଲ୍‌କାତେପେ ବିଶ୍ୱାସ୍‌ଦାଡ଼ିୟାଃ ? ୩୫ ଆଇଙ୍ଗ୍ ଆପୁଆଃ ଆୟାଃରରେ ତିଚାପେୟା ଏନ୍‌ଲେକା ଆଲ୍‌ପେ ଆଡ଼କାରେୟା, ଆପେ ଅକନ୍ ମୁଣାରେ ଆସ୍ୱାଏତାନାପେ ଇନିଃଚି ଆପେୟାଃ ତିଚାନିଃ ତାନିଃ । ୩୬ ଆପେ

☆ ୫:୨୩ ୫:୩୩ ଯୋହାନ୍ ୧:୧୯-୨୭; ୩:୨୭-୩୦. ☆ ୫:୩୭ ୫:୩୭ ମାଥୁରା ୧:୧୭; ମାର୍କ ୧:୧୧; ଲୁକ ୩:୨୨.

ମୁଣାରେପେ ବିଶ୍ୱାସେରେଦ ଆଇଙ୍ଗରେ ହରି ବିଶ୍ୱାସେତେଆଃ, ଚିୟାଃଟି ଜନିଃଦ ଆଇଁୟାଃ ବିଷାଏରେ ଅଲ୍ଲକେଦାଏ । ୪୭ ମେନ୍ଦ ଆପେ ମୁଣାରାଃ ଅନଲ୍ଲରେ କାପେ ବିଶ୍ୱାସେରେଦ, ଚିଲ୍ଲକାକେଦ୍ଦେତେ ଆଇଁୟାଃ କାଜିରେପେ ବିଶ୍ୱାସେଆ ?”



ୟୀଶୁ ପାଞ୍ଚ ହାଜାର ହଡ଼କକେ ଜମେୟାଃ ଏମାଦକଆଏ

(ମାଥ୍ୱଜ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଏନା ତାୟମ୍ବେତେ ଯୀଶୁ ଗାଲିଲ୍ ଚାଏ ଡିବିରିୟା ଦରେୟା ହାନ୍ ପାରମ୍ବେତେ ସେନଃୟାନାଏ । ୨ ଆତଃ ପୁରାଃ ଗାଦେଲ୍ ହଡ଼କ ଜନିଃକେ ଅତଙ୍ଗକିୟାଃକ, ଚିୟାଃଟି ଜନ୍କୁଦ ହାପୁତାନ୍ କରେ ଜନିଃ କାମିକେଦ୍ ଚିହ୍ନାକ ନେଲ୍ଲକେଦାଃ । ୩ ଆତଃ ଯୀଶୁ ବୁରୁ ଚେତାନ୍ରେ ଦେଏଃୟାଗ୍ରେ ଏନ୍ତାଃରେ ଆୟାଃ ଚେଲାକଲଃ ଦୁବ୍ଦୟାନାଏ । ୪ ଆତଃ ଯିହୁଦୀକଆଃ ପାପାକ ପାରାଦ୍ ନାଡ଼େଃଜାକାନ୍ ତାଇକେନା । ୫ ଆତଃ ଯୀଶୁ ଆରିଦକେଦ୍ଦେତେ, ପୁରାଃ ଗାଦେଲ୍ ହଡ଼କ ଆୟାଃତାଃରେ ହିଜୁଃଟାଚେ ନେଲ୍ଲକେଦକଆଏ, ଆତଃ ଜନିଃ ଫିଲିପକେ କାଜିକିୟାଏ, “ନିକୁଆଃ ଜମେ ନାଗେଗ୍ରେ ପୁରାଃ ହଲ୍ଲଙ୍ଗ୍ କତାଃଏତେବୁ କିରିଙ୍ଗ୍‌ୟେଆ ?” ୬ ମେନ୍ଦ ଜନିଃ ଫିଲିପକେ ଆବ୍‌କାରି ନାଗେଗ୍ରେ ନେଆଁ କାଜିକିୟାଏ, ଜନିଃଦ ଚିକ୍‌ନାଃଇଙ୍ଗ୍ ଚିକାୟା ଏନା ଆଇଃକ୍‌ଚି ସାରିତାନାଏ ତାଇକେନା ।

୭ ଫିଲିପ୍ ଜନିଃକେ କାଜିରୁହାଡ଼କିୟାଏ, “ମିଆଁଦ୍‌ନିଃ ହୁଡ଼ିଙ୍ଗ୍‌ଲେକାଏ ଜମେରେୟି, ହଲ୍ଲଙ୍ଗ୍ ପୁରାଃଅଃନାଙ୍ଗ୍ ୨୦୦ ରୁପାରାଃ ସିକାତେ ହଲ୍ଲଙ୍ଗ୍ କିରିଙ୍ଗ୍ ଲାଗାଡ଼ିଙ୍ଗ୍‌ୟାଃ ।”

୮ ଏଗ୍ରେ ଚେଲାକଏତେ ମିଆଁଦ୍‌ନିଃ ଶିମୋନ୍ ପାଡ଼ରାୟାରା ହାଗାତେ ଆହିୟୁ ଜନିଃକେ ମେନ୍‌କିୟାଏ, ୯ “ନେତାଃରେ ମିଆଁଦ୍ ସେପେଡ଼େଦ୍ ମେନାଇୟା, ଜନିଃତାଃରେ ମଣେୟାଁ ଗହମାରାଃ ହଲ୍ଲଙ୍ଗ୍ ଆତଃ ବାରିଆ ହାକୁ ମେନାଃ, ମେନ୍ଦ୍ ନେଆଁ ନିମିନାଙ୍ଗ୍ ହଡ଼କ ନାଗେଗ୍ରେ କା ହବାଅଆଃ ।”

୧୦ ଯୀଶୁ ଚେଲାକକେ କାଜିୟାଦକଆଏ, “ହଡ଼କକେ ଦୁବ୍‌କପେ,” ଏନ୍ତାଃରେ ପୁରାଃ ତାସାଦ୍ ତାଇକେନା, ଆତଃ ସବେନ୍ ହଡ଼କ ଦୁବ୍‌ୟାନାକ, ଜନ୍କୁଦ ପାଞ୍ଚ ହାଜାର କଡ଼ାକ ତାଇକେନା । ୧୧ ଯୀଶୁ ହଲ୍ଲଙ୍ଗ୍‌କେ ସାବ୍‌କେଦାଏ ଆତଃ ବିଚ୍ଛିକେଦ୍ଦେତେ ଦୁବାକାନ୍‌କେ ହାଜିଙ୍ଗ୍‌ଆଦକଆଏ, ଏନ୍‌ଲେକାଗି ହାକୁକେହ୍ ଜନ୍କୁକେ ଏମାଦକଆଏ, ଆତଃ ଜନ୍କୁ ଆକଆଃ ସାନାଙ୍ଗ୍ ଲେକା ଜମିକେଦାଃକ । ୧୨ ଆତଃ ଜନ୍କୁ ବିୟାନାକ, ଏଗ୍ରେ ଜନିଃ ଆୟାଃ ଚେଲାକକେ କାଜିୟାଦକଆଏ, “ସାରେଜାକାନ୍ କେଚାଃକ ହୁଣ୍ଡିପେ, ଜେଡ୍‌ନାଃ ଆଲକା ନକ୍‌ସାନଃକା ।” ୧୩ ଏଗ୍ରେ ଜନ୍କୁ ଏନ୍ କେଚାଃ ହଲ୍ଲଙ୍ଗ୍ ହୁଣ୍ଡିକେଦାଃକ ଆତଃ ହଡ଼କ ଏନ୍ ମଣେୟାଁ ଗହମ୍ ହଲ୍ଲଙ୍ଗ୍‌ରେୟାଃ କେଚାଃଏତେ ବିଜକେଦ୍ଦେତେ, ସାରେଜାକାନ୍ କେଚାଃଏତେ ବାରା ଚୁଲ୍ଲିକ ପେରେଃକେଦାଃ ।

୧୪ ଏନ୍ତାଃରେ ତାଇକେନ୍ ହଡ଼କ ଯୀଶୁ କାମିକେଦ୍ ନେ ଚିହ୍ନାଁ ନେଲ୍ଲକେଦ୍ଦେତେ ମେନ୍‌କେଦାଃ, “ସାଡ଼ିଚି ଅତେଦିଶ୍ୱମ୍‌ରେ ହିଜୁଃଟାନ୍ ନାବା ନିଃ ତାନିଃ ।” ୧୫ ଜନ୍କୁ ହିଜୁଆଃକ ଆତଃ ସାବ୍‌କେଦ୍ଦେତେ ରାଜାଇୟାଁକ ନେଆଁ ଆବ୍‌କାର୍‌କେଦ୍ଦେତେ, ଯୀଶୁ ଆଇଃକ୍ ଏସ୍‌କାର୍‌ଚି ବୁରୁତେ ଅତଙ୍ଗ୍‌ୟାନା ।

ୟୀଶୁ ଦାଆଃରେ ସେସେନ୍‌ତାନାଏ

(ମାଥ୍ୱଜ ୧୪:୨୨-୩୩; ମାର୍କ ୬:୪୫-୫୨)

୧୬ ଏନ୍ ହୁଲାଙ୍ଗ୍ ଆୟୁବ୍‌ୟାନ୍‌ଚି ଯୀଶୁଆଃ ଚେଲାକ ଦରେୟା ଗେନାତେକ ଆଡ଼ଗୁୟାନା । ୧୭ ଆତଃ ଜନ୍କୁ ଲାଉକାରେ ଦେଏଃୟାଗ୍ରେ ଦରେୟା ହାନ୍ ପାରମ୍ କପର୍‌ନାହୁମ୍‌ସାଃତେକ ସେନିଃତାନ୍ ତାଇକେନା । ଜମ୍‌ତାଲଃ ନୁବାଗାକାନ୍ ତାଇକେନା ଆତଃ ଯୀଶୁ ଜନ୍କୁତାଃ କାଏ ହିଜୁଃକାନ୍ ତାଇକେନାଏ । ୧୮ ଏଗ୍ରେ ମାରାଙ୍ଗ୍ ହୟ୍ ହୟ୍‌କେଦ୍ଦେତେ ଦରେୟା ଆଲ୍‌ପୁଙ୍ଗ୍‌ଚେ ଏକ୍‌ଲାଅଃତାଇକେନା । ୧୯ ଜନ୍କୁ ପାଞ୍ଚ ଚାହେ ଛ କିଲୋମିଟର୍ ଲାଉକା ଇଦିକେଦ୍‌ଚି, ଯୀଶୁକେ ଦରେୟାରେ ସେସେନ୍‌ତାନ୍ ଆତଃ ଲାଉକା ନାଡ଼େଃତେ ହିଜୁଃଟାନ୍ ନେଲ୍ଲକେଦ୍ଦେତେ ବରକେଦାକ । ୨୦ ମେନ୍ଦ୍ ଯୀଶୁ ଜନ୍କୁକେ କାଜିୟାଦକଆଏ, “ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।” ୨୧ ଏଗ୍ରେ ଜନ୍କୁ ଜନିଃକେ ଲାଉକାରେ ରାକାବ୍‌ନାଙ୍ଗ୍ ସୁକୁୟାନାକ ଆତଃ ଜମ୍‌ତାଗି ଜନ୍କୁ ସେନିଃତାନ୍ ଠାୟାଦ୍ଦେତେ ଲାଉକା ସେଟେରୁୟାନା ।

ୟୀଶୁକେ ହଡ଼କ ଦାଣାଁଇତାନାକ /

୨୨ ଏଗାଃ ହୁଲାଙ୍ଗ୍ ଦରେୟା ହାନ୍ ପାରମ୍ବେତେ ତିଙ୍ଗ୍‌ଆକାନ୍ ହଡ଼କ ନେଆଁ ନେଲ୍ କେଦାକ, ଏନ୍ତାଃରେ ମିଆଁଦ୍ ଲାଉକା ବାଗିକେଦ୍ଦେତେ ଆତଃ ଏଗାଃ ଲାଉକା କା ତାଇକେନା ଆତଃ ଯୀଶୁ ଆୟାଃ ଚେଲାକଲଃ ଲାଉକାରେ କାଏ ବଲ୍‌ୟାନା ମେନ୍ଦ୍ ଜନିୟାଃ ଚେଲାକ ଏସ୍‌କାର୍ ସେନିଃତାନ୍ ।

୨୩ ଫେନ୍ଦ ପ୍ରାଭୁ ଧାନ୍ୟାବାଦ୍ ଏମକେଦ୍ ଇନ୍କୁ ହଲଙ୍ଗ ଜମକେଦ୍ ଠାୟାଦ୍ ନାଡେଃ ତିବିରିୟାଏତେ ଆତଃଚିନିନ୍ ଲାଉକା ହିଜୁଃୟାନା । ୨୪ ଏନ୍ତେ ଗାଦେଲ୍ ହଡକ ଯୀଶୁ ନେତାଃରେ ବାମ୍ବାଇୟାଃ ଆତଃ ଇନିୟାଃ ଚେଲକହ ବାଙ୍ଗକଥା ନେଆଁ ନେଲ୍କେଦ୍ତେ, ଆକତି ଲାଉକାରେ ଦେଏଃୟାନ୍ତେ ଯୀଶୁକେ ଦାଣ୍ଠିଇତାନ୍ଲଃ କପର୍ନାହୁମ୍ତେକ ସେନଃୟାନା ।

ୟୀଶୁ ଜୀବାନ୍ ହଲଙ୍ଗ ତାନିଃ

୨୫ ହଡକ ଯୀଶୁକେ ଦରେୟା ହାନ୍ ପାରମ୍ପରେ ନାମ୍ବକିଃତେ କୁଲିକିୟାକ, “ହେ ଗୁରୁ, ଆମ୍ ନେତେ ଚିମ୍ତାମ୍ ହିଜୁଃୟାନା ?”

୨୬ ଯୀଶୁ ଇନ୍କୁକେ କାଜିରୁହାଡାଦକଥାଏ, “ସାର୍ତ୍ତି କାଜିୟାପେ ତାନାଇଙ୍ଗ, ଆପେ ଚିହ୍ନାଁ ନେଲ୍କେଦ୍ତେ କା ଫେନ୍ଦ୍ ହଲଙ୍ଗପେ ଜମକେଦାଃ ଆତଃପେ ବିଇୟାନା ଏନାମେନ୍ତେପେ ଦାଣ୍ଠିଇଙ୍ଗତାନା । ୨୭ ଜିୟନଃ ଜମେୟାଃ ନାଗେନ୍ତେ ଆଲ୍ପେ କାମିୟା ଫେନ୍ଦ୍ ଜାନାଥ ଜୀବାନ୍ ଜାକେଦ୍ ତାଇନଃ ଜମେୟାଃ ନାଗେନ୍ତେ କାମିପେ, ଏନା ମାନୱାହନ୍ ଏମାପେୟାଏ । ଚିୟାଃଚି ପାର୍ମେଶ୍ୱାର୍ ଆପୁଦ୍, ଇନିଃତାଃରେ ଆୟାଃ ମୋହର୍ ଏମାକାଦାଃଏ ।”

୨୮ ଇନ୍କୁ ଫେନ୍ଦ୍ ରୁହାଡାକୟା, “ପାର୍ମେଶ୍ୱାର୍ ଆଲେତେ ସାନାଙ୍ଗତାନ୍ କାମି କାମିନାଗେନ୍ତେ ଚିନାଃଲେ ଚିକାୟା ?”

୨୯ ଯୀଶୁ କାଜିରୁହାଡାଦକଥାଏ, “ପାର୍ମେଶ୍ୱାର୍ ଆଃ କୁଲ୍ମାକାନ୍ନିଃରେ ବିଶ୍ୱାସେପେ, ନେଆଁ ପାର୍ମେଶ୍ୱାର୍ ଆଃ କାମି ତାନାଃ ।”

୩୦ ଏନ୍ତେ ଇନ୍କୁ କୁଲିକିୟାକ, “ଆମାଃତାଃରେ ଆଲେ ବିଶ୍ୱାସେ ନାଗେନ୍ତେ, ଅକ ଚିହ୍ନାଁ ଉଦୁବେତାନା ? ଆମାଃ ଚିକାନ୍ କାମିତେଲେ ବିଶ୍ୱାସ୍ ଦାଡ଼ିୟାଃ ? ୩୧ ଆଲେୟାଃ ହାଡାମ୍ ହଡକ ବିର୍ରେ ମାନ୍ନାକ ଜମକେଦାଃ, ଧାରାମ୍ପୁଅରେ ନେଆଁ ଅଲ୍ମାକାନା, ‘ଇନିଃ ଜମ୍ ନାଗେନ୍ତେ ସିମ୍ପାଏତେ ହଲଙ୍ଗ ଇନ୍କୁକେ ଏମାଦକଥାଏ ।”

୩୨ ଏନ୍ତେ ଯୀଶୁ ମେତାଦକଥାଏ, “ସାର୍ତ୍ତି କାଜିୟାପେ ତାନାଇଙ୍ଗ, ମୁଣା ଆପେକେ ହଲଙ୍ଗ ଏମାଦପେତେୟାଃ, ସିମ୍ପାଏତେ ହିଜୁଆକାନ୍ ହଲଙ୍ଗ କା ତାଇକେନା, ଫେନ୍ଦ୍ ଆପୁଇଙ୍ଗ ସିମ୍ପାଏତେ ସାର୍ତ୍ତି ହଲଙ୍ଗ ଏମାପେତାନାଏ । ୩୩ ସିମ୍ପାଏତେ ଆଡ଼ଗୁୟାନ୍ ଆତଃ ଅତେଦିଶୁମ୍ବକେ ଜୀବାନ୍ ଏମେତାନ୍ ହଲଙ୍ଗ୍ ଦ, ପାର୍ମେଶ୍ୱାର୍ ଆଃ ହଲଙ୍ଗ ତାନାଃ ।”

୩୪ ଇନ୍କୁ ଯୀଶୁକେ କାଜିକିୟା, “ହେ ପ୍ରାଭୁ, ଏନ୍ ହଲଙ୍ଗ ଆଲେକେ ସବେନ୍ଇମ୍ତା ଏମାଲେମ୍ ।”

୩୫ ଯୀଶୁ ଇନ୍କୁକେ କାଜିୟାଦକଥାଏ, “ଜୀବାନ୍ ହଲଙ୍ଗ ଆଇଙ୍ଗି ତାନିଙ୍ଗ ଆଇଁୟାଃତାଃ ହିଜୁଃନିଃ ଚିଉଲାହ କାଏ ରେଙ୍ଗେଜିଆଃ ଆତଃ ଆଇଙ୍ଗ୍ରେ ବିଶ୍ୱାସେନିଃ ଚିଉଲାହ କାଏ ତେତାଙ୍ଗିଆଃ । ୩୬ ଫେନ୍ଦ୍ ଆପେ ଆଇଙ୍ଗ୍ରେ ନେଲ୍କେଦିଙ୍ଗ୍ ରେୟ କାପେ ବିଶ୍ୱାସ୍ତାନା ମେନ୍ତେଇଙ୍ଗ କାଜିୟାପେ ତାନା । ୩୭ ଆପୁ ଏମାକାଇଙ୍ଗ୍ ସବେନ୍କ ଆଇଁୟାଃତାଃତେକ ହିଜୁଃଆ, ଆତଃ ଆଇଁୟାଃତାଃ ହିଜୁଃନିଃକେ ଜେତାଲେକାତେ କାଇଙ୍ଗ ଅତଙ୍ଗିୟା । ୩୮ ଚିୟାଃଚି ଆଇଙ୍ଗ୍ ଦ ଆଇଁୟାଃ ମନେଲେକା କାମି ନାଗେନ୍ତେ କାହା ଫେନ୍ଦ୍ କୁଲିନିୟାଃ ସାନାଙ୍ଗ୍ରେ ପୁରାଏ ନାଗେନ୍ତେ ସିମ୍ପାଏତେ ଆଡ଼ଗୁଆ କାନାଇଙ୍ଗ । ୩୯ ଆତଃ ଅକନ୍ଦକେ ଇନିଃ ଆଇଙ୍ଗ୍ରେ ଏମାକାଦିଙ୍ଗ୍ ଇନ୍କୁଏତେ ମିହୁଡକେହ୍ କା ଆଦକେଦ୍ତେ ଚୁଣ୍ଟୁ ହୁଲ୍ମାଙ୍ଗ୍ରେ ଏନ୍ ସବେନ୍ଦକେ ଜୀଉବିରିଦକଆଇଙ୍ଗ, ନେଆଁ ଇନିୟାଃ ଇଛାସାନାଙ୍ଗ୍ ତାନାଃ । ୪୦ ଚିୟାଃଚି ହଡକ ହନ୍ଦକେ ନେଲ୍କେଦ୍ତେ ଇନିଃତାଃରେକ ବିଶ୍ୱାସେଆ, ଆତଃ ଇନ୍କୁ ଜେଲେକା ଜାନାଥ ଜୀବାନ୍କ ନାମେଆ, ନେଆଁ ଆପୁଇଁୟାଃ ଇଛାସାନାଙ୍ଗ୍ ତାନାଃ । ଆତଃ ଆଇଙ୍ଗ୍ ଇନ୍କୁକେ ଚୁଣ୍ଟୁ ହୁଲ୍ମାଙ୍ଗ୍ରେ ଜୀଉବିରିଦକଆଇଙ୍ଗ ।”

୪୧ ଯିହୁଦାକ ଯୀଶୁଆଃ ବିଷାଏରେ ନଗମ୍ତଗମ୍ତାନ୍କ ତାଇକେନା, ଚିୟାଃଚି ଇନିଃଦ “ଆଇଙ୍ଗ୍ ସିମ୍ପାଏତେ ଆଡ଼ଗୁଆକାନ୍ ହଲଙ୍ଗ ତାନିଙ୍ଗ” ଫେନ୍ଦକେଦାଏ । ୪୨ ଏନ୍ତେ ଇନ୍କୁ କାଜିକେଦା, “ଚିୟାଃ ନିଃ ଯୋଷେପ୍ ହେନ୍ତକଡା ଯୀଶୁ ନାହାଲିଃ ? ଆବୁ ଇନିୟାଃ ଏମ୍ ଆପୁକିନ୍ଦେ ସାରିୟାଃପୁ, ଇନିଃ ସିମ୍ପାହେତେ ଆଡ଼ଗୁଆକାନାଇଙ୍ଗ ମେନ୍ତେ ନାହାଁଃ ଚିନାଃମେନ୍ତେ କାଜିତାନାଏ ?” ୪୩ ଯୀଶୁ ଇନ୍କୁକେ କାଜିରୁହାଡାଦକଥାଏ, “ଆପେ ଆପେରେ ଆଲ୍ପେ ନଗମ୍ତଗମ୍ତାଆଃ । ୪୪ ଆଇଙ୍ଗ୍ରେ କୁଲ୍ମାକାନ୍ ଆପୁ କାଏ ଆଇଙ୍ଗ୍ରେଦେ ଜେତାଏ ଆଇଁୟାଃତାଃ କାଏ ହିଜୁଃଦାଡ଼ିୟାଃ ଆତଃ ଆଇଙ୍ଗ୍ ଇନିଃକେ ତାୟମ୍ ହୁଲ୍ମାଙ୍ଗ୍ରେ ଜୀଉ ବିରିଦିୟା । ୪୫ ନାବାକିଆଃ ଧାରାମ୍ପୁଅରେ ଅଲ୍ମାକାନା, ‘ପାର୍ମେଶ୍ୱାର୍ ତାଃତାଃଏତେ ଏସକାର୍ ସବେନ୍ଦକ ଇତୁନାଃକ ।’ ଆଇଁୟାଃ ଆପୁତାଃଏତେ ଆୟୁମାକାଦ୍ ଆତଃ ଇତୁଆକାଦ୍ ସବେନ୍ଦ

ହତୁକ, ଆଇଁୟାଃତାଃତେକ ହିଜୁଃଥା । ୪୭ ଜେତାଏ ଆପୁକେ କାଏ ନେଲ୍ଲାକାଲୟାଃ, ମେନ୍ଦ ପାର୍ମେଶ୍ୱାର୍ତାଃଏତେ ହିଜୁଆକାନ୍ନିଃ ଏସକାର୍ ଆପୁକେ ନେଲ୍ଲାକାଲୟାଏ । ୪୮ ସାର୍ତ୍ତିଗି କାଜିୟାପେ ତାନାଇଜ୍, ବିଶ୍ୱାସେନିଃ ଜାନାଥ ଜୀଦାନ୍ ନାମେୟାଏ । ୪୯ ଜୀଦାନ୍ ହଲଜ୍ ଆଇଜ୍ଗି ତାନିଜ୍ । ୫୦ ଆପେୟାଃ ହାଡାମ୍ ହତୁକ ବିର୍ରେ ଏନ୍ ମାନ୍ନାକ ଜମ୍ବେକଦା, ଏନ୍ରେହ ଗଏଃୟାନାକ । ୫୧ ମେନ୍ଦ ସିର୍ମାଏତେ ଆଡ୍ଗୁଆକାନ୍ ହଲଜ୍ ନେଥାଁ ତାନାଃ, ଏନା ଜମେନିଃ କାଏ ଗଜଥା । ୫୨ ସିର୍ମାଏତେ ଆଡ୍ଗୁଆକାନ୍ ଜୀଦାନ୍ ହଲଜ୍ ଆଇଜ୍ ତାନିଜ୍, ନେ ହଲଜ୍ ଜେତାଏ ଜମେରେଦ ଜାନାଥ ଜାନାଥ ଜାକେଦ ଜାହିଦଥାଏ । ହେଗି ଆଇଜ୍ ଏମେ ହଲଜ୍ ଆଇଁୟାଃ ମାସ୍ ତାନାଃ, ଏନା ଅତେଦିଶ୍ୱମ୍ବେକ ବାସ୍ଥାଅ ନାଗେନ୍ତେ ଏମେୟାଇଜ୍ ।”

୫୩ ଏନା ନାଗେନ୍ତେ ଯିହୁଦାକ ଆକ ଆକରେକ ଏପେଗେର୍ଯ୍ୟାନ୍ତେ ମେନ୍ବେକଦାଃ, “ଇନିଃ ଚିଲ୍ଲକାତେ ଆୟାଃ ମାସ୍ ଜମେନାଇ ଆବୁକେ ଏମ୍ ଦାଡ୍ଡିୟାଏ ?” ୫୪ ଏନ୍ତେ ଯୀଶୁ ଇନ୍କୁକେ କାଜିୟାଦକଥାଏ, “ସାର୍ତ୍ତିଗି କାଜିୟାପେ ତାନାଇଜ୍, ଆପେ ମାନସ୍ତାହନ୍ଥାଃ ମାସ୍ କାପେ ଜମେରେଦ ଆତଃ ଇନିୟାଃ ମାୟୋମ୍ କାପେ ନୁଏରେଦ ଆପେରେ ଜୀଦାନ୍ ବାନ୍ଥାଃ । ୫୫ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଏନିଃ ଜାନାଥ ଜୀଦାନ୍ ନାମେୟାଏ ଆତଃ ଆଇଜ୍ ତାୟମ୍ ହୁଲାଇରେ ଇନିଃକେ ଜୀଉ ବିରିଦିୟାଇଜ୍ । ୫୬ ଆଇଁୟାଃ ମାସ୍ ଦାଡ୍ଡି ଜମେୟାଃ ତାନାଃ ଆତଃ ଆଇଁୟାଃ ମାୟୋମ୍ ସାର୍ତ୍ତି ନୁଏୟାଃ ତାନାଃ । ୫୭ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଏନିଃ ଆଇଜ୍ରେ ତାଇନ୍ତାନାଏ ଆତଃ ଆଇଜ୍ ଇନିଃରେଇଜ୍ ତାଇନ୍ତାନା । ୫୮ ଜୀନିଦ୍ ଆପୁ ଆଇଜ୍ବେକ କୁଲ୍ଲେକଦିୟାଏ ଆତଃ ଆଇଜ୍ ଆପୁଆଃ ହରାତେ ଜୀହୁଦଃତାନ୍ଲେକା ଆଇଜ୍ବେକ ଜମ୍ବିଃ ଆଇଁୟାଃ ହରାତେ ଜାହିଦଥାଏ । ୫୯ ସିର୍ମାଏତେ ଆଡ୍ଗୁଆକାନ୍ ହଲଜ୍ ନେଥାଁ ତାନାଃ, ହାଡାମ୍ ହତୁକ ଜମ୍ବେକ୍ ଆତଃକ ଗଏଃୟାନା ଲେକାଦ କାହା, ମେନ୍ଦ ନେ ହଲଜ୍ ଜମେନିଃ ଜାନାଥ ଜାନାଥ ଜାକେଦ୍ ଜାହିଦଥାଏ ।”

୬୦ କପର୍ନାହୁମ୍ ହାଡ୍ରେୟାଃ ସାମାଜ୍ ଅଡାଃରେ ଇତୁକତାନ୍ଲଃ ଇନିଃ ନେ କାଜି କାଜିୟାଦକଥାଏ ।

ଜାନାଥ ଜୀଦାନ୍ରାଃ ବାଚାନ୍

୬୦ ଏନ୍ତେ ଯୀଶୁଆଃ ଚେଲ୍ଲାକଏତେ ପୁରାଃକ ନେଥାଁ ଆୟୁମ୍ବେକଦ୍ତେ ମେନ୍ବେକଦାଃ, “ନେ କାଜି କେଟେଦ୍ରିୟା, ନେଥାଁ ଅକଏ ଆୟୁମ୍ବାଡ୍ଡିୟାଏ ।”

୬୧ ମେନ୍ଦ ଯୀଶୁକେ ଜେତାଏ କାକ କାଜିରେହ୍, ଚେଲ୍ଲା ତାୟାଃକ ନେ କାଜି ନାଗେନ୍ତେ ନଗମ୍ତଗମ୍ବୟାନାକ ନେଥାଁ ଆୟାଃ ଜୀଉରେ ସାରିକେଦ୍ତେ ମେତାଦକଥାଏ, “ଚିୟାଃ ଆପେ ନେଥାଁ ନାଗେନ୍ତେ ଆଡାଃଉଡ୍ଡୁଗଃ ତାନାପେ ? ୬୨ ଏନ୍ତେ ଆପେ ମାନସ୍ତାହନ୍ବେ ସିଦା ତାଇକେନ୍ ଠାୟାଦ୍ତେ ରାକାଦ୍ତାନ୍ଦେ ନେଲିରେଦ୍ ତିନାଃ ଚିକାଃଃ ? ୬୩ ପାର୍ମେଶ୍ୱାର୍ତାଃ ଆମ୍ ଜୀଦାନ୍ ଏମଃନିଃ ତାନିଃ, ହତ୍ତରାଃ ପେଡ୍ଡେ ଜେଦ୍ନାଃ କାମି କାଏ ଦାଡ୍ଡିୟା । ପାର୍ମେଶ୍ୱାର୍ତାଃ ଜୀଦାନ୍ ଏମଃ ଆମ୍ବେକ ଆପେ ଜେଲେକା ଆର୍କାର୍ତ୍ତରୁମ୍ ଦାଡ୍ଡିୟାପେ ଏନାମେନ୍ତେ ଆଇଜ୍ ନେ ସବେନାଃ କାଜିକେଦାଇଜ୍ । ୬୪ ଏନ୍ରେୟ ଆପେକଏତେ ଚିମ୍ବିକ୍ କାକ ବିଶ୍ୱାସ୍ତାନା,” ଚିୟାଃଚି ଯୀଶୁଦ୍ ଏନ୍ କା ବିଶ୍ୱାସ୍ତାନ ଚିମ୍ବିକ୍ବେ ଆତଃ ବାଇଗିକଆଃ ଡିଃଇରେ ସାବ୍ରିକାଇ ହତ୍ତକେୟି ମୁନୁଏତେ ସାରିତାନାଏ ତାଇକେନା । ୬୫ ଇନିଃ ଆତଃଗି ମେତାଦକଥାଏ, “ଏନାମେନ୍ତେ ଆପୁଇଁୟାଃ ସାଃଏତେ ଲିବୁଇ କା ହିଜୁଃରେଦ୍, ଜେତାଏ ଆଇଁୟାଃତାଃ କାକ ହିଜୁଃଦାଡ୍ଡିୟାଃ ?”

୬୬ ନେଥାଁ ନାଗେନ୍ତେ ଇନିୟାଃ ଚେଲ୍ଲାକଏତେ ପୁରାଃକ ରୁହାଡ୍ଡିୟାନା ଆତଃ ଇନିଃକେ କାକ ଅତଜ୍ବିୟା । ୬୭ ଏନ୍ତେ ଯୀଶୁ ଆୟାଃ ଗେଲ୍ବାର୍ ଚେଲ୍ଲାକେ କାଜିୟାଦକଥାଏ, ଚିୟାଃ ଆପେକେୟ ଆଇଜ୍ବେକ ବାରିକେଦ୍ତେ ସେନଃ ସାନାଜ୍ପେ ତାନା ? ୬୮ ଶିମୋନ୍ ପାର୍ତ୍ତାସ୍ ଯୀଶୁକେ ମେନ୍ବୁହାଡ୍ଡାଇୟାଏ, “ହେ ଗମ୍ବେକ, ଆଲେ ଅକଏତାଃତେଲେ ସେନାଃ ? ଜାନାଥ ଜୀଦାନ୍ରେୟାଃ କାଜିଦ୍ ଆମାଃତାଃରେୟା, ୬୯ ଆମ୍ ଜୀନିଦ୍ ପାର୍ମେଶ୍ୱାର୍ତାଃ ପାବିତାର୍ ହନ୍ ଯୀଶୁ ତାନ୍ମେ ମେନ୍ତେଲେ ବିଶ୍ୱାସ୍କାଦାଃ ଆତଃ ସାରିକାଦାଲେ ।”

୭୦ ଯୀଶୁ ଇନ୍କୁକେ କାଜିରୁହାଡ୍ଡାଦକଥାଏ, “ଚିୟାଃ ଆଇଜ୍ ଆପେ ଗେଲ୍ବାର୍ ଚେଲ୍ଲାକେ କାଜି ସାଲ୍ଲାକାଦ୍ପେଆଚି ? ଆତଃ ଆପେକଏତେ ମିଆଁଦ୍ନିଃ ସାଏତାନ୍ ତାନିଃ ।” ୭୧ ଇନିଃ ଶିମୋନ୍ ହନ୍ତେକଡା ଇସ୍ପାରିୟ୍ତ୍ ଯିହୁଦାରାଃ କାଜି କାଜିକେଦାଏ, ନିଃଦ୍ ଗେଲ୍ବାର୍ ଚେଲ୍ଲାକଏତେ ମିଆଁଦ୍ନିଃ ଆତଃ ଇନିୟାଃ ସାବ୍ବିଚିନିଃ ତାଇକେନାଏ ।

* ୬:୨୮ ୬:୨୮ ମାଥ୍ତ୍ୱ ୧୭:୧୭; ମାର୍କ ୮:୨୯; ଲୁକ ୯:୨୦.



ୟୀଶୁ ଆତଃ ଆୟାଃ ହାଗାକ

୧ ଏନ୍ ତାୟମ୍ତେ ଯୀଶୁ ଗାଲିଲ୍ରେ ହନର୍ ବାଡ଼ାକେଦାଏ; ଚିୟାଃଟି ଯିହୁଦୀକଆଃ ହାକିମକ ଜନିଃକେ ଗଗଏଃ ସାନାଙ୍ଗ ତାଇକେନାକ ଏନାମେନ୍ତେ ଜନିଃକେ ଯିହୁଦାତେ କା ସେନ୍ ସାନାଙ୍ଗକିୟାଃ । ୨ ଯିହୁଦୀକଆଃ ଜାମଡ଼ା *ପାରାବ୍ରେୟାଃ ନେଡ଼ା ନାଡ଼େଃୟାନ୍ତି, ୩ ଯୀଶୁଆଃ ହାଗାକ ଜନିଃକେ କାଜିକିୟାଃକ, “ଆମ୍ ନେତାଃଏତେ ଅଡ଼ଙ୍ଗକେଦ୍ତେ ଯିହୁଦାତେ ସେନଃମେ, ଏନ୍ତାଃରେ ଆମାଃ ଚେଲକ ଆମ୍ କାମିତାନ୍ ପେଡ଼େୟାନ୍ କାମିକ ନେଲେକା । ୪ ଚିୟାଃଟି ଜେତାଏ ଆଇଃକ୍ଟି ଉଦୁବେନ୍ ସାନାଙ୍ଗ୍ରେଦ ଦାନାଙ୍ଗ୍ରେ ଜେଡ଼ନାଃ କାଏ କାମିୟା, ନେୟାମ୍ କାମିତାନ୍ରେଦ ଅଡ଼େଦିଶ୍ଟାମ୍ରେନକତାଃରେ ଉଦୁବେନ୍ମେ ।” ୫ ଚିୟାଃଟି ଜନିୟାଃ ହାଗାକହିଁ ଜନିଃତାଃରେ କାକ ବିଶ୍ଟାଏ ତାଇକେନା ।

୬ ଏନାମେନ୍ତେ ଯୀଶୁ କାଜିକେଦକଆଏ, “ନାହିଁଃ ଜାକେଦ୍ ଆଇଁୟାଃ ଠାଉକାନ୍ ନେଡ଼ା ଆଉରି ସେଟେରାଃ, ମେନ୍ଦ୍ ଆପେୟାଃନାଙ୍ଗ ଠାଉକାନ୍ ନେଡ଼ା ଜାନାଅଗି ନେଡ଼ାକାନା । ୭ ସା*ସାୱ୍ ଆପେକେ କାଏ ହିଲାଙ୍ଗପେୟା, ମେନ୍ଦ୍ ଏନା ଆଇଙ୍ଗକେ ହିଲାଙ୍ଗଇଙ୍ଗତାନା, ଚିୟାଃଟି ଆଇଙ୍ଗଦ୍ ଏନାରେୟାଃ କାମି ଏଡ଼କାନିରିୟାଃ ମେନ୍ତେ ଗାଝାଇଙ୍ଗ୍ ଏମାଆଉତାନା । ୮ ଆପେ ପାରାବ୍ରେତେ ସେନଃପେ, ଆଇଙ୍ଗ ପାରାବ୍ରେତେ କାଇଙ୍ଗ୍ ସେନ୍ତାନା, ଚିୟାଃଟି ଆଇଁୟାଃ ନେଡ଼ାଦ୍ ନାହିଁଃ ଜାକେଦ୍ ଆଉରି ହିଜୁଃଆ ।” ୯ ଆତଃ ଜନିଃ ନେ ସବେନ୍ କାଜି କାଜିକେଦ୍ଟି ଗାଲିଲ୍ରେ ତାଇନ୍ୟାନାଏ ।

ଜାମଡ଼ା ପାରାବ୍ରେ ଯୀଶୁ

୧୦ ଯୀଶୁଆଃ ହାଗାକ ପାରାବ୍ରେତେ ସେନଃୟାନ୍ତି, ଯୀଶୁହିଁ ନେପେଲ୍ରେଦ କା ମେନ୍ଦ୍ ଉକ୍ତ ଉକ୍ତ ଲେକାକେ ସେନଃୟାନାଏ । ୧୧ ଏନ୍ତେ ଯିହୁଦୀକଆଃ ହାକିମକ ଜନିଃକେ ପାରାବ୍ରେ ଦାଣିଈଡ଼ାନ୍ତକ ତାଇକେନା ଆତଃକ ମେନ୍କେଦାଃ, “ଜନିଃ କତାଃରିୟା ।”

୧୨ ଏନ୍ତେ ଗାଦେଲ୍ ହଡ଼କ ଆକ ଆକରେ ଯୀଶୁଆଃ ବିଷାଏରେ ପୁରାଃ ହାୟମ୍ ହାୟମେ*ତାନ୍ତକ ତାଇକେନା । ଆତଃ ଚିମିନ୍ତକ କାଜିକେଦା, “ଜନିଃ ବୁଗିନ୍ ହଡ଼ ତାନିଃ,” ଆତଃ ଚିମିନ୍ତକ କାଜିକେଦା, “କାହାଗି ଜନିଃ ହଡ଼କକେ ବେଦାକୃତାନାଏ ।” ୧୩ ଏନ୍ରେୟ ଯିହୁଦୀକଆଃ ହାକିମକଆଃ ବରତେ ଜେତାଏ ଜନିୟାଃ ବିଷାଏରେ ନେପେଲ୍ରେ କାକ କାଜିକେଦା ।

୧୪ ପାରାବ୍ରେୟାଃ ଆଲାମାଲ ସେନଃୟାନ୍ତି ଯୀଶୁ ମାନ୍ଦିର୍ ଅଡ଼ାଃତେ ସେନ୍କେଦ୍ତେ ଇଦୁଏଟେଦ୍ କେଦକଆଏ । ୧୫ ଯିହୁଦୀକଆଃ ହାକିମକ ହାୟକାଟ୍ୟାନ୍ତେ ମେନ୍କେଦାଃକ, “ନିଃ ବେଗାଟ୍ ପାଡ଼ାଅକେଦ୍ତେ ଚିଲ୍କା ନେ ଲେକା ଇଡ଼ୁକତାନାଏ ?”

୧୬ ଏନାତେ ଯୀଶୁ କାଜିରୁହାଡ଼କେଦକଆଏ, “ଆଇଁୟାଃ ଜନିତୁ ଆଇଁୟାଃ ନାହିଁଈଃ ମେନ୍ଦ୍ ଆଇଙ୍ଗକେ କୁଲାକାଇଙ୍ଗ୍ ପାର୍ମେଶ୍ଟାବ୍ରେତେ ହିଜୁଆକାନା । ୧୭ ଜେତାଏ ପାର୍ମେଶ୍ଟାବ୍ରେତାଃ ମନେଲେକା ରିକା ସାନାଙ୍ଗ୍ରେଦ, ଜନିଃ ଆଇଁୟାଃ ଜନିତୁ ପାର୍ମେଶ୍ଟାବ୍ରେ ସାଃଏତେ ଚାଏ ଆଇଁୟାଃ ପେଡ଼େଃଡ଼ିଙ୍ଗ୍ କାଜିତାନା ଏନା ସାରିୟାଏ । ୧୮ ଜେତାଏ ଆୟାଃତେ କାଜିନିଃ ଆୟାଃ ମାନାରାଙ୍ଗ୍ ନାମ୍ବାଡ଼ାଏଃ, ମେନ୍ଦ୍ ଜେତାଏ ଆଇଃକ୍ଟକେ କୁଲ୍ନିୟାଃ ମାନାରାଙ୍ଗ୍ ନାମ୍ବାଡ଼ାଏନିଃ ସାଡ଼ିଗିୟାଏ; ଆତଃ ଜନିଃତାଃରେ ଏଡ଼କାନିୟାଃ ବାନଆଃ । ୧୯ ଚିୟାଃ ମୁଣା ଆପେକେ ଆନ୍ତୁ କାଏ ଏମାକାଦ୍ପେୟା ? ଏନ୍ରେୟ ଆପେକଏତେ ଜେତାଏୟ ଆନ୍ତୁ କାକ ମାନାଡ଼ିଙ୍ଗ୍ତାନା, ଆପେ ଚିକାନାଙ୍ଗ୍ ଆଇଙ୍ଗକେ ଗଗଏଃ ସାନାଙ୍ଗ୍ତାନାପେ ?”

୨୦ ଗାଦେଲ୍ ହଡ଼କ କାଜିରୁହାଡ଼କିୟାକ, “ଆମ୍କେ ବଙ୍ଗା ଏସେରାକାଦ୍ମେୟାଏ, ଅକଏ ଆମ୍କେ ଗଗଏଃ ସାନାଙ୍ଗ୍ତାନାଏ ?”

୨୧ ଯୀଶୁ ଜନକ୍ତକେ କାଜିରୁହାଡ଼ାଦକଆଏ, “ଆଇଙ୍ଗ୍ ମିଆଁଦ୍ ପେଡ଼େୟାନ୍ କାମିଙ୍ଗ୍ କାମିୟାକାଦ୍ ନାଗେନ୍ତେ ଆପେ ସବେନ୍କ ହାଏକାଟ୍ଟତାନା । ୨୨ ନେୟାମେନ୍ତେ ମୁଣା ଆପେୟାଃ ହନ୍କକେ ଖାଡ଼ନାଅରେୟାଃ ଆନ୍ତୁ ଏମାକାଦ୍ପେୟାଏ, ଏନାଦ୍ ମୁଣାଏତେ କାହା ମେନ୍ଦ୍ ହାଡ଼ାମ୍ ହଡ଼କଆଃ ସାଃଏତେଗି, ଆତଃ ଆପେ ରୁଡ଼ୁ ହୁଲାଙ୍ଗ୍ରେ କଡ଼ାହନ୍କକେ ଖାଡ଼ନାଅକତାନାପେ । ୨୩ *ମୁଣା ଅଲକାନ୍ ଆନ୍ତୁ ଆଲକା ଟଟାଗଃକା ମେନ୍ତେ ରୁଡ଼ୁ ହୁଲାଙ୍ଗ୍ରେ ମିଆଁଦ୍ କଡ଼ାହନ୍ତରାଃ ଖାଡ଼ନାଅଃରେଦ, ଆଇଙ୍ଗ୍ ରୁଡ଼ୁ ହୁଲାଙ୍ଗ୍ରେ ମିଆଁଦ୍ ହଡ଼କେ ପୁରାଗି ବୁଗିକାଇ ହରାତେ, ଆପେ ଚିନାଃ ଆଇଙ୍ଗକେପେ

* ୨:୨ ୭:୨ ଜାମଡ଼ା କୁବା † ୭:୧୨ ୭:୧୨ ହାୟମ୍ ହାୟମେ ନଗମ୍ ତଗମ୍ / କୁରୁମ୍ ତୁରୁମ୍ ☆ ୭:୨୩ ୭:୨୩ ଯୋହାନ୍ ୫:୯.

ଏସେଦାଈଙ୍କୁ ତାନା ? ୨୪ ମେନ୍ଦୁହାଁଡ଼ ନେଲକେଦତେ ଆଲ୍ଲପେ ବିଚାରୁଆଃ, ମେନ୍ଦୁ ସାର୍ତି ଲେକାତେ ବିଚାର ରିକାଏପେ ।”

ୟୀଶୁ ମାସି ତାନିଃ ତି ?

୨୫ ଯୀରୁଶାଲେମରେନ୍ ହଡ଼କଏତେ ତିମିନ୍ଦକ କାଜିକେଦା, “ତିୟାଃ ଯିହୁଦୀକଆଃ ହାକିମ୍ବକ ଗଏଃ ନାଈକ ସାନାଙ୍ଗତାନ୍ ହଡ଼ ନିଃ ନାହାଲିଃ ତି ? ୨୬ ନେଲିପେ, ନିଃ ନେତାଃରିୟା, ନେପେଲ୍ଲରେ ଜାଗାରୁତାନାଏ ଆତଃ ଇନ୍ଦକୁ ଜେଦନାଃ କାକ କାଜିୟାଈତାନା, ତିୟାଃ ଆଗୁଆଇକ ଇନିଃକେ ମାସି ତାନିଃ ମେନ୍ତେ ସାର୍ତିଗିକ ଆଡ଼କାଡ଼କେଦାଃ ତି ? ୨୭ ଇନିଃ ଅକ୍ତାଃରେନ୍ ତାନିଃ ନେୟାଁରୁ ସାରିତାନା, ମେନ୍ଦୁ ମାସି ହିଜୁଃରେ ଇନିଃ କତାଃରେନ୍ ତାନିଃ ଏନା ଜେତାଏ କାକ ସାରିଆଃ ।”

୨୮ ଏନ୍ତେ ଯୀଶୁ ମାନ୍ଦିର ଅଡ଼ାଃରେ ଇତୁକତାନ୍ଲଃ କାଉରିତାନ୍ଲଃ କାଜିକେଦାଏ, “ତିୟାଃ ଆପେ ଆଇଙ୍ଗକେ ସାରିତାନାପେ ଆତଃ ଆଇଙ୍ଗ ଅକ୍ତାଃରେନ୍ ତାନିଙ୍ଗ ଏନାପେ ସାରିତାନାତି ? ଆଇଙ୍ଗ ଆଇୟାଃତେଗି କାଈଙ୍ଗ ହିଜୁଆକାନା ମେନ୍ଦୁ ଆଇୟାଃ କୁଲ୍ନିଃ ସାର୍ତିଗିୟାଏ, ଆପେ ଇନିଃକେ କାପେ ସାରିତାନା, ୨୯ ମେନ୍ଦୁ ଆଇଙ୍ଗ ଇନିଃକେ ସାରିତାନାଈଙ୍ଗ ତିୟାଃତି ଆଇଙ୍ଗ ଇନିଃତାଃଏତେ ହିଜୁଆକାନାଈଙ୍ଗ ଆତଃ ଇନିଃ ଆଇଙ୍ଗକେ କୁଲ୍ଲକାଦିୟାଏ ।”

୩୦ ଏନ୍ତେ ଇନ୍ଦକୁ ଇନିଃକେ ସାସାଦ୍ ସାନାଙ୍ଗକିୟାଈକ, ଏନ୍ରେୟ ଜେତାଏ ଇନିଃରେ ତିଃଇ କାକ ଜିଲିଙ୍ଗକେଦାଃ, ତିୟାଃତି ଇନିୟାଃ ନେତାଦ ଇମ୍ବତାଜାକେଦ୍ କା ସେଟେରାକାନ୍ ତାଇକେନା । ୩୧ ମେନ୍ଦୁ ଗାଦେଲ୍ ହଡ଼କଏତେ ପୁରାଃ ହଡ଼କ ଇନିଃରେକ ବିଶ୍ୱାସ୍ କେଦାଃ ଆତଃକ କାଜିକେଦା, “ତିୟାଃ ମାସି ହିଜୁଃରେ ନିଃ କାମିୟାକାଦ୍ ପେଡ଼େଃରାଃ କାମିଏତେ ଆଦ୍ କାମିକତି କାମିୟା ?”

ଫାରୁଶୀକ ଯୀଶୁକେ ସାବିନାଗେନ୍ତେ ଦାରଝାନ୍ଦକକେ କୁଲ୍ଲକତାନାକ

୩୨ ଫାରୁଶୀକ ହଡ଼କକେ ଯୀଶୁଆଃ ବିଷାଏରେ ନେୟାଁ ହାୟମ୍ ହାୟମ୍ତାନ୍ଦକ ଆୟୁମକେଦ୍ କଥା, ଏନ୍ତେ ଫାରୁଶୀକ ଆତଃ ମୁଲ୍ ଯାଜାକ୍ ଇନିଃକେ ସାସାଦ୍ନାଙ୍ଗ ଦାରଝାନ୍ଦକକେ କୁଲ୍ଲକେଦ୍ କଥାକ । ୩୩ ଯୀଶୁ କାଜିୟାଦ୍ କଥାଏ, “ଆଇଙ୍ଗ ହୁଡ଼ିଙ୍ଗ ଦିପିଲି ଜାକେଦ୍ ଆପେଲଃ ତାଇନିଃକ୍, ଏନ୍ତେ ଆଇଙ୍ଗକେ କୁଲ୍ଲକାଦ୍ନିଃତାଃତେ ସେନଃଆଇଙ୍ଗ । ୩୪ ଆପେ ଆଇଙ୍ଗକେ ଦାଣ୍ଠାଇଙ୍ଗରେୟ କାପେ ନାମିୟାଁ ଆତଃ ଆଇଙ୍ଗ ତାଇନିଃତାଃ ଆପେ କାପେ ସେନ୍ଦାଡ଼ିୟାଃ ।”

୩୫ ଏନ୍ତେ ଯିହୁଦୀକଆଃ ହାକିମ୍ବକ ଆକ ଆକରେକ ଜାଗାରୁକେଦାଃ, “ନିଃ କତାଃତେ ସେନଃନାଙ୍ଗ ସାନାଙ୍ଗ ତାନାଏ ଯେ ଆଡ଼ ଇନିଃକେ କାବୁ ନାମିୟାଁ ? ତିୟାଃ ଇନିଃ ଗ୍ରୀକ୍ ହଡ଼କଆଃ ଆଲାରେ ନେତେ ହେନ୍ତେୟାକାନ୍ ଆଡ଼ୁଆଃ ହଡ଼କତାଃ ସେନଃଆଏ ଆତଃ ଗ୍ରୀକ୍ ହଡ଼କକେ ଇତୁକଥାଏ ? ୩୬ ଆପେ ଆଇଙ୍ଗକେ ଦାଣ୍ଠାଇଙ୍ଗରେୟ କାପେ ନାମିୟାଁ ଆତଃ ଆଇଙ୍ଗ ତାଇନିଃତାଃ କାପେ ସେନ୍ଦାଡ଼ିୟା ମେନ୍ତେ ଇନିଃ କାଜିକେଦ୍ କାଜି ଚିକ୍ନାଃତାନା ?”

ଲିଜିୟାତାନ୍ ଜାଦାନ୍ ଏମଃ ଦାଆଃ

୩୭ ତୁଣ୍ଡୁ ହୁଲ୍ଲାଇ, ତାଏ ପାରାବ୍ରେୟାଃ ମାରାଙ୍ଗ ହୁଲ୍ଲାଇରେ ଯୀଶୁ ତିଜୁୟାନ୍ତେ କାଉରିକେଦ୍ ତେ କାଜିକେଦାଏ, “ଜେତାଏ ତେତାଙ୍ଗରେଦ୍ ଆଇୟାଃତାଃତେ ହିଜୁଃକାଏ, ଆତଃ ୩୮ ଜେତାଏ ଆଇଙ୍ଗରେ ବିଶ୍ୱାସ୍ତାନ୍ନିଃ ନୁଁଏକାଏ, ଧାରାମ୍ପୁଅରେ କାଜିକାନ୍ଲେକା, ‘ବିଶ୍ୱାସ୍ତାନ୍ନିୟାଃ ଜୀଉଏତେ ଜାଦାନ୍ ଦାଆଃରେୟାଃ ଗାଡ଼ାକ ଲିଜିକାତେୟାଃ ।’” ୩୯ ଇନିଃକେ ବିଶ୍ୱାସୀତାନ୍ଦକ, ତାୟମ୍ତେ ଅକନ୍ ଆମ୍ବାକେକ ନାମିୟାଁ, ଇନ୍ଦକୁଆଃ ବିଷାଏରେ ଇନିଃ ନେ କାଜି କାଜିକେଦାଏ, ତିୟାଃତି ଇମ୍ବତା ଜାକେଦ୍ ଯୀଶୁଆଃ ମାନାରାଙ୍ଗ କା ହବାକାନ୍ ତାଇକେନ୍ ହରାତେ ପାବିତାର୍ ଆମ୍ବାଦ୍ କାଏ ଏନାକାନ୍ ତାଇକେନା ।

ହଡ଼କଆଃ ଆଲାରେ ବିନ୍ଗାଅଃ

୪୦ ପୁରାଃ ହଡ଼କଏତେ ତିମିନ୍ଦକ ନେ କାଜି ଆୟୁମକେଦ୍ ତେ ମେନ୍ଦୁକେଦାଃକ, “ନିଃ ସାର୍ତିଗି ନାବୀ ତାନିଃ !”

୪୧ ଏଗାଃକ ମେନ୍ଦୁକେଦାଃ, “ଇନିଃ ମାସି ତାନିଃ !” ମେନ୍ଦୁ ତିମିନ୍ଦକ ମେନ୍ଦୁକେଦାଃ, “ମାସି ଗାଲିଲ୍ଏତେ କାଏ ହିଜୁଃଆ ? ୪୨ ମାସି ଦାଉଦ୍ ଆଃ କିଲିଏତେ ଆତଃ ଦାଉଦ୍ ତାଇକେନ୍ ବେଅଲ୍ଲେହେମ୍ ସାହାଡ଼ଏତେ ହିଜୁଆଏଃ ମେନ୍ତେ ଧାରାମ୍ପୁଅରେ କା’ତି କାଜିକାନା ?” ୪୩ ଏନାତେ ଗାଦେଲ୍ ହଡ଼କ

‡ ୭:୩୯ ୭:୪୦ ଆପାନ୍ ଆପାନ୍ କ

ଇନିୟାଃ ନାଗେନ୍ତେକ ବିପିଜ୍ଞାଅୟାନା । ୪୪ ଆତଃ ଇନ୍‌କୁଏତେ ଚିମିନ୍‌କ ଯୀଶୁ ସାବଃକାଏ ମେନ୍ତେ ସାନାଙ୍ଗତାନ୍‌କ ତାଇକେନା ମେନ୍‌ଦ ଜେତାଏ ଇନିଃରେ ତିଃଇ କାକ ଜିଲିଙ୍ଗକେଦାଃ ।

କା ବିଶ୍ୱାସତାନ୍ ଯିହୁଦୀ ହାକିମ୍‌କ

୪୫ ଦାରଖାନ୍‌କ ରୁହାଡ଼ୟାନ୍‌ଚି, ମୁଲ୍ ଯାଜାକ୍‌କ ଆତଃ ଫାରୁଶୀକ ଇନ୍‌କୁକେ କୁଲିକେଦକଆକ, “ଚିନାଃ ମେନ୍ତେ ଇନିଃକେ କାପେ ଆଉକିୟା ?”

୪୬ ଦାରଖାନ୍‌କ ମେତାଦକଆକ, “ନେ ହଡ଼ କାଜିତାନ୍‌ଲେକା ଜେତାଏ ହଡ଼ ଚିଉଲ୍‌ହ କାଏ କାଜିୟାକାଦାଃ ।”

୪୭ ଏନ୍ତେ ଫାରୁଶୀକ ଇନ୍‌କୁକେ କାଜିରୁହାଡ଼ାଦକଆକ, “ଆପେକେୟରିଚି ଇନିଃ ବେଦାକାଦପେୟାଏ ? ୪୮ ହାକିମ୍‌କଏତେ ଚାଏ ଫାରୁଶୀକଏତେ ଚିୟାଃ ଜେତାଏ ଇନିଃରେ ବିଶ୍ୱାସକାଦାକ ? ଏନା ସାରିକାଦାପେଚି ? ୪୯ କାହା ! ମେନ୍‌ଦ ମୁଶାରାଃ ଆନ୍‌ତୁ କାକ ସାରିତାନ୍ ନାଗେନ୍ତେ ନେ ଗାଦେଲ୍ ହଡ଼କ ସାର୍‌ପାଞ୍ଜାକାନାକ ।”

୫୦ ନିନ୍‌କଦାମ୍, ଅକଏଚି ସିଦାରେ ଯୀଶୁତାଃତେ ସେନ୍‌କାନ୍ ତାଇକେନାଏ ଆତଃ ଇନିଃ ଇନ୍‌କୁଏତେ ମିହୁଡ଼ ତାଇକେନାଏ, ଇନିଃ କୁଲିକେଦକଆଏ, ୫୧ “ମିଆଁଦ୍ ହଡ଼ତାଃଏତେ ଆଉରି ଆୟୁମ୍ ଜାକେଦ୍ ଆତଃ ଇନିୟାଃ ଚାଇଲ୍ ଚାଲାନ ଆଉରି ସାରି ଜାକେଦ୍ ଆବୁଆଃ ଆନ୍‌ତୁ ଚିୟାଃ ଇନିୟାଃ ବିଚାରେୟାଏ ?”

୫୨ ଇନ୍‌କୁ ଇନିଃକେ କାଜିରୁହାଡ଼କିୟାଃକ, “ଆମ୍‌ହରିଚି ଗାଲିଲ୍‌ରେନ୍ ହଡ଼ ତାନ୍‌ମେ ? ନେଲ୍ ନାମେମେ, ଗାଲିଲ୍‌ଏତେ ଜେତାଏ ନାବୀ କାଏ ଅତଙ୍ଗଅଃଆ ?” ୫୩ ଏନ୍ତେ ସବେନ୍‌କ ଆକଆଃ ଆକଆଃ ଅଡ଼ାଃତେକ ସେନିଃୟାନା ।



ଆପାଙ୍ଗିର୍ କାମିରେ ସାବାକାନ୍ କୁଡ଼ି

୧ ମେନ୍‌ଦ ଯୀଶୁ ଜାଇତୁନ୍ ବୁରୁତେ ସେନିଃୟାନାଏ । ୨ ଏଗାଃ ହୁଲାଙ୍ଗ ଆଙ୍ଗୟାନ୍‌ଚି ଯୀଶୁ ମାନ୍‌ଚିରୁତେ ରୁହାଡ଼ୟାନାଏ ଆତଃ ସବେନ୍ ହଡ଼କ ଇନିଃତାଃରେ ହୁଣ୍ଡିୟାନାକ ଆତଃ ଇନିଃ ଦୁବକେଦ୍‌ତେ ଇନ୍‌କୁକେ ଇଡୁକେଦକଆଏ । ୩ ଆଇନ୍ ଇଡୁକ ଆତଃ ଫାରୁଶୀକ ଆପାଙ୍ଗିର୍ କାମିରେ ସାବକାନ୍ କୁଡ଼ିକେ ଆଉକେଦ୍‌ତେ ସବେନ୍‌କଆଃ ଆଲାରେକ ତିଙ୍ଗକିୟା ଆତଃ ଯୀଶୁକେ କାଜିକିୟାଃକ, ୪ “ହେ ଗୁରୁ, ନେ କୁଡ଼ି ଆପାଙ୍ଗିର୍ କାମି କାମିତାନ୍ ଇମ୍‌ତାଗି ସାବ୍‌ୟାନାଏ । ୫ ଆଲେୟାଃ ଆନ୍‌ତୁରେ ମୁଶା ନେ ଲେକାନ୍ କୁଡ଼ିକକେ ଦିରି ଚିଦ୍‌ଗି ଗଏଃକପେ ମେନ୍ତେ ଆଲେକେ ଆତୁଆକାଦଲେୟାଏ, ନାହାଃ ଆମ୍ ଚିନାଃ ମେନେତାନାମ୍ ?” ୬ ଯୀଶୁକେ ଚିଚାଲରାଃ ହରାନାମ୍ ନାଗେନ୍ତେ ବିଡ଼ାଅ ତାନ୍‌ଲଃ ଇନ୍‌କୁ ନେୟାଁ କୁଲିକିୟାଃକ । ମେନ୍‌ଦ ଯୀଶୁ ତିରୁଦ୍‌ୟାନ୍‌ଲଃ ସାବ୍‌ସାବ୍‌ତେ ଅତେରେ ଅଲ୍‌କେଦା ।

୭ ଏନ୍ତେ ଇନ୍‌କୁ କୁଲିତାନ୍ ଇମ୍‌ତାଗି ଇନିଃ ବିରିଦକେଦ୍‌ତେ ମେତାଦକଆଏ, “ଆପେୟାଃ ଆଲାରେ କା ପାପ୍‌କାଦ୍‌ନିଃ ସିଦାତେ ଇନିଃକେ ଦିରି ଚିଦ୍‌ଗିକାଏ ।” ୮ ଏନ୍ତେ ଆତଃରି ଇନିଃ ତିରୁଦ୍ ରୁହାଡ଼କେଦ୍‌ତେ ଅତେରେ ସାବ୍‌ସାବ୍‌ତେ ଅଲ୍‌କେଦାଏ । ୯ ଇନ୍‌କୁ ନେୟାଁ ଆୟୁମ୍‌କେଦ୍‌ତେ ସବେନ୍‌କ ମାପ୍‌ରାଙ୍ଗଏତେ ହୁପଡିଙ୍ଗ୍ ଜାକେଦ୍ ମିମିଆଦ୍‌ତେକ ଅତଙ୍ଗୟାନା, ଯୀଶୁ ଏସକାର୍‌ଚି ତାଇନ୍‌ୟାନାଏ ଆତଃ ଏନ୍ କୁଡ଼ି ଆଲାରେ ତିଙ୍ଗୁଆକାନାଏ ତାଇକେନା । ୧୦ ଏନ୍ତେ ଯୀଶୁ ତିଙ୍ଗୁୟାନ୍‌ତେ ଇନିଃକେ କାଜିକିୟାଏ, “ଏ କୁଡ଼ି ଆମ୍‌କେ ଚିଚାତାନ୍‌କ କଡ଼ାଃରେକଆଃ ? ଚିୟାଃ ଜେତାଏ ଆମ୍‌କେ କାକ ସାଜାକେଦ୍‌ମେଆଚି ?”

୧୧ ଇନିଃ କାଜିକିୟାଏ, “ହେ ଗମକେ, ଜେତାଏ ଦ କାହା,” ଏନ୍ତେ ଯୀଶୁ ମେତାଲୟାଏ, “ଆଇଙ୍ଗ୍ ହ୍ ଆମ୍‌କେ କାଇଙ୍ଗ୍ ସାଜାକମେତାନା, ଜୁ ସେନିଃମେ ଆତଃ ଆୟାବ୍‌ତେ ଆଲମ୍ ପାପ୍ କାମିୟା ।”*

ୟୀଶୁ ଅତେଦିଶ୍ୱମ୍‌ରେନ୍ ମାୟାଲ୍ ତାନିଃ

୧୨ ଯୀଶୁ ଆତଃମିସା ଫାରୁଶୀକକେ ଇଡୁତାନ୍‌ଲଃ କାଜିକେଦକଆଏ, “ଆଇଙ୍ଗ୍ ଅତେଦିଶ୍ୱମ୍‌ରେନ୍ ମାୟାଲ୍ ତାନିଙ୍ଗ୍, ଆଇଙ୍ଗ୍‌କେ ଅତଙ୍ଗନିଃ ଜୀଦାନ୍‌ରେୟାଃ ମାୟାଲ୍ ନାମେୟାଏ । ଆତଃ ନୁକାଃରେ କାଏ ସେନେୟା ।”

୧୩ ଏନ୍ତେ ଫାରୁଶୀକ ଇନିଃକେ କାଜିକିୟାଃକ, “ଆମ୍ ଆମାଃ ନାଗେନ୍ତେ ଗାଞ୍ଜାଇ ଏମେତାନାମ୍, ଆମାଃ ଗାଞ୍ଜା ସାବ୍‌ଚି ନାହାଁଲାଃ ।”

* ୭:୫୦ ୭:୫୦ ଯୋହାନ୍ ୩:୧୨. * ୮:୧୧ ୮:୧୧ ୧ପଦ ତାଃଏତେ ୧୧ ପଦ ଜାକେଦ୍ ଚିମିନ୍ ମାରି ଅନଲ୍‌ରେ ବାନଃଆ * ୮:୧୨ ୮:୧୨ ମାୟାଲ୍ ୫:୧୫; ଯୋହାନ୍ ୯:୫. * ୮:୧୩ ୮:୧୩ ଯୋହାନ୍ ୫:୩୧.

୧୪ ଯୀଶୁ କାଜିରୁହାଡ଼ାଦକଥାଏ, “କାହାରି, ଆଇଙ୍କ ଆଇଁୟାଃ ନାଗେନ୍ତେ ଗାଝାଇଙ୍କ ଏମେତାନ୍ରେଆ ଆଇଁୟାଃ ଗାଝା ସାର୍ତ୍ତିରିୟା । ଆଇଙ୍କଦ କତାଃଏତେଇଙ୍କ ହିନ୍ତୁଆକାନା ଆତଃ କତାଃତେଇଙ୍କ ସେନଃତାନା ନେୟାଈଙ୍କ ସାରିତାନା ମେନ୍ଦ ଆଇଙ୍କ କତାଃଏତେଇଙ୍କ ହିନ୍ତୁଃକାନା ଆତଃ କତାଃତେଇଙ୍କ ସେନାଃ, ଏନା ଆପେ କାପେ ସାରିୟାଃ । ୧୫ ଆପେ ହଡ଼କଲେକାପେ ବିଚାରେତାନା, ଆଇଙ୍କ ଜେତାଏକେ କାଇଙ୍କ ବିଚାରକତାନା । ୧୬ ମେନ୍ଦ ଆଇଙ୍କ ବିଚାରେରେଦ ଆଇଁୟାଃ ବିଚାର୍ ସାର୍ତ୍ତିରିୟାଃ, ଚିୟାଃଚି ଆଇଙ୍କଦ କାଇଙ୍କ ଏସକାରାଃ, ମେନ୍ଦ ଆଇଙ୍କକେ କୁଲ୍ଲାଇଙ୍କ ଆପୁଲ୍ଲଃ ମେନାଇୟା । ୧୭ ଆତଃ ବାର୍ହଡ଼କିନାଃ ଗାଝା ମିଦଃରେ, ଇନ୍ଦକିନାଃ କାଜିତେୟାଃ ସାର୍ତ୍ତିରିୟା ନେୟା ଆପେୟାଃ ଆନୁ ପୁଥୁରେ ଅଲ୍ଲକାନା । ୧୮ ଆଇଙ୍କ ଆଇଁୟାଃ ନାଗେନ୍ତେ ଗାଝାଇଙ୍କ ଏମେତାନା ଆତଃ ଆଇଙ୍କକେ କୁଲ୍ଲକାନ୍ ଆପୁ ଆଇଁୟାଃନାଙ୍କ ଗାଝା ଏମେତାନାଏ ।”

୧୯ ଏନ୍ତେ ଇନ୍ଦକୁ କୁଲ୍ଲିକିୟାଃକ, “ଆପୁମତାମାଃ କତାଃଚିୟାଃ ?” ଯୀଶୁ କାଜିରୁହାଡ଼ାଦକଥାଏ, “ଆପେ ଆଇଙ୍କକେ ଆତଃ ଆପୁଇଙ୍କକେ କାପେ ସାରିୟାଃ । ଆଇଙ୍କକେ ଆପେ ସାରିରେଦ ଆପୁଇଙ୍କକେହ ସାରିତେୟାଃପେ ।”

୨୦ ନେ କାଜି ଯୀଶୁ ମାନ୍ଦିର୍ ଅଡ଼ାଃରେୟାଃ ଭାଣ୍ଡାର୍ ଅଡ଼ାଃ ଜାପାଃରେ ଇଡ଼ୁକତାନ୍ ଇମତା କାଜିକେଦାଏ, ଆତଃ ଜେତାଏ ଇନିଃକେ କାକ ସାବ୍କିୟାଃ ଚିୟାଃଚି ଇନିୟାଃ ନେତା ଇମତାଙ୍କ ଜାକେଦ କା ତେବାଃକାନ୍ ତାଇକେନା ।

ଯୀଶୁ ଆୟାଃ ସେନଃ ବିଷାଏରେ ଆୟାଃକାଜି କାଜିକେଦା

୨୧ ଆତଃମିୟା ଯୀଶୁ ଇନ୍ଦକୁକେ କାଜିକେଦକଥାଏ, “ଆଇଙ୍କ ସେନଃତାନାଇଙ୍କ ଆତଃ ଆପେ ଆଇଙ୍କକେ ଦାଣ୍ଠାଇୟାପେ ମେନ୍ଦ ଆପେୟାଃ ପାପ୍ରେପେ ଗଜଃଆ । ଆଇଙ୍କ ସେନଃତାଃତେ କାପେ ସେନ୍ଦାଡ଼ିୟା ।”

୨୨ ଯିହୁଦୀକଥାଃ ହାକିମକ ଆକ ଆକରେକ ମେନ୍ଦକେଦାଃ, “ଚିୟାଃ ଇନିଃ ଆଇଃକ୍ତି ଗଜଃଇଙ୍କ ମେନ୍ତେ କାଜିତାନାଏଚି, ଏନାନାଗେନ୍ତେ ଆଇଙ୍କ ସେନଃତାଃତେ କାପେ ସେନ୍ଦ ଦାଡ଼ିୟା ମେନ୍ତେ କାଜିତାନାଏ ?”

୨୩ ଏନ୍ତେ ଯୀଶୁ ଇନ୍ଦକୁକେ ମେତାଦକଥାଏ, “ଆପେ ନେ ଅତେଦିଶୁମ୍ରେ ଜାନାମକାନାପେ, ମେନ୍ଦ ଆଇଙ୍କ ସିର୍ମାତେ ହିନ୍ତୁଆକାନାଇଙ୍କ । ଆପେ ନେ ଅତେଦିଶୁମ୍ରେନ୍ଦକ ତାନ୍ଦେ, ଆଇଙ୍କ ନେ ଅତେଦିଶୁମ୍ରେନ୍ଦ ନାହାଈଲାଇଙ୍କ । ୨୪ ଏନାମେନ୍ତେ ଆଇଙ୍କ ମେତାପେ ତାନାଇଙ୍କ, ଆପେ ଆପେୟାଃ ପାପ୍ରେ ଗଜଃଆପେ, ଚିୟାଃଚି ଆଇଙ୍କ, ଆଇଙ୍କଚି ଇନିଃ ତାନିଙ୍କ ଏନା କାପେ ବିଶ୍ୱାସେରେଦ ଆପେୟାଃ ପାପ୍ରେଚି ଗଜଃଆପେ ।”

୨୫ ଏନ୍ତେ ଇନ୍ଦକୁ ଇନିଃକେ କୁଲ୍ଲିକିୟାଃକ, “ଆମ୍ ଅକଏ ତାନ୍ଦେ ?” ଯୀଶୁ ଇନ୍ଦକୁକେ କାଜିୟାଦକଥାଏ, “ମୁନ୍ଦୁଏତେଚି କାଜିୟାକାଦ୍ପେୟାଈଙ୍କ ଇନିଃ ଆଇଙ୍କଚି ତାନିଙ୍କ । ୨୬ ଆପେୟାଃ ବିଷାଏରେ କାଜି ଆତଃ ବିଚାର୍ ନାଗେନ୍ତେ ଆଇଁୟାଃତାଃରେ ପୁରାଃଚି କାଜି ମେନାଃ । ମେନ୍ଦ ଆଇଙ୍କକେ କୁଲ୍ଲିନିଃ ସାର୍ତ୍ତିରିୟାଏ, ଆତଃ ଆଇଙ୍କ ଇନିଃତାଃଏତେ ଆୟାଃକାଦ୍ପେୟାଈ ସବେନାଃ ଅତେଦିଶୁମ୍ରେ ଉଦୁବେତାନାଇଙ୍କ ।”

୨୭ ଯୀଶୁ ଆପୁଆଃ ବିଷାଏରେ ଇନ୍ଦକୁକେ କାଜିୟାକତାନ୍ ତାଇକେନାଏ, ଏନା ଇନ୍ଦକୁ କାକ ଆବ୍କାର୍କେଦାଃ । ୨୮ ଏନ୍ତେ ଯୀଶୁ କାଜିୟାଦକଥାଏ, “ଆପେ ଚିମ୍ତା ମାନଝାହନ୍ଦକେ ଚେତାନ୍ତେପେ ଚାକାବିୟା, ଇମତା ଆଇଙ୍କ, ଆଇଙ୍କଚି ଇନିଃ ତାନିଙ୍କ ମେନ୍ତେପେ ସାରିୟାଃ ଆତଃ ଆଇଙ୍କଏତେ ଜେଦନାଃ କାଇଙ୍କ କାମି, ମେନ୍ଦ ଆପୁ ଇଡ଼ୁଆକାଇଙ୍କଲେକା ନେ କାଜିକଇଙ୍କ କାଜିକାଦା ମେନ୍ତେପେ ଆବ୍କାର୍ଡୁମେୟା । ୨୯ ଆତଃ ଆଇଙ୍କକେ କୁଲ୍ଲିନିଃ ଆଇଙ୍କଲଃଚିୟା, ଇନିଃ ଆଇଙ୍କକେ ଏସକାର୍ଚି କାଏ ବାରିୟାକାଦିୟା, ଚିୟାଃଚି ଆଇଙ୍କ ଜାନାଅଚି ଇନିଃକେ ସୁକୁଆଇଲେକା କାମିଚିକାଇଃକ ।”

୩୦ ଯୀଶୁ ନେୟା କାଜିତାନ୍ ତାଇକେନ୍ଦରେ ପୁରାଃ ହଡ଼କ ଇନିଃତାଃରେକ ବିଶ୍ୱାସକେଦା ।

ସାନାଚ୍ଚି ଆପେକେ ଆଡ଼ାଃପେୟାଏ

୩୧ ଏନ୍ତେ ଯୀଶୁତାଃରେ ଅକନ୍ ଯିହୁଦୀକ ବିଶ୍ୱାସତାନ୍ଦକ ତାଇକେନା, ଇନିଃ ଇନ୍ଦକୁକେ କାଜିୟାଦକଥାଏ, “ଆପେ ଆଇଁୟାଃ ଇନିତୁ ମାନାଚ୍ଚିକ୍ରେଦ ସାର୍ତ୍ତିରି ଆଇଁୟାଃ ଚେଲାକ ତାନ୍ଦେ । ୩୨ ଆତଃ ଆପେ ସାର୍ତ୍ତିକେ ଆବ୍କାରେୟା, ଆତଃ ଏନ୍ଦ ସାର୍ତ୍ତିରି ଆପେକେ ଆଡ଼ାଃପେୟାଏ ।”

୩୩ ଈଶ୍ଵର ଜନିତକେ କାଜିରୁହାଡ଼କିୟାକ, “ଆଲେଦ ଆବ୍ରାହାମଆଃ କିଲିରେନକ ତାନ୍ଲେ ଆତଃ ଚିଉଲାହରି ଜେତାଏକଆଃ ଦାସି କାଲେ ତାଇକେନା ଚିନାଃମେନ୍ତେ ଆପେ ରାଡ଼ାଆଃପେ ମେନ୍ତେମ୍ କାଜିତାନା ? ନେୟାଃରାଃ ମୁଣ୍ଡି ଚିନାଃ ତାନାଃ ?”

୩୪ ଯୀଶୁ କାଜିରୁହାଡ଼ାଦକଆଏ, “ସାର୍ତ୍ତିଚି କାଜିୟାପେ ତାନାଇଙ୍ଗ୍ ପାପକାମିତାନ୍ ସବେନକ ପାପ୍ରେୟାଃ ଦାସିତାନ୍କୁ । ୩୫ ଦାସି ଜାନାଅ ଜାନାଅ ଆତଃରେ କାଏ ତାଇନାଃ ମେନ୍ଦ ହନ୍ ଜାନାଅ ଜାନାଅ ତାଇନାଃ । ୩୬ ଏନାମେନ୍ତେ ହନ୍ ରାଡ଼ାପେରେଦ, ଆପେ ସାର୍ତ୍ତିଚିପେ ରାଡ଼ାଅଅ । ୩୭ ଆପେ ଆବ୍ରାହାମଆଃ କିଲିରେନକ ତାନ୍ପେ ନେୟା ଆଇଙ୍ଗ୍ ସାରିତାନାଇଙ୍ଗ୍ ମେନ୍ଦ ଆଇଁୟାଃ ଜନିତୁ କାପେ ତେଲାଏତାନା ଏନାମେନ୍ତେ ଆପେ ଆଇଙ୍ଗ୍କେ ଗରଏଃ ସାନାଙ୍ଗ୍ତାନାପେ । ୩୮ ଆଇଙ୍ଗ୍ ଆପୁଇଙ୍ଗ୍ତାଃରେ ନେଲାଇକାଦ୍ରେୟାଃ କାଜିତାନାଇଙ୍ଗ୍ ମେନ୍ଦ ଆପେ ଆପେୟାଃ ଆପୁ କାଜିକାଦ୍ଲେକା କାମିୟାଃପେ ।”

୩୯ ଜନକୁ ଜନିତକେ କାଜିରୁହାଡ଼କିୟାକ, “ଆବ୍ରାହାମ୍ ଆଲେୟାଃ ଆପୁ ତାନିଃ ।” ଯୀଶୁ ଜନକୁକେ କାଜିୟାଦକଆଏ, “ଆପେ ସାର୍ତ୍ତିଚି ଆବ୍ରାହାମଆଃ ହନ୍ ତାନ୍ପେରେଦ ଆବ୍ରାହାମଆଃ କାମି ଲେକା କାମିତେୟାଃପେ । ୪୦ ଆଇଙ୍ଗ୍ଦ ପାର୍ମେଶ୍ଵାର୍ତାଃଏତେ ଆୟୁମକେଦ୍ ସାର୍ତ୍ତିକାଜି ବାରିକେଦ୍ତେ ଏଟାଃତେୟାଃ କାଇଙ୍ଗ୍ ଉଦୁବାପେତାନା ହଲେହ୍ ଆଇଙ୍ଗ୍କେ ନାହାଁଃ ଗରଏଃ ସାନାଙ୍ଗ୍ତାନାପେ, ଆବ୍ରାହାମ୍ ଏନ୍ଲେକା କାମି କାଏ କାମିକାଦାଃ । ୪୧ ଆପେ ସବେନ୍ ଆପେୟାଃ ଆପୁଆଃ କାମିକ ରିକାତାନାପେ ।” ଜନକୁ ଯୀଶୁକେ କାଜିକିୟାଃକ, “ଆଲେ ଆପାଙ୍ଗ୍ ଚାମିରେନ୍ ହନ୍ଦ ନାହାଁଲେ । ଆଲେୟାଃପେ ମିଆଁଦ୍ରି ଆପୁ ଜନିତଦ ପାର୍ମେଶ୍ଵାର୍ ତାନିଃ ।”

୪୨ ଯୀଶୁ ଜନକୁକେ କାଜିୟାଦକଆଏ, “ପାର୍ମେଶ୍ଵାର୍ ଆପେୟାଃ ଆପୁ ତାନିଃରେଦ ଆପେ ଆଇଙ୍ଗ୍କେ ଦୁଲ୍ଲାଡ଼ିଙ୍ଗ୍ତେୟାଃପେ ଚିୟାଃଚି ଆଇଙ୍ଗ୍ ପାର୍ମେଶ୍ଵାର୍ତାଃଏତେ ହିଜୁଃକାନାଇଙ୍ଗ୍ ଆତଃ ନାହାଁଃ ନେତାଃରିୟା । ଆଇଙ୍ଗ୍ଦ ଆଇଁୟାଃ ପେଡ଼େତେ କାଇଙ୍ଗ୍ ହିଜୁଆକାନା ମେନ୍ଦ ଆପୁ ଆଇଙ୍ଗ୍କେ କୁଲାଇକାଦିୟାଏ । ୪୩ ଆପେ ଆଇଁୟାଃ କାଜି ଚିନାଃ ମେନ୍ତେ କାପେ ଆର୍କାର୍ତ୍ତରୁମେତାନା ? ଚିୟାଃଚି ଆପେଦ ଆଇଁୟାଃ ଜନିତୁ ଆୟୁମ୍ ନାଙ୍ଗ୍ କାପେ ସାହାତିଙ୍ଗ୍ ଦାଡ଼ିତାନା । ୪୪ ଆପେ ଆପେୟାଃ ଆପୁ ସାଏତାନ୍ରାଃ ହନ୍ଦ ତାନ୍ପେ ଆତଃ ଆପେୟାଃ ଆପୁଆଃ ସାନାଙ୍ଗ୍ଲେକା କାମି ସାନାଙ୍ଗ୍ତାନାପେ । ଜନିଃ ମୁନ୍ଦ୍ରେତେ ହଡ଼ ଗରଏଃନିଃ ତାଇକେନାଏ ଆତଃ ସାର୍ତ୍ତିଚିରେ କାଏ ତିଙ୍ଗ୍ କେଟେଦ୍ୟାନା, ଚିୟାଃଚି ଜନିଃରେଦ ସାର୍ତ୍ତି ବାନଆ । ଜନିଃ ହସଡ଼ କାଜି କାଜିତାନ୍ ଜମତା ଆୟାଃତେଚି କାଜିୟାଏ ଚିୟାଃଚି ଜନିଃଦ ହସଡ଼ନିଃ ଆତଃ ହସଡ଼ରେନ୍ ଆପୁ ତାନିଃ । ୪୫ ମେନ୍ଦ ଆଇଙ୍ଗ୍ ସାର୍ତ୍ତିଚି କାଜିତାନାଇଙ୍ଗ୍ ମେନ୍ତେ ଆଇଁୟାଃ କାଜି କାପେ ପାତିୟାରେତାନା । ୪୬ ଆଇଁୟାଃତାଃରେ ପାପ୍ ମେନାଃ ମେନ୍ତେ ଆପେକଏତେ ଅକଏ ଚିଟାଇଙ୍ଗ୍ୟାଏ ? ଆଇଙ୍ଗ୍ ସାର୍ତ୍ତିଚି କାଜି କାଜିରେଦ ଚିନାଃ ମେନ୍ତେ ଆଇଁୟାଃ କାଜିକେ କାପେ ପାତିୟାରେତାନା ? ୪୭ ଜେତାଏ ପାର୍ମେଶ୍ଵାର୍ତାଃଏତେ ହିଜୁଃକାନାଏ ଜନିଃ ପାର୍ମେଶ୍ଵାର୍ତାଃ କାଜି ଆୟୁମେୟାଏ । ଆପେ ପାର୍ମେଶ୍ଵାର୍ତାଃଏତେ କାପେ ହିଜୁଃକାନା ଏନାମେନ୍ତେ ଜନିୟାଃ କାଜି କାପେ ଆୟୁମେତାନା ।”

ୟୀଶୁ ଆତଃ ଆବ୍ରାହାମ୍

୪୮ ଯିହୁଦୀକ ଯୀଶୁକେ କୁଲିକିୟାଃକ, “ଆମ୍ ଗମିରୋନିରେନ୍ ତାନ୍ମେ ଆତଃ ଆମ୍କେ ବଙ୍ଗା ଏସେରାକାଦ୍ମେୟାଏ, ନେୟା ଚିନାଃ ଆଲେ ଠାଉକା କାଲେ କାଜିତାନା ?” ୪୯ ଯୀଶୁ କାଜିରୁହାଡ଼ାଦକଆଏ, “ବାନଃଚି ଆଇଙ୍ଗ୍କେ ବଙ୍ଗା କାଏ ଏସେରାକାଦିୟା ମେନ୍ଦ ଆଇଙ୍ଗ୍ ଆପୁଇଙ୍ଗ୍କେ ମାଜନିତାନାଇଙ୍ଗ୍ ଆତଃ ଆପେ ଆଇଙ୍ଗ୍କେ କାପେ ମାଜନିଙ୍ଗ୍ତାନା । ୫୦ ଆଇଙ୍ଗ୍ ଆଇଙ୍ଗ୍ଚି ଆଇଁୟାଃ ମାନାରାଙ୍ଗ୍ କାଇଙ୍ଗ୍ ଦାଣ୍ଡାତାନା ମେନ୍ଦ ମିଆଁଦ୍ରିଃ ମେନାଇୟା ଜନିଃ ଦାଣ୍ଡାଏଃ ଆତଃ ବିତାର୍ ରିକାଏଃ । ୫୧ ଆଇଙ୍ଗ୍ ସାର୍ତ୍ତିଚି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ମାନାତିଙ୍ଗ୍ନିଃ ଚିଉଲାଅ କାଏ ଗଜଃଆ ।”

୫୨ ଯିହୁଦୀକ ଯୀଶୁକେ କାଜିକିୟାଃକ, “ନାହାଁଃ ଆଲେ ସାରିକେଦାଃଲେ, ଆମ୍କେ ବଙ୍ଗା ଏସେରାକାଦ୍ମେୟାଏ, ଆବ୍ରାହାମ୍ ଆତଃ ନାବାକ ଗଏଃୟାନା ଆତଃ ଆଇଁୟାଃ କାଜି ମାନାତିଙ୍ଗ୍ନିଃ ଗନ୍ଏଃ ଚିଉଲାଅ କାଏ ନେଲେୟା ମେନ୍ତେ କାଜିତାନାମ୍ । ୫୩ ଚିୟାଃ ଆମ୍ ଆଲେୟାଃ ଗଏଃକାନ୍ ଆପୁ ଆବ୍ରାହାମ୍ଏତେ ମାରାଙ୍ଗ୍ଆମ୍ ? ନାବାକହରି ଗଏଃୟାନାକ, ଆମ୍ ଆମ୍ଚି ଅକଏ ମେନ୍ତେମ୍ ଉଡ଼ୁତାନା ?”

୮:୩୩ ୮:୩୩ ମାଥୁର ୩:୯; ଲୁକ ୩:୮.

୫୪ ଯୀଶୁ ଜନକୁକେ କାଜିରୁହାଡ଼ାଦକଆଏ, “ଆଇଙ୍ଗ ଆଇଁୟାଃଗି ମାନାରାଙ୍ଗଲେରେଦ ଆଇଁୟାଃ ମାନାରାଙ୍ଗ ଜେଦ୍ନାଃ ବାନଆଃ । ଅକନ୍ ଆପୁଇଙ୍ଗକେ ଆପେ ଆଲେୟାଃ ପାର୍ମେଣ୍ଟାନ୍ ମେତାଜତାନାପେ, ଜନିଃ ଆଇଁୟାଃ ମାନାରାଙ୍ଗ ରିକାଏତାନା । ୫୫ ଏନ୍ରେୟ ଆପେ ଜନିଃକେ କାପେ ସାରିତାନା, ମେନ୍ଦ୍ ଆଇଙ୍ଗ ଜନିଃକେ ସାରିୟାଃଇଙ୍ଗ, ଆତଃ ଆଇଙ୍ଗ ଜନିଃକେ କାଜଙ୍ଗ ସାରିୟାଃ ମେନ୍ତେ କାଜିରେଦ୍ ଆଇଙ୍ଗହରି ଆପେଲେକାଇଙ୍ଗ ହସଡ଼ଃତେୟାଃ, ମେନ୍ଦ୍ ଆଇଙ୍ଗ ଜନିଃକେ ସାରିୟାଃଇଙ୍ଗ ଆତଃ ଜନିୟାଃ କାଜି ମାନାତିଙ୍ଗ ତାନାଇଙ୍ଗ । ୫୬ ଆପେୟାଃ ଆପୁ ଆବ୍ରାହାମ୍ ଆଇଁୟାଃ ହିଜୁଃ ହୁଲାଙ୍ଗକେ ନେନେଲ୍ ନାଗେନ୍ତେ ରାସକାଅଃତାନାଏ ତାଇକେନା ଆତଃ ଏନା ନେଲ୍କେଦ୍ତେ ରାସକାୟାନାଏ ।”

୫୭ ଏନ୍ତେ ଯିହୁଦୀକ ଜନିଃକେ କାଜିକିୟାଃକ, “ଆମକେଦ୍ ନାହାଁଃ ଜାକେଦ୍ ପାତାଙ୍ଗ୍ ବାରାଷ୍ କା ହବାକାନା, ଚିୟାଃ ଆମ୍ ଆବ୍ରାହାମ୍କେ ନେଲ୍କାଇୟାମ୍ ?”

୫୮ ଯୀଶୁ ଜନକୁକେ କାଜିକେଦକଆଏ, “ଆଇଙ୍ଗ ସାର୍ତିଗି କାଜିୟାପେ ତାନାଇଙ୍ଗ, ଆବ୍ରାହାମ୍ଆଃ ଜାନାମ୍ ସିଦାଏତେ ଆଇଙ୍ଗ୍ ମେନାଇୟାଁ ।”

୫୯ ଏନ୍ତେ ଜନକୁ ଜନିଃକେ ଚିଦ୍ରି ନାଗେନ୍ତେ ଦିରିକ ସାବ୍କେଦା, ମେନ୍ଦ୍ ଯୀଶୁ ଉକୁକେଦ୍ତେ ମାନ୍ଦିର୍ ଅଡ଼ାଃଏତେ ଅଡ଼ଙ୍ଗୟାନା ।



ୟୀଶୁ ମିଆଁଦ୍ ଜାନାମ୍ କାଣାଁକେ ବୁଗି ତାନାଏ

୯ ଯୀଶୁ ସେନଃତାନ୍ ତାଇକେନ୍ ଜମ୍ତା ଜାନାମ୍ଏତେ କାଣାଁକାନ୍ ମିଆଁଦ୍ ହଡ଼କେ ନେଲ୍କିୟାଏ । ୨ ଆତଃ ଜନିୟାଃ ଚେଲ୍ଲାକ ଜନିଃକେ କୁଲିକିୟାଃକ, “ହେ ଗୁରୁ, ଅକଏୟାଃ ପାପ୍ ଖାତିର୍ ନିଃ କାଣାଁକେଦ୍ତେ ଜାନାମ୍ୟାନାଏ ? ଚିୟାଃ ଆୟାଃ ପାପ୍ତେଗିଚି ଆୟାଃ ଏଙ୍ଗା ଆପୁକିନାଃ ?”

୩ ଯୀଶୁ କାଜିରୁହାଡ଼ାଦକଆଏ, “ଜନିୟାଃ କାଣାଁକାନ୍ତେୟାଃ ଆୟାଃ ଚାଏ ଆୟାଃ ଏଙ୍ଗା ଆପୁକିନାଃ ପାପ୍ ନାଗେନ୍ତେଦ୍ କାହାଗି ମେନ୍ଦ୍ ନିଃତାଃରେ ପାର୍ମେଣ୍ଟାନ୍ଆଃ କାମି ଉଦୁବଃକା ମେନ୍ତେ ଜନିଃ କାଣାଁକେଦ୍ତେ ଜାନାମ୍ କାନାଏ । ୪ ସିଙ୍ଗି ତାଇନ୍ ତାଇନ୍ଗି ଆଇଙ୍ଗକେ କୁଲିକିୟାଃ କାମି ଆବୁକେ କାମି ଲାଗାତିୟାଁ, ଅକ ଘାଡ଼ିରେ ଜେତାଏ କାକ କାମି ଦାଡ଼ିୟାଃ ଏନ୍ଲେକାନ୍ ନିଦା ହିଜୁଃତାନା । ୫*ଆଇଙ୍ଗ ଅତେଦିଶୁମ୍ରେ ତାଇନ୍ ଜାକେଦ୍ ଅତେଦିଶୁମ୍ରେନ୍ ମାର୍ସାଲ୍ ତାନିଙ୍ଗ୍ ।”

୬ ନେୟାଁ କାଜିକେଦ୍ତେ ଯୀଶୁ ଅତେରେ ବେଏକ୍କେଦାଏ ଆତଃ ଏନ୍ ବେଏକ୍କହାସାକେ ଲସଦ୍କେଦ୍ତେ ଏନ୍ ହଡ଼ରାଃ ମେଦ୍ରେ ଗସଃକେଦାଏ, ଆତଃ ଜନିଃକେ ମେତାଇୟାଏ, ୭ “ଜୁ ସେନଃମେ ଆତଃ ‘ଶିଲୋହ’* ନୁଡୁମ୍ ବାନ୍ଦାରେ ଆବୁଙ୍ଗ୍ଆଃମେ ।” ଜନିଃ ସେନଃୟାନ୍ତେ ଆବୁଙ୍ଗ୍ୟାନାଏ ଆତଃ ନେନେଲ୍ତାନିଲ୍ଲଃ ଅଡ଼ାଃତେ ହିଜୁଃୟାନାଏ ।

୮ ଏନାତେ ହପର୍ଜାପାଃରେନ୍ଦ୍ ଆତଃ ଅକନ୍କ ଜନିଃକେ ସିଦା କର୍ସାନ୍ ନେଲ୍କାକାଇକ, କାଜିକେଦାଃକ “ଦୁଦ୍କେଦ୍ତେ କର୍ସାନ୍ ତାଇକେନ୍ନିଃ ଚିୟାଃ ନିଃଗି ନାହାଲିଃ ?”

୯ ଚିମିନ୍କ କାଜିକେଦା, “ନିଃଗି ତାନିଃ” ଆତଃ ଏଗାଃକ କାଜିକେଦା, “ବାନଃ ନିଃ ଜନିଃଲେକାନିଃ ତାନିଃ ।”

ଏନାତେ ଜନିଃ ଆଇଃକ୍ଗି କାଜିକେଦାଏ, “ଆଇଙ୍ଗ ଜନିଃଗି ତାନିଙ୍ଗ୍ ।”

୧୦ ଏନ୍ତେ ଜନକୁ ଜନିଃକେ କୁଲିକିୟାଃକ, “ଚିଲ୍କାତେ ନାହାଁଃ ଆମ୍ ନେଲ୍ଦାଡ଼ିତାନାମ୍ ?”

୧୧ ଜନିଃ କାଜିରୁହାଡ଼ାଦକଆଏ, “ଏନ୍ ଯୀଶୁ ନୁଡୁମ୍ ହଡ଼ ବେଏକ୍କହାସାକେ ଲସଦ୍କେଦ୍ତେ ଆଇଁୟାଃ ମେଦ୍ରେ ଗସଃକେଦାଏ ଆତଃ ଶିଲୋହରେୟାଃ ବାନ୍ଦାତେ ସେନ୍ଦ୍କେଦ୍ତେ ଆବୁଙ୍ଗ୍ଆଃମେ ମେତାଦିୟାଁଏ । ଏନ୍ତେ ଆଇଙ୍ଗ୍ ସେନ୍ଦ୍କେଦ୍ତେ ଆବୁଙ୍ଗ୍ୟାନ୍ ତର୍ସା ନେଲ୍ ଦାଡ଼ିକେଦାଇଙ୍ଗ୍ ।”

୧୨ ଜନକୁ ଜନିଃକେ କୁଲିକିୟାଃକ, “ଜନିଃ କତାଃରିୟା ?”

ଜନିଃ ମେତାଦକଆଏ, “ଆଇଙ୍ଗ୍ କାଜଙ୍ଗ୍ ସାରିୟାଃ ।”

ଫାରୁଶୀକ ବୁଗିୟାଃ ବିଷାଏରେ ଦାଣାଁବାଡ଼ାକେଦାକ

୧୩ ଏନ୍ତେ ଜାନାମ୍ଏତେ କାଣାଁତାଇକେନ୍ ହଡ଼କେ ଜନକୁ ଫାରୁଶୀକତାଃତେ ଇଦିକିୟାଃକ । ୧୪ ଯୀଶୁ ଅକନ୍ ହୁଲାଙ୍ଗ୍ ହାସା ଲସଦ୍କେଦ୍ତେ କାଣାଁ ହଡ଼ରାଃ ମେଦ୍ ବୁଗିକାଜତାଇକେନାଏ, ଏନା ରୁଡ଼ୁ ହୁଲାଙ୍ଗ୍ ତାଇକେନା । ୧୫ ଏନାମେନ୍ତେ ଜନିଃ ଚିଲ୍କାତେ ନେଲ୍ ଦାଡ଼ିକେନାଏ, ଏନା ଫାରୁଶୀକ ଜନିଃକେ

* ୯:୫ ୯:୫ ମାଥ୍ ୫:୧୫; ଯୋହାନ୍ ୮:୧୨. * ୯:୭ ୯:୭ ଶିଲୋହକୁଲ୍ଲକାନ୍ନିଃ

ଆତ୍ମସମ୍ପାଦନା କୁଳିକିୟାଃକ । ଏନ୍ତେ ଇନିଃ ଇନ୍ଦ୍ରକୁକେ କାଜିୟାଦକଥାଏ, “ଇନିଃ ଆଇଁୟାଃ ମେଦ୍ରେ ଲସଦ୍ ହାସାକେ ଗସଃକେଦାଏ ଆତଃ ଆଇଙ୍ଗ୍ ଆବୁଙ୍ଗ୍‌ୟାନାଇଙ୍ଗ୍ ଏନ୍ତେ ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

୧୭ ଏନ୍ତେ ଫାରୁଶୀକଏତେ ଚିମିନ୍ଦକ କାଜିକେଦା, “ନେୟାଁ କାମିକାଦ୍ ହଡ୍ ପାର୍‌ମେଶ୍ୱାର୍‌ୟାଃଏତେ ନାହାଁଲିଃ, ତିୟାଃଚି ଇନିଃଦ୍ ରୁଡ଼ୁନ୍ ହୁଲାଇଙ୍ଗ୍‌କେ କାଏ ମାନାଡିଙ୍ଗ୍‌ତାନା ।”

ଆତଃ ଏଗାଃକ କାଜିକେଦା, “ପାପିହଡ୍ ଚିଲ୍‌କାତେ ନେ ଲେକାନ୍ ପେଡେୟାନ୍ କାମିକ କାମିଦାଡ଼ିୟାଏ ?” ଏନ୍ତେ ଆକଥାଃ ଆଲ୍‌ରେ ବିପିଙ୍ଗାଅୟାନାକ ।

୧୮ ଏନାମେନ୍ତେ ଫାରୁଶୀକ ଏନ୍ ହଡ୍‌କେ ଆତଃସମ୍ପାଦନା କୁଳିକିୟାଃକ, “ଆମାଃ ମେଦ୍ ବୁଗିକେଦ୍‌ମେୟାଏ ଇନିୟାଃ ବିଷାଏରେ ଆମ୍ ତିନାଃମ୍ ମେନେତାନା ?”

ଇନିଃ ମେତାଦ୍‌କଥାଏ, “ଇନିଃ ମିଆଁଦ୍ ନାବୀ ତାନିଃ ।”

୧୯ ଇନିଃ କାଣାଁ ତାଇକେନାଏ ଆତଃ ନାହାଁଃ ନେଲ୍ ଦାଡ଼ିକେଦାଏ, ଏନ୍ ମେଦ୍ ବୁଗିୟାକାନ୍ ହଡ୍‌ଆଃ ଏଙ୍ଗା ଆପୁକିନ୍‌କେ ଆଉରି କୁଳିକିନ୍ ଜାକେଦ୍ ଯିହୁଦୀକଥାଃ ହାକିମକ କାକ ପାତିୟାର୍‌କେଦାଃ ।

୨୦ ଆତଃ ଇନ୍ଦ୍ରୁ ଇନ୍ଦ୍ରକିନ୍‌କେ କୁଳିକେଦକିନାକ, “ମେଦ୍ କାଣାଁକେଦ୍‌ତେ ଜାନାମାକାନ୍ ହନ୍ ତାବେନାଃ ନିଃଗି ତାନିଃଚି ? ଚିଲ୍‌କାତେ ନାହାଁଃ ଇନିଃ ନେଲ୍ ଦାଡ଼ିତାନାଏ ?”

୨୧ ଇନିୟାଃ ଏଙ୍ଗାଆପୁକିନ୍ ମେତାଦ୍‌କଥାକିନ୍, “ଇନିଃ ଆଲିଙ୍ଗ୍‌ୟାଃ ହନ୍ ତାନିଃ ଆତଃ ମେଦ୍ କାଣାଁକେଦ୍‌ତେ ଜାନାମାକାନ୍ ତାଇକେନାଏ ନେୟାଁଲିଙ୍ଗ୍ ସାରିକାଦା, ୨୨ ମେନ୍ଦ୍ ଇନିଃ ଚିଲ୍‌କାତେ ନାହାଁଃ ନେଲ୍ ଦାଡ଼ିତାନାଏ ଏନା କାଲିଙ୍ଗ୍ ସାରିୟାଃ, ଚାଏ ଅକଏ ଇନିୟାଃ ମେଦ୍ ବୁଗିକିୟାଏ ଏନାହ କାଲିଙ୍ଗ୍ ସାରିୟାଃ । ଇନିଃକେ କୁଲିପେ, ଇନିଃଦ୍ ସେୟାନାନ୍‌ଗିୟାଏ, ଆୟାଃ କାଜି ଆଇଃକ୍‌ଗି କାଜିୟାଏ ।”

୨୩ ଇନିୟାଃ ଏଙ୍ଗାଆପୁକିନ୍ ଯିହୁଦୀକଥାଃ ହାକିମକଥାଃ ବରତେ ନେ ସବେନାଃକିନ୍ କାଜିକେଦା, ତିୟାଃଚି ଜେତାଏ ଯାଗୁକେ ମାସି ତାନିଃ ମେନ୍ତେ ମାନାଡିଙ୍ଗ୍‌ରେଦ୍ ଇନିଃ ସାମାଜ୍‌ଅଡ଼ାଃଏତେ ଆତମଃଆଏ ମେନ୍ତେ ଯିହୁଦୀକ ଆକ ଆକରେକ ରୋଜୋଟକାଦ୍ ତାଇକେନାକ । ୨୪ ଏନାମେନ୍ତେ ଇନିୟାଃ ଏଙ୍ଗାଆପୁକିନ୍ କାଜିୟାଦକଥାକିନ୍, “ଇନିଃ ସେୟାନାନ୍‌ଗିୟାଏ; ଇନିଃକେ କୁଲିପେ ।”

୨୫ ଏନ୍ତେ ଇନ୍ଦ୍ରୁ ଏନ୍ ମେଦ୍ କାଣାଁକାନ୍ ହଡ୍‌କେ ଆତଃସମ୍ପାଦନା କେଡାକେଦ୍‌ତେ କାଜିକିୟାଃକ, ପାର୍‌ମେଶ୍ୱାର୍‌ଆଃ ଆୟାର୍‌ରେ କିରିୟାକେଦ୍‌ତେ ସାର୍‌ଚି କାଜିକେ, “ଆଲେ ସାରିତାନାଲେ ଅକ ହଡ୍ ଆମ୍‌ମେ ନେନେଲ୍ ନାଙ୍ଗ୍ ପେଡେଃ ଏମାକାଦ୍‌ମେୟାଁଏ, ଇନିଃ ପାପିତାନିଃ ।”

୨୬ ଏନ୍ତେ ଇନିଃ କାଜିରୁହାଡ଼ାଦକଥାଏ, “ଇନିଃ ପାପିହଡ୍ ତାନିଃ ଚାଏ ନାହାଁଲିଃ ଏନା କାଲିଙ୍ଗ୍ ସାରିୟାଃ ? ମିଆଁଦ୍ କାଜି ସାରିତାନାଇଙ୍ଗ୍, ଆଇଙ୍ଗ୍ କାଣାଁ ତାଇକେନାଇଙ୍ଗ୍, ଆତଃ ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

୨୭ ଏନ୍ତେ ଇନ୍ଦ୍ରୁ ଇନିଃକେ ଆତଃଗି କୁଳିକିୟାଃକ, “ଇନିଃ ଚିକ୍‌ନାଃ ଚିକାକେଦ୍‌ମେୟାଏ ? ଆତଃ ଚିଲ୍‌କାତେ କାଣାଁକାନ୍ ମେଦ୍‌ତାମାଃ ବୁଗିକେଦ୍‌ମେୟାଏ ?”

୨୮ ଇନିଃ ଇନ୍ଦ୍ରୁକେ ମେତାଦ୍‌କଥାଏ, “ଆଇଙ୍ଗ୍ ସିଦାରେ ଆପେକେ କାଜିୟାଦ୍‌ପେୟାଲିଙ୍ଗ୍, ଆତଃ ଆପେ କାପେ ଆୟୁମକେଦାଃ, ଚିନାଃ ମେନ୍ତେ ଆତଃଗି ଆୟୁମ୍ ସାନାଙ୍ଗ୍‌ତାନାପେ ? ତିୟାଃ ଆପେୟଚି ଇନିୟାଃ ଚେଲା ବାଇୟାଃ ସାନାଙ୍ଗ୍‌ତାନାପେ ?”

୨୯ ଏନ୍ତେ ଇନ୍ଦ୍ରୁ ଇନିଃକେ ସାର୍‌ପାଅକେଦ୍‌ତେ କାଜିକିୟାଃକ, “ଆମ୍ ଇନିୟାଃ ଚେଲା ତାନ୍‌ମେ ମେନ୍ଦ୍ ଆଲେ ମୁଶାରାଃ ଚେଲାକ ତାନ୍‌ଲେ । ୩୦ ମୁଶାଲଃ ପାର୍‌ମେଶ୍ୱାର୍ ଜାଗାର୍‌ତାନ୍ ତାଇକେନାଏ ନେୟାଁଲେ ସାରିତାନା ମେନ୍ଦ୍ ନିଃ କତାଃଏତେ ହିଜୁଃକାନାଏ, ଏନା କାଲେ ସାରିୟାଃ ।”

୩୧ ଏନ୍ ହଡ୍ ଇନ୍ଦ୍ରୁକେ କାଜିରୁହାଡ଼ାଦକଥାଏ, “ଇନିଃ କତାଃଏତେ ହିଜୁଃକାନାଏ ଏନା କାପେ ସାରିୟାଃ ଆତଃ ଇନିଃ ଆଇଁୟାଃ ମେଦ୍ ବୁଗିକେଦିୟାଏ, ନେୟାଁଦ୍ ଆକ୍‌ଦାନ୍‌ଆ କାଜିତାନାଃ । ୩୨ ପାର୍‌ମେଶ୍ୱାର୍ ପାପିକଥାଃ ବିକ୍ତି କାଏ ଆୟୁମାଃ, ନେୟାଁବୁ ସାରିତାନା, ମେନ୍ଦ୍ ଜେତାଏ ପାର୍‌ମେଶ୍ୱାର୍‌କେ ସୁସାରିରେଦ୍ ଆତଃ ଆୟାଃ ମନେଲେକାତେ ସେସେନ୍‌ରେଦ୍ ଇନିୟାଃ ବିକ୍ତି ଆୟୁମେୟାଏ । ୩୩ ଅତେଦିଶ୍ୱମ୍‌ରେୟାଃ ମୁନ୍‌ଏତେ ଜେତାଏ ହଡ୍ ଜାନାମାକାଣାଁକେ ବୁଗିତେୟାଃ, ଚିଉଲାହ କା ଆୟୁମ୍‌କାନା । ୩୪ ନେ ହଡ୍ ପାର୍‌ମେଶ୍ୱାର୍‌କତାଃଏତେ କାଏ ହିଜୁଃକାନ୍‌ରେଦ୍ ଚିଉଲାହ ଜେଡ୍‌ନାଃ କାଏ କାମି ରିକାଦାଡ଼ିତେୟାଃ ।”

୩୫ ଇନ୍ଦ୍ରୁ ଇନିଃକେ କାଜିରୁହାଡ଼ିକିୟାଃକ, “ଆମ୍‌ଦ୍ ପାପ୍‌ରେ ଜାନାମକେଦ୍‌ତେ ପାପ୍‌ରେ ମେନାମେଆ ଆତଃ ଆମ୍‌ଚି ଆଲେକେ ଇଡ୍ ସାନାଙ୍ଗ୍‌ତାନାମ୍ ?” ଏନ୍ତେ ଇନ୍ଦ୍ରୁ ଇନିଃକେ ସାମାଜ୍‌ଅଡ଼ାଃଏତେ ବାହାରି ଅତଙ୍ଗ୍‌କିୟାଃକ ।

ଆମ୍‌କ୍ ଜାଖାନ୍‌ରେ କାଣାଁକାନ୍‌ନିଃ

୩୫ ଜନକୁ ଜନିଷକେ ସାମାଜିକଅତ୍ୟାଧିକାର ବାହାରି ଅତ୍ୟାଧିକାରକ, ନେୟାଁ ଯୀଶୁ ଆୟୁର୍ଯ୍ୟକେଦତେ ଜନିଷକେ ନେଲ୍ନାନାମାତାଲଲ୍ଲ କୁଲିକିୟାଏ, “ତିୟାଃ ଆମ୍ ଫାନଝାହନ୍ତତାଃରେ ବିଶ୍ୱାସେତାନାମ୍ ?”

୩୬ ଜନିଷ କାଜିରୁହାଡ଼କିୟାଏ, “ହେ ପ୍ରାଭୁ, ଜନିଷ ଅକଏ ତାନିଷ କାଜିମେ, ଆଇଜ୍ଞଦ ଜନିଷରେ ବିଶ୍ୱାସେଆଇଜ୍ଞ ।”

୩୭ ଯୀଶୁ ଜନିଷକେ କାଜିକିୟାଏ, “ଆମ୍ ଜନିଷକେ ନେଲ୍ଲକାକୟାମ୍, ଆତଃ ଜନିଷ ଆମାଃଲ୍ଲଃ ଜାଗାର୍ତାନିଷଗି ତାନିଷ ।”

୩୮ ଏନ୍ତେ ଜନିଷ “ହେ ପ୍ରାଭୁ, ଆଇଜ୍ଞ ବିଶ୍ୱାସ୍ ତାନାଇଜ୍ଞ” ମେତାଇୟାଏ ଆତଃ ଜନିଷକେ ଅମ୍ନାଃକେଦତେ ଜହାର୍କିୟାଏ ।

୩୯ ଯୀଶୁ ମେତାଇୟାଏ, “ହତକଥାଃ ବିଚାର୍ ନାଗେନ୍ତେ ଆଇଜ୍ଞ ଅତେଦିଶ୍ୱମତେ ହିଜୁଆକାନାଇଜ୍ଞ ।” କା ନେଲ୍ତାନିକ ନେଲେୟାକ ଆତଃ ନେନେଲ୍ତାନିକ କାର୍ଣ୍ଣିଝାଃ । ୪୦ ଜନିଷଲ୍ଲଃ ତାଇକେନ୍ ଫୀରୁଶିକ ନେୟାଁ ଆୟୁର୍ଯ୍ୟକେଦତେ ମେନ୍ଦକେଦାଃକ, “ତିୟାଃ ଆଲେୟତି କାର୍ଣ୍ଣିକାନାଲେ ?” ୪୧ ଯୀଶୁ ଜନକୁକେ କାଜିୟାଦକଥାଏ, “ଆତେ କାର୍ଣ୍ଣିକାନରେଦ ଆପେୟାଃ ପାପ୍ କା ତାଇନ୍ତେୟାଃ, ମେନ୍ଦ୍ ଆଲେ ନେଲେତାନାଲେ, ନେୟାଁ ନାହାଁଃ କାଜିତାନାପେ ଏନାମେନ୍ତେ, ଆପେୟାଃ ପାପ୍ ତାଇନିଷତାନା ।”

୧୦

ମିଶ୍ରିଗୁପିନିୟାଃ ଜନ୍ମକା କାଜି

୧ ଯୀଶୁ କାଜିକେଦାଏ, “ଆଇଜ୍ଞ ସାର୍ତିଗି କାଜିୟାପେ ତାନାଇଜ୍ଞ, ଜେତାଏ ଦୁଆର୍ହରା ମିଶ୍ରିଅତାଃରେ କା ବଲ୍ଲଃନିଷ ମେନ୍ଦ୍ ଏତାଃୟାଃଏତେ ରାକାଦକେଦତେ ବଲ୍ଲଃନିଷ, କୁମ୍ପତୁ ଆତଃ ରେରେଃକନିଷ ତାନିଷ । ୨ ଦୁଆର୍ହରା ବଲ୍ଲଃନିଷ ମିଶ୍ରିକଥାଃ ଗୁପିନିଷ ତାନିଷ । ୩ ଜନିୟାଃ ନାଗେନ୍ତେ ଦୁଆର୍ ହରନିଷ ଦୁଆର୍ ନିଜେୟାଏ ଆତଃ ଜନିଷ ଆୟାଃ ମିଶ୍ରିକକେ ନୁହୁମ୍ ସାବକେଦତେ ହାକଅକରେ ମିଶ୍ରିକ ଜନିୟାଃ କାଜିକ ଆୟୁମାଃ ଆତଃ ଜନିଷ ବାହାରି ଅତ୍ୟାଧିକାରକଥାଏ । ୪ ଆତଃ ଆୟାଃ ସବେନ୍ ମିଶ୍ରିକକେ ବାହାରି ଅତ୍ୟାଧିକାରକେଦତେ ଜନକୁଆଃ ଆୟାର୍ ଆୟାର୍ରେ ସେସେନାଏ ଆତଃ ମିଶ୍ରିକ ସବେନ୍ ଆୟାଃ ଦୟା ଦୟାତେକ ଅତ୍ୟାଧିକାରକିୟା ତିୟାଃତି ଜନକୁଦ ଜନିୟାଃ ଲାବ୍ଜାକ ସାରିୟାଃ । ୫ ମେନ୍ଦ୍ ଜନକୁ ଏତାଃନିଷକେ ତିଉଲାହ କାକ ଅତ୍ୟାଧିକାରକିୟା ମେନ୍ଦ୍ ଜନିଷତାଃଏତେ ସାଜିନ୍ତେକ ନିରାଃ, ତିୟାଃତି ଜନକୁଦ ଜନିୟାଃ ଲାବ୍ଜାକ କାକ ସାରିୟା ।”

୬ ଯୀଶୁ ନେ ଜନ୍ମକା କାଜି କାଜିୟାଦକଥାଏ, ମେନ୍ଦ୍ ଜନକୁ ଜନିୟାଃ କାଜିକେଦକାଜି ତିନିଷତାନାଃ ଏନା କାକ ମୁଶ୍ରିୟାନା ।

ବୁଗିନ୍ ମିଶ୍ରିଗୁପିନିଷ ଯୀଶୁ

୭ ଏନ୍ତେ ଯୀଶୁ ଆତଃମିଥା କାଜିୟାଦକଥାଏ, “ସାର୍ତିଗି କାଜିୟାପେ ତାନାଇଜ୍ଞ, ମିଶ୍ରିକଥାଃ ଦୁଆର୍ ଆଇଜ୍ଞ ତାନିଜ୍ଞ । ୮ ଆଇୟାଃଏତେ ସିଦାରେ ହିଜୁଆକାନ୍ ସବେନ୍ କୁମ୍ପତୁ ଆତଃ ରେରେଃକକ୍ ତାନକୁ ମେନ୍ଦ୍ ମିଶ୍ରିକ ଜନକୁଆଃ କାଜି କାକ ଆୟୁର୍ଯ୍ୟକେଦା । ୯ ଦୁଆର୍ ଆଇଜ୍ଞ ତାନିଜ୍ଞ, ଜେତାଏ ଆଇୟାଃ ହରାତେ ବଲ୍ଲରେଦ ଜନିଷ ବାଞ୍ଛାଅଥାଏ, ଜନିଷ ଭିତାତ୍ରେତେ ଅତ୍ୟାଧିକାରକେ ବଲ୍ଲରେ ଚାରା ନାମେଗିୟାଏ । ୧୦ କୁମ୍ପତୁ କୁମ୍ପତୁ ଗଗଣଏ ଆତଃ ଜିୟନ୍ ନାଗେନ୍ତେ ଏସକାର୍ ହିଜୁଆଏଃ, ମେନ୍ଦ୍ ଜନକୁ ଜୀଦାନିକ ନାମେକା, ଆଦକାଗି ନାମେକା ମେନ୍ତେଇଜ୍ଞ ହିଜୁଆକାନା ।

୧୧ “ଆଇଜ୍ଞ ଏନ୍ ବୁଗିନ୍ ଗୁପିନିଷ ତାନିଜ୍ଞ, ବୁଗିନ୍ ଗୁପିନିଷ ମିଶ୍ରିକ ନାଗେନ୍ତେ ଆୟାଃ ଜୀଉ ଏମେୟାଏ । ୧୨ ଅକଏ ଗୁପିନିଷ ନାହାଲିଃ, ଜନିଷଦ୍ ନାଲ୍ଲାନାମ୍ନିଷ ତାନିଷ ଆତଃ ମିଶ୍ରିକ ଆୟାଃ ନାହାଲିଃକ ଏନାମେନ୍ତେ ଜନିଷ ହୁଣ୍ଡାର୍ ହିଜୁଆକାନ୍ ନେଲ୍ଲକେଦତେ ମିଶ୍ରିକକେ ନିର୍ ବାଗିତାକୁଥାଏ ଆତଃ ହୁଣ୍ଡାର୍ ମିଶ୍ରିକକେ ରେଃକକେଦତେ ଛିତିବିତି ତାକଥାଏ । ୧୩ ଏନ୍ ହଡ଼ ନିର୍ ବାଗିତାକୁଥାଏ, ତିୟାଃତି ଜନିଷ ନାଲ୍ଲାନାମ୍ନିଷ ତାନିଷ ଆତଃ ମିଶ୍ରିକ ନାଗେନ୍ତେ କାଏ ଉଡ଼ୁୟା । ୧୪ ଆଇଜ୍ଞ ବୁଗିନ୍ ଗୁପିନିଷ ତାନିଜ୍ଞ, ଜେଲ୍ଲେକା ଆପୁଇଜ୍ଞ ଆଇଜ୍ଞକେ ସାରିୟାଏ ଆତଃ ଆଇଜ୍ଞ ଆପୁଇଜ୍ଞକେ ସାରିୟାଇଜ୍ଞ, ୧୫ ଏନ୍ଲେକାଗି ଆଇଜ୍ଞ ଆଇୟାଃ ମିଶ୍ରିକକେ ସାରିୟାଇଜ୍ଞ ଆତଃ ଆଇୟାଃ ମିଶ୍ରିକ ଆଇଜ୍ଞକେ ସାରିୟାଃକ । ଆଇଜ୍ଞ ମିଶ୍ରିକ ନାଗେନ୍ତେ ଆଇୟାଃ ଜୀଉ ଏମ୍ ନାଗେନ୍ତେ ସେକାଡ଼ାକାନାଇଜ୍ଞ । ୧୬ ଆଇୟାଃ ଆତଃଗି ଏତାଃ ମିଶ୍ରିକ ମେନାକଥା, ଜନକୁ ନେ ମିଶ୍ରିଅତାଃରେନ୍ ନାହାଲିଃକ । ଜନକୁକେହଗି ଆଇଜ୍ଞକେ ଆଉ ଲାଗାତିୟାଃ

* ୧୦:୧୪ ୧୦:୧୪ ମାଥୁର ୧୧:୨୭; ଲୁକ ୧୦:୨୨.

୩୯ ଏଣୁ ଆତଃମିଥା ଯିହୁଦୀକ ଯୀଶୁକେ ସାସାବନାଗେନ୍ତେ ସାନାଙ୍ଗକେଦାଃକ, ମେନ୍ଦ ଦ ଇନ୍ଦୁଆଃ ତିଃଇଏତେ ଅତଙ୍ଗୟାନା ।

୪୦ ଏଣୁ ଯୀଶୁ ଆତଃମି ଯାଦୀନ୍ ହାନ୍ଦପାର୍ମ୍ ଯୋହାନ୍ ସିଦା ବାପ୍ତିସ୍ମା ଏମାକତାନ୍ ତାଇକେନ୍ଦ ଠାୟାଦତେ ସେନଃୟାନାଏ ଆତଃ ଏନ୍ତାଃରେ ତାଇନ୍ଦୟାନାଏ । ୪୧ ଆତଃ ପୁରାଃ ହଡ଼କ ଇନିଃତାଃତେକ ହିନ୍ଦୁୟାନା ଆତଃ ଯୋହାନ୍ଦ ଜେତାନ୍ ପେଡେୟାନ୍ କାମି କାଏ କାମିକେଦାଃ, ମେନ୍ଦ ଯୋହାନ୍ ଇନିୟାଃ ବିଷାଏରେ କାଜିକାଦ୍ ସବେନାଃ ସାର୍ତ୍ତିଗି ତାନାଃ । ୪୨ ଆତଃ ଏନ୍ତାଃରେ ପୁରାଃ ହଡ଼କ ଇନିଃରେକ ପାତିୟାଡ଼କେଦାଃ ।

୧୧

ଲାଜାରୁରାଃ ଗନଏଃ

୧ ଏବେଥିନିଆରେନ୍ ମିଆଁଦ ଲାଜାରୁ ନୁହୁମ୍ ହଡ଼ ଉରିୟୁତେ ଦୁକୁତାନ୍ ତାଇକେନାଏ । ମାରିୟାମ୍ ଆତଃ ଆୟାଃ ମିଗି ମାର୍ଥା ବାରାନକିନ୍ ଏନ୍ ସାହାରରେ ତାଇନ୍ଦ ତାଇନାକିନ୍ । ୨ ଅକନ୍ କୁଡ଼ିତି ପ୍ରାଭୁଆଃ କାଟାରେ ବୁଗିନ୍ ସହାନ୍ ସୁହୁମ୍ ଗସଃକିୟାଏ, ଆତଃ ଇନିୟାଃ କାଟାକେ ଆୟାଃ ଉବ୍ତେ ଜଦ୍‌କେଦାଏ, ଇନିଃ ଏନ୍ ମାରିୟାମ୍ ତାନିଃ ଆତଃ ଆୟାଃ ହାଗାତେ ଲାଜାରୁ ଉରିୟୁତାନାଏ ତାଇକେନାଏ । ୩ ଏଣୁ ଏନ୍ ମିଗିକିନ୍ ଯୀଶୁତାଃତେ କାଜିକୁଲକେଦାଃକିନ୍, “ହେ ପ୍ରାଭୁ ନେଲେମେ ଆମ୍ ଦୁଲ୍ଲାଡ଼ିତାନ୍ନିଃ ଉରିୟୁତାନାଏ ।”

୪ ଯୀଶୁ ନେୟାଁ ଆୟୁମକେଦତେ କାଜିକେଦାଃଏ, “ନେ ଦୁକୁ ଲାଜାରୁଆଃ ଗନଏଃ ନାଗେନ୍ତେଦ କାହା, ମେନ୍ଦ ପାର୍ମ୍‌ମେଶ୍ୱାରୁଆଃ ମାଇନାନ୍ ନାଗେନ୍ତେ ଆତଃ ଏନାତେ ପାର୍ମ୍‌ମେଶ୍ୱାରୁଆଃ ହନ୍ ମାଇନାନ୍ନଃକାଏ ମେନ୍ତେ ଏନା ହବାକାନା ।”

୫ ଯୀଶୁଦ ମାର୍ଥା ଆତଃ ଇନିୟାଃ ମିଗିତେ ମାରିୟାମ୍‌କେ ଆତଃ ଲାଜାରୁକେ ଦୁଲ୍ଲାଡ଼କତାନ୍ ତାଇକେନାଏ । ୬ ଲାଜାରୁ ଉରିୟୁତେ ଦୁକୁତାନାଏ ତାଇକେନା ନେୟାଁ ଆୟୁମକେଦ୍ ରେହ୍ ଯୀଶୁ ତାଇକେଦ୍ ଠାୟାଡ଼ତାଃରେ ଆତଃ ବାର୍‌ସିଙ୍ଗ୍ ତାଇନ୍ଦୟାନାଏ । ୭ ଏଣୁ ଯୀଶୁ ଆୟାଃ ଚେଲାକକେ କାଜିୟାଦ୍‌କଥାଏ, “ଦଲ୍ଲା ଯିହୁଦା ନାଗାରୁତେବୁ ସେନ୍‌ରୁହାତାଃ ।”

୮ ଚେଲାକ ଯୀଶୁକେ କାଜିକିୟାଃକ, “ହେ ଗୁରୁ, ତିମିନ୍ ମାହାଁ ସିଦାରେ ଆମ୍‌କେ ଯିହୁଦୀକ ଦିରି ତିଦ୍‌ଗିନାଙ୍ଗକ ସାନାଙ୍ଗ ତାଇକେନା, ହଲେହ୍ ଆମ୍‌କେ ଏନ୍ତାଃତେ ଆତଃମି ସେନଃ ସାନାଙ୍ଗକେ ତାନା ?”

୯ ଯୀଶୁ କାଜିରୁହାଡ଼ାଦ୍‌କଥାଏ, “ସିଙ୍ଗିସାରୁବ୍‌ରେ ବାରା ଘାଣ୍ଟା ବାନଆଃତି ? ଜେତାଏ ସିଙ୍ଗିମାୟାଲ୍‌ରେ ସେସେନ୍‌ରେଦ କାଏ ତହଦଃଆ, ଚିୟାଃତି ଇନିଃ ନେ ଅତେଦିଶ୍ୱମରାଃ ମାୟାଲ୍‌କେ ନେଲାଏଃ ।

୧୦ ମେନ୍ଦ ଜେତାଏ ନିଦାରେ ସେସେନ୍‌ରେଦ ଇନିଃ ତହଦଃଆଏ, ଚିୟାଃତି ଇନିୟାଃ ମାର୍ଥାଲ୍ ବାନଆଃ ।”

୧୧ ନେୟାଁ କାଜିକେଦ୍ ତାୟମତେ ଯୀଶୁ ଆୟାଃ ଚେଲାକକେ ଆତଃମି ମେତାଦ୍‌କଥାଏ, “ଆରୁଆଃ ଗାତି ଲାଜାରୁ ଦୁଡ଼ମ୍‌କାନାଏ, ମେନ୍ଦ ଆଇଙ୍ଗ୍ ଇନିଃକେ ଏୟନ୍‌ନାଙ୍ଗ୍ ସେନ୍‌ତାନାଇଙ୍ଗ୍ ।”

୧୨ ଚେଲାକ ଯୀଶୁକେ କାଜିକିୟାଃକ, “ହେ ପ୍ରାଭୁ, ଇନିଃ ଦୁଡ଼ମ୍‌କାନ୍‌ରେଦ ବୁଗିୟାଃଆଏ ।”

୧୩ ଯୀଶୁ ଆୟାଃ ଗନଏଃ ବିଷାଏରେ କାଜିକେଦାଏ, ମେନ୍ଦ ଚେଲାକ ସାର୍ତ୍ତିଗି ଦୁଡ଼ମ୍‌ତାନାଏ ମେନ୍ତେକ ଆର୍‌କାରକେଦାଃ । ୧୪ ଏନାତେ ଯୀଶୁ ଇନ୍ଦୁକେ “ଲାଜାରୁ ଗଏଃୟାନାଏ ମେତାଦ୍‌କଥାଏ । ୧୫ ଆତଃ ଆପେୟାଃ ନାଗେନ୍ତେ ଆଇଙ୍ଗ୍ ଏନ୍ତାଃରେ କା ତାଇକେଦ୍‌ତେ ରାଏକାପଃ ତାନାଇଙ୍ଗ୍, ଜେଲେକା ଆପେ ପାତିୟାରେୟାପେ, ମେନ୍ଦ ଦଲ୍ଲା ଇନିଃକେ ନେଲ୍‌ଡେୟୁ ସେନା ।”

୧୬ ଏଣୁ ଦିଦୁମ୍ କାଜିୟଃତାନ୍ ଥୋମା ଆୟାଃ ଗାତିକକେ କାଜିୟାଦ୍‌କଥାଏ, “ଦଲ୍ଲାବୁ ସବେନ୍‌କ ଗୁରୁଲଃ ସେନାବୁ ଆତଃ ଆବୁହଗି ଇନିଃଲଃବୁ ଗଜଃଆ ।”

ଯୀଶୁଗି ଜାଉବିନିରିଦ୍ ଆତଃ ଜାଦାନ୍ ତାନିଃ

୧୭ ଏଣୁ ଯୀଶୁ ସେଟେରକେଦତେ, “ଲାଜାରୁକେ ତପାଗାଡ଼ାରେ ତପାତେୟାଃ ଚାଡ଼ଦିନ୍ ହବାଃଆତାନା” ମେନ୍ତେ ଆୟୁମକେଦାଃଏ । ୧୮ ବେଥିନିଆ ଯୀରୁଶାଲେମ୍‌ଏତେ ତିନ୍ କିଲୋମିଟର୍‌ଏତେହ କାମ୍‌ତିସାଙ୍ଗିନ୍‌ରେ ତାଇକେନା । ୧୯ ଆତଃ ପୁରାଃ ଯିହୁଦୀକ ମାର୍ଥା ଆତଃ ମାରିୟାମ୍‌ଆଃ ହାଗା ଲାଜାରୁ ବିଷାଏରେ ଇନ୍ଦୁକିନ୍‌କେ ଜୀଉରାଡ଼େଃ* ଏମଃ ନାଗେନ୍ତେକ ହିନ୍ଦୁଃକାନ୍ ତାଇକେନା ।

* ୧୦:୪୦ ୧୦:୪୦ ଯୋହାନ୍ ୧:୨୮. ✱ ୧୧:୧ ୧୧:୧ ଲୁକ ୧୦:୩୮, ୩୯. ✱ ୧୧:୨ ୧୧:୨ ଯୋହାନ୍ ୧୨:୩. * ୧୧:୧୯ ୧୧:୧୯ ପାବ୍ଲୁନ

୨୦ ଏଣେ ମାର୍ଥା ଯୀଶୁ ହିନ୍ଦୁଃତାନାଏ ମେନ୍ତେ ଆୟୁମକେଦ୍ଦତି ଜନିଃକେ ସେନ୍ଦଦାରମ୍ବକିୟାଏ, ମେନ୍ଦଦ ମାରିୟାମ୍ ଅଡ଼ାଃରେରି ଦୁବାକାନାଏ ତାଇକେନା । ୧୯ ଆତଃ ମାର୍ଥା ଯୀଶୁକେ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍ରେଦ ଆଇଁୟାଃ ହାଗାଇଙ୍ଗ୍ କାଏ ଗଜାକାନ୍ତେୟାଃ । ୧୯ ମେନ୍ଦଦ ଆମ୍ ନାହାଃ ହିଁ ପାର୍ମେଶ୍ୱାର୍ରେକେ ଆସିତେୟାଃ ସବେନାଃ ଏମାମେୟାଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୩ ଯୀଶୁ ମାର୍ଥାକେ କାଜିକିୟାଏ, “ହାଗାମ୍ ତାମାଃ ଜୀଉ ନାମକେଦ୍ଦତେ ଆତଃଗି ବିରିଦାଃଏ ।”

୨୪ ମାର୍ଥା ଜନିଃକେ କାଜିକିୟାଏ, “ଜନିଃ ଟୁଣ୍ଡୁ ଦିପିଲିରେ ଜୀଉବିନିରିଦ୍ରେୟାଃ ନେତାରେ ଜୀଉବିରିଦାଃଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୫ ଯୀଶୁ ଜନିଃକେ କାଜିକିୟାଏ, “ଜୀଉବିନିରିଦ୍ ଆତଃ ଜୀବାନ୍ ଆଇଙ୍ଗ୍ରି ତାନିଙ୍ଗ୍, ଜେତାଏ ଆଇଁୟାଃରେ ବିଶ୍ୱାସେତାନିଃ ଗଜଃରେୟ ଜୀଉଦଃଆଏ । ୨୬ ଆତଃ ଜେତାଏ ଜୀହୁଦଃତାନିଃ ଆତଃ ଆଇଁୟାଃରେ ବିଶ୍ୱାସେତାନିଃ ଚିଉଲିଆ କାଏ ଗଜଃଆ, ନେଆଁ ଚିନାଃ ବିଶ୍ୱାସେତାନାମ୍ ?”

୨୭ ଜନିଃ ଯୀଶୁକେ କାଜିକିୟାଏ, “ହେ ପ୍ରାଭୁ, ଅତେଦିଶ୍ୱମ୍ତେ ଅକଏୟାଃ ହିନ୍ଦୁଃରାଃ ତାଇକେନା, ଜନିଃ ଆମ୍ରି ପାର୍ମେଶ୍ୱାର୍ଆଃ ହନ୍ ମାସି ତାନ୍ମେଁ ନେୟାଁ ଆଇଙ୍ଗ୍ ବିଶ୍ୱାସେତାନା ।”

ୟୀଶୁ ରାଆଃକେଦାଏ

୨୮ ନେୟାଁ କାଜିକେଦ୍ଦତି, ମାର୍ଥା ଆୟାଃ ମିଶିତେ ମାରିୟାମ୍କେ ଉକ୍ତକେଦ୍ଦତେ କେଡ଼ାକିୟାଏ, ଆତଃ ମେତାଇୟାଏ, “ଗୁରୁ ହିନ୍ଦୁଃୟାନାଏ ଆତଃ ଆମ୍କେ କେଡ଼ାମ୍ତାନାଏ ।” ୨୯ ଜନିଃ ନେୟାଁ ଆୟୁମକେଦ୍ଦତି, ବିରିଦ୍ ଧାଦ୍ୟାନାଏ ଆତଃ ଯୀଶୁତାଃତେ ସେନଃୟାନାଏ । ୩୦ ଯୀଶୁ ଜମ୍ତା ଜାକେଦ୍ ହାତୁଡେ କାଏ ତେବାଃକାନ୍ ତାଇକେନା, ମେନ୍ଦଦ ମାର୍ଥା ଦାରମ୍ ଠାୟାଦ୍ତାଃରେରି ଜନିଃ ତାଇକେନାଏ । ୩୧ ଏଣେ ଜୀଉରାଡେଃ ନାଙ୍ଗ୍ ଅକନ୍ ଯିହୁଦୀକ ଅଡ଼ାଃରେ ମାରିୟାମ୍ଲଃ ତାଇକେନାକ, ଜନ୍କୁ ମାରିୟାମ୍କେ କମ୍ତାରି ବିରିଦ୍କେଦ୍ଦତେ ବାହାରି ଅତଙ୍ଗ୍ତାନ୍ ନେଲ୍ଲିକିଃତେ ଜନିଃ ରାଆଃ ନାଗେନ୍ତେ ତପାଗାଡ଼ାତେ ସେନଃତାନାଏ ମେନ୍ତେ ଆବ୍କାର୍ତାନିଲଃ ଜନିୟାଃ ଦୟା ଦୟାକ ଅତଙ୍ଗ୍କିୟା ।

୩୨ ଏଣେ ମାରିୟାମ୍ ଯୀଶୁ ତାଇକେନତାଃ ତେବାଃୟାନି, ଜନିଃ ଯୀଶୁକେ ନେଲ୍ତାଇଲଃଗି ଜନିୟାଃ କାତା ସୁବାରେ ଉୟୁଃୟାନାଏ ଆତଃ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍ରେଦ ହାଗାଇଙ୍ଗ୍ ତାଇୟାଃ କାଏ ଗଜାକାନ୍ତେୟାଃ ।”

୩୩ ଯୀଶୁ ଜନିଃ ରାଆଃତାନ୍ ଆତଃ ଜନିଃଲଃ ହିନ୍ଦୁଃକାନ୍ ଯିହୁଦୀକକେହ ରାଆଃତାନ୍ ନେଲ୍କେଦ୍ଦତେ, ପୁରାଃ ଦୁକ୍ତେ ଆମ୍ରେ ବିଲ୍କାଅୟାନାଏ । ୩୪ ଆତଃ କୁଲିକେଦ୍ଦକଆଏ, “ଅକ୍ତାଃରେଦେ ତପାକିୟା ?”

ଜନ୍କୁ କାଜିରୁହାଡ଼କିୟାଃକ, “ହେ ପ୍ରାଭୁ, ଏନା ହିନ୍ଦୁଃକେଦ୍ଦତେ ନେଲିମେ ।”

୩୫ ଯୀଶୁ ରାଆଃକେନାଏ । ୩୬ ଏଣେ ଯିହୁଦୀକ କାଜିକେଦାଃକ, “ନେଲିମେ, ଯୀଶୁ ଲାଜାର୍ରେକେ ଚିମିନ୍ ଦୁଲାଡ଼ି ତାଇକେନାଏ ।”

୩୭ ମେନ୍ଦଦ ଜନ୍କୁଏତେ ଚିମିନ୍କ କାଜିକେଦା, “ଜନିଃ ଏନ୍ କାଣାଁକାନ୍ ହଡ଼କେ କାଏ ନେଲ୍ଲିକିୟାତି ? ଚିନାଃ ଜନିଃ ଲାଜାର୍ରେଃ ଗନ୍ଏଃ କାଏ ରକାଅଦାଡ଼ିତେୟାଃ ?”

ୟୀଶୁ ଲାଜାର୍ରେକେ ଗନ୍ଏଃତେ ଜୀଉବିନିରିଦ୍କିୟାଏ

୩୮ ଏଣେ ଯୀଶୁ ଆତଃମିୟା ଆୟାଃ ମନ୍ରେ ପୁରାଃ ଖୁସ୍କେଦ୍ଦତେ ତପା ଠାୟାଦ୍ତେ ସେନଃୟାନାଏ, ଏନା ମିଆଁଦ୍ ଲାପାଙ୍ଗ୍ ତାଇକେନା, ଆତଃ ଏନାରେୟାଃ ଦୁଆର୍ତାଃ ମିଆଁଦ୍ ଦିରି ତାଇକେନା । ୩୯ ଯୀଶୁ “ଦିରିକେ ବାଟିଆତେୟେ” ମେନ୍ତେ ଆରୁକେଦ୍ଦକଆ । ଏଣେ ଗଜାକାନିୟାଃ ମିଶିତେ ମାର୍ଥା କାଜିକିୟାଏ, “ହେ ପ୍ରାଭୁ, ନାହାଃଦ ଜନିଃ ସହାନକାତେୟାଃଆଏ, ଚିୟାଃତି ଜନିଃ ଗଜାକାନ୍ତେୟାଃ ଚାର୍ଦିନ୍ ହବାଅଃତାନା ।”

୪୦ ଯୀଶୁ ମାର୍ଥାକେ କାଜିକିୟାଏ, “ଆମ୍ ବିଶ୍ୱାସେରେଦ ପାର୍ମେଶ୍ୱାର୍ଆଃ ମାନାରାଙ୍ଗ୍ ନେଲେୟାମ୍, ଚିୟାଃ ନେୟାଁ କାଇଙ୍ଗ୍ କାଜିକାମ୍ତାଇନା ?” ୪୧ ଏଣେ ଜନ୍କୁ ଦିରିକେ ବାଟି ଆତମ୍କେଦାଃକ । ଆତଃ ଯୀଶୁ ସାଙ୍ଗିଲ୍ ରାକାବ୍କେଦ୍ଦତେ କାଜିକେଦାଃଏ, “ହେ ଆବା, ଆମ୍ ଆଇଁୟାଃ ବିନ୍ତି ଆୟୁମକେଦାମ୍ ମେନ୍ତେ ଧାନାବାଦ୍ ଏମାମ୍ ତାନାଇଙ୍ଗ୍ । ୪୨ ଆମ୍ ଆଇଁୟାଃ ବିନ୍ତି ସବେନଜମ୍ତା ଆୟୁମାଃମ୍, ଏନା ଆଇଙ୍ଗ୍ ସାରିୟାଇଙ୍ଗ୍, ମେନ୍ଦଦ ନେ ଚାରିୟସାଃରେ ତିଙ୍ଗ୍ଆକାନ୍ ଗାଦେଲ୍ ହଡ଼କ ଆମ୍ ଆଇଙ୍ଗ୍କେ କୁଲ୍ଲାକାଦିୟାମ୍ ମେନ୍ତେ ବିଶ୍ୱାସେ ନାଗେନ୍ତେ ଆଇଙ୍ଗ୍ ନେୟାଁ କାଜିକେଦାଇଙ୍ଗ୍ ।”

୪୩ ଜନିଃ ନେୟାଁ କାଜିକେଦ୍ଦତି, କାଉରିକେଦ୍ଦତେ ହାକାଅକିୟାଏ, “ଏ ଲାଜାର୍, ଅତଙ୍ଗ୍ଆଃମେ ।”

୪୪ ଏଣୁ ଇନିଃ ଅତଙ୍ଗୟାନା, ଆୟାଃ ତିଃଇ କାଟା ଲିଜାଃତେ ତଲ୍ଲକାନ୍ ତାଇକେନା ଆତଃ ଇନିୟାଃ ମେଦମୁହାଁଡ଼ ଗାମିଛାତେ ତଲ୍ଲ ବିୟୁରାକାନ୍ ତାଇକେନା । ଯୀଶୁ ଇନକୁକେ ମେତାଦକଆଏ, “ଇନିଃକେ ତଲ୍ଲକାନ୍ତେୟାଃ ରାଡ଼ାଇପେ ଆତଃ ସେନ୍ଇଚିଃପେ ।”

ୟୀଶୁଆଃ ବିରୁଧରେ ରୋଜୋଟ

(ମାଥୁର ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରିୟାମତାଃ ହିଜୁଃଲେନ୍ ପୁରାଃ ଯିହୁଦୀକ ଯୀଶୁ କାମିକେଦ୍ତେୟାଃ ନେଲ୍ଲକେଦ୍ତେ ଇନିଃକେକେ ବିଶ୍ୱାସକେଦାଃ । ୪୬ ମେନ୍ଦ ଇନକୁଏତେ ଚିମିନ୍ କ ଫାରୁଶୀକତାଃ ସେନ୍କେଦ୍ତେ ଯୀଶୁ କାମିକେଦ୍ତେୟାଃ ଉଡୁବାଦକଆକ । ୪୭ ଏନାମେନ୍ତେ ମୁଲ୍ଲ ଯାଜାକ୍ ଆତଃ ଫାରୁଶୀକ ମାରାଙ୍ଗ ପାଞ୍ଚେଟ୍ଟକେଦ୍ତେ କାଜିକେଦାଃକ, “ଆବୁ ଚିନାଃବୁ ଚିକାତାନା ? ନେଲିପେ, ଏନ୍ ହଡ୍ଡଦ ପୁରାଃ ପେଡେୟାନ୍ କାମିକ କାମିତାନାଏ । ୪୮ ଆବୁ ଇନିଃକେ ନେ ଲେକାଗିବୁ ବାଗିତାଇରେଦ ସବେନ୍ ହଡ୍ଡକ ଇନିଃକେକେ ବିଶ୍ୱାସେୟା, ଆତଃ ରୋମିରେନକ ହିଜୁଃକେଦ୍ତେ ଆବୁଆଃ ମାନ୍ଦିର୍ ଆତଃ ଦିଶୁମ୍ ବାର୍ନାଃକେକ ରେଃକ ଇଦିୟା ।”

୪୯ ଏଣୁ ଇନକୁଏତେ ମିଆଁଦ କାୟଫା ନୁତୁମ୍ ହଡ୍ଡ, ଏନ୍ ବାରାଷ୍ଟରେନ୍ ସାଲ୍ଲକାନ୍ ମାରାଙ୍ଗ ଯାଜାକ୍ ଇନକୁକେ କାଜିୟାଦକଆଏ, “ଆପେ ସବେନ୍ ଚିମିନ୍ ଡଣ୍ଡକ ତାନ୍ପେ, ୫୦ ହଡ୍ଡକ ନାଗେନ୍ତେ ମିହୁଡୁଗି ଗଜଃକାଏ ଆତଃ ଗଟା ଜାତି ଆଲ୍ଲକାକ ଜିୟନଃକା ଏନା ଆପେୟାଃ ନାଗେନ୍ତେ ପୁରାଃଗି ବୁଗିନାଃ ମେନ୍ତେ କାପେ ଆଟ୍ଟକାରେତାନା ।” ୫୧ କାୟଫା ନେ କାଜିଦ୍ ଆଇଃକଡେଗି କାଏ କାଜି, ମେନ୍ଦ ଏନ୍ ବାରାଷ୍ଟରେନ୍ ମାରାଙ୍ଗ ଯାଜାକ୍ ତାଇନ୍ହରାତେ, ଯୀଶୁ ଏନ୍ ଜାତିକ ନାଗେନ୍ତେ ଗଜଃଆଏ ମେନ୍ତେ ଇନିଃ ନେ ଆୟାରକାଜିକ କାଜିକେଦାଃଏ । ୫୨ ଆତଃ ଏନ୍ ଜାତିକ ନାଗେନ୍ତେ ଏସକାର୍ କାହା ମେନ୍ଦ ଦ୍ୱାରାମେଶ୍ୱାର୍ଆଃ ନେତେ ହେନ୍ତେୟାକାନ୍ ହଡ୍ଡକକେ ମିଦ୍ରେ ହୁଣ୍ଡିକ ନାଗେନ୍ତେ କାଜିକେଦାଃଏ ।

୫୩ ଏନ୍ହୁଲ୍ଲଙ୍ଗତାଃଏତେ ଯୀଶୁକେ ଗଜି ନାଗେନ୍ତେ ଯିହୁଦୀକ ଆକରେକ ରୋଜୋଟକେଦାଃ ।

୫୪ ଏନାମେନ୍ତେ ଯୀଶୁ ଯିହୁଦୀକଆଃ ନେପେଲ୍ଲରେ ଆତଃ କାଏ ହନର୍କେଦାଃ, ମେନ୍ଦ ଏନ୍ତାଃ ବାଗିକେଦ୍ତେ ବିର୍ରେୟାଃ ନାଡେଃ ଦିଶୁମ୍ ଇଫ୍ରାଇମ୍ ନୁତୁମ୍ ମିଆଁଦ୍ ସାହାର୍ତେ ସେନଃୟାନାଏ, ଆତଃ ଆୟାଃ ତେଲ୍ଲକଲଃ ଏନ୍ତାଃରେ ତାଇନ୍ୟାନାଏ ।

୫୫ ଯିହୁଦୀକଆଃ ପାସକା ପାରାବ୍ ନାଡେୟାକାନ୍ ତାଇକେନା, ପାରାବ୍ ସିଦାରେ ପୁରାଃ ହଡ୍ଡକ ଆକଆଃ ଫାରୁତିୟାଃ ନାଗେନ୍ତେ ଦିଶୁମ୍କଏତେ ଯାରୁଶାଲେମ୍ତେକ ସେନଃୟାନା । ୫୬ ଏଣୁ ଇନକୁ ଯୀଶୁକେ ଦାଣ୍ଡାବାଡାତାନ୍ଲଃ ମାନ୍ଦିର୍ ଅଡ଼ାଃରେ ତିଙ୍ଗୁଆକାନ୍ ଇମ୍ତା ଆକ ଆକଗିକ କୁପୁଲିୟାନା, “ଆପେ ଚିନାଃପେ ଉଡୁଡୁତାନା ? ଚିୟାଃ ଇନିଃ ପାରାବ୍ରେ କାଏ ହିଜୁଃଆ ?” ୫୭ ମୁଲ୍ଲ ଯାଜାକ୍ ଆତଃ ଫାରୁଶୀକ ଯୀଶୁକେ ସାବି ନାଗେନ୍ତେ ଇନିଃ କତାଃରିୟା, ଏନା ଜେତାଏ ସାରିରେଦ ଉଡୁବାଲେପେ ମେନ୍ତେ ଆତୁକାଦ୍ ତାଇକେନାକ ।

୧୨

ମାରିୟାମ୍ ଯୀଶୁକେ ବୁଗିନ୍ ସହାନ୍ ସୁନୁମ୍ ଗସଗିତାନାଏ

(ମାଥୁର ୨୭:୬-୧୩; ମାର୍କ ୧୪:୩-୯)

୧ ଯୀଶୁ ପାସକା ପାରାବ୍ରେୟାଃ ଛ ଦିନ୍ ସିଦାରେ ବେଅନିଆତେ ସେନଃୟାନାଏ, ଏନ୍ତାଃରେ ଯୀଶୁ ଗନଏଃଏତେ ଜୀଉବିରିଦାକାଲ୍ ଲାଜାର୍ବରାଃ ଅଡ଼ାଃ ତାଇକେନା । ୨ ଇନକୁ ଏନ୍ତାଃରେ ଇନିୟାଃ ନାଗେନ୍ତେ ଆୟୁର୍ ଜମେୟାକ ବାଇକେଦାଃ ଆତଃ ମାର୍ଥା ସୁସାର୍ରେୟାଃ ବାହାରମ୍ ଇଦିକାଦ୍ ତାଇକେନାଏ, ଏଣୁ ଯୀଶୁଲଃ ଦୁବାକାନ୍ଦକ ଆଲ୍ଲାରେ ଲାଜାର୍ହଗି ତାଇକେନାଏ । ୩ ଏଣୁ ମାରିୟାମ୍ ଆଧା ଲିଟର୍ ପୁରାଃ ଫାରୁତି ଗନଙ୍ଗାୟି ଜଟାମାଂସି ବୁଗିନ୍ ସହାନ୍ ସୁନୁମ୍ ଆଉକେଦ୍ତେ ଯୀଶୁଆଃ କାଟାରେ ଦୁଲ୍ଲକେଦାଏ ଆତଃ ଇନିୟାଃ କାଟା ଆୟାଃ ଉବ୍ରେ ଜଦ୍କେଦାଏ ଆତଃ ସୁନୁମ୍ରେୟାଃ ବୁଗିନ୍ ସହାନ୍ତେ ଅଡ଼ାଃ ପେରେୟାଃ । ୪ ଯୀଶୁଆଃ ତେଲ୍ଲକଏତେ ଇଷ୍ଟାରିୟଡ୍ ଯିହୁଦା ନୁତୁମ୍ ମିଆଁଦ୍ ତେଲ୍ଲ ତାଇକେନାଏ, ଅକଏଚି ଯୀଶୁକେ ବାଇରିକଆଃ ତିଃଇରେ ଜିମାଲ ନାଗେନ୍ତେ ସାନାଙ୍ଗ୍ ତାଇକେନ୍ନିଃ କାଜିକେଦାଏ, ୫ “ନେ ବୁଗିନ୍ ସହାନ୍ ସୁନୁମ୍କେ ୩୦୦ ହୁଲ୍ଲଙ୍ଗରାଃ ନାଲ୍ଲା ସିକାରେ ଆଖରିଙ୍ଗ୍କେଦ୍ତେ ଏନ୍ ପାଏସା ଚିନାଃମେନ୍ତେ ରେଙ୍ଗେଃକକେ କା ଏମ୍ୟାନା ?” ୬ ରେଙ୍ଗେଃକତାନ୍କଆଃ ନାଗେନ୍ତେ ଉଡୁଡୁତାଇକେନାଏ

୫ ୧୨:୩ ୧୨:୩ ଲୁକ ୭:୩୬,୩୮.

ମେଣ୍ଡେ ଇନିଃ ନେଆଁ କାଏ କାଜିକେଦା ମେନ୍ଦ ଇନିଃ କୁମ୍ବୁ ତ୍ତାକକେନାଏ ଆତଃ ଇନିଃତାଃରେ ଚାକା ଆଇଲାଃ ତାକକେନ୍ ହରାତେ ଏନାରେ ସାକ୍ତେୟାଃ ଇନିଃ କୁମ୍ବୁ ଛୁଦି ତାକକେନାଏ ।

୭ ମେନ୍ଦ ଯୀଶୁ କାଜିକେଦାଏ, “ଇନିଃକେ ବାଗିତାଇପେ ଚିୟାଃଚି ଆଇୟାଃ ତପାଅଃ ହୁଲାଙ୍ଗ ନାଗେଣ୍ଡେ ଇନିଃ ଏନାକେ ଦହଏକାଏ । ୮ ରେଙ୍ଗେଃକଦ ସବେନ୍ଇମ୍ତା ଆପେଲଃ ତାଇନାଃକ ମେନ୍ଦ ଆଇଙ୍ଗ୍ ଆପେଲଃ ସବେନ୍ଇମ୍ତା କାଇଙ୍ଗ୍ ତାଇନାଃ ।”

ଲାଜାରୁଆଃ ବିରୁଧରେ ରୋଜୋଟ

୯ ହିହୁଦୀକଏତେ ଗାଦେଲ୍ ହଡ଼କ ଯୀଶୁ ବେଅନିଆରେ ମେନାଇୟା ମେଣ୍ଡେ ସାରିକେଦାଃକ ଆତଃ ଯୀଶୁଆଃ ନାଗେଣ୍ଡେ ଏସକାର୍ କାହା ମେନ୍ଦ ଯୀଶୁ ଗଏଃକାନୁକଏତେ ଜୀଉବିରିଦାକାଇ ଲାଜାରୁକେ ନେଲି ନାଗେଣ୍ଡେକ ହିଜୁଃୟାନା । ୧୦ ଏଣ୍ଡେ ଲାଜାରୁକେହଗି ଗଜି ନାଗେଣ୍ଡେ ମୁଲ୍ ଯାଜାକକ ରୋଜୋଟକେଦାଃ । ୧୧ ଚିୟାଃଚି ଇନିୟାଃ ନାଗେଣ୍ଡେ ହିହୁଦୀକଏତେ ପୁରାଃ ହଡ଼କ ଇନକୁକେ ମାନାତାଇକେନାକ ଆତଃ ଯୀଶୁରେକ ବିଶ୍ୱାସକେଦାଃ ।

ୟୀଶୁ ରାଜାଲେକା ଯୀରୁଶାଲେମ୍ତେ ବଲୟାନାଏ (ମାଥୁଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ଏଗାଃ ହୁଲାଙ୍ଗ୍ ପାସକା ପାରାବତେ ହିଜୁଃକାନୁ ଗାଦେଲ୍ ହଡ଼କ ଯୀଶୁ ଯୀରୁଶାଲେମ୍ତେ ହିଜୁଃତାନାଏ ମେଣ୍ଡେ ଆୟୁମକେଦ୍ଚି, ୧୩ ଇନକୁ କିତା ଭାଉଡ଼ା ସାବକେଦ୍ଚେ ଇନିଃକେ ଦାରମି ନାଗେଣ୍ଡେକ ଅତଙ୍ଗ୍ୟାନା ଆତଃ କାଉରିତାନୁଲଃ କାଜିକେଦାଃକ “ହୋଶାନ୍ନା, ପାରମେଶ୍ୱାରୁଆଃ ନୁଡୁମ୍ତେ ହିଜୁଃତାନିୟାଃ ଆଇନ୍ ହବାଅଃକା, ଇସ୍ରାଏଲ୍ରେନ୍ ରାଜାରାଃ ଆଇନ୍ ହବାଅଃକା ।”

୧୪ ଧାରାମପୁଅୁରାଃ ଅନଲ୍ ଲେକାତେ, ଯୀଶୁ ଗାଧାହନ୍ ନାମ୍ବିଃତେ ଇନିଃରେ ଦେଏଃୟାନାଏ,

୧୫ “ସିୟୋନ୍ରେନ୍ ହନକୁଡ଼ି, ଆଲମ୍ ବରଏୟା, ନେଲିମେ ଆମାଃ ରାଜା ଗାଧାହନ୍ରେ ଦୁବ୍କେଦ୍ଚେ ହିଜୁଃତାନା ।”

୧୬ ଇନିୟାଃ ଚେଲାକ ନେ କାଜିକେ ଇମ୍ତା କାକ ଆଟ୍ଟକାର୍ ଉରୁମକେଦାଃ ମେନ୍ଦ ଯୀଶୁଆଃ ମାଇନାନ୍ ତାୟମ୍ତେ ନେ ସବେନାଃ ଇନିୟାଃ ବିଷାଏରେ ଧାରାମପୁଅୁରେ ଅଲକାନ୍ ତାଇକେନା ଆତଃ ଇନିଃକେ ଇନକୁ ନେ ସବେନାଃକ ରିକାକାଦ୍ ତାଇକେନା ଏନା ଇନକୁ ପାହାମକେଦାଃକ ।

୧୭ ଆତଃ ଯୀଶୁ ଲାଜାରୁକେ ତପା ଗାତାଏତେ ହାକାଅକିୟାଏ ଆତଃ ଗଏଃକାନୁକଏତେ ଜୀଉବିରିଦକିୟାଏ ଇମ୍ତା ଇନିଃଲଃ ତାଇକେନ୍ ଗାଦେଲ୍ ହଡ଼କ ଗାଝାକ ଏମ୍ତାକେନା । ୧୮ ଚିମ୍ତାଙ୍ଗ୍ ଇନକୁ ଯୀଶୁ ନେ ପେଡ଼େୟାନ୍ କାମି କାମିକାଦାଏ ମେଣ୍ଡେ ଆୟୁମକେଦାଃ ଇମ୍ତାଙ୍ଗ୍ ଏନ୍ ଗାଦେଲ୍ହଡ଼କ ଇନିଃଲଃ ନେପେଲ୍ ନାଗେଣ୍ଡେ ଅତଙ୍ଗ୍ୟାନାକ । ୧୯ ଏଣ୍ଡେ ଫୀରୁଶୀକ ଆକ ଆକରେକ କାଜିକେଦା, “ନେଲେତାନାପେଦ, ଆବୁତେ ଜେଡନାଃ କା ବାଇୟାଃ ନେଆଁ ଆଟ୍ଟକାରେପେ, ନେଲ୍କପେ, ଅତେଦିଶୁମ୍ରେନ୍ ସବେନ୍ଇ ଇନିଃକେ ଅତଙ୍ଗ୍କିୟାଃକ ।”

ୟୁନାନୀରେନକ ଯୀଶୁକେକ ଦାଣ୍ଡାତାନ

୨୦ ପାରାବରେ ସେଝା ନାଗେଣ୍ଡେ ହିଜୁଆକାନୁକଏତେ ଚିମିନ୍ ହଡ଼କ ଗ୍ରୀକ୍ରେନକ ତାଇକେନା । ୨୧ ଇନକୁ ଗାଲିଲ୍ରେୟାଃ ବେଅଧାଇଦାରେନ୍ ଫିଲିପ୍ତାଃ ହିଜୁଃକେଦ୍ଚେ କୁଲିକିୟାଃକ, “ହେ ଗମକେ, ଆଲେ ଯୀଶୁକେ ନେନେଲ୍ ସାନାଙ୍ଗ୍ତାନାଲେ ।”

୨୨ ଫିଲିପ୍ ଆନ୍ତ୍ରିୟାସ୍ତାଃ ସେନ୍କେଦ୍ଚେ କାଜିକିୟାଏ, “ଏଣ୍ଡେ ଆନ୍ତ୍ରିୟାସ୍ ଆତଃ ଫିଲିପ୍ ଯୀଶୁକେକିନ୍ କାଜିକିୟାଃ ।” ୨୩ ଯୀଶୁ ଇନକିନ୍କେ ମେତାଦକିନାଏ, “ମାନଝାହନ୍ଆଃ ମାଇନାନ୍ରେୟାଃ ନେତା ସେଟେରକାନା । ୨୪ ଆଇଙ୍ଗ୍ ସାଡ଼ିଗି କାଜିୟାପେ ତାନାଇଙ୍ଗ୍, ଗହମ୍ଜାଙ୍ଗ୍ ଅତେରେ ଉୟୁଃକେଦ୍ଚେ କା ଗଜଃରେଦ ଏନା ଏସକାର୍ଚି ତାଇନାଃ, ମେନ୍ଦ ଏନା ଗଜଃରେଦ ପୁରାଃ ଜ ଅଃଆ । ୨୫ ଜେତାଏ ଆୟାଃ ଜାତକେ ଦୁଲାଡ଼େୟାଏ ଇନିଃ ଏନାକେ ଆଦେୟାଏ ଆତଃ ଜେତାଏ ଆୟାଃ ଜୀଉକେ ନେ ଅତେଦିଶୁମ୍ରେ ହିଲାଙ୍ଗ୍ୟେଆ, ଇନିଃ ଏନାକେ ଜାନାଅ ଜୀଦାନ୍ ନାଗେଣ୍ଡେ ବାଞ୍ଛାଅୟା । ୨୬ ଜେତାଏ ଆଇଙ୍ଗ୍କେ ସୁସାରିଙ୍ଗ୍ରେଦ ଇନିଃ ଆଇଙ୍ଗ୍କେ ଅତଙ୍ଗ୍ଇଙ୍ଗ୍କାଏ, ଆତଃ ଆଇଙ୍ଗ୍ ତାଇନିଃତାଃରେ ଆଇଙ୍ଗ୍କେ ସୁସାରିନିଃହ ତାଇନାଏ, ଆତଃ ଜେତାଏ ଆଇଙ୍ଗ୍କେ ସୁସାରିଙ୍ଗ୍ରେଦ ଆପୁଇଙ୍ଗ୍ ଇନିଃକେ ମାଇନିୟାଏ ।

୧୨:୨୫ ୧୨:୨୫ ମାଥୁଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୫; ୧୭:୩୩.

ୟୀଶୁ ଆୟାଃ ଗନ-ଏଃ ବିଷାଏରେ କାଜିକେଦାଃଏ

୨୭ “ନାହାଁଃଦ ଆଇଁୟାଃ ମନ୍ ଆକବାକାଅକାନା, ଚିନାଃ ଆତଃଇକ୍ କାଜିୟା ? ହେ ଆବା, ନେ ନେତାଏତେ ଆଇକ୍ କେ ବାଆଅଇକ୍ କେ ମେନ୍ତେଇକ୍ କାଜିୟାତି ? ମେନ୍ଦ ଆଇକ୍ ନେୟା ନାଗେନ୍ତେରିଇକ୍ ହିଜୁଃକାନା, ଜେଲେକାତି ଆଇକ୍ ନେ ଦୁକୁରାଃ ନେତାରେଇକ୍ ସାହାଡିକ୍ ଦାଡିୟାଃ । ୨୮ ହେ ଆବା ଆମାଃ ନୁଡୁମ୍ ମାନାରାକ୍ ଅଃକା,” ମେନ୍ଦକେଦତି ସିମିଏତେ ନେ କାଜି ଆୟୁମୟାନା, “ଆଇକ୍ ଏନା ମାଇନାନ୍ କାଦାଇକ୍ ଆତଃ ଏନାକେ ଆତଃରିଇକ୍ ମାଇନାନ୍ ନେୟା ।”

୨୯ ଏନ୍ତାଃରେ ତିଜୁଆକାନ୍ ଗାଦେଲ୍ ହଡକ ଏନା ଆୟୁମକେଦତେ ରିମିଲ୍ ସାଡିଲେନା ମେନ୍ତେକ କାଜିକେଦା । ଏଗାଃକେ ମେନ୍ଦକେଦାଃ, “ଦୁଡୁ ଇନିଃଲଃ ଜାଗାରକେନାଏ ।”

୩୦ ଯୀଶୁ କାଜିରୁହାଡକେଦକଆଏ, “ନେ କାଜି ଆଇଁୟାଃ ନାଗେନ୍ତେଦ କାହା, ମେନ୍ଦ ଆପେ ନାଗେନ୍ତେ ତାନାଃ ।” ୩୧ ନାହାଁଃଦ ନେ ଅତେଦିଶୁମରେୟାଃ ବିଚାର ସେଚେରୋକାନା, ନାହାଁଃ ନେ ଅତେଦିଶୁମରେନ୍ ଗମକେ ବାହାରି ହୁରାକ୍ ଅଃଥାଏ । ୩୨ ଆତଃ ଆଇକ୍ ଅତେଦିଶୁମଏତେ ଚେତାନ୍ଦତେ ରାକାବଃରେଦ, ସବେନକକେ ଆଇକ୍ ତାଃତେଇକ୍ ଆଇକ୍ ଇଦିକଆ । ୩୩ ଇନିଃ ଚିଲ୍ କା ଗନ-ଏଃରେ ଦୁକୁନାମେୟାଏ, ଏନା ନେ କାଜି ହରାତେ ଉଦୁବକେଦା ।

୩୪ ସବେନ୍ ହଡକ କାଜିରୁହାଡକିୟାକ, “ମାସି ଜାନାଅ ଜାନାଅରି ତାଇନାଃଏ ମେନ୍ତେ ଆଲେୟାଃ ଆନ୍ଦୁରେ ଆୟୁମାକାଦାଃରେ, ଏନ୍ତେ ଆମ୍ ଚିଲ୍ କାତେ ମାନଖାହନ୍ ଚେତାନ୍ଦତେ ରାକାବଃରିୟାଏ ମେନ୍ତେମ୍ କାଜିତାନା ? ନେ ମାନଖାହନ୍ ଅକଏ ତାନିଃ ?”

୩୫ ଏନ୍ତେ ଯୀଶୁ କାଜିୟାଦକଆଏ, “ଆତଃ ହୁଡିକ୍ ନେତାରି ମାସ୍ତାଲ୍ ଆପେଲଃ ତାଇନାଃ, ନୁବାଃ ଆପେକେ କାଏ ଏସେରପେ ନାଗେନ୍ତେ ମାସ୍ତାଲ୍ ଆପେଲଃ ତାଇନଃ ଇମ୍ ତାରି ମାସ୍ତାଲ୍ରେ ସେସେନେପେ ଆତଃ ନୁବାଃରେ ସେସେନିଃ କତାଃତେ ସେନଃତାନାଏ ଏନା କାଏ ସାରିୟାଃ । ୩୬ ଆପେ ମାସ୍ତାଲ୍ରେନ୍ ହଡ ବାଈୟାଃ ନାଗେନ୍ତେ ମାସ୍ତାଲ୍ ଆପେଲଃ ତାଇନଃ ଇମ୍ ତାରି ମାସ୍ତାଲ୍ରେ ବିଶ୍ୱାସେପେ ।” ଯୀଶୁ ନେ ସବେନାଃ କାଜିକେଦତି ସେନଃୟାନାଏ ଆତଃ ଇନ୍ କୁତାଃଏତେ ଉକୁୟାନା ।

କା ବିଶ୍ୱାସତାନ୍ ହଡକ

୩୭ ଯୀଶୁ ଇନ୍ କୁଆଃ ଆୟାରରେ ପେଡେୟାନ୍ କାମିକ କାମିକେଦରେୟ ଇନ୍ କୁ ଇନିଃତାଃରେ କାକ ବିଶ୍ୱାସକେଦାଃ । ୩୮ ନେ ଲେକାତେ ଯିଶାୟ ନାବାୟାଃ କାଜି ପୁରାୟାନା,

“ହେ ପ୍ରାଭୁ, ଆଲେୟାଃ କାଜିରେ ଅକଏ ବିଶ୍ୱାସକାଦା ?
ଆତଃ ପ୍ରାଭୁଆଃ ପେଡେଃ ଅକଏତାଃରେ ଉଦୁବକାନା ?”

୩୯ ଆତଃ ଏନାତେ ଇନ୍ କୁ କାକ ବିଶ୍ୱାସ ଦାଡିକେନା, ଚିୟାଃତି ଯିଶାୟ ଆତଃରି କାଜିକାଦାଏ :

- ୪୦ “ପାରମେଶ୍ୱାର ଇନ୍ କୁଆଃ ମେଦକେ କାର୍ଣି କାଦାଃଏ
ଆତଃ ମନ୍ ତାକଆଃକେ କେଚେଦ୍ କାଦାଃଏ
ଏନାମେନ୍ତେ ଇନ୍ କୁଆଃ ମେଦତେ କାକ ନେଲ୍ ଦାଡିୟାଃ
ଆତଃ ଆକଆଃ ମନ୍ତେ କାକ ଆଟ୍ କାର୍ ଦାଡିୟାଃ
ଆତଃ ଇନ୍ କୁ ଆଇଁୟାଃରେ ମନ୍ କାକ ରୁହାଡ୍ ଦାଡିୟାଃ
ଆତଃ ଆଲେ ଇନ୍ କୁକେ କାଲେ ବୁରିକଆ ।”

୪୧ ଯିଶାୟ ଇନିୟାଃ ମାନାରାକ୍ ନେଲ୍ କେଦତେ ଆତଃ ଇନିଃକେ ଉଦୁବକେଦତେ ଏନାକେ କାଜିକେଦାଏ । ୪୨ ଏନ୍ରେୟ ଯିହୁଦୀକଆଃ ହାକିମ୍ କଏତେ ପୁରାଃ ହଡକ ଇନିଃରେକ ବିଶ୍ୱାସକେଦାଃ, ମେନ୍ଦ ଦୀରୁଶୀକଆଃ ନାଗେନ୍ତେ ଆତଃ ସାମାଜ୍ ଅତଃଏତେ ଆତଃମରେୟାଃ ବରତେ ଇନ୍ କୁ କାକ ଉଦୁବେନ୍ୟାନା । ୪୩ ଚିୟାଃତି ଇନ୍ କୁଦ ପାରମେଶ୍ୱାର୍ ଆଃ ମାଇନାନ୍ଏତେ ଆଦ୍ କା ହଡକଆଃ ମାଇନାନ୍ କେକ ଦୁଲ୍ ହଡକେଦାଃ ।

ୟୀଶୁଆଃ କାନାଜିତେ ବିଚାର ହବାଅଆଃ

୪୪ ଯୀଶୁ କାଉରିତାନ୍ଲଃ କାଜିକେଦାଏ, “ଜେତାଏ ଆଇକ୍ରେ ବିଶ୍ୱାସେତାନ୍ନିଃ ଆଇଁୟାଃରେ ଏସ୍ କାର୍ କାହା ମେନ୍ଦ ଆଇକ୍ କେ କୁଲ୍ କାଈକ୍ ନିଃରେୟ ବିଶ୍ୱାସାଏ । ୪୫ ଆତଃ ଜେତାଏ ଆଇକ୍ କେ ନେଲ୍ କାଦିକ୍ ମାଏ, ଇନିଃ ଆଇକ୍ କେ କୁଲ୍ କାଈକ୍ ନିଃକେୟ ନେଲ୍ କାଈକ୍ । ୪୬ ଆଇଁୟାଃରେ ବିଶ୍ୱାସେନିଃ ନୁବାଃରେ ଆଲକାଏ ତାଇନଃକା ମେନ୍ତେ ଆଇକ୍ ମାସ୍ତାଲ୍ ଲେକା ଅତେଦିଶୁମତେଇକ୍ ହିଜୁଃକାନା । ୪୭ ଜେତାଏନିଃ ଆଇଁୟାଃ କାଜି ଆୟୁମକେଦତେ କାଏ ବିଶ୍ୱାସେରେଦ ଆଇକ୍ ଇନିୟାଃ କାଈକ୍ ବିଚାରେୟାଃ, ଚିୟାଃତି ଆଇକ୍ ଅତେଦିଶୁମରାଃ ବିଚାର ନାଗେନ୍ତେଦ କାହା

ମେନ୍ଦ ଅତେଦିଶୁମ୍ବକେ ବାସ୍ତାଅ ନାଗେନ୍ତେ ହିନ୍ଦୁଃକାନାଲକ୍ଷ । ୪୮ ଜେତାଏ ଆଇଙ୍ଗକେ ହିଲାଇନିଃ ଆତଃ ଆଇଁୟାଃ କାଜି କା ମାନାତିଙ୍ଗନିୟାଃ ବିଚାର୍ନିଃ ମେନାଲୟାଃ, ଆଇଙ୍ଗ କାଜିୟାକାଦ୍ କାଜିଗି ରୁଣ୍ଡୁଲାଇଙ୍ଗରେ ଇନିୟାଃ ବିଚାରେୟାଏ । ୪୯ ନେଆଁ ସାର୍ତ୍ତିଗିଆ, ଚିୟାଃତି ଆଇଙ୍ଗଦ୍ ଆଇଁୟାଃ ପେଡେଃତେ କାଇଙ୍ଗ କାଜିୟାକାଦାଃ ମେନ୍ଦ୍ ଆଇଙ୍ଗ୍ ଚିନାଃଇଙ୍ଗ୍ କାଜିୟା ଆତଃ ଚିନାଃଇଙ୍ଗ୍ ଜାଗାରେୟା ଏନା ଆଇଙ୍ଗକେ କୁଲାଇଙ୍ଗ୍ ଆପୁ ଆଇଙ୍ଗକେ ଆରୁକାଦିୟାଏ । ୫୦ ଆତଃ ଇନିୟାଃ ଆନୁଦ୍ ଜାନାଅ ଜୀଦାନ୍ ତାନାଃ ଏନା ଆଇଙ୍ଗ ସାରିୟାଃ, ଚିୟାଃତି ଆଇଙ୍ଗ୍ ଅକନ୍ କାଜିକ କାଜିୟାଲକ୍ଷ ଏନା ଆପୁଇଙ୍ଗ୍ ଆରୁକାଦ୍ ଲେକାଇଙ୍ଗ୍ କାଜିୟାଃ ।”

୧୩

ୟୀଶୁ ଚେଲାଇଆଃ କାଟା ଆବୁଙ୍ଗ୍‌ୟୈତାନା

୧ ପାସକା ପାରାବ୍ରେୟାଃ ସିଦାରେ ଯୀଶୁ ନେ ଅତେଦିଶୁମ୍ବକେ ଆପୁତାଃତେ ସେନଃରେୟା ନେତା ସେଚେର୍କାନା ମେନ୍ତେ ସାରିକେଦ୍‌ଡି ଇନିଃ ଅତେଦିଶୁମ୍ବକେନ୍ ଆୟାଃ ହଡକକେ ଦୁଲାଇଙ୍ଗକେଦକଆଏ ଆତଃ ଇନ୍କୁକେ ଇନିୟାଃ ପୁରାଃ ଦୁଲାଇଙ୍ଗ୍ ଉଦୁବାଦକଆଏ ।

୨ ଯୀଶୁ ଆତଃ ଆୟାଃ ଚେଲାଇ ଆୟୁଦ୍ ଜମେୟାଃରେ ତାଇକେନାକ, ଇମ୍ବତା ସାସତାନ୍ ଶିମୋନ୍‌ରାଃ ହନ୍ତେକଡା ଇଷ୍ଟାରିୟଡ୍ ଯିହୁଦାରାଃ ମନ୍ରେ ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ମନ୍‌ବାଇ ତାବାକାଦ୍ ତାଇକେନାଏ । ୩ ଇମ୍ବତା ଆପୁ ସବେନ୍ ଆକ୍‌ତେୟାର୍ ଆଇଁୟାଃ ତିଃଇରେ ଏମାକାଦାଃଏ ଆତଃ ଆଇଙ୍ଗ୍ ପାର୍‌ମେଶ୍ୱାର୍‌ତାଃଏତେ ହିନ୍ଦୁଃକାନାଲକ୍ଷ୍ ଆତଃ ପାର୍‌ମେଶ୍ୱାର୍‌ତାଃତେ ସେନ୍‌ରୁହାଡ଼ାଇଙ୍ଗ୍ ମେନ୍ତେ ଯୀଶୁ ସାରି ତାଇକେନାଏ । ୪ ଇନିଃ ଜଜମ୍ ଠାୟାଦ୍‌ଏତେ ବିରିଦ୍‌ୟାନାଏ ଆତଃ ଆୟାଃ ତୁସିଙ୍ଗକାନ୍ ବାହାରି ଲିଜାଃ ଦହକେଦ୍‌ଡେ ଆୟାଃ ମାୟାଙ୍ଗ୍‌ରେ ମିଆଁଦ୍ ଗାମିଛା ପାଟେୟାନାଏ । ୫ ଏନ୍ତେ ବାସାନ୍‌ରେ ଦାଆଃ ଦୁଲକେଦ୍‌ଡେ ଚେଲାଇଆଃ କାଟା ଆବୁଙ୍ଗ୍ ଏଚେଦ୍‌କେଦାଏ, ଆତଃ ମାୟାଙ୍ଗ୍‌ରେ ପାଟେୟାକାନ୍ ଗାମିଛାତେ ଜଦ୍‌କେଦାଏ । ୬ ଏନ୍ତେ ଇନିଃ ଶିମୋନ୍ ପାଟୁରାସ୍‌ତାଃତେ ହିନ୍ଦୁଃୟାନାଏ, ଆତଃ ଅକ୍‌ଏତି କାଜିକିୟାଏ, “ହେ ପ୍ରାଭୁ, ଆମ୍‌ତି ଆଇଁୟାଃ କାଟା ଆବୁଙ୍ଗ୍‌ଇୟାମ୍ ?”

୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ରିକାତାନ୍‌ଡେୟାଃ ନାହାଁଃ କାମ୍ ସାରିୟାଃ, ମେନ୍ଦ୍ ଏନା ତାୟ୍‌ମ୍‌ତେମ୍ ଆଟ୍‌କାରେୟା ।”

୮ ପାଟୁରାସ୍ ଇନିଃକେ କାଜିକିୟାଏ, “ଆମ୍ ତିଭଲାଇଆ ଆଇଁୟାଃ କାଟା ଆଲମ୍ ଆବୁଙ୍ଗ୍‌ଇୟାମ୍” ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ କାଇଙ୍ଗ୍ ଆବୁଙ୍ଗ୍‌ମେରେଦ୍ ଆମ୍ ଆଇଁୟାଃ ଚେଲାଇ କାମ୍ ହବାଦାଡ଼ିୟାଆ ।”

୯ ଏନ୍ତେ ଶିମୋନ୍ ପାଟୁରାସ୍ କାଜିକିୟାଏ, “ହେ ପ୍ରାଭୁ, ଆଇଁୟାଃ କାଟା ଏସକାର୍ କାହା, ମେନ୍ଦ୍ ଆଇଁୟାଃ ତିଃଇ ଆତଃ ବହଃକେହଗି ଆବୁଙ୍ଗ୍‌ଇଙ୍ଗ୍‌ମେ ।”

୧୦ ଯୀଶୁ ଇନିଃକେ କାଜିକିୟାଏ, “ଉମେନ୍‌କାନ୍‌ନିଃକେ କାଟା ଏସକାର୍ ଆବୁଙ୍ଗ୍ ଲାଗାତିୟାଃ; ଇନିୟାଃ ଗଟା ହଡ଼ମ୍‌ଦ୍ ପାର୍‌ତିୟାକାନା ଆତଃ ମିହୁଡକେ ବାରିକେଦ୍‌ଡେ ଆପେ ସବେନ୍‌କ୍ ପାର୍‌ତିୟାକାନାପେ ।”

୧୧ ଚିୟାଃତି ଇନିଃ ଆୟାଃ ସାବ୍‌ରିକାଈନିଃକେ ସାରିକାଇ ତାଇନାଏ ଏନାମେନ୍ତେ ଇନିଃ କାଜିକେଦାଃଏ, “ମିହୁଡକେ ବାରିକେଦ୍‌ଡେ ଆପେ ସବେନ୍‌କ୍ ପାର୍‌ତିୟାକାନାପେ ।”

୧୨ ଯୀଶୁ ଇନ୍କୁଆଃ କାଟା ଆବୁଙ୍ଗ୍‌କେଦ୍‌ଡି ଆୟାଃ ଲିଜାଃ ତୁସିଙ୍ଗିୟାନାଏ ଆତଃ ଆୟାଃ ଜଜମ୍ ଠାୟାଦ୍‌ରେ ଦୁବ୍‌ରୁହାଡ଼ିୟାନାଏ, ଏନ୍ତେ ଇନ୍କୁକେ କୁଲକେଦକଆଏ, “ଆଇଙ୍ଗ୍ ଆପେ ନାଗେନ୍ତେ ରିକାକାଦ୍‌ଡେୟାଃ ଆଟ୍‌କାରେତାନାପେତି ?” ୧୩ “ଆପେ ଆଇଙ୍ଗ୍‌କେ ହେ ଗୁରୁ ଆତଃ ହେ ପ୍ରାଭୁ, ମେନ୍ତେପେ କାଜିୟାଲକ୍ଷ୍‌ତାନା ଏନା ବୁଗିନ୍‌ଗିପେ କାଜିତାନା ଚିୟାଃତି ଆଇଙ୍ଗ୍ ଇନିଃଗି ତାନିଙ୍ଗ୍ ।

୧୪ ଆଇଙ୍ଗ୍ ଆପେୟାଃ ପ୍ରାଭୁ ଆତଃ ଗୁରୁ ତାନିଙ୍ଗ୍ ହଲେହ୍ ଆପେୟାଃ କାଟା ଆବୁଙ୍ଗ୍‌କେଦାଃଇଙ୍ଗ୍, ଏନ୍‌ଲେକା ଆପେୟାଃ ମିଆଁଦ୍‌ନିଃ ଏଟାନ୍‌ନିୟାଃ କାଟା ଆବୁଙ୍ଗ୍ ଲାଗାତିୟାଃ । ୧୫ ଆଇଙ୍ଗ୍ ଆପେୟାଃ ନାଗେନ୍ତେ କାମିକାଦ୍‌ଲେକା ଆପେୟାଃ ରିକାଏପେ, ଏନାମେନ୍ତେ ଆଇଙ୍ଗ୍ ଆପେକେ ମିଆଁଦ୍ ନାମୁନା ଉଦୁବାକାଦ୍‌ପେୟାଲକ୍ଷ୍ । ୧୬ ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଦାସି ଆୟାଃ ଗମକେଏତେ କାଏ ମାରାଙ୍ଗ୍‌ଆଃ, ଆତଃ କାଜିଏମ୍‌ନିଃ ଆୟାଃ କୁଲ୍‌ନିଃତାଃଏତେ କାଏ ମାରାଙ୍ଗ୍‌ଆଃ । ୧୭ ନାହାଁଃଦ୍ ଆପେ ନେ ସାର୍‌ତିକେ ସାରିୟାଃକାଦାଃତେ, ଏନାକେ ରିକାଏରେଦ୍ ଆପେ ସୁକୁତାନ୍‌ଗିୟାଃପେ ।

☆ ୧୩:୧୨ ୧୩:୧୭ ଲୁକ ୨୨:୨୭. ☆ ୧୩:୧୭ ୧୩:୧୭ ମାଥ୍‌ର ୧୦:୨୪; ଲୁକ ୭:୪୦; ଯୋହାନ୍ ୧୫:୨୦.

୧୮ “ଆଇଙ୍ଗ୍ ଆପେ ସବେନ୍‌କଆଃ ବିଷାଏରେ କାଇଙ୍ଗ୍ କାଜିତାନା, ଆଇଙ୍ଗ୍ ସାଲାକାଦ୍ ହଡ଼କକେ ସାରିକାଦକଆଇଙ୍ଗ୍, ମେନ୍‌ଦ ଧାରାମପୁଅରେୟାଃ କାଜି ପୁରାଅଃ ନାଗେନ୍ତେ ନେ ଲେକା ହବାଅଃତାନା ‘ଆଇଁୟାଃଲଃ ହଲଙ୍ଗ୍ ହାଟିଙ୍ଗ୍ ଜମନିଃ ଆଇଁୟାଃ ବିରୁଧରେ ବିରିଦ୍ୟାନାଏ ।’^{୧୯} ନେୟାଁ ହବାଅଃରେ ଆପେ ଆଇଙ୍ଗ୍‌କେ ‘ଆଇଙ୍ଗ୍ ଆଇଙ୍ଗ୍‌ଗି ତାନିଙ୍ଗ୍’ ମେନ୍ତେପେ ବିଶ୍ୱାସେ ନାଗେନ୍ତେ ଆଇଙ୍ଗ୍ ଏନା ହବାଅଃ ସିଦାରେ ଆପେକେ ନାହାଁଃଡେଗି ଉଦୁବାପେତାନାଇଙ୍ଗ୍ ।^{୨୦} *ଆଇଙ୍ଗ୍ ଆପେକେ ସାର୍‌ଡିଗି କାଜିୟାପେ ତାନାଇଙ୍ଗ୍, ଜେତାଏ ଆଇଙ୍ଗ୍ କୁଲାକାଜିନିଃକେ ସୁକୁଆଇନିଃ ଆଇଙ୍ଗ୍‌କେ ସୁକୁଆଇଙ୍ଗ୍‌ୟାଏ, ଆତଃ ଆଇଙ୍ଗ୍‌କେ ସୁକୁଆଇଙ୍ଗ୍‌ନିଃ ଆଇଙ୍ଗ୍‌କେ କୁଲ୍‌ନିଃକେ ସୁକୁଆଇୟାଏ ।”

ସାବ୍‌ରିକାଜନିଆଃ ବିଷାଏରେ ଯୀଶୁଆଃ ଆୟାରକାଜି
(ମାଥୁର ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଯୀଶୁ ନେ ସବେନ୍ କାଜି କାଜିକେଦ୍‌ତି ଆମ୍ବାରେ ଆକବାକାଆୟାନାଏ ଆତଃ ଗାଞ୍ଜା ଏମ୍‌ତାନଲଃ କାଜିକେଦାଃଏ, “ସାର୍‌ଡିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌କେ ବାଇରିକଆଃ ଡିଃଇରେ ସାବ୍‌ରିକାଜିୟାଏ ।”

୨୨ ଯୀଶୁ ଅକଏକେ କାଜିତାନାଏ ମେନ୍ତେ ଚେଲାକ ଆଡ଼ାଃଉଡ଼ୁ ତାନଲଃ ଆକ ଆକରେକ ଆପ୍‌ରିଦ୍‌ୟାନା ।^{୨୩} ଆୟାଃ ଚେଲାକଏତେ ମିଆଁଦ୍ ଚେଲା ଅକଏକେତି ଯୀଶୁ ଦୁଲାଡ଼ିତାନ୍ ତାଇକେନାଏ, ଏନ୍ ଚେଲା ଯୀଶୁଆଃ ଗେନାରେ ଦୁବ୍‌କାନ୍ ତାଇକେନାଏ ।^{୨୪} ଏନ୍ତେ ଶିମୋନ୍ ପାଡ଼ରାୟ ଜନିଃକେ ଚୁଣ୍ଡଲୁକେଦ୍‌ତେ କାଜିକିୟାଏ, “ଜନିଃ ଅକଏକେ କାଜିତାନା ଏନା କୁଲିମେଁ ।”

୨୫ ଜନିଃ ଦୁବ୍‌କେଦ୍‌ତେ ଯୀଶୁଆଃ କୁଡ଼ାମରେ ଚେଣ୍ଡେୟାନାଏ ଆତଃ କୁଲିକିୟାଏ, “ହେ ପ୍ରାଭୁ ଜନିଃ ଅକଏ ତାନିଃ ?”

୨୬ ଯୀଶୁ କାଜିରୁହାଡ଼ିକିୟାଏ, “ଆଇଙ୍ଗ୍ ହଲଙ୍ଗ୍‌ରାଃ କେତାଃ ତୁପୁକେଦ୍‌ତେ ଅକଏକେ ଏମିୟାଇଙ୍ଗ୍ ଏନ୍ ହଡ଼ ଜନିଃଗି ତାନିଃ ।” ଏନ୍ତେ ଜନିଃ ଏନ୍ ହଲଙ୍ଗ୍‌ରାଃ କେତାଃକେ ତୁପୁକେଦ୍‌ତେ ଶିମୋନ୍ ଇଷ୍ଟାରିୟଡ଼ରାଃ ହନ୍ତେକଡ଼ା ଯିହୁଦାକେ ଏମ୍‌କିୟାଏ ।^{୨୭} ଏନ୍ତେ ଜନିଃ ହଲଙ୍ଗ୍ କେତାଃ ଇଦିକେଦ୍‌ତି ଇମ୍‌ତାଗି ସାଏତାନ୍ ଜନିଃକେ ଏସେରକିୟାଏ । ଏନ୍ତେ ଯୀଶୁ ଜନିଃକେ କାଜିକିୟାଏ, “ଆମାଃ କାମିତେୟାଃ କାମି ଧାବେମେ ।”^{୨୮} ମେନ୍‌ଦ୍ ଜନିଃ ଚିନାଃ ମେନ୍ତେ ଜନିଃକେ ନେ କାଜି କାଜିକିୟାଏ, ଏନା ଦୁବାକାନ୍‌କଏତେ ଜେତାଏ କାକ ସାରିକେଦାଃ ।^{୨୯} ଯିହୁଦାତାଃ ଟାକା ଆଇଲାଃ ତାଇକେନା, ଏନାମେନ୍ତେ ଚେଲାକଏତେ ଚିମିନ୍‌କ ଉଡ଼ୁକେଦାଃଟି ପାରାବ୍ ନାଙ୍ଗ୍ ଲାଗାଡ଼ିଙ୍ଗ୍‌ତେୟାଃକି କିରିଙ୍ଗ୍ ନାଗେନ୍ତେ ଆତଃ ରେଙ୍ଗେଃକକେ ହୁଡିଙ୍ଗ୍ ଲେକା ଏମାକ ନାଗେନ୍ତେ ଯୀଶୁ ଜନିଃକେ କାଜିକିୟାଏ ।

୩୦ ଏନ୍ତେ ଯିହୁଦା ହଲଙ୍ଗ୍ କେତାଃ ଚେଲାକେଦ୍‌ତି ଇମ୍‌ତାଗି ଅଡ଼ଙ୍ଗ୍‌ଧାବ୍‌ୟାନାଏ, ଆତଃ ଇମ୍‌ତା ନୁବାଃକାନ୍ ତାଇକେନା ।

ନାଞ୍ଜା ଆନ୍‌ଚୁ

୩୧ ଯିହୁଦା ଅଡ଼ଙ୍ଗ୍‌ୟାନ୍ ତାୟମ୍‌ତେ ଯୀଶୁ କାଜିକେଦାଃଏ, “ନାହାଁଃଦ ମାନଞ୍ଜାହନ୍‌ରାଃ ମାଇନାନ୍ ଉଦୁବ୍‌ୟାନା ଆତଃ ପାର୍‌ମେଶ୍ୱାରୁରାଃ ମାଇନାନ୍ ଜନିୟାଃ ହରାତେ ଉଦୁବ୍‌ୟାନା ।^{୩୨} ଆତଃ ପାର୍‌ମେଶ୍ୱାରୁରାଃ ମାଇନାନ୍ ଜନିୟାଃ ହରାତେ ଉଦୁବ୍‌ୟାନ୍‌ରେଦ୍, ପାର୍‌ମେଶ୍ୱାରୁହଗି ମାନଞ୍ଜାହନ୍‌କେ ଆୟାଃତାଃରେ ମାଇନାନ୍‌ନିୟା ଆତଃ ଇମ୍‌ତାଗି ଜନିଃକେ ମାଇନାନ୍‌ନିୟା ।^{୩୩} *ଯୀଶୁ କାଜିକେଦାଏ, “ଏ ହନ୍‌କ, ଆଇଙ୍ଗ୍ ଆପେଲଃ ଆତଃ ଘାଡ଼ିକାଦ୍‌ଗି ତାଇନାଇଙ୍ଗ୍, ଆପେ ଆଇଙ୍ଗ୍‌କେ ଦାଣ୍ଡାଈୟାପେ, ଆତଃ ଆଇଙ୍ଗ୍ ଯିହୁଦୀ ହାଜିମକେ କାଜିୟାକାଦ୍‌କଲେକା ନାହାଁଃ ଆପେକେଇଙ୍ଗ୍ କାଜିୟାପେତାନା, ଆଇଙ୍ଗ୍ ସେନଃତାଃତେ କାପେ ସେନ୍‌ଦାଡ଼ିୟା ।^{୩୪} *ଆପେ ଦୁପୁଲାଡ଼ରେ ତାଇନ୍‌ଦେ, ନେ ନାଞ୍ଜା ଆନ୍‌ଚୁ ଆଇଙ୍ଗ୍ ଆପେକେ ଏମାପେତାନାଇଙ୍ଗ୍, ଆଇଙ୍ଗ୍ ଆପେକେ ଦୁଲାଡ଼ିକାଦ୍‌ପେଲେକା ଆପେୟା ଦୁପୁଲାଡ଼ରେ ତାଇନ୍ ଲାଗାଡ଼ିଙ୍ଗ୍‌ୟାଃ ।^{୩୫} ଆପେ ଦୁଲାଡ଼ରେପେ ତାଇନ୍‌ରେଦ୍ ଆଇଁୟାଃ ଚେଲାକ ତାନ୍‌ଦେ ମେନ୍ତେ ସବେନ୍ ହଡ଼କ ସାରିୟାଃ ।”

ପାଡ଼ରାୟ ଯୀଶୁକେ କାଇଙ୍ଗ୍ ସାରିୟା ମେନ୍ତେ କାଜିରାଃ ଆୟାରକାଜି
(ମାଥୁର ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

* ୧୩:୨୦ ୧୩:୨୦ ମାଥୁର ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭. * ୧୩:୩୩ ୧୩:୩୩ ଯୋହାନ୍ ୭:୩୪. * ୧୩:୩୫ ୧୩:୩୫ ଯୋହାନ୍ ୧୫:୧୨,୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

୩୭ ଶିମୋନ୍ ପାତ୍ରରାଏ ଯୀଶୁଙ୍କେ କୁଲିକିୟାଏ, “ହେ ପ୍ରାଭୁ ଆମ୍ କତାଃତେମ୍ ସେନଃତାନା ?” ଯୀଶୁ କାଜିକିୟାଏ, “ଆଇଙ୍ଗ୍ ସେନଃତାନଃତାଃ ନାହାଁଃ ଆମ୍ କାମ୍ ଅତଙ୍ଗଦାଡ଼ିୟାଃ ମେନ୍ଦ୍ ତାୟମ୍ତେମ୍ ଅତଙ୍ଗଇଁୟା ।” ୩୮ ପାତ୍ରରାଏ ଜନିଃକେ କୁଲିକିୟାଏ, “ହେ ପ୍ରାଭୁ ଆଇଙ୍ଗ୍ ନାହାଁଃ ଚିକାନାଙ୍ଗ୍ ଆମ୍ତେ ଅତଙ୍ଗ୍ କାଇଙ୍ଗ୍ ଦାଡ଼ିମେୟା ? ଆଇଙ୍ଗ୍ ଆମାଃ ନାଗେନ୍ତେ ଆଇଁୟାଃ ଜାତ ଏମ୍ନାଙ୍ଗ୍ ସେକାଡ଼ାକାନାଇଙ୍ଗ୍ ।” ୩୯ ଯୀଶୁ କାଜିରୁହାଡ଼ିକିୟାଏ, “ଚିୟାଃ ଆମ୍ ସାର୍ତ୍ତିଚି ଆଇଁୟାଃ ନାଙ୍ଗ୍ ଜାତ ଏମ୍ନାଙ୍ଗ୍ ସେକାଡ଼ାକାନାମ୍ ? ଆଇଙ୍ଗ୍ ଆମ୍ତେ ସାର୍ତ୍ତିଚି କାଜିୟାମ୍ତାନାଇଙ୍ଗ୍, ସାହିସିମ୍ ଆତରି ରାଆଃ ସିଦାରେ ଆଇଙ୍ଗ୍ ଜନିଃକେ କାଇଙ୍ଗ୍ ସାରିୟାଃ ମେନ୍ତେ ଆପିସା ଆମ୍ କାଜିୟା ।”

୧୪

ଆପୁତାଃତେ ସେଟେର୍ ହରା ଯୀଶୁ ତାନିଃ

୧ ଯୀଶୁ କାଜିକେଦାଏ, “ଆପେୟାଃ ମନ୍ଦ୍ ଆଲକା ଆକ୍ବବାକାଅଃକା, ଆପେ ପାର୍ମେଶ୍ୱାର୍ରେ ବିଶ୍ୱାସେପେ ଆତଃ ଆଇଙ୍ଗ୍ରେୟ ବିଶ୍ୱାସେପେ । ୨ ଆଇଁୟାଃ ଆପୁଇଁୟାଃ ଅତାଃରେ ପୁରାଃ ତାଇନଃତେ ଠାୟାଦ୍ ମେନାଃ, ଆତଃ କା'ତାଇନକାରେଦ୍ ଆଇଙ୍ଗ୍ ଆପେନାଙ୍ଗ୍ ଠାୟାଦ୍ ବାଇବାଇତେ ସେନ୍ତାନାଇଙ୍ଗ୍ ମେନ୍ତେ କାଜିୟାପେତେୟାଃଇଙ୍ଗ୍ । ୩ ଆତଃ ଆଇଙ୍ଗ୍ ସେନ୍ଦକେଦ୍ତେ ଆପେନାଙ୍ଗ୍ ଠାୟାଦ୍ ବାଇସେକାଡ଼ିଲେରେ ଆତଃମିସା ହିଜୁଃଆଇଙ୍ଗ୍ ଆତଃ ଆଇଙ୍ଗ୍ ତାଇନଃତାଃରେ ଆପେୟ ତାଇନଃ ନାଗେନ୍ତେ ଆଇଙ୍ଗ୍ତାଃତେ ଆପେକେ ଇଦିପେୟାଇଙ୍ଗ୍ । ୪ ଆଇଙ୍ଗ୍ ଅକ୍ତାଃତେ ସେନଃତାନାଇଙ୍ଗ୍ ଏନ୍ ଠାୟାଦ୍ବରାଃ ହରା ଆପେ ସାରିୟାଃପେ ।”

୫ ଥୋମା ଜନିଃକେ କାଜିକିୟାଏ, “ହେ ପ୍ରାଭୁ, ଆମ୍ କତାଃତେମ୍ ସେନଃତାନା ଏନା ଆଲେ କାଲେ ସାରିୟା, ଏନ୍ତେ ଚିଲକାତେ ହରାଲେ ସାରି ଦାଡ଼ିୟା ?”

୬ ଯୀଶୁ ଜନିଃକେ କାଜିକିୟାଏ, “ଆଇଙ୍ଗ୍ଚି ତାନିଙ୍ଗ୍ ହରା, ସାର୍ତ୍ତି ଆତଃ ଜୀଦାନ୍, ଆଇଙ୍ଗ୍କେ ବାରିକେଦ୍ତେ ଜେତାଏ ଆପୁତାଃ କାକ ସେଟେର୍ ଦାଡ଼ିୟା ।” ୭ ଜନିଃ ମେତାଦ୍କଆଏ, “ଆପେ ଆଇଙ୍ଗ୍କେ ସାର୍ତ୍ତିଚି ସାରିକାଇଙ୍ଗ୍ରେଦ୍ ଆପୁଇଙ୍ଗ୍କେହ ସାରିକାଇତେୟାଃପେ, ନାହାଁଃଏତେ ଆପେ ଜନିଃକେପେ ସାରିତାନା ଆତଃ ଜନିଃକେପେ ନେଲକାକଜାଃ ।”

୮ ଫିଲିପ୍ ଯୀଶୁଙ୍କେ କାଜିକିୟାଏ, “ହେ ପ୍ରାଭୁ, ଆଲେକେ ଆପୁକେ ଉଦୁବାଲେମେ, ଇମ୍ନାଙ୍ଗ୍ଚି ଆଲେୟାଃ ସାନାଙ୍ଗ୍ ତାନାଃ ।”

୯ ଯୀଶୁ କାଜିରୁହାଡ଼ିକିୟାଏ, “ଏ ଫିଲିପ୍, ନିମିନ୍ଦ୍ ମାହାଁଏତେ ଆଇଙ୍ଗ୍ ଆପେଲଃ ମେନାଇଁୟାଃ ଚିୟାଃ ଆମ୍ ଆଇଙ୍ଗ୍କେ କାମ୍ ସାରିକାଦ୍ ଯାଃ, ଜେତାଏ ଆଇଙ୍ଗ୍କେ ନେଲକାଦିଙ୍ଗ୍ନିଃ ଆପୁକେ ନେଲକାକଜାଏ, ଆଲେକେ ଆପୁକେ ଉଦୁବାଲେମେ ମେନ୍ତେ ଚିଲକାତେମ୍ କାଜିତାନା ?” ୧୦ ଆଇଙ୍ଗ୍ ଆପୁତାଃରେ ମେନାଇଁୟାଃ ଆତଃ ଆପୁଆଇଙ୍ଗ୍ଚିୟା, ଚିୟାଃ ନେଆଁ ଆମ୍ କାମ୍ ପାଡ଼ିୟାରେତାନା, ଆଇଙ୍ଗ୍ ଆପେକେ କାଜିୟାପେତାନ୍ କାଜିକ ଆଇଙ୍ଗ୍ତାଃଏତେ କାଇଙ୍ଗ୍ କାଜିୟାଃ ମେନ୍ଦ୍ ଆପୁ ଆଇଙ୍ଗ୍ରେ ତାଇନକେଦ୍ତେ ଆୟାଃ କାମିକ କାମିତାନାଏ । ୧୧ ଆଇଙ୍ଗ୍ ଆପୁତାଃରେ ମେନାଇଁୟାଃ ଆତଃ ଆପୁ ଆଇଙ୍ଗ୍ଚିୟାଃ ଏନା ବିଶ୍ୱାସେପେ, ଏନା କା'ରେଦ୍, ଆଇଙ୍ଗ୍ କାମିକାଦ୍ କାମିକ ନାଗେନ୍ତେ ପାଡ଼ିୟାରିଙ୍ଗ୍ପେ । ୧୨ ଆଇଙ୍ଗ୍ ସାର୍ତ୍ତିଚି କାଜିୟାପେ ତାନାଇଙ୍ଗ୍, ଆଇଙ୍ଗ୍ରେ ବିଶ୍ୱାସେତାନ୍କ୍, ଆଇଙ୍ଗ୍ କାମିକାଦ୍ କାମିକ କାମିୟା ଆତଃ ଏନାଏତେ ଆଦ୍କା ମାପୁରାଙ୍ଗ୍ କାମିକ କାମିୟା, ଚିୟାଃଚି ଆଇଙ୍ଗ୍ଦ୍ ଆପୁତାଃତେ ସେନଃତାନାଇଙ୍ଗ୍ । ୧୩ ଆତଃ ଆଇଁୟାଃ ନୁତୁମ୍ତେ ସବେନାଃ ଆସିତେୟାଃ ଆଇଙ୍ଗ୍ ଆପେନାଙ୍ଗ୍ କାମିୟାକଜା, ଏନାତେ ଆପୁଆଃ ମାଇନାନ୍ ହନ୍ଆଃ ହରାତେ ଉଦୁବଃଆ । ୧୪ ଆପେ ଆଇଁୟାଃ ନୁତୁମ୍ତେ ଜେଡ୍ନାଃପେ ଆସିରେଦ୍ ଏନାଇଙ୍ଗ୍ ରିକାୟା ।

ପାବିତାର୍ ଆମ୍ବରାଃ କାଜିଏମ୍

୧୫ ଆପେ ଆଇଙ୍ଗ୍କେ ଦୁଲ୍ଲାଡ଼ିଙ୍ଗ୍ରେଦ୍ ଆଇଁୟାଃ ଆନ୍ତୁପେ ମାନାତିଙ୍ଗ୍ୟାଃ । ୧୬ ଆଇଙ୍ଗ୍ ଆପୁକେଇଙ୍ଗ୍ ବିକ୍ରିୟା ଆତଃ ଜନିଃ ଆପେଲଃ ଜାନାଅ ଜାନାଅ ତାଇନଃ ନାଗେନ୍ତେ ଏଟାଃ ଜାତରାଡ଼େଃ ଏମଃନିଃକେ ଏମାପେୟାଏ । ୧୭ ଜନିଃ ସାର୍ତ୍ତି ଆମ୍ ତାନିଃ, ଆତଃ ପାର୍ମେଶ୍ୱାର୍ରେୟାଃ ସାର୍ତ୍ତି ବିଷାଏକେ ଉଦୁବେୟାଏ । ଅତେଦିଶ୍ୱମ୍ ଜନିଃକେ କାଏ ସାରିୟାଃ, ଚିୟାଃଚି ଅତେଦିଶ୍ୱମ୍ ଜନିଃକେ କାଏ ନେଲ୍ ଦାଡ଼ିୟାଃ ଚାଏ କାଏ ନାମ୍ ଦାଡ଼ିୟାଃ । ମେନ୍ଦ୍ ଆପେ ଜନିଃକେ ସାରିୟାଃପେ ଚିୟାଃଚି ଜନିଃ ଆପେଲଃ ମେନାଇୟା ଆତଃ ଆପେରେ ତାଇନଃଆଏ ।

୧୮ “ଆଇଙ୍ଗ୍ ସେନଃୟାନ୍ ତାୟମ୍ତେ, ଆଇଙ୍ଗ୍ ଆପେକେ ଚୁଆର୍ଲେକା କାଇଙ୍ଗ୍ ବାରିପେୟା, ଆଇଙ୍ଗ୍ ଆପେତାଃତେ ରୁହାଡ଼୍ ହିଜୁଃଆଇଙ୍ଗ୍ । ୧୯ ଆତଃ କାରିଃ ପାଡ଼ିକାଦ୍ରେ ଅତେଦିଶ୍ୱମ୍ ଆଇଙ୍ଗ୍କେ କାଏ

ନେଲିୟାଃ, ମେନ୍ଦ ଆପେ ଆଇଙ୍ଗକେ ନେଲିୟାଃରେ, ଚିୟାଃଟି ଆଇଙ୍ଗଦ ଜାହିଦ୍ ମେନାଇୟାଃ ଆତଃ ଆପେୟ ଜାହିଦ୍ଗି ତାଜନାଃରେ । ୨୦ ଆଇଙ୍ଗ ଆପୁଲ୍ଲଃ ମେନାଇୟାଃ ଆତଃ ଆଇଙ୍ଗ ଆପେରେ ମେନାଇଙ୍ଗ୍ ଲେକା ଆପେ ଆଇୟାଃରେ ମେନାପେୟା ଏନା ଏନ୍ ହୁଲାଇଁ ହିଜୁଃରେପେ ସାରିୟାଃ ।

୨୧ “ଜେତାଏ ଆଇୟାଃ ଆନ୍ତୁ ନାମ୍ବକେଦ୍ତେ ମାନାଡିଙ୍ଗିନିଃ ଆଇଙ୍ଗକେ ଦୁଲ୍ଲାଡ଼ାଃଏ, ଆତଃ ଆଇଙ୍ଗକେ ଦୁଲ୍ଲାଡ଼ିଙ୍ଗିନିଃରେ ଆପୁଇଙ୍ଗ ଦୁଲ୍ଲାଡ଼ିୟାଏ ଆତଃ ଆଇଙ୍ଗିଁ ଜନିଃରେ ଦୁଲ୍ଲାଡ଼ିୟାଙ୍ଗ ଆତଃ ଜନିଃତାଃରେ ଉଦୁବେନାଇଙ୍ଗ୍ ।”

୨୨ ଇଷ୍ଟାରିୟଡ଼୍ ଯିହୁଦା କାହା, ଏଟାଃ ଯିହୁଦା ଯାଗୁକେ କାଜିକିୟାଏ, “ହେ ପ୍ରାଭୁ, ନେଆଁ ଚିଲ୍ଲକା ହବାଅଥାଃ ? ଚିନାଃମେତ୍ରେ ଆମ୍ ଅତେଦିଶୁମ୍ରେ କା ଉଦୁବେନକେଦ୍ତେ ଆଲେତାଃରେ ଉଦୁବେନ୍ ସାନାଙ୍ଗତାନାମ୍ ?”

୨୩ ଯାଗୁ ଜନିଃରେ କାଜିହୁହାଡ଼ିକିୟାଏ, “ଜେତାଏ ଆଇଙ୍ଗକେ ଦୁଲ୍ଲାଡ଼ିଙ୍ଗିରେଦ୍ ଜନିଃ ଆଇୟାଃ କାଜି ମାନାଡିୟାଏ ଆତଃ ଆପୁଇଙ୍ଗ ଜନିଃରେ ଦୁଲ୍ଲାଡ଼ିୟାଏ ଆତଃ ଆପୁଇଙ୍ଗ ଆତଃ ଆଇଙ୍ଗ ହିଜୁଃକେଦ୍ତେ ଜନିଃଲଃ ତାଜନାଃଲିଙ୍ଗ୍ । ୨୪ ଆଇଙ୍ଗକେ କାଏ ଦୁଲ୍ଲାଡ଼ିଙ୍ଗିନିଃ ଆଇୟାଃ କାଜି କାଏ ମାନାଡିୟାଃ ଆତଃ ଆପେ ଆୟୁମ୍ତାନ କାଜି ଆଇୟାଃ ନାହାଁଲାଃ, ମେନ୍ଦ୍ ଆଇଙ୍ଗକେ କୁଲ୍ଲାକାଜିଙ୍ଗିନିଃ ଆପୁଇୟାଃ ତାନାଃ ।

୨୫ “ଆଇଙ୍ଗ ଆପେଲଃ ତାଜକେନ୍ ଜମ୍ତା ନେ କାଜିକ କାଜିୟାପେ ତାନାଇଙ୍ଗ୍ । ୨୬ ମେନ୍ଦ୍ ଏନ୍ ଜାଉରାଡ଼େଃ ଏମଃ ପାବିତାର୍ ଆମ୍ବକେ ଆପୁ ଆଇୟାଃ ନୁଡୁମ୍ରେ କୁଲିୟାଏ ଜନିଃ ଆପେକେ ସବେନାଃ ଇଡୁପେୟାଏ ଆତଃ ଆପେକେ କାଜିକାଦ୍ପେତେୟାଃ, ପାହାମ୍ ରିକାପେୟାଏ ।

୨୭ “ଆଇଙ୍ଗ ଆପେକେ ଜୀଉସୁକୁ ବାରିୟାପେତାନାଇଙ୍ଗ୍, ଆଇୟାଃ ଜୀଉସୁକୁ ଏମାପେତାନାଇଙ୍ଗ୍, ଅତେଦିଶୁମ୍ ଏମ୍ଲେକା କାଇଙ୍ଗ୍ ଏମାପେତାନା, ଆପେୟାଃ ମନ୍ ଆଲକାଏ ଆକ୍ବାକାଅଃକା ଆତଃ ଆଲକାଏ ବରଏକା । ୨୮ “ଆଇଙ୍ଗ ସେନଃତାନାଇଙ୍ଗ୍ ଆତଃ ଆପେତାଃତେଇଙ୍ଗ୍ ହିଜୁଃରୁହାଡ଼ାଃ ମେତ୍ରେ ଆପେକେ କାଜିକାଦ୍ପେତେୟାଃ ଆୟୁମ୍ବାଦାଃରେ । ଆପେ ଆଇଙ୍ଗକେ ଦୁଲ୍ଲାଡ଼ିଙ୍ଗିତେୟାଃରେ ରେଦ୍ ଆଇଙ୍ଗ ଆପୁତାଃତେଇଙ୍ଗ୍ ସେନଃତାନା ମେତ୍ରେ ରାସ୍ତାକାଃତେୟାଃରେ, ଚିୟାଃଟି ଆପୁଦ୍ ଆଇଙ୍ଗିଏତେ ମାରାଙ୍ଗିଆଃଏ । ୨୯ ଏନା ହବାଃଅ ଦିପିଲିରେ ଆପେ ଜେଲେକା ବିଶ୍ୱାସେ ନାଗେତ୍ରେ ଏନା ଆଉରି ହବାଃଅ ସିଦାରେ ଆପେକେ କାଜିୟାପେ ତାନାଇଙ୍ଗ୍ । ୩୦ ଆଇଙ୍ଗ ଆପେଲଃ ପୁରାଃ କାଇଙ୍ଗ୍ ଜାଗାରେୟା, ନେ ଅତେଦିଶୁମ୍ରେନ୍ ଗମ୍ବକେ ହିଜୁଃତାନାଏ ଆତଃ ଆଇଙ୍ଗରେ ଜନିୟାଃ ଜେତାନ୍ ପେଡ଼େଃ ବାନଥାଃ । ୩୧ ମେନ୍ଦ୍ ଆପୁ ଆଡୁକାଦ୍ ଲେକାଙ୍ଗ୍ କାମିୟାଃ, ଏନାତେ ଆଇଙ୍ଗ୍ ଆପୁକେଇଙ୍ଗ୍ ଦୁଲ୍ଲାଡ଼ାଃ ମେତ୍ରେ ଅତେଦିଶୁମ୍ ଆଡ଼କାରେକାଏ ।

“ବିରିଦ୍ପେ, ଦଲ୍ଲା ନେତାଃଏତେବୁ ସେନଃଆ ।

୧୫

ୟାଗୁ ସାର୍ଡ଼ି ଦାଖ୍ନାଡ଼ି ତାନିଃ

୧ “ଆଇଙ୍ଗ୍ ସାର୍ଡ଼ି ଦାଖ୍ନାଡ଼ି ତାନିଙ୍ଗ୍ ଆତଃ ଆପୁଇଙ୍ଗ୍ କିଷାନ୍ ତାନିଃ । ୨ ଆଇଙ୍ଗ୍ତାଃରେ ତାଜନଃ ଜେତାନ୍ କତ କା ଜଅଃତେୟାଃରେ ମାଆଃ ଆତମେୟାଏ ଆତଃ ଜଅଃତାନ୍ କତ ଆଦ୍କା ଜଅଃକା ମେତ୍ରେ ଏନାକେ ମାଆଃକେଦ୍ତେ ସାପା ଫାଡ଼ିୟାଏ । ୩ ଆପେଦ୍ ଆଇଙ୍ଗ୍ କାଜିୟାଦ୍ କାଜିରେୟାଃ ହରାତେପେ ଫାଡ଼ି ଚାବାକାନା । ୪ ଆଇଙ୍ଗ୍ରେ ତାଜନ୍ପେ ଆତଃ ଆଇଙ୍ଗ୍ ଆପେରେ ତାଜନାଃଇଙ୍ଗ୍, କତ ଦାଖ୍ନାଡ଼ିରେ କା ତାଜନ୍ରେଦ୍ ଆଇଃକ୍ତେଗି କା ଜଅଃ ଦାଡ଼ିୟାଆ, ଏନ୍ ଲେକାତେ ଆପେୟ ଆଇୟାଃରେ କାପେ ତାଜନ୍ରେଦ୍ କାପେ ଜଅଃ ଦାଡ଼ିୟାଆ ।

୫ “ଆଇଙ୍ଗ୍ ଦାଖ୍ନାଡ଼ି ତାନିଙ୍ଗ୍, ଆପେ କତକ ତାନ୍ପେ, ଆଇଙ୍ଗ୍ରେ ତାଜନ୍ତାନ୍ ଆତଃ ଆଇଙ୍ଗ୍ ଜନ୍କୁରେ ତାଜନ୍ତାନ୍ ହଡ଼କ ପୁରାଃ ଜଅଃକ । ଚିୟାଃଟି ଆଇଙ୍ଗ୍ ବେଗାର୍ଦ୍ ଆପେ ଜେଡ଼ନାଃ କାପେ କାମି ଦାଡ଼ିୟାଃ । ୬ ଜେତାଏ ଆଇଙ୍ଗ୍ରେ କାଏ ତାଜନ୍ରେଦ୍ ଜନିଃ ମାଆଃକାନ୍ କତଲେକାଏ ଏଣ୍ଡାଗଃଆ, ଆତଃ ରହଡ଼ାଆଏ; ଏନ୍ଲେକାନ୍ କତକେ ହଡ଼କ ହୁଣ୍ଡିକେଦ୍ତେ ସେଙ୍ଗେଲ୍ରେକେ ହୁଦ୍ମାୟା ଆତଃ ଏନା ଲଥାଃ । ୭ ଆପେ ଆଇଙ୍ଗ୍ରେ ତାଜନ୍ରେ ଆତଃ ଆଇୟାଃ କାଜି ଆପେରେ ତାଜନ୍ରେଦ୍ ଆପେ ଜେଡ଼ନାଃ ସାନାଙ୍ଗତେୟାଃ ଆସିପେ ଆତଃ ଆପେୟାଃ ନାଗେତ୍ରେ ଏନା ହବାଅଥାଃ । ୮ ଆପେ ପୁରାଃ ଜ ଜଅଃରେ ଆଇୟାଃ ଆପୁଇଙ୍ଗ୍ ମାଜନାଃଆଏ ଆତଃ ଆପେ ଆଇୟାଃ ବୁଗିନ୍ ଚେଲାପେ ବାଜୟଥାଃ । ୯ ଆପୁ ଆଇଙ୍ଗକେ ଦୁଲ୍ଲାଡ଼କାଦିଙ୍ଗ୍ ଲେକା ଆଇଙ୍ଗ୍ ଆପେକେ ଦୁଲ୍ଲାଡ଼କାଦ୍ପେତେୟାଙ୍ଗ୍, ଆଇୟାଃ ଦୁଲ୍ଲାଡ଼ରେ

ତାଙ୍କନକାନ୍ଦପେ । ୧୦ ଆଇଙ୍ଗ୍ ଆପୁଇଁୟାଃ ଆନ୍ତୁ ମାନାଡିଙ୍ଗ୍ କେଦପେ ଆୟାଃ ଦୁଲାଡ଼ରେ ତାଙ୍କନାନ୍ ଲେକାରି ଆପେୟରି ଆଇଁୟାଃ ଆନ୍ତୁପେ ମାନାଡିଙ୍ଗ୍ରେ ଆଇଁୟାଃ ଦୁଲାଡ଼ରେପେ ତାଙ୍କନାଃ ।

୧୧ “ଆଇଁୟାଃ ରାସ୍ତା ଆପେରେ ତାଙ୍କନକା ଆଡ଼ ଆପେୟାଃ ରାସ୍ତା ପୁରାଅଃ ନାଗେନ୍ତେ ଆଇଙ୍ଗ୍ ଆପେକେ ନେଆଁ କାଜିୟାଦପେୟାଇଙ୍ଗ୍ । ୧୨ ଆଇଙ୍ଗ୍ ଆପେକେ ଦୁଲାଡ଼କାଦପେ ଲେକା ଆପେୟ ଦୁପୁଲାଡ଼ପେ, ନେଆଁ ଆଇଁୟାଃ ଆନ୍ତୁ ତାନାଃ । ୧୩ ଜେତାଏ ଆୟାଃ ଗାଡିକଆଃ ନାଗେନ୍ତେ ଆୟାଃ ଜୀଉ ଏମାଠିୟାଃଏତେ ମାରାଙ୍ଗ୍ ଦୁଲାଡ଼୍ ଜେଡ଼ନାଃ ବାନ୍ଆଃ । ୧୪ ଆଇଙ୍ଗ୍ ଆପେକେ ଏମାକାଦ୍ ଆନ୍ତୁକେପେ ମାନାଡିଙ୍ଗ୍ରେପେ ଆପେ ଆଇଁୟାଃ ଗାଡିକ ତାନ୍ପେ । ୧୫ ଆଇଙ୍ଗ୍ ଆପେକେ ଆଡ଼ ଦାସି ମେନ୍ତେ କାଇଙ୍ଗ୍ କାଜିପେତାନା, ଚିୟାଃଚି ଗମ୍ବକେ ଚିନାଃ କାମିତାନ୍ତେୟାଃ, ଦାସି କାଏ ସାରିୟାଃ ମେନ୍ଦ୍ ଆଇଙ୍ଗ୍ ଆପେକେ ଗାଡି ମେନ୍ତେ କାଜିପେତାନାଇଙ୍ଗ୍ ଚିୟାଃଚି ଆଇଁୟାଃ ଆପୁଇଙ୍ଗ୍ତାଃଏତେ ଆୟୁମ୍ବକାଦ୍ ସବେନାଃ ଆପେକେ ଉଦୁବାକାଦପେୟାଇଙ୍ଗ୍ । ୧୬ ଆପେ ଆଇଙ୍ଗ୍ କେ କାପେ ସାଲକାଦିୟାଁ ମେନ୍ଦ୍ ଆଇଙ୍ଗ୍ ଆପେକେ ସାଲକାଦପେୟାଇଙ୍ଗ୍ । ଆପେ ଜେଲେକା ପୁରାଠି ଜି ଦାଡ଼ିୟାଆପେ ଆଡ଼ ଏନ୍ ଜି ଜାନାଆରି ତାଙ୍କନଃକା ମେନ୍ତେଇଙ୍ଗ୍ ସାଲକାଦପେୟା । ଏନାତେ ଆପେ ଆଇଁୟାଃ ନୁଡୁମ୍ବତେ ଆପୁକେ ଜେଡ଼ନାଃ ଆସିତେୟାଃ ଆପେକେ ଏମାପେୟାଏ । ୧୭ ଆଇଙ୍ଗ୍ ଆପେକେ ଦୁଲାଡ଼ପେତାନ୍ ଲେକାରି ଆପେ ଆପେରି ଦୁପୁଲାଡ଼ପେ, ନେଆଁ ଆଇଁୟାଃ ଆନ୍ତୁ ତାନାଃ ।

ଅତେଦିଶ୍ଟୁମ୍ ଆପେକେ ହିଲାଙ୍ଗ୍ପେୟା

୧୮ “ଅତେଦିଶ୍ଟୁମ୍ ଆପେକେ ହିଲାଙ୍ଗ୍ପେରେଦ, ଆପେକେ ହିଲାଙ୍ଗ୍ ସିଦାରେ ଆଇଙ୍ଗ୍ କେ ହିଲାଙ୍ଗକାଦିୟାଁଏ ଏନା ସାରିପେ । ୧୯ ଆପେ ନେ ଅତେଦିଶ୍ଟୁମ୍ରେନ୍ ତାଙ୍କନାନ୍ରେଦ ଅତେଦିଶ୍ଟୁମ୍ ଆପେକେ ଆଇଃକ୍ ଲେକାରି ଦୁଲାଡ଼କାପେତେୟାଃଏ । ମେନ୍ଦ୍ ଆଇଙ୍ଗ୍ ଆପେକେ ଅତେଦିଶ୍ଟୁମ୍ଏତେ ସାଲକାଦପେୟାଇଙ୍ଗ୍, ଆଡ଼ ଆପେ ଅତେଦିଶ୍ଟୁମ୍ରେନ୍ ନାହାଁଲାପେ ଏନାତେ ଆପେକେ ଅତେଦିଶ୍ଟୁମ୍ ହିଲାଙ୍ଗ୍ପେତାନାଏ । ୨୦ ଦାସି ଆୟାଃ ଗମ୍ବକେଏତେ କାଏ ମାରାଙ୍ଗ୍ଆଃ ମେନ୍ତେ କାଜିୟାଦପେ କାଜି ପାହାମେପେ । ଇନ୍କୁ ଆଇଙ୍ଗ୍ କେ ସିରିଦକାଦିଙ୍ଗ୍ ରେଦକ ଆପେକେୟରି ସିରିଦପେୟାକ, ଇନ୍କୁ ଆଇଁୟାଃ କାଜି ମାନାଡିଙ୍ଗ୍ଲେରେ ଆପେୟାଃ କାଜିକେୟକ ମାନାଡିଙ୍ଗ୍ୟାଃ । ୨୧ ମେନ୍ଦ୍ ଇନ୍କୁ ଆଇଁୟାଃ ନୁଡୁମ୍ ନାଗେନ୍ତେ ନେ ସବେନାଃ ଆପେକେୟ ରିକାପେୟାକ, ଚିୟାଃଚି ଇନ୍କୁ ଆଇଙ୍ଗ୍ କେ କୁଲ୍ଲିନଃକେ କାକ ସାରିୟା ? ୨୨ ଆଇଙ୍ଗ୍ ହିକ୍ଟୁଃକେଦତେ ଇନ୍କୁକେ କାଇଙ୍ଗ୍ କାଜିକାକରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ୍ ନାହାଁଃ ଆକଆଃ ପାପ୍ ନାଗେନ୍ତେ ଇନ୍କୁ ଜେଡ଼ନାଃ କାକ ବାହାନା ଦାଡ଼ିୟାଃ । ୨୩ ଆଇଙ୍ଗ୍ କେ ହିଲାଙ୍ଗ୍ନିଃ ଆଇଁୟାଃ ଆପୁକେହରି ହିଲାଙ୍ଗ୍ଆଃଏ । ୨୪ ଜେତାଏ କାକ କାମିୟାକାଦ୍ କାମି ଆଇଙ୍ଗ୍ ଇନ୍କୁଆଃ ଆଲାରେ କାଇଙ୍ଗ୍ କାମିକେଦରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ୍ ଆଇଙ୍ଗ୍ କାମିକାଦତେୟାଃ ନାହାଁଃ ଇନ୍କୁ ନେଲ୍ଲକାଦାଃକ ଆଡ଼ ଆଇଙ୍ଗ୍ ଆଡ଼ ଆପୁଇଙ୍ଗ୍ ବାରାନ୍କିନ୍ଦକେ ହିଲାଙ୍ଗକାଦିୟାଁକ । ୨୫ ମେନ୍ଦ୍ ‘ଇନ୍କୁ ଆଇଙ୍ଗ୍ କେ ସାମାରିକ ହିଲାଙ୍ଗକାଦିୟାଁ ।’ ଇନ୍କୁଆଃ ଆନ୍ତୁରେ ନେ କାଜି ଅଲାକାନ୍ତେୟାଃ ପୁରାଅଃ ନାଗେନ୍ତେ ନେଲ୍ଲକା ହବାଅଃତାନାଃ ।

୨୬ “ଆପୁତାଃଏତେ ଆପେତାଃ ଆଇଙ୍ଗ୍ କୁଲ୍ଲି ଜୀଉରାଡ଼େଃ ଏମାଠିନଃକେ ଚାଏ ଆପୁତାଃଏତେ ହିକ୍ଟୁଃତାନ୍ ସାନାଡ଼ିରେନ୍ ଆମ୍ବା ହିକ୍ଟୁଃରେ ଆଇଁୟାଃ ବିଷାଏରେ ଗାଞ୍ଜା ଏମେୟାଏ । ୨୭ ଆଡ଼ ଆପେୟ ଆଇଁୟାଃ ବିଷାଏରେ ଗାଞ୍ଜାଏ ଏମେୟା, ଚିୟାଃଚି ଆପେଦ ମୁନ୍ଦୁଏତେ ଆଇଁୟାଃତାଃ ତାଙ୍କକେନାପେ ।



ୟୀଶୁ ଆୟାଃ ତେଲକକେ ଜୀଉ ରାଡ଼େଃକତାନାଏ

୧ “ଆପେ ଜେଲେକା ବିଶ୍ୱାସକେ ଆଲ୍ପେ ଆଦେକା ଏନାମେନ୍ତେ ଆଇଙ୍ଗ୍ ନେ ସବେନ୍ କାଜିଇଙ୍ଗ୍ ଉଦୁବାଦପେୟା । ୨ ଇନ୍କୁ ଆପେକେ ସାମାଙ୍ଗ୍ଅଡ଼ାଃଏତେ ଆଡମ୍ପେୟାକ, ଏନ୍ଦିପିଲି ହିକ୍ଟୁଆ, ଚିମ୍ବଡ଼ାଙ୍ଗ୍ ଜେତାଏନିଃ ଆପେକେ ଗଏଃପେୟାଏ, ଇମ୍ବଡ଼ାଙ୍ଗ୍ ଇନିଃ ପାମ୍ବେଶ୍ୱାଡ଼ାଆଃ ସେଞ୍ଜାତାନାଇଙ୍ଗ୍ ମେନ୍ତେ ଆଡ଼କାରେୟାଏ । ୩ ଆଡ଼ ଇନ୍କୁ ଆପେକେ ନେକାପେୟାକ ଚିୟାଃଚି ଇନ୍କୁ ଆପୁ ଆଡ଼ ଆଇଙ୍ଗ୍ କେ କାକ ସାରିୟାଃ । ୪ ମେନ୍ଦ୍ ଏନ୍ ଦିପିଲି ସେଟେର୍ରେ ଆଇଙ୍ଗ୍ ଆପେକେ ନେ କାଜି

୧୫:୧୨ ୧୫:୧୨ ଯୋହାନ୍ ୧୩:୩୪; ୧୫:୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫. ୧୫:୨୦ ୧୫:୨୦ ମାଥୁଡ଼ ୧୦:୨୪; ଲୁକ ୭:୪୦; ଯୋହାନ୍ ୧୩:୧୭.

କାଜିକାପେ ତାଇକେନାଇଜ୍, ଏନା ପାହାମେ ନାଗେନ୍ତେ ଆଇଜ୍ ନେ ସବେନ୍ କାଜି ଆପେକେ କାଜିୟାଦପେୟାଇଜ୍ ।

“ଆଇଜ୍ ଆପେଲଃ ତାଇକେନ୍ ଇମ୍ତା ମୁନ୍ନୁଏତେ ନେ ସବେନ୍ କାଜି କାଇଜ୍ କାଜି ।

ପାବିତାର ଆମ୍ବାରାଃ କାମି

୫ “ମେନ୍ଦ ନାହାଁଃ ଆଇଜ୍‌କେ କୁଲିନିଃତାଃତେ ସେନଃତାନାଇଜ୍, ହଲେହ୍ ଅକ୍‌ତାଃତେମ୍ ସେନଃତାନା ମେନ୍ତେ ଆପେକଏତେ ଜେତାଏ କାପେ କୁଲିଜ୍‌ତାନା । ୬ ଆତଃ ନାହାଁଃ ଆଇଜ୍ ଆପେକେ ନେ ସବେନ୍ କାଜି କାଜିୟାପେତାନ୍ ହରାତେ ଆପେ ଆପେୟାଃ ମନ୍‌ସୁରୁଦ୍‌ରେ ପୁରାଃଗିପେ ହୁଡିଜ୍‌ଜୀଉକାନା । ୭ ମେନ୍ଦ ଆଇଜ୍ ଆପେକେ ସାର୍‌ତି କାଜିୟାପେ ତାନାଇଜ୍, ଆଇଜ୍ ସେନଃତେୟାଃ ଆପେୟାଃ ନାଜ୍ ପୁରାଃ ବୁଗିଆଃ, ଚିୟାଃତି ଆଇଜ୍ କାଇଜ୍ ସେନ୍‌ରେଦ ଜୀଉରାଡ଼େଃ ଏମିଃନିଃ କାଏ ହିଜୁଃଆ, ମେନ୍ଦ ଆଇଜ୍ ସେନ୍‌ରେଦ ଇନିଃକେ ଆପେତାଃତେଇଜ୍ କୁଲିୟା । ୮ ଆତଃ ଇନିଃ ହିଜୁଃରେ ଅତେଦିଶୁମ୍‌ରେନ୍ ହଡ଼କଆଃ ପାପ୍‌ରେୟାଃ ଏଡ଼କାନ୍ ବିଷାଏ, ଧାର୍‌ମାନ୍ ବିଷାଏ ଆତଃ ପାରମେଶ୍‌ବାରୁଆଃ ବିଚାର୍ ବିଷାଏରେ ଉଦୁବେୟାଏ । ୯ ପାପ୍ ବିଷାଏରେ ଇନ୍‌କୁ କାକ ଠାଉକା, ଚିୟାଃତି ଇନ୍‌କୁ କାକ ବିଶ୍ୱାସେତାନା ୧୦ ଧାର୍‌ମାନ୍ ବିଷାଏରେ ଇନ୍‌କୁ କାକ ଠାଉକା, ଚିୟାଃତି ଆଇଜ୍‌ଦ ଆପୁତାଃତେ ସେନଃତାନାଇଜ୍, ଆପେ ଆତଃ କାପେ ନେଲିୟାଃ । ୧୧ ବିଚାର୍ ବିଷାଏରେ ଇନ୍‌କୁ କାକ ଠାଉକା, ଚିୟାଃତି ନେ ଅତେଦିଶୁମ୍‌ରେନ୍ ଗମକେଦ ବିଚାର୍ ଚାବାକାନାଏ ।

୧୨ “ଆଇଜ୍‌ତାଃତେ ଆପେକେ ଆତଃ ପୁରାଃଗି କାଜି ଉଦୁବାପେ ନାଜ୍ ମୋନାଃ ମେନ୍ଦ ନାହାଁଃ ଆପେ ଏନାକେ କାପେ ସାହାଡିଜ୍ ଦାଡ଼ିୟାଃ । ୧୩ ମେନ୍ଦ ଇନିଃ, ଏନ୍ ସାର୍‌ତିରେନ୍ ଆମ୍ବା ହିଜୁଃରେ, ଇନିଃ ପାରମେଶ୍‌ବାରୁଆଃ ହରା ଉଦୁବକେଦ୍‌ତେ ଆପେକେ ସବେନ୍ ସାର୍‌ତିରେ ଆୟାର ଇଦିପେୟାଏ । ଚିୟାଃତି ଇନିଃଦ ଆୟାଃ ପେଡ଼େଃତେ କାଏ କାଜିୟା ମେନ୍ଦ ଆଇଃକ୍ ଆୟୁମ୍‌ତେୟାଃଗି କାଜିୟାଏ, ଆତଃ ହିଜୁଃ ବିଷାଏକ ଉଦୁବାପେୟାଏ । ୧୪ ଇନିଃ ଆଇଜ୍‌କେ ମାଇନାନ୍ ଏମାଇଜ୍‌ୟାଏ, ଚିୟାଃତି ଇନିଃଦ ଆଇଜ୍ କାଜିତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ । ୧୫ ଆପୁଲ୍‌ୟାଃ ସବେନାଃତେୟାଃ ଆଇୟାଃ ତାନାଃ ମେନ୍ତେ ଆଇଜ୍ କାଜିକେଦାଇଜ୍, ପାବିତାର୍ ଆମ୍ବା ଆଇଜ୍ ଏମ୍‌ତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ ।

ଦୁକୁ ଆତଃ ରାସ୍କା

୧୬ “ଆପେ ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ, ଏନ୍ତେ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ।”

୧୭ ଏନ୍ତେ ଯୀଶୁଆଃ ଚେଲାକଏତେ ଚିମିନ୍‌କ ଆକ ଆକରେକ କୁପୁଲିୟାନା, “କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ଆତଃ ‘ଆଇଜ୍ ଆପୁତାଃତେଇଜ୍ ସେନଃତାନା’ ମେନ୍ତେ ଇନିଃ କାଜିତାନ୍‌ତେୟାଃ ଚିନାଃ ତାନାଃ ? ୧୮ ଏନ୍ତେ ଇନ୍‌କୁ କାଜିକେଦାଃକ, ‘କାଟିଃ ଘାଡ଼ିକାଦ୍’ ମେନ୍ତେ କାଜିରାଃ ମୁଣ୍ଡି ଚିନାଃ ତାନାଃ ? ଇନିଃ ଚିନାଃଏ କାଜି ତାନାଃ ଏନା ଆଲେ କାଲେ ସାରିତାନା ।”

୧୯ ଚେଲାକ ଇନିଃକେ କୁଲିନାଇଜ୍ ସାନାଇଜ୍‌ତାନାକ ମେନ୍ତେ ଆର୍‌କାର୍‌କେଦ୍‌ତି ଯୀଶୁ ଇନ୍‌କୁକେ ମେତାଦ୍‌କଆଏ, “ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଃ, ମେନ୍ତେଇଜ୍ କାଜିୟାଦ୍‌ପେୟା ଏନା ନାଗେନ୍ତେ ଆପେ ଆପେରେଗି କୁପୁଲିୟାତାନାପେ ? ୨୦ ଆଇଜ୍ ସାର୍‌ତିଗି କାଜିୟାପେ ତାନାଇଜ୍, ଅତେଦିଶୁମ୍ ରାସ୍କାଆଃ ଇମ୍ତା ଆପେ ରାଆଃଏୟା ଆତଃ ଏୟମ୍‌ୟା, ଆପେ ଦୁକୁଆପେ ମେନ୍ଦ ଆପେୟାଃ ଦୁକୁ ରାସ୍କାରେ ବାଲୟଆଃ । ୨୧ ମିଆଁଦ୍ ଆଣଦି କୁଡ଼ିରାଃ ହନ୍ ଜାନାମ୍ ଦିପିଲି ସେଟେରୟାନ୍‌ରେ ଦୁକୁ ନାମେୟାଏ, ମେନ୍ଦ ଇନିଃ ହନ୍ ଜାନାମ୍ ତାୟମ୍‌ତେ ଅତେଦିଶୁମ୍‌ରେ ମିଆଁଦ୍ ହନ୍ ଜାନାମ୍‌ୟାନାଏ ମେନ୍ତେ ଆୟାଃ ଦୁକୁକେ ଆତଃ କାଏ ପାହାମାଃ । ୨୨ ଏନ୍‌ଲେକାଗି ନାହାଁଃଦ ଆପେ ଦୁକୁଃତାନାପେ, ମେନ୍ଦ ଆଇଜ୍ ଆପେକେ ଆତଃମିସା ନେଲ୍‌ତେୟାଃ ଆତଃ ଆପେୟାଃ ମନ୍ ରାସ୍କାତେ ପେରେଜଃଆ ଆତଃ ଏନ୍ ରାସ୍କା ଆପେତାଃଏତେ ଜେତାଏ କାକ ଇଦିଦାଡ଼ିୟାଃ ।

୨୩ “ଏନ୍ ହୁଲାଜ୍ ଆପେ ଆଇଜ୍‌କେ ଜେଡ଼ନାଃ କାପେ କୁଲିୟା, ଆଇଜ୍ ଆପେକେ ସାର୍‌ତିଗି କାଜିୟାପେ ତାନାଇଜ୍, ଆପେ ଆଇୟାଃ ନୁଡୁମ୍‌ତେ ଆପୁଲ୍‌କେ ଜେଡ଼ନାଃପେ ଆସିରେଦ ଇନିଃ ଏନାକେ ଏନାପେୟାଏ । ୨୪ ନାହାଁଃ ଜାକେଦ୍ ଆପେ ଆଇୟାଃ ନୁଡୁମ୍‌ତେ ଜେଡ଼ନାଃ କାପେ ଆସିକାଦାଃ, ଆସିପେ ଆତଃ ଆପେୟାଃ ରାସ୍କା ପେରେଜଃ ନାଗେନ୍ତେ ଆପେ ଏନାପେ ନାମେୟା ।

ଅତେଦିଶୁମ୍ବକେ ଜିତାଅ

୨୫ “ଆଇଙ୍ଗ୍ ଆପେକେ ଜନ୍ନକା କାଜିତେ ନେ ସବେନ୍ କାଜିକ କାଜିକାଦପେୟାଇଙ୍ଗ୍ । ମେନ୍ଦଦ ଏନ୍ ଦିପିଲି ହିଜୁଃଆ, ଇମ୍ତା ଆଇଙ୍ଗ୍ ଜନ୍ନକା କାଜିତେ କାଇଙ୍ଗ୍ ଉଦୁବାପେୟା, ମେନ୍ଦଦ ଆପୁଇଁୟାଃ ବିଷାଏ ଆପେକେ ଉଦୁବଞ୍ଚତାରପେୟା । ୨୬ ଏନ୍ ହୁଲାଇଁ ଆପେ ଆଇଁୟାଃ ନୁଡୁମ୍ବତେପେ ଆପିୟା; ଆତଃ ଆଇଙ୍ଗ୍ ଆପେୟାଃନାଙ୍ଗ୍ ଆପୁତାଃ ବିକ୍ରିୟାଇଙ୍ଗ୍ ଏନା କାଇଙ୍ଗ୍ କାଜିପେତାନା । ୨୭ ଆପୁ ଆଇଃକ୍ରି ଆପେକେ ଦୁଲ୍ଲାତାଃଏ, ଚିୟାଃତି ଆପେ ଆଇଙ୍ଗ୍କେ ଦୁଲ୍ଲାଡ଼କାଦିୟାଃତେ ଆତଃ ଆଇଙ୍ଗ୍ ଆପୁତାଃଏତେ ହିଜୁଃକାନାଇଙ୍ଗ୍ ଏନା ବିଶ୍ୱାସକାଦାଃତେ । ୨୮ ଆଇଙ୍ଗ୍ ଆପୁତାଃଏତେ ଅତେଦିଶୁମ୍ବକେ ହିଜୁଆକାନାଇଙ୍ଗ୍ ଆତଃ ନାହାଁଃ ଆଇଙ୍ଗ୍ ଅତେଦିଶୁମ୍ବ ବାରିକେଦତେ ଆପୁତାଃତେ ସେନଃତାନାଇଙ୍ଗ୍ ।”

୨୯ ଯୀଶୁଆଃ ଚେଲାଇ କାଜିକିୟାଃକ, “ନେଲେମେ, ନାହାଁଃତ ଆମ୍ ଜନ୍ନକା କାଜିତେଦ କାହା ମେନ୍ଦଦ ଫାଟ୍ଟିରି କାଜିତାନାମ୍ । ୩୦ ନାହାଁଃ ଆଲେ ଆଟ୍ଟକାରକାଦା, ଆମ୍ ସବେନାଃମ୍ ସାରିୟାଃ ଆତଃ ଜେତାଏ ଆମ୍ବକେ ଜେତ୍ନାଃ କୁଲି କା ଲାଗାତିୟାଃ । ଏନାତେ ଆମ୍ ପାଟ୍ଟମେଶ୍ୱାଟ୍ଟାଃଏତେମ୍ ହିଜୁଆକାନା ଏନାଲେ ବିଶ୍ୱାସେତାନା ।”

୩୧ ଯୀଶୁ ଇନକୁକେ କାଜିକେଦକଥାଏ, “ଚିୟାଃ ନାହାଁଃତେ ବିଶ୍ୱାସେତାନା ?” ୩୨ ନେଲେପେ, ଏନ୍ ଦିପିଲି ହିଜୁଃତାନା, ହେରି ଏନା ସେଟେୟାନା, ଚିମ୍ତାଙ୍ଗ୍ ଆପେ ଛିତିବିତିକେଦତେ ଜେତେକ ଆପେୟାଃ ଆପାନ୍ ଅତାଃତେପେ ସେନଃଆ, ଆତଃ ଆଇଙ୍ଗ୍କେ ଏସକାର୍ତ୍ତ୍ତା ବାରିତାଇଙ୍ଗ୍ରେୟ ଆଇଙ୍ଗ୍ କାଇଙ୍ଗ୍ ଏସକାରଃଆଃ, ଚିୟାଃତି ଆପୁ ଆଇଁୟାଃଲଃ ମେନାଇୟା । ୩୩ ଆପେ ସବେନ୍ ଆଇଁୟାଃରେ ଜୀଉସୁକୁ ନାମେ ନାଗେଟ୍ଟେ ନେଆଁ ଆଇଙ୍ଗ୍ କାଜିୟାଦପେୟା । ଅତେଦିଶୁମ୍ବରେ ସାସାତିପେ ନାମେୟା ମେନ୍ଦଦ ଆଲପେ ବରଏୟା, ଆଇଙ୍ଗ୍ ଅତେଦିଶୁମ୍ବକେ ଜିତାଝାକାଦାଇଙ୍ଗ୍ ।



ୟୀଶୁ ଆୟାଃ ଚେଲାଇ ନାଗେଟ୍ଟେ ବିକ୍ରି

୧ ଯୀଶୁ ନେଆଁ କାଜିକେଦତି ସିମ୍ପାୟାଃ ସାଜିଲ୍ ରାକାଦକେଦତେ କାଜିକେଦାଃଏ, ହେ ଆବା ନେତା ସେଟେରାକାନା, ହନ୍ ଆମ୍ବକେ ମାଇନାନ୍ମେ ନାଗେଟ୍ଟେ ହନ୍ତାମାଃତେକେ ମାଇନିମେ । ୨ ଆମ୍ ଇନିଃକେ ସବେନ୍ ହଡ଼କଆଃରେ ଆକ୍ତେୟାବ୍ରେ ନେଲ୍ ଏମାକାଇୟାମ୍, ଜେଲେକା ଆମ୍ ଇନିଃକେ ଏମାକାଇ ସବେନ୍ ହଡ଼କକେ ଜାନାଅ ଜାନାଅରେୟାଃ ଜୀଦାନ୍ ଏମ୍ଦାଡ଼ିୟାଃଏ । ୩ ଆତଃ ମିଆଁଦ୍ରି ସାଟ୍ଟି ପାଟ୍ଟମେଶ୍ୱାଟ୍ଟ ଆମ୍ ତାନ୍ମେ, ଆମ୍ବକେ ଆତଃ ଆମ୍ କୁଲାଇୟା ଯୀଶୁ ଖ୍ରୀଷ୍ଟକେ ସାରିତେୟାଃତି ଜାନାଅ ଜାନାଅରେୟାଃ ଜୀଦାନ୍ ତାନାଃ । ୪ ଆମ୍ ଆଇଙ୍ଗ୍କେ ଅକନ୍ କାମି ଏମାକାଇଙ୍ଗ୍ ତାଇନାମ୍ ଏନ୍ କାମି ଆଇଙ୍ଗ୍ ଟୁଣ୍ଡୁକେଦତେ ଅତେଦିଶୁମ୍ବରେ ଆମ୍ବକେ ମାଇନାନ୍ କାଦ୍ମେୟାଃଇଙ୍ଗ୍ । ୫ ନାହାଁଃ, ହେ ଆବା, ଅତେଦିଶୁମ୍ବ ବାଇୟାନ୍ ସିଦାରେ ଆମାଃଲଃ ତାଇକେନ୍ ଇମ୍ତା ଆଇଁୟାଃ ଅକନ୍ ମାନାରାଙ୍ଗ୍ ତାଇକେନା ଏନ୍ ମାନାରାଙ୍ଗ୍ତେ ଆଇଙ୍ଗ୍କେ ଆମାଃଲଃ ମାନାରାଙ୍ଗ୍ ରିକାଇଙ୍ଗ୍ମେ ।

୬ “ଅତେଦିଶୁମ୍ବରେନକଏତେ ଆମ୍ ଆଇଙ୍ଗ୍କେ ଏମାକାଦିଙ୍ଗ୍ ହଡ଼କକେ, ଆମାଃ ନୁଡୁମ୍ ଉଦୁବାକାଦକଆଇଙ୍ଗ୍, ଇନ୍କୁ ଆମାଃକ ତାଇକେନା ଆତଃ ଆମ୍ ଇନ୍କୁକେ ଏମାକାଦିୟାମ୍ ଆତଃ ଇନ୍କୁ ଆମାଃ କାଜିକ ମାନାତିଙ୍ଗ୍କାଦାଃ । ୭ ଆମ୍ ଆଇଙ୍ଗ୍କେ ଅକନାଃକ ଏମାକାଦିୟାମ୍ ଏନ୍ ସବେନାଃ ଆମାଃ ସାଃଏତେରି ହିଜୁଆକାନା, ଏନା ଇନ୍କୁ ନାହାଁଃକ ଆଟ୍ଟକାରକାଦାଃ । ୮ ଚିୟାଃତି ଆମ୍ ଏମାକାଦିଙ୍ଗ୍ କାଜିକ ଇନ୍କୁକେ ଏମାକାଦକଆଇଙ୍ଗ୍ ଆତଃ ଇନ୍କୁ ଏନାକ ତେଲାଇକାଦାଃ; ଆଇଙ୍ଗ୍ ଆମାଃ ସାଃଏତେ ହିଜୁଆକାନାଇଙ୍ଗ୍ ଏନା ସାଟ୍ଟିରିକ ଆଟ୍ଟକାରକାଦାଃ, ଆତଃ ଆମ୍ ଆଇଙ୍ଗ୍କେ କୁଲାଇକାଦିୟାମ୍ ଏନା ବିଶ୍ୱାସକାଦାଃକ ।

୯ “ଆଇଙ୍ଗ୍ ଇନ୍କୁ ନାଗେଟ୍ଟେ ବିକ୍ରିତାନାଇଙ୍ଗ୍, ଅତେଦିଶୁମ୍ବ ନାଗେଟ୍ଟେ କାହା ମେନ୍ଦଦ ଆମ୍ ଏମାକାଦିଙ୍ଗ୍ ହଡ଼କଆଃ ନାଗେଟ୍ଟେ ବିକ୍ରିତାନାଇଙ୍ଗ୍, ଚିୟାଃତି ଇନ୍କୁଦ ଆମାଃତି ତାନ୍କୁ । ୧୦ ଆତଃ ଆଇଁୟାଃ ସବେନାଃ ଆମାଃ ତାନାଃ, ଆତଃ ଆମାଃ ସବେନାଃ ଆଇଁୟାଃ ତାନାଃ, ଆତଃ ଆଇଙ୍ଗ୍ ଇନ୍କୁଆଃ ହରାତେ ମାଇନାନ୍ କାନାଇଙ୍ଗ୍ । ୧୧ ଆତଃ ନାହାଁଃ ଆଇଙ୍ଗ୍ ନେ ଅତେଦିଶୁମ୍ବରେ କାଇଙ୍ଗ୍ ତାଇନାଃ, ମେନ୍ଦଦ ଇନ୍କୁ ଅତେଦିଶୁମ୍ବରେକ ତାଇନାଃ, ଆତଃ ଆଇଙ୍ଗ୍ ଆମାଃତାଃତେ ହିଜୁଃତାନାଇଙ୍ଗ୍ । ଏ ପାବିତାର୍ ଆବା ! ଆମ୍ ଆଇଙ୍ଗ୍କେ ଏମାକାଦିଙ୍ଗ୍ ନୁଡୁମ୍ବରାଃ ପେଡ଼େଃତେ ବାଞ୍ଛାଅକମେ, ଆମ୍ ଏମାକାଦିଙ୍ଗ୍ ନୁଡୁମ୍ବତେ, ଆମ୍ ଆତଃ ଆଇଙ୍ଗ୍ ଜେଲେକା ମିଦ୍ତାନିଲାଇଙ୍ଗ୍, ଏନ୍ଲେକା ଇନ୍କୁ ମିଦଃକାକ । ୧୨ ଆଇଙ୍ଗ୍ ଇନ୍କୁଲଃ

☆ ୧୭:୧୭ ୧୭:୧୭ ଯୋହାନ ୧୩:୧୮.

ତାଙ୍କଦେହ ଇମତା ଆମ୍ଭ ଏମାକାଦ୍ ଆମାଃ ନୁହୁମ୍ଭେତେ ଆଇଙ୍ଗ୍ ଇନ୍କୁକେ ବାସ୍ତାଅକେଦ୍‌ଦତେ ବୁଗିଲେକା ଯାତାନକାଦକଆଇଙ୍ଗ୍, ଆତଃ ଧାରାମପୁଅରାଃ ଅନଲ୍ ଜେ'ଲେକା ସାର୍‌ତିୟାଆ, ଏନାମେନ୍ତେ ଏନ୍ ଜିୟନଃ ହନ୍‌କେ ବାରିକେଦ୍‌ଦତେ ଇନ୍କୁଏତେ ଜେତାଏ କାକ ଜିୟନାକାନା । ୧୩ ମେନ୍‌ଦ୍ ଆଇଙ୍ଗ୍ ନାହିଁଃ ଆମାଃତାଃତେଇଙ୍ଗ୍ ହିଜୁଃତାନା ଆତଃ ଇନ୍କୁଆଃ ମନ୍‌ରେ ଆଇଁୟାଃ ରାସ୍‌କା ପେରେଜଃ ନାଗେନ୍ତେ ଅତେଦିଶୁମ୍‌ରେ ତାଇନ୍‌କେଦ୍‌ତେଗି ଆଇଙ୍ଗ୍ ନେ ସବେନାଃ କାଜିତାନାଇଙ୍ଗ୍ । ୧୪ ଆଇଙ୍ଗ୍ ଇନ୍କୁକେ ଆମାଃ କାଜି ଏମାକାଦକଆଇଙ୍ଗ୍, ଆତଃ ଅତେଦିଶୁମ୍ ଇନ୍କୁକେ ହିଲାଇଙ୍ଗ୍‌କାଦକଆଏ, ଚିୟାଃଟି ଆଇଙ୍ଗ୍ ଜେ'ଲେକା ନେ ଅତେଦିଶୁମ୍‌ରେନ୍ ନାହିଁଲାଇଙ୍ଗ୍ ଏନ୍‌ଲେକା ଇନ୍କୁ ନେ ଅତେଦିଶୁମ୍‌ରେନ୍ ନାହିଁଲାଇ । ୧୫ ଆମ୍ ଇନ୍କୁକେ ଅତେଦିଶୁମ୍‌ଏତେ ଇଦିକୁମେ ମେନ୍ତେ କାଈଙ୍ଗ୍ ବିକ୍ରିମେତାନା, ମେନ୍‌ଦ୍ ଆମ୍ ଇନ୍କୁକେ ଏଡ୍‌କାନ୍‌ଏତେ ବାସ୍ତାଅକମେ ମେନ୍ତେ ବିକ୍ରିମେତାନାଇଙ୍ଗ୍ । ୧୬ ଆଇଙ୍ଗ୍ ଜେ'ଲେକା ଅତେଦିଶୁମ୍‌ରେନ୍ ନାହିଁଲାଇଙ୍ଗ୍ ଏନ୍‌ଲେକା ଇନ୍କୁ ଅତେଦିଶୁମ୍‌ରେନ୍ ନାହିଁଲାଇ । ୧୭ ସାନାର୍‌ତ୍‌ତେ ଇନ୍କୁକେ ପାବିତାର୍ କାମି ନାଙ୍ଗ୍ ଜିମାକମେ; ଆମାଃ କାଜିଦ୍ ସାର୍‌ତି ତାନାଃ । ୧୮ ଆମ୍ ଆଇଙ୍ଗ୍‌କେ ଜେ'ଲେକା ଅତେଦିଶୁମ୍‌ତେମ୍ କୁଲ୍‌କାଦିୟା, ଏନ୍‌ଲେକା ଆଇଙ୍ଗ୍‌ହିଁ ଇନ୍କୁକେ ଅତେଦିଶୁମ୍‌ତେ କୁଲ୍‌କାଦକଆଇଙ୍ଗ୍ । ୧୯ ଆତଃ ଇନ୍କୁ ହିଁ ସାନାର୍‌ତ୍‌ରେକ ପାବିତାରଃକା ମେନ୍ତେ ଆଇଙ୍ଗ୍ ଇନ୍କୁ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାନ୍ ତାନାଇଙ୍ଗ୍ ।

୨୦ “ଆଇଙ୍ଗ୍ ଇନ୍କୁଆଃ ନାଗେନ୍ତେ ଏସ୍‌କାର୍ କାହା ମେନ୍‌ଦ୍ ଇନ୍କୁଆଃ କାଜିରେୟାଃ ହରାତେ ଆଇଙ୍ଗ୍‌ରେ ବିଶ୍ୱାସେତାନ୍ ସବେନ୍‌କଆଃ ନାଗେନ୍ତେ ବିକ୍ରିତାନାଇଙ୍ଗ୍ । ୨୧ ହେ ଆବା ! ଇନ୍କୁ ଜେତେକ ଜେ'ଲେକା ମିଦଃକାକ ମେନ୍ତେ ଇନ୍କୁଆଃ ନାଙ୍ଗ୍ ବିକ୍ରିମେତାନାଇଙ୍ଗ୍, ଆଇଙ୍ଗ୍ ଆମାଃରେ ଆତଃ ଆମ୍ ଆଇଁୟାଃରେ ମେନାମେ ଲେକା, ଇନ୍କୁହ ସବେନ୍‌କ ଆବୁରେ ତାଇନଃକାକ, ଜେ'ଲେକାଟି ଆମ୍ ଆଇଙ୍ଗ୍‌କେ କୁଲ୍‌କାଦିୟାମ୍ ଏନା ଅତେଦିଶୁମ୍‌ରେନ୍‌କ ବିଶ୍ୱାସେୟା । ୨୨ ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ମାନାରାଙ୍ଗ୍ ଇନ୍କୁକେ ଏମାକାଦକଆଇଙ୍ଗ୍, ଆମ୍ ଆତଃ ଆଇଙ୍ଗ୍ ମିଦ୍‌କାନ୍ ଲେକା ଇନ୍କୁହ ମିଦଃକାକ । ୨୩ ଆଇଙ୍ଗ୍ ଇନ୍କୁରେ ଆତଃ ଆମ୍ ଆଇଁୟାଃରେ ମେନାମେୟା, ଏନାତେ ଇନ୍କୁ ମିଦ୍ ଉତାରଃକା ଆତଃ ଆମ୍ ଆଇଙ୍ଗ୍‌କେ କୁଲ୍‌କାଦିୟାମ୍ ଆତଃ ଦୁଲ୍‌ାଡ୍‌କାଦିୟାମ୍ ଲେକା ଇନ୍କୁକେହ ଦୁଲ୍‌ାଡ୍‌କାଦକଆମ୍ ମେନ୍ତେ ଅତେଦିଶୁମ୍‌ରେନ୍‌କ ଆଡ୍‌କାରେକା ।

୨୪ “ହେ ଆବା, ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ହଡ୍‌କ ଆଇଙ୍ଗ୍ ତାଇନଃତାଃରେକ ତାଇନଃକା, ଏନାତେ ଇନ୍କୁ ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ମାନାରାଙ୍ଗ୍‌କ ନେଲେକା ମେନ୍ତେ ସାନାଙ୍ଗ୍‌ତାନାଇଙ୍ଗ୍, ଚିୟାଃଟି ଆମ୍‌ଦ୍ ଅତେଦିଶୁମ୍ ବାଇୟେ ସିଦାରେ ଆଇଙ୍ଗ୍‌କେ ଦୁଲ୍‌ାଡ୍‌କାଦିୟାମ୍ । ୨୫ ଏ ଧାର୍‌ମାନ୍ ଆବା, ଅତେଦିଶୁମ୍ ଆମ୍‌କେ କାଏ ସାରିୟାକାଦ୍‌ମେୟା ମେନ୍‌ଦ୍ ଆଇଙ୍ଗ୍ ସାରିୟାକାଦ୍‌ମେୟାଈଙ୍ଗ୍ ଆତଃ ଆମ୍ ଆଇଙ୍ଗ୍‌କେ କୁଲ୍‌କାଦିୟାମ୍ ଏନା ନିକୁ ସାରିୟାକାଦାଃକ । ୨୬ ଆମ୍ ଆଇଙ୍ଗ୍‌କେ ଅକନ୍ ଦୁଲ୍‌ାଡ୍‌ରେମ୍ ଦୁଲ୍‌ାଡ୍‌କାଦିୟା ଏନ୍ ଦୁଲ୍‌ାଡ୍ ଇନ୍କୁରେ ତାଇନଃକା, ଆତଃ ଆଇଙ୍ଗ୍ ଇନ୍କୁରେ ତାଇନଃନାଙ୍ଗ୍ ଇନ୍କୁକେ ଆମାଃ ନୁହୁମ୍ ଉଦ୍‌ବାକାଦକଆଇଙ୍ଗ୍ ଆତଃ ଉଦ୍‌ବାକୁଆଇଙ୍ଗ୍ ।”

୧୮

ୟାଶୁକେ ସାବ୍‌କିୟାଃକ

(ମାଥ୍‌ଉ ୨୬:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଯାଶୁ ନେ ବିକ୍ରି ତାବାକେଦ୍‌ତି, ଆୟାଃ ଚେଲାଇଲଃ କିଦ୍‌ରୋନ୍ ଲର୍* ହାନ୍ ପାରମ୍‌ତେ ସେନଃୟାନାକ, ଏନ୍ତାରେ ମିଆଁଦ୍ ବାଗାନ୍ ତାଇକେନା, ଏନାରେ ଇନିଃ ଆତଃ ଆୟାଃ ଚେଲାଇ ବଲ୍‌ୟାନାକ । ୨ ଯାଶୁକେ ସାବ୍‌ରିକାନିଃ ଯିହୁଦା, ଏନ୍ ଠାୟାଦ୍‌କେ ସାରିକାଦ୍ ତାଇକେନାଏ, ଚିୟାଃଟି ଯାଶୁ ଆୟାଃ ଚେଲାଇଲଃ ପୁରାଃ ଦିପିଲି ଏନ୍ ଠାୟାଦ୍‌ତେ ସେନାକାନ୍ ତାଇକେନାଏ । ୩ ଏନ୍ତେ ଯିହୁଦା, ପାଲ୍‌ଗାନ୍‌କ, ମୁଲ୍ ଯାଜାକ୍ ଆତଃ ଫାରୁଶୀକ ସାଃଏତେ ଦାରଞ୍ଜାନ୍‌କକେ ଆଉକେଦ୍‌ତେ ଦିମି ଆତଃ ହାଁତେୟାର୍ ସାବ୍‌କେଦ୍‌ତେ ଏନ୍ତାଃତେକ ହିଜୁଃୟାନା । ୪ ଏନାତେ ଯାଶୁ ଆୟାଃରେ ହିଜୁଃତାନ୍ ହବାଅଃତେୟାଃ ସବେନାଃ ସାରିକେଦ୍‌ତେ ଅତଙ୍ଗ୍‌ୟାନା ଆତଃ ଆପେ ଅକଏକେ ଦାଶୀତାନାପେ ମେତାଦ୍‌କଆଏ ।

୫ “ନାଜ୍‌ରେଡ୍‌ରେନ୍ ଯାଶୁକେ” ମେନ୍ତେକ କାଜିରୁହାଡ୍‌କିୟା ।

ୟାଶୁ ମେତାଦ୍‌କଆଏ, “ଆଇଙ୍ଗ୍ ତାନିଙ୍ଗ୍ ।”

* **er:e** **er:** ଇର୍ ଲର୍ ମାରାଙ୍ଗ୍ ଦଲ୍‌ଖା

ଆତଃ ଯୀଶୁକେ ସାବ୍ରିକାନିଃ ଯିହୁଦା ଇନକୁଲଃ ତିଜ୍ଞୁଆକାନ୍ ତାଇକେନାଏ । ୧୬ ଯୀଶୁ ଚିମ୍ତାଜ୍ଞ ଇନକୁକେ “ଆଇଜ୍ଞ ତାନିଜ୍ଞ” ମେତାଦକଥାଏ, ଇମ୍ତା ଇନକୁ ଇମ୍ତାଗି ଦୟା ରୁହାଡ଼କେଦ୍ଦେ ଅତେରେକ ଉୟୁଃୟାନ । ୧୭ ଏତ୍ରେ ଇନିଃ ଇନକୁକେ ଆତଃମିସା କୁଲିକେଦକଥାଏ, “ଆପେ ଅକଏକେ ଦାଣ୍ଡିତାନାପେ ?”

ଇନକୁ କାଜିରୁହାଡ଼କିୟା, “ନାଜରେଡ଼ରେନ ଯୀଶୁକେ ।”

୧୮ ଯୀଶୁ କାଜିରୁହାଡ଼ାଦକଥାଏ, “ୟୀଶୁ ଆଇଜ୍ଞଗି ତାନିଜ୍ଞ ମେତ୍ରେ ସିଦାରେ କାଜିୟାଦପେୟାଇଜ୍ଞ । ଆପେ ଆଇଜ୍ଞକେ ଦାଣ୍ଡିତାନରେଦ ନିକୁକେ ସେନରିକାକପେ ।” ୧୯ “ଆବା, ଆମ୍ ଆଇଜ୍ଞକେ ଏମାକାଦିଜ୍ଞ ହଡ଼କଏତେ ମିହୁଡ଼କେହଁ କାଇଜ୍ଞ ଆଦାକାଇୟାଃ ।” ଇନିଃ ନେ କାଜି କାଜିକେଦାଃଏ, ଜେଲେକାଚି ଇନିୟାଃ ନେ କାଜି ପୁରାଝାଃ ।

୨୦ ଶିମୋନ୍ ପାଡ଼ରାସ୍ତାଃରେ ତାରାଡ଼ଡ଼ି ତାଇକେନା, ଏନାକେ ଅତଜ୍ଞକେଦ୍ଦେ ଇନିଃ ମାରାଜ୍ଞ ଯାଜାକଥାଃ ଦାସିକେ ମାଆଃକିୟାଏ ଆତଃ ଜମ୍ପାଃରାଃ ଲୁଡ଼କେ ମାଆଃଗାଣ୍ଡାଅକେଦାଏ, ଏନ୍ ଦାସିଆଃ ନୁଡ଼ମ୍ ମାଲ୍ଝ ତାଇକେନା । ୨୧ ଏତ୍ରେ ଯୀଶୁ ପାଡ଼ରାସ୍ତାକେ କାଜିକିୟାଏ, “ଆମାଃ ତାରାଡ଼ଡ଼ିକେ ଖାପରେ ଦହଏମେ, ଆପୁ ଏମାକାଇଜ୍ଞ କାଟୋରାରେ ଚିୟାଃ ଆଇଜ୍ଞ କାଇଜ୍ଞ ନୁଁଇୟା ?”

ୟୀଶୁ ହାନାନରାଃ ସାମ୍ନାଜ୍ଞରେ

୨୨ ଏତ୍ରେ ପାଲ୍ଟାନକ, ପାଲ୍ଟାନରେନ୍ ଗମ୍ବକେ ଆତଃ ଯିହୁଦାକଥାଃ ଦାରଝାନକ ଯୀଶୁକେ ସାବ୍ରିକେଦ୍ଦେ ତଲ୍ଲକିୟାଃ । ୨୩ ଆତଃ ଇନକୁ ଇନିଃକେ ସିଦାତେ କାୟଫାରାଃ ହୟାଡ଼କେ ହାନାନତାଃତେକ ଇଦିକିୟାଃ, ଇନିଃଏ ଏନ୍ ସିମାରେନ୍ ମାରାଜ୍ଞ ଯାଜାକ ତାଇକେନାଏ । ୨୪ ସବେନ୍ ହଡ଼କ ନାଗେତ୍ରେ ମିଆଁଦ୍ ହଡ଼ ଗଜଃରେଦ ବୁଗିୟାଆଃ ମେତ୍ରେ ଯିହୁଦା ହାକିମ୍ବକେ କାଜିକାଦକ ତାଇକେନାଏ, ଇନିଃ ଏନ୍ କାୟଫା ତାନିଃ ।

ପାଡ଼ରାସ୍ତା ଯୀଶୁକେ କାଇଜ୍ଞ ସାରିୟା ମେତ୍ରେ କାଜିତାନାଏ

(ମାଥ୍ଝ ୨୬:୬୯-୭୦; ମାର୍କ ୧୪:୬୬-୬୮; ଲୁକ ୨୨:୫୫-୫୬)

୨୫ ଶିମୋନ୍ ପାଡ଼ରାସ୍ତା ଆତଃ ଏଟାଃ ମିହୁଡ଼ ଚେଲା ଯୀଶୁକେ ଅତଜ୍ଞ ଇଦିକିୟାଏ, ଏନ୍ ଏଟାଃ ଚେଲା ମାରାଜ୍ଞ ଯାଜାକଥାଃ ନେପେଲ୍ ଉପୁରୁମ୍ ହଡ଼ ତାଇକେନାଏ, ଏନାମେତ୍ରେ ଇନିଃ ମାରାଜ୍ଞ ଯାଜାକଥାଃ ଅଡ଼ାଃରାଗାତେ ଯୀଶୁଲଃ ବଲ୍ଝାନାଏ । ୨୬ ମେନ୍ଦ୍ ପାଡ଼ରାସ୍ତା ରାତା ଦୁଆରତାଃରେ ତିଜ୍ଞୁଆକାନ୍ ତାଇକେନାଏ, ଏତ୍ରେ ମାରାଜ୍ଞ ଯାଜାକଲଃ ନେପେଲ୍ ଉରୁମାକାନ୍ ଏଟାଃ ଚେଲା ଅତଜ୍ଞକେଦ୍ଦେ ଦୁଆର୍ ହରତାନ୍ କୁଡ଼ିକେ କାଜିକିୟାଏ, ଆତଃ ପାଡ଼ରାସ୍ତାକେ ଅଡ଼ାଃ ଭିତାର୍ତେ ଇଦିକିୟାଏ । ୨୭ ଏତ୍ରେ ଦୁଆର୍ ହରତାନ୍ ଏନ୍ କାମ୍ଡ଼ି କୁଡ଼ି ପାଡ଼ରାସ୍ତାକେ କାଜିକିୟାଏ, “ଚିୟାଃ ଆମ୍ ହଁ ନେ ହଡ଼ଥାଃ ଚେଲାକଏତେ ମିଆଁଦନିଃ ନାହାଁଲାମ୍ ?”

ଇନିଃ ମେତାଇଜାଏ, “ଆଇଜ୍ଞ ନାହାଁଲିଜ୍ଞ ।”

୨୮ ରାବାଜ୍ଞତାନ୍ ତାଇକେନ୍ ଇମ୍ତା ଦାସିକ ଆତଃ ଦାରଝାନକ ସେଜେଲ୍ ତିଜ୍ଞକେଦ୍ଦେ ତିଜ୍ଞୁଆକାନ୍ଲଃ ଜୁରୁବ୍ ତାଇକେନାକ । ପାଡ଼ରାସ୍ତା ଇନକୁଲଃ ତିଜ୍ଞକେଦ୍ଦେ ଜୁରୁବ୍ତାଇକେନାଏ ।

ମାରାଜ୍ଞ ଯାଜାକ ଯୀଶୁକେ କୁଲିକିୟାକ

(ମାଥ୍ଝ ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୨୯ ଏତ୍ରେ ମାରାଜ୍ଞ ଯାଜାକ ଯୀଶୁକେ ଆୟାଃ ଚେଲାକ ବିଷାଏରେ ଆତଃ ଆୟାଃ ଇନିଡୁ ବିଷାଏରେ କୁଲିକିୟାଏ । ୩୦ ଯୀଶୁ ଇନିଃକେ କାଜିକିୟାଏ, “ଆଇଜ୍ଞ ଅତେଦିଶୁମ୍ରେ ସବେନ୍ଇମ୍ତା ସବେନ୍କତାଃରେ କାଜିୟାକାଦାଇଜ୍ଞ, ଯିହୁଦୀକ ହୁଣ୍ଡିନତାନ୍ ସବେନ୍ତାଃରେ, ସାମାଜ୍ଞ ଅଡ଼ାଃକରେ ଆତଃ ମାନ୍ଦିର୍ ଅଡ଼ାଃରେ ଆଇଜ୍ଞ ଇଡୁକେଦକଥା ଆତଃ ଦାନାଜ୍ଞରେ ଜେଡ଼ନାଃ କାଇଜ୍ଞ କାଜିକାଦାଃ । ୩୧ ଚିନାଃମେତ୍ରେ ଆମ୍ ଆଇଜ୍ଞକେ କୁଲିତାନାମ୍ ? ଆଇଜ୍ଞ ଇନକୁକେ ଚିନାଃ କାଜିୟାକାଦକଥାକ୍ ଆଇଜ୍ଞ ଏନା ଆୟୁମ୍ବକେନକେ କୁଲିକମ୍, ନେଲେମେ, ଆଇଜ୍ଞ କାଜିକାଦ୍ଦେୟାଃ ଇନକୁ ସାରିୟାଃକ ।”

୩୨ ଯୀଶୁ ନେଆଁ କାଜିକେଦ୍ ଇମ୍ତା ନାଡ଼େଃରେ ତିଜ୍ଞୁଆକାନ୍ ମିଆଁଦ୍ ଦାରଝାନ ଇନିଃକେ ଆପ୍ଡ଼ିକେଦ୍ଦେ କାଜିକିୟାଏ, “ଆମାଃ ନାମିୟାଜ୍ଞ ସାହାଁସ୍, ଚିୟାଃ ଆମ୍ ମାରାଜ୍ଞ ଯାଜାକକେ ନେ ଲେକା କାଜିରୁହାଡ଼ାଜତାନାମ୍ ?”

☆ **୧୮:୧୧** ୧୮:୧୧ ମାଥ୍ଝ ୨୬:୩୯; ମାର୍କ ୧୪:୩୬; ଲୁକ ୨୨:୪୨. ☆ **୧୮:୧୪** ୧୮:୧୪ ଯୋହାନ ୧୧:୪୯, ୫୦.

୨୩ ଯୀଶୁ ଜନିଷକେ କାଜିରୁହାଡ଼କିୟାଏ, “ଆଇଙ୍ଗ୍ ଏଡ଼କାନାଃ କାଜିକାଦ୍ରେଦ୍ ନେତାଃରେ ଜେତେକଆଃ ସାମନାଙ୍ଗ୍ରେ ସାବୁଦ୍ ଉଦୁବେମେ, ମେନ୍ଦ୍ ଆଇଙ୍ଗ୍ ବୁଗିନ୍ କାଜି କାଜିକାଦ୍ରେଦ୍ ଚିନାଃମେନ୍ତେମ୍ ଆପଡ଼ିଙ୍ଗ୍ତାନା ?”

୨୪ ଏନ୍ତେ ହାନାନ୍ ଜନିଷକେ ତଲାକାନ୍ତେଗି ମାରାଙ୍ଗ୍ ଯାଜାକ୍ କାୟଫାତାଃତେ କୁଲ୍ଲକିୟାଏ ।

ପାଡ଼ରାସ୍ ଆତଃମିସା କାଇଙ୍ଗ୍ ସାରିୟା ମେନ୍ତେ କାଜିକେଦାଏ
(ମାଥ୍ ୨୭:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଶିମୋନ୍ ପାଡ଼ରାସ୍ ତିଙ୍ଗ୍‌କେଦ୍‌ତେ ସେଙ୍ଗେଲ୍ ଜୁରୁଦ୍‌ତାନ୍ ତାଇକେନାଏ, ଏନ୍ତେ ଇନ୍‌କୁ ଜନିଷକେ କୁଲ୍ଲକିୟାକ, “ଚିୟାଃ ଆମ୍ ହ୍ ଇନିୟାଃ ତେଲାକଏତେ ମିହୁଡ଼ ନାହାଁଲିମେ ?”

ଇନିଷ ଦଦାଦ୍‌ୟାନ୍ତେ କାଜିକେଦାଃଏ, “ଆଇଙ୍ଗ୍ ନାହାଁଲିଙ୍ଗ୍ ।”

୨୬ ମାରାଙ୍ଗ୍ ଯାଜାକ୍‌ଆଃ ଦାସିକଏତେ ମିହୁଡ଼, ଅକଏକେଚି ପାଡ଼ରାସ୍ ଲୁଡୁର୍ ମାଃ ଖାଣ୍ଡାଅକାଜ ତାଇକେନାଏ, ଇନିୟାଃ ମିହୁଡ଼ କୁପୁଲ୍ କାଜିକେଦାଃଏ, “ଆଇଙ୍ଗ୍ ଚିନାଃ ଆମ୍‌କେ ଜନିଷଲଃଃ ବାଖଡ଼ିରେ କାଇଙ୍ଗ୍ ନେଲାକାମ୍ ତାଇକେନା ?”

୨୭ ଏନ୍ତେ ପାଡ଼ରାସ୍ ଆତଃମିସା ଦଦାଦ୍‌ୟାନ୍ତେ କାଜିକେଦାଏ, “ଆଇଙ୍ଗ୍ ନାହାଁଲିଙ୍ଗ୍” ଇମ୍‌ତାଗି ସାଣ୍ଡିସିମ୍ ରାଆଃକେଦାଏ ।

ୟୀଶୁକେ ପିଲାତୁସ୍‌ଆଃ ସାମନାଙ୍ଗ୍‌ତେକ ଆରକିୟା

(ମାଥ୍ ୨୭:୧, ୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ସେତାଃ ଇଦାନ୍‌ରେ ଇନ୍‌କୁ ଯୀଶୁକେ କାୟଫାତାଃଏତେ ଲାଟ୍‌ସାହେଦ୍‌ଆଃ ଅଡ଼ାଃ ଭିତାର୍‌ତେକ ଇଦିକିୟା । ଜେ'ଲେକା କା ସଡ଼ରାକେଦ୍‌ତେ ପାସ୍‌କା ପାରାବ୍‌ରେ ଜମେୟାଃ ଜମ୍‌ଦାଡ଼ିୟାଏ, ଏନାମେନ୍ତେ ଯିହୁଦୀ ହାକିମ୍‌କ ଲାଟ୍‌ସାହେଦ୍‌ଆଃ ଅଡ଼ାଃତେ କାକ ବଲ୍‌ୟାନା । ୨୯ ଏନ୍ତେ ପିଲାତୁସ୍ ଇନ୍‌କୁତାଃତେ ଅଡ଼ଙ୍ଗ୍‌କେଦ୍‌ତେ କୁଲ୍ଲକେଦ୍‌କଆଏ, “ଆପେ ନେ ହଡ଼କେ ଚିନାଃମେନ୍ତେ ଚିଟାଇତାନାପେ ?”

୩୦ ଇନ୍‌କୁ କାଜିରୁହାଡ଼କିୟାକ, “ନେ ହଡ଼ ଏଡ଼କାନ୍ କାମି କାଏ କାମିକାଦ୍ରେଦ୍ ଆମାଃ ତିଃଇରେ କାଲେ ଏମିତେୟାଃ ।”

୩୧ ଏନ୍ତେ ପିଲାତୁସ୍ ଇନ୍‌କୁକେ କାଜିୟାଦ୍‌କଆଏ, “ଆପେ ଜନିଷକେ ଇଦିକେଦ୍‌ତେ, ଆପେୟାଃ ଆନ୍‌ତୁ ଲେକାତେ ଇନିୟାଃ ବିଚାରେପେ ।”

ଯିହୁଦୀକ ଜନିଷକେ କାଜିକିୟାକ, “ଜେତାଏକେ ଗଜି ନାଗେନ୍ତେ ଆଲେତାଃରେ ଆକ୍‌ତେୟାବ୍ ବାନଅଆ ।” ୩୨ ଯୀଶୁକେ ଚିଲ୍‌କାନ୍ ଗନ୍‌ଏଃତେ ଗଜଃ ଲାଗାତିଙ୍ଗ୍‌ୟାଃ ଏନ୍ ବିଷାଏରେ ଇନିଷ କାଜିଲେଦ୍ କାଜି ପୁରାଅଃ ନାଗେନ୍ତେ ଇନ୍‌କୁ ନେକା କାଜିକେଦାଃକ ।

୩୩ ପିଲାତୁସ୍ ଆୟାଃ ମାହାଙ୍ଗ୍‌ତେ ବଲ୍ ରୁହାଡ଼କେଦ୍‌ତେ ଯୀଶୁକେ କେଡ଼ାକିୟାଏ ଆତଃ କୁଲ୍ଲକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଚି ?”

୩୪ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ନେ କାଜି ଆମ୍‌ତେଗି କାଜିତାନାମ୍ ଚି ଏଟାଃକ ଆଇଁୟାଃ ବିଷାଏରେ ଆମ୍‌କେ ନେୟାକ ଉଦବାକାଦ୍‌ମେୟା ?”

୩୫ ପିଲାତୁସ୍ କାଜିରୁହାଡ଼କେଦାଃଏ, “ଆଇଙ୍ଗ୍ ଯିହୁଦୀ ତାନିଙ୍ଗ୍‌ଚି ? ଆମାଃ ଜାତିରେନ୍‌କ ଆତଃ ମୁଲ୍ ଯାଜାକ୍ ଆମ୍‌କେ ଆଇଁୟାଃ ତିଃଇରେକ ଏମାକାଦିୟା । ଆମ୍ ଚିନାଃମ୍ ଚିକାକାଦାଃ ?”

୩୬ ଯୀଶୁ କାଜିକିୟାଏ, “ଆଇଁୟାଃ ରାଜଜ୍ ନେ ଅତେଦିଶୁମ୍ ଲେକା ନାହାଁଲାଃ, ଆଇଁୟାଃ ରାଜଜ୍ ନେ ଅତେଦିଶୁମ୍ ଲେକା ତାଇନ୍‌ତେୟାଃରେଦ୍ ଆଇଙ୍ଗ୍ ଯିହୁଦୀ ହାକିମ୍‌କଆଃ ତିଃଇରେ କାଇଙ୍ଗ୍ ଏମାଃନାଙ୍ଗ୍ ଆଇଁୟାଃ ଦାସିକ ମାପାଃତୁପୁଇଙ୍ଗ୍‌ତେୟାଃକ, ମେନ୍ଦ୍ ଆଇଁୟାଃ ରାଜଜ୍ ଏନ୍‌ଲେକ୍‌ନାଃ ନାହାଁଲାଃ ।”

୩୭ ଏନ୍ତେ ପିଲାତୁସ୍ ଜନିଷକେ କୁଲ୍ଲକିୟାଏ, “ଚିୟାଃ ଆମ୍ ମିଆଁଦ୍ ରାଜା ତାନ୍‌ମେଚି ?”

ୟୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ରାଜା ତାନିଙ୍ଗ୍ ମେନ୍ତେ, ଆମ୍‌ଗି କାଜିତାନାମ୍ । ସାର୍‌ତିରେୟାଃ ଗାଝା କାଜି ନାଗେନ୍ତେ ଆଇଙ୍ଗ୍ ଜାନାମାକାନା ଆତଃ ଅତେଦିଶୁମ୍‌ତେ ହିଙ୍ଗ୍‌ଆକାନାଇଙ୍ଗ୍, ଜେତାଏ ସାର୍‌ତିରେନ୍ ହନ୍ ତାନିଷ ଜନିଷ ଆଇଁୟାଃ କାଜି ଆୟୁମାଃଏ ।”

୩୮ ପିଲାତୁସ୍ ଯୀଶୁକେ କୁଲ୍ଲକିୟାଏ, “ସାର୍‌ତି ଚିନାଃତାନାଃ ?” ଏନ୍ତେ ନେଆଁ କାଜିକେଦ୍‌ଚି ଜନିଷ ଆତଃମିସା ଯିହୁଦୀକତାଃତେ ହିଜୁଃ ରୁହାଡ଼ୟାନାଏ, ଆତଃ ଇନ୍‌କୁକେ କାଜିକେଦ୍‌କଆଏ, “ସାଜାଜ୍ ଏମ୍‌ନାଙ୍ଗ୍ ଆଇଙ୍ଗ୍ ଜନିଷରେ ଜେତାନ୍ ଗୁଞ୍ଜାଁ କାଇଙ୍ଗ୍ ନାମେତାନା । ୩୯ ମେନ୍ଦ୍ ଆଇଙ୍ଗ୍ ପାସ୍‌କା

୨୮ ୧୮:୩୨ ୧୮:୩୨ ଯୋହାନ୍ ୩:୧୪; ୧୨:୩୨.

ପାରାବ୍ରେ ଆପେନାଙ୍ଗ ମିଆଁଦ୍ ହତ୍ତକେ ଆଡ଼ାଠତେୟାଃ ଆପେୟାଃ ରିତିରେ ମେନାଃ, ଏନାମେନ୍ତେ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ ଆଡ଼ାଠତାଇୟା, ମେନ୍ତେପେ ସାନାଙ୍ଗତାନା ତି ?”

ୟାଶୁକେ ଗନଏଃ ସାଜାଇ ଏମୟାନା

(ମାଥୁଉ ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୪୦ ଏନ୍ତେ ସବେନକ କାଉରିକେଦ୍ତେ କାଜିକେଦାଃକ, “ବାନଃଗି, ନିଃକେଦ କାହା, ମେନ୍ଦ୍ ବାରବ୍ବାକେ ଏମାଲେମ୍ ।” ଏନ୍ ବାରବ୍ବା ମିଆଁଦ୍ ରେରେଃକ୍ନିଃ ତାଇକେନାଏ ।

୧୯

୧ ଏନ୍ତେ ପିଲାତୁସ୍ ଯାଶୁକେ ଇଦିକିଃତେ ହାଁଶସା ରିକାକିୟାଏ । ୨ ଆତଃ ପାଲ୍ଗାନ୍ଦକ ଜାନୁମ୍ କତରାଃ ତୁପୁରି ଗାଲାଙ୍ଗକେଦ୍ତେ ବହଃରେ ତୁପୁରିକିୟାକ ଆତଃ ଇନିଃକେ ବାଇଗିନିଆ ରାଙ୍ଗରାଃ ଲିଜାଃ ତୁସିଙ୍ଗକିୟାକ । ୩ ଆତଃ ଇନକୁ ଯାଶୁଆଃ ନାଡ଼େଃତେ ସେନ୍ଦକେଦ୍ତେ କାଜିକିୟାକ, “ଏ ଯିହୁଦୀକଆଃ ରାଜା ଜହାର୍ !” ଆତଃ ଇନକୁ ଇନିଃକେ ଆପଡ଼ିକିୟାକ ।

୪ ପିଲାତୁସ୍ ଆତଃମିଆ ଅତଙ୍ଗକେଦ୍ତେ ହତ୍ତକକେ କାଜିୟାଦକଆଏ, “ନେଲେପେ, ଇନିଃକେ ସାଜାଇ ନାଗେନ୍ତେ ଆଇଙ୍ଗ ଇନିୟାଃରେ ଜେତାନ୍ ଗୁଣ୍ଡା କାଇଙ୍ଗ ନାମକେଦା, ନେଆଁ ଆପେ ସାରିପେ ମେନ୍ତେ ଆଇଙ୍ଗ ଇନିଃକେ ଆପେତାଃତେଇଙ୍ଗ ଅତଙ୍ଗଆଉଝିତାନା ।” ୫ ଏନ୍ତେ ଯାଶୁ ଜାନୁମ୍ ମୁକୁର୍ ଆତଃ ବାଇଗିନିଆ ଲିଜାଃ ତୁସିଙ୍ଗକେଦ୍ତେ ଅତଙ୍ଗୟାନା । ପିଲାତୁସ୍ ଇନକୁକେ କାଜିୟାଦକଆଏ, “ନେଲିପେ ! ନିଃ ନେ ହତ୍ତ ।”

୬ ଏନ୍ତେ ମୁଲ୍ ଯାଜାକ୍ ଆତଃ ମାନ୍ଦିର୍ ଦାରଝାନ୍ଦକ ଇନିଃକେ ନେଲ୍କେଦ୍ତେ “କୁଶ୍ରେ କିଲାଇମେ ! କୁଶ୍ରେ କିଲାଇମେ !” ମେନ୍ତେକ କାଉରିକେଦା । ପିଲାତୁସ୍ ଇନକୁକେ କାଜିୟାଦକଆଏ, “ଆପେଗି ଇନିଃକେ ଇଦିପେ ଆତଃ କୁଶ୍ରେ କିଲାଇପେ, ଆଇଙ୍ଗଦ ଇନିଃକେ ସାଜାଇ ନାଗେନ୍ତେ ଜେତାନ୍ ଗୁଣ୍ଡା କାଇଙ୍ଗ ନାମକେଦା ।”

୭ ଯିହୁଦୀକ ପିଲାତୁସ୍କେ କାଜିରୁହାଡ଼କିୟାକ, “ଆଲେତାଃରେ ଆନୁ ମେନା ଆତଃ ଏନ୍ ଆନୁ ଲେକାତେ ଇନିୟାଃ ଗଜଃ ଲାଗାଡ଼ିଙ୍ଗୟାଃ, ତିୟାଃତି ଇନିଃଦ ଆଇଃକ୍ତି ପାର୍ମେଶ୍ୱାର୍ଆଃ ହନ୍ ତାନିଃ” ମେନ୍ତେ କାଜିକାଦାଏ ।

୮ ନେ କାଜି ଆୟୁମକେଦ୍ତେ, ପିଲାତୁସ୍ ପୁରାଃଗି ବରକେଦାଏ । ୯ ଆତଃ ପିଲାତୁସ୍ ମାହାଲ୍ତେ ବଲ୍ ରୁହାଡ଼ୟାନାଏ ଏନ୍ତେ ଯାଶୁକେ କୁଲିକିୟାଏ, “ଆମ୍ ଅକ୍ତାଃଏତେମ୍ ହିଜୁଃକାନା ?”

ମେନ୍ଦ୍ ଯାଶୁ ଇନିଃକେ କାଏ କାଜିରୁହାଡ଼କିୟା । ୧୦ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ତିନାଃମେନ୍ତେ କାମ୍ କାଜିୟାଈଙ୍ଗତାନା ? ଆମ୍କେ ରାଡ଼ାରେୟାଃ ଆତଃ କୁଶ୍ରେ କିଲାରେୟାଃ ଆକ୍ତେୟାର୍ ଆଇଙ୍ଗତାଃରେ ମେନାଃ, ତିୟାଃ ନେଆଁ ଆମ୍ କାମ୍ ସାରିତାନା ?”

୧୧ ଯାଶୁ କାଜିରୁହାଡ଼କିୟାଏ, “ଆମ୍କେ ପାର୍ମେଶ୍ୱାର୍ତାଃଏତେ ଆକ୍ତେୟାର୍ କା ନାମ୍କାନ୍ରେ, ଆଇଁୟାଃ ବିରୁଧ୍ରେ ଆମାଃ ଜେତାନ୍ ଆକ୍ତେୟାର୍ କା ତାଇନ୍ତେୟାଃ । ଏନାତେ ଆଇଙ୍ଗକେ ଅକଏ ଆମାଃ ତିଃଇରେ ଜିମାକାଦିୟାଏ ଇନିୟାଃ ପାପ୍ ପୁରାଃ ଏଡ଼କାନ୍ଦିୟାଃ ।”

୧୨ ପିଲାତୁସ୍ ନେୟାଁ ଆୟୁମକେଦ୍ତି, ଯାଶୁକେ ରାଡ଼ାଇ ନାଗେନ୍ତେ ସାନାଙ୍ଗକେଦାଃଏ, ମେନ୍ଦ୍ ଯିହୁଦୀ ହତ୍ତକ କାଉରିତାନ୍ଲଃ କାଜିକେଦାଃକ, “ଆମ୍ ନେ ହତ୍ତକେ ରାଡ଼ାଇରେଦ୍, ଆମ୍ କାଇସାର୍ଆଃ ଗାଡି ନାହାଁଲାଃମେ, ଅକଏ ଆଇଃକ୍କେଗି ରାଜା ମେନ୍ତେ କାଜିୟାଏ, ଇନିଃ କାଇସାର୍ଆଃ ବିରୁଧ୍ରେ କାଜିୟାଏ ।”

୧୩ ଏନ୍ତେ ପିଲାତୁସ୍ ନେ କାଜି ଆୟୁମକେଦ୍ତି, ଯାଶୁକେ ଅତଙ୍ଗକିୟାଏ ଆତଃ “ତାଟେନ୍ଲାପାଙ୍ଗା” ଅକନାଃଗି ଏବ୍ରୀ ଜାଗାର୍ତେ “ଗାବ୍ବାଥା” ନୁତୁମଃତାନା, ଏନ୍ ବିତାର୍ ଠାୟାଦ୍ତାଃରେ ବିତାର୍ ନାଙ୍ଗ ଦୁବ୍ୟାନାଏ । ୧୪ ପାସ୍କା ପାରାବ୍ ସାପଡ଼ାଅନ୍ ହୁଲାଙ୍ଗ୍ରେୟାଃ ତିକିନ୍ଦିଙ୍ଗି ସିଦାରେ ଇନିଃ ଯିହୁଦୀକକେ କାଜିୟାଦକଆଏ, “ନେଲିପେ ନିଃ ଆପେୟାଃ ରାଜା !”

୧୫ ଇନକୁ କାଉରିକେଦାଃକ, “ଇନିଃକେ ଗଜିମେଁ ! ଗଜିମେଁ ! କୁଶ୍ରେ କିଲାଇମେ ।”

ପିଲାତୁସ୍ ଇନକୁକେ କୁଲିକେଦକଆଏ, “ଆପେୟାଃ ରାଜାକେ କୁଶ୍ରେଇଙ୍ଗ କିଲାଇୟା ମେନ୍ତେପେ ସାନାଙ୍ଗତାନାତି ?”

ମୁଲ୍ ଯାଜାକ୍ କାଜିରୁହାଡ଼କିୟାଃକ, “କାଇସାର୍ ଏସ୍କାର୍ ଆଲେୟାଃ ରାଜା ତାନିଃ ଆତଃ ଜେତାଏ ରାଜା ନାହାଲିଃ ।”

୧୭ ଏଣେ ଯୀଶୁ କ୍ରୀଶ୍ଚରେ କିଲାଅଧକାଏ ମେଣ୍ଡେ ପିଲାତୁସ୍ ଇନିଃକେ ଇନ୍କୁଆଃ ସାନାଙ୍ଗ୍ ଲେକାତେ ଏମାଦକଆଏ । ଏଣେ ଇନ୍କୁ ଯୀଶୁକେ ସାବକେଦତେ ଇଦିକିୟାକ ।

ୟୀଶୁକେ କ୍ରୀଶ୍ଚରେ କିଲାକିୟାଃ

(ମାଥୁର ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଯୀଶୁ ଆୟାଃ କ୍ରୀଶ୍ଚକେ ଗଅଃକେଦତେ “ବହଃଜାଙ୍ଗ୍ ନୁତୁମ୍ ଠାୟାଦ” ଅକନାଠି ଏବ୍ରୀ ଜାଗାରତେ “ଗାଲଗାଆ” ମେଣ୍ଡେ କାଜିୟଃତାନା, ଏନ୍ତାଃତେ ହିଜୁଃୟାନାଏ । ୧୮ ଏନ୍ତାଃତେ ଇନ୍କୁ ଇନିଃକେ ଆତଃ ଇନିଃକେ ବାହୁଡକିନକେ କ୍ରୀଶ୍ଚରେ କିଲାକେଦକିନାକ, ମିଆଁଦନିଃକେ ଆୟାଃ ଜମ୍ ସାଃରେ ଆତଃ ମିଆଁଦନିଃକେ ଲେଙ୍ଗା ସାଃରେ ଆତଃ ଯୀଶୁକେ ଆଲାରେ କିଲାକିୟାକ । ୧୯ ଆତଃ ପିଲାତୁସ୍ ମିଆଁଦ ଅନଲୁଟିଠା ଅଲକେଦତେ କ୍ରୀଶ୍ଚରେ ଲାଟକାଅକେଦାଃଏ, ଆତଃ ଏନାରେ “ନାଜରେଡରେନ୍ ଯୀଶୁ ଯିହୁଦୀକଆଃ ରାଜା” ମେଣ୍ଡେ ଅଲକାନ ତାଇକେନା । ୨୦ ଯୀଶୁ କ୍ରୀଶ୍ଚରେ କିଲାୟାନ୍ ଠାୟାଦ ହାତୁ ନାଡେଃରେ ତାଇକେନ୍ ନାଗେଣ୍ଡେ ଏନ୍ ଅନଲୁଟିଠାକେ ପୁରାଃ ଯିହୁଦୀକ ପାଡୁଅକେଦାଃ ଆତଃ ଏନା ଏବ୍ରୀ, ଲାଟିନ୍, ଆତଃ ଗ୍ରୀକ ଜାଗାରରେ ଅଲକାନ ତାଇକେନା । ୨୧ ଏଣେ ଯିହୁଦୀକଆଃ ମୁଲ୍ ଯାଜାକକ ପିଲାତୁସ୍କେ କାଜିକିୟାଃକ, “ଯିହୁଦୀକଆଃ ରାଜା ମେଣ୍ଡେ ଆଲମ୍ ଅଲେୟା ମେନ୍ଦ୍ ଆଇଙ୍ଗ୍ ଯିହୁଦୀକଆଃ ରାଜା ତାନିଙ୍ଗ୍” ମେଣ୍ଡେ କାଜିକେଦତେୟାଃ ଅଲେମେ ।”

୨୧ ପିଲାତୁସ୍ କାଜିରୁହାଡାଦକଆଏ, “ଆଇଙ୍ଗ୍ ଅଲକାଦତେୟାଃ ଅଲକାଦାଇଙ୍ଗ୍ ।”

୨୩ ଯୀଶୁକେ କ୍ରୀଶ୍ଚରେ କିଲାକେଦତେ, ସିପାଇକ ଇନିୟାଃ ତୁସିଙ୍ଗ୍ ଲିଜାଃ ଆଡକେଦତେ ଚାଡ଼ାଃରେ ହାଟିଙ୍ଗକେଦାଃକ, ମିଆଁଦ ସିପାଇ ନାଗେଣ୍ଡେ ମିଆଁଦ ହାଟିଙ୍ଗ୍ ଆତଃ ପାଟେଲିଜାଃକେଅକ ଆଡକେଦାଃ, ଏନା କା ତୁନାକାନ୍ ତାଇକେନା ମେନ୍ଦ୍ ଚେତାନ୍ଏତେ ଲାଡାର୍ ଜାକେଦ୍ ତିଃଇଲଃ ରଅଃକାନ୍ ତାଇକେନା । ୨୪ ଏନାମେଣ୍ଡେ ଇନ୍କୁ ଆକ ଆକରେକ କାଜିକେଦା, “ନେଆଁକେ କାବୁ ଚାଗାଡେୟା ମେନ୍ଦ୍ ନେଆଁ ଅକଏୟାଃ ହବାଅଆଃ ଏନାମେଣ୍ଡେ ଚିଠାବୁ ସାଲାୟା ।” ଧାରାମ୍ପୁଅରେୟାଃ କାଜି ସାର୍ଡିଅଃ ନାଗେଣ୍ଡେ ନେ ସବେନ୍ ହବାୟାନା, “ଇନ୍କୁ ଆଇଁୟାଃ ଲିଜାଃକ ହାଟିଙ୍ଗୟାନା ଆତଃ ଆଇଁୟାଃ ପାଟେଲିଜାଃ ନାଙ୍ଗ୍ ଚିଠାକ ସାଲାକେଦା ।” ଏନାତେ ସିପାଇକ ନେଲେକାକ ରିକାକେଦା ।

୨୫ ଯୀଶୁଆଃ ଏଙ୍ଗାତେ ମାରିୟାମ୍ ଆତଃ ଏଙ୍ଗାତେୟାଃ ମିଶିତେ, କ୍ଲୋପାରାଃ କୁଡିତେ ମାରିୟାମ୍ ଆତଃ ମାଗ୍ଦାଲିନି ମାରିୟାମ୍ ଯୀଶୁଆଃ କ୍ରୀଶ୍ଚ ଜାପାଃରେକ ତିଙ୍ଗୁଆକାନ୍ ତାଇକେନା । ୨୬ ଯୀଶୁ ଆୟାଃ ଏଙ୍ଗାତେକେ ଆତଃ ଆଇଃକ୍ ଦୁଲାଡିତାନ୍ ଚେଲାକେ, ଜାପାଃରେ ତିଙ୍ଗୁଆକାନ୍ ନେଲକେଦକିନାଏ, ଏଙ୍ଗାତେକେ କାଜିକିୟାଏ, “ନେଲିମେ ହନ୍ତାମାଃକେ ।”

୨୭ ଏଣେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍ତାଙ୍ଗ୍ଏତେ ଏନ୍ ଚେଲା ଇନିଃକେ ଆୟାଃ ଅଡ଼ାଃତେ ଇଦିକିୟାକ ।

ୟୀଶୁଆଃ ଗନଏଃ

(ମାଥୁର ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ସବେନାଃ ନାହାଁଃ ପୁରାଚାବାକାନା ମେଣ୍ଡେ ଯୀଶୁ ସାରିକେଦଦି, ଧାରାମ୍ପୁଅରେୟାଃ କାଜି ପୁରାଅଃ ନାଗେଣ୍ଡେ ଇନିଃ କାଜିକେଦାଃଏ, “ଆଇଙ୍ଗ୍କେ ଚେତାଙ୍ଗିଙ୍ଗତାନା ।”

୨୯ ଏନ୍ତାଃତେ ମେହେର୍ ରାସିତେ ଚେରେଜାକାନ୍ ମିଆଁଦ ଚାଟୁ ଦହାକାନ୍ ତାଇକେନା । ଏଣେ ଇନ୍କୁ ସ୍ତୁଃକେ ମେହେର୍ ରାସିରେ ତୁପୁକେଦାଃକ, ଆତଃ ଏନାକେ ଏସୋଦ୍ ତାଙ୍ଗ୍ରେ ଗୁଡୁକେଦତେ ଇନିୟାଃ ମଚା ହେପାଦ୍ତେ ନୁଏ ନାଗେଣ୍ଡେ ଏମକିୟାକ । ୩୦ ଏଣେ ଯୀଶୁ ମେହେର୍ ରାସି ନୁକେଦତେ, କାଜିକେଦାଃଏ, “ନେଆଁ ପୁରାୟାନା” ଏଣେ ଆୟାଃ ବହଃ ତିରୁବକେଦତେ ଜାଡ଼ ଚୁଣ୍ଡୁକେଦା ।

ୟୀଶୁକେ କୁଡାମରେ ସବଃକିୟାକ

୩୧ ଏନ୍ ହୁଲାଙ୍ଗ୍ ସାପଡାଅନ୍ ହୁଲାଙ୍ଗ୍ ତାଇକେନା, ଆତଃ ଏଚାଃ ହୁଲାଙ୍ଗ୍ ମାରାଙ୍ଗ୍ ରୁଡୁନ୍ ହୁଲାଙ୍ଗ୍ ତାଇକେନ୍ ନାଗେଣ୍ଡେ ଯିହୁଦୀ ହାକିମକ ଗଏଃ ହଡ଼ମକେ କ୍ରୀଶ୍ଚରେ ରୁଡୁନ୍ ହୁଲାଙ୍ଗ୍ ଜାକେଦ୍ ତାଇନଃକା ମେଣ୍ଡେ କାକ ସାନାଙ୍ଗ୍ ତାଇକେନା । ଏନାତେ ଇନ୍କୁ କିଲାକାନ୍କ ଜାଲ୍ଦି ଗଜଃକାକ ମେଣ୍ଡେ ଇନ୍କୁଆଃ କାଟା ଠଏଜଃକା ଆତଃ ଇନ୍କୁକେ କ୍ରୀଶ୍ଚଏତେ ଆଡ଼ଗୁଃକାକ ମେଣ୍ଡେ ପିଲାତୁସ୍କେକ ବିକ୍ରିକିୟାଃ । ୩୨ ଏଣେ ସିପାଇକ ହିଜୁଃକେଦତେ ଯୀଶୁଲଃ କିଲାକାନ୍ ବାରାନ୍କିନାଃ କାଟାକେ ଠଏଜକେଦାଃକ । ୩୩ ମେନ୍ଦ୍ ଇନ୍କୁ ଯୀଶୁତାଃ ହିଜୁଃୟାଣ୍ଡେ, ଇନିଃକେ ଗଜାକାନ୍କ ନେଲକିୟାଃ, ଏନାତେ ଇନ୍କୁ ଇନିୟାଃ କାଟାକେ କାକ ଠଏଜକେଦାଃ । ୩୪ ମେନ୍ଦ୍ ସିପାଇକଏତେ ମିଆଁଦନିଃ ବାଞ୍ଛିତେ ଇନିୟାଃ କୁଡାମରେ

ସବଃକିୟାଏ, ଆତଃ ଜମ୍ବତାଗି ମାୟୋମ୍ ଆତଃ ଦାଆଃ ଅତଃଫୟାନା । ୩୫ ଆତଃ ନେଆଁ ନେଲ୍ଲକାଦ୍ନିଃ ଗାଞ୍ଜା ଏମାକାଦାଏ, ଜେ'ଲେକାଟି ଆପେୟଗି ବିଶ୍ୱାସେୟାପେ । ଆତଃ ଜନିୟାଃ ଗାଞ୍ଜା ସାତ୍ତଗିୟା, ଆତଃ ଜନିଃ ସାତ୍ତ କାଜିତାନାଏ ଏନା ଆଜଃକ୍ରି ସାରିୟାଏ । ୩୬ “ଜନିୟାଃ ଜେତାନ୍ ଜାଙ୍ଗ କା ଠଏଜଆଃ” ନେ କାଜିଦ ଧାରାମ୍ପୁଥିରେ ପୁରାଅଃ ନାଗେନ୍ତେ ନେ ସବେନାଃ ହବାୟାନା । ୩୭ ଧାରାମ୍ପୁଥିରେ ଆତଃମିଆଁଦ୍ କାଜି ଅଲ୍ଲାନା, “ଜନ୍କୁ ଅକଏକେ କିଲ୍ଲକିୟାଃକ,” ହତ୍ତକ ଜନିଃକେ ନେଲିୟାକ ।

ୟୀଶୁଆଃ ତପାଅଃ

(ମାଥୁର ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଏନ୍ ତାୟମ୍ତେ ହାରାମାଥୁୟା ସାହାତ୍ତରେନ୍ ଯୋଷେଫ୍, ଯୀଶୁଆଃ ହତ୍ତମ୍ ଜଦି ନାଗେନ୍ତେ ପିଲାତୁସ୍ତକେ ବିକ୍ରିକିୟାଏ, ଜନିଃ ଯୀଶୁଆଃ ମିଆଁଦ୍ ତେଲ୍ଲା ତାଇକେନାଏ, ମେନ୍ଦ୍ ଯିହୁଦୀକଆଃ ବରତେ କାଏ ଉଦୁବେନ୍ୟାନା, ଆତଃ ପିଲାତୁସ୍ ଆତୁକେଦ୍ତି ଯୀଶୁଆଃ ହତ୍ତମ୍ ଜଦିକେଦ୍ତେ ସେନଃୟାନାଏ । ୩୯ ଏନ୍ ନିକଦାମ୍ ସିଦାରେ ନିଦା ଜମ୍ବତା ଯୀଶୁତାଃତେ ହିଜୁଃୟାନାଏ, ଜନିଃ ଯୋଷେଫ୍ଲଃ ହିଜୁଃୟାନାଏ । ଆତଃ ଜନିଃ ତିରିଶ୍ କେଜି ବୁଗିନ୍ ସହାନ୍ସୁନ୍ମ୍ ଆତଃ ମେସାକାନ୍ ଗାଦରାସ୍ ଆଉକେଦାଏ । ୪୦ ଏନ୍ତେ ଜନ୍କିନ୍ ଯୀଶୁଆଃ ହତ୍ତମ୍କେକିନ୍ ଆଉକେଦାଃ ଏନ୍ତେ ଯିହୁଦୀକଆଃ ତପାରେୟାଃ ରିଡିଲେକାତେ ଏନାକେ ବୁଗିନ୍ ସହାନ୍ ସୁନ୍ମ୍ ଆତଃ ଫାତ୍ତି ନିରାଲ୍ ଲିଜାଃରେ ପତମ୍କେଦାଃକିନ୍ । ୪୧ ଆତଃ ଯୀଶୁ ଜୁଗ୍ରେ କିଲ୍ଲାୟାନ୍ ଠାୟାଦ୍ତାଃରେ ମିଆଁଦ୍ ବାଗାନ୍ ତାଇକେନା, ଆତଃ ବାଗାନ୍ରେ ମିଆଁଦ୍ ନାଞ୍ଜା ତପା ଠାୟାଦ୍ ତାଇକେନା, ଏନାରେ ଜେତାଏ ତିଉଲ୍ଲହ କାକ ତପାକାଦ୍ ତାଇକେନା । ୪୨ ଯିହୁଦୀକଆଃ ସାପ୍ତାଥ୍ନ ହୁଲ୍ଲାଙ୍ଗ ନାଗେନ୍ତେ ଜନ୍କିନ୍ ଯୀଶୁକେ ଏନ୍ତାଃରେଗି ଦହକିୟାକିନ୍, ଚିୟାଃତି ଏନ୍ ତପା ଠାୟାଦ୍ ନାଡ଼େଃରେ ତାଇକେନା ।

୨୦

ତପାଗାଡ଼ା ବିତ୍ତାଙ୍ଗ

(ମାଥୁର ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ହାପ୍ତାରେୟାଃ ପାହିଲ୍ଲା ହୁଲ୍ଲାଙ୍ଗ୍ ସେତାଃ ଜଦାନ୍ ନୁବାଃ ତାଇକେନ୍ ଜମ୍ବତା ମାଗଦାଲିନି ମାରିୟାମ୍ ତପାଗାଡ଼ା ଠାୟାଦ୍ତେ ହିଜୁଃକେଦ୍ତେ ପୁରାଃ ମାରାଙ୍ଗ୍ ଦିରିକେ ତପାଗାଡ଼ା ଠାୟାଦ୍ତେ ଆତମ୍କାନ୍ ନେଲ୍ଲକେଦାଃଏ । ୨ ଏନ୍ତେ ଜନିଃ ନିରକେଦ୍ତେ ଶିମୋନ୍ ପାଦ୍ରାସ୍ ଆତଃ ଯୀଶୁ ଦୁଲ୍ଲାଡ଼ିତାନ୍ ଏନ୍ ଏଗାଃ ତେଲ୍ଲାତାଃତେ ତେବାଃୟାନା ଆତଃ ମେତାଦ୍କିନାଏ, “ଜନ୍କୁ ପ୍ରାଭୁକେ ତପାଗାଡ଼ାଏତେ ଜଦିକିୟାକ ଆତଃ କତାଃରେକ ଦହକିୟା ଏନା କାଲେ ସାରିତାନା ।”

୩ ଏନ୍ତେ ପାଦ୍ରାସ୍ ଆତଃ ଏନ୍ ଏଗାଃ ତେଲ୍ଲା ଅତଃଫୟାନ୍ତେ ତପାଠାୟାଦ୍ତେ ସେନଃୟାନାକିନ୍ । ୪ ଆତଃ ଏନ୍ ବାରାନ୍କିନ୍ ମିଦ୍ତେକିନ୍ ନିରକେଦାଃ ମେନ୍ଦ୍ ଏଗାଃ ତେଲ୍ଲା ପାଦ୍ରାସ୍ତକେ ନିରବୀକେଦ୍ତେ ସିଦାରେ ତପାଠାୟାଦ୍ତେ ସେଟେରୁୟାନାଏ । ୫ ଆତଃ ଜନିଃ ଉଙ୍ଗ୍ଦକେଦ୍ତେ ପାଦ୍ରାଲ୍ ଲିଜାଃ ଏସ୍କାନ୍ ଦହକାନ୍ତେୟାଃ ନେଲ୍ଲକେଦାଏ ମେନ୍ଦ୍ କାଏ ବଲ୍ଲୟାନା । ୬ ଏନ୍ତେ ଶିମୋନ୍ ପାଦ୍ରାସ୍ ଜନିୟାଃ ତାୟମ୍ତେ ସେଟେରୁୟାନାଏ ଆତଃ ତପାଠାୟାଦ୍ତେ ବଲ୍ଲକେଦ୍ତେ ଏନ୍ ପାଦ୍ରାଲ୍ ଲିଜାଃ ଉୟୁଗାକାନ୍ ନେଲ୍ଲକେଦାଏ । ୭ ଆତଃ ଯୀଶୁଆଃ ବହଃରେ ତଲ୍ଲବିହୁରାକାନ୍ ଲିଜାଃ ଏନ୍ ପାଦ୍ରାଲ୍ ଲିଜାଃଲଃ କା ତାଇକେନା ମେନ୍ଦ୍ ଏଗାଃରେ ପୋଟମାକାନ୍ ତାଇକେନା । ୮ ଏନ୍ତେ ସିଦାରେ ତପାଠାୟାଦ୍ତାଃ ସେଟେରୁୟାନ୍ ଏନ୍ ଏଗାଃ ତେଲ୍ଲାହ ବଲ୍ଲୟାନାଏ, ଆତଃ ଜନିଃ ନେଲ୍ଲକେଦ୍ତେ ବିଶ୍ୱସ୍ତକେଦାଃଏ । ୯ ଜନିଃକେ ଗଏଃକାନ୍କଏତେ ଜାତ୍ତବିଦ୍ ଲାଗାଡ଼ିଙ୍ଗ୍ୟାଃ, ଧାରାମ୍ପୁଥିରେ ଅଲ୍ଲକାନ୍ ନେ କାଜିକେ, ଜନ୍କୁ ଜମ୍ବତାଜାକେଦ୍ କାକ ଆଦ୍ବକାତ୍ତେରୁମେଁ ତାଇକେନା । ୧୦ ଏନ୍ତେ ଏନ୍ ବାରାନ୍ ତେଲ୍ଲକିନ୍ ଆକିନାଃ ଅଡ଼ାଃତେ ରୁହାଡ଼ୟାନାକିନ୍ ।

ୟୀଶୁ ମାଗବଲ୍ଲାରେନ୍ ମାରିୟାମ୍ତାଃରେ ଉଦୁବେନ୍ୟାନାଏ

(ମାଥୁର ୨୮:୯-୧୦; ମାର୍କ ୧୬:୯-୧୧)

୧୧ ମେନ୍ଦ୍ ମାରିୟାମ୍ ରାଆଃତାନ୍ଲଃ ତପାଠାୟାଦ୍ତାଃରେ ତିଙ୍ଗ୍ଆକାନାଏ ତାଇକେନା । ତିମ୍ତାଙ୍ଗ୍ ରାଆଃତାନ୍ଲଃ ତପାଠାୟାଦ୍ ଭିତାତ୍ତେ ଉଙ୍ଗ୍ଦକେଦ୍ତେ ନେଲ୍ଲକେଦାଃଏ, ୧୨ ଜମ୍ବତା ପୁଣି ଲିଜାଃ ତୁସ୍ତାଙ୍ଗ୍ଆକାନ୍ ବାରିଆ ଦୁଡ୍ଦକିନ୍ ଯୀଶୁଆଃ ହତ୍ତମ୍ ଦହକାନ୍ ଠାୟାଦ୍ତେ ଦୁବାକାନ୍ ନେଲ୍ଲକେଦ୍କିନାଏ,

☆ ୧୯:୩୭ ୧୯:୩୭ ଉନ୍ଦୁବ୍ କାଜି ୧.୭. ☆ ୧୯:୩୯ ୧୯:୩୯ ଯୋହାନ୍ ୩:୧.୨.

ମିଆଁଦିନିଃ ବହୁଃସାଃରେ ଆତଃ ମିଆଁଦିନିଃ କାଟାସାଃରେ । ୧୩ ଆତଃ ଇନ୍ଦକିନ୍ କୁଲିକିୟାଃକିନ୍, “ଏ ମାଲ୍, ତିନାଃ ମେନ୍ତେମ୍ ରାଆଃ ତାନା ?” ଇନିଃ ଇନ୍ଦକିନ୍କେ କାଜିକିୟାଦକିନାଏ, “ଇନ୍କୁ ଆଇଁୟାଃ ପ୍ରାଭୁକେ ଇଦିକିୟାଃକ ଆତଃ ଇନିଃକେ ଅକ୍ତାଃରେ ଦହକିୟାଃକ ଏନା କାଲ୍ଜାଃ ସାରିତାନା ।”

୧୪ ଏନ୍ତେ ନେଆଁ କାଜିକେଦ୍ଦି ଇନିଃ ଦୟାସାଃତେ ହେତାକେଦାଏ ଆତଃ ଯୀଶୁକେ ତିଜୁଆକାନ୍ ନେଲ୍କିୟାଏ, ମେନ୍ଦ୍ ଇନିଃ ଯୀଶୁ ତାନିଃ ମେନ୍ତେ କାଏ ସାରିକେଦାଃ । ୧୫ ଯୀଶୁ ଇନିଃକେ କାଜିକିୟାଏ, “ଏ ମାଲ୍, ଆମ୍ ତିନାଃ ମେନ୍ତେ ରାଆଃତାନାମ୍ ? ଆତଃ ଅକ୍ତାଏକେ ଦାଣ୍ଠାବାଡ଼ା ତାନାମ୍ ?” ଏନ୍ କୁଡ଼ି ଯୀଶୁକେ ବାଖଡ଼ିରେନ୍ ମାଲିହଡ଼ ତାନିଃ ମେନ୍ତେ ଆବ୍କାଃକେଦ୍ଦେ, କାଜିକିୟାଏ, “ହେ ଗମ୍ବେ, ଆମ୍ ଇନିଃକେ ଇଦିକାଲ୍ରେଦ୍ ଇନିଃକେ ଅକ୍ତାଃରେମ୍ ଦହକିୟା ଏନା ଉଦୁବାଇଙ୍ଗମ୍ ଆତଃ ଆଇଙ୍ଗ୍ ଇନିଃକେ ଇଦିକିୟାଇଙ୍ଗ୍ ।” ୧୬ ଯୀଶୁ ଇନିଃକେ କାଜିକିୟାଏ, “ଏ ମାରିୟାମ୍,” ଇନିଃ ହେତାରୁହାଡ଼କେଦ୍ଦେ ଏନ୍ୱି ଜାଗାଃରେ କାଜିକିୟାଏ, “ରାବ୍ବୁନି” ନେୟାଃରାଃ ମୁଣ୍ଡି “ହେ ଗୁର୍” । ୧୭ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍କେ ଆଲମ୍ ସାବାକାଲ୍ଜାଃ, ତିୟାଃତି ଆଇଙ୍ଗ୍ଦ ନାହାଃ ଜାକେଦ୍ ଆପୁଇଙ୍ଗ୍ତାଃତେ ଆଉରି ସେନ୍ରୁହାଡ଼ାଇଙ୍ଗ୍ । ମେନ୍ଦ୍ ହାଗାଲ୍ଜାଃତେକତାଃ ସେନ୍କେଦ୍ଦେ କାଜିକିୟାକେ, “ଆଇଙ୍ଗ୍ ଆଇଁୟାଃ ଆପୁ ଆତଃ ଇନ୍ଦକୁଆଃ ଆପୁ, ଆଇଁୟାଃ ପାର୍ମେଗ୍ବାର୍ ଆତଃ ଇନ୍ଦକୁଆଃ ପାର୍ମେଗ୍ବାର୍ ତାଃତେଇଙ୍ଗ୍ ସେନ୍ରୁହାଡ଼ତାନା ।” ୧୮ ଆତଃ ମାଗ୍ବାଲିନି ମାରିୟାମ୍ ସେନ୍କେଦ୍ଦେ ଚେଲ୍ଲାକେ ମେତାଦକଆଏ, “ଆଇଙ୍ଗ୍ ପ୍ରାଭୁକେ ନେଲ୍ଲାକାଲ୍ୟାଇଙ୍ଗ୍, ଆତଃ ଇନିଃ ନେ କାଜିକି ଆଇଙ୍ଗ୍କେ କାଜିକାଦିୟାଏ ।”

ୟୀଶୁ ଆୟାଃ ଚେଲ୍ଲକତାଃରେ ଉଦୁବେନ୍ୟାନା

(ମାଥୁର ୨୮:୧୬-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ହାପ୍ରାରେୟାଃ ପାହିଲା ହୁଲ୍ଲାଜ୍ ଆୟୁବଃତାନ୍ ଇମ୍ତା ଯିହୁଦୀକଆଃ ବରତେ ଚେଲ୍ଲକ ହୁଣ୍ଡିୟାନାକ ଆତଃ ମିଆଁଦ୍ ଅଡ଼ାଃରେ ଦୁଆର୍ ହାଣ୍ଡେଦକେଦ୍ଦେ ତାଇକେନାକ, ଇମ୍ତା ଯୀଶୁ ହିଜୁଃକେଦ୍ଦେ ଆକଆଃ ଆଲାରେ ତିଜୁୟାନାଏ ଆତଃ ମେତାଦକଆଏ, “ଆପେରେ ଜୀଉସୁକୁ ହବାଅଃକା ।” ୨୦ ଇନିଃ ନେଆଁ କାଜିକେଦ୍ଦି ଇନ୍ଦକୁକେ ଆୟାଃ ତିଃଇକେ ଆତଃ ଆୟାଃ ସାଡ଼େଜାଙ୍ଗ୍କେ ଉଦୁବାଦକଆଏ । ଏନ୍ତେ ଚେଲ୍ଲକ ପ୍ରାଭୁକେ ନେଲ୍ଲକେଦ୍ଦେ ପୁରାଃଗି ରାସକାୟାନାକ । ୨୧ ଯୀଶୁ ଆତଃଗି କାଜିକିୟାଦକଆଏ, “ଆପେରେ ଜୀଉସୁକୁ ତାଇନ୍ଦକା, ଆପୁଇଙ୍ଗ୍ କୁଲ୍ଲକାଲ୍ଜାଃ ଲେକା ଆଇଙ୍ଗ୍ହ ଆପେକେ କୁଲ୍ଲପେତାନାଇଙ୍ଗ୍ ।” ୨୨ ଇନିଃ ନେଆଁ କାଜିକେଦ୍ଦି ଇନ୍ଦକୁଆଃ ଚେତାନ୍ରେ ଅମ୍ବକେଦାଃଏ, ଆତଃ “ନେ ପାବିତାର୍ ଆମ୍ବାକେ ତେଲ୍ଲାଇପେ ମେତାଦକଆଏ । ୨୩ ଆପେ ହଡ଼କଆଃ ପାପ୍ ଛାମାକରେଦ୍ ଇନ୍ଦକୁଆଃ ପାପ୍ ଛାମାଃଃ, ଆପେ କାପେ ଛାମାକରେଦ୍ ଇନ୍ଦକୁଆଃ ପାପ୍ କା ଛାମାଃଃ ।”

ୟୀଶୁ ଆତଃ ଥୋମା

୨୪ ଦିଦୁମ୍ କାଜିକିୟାତାନ୍ ଥୋମା ଗେଲ୍ବାର୍ ଚେଲ୍ଲକଏତେ ମିହୁଡ଼୍ ତାଇକେନାଏ । ଇନିଃ ଯୀଶୁ ହିଜୁଃଲେନ୍ ଇମ୍ତା ଚେଲ୍ଲକଲଃ କାଏ ତାଇକେନା । ୨୫ ଏନ୍ତେ ଏଟାଃ ଚେଲ୍ଲକ ଇନିଃକେ କାଜିକିୟାଃକ, “ଆଲେ ପ୍ରାଭୁକେ, ନେଲ୍ଲକାଲ୍ୟାଃରେଲ୍ ।” ମେନ୍ଦ୍ ଇନିଃ ଇନ୍ଦକୁକେ କାଜିକିୟାଦକଆଏ, “ଇନିୟାଃ ତିଃଇରେ କିଲ୍ଲାରେୟାଃ ଚିଙ୍ଗାଁ କାଲ୍ଜାଃ ନେନେଲ୍ ଜାକେଦ୍ ଆତଃ ଆଇଁୟାଃ ସାଃସାଃରେ କିଲ୍ଲାରେୟାଃ ଚିଙ୍ଗାଁକେ କାଲ୍ଜାଃ ଜୁଟିଦେ ଜାକେଦ୍ ଆତଃ ତିଃଇତେ ଇନିୟାଃ ସାଡ଼େଜାଙ୍ଗ୍ରେ କାଲ୍ଜାଃ ଜୁଟିଦେ ଜାକେଦ୍ କାଲ୍ଜାଃ ବିଶ୍ବାସେୟା ।” ୨୬ ମିଦ୍ ହାପ୍ରା ତାୟମ୍ତେ ଇନିୟାଃ ଚେଲ୍ଲକ ଆତଃଗି ଅଡ଼ାଃରେକ ତାଇକେନା ଆତଃ ଥୋମା ଇନ୍ଦକୁଲଃ ତାଇକେନାଏ, ଦୁଆର୍ ହାଣ୍ଡେଦକାନ୍ ତାଇକେନ୍ରେୟ ଯୀଶୁ ହିଜୁଃୟାନାଏ ଆତଃ ଆଲାରେ ତିଜୁକେଦ୍ଦେ କାଜିକିୟାଦକଆଏ, “ଆପେରେ ଜୀଉସୁକୁ ତାଇନ୍ଦକା ।” ୨୭ ଏନ୍ତେ ଇନିଃ ଥୋମାକେ କାଜିକିୟାଏ, “ଆମାଃ ସାଃସାଃଲଃ ଜୁଟିଦେମ୍ ଆତଃ ଆଇଁୟାଃ ତିଃଇ ନେଲେମେ, ଆତଃ ତିଃଇତାମାଃ ଜିଲ୍ଲିଙ୍ଗ୍ମେମେ ଆତଃ ସାଡ଼େଜାଙ୍ଗ୍ତାଃରେ ଜୁଟିଜେମ୍, କା ବିଶ୍ବାସେନିଃଦ କାହା ମେନ୍ଦ୍ ବିଶ୍ବାସେନିଃ ହବାଅଃମେମ୍ ।”

୨୮ ଥୋମା କାଜିରୁହାଡ଼କିୟାଏ, “ଆଇଁୟାଃ ପ୍ରାଭୁ ଆତଃ ଆଇଁୟାଃ ପାର୍ମେଗ୍ବାର୍ ।”

୨୯ ଯୀଶୁ କାଜିକିୟାଏ, “ଏ ଥୋମା, ଆମ୍ ଆଇଙ୍ଗ୍କେ ନେଲ୍ଲକେଦ୍ଦେମ୍ ବିଶ୍ବାସୀଙ୍ଗ୍ତାନା, ମେନ୍ଦ୍ କା ନେଲ୍ଲକେଦ୍ଦେ ବିଶ୍ବାସତାନ୍କ ସୁକୁତାନ୍ରିୟାଃ ।”

ନେ ପୁଅରାଃ ଅନଲ୍କାଜି

୨୦:୨୩ ୨୦:୨୩ ମାଥୁର ୧୬:୧୯; ୧୮:୧୮

୩୦ ଯୀଶୁ ଚେଲାକଥାଃ ସାମନାଙ୍ଗରେ ନେ'ଲେକା ପୁରାଃ ଏଗାଃ ପେଡ଼େୟାନ୍ କାମିକ କାମିକେଦାଃଏ । ଏନା ସବେନ୍ ନେ ପୁଅରେ କା ଅଲ୍ଲାନା । ୩୧ ମେନ୍ଦ ଯୀଶୁ ପାଡ଼ମେଶ୍ୱାଡ଼ଆଃ ହନ୍ ମାସି ତାନିଃ, ନେୟାପେ ବିଶ୍ୱାସେକା ଆତଃ ନେଆଁ ବିଶ୍ୱାସକେଦତେ ଜନିୟାଃ ନୁହୁମତେ ଆପେ ଜୀଦାନପେ ନାମେକା ମେନ୍ତେ ନେଆଁରେ ଅଲ୍ଲାନା ।

୨୧

ୟୀଶୁ ସାଡ଼ଝାନ୍ ଚେଲାକତାଃରେ ଉଦୁବେନ୍ତାନାଏ

୧ ଏନ୍ ତାୟମତେ ଯୀଶୁ ଆତଃମିସା ଡିବିରିୟା ଦରେୟା ଗେନାରେ ଆୟାଃ ଚେଲାକତାଃରେ ଉଦୁବେନ୍ତାନାଏ । ନେୟାଁ ନେ ଲେକା ହବାଲେନା : ୨ ଶିମୋନ୍ ପାଡ଼ରାସ୍ ଆତଃ ଦିହୁମ୍ କାଜିୟଃତାନ୍ ଥୋମା ଆତଃ ଗାଲିଲ୍ରେୟାଃ କାନା ହାଡ଼ରେନ୍ ନିଥୁନିୟେଲ୍ ଆତଃ ଜେବଦୀୟାଃ ବାରାନ୍ ହନ୍କିନ୍ ଆତଃ ଜନିୟାଃ ଚେଲାକଏତେ ଆତଃ ବାରହଡ଼୍ ମିଦତାଃରେକ ତାଇକେନା । ୩ ଆତଃ ଶିମୋନ୍ ପାଡ଼ରାସ୍ ଜନକୁକେ ମେତାଦକଆଏ, “ଆଇଙ୍ଗ୍ ହାକୁ ସାବନାଙ୍ଗ ସେନଃତାନାଇଙ୍ଗ୍ ।” ଜନକୁ ଜନିଃକେ କାଜିକିୟାଃକ, “ଆଲେୟ ଆମାଃଲଃ ସେନାଲେ,” ଜନକୁ ଅତଙ୍ଗୟାନ୍ତେ ଲାଉକାରେକ ଦେଏଃୟାନା, ମେନ୍ଦ ଏନ୍ ନିଦାରେ ଜାଲୋମତେ ହାକୁ କାକ ସାବ୍ ଦାଡ଼ିୟାନ । ୪ ଆତଃ ଆଙ୍ଗୟାନ୍ତି ଯୀଶୁ ଦରେୟା ଗେନାରେ ଡିଙ୍ଗ୍ୟାନାଏ, ହଲେହିଁ ଚେଲାକ ନିଃ ଯୀଶୁ ତାନିଃ ମେନ୍ତେ କାକ ସାରିତାନ୍ ତାଇକେନା । ୫ ଏନ୍ତେ ଯୀଶୁ ଜନକୁକେ କାଜିୟାଦକଆଏ, “ହେ ଦୁଲ୍ଲାଡ଼୍ ହନ୍କ ଚିୟାଃ ଆପେତାଃରେ ହାକୁ ମେନାକଆ ?” ଜନକୁ “କାହା” ମେନ୍ତେ କାଜିରୁହାଡ଼ିକିୟାକ ।

୬ ଯୀଶୁ ଜନକୁକେ କାଜିୟାଦକଆ, “ଲାଉକାରାଃ ଜମସାଃତେ ଜାଲୋମକେ ହୁଦମାଏପେ, ଏନାରେ ଆପେ ହାକୁ ନାମକଆପେ ।” ଏନ୍ତେ ଜନକୁ ଜାଲୋମକେ ହୁଦମାକେଦତେ ପୁରାଃ ହାକୁକ ନାମକେଦକଆ, ମେନ୍ଦ ପୁରାଃ ପେଡ଼େଃତେ ଆଇଜକେଦରେୟ କାକ ଆଇଜ ଦାଡ଼ିୟାନା ।

୭ ଏନ୍ତେ ଯୀଶୁ ଅକନ୍ ଚେଲାକେ ଦୁଲ୍ଲାଡ଼ିତାନ୍ ତାଇକେନାଏ, ଜନିଃ ପାଡ଼ରାସ୍କେ କାଜିକିୟାଏ, “ନିଃଦ ପ୍ରାଭୁ ତାନିଃ ।” ନିଃଦ ପ୍ରାଭୁ ତାନିଃ ନେଆଁ ଆୟୁମକେଦତେ ଶିମୋନ୍ ପାଡ଼ରାସ୍, ସାମା ହଡ଼ମ୍ ତାଇକେନ୍ଦହରାତେ ମାୟାଙ୍ଗରେ ଲିଜାଃ ପାଟେୟାନ୍ତି ଦରେୟାରେ ତେଗାଅକେଦାଏ । ୮ ମେନ୍ଦ ଏଗାଃ ଚେଲାକ ହାକୁତେ ପେରେଜାକାନ୍ ଜାଲୋମ୍ ଆଇଜକେଦତେ ହୁଡ଼ିଙ୍ଗ୍ ଲାଉକାତେକ ହିନ୍ଦୁୟାନା, ଚିୟାଃତି ଜନକୁଦ ଦରେୟା ଗେନାଏତେ ପୁରାଃ ସାଜିନ୍ରେଦ କାହା, ମେନ୍ଦ ଦୁଇଶହାଡ଼ ଲେକା ସାଜିନ୍ରେ ତାଇକେନାକ । ୯ ଆତଃ ଜନକୁ ଦରେୟା ଖାଉଣ୍ରେ ଆଡ଼ଗୁକେଦତେ ଆଙ୍ଗରାସେଙ୍ଗେଲ୍ରେ ହାକୁ ରାପାଃକାନ୍ ଆତଃ ହଲଙ୍ଗ୍ ମାଣ୍ଡାଖାକାନ୍ ନେଲ୍କେଦାଃକ । ୧୦ ଆତଃ ଯୀଶୁ ଜନକୁକେ କାଜିୟାଦକଆଏ, “ନାହାଁଃ ଆପେ ସାବାକାଦ୍ ହାକୁକଏତେ କାଟିଃଲେକା ଆଉକ୍ତପେ ।”

୧୧ ଶିମୋନ୍ ପାଡ଼ରାସ୍ ସେନଃୟାନ୍ତେ ୧୫୩ ଠୁ ମାପୁରାଙ୍ଗ୍ ହାକୁତେ ପେରେଜାକାନ୍ ଜାଲୋମକେ ଦରେୟା ଖାଉଣ୍ରେ ଆଇଜ୍ ଆଉକେଦାଃଏ । ନିମିନ୍ ହାକୁକ ତାଇକେନ୍ଦରେୟ ଜାଲୋମ୍ କା ଚଟାଃୟାନା । ୧୨ ଯୀଶୁ କାଜିୟାଦକଆଏ, “ହିନ୍ଦୁଃପେ ଆତଃ ଜମେପେ ।” ମେନ୍ଦ “ଆମ ଅକଏ ତାନମେ ?” ମେନ୍ତେ ଜନିଃକେ କୁଲି ନାଗେନ୍ତେ ଚେଲାକଏତେ, ଜେତାଏ କାକ ପେଡ଼େଃକେଦାଃ, ଚିୟାଃତି ଜନକୁଦ ନିଃ ପ୍ରାଭୁ ତାନିଃ ମେନ୍ତେ ସାରିତାନ୍ ତାଇକେନାକ । ୧୩ ଏନ୍ତେ ଯୀଶୁ ହିନ୍ଦୁୟାନାଏ ଆତଃ ହଲଙ୍ଗ୍ ଆଉକେଦତେ ଜନକୁକେ ଏମାଦକଆଏ, ଆତଃ ଏନ୍ ଲେକା ହାକୁ ହରି ଏମାଦକଆଏ ।

୧୪ ନେୟାଁଲଃ ଆପିସା, ଯୀଶୁ ଗଏଃକାନକଏତେ ଜାଉବିରିଦକେଦତେ ଆୟାଃ ଚେଲାକତାଃରେ ଉଦୁବେନ୍ତାନାଏ ।

ୟୀଶୁ ଆତଃ ପାଡ଼ରାସ୍

୧୫ ଏନ୍ତେ ଜନକୁ ଜମକେଦ ତାୟମତେ ଯୀଶୁ ଶିମୋନ୍ ପାଡ଼ରାସ୍କେ କୁଲିକିୟାଏ, “ଏ ଯୋହାନ୍ଆଃ ହନ୍ ଶିମୋନ୍, ଚିୟାଃ ଆମ୍ ନିକୁଏତେ ଆଦକାମ୍ ଦୁଲ୍ଲାଡ଼ିଙ୍ଗ୍ତାନା ?” ଜନିଃ କାଜିକିୟାଏ, “ହେରି ପ୍ରାଭୁ ଆଇଙ୍ଗ୍ ଦୁଲ୍ଲାଡ଼ିଙ୍ଗ୍ ତାନାଇଙ୍ଗ୍, ଏନା ଆମ୍ ସାରିତାନାମ୍,” ଯୀଶୁ ଜନିଃକେ ମେତାଇୟାଏ, “ଆଇଁୟାଃ ମିଣ୍ଡି ହନ୍କକେ ଗୁପିକମେ ।” ୧୬ ଯୀଶୁ ବାବ୍ସାତେ ଜନିଃକେ କୁଲିକିୟାଏ, “ଏ ଯୋହାନ୍ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍କେ ଦୁଲ୍ଲାଡ଼ିଙ୍ଗ୍ତାନାମ୍ ?” ଜନିଃ କାଜିକିୟାଏ, “ହେରି ପ୍ରାଭୁ ଆଇଙ୍ଗ୍ ଦୁଲ୍ଲାଡ଼ିଙ୍ଗ୍ ତାନାଇଙ୍ଗ୍, ଏନା ଆମ୍ ସାରିତାନାମ୍ ।” ଯୀଶୁ ମେତାଇୟାଏ, “ଆଇଁୟାଃ ମିଣ୍ଡିକକେ ଗୁପିକମେ ।” ୧୭ ଯୀଶୁ ଆପିସାତେ ଜନିଃକେ କୁଲିକିୟାଏ, “ଏ ଯୋହାନ୍ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍କେ

☆ ୨୧:୩ ୨୧:୩ ଲୁକ ୫:୫. ☆ ୨୧:୭ ୨୧:୭ ଲୁକ ୫:୬.

ଦୁଲ୍ଲାଡ଼ିଙ୍ଗତାନାମ୍ ?” ଯୀଶୁ ଆପିପାତେ ଚିୟାଃ ଆମ୍ ଦୁଲ୍ଲାଡ଼ିଙ୍ଗତାନାମ୍ ? ମେନ୍ତେ କୁଲିକିୟାଏ, ନେଆଁତେ ପାଡ଼ରାସ୍ ହୁଡ଼ିଙ୍ଗଜୀରୟାନାଏ । ଏନାତେ ପାଡ଼ରାସ୍ ମେତାଇୟାଏ, “ହେ ପ୍ରାଭୁ ଆଇଙ୍ଗ୍ ଆମ୍ କେଗି ଦୁଲ୍ଲାଡ଼ିଙ୍ଗେ ତାନାଇଙ୍ଗ୍ ଏନା ସବେନାଃ ଆମ୍ ସାରିତାନାମ୍ ।” ଯୀଶୁ କାଜିକିୟାଏ, “ମିଶ୍ରି ତାଇୟାଃକକେ ଗୁପିକମେ ।”

୧୮ ଆଇଙ୍ଗ୍ ସାର୍ଡିଗି କାଜିୟାମେ ତାନାଇଙ୍ଗ୍, “ଆମ୍ ସେପେଡେଦ୍ ତାଇକେନ୍ରେ ଆମ୍ ସେକାଡ଼କେଦ୍ତେ ଆମାଃ ସାନାଙ୍ଗଲେକା ଜାହାତାଃଗି ସେନଃତାନ୍ ତାଇକେନାମ୍ ମେନ୍ଦ୍ ହାଡ଼ାମ୍ ଇମ୍ତା ଆମାଃ ତିଃଇ ଜିଲିଙ୍ଗ୍ୟେଆମ୍ ଆତଃ ଏଗାଃନିଃ ଆମାଃ ମାୟାଙ୍ଗ୍ ତଲେୟାଏ ଆତଃ ଆମ୍ କାମ୍ ସାନାଙ୍ଗତାଃତେ ଇଦିମେୟାଏ ।” ୧୯ ପାଡ଼ରାସ୍ ଚିଲ୍ଲକା ଆୟାଃ ଗନ୍ଏଃ ହରାତେ ପାର୍ମେଶ୍ୱାର୍ କେ ମାନାରାଙ୍ଗ୍ ଚିକାଇୟାଏ, ଏନାରେୟାଃ ଇସାରା ଏମ୍ କେଦ୍ତେ ଯୀଶୁ ଏନା କାଜିକେଦାଏ । ଏନ୍ତେ ଇନିଃ “ଅତଙ୍ଗ୍ ଇଙ୍ଗମେ” ମେନ୍ତେ ପାଡ଼ରାସ୍ କେ କାଜିକିୟା ।

ୟୀଶୁ ଆତଃ ଏଗାଃ ଚେଲାକ

୨୦ *ପାଡ଼ରାସ୍ ହେତାରୁହାଡ଼କେଦ୍ତେ, ଏଗାଃ ଚେଲାକେ ଦୟାହରା ହିଜୁଃତାନ୍ ନେଲ୍ଲିକିୟାଏ, ଅକଏକେଚି ଯୀଶୁ ଦୁଲ୍ଲାଡ଼ିତାନ୍ ତାଇକେନାଏ, ଇନିଃ ଆୟୁବ୍ ଜମେୟାଃରେ ଯୀଶୁଆଃ କୁଡ଼ାମ୍ରେ ଚେଣ୍ଡେକେଦ୍ତେ କୁଲିକାଇତାଇନାଏ, “ହେ ପ୍ରାଭୁ, ଆମ୍ କେ ବାଇରିକଆଃ ତିଃଇରେ ସାବ୍ରିକାନିଃ ଅକଏ ତାନିଃ ?” ୨୧ ପାଡ଼ରାସ୍ ଇନିଃକେ ନେଲ୍ଲକେଦ୍ତେ ଯୀଶୁକେ କୁଲିକିୟାଏ, “ହେ ପ୍ରାଭୁ, ନିୟାଃ ବିଷାଏରେ ଚିନାଃ ମେନେତାନାମ୍ ?”

୨୨ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇୟାଃ ହିଜୁଃ ଜାକେଦ୍ ଇନିଃ ତାଇନକାଏ ମେନ୍ତେ ଆଇଙ୍ଗ୍ ସାନାଙ୍ଗତାନ୍ରେଦ୍ ଆମାଃ ଚିନାଃ ସେନଃତାନା ? ଆମ୍ ଆଇଙ୍ଗ୍ କେ ଅତଙ୍ଗ୍ ଇଙ୍ଗମେ ।”

୨୩ ଏନାତେ ନେ ଚେଲା କାଏ ଗଜଃଆ ମେନ୍ତେ ହାଗାକତାଃରେ କାଜି ନିଡିରୁୟାନା*, ମେନ୍ଦ୍ ଇନିଃ କାଏ ଗଜଃଆ ମେନ୍ତେ ଯୀଶୁ କାଏ କାଜିକାଦ୍ତାଇନା, ଇନିଃ ଆଇଙ୍ଗ୍ ହିଜୁଃ ଜାକେଦ୍ ତାଇନଃକାଏ ନେଆଁ ଆଇଙ୍ଗ୍ ସାନାଙ୍ଗରେଦ୍ ଆମାଃ ଚିନାଃ ଚିକାଅଃଆ ? ମେନ୍ତେ କାଜିକାଦ୍ତାଇନାଏ ।

୨୪ ନେ କାଜିକରାଃ ଗାଃ ଏମେତାନ୍ ଆତଃ ନେ କାଜିକ ଅଲ୍ଲାକାଦ୍ ଚେଲା ନିଃଗି ତାନିଃ ଆତଃ ନିୟାଃ କାଜିତେୟାଃ ସାର୍ଡିଗିୟାଃ ନେୟାଁରୁ ସାରିତାନା ।

ସୁକୁ କାଜିରେୟାଃ ରୁଶ୍ଟୁ

୨୫ ଯୀଶୁ କାମିକାଦ୍ କାଜିକାମିକ ପୁରାଃଗିୟା, ଏନା ମିମିଆଦ୍ତେ ଅଲେରେଦ୍ ଅକଏସାରି ଏନ୍ ଅନଲ୍ ପୁଅକ୍ ଅତେଦିଶ୍ୱମ୍ରେ ଦହ ନାଗେନ୍ତେ ଠାୟାଦ୍ କା ହବାଅଃତେୟାଃ ନେଆଁ ଆଇଙ୍ଗ୍ ଆବ୍ କାରେତାନା ।

ପ୍ରେରିତମାନଙ୍କ କାର୍ଯ୍ୟର ବିବରଣୀ ପ୍ରେରିତ୍‌କଥାଃ କାମି ପାରିଚାଏ

ପ୍ରେରିତ୍ ପୁଅ ଲୁକ୍‌ଆଃ ହରାତେ ଅଲ୍ଲାକାନା, ଅକ୍‌ଏଚି ଲୁକ୍ ଅଲ୍ଲାକାନ୍ ସୁକୁକାଜିକେହ୍‌ଚି ଅଲ୍ଲାକାଦାଏ । ଇନିଃ ମିହୁଡ୍ ବାଇଡ୍ ତାଇକେନାଏ ଆତଃ ବେଗାଡ୍ ଭୁଲ୍‌ତେ ଅନଲ୍‌ରେ ପୁରାଃଚି ଚିହ୍ନୁଲ୍‌ନିଃ ତାନିଃ । ଇନିଃ ଲୁକ୍ ସୁକୁକାଜି ଆତଃ ପ୍ରେରିତ୍, ନେ ବାରାନ୍ ପୁଅରେ ଦୁଲ୍‌ାଡ୍ ଥୁୟଫିଲ୍‌ସକେ ଉଦୁବିତାନା । ଇନିଃ ମିହୁଡ୍ ଗ୍ରୀକ୍ ହଡ୍ ତାଇକେନାଏ । ଇନିୟାଃ ପୁଅକ୍ ଗ୍ରୀକ୍ ଆତଃ ଯିହୁଦୀ ହଡ୍‌କ ନାଗେନ୍ତେ ଅଲ୍ଲାକାନ୍ ତାଇକେନା ପ୍ରେରିତ୍ ୧:୧ ।

ହବାସାକାଅଥାଃ ପ୍ରେରିତ୍ ପୁଅ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୬୦-୬୪ କରେ ଅଲ୍ଲାକାନ୍ ତାଇକେନା, ଚିୟାଃଚି ପାଉଲ୍‌ସ୍‌ଆଃ ଜେହେଲ୍‌ ତନଲ୍‌ଏତେ ରାଡ଼ାଃଅ ସିଦାରେ ପ୍ରେରିତ୍ ପୁଅରାଃ ଅନଲ୍‌ ଚାବାକାନ୍ ତାଇକେନା । ଲୁକ୍‌ହଚି ପ୍ରେରିତ୍ ପାଉଲ୍‌ସ୍‌ଲଃ ହରାସେନ୍ ତାଇକେନାଏ, ଏନାତେ ନେ ପୁଅ ଆନ୍ତିୟୋଖ୍‌ଏତେ ଅଲ୍ଲାକାନ୍‌ଚିୟାଃ ମେନ୍ତେ ଚିମିନ୍ ହଡ୍‌କ କାଜିୟାଃ । ପ୍ରେରିତ୍ ପୁଅ ହବାଅଃତାନା କାଲିସିୟାରାଃ ଏନେଚେଦ୍ । ପ୍ରେରିତ୍ ପୁଅ, ଲୁକ୍ ଅଲ୍ଲାକାନ୍ ସୁକୁକାଜିଏତେଚି ଅଲ୍‌ଆଉକାନା ମେନ୍ତେ କାଜିଲେରେୟ ଠାଉକାରିୟା, ଚିଆଃଚି ସୁକୁକାଜିରେ ଲୁକ୍ ପ୍ରାଭୁ ଯୀଶୁଆଃ କାମିକେ ଉଦୁବକେଦ୍ ତାୟମ୍‌ତେ, ନେ ପୁଅରେ ପ୍ରାଭୁଆଃ ଏନ୍ କାମିକେଚି ଯୀଶୁଆଃ ସିମ୍‌ରାକାଦ୍ ତାୟମ୍‌ତେ ଚେଲ୍‌କା ପାବିତାର୍ ଆମ୍‌ଲଃ ପେରେଃୟାନାକ ଆତଃ ଚିଲ୍‌କା ଯୀରୁଶାଲେମ୍‌ଏତେ, ଯିହୁଦୀ, ଶିମିରୋନ୍, ଆତଃ ଏନାଏତେ ବାହାରି ଦିଶ୍‌ମ୍‌କରେ ସୁକୁକାଜି ନିତିର୍‌ୟାନା, ଏନା ନେ ପୁଅରେ ଅଲ୍ଲାକାନା ପ୍ରେରିତ୍ ୧:୮ ।

ଇନିଃ ଥୁୟଫିଲ୍‌ସକେ ଆତଃ ବିଶ୍‌ସ୍‌ରେ ହାରା ଇଦିୟଃତାନ୍ ଖ୍ରୀଷ୍ଟିୟାନ୍ ହାଗାକକେ ଚିହ୍ନୁଲଃ ନାଗେନ୍ତେ ଉସ୍‌କୁଚ୍‌କତାନା । ଯୀଶୁ ଖ୍ରୀଷ୍ଟ୍‌ଆଃ ଜୀଦାନ୍ ବିଷାଏରେ ଆତଃ ପାସ୍‌ରାଅ ଇଦିୟଃତାନ୍ ଖ୍ରୀଷ୍ଟ୍ ବିଶ୍‌ସାକଆଃ ଜୀଦାନ୍ ବିଷାଏରେ କାଜିକାଦା । ପ୍ରେରିତ୍ ଚିଟାଉରେ ଏନେଚେଦ୍‌ରେନ୍ କାଲିସିୟାକ ଖ୍ରୀଷ୍ଟ୍‌ତାଃରେ ଚିଲ୍‌କା ବିଶ୍‌ସ୍‌ ତାଇକେନାକ, ଏନାରେୟାଃ ନାମ୍‌ନା ଆବୁକେ ଉଦୁବେତାନା । ପ୍ରେରିତ୍‌କଥାଃ ନାମ୍‌ନା ହରାତେ ଆବୁ ଆବ୍‌କାଡ୍ ଦାଡ଼ିୟାଃବୁ ଯେ, ଚିଲ୍‌କା ପାବିତାର୍ ଆମ୍‌ତାଃରେ ଆସ୍‌ବାକେଦ୍‌ତେ ଏଗାଃକତାଃରେ ସୁକୁକାଜି ନିତିର୍‌ ଦାଡ଼ିୟାଃଆ ।

ପୁଅ ଭିତାରେ ଅଲ୍ଲାକାନ୍ କାଜି

- ୧. ପାବିତାର୍ ଆମ୍‌ରାଃ ହିନିକ୍‌ଠା ଆତଃ କାଲିସିୟାରାଃ ପସାଇଦିୟଃ । ୧:୧-୮:୧
- ୨. କାଲିସିୟାରାଃ ସିରିଦ୍ ଆତଃ ସୁକୁକାଜିରାଃ ପସାଇଦିୟଃ । ୮:୨-୧୨:୨୩
- ୩. ପାଉଲ୍‌ସ୍‌ଆଃ ପାହିଲା ସେଝାକାମିରେ ହରାସେନ୍ । ୧୨:୨୪-୧୪:୨୮
- ୪. ଯୀରୁଶାଲେମ୍‌ରେ ମାରାଜ୍ ପାଞ୍ଚେଡ୍ । ୧୫:୧-୩୫
- ୫. ପାଉଲ୍‌ସ୍‌ଆଃ ବାନ୍‌ସାତେ ସେଝାକାମି ନାଜ୍ ହରାସେନ୍ । ୧୫:୩୬-୧୮:୨୨
- ୬. ପାଉଲ୍‌ସ୍‌ଆଃ ଆପିସାତେ ସେଝାକାମି ନାଜ୍ ହରାସେନ୍ । ୧୮:୨୩-୨୦:୩୮
- ୭. ଯୀରୁଶାଲେମ୍‌ରେ ପାଉଲ୍‌ସ୍‌ଆଃ ତନଲ୍ । ୨୧:୧-୨୬:୧-୩୨
- ୮. ପାଉଲ୍‌ସ୍‌ଆଃ ରୋମ୍‌ତେ ହରାସେନ୍ । ୨୭:୧-୨୮:୧-୩୧

ପାବିତାର୍ ଆମ୍‌କେ ଏମଃରାଃ ବାନାଡ଼ସା

୧*ହେ ଦୁଲ୍‌ାଡ୍ ଥୁୟଫିଲ୍‌ସ,

ଆଇଜ୍ ଆଇୟାଃ ପାହିଲା ଚିଟାଉ ଲୁକ୍ ପୁଅରେ ଯୀଶୁ କାମିକାଦ୍ ଆତଃ ଇଚୁକାଦ୍ ସବେନାଃ ଆୟାଃ କାମିରାଃ ଏନେଚେଦ୍‌ତାଃଏତେ ^୨ ସିମ୍‌ଦିଶ୍‌ମ୍‌ତେ ଇଦିୟଃ ହୁଲ୍‌ଜ୍ ଜାକେଦ୍ ହବାକାନ୍‌ତେୟାଃ ଅଲ୍ଲାକାଦାଇଜ୍ । ସିମ୍‌ଦିଶ୍‌ମ୍‌ତେ ଇଦିୟଃ ସିଦାରେ ଯୀଶୁ ଆୟାଃ ସାଲ୍‌କାନ୍ ପ୍ରେରିତ୍‌କକେ ପାବିତାର୍ ଆମ୍‌ରାଃ ପେଡ଼େଃତେ ଇଚୁକାଦ୍‌କ ତାଇକେନା । ^୩ ଯୀଶୁ ଆୟାଃ ଗନଏଃ ତାୟମ୍‌ତେ ପୁରାଃ ସାବୁଦ୍‌ରାଃ କାଜି ଏମ୍‌କେଦ୍‌ତେ ଇନ୍‌କୁତାଃରେ ଆଇଃକ୍‌ଚି ଜୀନିଦ୍ ମେନ୍ତେ ଉଦୁବ୍‌ୟାନା, ଆତଃ ବାନ୍‌ହିସି ମାହାଁ ଇନ୍‌କୁତାଃରେ ମିସା ମିସା ଉଦୁବ୍‌ୟାନିଚି ପାର୍‌ସେଶ୍‌ବାର୍‌ଆଃ ରାଜ୍‌ରେୟାଃ କାଜିକଏ ଉଦୁବାଦ୍‌କଆ ।

* ୧:୧ ୧:୧ ଲୁକ୍ ୧:୧-୪.

୪ *ଆତଃ ଯାଶୁ ଇନ୍କୁଲଃ ଜମତାନ୍ ତାଇକେନ୍ ଇମତା, ଇନ୍କୁକେ ନେଆଁ ଆରୁକାଦକ ତାଇକେନାଏ, ଆପେ ଯାରୁଶାଲେମ୍ ଆଲ୍ଲଦେ ବାରିୟା, ମେନ୍ଦ ଆପୁଇୟାଃ ବାନାର୍ଯା କାଜି ଆୟୁକାକାଦତେୟାଃକେ ନେଲ୍ଲହରାଏପେ । ୫ *ଚିୟାଃଚି ଯୋହାନ୍ଦ ଦାଆଃତେ ବାପୁସ୍ତା ଏମାଦକଆଏ, ମେନ୍ଦ ଆପେ ହୁଡିଙ୍ଗ୍ ମାହାଁ ତାୟମତେ ପାବିତାର୍ ଆମ୍ବାତେ ବାପୁସ୍ତାଃଃପେ ।

ୟାଶୁ ସିର୍ମାତେ ଇଦିୟାନାଏ
(ମାର୍ଚ୍ଚ ୧୭:୧୯-୨୦; ଲୁକ ୨୪:୫୦-୫୩)

୬ ମୁସିଙ୍ଗ୍ ହୁଲାଇଁ ପ୍ରେରିତ୍ୱକ ହୁଣ୍ଡିକେଦତେ ଯାଶୁକେ କୁଲିକିୟାକ, “ହେ ପ୍ରାଭୁ, ଚିୟାଃ ଆମ୍ବ ନେ ଦିପିଲିରେଗି ଇସ୍ରାଏଲକତାଃରେ ଆତଃଗି ରାଇଜ ଏମେତାନାମ୍ ?”

୭ ଯାଶୁ ଇନ୍କୁକେ ମେତାଦକଆ, “ଆପୁ ଆୟାଃ ଆଦନାଃ ପେଡେଃତେ ଦହାକାଦ୍ ନେତା ଚାଏ ଦିପିଲିକେ ସାରି ନାଗେନ୍ତେ ଆପେୟାଃ ନାଜ୍ ନାହାଁଲାଃ । ୮ *ମେନ୍ଦ ପାବିତାର୍ ଆମ୍ବା ଆପେତାଃ ହିଜୁଃରେ, ଆପେ ପେଡେଃତେ ନାମେୟା ଆତଃ ଯାରୁଶାଲେମ୍ରେ, ଗଟା ଯିହୁଦା, ଶିମିରୋନ୍ ଆତଃ ଅତେରାଃ ଚୁଣ୍ଡୁଲକେଦ୍ ଆଇୟାଃ ଗାଝାପେ ହବାଅଆଃ ।” ୯ *ଇନିଃ ନେଆଁ କାଜିକେଦ୍ଚି, ଇନ୍କୁ ଇନିଃକେ ନେଲିତାନ୍ଲଃ ଇନିଃ ସିର୍ମାତେ ଇଦିୟାନା, ଆତଃ ମିଆଁଦ୍ ରିମିଲ୍ ଇନିଃକେ ଇନ୍କୁତାଃଏତେ ଦାନାଙ୍ଗିକିୟା ।

୧୦ ଯାଶୁ ସିର୍ମାତେ ଇଦିୟାତାନ୍ ତାଇକେନ୍ରେ ଇନ୍କୁ ସିର୍ମାୟାଃ ସାଜିଲାଇକାଦ୍ ତାଇକେନ୍ ଇମତା, ବାର୍ହଡ୍ ଇମତାଗି ପୁଣ୍ଡି ଲିଜାଃ ତୁସିଙ୍ଗ୍କେଦ୍ତେ ଇନ୍କୁତାଃରେକିନ୍ ତିଙ୍ଗୁୟାନା । ୧୧ ଆତଃ କାଜିକେଦାକିନ୍, “ଏ ଗାଲିଲରେନ୍ ହଡକ, ଚିନାଃମେନ୍ତେ ସିର୍ମାୟାଃ ସାଜିଲାଇକେଦ୍ତେ ତିଙ୍ଗୁଆକାନାପେ ? ନେ ଯାଶୁଗି ଆପେତାଃଏତେ ସିର୍ମାତେ ଇଦିୟାନା । ମେନ୍ଦ ଆପେ ଇନିଃକେ ସିର୍ମାତେ ସେନଃତାନ୍ ନେଲ୍ଲକିଃ ଲେକାଗି ହିଜୁଃରୁହାଡାଏ ।”

ସିହୁଦାରାଃ ବାଦଲାରେ ମାଥୁଆସଆଃ ସାଲାଅଃ
(ମାଥୁ ୨୭:୩-୧୦)

୧୨ ଏନ୍ତେ ପ୍ରେରିତ୍ୱକ ଜାଇତୁନ୍ ନୁତୁମ୍ ବୁରୁଏତେ ଯାରୁଶାଲେମ୍ତେକ ସେନଃରୁହାଡ଼ୟାନା, ଏନା ନାଗାରୁତାଃଏତେ ମିଦ୍ କିଲୋମିଟର୍ ଲେକା ସାଜିନ୍ରେ ତାଇକେନା । ୧୩ *ଇନ୍କୁ ଯାରୁଶାଲେମ୍ ନାଗାରୁତେ ବଲୟାନାକ ଆତଃ ଆକ ତାଇନଃ ତାଇକେନ୍ ଚେତାନ୍ କୁଠାତେ ସେନଃୟାନାକ । ଏନ୍ ପ୍ରେରିତ୍ୱକଆଃ ନୁତୁମ୍ ପାଡ଼ରାଏ, ଯୋହାନ୍, ଯାକୁବ୍, ଆନ୍ଦ୍ରିୟ, ଫିଲିପ୍, ଥୋମା, ବାଥୋଲମି, ମାଥୁଡ, ଆଲ୍ଫିୟନାଃ ହନ୍ ଯାକୁବ୍, ଚିହୁଲିନିଃ ଶିମୋନ୍ ଆତଃ ଯାକୁବ୍ଆଃ ହନ୍ ଯିହୁଦା ତାଇକେନା । ୧୪ ଇନ୍କୁ ସବେନ୍ଦକ ମିଦ୍ତାଃରେ ହୁଣ୍ଡିକେଦ୍ତେ ବିନ୍ତିତାନ୍କ ତାଇକେନା ଆତଃ ଇନ୍କୁଲଃ କୁଡିକ, ଯାଶୁଆଃ ଏଙ୍ଗାତେ ମାରିୟାମ୍ ଆତଃ ଆୟାଃ ହାଗାକ ହୁଣ୍ଡିୟଃତାନ୍କ ତାଇକେନା ।

୧୫ ଚିମିନ୍ ମାହାଁ ତାୟମତେ ଲାଗଭାଗ୍ ତୁରିୟାହିସି* ବିଶ୍ୱାସୀ ହାଗାକଆଃ ସାମିଲାନ୍ ଆଲାରେ ପାଡ଼ରାଏ ତିଙ୍ଗୁକେଦ୍ତେ କାଜିକେଦା, ୧୬ “ହେ ଦୁଲାଇଡ୍ ହାଗା ମିଗିକ, ଅକନ୍ ଇଷ୍ଟାରିୟଡ୍ ଯିହୁଦା ଯାଶୁକେ ସାଦ୍ରିକାଇ ନାଗେନ୍ତେ ବାଜରିକକେ ଆୟାଡ୍ଆଡକାକ ତାଇକେନା, ଇନିୟାଃ ବିଷାଏରେ ପାଉଦ୍ ପାବିତାର୍ ଆମ୍ବାତେ ପେରେଃକେଦ୍ତେ କାଜିକାଦ୍ତେୟାଃ, ଧାରାମ୍ପୁଅରେୟାଃ କାଜି ପୁରାଅଃ ଲାଗାଡିଙ୍ଗ୍ ତାଇକେନା । ୧୭ ଚିଆଃଚି ଇଷ୍ଟାରିୟଡ୍ ଯିହୁଦା ଆବୁଆଃ ଝୁଣ୍ଡରେନ୍ ମିହୁଡ୍ ତାଇକେନାଏ ଆତଃ ଆବୁଆଃ ସେଝାକାମି ନାଗେନ୍ତେ ଇନିଃ ସାଲାକାନ୍ ତାଇକେନାଏ ।”

୧୮ *ଇଷ୍ଟାରିୟଡ୍ ଯିହୁଦାରାଃ ଏଡକାନ୍ କାମିରାଃ ନାଲାତେ ମିଆଁଦ୍ ପିଡି କିରିଙ୍ଗ୍ୟାକାନ୍ ତାଇକେନା ଆତଃ ଇନିଃ ଏନ୍ ପିଡିରେ ତାବେର୍ତେ ଉୟୁଃୟାନା ଆତଃ ଆୟାଃ ଲାହିଦ୍ ଫାଡ଼ାୟାନ୍ତେ ଏନ୍ ଭିତାର୍ରେୟାଃ ସବେନ୍ ପଟାକ ଅତଙ୍ଗୟାନା । ୧୯ ଆତଃ ଯାରୁଶାଲେମ୍ରେ ତାଇନ୍ତାନ୍ ସବେନ୍ ହଡକ ନେଆଁ ସାରିକେଦ୍ତେ, ଆକଆଃ ଜାଗାରୁତେ ଏନ୍ ପିଡିରାଃ ନୁତୁମ୍ ହକଲ୍ଦମା ମେନ୍ତେକ ନୁତୁମ୍କେଦା, ଏନାରାଃ ମୁଣ୍ଡିଦ “ମାୟୋମ୍ରାଃ ପିଡି” ତାନା ।

୨୦ ଚିୟାଃଚି ଦୁରାଙ୍ଗ୍ପୁରେ ଅଲାକାନା,
ଇନିୟାଃ ଅଡ଼ାଃ ସିଃଏଃଗି ହବାଅଃକା;

* ୧:୪ ୧:୪ ଲୁକ ୨୪:୪୯. * ୧:୫ ୧:୫ ମାଥୁ ୩:୧୧; ମାର୍ଚ୍ଚ ୧:୮; ଲୁକ ୩:୧୬; ଯୋହାନ୍ ୧:୩୩. * ୧:୬ ୧:୬ ମାଥୁ ୨୮:୧୯; ମାର୍ଚ୍ଚ ୧୭:୧୫; ଲୁକ ୨୪:୪୭,୪୮. * ୧:୭ ୧:୯ ମାର୍ଚ୍ଚ ୧୭:୧୯; ଲୁକ ୨୪:୫୦,୫୧. * ୧:୧୩ ୧:୧୩ ମାଥୁ ୧୦:୨-୪; ମାର୍ଚ୍ଚ ୩:୧୭-୧୯; ଲୁକ ୬:୧୪-୧୬. * ୧:୧୫ ୧:୧୫ ମିଦ୍ଗାଥ କୁଡିଏ * ୧:୧୮ ୧:୧୮ ମାଥୁ ୨୭:୩-୮.

ଏନାରେ ଜେତାଏ ଆଲକାକ ତାଇନଃକା ।

ନେଆଁହେ ଅଲକାନା,
ଇନିୟାଃ କାମି ଏଗାଃନିଃ ନାମେକାଏ ।

୨୧* ଏନାମେନ୍ତେ ପ୍ରାଭୁ ଯୀଶୁଆଃ ଜୀଉବିନିରିଦ୍‌ରାଃ ଗାଞ୍ଜା ହବାଅଃ ନାଗେନ୍ତେ ଆତଃମିହୁଡ୍ ଆବୁଲଃ
ମେସାଅଃ ଲାଗାତିଙ୍ଗ୍‌ୟାଃ । ୨୨ ଯୀଶୁ ଯୋହାନ୍‌ତାଃଏତେ ବାପ୍ତିସ୍ମା ହବାୟାନ୍ ହୁଲାଙ୍ଗ୍‌ତାଃଏତେ ଯୀଶୁ
ସିର୍ମାତେ ଇଦିୟଃ ହୁଲାଙ୍ଗ୍ ଜାକେଦ୍ ସବେନ୍ ଦିପିଲିରେ ପ୍ରାଭୁ ଯୀଶୁ ଆବୁଲଃ ହିଜୁଃ ସେନଃ ତାଇକେନ୍
ଇମ୍‌ତା, ଅକନ୍ ହଡ଼କ ଆବୁଆଃ ଝୁଣ୍ଡରେ ତାଇକେନାକ, ଇନ୍‌କୁଏତେ ମିହୁଡ୍‌କେ ଆବୁଲଃ ଇନିୟାଃ
ଜୀଉବିନିରିଦ୍‌ରେୟାଃ ଗାଞ୍ଜା ଏମ୍ ଲାଗାତିଙ୍ଗ୍‌ୟାଃ ।”

୨୩ ଏନାତେ ଇନ୍‌କୁ ମାଥୁଆସ୍ ଆତଃ ଯୋଷେଫ୍, ଅକଏକେଟି ବାର୍ଗବାସ୍ ମେନ୍ତେ କାଜିୟାଃକ
ଆତଃ ଜୁସ୍‌ସ୍ ମେନ୍ତେହ୍ କାଜିୟାଃକ, ନେ ବାର୍‌ହଡ଼କିନ୍‌କେ ସାଲାକେଦ୍‌କିନାକ । ୨୪ ଏନ୍ତେ ଇନ୍‌କୁ
ବିକ୍ରିତାନ୍‌ଲଃ କାଜିକେଦାକ, “ହେ ପ୍ରାଭୁ, ଆମ୍ ସବେନ୍‌କଆଃ ମନ୍‌ସୁରୁଦ୍‌ରେୟାଃ ଉଡ଼ୁ ସାରିୟାଃମେ ।
ନେ ବାର୍‌ହଡ଼କିନ୍‌ଏତେ ଆମାଃ ହରାତେ ସାଲାକାନ୍‌ନିଃ ଅକ୍‌ନିଃ ତାନିଃ ଏନା ଆଲେକେ ଉଦୁବାଲେମେ
। ୨୫ ଏନ୍ ହଡ଼ ଇଷ୍ଟାରିୟଡ଼୍ ଯିହୁଦାବାଃ ଠାୟାଦ୍‌ରେ ପ୍ରେରିତ୍ କାମି କାମିୟା ।” ୨୬ ଏନ୍ତେ ଇନ୍‌କୁ ଚିଟ୍‌ପଟ୍
ସାଲାକେଦାକ ଆତଃ ମାଥୁଆସ୍‌ଆଃ ନୁଡୁମ୍‌ରେ ଅତଙ୍ଗ୍‌ୟାନା । ଏନ୍ତେ ଇନିଃ ଗେଲ୍‌ମିଆଁଦ୍ ପ୍ରେରିତ୍‌କଲଃ
ମେସାୟାନାଏ ।

୨

ପାବିତାର୍ ଆମ୍‌ରାଃ ହିନିଜୁଃ

୧ ପେଣ୍ଟିକସ୍* ପାରାବ୍ ତେବାଃୟାନ୍‌ଟି, ସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିଆକାନ୍‌କ ତାଇକେନା
। ୨ ଇମ୍‌ତାଙ୍ଗ୍ ଦୁଦ୍‌ଗାର୍ ହୟ ହୟତାନ୍‌ଲେକା ସିର୍ମାଏତେ ସାଡ଼ି ଆୟୁମ୍‌ୟାନା ଆତଃ ଇନ୍‌କୁ ଦୁବାକାନ୍
ତାଇକେନ୍ ଗଟା ଅଡ଼ାଃରେ ପେରେୟାନ୍‌ନା । ୩ ଏନ୍ତେ ଇନ୍‌କୁ ସେଜେଲ୍ ଲେକାନ୍ ଆଲାଙ୍ଗ୍‌କ
ବିପିଙ୍ଗାଅଃତାନ୍ ନେଲ୍‌କେଦାକ ଆତଃ ଏନା ଏନ୍ତାଃରେ ତାଇକେନ୍ ମିମିଆଦ୍ ହଡ଼ରେ ଆଡ଼ଗୁୟାନା
। ୪ ଇନ୍‌କୁ ସବେନ୍‌କ ପାବିତାର୍ ଆମ୍‌ତେକ ପେରେୟାନ୍‌ନା ଆତଃ ପାବିତାର୍ ଆମ୍ ଇନ୍‌କୁକେ
ଦେଙ୍ଗାକେଦ୍‌କ ଲେକାରି ଏଗାଃ ଏଗାଃ ଜାଗାର୍‌ତେ କାଜି ଏଟେଦ୍‌କେଦାକ ।

୫ ଅତେଦିଶ୍ୱମ୍‌ରେୟାଃ ଏଗାଃ ଏଗାଃ ବିଶ୍ୱମ୍‌ଏତେ ହିଜୁଆକାନ୍ ଯିହୁଦୀ ଧାରାମାନ୍ ହଡ଼କ ଇମ୍‌ତା
ଯୀରୁଶାଲେମ୍‌ରେକ ତାଇକେନା । ୬ ଇନ୍‌କୁ ନେ ଲାବ୍‌ଜା ଆୟୁମ୍‌କେଦ୍‌ଟି, ଗାଦେଲ୍ ହଡ଼କ
ହିଜୁଃ ହୁଣ୍ଡିୟାନା ଆତଃ ସବେନ୍‌କ ଆକଆଃ ଜାଗାର୍‌ତେ ଖ୍ରୀଷ୍ଟ୍ ବିଶ୍ୱାସୀକେ କାଜିତାନ୍
ଆୟୁମ୍‌କେଦ୍‌ତେ ଆକ୍‌ତାକାଅୟାନାକ । ୭ ଆତଃ ଇନ୍‌କୁ ସବେନ୍‌କ ଆକ୍‌ଦାଦାଅୟାନା ଆତଃ
ହଏକାଟ୍‌ୟାନ୍ତେ କୁପ୍‌ଲିୟାନାକ, “ନେଲେପେ, ଚିୟାଃ ନେ ସବେନ୍ କାଜିତାନ୍ ହଡ଼କ ଗାଲିଲ୍‌ରେନ୍
ନାହାଁଲାକ ? ଠାବ୍‌ଦ୍ ଆବୁ ସବେନ୍‌କ ଚିଲ୍‌କାତେ ଇନ୍‌କୁକେ ଆବୁଆଃ ଆପ୍‌ନାଃ ଜାଗାର୍‌ତେ କାଜିତାନ୍‌ବୁ
ଆୟୁମ୍‌କତାନା ? ଠାବୁ ପାଅୟା, ମାଦିୟା, ଏଲାମିୟା, ମେସପଟାମିଆ, ଯିହୁଦା, କାପାଦକିଆ, ପନ୍ତ,
ଆତଃ ରୋମ୍ ଏସିଆରେନ୍‌କ, ୧୦ ଫ୍ରିଆ, ପାମିଲିଆ, ମିସାର୍, କୁରିନି ନାଡ଼େଃରେଆଃ ଲିବିୟାରେନ୍‌କ
ଆତଃ ରୋମିଏତେ ହିଜୁଃକାନ୍ ୧୧ ଯିହୁଦୀ ଆତଃ ଯିହୁଦୀ ଧାରାମ୍‌ରେ ମେସାକାନ୍ ସାଅଁସାର୍ ହଡ଼କ,
ଚିମିନ୍ କ୍ରିଡ଼ରେନ୍ ଆତଃ ଆରାବ୍‌ରେନ୍ ହଡ଼କ ତାନବୁ, ଏନ୍‌ରେୟ ଆବୁ ଆବୁଆଃ ଜାଗାର୍‌ତେ ଇନ୍‌କୁକେ
ପାର୍‌ମେଶ୍ୱାର୍‌ଆଃ ମାପ୍‌ରାଙ୍ଗ୍ କାମିରାଃ କାଜିକ କାଜିତାନ୍‌ବୁ ଆୟୁମ୍‌କତାନା ।” ୧୨ ଆତଃ ଇନ୍‌କୁ ସବେନ୍‌କ
ଆକ୍‌ଦାଦାଅ ଆତଃ ଆଡ଼ାଃଉଡ଼ୁୟାନ୍‌ଲଃ ଆକ ଆକାଗି କୁପ୍‌ଲିୟାନାକ, “ନେଆଁରାଃ ମୁଣ୍ଡି ଚିନାଃ ତାନାଃ
?”

୧୩ ମେନ୍‌ଦ୍ ଏଗାଃ ହଡ଼କ ବିଶ୍ୱାସୀକେ ଲାନ୍ଦା ଏସେଦ୍‌ତାନ୍‌ଲଃ କାଜିକେଦ୍‌କଆକ, “ଇନ୍‌କୁ ନାଞ୍ଜା
ଦାଖ୍‌ରାସି ପୁରାଃଗି ନୁଁକେଦ୍‌ତେ ବୁଲ୍‌କାନାକ ।”

ପାଡ଼ରାସ୍‌ଆଃ କାନାଜି

୧୪ ଏନ୍ତେ ପାଡ଼ରାସ୍ ଗେଲ୍‌ମିଆଁଦ୍ ଚେଲାକଲଃ ତିଙ୍ଗ୍‌ୟାନାଏ ଆତଃ କାଉରିକେଦ୍‌ତେ ଉଦୁବ୍
ଏଟେଦ୍‌କେଦାଏ, “ଏ ଯିହୁଦୀ ହାଗାକ, ଆତଃ ଯୀରୁଶାଲେମ୍‌ରେ ତାଇନ୍‌ତାନ୍ ସବେନ୍ ହଡ଼କ, ଆଇଙ୍ଗ୍
କାଜିତାନ୍‌ତେୟାଃ ବୁଗିଲେକା ଆୟୁମ୍‌ମେପେ ଆତଃ ଆଇଙ୍ଗ୍ ନେ ବିଷାଏରେ କାଜିପେତାନାଇଙ୍ଗ୍ ।

* ୧:୨୧ ୧:୨୧ ମାଥୁର ୩:୧୭; ମାର୍କ ୧:୯; ଲୁକ ୩:୧୨; ମାର୍କ ୧୭:୧୯; ଲୁକ ୨୪:୫୧. † ୧:୨୬ ୧:୨୬ ଏଗାରାଞ୍ଜା * ୨:୧ ୨:୧
ପାସ୍କା ପାରାବ୍‌ରେୟାଃ ଏନେଟେଦ୍ ହୁଲାଙ୍ଗ୍‌ତାଃଏତେ ପାଗାଣ୍ ଦିନ୍ ହବାଅଃ ହୁଲାଙ୍ଗ୍‌କେ ପେଣ୍ଟିକସ୍ କାଜିୟାଃକ † ୨:୧୪ ୨:୧୪
ଏଗାରାଞ୍ଜା

୩୨ ପାର୍ବଣେଶ୍ୱର ନେ ଯାଶୁକେଟି ଜୀଉବିରିଦ୍‌କିୟାଏ ଆତଃ ଆବୁ ସବେନ୍‌କ ଏନାରାଃ ଗାଞ୍ଜକତାନ୍‌କୁ ।

୩୩ ଯାଶୁ ଆୟାଃ ଆପ୍ ପାର୍ବଣେଶ୍ୱରଆଃ ଜମ୍‌ତିସାଃତେ ବିରିଦ୍‌କାନା ଆତଃ ଆପ୍‌ଆଃ ବାନାର୍‌ସା ଲେକାତେ ପାବିତାର୍ ଆମ୍ ନାମକେଦାଏ, ଆତଃ ନାହାଃ ଆପେ ନେଲେତାନ୍‌ତେୟାଃ ଆତଃ ଆୟ୍‌ମେତାନ୍‌ତେୟାଃ ଜନିୟାଃ ବାର୍‌ଦାନ୍ ତାନାଃ । ଏନା ଜନିଃ ଆବୁଆଃ ତେତାନ୍‌ରେ ଦୁଲ୍‌କାଦାଏ । ୩୪ ତିୟାଃଟି ଦାଉଦ୍‌ଦ ସିର୍ମାତେ କାଏ ରାକାବ୍ ମେନ୍‌ଦ ଜନିଃ ଆଇଃକ୍‌କି କାଜିକେଦାଏ, ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟାଏ,

୩୫ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଥକ ଜାକେଦ୍ ଆମ୍ ଆଇଁୟାଃ ଜମ୍‌ତିସାଃରେ ଦୁବାକାନ୍‌ମେ ।

୩୬ “ଆପେ ଜୁଗରେ କିଲ୍‌କାଲ ଯାଶୁକେ, ପାର୍ବଣେଶ୍ୱର, ପ୍ରାଭୁ ଆତଃ ମାସି ମେନ୍ତେ ନୁତୁମ୍‌କିୟାଏ, ନେଆଁ ଇସ୍ରାଏଲ୍‌ରେନ୍ ସବେନ୍ ହଡ଼କ ସାର୍‌ତିଗିକ ଆଟ୍‌କାରେକା ।”

୩୭ ନେ କାଜି ଆୟ୍‌ମ୍‌କେଦ୍‌ତେ ହଡ଼କଆଃ ମନ୍‌ସୁରୁଦ୍ ରଥଃୟାନା ଆତଃ ଜନ୍‌କୁ ପାଡ଼ରାସ୍ ଆତଃ ଏଗାଃ ପ୍ରେରିତ୍‌କକେ କାଜିୟାଦ୍‌କଆକ, “ହେ ହାଗାକ, ଆଲେ ତିନାଃଶଲ ଚିକାୟା ?”

୩୮ ଏନ୍ତେ ପାଡ଼ରାସ୍ ଜନ୍‌କୁକେ କାଜିରୁହାଡ଼ାଦ୍‌କଆଏ, “ଆପେ ପାପ୍ ଏତେ ମନ୍‌ରୁହାଡ଼େଦେ ଆତଃ ଯାଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ବାପ୍ତିସ୍ମାଃଆପେ, ଏନ୍ତେ ଆପେୟାଃ ପାପ୍‌କ ଛାମାଥଃଆ ଆତଃ ପାର୍ବଣେଶ୍ୱରଆଃ ବାର୍‌ଦାନ୍, ପାବିତାର୍ ଆମ୍‌କେଦେ ନାମିୟା । ୩୯ ତିୟାଃଟି ପାର୍ବଣେଶ୍ୱରଆଃ ନେ ବାନାର୍‌ସା କାଜିଦ୍ ଆପେୟାଃ ଆତଃ ଆପେୟାଃ ହନ୍‌କଆଃ ନାଗେନ୍ତେ, ଆତଃ ଆବୁଆଃ ପ୍ରାଭୁ ପାର୍ବଣେଶ୍ୱର ଆଇଃକ୍‌କି କେଡ଼ାକାଦ୍ ସାଜିନ୍‌ରେନ୍ ସବେନ୍ ହଡ଼କ ନାଗେନ୍ତେ ତାନାଃ ।”

୪୦ ପାଡ଼ରାସ୍ ଆତଃଟି ପୁରାଃ କାଜିକ କାଜିକେଦ୍‌ତେ ଜନ୍‌କୁକେ କାଜିଗରଙ୍ଗ୍‌କେଦ୍‌ତେ କାଜିକେଦ୍‌କଆ, “ନେ ପାରିୟାରେନ୍ ଏଡ଼କାନ୍ ହଡ଼କ ନାଗେନ୍ତେ ହିଜୁଃତାନ୍ ସାଜାଇଏତେ ପ୍ରାଭୁ ଆପେକେ ବାଞ୍ଛାଅପେକା ।” ୪୧ ଏନ୍ତେ ଜନ୍‌କୁଏତେ ଚିମିନ୍ ହଡ଼କ ଜନିୟାଃ କାଜି ସୁକୁତେ ତେଲ୍‌କେଦ୍‌ଲଃ ବିଶ୍ୱାସକେଦାକ ଆତଃ ବାପ୍ତିସ୍ମାୟାନାକ । ଏନ୍ ହୁଲ୍‌ଙ୍ଗ୍ ଆପି ହାଜାର୍ ଲେକା ହଡ଼କ କାଲିସିୟାରେକ ମେସାୟାନା । ୪୨ ଆତଃ ଜନ୍‌କୁ ଏନ୍ ପ୍ରେରିତ୍‌କଆଃ ଜନିତୁରେ, ମେନେସାରେ, ହଲ୍‌ଙ୍ଗ୍ କେଟାଃରେ ଆତଃ ବିନ୍ତ୍ରିରେ ତାଜନ୍‌ତାନ୍‌କ ତାଜକେନା ।

ବିଶ୍ୱାସୀକଆଃ ସବେନ୍ ହୁଲ୍‌ଙ୍ଗ୍‌ରେୟାଃ ଜୀଦାନ୍

୪୩ ପ୍ରେରିତ୍‌କ ପୁରାଃ ପେଡ଼େୟାନ୍‌କାମି, ଆକ୍‌ଦାନ୍‌ଆ କାମିକ, ଆତଃ ଚିହ୍ନାଁ କାମିକେଦ୍ ହରାତେ ସବେନ୍ ହଡ଼କ ଆକଆଃ ଜୀଉରେ ହାଏକାଟ୍‌ତେ ପେରେଃୟାନାକ । ୪୪ ଏସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିୟାନ୍‌ଲଃ ଆକତାଃରେ ତାଜକେନ୍ ସବେନ୍ ମେନାଃତେୟାଃ ମିଦ୍‌ତାଃରେ ହୁଣ୍ଡିକେଦାକ । ୪୫ ଆତଃ ଜନ୍‌କୁ ଆକଆଃ ସବେନ୍ ଲୟଙ୍ଗ୍‌କ ଆଖିରିଙ୍ଗ୍‌କେଦ୍‌ତେ ଟାକା ପାଏସାକେ ମିମିଆଦ୍‌ନିଃକେ ଲାଗାତିଙ୍ଗ୍ ଲେକା ସବେନ୍‌କ ହାପ୍‌ଚିୟାନ୍‌କା । ୪୬ ଜନ୍‌କୁ ମାନ୍‌ଦିରଅଡ଼ାଃରେ ସବେନ୍‌ହୁଲ୍‌ଙ୍ଗ୍ ମିଦ୍‌ତାଃରେ ହୁଣ୍ଡିକେଦ୍‌ତେ ଆକଆଃ ଅଡ଼ାଃକରେ ହଲ୍‌ଙ୍ଗ୍ କେଟାଃତାନ୍‌ଲଃ ରାସକାତେ ଆତଃ ଲେବେଃ ମନ୍‌ସୁରୁଦ୍‌ତେ ଜମ୍‌ତାନ୍ ତାଜକେନାକ । ୪୭ ଆତଃ ଜନ୍‌କୁ ପାର୍ବଣେଶ୍ୱରଆଃ ମାନାରାଙ୍ଗ୍ ତାଜକେନାକ ଆତଃ ସବେନ୍ ହଡ଼କ ଜନ୍‌କୁକେ ସୁକୁଆକ ତାଜକେନାକ । ଆତଃ ପ୍ରାଭୁ ସବେନ୍ ହୁଲ୍‌ଙ୍ଗ୍ ପାରିତ୍ରାଣ୍ ନାମେତାନ୍ ହଡ଼କକେ କାଲିସିୟାରେ ମେସାକୁତାନ୍ ତାଜକେନାଏ ।

୩

ମିଆଁଦ୍ କାଗା କୁଚୁଙ୍ଗ୍‌କାନ୍ କର୍‌ସିନିଃ ବୁଗିୟାନାଏ

୧ ମୁସିଙ୍ଗ୍ ପାଡ଼ରାସ୍ ଆତଃ ଯୋହାନ୍ ବିନ୍ତ୍ରି ଦିପିଲିରେ ତାର୍‌ସିଙ୍ଗ୍ ଆପିଦାଡ଼ି ଇମ୍‌ତାକ ମାନ୍‌ଦିରତେକିନ୍ ସେନଃ ତାଜକେନା । ୨ ଏନ୍ତାଃରେ ଜାମାମ୍‌ଏତେ କାଗା କୁଚୁଙ୍ଗ୍‌କାନ୍ ମିଆଁଦ୍ ହଡ଼, ମାନ୍‌ଦିର ଅଡ଼ାଃରେ ବଲ୍‌ତାନ୍ ପୁରାଃ ହଡ଼କତାଃଏତେ କର୍‌ସିନାମେ ନାଗେନ୍ତେ ସବେନ୍ ହୁଲ୍‌ଙ୍ଗ୍ ମାନ୍‌ଦିର ଅଡ଼ାଃରାଃ ସୁଗାଡ଼ାନ୍ ନୁତୁମାକାନ୍ ଦୁଆରତାଃରେ ଗଥଃ ଇଦିୟାଃତାନ୍ ତାଜକେନାଏ । ୩ ଜନିଃ ପାଡ଼ରାସ୍ ଆତଃ ଯୋହାନ୍‌କେ ମାନ୍‌ଦିରତେ ବଲ୍‌ତାନ୍ ନେଲ୍‌କେଦ୍‌ତେ ଜନ୍‌କିନ୍‌କେ କର୍‌ସି ଆସିକେଦ୍‌କିନାଏ । ୪ ପାଡ଼ରାସ୍ ଆତଃ ଯୋହାନ୍ ଜନିଃକେ ମିଦ୍‌ନାଜେଡ୍‌ରେ ନେଲ୍‌କିଃତେ, ପାଡ଼ରାସ୍ କାଜିକିୟାଏ, “ଆଲିଙ୍ଗ୍‌ସାଃତେ ନେଲେମେ ।” ୫ ଜନିଃ ଜନ୍‌କିନ୍‌ତାଃଏତେ ଜେଡ଼ନାଃ ନାମେ ନାଗେନ୍ତେ ଆସ୍ରାଏତାନ୍‌ଲଃ ଜନ୍‌କିନ୍‌ସାଃତେ ନେଲ୍‌କେଦା ।

୨:୪୪ ୨:୪୪ ପ୍ରେରିତ୍ ୪:୩୨-୩୫.

୨ ଫେନଦ ପାଡ଼ରାସ୍ କାଜିକିୟାଏ, “ରୁପା ଚାଏ ସୋନା ଆଇଙ୍ଗାତାଃରେ ବାନଆଃ, ଫେନଦ ଆଇଙ୍ଗାତାଃରେ ଫେନାଃତେୟାଃଇଙ୍ଗା ଏମାଫେତାନା, ନାଜିରେଡ଼ରେନ୍ ଯୀଶୁ ଖ୍ରୀଷ୍ଟୁଆଃ ନୁତୁମ୍ତେ ଆତୁଫେତାନାଇଙ୍ଗା ବିରିଦ୍‌ଫେ ଆତଃ ସେନେଫେ ।” ୬ ଏଣ୍ଡେ ଜନିଃ ଜନିୟାଃ ଜମ୍ ତିଃଇ ସାବ୍‌କେଦ୍‌ତେ ବିରିଦ୍‌କିୟା ଆତଃ ଇମ୍‌ତାଗି ଜନିୟାଃ କାଟା ଆତଃ କାଟାମୁକ୍‌ଶୀକରେ ପେଡ଼େଃ ନାମ୍‌କେଦାଏ । ୮ ଆତଃ ଜନିଃ ନିରୁବିରିଦ୍‌ୟାନାଏ ଆତଃ ସେନ୍ ଏଟେଦ୍‌କେଦାଏ । ଏଣ୍ଡେ ଜନିଃ ସେସେନ୍‌ତାନୁଲଃ, ତେଗାଅତାନୁଲଃ ଆତଃ ପାର୍‌ଫେଶ୍‌ବାରୁଆଃ ମାନାରାଙ୍ଗାତାନୁଲଃ ଇନ୍‌କିନ୍‌ଲଃ ମାନ୍ଦିର୍‌ତେ ବଲୟାନାଏ । ୯ ଏଣ୍ଡାଃରେନ୍ ସବେନ୍ ହଡ଼କ ଜନିଃକେ ସେନ୍‌ବାଡ଼ାତାନୁ ଆତଃ ପାର୍‌ଫେଶ୍‌ବାରୁଆଃ ମାନାରାଙ୍ଗାତାନୁକ ନେଲ୍‌କିୟା, ୧୦ ଆତଃ ମାନ୍ଦିର୍ ଅଡ଼ାଃରାଃ ସୁଗାଡ଼ାନୁ ଦୁଆରତାଃରେ ଦୁବ୍‌କେଦ୍‌ତେ କର୍‌ଏ ଆସିତାଇକେନାଏ, ଜନିଃ ନିଃଗି ତାନିଃ ଫେଣ୍ଡେ ନେଲ୍‌ଉରୁଫିକିୟାକ ଆତଃ ଜନିଃରେ ହବାକାନୁଡେୟାଃ ସବେନ୍ ସାରିକେଦ୍‌ତେ ଇନ୍‌କୁ ପୁରାଃ ହାଏକାନ୍ ଆତଃ ଆକ୍‌ଦାନାଅୟାନାକ ।

ମାନ୍ଦିର୍ ଅଡ଼ାଃରେ ପାଡ଼ରାସ୍‌ଆଃ ବାଚାନୁଉଡୁବ୍

୧୧ ସୁଲିମାନୁ ନୁତୁମ୍ ପିଣ୍ଡୁଗିତାଃରେ ଏନ୍ ବୁଗିକାନୁ ହଡ଼କେ ପାଡ଼ରାସ୍ ଆତଃ ଯୋହାନୁଲଃ ନେଲ୍‌କେଦ୍‌ତେ ସବେନ୍ ହଡ଼କ ହାଏକାଟ୍‌ୟାଣ୍ଡେ ଇନ୍‌କିନ୍‌ତାଃକ ନିରୁଆଉକେଦା । ୧୨ ପାଡ଼ରାସ୍ ହଡ଼କକେ ନେଲ୍‌କେଦ୍‌ତେ କାଜିୟାଦ୍‌କଆଏ, “ହେ ଇସ୍ରାଏଲ୍‌ରେନ୍ ହଡ଼କ, ଆପେ ନେ ହଡ଼ ନାଗେଣ୍ଡେ ତିନାଃଫେଣ୍ଡେପେ ହାଏକାଟ୍‌ଃତାନା, ଆତଃ ଆଲିଙ୍ଗାକେପେ ନେଲ୍‌ତାନା ? ଆଲିଙ୍ଗା ଆଲିଙ୍ଗାୟାଃ ପେଡ଼େଃତେ ଚାଏ ଧାର୍‌ମାନୁଡେ ଜନିଃକେ ସେସେନ୍ ନାଗେଣ୍ଡେ ପେଡ଼େଃଲିଙ୍ଗା ଏମାକାଇୟା ଫେଣ୍ଡେପେ ଉଡ଼ୁତାନାଟି ? ୧୩ ଆହାହାମ୍, ଇସାକ୍, ଆତଃ ଯାକୁବ୍‌ଆଃ ପାର୍‌ଫେଶ୍‌ବାରୁ, ଆବୁଆଃ ପୁରଖାହାଡ଼ାମକଆଃ ପାର୍‌ଫେଶ୍‌ବାରୁ ଆୟାଃ ଦାସି ଯୀଶୁକେ ମାଇନାନ୍‌କିୟା । ଫେନଦ୍ ଆପେ ଏନ୍ ଯୀଶୁକେ ଆକ୍‌ତେୟାରୁକଆଃ ତିଃଇରେ ଜିମାକିୟାପେ ଆତଃ ପିଲାତୁସ୍ ଜନିଃକେ ରାଡ଼ାଇ ନାଗେଣ୍ଡେ ଉହାଡ଼କେଦ୍‌ରେୟ, ଆପେ ଜନିଃକେ କାପେ ସୁକୁୟାନା । ୧୪ *ଜନିଃ ପାବିତାରୁ ଆତଃ ଧାର୍‌ମାନୁ ହଡ଼ ତାଇକେନାଏ, ଫେନଦ୍ ଆପେ ଜନିଃକେ କାପେ ସୁକୁୟାନା ଆତଃ ଆୟାଃ ବାଦ୍‌ଲାରେ ହଡ଼ ଗରାଏଃନିଃକେ ଚାଡ଼ାଇ ନାଗେଣ୍ଡେ ପିଲାତୁସ୍‌କେ ଆସିକିୟାପେ । ୧୫ ଆପେ ଜାନାଦ୍ ହରାତେ ସୁଡ଼ଃଇଦିନିଃକେ ଚାଃକିୟାପେ, ଫେନଦ୍ ପାର୍‌ଫେଶ୍‌ବାରୁ ଜନିଃକେ ଗଜାକାନୁକଏତେ ଜୀଉବିରିଦ୍‌କିୟା ଆତଃ ଆଲେ ଏନାରାଃ ନାଝାକ ତାନୁଲେ । ୧୬ ଆପେ ନେଲ୍‌କାଇ ଆତଃ ସାରିକାଇ ନେ କାଟା କୁଡୁଙ୍ଗା ହଡ଼ ଯୀଶୁଆଃ ନୁତୁମ୍‌ରେ ବିଶ୍ୱାସକେଦ୍ ନାଗେଣ୍ଡେ ପେଡ଼େଃନାମ୍‌କେଦାଏ । ଆତଃ ଯୀଶୁରେ ବିଶ୍ୱାସକେଦ୍ ନାଗେଣ୍ଡେ ବୁଗିୟାନାଏ, ନେଆଁ ଆପେ ସବେନାଃ ନେଲ୍ ଦାଡ଼ିତାନାପେ ।

୧୭ “ହେ ଇସ୍ରାଏଲ୍‌ରେନ୍ ହାଗା ମିଗିକ, ନାହାଁଃଦ୍, ଆପେ ଆତଃ ଆପେୟାଃ ଆଗୁଆଇକ ଯୀଶୁକେ ରିକାକିଃତେୟାଃ କା ସାରିତେ ରିକାକେଦାପେ ଏନାଇଙ୍ଗା ସାରିତାନା । ୧୮ ଫେନଦ୍ ମାସିଆଃ ଦୁକୁ ସାହାତିଙ୍ଗା ବିଷାଏରେ ପାର୍‌ଫେଶ୍‌ବାରୁ ଆୟାଃ ସବେନ୍ ନାବାକଆଃ ହରାତେ ନାଙ୍କ ପାରିୟାରେ କାଜିକାଦ୍ ତାଇକେନ୍ କାଜି ନେ ଲେକାତେ ପୁରାକେଦାଏ । ୧୯ ଏନାଫେଣ୍ଡେ ଆପେ ହେୟାଡ଼ିଙ୍ଗାକେଦ୍‌ତେ ପାର୍‌ଫେଶ୍‌ବାରୁସାଃତେ ରୁହାଡ଼ପେ ଏନାରେ ଜନିଃ ଆପେୟାଃ ପାପକ ଛାମାପେୟାଏ, ୨୦ ଆତଃ ଆପେୟାଃ ପ୍ରାଭୁତାଃଏତେ ଜୀଉରାଡ଼େଃରେୟାଃ ଦିପିଲି ହିକୁଃଆ, ଆତଃ ପାର୍‌ଫେଶ୍‌ବାରୁ ଆପେ ନାଗେଣ୍ଡେ ସିଦାରେ ସାଲାଇକା ଯୀଶୁ ମାସିକେ ଆପେତାଃତେ କୁଲିୟା । ୨୧ ପାର୍‌ଫେଶ୍‌ବାରୁ ସବେନାଃ ଆଉରି ବାଇରୁହାଡ଼େ ଜାକେଦ୍ ଯୀଶୁ ସିମ୍‌ରେରି ତାଇନାଏ ଫେଣ୍ଡେ ପାବିତାରୁ ନାବାକଆଃ ହରାତେ ପାର୍‌ଫେଶ୍‌ବାରୁ ନାଙ୍କ ପାରିୟାରେ କାଜିକାଦ୍ ତାଇକେନା । ୨୨ ନେ ବିଷାଏରେ ମୁଶାନାବୀ କାଜିକାଦ୍ ତାଇକେନାଏ, ‘ଆପେୟାଃ ପ୍ରାଭୁ ପାର୍‌ଫେଶ୍‌ବାରୁ ଆପେୟାଃ ହେପାଡ଼ତେ ଆଇଙ୍ଗା ଲେକା ମିଆଁଦ୍ ନାବାକେ କୁଲିୟା । ଜନିଃ ଆପେୟାଃ ହାଗାକଏତେ ମିହୁଡ଼ ହବାଅଆଏ । ଜନିଃ ଆପେକେ କାଜିୟାପେତେୟାଃ ସବେନାଃ ମାନାଡ଼ିଙ୍ଗା ଲାଗାଡ଼ିଙ୍ଗାୟାଃ । ୨୩ ଫେନଦ୍ ଏନ୍ ନାବାଆଃ କାଜି କା ମାନାଡ଼ିଙ୍ଗାତାନୁ ଜୀଉ ନାମାକାଦ୍ ସବେନକକେ ପାର୍‌ଫେଶ୍‌ବାରୁ ଆତମ୍‌କେଦ୍‌ତେ ଜିୟନ୍‌କଆ ।’ ୨୪ ହେବି, ଶାମ୍‌ଏଲ୍ ନାବା ଆତଃ ଜନିୟାଃ ତାୟମ୍‌ତେ କାଜିକେଦ୍ ସବେନ୍ ନାବାକହରି ନେ ଦିପିଲିରେ ହବାଅତାନୁ ଆୟାରୁକାଜିକ କାଜିକାଦାଃ । ୨୫ ନାବାକଆଃ ହରାତେ ପାର୍‌ଫେଶ୍‌ବାରୁ ଅକ ବାନାରୁସା ଏମାକାଦାଏ, ଏନା ଆପେ ନାଗେଣ୍ଡେ ହବାକାନା, ଆତଃ ପାର୍‌ଫେଶ୍‌ବାରୁ ଆପେୟାଃ ପୁରଖା ହାଡ଼ାମକଲଃ ଅକ ରାଜିନାମା ବାଇୟାକାଦାଏ, ଆପେ ଏନାରେୟାଃ ହିସାପେ ନାମେୟା । ପାର୍‌ଫେଶ୍‌ବାରୁ ଆହାହାମ୍‌କେ କାଜିକାଇ ତାଇକେନା, ‘ଆପେୟାଃ କିଲିକଆଃ ହରାତେ ଆଇଙ୍ଗା ଅଡେଦିଶ୍‌ବୁରେନ୍ ସବେନ୍ ହଡ଼କକେଇଙ୍ଗା ଆଗିଷକଆ ।’ ୨୬ ଆତଃ ପାର୍‌ଫେଶ୍‌ବାରୁ ଆୟାଃ ଏନ୍

* ୩:୧୪ ୩:୧୪ ମାତ୍ର ୨୭:୧୫-୨୩; ମାର୍କ ୧୫:୬-୧୫; ଲୁକ ୨୩:୧୩-୨୩; ଯୋହାନୁ ୧୯:୧୨-୧୫.

ଦାସିକେ ପାଲାଇଁଯା ଆତଃ ଆପେ ସବେନକକେ ଏଡ଼କାନ୍ ହରାଏତେ ରୁହାଡ଼୍ ଆଉକେଦତେ ଆଶିଷ୍ଟନାଈ ପାହିଲାତେ ଜନିଃକେ ଆପେତାଃତେ କୁଲ୍ଲକିୟା ।”

୪

ମାରାଜ୍‌ପାଞ୍ଚେର୍ ଆୟାର୍‌ରେ ପାଡ଼ରାସ୍ ଆତଃ ଯୋହାନ୍

୧ ପାଡ଼ରାସ୍ ଆତଃ ଯୋହାନ୍ ହଡ଼କକେ କାଜିୟାକ ତାଜକେନରେ ଯାଜାକ୍, ମାନ୍ଦିର୍ ଅଡ଼ାଃରେନ୍ ଦାରଞ୍ଜନକଆଃ ଗମକେ ଆତଃ ସାତୁକିକ୍ ଜନକିନ୍‌ତାଃତେକ ହିଜୁଃୟାନା । ୨ ଏନ୍ତେ ଜନକୁ ପୁରାଃଗିକ ଖୁସ୍‌ୟାନା ଚିୟାଃତି ଯୀଶୁ ଗନ୍‌ଏଃତେ ଜାଉବିରିଦାକାନାଏ ମେନ୍ତେ ଏନ୍ ବାରାନ୍ ପ୍ରେରିଡ଼କିନ୍ ଇଡୁ ତାଜକେନାକିନ୍ । ଏନା ହରାତେ ଗଜାକାନ୍‌କଆଃ ଜାଉବିରିଦିଦ୍ ମେନାଃ ମେନ୍ତେ ସାନ୍‌ଦକିନ୍ ଏମେତାଜକେନା । ୩ ଏନାମେନ୍ତେ ଜନକୁ ଜନକିନ୍‌କେ ସାବକେଦକିନାକ । ଏନ୍ ହୁଲାଙ୍ଗ୍ ପୁରାଃ ବିଲାମ୍‌କାନ୍ ତାଜକେନ୍ ନାଗେନ୍ତେ ଏଗାଃ ହୁଲାଙ୍ଗ୍ ଜାକେଦ୍ ଜେହଲ୍‌ରେକ ଦହକେଦକିନା । ୪ ମେନ୍‌ଦ ଜନକିନାଃ ଜନିଡୁ ଆୟୁମ୍‌କେଦକଏତେ ପୁରାଃ ହଡ଼କ ବିଶ୍ୱାସକେଦା ଆତଃ ଏନ୍ ହଡ଼କ ମଣେଁ ହାଜାର୍ ଲେକାକ ହବାୟାନା ।

୫ ଏଗାଃ ହୁଲାଙ୍ଗ୍ ଯିହୁଦୀକଆଃ ଆଗୁଆଇକ୍, ପ୍ରାଚିନ୍‌କ ଆତଃ ଆଇନ୍ ଇଡୁକ ଯୀରୁଶାଲେମ୍‌ରେକ ହୁଣ୍ଡିୟାନା । ୬ ଜନକୁ ମାରାଜ୍ ଯାଜାକ୍ ହାନାନ୍, କାୟପା, ଯୋହାନ୍, ଆଲେକ୍‌ଜାଣ୍ଡାର୍ ଆତଃ ମାରାଜ୍ ଯାଜାକ୍‌ଆଃ ଅଡ଼ାଃରେନ୍ ଏଗାଃକଲଃ ନାପାମ୍‌ୟାନାକ । ୭ ଜନକୁ ପ୍ରେରିଡ଼କକେ ଆକଆଃ ସାମ୍‌ନାଈରେ ତିଜୁକେଦତେ କୁଲ୍ଲକେଦକଆକ, “ଆପେ ନେ ସବେନାଃ ଚିଲ୍ଲକା ରିକାତାନାପେ ? ଚିକାନ୍ ପେଡ଼େଃତେ ଚାଏ ଅକ ନୁଡୁମ୍‌ତେ ନେ କାମିପେ ରିକାତାନା ?”

୮ ଏନ୍ତେ ପାଡ଼ରାସ୍ ପାବିତାର୍ ଆମ୍‌ମାତେ ପେରେଃୟାନାଏ ଆତଃ ଜନକୁକେ କାଜିରୁହାଡ଼ାଦକଆଏ, “ହଡ଼କଆଃ ଆଗୁଆଇକ୍ ଆତଃ ପ୍ରାଚିନ୍‌କ, ୯ ତିସିଙ୍ଗ୍ ଆଲେ ନେ କାଟା କୁଡୁଙ୍ଗ୍‌କାନ୍‌ନିଃକେ ବୁଗିକାଇ ନାଗେନ୍ତେ ଆପେ ଆଲେକେ କୁଲ୍ଲିଲେତାନାପେ ଆତଃ ଜନିଃ ଚିଲ୍ଲକାତେ ବୁଗିୟାନା, ଏନା ସାରି ନାଗେନ୍ତେପେ ସାନାଙ୍ଗ୍‌ତାନ୍‌ରେଦ, ୧୦ ଆପେ ସବେନକ୍ ଆତଃ ଇସ୍ରାଏଲ୍‌ରେନ୍ ସବେନ୍ ହଡ଼କ ସାରିପେ, ଆପେ ନାଜ୍‌ରେଡ଼ରେନ୍ ଅକନ୍ ଯୀଶୁ ଖ୍ରୀଷ୍ଟକେ କ୍ରୁଶ୍‌ରେ କିଲାକାଇ ତାଜକେନାପେ, ଜନିଃକେ ପାର୍‌ମେଶ୍ୱାର୍ ଗଜାକାନ୍‌କଏତେ ଜାଉବିରିଦକିୟା, ଜନିୟାଃ ନୁଡୁମ୍‌ରାଃ ପେଡ଼େଃତେ ଏନ୍ ହଡ଼ ବୁଗିୟାନାଏ ଆତଃ ଆପେୟାଃ ଆୟାର୍‌ରେ ତିଜୁଆକାନା । ୧୧ ଧାରାମ୍‌ପୁଅରେ ଯୀଶୁଆଃ ବିଷାଏରେ ଅଲ୍ଲାକାନା,

“ଅଡ଼ାଃ ବାବାଇକ୍ ଅକନ୍ ଦିରିକେ ଆତମ୍‌ଏଣ୍ଡାଃକେଦାକ୍

ଏନାଗି ଅଡ଼ାଃକଚାରାଃ ଦିରି ହବାୟାନା ।”

୧୨ ଜନିଃ ବେଗାର୍ ଦେତାଏତାଃରେ ଜାଉବାଞ୍ଚାଅ ବାନଃଆ, ଚିୟାଃତି ପାର୍‌ମେଶ୍ୱାର୍ ଆବୁଆଃ ଜାଉବାଞ୍ଚାଅ ନାଗେନ୍ତେ ଗଗା ଅତେଦିଶ୍ଟମ୍‌ରେ ଜନିୟାଃ ନୁଡୁମ୍ ବେଗାର୍ ଆତଃ ଜେତା ନୁଡୁମ୍ କାଏ ଏମାକାଦା ।”

୧୩ ଜନକୁ ପାଡ଼ରାସ୍ ଆତଃ ଯୋହାନ୍‌ଆଃ ଜାଉରେକେଚେଦ୍ ନେଲ୍‌କେଦତେ ଆତଃ ଜନକିନାଃ କା ଜନିଡୁ, କା ସେଣ୍ଡାନ୍ ହଡ଼କିନ୍ ତାନ୍‌କିନ୍ ଏନା ସାରିକେଦତେକ ହାଏକାଟ୍‌ୟାନା ଆତଃ ଜନକିନ୍ ଯୀଶୁଲଃ ତାଜକେନାକିନ୍ ମେନ୍ତେ ଜନକୁ ଆଟ୍‌କାର୍‌କେଦାକ । ୧୪ ମେନ୍‌ଦ ଜନକୁ ଜନକିନାଃ ବିରୁଧ୍‌ରେ ଜେଡ଼ନାଃ କାକ କାଜିଦାଡ଼ିକେଦା ଚିୟାଃତି ଏନ୍ ବୁଗିଆକାନ୍ ହଡ଼କେ ପାଡ଼ରାସ୍ ଆତଃ ଯୋହାନ୍‌ଲଃ ତିଜୁଆକାନ୍‌କ ନେଲ୍‌କିୟା । ୧୫ ଏନାମେନ୍ତେ ଜନକୁ ପାଞ୍ଚେର୍ ଅଡ଼ାଃଏତେ ଅଡ଼ଙ୍ଗ୍‌ଆଃବେନ୍ ମେନ୍ତେ ଆଡୁକେଦକିନାକ ଆତଃ ଜନକୁ ଆକ ଆକରେ ଜନକିନାଃ ବିଷାଏରେକ ଜାଗାର୍ ଏଚେଦକେଦା । ୧୬ ଜନକୁ କୁପ୍‌ଲିୟାନାକ, “ଆବୁ ନେ ହଡ଼କିନ୍‌କେ ଚିନାଃବୁ ଚିକାକିନା ? ଜନକିନ୍ ସାର୍‌ତିଗି ମିଆଁଦ୍ ଆକଦାନ୍‌ଆ କାମିକିନ୍ କାମିକାଦା ଏନା ଯୀରୁଶାଲେମ୍‌ରେନ୍ ସବେନକ୍ ସାରିତାନା ଆତଃ ଏନା ଆବୁ ବାନଃ ମେନ୍ତେ କାବୁ କାଜି ଦାଡ଼ିୟା । ୧୭ ମେନ୍‌ଦ ନେ କାଜି ହଡ଼କତାଃରେ ଆଲକା ପାସ୍‌ରାଅଃକା, ଏନା ନାଗେନ୍ତେ ଯୀଶୁଆଃ ନୁଡୁମ୍‌ତେ ଜେତା ହଡ଼କକେ ଆଲବେନ୍ କାଜିକଆ ମେନ୍ତେ ଜନକିନ୍‌କେବୁ ଚେତାଅକିନା ।”

୧୮ ଏନ୍ତେ ଜନକୁ ପାଡ଼ରାସ୍ ଆତଃ ଯୋହାନ୍‌କେ ଆତଃମିୟା କେଡ଼ାକେଦକିନାକ ଆତଃ ଯୀଶୁଆଃ ନୁଡୁମ୍‌ତେ ଜେଡ଼ନାଃ ଆଲବେନ୍ କାଜିୟାଃ ଚାଏ ଆଲବେନ୍ ଇଡୁକଆ ମେନ୍ତେକ ଆଡୁକେଦକିନାକ ।

୧୯ ମେନ୍‌ଦ ପାଡ଼ରାସ୍ ଆତଃ ଯୋହାନ୍ ଜନକୁକେ କାଜିରୁହାଡ଼ାଦକଆକିନ୍, “ଆଲିଙ୍ଗ୍ ପାର୍‌ମେଶ୍ୱାର୍‌କେ ମାନାତିଙ୍ଗ୍‌ତେୟାଃ ଚାଏ ଆପେୟାଃ କାଜି ମାନାତିଙ୍ଗ୍‌ତେୟାଃ ଅକ୍‌ନାଃ ପାର୍‌ମେଶ୍ୱାର୍‌ଆଃ ଆୟାର୍‌ରେ ଠାଉକାନ୍‌ଗିୟା ଏନା ଆପେ ଆପେଗି ବିଚାରେପେ । ୨୦ ଚିୟାଃତି ଆଲିଙ୍ଗ୍ ନେଲାକାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ କା ଉଦ୍‌ଦକେଦତେ କାଲିଙ୍ଗ୍ ତାଜନ୍‌ଦାଡ଼ିୟା ।” ୨୧ ଏନ୍ତେ ପାଞ୍ଚେର୍‌ରେନ୍

ହତୁକ ଇନ୍ଦ୍ରିୟକେ ସାଜାଇ ଏମ୍ କା ହବାସାକାଅଥାଃ, ଆତଃ ପୁରାଃ ଚେତାଅତାନ୍ତଃ ଇନ୍ଦ୍ରିୟକେ ବାରିକେଦକିନାକ, ଚିୟାଃତି ହତୁକ ଏନ୍ ହବାକାନ୍ତେୟାଃ ନେଲ୍ଲକେଦତେ ପାର୍ମ୍ନେଶ୍ୱାର୍ଥାଃ ମାନାରାଜ୍ ତାଇକେନାକ । ୨୨ ଆକ୍ଦାନ୍ତାଅ ଲୋକାତେ ବୁଗିଆକାନ୍ ଏନ୍ ହତୁଆଃ ବାର୍ହସି ବାରାଷ୍ଟଏତେ ଆଦ୍କା ହବାଅଃତାଇକେନା ।

ଜୀଉରେକେଟେଦ୍ ନାମେ ନାଗେନ୍ତେ ବିଶ୍ୱାସୀକଆଃ ବିନ୍ତି

୨୩ ପାର୍ଭରାସ୍ ଆତଃ ଯୋହାନ୍ ରାଡ୍ଫାୟାନ୍ତି, ଇନ୍ଦ୍ରିୟ ଆକିନାଃ ଆପ୍ନାଃ ହତୁକତାଃତେ ରୁହାଡ୍ଫକେଦତେ ମୂଲ୍ ଯାଜାକକ ଆତଃ ପ୍ରାନ୍ତିନ୍ଦ୍ କାଜିକେଦତେୟାଃ ସବେନାଃ ଇନ୍ଦ୍ରିୟକେ ଉଦୁବାଦକଆକିନ୍ । ୨୪ ବିଶ୍ୱାସୀକ ସବେନ୍ କାଜି ଆୟୁମକେଦ୍ଠି ମିଦ୍ ମନ୍ଦେତେ ପାର୍ମ୍ନେଶ୍ୱାର୍ତାଃତେ ବିନ୍ତିକେଦାକ; “ହେ ଗମ୍ବକେ, ଆମ୍ ସିମ୍ବା, ଅତେ, ଦରେୟା ଆତଃ ଏନାରେୟାଃ ସବେନାଃ ବାବାଇନିଃ ତାନ୍ମେ ! ୨୫ ଆମ୍ ଆମାଃ ଦାସି, ଆଲେୟାଃ ଆପୁ ଦାଉଦ୍ଆଃ ମତାତେ ପାବିତାର୍ ଆମ୍ନାତେ ନେ କାଜି କାଜିକାଦାମ୍,

“ନେ ସାଅଁସାର୍ ହତୁକ ଚିନାଃମେନ୍ତେ ଖୁସ୍ଵୟାନାକ;
ଆତଃ ହତୁକ ଚିନାଃମେନ୍ତେ ସାମାକାଜିକ ରୋଜୋଟତାନା ?

୨୬ ପ୍ରାଭୁଆଃ ବିରୁଧ୍ରେ ଆତଃ ଆୟାଃ ସାଲ୍ଲକାନ୍ ମାସିଆଃ ବିରୁଧ୍ରେ
ଅତେଦିଶ୍ୱମରେନ୍ ରାଜାକ ସେକାଡ୍ଫୟାନା
ଆତଃ ହାକିମ୍ ମିଦ୍ତାଃରେକ ହୁଣ୍ଡିୟାନା ।’

୨୭ ଚିୟାଃତି ସାର୍ତି କାଜିଲେରେ ହେରୋଦ୍ ଆତଃ ପନ୍ତିୟସ୍ ପିଲାଡୁସ୍ ନେ ନାଗାର୍ରେ ସାଅଁସାର୍କଲଃ ଆତଃ ଇସ୍ରାଏଲ୍ ହତୁକଲଃ ମେସାକେଦ୍ତେ ଆମାଃ ପାବିତାର୍ ଦାସି ଯାଶୁ, ଅକଏକେତି ଆମ୍ ମାସି ମେନ୍ତେମ୍ ଆଭିଷେକକିୟା, ଇନିୟାଃ ବିରୁଧ୍ରେ ରୋଜୋଟକେଦାକ । ୨୮ ଆମାଃ ପେଡ୍ଫେ ଆତଃ ମନେଲୋକାତେ ସବେନାଃ ହବାଅଃକା ମେନ୍ତେ ସିଦାରେ ଉହାଟ୍କାନ୍ ତାଇକେନା, ଏନାକେ ରିକାଏ ନାଗେନ୍ତେ ଇନ୍ଦ୍ରିୟ ହୁଣ୍ଡିୟାନାକ । ୨୯ ଆତଃ ନାହ୍ଠାଦ୍, ହେ ପ୍ରାଭୁ, ଇନ୍ଦ୍ରିୟ ଆଲେକେ ବତଜ୍ଞଲୋତାନାକ ଏନା ନେଲେମେ ଆତଃ ଆମାଃ ଦାସିକକେ ପୁରାଃ ପେଡ୍ଫେୟାନ୍ତେ ଆମାଃ କାଜି କାଜି ନାଗେନ୍ତେ ଜୀଉରେକେଟେଦ୍ ଏମାଲେମେ । ୩୦ ଆତଃ ବୁଗିକ ନାଗେନ୍ତେ ଆମାଃ ତିଃଇ ଜିଲ୍ଲିଙ୍ଗ୍ଠେମ୍ ଆତଃ ଆମାଃ ପାବିତାର୍ ଦାସି ଯାଶୁଆଃ ନୁଡୁମ୍ତେ ଚିହ୍ନା ଆତଃ ଆକ୍ଦାନ୍ତା କାମିକ ରିକା ନାଗେନ୍ତେ ପେଡ୍ଫେ ଏମାଲେମେ ।”

୩୧ ଇନ୍ଦ୍ରିୟ ବିନ୍ତି ରୁଣ୍ଡିକେଦ୍ଠି ଆକ ହୁଣ୍ଡିକାନ୍ ଠାୟାଦ୍ତାଃତେ ଅତେ ଏକ୍ଲାୟାନ୍ତା ଆତଃ ସବେନ୍ଦ୍ ପାବିତାର୍ ଆମ୍ନାତେକ ପେରେୟାନ୍ତା ଆତଃ ପାର୍ମ୍ନେଶ୍ୱାର୍ଥାଃ କାଜି ପୁରାଃ ଜୀଉରେ କେଟେଦ୍କେଦ୍ତେ ଉଦୁଦ୍ ଏଟେଦ୍କେଦା ।

ବିଶ୍ୱାସୀକ ଆକଆଃ ମେନାଃତେୟାଃକ ହାପ୍ଟିଙ୍ଗ୍ଠୟାନା

୩୨ ବିଶ୍ୱାସୀକ ମିଦ୍ ମନ୍ଦ୍ ଆତଃ ମିଦ୍ ମନ୍ଦ୍ପୁରୁଦ୍ଠୟାନାକ । ଆତଃ ଜେତାଏ ଆପ୍ନାଃ ମେନାଃତେୟାଃକେ ଆପ୍ନାଃ ତାନାଃ ମେନ୍ତେ କାକ କାଜି ତାଇକେନା, ମେନ୍ଦ୍ ସବେନ୍ଦ୍ ଆକଆଃ ମେନାଃତେୟାଃକେ ମିଦ୍ସାମାନ୍ଦ୍ରିକ ହାପ୍ଟିଙ୍ଗ୍ଠୟାଃ ତାଇକେନା । ୩୩ ପ୍ରେରିତ୍ ପୁରାଃ ପେଡ୍ଫେତେ ପ୍ରାଭୁ ଯାଶୁଆଃ ଜୀଉବିନିରଦ୍ଠରାଃ ବିଷାଏରେ ଗାଞ୍ଜାକ ଏମ୍କେଦା ଆତଃ ପାର୍ମ୍ନେଶ୍ୱାର୍ ଇନ୍ଦ୍ରିୟକେ ପୁରାଃ ଆଶିଷ୍ ଏମ୍କେଦ୍କଆଏ । ୩୪ ଏନାତେ ଇନ୍ଦ୍ରିୟଆଃ ଜେଡ୍ଠନାଃ କା ହାଟିଅଃ ତାଇକେନା, ଚିୟାଃତି ଅକନ୍ଦ୍ ଆତଃ ପିଡ୍ ଆତଃ ଅଡ଼ାଃ ତାଇକେନା, ଇନ୍ଦ୍ରିୟ ଏନାକ ଆଖ୍ଟିଙ୍ଗ୍ଠକେଦ୍ତେ ଏନାରାଃ ଗନ୍ଦ୍ ଟାକା ପାଏସା ଆଉକେଦ୍ତେ ୩୫ ପ୍ରେରିତ୍କେକେ ଏମାକ ତାଇକେନାକ ଆତଃ ଏନ୍ ପାଏସାକେ ଆକଆଃ ଲାଗାତିୟାଃ ଲୋକାକ ହାପ୍ଟିଙ୍ଗ୍ଠୟାଃ ତାଇକେନା ।

୩୬ ଆତଃ ସାଇପ୍ସ୍ ନୁଡୁମ୍ ଠାୟାଦ୍ରେ ଜାନାମାକାନ୍ ଲେବୀ କିଲିରେନ୍ ଯୋଷେଫ୍, ଅକଏକେତି ପ୍ରେରିତ୍ ବର୍ଣ୍ଣବାସ୍, ଏନାରାଃ ମୁଣ୍ଡିଦ୍ “ଜୀଉରାଡ୍ଫେୟାଃ ହନ୍” ମେନ୍ତେକ ନୁଡୁମ୍କିୟା । ୩୭ ଇନିୟାଃ ମିଆଦ୍ ପିଡ୍ ତାଇକେନା, ଏନାକେ ଇନିଃ ଆଖ୍ଟିଙ୍ଗ୍ଠକେଦ୍ତେ ଏନାରାଃ ଟାକା ପାଏସା ପ୍ରେରିତ୍କେକେ ଏମାଦ୍କଆ ।



ହନାନିୟ ଆତଃ ସଫିରା

☆ ୪:୨୨ ୪:୨୨ ଲୁକ ୨୩:୭-୧୧; ମାଥ୍ ୨୨:୧-୨; ମାର୍କ ୧୫:୧; ଲୁକ ୨୩:୧; ଯୋହାନ୍ ୧୮:୨୮, ୨୯. ☆ ୪:୩୭ ୪:୩୭ ପ୍ରେରିତ୍ ୨:୪୪, ୪୫.

୯ ହନାନିୟ ନୁତୁମ୍ ମିଆଁଦ୍ ହଡ଼ ଆୟାଃ କୁଡ଼ିତେ ସଫିରାଲଃ ହୁଡ଼ିଙ୍ଗଲେକା ଅତେ ଆଖିରିଙ୍ଗକେଦାକିନ୍ । ୯ ଫେନଦ୍ ହନାନିୟ ଆୟାଃ କୁଡ଼ିତେଲଃ ସାଲ୍ଲହାକେଦତେ, ଜନିଃ କାଟିଃଲେକା ଟାକା ପାଏସା ଆୟାଃ ନାଗେନ୍ତେ ଉକ୍ତ ଦହକେଦା ଆଡ଼ଃ ବାକିତେୟାଃ ଜଦିକେଦତେ ପ୍ରେରିତ୍‌କଥାଃ କାଟା ଲାଡ଼ାରେ ଦହକେଦା । ୩ ପାଡ଼ରାସ୍ ଜନିଃକେ କାଜିକିୟାଏ, “ଏ ହନାନିୟ, ପାବିତାର୍ ଆମ୍ବାରାଃ ଆୟାଃରେ ହସଡ଼ କାଜି ନାଗେନ୍ତେ ଆଡ଼ଃ ଅତେରାଃ ଗନଙ୍‌ଏତେ କାଟିଃଲେକା ଉକ୍ତ ନାଗେନ୍ତେ ସାଏତାନ୍ ଚିନାଃଫେନ୍ତେ ଆମାଃ ମନ୍‌ସୁରୁଦ୍‌କେ ଆକତେୟାଃକେଦା ? ୪ ଆଖିରିଙ୍ଗକେଦ୍ ସିଦାରେ ଏନା ଚିୟାଃ ଆମାଃ କା ତାଇକେନା ? ଆଡ଼ଃ ଆଖିରିଙ୍ଗକେଦ୍ ତାୟମତେ ଏନ୍ ଟାକା ପାଏସା ଚିନାଃ ଆମାଃ ଆକତେୟାଃରେ କା ତାଇକେନା ? ତାଦ୍‌ଦ ଚିନାଃଫେନ୍ତେ ଆମ୍ ନେ'ଲେକା ଆମାଃ ମନ୍‌ସୁରୁଦ୍‌ରେମ୍ ଉଡ଼ଃକେଦା ? ଆମ୍ ହଡ଼କକେଦ କା ଫେନଦ୍ ପାଡ଼ଫେଗ୍‌ରାଃ ଆୟାଃରେ ବେଦାକାଜିମ୍ କାଜିକାଦା ।” ୫ ନେ କାଜିକ ଆୟାଃକେଦ୍‌ଚି ହନାନିୟ ଅତେରେ ଉୟାଃକେଦତେ ଗଏଃୟାନା, ଆଡ଼ଃ ନେ ବିଷାଏରେ ଆୟାଃକେଦ୍ ସବେନକ ପୁରାଃଗିକ ବରକେଦା । ୬ ସେପେଡେଦକ୍ ହିଜୁଃକେଦତେ ଜନିଃକେ ଲିଜାଃତେ ପଟମ୍‌କିୟାକ ଆଡ଼ଃ ଗଅଃ ଅତଙ୍‌କିତେ ତପାକିୟାକ ।

୧୦ ଆପି ପାଡ଼ିଲେକା ତାୟମତେ ଜନିୟାଃ କୁଡ଼ି ଅକ୍‌ନାଃ ହବାକାନ୍‌ତେୟାଃ କା ସାରିକେଦତେ ହିଜୁଃୟାନା ଆଡ଼ଃ ବଲୟାନାଏ । ୮ ପାଡ଼ରାସ୍ ଜନିଃକେ କୁଲିକିୟାଏ, “ଆବେନ୍ ନେ ପିଡ଼ିକେ ନିମ୍‌ନାଙ୍ଗ୍‌ତେରିବେନ୍ ଆଖିରିଙ୍ଗକେଦାଟି ?”

ଜନିଃ କାଜିରୁହାଡ଼କେଦାଏ, “ହେରି, ନିମ୍‌ନାଙ୍ଗ୍‌ତେରି ।”

୧୧ ଏନ୍ତେ ପାଡ଼ରାସ୍ ଜନିଃକେ କାଜିକିୟାଏ, “ପ୍ରାଭୁଆଃ ଆମ୍‌କେ ବିଡ଼ାଅ ନାଗେନ୍ତେ ଆବେନ୍ ବାରାନ୍‌କିନ୍ ଚିନାଃ ଫେନ୍ତେବେନ୍ ଉଡ଼ଃକେଦା ? ନେଲ୍‌କୁମ୍, ଆମାଃ କଡ଼ାକେ ତପାକେନକ୍ ଦୁଆରୁତାଃରେ ଫେନାକଥା ଆଡ଼ଃ ଜନ୍‌କୁ ଆମ୍‌କେ ହରି ଗଅଃ ଅତଙ୍‌କେମ୍‌ୟାକ ।” ୧୦ କାଜିକେଦ୍ ଜମ୍‌ତାରି ଜନିଃ ଜନିୟାଃ କାଟା ଲାଡ଼ାରେ ଉୟାଃୟାନା ଆଡ଼ଃ ଗଏଃୟାନାଏ । ଏନ୍ତେ ସେପେଡେଦକ୍ ବଲୟାନ୍‌ଚି ଜନିଃକେ ଗଏଃକାନକ୍ ନେଲ୍‌କିୟା ଆଡ଼ଃ ଜନ୍‌କୁ ଜନିଃକେ ଗଅଃ ଅତଙ୍‌କିତେ କଡ଼ାତେୟାଃ ଜାପାଃରେକ ତପାକିୟା । ୧୧ ଗଟା କାଲିସିୟା ଆଡ଼ଃ ନେ କାଜି ଆୟାଃକେଦ୍ ସବେନକ ପୁରାଃଗିକ ବରକେଦା ।

ଆକଟାକଥା ଆଡ଼ଃ ଆକଦାନ୍‌ଅ କାମି

୧୨ ପ୍ରେରିତ୍‌କ ପୁରାଃଗି ଆକଟାକଥା କାମି ଆଡ଼ଃ ଆକଦାନ୍‌ଅ କାମିକ ହଡ଼କଥାଃ ଆଲାରକେ କାମିକେଦା ଆଡ଼ଃ ସବେନ୍ ବିଶ୍ୱାସୀକ ସୁଲିମାନ୍‌ଆଃ ପିଣ୍ଡିତାଃରେ ହୁଣ୍ଡିୟଃ ତାଇକେନାକ । ୧୩ ଜନ୍‌କୁଆଃ ବିଷାଏରେ ହଡ଼କ ବୁଗିନାଃ ଜାଗାଡ଼ତାନ୍ ତାଇକେନରେୟ୍ ଏଟାଃ ଝୁଣ୍ଡିରେନ୍ ହଡ଼କ ଜନ୍‌କୁଲଃ ଫେସାଆଃ ନାଗେନ୍ତେ ଜେତାଏ କାକ ସାହାସେ ତାଇକେନା । ୧୪ ଫେନଦ୍ ଗାଦେଲ୍ କଡ଼ା ଆଡ଼ଃ କୁଡ଼ିକ ପ୍ରାଭୁତାଃରେ ବିଶ୍ୱାସକେଦତେ ଚିମିନ୍ ଚିମିନ୍ ହଡ଼କ ଏନ୍ ଝୁଣ୍ଡିରେ ଫେସାଆଃ ତାଇକେନାକ । ୧୫ ପ୍ରେରିତ୍‌କଥାଃ କାମି ବୁଗିଲେକା ହବାଆଃ ତାଇକେନା, ପାଡ଼ରାସ୍ ହିଜୁଃ ତାଇକେନ୍ ଜମ୍‌ତା ହରାରେ ଆୟାଃ ଉମ୍‌ଲ୍ ଦୁକୁତାନ୍ ହଡ଼କଥାଃରେ ଉୟାଃଗଃକା ଫେନ୍ତେ ହଡ଼କ ଦୁକୁତାନ୍‌କକେ ପାଡ଼କମ୍ ଆଡ଼ଃ ଜାଟିକରେ ଗଅଃ ଆଉକେଦତେ ହରାଗେନାରେ ଦହକ ତାଇକେନାକ । ୧୬ ଆଡ଼ଃ ଯୀରୁଣାଲେମ୍‌ରେୟାଃ ଚାରିୟସାଃରେନ୍ ନାଗାଡ଼କଏତେ ଗାଦେଲ୍ ହଡ଼କ ଦୁକୁତାନ୍ ଆଡ଼ଃ ସଡ଼ରା ଆମ୍‌ତେ ଏସେରାକାନ୍ ହଡ଼କକେ ପ୍ରେରିତ୍‌କତାଃ ଆଉକତାଇକେନାକ ଆଡ଼ଃ ଜନ୍‌କୁ ସବେନ୍ ବୁଗିୟଃ ତାଇକେନାକ ।

ପ୍ରେରିତ୍‌କକେ ସାସାତି

୧୭ ଏନ୍ତେ ମାରାଙ୍ଗ୍ ଯାଜାକ୍ ଆଡ଼ଃ ଆୟାଃ ସବେନ୍ ଦେଙ୍ଗାଡ଼ାନ୍‌କ, ଅକନ୍‌କଚି ସାଦୁକି ଝୁଣ୍ଡିରେନ୍ ତାଇକେନାକ, ଜନ୍‌କୁ ପ୍ରେରିତ୍‌କଥାଃ ତେତାନ୍‌ରେ ପୁରାଃଗି ହିଏଙ୍ଗାତେ ପେରେଃୟାନାକ । ୧୮ ଜନ୍‌କୁ ପ୍ରେରିତ୍‌କକେ ସାବକେଦତେ ଆନାରେକ ଦହକେଦକଥା । ୧୯ ଫେନଦ୍ ପ୍ରାଭୁଆଃ ଦୁଡ଼୍ ଏନ୍ ନିଦାରି ଆନାରାଃ ଦୁଆରୁକେ ନିକ୍‌କେଦା, ଆଡ଼ଃ ପ୍ରେରିତ୍‌କକେ ଅତଙ୍‌କେଦତେ ଫେତାଦକଥା, ୨୦ “ଜୁ, ସେନଃପେ, ଆଡ଼ଃ ମାନ୍‌ରୁ ଅଡ଼ାଃରେ ତିଙ୍ଗ୍‌କେଦତେ ନେ ନାଞ୍ଜା ଜାଦାନ୍ ବିଷାଏରେ କାଜିୟାକପେ ।” ୨୧ ପ୍ରେରିତ୍‌କ ଏନ୍ ଦୁଡ଼୍‌ଆଃ କାଜି ମାନାଡ଼ିଙ୍ଗକେଦତେ ସେତାଃ ଜଇଦାରେ ମାନ୍‌ରୁ ଅଡ଼ାଃତେ ବଲକେଦତେ ହଡ଼କକେ ଇତୁ ଏଟେଦକେଦକଥାକ । ମାରାଙ୍ଗ୍ ଯାଜାକ୍ ଆଡ଼ଃ ଜନିୟାଃ ଦେଙ୍ଗାଡ଼ାନ୍‌କ ହିଜୁଃକେଦତେ, ମାରାଙ୍ଗ୍ ପାଞ୍ଚେଡ଼୍ ଆଡ଼ଃ ଇସାଏଲ୍ ହନକଥାଃ ସବେନ୍ ପ୍ରାଚୀନ୍‌କକେ କେଡ଼ା ହୁଣ୍ଡିକେଦକଥାକ ଆଡ଼ଃ ପ୍ରେରିତ୍‌କକେ ଆଉକ ନାଗେନ୍ତେ ହଡ଼କକେ ଜେହେଲ୍‌ତେ କୁଲ୍‌କେଦକଥାକ । ୨୨ ଫେନଦ୍ ସିପାଇକ ଆନାତେ ସେଟେରୁୟାନ୍‌ଚି ପ୍ରେରିତ୍‌କକେ ଏନ୍ତାଃରେ କାକ ନାମ୍‌କେଦକଥା, ଏନ୍ତେ ଜନ୍‌କୁ ମାରାଙ୍ଗ୍ ପାଞ୍ଚେଡ଼୍‌ତେ ହିଜୁଃରୁହାଡ଼କେଦତେ ଉଦୁବାଦକଥାକ, ୨୩ “ଆଲେ ଜେହେଲ୍‌ତେ

ସେତେବେଳେ ଯାହା ଦୁଆର ବୁଲିଲେକା ହାଣ୍ଡେଦାକାନ୍ ଆତଃ ଦାରଖାନକ ଦୁଆର ହେଦାଦରେ ହରତାନଲେ ନେଲକେଦକଆ, ମେନ୍ଦ ଦୁଆର ନିଜକେଦତେ ଭିତାରରେ ଜେତାଏକେ କାଲେ ନାମକେଦକଆ ।”
 ୨୪ ମାନ୍ଦିର ଅଡ଼ାଃ ହରକଆଃ ଗମକେ ଆତଃ ମୁଲ୍ ଯାଜାକ୍ ବାରାନକିନ୍ ନେ କାଜିକ ଆୟୁମକେଦତେ ପ୍ରେରିତ୍‌କଆଃ ଚିକ୍‌ନାଃ ହବାୟାନା ମେନ୍ତେ ଆକ୍‌ତାକାଆୟାନାକିନ୍ । ୨୫ ଇମତା ମିଆଁଦ୍ ହଡ୍ ହିଜୁଃକେଦତେ ଇନକ୍‌କେ ଉଦୁବାଦକଆଏ, “ଆୟୁମେଦେ, ଆପେ ଥାନାରେ ଦହକାଦକ ତାଇକେନ୍ ହଡ୍‌କ. ମାନ୍ଦିର ଅଡ଼ାଃରେ ତିଜୁକେଦତେ ହଡ୍‌କକେ ଇଜୁକତାନାକ ।” ୨୬ ଏନ୍ତେ ଦାରଖାନକଆଃ ଗମକେ, ଦାରଖାନକଲଃ ସେନ୍‌କେଦତେ ପ୍ରେରିତ୍‌କକେ ଆତଃମିଆ ଆଉକେଦକଆକ । ମେନ୍ଦ ଇନକ୍‌କେ ଜାବାରଜାସ୍ତିତେ କାକ ଆଉକେଦକଆ, ଚିୟାଃଟି ହଡ୍‌କ ଦିରିତେକ ଚିଦ୍‌ଗିରୁଆ ମେନ୍ତେ ଇନକ୍ ହଡ୍‌କକେ ଦର ତାଇକେନାକ ।

୨୭ ଇନକ୍ ପ୍ରେରିତ୍‌କକେ ଆଉକେଦତେ ମାରାଜ୍ ପାଞ୍ଚେଟ୍‌ରେ ତିଜୁକେଦକଆକ, ଆତଃ ମାରାଜ୍ ଯାଜାକ୍ ଇନକ୍‌କେ କୁଲିକେଦକଆ, ୨୮ *ଆଲେ ଆପେକେ ନେ ହଡ୍‌ରାଃ ନୁଡୁମ୍‌ତେ ଆଲ୍‌ପେ ଇଜୁକଆ ମେନ୍ତେ ପୁରାଃଗିଲେ ଆରୁକାଦପେ ତାଇକେନା, ମେନ୍ଦ ନେଲେପେ ଆପେ ଚିନାଃ ଚିକାକାଦାପେ, ଆପେ ଆପେୟାଃ ଇନିତୁରେ ଯୀରୁଶାଲେମ୍‌ରାଃ ଚାରିୟାଃରେ ନିତିଚ୍‌କାଦାପେ ଆତଃ ଏନ୍ ହଡ୍‌ରାଃ ମାୟୋମ୍ ନାଗେନ୍ତେ ଆପେ ଆଲେକେ ଚିତା ନାଗେନ୍ତେପେ ସାନାଜ୍‌ତାନା ।”

୨୯ ପାର୍‌ରାୟ୍ ଆତଃ ଏଟାଃ ପ୍ରେରିତ୍‌କ କାଜିରୁହାଡ୍‌କେଦା, “ଆଲେ ପାର୍‌ମେଶ୍‌ବରକେ ମାନାଜିଜ୍ ଲାଗାତିୟା, ହଡ୍‌କକେ କାହାରି । ୩୦ ଆପେ ଯୀଶୁକେ କୁଶ୍‌ରେ କିଲାଗଏଃକିଃ ତାୟମ୍‌ତେ ଆବୁଆଃ ପୁରୁଶାହାଡ୍‌ମକଆଃ ପାର୍‌ମେଶ୍‌ବର, ଯୀଶୁକେ ଗନ୍‌ଏଃହେତେ ଜୀଉବିରିଦ୍‌କିୟାଏ । ୩୧ ଇସ୍ରାଏଲ୍‌ରେନ୍ ହଡ୍‌କକେ ହେୟାତିଜ୍‌କେଦତେ ପାପ ଛାମା ନାମେ ନାଗେନ୍ତେ ପାର୍‌ମେଶ୍‌ବର ଇନିଃକେ ଆଗୁଆଇ ଆତଃ ବାଞ୍ଛାଅନିଃ ଲେକା ଆୟାଃ ଜମ୍‌ତିସାଃରେ ଦହକିୟାଏ । ୩୨ ଆଲେ ନେ ସବେନ୍ କାଜିକରାଃ ଗାଞ୍ଜା ତାନଲେ ଆତଃ ପାର୍‌ମେଶ୍‌ବର, ଆୟାଃ ମାନାଜିଜ୍‌ତାନ ହଡ୍‌କକେ ଏମାକାଦକ ପାବିତାର୍ ଆମ୍‌ହାରି ନେଆଁରାଃ ଗାଞ୍ଜାତାନିଃ ।”

୩୩ ମାରାଜ୍ ପାଞ୍ଚେଟ୍‌ରେନ୍ ହଡ୍‌କ ନେ କାଜି ଆୟୁମକେଦ୍‌ଚି ପୁରାଃଗି ଖ୍‌ସ୍‌ୟାନାକ ଆତଃ ପ୍ରେରିତ୍‌କକେ ଗଗଏଃ ନାଜ୍‌କ ସାନାଜ୍‌କେଦା । ୩୪ ମେନ୍ଦ ଗମଲିଏଲ୍ ନୁଡୁମ୍ ମିଆଁଦ୍ ଫାଟୁଗା, ଇନିଃ ଆଇନ୍ ଇଡୁନିଃ ଆତଃ ସବେନ୍ ହଡ୍‌କତାଃଏତେ ମାଇନ୍ ନାମେତାନ ହଡ୍ ତାଇକେନାଏ । ଇନିଃ ପାଞ୍ଚେଟ୍‌ରେ ତିଜୁକେଦତେ ପ୍ରେରିତ୍‌କକେ କାଟିଃ ଦାଡ୍‌କାଦ୍ ବାହାରିତେ ଅତଜ୍‌କପେ ମେନ୍ତେ ଆରୁକେଦକଆ । ୩୫ ଏନ୍ତେ ଇନିଃ ଇନକ୍‌କେ କାଜିକେଦକଆଏ, “ହେ ଇସ୍ରାଏଲ୍‌ରେନ୍ ହଡ୍‌କ, ଆପେ ନେ ହଡ୍‌କକେ ଚିକ୍‌ନାଃ ରିକାନାଜ୍ ସେନ୍‌ତାନାପେ ଏନ୍ ବିଷାଏରେ ଚିରାଲାନାକପେ । ୩୬ ଚିୟାଃଟି ଚିମିନ୍ ମାହାଁ ସିଦାରେ ଅୂଦା ନୁଡୁମ୍ ମିଆଁଦ୍ ହଡ୍ ବିରିଦ୍‌ୟାନାଏ ଆତଃ ଆଇଜ୍ ମାରାଜ୍ ହଡ୍ ତାନିଜ୍ ମେନ୍ତେ କାଜିକେଦା, ଏନ୍ତେ ଇନିଃଲଃ ଉପୁନ୍‌ଶାଅ ଲେକା ହଡ୍‌କ ମେସାୟାନା । ମେନ୍ଦ ଇନିଃ ଗଏଃୟାନ୍ତେ, ଇନିଃକେ ଅତଜ୍‌କତାନ ସବେନ୍‌କ ଛିତିବିତିୟାନାକ ଆତଃ ଆୟାଃ ଝୁଣ୍ଡ ଜିୟନ୍‌ୟାନା । ୩୭ ଇନିୟାଃ ତାୟମ୍‌ତେ, ଗାଲିଲ୍‌ରେନ୍ ଯିହୁଦା ନୁଡୁମ୍ ମିଆଁଦ୍ ହଡ୍, ନୁଡୁମ୍ ଆଲ୍ ଦିପିଲିରେ ବିରିଦ୍‌ୟାନାଏ ଆତଃ ପୁରାଃ ହଡ୍‌କ ଇନିଃକେ ଅତଜ୍‌କିୟାକ ମେନ୍ଦ ଇନିଃକେ ହିଁ ଗଏଃକିୟାକ, ଏନ୍ତେ ଇନିଃକେ ଅତଜ୍‌କତାନ ସବେନ୍‌କ ଛିତିବିତିୟାନାକ । ୩୮ ଆତଃ ନାଆଃଦଇଜ୍ କାଜିୟାପେତାନା, ନେ ହଡ୍‌କକେ ଜେଡ୍‌ନାଃ କା ରିକାକେଦତେ ବାଗିତାକୁପେ ଆତଃ ଇନକ୍‌କେ ସେନ୍ ଇତିକୁପେ ଚିୟାଃଟି ଇନକ୍‌ଆଃ କାମି ଚାଏ ଉକେଶ୍ ହଡ୍‌କଆଃ ସାଃଏତେ ତାନାଃରେଦ ଏନା ଜିୟନ୍‌ୟା । ୩୯ ମେନ୍ଦ ଏନା ପାର୍‌ମେଶ୍‌ବର ସାଃଏତେ ହବାଅଃତାନରେଦ, ଆପେ ଇନକ୍‌କେ କାପେ ହାରାଅ ଦାଡ୍‌ୟା, କାରେଦ ଆପେ ପାର୍‌ମେଶ୍‌ବରଲଃ ଲାଡ଼ାଇତାନ ଲେକାପେ ଆଡ୍‌କାରଃଆ ।”

ଏନ୍ତେ ମାରାଜ୍ ପାଞ୍ଚେଟ୍‌ରେନ୍ ହଡ୍‌କ ଗମଲିଏଲ୍‌ଆଃ ଆନାରୁକ ଆୟୁମକେଦା । ୪୦ ଇନକ୍ ପ୍ରେରିତ୍‌କକେ ହାକାଅକେଦତେ କୋରଡାତେ ହାଁଶ୍‌ସାକୁତାନଲଃ ଯୀଶୁଆଃ ନୁଡୁମ୍‌ତେ ଆଲ୍‌ପେ କାଜିୟା ମେନ୍ତେ ଆରୁକେଦକଆକ ଆତଃ ଇନକ୍‌କେ ବାଗିକେଦକଆକ । ୪୧ ଏନ୍ତେ ପାର୍‌ମେଶ୍‌ବରାଃ ନେପେଲ୍‌ରେ ଇନକ୍ ଯୀଶୁଆଃ ନୁଡୁମ୍ ନାଗେନ୍ତେ ହିଲାଜ୍‌ଅଃଲେକାକ ଆଡ୍‌କାରୟାନା ମେନ୍ତେ ରାସ୍‌କାଅଃତାନଲଃ ମାରାଜ୍ ପାଞ୍ଚେଟ୍‌ଏତେ ସେନଃୟାନାକ । ୪୨ ଆତଃ ଇନକ୍ ସବେନ୍ ହୁଲାଜ୍ ମାନ୍ଦିର ଅଡ଼ାଃରେ ଆତଃ ହଡ୍‌କଆଃ ଅଡ଼ାଃରେ ଯୀଶୁ, ମାସି ତାନିଃ ମେନ୍ତେ ଇଡୁତାନଲଃ ନେ ସୁକ୍‌କାଜି ଉଦୁଦ୍ ନାଜ୍ କାକ ବାଗିକେଦା ।

* ୫:୨୮ ୫:୨୮ ମାଥ୍‌ଜ ୨୭:୨୮.



ଏୟା* ଝାନ୍ ଦେଜାତାନ୍‌କ

୧ ଚିମିନ୍ ମାହାଁ ତାୟମ୍‌ତେ ଚେଲାକ ପୁରାଃ ପସାଅଃତାଈକେନରେ ଶ୍ରୀକ ଜାଗାତ୍‌ତାନ୍ ଯିହୁଦୀକ, ଏତ୍ରୀ ଜାଗାତ୍‌ତାନ୍ ଯାହୁଦିକଲଃ ଏପରାଈୟାନାକ, ଚିୟାଃତି ଇନ୍‌କୁ ସବେନ୍ ହୁଲାଈରାଃ ଲାଗାତିଈତେୟାଃ ହାତିଈରେ ରାଣ୍ଡିକୃତିକେ ସୁସାର୍ ନାଗେନ୍ତେ କାକ ଧ୍ୟାନକେଦକଆ । ୨ ଏନାମେନ୍ତେ ଗେଲ୍‌ବାର୍ ପ୍ରେରିତ୍‌କ ଆକଆଃ ଝୁଣ୍ଡରେନ୍ ସବେନ୍ ବିଶ୍ୱାସୀକକେ କେଡ଼ା ହୁଣ୍ଡିକେଦତେ ମେତାଦକଆକ, “ଆଲେ ପାରମେଶ୍ୱାର୍‌ଆଃ ବାଚାନ୍ ଉଦୁବ୍ ବାଗିକେଦତେ, ଇନ୍‌କୁଆଃ ସୁସାର୍‌ରେ ତାଇନାଲେ, ନେଆଁଦ କା ବୁଗିନାଃ । ୩ ଏନାମେନ୍ତେ ହେ ହାଗା ମିଶିକ, ନେ କାମିରାଃ ବାହାରମ୍ ଏନାକ ନାଗେନ୍ତେ ଆପେୟାଃ ଆଲାଏତେ ପାବିତାର୍ ଆମ୍‌ଆତଃ ସେଣାଁତେ ପେରେଜାକାନ୍ ଏୟାଝାନ୍ ମାଈନାନ୍ ହଡ଼କକେ ସାଲାକୁପେ । ୪ ଏନ୍ତେ ଆଲେ ବିନ୍ତି ଆତଃ ସେଝାକାମିରେ ପୁରା ସାମାଏଲେ ବିତାଅୟା ।”

୫ ପ୍ରେରିତ୍‌କଆଃ ନେ କାଜିରେ ସବେନ୍‌କ ସୁକୁୟାନାକ ଆତଃ ଇନ୍‌କୁ ବିଶ୍ୱାସ୍ ଆତଃ ପାବିତାର୍ ଆମ୍‌ମାତେ ପେରେଜାକାନ୍ ସ୍ତ୍ରୀମାନ୍ ନୁହୁମ୍ ମିଆଁଦ୍ ହଡ଼, ଆତଃ ଫିଲିପ୍, ପ୍ରଖର୍, ନିକନାର୍, ତିମୋନ୍, ପାମ୍‌ନା, ଆନ୍ତିୟୋଖରେନ୍ ସାଅଁସାର୍ ହଡ଼ ନିକଲାସ୍ ଅକଏତି ତାୟମ୍‌ତେ ଯିହୁଦୀ ଧାରାମ୍‌ରେ ପେସାୟାନା, ନେ ସବେନ୍‌କକେ ସାଲାକେଦକଆକ । ୬ ଇନ୍‌କୁକେ ପ୍ରେରିତ୍‌କଆଃ ସାମ୍‌ନାଈରେକ ତିଈକେଦକଆ ଆତଃ ଇନ୍‌କୁଆଃ ଚେତାନ୍‌ରେ ତିଃଈ ଦହକେଦତେ ବିନ୍ତିକେଦାକ । ୭ ନେ ଲେକାତେ ପାରମେଶ୍ୱାର୍‌ଆଃ ବାଚାନ୍ ପାସ୍‌ରାଅଇଦିୟାନା ଆତଃ ଯୀରୁଶାଲେମ୍‌ରେ ଜାଲ୍‌ଦିଗି ଚେଲାକଆଃ ଲେକାରେ ପୁରାଃ ଆଦକାଈଦିୟାନା ଆତଃ ଯାଜାକ୍ କଏତେ ପୁରାଃ ହଡ଼କ, ଏନ୍ ବିଶ୍ୱାସ୍‌କ ମାନାତିଈକେଦା ।

ସ୍ତ୍ରୀମାନ୍ ସାନାବ୍‌ୟାନାଏ

୮ ପାରମେଶ୍ୱାର୍‌ତାଃଏତେ ପୁରାଃ ଆଶିଷ୍ ନାମକେଦତେ ସ୍ତ୍ରୀମାନ୍ ପେଡ଼େଃତେ ପେରେଃୟାନାଏ ଆତଃ ହଡ଼କଆଃ ଆଲାରେ ପୁରାଃ ପେଡ଼େୟାନ୍ କାମି ଆତଃ ଆକଦାନ୍‌ଆ କାମିକ ରିକାତାଈକେନାଏ । ୯ ମେନ୍‌ଦ କୁରିନ୍ ଆତଃ ଆଲେକଜାଣ୍ଡ୍ରୀଆ ନାଗାର୍‌ରେ ଦାସିୟେତେ ରାଡ଼ାକାନ୍ ଯାହୁଦିକକେ ଈଦିକେଦତେ ବାଇୟାକାନ୍ ସାମାଜ୍ ଅଡ଼ାଃରେନ୍ ଚିମିନ୍ ହଡ଼କ ସ୍ତ୍ରୀମାନ୍‌ଆଃ ବିରୁଧ୍‌ରେ କାଜିକେଦାକ । ଇନ୍‌କୁ ଆତଃ କିଲିକିଆରେନ୍, ଆତଃ ଏସିଆରେନ୍ ଚିମିନ୍ ଯିହୁଦୀକ ବିରିଦକେଦତେ ସ୍ତ୍ରୀମାନ୍‌ଲଃ ଏପେରାଈ୍ ଏଚେଦକେଦାକ । ୧୦ ମେନ୍‌ଦ ପାବିତାର୍ ଆମ୍‌ ସ୍ତ୍ରୀମାନ୍‌କେ ଏମାକାଈ ସେଣାଁତେ କାଜିକତାନ୍ ତାଇକେନାଏ, ଏନାମେନ୍ତେ ଇନ୍‌କୁ ଇନିୟାଃ ବିରୁଧ୍‌ରେ ଜେଡ଼ନାଃ କାକ କାଜି ଦାଡ଼ିୟାନା । ୧୧ ଏନ୍ତେ “ଆଲେ ସ୍ତ୍ରୀମାନ୍‌କେ ମୁଣା ଆତଃ ପାରମେଶ୍ୱାର୍‌ଆଃ ବିରୁଧ୍‌ରେ ନିନ୍‌ୟା କାଜିତାନ୍‌ଲେ ଆୟୁମ୍‌କିୟା” ନେଆଁ କାଜିପେ ମେନ୍ତେ ଇନ୍‌କୁ ଚିମିନ୍ ହଡ଼କକେ ଟାକା ପାଏସା ଏମ୍‌କେଦତେ ଉସ୍‌କୁରକେଦକଆକ । ୧୨ ନେଲେକାତେ ଇନ୍‌କୁ ହଡ଼କକେ, ପ୍ରାଚିନ୍‌କକେ, ଆତଃ ଆଇନ୍ ଇତୁକକେ ଉସ୍‌କୁରକେଦତେ ଇନିଃକେ ସାଦ୍‌କିୟାକ ଆତଃ ପାଞ୍ଚେଟ୍‌ତେକ ଈଦିକିୟା । ୧୩ ଏନ୍ତେ ଇନ୍‌କୁ ଇନିୟାଃ ବିରୁଧ୍‌ରେ ଚିମିନ୍ ହସ୍‌ତ ଗାଝାକକେ ତିଈକେଦକଆକ, ଅକନ୍‌କଚି, “ନେ ହଡ଼ ସବେନ୍ ଇମ୍‌ତା ଆବୁଆଃ ପାବିତାର୍ ମାହିର୍ ଆତଃ ମୁଣାରାଃ ଆନ୍‌ରୁ ବିରୁଧ୍‌ରେ ହିଲାଈକାଜି କାଜି ନାଗେନ୍ତେ କାଏ ବାଗିତାନା” ମେନ୍ତେ କାଜିକେଦାକ । ୧୪ ଚିୟାଃତି ଆଲେ, ନାଜରେଡ଼ରେନ୍ ଯୀଶୁକେ ନେ ମାହିର୍ ଅଡ଼ାଃକେ ଜିୟନେଆ ଆତଃ ମୁଣା ଏମାକାଦ୍‌ବୁ ରିଚିରିଝାଜକେ ବାଦ୍‌ଲାଅୟାଏ ମେନ୍ତେ ନେ ହଡ଼କେ କାଜିତାନ୍‌ଲେ ଆୟୁମ୍‌କିୟା । ୧୫ ଇମ୍‌ତା ପାଞ୍ଚେଟ୍‌ରେ ଦୁବାକାନ୍ ସବେନ୍ ହଡ଼କ ଇନିଃକେ ମିଦ୍‌ଜିର୍‌ରେ ନେଲ୍‌କିୟାକ ଆତଃ ଇନିୟାଃ ମେଦ୍‌ମୁହାଁଡ୍, ଦୁଁଡ୍‌ଆଃ ମେଦ୍‌ମୁହାଁଡ୍ ଲେକାକ ନେଲ୍‌କେଦା ।



ସ୍ତ୍ରୀମାନ୍‌ଆଃ କାଜି

୧ ଏନ୍ତେ ମାରାଈୟା ଯାଜାକ୍ ସ୍ତ୍ରୀମାନ୍‌କେ କୁଲିକିୟାଏ, “ଚିୟାଃ ନେ କାଜିକ ସାର୍‌ତି କାଜିତାନାଃତି ?” ୨ ସ୍ତ୍ରୀମାନ୍ କାଜିରୁହାଡ଼କିୟାଏ, “ହେ ହାଗାକ ଆତଃ ଆପୁକ ଆୟୁମ୍‌ମେପେ ! ଆବୁଆଃ ପୁରଖା ଆପୁ ଆବ୍ରାହାମ୍ ହାରେନ୍ ସାହାରରେ ତାଇନଃ ସିବାରେ, ମାନାରାଈରେନ୍ ପାରମେଶ୍ୱାର୍ ମେସପତାମିଆରେ ଇନିଃକେ ଦାର୍‌ଶାନ୍ ଏମ୍‌କିୟାଏ, ୩ ଆତଃ ଇନିଃକେ କାଜିକିୟାଏ, “ଆମାଃ ଅଡ଼ାଃରେନ୍‌କକେ ଆତଃ ଦିଶ୍‌ମ୍‌କେ ବାଗିକେଦତେ ଆଇଈ୍ ଉଦୁବାମେ ଦିଶ୍‌ମ୍‌ତେ ସେନଃମେ ।” ୪ ଏନ୍ତେ ଇନିଃ ଆୟାଃ ଦିଶ୍‌ମ୍ କଲ୍‌ଦିୟଏଏତେ ଅତଈକେଦତେ ହାରାନ୍ ଦିଶ୍‌ମ୍‌ରେ ତାଇନଃ ନାଗେନ୍ତେ ସେନଃୟାନା, ଆତଃ

* ୭: ୭:୧ ସାଡ଼

ଆତ୍ମାହାମିଆ ଆପୁତେ ଗଂଷୟାନ୍ତଃ ନାହାଁଃ ଆପେ ଅକନ୍ ଦିଶ୍ଵମ୍ରେ ତାଇନଃତାନାପେ, ଏନ୍ ଦିଶ୍ଵମ୍ରେ ପାର୍ମେଶ୍ଵର ଜନିଃକେ ଆଉକିୟାଏ ।^୫ ଇମ୍ତା ପାର୍ମେଶ୍ଵର ଆତ୍ମାହାମିକେ ଏନ୍ ଦିଶ୍ଵମ୍ରେ ଜେତାନ୍ ହାନାରିଙ୍ଗ କାଏ ଏମକିୟା, ଅତେରାଃ ମିଦ୍ତାଶ୍ଵାଙ୍ଗ୍ ହାଁ କାଏ ଏମକିୟା, ମେନ୍ଦ୍ ଜନିୟାଃ ହନ୍ଗାଁଣା କାକ ତାଇକେନ୍ରେୟ ପାର୍ମେଶ୍ଵର ଜନିଃକେ ଆତଃ ଆୟାଃ ହିଜ୍ଞଃତାନ୍ ପିଢିରେନ୍କକେ ଏନ୍ ଦିଶ୍ଵମ୍ରେ ଆକ୍ତେୟାନ୍ରେ ନାଙ୍ଗ୍ ଏମାପେୟାଈଙ୍ଗ୍ ମେନ୍ତେ ବାନାର୍ତ୍ତା ଏମାକାଦ୍ ତାଇକେନାଏ ।^୬ ପାର୍ମେଶ୍ଵର ନେଲେକାଏ କାଜିକାଇ ତାଇକେନା, ଆମାଃ ହନ୍ଗାଁଣାକ ଦାସିୟଃଆ ଆତଃ ଏତାଃ ଦିଶ୍ଵମ୍ରେକ ତାଇନା ଏନ୍ତେ ଉପ୍ତନ୍* ଶାଅ ସିମା ପୁରାଃଶିକ ସିରିଦଃଆ ।^୭ ମେନ୍ଦ୍ ଜନ୍କୁ ଅକ ହତ୍ତକଆଃ ସେଝା ରିକାକଆକ, ଆଇଙ୍ଗ୍ ଏନ୍ ହତ୍ତକଆଃ ବିତାର୍ ରିକାଏୟାଈଙ୍ଗ୍, ଏନ୍ତାୟମ୍ତେ ଆପେୟାଃ କିଲିକ ଏନ୍ ଦିଶ୍ଵମ୍ରେକେ ଅତଙ୍ଗ୍ଆ ଆତଃ ନେ ଠାୟାଦ୍ରେ ଆଇୟାଃ ସେଝା ରିକାଏୟାକ । ମେନ୍ତେ ପାର୍ମେଶ୍ଵର କାଜିକେନାଏ ।^୮ ଏନ୍ତେ ପାର୍ମେଶ୍ଵର, ଆତ୍ମାହାମିଆ ମିଆଦ୍ ରାଜିନାମାରେୟାଃ ଚିହ୍ନାଁ ଲେକା ଖାତ୍ନାଅରେୟାଃ ଆନ୍ତୁ ତଲ୍ଲକେଦା । ଏନାତେ ଆତ୍ମାହାମି, ଆୟାଃ ହନ୍ ଇସାକଆଃ ଜାନାମ୍ରେୟାଃ ମିଦ୍ ହାପ୍ତା ତାୟମ୍ତେ ଆତ୍ମାହାମି ଜନିଃକେ ଖାତ୍ନାଅକିୟାଏ, ଇସାକ ଆୟାଃ ହନ୍ ଯାକୁଦ୍ କେ ଆତଃ ଯାକୁଦ୍ ଆୟାଃ ଗେଲ୍ଲବାର୍ତ୍ତା* ହନ୍କକେ ଖାତ୍ନାଅକେଦକଆ, ଅକନ୍କଚି ଆତ୍ମାଆଃ ପୁରୁଖା ହାତ୍ତାମ୍ତକାନ୍ଦକ ।

^୯ “ଯାକୁଦ୍ଆଃ ହନ୍କ ଆକଆଃ ହାଗା ଯୋଷେଫ୍ କେ ହିସ୍ତାକିୟାକ ଆତଃ ଜନିଃକେ ମିସାର୍ ଦିଶ୍ଵମ୍ରେ ଦାସିୟାଃ ନାଗେନ୍ତେ ଆଖିରଙ୍ଗିକିୟାକ । ମେନ୍ଦ୍ ପାର୍ମେଶ୍ଵର ଜନିଃକେ ତାଇକେନା, ^{୧୦} ଆତଃ ସବେନ୍ ଦୁକୁ ହାସୁଏତେ ଜନିଃକେ ସୁତୁଃ ଆଉକିୟାଏ । ଚିମ୍ତା ଯୋଷେଫ୍ ମିସାର୍ ଦିଶ୍ଵମ୍ରେନ୍ ଫାରୋ ରାଜାରାଃ ହେପାଦ୍ରେ ହିଜ୍ଞୟାନ୍, ଇମ୍ତା ପାର୍ମେଶ୍ଵର ଜନିଃକେ ସୁକୁଆନ୍ ବାଇଲ୍ ଚାଲାନ ଆତଃ ସେଣାଁ ଏମକିୟାଏ, ଆତଃ ରାଜା, ଯୋଷେଫ୍ କେ ମିସାର୍ ଦିଶ୍ଵମ୍ରେୟାଃ ଚାଲାନିଃ ଆତଃ ସବେନ୍ ଅଡ଼ାଃରେନ୍ ହାକିମ୍ ଲେକାଏ ବାଇକିୟା । ^{୧୧} ଏନ୍ତେ ଗଟା ମିସାର୍ ଆତଃ କିନାନ୍ ଦିଶ୍ଵମ୍ରେ ରିଜାୟାନ୍ତେ ହତ୍ତକ ପୁରାଃ ଦୁକୁ ସାହାତିଙ୍ଗକେଦାକ । ଆତ୍ମାଆଃ ପୁରୁଖା ହାତ୍ତାମ୍ତକ ଜେତାନ୍ ଜମେୟାଃ କାକ ନାମ୍ ଦାଡିକେଦା । ^{୧୨} ମେନ୍ଦ୍ ଯାକୁଦ୍ ମିସାର୍ରେ ଜମେୟାଃ ନାମାତାନା ମେନ୍ତେ ଆୟୁମ୍କେଦ୍ରେ, ଆୟାଃ ହନ୍କ, ଅକନ୍କଚି ଆତ୍ମାଆଃ ପୁରୁଖାହାତ୍ତାମ୍ ହତ୍ତକ ତାନ୍କ, ଜନ୍କୁକେ ପାହିଲାତେ ମିସାର୍ ଦିଶ୍ଵମ୍ରେ କୁଲ୍ଲକେଦକଆ । ^{୧୩} ମିସାର୍ରେ ଜନ୍କୁ ବାର୍ତ୍ତାଏତେ ସେନ୍କେନାକ ଇମ୍ତା ଯୋଷେଫ୍ ଆୟାଃ ହାଗାକତାଃରେ ନେପେଲ୍ ଉପ୍ତୁମ୍ୟାନ୍ ଆତଃ ମିସାର୍ରେନ୍ ରାଜା ଫାରୋ ଯୋଷେଫ୍ଆଃ ଅଡ଼ାଃରେନ୍କଆଃ ବିଷାଏରେ ସାରିୟାନ୍ । ^{୧୪} ଏନ୍ତେ ଯୋଷେଫ୍ ଆୟାଃ ଆପୁ ଯାକୁଦ୍ ଆତଃ ଆୟାଃ ଅଡ଼ାଃରେନ୍ ସବେନ୍କକେ ମିସାର୍ରେ କେଡାକେଦକଆ, ଜନ୍କୁ ଆପିହିସି* ଗେଲ୍ଲମଣେୟାଁ^{୧୫} ହତ୍ତକ ତାଇକେନା । ^{୧୬} ଏନ୍ତେ ଯାକୁଦ୍ ମିସାର୍ରେ ସେନ୍ୟାନ୍, ଏନ୍ତାଃରେ ଆଇଃକ ଆତଃ ଆୟାଃ ହନ୍କ ଗଂଷୟାନ୍ । ^{୧୭} ଜନ୍କୁଆଃ ଗଂଷ ହତ୍ତମ୍ରେ ଶିଶ୍ଵମ୍ରେକ ଇଦିକେଦା ଆତଃ ଆତ୍ମାହାମି, ହାମର୍ ହତ୍ତକତାଃଏତେ କିରଙ୍ଗାଦ୍ ତପାଗାଡାରେ ଜନ୍କୁକେ ତପାକେଦକଆ ।

^{୧୮} “ପାର୍ମେଶ୍ଵର ଆତ୍ମାହାମିକେ ଅକନ୍ ବାନାର୍ତ୍ତା ଏମାକାଇ ତାଇକେନାଏ, ଏନା ପୁରାଆଃରେୟାଃ ଦିପିଲି ନାଡ଼େୟାନ୍ତି ଆତ୍ମାଆଃ ହତ୍ତକ ମିସାର୍ ଦିଶ୍ଵମ୍ରେ ପୁରାଶିକ ପସାୟାନ୍ । ^{୧୯} ଚୁଶ୍ଟୁରେ ଯୋଷେଫ୍ ବିଷାଏରେ କାଏ ସାରିତାନ୍ ମିଆଦ୍ ରାଜା ମିସାର୍ ଦିଶ୍ଵମ୍ରେ ରାଇକେଦା । ^{୨୦} ଜନିଃ ଆତ୍ମାଆଃ ପୁରୁଖା ହାତ୍ତାମ୍ତକେ ପୁରାଶି ସାସାତିକେଦ୍ରେ ସିରିଦ୍ କେଦକଆ ଆତଃ ଜନ୍କୁଆଃ ବାଲେଃହନ୍କ ଆଲକାକ ନାହୁଦଃକା ମେନ୍ତେ ଜନ୍କୁକେ ଏଣ୍ଡାଃରିକାକେଦକଆ । ^{୨୧} ଏନ୍ ଦିପିଲିରେ ମୁଖା ଜାନାମ୍ୟାନ୍, ଜନିଃ ପାର୍ମେଶ୍ଵର ନେପେଲ୍ରେ ପୁରାଃ ସୁଗାଡାନ୍ତି ତାଇକେନା । ^{୨୨} ଜନିଃ ଆପି ଦାହାଁନା ଆପୁତେୟାଃ ଅଡ଼ାଃରେ ଆସ୍ତୁୟାନ୍, ^{୨୩} ଆତଃ ଏନ୍ କେଦେ ଅଡ଼ାଃଏତେ ବାହାରିରେକ ଦହକିୟା ଇମ୍ତା, ଫାରୋରାଃ ହତ୍ତକ୍ତୁଡି ଜନିଃକେ ନାମ୍ କେଦ୍ରେ ଆୟାଃ ହନ୍ ଲେକାଏ ଆସ୍ତୁକିୟା । ^{୨୪} ଆତଃ ମୁଖା ମିସାର୍ରେନ୍ ସବେନ୍ ହତ୍ତକଆଃ ସେଣାଁତେ ଇତୁୟାନ୍ ଆତଃ ଆୟାଃ କାଜି କାମିରେ ପୁରାଶି ମାଗାଙ୍ଗ୍ ହତ୍ତ ହାୟାନ୍ ।

^{୨୫} “ମୁଖା ବାର୍ତ୍ତା* ବାରାଷରେନ୍ ହାୟାନ୍, ଇମ୍ତା ଜନିଃ ଆୟାଃ ଇସାଏଲ୍ରେନ୍ ହାଗାକକେ ମିସାର୍ରେନ୍ ହତ୍ତକ ଚିଲ୍ଲକାକ ନେଲ୍ଲକତାନା, ଏନା ସାରିନାମ୍ ନାଗେନ୍ତେ ମନ୍ସୁରୁଦ୍ରେ ଉହାଡ୍ କେଦା । ^{୨୬} ଜନିଃ ଜନ୍କୁଏତେ ମିହୁଡିନିଃକେ ଅନ୍ୟାୟ ରିକାକତାନ୍ ନେଲ୍ଲକିଃତେ ଦେଙ୍ଗାକ ନାଙ୍ଗ୍ ମିସାର୍ରେନ୍ ହତ୍ତକେ ବାଦ୍ଲା ଇଦିତାନ୍ଲିଃ ଜନିଃକେ ଗଂଷକିୟା । ^{୨୭} ଆୟାଃ ହରାତେ ଆୟାଃ ହତ୍ତକକେ ବାଞ୍ଚାଅକ ନାଗେନ୍ତେ ପାର୍ମେଶ୍ଵର ଆଇଃକକେ ବେଆରିତାନା, ଏନା ଜନ୍କୁ ଆଡ୍ କାର୍ ଉରୁମେକାକ ମେନ୍ତେ ଜନିଃ

* ୭:୨ ୭:୩ ଚାଲର † ୭:୮ ୭:୮ ବାରା ‡ ୭:୧୫ ୭:୧୫ ଶାଠିଏ § ୭:୧୫ ୭:୧୫ ପାନ୍ଦରା * ୭:୨୩ ୭:୨୩ ଚାଲିଙ୍ଗ

ଉତ୍ତୁକେଦାଏ, ମେନଦ ଇନକୁ ଏନା କାକ ଆବକାର୍ ଉରୁମକେଦା । ୨୭ ଇନିଃ ଏଟାଃ ହୁଲାଙ୍ଗ ବାରହଡ୍, ଇସ୍ତାଏଲ୍ ହଡ୍‌କିନକେ ଲାପଡ଼ାଈତାନ୍ ନେଲ୍‌କେଦକିନାଏ, ଆତଃ ଏନ୍ ବାରାନ୍‌କିନ୍ ମେସାଅଃକାକିନ୍ ମେନ୍ତେ ସାନାଙ୍ଗ୍‌ତାନ୍‌ଲଃ କାଜିକେଦକିନାଏ, ‘ଆୟୁମେବେନ୍, ଆବେନ୍ ବାରାନ୍‌କିନ୍ ହାତାତାନ୍‌ବେନ୍ ତିନାଃମେନ୍ତେବେନ୍ ଲାପଡ଼ାଈତାନା ?’ ୨୮ ମେନଦ ଅକନ୍ ହଡ୍ ଏଟାଃ ମିହୁଡ୍‌କେ ଅନୟାୟ ଚିକାଈ ତାଈକେନାଏ, ଇନିଃ ମୁଣାକେ ଇଲିଙ୍ଗ୍‌କେଦତେ କୁଲିକିୟା, ‘ଆଲିଙ୍ଗ୍‌ୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ଅକଏ ଆମକେ ସାଲାକାଦମେୟା ?’ ୨୯ ‘ହଲା ଏନ୍ ମିସାର୍‌ରେନ୍ ହଡ୍‌କେମ୍ ଗଏଃକିଃ ଲେକା ଆମ୍ ତିନାଃ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାମ୍ ?’ ୩୦ ମୁଣା ଏନ୍ କାଜି ଆୟୁମକେଦତେ, ମିସାର୍ ଦିଶ୍‌ମ୍‌ଏତେ ନିରୁୟାନା ଆତଃ ମିଦିୟନ୍ ଦିଶ୍‌ମ୍‌ରେ ତାଈନ୍‌ୟାନା । ଏନ୍ତାଃରେ ଆୟାଃ ବାରିଆ ହନ୍‌କିନ୍ ଜାନାମୟାନା ।

୩୦ “ବାରୁହିସି ବାରାଷ୍ ପୁରାୟାନ୍ ତାୟମତେ, ସିନାଇ ବୁରୁ ହେପାଦରେୟାଃ ବିରରେ ପାରମେଶ୍‌ବରଆଃ ମିଆଁଦ୍ ଦୁଁଦ୍ ରୁପାଦରାଃ ସେଙ୍ଗେଲ୍ ଜୁନୁଲ୍‌ରେ ମୁଣାତାଃରେ ଉଦୁବେନ୍‌ୟାନା । ୩୧ ମୁଣା ଏନା ନେଲ୍‌କେଦତେ ପୁରାଃଗି ହାଏକାବ୍‌ୟାନା ଆତଃ ଇନିଃ ବୁଗିଲେକା ନେଲେ ନାଗେନ୍ତେ ରୁପାଦ୍ ନାଡ଼େଃତେ ସେନୟାନା । ମେନଦ ଇନିଃ ପ୍ରାଭୁଆଃ ଲାବ୍‌କା ଆୟୁମକେଦାଏ, ୩୨ ‘ଆଇଙ୍ଗ୍ ଆପେୟାଃ ପୁରୁଖା ହାଡ଼ାମ୍ ଆବ୍ରାହାମ୍, ଇସାକ୍, ଆତଃ ଯାକ୍‌ବ୍‌ଆଃ ପାରମେଶ୍‌ବର ତାନିଙ୍ଗ୍ ।’ ମୁଣା ବରତେ ଏକ୍‌ଲାଅୟାନା ଆତଃ ନେଲ୍ ନାଗେନ୍ତେ କାଏ ସାହାସକେଦା । ୩୩ ପ୍ରାଭୁ ଇନିଃକେ କାଜିକିୟା, ‘ଖାରୁପାତାମାଃ ହଲେଙ୍ଗେମେ, ଚିୟାଃଗି ଆମ୍ ତିଙ୍ଗୁଆକାନ୍ ଠାୟାଦ୍ ପାବିତାର୍ ଅତେ ତାନାଃ । ୩୪ ଆଇଙ୍ଗ୍ ମିସାର୍‌ରେ ଆଇଁୟାଃ ହଡ୍‌କଆଃ ସାପାତିକଇଙ୍ଗ୍ ନେଲ୍‌କାଦା । ଇନକୁଆଃ ରାଆଃ ଗେରାଙ୍ଗ୍‌କଇଙ୍ଗ୍ ଆୟୁମକାଦା ଆତଃ ଇନକୁକେ ତନଲ୍‌ଦାସିଏତେ ରାଡ଼ାକ ନାଗେନ୍ତେଇଙ୍ଗ୍ ଆଡ୍‌ଗୁଆକାନା । ନାହାଁଃ ହିଜୁଃମେ, ଆଇଙ୍ଗ୍ ଆମକେ ମିସାର୍‌ରେତେଇଙ୍ଗ୍ କୁଲ୍‌ମେୟା ।’

୩୫ “ଅକଏ ଆମକେ ଆଲେୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ସାଲାକାଦମାଏ ?’ ମେନ୍ତେକ କୁଲିକାଈ ଏନ୍ ମୁଣାଗି ଇସ୍ତାଏଲ୍ ହଡ୍‌କତାଃଏତେ ହିଲାଙ୍ଗ୍‌କାନ୍ ତାଈକେନା । ଇନିଃକେ ପାରମେଶ୍‌ବର ରୁପାଦରାଃ ସେଙ୍ଗେଲ୍ ଜୁନୁଲ୍‌ରେ ଉଦୁବାକାନ୍ ଦୁଁଦ୍‌ଆଃ ଦେଙ୍ଗାତେ ହଡ୍‌କଆଃ ହାକିମ୍ ଆତଃ ଇନକୁକେ ତନଲ୍‌ଏତେ ରାଡ଼ାକ ନାଗେନ୍ତେ କୁଲିକିୟା । ୩୬ ଇନିଃ ମିସାର୍‌ରେ ଆତଃ ସୁପ୍ ଦରେୟାରେ ପୁରାଃ ଆକଦାଦାଅ କାମିକ କାମିକେଦତେ ହଡ୍‌କକେ ମିସାର୍ ଦିଶ୍‌ମ୍‌ଏତେ ଅତଙ୍ଗ୍‌କେଦକଆ, ଆତଃ ବାରୁହିସି ବାରାଷ୍ ଜାକେଦ୍ ବିରରେ ସୁଡ଼ଃ ଆଉକେଦକଆ । ୩୭ ମୁଣା ଆଇଃକ୍‌ଗି ଇସ୍ତାଏଲ୍‌ରେନ୍ ହଡ୍‌କକେ କାଜିୟାଦକଆ, ‘ପାରମେଶ୍‌ବର ଆଇଙ୍ଗ୍‌କେ କୁଲ୍‌କାଦିଙ୍ଗ୍ ଲେକାଗି, ଆପେତାଃତେ ମିଆଁଦ୍ ନାବୀକେ କୁଲିୟା, ଇନିଃ ଆପେୟାଃ ହଡ୍‌କଏତେ ମିହୁଡ୍, ହବାଅଃଆଏ ।’ ୩୮ ଏନ୍ ମୁଣାଗି ବିରରେ ହୁଣ୍ଡିୟାକାନ୍ ଇସ୍ତାଏଲ୍ ହଡ୍‌କଲଃ ତାଈକେନାଏ । ଇନିଃ ସିନାଇ ବୁରୁରେ ଆବୁଆଃ ପୁରୁଖା ହାଡ଼ାମ୍‌କଲଃ ଆତଃ ଇନକୁଲଃ ଜାଗାର୍‌ତାନ୍ ଦୁଁଡ୍‌ଲଃ ତାଈକେନାଏ ଆତଃ ଆବୁତାଃରେ ଉଦୁବେ ନାଗେନ୍ତେ ଇନିଃ ପାରମେଶ୍‌ବରତାଃଏତେ ଜାନିଦ୍ ବାଚାନ୍ ତେଲାକେଦାଏ ।

୩୯ “ମେନଦ୍ ଆବୁଆଃ ପୁରୁଖା ହାଡ଼ାମ୍‌କ ଇନିଃକେ କାକ ମାନାତିଙ୍ଗ୍‌କେନା, ଇନକୁ ଇନିଃକେ ଉଦୁବ୍ ଗେନାକେଦତେ ମିସାର୍‌ରେତେ ରୁହାଡ୍ ନାଗେନ୍ତେକ ମନ୍‌ସୁରୁଦ୍‌ରେ ଉତ୍ତୁକେଦା । ୪୦ ଏନାମେନ୍ତେ ଇନକୁ ହାରୁନ୍‌କେକ କାଜିକିୟା, ‘ନାହାଁଃ ଆଲେକେ ସୁଡ଼ଃ ଇଦ୍ ନାଗେନ୍ତେ ଚିମିନ୍ ମାହାପୁରୁକକେ ବାଈକମ୍ । ଆଲେକେ ମିସାର୍ ଦିଶ୍‌ମ୍‌ଏତେ ଅତଙ୍ଗ୍ ଆଉକାଦଲେ ଏନ୍ ମୁଣାଦ୍ ତିନାଃ ଚିକାୟାନାଏ ଏନା କାଲେ ସାରିୟା ।’ ୪୧ ଏନ୍ତେ ଏନ୍ ଦିପିଲିରେ ଇନକୁ ମିଆଁଦ୍ ଦାମୁରହନ୍‌ରାଃ ମୁରୁଡ୍ ବାଈକିୟାକ ଆତଃ ଏନ୍ ଦାମୁରହନ୍ ନାଗେନ୍ତେ ଦାଣ୍ଟେ ରାକାଦକେଦାକ । ଏନ୍ତେ ଆକଗି ବାଈୟାକାଦ୍ ଏନ୍ ମୁରୁଡ୍‌ରାଃ ମାଈନିଃ ନାଗେନ୍ତେ ମିଆଁଦ୍ ଭୋଜି ଜମକେଦାକ । ୪୨ ଏନାତେ ପାରମେଶ୍‌ବର ଇନକୁତାଃଏତେ ସାଜିନ୍‌ୟାନା ଆତଃ ଇନକୁକେ ସିମ୍‌ରେନ୍ ଇପିଲ୍‌କକେ ସେଝା ନାଗେନ୍ତେ ବାଗିକେଦକଆ । ନେଲେକା ନାବୀକଆଃ ପୁଅରେ ଅଲ୍‌କାନା,

“ହେ ଇସ୍ତାଏଲ୍‌ରେନ୍ ହଡ୍‌କ,
ଆପେ ବାରୁହିସି ବାରାଷ୍ ଜାକେଦ୍ ବିରରେ ଆଇଁୟାଃ ନାଗେନ୍ତେ
ଜାଁତୁକଆଃ ଦାଣ୍ଟେ କାପେ ରାକାଦ୍ ।

୪୩ ମେନଦ୍ ସେଝା ନାଗେନ୍ତେ ଆପେ ଅକନ୍ ମୁରୁଡ୍‌କେ ବାଈକିୟାପେ,
ଆତଃ ଏନ୍ ମାଲେଖ୍ ମାହାପୁରୁଆଃ କୁମ୍‌ମା

ଆତଃ ଇପିଲ୍ ମାହାପୁରୁ, ରମ୍ପାରାଃ ମୁରୁତ୍ତକେପେ ଗଅଃକେଦା ।

ଏନାମେନ୍ତେ ଆଇଙ୍ଗ ବାବିଲୋନରେୟାଃ ହାନ୍ ପାରମ୍ପେତେଇଙ୍ଗ ତଲ୍ କୁଲ୍ପେୟା ।^୮

୪୪ “ବିରରେ ଆବୁଆଃ ହାଡ଼ାମ୍ ହଡ଼କଲଃ ପାର୍ମେଶ୍ୱରଆଃ ତାଇନଃ କୁମ୍ବା ତାଇକେନା । ପାର୍ମେଶ୍ୱର, ମୁଣାକେ ବାଇ ନାଗେନ୍ତେ ଆବୁକାଇ ତାଇକେନ୍ ଲେକାଗି ବାଇୟାକାଦ୍ ତାଇକେନାଏ ଆତଃ ମୁଣାକେ ଉଦୁବାକାଇ ନାମୁନା ଲେକାଗି ବାଇୟାକାନ୍ ତାଇକେନା ।^{୪୫} ତାୟମ୍ ଦିପିଲିକରେ ଆବୁଆଃ ପୁରୁଖା ହାଡ଼ାମ୍ ଆକଆଃ ଆପୁକତାଃଏତେ ନାମାକାଦ୍, ଏନ୍ କୁମ୍ବାକେ ଯିହୋଶ୍ୱୟଲଃ ଗଅଃକେଦ୍ତେ ସେନ୍ ଆୟାରୁୟାନାକ ଆତଃ ପାର୍ମେଶ୍ୱରତେ ହାରାଅକାନ୍ ଏଗାଃ ହଡ଼କଆଃ ଦିଶ୍ୱମକେକ ଆକତେୟାରକେଦା । ଆତଃ ଏନ୍ କୁମ୍ବା ଦାଉଦ୍ଆଃ ପାରିୟା ଜାକେଦ୍ ତାଇକେନା ।^{୪୬} ଦାଉଦ୍, ପାର୍ମେଶ୍ୱରଆଃ ନେପେଲ୍ରେ ସୁକୁଆନ୍ଗି ନେଲଃୟାନା, ଏନ୍ତେ ଇନିଃ ଯାକୁଦ୍ଆଃ ପାର୍ମେଶ୍ୱରଃ[‡] ନାଗେନ୍ତେ ମିଆଁଦ୍ ତାଇନଃ ଠାୟାଦ୍ ବାଇ ଇତିଇଙ୍ଗମେ ମେନ୍ତେ କୁଲିକିୟା ।^{୪୭} ମେନ୍ଦ୍ ସୁଲିମାନ୍ ଇନିୟାଃ ନାଗେନ୍ତେ ମିଆଁଦ୍ ଅଡ଼ାଃ ବାଇକେଦାଏ ।

୪୫ “ମେନ୍ଦ୍ ହଡ଼ ବାଇୟାକାଦ୍ ଅଡ଼ାଃରେ ସାଲାଜି ଉତାର୍ ପାର୍ମେଶ୍ୱର କାଏ ତାଇନା । ନାବୀ ନେ ଲେକାଏ କାଜିକାଦା,

୪୬ “ପ୍ରାଭୁ କାଜିତାନାଏ, ସିର୍ମା ଆଇଁୟାଃ ରାଜଗାଦି ତାନାଃ,

ଆତଃ ଅତେ ଆଇଁୟାଃ କାଟାରେୟାଃ ଗାଣ୍ଡୁ ତାନାଃ ।

ଆପେ ଆଇଁୟାଃ ନାଗେନ୍ତେ ଚିଲ୍ଲକାନ୍ ଅଡ଼ାଃପେ ବାଇୟା ?

ଆଇଁୟାଃ ରୁଡ଼ୁ ନାଗେନ୍ତେ ଠାୟାଦ୍ କତାଃରେୟା ?

୫୦ ନେ ସବେନାଃ ଚିନାଃ ଆଇଙ୍ଗି କାଇଙ୍ଗ୍ ବାଇୟାକାଦା ?^୯

୫୧ “ସ୍ତ୍ରୀମାନ୍ ଆତଃଗି କାଜିକେଦା, ଆପେ ଚିମିନ୍ଗି କା ମାନାଡ଼ିଙ୍ଗତାନ୍ ହଡ଼କ ତାନ୍ପେ ! ଆପେୟାଃ ମନ୍ସୁରୁଦକ ପୁରାଃଗି ସଡ଼ରାରିୟା ଆତଃ ପାର୍ମେଶ୍ୱରଆଃ ବାଦାନ୍ ନାଙ୍ଗ୍ ଆପେ ପୁରାଃଗି କା ଆୟୁମ୍ ହଡ଼କ ତାନ୍ପେ ! ଆପେ ଆପେୟାଃ ପୁରୁଖା ହାଡ଼ାମ୍ ଲେକାଃପେ, ଆପେୟାଗି ସବେନ୍ ଇମ୍ପତା ପାବିତାର୍ ଆମ୍ବାରାଃ ବିରୁଧରେ କାଜିତାନାପେ ।^{୫୨} ଆପେୟାଃ ପୁରୁଖା ହାଡ଼ାମ୍ ଆଃ ହରାତେ କା ସାସାତିକାନ୍ ଜେତା ନାବୀ ମେନାକଆ ଚି ? ଧାର୍ମାନ୍ ଦାସିଆଃ ହିନିଜୁଃ ବିଷାଏରେ, ସିଦାରେ ଉଦୁବାକାଦ୍ ପାର୍ମେଶ୍ୱରଆଃ କାଜିକୁଲ୍କକେ ଆପେୟାଃ ପୁରୁଖା ହାଡ଼ାମ୍ ଗଏଃକେଦକଆକ । ଆତଃ ନାହିଁଃ ଆପେ ଇନିଃକେ ବାଇରିକଆଃ ତିଃଇରେ ଜିମାକେଦ୍ତେ ଗଏଃକିୟାପେ ।^{୫୩} ଆପେ ଦୁଁଡ଼କଆଃ ହରାତେ ଏମାକାନ୍ ପାର୍ମେଶ୍ୱରଆଃ ଆନ୍ତୁପେ ନାମାକାଦା, ଏନ୍ରେୟ ଆପେ ଏନାକେ କାପେ ମାନାଡ଼ିଙ୍ଗକେଦା ।”

ଦିରି ଚିଦ୍ଗିତେ ସ୍ତ୍ରୀମାନ୍ଆଃ ଗନଏଃ

୫୪ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ସ୍ତ୍ରୀମାନ୍ଆଃ ନେ କାଜି ଆୟୁମ୍କେଦ୍ତେ ପୁରାଃଗି ଖୁସ୍ତୟାନା ଆତଃ ଆୟାଃ ନାଗେନ୍ତେ ଖୁସ୍ତେ ତାଟା ହାବ୍କେଦାକ ।^{୫୫} ମେନ୍ଦ୍ ସ୍ତ୍ରୀମାନ୍ ପାବିତାର୍ ଆମ୍ବାତେ ପେରେୟାନ୍ଲଃ ସିର୍ମାତେ ଆରିଦ୍ରାକାବ୍କେଦା ଏନ୍ତେ ପାର୍ମେଶ୍ୱରଆଃ ମାନାରାଙ୍ଗ୍ ଆତଃ ଯିଶୁକେ ପାର୍ମେଶ୍ୱରଆଃ ଜମ୍ପତିସାଃରେ ତିଙ୍ଗୁଆକାନାଏ ନେଲ୍କିୟା ।^{୫୬} ଆତଃ ଇନିଃ କାଜିକେଦାଏ, “ନେଲେପେ, ଆଇଙ୍ଗ୍ ସିର୍ମା ନିଜାକାନ୍ ଆତଃ ମାନଖାହନ୍କେ ପାର୍ମେଶ୍ୱରଆଃ ଜମ୍ପତିସାଃରେ ତିଙ୍ଗୁଆକାନ୍ ନେଲିତାନାଇଙ୍ଗ୍ ।”

୫୭ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ପୁରାଃ କାଉରିତାନ୍ଲଃ ନେ କାଜି କା ଆୟୁମେ ନାଗେନ୍ତେ ଆକଆଃ କୁଡୁରରେ ତିଃଇ ଦହକେଦାକ । ଏନ୍ତେ ଇନକୁ ସବେନ୍କ ମିଦ୍ୟାନ୍ତେ ଆୟାଃ ହେପାଦ୍ତେ ନିରୁକେଦାକ,^{୫୮} ଆତଃ ଇନକୁ ସାହାରହେତେ ବାହାରି ଆଇଙ୍ଗକେଦ୍ତେ ଆୟାଃ ଚେତାନ୍ରେ ଦିରି ଚିଦ୍ଗିକିୟାକ । ହସଡ଼ ଗାଞ୍ଜା ଏମ୍ ହଡ଼କ ଶାଉଲ୍ ନୁଡୁମ୍ ମିଆଁଦ୍ ସେପେଡ୍ଡେଦ୍ଆଃ ଜିମାରେ ଇନକୁଆଃ ଲିଜାଃକ ବାରିକେଦା ।^{୫୯} ଇନକୁ ସ୍ତ୍ରୀମାନ୍ଆଃ ଚେତାନ୍ରେ ଦିରି ଚିଦ୍ଗିକେଦ୍ ଇମ୍ପତା ଇନିଃ ପ୍ରାଭୁକେ ବିନ୍ତିକେଦ୍ତେ କାଜିକିୟା, “ହେ ପ୍ରାଭୁ ଯିଶୁ, ଆଇଁୟାଃ ଆମ୍ବାକେ ତେଲାଏମେ ।”^{୬୦} ଇନିଃ ଇକ୍ତୁମ୍ପକେଦ୍ତେ ପୁରାଃ କାଉରିତାନ୍ଲଃ କାଜିକେଦା, “ହେ ପ୍ରାଭୁ, ଇନକୁଆଃ ବିରୁଧରେ ନେ ପାଦ୍ ଆଲମ୍ ପାହେମେୟା ।” ନେୟା କାଜିକେଦ୍ତେ ଜାଉତାୟାଃ ଟୁଣ୍ଡୁକେଦା । ସ୍ତ୍ରୀମାନ୍ଆଃ ଗନଏଃରେ ଶାଉଲ୍ ମିଦ୍ମନ୍ୟାନାଏ ।

‡ ୭:୪୨ 7:46 ଚିମିନ୍ ମାରି ଅନଲ୍ରେ “ଯାକୁବ୍ଆଃ ପାର୍ମେଶ୍ୱର” କେ ଇସ୍ରାଏଲ୍ରେନ୍ ହଡ଼କ ମେନ୍ତେ ଅଲ୍ଲାନାମା



ଶାଉଲ କାଲିସିୟାକେ ସାସାତିକେଦା

^୯ ଶାଉଲ ସ୍ତ୍ରୀଫାନଆଃ ଗଟଏଃରେ ମିଦମନ୍ୟାନାଏ । ଏନ୍ ହୁଲାଙ୍ଗତାଃଏତେ ଯାରୁଶାଲେମରେୟାଃ କାଲିସିୟାକରେ ପୁରାଃଟି ସାସାତିକ ଏନେଚେଦୟାନା । ପ୍ରେରିତ୍‌କେକେ ବାରିକେଦ୍‌ତେ ଏଟାଃ ସବେନ୍ ବିଶ୍ୱାସୀକ ଯିହୁଦା ଆତଃ ଶମିରୋନ୍ ପାର୍ଗାନ୍‌ରେ ଛିତିବିତିୟାନାକ । ^{୧୦} ଚିମିନ୍ ଧାର୍ମାନ୍ ହଡ଼କ ପୁରାଃ କାଉରିକେଦ୍‌ତେ ଏୟମ୍‌ତାନ୍‌ଲଃ ସ୍ତ୍ରୀଫାନଆଃ ଗଟଏ ହଡ଼କେକେ ତପାକେଦାକ ।

^{୧୧} ଫେନ୍‌ଦ ଶାଉଲ କାଲିସିୟାକେ ଜିୟନେ ନାଗେନ୍ତେ ସାନାଙ୍ଗକେଦା, ଇନିଃ ଅଡ଼ାଃ ଅଡ଼ାଃ ବଲକେଦ୍‌ତେ ଖ୍ରୀଷ୍ଟ ବିଶ୍ୱାସୀ ସବେନ୍ କଡ଼ା କୁଡ଼ିକକେ ଆଇଜ୍ ଆଉକେଦ୍‌ତେ ଜେହେଲ୍‌ରେ ଦହକେଦ୍‌କଆ ।

ଶମିରୋନ୍‌ରେ ସୁକୁକାଜି ଉନୁଦୁ

^{୧୨} ଛିତିବିତିୟାକାନ୍ ବିଶ୍ୱାସୀକ ବାରିୟାଃ ସେନ୍‌କେଦ୍‌ତେ ସୁକୁକାଜି ଉଦୁବକେଦାକ । ^{୧୩} ଫିଲିପ୍ ଶମିରୋନ୍‌ରେୟାଃ ମାରାଙ୍ଗ ନାଗାର୍‌ତେ ସେନ୍‌କେଦ୍‌ତେ, ଏନ୍ତାଃରେନ୍ ହଡ଼କକେ ମାସିଆଃ ସୁକୁକାଜି ଉଦୁବକେଦ୍‌କଆ । ^{୧୪} ଫିଲିପ୍‌ଆଃ କାଜି ଆୟୁମକେଦ୍‌ତେ ଆତଃ ଆୟାଃ ଆକ୍‌ଦାନ୍‌ଆ କାମିକ ନେଲ୍‌କେଦ୍‌ତେ ଗାଦେଲ୍ ହଡ଼କ ଆୟାଃ କାଜିରେ ମିଦମନ୍‌ତେକ ଆୟୁମକେଦା । ^{୧୫} ପୁରାଃ ହଡ଼କତାଃଏତେ ସଡ଼ରା ଆମ୍ବାକ କାଉରିତାନ୍‌ଲଃ ଅତଙ୍ଗୟାନାକ, ପୁରାଃ ବାଡ଼କାନ୍ ହଡ଼କ ଆତଃ କାଟା କୁଡ଼ଙ୍ଗକାନ୍ ହଡ଼କ ବୁରିୟାନା । ^{୧୬} ଏନାତେ ଏନ୍ ନାଗାର୍‌ରେ ପୁରାଃଟି ରାସକା ହବାୟାନା ।

^{୧୭} ଏନ୍ତାଃରେ ଶିମୋନ୍ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ଆୟାଃ ଦେଅଁଣା କାମିକେଦ୍‌ତେ ସିଦାଏତେଟି ଶମିରୋନ୍‌ରେନ୍ ହଡ଼କକେ ଆକ୍‌ଦାନ୍‌ଆକାଦକ ତାଇକେନାଏ । ଇନିଃ ଆଇଃକ୍‌କେଟି ମିଆଁଦ୍ ମାରାଙ୍ଗ ହଡ଼ ମେନ୍ତେ ଉଦୁବେନ୍ ତାଇକେନା, ^{୧୮} ଆତଃ ଏନ୍ ନାଗାର୍‌ରେନ୍ ସବେନ୍‌କ ଆତଃ ସାମାଜ୍‌ରେନ୍ ସବେନ୍ ହୁପତିଙ୍ଗ୍ ମାପୁରାଙ୍ଗକ, ପାର୍‌ମେଶ୍ୱାର୍‌ଆଃ ଅକନ୍ ପେଡେଃକେ ମାରାଙ୍ଗ୍ ମେନ୍ତେ କାଜିୟଃତାନା, ଏନା ଇନିଃଟି ତାନିଃ ମେନ୍ତେକ ମାନାତିଙ୍ଗ୍ ତାଇକେନା । ^{୧୯} ଏନ୍ ଦେଅଁଣାରାଃ ପେଡେଃ ହରାତେ ପୁରାଃ ମାହାଁଏତେ ଇନିଃ ଶମିରୋନ୍‌ରେନ୍ ହଡ଼କକେ ଆକ୍‌ଦାନ୍‌ଆକାକ ତାଇକେନା । ^{୨୦} ମେନ୍‌ଦ ଫିଲିପ୍‌ତାଃଏତେ ପାର୍‌ମେଶ୍ୱାର୍‌ଆଃ ରାଇଜ୍ ଆତଃ ଯୀଶୁ ଖ୍ରୀଷ୍ଟଆଃ ନୁତୁମ୍‌ରେ ସୁକୁକାଜି ଆୟୁମକେଦ୍ ହରାତେ ହଡ଼କଆଃ ବିଶ୍ୱାସ୍ ହବାୟାନା ଆତଃ ଏନ୍ ପାର୍‌ଗାନ୍‌ରେନ୍ କଡ଼ା କୁଡ଼ି ସବେନ୍‌କ ବାପ୍ତିସ୍ମା ଇଦିକେଦାକ । ^{୨୧} ଶିମୋନ୍ ହରି ଏନ୍ କାଜିରେ ବିଶ୍ୱାସ୍‌କେଦା । ଫିଲିପ୍ କାମିକାଦ୍ ଆକ୍‌ଦାନ୍‌ଆ କାମି ଆତଃ ହାଏକାଟ୍ କାମିକ ନେଲ୍‌କେଦ୍‌ତେ, ଇନିଃ ବାପ୍ତିସ୍ମା ଇଦିକେଦ୍‌ତେ ଫିଲିପ୍‌ଲଃ ମିସାତେ ତାଇନ୍‌ୟାନା ।

^{୨୨} ଶମିରୋନ୍‌ରେନ୍ ହଡ଼କ ପାର୍‌ମେଶ୍ୱାର୍‌ଆଃ କାଜିକ ତେଲାକାଦା ମେନ୍ତେ ଯାରୁଶାଲେମ୍‌ରେନ୍ ପ୍ରେରିତ୍‌କ ଆୟୁମକେଦ୍‌ତେ, ପାଡ଼ରାସ୍ ଆତଃ ଯୋହାନ୍‌କେ ଇନିକୁତାଃତେକ କୁଲ୍‌କେଦ୍‌କିନା । ^{୨୩} ଇନିକିନ୍ ଏନ୍ତାଃତେ ସେଚେର୍‌ୟାନ୍ ତାୟମ୍‌ତେ ଶମିରୋନ୍‌ରେନ୍ ବିଶ୍ୱାସୀକ ପାବିତାର୍ ଆମ୍ବା ନାମେକାକ ମେନ୍ତେକିନ୍ ବିନ୍ତିକେଦା । ^{୨୪} ଚିୟାଃଟି ଇମ୍‌ତାଙ୍ଗ୍ ଜାକେଦ୍ ଇନିକୁଆଃଏତେ ଜେତାଏୟାଃ ଚେତାନ୍‌ରେ ପାବିତାର୍ ଆମ୍ବା କାଏ ଆଡ଼ଗୁକାନ୍ ତାଇକେନା । ଇନିକୁ ପ୍ରାଭୁ ଯୀଶୁଆଃ ନୁତୁମ୍‌ରେ ଏସକାଟ୍ ବାପ୍ତିସ୍ମା ଇଦିକାଦ୍ ତାଇକେନାକ । ^{୨୫} ଏନ୍ତେ ପାଡ଼ରାସ୍ ଆତଃ ଯୋହାନ୍ ଇନିକୁଆଃ ଚେତାନ୍‌ରେ ତିଃଇ ଦହକେଦ୍‌ତି ଇନିକୁ ପାବିତାର୍ ଆମ୍ବାକେ ନାମ୍‌କିୟାକ ।

^{୨୬} ପାଡ଼ରାସ୍ ଆତଃ ଯୋହାନ୍, ନେ ବାରାନ୍ ପ୍ରେରିତ୍‌କିନ୍ ବିଶ୍ୱାସୀକଆଃ ଚେତାନ୍‌ରେ ତିଃଇ ଦହକେଦ୍‌ତେ ଇନିକୁକେ ପାବିତାର୍ ଆମ୍ବାକିନ୍ ଏମାକତାନା, ନେୟାଁ ନେଲ୍‌କେଦ୍‌ତେ ଶିମୋନ୍ ଇନିକିନ୍‌କେ ଟାକା ପାଏସା ଏୟତାନ୍‌ଲଃ ମେତାଦ୍‌କିନାଏ, ^{୨୭} “ଆଇଙ୍ଗ୍ ଏଟାଃକଆଃ ଚେତାନ୍‌ରେ ତିଃଇ ଦହଲେରେ, ଇନିକୁ ଜେଲେକା ପାବିତାର୍ ଆମ୍ବା ନାମ୍ ଦାଡ଼ିୟାକ, ଏନାମେନ୍ତେ ନେ ପେଡେଃ ଆଇଙ୍ଗ୍‌କେହ୍ ଏମାଇଙ୍ଗ୍‌ବେନ୍ ।”

^{୨୮} ମେନ୍‌ଦ ପାଡ଼ରାସ୍ ଇନିଃକେ କାଜିକିୟା, “ଆମାଃ ଟାକା ପାଏସା ଆମାଃଲଃ ଜିୟନିଃକା, ଚିୟାଃଟି ଆମ୍ବା ଟାକା ପାଏସାତେ ପାର୍‌ମେଶ୍ୱାର୍‌ଆଃ ବାର୍‌ଦାନ୍ କିରିଙ୍ଗ୍ ନାଗେନ୍ତେମ୍ ଉଡ଼ଷ୍ଟତାନା । ^{୨୯} ଆଲେୟାଃ କାମିରେ ଆମାଃ ଜେତାନ୍ ହିସା ବାନଆଃ, ଚିୟାଃଟି ପାର୍‌ମେଶ୍ୱାର୍‌ଆଃ ନେପେଲ୍‌ରେ ଆମାଃ ମନ୍‌ସୁରୁଦ୍ କା ଠାଉକା । ^{୩୦} ଏନାମେନ୍ତେ ଆମାଃ ନେ ଏଡ଼କାନ୍ ଉଡ଼ଷ୍ଟ ନାଗେନ୍ତେ ହେୟାତିଙ୍ଗ୍‌ମେ, ନେଲେକା ମନ୍‌ସୁରୁଦ୍‌ରେ ଉଡ଼ଷ୍ଟକେଦ୍ ନାଗେନ୍ତେ ପ୍ରାଭୁତାଃରେ ବିନ୍ତିମେ, ଇନିଃ ଆମ୍‌କେ ଛାମାମେୟାଁ । ^{୩୧} ଚିୟାଃଟି

* ୮:୩ ୮:୩ ପ୍ରେରିତ୍ ୨୨:୪,୫; ୨୭:୯-୧୧.

ଆଇଙ୍ଗ୍ ଆମକେ ନେଲ୍ଲେ ତାନାଇଙ୍ଗ୍, ଆମାଃ ମନ୍ସୁରୁଦ୍ ହିସ୍ତାତେ ପେରେଜାକାନା, ଆମ୍ବ ପାପ୍ ତନଲ୍ଲେତେମ୍ ତଲ୍ଲାଇକାନା ।”

୨୪ ପାତ୍‌ରାପ୍ ଆତଃ ଯୋହାନ୍‌କେ ଶିମୋନ୍ ମେତାଦ୍‌କିନାଏ, “ଆବେନ୍ କାଜିକାଦ୍‌ତେୟାଃ ଆଇଙ୍ଗ୍‌ରେ ଆଲକା ହବାଅଃକା, ଏନାମେନ୍ତେ ଦାୟାକେଦ୍‌ତେ ଆଇଁୟାଃ ନାଙ୍ଗ୍ ପ୍ରାଭୁତାଃରେ ବିକ୍ରିବେନ୍ ।”

୨୫ ପାତ୍‌ରାପ୍ ଆତଃ ଯୋହାନ୍ ଗାଞ୍ଜା ଏମ୍‌କେଦ୍ ଆତଃ ପ୍ରାଭୁଆଃ କାଜି ଉଦୁବ୍‌କେଦ୍ ତାୟମ୍‌ତେ, ଇନ୍‌କିନ୍ ଯାରୁଶାଲେମ୍‌ତେକିନ୍ ରୁହାଡ୍‌ୟାନା । ରୁହାଡ୍‌, ହରାରେ ଇନ୍‌କିନ୍ ଶିମୋନ୍ ହଡ୍‌କ ତାୟୁଃତାନ୍ ପୁରାଃ ହାଡ୍‌କରେ ସୁକ୍ଳକାଜିକିନ୍ ଉଦୁବ୍‌କେଦା ।

ଫିଲିପ୍ ଆତଃ ଇଥ୍‌ପ୍ରିଆରେନ୍ ଚାକୁରା

୨୬ ପ୍ରାଭୁଆଃ ମିଆଁଦ୍ ଦୁଡ୍ ଫିଲିପ୍‌କେ କାଜିକିୟା, “ସେକାଡାକାନ୍‌ମେ, ଆତଃ ଯାରୁଶାଲେମ୍‌ଏତେ ଗାଜା ନାଗାର୍‌ତେ ସେନଃତାନ୍ ଜମ୍‌ସାଃ ହରାତେ ସେନଃମେ ।” ନାହିଃ ଏନ୍ ହରା ବାନ୍‌ଆଃ, ଏନା ବିର୍‌ଲେକା ମେନାଃ । ୨୭ ଫିଲିପ୍ ସେକାଡ୍‌କେଦ୍‌ତେ ସେନଃୟାନା । ଇମ୍‌ତା ଇଥ୍‌ପ୍ରିଆ ଦିଶୁମ୍‌ରେନ୍ କାଣ୍ଡାକି ନୁଡୁମ୍‌ରାନାଆଃ ଆକ୍‌ତେୟାନ୍‌ରେ ତାଇନ୍‌ତାନ୍ ସବେନ୍ ରାଇଜ୍‌ରେନ୍ ଖୁଜ୍ କରାଃ ଭାଣ୍ଡାରି ତାଇକେନ୍ ମିଆଁଦ୍ ଚାକୁରା, ପାର୍‌ମେଶ୍‌ବାର୍‌କେ ସେଞ୍ଜା ନାଗେନ୍ତେ ଯାରୁଶାଲେମ୍‌ତେ ସେନାକାନ୍ ତାଇକେନା ।

୨୮ ଇନିଃ ଆୟାଃ ସାଦମ୍ ଗାଡ୍‌ରେ ଦୁବ୍‌କେଦ୍‌ତେ ଅଡାଃତେ ରୁହାଡ୍, ତାଇକେନ୍ ଇମ୍‌ତା ଯିଶାୟ ନାବାଆଃ ପୁଥ୍ କାଉରିତାନ୍‌ଲଃ ପାଢାଅତାନାଏ ତାଇକେନା । ୨୯ ପାବିତାର୍ ଆମ୍‌ା ଫିଲିପ୍‌କେ କାଜିକିୟା, “ଏନ୍ ସାଦମ୍ ଗାଡ୍ ହେପାଦ୍‌ତେ ସେନଃମେ ଆତଃ ଆୟାଃ ନାଡେଃରେ ତାଇନ୍‌ମେ ।” ୩୦ ଫିଲିପ୍ ନିର୍ ନିର୍ ସେନ୍‌କେଦ୍‌ତେ ଏନ୍ କାମିହଡ୍‌କେ ଯିଶାୟ ନାବାଆଃ ପୁଥ୍ କାଉରିତାନ୍‌ଲଃ ପାଢାଅତେୟାଃ ଆୟୁମ୍‌କିୟାଏ । ଇନିଃ ଏନ୍ ଚାକୁରାକେ କୁଲିକିୟା, “ଆମ୍ ପାଢାଅତାନ୍‌ତେୟାଃ ସାରିଉରୁମ୍ ଦାଡ୍‌ତାନାମ୍ ତି ?”

୩୧ ଚାକୁରା କାଜିରୁହାଡ୍‌କିୟାଏ, “ଜେତାଏ ଆଇଙ୍ଗ୍‌କେ କାକ ଉଦୁବାଇଙ୍ଗ୍‌ରେଦ୍ ତିଲ୍‌କାତେଇଙ୍ଗ୍ ସାରିଉରୁମ୍ ଦାଡ୍‌ୟା ?” ଏନ୍ତେ ଇନିଃ ଫିଲିପ୍‌କେ ଆୟାଃଲଃ ସାଦମ୍ ଗାଡ୍‌ରେ ଦୁବ୍ ନାଗେନ୍ତେ ବିକ୍ରିକିୟା । ୩୨ ଇନିଃ ପାଢାଅ ତାଇକେନ୍ ଧାରାମ୍‌ପୁଅରେୟାଃ ହିସା ନେୟାଁ ତାଇକେନା,

“ଇନିଃ, ମାଆଃଲ ନାଗେନ୍ତେ ଇଦିୟଃତାନ୍ ମିଣ୍ଡିହନ୍ ଲେକାଃଏ,
ଉବ୍ କାଈଡିନିୟାଃ ହେପାଦ୍‌ରେ ମିଣ୍ଡିହନ୍ କାଏ କାଉରି ଲେକା
ଇନିଃ ଜେଡ୍‌ନାଃ କାଏ କାଜିକେଦା ।

୩୩ ଇନିଃକେ ଲାନ୍‌କିୟାକ ଆତଃ ନ୍ୟାୟ ବିତାର୍ କା ନାମ୍‌ୟାନା ।
ଇନିୟାଃ କିଲିକିଆଃ ବିଷାଏରେ ଜେତାଏ କାକ କାଜି ଦାଡ୍‌ୟା,
ତିୟାଃତି ଅତେଦିଶୁମ୍‌ରେ ଆୟାଃ ଜୀବାନ୍ ଚୁଣ୍ଡାକାନା ।”

୩୪ ଚାକୁରା ଫିଲିପ୍‌କେ କୁଲିକିୟା, “ନାବା ଅକ୍‌ଏୟାଃ ବିଷାଏରେ କାଜିତାନା, ଆୟାଃ ବିଷାଏରେଗି ତି ଏଗାଃନିୟାଃ ବିଷାଏରେ, ଏନା ଆଇଙ୍ଗ୍‌କେ ଦାୟାକେଦ୍‌ତେ କାଜିଙ୍ଗ୍‌ମେ ?” ୩୫ ଏନ୍ତେ ଫିଲିପ୍ ଧାରାମ୍‌ପୁଅରେୟାଃ ନେ ହିସାଏତେ ଏଟେଦ୍‌କେଦ୍‌ତେ ଯୀଶୁଆଃ ବିଷାଏରେ ଅଲକାନ୍ ସବେନ୍ ସୁକ୍ଳକାଜି ଇନିଃକେ ଉଦୁବ୍‌କିୟା । ୩୬ ଇନ୍‌କୁ ହରାରେ ସେନଃତାନ୍ ତାଇକେନ୍ ଇମ୍‌ତା ମିଦ୍‌ତାଃରେ ଦାଆଃ ହୁଣ୍ଡିୟାକାନ୍ ଠାୟାଦ୍‌ତାଃରେକ ସେଟେୟାନ୍‌ନା, ଏନ୍ତେ ଚାକୁରା ଇନିଃକେ କାଜିକିୟା, “ନେତାଃରେ ଦାଆଃ ମେନାଃ, ଆଇଙ୍ଗ୍‌କେ ବାପ୍ରିସ୍ତା ଇଦି ନାଗେନ୍ତେ ତିନାଃ ଜେତାନ୍ ରୋକ୍‌ଟକ୍ ମେନାଃ ତି ?” ୩୭ ଫିଲିପ୍ କାଜିକିୟାଏ, “ଆମ୍ ସବେନ୍ ମନ୍‌ସୁରୁଦ୍‌ତେମ୍ ବିଶ୍ୱାସ୍‌ତାନ୍‌ରେଦ୍ ବାପ୍ରିସ୍ତା ଇଦି ଦାଡ୍‌ୟାମ୍ ।” ଏନ୍ତେ ଇନିଃ କାଜିରୁହାଡ୍‌କିୟାଏ, “ୟୀଶୁ ଖ୍ରୀଷ୍ଟ୍ ପାର୍‌ମେଶ୍‌ବାର୍‌ଆଃ ହନ୍ ତାନିଃ ଏନା ଆଇଙ୍ଗ୍ ବିଶ୍ୱାସ୍‌ତାନାଇଙ୍ଗ୍ ।”*

୩୮ ଚାକୁରା, ସାଦମ୍ ଗାଡ୍ ଚାଲ୍‌ଅତାନ୍ ହଡ୍‌କେ ସାଦମ୍ ଗାଡ୍‌କେ ତିଙ୍ଗ୍‌ଇମେ ମେନ୍ତେ ଆଡୁକିୟା । ଫିଲିପ୍ ଆତଃ ଚାକୁରା ଦାଆଃ ଭିତାର୍‌ତେକିନ୍ ବଲ୍‌ୟାନା ଆତଃ ଫିଲିପ୍ ଇନିଃକେ ବାପ୍ରିସ୍ତା ଏମ୍‌କିୟାଏ । ୩୯ ଇନ୍‌କିନ୍ ଦାଆଃଏତେ ଅତଙ୍ଗ୍‌ୟାନ୍ ତାୟମ୍‌ତେ, ପ୍ରାଭୁଆଃ ଆମ୍‌ା ଫିଲିପ୍‌କେ ଇଦିକିୟା । ଚାକୁରା ଇନିଃକେ ଆତଃ କାଏ ନେଲ୍ ଦାଡ୍‌କିୟା, ମେନ୍‌ଦ ରାସ୍‌କାତେ ପେରେଃୟାନ୍‌ଲଃ ଆୟାଃ ହରାରେ ସେନଃୟାନା । ୪୦ ଆତଃ କାଟିଃ ଘାଡ୍‌କାଦ୍ ତାୟମ୍‌ତେ ଫିଲିପ୍ ଆଇଃକ୍ ଆପାନ୍‌କେଗି ଆସ୍‌ଦ୍‌ଦ୍ ନୁଡୁମ୍ ସାହାଡ୍‌ରେ ନାମ୍‌ୟାନା ଆତଃ ଇନିଃ ଏଡାଃଏତେ କାଈସରିୟା ସାହାଡ୍‌ତେ ସେନଃ ହରାରେୟାଃ ସବେନ୍ ନାଗାର୍‌କରେ ସୁକ୍ଳକାଜି ଉଦୁବ୍‌ତାନ୍‌ଲଃ କାଈସରିୟାତେ ତେବାଃୟାନା ।

* ୮:୩୭ 8:37 ନେ ପଦ ତିମିନ୍ ମାରି ଅନଲ୍‌କରେ ବାନ୍‌ଃଆ



ଶାଉଲଆଃ ମନରୁହାଡ଼
(ପ୍ରେରିତ୍ ୨୨:୬-୧୬; ୨୨:୧୨-୧୮)

୧ ଏନ୍ ଦିପିଲିକରେ ଶାଉଲ୍, ପ୍ରାଭୁଆଃ ଚେଲାକକେ ଗଏଃକଆଇଙ୍ଗ୍ ମେନ୍ତେ ବଡ଼ଙ୍ଗ୍ ତାଇକେନାଏ । ଏନ୍ତେ ଜନିଃ ମାରାଙ୍ଗ୍ ଯାଜାକତାଃତେ ସେନଃୟାନା, ୨ ଆତଃ ଦମାସକସରେୟାଃ ସାମାଜ୍ ଅଡ଼ାଃକରେ ପ୍ରାଭୁକେ ଅଡ଼ଙ୍ଗ୍ତାନକକେ ନାମ୍ବକେଦତେ ତଲ୍ଲକତାନଲଃ ଯାରୁଶାଲେମ୍ବେତେ ସାବ୍ଆଉକ ନାଗେନ୍ତେ ଏନ୍ ମାରାଙ୍ଗ୍ ଯାଜାକତାଃଏତେ ଆନାରୁ ଆଉକେଦା ।

୩ ଶାଉଲ୍ ଦମାସକସ ନାଗାର୍ରେୟାଃ ହେପାଦତେ ହିଜୁଃ ସେଚେରଃତାନ୍ ଇମ୍ବତା, ଆବ୍ବାକାତେ ସିମ୍ବାଏତେ ମିଆଁଦ୍ ମାର୍ସାଲ୍ ଆୟାଃ ଚାରିୟସାଃରେ ଜୁଲ୍ ବିୟୁରୟାନା । ୪ ଜନିଃ ଅତେରେ ଉୟୁଃୟାନା ଆତଃ ମିଆଁଦ୍ ଲାବ୍ଜା ଆଇଃକକେ କାଜିତାନ୍ ଆୟୁମ୍ବକେଦାଏ, “ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗ୍କେମ୍ ସିଗିଦିଇଙ୍ଗ୍ତାନା ?”

୫ ଜନିଃ କାଜିକେଦାଏ, “ହେ ପ୍ରାଭୁ, ଆମ୍ ଅକଏ ତାନ୍ଦେ ?” ଆତଃଚି ଏନ୍ ଲାବ୍ଜା ଆୟୁମ୍ବକେଦାଏ, “ଆମ୍ ଅକଏକେମ୍ ସିଗିଦିତାନା, ଆଇଙ୍ଗ୍ ଏନ୍ ଯୀଶୁ ତାନିଙ୍ଗ୍ । ୬ ମେନ୍ଦ୍ ବିରିଦମେ, ଆତଃ ନାଗାର୍ରେତେ ସେନଃମେ, ଚିକ୍ନାଃ କାମି ରିକା ଲାଗାତିଙ୍ଗ୍ୟାଃ, ଏନା ଏନ୍ତାଃରେ ଆମ୍ବକେ କାଜିୟଃଆ ।”

୭ ଶାଉଲ୍ଲଲଃ ଗାତିରେ ହରାସେନ୍ ତାଇକେନ୍ ହଡ଼କ ଆକ୍ତାକାଅକେଦତେ ତିଙ୍ଗ୍ୟାନାକ, ଇନ୍କୁ ଏନ୍ ଲାବ୍ଜା ଆୟୁମ୍ବକେଦାକେ ମେନ୍ଦ୍ ଜେତାଏକେ କାକ ନେଲ୍ ଦାଡ଼ିକେନା । ୮ ଶାଉଲ୍ ଅତେହେତେ ବିରିଦୟାନା ଆତଃ ନେଲ୍କେଦାଏ ମେନ୍ଦ୍ ଜେତନାଃ କାଏ ନେଲ୍ ଦାଡ଼ିକେନା । ଏନାତେ ଇନ୍କୁ ଆୟାଃ ତିଃଇ ସାବ୍ବକେଦତେ ଦମାସକସ ଜାକେଦ୍ ସୁତୁଃ ଇଦିକିୟାକ । ୯ ଆପି ମାହାଁ ଜାକେଦ୍ ଜନିଃ କାଏ ନେଲ୍ ଦାଡ଼ିତାଇକେନା ଆତଃ ଏନ୍ ଦିପିଲିରେ କାଏ ଜମ୍ ନୁଁକେଦା ।

୧୦ ଦମାସକସରେ ହନାନିୟ ନୁତୁମ୍ ମିଆଁଦ୍ ଚେଲା ତାଇକେନାଏ । ଜନିଃ ମିଆଁଦ୍ ଦାର୍ଗାନ୍ ନାମ୍ବକେଦାଏ, ପ୍ରାଭୁ ଜନିଃକେ କାଜିକିୟା, “ହନାନିୟ !” ଜନିଃ କାଜିରୁହାଡ଼କିୟାଏ, “ହେ ପ୍ରାଭୁ କାଜିମେ !”

୧୧ ପ୍ରାଭୁ ଜନିଃକେ କାଜିକିୟା, “ମାର୍ ସେକାଡ଼ଃମେ ଆତଃ ସିଧା ହରା ସେନ୍ଦକେଦତେ ଯିହୁଦାରାଃ ଅଡ଼ାଃତେ ସେନଃମେ । ଏନ୍ତାଃରେ ତାଷ୍ ସ୍ ନାଗାର୍ତାଃଏତେ ହିଜୁଃକାନ୍ ଶାଉଲ୍ ନୁତୁମ୍ ମିଆଁଦ୍ ହଡ଼କେ ଦାଶାଁଇମେ, ଚିଆଃଚି ଜନିଃ ବିକ୍ରିତାନାଏ, ୧୨ ଆତଃ ହନାନିୟ ନୁତୁମ୍ ମିଆଁଦ୍ ହଡ଼ ହିଜୁଃକେଦତେ ଆୟାଃ ଚେତାନ୍ଦରେ ତିଃଇ ଦହଲେରେ ଜନିଃ ଆତଃମିଧା ନେଲ୍ ଦାଡ଼ିୟାଏ ମେନ୍ତେ ଦାର୍ଗାନ୍ ନାମାକାଦ୍ ତାଇକେନାଏ ।”

୧୩ ହନାନିୟ କାଜିରୁହାଡ଼କିୟାଏ, “ହେ ପ୍ରାଭୁ, ନେ ହଡ଼ ଯାରୁଶାଲେମ୍ବେରେନ୍ ଆମାଃ ପାବିତାର୍ ହଡ଼କକେ ପୁରାଃ ବରାଃନ୍ ଦୁକୁକଏ ଏମାକାଦିକଆ, ଏନା ଆଇଙ୍ଗ୍ ପୁରାଃ ହଡ଼କତାଃଏତେଇଙ୍ଗ୍ ଆୟୁମାକାଦା । ୧୪ ଆତଃ ଜନିଃ ମୁଲ୍ ଯାଜାକତାଃଏତେ ଆକ୍ତେୟାର୍ ନାମ୍ବକେଦତେ ଦମାସକସରେ ଆମ୍ବକେ ବିକ୍ରିତାନ୍ ହଡ଼କକେ ସାବ୍ବକେଦତେ ତଲ୍ଲକଦି ନାଙ୍ଗ୍ ହିଜୁଃକାନାଏ ।”

୧୫ ମେନ୍ଦ୍ ପ୍ରାଭୁ ଜନିଃକେ କାଜିକିୟା, “ଜୁ ସେନଃମେ, ସାଆଁସାର୍ ହଡ଼କକେ, ରାଜା ଆତଃ ଇସ୍ରାଏଲ୍ରେନ୍ ହଡ଼କକେ ଆଇଁୟାଃ ନୁତୁମ୍ ଉଦୁବେ ନାଗେନ୍ତେ ଆତଃ ଆଇଙ୍ଗ୍କେ ସେଝା ନାଗେନ୍ତେ ଆଇଙ୍ଗ୍ ଜନିଃକେଇଙ୍ଗ୍ ସାଲାକାଇଜା । ୧୬ ଆଇଁୟାଃ ନୁତୁମ୍ ନାଗେନ୍ତେ ଜନିଃକେ ଅକ ଦୁକୁକ ସାହାତିଙ୍ଗ୍ ଲାଗାତିଙ୍ଗ୍ୟାଃ, ଏନା ଆଇଙ୍ଗ୍ଚି ଜନିଃକେଇଙ୍ଗ୍ ଉଦୁବାଇୟା ।” ୧୭ ଏନ୍ତେ ହନାନିୟ ସେନଃୟାନାଏ ଆତଃ ଶାଉଲ୍ ତାଇକେନ୍ ଅଡ଼ାଃତେ ବଲ୍ୟାନଲଃ ଜନିଃୟାଃ ଚେତାନ୍ଦରେ ତିଃଇ ଦହକେଦତେ କାଜିକିୟା, “ହାଗା ଶାଉଲ୍, ଆମ୍ ନେତାଃତେ ହିଜୁଃ ହରାରେ, ଅକ ପ୍ରାଭୁ ଯୀଶୁ ଆମ୍ବକେ ଦାର୍ଗାନ୍ ଏମାକାମ୍ ତାଇକେନାଏ, ଜନିଃ ଆଇଙ୍ଗ୍କେ କୁଲାକାଦିୟାଁ, ଜେଲ୍ଲେକାଚି ଆମ୍ ଆତଃମିଧା ନେଲ୍ ଦାଡ଼ିୟାମ୍ ଆତଃ ପାବିତାର୍ ଆମ୍ବରେ ପେରେଜଃଆମ୍ ।” ୧୮ ଇମ୍ବତାଗି ଶାଉଲ୍ଆଃ ମେଦ୍ହେତେ, ହାକୁଆଃ କାଚି ଲେକା ଚିନାଃ ଉୟୁଃୟାନା ଆତଃ ଜନିଃ ଆତଃମିଧା ନେଲ୍ ଦାଡ଼ିକେଦାଏ । ଜନିଃ ତିଙ୍ଗ୍ୟାନାଏ ଆତଃ ବାପ୍ରିସ୍ତା ଇଦିକେଦାଏ । ୧୯ ଆତଃ ତାୟମ୍ବେତେ ଜମ୍ବକେଦତେ ପେଡ଼େଃ ନାମ୍ବରୁହାଡ଼କେଦାଏ । ଶାଉଲ୍ ଚେଲାକଲଃ ଦମାସକସରେ ଚିମିନ୍ ଦିନ୍ ତାଇନ୍ୟାନାଏ ।

ଦମାସକସରେ ଶାଉଲ୍ଆଃ ପ୍ରାଚାର୍

୨୦ ଆତଃ ଜନିଃ ଇମ୍ବତାଗି ସାମାଜ୍ ଅଡ଼ାଃକରେ, ଯୀଶୁ ପାର୍ବମେଶ୍ୱାର୍ଆଃ ହନ୍ଦାନିଃ ମେନ୍ତେ ପ୍ରାଚାର୍ ଏଚେଦକେଦା ।

୨୧ ଆୟାଃ କାଜି ଆୟୁମକେଦତେ ସବେନକ ହାଏକାଟ୍‌ୟାନଲଃ କୁପ୍‌ଲିୟାନାକ, “ୟୀରୁଶାଲେମ୍‌ରେ ଯୀଶୁ ନୁତୁମ୍ ହଡ଼ରାଃ ସେଝାତାନ୍ ହଡ଼କକେ ଅକ ହଡ଼ ଗଏଃକ ତାଇକେନାଏ, ଇନିଃ ଚିନାଃ ନେ ହଡ଼ ନାହାଁଲିଃ ? ଯୀଶୁ ନୁତୁମ୍‌ରେ ସେଝାତାନ୍ ହଡ଼କକେ ତଲ୍‌କେଦତେ ମ୍ଲୁଲ୍ ଯାଜାକକତାଃତେ ଇଦି ନାଗେନ୍ତେ ଇନିଃ ଚିନାଃ ନେତାଃତେ କାଏ ହିଜୁଃକାନ୍ ତାଇକେନା ?”

୨୨ ମେନ୍‌ଦ ଶାଉଲ୍‌ଆଃ ପ୍ରାଚାର୍ ପୁରାଃ ପେଡେୟାନ୍‌ଗି ହବାୟାନା, ଆତଃ ଯୀଶୁଗି ମାସିତାନିଃ ମେନ୍ତେ ଇନିୟାଃ ସାବୁଡ଼ ପୁରାଃଗି ପକ୍‌ତାୟାନା ଯେ, ଦମାୟକ୍‌ସରେନ୍ ଯିହୁଦୀ ହଡ଼କ ନେ ବିଷାଏରେ ଇନିଃକେ କାକ କାଜିରୁହାଡ଼ ଦାଡ଼ିୟାନା ।

୨୩ ଧିମିନ୍ ଦିନ୍ ସେନଃୟାନ୍ ତାୟମତେ, ଯିହୁଦୀ ହଡ଼କ ମିଦ୍‌ତାଃରେ ହୁଣ୍ଡିକେଦତେ ଶାଉଲ୍‌କେ ଗଏଃ ନାଗେନ୍ତେ ରୋଜୋଟକେଦା, ୨୪ ମେନ୍‌ଦ ଇନ୍କୁଆଃ ରୋଜୋଟ ଶାଉଲ୍ ସାରିକେଦାଏ । ଇନିଃକେ ଗଏଃ ନାଗେନ୍ତେ ଇନ୍କୁ ନିଦା ସିଜି ନାଗାର୍‌ରେୟାଃ ଦୁଆର୍କରେକ ହରକେଦା । ୨୫ ମେନ୍‌ଦ ଶାଉଲ୍‌ଆଃ ଚେଲାକ ନୁବାଃ ଇମତା ଶାଉଲ୍‌କେ ମିଆଁଦ ଟୁଲ୍‌ରେ ଦହକେଦତେ ପାଡ଼ି ହାନ୍‌ପାରମ୍‌ରେକ ଆଡ଼ଗୁକିୟା ।

ୟୀରୁଶାଲେମ୍‌ରେ ଶାଉଲ୍

୨୬ ଶାଉଲ୍ ଯୀରୁଶାଲେମ୍‌ତେ ସେନ୍‌କେଦତେ ଚେଲାକଲଃ ମେସାନ୍ ନାଗେନ୍ତେ ସାନାଙ୍‌କେଦା । ମେନ୍‌ଦ ଇନିଃ ମିଆଁଦ ଚେଲା ତାନିଃ ମେନ୍ତେ କାକଗି ବିଶ୍ୱାସକେଦା ଆତଃ ସବେନକ ଇନିଃକେ ବରଆଇ ତାଇକେନାକ । ୨୭ ଏନ୍ତେ ବର୍ଣ୍ଣବାସ୍ ଇନିଃକେ ପ୍ରେରିତ୍ ଚେଲାକତାଃତେ ଇଦିକେଦତେ ଦମାୟକ୍‌ସ ହରାରେ ଶାଉଲ୍ ଚିଲ୍‌କା ପ୍ରାଭୁଆଃ ଦାର୍‌ଶାନ୍ ନାମାକାଦ୍ ତାଇକେନାଏ ଆତଃ ପ୍ରାଭୁ ଚିଲ୍‌କା ଇନିଃକେ କାଜିକିୟା, ଏନ୍ ସବେନାଃ ଇନ୍କୁକେ ଉଦୁବାଦକଆ । ଦମାୟକ୍‌ସରେ ଯୀଶୁଆଃ ନୁତୁମ୍‌ତେ ଶାଉଲ୍ ଚିଲ୍‌କା ବେଗାର୍ ବରତେ ପ୍ରାଚାର୍‌କେଦା, ଏନ୍ ସବେନାଃ ଇନ୍କୁକେ ବୁଗିଲେକାଏ ଉଦୁବାଦକଆ । ୨୮ ଏନ୍ତେ ଶାଉଲ୍ ପ୍ରେରିତ୍ ଚେଲାକଲଃ ତାଇନ୍‌ୟାନାଏ ଆତଃ ଯୀରୁଶାଲେମ୍‌ରେୟାଃ ଚାରିୟସାଃ ସେନ୍‌କେଦତେ ବେଗାର୍ ବରତେ ପ୍ରାଭୁଆଃ ନୁତୁମ୍‌ତେ ପ୍ରାଚାର୍‌କେଦାକ । ୨୯ ଇନିଃ ଗ୍ରୀକ୍ ଜାଗାର୍‌ତେ ବାଗାଁଶ୍‌ତାନ୍ ଯିହୁଦୀ ହଡ଼କଲଃ ବାଗାଁଶ୍ ତାଇକେନାଏ ଆତଃ କାପ୍‌ଜିତାଇକେନାଏ, ମେନ୍‌ଦ ଇନ୍କୁ ଇନିଃକେ ଗଏଃ ନାଗେନ୍ତେ ରୋଜୋଟ ତାଇକେନା । ୩୦ ଖ୍ରୀଷ୍ଟରେ ହାଗାକ ନେ କାଜି ସାରିକେଦତେ, ଶାଉଲ୍‌କେ କାଈସରିୟା ନାଗାର୍‌ତେକ ଇଦିକିୟା ଆତଃ ଏନ୍ତାଃଏତେ ତାଷ୍ ିୟା ହାହାଡ଼ତେକ କୁଲ୍‌କିୟା ।

୩୧ ନେଲେକାତେ ଗଟା ଯିହୁଦୀ ପାର୍‌ଗାନ୍, ଗାଲିଲ୍ ଆତଃ ଶମିରୋନ୍‌ରେୟାଃ କାଲିସିୟାକରେନ୍ ଖ୍ରୀଷ୍ଟ ବିଶ୍ୱାସୀକ ସୁକୁଜୀଉରେ ତାଇକେନାକ ଆତଃ ପାବିତାର୍ ଆମ୍‌ପାରେୟାଃ ଦେଙ୍ଗାତେ ପେଡ଼େଃ ନାମ୍‌ତାନ୍‌ଲଃ ପସାଈଦିୟାଃ ତାଇକେନାକ ଆତଃ ପ୍ରାଭୁକେ ବରଭାକ୍ତିତାନ୍‌ଲଃ ଜୀଦାନ୍ ବିତାଅ ତାଇକେନାକ ।

ଲୁଦା ଆତଃ ଯୋପ୍‌ପାରେ ପାଡ଼ରାସ୍

୩୨ ପାଡ଼ରାସ୍ ସବେନତାଃ ହରାସେନ୍‌ତାନ୍‌ଲଃ ଲୁଦା ସାହାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ପାବିତାର୍ ହଡ଼କତାଃତେ ନେପେଲ୍ ନାଗେନ୍ତେ ସେନଃୟାନା । ୩୩ ଏନ୍ତାଃରେ ପାଡ଼ରାସ୍ ଏନିୟ ନୁତୁମ୍ ମିଆଁଦ୍ ହଡ଼କେ ନାମ୍‌କିୟା । ଇନିଃ ବାଡ଼କାନ୍ ହରାତେ ଇରାଲିୟା* ବାରାଷ୍ ଜାକେଦ୍ ପାର୍‌କମ୍‌ହେତେ ବିରିଦ୍ କାଏ ଦାଡ଼ିତାଇକେନା । ୩୪ ପାଡ଼ରାସ୍ ଇନିଃକେ କାଜିକିୟା, “ଏନିୟ, ଯୀଶୁ ଖ୍ରୀଷ୍ଟ ଆମ୍‌କେ ବୁଗିକାଦମେଆ । ବିରିଦମେ ଆତଃ ପାର୍‌କମ୍‌ତାମାଃ ବିଲାକାଦ୍‌ତେୟାଃ ଉଠାଏମେ ।” ଇମ୍‌ତାଗି ଏନିୟ ବିରିଦ୍‌ୟାନାଏ । ୩୫ ଲୁଦା ଆତଃ ଶାମିରୋନ୍‌ରେ ତାଇନଃତାନ୍ ସବେନ୍ ହଡ଼କ ଇନିଃକେ ନେଲ୍‌କେଦତେ ପ୍ରାଭୁରେ ବିଶ୍ୱାସକେଦାକ ।

ପାଡ଼ରାସ୍ ଦର୍‌କାସକେ ଜାଉବିରିଦ୍‌କିୟା

୩୬ ଯୋପ୍‌ପା ସାହାର୍‌ରେ ଗବିଆ ନୁତୁମ୍ ମିଆଁଦ୍ ଖ୍ରୀଷ୍ଟ ବିଶ୍ୱାସୀ କୁଡ଼ି ତାଇକେନାଏ । ଇନିୟାଃ ଗ୍ରୀକ୍ ନୁତୁମ୍ ଦର୍‌କାସ୍, ନେଆଁରାଃ ମୁଣ୍ଡି ହବାଅଃତାନା “ମିଆଁଦ୍ ମିରିକ୍ ।” ଇନିଃ ଆୟାଃ ସବେନ୍ ନେତାରେ ବୁଗିନ୍ କାମି କାମିତାଇକେନା ଆତଃ ଗାରିବ୍ ହଡ଼କକେ ଦେଙ୍ଗାକତାନ୍ ତାଇକେନା । ୩୭ ଏନ୍ ନେତାରେ ଇନିଃ ବେମାର୍କକେଦତେ ଗଏଃୟାନା । ହଡ଼କ ଇନିୟାଃ ହଡ଼ମ୍‌କେ ନିୟାଁର୍କକେଦାକ ଆତଃ ମାହାଲ୍ ଅଡ଼ାଃରେୟାଃ ଚେତାନ୍ କୁଠରେକ ଦହକେଦା । ୩୮ ଯୋପ୍‌ପା ସାହାର୍ ଲୁଦା ସାହାର୍‌ତାଃଏତେ ଥୁମ୍ ସାଜିନ୍‌ରେ କା ତାଇକେନା । ପାଡ଼ରାସ୍ ଲୁଦା ସାହାର୍‌ରେ ମେନାଈୟା

* ୯:୨୩ ୯:୨୩ ୨ କରିଲ୍‌ୟ ୧୧:୩୨,୩୩. * ୯:୩୩ ୯:୩୩ ଆଠ୍

ମେଣ୍ଡେ ଯୋପପାରେନ୍ ଖୀଷ୍ଟ ବିଶ୍ୱାସୀକ ଆୟୁମକେଦତି, ଇନ୍କୁ ବାହୁଡ଼କିନ୍ଦେ ଆୟାଃ ହେପାଦ କୁଲକେଦତେ ନେଲେକା କାଜିଗହାରକେଦାକ, “ଦାୟାକେଦତେ ଆଲେତାଃତେ ଜାଲୁଦି ହିଜୁଃମେ ।”^{୩୯} ପାଡ଼ରାସ୍ ସେକାଡ଼କେଦତେ ଇନ୍କୁଲଃ ସେନଃୟାନାଏ । ଏନ୍ତାଃତେ ସେଟେରୟାନ୍ତି ଇମ୍ପତାଗି ହଡ଼କ ମାହାଲା ଅଡ଼ାଃରେୟାଃ ଚେତାନ୍ କୁଠାତେ ଇନିଃକେକ ଇଦିକିୟା । ଏନ୍ତାଃରେ ରାଣ୍ଡିକୁଡ଼ିକ ଇନିଃକେ କୁରୁବିୟୁରକେଦତେ ରାଆଃତାନ୍ଲଃ ଦର୍କାସ୍ ଜାନିଦ୍ ତାଇକେନ୍ ଇମ୍ପତା ସିଲାଇକାଦ୍ ତୁସିଙ୍ଗ୍ ଲିଜାଃ ଆତଃ ଲିଜାଃକ ଇନିଃକେକ ଉଦୁବ୍କିୟା ।^{୪୦} ପାଡ଼ରାସ୍ ସବେନ୍କକେ ଏନ୍ କୁଠାଏତେ ଅତଙ୍ଗକେଦକଆ ଆତଃ ଇକଡ଼ମୁକେଦତେ ବିକ୍ତିକେଦା, ଏନ୍ତେ ଇନିଃ ଦର୍କାସ୍ଆଃ ଗଏଃ ହଡ଼ଫାସାଃତେ ହେଡାରୁହାଡ଼କେଦତେ କାଜିକେଦା, “ଟାବିଆ, ବିରିଦମେ ।” ଦର୍କାସ୍ ନେଲକେଦାଏ ଆତଃ ପାଡ଼ରାସ୍କେ ନେଲକେଦତେ ଦୁବ୍ୟାନା ।^{୪୧} ପାଡ଼ରାସ୍ ଇନିୟାଃ ତିଃଇକେ ସାବ୍କେଦତେ ବିରିଦକିୟା । ଏନ୍ତେ ଇନିଃ ହୁଣ୍ଡିୟାକାନ୍ ପାବିତାର୍ ହଡ଼କକେ ଆତଃ ରାଣ୍ଡିକୁଡ଼ିକକେ ହାକାଅକେଦତେ ଦର୍କାସ୍କେ ଇନ୍କୁଆଃ ତିଃଇରେ ଜୀହୁଦଗି ଜିମାକିୟା ।^{୪୨} ନେ କାଜି ଗଟା ଯୋପପା ସାହାରରେୟାଃ ଚାରିୟସାଃରେ ଆୟୁମୟାନା ଆତଃ ପୁରାଃ ହଡ଼କ ପ୍ରାଭୁକେକ ବିଶ୍ୱାସକିୟା ।^{୪୩} ପାଡ଼ରାସ୍ ପୁରାଃ ଦିନ୍ ଜାକେଦ୍ ଯୋପପାରେ ଶିମୋନ୍ ନୁତୁମ୍ ମିଆଁଦ୍ ମୁଟିଆଃ ଅଡ଼ାଃରେ ତାଇନ୍ୟାନା ।

୧୦

ପାଡ଼ରାସ୍ ଆତଃ କର୍ଣ୍ଣଲିୟ

^୧ କାଇସରିୟା ନାଗାରରେ କର୍ଣ୍ଣଲିୟ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ “ଇଗାଲିରେନ୍ ପାଲ୍ଗାନ୍” ନୁତୁମଃତାନ୍ ରୋମାନ୍ ପାଲ୍ଗାନ୍କଆଃ ମିଦ୍ଶାଅ ସିପାଇକଆଃ ଆଗୁଆଇ ତାଇକେନାଏ ।^୨ ଇନିଃ ଧାର୍ମାନ୍ ହଡ଼ ତାଇକେନାଏ । ଇନିଃ ଆତଃ ଆୟାଃ ଅଡ଼ାଃରେନ୍ ସବେନ୍କ ପାର୍ମେଶ୍ୱାରକେକ ବର ତାଇକେନା । ଇନିଃ ଗାରିବ୍ ଯିହୁଦୀ ହଡ଼କକେ ଦେଙ୍ଗାକତାନ୍ ତାଇକେନା ଆତଃ ପାର୍ମେଶ୍ୱାରତାଃରେ ସବେନ୍ ଇମ୍ପତାଏ ବିକ୍ତିତାନ୍ ତାଇକେନା ।^୩ ମୁସିଙ୍ଗ୍ ତାର୍ସିଙ୍ଗ୍ ଆପି ପାଡ଼ି ହବାଅଃତାଇକେନ୍ ଇମ୍ପତାକରେ ଇନିଃ ମିଆଁଦ୍ ଦାର୍ଶାନ୍ରେ ପୁରା ନେଲକେଦା ଯେ, ପାର୍ମେଶ୍ୱାର୍ଆଃ ମିଆଁଦ୍ ଦୁଡ଼ ହିଜୁଃକେଦତେ ଇନିଃକେ ହାକାଅକିୟା, “ଏ କର୍ଣ୍ଣଲିୟ ।”

^୪ ଇନିଃ ବରତେ ଦୁଡ଼ସାଃତେ ନେଲକେଦା ଆତଃ କାଜିକିୟାଏ, “ହେ ଗମକେ, ଚିନାଃମ୍ କାଜିତାନା ?” ଦୁଡ଼ କାଜିରୁହାଡ଼କିୟାଏ, “ପାର୍ମେଶ୍ୱାର୍ ଆମାଃ ବିକ୍ତି ଆତଃ ଦାନ୍ ଏମଃରେ ସୁକୁଆକାନା ଆତଃ ଇନିଃ ଆମକେ କାଜିରୁହାଡ଼ ନାଗେନ୍ତେ ସେକାଡ଼ାକାନା ।^୫ ନାହିଁଃ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କ କେଡ଼ାଆର ନାଗେନ୍ତେ ହଡ଼କକେ ଯୋପପାତେ କୁଲକମେ ।^୬ ପାଡ଼ରାସ୍ ଦରେୟା ଗେନାରେ ତାଇନ୍ଦତାନ୍ ଶିମୋନ୍ ନୁତୁମ୍ ମିଆଁଦ୍ ମୁଟିଆଃ ଅଡ଼ାଃରେ ପେଡ଼ାହଡ଼ ଲେକାଏ ତାଇକେନା ।”^୭ ନେଆଁ କାଜିକେଦତେ ଦୁଡ଼ ସେନଃୟାନାଏ । ଏନ୍ତେ କର୍ଣ୍ଣଲିୟ ଆୟାଃ ଅଡ଼ାଃରେନ୍ ବାହୁଡ଼ ଦାସିକିନ୍ଦେ ଆତଃ ମିଆଁଦ୍ ସିପାଇ, ଅକଏଟି ଧାର୍ମାନ୍ ହଡ଼ ତାଇକେନାଏ, ଇନିଃକେ କେଡ଼ାଆଉକିୟା ।^୮ ଇନିଃ ଇନ୍କୁକେ ସବେନାଃ ଉଦୁବ୍କେଦତେ ଯୋପପାତେ କୁଲକେଦକଆ ।

^୯ ଏଗାଃ ହୁଲାଇ ଇନ୍କୁ ଯୋପପା ସାହାରରେ ସେଟେରଃତାନ୍ ଇମ୍ପତା ପାଡ଼ରାସ୍ ମାହାଲା ଅଡ଼ାଃରେୟାଃ ଚେତାନ୍ କୁଠାତେ ବିକ୍ତି ନାଙ୍ଗ୍ ସେନ୍କେନାଏ । ଇମ୍ପତାକ ତିକିନ୍ସିଙ୍ଗ୍ ହବାଅଃ ତାଇକେନା ।^{୧୦} ପାଡ଼ରାସ୍କେ ପୁରାଃଗି ରେଙ୍ଗେଃକିଃ ହରାତେ ଜେଡ଼ନାଃ ଜମ୍ମାଙ୍ଗ୍ ସାନାଙ୍ଗକିୟା । ଜମେୟାଃ ସେକାଡ଼ତାଇକେନ୍ ଇମ୍ପତା ଇନିଃ ମିଆଁଦ୍ ଦାର୍ଶାନ୍ ନାମକେଦାଏ ।^{୧୧} ଇନିଃ ସିମା ନିଜାକାନ୍ ଆତଃ ଏନାଏତେ ମିଆଁଦ୍ ମାରାଙ୍ଗ୍ ଚାଦା଼ ନେକା ଉପୁନିୟା* କଚାରେ ତୁଙ୍ଗାକେଦତେ ଅତେ ଚେତାନ୍ତେ ଆଡ଼ଗୁଃତାନାଏ ନେଲକେଦା ।^{୧୨} ଏନାରେ ଚିମିନ୍ ରାକାମରେନ୍ ଜାତୁ, ଅତେରେ ରେଙ୍ଗାଅଃତାନ୍ ଜାତୁ ଆତଃ ବିରରେନ୍ ଅଡ଼େକ ତାଇକେନା ।^{୧୩} ଆତଃ ଇନିଃ ମିଆଁଦ୍ ଲାବ୍ଜା ଆୟୁମକେଦାଏ, “ଏ ପାଡ଼ରାସ୍, ବିରିଦମେ ଆତଃ ଗଏଃକେଦତେ ଜମ୍ମକୁମ୍ ।”

^{୧୪} ମେନ୍ଦ୍ ପାଡ଼ରାସ୍ କାଜିକେଦାଏ, “କାହାଗି, ପ୍ରାଭୁ, ଆଇଙ୍ଗ୍ ଚିଉଲ୍ଲାଅଗି କା ଫାଟିୟାକାନ୍ ଚାଏ ସଡ଼ରାକାନ୍ ଜମେୟାଃ କାଇଙ୍ଗ୍ ଜମାକାଦା ।”

^{୧୫} ଇନିଃ ଆତଃମିସା ଏନ୍ ଲାବ୍ଜା ଆୟୁମକେଦାଏ, “ପାର୍ମେଶ୍ୱାର୍ ଅକନାଃକେ ଫାଟିକାଦା, ଆମ୍ ଏନାକେ କା ଫାଟି ମେଣ୍ଡେ ଆଲମ୍ କାଜିୟା ।”^{୧୬} ନେଲକା ଆପିସାତେ ହବାୟାନ୍ ତାୟମ୍ତେ, ଚାଦା଼ ଇମ୍ପତାଗି ସିମାତେ ରାକାବ୍ୟାନା ।

* ୧୦:୧୧ ୧୦:୧୧ ଚାଇକ୍

୧୭ ପାତ୍ରରାସ୍ ଆୟାଃ ଦାର୍ଶନରେୟାଃ ମୁଣ୍ଡି ଉତ୍ତୁକେଦତେ ଆକ୍‌ଦାମାଅଃତାନ ଇମ୍‌ତା, କର୍ଣ୍ଣଲିୟ ଥକନ୍ ହତ୍‌କକେ କୁଲାକାଦକ ତାଇକେନା, ଇନ୍‌କୁ ଶିମୋନ୍‌ଆଃ ଅଡ଼ାଃ ନେଲ୍‌ଉରମ୍‌କେଦତେ ଆୟାଃ ଅଡ଼ାଃରାଚାରେୟାଃ ବଲ୍‌ଦୁଆର୍‌ତାଃରେ ତିଙ୍ଗୁକାନକ ତାଇକେନା । ୧୮ ଇନ୍‌କୁ ହାକାଅକେଦତେ କୁଲିକେଦାକ, “ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ପେଡ଼ାହତ୍ ନେତାଃରେ ମେନାଇୟାତି ?”

୧୯ ପାତ୍ରରାସ୍ ଇମ୍‌ତାଜାକେଦ୍ ଏନ୍ ଦାର୍ଶନରେୟାଃ ମୁଣ୍ଡି ଆର୍‌କାରୁଉରୁମେ ନାଗେନ୍ତେ ସାନାଙ୍ଗ୍ ତାଇକେନା, ଇମ୍‌ତା ଆମ୍‌ କାଜିକିୟାଏ, “ଆୟୁମ୍‌ଲେମ୍, ଆମ୍‌କେ ଆପିହତ୍ ଦାଣିଂମେତାନାକ । ୨୦ ଏନାତେ ମାର୍ ସେକାଡ଼କେଦତେ ଲାତାରୁତେ ଆଡ଼ଗୁନ୍‌ମେ ଆଡ଼ ଇନ୍‌କୁଲଃ ସେନ୍ ନାଗେନ୍ତେ ଆଲମ୍ ହିଡ଼କିତାଃଆ, ତିଆଃତି ଆଇଙ୍ଗ୍ ଇନ୍‌କୁକେ କୁଲାକାଦକଆଇଙ୍ଗ୍ ।” ୨୧ ଏନ୍ତେ ପାତ୍ରରାସ୍ ଲାତାରୁତେ ଆଡ଼ଗୁକେଦତେ ଇନ୍‌କୁକେ କାଜିକେଦକଆ, “ଆପେ ଅକଏକେ ଦାଣିଂତାନାପେ ଇନିଃ ଆଇଙ୍ଗ୍‌ତି ତାନିଙ୍ଗ୍, ଆପେ ତିନାଃ ମେନ୍ତେପେ ହିଜୁଃକାନା ?”

୨୨ ଇନ୍‌କୁ କାଜିରୁହାଡ଼କିୟାକ, “ମିଦ୍‌ଶାଅ ସିପାଇକଆଃ ଆଗୁଆଇ କର୍ଣ୍ଣଲିୟ ଆଲେକେ କୁଲାକାଦଲେୟା । ଇନିଃ ମିହୁଡ଼୍ ଧାର୍‌ମାନ୍ ହତ୍ ତାନିଃ । ଇନିଃ ପାର୍‌ମେଶ୍‌ବରକେ ବରଝାଇ ତାଇକେନା ଆଡ଼ ସବେନ୍ ସିହୁଦୀ ହତ୍‌କ ଇନିଃକେ ମାଇନାଃକ । ପାର୍‌ମେଶ୍‌ବରଆଃ ମିଆଁଦ୍ ପାବିତାର୍ ଦୁଡ଼୍ କର୍ଣ୍ଣଲିୟକେ ଦାର୍‌ଶନ ଏମ୍‌କେଦତେ ଆମ୍‌କେ ଆୟାଃ ଅଡ଼ାଃରେ କେଡ଼ାଇଦିମେ ମେନ୍ତେ କାଜିକାଦା, ଜେଲେକାତି ଇନିଃ ଆମାଃତାଃଏତେ ଇତୁ ଦାଡ଼ିୟଃଆ ।” ୨୩ ପାତ୍ରରାସ୍ ଇନ୍‌କୁକେ ଅଡ଼ାଃରେ କେଡ଼ାଇଦିକେଦକଆ ଆଡ଼ ଏନ୍ ନିଦା ଆୟାଃଲଃ ତାଇନ୍ ନାଗେନ୍ତେ ବିନ୍ତିକେଦକଆ । ଏତାଃ ହୁଲାଙ୍ଗ୍ ଇନିଃ ସେକାଡ଼କେଦତେ ଇନ୍‌କୁଲଃ ସେନଃୟାନାଏ । ଯୋପ୍‌ପାରେନ୍ ତିମିନ୍ ବିଶ୍ୱାସୀକହରି ଇନ୍‌କୁଲଃ ମିସାତେକ ସେନଃୟାନା । ୨୪ ଏନ୍ ହୁଲାଙ୍ଗ୍‌ରେୟାଃ ଏତାଃ ହୁଲାଙ୍ଗ୍‌ରେ ଇନ୍‌କୁ କାଈସରିୟା ସାହାରୁତେକ ସେଟେରୁୟାନା । ଏନ୍ତାଃରେ କର୍ଣ୍ଣଲିୟ ଆୟାଃ ହତ୍‌ପେଡ଼ାକକେ ଆଡ଼ ଆୟାଃ ଗାଡ଼ିକକେ ହାକାଅକେଦତେ ଇନ୍‌କୁକେ ତାଙ୍ଗିତାନକ ତାଇକେନା । ୨୫ ପାତ୍ରରାସ୍ ଭିତାରୁତେ ବଲ୍‌ତାନ ତାଇକେନ୍ ଇମ୍‌ତା କର୍ଣ୍ଣଲିୟ ଇନିଃକେ ଦାର୍‌ମିତାନଲଃ ଆୟାଃ କାଟା ସୁବାରେ ଉୟୁଃକେଦତେ ଜହାରୁକିୟା । ୨୬ ମେନ୍‌ଦ୍ ପାତ୍ରରାସ୍ ଇନିଃକେ ବିରିଦ୍‌କେଦତେ କାଜିକିୟା, “ମାର୍ ତିଙ୍ଗୁନ୍‌ମେ, ଆଇଙ୍ଗ୍‌ହି ମିହୁଡ଼୍ ହତ୍ ତାନିଙ୍ଗ୍ ।” ୨୭ ପାତ୍ରରାସ୍ କର୍ଣ୍ଣଲିୟଲଃ ଜାଗାରୁତାନଲଃରି ଅଡ଼ାଃରେ ବଲ୍‌ୟାନା । ଏନ୍ତାଃରେ ପୁରାଃ ହତ୍‌କକେ ନେଲ୍‌କେଦତେ, ୨୮ ଇନିଃ ଇନ୍‌କୁକେ କାଜିକେଦକଆ, “ଆପେ ସବେନ୍‌କ ସାରିତାନାପେ, ମିଆଁଦ୍ ସିହୁଦୀ ହତ୍ ଆୟାଃ ଧାରାମ୍ ବିଶ୍ୱାସ୍ ଲେକାତେ ସାଆଁସାର୍ ହତ୍‌କଲଃ କାଏ ଦୁବଡ଼ିଙ୍ଗୁନା । ମେନ୍‌ଦ୍ ପାର୍‌ମେଶ୍‌ବର ଆଇଙ୍ଗ୍‌କେ ଉଦୁଦ୍‌କାଦିୟା, ଜେତାଏକେ କା ଫାର୍‌ତି ଚାଏ ସତ୍ରା ମେନ୍ତେ ଆଲମ୍ କାଜିକିୟା । ୨୯ ଏନାମେନ୍ତେ ଆମ୍ ତିମ୍‌ତା ଆଇଙ୍ଗ୍‌କେ କେଡ଼ାଆଉ ନାଙ୍ଗ୍ କାଜିକେଦାମ୍, ଆଇଙ୍ଗ୍ ଜେଡ଼ନାଃ କା କାଜିକେଦତେଇଙ୍ଗ୍ ହିଜୁଃୟାନା । ଆଇଙ୍ଗ୍ ସାରି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ଆମ୍ ତିନାଃମେନ୍ତେମ୍ କେଡ଼ାଆଉକାଦିୟା ?”

୩୦ କର୍ଣ୍ଣଲିୟ କାଜିକିୟାଏ, “ଉଦୁମ୍‌ମାହାଁରେ ଠିକ୍ ନେ ନେତାରେ ତାରସିଙ୍ଗ୍ ଆପି ପାଡ଼ିକରେ ଆଇଙ୍ଗ୍ ଆଇଁୟାଃ ଅଡ଼ାଃରେ ବିନ୍ତି ତାଇକେନାଇଙ୍ଗ୍ । ଇମ୍‌ତାଙ୍ଗି ଝାକ୍‌ମାକ୍ ଲିଜାଃ ତୁସିଙ୍ଗ୍‌ୟାକାନ ମିଆଁଦ୍ ହତ୍ ଆଇଁୟାଃ ସାମ୍‌ନାଙ୍ଗ୍‌ରେ ତିଙ୍ଗୁୟାନା ଆଡ଼ କାଜିକିୟାଏ, ୩୧ ଏ କର୍ଣ୍ଣଲିୟ, ପାର୍‌ମେଶ୍‌ବର ଆମାଃ ବିନ୍ତି ଆୟୁମାକାଦା ଆଡ଼ ଗାରିବ୍ ହତ୍‌କକେ ଦାନ୍ ଏମ୍‌ରେୟାଃ କାମିତେ ସୁକୁଆକାନା । ୩୨ ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ହତ୍‌କେ ଆଉ ନାଗେନ୍ତେ ଯୋପ୍‌ପା ସାହାରୁତେ ଜେତାଏ ମିହୁଡ଼୍‌କେ କୁଲିପେ । ଇନିଃ ଦରେୟା ଗେନାରେ ତାଇନ୍‌ତାନ୍ ମୁଚି ଶିମୋନ୍‌ଆଃ ଅଡ଼ାଃରେ ପେଡ଼ାହତ୍ ଲେକା ମେନାଇୟା ।” ୩୩ ଏନ୍ତେ ଆଇଙ୍ଗ୍ ଇମ୍‌ତାରି ଆମ୍‌କେ କେଡ଼ାଆଉ ନାଙ୍ଗ୍ ହତ୍‌କଇଙ୍ଗ୍ କୁଲିକେଦକଆ ଆଡ଼ ଆମ୍ ଲିବୁଇତାନଲଃ ହିଜୁଃୟାନାମ୍ । ପ୍ରାଭୁ ଆମ୍‌କେ ଅକ୍‌ନାଃ କାଜି ନାଗେନ୍ତେ ଆଚୁକାଦମା, ଏନା ଆୟୁମ୍ ନାଗେନ୍ତେ ଆଲେ ନାହାଁଃ ସବେନ୍‌କ ନେତାଃରେଲେ ହୁଣ୍ଡିୟାକାନା ଆଡ଼ ସାରିତାନାଲେ ପାର୍‌ମେଶ୍‌ବର ଆଲେଲଃ ମେନାଇୟା ।”

କର୍ଣ୍ଣଲିୟରାଃ ଅଡ଼ାଃରେ ପାତ୍ରରାସ୍‌ଆଃ ପ୍ରାଚାର୍

୩୪ ପାତ୍ରରାସ୍ ଇତୁ ଏଟେଦ୍‌ତାନଲଃ କାଜିକେଦାଏ, “ନାହାଁଃ ଆଇଙ୍ଗ୍ ଆର୍‌କାର୍ ଉରୁମ୍‌କେଦାଈଙ୍ଗ୍ ଯେ ସାରୁତିରି ପାର୍‌ମେଶ୍‌ବର ସବେନ୍‌କକେ ମିଦ୍‌ଜକାଗି ନେଲଃଏ । ୩୫ ଜେତାଏ ପାର୍‌ମେଶ୍‌ବରକେ ବରଝାଇୟା ଆଡ଼ ଅକ୍‌ନାଃ ବୁଗିନାଃ ଏନା ରିକାଃଏ, ଇନିଃକେ ପାର୍‌ମେଶ୍‌ବର ସୁକୁଃଆଏ । ଏନ୍ ହତ୍ ଜେତା ଜାଡ଼ିରେନ୍ ତାଇନଃରେୟ ସାୟୁଃଆ । ୩୬ ପାର୍‌ମେଶ୍‌ବର ଇପ୍ରାଏଲ୍ ହତ୍‌କତାଃରେ ଅକ

କାନାଜି କୁଲାକାଦ୍ ତାଇକେନାଏ, ଏନାଗି ଯୀଶୁ ଖ୍ରୀଷ୍ଟୁଆଃ ହରାତେ ଉଦୁବାକାନ୍ ଜୀଉସୁକୁରାଃ ସୁକୁକାଜି ତାନାଃ ଆତଃ ନେ ଯୀଶୁଗି ସବେନକଆଃ ପ୍ରାଭୁ ତାନିଃ, ଏନାଦପେ ସାରିତାନା । ୩୭ ଯୋହାନ୍ ମନ୍‌ରୁହାଡ଼ରେୟାଃ ଆତଃ ଦାଆଃରେ ବାପ୍ତିସ୍ମା ଇଦିରେୟାଃ କାନାଜି ଉଦୁବକେଦ୍ ତାୟମ୍‌ତେ, ଗାଲିଲ୍‌ତାଃଏତେ ଏଟେଃକେଦ୍‌ତେ ଗଟା ଯିହୁଦା ଦିଶୁମ୍‌ରେ ସୁକୁକାଜି ଉଦୁବୟାନା, ଏନାଦପେ ସାରିତାନା । ୩୮ ଆପେ ନାଜ୍‌ରେଡ଼ରେନ୍ ଯୀଶୁଆଃ ବିଷାଏରେ ଆତଃ ପାର୍‌ମେଶ୍‌ବର ଚିଲ୍‌କା ଯୀଶୁଆଃ ଚେତାନ୍‌ରେ ପାବିତାର୍ ଆମ୍ବା ଆତଃ ପେଡ଼େଃତେ ଆଭିଷେକକିୟାଏ, ଏନାଦପେ ସାରିତାନା । ଯୀଶୁ ସବେନ୍‌ସାଃତେ ସେନ୍‌କେଦ୍‌ତେ ବୁଗିନାଃ କାମିକେଦାଏ ଆତଃ ସାଏତାନ୍‌ତେ ଏସେରାକାନ୍ ହଡ଼କକେ ବୁଗିକେଦକଆ, ଚିଆଃଟି ପାର୍‌ମେଶ୍‌ବର ଇନିଃଲଃଃ ତାଇକେନାଏ । ୩୯ ଯିହୁଦା ଦିଶୁମ୍‌ରେ ଆତଃ ଯୀରୁଶାଲେମ୍ ଦିଶୁମ୍‌ରେ ଇନିଃ ଅକ କାମିକଏ କାମିକେଦା, ଏନ୍ ସବେନାଃରେୟାଃ ଆଲେ ଗାଝାତାନ୍‌ଲେ । ଏନ୍ତେ ଯୀଶୁ ଗୁଣ୍‌ଗୁଣ୍‌ରେ କିଲାକେଦ୍‌ତେ ଗଏଃକିୟାକ । ୪୦ ମେନ୍‌ଦ ପାର୍‌ମେଶ୍‌ବର ଇନିଃକେ ଆପିଦାହାଁ ତାୟମ୍‌ତେ ଗନ୍‌ଏଃହେତେ ଜୀଉବିରିଦ୍‌କିୟା ଆତଃ ହଡ଼କତାଃରେ ଉଦୁବେନ୍‌ଇଚିକିୟା । ୪୧ ଇନିଃ ସବେନକତାଃରେଦ କାଏ ଉଦୁବେନ୍‌ୟାନା, ମେନ୍‌ଦ ପାର୍‌ମେଶ୍‌ବର ଅକ ହଡ଼କକେ ଆୟାଃ ଗାଝା ଏମ୍‌ନାଜ୍ ସିଦାରେ ସାଲାକାଦକ ତାଇକେନା, ଇନ୍‌କୁତାଃରେ ଏସକାର୍ ଉଦୁବେନ୍‌ୟାନାଏ । ପାର୍‌ମେଶ୍‌ବର ଇନିଃକେ ଗନ୍‌ଏଃହେତେ ଜୀଉବିରିଦ୍‌ୟାନ୍ ତାୟମ୍‌ତେ ଆଲେ ଇନିଃଲଃଃ ଜମ୍ ନୁଁକେଦାଲେ । ୪୨ ହଡ଼କତାଃରେ ସୁକୁକାଜି ଉଦୁବ୍ ନାଗେନ୍ତେ ଆତଃ ପାର୍‌ମେଶ୍‌ବର ଇନିଃକେ ଜୀନିଦ୍ ଆତଃ ଗନ୍‌ଏଃ ହଡ଼କଆଃ ବିତାର୍ ନାଗେନ୍ତେ ସାଲାକିୟା, ନେ କାଜିରେୟାଃ ଗାଝା ଏମ୍ ନାଗେନ୍ତେ ଇନିଃ ଆଲେକେ ଆଚୁକାଦ୍‌ଲେୟା । ୪୩ ସବେନ୍ ନାବୀକ ଇନିଃୟାଃ ବିଷାଏରେ ଗାଝା ଏମ୍‌କେଦାକ, ଅକନ୍ ହଡ଼କ ଇନିଃତାଃରେକ ବିଶ୍ୱାସେୟା, ଇନ୍‌କୁ ଇନିଃୟାଃ ନୁତୁମ୍‌ରେୟାଃ ପେଡ଼େଃତେ ପାପ୍ ଛାମାକ ନାମେୟା ।”

ସାଅଁସାର୍ ବିଶ୍ୱାସୀ ହଡ଼କ ପାବିତାର୍ ଆମ୍ବାକେକ ନାମ୍ ତାନା

୪୪ ପାଡ଼ରାସ୍ ନେ କାଜି କାଜିତାନ୍ ଇମ୍‌ତା, ଇନିଃୟାଃ କାଜି ଆୟୁମ୍‌ତାନ୍ ସବେନ୍ ହଡ଼କଆଃ ଚେତାନ୍‌ରେ ପାବିତାର୍ ଆମ୍ବା ଆଡ଼ଗୁୟାନାଏ । ୪୫ ପାର୍‌ମେଶ୍‌ବର ସାଅଁସାର୍ ବିଶ୍ୱାସୀ ହଡ଼କକେୟାଗି ପାବିତାର୍ ଆମ୍ବାରେୟାଃ ବାର୍‌ଦାନ୍ ଏମାକତାନାଏ, ଏନା ନେଲ୍‌କେଦ୍‌ତେ ପାଡ଼ରାସ୍‌ଲଃଃ ହିଜୁଃକାନ୍ ଯୋପ୍‌ପା ସାହାର୍‌ରେନ୍ ଯିହୁଦା ବିଶ୍ୱାସୀକ ହାଏକାଟ୍‌ୟାନାକ । ୪୬ ଚିଆଃଟି ଯିହୁଦା ବିଶ୍ୱାସୀକ ଇନ୍‌କୁକେ ପାର୍‌ମେଶ୍‌ବର ଆଃ ମାନାରାଜ୍ ରିକାତାନ୍ ଆତଃ ଏଗାଃ ଏଗାଃ ଜାଗାର୍‌ତେ କାଜିତାନ୍‌କ ଆୟୁମ୍‌କେଦକଆ । ଏନ୍ତେ ପାଡ଼ରାସ୍ କାଜିକେଦକଆଏ, ୪୭ “ଆବୁ ଲେକାଗି ନେ ହଡ଼କହ ପାବିତାର୍ ଆମ୍ବାକ ନାମ୍‌କିୟା । ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଇନ୍‌କୁକେ ଚିନାଃ ଜେତାଏ ହକା ଦାଡ଼ିୟାଃକ ?” ୪୮ ଏନ୍ତେ ଇନିଃ ଇନ୍‌କୁକେ ଯୀଶୁ ଖ୍ରୀଷ୍ଟୁଆଃ ନୁତୁମ୍‌ତେ ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଆଚୁକେଦକଆ । ଏନ୍ତେ ଇନ୍‌କୁ ଇନିଃକେ ଆତଃ ଚିମିନ୍ ଦିନ୍ ଇନ୍‌କୁଲଃଃ ତାଇନ୍ ନାଗେନ୍ତେ କାଜିକିୟାକ ।

୧୧

ଯୀରୁଶାଲେମ୍ କାଲିସିୟାରେ ପାଡ଼ରାସ୍‌ଆଃ ଉନ୍‌ଦୁବ୍

୧ ସାଅଁସାର୍ ହଡ଼କହଗି ପାର୍‌ମେଶ୍‌ବର ଆଃ ବାଚାନ୍ ତେଲାକେଦାକ ମେନ୍ତେ ପ୍ରେରିତ୍‌କ ଆତଃ ଯିହୁଦାରେନ୍ ଏଗାଃ ବିଶ୍ୱାସୀକ ଆୟୁମ୍‌କେଦାକ । ୨ ପାଡ଼ରାସ୍ ଚିମ୍‌ତା ଯୀରୁଶାଲେମ୍‌ତେ ସେନଃୟାନା, ଇମ୍‌ତା ଖାଡ଼ନାଅକାନ୍ ହଡ଼କ ଇନିଃୟାଃ ବିରୁଧ୍‌ରେ କାଜିକିୟାକ, ୩ “ଆପେ କା ଖାଡ଼ନାଅକାନ୍ ସାଅଁସାର୍‌କଆଃ ଅଡ଼ାଃରେ ପେଡ଼ାହଡ଼ ଲେକାପେ ତାଇକେନା ଆତଃ ଇନ୍‌କୁଲଃଃ ଜମ୍ ନୁଁକେଦାପେ ।” ୪ ଏନାତେ ପାଡ଼ରାସ୍ ଏନେଟେଦ୍‌ତାଃଏତେ ଅକ୍‌ନାଃ ହବାକାନ୍ ତାଇକେନା, ଏନା ସବେନାଃଏ ଉଦୁବାଦକଆ,

୫ “ଆଇଜ୍ ଯୋପ୍‌ପା ସାହାର୍‌ରେ ବିନ୍ତି ତାଇକେନାଇଜ୍ ଇମ୍‌ତା ମିଆଁଦ୍ ଦାର୍‌ଶାନ୍ ନାମ୍‌କେଦାଇଜ୍ । ମିଆଁଦ୍ ମାରାଜ୍ ଚାଦାର୍‌ରେୟାଃ ଉପୁନ୍ କଚାରେ ସାବକେଦ୍‌ତେ ସିମ୍‌ାଏତେ ତୁଜାଆଡ଼ଗୁଃ ତାଇକେନା ଆତଃ ଆଇଁୟାଃ ଆୟା଼ରେ ଆଟ୍‌କାଅୟାନ୍ ଲେକାଇଜ୍ ନେଲ୍‌କେଦା । ୬ ଆଇଜ୍ ଏନାରେୟାଃ ଭିତାର୍‌ସାଃରେ ବୁଗିଲେକାଇଜ୍ ନେଲ୍‌କେଦ୍ ଇମ୍‌ତା, ଏନାରେ ଉପୁନିୟା କାଟାକାନ୍ ଜାଁତୁକ, ଅଡ଼ାଃରେ ଆସୁଲ୍ ଜାଁତୁକ ଆତଃ ବିର୍‌ରେନ୍ ଜାଁତୁକ, ଅତେରେ ରେଜାଆଃତାନ୍ ଜାଁତୁକ ଆତଃ ବିର୍‌ରେନ୍ ଅଡ଼େକକେଇଜ୍ ନେଲ୍‌କେଦକଆ । ଆବୁଆଃ ଆଇନ୍ ଲେକାତେ କାରୁ ଜମ୍ ଜାଁତୁକହଗି ତାଇକେନାକ । ୭ ଏନ୍ତେ ଆଇଜ୍, ଆଇଜ୍‌କେ କାଜିୟାଇଜ୍‌ତାନ୍ ଲାବ୍‌ଜା ଆୟୁମ୍‌କେଦାଇଜ୍, ‘ପାଡ଼ରାସ୍, ବିରିଦ୍‌ମେ, ଆତଃ ଗଏଃକେଦ୍‌ତେ ଜମ୍‌କମ୍ ।’ ୮ ମେନ୍‌ଦ ଆଇଜ୍ କାଜିରୁହାଡ଼କେଦାଇଜ୍, ‘କାହାଗି ପ୍ରାଭୁ,

ଆଇଙ୍ଗ୍ କାଇଙ୍ଗ୍ ଜମ୍ ଦାଡ଼ିୟା । ନାହାଁଠ ଜାକେଦ୍ ଜେତା ସଡ଼ରାତେୟାଃ ଚାଏ କା ଫାଡ଼ିଚିତେୟାଃ କାଇଙ୍ଗ୍ ଜମାକାଦା ।^{୧୮} ସିର୍ମାଏତେ ଆଡ଼ଃମିସା ନେ ଲାବ୍‌କା ଆୟ୍‌ମାୟାନା, 'ପାର୍‌ମେଶ୍‌ୱାର୍ ଅକ୍‌ନାଃକେ ଫାଡ଼ିକାନା ମେନ୍ତେ କାଜିକାଦ୍‌ତେୟାଃକେ କା ଫାଡ଼ିକାନା ମେନ୍ତେ ଆଲମ୍ କାଜିୟା ।^{୧୯} ନେ'ଲେକା ଆପିସାତେ ହବାୟାନା, ଆଡ଼ଃ ଚୁଣ୍ଡୁରୁ ଏନ୍ ସବେନ୍ ବିଷାଏକେ ସିର୍ମାତେ ଇଦି ରୁହାଡ଼ିୟାନା ।^{୧୯} ଏନ୍ ନେତାରେଗି, କାଇସରିୟାଏତେ ଆଇଙ୍ଗ୍‌ତାଃତେ କୁଲ୍‌କାନ୍ ଆପିହଡ଼କ ଆଇଙ୍ଗ୍ ତାଇନଃ ଅଡ଼ାଃତାଃତେକ ସେଟେର୍‌ୟାନା ।^{୧୯} ପାବିତାର୍ ଆମ୍ ଆଇଙ୍ଗ୍‌କେ ବେଗାର୍ ହିଡ଼କିତାଏକେଦ୍‌ତେ ଜୁ ସେନଃମେ ମେନ୍ତେ କାଜିକିୟା । ଯୋପ୍‌ପାରେନ୍ ନେ ତୁରିୟା* ବିଶ୍ୱାସୀ ହାଗାକ ଆଇଙ୍ଗ୍‌ଲଃ କାଇସରିୟାତେକ ସେନ୍‌କେନା ଆଡ଼ଃ ଆଲେ ସବେନ୍‌କ କର୍ଣ୍ଣଲିୟାଆ ଅଡ଼ାଃରେଲେ ସେଟେର୍‌ୟାନା ।^{୧୯} ଇନିଃ ଚିଲ୍‌କା ଆୟାଃ ଅଡ଼ାଃରେ ମିଆଁଦ୍ ଦୁଡ଼କେ ଡିଙ୍ଗ୍‌କାନ୍ ନେଲାଇକ ତାଇକେନାଏ, ଏନ୍ ବିଷାଏରେ ଆଲେକେ ଉଦୁବାଦ୍‌ଲେୟା । ଦୁଡ଼ ଇନିଃକେ କାଜିକାଇ ତାଇକେନା, 'ଯୋପ୍‌ପାତେ ଶିମୋନ୍ ପାଡ଼ିରାସ୍ ନୁଡ଼ମ୍ ମିଆଁଦ୍ ହଡ଼କେ ଆଉ ନାଗେନ୍ତେ ହଡ଼ କୁଲ୍‌କମ୍ ।^{୧୯} ଇନିଃ ହିଜୁଃକେଦ୍‌ତେ ଆମ୍‌କେ ଜାଉବାଞ୍ଚାଅରେୟାଃ କାଜି କାଜିମେୟା, ଏନା ହରାତେ ଆମ୍ ଆଡ଼ଃ ଆମାଃ ଅଡ଼ାଃରେନ୍ ସବେନ୍‌କ ଜାଉବାଞ୍ଚାଏଦେ ନାମେୟା ।^{୧୯} ଆଡ଼ଃ ଆଇଙ୍ଗ୍ କାଜି ଏଟେଦ୍‌କେଦ୍ ଇମ୍‌ତା, ପାବିତାର୍ ଆମ୍ ଏନେଟେଦ୍‌ରେ ଆଡ଼ୁଆଃ ତେଡାନ୍‌ରେ ଆଡ଼ଗୁୟାନ୍ ଲେକାଗି ଇନ୍‌କୁଆଃ ତେଡାନ୍‌ରେୟ ଆଡ଼ଗୁୟାନା ।^{୧୯} ଏନ୍ତେ ଆଇଙ୍ଗ୍ ପ୍ରାଭୁ କାଜିକାଦ୍ କାଜିଇଙ୍ଗ୍ ପାହାମ୍‌କେଦା, 'ଯୋହାନ୍‌ଦ ଦାଆଃତେ ବାପ୍ତିସ୍ତା ଏମାଦ୍‌କଆଏ, ମେନ୍‌ଦ୍ ଆପେ ପାବିତାର୍ ଆମ୍‌ତେ ବାପ୍ତିସ୍ତାଃଃପେ ।^{୧୯} ପ୍ରାଭୁ ଯାଶୁ ଖ୍ରୀଷ୍ଟାଃତାରେ ବିଶ୍ୱାସ୍‌କେଦ୍ ହରାତେ ପାର୍‌ମେଶ୍‌ୱାର୍ ଆବୁକେ ପାବିତାର୍ ଆମ୍‌ରାଃ ବାର୍‌ଦାନ୍ ଏମାକାଦ୍‌କୁ ଲେକାଗି ସାର୍‌ସାର୍ ବିଶ୍ୱାସୀକକେହଗି ଏନ୍‌ଲେକାନ୍ ବାର୍‌ଦାନ୍ ଏମାକାଦ୍‌କଆଏ, ଆଇଙ୍ଗ୍ ଅକ୍‌ଏ ତାନିଙ୍ଗ୍ ଯେ ପାର୍‌ମେଶ୍‌ୱାର୍‌ଆଃ ନେ କାମିକେଇଙ୍ଗ୍ ହକାଦାଡ଼ିୟା ।^{୧୯} ଇନ୍‌କୁ ନେଆଁ ଆୟ୍‌ମକେଦ୍‌ତେ ହାପାୟାନାକ ଆଡ଼ଃ ପାର୍‌ମେଶ୍‌ୱାର୍‌ଆଃ ମାନାରାଙ୍ଗ୍‌ତାନ୍‌ଲଃ କାଜିକେଦାକ, "ଏନାରେଦ୍ ପାର୍‌ମେଶ୍‌ୱାର୍ ସାର୍‌ସାର୍ ହଡ଼କକେୟଗି ହେୟାଡ଼ିଙ୍ଗ୍ ନାଗେନ୍ତେ ଆଡ଼ଃ ଜୀଦାନ୍ ବାଞ୍ଚାଆଃ ନାଗେନ୍ତେ ସୁୟୋଗ୍ ଏମାକାଦ୍‌କଆଏ ।"

ଆନ୍ତିୟୋଖରେୟାଃ କାଲିସିୟା

^{୧୯} ଏସ୍ତିଫାନକେ ଚାଃଃକିଃ ତାୟମ୍‌ତେ ବିଶ୍ୱାସୀ ହଡ଼କ ସାସାତି ନାମ୍‌କେଦ୍ ହରାତେ ଛିତିବିତିୟାନାକ, ଇନ୍‌କୁଏତେ ଚିମିନ୍ ହଡ଼କ ଯିହୁଦୀ ହଡ଼କତାଃରେ ଏସ୍‌କାର୍ ପ୍ରାଚାର୍‌ତାନ୍‌ଲଃ ଫିନିସିୟା, ସାଇପ୍ରସ୍ ଆଡ଼ଃ ଆନ୍ତିୟୋଖ୍ ଜାକେଦ୍‌କ ସେନଃୟାନା ।^{୨୦} ମେନ୍‌ଦ୍ ସାଇପ୍ରସ୍ ଚାପ୍ ଆଡ଼ଃ କୁରିନି ନାଗାର୍‌ରେନ୍ ଏଟାଃ ଚିମିନ୍ ବିଶ୍ୱାସୀ ହଡ଼କ ଆନ୍ତିୟୋଖ୍‌ତେ ସେନ୍‌କେଦ୍‌ତେ ସାର୍‌ସାର୍ ହଡ଼କତାଃରେୟଗି ଗ୍ରୀକ୍ ଜାଗାର୍‌ତେ ପ୍ରାଭୁ ଯାଶୁଆଃ ସୁକ୍ତକାଜିକ ଉଦ୍‌ବ୍‌କେଦା ।^{୨୧} ପ୍ରାଭୁଆଃ ପେଡ଼ଃ ଇନ୍‌କୁଲଃ ତାଇକେନା ଆଡ଼ଃ ପୁରାଃ ହଡ଼କ ବିଶ୍ୱାସ୍‌କେଦ୍‌ତେ ପ୍ରାଭୁଆଃତେ ମନ୍‌ରୁହାଡ଼ିକେଦାକ ।

^{୨୨} ନେ କାନାଜି ଯାରୁଶାଲେମ୍ କାଲିସିୟାତେ ସେଟେର୍‌ୟାନ୍ ଇମ୍‌ତା, ଇନ୍‌କୁ ବର୍ଣ୍ଣବାସ୍‌କେ ଆନ୍ତିୟୋଖ୍‌ତେ କୁଲ୍‌କିୟାକ ।^{୨୩} ଇନିଃ ଏନ୍ତାଃତେ ସେଟେର୍‌କେଦ୍‌ତେ ପାର୍‌ମେଶ୍‌ୱାର୍ ଏନ୍ ହଡ଼କକେ ଚିଲ୍‌କାଏ ଆଗିଷ୍‌କାଦ୍‌କଆ, ଏନା ନେଲ୍‌କେଦ୍‌ତେ ଇନିଃ ରାସ୍‌କାୟାନାଏ ଆଡ଼ଃ ସବେନ୍ ମନ୍‌ସୁରୁଦ୍‌ତେ ପ୍ରାଭୁଆଃ ନାଙ୍ଗ୍ ପାବିତାର୍‌ରେ ଲେକା ତାଇନଃ ନାଗେନ୍ତେ ଇନ୍‌କୁକେ ଜୀଉରେ ରାସ୍‌କାକେଦ୍‌କଆ ।^{୨୪} ବର୍ଣ୍ଣବାସ୍ ପାବିତାର୍ ଆମ୍‌ତେ ଆଡ଼ଃ ବିଶ୍ୱାସ୍‌ତେ ପେରେଜାକାନ୍ ମିଆଁଦ୍ ପୁରାଃ ବୁଗିନ୍ ହଡ଼ ତାଇକେନାଏ । ନେ'ଲେକାତେ ପୁରାଃ ହଡ଼କ ପ୍ରାଭୁରେ ମନ୍‌ରୁହାଡ଼ିକେଦାକ ।

^{୨୫} ଏନ୍ତେ ବର୍ଣ୍ଣବାସ୍, ଶାର୍‌ଲ୍‌କେ ନାନାମ୍‌ତେ ତାଷ୍‌ସ୍‌ତେ ସେନଃୟାନା ।^{୨୬} ଏନ୍ତାଃରେ ଇନିଃକେ ନାମ୍‌କେଦ୍‌ତେ ଆନ୍ତିୟୋଖ୍‌ତେ ଇଦିକିୟା । ଆଡ଼ଃ ମିଦ୍ ବାରାଷ୍ ଜାକେଦ୍ ବାରାନ୍‌କିନ୍ ଏନ୍ତାଃକରାଃ କାଲିସିୟାରେନ୍ ବିଶ୍ୱାସୀକଲଃ ମେସାକେଦ୍‌ତେ ପୁରାଃ ହଡ଼କକେ ଇଡୁକେଦ୍‌କଆକ । ନେ ଆନ୍ତିୟୋଖ୍‌ରେନ୍ ବିଶ୍ୱାସୀକକେ ହଡ଼କ ପାହିଲାତେ ଖ୍ରୀଷ୍ଟିୟାନ୍ ମେନ୍ତେକ ନୁଡ଼ମ୍‌କେଦ୍‌କଆ ।^{୨୭} ଏନ୍ ଦିପିଲିକରେ ଚିମିନ୍ ନାବୀକ ଯାରୁଶାଲେମ୍‌ହେତେ ଆନ୍ତିୟୋଖ୍‌ତେକ ହିଜୁଃୟାନା ।^{୨୮} ଇନ୍‌କୁଏତେ ଆଗାବ୍ ନୁଡ଼ମ୍ ମିଆଁଦ୍ ହଡ଼ ଆମ୍‌ରେୟାଃ ପେଡ଼ଃତେ ପେରେଃୟାନ୍‌ଲଃ ଗଗା ଅତେଦିଶ୍ୱମ୍‌ରେ ମିଆଁଦ୍ ବରଞ୍ଜାନ୍ ରିଙ୍ଗା ହବାଅଆ ମେନ୍ତେ କାଜିଆୟାର୍‌କାଦ୍ ତାଇକେନା । ଏନା କ୍ଲାଉଡିଆ ରୋମ୍‌ରେନ୍ ମାରାଙ୍ଗ୍ ହାକିମ୍ ତାଇକେନ୍ ପାରିୟାରେ ହବାୟାନା ।^{୨୯} ତେଲାଇକ ଯିହୁଦାରେ ତାଇନ୍‌ତାନ୍ ବିଶ୍ୱାସୀ

* ୧୧:୧୭ ୧୧:୧୭ ଇଙ୍ଗାନ୍ ✨ ୧୧:୧୭ ୧୧:୧୭ ପ୍ରେରିତ୍ ୧:୫. ✨ ୧୧:୧୯ ୧୧:୧୯ ପ୍ରେରିତ୍ ୮:୧-୪. ✨ ୧୧:୨୮ ୧୧:୨୮ ପ୍ରେରିତ୍ ୨୧:୧୦.

ହାଗାକତାଃତେ ଇନ୍ଦ୍ରୁଆଃ ଲାଗାତିଞ୍ଜ ଲେକା ଦେଞ୍ଜା କୁଲେ ନାଗେନ୍ତେ ଉହାଟ୍ଟକେଦାକ । ୩୦ ଇନ୍ଦ୍ରୁ ଚାକା ପାଏସା ହାରମ୍‌କେଦ୍‌ତେ ବର୍ଣ୍ଣବାସ୍ ଆତଃ ଶାଉଲ୍‌ଆଃ ତିଃଇରେ କାଲିସିୟାରେନ୍ ପ୍ରାଚିନ୍‌କତାଃତେ କୁଲ୍‌କେଦାକ ।

୧୨

ପୁରାଣଗି ସାସାତି

୧ ଏନ୍ ଦିପିଲିରେ ହେରୋଦ୍ ରାଜା କାଲିସିୟାରେନ୍ ଚିମିନ୍ ହଡ଼କକେ ସାସାତି ଏଟେଦ୍‌କେଦକଥାଏ । ୨ ଇନିଃ ଯୋହାନ୍‌ଆଃ ହାଗାତେ ଯାକୁବ୍‌କେ ତାରାଉଡ଼ିତେ ଗଏଃକିୟା । ୩ ଯିହୁଦୀ ହଡ଼କ ନେ କାମି ନେଲ୍‌କେଦ୍‌ତେ ରାସ୍‌କାଅଃତାନାକ ଏନା ଇନିଃ ଆଟ୍‌କାର୍‌କେଦ୍‌ତେ, ପାଡ଼ରାସ୍‌କେୟାଗି ତଲ୍‌କିୟାଏ । ନେଆଁ ସାବାଃ ହଲ୍‌ଜ୍‌ରେୟାଃ ପାରାବ୍ ଇମ୍‌ତା ହବାୟାନା । ୪ ଏନ୍ତେ ହେରୋଦ୍ ରାଜା ପାଡ଼ରାସ୍‌କେ ତଲ୍‌କେଦ୍‌ତେ ଜେହେଲ୍‌ରେ ଦହକିୟାଏ । ଇନିଃକେ ହର ନାଗେନ୍ତେ ଉପୁନିୟା ଝୁଣ୍ଡରେନ୍ ପାଲ୍‌ଚାନକଏତେ ମିପିହୁଡ୍ ଉପୁନିୟା ଝାନ୍ ସିପାଇକ ହରକିୟାକ । ପାସକା ପାରାବ୍ ତାୟମତେ ସବେନ୍ ହଡ଼କଆଃ ଆଲାରେ ଇନିଃକେ ବିଚାରି ନାଗେନ୍ତେ ହେରୋଦ୍ ରାଜା ଉହାଟ୍ଟକେଦାଏ । ୫ ପାଡ଼ରାସ୍ ଜେହେଲ୍‌ରେ ତାଇକେନ୍ ଇମ୍‌ତା କାଲିସିୟାରେନ୍ ହଡ଼କ ମିଦ୍‌ମନ୍‌ତେ ଇନିୟାଃ ନାଗେନ୍ତେ ପାର୍‌ମେଶ୍ୱାର୍‌ତାଃତେକେ ବିନ୍ତ୍ରତାଇକେନା ।

ଜେହେଲ୍‌ଏତେ ପାଡ଼ରାସ୍‌ଆଃ ରାଡ଼ାଃଅ

୬ ହେରୋଦ୍ ରାଜା ଅକ ହୁଲାଙ୍ଗ୍ ପାଡ଼ରାସ୍‌କେ ହଡ଼କଆଃ ସାମ୍‌ନାଙ୍ଗ୍‌ତେ ଆଉ ନାଗେନ୍ତେ ଉହାଟ୍ଟକାଦ୍ ତାଇକେନାଏ, ଏନ୍ ହୁଲାଙ୍ଗ୍‌ରେୟାଃ ସିଦା ନୁବାଃରେ ପାଡ଼ରାସ୍ ବାଟ୍‌ହଡ୍, ହରତାନ୍‌କିନାଃ ଆଲାରେ ଦୁଡ଼ମ୍‌କାନ୍ ତାଇକେନା । ଇନିଃ ବାରିୟା ସିକ୍‌ଡ଼ିତେ ତଲ୍‌କାନ୍ ତାଇକେନା ଆତଃ ଜେହେଲ୍‌ରେୟାଃ ଦୁଆର୍ ଯାପାଃରେ ହରତାନ୍ ହଡ଼କ ହରତାଇକେନା । ୭ ଇମ୍‌ତାଗି ପ୍ରାଭୁଆଃ ମିଆଁଦ୍ ଦୁଡ଼୍ ହିଲ୍‌ଝକେଦ୍‌ତେ ତିଙ୍ଗ୍‌ୟାନା ଆତଃ ଅଡ଼ାଃରେୟାଃ କୁଠା ମାର୍‌ସାଲ୍‌ତେ ପେରେଃୟାନା । ଦୁଡ଼୍, ପାଡ଼ରାସ୍‌ଆଃ ତାରାନ୍‌କେ ଏକ୍‌ଲାଅକେଦ୍‌ତେ ଇନିଃକେ ଦୁଡ଼ମ୍‌ଏତେ ବିରିଦ୍‌କିଃଲ୍‌ଃ କାଜିକିୟାଏ, “ଜାଲ୍‌ଦି ବିରିଦ୍‌ମେ !” ଇମ୍‌ତାଙ୍ଗ୍ ପାଡ଼ରାସ୍‌ଆଃ ତିଃଇରେ ତଲ୍‌କାନ୍ ସିକ୍‌ଡ଼ି ରାଡ଼ାୟାନା । ୮ ଏନ୍ତେ ଦୁଡ଼୍ କାଜିକିୟାଏ, “ମାୟାଙ୍ଗ୍‌ରେ ଲିଜାଃ ପାଟେନ୍‌ମେ, ଆତଃ ଖାଡ଼ପାତାମାଃ ତୁସିୟେନ୍‌ମେ ।” ପାଡ଼ରାସ୍ ଏନ୍‌ଲେକାଗି ରିକାକେଦ୍ ତାୟମତେ ଦୁଡ଼୍ କାଜିକିୟାଏ, “ହଡ଼ମରେ ଚାଦାର୍ ଉୟୁକେଦ୍‌ତେ ଆଇଙ୍ଗ୍‌କେ ଅତଙ୍ଗ୍‌ଇମ୍‌ମେ ।” ୯ ଦୁଡ଼୍ ରିକାତାଇକେନ୍‌ତେୟାଃ ସାଡ଼ିତାନାଃ ଚି ନାହାଁଲାଃ ଏନା ପାଡ଼ରାସ୍ କାଏ ସାରି ଦାଡ଼ିକେଦା । ଇନିଃ କୁମ୍ ନେଲ୍‌ତାନାଇଙ୍ଗ୍ ମେନ୍ତେ ଉଡ଼୍‌କେଦା । ଏନ୍‌ରେୟା ପାଡ଼ରାସ୍ ଜେହେଲ୍‌ହେତେ ଅତଙ୍ଗ୍‌କେଦ୍‌ତେ ଦୁଡ଼୍‌କେ ଅତଙ୍ଗ୍‌କିୟା । ୧୦ ଇନ୍‌କିନ୍ ହରତାନ୍‌କଆଃ ମିଆଁଦ୍ ଆତଃ ବାରିୟା ଠାୟାଦ୍ ପାରମ୍‌କେଦ୍‌ତେ ଝୁଣ୍ଡ୍‌ରେ ସାହାର୍‌ତେ ବଲ୍ ହରାରେ ତାଇକାନ୍ ମେଡ୍‌ଦ୍‌ରେୟାଃ ଦୁଆର୍‌ତାଃତେକିନ୍ ସେଟେରୁୟାନା । ଇମ୍‌ତା ଇନିକିନାଃ ନାଗେନ୍ତେ ଦୁଆର୍ ଆପାନ୍‌ତେଗି ନିଜ୍‌ୟାନା ଆତଃ ଇନ୍‌କିନ୍ ଅତଙ୍ଗ୍‌କେଦ୍‌ତେ ସେନଃୟାନାକିନ୍ । ଇନ୍‌କିନ୍ ହରାରେ ସେନ୍‌ତାନ୍ ଇମ୍‌ତାଗି ଦୁଡ଼୍ ପାଡ଼ରାସ୍‌କେ ବାରିକେଦ୍‌ତେ ସେନଃୟାନା ।

୧୧ ଏନ୍ତେ ପାଡ଼ରାସ୍ ଆଇଃକ୍‌ରେ ହବାୟାନ୍‌ତେୟାଃ ସାରି ଦାଡ଼ିକେଦ୍‌ତେ କାଜିକେଦା, “ନେଆଁ ସାଡ଼ିତାନାଃ ମେନ୍ତେ ଆଇଙ୍ଗ୍ ନାହାଁଃ ସାରି ଦାଡ଼ିତାନାଇଙ୍ଗ୍ ଯେ, ହେରୋଦ୍‌ତାଃଏତେ ଆତଃ ଯିହୁଦୀ ହଡ଼କ ଅକ୍‌ନାଃ ହବାଅଃଆ ମେନ୍ତେ ଆସ୍‌କାଦ୍ ତାଇକେନାକ, ପ୍ରାଭୁ ଏନାଏତେ ଆଇଙ୍ଗ୍‌କେ ବାଞ୍ଚିଆ ନାଗେନ୍ତେ ଦୁଡ଼୍‌କେ କୁଲାକାଇ ତାଇକେନା ।”

୧୨ ପାର୍‌ମେଶ୍ୱାର୍ ବାଞ୍ଚିଆକାଦିୟାଏ ମେନ୍ତେ ପାଡ଼ରାସ୍ ଆଟ୍‌କାର୍‌କେଦାଏ, ଆତଃ ଇନିଃ ଯୋହାନ୍‌ଆଃ ଏଙ୍ଗାତେ ମାରିୟାମ୍‌ଆଃ ଅଡ଼ାଃତେ ସେନଃୟାନା । ଯୋହାନ୍‌ଆଃ ଏଗାଃ ନୁଡ଼ମ୍ ହବାଅଃତାନା ମାର୍‌କ୍ । ଏନ୍ତାଃରେ ପୁରାଃ ହଡ଼କ ହୁଣ୍ଡିକେଦ୍‌ତେ ବିନ୍ତ୍ର ତାଇକେନାକ । ୧୩ ପାଡ଼ରାସ୍ ଅଡ଼ାଃରେୟାଃ ବାହାରି ଦୁଆର୍‌ରେ ଠକ୍ ଠକ୍‌କାଅକେଦା ଆତଃ ରୋଦା ନୁଡ଼ମ୍ ମିଆଁଦ୍ କାମ୍‌ଡ଼ି କୁଡ଼ି ଅଡ଼ାଃ ବଲ୍‌ଦୁଆର୍ ନିଜ୍ ନାଗେନ୍ତେ ହିଲ୍‌ଝୟାନା । ୧୪ ପାଡ଼ରାସ୍‌ଆଃ ଲାବ୍‌ଜା ଆୟୁମ୍ ଉରୁମ୍‌କେଦ୍‌ତେ ଇନିଃ ପୁରାଃଗି ରାସ୍‌କାୟାନା ଯେ, ବଲ୍‌ଦୁଆର୍ କା ନିଜ୍‌କେଦ୍‌ତେ ପାଡ଼ରାସ୍ ବାହାରିରେ ତିଙ୍ଗ୍‌ଆକାନା ମେନ୍ତେ ଉଦ୍‌ବ୍‌କେଦା । ୧୫ ଇନ୍‌କୁ ଇନିଃକେ କାଜିକିୟାକ, “ଆମ୍ ବାଲ୍‌ଅଃତାନାମ୍ ।” ମେନ୍‌ଦ ଇନିଃ “ନେଆଁ ସାଡ଼ି ତାନାଃ” ମେନ୍ତେ ପୁରାଃତେ କାଜିକେଦା । ଏନ୍ତେ ଇନ୍‌କୁ କାଜିରୁହାଡ଼କେଦାକ, “ଇନିଃ ଆୟାଃ ଦୁଡ଼୍ ତାଇନ୍‌ସାକାଅଃଆଏ ।”

^{୧୭} ପାତ୍ରରାସ୍ ଦୁଆରକେ ଠକ ଠକକାଅକାତେ ତାଇକେନାଏ । ଚୁଣ୍ଡୁର ଇନକୁ ଦୁଆର୍ ନିଜକେଦତେ ଇନିଃକେ ନେଲ୍ଲକିୟାକ ଆତଃ ହାଏକାଟ୍ଟୟାନାକ । ^{୧୭} ଇନିଃ ହାପାକାନୁଦେ ମେନ୍ତେ ତିଃଇତେ କାଜିୟାଦକଆ ଆତଃ ପ୍ରାଭୁ ଇନିଃକେ ଚିଲ୍ଲକା ଜେହେଲ୍ଲହେତେ ଅତଙ୍ଗ ଆଉକିୟା, ଏନ୍ ବିଷାଏ ଇନକୁଆଃ ଆୟାରରେ କାଜିକେଦା । ଏନ୍ତେ ଇନିଃ ନେ ସବେନ୍ କାଜି “ଯାକୁବ୍ ଆତଃ ଏଟାଃ ସବେନ୍ ବିଶ୍ୱାସୀ ହାଗାକେ” ଉଦୁବ୍ ନାଗେନ୍ତେ ଆରୁକେଦକଆ ଆତଃ ଇନିଃ ଏନ୍ତାଏତେ ଏଟାଃତେ ସେନଃୟାନା ।

^{୧୮} ଏଟାଃ ହୁଲାଙ୍ଗ୍ ଆଙ୍ଗୟାନୁତି ପାତ୍ରରାସ୍ କତେ ସେନଃୟାନା ମେନ୍ତେ ହରତାନ୍ ହଡକ ପୁରାଃଗି ଆକବାକାଅୟାନାକ । ଚିଆଃଟି ପାତ୍ରରାସ୍ଲଃ ଚିକନାଃ ହବାୟାନା ଏନା ଇନକୁ କାକ ସାରିକାଦ୍ ତାଇକେନା । ^{୧୯} ହେରୋଦ୍ ଇନିଃକେ ଦାଣ୍ଡାଆଉ ନାଗେନ୍ତେ ଆରୁକେଦକଆ ମେନ୍ଦ୍ ଇନକୁ ଇନିଃକେ କାକ ନାମ୍ଲକିୟା । ଚୁଣ୍ଡୁର ହରତାନ୍ ହଡକକେ କୁଲିକତାନ୍ଲଃ ଇନକୁକେ ଗଏଃକ ନାଗେନ୍ତେ ଆନାରୁ ଏମାଦକଆ । ଏନ୍ ତାୟମତେ ହେରୋଦ୍ ଯିହୁଦା ପାର୍ଗାନ୍ ବାରିକେଦତେ କାଈସରିୟାରେ ସେନିକେଦତେ ତାଇକିୟାନା ।

ହେରୋଦ୍ ରାଜାରାଃ ଗନଏଃ

^{୨୦} ହେରୋଦ୍ ରାଜା ସୋର୍ ଆତଃ ସିଦୋନ୍ ନାଗାରରେନ୍ ହଡକକେ ପୁରାଃଗି ଖସ୍ତକାନ୍ ତାଇକେନା, ଏନାତେ ଇନକୁଏତେ ମିଦ୍ ଝୁଣ୍ଡୁ ଇନିଃଲଃ ନେପେଲ୍ଲ ନାଗେନ୍ତେ ଇନିଃତାଃତେକ ସେନଃୟାନା । ସିଦାତେ ଇନକୁ ବାପାଇୟଃ ନାଗେନ୍ତେ ଦେଙ୍ଗା ନାଙ୍ଗ୍ ରାଜ୍ମାହାଲ୍ଲକେ ନେଲ୍ଲହରତାନ୍ ଲ୍ଲାଷ୍ଟୟଲଃ ଜାଗାରକେଦାକ । ଏନ୍ତେ ଇନକୁ ହେରୋଦ୍ତାଃ ସେନିକେଦତେ ବାପାଇୟଃ ନାଗେନ୍ତେକ ବିକ୍ରିକିୟା, ଚିୟାଃଟି ହେରୋଦ୍ ରାଜାରାଃ ଦିଶ୍ୱମ୍ହେତେ ଇନକୁଆଃ ଦିଶ୍ୱମ୍ତେ ଜମେୟା କୁଲଃ ତାଇକେନା ।

^{୨୧} ହେରୋଦ୍ ଟାହାରାଝାକାନ୍ ହୁଲାଙ୍ଗ୍ରେ ରାଜା ତୁସିଙ୍ଗ୍ଆଃ ଲିଜାଃ ତୁସିଙ୍ଗ୍ୟାନାଏ ଆତଃ ଆୟାଃ ରାଜ୍ଗାଦିରେ ଦୁବ୍କେଦତେ ହଡକକେ ଜାଗାରକେଦକଆ । ^{୨୨} ଏନା ଆୟୁମକେଦତେ ଇନକୁ କାଉରିକେଦତେ କାଜିକେଦାକ, “ନେଆଁ ଜେତା ହଡରାଃ ଜାଗାର ନାହାଁଲଃ ମେନ୍ଦ୍ ମିଆଁଦ୍ କା ସାରିକାନ୍ ପାରମେଶ୍ୱାର୍ଆଃ ଜାଗାରତାନାଃ ।” ^{୨୩} ଇମ୍ତାଙ୍ଗି ପ୍ରାଭୁଆଃ ମିଆଁଦ୍ ଦୁଡ୍ ଇନିଃକେ ଦାଲ୍ଲକିଆ, ଚିଆଃଟି ଇନିଃ ପାରମେଶ୍ୱାରକେ କାଏ ମାଇନକିଆ, ଆତଃ ଇନିଃକେ ତିଲୁକ ଜମ୍ଲିଃ ହରାତେ ଗଏଃୟାନା ।

^{୨୪} ମେନ୍ଦ୍ ପାରମେଶ୍ୱାର୍ଆଃ ବାଟାନ୍ ପୁରାଃତେ ନିତିରୟାନା ଆତଃ ହାରାଇଦିୟାନା । ^{୨୫} ବର୍ଣ୍ଣବାସ୍ ଆତଃ ଶାଉଲ୍ ଆକିନାଃ ସେଝାକାମି ଚାବାକେଦତେ ଯୋହାନ୍ ଏଟାଃ ନୁତୁମ୍ ମାର୍କ ମେନ୍ତେହ କାଜିୟାଃକ, ଇନିଃକେ ଇଦିକେଦତେ ଯାରୁଶାଲେମ୍ଏତେକ ରୁହାଡ୍ୟାନା ।

୧୩

ବର୍ଣ୍ଣବାସ୍ ଆତଃ ଶାଉଲ୍ ସାଲ୍ଲାୟାନଲଃ ସେଝାକାମି ନାଗେନ୍ତେ କୁଲ୍ଲୟାନାକିନ୍

^୧ ଆନ୍ତିୟୋଖ କାଲିସିୟାରେ ଚିମିନ୍ ନାବୀକ ଆତଃ ଇଡୁହଡକ ତାଇକେନା, ଇନକୁଏତେ ବର୍ଣ୍ଣବାସ୍, ନିଗର୍ ହଡ ମେନ୍ତେ କାଜିୟଃ ତାଇକେନ୍ ଶିମୋନ୍, କୁରିନିରେନ୍ ଲୁସିୟସ୍, ଲାଟ୍ସାହେବ୍ ହେରୋଦ୍ଆଃ ଅଡ଼ାଃରେ ଆସୁଲ୍ହାରାକାନିନିଃ ମନହେମ୍, ଆତଃ ଶାଉଲ୍ । ^୨ ଇନକୁ ପ୍ରାଭୁକେ ସେଝାତାନ୍ ଆତଃ କାଟାଦ୍ତାନ୍ ତାଇକେନ୍ ଇମ୍ତା ପାବିତାର୍ ଆମ୍ବା ଇନକୁକେ କାଜିୟାଦକଆ, “ଆଇଙ୍ଗ୍ ଅକ କାମି ନାଗେନ୍ତେ ବର୍ଣ୍ଣବାସ୍ ଆତଃ ଶାଉଲ୍କେ ସାଲ୍ଲାକାଦକିନାଇଙ୍ଗ୍, ଏନାମେନ୍ତେ ଇନକିନ୍ତେ ଆଇଁୟାଃ ନାଙ୍ଗ୍ ଗେନା ଆତମକିନ୍ଦେ ।”

^୩ ଏନ୍ତେ ଇନକୁ କାଟାବକେଦତେ ଏନ୍ ବାରାନକିନାଃ ତେତାନ୍ରେ ତିଃଇ ଦହତାନ୍ଲଃ ବିକ୍ରିକେଦାକ ଆତଃ ଇନକିନ୍ତେକ ସେଝାକାମି ନାଗେନ୍ତେକ କୁଲ୍ଲକେଦକିନା ।

ସାଇପ୍ରସ୍ରେ ସେଝାକାମି

^୪ ନେଲେକାତେ ବର୍ଣ୍ଣବାସ୍ ଆତଃ ଶାଉଲ୍ ପାବିତାର୍ ଆମ୍ବାତେ କୁଲ୍ଲୟାନାକିନ୍ ଆତଃ ସେଲ୍ଲୁକିଆତେକିନ୍ ସେନଃୟାନା ଆତଃ ଏନ୍ତାଏତେ ଦାଆଃ ଜାହାଜ୍ରେ ଦୁବ୍କେଦତେ ସାଇପ୍ରସ୍ ଟାପୁଡେକିନ୍ ସେନଃୟାନା । ^୫ ଇନକିନ୍ ସଲ୍ଲାମି ସାହାରତେ ସେଟେରକେଦତେ ଯିହୁଦାକଆଃ ସାମାଜ୍ ଅଡ଼ାଃକରେ ପାରମେଶ୍ୱାର୍ଆଃ ବାଟାନ୍ ଉଦୁବ୍କେଦାକିନ୍ । ଯୋହାନ୍ ମାର୍କ ଇନକିନ୍ଲଃ ତାଇକେଦତେ ଦେଙ୍ଗାକିନ୍ ତାଇକେନା ।

^୬ ଇନକୁ ସାଇପ୍ରସ୍ ଟାପୁ ପାରମକେଦତେ ପାଫ୍ସ୍ ସାହାରତେ ସେନଃୟାନାକ । ଏନ୍ତାଃରେ ଇନକୁ ବାର୍ଯ୍ୟାଶୁ ନୁତୁମ୍ ମିଆଁଦ୍ ଯିହୁଦା ଦେଅଁଶା ହଡଲଃ ନାପାମ୍ୟାନାକ । ଇନିଃ ଆପାନ୍କେ ନାବା

ମେନ୍ତେ କାଜିନ୍ ତାଜକେନା । ୭ ସର୍ବମ୍ଭୟ ପାଉଲୁସ୍ ମେନ୍ତେ ଜନିୟାଃ ମିଆଁଦ୍ ଗାତି ତାଜକେନାଏ, ଜନିଃ ଏନ୍ ଗାପୁରେନ୍ ଲାଟ୍‌ସାହେବ୍ ତାଜକେନାଏ । ସର୍ବମ୍ଭୟ ପାଉଲୁସ୍ ମିହୁଡ୍ ସେଣ୍ଡାନ୍ ହଡ୍ ତାଜକେନାଏ । ଜନିଃ ପାର୍‌ମେଣ୍ଡାଃ ବାଚାନ୍ ଆୟୁମ୍ ନାଜ୍ ସାନାଜ୍‌କେଦ୍ ହରାତେ ବର୍ଣ୍ଣବାସ୍ ଆତଃ ଶାଉଲୁକେ ଆୟାଃତାଃ କେଡାକେଦକିନାଏ । ୮ ମେନ୍ଦ୍ ଦେଅଁଶାହଡ଼ରାଃ ଗ୍ରାକ୍ ନୁଡୁମ୍ ଏଲିମାସ୍, ଏନ୍ ଲାଟ୍‌ସାହେବ୍ ଆଲକାଏ ବିଶ୍ୱାସେକା ମେନ୍ତେ ଜନିଃ ଜନ୍‌କୁକେ କାଜିକେଜ୍ କେଦକଆ । ୯ ମେନ୍ଦ୍ ଶାଉଲୁ, ଅକଏକେତି ପାଉଲୁସ୍ ମେନ୍ତେହ କାଜିୟାଃକ, ଜନିଃ ପାବିତାର୍ ଆମ୍‌ତେ ପେରେଃୟାନ୍‌ଲଃ ଦେଅଁଶାହଡ଼କେ ମିଦ୍‌ଜିବିଗି ନେଲ୍‌କିୟାଏ, ଆତଃ କାଜିକିୟାଏ, ୧୦ “ଏ ସାଏତାନ୍‌ଆଃ ହନ୍, ଆମ୍ ସବେନ୍ ବୁରିନ୍ ବିଷାଏରେୟାଃ ବାଜରିତାନ୍‌ମେ । ଆମ୍ ସବେନ୍ ଲେକାନ୍ ଏଡ଼କାନ୍ ବେଦାତେ ପେରେଜାକାନାମ୍ ଆତଃ ସବେନ୍ ଇମ୍‌ତା ପ୍ରାଭୁଆଃ ସାନାର୍‌ତି ହରାକେ ହସଡ୍ ମେନ୍ତେ କାଜି ନାଜ୍ ଚେଷ୍ଟାଏ ତାନାମ୍ । ୧୧ ନାହାଁଃଗି ପ୍ରାଭୁ ଆମ୍‌କେ ସାଜାଇ ଏମାମେୟାଏ, ଆମାଃ ମେଦ୍ କାଣାଁଆଆ ଆତଃ ଚିମିନ୍ ନେତା ଜାକେଦ୍ ସିଙ୍ଗିରେ ଜେଡ଼ନାଃ କାମ୍ ନେଲ୍ ଦାଡ଼ିୟା ।” ଇମ୍‌ତାଜି ଏଲିମାସ୍ ଆୟାଃ ମେଦ୍‌ରେ ଦୁବାଃ ଦାଲ୍‌ବୟାନ୍ ଲେକାଏ ଆଡ଼କାର୍‌କେଦା ଆତଃ ଜେତାଏ ମିହୁଡ୍ ଆୟାଃ ତିଃଇ ସାବ୍‌କେଦ୍‌ତେ ସୁତ୍ରଃଇଦିକାକ ମେନ୍ତେ ଦାଣାଁକେଦକଆ । ୧୨ ନେଆଁ ନେଲ୍‌କେଦ୍‌ତେ ଲାଟ୍‌ସାହେବ୍ ବିଶ୍ୱାସକେଦାଏ, ଚିଆଃଗି ଜନିଃ ପ୍ରାଭୁଆଃ ଜନିତୁ ଆୟୁମ୍‌କେଦ୍‌ତେ ପୁରାଃଗି ଆକ୍‌ଚାକାଆଃ ତାଜକେନା ।

ପିସିଦିଆରେୟାଃ ଆନ୍ତିୟୋଖରେ ସେଝାକାମି

୧୩ ପାଉଲୁସ୍ ଆତଃ ଆୟାଃଲଃ ମିସାତେ ହରାସେନ୍‌ତାନ୍‌କ ପାଫ୍‌ସ୍‌ତାଃଏତେ ଦାଆଃ ଜାହାଜ୍‌ତେ ପାମିଲିଆ ନାଗାର୍‌ରେୟାଃ ପେରାଗା ସାହାର୍‌ତେକ ହିନ୍‌ଡ଼ୟାନା, ଏନ୍‌ତାଃରେ ଯୋହାନ୍ ମାକ୍ ଜନ୍‌କୁକେ ବାଗିକେଦ୍‌ତେ ଯାରୁଶାଲେମ୍‌ତେ ସେନଃରୁହାଡ଼ିୟାନା । ୧୪ ଜନ୍‌କୁ ପେରଗାଏତେ ସେନ୍‌କେଦ୍‌ତେ ପିସିଦିଆରେୟାଃ ଆନ୍ତିୟୋଖତେକ ସେଟେରୁୟାନା ଆତଃ ରୁଡୁନ୍ ହୁଲାଙ୍ଗରେ ସାମାଜ୍ ଅଡ଼ାଃରେ ବଲକେଦ୍‌ତେକ ଦୁବୟାନା । ୧୫ ମୁଶା ନାବୀଆଃ ଆନ୍‌ରୁ ଆତଃ ନାବୀକଆଃ ଅନଲ୍ ପାଡ଼ାଅକେଦ୍ ତାୟମ୍‌ତେ, ସାମାଜ୍‌ଅଡ଼ାଃରେନ୍ ଆଗୁଆଇକ ନେଆଁ କାଜିକୁଲ୍‌କେଦାକ, “ହାଗା ମିଗିକ, ହଡ୍‌କ ନାଗେନ୍ତେ ଜାଉରେ ରାସ୍‌କାଆଃ ଲେକାନ୍ କାଜି ମେନାଃରେଦ୍, କାଜିପେ ମେନ୍ତେଲେ ସାନାଙ୍ଗ୍‌ତାନା ।”

୧୬ ପାଉଲୁସ୍ ତିଜୁକେଦ୍‌ତେ, ହଡ୍‌କକେକ ତିଃଇ ହିଲାଅତାନ୍‌ଲଃ କାଜିୟାଦ୍‌କଆ, “ନେତାଃରେ ମେନାତେ ସବେନ୍ ଇସ୍ରାଏଲ୍ ଆତଃ ପାର୍‌ମେଣ୍ଡାଃକେ ବରଝାଜ୍‌ତାନ୍ ସାଅଁସାର୍ ହଡ୍‌କ, ଆଇୟାଃ କାଜି ଆୟୁମେପେ, ୧୭ ନେ ଇସ୍ରାଏଲ୍ ହଡ୍‌କଆଃ ପାର୍‌ମେଣ୍ଡାଃ ଆବୁଆଃ ପୁରୁଖା ହଡ୍‌କକେ ସାଲାକେଦକଆ ଆତଃ ମିସାର୍ ଦିଶ୍‌ମରେ ଜନ୍‌କୁ ଏଟାଃ ଦିଶ୍‌ମରେନ୍ ହଡ୍‌କ ଲେକାକ ତାଜନଃ ତାଜକେନା, ଇମ୍‌ତା ଜନ୍‌କୁ ପୁରାଃ ଗାବେଲ୍ ହଡ୍‌କ ହବାୟାନା । ପାର୍‌ମେଣ୍ଡାଃ ଆୟାଃ ପୁରାଃ ପେଡ଼େଃତେ ଜନ୍‌କୁକେ ମିସାର୍ ଦିଶ୍‌ମହେତେ ଅତଙ୍ଗ୍ ଆଡକେଦକଆ, ୧୮ ଆତଃ ଜନ୍‌କୁ ଜନିୟାଃ କାଜି କାକ ମାନାତିଙ୍ଗ୍ ତାଜକେନ୍‌ରେୟାଗି, ଜନିଃ ବାର୍‌ହସି ବାରାଷ୍ ଜାକେଦ୍ ବିର୍‌ରେ ଜନ୍‌କୁକେ ଆସୁଲ୍‌କେଦକଆ । ୧୯ ଜନିଃ କିନାନ୍ ଦିଶ୍‌ମରେ ଏୟା* କିଲିକଆଃ ଦିଶ୍‌ମ୍ ଜିୟନ୍‌କେଦ୍‌ତେ ଆୟାଃ ସାଲାକାନ୍ ହଡ୍‌କକେ ଏନ୍ ଦିଶ୍‌ମାଏ ଏମାଦ୍‌କଆ ।

୨୦ “ନେ ସବେନାଃ ୪୫୦ ବାରାଷ୍‌ରେ ହବାୟାନା । ନେ ସବେନାଃରେୟାଃ ତାୟମ୍‌ତେ ନାବୀ ଶାମ୍‌ଏଲ୍ ଜାକେଦ୍ ପାର୍‌ମେଣ୍ଡାଃ ଜନ୍‌କୁ ନାଜ୍ ବିତାର୍ ହଡ୍‌କକେ ସାଲାକେଦକଆ । ୨୧ ଆତଃ ଜନ୍‌କୁ ମିଆଁଦ୍ ରାଜା ଆସିକେନାକ, ଇମ୍‌ତା ପାର୍‌ମେଣ୍ଡାଃ ଜନ୍‌କୁଆଃ ଚେତାନ୍‌ରେ ୪୦ ବାରାଷ୍ ଜାକେଦ୍ ରାଜାଜେ ନାଗେନ୍ତେ ବେଞ୍ଜାମିନ୍ କିଲିରେନ୍ କାଣୀଆଃ ହନ୍ ଶାଉଲୁକେ ଏମ୍‌କିୟା । ୨୨ ଏନ୍ତେ ପାର୍‌ମେଣ୍ଡାଃ ଜନିଃକେ ରାଜଗାଦିହେତେ ଆତମକେଦ୍‌ତେ, ଦାଉଦ୍‌କେ ଜନ୍‌କୁଆଃ ରାଜାଏ ବାଜକିୟା । ପାର୍‌ମେଣ୍ଡାଃ ଦାଉଦ୍‌ଆଃ ବିଷାଏରେ ଗାଞ୍ଜା ଏମ୍‌କେଦ୍‌ତେ କାଜିକେଦା, “ଆଇଜ୍ ଚିଲ୍‌କା ହଡ୍‌କକେ ଦୁଲାଡ଼କଆଇଜ୍, ଯିଗିରାଃ ହନ୍ ଦାଉଦ୍ ଏନ୍‌ଲେକାନିଃ ମିହୁଡ୍‌ତାନିଃ । ଜନିଃ ଆଇୟାଃ ମନ୍‌ସୁରୁଦ୍‌ରେୟାଃ ଇଛାସାନାଜ୍ ଲେକା ସବେନାଃଏ କାମିୟା ।” ୨୩ ନେ ଦାଉଦାଃ କିଲିରେନ୍ ଯାଶୁକେ ପାର୍‌ମେଣ୍ଡାଃ ଆୟାଃ ବାନାର୍‌ସା ଲେକାତେ ଇସ୍ରାଏଲ୍ ହଡ୍‌କଆଃ ଜାଉବାଞ୍ଚାଅନିଃ ବାଜକିୟାଏ । ୨୪ ଯୁୟାଶୁ ଆୟାଃ କାମି ଏନେଟେଦ୍ ସିଦାରେ ଯୋହାନ୍ ଇସ୍ରାଏଲ୍‌ରେନ୍ ସବେନ୍ ହଡ୍‌କତାଃରେ ଉପ୍‌ବକେଦ୍‌ତେ କାଜିକେଦାଏ, “ଜନ୍‌କୁକେ ପାପ୍‌ହେତେ ହେୟାତିଙ୍ଗ୍‌ତାନ୍‌ଲଃ ଦାଆଃରେ ବାପ୍‌ସ୍ତା ଇଦି ଲାଗାତିଙ୍ଗ୍‌ୟାଁଃ ।” ୨୫ ଆତଃ ଯୋହାନ୍ ଆୟାଃ ସେଝାକାମି ଚୁଣ୍ଡୁତାନ୍ ଇମ୍‌ତା ହଡ୍‌କକେ କୁଲିକେଦକଆ, “ଆଇୟାଃ ବିଷାଏରେ ଆପେ ଚିନାଃପେ

* ୧୩:୧୯ ୧୩:୧୯ ସାଦ୍ ୧୩:୨୪ ୧୩:୨୪ ମାକ୍ ୧:୪; ଲୁକ ୩:୩ ୧୩:୨୫ ୧୩:୨୫ ଯୋହାନ୍ ୧:୨୦; ମାଥୁରା ୩:୧୧; ମାକ୍ ୧:୭; ଲୁକ ୩:୧୭; ଯୋହାନ୍ ୧:୨୭.

ଉତ୍ତୁଷ୍ଟତାନା ? ଆପେ ଅକ-ଏକେପେ ନେଲୁହରାତାନା, ଜନିଃ ଆଇଙ୍ଗ ନାହାଁଲିଙ୍ଗ । ମେନ୍ଦ୍ ଆୟୁମେପେ, ଆଇୟାଃ ତାୟମତେ ଅକ-ଏ ହିଲୁଃତାନାଏ, ଜନିୟାଃ ଖାର୍ପାରେୟାଃ ତନଲ୍ ରାଡାଏ ଲେକାନିନିଃ ନାହାଁଲିଙ୍ଗ ।’

୨୭ “ହେ ଇସ୍ରାଏଲ୍ ହାଗାକ, ଆତ୍ରାହାମ୍ ଆଃ କିଲିରେନ୍ ହନ୍ଦ୍ ଆତଃ ପାର୍ମେଶ୍ୱାର୍ କେ ବରଞ୍ଜାଇତନ୍ ସବେନ୍ ସାଅଁସାର୍ ହଡକ, ଆବୁକେଗି ନେ ଜୀଉବାଞ୍ଚାଅରେୟାଃ କାନାଜି ଏମାକାନା । ୨୭ ମେନ୍ଦ୍ ଜନିଃ ଜୀଉବାଞ୍ଚାଅନିଃ ତାନିଃ ମେତ୍ରେ ଯୀରୁଶାଲେମ୍ରେ ତାଇନ୍ତାନ୍ ହଡକ ଆତଃ ଜନ୍କୁଆଃ ଆଗୁଆଇକ କାକ ସାରିକାଦ୍ ତାଇକେନା । ଜନ୍କୁ ସବେନ୍ ରୁଡନ୍ ହୁଲାଇରେ ପାଡାଆଃ ତାଇକେନ୍ ନାବୀକଆଃ କାଜି କାକ ଆର୍କାରୁରୁମେ ତାଇକେନା । ଏନ୍ରେୟ୍ ଜନ୍କୁ ଯୀଶୁକେ ଚିଟାକେଦ୍ତେ ନାବୀକଆଃ କାଜିକେ ପୁରାକେଦାକ । ୨୮ ଈଜନ୍କୁ ଗନ୍-ଏଃ ସାଜାଇ ଏମ୍ରେୟାଃ ଜେତାନ୍ ଗୁହ୍ନାଁ କାକ ନାମ୍ କେଦ୍ରେୟ୍, ଜନିଃକେ ଗନ୍-ଏଃ ସାଜାଇ ଏମ୍ ନାଗେତ୍ରେ ପିଲାତୁସକେ କାଜିକିୟାକ । ୨୯ ଈଜନିୟାଃ ବିଷାଏରେ ଧାରାମ୍ପୁଅରେ ଅଲ୍ଲକାନି ଲେକାଗି ସବେନ୍ କାମି ରିକାକେଦ୍ ତାୟମତେ ଜନ୍କୁ ଜନିଃକେ କୁଶ୍ୱଏତେ ଆଡଗୁକିୟାକ ଆତଃ ତପାଗାଡାରେ ଦହକିୟାକ । ୩୦ ମେନ୍ଦ୍ ପାର୍ମେଶ୍ୱାର୍ ଜନିଃକେ ଗନ୍-ଏଃହେତେ ଜୀଉବିରିଦ୍ କିୟା, ୩୧ ଈଆତଃ ପୁରାଃ ମାହାଁ ଜାକେଦ୍ ଜନିଃଲଃ ଗାଲିଲ୍-ଏତେ ଯୀରୁଶାଲେମ୍ତେ ହିଲୁଃ ସେନଃତାନ୍ ହଡକତାଃରେ ଉଦୁବେନ୍-ୟାନା । ଜନ୍କୁ ନାହାଁଃ ଇସ୍ରାଏଲ୍ ହଡକତାଃରେ ଜନିୟାଃ ଗାଞ୍ଜାକ ତାନକ । ୩୨ ଆତଃ ଆଲିଙ୍ଗ୍ ଆପେକେ ଏନ୍ ସୁକୁକାଜି ଉଦୁବ୍ ନାଗେତ୍ରେ ନେତାଃରେ ମେନାଲିୟାଁ, ଅକନାଃଚି ପାର୍ମେଶ୍ୱାର୍ ଆବୁଆଃ ପୁରାଃ ହାଡାମ୍ ହଡକକେ ବାନାର୍ସା ଏମାକାଦ୍ ତାଇକେନାଏ, ୩୩ ପାର୍ମେଶ୍ୱାର୍ ଯୀଶୁକେ ଜୀଉବିରିଦ୍ କିଃ ହରାତେ ଆବୁ ନାଗେତ୍ରେ ନାହାଁଃ ପୁରାକାଦାଏ ଆତଃ ଆବୁ ଜନ୍କୁଆଃ କିଲିରେନ୍ଦ୍ ହବାକାନାବୁ । ଦାଉଦ୍ ଆଃ ଦୁରାଙ୍ଗ୍ ପୁଅ ୨ ଆଧ୍ୟାଏରେ ନେ’ଲେକା ଅଲ୍ଲକାନା, “ଆମ୍ ଆଇୟାଃ ହନ୍ଦ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟନାଇଙ୍ଗ୍ ।’

୩୪ ଆତଃ ତପାଗାଡାରେ ଆଲ୍ଲକାଏ ଜିୟନଃକା ମେତ୍ରେ ଜନିଃକେ ଗନ୍-ଏଃହେତେ ଜୀଉବିରିଦି ନାଗେତ୍ରେ ପାର୍ମେଶ୍ୱାର୍ ନେ’ଲେକାଏ କାଜିକାଦ୍ ତାଇକେନା,

‘ଦାଉଦ୍ କେ ଏମାକାଇ ବାନାର୍ସା ଲେକାଗି

ଆଇଙ୍ଗ୍ ଆମ୍ କେ ପାବିତାର୍ ଆତଃ ସାର୍ତିଗିଇଙ୍ଗ୍ ଆଗିଷ୍ଟମେୟାଁ ।’

୩୫ ଦୁରାଙ୍ଗ୍ ପୁଅରେୟାଃ ଏଟାଃତାଃରେ ଅଲ୍ଲକାନା,

‘ଆମ୍ ଆମାଃ ପାବିତାର୍ ଦାସିକେ ତପାଗାଡାରେ ଜିୟନଃ ନାଗେତ୍ରେ କାମ୍ ବାଗିଇଚିୟା ।’”

୩୬ ଦାଉଦ୍ ଆୟାଃ ଜାନିଦ୍ ଦିପିଲିରେ ପାର୍ମେଶ୍ୱାର୍ ଆଃ ଇଛାସାନାଙ୍ଗ୍ ଲେକାଗି, ସୁସାର୍ କେଦ୍ତେ ଜୀଉତାୟାଃ ଚୁଶ୍ଟୁକେଦା ଆତଃ ପୁରାଃ ହାଡାମ୍ କଲଃ ତପାୟନାଏ । ଆୟାଃ ଗନ୍-ଏଃ ହଡକ୍ ତପାଗାଡାରେୟାଃ ହାସାରେ ମେସାୟାନା । ୩୭ ମେନ୍ଦ୍ ପାର୍ମେଶ୍ୱାର୍ ଅକ-ଏକେ ଗନ୍-ଏଃହେତେ ଜୀଉବିରିଦ୍ କିୟାଏ, ଜନିଃ ହସାରେ କାଏ ମେସାକାନା । ୩୮ ଏନାମେତ୍ରେ, ହେ ଇସ୍ରାଏଲ୍ରେନ୍ ହାଗାକ, ଆପେ ସବେନ୍ଦକେ ନେଆଁ ସାରି ଲାଗାତିଙ୍ଗ୍-ୟାଃ ଯେ, ଯୀଶୁଆଃ ହରାତେ ଏସ୍ କାର୍ ଆପେତାଃରେ ପାପ୍ ଛାମାରେୟାଃ କାନାଜି ଉଦୁବ୍ କାନା । ଆତଃ ମୁଶା ନାବୀଆଃ ଆନ୍ଦୁ ହରାତେ ପାପ୍ ହେତେ କା ରାଡା ଦାଡିକାନ୍ ସବେନ୍ ହଡକ, ୩୯ ଏନ୍ ଯୀଶୁତାଃରେ ବିଶ୍ୱାସକେଦ୍ ହରାତେ ଜୀଉବାଞ୍ଚାଅକ ନାମେୟା, ନେଆଁ ଆପେକେ ସାରି ଲାଗାତିଙ୍ଗ୍-ୟାଃ । ୪୦ ଏନାମେତ୍ରେ ଚିଗାଲ୍ କାନ୍ପେ, ନାବୀକ କାଜିକାଦ୍ ତେୟାଃ ଆପେରେ ଆଲିକା ହବାଅଃକା,

୪୧ “ଆଇଙ୍ଗ୍ କେ ଲାନ୍ଦାଇଙ୍ଗ୍ ତାନ୍ ହଡକ, ଆପେ ଆକ୍ ଦାନ୍ ଅକେଦ୍ତେ ଜିୟନଃପେ,

ଚିଆଃଚି ତିସିଙ୍ଗ୍ ଆଇଙ୍ଗ୍ କାମିତାନ୍ ତେୟାଃ,

ଜେତାଏ ଆପେକେ ଉଦୁବାପେରେୟ୍ ଆପେ କାପେ ବିଶ୍ୱାସେୟା ।’”

୪୨ ପାଉଲ୍ ସ୍ ଆତଃ ବର୍ଣ୍ଣବାସ୍ ସାମାଜ୍ ଅଡାଃ ବାଗିକେଦ୍ତେ ସେନଃ ତାଇକେନାକିନ୍ ଇମ୍ପତା, ହଡକ ଏଟାଃ ରୁଡନ୍ ହୁଲାଇରେ ହିଲୁଃ ରୁହାଡକେଦ୍ତେ ନେ ସବେନ୍ ବିଷାଏରେ ଆତଃଚି ପୁରାଃତେ କାଜି ନାଙ୍ଗ୍ ଇନ୍ଦିକିନ୍ କେ ବିଗ୍ରିକେଦ୍ କିନାକ । ୪୩ ହଡକ ପାଞ୍ଚେଟ୍ ବାଗିକେଦ୍ତେ ସେନଃୟାନ୍ ତାୟମତେ, ପୁରାଃ ଯିହୁଦୀ ଆତଃ ସାଅଁସାର୍ ହେତେ ଯିହୁଦୀ ଧାରାମ୍ତେ ବାଦ୍ ଲାଅକାନ୍ ହଡକ, ପାଉଲ୍ ସ୍ ଆତଃ

☆ ୧୩:୨୮ ୧୩:୨୮ ମାଥୁର ୨୭:୨୨-୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଯୋହାନ୍ ୧୯:୧୫. ☆ ୧୩:୨୯ ୧୩:୨୯ ମାଥୁର ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଯୋହାନ୍ ୧୯:୩୮-୪୨. ☆ ୧୩:୩୯ ୧୩:୩୯ ପ୍ରେରିତ୍ ୧:୩.

ବର୍ଣ୍ଣବାସ୍ତବେ ଅତଞ୍ଜକେଦକିନାକ । ପ୍ରେରିତ୍ତ୍ ଇନ୍ଦ୍ରଲୀଃ ଜାଗାଋକେଦାକ ଆତଃ ପାର୍ମେଶ୍ଵାଋଆଃ ସାୟାଦ୍‌ତେ ଜୀଦାନ୍ ବିତାଅ ନାଗେନ୍ତେ ଉସ୍ତୁରକେଦକଆକ ।

୪୪ ଏତାଃ ରୁଡ଼ନ୍ ହୁଲ୍ଲୀଙ୍ଗରେ, ସାହାରରେନ୍ ଲାଗଭାଗ ସବେନ୍ ହଡ଼କ ପ୍ରାଭୁଆଃ ବାଚାନ୍ ଆୟୁମ୍ ନାଗେନ୍ତେକ ହିନ୍ଦୁୟାନା । ୪୫ ଯିହୁଦୀ ହଡ଼କ ଗାଦେଲ୍ ହଡ଼କକେ ନେଲ୍‌କେଦ୍‌ତେ ହିସ୍‌ଜାତେ ପେରେଃୟାନାକ ଆତଃ ପାଭଲୁସ୍‌ଆଃ କାଜିରେ କାଜିକଟଞ୍ଜକେଦ୍‌ତେ ଇନିଃକେ ଲାହାକିୟାକ ।

୪୬ ଫେନ୍‌ଦ ପାଭଲୁସ୍ ଆତଃ ବର୍ଣ୍ଣବାସ୍ ଆତଃଗି ବେଗାଋ ବରତେ କାଜିକେଦାକିନ୍, “ଆପେତାଃରେ ପାହିଲାତେ ପାର୍ମେଶ୍ଵାଋଆଃ ବାଚାନ୍ କାଜିୟଃ ଲାଗାତିଙ୍ଗ ତାଜକେନା । ଫେନ୍‌ଦ ଆପେ ଜାନାଅ ଜୀଦାନ୍ ନାମେକାଲେ ଫେନ୍ତେ କାପେ ବିଚାରକେଦ୍‌ହରାତେ, ଆଲିଙ୍ଗ୍ ଆପେକେ ବାରିକେଦ୍‌ତେ ସାଅଁସାଋ ହଡ଼କତାଃତେଲିଙ୍ଗ୍ ସେନା । ୪୭ ତିଆଃତି ପ୍ରାଭୁ ଆଲିଙ୍ଗ୍‌କେ ନେ ଲେକାଏ ଆରୁକାଦ୍‌ଲିୟା,

“ଆଇଙ୍ଗ୍ ଆମକେ ସାଅଁସାଋ ହଡ଼କଆଃ ନାଗେନ୍ତେ ମାର୍ଯାଲ୍ ଲେକାଜଙ୍ଗ ବାଈୟାକାଦ୍‌ମା, ଜଙ୍ଗ ଲେକାତି ସବେନ୍ ଅତେଦିଶୁମ୍‌ରେ ଜାଉବାଞ୍ଚାଅ ନାମଃଆ ।”

୪୮ ସାଅଁସାଋ ହଡ଼କ ନେଆଁ ଆୟୁମକେଦ୍‌ତେ ରାସ୍‌କାୟାନାକ ଆତଃ ପ୍ରାଭୁଆଃ କାନାଜି ନାଗେନ୍ତେ ମାନାରାଙ୍ଗକେଦାକ । ଅକ ହଡ଼କ ଜାନାଅ ଜୀଦାନ୍ ନାମେ ନାଗେନ୍ତେ ସାଲାୟାନାକ, ଇନ୍ଦ୍ର ଏନ୍ କାନାଜିରେ ବିଶ୍ଵାସକେଦାକ ଆତଃ ବିଶ୍ଵାସୀ ହବାୟାନାକ । ୪୯ ପ୍ରାଭୁଆଃ ବାଚାନ୍ ଏନ୍ ପାର୍ମେଶ୍ଵାଋରେୟାଃ ସବେନ୍‌ସାଃରେ ନିଡିରୁୟାନା । ୫୦ ଫେନ୍‌ଦ ନାଗାରରେନ୍ ଆଗୁଆଇ ହଡ଼କକେ ଆତଃ ସାମାଜରେ ମାଇନ୍ ନାମେତାନ୍ ସାଅଁସାଋ କୁଡ଼ିକ, ଅକନ୍‌କତି ପାର୍ମେଶ୍ଵାଋକେ ବରଭାନ୍ତିତାନାକ, ଇନ୍ଦ୍ରକେ ଯିହୁଦୀ ହଡ଼କ ଉସ୍ତୁରକେଦ୍‌ତେ ପାଭଲୁସ୍ ଆତଃ ବର୍ଣ୍ଣବାସ୍‌କିନାଃ ବିରୁଧ୍‌ରେ ସାସାତି ଏଟେଦକେଦାକ ଆତଃ ଇନ୍ଦ୍ରକିନ୍‌କେ ଏନ୍ ପାର୍ମେଶ୍ଵାଋଏତେ ଅତଞ୍ଜକେଦକିନାକ । ୫୧ ଏପ୍ରେରିତ୍‌କିନ୍ ଆକିନାଃ କାଟାରେୟାଃ ଧୂଡ଼ି ଇନ୍ଦ୍ରଆଃ ବିରୁଧ୍‌ରେ କଟାବାରିକେଦ୍‌ତେ ଇକନିୟାତେକିନ୍ ସେନଃୟାନା । ୫୨ ଆତଃ ଆନ୍ତିୟୋଖରେନ୍ ବିଶ୍ଵାସୀକ ପାବିତାଋ ଆମ୍‌ ଆତଃ ରାସ୍‌କାତେ ପେରେଃୟାନାକ ।

୧୪

ଇକନିୟାରେ ସେଞ୍ଜାକାମି

୧ ଇକନିୟାରେ ଏନ୍‌ଲେକାଗି ହବାୟାନା, ପାଭଲୁସ୍ ଆତଃ ବର୍ଣ୍ଣବାସ୍ ସାମାଜ ଅତଃରେତେ ସେନ୍‌କେନାକିନ୍ ଆତଃ ନେ'ଲେକା କାଜିକେଦାକିନ୍ ଯେ, ପୁରାଃ ଯିହୁଦୀ ହଡ଼କ ଆତଃ ସାଅଁସାଋ ହଡ଼କ ଖ୍ରୀଷ୍ଟତାଃରେ ବିଶ୍ଵାସକେଦାକ । ୨ ଫେନ୍‌ଦ କା ବିଶ୍ଵାସତାନ୍ ଯିହୁଦୀକ ସାଅଁସାଋ ହଡ଼କଆଃ ମନ୍‌କେ ଉସ୍ତୁରକେଦ୍‌ତେ ବିଶ୍ଵାସୀକଆଃ ବିରୁଧ୍‌ରେ ଖ୍ଵାସିକାକେଦ୍‌କଆକ । ୩ ଏନ୍‌ରେୟ ପ୍ରେରିତ୍‌କିନ୍ ବେଗାଋ ବରତେ ପ୍ରାଭୁଆଃ ବିଷାଏ ଏନ୍ତାଃରେ ଉଦ୍‌ବକେଦାକିନ୍ ଆତଃ ପୁରାଃ ଦିନ୍ ତାଜନ୍‌ୟାନାକିନ୍ । ଇନ୍ଦ୍ରକିନ୍ ଆକ୍‌ଦାହାଅ କାମିକ ଆତଃ ଆକ୍‌ଚାକାଅ କାମିକ ରିକାକେଦ୍ ହରାତେ ପାର୍ମେଶ୍ଵାଋଆଃ ସାୟାଦ୍‌ତେ ନାମାକାନ୍ ପେଡ଼େଃ ବିଷାଏରେ କାଜିକେଦ୍ କାନାଜିକ ସାର୍‌ତି ତାନାଃ ଫେନ୍ତେ ସାବୁଦ୍‌କିନ୍ ଏମକେଦା । ୪ ନାଗାରରେନ୍ ହଡ଼କ ବାଋହିସାରେ ବିନ୍‌ଗାଆୟାନାକ, ଇନ୍ଦ୍ରଏତେ ତିମିନ୍ ହଡ଼କ ଯିହୁଦୀ ହଡ଼କସାଃରେତେ ଆତଃ ତିମିନ୍ ହଡ଼କ ପ୍ରେରିତ୍‌କିନାଃ ସାଃରେତେ ହବାୟାନାକ ।

୫ ଏନ୍ତେ ତିମିନ୍ ସାଅଁସାଋ ହଡ଼କ ଆତଃ ଯିହୁଦୀ ହଡ଼କ ଆକଆଃ ଆଗୁଆଇକଲଃ ମିଦ୍‌ତାଃରେ ହୁଣ୍ଡିକେଦ୍‌ତେ ହାଲାଗୁଲାତାନ୍‌ଲଃ ପ୍ରେରିତ୍‌କିନ୍‌କେ ଦିରିଲଃ ଚିଦ୍‌ରିକେଦ୍‌ତେ ଗଏଃ ନାଗେନ୍ତେ ଉହାଟ୍‌କେଦାକ । ୬ ପ୍ରେରିତ୍‌କିନ୍ ଏନ୍ ବିଷାଏରେ ସାରିକେଦ୍‌ତେ ଲୁକାୟନିଆ ଜିଲ୍ଲାରେୟାଃ ଲୁସ୍‌ତ୍ରା ଆତଃ ଦର୍ବୀ ସାହାରରେୟାଃ ଚାରିୟସାଃରେ ତାଜକାନ୍ ପାର୍ମେଶ୍ଵାଋକେଦିନ୍ ସେନଃୟାନା । ୭ ଆତଃ ଏନ୍ତାଃରେ ସୁକ୍ଳକାଜିକିନ୍ ଉଦ୍‌ବକେଦା ।

ଲୁସ୍‌ତ୍ରା ଆତଃ ଦର୍ବୀରେ ପାଭଲୁସ୍‌ଆଃ ସେଞ୍ଜାକାମି

୮ ଲୁସ୍‌ତ୍ରାରେ ମିଆଁଦ୍ ଜାନାମହେତେ କାଟା କୁରୁଙ୍ଗକାନ୍ ହଡ଼ ତାଜକେନାଏ । ଇନିଃ ବିଭଲାଅ କାଏ ସେନ୍ ଦାଡ଼ିତାଜକେନା । ୯ ଇନିଃ ଏନ୍ତାଃରେ ଦୁବକେଦ୍‌ତେ ପାଭଲୁସ୍‌ଆଃ କାଜି ଆୟୁମ୍ ତାଜକେନା । ପାଭଲୁସ୍ ଇନିଃକେ ମିଦ୍ ନାଜେର୍‌ରେ ନେଲ୍‌କେଦ୍‌ତେ, ବୁରିୟଃ ନାଗେନ୍ତେ ଇନିୟାଃ ମନ୍‌ରେ ବିଶ୍ଵାସ୍ ହବାକାନା ଫେନ୍ତେ ଆଟ୍‌କାରକେଦା, ୧୦ ଆତଃ କାଉରିତାନ୍‌ଲଃ କାଜିକେଦାଏ, “କାଟାରେ ପେଡ଼େଃ ଏମକେଦ୍‌ତେ ତିଙ୍ଗୁନ୍‌ମେ !” ଏନ୍ ହଡ଼ ଡେଗାଅତାନ୍‌ଲଃ ଚାରିୟସାଃ ସେନ୍

* ୧୩:୫୧ ୧୩:୫୧ ମାଥ୍‌ଉ ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧.

ଏତେଦକେଦାଏ । ୧୧ ଏନ୍ତାଠରେ ତାଇକାନନ୍ ଗାଦେଲ୍ ହଡ଼କ ପାଉଲୁସ୍‌ଆଃ ନେ କାମି ନେଲକେଦତେ, ଆକଆଃ ଲୁକାୟନିଆ ଜାଗାଠରେ କାଉରିତାନ୍‌ଲଃ କାଜି ଏତେଦକେଦାଏ, “ମାହାପୁରୁକ ହଡ଼ ଲେକା ହବାକେଦତେ ଆବୁତାଃତେ ହିନ୍ତୁଃକାନାକ ।” ୧୨ ଜନ୍‌କୁ ବର୍ଣ୍ଣବାସକେ ଜିଅସ୍ ଆତଃ ପାଉଲୁସ୍ ମୁଲ୍ କାଜିନିଃ ହବାକାନ ହରାତେ ଜନିଃକେ ହେର୍ମିସ୍ ମେଟ୍ରେକ ନୁତୁମକିୟା । ୧୩ ନାଗାଠରେୟାଃ ବାହାରିରେ ତାଇକାନନ୍ ଜିଅସ୍ ମାନ୍ଦିରେନ୍ ଯାଜାକ୍, ଦୁଆର୍ ଜାପାଃତେ ତିମିନ୍ ସାଁଜକକେ ଆତଃ ଗାଲାଙ୍ଗକାନ ବାହା ଆଉକେଦାଏ, ତିଆଃତି ଜନିଃ ଆତଃ ଏନ୍ତାଠରେ ହୁଣ୍ଡିୟାକାନ ଗାଦେଲ୍ ହଡ଼କ ପ୍ରେରିତ୍‌କନାଃ ନାଗେନ୍ତେ ଦାଣେଁ ରାକାବ୍ ନାଙ୍ଗ୍ ସାନାଙ୍ଗ୍ ତାଇକେନାକ ।

୧୪ ଜନ୍‌କୁ ଅକ କାମି ନାଗେନ୍ତେକ କୁଲାକାନନ୍ ତାଇକେନା, ଏନା ଆୟୁମକେଦତେ ପ୍ରେରିତ୍‌କିନ୍ ତାଏ ବର୍ଣ୍ଣବାସ୍ ଆତଃ ପାଉଲୁସ୍ ପୁରାଃଗି ଦୁକୁୟାନାକିନ୍ ଆତଃ ଆକିନାଃ ଲିଜାଃ ଚେତାଃକେଦତେ ଗାଦେଲ୍ ହଡ଼କଆଃ ଆଲାତେ ନିରୁକେଦାକିନ୍ ଆତଃ କାଉରିକେଦତେ କାଜିକେଦାକିନ୍, ୧୫ “ଆପେ ତିନାଃମେନ୍ତେ ନେଆଁ ରିକାତାନାପେ ? ଆଲିଙ୍ଗ୍‌ହ ଆପେ ଲେକାଗି ହଡ଼ ତାନ୍‌ଲିଙ୍ଗ୍ । ଆପେ ଜେଁଲେକାଚି ନେ ସବେନ୍ ସାମା ସାମାରେନ୍ ମାହାପୁରୁକକେ ବାଗିକେଦତେ ଜାନିଦ୍ ପାର୍‌ମେଶ୍ୱାର୍, ଅକଏଚି ସିର୍ମା, ଅତେ, ଦରେୟା ଆତଃ ଏନାରେ ତାଇକାନନ୍ ସବେନାଃକେ ବାଇୟାକାଦିନିଃ ସାଃତେ ରୁହାଡ଼ାଃତେ । ଏନାମେନ୍ତେ ଆଲିଙ୍ଗ୍ ଆପେତାଃରେ ସୁକୁକାଜି ଉଦୁବ୍ ନାଗେନ୍ତେ ହିନ୍ତୁଃକାନାଲିଙ୍ଗ୍ । ୧୬ ପାର୍‌ମେଶ୍ୱାର୍ ସିଦା ପାରିୟାରେନ୍ ସବେନ୍ ହଡ଼କକେ ଆକଆଃ ଛାସାନାଙ୍ଗ୍ ଲେକାଏ ସେସେନ୍‌ଇଚିକାକ ତାଇକେନା । ୧୭ ମେନ୍‌ଦ୍ ଆୟାଃ ବୁଗିନ୍ କାମି ହରାତେ ସବେନ୍ ଇମ୍‌ତା ମେନାଈୟା ମେନ୍ତେ ସାବୁଦ୍ ଏମାକାଦାଏ । ଜନିଃ ସିର୍ମାଏତେ ଗାମାଦାଆଃ ଆତଃ ଠାଉକାନନ୍ ନେତାରେ ଆଡ଼ାଃ ସାକାମ୍ ଜକଏ ଏମାଃ, ଜନିଃ, ଜମେୟାଁ ଆତଃ ଆପେୟାଃ ମନ୍‌ସୁରୁଦକେ ରାସକାତେ ପେରେଜାକାଦା ।” ୧୮ ପ୍ରେରିତ୍‌କିନ୍ ନେଁଲେକା ପୁରାଃଗି ତିମିନ୍ କାଜିକ କାଜିକେଦତେ ଏନ୍ ଗାଦେଲ୍ ହଡ଼କକେ ଦାଣେଁ ରାକାବ୍‌ହେତେ ହବାକେଦକଆକିନ୍ ।

୧୯ ମେନ୍‌ଦ୍ ତିମିନ୍ ଯିହୁଦୀକ ପିସିଦିଆରେୟାଃ ଆନ୍ତ୍ରୟୋଖ୍ ଆତଃ ଇକନିୟାହେତେ ହିନ୍ତୁଃକାନନ୍ ତାଇକେନାକ, ଜନ୍‌କୁ ଗାଦେଲ୍ ହଡ଼କକେ ଉସ୍‌କୁରକେଦତେ ପାଉଲୁସ୍‌କେ ଦିରିତେ ଚିଦ୍‌ଗିକିୟାକ ଆତଃ ଜନିଃ ଗଏଃୟାନାଏ ମେନ୍ତେ ଉଡ଼ୁକେଦତେ ସାହାଠରେୟାଃ ବାହାରିତେ ଅର୍ ଇଦିକିୟାକ । ୨୦ ମେନ୍‌ଦ୍ ବିଶ୍ୱାସୀକ ହିନ୍ତୁଃକେଦତେ ଆୟାଃ ଚାରିୟସାଃରେ ହୁଣ୍ଡି ବିୟୁରକିୟାକ ଏନ୍ତେ ଜନିଃ ତିଙ୍ଗ୍‌କେଦତେ ସାହାଠରେ ରୁହାଡ଼ିୟାନା । ଏତାଃ ହୁଲାଙ୍ଗ୍ ଜନିଃ ଆତଃ ବର୍ଣ୍ଣବାସ୍ ଦର୍ବୀତେକିନ୍ ସେନିଃୟାନା ।

ପାଉଲୁସ୍ ଆତଃ ବର୍ଣ୍ଣବାସ୍ ସିରିୟାଠାଃ ଆନ୍ତ୍ରୟୋଖ୍‌ତେ ରୁହାଡ଼ିୟାନାକିନ୍

୨୧ ପାଉଲୁସ୍ ଆତଃ ବର୍ଣ୍ଣବାସ୍ ଦର୍ବୀରେ ସୁକୁକାଜି ଉଦୁବକେଦତେ ପୁରାଃ ଚେଲାକକିନ୍ ବାଇକେଦକଆ । ଏନ୍ତେ ଜନ୍‌କିନ୍ ଲୁସ୍‌ତ୍ରା, ଇକନିୟା ଆତଃ ପିସିଦିଆଠାଃ ଆନ୍ତ୍ରୟୋଖ୍‌ତେକିନ୍ ରୁହାଡ଼ିୟାନା । ୨୨ ଆତଃ ଜନ୍‌କିନ୍ ଏନ୍ତାଠରେନ୍ ବିଶ୍ୱାସୀକକେ ଆକଆଃ ସାର୍‌ତି ବିଶ୍ୱାସ୍‌ରେ କେଚେୟାଃ ନାଗେନ୍ତେ ଆତଃ ଜାଉରେ ରାସକାଆଃ ନାଗେନ୍ତେ ଜନ୍‌କୁକେ ଇଡ଼ୁକେଦତେ କାଜିକେଦକଆକିନ୍, “ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲ ନାଗେନ୍ତେ ଆବୁକେ ପୁରାଃ ଦୁକୁ ସାହାତିଙ୍ଗ୍‌କେଦତେ ସେନ୍ ଲାଗାତିଙ୍ଗ୍‌ୟାଃ ।” ୨୩ ଜନ୍‌କିନ୍ ସବେନ୍ କାଲିସିୟାରେ ପ୍ରାଚିନକକେ ସାଲାକେଦକଆକିନ୍ ଆତଃ କାଟାବ୍‌ତାନ୍‌ଲଃ ବିନ୍ତେକେଦାକିନ୍, ଏନ୍ତେ ଜନ୍‌କିନ୍ ଅକ ପ୍ରାଭୁତାଃରେ ବିଶ୍ୱାସକାଦାକିନ୍, ଜନିଃତାଃରେ ଜନ୍‌କୁକେ ଜିମାକେଦକଆକିନ୍ ।

୨୪ ତାୟମ୍‌ତେ ଜନ୍‌କିନ୍ ପିସିଦିଆ ପାର୍‌ଗାନ୍ ହରାତେ ସେନ୍‌କେଦତେ ପାମିଲିଆ ଜିଲ୍ଲାତେକିନ୍ ହିନ୍ତୁଃୟାନା । ୨୫ ଏନ୍ତାଠରେୟାଃ ପେର୍‌ଗା ସାହାଠରେ ବାଗାନ୍ ଉଦୁବକେଦତେ ଆଭାଲିଆ ସାହାଠରେକିନ୍ ସେନିଃୟାନା, ୨୬ ଆତଃ ଏନ୍ତାଃଏତେ ଜନ୍‌କିନ୍ ଦାଆଃ ଜାହାଜ୍‌ତେ ଆନ୍ତ୍ରୟୋଖ୍‌ତେ ସେନିଃ ରୁହାଡ଼ିୟାନାକିନ୍, ନେ ଆନ୍ତ୍ରୟୋଖ୍‌ରେ ନାହାଁଃ ହବାକାନ କାମି ନାଗେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ଜନ୍‌କିନ୍ ଜିମାକାନ୍ ତାଇକେନାକିନ୍ ।

୨୭ ଜନ୍‌କିନ୍ ଆନ୍ତ୍ରୟୋଖ୍‌ରେ ସେଚେରକେଦତେ କାଲିସିୟାରେନ୍ ହଡ଼କକେ ହୁଣ୍ଡିକେଦକଆକିନ୍ । ପାର୍‌ମେଶ୍ୱାର୍ ଜନ୍‌କିନାଃ ନାଗେନ୍ତେ ରିକାକାଦ୍ ତାଇକେନତେୟାଃ ଆତଃ ସାଆଁସାଦ୍ ହଡ଼କଆଃ ବିଶ୍ୱାସ୍ ନାଗେନ୍ତେ ଚିଲ୍‌କା ହରାକଏ ଉଦୁବକାଦ୍ ତାଇକେନା, ଏନ୍ ସବେନାଃ ଜନ୍‌କୁକେକିନ୍ ଉଦୁବାଦକଆ । ୨୮ ଏନ୍ତେ ଜନ୍‌କିନ୍ ଆନ୍ତ୍ରୟୋଖ୍‌ରେ ବିଶ୍ୱାସୀକଲଃ ପୁରାଃ ଦିନକିନ୍ ତାଇକିୟାନା ।

୧୫

ଯୀରୁଶାଲେମ୍‌ରେ ଖ୍ରୀଷ୍ଟ ବିଶ୍ୱାସୀକଥାଃ ସାଭା

^୧ ଯିହୁଦାଏତେ ଚିମିନ୍ ହଡ଼କ ଆନ୍ତିୟୋଖତେ ହିଜୁଃକେଦତେ, ମୁଖା ନାବାଆଃ ଆନୁଚ୍ଚ ଲେକାତେ ଇନକୁ କାକ ଖାତନାଆଃରେଦ ଜାଉବାସ୍ତାଅ କାକ ନାମେୟା ମେନ୍ତେ ବିଶ୍ୱାସୀକକେ ଇତୁକେଦକଥାକ । ^୨ ନେ ବିଷାଏରେ ଇନକୁଲଃ ପାଉଲୁସ୍ ଆତଃ ବର୍ଣ୍ଣବାସ୍‌ଆଃ ପୁରାଃଟି କାପୁଜି ହବାୟାନା, ଏନାତେ ପାଉଲୁସ୍, ବର୍ଣ୍ଣବାସ୍ ଆତଃ ଆନ୍ତିୟୋଖରେନ୍ ଚିମିନ୍ ହଡ଼କ ଯୀରୁଶାଲେମ୍‌ତେ ସେନ୍‌କେଦତେ ପ୍ରେରିତ୍ ଆତଃ କାଲିସିୟାରେନ୍ ପ୍ରାଚିନ୍‌କଲଃ ନେ ବିଷାଏରେ କାଜିଅଡ଼ଙ୍ଗ୍‌ଆଃକା ମେନ୍ତେକ ଉହାଟ୍‌କେଦା ।

^୩ କାଲିସିୟାରେନ୍ ହଡ଼କ ଇନକିନାଃ ହରାସେନ୍ ନାଗେନ୍ତେକ ଦେଙ୍ଗାକେଦକିନା, ଆତଃ ଇନକିନ୍ ଫିନିସିୟା ଆତଃ ଶିମିରୋନ୍ ହରାତେ ସେନଃ ଇମ୍‌ତା, ସାର୍ଥସାର୍ ହଡ଼କ ଚିଲ୍‌କା ହେୟାଡ଼ିଙ୍ଗ୍‌କେଦତେ ପାର୍‌ମେଶ୍ୱାର୍‌ସାଃତେକ ରୁହାଡ଼କାନା, ଏନ୍ ବିଷାଏରେକିନ୍ ଉଦୁବକେଦକଥା; ନେ କାନାଜି ଆୟୁମକେଦତେ ବିଶ୍ୱାସୀକ ପୁରାଃଟିକ ରାସକାୟାନା । ^୪ ଇନକିନ୍ ଯୀରୁଶାଲେମ୍‌ତେ ସେଟେରୁୟାନ୍‌ଚି, କାଲିସିୟାରେନ୍ ହଡ଼କ, ପ୍ରେରିତ୍‌କ ଆତଃ ପ୍ରାଚିନ୍‌କ ଇନକିନ୍‌କେକ ଦାରମକେଦକିନା । ପାର୍‌ମେଶ୍ୱାର୍ ଆକିନାଃଲଃ ତାଇକେଦତେ କାମିକାଦ୍ ସବେନ୍ କାମିକ ଇନକିନ୍ ଇନକୁକେ ଉଦୁବକେଦକଥାକିନ୍ । ^୫ ମେନ୍‌ଦ ଫୀରୁଶୀ ଝୁଣ୍ଡରେନ୍ ଚିମିନ୍ ବିଶ୍ୱାସୀ ହଡ଼କ ଡିଙ୍ଗ୍‌କେଦତେ କାଜିକେଦାକ, “ସାର୍ଥସାର୍ ହଡ଼କଆଃ ଖାତନାଆ ହବାସଃଟି ଲାଗାଡିୟାଁ ଆତଃ ମୁଖା ନାବାଆଃ ଆନୁଚ୍ଚକେ ମାନାଡିଙ୍ଗ୍ ନାଙ୍ଗ୍ ଇନକୁକେ କାଜି ଲାଗାଡିୟାଁ ।”

^୬ ନେ ବିଷାଏରେ ଜାଗାର୍ ନାଗେନ୍ତେ ପ୍ରେରିତ୍‌କ ଆତଃ ପ୍ରାଚିନ୍‌କ ମିଦତାଃରେ ହୁଣ୍ଡିୟାନାକ । ^୭ ପୁରାଃଟି କାପୁଜିୟାନ୍ ତାୟମ୍‌ତେ ପାଡ଼ରାସ୍ ଡିଙ୍ଗ୍‌କେଦତେ କାଜିକେଦା, “ହେ ହାଗା ମିଶିକ, ଆଇଙ୍ଗ୍ ସାର୍ଥସାର୍ ହଡ଼କତାଃରେ ସୁକୁକାଜି ଉଦୁବେକାଇଙ୍ଗ୍ ଆତଃ ଇନକୁ ଏନାରେକ ବିଶ୍ୱାସେକା ମେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ଆପେକଏତେ ପୁରାଃ ମାହାଁ ସିବାରେ ସାଲାକାଦିୟାଁ, ଏନାଦପେ ସାରିତାନା । ^୮ ଆତଃ ସବେନ୍‌କଥାଃ ମନ୍‌ସୁରୁଦ୍‌ରେୟାଃ ଉଡ଼ୁସୁ ସାରି ଦାଡ଼ିତାନ୍ ପାର୍‌ମେଶ୍ୱାର୍, ଆବୁକେ ଜେ'ଲେକା ପାବିତାର୍ ଆମ୍ବା ଏମାକାଦବୁଆଏ, ଏନ୍‌ଲେକାଗି ସାର୍ଥସାର୍ ହଡ଼କକେହ ଏମକେଦତେ ଇନକୁସାଃଏତେ ଗାଝାଏ ଏମାକାଦା । ^୯ ଇନକୁଆଃ ଆତଃ ଆବୁଆଃ ଆଲାରେ ଜେତାନ୍ ଫାରାକ୍ କାଏ ଦହକାଦା । ଇନକୁଆଃ ବିଶ୍ୱାସ୍ ହରାତେ ଇନଃ ଇନକୁଆଃ ମନ୍‌ସୁରୁଦ୍‌କଏ ଫାରଚିକାଦା । ^{୧୦} ତାବ୍‌ଦ ଯିହୁଦୀକଥାଃ ରିଡିରିଖାଜ୍ ଆତଃ ଆନୁଚ୍ଚ, ଅକନାଃଟି ହାସ୍‌ଲ୍ ବାହାରମ୍ ଲେକନାଃତାନାଃ, ଏନାକେ ଆବୁଆଃ ପୁରଖା ହାଡ଼ାମକ ଆତଃ ଆବୁ କାବୁ ଗଠଃ ଦାଡ଼ିକେନା, ଏନ୍ ଆଡ଼ନାକେ ନାହାଁଃ ଆପେ ବିଶ୍ୱାସୀକଥାଃ ତାରାନ୍‌ରେ ଲାଦିକେଦତେ ଚିନାଃମେନ୍ତେ ପାର୍‌ମେଶ୍ୱାର୍‌କେ ବିଡ଼ାଅ ନାଗେନ୍ତେପେ ସାନାଙ୍ଗ୍‌ତାନା ? ^{୧୧} କାହାଗି, ଏନା କା ବୁଗିନାଃ । ଇନକୁ ଜେ'ଲେକା ବିଶ୍ୱାସ୍‌କେଦତେ ଜାଉବାସ୍ତାଅକ ନାମାକାଦା, ଏନ୍ ଲେକାଗି ଆବୁହ ବିଶ୍ୱାସ୍‌କେଦତେ ପ୍ରାଭୁ ଯୀଶୁଆଃ ସାୟାଦ୍‌ତେ ଜାଉବାସ୍ତାଅବୁ ନାମାକାଦା ।”

^{୧୨} ପାଉଲୁସ୍ ଆତଃ ବର୍ଣ୍ଣବାସ୍‌ଆଃ ହରାତେ ସାର୍ଥସାର୍ ହଡ଼କଆଃ ଆଲାରେ ପାର୍‌ମେଶ୍ୱାର୍ ଅକ ଆକ୍‌ଦାୟାଅ କାମିକ୍ ଆତଃ ଆକ୍‌ଚାକାଅ କାମିକ କାମିକାଦ୍ ତାଇକେନାଏ । ଏନାକ ଇନକିନ୍‌ତାଃଏତେ ଆୟୁମକେଦତେ ଝୁଣ୍ଡରେନ୍ ସବେନ୍‌କ ହାପାୟାନାକ । ^{୧୩} ଇନକିନ୍ କାଜି ଚାବାକେଦଚି, ଯାକୁବ୍ କାଜିକେଦାଏ, “ହେ ହାଗା ମିଶିକ, ଆଇଁୟାଃ କାଜି ଆୟୁମେଦେ ! ^{୧୪} ପାର୍‌ମେଶ୍ୱାର୍ ଚିଲ୍‌କା ଆୟାଃ ଲିନିବୁଇ ସାର୍ଥସାର୍ ହଡ଼କଏତେ ଚିମିନ୍‌କକେ ଆୟାଃ ନୁଡୁମ୍ ନାଗେନ୍ତେ ସାଲାକାଦକଥା, ଏନ୍ କାଜିକେ ଶିମୋନ୍ ଉଦୁବକେଦାଏ । ^{୧୫} ନାବାକଥାଃ କାଜି ନେ କାଜିଲଃ ପୁରା ମେସାଅଃତାନା । ଧାରାମପୁଅରେ ଅଲାକାନା:

^{୧୬} “ପ୍ରାଭୁ କାଜିୟାଃଏ, ନେ ତାୟମ୍‌ତେ ଆଇଙ୍ଗ୍ ହିଜୁଃ ରୁହାଡ଼ାଇଙ୍ଗ୍
 ଆତଃ ଦାଉଦ୍‌ଆଃ ତାଇନଃ ଠାୟାଦ୍‌କେ ଆତଃମିସା ବାଜରୁହାଡ଼େୟାଇଙ୍ଗ୍ ।
 ଆଇଙ୍ଗ୍ ଏନ୍ ଜିୟନ୍‌କାନ୍‌ତେୟାଃକେ ଆତଃମିସା ବାଜରୁହାଡ଼େୟାଇଙ୍ଗ୍
 ଆତଃ ଏନାକେ କେଟେଦ୍ ରୁହାଡ଼େୟାଇଙ୍ଗ୍ ।

^{୧୭} ଆତଃ ସବେନ୍ ମାନାଝା ହଡ଼କ ଆଇଙ୍ଗ୍‌ତାଃତେକ ହିଜୁଃଆ,
 ଆଇଙ୍ଗ୍ ଅକ ସାର୍ଥସାର୍ ହଡ଼କକେ ଆଇଁୟାଃ ହବାଅ ନାଗେନ୍ତେଇଙ୍ଗ୍ କେଡ଼ାକାଦକଥା, ଇନକୁ
 ସବେନ୍‌କ ଆଇଁୟାଃତାନ୍‌କ ମେନ୍ତେ ପ୍ରାଭୁ କାଜିୟାଏ ।

^{୧୮} ନେ କାଜିକେ ପ୍ରାଭୁ, ନାଙ୍ଗ୍ ପାରିୟାଏତେ କାଜିକାଦ୍ ତାଇକେନା ।”

* ୧୫:୭ ୧୫:୭ ପ୍ରେରିତ୍ ୧୦:୧୩. * ୧୫:୮ ୧୫:୮ ପ୍ରେରିତ୍ ୧୦:୪୪; ୨:୪.

୧୯ “ଯାକୁବ୍ ଆତଃଶି କାଜିକେଦା, ଆଇଁୟାଃ ବିଚାର୍ ନେଆଁତାନାଃ, ଅକ ସାଆଁସାର୍ ହଡ଼କ ପାର୍ମେଶ୍ୱାର୍ଯ୍ୟାଃତେ ରୁହାଡ଼ତାନାକ, ଇନ୍କୁକେ ଆବୁ କାବୁ ହାଏରାନ୍କଆ । ୨୦ ମେନ୍ଦ୍ ଇନ୍କୁ ମୁରୁଡ଼କତାଃରେ ଦାନ୍ ରାକାବାକାନ୍ ସଡ଼ରା ଜମେୟାଁ ଆଲକାକ ଜମେକା, ଜେତା କଡ଼ା ଚାଏ କୁଡ଼ିଲଃ ହଡ଼ମରେୟାଃ ଏଡ଼କାନ୍ କାମି ଆଲକାକ ରିକାଏକା, ହଟଃ ଲିମ୍ବୁଡ଼କେଦ୍ତେ ଗଜାକାନ୍ ଜାଁତୁରାଃ ମାସ୍ ଚାଏ ମାୟୋମ୍ ଆଲକାକ ଜମେକା ମେନ୍ତେ ନେ ସବେନ୍ ବିଷାଏରେ କାଜିକତାନ୍ଲଃ ଇନ୍କୁତାଃତେ ମିଆଁଦ୍ ଚିଟାଉବୁ ଅଲେୟା । ୨୧ ତିୟାଃଚି ପୁରାଃ ସିଦାଏତେଗି ସବେନ୍ ରୁଡ଼ୁ ହୁଲାଇଁରେ ସାମାଜ୍ ଅଡ଼ାଃକରେ ମୁଣା ନାବାଆଃ ଆନ୍ତୁ ପାଢ଼ାଅଃତାନା, ଆତଃ ସବେନ୍ ସାହାର୍ରେ ଇନ୍ୟାଃ କାଜି ଉଦୁବଃତାନା ।”

ସାଆଁସାର୍ ବିଶ୍ୱାସୀ ହଡ଼କତାଃତେ ଚିଟାଉ

୨୨ ଏନ୍ତେ ପ୍ରେରିବ୍ ଆତଃ କାଲିସିୟାରେନ୍ ପ୍ରାଚିନ୍ଦ୍, ଆତଃ କାଲିସିୟାରେନ୍ ସବେନ୍ଦକ, ଝୁଣ୍ଡରେନ୍ ଚିମିନ୍ ହଡ଼କକେ ସାଲକେଦ୍ତେ, ପାଉଲୁସ୍ ଆତଃ ବର୍ଣ୍ଣବାସଲଃ ଇନ୍କୁକେ ଆନ୍ତ୍ରିୟୋଖ୍ତେ କୁଲ୍ ନାଗେନ୍ତେକ ଉହାଟ୍କେଦା । ବାର୍ଣ୍ଣବାସ୍ ନୁଡ଼ୁମ୍ତେ ସାରିୟାଃତାନ୍ ଯିହୁଦା ଆତଃ ସିଲାସ୍, ନେ ବାରାନ୍କିନ୍ଦେ ଇନ୍କୁ ସାଲକେଦ୍କିନାକ ଆତଃ ଇନ୍କିନ୍ ବିଶ୍ୱାସୀକଆଃ ଆଲରେ ପୁରାଃଚି ମାଜନଃତାନ୍କିନ୍ ତାଇକେନା । ୨୩ ଆତଃ ବିଶ୍ୱାସୀକ ନେ ଚିଟାଉକେ ଇନ୍କିନାଃ ତିଃଈରେ କୁଲ୍କେଦାକ । “ଆନ୍ତ୍ରିୟୋଖ୍, ସିରିୟା ଆତଃ କିଲିକିଆ ପାର୍ଗାନ୍ରେନ୍ ସାଆଁସାର୍ ହଡ଼କଏତେ ହିଜୁଃକାନ୍ ହାଗାକକେ ପ୍ରେରିବ୍ ଆତଃ କାଲିସିୟାରେନ୍ ପ୍ରାଚିନ୍ଦ୍ ଜହାର୍ ମେନ୍ତେକ କାଜିକୁଲ୍କାଦା । ୨୪ ଆଲେ ଆୟୁମେତାନାଲେ ଯେ, ଆଲେୟାଃ ଝୁଣ୍ଡହେତେ ଚିମିନ୍ ହଡ଼କ ଆପେତାଃତେ ସେନ୍କେଦ୍ତେ ଆପେୟାଃ ମନ୍ରେ ଦୁକୁଃଲେକାନ୍ କାଜିକ କାଜିକାଦା । ମେନ୍ଦ୍ ଏନ୍ ବିଷାଏରେ ଆଲେ ଇନ୍କୁକେ କାଜି ନାଜ୍ ଜେଡ଼ନାଃ କାଲେ ଆଡ଼କାକ ତାଇକେନା । ୨୫ ଆତଃ ଆଲେ ସବେନ୍ଦକ ମିଦ୍ ମନ୍ୟାନ୍ଲଃ ଚିମିନ୍ ଝାନ୍ କାଜିକୁଲ୍କକେ ସାଲକେଦ୍ତେ ଆପେତାଃତେ କୁଲ୍ ନାଗେନ୍ତେଲେ ଉହାଟ୍କାଦା । ଇନ୍କୁ ଆବୁଆଃ ଦୁଲ୍ଲାଡ଼୍ ହାଗା ବର୍ଣ୍ଣବାସ୍ ଆତଃ ପାଉଲୁସଲଃ ସେନାଃକ । ୨୬ ଇନ୍କିନ୍ ଆକିନାଃ ଜାଦାନ୍କେ ପ୍ରାଭୁ ଯିଶୁ ଖ୍ରୀଷ୍ଟଆଃ ନୁଡ଼ୁମ୍ ନାଜ୍ ସାଙ୍ଗାଟ୍ରେ ଉୟୁଃକାଦାକିନ୍ । ୨୭ ଆଲେ ଯିହୁଦା ଆତଃ ସିଲାସ୍କେ ଆପେତାଃତେ କୁଲ୍କିନ୍ତାନାଲେ । ଆଲେ ଅକନାଃ ଅଲକାଦାଲେ ଏନାକେଗି ଇନ୍କିନ୍ ଆପେକେ ଉଦୁବାପେୟାକିନ୍ । ୨୮ ଚିମିନାଜ୍ ଲାଗାତିଜ୍ ଆଇନ୍ଦକ ବାଗିକେଦ୍ତେ ଆପେ ଚେତାନ୍ରେ ଜେତାନ୍ ବାହାରମ୍ କା ଏମ୍ ନାଗେନ୍ତେ ଆଲେ ପାବିତାର୍ ଆମ୍ପାତାଃଏତେ ଆନାତୁଲେ ନାମାକାଦା । ୨୯ ଆପେ ମୁରୁଡ଼କଆଃ ଆୟାର୍ରେ ଦାନ୍ ରାକାବାକାନ୍ ଜଜମାଃ ଆଲପେ ଜମେୟାଁ, ମାୟୋମ୍ ଆଲପେ ନୁଁଇଆ, ହଟଃ ଲିମ୍ବୁଡ଼କେଦ୍ତେ ଗଜାକାଜ୍ ଜେତା ଜାଁତୁରାଃ ମାସ୍ ଆଲପେ ଜମେୟାଁ ଆତଃ ଜେତା କଡ଼ା ଚାଏ କୁଡ଼ିଲଃ ହଡ଼ମରେୟାଃ ଏଡ଼କାନ୍ କାମିକଏତେ ସାଜିନାକାନ୍ ତାଇକେନେ । ଆପେ ନେ ସବେନ୍ କାମିକ କାପେ କାମିରେଦ୍ ଆପେୟାଃ ବୁଗିନାଃ ହବାଅଃଆ । ଆଲେୟାଃ ଜହାର୍ ତେଲାଏପେ ।”

୩୦ ଅକ କାଜିକୁଲ୍କିନ୍ଦେ କୁଲ୍ଲାକାନ୍ ତାଇକେନା, ଇନ୍କିନ୍ ଆନ୍ତ୍ରିୟୋଖ୍ତେ ସେନ୍କେଦ୍ତେ ବିଶ୍ୱାସୀକଆଃ ସବେନ୍ ଝୁଣ୍ଡକେଦ୍ତେ ନେ ଚିଟାଉକେ ଏମାଦ୍କଆକିନ୍ । ୩୧ ଏନ୍ତାଃରେନ୍ ବିଶ୍ୱାସୀକ ଜାଉରେ ରାସ୍କାନ୍ କାଜି ଚିଟାଉରେ ପାଢ଼ାଅକେଦ୍ତେ ରାସ୍କାତେ ପେରେଃୟାନାକ । ୩୨ ଯିହୁଦା ଆତଃ ସିଲାସ୍ ଆକିନ୍ଗି ନାବୀ ତାଇକେନାକିନ୍ ଆତଃ ଇନ୍କିନ୍ ଆନ୍ତ୍ରିୟୋଖ୍ରେନ୍ ବିଶ୍ୱାସୀକକେ ପୁରାଃ ନେତା ଜାକେଦ୍ ଜାଗାର୍ତାନଲଃ ଇନ୍କୁକେ ଜାଉରେ ରାସ୍କାନ୍ କାଜିକ ଏମ୍କେଦ୍ତେ ଇନ୍କୁଆଃ ବିଶ୍ୱାସକେ କେଟେଦ୍କେଦାକିନ୍ । ୩୩ ଏନ୍ତାଃରେ ଚିମିନ୍ ମାହାଁ ତାଇନ୍ୟାନ୍ ତାୟମ୍ତେ ଅକ ହଡ଼କ ଇନ୍କିନ୍ଦେ କୁଲ୍ଲାକାଦ୍କିନ୍ ତାଇକେନାକ, ଇନ୍କୁତାଃ ସେନ୍ରୁହାଡ଼୍ ନାଗେନ୍ତେ ବିଶ୍ୱାସୀକ ଇନ୍କିନ୍ଦେ ସୁଜୁଜାଉତେ କୁଲ୍କେଦ୍କିନାକ । ୩୪ ମେନ୍ଦ୍ ସିଲାସ୍ ଏନ୍ତାଃରେ ତାଇନ୍ୟା ନାଗେନ୍ତେ ବୁଗିନାଃ ଆଟ୍କାର୍କେଦାଏ ।*

୩୫ ପାଉଲୁସ୍ ଆତଃ ବର୍ଣ୍ଣବାସ୍ ଆନ୍ତ୍ରିୟୋଖ୍ରେ ଚିମିନ୍ ଦିନ୍ ତାଇନ୍ୟାନାକିନ୍ ଆତଃ ଏଟାଃ ପୁରାଃ ହଡ଼କଲଃ ମେସାକେଦ୍ତେ ପ୍ରାଭୁଆଃ ବାଚାନ୍ ଉଦୁବ୍କେଦ୍କଆକ ଆତଃ ଇଡ଼ୁକେଦ୍କଆକ ।

ପାଉଲୁସ୍ ଆତଃ ବର୍ଣ୍ଣବାସ୍ଆଃ ବିନ୍ଗାଅ

୩୬ ଚିମିନ୍ ଦିନ୍ ତାୟମ୍ତେ ପାଉଲୁସ୍, ବର୍ଣ୍ଣବାସ୍କେ କାଜିକିୟା, “ଦଲା, ରୁହାଡ଼ାଲାଇଁ ଆତଃ ସବେନ୍ ସାହାର୍ରେନ୍ ଅକ ହାଗାକକେ ପ୍ରାଭୁଆଃ ବାଚାନ୍ ଉଦୁବ୍କାକ ତାଇକେନାଲାଇଁ, ଇନ୍କୁଲଃ

* ୧୫:୩୫ 15:34 ନେ ଦେ ଚିମିନ୍ ମାରି ଅନଲ୍କରେ ବାନ୍ୟା

ନେପେଲକେଦତେ, ଇନ୍ଦକୁ ଚିଲ୍ଲକା ମେନାକଥା ଏନାଲାଙ୍ଗ ନେଲାଉକଥା ।” ୩୭ ବର୍ଣ୍ଣବାସ୍, ଯୋହାନ୍ ନୁତୁମ୍ରେ ସାରିୟଃତାନ୍ ମାର୍କକେ ଆକିନାଃଲଃ ଇଦି ନାଗେନ୍ତେ ସାନାଙ୍ଗକାଦ୍ ତାଇକେନା, ୩୮ ଫେନଦ ପାଉଲୁସ୍ ମାର୍କକେ ଇଦି ନାଗେନ୍ତେ କାଏ ସାନାଙ୍ଗକେଦା, ଚିଆଃଚି ଇନିଃ ସିଦାରେୟାଃ ହରାସେନ୍ରେ କାମି ଚୁଣ୍ଡୁ ଜାକେଦ୍ ଆକଲଃ କା ତାଇକେଦତେ ଇନ୍ଦକୁକେ ପାମିଲିଆରେ ବାଗିକେଦତେ ରୁହାଡ଼ୟାନା । ୩୯ ନେ ବିଷାଏରେ ପୁରାଃଗି କାପଜି ହବାୟାନା ଆତଃ ଇନ୍ଦକିନାଃ ବିନ୍ଦାଥା ହବାୟାନା । ବର୍ଣ୍ଣବାସ୍ ମାର୍କକେ ଇଦିକେଦତେ ସାଇପ୍ରସ୍ତେ ଦାଆଃ ଜାହାଜ୍ରେ ଦୁବକେଦତେକିନ୍ ସେନଃୟାନା । ୪୦ ଫେନଦ ପାଉଲୁସ୍, ସିଲ୍ଲାସ୍ତେ ସାଲାକିୟା ଆତଃ ବିଶ୍ୱାସୀ ହାଗାକଆଃ ହରାତେ ପ୍ରାଭୁଆଃ ସାୟାଦ୍ରେ ଜିମାୟାନ୍ଲଃ ବିଦା ଇଦିକେଦାଏ । ୪୧ ଇନିଃ ସିରିୟା ଆତଃ କିଲିକିଆ ପାର୍ଗାନ୍ ହରାତେ ସେନଃୟାନା ଆତଃ କାଲିସିୟାରେନ୍ ହଡ଼କକେ ବିଶ୍ୱାସ୍ରେ କେଟେଦ୍ ଇଦିକେଦକଥା ।

୧୭

ପାଉଲୁସ୍ ଆତଃ ସିଲ୍ଲାସ୍ତେ ତାମଥୁଆଃ ହରାସେନ୍

୧ ପାଉଲୁସ୍ ଦର୍ବୀ ଆତଃ ଲୁସ୍ତ୍ରାତେ ସେନଃୟାନା, ଏନ୍ତାଃରେ ତାମଥୁ ନୁତୁମ୍ ମିଆଁଦ୍ ଖ୍ରୀଷ୍ଟିୟାନ୍ ହଡ଼ ତାଇନଃତାନ୍ ତାଇକେନାଏ । ଇନିୟାଃ ଏଙ୍ଗାତେ ମିଆଁଦ୍ ଖ୍ରୀଷ୍ଟ୍ ବିଶ୍ୱାସୀ ଯିହୁଦୀ ତାଇକେନାଏ, ଫେନଦ୍ ଆପୁତେ ଗ୍ରୀକ୍ ହଡ଼ ତାଇକେନାଏ । ୨ ଲୁସ୍ତ୍ରା ଆତଃ ଇକନିୟାରେନ୍ ସବେନ୍ ବିଶ୍ୱାସୀକ ତାମଥୁଆଃ ବିଷାଏରେ ପୁରାଃ ବୁଗିନାଃକ କାଜି ତାଇକେନା । ୩ ପାଉଲୁସ୍, ତାମଥୁକେ ଆୟାଃଲଃ ଇଦି ନାଗେନ୍ତେ ସାନାଙ୍ଗକେଦା, ଏନାତେ ଇନିଃ ତାମଥୁକେ ଖାଡ଼ନାଅକିୟାଏ । ଚିଆଃଚି ଏନ୍ତାଃରେ ତାଇନଃତାନ୍ ସବେନ୍ ଯିହୁଦୀ ହଡ଼କ ତାମଥୁଆଃ ଆପୁତେକେ ଗ୍ରୀକ୍ ହଡ଼ ତାନିଃ ମେନ୍ତେକ ସାରିକାଦ୍ ତାଇକେନା । ୪ ଇନ୍ଦକୁ ସାହାର୍ ହରାକରେ ସେନଃ ତାଇକେନ୍ ଇମ୍ତା, ବିଶ୍ୱାସୀକକେ ଯୀରୁଶାଲେମ୍ରେନ୍ ପ୍ରେରିତ୍ ଆତଃ ପ୍ରାଚିନ୍ଦକ୍ ଠାହାରାଅକାଦ୍ ସବେନ୍ ଆନ୍ତରୁକେ ମାନାତିଙ୍ଗ୍ ନାଗେନ୍ତେକ କାଜିକେଦକଥା । ୫ ନେଲେକାତେ କାଲିସିୟାକ ବିଶ୍ୱାସ୍ରେ ପୁରାଃଗିକ କେଟେଦ୍ୟାନା ଆତଃ ସବେନ୍ ହୁଲାଙ୍ଗ ପସାଇଦିୟଃତାନ୍ଦକ୍ ତାଇକେନା ।

ତ୍ରୋୟାସ୍ତେ ପାଉଲୁସ୍ଆଃ ଦାର୍ଗାନ୍

୬ ଇନ୍ଦକୁକେ ପାବିତାର୍ ଆମ୍ବା ଏସିଆ ପାର୍ଗାନ୍ରେ ବାତାନ୍ ଉଦୁବ୍ ନାଗେନ୍ତେ କାଏ ଆରୁକେଦକ ହରାତେ ଇନ୍ଦକୁ ଫୁଗିଆ ଆତଃ ଗାଲାତିୟ ପାର୍ଗାନ୍ତେକ ସେନଃୟାନା । ୭ ଇନ୍ଦକୁ ମୁସିୟା ପାର୍ଗାନ୍ରେୟାଃ ସିମନାତେ ସେଟେର୍ୟାନ୍ଲଃ ସେଥ୍ନିଆ ପାର୍ଗାନ୍ତେ ସେନଃ ନାଙ୍ଗ୍ ଅତଙ୍ଗ୍ଆଃ ଇମ୍ତା ଯୀଶୁଆଃ ଆମ୍ବା ଇନ୍ଦକୁକେ କାଏ ଆରୁକେଦକଥା । ୮ ଏନାତେ ଇନ୍ଦକୁ ମୁସିୟା ହରାତେ ସେନଃୟାନ୍ଲଃ ତ୍ରୋୟାସ୍ତେକ ସେନଃୟାନା । ୯ ଏନ୍ ନିଦାରେ ପାଉଲୁସ୍ ମିଆଁଦ୍ ଦାର୍ଗାନ୍ ନେଲ୍ଲକେଦାଏ ଯେ, ମାକିଦନିଆରେନ୍ ମିଆଁଦ୍ ହଡ଼ ତିଙ୍ଗ୍କେଦତେ ବିନ୍ତିତାନ୍ଲଃ କାଜିତାନାଏ, “ମାକିଦନିଆତେ ହିଜୁଃକେଦତେ ଆଲେକେ ଦେଙ୍ଗାଲେପେ !” ୧୦ ପାଉଲୁସ୍ ନେ ଦାର୍ଗାନ୍ ନେଲ୍ଲକେଦଚି ଆଲେ ମାକିଦନିଆତେ ସେନଃ ନାଗେନ୍ତେଲେ ସେକାଡ଼ୟାନା, ଚିଆଃଚି ଆଲେ ସାର୍ଚିଗି ସାରିକାଦ୍ ତାଇକେନାଲେ, ପାର୍ମେଶ୍ୱାର୍ ଏନ୍ତାଃରେନ୍ ହଡ଼କଆଃ ଥାଲାରେ ସୁକ୍କାଜି ଉଦୁବ୍ ନାଗେନ୍ତେ ଆଲେକେ କେଡ଼ାକାଦ୍ଲେୟା ।

ଫିଲିପିରେ ଲୁଦିୟାଃରାଃ ମନ୍ତୁହାଡ଼

୧୧ ଆଲେ ତ୍ରୋୟାସ୍ତାଃଏତେ ଦାଆଃ ଜାହାଜ୍ରେ ଦୁବକେଦତେ ସାମଥାକି ଟାପୁତେଲେ ସେନଃୟାନା, ଆତଃ ଏଟାଃହୁଲାଙ୍ଗ୍ ନିୟାପଲି ସାହାର୍ତେଲେ ସେଟେର୍ୟାନ୍ । ୧୨ ଏନ୍ତାଃଏତେ ଆଲେ ମାକିଦନିଆ ଜିଲ୍ଲାରେୟାଃ ମାଗାଙ୍ଗ୍ ନାଗାର୍ ଫିଲିପିତେଲେ ସେନଃୟାନା । ଏନ୍ ନାଗାର୍ରେ ରୋମ୍ରେନ୍ ହଡ଼କହଗି ତାଇନଃତାନ୍ ତାଇକେନାକ । ଆଲେ ଏନ୍ତାଃରେ ଚିମିନ୍ଦିନ୍ ଲେକାଲେ ତାଇକେନା । ୧୩ ରୁଡ଼ନୁ ହୁଲାଙ୍ଗ୍ରେ ଆଲେ ନାଗାର୍ହେତେ ଅତଙ୍ଗ୍ୟାନ୍ଲଃ ନାହିଁ ଗେନାତେଲେ ସେନଃୟାନା । ଏନ୍ତାଃରେ ଯିହୁଦୀ ହଡ଼କ ହୁଣ୍ଡିକେଦତେ ବିନ୍ତି ତାଇକେନ୍ ମିଆଁଦ୍ ଠାୟାଦ୍ ତାଇନାଃ ମେନ୍ତେଲେ ଉଡ଼ୁକାଦ୍ ତାଇକେନା । ଆଲେ ଲାତାର୍ରେ ଦୁବକେଦତେ ଏନ୍ତାଃରେ ହୁଣ୍ଡିୟାକାନ୍ କୁଡ଼ିକଲଃ ଜାଗାର୍କେଦାଲେ । ୧୪ ଇନ୍ଦକୁଆଃ ଥାଲାରେ ଥୁୟତିରା ନାଗାର୍ରେନ୍ ଲୁଦିୟା ନୁତୁମ୍ ମିଆଁଦ୍ କୁଡ଼ି ତାଇକେନା । ଇନିଃ ବାଜଗିନିଆ ଲିଜାଃ ଆଖିଙ୍ଗିନିଃ ତାଇକେନାଏ । ଇନିଃ ପାର୍ମେଶ୍ୱାର୍କେ ବରତାଲି

୫:୩୮ ୧୫:୩୮ ପ୍ରେରିତ୍ ୧୩:୧୩.

ତାଙ୍କକେନା ଆତଃ ପାଉଲୁସ୍ କାଜିତାଈକେନ୍ତେୟାଃ ମନ୍ଧ୍ୟାନ୍ ଆୟୁମକେଦ୍ଦତେ ମନ୍ସୁରୁଦ୍ରେ ତେଲ୍ୟାଏ ନାଗେନ୍ତେ ପ୍ରାଭୁ ଜନିଃକେ ସୁୟୋଗ୍ ଏମକିୟାଏ । ୧୫ ଜନିଃ ଆତଃ ଆୟାଃ ଅଡ଼ାଃରେନ୍ ସବେନ୍ କାପ୍ରିସ୍ତା ଇଦିକେଦ୍ ତାୟମ୍ତେ ଆଲେକେ କେଡ଼ାକେଦ୍ଦତେ କାଜିକେଦ୍ଲେୟାକ୍, “ଆପେ ଆଇଙ୍ଗକେ ପ୍ରାଭୁତାଃରେ ପାଡିୟାରୁଃ ଲେକା ମେନାଲୟା ମେନ୍ତେପେ ବିତାର୍ତାନ ରେଦ୍, ଦେଲା ଆଇୟାଃ ଅଡ଼ାଃରେ ତାଇନ୍ଦେ ।” ଜନିଃ ନେଲେକା କାଜିକେଦ୍ଦତେ ଆୟାଃ ଅଡ଼ାଃରେ ତାଇନ୍ ନାଗେନ୍ତେ ଆଲେକେ ଉସ୍କୁର୍କେଦ୍ଲେୟା ।

ଫିଲିପିରେୟାଃ ଜେହେଲ୍ରେ ପାଉଲୁସ୍ ଆତଃ ସିଲାସ୍

୧୬ ମୁସିଙ୍ଗ୍ ଆଲେ ବିନ୍ତ୍ରି ଠାୟାଦ୍ଦତେ ସେନଃ ତାଙ୍କକେନ୍ ଇମ୍ତା ମିଆଁଦ୍ କାମ୍ଡି କୁଡିଲଃ ନାପାମୟାନାଲେ । ଜନିୟାଃରେ ତାଙ୍କକାନ୍ ଏଡକାନ୍ ଆମ୍ବା ହରାତେ ଜନିଃ ଆୟାରକାଜିକଏ କାଜି ଦାଡିତାଈକେନା । ଜନିଃ ହଡକଆଃ ଚିନାଃ ହବାଅଃଆ ଏନାକ ସିଦାରେ କାଜି ଦାଡି ତାଈକେନା । ଜନିଃ ଆୟାଃ ଗୁସିୟାକଆଃ ନାଙ୍ଗ୍ ପୁରାଃ ଟାକା ପାଏସାଏ କାମି ତାଈକେନା । ୧୭ ଜନିଃ ପାଉଲୁସ୍ ଆତଃ ଆଲେୟାଃ ଦୟା ଦୟା ହିଜୁଃକେଦ୍ଦତେ କାଉରିତାନୁଲଃ କାଜିକେଦାଏ, “ନେ ହଡକ ସାଲାଙ୍ଗି ଉତାର୍ ପାର୍ମେଗ୍ଡାଃଆଃ ଦାସିକ ତାନ୍କ । ଆପେ ଚିଲ୍ଲକାତେ ଜାଉବାଞ୍ଚାଅପେ ନାମେୟା, ଏନାକ କାଜିତାନା ।” ୧୮ ଏନ୍ କୁଡି ପୁରାଃ ମାହାଁ ଜାକେଦ୍ ନେଲେକାଏ ରିକାକେଦା । ଏନ୍ତେ ପାଉଲୁସ୍ ଖୁସ୍ୟାନୁଲଃ ଦୟା ହେତାକେଦ୍ଦତେ ଏଡକାନ୍ ଆମ୍ବାକେ କେଟେଦ୍ଦକେଦ୍ଦତେ କାଜିକିୟା, “ୟାଗୁ ଖ୍ରୀଷ୍ଟିଆଃ ନୁଡୁମ୍ତେଇଙ୍ଗ୍ ଆଡୁମେତାନା, ଜନିଃତାଃଏତେ ଅତଙ୍ଗ୍ଅଃମେ !” ଇମ୍ତାଗି ଏଡକାନ୍ ଆମ୍ବା ଜନିଃତାଃଏତେ ଅତଙ୍ଗ୍ୟାନା ।

୧୯ ଚିମ୍ତା ଜନିୟାଃ ଗୁସିୟାକ ଆକଆଃ ଟାକା କାମିରେୟାଃ ଆସ୍ତାକ ଆଦ୍ଦକେଦା ମେନ୍ତେ ଆଡକାଉକେଦ୍, ପାଉଲୁସ୍ ଆତଃ ସିଲାସ୍କେ ସାବ୍ଦକେଦ୍ଦତେ ବାଜାର୍ ପିଡି ଆଲାତେ ଆକ୍ତେୟାର୍ ନାମାକାଦ୍ ହଡକତାଃତେ ଅର୍ ଇଦିକେଦ୍ଦକିନାକ । ୨୦ ଇନ୍କୁ ଇନ୍କିନ୍କେ ରୋମି ହାକିମ୍ତାଃତେ ଆଉକେଦ୍ଦକିନାକ ଆତଃ କାଜିକେଦାକ୍, “ନେ ହଡକିନ୍ ଯିହୁଦୀ ତାନ୍କିନ୍, ଆତଃ ଆଲେୟାଃ ନାଗାର୍ରେ ହାଲାଗୁଲାଏ ତାନାକିନ୍ ।” ୨୧ ଇନ୍କିନ୍ ଆବୁଆଃ ଆନ୍ତୁ ବିରୁଧ୍ ରିତିରିଝାଜ୍ ଇଜୁକତାନାକିନ୍ । ଆବୁ ରୋମିରେନ୍ ହଡକ ତାନ୍ତୁ, ଏନାତେ ନେ ସବେନ୍ କା ଲାଗାଡିଙ୍ଗ୍ ରିତିରିଝାଜ୍ କାବୁ ମାନାଡିଙ୍ଗ୍ ଦାଡିୟା ।

୨୨ ଆତଃ ଗାଦେଲ୍ ହଡକହଗି ପାଉଲୁସ୍ ଆତଃ ସିଲାସ୍ଆଃ ବିରୁଧ୍ରେ ମେସାୟାନାକ । ଏନ୍ତେ ପାଉଲୁସ୍ ଆତଃ ସିଲାସ୍ଆଃ ଲିଜାଃ ଚେତାଃକେଦ୍ଦତେ ଇନ୍କିନ୍କେ ସମାତେ ହାଁଣସା ନାଗେନ୍ତେ ରୋମି ହାକିମ୍ତାକ ଇନ୍କୁକେ ଆଡୁକେଦ୍ଦକିନାକ । ୨୩ ଇନ୍କୁ ଇନ୍କିନ୍କେ ପୁରାଃଗି ଦାଲ୍ଲକେଦ୍ଦତେ ଜେହେଲ୍ରେ ଦହକେଦ୍ଦକିନାକ ଆତଃ ତାଲାକେଦ୍ଦତେ ହର ନାଙ୍ଗ୍ ଆଡୁକେଦ୍ଦକିନାକ । ୨୪ ନେ ଆନାଡୁ ନାମ୍କେଦ୍ଦତେ ଜେହେଲ୍ ହରନିଃ ଇନ୍କିନ୍କେ ମିଆଁଦ୍ ଭିତାର୍ କୁଠାତେ ଇଦିକେଦ୍ଦତେ ହାମ୍ବାଲ୍ ସାହାନ୍ରେୟାଃ ଅରଗ୍ଡରେ ଇନ୍କିନାଃ କାଟାକେ ତଲ୍ଲକେଦ୍ଦକିନାଏ ।

୨୫ ଆଲାନ୍ଦାରେ ପାଉଲୁସ୍ ଆତଃ ସିଲାସ୍ ପାର୍ମେଗ୍ଡାଃଆଃ ନୁଡୁମ୍ତେ ବିନ୍ତ୍ରି ଆତଃ ମାନାରାଙ୍ଗାରଃ ଦୁରାଙ୍ଗ୍ ତାଈକେନାକିନ୍ ଆତଃ ଏଗାଃ ଜେହେଲ୍ଲକାନ୍ ହଡକ ଏନା ଆୟୁମ୍ ତାଈକେନାକ । ୨୬ ଇମ୍ତାଗି ପୁରାଃତେ ଅତେ ଦିଲ୍ଲକାଅୟାନା ଆତଃ ଜେହେଲ୍ ଅଡ଼ାଃରାଃ ନିହଁଗାଡ଼ା ଏକ୍ଲାଅୟାନା । ଇମ୍ତାଗି ସବେନ୍ ଦୁଆରକ ନିଜୟାନା ଆତଃ ଜେହେଲ୍ଲକାନ୍ ସବେନ୍ ହଡକଆଃ ସିକିଡିକ ରାଡ଼ାୟାନା । ୨୭ ଜେହେଲ୍ ହରନିଃ ଦୁଡୁମ୍ତେ ବିରିଦ୍ୟାନାଏ ଆତଃ ଜେହେଲ୍ରେୟାଃ ଦୁଆର୍ ସବେନ୍ ନିଜାକାନ୍ ନେଲ୍ଲକେଦ୍ଦତେ ଉଡ଼ୁକେଦାଏ ଯେ, ଜେହେଲ୍ଲକାନ୍ ସବେନ୍ ହଡକ ନିର୍ୟାନାକ । ଏନାତେ ଜନିଃ ଆୟାଃ ତାରାଉଡି ଅତଙ୍ଗ୍କେଦ୍ଦତେ ଆଇଃକ୍ରି ଗଜେନ୍ ନାଗେନ୍ତେ ସାନାଙ୍ଗ୍କେଦା । ୨୮ ମେନ୍ଦ୍ ପାଉଲୁସ୍ ପୁରାଃ କାଉରିକେଦ୍ଦତେ କାଜିକିୟା, “ଆମ୍ ଆପାନ୍କେ ଜେଡ୍ନାଃ ଆଲମ୍ ନକ୍ସାନେନ୍ ତିଆଃତି ଆଲେ ସବେନ୍କ ନେତାଃରେ ମେନାଲେୟା ।”

୨୯ ଜେହେଲ୍ ହରନିଃ ଦିମି ଆଉ ନାଗେନ୍ତେ କାଜିକେଦ୍ଦକିଆ ଆତଃ ଭିତାର୍ରେ ନିର୍ବଲ୍ୟାନା ଏନ୍ତେ ବରତେ ଏକ୍ଲାଅଃତାନ୍ଲଃ ପାଉଲୁସ୍ ଆତଃ ସିଲାସ୍ଆଃ କାଟା ଲାଡାର୍ରେ ଉୟୁଃୟାନା । ୩୦ ଏନ୍ତେ ଇନ୍କିନ୍କେ ବାହାରିତେ ଅତଙ୍ଗ୍କେଦ୍ଦତେ କୁଲିକେଦ୍ଦକିନା, “ମାଈନାନ୍କିନ୍, ଜାଉବାଞ୍ଚାଅ ନାମେ ନାଗେନ୍ତେ ଆଇଙ୍ଗକେ ଚିନାଃ ରିକା ଲାଗାଡିଙ୍ଗ୍ୟାଃ ?”

୩୧ ଇନ୍କିନ୍ କାଜିକିୟାକିନ୍, “ପ୍ରାଭୁ ଯାଗୁରେ ବିଶ୍ୱାସେରେଦ୍, ଆମ୍ ଆତଃ ଆମାଃ ଅଡ଼ାଃରେନ୍ ଜାଉବାଞ୍ଚାଅପେ ନାମେୟା ।” ୩୨ ଏନ୍ତେ ଇନ୍କିନ୍ ଜନିଃକେ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକକେ ପ୍ରାଭୁଆଃ ବାଚାନ୍ ଉଡୁବ୍ଦକେଦ୍ଦକିନାକିନ୍ । ୩୩ ନିଦାରେୟାଃ ଏନ୍ ଦିପିଲିରେଗି ଜେହେଲ୍ ହରନିଃ

ଇନକିନ୍ଦକେ ଇଦିକେଦତେ, ଆକିନାଃ ପାଅକ ରାପି ଆବୁଙ୍ଗକେଦାଏ, ଆତଃ ଇନିୟାଃ ଅଡ଼ାଃରେନ୍ ସବେନ୍ ହଡ଼କ ଇମତାରି ବାପୁଗ୍ଲାୟାନାକ । ୩୪ ଏନ୍ତେ ଇନିଃ ପାଉଲୁସ୍ ଆତଃ ସିଲାସକେ ଆୟାଃ ଅଡ଼ାଃରେନ୍ ଇଦିକେଦତେ ଜମେ ନାଗେନ୍ତେ ଏମାଦକିନା । ପାର୍ମେଶ୍ୱାରତାଃରେ ବିଶ୍ୱାସକେଦ୍ ହରାତେ ଇନିଃ ଆତଃ ଆୟାଃ ଅଡ଼ାଃରେନ୍ ସବେନ୍ ହଡ଼କ ରାସକାତେ ପେରେୟାନାକ ।

୩୫ ଏଟାଃ ହୁଲାଙ୍ଗ୍ ଆଙ୍ଗୟାନି ରୋମିରେନ୍ ହାକିମ୍ କ ସିପାଇକତାଃରେ, “ଏନ୍ ହଡ଼କିନ୍ଦକେ ଆଡ଼ାଃତାକିନ୍ଦେ” ମେନ୍ତେକ କାଜିକୁଲକେଦା ।

୩୬ ଏନ୍ତେ ଜେହେଲ୍ ହରନିଃ ପାଉଲୁସ୍ କେ କାଜିକିୟା, “ହାକିମ୍ ଆମକେ ଆତଃ ସିଲାସକେ ଜେହେଲ୍ ହେତେ ରାଡ଼ାଃଆକିନ୍ଦ ମେନ୍ତେ ହୁକୁମ୍ ଏମାକାନା । ନାହିଃ ଆବେନ୍ ଜୀଉସୁକ୍ତେ ସେନ୍ ଦାଡ଼ିୟାଃରେନ୍ ।”

୩୭ ମେନ୍ଦ୍ ପାଉଲୁସ୍ ସିପାଇକକେ କାଜିୟାଦକଆ, “ଜେତାନ୍ ଗୁହ୍ନାଁ କାଲିଙ୍ଗ୍ କାମିକାଦ୍ରେୟ ଇନ୍କୁ ଆଲିଙ୍ଗକେ ଦାଲ୍ଲକାଦଲିୟାକ । ଆଲିଙ୍ଗ୍ ରୋମିରେନ୍ ହଡ଼କିନ୍ ତାନ୍ଲିଙ୍ଗ୍, ମେନ୍ଦ୍ ଇନ୍କୁ ଆଲିଙ୍ଗକେ ଜେହେଲ୍ କେଦଲିୟାକ । ନାହିଃ ଇନ୍କୁ ଜେତାଏ ଆଲକାକ ସାରିଲେକା ଆଲିଙ୍ଗକେ କୁଲନାଙ୍ଗ୍ ସାନାଙ୍ଗତାନାକ । ଆଲିଙ୍ଗ୍ ନେଲେକା ହବାଅଃକା ମେନ୍ତେ କାଲିଙ୍ଗ୍ ସାନାଙ୍ଗତାନା । ରୋମିରେନ୍ ହାକିମ୍ ଆକରି ନେତାଃରେ ହିଜୁଃକେଦତେ ଆଲିଙ୍ଗକେ ଜେହେଲ୍ ହେତେ ରାଡ଼ାଃଲିଙ୍ଗକାକ ।”

୩୮ ସିପାଇକ ନେ କାଜି ରୋମିରେନ୍ ହାକିମ୍ କେ ଉଦୁବାଦକଆକ । ପାଉଲୁସ୍ ଆତଃ ସିଲାସ୍ ରୋମିରେନ୍ ତାନ୍କିନ୍ ମେନ୍ତେ ଆୟୁମକେଦତେ ଇନ୍କୁ ବରକେଦାକ । ୩୯ ଏନ୍ତେ ଇନ୍କୁ ସେନ୍କେଦତେ ଇନକିନ୍ତାଃରେ ଜହାର୍ ବିନ୍ତିକେଦତେ ଇନକିନ୍ଦକେ ଜେହେଲ୍ ହେତେ ରାଡ଼ାଃକେଦକିନାକ ଆତଃ ନାଗାର୍ ବାରିକେଦତେ ସେନଃବେନ୍ ମେନ୍ତେକ କାଜିକେଦକିନା । ୪୦ ପାଉଲୁସ୍ ଆତଃ ସିଲାସ୍ ଜେହେଲ୍ ବାରିକେଦତେ ଲୁଦିୟାରାଃ ଅଡ଼ାଃରେ ସେନଃୟାନାକିନ୍ । ଏନ୍ତାଃରେ ଇନକିନ୍ ବିଶ୍ୱାସକଲଃ ନେପେଲ୍ ଯାନାକିନ୍ ଆତଃ ଇନ୍କୁକେ ଜୀଉରେ ରାସକାରେୟାଃ କାଜି ଏମକେଦତେ ସେନଃୟାନାକିନ୍ ।

୧୭

ଥେସଲନିକାରେ ସେଷାକାମି

୧ ପାଉଲୁସ୍ ଆତଃ ସିଲାସ୍ ଆମିପଲି ଆତଃ ଆପଲୋନିଆ ସାହାର୍ ହରାତେ ହରାସେନ୍ତାନ୍ଲଃ ଥେସଲନିକା ନାଗାର୍ତେକିନ୍ ସେଟେରୁୟାନା । ଏନ୍ତାଃରେ ଯିହୁଦୀକଆଃ ମିଆଁଦ୍ ସାମାଜ୍ ଅଡ଼ାଃ ତାଜକେନା । ୨ ପାଉଲୁସ୍ ଆୟାଃ ରିଡିରିଃକ୍ ଲେକାତେ ସାମାଜ୍ ଅଡ଼ାଃରେ ସେନଃୟାନା । ଏନ୍ତାଃରେ ଇନିଃ ଆପି ହାପ୍ଟା ରୁଡୁନ୍ ହୁଲାଙ୍ଗ୍ ଜାକେଦ୍ ସାମାଜ୍ ଅଡ଼ାଃ ସେନ୍କେଦତେ ହଡ଼କକେ ଧାରାମ୍ପପୁଅରେୟାଃ କାଜି ଜାଗାର୍ କେଦକଆ, ୩ ଆତଃ ଧାରାମ୍ପପୁଅରେ ଅଲ୍ଲାନାଦତେୟାଃ ଉଦୁବେତାନ୍ଲଃ ସାବୁଦ୍ ଏମକେଦାଏ ଯେ, ମାସିଆଃ ଦୁକୁ ଆତଃ ଗନଏଃହେତେ ଜୀଉ ବିନିରିଦ୍ ହବାଅଃ ଲାଗାଡିଙ୍ଗ୍ ତାଜକେନା । ପାଉଲୁସ୍ କାଜିକେଦାଏ, “ଆଇଙ୍ଗ୍ ଅକ ଯାଶୁଆଃ ବିଷାଏରେ ଉଦୁଦକାଦାଇଙ୍ଗ୍, ଇନିଃ ଏନ୍ ମାସିଗି ତାନିଃ ।” ୪ ଇନ୍କୁଏତେ ଚିମିନ୍ ହଡ଼କ ପାଉଲୁସ୍ କାଜିରେ ସାଲ୍ ହାୟାନାକ ଏନ୍ତେ ପାଉଲୁସ୍ ଆତଃ ସିଲାସ୍ କଲଃ ମେସାୟାନାକ, ଏନେଲକାଗି ପୁରାଃ ଆଗୁଆଇ କୁଡିକ ଆତଃ ପାର୍ମେଶ୍ୱାରକେ ବରଭାଜିତାନ୍ ଗ୍ରୀକ୍ ହଡ଼କଆଃ ମିଆଁଦ୍ ମାରାଙ୍ଗ୍ ଝୁଣ୍ଟ ଇନକିନ୍ଲଃ ମେସାୟାନାକ ।

୫ ମେନ୍ଦ୍ ଯିହୁଦୀ ହଡ଼କ ହିସଙ୍ଗାୟାନାକ ଆତଃ ଚିମିନ୍ ଝାନ୍ ଏଦକାନ୍ ହଡ଼କକେ ହୁଣ୍ଟିକେଦତେ ପୁରା ସାହାର୍ରେ ହାଲାଗୁଲାକେଦାକ । ଇନ୍କୁ ପାଉଲୁସ୍ ଆତଃ ସିଲାସ୍ କେ ଦାଣ୍ଟାକେଦତେ ହଡ଼କତାଃରେ ଆଉକିନ୍ ନାଗେନ୍ତେ ଜେସନ୍ ନୁଡୁମ୍ ମିଆଁଦ୍ ହଡ଼ରାଃ ଅଡ଼ାଃରେକ ନିର୍କେଦା । ଚିଆଃଟି ଇନିଃଟି ପାଉଲୁସ୍ ଆତଃ ସିଲାସ୍ କେ ଆୟାଃ ଅଡ଼ାଃରେ ତାଇନଃ ନାଗେନ୍ତେ କେଡ଼ାକାଦକିନ୍ ତାଜକେନା । ୬ ମେନ୍ଦ୍ ଇନ୍କୁ ଏନ୍ତାଃରେ ପାଉଲୁସ୍ ଆତଃ ସିଲାସ୍ କେ କା ନାମକେଦ୍ ହରାତେ, ଜେସନ୍ ଆତଃ ଏଟାଃ ଚିମିନ୍ ବିଶ୍ୱାସୀ ହାଗାକକେ ନାଗାର୍ରେନ୍ ହାକିମ୍ କତାଃରେ ଆଇଜ୍ ଇଦିକେଦତେ କାଉରିତାନ୍ଲଃ କାଜିକେଦାକ, “ନେ ହଡ଼କ ଅଡେଦିଶୁମ୍ରେୟାଃ ଚାରିୟାଃରେ ହାଲାଗୁଲାଏ ତାନାକ, ନାହିଃ ଇନ୍କୁ ଆବୁଆଃ ନାଗାର୍ତେକ ହିଜୁଃକାନା, ୭ ଆତଃ ଇନକିନ୍ଦକେ ଜେସନ୍ ଆୟାଃ ଅଡ଼ାଃରେ ଦହକାଦକିନା । ଯାଶୁ ନୁଡୁମ୍ରେ ଆତଃମିଆଁଦ୍ ରାଜା ମେନାଇୟା ମେନ୍ତେ କାଜିତାନ୍ଲଃ ଇନକିନ୍ କାଈସାର୍ ଆନ୍ ଦୁ ଚଟାଃଏ ତାନାକିନ୍ ।” ୮ ଇନ୍କୁଆଃ ନେ କାଜିକ ଆୟୁମକେଦତେ ଗାଦେଲ୍ ହଡ଼କ ଆତଃ ହାକିମ୍ କ ପୁରାଟି ହାଲାଗୁଲାକେଦାକ । ୯ ହାକିମ୍ କ ଜେସନ୍ ଆତଃ ବିଶ୍ୱାସକତାଃଏତେ ଜାମାନାଦ୍ ଇଦିକେଦତେ ଇନକିନ୍ଦକେ ଆଡ଼ାଃକେଦକିନାକ ।

ବେରିଆ ସାହାରରେ ସେଖାକାମି

^{୧୦} ନୁବାଃୟାନତି ବିଶ୍ୱାସୀ ହାଗାକ ପାଉଲୁସ୍ ଆତଃ ସିଲାସ୍‌କେ ବେରିଆତେକ କୁଲ୍‌କେଦକିନା । ଇନ୍କିନ୍ ଏନ୍ତାଃତେ ସେଟେରକେଦତେ ଯିହୁଦୀକଆଃ ସାମାଜ୍ ଅଡ଼ାଃତେକିନ୍ ସେନଃୟାନା । ^{୧୧} ଥେସଲନିକାରେନ୍ ହଡ଼କତାଃଏତେ ବେରିଆରେନ୍ ହଡ଼କ ପୁରାଃଟି ନାଖା ଉଡ଼ୁ ଆତଃ ଇନିତୁକେ ଆୟୁମ୍ ନାଜ୍ ଇଛାସାନାଜ୍‌ତାନ୍ ହଡ଼କ ତାଇକେନା । ଇନ୍କୁ ଯୀଶୁଆଃ କାଜି ଆୟୁମ୍ ନାଗେନ୍ତେ ପୁରାଃ ସାନାଜ୍‌କେଦାକ ଆତଃ ପାଉଲୁସ୍ ଉଦୁବ୍ ତାଇକେନ୍‌ତେୟାଃରାଃ ସାନାଋତି ସାରି ନାଗେନ୍ତେ ସବେନ୍ ହୁଲାଜ୍ ଧାରାମ୍‌ପୁଅ ପାଠାଅ ତାଇକେନାକ । ^{୧୨} ଇନ୍କୁଏତେ ପୁରାଃ ହଡ଼କ ବିଶ୍ୱାସକେଦା । ଆତଃ ସାମାଜ୍‌କରେ ନୁତୁମଃତାନ୍ ମାପୁରାଜ୍ ପୁରାଃ ଗ୍ରୀକ୍ କୁଡ଼ିକ ଆତଃ କଡ଼ାକ ବିଶ୍ୱାସୀକଲଃ ସେସାୟାନାକ । ^{୧୩} ମେନ୍‌ଦ ପାଉଲୁସ୍ ବେରିଆରେହ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବେତାନାଏ ମେନ୍ତେ ଥେସଲନିକାରେନ୍ ଯିହୁଦୀ ହଡ଼କ ଆୟୁମ୍‌କେଦା, ଇମ୍‌ତା ଇନ୍କୁ ବେରିଆତେ ହିଜୁଃକେଦତେ ହାଲାଗୁଲାଏ ନାଗେନ୍ତେ ହଡ଼କକେ ଉସକ୍‌କେଦକଆକ । ^{୧୪} ଇମ୍‌ତାଗି ବିଶ୍ୱାସୀ ହାଗାକ ପାଉଲୁସ୍‌କେ ଦରେୟା ଗେନାତେକ କୁଲ୍‌କିୟା, ମେନ୍‌ଦ ସିଲାସ୍ ଆତଃ ତାମଥ୍ ନେ ବାରାନ୍‌କିନ୍ ବେରିଆରେ ତାଇନ୍‌ୟାନାକିନ୍ । ^{୧୫} ପାଉଲୁସ୍‌କେ ତେବାଟୁକାଇତାନ୍ ହଡ଼କ ଆୟାଃଲଃ ଏଥେନ୍‌ସ୍ ଜାକେଦକ ସେନଃୟାନା । ଏନ୍ତାଃଏତେ ଇନ୍କୁ ବେରିଆତେ ହିଜୁଃ ରୁହାଡ଼କେଦତେ ସିଲାସ୍ ଆତଃ ତାମଥ୍‌କେ କାଜିକେଦକିନାକ, “ଆବେନ୍ ଜାଲ୍‌ଦିଗି ସେନ୍‌କେଦତେ ପାଉଲୁସ୍‌ଲଃ ମେସାଅଃବେନ୍” ମେନ୍ତେ ପାଉଲୁସ୍ କାଜିକାଦାଏ । ନେ ଆନାଟୁ ନାମକେଦତି ଇନ୍କିନ୍ ସେନଃୟାନାକିନ୍ ।

ଏଥେନ୍‌ସ୍‌ରେ ପାଉଲୁସ୍‌ଆଃ କାମି

^{୧୬} ପାଉଲୁସ୍ ଏଥେନ୍‌ସ୍‌ରେ ସିଲାସ୍ ଆତଃ ତାମଥ୍‌ଆଃ ନେଲ୍‌ହରାତାନ୍ ତାଇକେନ୍ ଇମ୍‌ତା, ଏନ୍ ନାଗାର୍ ମୁରୁଡ଼ ସେଖାରେ ପେରେଜାକାନ୍ ନେଲ୍‌କେଦତେ ପୁରାଃଟି ମନ୍‌ଦୁକୁୟାନା । ^{୧୭} ଏନାତେ ଇନିଃ ସାମାଜ୍ ଅଡ଼ାଃରେ ଯିହୁଦୀ ହଡ଼କଲଃ, ପାର୍‌ମେଶ୍ୱାର୍‌କେ ବରଭାଜ୍‌ତାନ୍ ସାଅଁସାର୍ ହଡ଼କଲଃ, ଆତଃ ସାହାରରେୟାଃ ଆଲା ହରାକରେ ହିଜୁଃ ସେନଃତାନ୍ ହଡ଼କଲଃ ଏନ୍ ବିଷାଏରେ ଜାଗାର୍‌କେଦା । ^{୧୮} ଏନ୍ତେ ଚିମିନ୍ ଇପିକୁରିୟାନ୍ ଆତଃ ସ୍ରୋୟିକ୍ ଇତୁ ହଡ଼କଲଃ ପାଉଲୁସ୍‌ଆଃ କାପଜି ହବାୟାନା । ଇନ୍କୁଏତେ ଚିମିନ୍ ହଡ଼କ କାଜିକେଦା, “ନିଃ ମିଆଁଦ୍ ବେଗାର୍ ଚିହ୍ନାଁ ହଡ଼, ଚିନାଃକ କାଜି ନାଜ୍ ସାନାଜ୍‌ତାନାଏ ?” ଏଗାଃକ କାଜିକେଦା, “ଏଗାଃ କା ସାରିକାନ୍ ବଜାକଆଃ ବିଷାଏରେ ଇନିଃ ଉଦୁବ୍‌ତାନ୍ ଲେକାଏ ଆଟ୍‌କାରଃତାନା ।” ଇନ୍କୁ ନେ ଲେକା କାଜିକେଦାକ ଚିଆଃଟି ଇନିଃ ଯୀଶୁ ଆତଃ ଆୟାଃ ଜାଉବିନିରିଦ୍ ବିଷାଏରେୟାଃ ସୁକୁକାଜିକେ ଉଦୁବ୍‌ତାଇକେନା । ^{୧୯} ଏନାମେନ୍ତେ ଇନ୍କୁ ପାଉଲୁସ୍‌କେ ସାବ୍‌ଇଦିକିୟାକ ଆତଃ ଏରିୟପାଗସ୍ ନୁତୁମ୍ ନାଗାର୍‌ରେୟାଃ ପାଞ୍ଚେଟ୍‌ତେ ଆଉକେଦତେ କାଜିକିୟା, “ଆବେନ୍ ଅକ ନାଖା ଇନିତୁ ବିଷାଏରେ କାଜିତାନାବେନ୍, ଏନ୍ ବିଷାଏରେ ଆଲେ ସାରି ନାଗେନ୍ତେଲେ ସାନାଜ୍‌ତାନା । ^{୨୦} ଆବେନ୍ କାଜିତାନ୍ ଚିମିନ୍ କାଜିକ ଆଲେକେ ଆକ୍‌ଚାକାଅଲେ ତାନା । ଆଲେ ଏନାରେୟାଃ ମୁଣ୍ଡି ସାରି ନାଗେନ୍ତେଲେ ସାନାଜ୍‌ତାନା ।” ^{୨୧} ଏଥେନ୍‌ସ୍‌ରେନ୍ ହଡ଼କ ଆତଃ ଏନ୍ତାଃରେ ତାଇନ୍‌ତାନ୍ ଏଗାଃ ଦିଶୁମ୍‌ରେନ୍ ହଡ଼କ ନାଖା ବିଷାଏ ଆୟୁମ୍ ନାଗେନ୍ତେ ଆତଃ କାଜି ନାଗେନ୍ତେ ପୁରାଃ ବୁଗିନ୍ ଆଟ୍‌କାର୍‌କ ତାଇକେନା । ନେଆଁରେ ଇନ୍କୁ ପୁରାଃ ନେଡା ବିତାଅ ତାଇକେନାକ ।

^{୨୨} ପାଉଲୁସ୍ ନାଗାର୍‌ରେୟାଃ ଏରିୟପାଗସ୍ ନୁତୁମ୍ ପାଞ୍ଚେଟ୍ ଆୟାର୍‌ରେ ତିକ୍‌ୟାନା ଆତଃ କାଜିକେଦାଏ, “ଏଥେନ୍‌ସ୍‌ରେନ୍ ମାଇନାନ୍‌କ, ଆପେ ପୁରାଃଟି ଧାର୍‌ମାନ୍ ହଡ଼କ ଲେକାପେ ଆଟ୍‌କାରଃତାନା, ଏନାଇଜ୍ ନେଲ୍‌ପେ ତାନା । ^{୨୩} ଚିୟାଃଟି ଆଇଜ୍ ଆପେୟାଃ ନାଗାର୍‌ରେ ହରାସେନ୍ ତାଇକେନ୍ ଇମ୍‌ତା, ମିଆଁଦ୍ ଦାଣେଁ ରାକାବ୍ ଠାୟାଦ୍ ନେଲ୍‌କେଦାଈଜ୍, ଏନାରେୟାଃ ବେଦି ତେତାନ୍‌ରେ ‘ମିଆଁଦ୍ କା ସାରି ପାର୍‌ମେଶ୍ୱାର୍‌ଆଃ ବିଷାଏରେ’ ଅଲ୍‌କାନ୍ ତାଇକେନା । ଆପେ ବେଗାର୍ ସାରିକେଦତେ ଅକ୍‌ନିଃକେ ସେଖାତାନାପେ, ନାହାଃ ଆୟାଃ କାଜି ଆପେତାଃରେଇଜ୍ ଉଦୁବ୍‌ତାନା । ^{୨୪} ପାର୍‌ମେଶ୍ୱାର୍ ଅତେଦିଶୁମ୍ ଆତଃ ଏନାରେ ତାଇକାନ୍ ସବେନ୍ ବିଷାଏ ବାଇକେଦାଏ । ଇନିଃ ସିମାଁ ଆତଃ ଅପେରେନ୍ ପ୍ରାଭୁ ତାନିଃ । ହଡ଼କ ବାଇକାଦ୍ ମାନ୍‌ଦିଅଡ଼ାଃକରେ ଇନିଃ କାଏ ତାଇନାଃ । ^{୨୫} ଆବୁ ଆୟାଃ ନାଗେନ୍ତେ କାମିକେଦତେ ଆଇଃକକେ ଏମ୍ ଦାଡ଼ିୟାନ୍ ଏନ୍‌ଲେକା ଜେଡ଼ନାଃ କାଏ ସାନାଜ୍‌ଆଃ, ଚିୟାଃଟି ଇନିଃ ସବେନ୍‌କକେ ଜାଦାନ୍, ସାହେଦ୍ ଆତଃ ଆବୁଆଃ ସବେନ୍ ଲାଗାତିଜ୍‌ତେୟାଃ ଏମାଃଏ । ^{୨୬} ମିଆଁଦ୍ ମାନଖାତାଃଏତେ ଇନିଃ ସବେନ୍ ହଡ଼କକେ ବାଇୟାକାଦ୍‌କଆ ଆତଃ ଆୟାଃ ଆନାଟୁ ଲେକାତେ ଇନ୍କୁ ଅତେରେୟାଃ ସବେନ୍‌ଡ଼ାଃରେ ମୋନାକଆ । ଅକ ନେଡାରେ, ଅକଏ ଅକ ଠାୟାଦ୍‌ରେ ତାଇନା, ଏନା

* ୧୭:୨୪ ୧୭:୨୪ ପ୍ରେରିତ୍ ୭:୪୮.

ମୁନୁଏତେ ପାର୍ବମେଶ୍ୱାର୍ ଠାହାରାଅକାଦାଏ । ୨୭ ସବେନ୍ ହଡକ ଢେଲେକା ଆଇଃକକେ ଦାଣ୍ଟାନାମ୍ ଦାଡ଼ିୟାଃକ, ଏନା ଆୟାଃ ଉଦେଶ୍ ତାଇକେନା । ଏନ୍ରେୟ ପାର୍ବମେଶ୍ୱାର୍ ଆବୁତାଃଏତେ ଜେତାଏୟାଃ ସାଜିନ୍ରେ ବାଜାଈୟା । ୨୮ ଏନ୍ ବିଷାଏରେ ଜେତାଏ ମିହୁଡ୍ କାଜିକାଦାଏ,

“ଆୟାଃତାଃରେଚି ଆବୁଆଃ ଜୀଦାନ୍ରେୟାଃ ଜୀହୁଦଃ, ଆସୁଲଃ, ଆତଃ କାମି ଉଦାମ୍ ମେନାଃ ।”

ଆପେୟାଃ ଦୁରାଙ୍ଗ୍ ଅନଲୁକଏତେ ଚିମିନ୍ ହଡକ କାଜିକାଦା,

“ଆବୁ ଆୟାଃ ହନ୍କ ତାନ୍ତୁ ।

୨୯ ଆବୁ ପାର୍ବମେଶ୍ୱାର୍ଆଃ ହନ୍କ ହବାକାନ୍ ହରାତେ, ଆବୁ ପାର୍ବମେଶ୍ୱାର୍ଆଃ ଲେକାନ୍ ସଭାବ୍ବେକେ ସୋନା, ରୁପା ଚାଏ ଦିରିତେ ବାଇୟାକାନ୍ ମୁରୁଡ୍ଲଃ କାବୁ ଜକା ଦାଡ଼ିୟା । ୩୦ ହଡକ ପାର୍ବମେଶ୍ୱାର୍ବକେ କାକ ସାରିକାଇ ନେତାରେ ଜନିଃ କାଏ ଚିଟାକାକ ତାଇକେନା, ମେନ୍ଦ ନାହାଁଃ ଜନିଃ ସବେନ୍ ହଡକକେ ଆକଆଃ ପାଏ ହରାଏତେ ମନ୍ରୁହାଡ୍ ନାଗେନ୍ତେ ଆଚୁକତାନା । ୩୧ ଚିୟାଃଚି ଜନିଃ ମୁସିଙ୍ଗ୍ ହୁଲାଙ୍ଗ୍ବେକେ ଠାହାରାଅକାଦା । ଏନ୍ ହୁଲାଙ୍ଗ୍ବେକେ ଜନିଃ ଆୟାଃ ସାଲାକାନ୍ ହଡକଆଃ ହରାତେ ଗଟା ଅତେଦଶ୍ୱମ୍ରେନ୍ ହଡକକେ ନ୍ୟାୟ ବିଚାରକଆ । ଏନ୍ ହଡକେ ଗନ୍ଏଃହେତେ ଜୀଉବିରିଦ୍କାଇ ହରାତେ ଜନିଃ ନେ କାଜିରେୟାଃ ସାନାର୍ତିକେ ସବେନ୍କକେ ଉଦୁବ୍କାଦକଆ ।”

୩୨ ପାଉଲୁସ୍ତାଃଏତେ ଗନ୍ଏଃରେୟାଃ ଜୀଉବିନିରିଦ୍ ବିଷାଏରେ ଆୟୁମ୍ବେଦ୍ବେତେ ଜନ୍କୁଏତେ ଚିମିନ୍ ହଡକ ଜନିଃକେକ ଲାହାକିୟା, ମେନ୍ଦ ଏଟାଃକ କାଜିକେଦାକ, “ଆବେନ୍ତାଃଏତେ ନେ ବିଷାଏରେ ଆତଃମିସା ଆୟୁମ୍ ନାଗେନ୍ତେଲେ ସାନାଙ୍ଗ୍ତାନା ।” ୩୩ ନେଆଁ କାଜିକେଦ୍ବେତେ ପାଉଲୁସ୍ ପାଞ୍ଚେବ୍ବଏତେ ସେନଃୟାନାଏ । ୩୪ ଦିୟନ୍ସିୟ ନୁଡୁମ୍ ପାଞ୍ଚେବ୍ବରେନ୍ ମିଆଁଦ୍ ହଡ, ଦାମାରା ନୁଡୁମ୍ ମିଆଁଦ୍ କୁଡ଼ି ଆତଃ ଚିମିନ୍ ହଡକ ବିଶ୍ୱାସ୍ବେକେଦାକ ଆତଃ ଆୟାଃଲଃ ମେସାୟାନାକ ।

୧୮

କରିନ୍ତି ନାଗାର୍ରେ ପାଉଲୁସ୍ଆଃ କାମି

୧ ନେଆଁ ତାୟମ୍ବେତେ ପାଉଲୁସ୍ ଏଥେନ୍ସ୍ ନାଗାର୍ ବାଗିକେଦ୍ବେତେ କରିନ୍ତି ନାଗାର୍ରେତେ ସେନଃୟାନା । ୨ ଏନ୍ତାଃରେ ଜନିଃ ପନ୍ସ୍ ପାର୍ଗାନ୍ରେ ଜାନାମାକାନ୍ ଆକ୍ଲିଲ ନୁଡୁମ୍ ମିଆଁଦ୍ ଯିହୁଦୀ ହଡକେ ନାମ୍ବିୟା । ରୋମିରେନ୍ ହାକିମ୍ କ୍ଲାଇଡିଆ ସବେନ୍ ଯିହୁଦୀକକେ ରୋମ୍ ନାଗାର୍ ବାଗି ନାଗେନ୍ତେ ଆଚୁକାଦ୍ବେକ ତାଇକେନ୍ ହରାତେ ଜନିଃ ଚିମିନ୍ ମାହାଁ ତାୟମ୍ବେତେ ଆୟାଃ କୁଡ଼ି ପ୍ରିସକିଲାଲଃ ଜଟାଲି ନାଗାର୍ରେହେତେ ହିଜୁଆକାନ୍ ତାଇକେନା । ପାଉଲୁସ୍ ଜନ୍କୁକେ ନେନେଲ୍ ନାଗେନ୍ତେ ସେନଃୟାନା, ୩ ଆତଃ ଜନ୍କୁଲଃ ତାଇକେଦ୍ବେତେ ଏନ୍ତାଃରେ କାମିକେଦା, ଚିଆଃଚି ଜନିଃହରି ଜନ୍କୁ ଲେକା କୁମ୍ବା ବାବାଜରେ କାମିକେଦ୍ବେତେ ଜୀହୁଦଃ ତାଇକେନା । ୪ ଯିହୁଦୀ ଆତଃ ଗ୍ରୀକ୍ ହଡକଆଃ ମନ୍ରେ ବିଶ୍ୱାସ୍ ହବାଆଃ ନାଗେନ୍ତେ ସବେନ୍ ରୁଡୁ ହୁଲାଙ୍ଗ୍ବେକେ ଜନିଃ ସାମାଜ୍ ଅଡ଼ାଃକରେ ଜାଗାର୍ତାନ୍ ତାଇକେନା ।

୫ ସିଲାସ୍ ଆତଃ ତାମଥ୍ ମାକିଦନିଆଏତେକିନ୍ ରୁହାଡ୍ୟାନ୍ ତାୟମ୍ବେତେ ପାଉଲୁସ୍ ଯିହୁଦୀ ହଡକତାଃରେ ଯୀଶୁଆଃ ସୁକୁକାଜି ଉଦୁବ୍ବରେ ପୁରା ସାମାଏ ଏମ୍ବେଦାଏ, ଆତଃ ଯୀଶୁଗି ମାସି ତାନିଃ ମେନ୍ତେ ଗାଖ୍ ଏମ୍ବେଦା । ୬ ମେନ୍ଦ୍ ଜନ୍କୁ ଆୟାଃ କାଜିକେଗ୍ବେକ୍ ରିକାକେଦ୍ବେତେ ଆୟାଃ ବିଷାଏରେ ନିହାକାଜିକ କାଜିକେଦା । ଏନାତେ ଜନିଃ ଆୟାଃ ଲିଜାଃରେୟାଃ ଧୁଡ଼ି କଟାକେଦ୍ବେତେ ଜନ୍କୁକେ କାଜିକେଦ୍ବେକଆ, “ଆପେ ଜିୟନଃରେଦ୍ ଏନାରେୟାଃ ଦାୟୀ ଆପେୟାଃଚି ତାନାଃ, ଆଇଁୟାଃ ନାହାଁଲାଃ । ନାହାଁଃ ଆଇଙ୍ଗ୍ ସାଅଁସାର୍ ହଡକତାଃତେଇଙ୍ଗ୍ ସେନଃଆ ।” ୭ ଏନାତେ ଜନିଃ ଜନ୍କୁକେ ବାଗିକେଦ୍ବେତେ ପାର୍ବମେଶ୍ୱାର୍ବକେ ବରଭାକ୍ତତାନ୍ ତିତସ୍ ଜୁସ୍ବ ନୁଡୁମ୍ ମିଆଁଦ୍ ସାଅଁସାର୍ ହଡକଆଃ ଅଡ଼ାଃରେ ତାଇନଃ ନାଗେନ୍ତେ ସେନଃୟାନା । ଜୁସ୍ବସ୍ଆଃ ଅଡ଼ାଃ ସାମାଜ୍ ଅଡ଼ାଃ ନାଡ଼େଃରେ ତାଇକେନା । ୮ ସାମାଜ୍ଅଡ଼ାଃରେନ୍ ଆଗୁଆଇ କ୍ରୀଷ୍ଟ୍ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକ ପ୍ରାଭୁତାଃରେ ବିଶ୍ୱାସ୍ବେକେଦାକ ଆତଃ କରିନ୍ତିରେନ୍ ଆତଃଚି ପୁରାଃ ହଡକ ପାଉଲୁସ୍ଆଃ ଜନିତୁ ଆୟୁମ୍ବେଦ୍ବେତେ ବିଶ୍ୱାସ୍ବେକେଦାକ ଆତଃ ବାପ୍ଟିସ୍ମା ଇଦିକେଦାକ ।

୯ ମିଆଁଦ୍ ନିଦାରେ ପାଉଲୁସ୍ ଦାର୍ଗାନ୍ ନାମ୍ବେଦାଏ, ଦାର୍ଗାନ୍ରେ ପ୍ରାଭୁ ଜନିଃକେ କାଜିକିୟା, “ଆଲମ୍ ବରଏୟା, ବାଚାନ୍ ଉଦୁବ୍ବକାତେମ୍, ଏନାକେ ଆଲମ୍ ବାଗିୟା, ୧୦ ଚିଆଃଚି ଆଇଙ୍ଗ୍ ଆମାଃଲଃ ମେନାଈୟାଃ । ଜେତାଏ ଆମାଃ କାକ ନକ୍ସାନ୍ ଦାଡ଼ିୟା, ଚିଆଃଚି ନେ ନାଗାର୍ରେ ଆଇଁୟାଃ ପୁରାଃ ହଡକ ମେନାକଆ ।” ୧୧ ଏନାତେ ପାଉଲୁସ୍ ଏନ୍ତାଃରେ ପାର୍ବମେଶ୍ୱାର୍ଆଃ ବାଚାନ୍ ଇଡୁକେଦ୍ବେତେ ମିଦ୍ ବାରାସ୍ ତୁରିୟା ମାହ୍ ନା ତାଇନ୍ୟାନାଏ ।

୧୭ ଗାଲିଲୟୋ ଆଖାୟା ପାର୍ଗାନ୍ରେନ୍ ରୋମାନ୍ ଲାଟ୍‌ସାହେଦ୍ ତାଇକେନ୍ ଇମ୍ତା, ଯିହୁଦୀକ ମିଦ୍‌ତାଃରେ ହୁଣ୍ଡିକେଦ୍‌ତେ ପାଉଲୁସ୍‌କେ ସାବ୍‌କେଦ୍‌ତେ କାଚାଈରିତେକ ଇଦିକିୟା । ୧୩ ଇନ୍‌କୁ କାଜିକେଦାକ, “ନେ ହଡ୍ ଆନ୍‌ରୁ ବିରୁଧ୍‌ରେ ପାର୍‌ମେଶ୍‌ବରକେ ବରତାଲ୍ଲି ନାଈ ହଡ୍‌କକେ ଉସ୍‌କୁରକତାନା ।”

୧୪ ପାଉଲୁସ୍‌ କାଜିରୁହାଡ୍, ନାଈ ସାନାଈ ତାଇକେନ୍ ଇମ୍ତା, ଗାଲିଲୟୋ ଯିହୁଦୀ ହଡ୍‌କକେ କାଜିକେଦକଥା, “ନେଆଁରେ ଜେତାନ୍ ଗୁଣ୍ଡାଁ ଚାଏ ଏଡ୍‌କାନ୍ କାମି କାମିକାଦ୍‌ରେଦ୍, ଏ ଯିହୁଦୀ ହଡ୍‌କ, ଆଇଈ ଧିରାଜ୍‌ରେ ଆପେୟାଃ କାଜି ଆୟୁମ୍‌ତେୟାଃ ଆଇଁୟାଃ ନାଈ ବୁଗିନାଃ ହବାଅଃଆ ।

୧୫ ମେନ୍‌ଦ୍ ନେ କାପ୍‌ଜି ଆପେୟାଃ ଆପ୍‌ନାଃ କାଜି, ନୁତୁମ୍ ଆତଃ ଆନ୍‌ରୁ ବିଷାଏରେୟାଃ ଏସ୍‌କାଚ୍ ତାନାଃ, ଏନାତେ ଆପେ ଆପେଗି ବିଚାରରେପେ, ଆଇଈ ନେଲେକାନ୍ ବିଷାଏ କାଈଈ ବିଚାରାଃ ।” ୧୬ ନେଆଁ କାଜିକେଦ୍‌ତେ ଇନିଃ ଇନ୍‌କୁକେ କାଚାଈରିହେତେ ହାରଅଡ୍‌କେଦକଥା । ୧୭ ଇନ୍‌କୁ ସାମାଜ୍‌ଅଡ଼ାଃରେନ୍ ଆଗୁଆଇ ସସ୍ତେନ୍‌ସକେ ସାବ୍‌କେଦ୍‌ତେ କାଚାଈରି ଆୟାର୍‌ରେକ ଦାଲ୍‌କିୟା । ମେନ୍‌ଦ୍ ଗାଲିଲୟୋ ଏନ୍ ବିଷାଏରେ ଜେଡ୍‌ନାଃ କାଏ ଉଡ୍‌ଖୁକେଦା ।

ସିରିୟା ଆନ୍ତ୍ରୟୋଖ୍‌ତେ ରୁହାଡ୍

୧୮ ମେନ୍‌ଦ୍ ପାଉଲୁସ୍‌ କରନ୍ତ୍ରିରେନ୍ ବିଶ୍ୱାସୀ ହାଗା ମିଗିକଲଃ ପୁରାଃ ମାହାଁ ଜାକେଦ୍ ତାଇକେନାଏ । ଏନ୍ତେ ଇନ୍‌କୁ କେଲ୍‌କେୟାଏତେ ଦାଆଃ ଜାହାଜ୍‌ରେ ସେନଃ ସିଦାରେ ଆୟାଃ କିରିୟାକାଦ୍ ଲେକାଗି ଇନିଃ ଆୟାଃ ବହଃରେୟାଃ ଉଦ୍ ଠାରୁୟାନାଏ ।* ଏନ୍ତେ ବିଶ୍ୱାସୀକକେ ବାଗିକେଦ୍‌ତେ ପ୍ରିସ୍‌କିଲ୍ଲା ଆତଃ ଆକ୍‌ଲାଇଃ ସିରିୟା ପାର୍ଗାନ୍‌ତେ ଦାଆଃ ଜାହାଜ୍‌ରେକ ସେନଃୟାନା । ୧୯ ଇନ୍‌କୁ ଏଫିସୁସ୍‌ତେ ତେବାଃୟାନ୍ ତାୟମ୍‌ତେ ପାଉଲୁସ୍‌, ପ୍ରିସ୍‌କିଲ୍ଲା ଆତଃ ଆକ୍‌ଲାଇକେ ବିଦାକେଦ୍‌ତେ, ଇନିଃ ଏନ୍ତାଃରେ ସାମାଜ୍‌ ଅଡ଼ାଃତେ ସେନ୍‌କେଦ୍‌ତେ ଯିହୁଦୀ ହଡ୍‌କଲଃ ଜାଗାଚ୍‌କେଦା । ୨୦ ହଡ୍‌କ ଇନିଃକେ ଆତଃଗି ପୁରାଃ ମାହାଁ ତାଇନ୍ ନାଗେନ୍ତେକ କାଜିକିୟା, ମେନ୍‌ଦ୍ ଇନିଃ କାଏ ମାନାଡିଈୟାନା । ୨୧ ବିଦାଅଃତାନ୍ ଇମ୍ତା ଇନିଃ ଇନ୍‌କୁକେ କାଜିକେଦକଥା, “ପାର୍‌ମେଶ୍‌ବରଆଃ ଇଛାସାନାଈ ତାଇନଃରେଦ୍, ଆଇଈ ଆପେତାଃତେଇଈ ହିଜୁଃ ରୁହାଡ଼ା ।” ଏନ୍ତେ ଇନିଃ ଏଫିସୁସ୍‌ତାଃଏତେ ଦାଆଃ ଜାହାଜ୍‌ରେ ସେନଃୟାନା ।

୨୨ ଇନିଃ କାଈସିରିୟାତେ ସେଟେରକେଦ୍‌ତେ ଏନ୍ତାଃଏତେ ଯୀରୁଶାଲେମ୍‌ତେ ସେନଃୟାନା ଆତଃ କାଲିସିୟାରେନ୍ ହଡ୍‌କକେ ଜହାରକେଦ୍‌ତେ ଆନ୍ତ୍ରୟୋଖ୍‌ତେ ସେନଃୟାନା । ୨୩ ଏନ୍ତାଃରେ ଇନିଃ ଚିମିନ୍‌ଦିନ୍ ତାଇନ୍‌କେଦ୍‌ତେ ଗାଲାଡିୟ ଆତଃ ଫୁଗିଆଃ ପାର୍ଗାନ୍ ହରାତେ ସେନଃୟାନା ଆତଃ ହରାରେ ବିଶ୍ୱାସୀକକେ ଆକଆଃ ବିଶ୍ୱାସରେ ପେଡେୟାଃ ନାଗେନ୍ତେ ସବେନ୍‌କକେ ଉସ୍‌କୁରକେଦକଥା ।

ଏଫିସୁସ୍‌ ଆତଃ କରନ୍ତ୍ରିରେ ଆପୋଲୋ

୨୪ ଏନ୍ ଦିପିଲିରେ ଆଲେକଜାଣ୍ଡ୍ରିଆ ନାଗାରରେ ଜାନାମାକାନ୍ ଆପୋଲୋ ନୁତୁମ୍ ମିଆଁଦ୍ ଯିହୁଦୀ ଏଫିସୁସ୍‌ତେ ହିଜୁଃୟାନା । ଇନିଃ ମିଆଁଦ୍ ପୁରାଃ ବୁଗିନ୍ କାଜି ଦାଡିନିଃ ଆତଃ ଧାରାମ୍‌ପୁଅରେ ଆୟାଃ ପୁରାଃ ସେଣ୍ଡାତାଇକେନା । ୨୫ ଇନିଃ ପ୍ରାଭୁଆଃ ହରା ବିଷାଏରେ ଇତୁଆକାନାଏ ତାଇକେନା ଆତଃ ପୁରାଃ ଆମ୍‌ରେ ଚିହ୍ନିଲ୍‌ତେ ଯାଶୁଆଃ ବିଷାଏରେ ସାର୍‌ତତିତେ ଇତୁ ତାଇକେନା । ମେନ୍‌ଦ୍ ଇନିଃ ଯୋହାନ୍‌ଆଃ ବାପ୍ତିସ୍ମା ବିଷାଏରେ ଏସ୍‌କାଚ୍ ସାରିକାଦ୍ ତାଇକେନାଏ । ୨୬ ସାମାଜ୍‌ ଅଡ଼ାଃକରେ ଇନିଃ ବେଗାଚ୍ ବରତେ ଇତୁ ଏଟେଃକେଦକଥା । ଆୟାଃ ଇନିଃ ଆୟୁମ୍‌କେଦ୍‌ତେ ପ୍ରିସ୍‌କିଲ୍ଲା ଆତଃ ଆକ୍‌ଲାଇ ଇନିଃକେ ଆକିନାଃ ଅଡ଼ାଃତେ ଇଦିକିୟାକିନ୍ ଆତଃ ଏନ୍ତାଃରେ ଇନିଃକେ ପାର୍‌ମେଶ୍‌ବରଆଃ ହରା ବିଷାଏରେ ପୁରାଃ ଠାଉକା ଲେକାତେ ଉଦ୍‌ବୁଦ୍‌କିୟାକିନ୍ । ୨୭ ଏନ୍ତେ ଆପୋଲୋ ଆଖାୟା ପାର୍ଗାନ୍‌ତେ ସେନଃ ସାନାଈ ତାଇକେନ୍ ହରାତେ, ଏଫିସୁସ୍‌ରେନ୍ ବିଶ୍ୱାସୀକ ଇନିଃକେ ଦେଈକିୟାକ ଆତଃ ଇନିଃକେ ସ୍ୱକୁତେ ଦାରମ୍ ନାଗେନ୍ତେ କାଜିତାନ୍‌ଲଃ ଆଖାୟାରେନ୍ ବିଶ୍ୱାସୀକକେ ଚିଟାଉ ଅଲ୍ଲାଦକଥା । ଇନିଃ ଏନ୍ତାଃତେ ସେଟେରକେଦ୍‌ତେ ପାର୍‌ମେଶ୍‌ବରଆଃ ସାୟାଦ୍‌ତେ ବିଶ୍ୱାସୀ ହବାକାନ୍ ହଡ୍‌କକେ ପୁରାଃଗି ଦେଈକେଦକଥା । ୨୮ ଯୀଶୁ ମାସି ତାନିଃ ମେନ୍ତେ, ଆୟାଃ କେଟେୟାନ୍ କାପ୍‌ଜି ହରାତେ ଧାରାମ୍‌ପୁଅଏତେ ସାବୁଦେତାନ୍‌ଲଃ ଉଦ୍‌ବୁଦ୍‌ତାନ୍ ଇମ୍ତା ଇନିଃ ଯିହୁଦୀକକେ ହାରାଅକେଦକଥା ।



ଏଫିସୁସ୍‌ରେ ପାଉଲୁସ୍‌

* ୧୮:୧୮ ଯିହୁଦୀ ହଡ୍‌କଆଃ ବହଃରେୟାଃ ଉଦ୍ ଠାରୁତେୟାଃ, କିରିୟାକାଦ୍‌ତେୟାଃ ମାନାଡିଈରାଃ ଚିହ୍ନାଁ ତାନାଃ

୧ ଆପୋଲୋ କରିନ୍ଥୀରେ ତାଙ୍କକେନ୍ ଇମ୍ବତା, ପାଉଲୁସ୍ ସିଙ୍ଗିତୁରଝସାଃ ପାର୍ଗାନ୍ଦକରେ ହରାସେନ୍ଦାନଲଃ ଏଫିସୁସ୍ତେ ସେଟେରୟାନା । ଏନ୍ତାଃରେ ଇନିଃ ତିମିନ୍ ଚେଲକଲଃ ନାପାମୟାନା ।
 ୨ ଆତଃ କୁଲିକେଦକଆ, “ଆପେ ବିଶ୍ୱାସୀ ହବାୟାନ୍ ଇମ୍ବତା ତିନାଃ ପାବିତାର୍ ଆମ୍ବାକେପେ ନାମକିୟା ?” ଇନକୁ କାଜିରୁହାଡ଼କିୟାକ, “ପାବିତାର୍ ଆମ୍ବା ମେନ୍ତେ ଜେତାଏ ମେନାଇୟା, ନେ କାଜିୟ ଆଲେ କାଲେ ଆୟୁମକାଦା ।”

୩ ପାଉଲୁସ୍ କୁଲିକେଦକଆଏ, “ତାଦ୍, ଆପେ ଅକ ଲେକାନ୍ ବାପ୍ରିସ୍ତା ଇଦିକାଦାପେ ?” ଇନକୁ କାଜିରୁହାଡ଼କିୟାକ, “ଯୋହାନ୍ଆଃ ବାପ୍ରିସ୍ତାରେ ।”

୪ ପାଉଲୁସ୍ କାଜିକେଦକଆଏ, “ଅକ ହଡ଼କ ପାପହେତେ ହେୟାତିଙ୍ଗ ତାଜକେନାକ, ଯୋହାନ୍ଆଃ ବାପ୍ରିସ୍ତା ଇନକୁ ନାଗେନ୍ତେ ଲାଗାତିଙ୍ଗ ତାଜକେନା । ମେନ୍ଦ୍ ଆୟାଃ ତାୟମ୍ତେ ଅକଏ ହିଜୁଃରାଃ ତାଜକେନା, ଇନିଃତାଃରେ ତାଏ ଯାଶୁତାଃରେ ବିଶ୍ୱାସ୍ ରିକା ଲାଗାତିୟାଃ ମେନ୍ତେ ଯୋହାନ୍ ଇସ୍ରାଏଲ୍ ହଡ଼କକେ କାଜିକାକ ତାଜକେନା ।”

୫ ନେଆଁ ଆୟୁମକେଦ୍ତେ ଇନକୁ ପ୍ରାଭୁ ଯାଶୁଆଃ ନୁତୁମ୍ତେକ ବାପ୍ରିସ୍ତାୟାନା । ୬ ପାଉଲୁସ୍ ଇନକୁଆଃ ଚେତାନରେ ତିଃଇ ଦହକେଦାଏ ଆତଃ ପାବିତାର୍ ଆମ୍ବା ଇନକୁ ଚେତାନରେ ଆଡ଼ଗୁୟାନା । ଇନକୁ ରାକାମ୍ ରାକାମ୍ ଜାଗାର୍ତେ କାଜିକେଦାକ ଆତଃ ପାର୍ମେଶ୍ୱାର୍ଆଃ କାନାଜିକ ଉଦୁବକେଦା । ୭ ଇନକୁ ସବେନ୍ ଗେଲ୍ବାର୍ ହାଗାକ ତାଜକେନା ।

୮ ପାଉଲୁସ୍ ଆପି ଚାଣ୍ଡୁ* ଜାକେଦ୍ ସାମାଜ୍ ଅଡ଼ାଃକରେ ବେଗାର୍ ବରତେ ହଡ଼କଲଃ ଜାଗାର୍ତାନଲଃ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ଇନକୁଆଃ ମନ୍ଦକରେ ବିଶ୍ୱାସ୍ ଉପଜାଅ ସାନାଜ୍କେଦାଏ । ୯ ମେନ୍ଦ୍ ଇନକୁଏତେ ତିମିନ୍ ହଡ଼କ କେଟେଦ୍ ମନ୍ଦରେନ୍ ତାଜକେନାକ, ଇନକୁ କାକ ବିଶ୍ୱାସ୍କେଦା । ଇନକୁ ଝୁଣ୍ଡରେନ୍ ସବେନ୍କଆଃ ସାମ୍ନାଜ୍ରେ ପ୍ରାଭୁଆଃ ହରା ବିଷାଏରେ ଏଡ଼କାନ୍ କାଜିକ କାଜିକେଦା । ଏନାତେ ପାଉଲୁସ୍ ଇନକୁକେ ବାଗିକେଦକଆ ଆତଃ ବିଶ୍ୱାସୀକକେ ଇଦିକେଦ୍ତେ ସବେନ୍ ହୁଲାଇଁ ତିରାନସ୍ ନୁତୁମ୍ ଇତୁନ୍ ଅଡ଼ାଃତାଃରେ ଜାଗାର୍ତାନ ତାଜକେନା । ୧୦ ବାର୍ ସିମ୍ବା ଜାକେଦ୍ ନେଆଁ ହବାୟାନା । ଏସିଆ ପାର୍ଗାନ୍ରେ ତାଜକେନା ପୁରାଃ ଯିହୁଦୀ ଆତଃ ସାଅଁସାର୍ ହଡ଼କ ପ୍ରାଭୁଆଃ ବାଗାନ୍ ଆୟୁମକେଦାକ ।

ସ୍ୱେବାରାଃ ହନ୍ଦକ

୧୧ ପାର୍ମେଶ୍ୱାର୍ ପାଉଲୁସ୍ଆଃ ହରାତେ ମାପରାଙ୍ଗ୍ ଆକ୍ଦାନ୍ଦାଅ କାମିକଏ ରିକାକେଦା । ୧୨ ନେଲେକାତି ପାଉଲୁସ୍ ସାବାକାଦ୍ ରୁମାଲ୍ ଆତଃ ଲିଜାଃକ ବେମାର୍ ହଡ଼କତାଃତେ ଇଦିୟାଃରେ ଇନକୁ ବୁରିୟାଃ ତାଜକେନାକ ଆତଃ ଇନକୁଆଃ ହଡ଼କଏତେ ଏଡ଼କାନ୍ ଆମ୍ବାକ ଅଡ଼କଆଃ ତାଜକେନା । ୧୩ ତିମିନ୍ ହନରୁବାଡ଼ାତାନ୍ ଯିହୁଦୀ ହଡ଼କହଗି ପ୍ରାଭୁ ଯାଶୁଆଃ ନୁତୁମ୍ ସାବକେଦ୍ତେ ବଜା ହାରଅଡ଼କ୍ ନାଜ୍ ସାନାଜ୍କେଦାକ । ଇନକୁ ଏଡ଼କାନ୍ ଆମ୍ବାକକେ କାଜିକ ତାଜକେନାକ, “ପାଉଲୁସ୍ ଉଦୁବତାନ୍ ଯାଶୁଆଃ ନୁତୁମ୍ତେ ଆଇଙ୍ଗ୍ ଆମ୍ବକେ ଆତୁମେତାନା ।” ୧୪ ସ୍ୱେବା ନୁତୁମ୍ ମିଆଁଦ୍ ଯିହୁଦୀ ମାରାଜ୍ ଯାଜାକଆଃ ଏୟା କଡ଼ା ହନ୍ଦକ ଏନ୍ଲେକାକ କାମିତାଜକେନା ।

୧୫ ମେନ୍ଦ୍ ଏଡ଼କାନ୍ ଆମ୍ବା ଇନକୁକେ କାଜିକେଦକଆ, “ଆଇଙ୍ଗ୍ ଯାଶୁକେଇଙ୍ଗ୍ ସାରିୟା ଆତଃ ପାଉଲୁସ୍ଆଃ ବିଷାଏରେଇଙ୍ଗ୍ ସାରିୟା, ମେନ୍ଦ୍ ଆପେ ଅକଏ ତାନପେ ?”

୧୬ ଏଡ଼କାନ୍ ଆମ୍ବାତେ ଏସେରେକାନ୍ ହଡ଼, ଇନକୁକେ ପୁରାଃ ପେଡ଼େଃଲଃ ସାବକେଟେଦ୍କେଦ୍ତେ ଆପୁଇଃତାନ୍ ଇମ୍ବତା ଇନକୁଆଃ ଲିଜାଃକ ଚାଗାଡ଼ୟାନା ଆତଃ ଇନକୁଆଃ ହଡ଼କମରେ ଘାଅବାଡ଼ାକେଦ୍ତେ ଇନିୟାଃ ଅଡ଼ାଃଏତେ ନିରୟାନାକ । ୧୭ ଏଫିସୁସ୍ରେ ତାଜକେନାନ୍ ସବେନ୍ ଯିହୁଦୀ ଆତଃ ସାଅଁସାର୍ ହଡ଼କ ନେ ବିଷାଏ ଆୟୁମକେଦ୍ତେ ବରତେ ପେରେଃୟାନାକ ଆତଃ ଏନ୍ତାଃରେ ପ୍ରାଭୁ ଯାଶୁଆଃ ନୁତୁମ୍ ଆତଃଗି ପୁରାଃତେ ମାଜନ୍ୟାନା । ୧୮ ବିଶ୍ୱାସୀକଏତେ ପୁରାଃ ହଡ଼କ ହିଜୁଃକେଦ୍ତେ ଆକଆଃ ଏଡ଼କାନ୍ କାମିକ ରିକାକାଦ୍ତେୟାଃ ହଡ଼କଆଃ ସାମ୍ନାଜ୍ରେକ ମାନାତିଙ୍ଗୟାନା ଆତଃକ ଉଦୁବକେଦା । ୧୯ ଦେଅଁଶାକାମି ରିକାତାନକଏତେ ପୁରାଃ ହଡ଼କ ଆକଆଃ ପୁଅକ ଆଡ଼ ହୁଣ୍ଡିକେଦ୍ତେ ହଡ଼କଆଃ ସାମ୍ନାଜ୍ରେକ ଆଣ୍ଡକେଦା । ଇନକୁଆଃ ପୁଅକରାଃ ଗନଙ୍ଗ୍ ଲେକାକେଦ୍ତେ ବାର୍ହସି ଗେଲ୍ ହାଜାର୍ ରୁପା ସିକା ହବାୟାନା । ୨୦ ନେଲେକାତେ ପ୍ରାଭୁଆଃ ବାଗାନ୍ ପୁରାଃଗି ନିତିରୟାନା ଆତଃ ପୁରାଃତେ ପେଡ଼େଃଇଦିୟାନା ।

* ୧୯:୪ ୧୯:୪ ମାଥୁର ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଯୋହାନ୍ ୧:୨୭,୨୮. * ୧୯:୮ ୧୯:୮ ମାହଲ୍ ନା

ଏଫିସୁସରେ ହିସିଙ୍ଗା

୨୧ ନେଆଁ ସବେନ୍ ହବାୟାନ୍ ତାୟମତେ ପାଉଲୁସ୍ ମାକିଦନିଆ ଆତଃ ଆଖାୟା ହରାତେ ଯାରୁଶାଲେମତେ ସେନଃ ନାଙ୍ଗ୍ ମନ୍ରେ ଉହାଟ୍‌କେଦା । ଇନିଃ କାଜିକେଦାଏ, “ଏନ୍ତାଃତେ ସେନ୍ ତାୟମତେ ଆଇଙ୍ଗ୍ ଜାରୁଡ୍‌ଗି ରୋମ୍‌ତେହଗି ସେନାଇଙ୍ଗ୍ ।” ୨୨ ଏନାତେ ଇନିଃ ଆଇଃକ୍‌କେ ଦେଙ୍ଗାଈତାନ୍ ବାରାନ୍‌କିନ୍ ତାମଥ୍ ଆତଃ ଏରାଷ୍ଟ୍‌କେ ମାକିଦନିଆତେ କୁଲ୍‌କେଦ୍‌କିନା, ମେନ୍‌ଦ ଆଇଃକ୍‌ଗି ଏସିଆ ଦିଶ୍ଟୁମ୍‌ରେ ଆତଃଟିମିନ୍ ମାହାଁ ତାଇନ୍‌ୟାନାଏ ।

୨୩ ଏନ୍ ଦିପିଲିରେ ପ୍ରାଭୁଆଃ ହରା ବିଷାଏ ନାଗେନ୍ତେ ଏଫିସୁସରେ ପୁରାଃ ବରଝାନ୍‌ଗି ହାଲାଗୁଲା ହବାୟାନା । ୨୪ ଦିମିତ୍ରିୟ ନୁତୁମ୍ ମିଆଁଦ୍ ସୁନାରିହଡ୍ ଆର୍ତ୍ତେମୀ ମାହାପୁରୁଆଃ ରୁପାରାଃ ମାନ୍‌ର୍ ବାଇତାଇକେନାଏ, ନେ କାମିରେ କାମିତାଇକେନ୍ ହଡ୍‌କ ପୁରାଃଗି ଟାକା ପାଏସାକ ନାମେ ତାଇକେନା । ୨୫ ଏନାମେନ୍ତେ ଇନିଃ କାମିତାନ୍ ସବେନ୍ ହଡ୍‌କକେ ଆତଃ ଏନ୍ ଲେକାନ୍ କାମିତାନ୍ ଏତାଃସାଃରେନ୍ ହଡ୍‌କକେ ହାକାଅକେଦ୍‌ତେ କାଜିକେଦ୍‌କିଆ, “ମାଇନାନ୍‌କ, ନେ କାମିରେ ଆବୁ ସବେନ୍‌କ ପୁରାଃଗି ଟାକା ପାଏସାବୁ କାମିତାନା ଏନାଦପେ ସାରିତାନା । ୨୬ ନାହାଁଃ ନେ ହଡ୍ ପାଉଲୁସ୍ ଚିନାଃଏ ଚିକାଏତାନା, ଏନା ଆପେ ନେଲ୍ ଦାଡ୍‌ତାନାପେ ଆତଃ ଆୟୁମ୍ ଦାଡ୍‌ତାନାପେ । ଇନିଃ କାଜିତାନାଏ, ହଡ୍‌ଆଃ ଡିଃଇତେ ବାଇକାନ୍ ମାହାପୁରୁକ ମାହାପୁରୁ ନାହାଁଲାଇ, ଆତଃ ଇନିଃ ନେତାଃରେ ଏଫିସୁସ୍ ଆତଃ ପୁରା ଏସିଆ ପାର୍‌ଗାନ୍‌ରେ ପୁରାଃ ହଡ୍‌କକେ ନେ ବିଷାଏରେ କାଜିକତାନା । ୨୭ ଏନାତେ ଆବୁଆଃ କାମାନି ଜିୟନ୍‌କେନଃଆ, ଇମାନାଙ୍ଗ୍ ଏସ୍‌କାର୍ କାହାଗି, ମେନ୍‌ଦ ଅକ ମାହାପୁରୁ ଆର୍ତ୍ତେମୀକେ ଗଟା ଏସିଆରେ ଆତଃ ପୁରା ଅତେଦିଶ୍ଟୁମ୍‌ରେନ୍ ହଡ୍‌କ ବରଭାକ୍ତିତାନା, ଏନ୍ ପୁରାଃମାରାଙ୍ଗ୍ ଆର୍ତ୍ତେମୀ ମାହାପୁରୁଆଃ ମାନାରାଙ୍ଗ୍ କା ତାଇନା ଆତଃ ମାନ୍‌ର୍ ଜିୟନଃଆ, ଏନାରେୟାଃ ବରମେନାଃ ।”

୨୮ ଗାଦେଲ୍ ହଡ୍‌କ ନେଆଁ ଆୟୁମ୍‌କେଦ୍‌ତେ ଖୁସ୍‌ତେକ ପେରେଃୟାନା ଆତଃ କାଉରିକେଦ୍‌ତେ କାଜିକେଦାକ, “ଏଫିସୁସ୍‌ରେନ୍‌କଆଃ ଆର୍ତ୍ତେମୀ ମାହାପୁରୁଆଃ ମାରାଙ୍ଗ୍ ହବାଅଃକା ।” ୨୯ ନେ ହାଲାଗୁଲା ଗଟା ନାଗାର୍‌ରେ ନିତ୍‌ରେୟାନା । ଆତଃ ଗାଦେଲ୍ ହଡ୍‌କ ପାଉଲୁସ୍‌ଲଃ ହରାସେନ୍‌ତାନ୍ ମାକିଦନିଆରେନ୍ ଗାୟସ୍ ଆତଃ ଆରିସ୍ତାର୍ଗେକେ ସାଦ୍‌କେଦ୍‌ତେ ଇନକୁ ମାରାଙ୍ଗ୍ ଆଖଡ୍‌ତାତେକ ଆଇଙ୍ଗ୍ ଇଦିକେଦ୍‌କିନା । ୩୦ ପାଉଲୁସ୍ ଆଇଃକ୍‌ଗି ଗାଦେଲ୍ ହଡ୍‌କ ଆୟାର୍‌ତେ ସେନ୍ ନାଙ୍ଗ୍ ସାନାଙ୍ଗ୍‌କେଦାଏ, ମେନ୍‌ଦ ବିଶ୍ୱାସୀକ କାକ ସେନ୍ ଇଚିକିୟା । ୩୧ ଚିମିନ୍‌ଝାନ୍ ଏସିଆରେ ଆକ୍‌ତେୟାର୍ ନାମାକାଦ୍ ପାଉଲୁସ୍‌ଆଃ ଗାଡିକ ନେଆଁ ଆୟୁମ୍‌କେଦ୍‌ତେ ପାଉଲୁସ୍‌କେ ମାରାଙ୍ଗ୍ ଆଖଡ୍‌ତାତେ ଆଲକାଏ ସେନ୍‌କା ମେନ୍ତେ ମିହୁଡ୍‌ତାଃରେ କାଜିଗହାର୍ କାଜିକୁଲ୍‌କେଦାକ । ୩୨ ନେ ଘାଡ୍ ଉତାର୍‌ରେ ଗଟା ପାଞ୍ଚେଟ୍‌ରେନ୍ ହଡ୍‌କ ଖୁସ୍‌ତେ ପେରେଃୟାନାକ । ହଡ୍‌କ ଏଟାଃ ଏଟାଃ ଝୁଣ୍ଡରେ ରାକାମ୍ ରାକାମ୍‌କ କାଉରିତାନ୍ ତାଇକେନା, ତିଆଃଟି ଇନ୍‌କୁଏତେ ଚିମିନ୍ ହଡ୍‌କ ଏନ୍ତାଃରେ ଚିନାଃନାଙ୍ଗ୍‌କ ହୁଣ୍ଡିକାନା ଏନାହ କାକ ସାରିକାଦ୍ ତାଇକେନା । ୩୩ ହଡ୍‌କଏତେ ଚିମିନ୍ ହଡ୍‌କ କାଜିକେଦାକ ଯେ, ଆଲେକଜାଣ୍ଡାର୍ ନେଆଁ ନାଗେନ୍ତେ ଦାୟା ତାନିଃ, ତିଆଃଟି ଯିହୁଦୀ ହଡ୍‌କ ଇନିଃକେ ଆୟାର୍‌ରେ ତିଙ୍ଗ୍‌କାଇ ତାଇକେନାକ । ଏନ୍ତେ ଆଲେକଜାଣ୍ଡାର୍ ଡିଃଇ ଉଠାଅକେଦ୍‌ତେ ହଡ୍‌କକେ ହାପାଅଃପେ ମେନ୍ତେ ଠାରାଅକେଦ୍‌କିଆ ଆତଃ ବିଶ୍ୱାସୀକଆସାଃଏତେ କାଜିତାନ୍‌ଲଃ ଇନିଃ ବୁଝାଅକ ନାଙ୍ଗ୍ ଚେଷ୍ଟାକେଦାଏ । ୩୪ ମେନ୍‌ଦ ଇନିଃ ମିଆଁଦ୍ ଯିହୁଦୀ ତାନିଃ, ମେନ୍ତେ ସାରିକେଦ୍‌ତେ ଇନ୍‌କୁ ସବେନ୍‌କ ମିସାତେ କାଉରିତାନ୍‌ଲଃ କାଜିକେଦାକ, “ଏଫିସୁସ୍‌ରେନ୍ ଆର୍ତ୍ତେମୀ ମାହାପୁରୁଆଃ ମାରାଙ୍ଗ୍‌ଅଃକା ।” ନେ'ଲେକା ବାର୍ ଘାଡ୍ ଜାକେଦ୍‌କ କାଉରିକେଦା ।

୩୫ ଚୁଣ୍ଡରେ ସାହାର୍‌ରେନ୍ ମୁନ୍‌ସି ହଡ୍‌କକେ ହାପାଅଃ ନାଗେନ୍ତେ କାଜିକେଦ୍‌କିଆ, “ଏଫିସୁସ୍‌ରେନ୍ ହାଗାକ, ସବେନ୍‌କ ସାରିତାନା ଯେ, ଏଫିସୁସ୍ ନାଗାର୍‌ରେନ୍ ଆର୍ତ୍ତେମୀ ମାହାପୁରୁଆଃ ମାନ୍‌ର୍ ଆତଃ ସିମାଏତେ ଆଡ୍‌ଗୁକାନ୍ ପାବିତାର୍ ମୁରୁଡ୍‌ରାଃ ବାଞ୍ଚାଅ ହବାଆଃତାନା । ୩୬ ଜେତାଏ ନେଆଁକେ କାହା ମେନ୍ତେ କାକ କାଜି ଦାଡ୍‌ୟା । ଏନାତେ ଆପେ ସବେନ୍‌କ ହାପାଅଃପେ ଆତଃ କା ଲାଗାଡିଙ୍ଗ୍ ଲେକା ଜେତାନ୍ କାମି ଆଲପେ କାମିୟା । ୩୭ ନେ ହଡ୍‌କିନ୍ ମାନ୍‌ର୍‌ହେତେ ଜେଡ୍‌ନାଃ କାକିନ୍ କୁମ୍‌ଡୁହାଦା, ଚାଏ ଆବୁଆଃ ମାହାପୁରୁ ବିଷାଏରେ ଜେତାନ୍ ଏଡ୍‌କାନାଃ କାକିନ୍ କାଜିକାଦା, ଏନ୍‌ରେୟ ଆପେ ନେ ହଡ୍‌କିନ୍‌କେ ନେତାଃତେପେ ଆଉକାଦ୍‌କିନା । ୩୮ ଦିମିତ୍ରିୟ ଆତଃ ଇନିଃୟାଃ କାମି ହଡ୍‌କଆଃ ବିରୁଧ୍‌ରେ ଜେତାନ୍ କାଜି ମେନାଃରେଦ୍, ଏନା ବିତାରେ ନାଗେନ୍ତେ ଆବୁଆଃ ଆକ୍‌ତେୟାର୍ ନାମାକାଦ୍ ହଡ୍‌କ ମେନାକିଆ ଆତଃ କାଚାଈରି ମେନାଃ, ଏନ୍ତାଃରେ ଏନ୍ ବିରୁଧ୍‌କାନ୍ କାଜିକ ଉଦୁବଃଆ । ୩୯ ମେନ୍‌ଦ ନେଆଁଏତେ ଆତଃ ଆଦ୍‌କାପେ ସାନାଙ୍ଗ୍‌ତାନ୍‌ରେଦ୍, ଆପ୍‌ନାଃ ଦିଶ୍ଟୁମ୍‌ରେନ୍ ହଡ୍‌କଆଃ ଆଇଙ୍ଗ୍ ମାନାଡିୟାଃ

ପାଞ୍ଚେଟ୍ରେରେ ଏନା ବିଚାରକଣା । ୪୦ ଚିଆଠି ତିସିଙ୍ଗ୍ ଅକନାଃ ହବାକାନା, ଏନା ବରଝାନିଆ ଏନା ହିସିଙ୍ଗାତେ ନେଆଁ ହବାକାନା ମେନ୍ତେ ଆଲେୟାଃ ବିରୁଧରେ କାଜିୟଃତାନା । ଆଲେ ନେ ସବେନ୍ ହାଲ୍ଲାଗୁଲ୍ଲାରେୟାଃ ଜେତାନ୍ ବୁଗିନ୍ କାଜି କାଲେ କାଜି ଦାଡ଼ିୟା । ୪୧ ନେ ସବେନ୍ କାଜି କାଜିକେଦ୍‌ଦେ ଜନିଃ ଗାଦେଲ୍ ହଡ଼କକେ ହାପାକେଦକଆଏ ଆତଃ ପାଞ୍ଚେଟ୍ରେରେନ୍ ହଡ଼କକେ ବିଦାକେଦକଆ ।

୨୦

ମାକିଦନିଆତେ ଆତଃ ଆଖାୟାତେ

୧ ହାଲ୍ଲାଗୁଲ୍ଲା ଚାବାୟାନ୍ ତାୟମତେ, ପାଉଲୁସ୍ ବିଶ୍ୱାସୀକକେ ହୁଣ୍ଡିକେଦ୍‌ଦେ ଜାଉରେ ରାସକାଅଃ ଲେକାନ୍ କାଜି ଉଦୁବାଦକଆଏ । ଇନକୁତାଃଏତେ ବିଦା ଇଦିକେଦ୍‌ଦେ ଜନିଃ ମାକିଦନିଆତେ ସେନଃୟାନା । ୨ ଜନିଃ ଏନ୍ ସବେନ୍ ପାର୍ଗାନ୍ ହରାତେ ସେନଃୟାନା ଆତଃ ବିଶ୍ୱାସୀ ହଡ଼କକେ ଜାଉରେ ରାସକାଅଃରାଃ କାଜି କାଜିକେଦକଆ । ଏନ୍ତେ ଜନିଃ ଗ୍ରୀସ୍ ଦିଶ୍ୱମତେ ହିଲୁଃୟାନା, ୩ ଏନ୍ତାଃରେ ଆପି ମାହୁନା ତାଜନ୍‌ୟାନାଏ । ଜନିଃ ସିରିୟାତେ ସେନଃ ନାଗେନ୍ତେ ସେକାଡ଼େନ୍ ତାଜକେନ୍ ଇମ୍‌ତା ଯିହୁଦା ହଡ଼କ ଇନିକେ ଗଏଃ ନାଗେନ୍ତେକ ରୋଜୋଟତାନା ମେନ୍ତେ ଆୟୁମକେଦ୍‌ଦେ ଜନିଃ ମାକିଦନିଆ ହରାତେ ରୁହାଡ଼ ନାଗେନ୍ତେ ଉହାଟକେଦା । ୪ ବେରିଆ ନାଗାର୍‌ରେ ତାଜନ୍‌ତାନ୍ ପୁରସ୍‌ଆଃ ହନ୍ ସୋପାତ୍ର, ଥେସଲନିକାରେନ୍ ଆରିସ୍ତାର୍ ଆତଃ ସେକ୍ସ୍, ଦର୍ବାରେନ୍ ଗାୟସ୍, ଏସିଆ ପାର୍ଗାନ୍‌ରେନ୍ ତୁଖ୍‌କ୍, ତ୍ରୁଫିମ୍ ଆତଃ ତୀମଥ୍ ଜନିଃଲଃ ସେନଃୟାନାକ । ୫ ନେ ଏୟାଝାନ୍ ହଡ଼କ ସିଦାରେ ସେନ୍‌କେଦ୍‌ଦେ ଡ୍ରୋୟାସ୍‌ରେ ଆଲେକେ ତାଜିକାଲେ ତାଜକେନାକ । ୬ ସାବାଃ ହଲ୍ଲାଜ୍ ପାରାଦ୍ ତାୟମତେ ଆଲେ ଫିଲିପ୍ ସାହାର୍‌ଏତେ ଦାଆଃ ଜାହାଜ୍‌ରେ ସେନଃକେଦ୍‌ଦେ ମର୍ଗେମାହାଁ ତାୟମତେ ଡ୍ରୋୟାସ୍‌ରେ ଏନ୍ ଏୟାଝାନ୍ ହଡ଼କଲଃ ମେସାୟାନାଲେ ଆତଃ ଏନ୍ତାଃରେ ମିଦ୍ ହାପ୍ଲା ତାଜନ୍‌ୟାନାଲେ ।

ଡ୍ରୋୟାସ୍‌ତେ ପାଉଲୁସ୍‌ଆଃ ଚୁଣ୍ଡି ଯୁସନଃ

୭ ହାପ୍ଲାରେୟାଃ ସିଦା ହୁଲାଜ୍* ସିଙ୍ଗିହାସ୍‌ପୁରେ ଆଲେ ମେନେସାରାଃ ହଲ୍ଲାଜ୍ କେଟାଃ ମିଦ୍‌ତାଃରେ ହୁଣ୍ଡିକେଦ୍‌ଦେ ମାନାତିଙ୍ଗକେଦାଲେ । ପାଉଲୁସ୍ ହଡ଼କକେ ଆଲାନିଦା ଜାକେଦ୍ ଜାଗାର୍‌କେଦକଆଏ, ଚିଆଠି ଏଟାଃ ହୁଲାଜ୍ ଜନିଃ ଏନ୍ ଠାୟାଦ୍ ବାଗିକେଦ୍‌ଦେ ସେନଃରାଃ ତାଜକେନା । ୮ ଆଲେ ଅକ ଚେତାନ୍ କୁଠାରେ ହୁଣ୍ଡିକାନ୍ ତାଜକେନାଲେ, ଏନ୍ତାଃରେ ପୁରାଃ ଦିମିକ ଜୁଲଃତାଜକେନା । ୯ ଏନ୍ତାଃରେ ଇଉଟିକ୍‌ସ୍ ନୁତୁମ୍ ମିଆଁଦ୍ ସେପେଡେଦ୍ ଖୁଡ଼କି ଚେତାନ୍‌ରେ ଦୁବାକାନ୍ ତାଜକେନା ଆତଃ ପାଉଲୁସ୍ ଜାଗାର୍ ତାଜକେନ୍ ଇମ୍‌ତା ଜନିଃକେ ଦୁଡ଼ୁଗିତାଜକେନା । ଏନ୍ତେ ଜନିଃ ପୁରା ଦୁଡ଼ୁମ୍‌ୟାନାଏ ଆତଃ ଆପି ମାହାଲ୍ ଚେତାନ୍‌ହେତେ ଲାତାର୍‌ରେ ଉୟୁଃୟାନା । ଇନକୁ ଜନିଃକେ ବିରିଦକିୟାକ ଇମ୍‌ତା ଜନିଃୟାଃ ଜୀଉ ଚୁଣ୍ଡିକାନ୍ ତାଜକେନା । ୧୦ ମେନ୍‌ଦ୍ ପାଉଲୁସ୍ ଲାତାର୍‌ରେ ଆଡ଼ଗୁକେଦ୍‌ଦେ ଜନିଃକେ ହାମ୍‌ଦୁକିୟାଏ ଆତଃ କାଜିକେଦାଏ, “ଆଲପେ ଆଡ଼ାଃଉଡ଼ଗୁଃଆ, ଜନିଃ ଜାନିଦ୍‌ଗି ମେନାଈୟା ।” ୧୧ ଏନ୍ତେ ଜନିଃ ଚେତାନ୍‌ରେ ରାକାଦ୍ ରୁହାଡ଼ୁୟାନାଏ ଆତଃ ହଲ୍ଲାଜ୍ କେଟାଃକେଦ୍‌ଦେ ଜମ୍‌କେଦାଏ, ଏନ୍ତେ ସିଙ୍ଗିତୁରଃ ଜାକେଦ୍ ଇନକୁଲଃ ପୁରାଃଗି ଜାଗାର୍‌କେଦା ଆତଃ ଏନ୍ତାଃଏତେ ସେନଃୟାନା । ୧୨ ହଡ଼କ ସେପେଡେଦ୍‌କେ ଜାନିଦ୍ ନେଲ୍‌କେଦ୍‌ଦେ ଆୟାଃ ଅଡ଼ାଃତେକ ଇଦିକିୟା ଆତଃ ପୁରାଃଗି ଜୀଉରାଡ଼େଃକ ନାମକେଦା ।

ଡ୍ରୋୟାସ୍‌ତେ ମିଲିତସ୍‌ତେ ସେନଃ

୧୩ ଆଲେ ସିଦାରେ ଦାଆଃ ଜାହାଜ୍‌ରେ ଦେଏଃକେଦ୍‌ଦେ ଆସେସ୍ ନାଗାର୍‌ରେଲେ ସେନଃୟାନା । ଏନ୍ତାଃଏତେ ଆଲେ ପାଉଲୁସ୍‌କେ ଦାଆଃ ଜାହାଜ୍‌ରେ ଇଦି ନାଗେନ୍ତେଲେ ଉହାଟକାଦ୍ ତାଜକେନା, ଚିଆଠି ଜନିଃ ଅତେ ହରାରେ ସେନ୍‌କେଦ୍‌ଦେ ଏନ୍ ଠାୟାଦ୍‌ତେ ସେଟେରା ମେନ୍ତେ କାଜିକାଦ୍ ତାଜକେନା । ୧୪ ଜନିଃ ଚିମ୍‌ତା ଆଲେଲଃ ଆସେସ୍‌ରେ ନାପାମ୍‌ୟାନା, ଆଲେ ଜନିଃକେ ଦାଆଃ ଜାହାଜ୍‌ରେ ଇଦିକେଦ୍‌ଦେ ମିତିଲିନ୍ ନାଗାର୍‌ରେଲେ ସେନଃୟାନା । ୧୫ ଏନ୍ତାଃଏତେ ଆତଃଗି ସେନଃକେଦ୍‌ଦେ ଏଟାଃ ହୁଲାଜ୍ ଖୁଅସ୍ ଟାପୁଟାଃଲେ ସେଟେରୁୟାନା । ଆତଃମୁସିଙ୍ଗ୍ ତାୟମତେ ଆଲେ ସାମସ୍ ଟାପୁଟେ ସେଟେରୁକେଦ୍‌ଦେ, ଏଟାଃ ହୁଲାଜ୍ ମିଲିତସ୍ ନାଗାର୍‌ରେଲେ ସେଟେରୁୟାନା । ୧୬ ଏସିଆ ପାର୍ଗାନ୍‌ରେ ଆତଃ ଆଦକା ନେଡା କା ଇଦିକେଦ୍‌ଦେ ଏଫିସ୍‌ସ୍ ଗେନା ଗେନାତେ ଦାଆଃ ଜାହାଜ୍‌କେ ଇଦି ନାଗେନ୍ତେ ପାଉଲୁସ୍ ଉହାଟକେଦାଏ । ଆତଃ ହବାସାକାଅଃରେଦ୍, ପେଣ୍ଟିକସ୍ ହୁଲାଜ୍‌ରେ ଯୀରୁଶାଲେମ୍‌ତେ ଜାଲ୍‌ଦି ସେଟେର ନାଜ୍ ଜନିଃ ଉହାଟକାଦ୍ ତାଜକେନାଏ ।

* ୨୦:୨ 20:7 ଏଡ଼ଆର୍ ହୁଲାଜ୍

ଏଫିସୁସ୍ କାଲିସିୟାରେନ୍ ପ୍ରାଚିନକକେ ପାଉଲୁସ୍‌ଆଃ ବିଦା ଜାଗାଟ୍

୧୭ ପାଉଲୁସ୍ ମିଳିତସ୍ତାଃଏତେ ଏଫିସୁସ୍ କାଲିସିୟାରେନ୍ ପ୍ରାଚିନକକେ ଆୟାଃଲଃ ନେପେଲ୍ ନାଗେତ୍ରେ କାଜିକ୍ତୁଲ୍‌କେଦା । ୧୮ ଜନ୍‌କୁ ପାଉଲୁସ୍‌ତାଃ ତେବାଃୟାନ୍‌ତି ଜନିଃ କାଜିକେଦାଏ, “ଏସିଆ ପାର୍‌ଗାନ୍ ସେଟେର୍‌ୟାନ୍ ପାହିଲା ହୁଲାଙ୍ଗ୍‌ତାଃଏତେ ଆଇଙ୍ଗ୍ ଚିଲ୍‌କା ଆପେଲଃ ଆଦ୍‌କା ନେତା ବିତାଅକାଦାଇଙ୍ଗ୍, ଏନା ଆପେ ସାରିକାଦାପେ । ୧୯ ଯିହୁଦୀ ହଡ୍‌କ ଆଇଙ୍ଗ୍‌କେ ଗଗଏଃ ନାଗେତ୍ରେକ ରୋଜୋଟ୍ ତାଇକେନ୍ ହରାତେ ଆଇଙ୍ଗ୍ ପୁରାଃ ଦୁକୁହାସୁ ସାହାତିଙ୍ଗ୍‌କେଦାଇଙ୍ଗ୍, ଏନ୍‌ରେୟ ଆଇଙ୍ଗ୍ ପ୍ରାଭୁଆଃ ଦାସି ଲେକା ଲେବେଃ ମନ୍‌ଡେ ଆତଃ ପୁରାଃ ରାଆଃତାନ୍‌ଲଃ ଆଇଁୟାଃ କାମି କାମିକାଦାଇଙ୍ଗ୍ । ୨୦ ଆପେ ସାରିତାନାପେ, ଆଇଙ୍ଗ୍ ହଡ୍‌କତାଃରେ ଉଦୁବ୍‌ତାନ୍ ଇମ୍‌ତା ଆତଃ ଆପେୟାଃ ଅଡ଼ାଃରେ ଇଡୁତାନ୍ ଇମ୍‌ତା ଆପେୟାଃ ବୁରିନାଃ ହବାଅଃ ଲେକା ଜେତାନ୍ ବିଷାଏ ଉଦୁବ୍ ନାଗେତ୍ରେ କାଇଙ୍ଗ୍ ହିଚ୍‌କିତାଅକାଦା । ୨୧ ଯିହୁଦୀ ଆତଃ ସାଅଁସାବ୍ ସବେନ୍‌କକେ ଆଇଙ୍ଗ୍ ପୁରାଃଗି ଚିଗାଲାନ କାଜିକକଙ୍ଗ୍ କାଜିକାଦ୍‌ପେ ତାଇକେନା, ଜେ'ଲେକା ଜନ୍‌କୁ ଆକଆଃ ପାପ୍‌କ ହେୟାତିଙ୍ଗ୍‌କେଦ୍‌ଡେ ପାର୍‌ମେଶ୍‌ବାର୍‌ୟାଃତେକ ହିଜ୍‌ଜୁହାଡ଼ା ଆତଃ ପ୍ରାଭୁ ଯୀଶୁତାଃରେ ବିଶ୍ୱାସ୍ ରିକାଏୟାକ । ୨୨ ନାହିଃଦ ପାବିତାର୍ ଆମ୍ବାରାଃ ଆନାଟୁ ମାନାତିଙ୍ଗ୍‌କେଦ୍‌ଡେ ଆଇଙ୍ଗ୍ ଯୀରୁଶାଲେମ୍‌ଡେଇଙ୍ଗ୍ ସେନଃତାନା, ଏଡ଼ାଃରେ ଆଇଁୟାଃ ଚିକ୍‌ନାଃ ହବାଅଃଆ ଏନା କାଇଙ୍ଗ୍ ସାରିୟା । ୨୩ ପାବିତାର୍ ଆମ୍ବା ଆଇଙ୍ଗ୍‌କେ ଚେତାଅକାଦିୟାଁ ଚି, ସବେନ୍ ନାଗାର୍‌ରେ ଆଇଙ୍ଗ୍ ଜେହେଲ୍‌ରେ ସାଜାଇ ଆତଃ ଦୁକୁଇଙ୍ଗ୍ ନାମେୟା । ୨୪ *ମେନ୍‌ଦ୍ ଆଇଙ୍ଗ୍ ଆଇଁୟାଃ ଆପ୍‌ନାଃ ଜୀଦାନ୍‌କେ ଜେଡ୍‌ନାଃ ଲେକା କା ଆଟ୍‌କାର୍‌କେଦ୍‌ଡେ, ପାର୍‌ମେଶ୍‌ବାର୍‌ୟାଃ ସାୟାଦ୍ ବିଷାଏରେ ପ୍ରାଭୁ ଯୀଶୁ ଆଇଙ୍ଗ୍‌କେ ଅକ ସୁକୁକାଜି ଉଦୁବ୍ ନାଗେତ୍ରେ ଏମାକାଦିଙ୍ଗ୍ ସେଖାକାମିକେ ଜେ'ଲେକା ପୁରା ଦାଡ଼ିୟାଇଙ୍ଗ୍, ନିମିନାଙ୍ଗ୍ ଏସ୍‌କାର୍ ଆଇଁୟାଃ ଇଛାସାନାଙ୍ଗ୍ ତାନାଃ ।

୨୫ “ପାର୍‌ମେଶ୍‌ବାର୍‌ୟାଃ ରାଇଜ୍ ବିଷାଏରେ ଉଦୁବ୍ ନାଗେତ୍ରେ ଆଇଙ୍ଗ୍ ଆପେ ସବେନ୍‌କତାଃତେଇଙ୍ଗ୍ ସେନାକାନା । ନାହିଃ ଆଇଙ୍ଗ୍ ସାରିତାନାଇଙ୍ଗ୍ ଯେ, ଆପେକଏତେ ଜେତାଏ ଆଇଙ୍ଗ୍‌କେ ଆତଃମିସା କାପେ ନେଲିୟା । ୨୬ ଏନାମେତ୍ରେ ତିସିଙ୍ଗ୍ ଆଇଙ୍ଗ୍ ଆପେତାଃରେ ଗାଝା ଏମ୍‌ତାନାଇଙ୍ଗ୍ ଯେ, ଆପେକଏତେ ଜେତାଏ ଜିୟନଃରେଦ୍ ଏନାରେୟାଃ ଦାୟା ଆଇଙ୍ଗ୍ ନାହାଁଲିଙ୍ଗ୍ । ୨୭ ଚିଆଃତି ପାର୍‌ମେଶ୍‌ବାର୍‌ୟାଃ ଗଟା ଉଦ୍‌ବେଶ୍ ଆପେତାଃରେ ଉଦୁବ୍ ନାଗେତ୍ରେ ଆଇଙ୍ଗ୍ କାଇଙ୍ଗ୍ ହିଚ୍‌କିତାଅକାଦା । ୨୮ ଏନାମେତ୍ରେ ଆପେ ଆଗୁଆଇ ଲେକା ଆପାନ୍‌କେ ଆତଃ ପାବିତାର୍ ଆମ୍ବା ଏମାକାଦ୍‌ପେ ବିଶ୍ୱାସୀ ଗୋଟ୍ କକେ ଯାଡ୍‌ନାଅକପେ । ମିଣ୍ଡିଗୁପିନିଃ ଲେକା ପାର୍‌ମେଶ୍‌ବାର୍‌ୟାଃ କାଲିସିୟାକେ ଯାଡ୍‌ନାଏପେ । ଅକ କାଲିସିୟାକେତି ଜନିଃ ଆୟାଃ ହନ୍‌ଆଃ ମାୟୋମ୍ ହରାତେ ଆପ୍‌ନାଃ ବାଇୟାକାଦାଏ । ୨୯ ଆଇଙ୍ଗ୍ ସାରିତାନାଇଙ୍ଗ୍, ଆଇଙ୍ଗ୍ ସେନଃ ତାୟମ୍‌ଡେ ଆପେ ଆଲାତେ ହସଡ୍ ଇଡୁକ ହିଜ୍‌ଜୁଆ ଆତଃ ବିଶ୍ୱାସୀକକେ ହସଡ୍ ଜନିଡୁକ ଇଡୁକଆ । ଜନ୍‌କୁ ମିଣ୍ଡିଗୋଟ୍‌କେ ନକ୍‌ସାନ୍‌କତାନ୍ ବରଝାନ୍ ହୁଣ୍ଡାଟ୍‌କେ ଲେକାନ୍‌କ ତାନ୍‌କ । ୩୦ ନେତା ସେରେନା, ଚିମ୍‌ତା ଆପେୟାଃ ଆପ୍‌ନାଃ ଝୁଣ୍ଡରେନ୍ ଚିମିନ୍ ହଡ୍‌କ ବିଶ୍ୱାସୀକକେ ହସଡ୍ କାଜି କାଜିକେଦ୍‌ଡେ ଏଟାଃ ହରାତେକ ଇଦିକଆ । ୩୧ ଏନାମେତ୍ରେ ଏୟନାକାନ୍ ତାଇନ୍‌ପେ, ଆଇଙ୍ଗ୍ ନିଦା ସିଙ୍ଗି ମେଦ୍ ଦାଆଃ ଜରକେଦ୍‌ଡେ ଆପି ସିମା ଜାକେଦ୍ ଆପେ ସବେନ୍‌କକେଇଙ୍ଗ୍ ଇଡୁକାଦ୍‌ପେୟା, ନେୟାଁ ପାହାମେପେ ।

୩୨ “ନାହିଃ ଆଇଙ୍ଗ୍ ଆପେକେ ପାର୍‌ମେଶ୍‌ବାର୍‌ୟାଃ ତିଃଇରେ ଆତଃ ଆୟାଃ ସାୟାଦ୍‌ରାଃ କାନାଜିରେଇଙ୍ଗ୍ ଜିମାପେତାନା, ଏନା ଆପେକେ ବାଇକେଟେଦ୍‌ପେ ନାଗେତ୍ରେ ଆତଃ ପାର୍‌ମେଶ୍‌ବାର୍‌ୟାଃ ପାବିତାର୍‌କାନ୍ ହଡ୍‌କ ନାଗେତ୍ରେ ହବାଅଃ ସବେନ୍ ଆଶିଷ୍, ଆପେକେ ଏମ୍ ଦାଡ଼ି ଲେକାନାଃ ତାନାଃ । ୩୩ ଆଇଙ୍ଗ୍ ଜେତାଏୟାଃ ରୁପା, ସୋନା ଚାଏ ଲିଜାଃ ନାମେ ନାଗେତ୍ରେ କାଇଙ୍ଗ୍ ସାନାଙ୍ଗ୍‌କେଦା । ୩୪ ଆପେ ସାରିତାନାପେ, ଆଇଙ୍ଗ୍ ଆଇଁୟାଃ ନେ ବାରାନ୍ ତିଃଇତେ କେଟେଦ୍ କାମି କାମିକେଦ୍‌ଡେ ଆପ୍‌ନାଃ ଆତଃ ଆଇଁୟାଃଲଃ ମିସାତେ କାମିତାନ୍‌କଆଃ ଲାଗାତିଙ୍ଗ୍‌ଡେୟାଃ ପୁରାକାଦାଇଙ୍ଗ୍ । ୩୫ ‘ନାମେତାଃଏତେ ଦାନ୍ ଏମ୍‌ରେ ପୁରାଃ ରାସ୍‌କାମେନାଃ,’ ପ୍ରାଭୁ ଯୀଶୁ ଆଇଃକ୍‌ଗି କାଜିକାଦ୍ ନେ କାଜିକେ ପାହାମ୍‌କେଦ୍‌ଡେ, ଜେ'ଲେକା କେଟେଦ୍ କାମି କାମିକେଦ୍‌ଡେ ନାରାଦୁରା ହଡ୍‌କକେ ଦେଙ୍ଗା ଲାଗାତିଙ୍ଗ୍‌ୟାଁ, ନେ ବିଷାଏରେ ଆଇଙ୍ଗ୍ ସବେନ୍ ଇମ୍‌ତା ଆପେକେ ନାମ୍‌ନାଆଇଙ୍ଗ୍ ଉଦୁବ୍‌କାଦା ।”

୩୬ ପାଉଲୁସ୍ ନେଆଁ କାଜି ଚାବାକେଦ୍‌ଡେ, ଜନିଃ ଜନ୍‌କୁଲଃ ଇକ୍‌ଡୁକ୍‌କେଦ୍‌ଡେ ବିକ୍ରିକେଦା । ୩୭ ସବେନ୍‌କ ରାଆଃକେଦ୍‌ଡେ ଜନିଃକେ ହାମ୍‌ଦୁକିୟାକ ଆତଃ ପାବିତାର୍ ତଅଃକେଦ୍‌ଡେ ବିଦାକିୟାକ

* ୨୦:୨୪ ୨୦:୨୪ ୨ ଚିମ୍‌ପ୍ ୪:୭.

। ୩୮ ଇନକୁ ଆଇଃଜକେ ଆତଃମିସା କାକ ନେଲ୍ ଦାଡ଼ିୟା ମେନ୍ତେ ଇନିଃ କାଜିକେଦ୍ ହରାତେ ଇନକୁ ପୁରାଃଗିକ ହୁଡ଼ିଙ୍ଗ୍ ଜୀଉୟାନା । ଇନକୁ ଇନିଃଲଃ ଦାଆଃ ଜାହାଜ୍ ନାଡ଼େଃଡେକ ସେନଃୟାନା ।

୨୧

ପାଉଲୁସ୍‌ଆଃ ଯୀରୁଶାଲେମ୍‌ମେତେ ସେନଃ

୧ ଇନକୁକେ ବିଦାକେଦ୍‌ତେ ଆଲେ ଏନ୍ତାଃଏତେଲେ ସେନଃୟାନା । ଆତଃ ଦାଆଃ ହରା ପାରମ୍‌କେଦ୍‌ତେ ଆଲେ କୋସ୍ ଚାପୁଡେଲେ ସେଟେରୁୟାନା । ଏନାରେୟାଃ ଏଟାଃ ହୁଲାଙ୍ଗ୍ ରୋଡସ୍ ଚାପୁ ହରାତେ ପାଡ଼ରା ନାଗାରୁଡେଲେ ସେଟେରୁୟାନା । ୨ ଏନ୍ତାଃଏତେ ଫିନିସିୟା ପାରଗାନୁଡେ ସେନଃଡାନୁ ମିଆଁଦ୍ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେଲେ ସେନଃୟାନା । ୩ ଏନ୍ତେ ସାଲପୁସ୍ ଚାପୁ ନେଲ୍‌ତାନୁ ମିଆଁଦ୍ ଠାୟାଦ୍‌ତାଃଲେ ସେଟେରୁୟାନା । ଏନ୍ତାଃଏତେ ଏନାରେୟାଃ ଜମସାଃ ହରାତେ ଆଲେ ସିରିୟା ପାରଗାନୁଡେଲେ ସେନଃୟାନା । ଆଲେ ସୋର୍ ନାଗାରୁରେ ଦାଆଃ ଜାହାଜ୍‌ଏତେଲେ ଆଡ଼ଗୁୟାନା, ଚିଆଃଟି ନେ ଦାଆଃ ଜାହାଜ୍‌ଏତେ ସାମାନୁକ ଆଡ଼ଗୁରାଃ ତାଇକେନା । ୪ ଏନ୍ତାଃରେ ଆଲେ ଚିନିନ୍ ବିଶ୍ୱାସୀକେ ନାମକେଦ୍‌ତେ ଇନକୁଲଃ ମିଦ୍ ହାପୁଲେ ତାଇନୁୟାନା । ପାବିଡାର୍ ଆମ୍‌ଗୁରାଃ ଆନାରୁ ନାମକେଦ୍‌ତେ ଇନକୁ ପାଉଲୁସ୍‌କେ ଯୀରୁଶାଲେମ୍‌ମେତେ ଆଲମ୍ ସେନା ମେନ୍ତେକ କାଜିକିୟା । ୫ ମେନୁଦ୍ ଇନକୁଲଃ ମିଦ୍ ହାପୁ ତାଇନୁୟାନ୍ ତାୟମ୍‌ମେତେ, ଆଲେ ଇନକୁକେ ବାଗିକେଦ୍‌ତେ ଆଲେୟାଃ ହରାରେଲେ ସେନଃୟାନା । ଆଲେକେ ବିଦା ଏମ୍ ନାଗେନ୍ତେ ଇନକୁ ସବେନୁକ ଆକଆଃ କୁଡ଼ି ଆତଃ ହନୁକଲଃ ନାଗାରୁ ବାହାରି ଦରେୟା ଗେନା ଜାକେଦ୍‌କ ହିଲୁଃୟାନା । ଏନ୍ତାଃରେ ଆଲେ ସବେନୁକ ଇକଡ଼ମୁକେଦ୍‌ତେ ବିକ୍ତିକେଦାଲେ । ୬ ଏନ୍ତେ ଆଲେ ଇନକୁକେ ବିଦାକେଦ୍‌ତେ, ଦାଆଃ ଜାହାଜ୍‌ରେ ଦୁବ୍‌ୟାନାଲେ ଆତଃ ଇନକୁ ଅଡ଼ାଃଡେକ ରୁହାଡ଼ୟାନା ।

୭ ସୋର୍ ନାଗାରୁହେତେ ଆଲେ ପତଲ୍‌ମାଲ ସାହାରୁଡେଲେ ସେଟେରୁୟାନା, ଏନ୍ତାଃରେ ବିଶ୍ୱାସୀକେ ଜହାରୁକେଦ୍‌ତେ ଇନକୁଲଃ ମୁସିଙ୍ଗ୍‌ଲେ ତାଇନୁୟାନା । ୮ ଏଟାଃ ହୁଲାଙ୍ଗ୍ ଆଲେ ଏନୁ ଠାୟାଦ୍ ବାଗିକେଦ୍‌ତେ କାଲସିରିୟା ନାଗାରୁଡେଲେ ସେଟେରୁୟାନା । ଏନ୍ତାଃରେ ଆଲେ ସୁକୁକାଜି ଉଦୁବ୍‌ତାନୁ ଫିଲିପ୍‌ଆଃ ଅଡ଼ାଃରେଲେ ତାଇନୁୟାନା, ଯୀରୁଶାଲେମ୍‌ରେ ଦେଙ୍ଗା ନାଗେନ୍ତେ ସାଲକାନୁ ଏୟାଃନୁକଏତେ ଫିଲିପ୍ ମିହୁଡ୍ ତାଇକେନାଏ । ୯ ଇନିୟାଃ ଉପୁନିୟାଃନୁ କା ଆଣ୍ଡିକାନୁ କୁଡ଼ିହନ୍ ପାରମେଶ୍ୱାରୁଆଃ କାନାଜିକ ଉଦୁବ୍ ତାଇକେନା । ୧୦ ଏଆଲେ ଏନ୍ତାଃରେ ପୁରାଃ ମାହାଁ ତାଇନୁୟାନ୍ ତାୟମ୍‌ମେତେ, ଯିହୁଦାଏତେ ଆଗାବ ନୁଡୁମ୍ ମିଆଁଦ୍ ନାବା ଏନ୍ତାଃରେ ସେଟେରୁୟାନା । ୧୧ ଇନିଃ ଆଲେତାଃ ହିଲୁଃୟାନାକେଦ୍‌ତେ, ପାଉଲୁସ୍‌ଆଃ କାସନା ଇବିକେଦାଏ, ଆତଃ ଆଇଃକ୍‌ଗି ଆୟାଃ ତିଃଇ ଆତଃ କାଟା ତଲକେଦ୍‌ତେ କାଜିକେଦା, “ପାବିଡାର୍ ଆମ୍ ଆଇଙ୍ଗ୍‌କେ ଉଦୁବ୍‌କାଦିୟାଁ ଯେ, ନେ କାସନା ଅକଏୟାଃ ତାନାଃ, ଇନିଃକେ ଯୀରୁଶାଲେମ୍‌ରେ ଯିହୁଦୀ ହଡ଼କ ନେଲେକାଗି ତଲକେଦ୍‌ତେ ସାଅଁସାଡ଼ ହଡ଼କଆଃ ତିଃଇରେକ ଜିମାଲୟା ।”

୧୨ ନେଆଁ ଆୟୁମ୍‌କେଦ୍‌ତେ ଆଲେ ଆତଃ ଏନୁ ଠାୟାଦ୍‌ରେ ତାଇକେନୁ ଏଟାଃ ହଡ଼କ ପାଉଲୁସ୍‌କେ ଯୀରୁଶାଲେମ୍‌ମେତେ ଆଲମ୍ ସେନା ମେନ୍ତେଲେ ବିକ୍ତିକିୟା । ୧୩ ମେନୁଦ୍ ପାଉଲୁସ୍ କାଜିରୁହାଡ଼କେଦ୍‌କଆଏ, “ଆପେ ନେଆଁ ଚିନାଃପେ ଚିକାଏତାନା ? ଚିନାଃମେନ୍ତେ ନେ ଲେକା ରାଆଃକେଦ୍‌ତେ ଆଇଁୟାଃ ମିନସ୍‌ରୁଦ୍‌କେ ହୁଡ଼ିଙ୍ଗ୍ ଜୀଉ ତାନାପେ ? ଯୀରୁଶାଲେମ୍‌ରେ ଏସ୍‌କାରୁ ତଲେନୁ ନାଗେନ୍ତେ କାହା, ମେନୁଦ୍ ପାଉଲୁସ୍‌ଆଃ ନୁଡୁମ୍ ନାଗେନ୍ତେ ଗନଏଃ ହବାଅଃରେୟ୍ ଆଇଙ୍ଗ୍ ସେକାଡ଼କାନାଲଙ୍ଗ୍ ।”

୧୪ ଇନିଃ ଆଲେୟାଃ କାଜି କାଏ ମାନାଡ଼ିଙ୍ଗ୍‌କେଦ୍ ହରାତେ ଆଲେ ହାପାୟାନାଲେ ଆତଃ “ପ୍ରାଭୁଆଃ ମନେଲେକା ହବାଅଃକା” ମେନ୍ତେ କାଜିକେଦାଲେ ।

୧୫ ଏନ୍ତାଃରେ ଚିନିନ୍ ମାହାଁ ତାଇନୁକେଦ୍‌ତେ ଆଲେ ଆଲେୟାଃ ଜିନିଷ୍ଟକ ସାଜ୍‌ଡାଅକେଦ୍‌ତେ ଯୀରୁଶାଲେମ୍‌ମେତେ ସେନଃୟାନା । ୧୬ କାଲସିରିୟାରେ ଚିନିନାଙ୍ଗ୍ ଚେଲାକ ଆତଃ ସାଲପୁସ୍‌ରେନୁ ମନାସନ୍ ନୁଡୁମ୍ ମିଆଁଦ୍ ବିଶ୍ୱାସୀହଗି ଆଲେଲଃ ମିସାତେ ସେନଃୟାନା । ଆତଃ ମନାସନ୍ ଆଲେକେ ଆୟାଃ ଅଡ଼ାଃରେ ତାଇନଃ ନାଙ୍ଗ୍ ଇବିକେଦ୍‌ଲେୟାଏ ।

ଯାକୁବ୍‌ଲଃ ପାଉଲୁସ୍‌ଆଃ ନେପେଲ୍

୧୭ ଆଲେ ଯୀରୁଶାଲେମ୍‌ରେ ସେଟେରୁୟାନ୍ ଇମ୍‌ତା ଏନ୍ତାଃରେନୁ ବିଶ୍ୱାସୀ ହଡ଼କ ଆଲେକେ ରାସ୍‌କାତେକ ଦାରମ୍‌କେଦ୍‌ଲେୟା । ୧୮ ଏଟାଃ ହୁଲାଙ୍ଗ୍ ପାଉଲୁସ୍ ଆଲେଲଃ ଯାକୁବ୍‌କେ ନେନେଲ୍ ନାଗେନ୍ତେ ସେନଃୟାନା, ଏନ୍ତାଃରେ କାଲିସିରିୟାରେନୁ ସବେନୁ ପ୍ରାଚିନୁକ ତାଇକେନା । ୧୯ ପାଉଲୁସ୍

୨୧.୮ ୨୧.୮ ପ୍ରେସ୍‌ବିଟି ୬.୫; ୮.୫. ୨୧.୧୦ ୨୧.୧୦ ପ୍ରେସ୍‌ବିଟି ୧୧.୨୮.

ଇନକୁକେ ଜହାରକେଦକଆ ଆତଃ ଆୟାଃ କାମି ହରାତେ ପାର୍ମେଶ୍ୱାର୍ ସାର୍ଥ୍ୟାର୍ ହତ୍ତକ ଆଲ୍ମାରେ ଅକ କାମିକଏ କାମିକେଦା, ଏନା ସବେନାଃଏ ଉଦ୍‌ବାଦକଆ । ୨୦ ଆୟାଃ କାଜି ଆୟୁକେଦ୍ ତାୟମ୍‌ତେ ଇନକୁ ସବେନକ ପାର୍ମେଶ୍ୱାର୍‌ଆଃ ମାନାରାଜ୍‌କ ରିକାକେଦା । ଏନ୍ତେ ଇନକୁ କାଜିକେଦାକ, “ହାଗା ପାଉଲୁସ୍, ଆମ୍ ନେଲ୍ ଦାଡ଼ିତାନାମ୍, ଚିଲ୍‌କା ହାଜାର୍ ହାଜାର୍ ଯିହୁଦୀ ହତ୍ତକ ପ୍ରାଭୁ ଯୀଶୁତାଃରେ ବିଶ୍ୱାସ୍‌ତାନାକ ଆତଃ ଇନକୁ ସବେନକ ଆନୁରୁ ମାନାତିଙ୍ଗ୍‌ରେ ଚିହ୍ନକେଦ୍‌ତେ ମେନାକଆ । ୨୧ ଇନକୁ କାଜି ଆୟୁକାଦାକ ଯେ, ଆମ୍ ସାର୍ଥ୍ୟାର୍ ହତ୍ତକଆଃ ଦିଶୁମ୍‌ରେ ତାଜନ୍‌ଦାନ୍ ଯିହୁଦୀ ହତ୍ତକକେ ମୁଣା ନାବାଆଃ ଆନୁରୁ ବାଗି ନାଗେନ୍ତେ, ଇନକୁଆଃ ହନକକେ କା ଖାଦ୍‌ନାଥ ନାଗେନ୍ତେ ଆତଃ ଯିହୁଦୀ ରିତିରିଖାଜ୍ କା ମାନାତିଙ୍ଗ୍ ନାଗେନ୍ତେମ୍ ଇତ୍ତକତାନା । ୨୨ ଆମ୍ ନେତାଃତେମ୍ ସେବେରାକାନା ମେନ୍ତେ ଇନକୁ ସାର୍‌ତିଗିକ ଆୟୁମେୟା । ତାଦ୍‌ବ ଚିନାଃରୁ ଚିକାଏୟା ? ୨୩ ଏନାମେନ୍ତେ ଆଲେ ସାନାଙ୍ଗ୍‌ତାନାଲେ, ଆମ୍ ମିଆଁଦ୍ କାମି କାମିମେ, ନେତାଃରେ ମେନାକ ଉପୁନ୍* ହତ୍ତକ ମିଆଁଦ୍ କିରିୟାକାଦାକ । ୨୪ ଇନକୁଲଃ ସେନଃମେ ଆତଃ ଫାର୍‌ତିଅଃରେୟାଃ ରିତିରିଖାଜ୍ ମାନାତିଙ୍ଗ୍ ନାଗେନ୍ତେ ଇନକୁଲଃ ମେସାକେଦ୍‌ତେ ଦାଗ୍‌ରୋକାବଃ ନାଙ୍ଗ୍ ଖାଗ୍‌ଆଃତେୟାଃ ଏମେମେ, ଏନ୍ତେ ଇନକୁ ଆକଆଃ ଆପୁନାଃ ବହେଃରାଃ ଉଦ୍ ଗାଠୁନାଃକ । ଏନାତେ ଆମାଃ ବିଷାଏରେ କାଜିକାନ୍ ଜେତାନ୍ କାଜି ସାର୍‌ତି ନାହାଁଲଃ, ହେନୁଦ୍ ଆମ୍ ମୁଣା ନାବାଆଃ ଆନୁରୁ ଲେକାମ୍ ସେସେନ୍‌ତାନା, ମେନ୍ତେ ସବେନକ ଆର୍‌କାରୋୟା । ୨୫ ଫେନ୍‌ଦ୍ ଅକ ସାର୍ଥ୍ୟାର୍ ହତ୍ତକ ବିଶ୍ୱାସାକାନାକ, ଇନକୁତାଃତେ ଆଲେ ମିଆଁଦ୍ ଚିଟାଉଲେ ଅଲ୍ କୁଲ୍‌କାଦା, ଏନାରେ ଆଲେ ଆତୁକାଦାଲେ, ଇନକୁ ମୁରୁଦ୍‌କତାଃରେ ଦାନ୍ ରାକାବାକାନ୍ ଜମେୟାଃ ଆଲକାକ ଜମେକା, ମାୟୋମ୍ ଆଲକାକ ନୁଏକା, ହେଃ ଲିମ୍‌ଦୁକେଦ୍‌ତେ ଗଜାକାଜ୍ ଚାଁତୁରାଃ ମାୟ ଆଲକାକ ଜମେକା ଆତଃ ଇନକୁ କଡ଼ା ଚାଏ କୁଡ଼ିଲଃ ହତ୍ତକରାଃ ଏଡ଼କାନ୍ ସାମ୍‌କାକ୍ ଆଲକାକ କାମିକା ।”

୨୬ ଏନ୍ତେ ଏଟାଃ ହୁଲ୍‌କାଜ୍ ପାଉଲୁସ୍ ଏନ୍ ଉପୁନ୍ ହତ୍ତକଲଃ ଫାର୍‌ଚିନ୍‌ରେୟାଃ ରିତିରିଖାଜ୍ ରିକା ନାଗେନ୍ତେ ମାନାତିଙ୍ଗ୍‌ୟାନା । ଏନ୍ତେ ଇନିଃ ମାନ୍‌ରୁତେ ସେନ୍‌କେଦ୍‌ତେ ଫାର୍‌ଚିନ୍‌ରେୟାଃ କାମି ଚିଉଲ୍ ଚୁଣ୍ଡୁଆ ଆତଃ ଚିମ୍‌ତା ଦାଗ୍‌ରୋକାଦ୍ ହବାଅଃଆ, ଏନା ଉଦ୍‌ବକିୟାକ ।

ପାଉଲୁସ୍ ମାନ୍‌ରୁ ଅଡ଼ାଃରେ ସାନାବ୍‌ୟାନା

୨୭ ଫାର୍‌ଚିନ୍‌ରେୟାଃ ଏୟାମାହ ଚୁଣ୍ଡୁତାନ୍ ଦିପିଲିରେ ଏସିଆ ପାର୍‌ଗାନ୍‌ରେନ୍ ଚିମିନ୍ ଯିହୁଦୀ ହତ୍ତକ ପାଉଲୁସ୍‌କେ ମାନ୍‌ରୁ ଅଡ଼ାଃରେକ ନେଲ୍‌କିୟା । ଇନକୁ ଏନ୍ତାଃରେ, ଏନ୍ତାଃରେନ୍ ଗଟା ଗାଦେଲ୍ ହତ୍ତକକେ ଉସ୍‌କୁରକେଦ୍‌ତେ ପାଉଲୁସ୍‌କେ ସାବ୍‌କିୟାକ । ୨୮ ଇନକୁ କାଉରିକେଦ୍‌ତେ କାଜିକେଦାକ, “ହେ ଇସ୍ରାଏଲ୍‌ରେନ୍ ହତ୍ତକ, ଆଲେକେ ଦେଙ୍ଗାଲେପେ ! ନେ ହତ୍ତ ଚାରିୟସାଃ ସେନ୍‌କେଦ୍‌ତେ ଇସ୍ରାଏଲ୍‌ରେନ୍ ହତ୍ତକଆଃ ବିରୁଧରେ, ମୁଣା ନାବାଆଃ ଆନୁରୁ ଆତଃ ନେ ମାନ୍‌ରୁ ଅଡ଼ାଃ ବିରୁଧରେ ଇତ୍ତତାନା । ଆତଃ ନାହାଁଃ ଇନିଃ ଚିମିନ୍ ସାର୍ଥ୍ୟାର୍ ହତ୍ତକକେ ମାନ୍‌ରୁ ଅଡ଼ାଃ ଭିତାଡ଼ରେ ଆଉକେଦ୍‌ତେ ନେ ପାବିତାର୍ ଠାୟାଦ୍‌କେ ସଡ଼ରାଏ ତାନା ।” ୨୯ ଇନକୁ ନାଗାର୍‌ରେ ଏଫିସ୍‌ସୁରେନ୍ ବ୍ରୁଫିମ୍‌କେ ପାଉଲୁସ୍‌ଲଃ ନେଲ୍‌କାକ ତାଜକେନାକ, ଏନାତେ ପାଉଲୁସ୍ ବ୍ରୁଫିମ୍‌କେ ମାନ୍‌ରୁ ଅଡ଼ାଃତେ ଇଦିତାନା ମେନ୍ତେ ଇନକୁ ଉଡ଼ୁକେଦାକ ।

୩୦ ଗଟା ନାଗାର୍‌ରେ ହାଲ୍‌ଗୁଲ୍‌ ନିତିରୁୟାନା, ଆତଃ ହତ୍ତକ ପାଉଲୁସ୍‌କେ ମାନ୍‌ରୁ ଅଡ଼ାଃଏତେ ବାହାରିତେକ ଅର୍ ଅତଙ୍ଗ୍‌କିୟା । ମାନ୍‌ରୁ ଅଡ଼ାଃରେୟାଃ ଦୁଆରକ ହାଣ୍ଡେଦ୍‌କେଦା । ୩୧ ଇନକୁ ଇନିଃକେ ଗଟାଏ ନାଗେନ୍ତେକ ଚେଷ୍ଟା ତାଜକେନ୍ ଇମ୍‌ତା ଗଟା ଯାଁରୁଗାଲେମ୍‌ରେ ହାଲ୍‌ଗୁଲ୍‌ମାତେ ପେରେଃକାନା ମେନ୍ତେ ରୋମାନ୍‌ରେନ୍ ହାଜାର୍ ସିପାଜକଆଃ ଆଗୁଆଇନିଃତାଃତେ କାନାଜି ସେଟେରୁୟାନା । ୩୨ ଇମ୍‌ତାଗି ହାଜାର୍ ସିପାଜକଆଃ ଆଗୁଆଇନିଃ ସିପାଜକକେ ଆତଃ ମିଦ୍‌ଶାଥ ସିପାଜକଆଃ ଆଗୁଆଇକକେ ଇଦିକେଦ୍‌ତେ ଏନ୍ତାଃତେ ସେଟେରୁୟାନା । ହତ୍ତକ ଇନିଃକେ ଇନକୁଲଃ ନେଲ୍‌କେଦ୍‌ତେ ପାଉଲୁସ୍‌କେ କା ଦାଲ୍‌କେଦ୍‌ତେ ବାଗିକିୟାକ । ୩୩ ହାଜାର୍ ସିପାଜକଆଃ ଆଗୁଆଇନିଃ ପାଉଲୁସ୍‌କେ ବାରିୟା ସିକ୍‌ଡିତେ ତଲି ନାଗେନ୍ତେ ଆତୁକେଦକଆ । ଏନ୍ତେ ଇନିଃ କୁଲିକେଦକଆଏ, “ନେ ହତ୍ତ ଅକଏ ତାନିଃ ଆତଃ ଇନିଃ ଚିନାଃ ଚିକା କାଦାଏ ?” ୩୪ ଗାଦେଲ୍ ହତ୍ତକଏତେ ଚିମିନ୍ ହତ୍ତକ ରାକାମ୍ ରାକାମ୍ କାଜିକେଦ୍‌ତେ କାଉରିକେଦାକ । ନେଲେକା କାଉରିକେଦାକ ଜି, ହାଜାର୍ ସିପାଜକଆଃ ଆଗୁଆଇନିଃ ହାଲ୍‌ଗୁଲ୍‌ ଚିନାଃମେନ୍ତେ ହବାଅଃତାନା ଏନା କାଏ ସାରିଦାଡ଼ିୟାନା । ଏନାତେ ଇନିଃ ପାଉଲୁସ୍‌କେ ସିପାଜକଆଃ ଗାଡ଼୍ ଭିତାଡ଼ରେ ଇଦି ନାଗେନ୍ତେ ସିପାଜକକେ ଆତୁକେଦକଆ । ୩୫ ଇନକୁ ପାଉଲୁସ୍‌କେ

* ୨୧:୨୩ ୨୧:୨୩ ଗଇର୍ ଝାନ୍ ✠ ୨୧:୨୫ ୨୧:୨୫ ପ୍ରେରିତ୍ ୧୫:୨୯. ✠ ୨୧:୨୯ ୨୧:୨୯ ପ୍ରେରିତ୍ ୨୦:୪.

ଇଦିକେଦତେ ଗାଡ଼ରେୟାଃ ପାଉଁର୍ତାଃ ସେଟେରଃତାନରେ ଗାଦେଲ୍ ହଡ଼କଆଃ ଖ୍ୱ ସ୍ତ ନେଲ୍‌କେଦତେ ସିପାଇକ ପାଉଲ୍‌ସ୍‌କେ ଗଅଃକେଦତେ ଇଦିକିୟାକ । ୩୭ ସବେନ୍ ହଡ଼କ ଆୟାଃ ଦୟା ଦୟା ଅତଜ୍ ଆଉକେଦତେ “ଇନିଃକେ ଗଜିପେ” ମେଟ୍ରେ କାଉରିତାନିଲଃ କାଜିକେଦାକ ।

ପାଉଲ୍‌ସ୍ ଆଇଃକ୍‌ଗି ଆୟାଃ ବାସ୍ତାଅ ନାଜ୍ କାଜିକେଦାଏ

୩୭ ସିପାଇକ ପାଉଲ୍‌ସ୍‌କେ ଗାଡ଼ ଭିତାରେ ଇଦି ଇମ୍‌ତା ପାଉଲ୍‌ସ୍ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆଇଜ୍ ଆବେନକେ ଜେଦ୍‌ନାଃ କାଜି ଦାଡ଼ିୟାଇଜ୍‌ଟି ?” ଇନିଃ କୁଲିକିୟାଏ, “ଆମ୍ ଗ୍ରୀକ୍ ଜାଗାରେ କାଜିତାନାମ୍, ଗ୍ରୀକ୍ ହଡ଼ ତାନମେଟି ? ୩୮ ଏନରେଦ ଚିମିନ୍ ମାହାଁ ସିପାରେ ମିସାରରେନ୍ ଅକ ହଡ଼ ହାଲ୍‌ଗୁଲ୍‌କେଦତେ ଉପୁନ୍ ହାଜାର୍ ବରଝାନ୍ ଗଗଏଃ ହଡ଼କକେ ଇଦିକେଦତେ ବିରେରେ ସେଟେର୍‌ୟାନା, ଆମ୍ ଚିନାଃ ଏନ୍ ହଡ଼ ନାହାଁଲ୍‌ମେ ?”

୩୯ ପାଉଲ୍‌ସ୍ କାଜିରୁହାଡ଼କିୟାଏ, “ଆଇଜ୍ କିଲିକିଆ ପାର୍‌ଗାନ୍‌ରେୟାଃ ତାଷ୍‌ସ୍ ସାହାରେ ଜାନାମାକାନ୍ ଯିହୁଦୀ ହଡ଼ ତାନିଜ୍ । ଦାୟାକେଦତେ ନେ ହଡ଼କତାଃରେ ଜାଗାର୍ ଇଚିଜ୍‌ମେ ।”

୪୦ ଇନିଃ ପାଉଲ୍‌ସ୍‌କେ କାଜି ଇଚିକିୟାଏ, ଏଟ୍ରେ ପାଉଲ୍‌ସ୍ ଅଡ଼ାଃପାଉଁର୍ ତେତାନରେ ତିଜ୍‌କେଦତେ ହଡ଼କକେ ହାପାଅଃ ନାଗେଟ୍ରେ ତିଃଇ ରିମ୍‌ଜେକେଦତେ ଇସାୟାକେଦକଆ । ଇନ୍କୁ ହାପାୟାନ୍ ତାୟମ୍‌ତେ ପାଉଲ୍‌ସ୍ ଏଗ୍ରୀ ଜାଗାରେ କାଜିକେଦା,

୨୨

୧ “ଦୁଲ୍‌ଡ଼ ହାଗାକ ଆଡ଼ ଆପୁକ, ଆଇଜ୍ ଆପେୟାଃ ସାମ୍‌ନାଜ୍‌ରେ ଆପ୍‌ନାଃ ନାଗେଟ୍ରେ କାଜିତାନିକେୟାଃ ଆୟୁମେପେ,” ୨ ଇନିଃ ଇନ୍କୁଲଃ ଏଗ୍ରୀତେ ଜାଗାର୍‌ତାନ ଆୟୁମ୍‌କେଦତେ ଇନ୍କୁ ଆଡ଼ଃଗି ହାପାୟାନାକ ଆଡ଼ ପାଉଲ୍‌ସ୍ ଆଡ଼ଃଗି କାଜିକିକେଦା,

୩ * “ଆଇଜ୍ ମିହୁଡ଼ ଯିହୁଦୀ ତାନିଜ୍, କିଲିକିଆ ପାର୍‌ଗାନ୍‌ରେୟାଃ ତାଷ୍‌ସ୍ ସାହାରେଇଜ୍ ଜାନାମା କାନା, ମେନ୍‌ଦ ଆଇଜ୍ ଯୀରୁଗାଲ୍‌ଲେମ୍‌ରେଇଜ୍ ଆସୁଲ୍ ହାରାକାନା ଆଡ଼ ଗମଲିଏଲ୍‌ତାଃଏତେ ଇନିଡ଼ୁଇଜ୍ ନାମାକାଦା । ଆଇଜ୍ ଆବୁଆଃ ପୁରଖା ହାଡ଼ାମ୍‌କଆଃ ଆନ୍‌ହୁ ବୁଗିଲେକାଇଜ୍ ଇଡ଼ୁକାନା ଆଡ଼ ଆପେୟାଃ ଲେକା ପାର୍‌ମେଶ୍‌ୱାର୍‌ଆଃ ନାଗେଟ୍ରେ ଚିହୁଲ୍‌ନାନ୍‌ଗି ତାଇକେନାଇଜ୍ । ୪ * ଆଇଜ୍ ପ୍ରାଭୁଆଃ ହରାକେ ଅତଜ୍‌ତାନ ହଡ଼କକେ ସାସାଡ଼ିକେଦତେ ଗଏଃକ ତାଇକେନାଇଜ୍ । କଡ଼ା କୁଡ଼ି ସବେନକକେ ତଲ୍‌କେଦତେ ଜେହେଲ୍‌ରେ ଜିମାକ ତାଇକେନାଇଜ୍ । ୫ ଆଇୟାଃ ନେ କାଜି ସାଡ଼ିତ ତାନାଃ, ମାରାଜ୍ ଯାଜାକ୍ ଆଡ଼ ପାଞ୍ଚେଟ୍ରେନ୍ ସବେନକ ନେଆଁରେୟାଃ ଗାଞ୍ଜାତାନକ । ନେ ହଡ଼କକେ ତଲ୍‌କେଦତେ ଆଡ଼ ସିକିଡ଼ିରେ ତଲ୍‌କେଦତେ ସାଜାକ୍ ଏମାକ ନାଗେଟ୍ରେ ଯୀରୁଗାଲ୍‌ଲେମ୍‌ତେ ଇଦିକ ନାଜ୍ ଆଇଜ୍ ମାରାଜ୍ ଯାଜାକ୍‌ତାଃଏତେ ଅନଲ୍ ଚିଗାଉ ଇଦିକେଦତେ, ଦମାସ୍‌କସ୍ ନାଗାରେ ତାଇନତାନ ଯିହୁଦୀ ହାଗାକତାଃତେଇଜ୍ ସେନଃୟାନା ।

ପାଉଲ୍‌ସ୍ ଆୟାଃ ମନ୍‌ରୁହାଡ଼ ବିଷାଏରେ ଉଦୁବକେଦା

(ପ୍ରେସ୍‌ବିଟରୀ ୯:୧-୧୯; ୨୭:୧୨-୧୮)

୬ “ଆଇଜ୍ ସେନଃତାନ ତାଇକେନ୍ ଇମ୍‌ତା ଦମାସ୍‌କସ୍ ନାଗାରେ ତେବାଗଃ ତାଇକେନ୍‌ରେ ସିମାଏତେ ମିଆଁଦ୍ ହିଚିରୁଲେକା ମାର୍‌ସାଲ୍ ଆଡ଼କାଗି ଆଇୟାଃ ଚାରିୟସାଃରେ ମାର୍‌ସାଲ୍‌ୟାନା । ୭ ଆଡ଼ ଆଇଜ୍ ଅତେରେଇଜ୍ ଉୟୁଃୟାନା ଏଟ୍ରେ ଆଇଜ୍ ନାଗେଟ୍ରେ ନେ ଲାବ୍‌ଜାଇଜ୍ ଆୟୁମ୍‌କେଦା, ‘ହେ ଶାଉଲ୍, ହେ ଶାଉଲ୍, ଚିନାଃମେଟ୍ରେ ଆମ୍ ଆଇଜ୍‌କେମ୍ ସିଗିଦିଇଜ୍‌ତାନା ?’ ୮ ଆଇଜ୍ କୁଲିକିୟାଇଜ୍, ‘ପ୍ରାଭୁ, ଆମ୍ ଅକଏ ତାନମେ ?’ ଇନିଃ ଆଇଜ୍‌କେ କାଜିରୁହାଡ଼କିୟା, ‘ଆମ୍ ଅକଏକେମ୍ ସାସାଡ଼ିତାନା, ଆଇଜ୍ ଏନ୍ ନାଜ୍‌ରେଡ଼ରେନ୍ ଯୀଶୁ ତାନିଜ୍ ।’ ୯ ଆଇୟାଃଲଃ ତାଇକେନ୍ ହଡ଼କ ଏନ୍ ମାର୍‌ସାଲ୍‌କ ନେଲ୍‌କେଦା, ମେନ୍‌ଦ ଆଇଜ୍‌ଲଃ ଜାଗାର୍‌ତାନ ହଡ଼ଆଃ ଲାବ୍‌ଜା କାକ ଆୟୁମ୍ ଦାଡ଼ିୟାନା । ୧୦ ଆଇଜ୍ କୁଲିକିୟାଇଜ୍, ‘ପ୍ରାଭୁ, ଆଇଜ୍ ଚିନାଃ ଚିକାଏୟାଇଜ୍ ?’ ପ୍ରାଭୁ ଆଇଜ୍‌କେ କାଜିକେଦିୟା, ‘ବିରିଦ୍‌ମେ, ଆଡ଼ ଦମାସ୍‌କସ୍‌ତେ ସେନଃମେ, ପାର୍‌ମେଶ୍‌ୱାର୍ ଆମାଃ ନାଗେଟ୍ରେ ଅକ କାମି ଦହକାଦା, ଏନା ଏଗ୍ରାଃରେ ଆମ୍‌କେ ଉଦୁବାମେୟା ।’ ୧୧ ଏନ୍ ମାର୍‌ସାଲ୍‌ରେୟାଃ ପୁରାଃ ମାର୍‌ସାଲ୍‌ତେ ଆଇୟାଃ ମେଦ୍‌ତାଇୟାଃ ବିଗ୍ରାଅୟାନା ଆଡ଼ କାଜ୍ ନେଲ୍‌ଦାଡ଼ିୟାନା । ଏନାମେଟ୍ରେ ଆଇୟାଃଲଃ ମିସାତେ ସେନ୍‌ତାଇକେନ୍ ହଡ଼କ ଆଇୟାଃ ତିଃଇ ସାବ୍‌କେଦତେ ଆଇଜ୍‌କେ ଦମାସ୍‌କସ୍‌ତେକ ସୁଡ଼ଃଇଦିକିୟା ।

* ୨୨:୩ ୨୨:୩ ପ୍ରେସ୍‌ବିଟରୀ ୫:୩୪-୩୯. * ୨୨:୪ ୨୨:୪ ପ୍ରେସ୍‌ବିଟରୀ ୮:୩; ୨୭:୯-୧୧.

୧୭ “ଏନ୍ ନାଗାରରେ ହନାନିୟ ନୁହୁମ୍ ମିଆଁଦ୍ ଧାର୍ମାନ ହଡ଼ ତାଇକେନାଏ । ଇନିଃ ଆଗୁଆଃ ଆନୁରୁ ମାନାଡ଼ିଙ୍ଗନିଃ ତାଇକେନାଏ ଆତଃ ଏନ୍ତାଃରେ ତାଇନତାନ୍ ଯିହୁଦୀ ହଡ଼ ସବେନକ ଇନିଃକେ ପୁରାଃଶିକା ମାଜନି ତାଇକେନା । ୧୩ ଇନିଃ ଆଇଁୟାଃତାଃରେ ହିଜୁଃକେଦତେ ନାଡ଼େଃରେ ତିଙ୍ଗୁୟାନା ଆତଃ କାଜିକେଦାଏ, ‘ହାଗା ଶାଉଲ୍, ଆମ୍ ଆତଃମିସାମ୍ ନେଲ୍ଦାଡ଼ିୟା ।’ ଏନ୍ ନେଡାରେଗି ଆଇଙ୍ଗ୍ ଆତଃମିସା ନେଲ୍ ଦାଡ଼ିକେଦତେ, ଇନିଃକେଇଙ୍ଗ୍ ନେଲ୍କିୟା । ୧୪ ଇନିଃ କାଜିକେଦାଏ, ‘ଆଗୁଆଃ ପୁରାଃ ହାଡ଼ାମକଆଃ ଦାର୍ମେଗ୍ସ୍ ଆମ୍ କେ ଆୟାଃ ଇଛାସାନାଙ୍ଗ୍ ସାରି ନାଗେନ୍ତେ, ଆୟାଃ ଧାର୍ମାନ ଦାସିକେ ନେଲି ନାଗେନ୍ତେ ଆତଃ ଆୟାଃ କାଜି ଆୟୁମକେଦତେ ଆୟାଃ ଆପ୍ନାଃ ଲାଦ୍ଜାତେ ଜାଗାର୍ ନାଗେନ୍ତେ ସାଲ୍ଲାକାଦ୍ମେୟା । ୧୫ ତିଆଃତି ଆମ୍ ଅକ୍ନାଃ ନେଲ୍ଲାକାଦାମ୍ ଆତଃ ଆୟୁମକାଦାମ୍, ଏନା ସବେନକତାଃରେ ଉଦୁବେ ନାଗେନ୍ତେ ଆମ୍ ଆୟାଃ ଗାଝାମ୍ ହବାଅଥା । ୧୬ ଆତଃ ନାହାଁଃ, ତିନାଃମେନ୍ତେମ୍ ବିଲ୍ଲାମେତାନା ? ବିରିଦ୍ମେ, ବାପ୍ତିସ୍ମା ଇଦିମେ ଆତଃ ଆୟାଃ ନୁହୁମ୍ରେ ବିନ୍ତିକେଦତେ ଆମାଃ ସବେନ୍ ପାପକ ଫାଡ଼ିୟାଃ ।’

ସାଅଁସାର୍ ହଡ଼କତାଃରେ ପ୍ରାତାର୍ ରିକା ନାଗେନ୍ତେ ପାଉଲୁସକେ କେନେଡ଼ା

୧୭ “ଆଇଙ୍ଗ୍ ଯୀରୁଶାଲେମ୍ ରୁହାଡ଼କେଦତେ ଏନ୍ତାଃରେୟାଃ ମାଦିର୍ ଅଡ଼ାଃରେ ବିନ୍ତିତାଇକେନ୍ ଇମତା, ଦାର୍ଶାନ୍ ନେଲ୍କେଦାଇଙ୍ଗ୍, ୧୮ ଏନ୍ ଦାର୍ଶାନ୍ରେ ପ୍ରାଭୁକେ ନେଲ୍କିୟାଇଙ୍ଗ୍ । ଇନିଃ ଆଇଙ୍ଗ୍କେ କାଜିକେଦିୟା, ‘ଜାଲ୍ଦି ଯୀରୁଶାଲେମ୍ ବାଗିମେ, ତିଆଃତି ନେତାଃରେନ୍ ହଡ଼କ ଆଇଁୟାଃ ବିଷାଏରେ ଏମାକାଦ୍ ଗାଝା କାକ ଆୟୁମେୟା ।’ ୧୯ ଆଇଙ୍ଗ୍ କାଜିରୁହାଡ଼କେଦାଇଙ୍ଗ୍, ‘ପ୍ରାଭୁ ଆଇଙ୍ଗ୍ ସାମାଜ୍ ଅଡ଼ାଃକେ ସେନ୍କେଦତେ ଆମାଃତାଃରେ ବିଶ୍ୱାସତାନ୍ ହଡ଼କକେ ତିଲ୍ଲକାଇଙ୍ଗ୍ ତଲ୍ଲକତାଇକେନା ଆତଃ ଦାଲ୍ଲକ ତାଇକେନା, ଏନା ଇନୁ ବୁଗିଲେକାକ ସାରିକାଦା, ୨୦ *ଆତଃ ଆମାଃ ବିଷାଏରେ ସ୍ତ୍ରୀମ୍ ଗାଝା ଏମତାଇକେନ୍ ଇମତା ଇନିଃକେ ଦିରିତେ ବିଦ୍ଗି ଗଏଃକିୟାକ, ଆଇଙ୍ଗ୍ ଏନ୍ତାଃରେଇଙ୍ଗ୍ ତାଇକେନା, ଆତଃ ଇନିୟାଃ ଗନ୍ଏଃରେଇଙ୍ଗ୍ ସାଲ୍ଲହାକାନ୍ ତାଇକେନା ଆତଃ ଇନିଃକେ ଗଏଃତାନ୍ ହଡ଼କଆଃ ଲିଜାଃକଇଙ୍ଗ୍ ହରତାଇକେନା ।’ ୨୧ ପ୍ରାଭୁ ଆଇଙ୍ଗ୍କେ କାଜିକେଦିୟା, ‘ହୁ, ଆଇଙ୍ଗ୍ ଆମ୍ କେ ପୁରାଃ ସାଜିନ୍ ସାଅଁସାର୍ ହଡ଼କତାଃରେଇଙ୍ଗ୍ କୁଲ୍ମେୟା ।’ ”

୨୨ ହଡ଼କ ପାଉଲୁସ୍ ନେ କାଜି କାଜିତାନ୍ ଜାକେଦ୍ ଆୟୁମ୍ ତାଇକେନାକ, ମେନ୍ଦ୍ ଏନ୍ ତାୟମ୍ରେ ଇନୁ ପୁରାଃ କାଉରିକେଦତେ କାଜି ଏଡ଼େକେଦାକ, “ଇନିଃକେ ଅଡେଦିଶ୍ୱମ୍ରେ ଏଡେ ବାହାରି ଅଡ଼ଙ୍ଗ୍ଇପେ, ଇନିଃକେ ଗଜିପେ, ଇନିୟାଃ ଜାନିଦ୍ ତାଇନଃରେୟାଃ ଜେତାନ୍ ଆକଡେୟାର୍ ବାନଅଥା ।” ୨୩ ଇନୁ କାଉରିତାନ୍ଲଃ ଆକଆଃ ଲିଜାଃ ହିରକେଦାକ ଆତଃ ରେତାନ୍ତେ ଧୂଡ଼ି ହିରକିକେଦାକ । ୨୪ ପାଉଲୁସକେ ଗାଡ଼୍ ଭିତାର୍ରେ ଇଦି ନାଗେନ୍ତେ ରୋମ୍ରେନ୍ ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆରୁକେଦକଆ ଆତଃ ଯିହୁଦୀ ହଡ଼କ ତିନାଃମେନ୍ତେ ଆୟାଃ ବିରୁଧ୍ରେ ନେଲ୍ଲେକା କାଉରିତାନାକ, ଏନା ସାରି ନାଗେନ୍ତେ ଇନିଃକେ କର୍ତାତେ ହାଁଶ୍ୱାସାଲ ନାଙ୍ଗ୍ ଆରୁକେଦକଆଏ । ୨୫ ମେନ୍ଦ୍ ଇନିଃକେ ତନଲ୍ ଇମତା ପାଉଲୁସ୍ ଏନ୍ତାଃରେ ତାଇକାନ୍ ମିଦ୍ଗାଅ ସିପାଇକଆଃ ଆଗୁଆଇନିଃକେ କାଜିକିୟା, “ଜେତା ଗୁହାଁରେ ନାହାଁଃ ଜାକେଦ୍ କା ତିଟାକାନ୍ ରୋମିରେନ୍ ହଡ଼କେ ହାଁଶ୍ୱାସାତେୟାଃ ତିନାଃ ଆଇନ୍ ଲେକାତେ ବୁଗିନାଃ ତାନାଃ ?”

୨୬ ନେଆଁ ଆୟୁମକେଦତେ ମିଦ୍ଗାଅ ସିପାଇକଆଃ ଆଗୁଆଇନିଃ ସେନ୍କେଦତେ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆବେନ୍ ତିନାଃବେନ୍ ବିକାଏତାନା ? ଏନ୍ ହଡ଼ ରୋମିରେନ୍ ତାନିଃ ।”

୨୭ ଏନ୍ତେ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସତାଃରେ ସେନ୍କେଦତେ କୁଲିକିୟା, “ଆମ୍ ତିନାଃ ମିଆଁଦ୍ ରୋମିରେନ୍ ତାନ୍ମେ ?” ପାଉଲୁସ୍ କାଜିରୁହାଡ଼କିୟାଏ, “ହାଁ, ଆଇଙ୍ଗ୍ ତାନିଙ୍ଗ୍ ।”

୨୮ ହାଜାର୍ ସିପାଇକଆଃ ଆଗୁଆଇନିଃ କାଜିକେଦାଏ, “ପୁରାଃ ଗନଙ୍ଗ୍ ଏମକେଦତେ ଆଇଙ୍ଗ୍ ମିଆଁଦ୍ ରୋମିରେନ୍ ହଡ଼ ହବାକାନାଇଙ୍ଗ୍ ।” ମେନ୍ଦ୍ ପାଉଲୁସ୍ କାଜିରୁହାଡ଼କିୟାଏ, “ମେନ୍ଦ୍ ଆଇଙ୍ଗ୍ ଜାନାମ୍ହେତେଗି ରୋମିରେନ୍ ତାନିଙ୍ଗ୍ ।”

୨୯ ଇମତାଗି ଅକ ହଡ଼କ ପାଉଲୁସକେ କୁଲି ନାଗେନ୍ତେକ ସେନ୍ତାଇକେନା, ଇନୁ ତାୟମ୍ରେକେ ରୁହାଡ଼ୟାନା ଆତଃ ପାଉଲୁସ୍ ରୋମିରେନ୍ ତାନିଃ ମେନ୍ତେ ସାରିକେଦତେ ଆତଃ ଇନିଃ ସିକିଡ଼ିତେ ପାଉଲୁସକେ ତଲ୍ ନାଙ୍ଗ୍ ଆରୁକାଦାଏ, ନେଆଁ ସାରିକେଦତେ, ଇନିଃ ପୁରାଃଗି ବରକେଦା ।

* ୨୨:୨୦ ୨୨:୨୦ ପ୍ରେରିତ୍ ୭:୫୮.

ଯିହୁଦୀକଥାଃ ମାରାଜ ପାଞ୍ଚେଟ୍ ଆୟାତ୍ରେ ପାଠଲୁୟ୍

୩୦ ଯିହୁଦୀ ହତୁକ ପାଠଲୁୟ୍‌କେ ଚିନାଃମେନ୍ତେକ ଚିଟାଈତାନା, ଏନା ସାରି ନାଗେନ୍ତେ ହାଜାର୍ ସିପାଇକଥାଃ ଆଗୁଆଇନିଃ ଏଟାଃ ହୁଲାଜ୍ ପାଠଲୁୟ୍‌ଆଃ ସିକିଡ଼ି ତନଲ୍‌ତେୟାଃକ ରାଡାକେଦ୍‌ତେ ମାରାଜ୍ ପାଞ୍ଚେଟ୍ ହବାଥଃ ନାଗେନ୍ତେ ମୁଲ୍ ଯାଜାକକକେ ଆତୁକେଦ୍‌କଥା । ଏନ୍ତେ ଜନିଃ ପାଠଲୁୟ୍‌କେ ଜଦିକେଦ୍‌ତେ ଜନ୍‌କୁଆଃ ଆୟାତ୍ରେ ତିଜ୍‌କିୟା ।

୨୩

୧ ପାଠଲୁୟ୍ ମାରାଜ୍ ପାଞ୍ଚେଟ୍‌ସାଃତେ ମିଦ୍‌ନାଜେତ୍ରେ ନେଲ୍‌କେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ତିସିଜ୍ ଜାକେଦ୍ ଆଇଜ୍ ଆଇୟାଃ ଜାଦାନ୍‌ରେ ପାର୍‌ମେଶ୍‌ୱାର୍‌କେ ପୁରାଃ ମାଇନ୍‌ତାନଲ୍‌ଜ ଜାଦାନ୍ ବିତାଅକାଦାଇଜ୍, ଏନ୍ ବିଷାଏରେ ଆଇୟାଃ ବିବେକ୍ ପୁରା ବୁଗିନ୍‌ଗିୟା ।”
୨ ନେ କାଜି ଆୟୁମକେଦ୍‌ତେ ମାରାଜ୍ ଯାଜାକ୍ ହନାନିୟ, ପାଠଲୁୟ୍‌ଆଃ ଜଥାରେ ଚାଟ୍‌କାନ୍ ନାଗେନ୍ତେ ପାଠଲୁୟ୍‌ଆଃ ନାଡେଃରେ ତିଜ୍‌ଆକାନ୍ ହତୁକକେ ଆତୁକେଦ୍‌କଥା । ୩ *ପାଠଲୁୟ୍ ଜନିଃକେ କାଜିକିୟା, “ଏ ପୁଣ୍ଡିଆକାନ୍ ଭିଡ୍”, ପାର୍‌ମେଶ୍‌ୱାର୍ ସାର୍‌ତିଗି ଆମ୍‌କେ ଦାଲ୍‌ମେୟା । ଆନ୍‌ତୁ ଲେକାତେ ଆଇୟାଃ ବିଚାର୍ ନାଗେନ୍ତେ ଆମ୍ ଏନ୍ତାଃରେ ଦୁବାକାନାମ୍, ଏନ୍‌ରେୟ ଆଇଜ୍‌କେ ଦାଲ୍ ନାଜ୍ ଆତୁକେଦ୍‌ତେ ଆମ୍ ଆନ୍‌ତୁମ୍ ଚଟାଃତାନା ।”

୪ ପାଠଲୁୟ୍‌ଆଃ ନାଡେଃରେ ତାଇକାନ୍ ହତୁକ ଜନିଃକେ କାଜିକିୟାକ, “ଆମ୍ ପାର୍‌ମେଶ୍‌ୱାର୍‌ଆଃ ମାରାଜ୍ ଯାଜାକକେମ୍ ଲାୟାଈତାନା ।”

୫ ପାଠଲୁୟ୍ କାଜିରୁହାତ୍‌କେଦ୍‌କଥାଏ, “ହେ ଇସ୍ରାଏଲ୍‌ରେନ୍ ହାଗାକ, ଜନିଃ ମାରାଜ୍ ଯାଜାକ୍ ତାନିଃ ମେନ୍ତେ ଆଇଜ୍ କାଈଜ୍ ସାରିକାଦ୍ ତାଇକେନା । ଧାରାମ୍‌ପୁଥ୍ରେ ଅଲ୍‌କାନା, ଆପେ ଆପେୟାଃ ହତୁକଥାଃ ହାକିମ୍‌ଆଃ ବିଷାଏରେ ଏଡ୍‌କାନାଃ ଆଲପେ କାଜିୟା ।”

୬ *ଯିହୁଦୀ ହତୁକଥାଃ ଝୁଣ୍ଡରେ ତିମିନ୍ ଫାରୁଶୀ ଆଡଃ ତିମିନ୍ ସାଦୁକି ହତୁକ ମେନାକତେୟାଃ ନେଲ୍‌କେଦ୍‌ତେ ପାଠଲୁୟ୍ ମାରାଜ୍ ପାଞ୍ଚେଟ୍ରେ କାଉରିକେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ଆଇଜ୍ ଫାରୁଶୀ ତାନିଜ୍ ଆଡଃ ଫାରୁଶୀ କିଲିରେଇଜ୍ ଜାନାମ୍ କାନା । ଆଡଃ ଗଜାକାନ୍‌କଥାଃ ଜାଉବିନିରିଦ୍ ମେନାଃ ମେନ୍ତେ ଭାର୍‌ସାକାଦ୍ ହରାତେ ନେତାଃରେ ଆଇୟାଃ ବିଚାର୍ ହବାଥଃତାନା ।”

୭ ନେ କାଜି କାଜିକେଦ୍‌ତି ଇମ୍‌ତାଗି, ଫାରୁଶୀକଥାଃ ଆଡଃ ସାଦୁକିକଥାଃ ଆଲାରେ କାପ୍‌ଜି ଏଟେଦ୍‌ୟାନା, ଏନ୍ତେ ଜନ୍‌କୁଆଃ ଝୁଣ୍ଡ ବିପିଜାଅୟାନା । ୮ *ତିଆଃତି ସାଦୁକିକ ଗଜାକାନ୍‌କଥାଃ ଜାଉବିନିରିଦ୍ ବାନଃଆ ଆଡଃ ଦୁଡ୍‌କ, ଆଡଃ ଆମ୍ ବାଜ୍‌କଥା ମେନ୍ତେକ କାଜିୟାଃ, ମେନ୍‌ଦ୍ ଫାରୁଶୀକ ନେ ଆପିୟାତେୟାଃରେକ ବିଶ୍ୱାସାଃ । ୯ ଜନ୍‌କୁଆଃ ଆଲାରେ ପୁରାଃଗି କାପ୍‌ଜି ହବାୟାନା ଆଡଃ ଫାରୁଶୀକଥାଃ ଝୁଣ୍ଡରେନ୍ ତିମିନ୍ ଆଇନ୍ ଇତୁକ ତିଜ୍‌ୟାନ୍‌ଲଃ କେଟେୟାନ୍‌ଗି କାଜିକଟ୍‌କେଦ୍‌ତେ କାଜିକେଦାକ, “ଆଲେ ନେ ହତୁତାଃରେ ଜେତାନ୍ ଗୁଝା କାଲେ ନାମେତାନା, ହବାସାକଅଥାଃ ଜାରୁଡ୍‌ଗି ଜନିଃଲଃ ମିଆଁଦ୍ ଆମ୍ ଚାଏ ଦୁଡ୍ କାଜିକାତେୟାଃଏ ।”

୧୦ କାପ୍‌ଜି ନିମିନାଜ୍ ବରଞ୍ଜାନ୍ ଲେକା ହବାୟାନା ଯେ, ଗାଦେଲ୍ ହତୁକ ପାଠଲୁୟ୍‌କେ ଟୁକ୍‌ଡା ଟୁକ୍‌ଡା ତାଇୟାକ ମେନ୍ତେ ହାଜାର୍ ସିପାଇକଥାଃ ଆଗୁଆଇ ବରକେଦାଏ । ଏନାତେ ଜନିଃ ହାଲାଗୁଲାତାନ୍ ହତୁକଥାଃ ଆଲାଏତେ ପାଠଲୁୟ୍‌କେ ଜଦି ଆତମ୍‌କିୟା ଆଡଃ ଜନିଃକେ ଗାଡ୍ ଭିତାତ୍ରେ ଜଦିପେ ମେନ୍ତେ ସିପାଇକକେ ଆତୁକେଦ୍‌କଥା । ୧୧ ପ୍ରାଭୁ ଏନ୍ ନିଦାରେଗି ପାଠଲୁୟ୍‌ତାଃରେ ତିଜ୍‌କେଦ୍‌ତେ କାଜିକେଦା, “ଆଲମ୍ ବରଏୟା, ଆମ୍ ନେତାଃ ଯାରୁଶାଲେମ୍‌ରେ ଆଇୟାଃ ନାଗେନ୍ତେ ଗାଞ୍ଜାମ୍ ଏମାକାଦା । ରୋମ୍‌ରେୟଗି ଆମ୍‌କେ ନେ ଲେକାଗି ଗାଞ୍ଜା ଏମ୍ ଲାଗାତିୟା ।”

ପାଠଲୁୟ୍‌କେ ଗଗଏଃ ନାଗେନ୍ତେ ରୋଜୋଟ

୧୨ ଏଟାଃ ହୁଲାଜ୍ ସେତାଃରେ ତିମିନ୍ ଯିହୁଦୀ ହତୁକ ହୁଣ୍ଡିକେଦ୍‌ତେକ ରୋଜୋଟକେଦା । ପାଠଲୁୟ୍‌କେ ଆଉରି ଗଜି ଜାକେଦ୍ ଜନ୍‌କୁ ଜମ୍ ନୁଁ କାକଥାଃ ମେନ୍ତେକ କିରିୟାକେଦା । ୧୩ ବାର୍‌ହସିହେତେ ଆଦକା ହତୁକ ନେଲ୍‌କା ରୋଜୋଟକାଦ୍ ତାଇକେନାକ । ୧୪ ଜନ୍‌କୁ ସେନ୍‌କେଦ୍‌ତେ ମୁଲ୍ ଯାଜାକ୍ ଆଡଃ ପ୍ରାଚିନ୍‌କକେ କାଜିକେଦ୍‌କଥାକ, “ପାଠଲୁୟ୍‌କେ ଆଉରି ଗଜି ଜାକେଦ୍ ଜେଡ୍‌ନାଃ କାଲେ ଜମେୟା ମେନ୍ତେ ଆଲେ କିରିୟାକାଦାଲେ । ୧୫ ଏନାତେ ଆପେ

* ୨୩:୩ ୨୩:୩ ମାଥୁର ୨୩:୨୭,୨୮. * ୨୩:୩ ୨୩:୩ କାଥ୍ * ୨୩:୬ ୨୩:୬ ପ୍ରେରାଦ ୨୭:୫; ଫିଲିପିୟ ୩:୫. * ୨୩:୮ ୨୩:୮ ମାଥୁର ୨୨:୨୩; ମାର୍କ ୧୫:୧୮; ଲୁକ ୨୦:୨୭.

ବେଦାତାନ୍ତଲଃ ଜନିୟାଃ ବିଷାଏରେ ପୁରାଃ ଠାଉକାଲେକା ସାରି ସାନାଙ୍ଗତାନାଲେ ମେନ୍ତେ ଜନିଃକେ ଆପେତାଃତେ ଆଉ ନାଗେନ୍ତେ ନାହାଁଃ ମାରାଙ୍ଗ ପାଞ୍ଚେଟ୍ଟଲଃ ହାଜାର୍ ସିପାଇକଥାଃ ଆଗୁଆଇତାଃତେ କାଜି କୁଲେପେ । ମେନ୍ଦ୍ ଜନିଃ ଆପେତାଃତେ ହିନ୍ତୁଃ ସିଦାରେ ଆଲେ ଜନିଃକେ ହରାରେ ଗଜି ନାଗେନ୍ତେ ସେକାଡ଼ାକାନ୍ଦି ତାଇନାଲେ ।”

୧୭ ମେନ୍ଦ୍ ପାଉଲୁସଥାଃ ମିଶିତେୟାଃ ହନ୍ ଜନ୍କୁଥାଃ ରୋଜୋଟ କାଜି ଆୟୁମକେଦ୍ତେ ଗାଡ୍, ଭିତାର୍ ସେନ୍କେଦ୍ତେ ପାଉଲୁସକେ ଉଦୁବକିୟା । ୧୭ ଏନ୍ତେ ପାଉଲୁସ୍ ମିଦ୍‌ଶାଥ ସିପାଇକଥାଃ ଆଗୁଆଇକଏତେ ମିହୁଡ୍‌କେ କେଡ଼ାକେଦ୍ତେ କାଜିକିୟା, “ନେ ସେପେଡ୍‌ଡେକ ହାଜାର୍ ସିପାଇକଥାଃ ମାରାଙ୍ଗନିଃତାଃତେ ଇଦିମେ, ଚିଆଃଟି ଜନିଃ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।” ୧୮ ମିଦ୍‌ଶାଥ ସିପାଇକଥାଃ ଆଗୁଆଇ ଜନିଃକେ ହାଜାର୍ ସିପାଇକଥାଃ ଆଗୁଆଇତାଃତେ ଇଦିକେଦ୍ତେ କାଜିକିୟା, “ତଲ୍‌କାନା ପାଉଲୁସ୍ ଆଇଙ୍ଗକେ କେଡ଼ାକେଦ୍ତେ ନେ ସେପେଡ୍‌ଡେକ ଆବେନ୍‌ତାଃତେ ଆଉ ନାଗେନ୍ତେ କାଜିକେଦିୟାଁ, ଚିଆଃଟି ଜନିଃ ଆବେନ୍‌କେ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।”

୧୯ ହାଜାର୍ ସିପାଇକଥାଃ ଆଗୁଆଇ ଜନିୟାଃ ତିଃଇ ସାବ୍‌କେଦ୍ତେ ଗେନାତେ ଇଦିକିୟାଏ ଆତଃ କୁଲିକିୟାଏ, “ଆଇଙ୍ଗକେ ଚିନାଃ କାଜିରାଃ ମେନାଃ, କାଜିମେ ?”

୨୦ ଏନ୍ତେ ଜନିଃ କାଜିକେଦାଏ, “ସିହୁଦୀ ଆକ୍‌ତେୟାର୍ ହଡ୍‌କ ରୋଜୋଟକାଦାକ ଯେ, ପାଉଲୁସଥାଃ ବିଷାଏରେ ପୁରାଃ ଠାଉକାଲେକା ସାରି ନାଗେନ୍ତେ ସାନାଙ୍ଗତାନାକ ମେନ୍ତେ ବେଦାକେଦ୍ତେ, ପାଉଲୁସକେ ଗାପା ମାରାଙ୍ଗ ପାଞ୍ଚେଟ୍ଟେ ଇଦି ନାଗେନ୍ତେ ଆବେନ୍‌କେକ କାଜିବେନା । ୨୧ ମେନ୍ଦ୍ ଆବେନ୍ ଜନ୍କୁଥାଃ କାଜି ଆଲବେନ୍ ଆୟୁମେୟା, ଚିଆଃଟି ବାହ୍‌ସିହେତେ ଆଦକା ହଡ୍‌କ ଜନିଃକେ ଆଉରି ଗଜି ଜାକେଦ୍ କାଲେ ଜମେୟାଁ ମେନ୍ତେ କିରିୟାକାଦାକ ଆତଃ ଉକୁକେଦ୍ତେ ଜନିୟାଃ ନେଲ୍‌ହରାତାନାକ । ନାହାଁଃ ଜନ୍କୁ ଆବେନାଃ କାଜି ଆୟୁମ୍ ନାଙ୍ଗକ ତାଙ୍ଗତାନା ।”

୨୨ ହାଜାର୍ ସିପାଇକଥାଃ ଆଗୁଆଇ “ଆମ୍ ଆଇଙ୍ଗକେ ନେ କାଜିମ୍ ଉଦୁବକାଦିୟାଁ ଏନା ଜେତାଏକେ ଆଲମ୍ କାଜିକଥା ।” ମେନ୍ତେ କାଜିକେଦ୍ତେ ଜନିଃକେ କୁଲିକିୟା ।

ପାଉଲୁସ୍ କାଇସାଡ଼ତାଃତେ କୁଲୁନାନା

୨୩ ଏନ୍ତେ ହାଜାର୍ ସିପାଇକଥାଃ ଆଗୁଆଇ ଆୟାଃ ମିଦ୍‌ଶାଥ ସିପାଇକଥାଃ ଆଗୁଆଇ, ବାହ୍‌ହଡ୍‌କିନ୍‌କେ କେଡ଼ାକେଦ୍ତେ କାଜିକେଦ୍‌କିନା, “ତିସିଙ୍ଗନିଦା ନାଥ ଘାଡ଼ିକରେ କାଇସରିୟା ସାହାବ୍‌ତେ ସେନଃ ନାଙ୍ଗ୍ ଗେଲ୍‌ହିସି ସିପାଇକଲଃ ସାଦମ୍‌ରେ ସେନ୍‌ତାନ୍ ଆପିହିସି ଗେଲ୍ ସିପାଇକକେ ଆତଃ ଗେଲ୍‌ହିସି† ବାଞ୍ଛାଁ ସାବାକାଦ୍ ସିପାଇକକେ ସେକାଡ଼କବେନ୍ । ୨୪ ଆବେନ୍ ପାଉଲୁସ୍ ନାଗେନ୍ତେ ସାଦମ୍ ଜଗାଡ଼କବେନ୍ ଜେଲେକା ଜନ୍କୁ ପାଉଲୁସକେ ସାଦମ୍‌ରେ ଦୁବ୍‌କେଦ୍ତେ ଲାଟ୍‌ସାହେଦ୍ ଫେଲିକ୍‌ସ୍‌ତାଃତେ ବୁଗିଲେକାକ ଇଦିସେଟ୍‌ଟେ ଦାଡ଼ିୟା ।” ୨୫ ଏନ୍ତେ ହାଜାର୍ ସିପାଇକଥାଃ ଆଗୁଆଇ ନେଲେକା ମିଆଁଦ୍ ଚିଟାଉ ଅଲ୍‌କେଦାଏ ।

୨୬ “ପୁରାଃ ମାଜନାନ୍ ଲାଟ୍‌ସାହେଦ୍ ଫେଲିକ୍‌ସ୍‌କେ କ୍ଲାଇଦିଆ ଲୁସିୟସ୍‌ଥାଃ ଜହାର୍ । ୨୭ ସିହୁଦୀ ହଡ୍‌କ ନେ ହଡ୍‌କେ ସାବ୍‌କେଦ୍ତେ ଗଗଏଃ ନାଙ୍ଗକ ସାନାଙ୍ଗ ତାଇକେନା । ଜନିଃ ମିଆଁଦ୍ ରୋମିରେନ୍ ହଡ୍‌କ ତାନିଃ ମେନ୍ତେ ସାରିକେଦ୍ତେ ଆଇଙ୍ଗ୍ ଆଇୟାଃ ସିପାଇକଲଃ ସେନ୍‌କେଦ୍ତେ ଜନିଃକେଇଙ୍ଗ୍ ବାଚାଅକିୟା । ୨୮ ଜନ୍କୁଥାଃ ବିରୁଧ୍‌ରେ ଜନିଃ ଚିନାଃ ଗୁହ୍ଣାଁକାଦାଏ, ଏନା ସାରି ନାଗେନ୍ତେ ଆଇଙ୍ଗ୍ ଜନିଃକେ ଜନ୍କୁଥାଃ ମାରାଙ୍ଗ ପାଞ୍ଚେଟ୍‌ଟେଇଙ୍ଗ୍ ଇଦିକିୟା । ୨୯ ମେନ୍ଦ୍ ଜନିଃ ଗଗଏଃ ଚାଏ ଜେହେଲ୍‌ରେ ସାଜାଇ ନାମେ ଲେକା ଜେତାନ୍ କାମି କାଏ କାମିକାଦା ମେନ୍ତେ ଆଇଙ୍ଗ୍ ସାରିକେଦାଈକ । ଆତଃ ଆୟାଃ ବିରୁଧ୍‌ରେ ହବାକାନ୍ ଗୁହ୍ଣାଁ କାଜି ଆକଥାଃ ଆନ୍‌ଡୁ ବିରୁଧ୍ ବିଷାଏରେ ହବାକାନା । ୩୦ ଆତଃ ଜନିୟାଃ ବିରୁଧ୍‌ରେ ମିଆଁଦ୍ ରୋଜୋଟ ହବାକାନା ମେନ୍ତେ ସାରିକେଦ୍ତେ ଆଇଙ୍ଗ୍ ଇମ୍‌ତାଗି ଜନିଃକେ ଆବେନ୍‌ତାଃତେ କୁଲ୍ ନାଗେନ୍ତେଇଙ୍ଗ୍ ଉହାଟ୍‌କେଦା । ଆୟାଃ ବିରୁଧ୍‌ରେୟାଃ ଗୁହ୍ଣାଁକେ ଆବେନାଃ ଆୟାଃରେକ ଦହ ନାଗେନ୍ତେ ଆଇଙ୍ଗ୍ ଆୟାଃ ବିରୁଧ୍‌ରେ କାଜିତାନ୍ ହଡ୍‌କକେଇଙ୍ଗ୍ କାଜିକାଦ୍‌କଥା ।”

୩୧ ସିପାଇକ ଜନିଃ ଆଟୁକାଦ୍ ଲେକାଗି ପାଉଲୁସକେ ଏନ୍ ନିଦାରେଗି ଆଗ୍ରିପାଡ୍ରି ନାଗାବ୍‌ତେକ ଇଦିକିୟା । ୩୨ ଏଟାଃ ହୁଲାଇଁ ସେସେନ୍‌ତେ ସେନ୍‌ତାନ୍ ସିପାଇକ ଆତଃ ସାଦମ୍‌ରେ ଦୁବ୍‌କେଦ୍ତେ ସେନ୍‌ତାନ୍ ସିପାଇକ ଜନିଃଲଃ ସେନ୍ ନାଗେନ୍ତେ ଗାଡ୍‌ଡେକ ରୁହାଡ଼ୟାନା । ୩୩ ଜନ୍କୁ ପାଉଲୁସକେ କାଇସରିୟାତେକ ଇଦିକିୟା, ଆତଃ ଏଣ୍ଡାଃରେ ଜନ୍କୁ ହାଜାର୍ ସିପାଇକଥାଃ ଆଗୁଆଇଥାଃ ଅନଲ୍ ଚିଟାଉଲଃ ପାଉଲୁସକେୟ ଲାଟ୍‌ସାହେଦ୍‌ଥାଃ ତିଃଇରେକ ଜିମାକିୟା । ୩୪ ଲାଟ୍‌ସାହେଦ୍ ଏନ୍ ଅନଲ୍

† ୨୩:୨୩ ୨୩:୨୩ ଦୁଇଗାଥ

ଚିତା ପାଢ଼ାଅକେଦତେ ପାଉଲୁସକେ ଅକ ପାର୍ତ୍ତାନହେତେ ହିନ୍ଦୁକାନାମ୍ ମେନ୍ତେ କୁଲିକିୟା । ପାଉଲୁସ କିଲିକିଆ ପାର୍ତ୍ତାନରେନ୍ ତାନିଃ ମେନ୍ତେ ସାରିକେଦତେ, ^{୩୫} ଇନିଃ କାଜିକିୟାଏ, “ଆମକେ ଚିତାମେତାନ ହତ୍ତକ ସେଟେରୟାନ୍ ତାୟମତେ ଆଇଙ୍ଗ୍ ଆମାଃ ବିଷାଏରେଇଙ୍ଗ୍ ଆୟୁମେୟା ।” ଏନ୍ତେ ପାଉଲୁସକେ ହେରୋଦ୍ ରାଜାରାଃ ମାହାଲ୍ଲଲଃ ତାଇକାନ୍ ମିଆଁଦ୍ କୁଠାରେ ଦହ ନାଗେନ୍ତେ ଆତୁକେଦକିଆ ।

୨୪

ପାଉଲୁସଆଃ ବିରୁଧରେ ଚିତାକାଜି

^୧ ମଣେଁ ମାହାଁ ତାୟମତେ ମାରାଙ୍ଗ୍ ଯାଜାକ୍ ହନାନିୟ, ଚିମିନ୍ ଯିହୁଦୀ ପ୍ରାଚିନକକେ ଆତଃ ତର୍ଭୁଲ୍ଲସ୍ ନୁତୁମ୍ ମିଆଁଦ୍ ଓକଲ୍ଲଲଃ କାଜସରିୟାତେକ ସେନଃୟାନା । ଇନକୁ ଲାଟ୍ସାହେବ୍ ଫେଲିକ୍ସଆଃ ଆୟାନ୍ତରେ ପାଉଲୁସଆଃ ବିରୁଧରେ ଚିତାକାଜିକ ଉଦୁବକେଦା । ^୨ ଏନ୍ତେ ପାଉଲୁସକେ ଏନ୍ତାଃତେକ ଆଉକିୟା ଆତଃ ତର୍ଭୁଲ୍ଲସ୍ ମିମିଆଦତେ ଇନିୟାଃ ଚିତାକାଜିକ ଉଦୁବକେଦା, “ଏ ପୁରାଃ ମାଈନାନିଃ, ଆବେନାଃ ସେଣାନ୍ ଆଗୁଆଇ ହରାତେ ଆଲେ ପୁରାଃ ଦିପିଲି ଜାକେଦ୍ ସୁକୁଜୀଉତେଲେ ତାଇନତାନା, ଆତଃ ଆଲେୟାଃ ଦିଶ୍ଟମରେୟାଃ ବୁଗିନାଃ ନାଗେନ୍ତେ ପୁରାଃ ବୁଗିନ୍ କାମିକ କାମିକାନା । ^୩ ସବେନ୍ ଠାୟାଦତାଃରେ ଆତଃ ସବେନ୍ ଦିପିଲିରେ ଆଲେ ନେଆଁକେଲେ ଦାରମେତାନା, ଆତଃ ଆବେନାଃ ଧାନାବାଦଲେ ପାହାମେତାନା । ^୪ ଆଇଙ୍ଗ୍ ଆବେନାଃ ଆଦକା ନେଡା ଇଦି ନାଗେନ୍ତେ କାଈଙ୍ଗ୍ ସାନାଙ୍ଗ୍ତାନା, ଏନାତେ ଆବେନ୍ ଦାୟାକେଦତେ ଆଇଁୟାଃ କାଟିଃଲେକା କାଜି ଆୟୁମେବେନ୍ ମେନ୍ତେଇଙ୍ଗ୍ ବିନ୍ତିତାନା । ^୫ ନେ ହତ୍ତଦ୍ ପୁରାଃ ବରଝାନ୍ ହାଲଗୁଲା ରିକାଏ ଲେକାନିନିଃ ତାନିଃ ମେନ୍ତେଲେ ଆଟ୍ଟକାରିତାନା, ଇନିଃ ଅତେଦିଶ୍ଟମରେୟାଃ ସବେନ୍ସାଃ ସେନ୍ଦକେଦତେ ଯିହୁଦୀ ଆଲାରେ ହାଲଗୁଲାଏ ତାନା ଆତଃ ଇନିଃ ନାଜରେଡ୍ ଝୁଣ୍ଡରେନ୍ ମିଆଁଦ୍ ଆଗୁଆଇ ତାନିଃ । ^୬ ଇନିଃ ମାଦିଦ୍ ଅଡ଼ାଃକେ ସଡ଼ରାଏ ନାଙ୍ଗ୍ ଚେଷ୍ଟା ତାଇକେନ୍ ଇମତା ଆଲେ ଇନିଃକେଲେ ସାବକିୟା । ^୭ ମେନ୍ଦ୍ ହାଜାଦ୍ ସିପାଇକଆଃ ଆଗୁଆଇ ଲୁସିୟସ୍ ହିନ୍ଦୁଃକେଦତେ ପାଉଲୁସକେ ପୁରାଃ ପେଡ଼େଃଲଃ ଆଲେତାଃଏତେ ଇଦିକିୟା । ^{*} ଠାଲେ ଇନିୟାଃ ବିରୁଧରେ ଅକନ୍ ଚିତାକାଜିକ କାଜିକାଦାଲେ, ଏନା ଆବେନ୍ତା ନେ ହତ୍ତକେ କୁଲିକେଦତେ ସାରି ଦାଡ଼ିୟାଃବେନ୍ ।” ^୯ ଯିହୁଦୀ ହତ୍ତକହରି ନେ ଚିତାକାଜିରେ ମେସାକେଦତେ ନେ ସବେନ୍ କାଜିକ ସାରତତାନାଃ ମେନ୍ତେକ କାଜିକେଦା ।

ଫେଲିକ୍ସଆଃ ଆୟାନ୍ତରେ ପାଉଲୁସ୍

^{୧୦} ଲାଟ୍ସାହେବ୍ ପାଉଲୁସକେ କାଜି ନାଗେନ୍ତେ ଇସାରାକିୟା, ଆତଃ ପାଉଲୁସ୍ କାଜିକେଦାଏ, “ଆଇଙ୍ଗ୍ ସାରି ତାନାଇଙ୍ଗ୍, ପୁରାଃ ବାରାଷ୍ଟହେତେ ଆବେନ୍ ନେ ଯିହୁଦୀ ହତ୍ତକଆଃ ବିଚାରୁନିଃ ହବାକାନାବେନ୍, ଏନାତେ ଆବେନାଃ ଆୟାନ୍ତରେ ଆଇଙ୍ଗ୍ ଆପ୍ତନାଃ ବାଞ୍ଚାଆଃକାଜି କାଜି ନାଗେନ୍ତେଇଙ୍ଗ୍ ରାସକା କାନା । ^{୧୧} ଆବେନ୍ ଆବେନ୍ତା ସାରି ଦାଡ଼ିୟାଃବେନ୍ ଯେ, ଗେଲ୍ବାର୍ ହୁଲାଙ୍ଗ୍ଏତେ ଆଦକା କା ହବାଅଥଆ ଆଇଙ୍ଗ୍ ଯାରୁଶାଲେମତେ ସେଝା ନାଗେନ୍ତେଇଙ୍ଗ୍ ସେନାକାନ୍ ତାଇକେନା । ^{୧୨} ଯିହୁଦୀ ହତ୍ତକ ଆଇଙ୍ଗ୍ କେ ମାଦିଦ୍ ଅଡ଼ାଃରେ ଜେତାଏଲଃ କାପ୍ତଜିତାନ୍ କାକ ନେଲ୍ଲାକାଦିୟାଁ ଚାଏ ସାମାଦ୍ ଅଡ଼ାଃରେ ଚାଏ ନାଗାରରେୟାଃ ଏଟାଃ ଜେତାନ୍ ଠାୟାଦରେ ହତ୍ତକକେ ଏଡକାନ୍ କାମିରେ ଉସ୍ତୁରୁ ନାଙ୍ଗ୍ କାକ ନେଲ୍ଲାକାଦିୟାଁ । ^{୧୩} ଏନାତେ ଆଇଁୟାଃ ବିରୁଧରେ ନାହାଁଃ ଆଉଝାକାନ୍ ଚିତାକାଜିକ ନାଗେନ୍ତେ ଇନକୁ କାକ ଉଦୁବ୍ ଦାଡ଼ିୟା । ^{୧୪} ଆଇଙ୍ଗ୍ ଆବେନ୍ତାଃରେ ମାନାତଙ୍ଗ୍ ତାନାଇଙ୍ଗ୍ ଯେ ଅକ ହରାକେ ଇନକୁ ହସଡ୍ ମେନ୍ତେକ କାଜିତାନା, ଏନ୍ ହରାକେ ଅତଙ୍ଗ୍କେଦତେ ଆଇଙ୍ଗ୍ ଆରୁଆଃ ପୁରୁଶା ହାଡ଼ାମକଆଃ ପାର୍ମେଶ୍ଟାବ୍ କେଇଙ୍ଗ୍ ସେଝାତାନା । ମେନ୍ଦ୍ ଆଇଙ୍ଗ୍ହରି ମୁଶା ନାବାଆଃ ଆନ୍ତୁ ଆତଃ ନାବାକଆଃ ପୁଥ୍ରେ ଅଲ୍ଲାକାନ୍ ସବେନ୍ ବିଷାଏ ବିଶ୍ଟାୟତାନାଇଙ୍ଗ୍ । ^{୧୫} ନେ ହତ୍ତକଆଃ ଲେକାରି ପାର୍ମେଶ୍ଟାବ୍ତାଃରେ ଆଇଁୟାଃ ମିଆଁଦ୍ ଆସ୍ତା ମେନାଃ ଚି, ଧାର୍ମାନ୍ ଆତଃ ଏଡକାନ୍ ସବେନ୍ ହତ୍ତକଆଃ ଗନଏଃହେତେ ଜାଉବିନିରୂଦ୍ ମେନାଃ । ^{୧୬} ଏନାତେ ପାର୍ମେଶ୍ଟାବ୍ ଆତଃ ହତ୍ତକଆଃ ସାମାଜାଙ୍ଗ୍ ନେରାଲ୍ ବିବେକ୍ ଲେକାତେ ତାଇଲ୍ ତାଇଲ୍ ରିକା ନାଙ୍ଗ୍ ଆଇଙ୍ଗ୍ ସବେନ୍ ଇମତାଇଙ୍ଗ୍ ସାନାଙ୍ଗ୍ତାନା ।

^{୧୭} * “ପୁରାଃ ସିମାହେତେ ଯାରୁଶାଲେମତାଃଏତେ ସାଜିନ୍ରେ ତାଇକେନ୍ ତାୟମତେ, ଆଇଁୟାଃ ଆପ୍ତନାଃ ହତ୍ତକ ନାଗେନ୍ତେ ଚିମିନ୍ ଟାକା ପାଏସା ଇଦି ନାଗେନ୍ତେ ଆତଃ ଦାଣେଁ ରାକାବେ ନାଗେନ୍ତେ

* ୨୪:୭ 24:7 ନେ ପଦ ଚିମିନ୍ ମାରି ଅନଲ୍ଲକରେ ବାନଃଆ * ୨୪:୧୭ ୨୪:୧୭ ପ୍ରେରିତ୍ ୨୧:୧୭-୨୮.

ଆଇଙ୍ଗ୍ ଏନ୍ତାଃତେଇଙ୍ଗ୍ ସେନାକାନ୍ ତାଇକେନା । ୧୮ ଆଇଙ୍ଗ୍ ଫାଋଚିନ୍ରେୟାଃ ରିଚିରିଖାନ୍ ଚୁଣ୍ଟୁ ତାଇକେନ୍ ଇମ୍ତା ଇନ୍କୁ ଆଇଙ୍ଗ୍କେ ମାନ୍ଦିର୍ ଅଡ଼ାଃରେକ ନେଲ୍ଲକେଦିୟା । ଇମ୍ତା ଆଇଙ୍ଗ୍ଲଃ ଗାଦେଲ୍ ହଡ଼କ କାକ ତାଇକେନା ଚାଏ ହାଲଗୁଲା କା ହବାଅଃ ତାଇକେନା । ୧୯ ମେନ୍ଦ ଏସିଆ ପାଋଗାନ୍ରେନ୍ ତିମିନ୍ ଯିହୁଦୀ ହଡ଼କ ଏନ୍ତାଃରେକ ତାଇକେନା, ଇନ୍କୁଆଃ ଜେଡ଼ନାଃ କାଜିରାଃ ତାଇକାନ୍ତେୟାଃ ରେଦ, ଇନ୍କୁ ଆକଗି ଆବେନାଃ ହେପାଦ୍ତେ ହିଜୁଃକେଦ୍ତେ ଆଇୟାଃ ବିରୁଧ୍ରେ ଚିଟାନ୍କାଜି କାଜି ଦାଡ଼ିକାତେତେୟାଃକ । ୨୦ ଆତଃଗି ଆଇଙ୍ଗ୍ ମାରାଙ୍ଗ୍ ପାଞ୍ଚେର୍ ଆୟାରରେ ତିଙ୍ଗ୍କାନ୍ ତାଇକେନାଇଙ୍ଗ୍ ଇମ୍ତା, ଆଇଙ୍ଗ୍ ଅକ ଏଡ଼କାନ୍ କାମିରେୟାଃ ଗୁଣ୍ଟାରେଇଙ୍ଗ୍ ଚିଟାକାନା, ଏନା ନେତାଃରେ ଅକ ହଡ଼କ ମେନାକଆ, ଇନ୍କୁ କାଜିକାକ । ୨୧ *ଆଇଙ୍ଗ୍ ଇନ୍କୁଆଃ ଆୟାରରେ ତିଙ୍ଗ୍କେଦ୍ତେ ମିଆଁଦ୍ କାଜି ଏସକାର୍ କାଜିକାଦ୍ ତାଇକେନାଇଙ୍ଗ୍, ଏନା ହବାଅଃତାନା, 'ଗନ୍ଏଃ ହଡ଼କଆଃ ଜାଉବିନିରିଦ୍ ମେନାଃ ମେନ୍ତେ ଆଇଙ୍ଗ୍ ବିଶ୍ୱାସ୍ତାନ୍ ହରାତେ ତିସିଙ୍ଗ୍ ବିଚାରଃତାନାଇଙ୍ଗ୍ । ”

୨୨ ଫେଲିକ୍ସ୍ ନେ ହରା ବିଷାଏରେ ବୁଗିଲେକାତେ ସାରିକାଦ୍ ହରାତେ ଆତଃଗି କା ଆୟୁମ୍କେଦ୍ତେ କାଜିକେଦା, “ହାଜାର୍ ସିପାଇକଆଃ ଆଗୁଆଇ ଲୁସିୟ୍ ସେଚେରାଏ ଇମ୍ତା, ଆଇଙ୍ଗ୍ ଆମାଃ ବିଷାଏରେୟାଃ କାଜିଇଙ୍ଗ୍ ଉହାଚେୟା । ” ୨୩ ଇନିଃ ପାଉଲୁସ୍କେ ଜେହେଲ୍ରେ ଦହ ନାଙ୍ଗ୍ ମିଦ୍ଶାଅ ସିପାଇକଆଃ ଆଗୁଆଇକେ ଆଚୁକିୟା, ମେନ୍ଦ୍ ପାଉଲୁସ୍କେ ସିକିଡ଼ିତେ କା ତଲ୍ଲକେଦ୍ତେ ପୁରା ରାଡ଼ାଗି ତାଇକ୍ନା ଆତଃ ଆୟାଃ ଗାଡ଼ିକ ନେପେଲ୍ ନାଙ୍ଗ୍ ହିଜୁଃରେ ଚାଏ ଆୟାଃ ଲାଗାଡ଼ିଙ୍ଗ୍ତେୟାଃକ ଜଗାଅରେ, ଏମ୍ଇଚିକମ୍ ।

ଫେଲିକ୍ସ୍ ଆତଃ ଦୁସିଲା ଆୟାରରେ ପାଉଲୁସ୍

୨୪ ଚିମିନ୍ ହୁଲାଙ୍ଗ୍ରାଃ ତାୟମ୍ତେ ଫେଲିକ୍ସ୍ ଆୟାଃ ଯିହୁଦୀ କୁଡ଼ି ଦୁସିଲାଲଃ ହିଜୁଃୟାନାଏ, ଇନିଃ ପାଉଲୁସ୍କେ କେଡ଼ାକେଦ୍ତେ ଯାଗୁ ଖ୍ରୀଷ୍ଟତାଃରେ ବିଶ୍ୱାସ୍ ନାଙ୍ଗ୍ ଆୟାଃ କାଜି ଆୟୁମ୍କେଦା । ୨୫ ମେନ୍ଦ୍ ଚିମ୍ତା ପାଉଲୁସ୍ ଧାର୍ମାନ୍ ବିଷାଏ, ଆପ୍ନାଃ ମନ୍ଦକେ ଆବର୍ରେ ଦହ ଆତଃ ହିଜୁଃତାନ୍ ବିଚାର୍ ହୁଲାଙ୍ଗ୍ ବିଷାଏରେ ଜାଗାର୍ ତାଇକେନାଏ, ଫେଲିକ୍ସ୍ ବରୟାନାଏ ଆତଃ କାଜିକେଦାଏ, “ଆମ୍ ନାହାଁଃ ସେନଃ ଦାଡ଼ିୟାମ୍ । ସୁଯୋଗ୍ ନାମେରେ, ଆତଃମିସା ଆମ୍କେଇଙ୍ଗ୍ କେଡ଼ାମେୟା । ” ୨୬ ଏନ୍ ନେତାରେ ଇନିଃ ପାଉଲୁସ୍ତାଃଏତେ ଟାକା ପାଏସା ନାମେୟାଈଙ୍ଗ୍ ମେନ୍ତେ ଆସ୍ତାକାଦ୍ ତାଇକେନା, ଏନାମେନ୍ତେ ଇନିଃ ସବେନ୍ ଇମ୍ତା ଇନିଃକେ କେଡ଼ା ଆଉକେଦ୍ତେ ଜାଗାର୍ତାନ୍ ତାଇକେନା ।

୨୭ ନେଲେକା ବାର୍ ସିମାଁ ହବାୟାନ୍ ତାୟମ୍ତେ ପୋର୍ ଯସ୍ ଫେଷ୍ଟସ୍, ଫେଲିକ୍ସ୍ଆଃ ଠାୟାଦ୍ରେ ଲାଟ୍ସାହେଦ୍ ଲେକାଏ ସାଲାୟାନା । ଫେଲିକ୍ସ୍, ଯିହୁଦୀ ହଡ଼କ ସୁକୁଆଇଙ୍ଗ୍କାକ ମେନ୍ତେ ସାନାଙ୍ଗ୍କେଦ୍ତେ ପାଉଲୁସ୍କେ କା ରାଡ଼ାକେଦ୍ତେ ଜେହେଲ୍ରେ ବାଗିକିୟା ।

୨୫

କାଇସାଋଆଃ ଆୟାରରେ ପାଉଲୁସ୍ଆଃ ବିନ୍ତି

୧ ଫେଷ୍ଟସ୍ ଏନ୍ ପାଋଗାନ୍ତେ ସେଚେରୟାନ୍ରାଃ ଆପି ମାହାଁ ତାୟମ୍ତେ କାଇସରିୟାହେତେ ଯାରୁଶାଲେମ୍ତେ ସେନଃୟାନା । ୨ ଏନ୍ତାଃରେ ମୁଲ୍ ଯାଜାକ୍ ଆତଃ ଯିହୁଦୀ ଆଗୁଆଇକ ଆତଃମିସା ପାଉଲୁସ୍ଆଃ ବିରୁଧ୍ରେ ଚିଟାନ୍କାଜିକ ଫେଷ୍ଟସ୍ଆଃ ଆୟାରରେ ବିନ୍ତିକେଦାକ । ୩ ପାଉଲୁସ୍କେ ଯାରୁଶାଲେମ୍ତେ ଆଉ ନାଙ୍ଗ୍ ଆଚୁକମ୍ ମେନ୍ତେ ଇନ୍କୁ ଫେଷ୍ଟସ୍କେ କାଜିଗହାର୍ଚ୍ଚିୟାକ, ତିଆଃଚି ଇନ୍କୁ ପାଉଲୁସ୍କେ ହରାରେ ଗାଏଃ ନାଙ୍ଗ୍ ରୋଜୋଟକେଦ୍ତେ ଉହାଟ୍ଟାକାଦ୍ ତାଇକେନାକ । ୪ ଫେଷ୍ଟସ୍ କାଜିକେଦାଏ, “ପାଉଲୁସ୍କେ କାଇସରିୟାରେୟାଃ ଜେହେଲ୍ରେ ଦହକାନା ଆତଃ ଆଇଙ୍ଗ୍ ଏନ୍ତାଃତେ ଜାଲ୍ଦିଗିଇଙ୍ଗ୍ ସେନ୍ଦୁହାଡ଼ା । ୫ ଇନିଃ ଜେଦ୍ନାଃ ଗୁଣ୍ଟାକାଦ୍ରେଦ, ଆପେୟାଃ ଆଗୁଆଇକ ଆଇୟାଃଲଃ କାଇସରିୟାତେ ସେନ୍ଦକାକ ଆତଃ ଇନ୍କୁ ଇନିଃ କା ଠାଉକାନ୍କାମି କାମିକାଦ୍ତେୟାଃ ଉଦ୍ବେକାକ । ”

୬ ଫେଷ୍ଟସ୍ ଇନ୍କୁଆଃଲଃ ଇରାଲିୟା* ଚାଏ ଗେଲେୟା ମାହାଁଏତେ ଆଦ୍କା କା ତାଇକ୍ନକେଦ୍ତେ କାଇସରିୟାତେ ରୁହାଡ଼ୟାନା । ଏଗାଃ ହୁଲାଙ୍ଗ୍ ଇନିଃ ବିଚାର୍ରେୟାଃ କାଚାଈରିରେ ଦୁବ୍କେଦ୍ତେ ପାଉଲୁସ୍କେ ଆଉ ନାଗେନ୍ତେ ହୁକୁମ୍କେଦା । ୭ ପାଉଲୁସ୍ ହିଜୁଃୟାନ୍ଚି ଯାରୁଶାଲେମ୍ରେନ୍ ଯିହୁଦୀ ହଡ଼କ ଆୟାଃ ଚାରିୟାଃରେ ଜୁରୁହୁଣ୍ଡିକେଦ୍ତେ ତିଙ୍ଗ୍ୟାନାକ ଆତଃ ଆୟାଃ ବିରୁଧ୍ରେ ପୁରାଗିକ କାଜିକେଦା । ମେନ୍ଦ୍ ଇନ୍କୁ ଏନ୍ କାଜିକେଦ୍ତେୟାଃରାଃ ସାବୁଦ୍ କାକ ଏମ୍ ଦାଡ଼ିକେଦା । ୮ ମେନ୍ଦ୍

* ୨୪:୨୧ ୨୪:୨୧ ପ୍ରେବିଚ୍ ୨୩:୭. * ୨୫:୬ ୨୫:୭ ଆଠ୍

ପାଉଲୁସ୍ ଆପନାଃ ବାଟାଅଃ ରିକା ନାଙ୍ଗ୍ କାଜିକେଦାଏ, “ଯିହୁଦୀ ହଡ଼କଆଃ ଆନୁ ବିରୁଧରେ ଚାଏ ମାନ୍ଦିର ଅଡ଼ାଃ ବିରୁଧରେ ଚାଏ କାଲସାବ୍‌ଆଃ ବିରୁଧରେ ଜେଡ଼ନାଃ କାଲଙ୍ଗ୍ ଗୁଣ୍ଡାକାଦା ।”

୯୯ ମେନ୍‌ଦ ଫେଷ୍ଟସ୍ ଯିହୁଦୀ ହଡ଼କ ସ୍ତୁକ୍ଷକାକ ମେନ୍ତେ ପାଉଲୁସ୍‌କେ କୁଲିକିୟା, “ଯୀରୁଶାଲେମ୍‌ମେତେ ସେନ୍ ନାଙ୍ଗ୍ ଆଡ଼ଃ ଏନ୍ତାଃରେ ଆଇଁୟାଃ ହେପାଦ୍‌ରେ ନେ ସବେନ୍ ଗୁଣ୍ଡା କାଜିକ ବିଚାର ନାଗେନ୍ତେ ଆମ୍ ତିନାଃ ସାନାଙ୍ଗ୍‌ତାନାମ୍ ?”

୧୦ ପାଉଲୁସ୍ କାଜିକେଦାଏ, “ଆଇଙ୍ଗ୍ କାଲସାବ୍‌ଆଃ ବିଚାର ଠାୟାଦ୍ କାଚାଲିରେ ତିଙ୍ଗ୍‌ଆକାନାଲଙ୍ଗ୍ । ନେତାଃରେଗି ଆଇଁୟାଃ ବିଚାର ହବାଅଃ ଲାଗାତିଙ୍ଗ୍‌ୟାଃ । ଆବେନ୍ ଆବେନ୍‌ଗି ବୁଗିଲେକା ସାରିତାନାବେନ୍, ଆଇଙ୍ଗ୍ ଯିହୁଦୀ ହଡ଼କଆଃ ବିରୁଧରେ ଜେଡ଼ନାଃ କାଲଙ୍ଗ୍ ଅନୟାୟ । ୧୧ ଆଇଙ୍ଗ୍ ଆନୁଟ୍ ଟଟାଃକେଦ୍‌ତେ ଗଜେନ୍ ଲେକା ଜେତା ଅନୟାୟ କାମିଇଙ୍ଗ୍ କାମିକାଦ୍‌ରେଦ୍, ଏନାଏତେ ଦାଞ୍ଚାଅଃ ନାଗେନ୍ତେ କାଲଙ୍ଗ୍ ସାନାଙ୍ଗ୍‌ତାନାମ୍ । ମେନ୍‌ଦ ଇନ୍‌କୁ ଆଇଁୟାଃ ବିରୁଧରେ ଆଉଖାକାଦ୍ ତିଟାଅଃକାଜିକେରେ ଜେତାନ୍ ସାନାର୍‌ତି ବାନଃରେଦ୍, ଜେତାଏ ଆଇଙ୍ଗ୍‌କେ ଇନ୍‌କୁଆଃ ତିଃଇରେ ଜିମା କାଏ ଦାଡ଼ିୟା । ଆଇଁୟାଃ କାଲସାବ୍‌ଆଃରେ ବିଚାର ହବାଅଃକା ମେନ୍ତେଇଙ୍ଗ୍ କାଜିଗହାବ୍‌ତାନାଃ ।” ୧୨ ଏନ୍ତେ ଫେଷ୍ଟସ୍, ମାରାଙ୍ଗ୍ ପାଞ୍ଚେଟ୍‌ରେନ୍ ଦାଞ୍ଚକଲଃ ଜାଗାବ୍ ଚାବାକେଦ୍‌ତେ କାଜିରୁହାଡ଼କେଦା, “ଆମ୍ କାଲସାବ୍‌ଆଃରେ କାଜିଗହାବ୍‌କାଦାମ୍, ଏନାମେନ୍ତେ ଆମ୍ କାଲସାବ୍‌ଆଃରେଦ୍‌ ସେନା ।”

ଆଗ୍ରିପା ଆଡ଼ଃ ବର୍‌ନିସ୍‌ଆଃ ଆୟାବ୍‌ରେ ପାଉଲୁସ୍

୧୩ ତିମିନ୍ ମାହାଁ ସେନଃୟାନ୍ ତାୟମ୍‌ମେତେ ରାଜା ଆଗ୍ରିପା ଆଡ଼ଃ ବର୍‌ନିସ୍, ଫେଷ୍ଟସ୍‌କେ ଦାରମି ନାଗେନ୍ତେ କାଲସାବ୍‌ଆଃ ପାରଗାନ୍‌ତେକ ହିନ୍ଦୁଃୟାନା । ୧୪ ଏନ୍ତାଃରେ ଇନ୍‌କୁ ତିମିନ୍ ମାହାଁ ତାଇକେଦ୍‌ତେ ରାଜା ଫେଷ୍ଟସ୍‌କେ ପାଉଲୁସ୍‌ଆଃ ବିଷାଏରେ କାଜିକିୟାକ, “ଫେଲିକ୍‌ସ୍ ଜେହେଲକାଲ ମିଆଁଦ୍ ହଡ଼ ନେତାଃରେ ମିନାଇୟା । ୧୫ ଆଡ଼ଃ ଆଇଙ୍ଗ୍ ଯୀରୁଶାଲେମ୍‌ମେତେ ସେନାକାନ୍ ତାଇକେନାଲଙ୍ଗ୍ ଇମ୍‌ତା, ଯିହୁଦୀ ମୁଲ୍ ଯାଜାକ୍ ଆଡ଼ଃ ପ୍ରାତିନ୍‌କ ଇନିୟାଃ ବିରୁଧରେ ତିମିନ୍ ତିଟାନ୍‌କାଜିକ ଆଉକେଦା ଆଡ଼ଃ ଇନ୍‌କୁ ଆଇଙ୍ଗ୍‌କେ ଇନିଃକେ ସାଜାଇ ନାଗେନ୍ତେକ କାଜିକେଦିୟା । ୧୬ ମେନ୍‌ଦ ଆଇଙ୍ଗ୍ ଇନ୍‌କୁକେ କାଜିକେଦ୍‌କଆଇଙ୍ଗ୍ ତି, ମିଆଁଦ୍ ତିଟାକାନ୍ ହଡ଼କେ ବିଚାରରେୟାଃ କାଚାଲିରେ ଆଇଃକ୍‌କେ ତିଟାକାଲ ହଡ଼କଆଃ ସାମ୍‌ନାଙ୍ଗ୍‌ରେ ଆପାନ୍‌କେ ବାଚାଞ୍ଚେନ୍‌କାଜି କାଜି ନାଗେନ୍ତେ ସୁୟୋଗ୍ ଏମ୍ ସିଦାରେ ଇନିଃକେ ସାଜାଇ ଏମ୍ ନାଙ୍ଗ୍ ଜିମା ରିକାରେୟାଃ ରୋମିରେନ୍ ହଡ଼କଆଃ ଆଇନ୍ ନାହାଁଲାଃ । ୧୭ ଇନ୍‌କୁ ନେତାଃରେ ହିନ୍ଦୁଃୟାନ୍ ତାୟମ୍‌ମେତେ ଆଇଙ୍ଗ୍ ବେଗାବ୍ ବିଲ୍‌ମାକେଦ୍‌ତେ ଏନାରେୟାଃ ଏଗାଃ ହୁଲାଇ କାଚାଲିରେ ଦୁବ୍‌ୟାନାଲଙ୍ଗ୍ ଆଡ଼ଃ ପାଉଲୁସ୍‌କେ ଭିତାର୍‌ତେ ଆଉ ନାଙ୍ଗ୍ ଆରୁକେଦ୍‌କଆଇଙ୍ଗ୍ । ୧୮ ଆଇଃକ୍‌କେ ତିଟାଲତାନ୍ ହଡ଼କ ଆୟାଃ ବିରୁଧରେ କାଜି ନାଗେନ୍ତେକ ତିଙ୍ଗ୍‌ୟାନା, ମେନ୍‌ଦ ଆଇଙ୍ଗ୍ ମନେକାଦ୍ ତାଇକେନ୍ ଲେକା ତିଟାଅଃରାଃ କାଜି ଆଉୟାକ ମେନ୍ତେଇଙ୍ଗ୍ ଉଡ଼୍‌କାଦ୍ ତାଇକେନା, ମେନ୍‌ଦ ଇନ୍‌କୁ ଏନ୍ ଲେକା କାକ ଦାଡ଼ିକେନା । ୧୯ ଇନ୍‌କୁ ସବେନ୍‌କ ଆକଆଃ ଧାରାବ୍ ବିଷାଏରେ ଆଡ଼ଃ ଯୀଶୁ ନୁହୁମ୍ ମିଆଁଦ୍ ହଡ଼, ଗଜାକାନ୍‌କଏତେ ଜାଉବିରିଦାକାନାଏ ମେନ୍ତେ ପାଉଲୁସ୍ କାଜିତାନ୍ ବିଷାଏରେ ଜାଗାବ୍‌ତାନାକ । ୨୦ ଆଇଙ୍ଗ୍ ନେ ସବେନ୍ ବିଷାଏରେ ଆଡ଼ଃଗି ବୁଗିଲେକା ସାରିନାମ୍ ନାଗେନ୍ତେ ତିନାଃ ରିକା ଲାଗାତିୟା, ଏନା କାଲଙ୍ଗ୍ ଉହାବ୍ ଦାଡ଼ିୟାନ୍ ହରାତେ, ନେ ତିଟାନ୍‌କାଜିରେ ବିଚାରଃ ନାଙ୍ଗ୍ ପାଉଲୁସ୍‌କେ ଯୀରୁଶାଲେମ୍‌ମେତେ ସେନାଗି ମେନ୍ତେଇଙ୍ଗ୍ କୁଲିକିୟା । ୨୧ ମେନ୍‌ଦ ପାଉଲୁସ୍, ଆଇଃକ୍‌ଗି ରୋମିରେନ୍ ହାକିମ୍ ଆଇଙ୍ଗ୍‌କେ ବିଚାରିଙ୍ଗ୍‌କା ମେନ୍ତେ କାଜିଗରଙ୍ଗ୍‌କେଦା, ଏନାତେ ଆଇଙ୍ଗ୍ ଇନିଃକେ କାଲସାବ୍‌ଆଃରେ ଆଉରି କୁଲି ଜାକେଦ୍ ଜେହେଲ୍‌ରେ ଦହକେଦ୍‌ତେ ଦା଼ଖାନ୍‌କେ ହର ନାଙ୍ଗ୍ ଆରୁକାଦ୍‌କଆଇଙ୍ଗ୍ ।”

୨୨ ଆଗ୍ରିପା ଫେଷ୍ଟସ୍‌କେ କାଜିକିୟା, “ଆଇଙ୍ଗ୍‌ଗି ନେ ହଡ଼ରାଃ କାଜି ଆୟୁମ୍ ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା ।” ଫେଷ୍ଟସ୍ କାଜିରୁହାଡ଼କିୟାଏ, “ଗାପା ଆବେନ୍ ଇନିୟାଃ କାଜିବେନ୍ ଆୟୁମେୟା ।”

୨୩ ଏନାରେୟାଃ ଏଗାଃ ହୁଲାଇ ଆଗ୍ରିପା ଆଡ଼ଃ ବର୍‌ନିସ୍ ପୁରାଃ ମାରାଙ୍ଗ୍ ପାଞ୍ଚେଟ୍‌ତେକ ହିନ୍ଦୁଃୟାନା ଆଡ଼ଃ ହାଜାବ୍ ସିପାଜକଆଃ ଆଗ୍ରିଆଇକ ଆଡ଼ଃ ନାଗାବ୍‌ରେନ୍ ମାପରାଙ୍ଗ୍ ହଡ଼କଲଃ କାଚାଲିରେ ବଲୟାନାକ । ଫେଷ୍ଟସ୍‌ଆଃ ହୁକୁମ୍‌ମେତେ ପାଉଲୁସ୍‌କେ ଭିତାର୍‌ତେ ଆଉକିୟା । ୨୪ ଫେଷ୍ଟସ୍ କାଜିକେଦାଏ, “ରାଜା ଆଗ୍ରିପା ଆଡ଼ଃ ନେତାଃରେ ମେନାକ ସବେନ୍ ମାଇନାନ୍ ହଡ଼କ, ଆପେ ନେଲିତାନ୍ ନେ ହଡ଼ଆଃ ବିରୁଧରେ ନେତାଃରେନ୍ ହଡ଼କ ଆଡ଼ଃ ଯୀରୁଶାଲେମ୍‌ମେତେ ତାଇନ୍‌ତାନ୍ ଯିହୁଦୀ ହଡ଼କ ଆଇଙ୍ଗ୍‌ତାଃରେ ଇନିୟାଃ ଗୁଣ୍ଡାକାଜିକ ଆଉଖାକାଦା । ଇନିଃ ଜୀନିଦ୍ ଆଲକାଏ ତାଇନଃକା ମେନ୍ତେ ଇନ୍‌କୁ ସବେନ୍‌କ କାଉରିୟାକାଦାକ । ୨୫ ମେନ୍‌ଦ ଇନିଃ ଗନଏଃ ସାଜାଇ ନାମେଲେକା ଜେତାନ୍ କାମି

କାଈଁ ନାମକେଦା । ଇନିଃ ଆଇଃକ୍ତି ରୋମିରେନ୍ ହାକିମକେ କାଜିଗହାବ୍‌କାଇ ହରାତେ, ଆଇଁ ଇନିଃକେ ରୋମିତେ କୁଲ୍ ନାଈଁ ଉହାବ୍‌କାଦାଇଁ ।^{୨୭} ମେନ୍‌ଦ ଇନିଃୟା ବିଷାଏରେ ହାକିମତାଃତେ ଅଲ୍ ନାଈଁ ଜେଡ୍‌ନାଃ କାଈଁ ନାମେତାନା । ଏନାତେ ଆଇଁ ଇନିଃକେ ଆପେତାଃତେ, ବିଶେଷକେଦ୍‌ତେ ରାଜା ଆଗ୍ରିପା, ଆବେନାଃ ଆୟାବ୍‌ତେଇଁ ଆଉକିୟା, ଜେଲେକାଟି ଇନିଃୟା ବିଷାଏ ବୁଗିଲେକା କୁଲିକେଦ୍‌ତେ ଆଇଁ ରୋମିରେନ୍ ହାକିମତାଃତେ ଜେଡ୍‌ନାଈଁ ଅଲ୍ ଦାଡ୍‌ୟା ।^{୨୮} ତିଆଃତି ମିଆଁଦ୍ ଜେହେଲ୍‌କାନିନ୍‌ୟା ବିରୁଧ୍‌ରେ ତାଇକାନି ତିଗାନକାଜିକ ବୁଗିଲେକା କା ଉଦ୍‌ବୁକେଦ୍‌ତେ ଇନିଃକେ ହାକିମତାଃତେ କୁଲ୍‌ତେୟା କା ଠାଉକା ଲେକାଈଁ ଆବ୍‌କାରେତାନା ।”

୨୨

ଆଗ୍ରିପା ଆୟାବ୍‌ରେ ପାଉଲୁସ୍

^୧ ଆଗ୍ରିପା ପାଉଲୁସ୍‌କେ କାଜିକିୟା, “ଆମ ନାହାଁଃ ଆମାଃ ସାଃଏତେ ଜେଡ୍‌ନାଈଁ କାଜି ଦାଡ୍‌ୟାଃମ୍ ।” ପାଉଲୁସ୍ ତିଃଇ ଜିଲିକ୍‌କେଦ୍‌ତେ ଆୟାଃ ଆପ୍‌ନାଃସାଃଏତେ ବାଞ୍ଚାଅଃ ନାଈଁ କାଜିକେଦାଏ,

^୨ “ହେ ରାଜା ଆଗ୍ରିପା, ଯିହୁଦୀ ହଡ୍‌କ ଆଇଁକ୍‌କେ ତିଟାଇଁତାନ୍ ସବେନ୍ କାଜିକ ନାଗେନ୍ତେ ଆଇଁକ୍‌କେ ତିସିକ୍ ଆବେନାଃ ଆୟାବ୍‌ରେ ଆପ୍‌ନାଃସାଃଏତେ ବାଞ୍ଚାଅଃ ନାଈଁ କାଜିରେୟାଃ ସୁଯୋଗ୍ ଏମାକାନ ହରାତେ ପୁରାଃଗିଇଁକ୍ ସୁକୁକାନା ।^୩ ତିଆଃତି ଯିହୁଦୀ ହଡ୍‌କଆଃ ରିତିରିଝାଜ୍ ଆତଃ ଇନ୍‌କୁଆଃ ଏପ୍‌ରାଈଁ କାଜିକ ଆବେନ୍ ବୁଗିଲେକାବେନ୍ ସାରିକାଦା । ଏନାତେ ବିନ୍ତିବେନ୍ ତାନାଇଁକ୍, ଆବେନ୍ ଧୂରାଜ୍‌ତେ ଆଇଁୟାଃ କାଜି ଆୟୁମେବେନ୍ ।

^୪ “ମିଦ୍ ସିଟିଆଏତେ ଆଇଁୟାଃ ଜୀଦାନରେୟାଃ ତାଇଲ୍ ତାଲାନ ବିଷାଏରେ ସବେନ୍ ଯିହୁଦୀ ହଡ୍‌କ ସାରିକାଦାକ । ସିଦାତେ ଆଇଁୟାଃ ଆପ୍‌ନାଃ ଦିଶ୍‌ମ୍‌ରେ ଏନ୍ତେ ଯୀରୁଶାଲେମ୍‌ରେ ଆଇଁକ୍ ଚିଲ୍‌କା ଜୀଦାନ ବିତାଅକାଦାଇଁକ୍, ଏନାହ ଇନ୍‌କୁ ସାରିକାଦାକ ।^୫ ଆଇଁକ୍ ସିଦାଏତେଗି ଫୀରୁଶୀ ନୁହୁମ୍ ଆଲେୟାଃ ଧାରାମ୍‌ରେୟାଃ ସବେନାଃଏତେ କେଟେୟାନ୍ ଝୁଣ୍ଡ୍‌ରେନ୍ ହଡ୍‌ ତାଇକେନାଇଁକ୍, ଏନା ଇନ୍‌କୁ ସାରିତାନାକ ଆତଃ ସାନାଈଁ ତାନରେଦ୍, ଇନ୍‌କୁ ନେ ବିଷାଏରେ ଗାଞ୍ଜା ଏମ୍ ଦାଡ୍‌ୟାଃକ ।^୬ ପାର୍‌ମେଶ୍‌ବାର୍ ଆଲେୟାଃ ପୁରୁଶା ହାଡ୍‌ମାକକେ ଅକ ବାନାର୍‌ସା ଏମାକାକ ତାଇକେନାଏ, ଏନାରେ ଆଇଁୟାଃ ଆସ୍ତା ମେନାଃ ହରାତେ ତିସିକ୍ ଆଇଁକ୍ ନେତାଃରେ ବିଚାର୍ ହବାଅଃ ନାଈଁ ତିଲ୍‌କାନାଇଁକ୍ ।^୭ ଆଲେୟାଃ ହଡ୍‌କଆଃ ଗେଲ୍‌ବାର୍ କିଲିକ ନିଦା ସିଜି ପାର୍‌ମେଶ୍‌ବାର୍‌ଆଃ ସେଝାକେଦ୍‌ତେ ଏନ୍ ମିଆଁଦ୍ ବିଷାଏଗି ନାମେ ନାଗେନ୍ତେ ଆସ୍ତାକାଦା । ହେ ମାଇନାନ୍ ରାଜା ଆଗ୍ରିପା, ଆଇଁୟାଃ ଏନ୍ ଆସ୍ତା ହରାତେ ଯିହୁଦୀ ହଡ୍‌କ ଆଇଁକ୍‌କେକ ତିଟାଇଁକ୍‌ତାନା ।^୮ ପାର୍‌ମେଶ୍‌ବାର୍ ଗଜାକାନକକେ ଜୀଉବିରିଦ୍‌କଆ, ନେ କାଜି ତିନାଃମେନ୍ତେ ଆପେୟାଃ ବିଚାର୍‌ରେ କା ପାଡ୍‌ୟାବ୍‌ରେ ଲେକାପେ ଆବ୍‌କାରେତାନା ?

^୯ “ନାଜରେଡ୍‌ରେନ୍ ଯୀଶୁଆଃ ନୁହୁମ୍ ବିରୁଧ୍‌ରେ ଆଇଁୟାଃ ପୁରାଃଗି କାମି ରିକା ଲାଗାଡ୍‌ୟାଃ ମେନ୍ତେଇଁକ୍ ଉଡ୍‌ଖୁକାଦ୍ ତାଇକେନା ।^{୧୦} ଯୀରୁଶାଲେମ୍‌ରେ ଆଇଁକ୍ ଏନ୍‌ଲେକାଗିଇଁକ୍ ରିକାକେଦା । ମୁଲ୍ ଯାଜାକ୍‌ତାଃଏତେ ଆକ୍‌ତେୟାଡ୍ ଅନଲ୍ ଆଉକେଦ୍‌ତେ ପାର୍‌ମେଶ୍‌ବାର୍‌ଆଃ ପୁରାଃ ପାବିତାର୍ ହଡ୍‌କକେ ଜେହେଲ୍‌ରେ ଦହକେଦ୍‌କଆଇଁକ୍ ଆତଃ ଇନ୍‌କୁକେ ଗନଏଃ ସାଜାଇ ଏନା ଈମ୍‌ତା ଆଇଁକ୍ ଇନ୍‌କୁଆଃ ବିରୁଧ୍‌ରେ ତାଇକେନାଇଁକ୍ ।^{୧୧} ପୁରାଃସାଃ ସାମାଜ୍ ଅତାଃକରେ ଆଇଁକ୍ ଇନ୍‌କୁକେ ସାଜାଇ ଏମାକାଦ୍‌କଆଇଁକ୍ ଆତଃ ଇନ୍‌କୁ ଯୀଶୁକେ ନିଦାକେଦ୍‌ତେ ବିଶ୍ୱାସକାଦ୍‌ତେୟାଃକେ ବାଗିପେ ମେନ୍ତେଇଁକ୍ କାଜିକତାଇକେନା । ଆଇଁକ୍ ଇନ୍‌କୁଆଃ ନାଗେନ୍ତେ ନିମିନାଈଁ ଖସକାନ୍ ତାଇକେନାଇଁକ୍ ଯେ, ଇନ୍‌କୁକେ ସାସାତି ରିକା ନାଗେନ୍ତେ ଏଗାଃଦିଶ୍‌ମ୍‌ରାଃ ନାଗାର୍‌କତେହରି ସେନାକାନ୍ ତାଇକେନାଇଁକ୍ ।

ପାଉଲୁସ୍ ଆୟାଃ ମନ୍‌ହୁହାଡ୍ ବିଷାଏରେ କାଜିକେଦା

(ପ୍ରେରିତ୍ ୯:୧-୧୯; ୨୬:୬-୧୬)

^{୧୨} “ନେ ଉଦେଶ୍‌ରେ ମୁଲ୍ ଯାଜାକ୍‌ତାଃଏତେ ଆକ୍‌ତେୟାଡ୍ ଅନଲ୍ ଆତଃ ଆନାତୁ ଆଉକେଦ୍‌ତେ ଆଇଁକ୍ ଦମାସକସ୍‌ତେ ସେନାକାନ୍ ତାଇକେନାଇଁକ୍ ।^{୧୩} ହେ ମାଇନାନ୍ ରାଜା ଆଗ୍ରିପା, ମୁସିକ୍ ତିକିନ୍‌ସିକ୍ ଈମ୍‌ତା ସେନ୍ ହରାରେ ଆଇଁକ୍ ସିଜିଏତେ ଆଦକା ମାର୍‌ସାଲ୍ ନେଲ୍‌କେଦାଈଁକ୍, ସିମ୍‌ହେତେ ଏନ୍ ମାର୍‌ସାଲ୍ ହିଜ୍‌ଃକେଦ୍‌ତେ ଆଇଁୟାଃ ଆତଃ ଆଇଁୟାଃକଲ୍ ସେନ୍‌ତାନକଆଃ ଚାରିୟାସାଃରେ ମାର୍‌ସାଲ୍‌ୟାନା ।^{୧୪} ଆଲେ ସବେନ୍‌କ ଏତେରେଲେ ଉୟାୟାନା ଆତଃ ଏବ୍ରୀ ଜାଗାବ୍‌ତେ ଆଇଁକ୍

☆ ୨୨:୫ ୨୬:୫ ପ୍ରେରିତ୍ ୨୩:୬; ପିଲିପିୟା ୩:୫. ☆ ୨୨:୯ ୨୬:୯ ପ୍ରେରିତ୍ ୮:୩; ୨୨:୪,୫.

ନାଗେନ୍ତେ ନେ ଲାବ୍‌ଲା ଆୟୁମକେଦାଈଜ୍, 'ହେ ଶାଉଲ୍, ହେ ଶାଉଲ୍, ତିନାଃମେନ୍ତେ ଆମ୍ ଆଇଜ୍‌କେମ୍ ସିରିଦିଜ୍‌କାତାନା ? ସିହୁଃତାନ୍ ନାଏଁହାଲ୍ ଚୁଟିରେ ତାୟୁଃତାନ୍ ପାହାଲ୍‌ରେ ଫାଦାତାନ୍ ଉରିଃକ୍ ଲେକା ଆମ୍ ଆମ୍‌ଗି ଫାଦାଅଥା ।' ୧୫ ଆଇଜ୍ କୁଲିକେଦାଈଜ୍, 'ପ୍ରାଭୁ ଆବେନ୍ ଅକଏତାନ୍‌ବେନ୍ ?' ପ୍ରାଭୁ କାଜିରୁହାଡ଼କେଦିୟାଏ, 'ଆଇଜ୍ ଏନ୍ ଯୀଶୁ ତାନିଜ୍, ଅକଏକେଟି ଆମ୍ ସାସାତିତାନାମ୍ । ୧୬ ମେନ୍‌ଦ ବିରିଦକେଦତେ ତିଜ୍‌ମ୍‌ମେ, ଆମ୍‌କେ ଆଇୟାଃ ଦାସି ଲେକା ସାଲାମେ ନାଗେନ୍ତେ ଆଇଜ୍ ଆମ୍‌ତାଃରେଇଜ୍ ଉଦୁବେନ୍‌ୟାନା । ତିସିଜ୍ ଆଇୟାଃ ବିଷାଏରେ ନେଲ୍‌କାଦ୍‌ତେୟାଃ ଆତଃ ହିଜ୍‌ଃ ଦିପିଲିରେ ଆଇଜ୍ ଆମ୍‌କେ ଉଦୁବାମେତେୟାଃ, ଏନ୍ ସବେନାଃରାଃ ଗାଝା ଆମ୍ ଏଗାଃକକେମ୍ କାଜିୟାକଆ । ୧୭ ଆଇଜ୍ ଆମ୍‌କେ ଅକ ଯିହୁଦୀ ଆତଃ ସାଅଁସାର୍ ହଡ଼କତାଃତେ କୁଲ୍‌ମେୟାଈଜ୍, ଇନ୍‌କୁତାଃଏତେ ଆଇଜ୍ ଆମ୍‌କେ ବାସ୍ତାଅମେୟାଈଜ୍ । ୧୮ ଆମ୍ ଇନ୍‌କୁକେ ସାର୍‌ଡିତେୟାଃ ଆବ୍‌କାରେ ନାଜ୍ ଆତଃ ହସଡ଼ତେୟାଃକେ କା ବିଶ୍ୱାସେ ନାଜ୍ ଦେଜ୍‌କାଆମ୍, ଇନ୍‌କୁକେ ନୁବାଃହେତେ ମାର୍‌ସାଲ୍‌ତେ ଆତଃ ସାଏତାନ୍‌ଆଃ ଆକ୍‌ତେୟାଃରୁହେତେ ପାର୍‌ମେଶ୍ୱାର୍‌ସାଃତେ ରୁହାଡ଼କଆମେ, ଜେ'ଲେକାଟି ଆଇଜ୍‌ତାଃରେ ବିଶ୍ୱାସେ ହରାତେ ଇନ୍‌କୁଆଃ ପାପ୍‌କ ଛାମାଅଥା ଆତଃ ପାର୍‌ମେଶ୍ୱାର୍‌ଆଃ ପାବିତାର୍‌କାନ୍ ହଡ଼କ ଆଲାରେ ଇନ୍‌କୁ ଠାୟାଦକ ନାମେୟା ।'

ପାଉଲୁସ୍ ଆୟାଃ କାମିରାଃ କାଜି ଉଦୁବେତାନା

୧୯ "ଏନାମେନ୍ତେ ହେ ରାଜା ଆଗ୍ରିପା, ଆଇଜ୍ ସିର୍ମାଏତେ ଅକ ଦାର୍‌ଶାନ୍ ନାମାକାଦାଈଜ୍ ଏନାକେଇଜ୍ ମାନାତିଜ୍‌କାଦା । ୨୦ ଆଇଜ୍ ସିଦାତେ ଦମାସ୍‌କସ୍, ଯୀରୁଶାଲେମ୍ ଆତଃ ଏନାରେୟାଃ ତାୟମ୍‌ତେ ସବେନ୍ ଯିହୁଦା ପାର୍‌ଗାନ୍‌ରେ ଆତଃ ସାଅଁସାର୍ ହଡ଼କଆଃ ଆଲାରେଇଜ୍ ଉଦୁବକେଦା, ଜେ'ଲେକାଟି ଇନ୍‌କୁ ପାପ୍ ନାଗେନ୍ତେ ହେୟାତିଜ୍‌ତାନ୍‌ଲଃ ପାର୍‌ମେଶ୍ୱାର୍‌ସାଃତେକ ରୁହାଡ଼ାଃ ଆତଃ ଇନ୍‌କୁ ହେୟାତିଜ୍‌କାଦାକ ମେନ୍ତେ ଏନାକେ କାମିରେକ ଉଦୁବେୟା । ୨୧ ନେଆଁ ନାଗେନ୍ତେ ଆଇଜ୍ ମାନ୍‌ଦିର୍ ଅଡ଼ାଃରେ ତାଇକେନ୍ ଇମ୍‌ତା ଯିହୁଦୀ ହଡ଼କ ଆଇଜ୍‌କେ ସାବକେଦତେ ଗଗଏଃ ନାଗେନ୍ତେକ ସେକାଡ଼ାକାନ୍ ତାଇକେନା । ୨୨ ମେନ୍‌ଦ ପାର୍‌ମେଶ୍ୱାର୍ ତିସିଜ୍ ଜାକେଦ୍ ଆଇଜ୍‌କେ ଦେଜ୍‌କାଦିୟାଁ ଆତଃ ଏନାମେନ୍ତେ ଆଇଜ୍ ତିସିଜ୍ ହୁଡିଜ୍ ମାରାଜ୍ ସବେନ୍‌କତାଃରେ ଗାଝା ଏମ୍ ନାଗେନ୍ତେଇଜ୍ ତିଜ୍‌ଆକାନା । ନାବୀକ ଆତଃ ମୁଶା, ଅକ୍‌ନାଃ ହବାଅଥା ମେନ୍ତେକ କାଜିକାଦ୍ ତାଇକେନା, ଆଇଜ୍ ଏନ୍ କାଜିକେଗିଇଜ୍ କାଜିତାନା । ୨୩ ମାସିକେ ଦୁକୁ ସାହାତିଜ୍ ଲାଗାତିଜ୍‌ୟାଃ ଆତଃ ଗଜାକାନ୍‌କଆଃଏତେ ସିଦାତେ ଜାଉବିରିଦ୍‌ୟାନ୍‌ଲଃ ଯିହୁଦୀ ଆତଃ ସାଅଁସାର୍ ହଡ଼କଆଃ ଆୟାର୍‌ରେ ପାରିତ୍ରାଣ୍‌ରେୟାଃ ମାର୍‌ସାଲ୍ ଉଦୁବେୟାଏ ।"

୨୪ ନେ'ଲେକା ପାଉଲୁସ୍ ଆୟାଃ ଆପନାଃସାଃଏତେ କାଜିତାଇକେନ୍ ଇମ୍‌ତା, ଫେଷ୍ଟସ୍ କାଉରିକେଦତେ କାଜିକେଦା, "ପାଉଲୁସ୍, ଆମ୍ ବାଲୁଆଃ ତାନାମେ ! ଆମାଃ ମାରାଜ୍ ଇନ୍‌ତୁ ଆମ୍‌କେ ବାଉଡ଼ାକାଦ୍‌ମେୟାଁ !"

୨୫ ପାଉଲୁସ୍ କାଜିରୁହାଡ଼କେଦାଏ, "ଏ ମାଜନାନ୍ ଫେଷ୍ଟସ୍, ଆଇଜ୍ କାଜ୍‌କାଜ୍ ବାଏହାକାନା, ଆଇଜ୍ କାଜିତାନ୍‌ତେୟାଃ ସାର୍‌ଡିତାନାଃ ଆତଃ ଲାଗାତିଜ୍‌ରାଃ କାଜିଇଜ୍ କାଜିକାଦା । ୨୬ ରାଜା ଆଗ୍ରିପା, ଆବେନ୍ ନେ ସବେନ୍ ବିଷାଏରେ ସାରିକାଦ୍ ହରାତେ ଆଇଜ୍ ଆବେନାଃ ଆୟାର୍‌ରେ ନେ କାଜି କାଜି ନାଗେନ୍ତେଇଜ୍ ସାହାସେତାନା, ଆଇଜ୍ ସାର୍‌ଡିଗିଇଜ୍ ସାରିତାନା ଯେ, ନେ ସବେନ୍ ବିଷାଏରେ ଆବେନ୍ ସାରିତାନାବେନ୍, ତିଆଃଟି ନେଆଁ କା ସାରି ଠାୟାଦ୍‌ରେ ଉକୁକେଦତେ କା ହବାକାନା । ୨୭ ହେ ରାଜା ଆଗ୍ରିପା, ତିୟାଃ ଆବେନ୍ ନାବୀକକେ ବିଶ୍ୱାସ୍‌ସାଃବେନ୍ ? ଆଇଜ୍ ସାରିତାନାଈଜ୍ ଆବେନ୍ ବିଶ୍ୱାସ୍‌ସାଃବେନ୍ !"

୨୮ ଆଗ୍ରିପା ପାଉଲୁସ୍‌କେ କାଜିକିୟା, "ନେ ହୁଡିଜ୍ ଘାଡ଼ିରେଗି ଆମ୍ ତିନାଃ ଆଇଜ୍‌କେ ଖ୍ରୀଷ୍ଟିୟାନ୍ ରିକା ଦାଡ଼ିୟାମ୍ ମେନ୍ତେମ୍ ଉଡ଼ୁତାନା ?"

୨୯ ପାଉଲୁସ୍ କାଜିରୁହାଡ଼କିୟାଏ, "କାରିଃଘାଡ଼ି ହବାଅଃ ଚାଏ ପୁରାଃଘାଡ଼ି, ପାର୍‌ମେଶ୍ୱାର୍‌ତାଃରେ ଆଇୟାଃ ନିମିନାଜ୍ ବିଗ୍ତିତାନାଃ, ଆବେନ୍ ଆତଃ ତିସିଜ୍ ଆଇୟାଃ କାଜି ଆୟୁମକାଦ୍ ସବେନ୍‌କ ଆଇୟାଃ ଲେକା ହବାଅଃସେ, ମେନ୍‌ଦ ନେ'ଲେକା ସିକିଡ଼ିରେ ତଲଃସେ ମେନ୍ତେ ଆଇଜ୍ କାଜ୍‌କାଜ୍ କାଜିତାନା ।"

୩୦ ଏନ୍ତେ ରାଜା, ଲାବ୍‌ସାହେଦ୍, ବର୍‌ନିୟ୍ ଆତଃ ଏଗାଃ ସବେନ୍‌କ ବିରିଦ୍‌ୟାନା, ୩୧ ଆତଃ ସେନଃ ତାଇକେନ୍ ଇମ୍‌ତା ମିହୁଡ୍ ଆତଃମିହୁଡ଼କେ କାଜିୟାନାକ, "ନେ ହଡ଼ ନେ'ଲେକାନ୍ ଜେତାନ୍ କାମି

☆ ୨୨:୨୦ ୨୨:୨୦ ପ୍ରେସ୍‌ବିଟିଆନ ୯:୨୦,୨୮,୨୯. ☆ ୨୨:୨୩ ୨୨:୨୩ ୧ କବିଲ୍ଲିୟା ୧୫:୨୦.

କାଏ କାମିକାଦା, ଅକ୍ନାଃ ହରାତେଚି ଇନିଃ ଗନଏଃ ଚାଏ ଜେହେଲ୍ଲରେ ସାଜାଇ ନାମେୟାଏ ।”
୩୨ ଆତଃ ଆଗ୍ରିପା ଫେଷ୍ଟସକେ କାଜିକିୟା, “ନେ ହଡ଼ କାଇସାର୍ତାଃରେ ବିଚାରଃ ନାଗେନ୍ତେ କାଏ
କାଜିଗରଙ୍ଗକେଦରେଦ, ଆବୁ ଇନିଃକେ ଜେହେଲ୍ଲହେତେ ରାଡ଼ା ଦାଡ଼ିକାଇତେୟାଃବୁ ।”

୨୭

ରୋମ୍‌ତେ ପାଉଲ୍‌ସ୍‌ଆଃ ଦାଆଃ ଜାହାଜ୍‌ରେ ସେନଃ

୧ ଆଲେ ଦାଆଃ ଜାହାଜ୍‌ରେ ଇଟାଲି ଦିଶ୍ଟୁମ୍‌ତେ ସେନାଲେ ମେନ୍ତେ ଉହାଟ୍‌କେଦ୍ ହରାତେ
ପାଉଲ୍‌ସ୍‌ ଆତଃ ଏଟାଃ ତିନିନ୍ ଜେହେଲ୍ଲକାନକ୍ “ମିଦ୍‌ଶାଅ ସିପାଇକଆଃ ଆଗୁଆଇ ଖୁଣ୍ଟୁ” ନୁଡୁମ୍,
ମିଆଁଦ୍ ରୋମିରେନ୍ ସିପାଇକଆଃ ଆଗୁଆଇ ଜୁଲିୟସ୍‌ଆଃ ତିଃଇରେ ଜିମାୟାନା । ୨ ଆଲେ ଏସିଆ
ପାର୍‌ଗାନ୍‌ରେୟାଃ ଦରେୟା ଗେନାରେ ଅକ୍‌ତାଃରେଚି ଦାଆଃ ଜାହାଜ୍ ହିଜୁଃ ସେନଃ ଟାପୁକ୍‌ତେ
ସେନଃ ନାଜ୍ ସେକାଡ଼ାକାନ ଆଦ୍ରାମିଡିୟରାଃ ମିଆଁଦ୍ ଜାହାଜ୍‌ରେ ସେନଃୟାନାଲେ । ଆରିସ୍ତାର୍ଗ ନୁଡୁମ୍
ଅପ୍‌ସଲ୍‌ନିକା ନାଗାର୍‌ରେନ୍ ମିହୁଡ଼୍, ମାକିଦନିଆରେନ୍ ହଡ଼ ଆଲେଲଃ ତାଇକେନାଏ । ୩ ଏନାରେୟାଃ
ଏଟାଃହୁଲ୍‌ଲାଇ ଆଲେ ସିଦୋନ୍ ନାଗାର୍‌ତେଲେ ସେଟେରୁୟାନା । ଜୁଲିୟସ୍‌ ପାଉଲ୍‌ସ୍‌କେ ଦାୟାକିୟା
ଆତଃ ଇନିଃକେ ଆୟାଃ ଗାଡିକଲଃ ନେପେଲ୍‌କେଦ୍‌ତେ, ଆୟାଃ ଲାଗାଡିଜ୍‌ତେୟାଃ ସବେନାଃ ଆଉଖେ
ନାଜ୍ ଆଟୁକିୟାଏ । ୪ ଆଲେ ଏନ୍ତାଃଏତେ ସେନଃ ତାଇକେନ୍ ଇମ୍‌ତା ସାମ୍‌ନାଜ୍‌ସାଃଏତେ ହୟକେଦ୍
ହରାତେ ସାଇପ୍ରସ୍ ଟାପୁରେୟାଃ ଗେନା ଗେନାତେଲେ ସେନଃୟାନା । ୫ କିଲିକିଆ ଆତଃ ଦାମିଲିଆ
ପାର୍‌ଗାନ୍‌ ପାରମ୍‌କେଦ୍‌ତେ ଲୁକିଆ ପାର୍‌ଗାନ୍‌ରେୟାଃ ମୁରା ନାଗାର୍‌ତେଲେ ହିଜୁଃୟାନା । ୬ ଏନ୍ତାଃରେ
ମିଦ୍‌ଶାଅ ସିପାଇକଆଃ ଆଗୁଆଇ ଆଲେକଜାଣ୍ଡ୍ରିଆରେୟାଃ ମିଆଁଦ୍ ଦାଆଃ ଜାହାଜ୍ ଇଟାଲିତେ ସେନଃ
ନାଜ୍ ସେକାଡ଼ଃତାନ୍‌ତେୟାଃ ନେଲ୍‌କେଦ୍‌ତେ ଆଲେକେ ଏନାରେ ଦୁବ୍‌କେଦ୍‌ଲେୟା ।

୭ ଆଲେ ପୁରାଃମାହିଁ ଜାକେଦ୍ ମାଡ଼ି ମାଡ଼ିତେ ସେନଃତାନ୍‌ଲଃ ଡାବ୍‌ସାର୍ କ୍ରିଦ୍ ସାହାର୍ ନାଡ଼େଃତେଲେ
ସେଟେରୁୟାନା । ସାମ୍‌ନାଜ୍‌ସାଃଏତେ ହୟ ହିଜୁଃତାନ୍ ହରାତେ ଆଲେ ଏନ୍‌ସାଃତେ ଆୟାଡ଼ତେ
କାଲେ ସେନ୍ ଦାଡ଼ିୟାନା, ଏନାତେ କ୍ରିଦ୍ ଟାପୁରେୟାଃ ଦାକ୍ଷିଣ୍‌ସାଃ ଗେନାରେୟାଃ ପାର୍‌ଗାନ୍ ହରାତେ
ସେନଃକେଦ୍‌ତେ ସାଲ୍‌ମୋନି ପାର୍‌ଗାନ୍‌କେଲେ ପାରମ୍‌କେଦା । ୮ ଆଲେ ଦରେୟା ଗେନାତେ ଡାବ୍‌ସାର୍
ସେନ୍‌କେଦ୍‌ତେ “ସୁଗାଡାନ୍ ଟାପୁ” ନୁଡୁମଃତାନ୍ ମିୟାଦ୍ ଠାୟାଦ୍‌ତାଃରେ ସେଟେରୁୟାନା । ଏନା ଲାସିଆ
ସାହାର୍ ଜାପାଃରେ ତାଇକେନା ।

୯ ଆଲେ ଏନ୍ତାଃରେ ପୁରାଃମାହିଁ ତାଇକେନାଲେ । ଯିହୁଦୀ ହଡ଼କଆଃ କାଗାଦ୍ ପାରାଦ୍* ଟୁଣ୍ଡୁକାନ୍
ହରାତେ, ଏନ୍ ଦିପିଲିରେ ଦାଆଃ ଜାହାଜ୍‌ରେ ସେନ୍ ନାଜ୍ ବରଝାନ୍‌ଗି ହବାୟାନା । ଏନାତେ
ପାଉଲ୍‌ସ୍‌ ଇନ୍‌କୁକେ ନେଲେକାଏ କାଜିୟାଦ୍‌କଆ, ୧୦ “ହେ ହାଗାକ, ଆଇଜ୍ ସାରି ଦାଡ଼ିତାନାଇଜ୍
ୟେ, ଆବୁ ନେତାଃଏତେ ଆତଃଗି ଦାଆଃ ଜାହାଜ୍‌ରେ ସେନଃ ଏଟେଜେରେଦ ବରଝାନ୍‌ଗି ହବାଅଃଆ
। ନେଆଁ ହରାତେ ଦାଆଃ ଜାହାଜ୍ ଆତଃ ଏନାରେ ଲାଦିଆକାନ୍ ସାମାନ୍‌କ ଏସ୍‌କାର୍ ନକ୍‌ସାନଃଆ
ମେନ୍ତେଦ କାହା ମେନ୍‌ଦ ସେନ୍ ହରାତାନ୍ ହଡ଼କଆଃ ଜାଦାନ୍‌ହରି ଜିୟନଃଆ ।” ୧୧ ମେନ୍‌ଦ ମିଦ୍‌ଶାଅ
ସିପାଇକଆଃ ଆଗୁଆଇ ପାଉଲ୍‌ସ୍‌ଆଃ କାଜିକେ କା ଆୟୁମ୍‌କେଦ୍‌ତେ, ଦାଆଃ ଜାହାଜ୍ ଚାଲାଅନିୟାଃ
ଆତଃ ଗମକେୟାଃ କାଜି ଆୟୁମ୍‌କେଦାଏ । ୧୨ ରାବାଜ୍ ସାହା ବିତାଅ ନାଗେନ୍ତେ ଏନ୍ ଦାଆଃ ଜାହାଜ୍ ତିଜ୍
ଠାୟାଦ୍ ବେଶ୍ କା ତାଇକେନା । ଏନାତେ ଫେନିକ୍‌ସ୍ ଠାୟାଦ୍‌ତେ ସେଟେରୁକେଦ୍‌ତେ ଏନ୍ତାଃରେ ରାବାଜ୍
ସାହା ବିତାଅ ନାଗେନ୍ତେ ଏନ୍ତାଃଏତେ ଦାଆଃ ଜାହାଜ୍‌ରେ ସେନଃ ନାଜ୍ ପୁରାଃ ହଡ଼କ କାଜିକେଦାକ ।
ଫେନିକ୍‌ସ୍ ଦାକ୍ଷିଣ୍ ପାଶ୍ଟିମ୍ ଆତଃ ଉଭାର୍ ପାଶ୍ଟିମ୍‌ସାଃତେ ସାମ୍‌ନାଜ୍‌କାଦ୍ କ୍ରିଡ଼ରେ ମିଆଁଦ୍ ଦାଆଃ ଜାହାଜ୍
ତିଜ୍ ଠାୟାଦ୍ ତାଇକେନା ।

ଦରେୟାରେ ଦୁଦୁଗାର୍ ହୟ

୧୩ ଦାକ୍ଷିଣ୍‌ସାଃଏତେ ସୁଆଏତେ† ହୟ ହିଜୁଃୟାନା ଇମ୍‌ତା, ଦାଆଃ ଜାହାଜ୍‌ରେ ସେନଃତାନ୍ ହଡ଼କ
ଆକଆଃ ଉହାଟ୍‌କାଦ୍ ଠାୟାଦ୍‌ତେ ସେନ୍ ଦାଡ଼ିୟାକ ମେନ୍ତେ ଉଡ଼ଃକେଦାକ, ଆତଃ ଇନ୍‌କୁ ଦାଆଃ
ଜାହାଜ୍‌କେ ତିଜ୍‌କାଦ୍ ହାମ୍‌ଲ୍ ମେଡ଼େଦ୍‌କେ ଉଠାଏକେଦ୍‌ତେ ଚିମିନ୍ ସାଜିନ୍ ସେନ୍ ହବାସାକାଆଃ ଲେକା
କ୍ରିଦ୍ ଦରେୟା ଗେନା ଗେନାତେକ ସେନଃୟାନା । ୧୪ ମେନ୍‌ଦ ଇମ୍‌ତାଜି ଟାପୁସାଃଏତେ ଉଭାର୍ ପୁରାଦ୍
ହୟ ଦୁଦୁଗାର୍‌ଗି ହିଜୁଃୟାନା, ୧୫ ଆତଃ ଦାଆଃ ଜାହାଜ୍‌ରେ ଠକ୍‌ରାଅୟାନା । ଏନ୍ତେ ଦାଆଃ ଜାହାଜ୍‌କେ

* ୨୭:୯ 27:9 ନେଆଁ ସେପ୍‌ସୁମ୍‌ଗ୍ ମାହିଁ ନାଋଃ ଟୁଣ୍ଡୁରେ ଚାଏ ଅକ୍‌ସ୍‌ବର୍ ମାହିଁ ନାଋଃ ଏନେଟେଦ୍‌ରେ ମାନାଡିଜ୍ ତାଇକେନାକ
† ୨୭:୧୩ ୨୭:୧୩ ମାଡ଼ି ମାଡ଼ିତେ

ହୟସାଃତେ ସାମନାଞ୍ଜକେଦତେ କା ସେନ୍ ଦାଡ଼ିୟାନ୍ ହରାତେ ଆଲେ କାଲେ ଚେଷ୍ଟାକେଦା ଆତଃ ହୟଲଃଶି ଦାଆଃ ଜାହାଜକେ ଆତୁ ନାଞ୍ଜ ବାଗିତାଦାଲେ । ୧୭ ମିଆଁଦ୍ ହୁଡ଼ିଞ୍ଜ୍ ଟାପୁ କ୍ଲାଉଦ୍ରେୟାଃ ଦାକ୍ଷିଣ୍ଣିୟାଃ ହରାତେ ସେନଃ ତାଇକେନ୍ ଇମ୍ତା କାଟିଃଲେକା ଏନ୍ ହୟଏତେ ବାଞ୍ଚାଥ ନାମକେଦାଲେ । ଏନ୍ତାଃରେ ଜାଲେକାତେ ଦାଆଃ ଜାହାଜ୍ରେୟାଃ ଲାଉକାକେ ବୁଗିଲେକା ଦହ ଦାଡ଼ିକେନାଲେ । ୧୮ ଲାଉକା ଚାଲାଅ ହଡ଼କ ଲାଉକାକେ ଦାଆଃ ଜାହାଜ୍ ଚେତାନୁତେ ଆଇଜ୍ ରାକାବ୍କେଦାକ ଆତଃ ମୋଗ୍ ବାଏହାବ୍ରେୟାଃ କେଚେଦ୍ଦକେଦ୍ତେ ଦାଆଃ ଜାହାଜ୍ରେ ତଲ୍ଲକେଦାକ । ଦାଆଃ ଜାହାଜ୍ ଦରେୟା ଖାଉଁଣ୍ ଲିବିଆରେୟାଃ ସୁତ୍ତୁ ନୁତୁମ୍ ହୁଣ୍ଡିଆକାନ୍ ଗିଡ଼ିଲ୍ଲକେ ସେନଃକେନଃଆ ମେନ୍ତେ ବରତାନୁଲଃ ଦାଆଃ ଜାହାଜ୍ ଚାଲାଅତାନ୍ ହଡ଼କ ପାଲ୍ଲକେ ଆଡ଼ଗୁକେଦ୍ତେ ଦାଆଃ ଜାହାଜ୍ ହୟଲଃଶି ଆତୁ ନାଗେନ୍ତେ ବାଗିତାଦାକ । ୧୯ ଦୁଦୁଗାର୍ ହୟ ହୟତାନ୍ ହରାତେ ଏନାରେୟାଃ ଏଗଃ ହୁଲ୍ଲାଞ୍ଜ୍ ଇନ୍କୁ ଦାଆଃ ଜାହାଜ୍ରେ ଲାଦିଆକାନ୍ ଜିନିଷକ ଦାଆଃରେ ହୁରାଞ୍ଜକେଦାକ, ୧୯ ଆତଃ ଆପି ମାହାଁରେ ଦାଆଃ ଜାହାଜ୍ରେୟାଃ ଜିନିଷକ ହୁରାଞ୍ଜକେଦା । ୨୦ ପୁରାଃ ଦିନ୍ ଜାକେଦ୍ ଆଲେ ସିଞ୍ଜି ଚାଏ ଇପିଲ୍ଲକକେ କାଲେ ନେଲ୍ଲ ଦାଡ଼ିକେନା ଆତଃ ପୁରାଃ ଜୋରୁଗି ହୟକାତେ ତାଇକେନା, ଆତଃ ଟୁଣ୍ଡୁରୁ ଆଲେ ବାଞ୍ଚାଥ ନାମେରେୟାଃ ସବେନ୍ ଆସ୍ତା ବାଗିକାଦ୍ ତାଇକେନାଲେ ।

୨୧ ସବେନ୍କ ଚିମିନ୍ନେତା ବେଗାର୍ ଜମ୍ପତେ ତାଇନ୍ୟାନ୍ ତାୟମ୍ପତେ ପାଉଲୁସ୍ ସେନଃତାନ୍ ହଡ଼କଆଃ ଆଲାରେ ତିଞ୍ଜ୍କେଦ୍ତେ କାଜିକେଦା, “ହେ ହାଗାକ, ଆପେ କ୍ରିଡ଼ରେ ଆଇୟାଃ କାଜି ଆୟୁମକେଦ୍ତେ ଦାଆଃ ଜାହାଜ୍ରେ କା ହିନ୍ତୁଃକାନ୍ରେ, ଆବୁଆଃ ନେଲେକା ନକ୍ସାନ୍ ଆତଃ ଜିୟନ୍ କା ହବାକାନ୍ତେୟାଃ । ୨୨ ମେନ୍ଦ୍ ନାହାଁଃ ଆଇଞ୍ଜ୍ ଆପେକେ ବିନ୍ତ୍ରିପେତାନାଞ୍ଜ୍, ଆପେ ଆଲପେ ବରଏୟା, ଆପେକଏତେ ଜେତାଏୟାଃହ ଜାଉ କା ନକ୍ସାନଃଆ, ଦାଆଃ ଜାହାଜ୍ ଏସ୍କାର୍ ନକ୍ସାନଃଆ । ୨୩ ତିଆଃତି ଆଇଞ୍ଜ୍ ଅକ ପାର୍ମେଶ୍ୱାରକେ ସେଞ୍ଜା ରିକାଃଞ୍ଜ୍, ସେନଃୟାନ୍ ନିଦାରେ ଆୟାଃ ମିଆଁଦ୍ ଦୁଡ଼ି ଆଇଞ୍ଜ୍ତାଃତେ ହିନ୍ତୁଃକେଦ୍ତେ କାଜିକେଦିୟା, ୨୪ ଏ ପାଉଲୁସ୍ ଆଲମ୍ପ ବରଏୟା, ଆମକେ ଜାରୁଡ଼ିଗି କାଈସାର୍ଆଃ ଆୟାର୍ରେ ତିଞ୍ଜ୍ନ୍ ଲାଗାଡ଼ିଞ୍ଜ୍ୟାଃ । ଆମାଃଲଃ ପାର୍ମେଶ୍ୱାର୍ଆଃ ସାୟାଦ୍ ଏମାକାନ୍ ହରାତେ, ଇନିଃ ଆମାଃଲଃ ସେନ୍ତାନ୍ ସବେନ୍କଆଃ ଜାଦାନ୍କେ ବାଞ୍ଚାଅକାଦା । ୨୫ ଏନାମେନ୍ତେ, ହେ ହାଗାକ ଆଲପେ ବରଏୟା, ତିଆଃତି ଆଇଞ୍ଜ୍ ପାର୍ମେଶ୍ୱାର୍ତାଃରେ ବିଶ୍ୱାସ୍ତାନାଞ୍ଜ୍, ଆଇଞ୍ଜ୍କେ ଅକନଃ କାଜିକାନା ଏନ୍ଲେକାଗି ହବାଅଆଃ । ୨୬ ମେନ୍ଦ୍ ଆବୁ ଆୟାର୍ରେ ସେନ୍କେଦ୍ତେ ମିଆଁଦ୍ ଗାପୁରେବୁ ଠଗଃଆ ।”

୨୭ ନେଆଁ ଗେଲ୍ଲଉପୁନ୍ ନିଦା ତାଇକେନା, ଆତଃ ଆଲେ ଆଦିଆ ଦରେୟାରେ ଦୁଦୁଗାର୍ ହୟ ହରାତେ ନେତେହେନ୍ତେ ସେନଃତାନୁଲଃ ଲାଗୁଭାଗ୍ ଆଲାନିଦାରେ ଦାଆଃ ଜାହାଜ୍ ଚାଲାଅ ହଡ଼କ ଆଡ଼କାର୍ ଉରୁମକେଦାକ ଯେ, ଆବୁ ଦରେୟା ଖାଉଁଣ୍ତେ ନାଡେଜଃତାନା । ୨୮ ଏନ୍ତେ ଇନ୍କୁ ବାଏହାବ୍ରେ ହାମ୍ପାଲ୍ଲକେୟାଃ ତଲ୍ଲକେଦ୍ତେ ଦାଆଃରେ ତୁବିଃଗକେଦ୍ ହରାତେ ବାବୁହିସି ମିଟର୍ ଗାଡା ମେନଃ ମେନ୍ତେକ ସାରିକେଦା । ଆତଃକାଟିଃ ସାଜିନ୍ ସେନ୍କେଦ୍ତେ ନେଲ୍ଲକେଦାକ ଯେ, ଦାଆଃରାଃ ଗାଡା ହିସିଗେଲ୍ ମିଟର୍ ତାଇକେନା । ୨୯ ଦାଆଃ ଜାହାଜ୍ ଜେତା ସେରେଞ୍ଜ୍ରେ ଠଗଃଆଃ ମେନ୍ତେ ବରତାନୁଲଃ ଇନ୍କୁ ତାୟମ୍ପସାଃଏତେ ଉପୁନିୟା ହାମ୍ପାଲ୍ ମେଡ୍ଡେ ଉୟୁଃକେଦାକ ଆତଃ ସିଞ୍ଜିତୁରଃ ନାଞ୍ଜ୍ ବିନ୍ତ୍ରିକେଦାକ । ୩୦ ଏନ୍ତେ ଦାଆଃ ଜାହାଜ୍ ଚାଲାଅ ହଡ଼କ ଏନାଏତେ ଆଡ଼ଗୁକେଦ୍ତେ ସେନଃ ନାଗେନ୍ତେ ଚେଷ୍ଟାକେଦାକ, ଆତଃ ଦାଆଃ ଜାହାଜ୍ରେୟାଃ ସାମନାଞ୍ଜ୍ସାଃଏତେ ଆତଃଚିମିନ୍ ହାମ୍ପାଲ୍ ମେଡ୍ଡେକେ ଉୟୁଃରେୟାଃ ବାହାନାତାନୁଲଃ ଇନ୍କୁ ଦାଆଃ ଜାହାଜ୍ରେ ତାଇକେନ୍ ଲାଉକାକେ ଲାଡାର୍ରେକେ ଇଲ୍ଲିଞ୍ଜକେଦା । ୩୧ ମେନ୍ଦ୍ ପାଉଲୁସ୍ ମିଦ୍ଗାଥ ସିପାଇକଆଃ ଆଗୁଆଇକେ ଆତଃ ସିପାଇକକେ କାଜିକେଦ୍ଦକଆ, “ଦାଆଃ ଜାହାଜ୍ ଚାଲାଅ ହଡ଼କ କାକ ତାଇନଃରେୟା, ଆପେୟାଃ ବାଞ୍ଚାଅଃରେୟାଃ ଆସ୍ତା କା ତାଇନଃଆ ।” ୩୨ ଏନାତେ ସିପାଇକ ଲାଉକାରେୟାଃ ବାଏହାବ୍ରେକେ ହାଦ୍କେଦ୍ତେ ଦାଆଃରେ ଆତୁ ନାଗେନ୍ତେ ଆଡ଼ାଃତାଦା ।

୩୩ ସିଞ୍ଜିତୁରଃ ସିଦାରେ ପାଉଲୁସ୍ ସବେନ୍କକେ ଜମେ ନାଗେନ୍ତେ କାଜିକେଦ୍ଦକଆ । ଇନିଃ କାଜିକେଦ୍ଦକଆଏ, “ଗେଲ୍ଲଉପୁନ୍ ମାହାଁ ହବାୟାନ୍ରିୟା ଆପେ ଜେଡ୍ନଃ କାପେ ଜମ୍ପକାଦା । ୩୪ ଆଇଞ୍ଜ୍ ବିନ୍ତ୍ରିପେ ତାନାଞ୍ଜ୍, ନାହାଁଃ କାଟିଃଲେକା ଜମେପେ, ଜାନିଦ୍ ତାଇନଃ ନାଗେନ୍ତେ ନେଆଁ ଜାରୁଡ଼ି, ଲାଗାଡ଼ିଞ୍ଜ୍ୟାଃ । ଆଲପେ ବରଏୟା, ଆପେୟାଃ ବହଃଏତେ ମିଆଁଦ୍ ଉଦ୍ଦହ କା ଜିୟନଃଆ ।” ୩୫ ଇନିଃ ନେଆଁ କାଜିକେଦ୍ତେ, ପାଉଲୁସ୍ ପାର୍ମେଶ୍ୱାରକେ ଧାନସାବାଦ୍ ଏମକେଦ୍ତେ ହଲ୍ଲଜ୍ କେଚାଃକେଦ୍ତେ ଜମକେଦାକ । ୩୬ ନେଆଁରେ ଇନ୍କୁ ସବେନ୍କ ଜାଉରେ କେଚେଦ୍ ନାମକେଦ୍ତେ ଜମକେଦାକ ।

୩୭ ଇମ୍ବତା ଆଲେ ଦାଆଃ ଜାହାଜ୍ରେ ୨୭୭ ଝାନ୍ ହଡ଼କ ତାଇକେନାଲେ । ୩୮ ସବେନକ ବିୟଃଗି ଜମ୍ବକେଦ୍ ତାୟମ୍ବତେ ଦାଆଃ ଜାହାଜ୍ରେ ଉସାସେ ନାଗେନ୍ତେ ଏନାରେ ତାଇକେନ୍ ସବେନ୍ ଗହମ୍ ଦରେୟାରେକ ହୁରାଙ୍ଗକେଦା ।

ଦାଆଃ ଜାହାଜ୍ରେ ନକ୍ସାନା

୩୯ ଏଗଃ ହୁଲାଇ ଆଙ୍ଗୟାନ୍ତି, ଦାଆଃ ଜାହାଜ୍ ଚାଲିଅ ହଡ଼କ ଦରେୟାରଃ ଅକ ଖାଇଁରେ ସେଗେରାକାନାକ ଏନା କାକ ସାରି ଦାଡ଼ିକେନା । ମେନ୍ଦ୍ ଇନ୍କୁ ଗିତିଲଖାଇଁରେ ମିଆଁଦ୍ ଗାଡ଼ା ନେଲ୍ଲକେଦ୍ରେ ଜେତାଲେକାତେ ଏନ୍ତାଃରେ ଦାଆଃ ଜାହାଜ୍ ତିଲ୍ଲ ନାଗେନ୍ତେକ ଉହାଟ୍ଟକେଦାକ । ୪୦ ଏନାତେ ଇନ୍କୁ ହାପ୍ପାଲ୍ ମେଡ଼େଦ୍ରେୟାଃ ବାଏହାର୍ ହାଦ୍ କେଦ୍ରେ ଏନ୍ ସବେନାଃକେ ଦରେୟା ଲାଡ଼ାରେ ତପାଆ ନାଗେନ୍ତେ ବାଗିତାଦାକ । ଏନ୍ତେ ପାଡ଼ାୟାରେୟାଃ ବାଏହାର୍ ରାଡ଼ାକେଦ୍ରେ ଆୟାରେ ତଲ୍ଲକାଦ୍ ପାଲ୍ଲକେ ଉଠାଅକେଦ୍ ହରାତେ ଦାଆଃ ଜାହାଜ୍ ହୟଲ୍ଲ ଖାଇଁ ଗେନାତେ ସେନଃୟାନା । ୪୧ ମେନ୍ଦ୍ ଦାଆଃ ଜାହାଜ୍ ହୁଣ୍ଡିଗିତିଲ୍ଲରେ ଠକ୍ରେଅକେଦ୍ରେ ଦାଆଃ ଜାହାଜ୍ରେୟାଃ ସାମ୍ବନାଙ୍ଗରେୟାଃ ହିସା ଲାଡ଼ାରେ ତପାୟାନା ଆଡ଼ ଆଲ୍ପୁଙ୍ଗେତେ ଜୋର୍ରେ ଠକ୍ରେଅୟାନ୍ ହରାତେ ଦାଆଃ ଜାହାଜ୍ରେୟାଃ ତାୟମ୍ବତେ ଚୁକ୍ତା ଚୁକ୍ତାୟାନା ।

୪୨ ଜେହେଲ୍ଲାନାନ୍ ହଡ଼କ ଦରେୟା ଖାଇଁରେ ପାହୁଁରାଅ ପାହୁଁରାଅ ସେନଃଆକ ମେନ୍ତେ ଇନ୍କୁକେ ଗଗଏଃ ନାଗେନ୍ତେ ସିପାଇକ ଉହାଟ୍ଟକେଦାକ । ୪୩ ମେନ୍ଦ୍ ମିଦ୍ ଶାଅ ସିପାଇକଆଃ ଆଗୁଆଇ ପାଉଲ୍ଲୁସକେ ବାଞ୍ଚାଅ ନାଗେନ୍ତେ ସାନାଙ୍ଗତାଇକେନା, ଏନାତେ ଇନିଃ ସିପାଇକକେ ଗଗଏଃ ନାଙ୍ଗ୍ କାଏ ଆଡ଼କେଦ୍ କଥା । ପାହୁଁରାଅ ଦାଡ଼ିତାନ୍ ସବେନକକେ ଦାଆଃରେ ଡେଗାଅକେଦ୍ରେ ଦରେୟା ଖାଇଁରେ ସେନଃ ନାଙ୍ଗ୍ ଆଡ଼କେଦ୍ କଥାଏ । ୪୪ ଆଡ଼ ସାରେଜାକାନକ୍ ଦାରୁପାଟାକରେ ଆଡ଼ ଏଆଃ ଜାହାଜ୍ରେୟାଃ ଚହେଜାକାନ୍ ଏଗଃ ଆଡ଼ୁଟାନ୍ ଜିନିଷ୍ଟକରେ ସାଦ୍ କେଦ୍ରେ ଆଡ଼ୁ ନାଗେନ୍ତେ ଏଗଃକକେ କାଜିକେଦ୍ କଥା । ନେଲ୍ଲକାତେ ଆଲେ ସବେନକ ବୁଗିଲେକା ଦରେୟା ଖାଇଁରେ ସେଗେରାୟାନାଲେ ।

୨୮

ମାଲ୍ଲଗା ଟାପୁରେ ପାଉଲ୍ଲୁସ

୧ ଆଲେ ବାଞ୍ଚାଅ ନାମକେଦ୍ରେ ଖାଇଁରେ ସେନକେନାଲେ ଆଡ଼ ନେଲ୍ଲକେଦାଲେ ଯେ, ଆଲେ ମାଲ୍ଲଗା ଟାପୁରେ ସେଗେରାକାନାଲେ । ୨ ଏନ୍ତାଃରେ ତାଇନତାନ୍ ଏଗଃ ଦିଶ୍ଟମ୍ବରେନ୍ ହଡ଼କ ଆଲେକେ ଦୁପୁଲ୍ଲାଡ଼ାରେ ଦାୟା ଏମାଦ୍ଲେୟାକ । ଇମ୍ବତା ଦାଆଃ ଗାମାକେଦ୍ରେ ରାବାଙ୍ଗତାଇକେନା, ଏନାତେ ଇନ୍କୁ ଆଲେକେ ସେଙ୍ଗେଲ୍ଲ ଜୁଲ୍ଲକେଦ୍ରେ ଦାରମକେଦ୍ଲେୟାକ । ୩ ପାଉଲ୍ଲୁସ୍ ମିଦ୍ ବିଡ଼ା ସାହାନ୍ ଆଡ଼କେଦ୍ରେ ସେଙ୍ଗେଲ୍ଲରେ ଉରୁଦ୍ ତାଇକେନ୍ ଇମ୍ବତା, ଏନାରେ ମିଆଁଦ୍ ବିଙ୍ଗ୍ ଅଡ଼ଙ୍ଗୟାନାଏ ଆଡ଼ ଏଲାଇହେତେ ବାଞ୍ଚାଅ ନାମେ ନାଙ୍ଗ୍ ପାଉଲ୍ଲୁସ୍ ଆଃ ତିଃଇରେ ହାଦ୍ କେଦ୍ରେ ତାଇନ୍ୟାନା । ୪ ଏନ୍ତାଃରେ ତାଇକାନ୍ ଏଗଃ ଦିଶ୍ଟମ୍ବରେନ୍ ହଡ଼କ ପାଉଲ୍ଲୁସ୍ ଆଃ ତିଃଇରେ ତୁଙ୍ଗାକାନ୍ ବିଙ୍ଗ୍ କେ ନେଲ୍ଲକେଦ୍ରେ ମିହୁଡ୍ ଆଡ଼ମିହୁଡ୍ କେ କାଜିୟାନାକ, “ଇନିଃ ଜାରୁଡ୍ ମିଆଁଦ୍ ହଡ଼ ଗଗଏଃନିଃ ତାନିଃ, ଇନିଃ ଦରେୟାଏତେ ବାଞ୍ଚାଅ ନାମକେଦ୍ରେୟା ଆୟାଃ କିସମାଦ୍ କାଏ ଜାହୁଦ୍ ଇତିକିୟା ।” ୫ ମେନ୍ଦ୍ ପାଉଲ୍ଲୁସ୍ ଆଃ ଜେତାନ୍ ନକ୍ସାନ୍ କା ହବାକେଦ୍ରେ ବିଙ୍ଗ୍ କେ ସେଙ୍ଗେଲ୍ଲରେ ହୁରାଙ୍ଗକିୟା । ୬ ପାଉଲ୍ଲୁସ୍ ମିକ୍ ଆଃଏ ଚାଏ ଗଏଃକେଦ୍ରେ ଉୟାଃକଆଃଏ ମେନ୍ତେ ଇନ୍କୁ ଉଡ଼ୁକେଦ୍ରେ ଚିମିନ୍ଦାଡ଼ି ତାଙ୍ଗିକେଦାକ । ମେନ୍ଦ୍ ପୁରାଃପାଡ଼ି ତାଙ୍ଗିକେଦ୍ ତାୟମ୍ବତେ ଇନ୍କୁ ନେଲ୍ଲକେଦାକ ଯେ, ପାଉଲ୍ଲୁସ୍ ଆଃ ଜେଡ଼ନାଃ ନକ୍ସାନ୍ କା ହବାଅଡ଼ାକା, ଏନ୍ତେ ଇନ୍କୁ ଆକଆଃ ଉଡ଼ୁ ବାଦ୍ଲାଇଅକେଦ୍ରେ କାଜିକେଦାକ, “ଇନିଃ ମିଆଁଦ୍ ମାହାପୁରୁ ତାନିଃ ।”

୭ ଏନ୍ ଟାପୁରେଗି ପୁଲ୍ଲିୟସ୍ ନୁଡ଼ୁମ୍ ମିଆଁଦ୍ ହଡ଼ରାଃ ଅଡ଼ାଃ ଆଡ଼ ଅତେ ତାଇନ୍କେନା । ଇନିଃ ଆଲେକେ ଦାରମକେଦ୍ଲେୟା ଆଡ଼ ଆପିମାହାଁ ଜାକେଦ୍ ଆୟାଃ ଅଡ଼ାଃରେ ପେଡ଼ାକେଦ୍ଲେୟା । ୮ ପୁଲ୍ଲିୟସ୍ ଆପୁତେ ଉରୁଇ ଆଡ଼ ଦାଆଃ ଲେକା ବାହାଡ଼ତାନ୍ ହରାତେ ପାରକମ୍ବରେ ବାଟିୟାକାନ୍ ତାଇକେନା । ପାଉଲ୍ଲୁସ୍ ଆୟାଃ କୁଠାତେ ସେନ୍ୟାନା, ଏନ୍ତେ ଆୟାଃ ଚେତାନ୍ରେ ତିଃଇ ଦହକେଦ୍ରେ ବିକ୍ତିକେଦା ଆଡ଼ ବୁଗିକିୟାଏ । ୯ ନେଆଁ ହବାୟାନ୍ ତାୟମ୍ବତେ ଟାପୁରେନ୍ ଏଗଃ ସବେନ୍ ଦୁକୁଡ଼ାନ୍କ ପାଉଲ୍ଲୁସ୍ ଆଃ ନାଡ଼େଃରେ ହିଜ୍ଠକେଦ୍ରେ ବୁଗିୟାନାକ । ୧୦ ଇନ୍କୁ ଆଲେକେ ପୁରାଃଗି ଦାନ୍କ ପାକେଦ୍ରେ ମାଲ୍ଲକେଦ୍ଲେୟାକ । ଆଡ଼ ଆଲେ ଏନ୍ତାଏତେ ଦାଆଃ ଜାହାଜ୍ରେ ସେନଃ ଇମ୍ବତା

ଆଲେୟାଃ ହରାସେନ୍ ନାଗେନ୍ତେ ଲାଗାତିକ୍ତେୟାଃ ସବେନାଃ ଇନ୍କୁ ଆଉକେଦ୍ତେ ଦାଆଃ ଜାହାଜ୍ରେ ଦହକେଦ୍ତେ ସେନଃୟାନାକ ।

ମାଲ୍ଟାଏତେ ରୋମ୍

^{୧୧} ଆଲେକ୍ତାଣ୍ଡ୍ରୀଆତାଃଏତେ ହିଜାକାନ୍ “ଜାଅଁଲା ମାହାପୁରୁ” ନୁତୁମଃତାନ୍ ଦାଆଃ ଜାହାଜ୍ ମାଲ୍ଟା ଟାପୁରେ ରାବାକ୍ସାହା ବିତାଅକାଦ୍ ତାଇକେନାଏ । ଏନ୍ ଟାପୁରେ ଆପି ମାହଁନା ତାଇନ୍ୟାନ୍ ତାୟମ୍ତେ, ଆଲେ ଏନ୍ ଦାଆଃ ଜାହାଜ୍ରେରି ଆତଃମିସା ସେନଃୟାନାଲେ । ^{୧୨} ଆତଃ ସିରାକ୍ସ୍ୟ ନାଗାର୍ରେ ସେଟେରକେଦ୍ତେ, ଏନ୍ତାଃରେ ଆପିମାହଁ ତାଇକେନାଲେ । ^{୧୩} ଏନ୍ତାଃଏତେ ସେନଃକେଦ୍ତେ ରିଜିୟମ୍ ନାଗାର୍ରେଲେ ସେଟେରୟାନା । ଏନାରେୟାଃ ଏତାଃ ହୁଲାକ୍ ଦାୟିଣ୍ ହୟ ହୟକେଦାଏ, ଆତଃ ବାଦ୍ସିକ୍ ତାୟମ୍ତେ ପୁତିଅଲି ସାହାର୍ରେ ସେଟେରୟାନାଲେ । ^{୧୪} ଏନ୍ତାଃରେ ଆଲେ ଚିମିନ୍ୟାନ୍ ଜୀଷ୍ଟରେ ବିଶ୍ୱାସ୍ତାନ୍ ହାଗା ମିଗିକଲଃ ନାପାମ୍ୟାନାଲେ । ଇନ୍କୁଲଃ ମିଦ୍ ହାପ୍ତା ତାଇନଃ ନାଗେନ୍ତେ ଇନ୍କୁ ଆଲେକେ ବିକ୍ତକେଦ୍ଲେୟାକ । ନେଲେକାତେ ଆଲେ ରୋମ୍ତେ ସେଟେରୟାନାଲେ । ^{୧୫} ଆଲେୟାଃ ବିଷାଏରେ ଆୟୁମ୍କେଦ୍ତେ ରୋମ୍ରେନ୍ ବିଶ୍ୱାସୀକେ ଦାରମ୍ ନାଗେନ୍ତେ ଏନ୍ ଠାୟାଦ୍ତାଃଏତେରି ଆପିୟସ୍ଆଃ ପିଦ୍ ଆତଃ ଆପିୟା ରୁଡୁନ୍ ଅଡ଼ାଃ ନୁତୁମ୍ ନାଗାର୍କଏତେ ହିଜୁଃୟାନାକ । ଇନ୍କୁକେ ନେଲ୍କେଦ୍ତେ ପାଉଲ୍ସ୍ ପାର୍ମେଣ୍ଟାରିକେ ଧାନ୍ୟାବାଦ୍ ଏମ୍କିୟାଏ ଆତଃ ପୁରାଃରି ରାସକାୟାନା ।

ରୋମ୍ରେ ପାଉଲ୍ସ୍

^{୧୬} ଆଲେ ରୋମ୍ତେ ସେଟେରୟାନତି, ପାଉଲ୍ସ୍କେ ହର ନାଗେନ୍ତେ ମିଆଁଦ୍ ସିପାଇଲଃ ଇନିଃ ଆୟାଃ ଇନ୍ତାୟାନାକ୍ଲେକା ଜେଲେକାନ୍ ଠାୟାଦ୍ରେ ତାଇନ୍ ଦାଡ଼ିୟାଏ ମେନ୍ତେ ଆରୁଇନାମ୍କେଦା ।

^{୧୭} ଆପିମାହଁ ତାୟମ୍ତେ ପାଉଲ୍ସ୍ ଏନ୍ତାଃରେନ୍ ଯିହୁଦୀ ଆଗୁଆଇକକେ ମିଆଁଦ୍ ପାଞ୍ଚେଟ୍ରେ ମେସାଆଃ ନାଗେନ୍ତେ କେଡାକେଦ୍କଆ । ଇନ୍କୁ ହୁଣ୍ଡିୟାନ୍ ହରାତେ ପାଉଲ୍ସ୍ ଇନ୍କୁକେ କାଜିକେଦ୍କଆ, “ଇସ୍ରାଏଲ୍ ହାଗାକ, ଆଇକ୍ ଆବୁଆଃ ହଡ଼କଆଃ ବିରୁଧ୍ରେ ଚାଏ ଆବୁଆଃ ପୁରୁଖା ହଡ଼ାମ୍କତାଃଏତେ ଆବୁ ନାମାକାଦ୍ ରିତିରିଖାଜ୍ ବିରୁଧ୍ରେ ଜେଡ଼ନାଃ କାଲକ୍ କାମିକାଦ୍ରେୟ, ଆଇକ୍ ଯୀରୁଶାଲେମ୍ରେ ଜେହେଲ୍କେଦ୍ତେ ରୋମ୍ରେନ୍ ହଡ଼କଆଃ ତିଃଇରେ ଜିମାକାନାଇକ୍ । ^{୧୮} ଆଇକ୍କେ କୁଲିକେଦ୍ ତାୟମ୍ତେ ଗନ୍ଏଃ ସାଜାଇ ନାମେ ଲେକା ଆଇକ୍ ଜେତାନ୍ ଗୁହଁ କାଲକ୍ କାମିକା ମେନ୍ତେ ସାରିକେଦ୍ତେ ରୋମ୍ରେନ୍ ହଡ଼କ ଆଇକ୍କେ ରାଡ଼ାନାକ୍ ସାନାକ୍କେଦାକ । ^{୧୯} ମେନ୍ଦ୍ ଯିହୁଦାକ ନେଆଁରେୟାଃ ବିରୁଧ୍ରେ କାଜିକେଦ୍ ହରାତେ ଆଇୟାଃ ଆପ୍ନାଃ ହଡ଼କଆଃ ବିରୁଧ୍ରେ ଆଇୟାଃ ଜେତାନ୍ ଚିଟାକାଜି କା ତାଇକେନ୍ରେୟ, ଆଇକ୍ କାଲସାବ୍ରେକେ କାଜିଗରକ୍ ରିକା ପାଡ଼ାୟାନା । ^{୨୦} ଏନାମେନ୍ତେ ଆଇକ୍ ନେ ବିଷାଏରେ ଜାଗାର୍ ନାଗେନ୍ତେ ଆପେକେ କେଡାକାଦ୍ପେୟାଇକ୍ । ଚିଆଃତି ଅକଏୟାଃ ରେତାନ୍ରେ ଇସ୍ରାଏଲ୍ ହଡ଼କ ଆସ୍ରାକାଦାକ, ଇନିଃ ନାଗେନ୍ତେ ତିସକ୍ ଆଇକ୍ ସିକ୍ଡିରେଇକ୍ ତଲାନା ।”

^{୨୧} ଇନ୍କୁ ଇନିଃକେ କାଜିକିୟାକ, “ଆଲେ ଯିହୁଦାଏତେ ଆମାଃ ବିଷାଏରେ ଜେତାନ୍ ଅନଲ୍ ଚିଟାଉ କାଲେ ନାମ୍କାଦା, ଚାଏ ଆଲେୟାଃ ହଡ଼କ ଏନ୍ତାଃଏତେ ଆମାଃ ବିଷାଏରେ ଜେତାନ୍ ଏଡ଼କାନ୍ କାଜି କାକ ଆଉଖାକାଦା ଚାଏ କାକ କାଜିକାଦା । ^{୨୨} ମେନ୍ଦ୍ ଆଲେ ଆମାଃ ଉଡ଼ୁ ଚିନାଃ ତାନାଃ ଏନା ଆମାଃତାଃଏତେ ଆୟୁମ୍ ସାନାକ୍ତାନାଲେ । ଚିଆଃତି ସବେନ୍ସାଃରେନ୍ ହଡ଼କକେ ନେ ଝୁଣ୍ଡି ବିରୁଧ୍ରେ ଜାଗାର୍ତାନାକ ମେନ୍ତେ ଆଲେ ସାରିତାନାଲେ ।”

^{୨୩} ଇନ୍କୁ ମିଆଁଦ୍ ହୁଲାକ୍ ଠାହାରାଅକେଦାକ୍ ଆତଃ ଇନ୍କୁଏତେ ଚିମିନ୍ ହଡ଼କ ଏନ୍ ଠାହାରାଅକାନ୍ ହୁଲାକ୍ରେ ପାଉଲ୍ସ୍ ତାଇନ୍ତାନ୍ ଠାୟାଦ୍ତେକ ସେନଃୟାନା । ସେତାଃଏତେ ନୁବାଃ ଜାକେଦ୍ ପାଉଲ୍ସ୍ ଇନ୍କୁକେ ପାର୍ମେଣ୍ଟାରିଆଃ ରାଇକ୍ ବିଷାଏରେ କାଜିକେଦ୍କଆ ଆତଃ ମୁଶା ନାବୀଆଃ ଆନ୍ତୁ ଆତଃ ନାବୀକଆଃ ଅନଲ୍ହେତେ ଯୀଶୁଆଃ ବିଷାଏରେ ଇନ୍କୁକେ କାଜିକେଦ୍ତେ ବିଶ୍ୱାସେକାକ ମେନ୍ତେ ଚେଷ୍ଟାକେଦା । ^{୨୪} ଇନ୍କୁଏତେ ଚିମିନ୍ ଝାନ୍ ହଡ଼କ ଇନିୟାଃ କାଜିରେ ବିଶ୍ୱାସ୍କେଦାକ୍ ଆତଃ ଚିମିନ୍ ଝାନ୍ ହଡ଼କ କାକ ବିଶ୍ୱାସ୍କେଦା । ^{୨୫} ଆତଃ ଇନ୍କୁ ଆକ୍ ଆକ୍ରେ ମିଦ୍ମନ୍ କା ହବାୟାନ୍ ହରାତେ କାପଜି ହବାୟାନା, ଆତଃ ଇନ୍କୁ ସେନଃ ସିଦାରେ ପାଉଲ୍ସ୍ ନେ ମିଆଁଦ୍ କାଜି କାଜିକେଦ୍କଆ, “ପାବିତାର୍ ଆମ୍ନା ଆପେୟାଃ ପୁରୁଖା ହାଡ଼ାମ୍କକେ ନାବୀ ଯିଶାୟାଃ ହରାତେ ବୁଗିଲେକାଏ କାଜିକାଦ୍ ତାଇକେନା, ^{୨୬} ଇନିଃ କାଜିକାଦାଏ,

☆ ୨୮:୧୧ ୨୮:୧୧ ପ୍ରେବିଚ୍ ୨୫:୧୧.

“ନେ ହତକକେ ସେନକେଦତେ କାଜିକମେ,
ଆପେ ଆୟୁମଦପେ ଆୟୁମେୟା ମେନଦ କାପେ ଆଟକାର୍ ଉରୁମେୟା,
ଆତଃ ନେଲ୍‌ଦପେ ନେଲ୍‌ୟା ମେନଦ କାପେ ନେଲ୍ ଦାଡ଼ିୟା,

୨୭ ଚିଆଃଚି ନେ ହତକଆଃ ମନ୍ କେଚେଦୟାକାନା,
ଆତଃ ଇନ୍‌କୁ ଆକଆଃ ଲୁଡୁର୍
ଆତଃ ମେଦ୍ ଜାପିଦାକାଦାକ,

ଏନକା କା ହବାକାନରେ ଇନ୍‌କୁ ନେଲ୍ ଦାଡ଼ିକାତେୟାଃକ

ଆତଃ ଆୟୁମ୍ ଦାଡ଼ିକାତେୟାଃକ ।

ଇନ୍‌କୁ ଆକଆଃ ମନ୍‌ସୁରୁଦରେ ଆଟକାର୍ ଉରୁମେତେୟାଃକ,

ଆତଃ ପାର୍‌ମେଶ୍ୱାର୍‌ସାଃତେ ରୁହାଡ଼ଃତେୟାଃକ

ଆତଃ ଆଇଙ୍ଗ୍ ଇନ୍‌କୁକେ ବୁରିକାକତେୟାଃକଇଙ୍ଗ୍ ।”

୨୮ ଆତଃ ପାଉଲୁସ୍ ନେ'ଲେକା କାଜିରୁଣ୍ଡୁକେଦାଏ, “ଆପେ ସାରିପେ, ପାରିତ୍ରାଣ୍ ନାମେ ନାଗେନ୍ତେ
ପାର୍‌ମେଶ୍ୱାର୍‌ଆଃ ସୁକୁକାଜି ସାର୍‌ସାର୍ ହତକତାଃତେ କୁଲ୍‌କାନା । ଇନ୍‌କୁ ଏନା ଆୟୁମେୟାକ ।”

୨୯ ଆତଃ ଇନିଃ ନେ ସବେନାଃ କାଜିକେଦତି ଯିହୁଦୀକ ଆକ ଆକରେ କାପ୍‌ଜିତାନ୍‌ଲଃ ସେନଃୟାନାକ
।*

୩୦ ପାଉଲୁସ୍ ରାଜ୍‌ମାହାଲରେ ମିଆଁଦ୍ ଅଡ଼ାଃ ଭାଡ଼ା ଇଦିକେଦତେ ଦୁଇ ବାରାଷ୍ ତାଇକେନାଏ, ଆତଃ
ଆଇଃକକେ ନେନେଲ୍ ନାଙ୍ଗ୍ ହିଲୁଃତାନ୍ ସବେନକକେ ଇନିଃ ଏନ୍ତାଃରେ ଦାରମ୍‌କ ତାଇକେନା । ୩୧ ଇନିଃ
ପାର୍‌ମେଶ୍ୱାର୍‌ଆଃ ରାଇଜ୍ ବିଷାଏରେ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ବିଷାଏରେ ପୁରା ସାହାସକେଦତେ
ଇଡୁକେଦକଆ ଆତଃ ଇନିଃକେ ହକା ନାଙ୍ଗ୍ ଜେତାଏ କାକ ଚେଷ୍ଟାକେଦା ।

* ୨୮:୨୯ 28:29 ନେ ପଦ ଚିମିନ୍ ମାରି ଅନଲ୍‌କରେ ବାନ୍‌ଃଆ

ରୋମିୟମାନଙ୍କ ନିକଟକୁ ପାଉଲଙ୍କ ପତ୍ର ରୋମିରେନ୍ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ରୋମି ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ହବାସାକାଅଆଃ ଖ୍ରୀଷ୍ଟ୍ ତାୟମ୍ ୫୪ ଏତେ ୫୮ କରେ ଅଲ୍ଲାନା । ପାଉଲୁସ୍ ରୋମ୍‌ତେ ସେନଃ ସିଦାରେ ଯିହୁଦୀ ଆତଃ ସାଅଁସାର୍ ବିଶ୍ୱାସୀକକେ ଚିହ୍ନିଲଃ ନାଗେନ୍ତେ ନେ ଚିଟାଉ ଅଲ୍ଲକାଦ୍ ତାଇକେନାଏ । ସବେନ୍ କଲିକ ଖ୍ରୀଷ୍ଟ୍‌କେ ଚିଲ୍‌କା ବିଶ୍ୱାସୀୟାକ ଆତଃ ମାଇନ୍ ଚିକାଉୟାକ, ଏନା ନାଗେନ୍ତେ ଜନିଃ କରନ୍ତି ସାହାରରେ ତାଇନ୍ ଇମ୍‌ତା ରୋମ୍‌ରେନ୍ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ନେ ଚିଟାଉ ଅଲ୍ଲକାଦ୍‌କଆଏ ।

ସବେନ୍‌କତାଃରେ ଆତଃ ସବେନ୍ ଖ୍ରୀଷ୍ଟ୍ ବିଶ୍ୱାସୀକ ନାଗେନ୍ତେ ରୋମି ପୁଅ ମିଆଁଦ୍ ବୁଗିନ୍ ଚିଟାଉ ତାନାଃ । ଚିୟାଃଚି ଖ୍ରୀଷ୍ଟ୍ ଆବୁକେ ଚିଲ୍‌କା ପାପ୍‌ରାଃ ତନଲ୍‌ହେତେ ରାଡ଼ାବୁଆଏ, ଏନ୍ କାଜିକେ ବୁଗି ଲେକାତେ ସୁକୁକାଜିରେ ଉଦ୍‌ବଦାନା । ଚିଟାଉରାଃ ଆଧ୍ୟାୟ ୧:୧୬ ପାଦ୍ ହବାଅଃତାନା ତାଲା ଚାଜି । ଅକ କାଜିଚି ଅଲ୍‌ଠତାନା, ଆଇଙ୍ଗ୍ ସୁକୁକାଜି ନାଗେନ୍ତେ କାଉଙ୍ଗ୍ ଗିହୁଗଠା, ଚିୟାଃଚି ନେଆଁ ବିଶ୍ୱାସେତାନ୍ ସବେନ୍‌କଆଃ ନାଗେନ୍ତେ ପେଡ଼େଃ ତାନାଃ । ସିଦାତେଦ୍ ଯିହୁଦୀକଆଃ ନାଗେନ୍ତେ ଏନ୍ ତାୟମ୍‌ତେ ସାଅଁସାର୍ ହଡ଼କଆଃ ନାଗେନ୍ତେ ତାନାଃ ।

ପାହିଲା ହିସାରେ ୧-୧୨ପୁରାଃଗି ଆମ୍‌କ୍ କାଜିକ ଅଲ୍ଲକାନା । ଏଟାଃ ହିସାରେ ୧୩-୧୫ ଖ୍ରୀଷ୍ଟ୍‌କେ ଜୀଦାନ୍‌ରେ ସବେନ୍ ହୁଲାଙ୍ଗ୍ ମାନାତିଙ୍ଗ୍ କାଜିକ ଅଲ୍ଲକାନା ।

ପୁଅ ଭିତାଡ଼ରେ ଚାଉକାନ୍ କାଜି

- ୧. ପାଉଲୁସ୍ ଆୟାଃ ଆପ୍‌ନାଃ ବିଷାଏରେ ଆତଃ ଅକଏତାଃତେ ନେ ଚିଟାଉ ଅଲ୍ଲେତାନାଏ ଏନାରେୟାଃ ପାରିଟାଏ । ୧:୧-୧୫
- ୨. ମାନଝାଋଋ ରାଇଜ୍ ଆତଃ ଯୀଶୁ ଖ୍ରୀଷ୍ଟ୍‌ଆଃ ସୁକୁକାଜି । ୧:୧୬-୧୧:୩୬
- ୩. ସବେନ୍ ହୁଲାଙ୍ଗ୍ ଖ୍ରୀଷ୍ଟ୍‌ଲଃ ଜୀଦାନ୍ ବିତାଅ ବିଷାଏରେ କାଜି । ୧୨:୧-୧୫:୧୩
- ୪. ରୋମ୍‌ରେନ୍ ବିଶ୍ୱାସୀ ହାଗାକକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲ୍ଲ ଚୁଣ୍ଡୁ ତାନାଏ । ୧୬

ପାଉଲୁସ୍‌ଆଃ ଜହାର୍

୧ ପାଉଲୁସ୍, ଖ୍ରୀଷ୍ଟ୍ ଯୀଶୁଆଃ ଦାସି ଆତଃ ସାଲ୍‌କେଦ୍‌ତେ କୁଲାକାନ୍‌ନିଃ ଆତଃ ସୁକୁକାଜି ଉଦ୍‌ବ୍ ନାଗେନ୍ତେ ପାର୍‌ମେଶ୍ୱାର୍‌ତେ କେଡ଼ାକାନ୍‌ନିଃ ତାନିଃ । ୨ ପାବିତାର୍ ଧାରାମ୍‌ପୁଅରେ ଅଲ୍ଲକାନ୍ ଲେକା ଏନ୍ ସୁକୁକାଜି ବିଷାଏରେ ପାର୍‌ମେଶ୍ୱାର୍ ସିଦାରେ ଆୟାଃ ନାବୀକଆଃ ହରାତେ ବାନାର୍‌ସା ଏମାକାଦ୍ ତାଇକେନାଏ । ୩ ଏନା ହବାଅଃତାନା, ପାର୍‌ମେଶ୍ୱାର୍‌ଆଃ ହନ୍, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ହଡ଼ମ୍ ଲେକାତେ ଦାଉଦ୍‌ଆଃ କଲିଏତେ ଜାନାମ୍‌ୟାନା । ୪ ମେନ୍‌ଦ୍ ଧାର୍‌ମାନ୍‌ରେନ୍ ପାବିତାର୍ ଆମ୍‌ ବିଷାଏରେ ଗଜାକାନ୍‌କଏତେ ଜୀଉବିରିଦ୍‌ୟାନ୍ ହରାତେ ଜନିଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ପୁରାଃ ପେଡ଼େଃଲଃ ଉଦ୍‌ବ୍‌ୟାନା । ଜନିଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ତାନିଃ । ୫ ଖ୍ରୀଷ୍ଟ୍‌ଆଃ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ପ୍ରେରିତ୍ ଲେକା ସାଲ୍‌କେଦ୍‌ତେ ସବେନ୍ ହଡ଼କତାଃରେ ଉଦ୍‌ବ୍ ନାଗେନ୍ତେ ସାୟାଦ୍ ଏମାକାଦିୟାଏ, ଜେ'ଲେକାଚି ଇନ୍‌କୁ ଖ୍ରୀଷ୍ଟ୍ ଯୀଶୁତାଃରେ ବିଶ୍ୱାସ୍‌କେଦ୍‌ତେ ଆୟାଃତାଃରେ ମାନାତିଙ୍ଗ୍‌କ ହବାଅଃଆ । ୬ ଆପେ ରୋମ୍‌ରେ ତାଇନ୍‌ତାନ୍ ହଡ଼କ ତାନ୍‌ପେ, ଆପେକେୟଗି ଯୀଶୁ ଖ୍ରୀଷ୍ଟ୍‌ଆଃ ହବାଅଃ ନାଗେନ୍ତେ ପାର୍‌ମେଶ୍ୱାର୍ କେଡ଼ାକାଦ୍‌ପେୟାଏ । ୭ ପାର୍‌ମେଶ୍ୱାର୍ ଦୁଲାଡ଼୍‌ତାନ୍ ରୋମ୍‌ରେନ୍ ହଡ଼କକେ ଆତଃ ଆୟାଃ ଆପ୍‌ନାଃ ପାବିତାର୍ ହଡ଼ ହବାଅଃ ନାଗେନ୍ତେ କେଡ଼ାକାଦ୍‌କକେ, ଆଇଙ୍ଗ୍ ନେ ଚିଟାଉ ଅଲ୍ଲେତାନାଲ୍‌କା । ଆବୁଆଃ ଆପ୍ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟାବାଦ୍‌ରାଃ ବିନ୍ତି

୮ ଆପେୟାଃ ବିଶ୍ୱାସ୍ ବିଷାଏରେ ଗଗା ଅତେଦିଶ୍ୱମ୍‌ରେ ଉଦ୍‌ବଃତାନା, ଏନାମେନ୍ତେ ପାହିଲାରେ ଆଇଙ୍ଗ୍ ଆପେ ସବେନ୍‌କ ନାଙ୍ଗ୍ ଯୀଶୁ ଖ୍ରୀଷ୍ଟ୍‌ଆଃ ନୁଡ଼ମ୍‌ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଜତାନାଲ୍‌କା । ୯ ଆଇଙ୍ଗ୍ ଅକ ପାର୍‌ମେଶ୍ୱାର୍‌କେ ଆଇଁୟାଃ ମନ୍‌ସୁରୁଦ୍‌ଲଃ ସେଝା ତାନାଲ୍‌କା ଆତଃ ଅକ ପାର୍‌ମେଶ୍ୱାର୍‌ଆଃ ହନ୍ ବିଷାଏରେ ସୁକୁକାଜିଲ୍‌କା ଉଦ୍‌ବ୍‌ତାନା, ଏନ୍ ପାର୍‌ମେଶ୍ୱାର୍ ଆଇଁୟାଃ ଗାଝା ତାନିଃ । ୧୦ ସବେନ୍

ଇମ୍ପା ବିକ୍ରି ତାଙ୍କଠାରେ ଆପେକେଇଙ୍କ ପାହାମ୍ପେତାନାଃ ଆତଃ ଆପେତାଃତେ ହିଜୁଃ ନାଗେନ୍ତେ ଆଇଙ୍ଗକେ ନେତା ନାମାଃକା ମେନ୍ତେ ପାର୍ମେଶ୍ଵାର୍ତାଃରେଇଙ୍ଗ ବିକ୍ରିତାନା । ୧୧ ଆପେତାଃତେ ସେଟେଟ୍ଟକେଦ୍ତେ ଆଇଙ୍ଗ ନାମାକାଦ୍ ଆମ୍ମାରେୟାଃ ଦାନ୍ ବିଷାଏରେ ଆପେକେ ଉଦୁବାପେ ହରାତେ ଆପେୟାଃ ବିଶ୍ଵାସକେ କେଟେଜେୟାଈଙ୍ଗ ମେନ୍ତେ ଆଇଁୟାଃ ପୁରାଃଗି ସାନାଙ୍ଗତାନାଃ । ୧୨ ନେ ହରାତେ ଆବୁ ମିହୁଡ୍ ଆତଃମିହୁଡ୍ତରାଃ ବିଶ୍ଵାସକେ କେଟେଦ୍ ରିକା ଦାଡ଼୍ିୟାଃବୁ ।

୧୩ ଏହେ ହାଗା ମିଶିକ, ଆଇଙ୍ଗ ଆପେତାଃତେ ହିଜୁଃ ନାଗେନ୍ତେ ପୁରାଃଗିଇଙ୍ଗ ମନେକେଦା, ମେନ୍ଦ୍ ପୁରାଃ କାଜିକଟଙ୍ଗ ହରାତେ ନାହାଁଃ ଜାକେଦ୍ ଆଇଙ୍ଗ ଆପେତାଃତେ କାଈଙ୍ଗ ସେଟେଦ୍ ଦାଡ଼୍ିକାନା । ଏଟାଃ ପାର୍ମାନ୍ରେନ୍ ଗ୍ରୀକ୍ ହଡ୍ଡକଆଃ ଆଲାରେ ଆଇଙ୍ଗ ବାଗାନ୍ ଉଦୁବକେଦ୍ତେ ଜୀଉବାଞ୍ଚାଅକ ନାମକେଦ୍ ଲେକା ଆପେୟାଃ ପାର୍ମାନ୍ରେୟ ଜୀଉବାଞ୍ଚାଅକ ନାମେକା ମେନ୍ତେ ଆଇଁୟାଃ ପୁରାଃ ସାନାଙ୍ଗ । ୧୪ ଚିୟାଃତି ଗ୍ରୀକ୍ ଦିଶୁମ୍ରେନ୍ ହଡ୍ ଚାଏ ଏଟାଃ ଦିଶୁମ୍ରେନ୍ ହଡ୍, ସେଣ୍ଡାନ୍କ ଚାଏ କା ସେଣ୍ଡାନ୍କ, ନେ ସବେନ୍ ହଡ୍ଡକଆଃ ନାଗେନ୍ତେ ଆଇଙ୍ଗ ରିଶାକାନା । ୧୫ ଏନା ନାଗେନ୍ତେ, ଆଇଙ୍ଗ ଆପେକେ ଆତଃ ରୋମ୍ରେ ତାଇନ୍ତାନ୍ ହଡ୍ଡକକେୟରି ସୁକୁକାଜି ଉଦୁବ୍ ନାଗେନ୍ତେଇଙ୍ଗ ତେତାଙ୍ଗତାନା ।

ସୁକୁକାଜିରାଃ ପେଡ଼େଃ

୧୬ ଏନ୍ ସୁକୁକାଜି ତେତାନ୍ରେ ଆଇଁୟାଃ ପୁରାଃଗି ଆସ୍ତା ମେନାଃ । ନେଆଁଦ୍ ସିଦାତେ ଯିହୁଦୀକ ନାଙ୍ଗ ଏନ୍ ତାୟମ୍ତେ ଗ୍ରୀକ୍ ବିଶ୍ଵାସୀକଆଃ ଜୀଉବାଞ୍ଚାଅ ନାଗେନ୍ତେ ପାର୍ମେଶ୍ଵାର୍ତାଃ ପୁରାଃ ପେଡ଼େଃ ମେନାଃ । ୧୭ ହଡ୍ଡକ ପାର୍ମେଶ୍ଵାର୍ତାଃରେ ଚିଲ୍ଲକା ଧାର୍ମାନ୍ ହବା ଦାଡ଼୍ିୟାଃଆକ ଏନା ସୁକୁକାଜିରେ ଉଦୁବାକାନା, ମୁନ୍ନୁଏତେ ଚୁଣ୍ଡ ଜାକେଦ୍ ଜୀଉବାଞ୍ଚାଅ ନାମେରେୟାଃ ମିଆଁଦ୍ରି ହରା ମେନାଃ, ଏନାଦ୍ ବିଶ୍ଵାସ୍ ତାନାଃ । ଧାରାମ୍ପୁୟ୍ରେ ଅଲ୍ଲକାନା, “ଧାର୍ମାନ୍ ହଡ୍ ବିଶ୍ଵାସ୍ ହରାତେ ବାଞ୍ଚାଅଃଆ ।”

ପାପ୍ ନାଗେନ୍ତେ ପାର୍ମେଶ୍ଵାର୍ତାଃ ଖ୍ଵସ୍

୧୮ ଅକନ୍ ଏଡ୍କାନ୍ ହଡ୍ଡକ ଆକଆଃ ସବେନ୍ ପାପ୍ ଆତଃ ଏଡ୍କାନ୍ କାମି ହରାତେ ସାନାର୍ତ୍ତିକେକ କେସେଦେତାନା, ଇନ୍କୁଆଃ ବିଷାଏରେ ସିର୍ମାଏତେ ପାର୍ମେଶ୍ଵାର୍ତାଃ ଖ୍ଵସ୍ ହବାଅଃତାନା । ୧୯ ପାର୍ମେଶ୍ଵାର୍ତାଃ ବିଷାଏରେୟାଃ ସାରି କାଜିତେୟାଃକେ ଇନ୍କୁ ସାରିତାନାକ ଏନା ପାର୍ମେଶ୍ଵାର୍ ଆଇଃକ୍ରି ଇନ୍କୁତାଃରେ ଉଦୁବାକାଦକଆ । ୨୦ ପାର୍ମେଶ୍ଵାର୍ ଅତେଦିଶୁମ୍କେ ବାଈକେଦ୍ ଦିପିଲିଏତେଗି, କା ନେଲଃତାନ୍ କାଜିତାୟାଃକ, ଆୟାଃ ଜାନାଅ ଜାନାଅରେୟାଃ ପେଡ଼େଃ ଆତଃ ଆୟାଃ ଆକ୍ଦାନ୍ଦାଅ ସଭାଦ୍ ଫାର୍ତା ଫାର୍ତାଗି ନେଲଃତାନା, ଆୟାଃ ବାଈୟାକାନ୍ ବିଷାଏକରେ ଏନା ଆଡ୍କାର୍ତ୍ତରୁମଃ ତାନା, ଏନାତେ ହଡ୍ଡକ କାଲେ ସାରିୟାଃ ମେନ୍ତେ କାକ କାଜି ଦାଡ଼୍ିୟା । ୨୧ ଇନ୍କୁ ପାର୍ମେଶ୍ଵାର୍ତକେ ସାରିକାଈଃରେୟରି ଇନ୍ଃକେ କାକ ମାଈନ୍କିୟା ଚାଏ ଜେତାନ୍ ବିଷାଏ ନାଗେନ୍ତେ ଧାନାଏାଦ୍ କାକ ଏମ୍କିୟା । ମେନ୍ଦ୍ ଇନ୍କୁଆଃ ଉଡ୍ଡୁକ୍ ସାମାକାଜି ତାନାଃ ଆତଃ ଇନ୍କୁଆଃ ଡ୍ଵଣ୍ଡ ମନ୍ଦକ୍ ଏଡ୍କାନ୍ ଉଡ୍ଡୁକ୍ତେ ନୁବାଗାକାନା । ୨୨ ଇନ୍କୁ ଆପାନ୍କେ ସେଣ୍ଡାନ୍ ମେନ୍ତେକ କାଜିନ୍ତାନା ମେନ୍ଦ୍ ଇନ୍କୁ ସାର୍ତ୍ତିଗି ଡ୍ଵଣ୍ଡିୟାକ । ୨୩ କା ଜିୟନ୍ଃ ପାର୍ମେଶ୍ଵାର୍ତକେ କା ସେଞ୍ଜକେଦ୍ତେ, ଇନ୍କୁ ଜିୟନ୍ଃ ମାନଞ୍ଜକଆଃ, ତେଟ୍ଟେକଆଃ ଆତଃ ଜାଁଡ୍ଡକଆଃ ଚାଏ ଅତେରେ ରେଙ୍ଗାଅଃତାନ୍କଆଃ ମୁଡ୍ଡକକେ ପୁଜାକତାନାକ ।

୨୪ ଏନାମେନ୍ତେ ପାର୍ମେଶ୍ଵାର୍ ଇନ୍କୁକେ ବାଗିକାଦକଆ ଆତଃ ଇନ୍କୁ ଆକଆଃ ଆପ୍ନାଃ ମନ୍ଦୁରୁଦ୍ରେୟାଃ ଏଡ୍କାନ୍ ସାନାଙ୍ଗଲେକାତେ ମିହୁଡ୍ ଆତଃମିହୁଡ୍ତଲଃ ହଡ୍ଡମ୍ରେୟାଃ ଗିହୁଗଃ ଲେକାନ୍ କାମିକ କାମିତାନା । ୨୫ ଇନ୍କୁ ପାର୍ମେଶ୍ଵାର୍ତାଃ ସାନାର୍ତ୍ତି ବାଦ୍ଲାରେ ହସଡ୍ କାଜିକରେକ ଆସ୍ତାକେଦା । ବାବାଇନ୍ଃ ପାର୍ମେଶ୍ଵାର୍ତକେ ଆତଃ ଜାନାଅ ସାହାରାଅ ନାମେତାନ୍ନିଃକେ ବାଗିକେଦ୍ତେ ବାଈୟାକାନ୍ ତେୟାଃକକେ ପୁଜାକେଦାକ । ଆମେନ୍ ।

୨୬ ଇନ୍କୁ ଗିହୁଗାନ୍ ଏଡ୍କାନ୍ କାମିକରେକ ପେରେଜାକାନ୍ ହରାତେ ପାର୍ମେଶ୍ଵାର୍ ଇନ୍କୁକେ ବାଗିକେଦକଆ, ଇନ୍କୁଆଃ କୁଡ୍ଡିକ ଆକଆଃ ଆପ୍ନାଃ କଡ୍ଡାକଲଃ ହଡ୍ଡମ୍ରେୟାଃ କାମି ବାଗିକେଦ୍ତେ କୁଡ୍ଡି କୁଡ୍ଡିକଲଃ ହଡ୍ଡମ୍ରେୟାଃ କାମିକ କାମିତାନା । ୨୭ ଏନ୍ଲେକାଗି କଡ୍ଡାକହରି ଆକଆଃ ଆପ୍ନାଃ କୁଡ୍ଡିକଲଃ ହଡ୍ଡମ୍ରେୟାଃ କାମି ବାଗିକେଦ୍ତେ କଡ୍ଡା କଡ୍ଡାକଲଃ ହଡ୍ଡମ୍ରେୟାଃ କାମିକ କାମିତାନା । କଡ୍ଡାକ ଆକ ଆକଗି ଗିହୁଗାନ୍ କାମିକ କାମିତାନା, ଆତଃ ଏଡ୍କାନ୍ କାମି ହରାତେ ଆକ ଆକଗି ଆକଆଃ ନାଙ୍ଗ୍ ସାଜାଈକ ଆଉଞ୍ଜେତାନା ।

☆ ୧:୧୩ ୧:୧୩ ପ୍ରେରିଡ୍ ୧୯:୨୧. ☆ ୧:୧୬ ୧:୧୬ ମାର୍କ୍ ୮:୩୮. ☆ ୧:୨୧ ୧:୨୧ ଏପିସ୍ତଲ୍ ୪:୧୭,୧୮.

୨୮ ନେ ହତୁକ ପାର୍ମ୍ମେଶ୍ୱାର୍ଥୀ ବିଷାଏରେୟାଃ ସାର୍ତ୍ତି ସେଣ୍ଟାକେ ବୁଗିଲେକାତେ ସାରି ନାଗେନ୍ତେ କାକ ସାନାଙ୍ଗକେଦା, ଏନାମେନ୍ତେ ପାର୍ମ୍ମେଶ୍ୱାର୍ ଜନକୁକେ ଆୟାଃ କା ଲାଗାଡିଙ୍ଗ କାମି ରିକାନାଗେନ୍ତେ ଏଡକାନ କାମିରେ ଜିମାକେଦକଥା । ୨୯ ଜନକୁଦ ସବେନ୍ ଲେକାନ ଏଡକାନାଃତେ ପେରେଜାକାନକ, ଏଡକାନ କାମିକ, ହାଏୟାଃଅତାନକ, ଏଟାଃକଥାଃ ନକସାନତାନକ, ଆତଃ ହାକାର୍ତେ ପେରେଜାକାନକ, ହତ୍ତ ଗବଏଃକ, ଲାପାଡାଜକ, ବେଦାକ, ଆତଃ ହିସଙ୍ଗାତେ ପେରେଜାକାନକ ତାନକ । ଜନକୁ ଏଟାଃନିୟାଃ ରୁପ୍ତା କାଜିକ କାଜିୟାଃ, ୩୦ ମିହୁଡ୍ ଆତଃମିହୁଡ୍ଆଃ ଏଡକାନ କାଜିକ ଜାଗାରାଃ, ଜନକୁ ପାର୍ମ୍ମେଶ୍ୱାର୍ତକେ ହିଲାଙ୍ଗ୍ ହତ୍ତକ ତାନକ, ଏଟାଃକକେ ଲାନ୍ୟାଃକ, ଆକ ଆକଗି ମାରାଙ୍ଗ୍‌ୟେନକ, ଆତଃ ମାରାଙ୍ଗ୍ ଆଡକାରେନ୍ ତାନକ, ଆତଃଗି ଏଡକାନ କାମିକ କାମିନାଙ୍ଗ୍ ଉଡ୍ଡୁତାନକ, ଆକଥାଃ ଏଙ୍ଗା ଆପୁକକେ କାକ ମାନାଡିଙ୍ଗ୍ ତାନକ, ୩୧ ବିବେକ୍ ବାନଃକ, ଆକଥାଃ କାଜି କାଜିକାଦ୍‌ତେୟାଃକେ କା ପୁରାଏକ, ଆତଃ ଏଟାଃକ ନାଗେନ୍ତେ କାଟିଃଲେକାହିଁ ଦାୟା ଦୁଲାଡ୍ ଆତଃ ଲିନିବୁଲ ବାନଃକ ତାନକ । ୩୨ ଜନକୁ ସାରିତାନାକ, ପାର୍ମ୍ମେଶ୍ୱାର୍ଥୀ ଆନୁଚ୍ଚ ଲେକାତେ ନେ ଲେକାନ ହତ୍ତକ ଗନ୍‌ଏଃରାଃ ସାଜାଲ ନାମେରିୟାଃକ । ନେଆଁ ସାରିକାଦ୍‌ରେୟ ଜନକୁ ଏନ୍‌ଲେକା ଏଡକାନ କାମିକ କାମିତାନା ଆତଃ ଏନ୍‌ଲେକା କାମିତାନ ହତ୍ତକକେୟଗି ଉସ୍‌କୁରକତାନାକ ।

୨

ପାର୍ମ୍ମେଶ୍ୱାର୍ଥୀ ନ୍ୟାୟ ବିଚାର

୧୯ଏ ହାଗା ଚାଏ ମିଗି, ଆମ୍ ତିନାଃ ଏଟାଃକଥାଃ ବିଚାର୍ତାନାମେ ? ଆମ୍ ଜେତାଏ ହତ୍ତ ତାନମେରେୟ, ନେଆଁ ରିକା ନାଗେନ୍ତେ ଆମ୍ ନାଙ୍ଗ୍ କା ବୁଗିନାଃ । ଏଟାଃକକେ ଚିଟାକେଦ୍‌ତେ ଆମ୍‌ଗି ଏନ୍ କାମିମ୍ କାମିତାନରେଦ, ଆମ୍ ଆମ୍‌ଗି ସାଜାଲୟେନ୍ ତାନାମେ । ୨ ଆବୁ ସାରିତାନାବୁ, ପାର୍ମ୍ମେଶ୍ୱାର୍ ନେଲେକା କାମିତାନ ହତ୍ତକକେ ସାର୍ତ୍ତିଗି ବିଚାରକଥା । ୩ ହେ ହାଗା ମିଗିକ, ଅକ ଏଡକାନ କାମି ନାଗେନ୍ତେ ଆପେ ଏଟାଃକକେଦେ ଚିଟାକ ତାନା, ଏନା ଆପେଗିପେ କାମିତାନରେଦ, ଚିୟାଃ ଆପେ ପାର୍ମ୍ମେଶ୍ୱାର୍ଥୀ ବିଚାର୍ତହେତେ ବାଟାଃଅଃଲେ ମେନ୍ତେପେ ଉଡ୍ଡୁତାନା ? ୪ ହବାସାକଥାଃଆଃ, ଆପେ ପାର୍ମ୍ମେଶ୍ୱାର୍ଥୀ ମାରାଙ୍ଗ୍ ଦାୟା, ଧୂରାଜ୍ ଆତଃ ସାହାଡିଙ୍ଗ୍ ଜାଝାନକେପେ ହିଲାଙ୍ଗ୍‌ତାନା । ଆପେ ସାର୍ତ୍ତିଗିପେ ସାରିତାନା ଯେ, ଆପେୟାଃ ମନରେ ହେୟାଡିଙ୍ଗ୍ ଆଉଝେ ନାଗେନ୍ତେ ପାର୍ମ୍ମେଶ୍ୱାର୍ ଦାୟାକାଦ୍‌ପେୟାଏ । ୫ ମେନ୍‌ଦ ଆପେ କେଟେଦମ୍‌ନକ ଆତଃ କା ବାଦ୍‌ଲାଆଃ ମନ୍‌ସୁରୁଦକ ତାନପେ । ଏନାତେ ଚୁଣ୍ଟୁ ହୁଲାଙ୍ଗ୍‌ରେୟାଃ ନ୍ୟାୟ ବିଚାର ଜମ୍‌ତା ଆପେ ପାର୍ମ୍ମେଶ୍ୱାର୍ଥୀ ଖୁସ୍‌ଆକାନ ହବାକେଦ୍‌ତେ ପୁରାଃଗି ସାଜାଲପେ ନାମେୟାଁ । ୬ ଚିୟାଃଗି ପାର୍ମ୍ମେଶ୍ୱାର୍ ସବେନ୍‌କକେ ଆକଥାଃ କାମିଲେକାତେ ନାଲାଏ ଏମାକଥା । ୭ ଅକ ହତ୍ତକ ମାନାରାଙ୍ଗ୍, ମାଇନାନ୍ ଆତଃ କା ଚୁଣ୍ଟୁ ଜାଦାନ୍ ନାମେରେୟାଃ ଆସ୍ତାରେ ଧୂରାଜ୍ ସାବ୍‌କେଦ୍‌ତେ ବୁଗିନ୍ କାମିକ କାମିୟା, ଜନକୁକେ ପାର୍ମ୍ମେଶ୍ୱାର୍ ଜାନାଥ ଜାଦାନ୍ ଏମାକଥାଏ । ୮ ମେନ୍‌ଦ ଅକନ୍ ହତ୍ତକ ଆପାନାଃ ନାଗେନ୍ତେ ଏସକାର୍ ଉଡ୍‌ଗୁାଃକ, ସାନାର୍‌ତିରାଃ ହରାକେ ବାଗିକେଦ୍‌ତେ ଏଡକାନ ହରାକ ଅତଙ୍ଗ୍‌ଆଃ, ଜନକୁଆଃ ଚେତାନରେ ପାର୍ମ୍ମେଶ୍ୱାର୍ଥୀ ଖୁସ୍ ପୁରାଃଗି ଆତଃ ବରଝାନଗି ହବାଥଃଆ । ୯ ଅକନ୍‌କ ଏଡକାନ କାମି କାମିତାନାକ ଜନକୁଆଃ ଜୀଉରେ ଦୁକୁ ଆତଃ ସାସାଡିରେୟାଃ ଦିପିଲି ହିଜୁଃତାନା । ସିଦାତେଦ ଯିହୁଦୀକଥାଃ ନାଗେନ୍ତେ ଏନ୍ ତାୟମ୍‌ତେ ଗ୍ରାକ୍ ହତ୍ତକଥାଃ ନାଗେନ୍ତେ ହବାଥଃଆ । ୧୦ ମେନ୍‌ଦ ଅକନ୍‌କ ବୁଗିନ୍ କାମିକ କାମିତାନା, ଜନକୁକେ ପାର୍ମ୍ମେଶ୍ୱାର୍ ମାନାରାଙ୍ଗ୍, ମାଇନାନ୍, ଆତଃ ଜୀଉସୁକୁ ଏମାକଥାଏ । ସିଦାତେ ଯିହୁଦୀ ହତ୍ତକକେ ଏନ୍‌ତାୟମ୍‌ତେ ଗ୍ରାକ୍ ହତ୍ତକକେ, ୧୧ ଚିୟାଃଗି ପାର୍ମ୍ମେଶ୍ୱାର୍ ସବେନ୍‌କକେ ମିଦ୍‌ଲେକାଗି ବିଚାରକଥା ।

୧୨ ଗ୍ରାକ୍* ହତ୍ତକ ମୁଣା ନାବୀ ଅଲକାଦ୍ ଆନୁଚ୍ଚ କାକ ନାମାକାଦା । ଜନକୁ ବେଗାର୍ ଆନୁଚ୍ଚତେ ପାପ୍‌କେଦାକ, ଏନାତେ ଜନକୁ ବେଗାର୍ ଆନୁଚ୍ଚତେ ଜିୟନଃଆକ । ମେନ୍‌ଦ ଯିହୁଦୀକ ଆନୁଚ୍ଚ ସାରିକେଦ୍‌ତେହଁ ପାପ୍‌କେଦାକ, ଏନାତେ ଏନ୍ ଆନୁଚ୍ଚ ହରାତେଗି ବିଚାରଃଆକ । ୧୩ ଚିୟାଃଗି ଆନୁଚ୍ଚ ଆୟୁମ୍‌କେଦ୍‌ତେ ଏସକାର୍ ହତ୍ତକ ପାର୍ମ୍ମେଶ୍ୱାର୍ଥୀ ସାମ୍‌ନାଙ୍ଗ୍‌ରେ ଧାର୍‌ମାନ୍ କାକ ହବା ଦାଡିୟଃଆ, ମେନ୍‌ଦ ଆନୁଚ୍ଚ ମାନାଡିଙ୍ଗ୍‌କେଦ୍‌ତେହଗି ଧାର୍‌ମାନ୍ ହବା ଦାଡିୟଃଆକ । ୧୪ ଗ୍ରାକ୍ ହତ୍ତକଥାଃ ଆନୁଚ୍ଚ ବାନଃଆ, ମେନ୍‌ଦ ଜନକୁ ଆନୁଚ୍ଚ ହୁକୁମାକାଦ୍ ଲେକାକ ମାନାଡିଙ୍ଗ୍‌ତାନରେଦ ଏନାଗି ଜନକୁଆଃ ଆନୁଚ୍ଚ ଲେକନାଃ ତାନାଃ । ୧୫ ଜନକୁଆଃ ଚାଇଲ୍ ଚାଇଲ୍ ହରାତେ ଉଡ୍‌ବଃତାନା, ଆନୁଚ୍ଚରେୟାଃ ନିୟାମ୍‌କ ଜନକୁଆଃ ମନ୍‌ସୁରୁଦ୍‌ରେ ଅଲ୍‌କେଦ୍‌ତେ ମୋନାଃ । ନେ କାଜିରେୟାଃ ସାନାର୍‌ତି ଜନକୁଆଃ

* ୨:୧ ୨:୧ ମାଥୁର ୭:୧; ଲୁକ ୭:୩୭. * ୨:୧୨ ୨:୧୨ ଅକନ୍‌କ ଯିହୁଦୀ ହତ୍ତକ ନାହାଁଲାକ

ବିବେକତେହରି ଉଦ୍‌ବଦାନା, ବୁଦ୍ଧିନ୍ ଉଡ଼ୁତାନ୍ ଇମତା ବିବେକ ଇନକୁକେ ଦେଙ୍ଗାକଆ, ଆତଃ ଏଡ଼କାନ୍ ଉଡ଼ୁ ଇମତା ଚିଚାକଆ ।^{୧୭} ଅକନ୍ ହୁଲାଙ୍ଗ ପାର୍‌ମେଶ୍ୱାର୍ ଯୀଶୁ ଖ୍ରୀଷ୍ଟଆଃ ହରାତେ ସବେନ୍ ହଡ଼କଆଃ ଉକ୍ତୁଆକାନ୍ କାଜିକଏ ବିଚାରେୟା, ଏନ୍ ହୁଲାଙ୍ଗ ଆଇଙ୍ଗ ଉଦ୍‌ବେତାନ୍ ସୁକ୍ତକାଜି ଲେକାତେ ନେ ସବେନାଃ ହବାଅଃଆ ।

ଯିହୁଦୀକ ଆତଃ ଆନ୍‌ଚୁ

^{୧୭}ଆପେ ଚିନାଃ କାଜିତାନାପେ ? ଆପେ ଆପାନ୍‌କେ ଯିହୁଦୀ ମେନ୍ତେପେ କାଜିନତାନା, ମୁଣା ଏମାକାଦ୍ ଆନ୍‌ଚୁ ତେତାନ୍‌ରେ ଭାର୍‌ସାକେଦ୍‌ତେ ଆତଃ ପାର୍‌ମେଶ୍ୱାର୍‌ଲଃ ଆପେୟାଃ ନାତା ମେନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ ଉଡ଼ୁତାନା, ^{୧୮} ମୁଣା ନାବୀରାଃ ଆନ୍‌ଚୁଏତେ ଆପେ ଇତୁକାନାପେ ଆତଃ ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍‌କେ ସାରିକେଦ୍‌ତେ ବୁଗିନାଃ ଆତଃ ଏଡ଼କାନାଃରେୟାଃ ସେଣ୍‌କେପେ ଆଟ୍‌କାର୍‌ଉରୁମ୍ କାଦା, ^{୧୯} ସାର୍‌ଡିଗିପେ ସାରିତାନା, ଆପେ କା ନେଲ୍ ଦାଡ଼ିନିୟାଃ ହରା ଉଦ୍‌ବକ ତାନ୍‌ପେ, ନୁବାଃରେ ତାଇନ୍‌ତାନ୍ ହଡ଼କ ନାଗେନ୍ତେ ମାର୍‌ସାଲ୍‌କ ତାନ୍‌ପେ, ^{୨୦} ତଣ୍ଡୁ ହଡ଼କକେ ଇତୁ ହଡ଼କ ତାନ୍‌ପେ, କା ସେଣ୍‌ନ୍‌କଆଃ ଇନିତୁକ ତାନ୍‌ପେ । ଆପେୟାଃ ବିଶ୍ୱାସ୍, ଆନ୍‌ଚୁଏତେ ଆପେ ପୁରା ସାନାର୍‌ତି ଆତଃ ସେଣ୍‌ପେ ନାମାକାଦା । ^{୨୧} ଆପେ ଏଟାଃକକେ ଇତୁକତାନାପେ ମେନ୍‌ଦ୍ ଆପେ ଆପେଗି ଚିୟାଃ ମେନ୍ତେ କାପେ ଇତୁନତାନା ? “ଆଲ୍‌ପେ କୁମ୍‌ତୁଆଃ” ମେନ୍ତେ ଇତୁକେଦ୍‌ତେ ଆପେଗିପେ କୁମ୍‌ତୁ ତ୍ତାନାଚି ? ^{୨୨} “ଆପାଙ୍ଗ୍‌ର କାମି ଆଲ୍‌ପେ ରିକାଏୟା” ମେନ୍ତେ କାଜିକେଦ୍‌ତେ, ଚିୟାଃ ଆପେଗି ଆପାଙ୍ଗ୍‌ର କାମିପେ ରିକାତାନା ? ଆପେ ମୁରୁଡ଼କକେ ହିଲାଙ୍ଗ୍‌କେଦ୍‌ତେ ଚିୟାଃ ମାନ୍‌ରରେୟାଃ ଜିନିଷକକେପେ ରେଃକ୍‌ତାନା ? ^{୨୩} ଆପେ ପାର୍‌ମେଶ୍ୱାର୍‌ଆଃ ଆନ୍‌ଚୁ ନାମାକାଦାଲେ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନତାନା, ମେନ୍‌ଦ୍ ଆୟାଃ ଆନ୍‌ଚୁକେ ଟଟାଃକେଦ୍‌ତେ ଚିୟାଃ ପାର୍‌ମେଶ୍ୱାର୍‌କେପେ ନିନ୍‌ଇ ତାନା ? ^{୨୪} ଧାରାମ୍‌ପୁଅରେ ଅଲ୍‌ଲାନା, “ଆପେୟାଃ ନାଗେନ୍ତେ ଗ୍ରୀକ୍ ହଡ଼କ ପାର୍‌ମେଶ୍ୱାର୍‌ଆଃ ଏଡ଼କାନାଃକ କାଜିତାନା ।”

^{୨୫} ଆନ୍‌ଚୁକେପେ ମାନାତିଙ୍ଗ୍ ତାନ୍‌ରେଦ୍, ଆପେୟାଃ ଖାଡ଼ନାଅରାଃ ଗନଙ୍ଗ୍ ମେନାଃ, ମେନ୍‌ଦ୍ ଆନ୍‌ଚୁକେ କାପେ ମାନାତିଙ୍ଗ୍‌ତାନ୍‌ରେଦ୍ ଆପେ କା ଖାଡ଼ନାଅକାନ୍ ହଡ଼କଲଃ ମିଦ୍‌ଗିୟାପେ । ^{୨୬} କା ଖାଡ଼ନାଅକାନ୍ ମିଆଁଦ୍ ଗ୍ରୀକ୍ ହଡ଼ଆଃ ଆନ୍‌ଚୁରେୟାଃ ରିତିରିଞ୍ଜାନକକେ ମାନାତିଙ୍ଗ୍ ତାନ୍‌ରେଦ୍, ପାର୍‌ମେଶ୍ୱାର୍ ଇନିଃକେ ଖାଡ଼ନାଅକାନ୍ ହଡ଼ ଲେକା କାଏ ଚି ମାଈନିୟା ? ^{୨୭} ଏନାମେନ୍ତେ ହଡ଼ମରେ କା ଖାଡ଼ନାଅକାନ୍‌ରେୟା ଆନ୍‌ଚୁ ମାନାତିଙ୍ଗ୍‌ତାନ୍ ଗ୍ରୀକ୍ ହଡ଼କ ଯିହୁଦୀ ହଡ଼କକେ ବିଚାର୍‌କଆକ, ଚିୟାଃଚି ଇନ୍‌କୁ ହଡ଼ମ ଲେକାତେ ଖାଡ଼ନାଅକାନ୍‌ରେୟା ଏନ୍ ଅନଲ୍ ଆନ୍‌ଚୁକେ କାକ ମାନାତିଙ୍ଗ୍ ତାନା । ^{୨୮} ବାହାରି ଇଡ଼ମ ଲେକାତେ ଏସକାର୍ ଖାଡ଼ନାଅକାନ୍‌ନିଃ ଯିହୁଦୀ ମେନ୍ତେ କାଜିୟାତାନା ମେନ୍‌ଦ୍ ସାର୍‌ତି ଯିହୁଦୀ ନାହ୍‌ଲିଃ । ^{୨୯} ସାର୍‌ତି ଯିହୁଦୀ ତାନିଃରେଦ୍, ଇନିଃ ମନ୍ ଭିତାର୍‌ଏତେଗି ଯିହୁଦୀ ତାନିଃ । ସାର୍‌ତି ଖାଡ଼ନାଅ ମନ୍‌ସୁରୁଦ୍‌ରେଗି ହବାଅଃଆ, ଏନା ପାର୍‌ମେଶ୍ୱାର୍‌ଆଃ ଆମ୍‌ଗ୍‌ତେ ହବାଅଃଆ, ଅନଲ୍‌ତେଦ୍ କାହାଗି । ଅକନ୍ ହଡ଼ ମନ୍‌ସୁରୁଦ୍‌ରେ ଆମ୍‌ଗ୍‌ତେ ଖାଡ଼ନାଅକାନା, ଇନିଃ ପାର୍‌ମେଶ୍ୱାର୍‌ତାଃଏତେ ସାହାରାଅ ନାମେୟାଏ, ହଡ଼କତାଃଏତେଦ୍ କାହାଗି ।

୩

^୧ ତାଦ୍‌ଦ୍ ଗ୍ରୀକ୍ ହଡ଼କତାଃଏତେ ଯିହୁଦୀ ହଡ଼କଆଃ ପୁରାଃ ସୁବିଧା ଚିନାଃ ତାନାଃ ? ତାଏ ଖାଡ଼ନାଅକାନ୍‌ରେୟାଃ ଚିକାନ୍ ସୁବିଧା ମେନାଃ ? ^୨ ହେଗି, ଯିହୁଦୀ ହଡ଼କତାଃରେ ପୁରାଃ ବିଶେଷ୍ ବିଷାଏକ ମେନାଃ । ସବେନାଃଏତେ ବିଶେଷ୍ କାଜି ହବାଅଃତାନା, ପାର୍‌ମେଶ୍ୱାର୍ ଆୟାଃ ବିଷାଏରେ କାଜିରାଃ ବାହାରମ୍ ଯିହୁଦୀକକେ ପାହିଲାତେ ଏମାକାଦ୍‌କଆ । ^୩ ମେନ୍‌ଦ୍ ଚିମିନ୍ ହଡ଼କ କା ପାତିୟାର୍‌ରେ ଲେକାନ୍‌କ ତାନ୍‌କ୍, ଏନାତେ ଚିନାଃ ପାର୍‌ମେଶ୍ୱାର୍ କା ପାତିୟାର୍‌ରେ ଲେକାନ୍‌ନିଃ ହବାଅଃଆଏ ? ^୪ କାହାଗି, ଏନ୍‌କଦ୍ ଆଲ୍ ହବାଅଃକା । ସବେନ୍ ହଡ଼କ ହସଡ଼ ହବାଅଃରେୟା ପାର୍‌ମେଶ୍ୱାର୍ ସାର୍‌ତି ତାନିଃ । ଧାରାମ୍ ପୁଅରେ ଅଲ୍‌ଲାନା,

“ଆମାଃ କାଜି ହରାତେ ଆମ୍ ଧାର୍‌ମାନ୍ ମେନ୍ତେମ୍ ସାରିୟାଃଆ,
ଆମ୍ ବିଚାରଃତାନ୍ ଇମତା ଜିନିତାଅ ନାମେୟାମ୍ ।”

^୫ ନେତାଃରେ ମିଆଁଦ୍ କୁନ୍‌ଲି ହବାସାକାଅଆଃ, ଆବୁ ଏଡ଼କାନ୍ କାମି ରିକାଃବୁ ଇମତା ଆଟ୍‌କାରଃଆ ଯେ ପାର୍‌ମେଶ୍ୱାର୍‌ଆଃ କାମି ବୁଗିନାଃତାନାଃ, ଏନାତେ ପାର୍‌ମେଶ୍ୱାର୍ ଆବୁକେ ସାଜାଇ ଏମାବୁତାନ୍ ଇମତା ଇନିଃ ଗୁଣ୍ଡା କାମି ରିକାଏତାନା ମେନ୍ତେ କାଜି ଦାଡ଼ିୟାବୁତି ? ଆଇଙ୍ଗ୍ ହଡ଼ ଲେକା କାଜିତାନାଇଙ୍ଗ୍ ।

୭ କାହାରି ଏକ୍ମା ଆଲକା ହବାଅଃକା, ପାର୍ମେଶ୍ୱାର ନ୍ୟାୟ ଏମ୍ନିଃ ନାହାଁଲିଃ ରେଦ ଇନିଃ ଚିଲ୍ଲକାତେ ଅତେଦିଶ୍ୱମରାଃ ବିଚାର ରିକା ଦାଡ଼ିୟାଏ ?

୯ ମେନ୍ଦ ଆଇୟାଃ କା ସାନାର୍ତ୍ତ ହରାତେ ପାର୍ମେଶ୍ୱାରଆଃ ସାନାର୍ତ୍ତତେୟାଃ ପୁରାଃତେ ପୁରାଗି ଉଦୁବଃଆ ଆତଃ ଇନିୟାଃ ମାନାରାଙ୍ଗ ହବାଅଃରେଦ, ଆଇଙ୍ଗ ପାପି ମେନ୍ତେ ଚିନାଃ ନାଙ୍ଗ ସାଜାଲ ନାମେୟାଲଙ୍ଗ ? 「ଆରୁ ଚିନାଃମେନ୍ତେ କାରୁ କାଜିୟାତାମ୍, “ଦଲାରୁ ଏଡକାନ୍ କାମିକବୁ ରିକାୟା, ଏନାତେ ବୁଗିନ୍ଆଃ ହିଜୁଃଆ ?” ଆଇଙ୍ଗ ଠାଉକାଗି ନେ କାଜିକ କାଜିକେଦ୍ ହରାତେ, ପୁରାଃ ହଡକ ଆଇଙ୍ଗକେ ଲାଦାକେଦିୟାକ ଆତଃ ଚିଗାକେଦିୟାକ । ନେଆଁ ନାଗେନ୍ତେ ଇନ୍କୁ ସାଜାଲକ ନାମେଗିୟା ।

ଜେତାଏୟ ଧାର୍ମାନ୍ ହଡ ବାଙ୍କଆ

୯ ତାବ୍ଦ, ଆରୁ ଯିହୁଦୀ ହଡକ ଗ୍ରୀକ୍ ହଡକତାଃଏତେ ଚିନାଃ ପୁରାଃ ବୁଗିନାଃବୁ ? କାହାଗି, ଯିହୁଦୀ ହଡ ଆତଃ ଗ୍ରୀକ୍ ହଡ ସବେନକ ମିଦଗିୟାକ ମେନ୍ତେ ଆଇଙ୍ଗ ସିଦାରେଗିଲଙ୍ଗ କାଜି ଚାବାକାଦା, ଇନ୍କୁ ସବେନକ ଆକଆଃ ଆପ୍ନାଃ ପାପ୍ରେୟାଃ ଆକ୍ତେୟାରରେ ମେନାକଆ । ୧୦ ଧାରାମ୍ ପୁଅରେ ଅଲ୍ଲାନାମ୍,

“ଧାର୍ମାନ୍ ହଡ ଜେତାଏ ବାଙ୍କଆ, ମିହୁଡହ୍ ବାଙ୍କଆ,

୧୧ ମିହୁଡହ୍ ସେଣାନ୍ ହଡ ବାଙ୍କଆ,

ଚାଏ ପାର୍ମେଶ୍ୱାରକେ ସାର୍ତ୍ତତେ ଦାଣାଁଇନିଃ ଜେତାଏ ବାଙ୍କଆ ।

୧୨ ଇନ୍କୁ ସବେନକ ପାର୍ମେଶ୍ୱାରତାଃଏତେ ସାଙ୍ଗିନାକାନାକ, ସବେନକ ହରା ଆଦାକାଦାକ,

ଜେତାଏ ମିହୁଡହ୍ ବୁଗିନ୍ କାମି କାକ ରିକାତାନା ।

୧୩ ଇନ୍କୁଆଃ ମଚାରାଃ କାନାଜି ଉରାକାନ୍ ତପାଗାଡ଼ା ଲେକାନାଃ ତାନାଃ,

ଆଲାଇହେତେ ଏଡକାନ୍ ବେଦା ଲିଙ୍ଗିୟଃତାନା,

ଆତଃ ଇନ୍କୁଆଃ ମଚାଏତେ ଅତଙ୍ଗତାନ୍ କାଜି, ବରଝାନ୍ ବିଙ୍ଗରାଃ ବିଷ୍ଠ ଲେକାନାଃ ତାନାଃ,

୧୪ ଇନ୍କୁଆଃ ଜାଗାର୍ ମେହେରୁତେ ଆତଃ ସାର୍ପାଅତେ ପେରେଜାକାନା ।

୧୫ ଇନ୍କୁ ଏଗଃକକେ ନକ୍ସାନ୍ ଆତଃ ଗଗଏଃ ନାଗେନ୍ତେ ସେକାଡକାନ୍ତିକ ତାଇନାଃ ।

୧୬ ଇନ୍କୁ ଜିୟନେ ନାଗେନ୍ତେ ଆତଃ ସାସାତି ନାଗେନ୍ତେ ସବେନ୍ସାଃତେ ସେନାଃକ ।

୧୭ ଇନ୍କୁ ଜୀଉସ୍ତୁରାଃ ହରାକେ କାକ ସାରିୟା ।

୧୮ ଚାଏ ପାର୍ମେଶ୍ୱାରକେ ବରଭାଲ୍ଲି ଲାଗାତିଙ୍ଗିୟାଃ, ଏନା ଇନ୍କୁ କାକ ଇଡୁକାନା ।”

୧୯ ନାହାଁଃ ଆରୁ ସାରିତାନାରୁ, ଅକନ୍ଦ ଆନ୍ତୁରେ ମେନାକଆ, ଇନ୍କୁକେ ଏନାରେୟାଃ ସବେନ୍ ଆନ୍ତୁ ମାନାତିଙ୍ଗି ଲାଗାତିଙ୍ଗିୟାଃ । ପାର୍ମେଶ୍ୱାର୍ ସବେନ୍ ଅତେଦିଶ୍ୱମରାଃ ବିଚାର ରିକାଏ ଇମ୍ତା, ଆନ୍ତୁକେ କା ମାନାତିଙ୍ଗିତାନ୍ ହଡକ ଜେଡନାଃ ଉଦୁବକେଦ୍ତେ, ଆପାନ୍କେ ବେଗାର୍ ଚିଗାନିଃ ତାନିଙ୍ଗ ମେନ୍ତେ କାକ କାଜି ଦାଡ଼ିୟା । ୨୦ *ମେନ୍ଦ ଆନ୍ତୁରେୟାଃ କାଜିକାମି ରିକାକେଦ୍ତେ ଜେତାଏ ମାନଝା ପାର୍ମେଶ୍ୱାର୍ଆଃ ନେପେଲ୍ରେ ଧାର୍ମାମ୍ ମେନ୍ତେ କାଏ କାଜିୟଃଆ । ଆନ୍ତୁ ଆବୁଆଃ ପାପ୍ ବିଷାଏରେ ଏସ୍କାର୍ ଆବୁକେ ଚେଡଗାର୍ବୁଆ ।

ବିଶ୍ୱାସରେ ଧାର୍ମାନ୍ ହବାଅଃ

୨୧ ମେନ୍ଦ ନାହାଁଃ ମୁଶାରାଃ ଆନ୍ତୁ ବାଗିକେଦ୍ତେ ପାର୍ମେଶ୍ୱାର୍ଆଃ ଧାର୍ମାନ୍ତେୟାଃ ଉଦୁବାକାନା । ନେ ବିଷାଏରେ ମୁଶାରାଃ ଆନ୍ତୁ ଆତଃ ନାବୀକହୁଗି ଗାଝା ଏନାକାଦାକ । ୨୨ *ୟୀଶୁ ଖ୍ରୀଷ୍ଟତାଃରେ ଏସ୍କାର୍ ବିଶ୍ୱାସ୍ ହରାତେ ହଡକ ପାର୍ମେଶ୍ୱାର୍ଆଃ ଆୟାରରେ ଧାର୍ମାନ୍କ ହବାଅଃଆ । ପାର୍ମେଶ୍ୱାର୍ ସବେନକକେ ମିଦ୍ଲେକାଗି ନେଲାଃଏ, ଖ୍ରୀଷ୍ଟତାଃରେ ବିଶ୍ୱାସ୍ତାନ୍ ସବେନ୍ ହଡକକେ ନେ ସୁୟୋଗ୍ ଏମାଃଏ । ୨୩ ସବେନକ ପାପକାଦାକ ଆତଃ ପାର୍ମେଶ୍ୱାର୍ଆଃ ମାନାରାଙ୍ଗ ନାମେହେତେ ସାଙ୍ଗିନ୍ରେ ମେନାକଆ । ୨୪ ମେନ୍ଦ ଖ୍ରୀଷ୍ଟ୍ ଯୀଶୁଆଃ ହରାତେ ବେଗାର୍ ଗନଙ୍ଗରେ ପାର୍ମେଶ୍ୱାର୍ ଅକନ୍ ସାୟାଦ୍ ଏମାକାଦାଏ, ଏନାକେ ଅକନ୍ ହଡକ ତେଲାଏୟାକ, ଇନ୍କୁ ଖ୍ରୀଷ୍ଟ୍ ଯୀଶୁଆଃ ହରାତେ ପାପ୍ରେହେତେ ରାଡାକେଦ୍ତେ ପାର୍ମେଶ୍ୱାର୍ଆଃ ନେପେଲ୍ରେ ଧାର୍ମାନ୍କ ହବାଅଃଆ । ୨୫ ପାର୍ମେଶ୍ୱାର୍ ଯୀଶୁକେ ଏମକିୟାଏ, ଇନିୟାଃ ଦାଣେଁ ଗନଏଃ ଚାଏ ମାୟୋମ୍ ହରାତେ ଆୟାଃତାଃରେ ବିଶ୍ୱାସ୍ତାନ୍ ହଡକଆଃ ପାପ୍ ଛାମାରାଃ ହରାଏ ବାଙ୍କକେଦା । ପାର୍ମେଶ୍ୱାର୍ ଆୟାଃ ଧାର୍ମାନ୍କେ ଉଦୁବ୍ ନାଗେନ୍ତେ ନେଆଁଏ ରିକାକେଦା । ପାର୍ମେଶ୍ୱାର୍ ଧାର୍ମାନ୍ ସାବ୍କେଦ୍ତେ ହଡକ ସିଦାରେ କାମିକାଦ୍ ପାପ୍କାଏ ବାଗିକେଦା

* ୩:୨୦ ୩:୨୦ ଗାଲାତିୟ ୨:୧୭. * ୩:୨୨ ୩:୨୨ ଗାଲାତିୟ ୨:୧୭.

। ୨୬ ମେନ୍ଦ ନାହିଁଃ ଇନିଃ ଆୟାଃ ଧାର୍ମାନ୍‌କେ ଉଦୁବେ ନାଗେନ୍ତେ ପାପ୍ ଛାମାରେୟାଃ ହରାଏ ଉଦୁବକେଦା । ନେ ହରାତେ ପାର୍‌ମେଶ୍ଵାର୍ ଉଦୁବକେଦାଏ ଯେ, ଇନିଃ ଆଇଃକ୍‌ଗି ଧାର୍‌ମାନ୍‌ନିଃ ତାନିଃ ଆତଃ ଅକନ୍‌କ ଯୀଶୁତାଃରେ ବିଶ୍ଵାସ୍ ରିକାଏୟାକ, ଏନ୍ ସବେନ୍‌କକେ ଧାର୍‌ମାନ୍ ମେନ୍ତେ କାଜିକଆ ।

୨୭ ତାଦ୍, ଆତୁ ଅକ ବିଷାଏରେ ଆପାନ୍‌କେ ମାରାଙ୍‌ଜ୍‌ୟେନ୍ ମେନ୍ତେବୁ କାଜିନାଃ ? କାହାଗି, ଏନ୍‌ଲେକାନ୍ ବିଷାଏ ଜେଡ୍‌ନାଃ ବାନଃଆ । ଆପାନ୍‌କେ ମାରାଙ୍‌ଜ୍‌ୟେନ୍ ମେନ୍ତେ କାଜିନ୍‌ତେୟାଃ ଆବୁଆଃ ତିନାଃ ତାଇନ୍‌ସାକାଅଃଆ ? ତିନାଃ ଆନ୍‌ଚୁକେ ପୁରା ମାନାତିଙ୍‌କାଦାବୁ ମେନ୍ତେ ? କାହାଗି, ଆବୁଆଃ ବିଶ୍ଵାସ୍ ଏସକାର୍ ତାନାଃ, ଅକନାଃତି ଆବୁ ଆପାନ୍‌କେ ମାରାଙ୍‌ଜ୍‌ୟେନ୍ ମେନ୍ତେବୁ କାଜିନ୍ ତାନା । ୨୮ ନେଆଁତେ ଆବୁ ସାର୍‌ତିଗି ଆଟ୍‌କାର୍ ଉରୁମେତାନାବୁ ଯେ, ମିହୁଡ୍ ଆୟାଃ ବିଶ୍ଵାସ୍ ହରାତେ ଏସକାର୍ ପାର୍‌ମେଶ୍ଵାର୍‌ଆଃ ନେପେଲ୍‌ରେ ଧାର୍‌ମାନ୍ ହବାଅଃଆଏ, ମେନ୍ଦ୍ ଆନ୍‌ଚୁକେ ମାନାତିଙ୍‌କ୍ ହରାତେ କାହାଗି । ୨୯ ପାର୍‌ମେଶ୍ଵାର୍ ଯିହୁଦୀକଆଃ ଏସକାର୍ ପାର୍‌ମେଶ୍ଵାର୍ ନାହିଁଲିଃ ? ଇନିଃ ଗ୍ରୀକ୍ ହଡ୍‌କଆଃ ପାର୍‌ମେଶ୍ଵାର୍‌ହିଁ ତାନିଃ । ସାର୍‌ତିଗି ଇନିଃ ସବେନ୍‌କଆଃ ପାର୍‌ମେଶ୍ଵାର୍ ତାନିଃ । ୩୦ ପାର୍‌ମେଶ୍ଵାର୍ ମିହୁଡ୍‌ଗି ତାନିଃ । ଖାଡ୍‌ନାଆ ଆତଃ କା ଖାଡ୍‌ନାଆ ହଡ୍‌କ ଆକଆଃ ବିଶ୍ଵାସ୍ ହରାତେ ଇନିଃ ଇନ୍‌କୁକେ ଧାର୍‌ମାନ୍ ମେନ୍ତେ କାଜିକଆ । ୩୧ ନେଆଁରାଃ ମୁଣ୍ଡି ତିନାଃ, ଆବୁ ବିଶ୍ଵାସ୍ ହରାତେ ଆନ୍‌ଚୁକେ ଜିୟନଃ ନାଗେନ୍ତେବୁ ସାନାଙ୍‌କାଦା ? କାହାଗି, ଏନ୍‌କାଦ କା ହବାଅଃଆ । ବିଶ୍ଵାସ୍ ହରାତେ ଆବୁ ଆନ୍‌ଚୁରେୟାଃ ନିହିଁ ଗାତା କେଟେଦ୍‌କାଦାବୁ ।

୪

ଆବ୍ରାହାମ୍‌ଆଃ ନାମ୍‌ନା

୧ ତାଦ୍, ହଡ୍‌ମ୍ ଲେକାତେ ଆବୁଆଃ ପୁରଖା ଆପୁ ଆବ୍ରାହାମ୍‌ଆଃ ବିଷାଏରେ ତିନାଃବୁ କାଜି ଦାଡ୍‌ୟା ? ୨ ଆବ୍ରାହାମ୍ ଆୟାଃ କାମି ହରାତେ ପାର୍‌ମେଶ୍ଵାର୍‌ଆଃ ନେପେଲ୍‌ରେ ଧାର୍‌ମାନ୍ ହବାକାନ୍‌ତେୟାଃଏ ରେଦ୍, ଆପାନ୍‌କେ ମାରାଙ୍‌ଜ୍ ମେନ୍ତେ କାଜିନ୍‌ତେୟାଃ, ମେନ୍ଦ୍ ପାର୍‌ମେଶ୍ଵାର୍‌ଆଃ ନେପେଲ୍‌ରେ ଏନ୍‌କା କା ହବାକାନ୍ ତାଇକେନା । ୩ ଧାର୍‌ମାନ୍‌ପୁଅ ଲେକାତେ, “ଆବ୍ରାହାମ୍ ପାର୍‌ମେଶ୍ଵାର୍‌ତାଃରେ ବିଶ୍ଵାସ୍‌କେଦା ଆତଃ ଏନ୍ ବିଶ୍ଵାସ୍ ହରାତେ ପାର୍‌ମେଶ୍ଵାର୍ ଇନିଃକେ ଧାର୍‌ମାନ୍ ମେନ୍ତେ କାଜିକିୟା ।” ୪ ଜେତାଏ କାମିନିଃ ନାଲା ନାମେଗିୟାଏ । ଏନାକେ ଦାନ୍ ଲେକା କାଏ ନାମେୟାଁ । ୫ ମେନ୍ଦ୍ ଜେତାଏ ଆପାନାଃ କାମିରେ ଆସ୍ତା କା ଦହକେଦ୍‌ତେ, ପାର୍‌ମେଶ୍ଵାର୍‌ତାଃରେ ବିଶ୍ଵାସ୍‌ଆ, ଆୟାଃ ବିଶ୍ଵାସ୍ ହରାତେ ଚିତାକାନ୍‌ନିୟାଃ ଗୁଣ୍ଡାକେ ରାଡ୍‌ ଦାଡ୍‌ତାନ୍ ପାର୍‌ମେଶ୍ଵାର୍ ଇନିଃକେ ଧାର୍‌ମାନ୍ ମେନ୍ତେ କାଜିୟା । ୬ ଜେତା ହଡ୍‌ରାଃ କାଜିକାମିକେ କା ନେଲ୍‌କେଦ୍‌ତେ ପାର୍‌ମେଶ୍ଵାର୍ ଇନିଃକେ ଧାର୍‌ମାନ୍ ଲେକାଏ ତେଲା ଦାରମିୟାଁ, ଇନିୟାଃ ସାହାରାଅ ରିକାତାନ୍‌ଲିଃ ଦାଉଦ୍ କାଜିକେଦାଏ :

୭ “ଜେତାଏୟାଃ ଏଡ୍‌କାନ୍ କାମି ଛାମାକାନା ଇନିଃ ରାସ୍‌କାଗିୟାଏ,
ଜେତାଏ ପାପ୍‌ଛାମା ନାମାକାଦାଏ ଇନିଃ ଧାଇନ୍‌ଗିୟାଏ ।

୮ ଜେତାଏୟାଃ ପାପ୍‌କ୍ ପ୍ରାଭୁ କାଏ ଲେକାଏୟା ଇନିଃ ରାସ୍‌କାଗିୟାଏ ।”

୯ ନେତାଃରେ ଦାଉଦ୍ ଅକନ୍‌କକେ ରାସ୍‌କା କାନ୍‌କ ମେନ୍ତେ କାଜିତାନା, ଇନ୍‌କୁ ତିନାଃ ଖାଡ୍‌ନାଅକାନ୍ ହଡ୍‌କ ଏସକାର୍ ତାଇକେନାକ ? କାହାଗି, କା ଖାଡ୍‌ନାଅକାନ୍ ହଡ୍‌କଆଃହଗି ରାସ୍‌କା ହବା ଦାଡ୍‌ୟାଃଆ । ଆବୁ କାଜିତାନାବୁ, ଆବ୍ରାହାମ୍ ବିଶ୍ଵାସ୍ ହରାତେ ଧାର୍‌ମାନ୍ ହବାକାନାଏ, ୧୦ ନେଆଁ ଅକ ଦିପିଲିରେ ହବାକାନ୍ ତାଇକେନା ? ଆବ୍ରାହାମ୍‌ଆଃ ଖାଡ୍‌ନାଅ ହବାୟାନ୍ ସିଦାରେଚି ତାୟମ୍‌ତେ ? ନେଆଁଦ୍ ସିଦାରେ ହବାକାନ୍ ତାଇକେନା, ତାୟମ୍‌ତେ କାହାଗି । ୧୧ ଆବ୍ରାହାମ୍‌ଆଃ ଖାଡ୍‌ନାଅ ହବାୟାନ୍ ସିଦାରେ ପାର୍‌ମେଶ୍ଵାର୍ ଇନିଃକେ ଆୟାଃ ବିଶ୍ଵାସ୍ ହରାତେ ଧାର୍‌ମାନ୍ ମେନ୍ତେ କାଜିକିୟା । ନେଆଁ ଉଦୁବେ ନାଗେନ୍ତେ ମିଆଁଦ୍ ତିହ୍ନାଁ ଲେକାତେ ଆବ୍ରାହାମ୍ ଖାଡ୍‌ନାଅୟାନ୍‌ଆ । ଏନାତେ ଅକନ୍‌କ କା ଖାଡ୍‌ନାଅ କାନ୍‌ରେୟା ପାର୍‌ମେଶ୍ଵାର୍‌କେ ବିଶ୍ଵାସ୍‌କିଃ ହରାତେ ଧାର୍‌ମାନ୍ ମେନ୍ତେ କାଜିୟାତାନା ଆତଃ ଆମିକ୍ ଲେକାତେ ଆବ୍ରାହାମ୍ ଇନ୍‌କୁଆଃ ଆପୁ ତାନିଃ । ୧୨ ଆପୁ ଆବ୍ରାହାମ୍ ଖାଡ୍‌ନାଅରାଃ ସିଦାରେ ଅକ ବିଶ୍ଵାସ୍‌ରେୟାଃ ପାରିତାଏ ଏମାକାଦ୍ ତାଇକେନାଏ, ଏନ୍‌ଲେକାଗି କା ଖାଡ୍‌ନାଅକାନ୍ ହଡ୍‌କହଗି ବିଶ୍ଵାସ୍‌ରେୟାଃ ଜୀଦାନ୍‌ରେକ ତାଇନଃରେଦ୍, ଆବ୍ରାହାମ୍ ଇନ୍‌କୁଆଃ ହଗି ଆପୁ ତାନିଃ ।

ବିଶ୍ଵାସ୍‌କେ ପାର୍‌ମେଶ୍ଵାର୍‌ଆଃ ବାନାର୍‌ସା

୬ ୩:୩୦ ୩:୩୦ ଗାଲାତିୟା ୩:୨୦. ୪:୩ ୪:୩ ଗାଲାତିୟା ୩:୨.

୧୩ ✠ଆବ୍ରାହାମ୍ ଆନନ୍ତୁ ମାନାତିଙ୍କ କେଦତେଦ କାହାରି, ମେନ୍ଦ ଆୟାଃ ବିଶ୍ୱାସ ନାଗେନ୍ତେ ଏସକାର୍ ପାର୍ମେଶ୍ୱାର୍ଆଃ ହରାତେ ଧାର୍ମାନ୍ ମେନ୍ତେ ହବାୟାନା ଆତଃ ଏନାମେନ୍ତେ ଆୟାଃ କିଲିକ ଅତେଦଶ୍ୱମରାଃ ଆକତେୟାର୍ତାନକ ହବାଅଃଆ ମେନ୍ତେ ପାର୍ମେଶ୍ୱାର୍ ବାନାର୍ଯ୍ୟାଏ ଏମାକାଦ୍ ତାଇକେନା । ୧୪ ✠ଆନନ୍ତୁ ମାନାତିଙ୍କତାନକ ଏସକାର୍ ପାର୍ମେଶ୍ୱାର୍ ଏମାକାଦ୍ ବାନାର୍ଯ୍ୟାକ ନାମେରେଦ୍, ବିଶ୍ୱାସ୍ ଜେଡ୍ନାଃ ନାହାଁଲ୍ଲାଃ ଆତଃ ପାର୍ମେଶ୍ୱାର୍ଆଃ ବାନାର୍ଯ୍ୟା ସାମା ତାନାଃ । ୧୫ ✠ଆନନ୍ତୁ କା ମାନାତିଙ୍କ ହରାତେ ପାର୍ମେଶ୍ୱାର୍ଆଃ ଖ୍ୱ ହବାଅଃଆ, ମେନ୍ଦ୍ ଆନନ୍ତୁ ବାନଃତାଃରେ, ଆନନ୍ତୁକେ କା ମାନାତିଙ୍କ କାଜି ବାନଃଆ ।

୧୬ ✠ଏନାମେନ୍ତେ ପାର୍ମେଶ୍ୱାର୍ଆଃ ବାନାର୍ଯ୍ୟା ବିଶ୍ୱାସ୍ ତେତାନରେ ଠାହାରାଅକାନା । ପାର୍ମେଶ୍ୱାର୍ ଆୟାଃ ସାୟାଦ୍ତେ ନେ ବାନାର୍ଯ୍ୟାକେ ଆବ୍ରାହାମ୍ଆଃ କିଲିକକେ ଏମାକାଦ୍କଥା, ଅକନ୍ଦକ ଆନନ୍ତୁକେକ ମାନାତିଙ୍କ୍ ତାନା, ଇନ୍ଦକୁ ନାଗେନ୍ତେ ଏସକାର୍ ବାନାର୍ଯ୍ୟା ନାହାଁଲ୍ଲାଃ, ମେନ୍ଦ୍ ଆବ୍ରାହାମ୍ ଲେକା ବିଶ୍ୱାସ୍ତାନ ସବେନ୍ଦକ ନାଗେନ୍ତେ ଏନା ତାନାଃ । ତିୟାଃତି ଆବ୍ରାହାମ୍ ଇନ୍ଦକୁଆଃ ଆମିକ୍ ଆପୁ ତାନିଃ । ୧୭ ଧାରାମ୍ ପୁଅରେ ଅଲ୍ଲାନା, “ଆଲେ ଆମକେ ପୁରାଃ କିଲିରେନ୍ଦ୍ ଆପୁଲେ ବାଲୟାକାଦ୍ମେୟା ।” ପାର୍ମେଶ୍ୱାର୍ଆଃ ନେପେଲ୍ରେ ନେ ବାନାର୍ଯ୍ୟା ବୁଗିନାଃ ତାଇକେନା, ତିୟାଃତି ଅକ ପାର୍ମେଶ୍ୱାର୍କେ ଆବ୍ରାହାମ୍ ବିଶ୍ୱାସ୍ ତାଇକେନାଏ, ଏନ୍ ପାର୍ମେଶ୍ୱାର୍ତି ଗଜାକାନ୍ ହତ୍ତକକେ ଜୀଉବିରିଦ୍କଥା ଆତଃ ଅକ୍ନାଃ ବାନଃତେୟାଃ ଆୟାଃ ଆନାନ୍ତୁତେ ସବେନାଃ ହବାସାକାଅଆଃ । ୧୮ ଆସାଏ ଲେକାନାଃ ଜେଡ୍ନାଃ କା ତାଇକେନ୍ରେୟା, ଆବ୍ରାହାମ୍ ଆସା ଦହକେଦ୍ତେ ବିଶ୍ୱାସ୍କାଦ୍ ତାଇକେନାଏ । ଏନାମେନ୍ତେ ଇନିଃ ପୁରାଃ ଜାତିରେନ୍ଦ୍ ଆପୁ ହବାୟାନାଏ, ତିୟାଃତି ଧାରାମ୍ପୁଅ ଲେକାତେ ଇନିଃକେ ବାନାର୍ଯ୍ୟା ନାମାକାନ୍ ତାଇକେନା, “ଆମାଃ କିଲିକ୍ ସିମାରେନ୍ଦ୍ ପୁରାଃତି ଇପିଲ୍ଲକ୍ ଲେକାକ ହବାଅଃଆ ।” ୧୯ ଇମ୍ତା ଆବ୍ରାହାମ୍କେ ମଶେୟାଁ ହିସ୍ ବାରାଷ୍ ହବାଅଃ ତାଇକେନା, ମେନ୍ଦ୍ ଆୟାଃ ହତ୍ତ ବିଷାଏରେ ଉଡ୍ଡୁକେଦା, ଅକ୍ନାଃତି ଗଜଃ ଲେକା ହବାଅଃ ତାଇକେନା ଚାଏ ଆୟାଃ କୁଡ୍ଡିତେ ସାରାଃ ହନ୍ଗାଁଶା ହବାଅଃରେୟାଃ ନେତା ପାରମ୍ପତାନା ମେନ୍ତେ ସାବିକେଦ୍ରେୟ, ଆୟାଃ ବିଶ୍ୱାସ୍ କା ନାରାଦୁରାୟାନା । ୨୦ ଆବ୍ରାହାମ୍ ଆୟାଃ ବିଶ୍ୱାସ୍କେ କାଏ ବାଗିକେଦା, ଚାଏ ପାର୍ମେଶ୍ୱାର୍ଆଃ ବାନାର୍ଯ୍ୟାରେ କାଏ ଆଡ଼ାଃଉଡ୍ଡୁୟାନା । ଆୟାଃ ବିଶ୍ୱାସ୍ ଆଇଃକକେ ପୁରାଃତି ପେଡ୍ଡେତେ ପେରେଃକିୟା ଆତଃ ଇନିଃ ପାର୍ମେଶ୍ୱାର୍କେ ମାରାଜ୍କିୟା । ୨୧ ପାର୍ମେଶ୍ୱାର୍ ଅକ ବାନାର୍ଯ୍ୟା ଏମାକାଇ ତାଇକେନାଏ, ଏନା ଇନିଃ ରିକାଏଗିୟାଏ ମେନ୍ତେ ଆୟାଃ ପୁରା ବିଶ୍ୱାସ୍ ତାଇକେନା । ୨୨ ଏନାମେନ୍ତେ ଆବ୍ରାହାମ୍ ଆୟାଃ ବିଶ୍ୱାସ୍ ହରାତେ “ପାର୍ମେଶ୍ୱାର୍ତେ ଧାର୍ମାନ୍ ମେନ୍ତେ କାଜିୟାନା ।” ୨୩ “ଧାର୍ମାନ୍ ଲେକାଏ ହବାୟାନା” ମେନ୍ତେ କାଜିତେୟା, ଧାରାମ୍ପୁଅରେ ଆବ୍ରାହାମ୍ ନାଗେନ୍ତେ ଏସକାର୍ ଲାଗାତିଜ୍ୟାଃ ମେନ୍ତେଦ କାହାରି । ୨୪ ଆବୁହାଗି ପାର୍ମେଶ୍ୱାର୍ତାଃରେ ବିଶ୍ୱାସ୍କେଦ୍ ହରାତେ ଧାର୍ମାନ୍ ଲେକାବୁ ହବାଅଃଆ । ପାର୍ମେଶ୍ୱାର୍ ପ୍ରାଭୁ ଯାଶ୍ୱିକେ ଗନ୍ଏଃହେତେ ଜୀଉବିରିଦ୍କିୟାଏ । ୨୫ ଏନ୍ ପ୍ରାଭୁ ଯାଶ୍ୱିଗି ଆବୁଆଃ ପାପଛାମା ନାଗେନ୍ତେ ଗନ୍ଏଃରେ ଜିମାୟାନା ଆତଃ ପାର୍ମେଶ୍ୱାର୍ତାଃରେ ଆବୁକେ ଧାର୍ମାନ୍ ବାଇବୁ ନାଗେନ୍ତେ ଯାଶ୍ୱି ଗନ୍ଏଃହେତେ ଜୀଉବିରିଦ୍କିୟାଏ ।

୫

ପାର୍ମେଶ୍ୱାର୍ଲଃ ବୁଗିନ୍ ନାତ

୧ ନାହାଁଃଦ୍ ଆବୁ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ ନେପେଲ୍ରେ ଧାର୍ମାନ୍ ଲେକାବୁ ହବାକାନା ଆତଃ ପ୍ରାଭୁ ଯାଶ୍ୱି ଖ୍ରୀଷ୍ଟ୍ଆଃ ହରାତେ ଆବୁ ପାର୍ମେଶ୍ୱାର୍ଲଃ ଜୀଉସ୍ତୁକ୍ତେ ମେନାବୁଆ । ୨ ଏନ୍ ଯାଶ୍ୱିତାଃରେ ଆବୁଆଃ ବିଶ୍ୱାସ୍ ମେନାଃ ହରାତେ ନାହାଁଃ ଆବୁଆଃ ଜୀବାନ୍ଦରେ ପାର୍ମେଶ୍ୱାର୍ଆଃ ସାୟାଦ୍ ଆତଃ ପାର୍ମେଶ୍ୱାର୍ଆଃ ମାନାରାଜ୍ରେ ହିସା ନାମେରେୟାଃ ଆସା ମେନାଃ ହରାତେ ଆବୁ ପୁରାଃତି ରାସକାଅଃ ତାନାବୁ । ୩ ଏନା ଏସକାର୍ କାହାରି, ସବେନ୍ ଲେକାନ୍ ଦୁକୁ ସାସାତିରେୟା ଆବୁ ରାସକାଅଃ ତାନାବୁ, ତିୟାଃତି କା ଆକ୍ତାକାଅ କେଦ୍ତେ ସାସାତିକେ ସାହାତିଜ୍ଲେରେ ମନ୍ଦରେ ଧୁରାଜ୍ ହିଜୁଃଆ ଏନାବୁ ସାରିତାନା । ୪ ନେ ଧୁରାଜ୍ହେତେ ଆବୁଆଃ ତାଇଲ୍ ଚାଲାନ୍ କେଟେୟାଆ ଆତଃ କେଟେଦ୍ ତାଇଲ୍ ଚାଲାନ୍ହେତେ ଭାର୍ଯ୍ୟା ନାମଃଆ । ୫ ନେ ଆସା ଆବୁକେ କାଏ ହୁଡ୍ଡିଜ୍ଜୀଉବୁଆ, ତିୟାଃତି ପାର୍ମେଶ୍ୱାର୍ ଆବୁକେ ପାବିତାର୍ ଆମ୍ ଏମ୍କେଦ୍ତେ ଆବୁଆଃ ମନ୍ଦୁରୁଦ୍ରେ ଆୟାଃ ଦୁଲ୍ଲାଡ୍ ପେରେଃକାକାଏ ।

✠ ୪:୧୩ ୪:୧୩ ଗାଲାତିୟ ୩:୨୯. ✠ ୪:୧୪ ୪:୧୪ ଗାଲାତିୟ ୩:୧୮. ✠ ୪:୧୭ ୪:୧୭ ଗାଲାତିୟ ୩:୭.

^୭ ଆବୁ ଦେଈଁ କା ନାମେଲେକା ତାଇକେନ୍ ଇମତା, ପାର୍ମେଶ୍ୱାରୁଆଃ ଠାହାରାଅକାଦ୍ ଦିପିଲିରେ, ଖ୍ରୀଷ୍ଟ ଏଡକାନ୍ ହଡକଆଃ ନାଗେନ୍ତେ ଗଏଃୟାନା । ^୮ ଧାର୍ମାନ୍ ହଡ ନାଗେନ୍ତେ ଏଟାଃ ଜେତା ହଡ ଜାଉ ଏମତେୟାଃ କାକ ନେଲଃଆ । ହବାସାକାଅଆଃ ବୁଗିନ୍ ହଡ ନାଗେନ୍ତେ ଜେତାଏ ଜୀଉ ଏମ୍ ନାଜ୍ ସେକାଡ୍ ଦାଡ଼ିୟଃଆଏ । ^୯ ମେନ୍ଦ୍ ଆବୁ ପାପି ତାଇକେନ୍ ଇମତାଗି ଖ୍ରୀଷ୍ଟ୍ ଆବୁ ନାଗେନ୍ତେ ଆୟାଃ ଜୀଉ ଏମକେଦାଏ, ନେଆଁ ହରାତେ ପାର୍ମେଶ୍ୱାରୁ ଆବୁକେ ଚିମିନ୍ ଦୁଲ୍ଲାଡ଼ତାନାଏ ଏନାଏ ଉଦୁବକେଦା । ^{୧୦} ଖ୍ରୀଷ୍ଟରାଃ ମାୟୋମ୍ ହରାତେ ପାର୍ମେଶ୍ୱାରୁ ଆବୁକେ ଧାର୍ମାନ୍ ମେନ୍ତେ କାଜିବୁତାନା । ତାବ୍ଦ୍ ପାର୍ମେଶ୍ୱାରୁଆଃ ଖୁସଏତେ ଖ୍ରୀଷ୍ଟ୍ ଆବୁକେ ସାର୍ତ୍ତିଗି ବାସ୍ତାଅବୁଆ । ^{୧୧} ଆବୁଦ୍ ପାର୍ମେଶ୍ୱାରୁଆଃ ବାଇରି ତାଇକେନ୍ ଇମତାଗି ଆୟାଃ ହନ୍ ଆବୁଆଃ ନାଗେନ୍ତେ ଜୀଉ ଏମକେଦା, ଏନା ହରାତେ ପାର୍ମେଶ୍ୱାରୁଲଃ ଆବୁଆଃ ମେନେସା ହବାୟାନା । ପାର୍ମେଶ୍ୱାରୁଲଃ ମେସାୟାନ୍ ତାୟମତେ ନାହାଁଃଦ୍ ଖ୍ରୀଷ୍ଟ୍ଆଃ ଜୀଦାନ୍ ହରାତେ ଆବୁ ଜୀଉ ବାସ୍ତାଅ ନାମେ ନାଜ୍ ଚିମିନ୍ ଆଦକା ସୁୟୋଗ୍ କାବୁ ନାମେୟାଁ ? ^{୧୨} ମେନ୍ଦ୍ ଏମନାଜ୍ ଏସକାର୍ ନାହାଁଲଃ, ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ହରାତେ ପାର୍ମେଶ୍ୱାରୁ ଅକ କାମିକଏ ରିକାକାଦା, ଏନାମେନ୍ତେ ଆବୁଆଃ ମନ୍ସୁରୁଦ୍ ରାସକାତେ ପେରେଜାକାନା । ଏନ୍ ଯୀଶୁ ଆବୁକେ ପାର୍ମେଶ୍ୱାରୁଲଃ ଆଡଃମିସାଏ ମୋସାକାଦ୍ବୁଆ ।

ଆଦାମ୍ ଆଡଃ ଖ୍ରୀଷ୍ଟ୍

^{୧୩} ଆଦାମ୍ ପାପକେଦ୍ ହରାତେ ଅଡେଦିଶୁମରେ ପାପ୍ ବଲୟାନା ଆଡଃ ଆଦାମଆଃ ପାପ୍ ହରାତେ ଗନଏଃ ହିଜୁଃୟାନା । ସବେନ୍ଦ୍ ପାପକେଦ୍ ହରାତେ ଗନଏଃ ସବେନ୍ ହଡକକେ ହବାଅଃଆ । ^{୧୪} ଆନ୍ତୁ ଉଦୁବଃ ସିଦାରେ ଅଡେଦିଶୁମରେ ପାପ୍ ତାଇକେନା, ମେନ୍ଦ୍ ଆନ୍ତୁ କା ତାଇକେନ୍ ଇମତା ପାପ୍ କା ଲେକାଃଅ ତାଇକେନା । ^{୧୫} ଆଦାମତାଃଏତେ ମୁଣା ନାବୀଆଃ ଦିପିଲି ଜାକେଦ୍ ଜେତାଏ ଆଦାମ୍ ଲେକା ପାର୍ମେଶ୍ୱାରୁଆଃ ହୁକୁମ୍ କା ମାନାତିଜ୍ଜକେଦ୍ତେ ପାପ୍ କାମି କାକ ରିକାକାଦ୍ରେୟ, ସବେନ୍ଦ୍ଆଃରେ ଗନଏଃ ହିଜୁଃୟାନା । ଅକଏୟାଃ ହିଜୁଃରାଃ ତାଇକେନା, ଇନିଃ ଆଦାମଲଃ ମିଦ୍ଲେକାଗି । ^{୧୬} ମେନ୍ଦ୍ ନେ ବାରାନ୍କିନ୍ ମିଦ୍ଲେକାଗି ବାଜ୍ଜିକିନା । ଆଦାମଆଃ ପାପ୍ ଆଡଃ ପାର୍ମେଶ୍ୱାରୁଆଃ ବେଗାର୍ ଗନଜ୍ ଦାନ୍ ମିଦ୍ଲେକାଗି ନାହାଁଲଃ । ମିଆଁଦ୍ ହଡ଼ଆଃ ପାପ୍ ନାଗେନ୍ତେ ପୁରାଃ ହଡକ ଗଏଃୟାନା ଏନା ସାର୍ତ୍ତି ତାନାଃ । ମେନ୍ଦ୍ ପାର୍ମେଶ୍ୱାରୁଆଃ ମାରାଜ୍ ସାୟାଦ୍ତେ, ଆଡଃମିଆଁଦ୍ ହଡ, ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ସାୟାଦ୍ ହରାତେ ପୁରାଃ ହଡକଆଃ ନାଜ୍ ଅକ ଦାନ୍ ଏମାକାନା, ଏନା ପୁରାଃଗି ପେଡେୟାନ୍ରିୟା । ^{୧୭} ମିଆଁଦ୍ ହଡ଼ରାଃ ପାପ୍ ହରାତେ ହଡ ବିଚାରରେ ହିଜୁଃୟାନା ଆଡଃ ଗୁଣ୍ଟାଁ ମେନ୍ତେ ଉଦୁବୟାନା, ମେନ୍ଦ୍ ହଡକଆଃ ପୁରାଃ ପାପ୍ ହରାତେ ଆଡଃ ଛାମା ନାମେଲେକା କା ତାଇକେନ୍ରେୟ, ପାର୍ମେଶ୍ୱାରୁଆଃ ଏନ୍ ଦାନ୍ ହରାତେ, ନାହାଁଃ ହଡ ଧାର୍ମାନ୍ନିଃ ମେନ୍ତେ ଉଦୁବ୍ ଦାଡ଼ିୟଃଆ । ^{୧୮} ମିଆଁଦ୍ ହଡ଼ରାଃ ପାପ୍ ହରାତେ ଗନଏଃ ସବେନ୍ ହଡକତାଃରେ ରାଇଜକେଦା, ମେନ୍ଦ୍ ମିଆଁଦ୍ ହଡ ଅକଏରି ଯୀଶୁ ଖ୍ରୀଷ୍ଟ୍ ଅକଆଃ ରିକାକାଦାଏ, ଏନା ଚିମିନ୍ ମାରାଜ୍ ତାନାଃ । ଅକ ହଡକ ପାର୍ମେଶ୍ୱାରୁଆଃ ପୁରାଃ ସାୟାଦ୍ତେ ବେଗାର୍ ଗନଜ୍ରେ ପାର୍ମେଶ୍ୱାରୁତାଃରେ ଧାର୍ମାନ୍ ମେନ୍ତେ କାଜିୟଃଆ, ଇନ୍ତୁ ଜୀଦାନ୍କ ନାମେୟାଁ ଆଡଃ ଏନ୍ ହଡକ ଖ୍ରୀଷ୍ଟ୍ ହରାତେ ଜିନିତାଅ ଜୀଦାନ୍କ ବିତାଅୟା ।

^{୧୯} ମିଆଁଦ୍ ହଡ଼ରାଃ ପାପ୍ ହରାତେ ସବେନ୍ ହଡକ ସାଜାଇକ ନାମକେଦା, ଏନ୍ଲେକାଗି ମିଆଁଦ୍ ହଡ଼ରାଃ ଧାର୍ମାନ୍ ହରାତେ ସବେନ୍ ହଡକ ନାଜ୍ ରାଡାନ୍ ଆଡଃ ନାଝା ଜୀଦାନ୍ ଆଉଝାକାଦାଏ । ^{୨୦} ମିହୁଡ୍ କାଜି କା ମାନାତିଜ୍ ହରାତେ ସବେନ୍ ହଡକ ପାପିକ ହବାୟାନା, ଏନ୍ଲେକାଗି ମିହୁଡ୍ କାଜି ମାନାତିଜ୍ ହରାତେ ସବେନ୍ଦ୍ ପାର୍ମେଶ୍ୱାରୁଆଃ ଆୟାଃରେ ଧାର୍ମାନ୍କ ହବାଅଃଆ ।

^{୨୧} ଆନ୍ତୁ ଉଦୁବୟାନ୍ ହରାତେ ଏଡକାନ୍ କାଜିକାମିକ ଆଡକାରୁରୁମୟାନା, ମେନ୍ଦ୍ ପାପ୍ରେୟାଃ କାଜିକ ପସାଅଡାନ୍ଲଃ ପାର୍ମେଶ୍ୱାରୁଆଃ ସାୟାଦ୍ତ୍ ପୁରାଃତେ ପସାଇଦୟାନା । ^{୨୨} ପାପ୍ ଜେଲେକା ଗନଏଃ ହରାତେ ରାଇଜେ ତାଇକେନା, ଏନ୍ଲେକାଗି ପାର୍ମେଶ୍ୱାରୁଆଃ ସାୟାଦ୍ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ଦେଜ୍ଜାତେ ଆବୁ ସବେନ୍ଦ୍କେ ଧାର୍ମାନ୍ ମେନ୍ତେ କାଜିକେଦ୍ତେ ଜାନାଅ ଜାନାଅରେୟାଃ ଜୀଦାନ୍ତେ ସୁତୁଃଇଦିୟାଃ ।



ପାପ୍ ନାଗେନ୍ତେ ଗନଏଃ ଆଡଃ ଖ୍ରୀଷ୍ଟ୍ଲଃ ମେସାନ୍ ହରାତେ ଜାନିଦ୍

^୧ ତାବ୍ଦ୍ ଚିନାଃବୁ କାଜିୟା ? ପାର୍ମେଶ୍ୱାରୁଆଃ ସାୟାଦ୍ ଆଡଃଗି ହବାଅଃକା ମେନ୍ତେ ଆବୁ ଚିନାଃ ପାପ୍ରେ ଜୀଦାନ୍ବୁ ବିତାଅୟା ? ^୨ କାହାଗି ଏନ୍କାଦ୍ ଆଲକା ହବାଅଃକା, ପାପ୍ ନାଗେନ୍ତେ

ଆବୁ ଗଜାକାନା, ଏନାରେ ଆତଃ ଚିଲ୍ଲକାତେ ଜୀଦାନୁ ବୈତାଅୟା ? ^୩ ନେଆଁ ଚିନାଃ ଆପେ କାପେ ସାରିତାନା, ବାପ୍ତିସ୍ତା ହରାତେ ଖ୍ରୀଷ୍ଟ ଯୀଶୁଲିଃ ମେସାକେଦ୍‌ତେ ଆବୁ ଇନିୟାଃ ଗନଏଃରେ ମେସାକାନାବୁ । ^୪ ଏନାମେନ୍ତେ ବାପ୍ତିସ୍ତା ହରାତେ ଆବୁ ସବେନ୍‌କ ଯୀଶୁ ଖ୍ରୀଷ୍ଟଆଃ ଗନଏଃରେ ହିସାଦାର୍ ହବାକେଦ୍‌ତେ ଆୟାଃଲିଃ ତପାକାନାବୁ । ଇନିଃ ଜେ'ଲେକା ଆପୁଆଃ ମାନାରାଙ୍ଗ୍‌ରେୟାଃ ପେଡ଼େଃରେ ଜୀଉବିରିଦ୍‌ୟାନା, ଆବୁହଗି ଇନିୟାଃ ହରାତେ ନାଖା ଜୀଦାନ୍ ନାମ୍‌କେଦ୍‌ତେବୁ ବାସ୍ତାଅଥା ।

^୫ ଚିୟାଃଚି ଆବୁ ଆୟାଃ ଗନଏଃରେ ମେସାକେଦ୍‌ତେ ଇନିଃଲିଃ ମିଦ୍‌କାନାବୁ, ଏନ୍‌ଲେକାଗି ଆବୁ ଇନିୟାଃ ଜୀଉବିରିଦ୍‌ରେ ହଗି ଆୟାଃଲିଃ ମିଦ୍‌ୟାନ୍ତେ ନାଖା ଜୀଦାନ୍‌ବୁ ନାମେୟାଁ । ^୬ ଆବୁ ସାରିତାନାବୁ, ଖ୍ରୀଷ୍ଟଲିଃ କ୍ରୁଗ୍ ଚେତାନରେ ଆବୁଆଃ ମାରି ଜୀଦାନ୍ ଗଜାକାନା । ଏନାତେ ଆବୁଆଃ ପାପ୍‌ରେୟାଃ ସଭାଦ୍ ଜିୟନ୍‌କାନା ଆତଃ ଆବୁ ପାପ୍‌ରେୟାଃ ଦାସିହେତେ ରାଡ଼ାକାନାବୁ, ^୭ ଚିୟାଃଚି ହଡ଼ ଗଏଃୟାନ୍‌ରେ, ପାପ୍‌ରେୟାଃ ତନଲ୍‌ହେତେ ରାଡ଼ାକଆଃଏ । ^୮ ଆବୁ ଯୀଶୁ ଖ୍ରୀଷ୍ଟଲିଃ ଗଜାକାନ୍ ହରାତେ, ଆୟାଃଲିଃ ଜୀଦାନ୍‌ବୁ ନାମେୟାଁ ମେନ୍ତେବୁ ପାପ୍‌ତୟାରେତାନା । ^୯ ଆବୁ ସାରିତାନାବୁ, ଖ୍ରୀଷ୍ଟ ଗଜାକାନ୍‌କଏତେ ଜୀଉବିରିଦାକାନ୍ ହରାତେ, ଇନିଃ ଆତଃ ଚିଲ୍ଲାହ କାଏ ଗଜଥା । ଆୟାଃ ଚେତାନରେ ଗନଏଃରାଃ ଆକ୍‌ତେୟାର୍ ଆତଃ ବାନଥା । ^{୧୦} ଇନିଃ ଅକ ଗନଏଃରେ ଗଏଃୟାନା, ଏନା ହରାତେ ପାପ୍‌ରେୟାଃ ପେଡ଼େଃହେତେ ମିସାତେଗି ରାଡ଼ାୟାନା । ଇନିଃ ନାହାଁଃ ଅକ ଜୀଦାନ୍ ବିତାଅତାନାଏ, ଏନାଦ ପାର୍‌ମେଶ୍ୱାର୍‌ଲିଃ ମେନେସାରେୟାଃ ଜୀଦାନ୍ ତାନାଃ । ^{୧୧} ଏନ୍‌ଲେକାଗି ଆପେୟ ପାପ୍‌ହେତେ ଗଜାକାନାଲେ ମେନ୍ତେ ଆବ୍‌କାରେପେ । ଆପେ ସବେନ୍‌କ ନାହାଁଃଦ୍ ଯୀଶୁ ଖ୍ରୀଷ୍ଟଆଃ ହରାତେ ଜୀଦାନ୍‌ରେ ପାର୍‌ମେଶ୍ୱାର୍‌ଲିଃ ମେସାକାନାପେ ।

^{୧୨} ଏନାମେନ୍ତେ ଆପେୟାଃ ଗଜଥ ହଡ଼ମରେ ପାପ୍‌ଆତଃ ଆଲକାଏ ରାଇଜେକା, ଆପେ ହଡ଼ମରେୟାଃ ଏଡ଼କାନ୍ ସାନାଙ୍ଗ୍‌ରେ ଆତଃ ଆଲ୍‌ପେ ତାଇନା । ^{୧୩} ଆପେ ଆପ୍‌ନାଃ ହଡ଼ମରାଃ ଜେତାନ୍ ହିସାକେ କା ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାପ୍‌ତାଃରେ ଆଲ୍‌ପେ ଜିମାନାଃ, ମେନ୍‌ଦ୍ ଗନଏଃହେତେ ଜୀଉବିରିଦକାନ୍ ଲେକା ଆପ୍‌ନାଃ ପାର୍‌ମେଶ୍ୱାର୍‌ଆଃ ଆୟାର୍‌ରେ ଜିମାନ୍‌ପେ, ଆତଃ ଆପ୍‌ନାଃ ହଡ଼ମରାଃ ହିସାକେ ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାର୍‌ମେଶ୍ୱାର୍‌ଆଃ ଆୟାର୍‌ରେ ଜିମାନ୍‌ପେ । ^{୧୪} ପାପ୍‌ଆପେ ଚେତାନରେ ଆଲକାଏ ରାଇଜେକା, ଚିୟାଃଚି ଆପେ ଆତଃ ଆନ୍‌ତୁରେୟାଃ ଆକ୍‌ତେୟାର୍‌ରେ କାପେ ତଲ୍ଲାକାନା, ମେନ୍‌ଦ୍ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ନାହାଁଃ ଜୀନିଦ୍ ମେନାପେୟା ।

ଧାର୍‌ମାନ୍‌ରେନ୍‌ ଦାସି

^{୧୫} ତାବ୍‌ଦ୍, ଆବୁ ଆନ୍‌ତୁରେୟାଃ ଆକ୍‌ତେୟାର୍‌ରେ କା ତାଇନକେଦ୍‌ତେ ପାର୍‌ମେଶ୍ୱାର୍‌ଆଃ ସାୟାଦ୍‌ ନାମାକାଦାବୁ ମେନ୍ତେ ଚିନାଃ ପାପ୍‌ରେବୁ ତାଇନାଃ ? କାହାଗି ଏନ୍‌କାଦ୍ ଆଲକା ହବାଅଃକା । ^{୧୬} ଆପେ ଚିନାଃ କାପେ ସାରିତାନା ? ଆପେ ଆପାନ୍‌କେ ଦାସି ଲେକା ଜିମାନାଃପେ ଇମ୍‌ତା, ଆପେ ସାର୍‌ତିଗି ଏନ୍‌ ହଡ଼ମରାଃ ଦାସି ତାନ୍‌ପେ, ଅକନ୍‌ ହଡ଼କେ ଆପେ ମାନାତିଙ୍ଗ୍ ରିକାଲୟାପେ ଇନିଃ ହବାଅଃତାନାଏ ଆପେୟାଃ ଗୁସିୟାଁ । ଆପେ ପାପ୍‌ରେୟାଃ ଦାସି ହବାଅଃରେଦ୍, ଏନାରେୟାଃ ନାଲ୍ଲା ଗନଏଃ ତାନାଃ, ଚାଏ ଆପେ ପାର୍‌ମେଶ୍ୱାର୍‌କେ ମାନାତିଙ୍ଗ୍‌ରେଦ୍ ଏନାରେୟାଃ ନାଲ୍ଲା ହବାଅଃତାନା ପାର୍‌ମେଶ୍ୱାର୍‌ଲିଃ ଧାର୍‌ମାନ୍‌ ମେନ୍ତେପେ କାଜିୟାଥା । ^{୧୭} ମୁସିଙ୍ଗ୍ ଆପେ ପାପ୍‌ରେୟାଃ ଦାସିପେ ତାଇକେନା, ମେନ୍‌ଦ୍ ପାର୍‌ମେଶ୍ୱାର୍‌ଆଃ ଧାନାଦାଦ୍ ହବାଅଃକା, ନାହାଁଃ ଆପେ ସୁକ୍ଳକାଜିହେତେ ଇଡ଼ୁତାକାନ୍ ସାନାର୍‌ତିକେ ମନ୍‌ସୁରୁଦ୍‌ତେ ମାନାତିଙ୍ଗ୍ ତାନାପେ । ^{୧୮} ଆପେ ପାପ୍‌ରେୟାଃ ତନଲ୍‌ହେତେ ରାଡ଼ାକେଦ୍‌ତେ ଧାର୍‌ମାନ୍‌ରେୟାଃ ଦାସିପେ ହବାକାନା । ^{୧୯} ଆପେୟାଃ କା ପେଡ଼େୟାନ୍ ହରାତେ ନେ ସବେନ୍‌ କାଜିକ ଆଇଙ୍ଗ୍ ଆପେକେ ହଡ଼ ଜାଗାର୍‌ତାନ୍ କାଜିତେଇଙ୍ଗ୍ କାଜିପେତାନା, ମୁସିଙ୍ଗ୍ ଆପେ ଆପେୟାଃ ହଡ଼ମରେୟାଃ ହିସାକେ ସଡ଼ରା କାମି ନାଙ୍ଗ୍ ଆତଃ ଏଡ଼କାନ୍ କାମି ନାଙ୍ଗ୍ ଦାସି ଲେକା ଜିମାକାଦ୍ ତାଇକେନାପେ । ଏନ୍‌ଲେକାଗି ନାହାଁଃ ପାପ୍‌ତାର୍ ହବାଅଃ ନାଙ୍ଗ୍ ଆତଃ ହଡ଼ମରେୟାଃ ସବେନ୍‌ ହିସାକେ ଧାର୍‌ମାନ୍‌ରେୟାଃ ଦାସି ଲେକା ହବାଅଃ ନାଙ୍ଗ୍ ଆପାନ୍‌କେ ପୁରା ଜିମାନ୍‌ପେ ।

^{୨୦} ଆପେ ପାପ୍‌ରେୟାଃ ଦାସି ତାଇକେନ୍ ଇମ୍‌ତା, ଧାର୍‌ମାନ୍‌ତାଃଏତେ ରାଡ଼ାକାନ୍ ତାଇକେନାପେ । ^{୨୧} ନାହାଁଃ ଆପେକେ ଅକ କାମିକ ରିକା ନାଗେନ୍ତେ ଗିହୁଃ ଆବ୍‌କାର୍‌ପେ ତାନା, ଏନ୍‌ କାମିକ ସିଦା ଆପେ ରିକା ତାଇକେନାପେ । ଏନାରେ ଚିନାଃପେ ନାମାକାଦା ? ଏନ୍‌ ସବେନ୍‌ କାମିରେୟାଃ ନାଲ୍ଲା ହବାଅଃତାନା ଗନଏଃ । ^{୨୨} ମେନ୍‌ଦ୍ ନାହାଁଃ ଆପେ ପାପ୍‌ ତନଲ୍‌ହେତେ ରାଡ଼ାୟାନ୍‌ଲିଃ ପାର୍‌ମେଶ୍ୱାର୍‌ଆଃ ଦାସିପେ ହବାକାନା, ଆତଃ ପାପ୍‌ତାର୍‌କାନାପେ । ଏନାରେୟାଃ ଲାଡ଼୍ ହବାଅଃତାନା, ପାର୍‌ମେଶ୍ୱାର୍‌ତାଃରେ

✽ ୭:୪ ୭:୪ କଲପିୟ ୭:୧୨.

ଜାଉକେ ପୁରା ଜିମାନ ଆତ୍ମ ହବାଅଟତାନା ଜାନାଅ ଜାନାଅରେୟାଃ ଜୀଦାନ । ୨୩ ପାପରେୟାଃ ନାଲା ହବାଅଟତାନା ଗନଏଃ, ମେନ୍ଦ ପାରମେଶ୍ୱାରୀଆଃ ବେଗାର ଗନଙ୍ ଦାନ ହବାଅଟତାନା, ପ୍ରାଭୁ ଯୀଶୁ ଖ୍ରୀଷ୍ଟଲଃ ମେସାନ୍ ହରାତେ ଜାନାଅ ଜାନାଅରେୟାଃ ଜୀଦାନ ।



ଆଣ୍ଡିରେୟାଃ ଜନକା

୯ ହେ ହାଗା ମିଶିକ, ନାହିଁଃଦ ଆଇଙ୍ଗ ଅକଆଃ କାଜିନାଙ୍ଗ ସେନ୍ତାନାଇଙ୍ଗ, ଏନାଦ ଆପେ ଆଟ୍ଟକାରୁରୁମ୍ ଦାଡ଼ିୟାପେ, ଚିୟାଃଚି ଆପେଦ ଆନ୍ତୁ ଚିନାଃ ତାନାଃ ଏନାପେ ସାରିକାଦା । ହଡ୍ଦ ଦ ଆୟାଃ ଜାନିଦ୍ରେ ତାଇନଃ ଇମତା ଏସକାର୍ ଆନ୍ତୁରାଃ ତନଲ୍ରେ ତାଇନା । ୧୦ ଆଣ୍ଡିକାନ୍ କୁଡ଼ି ଆୟାଃ କଡ଼ା ଜାନିଦ୍ ତାଇନ ଜାକେଦ୍ କଡ଼ାତେଲଃ ମୁଣାରାଃ ଆନ୍ତୁରେୟାଃ ତନଲ୍ରେ ତାଇନା । ମେନ୍ଦ କଡ଼ାତେୟାଃ ଗନଏଃ ହବାଅଟରେ, ଇନିୟାଃ କୁଡ଼ି ନେ ମୁଣାରାଃ ଆନ୍ତୁ ତନଲ୍ରେହେତେ ରାଡ଼ାକେନଃଆ । ୧୧ କଡ଼ାତେ ଜାନିଦ୍ ତାଇନ ଇମତା, କୁଡ଼ିତେ ଏଟାଃ କଡ଼ାଲଃ ଆଣ୍ଡିୟାଃରେଦ, ଇନିଃ ଆପାଙ୍ଗିର୍ କୁଡ଼ି ମେନ୍ତେ କାଜିୟାଃଆ, ମେନ୍ଦ କଡ଼ାତେୟାଃ ଗନଏଃ ହବାଅଟରେ, କୁଡ଼ିତେ ମୁଣା ଏମାକାଦ୍ ଆନ୍ତୁରେୟାଃ ତନଲ୍ରେହେତେ ରାଡ଼ାକଆଃଏ, ଏନ୍ତେ ଏଟାଃ କଡ଼ାଲଃ ଆଣ୍ଡିୟାଃରେଦ, ଇନିଃ ଆପାଙ୍ଗିର୍ କୁଡ଼ି ମେନ୍ତେ କାଏ କାଜିୟାଃଆ । ୧୨ ହେ ହାଗା ମିଶିକ, ଆପେୟ ଏନ୍ଲେକାଗି ମୁଣାରାଃ ଆନ୍ତୁରେ ଗଜାକାନାପେ । ଆପେ ବାପ୍ତିସ୍ମା ହରାତେ ଖ୍ରୀଷ୍ଟଆଃ ହଡ଼ମଲଃ ଗଏଃକେଦ୍ତେ ଆୟାଃ ଜୀଉବିନିରିଦ୍ରେୟ ହିଏ ହବାକାନାପେ ଆତ୍ମ ନାହିଁଃ ଆପେ ପାରମେଶ୍ୱାରୀଆଃ ସେଝାରେ ବେଭାର୍ ଦାଡ଼ିୟାଆପେ । ୧୩ ଚିମିନ୍ ମାହିଁ ଜାକେଦ୍ ଆବୁ ଆବୁଆଃ ହଡ଼ମରେୟାଃ ଇଛାସାନାଙ୍ଗ ଲେକାବୁ ତାଇକେନା । ଆନ୍ତୁରେ ମାନକାଦ୍ ଆବୁଆଃ ପାପ୍ ଆବୁଆଃ ହରାତେ ଆନ୍ତୁ ପାପରେୟାଃ କାମିକଏ ରିକାଜିବୁ ତାଇକେନା ଆତ୍ମ ନେ କାମି ଆବୁଆଃ ଆମିକ୍ରେୟାଃ ଗନଏଃ ରିକା ତାଇକେନାଏ । ୧୪ ସିଦାରେୟାଃ ଆନ୍ତୁ ଆବୁକେ ଆୟାଃ ତନଲ୍ରେ ତଲକାଦ୍ବୁ ତାଇକେନା, ମେନ୍ଦ ନାହିଁଃ ଆବୁଆଃ ମାରି ସଭାବ୍ ଗଏଃୟାନା ଆତ୍ମ ଆବୁ ଆନ୍ତୁରେୟାଃ ତନଲ୍ରେହେତେ ରାଡ଼ା ଚାବାକାନାବୁ । ଏନାତେ ଆବୁ ନାହିଁଃ ସିଦାଲେକା ଅନଲ୍ ଆନ୍ତୁରେୟାଃ ସେଝା କାବୁ ରିକାତାନା, ମେନ୍ଦ ପାବିତାର୍ ଆମ୍ବୁ ଉଦୁବ୍ତାନ ନାଝା ହରାରେବୁ ସେସେନ୍ତାନା ।

ଆନ୍ତୁ ଆତ୍ମ ପାପ୍

୧୫ ତାବ୍ଦ ଚିନାଃବୁ କାଜିୟା, ଆନ୍ତୁଗି ପାପ୍ତାନାଃ ? କାହାଗି, ଏନାଦ ନାହିଁଲଃ । ମେନ୍ଦ ପାପ୍ ଚିନାଃ ତାନାଃ ଏନା ଆନ୍ତୁ ଆଇଙ୍ଗକେ ଉଦୁବ୍କାଦିୟା, “ଏଟାଃନିୟାଃ ଜିନିଷ୍ଟକେ ଆଲ୍ପେ ହାୟାଃଅଟଆ,” ନେ ଆନାବୁ ଆନ୍ତୁରେ କା ଏମାକାନ୍ରେ, ହାୟା ଚିନାଃ ତାନାଃ, ଏନା ଆଇଙ୍ଗ କାଜିଙ୍ଗ ସାରିତେୟାଃ । ୧୬ ମେନ୍ଦ ଏନ୍ ଆନାବୁ ହରାତେ ଆଇଁୟାଃ ମନ୍ରେ ଚିମିନ୍ ରାକାମରେୟାଃ ପାପ୍ କିକାନାଙ୍ଗ ଉପ୍ଜାଆୟାନା । ମେନ୍ଦ ଆନ୍ତୁ ବାଗିକେଦ୍ତେ ପାପ୍ତରାଃ ଜେତାନ୍ ପେଡ଼େଃ ବାନଃଆ । ୧୭ ମିସା ଆଇଙ୍ଗ ଆନ୍ତୁକେ କା ସାରିକେଦ୍ତେ ଜାନିଦ୍ ତାଇକେନାଜିଙ୍ଗ, ମେନ୍ଦ ଆନ୍ତୁ ହିଜୁୟାନ୍ତି ପାପ୍ ବଲ୍ୟାନା ଆତ୍ମ ଆଇଁୟାଃ ଗନଏଃ ହବାୟାନା । ୧୮ ଅକ ଆନ୍ତୁ ଜୀଦାନ୍ ଏମେ ନାଗେନ୍ତେ ତାଇକେନା, ଏନା ଆଇଁୟାଃ ଆମିକ୍ ଗନଏଃ ଆଉକେଦାଏ । ୧୯ ଆନ୍ତୁରେୟାଃ ସୁଯୋଗ୍ ଇଦିକେଦ୍ତେ ପାପ୍ ଆଇଙ୍ଗକେ ବେକାକେଦିୟା ଆତ୍ମ ଗଏଃକେଦିୟାଏ ।

୨୦ ଆନ୍ତୁ ପାବିତାର୍ଗିଆ, ଏନାରେୟାଃ ସବେନ୍ ଆନ୍ତୁ ପାବିତାର୍ଗିଆ, ଠାଉକାନ୍ଗିୟା ଆତ୍ମ ବୁଗିନ୍ଗିୟା । ୨୧ ତାବ୍ଦ ଅକ୍ନାଃ ବୁଗିନ୍ ତାନାଃ, ଏନା ନାଗେନ୍ତେ ଚିନାଃ ଆଇଁୟାଃ ଗନଏଃ ହବାଅଟଆ ? କାହାଗି, ଏନ୍କାଦ ଚିଉଲଆ କା ହବାଅଟଆ ? ଏନା ପାପ୍ଗି ରିକା କାଦାଏ । ବୁଗିନ୍ ଆନ୍ତୁ ମାନାଡିଙ୍ଗକେଦ୍ ହରାତେ ପାପ୍ ଆଇଁୟାଃ ଗନଏଃ ଆଉକେଦାଏ । ଏନାତେ ପାପ୍ତରାଃ ସାର୍ତି ସଭାବ୍ ଉଦୁବ୍ୟାନା, ଆତ୍ମ ଆନ୍ତୁ ହରାତେ ପାପ୍ ପୁରାଃ ବରଝାନ୍ତେୟାଃ ତାନାଃ ମେନ୍ତେ ଉଦୁବ୍ୟାନା ।

ଆବୁଆଃ ମନ୍ରେ ଆଡ଼ାଃଉଡ଼ୁ

୨୨ ଆବୁ ସାରିତାନାବୁ, ଆନ୍ତୁ ଆମିକ୍ ତାନାଃ, ମେନ୍ଦ ଆଇଙ୍ଗ ଆମିକ୍ ହଡ୍ ନାହିଁଲିଙ୍ଗ । ଆଇଙ୍ଗ ପାପ୍ତରାଃରେ ଦାସି ଲେକାଜିଙ୍ଗ ଆଖିରିଙ୍ଗକାନା । ୨୩ ଆଇଙ୍ଗ ଚିନାଃ ରିକାତାନ୍ତେୟାଃ କାଜିଙ୍ଗ ଆଟ୍ଟକାରୁରୁମେ ତାନା । ଆଇଙ୍ଗ ଅକ୍ନାଃ କାମି ସାନାଙ୍ଗ୍ତାନ୍ତେୟାଃ କାଜିଙ୍ଗ କାମିତାନା ମେନ୍ଦ ଅକ୍ନାଃ ହିଲ୍ଲାଙ୍ଗ୍ତାନ୍ତେୟାଃ କାମିତାନା । ୨୪ ଅକଆଃ ରିକାତାନା, ଏନା ଆଇଁୟାଃ ଇଛା ସାନାଙ୍ଗ୍ ବିରୁଧ୍ରେ ରିକା ତାନାଜିଙ୍ଗ, ଏନାମେନ୍ତେ ଆନ୍ତୁ ବୁଗିନାଃ ମେନ୍ତେ ଆଟ୍ଟକାରେତାନା । ୨୫ ଏନାତେ

* ୭:୧୫ ୭:୧୫ ଗାଲାତିୟା ୫:୧୭.

ଏନ୍ କାମି ଆଇଙ୍ଗ୍ କାଇଙ୍ଗ୍ ରିକାତାନା ମେନ୍ଦ୍ ଆଇଁୟାଃ ମନ୍ ଭିତାଠ୍ରେ ତାଇନ୍ଦାନ୍ ପାପ୍ ଏନାକେ ରିକାତାନା । ୧୮ ଆଇଙ୍ଗ୍ ସାରିତାନାଇଙ୍ଗ୍, ଆଇଁୟାଃ ହଡ଼ମରେ ଜେତାନ୍ ବୁଗିନାଃ ବାନଃଆ, ତିଆଃତି ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ଗ୍ ତାଇନ୍ଦରେୟ ଏନା କାଇଙ୍ଗ୍ କାମି ଦାଡ଼ିତାନା । ୧୯ ଏନାମେନ୍ତେ ଅକ ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ଗ୍ ମେନାଃ, ଏନା କା କାମିକେଦତେ, ଆଇଁୟାଃ ଇଛାସାନାଙ୍ଗ୍ ବିରୁଧରେୟାଃ ଏଡ଼କାନ୍ କାମିକଗିଇଙ୍ଗ୍ ରିକାତାନା । ୨୦ ଆଇଁୟାଃ ଇଛାସାନାଙ୍ଗ୍ ବିରୁଧରେ ଅକ କାମିକଇଙ୍ଗ୍ ରିକାତାନା, ସାର୍ତିଗି ଏନ୍ କାମିକଦ୍ ଆଇଙ୍ଗ୍ କାଇଙ୍ଗ୍ କାମିତାନା, ଆଇଙ୍ଗ୍ରେ ତାଇନ୍ଦକାନ୍ ପାପ୍ ନେ କାମିକଏ ରିକାତାନା ।

୨୧ ଏନ୍ ଲେକାଗି ଆଇଙ୍ଗ୍ ନେ ଆନ୍ତୁରେ ନାମାକାଦାଇଙ୍ଗ୍, ଆଇଙ୍ଗ୍ ବୁଗିନାଃ କାମିନାଙ୍ଗ୍ ସାନାଙ୍ଗ୍ତାନ୍ ଇମ୍ତା, ଏଡ଼କାନ୍ କାମି ଏସକାର୍ କାମିୟାଃଇଙ୍ଗ୍ । ୨୨ ପାର୍ମେଶ୍ୱାର୍ଆଃ ଆନ୍ତୁ ମାନାତିଙ୍ଗ୍ ନାଗେନ୍ତେ ଆଇଁୟାଃ ସାନାଙ୍ଗ୍, ୨୩ ମେନ୍ଦ୍ ଆଇଁୟାଃ ମନ୍ରେ ନେ ଇଛାସାନାଙ୍ଗ୍ ବିରୁଧରେ ଆଇଁୟାଃ ହଡ଼ମକେ ଆକ୍ତେୟାଠ୍ରେତାନ୍ ଆନ୍ତୁ ସବେନ୍ ଇମ୍ତା ଲାପାଡ଼ାଇତାନାଏ । ଆଇଁୟାଃ ହଡ଼ମରେ କାମିୟାଃତାନ୍ ଏନ୍ ପାପ୍ କାମିକ ଆଇଙ୍ଗ୍ରେ ତଲ୍ଲକେଦତେ ଦହକାଦିୟାଁ । ୨୪ ହାଏ, ଆଇଙ୍ଗ୍ ତିମିନ୍ କା ସୁକୁତାନ୍ ହଡ଼ତାନିଙ୍ଗ୍, ଗନଏଃ ଗାତାତେ ଇଦିତାନ୍ ନେ ହଡ଼ମରେୟାଃ କାମିଏତେ ଆଇଙ୍ଗ୍ରେ ଅକଏ ବାଞ୍ଛାଆୟାଁଏ ? ୨୫ ପାର୍ମେଶ୍ୱାର୍ଆଃ ଧାନାବାଦ୍ ହବାଅଃକା, ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ହରାତେ ନେ ସବେନାଃ ହବାକାନା । ଏନାତେ, ନେଆଁ ହବାଅଃତାନା ଆଇଁୟାଃ ଦାସା । ଆଇଙ୍ଗ୍ ପାର୍ମେଶ୍ୱାର୍ଆଃ ଆନ୍ତୁକେ ଏସକାର୍ ଆଇଁୟାଃ ମନ୍ରେ ମାନାତିଙ୍ଗ୍ ଦାଡ଼ିୟାଇଙ୍ଗ୍ । ମେନ୍ଦ୍ ଆଇଁୟାଃ ମାନଃ ସଭାବ୍ ଆଇଙ୍ଗ୍ରେ ପାପ୍ରେୟାଃ ଦାସି ହବାଅଃ ନାଗେନ୍ତେ ଆଡୁଇଙ୍ଗ୍ତାନା ।

୮

ଆମ୍ବାରେୟାଃ ଜୀଦାନ୍

୧ ନାହିଁଃ ଅକନ୍କ ଖ୍ରୀଷ୍ଟ୍ ଯୀଶୁଲଃ ମେସାକେଦତେ ଜୀଦାନ୍ ବିତାଅଥାଃକ, ଇନ୍କୁ ଆତଃ ସାଜାଇ କାକ ନାମେୟା । ୨ ପାବିତାର୍ ଆମ୍ବା ଅକ ଆନ୍ତୁ ହରାତେ ଆବୁକେ ଖ୍ରୀଷ୍ଟ୍ ଯୀଶୁଲଃ ମେସାକେଦତେ ଅକ ଜୀଦାନ୍ ଏମାକାଦ୍ବୁଆଏ, ଏନା ହରାତେ ଆବୁ ପାପ୍ ଆତଃ ଗନଏଃରେୟାଃ ଆନ୍ତୁହେତେ ରାଡ଼ାକାନାବୁ । ୩ ମାନଃରାଃ ସଭାବ୍ରେ ପେଡ଼େଃ ବାନଃ ହରାତେ ମୁଣା ନାବା ଏମାକାଦ୍ ଆନ୍ତୁକେ ମାନାତିଙ୍ଗ୍ କାଏ ଦାଡ଼ିକେନା, ଏନାକେ ପାର୍ମେଶ୍ୱାର୍ ରିକାକେଦାଏ । ମାନଃ ଜୀଦାନ୍ରେ ପାପ୍ରେକେ ଜିୟନେ ନାଗେନ୍ତେ ଇନିଃ ଆୟାଃ ହନ୍କେ ପାପି ମାନଃ ଲେକାଏ କୁଲ୍କିୟା ଆତଃ ଖ୍ରୀଷ୍ଟ୍ ଯୀଶୁ ପାପ୍ରେୟାଃ ପେଡ଼େଃକେ ଜିୟନ୍କେଦା । ୪ ଏନାମେନ୍ତେ ନାହିଁଃ ଆବୁ ମାନଃ ସଭାବ୍ରେୟାଃ ଆକ୍ତେୟାଠ୍ରେକେ କା ତାଇନ୍କେଦତେ ପାବିତାର୍ ଆମ୍ବାରେୟାଃ ହରାତେବୁ ସେସେନ୍ତାନା ଆତଃ ନେଆଁ ହରାତେ ଆବୁ ଆନ୍ତୁରେୟାଃ ଧାର୍ମାନ୍ ହାଟିବୁ ପୁରାକାଦା । ୫ ଅକନ୍ ହଡ଼କ ମାନଃ ସଭାବ୍ ଲେକା ଜୀଦାନ୍କ ବିତାଅଥାଃ, ଇନ୍କୁଆଃ ମନ୍ ଉଡ଼ଷୁକ, ଏନ୍ ସଭାବ୍ ଲେକାଗି କାମିଇଚିକଆ । ମେନ୍ଦ୍ ଅକନ୍ ହଡ଼କ ପାବିତାର୍ ଆମ୍ବାରାଃ କାଜି ଲେକା କାମିୟାଃକ, ଇନ୍କୁଆଃ ମନ୍ରାଃ ଉଡ଼ଷୁ ପାବିତାର୍ ଆମ୍ବାରାଃ ସାନାଙ୍ଗ୍ ଲେକା ତାଇନାଃ । ୬ ତିୟାଃତି ମନ୍, ମାନଃ ସଭାବ୍ରେୟାଃ ଆକ୍ତେୟାଠ୍ରେକେ ତାଇନଃରେଦ୍, ଏନାରେୟାଃ ନାଲା ଗନଏଃ ନାମଃଆ, ଆତଃ ପାବିତାର୍ ଆମ୍ବାରେୟାଃ ଆକ୍ତେୟାଠ୍ରେକେ ତାଇନଃରେଦ୍ ଏନାରେୟାଃ ନାଲା ଜୀଦାନ୍ ଆତଃ ଜୀଉସୁକୁ ନାମଃଆ । ୭ ଆତଃ ମନ୍, ମାନଃ ସଭାବ୍ରେୟାଃ ଆକ୍ତେୟାଠ୍ରେକେ ତାଇନଃ ହରାତେ ହଡ଼ ପାର୍ମେଶ୍ୱାର୍ଆଃ ବାଇରି ହବାଅଥାଏ, ତିୟାଃତି ଇନିଃ ପାର୍ମେଶ୍ୱାର୍ଆଃ ଆନ୍ତୁ କାଏ ମାନାତିୟାଃ ଆତଃ ଇନିଃ ଏନାକେ କାଏ ମାନାତିଙ୍ଗ୍ ଦାଡ଼ିୟା । ୮ ଅକନ୍ ହଡ଼କ ମାନଃ ସଭାବ୍ ଲେକାତେ କାମିୟାଃକ, ଇନ୍କୁ ପାର୍ମେଶ୍ୱାର୍ରେକେ କାକ ସୁକୁଇଚି ଦାଡ଼ିୟା ।

୯ ପାର୍ମେଶ୍ୱାର୍ଆଃ ପାବିତାର୍ ଆମ୍ବା ସାର୍ତିଗି ଆପେରେ ମେନାଇରେଦ୍, ଆପେ ମାନଃ ସଭାବ୍ ଲେକାତେ ଜୀଦାନ୍ କାପେ ବିତାଅ ତାନା, ମେନ୍ଦ୍ ଜୀଦାନ୍ରେ ପାବିତାର୍ ଆମ୍ବାରାଃ ଆନାବୁପେ ମାନାତିଙ୍ଗ୍ ତାନା । ଖ୍ରୀଷ୍ଟ୍ଆଃ ଆମ୍ବା ଜେତାଏତାଃରେ ବାଙ୍ଗାଇୟା, ଇନିଃ ତିଉଲାଅ ଆୟାଃ ହଡ଼ କାଏ ହବା ଦାଡ଼ିୟାଆ । ୧୦ ମେନ୍ଦ୍ ଖ୍ରୀଷ୍ଟ୍ ଆପେରେ ମେନାଇରେଦ୍, ଆପେୟାଃ ହଡ଼ମ ପାପ୍ ନାଗେନ୍ତେ ଜିୟନଃତେ ସେନଃତାନ୍ରେୟ, ପାବିତାର୍ ଆମ୍ବା ଆପେକେ ଜୀଦାନ୍ ଏମାପେୟାଏ, ତିୟାଃତି ଆପେ ପାର୍ମେଶ୍ୱାର୍ଆଃ ଆୟାଠ୍ରେକେ ଧାର୍ମାନ୍ ଲେକାପେ ହବାକାନା । ୧୧ ଯୀଶୁକେ ଗନଏଃହେତେ ଜୀଉ ବିଦିଦାକାଇ ପାର୍ମେଶ୍ୱାର୍ଆଃ ଆମ୍ବା ଆପେରେ ମେନାଃରେଦ୍, ଗନଏଃକଏତେ ଖ୍ରୀଷ୍ଟ୍ ଯୀଶୁକେ

☆ ୮:୧୧ ୧ କରିଲିୟ ୩:୧୭.

ଜାତବିରିଦ୍‌କାଈ ପାର୍‌ମେଶ୍ୱାର୍, ଆପେତାଃରେ ତାଜନଃତାନ୍ ଆୟାଃ ଆପ୍‌ନାଃ ଆମ୍ବା ହବାତେ ଆପେୟାଃ ଗଜଃ ହତ୍‌ମକେହରି ଜାଦାନ୍ ଏମେୟାଃ ।

୧୭ ଏନାତେ, ହେ ହାଗା ମିଶିକ, ଆବୁ ରିଶୀକାନାବୁ, ମେନ୍‌ଦ ଆବୁଆଃ କାମି ହବାଅଃତାନା, ମାନଃ ସଭାବ୍ ଲେକାତେ ଜାଦାନ୍ କାବୁ ବିତାଅୟା । ୧୮ ଚିୟାଃତି ଆପେ ମାନଃ ସଭାବ୍ ଲେକାତେ ଜାଦାନ୍ ବିତାଅଲେରେ ଆପେୟାଃ ଗନଏଃ ହବାଅଃଆ, ମେନ୍‌ଦ ପାବିତାର୍ ଆମ୍ବାରେୟାଃ ଦେଙ୍ଗାତେ ଆପେୟାଃ ପାପ୍‌ରେୟାଃ କାମିକ ବାଗିକେଦ୍‌ତେ ଆତଃ ପାପ୍ କାମି କାପେ ରିକାଏରେଦ୍ ଆପେ ଜୀହୁଦଃଆପେ । ୧୯ ଅକନ୍ ହତ୍‌ମ ପାର୍‌ମେଶ୍ୱାର୍‌ଆଃ ଆମ୍ବାତେ ସୁତୁଃଜଦିୟଃଆକ, ଜନ୍‌କୁ ପାର୍‌ମେଶ୍ୱାର୍‌ଆଃ ହନ୍‌କ ତାନ୍‌କ । ୨୦ ଚିୟାଃତି ପାର୍‌ମେଶ୍ୱାର୍ ଏମାକାଦ୍ ଏନ୍ ଆମ୍ବା ଆପେକେ ଦାସିହେତେ ରାଡ଼ାକାଦ୍‌ପେୟା, ଆପେକେ ଆତଃ ବର କା ଲାଗାତିଙ୍ଗୟାଃ । ମେନ୍‌ଦ ପାବିତାର୍ ଆମ୍ବା ଆପେକେ ପାର୍‌ମେଶ୍ୱାର୍‌ଆଃ ହନ୍ ହବାଅଃ ନାଗେନ୍ତେ ସୁୟୋଗ୍ ଏମାକାଦ୍‌ପେୟାଏ । ଆୟାଃ ପେଡ଼ଃ ଆର୍‌କାର୍‌କେଦ୍‌ତେ ଆବୁ ନାହାଃ ପାର୍‌ମେଶ୍ୱାର୍‌କେ “ଆବା” ମେନ୍ତେବୁ କାଜି ଦାଡ଼ିତାନା । ୨୧ ପାର୍‌ମେଶ୍ୱାର୍‌ଆଃ ଆମ୍ବା ଆଜଃକରି ଆବୁଆଃ ମନ୍‌ସୁରୁଦ୍‌ଲଃ ମେସାକେଦ୍‌ତେ ଆବୁକେ ପାର୍‌ମେଶ୍ୱାର୍‌ଆଃ ହନ୍‌ତାନ୍‌ପେ ମେନ୍ତେ ଉଦ୍‌ବେତାନା । ୨୨ ଆବୁ ପାର୍‌ମେଶ୍ୱାର୍‌ଆଃ ହନ୍‌ତାନ୍‌ବୁ ମେନ୍ତେ, ଆୟାଃ ହତ୍‌କଆଃ ନାଗେନ୍ତେ ଦହକାନ୍ ଆଶିଷ୍‌ରେ ଆବୁ ହିସାବୁ ନାମେୟା । ଆତଃ ଶ୍ରୀଷ୍ଟ ନାଗେନ୍ତେ ପାର୍‌ମେଶ୍ୱାର୍ ଅକ୍‌ନାଃ ଦହକାଦାଏ, ଏନାରେୟା ଆବୁ ହିସାବୁ ନାମେୟା । ଆବୁ ଯୀଶୁଆଃ ଦୁକୁରେ ହିସାବୁ ନାମାକାଦ୍‌ରେଦ୍, ଆୟାଃ ମାନାଗାଙ୍ଗ୍‌ରେୟା ହିସାବୁ ନାମେୟା ।

ହିନିକ୍‌ଠୁ ଦିପିଲିରେୟାଃ ମାନାଗାଙ୍ଗ୍

୨୩ ଆବୁ ଅକ ମାନାଗାଙ୍ଗ୍‌ରେୟାଃ ହିନିକ୍‌ଠୁ ଦିପିଲିରେ ବଲଆବୁ, ଏନାରେୟାଃ ଜକାରେ ନାହାଃରେୟାଃ ଦୁକୁହାସ୍ ଜେଡ଼ନାଃ ନାହାଃଲାଃ । ଏନ୍ ଦିପିଲିରେ ପାର୍‌ମେଶ୍ୱାର୍ ଆୟାଃ ହନ୍‌କକେ ଉଦ୍‌ବାକଆ । ୨୪ ସବେନ୍ ବାଜୟାକାନ୍‌ଡେୟାଃକ ପୁରାଃ ଆସ୍‌ବାଦାନ୍‌ଲଃ ପାର୍‌ମେଶ୍ୱାର୍‌ଆଃ ହନ୍‌କଆଃ ଉନ୍‌ଦୁଦ୍ ଦିପିଲିକେ ନେଲ୍ ହରାଏତାନା । ୨୫ ଚିୟାଃତି ପାର୍‌ମେଶ୍ୱାର୍ ବାଜୟାକାନ୍‌ଡେୟାଃ ଆୟାଃ ହବାତେ ପାର୍‌ପାଅୟାନ୍‌ଲଃ ଏନାରେୟାଃ ଉକେଶ୍ ଆଦ୍‌ୟାନା, ଏନ୍‌ରେୟ ଏନାରେୟାଃ ଆସ୍ବା ମେନାଃ ୨୬ ଯେ, ମୁସିଙ୍ଗ୍ ହୁଲାଙ୍ଗ୍ ପାର୍‌ମେଶ୍ୱାର୍‌ଆଃ ହନ୍‌କଆଃ ମାନାଗାଙ୍ଗ୍‌ରେ ହିସା ହବାକେଦ୍‌ତେ, ବାଜୟାକାନ୍‌ଡେୟାଃ ଜିୟନଃରେୟାଃ ଦାସିହେତେ ରାଡ଼ାଅଆ । ୨୭ ଚିଆଃତି ଆବୁ ସାରିତାନାବୁ, ନାହାଃ ଜାକେଦ୍ ସବେନ୍ ବାଜୟାକାନ୍‌ଡେୟାଃ ହନ୍ ଜାନାମାଃ ଜମତାରେୟାଃ ଦୁକୁ ନାମେ ଲେକା ଦୁକୁଡ଼ାନ୍‌ଲଃ ରାଆଃଗେରାଙ୍ଗ୍‌ଆ ତାନା । ୨୮ ବାଜୟାକାନ୍‌ଡେୟାଃ ଏସକାର୍ କାଏ ରାଆଃଗେରାଙ୍ଗ୍ ତାନା, ମେନ୍‌ଦ ଆବୁହରି ଏନ୍‌ଲେକା ରାଆଃଗେରାଙ୍ଗ୍ ତାନ୍‌ଲଃ ମେନାବୁଆ । ପାର୍‌ମେଶ୍ୱାର୍‌ଆଃ ଦାହିଲା ଦାନ୍ ଲେକା ପାବିତାର୍ ଆମ୍ବାକେବୁ ନାମକିୟା । ଏନ୍‌ରେୟ ପାର୍‌ମେଶ୍ୱାର୍‌ଆଃ ହନ୍‌କ ବାଜୟାକାବୁ ଆତଃ ପୁରା ରାଡ଼ାଅ ନାମେକାବୁ ମେନ୍ତେ ଆବୁହରି ତାଙ୍ଗିତାନାବୁ । ୨୯ ଚିୟାଃତି ଆସ୍ବା ଦହ ହବାତେରି ଆବୁ ବାସ୍ତାଅ ନାମାଃବୁ । ମେନ୍‌ଦ ଅକ୍‌ନାଃ ନେଲଃତାନା, ଏନା ନାଗେନ୍ତେ ଆସ୍ବା ଦହଃଡେୟାଃ ସାର୍‌ତି ଆସ୍ବା ନାହାଃଲାଃ । ଜେତାଏ ଚିନଃ ନେଲଃତାନ୍ ବିଷାଏ ନାଗେନ୍ତେ ଆସ୍ବାଏଆ ? ୩୦ ମେନ୍‌ଦ ଆବୁ କା ନେଲଃତାନ୍ ବିଷାଏ ନାଗେନ୍ତେବୁ ଆସ୍ବାଏ ରେଦ୍, ଆବୁକେ ଧିରାଜ୍ ସାବକେଦ୍‌ତେ ତାଙ୍ଗି ଲାଗାତିଙ୍ଗୟାଃ ।

୩୧ ଏନ୍‌ଲେକାରି ଆବୁ ନାରାବୁରାଗିୟାବୁ ମେନ୍‌ଦ ପାବିତାର୍ ଆମ୍ବା ଆବୁକେ ଦେଙ୍ଗାଏଃ । ଚିଲ୍‌କା ବିକ୍ତି ରିକା ଲାଗାତିଙ୍ଗୟାଃ, ଏନା ଆବୁ କାବୁ ସାରିୟାଃ । ଏନାମେନ୍ତେ ପାବିତାର୍ ଆମ୍ବା ଆବୁଆଃ କା କାଜିୟଃତାନ୍ କାଜିରେ ଆବୁ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିକ୍ତି ତାନା । ୩୨ ପାର୍‌ମେଶ୍ୱାର୍‌ଦ୍ ଆବୁଆଃ ମନ୍‌ସୁରୁଦ୍‌କେ ସାରିୟାଃଏ, ଚିୟାଃତି ଜନିଃଦ୍ ସବେନାଃ ସାରିନିଃ ତାନିଃ ଆତଃ ପାବିତାର୍ ଆମ୍ବା ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକାତେ ଆୟାଃ ହତ୍‌କ ନାଗେନ୍ତେ ବିକ୍ତି ତାନା ।

୩୩ ଆବୁ ସାରିତାନାବୁ ଯେ, ଅକନ୍‌କ ପାର୍‌ମେଶ୍ୱାର୍‌ଆଃ ଇଛା ସାନାଙ୍ଗ୍‌କେ ପୁରାଏ ନାଗେନ୍ତେକ କେଡ଼ାକାନା ଆତଃ ପାର୍‌ମେଶ୍ୱାର୍‌କେ ଦୁଲ୍‌ଡ଼ାଃକ, ଜନ୍‌କୁ ନାଗେନ୍ତେ ସବେନାଃ ବୁଗିନ୍‌ଗି ହବାଅଃଆ । ୩୪ ଅକନ୍‌କକେ ପାର୍‌ମେଶ୍ୱାର୍ ସିଦାରେଗି ସାଲାକାଦ୍‌କଆ, ଜନ୍‌କୁକେ ଆୟାଃ ହନ୍‌ଆଃ ଲେକା ହବାଅଃ ନାଗେନ୍ତେ ସାଲାକାଦ୍‌କଆ, ଏନାତେ ପାର୍‌ମେଶ୍ୱାର୍‌ଆଃ ହନ୍ ପୁରାଃ ହାଗା ମିଶିକଏତେ ମୁଡ଼କୁଲ୍ ହନ୍ ହବାଅଃଆଏ । ୩୫ ଆତଃ ଅକନ୍‌କ ନେଲେକା ସାଲାକେଦ୍‌ତେ କେଡ଼ାକାନାକ, ଜନ୍‌କୁ ପାର୍‌ମେଶ୍ୱାର୍‌ଆଃ ଆୟାଃରେ ଧାର୍‌ମାନ୍ ଲେକା ହବାକେଦ୍‌ତେ ଜନିଃ ଆୟାଃ ମାନାଗାଙ୍ଗ୍‌କେ ଜନ୍‌କୁତାଃରେ ଉଦ୍‌ବ୍‌କାଦା ।

ପାର୍‌ମେଶ୍ୱାର୍‌ଆଃ ଦୁଲ୍‌ଡ଼ା

* ୮:୧୫ ୮:୧୫ ମାର୍‌କ୍ ୧୪:୩୬; ଗାଲତିୟ ୪:୬. * ୮:୨୩ ୮:୨୩ ୨ କରିନ୍ଥ୍‌ୟ ୫:୨-୪.

୩୧ ଏନାତେ, ନେ ସବେନ୍ ବିଷାଏରେ ଆତଃ ଚିନାଃକୁ କାଜିୟା ? ପାର୍ମେଶ୍ୱାର୍ ଆବୁଲଃ ମେନାଇରେଦ ଅକଏ ଆବୁଆଃ ବିରୁଧରେ ହବା ଦାଡ଼ିୟଃଆ ? ୩୨ ପାର୍ମେଶ୍ୱାର୍ ଆବୁଆଃ ବିରୁଧରେ କାଏ ହବାଅଃଆ, ଚିୟାଃଚି ଇନିଃ ଆୟାଃ ଆପ୍ତନାଃ ହନ୍କେହଚି କା ବାଞ୍ଛାଅକେଦତେ ଆବୁ ନାଗେନ୍ତେ ଦାନ୍ ଏମ୍ବିକିୟାଏ । ଏନ୍ରେଦ, ଇନିଃ ଚିନାଃ ଆବୁକେ ସବେନ୍ ବିଷାଏ କାଏ ଏମାରୁଆ ? ୩୩ ପାର୍ମେଶ୍ୱାର୍ଆଃ ସାଲକାନ୍ ହଡ଼କଆଃ ବିରୁଧରେ ଅକଏ ଚିଟା ଦାଡ଼ିକଆଏ ? ଇନ୍କୁକେ ବେଗାର୍ ଗୁହ୍ନାଁ ମେନ୍ତେ ପାର୍ମେଶ୍ୱାର୍ ଆଇଃକ୍ତି କାଜିକାଦା । ୩୪ ତାବ୍ଦ ଅକଏ ଇନ୍କୁକେ ସାଜାଇ ଏମ୍ ଦାଡ଼ିୟାଏ ? ଯୀଶୁ ଖ୍ରୀଷ୍ଟ ଚିଉଲହ ଏନ୍କା କାଏ ରିକାୟା, ଚିୟାଃଚି ଇନିଃ ଗନଏଃହେତେ ଜୀଉବିରିଦ୍ କେଦତେ ପାର୍ମେଶ୍ୱାର୍ଆଃ ଜମ୍ପାଃରେ ଦୁବାକାନା । ଇନିଃହ ଆବୁ ନାଗେନ୍ତେ ପାର୍ମେଶ୍ୱାର୍ତଃଠାରେ ବିକ୍ତିତାନା । ୩୫ ତାବ୍ଦ ଅକଏ ଆବୁକେ ଖ୍ରୀଷ୍ଟଆଃ ଦୁଲ୍ଲାଡ଼ହେତେ ବିନ୍ଗାଅ ଦାଡ଼ିୟା ? ଦୁକ୍ତ, ହାସ୍ତ, ସାସାତି, ରିଙ୍ଗା, ନାରାଦୁରା, ବରଝାନେତେ, ଆତଃ ଗନଏଃ ଚିନାଃ ବିନ୍ଗାଅ ଦାଡ଼ିୟା ? ୩୬ ଧାରାମ୍ପୁଥିରେ ଅଲକାନା, “ଆପେ ନାଗେନ୍ତେ ଆଲେ ସବେନ୍ ହୁଲକାଙ୍ଗ ଗନଏଃରେୟାଃ ଆୟାଃରେ ମେନାଲେୟା, ଆଲେ ମାଆଃ ନାଗେନ୍ତେ ଇଦିୟଃତାନ୍ ମିଣ୍ଡି ଲେକାଲେ ହବାକାନା ।”

୩୭ ଏନ୍ରେୟ, ଅକଏ ଆବୁକେ ଦୁଲ୍ଲାଡ଼, ତାନାଏ, ଇନିୟାଃ ଦେଙ୍ଗାତେ ଆବୁ ନେ ସବେନାଃରେ ଜିତାଅ କାନାରୁ । ୩୮ ଆଇଙ୍ଗ୍ ସାର୍ଡିରିଙ୍ଗ୍ ସାରିତାନା ଯେ ଆୟାଃ ଦୁଲ୍ଲାଡ଼, ହରାତେ ଆବୁ ଚିଉଲହ କାରୁ ବିନ୍ଗାଅଃଆ । ଗନଏଃ ଚାଏ ଜୀଦାନ୍, ଦୁଁଡ଼କ ଚାଏ ସିମା ରାଇଜ୍ରେୟାଃ ଜେତାନ୍ ପେଡ଼େଃ ଚାଏ ଆକ୍ତେୟାର୍ ନାମାକାଦ୍ତେୟାଃ, ନାହାଁଃ ଚାଏ ହିଜୁଃ ଦିପିଲି, ୩୯ ଅତେ ଚେତାନ୍ରେ ଚାଏ ଅତେ ଲାତାରରେ ଜେତାନ୍ ବିଷାଏ ଆତଃ ସବେନ୍ ବାଇୟାକାନ୍ତେୟାଃରେ ନେ ଲେକାନ୍ ଜେତାନ୍ ବିଷାଏ ବାନଃଆ, ଅକନାଃଚି ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ଉନ୍ନୁଦୁବକାନ୍ ପାର୍ମେଶ୍ୱାର୍ଆଃ ଏନ୍ ଦୁଲ୍ଲାଡ଼ହେତେ ଆବୁକେ ବିନ୍ଗାଅ ଦାଡ଼ିୟା ।



ପାର୍ମେଶ୍ୱାର୍ ଆତଃ ଆୟାଃ ହଡ଼କ

୧ ଆଇଙ୍ଗ୍ ସାର୍ଡିରିଙ୍ଗ୍ କାଜିତାନା, ଆଇଙ୍ଗ୍ ଖ୍ରୀଷ୍ଟଆଃ ହବାକାନ୍ ହରାତେ କାଇଙ୍ଗ୍ ବେଦାତାନା । ଆଇଁୟାଃ ବିବେକ ପାବିତାର୍ ଆମ୍ପାରାଃ ଆକ୍ତେୟାର୍ତେ ଗାଝାଏ ଏମେତାନା । ୨ ଆଇଁୟାଃ ପୁରାଃଚି ଦୁକୁ ମେନାଃ, ଚିମିନ୍ଦ୍ରି କା ଟୁଣ୍ଡୁ ହାସ୍ତକ ଆଇଁୟାଃ ମନ୍ସୁରୁଦ୍ରେ ମେନାଃ । ୩ ଚିଆଃଚି ଅକନକ ହଡ଼ମଲେକାତେ ଆଇଁୟାଃ ଆପ୍ତନାଃ ତାନ୍କୁ, ନେଲେକାଚି ଆଇଁୟାଃ ହାଗା ମିଶିକ ନାଗେନ୍ତେ ଆଇଙ୍ଗ୍ଚି ଖ୍ରୀଷ୍ଟତାଃଏତେ ହିଗାଡ଼କେଦତେ ପାର୍ମେଶ୍ୱାର୍ଆଃ ହରାତେ ସାର୍ପାଆଃ ନାଙ୍ଗ୍ ସାନାଙ୍ଗ୍କେଦାଇଙ୍ଗ୍ । ୪ ଚିୟାଃଚି ଇନ୍କୁଦ ଇସ୍ରାଏଲ୍ରେନ୍ ହଡ଼କତାନ୍କ । ପାର୍ମେଶ୍ୱାର୍ ଇନ୍କୁକେ ଆୟାଃ ଆପ୍ତନାଃ ହନ୍ ଲେକା ବାଇକେଦତେ ଇନ୍କୁତାଃରେ ଆପ୍ତନାଃ ମାନାରାଙ୍ଗ୍ ଉଦୁବକାଦ୍ ତାଇକେନାଏ, ଇନ୍କୁଲଃ ଆୟାଃ ରାଜିନାମା ତଲକେଦତେ ଇନ୍କୁକେ ଆନ୍ରୁ ଏମାକାଦ୍ ତାଇକେନାଏ, ଇନ୍କୁ ସାର୍ଡିରି ସେଝାଃକ, ଆତଃ ପାର୍ମେଶ୍ୱାର୍ତାଃଏତେ ବାନାର୍ସାକ ନାମାକାଦା । ୫ ଇନ୍କୁ ଆବୁଆଃ ପୁରାଃ ନୁତୁମଃତାନ୍ ଯିହୁଦୀ ପୁରାଃ ହଡ଼କଆଃ କିଲିରେନ୍ ତାନ୍କ ଆତଃ ଖ୍ରୀଷ୍ଟ ଇନ୍କୁଆଃ କିଲିରେନ୍ଚି ତାନିଃ । ସବେନାଃ ରାଇଜେତାନ୍ ପାର୍ମେଶ୍ୱାର୍ଆଃ ସାହାରାଅ ଜାନାଅ ଜାନାଅ ହବାଅଃକା, ଆମେନ୍ ।

୬ ପାର୍ମେଶ୍ୱାର୍ଆଃ ବାନାର୍ସା କା ପୁରାକାନା ମେନ୍ତେଦ ଆଇଙ୍ଗ୍ କାଇଙ୍ଗ୍ କାଜିତାନା, ଚିୟାଃଚି ସବେନ୍ ଇସ୍ରାଏଲ୍କଦ ପାର୍ମେଶ୍ୱାର୍ଆଃ ହଡ଼କ ନାହାଁଲାଇ । ୭ ଚାଏ ଆବ୍ରାହାମ୍ଆଃ କିଲିରେନ୍ ସବେନ୍କ ପାର୍ମେଶ୍ୱାର୍ଆଃ ହନ୍କ ନାହାଁଲାଇ । ପାର୍ମେଶ୍ୱାର୍ ଆବ୍ରାହାମ୍କେ କାଜିକାଇ ତାଇକେନା, “ଆମାଃ ଅକନ୍ କିଲିକ ବିଷାଏରେ ଆଇଙ୍ଗ୍ ବାନାର୍ସା ଏମାକାଦ୍ ତାଇକେନାଇଙ୍ଗ୍, ଇନ୍କୁ ଇସ୍ରାଏଲ୍ଆଃ ହରାତେ ହିଜୁଃଆକ ।” ୮ ନେଆଁରାଃ ମୁଣ୍ଡି ହବାଅଃତାନା, ହଡ଼ ହନ୍କ ଜାନାମ୍ଏତେ ଏସ୍କାର୍ ପାର୍ମେଶ୍ୱାର୍ଆଃ ହନ୍କ କାକ ହବାଅଃଆ । ପାର୍ମେଶ୍ୱାର୍ଆଃ ବାନାର୍ସାଃ ଲେକାତେ ଜାନାମାକାନ୍ ହନ୍କ ପାର୍ମେଶ୍ୱାର୍ଆଃ ନେପେଲ୍ରେ ସାର୍ଡି ହନ୍କ ମେନ୍ତେକ କାଜିୟଃଆ । ୯ ଚିୟାଃଚି ପାର୍ମେଶ୍ୱାର୍ ନେ ବାନାର୍ସା ଏମାକାଦ୍ ତାଇକେନାଏ, “ଠାଉକାନ୍ ଦିପିଲି ହିଜୁଃରେ ଆଇଙ୍ଗ୍ ହିଜୁଃରୁହାଡ଼ାଇଙ୍ଗ୍ ଇମ୍ତା ସାରା ଏଙ୍ଗା ହବାକାନ୍ଚିଆଃଏ ।”

୧୦ ଇମ୍ନାଙ୍ଗ୍ ଏସ୍କାର୍ କାହାଗି, ଆବୁଆଃ ପୁରାଃ ହଡ଼ ଇସ୍ରାଏଲ୍ତାଃଏତେ ରିବ୍କାରାଃ ବାରିଆ ହନ୍ ହବାକାନ୍ ତାଇକେନାକିନ୍ । ୧୧ ଇନ୍କିନ୍ ଜାନାମ୍ ସିଦାରେ ଆତଃ ଇନ୍କିନ୍ ବୁଗିନ୍ ଚାଏ ଏଡ଼କାନ୍ ଜେଡ଼ନାଃ କାକିନ୍ ରିକାକାଦ୍ ତାଇକେନ୍ ସିଦାରେ ପାର୍ମେଶ୍ୱାର୍ ନେଆଁଏ କାଜିକାଦ୍ ତାଇକେନା । ଏନାତେ ଇନ୍କିନାଃ କାମି ହରାତେ ଏସ୍କାର୍ କାହାଗି ମେନ୍ଦ୍ ପାର୍ମେଶ୍ୱାର୍ଆଃ କେନେଡ଼ା ହରାତେ

ଇନ୍କିନି ସାଲାୟାନାକିନ୍ । ୧୨ ନେ ବାରାନ୍‌କିନାଃ ଭିତାରରେ ମିହୁଡ଼ ପାର୍‌ମେଶ୍‌ବରୁଆଃ ଉଦେଶ୍ ରିକା ନାଗେନ୍ତେ ସାଲାୟାନା । ରିବକାକେ ପାର୍‌ମେଶ୍‌ବରୁ କାଜିକିୟାଏ, “ମାରାଙ୍ଗ୍ ହନ୍ ହୁଡ଼ିଙ୍ଗ୍ ହନ୍‌ଆଃ ସେଞ୍ଜାନିଃ ହବଅଃଆଏ ।” ୧୩ ଧାରାମ୍‌ପୁଅ୍ କାଜି ଲେକାତେ, “ଆଇଙ୍ଗ୍ ଯାକ୍‌ବକେ ଦୁଲାଡ଼କିୟାଇଙ୍ଗ୍ ମେନ୍‌ଦ ଏଷୌକେ ହିଲାଙ୍ଗ୍‌କିୟାଇଙ୍ଗ୍ ।”

୧୪ ଏନ୍‌ରେଦ ତିନାଃରୁ କାଜିୟା, ପାର୍‌ମେଶ୍‌ବରୁ ତିନାଃ ନ୍ୟାୟ କାଏ ରିକାଃଡି ? କାହାରି, ଏନ୍‌କାଦ ଆଲକା ହବଅଃଆକା । ୧୫ ଚିୟାଃଡି ଇନିଃଦ ମୁଣାକେ କାଜିକାଲ ତାଇକେନା, “ଆଇଁୟାଃ ଇଛାସାନାଙ୍ଗ୍‌ଲେକା ଆଇଙ୍ଗ୍ ଅକଏକେ ସାଲାଃଇଙ୍ଗ୍ ଇନିଃକେ ସାୟାଦ୍ ଏମାଃଇଙ୍ଗ୍, ଆତଃ ଅକଏକେ ସାନାଙ୍ଗ୍‌ଇଙ୍ଗ୍ ଇନିଃକେ ଦାୟା ରିକାଃଇଙ୍ଗ୍ ।” ୧୬ ଏନାମେନ୍ତେ ସବେନ୍ ବିଷାଏ ପାର୍‌ମେଶ୍‌ବରୁଆଃ ଲିନିବୁଇ ହରାତେ ପୁରାଅଃଆ । ମାନଞ୍ଜାରାଃ ସାନାଙ୍ଗ୍ ଚାଏ କାମି ତେତାନ୍‌ରେ କାହାରି । ୧୭ ଧାରାମ୍‌ପୁଅ୍‌ରେ ଅଲ୍ଲାକାନ୍ ଲେକାତେ, ପାର୍‌ମେଶ୍‌ବରୁ ମିସାର ଦିଶୁମ୍‌ରେନ୍ ଫାରେ ରାଜାକେ କାଜିକାଲ ତାଇକେନା, “ଆମାଃ ହରାତେ ଆଇଁୟାଃ ପେଡ଼େଃ ଉଦୁବେ ନାଗେନ୍ତେ ଆତଃ ଗଟା ଅତେଦିଶୁମ୍‌ରେ ଆଇଁୟାଃ ନୁଡ଼ୁମରାଃ ମାନାରାଙ୍ଗ୍ ଉଦୁବେ ନାଗେନ୍ତେ ଆଇଙ୍ଗ୍ ଆମକେ ରାଜା ବାଇୟାକାଦ୍ ମେଁଆଇଙ୍ଗ୍ ।” ୧୮ ଏନାମେନ୍ତେ, ପାର୍‌ମେଶ୍‌ବରୁ ଆୟାଃ ଇଛାସାନାଙ୍ଗ୍ ଲେକାତେ ଇନିଃ ଅକଏକେ ଦାୟାକଆଏ ଆତଃ ଅକଏକେ କେଟେଦ୍ ମନ୍ ହବଅଃ ନାଗେନ୍ତେ ବାଗିତାକଆ ।

ପାର୍‌ମେଶ୍‌ବରୁଆଃ ଖୁସ୍ ଆତଃ ଲିନିବୁଇ

୧୯ ଆପେକଏତେ ଜେତାଏ ଆଇଙ୍ଗ୍‌କେ କାଜି ଦାଡ଼ିୟାଏ, “ତାବ୍‌ଦ ପାର୍‌ମେଶ୍‌ବରୁ ତିନାଃ ମେନ୍ତେ ଜେତାଏକେ ଚିଟାଈୟା ? ଜେତାଏ ତିନାଃ ପାର୍‌ମେଶ୍‌ବରୁଆଃ ବିରୁଧରେ ଜେଡ଼ନାଃ ରିକା ଦାଡ଼ିୟାଏ ?” ୨୦ ମେନ୍‌ଦ ହେ ହାଗା ମିଶିକ, ପାର୍‌ମେଶ୍‌ବରୁଆଃ କାଜିରେ କାଜିକଟଙ୍ଗିନିଃ ଆମ୍ ଅକଏ ତାନ୍‌ମେ ? “ଆଇଙ୍ଗ୍‌କେ ନେଲେକା ତିନାଃମେନ୍ତେମ୍ ବାଇକିଦିୟା ?” ମେନ୍ତେ ହାସାରେୟାଃ ଚାଟୁ, କୁମ୍‌ବରକେ କାଏ କୁଲି ଦାଡ଼ିୟା । ୨୧ ହାସାକେ ଆପ୍‌ନାଃ ସାନାଙ୍ଗ୍ ଲେକା ସିପୁଦକେଦ୍‌ତେ ଚାଟୁ ବାଇ ନାଗେନ୍ତେ କୁମ୍‌ବରାଃ ପୁରା ଆକ୍‌ତେୟାନ୍ ମେନାଃ । ଏନ୍ ମିଦ୍ ସାମାନ୍ ତିଶୁହା ହାସାଏତେ ଇନିଃ ବାରୁ ରାକାମରାଃ ଚାଟୁ ବାଇ ଦାଡ଼ିୟାଏ, ମିଆଁଦ୍ ବିଶେଷ୍ ହୁଲାଙ୍ଗ୍‌କରେ ଆତଃମିଆଁଦ୍ ସବେନ୍ ହୁଲାଙ୍ଗ୍‌ରେୟାଃ କାମିରେ ବାଉରାଅ ନାଗେନ୍ତେ ବାଇୟାକାନା ।

୨୨ ଆତଃ ପାର୍‌ମେଶ୍‌ବରୁଁ ଏନ୍‌ଲେକାଗି ରିକାକାଦା । ଇନିଃ ଆୟାଃ ଖୁସ୍‌କେ ଆତଃ ପେଡ଼େଃକେ ଉଦୁବ୍ ସାନାଙ୍ଗ୍ ତାଇକେନାଏ । ମେନ୍‌ଦ୍ ଅକନ୍‌କ ଆୟାଃ ଖୁସ୍‌ଆଃ ଲେକା ହବାକେଦ୍‌ତେ ଜିୟନାଃ ଲାଗାଡିୟାଃ ତାଇକେନାକ, ଇନ୍‌କୁ ନାଗେନ୍ତେ ପାର୍‌ମେଶ୍‌ବରୁ ପୁରାଃଗି ଧୁରାଜ୍ ସାବ୍‌କେଦ୍‌ତେ ସାହାଡିଙ୍ଗ୍ କେଦା । ୨୩ ଆତଃ ଇନିଃ ଆୟାଃ ପୁରାଃ ମାନାରାଙ୍ଗ୍ ଉଦୁବ୍ ନାଗେନ୍ତେ ଆବୁକେ ବିଶେଷ୍‌କେଦ୍‌ତେ ଆୟାଃ ସାୟାଦ୍‌ରେୟାଃ ଆଶିଷ୍ ନାମେ ନାଗେନ୍ତେ ସିଦାରେଗି ଆବୁକେ ବାଇୟାକାଦ୍‌ବୁଆ । ୨୪ ଇନିଃ ଯିହୁଦୀକଏତେ ଏସ୍‌କାରୁ କାହାରି ମେନ୍‌ଦ୍ ଗ୍ରୀକ୍ ହଡ଼କଏତେ ହରି ଆବୁକେ କେଡ଼ାକାଦ୍‌ବୁଆ । ୨୫ ନେ ବିଷାଏରେ ପାର୍‌ମେଶ୍‌ବରୁ ହୋଶେୟ ପୁଅ୍‌ରେ କାଜିକାଦା,

“ଅକନ୍‌କ ଆଇଁୟାଃ ହଡ଼ କାକ ତାଇକେନା,

ଇନ୍‌କୁକେ ଆଇଁୟାଃ ହଡ଼ ଲେକା କେଡ଼ାକଆଇଙ୍ଗ୍,

ଅକନ୍‌ ହଡ଼କକେ ଆଇଙ୍ଗ୍ କାଈଙ୍ଗ୍ ଦୁଲାଡ଼କାଦ୍‌କ ତାଇକେନା,

ଇନ୍‌କୁକେ ଆଇଁୟାଃ ଦୁଲାଡ଼କ ମେନ୍ତେଇଙ୍ଗ୍ କେଡ଼ାକଆ ।

୨୬ ଆତଃ ‘ଆପେ ଆଇଁୟାଃ ହଡ଼ ନାହାଁଲାପେ,’ ମେନ୍ତେ ଅକ ଠାୟାଦ୍‌ରେ ଇନ୍‌କୁକେ କାଜିକାନ୍ ତାଇକେନା, ଏନ୍ତାଃରେ ଇନ୍‌କୁ ଜାନିଦ୍ ପାର୍‌ମେଶ୍‌ବରୁଆଃ ହନ୍‌କ ମେନ୍ତେ କାଜିୟଃଆକ ।”

୨୭ ଆତଃ ଇସ୍ରାଏଲ୍ ହଡ଼କଆଃ ବିଷାଏରେ ଯିଶାୟ ନାବୀ କାଜିକାଦା, “ଇସ୍ରାଏଲ୍ ହଡ଼କ ଦରେୟାରେନ୍ ଗିଡିଲ୍ ଲେକା ତାଇନଃରେୟ, ଇନ୍‌କୁଏତେ କାରିଃଲେକା ହଡ଼କ ବାଞ୍ଛାଅକ ନାମେୟାଁ । ୨୮ ଚିୟାଃଡି ପ୍ରାଭୁ ଜାଲ୍‌ଦିଗି ଅତେଦିଶୁମ୍‌ରେ ପୁରା ନ୍ୟାୟ ବିଚାରୁ ରିକାଏୟାଏ ।” ୨୯ ଯିଶାୟ ନାବୀ ସିଦାରେଗି କାଜିକାଦା, “ସବେନାଃଏତେ ପେଡ଼େୟାନ୍ ପ୍ରାଭୁ ଆବୁଆଃ ଚିମିନ୍ କିଲିକକେ କାଏ ବାଞ୍ଛାଅ କାକରେଦ୍, ଆବୁଆଃ ଦାସା ସୋଦମ୍ ଆତଃ ଗମରାରେନ୍ ହଡ଼କ ଲେକା ହବାକାନ୍‌ତେୟାଃ ।”

ଇସ୍ରାଏଲ୍ ନାଗେନ୍ତେ ପାଉଲୁସ୍‌ଆଃ ବିନ୍ତି

୩୦ ଏନାମେନ୍ତେ ସାଆଁସାରୁ ହଡ଼କ ବିଷାଏରେ ନେଆଁ କାଜି ଦାଡ଼ିୟାବୁ, ଇନ୍‌କୁ ଧାର୍‌ମାନ୍ ହବାଅ ନାଗେନ୍ତେ କାକ ସାନାଙ୍ଗ୍ ତାଇକେନା, ମେନ୍‌ଦ୍ ଆକଆଃ ବିଶ୍ୱାସ୍ ହରାତେ ଇନ୍‌କୁ ଧାର୍‌ମାନ୍ ମେନ୍ତେକ କାଜିୟଃତାନା । ୩୧ ମେନ୍‌ଦ୍ ଇସ୍ରାଏଲ୍ ହଡ଼କ ଯିହୁଦୀକଆଃ ଆନ୍‌ଚୁ ହରାତେ ଧାର୍‌ମାନ୍ ହବାଅ ନାଙ୍ଗ୍

ସାନାଙ୍କକେଦତେ ହାରାଅକାନାକ । ୩୨ ନେଆଁରାଃ କାଜି ହବାଅଃତାନା, ଇନ୍କୁ ବିଶ୍ୱାସ୍ ତେତାନରେ କା ଆସ୍ତାକେଦତେ ଆକଆଃ ଆପ୍ତନାଃ କାମି ତେତାନରେ ଆସ୍ତାଏ ତାଇକେନାକ, ଏନାମେନ୍ତେ ଇନ୍କୁ “ତହଦଃ ଦିରିରେ” ତହଦଃୟାନାକ । ୩୩ ଧାରାମ୍ପୁଥ୍ରେ ଅଲ୍ଲାନାନ୍ ଲେକା,
 “ନେଲେପେ, ଆଇଙ୍ଗ୍ ସିୟୋନ୍‌ରେ ମିଆଁଦ୍ ତହଦଃ ଲେକାନ୍ ଦିରି
 ଆତଃ ମିଆଁଦ୍ ସେରେଙ୍ଗ୍ ବାଇୟାକାଦାଇଙ୍ଗ୍,
 ଏନାରେ ଇନ୍କୁକେଇଙ୍ଗ୍ ଉୟୁଃଇଚିକଆ ।
 ମେନ୍‌ଦ ଜେତାଏ ଇନିଃତାଃରେ ବିଶ୍ୱାସେନିଃ କାଏ ଗିହୁଗଃଆ ।”

୧୦

୧ ହେ ହାଗା ମିଗିକ, ଆଇଁୟାଃ ଆପ୍ତନାଃ ହଡ଼କ ଜୀଉବାସ୍ତାଅ ନାମେକାକ, ମେନ୍ତେ ଆଇଁୟାଃ ମନ୍‌ସୁରୁଦରେ ସାନାଙ୍କତାନାଇଙ୍ଗ୍ ଆତଃ ଆଇଙ୍ଗ୍ ପାର୍‌ମେଶ୍ୱାର୍‌ତାଃରେ ସବେନ୍ ଇମ୍‌ତାଇଙ୍ଗ୍ ବିନ୍ତିତାନା । ୨ ପାର୍‌ମେଶ୍ୱାର୍‌ଆଃ ବିଷାଏରେ ଇନ୍କୁଆଃ ପୁରାଃଗି ଚିହ୍ନୁଲ୍ଲାନାନ୍ ମେନାଃ, ଏନା ଆଇଙ୍ଗ୍ ଇନ୍କୁଆଃ ସାଃଏତେ ଗାଞ୍ଜା ଏମ୍‌ତାନାଇଙ୍ଗ୍, ମେନ୍‌ଦ ଇନ୍କୁଆଃ ଚିହ୍ନୁକେତେୟାଃ ସାର୍‌ତି ସେଣ୍‌ନ୍ ଲେକାତେ ନାହ୍‌ଲାଇଃ । ୩ ପାର୍‌ମେଶ୍ୱାର୍ ହଡ଼କକେ ଚିଲ୍‌କା ଆୟାଃଲଃ ଧାର୍‌ମାନ୍ ବାଇକଆଏ, ଏନା ଇନ୍କୁ କାକ ସାରିକାଦ୍ ତାଇକେନା ଆତଃ ଇନ୍କୁ ଧାର୍‌ମାନ୍ ହବାଅଃ ନାଗେନ୍ତେ ଆକଆଃ ଆପ୍ତନାଃ ଇଛାସାନାଙ୍ଗ୍ ଲେକା ରିକାକେଦାକ, ଏନାତେ ଇନ୍କୁ ଆପ୍ତନାକେ ପାର୍‌ମେଶ୍ୱାର୍‌ତାଃରେ କା ଜିମାକେଦତେ ପାର୍‌ମେଶ୍ୱାର୍‌ଆଃ ଏନ୍ ହରାକେ ବାଗିୟାକାଦାକ । ୪ ଖ୍ରୀଷ୍ଟି ଆନ୍କୁରେନ୍ ଚୁଣ୍ଟୁ ହାନିଃ, ଏନାତେ ସବେନ୍‌କ ଇନିଃତାଃରେ ଏସ୍କାର୍ ବିଶ୍ୱାସ୍‌ଲେରେ ପାର୍‌ମେଶ୍ୱାର୍‌ଆଃ ନେପେଲ୍‌ରେ ଧାର୍‌ମାନ୍ ମେନ୍ତେକ କାଜିୟଃଆ ।

ସବେନ୍‌କଆଃ ନାଗେନ୍ତେ ଜୀଉବାସ୍ତାଅ

୫ ଆନ୍କୁ ମାନାତିଙ୍ଗ୍ ହରାତେ ପାର୍‌ମେଶ୍ୱାର୍‌ଲଃ ଧାର୍‌ମାନ୍ ହବାଅଃ ନାଗେନ୍ତେ ମୁଣା ଅଲ୍ଲାନାଦା, “ଅକନ୍‌କ ପାର୍‌ମେଶ୍ୱାର୍‌ଆଃ ଆନ୍କୁକ ମାନାତିୟାଃ, ଇନ୍କୁ ବାସ୍ତାଅଆକ ।” ୬ ମେନ୍‌ଦ ବିଶ୍ୱାସ୍ ହରାତେ ଧାର୍‌ମାନ୍ ହବାଅଃ ବିଷାଏରେ ଧାରାମ୍ପୁଥ୍ରେ ଅଲ୍ଲାନାନ୍, “ଖ୍ରୀଷ୍ଟକେ ଆଡ଼ୁ ନାଗେନ୍ତେ ଅକଏ ସିମ୍‌ତେ ରାକାବା ? ମେନ୍ତେ ଆପେ ଆପେୟାଃ ମନ୍‌ରେ ଆଲ୍‌ପେ କୁପୁଲିନାଃ ।” ୭ ତାଏ, “ଖ୍ରୀଷ୍ଟକେ ଗନଏଃହେତେ ବିରିଦ୍ ଆତ ନାଙ୍ଗ୍ ଅକଏ ହୁଆଙ୍ଗାଡ଼ାତେ ସେନା ?” ନେ କାଜିୟରି ଆପେ ଆଲ୍‌ପେ କୁପୁଲିନାଃ । ୮ ତିୟାଃତି ଧାରାମ୍ପୁଥ୍ ଲେକାତେ, “ପାର୍‌ମେଶ୍ୱାର୍‌ଆଃ କାଜି ଆପେତାଃରେ, ଆପେୟାଃ ମତାରେ ଆତଃ ମନ୍‌ସୁରୁଦରେ ମେନାଃ ।” ଏନ୍ ବିଶ୍ୱାସ୍‌ରେୟାଃ କାଜିଗି ଆଲ୍ ଉଦୁବେତାନାଲେ । ୯ ଆପେ ଯାଣୁକେ ଆପେୟାଃ ମତାତେ ପ୍ରାଭୁ ମେନ୍ତେପେ ମାନାତିଙ୍ଗ୍‌ରେଦ୍ ଆତଃ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟାଏ ମେନ୍ତେ ମନ୍‌ସୁରୁଦରେପେ ବିଶ୍ୱାସେ ରେଦ୍, ଆପେ ଜୀଉ ବାସ୍ତାଅପେ ନାମେୟା । ୧୦ ତିଆଃତି ଆରୁ ମନ୍‌ସୁରୁଦରେ ବିଶ୍ୱାସ୍‌କେଦ୍ ହରାତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ମେନ୍ତେବୁ କାଜିନାଃ ଆତଃ ମତାତେ ମାନାତିଙ୍ଗ୍‌କେଦ୍ ହରାତେ ଜୀଉବାସ୍ତାଅରୁ ନାମଦାଡ଼ିୟା । ୧୧ ଧାରାମ୍ପୁଥ୍ ଲେକାତେ, “ଜେତାଏ ଇନିଃତାଃରେ ବିଶ୍ୱାସେନିଃ କାଏ ଗିହୁଗଃଆ । ୧୨ ତିଆଃତି ଯିହୁଦୀ ହଡ଼ ଆତଃ ଗ୍ରାକ୍ ହଡ଼କ ପାର୍‌ମେଶ୍ୱାର୍‌ଆଃ ଆୟାର୍‌ରେ ସବେନ୍‌କ ମିଦ୍‌ଗିୟାକ । ପାର୍‌ମେଶ୍ୱାର୍ ଏସ୍କାର୍ ସବେନ୍‌କଆଃ ପ୍ରାଭୁ ତାନିଃ, ଅକନ୍‌କ ଆଇଃକତାଃରେ ଦେଙ୍ଗା ବିନ୍ତି ରିକାଃକ ଇନ୍କୁକେ ଇନିଃ ପୁରାଃଗି ଆଗିଷ୍‌କଆ ।” ୧୩ ତିଆଃତି ଜେତାଏ ପ୍ରାଭୁଆଃ ନୁଡୁମ୍‌ତେ ବିନ୍ତିୟାଏ, ଇନିଃ ଜୀଉବାସ୍ତାଅ ନାମେୟାଏ ।

୧୪ ମେନ୍‌ଦ ଇନିଃତାଃରେ କା ବିଶ୍ୱାସ୍‌କେଦତେ ଇନ୍କୁ ଚିଲ୍‌କାତେ ଇନିଃକେ ବିନ୍ତିୟାକ ? ଆତଃ ଆୟାଃ ବିଷାଏରେ ସୁକ୍ତକାଜି କା ଆୟୁମ୍‌କେଦତେ ଇନ୍କୁ ଚିଲ୍‌କାତେ ବିଶ୍ୱାସ୍ ଦାଡ଼ିୟାକ ? ଆତଃ ସୁକ୍ତକାଜିକେ ବେଗାର୍ ଉଦୁବେକେଦତେ ଇନ୍କୁ ଚିଲ୍‌କାତେକ ଆୟୁମ୍‌ମେୟା ? ୧୫ ଆତଃ କାଜି ଉଦୁବ୍ ନାଗେନ୍ତେ ମିହୁଡ଼କେ କା କୁଲିରେ ଇନିଃ ଚିଲ୍‌କାତେ ପାର୍‌ତାଃରେୟା ? ନେ ବିଷାଏରେ ଧାରାମ୍ପୁଥ୍ରେ ଅଲ୍ଲାନାନ୍, “ସୁକ୍ତକାଜି ଉଦୁବ୍‌ତାନକଆଃ ହିନିଜୁଃ ଚିମିନ୍ ବୁଗିନ୍‌ଗିୟା ?” ୧୬ ମେନ୍‌ଦ ସବେନ୍‌କ ଏନ୍ ସୁକ୍ତକାଜିକେ କାକ ମାନାତିଙ୍ଗ୍‌କାଦା । ଏନାମେନ୍ତେ ଯିଶାୟ ନାବା ଅଲ୍ଲାନାଦା, “ପ୍ରାଭୁ, ଆଲେୟାଃ ସୁକ୍ତକାଜି ଆୟୁମ୍‌କେଦତେ ଅକଏ ବିଶ୍ୱାସ୍‌କାଦା ?” ୧୭ ସୁକ୍ତକାଜି ଆୟୁମ୍ ହରାତେ ବିଶ୍ୱାସ୍ ହିଜୁଃଆ ଆତଃ ଖ୍ରୀଷ୍ଟଆଃ କାଜି ଉଦୁବେତେୟାଃଗି ଏନ୍ ସୁକ୍ତକାଜି ତାନାଃ । ୧୮ ମେନ୍‌ଦ ଆଇଙ୍ଗ୍ କୁଲି ତାନାଇଙ୍ଗ୍, ଇନ୍କୁ ତିନାଃ ଏନ୍ କାଜିକେ କାକ ଆୟୁମାକାଦା ? ସାର୍‌ତିଗି ଆୟୁମାକାଦାକ, ତିୟାଃତି ଧାରାମ୍ପୁଥ୍ରେ ଅଲ୍ଲାନାନ୍, “ଇନ୍କୁଆଃ ଲାବ୍‌ଜା ଗଟା ଅତେଦିଶୁମ୍ ନିତ୍‌ରକାନା, ଇନ୍କୁଆଃ ନିତ୍‌ରଅଃ କାଜିକ

ଅତେଦିଶୁମରେୟାଃ ବୁଣ୍ଡୁ ଜ୍ଞାନେଦ୍ ଆୟୁମାକାନା ।”^{୧୯} ଆତଃପିସା ଆଇଙ୍ଗ୍ କୁଲି ତାନାଇଙ୍ଗ୍, ଇସ୍ତାଏଲ୍ ହଡ଼କ ଚିନାଃ ଏନାକେ କାକ ଆର୍କାର୍ତ୍ତରୁମକେଦା ? ସାର୍ତ୍ତରି ଆର୍କାର୍ତ୍ତରୁମକେଦାକ, ସିଦାରେଗି ମୁଣାରାଃ ଦିପିଲିରେ ପାର୍ମେଶ୍ୱାର୍ କାଜିକେଦାଏ, “ଆଇଙ୍ଗ୍ ଆଲେୟାଃ ହଡ଼କକେ ହିସ୍ତାଙ୍ଗତିକ ନାଗେନ୍ତେ ମିଆଁଦ୍ ତଣ୍ଡୁ ହଡ଼କକେଇଙ୍ଗ୍ ବେଭାରିୟା, ଏନ୍ଲେକା ମିଆଁଦ୍ ତଣ୍ଡୁ ହଡ଼ ହରାତେ ଇନ୍କୁକେଇଙ୍ଗ୍ ଖୁସ୍ତକିକଆ ।”^{୨୦} ଯିଶାୟ ନାବା ଆତଃପି ପେଡ଼େଃତେ କାଜିକାଦା, “ଆଇଙ୍ଗ୍ କେ କା ଦାଣ୍ଡାତାନ୍ ହଡ଼କ, ଆଇଙ୍ଗ୍ କେ ନାମକେଦିୟାକ, ଅକନ୍ଦ୍ ଆଇଙ୍ଗ୍ କେ କାକ କୁଲିଙ୍ଗ୍ତାଇକେନା, ଆଇଙ୍ଗ୍ ଇନ୍କୁତାଃରେଇଙ୍ଗ୍ ଉଦୁବେନ୍ୟାନା ।”^{୨୧} ମେନ୍ଦ୍ ପାର୍ମେଶ୍ୱାର୍ ଇସ୍ତାଏଲ୍ ହଡ଼କଆଃ ବିଷାଏରେ କାଜିୟାଃଏ, “କାଜି କା ମାନାତିଙ୍ଗ୍ତାନ୍ ହଡ଼କ ନାଗେନ୍ତେ ସବେନ୍ ଇମ୍ତା ତିଃଇ ଜିଲିଙ୍ଗ୍ କେଦ୍ତେ ଆଇଙ୍ଗ୍ ଦାରମକତାନା ।”

୧୧

ଇସ୍ତାଏଲ୍ ହଡ଼କଆଃ ଚେତାନ୍ରେ ପାର୍ମେଶ୍ୱାର୍ ଆଃ ଲିନିବୁଇ

^୧ *ଆଇଙ୍ଗ୍ ଆତଃପିଇଙ୍ଗ୍ କୁଲି ଦାଡ଼ିୟା, ତାବ୍ଦ୍ ଚିନାଃ ପାର୍ମେଶ୍ୱାର୍ ଆୟାଃ ଆପ୍ତନାଃ ହଡ଼କକେ ବାଗି କାଦକଆ ? କାହା ଏନ୍କାଦ କା ହବାଅଃଆ । ଆଇଙ୍ଗ୍ ମିଆଁଦ୍ ଇସ୍ତାଏଲ୍ରେନ୍ ହଡ଼ ତାନିଙ୍ଗ୍, ଆଗ୍ରାହାମ୍ ଆତଃ ବେଞ୍ଜାମିନ୍ ଆଃ କିଲିରେନ୍ ତାନିଙ୍ଗ୍ ।^୨ ପାର୍ମେଶ୍ୱାର୍ ମୁନୁହେତେ ସାଲ୍ଲାକାଦ୍ ଆୟାଃ ହଡ଼କକେ ଚିଉଲ୍ଲାହ୍ କାଏ ବାଗିକାଦକଆ । ଏଲିୟ ଚିଲ୍ଲକା ପାର୍ମେଶ୍ୱାର୍ତଃରେ ଇସ୍ତାଏଲ୍ ହଡ଼କଆଃ ବିରୁଧରେ ତିଙ୍ଗ୍ କେଦ୍ତେ କାଜିକେଦା : ଏନା ଆପେ ଧାରାମ୍ପୁଥିରେ ଅଲ୍ଲାନାନ୍ତେୟାଃ ସାରିକାଦାପେ, ^୩ “ପ୍ରାଭୁ, ଏନ୍ ହଡ଼କ ଆମାଃ ନାବାକକେ ଗଜାକାଦକଆକ, ଆମାଃ ଦାଣ୍ଡା ରାକାଦ୍ ବେଦିକକେ ଉର୍ଧ୍ୱାସ୍ତକାଦାକ, ଆତଃ ଆଇଙ୍ଗ୍ ଏସ୍କାର୍ ମିହୁଡ଼ି ବାଞ୍ଚାଆନାଇଙ୍ଗ୍, ଇନ୍କୁ ଆଇଁୟାଃ ଜାଉ ଇଦ୍ ନାଗେନ୍ତେ ସାନାଙ୍ଗ୍ତାନା ।”^୪ ମେନ୍ଦ୍ ପାର୍ମେଶ୍ୱାର୍ ଏଲିୟକେ ଚିନାଃ କାଜିରୁହାଡ଼କିୟାଏ ? “ଅକନ୍ ହଡ଼କ, ହସ୍ତ ବାଲ୍ ମାହାପୁରୁକେ କାକ ସେଞ୍ଜା, ଏନ୍ଲେକାନ୍ ୭,୦୦୦ ହଡ଼କକେ ଆଇଙ୍ଗ୍ ଆଇଁୟାଃ ନାଗେନ୍ତେଇଙ୍ଗ୍ ଦହକାଦକଆ ।”^୫ ଏନ୍ ଲେକାଗି ନାହାଁଃଦ୍ ହବାକାନା, ପାର୍ମେଶ୍ୱାର୍ ଆୟାଃ ସାୟାଦ୍ତେ ଅକ ହଡ଼କକେ ସାଲ୍ଲାକାଦକ ତାଇକେନା, ଇନ୍କୁଏତେ ଚିମିନ୍ ହଡ଼କ ସାରେଜାକାନା ।^୬ ପାର୍ମେଶ୍ୱାର୍ ଆୟାଃ ସାୟାଦ୍ ହରାତେ ଇନ୍କୁକେ ସାଲ୍ଲାକାଦକଆ । ପାର୍ମେଶ୍ୱାର୍ ଇନ୍କୁଆଃ ବୁଗିନ୍ କାମି ନାଗେନ୍ତେ ସାଲ୍ଲାକାଦକ ତାଇକେନ୍ରେଦ୍, ଇନ୍ୟାଃ ସାୟାଦ୍ ସାର୍ତ୍ତ ସାୟାଦ୍ କା ହବାଅଃତେୟାଃ ।^୭ ତାବ୍ଦ୍ ଚିନାଃ ହବାୟାନା ? ଇସ୍ତାଏଲ୍ ହଡ଼କ ଅକ୍ନାଃ ଦାଣ୍ଡା ତାଇକେନାକ, ଏନା କାକ ନାମକେଦା । ପାର୍ମେଶ୍ୱାର୍ ସାଲ୍ଲାକାଦ୍ ତାଇକେନ୍ ମିଆଁଦ୍ ହୁଡ଼ିଙ୍ଗ୍ ଝୁଣ୍ଟ୍ ଏସ୍କାର୍ ଏନାକେ ଦାଣ୍ଡା ନାମକେଦା । ଏଗାଃକ ଜେତାଏ ପାର୍ମେଶ୍ୱାର୍ ଆଃ କେନେଡ଼ାରେ ମନ୍ କାକ ଏମକେଦା ।^୮ ଧାରାମ୍ପୁଥିରେ ଅଲ୍ଲାନାନ୍ ଲେକା, “ପାର୍ମେଶ୍ୱାର୍ ତିସିଙ୍ଗ୍ ଜାକେଦ୍ ଇନ୍କୁଆଃ ମନ୍ ଆତଃ ମନ୍ସୁରୁଦ୍ କେ କେଟେଦ୍ କାଦା, ଏନାତେ ଇନ୍କୁ କାକ ନେଲ୍ ଦାଡ଼ିତାନା ଚାଏ କାକ ଆୟୁମ୍ ଦାଡ଼ିତାନ୍ ।”^୯ ଇନ୍କୁଆଃ ବିଷାଏରେ ଦାଉଦ୍ ଆତଃପି ଅଲ୍ଲାନାଦା,

“ଇନ୍କୁ ରିଜ୍ଜରାଙ୍ଗ୍ ରିକାଏ ଇମ୍ତା

ଫିୟରେ ଉୟୁଗଃକାକ ଆତଃ ସାଜାଇ ନାମେକାକ ।

^{୧୦} ଇନ୍କୁଆଃ ମେଦ୍ ଜାପିଦଃକା ଜେ'ଲେକାଗି ଇନ୍କୁ ଜେଡନାଃ ଆଲକାକ ନେଲ୍ ଦାଡ଼ିକା,

ଆତଃ ସବେନ୍ ଇମ୍ତା ଦୁକୁହାସ୍ତ ନାମକେଦ୍ତେ ଇନ୍କୁଆଃ ମାୟାଙ୍ଗ୍ ଲିକୁଜଃକା ।”

^{୧୧} ତାବ୍ଦ୍, ଆଇଙ୍ଗ୍ କୁଲି ସାନାଙ୍ଗ୍ତାନାଇଙ୍ଗ୍, ଯିହୁଦୀ ହଡ଼କ ତହ୍ଦୟାନ୍ ହରାତେ ଚିନାଃ ଜିୟନ୍ୟାନାକ ? କାହାଗି, ଇନ୍କୁ ପାପକେଦ୍ ହରାତେ, ଇନ୍କୁକେ ହିସ୍ତାଙ୍ଗତିକ ନାଗେନ୍ତେ ସାର୍ଥସାର୍ ହଡ଼କକେ ଜାଉ ବାଞ୍ଚାଅରେୟାଃ ଆକ୍ତେୟାର୍ ନାମୟାନା ।^{୧୨} ଯିହୁଦୀ ହଡ଼କଆଃ ପାପ୍, ଅତେଦିଶୁମରେନ୍ ଏଗାଃ ସବେନ୍କ ନାଗେନ୍ତେ ପୁରାଃପି ଆଶିଷ୍ ଆଉଝାକାଦାଏ । ଯିହୁଦୀ ହଡ଼କଆଃ ଆମ୍ବିକ୍ରେୟାଃ ନାରାଦୁରା ହରାତେ ସାର୍ଥସାର୍ ହଡ଼କ ପୁରାଃପି ଆଶିଷ୍ କାମାକାଦା । ଏନାତେ ସବେନ୍ ଯିହୁଦୀ ହଡ଼କ ବାଞ୍ଚା ଦାଡ଼ିୟାଃରେଦ୍, ଏନ୍ ହରାତେ ଆତଃପିମିନ୍ ଆଦକା ଆଶିଷ୍ କାକ ନାମେତେୟାଃ

ସାର୍ଥସାର୍ ହଡ଼କଆଃ ଜାଉବାଞ୍ଚା

^{୧୩} ସାର୍ଥସାର୍ ହଡ଼କକେ ଆଇଙ୍ଗ୍ କାଜିକତାନାଇଙ୍ଗ୍, ଆପେ ନାଗେନ୍ତେ ଆଇଙ୍ଗ୍ କୁଲ୍ଲାନାନ୍ ତେଲ୍ଲା ଲେକାକାଙ୍ଗ୍ କାମିତାନା, ଏନାମେତେ ଆଇଙ୍ଗ୍ ଆପାନ୍ତେ ମାରାଙ୍ଗ୍ ମେତେଇଙ୍ଗ୍ କାଜିନ୍ତାନା ।^{୧୪} ନେଆଁ ହରାତେ ଆଇଙ୍ଗ୍ ଆପ୍ତନାଃ ହଡ଼କକେ ଖୁସ୍ତକି ରିକା ଦାଡ଼ିରେଦ୍, ହବାସାକାଆଆଃ ଇନ୍କୁଏତେ

* ୧୧:୧ ୧୧:୧ ଡିଲିପିୟ ଶ:୫.

ଚିମିନ୍ ହତୁକକେ ବାଞ୍ଛାଅ ଦାଢ଼ିୟାଉଇଙ୍ଗ । ୧୫ ଚିୟାଃତି ଇନ୍‌କୁକେ ଗେନା ଆତମାକାନ୍ ହରାତେ ଅତେଦିଶ୍ୱାମରେୟାଃ ମେନେସା ହବାୟାନା ଚାଏ ପାର୍‌ମେଶ୍ୱାର୍‌ଆଃ ସବେନ୍ ବାଉରି ହତୁକଆଃ ବାଦ୍‌ଲାଅ ହବାୟାନା ଆତଃ ଆୟାଃ ଗାତିକ ହବାକାନା । ଏନାତେ ପାର୍‌ମେଶ୍ୱାର୍‌ ସବେନ୍ ଯିହୁଦୀ ହତୁକକେ ଆତଃମିସା ତେଲାଦାରମ୍‌କରେଦ, ଏନାରେୟାଃ ନାଲା ତିନାଃ ହବାଅଃଆ ? ଏନାଦ ଏଟାଃ ହତୁକ ନାଗେନ୍ତେ ଗନଏଃହେତେ ଜୀଦାନ୍ ନାମେ ଲେକା ହବାଅଃ ତାନାଃ । ୧୬ ହଲଙ୍ଗ୍‌ହେତେ ମିଦକେଟାଃ ପାର୍‌ମେଶ୍ୱାର୍‌ ନାଙ୍ଗ୍‌ ପାବିତାର୍‌କାନ୍‌ରେଦ, ପୁରା ହଲଙ୍ଗ୍‌ ପାବିତାର୍‌କାନା ମେନ୍ତେ ଆର୍‌କାର୍‌ଉରୁମ୍‌ ଲାଗାତିଙ୍ଗ୍‌ୟାଃ । ମିଆଁଦ୍ ଦାରୁରେୟାଃ ରେହେଦ୍ ପାବିତାର୍‌କାନ୍‌ରେଦ, ଏନାରେୟାଃ କତକ ହରି ପାବିତାର୍‌କାନା ମେନ୍ତେ ଆର୍‌କାର୍‌ଉରୁମ୍‌ ଲାଗାତିଙ୍ଗ୍‌ୟାଃ । ୧୭ ବାଖ୍‌ଡ଼ିରେ ଯାତାନ୍ ଇଦିତାନ୍ ମିଆଁଦ୍ ଜାଉତୁନ୍ ଦାରୁରାଃ ଚିମିନ୍ କତକକେ ମାଆଃକେଦ୍‌ତେ ଏନ୍ତାଃରେ ବିରୁରେୟାଃ ଜାଲ୍‌ପାଇ ଦାରୁରାଃ କତକକେ କାଲ୍‌ମିକାନା । ନାହାଁଃ, ଏନା ଜାଲ୍‌ପାଇ ଦାରୁରାଃ ବୁଟାରେୟାଃ ହିସା ହବାକାନା । ଏନ୍‌ଲେକାଗି, ସାଅଁସାର୍‌ ହତୁକ ଏନ୍ ବିର୍‌ ଜାଲ୍‌ପାଇ ଦାରୁ ଲେକାନ୍‌କ ତାନ୍‌କ । ଆପେ ସବେନ୍‌କ ନାହାଁଃ ଯିହୁଦୀ ହତୁକଆଃ କେଟେଦ୍ ଆମିକ୍ ଜୀଦାନ୍‌ରେୟାଃ ହିସାପେ ହବାକାନା ୧୮ ଏନାମେନ୍ତେ, ଆପେ ମାଆଃକାନ୍ କତକକେ ଆଲ୍‌ପେ ଗେନା ଆତମେୟାଁ । ଆପେ ତିନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା ? ଆପେଦ କତକ ଏସ୍‌କାର୍‌ ତାନ୍‌ପେ, ଦାରୁରେୟାଃ ରେହେଦ୍‌କେ ଆପେ କାପେ ଦେଙ୍ଗା ତାନା, ମେନ୍‌ଦ ରେହେଦ୍ ଆପେକେ ହାରାଉଦିୟାଃରେ ଦେଙ୍ଗାପେ ତାନା ।

୧୯ ଏନାମେନ୍ତେ ଆପେ କାଜିୟାପେ, “ହେଗି, ମେନ୍‌ଦ ଆଇଙ୍ଗ୍‌କେ ଠାୟାଦ୍ ଏମ୍ ନାଗେନ୍ତେଗି ଏନ୍ କତକକେ ମାଆଃ ଆତମ୍‌କାନ୍ ତାଉକେନା ।” ୨୦ ଏନା ସାର୍‌ତିଗି ତାନାଃ, ଇନ୍‌କୁ କା ବିଶ୍ୱାସ୍‌କେଦ୍ ହରାତେ ଆତମ୍‌ୟାନାକ । ଆପେ ବିଶ୍ୱାସ୍ ହରାତେ ଏସ୍‌କାର୍ ଏନ୍ ଠାୟାଦ୍ ଆକ୍‌ତେୟାର୍ କାଦାପେ । ମେନ୍‌ଦ ଆପାନ୍‌କେ ମାରାଙ୍ଗ୍ ମେନ୍ତେ କା କାଜିକେଦ୍‌ତେ ବରୟେପେ । ୨୧ ପାର୍‌ମେଶ୍ୱାର୍‌ କା ବିଶ୍ୱାସ୍‌ତାନ୍ ଯିହୁଦୀ ହତୁକକେୟ କାଏ ବାଚାଅକେଦ୍‌କଆ, ଅକନ୍‌କଚି ଦାରୁରେନ୍ କତକ ଲେକା ତାନ୍‌କୁ, ତାଦ୍‌ ଆପେ କା ବିଶ୍ୱାସ୍‌ତାନ୍‌କେ ତିନାଃ ଇନିଃ ବାଚାଅପେୟାଏ ? ୨୨ ପାର୍‌ମେଶ୍ୱାର୍‌ଆଃ ଚିଲ୍‌କା ଦାୟାନିଃ ଆତଃ କେଟେଦ୍‌ନିଃ ତାନିଃ ଏନାବୁ ନେଲେୟା । ଅକନ୍‌କ ଉୟୁଗାକାନା ଇନ୍‌କୁ ନାଗେନ୍ତେ ଇନିଃ କେଟେଦ୍‌ନିଃ ତାନିଃ, ମେନ୍‌ଦ ଅକନ୍‌କ ଇନିୟାଃ ଦାୟାକେ ଆସ୍ତାଏତାନ୍ ମେନାକଆ ଇନ୍‌କୁ ନାଗେନ୍ତେ ଇନିୟାଃ ସାୟାଦ୍ ପୁରାଃଗି ମେନାଃ ଆତଃ ଇନିୟାଃ ଦାୟାକେ ବାଗିରେଦ ଆପେ ହରି ଇନିଃତାଃଏତେ ବିନ୍‌ଗାଅକାନାପେ । ୨୩ ମେନ୍‌ଦ ଯିହୁଦୀ ହତୁକ ଆକଆଃ କା ବିଶ୍ୱାସ୍‌ତାନ୍‌କେୟାଃକେ ସାଜିନେ ରେଦକ, ଇନ୍‌କୁ ଆକଆଃ ଆପ୍‌ନାଃ ଠାୟାଦ୍‌ରେ ଆତଃମିସାକ ତିଙ୍ଗ୍‌ନାଃ । ନେଆଁ ରିକାନାଗେନ୍ତେ ପାର୍‌ମେଶ୍ୱାର୍‌ ପେଡ୍‌ଡେୟାନ୍‌ନିଃ ତାନିଃ । ୨୪ ସାଅଁସାର୍‌ ହତୁକ ବିରୁରେୟାଃ ଜାଉତୁନ୍ ଦାରୁରେନ୍ କତକ ଲେକାଃକ । ଏନାକେ ମାଆଃ କେଦ୍‌ତେ ବାଖ୍‌ଡ଼ିରେ ରୟାକାନ୍ ଜାଲ୍‌ପାଇ ଦାରୁଲଃ ଜଡ୍‌ଡେନ୍‌କେଦ୍‌ତେ କାଲ୍‌ମିକାନା । ଯିହୁଦୀ ହତୁକ ବାଖ୍‌ଡ଼ିରେ ରୟାକାନ୍ ଜାଲ୍‌ପାଇ ଦାରୁ ଲେକାଃକ । ନେ ଦାରୁରେୟାଃ ମାଆଃକାନ୍ କତକକେ ଆତଃମିସା ଦାରୁଲଃ ଜଡ୍‌ଡେନ୍‌କେଦ୍‌ତେ କାଲ୍‌ମି ନାଙ୍ଗ୍ ପାର୍‌ମେଶ୍ୱାର୍‌କେ ପୁରାଃ ସାହାଜିଆ ।

ସବେନ୍‌କ ନାଗେନ୍ତେ ପାର୍‌ମେଶ୍ୱାର୍‌ଆଃ ଲିନିବୁଇ

୨୫ ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ଉକୁଆକାନ୍ ସାର୍‌ତି କାଜିକେ ଆପେତାଃରେଇଙ୍ଗ୍ ଉଦ୍‌ବତାନା । ଏନା ଆୟୁମ୍‌କେଦ୍‌ତେ ଆପେ ଆପାନ୍‌କେ ଆତଃ ସେଗାଁନ୍ ମେନ୍ତେ କାପେ ଆର୍‌କାରେୟା, ଇସ୍ତାଏଲ୍ ହତୁକଆଃ କା ମାନାତିଙ୍ଗ୍‌ଡେୟାଃ ଟୁଣ୍ଟୁ ଜାକେଦ୍ କା ତାଉନାଃ । ସାଅଁସାର୍‌ ହତୁକ ସବେନ୍‌କ ପାର୍‌ମେଶ୍ୱାର୍‌ତାଃତେ ହିଜୁଃ ଜାକେଦ୍ ଯିହୁଦୀ ହତୁକ ଏନ୍‌ଲେକାଗିକ ତାଉନା । ୨୬ ଆତଃ ନେ'ଲେକାତେ ଗଟା ଇସ୍ତାଏଲ୍‌ରେନ୍ ହତୁକ ଜୀଉବାଞ୍ଛାଅକ ନାମେୟା, ଚିୟାଃତି ଧାରାମ୍‌ପୁଅରେ ନେ'ଲେକା ଅଲ୍‌କାନା, “ସିୟୋନ୍‌ଏତେ ଜୀଉବାଞ୍ଛାଅ ଏମ୍‌ନିଃ ହିଜୁଃଆଏ,

ଆତଃ ଇନିଃ ଯାକୁଦ୍‌ଆଃ କିଲିକତାଃଏତେ ସବେନ୍ ଏଡ୍‌କାନ୍‌ଡେୟାଃକଏ ସାଜିନେଆ ।

୨୭ ଆଇଙ୍ଗ୍ ଇନ୍‌କୁଆଃ ପାପ୍‌କ ସାଜିନେ

ଇମ୍‌ତା ଇନ୍‌କୁଲଃ ନେ ରାଜିନାମାଃ ବାଉୟା ।”

୨୮ ଆପେୟାଃ ବୁଗିନାଃ ନାଗେନ୍ତେ ଯିହୁଦୀ ହତୁକ ସୁକୁକାଜିକେ ବାଗିକେଦ୍‌ତେ ପାର୍‌ମେଶ୍ୱାର୍‌ଆଃ ବାଉରିକ ହବାକାନା । ମେନ୍‌ଦ ପାର୍‌ମେଶ୍ୱାର୍‌ଆଃ ହରାତେ ସାଲ୍‌ୟାନ୍‌ଲଃ ଇନ୍‌କୁଆଃ ପୁରୁଖା ହାଡାମ୍‌କଆଃ ହରାତେ ଇନ୍‌କୁ ପାର୍‌ମେଶ୍ୱାର୍‌ଆଃ ଦୁଲ୍‌ାଡ୍‌ଗାତିକ ହବାକାନା । ୨୯ ଚିଆଃତି ପାର୍‌ମେଶ୍ୱାର୍‌ ଅକନ୍‌କକେ ସାଲ୍‌କାଦ୍‌କଆ ଆତଃ ଆଗିଷ୍‌କାଦ୍‌କଆ, ଇନ୍‌କୁକେ ଆୟାଃ ଦାନ୍ ଏମ୍ ନାଗେନ୍ତେ ମନ୍‌ରେ

ଉତ୍ତରାଦିତ୍ୟ ଚିତ୍ତଲୋକ କା ବାଦଲୀଅଃଆ । ୩୦ ସାଅଁସାର ହୃଦକ ସିଦା ପାର୍ମେଶ୍ଵରୀଆ କା ମାନାତିଙ୍ଗ ହୃଦକ ତାଇକେନା, ମେନ୍ଦ ନାହାଁଃ ଯିହୁଦୀ ହୃଦକଆ କା ମାନାତିଙ୍ଗ ହରାତେ ସାଅଁସାର ହୃଦକ ପାର୍ମେଶ୍ଵରୀଆ ଦାୟାକ ନାମାକାଦା । ୩୧ ଚିୟାଃତି ସାଅଁସାର ହୃଦକହରି ଦାୟାକ ନାମାକାଦା, ଯିହୁଦୀ ହୃଦକ ପାର୍ମେଶ୍ଵରୀଆଏତେ ସାଜିନକାନରେୟ, ମୁସିଙ୍ଗ ହୁଲାଙ୍ଗ ଇନକୁ ରୁହାଡ଼କେଦତେ ଦାୟାକ ନାମେୟା । ୩୨ ପାର୍ମେଶ୍ଵର ସବେନକକେ କାଜି କା ମାନାତିଙ୍ଗ ନାଗେନ୍ତେ ବାଗିୟାକାଦକଆ, ଜେ'ଲେକାଚି ଇନିଃ ସବେନକକେ ଦାୟାକଆ ।

ପାର୍ମେଶ୍ଵରୀଆ ମାନାରାଙ୍ଗ

୩୩ ପାର୍ମେଶ୍ଵର ଚିମିନ୍ ପୁରାଃଗି ମାରାଙ୍ଗ ତାନିଃ, ଇନିୟାଃ ବୁଜି ଆତଃ ସେଣାଁରେୟାଃ ଚୁଣ୍ଡୁ ନାନଃଆ । ଅକଏ ଇନିୟାଃ ବିଚାରକେ ଆଟ୍ଟକାରୁଉରୁମ୍ ଦାଡ଼ିୟା ? ଅକଏ ଇନିୟାଃ ହରାକେ ଆଟ୍ଟକାରୁଉରୁମ୍ ଦାଡ଼ିୟା ? ୩୪ ଧାରାମ୍ପୁଥିରେ ଅଲକାନା, “ଅକଏ ପାର୍ମେଶ୍ଵରୀଆ ମନ୍ଦକେ ସାରିଦାଡ଼ିୟା ? ଅକଏ ଇନିଃକେ ଇତୁ ଏମ୍ଦାଡ଼ିୟା ?”

୩୫ ଅକଏ ଚିନାଃ ପାର୍ମେଶ୍ଵରକେ ଜେଡ଼ନାଃ ଏମ୍ ଦାଡ଼ିକିୟାଏ ଯେ, ପାର୍ମେଶ୍ଵରକେ ଏନାରେୟାଃ ବାଦଲୀରେ ଏମ୍ ଲାଗାତିଙ୍ଗ ହବାଅଃତାନା ?

୩୬ *ସବେନ୍ ବିଷାଏ ପାର୍ମେଶ୍ଵରକେ ବାଲୟାକାନା, ସବେନାଃ ଇନିୟାଃ ହରାତେ ଆତଃ ଇନିଃ ମାନାରାଙ୍ଗ ନାଗେନ୍ତେ ହବାକାନା । ଜାନାଅ ଜାନାଅ ପାର୍ମେଶ୍ଵରୀଆ ମାନାରାଙ୍ଗ ହବାଅଃକା । ଆମେନ୍ ।

୧୨

ପାର୍ମେଶ୍ଵରକେ ସେଝାରେୟାଃ ଜୀଦାନ୍

୧ ଏନାମେନ୍ତେ, ହେ ହାଗା ମିଗିକ, ଆବୁ ନାଗେନ୍ତେ ପାର୍ମେଶ୍ଵରୀଆ ପୁରାଃ ଲିନିବୁଇ ହବାକାନ ହରାତେ, ଆଇଙ୍ଗ ଆପେକେଇଙ୍ଗ ବିଗ୍ରିପେ ତାନା, ପାର୍ମେଶ୍ଵରୀଆରେ ଆପେ ଆପ୍ତନାଃ ହୃଦକେ ପାବିତାର ଜାନିଦ୍ ଦାଣେଁ ଲେକା ରାକାବେପେ । ଇନିୟାଃ ସେଝାରେ ଆପାନ୍ଦକେ ଜିମାକେଦତେ ଇନିୟାଃ ସୁକୁଇଚିୟାଃ ଲେକା ହବାଅଃପେ । ଏନାଗି ପାର୍ମେଶ୍ଵରୀଆ ସାରୁତି ସେଝା ତାନା । ୨ ନେ ଅତେଦିଶ୍ଵମ୍ରେ ଆପେ ନେ ପାରିୟାରେନ୍ ହୃଦକ ଲେକା ଆଲ୍ପେ ହବାଅଃଆ । ପାର୍ମେଶ୍ଵର ଆପେୟାଃ ମନ୍ଦକେ ବାଦଲୀଅକେଦତେ ପୁରାଗି ଆପେୟାଃ ମନ୍ଦିତାରରେୟାଃ ଉଡ଼ୁକ ନାଝାଲେକା ହବାଅଃକା । ଏନାରେ, ପାର୍ମେଶ୍ଵରୀଆ ଇଛାସାନାଙ୍ଗ ଚିନାଃ ତାନାଃ, ଆୟାଃ ଆୟାରୁରେ ଅକ କାଜିକ ବୁଗିନାଃ ତାନାଃ, ଆଇଃକକେ ସୁକୁଆନ୍ ଆତଃ ପକ୍ତାଃଅତେୟାଃ ତାନାଃ, ଏନା ଆପେ ଆଟ୍ଟକାରୁଉରୁମ୍ ଦାଡ଼ିୟାଃପେ ।

୩ ପାର୍ମେଶ୍ଵର ଆଇଙ୍ଗକେ ବିଶେଷ ଯାୟାଦ୍ ଏମାକାଦିଙ୍ଗ ହରାତେ ଆପେ ସବେନକକେଇଙ୍ଗ କାଜିପେତାନା, ଆପେ ଆପାନାଃ ବିଷାଏରେ ଜେ'ଲେକା ଉଡ଼ୁ ଲାଗାତିଙ୍ଗୟାଁଃ ଏନାଏତେ ପୁରାଃ ଆଦ୍ କା ମାରାଙ୍ଗ ଲେକା ଆଲ୍ପେ ଆଟ୍ଟକାରେନକା, ମେନ୍ଦ ପାର୍ମେଶ୍ଵର ଆପେକେ ଏମାକାଦିପେ ବିଶ୍ଵାସ ଲେକାଗି ଆପନାଃ ବିଚାର ରିକାଏପେ । ୪ *ଆବୁଆଃ ହୃଦକରେ ପୁରାଗି ହିସାକ ମେନାଃ ଆତଃ ସବେନାଃରେୟାଃ କାମିକ ମିଦରାକାମିଗି ବାନଃଆ । ୫ ଏନଲେକାଗି ଆବୁ ପୁରାଗି ମେନାବୁଆ, ମେନ୍ଦ ସବେନକ ଖ୍ରୀଷ୍ଟଲଃ ମେସାକାନ ହରାତେ, ଆବୁ ମିଆଁଦ୍ ହୃଦକ ତାନ୍ତୁ ଆତଃ ହୃଦକରେ ସବେନ୍ ହିସା ମେନାଃ ଲେକାଗି ମିହୁଡ଼ ଆତଃମିହୁଡ଼ଲଃ ଜଡ଼େନକାନାବୁ । ୬ ଏନାମେନ୍ତେ ଆବୁ ନାଙ୍ଗ ପାର୍ମେଶ୍ଵରୀଆ ସାୟାଦ୍ ଲେକାତେ ଆୟାଃତାଃଏତେ ନାମାକାଦ୍ ଏଟାଃ ଏଟାଃ ଦାନ୍ଦକେ ଆବୁକେ ବୁଗିଲେକା ବେଭାର ଲାଗାତିଙ୍ଗୟାଁଃ । ଆବୁ ପାର୍ମେଶ୍ଵରୀଆ ବାଚାନ୍ଦକେ ଉତୁବ୍ ନାଗେନ୍ତେ ବାରଦାନ୍ତୁ ନାମାକାଦ୍ରେଦ, ଆବୁଆଃ ପକ୍ତା ବିଶ୍ଵାସ ହରାତେ ଏନ୍ କାମିକେ ରିକା ଲାଗାତିଙ୍ଗୟାଁଃ । ୭ ସେଝା ନାଗେନ୍ତେ ଏନ୍ ବାରଦାନ୍ତୁ ନାମାକାଦ୍ରେଦ, ଆବୁକେ ସେଝା ଲାଗାତିଙ୍ଗୟାଁଃ; ଇନିତୁ ଏମ୍ ନାଗେନ୍ତେ ବାରଦାନ୍ତୁ ନାମାକାଦ୍ରେଦ, ଇନିତୁ ଏମ୍ ଲାଗାତିଙ୍ଗୟାଁଃ; ୮ ଜେତାଏ ଏଟାଃକକେ ଜୀଉରାଡ଼େଃ ଏମ୍ରେୟାଃ ବାରଦାନ୍ ନାମାକାଦ୍ରେଦ, ଏନା ଇନିଃକେ ରିକା ଲାଗାତିଙ୍ଗୟାଁଃ; ଦାନ୍ ଏମ୍ ନାଗେନ୍ତେ ବାରଦାନ୍ ନାମାକାଦ୍ ହୃଦ ଲେବେଃ ମନ୍ଦେ ଦାନ୍ ଏମେକାଏ । ଏଟାଃନିୟାଃ କାମିରେ ଯାତାନ୍ ଇଦିରେୟାଃ ଆକ୍ତେୟାର ନାମାକାଦ୍ରେଦ, ଆଇଃକକେଗି କେଟେଦ୍ କାମି ରିକା ଲାଗାତିଙ୍ଗୟାଁଃ; ଦାୟା ରିକାତାନ୍ ହୃଦ ରାସ୍ତାତେ ଦାୟା ରିକାଏକାଏ ।

* ୧୧:୩୨ ୧୧:୩୭ ୧ କରିଗ୍ରିୟ ୮:୬. * ୧୨:୪ ୧୨:୪ ୧ କରିଗ୍ରିୟ ୧୨:୧୨. * ୧୨:୭ ୧୨:୭ ୧ କରିଗ୍ରିୟ ୧୨:୪-୧୧.

୯ ଦୁଲ୍ଲାଡ଼୍, ସାର୍ତ୍ତି ହବାଅଃ ଲାଗାତିଙ୍ଗ୍‌ୟାଃ । ଏଡ଼କାନାଃତେୟାଃକେ ହିଲାଙ୍ଗ୍‌ୟେ, ବୁଗିନ୍‌ତେୟାଃକେ ସାବେପେ । ୧୦ ଖ୍ରୀଷ୍ଟ୍ ବିଶ୍ୱାସୀ ହାଗା ମିଗିକ ଲେକା ମିହୁଡ଼୍ ଆତଃମିହୁଡ଼୍‌କେ ଦୁଲ୍ଲାଡ଼୍‌ପେ ଆତଃ ମିହୁଡ଼୍ ଆତଃମିହୁଡ଼୍‌କେ ମାଇନିପେ । ୧୧ କେଟେଦ୍ କାମି କାମିପେ ଆଲ୍‌ପେ ଢିଲାଅଥାଆ ଆତଃ ମନ୍‌ସୁରୁଦ୍‌ରେ ପୁରାଃ ଭାକ୍ତିତେ ପ୍ରାଭୁକେ ସେଞ୍ଜାଇପେ । ୧୨ ପୁରାଃ ଆସ୍ତାଏତାନ୍‌ଲଃ ରାସ୍‌କାରେ ତାଇନ୍‌ପେ । ଦୁକୁହାସୁ ଇମ୍‌ତା ଧିରାଙ୍ଗ୍ ସାବକେଦ୍‌ତେ ତାଇନ୍‌ପେ ଆତଃ ସବେନ୍ ଇମ୍‌ତା ବିକ୍ତିରେ ତାଇନ୍‌ପେ । ୧୩ ପାର୍‌ମେଶ୍ୱାର୍‌ଆଃ ହଡ଼କ ଜାଞ୍ଜିଅଃତାନ୍ ଇମ୍‌ତା ହାନାରିଙ୍ଗ୍ ରିକାଏପେ ଆତଃ ଆପେ ଅଡ଼ାଃତେ ହିଜୁଃତାନ୍ କା ନେଲ୍‌ଉରୁମ୍ ହଡ଼କକେ ପେଡ଼ାକନାଙ୍ଗ୍ ସେକାଡ଼ାକାନ୍‌ପେ ।

୧୪ *ଆପେକେ ଅକନ୍ ହଡ଼କ ସିଗିଦ୍‌ପେୟାକ, ଇନ୍‌କୁଆଃ ଆଗିଷ୍ଟ ନାମଃ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିକ୍ତିପେ । ଇନ୍‌କୁକେ ଆଗିଷ୍ଟକପେ, ଆଲ୍‌ପେ ସାର୍‌ପାଅକଥା । ୧୫ ରାସ୍‌କାରେ ତାଇନ୍‌ତାନ୍ ହଡ଼କଲଃ ରାସ୍‌କାଅଃତେ, ଆତଃ ରାଆଃଏତାନ୍ ହଡ଼କଲଃ ରାଆଃଏପେ । ୧୬ ଆପେ ସବେନ୍‌କଲଃ ମିଦ୍ ମନ୍‌ତେଗି ତାଇନ୍‌ପେ, ଆପେ ଆପାନ୍‌କେ ମାରାଙ୍ଗ୍ ମେନ୍ତେ ଆଲ୍‌ପେ କାଜିନ୍, ଆମ୍‌କ୍‌କରେ ଆତଃ ସାଂସାର୍‌ରେୟାଃ ସବେନ୍ ଲେକାନ୍ ନାରାଦୁରାରେ ତାଇନ୍‌ତାନ୍ ହଡ଼କଲଃ ଗାତିରେ ତାଇନ୍‌ପେ । ଆପାନ୍‌କେ ସେଣ୍‌ନ୍ ମେନ୍ତେ ଆଲ୍‌ପେ କାଜିନ୍ ।

୧୭ ଏଡ଼କାନ୍ ବାଦ୍‌ଲାରେ ଏଡ଼କାନ୍ କାମି ଆଲ୍‌ପେ ରିକାଏୟା; ସବେନ୍ ହଡ଼କଆଃ ଆୟାର୍‌ରେ ଅକ୍‌ନାଃ ବୁଗିନାଃ ତାନାଃ ଏନାଗି ରିକାଏପେ । ୧୮ ଆପେ ସବେନ୍ ହଡ଼କଲଃ ସୁକୁରେ ତାଇନଃ ନାଗେନ୍ତେ ହବାସାକାଅଃ ଲେକା ସବେନାଃ ରିକାଏପେ । ୧୯ ହେ ଦୁଲ୍ଲାଡ଼୍, ଆପେ ଆପେଗି ଜେତାଏୟାଃ ବାଦ୍‌ଲା ଆଲ୍‌ପେ ଇଦ୍‌ୟା, ମେନ୍‌ଦ୍ ପାର୍‌ମେଶ୍ୱାର୍‌ଆଃ ଖ୍ୱସ୍‌ରେ ସାଜାଇ ହବାଅଃ ନାଗେନ୍ତେ ଇନିଃକେ ବାଗି ତାଇପେ । ଚିୟାଃତି ଧାରାମ୍‌ପୁସ୍‌ରେ ଅଲ୍‌କାନା, “ପ୍ରାଭୁ କାଜିତାନାଏ, ସାଜାଇ ଏମ୍‌ତେୟାଃ ଆଇଁୟାଃ କାମିତାନାଃ, ଆଇଙ୍ଗ୍ ଆୟାଃ କାମି ଲେକାଗି ନାଲାଇଙ୍ଗ୍ ଏମାଲ୍‌ୟା ।” ୨୦ ଆତଃଗି “ଆପେୟାଃ ବାଇରି ରେଙ୍ଗେଃତାନ୍‌ରେଦ୍ ଜଜମାଃ ଏମାଲ୍‌ପେ, ଇନିଃ ତେତାଙ୍ଗ୍‌ତାନ୍‌ରେଦ୍ ନୁଁଏ ନାଙ୍ଗ୍ ଦାଆଃ ଏମାଲ୍‌ପେ; ନେ ଲେକା ରିକାଈ ରେଦ୍ ଇନିଃ ଗିହୁଗଃଆଏ ।” ୨୧ ଏଡ଼କାନ୍ ହରାତେ ଆଲ୍‌ପେ ହାରାଅଥା, ସବେନ୍ ଏଡ଼କାନ୍ କାଜିକେ ବୁଗିନ୍ କାମିତେ ଜିତାଅଏପେ ।

୧୩

ରାଇଙ୍ଗ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍‌ପେ

୧ ସବେନ୍‌କକେ ରାଇଙ୍ଗ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍‌ୟାଃ, ଚିୟାଃତି ପାର୍‌ମେଶ୍ୱାର୍‌ଆଃ ବେଗାର୍ ଆଡ଼ତେ ଜେତାଏ ରାଇଙ୍ଗେ ନାଗେନ୍ତେ ଆକ୍‌ତେୟାର୍ କାଏ ନାମେୟା, ଆତଃ ଆକ୍‌ତେୟାର୍ ନାମାକାଦ୍ ହଡ଼କ ପାର୍‌ମେଶ୍ୱାର୍‌ଆଃ ହରାତେ ନାମାକାଦାକ । ୨ ଏନାମେନ୍ତେ ଜେତାଏ ଆକ୍‌ତେୟାର୍ ନାମାକାଦ୍ ହଡ଼କେ କାଏ ମାଇନାଃ, ଇନିଃ ପାର୍‌ମେଶ୍ୱାର୍‌ତେ ଠାହାରାଅକାଦ୍ ଆନ୍‌ତୁକେ କାଏ ମାନାତିଙ୍ଗ୍ ତାନା । ନେ ଲେକା ରିକାଏତାନ୍ ହଡ଼ ଆଇଃକ୍‌ଗି ସାଜାଇ ଆଭଞ୍ଜେୟାଏ । ୩ ଅକ ହଡ଼କ ବୁଗିନ୍ କାମି ରିକାଈକ, ଇନ୍‌କୁ ଆକ୍‌ତେୟାର୍ ନାମାକାଦ୍‌କକେ ଆତଃ ଆକଆଃ ହାକିମ୍‌କକେ ବର କା ଲାଗାତିଙ୍ଗ୍‌ୟାଃ, ମେନ୍‌ଦ୍ ଏଡ଼କାନ୍ କାମିତାନ୍ ହଡ଼କକେ ବର ଲାଗାତିଙ୍ଗ୍‌ୟାଃ । ବେଗାର୍ ବରତେ ତାଇନ୍ ସାନାଙ୍ଗ୍‌ତାନ୍ ରେଦ୍‌ପେ ହାକିମ୍‌କଆଃ ଆୟାର୍‌ରେ ବୁଗିନ୍ କାମିକ ରିକାଏପେ । ଏନ୍‌ରେଦ୍ ଇନ୍‌କୁ ଆପେକେ ମାଇନ୍‌ପେୟାକ । ୪ ଚିୟାଃତି ଇନ୍‌କୁ ଆପେୟାଃ ବୁଗିନ୍ କାମି ରିକାଏ ନାଗେନ୍ତେ ପାର୍‌ମେଶ୍ୱାର୍‌ଆଃ ସାଲାକାନ୍ ଦାସିତାନ୍‌କ । ମେନ୍‌ଦ୍ ଆପେ ଏଡ଼କାନ୍ କାମି ରିକାଏ ରେଦ୍ ଇନ୍‌କୁକେ ବରକୁପେ, ଚିୟାଃତି ସାଜାଇ ଏମ୍ ନାଗେନ୍ତେ ଇନ୍‌କୁଆଃ ପେଡ଼େଃ ମେନାଃ । ଏଡ଼କାନ୍ କାମିତାନ୍ ହଡ଼କକେ ସାଜାଇ ଏମ୍ ନାଗେନ୍ତେ ଇନ୍‌କୁ ପାର୍‌ମେଶ୍ୱାର୍‌ଆଃ ହୁକୁମ୍‌କ ମାନାତିଙ୍ଗ୍‌ୟାଃ । ୫ ଏନାମେନ୍ତେ ଆପେକେ ରାଇଙ୍ଗ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍‌ୟାଃ, ପାର୍‌ମେଶ୍ୱାର୍‌ଆଃ ସାଜାଇ ନାମେରେୟାଃ ବରତେ କାହାଗି, ମେନ୍‌ଦ୍ ଆପ୍‌ନାଃ ବିବେକ୍‌ରେ ନେଆଁ ବୁଗିନାଃ ତାନାଃ ମେନ୍ତେ ସାରିତାନ୍ ହରାତେ ଆପେକେ ରିକା ଲାଗାତିଙ୍ଗ୍‌ୟାଃ ।

୬ *ଏନାମେନ୍ତେ ଆପେ କାର୍‌ହ୍ ଏମ୍‌ତାନାପେ, ଚିୟାଃତି ରାଇଙ୍ଗ୍ ଚାଲାଅତାନ୍‌କ ଆକଆଃ ପୁରା କାମି କାମିତାନ୍ ଇମ୍‌ତା ପାର୍‌ମେଶ୍ୱାର୍‌ଆଃ ଦାସିକ ଲେକା କାମିତାନାକ । ୭ ଏନାମେନ୍ତେ ଇନ୍‌କୁଆଃ ଲାଗାତିଙ୍ଗ୍‌ତେୟାଃକ ଏମାକପେ, ଅକ୍‌ନାଃ କାର୍ ଏମ୍ ଲାଗାତିଙ୍ଗ୍‌ୟାଃ ଏନା ସବେନାଃ ଏମାକପେ, ବର ଲାଗାତିଙ୍ଗ୍‌ରେ ବରକପେ ଆତଃ ସୁସାର୍ ଲାଗାତିଙ୍ଗ୍‌ରେ ସୁସାର୍‌କପେ ।

* ୧୨:୧୪ ୧୨:୧୪ ମାଥ୍‌ର ୫:୪; ଲୁକ ୭:୨୮. * ୧୩:୭ ୧୩:୭ ମାଥ୍‌ର ୨୨:୨୧; ମାର୍କ ୧୨:୧୭; ଲୁକ ୨୦:୨୫.

ମିଛୁଡ଼ି ଆଡ଼ଃମିଛୁଡ଼ିଲିଃ ଦୁପୁଲ୍ଲାଡ଼ି

୮ ମିଛୁଡ଼ି ଆଡ଼ଃମିଛୁଡ଼ିଲିଃ ଦୁଲ୍ଲାଡ଼ି ବାରିକେଦତେ ଆଡ଼ଃ ଏଟାଃ ଜେତାନ୍ ବିଷାଏରେ ଜେତାଏୟାଃ ଆଲ୍ଲଦେ ରିଣାନାଃ । ଜେତାଏ ଏଟାଃନିଃକେ ଦୁଲ୍ଲାଡ଼ାଏ ଇନିଃ ଆନୁଚୁକେ ମାନାତିକ୍ଳାଦା । ୯ “ଆଲ୍ଲଦେ ଆପାଜିରାଃ, ହଡ଼ ଆଲ୍ଲଦେ ଗଟାଏୟାଃ, ଆଲ୍ଲଦେ କୁମ୍ଭୁଆଃ, ଏଟାଃନିଆଃ ଜିନିଷ୍ଟକେ ଆଲ୍ଲଦେ ହାୟାଅଃଆ,” ନେଲ୍ଲେକାନ୍ ସବେନ୍ ଆନୁଚୁ ମିଆଁଦ୍ ଆନୁଚୁରେ ମେସାକାନା, “ଆମାଃ ହପରଜାପାଃରେନିଃକେ ଆପାନାଃ ଲେକା ଦୁଲ୍ଲାଡ଼ିମେ ।” ୧୦ ଆମ୍ ମିଛୁଡ଼ିଲିଃ ଦୁଲ୍ଲାଡ଼ିତାନ୍ ରେଦ, ଇନିୟାଃ ଏଡ଼କାନାଃ ଚିରଲ୍ଲାହ ଆଲ୍ଲମ୍ ରିକାଏୟା, ଏନାତେ ଦୁଲ୍ଲାଡ଼ିତେଗି ସବେନ୍ ଆନୁଚୁ ପୁରାଅଃତାନା ।

୧୧ ନାହାଁଃ ଆପେ ନେ ସବେନାଃକେ ରିକା ଲାଗାତିକ୍ଳାୟାଃ, ଚିଆଃତି ଦୁଡ଼ୁମ୍ଭୁଏତେ ଏୟନଃରାଃ ଦିପିଲି ସେଟେରୋକାନା । ଆନୁଆଃ ବିଶ୍ୱାସ୍ ହବାୟାନ୍ ହୁଲ୍ଲାକ୍ଳାତାଏତେ ନାହାଁଃ ଜୀଉବାସ୍ତାଆ ନାମେରେୟାଃ ଦିପିଲି ପୁରାଃଗି ନାଡ଼େଜାକାନା । ୧୨ ନୁବାଃ ସେନଃୟାନ୍ରିୟା, ମାର୍ସାଲ୍ଲ ହିଲ୍ଲୁଃ ସେଟେରଃତାନା । ଏଲ୍ଲା, ନୁବାଃରେୟାଃ ଏଡ଼କାନ୍ କାମିକ ବାରିକେଦତେ ମାୟାଲ୍ଲରେ ହବାଅଃତାନ୍ ବୁଗିନ୍ କାମି ରିକା ନାଗେଟ୍ରେ ସେକାଡ଼ାକାନ୍ରିବୁ ତାଇନାଃ । ୧୩ ଦିଶ୍ୱାମ୍ରେୟାଃ ରିଜ୍ଜରାକ୍ଳି ଆଡ଼ଃ ଇଲିଆରୁଶ୍ଟରେ ବୁଲ୍ଲଃତାନ୍, ହଡ଼ମରେୟାଃ ଏଡ଼କାନ୍ ସାନାକ୍ଳି ଚାଏ ଏଡ଼କାନ୍ ତାଇଲ୍ଲ ଚାଲ୍ଲନ୍, ଲାପାଡ଼ାକ୍ଳି ଆଡ଼ଃ ହିସ୍ଜାରେ କା ତାଇନକେଦତେ ଏଲ୍ଲା, ଆବୁ ବୁଗିନ୍ ଆଡ଼ଃ ମାର୍ସାଲ୍ଲରେନ୍ ହଡ଼କ ଲେକା ବୁଗିନ୍ ତାଇଲ୍ଲ ଚାଲ୍ଲନ୍ରେବୁ ତାଇନାଃ । ୧୪ ମେନ୍ଦ୍ ପ୍ରାଭୁ ଯାଶ୍ୱ ଶ୍ରୀଷ୍ଟିଆଃ ଗୁନ୍ ଲେକା ଚାଇଲ୍ଲ ଚାଲ୍ଲନ୍ ରିକାଏପେ, ପାପ୍ ଆଡ଼ଃ ହଡ଼ମରାଃ ଏଡ଼କାନ୍ ସାନାକ୍ଳିକେ ପୁରାଏ ନାଗେଟ୍ରେ ଆଲ୍ଲଦେ ଉଡ଼ୁୟା ।

୧୪

ଏଟାଃନିଃକେ ଆଲ୍ଲଦେ ବିଚାରାଃ

୧ *ବିଶ୍ୱାସ୍ରେ ତାଇନତାନ୍ ନାରାଦୁରାକକେ ଦାରମ୍ବକପେ, ମେନ୍ଦ୍ ଇନକୁଆଃ ଆକଆଃ ଆପ୍ନାଃ ବିଶ୍ୱାସ୍ କାଜିରେ ଆଲ୍ଲଦେ କାପ୍ଜିଆଃ । ୨ ଚିମିନ୍ ହଡ଼କ ସବେନାଃ ଜମ୍ରେୟା ହବାଅଃଆ ମେଟ୍ରେ ବିଶ୍ୱାସ୍ଆଃକ, ମେନ୍ଦ୍ ବିଶ୍ୱାସ୍ରେ ନାରାଦୁରା ହଡ଼ ଏସ୍କାର୍ ଆଡ଼ାଃସାକାମ୍ ଜଜମାଃଏ । ୩ ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ହଡ଼କ, ଆଡ଼ାଃସାକାମ୍ ଜମ୍ତାନ୍ ହଡ଼କକେ ଆଲ୍ଲକାକ ଲାଦାକକା, ଆଡ଼ଃ ଆଡ଼ାଃସାକାମ୍ ଜମ୍ତାନ୍ ହଡ଼କ, ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ହଡ଼କକେ ଆଲ୍ଲକାକ ବିଚାରକକା, ଚିଆଃତି ପାର୍ମେଶ୍ୱାର୍ ଇନକୁକେହରି ଗ୍ରାହାଣକାଦକଆ । ୪ ଏଟାଃନିୟାଃ ଦାସିକକେ ବିଚାର ନାଗେଟ୍ରେ ଆପେ ଅକଏ ତାନ୍ଦେ ? ଇନକୁ ବୁଗିନାଃ ରିକାକାଦାକ ଚାଏ ଏଡ଼କାନାଃ ରିକାକାଦାକ ଏନା ଆକଆଃ ଗୁସିୟାଁ ଏସ୍କାର୍ ବିଚାରେୟାଏ । ଇନକୁ ଗ୍ରାହାଣଆକ ଚିଆଃତି ପ୍ରାଭୁ ଇନକୁକେ ଗ୍ରାହାଣକାଦକଆ ।

୫ ଚିମିନ୍ ହଡ଼କ ଏଟାଃ ହୁଲ୍ଲାକ୍ଳାଏତେ ବିଶେଷ୍ଟ ହୁଲ୍ଲାକ୍ଳାକେ ପୁରାଃଗିକ ମାଇନାଃ, ଆଡ଼ଃ ଚିମିନ୍ ହଡ଼କ ସବେନ୍ ହୁଲ୍ଲାକ୍ଳାକେ ସାମାନ୍ରିକ ମାଇନାଃ । ମେନ୍ଦ୍ ଆବୁ ଆପ୍ନାଃ ବିଶ୍ୱାସ୍ ଲେକାତେ ମନ୍ରେ ଉଡ଼ୁତାନ୍ଲିଃ ତିକ୍ଳୁକେଟେଦ୍ରିବୁ ତାଇନାଃ । ୬ ଅକନ୍ ହଡ଼କ ମିଆଁଦ୍ ଦିନକେ ବିଶେଷ୍ଟ ଦିନ୍ ମେଟ୍ରେ ଉଡ଼ୁତାନାକ, ଇନକୁ ଏନାକେ ପ୍ରାଭୁଆଃ ମାଇନଃ ନାଗେଟ୍ରେ ରିକାଏକାକ, ଆଡ଼ଃ ଅକନ୍ ହଡ଼କ ସବେନ୍ ଲେକାନ୍ ଜମ୍ରେୟାଃ ଜମ୍ତାନାକ, ଇନକୁ ପାର୍ମେଶ୍ୱାର୍ରେକେ ଆନ୍ୟାବାଦ୍ ଏମ୍ତାନ୍ଲିଃ ଜମ୍ମେକାକ, ଏନା ହରାତେ ପାର୍ମେଶ୍ୱାର୍ ମାଇନଃଆଏ । ଅକନ୍ ହଡ଼କ ସବେନ୍ ଲେକାନ୍ ଜମ୍ରେୟାଃ କାକ ଜମ୍ତାନା, ଇନକୁ ପାର୍ମେଶ୍ୱାର୍ଆଃ ମାଇନଃ ନାଗେଟ୍ରେ ରିକାଏକାକ ଆଡ଼ଃ ପାର୍ମେଶ୍ୱାର୍ରେକେ ଆନ୍ୟାବାଦ୍ ଏମାଇକାକ । ୭ ଆବୁକଏତେ ଜେତାଏ ଆପ୍ନାଃ ନାଗେଟ୍ରେ କାଏ ବାସ୍ତାଅଃଆ ଚାଏ ଆପ୍ନାଃ ନାଗେଟ୍ରେ ଏସ୍କାର୍ ଜୀଉ କାଏ ଏମେୟା । ୮ ଆବୁ ବାସ୍ତାଅଃତାନ୍ ରେଦ ପ୍ରାଭୁଆଃ ନାଗେଟ୍ରେବୁ ବାସ୍ତାଅଃତାନା, ଆଡ଼ଃ ଜୀଉ ଏମ୍ତାନ୍ରେଦ ପ୍ରାଭୁଆଃ ନାଗେଟ୍ରେ ଜୀଉ ଏମ୍ତାନାବୁ । ଏନାମେଟ୍ରେ ଜାନିଦ୍ ଆଡ଼ଃ ଗନଏରେ ଆବୁ ପ୍ରାଭୁଆଃତାନ୍ବୁ । ୯ ଚିୟାଃତି ଶ୍ରୀଷ୍ଟି ଗଏଃକେଦତେ ଜୀଉବିରିଦ୍ୟାନ୍ ହରାତେ ଜୀହୁଦଃତାନ୍କଆଃ ଆଡ଼ଃ ଗଜାକାନ୍କଆଃ ପ୍ରାଭୁ ହବାକାନାଏ । ୧୦ *ତାଦ୍ ଆପେ ଚିନାଃ ନାକ୍ଳି ଆଡ଼ାଃସାକାମ୍ ଜମ୍ତାନ୍ ହାଗାକକେ ବିଚାରକତାନାପେ ? ଆଡ଼ଃ ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ବିଶ୍ୱାସାକକେ ଚିନାଃମେଟ୍ରେପେ ହିଲ୍ଲାକ୍ଳାକତାନା ? ଆବୁ ସବେନକକେ ପାର୍ମେଶ୍ୱାର୍ଆଃ ବିଚାର୍ ଠାୟାଦ୍ରେ ବିଚାର୍ ନାଗେଟ୍ରେ ତିକ୍ଳୁନ୍ ଲାଗାତିକ୍ଳାୟାଃ । ୧୧ ଚିୟାଃତି ଧାରମ୍ପପୁଅରେ ଅଲ୍ଲାକାନା, “ପ୍ରାଭୁ କାଜିତାନାଏ, ଆଇକ୍ଳାଦ୍ ଜାନିଦ୍ ପାର୍ମେଶ୍ୱାର୍ ତାନିକ୍ଳି,

* ୧୪:୧ ୧୪:୧ କଲସିୟ ୨:୧୭. * ୧୪:୧୦ ୧୪:୧୦ ୨ କରିନ୍ଥ୍ରିୟ ୫:୧୦.

ସବେନକ ଆଇଁୟାଃ ଆୟାରରେକ ଇକ୍ତୁରୁମା,
ଆତଃ ଆଇଙ୍ଗ୍ ପାର୍ମେଶ୍ୱାର୍ ତାନିଙ୍ଗ୍ ମେନ୍ତେ ସବେନକ କାଜିୟା ।”

୧୨ ଆବୁ ସବେନକକେ ପାର୍ମେଶ୍ୱାର୍ଆଃ ଆୟାରରେ ଆପ୍ତନାଃ ହିସାବ୍ ଏମାଃ ଲାଗାତିଙ୍ଗ୍ୟାଃ ।

ଜେତାଏୟାଃ ତହଦଃନିଃ ଆଲପେ ହବାଅଃଆ

୧୩ ଏନାତେ ମିହୁଡ୍ ଆତଃମିହୁଡ୍ଆଃ ବିତାର୍ ଆଲପେ ରିକାଏୟା, ନେଲେକାହଗି ଆଲପେ ରିକାଏ, ଅକ ହରାତେ ଚି ଏଗାଃମିହୁଡ୍ ହାଗା ତହଦକେଦ୍ତେ ପାପ୍ରେ ଉୟୁଗଃଆ । ୧୪ ଆଇଙ୍ଗ୍ ପ୍ରାଭୁ ଯାଶ୍ୱିଲଃ ମେନେସାରେ ତାଇନ୍ ହରାତେ ସାରିତାନାଇଙ୍ଗ୍ ଯେ, ସାର୍ତ୍ତିଗି ଜେତାନ୍ ଜମେୟାଃ ଆପାନ୍ତେଗି କା ସଡ୍‌ରାଅଃଆ, ମେନ୍ଦ୍ ଜେତାଏ ହଡ୍ ଜେତାନ୍ ଜମେୟାଃକେ ସଡ୍‌ରାକାନା ମେନ୍ତେ ବିଶ୍ୱାସେରେଦ୍ ଏନ୍ ଜମେୟାଃ ଇନିୟାଃ ନାଗେନ୍ତେ ସଡ୍‌ରାଅଃଆ । ୧୫ ଆପେ ଜେତାନ୍ ଜମେୟାଃ ଜମ୍ ହରାତେ ଆପେୟାଃ ହାଗା ଚାଏ ମିଗିଆଃ ମନ୍ରେ ଦୁକୁପେ ଏମାଇତାନ୍ରେଦ୍, ଆପେ ଦୁଲାଡ୍‌ତେ କାପେ ସେସେନ୍‌ତାନା । ଅକ ହାଗା ଚାଏ ମିଗି ନାଗେନ୍ତେ ଖ୍ରୀଷ୍ଟ୍ ଜୀଉ ଏମ୍‌କେଦାଏ, ନେ ଜମେୟାଃ ନାଗେନ୍ତେ ଇନିୟାଃ ଜିୟନଃ ଆଲପେ ରିକାଏୟା । ୧୬ ଆପେ ଅକ୍‌ନାଃକେ ବୁଗିନ୍ ମେନ୍ତେପେ ଆବ୍‌କାରେତାନା, ଏନ୍ ହରାତେ ଆପେୟାଃ ନୁଡୁମ୍ ଆଲକା ଏଡ୍‌କାନଃକା । ୧୭ ଚିଆଃଟି ପାର୍ମେଶ୍ୱାର୍ଆଃ ରାଇଜ୍‌ଦ୍ ବିଶେଷ୍ଟକେଦ୍ତେ ଜଜମ୍ ନୁଁ ନାହାଁଲାଃ, ମେନ୍ଦ୍ ଏନା ପାବିତାର୍ ଆମ୍ବାରାଃ ହରାତେ ଏମାକାନ୍ ଧାର୍‌ମାନ୍, ଜୀଉସୁକୁ ଆତଃ ରାସ୍‌କାନିତେୟାଃ ତାନାଃ । ୧୮ ଜେତାଏ ନେଲେକା ଖ୍ରୀଷ୍ଟ୍‌ଆଃ ସେଝା ରିକାଏଏ, ଇନିଃ ପାର୍ମେଶ୍ୱାର୍‌କେ ସୁକୁଇଚିୟା ଆତଃ ହଡ୍‌କଆଃ ଆୟାରରେ ମାଇନ୍ ନାମେନିଃ ହବାଅଃଆଏ ।

୧୯ ଏନାମେନ୍ତେ ହିଜୁଃପେ, ଜୀଉସୁକୁ ଏମେତାନ୍ କାମିକକେ ଆବୁ କେଟେଜେ ନାଗେନ୍ତେବୁ କାମିୟା ଆତଃ ମିହୁଡ୍ ଆତଃମିହୁଡ୍‌କେ ଦେଙ୍ଗାତାନ୍ କାମିକବୁ କାମିୟା । ୨୦ ପାର୍ମେଶ୍ୱାର୍ ଅକଆଃ ରିକାକାଦାଏ ଏନାକେ ଜଜମାଃ ହରାତେ ଆଲପେ ଜିୟନେଆ । ସବେନ୍ ଲେକାନ୍ ଜମେୟାଃ ଫାର୍‌ଚିରିୟା ଆତଃ ଜମ୍ ଦାଡ୍‌ିଅଃଆ, ମେନ୍ଦ୍ ଜେତାନ୍ ଜମେୟାଃ ହରାତେ ଆପେ ଜେତାଏୟାଃ ନାଙ୍ଗ୍ ତହଦ୍‌ଇଚିୟଃ ରେଦ୍ ଏନ୍ ଜମେୟାଃ ଆଲପେ ଜମେୟା । ୨୧ ଆପେ ହାକୁ ଚାଏ ମାସ୍ ଜମ୍‌ରେ ଆତଃ ଇଲିଆରୁଖ୍‌ରେ ବୁଲଃ ହରାତେ ଆପେୟାଃ ହାଗା ଚାଏ ମିଗି ବିଶ୍ୱାସ୍‌ରେ ତହଦଃରେଦ୍, ଏନ୍ ସବେନାଃଏତେ ସାଜିନଃତେୟାଃ ବୁଗିନାଃ ତାନାଃ । ୨୨ ନେ ବିଷାଏରେ ଆପେୟାଃ ଆପ୍ତନାଃ ବିଶ୍ୱାସ୍ ପାର୍ମେଶ୍ୱାର୍ ଏସକାର୍ ସାରିକାଏ । ଅକନ୍ ହଡ୍ ବୁଗିନାଃ ତାନାଃ ମେନ୍ତେ ଆବ୍‌କାର୍‌ଉତ୍‌ରୁମ୍‌ତାନ୍‌ଲଃ ଜେତାନ୍ କାମି କାମିୟାଏ, ଆତଃ ଏନା ନାଗେନ୍ତେ ତାୟମ୍‌ତେ ଆପାନ୍‌କେ କାଏ ଚିତାନ୍‌ନିଃ ସୁକୁତାନ୍‌ଗିଆଏ । ୨୩ ମେନ୍ଦ୍ ଅକ ଜମେୟାଃ ଜମ୍ ନାଙ୍ଗ୍ ବୁଗିନାଃ ଚାଏ କା ବୁଗିନାଃ, ନେ କାଜି ମନ୍ରେ ଆଡ଼ାଃଉଡ୍‌ଷ୍ଟକେଦ୍ତେ ଜମେରେଦ୍, ଇନିଃ ପାର୍ମେଶ୍ୱାର୍‌ଆଃ ଆୟାରରେ ସାଜାଇ ନାମେୟାଏ, ଚିଆଃଟି ଏନା ଆୟାଃ ବିଶ୍ୱାସ୍ ଲେକାତେ ନାହାଁଲାଃ । ବିଶ୍ୱାସ୍ ତେତାନ୍‌ରେ ଅକ୍‌ନାଃ କା ଠାହାରାଅକାନା ଏନା ପାପ୍ ତାନାଃ ।

୧୫

ଏଗାଃନିଃକେ ସୁକୁଇଚିପେ ଆପାନ୍‌କେଦ୍ କାହାଗି

୧ ଆବୁ ଆବୁଆଃ ବିଶ୍ୱାସ୍‌ରେ କେଟେୟାନ୍‌ଗି ମେନାବୁଆ, ଏନାତେ ଆବୁ ବିଶ୍ୱାସ୍‌ରେ ନାରାବୁରା ମେନାକ ହଡ୍‌କକେ ଦେଙ୍ଗା ଲାଗାତିଙ୍ଗ୍ୟାଃ । ଆବୁ ଆପାନ୍‌କେ ଏସକାର୍ ସୁକୁରେ ତାଇନଃ କା ଲାଗାତିଙ୍ଗ୍ୟାଃ । ୨ ମେନ୍ଦ୍ ଆବୁ ଏଗାଃ ହଡ୍‌କଆଃ ବୁଗିନ୍ ନାଗେନ୍ତେ ଆତଃ ଇନ୍‌କୁଆଃ ବିଶ୍ୱାସ୍‌କେ କେଟେଜେ ନାଗେନ୍ତେ ଇନ୍‌କୁକେ ସୁକୁରେ ଦହ ଲାଗାତିଙ୍ଗ୍ୟାଃ । ୩ ଖ୍ରୀଷ୍ଟ୍ ଆୟାଃ ଆପ୍ତନାଃ ସୁକୁ ନାଗେନ୍ତେ ଜେଡ୍‌ନାଃ କାଏ କାମି ତାଇକେନା, ମେନ୍ଦ୍ ଧାରାମ୍‌ପୁଅରେ ଅଲ୍‌କାନା, “ଇନ୍‌କୁ ଆମ୍‌କେ ଲାଦାକେଦ୍‌ମେୟାକ୍, ଏନା ଆଇଙ୍ଗ୍ ସାହାତିଙ୍ଗ୍‌ତାନା ।” ୪ ଧାରାମ୍‌ପୁଅରେୟାଃ ସବେନ୍ ଇନିତୁ ଆବୁଆଃ ବୁଗିନାଃ ନାଗେନ୍ତେ ତାନାଃ, ଆସ୍ତାରେ ଡିଙ୍ଗ୍‌କେଟେୟାଃ ନାଗେନ୍ତେ ଧାରାମ୍‌ପୁଅ ଆବୁକେ ଧୁରାଜ୍ ଆତଃ ଜୀଉରାଡ୍‌ଃ ଏମାଃଏ । ୫ ଖ୍ରୀଷ୍ଟ୍ ଯାଶ୍ୱିଆଃ ନାମ୍‌ନାରେୟାଃ ଅତଙ୍ଗ୍‌ତାନ୍‌କ ହବାଅଃ ନାଗେନ୍ତେ ଆପେ ସବେନକଆଃ ମନ୍ ଆତଃ ଉଡ୍‌ଷ୍ଟ୍, ଏନ୍ ଲେକାଗି ହବାଅଃ ନାଗେନ୍ତେ ଧୁରାଜ୍ ଆତଃ ଜୀଉରାଡ୍‌ଃ ଏମାବୁତାନ୍ ପାର୍ମେଶ୍ୱାର୍ ଆପେକେ ଦେଙ୍ଗାପେକାଏ । ୬ ଆପେ ସବେନକ ମିସାତେ ମିଦ୍ ଲାବ୍‌ଜାଲଃ ଆପୁ ପାର୍ମେଶ୍ୱାର୍ ଆତଃ ଆବୁଆଃ ପ୍ରାଭୁ ଯାଶ୍ ଖ୍ରୀଷ୍ଟ୍‌ଆଃ ମାନାରାଙ୍ଗ୍ ରିକାଏପେ ।

ହିବୁଦୀ ହଡ୍‌କ ଆତଃ ସାଅଁପାର୍ ହଡ୍‌କ ନାଗେନ୍ତେ ସୁକୁକାଜି

୭ ଏନାମେନ୍ତେ ଖ୍ରୀଷ୍ଟ ଜେ'ଲେକା ଆପେକେ ଦାରମ୍ଭକାଦପେୟା, ପାର୍ମେଣ୍ଟ୍‌ୟାର୍‌ଆଃ ମାଲାନନ୍ ନାଗେନ୍ତେ ଆପେୟ ଏନ୍ ଲେକାରି ମିହୁଡ୍ ଆତଃମିହୁଡ୍‌କକେ ଦାରମ୍ଭକପେ । ୮ ଚିଆଃତି ଖ୍ରୀଷ୍ଟ୍‌ଆଃ ସ୍ୱସାର୍‌ରେୟାଃ ଜୀଦାନ୍ ଖାଡ୍‌ନାଅକାନ୍ ଯିହୁଦୀ ହଡ୍‌କ ନାଙ୍ଗ୍ ତାଇକେନା । ଇନ୍‌କୁକେ ଇନିଃ ଦେଖାଅକ ନାଙ୍ଗ୍ ସାନାଙ୍ଗ୍ ତାଇକେନାଏ ଯେ ପାର୍ମେଣ୍ଟ୍‌ୟାର୍ ପାତିୟାର୍‌ରଃ ଲେକାନ୍‌ନିଃ ତାନିଃ । ଯିହୁଦୀ ହଡ୍‌କଆଃ ପୁର୍‌ଖା ହାଡ୍‌ମାକକେ ଏମାକାଦକ ଆୟାଃ ବାନାର୍‌ସା ସବେନାଃକେ ଖ୍ରୀଷ୍ଟ୍ ମାନାତିୟେ'ଆଏ । ୯ ଆତଃ ସାର୍‌ସାର୍ ହଡ୍‌କ ପାର୍ମେଣ୍ଟ୍‌ୟାର୍‌ଆଃ ଲିନିବୁଇ ନାଗେନ୍ତେ ଇନିୟାଃ ମାନାରାଙ୍ଗ୍ ରିକା ଦାଡ୍‌ୟାଃକ । ଧାରାମ୍‌ପୁଅରେ ଅଲ୍‌କାନ୍,

“ଏନାମେନ୍ତେ ଆଇଙ୍ଗ୍ ସାର୍‌ସାର୍ ହଡ୍‌କଆଃ ଆଲାରେ ଆମାଃ ମାନାରାଙ୍ଗ୍ ରିକାୟାଇଙ୍ଗ୍,
ସବେନ୍ ଇମ୍‌ତା ଆମାଃ ମାନାରାଙ୍ଗ୍ ଦୁରାଙ୍ଗ୍‌ୟେ'ଇଙ୍ଗ୍ ।”

୧୦ ଆତଃଗି ଧାରାମ୍‌ପୁଅରେ ଅଲ୍‌କାନା,

“ସାର୍‌ସାର୍ ହଡ୍‌କ ପାର୍ମେଣ୍ଟ୍‌ୟାର୍‌ଆଃ ହଡ୍‌କଲଃ ରାସ୍‌କାଅଃକାକ ।”

୧୧ ଆତଃଗି,

“ସବେନ୍ ସାର୍‌ସାର୍ ହଡ୍‌କ ପ୍ରାଭୁଆଃ ମାନାରାଙ୍ଗ୍ ରିକାଏକାକ ।
ଆତଃ ସବେନ୍ ହଡ୍‌କ ଇନିୟାଃ ମାନାରାଙ୍ଗ୍ ରିକାଏକାକ ।”

୧୨ ଆତଃଗି ଯିଶାୟ କାଜିକାଦା,

“ଯିଶିଆଃ କିଲିରେନ୍ ମିହୁଡ୍ ଉନ୍‌ଦୁବଃଆଏ,
ଇନିଃ ସାର୍‌ସାର୍ ହଡ୍‌କକେ ରାଇଙ୍ଗ୍‌କଆ
ଆତଃ ଇନ୍‌କୁ ଇନିଃତାଃରେକ ଆସ୍ତାଏୟା ।”

୧୩ ପାର୍ମେଣ୍ଟ୍‌ୟାର୍ ସବେନ୍ ଆସ୍ତାରେନ୍ ଭାଣ୍ଡାଉ ହବାଅଃକାଏ, ଆପେ ଇନିଃତାଃରେ ବିଶ୍ୱାସ୍‌ତାନ୍ ହରାତେ ସବେନ୍ ରାସ୍‌କା ଆତଃ ଜୀଉସ୍‌କୁରେ ଇନିଃ ଆପେକେ ପେରେଃପେକା, ଜେ'ଲେକାଚି ଆପେ ପାବିତାର୍ ଆମ୍‌ରାଃ ପେଡ୍‌ଃତେ ଆପେୟାଃ ଆସ୍ତା ହାରାଇଦିୟାଃ ।

ସାର୍‌ସାର୍ ହଡ୍‌କତାଃରେ ପାରଲୁସ୍‌ଆଃ କାମି

୧୪ ହେ ହାଗା ମିଶିକ, ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍ ଯେ ଆପେ ସବେନ୍‌କ ପୁରାଃ ବୁଗିନାଃତେ, ଆତଃ ସବେନ୍ ସେଣ୍ଟାନ୍‌ତେ ପେରେଜାକାନାପେ, ଆତଃ ଆପେ ମିହୁଡ୍ ଆତଃମିହୁଡ୍‌କେ ଇଡ୍ ଦାଡ୍‌ୟାଃପେ । ୧୫ ଏନ୍‌ରେୟ ଆତଃମିସା ପାହାମ୍‌ରୁହାଡ୍ ନାଗେନ୍ତେ ଆଇଙ୍ଗ୍ ଚିମିନ୍ ବିଷାଏକ ନେ ଚିଟାଉରେ ଅଲ୍‌କାଦ୍ ତାଇକେନାଇଙ୍ଗ୍, ପାର୍ମେଣ୍ଟ୍‌ୟାର୍‌ଆଃ ସାୟାଦ୍ ହରାତେ ଆଇଙ୍ଗ୍ ଜୀଉରେ କେଟେଦ୍ ନାମକେଦ୍‌ତେ ନେ ସବେନାଃ ଆପେତାଃତେଇଙ୍ଗ୍ ଅଲ୍‌କେଦା । ୧୬ ଚିୟାଃତି ସାର୍‌ସାର୍ ହଡ୍‌କ ଜେ'ଲେକା ପାବିତାର୍ ଆମ୍‌ରାଃ ହରାତେ ପାବିତାର୍ କାମି ନାଙ୍ଗ୍ ଜିମାୟାନ୍‌ଲଃ ପାର୍ମେଣ୍ଟ୍‌ୟାର୍‌ଆଃ ଆୟାର୍‌ରେ ଦାନ୍ ରାକାବଃରେ ସୁକୁଆନ୍‌ଗିକ ହବାଅଃଆ, ଏନାମେନ୍ତେ ଆଇଙ୍ଗ୍ ଇନ୍‌କୁତାଃରେ ଖ୍ରୀଷ୍ଟ୍ ଯିଶୁଆଃ ଦାସି ଲେକା ହବାକେଦ୍‌ତେ ପାର୍ମେଣ୍ଟ୍‌ୟାର୍‌ଆଃ ସୁକୁକାଜି ଉଦୁବ୍‌ରେ, ଆଇଙ୍ଗ୍ ଯାଜାକ୍ କାମି ଲେକାଇଙ୍ଗ୍ କାମିତାନା । ୧୭ ଖ୍ରୀଷ୍ଟ୍ ଯିଶୁଲଃ ମେସାକେଦ୍‌ତେ ପାର୍ମେଣ୍ଟ୍‌ୟାର୍‌ଆଃ ନାଗେନ୍ତେ ନେ ସେଝାକାମି ରିକାତାନ୍ ହରାତେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା । ୧୮ ସାର୍‌ସାର୍ ହଡ୍‌କ ପାର୍ମେଣ୍ଟ୍‌ୟାର୍‌ଆଃ କାଜି ଆୟୁମେକାକ ମେନ୍ତେ ଖ୍ରୀଷ୍ଟ୍ ଆଇଁୟାଃ ହରାତେ ଚିନାଃଏ କାମିକାଦା, ଏନା ଏସ୍‌କାର୍ କାଜି ନାଗେନ୍ତେ ଆଇଙ୍ଗ୍ ଜୀଉରେ କେଟେଦ୍ ନାମାକାଦାଇଙ୍ଗ୍ । ୧୯ ଇନିଃ ବାରାନ୍‌ତେ ଆତଃ କାମିତେ ଆକ୍‌ଦାନ୍‌ଆ କାମିରାଃ ପେଡ୍‌ଃତେ ଆତଃ ଆକ୍‌ଚାକାଅତେ, ଆତଃ ପାର୍ମେଣ୍ଟ୍‌ୟାର୍‌ଆଃ ପାବିତାର୍ ଆମ୍‌ରାଃ ପେଡ୍‌ଃତେ ନେ ସବେନାଃଏ କାମିକାଦା । ଏନାତେ ଆଇଙ୍ଗ୍ ଯିରୁଶାଲେମ୍‌ତାଃଏତେ ଇଲିରିକମ୍‌ତେ ହରାତେ ଇମ୍‌ତା ହରାତେ ଖ୍ରୀଷ୍ଟ୍‌ଆଃ ସୁକୁକାଜି ପୁରାଃଗିଇଙ୍ଗ୍ ଉଦୁବ୍‌କାଦା । ୨୦ ଅକ ଠାୟାଦ୍‌କରେନ୍ ହଡ୍‌କ ଖ୍ରୀଷ୍ଟ୍‌ଆଃ ସୁକୁକାଜିକେ କାକ ଆୟୁମାକାଦା, ଏତ୍ରାଃରେ ନେ ସୁକୁକାଜିକେ ଉଦୁବ୍ ନାଙ୍ଗ୍ ଆଇଙ୍ଗ୍ ସାନାଙ୍ଗ୍‌କେଦାଈଙ୍ଗ୍, ଚିଆଃତି ଏଟାଃ ହଡ୍‌କଆଃ ହରାତେ ଏନେଟେଦ୍‌କାନ୍ ନିହିଁ ଗାତାରେ କାମିୟାକାନ୍ କାମିକେ ଆଇଙ୍ଗ୍ ଆତଃମିସା କାମି ନାଙ୍ଗ୍ କାଈଙ୍ଗ୍ ସାନାଙ୍ଗ୍‌ତାନା । ୨୧ ଧାରାମ୍‌ପୁଅରେ ନେ'ଲେକା ଅଲ୍‌କାନା,

“ଅକନ୍ ହଡ୍‌କକେ ଇନିୟାଃ ବିଷାଏରେ କା କାଜିକାନ୍ ତାଇକେନା, ଇନ୍‌କୁ ଇନିଃକେକ ନେଲିୟା
ଆତଃ ଅକନ୍ ହଡ୍‌କ ଇନିୟାଃ ବିଷାଏରେ କାକ ଆୟୁମାକାଦ୍ ତାଇକେନା, ଇନ୍‌କୁ ଆୟୁମେଆକ

।”*

* ୧୫:୨୧ ୧୫:୨୧ ଯିଶାୟ ୫୩:୧

ରୋମ ନାଗରରେ ସେନାମାନଙ୍କ ପାଉଁଶିଆ ଉତ୍ସାହ

^{୨୨} *ଏନାମେନ୍ତେ ଆଇଙ୍କକେ ଆପେତାଃତେ ସେନ୍ ନାଗେନ୍ତେ ପୁରାଃସାଃ କାଜିକଟକ୍ ନାମାକାଦାଇକ୍ । ^{୨୩} ମେନ୍ଦ ନେ ପାର୍ଗାନକରେ ଆଇଁୟାଃ କାମିକ ପୁରାୟାନା ଆତଃ ଆପେକେ ନେନେଲ୍ ନାଗେନ୍ତେ ପୁରାଃ ବାରାଷରେୟାଃ ଆସ୍ତା ନାହିଁଃଦ ପୁରାଃଆଆ । ^{୨୪} ଆଇଙ୍କ୍ ସ୍ତେନ୍ତେ ସେନଃ ହରାରେ ଆପେଲଃ ନେପେଲକେଦତେଇଙ୍କ୍ ହିଜୁଃଆ ମେନ୍ତେଇଙ୍କ୍ ଉଡ଼ୁକାଦା । ଆପେତାଃରେ ଘାଡ଼ିକାଦ ତାଇନକେଦତେ ସ୍ତେନ୍ତେ ସେନଃ ନାଙ୍କ୍ ଦେଙ୍ଗାୟାଃତେ ମେନ୍ତେଇଙ୍କ୍ ଆସ୍ତାତାନା । ^{୨୫} *ମେନ୍ଦ ନାହିଁଃ ଆଇଙ୍କ୍ ପାର୍ମେଶ୍ୱାର୍ଆଃ ହଡ଼କଆଃ ସୁସାର୍ ନାଗେନ୍ତେ ଯୀରୁଶାଲେମ୍ତେ ସେନଃ ନାଗେନ୍ତେଇଙ୍କ୍ ଅତଙ୍ଗାଆକାନା । ^{୨୬} ତିଆଃତି ଯୀରୁଶାଲେମ୍ତେ ପାର୍ମେଶ୍ୱାର୍ଆଃ ହଡ଼କ ଜାଞ୍ଜିଆକାନାକ, ଇନ୍କୁଆଃ ନାଙ୍କ୍ ଦାନ ଏମକେଦତେ ଦେଙ୍ଗାକ ନାଗେନ୍ତେ ମାଜିଦନିଆ ଆତଃ ଆଖାୟାରାଃ କାଲିସିୟାରେନ୍ ହଡ଼କ ଉତ୍ସାହକାଦାକ । ^{୨୭} *ନେଆଁଦ ଇନ୍କୁ ଆପନାଃ ଇଛାସାନାଙ୍କ୍ତେ ଉତ୍ସାହକାଦାକ, ମେନ୍ଦ ଇନ୍କୁ ସାଞ୍ସାର୍ ହଡ଼କଆଃ ଆୟାରରେ ହରି ରିଶାକାନାକ, ତିଆଃତି ଯିହୁଦୀ ହଡ଼କ ଆକଆଃ ଆପନାଃ ଆମିକରେୟାଃ ଆଶିଷ୍ରେ ସାଞ୍ସାର୍ ହଡ଼କକେ ହିସା ଏମାକାଦକ ହରାତେ, ସାଞ୍ସାର୍ ହଡ଼କ ଆପନାଃ ଟାକା ପାଏସାରେ ହିସା ଏମକେଦତେ ଯିହୁଦୀ ହଡ଼କକେ ଦେଙ୍ଗା ଏମ୍ ଲାଗାଡ଼ିଙ୍ଗାୟାଃ । ^{୨୮} ଯୀରୁଶାଲେମ୍ତେ ଏନ୍ ଦାନକେ ଏମକେଦତେ ଆଇଁୟାଃ କାମି ଚାବାକେଦ ତାୟମତେ, ଆଇଙ୍କ୍ ସ୍ତେନ୍ତେ ସେନାମାନଙ୍କ୍ ଅତଙ୍ଗାଆଆଇଙ୍କ୍ ଆତଃ ସେନ୍ହରାରେ ଆପେଲଃ ନେପେଲ କେଦତେଇଙ୍କ୍ ହିଜୁଃଆ । ^{୨୯} ଆଇଙ୍କ୍ ସାରିକାଦାଇକ୍, ଆଇଙ୍କ୍ ଖ୍ରୀଷ୍ଟତାଃଏତେ ପୁରାଃ ଆଶିଷ୍ ଆଉକେଦତେ ଆପେତାଃତେଇଙ୍କ୍ ହିଜୁଃଆ । ^{୩୦} ହେ ହାଗା ମିଗିକ, ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁତୁମ୍ତେ ଆତଃ ପାବିତାର୍ ଆମ୍ ଏମାକାଦ ଦୁଲାଡ଼୍ ହରାତେ ଆଇଙ୍କ୍ ଆପେକେଇଙ୍କ୍ ବିକ୍ରିତେ ତାନା, ଆଇଁୟାଃ ନାଗେନ୍ତେ ପାର୍ମେଶ୍ୱାର୍ତାଃରେ ପୁରାଃ ଇଛାସାନାଙ୍କ୍ତେ ବିକ୍ରିତେ । ^{୩୧} ଆଇଙ୍କ୍ ଯିହୁଦୀ ପାର୍ଗାନରେ କା ବିଶ୍ୱାସ୍ତାନ ହଡ଼କତାଃଏତେ ଜେଲେକା ବାସ୍ତାଆକେଦତେ ତାଇନ୍ ଦାଡ଼ିୟାଇଙ୍କ୍ ଆତଃ ଯୀରୁଶାଲେମ୍ତେ ତାଇନ୍ତାନ ପାର୍ମେଶ୍ୱାର୍ଆଃ ହଡ଼କ ଜେଲେକା ଆଇଁୟାଃ କାମିକେ ସୁକ୍ଷଆକ ଏନାମେନ୍ତେ ବିକ୍ରିତେ । ^{୩୨} ପାର୍ମେଶ୍ୱାର୍ଆଃ ଇଛାସାନାଙ୍କ୍ ହବାଅଃରେଦ, ଆଇଙ୍କ୍ ଆପେତାଃତେ ରାସକାତେଇଙ୍କ୍ ହିଜୁଃଆ ଆତଃ ଆପେଲଃ ଘାଡ଼ିକାଦ ତାଇନକେଦତେ ରାସକାଇଙ୍କ୍ ନାମେୟା । ^{୩୩} ଆବୁକେ ଜାଉସୁକ୍ ଏମ୍ତାନ ପାର୍ମେଶ୍ୱାର୍ ଆପେ ସବେନକଲଃ ତାଇନଃକାଏ । ଆମେନ୍ ।



ପାଉଁଶିଆ ଜହାର୍ ତାଏ ଉତ୍ସାହ

^୧ କେକ୍ସିୟା ନାଗାରରେୟାଃ କାଲିସିୟାରେନ୍ ମିହୁଡ଼୍ ସୁସାର୍ତାନ ଆବୁଆଃ ମିଗି ଫେବିକେ ଆପେତାଃତେଇଙ୍କ୍ କୁଲିତାନା, ^୨ ଇନିଃକେ ପାର୍ମେଶ୍ୱାର୍ଆଃ ହଡ଼କ ଲେକା ପ୍ରାଭୁଆଃ ନୁତୁମ୍ତେ ଦାନମିତେ । ଇନିୟାଃ ଲାଗାଡ଼ିଙ୍ଗାତେୟାଃକ ଆପେତାଃଏତେ ଏମକେଦତେ ଇନିଃକେ ଦେଙ୍ଗାକେ । ଇନିଃ ଆଇଙ୍କ୍ତେ ଆତଃ ଏଗାଃ ପୁରାଃ ହଡ଼କକେ ପୁରାଃଗି ଦେଙ୍ଗାକାଦକଆ । ^୩ *ଖ୍ରୀଷ୍ଟିୟାୟାଃ ସେଖାରେ ଆଇଁୟାଃଲଃ ଗାଡ଼ିରେ କାମିତାନ ପ୍ରିସକିଲା ଆତଃ ଆକିଲାକେ ଆଇଁୟାଃ ଜହାର୍ ଉଦୁବାକିନ୍ତେ । ^୪ ଇନ୍କିନ୍ ଆଇଁୟାଃ ଜାଉ ବାସ୍ତା ଆନାଗେନ୍ତେ ଆକିନାଃ ଜାଉକେ ଏମ୍ ନାଗେନ୍ତେ ସାନାଙ୍ଗକାଦ ତାଇକେନାକିନ୍ । ଆଇଙ୍କ୍ ଏସକାର୍ କାହାଗି, ମେନ୍ଦ ସବେନ୍ ସାଞ୍ସାର୍ ହଡ଼କଆଃ କାଲିସିୟାରେନ୍ ହଡ଼କ ଇନ୍କିନାଃ ଧାନାବାଦ୍ ଏମ୍ତାନାକ । ^୫ ଇନ୍କିନାଃ ଅତଃରେ ହୁଣ୍ଡିଆତାନ କାଲିସିୟାରେନ୍ ହଡ଼କକେୟାଃ ଜହାର୍ ମେନ୍ତେଇଙ୍କ୍ କାଜିକତାନା । ଆଇଁୟାଃ ଦୁଲାଡ଼୍ ଗାଡ଼ି ଏପାଇନେତୁସକେ ଆଇଁୟାଃ ଜହାର୍ ଉଦୁବାକେ । ଏସିଆ ପାର୍ଗାନରେ ଇନିଃ ହବାଅଃତାନାଏ ପାହିଲା ଖ୍ରୀଷ୍ଟ ବିଶ୍ୱାସୀ । ^୬ ଆପେ ନାଗେନ୍ତେ ପୁରାଃଗି କାମିକାଦ୍ ମାରିୟାମକେ ଆଇଁୟାଃ ଜହାର୍ ଉଦୁବାକେ । ^୭ ଆନ୍ତନିକ୍ସ୍ ଆତଃ ଯୁନିୟାକେ ଆଇଁୟାଃ ଜହାର୍ କାଜିୟାକିନ୍ତେ । ନେ ବାରାନ୍କିନ୍ ଯିହୁଦୀ ତାନକିନ୍ ଆତଃ ଆଇଁୟାଃଲଃ ଜେହେଲ୍ରେକିନ୍ ତାଇକେନା । ଆଇଁୟାଃଏତେ ସିଦାରେ ଇନ୍କିନ୍ ଖ୍ରୀଷ୍ଟକେ ବିଶ୍ୱାସକା ତାଇକେନାକିନ୍ ଆତଃ କୁଲାକାନକ ଇନ୍କିନ୍ତେ ବୁଗିଲେକା ସାରିକାଦକିନାକ । ^୮ ପ୍ରାଭୁତାଃରେ ଆଇଁୟାଃ ଦୁଲାଡ଼୍ ଗାଡ଼ି ଆମ୍ପିୟାତୁସକେ ଜହାର୍ ଉଦୁବାକେ । ^୯ ଖ୍ରୀଷ୍ଟଆଃ ସେଖାରେ ଆଇଁୟାଃଲଃ ମିସାତେ କାମିତାନ ଉର୍ବାନସକେ ଆତଃ ଆଇଁୟାଃ ଦୁଲାଡ଼୍ ଗାଡ଼ି ପ୍ରାଖ୍ୟକେ

* ୧୫:୨୨ ୧୫:୨୨ ରୋମୀ ୧:୧୩. * ୧୫:୨୫ ୧୫:୨୫ ୧ କରିନ୍ଥୁୟ ୧୬:୧-୪. * ୧୫:୨୭ ୧୫:୨୭ ୧ କରିନ୍ଥୁୟ ୯:୧୧. * ୧୬:୩ ୧୬:୩ ପେଟ୍ରିକ୍ ୧୮:୨.

ହରି ଜହାର୍ ଉଦ୍‌ବାକିନ୍‌ଦେ । ୧୦ ଖ୍ରୀଷ୍ଟୁଆଃ ସେଞ୍ଜାରେ ମାଇନ୍ ନାମେନିଃ, ଆପେଲସକେ ଆଇଁୟାଃ ଜହାର୍ ଉଦ୍‌ବାକିନ୍‌ଦେ, ଆତଃ ଆରିସ୍ତ୍ରୁଲ୍‌ଆଃ ଅଡ଼ାଃରେନ୍ ସବେନ୍‌କକେ ଆଇଁୟାଃ ଜହାର୍ ଉଦ୍‌ବାକିନ୍‌ଦେ । ୧୧ ଆଇଁୟାଃ ଆପନାଃ ହଡକ ଯିହୁଦୀ, ହେରୋଦିୟାରେନ୍ ହଡକ ଆତଃ ନାକିଁସ୍‌ଆଃ ଅଡ଼ାଃରେନ୍ ପ୍ରାଭୁଆଃ ବିଶ୍ୱାସୀ ହାଗା ମିଗିକକେହରି ଆଇଁୟାଃ ଜହାର୍ ଉଦ୍‌ବାକିନ୍‌ଦେ ।

୧୨ ପ୍ରାଭୁଆଃ ସେଞ୍ଜାରେ ତାଇନଃତାନ୍ ତ୍ରିଫେନା ଆତଃ ତ୍ରିଫୋସା ଆତଃ ପ୍ରାଭୁଆଃ ନାଗେନ୍ତେ ପୁରାଃଗି କାମିତାନ୍ ଦୁଲ୍ଲାଡ୍ ପଶିଁସ୍, ନେ ସବେନ୍‌କକେ ଆଇଁୟାଃ ଜହାର୍ ଉଦ୍‌ବାକିନ୍‌ଦେ । ୧୩ ଧ୍ରାଭୁଆଃ ସାଲ୍ଲକାନ୍ ଦାସି ରୁଫସ୍ ଆତଃ ଇନିୟାଃ ଏଙ୍ଗାତେକେ ଆଇଁୟାଃ ଜହାର୍ ଉଦ୍‌ବାକିନ୍‌ଦେ, ଇନିଃହରି ଆଇଁୟାଃ ଏଙ୍ଗା ଲେକାଃଏ । ୧୪ ଆସୁଲ୍‌ଡ୍, ଦ୍ଲେଗୋନ୍, ହମିଁସ୍, ପାତ୍ରବାସ୍, ହାର୍‌ମେସ୍ ଆତଃ ଇନ୍‌କୁଲଃ ତାଇନ୍‌ତାନ୍ ଏଟାଃ ସବେନ୍ ଖ୍ରୀଷ୍ଟିୟାନ୍ ହାଗାକକେ ଆତଃ ମିଗିକକେ ଆଇଁୟାଃ ଜହାର୍ ଉଦ୍‌ବାକିନ୍‌ଦେ । ୧୫ ଫିଲ୍‌ଲଗ ଆତଃ ଜୁଲିୟା, ନିରୁସ୍ ଆତଃ ଇନିୟାଃ ମିଗି, ଆତଃ ଅଲ୍‌ଲୁଆ, ଆତଃ ଇନ୍‌କୁଲଃ ତାଇନ୍‌ତାନ୍ ସବେନ୍ ପାର୍‌ମେଶ୍ୱାର୍‌ଆଃ ହଡକକେ ଆଇଁୟାଃ ଜହାର୍ ଉଦ୍‌ବାକିନ୍‌ଦେ । ୧୬ ଖ୍ରୀଷ୍ଟୁ ଦୁଲ୍ଲାଡ୍‌ତେ ମିହୁଡ୍, ଆତଃମିହୁଡ୍‌ଲଃ ଜହାରଃପେ । ଖ୍ରୀଷ୍ଟୁଆଃ ସବେନ୍ କାଲିସିୟା ଆପେକେ ଜହାର୍ ମେନ୍ତେକ କାଜିକୁଲ୍‌କାଦା ।

ପାଉଲ୍‌ସ୍‌ଆଃ ଚୁଣ୍ଟି ଇନିଚୁ

୧୭ ହେ ହାଗା ମିଗିକ, ଆଇଙ୍ଗ୍ ଆପେକେଇଙ୍ଗ୍ ବିନ୍ତ୍ରିପେ ତାନା, ଅକ ହଡକ ଆପେୟାଃ ବିଶ୍ୱାସକେ କାଜିକଟଙ୍ଗ୍ ନାଗେନ୍ତେକ ସାନାଙ୍ଗ୍‌ତାନା ଆତଃ ତହଦଃ ଲେକାନ୍ କାମିକ ରିକାସିୟାଃ ଏନ୍ ଲେକାନ୍ ହଡକତାଃଏତେ ଚିର୍ଗାଲ୍‌କାନ୍ ତାଇନ୍‌ଦେ । ନେଲେକାନ୍ ହଡକ, ଆପେ ଅକ ଇନିଚୁପେ ନାମାକାଦା, ଏନାରେୟାଃ ବିରୁଧରେକ ସେନାଃ । ଇନ୍‌କୁତାଃଏତେ ସାଜିନ୍‌ରେ ତାଇନ୍‌ଦେ । ୧୮ ଚିୟାଃଟି ନେ ହଡକଦ ଆବୁଆଃ ଖ୍ରୀଷ୍ଟୁ ପ୍ରାଭୁକେ କାକ ସେଞ୍ଜାଃଆ, ମେନ୍‌ଦ ଇନ୍‌କୁ ଆକଆଃ ଆପନାଃ ସୁକୁ ନାଗେନ୍ତେକ କାମିୟାଃ । ଇନ୍‌କୁ ଲେବେୟାନ୍ କାଜିତେ ଆତଃ ସୁଗାଡାନ୍ କାଜି ଜାଗାର୍‌କେଦ୍‌ତେ ହଡକଆଃ ମନ୍‌କକେ ବେଦାଃକ । ୧୯ ମେନ୍‌ଦ ସୁକୁକାଜି ନାଗେନ୍ତେ ଆପେୟାଃ ପାତ୍ରିୟାନ୍‌ରଃ ଲେକାନ୍ କାଜିକେ ସବେନ୍ ହଡକ ସାରିକାଦାକ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ରାସକାଅଃତାନା । ଆଇଙ୍ଗ୍ ସାନାଙ୍ଗ୍‌ତାନାଇଙ୍ଗ୍, ଆପେ ସବେନ୍‌କ ବୁଗିନ୍ କାଜିକରେ ସେଣ୍ଟିନଃପେ ଆତଃ ଏଡ୍‌କାନ୍ କାଜିକଏତେ ସାଜିନଃପେ । ୨୦ ଏନ୍‌ରେଦ, ଜାଉସୁକୁ ଏମତାନ୍ ପାର୍‌ମେଶ୍ୱାର୍ ଜାଲ୍‌ଦିଗି ସାଏତାନ୍‌କେ ଆପେୟାଃ କାଟା ସୁବାରେ ରେସେଦିୟା । ଆବୁଆଃ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।*

୨୧ ଧ୍ରାଭୁଆଃ ଇନିଚୁ କାମିତାନ୍ ତାମଥ୍ ଆତଃ ଆବୁଆଃ ଯିହୁଦୀ ହାଗାକ, ଲୁକିୟ, ଯାସୋନ୍, ଆତଃ ସୋସିପାତ୍ର ଆପେ ସବେନ୍‌କକେ ଜହାର୍ ମେନ୍ତେକ କାଜିକୁଲ୍‌କାଦା ।

୨୨ ଆଇଙ୍ଗ୍ ତଡ୍‌ୟସ୍, ପାଉଲ୍‌ସ୍‌ଆଃ ନାଗେନ୍ତେ ନେ ଚିଟାଉ ଅଲ୍‌କୁଲ୍‌କେଦ୍‌ତେ ପ୍ରାଭୁଆଃ ନୁଡ୍‌ମ୍‌ରେ ଆପେକେଇଙ୍ଗ୍ ଜହାର୍‌ପେତାନା ।

୨୩ ଧ୍ରାଭୁଆଃକେ ସୁସାର୍‌କାଦିଙ୍ଗ୍ ଗାୟସ୍, ଅକଏୟାଃ ଅଡ଼ାଃରେଚି କାଲିସିୟାରେନ୍ ପୁରା ହଡକ ହୁଣ୍ଟିୟଃତାନା ଆତଃ ନେ ସାହାର୍‌ରେନ୍ ଖାଜାନ୍‌ଚି ଏରାଷ୍ଟ୍ର ଆତଃ କ୍ୱାର୍‌ତୁସ୍ ନୁଡ୍‌ମ୍ ହାଗାହରି ଆପେକେ ଜହାର୍ ମେନ୍ତେ କାଜିକୁଲ୍‌କାଦା । ୨୪ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।†

ବିନ୍ତ୍ରି ଆତଃ ମାନାରାଙ୍ଗ୍‌ଲଃ ଚିଟାଉରାଃ ଚୁଣ୍ଟି

୨୫ ହିଜୁଃପେ, ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌କୁ ରିକାୟା, ଆଇଙ୍ଗ୍ ଉଦ୍‌ବେତାନ୍ ଯୀଶୁ ଖ୍ରୀଷ୍ଟୁଆଃ ବିଷାଏରେୟାଃ ସୁକୁକାଜି ଲେକାତେ ଆତଃ ଜାନାଅ ଜାନାଅହେତେ ଉକୁଆକାନ୍ ସାନାର୍‌ଚି ଲେକାତେ ଆପେ ଆପେୟାଃ ବିଶ୍ୱାସରେ ତିଙ୍ଗ୍‌କେଟେୟାଃ ଲେକା ଇନିଃ ଆପେକେ ବାଇ ଦାଡ୍‌ଡିୟାପେୟା । ୨୬ ମେନ୍‌ଦ ଏନ୍ ଉକୁଆକାନ୍ ସାନାର୍‌ଚି ସବେନାଃ ନାବାକିଆଃ ଅନଲ୍ ହରାତେ ଉଦ୍‌ବାକାନା, ଆତଃ ଏନାଦ ନାହାଁଃ ଜାନାଅ ଜାନାଅରେନ୍ ପାର୍‌ମେଶ୍ୱାର୍‌ଆଃ ହରାତେ ସବେନ୍ ହଡକ ଆଲାରେ ଉଦ୍‌ବଃତାନା । ନେଆଁ ହରାତେ ସବେନ୍‌କ ବିଶ୍ୱାସକେଦ୍‌ତେ ପାର୍‌ମେଶ୍ୱାର୍‌ଆଃ କାଜି ମାନାଡିଙ୍ଗ୍‌ତାନ୍ ହଡକ ହବା ଦାଡ୍‌ଡିୟାଆ । ୨୭ ଯୀଶୁ ଖ୍ରୀଷ୍ଟୁଆଃ ହରାତେ ସବେନ୍ ସେଣ୍ଟିନ୍ ମିଆଁଦିଗି ପାର୍‌ମେଶ୍ୱାର୍‌ଆଃ ମାଇନାନ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

* ୧୬:୧୩ ୧୬:୧୩ ମାର୍କ ୧୫:୨୧. * ୧୬:୨୦ 16:20 ନେ ବାଗାନ୍ ଚିମିନ୍ ମାରି ଅନଲ୍‌କରେ ବାନଃଆ. * ୧୬:୨୧ ୧୬:୨୧ ପ୍ରେରିଡ୍ ୧୬:୧. * ୧୬:୨୩ ୧୬:୨୩ ପ୍ରେରିଡ୍ ୧୯:୨୯; ୧ କବିଲ୍‌ସିୟା ୧:୧୪; ୨ ଚିମଥ୍ ୪:୨୦. † ୧୬:୨୪ 16:24 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

କବିଚ୍ଛିନ୍ଦୀୟମାନଙ୍କ ନିକଟକୁ ପାଠଲଙ୍କ ପ୍ରଥମ ପତ୍ର କବିଚ୍ଛିନ୍ଦୀ ବିଶ୍ୱାସୀକତାଃତେ ପ୍ରେରିତ୍ ପାଠଲୁସ୍ତାଃ ପାହିଲା ଚିଟାଉ ପାରିଚାଏ

କବିଚ୍ଛିନ୍ଦୀ କାଳିସିୟାତେ ପ୍ରେରିତ୍ ପାଠଲୁସ୍ତାଃ ପାହିଲା ଚିଟାଉ, ନେଆଁ ଶ୍ରୀଷ୍ଟତାୟମ୍ ୫୫ କରେ ଅଲ୍ଲୀକାନ୍ ତାଇକେନା ୧:୧ । କବିଚ୍ଛିନ୍ଦୀ କାଳିସିୟାତେ ପ୍ରେରିତ୍ ପାଠଲୁସ୍ ଅଲ୍ଲୀକାନ୍ ବାରିଆ ଚିଟାଉହେତେ, ନେଆଁ ହବାଅଃତାନା ପାହିଲା ଚିଟାଉ । ହବାସାକାଅଃ ତାନା, ଜନିଃ ଏଫିସ୍ତୁସ୍ରେ ତାଇକ୍ ଜମ୍ତା ନେ ଚିଟାଉ କବିଚ୍ଛିନ୍ଦୀ କାଳିସିୟାକେ ଅଲ୍ଲୀକାନ୍ ତାଇକେନା । ମାକିଦନିଆହେତେ କବିଚ୍ଛିନ୍ଦୀ ହରାସେନ୍ ନାଜ୍ ମନେକାନ୍ ତାଇକେନ୍ ସିଦାରେଗି ଅଲ୍ଲୀକାନ୍ ତାଇକେନା ୧୭:୫-୯ ।

ପ୍ରେରିତ୍ ପାଠଲୁସ୍ ନେ ଚିଟାଉରେ କାଳିସିୟା ଆଲାରେ ହବାଅଃତାନ୍ ବିନ୍‌ଗାଅ ଆତଃ ହତ୍‌ମରେୟାଃ ଏଡ୍‌କାନ୍ ସାନାଜ୍ କାମିକଲଃ ଏଟାଃ ଏଟାଃ ଏଡ୍‌କାନ୍ କାମିକ ହବାଅଃତାନ୍ ବିଷାଏରେ କାଳିସିୟାରେନ୍ ହତ୍‌କତାଃଏତେ ଆୟୁମ୍‌କେଦ୍‌ତେ ଜନ୍‌କୁକେ କାଜିରୁହାଡ୍ ନାଗେନ୍ତେ ଜନିଃ ଧ୍ୟାନ୍ ଏମ୍‌ତାଇକେନାଏ । କବିଚ୍ଛିନ୍ଦୀ ସାହାର୍, ହତ୍‌ମରେୟାଃ ଏଡ୍‌କାନ୍ ସାନାଜ୍ କାମି ବିଷାଏରେ ସାରିୟାକାନ୍ ତାଇକେନା, ଏନାତେ କାଳିସିୟା ନେ ଲେକାନ୍ ଏଡ୍‌କାନ୍ କାମିରେ ଉୟୁଗଠତାନା, ଏନାରେ ଆକ୍‌ଦାଦାଅ ହବାଅଃରେୟାଃ ଜେତାନ୍ କାଜି ବାନଃଆ । ପାହିଲା କବିଚ୍ଛିନ୍ଦୀ ଦୁଲାଡ୍ ବିଷାଏରେ ମିଆଁଦ୍ ପୁରାଃ ମାରାଜ୍ ହିସାତାନାଃ ।

ପୃଥ୍ ବିଚାରରେ ଚାଇକାନ୍ କାଜି

୧. ପାଠଲୁସ୍ କବିଚ୍ଛିନ୍ଦୀରେନ୍‌କକେ ଜହାର୍ ଉଦୁବ୍‌ତାନାଏ ଆତଃ ଜନ୍‌କୁ ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଜ୍‌ତାନାଏ । ୧:୧-୯
୨. ପାଠଲୁସ୍ କବିଚ୍ଛିନ୍ଦୀ କାଳିସିୟାହେତେ ନାମାକାନ୍ କାଳିସିୟା ବିନ୍‌ଗାଅ ବିଷାଏରେ ଜନିତୁ ଏମାଃଏ । ୧:୧୦-୪:୨୧
୩. ଏଟାଃତେୟାଃ ଜନିଃ ହତ୍‌ମରେୟାଃ ଏଡ୍‌କାନ୍ ସାନାଜ୍ କାମି ଆତଃ ମିହୁଡ୍ ଆତଃମିହୁଡ୍‌କେ କାତାଇରିତେ ଜଦି ବିଷାଏରେ ଅଲ୍ଲୀକାଦା । ୫-୬
୪. ଆଣ୍ଡି ବିଷାଏ, ମୁରୁଡ୍ ନାଗେନ୍ତେ ଦାଣ୍ଡେ ରାକାବ୍, ମିଦ୍‌ଝୁଣ୍ଡରେ ସେଞ୍ଜା, ପାବିତାରୁରାଃ ବାର୍‌ଦାନ୍ ଆତଃ ଜାଉବିନିରିଦ୍ ବିଷାଏରେ ଅଲ୍ଲୀକାଦା । ୭-୧୫
୫. ଚୁଣ୍ଡରେ ଜନିଃ ଚିମିନ୍ ଲାଗାଡିଜ୍ କାଜିକ ଆତଃ ଆପ୍‌ନାଃ ବିଷାଏରେ ଅଲ୍‌କେଦ୍‌ତେ ଚୁଣ୍ଡୁକେଦା । ୧୭

୧ ପାର୍‌ମେଶ୍ୱାର୍‌ଆଃ ମନେଲେକାତେ ଯାଶୁ ଶ୍ରୀଷ୍ଟିଆଃ କୁଲାକାନ୍‌ନିଃ ଲେକା ସାଲାକାନ୍, ଆଇଜ୍ ପାଠଲୁସ୍ ଆତଃ ଆବୁଆଃ ହାଗା ସସ୍ଥିନା,

୨ *ଆଲେ କବିଚ୍ଛିନ୍ଦୀ ନାଗାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଳିସିୟାତେ ନେ ଚିଟାଉଲେ ଅଲେତାନା ଅକନ୍‌କ ପାର୍‌ମେଶ୍ୱାର୍‌ଆଃ ପାବିତାର୍ ହତ୍ ହବାଅଃ ନାଗେନ୍ତେକ ସାଲାକାନା, ଆତଃ ଯାଶୁ ଶ୍ରୀଷ୍ଟିଲଃ ମେସାକାନ୍ ହରାତେ ପାର୍‌ମେଶ୍ୱାର୍‌ଆଃ ହବାକାନାକ, ଆତଃ ସବେନ୍‌ସାଃରେ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟିକେକ ସେଞ୍ଜାତାନା ।

୩ ଆବୁଆଃ ଆବୁ ପାର୍‌ମେଶ୍ୱାର୍‌ ଆତଃ ପ୍ରାଭୁ ଯାଶୁ ଶ୍ରୀଷ୍ଟି ଜନ୍‌କୁ ସବେନ୍‌କକେ ସାୟାଦ୍ ଆତଃ ଜୀଉସୁକୁ ଏମାକକାଏ ।

ଯାଶୁ ଶ୍ରୀଷ୍ଟିଆଃ ହରାତେ ଆଶିଷ୍

୪ ଚିୟାଃଚି ଆପେ ଯାଶୁ ଶ୍ରୀଷ୍ଟିଲଃ ମେସାକାନ୍ ହରାତେ ଆତଃ ପାର୍‌ମେଶ୍ୱାର୍ ଆପେକେ ସାୟାଦ୍ ଏମାକାଦ୍‌ପେ ନାଗେନ୍ତେ, ଆଇଜ୍ ପାର୍‌ମେଶ୍ୱାର୍‌କେ ସବେନ୍ ଜମ୍ତା ଧାନ୍ୟାବାଦ୍ ଏମାଜ୍ ତାନାଇଜ୍ । ୫ ଚିୟାଃଚି ଯାଶୁ ଶ୍ରୀଷ୍ଟିଲଃ ମେସାକାନ୍ ହରାତେ ଆପେ ସବେନ୍ ବିଷାଏରେୟାଃ ଜନିତୁରେ ଆତଃ ସେଣ୍ଡାରେ କିସାଣ୍‌କାନାପେ । ୬ ଯାଶୁ ଶ୍ରୀଷ୍ଟି ବିଷାଏରେୟାଃ ଗାଞ୍ଜା କାଜି ଆପେତାଃରେ ପୁରାଃତେ ପକ୍‌ତାନା । ୭ ଏନାମେନ୍ତେ ପ୍ରାଭୁ ଯାଶୁ ଶ୍ରୀଷ୍ଟିଆଃ ଉନ୍‌ଦୁବଃ ଜମ୍ତାତେକ ତାଜିତାନ୍ ଜମ୍ତା ଆପେୟାଃ ଜେତାନ୍ ଆମିକ୍ ବାର୍‌ଦାନ୍‌ରେ କାପେ ଜାଞ୍ଜିକାନା । ୮ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟିଆଃ ହିନିଜୁଃ ହୁଲାଜ୍‌ରେ, ଆପେ ଆଲକାପେ ଚିଟାଅଃଆ, ମେନ୍ତେ ଜନିଃହବି ଆପେକେ ଚୁଣ୍ଡୁକାକେଦ୍ ଯାଦ୍‌ନାଅପେୟାଏ ।

* ୧:୨ ୧:୨ ପ୍ରେରିତ୍ ୧୮:୧.

୯ ପାର୍ବତେଶ୍ୱର ଆୟାଃ ହନ୍ ପ୍ରାଭୁ ଯୀଶୁ ଖ୍ରୀଷ୍ଟଲଃ ମେନେସାଅଃ ନାଗେନ୍ତେ ଆବୁକେ କେଡ଼ାକାଦ୍‌ବୁଆ, ଜନିଃ ପାତିୟାରଃ ଲେକାନ୍‌ନିଃ ତାନିଃ ।

କାଳିସିୟାରେ ବିନ୍‌ଗାଅ

୧୦ ହେ ହାଗା ମିଶିକ, ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁତୁମ୍‌ତେ ଆଇଙ୍ଗ ଆପେକେଇଙ୍ଗ ବିକ୍ରିପେ ତାନା, ଜାଗାର୍‌ତାନ୍ ଇମ୍‌ତା ମିଦ୍‌ମନ୍‌ତେଗି ଜାଗାରେପେ । ଏନାରେ ଆପେ ଆଲାରେ ଜେତାନ୍ ବିନ୍‌ଗାଅ କା ହବାଅଃଆ, ଆତଃ ମିଦ୍ ମନ୍, ମିଦ୍ ଉଡ଼୍‌ସ୍ତରେ ପକ୍‌ତାକେଦ୍‌ତେ ମେସାଅଃପେ । ୧୧ ହେ ହାଗା ମିଶିକ, ଆପେ ଆଲାରେ କାପ୍‌ଜି ହବାଅଃତାନା ମେନ୍ତେ ଖୁୟୀଆଃ ଅଡ଼ାଃରେନ୍ ଚିମିନ୍‌ଝାନ୍ ହଡ଼କ ଆଇଙ୍ଗକେକ ଉଦ୍‌ବକାଦିୟା । ୧୨ *ଆଇଁୟାଃ ଉଡ଼୍‌ସ୍ତରେ, ଆପେକ୍‌ଏତେ ଚିମିନ୍ ହଡ଼କ କାଜିୟାଃ, “ଆଲେ ପାଉଲୁସ୍‌କେଲେ ଅତଙ୍ଗଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ଆପେଲୋକେଲେ ଅତଙ୍ଗଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ପାଡ଼ରାସ୍‌କେଲେ ଅତଙ୍ଗଇଁତାନା,” ଆତଃ ଚିମିନ୍‌କ କାଜିୟାଃ, “ଆଲେ ଖ୍ରୀଷ୍ଟକେଲେ ଅତଙ୍ଗଇଁତାନା ।” ୧୩ ଖ୍ରୀଷ୍ଟ ଚିନାଃ ହିସାକାନାଏ ? ଆପେ ନାଗେନ୍ତେଟି ପାଉଲୁସ୍ କୁଣ୍‌ଗରେ କିଲ୍‌କାନ୍ ତାଇକେନା ? ଚାଏ ଆପେଟି ପାଉଲୁସ୍ ନୁତୁମ୍‌ତେପେ ବାପ୍ତିସ୍ମକାନ୍ ତାଇକେନା ?

୧୪ *ପାର୍ବତେଶ୍ୱରଆଃ ଧାନଧାବାଦ୍ ହବାଅଃକା, ଆଇଙ୍ଗ କ୍ରୀଷ୍ଟସ୍ ଆତଃ ଗାୟସ୍‌କେ ବାଗିକେଦ୍‌ତେ ଆପେଏତେ ଜେତାଏକେ ବାପ୍ତିସ୍ମା କାଇଙ୍ଗ୍ ଏମ୍ । ୧୫ ଏନାତେ ଆପେ ଆଇଁୟାଃ ନୁତୁମ୍‌ତେ ବାପ୍ତିସ୍ମାକାନାପେ ମେନ୍ତେ ଜେତାଏ କାକ କାଜି ଦାଡ଼ିୟା । ୧୬ *ହେଗି, ଆଇଙ୍ଗ, ସ୍ତ୍ରିଫାନ୍ ଆତଃ ଆୟାଃ ଅଡ଼ାଃରେନ୍‌କକେ ବାପ୍ତିସ୍ମା ଏନାକାଦ୍‌ଆଇଙ୍ଗ୍, ଆତଃ ଏଗାଃକକେ ବାପ୍ତିସ୍ମା ଏନାକାଦ୍‌ଆଇଙ୍ଗ୍ ମେନ୍ତେ ଆଇଙ୍ଗ୍ କାଇଙ୍ଗ୍ ପାହାମେତାନା । ୧୭ ଚିୟାଃଟି ବାପ୍ତିସ୍ମା ଏମ୍ ନାଗେନ୍ତେ ଖ୍ରୀଷ୍ଟ ଆଇଙ୍ଗକେ କାଏ କୁଲ୍, ମେନ୍‌ଦ୍ ସୁକୁକାଜି ଉଦ୍‌ବ ନାଗେନ୍ତେ କୁଲ୍‌କାଦିୟା; ଏନାହଗି କୁଣ୍‌ଗ ଚେତାନ୍‌ରେ ଯୀଶୁ ଖ୍ରୀଷ୍ଟଆଃ ଗନଏଃ ଆଲକା ସାମାଏଶ୍ୱାଗାଃକା ମେନ୍ତେ ମାନୱାକଆଃ ସେଣ୍‌ରେୟାଃ କାଜି ଲେକାତେ କା ହବାକାନା ।

ପାର୍ବତେଶ୍ୱରଆଃ ସେଣ୍‌ ଆତଃ ପେଡ଼େଃ ଖ୍ରୀଷ୍ଟ ତାନିଃ

୧୮ ଜିୟନଃତାନ୍ ହଡ଼କ ନାଗେନ୍ତେ କୁଣ୍‌ଗ ଚେତାନ୍‌ରେ ଖ୍ରୀଷ୍ଟଆଃ ଗନଏଃରାଃ କାଜି ମୁରୁଖ୍ କାଜି ତାନାଃ, ମେନ୍‌ଦ୍ ଜୀଉ ବାଞ୍ଛାଅ ନାମେତାନ୍ ହଡ଼କ, ଆବୁଆଃ ନାଙ୍ଗ୍ ନେଆଁ ପାର୍ବତେଶ୍ୱରଆଃ ପେଡ଼େଃ ତାନାଃ । ୧୯ ଧାରାମପୁଅରେ ଅଲ୍‌କାନା,

“ଆଇଙ୍ଗ ସେଣ୍‌ନ୍ ହଡ଼କଆଃ ସେଣ୍‌ ଜିୟନେୟାଇଙ୍ଗ୍,
ବୁଦ୍‌ମାନ୍ ହଡ଼କଆଃ ବୁଦ୍‌କେଇଙ୍ଗ୍ ଗେନାଆତମେୟା ।”

୨୦ ନେ ପାରିୟାରେନ୍ ସେଣ୍‌ନ୍ ହଡ଼କ, ବୁଦ୍‌ମାନ୍ ହଡ଼କ, ଚାଏ ଆଇନ୍ ଇଡ଼ୁକ କତେରେକଆ ? ପାର୍ବତେଶ୍ୱର ନେ ଅତେଦିଶ୍ଟମ୍‌ରେୟାଃ ସେଣ୍‌କେ ତଣ୍ଡ ତାନାଃ ମେନ୍ତେ କାଏଟି ଉଦ୍‌ବକାଦା ?

୨୧ ଚିୟାଃଟି ପାର୍ବତେଶ୍ୱର ଆୟାଃ ପୁରାଃ ସେଣ୍‌କେ ଉହାଟ୍‌କାଦ୍ ତାଇକେନା ଚି, ଅତେଦିଶ୍ଟମ୍‌ରେନ୍ ହଡ଼କ ଆକଆଃ ସେଣ୍‌କେ ପାର୍ବତେଶ୍ୱରକେ ଆଲକାକ ସାରି ଦାଡ଼ିକା, ଆବୁ ଉଦ୍‌ବତାନ୍ ସୁକୁକାଜିକେ ତଣ୍ଡ ମେନ୍ତେ କାଜିୟଃତାନା, ଏନ୍ ସୁକୁକାଜିରେ ବିଶ୍ୱାସେତାନ୍ ହଡ଼କକେ ବାଞ୍ଛାଅକ ନାଗେନ୍ତେ ପାର୍ବତେଶ୍ୱର ମନେକେଦାଏ । ୨୨ ଯିହୁଦୀ ହଡ଼କ ପେଡ଼େୟାନ୍ ଚିହ୍ନାକ ଦାଣ୍‌, ଆତଃ ଗ୍ରୀକ୍ ହଡ଼କ ସେଣ୍‌କ ନାମବାଡ଼ାଃ, ୨୩ ମେନ୍‌ଦ୍ ଆଲେ କୁଣ୍‌ଗରେ କିଲ୍‌କାନ୍ ଯୀଶୁ ଖ୍ରୀଷ୍ଟକେଲେ ଉଦ୍‌ବତାନା । ନେ କାଜି ଯିହୁଦୀ ହଡ଼କ ନାଗେନ୍ତେ ତହଦଃ ଲେକାନାଃ ତାନାଃ ଆତଃ ସାର୍‌ସାର୍ ହଡ଼କ ନାଗେନ୍ତେ ମୁରୁଖ୍ ଲେକାନାଃ ତାନାଃ, ୨୪ ମେନ୍‌ଦ୍ ଯିହୁଦୀ ହବାଅ ଚାଏ ସାର୍‌ସାର୍, ପାର୍ବତେଶ୍ୱର କେଡ଼ାକାଦ୍ ସବେନ୍‌କ ନାଗେନ୍ତେ ଯୀଶୁ ଖ୍ରୀଷ୍ଟ ହବାଅ ତାନାଏ, ପାର୍ବତେଶ୍ୱରଆଃ ପେଡ଼େଃ ଆତଃ ସେଣ୍‌ । ୨୫ ଚିୟାଃଟି ଅକ୍‌ନାଃ ପାର୍ବତେଶ୍ୱରଆଃ ମୁରୁଖ୍ ବିଷାଏ ମେନ୍ତେ ଉଡ଼୍‌ଗୁଃ ତାନା, ଏନା ମାନୱା ସେଣ୍‌ଏତେ ପୁରାଃ ସେଣ୍‌ନ୍‌ଗିଆ । ଆତଃ ଅକ୍‌ନାଃ ପାର୍ବତେଶ୍ୱରଆଃ କା ପେଡ଼େୟାନ୍ ବିଷାଏ ମେନ୍ତେ ଉଡ଼୍‌ଗୁଃ ତାନା, ଏନା ମାନୱାରାଃ ପେଡ଼େଃହେତେ ପୁରାଃଗି ପେଡ଼େୟାନ୍‌ଗିୟା ।

୨୬ ହେ ହାଗା ମିଶିକ, ପାର୍ବତେଶ୍ୱର ଆପେକେ କେଡ଼ାକେଦ୍‌ପେ ଇମ୍‌ତା ଆପେ ଚିଲ୍‌କାପେ ତାଇକେନା, ଏନା ପାହାମେପେ । ଅତେଦିଶ୍ଟମ୍ କଲେକାତେ ଆପେକ୍‌ଏତେ ଚିମିନ୍ ଝାନ୍ ହଡ଼କ ସେଣ୍‌ନ୍ କାପେ ତାଇକେନା, ପୁରାଃ ପେଡ଼େୟାନ୍ କାପେ ତାଇକେନା, ଆତଃ ମାରାଙ୍ଗ୍ ଅଡ଼ାଃରେନ୍ କାପେ ତାଇକେନା । ୨୭ ପାର୍ବତେଶ୍ୱର ସେଣ୍‌ନ୍ ହଡ଼କକେ ଗିହୁଃଇଚିକ ନାଗେନ୍ତେ ଅତେଦିଶ୍ଟମ୍ ଲେକାତେ କା ସେଣ୍‌ନ୍

* ୧:୧୨ ୧:୧୨ ପ୍ରେରିକ୍ ୧୮:୨୪. * ୧:୧୪ ୧:୧୪ ପ୍ରେରିକ୍ ୧୮:୮; ପ୍ରେରିକ୍ ୧୯:୨୯; ରୋମି ୧୬:୨୩. * ୧:୧୭ ୧:୧୭ ୧ କବିଚ୍ଛନ୍ଦ ୧୭:୧୫.

ହତୁକକେ ସାଲାକେଦକଆ ଆତଃ ପେଡ଼େୟାନ୍ ହତୁକକେ ଗିହୁଃଈତିକ ନାଗେନ୍ତେ ଅତେଦିଶ୍ୱମ୍ରେ କା ପେଡ଼େୟାନ୍ ହତୁକକେ ସାଲାକେଦକଆ । ୨୮ ଅତେଦିଶ୍ୱମ୍ ଲେକାତେ ଅକ୍ନାଃ ଲାଗାତିଞ୍ଜେତେୟାଃ ତାନାଃ, ଏନାକେ ଜିୟନେ ନାଗେନ୍ତେ ଅତେଦିଶ୍ୱମ୍ରେ ହିନିସ୍ତା, ହିଲାଙ୍ଗ୍‌ୟେ ଆତଃ ମୁରୁଖ୍ ବିଷାଏକକେ ପାର୍ମେଶ୍ୱା଼ ସାଲାକେଦାଏ । ୨୯ ନେଆଁତେ ସାରିୟାଃତାନା, ପାର୍ମେଶ୍ୱା଼ଆଃ ଆୟା଼ରେ ଜେତା ହତୁ ଆପାନ୍‌କେ ମାରାଙ୍ଗ୍‌ୟେନ୍ କାଏ ଦାଡ଼ିୟା । ୩୦ ମେନ୍‌ଦ ପାର୍ମେଶ୍ୱା଼ ଆପେକେ ଯୀଶୁ ଖ୍ରୀଷ୍ଟଲଃ ମେସାକାଦପେଆଏ ଆତଃ ଏନ୍ ଯୀଶୁ ଖ୍ରୀଷ୍ଟକେୟ ଆରୁଆଃ ସେଣ୍ଠାଁ ଲେକାଏ ବାଜକିୟା । ଆୟା଼ଃ ହରାତେ ପାର୍ମେଶ୍ୱା଼ଲଃ ଆରୁଆଃ ସାର୍ତ୍ତି ନାତା ହବାକାନା, ଆବୁ ପାର୍ମେଶ୍ୱା଼ଆଃ ଧାର୍ମାନ୍ ଆତଃ ପାବିତାର୍ ହତୁ ହବାକେଦତେ ମୁକ୍ତିରୁ ନାମାକାଦା । ୩୧ ଏନାତେ ଧାରାମ୍‌ପୁଅରେ ଅଲ୍ଲାକାନା, “ଜେତାଏ ଆପାନ୍‌କେ ମାରାଙ୍ଗ୍‌ୟେନ୍ ରିକା ନାଗେନ୍ତେ ସାନାଙ୍ଗ୍‌ତାନିଃ, ପ୍ରାଭୁ କାମିକାଦ୍ କାମି ନାଗେନ୍ତେ ଏସକାର୍ ଇନିଃ ଆପାନ୍‌କେ ମାରାଙ୍ଗ୍‌ୟେନ୍‌କାଏ ।”

୨

କୁଶ୍ରେ କିଲାକାନ୍ ଯୀଶୁ ଖ୍ରୀଷ୍ଟଆଃ ବିଷାଏରେୟାଃ କାନାଜି

୧ ହେ ହାଗା ମିଶିକ, ଆଇଙ୍ଗ୍ ଆପେତାଃତେ ପାର୍ମେଶ୍ୱା଼ଆଃ ଉକୁଆକାନ୍ ସାର୍ତ୍ତିକାଜି ଉଦୁବ୍ ନାଗେନ୍ତେଇଙ୍ଗ୍ ସେନାକାନ୍ ତାଇକେନ୍‌ରେ, ମାପରାଙ୍ଗ୍ କାଜି ଆତଃ ପୁରାଃ ଇତୁକାନ୍ ଲେକା କାଇଙ୍ଗ୍ ଉଦୁବ୍ । ୨ ଆଇଙ୍ଗ୍ ଆପେଲଃ ତାଇକେନ୍ ଇମ୍‌ତା, ଯୀଶୁ ଖ୍ରୀଷ୍ଟ୍ ଆତଃ ଆୟା଼ଃ କୁଶ୍ରେୟାଃ ଗନ୍‌ଏଃ ବାଗିକେଦତେ ଏଟାଃ ଜେତାନ୍ ବିଷାଏ ସାରି ନାଗେନ୍ତେ କାଇଙ୍ଗ୍ ଉଡ଼ୁକେଦା । ୩ ଏନାତେ ଆଇଙ୍ଗ୍ ଆପେତାଃତେ ହିଜୁଃୟାନ୍ ଇମ୍‌ତା, କା ପେଡ଼େୟାନ୍, ଆତଃ ବରତେ ଏକ୍ଲଅଃତାନ୍ ତାଇକେନାଇଙ୍ଗ୍ । ୪ ଆଇଁୟାଃ ଇନିତୁ ଆତଃ କାନାଜି, ମାନଃଋଃ ସେଣ୍ଠାଁ ଲେକାତେ କା ଉଦୁବ୍‌କାନା, ମେନ୍‌ଦ ପାର୍ମେଶ୍ୱା଼ଆଃ ଆମ୍ବା ଆତଃ ପେଡ଼େୟା଼ ସାର୍ତ୍ତି ପ୍ରାମାଣିତେ ଉଦୁବ୍‌କାନ୍ ତାଇକେନା । ୫ ଆପେୟା଼ ବିଶ୍ୱା ସାନଃଋଃ ସେଣ୍ଠାଁ ଲେକାତେ କା ହବାକାନା, ମେନ୍‌ଦ ପାର୍ମେଶ୍ୱା଼ଆଃ ପେଡ଼େୟା଼ତେ ହବାକାନା ।

ପାର୍ମେଶ୍ୱା଼ଆଃ ସେଣ୍ଠାଁ

୬ ହଲେହିଁ ଆଇଙ୍ଗ୍ ପାବିତାର୍ ଆମ୍ବାତେ ପକ୍ତାକାନ୍ ହତୁକତାଃରେ ସେଣ୍ଠାଁ କାଜିଇଙ୍ଗ୍ ଉଦୁବ୍‌କାଦା । ମେନ୍‌ଦ ନେ ସେଣ୍ଠାଁ ନେ ଅତେଦିଶ୍ୱମ୍‌ରେୟା଼ ସେଣ୍ଠାଁ ନାହିଁଲଃ, ତାଏ ନେ ଅତେଦିଶ୍ୱମ୍‌ରେନ୍ ହାକିମକଆଃ ଜିୟନଃ ସେଣ୍ଠାଁ ନାହିଁଲଃ । ୭ ଆଇଙ୍ଗ୍ ପାର୍ମେଶ୍ୱା଼ଆଃ ଉକୁଆକାନ୍ ସେଣ୍ଠାଁକେଇଙ୍ଗ୍ ଉଦୁବ୍‌ତାନା, ଅକନ୍ ସେଣ୍ଠାଁତି ମାନଃଋତାଏତେ ଉକୁଆକାନା, ମେନ୍‌ଦ ଆରୁଆଃ ମାନାରାଙ୍ଗ୍ ନାଗେନ୍ତେ ଅତେଦିଶ୍ୱମ୍ ବାଜୟାନ୍ ସିଦାରେ ପାର୍ମେଶ୍ୱା଼ ଏନାକେ ସାଲାକାଦ୍ ତାଇକେନା । ୮ ନେ ଅତେଦିଶ୍ୱମ୍‌ରେନ୍ ହାକିମକଏତେ ଜେତା ହତୁ ନେ ସେଣ୍ଠାଁକେ କାକ ସାରିୟାକାଦ୍ ତାଇକେନା । ଇନକୁ ଏନାକେ ସାରିକାତେତେୟା଼କ ହଲେ, ମାନାରାଙ୍ଗ୍‌ରେନ୍ ପ୍ରାଭୁକେ କୁଶ୍ରେ କାକ କିଲାକାତେୟା଼ । ୯ ଜେ'ଲେକାଗି, ଧାରାମ୍‌ପୁଅରେ ଅଲ୍ଲାକାନା,

“ଅକ୍ନାଃ ଜେତାଏ ଜେତନାଃ କାକ ନେଲ୍ ତାଏ କାକ ଆୟ୍ମ୍, ଅକ୍ନାଃ ହବାଅଃରେୟା଼ ଜେତାଏ ମନ୍‌ସୁରୁଦରେ କାକ ଉଡ଼ୁକାଦ୍ ତାଇକେନା, ଆଇଃକକେ ଦୁଲାଡ଼ତାନ୍ ହତୁକ ନାଗେନ୍ତେ ପାର୍ମେଶ୍ୱା଼ ଏନାକେ ସେକାଡ଼ାକାଦା ।”

୧୦ ମେନ୍‌ଦ ପାର୍ମେଶ୍ୱା଼ ଆୟା଼ ଆମ୍ବା ହରାତେ ଆବୁକେ ନେ ଉକୁଆକାନ୍ ବିଷାଏକେ ଉଦୁବ୍‌କାଦୁଆ । ଏନ୍ ଆମ୍ବାଗି ପାର୍ମେଶ୍ୱା଼ଆଃ ଉକୁଆକାନ୍ ଇକିର୍ ବିଷାଏକ ସବେନାଃ ଦାଣ୍ଠାଏ । ୧୧ ହତୁରାଃ ଆମ୍ବା, ହତୁରାଃ ସବେନ୍ ବିଷାଏରେ ସାରିୟା, ଏନ୍‌ଲେକାଗି, ପାର୍ମେଶ୍ୱା଼ଆଃ ଆମ୍ବା ଏସକାର୍, ପାର୍ମେଶ୍ୱା଼ଆଃ ସବେନ୍ ବିଷାଏରେ ସାରିୟା । ୧୨ ଆବୁ ଅତେଦିଶ୍ୱମ୍‌ରେନ୍ ଆମ୍ବାକେ କାବୁ ନାମ୍ । ମେନ୍‌ଦ ପାର୍ମେଶ୍ୱା଼ ଏମାକାଦ୍ ସବେନ୍ ବିଷାଏ ସାରି ନାଗେନ୍ତେ ପାର୍ମେଶ୍ୱା଼ କୁଲାକା ଅମ୍ବାକେବୁ ନାମ୍‌କିୟା ।

୧୩ ଏନାତେ, ଆମ୍ବାରେନ୍ ହତୁକତାଃରେ ଆମ୍ବାରାଃ ସାନାର୍ତ୍ତି ଉଦୁବ୍ ଇମ୍‌ତା ଆବୁ ଅତେଦିଶ୍ୱମ୍‌ରେୟା଼ ସେଣ୍ଠାଁ ଲେକା କାବୁ ଉଦୁବାଃ, ମେନ୍‌ଦ ପାବିତାର୍ ଆମ୍ବାରାଃ ଇନିତୁ ଲେକାତେ ଏନ୍ ସାନାର୍ତ୍ତିକେବୁ ଉଦୁବାଃ । ୧୪ ଜେତାଏତାଃରେ ପାର୍ମେଶ୍ୱା଼ଆଃ ଆମ୍ବା ବାନଆଃ, ଇନିଃ ପାର୍ମେଶ୍ୱା଼ତାଃତେ ହିଜୁଃ ବାର୍ଦ୍ଦାନ୍‌କେ କାଏ ନାମ୍ ଦାଡ଼ିୟା । ଏନ୍ ଲେକାନ୍ ହତୁ ନେ ବାର୍ଦ୍ଦାନ୍‌କେ କାଏ ଆବ୍‌କାର୍‌ଉରୁମ୍ ଦାଡ଼ିୟା । ନେଆଁକ ଇନିଃ ନାଗେନ୍ତେ କା ସାରିତାନ୍ ଲେକାନାଃ ତାନାଃ, ତିୟାଃତି ଏନ୍ ସବେନାଃକେ

୨:୩ ୨:୩ ପ୍ରେରିବ୍ ୧୮:୯.

ଆତ୍ମିକ ଲୋକାତେ ବିଚାରଣଥା ।^{୧୫} ଜେତାଏତାଃରେ ପାରମେଶ୍ୱରୁଆଃ ଆତ୍ମା ମେନାଃ, ଇନିଃ ସବେନ୍ ବିଷାଏରେୟାଃ ବୁଦ୍ଧିନାଃଗି ବିଚାରେୟା, ମେନ୍ଦ୍ ଇନିଃକେ ଜେତାଏ କାକ ବିଚାର୍ ଦାଡ଼ିୟା ।^{୧୬} ଧାରାମପୁଅରେ ଅଲ୍ଲକାନ୍ ଲୋକାଗି,

“ଅକଏ ପ୍ରାଭୁଆଃ ମନ୍ ସାରିୟାଏ ?

ଅକଏ ଇନିଃକେ ଇତୁ ଦାଡ଼ିୟା ?”

ମେନ୍ଦ୍ ଆବୁ ଯାଶୁ ଖ୍ରୀଷ୍ଟୁଆଃ ମନ୍ଦୁ ନାମାକାଦା ।

୩

ପାରମେଶ୍ୱରୁଆଃ ଦାସିକ

^୧ ହେ ହାଗା ମିଗିକ, ଆଇଙ୍ଗ୍ ଆତ୍ମିକ ହତ୍ତକକେ କାଜିତାନ୍ ଲୋକା ଆପେକେ କାଇଙ୍ଗ୍ କାଜିଦାଡ଼ି ତାନା, ମେନ୍ଦ୍ ଅତେଦିଶ୍ୱମରେନ୍ ହତ୍ତକକେ ଆତଃ ଖ୍ରୀଷ୍ଟ ବିଶ୍ୱାସରେନ୍ ହନ୍ଦକକେ କାଜିତାନ୍ ଲୋକା ଆପେକେଇଙ୍ଗ୍ କାଜିପେତାନା ।^୨ ଆଇଙ୍ଗ୍ ଆପେକେ ପାତାଏ କା ଦାଡ଼ିୟଃ ଲୋକାନ୍ ଜମେୟାଃ କା ଏମ୍କେଦତେ ତଥା ନୁଁ ନାଗେନ୍ତେଇଙ୍ଗ୍ ଏମାଦପେୟା, ମେନ୍ଦ୍ ଆପେ ପାତାଏ କା ଦାଡ଼ିୟଃ ଲୋକାନ୍ ଜମେୟାଃ ଜମ୍ ନାଗେନ୍ତେ କାପେ ସେକାଡ଼କାନ୍ ତାଇକେନା, ନାହାଁଃହଗି କାପେ ସେକାଡ଼କାନ୍ ।^୩ ନାହାଁଃ ଜାକେଦ୍ ଆପେ ଅତେଦିଶ୍ୱମରେନ୍ ହତ୍ତକ ଲୋକା ସେସେନ୍ଦ୍ ତାନାପେ । ଆପେ ଆଲ୍ଲାରେ ହିସ୍ତକା ଆତଃ ଆପେ ଆପେରେ ଏପେଗେର୍ ହବାକାତେୟଃତାନା, ନେଆଁତେ ଚିନାଃ ଆପେ ଅତେଦିଶ୍ୱମରେନ୍ ଆତଃ ଅତେଦିଶ୍ୱମ୍ ଲୋକାପେ ସେସେନ୍ଦ୍ତାନା ମେନ୍ତେ କାପେ ଉଦୁବେନ୍ଦ୍ତାନା ?^୪ ଆପେକଏତେ ଜେତାଏ, ଆଇଙ୍ଗ୍ ପାତଲୁସକେ ଅତଙ୍ଗନିଃ ତାନିଙ୍ଗ୍, ଆତଃ ଏଗାଃନିଃ, ଆଇଙ୍ଗ୍ ଆପୋଲୋକେ ଅତଙ୍ଗନିଃ ତାନିଙ୍ଗ୍ ମେନ୍ତେ କାଜି ଇମ୍ତା ଚିନାଃ ଆପେ ଅତେଦିଶ୍ୱମରେନ୍ ହତ୍ତକ ଲୋକା କାପେଚି କାମିତାନା ?

^୫ ଆପୋଲୋ ଅକଏ ତାନିଃ ? ଆତଃ ପାତଲୁସ୍ ଅକଏ ତାନିଃ ? ଇନ୍ଦୁ ସବେନ୍ ପାରମେଶ୍ୱରୁଆଃ ଦାସିକ ଏସକାର୍ ତାନ୍ଦକ, ଇନ୍ଦୁ ଆପେକେ ବିଶ୍ୱାସୀ ହବାଅଃ ନାଗେନ୍ତେ ଦେଙ୍ଗାପେ ତାନାକ । ପାରମେଶ୍ୱରୁ ଆବୁକଏତେ ମିହୁଡ୍, ମିହୁଡ୍ତେ ଅକନ୍ କାମି ରିକା ନାଗେନ୍ତେ ଏମାକାଦ୍ବୁଆ, ଏନାବୁ କାମିୟାଃ ।^୬ ଆଇଙ୍ଗ୍ ହିତା ରୟାକାଦାଇଙ୍ଗ୍ ଆତଃ ଆପୋଲୋ ଏନାରେ ଦାଆଃ ଦୁଲ୍ଲକେଦାଏ, ମେନ୍ଦ୍ ପାରମେଶ୍ୱରୁ ହିତାକେ ହାରାଇଦିକେଦା ।^୭ ଜେତାଏ ହିତା ରଞ୍ଜେନିଃ ଚାଏ ଦାଆଃ ଦୁଲ୍ଲେନିଃ ଜେତାନିଃ ନାହାଁଲିଃ, ମେନ୍ଦ୍ ପାରମେଶ୍ୱରୁ, ଅକଏଚି ହିତା ହାରାଇଦିନିଃ ମାରାଙ୍ଗ୍ ତାନିଃ ।^୮ ହିତା ହେର୍ନିଃ ଆତଃ ଦାଆଃ ଦୁଲ୍ଲେନିଃ ବାରାନ୍କିନ୍ ମିଦ୍ରିୟାକିନ୍ ଚିୟାଃଚି ପାରମେଶ୍ୱରୁ ମିମିଆଦ୍ ହତ୍ତକକେ ଆକଆଃ କାମି ଲୋକାତେ ନାଲ୍ଲାଏ ଏମାକଥା ।^୯ ଚିୟାଃଚି ଆବୁ ପାରମେଶ୍ୱରୁଲଃ ମିସାତେ କାମିତାନ୍ ହତ୍ତକ ତାନ୍ଦୁ, ଆପେ ପାରମେଶ୍ୱରୁଆଃ ପିଡ଼ି ଆତଃ ଅଡ଼ାଃ ତାନ୍ଦେ ।^{୧୦} ପାରମେଶ୍ୱରୁ ଆଇଙ୍ଗ୍କେ ଏମାକାଦିଙ୍ଗ୍ ସାୟାଦ୍ ଲୋକାତେ ଆଇଙ୍ଗ୍ ମିଆଁଦ୍ ସେଗାଁନ୍ ଅଡ଼ାଃ ବାଇନିଃ ଲୋକା ନିହିଁ ଗାତା ବାଇୟାକାଦାଇଙ୍ଗ୍, ଏଗାଃ ମିହୁଡ୍, ଏନ୍ ଚେତାନ୍ରେ ଅଡ଼ାଃ ବାଇତାନାଏ । ମେନ୍ଦ୍ ଆପେକଏତେ ସବେନ୍ଦକ ଅଡ଼ାଃ ଚିଲ୍ଲକାପେ ବାଇତାନା, ଏନ୍ ବିଷାଏରେ ଚିଗାଲ୍ଲକାନ୍ ତାଇନ୍ ଲାଗାଡ଼ିଙ୍ଗ୍ୟାଃ ।^{୧୧} ଚିୟାଃଚି ପାରମେଶ୍ୱରୁ ବାଇସେକାଡ଼ାକାଦ୍ ନିହିଁ ଗାତା ଯାଶୁ ଖ୍ରୀଷ୍ଟି ତାନିଃ, ଇନିଃକେ ବାଗିକେଦତେ ଏଗାଃ ଜେତାଏ ନିହିଁ ଗାତା କାଏ ବାଇ ଦାଡ଼ିୟା ।^{୧୨} ଚିମିନ୍ ହତ୍ତକ ଏନ୍ ନିହିଁ ଗାତାରେ ସୋନା, ରୁଦା, ଗନଙ୍ଗ୍ଆଁନ୍ ଦିରିତେ ଅଡ଼ାଃକ ବାଇୟା ଆତଃ ଏଗାଃ ଚିମିନ୍ ହତ୍ତକ ସାହାନ୍, ତାସାଦ୍ ଚାଏ ବୁସୁଃ ଏମକେଦତେ ଅଡ଼ାଃକ ବାଇୟା ।^{୧୩} ମେନ୍ଦ୍ ମିମିଆଦ୍ ହତ୍ତକଆଃ କାମି, ଯାଶୁ ଖ୍ରୀଷ୍ଟୁଆଃ ଆତଃମିସା ହିନିଜୁଃ ହୁଲ୍ଲାଙ୍ଗ୍ରେ ଉଦୁବଃଥା । ଏନ୍ ହୁଲ୍ଲାଙ୍ଗ୍ ମିହୁଡ୍, ମିହୁଡ୍ତରାଃ କାମି ସେଙ୍ଗେଲ୍ତେ ଉଦୁବଃଥା ଆତଃ ଚିଲ୍ଲକାନ୍ କାମିତାନାଃ ଏନା ସେଙ୍ଗେଲ୍ତେ ବିଡ଼ାଅକେଦତେ ଉଦୁବଃଥା ।^{୧୪} ଜେତାଏ ନିହିଁ ଗାତାରେ ଅଡ଼ାଃ ବାଇକେଦତେ ସେଙ୍ଗେଲ୍ ବିଡ଼ାଅରେ କାଏ ଜିୟନିଃଥା, ଇନିଃ ନାଲ୍ଲାଏ ନାମେୟା ।^{୧୫} ଜେତାଏୟାଃ କାମି ଜିୟନିଃରେଦ୍, ଇନିଃ ଏନାକେ ଆଦେୟା, ମେନ୍ଦ୍ ସେଙ୍ଗେଲ୍ ହରାତେ ବାଞ୍ଚାଅକାନ୍ ହତ୍ତ ଲୋକା ଇନିଃ ଆଇଃକ୍ଚି ବାଞ୍ଚାଅ ନାମେୟାଏ ।

^{୧୬} ଆପେ ପାରମେଶ୍ୱରୁଆଃ ମାନ୍ଦିର୍ ଅଡ଼ାଃ ତାନ୍ଦେ, ଏନା ଆପେ ସାର୍ତ୍ତଗିପେ ସାରିତାନା ଆତଃ ପାରମେଶ୍ୱରୁଆଃ ଆତ୍ମା ଆପେୟାଃ ମନ୍ସୁରୁଦ୍ରେ ତାଇନାଃ ତାନା ।^{୧୭} ଜେତାଏ ପାରମେଶ୍ୱରୁଆଃ ମାନ୍ଦିର୍କେ ଜିୟନେରେଦ୍, ପାରମେଶ୍ୱରୁ ଇନିଃକେ ଜିୟନିଆ । ଚିୟାଃଚି ପାରମେଶ୍ୱରୁଆଃ ମାନ୍ଦିର୍ ପାବିତାର୍ଗିଆ ଆତଃ ଆପେ ଇନିୟାଃ ମାନ୍ଦିର୍ ତାନ୍ଦେ ।

☆ ୩:୨ ୩:୨ ଏବ୍ରୀ ୫:୧୨, ୧୩. ☆ ୩:୪ ୩:୪ ୧ କବିଚିନ୍ତୟ ୧:୧୨. ☆ ୩:୭ ୩:୭ ପ୍ରେରିଡ୍ ୧୮:୪-୧୧; ପ୍ରେରିଡ୍ ୧୮:୨୪-୨୮. ☆ ୩:୧୭ ୩:୧୭ ୧ କବିଚିନ୍ତୟ ୬:୧୯. ୨ କବିଚିନ୍ତୟ ୬:୧୨.

୧୮ ଆପେ, ଆପେରି ଆଲ୍ଲପେ ବେଦାନାଃ । ଆପେକଏତେ ଜେତା ହୃଦ୍ ଆପାନ୍‌କେ ଅତେଦିଶ୍ୱମ୍ ଲେକାତେ ସେଣ୍ଠାନ୍ ମେନ୍ତେ ମନେତାନ୍‌ରେଦ, ଇନିଃ ସାର୍‌ତି ସେଣ୍ଠା ନାମେ ନାଗେନ୍ତେ ଆପାନ୍‌କେ କା ସେଣ୍ଠାନ୍ ଲେକା ହବାଅଃ ଲାଗାତିଙ୍ଗୟାଃ । ୧୯ ଚିୟାଃତି ନେ ଅତେଦିଶ୍ୱମ୍‌ରେୟାଃ ସେଣ୍ଠା ପାର୍‌ମେଶ୍ୱାର୍‌ଆଃ ଆୟାଃରେ ତଣ୍ଡୁ ତାନାଃ । ଧାରାମ୍‌ପୁଥିରେ ଅଲ୍ଲକାନା, “ପାର୍‌ମେଶ୍ୱାର୍ ସେଣ୍ଠାନ୍ ହୃଦ୍‌କକେ ଆକଆଃ ଚାତୁରେନ୍ କାମିରେ ସାଦ୍‌କଥା ।” ୨୦ ଆତଃଗି ଧାରାମ୍‌ପୁଥିରେ ଅଲ୍ଲକାନା, “ସେଣ୍ଠାନ୍ ହୃଦ୍‌କଆଃ ଉତ୍ତୁ ସାମାକାଳି ତାନାଃ, ମେନ୍ତେ ପ୍ରାଭୁ ସାରିୟାଃଏ ।” ୨୧ ଏନାତେ, ମାନଞ୍ଜରାଃ କାମି ବିଷାଏରେ ଜେତାଏ ଆପାନ୍‌କେ ଆଲ୍ଲକାଏ ମାରାଙ୍ଗୟେନ୍‌କା । ସାର୍‌ତିଗି ସବେନାଃ ଆପେୟାଃଗି ତାନାଃ : ୨୨ ପାଉଲୁସ୍, ଆପୋଲୋ, ପାଡ଼ରାସ୍, ନେ ଅତେଦିଶ୍ୱମ୍, ଜୀଦାନ୍, ଆତଃ ଗନ୍‌ଏଃ, ନାହାଃ ଆତଃ ହିଲୁଃ ଦିପିଲି, ନେ ସବେନାଃ ଆପେୟାଃ ତାନାଃ, ୨୩ ମେନ୍‌ଦ ଆପେ ଖ୍ରୀଷ୍ଟଆଃ ତାନ୍‌ପେ, ଆତଃ ଖ୍ରୀଷ୍ଟ ପାର୍‌ମେଶ୍ୱାର୍‌ଆଃ ତାନିଃ ।

୪

ଖ୍ରୀଷ୍ଟଆଃ ପ୍ରେରିତ୍‌କ

୧ ଆପେ ଆଲେକେ ଖ୍ରୀଷ୍ଟଆଃ ଦାସି ଆତଃ ପାର୍‌ମେଶ୍ୱାର୍‌ଆଃ ଉକ୍ତୁଆକାନ୍ ସାନାର୍‌ତିରାଃ ନାମାକାଦ୍ ଭାଣ୍ଡାରି ଲେକା ଉତ୍ତୁଲେପେ । ୨ ନେ ଲେକାନ୍ ଭାଣ୍ଡାରିରାଃ ବାହାରମ୍ ନାମାକାଦ୍ ହୃଦ୍ ଆୟାଃ ଗମ୍‌କେୟାଃ ନାଗେନ୍ତେ ପାତିୟାରଃ ଲେକାନ୍‌ନିଃ ହବାଅଃ ଲାଗାତିଙ୍ଗୟାଃ । ୩ ନାହାଃ, ନେ ବିଷାଏରେ ଆପେୟାଃ ହରାତେ ଚାଏ ଜେତାନ୍ ମାନଞ୍ଜରେୟାଃ ବିଚାର୍‌ତେ ବିଚାରଃ ନାଗେନ୍ତେ ଆଇଙ୍ଗ୍ କାଇଙ୍ଗ୍ ଉତ୍ତୁତାନା, ଆତଃ ଆଇଙ୍ଗ୍, ଆଇଙ୍ଗ୍‌ଗି ଆଇଁୟାଃ ବିଚାର୍ କାଇଙ୍ଗ୍ ରିକାଃ । ୪ ଚିୟାଃତି ଆଇଙ୍ଗ୍ ଆଇଁୟାଃ ବିରୁଧରେ ଜେତାନ୍ କାଳି ମୋନାଃ ମେନ୍ତେ କାଇଙ୍ଗ୍ ସାରିତାନା, ଏନ୍‌ରେୟ ଏନାରେ ଆଇଙ୍ଗ୍ କାଇଙ୍ଗ୍ ଚିଟାକାନା ମେନ୍ତେ କାଇଙ୍ଗ୍ କାଜିତାନା । ମେନ୍‌ଦ ପ୍ରାଭୁ ଆଇଁୟାଃ ବିଚାର୍‌ନିଃ ତାନିଃ । ୫ ଏନାତେ ନେତା ତେବାଃ ସିଦାରେ ଆପେ ଜେତାଏକେ ଆଲ୍ଲପେ ବିଚାର୍‌କଥା । ପ୍ରାଭୁଆଃ ଶୁଣ୍ଠୁ ବିଚାର୍ ହିଲୁଃ ଦିପିଲି ଜାକେଦ୍ ତାଙ୍ଗିକାତେପେ । ଇନିଃ ନୁବାଃରେ ଉକ୍ତୁଆକାନ୍‌ତେୟାଃ ମାର୍‌ଧାଲ୍‌ତେ ଆଉୟା । ହୃଦ୍‌କଆଃ ମନସ୍‌ପୁନ୍‌ଦରେ ଉକ୍ତୁଆକାନ୍‌ତେୟାଃ ସିବେନାଃ ଉଦୁବେୟା । ଇମ୍‌ତା ସବେନ୍‌କ ପାର୍‌ମେଶ୍ୱାର୍‌ତାଃଏତେ ମାନାରାଙ୍ଗ୍‌କ ନାମେୟା ।

୬ ହେ ହାଗା ମିଗିକ, ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ଆପୋଲୋ, ଆତଃ ଆଇଁୟାଃ ବିଷାଏରେଇଙ୍ଗ୍ କାଜିକାଦା । ଆଲିଙ୍ଗ୍ ବାରାନ୍‌କିନ୍‌କେ ନାମୁନା ଲେକା ମନେକେଦ୍‌ତେ ଆପେକେ ଇତୁନ୍ ଲାଗାତିଙ୍ଗୟାଃ, ଧାରାମ୍‌ପୁଥିରେ ଅଲ୍ଲକାନ୍‌ତେୟାଃ ଆଲ୍ଲପେ ପାରମେୟା, ନେଆଁ ଆପେ ଆଲେତାଃଏତେ ଇତୁନ୍‌ପେ, ଆତଃ ଆପେକଏତେ ଜେତାଏକେ ଇଦିକେଦ୍‌ତେ ଆପାନ୍‌କେ ଆଲ୍ଲପେ ମାରାଙ୍ଗୟେନା, ଚାଏ ଜେତାଏକେ ଆଲ୍ଲପେ ହିଲ୍ଲାଙ୍ଗ୍‌କଥା । ୭ ଆପେକେ ଅକଏ ଏଗାଃନିଃତାଃଏତେ ମାରାଙ୍ଗ୍‌କାଦ୍‌ପେୟା ? ଆପେୟାଃ ସବେନାଃ ଚିନାଃ ପାର୍‌ମେଶ୍ୱାର୍ କାଏ ଏମାକାଦ୍‌ପେୟା ? ଏନାରେ ଆପେ ଦାନ୍ କା ନାମାକାଦ୍ ଲେକା ଚିନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା ?

୮ ଆପେୟାଃ ଲାଗାତିଙ୍ଗ୍‌ତେୟାଃ ସବେନାଃ ନାମ୍ ସେକାଡ୍‌କେଦାପେତି ? ଆପେ ଚିନାଃ କିସାଣ୍ଡୟାନାପେ ? ଆଲେ କାଲେ ରାଜାକାନ୍‌ରେୟ, ଆପେ ଚିନାଃ ରାଜା କାନାପେତି ? ସାର୍‌ତିଗି ଆପେ ରାଜା ହବାକାନ୍‌ରେଦ ବୁଗିନାଃ ହବାକାନ୍‌ତେୟାଃ, ଚିୟାଃତି ଆଲେୟ ଆପେଲଃ ରାଜଜେତେୟାଃଲେ । ୯ ଆଇଁୟାଃ ହିତୁରେ, ଆଲେ ଲେକାନ୍ ପ୍ରେରିତ୍‌କକେ ପାର୍‌ମେଶ୍ୱାର୍ ସବେନ୍‌କଆଃଏତେ ତାୟମ୍‌ରେ ଦହକାଦ୍‌କଥା । ଗନ୍‌ଏଃ ସାଜାଲ ନାମାକାଦ୍ ହୃଦ୍ ଲେକା ଆଲେ ଅତେଦିଶ୍ୱମ୍‌ରେ ହୃଦ୍‌କଆଃ, ଆତଃ ଦୁଢ୍‌କଆଃ ସାମାକାଙ୍ଗ୍‌ରେ ଲାଦାକାନ୍‌କ ଲେକାଲେ ହବାକାନା । ୧୦ ଆଲେ ଖ୍ରୀଷ୍ଟ ନାଗେନ୍ତେଲେ ତଣ୍ଡୁକାନା, ମେନ୍‌ଦ ଆପେ ଖ୍ରୀଷ୍ଟରେ ମିଦ୍‌କାନ୍ ହରାତେ ସେଣ୍ଠାକାନାପେ, ଆଲେଦଲେ ନାରାଦୁରାକାନା ମେନ୍‌ଦ ଆପେ ପେଡେଃପେ ନାମାକାଦା, ଆଲେଦଲେ ହିଲ୍ଲାଙ୍ଗ୍‌କାନା ମେନ୍‌ଦ ଆପେ ମାଇନ୍‌ପେ ନାମାକାଦା । ୧୧ ଆଲେ ନାହାଃ ଜାକେଦ୍‌ଲେ ରେଙ୍ଗେଃତାନା, ତେତାଙ୍ଗ୍‌ତାନା, ତେତାଃ ଲିଜାଃଲେ ତୁସିଙ୍ଗ୍‌କାନା, ଦାଲଃତାନା ଆତଃ ଅଡ଼ାଃ ବାନଃଆ, ୧୨ *ଆଲେ କେଟେଦ୍ କାମି କାମିକେଦ୍‌ତେଲେ ଲାଗାଉତାରଃ ତାନା । ଜେତାଏ ଆଲେକେ ସାର୍‌ପାଅଲେ ତାନ୍‌ଲେ, ଆଲେ ଇନ୍‌କୁକେ ଆଗିଷ୍ଟକତାନାଲେ । ସିଗିଦଃତାନ୍‌ରେ

* ୪:୧୨ ୪:୧୨ ପ୍ରେରିତ୍‌କ ୧୮:୩.

ସାହାଜିଙ୍କ ତାନାଲେ, ୧୩ ହିଲାଇଲେ ତାନ୍‌କକେ ଲେବେଃ କାଜିତେଲେ କାଜିରୁହାଡ଼କତାନା । ଆଲେ ନାହାଁଃ ଜାକେଦ୍ ଅତେଦିଶ୍ୱମ୍‌ରେ କେବରା ଆତଃ ହୁମ୍‌ ଲେକାଲେ ହବାକାନା ।

୧୪ ଆପେକେ ଗିହୁଃଈତିପେ ନାଗେନ୍ତେ ନେଆଁ ଆଇଙ୍ଗ କାଇଙ୍ଗ ଅଲେତାନା, ମେନ୍‌ଦ୍ ଆଇଁୟାଃ ଦୁଲ୍‌ାଡ଼୍ ହନ୍‌କ ଲେକାଇଙ୍ଗ୍ ଉଦୁବପେତାନା । ୧୫ ଖ୍ରୀଷ୍ଟରେ ଆପେୟାଃ ପୁରାଃଗି ଗେଲ୍ ହାଜାର୍ ଧାରାମ୍ ଗୁରୁକ ମେନାକରେୟ, ଆପେୟାଃ ମିଆଁଦ୍‌ଗି ଆପୁ ମେନାଇୟା । ଆଇଙ୍ଗ୍ ଆପେତାଃରେ ପୁକୁକାଜି ଉଦୁବକେଦାଇଙ୍ଗ୍ ଆତଃ ଯାଶୁ ଖ୍ରୀଷ୍ଟକେ ଆପେ ବିଶ୍ୱାସକିୟାପେ ଏନାତେ ଆଇଙ୍ଗ୍ ଆପେୟାଃ ଆପୁ ଲେକାଇଙ୍ଗ୍ ହବାୟାନା । ୧୬ ଏନାମେନ୍ତେ ଆଇଁୟାଃ ନାମୁନା ଲେକା ସେସେନ୍‌ପେ ମେନ୍ତେଇଙ୍ଗ୍ ବିନ୍ତିପେତାନା । ୧୭ ଏନା ନାଗେନ୍ତେ ଆଇଙ୍ଗ୍ ପ୍ରାଭୁରେ ଦୁଲ୍‌ାଡ଼୍ ଆତଃ ପାଡ଼ିୟାରଃ ଲେକାନ୍ ହନ୍‌ ତାମଥୁକେ ଆପେତାଃତେଇଙ୍ଗ୍ କୁଲିତାନା । ଆଇଙ୍ଗ୍ ଯାଶୁ ଖ୍ରୀଷ୍ଟଲଃ ତାଇକେଦ୍‌ତେ ନାଝା ଜୀଦାନ୍‌ରେ ସେସେନ୍‌ତାନ୍‌ଲଃ ସବେନ୍‌ତାଃରେ, ସବେନ୍‌ କାଲିସିୟାରେଇଙ୍ଗ୍ ଇତୁକାଦ୍‌କଆ, ଏନା ଇନିଃ ଆପେକେ ପାହାମଚିପେୟା ।

୧୮ ଆଇଙ୍ଗ୍ ଆପେତାଃଠେତେ କାଇଙ୍ଗ୍ ହିଜୁଃଆ ମେନ୍ତେ ଆପେ ଉଡ଼ୁତାନ୍‌ଲଃ ଆପେକଏତେ ଚିମିନ୍ ହଡ଼କ ମାରାଙ୍ଗ୍‌ୟେନ୍‌ ତାନା । ୧୯ ପ୍ରାଭୁଆଃ ସାନାଙ୍ଗ୍ ହବାଅଃରେଦ୍, ଆଇଙ୍ଗ୍ ଆପେତାଃତେ ଜାଲ୍‌ଦିଗିଇଙ୍ଗ୍ ହିଜୁଃଆ । ଇମ୍‌ତା ଆଇଙ୍ଗ୍ ନେ ମାରାଙ୍ଗ୍‌ୟେନ୍‌ ହଡ଼କଆଃ କାଜି କାଇଙ୍ଗ୍ ଆୟୁମାଃ, ମେନ୍‌ଦ୍ ଇନ୍‌କୁଆଃ ପେଡ଼େଃ ଚିମିନ୍ ମେନାଃ ଏନା ଆଇଙ୍ଗ୍‌ଗିଇଙ୍ଗ୍ ନେଲେୟା । ୨୦ ଚିୟାଃତି ପାଡ଼ିମେଶ୍ୱାରୁଆଃ ରାଇକ୍‌ଦ୍ ଜାଗାର୍ ବିଷାଏ ଏସ୍‌କାର୍ ନାହାଁଲଃ ମେନ୍‌ଦ୍ ପେଡ଼େଃରେୟାଃ ବିଷାଏ ତାନାଃ । ୨୧ ଆପେ ଚିନାଃ ସାନାଙ୍ଗ୍‌ତାନାପେ ? ଆଇଙ୍ଗ୍ ଆପେକେ ଚେତାଅପେ ନାଗେନ୍ତେ ସଗା ସାଦ୍‌କେଦ୍‌ତେଇଙ୍ଗ୍ ହିଜୁଃଆ ଚି, ଦୁଲ୍‌ାଡ଼୍ ଆତଃ ଲେବେଃ ମନ୍‌ଡେଇଙ୍ଗ୍ ହିଜୁଃଆ ?

୫

କାଲିସିୟାରେ ଏଡ଼କାନ୍ ଚାଇଲ୍ ଚାଲାନ୍

୧ ଆପେ ଆଲାରେ ଅକନ୍ ଆପାଙ୍ଗିର୍ କାମି ହବାଅଃତାନା, ଏନ୍‌ଲେକାନ୍ ଆପାଙ୍ଗିର୍ କାମି ସାଆଁସାବ୍ ହଡ଼କ ଆଲାରେୟ କା ହବାଅଃତାନା । ଆଇଙ୍ଗ୍ ଆୟୁମକାଦାଇଙ୍ଗ୍, ଆପେଏତେ ମିହୁଡ଼୍ ଆପୁଡେୟାଃ କୁଡ଼ିଡେକେ ଆୟାଃ କୁଡ଼ି ଲେକାଏ ଦହକିୟା । ୨ ଏନ୍‌ରେହ ଆପେ ଚିଲ୍‌କାତେ ଆପେୟାଃ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜି ଦାଡ଼ିତାନ୍ ? ଆପେ ଗିହୁଃକେଦ୍‌ତେ, ଏନ୍‌ ଲେକା କାମିକାଦ୍ ହଡ଼କେ ଆପେୟାଃ ମେନେସାଏତେ ଆତମ୍‌ଏଶ୍ୱା ଲାଗାତିୟା । ୩ ଆଇଙ୍ଗ୍ ଏନ୍ତାଃରେ କାଇଙ୍ଗ୍ ତାଇକେନ୍‌ରେୟ ଆମ୍‌ଗ୍‌ରେ ଆପେତାଃରେଇଙ୍ଗ୍ ତାଇକେନା, ଆତଃ ଆପେତାଃରେ ତାଇକ୍‌ତାନ୍‌ନିଃ ଲେକା ଏନ୍‌ ଲେକାନ୍ କାମି କାମିକାଦ୍‌ନିଃକେ ଆଇଙ୍ଗ୍ ବିଚାର୍ ଚାବାକିୟା । ୪ ପ୍ରାଭୁ ଯାଶୁଆଃ ନୁଡ଼ମ୍‌ତେ ଆପେ ମିଦ୍‌ତାଃରେ ହୁଣ୍ଡିକାନ୍ ଇମ୍‌ତା ଆଇଙ୍ଗ୍‌ହ୍ ଏନ୍ତାଃରେ ଆପେଲଃ ଆମ୍‌ଗ୍‌ରେଇଙ୍ଗ୍ ତାଇକେନା ଆତଃ ଆବୁଆଃ ଆଲାରେ ପ୍ରାଭୁ ଯାଶୁଆଃ ପେଡ଼େଃ ତାଇକେନା । ୫ ଏନ୍‌ ଲେକାନ୍ ହଡ଼କେ ଆୟାଃ ହଡ଼ମ୍ ଜିୟନେ ନାଗେନ୍ତେ ସାଏତାନ୍‌ରାଃ ଡିଃଈରେ ଜିମାତାଇପେ । ଜେଲେକାଚି ପ୍ରାଭୁଆଃ ହିନିଜୁଃ ହୁଲାଇଙ୍ଗ୍‌ରେ ଆୟାଃ ଆମ୍‌ ବାଞ୍ଛାଅ ଦାଡ଼ିୟାଃ ।

୬ ଏନ୍‌ଲେକା ଆପାନ୍‌କେ ମାରାଙ୍ଗ୍‌ୟେନ୍‌ ଆପେୟାଃ ନାଗେନ୍ତେ କା ବୁଗିନାଃ । କାଚିଃଲେକା ରାନ୍‌ ଗଟା ମାଏଦାକେ ଜୋଲୟା ଏନା ଆପେ କାପେଚି ସାରିତାନା ? ୭ ଆପେ ଆପେୟାଃ ପାଦ୍ ଲେକାନ୍ ମାରି ରାନ୍‌କେ ସାଙ୍ଗିନ୍‌କେଦ୍‌ତେ ପୁରା ଫାଡ଼ିଚିୟାଃରେଦ୍, ଆପେ ରାନ୍‌ ବାନଃ ନାଝା ମାଏଦା ଲେକାପେ ହବାଅଃଆ । ଆଇଙ୍ଗ୍ ସାରିତାନାଈଙ୍ଗ୍ ନାହାଁଃ ଆପେ ଫାଡ଼ିଚି ମେନାପେୟା । ଚିୟାଃତି ଆବୁଆଃ ପାସ୍‌କା ପାରାବ୍ ସେକାଡ଼ାକାନା ଆତଃ ଖ୍ରୀଷ୍ଟ୍ ଆବୁଆଃ ପାସ୍‌କା ପାରାବ୍‌ରେୟାଃ ମିଣ୍ଡିହନ୍ ଲେକା ଦାଗେଁ ରାକାବ୍‌ୟାନାଏ । ୮ ଏନାତେ ଏଲା ହିଜୁଃପେ, ପାଦ୍ ଆତଃ ଏଡ଼କାନ୍ ଲେକାନ୍ ମାରି ରାନ୍‌କେ ବାଗିକେଦ୍‌ତେ ଲେବେଃ ମନ୍‌ଡେତେ ଆତଃ ସାନାଡ଼ିତେ ରାନ୍‌ ବାନଃ ହଲଙ୍ଗ୍‌ତେ ନେ ପାରାବ୍‌କେବୁ ମାନାଡିୟେୟା ।

୯ ଆପେ ଆପାଙ୍ଗିର୍ ହଡ଼କଆଃ ସାଙ୍ଗାଡିରେ ଆଲ୍‌ପେ ମେସାନା ମେନ୍ତେ ଆଇଙ୍ଗ୍ ସିଦା ଚିଟାଉରେ ଅଲ୍‌କାଦ୍ ତାଇକେନାଇଙ୍ଗ୍ । ୧୦ ଆପେ ନେ ଅତେଦିଶ୍ୱମ୍‌ରେନ୍‌ ଆପାଙ୍ଗିର୍, ଲୋଭା, କୁମ୍‌ବୁ ଆତଃ ମୁରୁବ୍ ପୁଜାତାନ୍ ହଡ଼କଲଃ ଜେତାନ୍ ନାତା ଆଲ୍‌ପେ ଦହୟା ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ଆପେ ନାତା କାପେ ଦହଲେରେ, ଆପେକେ ନେ ଅତେଦିଶ୍ୱମ୍‌ଏତେ ଅତଙ୍ଗ୍ ଲାଗାଡିଙ୍ଗ୍‌ୟା । ୧୧ ଆଇଁୟାଃ କାଜିରାଃ

* ୪:୧୭ ୪:୧୭ ୧ କବିଚିନ୍ତା ୧୧:୧; ଫିଲିପସ୍ ୩:୧୭. * ୫:୭ ୫:୭ ଗାଳାତିୟା ୫:୯.

ମୁଣ୍ଡି ହବାଅଃତାନା, ଆପେୟାଃ ହାଗା ମେନ୍ତେ ସାରିକାନ୍ ଜେତାଏ ହଡ଼ ଆପାଙ୍ଗିରୁନିଃ, ଲୋଭାନିଃ, ମୁରୁଡ଼ ସେଞ୍ଜାନିଃ, ହିଲାଙ୍ଗାନିଃ, ଇଲିଆରୁଖରେ ବୁଲଃନିଃ, ଚାଏ କୁମ୍ଭୁଡ଼ୁନିଃ ହବାଅଃରେଦ, ଇନିଃଲଃ ସବେନ୍ ନାତା ବାରିତାପେ । ଏନ୍ଲେକାନ୍ ହଡ଼ଲଃ ଦୁବକେଦତେ ଆଲ୍ଲପେହିଁ ଜଜମାଃ ।

୧୨ କାଲିସିୟାଏତେ ବାହାରିରେନ୍ ହଡ଼କଆଃ ବିଚାର୍ ରିକା ନାଗେନ୍ତେ ଆଇଙ୍ଗ ଅକଏ ତାନିଙ୍ଗ ? ମେନ୍ଦ ଆବୁଆଃ କାଲିସିୟାରେନ୍ ହଡ଼କଆଃ ବିଚାର୍ ନାଗେନ୍ତେ ଆବୁଆଃ ଚିନାଃ ଆକତେୟାର୍ ବାନଃଆ ? ୧୩ ପାର୍ମେଶ୍ଵାର୍ ଇନ୍କୁକେ ବିଚାର୍କଆ, ଧାରାମ୍ପୁଅରେ ଅଲ୍ଲକାନା, “ଆପେକଏତେ ଏନ୍ଲେକାରି ଏଡ଼କାନ୍ ହଡ଼କକେ ବାହାରି ଅଡ଼ଙ୍ଗକପେ ।”



ଶ୍ରୀଷ୍ଟିୟାନ୍ ହାଗାକଆଃ ନ୍ୟାୟ ବିଚାର୍

୧ ଆପେକଏତେ ଜେତାଏତାଃରେ ଏଗାଃ ଶ୍ରୀଷ୍ଟିୟାନ୍ ହାଗା ବିରୁଧରେ କାଜି ମେନାଃରେଦ, ଇନିଃ ବିଚାର୍ ନାଗେନ୍ତେ ପାର୍ମେଶ୍ଵାର୍ଆଃ ହଡ଼କତାଃରେ କା ସେନ୍କେଦତେ ସାଆଁସାର୍ ହଡ଼କତାଃରେ ସେନ୍ ନାଗେନ୍ତେ ଚିଲ୍ଲକାତେ ସାହାସେ ତାନା ? ୨ ପାର୍ମେଶ୍ଵାର୍ଆଃ ହଡ଼କ ନେ ଅତେଦିଶ୍ଵମକେ ବିଚାରେୟାକ ମେନ୍ତେ ଚିନାଃ ଆପେ କାପେ ସାରିତାନା ? ଆପେ ନେ ଅତେଦିଶ୍ଵମକେପେ ବିଚାର୍ ଦାଡ଼ିତାନ୍ରେଦ, ନେ ହୁପୁଡ଼ିଙ୍ଗ କାଜିକ ଚିନାଃ କାପେ ବିଚାର୍ ଦାଡ଼ିୟା ? ୩ ଆବୁ ଦୁଡ଼କକେ ବିଚାର୍କଆବୁ, ଏନା ଆପେ କାପେଚି ସାରିତାନା ? ତାବ୍ଦ ନେ ସାଂସାରରେ ହବାଃଅତାନ୍ ବିଷାଏକ ବିଚାର୍ ନାଗେନ୍ତେ ଆବୁଆଃ ନେ ଜୀଦାନ୍ରେ ଚିମିନ୍ ରାଖାଲ୍ ହବାଅଃଆ ! ୪ କାଲିସିୟାଃରେ ନେପେଲ୍ଲରେ ଅକନ୍କଟି ମାଇନ୍ କାକ ନାମେତାନା, ଏନ୍ ହଡ଼କତାଃରେ ଆପେ ନେ ହୁପୁଡ଼ିଙ୍ଗ କାଜିକ ବିଚାର୍ ନାଗେନ୍ତେ ଚିନାଃମେନ୍ତେପେ ସେନ୍ତାନା ? ୫ ଏନା ନାଗେନ୍ତେ, ଆପେୟାଃ ଗିହୁଗଃରାଃ କାଜିତାନାଃ ! ଶ୍ରୀଷ୍ଟିୟାନ୍ ହାଗାକ ଆଲ୍ଲରେ କା ବାପାଇ ତାନ୍କଆଃ ବିଚାର୍ ରିକାଦାଡ଼ି ନାଗେନ୍ତେ କାଲିସିୟାରେ ମିହୁଡ଼, ଲେକାଦ ସେଣ୍ଡାନ୍ ହଡ଼ ତାଇନାଏ ! ୬ ମିହୁଡ଼, ହାଗା ଆଡ଼ଃମିହୁଡ଼, ହାଗାଋଃ ବିରୁଧରେ କାଚାଇରିତେ ସେନ୍କେଦତେ, କା ବିଶ୍ଵାସତାନ୍ ହଡ଼କତାଃରେ ବିଚାରେନ୍ତାନା ।

୭ ଆପେ ଆଲ୍ଲରେ ହବାଅଃତାନ୍ କା ବାପାଇ ହରାତେ କାଚାଇରିତେ ନ୍ୟାୟବିଚାର୍ ନାଗେନ୍ତେପେ ସେନ୍ତାନା, ଏନା ଆପେ ପୁରା ହାରାଅକାନାପେ ମେନ୍ତେ ଉଦୁବେତାନା । ନ୍ୟାୟବିଚାର୍ ରିକାଏତେଦ ଏଡ଼କାନାଃ ସାହାଡ଼ିଙ୍ଗକେଦତେ ଜିୟନଃତେୟାଃ, ଆପେ ନାଗେନ୍ତେ ବୁଗିନାଃ ହବାଅଃତେୟାଃ । ୮ ନେଆଁ କାମିକେଦ ହରାତେ ଆପେ ଆପେଚି ମିହୁଡ଼, ଆଡ଼ଃମିହୁଡ଼ଆଃ ଏଡ଼କାନ୍ କାମି କାମିତାନାପେ ଆଡ଼ଃ କୁମ୍ଭୁଡ଼ୁନାପେ, ଏନ୍ଲେକାରି ଏଗାଃ ବିଶ୍ଵାସୀ ହାଗା ମିଗିକଲଃହିଁ କାମିତାନାପେ । ୯ ଏଡ଼କାନ୍ ହଡ଼କ ପାର୍ମେଶ୍ଵାର୍ଆଃ ରାଇଜ୍ରେ କାକ ବଲ ଦାଡ଼ିୟା ମେନ୍ତେ ଚିନାଃ ଆପେ କାପେ ସାରିତାନା ? ଆଲ୍ଲପେ ବେଦାଅଃଆ; କା ଆଣ୍ଡିକାନ୍ କଡ଼ା ଆଡ଼ଃ ଆଣ୍ଡି କୁଡ଼ିଲଃ ଆପାଙ୍ଗିର୍ କାମିତାନ୍କ, ଆଣ୍ଡିକାନ୍ କଡ଼ା ଚାଏ କୁଡ଼ି ଏଗାଃ ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିର୍ କାମିତାନ୍କ, ମୁରୁଡ଼ ପୁଜାତାନ୍କ, କଡ଼ା କୁଡ଼ିଲେକା ଚାଇଲ୍ ଚାଇନାନ୍କ, କଡ଼ାକ ଆକରେଚି ଆପାଙ୍ଗିର୍ତାନ୍କ, ୧୦ କୁମ୍ଭୁଡ଼ୁ, ଚାକା ପାଏସା ହାୟାତାନ୍କ, ଇଲିଆରୁଖରେ ବୁଲଃତାନ୍କ, ହିଲାଙ୍ଗାତାନ୍କ, ରେରେଃକ୍କ, ନେ ସବେନ୍କ ପାର୍ମେଶ୍ଵାର୍ଆଃ ରାଇଜ୍ରେ କାକ ବଲ ଦାଡ଼ିୟା । ୧୧ ଆପେକଏତେ ଚିମିନ୍କ ଏନ୍ଲେକାପେ ତାଇନ୍କେନା । ମେନ୍ଦ ପ୍ରାଭୁ ଯାଶୁ ଶ୍ରୀଷ୍ଟିଆଃ ନୁଡ଼ମ୍ତେ ଆଡ଼ଃ ଆବୁଆଃ ପାର୍ମେଶ୍ଵାର୍ଆଃ ଆମ୍ବା ହରାତେ ନାହିଁଆ ଆପେ ପାପହେତେ ଫାର୍ଚିଆକାନାପେ, ପାବିଚାର୍ କାମି ନାଙ୍ଗ ଜିମାକାନାପେ, ଆଡ଼ଃ ଧାର୍ମାନ୍ ହଡ଼ ମେନ୍ତେପେ ଲେକାକାନା ।

ଆପେୟାଃ ହଡ଼ମକେ ପାର୍ମେଶ୍ଵାର୍ଆଃ ମାନାରାଙ୍ଗ୍ ନାଗେନ୍ତେ ବେଭାରେପେ

୧୨ *ଜେତାଏ ମିହୁଡ଼ କାଜିୟାଏ, “ଆଇଙ୍ଗକେ ସବେନାଃ ରିକା ନାଗେନ୍ତେ ଆବୁକାନା ।” ସାରୁଚି କାଜିତାନାଃ, ମେନ୍ଦ ସବେନାଃ ଆପେ ନାଗେନ୍ତେ କା ବୁଗିନାଃ । ଆଇଙ୍ଗକେ ସବେନ୍ କାମି ରିକା ନାଗେନ୍ତେ ଆବୁକାନା, ମେନ୍ଦ ଆଇଙ୍ଗ ଜେତାଏକେ ଆୟାଃ ଆକତେୟାର୍ରେ ଦହ ନାଗେନ୍ତେ ସୁୟୋଗ୍ କାଇଙ୍ଗ ଏମ୍ ଦାଡ଼ିୟା । ୧୩ ଜେତାଏ ମିହୁଡ଼, କାଜିୟାଏ, “ଜମେୟାଃ ଲାହିଦ୍ ନାଗେନ୍ତେ, ଆଡ଼ଃ ଲାହିଦ୍ ଜମେୟାଃ ନାଗେନ୍ତେ ।” ସାରୁଚି କାଜିତାନାଃ, ମେନ୍ଦ ପାର୍ମେଶ୍ଵାର୍ ବାରାନାଃକେ ଜିୟନେଆଁ । ହଡ଼ମ୍ ଆପାଙ୍ଗିର୍ କାମି ନାଗେନ୍ତେ ନାହିଁଲାଃ, ମେନ୍ଦ ପ୍ରାଭୁଆଃ ସେଞ୍ଜାରେ ବାଉରାଅଃକା, ଚିୟାଃଚି ପ୍ରାଭୁ

* ୬:୧୨ ୬:୧୨ ୧ କବିଚ୍ଛିନ୍ଦ ୧୦:୨୩.

ହତଫରାଃ ଲାଗାତିଙ୍ଗତେୟାଃ ଜଗାଅନିଃ ତାନିଃ ।^{୧୪} ପାର୍ବମେଶ୍ୱାଫ୍ ଆୟାଃ ପେଡ଼େଃତେ ପ୍ରାଭୁ ଯୀଶୁକେ ଗନଏଃହେତେ ଜାଉବିରିଦକିୟାଏ ଆତଃ ଇନିଃ ଆବୁକେୟ ଆୟାଃ ପେଡ଼େଃତେ ଜାଉବିରିଦବୁଆ ।

^{୧୫} ଆପେୟାଃ ହତଫ ଯୀଶୁ ଖ୍ରୀଷ୍ଟଆଃ ହତଫରାଃ ହିସା ଲେକାନାଃ ତାନାଃ ଏନା କାପେତି ସାରିକାଦା ? ଚିନାଃ ଆଇଙ୍ଗ ଯୀଶୁ ଖ୍ରୀଷ୍ଟଆଃ ହତଫରାଃ ମିଦ ହିସାକେ ଇଦିକେଦତେ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍ନିଆଃ ହିସାଇଙ୍ଗ ବାଇୟା ? ଏନ୍କା ଆଲକା ହବାଅଃକା ।^{୧୬} ଚାଏ ଜେତାଏ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍ନିଃଲଃ ମିଦରେ ମେସାନାଏ, ଇନିଃ ଏନ୍ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍ନିଃଲଃ ମିଆଁଦ ହତଫାଆଏ, ଚିନାଃ ଏନା କାପେ ସାରିତାନା ? ଚିୟାଃତି ଧାରାମ୍ପପୁରେ ବୁରିଲେକା ଅଲକାନା, “ଏନ୍ ବାରାନ୍କିନ୍ ମିଆଁଦ ହତଫାଆକିନ୍ ।”^{୧୭} ମେନ୍ଦ୍ ଜେତାଏ ପ୍ରାଭୁଲଃ ମେସାଆଏ, ଇନିଃ ପ୍ରାଭୁଆଃ ଆମ୍ବରେ ମିଦଃଆ ।

^{୧୮} ଆପାଙ୍ଗିର କାମିଏତେ ସାଙ୍ଗିନଃପେ । ଏଟାଃ ଜେତାନ୍ ପାପ୍ଏତେ ହତଫରାଃ ହତଫ କା ନକ୍ସାନଃଆ, ମେନ୍ଦ୍ ଆପାଙ୍ଗିର କାମିନଃ ଆୟାଃ ହତଫ ବିରୁଧରେ ପାପ୍ ରିକାଏୟା ।^{୧୯} *ଆପେୟାଃ ହତଫ ପାର୍ବମେଶ୍ୱାଫ୍ତାଃଏତେ ନାମାଃତେ ପାବିତାଫ୍ ଆମ୍ବରାଃ ମାନ୍ଦିର ତାନାଃ, ଏନା କାପେତି ସାରିତାନା ? ଆପେ ଆପେତି ନାହାଁଲାପେ, ମେନ୍ଦ୍ ପାର୍ବମେଶ୍ୱାଫ୍ତାଃ ତାନ୍ଦେ ।^{୨୦} ଇନିଃ ଆପେକେ ପୁରାଃ ଗନଙ୍ଗଆଁଦେତେ କିରିଙ୍ଗକାଦପେୟା । ଏନାତେ ଆପେ ଆପେୟାଃ ହତଫତେ ପାର୍ବମେଶ୍ୱାଫ୍ତାଃ ମାନାରାଙ୍ଗ ରିକାଏପେ ।

୭

ଆଣ୍ଡି ବିଷାଏରେ କୁନ୍ତୁଲି

^୧ ଆପେ ଆଇଙ୍ଗତେ ଚିଟାଉରେ କୁଲିକାଦିଙ୍ଗ କୁନ୍ତୁଲି, ନାହାଁଃ ଆଇଙ୍ଗ ଆପେକେଇଙ୍ଗ କାଜିରୁହାଡ଼ପେତାନା । ହତ୍ କା ଆଣ୍ଡିନ୍ତେୟାଃ ବୁରିନାଃ ତାନାଃ ।^୨ ମେନ୍ଦ୍ ଆପାଙ୍ଗିର କାମି ପେରେଜାକାନ୍ ହରାତେ ସବେନ୍ ହତଫରାଃ କୁଡ଼ି ଆତଃ ସବେନ୍ କୁଡ଼ିରାଃ କଡ଼ା ତାଇନଃ ଲାଗାତିଙ୍ଗୟାଃ ।^୩ କଡ଼ା ଆୟାଃ କୁଡ଼ିରାଃ ଲାଗାତିଙ୍ଗତେୟାଃ ପୁରାଏକା ଆତଃ କୁଡ଼ି ଆୟାଃ କଡ଼ାରାଃ ଲାଗାତିଙ୍ଗତେୟାଃ ପୁରାଏକା । ଆତଃ ବାରାନ୍କିନ୍ ଆକିନାଃ ବାରାନ୍କିନାଃ ଲାଗାତିଙ୍ଗତେୟାଃ ପୁରାଏ ନାଗେଟ୍ରେ ଲାଗାତିଙ୍ଗୟାଃ ।^୪ ଆୟାଃ ଆପ୍ନାଃ ହତଫରେ କୁଡ଼ିରାଃ ଜେତାନ୍ ଆକ୍ତେୟାଫ୍ ବାନଃଆ, ମେନ୍ଦ୍ କଡ଼ାରାଃ ମେନାଃ । ଏନ୍ଲେକାଗି ଆୟାଃ ଆପ୍ନାଃ ହତଫରେ କଡ଼ାରାଃ ଜେତାନ୍ ଆକ୍ତେୟାଫ୍ ବାନଃଆ, ମେନ୍ଦ୍ କୁଡ଼ିରାଃ ମେନାଃ ।^୫ ମିହୁଡ୍, ଆତଃମିହୁଡ଼ତାଃଏତେ ଆଲକାଏ ବିନ୍ଗାଆଃକା । ମେନ୍ଦ୍ ବାରାନ୍କିନ୍ ମିଦ୍ତାଃରେ ବିକ୍ତିରେ ତାଇନ୍ ନାଗେଟ୍ରେ ଘାଡ଼ିକାଦ୍ ନାଙ୍ଗ ବିନ୍ଗାଆ ଦାଡ଼ିୟାକିନ୍ । ଆପାନ୍ଦକେ କାବୁରେ ଦହ ନାଗେଟ୍ରେ କାମଜର୍ ତାଇନ୍ ହରାତେ ସାଏତାନ୍ ଇନ୍କିନ୍ଦକେ ବିଡ଼ାଅରେ ଆଲକାଏ ଉୟୁଃକିନ୍କା, ଏନାମେଟ୍ରେ ଆତଃମିସା ମିଦରେ ମେସାନ୍କାକିନ୍ ।

^୬ଆଇଙ୍ଗ ଆପେକେ ହୁକୁମ୍ ଏମ୍ପତାନ୍ ଲେକାଦ କାଇଙ୍ଗ କାଜିତାନା, ମେନ୍ଦ୍ ଆରୁପେତାନ୍ ଲେକାଇଙ୍ଗ କାଜିପେତାନା ।^୭ ଆପେ ସବେନ୍ଦ୍ ଆଇଁୟାଃ ଲେକା ହବାଅଃପେ ମେଟ୍ରେଇଙ୍ଗ ସାନାଙ୍ଗତାନା । ମେନ୍ଦ୍ ସବେନ୍ଦ୍ ଆକଆଃ ଆପ୍ନାଃ ବାରଦାନ୍ ପାର୍ବମେଶ୍ୱାଫ୍ତାଃଏତେ ନାମାକାଦାକ । ସବେନ୍ଦ୍ ମିଦ୍ ଲେକାଗି ବାରଦାନ୍ କା ନାମକେଦତେ ଏଟାଃ ଏଟାଃ ବାରଦାନ୍କ ନାମାକାଦା ।

^୮ ନାହାଁଃ ଆଇଙ୍ଗ କା ଆଣ୍ଡିକାନ୍ ଆତଃ ରାଣ୍ଡିକୁଡ଼ିକେଇଙ୍ଗ କାଜିତାନା, ଇନ୍ଦ୍କୁ ଆଇଁୟାଃଲେକା ଏସ୍କାର୍ଗିକ ତାଇନ୍ଦରେ ବୁରିନାଃ ହବାଅଃତେୟାଃ ।^୯ ମେନ୍ଦ୍ ଇନ୍ଦ୍କୁ ଆକାଗି ଏଡ଼କାନ୍ ସାନାଙ୍ଗଏତେ କାକ ସାମ୍ବାତାଆ ଦାଡ଼ିୟାଃରେଦ, ଆଣ୍ଡିୟାଃକାକ । ଚିୟାଃତି କା ସାହାଅକେଦତେ ତାଇନଃଏତେଦ ଆଣ୍ଡିୟାଃରେ ବୁରିନାଃ ହବାଅଃଆ ।

^{୧୦} *ଆଇଙ୍ଗ ଆଣ୍ଡିକାନ୍କେ ହୁକୁମ୍ ତାନାଇଙ୍ଗ, ଅକ୍ନାଃତି ଆଇଁୟାଃ ହୁକୁମ୍ ନାହାଁଲଃ ମେନ୍ଦ୍ ପ୍ରାଭୁଆଃ ତାନାଃ : କୁଡ଼ି ଆୟାଃ କଡ଼ାକେ ଆଲକାଏ ବାଗିକା,^{୧୧} ଇନିଃ କଡ଼ାକେ ବାଗିରେଦ ଏସ୍କାର୍ଗି ତାଇନଃକା ଚାଏ କଡ଼ାତେଲଃ ଆତଃମିସା ମେସାରୁହାଡ଼େନ୍କା । ଆତଃ କଡ଼ାତେ ଆୟାଃ କୁଡ଼ିକେ ବାଗିରେଆଃ ଅନଲ୍ ଆଲକାଏ ଏମାଇକା ।

^{୧୨} ଆଇଙ୍ଗ ଏଟାଃକେଇଙ୍ଗ କାଜିକତାନା, ନେଆଁ ପ୍ରାଭୁ କାଏ କାଜି, ଆରୁ ଆଲାରେନ୍ଦ୍ ଜେତାଏ ହାଗାତେୟାଃ କୁଡ଼ି ଖ୍ରୀଷ୍ଟ ବିଶ୍ୱାସୀ ନାହାଁଲଃ ଆତଃ ଏନ୍ କୁଡ଼ି ଆୟାଃ କଡ଼ାତେଲଃ ତାଇନଃ ନାଗେଟ୍ରେ ସାନାଙ୍ଗରେଦ, ଏନ୍ ହାଗା ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା ।^{୧୩} ଏନ୍ଲେକାଗି

* ୭:୧୯ ୭:୧୯ ୧ କବିଚିନ୍ତ ୩:୧୭; ୨ କବିଚିନ୍ତ ୭:୧୭. * ୭:୧୦ ୭:୧୦ ମାଥୁର ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮.

ଜେତାଏ କଡ଼ା, ଖ୍ରୀଷ୍ଟ ବିଶ୍ୱାସୀ ନାହାଁଲିଆତଃ ଖ୍ରୀଷ୍ଟ ବିଶ୍ୱାସୀ କୁଡ଼ିଲିଃ ତାଜନଃ ନାଗେନ୍ତେ ସାନାଙ୍ଗରେଦ, ଏନ୍ କୁଡ଼ି ଜନିଃକେ ବାଗିରେଆଃ ଅନଲ୍ ଆଲକାଏ ଏମାଲକା । ୧୪ ଚିୟାଃଚି କା ବିଶ୍ୱାସତାନ୍ କଡ଼ା, ବିଶ୍ୱାସତାନ୍ କୁଡ଼ିତେଲଃ ମିଦରେ ମେସାୟାନ୍ ହରାତେ ପାର୍ମେଶ୍ୱାର୍ ଜନ୍କିନକେ ପାବିତାର୍ କାଦକିନା ଆତଃ ଏନ୍ କା ବିଶ୍ୱାସତାନ୍ କୁଡ଼ି, ବିଶ୍ୱାସତାନ୍ କଡ଼ାତେଲଃ ମିଦରେ ମେସାୟାନ୍ ହରାତେ ପାର୍ମେଶ୍ୱାର୍ ଜନ୍କିନକେ ପାବିତାର୍ କାଦକିନା । ଏନ୍କା କା ହବାକାନରେଦ, ଜନ୍କିନଃ ହନ୍ଗାଣାକ ସତ୍ତରା ଲେକାକ ହବାକାନତେୟାଃ, ମେନ୍ଦ ଦ ନାହାଁଃ ଜନ୍କୁ ପାବିତାର୍କାନାକ । ୧୫ କା ବିଶ୍ୱାସତାନ୍ ହଡ଼, ବିଶ୍ୱାସତାନିଃକେ ବାଗିନାଙ୍ଗ ସାନାଙ୍ଗତାନରେଦ, ଜନିଃ ବାଗି ଦାଡ଼ିୟାଏ । ନେ ବିଷାଏରେ ଖ୍ରୀଷ୍ଟିୟାନ୍ ହାଗା ମିଶି ଜେତାନ୍ ନିୟାମରେ କାକ ତଲ୍ଲାନା ଚାଏ ଜେତାଏୟାଃ ଦାସି ନାହାଁଲକା । ଚିୟାଃଚି ପାର୍ମେଶ୍ୱାର୍ ଆପେକେ ସୁକୁଜାଉରେ ତାଜନଃ ନାଗେନ୍ତେ କେଡ଼ାକାଦପେୟା । ୧୬ ଖ୍ରୀଷ୍ଟ ବିଶ୍ୱାସୀ କୁଡ଼ି, ଆମ୍ ଆମାଃ କଡ଼ାରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଃଆ, ନେଆଁ ଚିଲ୍ଲକାମ୍ ସାରିଦାଡ଼ିୟା ? ଚାଏ ଏ କଡ଼ା, ଆମ୍ ଆମାଃ କୁଡ଼ିରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଃଆ, ନେଆଁ ଚିଲ୍ଲକାମ୍ ସାରିଦାଡ଼ିୟା ?

ପାର୍ମେଶ୍ୱାର୍‌ଆଃ କେନେଡ଼ା ଲେକା ଜୀହୁଦଃପେ

୧୭ ପ୍ରାଭୁଆଃ ସାୟାଦତେ ନାମାକାଦ୍ ବାର୍ଦଦାନ୍ ଲେକାତେ ଆତଃ ପାର୍ମେଶ୍ୱାର୍‌ଆଃ କେନେଡ଼ା ନାମାକାଦ୍ ଲେକାତେ ଜୀହୁଦଃପେ । ନେଆଁ ଆଇଙ୍ଗ୍ ସବେନ୍ କାଲିସିୟାରେଇଙ୍ଗ୍ ଇଡ଼ୁକାଦକଆ । ୧୮ ଖାଡ଼ନାଅୟାନ୍ ତାୟମତେ ଜେତାଏ ପାର୍ମେଶ୍ୱାର୍‌ଆଃ କେନେଡ଼ା ନାମେରେଦ, ଜନିଃ କା ଖାଡ଼ନାଅକାନ୍ ଲେକା ହବାଅଃ ନାଗେନ୍ତେ ଆଲକାଏ ମନେକା, ଆତଃ କା ଖାଡ଼ନାଅକାନ୍ ହଡ଼ ପାର୍ମେଶ୍ୱାର୍‌ଆଃ କେନେଡ଼ା ନାମାକାଦରେଦ, ଜନିଃ ଖାଡ଼ନାଅଃ ନାଗେନ୍ତେ ଆଲକାଏ ମନେକା । ୧୯ ଜେତାଏ ହଡ଼ ଖାଡ଼ନାଅଃ ଚାଏ କାଏ ଖାଡ଼ନାଅଃ, ଏନାରେ ଜେଡ଼ନାଃ କା ହବାଅଃଆ, ମେନ୍ଦ ପାର୍ମେଶ୍ୱାର୍‌ଆଃ ଆନ୍‌ହୁକେ ଏସକାର୍ ମାନାତିଙ୍ଗ୍ ଲାଗାତିୟା । ୨୦ ପାର୍ମେଶ୍ୱାର୍‌ଆଃ କେନେଡ଼ା ନାମକେଦ୍ ଇମତା ଆପେ ଚିଲ୍ଲକା ତାଜନକେନାପେ ଏନ୍‌ଲେକାଗି, ଏନାରେ ତାଜନପେ । ୨୧ ପାର୍ମେଶ୍ୱାର୍ କେଡ଼ାକେଦପେ ଇମତା ଚିନାଃ ଆପେ ଦାସିପେ ତାଜକେନା ? ଠାଉକାଗିୟା, ମନ୍‌ରେ ଆଲ୍‌ରେ ଦୁକୁଃଆ, ମେନ୍ଦ ଆପେ ତନଲ୍‌ଏତେ ରାଡ଼ାଅଃ ନାଗେନ୍ତେ ବୁଗିନ୍ ନେଡ଼ା ନେଲ୍‌କାତେପେ । ୨୨ ଚିୟାଃଚି ପ୍ରାଭୁଆଃ କେନେଡ଼ା ନାମାକାଦ୍ ଦାସି, ପ୍ରାଭୁଆଃ ରାଡ଼ାକାନ୍ ହଡ଼ତାନିଃ, ଏନ୍‌ଲେକାଗି ଯୀଶୁ ଖ୍ରୀଷ୍ଟଆଃ କେନେଡ଼ାତେ ରାଡ଼ାକାନ୍ ହଡ଼, ଯୀଶୁ ଖ୍ରୀଷ୍ଟଆଃ କିରିଙ୍ଗଦାସି ତାନିଃ । ୨୩ ପାର୍ମେଶ୍ୱାର୍ ଆପେକେ ପୁରାଃ ଗନଙ୍ଗତେ କିରିଙ୍ଗକାଦପେୟା, ଏନାତେ ହଡ଼କଆଃ ଦାସି ଆଲ୍‌ପେ ହବାଅଃଆ । ୨୪ ହେ ହାଗା ମିଶିକ, ପାର୍ମେଶ୍ୱାର୍ ଆପେକେ କେଡ଼ାକେଦପେ ଇମତା ଆପେ ଅକଲେକାପେ ତାଜନକେନା, ଏନ୍‌ଲେକାଗି ଆପେ ପାର୍ମେଶ୍ୱାର୍‌ଲଃ ସାଙ୍ଗାତିରେ ତାଜନପେ ।

କା ଆଣ୍ଡିକାନ୍ ଆତଃ ରାଣ୍ଡିକୁଡ଼ିକଆଃ ବିଷାଏରେ କୁନୁଲି

୨୫ ଆପେ କା ଆଣ୍ଡିକାନ୍ ହଡ଼କ ବିଷାଏରେପେ କୁଲିକାଦା : ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ଜେତାନ୍ ଆନାତୁ କାଇଙ୍ଗ୍ ନାମାକାଦା । ମେନ୍ଦ ପ୍ରାଭୁଆଃ ଦାୟାତେ ଆଇଙ୍ଗ୍ ପାତିୟାରଃ ଲେକାନ୍ ହଡ଼ ଲେକା ଆଇଁୟାଃ ବିଚାର୍ ଲେକାତେଇଙ୍ଗ୍ କାଜିତାନା ।

୨୬ ନାହାଁଃରେୟାଃ ଦୁକୁହାସୁ ନେଲ୍‌କେଦତେ, ମିଆଁଦ୍ ହଡ଼ ଚିଲ୍ଲକା ମେନାଲୟା, ଏନ୍‌ଲେକାଗି ତାଜନଃରେ ବୁଗିନାଃ ହବାଅଃତେୟାଃ ମେନ୍ତେଇଙ୍ଗ୍ ଉଡ଼ଷ୍ଟତାନା । ୨୭ ଆପେ ଆଣ୍ଡିକାନ୍‌ରେଦ, ନେ ତନଲ୍‌କେ ରାଡ଼ାଏ ନାଗେନ୍ତେ ଆଲ୍‌ପେ ଚେଷ୍ଟାଏୟା । ଆତଃ ଆପେ କାପେ ଆଣ୍ଡିକାନ୍‌ରେଦ, ଆଣ୍ଡିନ୍ ନାଗେନ୍ତେ ଆଲ୍‌ପେ ଚେଷ୍ଟାଏୟା । ୨୮ ଆପେ ଆଣ୍ଡିକାନ୍‌ରେଦ, ପାପ୍ କାମି କାପେ କାମିକାଦା; ଆତଃ କା ଆଣ୍ଡିକାନ୍ କୁଡ଼ି ଆଣ୍ଡିନ୍‌ରେଦ, ଜନିଃ ପାପ୍ କାମି ଆଲ୍‌କାଏ ରିକାଏକା । ମେନ୍ଦ ଆଣ୍ଡିକାନ୍ ହଡ଼କ ପୁରାଃ ଦୁକୁକ ନାମେୟା, ଆତଃ ଆପେ ନେ ଦୁକୁଏତେ ବାଚାଅଃପେ ମେନ୍ତେଇଙ୍ଗ୍ ସାନାଙ୍ଗତାନା ।

୨୯ ମେନ୍ଦ ହେ ହାଗା ମିଶିକ, ଆଇଙ୍ଗ୍ ନେ କାଜି, କାଜି ନାଗେନ୍ତେଇଙ୍ଗ୍ ସାନାଙ୍ଗତାନା, ନେଡ଼ା ସେଟେରାକାନା । ତିସିଙ୍ଗତାଃଏତେ ଆଣ୍ଡିକାନ୍ ହଡ଼କ କା ଆଣ୍ଡିକାନ୍ ହଡ଼କ ଲେକା ଜୀଞ୍ଜିନ୍ ବିତାଏକାକ, ୩୦ ଆତଃ ରାଆଃତାନ୍ ହଡ଼କ କା ରାଆଃତାନ୍ ହଡ଼କ ଲେକା ହବାଅଃକାକ, ଆତଃ ଲାଦାତାନ୍ ହଡ଼କ କା ଲାଦାତାନ୍ ହଡ଼କ ଲେକା ହବାଅଃକାକ, କିରିଙ୍ଗତାନ୍ ହଡ଼କ କିରିଙ୍ଗକାଦତେୟାଃ ଆକଆଃ ନାହାଁଲାଃ ମେନ୍ତେ ମନେକାକ । ୩୧ ଆତଃ ଅକନ୍‌କ ଅତେଦିଶ୍ୱମ୍‌ରେୟାଃ ଜିନିଷକକେ ବାଉରାଅ ତାନା, ଜନ୍‌କୁ କା ବାଉରାଅ ତାନ୍‌ଲେକାକ ହବାଅଃକା, ଚିୟାଃଚି ନେ ଅତେଦିଶ୍ୱମ୍ ବାଦ୍‌ଲାଅଃ ତାନା ।

୩୨ ମେନ୍ଦ ଆପେ ନିର୍ଫିକିର୍ ତାଜନଃପେ, ମେନ୍ତେଇଙ୍ଗ୍ ସାନାଙ୍ଗତାନା । କା ଆଣ୍ଡିକାନ୍ ହଡ଼ ପ୍ରାଭୁଆଃ କାମି ରିକା ନାଗେନ୍ତେ ଆଇଃକ୍‌ଗି ଉଡ଼ଷ୍ଟକା, ଚିୟାଃଚି ପ୍ରାଭୁ ସୁକୁଃକାଏ ମେନ୍ତେ ଜନିଃ ଚେଷ୍ଟାଏ

ତାନା । ୩୩୩ ମେନ୍ଦ ଆଣ୍ଡିକାନ୍ କଡ଼ା ଆୟାଃ କୁଡ଼ିକେ ସୁକୁଇତି ନାଗେନ୍ତେ ଇନିଃ ଅତେଦିଶ୍ୱମ୍ଭାଃ ବିଷାଏକେ ଉଡ଼୍ଠୁୟା, ୩୩୪ ଆତଃ ଆୟାଃ ମନ୍ଦ ବିନ୍ଦଗାଅଃଥା । କା ଆଣ୍ଡିକାନ୍ କୁଡ଼ି ଚାଏ ତିଶ୍ୱାକୁଡ଼ି, ଆୟାଃ ହଡ଼ମ୍ ଆତଃ ଆମ୍ବା ବାରାନାଃକେ ପାବିତାର୍ ହବାଅଃ ନାଗେନ୍ତେ ପ୍ରାଭୁଆଃ କାମିରେ ମନ୍ଦ ଏମେକାଏ, ମେନ୍ଦ ଆଣ୍ଡିକାନ୍ କୁଡ଼ି ଆୟାଃ କଡ଼ାକେ ସୁକୁଇତି ନାଗେନ୍ତେ ଇନିଃ ଅତେଦିଶ୍ୱମ୍ଭାଃ ବିଷାଏକେ ଉଡ଼୍ଠୁୟା ।

୩୩୫ ନେ କାଜି ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେଇଙ୍ଗ୍ କାଜିତାନା, ଆପେ ତନଲ୍ରେ ତାଇନଃପେ ମେନ୍ତେ ଆଇଙ୍ଗ୍ କାଜଙ୍ଗ୍ କାଜିତାନା, ମେନ୍ଦ ଆପେ ବୁଗିଲେକା ଜୀଝାନ୍ ବିତାଅକେଦ୍ତେ ମିଦ୍ ମନ୍ଦରେ ପ୍ରାଭୁତାଃରେ ତାଇନଃପେ ମେନ୍ତେଇଙ୍ଗ୍ ସାନାଙ୍ଗ୍ତାନା ।

୩୩୬ ଜେତାଏ କଡ଼ା ଆୟାଃ ନାଗେନ୍ତେ ଆସିକାନ୍ କୁଡ଼ିଆଃ ଜାଝାନ୍ ସାମାଏ ପାରମ୍ବକାନା ଆତଃ ଇନିଃ କା ଲାଗାତିୟାଃ ଲେକାଏ ବେଭାର୍ତାନା ମେନ୍ତେ ଆଡ଼କାରେରେଦ୍, ଆୟାଃ ଲାଗାତିଙ୍ଗ୍ ଲେକାତେ ଅକ୍ନାଃ ସାନାଙ୍ଗ୍, ଏନାଏ କାମିକା ଆତଃ ଇନ୍ଦକିନ୍ ଆଣ୍ଡିୟଃକାକିନ୍ । ଏନାରେ ଜେତାନ୍ ପାପ୍ କା ହବାଅଃଥା । ୩୩୭ ମେନ୍ଦ ଜେତା ହଡ଼ ଆୟାଃ ମନ୍ଦସୁରୁଦ୍ରେ ଆବରୁତି ଦହକେଦ୍ତେ ଆୟାଃ ନାଙ୍ଗ୍ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ମନ୍ଦରେ ଠାହାରାଅକାଦା ଆତଃ ଆୟାଃ ଇଛା ସାନାଙ୍ଗ୍କେ ଆବରୁରେ ଦହକାଦ୍ରେଦ୍, ଇନିଃ ଏନ୍ଦ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ଉହାଡ଼କାଦା, ଏନାରେ ଇନିଃ ବୁଗିନାଃଏ କାମିକାଦା । ୩୩୮ ଏନାତେ ଜେତାଏ ଏନ୍ଦ ଆସିଆକାନ୍ କୁଡ଼ିକେ ଆଣ୍ଡିନ୍ଦରେ ବୁଗିନାଃ କାମିୟାଏ । ମେନ୍ଦ ଜେତାଏ କାଏ ଆଣ୍ଡିନାଃ, ଇନିଃ ପୁରାଃ ବୁଗିନାଃଏ କାମିୟା ।

୩୩୯ କଡ଼ା ଜାନିଦ୍ ତାଇନଃ ଜାକେଦ୍ କୁଡ଼ି ତନଲ୍ରେ ତାଇନଃଥା, କଡ଼ାରାଃ ଗନ୍ଦଏଃ ତାୟମ୍ତେ, ଇନିଃ ଆୟାଃ ସାନାଙ୍ଗ୍ ଲେକା ଆତଃମିସାଏ ଆଣ୍ଡି ଦାଡ଼ିୟା, ମେନ୍ଦ ଇନିଃ ପ୍ରାଭୁଆଃ ବିଶ୍ୱାସୀକେ ଏସ୍କାର୍ ଆଣ୍ଡି ଦାଡ଼ିୟାଏ । ୪୦ ଆଇୟାଃ ମନେ ଲେକାତେ, ଇନିଃ କା ଆଣ୍ଡିକେଦ୍ତେ ଏନ୍ଲେକାଗି ତାଇନଃରେ ପୁରାଃଗି ସୁକୁରେ ତାଇନା । ନେଆଁ ଆଇୟାଃ ମନେତାନା ଆତଃ ପାର୍ମେଶ୍ୱାର୍ଆଃ ପାବିତାର୍ ଆମ୍ବାରାଃହଗି ମନେତାନା ।

୮

ମୁରୁଦ୍‌କତାଃରେ ଦାଣ୍ଡେ ରାକାବାକାନ୍ ଜମେୟାଃ ବିଷାଏରେ କୁନୁଲି

୧ ଆଇଙ୍ଗ୍ ମୁରୁଦ୍‌କତାଃରେ ଦାଣ୍ଡେ ରାକାବାକାନ୍ ଜମେୟାଃ ବିଷାଏରେ ନେଆଁଇଙ୍ଗ୍ କାଜିତାନା, ଆବୁ ସବେନ୍ଦକଥାଃ ସେଣ୍ଡା ମୋନାଃ ମେନ୍ତେ ଆପେ କାଜିତାନ୍ତେୟାଃ ଆଲେ ସାରିତାନାଲେ । ଏନ୍ଲେକାନ୍ ସେଣ୍ଡାନ୍ ହଡ଼କ ହାକାରଃଥାକ, ମେନ୍ଦ ଦୁଲ୍ଲାଡ଼, ହଡ଼କକେ ବାଇରୁହାଡ଼କଥା । ୨ ଜେତାଏ ଆଇଙ୍ଗ୍ ସାରିୟାଇଙ୍ଗ୍ ମେନ୍ତେ କାଜିନିଃ, ଅକ୍ନାଃ ସାରି ଲାଗାତିଙ୍ଗ୍ୟାଃ ଏନା କାଏ ସାରିୟା । ୩ ମେନ୍ଦ ଜେତାଏ ପାର୍ମେଶ୍ୱାର୍‌କେ ଦୁଲ୍ଲାଡ଼ାଏ, ପାର୍ମେଶ୍ୱାର୍ ଇନିଃକେ ଏସ୍କାର୍ ସାରିୟାଏ ।

୪ ଏନାତେ ମୁରୁଦ୍‌କକେ ଦାଣ୍ଡେ ରାକାବାକାନ୍ ଜମେୟାଃ ବିଷାଏରେ ଆଲେ ସାରିତାନାଲେ, ନେ ଅତେଦିଶ୍ୱମ୍ଭାରେ ମୁରୁଦ୍‌କ ଜେତାନିଃ ନାହାଁଲାକ । ଆବୁଆଃ ମିଆଁଦ୍‌ଗି ପାର୍ମେଶ୍ୱାର୍ ମେନାଇୟା ଇନିଃ ବେଗାର୍ ଜେତାଏ ବାଙ୍ଗ୍‌କଥା । ୫ ସିମ୍ବାରେ ହବାଅଃ ଚାଏ ଅତେରେ, ଅକ୍ନକ୍ ମାହାପୁରୁ ଆତଃ ପ୍ରାଭୁ ମେନ୍ତେକ କାଜିୟଃତାନା, ଇନ୍ଦକୁ ପୁରାଃଗି ମେନାକଥା । ୬ ଏନ୍ରେୟ ଆବୁଆଃ ମିଆଁଦ୍‌ଗି ପାର୍ମେଶ୍ୱାର୍ ମେନାଇୟା । ଇନିଃଗି ଆପୁ ପାର୍ମେଶ୍ୱାର୍ ତାନିଃ, ଅକ୍‌ଏତି ସବେନାଃରେୟାଃ ବାବାଇନିଃ ତାନିଃ ଆତଃ ଆୟାଃ ନାଗେନ୍ତେ ଆବୁ ଜାନିଦ୍ ମେନାବୁଆ । ଆତଃ ଆବୁଆଃ ମିଆଁଦ୍‌ଗି ପ୍ରାଭୁ ଯାଶୁ ଖ୍ରୀଷ୍ଟ ତାନିଃ । ଆୟାଃ ହରାତେ ସବେନାଃ ବାଇୟାକାନା ଆତଃ ଆବୁ ଆୟାଃତାଃରେ ଜାହୁଦ୍‌ଠ ତାନାବୁ ।

୭ ମେନ୍ଦ ସବେନ୍ଦକ ନେ ସାନାର୍‌ତି କାକ ସାରିୟା । ଚିମିନ୍ଦ ହଡ଼କ ନାହାଁଃ ଜାକେଦ୍ ମୁରୁଦ୍ ମେନାକଥା ମେନ୍ତେକ ଉଡ଼୍ଠୁତାନା ଆତଃ ଦାନ୍ ରାକାବାକାନ୍ ଜମେୟାଃକେ ମାହାପୁରୁକଥାଃ ପାର୍‌ସାଦ୍ ତାନାଃ ମେନ୍ତେକ ଜମେତାନା । ଇନ୍ଦକୁଆଃ ବିବେକ୍ ନାରାଦୁରାଗିୟା, ଏନାତେ ଏନ୍ଦ ପାର୍‌ସାଦ୍ ଜମ୍‌କେଦ୍ ହରାତେ ଇନ୍ଦକୁ ସଡ଼ରାଅଃ ତାନାକ । ୮ ମେନ୍ଦ ଜମେୟାଃ ହରାତେ ଆବୁଆଃ ନାତା ପାର୍ମେଶ୍ୱାର୍‌ଲଃ ଜେତାନ୍ ବାଦ୍‌ଲାଅ କା ହବାଅଃଥା । ଜେତାନ୍ ଜମେୟାଃ ଜମ୍‌କେଦ୍ ହରାତେ ଚାଏ କା ଜମ୍‌କେଦ୍ ହରାତେ ଆବୁଆଃ ଜେଡ଼ନାଃ କା ନକ୍‌ସାନଃଥା ଚାଏ କା ପସାଅଃଥା ।

୯ ମେନ୍ଦ ଚିଗାଲ୍‌କାନ୍ ତାଇନ୍ଦପେ, ଆପେୟାଃ ନେ ଆକ୍‌ତେୟାର୍ ନାଗେନ୍ତେ ନାରାଦୁରା ମନ୍ଦରେନ୍ଦ ହଡ଼କ ବିଶ୍ୱାସ୍‌ରେ ଜେତାଲେକାତେ ଆଲକାକ ତହଦଃକା । ୧୦ ମିହୁଡ଼୍ ବିଶ୍ୱାସ୍‌ରେ ନାରାଦୁରାନିଃ ଆପେ ଲେକାନ୍ ସେଣ୍ଡାନ୍ ହଡ଼କକେ ମାନ୍ଦିର୍ ଅଡ଼ାଃରେ ଦାନ୍ ରାକାବାକାନ୍ ଜମେୟାଃକେ ଜମ୍‌ତାନ୍

ନେଲୁତାପେରେ, ତିନାଃ ଇନିଃ ଏନାକେ ଜମ୍ ନାଗେନ୍ତେ କାଏତି ସାହାସେଥା ? ^{୧୧} ଏନାତେ ବିଶ୍ୱାସ୍ୱରେ ନାରାଦୁରା ମେନାଇ ଅକନ୍ ହାଗା ନାଗେନ୍ତେ ଯୀଶୁ ଶ୍ରୀଷ୍ଟ ଗଂଠୟନାଏ, ଇନିଃ ଆପେୟାଃ “ସେଣ୍ଡାନ୍” ହରାତେ ଜିୟନଃ ତାନାଏ । ^{୧୨} ନେ ଲେକାତେ ଆପେୟାଃ ହାଗାକଆଃ ବିରୁଧରେ ପାପ୍ କାମିକେଦ୍ୱତେ ଆପେ ଯୀଶୁ ଶ୍ରୀଷ୍ଟଆଃ ବିରୁଧରେ ପାପ୍ କାମିତାନାପେ ଆତଃ ଏନ୍ ହାଗାକଆଃ ନାରାଦୁରା ବିବେକ୍ୱେକେ ଠକରେତାନାପେ । ^{୧୩} ଜେତାନ୍ ଜମେୟାଃ ନାଗେନ୍ତେ ହାଗାଇଜ୍ ପାପ୍ ହରାତେ ସେନଃରେଦ୍, ଆଇଜ୍ ଏନ୍ ଜମେୟାଃକେ ଚିତ୍ତଲାଇ ଅକାଇଜ୍ ଜମେୟା ।



ପ୍ରେରିତ୍ୱକଆଃ ଚାଇଲ୍ ଚାଇଲ୍‌ରାଃ ନିୟାମ୍

^୧ ଆଇଜ୍ ତିନାଃ ତନଲ୍‌ହେତେ ରାଡ଼ାକାନ୍ ହଡ଼ ନାହାଁଲାଇଜ୍ ? ଆଇଜ୍ ତିନାଃ ପ୍ରେରିତ୍ ନାହାଁଲାଇଜ୍ ? ଆବୁଆଃ ପ୍ରାଭୁ ଯୀଶୁ ଶ୍ରୀଷ୍ଟକେ ଆଇଜ୍ ତିନାଃ କାଇଜ୍ ନେଲ୍ ? ଆଇଜ୍ ପ୍ରାଭୁଆଃ ନାଗେନ୍ତେ କାମିକାଦ୍ କାମିରେୟାଃ ଜ୍, ଆପେ ତିନାଃ ନାହାଁଲାଇପେ ? ^୨ ଏଟାଃକ ଆଇଜ୍‌କେ ପ୍ରେରିତ୍ ତାନିଃ ମେନ୍ତେ କାକ କାଜିରେୟ, ଆପେ ଆଇଜ୍‌କେ ପ୍ରେରିତ୍ ମେନ୍ତେପେ କାଜିଜ୍ ତାନା, ଚିୟାଃଚି ଆପେୟାଃ ଜୀଦାନ୍ ପ୍ରାଭୁଲଃ ମେସାକାନ୍ ହରାତେ ଆପେଗି ଆଇଜ୍ ପ୍ରେରିତ୍ ତାନିଜ୍ ମେନ୍ତେପେ ଉଦୁବେତାନା ।

^୩ ଆଇଜ୍‌କେ କାଜିକଟ୍‌ଜ୍‌ତାନ୍ ହଡ଼କକେ, ଆଇଜ୍ ନେ ଲେକାତେଇଜ୍ କାଜିରୁହଡ଼କଆ । ^୪ ଆଇୟାଃ କାମିରାଃ ହରାତେ ଜମ୍ ନୁଁ ନାଗେନ୍ତେୟ ତିନାଃ ଆଇୟାଃ ଆକ୍‌ତେୟାଃ ବାନଃଆ ? ^୫ ଏଟାଃ ପ୍ରେରିତ୍‌କ, ପାଦ୍‌ରାସ୍, ଆତଃ ପ୍ରାଭୁଆଃ ହାଗାକ ଲେକା ବିଶ୍ୱାସୀ ମିଶିକେ ଆଣ୍ଡିକେଦ୍ୱତେ ଆୟାଃଲଃ ହରାସେନ୍ ନାଗେନ୍ତେ ତିନାଃ ଆଇୟାଃ ଆକ୍‌ତେୟାଃ ବାନଃଆ ? ^୬ ଜାନିଦ୍ ତାଇନ୍ ନାଗେନ୍ତେ ଆଇଜ୍‌କେ ଆତଃ ବର୍ଣ୍ଣବାସ୍‌କେ ଏସ୍‌କାର୍ କାମି ଲାଗାତିଜ୍‌ୟାଃଚି ? ^୭ ମିଆଁଦ୍ ପାଲ୍‌ତାନ୍ ଆୟାଃ ଖାଚି ଆଇଃକ୍‌ଗି ଏମେୟାଚି ? ଚାଷିହଡ଼ ତିନାଃ ଆୟାଃ ଦାଖ୍‌ବାକ୍‌ଡ଼ିରାଃ ଜ୍ କାଏ ଜମେୟା । ତାଏ ମିଶ୍ଟିଗୁପିନିଃ ଆୟାଃ ମିଶ୍ଟିରାଃ ତଥା କାଏ ନୁଁୟା ?

^୮ ତିନାଃ ଆଇଜ୍ ନେ କାଜିକ ମାନଃଃ ଲେକାଇଜ୍ କାଜିତାନା ? ତିନାଃ ମୁଣା ନାବାଆଃ ଆନ୍‌ଦୁ ପୁଥ୍‌ରେ ନେଆଁ କା ଅଲ୍‌କାନା ? ^୯ ଆବୁଆଃ ମୁଣା ନାବାଆଃ ଆନ୍‌ଦୁରେ ଅଲ୍‌କାନା, ବାବା ଦାଉଁରିତାନ୍ ଉରିଃକ୍‌କେ, ମତାରେ ଆଲମ୍ ତଲ୍‌ୟା । ପାଦ୍‌ମେଶ୍ୱାଃ ତିନାଃ ଉରିଃକ୍ ବିଷାଏରେ ଉଡ଼ୁତାନା ? ^{୧୦} ଇନିଃ ତିନାଃ ଆବୁ ନାଗେନ୍ତେ ନେଆଁ କାଏ କାଜିତାନା ? ହେଗି, ନେଆଁ ଆବୁ ନାଗେନ୍ତେ ଅଲ୍‌କାନା, ଜେତାଏ ସିହ୍‌ଃକାମି ରିକାଏନିଃ ଆତଃ ଇରୋଃକାମି ରିକାଏନିଃ ଜ୍ ନାମେରେୟାଃ ଆସ୍ତାରେ କାମିୟା । ^{୧୧} ଆଲେ ଆପେ ଆଲ୍‌ରେ ଆମ୍‌ଗାରେୟାଃ ହିତା ହେରାକାଦାଲେ, ଏନାତେ ଆଲେ ତିନାଃ ଆପେତାଃଏତେ ଅତେରେୟାଃ ଜ୍ ନାମେ ନାଗେନ୍ତେ କାଲେଚି ଆସ୍ତାଏୟା ? ^{୧୨} ନେଲେକା ଆପେତାଃଏତେ ଆସ୍ତାଏ ନାଗେନ୍ତେ ଏଟାଃକଆଃ ଆକ୍‌ତେୟାଃ ମେନାଃରେଦ୍, ଆବୁଆଃ ଆକ୍‌ତେୟାଃ ତିନାଃ ଇନ୍‌କୁତାଃଏତେ ଆଦ୍‌କା ବାନଃଆ ? ଆବୁ ନେ ଆକ୍‌ତେୟାଃକେ କାବୁ ବେଭାଃକାଦା ।

ମେନ୍‌ଦ୍ ଶ୍ରୀଷ୍ଟଆଃ ସୁକ୍ତକାଜି ଉଦୁବ୍ ନାଇଜ୍ ହରା ଆଲକା ଛେକାଦଃକା ମେନ୍ତେ ଆଲେ ସବେନାଃଲେ ସାହାତିଜ୍‌କେ ତାନା । ^{୧୩} ମାନ୍‌ଦିଃ ଅଡ଼ାଃରେ କାମିତାନ୍‌କ, ମାନ୍‌ଦିଃ ଅଡ଼ାଃଏତେ ଜମେୟାଃକ ନାମେୟା, ଦାଣ୍ଡେଁ ରାକାବ୍‌ତାନ୍ ହଡ଼, ଦାଣ୍ଡେଁ ରାକାବ୍‌କାନ୍‌ତେୟାଃରାଃ ହିସାକ ନାମେୟା, ଏନା ତିନାଃ ଆପେ କାପେ ସାରିତାନା ? ^{୧୪} ଏନ୍‌ଲେକାଗି, ସୁକ୍ତକାଜି ଉଦୁବ୍‌ତାନ୍ ହଡ଼କ, ସୁକ୍ତକାଜି ଉଦୁବ୍‌କେଦ୍ୱତେ ଜାଃଝାନ୍ ବିତାଏକାକ ମେନ୍ତେ ପ୍ରାଭୁ ଆରୁକାଦା ।

^{୧୫} ମେନ୍‌ଦ୍ ଆଇୟାଃ ଅକନ୍ ଆକ୍‌ତେୟାଃ ମେନାଃ ଏନା ଆଇଜ୍ ମିଆଁଦ୍‌ହୁଁ କାଇଜ୍ ବେଭାଃକାଦା, ତାଏ ଏନ୍ ସବେନାଃ ଆଇୟାଃ ନାଗେନ୍ତେ ହବାଅଃକା ମେନ୍ତେ ଆଇଜ୍ ଆପେତାଃତେ କାଇଜ୍ ଅଲେତାନା, ଜେତାଏ ଆଇୟାଃ ନେ ମାନାରାଜ୍‌କେ ସାମା ଏଣ୍ଡାଗେତେଦ୍, ଗଜଃତେୟାଃ ଆଇୟାଃ ନାଗେନ୍ତେ ବୁଗିନାଃ ହବାଅଃଆ । ^{୧୬} ସୁକ୍ତକାଜି ଉଦୁବ୍‌ତାନାଇଜ୍ ମେନ୍ତେ ଆଇଜ୍ ଆପାନ୍‌କେ କାଇଜ୍ ମାରାଜ୍‌ୟେନ୍ ତାନା, ନେ ବାହାରମ୍ ମାନାତିଜ୍ ନାଗେନ୍ତେ ଆଇଜ୍‌କେ ଆରୁକାନା । ଏନାତେ ସୁକ୍ତକାଜି କାଇଜ୍ ଉଦୁବେରେଦ୍, ହାଏ, ଆଇୟାଃ ପୁରାଃ ଦୁକୁ ହବାଅଃଆ । ^{୧୭} ଆଇଜ୍ ଏନ୍ ସୁକ୍ତକାଜିକେ ବେଗାଃ ଆରୁତେ ଆଇଜ୍‌ଗିଇଜ୍ କାମିରେଦ୍, ଆଇଜ୍ ନାଲ୍ ନାମେ ନାଗେନ୍ତେଇଜ୍ ତାଜିକାତେତେୟାଃ, ମେନ୍‌ଦ୍ ପାଦ୍‌ମେଶ୍ୱାଃ ଆଇଜ୍‌କେ ନେ କାମି ରିକାରେୟାଃ ବାହାରମ୍ ଏମାକାଦିଜ୍ ହରାତେ ଆଇଜ୍‌କେ ନେ କାମି ରିକା ଲାଗାତିୟା । ^{୧୮} ଏନାରେ ଆଇଜ୍ ଚିଲ୍‌କାତେ ନାଲାଇଜ୍ ନାମେୟା ? ସବେନ୍‌କତାଃରେ ବେଗାଃ

* ୯:୧ ୯:୧୧ ଚିନ୍ତମ୍ ୫:୧୮. * ୯:୧୧ ୯:୧୧ ରୋମି ୧୫:୨୭. * ୯:୧୪ ୯:୧୪ ମାଥ୍‌ଜ୍ ୧୦:୧୦; ଲୁକ ୧୦:୭.

ଗନଙ୍ଗତେ ସୁକୁକାଜିଭଞ୍ଜ ଉଦୁବତାନା, ନେଆଁଗି ଆଇଁୟାଃ ନାଲାତାନାଃ । ଏନାତେ ସୁକୁକାଜି ଉଦୁବ ନାଗେନ୍ତେ ଆଇଙ୍ଗ ଆଇଁୟାଃ ଜେତାନ୍ ଆକତେୟାର୍ କାଇଙ୍ଗ ବେଭାରକାଦା ।

୧୯ ଆଇଙ୍ଗ ମିହୁଡ଼ ତନଲହେତେ ରାଡ଼ାକାନ୍ ହଡ଼ ତାନିଙ୍ଗ, ଜେତାଏୟାଃ ଦାସି ନାହାଁଲିଙ୍ଗ, ଏନ୍ରେୟ ଖ୍ରୀଷ୍ଟରେ ସବେନକକେ ନାମକ ନାଗେନ୍ତେ ଆଇଙ୍ଗ ସବେନକଆଃ କିରିଙ୍ଗଦାସିଙ୍ଗ ହବାକାନା । ୨୦ ଆଇଙ୍ଗ ଯିହୁଦୀ ହଡ଼କକେ ଖ୍ରୀଷ୍ଟରେ ନାମକ ନାଗେନ୍ତେ ଇନ୍କୁଲଃ ଯିହୁଦୀକ ଲେକା ଚାଇଲ୍ ଚାଲାନ୍ ରିକାତାନିଙ୍ଗ । ମୁଣା ନାବୀଆଃ ଆନ୍ତୁ ମାନାତିଙ୍ଗତାନକକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଙ୍ଗ ଜେତାନ୍ ଆନ୍ତୁରେୟାଃ ଆକତେୟାର୍ରେ ବେଭାରକାରେୟ ଆନ୍ତୁରେୟାଃ ଆକତେୟାର୍ରେ ଫେନାଇଙ୍ଗଲେକା ଚାଇଲ୍ ଚାଲାନ୍ ରିକାତାନିଙ୍ଗ । ୨୧ ଏନ୍ଲେକାଗି ଆଇଙ୍ଗ ଆନ୍ତୁ ବାନଃ ହଡ଼କକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଙ୍ଗ ଇନ୍କୁ ଆଲାରେ କାମିତାନ୍ ଇମ୍ତା ସାଆଁସାର୍ କଲେକା ଜାଝାନ୍ ବିତାଅତାନାଇଙ୍ଗ । ନେଆଁରାଃ ମୁଣ୍ଡି ନାହାଁଲାଃ ଯେ, ଆଇଙ୍ଗ ପାର୍ମେଶ୍ୱାର୍ଆଃ ନିୟାମ୍ କାଇଙ୍ଗ ମାନାତିଙ୍ଗତାନା । ସାର୍ତ୍ତିଗି ଆଇଙ୍ଗ ଯାଶୁ ଖ୍ରୀଷ୍ଟଆଃ ନିୟାମ୍ବାରାଃ ଆକତେୟାର୍ରେ ଫେନାଇଙ୍ଗ । ୨୨ ଅକନ୍ଦ ବିଶ୍ୱାସରେ ନାରାଦୁରା ଫେନାକଆ ଇନ୍କୁକେ ଖ୍ରୀଷ୍ଟରେ ନାମକ ନାଗେନ୍ତେ ଆଇଙ୍ଗହଁ ଇନ୍କୁଲେକା ହବାୟାଜାଇଙ୍ଗ । ଏନାତେ ଆଇଙ୍ଗ ଇନ୍କୁକେ ବାଞ୍ଛାଅକ ନାଗେନ୍ତେ ସବେନକତାଃରେ ହବାସାକଆଃ ଲେକା ଜାଝାନ୍ ବିତାଅକେଦାଇଙ୍ଗ ।

୨୩ ଆଇଙ୍ଗ ସୁକୁକାଜି ଉଦୁବକେଦତେ ଆଶିଷରାଃ ହିସା ନାମେ ନାଗେନ୍ତେ ନେ ସବେନାଃଇଙ୍ଗ ରିକାତାନା । ୨୪ ଜିନିତାଅରେୟାଃ ଏନେଃରେ ପୁରାଃ ହଡ଼କ ମେସାନାଃ ମେନ୍ଦ ମିହୁଡ଼ଗି ନାଲାଏ ନାମେୟା, ଏନା ତିନାଃ ଆପେ କାପେ ସାରିତାନା ? ଆପେ ନାଲାପେ ନାମେ ଲେକା ନିରେପେ । ୨୫ ଜିନିତାଅରେୟାଃ ଏନେଃ ନାଗେନ୍ତେ ଇଡୁକାନ୍ ହଡ଼କ ସବେନ୍ ଲେକାନ୍ ଇନିତୁତେ ସେକାଡ଼ାକାନ୍ଗିକ ତାଇନାଃ, ଇନ୍କୁ ଜିୟନଃ ବାହାମାଲା ନାମେ ନାଗେନ୍ତେକ କାମିୟାଃ, ମେନ୍ଦ ଆବୁ କା ଜିୟନଃ ନାଲା ନାମେ ନାଗେନ୍ତେକ କାମିୟା । ୨୬ ଏନାମେନ୍ତେ ଆଇଙ୍ଗ ନିର୍ ସେଟେରେ ଠାୟାଦକେ ନେଲ୍କେଦତେ ଏଡ଼ାଃତେ ନିର୍ ସେଟେରେ ନାଗେନ୍ତେ ସିଧାଗିଙ୍ଗ ନିରେତାନା । ମୁକାଲାଡ଼ାଇତାନ୍ ହଡ଼ ଲେକା ଆଇଙ୍ଗ ଆଇଁୟାଃ ମୁକାକେ ସାମା ହୟରେ ମୁକା କାଇଙ୍ଗ ସାନାଙ୍ଗତାନା । ୨୭ ଏତାଃକତାଃରେ ସୁକୁକାଜି ଉଦୁବକେଦରେୟ ଆଇଙ୍ଗ ଆଲକାଇଙ୍ଗ ବାଗଡ଼ାଆଃ ମେନ୍ତେ ଦୁକୁ ସାହାତିଙ୍ଗକେଦତେ ହଡ଼ମକେଇଙ୍ଗ କେଟେଦକେଦା ଆତଃ ଆଇଁୟାଃ ଆବରରେଇଙ୍ଗ ଦହକାଦା ।

୧୦

ମୁରୁଦ୍‌କଆଃ ବିରୁଧରେ ତେତାଅ

୧ ହେ ହାଗା ମିଶିକ, ମୁଣା ନାବୀକେ ଅତଙ୍ଗକେଦତେ ଆବୁଆଃ ପୁରୁଖା ହାଡ଼ାମକଆଃ ତିନାଃ ହବାକାନ୍ ତାଇକେନା ଏନା ଆପେ ପାହାମେପେ ମେନ୍ତେଇଙ୍ଗ ସାନାଙ୍ଗତାନା । ଇନ୍କୁକେ ରିମିଲ୍ତେ ବାଞ୍ଛାଅକାନ୍ ତାଇକେନାକ ଆତଃ ଆରାଃ ଦରେୟା ଆଲା ଆଲାତେ ବୁଗିଲେକାକ ସେନ୍ ପାରମୟାନା । ୨ ମୁଣା ନାବୀକେ ଅତଙ୍ଗତାନ୍ଦ ଲେକା ଇନ୍କୁ ସବେନକ ରିମିଲ୍ ଆତଃ ଦରେୟାରେ ବାପ୍ତିସ୍ତାୟାନାକ । ୩ ଇନ୍କୁ ସବେନକ ମିଦ୍ ସାମାନ୍ ଆମ୍ବାରେୟାଃ ଜଜମାଃକ ଜମାକାଦା, ୪ ଆତଃ ଏନ୍ ମିଦ୍ ସାମାନ୍ ଆମ୍ବାରେୟାଃ ଦାଆଃକ ନୁଆକାଦା । ତିୟାଃତି ଇନ୍କୁଲଃ ସେସେନ୍ତାନ୍ ଆମ୍ବାରେୟାଃ ଚାଟେନ୍‌ଏତେ ଇନ୍କୁ ଆମ୍ବାରେୟାଃ ଦାଆଃ ନୁ ତାଇକେନାକ, ଆତଃ ଏନ୍ ଚାଟେନ୍ ଯାଶୁ ଖ୍ରୀଷ୍ଟି ତାନିଃ । ୫ ଏନ୍ରେୟ ପାର୍ମେଶ୍ୱାର୍ ଇନ୍କୁଏତେ ତିମିନ୍ଦକ ନାଗେନ୍ତେ କାଏ ସୁକୁକାନ୍ ତାଇକେନା । ଏନାତେ ଇନ୍କୁଆଃ ଗନଏଃ ହଡ଼ମ ବିରରେ ନେତେହାନ୍ତେ ଛିତିବିତିକାନ୍ ତାଇକେନା ।

୬ ଇନ୍କୁ ଲେକା ଏଡ଼କାନ୍ ଉଡ଼ୁ ଆତଃ ଏଡ଼କାନ୍ କାମି କା ରିକା ନାଗେନ୍ତେ ନାହାଁଃ, ନେ ସବେନାଃ ନାମ୍ବାନା ଲେକା ହବାକେଦତେ ଆବୁକେ ତେତାଅବୁ ତାନା, ୭ ଚାଏ ଇନ୍କୁଏତେ ତିମିନ୍ଦକ ମୁରୁଦ୍ ସେଝାତାନ୍ଦ ହବାୟାନା, ଏନାଲେକା ଆପେ ଆଲ୍ପେ ହବାଆଃଆ, ଆରାମ୍‌ପୁଅରେ ଅଲକାନା : “ହଡ଼କ ଜମ, ନୁ ନାଗେନ୍ତେକ ଦୁବୟାନା, ଏନ୍ତେ ତିଙ୍ଗକେଦତେ ସୁସୁନ୍ତାନ୍‌ଲଃ ଏଡ଼କାନ୍ ରିଜ୍ ରାଙ୍ଗରେକ ବୁଲ୍‌ୟାନା ।” ୮ ଇନ୍କୁଏତେ ତିମିନ୍ଦକ ଆପାଙ୍ଗିର୍ କାମିକେଦ ହରାତେ ମୁସିଙ୍ଗରେ ମିଦ୍‌ହିସି ଆପି ହାଜାର୍ ହଡ଼କ ଗଏଃୟାନା । ଏନ୍ଲେକା ପାପ୍ କାମି ଆବୁ ଆଲକାବୁ କାମିକା । ୯ ଇନ୍କୁଏତେ ତିମିନ୍ଦକ ପ୍ରାଭୁକେ ବିତାଅକିଃ ହରାତେ ବିଙ୍ଗ ହାବ୍‌ତେକ ଗଏଃୟାନା । ଏନ୍ଲେକା ଆବୁ ଖ୍ରୀଷ୍ଟକେ ଆଲକାବୁ ବିତାଅଇକା । ୧୦ ଇନ୍କୁଏତେ ତିମିନ୍ଦକ ପାର୍ମେଶ୍ୱାର୍‌ଆଃ ବିରୁଧରେ କୁରୁମଡ଼ୁରୁମୟାନାକ, ଆତଃ ଜିୟନକତାନ୍ ଦୁଡ଼ ଇନ୍କୁକେ ଗଏଃକେଦକଆ । ଆପେ ଏନ୍ଲେକା କାଜି ଆଲ୍ପେ ଜାଗାରେୟା ।

୧୧ ଇନ୍ଦୁକୁଆଁ ନାଗେନ୍ଦ୍ର ନେ ସବେନାଃ ନାମ୍ନା ଲେକା ହବାୟାନା, ଆତଃ ଆତୁକେ ଚେତାଅ ନାଗେନ୍ଦ୍ର ଏନା ସବେନାଃ ଅଲକାନା । ଚିୟାଃଟି ଆତୁ ଲାଗଭାଗ ଚୁଣ୍ଡ ଦ୍ଵିପଲିରେ ସେଚେରକାନାତୁ ।

୧୨ ଏନାତେ ଜେତାଏ ଆପାନୁକେ ତିଜ୍ଞ କେଚେଦକାନାଲକ୍ଷ୍ୟ ମେନ୍ତେ ଉଡ଼ୁଣିଃ, ଆଲକାଏ ଉୟୁଗଃକା ମେନ୍ତେ ଚିଗାଲକାନୁ ତାଇନକାଏ । ୧୩ ହଡ଼କକେ ହବାଅଃତାନୁ ବିନିତାଅ ବାଗିକେଦତେ ଆତଃ ଏଗାଃଲେକାନୁ ବିନିତାଅରେ ଆପେ କାପେ ଉୟୁଃକାନା । ମେନ୍ଦୁ ପାରମେଶ୍ଵର ଆୟାଃ ବାନାରୁଆ ଦହ ନାଗେନ୍ଦ୍ର ପାଡ଼ିୟାର ଲେକାନୁନିଃ ତାନିଃ । ଏନାମେନ୍ତେ ଇନିଃ ଆପେକେ କା ସାହାତିଜ୍ଞୟେ ଲେକାନୁ ବିନିତାଅରେ କାଏ ଉୟୁଃପେୟା । ଆପେୟାଃ ବିନିତାଅ ଇମତା ସାହାତିଜ୍ଞ ନାଗେନ୍ତେ ପାରମେଶ୍ଵର ଆପେକେ ପେଡ଼େଃ ଏମାପେୟାଏ ଆତଃ ବାଞ୍ଛାଆଃ ନାଗେନ୍ତେ ହରାଏ ଉଦୁବାପେୟା ।

୧୪ ଏନାମେନ୍ତେ ହେ ଦୁଲୀଡ଼କ, ଆପେ ମୁରୁଦ୍ ସେଞ୍ଝା ବାଗିପେ । ୧୫ ଆଇଜ୍ଞ ଆପେକେ ସେଣ୍ଡୁ ହଡ଼କକେ କାଜିତାନୁ ଲେକାଲକ୍ଷ୍ୟ କାଜିପେତାନା, ଆଇଜ୍ଞ ଆପେକେ କାଜିପେତାନୁତେୟାଃ ଆପେଗି ବିଚାରେକେ । ୧୬ ଆତୁ ପ୍ରାଭୁଭୋଜ୍ଞରେ ବାଉରାଅତାନୁ କାଚୋରା ନାଗେନ୍ତେ ପାରମେଶ୍ଵରକେ ଧାନାବାଦ୍ ଏମାଃ । ନେ କାଚୋରାଏତେ ନୁଁ ଇମତା ଆତୁ ଖ୍ରୀଷ୍ଟଆଃ ମାୟୋମରେ ହିସାବୁ ଇଦିତାନା । ଆତଃ ହଲକ୍ଷ୍ୟ କେଚାଃକେଦତେ ଜମକେଦ୍ ହରାତେ ଆତୁ ଖ୍ରୀଷ୍ଟଆଃ ହଡ଼ମରେ ହିସାବୁ ଇଦିତାନା । ୧୭ ଚିୟାଃଟି ଆତୁ ପୁରାଃଗି ମେନାଃରୁରେୟ ମିଆଁଦଗି ହଲକ୍ଷ୍ୟ ମେନାଃ ହରାତେ ଆତୁ ମିଆଁଦ୍ ହଡ଼ମବୁ ହବାଅଥା ଚିୟାଃଟି ଆତୁ ସବେନକ୍ ଏନ ମିଆଁଦ୍ ହଲକ୍ଷ୍ୟରେ ହିସାବୁ ଇଦିତାନା ।

୧୮ ଇସ୍ଵାଏଲ୍ ହଡ଼କଆଃ ବିଶାଏରେ ଉଡ଼ୁଷ୍ଠପେ, ଇନ୍ଦୁଏତେ ଅକନକ ଦାଣେଁରାକାବକାନୁ ମାସ୍ ଜମାଃକ ଇନ୍ଦୁ ଚିନାଃ ବେଦିରେୟାଃ ସାଙ୍ଗାତିରେ କାକ ମେସାନାଃ ? ୧୯ ମୁରୁଦ୍ ଚାଏ ଏନାରେ ଦାଣେଁ ରାକାବାକାନୁ ଜମେୟାଃରେୟାଃ ଜେତାନୁ ଗନକ୍ ମେନାଃ ମେନ୍ତେ ଚିନାଃ ଆଇଜ୍ଞ କାଜିତାନାଲକ୍ଷ୍ୟ ? ୨୦ କାହାଗି, ଆଇୟାଃ କାଜିରାଃ ମୁଣ୍ଡି ହବାଅଃତାନା, ମୁରୁଦ୍ ସେଞ୍ଝାତାନୁ ଦାଣେଁ ରାକାବାକାଦ୍ତେୟାଃ ପାରମେଶ୍ଵରଆଃ ନାଗେନ୍ତେଦ କାହା, ମେନ୍ଦୁ ବଙ୍ଗାକଆଃ ନାଗେନ୍ତେ ଦାଣେଁକ ରାକାବାକାଦା । ବଙ୍ଗାକଲଃ ଆପେୟାଃ ଜେତାନୁ ମେନେସା ତାଇନଃକା ମେନ୍ତେ ଆଇଜ୍ଞ କାଜିକ୍ଷ୍ୟ ସାନାଜ୍ଞତାନା । ୨୧ ପ୍ରାଭୁ ଆତଃ ବଙ୍ଗା, ନେ ବାରାନ୍ଦକିନିଃ କାଚୋରାରେ ମିସାତେ ଆପେ ନୁଁ କାପେ ଦାଡ଼ିୟାଃ । ପ୍ରାଭୁ ଆତଃ ବଙ୍ଗା, ନେ ବାରାନ୍ଦକିନିଃ ମିସାତେ ମିଆଁଦ୍ ଚେବୁଲରେ ଆପେ କାପେ ଜମ ଦାଡ଼ିୟାଃ । ୨୨ ଚାଏ ଆତୁ ଚିନାଃ ପ୍ରାଭୁଆଃ ମନ୍ଦରେ ହିସାଙ୍ଗା ବିଚିଦକା ମେନ୍ତେବୁ ସାନାଜ୍ଞତାନା ? ଆତୁ ଚିନାଃ ପ୍ରାଭୁତାଃଏତେ ପୁରାଃ ପେଡ଼େୟାନ୍ଦିୟାବୁ ?

୨୩ ଇନ୍ଦୁକୁ, ଆତୁକେ ସବେନାଃ କାମି ନାଗେନ୍ତେ ଆତୁକାନା ମେନ୍ତେକ କାଜିତାନା । ସାରୁତି କାଜିତାନାଃ, ମେନ୍ଦୁ ସବେନାଃ ବୁଗିନାଃ ନାହାଁଲାଃ । ଆତୁ ସବେନାଃ କାମି ଦାଡ଼ିୟାଃବୁ, ମେନ୍ଦୁ ସବେନାଃ ଦେଙ୍ଗାବୁ ଲେକାନାଃ ନାହାଁଲାଃ । ୨୪ ଜେତାଏ ଆପାନାଃ ବୁଗିନାଃ ନାଗେନ୍ତେ ଏସକାର୍ କା ନେଲ୍କେଦତେ, ସବେନକ୍ ଆଃ ବୁଗିନାଃ ନାଗେନ୍ତେୟ ନେଲ୍ ଲାଗାତିଜ୍ଞୟାଃ ।

୨୫ ଆପେୟାଃ ବିବେକରେ ଜେତାନୁ କୁନୁଲି କା ଦହକେଦତେ ପିବ୍ରେ ଆଖରିଜ୍ଞୟାଃତାନୁ ମାସକେ ବେଗାର୍ ଆତଃଉଡ଼ୁକେଦତେ ଜମ ଦାଡ଼ିୟାପେ । ୨୬ ଚିୟାଃଟି ଧାରାମ୍ପପୁଅରେ ଅଲକାନା, “ଅତେ ଆତଃ ଏନାରେୟାଃ ସବେନାଃ ପ୍ରାଭୁଆଃ ତାନାଃ ।”

୨୭ କା ବିଶ୍ଵାସତାନୁ ଜେତା ହଡ଼ ଆପେକେ ଜେଡ଼ନାଃଗି ଜମ୍ ନାଗେନ୍ତେ ନେଅଁତାପେରେଦ, ଆପେ ଆପେୟାଃ ବିବେକରେ ବେଗାର୍ ଆତଃଉଡ଼ୁକେଦତେ ଜମେପେ । ୨୮ ଜେତାଏ ମୁରୁଦ୍ତାଃରେ ଦାଣେଁ ରାକାବାକାନୁ ପାରସାଦ୍ ତାନାଃ ମେନ୍ତେ କାଜିପେରେ, ଇନିୟାଃ ବୁଗିନାଃ ନାଗେନ୍ତେ ଆତଃ ବିବେକ୍ ହରାତେ ଏନା ଆଲ୍ପେଦେ ଜମେୟାଁ । ୨୯ ନେତାଃରେ ଆପେୟାଃ ବିବେକ୍ ନାଗେନ୍ତେ କାଜିକ୍ଷ୍ୟ କାଜି, ମେନ୍ଦୁ ଏଗାଃନିୟାଃ ବିବେକ୍ ନାଗେନ୍ତେଇଜ୍ଞ କାଜିପେତାନା ।

ହବାସାକାଅଥାଃ, ଆପେ ଆଇଜ୍ଞକେ କୁଲି ଦାଡ଼ିୟାଃପେ, “ଆଇୟାଃ ରାଡ଼ାକାନୁତେୟାଃ ଚିନାଃମେନ୍ତେ ଏଗାଃକଆଃ ବିବେକ୍ତେ ବିଚାରଃଥା ? ୩୦ ଆଇଜ୍ଞ ପାରମେଶ୍ଵରକେ ଧାନାବାଦ୍ ଏମକେଦତେ ଜମେୟାଃରେ ହିସା ଇଦିରେ, ଆଇଜ୍ଞକେ ଅକଏ ଚିନାଃମେନ୍ତେ ନିନ୍ଦାୟାଏ ?”

୩୧ ଏନାମେନ୍ତେ ଆପେ ଜମେ, ନୁଁଏ ଚାଏ ଜେଡ଼ନାଃଗିପେ କାମି, ଏନା ପାରମେଶ୍ଵରଆଃ ମାନାରାଜ୍ଞ ନାଗେନ୍ତେ କାମିପେ । ୩୨ ଏଗାଃ ଦିଶ୍ଵମରେନ୍ଦ୍ ସିହୁଦୀ, ସାଅଁସାର୍ ଚାଏ ପାରମେଶ୍ଵରଆଃ କାଲିସିୟାକକେ ଆପେ ଆଲ୍ପେଦେ ତହଦ୍ଇଚିକଥା । ୩୩ ଆପେ ଆଇୟାଃ ଚାଇଲ୍ ଚାଲାନୁ ଲେକା ତାଇନଃପେ । ଆଇଜ୍ଞ

୧୦-୧୬ ୧୦-୧୬ ମାଥୁର ୨୬-୨୬-୨୮; ମାର୍ଚ୍ଚ ୧୪-୨୨-୨୪; ଜୁଲ ୨୨-୧୯, ୨୦. ୧୦-୨୩ ୧୦-୨୩ ୧ କବିଚିନ୍ତା ୬-୧୨.

ସବେନ୍ଦ ବିଷାଏରେ ସବେନ୍ଦକଥା ସ୍ୱଳ୍ପ ହବାଅଥବା ମେତ୍ରେଇଙ୍କ ସାନାଙ୍ଗତାନା । ଆଇଙ୍କ ଆଇଁୟାଃ ନାଗେତ୍ରେ କା ଉଡ଼ୁକେଦତେ, ଏଟାଃକଥାଃ ଜୀଉ ବାଞ୍ଚାଅଥବା ମେତ୍ରେ ସବେନ୍ଦକଥାଃ ନାଙ୍ଗ ବୁଗିନାଃଇଙ୍କ କାମିକାଦା ।

୧୧

୧୦*ଆଇଙ୍କ ଯାଶୁ ଶ୍ରୀଷ୍ଠୀଆଃ ନାମୁନା ଅତଙ୍ଗକାଦ୍ ଲେକା ଆପେୟ ଆଇଁୟାଃ ନାମୁନାକେ ଅତଙ୍ଗୟେଁପେ

ବିକ୍ରିତାନ୍ ଇମତା ବହଃ ଗୁଗ୍ଲୁ

୨ ଆଇଙ୍କ ଆପେୟାଃ ସାହାରାଅ ତାନାଇଙ୍କ, ଚିୟାଃଚି ଆପେ ସବେନ୍ ଇମତା ଆଇଙ୍କକେ ପାହାମିଙ୍ଗତାନାପେ ଆତଃ ଆଇଙ୍କ ଆପେକେ ଏମାକାଦ୍ ସବେନ୍ ଇନିତୁ ମାନାଡିଙ୍ଗତାନାପେ । ୩ ମେନ୍ଦ ଶ୍ରୀଷ୍ଠୀ ସବେନ୍ ହଡ଼କଥାଃ ବହଃ ଲେକାନିନିଃ ତାନିଃ, ହଡ଼, କୁଡ଼ିରାଃ ବହଃ ଲେକାନିନିଃ ତାନିଃ ଆତଃ ପାରମେଶ୍ୱାର୍ ଶ୍ରୀଷ୍ଠୀଆଃ ବହଃ ତାନିଃ, ମେତ୍ରେ ଆପେ ଆବକାରୁଉମେପେ ମେତ୍ରେ ଆଇଙ୍କ ସାନାଙ୍ଗତାନା । ୪ ଜେତାଏ ହଡ଼ ବହଃ ଗୁଗ୍ଲୁକେଦତେ ବିକ୍ରିୟା ଚାଏ ପାରମେଶ୍ୱାର୍ ଆଃ କାନାଜି ଉଦୁବେତାନରେଦ, ଇନିଃ ଆପୁନାଃ ବହଃ ଅକଏଚି ଶ୍ରୀଷ୍ଠୀ ତାନିଃ, ଇନିଃକେ କାଏ ମାଇନି ତାନା । ୫ ଆତଃ ଜେତାଏ କୁଡ଼ି ଆୟାଃ ବହଃକେ ବେଗାର୍ ଗୁଗ୍ଲୁକେଦତେ ବିକ୍ରିତାନରେଦ, ଚାଏ ପାରମେଶ୍ୱାର୍ ଆଃ କାନାଜି ଉଦୁବେତାନରେଦ, ଇନିଃ ଆପୁନାଃ ବହଃ ଅକଏଚି ଆୟାଃ କଡ଼ା ତାନିଃ, ଇନିଃକେ କାଏ ମାଇନି ତାନା । ଏନ୍ଲେକାନି କୁଡ଼ି ଆତଃ ବହଃରେ ଉଦ୍ ବାନଃ କୁଡ଼ି, ନେ ବାରାନ୍କନାଃ ଆଲାରେ ଜେତାନ୍ ଏଟାଃ ବାନଃଆ । ୬ ଜେତା କୁଡ଼ି ଆୟାଃ ବହଃକେ ଗୁଗ୍ଲୁ କାଏ ସାନାଙ୍ଗରେଦ, ଆୟାଃ ବହଃରେୟାଃ ଉଦ୍ କାଇଚିୟଃକାଏ । ମେନ୍ଦ ଉଦ୍ କାଇଚିନ୍ ଚାଏ ଉଦ୍ ଠାହୁନ୍ତେୟାଃ କୁଡ଼ି ନାଗେତ୍ରେ ଗିହୁଗାନ୍ ଲେକାନାଃ ତାନାଃରେଦ, ଇନିଃ ବହଃ ଗୁଗ୍ଲୁକାଏ । ୭ କଡ଼ାକେ ଆୟାଃ ବହଃ ଗୁଗ୍ଲୁନ୍ କା ଲାଗାଡିଙ୍ଗୟାଃ, ଚିୟାଃଚି ପାରମେଶ୍ୱାର୍ ଆଃ ମୁରୁଡ଼ ଆତଃ ମାନାରାଙ୍ଗ ଇନିଃତାଃରେ ଚାକମାକାଆଃ ତାନା, ଆତଃ କୁଡ଼ି, କଡ଼ାରାଃ ମାନାରାଙ୍ଗ ଲେକାନିନିଃ ତାନିଃ । ୮ କଡ଼ାଦ, କୁଡ଼ିତାଃଏତେ କାଏ ବାଇୟାକାନା, ମେନ୍ଦ କୁଡ଼ି, କଡ଼ାତାଃଏତେ ବାଇୟାକାନା । ୯ କୁଡ଼ି ନାଗେତ୍ରେ କଡ଼ା କାଏ ବାଇୟାକାନା, ମେନ୍ଦ କଡ଼ା ନାଗେତ୍ରେ କୁଡ଼ି ବାଇୟାକାନା । ୧୦ ଏନାମେତ୍ରେ ଦୁଡ଼କଥାଃ ହରାତେ କୁଡ଼ି ଆୟାଃ କଡ଼ାରାଃ ଆକ୍ତେୟାଃରେ ମେନାଇୟା ମେତ୍ରେ ଉଦୁବେନ୍ ନାଗେତ୍ରେ ଇନିଃ ଆୟାଃ ବହଃକେ ଗୁଗ୍ଲୁ ଲାଗାଡିଙ୍ଗୟାଃ । ୧୧ ଏନ୍ରେୟ, ପ୍ରାଭୁଆଃ ମେନେସାରେ କଡ଼ା, କୁଡ଼ିତାଃଏତେ କାଏ ରାଡ଼ାକାନା, ଚାଏ କୁଡ଼ି, କଡ଼ାତାଃଏତେ କାଏ ରାଡ଼ାକାନା । ୧୨ ଚିୟାଃଚି କୁଡ଼ି, କଡ଼ାତାଃଏତେ ବାଇୟାକାନା, ଏନ୍ଲେକାଗି କଡ଼ାହରି କୁଡ଼ିତାଃଏତେ ଜାନାମାକାନା । ମେନ୍ଦ ପାରମେଶ୍ୱାର୍ ସବେନ୍ଦକଥାଃ ବାବାଇନିଃ ତାନିଃ ।

୧୩ ଆପେ ଆପେଚି ବିଚାରେପେ, ବହଃ କା ଗୁଗ୍ଲୁକେଦତେ ପାରମେଶ୍ୱାର୍ ଆଃ ଆୟାଃରେ ବିକ୍ରିତେୟାଃ କୁଡ଼ି ନାଗେତ୍ରେ ଚିନାଃ ବୁଗିନାଃ ତାନାଃ ? ୧୪ ଜିଲିଙ୍ଗ ଉଦ୍, କଡ଼ା ନାଗେତ୍ରେ ଗିହୁଗଃତେୟାଃ ତାନାଃ, ମେତ୍ରେ ଚିନାଃ ନେ ସଭାଦ୍ ଆପେକେ କାଏ ଇତୁପେ ତାନା ? ୧୫ ମେନ୍ଦ କୁଡ଼ିକେ ଜିଲିଙ୍ଗ ଉଦ୍ ଦହଲେରେ, ଆୟାଃ ନାଗେତ୍ରେ ସୁଗାଡ଼ାନ୍ ବିଷାଏ ତାନାଃ । ଚିୟାଃଚି ନେ ଜିଲିଙ୍ଗ ଉଦ୍ ଇନିଃକେ ବହଃ ଗୁଗ୍ଲୁଃ ନାଗେତ୍ରେ ଏମାକାନା । ୧୬ ମେନ୍ଦ ଜେତାଏ ନେ ବିଷାଏରେ କାପିଜି ସାନାଙ୍ଗରେଦ, ଆବୁଆଃ ଆଲାରେ ଚାଏ ପାରମେଶ୍ୱାର୍ ଆଃ କାଲିସିୟାରେ ସେଞ୍ଚାତାନ୍ ଇମତା ନେ ଲେକାନି ରିଡିରିଞ୍ଚାଜ୍ ବାଗିକେଦତେ ଆତଃ ଏଟାଃ ରିଡିରିଞ୍ଚାଜ୍ ବାନଃଆ, ମେତ୍ରେ ଇନିଃ ସାରିକାଏ ।

ପ୍ରାଭୁଭୋଜ୍

(ମାଥୁର ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ଆପେ ସେଞ୍ଚା ନାଗେତ୍ରେ ମିଦ୍ତାଃରେ ହୁଣ୍ଡିନ୍ ଇମତା, ନେଆଁ ଆପେୟାଃ ନାଗେତ୍ରେ ବୁଗିନାଃ କା ହବାକେଦତେ ଏଡ଼କାନାଃ ହବାଅଥତାନା । ଏନାମେତ୍ରେ ଆଇଙ୍କ ଆପେକେ କାଇଙ୍କ ସାହାରାଅପେ ତାନା । ୧୮ ସବେନାଃଏତେ ସିଦା, ଆପେ କାଲିସିୟାରେ ଗିର୍ଜା ନାଗେତ୍ରେ ମିଦ୍ତାଃରେ ହୁଣ୍ଡିନ୍ ଇମତା ଆପେ ଆଲାରେ ବିପିଙ୍ଗାଅ ହବାଅଥତାନା ମେତ୍ରେଇଙ୍କ ଆୟୁମକାଦା, ନେଆଁ ସାର୍ବତ୍ରି ତାନାଃ ମେତ୍ରେଇଙ୍କ ବିଶ୍ୱାସ୍ ତାନା । ୧୯ ପାରମେଶ୍ୱାର୍ ଆଃ ଆୟାଃରେ ଅକଏ ମାଇନ୍ ନାମେନିଃ ତାନିଃ, ଏନା ସାରିୟାଃ ନାଗେତ୍ରେ ଆପେ ଆଲାରେ ବିପିଙ୍ଗାଅ ହବାଅଥାରି ଲାଗାଡିଙ୍ଗୟାଃ, ଏନାରେ ଜେତାନ୍ ଆଡ଼ାଃଉଡ଼ୁ ବାନଃଆ । ୨୦ ଚିମତା ଆପେ ମିଦ୍ ଝୁଣ୍ଡି କେଳା ମିଦ୍ତାଃରେ ହୁଣ୍ଡିକେଦତେ ଜମ୍ତାନ୍ତେୟାଃ ପ୍ରାଭୁଭୋଜ୍

* ୧୧:୧ ୧୧:୧ କବିଚ୍ଛିନ୍ଦ ୪:୧୨; ଫିଲିପିୟ ୩:୧୭.

ମେନ୍ତେପେ ଉଡ଼ୁଷ୍ଟତାନା, ଏନା ପ୍ରାଭୁଭୋଜ୍ଜ ନାହାଁଲାଃ, ୨୯ ଚିୟାଃଚି ଆପେ ସବେନ୍ଦକ ଆପେୟାଃ ଜନମାଃ ଜମତାନ୍ ଜମତା, ମିହୁଡ଼୍, ରେଙ୍ଗେଃଶି ତାଇନଃତାନ୍ ଜମତା ଏଟାଃ ମିହୁଡ଼୍, ଇଲିଆରଃଶ୍ରେ ବୁଲଃତାନା । ୨୯ ଜମ୍ ନୁଁ ନାଗେନ୍ତେ ଆପେୟାଃ ଅଡ଼ାଃ ଚିନାଃ ବାନଃଅ ? ଚାଏ ଆପେ ଚିନାଃ ପାର୍ମେଶ୍ଵାର୍ଆଃ କାଲିସିୟାକେ ହିଲାଙ୍ଗ୍‌ରେଁ ତାନାପେ ? ଆତଃ ଅକଏୟାଃ ବାନଃଅ ଏନ୍ ହଡ଼କକେ ଗିହୁଃକ ତାନାପେ ? ଆଇଙ୍ଗ୍ ଆପେକେ ଚିନାଃ ମେତାପେୟାଇଙ୍ଗ୍ ? ଚିନାଃ ଆପେୟାଃ ସାହାରାଅ ରିକାୟାଇଙ୍ଗ୍ ? କାହାଗି, ନେ ବିଷାଏରେ ଆଇଙ୍ଗ୍ ଆପେୟାଃ ସାହାରାଅ କାଇଙ୍ଗ୍ ରିକା ଦାଡ଼ିୟା ।

୨୯ ଚିୟାଃଚି ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବାପେ ତାନା । ପ୍ରାଭୁ ଯାଣୁ ବାଇରିକଆଃ ଡ଼ିଃଇରେ ଜିମାଅଃ ନିଦାରେ ହଲଙ୍ଗ୍ ଇଦିକେଦ୍‌ଡେ, ୨୪ ପାର୍ମେଶ୍ଵାର୍‌କେ ଧାନ୍ୟାବାଦ୍ ଏମକିୟାଏ, ଆତଃ ଏନା କେତାଃକେଦ୍‌ଡେ କାଜିକେଦାଏ, “ନେଆଁ ଆପେୟାଃ ନାଗେନ୍ତେ ଆଇଁୟାଃ ହଡ଼ମ ତାନାଃ, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।” ୨୪ ଏନ୍‌ଲେକାଗି ଜମକେଦ୍ ତାୟମଡେ, ଇନିଃ କାଟୋରା ଇଦିକେଦାଏ ଆତଃ କାଜିକେଦାଏ, “ନେ କାଟୋରା ଆଇଁୟାଃ ମାୟୋମଡେ ବାଇୟାକାନ୍ ପାର୍ମେଶ୍ଵାର୍‌ଆଃ ନାଞ୍ଜା ରାଜିନାମା ତାନାଃ । ଆପେ ଚିମତାଙ୍ଗ୍ ନେଆଁ ନୁଁୟାପେ ଇମତାଙ୍ଗ୍ ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।”

୨୯ ନେଆଁତେ ଆଡ଼କାରଃ ତାନା, ଆପେ ଚିମିନ୍‌ଧାଆଁ ନେ ହଲଙ୍ଗ୍ ଜମେୟାପେ ଆତଃ ନେ କାଟୋରାଏତେ ନୁଁୟାପେ, ଇମିନ୍‌ଧାଆଁ ଆପେ ପ୍ରାଭୁଆଃ ହିନିକ୍ଠଃ ସେଟେର୍ ଜାକେଦ୍ ଆୟାଃ ଗନ୍‌ଏଃରାଃ କାଜିପେ ଉଦୁବେୟା । ୨୯ ଏନାତେ ଜେତାଏ ସଡ଼ରାକେଦ୍‌ଡେ ପ୍ରାଭୁଆଃ ନେ ହଲଙ୍ଗ୍‌କେ ଜମେନିଃ ଚାଏ ନେ କାଟୋରାଏତେ ନୁଁଏନିଃ ପ୍ରାଭୁଆଃ ହଡ଼ମ ଆତଃ ମାୟୋମରେୟାଃ ବିରୁଧରେ ପାପକେଦ୍‌ଡେ ଚିଟାଅଃଅ । ୨୮ ଏନାତେ ଆପେ ସବେନ୍ଦକ ଆପାନ୍‌କେ ବିଡ଼ାଅକେଦ୍ ତାୟମଡେ, ନେ ହଲଙ୍ଗ୍‌କେ ଜମେପେ ଆତଃ କାଟୋରାଏତେ ନୁଁଏପେ । ୨୯ ଚିୟାଃଚି ଜେତାଏ ହଡ଼ ପ୍ରାଭୁଆଃ ହଡ଼ମରାଃ ସାଡ଼ି ମୁଣ୍ଡି କା ଆଡ଼କାର୍ ଉରୁମକେଦ୍‌ଡେ, ଜମ୍, ନୁଁଏନିଃ ସାଡ଼ିଗି ସାଜାଇ ନାମେୟାଏ । ୩୦ ଏନାମେନ୍ତେ ଆପେକଏତେ ଚିମିନ୍ ହଡ଼କ ପୁରାଃଚି ନାରାଦୁରା, ବେମରିୟା ଆତଃ ପୁରାଃ ହଡ଼କ ଗଜାକାନା । ୩୧ ମେନ୍‌ଦ୍ ଆବୁ ଆପାନ୍‌କେ ସିଦାରେଗିବୁ ବିଚାର୍ କାନ୍‌ରେଦ୍, ଆବୁ ପାର୍ମେଶ୍ଵାର୍‌ଆଃ ବିଚାର୍‌ରେ କାବୁ ବିଚାରଃତେୟାଃ । ୩୨ ଅତେଦିଶ୍ଵମରାଃ ତୁଣ୍ଡି ଯାଜାଇଏତେ ଆବୁକେ ବାଞ୍ଚାଅବୁ ନାଗେନ୍ତେ ପ୍ରାଭୁ ଆବୁକେ ସାଜାଇ ଏମକେଦ୍‌ଡେ ସତଃବୁତାନା ।

୩୩ ଏନାତେ ହେ ହାଗା ମିଶିକ, ଆପେ ପ୍ରାଭୁଭୋଜ୍ଜ ନାଗେନ୍ତେ ହୁଣ୍ଡିନ୍ ଇମତା ସବେନ୍ଦକକେ ତାଜିକପେ । ୩୪ ଆପେୟାଃ ହୁଣ୍ଡିନ୍‌ତେୟାଃ ସାଜାଇ ନାମେ ନାଗେନ୍ତେ ଆଲକା ହବାଅଃକା । ଏନାତେ ଜେତାଏ ରେଙ୍ଗେଜଃ ତାନ୍‌ରେଦ୍, ଇନିଃ ଅଡ଼ାଃରେ ଜମେକାଏ । ଆତଃ ଏଟାଃତେୟାଃକ ଆଇଙ୍ଗ୍ ହିକ୍ଠଃରେ ଉଦୁବାପେୟାଇଙ୍ଗ୍ ।

୧୨

ପାବିତାର୍ ଆମ୍ବାତାଃଏତେ ବାର୍‌ଦାନ୍

୧ ଆଇଁୟାଃ ହାଗା ମିଶିକ ପାବିତାର୍ ଆମ୍ବାତାଃଏତେ ବାର୍‌ଦାନ୍ ବିଷାଏରେ ଆଇଙ୍ଗ୍ ଆପେକେ ସାଡ଼ିତେୟାଃ ଉଦୁଦ୍ ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ୨ ଆପେ ସାଆଁସାର୍‌କେ ତାଇକେନାପେ ଇମତା ଜାତ୍ ବାନଃ ମୁରୁଡ଼କକେ ସେଞ୍ଜାକେଦ୍‌ଡେ ହରା ଆଦାକାଦ୍ ତାଇକେନାପେ, ଏନାପେ ସାରିତାନା । ୩ ଏନାମେନ୍ତେ ଆପେକେ ସାରି ଲାଗାଡ଼ିଙ୍ଗ୍‌ୟାଃ, ପାର୍ମେଶ୍ଵାର୍‌ଆଃ ଆମ୍ବାତେ ସେସେନ୍‌ତାନ୍ ହଡ଼ “ୟାଣୁ ସାଡ଼ପାଅଃକାଏ” ମେନ୍ତେ ଜେତାଏ କାକ କାଜି ଦାଡ଼ିୟା । ଆତଃ ପାବିତାର୍ ଆମ୍ବାକେ କା ନାମକେଦ୍‌ଡେ “ୟାଣୁ ପ୍ରାଭୁ” ତାନିଃ ମେନ୍ତେ ଜେତାଏ କାକ କାଜି ଦାଡ଼ିୟା ।

୪ *ପାବିତାର୍ ଆମ୍ବାରେୟାଃ ବାର୍‌ଦାନ୍ ରାକାମ୍ ରାକାମ୍ ମେନାଃ, ମେନ୍‌ଦ୍ ଏନ୍ ମିଆଁଦ୍ ପାବିତାର୍ ଆମ୍ବା ଏନ୍ ସବେନାଃ ଏମାଃଏ । ୫ ରାକାମ୍ ରାକାମ୍ ସେଞ୍ଜା ମେନାଃରେୟା ମିଆଁଦ୍‌ଗି ପ୍ରାଭୁଆଃ ସେଞ୍ଜା ହବାଅଃତାନା । ୬ କାମି ରିକାରେୟାଃ ପେଡ଼େଃ ରାକାମ୍ ରାକାମ୍ ମେନାଃ, ମେନ୍‌ଦ୍ ମିଆଁଦ୍‌ଗି ପାର୍ମେଶ୍ଵାର୍ ଏନ୍ ସବେନାଃରେୟାଃ ପେଡ଼େଃ ଏମାଃଏ । ୭ ସବେନ୍‌କଆଃ ବୁଗିନାଃ ନାଗେନ୍ତେ ମିମିଆଦ୍ ହଡ଼କଆଃ ଆଲାରେ ପାବିତାର୍ ଆମ୍ବାରେୟାଃ ପେଡ଼େଃ ରାକାମ୍ ରାକାମ୍ ଲେକାତେ ଉଦୁବଃଅ । ୮ ଚିୟାଃଚି ମିହୁଡ଼କେ ପାବିତାର୍ ଆମ୍ବାରେୟାଃ ସାୟାଦ୍‌ଡେ ସେଣ୍ଡିନ୍‌ରାଃ କାଜି ଆତଃ ଏଟାଃ ଆତଃମିହୁଡ଼କେ ଏନ୍ ପାବିତାର୍ ଆମ୍ବାରେୟାଃ ଇନିତୁ ଲେକାତେ ବୁଦ୍‌ବିରେୟାଃ କାଜି ଏମାଃଏ । ୯ ଏନ୍ ମିଆଁଦ୍ ପାବିତାର୍ ଆମ୍ବାଗି

* ୧୨:୪ ୧୨:୪ ରୋଗି ୧୨:୬-୮.

ମିତ୍ରତ୍ୱକେ ବିଶ୍ୱାସ, ଆତଃମିତ୍ରତ୍ୱକେ ହତ୍ୱକକେ ବୁଦ୍ଧିକ ନାଗେନ୍ତେ ପେଡ଼େଃ ଏମାଃଏ । ୧୦ ତିମିନ୍ଦକକେ ଆକଦାନ୍ଦାଅ କାମି ରିକା ନାଗେନ୍ତେ ପେଡ଼େଃ ଏମାଃଏ, ତିମିନ୍ଦକକେ ପାର୍ତ୍ତମେଶ୍ୱାର୍ଥାଃ ଆୟାର୍କାଜି କାଜି ନାଗେନ୍ତେ ପେଡ଼େଃ ଏମାଃଏ, ତିମିନ୍ଦକକେ ପାବିତାର୍ ଆମ୍ନା ଆତଃ ଏଡ଼କାନ୍ ଆମ୍ନାକକେ ନେଲ୍ଲଭରୁମ୍ରେୟାଃ ପେଡ଼େଃ ଏମାଃଏ, ତିମିନ୍ଦକକେ ରାକାମ୍ ରାକାମ୍ ନାଶା ଜାଗାର୍ତ୍ତେ ଜାଗାର୍ ନାଜ୍ ପେଡ଼େଃ ଏମାଃଏ, ଆତଃ ତିମିନ୍ଦକକେ ଏନ୍ ଜାଗାର୍ତ୍ତେୟାଃ ମୁଣ୍ଡି କାଜି ନାଗେନ୍ତେ ପେଡ଼େଃ ଏମାଃଏ । ୧୧ ମେନ୍ଦଦ ନେ ସବେନାଃ ଏନ୍ ମିଆଁଦ୍ ଆମ୍ନାଗି କାମି ରିକାଃଏ । ଇନିଃ ଆୟାଃ ମନେଲେକା ସବେନ୍ ହତ୍ୱକକେ ରାକାମ୍ ରାକାମ୍ ବାର୍ଦଦାନ୍ ଏମାକାଦକଆଏ ।

ମିଆଁଦ୍ ହତ୍ୱମ୍ ମେନ୍ଦଦ ପୁରାଃ ହିସା ମେନାଃ

୧୨ *ମିଆଁଦ୍ଗି ହତ୍ୱମ୍, ଆତଃ ଏନାରେ ପୁରାଃଗି ହିସା ମେନାଃ, ଆତଃ ହତ୍ୱମ୍ ରାକାମ୍ ରାକାମ୍ ହିସାରେ ବାଈୟାକାନ୍ରେୟ, ମିଆଁଦ୍ଗି ହତ୍ୱମ୍ ତାନାଃ, ଏନ୍ଲେକାଗି ଯୀଶୁ ଶ୍ରୀଷ୍ଟ ମିଆଁଦ୍ ହତ୍ୱମ୍ ଲେକାନିଃ ତାନିଃ । ୧୩ ଏନ୍ଲେକାଗି ଯିହୁଦୀ ହବାଅଃ ଚାଏ ସାଆଁସାର୍, ଦାସି ହବାଅଃ ଚାଏ ରାଡ଼ାକାନ୍ ହତ୍ୱ, ଆବୁ ସବେନ୍ଦକଦ ମିଆଁଦ୍ ହତ୍ୱମ୍ ହବାଅଃ ନାଗେନ୍ତେ ମିଆଁଦ୍ ଆମ୍ନାତେବୁ ବାପ୍ତିସ୍ମାକାନା, ଆତଃ ଏନ୍ ମିଆଁଦ୍ ହତ୍ୱମ୍ରେ ମୋସାକାନାବୁ ଆତଃ ମିଆଁଦ୍ ଆମ୍ନାଏତେ ନୁଁ ନାଗେନ୍ତେ ସବେନ୍ଦକକେ ଏମାକାନା ।

୧୪ ହତ୍ୱମ୍ ମିଆଁଦ୍ଗି ହିସାରେ କା ବାଈୟାକାନା, ମେନ୍ଦଦ ପୁରାଃ ହିସାରେ ବାଈୟାକାନା । ୧୫ କାଟା, ଆଈଜ୍ ତିଃଇ ନାହାଁଲାଈଜ୍ ମେନ୍ତେ କାଜିକେଦ୍ ହରାତେ ଏନା ହତ୍ୱମ୍ରାଃ ହିସା ନାହାଁଲାଃ, ଏନ୍କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଜେ, ଏନା ହତ୍ୱମ୍ରେୟାଃ ହିସାରେ ତାଇନ୍ କା ଦାଡ଼ିୟଃଆ । ୧୬ ଆତଃ ଲୁଡୁର୍, ଆଈଜ୍ ମେଦ୍ ନାହାଁଲାଈଜ୍ ମେନ୍ତେ କାଜିକେଦ୍ ହରାତେ ଏନା ହତ୍ୱମ୍ରାଃ ହିସା ନାହାଁଲାଃ, ଏନ୍କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଯେ, ଏନା ହତ୍ୱମ୍ରେୟାଃ ହିସାରେ ତାଇନ୍ କା ଦାଡ଼ିୟଃଆ । ୧୭ ଗଟା ହତ୍ୱମ୍, ମେଦ୍ ହବାଅଃରେଦ୍, ତିଲ୍ଲକାତେ ଆୟୁମ୍ ଦାଡ଼ିୟଃଆ ? ଆତଃ ଗଟା ହତ୍ୱମ୍, ଲୁଡୁର୍ ହବାଅଃରେଦ୍ ତିଲ୍ଲକାତେ ସୁଜ୍ଜୁଦ୍ ଦାଡ଼ିୟଃଆ ? ୧୮ ପାର୍ତ୍ତମେଶ୍ୱାର୍ ହତ୍ୱମ୍ରାଃ ସବେନ୍ ହିସାକେ ମିଆଁଦ୍ ମିଆଁଦ୍ତେ ଆୟାଃ ସାନାଜ୍ ଲେକା ହତ୍ୱମ୍ରେ ଖାଞ୍ଜାଅକାଦା । ୧୯ ଏନ୍ ସବେନାଃ ମିଆଁଦ୍ଗି ହିସା ହବାକାନ୍ତେୟାଃ ହଲେ, ତିଲ୍ଲକାତେ ହତ୍ୱମ୍ ହବାସାକାଅଆ ? ୨୦ ଏନାତେ ହତ୍ୱମ୍ରେ ପୁରାଃ ହିସା ତାଇନ୍ରେୟ, ମିଆଁଦ୍ଗି ହତ୍ୱମ୍ ତାନାଃ ।

୨୧ ଏନାତେ, “ଆଈଜ୍କେ ଆମାଃ ଲାଗାଡିଜ୍ ବାନଃଆ” ମେନ୍ତେ ମେଦ୍, ତିଃଇକେ କାଜି କାଏ ଦାଡ଼ିୟା, ଚାଏ ବହଃ, କାଟାକେ “ଆମାଃ ଦାର୍କାର୍ ବାନଃଆ” ମେନ୍ତେ କାଜି କାଏ ଦାଡ଼ିୟା । ୨୨ ମେନ୍ଦଦ ହତ୍ୱମ୍ରେ ଅକନ୍ଦ୍ ହିସା ନାରାଦୁରା ମେନ୍ତେ ଆଡ଼କାରଃତାନ୍ରେଦ୍, ଆବୁ ଜେଡ଼ନାଃ କାରୁ ରିକା ଦାଡ଼ିୟା । ୨୩ ଆତଃ ହତ୍ୱମ୍ରେୟାଃ ଅକନ୍ଦ୍ ହିସା ପୁରାଃଗି ଲାଗାଡିଜ୍ତେୟାଃ ନାହାଁଲାଃ ମେନ୍ତେ ଆଡ଼କାର୍ଲେରେ, ଆବୁ ଏନ୍ ହିସାକେ ଜାତାନ୍ ରିକାଃବୁ । ଆତଃ ହତ୍ୱମ୍ରେୟାଃ ଦାନାଜ୍କାନ୍ ହିସାକେ ପୁରାଃଗି ଜାତନାଅ ରିକାଃବୁ । ୨୪ ହତ୍ୱମ୍ରେୟାଃ ସୁଗାଡାନ୍ ହିସା ନାଗେନ୍ତେ ଇମ୍ନାଜ୍ ଆବୁ କାରୁ ଉଡ଼ଗୁାଃ । ପାର୍ତ୍ତମେଶ୍ୱାର୍ ଆଈଃକ୍ଗି ହତ୍ୱମ୍ରେ ନେଲେକା ସାଜାଅକାଦାଏ ଯେ, ଅକନ୍ଦ୍ ହିସାକେ ଜାତାନ୍ ଇଦ୍ ଲାଗାଡିଜ୍ୟାଃ, ଏନା ପୁରାଃଗି ମାଇନଃ ଲେକାନାଃତାନାଃ । ୨୫ ଆତଃ ହତ୍ୱମ୍ରେ ଜେତାନ୍ ବିନ୍ଦଗାଅ କା ହବାଅଃଆ, ମେନ୍ଦଦ ହତ୍ୱମ୍ରେୟାଃ ମିମିଆଦ୍ ହିସା ମିଆଁଦ୍ ଆତଃମିଆଁଦ୍ରାଃ ଦେଜ୍ମ ରିକାଃଏ । ୨୬ ହତ୍ୱମ୍ରେୟାଃ ମିଦ୍ ହିସା ହାସୁରେ, ଏଟାଃ ସବେନ୍ ହିସା ଏନ୍ ହାସୁକ ନାମେୟା । ମିଆଁଦ୍ ହିସା ମାନାରାଜ୍ ହବାଅଃରେ, ଏଟାଃ ସବେନ୍ ହିସା ଏନ୍ ରାସ୍କାରେ ରାସ୍କାଞ୍ଜାକ ।

୨୭ ଆପେ ଶ୍ରୀଷ୍ଟାଃ ହତ୍ୱମ୍ ତାନ୍ପେ । ଆପେ ସବେନ୍ଦକ ଏନ୍ ହତ୍ୱମ୍ରେନ୍ ମିପିଆଦ୍ ହିସା ତାନ୍ପେ । ୨୮ *କାଲିସିୟାରେ ପାର୍ତ୍ତମେଶ୍ୱାର୍ ସବେନାଃଏତେ ସିଦାରେ ପ୍ରେରିଡ଼କକେ, ଏନ୍ ତାୟମ୍ତେ ଆୟାର୍କାଜିକକେ, ଏନ୍ ତାୟମ୍ତେ ଇଡ଼ୁକକେ, ଏନ୍ତେ ଆକଦାନ୍ଦାଅ କାମିକକେ, ଦୁକୁ ବୁଦ୍ଧିତାନକକେ, ଦେଜ୍ମାତାନକକେ, ଆକ୍ତେୟାନ୍ ନାମାକାଦକକେ, କା ସାରିକାଦ୍ ଏଟାଃ ଜାଗାର୍ତ୍ତେ ଜାଗାର୍ ଦାଡ଼ିତାନ୍ ହତ୍ୱକକେ ଆତଃ ରାକାମ୍ ରାକାମ୍ ବାର୍ଦଦାନ୍ ନାମାକାଦ୍ ହତ୍ୱକକେ ସାଲାକେଦକଆ । ୨୯ ଇନ୍ଦୁଶୁ ସବେନ୍ଦକ ପ୍ରେରିଡ଼, ଆୟାର୍କାଜିକ, ଆତଃ ଇଡ଼ୁତାନ୍ଦକ ନାହାଁଲାକ । ଆକଦାନ୍ଦାଅ କାମି ରିକାରେୟାଃ ପେଡ଼େଃ ସବେନ୍ଦକଆଃ ବାନଃଆ । ୩୦ ସବେନ୍ଦକ ଦୁକୁ ବୁଦ୍ଧି କାକ ଦାଡ଼ିୟା, କା ସାରିକାଦ୍ ଏଟାଃ ଜାଗାର୍ତ୍ତେ କାକ ଜାଗାର୍ ଦାଡ଼ିୟା, ଆତଃ କାଜିକାନ୍ତେୟାଃରାଃ ମୁଣ୍ଡି ଉଦୁବ୍ ନାଗେନ୍ତେ କାକ ଦାଡ଼ିୟା ।

* ୧୨:୧୨ ୧୨:୧୨ ରୋମି ୧୨:୪.୫. * ୧୨:୨୮ ୧୨:୨୮ ଏପିସିୟ ୪:୧୧.

ଚିଆଃଚି ସବେନ୍ଦକ ଏଗଃ ଏଗଃ ବାଢ଼ଦାନ୍ ନାମାକାଦାକ । ୩୧ ଆପେ ସବେନ୍ଦକ ବୁଗିନ୍ ବାଢ଼ଦାନ୍ ନାମେ ନାଗେନ୍ତେ ଚେଷ୍ଟାଏପେ । ଆଇଙ୍ଗ ଆପେକେ ନେଆଁଏତେ ପୁରାଃ ବୁଗିନ୍ ହରାଇଙ୍ଗ ଉଦୁବାପେୟା ।

୧୩

ଦୁଲାଡ଼୍

୧ ଆଇଙ୍ଗ ହଡ଼କଆଃ ଆତଃ ଦୁଢ଼କଆଃ ଜାଗାଋତେ କାଜି ଦାଡ଼ିୟାଇଙ୍ଗ, ମେନ୍ଦ ଆଇଁୟାଃ ଦୁଲାଡ଼୍ କା ତାଇନ୍ଦରେଦ, ଆଇଙ୍ଗ ଠାନ୍ ଠାନ୍ ସାଡ଼ି ଆୟୁମଃତାନ୍ ଘାଣ୍ଟି ଚାଏ ଚିଃଇତେ ଆପଡ଼ିତାନ୍ ସାଡ଼ି ଆୟୁମଃତାନ୍ ଲେକାନ୍ନିଃ ତାନିଙ୍ଗ । ୧* ଆତଃ ଆଇଙ୍ଗକେ ପାର୍ମେଶ୍ଵାରଆଃ କାଜି କାଜିନାଙ୍ଗ ପେଡ଼େଃ ତାଇନ୍ ସାକାଅଃଆ, ସବେନ୍ ବିଷାଏରେ ସେଣାଁ ତାଇନ୍ ସାକାଅଃଆ, ସବେନ୍ ଉକୁଆକାନ୍ତେୟାଃ ଆଡ଼କାଋଉରୁମ୍ ନାଗେନ୍ତେ ପେଡ଼େଃ ତାଇନ୍ ସାକାଅଃଆ, ବିଶ୍ଵାସରାଃ ପେଡ଼େଃତେ ବୁରୁକେ ନେତାଃଏତେ ହାନ୍ତାଃ ଇଦି ନାଗେନ୍ତେ ପେଡ଼େଃ ତାଇନ୍ ସାକାଅଃଆ, ମେନ୍ଦ ଆଇଁୟାଃ ଦୁଲାଡ଼୍ ବାନଃରେଦ, ଆଇଙ୍ଗ ଜେତାନିଃ ନାହାଁଲିଙ୍ଗ । ୩ ଆଇଙ୍ଗ, ଆଇଁୟାଃ ସବେନାଃ ଏମ୍ ଦାଡ଼ିୟାଇଙ୍ଗ ଚାଏ ସେଙ୍ଗେଲ୍ଲରେ ଆଇଁୟାଃ ହଡ଼ମକେ ଜୁଲଃ ନାଗେନ୍ତେ ଏମ୍ ଦାଡ଼ିୟାଇଙ୍ଗ, ମେନ୍ଦ ଆଇଁୟାଃ ମନ୍ଦୁରୁଦ୍ରେ ଦୁଲାଡ଼୍ ବାନଃରେଦ, ଏନ୍ ସବେନାଃ ଆଇଁୟାଃ ନାଗେନ୍ତେ ବୁଗିନାଃ କା ହବାଅଃଆ ।

୪ ଦୁଲାଡ଼୍ ହବାଅଃତାନା, ଧରାନ୍ ଆତଃ ଲିରୁୟାନ୍ ଜୀଞ୍ଜାନ୍ । ଦୁଲାଡ଼୍, କାଏ ହିସଙ୍ଗାଃ, କାଏ ହାଁକାରାଃ, ଆତଃ ଆପାନ୍ଦକେ ମାରାଙ୍ଗୟେନ୍ଦ କାଏ ସାନାଙ୍ଗଆଁଃ; ୫ ଦୁଲାଡ଼୍, କା ଲାଗାତିଙ୍ଗ ଲେକା କାଏ ବେଭାରାଃ, ଆୟାଃ ନାଗେନ୍ତେ ଏସକାର୍ କାଏ ରିକାଃ, କାଏ ଖୁସଅଃଆ, ଏଡ଼କାନ୍ତେୟାଃ କାଏ ପାହାମାଃ; ୬ ଦୁଲାଡ଼୍, ଏଡ଼କାନ୍ତେୟାଃରେ କାଏ ସୁକୁଃଆ, ମେନ୍ଦ ସାନାଋତିରେ ସୁକୁଃଆ । ୭ ଦୁଲାଡ଼୍, ସବେନାଃଏ ସାହାଡ଼ିଙ୍ଗୟେଆ, ସବେନାଃଏ ବିଶ୍ଵାସେଆ, ସବେନାଃଏ ଆସ୍ରାଏୟା, ଆତଃ ସବେନ୍ ବିଷାଏରେ ଧରାନ୍ ସାବ୍ଦକେଦ୍ରେ ତାଇନାଃ ।

୮ ଦୁଲାଡ଼୍, ଜାନାଅ ଜାନାଅଗି ତାଇନଃଆ, ଆୟାଋକାଜି ଉଦୁବେତେୟାଃ ଜିୟନଃଆ, ଆକ୍ଦାନ୍ଦାଅ କାଜିତେୟାଃ ଜିୟନଃଆ, ହଡ଼କଆଃ ସେଣାଁ ମେନାଃରେଦ, ଏନା ଜିୟନଃଆ । ୯ ଚିୟାଃଚି ଆବୁକେ ସେଣାଁରାଃ ବାଢ଼ଦାନ୍ ଏମାକାନ୍ତେୟାଃ ଆତଃ ପାର୍ମେଶ୍ଵାରତାଃଏତେ କାନାଜି ଉଦୁବେତେୟାଃରାଃ ସେଣାଁ ପୁରା ନାହାଁଲିଃ, ୧୦ ମେନ୍ଦ ସବେନ୍ ବିଷାଏରେୟାଃ ପୁରାଅଃତେୟାଃ ହିଜୁଃରେ, ନେ କାଟିକାନ୍ତେୟାଃ ସବେନ୍ ଜିୟନଃଆ ।

୧୧ ଆଇଙ୍ଗ ସିଟିଆ ଲେକାଇଙ୍ଗ ତାଇକେନ୍ ଇମ୍ତା, ସିଟିଆ ଲେକାଇଙ୍ଗ ଜାଗାଋ ତାଇକେନା, ସିଟିଆ ଲେକାଇଙ୍ଗ ପାହାମ୍ ତାଇକେନା, ସିଟିଆ ଲେକାଇଙ୍ଗ ଉଡ଼ୁଃ ତାଇକେନା, ମେନ୍ଦ ସିଟିଆଏତେ ମାରାଙ୍ଗ ହାରାୟାନ୍ତେ ଆତଃ ଆଇଙ୍ଗ ସିଟିଆ ଲେକା କାଇଙ୍ଗ କାଜିତାନା । ୧୨ ନାହାଁଃ ଆବୁ ଅକ୍ନାଃ ନେଲ୍ଲତାନ୍ତେୟାଃ, ଆଏନାରେ ନେଲ୍ଲତାନ୍ ନାକାଲ୍ ଲେକାନାଃ ତାନାଃ । ମେନ୍ଦ ମୁସିଙ୍ଗ ନେଡ଼ା ହିଜୁଃଆ, ଇମ୍ତା ଆବୁ ମିହୁଡ଼୍ ଆତଃମିହୁଡ଼କେ ନେପେଲ୍ଲତାନ୍ ଲେକାବୁ ନେପେଲ୍ଲା । ନାହାଁଃ ଆଇଙ୍ଗ ଅକ୍ନାଃ ସାରିତାନାଇଙ୍ଗ, ଏନା ପୁରା କାଇଙ୍ଗ ସାରିତାନା । ମେନ୍ଦ ପାର୍ମେଶ୍ଵାର୍ ଆଇଙ୍ଗକେ ପୁରା ସାରିକାଦିଙ୍ଗ ଲେକା ହବାଅଃରେ ଆଇଁୟାଃ ସେଣାଁହିଁ ପୁରାଅଃଆ ।

୧୩ ବିଶ୍ଵାସ୍, ଆସ୍ରା, ଆତଃ ଦୁଲାଡ଼୍, ନେ ଆପିୟା ତାଇନଃଆ । ମେନ୍ଦ ନେ ଆପିୟାଏତେ ଦୁଲାଡ଼୍ ମାରାଙ୍ଗତାନାଃ ।

୧୪

ଆମ୍ବାତାଃଏତେ ବାଢ଼ଦାନ୍ ବିଷାଏରେ ପୁରାଃ କାଜି

୧ ଏନାତେ ଆପେ ଦୁଲାଡ଼୍ ନାଗେନ୍ତେ ଚିହୁଟେନ୍ଦେପେ । ଏଗଃ ଏଗଃ ଆମ୍ବାରେୟାଃ ବାଢ଼ଦାନ୍ଦକେ ନାମେ ନାଗେନ୍ତେ, ବିଶେଷକେଦ୍ରେ ପାର୍ମେଶ୍ଵାରଆଃ କାନାଜି ଉଦୁବ୍ ନାଗେନ୍ତେ, ଆପେୟାଃ ମନ୍ଦୁରୁଦ୍ରେ ଚିକା ନାଙ୍ଗ ସାନାଙ୍ଗପେ । ୨ ଚିୟାଃଚି ଜେତାଏ କା ସାରି ଜାଗାଋତେ ଜାଗାଋତାନ୍ନିଃ, ହଡ଼ଲଃ କାଏ ଜାଗାରାଃ ମେନ୍ଦ ପାର୍ମେଶ୍ଵାରଲଃ ଜାଗାରାଃଏ, ଏନାତେ ଜେତାଏ କାକ ବୁଝାଅଃଆ । ଏନ୍ ଆମ୍ବାରାଃ ପେଡ଼େଃତେ ଉକୁଆକାନ୍ ସାଋତି ବିଷାଏକ ଜାଗାଋତାନା । ୩ ମେନ୍ଦ ଜେତାଏ ପାର୍ମେଶ୍ଵାରଆଃ କାନାଜି କାଜିତାନ୍ନିଃ ହଡ଼କଆଃ ବିଶ୍ଵାସକେ କେଟେଜେ ନାଙ୍ଗ କାଜିୟାଃଏ ଆତଃ ଇନ୍ଦକୁକେ ଦେଙ୍ଗା, ରାସକା, ଆତଃ ଜୀଉରାଡ଼େଃ ଏମାକାଆଏ । ୪ ଜେତାଏ କା ସାରି ଜାଗାଋତେ ଜାଗାଋନିଃ, ଆୟାଃ ନାଗେନ୍ତେ

* ୧୩:୨ ୧୩:୨ ମାଥୁର ୧୭:୨୦; ୨୧:୨୧; ମାର୍କ ୧୧:୨୩.

ଏସକାର୍ କାଜିୟାଃଏ, ମେନ୍ଦ ଜେତାଏ ପାର୍ମେଶ୍ୱାର୍ଆଃ କାନାଜି ଉଦୁବନିଃ, ସବେନ୍ କାଲିସିୟାକେ ଦେଙ୍ଗାଃଏ ।

୫ ଆପେ ସବେନ୍କ କା ସାରି ଜାଗାର୍ତେ ଜାଗାର୍ରେ, ଆଇଙ୍ଗ ରାସକାଅଃଇଙ୍ଗ, ମେନ୍ଦ ଆପେ ସବେନ୍କ ପାର୍ମେଶ୍ୱାର୍ଆଃ କାନାଜି ଉଦୁବେପେ, ମେନ୍ତେ ଆଇଁୟାଃ ପୁରାଃ ସାନାଙ୍ଗ ତାନାଃ । ଜେତାଏ କା ସାରି ଜାଗାର୍ତେ ଜାଗାରେନିଃ, କାଲିସିୟାରାଃ ବୁଗିନାଃ ନାଗେନ୍ତେ କା ସାରି ଜାଗାର୍ରେୟାଃ ମୁଛି ଉଦୁବେରେଦ ବୁଗିନାଃ ହବାଅଃତେୟାଃ, କାରେଦ କା ସାରି ଜାଗାର୍ କାଜିଏତେ ପାର୍ମେଶ୍ୱାର୍ଆଃ କାନାଜି ଉଦୁବତେୟାଃ ସବେନାଃଏତେ ବୁଗିନାଃ ତାନାଃ । ୬ ହେ ହାଗା ମିଗିକ, ଆଇଙ୍ଗ ଆପେତାଃତେ ହିଜୁଃକେଦ୍ତେ ପାର୍ମେଶ୍ୱାର୍ତାଃଏତେ ଜେତାନ୍ ଉନୁଦୁବ୍ କାଜି, ସେଣ୍ଟାନ୍ କାଜି, ଆୟାର୍କାଜି, ଆତଃ ଇନିତୁ କାଜି କା ଉଦୁବକେଦ୍ତେ କା ସାରି ଜାଗାର୍ତେଇଙ୍ଗ କାଜିୟା, ଆତଃ ଆପେ କାପେ ବୁଝାଅଃରେଦ ଆପେୟାଃ ଚିୟାଃ ବୁଗିନାଃ ହବାଅଃଆ ?

୭ ମୁରୁଲି ତାଏ ବାନାମ୍ ଲେକାନ୍ ଜୀଉ ବାନଃ ସାଡିତେୟାଃରେ ବୁଗିନ୍ ଲାବ୍ଜା କା ଅତଙ୍ଗଅଃରେଦ, ଏନାରେ ଚିନାଃ ସାଡିତାନା ଏନା ଜେତାଏ କାକ ସାରି ଦାଡିୟା ? ୮ ବିଙ୍ଗୁଲ୍ ସାଡିରେୟାଃ ଲାବ୍ଜା ବୁଗିଲେକା କା ଆୟୁମଃରେଦ, ଲାତାକ ନାଗେନ୍ତେ ଅକଏତାମ୍ ଜାଲ୍ଦି ସେକାଡୁଦାବେନାଏ ? ୯ ଏନ୍ଲେକାଗି, କା ସାରି ଜାଗାର୍ତେ କାଜିରେ, ଅକଏ ବୁଝାଅଃଆଏ ? ନେଆଁ ହୟକେ କାଜିତାନ୍ଲେକା ହବାଅଃଆ । ୧୦ ଅତେଦିଶ୍ୱମ୍ରେ ପୁରାଃଗି ଜାଗାର୍ ମେନାଃ, ମେନ୍ଦ ଏନ୍ ସବେନ୍ ଜାଗାର୍ରେୟାଃ ମୁଛି ମେନାଃ । ୧୧ ଆଇଁୟାଃଲଃ ଜାଗାର୍ତାନ୍ ହଡ଼ରାଃ ଜାଗାର୍ ଆଇଙ୍ଗ କାଇଙ୍ଗ ସାରିରେଦ, ଏନ୍ ହଡ଼ ଆଇଁୟାଃତାଃରେ ଏଟାଃ ଦିଶ୍ୱମ୍ରେନ୍ ହଡ଼ ଲେକାନ୍ନିଃ ତାନିଃ । ଆଇଙ୍ଗ ହିଁ ଆୟାଃତାଃରେ ଏଟାଃ ଦିଶ୍ୱମ୍ରେନ୍ ହଡ଼ ଲେକାଇଙ୍ଗ ହବାଅଃଆ । ୧୨ ଆପେୟ ପାବିତାର୍ ଆମ୍ବୁରେୟାଃ ବାର୍ଦଦାନ୍ ନାମେ ନାଗେନ୍ତେ ପୁରାଃଗିପେ ସାନାଙ୍ଗତାନ୍ ହରାତେ, ଅକନାଃରେ କାଲିସିୟାରାଃ ବୁଗିନାଃ ହବା ଦାଡିୟାଆ, ଏନ୍ ସବେନାଃ ପୁରାଃଗି ନାମେ ନାଗେନ୍ତେ ପୁରାଃଗି ଚେଷ୍ଟାଏପେ ।

୧୩ ଜେତାଏ କା ସାରି ଜାଗାର୍ତେ ଜାଗାର୍ତାନ୍ରେଦ, ଇନିଃ ଏନ୍ କା ସାରି ଜାଗାର୍ତେ କାଜିକାଦ୍ତେୟାଃରାଃ ମୁଛି ଉଦୁବ୍ ନାଙ୍ଗ ବାର୍ଦଦାନ୍ ନାମେ ନାଗେନ୍ତେ ଇନିଃକେ ବିନ୍ତି ଲାଗାଡିଙ୍ଗାୟାଃ । ୧୪ ଚିୟାଃଗି ଆଇଙ୍ଗ କା ସାରି ଜାଗାର୍ତେଇଙ୍ଗ ବିନ୍ତିରେଦ, ଏନା ଆଇଁୟାଃ ଆମ୍ବୁ ବିନ୍ତିୟାଏ, ମେନ୍ଦ ଆଇଁୟାଃ ମନ୍ ଜେଡନାଃ କାଏ ସାରିୟା । ୧୫ ଏନାରେ ଆଇଙ୍ଗ ଚିନାଃଇଙ୍ଗ ଚିକାୟା ? ଆଇଙ୍ଗ ଆମ୍ବାତେଇଙ୍ଗ ବିନ୍ତିୟା, ଏନାଲଃ ଆଇଁୟାଃ ମନ୍ତେହ୍ ବିନ୍ତିୟା, ଆଇଙ୍ଗ ଆମ୍ବାତେଇଙ୍ଗ ଦୁରାଙ୍ଗେଆ, ଏନାଲଃ ମନ୍ତେହ୍ ଦୁରାଙ୍ଗେଆ । ୧୬ ଆପେ ପାର୍ମେଶ୍ୱାର୍ତକେ ଆମ୍ବାତେ ଏସକାର୍ ଧାନ୍ୟାବାଦ୍ ଏମାଇ ଇମ୍ତା, ଏନ୍ନାଃରେ ତାଇକାନ୍ ହଡ଼ ଆପେୟାଃ କାଜି ବେଗାର୍ ବୁଝାଅତେ ଚିଲ୍କାତେ ଆପେଲଃ ଆମେନ୍ ମେନ୍ତେ କାଜିୟା ? ୧୭ ଆପେ ପୁରାଃ ସାର୍ତତିତେ ପାର୍ମେଶ୍ୱାର୍ତକେ ଧାନ୍ୟାବାଦ୍ପେ ଏମାକାୟା, ଏନା ସାର୍ତତିତାନାଃ, ମେନ୍ଦ ଏଟାଃ ହଡ଼ ଜେତାଲେକାତେ ଆଗିଷ୍ଟ କାଏ ନାମେୟା ।

୧୮ ଆଇଙ୍ଗ ଆପେ ସବେନ୍କଏତେ ପୁରାଃଗି କା ସାରି ଜାଗାର୍ତେଇଙ୍ଗ ଜାଗାର୍ ଦାଡିୟା ମେନ୍ତେ ପାର୍ମେଶ୍ୱାର୍ତକେ ଧାନ୍ୟାବାଦ୍ ଏମାଇତାନାଇଙ୍ଗ । ୧୯ ମେନ୍ଦ ଆଇଙ୍ଗ ଏଟାଃକକେହ୍ ଇତୁ ଦାଡିକାଇଙ୍ଗ ମେନ୍ତେ କାଲିସିୟାରେ କା ସାରି ଜାଗାର୍ତେ ହାଜାର୍ ହାଜାର୍ କାଜି କା କାଜିକେଦ୍ତେ, ସବେନ୍କ ସାରିଲେକା ମଣେୟାଁ କାଜି କାଜିତେୟାଃ ପୁରାଃ ବୁଗିନାଃ ମେନ୍ତେଇଙ୍ଗ ଆବ୍କାର୍କେଦା ।

୨୦ ହେ ହାଗାକ, ଆପେୟାଃ ଉଡ଼ଷ୍ଟରେ ସିଟିଆ ଲେକା ଆଲ୍ପେ ହବାଅଃକା, ମେନ୍ଦ ଏଡ଼କାନ୍ ବିଷାଏରେ ସିଟିଆ ଲେକା ହବାଅଃପେ, ଆତଃ ସେଣ୍ଟାନ୍ରେ ଆପେ ପୁରା ହାରା ସେକାଡ଼କାନ୍ ହଡ଼ ଲେକା ହବାଅଃ ଲାଗାଡିଙ୍ଗାୟାଃ । ୨୧ ଧାରାମ୍ପୁଅରେୟାଃ ଆନ୍ତୁରେ ନେଆଁ ଅଲ୍ଲାନା,

“ପ୍ରାଭୁ କାଜିତାନାଏ, କା ସାରି ଜାଗାର୍ତେ କାଜିତାନ୍

ଏଟାଃ ଦିଶ୍ୱମ୍ରେନକଆଃ ମତାତେ,

ଆଇଙ୍ଗ ଆଇଁୟାଃ ହଡ଼କକେଇଙ୍ଗ କାଜିକରେୟ,

ଇନ୍କୁ ଆଇଁୟାଃ କାଜି କାକ ଆୟୁମେୟା ।”

୨୨ ଏନାତେ କା ସାରି ଜାଗାର୍ତେ ଜାଗାର୍ତେୟାଃ ବିଶ୍ୱାସୀ ହଡ଼କଆଃ ନାଗେନ୍ତେ ଜେତାନ୍ ଚିହ୍ନାଁ ନାହାଁଲାଃ, ମେନ୍ଦ କା ବିଶ୍ୱାସ୍ତାନ୍କଆଃ ନାଗେନ୍ତେ ଏସକାର୍ ଚିହ୍ନାଁ ଲେକାନାଃ ତାନାଃ । ଏଟାଃ ହରା ନେଲେରେ, ପାର୍ମେଶ୍ୱାର୍ତାଃ କାଜି ଉଦୁବରେୟାଃ ବାର୍ଦଦାନ୍ କା ବିଶ୍ୱାସ୍ତାନ୍କଆଃ ନାଗେନ୍ତେ ନାହାଁଲାଃ, ମେନ୍ଦ ବିଶ୍ୱାସୀକଆଃ ନାଗେନ୍ତେ କା ସାରି ଜାଗାର୍ ଚିହ୍ନାଁ ଲେକାନାଃ ତାନାଃ ।

୨୩ କାଳିସିନ୍ଧାରେ ହୁଣ୍ଡିକେଦତେ ସବେନକ କା ସାରି ଜାଗାଋତେ ଜାଗାଋ ଏଟେଦଲେରେ, ଏନ୍ତାଋତେ ହିଜୁଋକାନ୍ ଦେହାତି ହଡ଼କ ଚାଏ କା ବିଶ୍ୱାସତାନ୍ ହଡ଼କ, କାଳିସିନ୍ଧାରେନ୍ ସବେନ୍ ହଡ଼କକେ ବାଏହା ମେନ୍ତେ କାକଚି କାଜିକଆ ? ୨୪ ମେନ୍ଦ ଇନ୍କୁ ପାର୍ମେଶ୍ୱାର୍ଆଋ କାନାଜିକେ ଉଦୁବତାନ୍ରେଦ, ଆତଋ ଜେତାଏ ହଡ଼ ଚାଏ କା ବିଶ୍ୱାସତାନ୍ ହଡ଼ ହିଜୁଋରେଦ, ଇନିଋ ସବେନକଆଋତେ ଚିଟାକାନା ମେନ୍ତେ ଆଦକାରଋଆ ଆତଋ ସବେନକଆଋତେ ବିଚାରଋଆ । ୨୫ ଇନିନ୍ଧାଋ ମନ୍ୟୁରୁଦ୍ରେ ଉକ୍ତୁଆକାନ୍ତେୟାଋ ସବେନାଋ ଉଦୁବଋଆ । ଏନ୍ତେ ଇନିଋ ମେଦ୍ ମୁହାଡ଼ ଲାତାରକେଦତେ ଉୟୁଗଋଆ ଆତଋ ପାର୍ମେଶ୍ୱାରକେ ଜହାରତାନ୍ଲଋ କାଜିୟାଏ, “ସାଡ଼ିବି ଆପେୟାଋ ଆଲାରେ ପାର୍ମେଶ୍ୱାର ମେନାଇୟା ।”

କାଳିସିନ୍ଧାରେ ବେଗାର୍ ହାଲାଗୁଲା

୨୬ ହେ ହାଗା ମିଶିକ, ଆଇଙ୍ଗ୍ ଆପେକେ କାଜିରେୟାଋ ମୁଣ୍ଡି ନେୟାତାନାଋ, ସେଝାକାମି ନାଗେନ୍ତେ ହୁଣ୍ଡିନ୍ ଇମ୍ମତା ଜେତାଏ ମିହୁଡ଼ ଦୁରାଙ୍ଗେକାଏ, ଆତଋମିହୁଡ଼ ଇତୁଇକାଏ, ଆତଋମିହୁଡ଼ ପାର୍ମେଶ୍ୱାର୍ଆଋ ଉନ୍ନୁଦୁବ ଉଦୁବେକାଏ, ଆତଋମିହୁଡ଼ କା ସାରି ଜାଗାଋତେ କାଜିକା, ଆତଋମିହୁଡ଼ କା ସାରି ଜାଗାଋରେୟାଋ ମୁଣ୍ଡି କାଜିକାଏ, ନେ ସବେନାଋ କାଳିସିନ୍ଧାଋାଋ ଦେଙ୍ଗା ନାଗେନ୍ତେ ହବାଅଋ ଲାଗାତିଙ୍ଗ୍ୟାଋ । ୨୭ ଜେତାଏ କା ସାରି ଜାଗାଋତେ କାଜିରେଦ, ବାରହଡ଼ ଚାଏ ଏନାଏତେ ଥୁମ୍ବା ହଡ଼ ହବାଅଋରେ, ଆପିହଡ଼, ମିହୁଡ଼ ମିହୁଡ଼ତେ କାଜିକାକ ଏନ୍ତେ ଆତଋମିହୁଡ଼ ଏନାରେୟାଋ ମୁଣ୍ଡି କାଜିକାଏ । ୨୮ ଏନାରେୟାଋ ମୁଣ୍ଡି କାଜି ହଡ଼ କାକ ତାଇନ୍ରେଦ, ଇନିଋ କାଳିସିନ୍ଧାରେ ହାପାକାନ୍ତି ତାଇନ୍କାଏ ଆତଋ ଆଇଋକ୍ଚି ପାର୍ମେଶ୍ୱାରକେ କାଜିକା । ୨୯ ଆତଋ ବାରହଡ଼ ଚାଏ ଆପିହଡ଼ ପାର୍ମେଶ୍ୱାର୍ଆଋ କାଜି ଉଦୁବେକାକ, ଇନ୍କୁ କାଜିତାନ୍ତେୟାଋ ଏଟାଋକ ବିଚାରକେକା । ୩୦ ମେନ୍ଦ୍ ସେଝାକାମିରେ ଦୁବାକାନ୍ତକଏତେ ଜେତାଏ ପାର୍ମେଶ୍ୱାର୍ତାଋଏତେ ଜେତାନ୍ କାଜି ଆୟୁମଲେରେ, ସିଦାରେନ୍ ହଡ଼ ଆୟାଋ ଉଦୁବତାନ୍ କାଜିକେ ହକାଏକା । ୩୧ ସବେନକଆଋ ଇନିତୁ ଆତଋ ଜାଉରେ ରାସକା ନାମ୍ ନାଗେନ୍ତେ ସବେନକ ମିହୁଡ଼ ମିହୁଡ଼ତେ ପାର୍ମେଶ୍ୱାର୍ଆଋ କାନାଜି ଉଦୁବେଦେ । ୩୨ ପାର୍ମେଶ୍ୱାର୍ଆଋ କାନାଜି ଉଦୁବରେୟାଋ ବାରଦାନ୍ ନାମାକାଦ୍ ନାବାକଆଋ ଆମ୍ବା ନାବାକଆଋ ଆବରରେ ତାଇନ୍ ଲାଗାତିଙ୍ଗ୍ୟାଋ । ୩୩ ଚିୟାଋଚି ପାର୍ମେଶ୍ୱାର୍ ହାଲାଗୁଲା କାଏ ସାନାଙ୍ଗ୍ଆଋ, ମେନ୍ଦ୍ ଜାଉସୁକ୍ତେୟାଋ ସାନାଙ୍ଗ୍ଆଋଏ ।

ପାର୍ମେଶ୍ୱାର୍ଆଋ ସବେନ୍ କାଳିସିନ୍ଧାରେନ୍ ହଡ଼କ ଲେକା, ୩୪ ଆପେୟାଋ କାଳିସିନ୍ଧାରେୟାଋ ଦୁନ୍ଦୁବକରେ କୁଡ଼ିକ ହାପାକାନ୍ତି ତାଇନ୍ ଲାଗାତିଙ୍ଗ୍ୟାଋ । ଇନ୍କୁକେ ଏନ୍ତାଋରେ କାଜି ନାଗେନ୍ତେ କା ଆରୁକାନା । ମେନ୍ଦ୍ ଯିହୁଦାକଆଋ ଆନ୍ଦୁ ଲେକାତେ ଇନ୍କୁ ଆପାନ୍ତକେ ଆବରକେଦତେ ତାଇନ୍ ଲାଗାତିଙ୍ଗ୍ୟାଋ । ୩୫ ଇନ୍କୁ ଜେତନାଋ ସାରି ନାଗେନ୍ତେକ ସାନାଙ୍ଗ୍ରେଦ, ଅତାଋରେ ଆପନାଋ କଡ଼ାକକେ କୁଲିକାକ, ଚିୟାଋଚି କାଳିସିନ୍ଧାରେୟାଋ ଦୁନ୍ଦୁବରେ କୁଡ଼ିକ ଜାଗାଋତେୟାଋ ଗିହୁଋରାଋ କାଜିତାନା ।

୩୬ ପାର୍ମେଶ୍ୱାର୍ଆଋ ବଚାନ୍ ଚିନାଋ ଆପେତାଋଏତେ ହିଜୁଆକାନ୍ ତାଇକେନା ? ୩୭ ଆପେକଏତେ ଜେତାଏ ମିହୁଡ଼, ଆଇଙ୍ଗ୍ ଆୟାରକାଜିନିଋ ଚାଏ ଆମ୍ବାରେୟାଋ ବାରଦାନ୍ ନାମାକାନ୍ନିଋ ତାନିଙ୍ଗ୍ ମେନ୍ତେ କାଜିରେଦ, ଇନିଋ ସାରିକାଏ ଯେ, ନେତାଋରେ ଆଇଙ୍ଗ୍ ଅଲ୍ଲାକାଦ୍ତେୟାଋ, ପ୍ରାଭୁଆଋ ଆନାରୁତାନାଋ । ୩୮ ମେନ୍ଦ୍ ଇନିଋ ନେ କାଜିକକେ କା ସାରିଲେକା ମେନାଇରେଦ, ଇନିଋ ଆଇଋକ୍ଚି କା ସାରିଲେକାଏ ହବାଅଋଆ ।

୩୯ ଏନାତେ ହେ ହାଗା ମିଶିକ, ପାର୍ମେଶ୍ୱାର୍ଆଋ କାନାଜି ଉଦୁବ ନାଗେନ୍ତେ ପୁରାଋଗି ରାସକାଅଋଦେ, ଆତଋ କା ସାରି ଜାଗାଋତେ କାଜିତାନ୍ତକକେ ଆଲ୍ଲୁଦେ ମାନାକଆ । ୪୦ ସବେନ୍ କାଜି ବୁଗିଲେକାତେ ଆତଋ ବେଗାର୍ ହାଲାଗୁଲାତେ କାମି ରିକା ଲାଗାତିଙ୍ଗ୍ୟାଋ ।

୧୫

ୟାଶୁ ଖ୍ରୀଷ୍ଟଆଋ ଜୀଉବିନିରିଦ୍

୧ ହେ ହାଗା ମିଶିକ, ଆଇଙ୍ଗ୍ ଆପେତାଋରେ ଉଦୁବକାଦ୍ ସୁକ୍ତକାଜିକେ ନାମାକାଦାପେ ଆତଋ ଏନାରେ ଆପେୟାଋ ବିଶ୍ୱାସ୍ ତିଙ୍ଗ୍କେଟେଦକାନା । ଆଇଙ୍ଗ୍ ଆପେକେ ଏନ୍ ବିଷାଏ ଦାହାମ୍ଭାଚି ନାଗେନ୍ତେଇଙ୍ଗ୍ ସାନାଙ୍ଗ୍ତାନା । ୨ ଆଇଙ୍ଗ୍ ଆପେତାଋରେ ଉଦୁବକାଦ୍ ବୁଗିନ୍ କାଜିଗି ସୁକ୍ତକାଜି ତାନାଋ । ଆପେ ଏନ୍ ସୁକ୍ତକାଜିରେୟାଋ କାଜିରେ ପୁରାଋ ପକ୍ତକାଦ୍ତେଦେ ବିଶ୍ୱାସେରେଦ, ଜୀଉବାଞ୍ଚାଅପେ ନାମେୟା । କାରେଦ, ଆପେୟାଋ ବିଶ୍ୱାସ୍ ସାମାତାନାଋ ।

୩ ଆଇଙ୍ଗ୍ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବପେତାନ୍ତେୟାଋ ପୁରାଋ ବୁଗିନାଋ ତାନାଋ । ଏନା ହବାଅଋତାନା, ଧାରାମ୍ପଦ୍ଥିରେ ଅଲ୍ଲାକାନ୍ ଲେକା, ଖ୍ରୀଷ୍ଟ୍ ଆବୁଆଋ ପାପ୍ ନାଗେନ୍ତେ ଗଏଋୟାନା,

୪* ଧାରାମୁଖରେ ଅଲୀକାନ୍ ଲେକା, ତପାଗାଡ଼ାରେ ତପାୟନା ଆତଃ ଆଦି ମାହାଁରେ ଜୀଉବିରିଦୟାନା । ୫* ଜନିଃ ପାଦରାସ୍ ଆତଃ ଆୟାଃ ସବେନ୍ ଗେଲକାର୍ ଚେଲକତାଃରେ ତାୟମତେ ଉଦୁବେନ୍ୟାନା । ୬* ଏନ୍ତେ ଜନିଃ ଆଇଃକକେ ଅତଙ୍ଗିକ୍ତାନ ୫୦୦ ହେତେ ଆଦକା ହାଗା ମିଶିକତାଃରେ ମିସାତେ ଉଦୁବେନ୍ୟାନା । ଜନ୍କୁଏତେ ତିମିନ୍ ହଡ଼କ ଗଏଃୟାନା, ମେନ୍ଦ୍ ତିମିନ୍ ହଡ଼କ ନାହାଁଃ ଜାକେଦ୍ ମେନାକଥା । ୭* ଏନ୍ତେ ଜନିଃ ତାୟମତେ ଯାକୁବ୍ ଆତଃ ସବେନ୍ ପ୍ରେରିଡ଼କତାଃରେ ଉଦୁବେନ୍ୟାନା ।

୮* ଆଇଙ୍ଗ୍ କା ହୁୟଃ ନେତାରେ ଜାନାମ୍ନାନରେୟ, ଚୁଣ୍ଡୁରେ ଜନିଃ ଆଇଁୟାଃତାଃରେ ଉଦୁବେନ୍ୟାନା । ୯* ଆଇଙ୍ଗ୍ ପାର୍ମେଶ୍ୱାର୍ଆଃ କାଲିସିୟାକେ ସିରିଦକାଦ୍ ହରାତେ, ଆଇଙ୍ଗ୍ ପ୍ରେରିଡ଼ ମେନ୍ତେ ନୁତୁମଃ ଲେକାନିଃ ନାହାଁଲିଙ୍ଗ୍ । ୧୦ ମେନ୍ଦ୍ ଆଇଙ୍ଗ୍ ନାହାଁଃ ପାର୍ମେଶ୍ୱାର୍ଆଃ ସାୟାଦ୍ ହରାତେ ପ୍ରେରିଡ଼ ମେନ୍ତେଇଙ୍ଗ୍ ନୁତୁମାକାନା, ଆତଃ ଜନିଃ ଆଇଙ୍ଗ୍କେ ଏମାକାଦିଙ୍ଗ୍ ସାୟାଦ୍ କା ସାମାଏଶ୍ୱାଃକାନା । ମେନ୍ଦ୍ ଆଇଙ୍ଗ୍ ଏଗାଃ ସବେନ୍ ପ୍ରେରିଡ଼କତାଃଏତେ ପୁରାଃଟି କେଟେଦ୍ କାମିଇଙ୍ଗ୍ କାମିକାଦରେୟ, ଏନା ଆଇଁୟାଃ ଆପାନାଃ କେଟେଦ୍ କାମି ଏସକାର୍ ନାହାଁଲାର, ମେନ୍ଦ୍ ପାର୍ମେଶ୍ୱାର୍ଆଃ ସାୟାଦ୍ ହାଁ ଆଇଁୟାଃଲଃ ମେସାକାନା । ୧୧ ଏନାତେ, ଆଇଙ୍ଗ୍ ହବାଅଃ ଚାଏ ଜନ୍କୁ, ଆଲେ ସବେନ୍କ ଏନ୍ ମିଆଁଦ୍ରି କାଜିଲେ ଉଦୁବତାନା ଆତଃ ଆପେ ଏନାରେ ବିଶ୍ୱାସତାନାପେ ।

ଆରୁଆଃ ଜୀଉବିନିରିଦ୍

୧୨ ଖ୍ରୀଷ୍ଟ ଗନଏଃହେତେ ଜୀଉବିନିଦକାନାଏ, ନେଆଁଗି ଆଲେ ଉଦୁବେତାନ କାଜି ତାନାଃ । ଏନ୍ରେୟ ଆପେକଏତେ ତିମିନ୍ ହଡ଼କ ଗନଏଃହେତେ ଜୀଉବିନିରିଦ୍ତେୟାଃ ବାନଃଆ ମେନ୍ତେ ଚିଲକାପେ କାଜିତାନା ? ୧୩ ଗନଏଃ ହଡ଼କଆଃ ଜୀଉବିନିରିଦ୍ ବାନଃରେଦ୍, ଖ୍ରୀଷ୍ଟ୍ ଜୀଉ କାଏ ବିରିଦକାନା; ୧୪ ଆତଃ ଖ୍ରୀଷ୍ଟ୍ଆଃ ଜୀଉବିନିରିଦ୍ କା ହବାକାନରେଦ୍, ଆଲେୟାଃ ଉନୁଦୁବ୍ ସାମାତାନା ଆତଃ ଆପେୟାଃ ବିଶ୍ୱାସ୍ ସାମାତାନା । ୧୫ ଏନାତେ ଆରୁ ପାର୍ମେଶ୍ୱାର୍ଆଃ ବିଷାଏରେ ହସଡ଼ ଗାଝା ଏମତାନ ଲେକାରୁ ହବାଅଃଆ, ଚିୟାଃଟି ପାର୍ମେଶ୍ୱାର୍ ଖ୍ରୀଷ୍ଟକେ ଗନଏଃହେତେ ଜୀଉବିନିଦକିୟାଏ ମେନ୍ତେ ଗାଝାରୁ ଏମତାନା । ଗନଏଃ ହଡ଼କଆଃ ସାର୍ଡ଼ିଗି ଜୀଉବିନିରିଦ୍ ବାନଃରେଦ୍, ଖ୍ରୀଷ୍ଟକେ ପାର୍ମେଶ୍ୱାର୍ ଗନଏଃହେତେ କାଏ ବିରିଦ୍ । ୧୬ ଆତଃ ଗନଏଃ ହଡ଼କ କାକ ଜୀଉବିନିଦଃରେଦ୍, ଖ୍ରୀଷ୍ଟ୍ କାଏ ଜୀଉବିରିଦ୍ । ୧୭ ଆତଃ ଖ୍ରୀଷ୍ଟ୍ ଗନଏଃହେତେ କାଏ ଜୀଉବିନିଦକାନରେଦ୍, ଆପେୟାଃ ବିଶ୍ୱାସ୍ ସାମା ତାନାଃଆତଃ ଆପେ ନାହାଁଃ ଜାକେଦ୍ ଆପେୟାଃ ପାପରେ ମେନାପେୟା । ୧୮ ଏନ୍ରେଦ୍, ଗଜାକାନ ଖ୍ରୀଷ୍ଟ୍ ବିଶ୍ୱାସକହ୍ ଜିୟନକାନାକ । ୧୯ ଖ୍ରୀଷ୍ଟ୍ରେ ଆରୁଆଃ ଆସା ନେ ଜୀଦାନ ନାଗେନ୍ତେ ଏସକାର୍ ତାନାଃରେଦ୍, ଏଗାଃ ସବେନ୍କତାଃଏତେ ଆରୁଆଃ ଦାସା ପୁରାଃ ନାରାଦୁରା ହବାଅଃଆ ।

୨୦ ମେନ୍ଦ୍ ସାର୍ଡ଼ିଗି ଖ୍ରୀଷ୍ଟ୍ ଗଜାକାନ ହଡ଼କଆଃ ଜୀଉବିନିରିଦକେ ସାର୍ଡ଼ି ତାନାଃ ମେନ୍ତେ ଉଦୁବ୍ ନାଙ୍ଗ୍ ଜନିଃଟି ଜନ୍କୁଆଃଏତେ ସିଦାରେ ଜୀଉବିନିଦୟାନାଏ । ୨୧ ଚିୟାଃଟି ମିହୁଡ଼୍ ହରାତେ ଗନଏଃ ଅତେଦିଶ୍ୱମରେ ହିଲୁଃୟାନା । ଏନ୍ଲେକାଗି ମିହୁଡ଼୍ ହରାତେ ଗନଏଃ ହଡ଼କଆଃ ଜୀଉବିନିରିଦ୍ ହିଲୁଆକାନା । ୨୨ ଆଦାମଲଃ ମେସାକାନ ହରାତେ ସବେନ୍ ହଡ଼କଆଃ ଗନଏଃ ମେନାଃ, ଏନ୍ଲେକାଗି ଖ୍ରୀଷ୍ଟ୍ଲଃ ମେସାକାନ ହରାତେ ସବେନ୍ ହଡ଼କ ଗନଏଃହେତେ ଜୀଉବିନିଦାଃକ । ୨୩ ମେନ୍ଦ୍ ସବେନ୍କ ଏନ୍ ମିଆଁଦ୍ ନେତାରେଗି ଜୀଉବିନିଦାଃକ । ସବେନ୍କଆଃଏତେ ସିଦାରେ ଖ୍ରୀଷ୍ଟ୍ ଜୀଉବିନିଦକାନାଏ, ଏନାତେ ଜନିୟାଃ ଆତଃମିସା ହିଲୁଃ ନେତାରେ ଆୟାଃ ହଡ଼କ ସିଦାତେ ଜୀଉବିନିଦାଃକ । ୨୪ ଏନ୍ତେ ଚୁଣ୍ଡୁ ଦିପିଲି ସେଟେରା । ଖ୍ରୀଷ୍ଟ୍ ସବେନ୍ ଏଡ଼କାନ ଆମ୍ନା, ଅକଏତାଃରେଟି ସବେନ୍ ଆକ୍ତେୟାର୍, ପେଡ଼େଃ ଆତଃ ପୁରାଃ ପେଡ଼େୟାନ୍ତେୟାଃକ ଜିୟନକେଦ୍ତେ ଆୟାଃ ଆବା ପାର୍ମେଶ୍ୱାର୍କେ ରାଇଙ୍ଗ୍ ଜିମାଇୟାଏ । ୨୫ ଚିୟାଃଟି ପାର୍ମେଶ୍ୱାର୍ ସବେନ୍ ବାଇରିକକେ ହାରାଅକେଦ୍ତେ ଖ୍ରୀଷ୍ଟ୍ଆଃ କାଗା ଲାତାରରେ ଦହକ ଜାକେଦ୍ ଖ୍ରୀଷ୍ଟ୍ ରାଇଜେୟାଏ । ୨୬ ଚୁଣ୍ଡୁ ବାଇରିଆଃ ହାରାଅଗି ଚୁଣ୍ଡୁରେ ଗନଏଃ ହବାଅଃଆ । ୨୭ ଚିୟାଃଟି ଧାରାମୁଖରେ ଅଲୀକାନା, “ପାର୍ମେଶ୍ୱାର୍ ସବେନାଃ ଖ୍ରୀଷ୍ଟ୍ଆଃ ଆକ୍ତେୟାର୍ରେ ଦହେୟା ।” ଏନ୍ “ସବେନ୍ ବିଷାଏ” ମେନ୍ତେ ଅଲୀକାନା ଏନାରେ ପାର୍ମେଶ୍ୱାର୍ କାଏ ମେସାକାନା, ମେନ୍ଦ୍ ଜନିଃ ସବେନ୍ ବିଷାଏକେ ଖ୍ରୀଷ୍ଟ୍ଆଃ ଆକ୍ତେୟାର୍ରେ ଦହେୟା । ୨୮ ଆତଃ ସବେନାଃ ଖ୍ରୀଷ୍ଟ୍ଆଃ ଆକ୍ତେୟାର୍ରେ ଦହକେଦ୍ ତାୟମତେ, ଖ୍ରୀଷ୍ଟ୍ ଅକଏଟି ହନ୍ ତାନିଃ,

* ୧୫:୪ ୧୫:୪ ମାଥୁର ୧୨:୪୦; ପ୍ରେରିଡ଼ ୨:୨୪-୩୨. * ୧୫:୫ ୧୫:୫ ଲୁକ ୨୪:୩୪; ମାଥୁର ୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୭; ଯୋହାନ୍ ୨୦:୧୯. * ୧୫:୮ ୧୫:୮ ପ୍ରେରିଡ଼ ୯:୩-୬. * ୧୫:୯ ୧୫:୯ ପ୍ରେରିଡ଼ ୮:୩.

ଇନିଃ ଆଇଃକବି ଆବା ପାର୍ବନେଶ୍ୱାର୍ଥାଃ ଆକତେୟାର୍ରେ ତାଇନା ଆତଃ ସବେନ୍ ବିଷାଏରେୟାଃ ଚେତାନରେ ପାର୍ବନେଶ୍ୱାର୍ଥାଃ ରାଇଜ୍ ପୁରାଅଃଆ ।

୨୯ ଗଜାକାନ୍ ହଡ଼କ ନାଗେନ୍ତେ ଅକନ୍ଦ ବାପ୍ତିସ୍ତା ଇଦିତାନାକ, ଇନ୍କୁଆଃ ବିଷାଏରେ ତିନାଃବୁ କାଜିୟା ? ତିନିନ୍ ହଡ଼କଆଃ କାଜିଲେକାତେ, ଗଜାକାନ୍ ହଡ଼କଆଃ ଜୀଉବିନିରିଦ୍ ବାନଃରେଦ, ଇନ୍କୁ ନାଗେନ୍ତେ ଏଗାଃ ହଡ଼କ ତିନାଃନେନ୍ତେ ବାପ୍ତିସ୍ତା ଇଦିତାନାକ ? ୩୦ ଆତଃ ଆବୁ ତିନାଃନେନ୍ତେ ସବେନ୍ ଇମ୍ତା ସାଙ୍କାଟ୍ରେବୁ ଉୟୁଗଃତାନା ? ୩୧ ହେ ହାଗା ମିଶିକ, ଆବୁଆଃ ଜୀଦାନ୍, ପ୍ରାଭୁ ଯୀଶୁ ଖ୍ରୀଷ୍ଟଲଃ ମେସାକାନ୍ ହରାତେ, ଆପେୟାଃ ନାଗେନ୍ତେ ଆଇଙ୍ଗ୍ ବହଃ ରିମ୍ବେକଦ୍ତେ କାଜିତାନାଇଙ୍ଗ୍, ଆଇଙ୍ଗ୍ ସବେନ୍ ହୁଲାଇ ଗନ୍ଏଃ ଗାଡ଼ାରେଇଙ୍ଗ୍ ଉୟୁଗଃତାନା । ୩୨ ଆଇଙ୍ଗ୍, ହଡ଼କଆଃ ସାନାଙ୍ଗ୍ ଲେକାତେ ଏସକାଟ୍ ଏପିସ୍ତୁସ୍ତେ ବିର୍ ଜାତୁକଲଃ ଲାଡ଼ାଇକାନ୍ରେଦ, ଆଇଁୟାଃ ଚିକାନ୍ ଲାଭୁ ? ମେନ୍ଦ୍ ଗଜାକାନ୍ଦ୍‌ଆଃ ଜୀଉବିନିରିଦ୍ କା ହବାଅଃରେଦ, କାଜି ଲେକାତେ, “ଏଲା ହିଜୁଃପେ, ଜମ୍ ନୁଁକେଦ୍ତେ ଜୀଝାନ୍ଦ୍‌ବୁ ବିତାଅୟା, ତିୟାଃଚି ହିଜୁଃ ହୁଲାଇଦ୍ ଆବୁକେ ଗଜଃ ଲାଗାତିଙ୍ଗ୍‌ୟାଃ ।”

୩୩ ଆପେ ଆଲ୍ପେ ବେଦାଅଃଆ । “ଏଡ଼କାନ୍ ସାଙ୍ଗାତି ବୁଗିନ୍ ଗଇଲ୍ ଗଲାଇକେ ଜିୟନେୟା ।” ୩୪ ଏନାତେ ଆପେ ଲାଗାତିଙ୍ଗ୍‌ଲେକା ଚେତାଅଃପେ, ପାପ୍ କାମ୍ ଆଲ୍ପେୟାଃ । ଆପେକଏତେ ତିନିନ୍ ହଡ଼କ ପାର୍ବନେଶ୍ୱାର୍ରେକେ କାକ ସାରିୟା, ଏନାମେନ୍ତେ ଆଇଙ୍ଗ୍ ଆପେକେ ଗିହୁଃ ଇଚିପେ ନାଗେନ୍ତେ ନେ କାଜିଙ୍ଗ୍ କାଜିତାନା ।

ଜୀଉବିନିରିଦ୍ ହଡ଼କ

୩୫ ଜେତାଏ ଆପେକେ କୁଲି ସାକାଅପେୟାକ, “ଗଜାକାନ୍ଦ୍ ଚିଲ୍‌କାତେ ଜୀଉବିନିଦାଃକ ? ଆତଃ ଇନ୍କୁ ଚିଲ୍‌କାନ୍ ହଡ଼କତେକ ହିଜୁଃଆ ?” ୩୬ ଆପେ ତିନିନ୍ ତଣ୍ଡକ ତାନ୍ଦ୍ପେ ! ହେରାକାନ୍ ହିତା ଆଉରି ଗଜଃ ଜାକେଦ୍ କା ଅମନଃଆ, ନିମ୍ନାଙ୍ଗ୍‌ହୁଁ କାପେ ସାରିୟା ? ୩୭ ଆତଃ ଅକନ୍ ଦାରୁ ହାରାଅଃଆ, ଏନାକେ ଆପେ କାପେ ହେରାକାଦା, ମେନ୍ଦ୍ ଆଇଁୟାଃ ନେଦ୍ ହେରାକାଦ୍‌ତେୟାଃ ହବାସାକାଅଆଃ ଗିହମ୍‌ଜାଙ୍ଗ୍ ଚାଏ ଏଗାଃ ହିତାଜାଙ୍ଗ୍ ତାନାଃ । ୩୮ ମେନ୍ଦ୍ ପାର୍ବନେଶ୍ୱାର୍ ଆୟାଃ ମନେଲେକା ଏନାରେୟାଃ ହଡ଼କଲଃ ହିତାଜାଙ୍ଗ୍ ଏମାଃଏ, ଆତଃ ସବେନ୍ ହିତାଜାଙ୍ଗ୍‌କେ ଏନାଲେକାଗି ହଡ଼କ୍ ଏମାଃଏ ।

୩୯ ସବେନ୍ ଜୀନିଦ୍‌ତାନ୍‌କଆଃ ହଡ଼କ୍ ମିଦ୍‌ଲେକା ବାନଃଆ । ହଡ଼କରଃ ହଡ଼କ୍ ଏଗାଃ ରାକାମ୍ ମେନାଃ, ଜାତୁରାଃ ହଡ଼କ୍ ଏଗାଃ ରାକାମ୍ ମେନାଃ, ଚେଟ୍ଟୋରଃ ହଡ଼କ୍ ଏଗାଃ ରାକାମ୍ ମେନାଃ ଆତଃ ହାକୁରାଃ ହଡ଼କ୍ ଏଗାଃ ରାକାମ୍ ମେନାଃ ।

୪୦ ସିମ୍‌ରାଃ ହଡ଼କ୍ ମେନାଃ ଆତଃ ଅତେରଃ ହଡ଼କ୍‌ହୁଁ ମେନାଃ, ମେନ୍ଦ୍ ଅତେରେୟାଃ ହଡ଼କ୍‌ରାଃ ସୁଗାଡ଼ାନ୍‌ତାଃଏତେ ସିମ୍‌ରେୟାଃ ହଡ଼କ୍‌ରାଃ ସୁଗାଡ଼ାନ୍‌ତେୟାଃ ଏଗାଃ ରାକାମ୍ ମେନାଃ । ୪୧ ସିଜ୍‌ରାଃ ସୁଗାଡ଼ାନ୍ ଏଗାଃ ରାକାମ୍ ମେନାଃ, ଚାଣ୍ଡୁରାଃ ସୁଗାଡ଼ାନ୍ ଏଗାଃ ରାକାମ୍ ମେନାଃ, ଆତଃ ଇପିଲ୍‌କଆଃ ସୁଗାଡ଼ାନ୍ ଏଗାଃ ରାକାମ୍ ମେନାଃ, ଆତଃଚି ଇପିଲ୍‌କ ଆଲ୍‌ରେୟାଃ ଏଗାଃ ଏଗାଃ ରାକାମ୍‌ରେୟାଃ ସୁଗାଡ଼ାନ୍ ମେନାଃ ।

୪୨ ଗଜାକାନ୍ ହଡ଼କଆଃ ଜୀଉବିନିରିଦ୍‌ହ ଏନ୍‌ଲେକାଗି ମେନାଃ । ତପାକାନ୍ ହଡ଼କ୍ ଜିୟନଃଆ ଆତଃ ଜୀଉ ବିରିଦ୍‌ରେ କା ଜିୟନଃଆ । ୪୩ ତପାଅଃ ଇମ୍ତା ସିଡ୍‌ରୁ ଆତଃ ନାରାଦୁରାକେଦ୍ତେ ତପାଅଃଆ, ମେନ୍ଦ୍ ଜୀଉବିନିରିଦ୍‌ରେ ସୁଗାଡ଼ାନ୍ ଆତଃ ପେଡ୍‌ୟାନ୍‌ଗି ହବାଅଃଆ । ୪୪ ତପାଅଃ ଇମ୍ତା, ହଡ଼କ୍‌ତାୟାଃ ଗଜାକାନ୍‌ଗି ତାଇନା, ମେନ୍ଦ୍ ଜୀଉବିନିରିଦ୍‌ରେ ଆମ୍‌ରେୟାଃ ହଡ଼କ୍ ହବାଅଃଆ । ସାର୍‌ତି ହଡ଼କ୍ ମେନାଃରେଦ, ଆମ୍‌ରେୟାଃ ହଡ଼କ୍‌ହୁଁ ମେନାଃ । ୪୫ ଯାରାମ୍‌ପୁଅରେ ଅଲ୍‌କାମା, “ସିଦାରେନ୍ ହଡ଼, ଆଦାମ୍, ଜୀନିଦ୍ ହଡ଼ ହବାୟାନ୍‌ଏ, ମେନ୍ଦ୍ ଚୁଣ୍ଡୁରନ୍ ଆଦାମ୍ ଜୀଦାନ୍ ଏମାଃ ଆମ୍ ହବାୟାନ୍‌ଏ । ୪୬ ସିଦାତେ ଆମ୍‌ରେୟାଃ ହଡ଼କ୍ କା ତାଇକେନା, ମେନ୍ଦ୍ ସିଦା ସାର୍‌ତି ହଡ଼କ୍ ତାଇକେନା, ଏନ୍ ତାୟମ୍‌ତେ ଆମ୍‌ରେୟାଃ ହଡ଼କ୍ ହିଜୁଃୟାମା । ୪୭ ପାହିଲା ହଡ଼ ଆଦାମ୍ ତାଇକେନାଏ, ଇନିଃ ଅତେରେୟାଃ ଧୁଡ୍‌ତେ ବାଇୟାକାନ୍ ତାଇକେନା, ଏନ୍ତେ ଆତଃମିହୁଡ୍ ଆଦାମ୍ ସିମ୍‌ଏତେ ହିଜୁଃୟାମା । ୪୮ ଅତେରେନ୍ ହଡ଼କ୍, ଏନ୍ ଅତେରେୟାଃ ଧୁଡ୍‌ତେ ବାଇୟାକାନ୍ ହଡ଼ ଲେକାଃକ, ଆତଃ ସିମ୍‌ରେ ମେନାଃକ ହଡ଼କ୍, ଏନ୍ ସିମ୍‌ଏତେ ହିଜୁଆକାନ୍ ହଡ଼ ଲେକାଃକ ।” ୪୯ ଆବୁ ନାହାଃ ଅତେରେୟାଃ ଧୁଡ୍‌ତେ ବାଇୟାକାନ୍ ଏନ୍ ହଡ଼ ଲେକା ମେନାବୁଆ, ଏନ୍‌ଲେକାଗି ମୁସିଙ୍ଗ୍ ହୁଲାଇ ଆବୁ ଏନ୍ ସିମ୍‌ଏତେ ହିଜୁଆକାନ୍ ହଡ଼ ଲେକାବୁ ହବାଅଃଆ ।

୫୦ ହେ ହାଗା ମିଶିକ, ଆଇଁୟାଃ କାଜିରେୟାଃ ମୁଣ୍ଡି ହବାଅଃତାନା, ମାୟୋମମାୟ ହଡ଼ମ୍ପ ସାବକେଦତେ ଆବୁ ପାର୍ବମେଶ୍ୱାର୍ଆଃ ରାଜକ୍ରେୟାଃ ହିସା କାବୁ ହବାଦାଡ଼ିୟାଃଆ, ଚାଏ ଜିୟନଃ ହଡ଼ମ୍ପ କା ଜିୟନଃ ହଡ଼ମ୍ପକେ କାଏ ଆକ୍ରେୟାର୍ ଦାଡ଼ିୟା ।

୫୧ *ଆଇଙ୍ଗ୍ ଆପେକେ ମିଆଁଦ୍ ଉକ୍ତୁଆକାନ୍ ସାର୍ତ୍ତି କାଜିଙ୍ଗ୍ କାଜିପେତାନା, ଆବୁ ସବେନ୍ କାବୁ ଗଜଃଆ । ମେନ୍ଦ୍ ବୁଣ୍ଡୁବୁଣ୍ଡୁଲବାଜା ସାଡ଼ିୟାନ୍ ଇମ୍ପତାଲଃଗି ବାଦ୍ଲାଃଃଃଃ । ୫୨ ନେଆଁ ଇମ୍ପତାଗି ମେନ୍ଦ୍ ରାପିଦଃଲେକା ହବାଅଃଆ । ବିଜୁଲ୍ ବାଜା ସାଡ଼ି ଇମ୍ପତା ଗଜକାନ୍ ବିଶ୍ୱାସୀକ କା ଜିୟନଃ ନାଗେନ୍ତେକ ବିରିଦା, ଆତଃ ଆବୁ ସବେନ୍ଦ୍ ବାଦ୍ଲାଃଃଃଃ । ୫୩ ଚିୟାଃଗି ନେ ଜିୟନଃ ହଡ଼ମ୍ପକେ କା ଜିୟନଃ ଲେକାନ୍ ଲିଜାଃ ତୁସିଙ୍ଗ୍ ଲାଗାଡ଼ିଙ୍ଗ୍ୟାଃ, ଆତଃ ନେ ଅତେରେୟାଃ ଧୁଡ଼ିରାଃ ଗନଃଏଃ ହଡ଼ମ୍ପକେ ଚିଉଲାଇଆ କା ଗଜଃ ଲେକାନ୍ ଲିଜାଃ ତୁସିଙ୍ଗ୍ ଲାଗାଡ଼ିଙ୍ଗ୍ୟାଃ । ୫୪ ନେ ଗନଃଏଃ ହଡ଼ମ୍ପ ଚିଉଲାଇଆ କା ଗଜଃ ହଡ଼ମ୍ପରେ ବାଦ୍ଲାଅକେନଃରେଦ, ଧାରାମ୍ପୁଅରେ ଅଲାଇକାନ୍ ନେ କାଜି ସାର୍ତ୍ତି ହବାଅଃଆ : “ଗନଃଏଃ ଜିୟନ୍ୟାନା, ଆତଃ ଜିନିତାଅ ପୁରାୟାନା !”

୫୫ “ଏ ଗନଃଏଃ, ଆମାଃ ଜିତାଅ କତାଃରେୟା ?

ଏ ଗନଃଏଃ, ଆମାଃ ଗନଃଏଃରାଃ ତୁଡ଼ତେୟାଃ କତାଃରେୟା ?”

୫୬ ତୁଡ଼ତେୟାଃରାଃ ପେଡ଼େଃ, ଗନଃଏଃ ପାପତାଃଏତେ ନାମାଃଏ, ଆତଃ ମୁଗାରାଃ ଆନ୍ତୁତାଃଏତେ ପାପ ପେଡ଼େଃ ନାମାଃଏ । ୫୭ ମେନ୍ଦ୍ ପାର୍ବମେଶ୍ୱାର୍ ଆବୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍ଆଃ ହିରାତେ ଆବୁକେ ଜିତାଅକାଦ୍ବୁଆଏ, ଇନିୟାଃ ଧାନଧାବାଦ୍ ହବାଅଃକା ।

୫୮ ଏନାମେନ୍ତେ ହେ ଦୁଲାଇଡ୍ ହାଗା ମିଶିକ, ତିଙ୍ଗ୍ କେଟେଦ୍କାନ୍ଦପେ ଆତଃ ଆବରାକାନ୍ ତାଇନ୍ଦପେ । ପ୍ରାଭୁଆଃ କାମିରେ ସବେନ୍ ଇମ୍ପତା ଚିହ୍ଲୁଲଃପେ । ଚିୟାଃଗି ଆପେ ସାରିତାନାପେ, ପ୍ରାଭୁ ନାଗେନ୍ତେ ଆପେୟାଃ କାମି କା ସାମାଅଃଆ ।

୧୭

ପାର୍ବମେଶ୍ୱାର୍ଆଃ ହଡ଼କ ନାଗେନ୍ତେ ଦେଙ୍ଗାରେୟାଃ ଦାନ୍

୧ *ଯିହୁଦାରେନ୍ ପାର୍ବମେଶ୍ୱାର୍ଆଃ ହଡ଼କ ନାଗେନ୍ତେ ଦାନ୍ ଏମ୍ପରେ ଦେଙ୍ଗା ନାଙ୍ଗ୍ ଆଇଁୟାଃ ସାଲ୍ହା ନେଆଁ ତାନାଃ, ଆଇଙ୍ଗ୍ ଗାଲାଡ଼ିୟ ପାର୍ଗାନ୍ଦରେ ତାଇନ୍ଦତାନ୍ କାଲିସିୟାକକେ କାମି ନାଙ୍ଗ୍ କାଜିକାଦ୍କ ଲେକା ଆପେୟ ଏନ୍ଲେକାଗି କାମିପେ । ୨ ଆଇଙ୍ଗ୍ ସେନ୍ରେ ଦାନ୍ ହାରମ୍ ନାଗେନ୍ତେ କା ଲାଗାଡ଼ିୟଃଆ, ଏନାମେନ୍ତେ ସବେନ୍ ହାପ୍ରାରେୟାଃ ପାହିଲା ହୁଲାଇରେଗି ଆପେୟାଃ ନାଲାଇହେତେ କାଟିଃଲେକା ଟାକା ପାଏସା ଆପାନ୍ରେ ଦହେପେ । ୩ ଆତଃ ଆପେ ଅକନ୍ଦକେ ବୁଗିନ୍ ହଡ଼ ତାନ୍ଦ୍ ମେନ୍ତେପେ ଆଟ୍ କାର୍ଡରୁମ୍କାଦ୍କଆ, ଇନ୍ଦକ୍ତେ ଆଇଙ୍ଗ୍ ସେନ୍ରେ ଅନଲ୍ଡିଠା ଏମ୍ପକେଦ୍ତେ ଆପେୟାଃ ଦାନ୍ଲଃ ଯାରୁଗାଲେମ୍ପଡେଇଙ୍ଗ୍ କୁଲ୍କଆ । ୪ ଆଇଙ୍ଗ୍କେହିଁ ସେନ୍ ଲାଗାଡ଼ିଙ୍ଗ୍ରେ, ଇନ୍ଦକ୍ତୁ ଆଇଁୟାଃଲଃକ ସେନ୍ ଦାଡ଼ିୟା ।

ପାଉଲୁସ୍ଆଃ କବିଚ୍ଛିନ୍ତେ ସେନ୍ରେୟାଃ ଉହାବ୍

୫ *ଆଇଙ୍ଗ୍ ମାକିଦନିଆତେ ସେନ୍ ତାୟମତେ ଆପେତାଃଡେଇଙ୍ଗ୍ ସେନା, ଚିୟାଃଗି ଆଇଙ୍ଗ୍ ମାକିଦନିଆ ହରାତେଇଙ୍ଗ୍ ସେନ୍ତାନା । ୬ ହବାସାକାଅଆଃ, ରାବାଙ୍ଗ୍ ସାହା ଆଇଙ୍ଗ୍ ଆପେଲଃ ଚିମିନ୍ ମାହିଁ ତାଇନ୍ ସାକାଅଆଇଙ୍ଗ୍, ଆତଃ ଆଇଙ୍ଗ୍ ଜାହାଜ୍ଡେତେଗି ସେନ୍ ନାଗେନ୍ତେ ମନେୟାଇଙ୍ଗ୍, ଇମ୍ପତା ଆପେ ଆଇଙ୍ଗ୍କେ ସେନ୍ ନାଗେନ୍ତେ ଦେଙ୍ଗା ଦାଡ଼ିୟାପେ । ୭ ଆଇଙ୍ଗ୍ ସେନ୍ ହରାରେ ଆପେଲଃ କାଟିଃ ଲେକାଗି ନେପେଲ୍ ନାଗେନ୍ତେ କାଇଙ୍ଗ୍ ସାନାଙ୍ଗ୍ତାନା । ପ୍ରାଭୁ ଆରୁଇଙ୍ଗ୍ରେଦ, ଆଇଙ୍ଗ୍ ଆପେଲଃ ପୁରାଃ ମାହିଁ ତାଇନାଇଙ୍ଗ୍ ମେନ୍ତେ ଆସ୍ତା କାଦାଇଙ୍ଗ୍ ।

୮ *ଆଇଙ୍ଗ୍ ପେଣ୍ଡିକଷ୍ ପାରାଦ୍ ହୁଲାଇଙ୍ଗ୍ ଜାକେଦ୍ ଏନ୍ତାଃରେଗି ଏଫିସ୍ତସ୍ରେ ତାଇନାଇଙ୍ଗ୍ । ୯ ନେତାଃରେ ଆଇଁୟାଃ ବିରୁଧରେ ପୁରାଃ ହଡ଼କ ମେନାକରେୟ, ଜ ନାମାଃଲେକା କାମି ନାଗେନ୍ତେ ଆଇଁୟାଃ ନାଙ୍ଗ୍ ଚାକାର୍ ଦୁଆର୍ ନିଜାକାନା ।

୧୦ *ତାମ୍ପୁ ଆପେତାଃତେ ହିଜୁଃରେ ଦାରମିପେ, ଚିୟାଃଗି ଇନିଃହ ଆଇଁୟାଃ ଲେକା ପ୍ରାଭୁଆଃ କାମି କାମିତାନା । ୧୧ ଜେତାଏ ଇନିଃହକେ ଆଲ୍ପେ ନେଲ୍ ବାଗିୟା, ମେନ୍ଦ୍ ଇନିଃ ଆଇଁୟାଃତାଃ ହିଜୁଃ

* ୧୫:୫୧ ୧୫:୫୧ ୧ ଅପେଲିକା ୪:୧୫-୧୭. * ୧୭:୧ ୧୭:୧ ରୋମି ୧୫:୨୫,୨୭. * ୧୭:୫ ୧୭:୫ ପ୍ରେଭିଡ୍ ୧୯:୨୧. * ୧୭:୮ ୧୭:୮ ପ୍ରେଭିଡ୍ ୧୯:୮-୧୦. * ୧୭:୧୦ ୧୭:୧୦ ୧ କବିଚ୍ଛିନ୍ଦ ୪:୧୭.

ଦାଡ଼ିକାଏ ମେନ୍ତେ ଇନିଃକେ ସୁକୁଜୀଉରେ ସେନ୍ ହରା ନାଗେନ୍ତେ ଦେଙ୍ଗାଲପେ, ଚିୟାଃଚି ଇନିଃ ବିଶ୍ୱାସୀ ହାଗାକଲଃ ହିଜୁଃରୁହାତାଏ ମେନ୍ତେଇଙ୍ଗ ନେଲ୍ ହରାଇତାନା ।

୧୨ ମେନ୍ଦ ଆରୁଆଃ ହାଗା ଆପୋଲୋ ବିଷାଏରେଇଙ୍ଗ କାଜିତାନା, ଆଇଙ୍ଗ ଇନିଃକେ ଏଗାଃ ହାଗାକଲଃ ଆପେତାଃତେ ସେନ୍ ନାଗେନ୍ତେ ପୁରାଃଚିଇଙ୍ଗ ଆରୁକିୟା, ମେନ୍ଦ ନାହିଁଃ ଇନିଃ ସେନ୍ ନାଗେନ୍ତେ କାଏ ସାନାଙ୍ଗତାନା । ତାୟମ୍ତେ ସେନ୍ ନାଗେନ୍ତେ ନେତା ନାମ୍ଲେରେ ସେନାଏ ।

ବୁଣ୍ଡ କାଜି

୧୩ ଆପେ ଚିର୍ଗାଲକାନ୍ ତାଇନକେଦ୍ଦତେ ବିଶ୍ୱାସରେ ତିଙ୍ଗୁକେଟେଦ୍, ଜୀଉରେ କେଟେଦ୍ ଆତଃ ପେଡେୟାନ୍ ହବାଅଃପେ । ୧୪ ଆପେୟାଃ ସବେନ୍ କାମି ଦୁଲ୍ଲାଡ଼ରେ କାମିପେ ।

୧୫ ଆପେ ସ୍ତ୍ରୀମାନ୍ ଆତଃ ଆୟାଃ ଅତାଃରେନକଆଃ ବିଷାଏରେ ସାରିତାନାପେ । ଇନ୍କୁ ଆଖାୟାରାଃ ପାହିଲା ଖ୍ରୀଷ୍ଟ ବିଶ୍ୱାସୀତାନ୍ଦକ ଆତଃ ପାରମେଶ୍ୱାର୍ଆଃ ହଡ଼କକେ ସେଞ୍ଜା ନାଗେନ୍ତେ ଇନ୍କୁ ଆକଗି ଜିମାକାନାକ । ହେ ହାଗା ମିଶିକ, ଆଇଙ୍ଗ ଆପେକେ ବିନ୍ତ୍ରପେ ତାନାଇଙ୍ଗ, ୧୬ ଆପେ ନେ ଲେକାନ୍ ହଡ଼କଆଃ ଆତଃ ନେକାନ୍ଦକଲଃ ସେଞ୍ଜା ଆତଃ କାମି ତାନ୍ଦକେ ଅତଙ୍ଗକପେ ।

୧୭ ସ୍ତ୍ରୀମାନ୍, ଫର୍ଭୁନାଡ଼, ଆତଃ ଆଖାୟିକ୍ତୁସ, ନେ ସବେନ୍ଦକ ହିଜୁଃକାନ୍ ହରାତେ ଆଇଙ୍ଗ ପୁରାଃଚି ରାସକା କାନାଇଙ୍ଗ । ଚିୟାଃଚି ଆପେ ବାଙ୍ଗପେରେୟ ଇନ୍କୁ ଆପେୟାଃ ଠାୟାଦକେକ ପୁରାକାଦା । ୧୮ ଇନ୍କୁ ଆପେକେ ଆତଃ ଆଇଙ୍ଗକେ ପୁରାଃ ଆମ୍ବାତେ ରାସକାତେ ପେରେଃ କାଦିୟାକ । ଏନାତେ ଆପେ ଇନ୍କୁକେ ପୁରାଃ ମାଇନକପେ ।

୧୯ ଏସିଆ ପାର୍ଗାନ୍ରେନ୍ କାଲିସିୟାକ ଆପେକେ ଜହାର୍ ମେନ୍ତେକ କାଜିକୁଲ୍ଲକାଦା । ଆକ୍ଲିଲା, ପ୍ରିସକିଲା ଆତଃ ଇନ୍କୁଆଃ ଅତାଃରେ ପ୍ରାଭୁକେ ସେଞ୍ଜାତାନ୍ କାଲିସିୟା, ପ୍ରାଭୁଆଃ ନୁଡୁମ୍ତେ ଆପେକେ ପୁରାଃଚି ମନ୍ସୁରୁଦ୍ଦେତେ ଜହାର୍ ମେନ୍ତେକ କାଜିକୁଲ୍ଲକାଦା । ୨୦ ନେତାଃରେନ୍ ସବେନ୍ ବିଶ୍ୱାସୀ ହାଗା ମିଶିକ ଜହାର୍ଦକ କାଜିକୁଲ୍ଲକାଦା । ଖ୍ରୀଷ୍ଟ ଦୁଲ୍ଲାଡ଼ରେ ମିହୁଡ୍ ଆତଃଚିହୁଡ୍ଲଃ ଜହାରଃପେ ।

୨୧ ଆଇଙ୍ଗ ପାଉଲ୍ତୁସ, ଆଇଁୟାଃ ତିଃଇତେଗି ନେ ସବେନ୍ ଜହାର୍କାଜି ଅଲ୍ଲାକାଦାଇଙ୍ଗ ।

୨୨ ଜେତାଏ ପ୍ରାଭୁକେ କା ଦୁଲ୍ଲାଡ଼ନିଃ, ସାର୍ପାଅଃକାଏ ।

ମାରାନାଆ, ମେନ୍ଲେରେ, ଆବୁଆଃ ପ୍ରାଭୁ ହିଜୁଃଆଏ ।

୨୩ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।

୨୪ ଯୀଶୁ ଖ୍ରୀଷ୍ଟରେ ମେସାକାନ୍ ଆପେ ସବେନ୍ଦକଲଃ ଆଇଁୟାଃ ଦୁଲ୍ଲାଡ଼ ହବାଅଃକା ।

କବିଚ୍ଛିନ୍ଦୀୟମାନଙ୍କ ନିକଟକୁ ପାଠଲଙ୍କ ଦ୍ୱିତୀୟ ପତ୍ର କବିଚ୍ଛିନ୍ଦୀ ବିଶ୍ୱାସୀକତାଃତେ ପ୍ରେରିତ୍ ପାଠଲୁସ୍ଥାଃ ଏତାଃ ଚିଟାଉ ପାରିତାଏ

ହବାସାକାଅଥାଃ, କବିଚ୍ଛିନ୍ଦୀ କାଲିସିୟାତେ ପ୍ରେରିତ୍ ପାଠଲୁସ୍ଥାଃ ନେ ଏତାଃ ଚିଟାଉ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୫୫-୫୬ ସିମ୍ବୋଲରେ ଅଲ୍ଲାକାନ୍ ତାଜକେନା ୧:୧ । ଅନଲ୍ ହତ୍ୱକ ବିଶ୍ୱାସେ ତାନାକ ଯେ, ନେ ଚିଟାଉ ଅନଲ୍ ସିଦାରେ ପ୍ରେରିତ୍ ପାଠଲୁସ୍ କବିଚ୍ଛିନ୍ଦୀ କାଲିସିୟାକେ ପୁରାଃ କେଟେୟାନ୍ତ୍ରି ଚିଟାଉ ଅଲ୍ଲାକାଦ୍ ତାଜକେନାଏ, ଏନା ୨:୩-୪ ରେ ଆଟ୍ କାରଃତାନା, ଏନାରେୟାଃ ଜେତାନ୍ ଅନଲ୍ରେୟାଃ ନାକାଲ୍ ଆତ୍ କତାଃରେ ବାନଃଆ ।

ହବାସାକାଅଥାଃ, ପାଠଲୁସ୍ ମାକିଦନିଆରେ ତାଜକେନ୍ ଇମ୍ତାଏ ଅଲ୍ଲାକାଦ୍ ତାଜକେନା, ୨:୧୩ । ଏତାଃ କବିଚ୍ଛିନ୍ଦୀ, ଏତାଃ ନାହାଁଲାଃ, ଏନ୍ ମିଆଁଦ୍ରି ତାନାଃ । କବିଚ୍ଛିନ୍ଦୀରେ ତାଜନଃତାନ୍ କାଲିସିୟା ବିଷାଏରେ ତିତ୍ୱତାଃଏତେ ବୁଗିନ୍ କାଜି ନାମକେଦ୍ତେ ପାଠଲୁସ୍ ରାସ୍ତାକା କାନାଏ । ନେ ଚିଟାଉରେ, ନାଃ ନିୟାମ୍ରେ ଦାନ୍ ଏମ୍ ବିଷାଏରେୟାଃ ଇନିତ୍ ନାମାଃବୁ । ନେ ହିସାରେ, ପାଠଲୁସ୍ ଯୀରୁଶାଲେମ୍ରେନ୍ ବିଶ୍ୱାସୀକକେ ଦେଜ୍ମାକ ନାଗେନ୍ତେ ଟାକା ପାଏସା ହାରମ୍ ନାଗେନ୍ତେ ଆତ୍ କାଦା, ୮-୯ । ନେ ଚିଟାଉରାଃ ଚିମିନ୍ ଅନଲ୍ରେ ସାରିୟଃତାନା ଯେ, ଏନ୍ କାଲିସିୟାରେୟାଃ ବାହାରିଏତେ ଚିମିନ୍ ହସ୍ତ ପ୍ରେରିତ୍, ଆପ୍ତନାଃ ମାଜନଃ ହବାଅଃ ନାଗେନ୍ତେ ପାଠଲୁସ୍ଥାଃ ବିରୁଧ୍ରେ କାଲିସିୟାରେନ୍ ଚିମିନ୍ ହତ୍ୱକକେ ବତ୍ତକ୍ କେଦ୍ତେ ହେଜ୍ମାକତିକ ତାନାକ । ଇନ୍କୁ ପାଠଲୁସ୍ଥାଃ ଆକ୍ତେୟାଃ ଆକ୍ତେୟାଃତେ ଆତ୍ ଚିଟାଉତ୍ତେ ଟାନାକ ଏନାତେ ନେ ଚିଟାଉରେୟାଃ ଚୁଶ୍ଟୁୟାଃରେ ଇନିଃ ମିଆଁଦ୍ ଯୀଶୁ ଖ୍ରୀଷ୍ଟୁଆଃ ଆକ୍ତେୟାଃତେ କୁଲ୍ଲାନିନିଃ ତାନିଃ ମେନ୍ତେ ପୁରାଃ ପକ୍ତକେଦ୍ତେ ଉଦୁବାକାଦା ।

ପୁଅ ଚିଟାଉରେ ତାଜକାନ୍ କାଜି

୧. ପାଠଲୁସ୍ଥାଃ ଚିଟାଉରେୟାଃ ଏନେଟେଦ୍ରେ ଜହା଼ ମେନ୍ତେ ଅଲ୍ଲାକାଦା । ୧:୧-୭
୨. ପାଠଲୁସ୍ଥାଃ ଆୟାଃ ହରାସେନ୍ ସେକାଡେନ୍ରେ ବାଦ୍ଲାଅ ଆତଃ ଇନ୍କୁଆଃ ବିଷାଏରେ ନାମାକାଦ୍ କୁନ୍ତୁଲି ଆତଃ ଇନ୍କୁଆଃ କୁନ୍ତୁଲି ବିଷାଏରେ ଇନ୍କୁକେ କାଜିରୁହାଡ୍ । ୧:୮-୭:୧୭
୩. ପାଠଲୁସ୍ଥାଃ ଯୀରୁଶାଲେମ୍ରେନ୍ ବିଶ୍ୱାସୀକ ନାଗେନ୍ତେ ଦାନ୍ ହାରମ୍ ବିଷାଏରେ ଆନାତ୍ । ୮:୧-୯:୧୫
୪. ଚୁଶ୍ଟୁରେ ପାଠଲୁସ୍ଥାଃ ଆୟାଃ ପ୍ରେରିତ୍ କାମିକେ ବାଟାଅକେଦା ଆତଃ ଆତଃମିସା ହରାସେନ୍ ନାଗେନ୍ତେ ସାପ୍ତାଅନ୍ ତାନା । ୧୦:୧-୧୩:୧୦

୧ *ଆଇଜ୍ ପାଠଲୁସ୍, ପାର୍ମେଶ୍ୱାର୍ତାଃ ସାନାଜ୍ ଲେକାତେ ଯୀଶୁ ଖ୍ରୀଷ୍ଟୁଆଃ ମିଆଁଦ୍ କୁଲ୍ଲାନାନ୍ନିଃ ତାନିଜ୍ । ପାଠଲୁସ୍, ଆତଃ ଆତ୍ତୁଆଃ ହାଗା ତାମଥ୍, କବିଚ୍ଛିନ୍ଦୀରେ ତାଜନଃତାନ୍ ପାର୍ମେଶ୍ୱାର୍ତାଃ କାଲିସିୟାରେନ୍ ହତ୍ୱକକେ, ଆତଃ ଆଖାୟା ପାର୍ମାନ୍ରେ ତାଜନଃତାନ୍ ପାର୍ମେଶ୍ୱାର୍ତାଃ ସବେନ୍ ବିଶ୍ୱାସୀକତାଃତେ ନେ ଚିଟାଉ ଅଲ୍ଲେତାନାଇଜ୍ ।

୨ ଆତ୍ତୁଆଃ ଆପ୍ତୁ ପାର୍ମେଶ୍ୱାର୍ତାଃ ଆତଃ ପ୍ରାତ୍ତୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆତଃ ଜୀଉସ୍ତୁ ଆପେ ନାଗେନ୍ତେ ହବାଅଃକା ।

ପାର୍ମେଶ୍ୱାର୍ତକେ ପାଠଲୁସ୍ଥାଃ ଧାନ୍ୟାବାଦ୍

୩ ଦଲ୍ଲାବୁ, ଆତ୍ତୁଆଃ ପ୍ରାତ୍ତୁ ଯୀଶୁ ଖ୍ରୀଷ୍ଟୁଆଃ ଆପ୍ତୁ ପାର୍ମେଶ୍ୱାର୍ତକେ ସାହାରାଅବୁ ଏନାଇୟା, ଇନିଃ ଲିନିବୁଇ ଆପ୍ତୁ ଆତଃ ସବେନାଃରେ ଜାଉରାଡେଃ ଏମ୍ତାନ୍ ପାର୍ମେଶ୍ୱାର୍ ତାନିଃ । ୪ ଇନିଃଦ୍ ଆତ୍ତୁଆଃ ସବେନ୍ ଦୁକୁହାସ୍ତୁ ଇମ୍ତା ଜାଉରାଡେଃ ଏମ୍ତାତାନାଏ, ଏନାମେନ୍ତେ ଆତ୍ତୁ ପାର୍ମେଶ୍ୱାର୍ତାଃଏତେ ନାମାକାଦ୍ ଏନ୍ ଜାଉରାଡେଃରେୟାଃ ହରାତେ, ସବେନ୍ ରାକାମ୍ରେ ଦୁକୁହାସ୍ତୁତାନ୍ ହତ୍ୱକକେ ଜାଉରାଡେଃବୁ ଏମ୍ ବାଡିୟା । ୫ ଆତ୍ତୁ ଖ୍ରୀଷ୍ଟୁଆଃ ନାଗେନ୍ତେ ଚିମିନ୍ ଦୁକୁହାସ୍ତୁ ନାମେୟା, ଇମ୍ତାନାଜ୍ ଖ୍ରୀଷ୍ଟୁଆଃ ହରାତେ ପାର୍ମେଶ୍ୱାର୍ତାଃଏତେ ଜାଉରାଡେଃବୁ ନାମେୟା । ୬ ଆଲେ ଦୁକୁହାସ୍ତୁତାନ୍ରେଦ୍ ଏନା ଆପେୟାଃ ଦେଜ୍ମା ଆତଃ ଜାଉବାସ୍ତାଅ ନାଗେନ୍ତେଲେ ରିକାତାନା । ଆଲେ ଜାଉରାଡେଃଲେ ନାମେରେଦ୍, ଆପେୟା ଏନ୍ଲେକାରି ଦୁକୁହାସ୍ତୁ ନାମେ ଇମ୍ତା ସାହାଡିଜ୍ ଆତଃ ପେଡେଃପେ ନାମ୍

* ୧:୧ ୧:୧ ପ୍ରେରିତ୍ ୧୮:୧.

ଦାଡ଼ିୟା ।^୭ ଆପେତାଃରେ ଆଲେୟାଃ ଆସ୍ତା କେଟେଦ୍‌ଗିୟା, ଚିୟାଃଟି ଆପେ ଚିଲ୍ଲକା ଦୁକ୍ତହାସ୍ତରେନ୍ ହିସା ହବାକାନାପେ, ଏନ୍‌ଲେକାଗି ଆଲେୟାଃ ଜୀଉରାଡ଼େଃରେନ୍‌ହ ହିସାପେ ହବାଅଃଆ, ଏନାଲେ ସାରିତାନା ।

୮ *ହେ ହାଗା ମିଶିକ, ଏସିଆ ଦିଶ୍ୱମ୍‌ରେ ଆଲେୟାଃ ଚେତାନ୍‌ରେ ହବାକାନ୍ ସାସାତି କାଜିକ ଆଲେ ଆପେକେ ଉଦ୍‌ବ୍ ନାଗେନ୍ତେଲେ ସାନାଙ୍ଗତାନା, ଚିୟାଃଟି ଏନାଦ ଆଲେୟାଃ ସାହାତିଙ୍ଗରାଃ ପେଡ଼େଃହେତେ ଆଦ୍‌କା ହାମ୍‌ଲ୍ ଆତଃ କା ସାହାତିଙ୍ଗ୍‌ୟିଃ ଲେକା ତାଇକେନା, ଏନାତେ ଜୀଉବାଞ୍ଚାଅଃରାଃ ଆସ୍ତା ହରି କା ତାଇକେନା ।^୯ ଆଲେକେ ଗନ-ଏଃରାଃ ହୁକୁମ୍ ଏମାକାନା ମେନ୍ତେଲେ ଉଡ଼ୁକାଦ୍ ତାଇକେନା, ମେନ୍‌ଦ୍ ଆଲେ ଆପାନାଃ ଚେତାନ୍‌ରେ କା ଆସ୍ତାକେଦ୍‌ତେ ଗଏଃକାନ୍‌କକେ ଜୀଉବିରିଦ୍‌କାଦ୍ ପାର୍‌ମେଶ୍ୱାର୍‌ତାଃରେ ଆସ୍ତା ଦହ ନାଗେନ୍ତେ ନେ ସବେନାଃ ହବାକାନା ।^{୧୦} ନେ ଲେକାନ୍ ବରଞ୍ଜାନ୍ ଗନ-ଏଃହେତେ ଜନିଃ ଆରୁକେ ବାଞ୍ଚାଅକାଦ୍‌ରୁଆ ଆତଃ ବାଞ୍ଚାଅକାତେରୁଆଏ । ଜନିଃ ଆତଃଟି ଆରୁକେ ବାଞ୍ଚାଅରୁଆ, ନେ ଆସ୍ତା ଆରୁଆଃ ଜନିଃତାଃରେ ମେନାଃ ।^{୧୧} ଆତଃ ଆପେ ସବେନ୍‌କ ଆଲେ ନାଙ୍ଗ୍ ବିନ୍ତିକେଦ୍‌ତେ ଦେଙ୍ଗାଲେପେ । ଏନାରେ ଆଲେ ନାଗେନ୍ତେ ପୁରାଃ ବିନ୍ତିୟଃତାନ୍ ବିନ୍ତିରାଃ କାଜିରୁହାଡ଼ ନାମଃଆ ଆତଃ ପାର୍‌ମେଶ୍ୱାର୍ ଆଲେକେ ବାନ୍‌ଦାନ୍ ଏମାଲେୟାଏ । ଆଲେ ନାଗେନ୍ତେ ପୁରାଃ ହଡ଼କ୍ ପାର୍‌ମେଶ୍ୱାର୍‌କେ ଧାନାଏାଦ୍‌କ ଏମାଲୟା ।

ପାଠଲୁସ୍‌ଆଃ ଉଡ଼ୁରାଃ ବାଦ୍‌ଲାଅ

^{୧୨} ନେ ଅତେଦିଶ୍ୱମ୍‌ରେ ଜୀଦାନ୍ ଆତଃ ବିଶେଷକେଦ୍‌ତେ ଆପେଲଃ ଆଲେୟାଃ ନାତା ପାର୍‌ମେଶ୍ୱାର୍ ଏମାକାଦ୍ ପାବିତାର୍ ଆତଃ ପାତିୟାଃରେନ୍ ହରାତେ ହବାକାନା ମେନ୍ତେ ଆଲେୟାଃ ବିବେକ୍ ଗାଞ୍ଜା ଏମେତାନାଏ । ଏନାମେନ୍ତେ ଆଲେ ଆପାନ୍‌କେ ମାରାଙ୍ଗ୍ ମେନ୍ତେଲେ କାଜିନ୍‌ତାନା । ହଡ଼କ୍‌ଆଃ ସେଣ୍‌ନିଦେଦ୍ କାହା, ମେନ୍‌ଦ୍ ପାର୍‌ମେଶ୍ୱାର୍‌ଆଃ ସାୟାଦ୍‌ରାଃ ପେଡ଼େଃତେ ନେଆଁଲେ କାମି ଦାଡ଼ିତାନା ।^{୧୩} ଅକ୍‌ନାଃ ଆପେ ପାଢ଼ାଅକେଦ୍‌ତେ ଆଟ୍‌କାର୍‌ଉରୁମ୍ ଦାଡ଼ିୟାପେ, ଆଲେ ଜମନାଙ୍ଗ୍ ଏସ୍‌କାର୍ ଆପେତାଃତେ ଅଲେତାନାଲେ । ଆଇଙ୍ଗ୍ ଆସ୍ତା ତାନିଙ୍ଗ୍, ^{୧୪} ନାହାଁଃ ଆପେ ଅକ୍‌ନାଃ କାଟିଃ ଲେକାଗିପେ ଆଟ୍‌କାର୍‌ଉରୁମେ ତାନା, ଏନା ଆରୁଆଃ ପ୍ରାଭୁ ଯାଶ୍‌ଆଃ ହିନ୍‌ଜୁଃ ଦିପିଲିରେ ପୁରାଃଗିପେ ଆଟ୍‌କାର୍‌ଉରୁମେୟାଁ । ଏନାରେଦ୍, ଆପେ ଆଲେ ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନା ଆତଃ ଆଲେୟା ଆପେ ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେଲେ କାଜିନା ।

^{୧୫} ଆଇଙ୍ଗ୍ ନେ ବିଷାଏରେ ସାର୍‌ତିଗି ସାରିତାଇକେନ୍ ହରାତେ ସିଦାତେ ଆପେତାଃତେ ସେନ୍ ନାଗେନ୍ତେଇଙ୍ଗ୍ ମନେ ତାଇକେନା । ଏନାତେ ଆପେ ବାନ୍‌ସାତେ ଆଶିଷପେ ନାମାକାତେତେୟାଃ ।^{୧୬} *ଆଇଙ୍ଗ୍ ମାକିଦ୍‌ନିଆ ସେନ୍ ଜମତା ଆତଃ ଏନ୍ତାଃଏତେ ରୁହାଡ଼୍ ଜମତା ଆପେତାଃରେ ଚିମିନ୍ ମାହାଁ ତାଇନଃ ନାଗେନ୍ତେଇଙ୍ଗ୍ ଉଡ଼ୁକାଦ୍ ତାଇକେନା, ଚିୟାଃଟି ଯିହୁଦା ରାଇଜ୍‌ତେ ହରାସେନ୍ ନାଗେନ୍ତେ ଆପେୟାଃ ଦେଙ୍ଗାଲେକ୍ ସାନାଙ୍ଗ୍ ତାଇକେନା ।^{୧୭} ଆପେ ଚିନାଃପେ ଉଡ଼ୁତାନା ? ଆଇଙ୍ଗ୍ ଚିନାଃ କା ସାରିଲେକା କାମିତାଇୟାଁକ ବାଇୟାକାଦ୍ ତାଇକେନାଇଙ୍ଗ୍ ? ଅକନ୍‌କ ମିସାତେ ହଁ, ହଁ ଆତଃ କାହା, କାହା ମେନ୍ତେକ କାଜିୟାଃ, ଏନ୍ ହଡ଼କ୍ ଲେକା ଚିନାଃ ଆଇଙ୍ଗ୍ ଆପ୍‌ନାଃ ବୁଗିନାଃ ନାଗେନ୍ତେ ଏସ୍‌କାର୍ କାମିତାଇୟାଁ ବାଇୟାକାଦାଇଙ୍ଗ୍ ?^{୧୮} ସାର୍‌ତିଗି ପାର୍‌ମେଶ୍ୱାର୍ ପାତିୟାଃର ଲେକାନ୍‌ନିଃ ତାନିଃ, ଆଇଙ୍ଗ୍ ଆପେକେ କାଜି ଏମ୍ ଜମତା ଚିଉଲାଅ ମନ୍‌ତାୟାଁଃକେ କାଇଙ୍ଗ୍ ନେତେହେନ୍ତେ ।^{୧୯} *ପାର୍‌ମେଶ୍ୱାର୍‌ଆଃ ହନ୍ ଯୀଶୁ ଖ୍ରୀଷ୍ଟ୍, ଅକଏକେଟି ଆଇଙ୍ଗ୍, ସିଲାସ୍, ଆତଃ ତାମଥ୍ ଆପେତାଃରେ ଉଦ୍‌ବ୍‌କାଇ ତାଇକେନାଲେ, ଜନିଃ “ହଁ” ଆତଃ “କାହା” ନାହାଲିଃ, ମେନ୍‌ଦ୍ ଜନିଃ ପାର୍‌ମେଶ୍ୱାର୍‌ଆଃ “ହଁ” ତାନିଃ ।^{୨୦} ପାର୍‌ମେଶ୍ୱାର୍‌ଆଃ ସବେନ୍ ବାନାର୍‌ସା ନାଗେନ୍ତେ ଯୀଶୁ ଖ୍ରୀଷ୍ଟ୍ “ହଁ” ତାନିଃ । ଏନା ନାଗେନ୍ତେ ଯୀଶୁ ଖ୍ରୀଷ୍ଟ୍‌ଆଃ ହରାତେ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ନାଙ୍ଗ୍ “ଆମେନ୍” କାଜିୟାଃରୁ ।^{୨୧} ପାର୍‌ମେଶ୍ୱାର୍ ଆଇଃକ୍‌ଗି ଯୀଶୁ ଖ୍ରୀଷ୍ଟ୍‌ତାଃରେ ଆପେୟାଃ ଆତଃ ଆଲେୟାଃ ଜୀଦାନ୍‌କେ ମିଦ୍‌ରେ ମେସାକେଦ୍‌ତେ, ଆରୁକେ ଆଭିଷେକ୍ କାଦ୍‌ରୁଆ ।^{୨୨} ଜନିଃ ଆରୁକେ ଆପାନ୍‌କାଦ୍‌ରୁଆ ଆତଃ ଆରୁଆଃ ମନ୍‌ସ୍ତୁରୁଦ୍‌ରେ ଆୟାଃ ପାବିତାର୍ ଆମ୍‌ଗାକେ ଠାହାରାଅକିଃ ହରାତେ ଆରୁଆଃ ଚେତାନ୍‌ରେ ପାର୍‌ମେଶ୍ୱାର୍‌ଆଃ ଆକ୍‌ତେୟାଃରେୟାଃ ଚିଙ୍ଗାଁ ଆତଃ ହିଜୁଃ ଦିପିଲିରେ ଆବୁ ଅକ୍‌ନାଃ ନାମେୟାଃରୁ ଏନା ସାର୍‌ତିଗି ତାନାଃ ।

^{୨୩} ପାର୍‌ମେଶ୍ୱାର୍ ଆଇଁୟାଃ ଗାଞ୍ଜା ତାନିଃ । ଜନିଃ ଆଇଁୟାଃ ମନ୍‌ସ୍ତୁରୁଦ୍ ସାରିୟାଏ । ଆଇଙ୍ଗ୍ ଆପେକେ ଆତଃ ଦୁକ୍ କାଇଙ୍ଗ୍ ଏମାପେୟା, ଏନାମେନ୍ତେ ଆଇଙ୍ଗ୍ କବିଚିନ୍ତେ ସେନ୍ ନାଙ୍ଗ୍ କାଇଙ୍ଗ୍ ସାନାଙ୍ଗ୍‌କେଦା

* ୧:୮ ୧:୮ ୧ କବିଚିନ୍ତା ୧୫:୩୨. * ୧:୧୬ ୧:୧୭ ପ୍ରେଭିକ୍ ୧୯:୨୧. * ୧:୧୯ ୧:୧୯ ପ୍ରେଭିକ୍ ୧୮:୫.

। ୨୪ ଆପେ ଅକନ୍ କାଜି ବିଶ୍ୱାସେୟାପେ, ଏନ୍ ବିଷାଏରେ ଆପେ ଚେତାନ୍ରେ ଆକ୍ତେୟାର୍ ରିକାଏ ନାଗେନ୍ତେ ଆଲେ କାଲେ ସାନାଙ୍ଗତାନା, ଚିୟାଃଚି ଆପେ ବିଶ୍ୱାସ୍ତରେ ତିଙ୍ଗକେଚେଦକାନାପେ । ମେନ୍ଦ୍ ଆପେକେ ସୁକୁଇଚିପେ ନାଗେନ୍ତେ ଏସ୍କାର୍ ଆପେଲଃ ମିସାତେ ଆଲେ କାମିତାନାଲେ ।

୨

୧ ଆଇଙ୍ଗ୍ ଆପେତାଃତେ ସେନ୍ତେୟାଃ ଆପେ ନାଗେନ୍ତେ ଦୁକୁରାଃ କାଜିତାନାଃରେଦ୍, ଆଇଙ୍ଗ୍ ଆପେତାଃତେ ଆତଃ ଚିତ୍ତାଲିଆ କାଇଙ୍ଗ୍ ସେନା ମେନ୍ତେ ମନ୍ରେଇଙ୍ଗ୍ ଉଡ଼ୁକ୍ତାଦା । ୨ ଆପେକେ ଦୁକୁ ଏମାପେରେ, ଅକଏ ଆଇଙ୍ଗ୍କେ ରାସ୍କା ଏମାଲୟାଏ ? ଆପେକେ ବାଗିକେଦ୍ତେ ଆତଃ ଏନ୍ଲେକା ଜେତାଏ ବାଙ୍ଗକଆ । ୩ ଏନାମେନ୍ତେ ଆଇଙ୍ଗ୍ ଆପେତାଃତେ ଏନ୍ ଚିଚାର୍ ଅଲୀକାଦ୍ ତାଇକେନାଲଙ୍ଗ୍, ଆଇଙ୍ଗ୍ ଏନ୍ତାଃତେ ସେନ୍ରେ, ଅକନ୍ ହଡ଼କଆଃ ନାଗେନ୍ତେ ଆଇଙ୍ଗ୍ୟାଃ ସୁକୁହବାୟାଃତେୟାଃ, ଇନ୍କୁଆଃ ହରାତେ ଆଇଙ୍ଗ୍ ଜେଲେକା ଦୁକୁ ଆଲକାଲଙ୍ଗ୍ ନାମେକା । ସାର୍ତ୍ତିଗି ଆଇଙ୍ଗ୍ୟାଃ ପୁରାଃ ବିଶ୍ୱାସ୍ ମେନାଃ, ଆଇଙ୍ଗ୍ୟାଃ ରାସ୍କାରେ ଆପେୟାଃ ରାସ୍କା ମେନାଃ । ୪ ପୁରାଃ ଦୁକୁ ଆତଃ ମନ୍ସୁରୁଦ୍ଦୟାଃ ହାସୁତେ ରାଆଃତାନଲଃ ଆଇଙ୍ଗ୍ ଅକ ଚିଠି ଅଲୀକାଦ୍ ତାଇକେନାଲଙ୍ଗ୍, ଏନା ଆପେକେ ଦୁକୁଇଚିପେ ନାଗେନ୍ତେ କାଇଙ୍ଗ୍ ଅଲ୍, ମେନ୍ଦ୍ ଆପେକେ ଆଇଙ୍ଗ୍ ଚିମିନ୍ ଦୁଲୀଡ଼୍ତେ ତାନାଲଙ୍ଗ୍, ଏନା ଉଦୁବ୍ ନାଗେନ୍ତେଇଙ୍ଗ୍ ଅଲୀକାଦ୍ ତାଇକେନା ।

ଏଡ଼କାନ୍ ହଡ଼କକେ ଛାମାକପେ

୫ ଆପେକଏତେ ଜେତାଏ ମିହୁଡ଼କେ ଦୁକୁ ଏମାକାଲରେଦ୍, ଇନିଃ ଆଇଙ୍ଗ୍ୟାଃ ମନ୍ରେ ଏସ୍କାର୍ ଦୁକୁ କାଏ ଏମ୍, ମେନ୍ଦ୍ ହୁଡ଼ିଙ୍ଗ୍ ଲେକା ଆପେ ସବେନ୍କକେହ୍ ଦୁକୁ ଏମାକାଦପେୟାଏ । ୬ ଆପେକଏତେ ଚିମିନ୍ ହଡ଼କ ଏନ୍ ହଡ଼କେ ସାଜାଲ ଏମ୍କିୟାପେ, ଏନା ଇନିୟାଃ ନାଗେନ୍ତେ ପୁରାଃଗିୟା । ୭ ଇନିଃ ପୁରାଃଗି ଆଲକାଏ ଦୁକୁଃକା, ଏନା ନାଗେନ୍ତେ ନାହାଃ ଇନିଃକେ ଛାମା ଆତଃ ଜୀଉରାଡ଼େଃ ଆପେକେ ଏମ୍ ଲାଗାଡ଼ିଙ୍ଗ୍ୟାଃ । ୮ ଆଇଙ୍ଗ୍ ଆପେକେଇଙ୍ଗ୍ ବିକ୍ତିପେତାନା, ଆପେ ଇନିଃକେ ସାର୍ତ୍ତିଗି ଦୁଲୀଡ଼୍ତାନାପେ ମେନ୍ତେ ଇନିଃକେ ଉଦୁବାଇପେ । ୯ ଆପେ ସବେନ୍ କାଜିକ ମାନାଡ଼ିଙ୍ଗ୍ ତାନାପେ ଚି କାହା, ଏନା ସାରି ନାଗେନ୍ତେ ଆଇଙ୍ଗ୍ ଏନ୍ ଚିଚାଉ ଅଲୀକାଦ୍ ତାଇକେନାଲଙ୍ଗ୍ । ୧୦ ଆପେ ଜେତାଏକପେକେ ଛାମାକରେଦ୍, ଆଇଙ୍ଗ୍ହ୍ ଇନ୍କୁକେ ଛାମାକଆଇଙ୍ଗ୍ । ଆଇଙ୍ଗ୍ ଜେତା କାଜି ନାଗେନ୍ତେଇଙ୍ଗ୍ ଛାମାକରେଦ୍, ଏନା ଖ୍ରୀଷ୍ଟଆଃ ସାମ୍ନାଙ୍ଗରେ ଆପେୟାଃ ହରାତେ ଛାମାଅଃଆ । ୧୧ ସାଏତାନ୍ ଆବୁଆଃ ବିରୁଧରେ ଜେତାନ୍ କାମିରିକା ନାଗେନ୍ତେ ନେଡା ଆଲକାଏ ନାମେକା, ଚିୟାଃଚି ଆବୁ ଇନିୟାଃ ସବେନ୍ କାମିତାୟାଃ ସାରିୟାଃବୁ ।

୧୨ *ଆଇଙ୍ଗ୍ ଖ୍ରୀଷ୍ଟଆଃ ସୁକୁକାଜି ଉଦୁବ୍ ନାଗେନ୍ତେ ତ୍ରୋୟାସ୍ତେ ସେଚେରୁୟାନ୍ଲଃ, ନେ କାମି କାମି ନାଗେନ୍ତେ ପ୍ରାଭୁ ହରା ନିଜାକାଦାଏ ମେନ୍ତେ ଆର୍ବକାରକେଦାଲଙ୍ଗ୍ । ୧୩ ମେନ୍ଦ୍ ଆବୁଆଃ ହାଗା ତିତସ୍ତକେ ଏନ୍ତାଃରେ କା ନେଲ୍କେଦ୍ତେ, ଆଇଙ୍ଗ୍ ମନ୍ରେ କାଲଙ୍ଗ୍ ସୁକୁୟାନା । ଏନାତେ ଏନ୍ତାଃରେନ୍ ହଡ଼କତାଃଏତେ ମାକିଦନିଆତେଇଙ୍ଗ୍ ସେନଃୟାନା ।

ଖ୍ରୀଷ୍ଟ ହରାତେ ଜିନିତାଅ

୧୪ ପାର୍ମେଗ୍ସାର୍ଆଃ ଧାନ୍ୟାବାଦ୍ ହବାଅଃକା । ଚିୟାଃଚି ଇନିଃ ଯିଶୁ ଖ୍ରୀଷ୍ଟଲଃ ମେସାକାନ୍ ହରାତେ ସବେନ୍ ଇମ୍ତା ଆବୁକେ ଜିନିତାଅ ହରାତେ ସୁତୁଃଇଦିୟାଃ । ଆତଃ ବୁଗିନ୍ ସହାନ୍ ଚାରିୟସାଃତେ ପାସ୍ତରାଅଃ ଲେକା ଖ୍ରୀଷ୍ଟଆଃ ସେଣ୍ଟାଁ ଏଗାଃକକେ ଏମ୍ ନାଗେନ୍ତେ ପାର୍ମେଗ୍ସାର୍ ଆବୁକେ ବେଭାରୁବୁ ତାନା । ୧୫ ଚିୟାଃଚି ଆବୁ ଖ୍ରୀଷ୍ଟ ହରାତେ ପାର୍ମେଗ୍ସାର୍ଆଃ ନାଗେନ୍ତେ ଚାଭ୍ଆକାନ୍ ବୁଗିନ୍ ସହାନ୍ ଲେକାନ୍ଦ୍ ତାନୁବୁ । ଅକ୍ନାଃଚି ଅକନ୍ଦ୍ ଜୀଉରାଞ୍ଚାଅକ ନାମେତାନା ଆତଃ ଅକନ୍ଦ୍ ଜିୟନଃ ହରାରେକ ସେନ୍ତାନା, ଇନ୍କୁଆଃ ଆଲୀରେ ପାସ୍ତରାଅଃ ତାନା । ୧୬ ଗନ୍ଏଃ ହରାତେ ସେନଃତାନ୍ ହଡ଼କତାଃରେ ନେ ବୁଗିନ୍ ସହାନ୍ ଗନ୍ଏଃ ଲେକାନାଃ ତାନାଃ, ମେନ୍ଦ୍ ଜୀଉରାଞ୍ଚାଅ ନାମାକାଦ୍ ହଡ଼କତାଃରେ ନେ ବୁଗିନ୍ ସହାନ୍ ଜୀଦାନ୍ ଏମାଃଏ । ମେନ୍ଦ୍ ନେ କାମି ରିକାଏ ଲେକାନ୍ନିଃ ଅକଏ ତାନିଃ ? ୧୭ ପୁରାଃ ହଡ଼କ ଆପାନାଃ ପସାଅଃ ନାଗେନ୍ତେ ପାର୍ମେଗ୍ସାର୍ଆଃ ସୁକୁକାଜିକେକ ବେଭାର୍ତାନା । ଆଲେ ଇନ୍କୁ ଲେକା ନାହାଃଲଃରେ । ଆଲେକେ ପାର୍ମେଗ୍ସାର୍ କୁଲୀକାଦ୍ ହରାତେ ଆଲେ ପାତିୟାଃରେ ଲେକା ଆୟାଃ କାଜିଲେ ମାନାଡ଼ିଙ୍ଗ୍ତାନା ଆତଃ ପାର୍ମେଗ୍ସାର୍ଆଃ ସାମ୍ନାଙ୍ଗରେ ଖ୍ରୀଷ୍ଟଆଃ ଦାସି ଲେକାଲେ କାଜିତାନା ।

* ୨:୧୭ ୨:୧୨ ପ୍ରେରିବ୍ ୨୦:୧.

୩

ନାମ୍ନା ନିୟମରେନ୍ ଦାସିକ

୧ ଆଲେ ଚିୟାଃ ଆପାନ୍‌କେ ମାରାଙ୍ଗ୍‌ଫେନ୍‌ତାନ୍ ଲେକାଲେ ଆବ୍‌କାରଃତାନା ? ଚାଏ, ଏଗାଃକ ଲେକା ଆଲେ ଚିନାଃ ଆପେତାଃତେ ଚାଏ ଆପେତାଃଏତେ ପାରିଚାଏ ଅନଲ୍ ଚିଠିଲେ ଆସିତାନା ?

୨ ଆପେଚି ଆଲେୟାଃ ପାରିଚାଏ ଅନଲ୍ ଚିଠି ତାନ୍‌ପେ, ଆଲେୟାଃ ମନ୍‌ସୁରୁଦ୍‌ରେ ଅଲ୍‌କାନ୍ ଚିଠି ତାନ୍‌ପେ, ଅକ୍‌ନାଃକେଚି ସବେନ୍ ହଡ଼କ ସାରିତାନା ଆତଃ ପାଢ଼ାଅ ଦାଡ଼ିତାନା । ୩ ନେ ପାରିଚାଏ ଚିଠି ଖ୍ରୀଷ୍ଟ୍ ଆଇଃକ୍‌ଚି ଅଲ୍‌କାଦା ଆତଃ ଆବୁଆଃ ସୁସାର୍ ହରାତେ ଏନା କୁଲଃତାନା । ନେଆଁ ଚାକାର୍ ଦିରିରେ ସିହାଜତେ କା ଅଲ୍‌କାନା, ମେନ୍‌ଦ ଜାନିଦ୍ ପାର୍‌ମେଶ୍‌ବରଆଃ ଆମ୍ବା ହରାତେ ମାନଃରାଃ ମନ୍‌ସୁରୁଦ୍‌ରେ ଅଲ୍‌କାନା ।

୪ ଖ୍ରୀଷ୍ଟ୍‌ଆଃ ହରାତେ ପାର୍‌ମେଶ୍‌ବରଆଃ ତେତାନ୍‌ରେ ଭାର୍‌ସାକେଦ୍‌ତେ ଆଲେ ନେ ସବେନାଃଲେ କାଜିଦାଡ଼ିତାନା । ୫ ଆଲେତାଃରେ ନେ ଲେକା କାଜି ଚାଏ କାମି ଦାଡ଼ିରେୟାଃ ପେଡ଼େଃ ମେନାଃ ମେନ୍ତେ ଆଲେ ଜେତାଲେକାତେ କାଜି କାଲେ ଦାଡ଼ିୟା, ଚିୟାଃଚି ଆଲେକେ କାଜିରେୟାଃ ପେଡ଼େଃ ପାର୍‌ମେଶ୍‌ବରତାଃଏତେ ହିନ୍ଦୁଆ । ୬ ନାମ୍ନା ରାଜିନାମାକେ ଉଦ୍‌ବ୍ ନାଗେନ୍ତେ ପାର୍‌ମେଶ୍‌ବର ଆବୁକେ ସୁସାର୍‌ରେ କାମି ଦାଡ଼ିୟାଃକ ଲେକାଏ ହବାକାଦ୍‌ବୁଆ । ନେ ନିୟାମ୍ ଅନଲ୍‌ତେୟାଃ ନାହିଁଲାଃ, ମେନ୍‌ଦ ଆମ୍ବାତେ ବାଜୟାକାନା, ଚିୟାଃଚି ଅନଲ୍ ନିୟାମ୍ ଗନ-ଏଃ ଆଉଝେୟାଏ, ମେନ୍‌ଦ ଆମ୍ବା ଜାବାନ୍ ଏମାଃଏ ।

୭ ମୁଣା ନାବାଆଃ ଆନ୍‌ରୁ ଦିରି ତେତାନ୍‌ରେ ଖଦାକାନ୍ ତାଇକେନା । ଏନାରେ ପାର୍‌ମେଶ୍‌ବରଆଃ ସେଝାକାମିରେ ନେ'ଲେକା ମାନାରାଙ୍ଗ୍ ଉଦ୍‌ବାକାନ୍ ତାଇକେନା । ଆତଃ ଏନ୍ ମାନାରାଙ୍ଗ୍‌ରେୟାଃ ମାର୍‌ସାଲ୍‌ରାଃ ରାଁପ୍ ତେଜ୍ କା ତାଇକେନ୍‌ରେୟା, ଇସ୍‌ସାଏଲ୍ ହଡ଼କ ମାସ୍‌ଲ୍‌ସାଃତେ କାକ ନେଲ୍ ଦାଡ଼ିକେଦା । ଗନ-ଏଃ ଆଉଝେତାନ୍ ଆନ୍‌ରୁ ନେ'ଲେକା ହବାଅଃତାନ୍‌ରେଦ୍, ୮ ପାରିଚାଏ ଆମ୍ବାରାଃ ସେଝାକାମିକ ଏନାଏତେ ଚିମିନ୍ ପୁରାଃ ଆଦକା ମାନାରାଙ୍ଗ୍‌ରେ କା ହବାଅଃଆ ? ୯ ସାଜାଜ ନାମାଃ ଆନ୍‌ରୁରାଃ ସେଝାକାମିରେ ନିମିନାଙ୍ଗ୍ ମାନାରାଙ୍ଗ୍ ହବାଅଃତାନ୍‌ରେଦ୍, ଜାଉବାଅଞ୍ଚା ଏମେତାନ୍ ନିୟାମ୍ ବାଜୟାକାନ୍‌ତେୟାଃରାଃ ସେଝାକାମିରେ ଚିମିନ୍ ପୁରାଃ ଆଦକା ମାନାରାଙ୍ଗ୍ କା ହବାଅଃଆ ? ୧୦ ଆବୁ କାଜି ଦାଡ଼ିୟାବୁ, ମାସ୍‌ଲ୍‌ରେୟାଃ ମିଆଁଦ୍ ମାନାରାଙ୍ଗ୍ ହବାୟାନ୍ ହରାତେ, ସିଦା ଦିପିଲିରେ ତାଇକେନ୍ ମାନାରାଙ୍ଗ୍ ନାହିଁଃ ବାନଃଆ । ୧୧ ଚିୟାଃଚି ପାଡ଼ିକାଦ୍‌ଚି ତାଇନଃ ବିଷାଏ ନିମିନାଙ୍ଗ୍ ମାନାରାଙ୍ଗ୍ ହବାଅଃତାନ୍‌ରେଦ୍, କା ଚୁଣ୍ଡୁ ବିଷାଏ ନେଆଁଏତେ ଚିମିନ୍ ପୁରାଃ ଆଦକାତେ ମାନାରାଙ୍ଗ୍ କା ହବାଅଃଆ ?

୧୨ ଆବୁଆଃ ଏନ୍ ଆସ୍ତା ମେନାଃ ଏନାମେନ୍ତେ ଆବୁ ଜୀଉରେ କେଟେଦ୍‌କେଦ୍‌ତେ ମେନାବୁଆ ।

୧୩ ଆବୁ ମୁଣା ନାବା ଲେକା ନାହିଁଲାବୁ । ଏନ୍ ମାସ୍‌ଲ୍‌ରେୟାଃ ରାଁପ୍‌ରାଃ ତେଜ୍ କାମିଚିୟାଃତେୟାଃ ଇସ୍‌ସାଏଲ୍ ହଡ଼କ ଆଲକାକ ନେଲେକା ମେନ୍ତେ ଇନିଃ ଆୟାଃ ମଚା ଦାପାଲ୍‌କାଦ୍ ତାଇକେନାଏ ।

୧୪ ସାର୍‌ଚି କାଜିଲେରେ, ଇନ୍‌କୁଆଃ ଆୟାମ୍‌ରେୟାଃ ଆତଃ ମନ୍‌ରେ ଆବ୍‌କାର୍‌ଉରୁମ୍‌ରେୟାଃ ପେଡ଼େଃ କା ତାଇକେନା । ନାହିଁଃହରି ମାରି ରାଜିନାମା ପାଢ଼ାଅ ଇମ୍‌ତା ଇନ୍‌କୁଆଃ ମନ୍‌କ ଦାପାଲ୍‌କାନା । ଯୀଶୁ ଖ୍ରୀଷ୍ଟ୍‌ଲଃ ମେସାନ୍ ହରାତେ ଏସ୍‌କାର୍ ଏନ୍ ଦାପାଲ୍‌କାନ୍‌ତେୟାଃ ଆତମଃଆ । ୧୫ ନାହିଁଃହରି, ଏନ୍ ମୁଣା ନାବାଆଃ ଆନ୍‌ରୁକେ ପାଢ଼ାଅତାନ୍ ଇମ୍‌ତା ଇନ୍‌କୁଆଃ ମନ୍‌ରେ ନାହିଁଃ ଜାକେଦ୍ ଦାପାଲ୍‌କାନା ।

୧୬ ମେନ୍‌ଦ ଏନ୍ ଦାପାଲ୍‌କାନ୍‌ତେୟାଃ ହରି ଆତମ୍ ଦାଡ଼ିୟାଆ । ଚିୟାଃଚି ଧାରାମ୍‌ପୁସ୍‌ରେ ଅଲ୍‌କାନା, “ପ୍ରାଭୁସାଃତେ ହେତାରୁହାଡ଼ଲେରେ, ଏନ୍ ଦାପାଲ୍‌କାନ୍‌ତେୟାଃ ଆତମଃଆ ।” ୧୭ ନାହିଁଃଦ୍, “ପ୍ରାଭୁ” ଆମ୍ବା ତାନିଃ । ଆତଃ ପ୍ରାଭୁଆଃ ଆମ୍ବା ତାଇନତାଃରେ, ତନଲ୍ ବାନଆଃ । ୧୮ ଆବୁ ସବେନ୍‌କଆଃ କା ହାରୁବାକାନ୍ ମେଦ୍‌ମୁହାଁଡ଼ରେ ନାହିଁଃ ପ୍ରାଭୁଆଃ ମାନାରାଙ୍ଗ୍ ଚାମ୍‌କାଆଃତାନା ଆତଃ ଏନ୍ ମାନାରାଙ୍ଗ୍‌ଚି ପ୍ରାଭୁତାଃଏତେ ହିନ୍ଦୁତାନା, ଆତଃ ଆବୁ ପୁରାଃଚି ମାସ୍‌ଲଃତାନ୍‌ଲଃ ଆୟାଃ ରୁପ୍ ଲେକାବୁ ବାଦ୍‌ଲାଆଃତାନା । ଚିଆଃଚି ପ୍ରାଭୁଚି ଆମ୍ବା ତାନିଃ ଆତଃ ଆୟାଃ ହରାତେ ନେ ସବେନାଃ ହବାଅଃତାନା ।

୪

ହାସା ଚାବୁରେ ସିର୍ମାରେୟାଃ ଶୁଜ୍

୧ ପାର୍‌ମେଶ୍‌ବର ଆୟାଃ ଦାୟାତେ ଆଲେକେ ନେ ସେଝାକାମି ଏମାକାଦ୍‌ଲେ ନାଗେନ୍ତେ ଆଲେ କାଲେ ହୁଡ଼ିଙ୍ଗ୍‌ଜୀଉକାନା । ୨ ଆଲେ ଉକୁଆକାନ୍ ଆତଃ ଚିହୁଗାନ୍ କାଜିକାମିକଲେ ବାରିକେଦା । ଆଲେ କାଲେ ବେଦାତାନା ଚାଏ ପାର୍‌ମେଶ୍‌ବରଆଃ ବାଚାନ୍‌କେ ବାରିକେଦ୍‌ତେ ଏଗାଃ ଲେକା ମୁଣ୍ଡି କାଲେ କାଜିତାନା ।

ମେନ୍ଦଦ ପାର୍ବତ୍ୟୋଽପି ନେପେଲରେ ଆଲେ ସାନାଡ଼ିରେୟାଃ ପୁରା ମାସ୍ତାଲ୍ରେଲେ ସେସେନ୍ଦତାନା, ଆତଃ ହତ୍ତକଆଃ ବିବେକ ଆୟା଼ରେ ଆଲେ ଆପାନକେ ମାଇନ୍ ନାମଃ ନାଗେନ୍ତେଲେ ସାନାଡ଼ିତାନା । ୩ ଚିୟାଃତି ଆଲେୟାଃ ହରାତେ ଉଦୁବାକାନ୍ ସୁକ୍ତକାଜି ଦାନାଞ୍ଜୁଆଁକାନ୍ରେଦ, ଏନା ଜିୟନଃତାନ୍ ହତ୍ତକ ନାଗେନ୍ତେ ଏସ୍ତା଼ ଦାନାଞ୍ଜୁଆଁକାନା । ୪ ଇନ୍ଦକୁ କାକ ବିଶ୍ୱାସ୍ ତାନା, ଚିୟାଃତି ଇନ୍ଦକୁଆଃ ମନ୍ଦକେ ନେ ଅତେଦିଶ୍ୱମେକ ରାଇଜେତାନ୍ ସାଏତାନ୍ ନୁବାଃକାଦାଏ । ଖ୍ରୀଷ୍ଟ, ଅକର୍ଷତି ପାର୍ବତ୍ୟୋଽପି ଆତଃ ମିଦ୍ସାମାନ୍ ରୁଦ୍ ତାନିଃ, ଇନିୟାଃ ମାନାରାଞ୍ଜୁ ବିଷାଏରେ ସୁକ୍ତକାଜିହେତେ ହିନ୍ଦୁଃତାନ୍ ମାସ୍ତାଲ୍ରେଲେ ଇନ୍ଦକୁ ଆଲକାକ ନେଲେକା ମେନ୍ତେ ସାଏତାନ୍ ନୁବାଃକାଦାଏ । ୫ ଚିୟାଃତି ଆଲେ ଆପାନକେଗି କାଲେ ଉଦୁବତାନା, ମେନ୍ଦଦ ଖ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଆତଃ ଯୀଶୁଆଃ ନାଗେନ୍ତେ ଆଲେ ଆପାନକେ ଆପେୟାଃ ଦାସିକତାନ୍ଲେ ମେନ୍ତେଲେ ଉଦୁବତାନା । ୬ ଚିୟାଃତି ଅକନ୍ ପାର୍ବତ୍ୟୋଽପି, ଖ୍ରୀଷ୍ଟଆଃ ମେଦମ୍ବୁହାତ୍ରେ ମାର୍ସାଲ୍ ହବାଅଃକା” ମେନ୍ତେ କାଜିକାଦ୍ ତାଇକେନାଏ, ଏନ୍ ପାର୍ବତ୍ୟୋଽପି, ଖ୍ରୀଷ୍ଟଆଃ ମେଦମ୍ବୁହାତ୍ରେ ମାସ୍ତାଲ୍ରେତାନ୍ ପାର୍ବତ୍ୟୋଽପି ମାନାରାଞ୍ଜୁ ସେଣ୍ଟାରେୟାଃ ମାର୍ସାଲ୍ ଉଦୁବ ନାଗେନ୍ତେ ଆଲେୟାଃ ମନ୍ସୁରୁଦ୍ରେ ମାସ୍ତାଲ୍ରେକେତା ।

୭ ମେନ୍ଦଦ ନେ ପୁରାଃ ମାରାଞ୍ଜୁ ପେଡ଼େଃ ପାର୍ବତ୍ୟୋଽପି ତାନାଃ, ଆଲେୟାଃ ନାହାଲ୍ଲାଃ ନେଆଁ ଉଦୁବ ନାଗେନ୍ତେ ଆଲେ ନେ ହାସାରେୟାଃ ଚାଟୁ ଲେକାନ୍ଦ ତାନ୍ଲେ, ଅକନାଃରେତି ସିର୍ମାରେୟାଃ ଖୁଜ୍ ମେନାଃ । ୮ ଆଲେ ସବେନ୍ ଲେକାନ୍ ଦୁକୁହାସୁଲେ ନାମାକାଦା, ଏନ୍ରେୟ କାଲେ ଉୟୁଗାକାନା । ମିସାମିସା ଆତଃଉଡ଼ୁଗୁଃ ତାଇକେନାଲେ, ଏନ୍ରେୟ କାଲେ ହୁଡ଼ିଞ୍ଜା଼ଡ଼କାନା । ୯ ପୁରାଃ ବାଇରିକ ମେନାକଆ, ଏନ୍ରେୟ ଆଲେ ଗାତି ବାଞ୍ଜକ ଲେକା ଚିଉଲ୍ଲାଅ କାଲେ ତାଇକାନା, ଆତଃ ସିଗିଦଃ ତାଇକେନାଲେ, ଏନ୍ରେୟ ଆଲେ କାଲେ ଜିୟନାକାନା । ୧୦ ଯୀଶୁଆଃ ଜୀଦାନ୍ ଜେଲେକା ଆଲେତାଃରେ ଉଦୁବଃଆ, ଏନାମେନ୍ତେ ଆଲେ ସବେନ୍ ଇମ୍ତା ଆଲେୟାଃ ହତ୍ତମକରେ ଯୀଶୁଆଃ ଗନଏଃକେଲେ ଗଅଃକାଦା । ୧୧ ଯୀଶୁଆଃ ଜୀଦାନ୍ରେ ଆଲେୟାଃ ଗନଏଃ ହତ୍ତମରେ ନେଲଃକା ମେନ୍ତେ ଆଲେୟାଃ ଜାନିଦ୍ରେ ଯୀଶୁ ନାଗେନ୍ତେ ବରଞ୍ଜାନ୍ ଗନଏଃରେ ସବେନ୍ ଇମ୍ତା ମେନାଲେୟା । ୧୨ ନେ ଲେକାତେ ଆଲେତାଃରେ ଗନଏଃ ଆତଃ ଆପେତାଃରେ ଜୀଦାନ୍ରେୟାଃ କାମି କାମିତାନା ।

୧୩ ଆରାମ୍ପୁଥ୍ରେ ଅଲକାନା, “ଆଇଞ୍ଜ ବିଶ୍ୱାସ୍କାଦାଇଞ୍ଜ ଏନାମେନ୍ତେଇଞ୍ଜ କାଜିକାଦା ।” ଆଲେ ଏନ୍ ବିଶ୍ୱାସ୍ରେୟାଃ ଆମ୍ବା ନାମାକାଦ୍ ହରାତେ, ଆଲେୟ ବିଶ୍ୱାସ୍କାଦାଲେ ଆତଃ କାଜିତାନାଲେ । ୧୪ ଆଲେ ସାରିତାନାଲେ, ପାର୍ବତ୍ୟୋଽପି ପ୍ରାଭୁ ଯୀଶୁକେ ଗନଏଃହେତେ ଜାଉବିରିଦ୍ଲେୟାଏ, ଏନ୍ ପାର୍ବତ୍ୟୋଽପି ଯୀଶୁଲଃ ଆଲେକେୟ ଜାଉବିରିଦ୍ଲେୟାଏ ଆତଃ ଆପେଲଃ ଆଲେକେ ଆୟାଃ ହେପାଦ୍ରେ ଇଦିଲେୟା । ୧୫ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ହବାଅଃତାନା । ପାର୍ବତ୍ୟୋଽପି ସାୟାଦ୍ ଆତଃଗି ପୁରାଃତେ ହତ୍ତକତାଃତେ ସେଟେରେ, ଆତଃଗି ପୁରାଃ ହତ୍ତକ ପାର୍ବତ୍ୟୋଽପି ମାନାରାଞ୍ଜୁ ନାଞ୍ଜୁ ଧାନ୍ୟାବାଦ୍ରେୟାଃ ବିକ୍ତିକ ବିକ୍ତିୟା ।

ବିଶ୍ୱାସ୍ତେ ଜାନିଦ୍

୧୬ ଏନାମେନ୍ତେ ଆଲେ ଚିଉଲ୍ଲାଅ କାଲେ ହୁଡ଼ିଞ୍ଜା଼ଡ଼ କାନା । ଆଲେୟାଃ ନେଲଃତାନ୍ ହତ୍ତମ ମାଡ଼ି ମାଡ଼ିତେ ଜିୟନଃ ତାନା, ମେନ୍ଦଦ ଆଲେୟାଃ ମନ୍ସୁରୁଦ୍ରେୟାଃ ଆମ୍ବା ଅକନାଃତି ପାର୍ବତ୍ୟୋଽପିତାଃଏତେ ନାମାକାନା ଏନା ମୁସିଞ୍ଜ ମୁସିଞ୍ଜେତେ ନାଞ୍ଜାଇଦିୟଃ ତାନା । ୧୭ ଆତଃ ନେ କାଟିଃ ଲେକାନ୍ ଦୁକୁ ହାସ୍ ଆଲେ ନାଗେନ୍ତେ କା ଜକାଃଅ ଜାନାଅରେୟାଃ ମାନାରାଞ୍ଜୁ ଆଉଗାଲେ ତାନାଏ । ୧୮ ଚିୟାଃତି ଆଲେ ନେଲଃତାନ୍ ବିଷାଏକକେ କା ନେଲ୍ଲକେଦ୍ରେ, କା ନେଲଃତାନ୍ ବିଷାଏକକେ ନେଲ୍ଲତାନାଲେ, ଚିୟାଃତି ନେଲଃତାନ୍ ବିଷାଏକ ହୁଡ଼ିଞ୍ଜ ଦିପଲିଗି ତାଇନାଃ, ମେନ୍ଦଦ କା ନେଲଃତାନ୍ ବିଷାଏକ ଜାନାଅ ଜାନାଅଗି ତାଇନାଃ ।

୫

୧ ମେନ୍ଦଦ ଆଲେ ସାରିତାନାଲେ, ନେ ଅତେରେ ହତ୍ତମ ଲେକାନ୍ କୁମ୍ବାରେ ଆବୁ ନାହାଁଃ ତାଇନଃତାନାବୁ, ଏନା ଜିୟନଃରେଦ, ଆବୁକେ ପାର୍ବତ୍ୟୋଽପି ସିର୍ମାରେ ମିଆଁଦ୍ ଜାନାଅଗି ତାଇନଃ ନାଗେନ୍ତେ ଅତଃ ଏମାବୁଆଏ । ଏନାଦ ହତ୍ତେତେ କା ବାଇକାନା, ମେନ୍ଦଦ ପାର୍ବତ୍ୟୋଽପି ଆଇଞ୍ଜକ୍ତି ଏନାକେ ବାଇୟାକାଦା । ୨ ଆତଃ ନେ ଅତେରେୟାଃ ଅତଃରେ ତାଇକେଦ୍ରେତେ ଆବୁ ଏନ୍ ସିର୍ମାରେୟାଃ ଅତଃ ଲେକାନ୍ ଲିଜାଃ ତୁସିଞ୍ଜଆଃ ନାଗେନ୍ତେ ଆବୁଆଃ ଇଛାସାନାଞ୍ଜୁ ମେନାଃ । ୩ ମେନ୍ଦଦ ଏନ୍ ସିର୍ମାରେୟାଃ ଅତଃ ଲେକାନ୍ ଲିଜାଃ ତୁସିଞ୍ଜଆଁରେଦ, ଆବୁ ସାମା ହତ୍ତମିଗି କାବୁ ନେଲଆଃ । ୪ ଆବୁ ନେ ସା଼ସାରେୟାଃ କୁମ୍ବାରେ ତାଇନଃତାନ୍ ଇମ୍ତା ଲାଗାଉତାଃତାନ୍ଲଃ ମନ୍ସୁରୁଦ୍ରେ ରାଆଃ ଗେରାଞ୍ଜୁ

ତାନାକୁ । ଆବୁ ସାଂସାରରେୟାଃ ହତୁଫକେ ବାଗି ନାଗେନ୍ତେ ସାନାଙ୍ଗ ତାନାକୁ ଏନାଦ ନାହାଁଲୀଃ, ମେନ୍ଦଦ ସିଫାରେୟାଃ ଲିଜାଃ ତୁସିଙ୍ଗ ହରାତେ ଆବୁଆଃ ନେ ସାଂସାରରେୟାଃ ହତୁଫ ଜେଲେକା କା ଗଜଃ ଜୀଦାନରେ ବାଦଲୀଅଃଆ, ଏନା ଆଲେୟାଃ ସାନାଙ୍ଗତାନା । ^୫ ପାର୍ମେଶ୍ୱାର୍ ଆବୁକେ ନେଲେକା ବାଦଲୀଅ ନାଗେନ୍ତେ ବାଇସେକାଡ଼ା କାଦବୁଆ । ଆତଃ ଇନିଃ ଆୟାଃ ପାବିତାର୍ ଆମ୍ବାକେ କୁଲ୍ଲକିଃଦ ହରାତେ ଆବୁରେ ତାଇନଃ ନାଙ୍ଗ ଏଫକିୟାଏ ।

^୬ ଏନାମେନ୍ତେ ଆବୁ ସବେନ୍ ଇମତା ଜୀଉରେ କେଟେଦକେଦତେ ମେନାବୁଆ, ଆବୁ ସାରି ତାନାବୁ, ଚିମିନ୍ ଦିନ୍ ଜାକେଦ ନେ ହତୁଫରେ ମେନାବୁଆ, ଇମିନ୍ ଦିନ୍ ଜାକେଦ ପ୍ରାଭୁତାଏଏତେ ସାଜିନ୍ରେ ତାଇନକେଦତେ ଜୀଦାନବୁ ବିତାଅ ତାନା । ^୭ ଆବୁଆଃ ଜୀଦାନ ନେନେଲ୍ଲେତେଦ କା ମେନ୍ଦଦ ବିଶ୍ୱାସ ବେତାନରେ ତିଙ୍ଗୁଆକାନା । ^୮ ଏନାମେନ୍ତେ ଆବୁ ଜୀଉରେ କେଟେଦକେଦତେ, ଆତଃ ନେ ହତୁଫକେ ଚାଗିକେଦତେ ପ୍ରାଭୁଲଃ ତାଇନଃ ନାଗେନ୍ତେ ଆବୁ ପୁରାଃଗିବୁ ସାନାଙ୍ଗତାନା । ^୯ ଏନାମେନ୍ତେ ଆବୁ ଆପ୍ତନାଃ ଅଡ଼ାଃରେ ତାଇନଃ ଚାଏ ଏଗାଃ ଅଡ଼ାଃରେ ତାଇନଃ, ପାର୍ମେଶ୍ୱାର୍କେ ସୁକୁଇତିତେୟାଃଗି ଆବୁଆଃ ପୁରାଃ ସାନାଙ୍ଗତାନା । ^{୧୦} ଚିୟାଃଗି ଆବୁ ସବେନକକେ ଆୟାଃ ହରାତେ ବିଚାର୍ ହବାଅଃ ନାଗେନ୍ତେ ସାଂସାରରେୟାଃ ବିଚାର୍ ପାୟାଦରେ ତିଙ୍ଗୁନ୍ ଲାଗାତିୟାଃ । ଇମତା ବୁଗିନାଃ ହବାଅଃ ଚାଏ ଏଡ଼କାନାଃ ହବାଅଃ, ଆବୁ ସବେନ୍ ମିମିଆଦ୍ ହତୁକ ସାଂସାରରେୟାଃ ହତୁଫରେ କାମିକାଦ୍ ଲେକାଗି ନାଲାବୁ ନାମେୟା ।

ଶ୍ରୀଷ୍ଟିଆଃ ଦେଙ୍ଗାତେ ପାର୍ମେଶ୍ୱାର୍ଲଃ ଗାତି

^{୧୧} ପ୍ରାଭୁକେ ବର ରେୟାଃ ମୁଣ୍ଡି ତିନାଃ ତାନାଃ, ଏନା ଆଲେ ସାରି କାଦାଲେ ଆତଃ ଏନା ରିକା ନାଗେନ୍ତେ ଆଲେ ସବେନକକେ ଆବୁପେତାନାଲେ । ପାର୍ମେଶ୍ୱାର୍ ଆବୁ ସବେନକକେ ବୁଗିଲେକାଏ ସାରିୟା । ଆଇଙ୍ଗ ଆସ୍ତା ତାନାଇଙ୍ଗ, ଆପେ ଆଇଙ୍ଗକେ ବୁଗି ଲେକାପେ ସାରିୟା । ^{୧୨} ଆଲେ ଆତଃମିସା ଆପେୟାଃ ଆୟାର୍ରେ ଆଲେଗି ମାଇନ୍ ନାମେ ନାଗେନ୍ତେ କାଲେ ସାନାଙ୍ଗତାନା, ମେନ୍ଦଦ ଅକନ୍ଦ ମନ୍ ଭିତାରରେୟାଃ ତାଇନ୍ ଚାଲାନ୍ କା ନେଲ୍ଲେକେଦତେ ହତୁକଆଃ ବାହାରି ରେୟାଃ ନେପେଲ୍ ନେଲ୍ଲେକେଦତେ ଆପାନ୍କେ ମାରାଙ୍ଗ୍ ମେନ୍ତେକ କାଜିନ୍ତାନା, ଇନ୍କୁକେ ଆପେ କାଜିରୁହାଡ଼ ଦାଡ଼ିୟାପେ । ଏନାମେନ୍ତେ ଆଲେୟାଃ ବିଷାଏରେ ଆପେ ଆପାନ୍କେ ମାରାଙ୍ଗ୍ଫେନ୍ ଉଡ଼ୁଗେ ନାଗେନ୍ତେ ଆପେକେ ନେତାଲେ ଏମାପେତାନା । ^{୧୩} ଚିୟାଃ ଆଲେୟାଃ ମନ୍ ବାଲୁଅଃତାନା ? ତାବଦ୍ ପାର୍ମେଶ୍ୱାର୍ ନାଙ୍ଗ ବାଲୁଅଃତାନା । ଚାଏ ଆଲେୟାଃ ମନ୍ ଆବରରେ ମେନାଃରେଦ୍, ଏନା ଆପେୟାଃ ନାଗେନ୍ତେ ଆବରରେ ମେନାଃ । ^{୧୪} ଶ୍ରୀଷ୍ଟିଆଃ ଦୁଲାଡ଼ତେ ଆବୁ ରାଇଜଃ ତାନାବୁ । ଏନାତେ ଆବୁ ନେଆଁ ଉହାଟତାନାବୁ ଯେ, ମିହୁଡ଼୍ ହତୁ ସବେନ୍ ହତୁକଆଃ ନାଗେନ୍ତେ ଗଜାକାନା, ଏନାତେ ସବେନକ୍ ଏନ୍ ଗନଏଃରେୟାଃ ହିସାବୁ ହବାକାନା । ^{୧୫} ଇନିଃ ସବେନକ ନାଗେନ୍ତେ ଗଜାକାନ୍ ହରାତେ ଅକନ୍ଦକେ ଆବିନ୍ଦ୍ ମେନାକିଆ, ଇନ୍କୁ ଆତଃ ଆପ୍ତନାଃ ଆପ୍ତନାଃ ନାଗେନ୍ତେ କା ଜୀହୁଦକେଦତେ, ଅକଏତି ଆକଆଃ ନାଗେନ୍ତେ ଗଏଃୟାନା ଆତଃ ଜୀଉବିରିଦୟାନା, ଇନିୟାଃ ନାଗେନ୍ତେକେ ଜୀହୁଦଃଆ ।

^{୧୬} ଏନା ନାଗେନ୍ତେ ଆଲେ ହତୁଫ ଲେକାତେ ବିଚାର୍, ଜେତାଏକେ କାଲେ ବିଚାର୍ ତାନା । ନେତା ତାଇକେନା ଆଲେ ଶ୍ରୀଷ୍ଟିକେ ହଗି ହତୁକେ ବିଚାର୍ ତାନ୍ ଲେକାଲେ ବିଚାରି ତାଇକେନା । ମେନ୍ଦଦ ନାହାଁଃ ଆଲେ ଏନଲେକା କାଲେ ରିକାତାନା । ^{୧୭} ଜେତାଏ ହତୁ ଶ୍ରୀଷ୍ଟିଲଃ ମେସାକାନ୍ରେ, ନାଞ୍ଜା ହତୁ ହବାଅଃଆଏ । ମାରିତେୟାଃ ଜିୟନକେଦତେ ସବେନ୍ ନାଞ୍ଜା ବିଷାଏ ହବାଅଃଆଃ । ^{୧୮} ଏନା ସବେନାଃ ପାର୍ମେଶ୍ୱାର୍ଆଃ କାମିତାନା । ସିଦା ଆବୁ ଇନିୟାଃ ବାଜିରିବୁ ତାଇକେନା, ନାହାଁଃ ଇନିଃ ଶ୍ରୀଷ୍ଟି ହରାତେ ଆବୁକେ ଆୟାଃଲଃ ମେସାରୁହାଡ଼ କାଦବୁଆ ଆତଃ ଆୟାଃଲଃ ଏଗାଃକକେ ମେସାରୁହାଡ଼ ନାଗେନ୍ତେ ଇନିଃ ଆବୁକେ ବାହାରମ୍ ଏମାକାଦବୁଆଏ । ^{୧୯} ଏନାତେ ଆବୁଆଃ କାନାଜି ହବାଅଃତାନା, ପାର୍ମେଶ୍ୱାର୍, ଶ୍ରୀଷ୍ଟିଆଃ ହରାତେ ଅତେଦିଶ୍ୱମ୍ରେନ୍ ସବେନ୍ ହତୁକକେ ଆୟାଃଲଃ ମେସାରୁହାଡ଼ ନାଗେନ୍ତେ ହରା ବାଇୟାକାଦାଏ । ଆୟାଃ ବିରୁଧରେୟାଃ ସବେନ୍ ପାପ୍ତକ ଇନିଃ ଆୟାଃ ଗିନ୍ତିରେ କାଏ ଦହକାଦା । ଆତଃ ଏନ୍ ମେସାରୁହାଡ଼ ରେୟାଃ ସୁକୁକାଜି ଉଦୁବ୍ ନାଗେନ୍ତେ ଆବୁକେ ବାହାରମ୍ ଏମାକାଦବୁଆଏ ।

^{୨୦} ଏନାତେ, ଆବୁ ଶ୍ରୀଷ୍ଟିଆଃଏତେ ନେଆଁ କାଜିତାନାବୁ, ପାର୍ମେଶ୍ୱାର୍ ଆଇଃକ୍ତି ଆବୁଆଃ ହରାତେ ନେ କେନେଡ଼ା ଏମାକାଦାଏ ମେନ୍ତେ ଆଟକାର୍ ଲାଗାତିୟାଃ । ଶ୍ରୀଷ୍ଟିଆଃରେ ଆଲେ ବିନ୍ତୁପେ ତାନାଲେ, ପାର୍ମେଶ୍ୱାର୍ଲଃ ମେସାରୁହାଡ଼େନ୍ପେ, ^{୨୧} ଚିୟାଃଗି ଶ୍ରୀଷ୍ଟି, ବେଗାର୍ ପାପ୍ତେ ତାଇକେନରେୟା,

* ୫:୧୦ ୫:୧୦ ରୋଗି ୧୪:୧୦.

ପାର୍ବତ୍ୟାମ୍ବୁ ଇନ୍ଦ୍ରକେ ଆବୁଆଃ ପାପୁରେୟାଃ ହିସାଏ ବାଈକିୟା, ଜେ'ଲେକାଚି ଆବୁ ଆୟାଃଲଃ
ମେସାକେଦତେ ପାର୍ବତ୍ୟାମ୍ବୁଆଃ ଧାର୍ମାନ୍‌ରେୟାଃ ହିସାବୁ ହବା ଦାଢ଼ିୟଃଆ ।



୧ ପାର୍ବତ୍ୟାମ୍ବୁଆଃ ନାଗେନ୍ତେ ମିସାତେ କାମିତାନ୍ ହରାତେ ଆଲେ ଆପେକେ ବିକ୍ରିପେତାନାଲେ,
ଆପେୟାଃ ଜୀବାନ୍‌ରେ ପାର୍ବତ୍ୟାମ୍ବୁଆଃ ସାୟାଦକେ ଆଲ୍ଲପେ ସାମାଏଶ୍ଵାଃଏୟା । ୨ ଚିୟାଃଚି ଇନ୍ଦ୍ର
କାଢ଼ିୟାଃଏ, “ଆପେୟାଃ ନାଗେନ୍ତେ ଦାୟା ଉଦୁବ୍ ନାଈ ଦିପିଲି ହିନ୍ଦୁୟାନ୍ ଇମ୍ବତା ଆଇଈ ଆପେୟାଃ
ବିକ୍ରିଇଈ ଆୟୁମକେଦା, ଜୀଉବାଞ୍ଚା ହୁଲାଈରେ ଆଇଈ ଆପେକେଇଈ ଦେଈକେଦପେୟା ।”
ନେଲେପେ ! ନେଆଁ ହବାଅଃତାନା, ପାର୍ବତ୍ୟାମ୍ବୁଆଃ ଦାୟା ତେଲାରେୟାଃ ନେତା । ତିସିଈ
ହବାଅଃତାନା ଜୀଉବାଞ୍ଚାଅଃରେୟାଃ ଦିପିଲି ।

୩ ଅକନ୍ ସେଞ୍ଜାକାମି ଆବୁ ନାମାକାଦାବୁ, ଏନାକେ ଜେତାଏ ଆଲକାକ ଚିଟାଏ, ମେନ୍ତେ ଆଲେ
ଜେତାଏୟାଃ କାମିରେ କାଜିକଟଈ ହବାଅଃ ନାଗେନ୍ତେ କାଲେ ସାନାଈତାନା । ୪ ମେନ୍ଦ ସବେନ୍
ଲେକାନ୍ ନେତାରେ ଆଲେ ଆପାନ୍‌କେ ପାର୍ବତ୍ୟାମ୍ବୁଆଃ ଦାସି ଲେକାଲେ ଉଦୁବେନ୍‌ତାନା, ଆଲେ
ସବେନ୍ ଲେକାନ୍ ଦୁକୁ, ହାସୁ, ସାଈାଟ୍‌ରେ ପୁରାଃ ଧିରାଜ୍‌ରେ ସାହାତିଈ କାଦାଲେ । ୫ ଆଲେ
ଦାଲ୍ଲୟାନ୍‌ରେ, ଜେହେଲ୍ଲୟାନ୍‌ରେ, ହାଲାଗୁଲାଅଃତାନ୍‌ରେ, କେଟେଦ୍ କାମିରେ, ବେଗାଟ୍ ଦୁଡ୍‌ମୁତେ,
କାଟାଟ୍‌ରେ, ୬ ଫାଟ୍‌ଚିନ୍‌ରେ, ସେଣ୍‌ନ୍‌ରେ, ଧିରାଜ୍‌ରେ, ଦାୟାତେ, ଆଲେୟାଃ ସାର୍‌ତି ଦୁଲାଡ୍‌ରେ,
ପାବିତାର୍ ଆମ୍ବାତେ, ୭ ଆଲେୟାଃ ସାର୍‌ତି ସୁକୁକାଜିତେ, ଆତଃ ପାର୍ବତ୍ୟାମ୍ବୁଆଃ ପେଡ଼େଃତେ ଆଲେ
ଆପାନ୍‌କେ ପାର୍ବତ୍ୟାମ୍ବୁଆଃ ଦାସି ମେନ୍ତେଲେ ଉଦୁବେନ୍‌ତାନା । ବାଈରିକଆଃ ବିରୁଧିରେ ଲାଡ଼ାଇ
ନାଗେନ୍ତେ ଧାର୍ମାନ୍ ହବାଅଃତାନା ଆଲେୟାଃ ହାତେୟାଃ । ୮ ଆଲେ ମାଇନ୍ ନାମେ ଚାଏ ମାଇନ୍
କା ନାମେ, ଲାଦାଅଃତାନ୍ ଚାଏ ସାହାରାଅ ନାମେତାନ୍, ଆଲେକେ ହସଡ୍ ମେନ୍ତେ କାଜିଲେ ତାନାକ,
ଏନ୍‌ରେୟ ଆଲେ ସାର୍‌ତି କାଜିତାନାଲେ । ୯ ଆଲେ ସବେନ୍‌କଲଃ ନେଲ୍‌ଉରୁମ୍ କାନ୍‌ରେୟ, କାଲେ
ନେଲ୍‌ଉରୁମ୍‌କାନ୍ ଲେକା ମେନାଲେୟା, ଜୀନ୍‌ଦ୍ ମେନାଲେରେୟ, ଗଜାକାନ୍‌କ ଲେକା ମେନାଲେୟା
। ଆଲେ ସାଜାଇ ନାମେତାନାଲେ, ମେନ୍ଦ କାଲେ ଜିୟନାକାନା । ୧୦ ଆଲେ ହୁଡ୍‌ଜ୍‌ଜୀଉକାନ୍‌ରେୟ
ସବେନ୍ ଇମ୍ବତା ରାସକାଚି ମେନାଲେୟା । ଆଲେ ନାରାଦୁରାଗିଲେ ନେଲଃତାନା, ମେନ୍ଦ ପୁରାଃ
ହଡ୍‌କକେଲେ କିସାଣକାଦକଆ । ଆଲେୟାଃ ଜେଡ୍‌ନାଃ ବାନଃଲେକା ଆଟ୍‌କାରଃ ତାନା, ମେନ୍ଦ
ସାର୍‌ତି ଆଲେ ସବେନାଃଲେ ଆକ୍‌ତେୟାଟ୍‌କାଦା ।

୧୧ କବିଚ୍ଛିନ୍ଦେନ୍ ଦୁଲାଡ୍‌ଗାତିକ, ଆଲେ ବେଗାଟ୍ ବେଦାତେ ସବେନାଃଲେ କାଜିକାଦପେୟା, ଆଲେ
ଆପେକେ ପୁରାଃଗିଲେ ଦୁଲାଡ୍‌ପେ ତାନା । ୧୨ ଆପେ ନାଗେନ୍ତେ ଆଲେୟାଃ ଦୁଲାଡ୍‌କା ଲାସୁରକାନା,
ମେନ୍ଦ ଆପେୟାଃ ଦୁଲାଡ୍‌ ଲାସୁରକାନା । ୧୩ ଆଇଁୟାଃ ହନ୍‌କକେ କାଜିକତାନ୍ ଲେକା ଆଇଈ
ଆପେକେଇଈ କାଜିପେତାନା, ଆଲେ ଆପେକେ ଦୁଲାଡ୍‌ପେ ତାଇକେନ୍ ଲେକାଚି, ଆପେୟ ଆଲେକେ
ଦୁଲାଡ୍‌ଲେପେ ।

ସାଞ୍ଝାଟ୍ ହଡ୍‌କଲଃ ଆଲ୍ଲପେ ଜକାନାଃ

୧୪ ଅକନ୍‌କ ଶ୍ରୀଷ୍ଟକେ କାକ ବିଶ୍ଵାସତାନା, ଇନ୍‌କୁଲଃ ମିଦ୍‌ଜକାତେ କାମି ନାଗେନ୍ତେ ଆଲ୍ଲପେ
ସାନାଈଆଃ । ନେ'ଲେକା ଚିରଲାଅ କା ହବାଦାଢ଼ିୟଃଆ, ଚିୟାଃଚି ଧାର୍ମାନ୍ ଆତଃ କା ଧାର୍ମାନ୍‌କଲଃ
ଚିକାନ୍ ସାଈାଚି ? ମାର୍‌ୟାଲ୍ ଆତଃ ନୁବାଃ ଚିଲ୍‌କାତେ ମିଦ୍‌କେ ତାଇନା ? ୧୫ ଶ୍ରୀଷ୍ଟ ଆତଃ ସାସତାନ୍
ଚିଲ୍‌କାତେ ମିଦେନାକିନ୍ ? କା ବିଶ୍ଵାସ୍ ତାନ୍‌ନିଃଲଃ ବିଶ୍ଵାସ୍‌ତାନ୍‌ନିଃ ଚିକାନ୍ ବିଷାଏରେ ମେସା ଦାଢ଼ିନା ?
୧୬ ସାଞ୍ଝାଟ୍‌କଆଃ ମୁଡ୍‌କଲଃ ପାର୍ବତ୍ୟାମ୍ବୁଆଃ ମାନ୍‌ଚି ଚିଲ୍‌କାତେ ମେସାଅଃଆ ? ଆବୁ ଜୀନ୍‌ଦ୍
ପାର୍ବତ୍ୟାମ୍ବୁଆଃ ମାନ୍‌ଚି ତାନ୍‌ବୁ, ଚିୟାଃଚି ପାର୍ବତ୍ୟାମ୍ବୁ ଆଇଈକ୍‌ଚି କାଜିକାଦା, “ଆଇଈ ଆଇଁୟାଃ
ହଡ୍‌କଲଃ ତାଇନାଈଈ ଆତଃ ଇନ୍‌କୁଆଃ ଆଲ୍ଲାରିଈ ହନ୍‌ର୍ ବାଡ଼ାଏୟା ଆତଃ ଆଇଈ ଇନ୍‌କୁଆଃ
ପାର୍ବତ୍ୟାମ୍ବୁ ହବାଅଃଆଇଈ ଆତଃ ଇନ୍‌କୁ ଆଇଁୟାଃ ଆପ୍‌ନାଃ ହଡ୍‌କ ହବାଅଃଆକ ।” ୧୭ ଏନାତେ ପ୍ରାଭୁ
କାଜିୟାଃଏ, “ଇନ୍‌କୁକେ ବାଗିତାକପେ ଆତଃ ଇନ୍‌କୁତାଃଏତେ ଆତମେନ୍‌ପେ । ସଡ଼ା ବିଷାଏଲଃ ନାତା
ଆଲ୍ଲପେ ଦହଏଆ, ଏନାରେ ଆଇଈ ଆପେକେଇଈ ଦାରମ୍‌ପେୟା । ୧୮ ଆଇଈ ଆପେୟାଃ ଆପୁ ଆତଃ
ଆପେ ଆଇଁୟାଃ କଡ଼ାହନ୍‌କ ଆତଃ କୁଡ଼ିହନ୍‌କ ହବାଅଃଆପେ, ପେଡ଼େୟାନ୍ ପ୍ରାଭୁ ନେଆଁଏ କାଜିତାନା
।”

* ୬:୫ ୬:୫ ପ୍ରେରିଡ୍ ୧୭:୨୩ * ୬:୧୭ ୬:୧୭ ୧ କବିଚ୍ଛିନ୍ଦ ୩:୧୬; ୬:୧୯.



୯ ହେ ଦୁଲ୍ଲଭ, ହାଗା ମିଶିକ, ନେ ସବେନ୍ ବାନାର୍ଯ୍ୟ ଆବୁ ପାର୍ମେଶ୍ୱାର୍ତାଃଏତେ ନାମାକାଦାବୁ । ଏନାତେ ଏଲା ହିନ୍ଦୁଃପେ, ହତ୍ତମ ଆତଃ ଆମ୍ଭାକେ ସତ୍ତରାଏତାନ୍ ସବେନ୍ ବିଷାଏତେ ଆପାନ୍କେ ପାର୍ତ୍ତିନ୍ଦେ । ଆତଃ ପାର୍ମେଶ୍ୱାର୍ତାକେ ବରଭାକ୍ତିତାନ୍ଲଃ ପୁରାଗି ପାବିତାର୍ତ୍ତକେଦ୍ତେ ତାଇନାବୁ ।

ପାତଲ୍ଲସ୍ୟଆଃ ରାସକା

୨ ଆପେୟାଃ ମନ୍ସୁରୁଦ୍ରେ ଆଲେକେ ଠାୟାଦ୍ ଏମାଲେପେ । ଆଲେ ଜେତାଏୟାଃ ଏତ୍ତକାନ୍ କାଲେ ରିକା, ଜେତାଏୟାଃ କାଲେ ହାନିକାଦା, ଜେତାଏତାଃଏତେ ଜେତ୍ତନାଃ ନାମେ ନାଗେନ୍ତେ ବେଦାକେଦ୍ତେ କାଲେ ଆଉକାଦା । ୩ ଆପେକେ ତିଟାପେ ନାଗେନ୍ତେ ଆଇଙ୍ଗ୍ ନେ କାଜି କାଲଙ୍ଗ୍ କାଜିତାନା । ଆଇଙ୍ଗ୍ ସିଦାରେଇଙ୍ଗ୍ କାଜିକାଦା, ଆପେ ଆଲେୟାଃ ନିମିନାଙ୍ଗ୍ ଦୁଲ୍ଲଭକ୍ତ ତାନ୍ଦେ ଯେ, ଆବୁ ଜାନିଦ୍ ତାଇନଃ ଚାଏ ଗଜଃ, ଆବୁ ସବେନ୍ ଇମ୍ତା ମିଦ୍ତାଃରେ ମେନାବୁଆ । ୪ ଆପେତାଃରେ ଆଇଁୟାଃ ପୁରାଃ ବିଶ୍ୱାସମେନା । ଆପେୟାଃ ନାଗେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ୟେନ୍ତେୟାଃ ହରି ପୁରାଃଗିଆ । ଦୁକୁହାସୁରେ ଆଇଙ୍ଗ୍ ପୁରାଃଗି ଜୀଉରାତେଃ ନାମ୍ବକେଦ୍ତେ ରାସକାତେଇଙ୍ଗ୍ ପେରେଜାକାନା ।

୫ *ମାକିଦନିଆତେ ସେଟେରକେଦ୍ତେହ୍ ଆଲେୟାଃ ହତ୍ତମ କା ରୁଡ୍ଡୟାନା । ହତ୍ତକଲଃ ସବେନ୍ତାଃରେ କା ବାପାଲ ଆତଃ ଏପେଗେର୍ ହବାଅଃ ତାଇକେନା, ଏନାତେ ଆଲେୟାଃ ମନ୍ସୁରୁଦ୍ରେ ବର ତାଇକେନା । ୬ ମେନ୍ଦ୍ ହୁଡ୍ଡିଙ୍ଗ୍ଜୀଉକାନ୍କକେ ଜୀଉରାତେଃ ଏମାକତାନ୍ ପାର୍ମେଶ୍ୱାର୍ ତିତସ୍ୱକେ ଆଲେତାଃତେ କୁଲ୍ଲକେଦ୍ତେ ଜୀଉରାତେଃ ଏମାକାଦ୍ଲେୟାଏ । ୭ ଇନିୟାଃ ହିନ୍ଦୁଃ ହରାତେ ଏସ୍କାର୍ କାହା, ମେନ୍ଦ୍ ଇନିଃ ଆପେତାଃତେ ସେନ୍କେଦ୍ତେ ଅକନ୍ ଜୀଉରାତେଃ ନାମାକାଦାଃଏ, ଏନା ହରାତେ ଆଲେ ରାସକାଆଃ ତାନାଲେ । ଆଇଙ୍ଗ୍କେ ନେନେଲ୍ ନାଗେନ୍ତେ ଆପେୟାଃ ତିମିନ୍ ଇଛାସାନାଙ୍ଗ୍, ଆଇଁୟାଃ ନାଗେନ୍ତେ ଆପେୟାଃ ତିମିନ୍ ଦୁକୁ, ଆଇଁୟାଃସାଃରେ ଜେତ୍ତନାଃ କାଜି ନାଗେନ୍ତେ ଆପେ ତିମିନ୍ ଚିହୁଲ୍ଲାନାଗି ମେନାପେୟା, ନେ ସବେନ୍ ବିଷାଏ ଇନିଃ ଆଇଙ୍ଗ୍କେ ଉଦ୍ବକାଦିୟାଃ । ଏନାତେ ଆଇଙ୍ଗ୍ ପୁରାଃଗିଇଙ୍ଗ୍ ରାସକା କାନା ।

୮ ଆଇଁୟାଃ ଚିଠି ପାଢାଅକେଦ୍ତେ ଆପେ ହୁଡ୍ଡିଙ୍ଗ୍ଜୀଉକାନ୍ରେୟ, ଏନ୍ ଚିଠି ଅଲ୍ଲାକାଦ୍ ହରାତେ ଆଇଁୟାଃ ମନ୍ରେ ଜେତାନ୍ ଦୁକୁ ବାନଃଆ । ନେ ଚିଠି ଆପେକେ ପାଡ୍ଡିକାଦ୍ ନାଙ୍ଗ୍ ହୁଡ୍ଡିଙ୍ଗ୍ଜୀଉକାଦ୍ପେ ନାଗେନ୍ତେ ଆଇଙ୍ଗ୍ ଦୁକୁକାନ୍ତେୟାଃଇଙ୍ଗ୍ । ୯ ମେନ୍ଦ୍ ଆପେୟାଃ ମନ୍ରେ ଦୁକୁ ଏମାକାଦ୍ପେ ହରାତେ କାହାଗି, ମେନ୍ଦ୍ ଦେ ଦୁକୁ ଆପେୟାଃ ଜୀଦାନ୍ରେୟାଃ ସେନ୍ହରା ବାଦ୍ଲାଆକାଦ୍ ହରାତେ ନାହ୍ଠ ଆଇଙ୍ଗ୍ ରାସକାଆଃ ତାନାଇଙ୍ଗ୍ । ପାର୍ମେଶ୍ୱାର୍ଆଃ ମନେ ଲେକାତେ ଆପେ ନେ ଦୁକୁ ସାହାଡ୍ଡିଙ୍ଗ୍କାଦାପେ । ଏନାତେ ଆଲେୟାଃ ହରାତେ ଆପେ ଜେତାଲେକାତେ କାପେ ହାନିକାନା । ୧୦ ଚିୟାଃଗି ନେ ଲେକାନ୍ ଦୁକୁ ପାର୍ମେଶ୍ୱାର୍ଆଃ ହରାତେ ବେଭାର୍ତ୍ତକେଦ୍ତେ ମନ୍ସୁରୁଦ୍ ନେଲେକା ବାଦ୍ଲାଆଃରେଦ୍ ଜୀଉବାଞ୍ଚା ନାମଃଆ । ନେଆଁରେ ହୁଡ୍ଡିଙ୍ଗ୍ଜୀଉଃରେୟାଃ ଜେତ୍ତନାଃ ବାନଃଆ । ମେନ୍ଦ୍ ସାଂସାର୍ରେୟାଃ ଦୁକୁରେ ଏସ୍କାର୍ ଗନଏଃ ହବାଅଃଆ । ୧୧ ନେଲେପେ, ପାର୍ମେଶ୍ୱାର୍ଆଃ ଇଛାସାନାଙ୍ଗ୍ ଲେକାତେ ଆପେ ଅକନ୍ ଦୁକୁପେ ନାମାକାଦା, ଏନା ଆପେତାଃରେ ତିମିନ୍ ରାସକା, ତିମିନ୍ ବର, ତିମିନ୍ ଚିହୁଟ୍, ଆମ୍ଭା ସୁଧରାଅ ନାଙ୍ଗ୍ ତିମିନ୍ ଉନ୍ଦୁଦ୍, ଏତ୍ତକାନ୍ ହତ୍ତକକେ ସାଜାଇ ଏମ୍ ନାଙ୍ଗ୍ ତିମିନ୍ ଚିହୁଲ୍ଲାନା କାଜିକ ହବାକାନା । ନେ ସବେନ୍ ବିଷାଏରେ ଆପେ ବେଗାର୍ ତିଟାକାନ୍ ଲେକାପେ ଉଦ୍ବବାକାନା ।

୧୨ ଆପେକଏତେ ଜେତାଏ ଏତ୍ତକାନ୍ କାମିକାଦାଏ ଚାଏ ଏତ୍ତକାନ୍ ସାହାଡ୍ଡିଙ୍ଗ୍କାଦାଏ, ଇନିୟାଃ ନାଗେନ୍ତେ ଆଇଙ୍ଗ୍ ଏନ୍ ଚିଠି କାଇଙ୍ଗ୍ ଅଲ୍ଲାକାଦା । ମେନ୍ଦ୍ ପାର୍ମେଶ୍ୱାର୍ଆଃ ନେପେଲ୍ରେ ଆଲେ ନାଙ୍ଗ୍ ଆପେୟାଃ ଭାକ୍ତି ଚିମିନ୍ ଇକିରା ଆତଃ ୧୩ ଏନା ନାଙ୍ଗ୍ ଆଲେ ଚିମିନ୍ ଜୀଉରାତେଃ ନାମାକାଦାଲେ । ଏନା ଉଦ୍ବ ନାଗେନ୍ତେ ଆଇଙ୍ଗ୍ ଏନ୍ ତିଟାଉ ଅଲ୍ଲାକାଦାଇଙ୍ଗ୍ । ଆଲେ ଜୀଉରାତେଃ ଏସ୍କାର୍ କାଲେ ନାମାକାଦା, ମେନ୍ଦ୍ ଆପେ ତିତସ୍ୱକେ ସବେନ୍ ଲେକାତେ ଦେଙ୍ଗାତାନ୍ଲଃ ଚିଲ୍ଲକା ରାସକା କାଜିକାପେ, ଏନା ଆଲେକେ ପୁରାଃଗି ରାସକାଲେତାନା । ୧୪ ଆୟାଃ ଆୟାଦ୍ରେ ଆପେ ନାଗେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିତାନା । ଆତଃ ଆପେ ଆଇଙ୍ଗ୍କେ କାପେ ହୁଡ୍ଡିଙ୍ଗ୍ଜୀଉକାଦିୟା । ଆଲେ ସବେନ୍ ଇମ୍ତା ଆପେତାଃରେ ସାର୍ତ୍ତିଗିଲେ କାଜିକାଦା, ଏନ୍ଲେକାଗି ତିତସ୍ୱଆଃ ସାମ୍ନାଙ୍ଗ୍ରେ ଆଲେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ ସାର୍ତ୍ତି ତାନାଃ । ୧୫ ଚିଲ୍ଲକା ଆପେ ସବେନ୍କ ଇନିୟାଃ କାଜିକ ମାନାଡ୍ଡିଙ୍ଗ୍ ନାଙ୍ଗ୍ ସେକାଡ୍ଡକାନ୍ ତାଇକେନାପେ ଆତଃ ବରତାନ୍, ଏଲ୍ଲାଆଃତାନ୍ଲଃ ଇନିଃକେ ଦାରମ୍ବକିୟାପେ, ନେ କାଜିକ ପାହାମ୍ବକେଦ୍ତେ ଆପେ ନାଗେନ୍ତେ ଆୟାଃ ଦୁଲ୍ଲଭ୍ ଆତଃଗି

* ୭:୫ ୭:୫ ୨ କବିଚ୍ଛିନ୍ଦ ୭:୧୩

ହାରାଇଦିୟଃତାନା । ୧୭ ଆତଃ ଆଇଞ୍ଜ ସବେନ୍ ବିଷାଏରେ ଆପେତାଃରେ ପୁରାଃଗିଞ୍ଜ ବିଶ୍ୱାସ ଦାଡ଼ିୟା, ଏନାମେନ୍ତେଇଞ୍ଜ ରାସ୍ତକାଅଃତାନା ।

୮

ଖ୍ରୀଷ୍ଟିୟାନକଥାଃ ଏମଃ

୧ *ହେ ହାଗା ମିଶିକ, ମାଲିଦନିଆରେୟାଃ କାଲିସିୟାକରେ ଚିଲ୍ଲକା ପାରମେଶ୍ୱାରୁଆଃ ସାୟାଦ୍ ନାମାକାଦାକ, ଏନା ଆପେକେ ଉଦୁବ୍ ନାଗେନ୍ତେ ସାନାଙ୍ଗତାନାଲେ । ୨ ଇନ୍କୁ ପୁରାଃ ଦୁକୁଡେ ପୁରାଃଗିକ ବିଡ଼ାଅୟାନା । ଇନ୍କୁ ପୁରାଃଗି ନାରାଦୁରାକ ତାଇକେନ୍ରେୟ, ଆକଥାଃ ଏମଃରେ, ଚିମିୟାଙ୍ଗ ଏମରେୟାଃ କାଜି ଏନାଏତେ ଆଦକା ସୁକୁମନ୍ତେକ ଏମକେଦା । ୩ ଆଇଞ୍ଜ ସାର୍ତ୍ତିଗି ଗାଞ୍ଜା ଏମତାନାଇଞ୍ଜ, ଇନ୍କୁ ଆକଥାଃ ଇଛାସାନାଙ୍ଗ ଲେକାତେ ଚିମିନାଙ୍ଗ ଏମ୍ ଦାଡ଼ିରେୟାଃ ପେଡ଼େଃ ମେନାଃ ଇମନାଙ୍ଗ ଏମକେଦାକ ଆତଃ ଏନାଏତେ ଆଦକାହିଁ ଏମକେଦାକ । ୪ ଯିହୁଦାରେ ତାଇନତାନ୍ ପାରମେଶ୍ୱାରୁଆଃ ହଡ଼କକେ ଦେଙ୍ଗାକ ନାଗେନ୍ତେ ଇନ୍କୁକେ ସୁୟୋଗ୍ ନାମଃକା ମେନ୍ତେ ଇନ୍କୁ ଆଲେକେ ବିନ୍ତ୍ରିକାଦଲେ ତାଇକେନାକ । ୫ ଇନ୍କୁତାଃଏତେ ଆଲେ ଇମନାଙ୍ଗ କାଲେ ଆସ୍ତାକାଦ୍ ତାଇକେନା । ସିଦାତେ ଇନ୍କୁ ଆପାନ୍ ଆପାନ୍କେ ପ୍ରାଭୁତାଃରେକ ଜିମାକାନ୍ ତାଇକେନା ଆତଃ ତାୟମ୍ତେ ପାରମେଶ୍ୱାରୁଆଃ ଇଛା ଲେକାତେ ଆପାନ୍ ଆପାନ୍କେ ଆଲେୟାଃ ନାଗେନ୍ତେକ ଜିମାୟାନା । ୬ ତିତସାଃ ଦେଙ୍ଗାତେ ନେ ସାୟାଦ୍ଦରାଃ କାମି ଏଟେଦକାନ୍ ତାଇକେନା । ନେ କାମି କାମିଇଦିୟଃକା ଆତଃ ନେ ଦୁଲ୍ଲାଡ଼ରେୟାଃ ସେଞ୍ଜାକାମିରେ ତିତସ୍ ଆପେକେ ଦେଙ୍ଗାପେକା ମେନ୍ତେ ଆଲେ ତିତସ୍କେ ବିନ୍ତ୍ରିକାଇ ତାଇକେନାଲେ । ୭ ମେନ୍ଦ୍ ଆପେ ସବେନ୍ ବିଷାଏରେ କିସାଁଶକାନାପେ, ବିଶ୍ୱାସ୍ରେ, ଜାଗାର୍ରେ ପକ୍ତା, ସେଣାନ୍ରେ, ଦେଙ୍ଗାରେ ଚିହ୍ନଲକାନାପେ, ଆତଃ ଆଲେ ନାଗେନ୍ତେ ଆପେୟାଃ ଦୁଲ୍ଲାଡ଼୍ ପୁରାଃତେ ଉଦୁବ୍କାଦାପେ । ଏନ୍ତେ ନେ ସାୟାଦ୍ରେୟାଃ ସେଞ୍ଜାକାମିରେୟ ଦାନ୍ ଏମକେଦ୍ତେ ଦୁଲ୍ଲାଡ଼ରେୟାଃ ପାରିଟାଏ ଏମେପେ, ଏନା ଆଇଁୟାଃ ସାନାଙ୍ଗତାନାଃ ।

୮ ଆଇଞ୍ଜ ଆପେକେ ହୁକୁମ୍ ଏମତାନ୍ ଲେକା କାଇଞ୍ଜ କାଜିତାନା, ମେନ୍ଦ୍ ସେଞ୍ଜାକାମିରେ ଏଟାଃକଥାଃ ଇଛାସାନାଙ୍ଗରେୟାଃ ନାମ୍ନା ଏମକେଦ୍ତେ ଆପେୟାଃ ଦୁଲ୍ଲାଡ଼ରେୟାଃ ସାର୍ତ୍ତିତେୟାଃ ଆବ୍କାର୍ରେରୁମ୍ ନାଗେନ୍ତେଇଞ୍ଜ ସାନାଙ୍ଗତାନା । ୯ ଆପେ ଆବୁଆଃ ପ୍ରାଭୁ ଯାଶ୍ ଖ୍ରୀଷ୍ଟିଆଃ ସାୟାଦ୍କେପେ ସାରିତାନା । ଆପେକେ କିସାଁଶ୍ ବାଇପେ ନାଗେନ୍ତେ, ଇନିଃ କିସାଁଶ୍ ତାଇକେନ୍ରେୟ, ଆପେୟାଃ ନାଗେନ୍ତେ ଆଇଃକ୍ରି ନାରାଦୁରାୟାନା ।

୧୦ ନେ ବିଷାଏରେ ଆଇଁୟାଃ ବିଚାର୍ ହବାଅଃତାନା, ସେନଃୟାନ୍ ସିମ୍ନା ଆପେ ଅକ୍ନାଃ ଏଟେଦକାଦ୍ ତାଇକେନାପେ, ଏନା ନାହାଁଃ ଚୁଣ୍ଡ ରିକା ନାଗେନ୍ତେ ଆପେକେ ଲାଗାଡ଼ିଙ୍ଗୟାଁଃ । କାମି ରିକାରେ ଏସକାର୍ କାହାଗି, ମେନ୍ଦ୍ ଏନ୍ କାମି ରିକା ନାଗେନ୍ତେ ସାନାଙ୍ଗତେୟାଃରେ ଆପେ ହବାଅଃତାନାପେ ପାହିଲା । ୧୧ ଏନାତେ କାମି ରିକାଇଦିକାତେପେ ଆତଃ ଆପେୟାଃ ନେତାଲେକା ଏନ୍ କାମିକେ ଚାବାଏପେ । ଉହାଡ଼ତାନ୍ ତାଇକେନ୍ ଇମତା ଆପେୟାଃ ଅକନ୍ ଇଛାସାନାଙ୍ଗ ତାଇକେନା, ଏନ୍ ଲେକାଗି କାମି ଚାବାଏ ଜାକେଦ୍ କାମିକାତେପେ । ୧୨ ଏମ୍ ନାଗେନ୍ତେ ଇଛାସାନାଙ୍ଗ ମେନାଃରେଦ୍, ଆପେ ଅକ୍ନାଃ ଏମ୍ ନାଗେନ୍ତେ ଦାଡ଼ିୟାପେ, ଏନାକେ ପାରମେଶ୍ୱାର୍ ତେଲାଏୟା । ଆପେତାଃରେ ମେନାତେୟାଃଏତେ ଆଦକା ଏମେପେ ମେନ୍ତେ ପାରମେଶ୍ୱାର୍ କାଏ ସାନାଙ୍ଗଥାଃ ।

୧୩ ଆପେୟାଃ ଚେତାନ୍ରେ ବାହାରମ୍ ଲାଦିକେଦ୍ତେ, ଏଟାଃକ ସୁକୁ ନାମେକାକ ମେନ୍ତେ ଆଇଞ୍ଜ କାଇଞ୍ଜ ସାନାଙ୍ଗତାନା । ୧୪ ମେନ୍ଦ୍ ନାହାଁଃ ଆପେୟାଃ ପୁରାଃଗି ମେନାଃ ହରାତେ, ଜାଞ୍ଜିଆକାନ୍ ହଡ଼କକେ ଆପେକେ ଦେଙ୍ଗା ଲାଗାଡ଼ିଙ୍ଗୟାଁଃ । ନେତା ସେଚେର, ଆପେ ଜାଞ୍ଜିଆକାନ୍ ତାଇନଃ ଇମତା, ଇନ୍କୁତାଃରେ ପୁରାଃଗି ତାଇନଃରେ ଆପେୟାଃ ଲାଗାଡ଼ିଙ୍ଗତେୟାଃ ପୁରାଏ ନାଗେନ୍ତେକ ଦେଙ୍ଗାପେୟା । ନେ ଲେକାତେ ଆପେ, ଆପେୟାଃ ଆଲାରେ ମିଦ୍ଜକାଗି ଦେଙ୍ଗା ହବାଅଃଥା । ୧୫ ଧାରମ୍ପୁଥ୍ରେ ଅଲ୍ଲାକାନା, “ଜେତାଏ ପୁରାଃଗି ହୁଣ୍ଡିକେଦା, ଇନିୟାଃ କା ବାଚାଅୟାନା, ଆତଃ ଜେତାଏ କାଚିଃଗି ହୁଣ୍ଡିକେଦା, ଇନିୟାଃ କା ଜାଞ୍ଜିୟାନା ।”

ତିତସ୍ ଆତଃ ଆୟାଃ ଗାତିରେ କାମିତାନ୍କ

୧୬ ପାରମେଶ୍ୱାରୁଆଃ ଧାନ୍ୟାବାଦ୍ ହବାଅଃକା, ଚିୟାଃଗି ଆବୁଆଃ ଲେକା ତିତସ୍ଆଃ ମନ୍ସୁରୁଦ୍ରେ ହଗି ଆପେକେ ଦେଙ୍ଗା ନାଗେନ୍ତେ ଇଛାସାନାଙ୍ଗ ହବାକାନା । ୧୭ ଇନିଃ ଆଲେୟାଃ ବିନ୍ତ୍ରିକେ ଏସକାର୍ ଦାରମ୍କେଦାଏ ମେନ୍ତେଦ୍ କାହାଗି, ମେନ୍ଦ୍ ଆପେକେ ଦେଙ୍ଗାପେ ନାଗେନ୍ତେ ନିମିନାଙ୍ଗ ଇଛାସାନାଙ୍ଗ

* ୮:୧ ୮:୧ ରୋମି ୧୫:୨୭.

କେଦାଏ ଯେ, ଇନିଃ ଆଇଃକୃତି ଆପେତାଃତେ ସେନ୍ ନାଗେନ୍ତେ ମନେକେଦାଏ ।^{୧୮} ଆଲେ ଆୟାଃଲଃ ଆତଃମିଆଦ୍ ହାଗାକେଲେ କୁଲିତାନା । ଇନିଃ ସୁକୁକାଜି ଉଦୁବ୍ରେ ସବେନ୍ କାଲିସିୟାରେ ପୁରାଃଗି ମାଇନ୍ ନାମାକାଦାଏ ।^{୧୯} ଏନା ଏସ୍କାର୍ କାହାଗି, ଇନିଃ ହଗି ଆବୁଆଃ ସୁନ୍ୟାର୍ ହରାତେ ହବାକାନ୍ ନେ ପ୍ରାଭୁଆଃ ମାନାରାଙ୍ଗ୍ ଆତଃ ଆଲେୟାଃ ଜହାର୍ ଉଦୁବ୍ ନାଗେନ୍ତେ ଅକନ୍ ସାୟାଦ୍ରେୟାଃ କାମି ଆଲେ ନାମାକାଦାଲେ, ଏନାରେ ଆଲେଲଃ ହରାସେନ୍ ନାଗେନ୍ତେ କାଲିସିୟା ଇନିଃକେ ସାଲ୍ଲାକଇଜା ।

^{୨୦} ଲେବେଃ ମନ୍ତେ ଏମାକାନ୍ ନେ ସୁନ୍ୟାର୍ରେୟାଃ ବାବ୍ଦାନ୍ତକେ ଆଲେ ପୁରାଃ ଚିଗ୍ଲିକ୍ତେ ବାଉରାଅ ତାନାଲେ, ଜେଲେକାଚି ଜେତାଏ ଆଲେକେ କାକ ଚିଗା ଦାଡ଼ିୟା ।^{୨୧} ଚିୟାଃଗି ଆଲେ ପ୍ରାଭୁଆଃ ସାମ୍ନାଙ୍ଗ୍ରେ ଏସ୍କାର୍ କାହାଗି ମେନ୍ଦ୍ ହଡ଼କଆଃ ସାମ୍ନାଙ୍ଗ୍ରେହ ବୁଗିନାଃଲେ ଉଡ଼ୁଡ଼ାନା ।

^{୨୨} ଏନାତେ ଆଲେ ଇନ୍କୁଲଃ ଆଲେୟାଃ ହାଗାକେଲେ କୁଲିତାନା । ଆଲେ ଇନିଃକେ ପୁରାଃଗି ବିଡ଼ାଅକେଦ୍ତେ ଇନିଃକେ ପାଚିୟାର୍ରେୟାଃ ଲେକାଲେ ନାମ୍ନିୟା । ଆପେୟାଃ ଚେତାନ୍ତେ ଆୟାଃ ପୁରାଃ ଆସ୍ତା ତାଇନ୍ ହରାତେ, ଇନିଃ ଆପେକେ ଦେଙ୍ଗାପେ ନାଗେନ୍ତେ ପୁରାଃଗି ମନେକାଦା ।^{୨୩} ଡିତସ୍ତଆଃ ପାଚିରାଏ ନେଆଁତାନାଃ, ଇନିଃ ଆଇଁୟାଃ ଗାଡ଼ିରେ କାମିତାନ୍ନିଃ ତାନିଃ ଆତଃ ଆପେକେ ଦେଙ୍ଗାପେ ଆଇଁୟାଃଲଃ ମେସାକାନ୍ନିଃ ତାନିଃ । ଆତଃ ଆଇଁୟାଃଲଃ ସେନ୍ତାନ୍ ଏତାଃ ବିଶ୍ୱାଏ ହାଗାକ ହବାଅଃତାନାକ : କାଲିସିୟା ହରାତେ କୁଲ୍ଲକାନ୍ତକ ଆତଃ ଖ୍ରୀଷ୍ଟଆଃ ମାନାରାଙ୍ଗ୍ ଆଉଢ଼େ ଲେକାନ୍ତକ ତାନ୍ତକ ।^{୨୪} ଏନାମେନ୍ତେ, ଇନ୍କୁକେ ଆପେୟାଃ ଦୁଲ୍ଲାଡ଼୍ ଉଦୁବ୍କପେ । ଏନାରେ ସବେନ୍ କାଲିସିୟାକ ନେ ବିଷାଏରେ ଠାଉକା ହବାଅଃଆ ଆତଃ ଆପେ ନାଗେନ୍ତେ ଆଲେ ଆପାନ୍ତକେ ମାରାଙ୍ଗ୍ ମେନ୍ତେ କାଜିନ୍ତାନ୍ତେୟାଃ ସାର୍ତ୍ତି ମେନ୍ତେ ଆବ୍କାର୍ ଦାଡ଼ିୟା ।



ଏତାଃ କାଲିସିୟାରେନ୍ ବିଶ୍ୱାସୀକ ନାଗେନ୍ତେ ଦେଙ୍ଗା

^୧ ହିନ୍ଦୁଦାରେ ତାଇନ୍ତାନ୍ ପାର୍ମେଶ୍ୱାର୍ଆଃ ହଡ଼କତାଃତେ ଦେଙ୍ଗା କୁଲେ ନାଗେନ୍ତେ ଆପେକେ ଜେଡ଼ନାଃ ଅଲ୍ଲ ନାଙ୍ଗ୍ କା ଲାଗାଡ଼ିଙ୍ଗ୍ୟାଃ ।^୨ ଆଇଙ୍ଗ୍ ଆପେୟାଃ ଚିହ୍ନୁଲ୍ଲାନ୍ କାମିକ ସାରିତାନାଇଙ୍ଗ୍, ଆପେ ସବେନ୍ ଇମ୍ତା ଦେଙ୍ଗା ନାଗେନ୍ତେପେ ସେକାଡ଼ାକାନା ଆତଃ ମାକିଦନିଆରେନ୍ ହଡ଼କଆଃ ସାମ୍ନାଙ୍ଗ୍ରେ ଆପେୟାଃ ବିଷାଏରେ ଆଇଙ୍ଗ୍ ଆପାନ୍ତକେ ମାରାଙ୍ଗ୍ ମେନ୍ତେଇଙ୍ଗ୍ କାଜିକାଦା । ଆଇଙ୍ଗ୍ କାଜିକାଦ୍ ତାଇକେନାଇଙ୍ଗ୍, “ଆଖାୟାରେନ୍ ହାଗାକ ଦେଙ୍ଗା ନାଗେନ୍ତେ ସେକାଡ଼ାକାନ୍ ମେନାକଆ ।” ଆପେୟାଃ ଚିହ୍ନୁଲ୍ଲାନ୍ କାମିକ ଇନ୍କୁକଏତେ ପୁରାଃ ହଡ଼କକେ ଚେଡ଼ଗାର୍ କାଦ୍କଆ ।^୩ ନାହିଁଃ ଆଇଙ୍ଗ୍ ନେ ହାଗା ମିଶିକକେ ଆପେତାଃତେଇଙ୍ଗ୍ କୁଲ୍ଲକତାନା । ଜେଲେକାଚି ଆପେୟାଃ ବିଷାଏରେ ଆଲେ ଆପାନ୍ତକେ ମାରାଙ୍ଗ୍ରେୟ୍ କାଜିନ୍ତାନ୍ତେୟାଃ ଆଲକା ସାମାଏଣ୍ଡାଗଃକା । ଆଇଁୟାଃ କାଜି ଲେକାତେ ଆପେ ଦେଙ୍ଗା ଏମ୍ ନାଗେନ୍ତେ ସେକାଡ଼ାକାନ୍ ତାଇନ୍ତେ ।^୪ ମାକିଦନିଆରେନ୍ ହଡ଼କ ଆଇଁୟାଃଲଃ ସେନ୍ତେଦ୍ତେ ଆପେକେ କା ସେକାଡ଼ାକାନ୍ ନେଲ୍ଲପେରେଦ୍, ଆପେୟାଃ ଚେତାନ୍ତେ ଆଲେୟାଃ ପକ୍ତା ଆସ୍ତା ତାଇନ୍ ହରାତେ ଆଲେ ଗିହ୍ନୁଗଃଆଲେ, ସାର୍ତ୍ତି କାଜିଲେରେ, ଏନା ଆପେ ନାଗେନ୍ତେୟ ଗିହ୍ନୁଗଃଗଃ କାଜି ହବାଅଃଆ ।^୫ ଆପେ ଦାନ୍ ଏମ୍ ନାଗେନ୍ତେ ସିଦାରେ ବାନାର୍ସାଏ ଏମାକାଦ୍ ତାଇକେନାପେ, ଏନାକେ ହାରମ୍ ନାଗେନ୍ତେ ଆଇଙ୍ଗ୍ ନେ ହାଗା ମିଶିକକେ ସିଦାରେ ଆପେତାଃତେ ସେନ୍ ନାଙ୍ଗ୍, ଆଚୁତେୟାଃ ବୁଗିନାଃ ହବାଅଃଆ ମେନ୍ତେଇଙ୍ଗ୍ ଆବ୍କାର୍କେଦା । ଜେଲେକାଚି ଆଇଙ୍ଗ୍ ଆପେତାଃତେ ସେବେନ୍ ଇମ୍ତାଲଃ ଏନ୍ ଦାନ୍ ଉଖରାଅକେଦ୍ତେ ଦହାକାନ୍ତା ତାଇନା । ନେଆଁ ହରାତେ ଆପେକେ ଏମ୍ ଲାଗାଡ଼ିଙ୍ଗ୍ୟାଃ ଲେକା କା ଏମ୍କେଦ୍ତେ ଆପାନ୍ତା ସାନାଙ୍ଗ୍ ଲେକା ଏମ୍ତାନାପେ ମେନ୍ତେ ଉଦୁବଃଆ ।

^୬ ପାହାମେପେ, କାଚିଃ ଲେକା ହିତା ହେରେତାନ୍ନିଃ, କାଚିଃ ଲେକାଚି ଇରେୟା, ଆତଃ ପୁରାଃ ହିତା ହେରେତାନ୍ନିଃ ପୁରାଃଗି ଇରେୟା ।^୭ ଏନାତେ, ଅକଏ ଚିଲ୍ଲକା ମନ୍ତେ ଉଡ଼ୁକାଦାଏ, ଇନିଃ ଏନ୍ ଲେକାଚି ଏମେକାଏ ଆତଃ ଇନିଃ ଏମେତାନ୍ତେୟାଃ ହୁଡ଼ିଙ୍ଗ୍ଜାଉତେ ଚାଏ ମାମ୍ନାଙ୍ଗ୍ରେ ଆଲକାଏ ଏମେକା । ଚିୟାଃଗି ପାର୍ମେଶ୍ୱାର୍ଦ୍ ରାସ୍କାତେ ଏମିଃନିଃକେ ଦୁଲ୍ଲାଡ଼ାଃଏ ।^୮ ସବେନ୍ ବିଷାଏ ସବେନ୍ ଇମ୍ତା ପୁରାଃତେ ନାମ୍ନେଦ୍ତେ, ଆପେ ଜେଲେକା ସବେନ୍ ବୁଗିନ୍ କାମି ନାଗେନ୍ତେ ପୁରାଃ ଆଦ୍କାଗି ଏମ୍ ଦାଡ଼ିୟାପେ, ଏନାମେନ୍ତେ ପାର୍ମେଶ୍ୱାର୍ ଆପେକେ ସବେନ୍ ଲେକାନ୍ ସାୟାଦ୍ ପୁରାଃଗି ଏମ୍ ଦାଡ଼ିନିଃ ତାନିଃ ।^୯ ଧାରାମ୍ ପୁଅରେ ଅଲ୍ଲକାନ୍ ଲେକା, “ଇନିଃଦ୍ ରେଙ୍ଗେଃକକେ ହାଡ଼ିଙ୍ଗ୍ ତାନା, ଇନିୟାଃ ଧାର୍ମାନ୍ତେୟାଃ ଜାନାଅ ଜାନାଅଗି ମେନାଃ ।”

୧୦ ହିତାହେତୁ ହତୁକକେ ପାର୍ବମେଶ୍ୱର ହେତୁ ନାଗେନ୍ତେ ହିତା ଆତଃ ଜମ୍ ନାଗେନ୍ତେ ହଲଙ୍ଗ ଏମାଃଏ, ଜନିଃ ଆପେୟାଃ ଲାଗାତିଙ୍ଗ ଲେକା ହିତାଏ ଯୋଗାଅପେୟା ଆତଃ ଏନାକେ ହାରାଜତିୟା, ଆତଃ ଆପେୟାଃ ବୁଗିନ୍ ବିଷାଏରେୟାଃ ଜ ପୁରାଃଗି ପସା ଜଦିୟଃଥା । ୧୧ ଆପେ ଜେ'ଲେକା ଲେବେଃମନ୍ତେ ଦାନ ଏମ ଦାଡ଼ିୟାପେ, ଏନାମେନ୍ତେ ପାର୍ବମେଶ୍ୱର ଆପେକେ ସବେନ୍ ବିଷାଏରେ କିର୍ପାଣିପେୟା ଆତଃ ଆଲେୟାଃ ହରାତେ ଆପେ କୁଳାକାଦ ଦାନ ନାଗେନ୍ତେ ପୁରାଃ ହତୁକ ପାର୍ବମେଶ୍ୱରକେ ଧାନାବାଦକ ଏମାଇୟା । ୧୨ ଆପେୟାଃ ଏମଃରେୟାଃ ସେଞ୍ଜା ହରାତେ ପାର୍ବମେଶ୍ୱରଆଃ ହତୁକଆଃ ଜଞ୍ଜିଅଃତେୟାଃ ସାଜିନଃଥା, ଏନା ଏସକାର କାହାଗି, ମେନ୍ଦ ନେ ଏମଃ ହରାତେ ପୁରାଃ ହତୁକ ପାର୍ବମେଶ୍ୱରକେ ଧାନାବାଦକ ଏମାଇୟା । ୧୩ ନେ ସେଞ୍ଜାକାମି ହରାତେ ଖ୍ରୀଷ୍ଟଆଃ ସୁକୁକାଜି ନାଙ୍ଗ ଆପେୟାଃ ପାତିୟାଃରଃତେୟାଃ ଆତଃ ସବେନକଲଃ ମେନେସାରେୟାଃ ଲେବେଃମନ୍ତ ହରାତେ ଜନ୍ତୁ ପାର୍ବମେଶ୍ୱରଆଃ ମାନାରାଜ୍ଜକ ଉଦୁବେୟା । ୧୪ ଆତଃ ଆପେୟାଃ ନାଗେନ୍ତେ ପାର୍ବମେଶ୍ୱରଆଃ ସାୟାଦ୍ ପୁରାଃଗି ହବଂଅଃକା ମେନ୍ତେ ଜନ୍ତୁ ପୁରାଃ ଜଞ୍ଜାସାନାଙ୍ଗଲଃ ପାର୍ବମେଶ୍ୱରତଃରେ ବିନ୍ଦିୟାକ । ୧୫ ଦଲାରୁ, ପାର୍ବମେଶ୍ୱରଆଃ ପୁରାଃ ଗନଙ୍ଗଆଁନ୍ ଦାନ ନାଗେନ୍ତେ, ଜନିଃକେ ଧାନାବାଦକ୍ ଏମାଇୟା ।

୧୦

କା ଲାଗାତିଙ୍ଗ ଉନ୍ନୁଦ୍ବରେ ପାଉଲୁସଆଃ କାଜିରୁହାଡ଼

୧ ଆଇଙ୍ଗ ପାଉଲୁସ, ଆପେକେ ଆଇଁୟାଃ ଆପାନ୍‌ସାଃଏତେଇଙ୍ଗ ବିନ୍ଦିପେତାନା, ଚିମିନ୍ ହତୁକ କାଜିୟାଃକ, "ଆଇଙ୍ଗ ଆପେତଃରେ ତାଇକେନ୍ ଜମ୍ତା ପୁରାଃଗି ଲେବେଃମନ୍ତ ଆତଃ ହୁତିଙ୍ଗମନ୍ ଲେକାନିନିଃ ତାଇକେନାଇଙ୍ଗ, ମେନ୍ଦ ଆପେତଃହେତେ ସାଜିନ୍ତେ ସେନଃୟାନ୍ତେ ପୁରାଃ କେଟେଦମନ୍ ଲେକାନିନିଃ ତାନିଙ୍ଗ ।" ଖ୍ରୀଷ୍ଟଆଃ ଲେବେଃମନ୍ତ ଆତଃ ଦାୟା ହରାତେ ୨ ଆଇଙ୍ଗ ଆପେକେ ବିନ୍ଦିକେଦତେ କାଜିପେତାନାଇଙ୍ଗ, ଆପେଲଃ ନେପେଲ୍ ଜମ୍ତା ଆଇଙ୍ଗକେ ଆପେ ଆଲୁପେ ଖୁସ୍‌ଜତିଙ୍ଗ, ଚିୟାଃତି ଆଲେ ସାଂସାରରେୟାଃ ରିତିନିତି ଲେକା ସେସେନ୍ତାନାଲେ ମେନ୍ତେ ଅକନ୍ ହତୁକ କାଜିତାନାକ, ଜନ୍ତୁଆଃ ବିରୁଧରେ ପୁରାଃତେ କାଜିନାଙ୍ଗ ଆଇଙ୍ଗ କାଇଙ୍ଗ ବରତାନା । ୩ ଆବୁ ନେ ଅତେଦିଶ୍ୱମ୍ରେ ତାଇନଃ ତାନାରୁ ଏନା ସାରତିଗି ତାନାଃ, ମେନ୍ଦ ଆବୁ ସାଂସାରରେନ୍ ହତୁକ ଲାଡ଼ାଇତାନ୍ ଲେକା, କାରୁ ଲାଡ଼ାଇତାନା । ୪ ମେନ୍ଦ ଆବୁ ଲାଡ଼ାଇ ନାଗେନ୍ତେ ନେ ଅତେଦିଶ୍ୱମ୍ରେୟାଃ ହାଁତେୟାରୁ କାରୁ ବେଭାରୁଆଃ, ମେନ୍ଦ ପାର୍ବମେଶ୍ୱରଆଃ ପେଡ଼େଃୟାନ୍ ହାଁତେୟାରୁ ବେଭାରୁକେଦତେ ବାଇରିକଆଃ କେଟେୟାନ୍ ହରତାନ୍ ଠାୟାଦକେ ଜିୟନ୍ତାନାରୁ । ଆବୁ ହସ୍ତ ଜାଗାରୁକକେହ ଜିୟନ୍ତଃଃ । ୫ ପାର୍ବମେଶ୍ୱରଆଃ ସେଣ୍ଡିନ୍ ବିରୁଧରେ ବିରିଦତାନ୍ ସବେନ୍ କାଜିକଟଙ୍ଗତେୟାଃକେ ଆଲେ ଆତମତଃରେ ଆତଃ ହତୁକଆଃ ସବେନ୍ ଉଡ଼ୁ ଆବର୍ରେ ଦହକେଦତେ ଖ୍ରୀଷ୍ଟକେ ମାନାତିଙ୍ଗ ନାଗେନ୍ତେ ବାଇକଆ । ୬ ଆତଃ ଚିମ୍ତା ଆପେ ପୁରା ଖ୍ରୀଷ୍ଟଆଃ ମାନାତିଙ୍ଗତାନ୍କ ଲେକାପେ ହବଂଅଃ ତାୟମ୍ତେ, ଆପେ ଆଲରେ ଜେତାଏ କା ମାନାତିଙ୍ଗତାନ୍ନିଃ ଲେକାଏ ନେଲଃରେ, ଆଲେ ଜନିଃକେ ସାଜାଇ ଏମ ନାଗେନ୍ତେ ସେକାଡ଼ାକାନାଲେ ।

୭ ଆପେୟାଃ ଉପୁନ୍‌ସାଃରେ ଚିନାଃ ହବାଅଃତାନା, ଏନା ନେଲେପେ । ଆପେକଏତେ ଜେତାଏ, ଆପାନ୍‌କେ ଖ୍ରୀଷ୍ଟଆଃ ତାନିଙ୍ଗ ମେନ୍ତେ ବିଶ୍ୱାସ୍ତାନ୍ନିଃ ମେନାଇୟାତି ? ମେନାଇରେଦ, ଜନିଃ ଆତଃମିସାଏ ଉଡ଼ୁଜଟା, ଚିୟାଃତି ଜନିୟାଃ ଲେକା ଆବୁହ ଖ୍ରୀଷ୍ଟକେ ବିଶ୍ୱାସ୍ତାନ୍ ହତୁକ ତାନ୍ତୁ । ୮ ଆପେକେ ଜିୟନ୍ତେ ନାଗେନ୍ତେଦ କାହା, ମେନ୍ଦ ବାଇଜଦିପେ ନାଗେନ୍ତେ ପ୍ରାଭୁ ଆଲେକେ ଅକ ଆକ୍‌ତେୟାରୁ ଏମାକାଦ୍‌ଲେୟାଏ, ଏନା ନାଗେନ୍ତେ ଆଇଙ୍ଗ ପୁରାଃଗି ଆପାନ୍‌କେ ମାରାଙ୍ଗ ମେନ୍ତେଇଙ୍ଗ କାଜିନ୍‌ରେଦ, ଏନାରେ ଆଇଙ୍ଗ କାଇଙ୍ଗ ଗିହୁଗଃଥା । ୯ ଆଇଁୟାଃ ଚିଠି ହରାତେ ଆପେକେ ବଡ଼ଙ୍ଗପେ ନାଗେନ୍ତେ ଆଇଙ୍ଗ ସାନାଙ୍ଗତାନା । ୧୦ ଚିମିନ୍ ହତୁକ କାଜିୟାଃ, "ପାଉଲୁସଆଃ ଚିଠିକ ପୁରାଃ ହାସ୍ତାନ୍‌ଗିଆ ଆତଃ କେଟେୟାନ୍‌ଗିୟା, ମେନ୍ଦ ଜନିଃ ଆବୁଲଃ ତାଇକେନ୍ ଜମ୍ତା ହତ୍‌ମରେ କା ପେଡ଼େୟାନ୍ ଆତଃ ଆୟାଃ କାଜିକ ସାମାଗି ଲେକା ଆବ୍‌କାନଃ ତାଇକେନା ।" ୧୧ ଏନ୍ ହତୁକକେ ଆବ୍‌କାର ଉରୁମ୍ ଲାଗାତିଙ୍ଗୟାଃ ଯେ, ଆଲେ ଅକ୍‌ନାଃ ସାଜିନ୍‌ହେତେ ଚିଠିରେ ଅଲେତାନାଲେ, ଏନା ସାମାଗିରେ ତାଇକେଦତେ କାମି ରିକାତାନ୍ ଲେକାନାଃ ତାନାଃ ।

୧୨ ଚିମିନ୍ ହତୁକ ଆପାନ୍‌କେ ମାରାଙ୍ଗ ମେନ୍ତେ କାଜିନ୍‌ତାନ୍‌କଲଃ ମେସାନ୍ ତାଏ ଜନ୍ତୁଲଃ ଆଲେ ଆପାନ୍‌କେ ଜକାଃଥ ନାଗେନ୍ତେ ବରତାନାଲେ । ଜନ୍ତୁ ଚିମିନ୍ ତଣ୍ଡକ ତାନ୍‌କ, ଚିୟାଃତି ଜନ୍ତୁ ଆକ ଆକଗି ନାପାଅଃଆକ, ଆତଃ ଆକଆଃ ଆପୁନାଃ ଲେକାତେଗି ବିଚାରଃଆକ । ୧୩ ମେନ୍ଦ ଆବୁ ଆପାନ୍‌କେ ମାରାଙ୍ଗ ମେନ୍ତେ କାଜିନ୍‌ତେୟାଃ ସିମ୍‌ନାହେତେ ବାହାରିରେ ବାନଃଥା, ପାର୍ବମେଶ୍ୱର

ଆବୁ ନାଗେନ୍ତେ ଅକନ୍ଦ କାମି ବାଇୟାକାଦାଏ, ଏନା ସିମ୍ବନା ଭିତାରରେଗି ତାଇନା ଆତଃ ଆପେ ଆଲାରେ ମେସାଅଥଆ । ^{୧୪} ଏନା ନାଗେନ୍ତେ ସିଦାତେ ଆଲେ ଖ୍ରୀଷ୍ଟଆଃ ସୁକୁକାଜି ଆପେତାଃତେ ଇଦି ସେବେଟ୍ ଇମ୍ପତାରେ ସିମ୍ବନା ଭିତାରରେ ତାଇକେଦ୍‌ତେ କାଲେ କାମି । ^{୧୫} ପାର୍ମେଶ୍ଵାର୍ ଆବୁଆଃ ନାଗେନ୍ତେ ବାଇୟାକାଦ୍ କାମିରେୟାଃ ସିମ୍ବନା ବାହାରିରେ ଏଟାଃକ କାମିରେୟାଃ ସୁୟୋଗ୍ ଇଦିକେଦ୍‌ତେ କାମିକାଦାକ, ଏନାରେ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାବୁ କାଜିନା । ମେନ୍‌ଦ୍ ଆଲେ ଆସ୍ତାକାଦାଲେ ଯେ, ଆପେ ବିଶ୍ଵାସରେ ହାରା ଇଦିୟଃତାନୁଲଃ ଆପେ ଆଲାରେ ଆଲେୟାଃ କାମି ଆତଃଗି ପାସ୍‌ରାଅ ଇଦିଅଥଆ । ମେନ୍‌ଦ୍ ନେଆଁ ପାର୍ମେଶ୍ଵାର୍ ଠାହାରାଅକାଦ୍ ସିମ୍ବନା ଭିତାରରେ ହବାଅଥଆ । ^{୧୬} ଏନ୍‌ରେଦ୍, ଏଟାଃନିୟାଃ କାମିରେ ହବାକାନ୍ କାମି ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେ କା କାଜିକେଦ୍‌ତେ ଆପେୟାଃ ସିମ୍ବନା ବାହାରିରେୟାଃ ଏଟାଃ ଦିଶ୍ଵମ୍‌ରେୟାଃ ଆବୁ ସୁକୁକାଜି ଉଦ୍‌ଦ୍‌ ଦାଡ଼ିୟାବୁ ।

^{୧୭} ମେନ୍‌ଦ୍ ଆରାମ୍‌ପୁଅରେ ଅଲାକାନା, “ଜେତାଏ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଯାନାଙ୍ଗ୍‌ନିଃ, ପ୍ରାଭୁ ରିକାକାଦ୍ କାମି ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଲାଗାଡ଼ିଙ୍ଗ୍‌ୟାଃ ।” ^{୧୮} ଚିୟାଃଟି ଆପୁନାଃ ସାହାରାଅ ରିକା ହରାତେ, ଇନିଃ ମାଇନ୍ ନାମେନିଃ କାଏ ହବାଅଥଆ, ମେନ୍‌ଦ୍ ଜେତାଏ ପ୍ରାଭୁଆଃ ନେପେଲ୍‌ରେ ବୁଗିନାଃ ହବାଅଥଆ, ଇନିଃ ଏସ୍‌କାର୍ ମାଇନ୍ ନାମେନିଃ ହବାଅଥଆଏ ।

୧୧

ପାଉଲୁସ୍ ଆତଃ ହସତ୍ ପ୍ରେରିଡ୍

^୧ ଆଇଁୟାଃ ସାନାଙ୍ଗ୍ ଯେ, ଜେତା ବିଷାଏରେ କାଟିଃଲେକା ତଣ୍ଡ ହବାଅଃରେୟ ଆପେ ଆଇଙ୍ଗ୍‌କେ ସାହାଡ଼ିଙ୍ଗ୍‌ପେ । ^୨ ଆଇଙ୍ଗ୍‌ଦ୍ ପାର୍ମେଶ୍ଵାର୍‌ଆଃ ଚିହ୍ନୁଲ୍‌ଲାନ ହରାତେ ଆପେ ନାଙ୍ଗ୍ ଚିହ୍ନୁଲ୍‌ନଗି ମେନାଲ୍‌ୟା, ଚିୟାଃଟି ଫାର୍‌ଟିୟାକାନ୍ ତିଣ୍ଡା କୁଡ଼ି ଲେକା ଖ୍ରୀଷ୍ଟଆଃ ସାମ୍‌ନାଙ୍ଗ୍‌ରେ ତିଙ୍ଗୁଦାଡ଼ିପେ ମେନ୍ତେ ଆଇଙ୍ଗ୍ ମିଆଁଦ୍‌ଗି କଡ଼ାନାଙ୍ଗ୍ ଆପେୟାଃ କାଜିଇଙ୍ଗ୍ ବାଇୟାକାଦା । ^୩ ମେନ୍‌ଦ୍ ବିଙ୍ଗ୍ ଆୟାଃ ଚାଡୁର୍ ହସତ୍ ହରାତେ ହାଝାକେ ବେଦାକିଃ ଲେକା, ଆପେୟାଃ ଖ୍ରୀଷ୍ଟକେ ପୁରା ବାଗିୟାପେ ଆତଃ ଫାର୍‌ଟିନ୍ ପାତିୟାର୍‌ରେନ୍‌ତାଃଏତେ ବିଗଡ଼ାଅଥଆପେ, ମେନ୍ତେ ଆଇଁୟାଃ ବର ବେନାଃ । ^୪ ଚିୟାଃଟି ଜେତାଏ ହିନ୍ଦୁଃକେଦ୍‌ତେ ଆଲେ ଉଦୁବାକାଲ ଯାଶୁକେ ବାଗିକେଦ୍‌ତେ ଏଟାଃ ଜେତା ଯାଶୁଆଃ କାଜିକ ଉଦୁବେୟା ଚାଏ ଆପେ ନାମାକାଦ୍ ଆମ୍‌ମାକେ ବାଗିକେଦ୍‌ତେ ଏଟାଃ ଜେତା ଆମ୍‌ମାରାଃ କାଜିକ କାଜିୟା ଚାଏ ଆପେ ତେଲା ଦାରମ୍‌କାଦ୍ ସୁକୁକାଜି ବାଗିକେଦ୍‌ତେ ଏଟାଃ ଜେତା ସୁକୁକାଜିକ ଉଦୁବେୟା ଆତଃ ଆପେ ଏନାକେ ସୁକୁତେପେ ତେଲା ତାନ୍‌ରେଦ୍, ସାମାରେ ଏନାକେପେ ତେଲା ଦାରମ୍‌କାଦା ।

^୫ ଆପେୟାଃ ଏନ୍ ମାପୁରାଙ୍ଗ୍ ପ୍ରେରିଡ଼କତାଃଏତେ ଆଇଙ୍ଗ୍ ଜେତାଲେକାତେ ହୁଡ଼ିଙ୍ଗ୍ ମେନ୍ତେ କାଇଙ୍ଗ୍ ଆଟ୍‌କାରେନ୍‌ତାନା । ^୬ ହବାସାକାଅଆଃ, ଜାଗାର୍‌ରେ ଆଇଙ୍ଗ୍ ତଣ୍ଡଗିୟାଇଙ୍ଗ୍, ମେନ୍‌ଦ୍ ସେଣ୍‌ନିନ୍‌ରେ ତଣ୍ଡ ନାହାଁଲିଙ୍ଗ୍ । ଆପେକେ ନେ କାଜିକ ଆଲେ ସବେନ୍ ଇମ୍‌ତା ଆତଃ ସବେନ୍ ଲେକାତେ କାଜି ଆଉପେତାନାଲେ ।

^୭ ପାର୍ମେଶ୍ଵାର୍‌ଆଃ ସୁକୁକାଜି ଉଦ୍‌ଦ୍ ଇମ୍‌ତା ଆଇଙ୍ଗ୍ ଆପେତାଃଏତେ ନେଆଁରାଃ ଗନଙ୍ଗ୍ କାଇଙ୍ଗ୍ ଆସି । ଆଇଙ୍ଗ୍ ଆପେକେ ବିଶେଷ ହତ୍ ବାଇପେ ନାଗେନ୍ତେ ଆପାନ୍‌କେଇଙ୍ଗ୍ ହୁଡ଼ିଙ୍ଗ୍‌ୟେନ୍‌ୟାନା । ନେଆଁ ଚିନାଃ ଆଇଁୟାଃ ଗୁନ୍ନାଁ ତାନାଃ ? 「ଆପେୟାଃ ଆଲାରେ କାମିତାନ୍ ଇମ୍‌ତା ଆଇଙ୍ଗ୍ ଏଟାଃ କାଲିସିୟାକତାଃଏତେ ଏମଃରେ ଦେଙ୍ଗାଇଙ୍ଗ୍ ନାମାକାଦା । କାଜିଲେରେ, ଆପେୟାଃ ଦେଙ୍ଗା ନାଗେନ୍ତେ ଆଇଙ୍ଗ୍ ଇନ୍‌କୁକେଇଙ୍ଗ୍ ରେଏଃକାଦ୍‌କଆ । ^୯ ଆପେଲଃ ତାଇକେନ୍ ଇମ୍‌ତା ଆଇଁୟାଃ ଜାଞ୍ଜିଅଃତେୟାଃ ପୁରାଅଃ ନାଗେନ୍ତେ ଆଇଙ୍ଗ୍ ଜେତାଏକେ ଉଡ଼ୁରେ କାଇଙ୍ଗ୍ ଉୟୁଃକାଦ୍‌କଆ । ଚିୟାଃଟି ମାକିଦନିଆଏତେ ହିନ୍ଦୁଃକାନ୍ ହାଗା ମିଗିକ ଆଇଁୟାଃ ସବେନ୍ ଜାଞ୍ଜିକାନ୍‌ତେୟାଃ ଏମାଦିୟାକ । ସିଦା ଦିପିଲି ଲେକା ହିନ୍ଦୁଃ ଦିପିଲିରେୟ ଆଇଙ୍ଗ୍ ଚିତଲାଅ ଆପେକେ ବାହାରମ୍ କାଇଙ୍ଗ୍ ଲାଦିପେୟା । ^{୧୦} ଆଇଙ୍ଗ୍‌ରେ ତାଇକାନ୍ ଖ୍ରୀଷ୍ଟଆଃ ସାନାଟ୍ ହରାତେ, ଆଇଙ୍ଗ୍ ବାନାର୍‌ସା ଏମ୍‌କେଦ୍‌ତେ କାଜିତାନାଇଙ୍ଗ୍ ଯେ, ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃକେ, ଆଖାୟା ଦିଶ୍ଵମ୍‌ରେୟାଃ ଜେତାନ୍ ପାର୍‌ଗାନ୍‌ରେ ହାପାକେଦ୍‌ତେ ତାଇନ୍ କା ଦାଡ଼ିୟାଃଆ । ^{୧୧} ଆଇଙ୍ଗ୍ ଚିନାଃ ମେନ୍ତେ ନେଲେକା କାଜିତାନାଇଙ୍ଗ୍ ? ଆଇଙ୍ଗ୍ ଚିନାଃ ଆପେକେ କାଇଙ୍ଗ୍ ଦୁଲାଡ଼୍‌ପେ ତାନା ? ଆଇଙ୍ଗ୍ ଆପେକେ ଚିମିନ୍ ଦୁଲାଡ଼୍‌ପେ ତାନିତେୟାଃ, ପାର୍ମେଶ୍ଵାର୍ ସାରିତାନାଏ ।

^{୧୨} ମେନ୍‌ଦ୍ ନାହାଁଃ ଆଇଙ୍ଗ୍ ଅକ୍‌ନାଃ କାମିତାନ୍‌ତେୟାଃ, କାମି ଇଦିକାତେୟାଃଇ । ଏନାରେଦ୍, ଆଲେ ଲେକା କାମିତାନାକ ମେନ୍ତେ ଅକନ୍ ଏଟାଃ ବିଷେଗ୍ “ପ୍ରେରିଡ଼କ” ଆପାନ୍‌କେ ମାରାଙ୍ଗ୍ ମେନ୍ତେକ

★ ୧୧:୯ ୧୧:୯ ଡିଲିପିୟ ୪:୧୫-୧୮.

କାଜିନତାନା, ଇନକୁ ଆତଃ ଏନା କାକ ରିକାଦାଡ଼ିୟା । ୧୩ ଏନ୍‌ଲେକାନ ହତକଦ ହସତ ପ୍ରେରିତ୍‌କ ତାନକ ଆତଃ ବେଦା କାମିତାନ୍ ହତକତାନକ, ଆକଆଃ କାମି ବିଷାଏରେ ବେଦା କାଜି କାଜିୟାଃକ ଆତଃ ଖ୍ରୀଷ୍ଟୁଆଃ ପ୍ରେରିତ୍‌କ ଲେକା ନେଲଃ ନାଗେନ୍ତେ ଖ୍ରୀଷ୍ଟୁଆଃ ପ୍ରେରିତ୍‌କ ଲେକାକ ବାଇୟେନା । ୧୪ ନେଆଁରେ ଆକଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ, ଚିୟାଃତି ସାଏତାନ୍‌ହି ଆଇଃକ୍‌ଚି ମାୟାଲ୍‌ରେନ୍ ଦୁଁତ୍ ଲେକା ନେଲଃ ନାଗେନ୍ତେ ମାୟାଲ୍‌ରେନ୍ ଦୁଁତ୍ ଲେକାଏ ବାଇୟେନା । ୧୫ ଏନାତେ ଏନ୍ ଭେସ୍ ବାଦ୍‌ଲୀଅ ତାନ୍‌ନିୟାଃ ଦାସିକ, ଧାର୍‌ମାନ୍ ଦାସିକ ଲେକା ବାଇୟେନ୍‌ରେଦ, ଏନାରେ ଆକଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ, ମେନ୍‌ଦ ଇନକୁଆଃ ଚୁଣ୍ଡୁ ଆକଆଃ କାମି ଲେକାଚି ହବାଅଃଆ ।

ପ୍ରେରିତ୍‌କ ଲେକା ପାଉରୁସଆଃ ଦୁକୁହାସୁ

୧୬ ଆଇଜ୍ ଆତଃଗିଇଜ୍ କାଜିତାନା, ଜେତାଏ ଆଇଜ୍‌କେ ତଣ୍ଡ ମେନ୍ତେ ଆଲକାଏ ଆଟ୍‌କାରିଜ୍‌କା, ମେନ୍‌ଦ ଆପେ ଏନ୍‌ଲେକା ଆଟ୍‌କାରିଜ୍ ରେୟ, ଆଇଜ୍‌କେ ତଣ୍ଡ ଲେକା ଦାରିମିଜ୍‌ପେ, ଜେ ଲେକା ଆଇଜ୍ ଆପାନ୍‌କେ ମାରାଜ୍ ମେନ୍ତେ କାଜି ନାଜ୍ କାଚିଃଲେକା ନେତାଇଜ୍ ନାମେୟା । ୧୭ ସାଡ଼ିଗି, ନାହାଁଃ ଆଇଜ୍ କାଜିତାନ୍‌ତେୟାଃ, ଏନା ପ୍ରାଭୁଆଃ କାଜି ଲେକାତେ କାଇଜ୍ କାଜିତାନା । ଚିୟାଃତି ଆଇଜ୍ ଆପାନ୍‌କେ ମାରାଜ୍ ମେନ୍ତେ କାଜିନ୍ ବିଷାଏରେ ତଣ୍ଡ ଲେକାଇଜ୍ କାଜିତାନା । ୧୮ ମେନ୍‌ଦ ସାଂସାର୍ ବିଷାଏରେ ପୁରାଃ ହତକ ଆପାନ୍‌କେ ମାରାଜ୍ ମେନ୍ତେ କାଜିନା, ଆଇଜ୍‌ହି ଏନ୍ ଲେକାଗିଇଜ୍ ରିକା ଦାଡ଼ିୟା । ୧୯ ଆପେଦ ସେଣ୍‌ନ ହବାକାନ୍‌ରେୟ ରାସ୍‌କାତେ ତଣ୍ଡକକେପେ ସାହାତିଜ୍‌କ ତାନା । ୨୦ ଜେତା ହତ ଆପେକେ ଦାସିଲେକାଏ ଦହପେରେ, ଆପେୟାଃ ଖୁଜ୍‌କଏ ନକ୍‌ସାନେରେ, ଜେତାଏ ଆପେକେ ଫାନ୍‌ଦିରେ ଉୟୁଃପେରେ, ହିଲାଇପେରେ, ଆତଃ ଆପେୟାଃ ଜଆରେ ଚାଟ୍‌କାନ୍‌ପେରେୟ ଆପେ ଏନାକେ ସାହାତିଜ୍‌କେୟେ । ୨୧ ଆଇଜ୍ ଗିହୁଗଠତାନ୍‌ଲଃ କାଜିତାନାଇଜ୍ ଯେ, ନେ ସବେନ୍ ବିଷାଏରେ ଆଲେଦ ନାରାଦୁରାଗିୟାଲେ । ମେନ୍‌ଦ ଏଗାଃ ଜାହାନ୍ ବିଷାଏରେ ଜେତାଏ ଆପାନ୍‌କେ ମାରାଜ୍ ମେନ୍ତେ କାଜି ନାଜ୍ ଜାଉରେ କେଟେଦ୍‌ଜେ ତାନ୍‌ରେଦ, ଆଇଜ୍ ତଣ୍ଡ ଲେକାଇଜ୍ କାଜିତାନା, ଆଇୟାଃ ହଚି ଏନ୍ ଲେକା ଜାଉରେ କେଟେଦ୍ ମେନାଃ । ୨୨ ଇନକୁ ଚିୟାଃ ଏସ୍ତା ତାନ୍‌କ ? ଆଇଜ୍‌ହଚି ଏସ୍ତା ହତ ତାନିଜ୍ । ଇନକୁ ଚିନାଃ ଇସ୍ରାଏଲ୍‌ରେନ୍ ତାନ୍‌କ ? ଆଇଜ୍‌ହଚି ଇସ୍ରାଏଲ୍‌ରେନ୍ ତାନିଜ୍ । ଇନକୁ ଚିୟାଃ ଆଗ୍ରାହାମ୍‌ଆଃ କିଲିରେନ୍‌କ ତାନ୍‌କ ? ଆଇଜ୍‌ହଚି ଆଗ୍ରାହାମ୍‌ଆଃ କିଲିରେନ୍‌କ ତାନିଜ୍ । ୨୩ ଇନକୁ ଚିୟାଃ ଖ୍ରୀଷ୍ଟୁଆଃ ଦାସିକ ତାନ୍‌କ ? ଆଇଜ୍ ବାଏହା ହତ ଲେକାଇଜ୍ କାଜି ତାନା, ଆଇଜ୍ ଇନକୁତାଃଏତେ ପୁରାଃ ବୁଗିନ୍ ଦାସି ତାନିଜ୍ । ଆଇଜ୍ ଇନକୁତାଃଏତେ ଆଦ୍‌କା ପୁରାଃ କେଟେଦ୍‌କାମିଇଜ୍ କାମିକାଦା, ପୁରାଃତେଇଜ୍ ଜେହେଲ୍‌କାନା, ଆତଃ ପୁରାଃଗି ଚାବୁକ୍‌ତେଇଜ୍ ହାଁଣ୍‌ସାକାନା ଆତଃ ଚିମିନ୍‌ସା ଲେକା ଗଜଃ ଲେକାଇଜ୍ ହବାକାନା । ୨୪ ପାଞ୍ଚ ଧାଆଁ ଯିହୁଦୀକତାଃଏତେ ମିଦ୍‌ହିସି ଗେଲ୍‌ଅରେୟା* ଚାବୁକ୍‌ତେଇଜ୍ ହାଁଣ୍‌ସାୟାନା । ୨୫ ଆପିସା ରୋମ୍‌ରେନ୍‌କତାଃଏତେ ଚାବୁକ୍‌ତେଇଜ୍ ହାଁଣ୍‌ସାୟାନା । ମିସା ଦିରିଲଃ ଚିଦ୍‌ଗିୟାନାଇଜ୍ ଆତଃ ମିଦ୍ ନିଦାସିଜ୍ ଦାଆଃରେଇଜ୍ ତାଇନ୍‌ୟାନା । ୨୬ ଆଇୟାଃ ହରାସେନ୍‌ରେ ଆଇଜ୍ ପୁରାଃସା ଦାଆଃ ଚୁତାକଏତେ, ରେରେଃକ୍‌କତାଃଏତେ, ଯିହୁଦୀକତାଃଏତେ, ସାଆଁସାର୍ ହତକତାଃଏତେ, ଜୀଉତାଇଜ୍ ଗଜଃ ଲେକା ହବାୟାନା ଆତଃ ସାହାର୍‌କରେ, ବିରରେ, ଦରେୟାରେ, ହସତ୍ ଗାତିକତାଃଏତେ ଜୀଉତାଇଜ୍ ଗଜଃ ଲେକା ହବାୟାନା । ୨୭ ପୁରାଃଗି କେଟେଦ୍‌କାମିଜ୍ କାମିକାଦା ଆତଃ ଦୁକୁହାସୁଇଜ୍ ସାହାତିଜ୍‌କାଦା, ବେଗାର୍ ଦୁତ୍‌ମୁତେ, ରେଜେଃ କାଟାବ୍‌କେଦ୍‌ତେ ପୁରାଃ ମାହାଁ ତାଇକେନାଇଜ୍, ଲାଗାତିଜ୍ ଜମେୟାଃ, ଲିଜାଃ ଆତଃ ତାଇନଃ ନାଜ୍ ଠାୟାଦ୍ କା ତାଇକେନ୍ ହାରାତେ ପୁରାଃ ଦୁକୁଇଜ୍ ସାହାତିଜ୍‌କାଦା । ୨୮ ନେ ସବେନାଃ ହବାକେଦ୍‌ତେୟ, ସବେନ୍ କାଲିସିୟା ନାଗେନ୍ତେ ଆଇୟାଃ ଉଡ଼ୁ ସବେନ୍ ହୁଲାଇଜ୍ ଆଇଜ୍‌କେ ଉଡ଼ୁତେ ଅତାକାଦିୟା । ୨୯ ଜେତାଏ ନାରାଦୁରା ହବାଅଃତାନ୍‌ରେ, ଆଇଜ୍‌ହି ଇନିଃଲଃ ନାରାଦୁରା ଆଟ୍‌କାରେୟାଈଜ୍ । ଜେତାଏ ପାପ୍‌କାମି ରିକାଏରେ, ଆଇଜ୍ ମନ୍‌ରେ ପୁରାଃଗିଇଜ୍ ନାରାଜଃଆ ।

୩୦ ଆଇଜ୍ ଆପାନ୍‌କେ ମାରାଜ୍ ମେନ୍ତେ କାଜିନ୍ ହବାଅଃରେ, ଆଇୟାଃ ନେ ସବେନ୍ ନାରାଦୁରା ନାଗେନ୍ତେ ଆଇଜ୍ ଆପାନ୍‌କେ ମାରାଜ୍ ମେନ୍ତେ କାଜିନ୍ ହବାଅଃଆ । ୩୧ ଆଇଜ୍ କାଇଜ୍ ବେଦାତାନା, ଏନା ପାର୍‌ମେଶ୍‌ବାର୍ ଆତଃ ଆବୁଆଃ ପ୍ରାଭୁ ଯାଶୁଆଃ ଆପୁ ସାରିତାନାଏ । ଇନିୟାଃ ଜାନାଅ କାନାଅଗି

* ୧୧:୨୩ ୧୧:୨୩ ପ୍ରେରିତ୍ ୧୭:୨୩. * ୧୧:୨୪ ୧୧:୨୪ ଅନାଇସ୍ * ୧୧:୨୫ ୧୧:୨୫ ପ୍ରେରିତ୍ ୧୭:୨୨; ପ୍ରେରିତ୍ ୧୪:୧୯.
 * ୧୧:୨୬ ୧୧:୨୬ ପ୍ରେରିତ୍ ୯:୨୩; ପ୍ରେରିତ୍ ୧୪:୫.

ସାହାରାଅ ହବାଅଃକା । ୩୨ *ଆଇଙ୍ଗ ଦମାସ୍ତକସରେ ତାଇନ୍ତାନ୍ ଇମତା ରାଜା ଆରିସ୍ତାକଆଃ ହାକିମ୍ ଆଇଙ୍ଗକେ ତଲ୍ଲଇଦି ନାଗେନ୍ତେ ନାଗାର୍ରେୟାଃ ଚାରିୟସାଃରେ ହର ହଡ଼କକେ ଦହକାଦକ ତାଇକେନା । ୩୩ ଫେନ୍ଦ ଆଇଙ୍ଗକେ ମାରାଙ୍ଗ ଚୁଲ୍ଲିରେ ଦହକେଦ୍ଦେ ନାଗାର୍ରେୟାଃ ପାଚ୍ଚିରାଃ ଖୁଡ଼କି ହରା ବାହାରିତେ ତୁଙ୍ଗା ଆଡ଼ଗୁକେଦିୟା, ନେ ଲେକାତେ ଆଇଙ୍ଗ ଇନିଃତାଃଏତେଇଙ୍ଗ ନିର୍ୟାନା ।

୧୨

ପାଉଲୁସଆଃ ଦାର୍ଗାନ୍ ଉନୁଦୁବକାଜି

୧ ଜେତାନ୍ ଦୁଗିନାଃ କା ହବାଅଃରେୟ, ଆଇଙ୍ଗ ଆପାନ୍କେ ମାରାଙ୍ଗ ଫେନ୍ତେ କାଜିନ୍ ଲାଗାଡ଼ିଙ୍ଗୟାଃ । ଫେନ୍ଦ ପ୍ରାଭୁ ଆଇଙ୍ଗକେ ଏମାକାଦିଙ୍ଗ ସବେନ୍ ଦାର୍ଗାନ୍ ଆତଃ ଉନୁଦୁବକାଜିକ ନାହାଈଇଙ୍ଗ ଉଦୁବେୟା । ୨ ଆଇଙ୍ଗ ଖ୍ରୀଷ୍ଟରେ ଆସ୍ରାଏତାନ୍ ମିଆଁଦ୍ ହଡ଼କେଇଙ୍ଗ ସାରିୟାଃ, ଇନିଃଦ୍ ଗେଲ୍ଲଉପୁନ୍ ବାରାଷ ସିଦାରେ ଆଦିୟା ସିମ୍ବା ଦିଶ୍ମମତେ ସେନ୍କାନ୍ ତାଇକେନା । ଇନିଃ ଆୟାଃ ଗନ୍ଏଃ ହଡ଼ମତେଗି ସେନ୍କେନା ଚି କୁମ୍ପରେ ନେଲ୍ଲକେଦା, ଏନା କାଇଙ୍ଗ ସାରିୟା ? ଏନାଦ ପାର୍ମେଶ୍ୱାର୍ ଏସକାର୍ ସାରିୟାଏ । ୩ ଆତଃଗିଇଙ୍ଗ କାଜିତାନା, ଇନିଃକେ ସିମ୍ବାରେୟାଃ ବାଗାନ୍ତେ ଇଦିକାନ୍ ତାଇକେନା । ଇନିଃ ଆୟାଃ ସାଂସାର୍ ହଡ଼ମତେଗି ସେନ୍କେନା ଚି କୁମ୍ପରେ ନେଲ୍ଲକେଦା, ଏନା କାଇଙ୍ଗ ସାରିୟା ? ଏନାଦ ପାର୍ମେଶ୍ୱାର୍ ଏସକାର୍ ସାରିୟାଏ । ୪ ଏନ୍ ପାରାଦେସ୍ରେ ଇନିଃ ଜାଗାର୍ରେ କା କାଜି ଦାଡ଼ିୟଃତାନ୍ ଆତଃ ଫୁର୍ତ୍ତାଏକେଦ୍ଦେ କାଜି କା ଦାଡ଼ିୟଃତାନ୍ ଜାଗାର୍ ଆୟୁମ୍ ଦାଡ଼ିକେଦାଇଙ୍ଗ । ୫ ନେ ହଡ଼ ନାଗେନ୍ତେ ଆଇଙ୍ଗ ଆପାନ୍କେ ମାରାଙ୍ଗ ଫେନ୍ତେଇଙ୍ଗ କାଜିନ୍ ତାନା । ଫେନ୍ଦ ଆଇଁୟାଃ ନାରାଦୁରାକେ ଉଦୁବେତେୟାଃକେ ବାଗିକେଦ୍ଦେ ଏଟାଃ ଜେତାନ୍ ବିଷାଏରେ ଆଇଙ୍ଗ ଆପାନ୍କେ ମାରାଙ୍ଗ ଫେନ୍ତେ କାଇଙ୍ଗ କାଜିନା । ୬ ଆପାନ୍କେ ମାରାଙ୍ଗ ଫେନ୍ତେ କାଜିନ୍ ନାଙ୍ଗ ଆଇଁୟାଃ ନାଗେନ୍ତେ ତଣ୍ଡ କା ହବାଅଃଆ, ଚିୟାଃତି ଆଇଙ୍ଗଦ୍ ସାର୍ଚି କାଜି କାଜିତାନାଇଙ୍ଗ । ଫେନ୍ଦ ଆଇଙ୍ଗ ଆପାନ୍କେ ମାରାଙ୍ଗ ଫେନ୍ତେ କାଜିନ୍ କାଇଙ୍ଗ ସାନାଙ୍ଗ ତାନା, ହଡ଼କ ଆଇଙ୍ଗକେ ଜେଲେକା କାମି ନାଗେନ୍ତେ ନେଲ୍ଲିୟାକ ଆତଃ ଆଇଁୟାଃତାଃଏତେ ଜେଲେକା କାଜି ଆୟୁମେୟାକ, ଏନାଏତେ ଆଇଙ୍ଗକେ ମାରାଙ୍ଗ ଫେନ୍ତେ ଆଲ୍ପେ ଆବ୍ବକାରିୟା ।

୭ ଫେନ୍ଦ ଆଇଙ୍ଗ ପାର୍ମେଶ୍ୱାର୍ତାଃଏତେ ଉଦୁବକାନ୍ ନେ ଲେକାନ୍ ଆକ୍ଦାନ୍ଦାଅ କାମିକଇଙ୍ଗ ନାମାକାଦ୍ରେୟ, ଆଇଙ୍ଗ ଆପାନ୍କେ ମାରାଙ୍ଗ ଫେନ୍ତେ ଆଲକାଇଙ୍ଗ କାଜିନ୍କା ଫେନ୍ତେ ଆଇଁୟାଃ ହଡ଼ମରେ ହାସୁଇଙ୍ଗ ନାଙ୍ଗ ମିଆଁଦ୍ ଜାନୁମ୍ ଲେକା ଏମାକାନା, ନେଆଁ ଆଇଙ୍ଗରେ ସାଏତାନ୍ରାଃ କାଜିକୁଲ୍ଲିନିଃ ଲେକାଏ କାମିୟା, ଜେଲେକାଚି ଆଇଙ୍ଗ ପୁରାଃଗି ଆପାନ୍କେ ମାରାଙ୍ଗ ଫେନ୍ତେ କାଜି କାଇଙ୍ଗ ଦାଡ଼ିୟା । ୮ ନେଆଁକେ ସାଜିନେ ନାଗେନ୍ତେ ଆଇଙ୍ଗ ଆପାଏ ପ୍ରାଭୁତାଃରେଇଙ୍ଗ ବିକ୍ତିକେଦା, ୯ ଫେନ୍ଦ ଇନିଃ ଆଇଙ୍ଗକେ କାଜିକିୟା, “ଆଇଁୟାଃ ସାୟାଦ୍ ଆପେ ନାଗେନ୍ତେ ପୁରାଃଗିୟା, ଆପେ ନାରାଦୁରାଃଅ ଇମତା ଆଇଁୟାଃ ପେଡ଼େଃ ପୁରାଃଗିଆ ।” ଏନାତେ ଖ୍ରୀଷ୍ଟଆଃ ପେଡ଼େଃ ଆଇଙ୍ଗତାଃରେ ତାଇନିଃ ନାଙ୍ଗ ଆଇଙ୍ଗ ଆଇଁୟାଃ ନାରାଦୁରା ନାଗେନ୍ତେ ପୁରାଃଗି ଆପାନ୍କେ ମାରାଙ୍ଗ ଫେନ୍ତେ କାଜିନାଇଙ୍ଗ ଆତଃ ରାସ୍ତାଅଆଇଙ୍ଗ । ୧୦ ଖ୍ରୀଷ୍ଟ ନାଗେନ୍ତେ ଆଇଙ୍ଗ ସବେନ୍ ଲେକାନ୍ ନାରାଦୁରା, ହିନିସ୍ତା, ସାସାଚି, ଆତଃ ସିଗିଦ୍ ହବାଅଃରେୟ ରାସ୍ତାଅଆଇଙ୍ଗ, ଚିୟାଃତି ଆଇଙ୍ଗ ନାରାଦୁରାଃଅ ଇମତା ପେଡ଼େଜଃଆଇଙ୍ଗ ।

କବିହିୟରେନ୍ ହଡ଼କଆଃ ନାଗେନ୍ତେ ପାଉଲୁସଆଃ ଉଡ଼ୁ

୧୧ ଆଇଙ୍ଗ ତଣ୍ଡ ଲେକାଇଙ୍ଗ କାମିତାନା । ନେଆଁ କାମି ନାଗେନ୍ତେ ଆପେ ଆଇଙ୍ଗକେ ଜାବାର୍ଜାସ୍ତା କାଦିୟାପେ, ଚିୟାଃଗି ଆଇଁୟାଃ ସାହାରାଅ ରିକା ନାଗେନ୍ତେ ଆପେୟାଃ ଲାଗାଡ଼ିଙ୍ଗ ତାଇକେନା । ଆଇଙ୍ଗ ଜେତାନିଃ ନାହାଁଲାଇଙ୍ଗରେୟ ଆପେୟାଃ ଏନ୍ ମାପରାଙ୍ଗ ପ୍ରେରିଡ଼କତାଃଏତେ ଜେତାରେୟ ହୁଡ଼ିଙ୍ଗ ନାହାଁଲାଇଙ୍ଗ । ୧୨ ପୁରାଃ ଆକ୍ଦାନ୍ଦାଅ ଆତଃ ଆକ୍ତାକାଅ କାମିକ ପୁରାଃ ଧୁରାଜ୍ ସାବ୍ବକେଦ୍ଦେ ଆପେ ଆଲ୍ଲାରେଇଙ୍ଗ ରିକାକାଦା, ଏନା ସାବୁଦ୍ ଏମେତାନାଏ ଯେ, ଆଇଙ୍ଗ ପ୍ରେରିଡ଼ ତାନିଙ୍ଗ । ୧୩ ମିଆଁଦ୍ ବିଷାଏରେ ଏସକାର୍ ଆଇଙ୍ଗ ଏଟାଃ ଏଟାଃ କାଲିସିୟାତାଃଏତେ ଆପେଲ୍ଲଃ ଏଟାଃ ଲେକାଇଙ୍ଗ ବେଭାର୍କାଦା । ଆଇଙ୍ଗ ଆପେୟାଃ ଚେତାନ୍ରେ ବାହାରମ୍ ଲେକା କାଇଙ୍ଗ ହବାକାନା । ଏନ୍ ଏଡ଼କାନ୍ଆଃ ନାଗେନ୍ତେ ଆଇଙ୍ଗକେ ଛାମାଜାଇଙ୍ଗପେ ।

* ୧୧:୩୨ ୧୧:୩୨ ପ୍ରେରିଡ଼ ୯:୨୩-୨୫.

୧୪ ଆଇଙ୍କ ଆପିସାତେ ଆପେତାଃତେ ସେନ୍ ନାଗେନ୍ତେ ସେକାଡ଼େନ୍ ତାନାଇଙ୍କ । ଆଇଙ୍କ ଆପେତାଃଏତେ ଜେଡ଼ନାଃ କାଇଙ୍କ ହାଟି । ଆଇଙ୍କ ଆପେକେଇଙ୍କ ସାନାଙ୍ଗତାନା, ଆପେୟାଃ ଟାକା ପାଏସା କାହାରି । ତିୟାଃଟି ଏଙ୍ଗାଆପୁକଆଃ ନାଗେନ୍ତେ ହନକକେ ଜଗାଅ ନାଙ୍ଗ କା ଲାଗାଡ଼ିଙ୍ଗିୟାଃ, ମେନ୍ଦ୍ ହନକଆଃ ନାଗେନ୍ତେ ଏଙ୍ଗାଆପୁକ ଜଗାଏୟା । ୧୫ ଆଇଙ୍କ ଆପେୟାଃ ଜୀଉରେ ଆପେକେ ଦେଙ୍ଗାପେ ନାଗେନ୍ତେ ଆଇଁୟାଃ ସବେନାଃ ଏମ୍‌କେଦାଇଙ୍କ, ନେଲେକାଟି ଆଇଙ୍କ ଆପାନ୍‌କେ ରାସ୍‌କାତେ ଏମ୍ ନାଗେନ୍ତେଇଙ୍କ ସେକାଡ଼ାକାନା । ଆଇଙ୍କ ଆପେକେ ନିମିନ୍ ପୁରାଃଟିଇଙ୍କ ଦୁଲାଇଡ଼େପେ ତାନା ମେନ୍ତେ ଚିନାଃ ଆପେ ଆଇଙ୍କକେ ନିମିନ୍ କାଟିଃଟି ଦୁଲାଇଡ଼ିୟାପେ ?

୧୬ ଆଇଙ୍କ ଆପେୟାଃ ଚେତାନରେ ବାହାରମ୍ ଲାଦିୟାକାନ୍ ଲେକା କାଇଙ୍କ ହବାକାନା । ନେ କାଜି ସାର୍‌ଡ଼ିତାନାଃ ମେନ୍ତେ ମିଦ୍‌ମନ୍ ହବାଅଃଆପେ । ମେନ୍ଦ୍ ଆପେକଏତେ ଜେତାଏ କାଜିୟାଏ, ଆଇଙ୍କ ଚାଲାଇକ୍‌ତେ ଆପେକେ ହସଡ଼ କାଜିତାନ୍‌ଲଃ ଫାନ୍‌ରେଇଙ୍କ ଉୟାଃକାଦ୍‌ପେୟା । ୧୭ ଆପେତାଃତେ ଅକନ୍‌କକେ କୁଲାଇଦ୍‌କଆଇଙ୍କ, ଇନ୍‌କୁକଏତେ ଜେତାଏୟାଃ ହରାତେ ଆଇଙ୍କ ଚିନାଃ ଆପେତାଃଏତେ ଜେତାନ୍ ସୁୟୋଗ୍ ଇଦିକାଦାଇଙ୍କ । ୧୮ ଆଇଙ୍କ ତିତସ୍‌କେ ଆପେତାଃତେ ସେନ୍ ନାଗେନ୍ତେଇଙ୍କ ବିକ୍ତିକିୟା ଆତଃ ଇନିଃଲଃ ଏଗାଃ ହାଗାକେଇଙ୍କ କୁଲକିୟା । ତିତସ୍ ଆପେତାଃଏତେ ସୁୟୋଗ୍ ଇଦିକାଦାଏ ମେନ୍ତେ ତିୟାଃ ଜେତାଏ କାଜି ଦାଡ଼ିୟାପେ ? ଇନିଃ ଆତଃ ଆଇଙ୍କ ଚିନାଃ ମିଦ୍‌ମନ୍‌ତେ କାଲିଙ୍କ ସେସେନ୍‌କାଦା ? ଆଲିଙ୍ଗିୟାଃ ଚାଲାଇ ଚାଲାଇ ଚିନାଃ ମିଦ୍‌ଲେକାଗି ବାନଃଆ ?

୧୯ ହବାସାକାଅଆଃ, ଆପେ ନାହାଁଃ ଜାକେଦ୍‌ପେ ଉଡ଼ଃଷୁତାନା ଯେ, ଆଲେ ଆପେୟାଃ ଆୟାରରେ କାଜିକଲେ ବାଉତାନା । ପାର୍‌ମେଶ୍ୱାର୍‌ଆଃ ଆୟାରରେ ଖ୍ରୀଷ୍ଟ ଆଲେକେ କାଜିକାଦ୍ ଲେକା ଆଲେ ଆପେକେ କାଜିପେତାନାଲେ । ହେ ଦୁଲାଇଡ଼ ଗାଡ଼ିକ, ସବେନ୍ ବିଷାଏ ଆପେକେ ଦେଙ୍ଗାପେ ନାଗେନ୍ତେଲେ କାମିତାନା । ୨୦ ତିୟାଃଟି ଆଇଁୟାଃ ବର ହବାଅଃତାନା, ଆଇଙ୍କ ଆପେତାଃତେ ସେନ୍‌କେଦ୍‌ତେ ଆପେକେ ନେଲ୍ ନାଗେନ୍ତେ ସାନାଙ୍ଗତାନ୍ ଲେକା ନେଲ୍ କାଇଙ୍କ ଦାଡ଼ିୟା ଆତଃ ଆପେ ଆଇଁୟାଃ ଅକନ୍ ରୁପ୍ ନେଲ୍ ନାଗେନ୍ତେ କାପେ ସାନାଙ୍ଗତାନା, ହବାସାକାଅଆଃ, ଏନା ନେଲ୍ ନାଗେନ୍ତେପେ ନାମେୟା । ଏନ୍ତାଃତେ ସେନ୍‌କେଦ୍‌ତେ ଆଇଙ୍କ ଚିମିନ୍ ରାକାମ୍‌ରେୟାଃ ଏପେଗେର୍, ହିସ୍‌ଙ୍ଗା, ଖୁସ୍, ଆପ୍‌ନାଃ ନାଗେନ୍ତେ ଏସ୍‌କାର୍ ଉଡ଼ଃ, ହିନିସ୍‌, ଚୁପୁରାକାଜି, ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍, ହାଲ୍‌ଗୁଲ୍ ନେ ସବେନାଃ ନେଲ୍ ନାଗେନ୍ତେଇଙ୍କ ନାମେୟା । ୨୧ ଆଇଙ୍କ ଆପେତାଃତେ ଆତଃଟିସା ସେନ୍‌ସେଟେର୍ ଇମ୍‌ତା ଅକଏସାରି ପାର୍‌ମେଶ୍ୱାର୍ ଆଇଙ୍କକେ ଆପେୟାଃ ଆୟାରରେ ହୁଡ଼ିଙ୍ଗିୟା, ଅକନ୍‌କ ସିଦାକରେ ପାପ୍ କାମିକାଦାକ, ଆକଆଃ ସଡ଼ରା କାଜିକାମି, ଆପାଙ୍ଗିର୍ କାମି, ଆତଃ ହଡ଼ମରେୟାଃ ଏଡ଼କାନ୍ ସାନାଙ୍ଗ୍ ନେ ସବେନାଃ ନାଗେନ୍ତେ ଇନ୍‌କୁ କାକ ହେୟାଡ଼ିଙ୍ଗି ତାନା, ନେ ଲେକାନ୍ ହଡ଼କ ନାଗେନ୍ତେ ଆଇଙ୍କକେ ଏୟମ୍ ରିକା ଲାଗାଡ଼ିଙ୍ଗିୟାଃ ।

୧୩

୧ ନେଆଁଲଃ ଆଇଙ୍କ ଆପେତାଃତେ ଆପିସା ସେନ୍‌ତାନାଇଙ୍କ । ଧାରାମ୍‌ପୁଥ୍ ଲେକାତେ, ବାଃହଡ଼ ଚାଏ ଆପିହଡ଼ଆଃ ଗାଙ୍ଗାତେ ସବେନ୍ କାଜି ମାନାଡ଼ିଙ୍ଗି ହବାଅଃଆ । ୨ ସିଦାକରେ ପାପ୍‌କାଦ୍ ହଡ଼କକେ ଆତଃ ଏଗାଃ ସବେନ୍‌କକେ, ଆଇଙ୍କ ଏନ୍ତାଃତେ ସେନ୍‌ୟାନ୍‌ଲଃ ବାଃସାତେ କାଜିକାଦ୍‌କ ତାଇକେନାଇଙ୍କ, ଆତଃ ନାହାଁଃ ସାଜିନ୍‌ରେ ତାଇକେଦ୍‌ତେୟ କାଜିକତାନାଇଙ୍କ, ଆଇଙ୍କ ନେସ୍‌କାନ୍ ସେନ୍‌ରେ, ଜେତାଏ ସାଜାଇଏତେ ବାଞ୍ଚାଅ କାକ ନାମେୟା । ୩ ଖ୍ରୀଷ୍ଟ ଆଇଁୟାଃ ହରାତେ କାଜିତାନା, ଏନ୍ ବିଷାଏରେ ଆପେ ସାନାଙ୍ଗତାନ୍ ସବେନାଃରେୟାଃ ସାରୁଦ୍‌ପେ ନାମେୟା । ଆପେୟାଃ ନାଗେନ୍ତେ ଇନିଃ ଚିଉଲାଇ କାଏ ନାରାଦୁରାକାନା । ମେନ୍ଦ୍ ଆପେତାଃତେ ଇନିଃ ଆୟାଃ ପେଡ଼େଃରେୟାଃ ପାରିତାଏ ଏମାକାଦାଏ । ୪ ଇନିଃ ନାରାଦୁରାକେଦ୍‌ତେ କୁଗ୍‌ରେ ଗଏଃୟାନ୍‌ରେୟା ପାର୍‌ମେଶ୍ୱାର୍‌ଆଃ ପେଡ଼େଃତେ ଜାନିଦ୍ ମେନାଇୟା । ଆୟାଃଲଃ ମେସାକେଦ୍‌ତେ ଆଲେ ହଗି ନାରାଦୁରାକାନାଲେ, ମେନ୍ଦ୍ ଆଲେୟାଃ ନାତା ଆପେଲଃ ପାର୍‌ମେଶ୍ୱାର୍‌ଆଃ ପେଡ଼େଃରେୟାଃ ହିସା ହବାକେଦ୍‌ତେ ଖ୍ରୀଷ୍ଟଲଃ ଆବୁ ଜାନିଦ୍ ହବାଅଃଆବୁ ।

୫ ଆପେ ବିଶ୍ୱାସରେ ମେନାପେୟା ଚି କାହା, ଏନ୍ ବିଷାଏରେ ଆପେ ଆପାନ୍‌କେ ବିଡ଼ାଅତାନ୍‌ଲଃ ବିଚାରେନ୍‌ପେ, ଚାଏ ଯିଶୁ ଖ୍ରୀଷ୍ଟ ଆପେରେ ତାଇନ୍‌ତାନାଏ, ଏନା କାପେ ଚି ଆବ୍‌କାର୍‌ଉରୁମ୍ ତାନା ? ନେଆଁ କା ହବାଅଃତାନ୍ ରେଦ୍, ଆପେ ବିନିଡ଼ାଅରେ ପୁରାଗି ହାରାଅକାନାପେ । ୬ ମେନ୍ଦ୍ ଆଇଁୟାଃ ଭାର୍‌ସା ମେନାଃ, ଆଲେ ବିନିଡ଼ାଅରେ ଜିତାଅକାନାଲେ, ଏନା ଆପେ ଆବ୍‌କାର୍ ଦାଡ଼ିୟାପେ । ୭ ମେନ୍ଦ୍ ଆପେ ଜେତାନ୍ ଏଡ଼କାନ୍ କାମିରେ ଆଲପେ ତାଇନାଃ ମେନ୍ତେ ପାର୍‌ମେଶ୍ୱାର୍‌ତାଃତେ ଆଲେ ଆପେ

ନାଗେନ୍ଦ୍ରଲେ ବିଚ୍ଛିତାନା । ଆଲେ ବିନିତାଅରେ ଜିତାଅକାନାଲେ ଏନା ଉଦୁବେ ନାଗେନ୍ଦ୍ର ମେନ୍ଦ୍ରଦ
 କାହା, ମେନ୍ଦ୍ର ଆଲେ ବିନିତାଅରେ ହାରାଅକାନ୍ ଲେକାଲେ ନେଲଃ ରେୟ, ଆପେ ଜେଲେକା
 ବୁଗିନ୍ କାମିପେ କାମିୟା, ଏନାମେନ୍ଦ୍ରଲେ ବିଚ୍ଛିତାନା । ୮ ସାନାରୁଡିରେୟାଃ ବିରୁଧରେ କାମି ନାଗେନ୍ଦ୍ର
 ଆଲେୟାଃ ଆକ୍ତେୟାର୍ ବାନଃଆ, ଆଲେ ସାନାରୁଡିରେୟାଃ ବିଷାଏରେ ଏସକାର୍ କାମି ଦାଡ଼ିୟାଃଲେ
 । ୯ ଆଲେ ନାରାଦୁରା ତାଇକେନ୍ ଇମ୍ତା ଆପେ କେଟେୟାନ୍‌ଗିପେ ତାଇକେନା, ଏନାମେନ୍ଦ୍ର ଆଲେ
 ରାସକାଅଃ ତାନାଲେ ଆତଃ ଆପେ ପକ୍ତାଃଅପେ ମେନ୍ଦ୍ରଲେ ବିଚ୍ଛିତାନା । ୧୦ ଏନାମେନ୍ଦ୍ର ସାଜିନ୍‌ରେ
 ତାଇକେଦ୍‌ତେ ଆଇଙ୍ଗ ଆପେତାଃତେ ଚିଗାଉ ଅଲେତାନାଇଙ୍ଗ, ଚିୟାଃଚି ଆପେତାଃରେ ସେଟେରୁୟାନ୍
 ଇମ୍ତା ପ୍ରାଭୁ ଆଇଙ୍ଗକେ ଏମାକାଦିଙ୍ଗ ଆକ୍ତେୟାର୍‌କେ କେଟେଦ୍ ମନ୍‌ତେ ଚିକା ଆଲକା ଲାଗାଡିଙ୍ଗକା
 । ଚିୟାଃଚି ଆପେକେ ହୁଡିଙ୍ଗ ଜୀଉ ଚିକା ନାଗେନ୍ଦ୍ରଦ କାହା, ମେନ୍ଦ୍ର ବାଇ ନାଗେନ୍ଦ୍ର ପ୍ରାଭୁ ଆଇଙ୍ଗକେ
 ଆକ୍ତେୟାର୍ ଏମାକାଦିୟାଏ ।

୧୧ ଚୁଣ୍ଡର ହେ ହାଗା ମିଶିକ, ରାସକାଅଃପେ, ପକ୍ତାଃଅପେ, ମିହୁଡ୍ ଆତଃମିହୁଡ୍‌କେ ଜୀଉରେ
 ରାସକା ଏପେମପେ, ମିଦ୍ ମନ୍‌ଅଃପେ, ସୁକୁରେ ତାଇନଃପେ । ଦୁଲାଡ୍, ଆତଃ ଜୀଉସୁକୁଡେ
 ପେରେଜାକାନ୍ ପାର୍‌ମେଶ୍ଵାର୍ ଆପେଲଃ ତାଇନ୍‌କାଏ ।

୧୨ ଶ୍ରୀଷ୍ଟ ଦୁଲାଡ୍‌ତେ ମିହୁଡ୍ ଆତଃମିହୁଡ୍‌ଲଃ ଜହାରଃପେ । ପାର୍‌ମେଶ୍ଵାର୍‌ଆଃ ସବେନ୍ ହଡକ
 ଆପେକେ ଜହାର୍ ମେନ୍ଦ୍ରକ କାଜିକୁଲ୍‌ତାନା ।

୧୩ ପ୍ରାଭୁ ଯୀଶୁ ଶ୍ରୀଷ୍ଟଆଃ ସାୟାଦ୍, ପାର୍‌ମେଶ୍ଵାର୍‌ଆଃ ଦୁଲାଡ୍, ଆତଃ ପାବିତାର୍ ଆମ୍‌ରେୟାଃ ସାଜାଡି
 ଆପେ ସବେନ୍‌କଲଃ ହବାଅଃକା ।

ଗାଲାଡ଼ିୟମାନଙ୍କ ନିକଟକୁ ପାଉଲଙ୍କ ପତ୍ର ଗାଲାଡ଼ିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଚାଏ

ଗାଲାଡ଼ିୟ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଅଲ୍ଲାକାନା ୧:୧ । ନେ ଚିଟାଉ ଯାଣୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୪୮-୫୭ କରେ ଗାଲାଡ଼ିୟରେନ୍ ବିଶ୍ୱାସୀକତାଃତେ ଅଲ୍ଲାକାନ୍ ତାଇକେନା । ହବାସକାଅଥାଃ ଗାଲାଡ଼ିୟରେନ୍ ହଡକ ରୋମି ପାର୍ଗାନ୍‌ରେୟାଃ ଗାଲାଡ଼ିୟରେ ତାଇନଃତାନ୍ ତାଇକେନାକ । ପାଉଲୁସ୍ ନେ ଚିଟାଉକେ ଅଲ୍ଲକେଦ୍ ଇମତା କତାଃରେ ତାଇକେନା, ଏନା ବାଇବାଲ୍ ପାଣ୍ଡିତ୍‌କ କାକ ସାରି ଦାଡ଼ିକାନା । ମେନ୍‌ଦ ବିମିନ୍ ପାଣ୍ଡିତ୍‌କ ଏଫିସିୟ ଚାଏ କରିଛିରେ ଅଲ୍ଲାକାନା ମେନ୍ତେ କାଜିୟାଃକ ।

ପ୍ରେରିତ୍ ପାଉଲୁସ୍ ଗାଲାଡ଼ିୟ କାଲିସିୟାରେ ତାଇନ୍‌ତାନ୍ ଯିହୁଦୀ ଆତଃ ସାଅଁସାର୍ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦାଏ । ବିଶେଷ୍ଟକେଦ୍‌ତେ ଇନିଃ ହସଡ୍ ଇନିତୁ ଏମତାନ୍‌କକେ କାଜିକଟଙ୍ଗ୍ ନାଗେନ୍ତେ ଅଲ୍ଲାକାଦ୍ ତାଇକେନାଏ । ଏନା ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ମାରି ନିୟାମରେୟାଃ ଯିହୁଦୀକଆଃ ଆନ୍‌ତୁକେ ମାନାତିଙ୍ଗ୍ ନାଗେନ୍ତେ କାଜିୟାକାନା, ଅକଥାଃଚି ଖାତ୍‌ନାଅରେୟାଃ ବିଷାଏ ତାଇକେନା । ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକଆଃ ଝୁଣ୍ଟକଏତେ ଚିମିନ୍ ଝୁଣ୍ଟକ ତାଇକେନା, ଇନ୍‌କୁକେ ଯୁଦାଇଜମ୍, ଯିହୁଦୀ ଧାରାମ୍‌ରେନ୍ ହଡକ ମେନ୍ତେ କାଜିୟାଃ ତାଇକେନା । ଇନ୍‌କୁ ସାଅଁସାର୍ ବିଶ୍ୱାସୀକକେ ଖାତ୍‌ନାଅରେୟାଃ ରିଚିରିଖାଜ୍ ମାନାତିଙ୍ଗ୍ ନାଗେନ୍ତେ ଆତୁକ ତାଇକେନା । ଇନ୍‌କୁ ପାଉଲୁସ୍‌କେ ପ୍ରେରିତ୍ ହବାକାନ୍ ଆକ୍‌ତେୟାଃ ବିଷାଏରେ କୁଲି ତାଇକେନାକ ।

ପାଉଲୁସ୍ ଚିମିନ୍ କାଥିନି କାଜିକେଦ୍‌ତେ ଆୟାଃ ପ୍ରେରିତ୍ ହବାକାନ୍‌ରେୟାଃ ବିଷାଏରେ ଇନ୍‌କୁକେ କାଜିକଟଙ୍ଗ୍ କାଦକଥା ୧:୧-୨:୧୪ । ଆତଃ ଯାଣୁ ଖ୍ରୀଷ୍ଟ୍‌ରେ ବିଶ୍ୱାସ୍‌କେଦ୍ ହରାତେ ଜୀଉବାସ୍ତାଅ ନାମାଃଆ, ନେଆଁ ଉଦ୍‌ବ୍‌କେଦ୍‌ତେ ସୁକ୍ତକାଜିକେ ବାସ୍ତାଅ ଦାଡ଼ିକାନା ୨:୧୭ । ଅକଥାଃଚି ପାର୍‌ମେଶ୍ୱାର୍‌ଆଃ ଦାୟାତେ ହବାଦାଡ଼ିୟାଃଆ, ମେନ୍‌ଦ ମାନଖାସାଃତେ କା ହବାଦାଡ଼ିୟାଃଆ ।

ପୁଅ ଉଚିଟାରେ ତାଇକାନ୍ କାଜି

- ୧. ପାଉଲୁସ୍‌ଆଃ ଜହାର୍ । ୧:୧-୫
- ୨. ପାଉଲୁସ୍‌ଆଃ ସିଦା ଜୀଖାନ୍, ଆୟାଃ ଇନିତୁ ଏମ୍‌ରେୟାଃ ଆକ୍‌ତେୟାଃ ଆତଃ ଆନ୍‌ତୁରେୟାଃ କାଜିକାମି । ୧:୬-୨:୨୧
- ୩. ପାର୍‌ମେଶ୍ୱାର୍‌ଆଃ ସାୟାଦ୍‌ତେ ଜୀଉବାସ୍ତାଅ ନାମେରେୟାଃ କାଜି । ୩-୪
- ୪. ବୁଗିନ୍ ଖ୍ରୀଷ୍ଟିୟାନ୍ ଚାଇଲ୍ ଚାଲ୍‌ନ୍ ନାଗେନ୍ତେ ଆନାତୁ । ୫:୬-୧୦
- ୫. ପାଉଲୁସ୍‌ଆଃ ଚୁଣ୍ଟ୍ ଜହାର୍ ଆତଃ ପାର୍‌ମେଶ୍ୱାର୍‌ଆଃ ହରାତେ ଜୀଖାନ୍ ବାଦଲାଅ । ୬:୧୧-୧୮

ପାଉଲୁସ୍‌ଆଃ ଜହାର୍

୧ ଆଇଙ୍ଗ୍ ପ୍ରେରିତ୍ ପାଉଲୁସ୍ ତାନିଙ୍ଗ୍, ମାନଖାସାଃଏତେ ଚାଏ ମାନଖା ହରାତେ କାଇଙ୍ଗ୍ ହିଜାକାନା, ମେନ୍‌ଦ ଆପ୍ ପାର୍‌ମେଶ୍ୱାର୍‌ତାଃଏତେ ଆତଃ ଇନିଃ ଗଜାକାନ୍‌କଏତେ ଜୀଉବିରିଦାକାଇ, ଏନ୍ ଯାଣୁ ଖ୍ରୀଷ୍ଟୁଆଃ ହରାତେ କେନେଡ଼ା ନାମାକାଦାଇଙ୍ଗ୍ । ୨ ଆଇଁୟାଃଲଃ ନେତାଃରେ ତାଇନ୍‌ତାନ୍ ସବେନ୍ ବିଶ୍ୱାସୀ ହାଗା ମିଶିକ ଗାଲାଡ଼ିୟ କାଲିସିୟାରେନ୍ ବିଶ୍ୱାସୀକକେ ଜହାର୍ ମେନ୍ତେ କାଜିକୁଲେତାନା ।

୩ ଆବୁଆଃ ଆପ୍ ପାର୍‌ମେଶ୍ୱାର୍ ଆତଃ ପ୍ରାଭୁ ଯାଣୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକ୍ ଏମାପେକାଏ ।

୪ ନାହାଃରେୟାଃ ନେ ଏଡକାନ୍ ପାରିୟାଏତେ ଆବୁକେ ବାସ୍ତାଅବୁ ନାଗେନ୍ତେ ଆବୁଆଃ ଆପ୍ ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍‌କେ ମାନାତିଙ୍ଗ୍‌ତାନ୍‌ଲଃ, ଖ୍ରୀଷ୍ଟ୍ ଆବୁଆଃ ପାପ୍ ନାଗେନ୍ତେ ଆଇଃକ୍‌କେ ଏମ୍‌କିୟା । ୫ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

ମିଆଁଦଗି ସୁକ୍ତକାଜି

୬ ଖ୍ରୀଷ୍ଟୁଆଃ ସାୟାଦ୍ ହରାତେ ଇନିଃ ଆପେକେ କେଡ଼ାକାଦ୍‌ପେ ତାଇକେନା, ଇମିନ୍ ଜାଲ୍‌ଦି ଆପେ ଇନିଃକେ ବାଗିକେଦ୍‌ତେ ଏଟାଃ ମିଆଁଦ୍ ସୁକ୍ତକାଜିକେ ବିଶ୍ୱାସେତାନାପେ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ହାଏକାଟଃତାନା । ୭ ସାର୍‌ତି କାଜିଲେରେ, ଏଟାଃ ସୁକ୍ତକାଜି ବାନ୍‌ଅଆ । ମେନ୍‌ଦ ଆଇଙ୍ଗ୍

କାଜିତାନାଇଜ୍, ତିଆସତି ଚିମିନ୍ ହଡ଼କ ଖ୍ରୀଷ୍ଟୁଆଃ ସୁକୁକାଜିକେ ଏଗଃ ଲେକାତେ ଉଦୁବକେଦତେ ଆପେକେ ଆକଦାନ୍ଦାଅ ନାଗେନ୍ତେକ ସାନାଜ୍ତାନା । ୮ ଫେନ୍ଦ ଆଲେ ଅକ ସୁକୁକାଜି ଆପେତାଃରେ ଉଦୁବାକାଦ୍ ତାଇକେନାଲେ, ଏନାକେ ବାଗିକେଦତେ ଏଗଃ ଲେକା ମିଆଁଦ୍ ସୁକୁକାଜି ଆଲେ ଚାଏ ସିମ୍ବିରେନ୍ ଦୁଡ଼ ଉଦୁବେରେଦ, ଇନିଃ ସାର୍ପାଆଃକାଏ । ୯ ଆଲେ ସିଦାରେ କାଜିକାଦ୍ ତାଇକେନ୍ ଲେକାଗି, ନାହାଁଃ ଆତଃମିସା କାଜିତାନାଇଜ୍, ଆପେ ଅକ ସୁକୁକାଜି ତେଲକାଦାପେ, ଏନାଏତେ ଏଗଃ ସୁକୁକାଜି ଜେତାଏ ଉଦୁବେରେଦ, ଇନିଃ ସାର୍ପାଆଃକାଏ ।

୧୦ ନେଆଁ ଆୟୁମକେଦତେ ତିନାଃ ଆପେ ଆଡ଼କାରେତାନାପେ ଯେ, ଆଇଜ୍ ହଡ଼କତାଃଏତେ ସୁକୁକାଜିୟଃ ନାଜ୍ ସାନାଜ୍ତାନାଇଜ୍ ? କାହାଗି । ଆଇଜ୍ ପାର୍ମେଗ୍ବାରୁଆଃ ଏସକାର୍ ସୁକୁକାଜିୟଃ ନାଜ୍ ସାନାଜ୍ତାନାଇଜ୍ । ଆଇଜ୍ ତିନାଃ ସବେନ୍ ହଡ଼କତାଃରେ ସାରିୟଃ ନାଜ୍ ସାନାଜ୍ତାନାଇଜ୍ ? ଆଇଜ୍ ନାହାଁଃ ଜାକେଦ୍ ସବେନ୍ ହଡ଼କ ସାରିଜ୍କାକ ମେନ୍ତେଇଜ୍ ସାନାଜ୍ତାନାରେଦ, ଆଇଜ୍ ତିସିଜ୍ ଖ୍ରୀଷ୍ଟୁଆଃ ଦାସି କାଇଜ୍ ହବାକାନ୍ତେୟାଃ ।

ପାଉଲୁସ୍ ତିଲ୍କାତେ ପ୍ରେରିଡ଼ ହବାୟାନାଏ

୧୧ ହେ ଦୁଲ୍ଲାଡ଼ ହାଗା ମିଶିକ, ଆଇଜ୍ ଆପେକେଇଜ୍ କାଜିପେତାନା, ଆଇଜ୍ ଅକ ସୁକୁକାଜିଇଜ୍ ଉଦୁବପେତାନା, ଏନା ମାନଖାତାଃଏତେ କା ଉଦୁବାକାନା । ୧୨ ଆଇଜ୍ ଜେତା ମାନଖାତାଃଏତେ ଏନା କାଇଜ୍ ନାମାକାଦା, ଚାଏ ଜେତାଏ ଆଇଜ୍କେ କାକ ଇଡୁକାଦିୟାଁ । ଫେନ୍ଦ ଯାଶୁ ଖ୍ରୀଷ୍ଟୁ ଆଇଃକ୍ବି ଆଇଜ୍ତାଃରେ ଉଦୁବେନ୍ୟାନା ।

୧୩ ଯିହୁଦୀ ଧାରାମରେ ପାତିୟାର୍ତ୍ତରେକା ତାଇକେନ୍ ଇମତା, ଆଇଜ୍ ତିଲ୍କା ଜୀଦାନ୍ ବିତାଅ ତାଇକେନାଇଜ୍, ତିଲ୍କା ବେଗାର୍ ଲିନିବୁଇତେ ପାର୍ମେଗ୍ବାରୁଆଃ କାଲିସିୟାରେନ୍ ହଡ଼କକେ ସାସାତିକ ତାଇକେନାଇଜ୍ ଆତଃ କାଲିସିୟାକେ ଜିୟନେ ନାଗେନ୍ତେଇଜ୍ ଚେଷ୍ଟା ତାଇକେନା, ଏନ୍ ସବେନ୍ ବିଷାଏରେ ଆପେକେଇଜ୍ ଉଦୁବାକାଦପେୟା । ୧୪ ଆଇଜ୍ ଯିହୁଦୀ ଧାରାମ୍ ମାନାତିଜ୍ରେ ଆଇୟାଃ ପାୟାସରେନ୍ ଯିହୁଦୀ ହଡ଼କତାଃଏତେ ଆୟାର୍ରେଇଜ୍ ତାଇକେନା ଆତଃ ଆବୁଆଃ ପୁରଖାହାଡ଼ାମ୍ ହଡ଼କଆଃ ରିତରିଖାଜ୍ ମାନାତିଜ୍ ନାଗେନ୍ତେ ପୁରାଃ ତିହୁଲାନିଗଇଜ୍ ତାଇକେନା ।

୧୫ ନେନ୍ଦ ପାର୍ମେଗ୍ବାରୁ ଆୟାଃ ସାୟାଦ୍ତେ ଆଇୟାଃ ଜାନାମ୍ ହବାଅଃ ସିଦାରେ ଆଇଜ୍କେ ସାଲାକେଦିୟାଁ ଆତଃ ଆୟାଃ ସେଖା ନାଗେନ୍ତେ କେଡାକେଦିୟାଁ । ୧୬ ଆତଃ ସାଅଁସାରୁ ହଡ଼କଆଃ ଆଲାରେ ସୁକୁକାଜି ଉଦୁବ ନାଗେନ୍ତେ ଚିମତା ପାର୍ମେଗ୍ବାରୁ ଆୟାଃ ହନ୍ଦେକ ଆଇୟାଃତାଃରେ ଉଦୁବକିୟା, ଇମତା ନେ ବିଷାଏରେ କୁପଲି ନାଗେନ୍ତେ ଆଇଜ୍ ଏଗଃକତାଃତେ କାଇଜ୍ ସେନାକାନ୍ ତାଇକେନା । ୧୭ ଚାଏ ଆଇୟାଃଏତେ ସିଦାରେ ଅକନ୍ଦ ପ୍ରେରିଡ଼ ତାଇକେନାକ, ଇନ୍କୁଲଃ ହଗି ନେପେଲ୍ ନାଗେନ୍ତେ ଯାରୁଶାଲେମ୍ତେ କାଇଜ୍ ସେନାକାନ୍ ତାଇକେନା । ଫେନ୍ଦ ଆଇଜ୍ ଇମତାଃଗି ଆରବ୍ ଦିଶ୍ମ୍ବତେଇଜ୍ ସେନଃୟାନା ଆତଃ ତାୟମ୍ତେ ଦମାସକସ୍ତେ ରୁହାଡ଼ୟାନାଇଜ୍ । ୧୮ ଏନ୍ତେ ଆପି ବାରାଷ୍ ତାୟମ୍ତେ ଆଇଜ୍ ପାଡ଼ରାସଲଃ ନେପେଲ୍ ନାଜ୍ ଯାରୁଶାଲେମ୍ତେଇଜ୍ ସେନଃୟାନା ଆତଃ ଇନିଃଲଃ ଗେଲ୍ ମଶେୟାଁ ମାହାଁ ତାଇକେନାଇଜ୍ । ୧୯ ଫେନ୍ଦ ପ୍ରାଭୁଆଃ ହାଗା ଯାକୁବ୍କେ ବାଗିକେଦତେ ଆଇଜ୍ ଏଗଃ ଜେତା ପ୍ରେରିଡ଼ଲଃ କାଇଜ୍ ନେପେଲ୍ ।

୨୦ ଆଇଜ୍ ଅଲ୍ତାନ୍ତେୟାଃ ସାର୍ତି ତାନାଃ । ପାର୍ମେଗ୍ବାରୁ ସାରିତାନାଏ, ଆଇଜ୍ କାଇଜ୍ ବେଦାତାନା !

୨୧ ଏନ୍ ତାୟମ୍ତେ ଆଇଜ୍ ସିରିୟା ଆତଃ କିଲିକିଆ ପାର୍ଗାନ୍ତେଇଜ୍ ସେନଃୟାନା । ୨୨ ଏନ୍ ଦିପିଲିକରେ ଯିହୁଦୀ ରାଇଜ୍ରେ ତାଇନ୍ତାନା ଖ୍ରୀଷ୍ଟୁଆଃ କାଲିସିୟାରେନ୍ ବିଶ୍ବାସା ହାଗା ମିଶିକ ଆଇଜ୍କେ ବେଶକେଦତେ କାକ ସାରିକାଇଜ୍ ତାଇକେନା । ୨୩ ଆଇୟାଃ ବିଷାଏରେ ଏଗଃକ ଅକଆଃ କାଜିକାଦ୍ ତାଇକେନାକ, ଇମନାଜ୍ ଏସକାର୍ ଇନ୍କୁ ସାରିୟାକାଦ୍ ତାଇକେନାକ । ଏଗଃକତାଃଏତେ ଇନ୍କୁ ଆୟୁମାକାଦ୍ ତାଇକେନାକ ଯେ, “ଅକନ୍ ହଡ଼ ଆବୁକେ ସିଦା ସିଗିଦୁ ତାଇକେନା ଆତଃ ଆବୁଆଃ ଧାରାମ୍କେ ଜିୟନେ ନାଗେନ୍ତେ ସାନାଜ୍ ତାଇକେନା, ନାହାଁଃଦ ଇନିଃ ଆବୁ ବିଶ୍ବାସକାଦ୍ କାଜିକେ ପାର୍ତାର୍ ତାନା !” ୨୪ ଏନାମେନ୍ତେ ଇନ୍କୁ ଆଇୟାଃ ନାଗେନ୍ତେ ପାର୍ମେଗ୍ବାରୁକେକ ମାନାରାଜ୍ ତାଇକେନା ।

୧:୧୩ ୧:୧୩ ପ୍ରେରିଡ଼ ୮:୩; ୨୨:୪,୫; ୨୬:୯-୧୧. ୧:୧୪ ୧:୧୪ ପ୍ରେରିଡ଼ ୨୨:୩. ୧:୧୫ ୧:୧୫ ପ୍ରେରିଡ଼ ୯:୩-୬; ୨୨:୭-୧୦; ୨୬:୧୩-୧୮. ୧:୧୮ ୧:୧୮ ପ୍ରେରିଡ଼ ୯:୨୬-୩୦.

୨

ପାଉଲୁସ୍ ଆତଃ ଏଗାଃ ପ୍ରେରିତ୍ବକ

^୧ ଏନ୍ତେ ଗେଲ୍ ଉପୁନିୟା ବାରାଷ୍ଟ ତାୟମତେ ଆଇଙ୍ଗ୍ ଆତଃମିସା ବର୍ଣ୍ଣବାସ୍ତଲଃ ଯାରୁଗାଲେମ୍‌ତେଇଙ୍ଗ୍ ରୁହାଡ଼୍‌ୟାନା, ଇମ୍‌ତା ତିତସ୍‌କେ ହରି ଆଇଁୟାଃଲଃ ଗାତିରେଇଙ୍ଗ୍ ଇଦିକାଲ ତାଇକେନା । ^୨ ଆଇଙ୍ଗ୍ ଏଗ୍ରାଃତେ ସେନ୍‌କେନାଇଙ୍ଗ୍ ତିଆଃତି ପାର୍‌ମେଶ୍ୱାର୍‌ତାଃଏତେ ଉନୁଦୁବ୍ ନାମାକାଦ୍ ତାଇକେନାଇଙ୍ଗ୍ । ସାଅଁସାର୍ ହଡ଼କତାଃରେ ଆଇଙ୍ଗ୍ ଅକ ସୁକ୍ତକାଜି ଉଦୁବ୍‌କାଦାଇଙ୍ଗ୍, ଏନା ଯାରୁଗାଲେମ୍‌ରେନ୍ ଆଗୁଆଇକକେ ମିଆଁଦ୍ ଅଡ଼ାଃରେ ଦୁନୁବ୍ ଇମ୍‌ତା ଇନ୍‌କୁକେ ବୁରିଲେକାଇଙ୍ଗ୍ ଉଦୁବ୍‌କାଦକ ତାଇକେନା । ଆଇଁୟାଃ ସିଦାକରାଃ କାମି ଆତଃ ନାହାଁଃରେୟାଃ କାମିକ ଜେ'ଲେକା ସାମାଏଶ୍ୱାଗଃଆ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ ତାଇକେନା । ^୩ ଆଇଁୟାଃ ଗାତି ତିତସ୍ ମିଆଁଦ୍ ଗ୍ରାକ୍ ହଡ଼ ତାଇକେନାଏ, ଏନ୍‌ରେହ ଇନିଃକେ ଖାଡ଼ନାଅ ରିକାଃଆ ଲାଗାତିୟାଃ ମେନ୍ତେ କା କାଜିକାନ୍ ତାଇକେନା । ^୪ ମେନ୍‌ଦ୍ ତିମିନ୍ ହଡ଼କ ଇନିଃକେ ଖାଡ଼ନାଅ ରିକାଇ ନାଗେନ୍ତେକ ସାନାଙ୍ଗ୍ ତାଇକେନା । ଇନ୍‌କୁ ବିଶ୍ୱାସୀ ହାଗା ତାନ୍‌ଲେ ମେନ୍ତେ ବେଦାକେଦ୍‌ତେ କୁମ୍‌ତୁକୁ ଲେକା ଝୁଣ୍ଡରେ ମେସାକାନ୍ ତାଇକେନାକ । ଖ୍ରୀଷ୍ଟ୍ ଯୀଶୁଲଃ ମେସାୟାନ୍ ହରାତେ ଆବୁ ଅକ କିରିଙ୍ଗ୍‌ୟାକାନ୍ ଦାସିଏତେ ରାଡ଼ାକାନାବୁ, ଏନାକେ ଦାଣାଁ ନାମ୍‌ତେୟାଃ ଇନ୍‌କୁଆଃ ଉଦେଶ୍ ତାଇକେନା । ଆବୁକେ ଆତଃମିସା ଆନ୍‌ତୁରେୟାଃ କିରିଙ୍ଗ୍‌ୟାକାନ୍ ଦାସି ହବାଃଆ ନାଗେନ୍ତେ ଇନ୍‌କୁ ସାନାଙ୍ଗ୍ ତାଇକେନାକ । ^୫ ମେନ୍‌ଦ୍ ଆପେୟାଃ ନାଗେନ୍ତେ ସୁକ୍ତକାଜିରେୟାଃ ସାନାର୍‌ତି ତାଇନଃକା ମେନ୍ତେ ଆଲେ ଏନ୍ ବେଦାହଡ଼କକେ କାଟିଃଲେକାହ୍ ଠାୟାଦ୍ କାଲେ ଏମାକାଲ ତାଇକେନା ।

^୬ ମେନ୍‌ଦ୍ ଅକ ହଡ଼କ ଆଗୁଆଇ ମେନ୍ତେ କାଜିୟଃ ତାଇକେନାକ, ଇନ୍‌କୁ ଜେତା ହଡ଼ ତାଇନଃରେୟ, ଏନାରେ ଆଇଁୟାଃ ଜେତାନ୍ କାଜି ବାନଃଆ, ତିୟାଃତି ହଡ଼ରାଃ ବାହାରି ନେପେଲ୍‌ରେ ପାର୍‌ମେଶ୍ୱାର୍ ଜେତାଏୟାଃ ବିଚାର୍ କାଏ ରିକାଃ, ଏନ୍ ଆଗୁଆଇକ ଆଇଙ୍ଗ୍‌କେ ଜେତାନ୍ ନାଞ୍ଜା କାଜିକ କାକ ଏମାକାଇଙ୍ଗ୍ ତାଇକେନା । ^୭ ଏଗାଃ ହରାତେ, ଇନ୍‌କୁ ନେଲ୍‌କେଦାକ ଯେ, ପାର୍‌ମେଶ୍ୱାର୍ ଜେ'ଲେକା ଯିହୁଦୀ ହଡ଼କତାଃରେ ସୁକ୍ତକାଜି ଉଦୁବ୍‌ରେୟାଃ ବାହାରମ୍ ପାଡ଼ରାସ୍‌କେ ଏମାକାନ୍ ତାଇକେନା, ଏନ୍‌ଲେକାଗି କା ଖାଡ଼ନାଅକାନ୍ ହଡ଼କଆଃ ଆୟାଃରେ ସୁକ୍ତକାଜି ଉଦୁବ୍‌ରେୟାଃ ବାହାରମ୍ ଆଇଙ୍ଗ୍‌କେ ଏମାକାନା । ^୮ ତିୟାଃତି ପାଡ଼ରାସ୍ ଜେ'ଲେକା ପାର୍‌ମେଶ୍ୱାର୍‌ଆଃ ପେଡେଃତେ ଯିହୁଦୀ ହଡ଼କ ନାଗେନ୍ତେ ପ୍ରେରିତ୍ ଲେକାଏ ସାଲ୍‌କାନ୍ ତାଇକେନା, ଆଇଙ୍ଗ୍‌ହରି ଏନ୍‌ଲେକାଗି ପାର୍‌ମେଶ୍ୱାର୍‌ଆଃ ପେଡେଃତେ ସାଅଁସାର୍ ହଡ଼କ ନାଗେନ୍ତେ ପ୍ରେରିତ୍ ଲେକାଇଙ୍ଗ୍ ସାଲ୍‌କାନା । ^୯ ଆଗୁଆଇ ଲେକା କାଜିୟଃତାନ୍ ଯାକୁବ୍, ପାଡ଼ରାସ୍ ଆତଃ ଯୋହାନ୍ ମାନାତିଙ୍ଗ୍‌କେଦାକ ଯେ, ପାର୍‌ମେଶ୍ୱାର୍ ଆଇଙ୍ଗ୍‌କେ ନେ ସାୟାଦ୍‌ରେୟାଃ ବିଶେଷ୍ କାମି ନାଗେନ୍ତେ ବାହାରମ୍ ଏମାକାଦିୟାଁଏ । ଏନାମେନ୍ତେ ଇନ୍‌କୁ ଆଇଙ୍ଗ୍‌କେ ଆତଃ ବର୍ଣ୍ଣବାସ୍‌କେ ମିସାତେ କାମିତାନ୍ ହଡ଼କିନ୍ ତାନ୍‌କିନ୍ ମେନ୍ତେ କାଜିକେଦାକ । ବର୍ଣ୍ଣବାସ୍ ଆତଃ ଆଇଙ୍ଗ୍ ସାଅଁସାର୍ ହଡ଼କଆଃ ଆଲାରେ ଆତଃ ଇନ୍‌କୁ ଯିହୁଦୀ ହଡ଼କଆଃ ଆଲାରେ କାମିୟାକ ମେନ୍ତେ ମିଦ୍‌ମନ୍‌ୟାନାଲେ । ^{୧୦} ଇନ୍‌କୁ ନିମିନାଙ୍ଗ୍ ଏସ୍‌କାର୍ ବିକ୍ତକାଦ୍ ତାଇକେନାକ ଯେ, ଆଲେ ଇନ୍‌କୁଆଃ ଝୁଣ୍ଡରେ ତାଇନ୍‌ତାନ୍ ଜାଞ୍ଜିଆଃ ହଡ଼କକେ ପାହାମ୍‌କଆଲେ । ଏନ୍ ବିଷାଏରେଗି ଆଇଁୟାଃ ସାନାଙ୍ଗ୍ ତାଇକେନା ।

ଆନ୍ତିୟୋଖ୍‌ରେ ପାଡ଼ରାସ୍‌କେ ପାଉଲୁସ୍‌ଆଃ କାଜିକଟଙ୍ଗ୍

^{୧୧} ମେନ୍‌ଦ୍ ପାଡ଼ରାସ୍ ଆନ୍ତିୟୋଖ୍‌ତେ ହିଜୁଃକାନ୍ ଇମ୍‌ତା ଆଇଙ୍ଗ୍ ହଡ଼କ ଆଲାରେ ଇନିୟାଃ କାଜିକଟଙ୍ଗ୍ ରିକାକାଦ୍ ତାଇକେନାଇଙ୍ଗ୍, ତିଆଃତି ଇନିଃ ଭୁଲ୍ ରିକାକାଦ୍ ତାଇକେନାଏ । ^{୧୨} ଯାକୁବ୍‌ଆଃ ହରାତେ କୁଲ୍‌କାନ୍ ତିମିନ୍ ହଡ଼କ ଏଗ୍ରାଃତେ ହିଜୁଃ ସିଦାରେ, ପାଡ଼ରାସ୍ ସାଅଁସାର୍ ହଡ଼କଲଃ ଜମ୍‌ତାନ୍ ତାଇକେନାଏ । ମେନ୍‌ଦ୍ ଏନ୍ ହଡ଼କ ହିଜୁଃ ତାୟମତେ, ଇନିଃ କାଏ ଜମ୍‌କେଦା, ତିଆଃତି ସାଅଁସାର୍ ହଡ଼କକେ ଖାଡ଼ନାଅ ହବାଃଆ ଲାଗାତିଙ୍ଗ୍‌ୟାଃ ମେନ୍ତେ ଅକ ହଡ଼କ କାଜିତାଇକେନାକ, ଇନ୍‌କୁକେ ଇନିଃ ବରକ ତାଇକେନାଏ । ^{୧୩} ଏଗାଃ ଯିହୁଦୀ ହାଗା ମିଗିକ ପାଡ଼ରାସ୍‌ଲଃ ମେସାକେଦ୍‌ତେ ହସଡ଼ କାମିକ କାମିକେଦା ଆତଃ ଏନ୍‌ଲେକା ବର୍ଣ୍ଣବାସ୍ ହରି ଇନ୍‌କୁଆଃ ହସଡ଼ରେ ଉୟାଃୟାନା । ^{୧୪} ମେନ୍‌ଦ୍ ତିମ୍‌ତା ଆଇଙ୍ଗ୍ ଇନ୍‌କୁକେ ସୁକ୍ତକାଜିରାଃ ସାନାର୍‌ତି ଲେକାତେ ଜୀଞ୍ଜାନ୍ ବିତାଅତେୟାଃ କାଇଙ୍ଗ୍ ନେଲ୍‌କେଦ୍‌କଆ, ଇମ୍‌ତା ଆଇଙ୍ଗ୍ ପାଡ଼ରାସ୍‌କେ ଇନ୍‌କୁଆଃ ଆୟାଃରେଇଙ୍ଗ୍ କାଜିକିୟା, “ମେନ୍‌ଦ୍ ଆମ୍

* ୨:୧ ୨:୧ ପ୍ରେରିତ୍ ୧୧:୩୦; ୧୫:୨.

ଯିହୁଦୀ ହତ୍ୱ ତାଲୁକକେଦତେ ସାଅଁସାର୍ ହତ୍ୱକ ଲେକାମ୍ ସେସେନ୍ତାନା, ତାବଦ୍ ଯିହୁଦୀ ହତ୍ୱକ ଲେକା ଜୀଝାନ୍ ବିତାଅ ନାଗେନ୍ତେ ଆମ୍ ଚିଲ୍ଲକାତେ ସାଅଁସାର୍ ହତ୍ୱକକେମ୍ ଆରୁକତାନା ?”

ବିଶ୍ୱାସ୍ ହରାତେ ଜୀଉ ବାଞ୍ଛାଅ

୧୫ ସାର୍ତ୍ତରି ଆଲେ ଜାନାମ୍‌ଏତେରି ଯିହୁଦୀ ହତ୍ୱକତାନ୍‌ଲେ, କାନାଜି ଲେକାତେ, ପାପି ସାଅଁସାର୍ ହତ୍ୱକ ନାହାଁଲାରଲେ । ୧୬ *ଏନ୍‌ରେୟ, ଆଲେ ସାରିତାନାଲେ ଯେ, ଆନ୍‌ଚୁରାଃ କାଜିକ ପୁରାକେଦ୍‌ତେ କାହାରି, ମେନ୍‌ଦ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ ମିହୁଡ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃଆଏ । ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ଆଲେ ଆନ୍‌ଚୁ ଚେତାନ୍‌ରେ କା ଆସ୍ତାକେଦ୍‌ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ତାନାଲେ, ଚିୟାଃଚି ଆନ୍‌ଚୁ ମାନାତିଜ୍‌କେଦ୍‌ତେ ଏସ୍‌କାର୍ ଜେତାଏ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ କାଏ ହବାଅଃଆ । ୧୭ ମେନ୍‌ଦ ଖ୍ରୀଷ୍ଟଲଃ ମେସାକେଦ୍‌ତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ସାନାଜ୍‌ତାନ୍ ଇମ୍‌ତା ଆବୁ ହରି ସାଅଁସାର୍ ହତ୍ୱକ ଲେକା ପାପି ହବାକେଦ୍‌ତେ ମେନାବୁରେଦ୍, ଚିନାଃ ଖ୍ରୀଷ୍ଟ ଏନାରେନ୍ ଜିମାଦାର୍ ତାନିଃ ? କାହାରି ଏନାଦ ଆଲକା ହବାଅଃକା ? ୧୮ ଚିୟାଃଚି ଅକ ଆନ୍‌ଚୁରାଃ ତନଲ୍‌କେ ଆଇଜ୍ ଚଟାଃକାଦାଇଜ୍, ଏନାକେ ଆତଃଫିସା ବାଇରୁହାଡ୍‌ରେଦ୍ ଆଇଜ୍ ଗୁର୍ଲ୍ ହବାଅଃଆଇଜ୍ । ୧୯ ଆଇଜ୍ ଆନ୍‌ଚୁ ନାଗେନ୍ତେ କାଇଜ୍ ଜୀହୁଦଃତାନାଃ ଚିଆଃଚି ଆନ୍‌ଚୁ ଆଇୟାଃ ଗନଏଃ ଆଉକେଦାଏ, ମେନ୍‌ଦ ନାହାଁଃ ଆଇଜ୍ ପାର୍‌ମେଶ୍ୱାର୍ ନାଗେନ୍ତେ ଜୀନିଦ୍ ମେନାଇୟା । ଖ୍ରୀଷ୍ଟଲଃ ଆୟାଃ କୁଶ୍ ଚେତାନ୍‌ରେ ଆଇଜ୍ ହରି ଗଜାକାନାଇଜ୍ । ୨୦ ଏନାମେନ୍ତେ ନାହାଁଃ ଆଇଜ୍ ଜୀନିଦ୍ ନାହାଁଲିଜ୍, ଆଇୟାଃତାଃରେ ଖ୍ରୀଷ୍ଟି ଜୀନିଦ୍ ମେନାଇୟା । ଆଇଜ୍ ହାସା ହତ୍‌ଫରେ ତାଇକେଦ୍‌ତେ ନାହାଁଃ ଅକ ଜୀଝାନ୍ ବିତାଅତାନାଇଜ୍, ଏନାଦ ଆଇଜ୍ ପାର୍‌ମେଶ୍ୱାର୍‌ଆଃ ହନ୍‌ତାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ ହବାଦାଡ୍‌କାନା, ଅକଏଚି ଆଇଜ୍‌କେ ଦୁଲ୍‌ତକେଦ୍‌ତେ ଆଇୟାଃ ନାଗେନ୍ତେ ଆୟାଃ ଜୀଉକେ ଏମ୍‌କେଦାଏ । ୨୧ ଏନାମେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍‌କେ ଆଇଜ୍ ସାମାତାନାଃ ମେନ୍ତେ କାଇଜ୍ କାଜି, ଚିୟାଃଚି ଆନ୍‌ଚୁ ମାନାତିଜ୍ ହରାତେ ଏସ୍‌କାର୍ ମିହୁଡ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃରେଦ୍, ଖ୍ରୀଷ୍ଟଆଃ ଗନଏଃ ସାମାତାନାଃ ମେନ୍ତେ କାଜିୟଃଆ ।

୩

ଆନ୍‌ଚୁ ଚାଏ ବିଶ୍ୱାସ୍

୧ ହେ ଗାଲାତିୟରେନ୍ ତଣ୍ଡକ ! ଅକଏ ଆପେକେ ମୁହିନି କାଦ୍‌ପେୟା ? କୁଶ୍ ଚେତାନ୍‌ରେ ଯୀଶୁ ଖ୍ରୀଷ୍ଟଆଃ ଗନଏଃ କାଜି ବୁଗିଲେକା ଆପେତାଃରେ ଉଦୁବାକାନା । ୨ ଆପେ ଆଇଜ୍‌କେ ମିଆଁଦ୍ କାଜି କାଜିଜ୍‌ପେ, ଆନ୍‌ଚୁ ମାନାତିଜ୍ ହରାତେ ଆପେ ପାବିତାର୍ ଆମ୍‌କେଦେ ନାମ୍‌କିୟା ଚି ସୁକୁକାଜି ଆୟାଦ୍‌କେଦ୍‌ତେ ଏନାରେ ବିଶ୍ୱାସ୍‌କେଦ୍ ହରାତେ ? ୩ ଆପେ ଚିନାଃ ନିମିନ୍ ତଣ୍ଡତାନ୍‌ପେ ? ପାର୍‌ମେଶ୍ୱାର୍‌ଆଃ ପାବିତାର୍ ଆମ୍‌ଗାରଃ ପେଡ୍‌ଃତେ ଆପେ ଅକ ଜୀଦାନ୍ ଏଚେଦ୍‌କାଦାପେ, ଏନାକେ ଚିନାଃ ଆପ୍‌ନାଃ ହାସା ହତ୍‌ଫରେୟାଃ ପେଡ୍‌ଃତେ ଚୁଣ୍ଡୁନାଜ୍ ସାନାଜ୍‌ତାନାପେ ? ୪ ଆପେ ଚିନାଃ ସାମାରେ ନିମିନାଜ୍ ଦୁକୁହାସୁ ସାହାତିଜ୍‌କାଦାପେ ? ଏନାଏତେ ଚିନାଃ ଜେଦ୍‌ନାଃ କାପେ ଇଡୁକାନା ? ୫ ଆପେ ଆନ୍‌ଚୁରେ ଏସ୍‌କାର୍ ବିଶ୍ୱାସ୍‌କାଦ୍ ହରାତେ ଚିନାଃ ପାର୍‌ମେଶ୍ୱାର୍ ଆପେକେ ଆୟାଃ ଆମ୍‌ ଏମାକାଦ୍‌ପେୟାଏ ଆତଃ ଆପେୟାଃ ଆଲାରେ ଆକ୍‌ଦାନ୍‌ଆ କାମିକଏ ରିକାଏତାନା, ଚି ଆପେ ସୁକୁକାଜି ଆୟାଦ୍‌କେଦ୍‌ତେ ଏନାରେ ବିଶ୍ୱାସ୍‌କେଦ୍ ହରାତେ ଇନିଃ ଏନାକ ରିକାଃଏ ?

୬ *ଆବ୍ରାହାମ୍‌ଆଃ କାଜିକେ ପାହାମେପେ । ଧାରାମ୍‌ପୁଅରେ ଅଲ୍‌କାନା, “ଇନିଃ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍‌କେଦା ଆତଃ ଆୟାଃ ବିଶ୍ୱାସ୍ ହରାତେ ପାର୍‌ମେଶ୍ୱାର୍ ଇନିଃକେ ଧାର୍‌ମାନ୍ ମେନ୍ତେ କାଜିକିୟା ।” ୭ *ବିଶ୍ୱାସ୍‌ଦାନ୍ ହତ୍ୱକ ଏସ୍‌କାର୍ ଆବ୍ରାହାମ୍‌ଆଃ ହନ୍‌କ ତାନ୍‌କ, ଏନା ଆପେକେ ସାରି ଲାଗାତିଜ୍‌ୟାଃ । ୮ ସିଦାରେଚି ଧାରାମ୍‌ପୁଅରେ ଅଲ୍‌କାନା, ବିଶ୍ୱାସ୍ ହରାତେ ପାର୍‌ମେଶ୍ୱାର୍ ସାଅଁସାର୍ ହତ୍ୱକକେ ହରି ଧାର୍‌ମାନ୍ ମେନ୍ତେ କାଜିକିଆ, ଆବ୍ରାହାମ୍‌ତାଃରେ ନେ କାଜି ପାହିଲା ଉଦୁବ୍‌କାଦ୍ ତାଇକେନା, “ଆମାଃ ହରାତେ ପାର୍‌ମେଶ୍ୱାର୍ ଅତେଦିଶ୍ଟିମରେନ୍ ସବେନ୍ ହତ୍ୱକକେ ଆଶିଷ୍‌କିଆ ।” ୯ ଆବ୍ରାହାମ୍ ବିଶ୍ୱାସ୍‌କେଦ୍‌ତେ ଆଶିଷ୍ ନାମ୍‌କେଦାଏ । ଏନାମେନ୍ତେ ଅକନ୍‌କ ବିଶ୍ୱାସ୍‌ପେୟାକ, ଏନ୍ ସବେନ୍‌କ ଆୟାଃ ଲେକାଚି ଆଶିଷ୍‌କ ନାମେୟା ।

* ୨:୧୬ ୨:୧୭ ରୋମି ୩:୨୦; ରୋମି ୩:୨୨. * ୩:୬ ୩:୭ ରୋମି ୪:୩. * ୩:୭ ୩:୭ ରୋମି ୪:୧୭.

୧୦ ଅକନ୍ଦକ ଆନୁରୁ ମାନାତିକ୍ଷ୍ଣ ରେତାନ୍ତରେ ଆସ୍ତା ଦହୟାକ, ଇନ୍ଦୁ ସାର୍ପପାଅରେୟାଃ ବରତେ ଜୀବାନ୍ ବିତାଅଥାଃ । ତିୟାଃ ଧାରାମପୁଅରେ ଅଲ୍ଲାକାନା “ମୁଣ୍ଡାଃ ଆନୁରୁ ପୁଅରେ ଅକ ସବେନାଃ ଅଲ୍ଲାକାନା, ଜେତାଏ ଏନାକେ ପୁରା କାଏ ମାନାତିକ୍ଷ୍ଣରେଦ ଇନିଃ ପାର୍ମେଶ୍ଵରାଃ ସାର୍ପପାଅଃ ତାନିଃ ।” ୧୦ ନେ ହରାତେ ସାରିୟଃତାନା, ଆନୁରୁ ହରାତେ ଜେତା ହତ୍ ପାର୍ମେଶ୍ଵରାଃ ଆୟାଃରେ ଧାର୍ମାନ୍ କାଏ ହବାଅଥା, ତିୟାଃ ଧାରାମପୁଅରେ ଅଲ୍ଲାକାନା, “ପାର୍ମେଶ୍ଵରାଃ ଆୟାଃରେ ଧାର୍ମାନ୍ ହତ୍ ବିଶ୍ଵାସ୍ ହରାତେ ଜାହିଦଃଥା ।” ୧୧ ମେନ୍ଦ୍ ଆନୁରୁଲଃ ବିଶ୍ଵାସ୍ରେ ଜେତାନ୍ ନାତା ବାନଥାଃ । ଧାରାମପୁଅରେ ଅଲ୍ଲାକାନା, “ଅକ ହତ୍ ସବେନ୍ଦ୍ ଆନୁରୁ ମାନାତିକ୍ଷ୍ଣ ରିକାଃଏ, ଇନିଃ ବାଞ୍ଚାଅଥାଏ ।”

୧୧ ମେନ୍ଦ୍ ଶ୍ରୀଷ୍ ଆବୁ ନାଗେନ୍ତେ ସାର୍ପପାଅ ନାମ୍ନେଦ୍ତେ ଆନୁରୁରେ ଅଲ୍ଲାକାନ୍ ସାର୍ପପାଅଏତେ ଆରୁମେ ଗାତାକାଦ୍ବୁଥା । ଧାରାମପୁଅରେ ଅଲ୍ଲାକାନା, “ଜେତାଏ ଦାରୁରେ ହାକା ଗଜଃଅକ, ଇନିଃ ପାର୍ମେଶ୍ଵରାଃ ହରାତେ ସାର୍ପପାଅଃ ତାନିଃ ।” ୧୨ ପାର୍ମେଶ୍ଵର ଆବ୍ରାହାମ୍ନେ ଅକ ଆଶିଷ୍ ନାଗେନ୍ତେ ବାନାର୍ପାଏ ଏନାକାଜ୍ ତାଜକେନାଏ, ସାର୍ପପାଅ ହତ୍ବକହରି ଜେଲେକା ଏନ୍ ଆଶିଷ୍ ନାମ୍ ଦାଡ୍ଡିୟାକ, ଏନାମେନ୍ତେ ଶ୍ରୀଷ୍ ନେ କାମିକେ ପୁରାକେଦା । ଏନାମେନ୍ତେ ବିଶ୍ଵାସ୍ ହରାତେ ଆବୁ ହରି ପାର୍ମେଶ୍ଵର କାଜିକାଦ୍ ଲେକା ପାବିତାର୍ ଆମାବୁ ନାମ୍ ଦାଡ୍ଡିୟା ।

ଆନୁରୁ ଆତଃ ବାନାର୍ପା

୧୨ ହେ ହାଗା ମିଶିକ, ଆଇକ୍ ମିଆଁଦ୍ ନାମ୍ନା ଏନାପେତାନାଇକ୍, ତିମ୍ତା ବାର୍ହତ୍ ଜେତାନ୍ ବିଷାଏରେ ମିଆଁଦ୍ ରାଜିନାମା ବାଇୟାକିନ୍ ଇମ୍ତା ଏନାକେ ଜେତାଏ କାକ ଟାଃତାଡ୍ଡିୟା ଟାଏ ଏନାରେ ଜେତନାଃ କାକ ମେସା ଦାଡ୍ଡିୟା । ୧୩ ଆବ୍ରାହାମ୍ ଆତଃ ଆୟାଃ କିଲିକତାଃରେ ପାର୍ମେଶ୍ଵର ଆୟାଃ ବାନାର୍ପାଏ ଏନାକାଦ୍ ତାଜକେନାଏ । ମେନ୍ଦ୍ ନେ ବିଷାଏରେ, “ଆମାଃ କିଲିକ ନାଗେନ୍ତେ,” ମେନ୍ଦ୍ଲେରେ ପୁରାଃ ହତ୍ବକ ନାଗେନ୍ତେ ମେନ୍ତେ ଧାରାମପୁଅରେ କା ଅଲ୍ଲାକାନା । “ଆମାଃ କିଲି ନାଗେନ୍ତେ ଏସ୍କାର୍” ମେନ୍ତେ ଅଲ୍ଲାକାନା । ଏନାତେ ଏନ୍ ଧାରାମପୁଅରେ ଅଲ୍ଲାକାନ୍ତେୟାଃ, ମିଆଁଦ୍ ହତ୍ ନାଗେନ୍ତେ ଏସ୍କାର୍, ମେନ୍ଦ୍ଲେରେ ଶ୍ରୀଷ୍ ନାଗେନ୍ତେ ଏସ୍କାର୍ ଅଲ୍ଲାକାନା । ୧୪ ଆଇୟାଃ କାଜିରାଃ ମୁଣ୍ଡି ହବାଅଥାନାଃ, ପାର୍ମେଶ୍ଵର ଆବ୍ରାହାମ୍ନେ ମିଆଁଦ୍ ରାଜିନାମା ବାଇକାଦ୍ ତାଜକେନାଏ, ଆତଃ ଏନା ବାଞ୍ଚାଅ ନାଗେନ୍ତେ ବାନାର୍ପାଏ ଏନାକାଦ୍ ତାଜକେନାଏ । ଅକ ଆନୁରୁ ୪୩୦ ବାରାଷ୍ ତାୟମ୍ତେ ଏମ୍ନା, ଏନ୍ ଆନୁରୁ ଏନ୍ ରାଜିନାମାକେ ଟାଃତାକେଦ୍ତେ ପାର୍ମେଶ୍ଵର ଏନାକାଦ୍ ବାନାର୍ପାଏକେ କାଏ ହବା ଦାଡ୍ଡିୟା । ୧୫ *ପାର୍ମେଶ୍ଵରାଃ ବାନାର୍ପାଏ ହରାତେ ଏନାକାନ୍ ଆଶିଷ୍ ନାମ୍ ନାଗେନ୍ତେ ଆନୁରୁ ରେତାନ୍ତରେ ଆସ୍ତାଏ ରେଦ୍, ଏନା ଆୟାଃ ଏନାକାଦ୍ ବାନାର୍ପାଏ ହରାତେ ନାମାକାନା ମେନ୍ତେ କା କାଜିୟାଥା । ଏନାତେ ପାର୍ମେଶ୍ଵର ଆୟାଃ ବାନାର୍ପାଏ ଲେକାତେ ଏସ୍କାର୍ ଏନ୍ ଆଶିଷ୍ ଆବ୍ରାହାମ୍ନେ ଏମ୍ନାକିୟା ।

୧୬ ତାବ୍ଦ୍ ଆନୁରୁ ତିନାଃମେନ୍ତେ ଏମ୍ନା ? ହତ୍ବକଥାଃ ସବେନ୍ଦ୍ ଏଡ୍କାନ୍ କାମିକକେ ଉଦ୍ବରେୟାଃ ଉଦ୍ବେଶ୍ରେ ଏନା ଏନାକାନ୍ ତାଜକେନା, ଆତଃ ଆବ୍ରାହାମ୍ ଆଃ ଅକ କିଲିକେ ନେଲ୍ଲକେଦ୍ତେ ପାର୍ମେଶ୍ଵର ବାନାର୍ପାଏ ଏନାକାଦ୍ ତାଜକେନାଏ, ଏନ୍ ହତ୍ବରାଃ ହିନିଜ୍ ଜାକେଦ୍ ଆନୁରୁରାଃ ଲାଗାତିକ୍ ତାଜକେନା । ପାର୍ମେଶ୍ଵର ଆତଃ ହତ୍ବକଥାଃ ଆଲ୍ଲାରେ କାମିତାନ୍ ମିଆଁଦ୍ ହତ୍ବକେ ଦୁଡ୍ବକଥାଃ ହରାତେ ଏନ୍ ଆନୁରୁ ଏନାକାନ୍ ତାଜକେନା । ୧୭ ମେନ୍ଦ୍ ବାନାର୍ପାଏ ଏନାକାନ୍ ଦାନ୍ଲଃ ମିହୁଡ୍, ଏସ୍କାର୍ ମେସାକାନ୍ ତାଜକେନାଏ । ଇନିଃ ପାର୍ମେଶ୍ଵର ତାନିଃ ।

ଆନୁରୁରେୟାଃ ଉଦ୍ବେଶ୍

୧୮ ଆନୁରୁ ତିନାଃ ପାର୍ମେଶ୍ଵର ଏନାକାଦ୍ ବାନାର୍ପାଏକେ ବିରୁଧ୍ ରିକାଃଏ ? କାହାରି, ତିଭଲ୍ଲାଅ କା ହବାଅଥା ! ତିଆଃ ମାନଖାକେ ଜୀବାନ୍ଦ୍ ଏମେ ଲେକା ମିଆଁଦ୍ ଆନୁରୁ ବାଇୟାକାନ୍ ରେଦ୍, ଏନାକେ ମାନାତିକ୍ ହରାତେ ମାନଖା ପାର୍ମେଶ୍ଵରାଃ ଆୟାଃରେ ଧାର୍ମାନ୍ନିଃ ମେନ୍ତେ ଉଦ୍ବକାନ୍ତେୟାଃ । ୧୯ ମେନ୍ଦ୍ ଧାରାମପୁଅରେ ଅଲ୍ଲାକାନା, ସବେନ୍ଦ୍ ମାନଖାକ ପାପ୍ରେୟାଃ ଆକ୍ତେୟାଃରେ ମେନାକଥା, ଏନାମେନ୍ତେ ଯୀଶୁ ଶ୍ରୀଷ୍ତାଃରେ ବିଶ୍ଵାସ୍କାଦ୍ ହରାତେ ବାନାର୍ପାଏ ଏନାକାନ୍ ଆଶିଷ୍ ଶ୍ରୀଷ୍ ବିଶ୍ଵାସୀକକେ ଏମ୍ନାଥା ।

୨୦ ବିଶ୍ଵାସ୍ରେୟାଃ ଦିପିଲି ହିଜ୍ ସିଦାରେ ଆତଃ ଏନା ଉନ୍ଦୁଦ୍ ହବାଅଃ ଜାକେଦ୍ ଆନୁରୁ ଆବୁ ସବେନ୍ଦ୍ କକେ ତଲ୍ଲାକାଦ୍ ତାଜକେନା । ୨୧ ଶ୍ରୀଷ୍ ଆଃ ହିନିଜ୍ ଜାକେଦ୍ ଆନୁରୁ ଆବୁ ଆଃ ଇଡ୍ବିନିଃ ଲେକା ତାଜକେନା । ମେନ୍ଦ୍ ଏନ୍ ତାୟମ୍ତେ ବିଶ୍ଵାସ୍ ହରାତେ ଏସ୍କାର୍ ଆବୁ ପାର୍ମେଶ୍ଵରାଃ ଆୟାଃରେ

* ୩:୧୮ ୩:୧୮ ରୋମି ୪:୧୪.

ଧାର୍ମାନ ଲେକାନ୍ ହବାଅଥା । ୨୫ ନାହିଁଃ ବିଶ୍ୱାସରେୟାଃ ଦିପିଲି ସେଚେରକାନା, ଆବୁ ଆନତୁରେୟାଃ ଆକ୍ତେୟାର୍ରେ ଆତଃ ବାଙ୍ଗୁଆ ।

୨୬ ବିଶ୍ୱାସ ହରାତେ ଖ୍ରୀଷ୍ଟ ଯୀଶୁଲଃ ମେସାକେଦତେ ଆପେ ପାର୍ମେଶ୍ୱାର୍ରେୟାଃ ହନ୍ଦକପେ ହବାକାନା । ୨୭ ତିଆଃଟି ଆପେ ବାପ୍ତିସ୍ମାୟାନ୍ ହରାତେ ଖ୍ରୀଷ୍ଟଲଃ ମିଦକାନାପେ ଆତଃ ନାହିଁଃ ଯୀଶୁ ଖ୍ରୀଷ୍ଟଆଃ ଜୀଦାନ୍ ଲେକାନ୍ ଲିଜାଃ ତୁସିଙ୍ଗକାନାପେ । ୨୮ ଏନାମେନ୍ତେ ଯିହୁଦୀ ଆତଃ ସାଥ୍ୟାନ୍ ହଡ୍, କିରିଙ୍ଗୟାକାନ୍ ଦାସି ଆତଃ ରାଡ଼ାକାନ୍ ହଡ୍, କଡ଼ା ଆତଃ କୁଡ଼ି ଆଲରେ ଆତଃ ଜେଡାନ୍ ଭେଦଭାବ୍ ବାନଃଆ । ଆପେ ସବେନ୍ଦକ ଯୀଶୁ ଖ୍ରୀଷ୍ଟଲଃ ମେସାକେଦତେ ମିଦକାନାପେ । ୨୯ *ଆପେ ଖ୍ରୀଷ୍ଟଆଃ ତାନ୍ଦପେରେଦ, ଆପେୟାଗି ଆହାହାମଆଃ କିଲିକ ତାନ୍ଦପେ ଆତଃ ପାର୍ମେଶ୍ୱାର୍ ଅକଆଃ ବାନାର୍ସା ଏମାକାଦାଏ, ଏନା ନାମେୟାଃପେ ।

୪

ହନ୍ ଆତଃ ହାନାଟିଙ୍ଗ ନାମେନିଃ

୧ ମେନ୍ଦ ଆଇଙ୍ଗ ଆପେକେଇଙ୍ଗ କାଜିପେତାନା, ହନ୍ ଆପୁଆଃ ସବେନ୍ ହାନାଟିଙ୍ଗ ନାମେନିଃ ତାନିଃ, ମେନ୍ଦ ସବେନ୍ ବିଷାଏରେୟାଃ ହାନାଟିଙ୍ଗ ନାମେନିଃ ତାନିଃରେୟାଗି, ଇନିଃ ସିଟିଆଗି ମେନାଇ ହରାତେ, କିରିଙ୍ଗୟାକାନ୍ ଦାସି ଲେକାଏ ତାଇନା । ୨ ସିଟିଆ ତାଇକାନ୍ ଦିପିଲିରେ, ଆୟାଃ ଆପୁଆଃ ସାଲକାନ୍ ନେଡା ଜାକେଦ୍ ଇନିଃ ଖାଜାନତିରାଃ ଆକ୍ତେୟାର୍ରେ ତାଇନାଃ ଆତଃ ସବେନ୍ ବିଷାଏରେ ଇନିଃକେ ଦେଙ୍ଗାଇୟାକ । ୩ ଏନ୍ଲେକାଗି ଆବୁହ ଆମିକ୍ ଲେକାତେ ସେପେଡେଡ୍ ହବାଅଃ ସିଦାରେ, ଅତେଦିଶ୍ୱମ୍ରେ ଆକ୍ତେୟାରେତାନ୍ ପେଡେଃରେୟାଃ ଏନେଚେଦ୍ ବିଷାଏରେୟାଃ କିରିଙ୍ଗୟାକାନ୍ ଦାସି ତାଇକେନାବୁ । ୪ ମେନ୍ଦ ତୁଣ୍ଡୁର ତିମତା ଠାଉକା ନେଡା ସେଚେରୟାନା ଇମତା ପାର୍ମେଶ୍ୱାର୍ ଆୟାଃ ହନ୍ଦକେ କୁଲ୍‌କିୟା, ମିଆଁଦ୍ ତିଶ୍ୱା କୁଡ଼ିଆଃ ହରାତେ ଇନିଃ ଜାନାମ୍ ଇଦିକେଦତେ ଯିହୁଦୀକଆଃ ଆନତୁ ଲେକାତେ ଜୀଦାନ୍ ବିତାଅକେଦାଏ । ୫ *ଜେ'ଲେକାଟି ଇନିଃ ଲାଗାତିଙ୍ଗ ଗନଙ୍ଗ୍ ଏମକେଦତେ ଏନ୍ ଆନତୁରେୟାଃ ତନଲ୍‌ହେତେ ହଡ୍‌କକେ ରାଡ଼ାନାଙ୍ଗ୍ ଆତଃ ଇନ୍‌କୁକେ ପାର୍ମେଶ୍ୱାର୍‌ଆଃ ହନ୍ ହବାଅଃନାଙ୍ଗ୍ ସୁୟୋଗ୍ ଏମରେୟାଃ ଆୟାଃ ଜୀଦାନ୍ରେ ଭଜେଣ୍ ତାଇକେନା ।

୬ ଆପେ ପାର୍ମେଶ୍ୱାର୍‌ଆଃ ହନ୍ଦକ ତାନ୍ଦପେ, ଏନା ଉଦୁବେ ନାଗେନ୍ତେ ପାର୍ମେଶ୍ୱାର୍ ଆୟାଃ ହନ୍‌ଆଃ ପାବିତାର୍ ଆମ୍ବାକେ ଆବୁଆଃ ମନ୍‌ସୁରୁଦତେ କୁଲ୍‌କିୟା, ଏନ୍ ପାବିତାର୍ ଆମ୍ବା "ଆବା ! ହେ ଆଇଁୟାଃ ଆବା ।" ମେନ୍ତେ କାଉରିତାନ୍‌ଲଃ କାଜିତାନା । ୭ ଏନାମେନ୍ତେ ଆପେ କିରିଙ୍ଗୟାକାନ୍ ଦାସି ନାହିଁଲାଇଃପେ, ହନ୍ ତାନ୍ଦପେ । ଆପେ ଇନିୟାଃ ହନ୍ଦକ ହବାୟାନ୍ତେ, ପାର୍ମେଶ୍ୱାର୍ ଆୟାଃ ହନ୍ଦକ ନାଗେନ୍ତେ ଅକ ସବେନାଃ ଦହକାଦାଏ, ଏନାକେ ଆପେ ସବେନ୍‌କକେ ଏମାପେୟା ।

ଗାଳାତିୟ ବିଶ୍ୱାସୀକ ନାଗେନ୍ତେ ପାଉଲ୍‌ସ୍‌ଆଃ ଉଡ଼ୁ

୮ ସିଦା ଦିପିଲିରେ ଆପେ ପାର୍ମେଶ୍ୱାର୍‌କେ କାପେ ସାରିକାଇ ତାଇକେନା, ଏନାମେନ୍ତେ ଅକନ୍ଦକ ସାର୍‌ଡି ପାର୍ମେଶ୍ୱାର୍ ନାହିଁଲାଇ, ଏନ୍ଲେକାନ୍ ହସଡ୍ ମାହାପୁରୁକଆଃ ଦାସିପେ ତାଇକେନା । ୯ ମେନ୍ଦ ନାହିଁଃ ଆପେ ପାର୍ମେଶ୍ୱାର୍‌କେ ସାରିକାଇଜାଃପେ, ଏନାତେ ଆଇଙ୍ଗ କାଜିୟାଇଙ୍ଗ୍, ନାହିଁଃ ପାର୍ମେଶ୍ୱାର୍ ଆପେକେ ସାରିକାଦପେୟା । ତାବ୍‌ଦ ନେଆଁ ଚିଲ୍‌କା ହବାସାକାଅଆଃ ଯେ, ଆପେ ଆତଃମିସା ଏନେଚେଦ୍ ବିଷାଏରେୟାଃ କା ପେଡେୟାନ୍, ଗର୍‌ଗରାଗି ନେଲଃତାନ୍ ମାହାପୁରୁକତାଃରେ ରୁହାଡ୍ ନାଗେନ୍ତେ ସାନାଙ୍ଗତାନାପେ ? ଆପେ ତିନାଃମେନ୍ତେ ଆତଃମିସା ଇନ୍‌କୁଆଃ କିରିଙ୍ଗୟାକାନ୍ ଦାସି ହବାଅଃ ନାଗେନ୍ତେପେ ସାନାଙ୍ଗତାନା ? ୧୦ ଆପେ ସବେନ୍‌କ ବିଶେଷ୍ ବିଶେଷ୍ ହୁଲାଇଙ୍ଗ୍, ମାହ୍‌ନା, ପାରାବ୍, ଆତଃ ବାରାଷ୍‌କକେପେ ମାନାତିଙ୍ଗତାନା । ୧୧ ଆଇଙ୍ଗ୍ ଆପେୟାଃ ନାଗେନ୍ତେ ଅକଆଃ କାମିକାଦାଇଙ୍ଗ୍, ଏନା ସାମା ଏଶ୍ୱାଗଃଆ ମେନ୍ତେ ଆଇଁୟାଃ ବର ମେନାଃ ।

୧୨ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ ବିକ୍ରିପେତାନା, ଆପେ ସବେନ୍‌କ ଆଇଁୟାଃ ଲେକା ହବାଅଃପେ । ଆଇଙ୍ଗ୍ ଆପେ ଲେକାଈଙ୍ଗ୍ ହବାକାନା ଆତଃ ଆପେ ଆଇଁୟାଃ ନାଙ୍ଗ୍ ଜେତାନ୍ ଏଡ୍‌କାନାଃ କାପେ ରିକାକାଦା । ୧୩ ଆଇଙ୍ଗ୍ ବେମାର୍ ତାଇକେନ୍ ଇମତା ଆପେତାଃରେ ପାହିଲାତେ ସୁକୁକାଜିଇଙ୍ଗ୍ ଉଦୁବାକାଦ୍ ତାଇକେନା, ଏନା ପାହାମେପେ । ୧୪ ମେନ୍ଦ ଆଇଁୟାଃ ବେମାର୍ ଆପେୟାଃ ନାଗେନ୍ତେ ଖ୍ୱୟାଃ କାଜି ହବାକାନ୍ରେୟାଗି, ଆପେ ଆଇଙ୍ଗ୍‌କେ କାପେ ହିଲାଇଙ୍ଗ୍‌କେଦିୟାଁ ଚାଏ କାପେ ବାଗିକେଦିୟାଁ । ମେନ୍ଦ ଆପେ ଆଇଙ୍ଗ୍‌କେ ପାର୍ମେଶ୍ୱାର୍‌ଆଃ ମିଆଁଦ୍ ଦୁଡ୍ ଲେକାପେ ଦାରମ୍‌କେଦିୟାଁ । ଖ୍ରୀଷ୍ଟ

* ୩:୨୯ ୩:୨୯ ରୋମି ୪:୧୩. * ୪:୫ ୪:୫ ରୋମି ୮:୧୫-୧୭.

ୟାଶୁକେ ଆପେ ଜେ'ଲେକା ଦାରମ୍ କାଇତେୟାଃସେ, ଏନ୍‌ଲେକାଗି ଆଇଙ୍ଗକେୟାରି ଦାରମ୍‌କାଇଙ୍ଗ୍ ତାଇକେନାପେ । ୧୫ ଜମ୍‌ତା ଆପେ ଚିମିନ୍ ରାସକାକାନ୍ ତାଇକେନାପେ ! ମେନ୍‌ଦ ନାହାଁଃ ଚିନାଃ ହବାୟାନା ? ଆଇଙ୍ଗ୍ ଆପେୟାଃ ବିଷାଏରେ ଗାଞ୍ଜା ଏମ୍‌ତାନାଇଙ୍ଗ୍ ଚି, ହବାସାକାଅକାନ୍‌ରେ, ଆପେୟାଃ ସବେନାଃଏତେ ଗନଙ୍ଗ୍‌ଆନ୍ ବିଷାଏ ଆସିକାପେରେୟାରି, ଆପେ ଏମ୍‌କାଇଙ୍ଗ୍ ତେୟାଃସେ । ୧୬ ମେନ୍‌ଦ ନାହାଁଃ ଆଇଙ୍ଗ୍ ଆପେକେ ସାର୍‌ତ କାଜିକାନ୍ ହରାତେ ଚିନାଃ ଆପେୟାଃ ବାଇରି ହବାଅଃତାନାଇଙ୍ଗ୍ ?

୧୭ ଏନ୍ ଏଟାଃ ହଡ଼କ ଆପେୟାଃ ବୁଗିନାଃ ନାଗେନ୍ତେ ପୁରାଃଗି ଚିହୁଲାନ ଲେକା ଉଦୁବେନ୍‌ତାନାକ । ମେନ୍‌ଦ ନେଆଁରେ ଜନ୍‌କୁଆଃ ସାର୍‌ତ ଉଦେଶ୍ ବାନଃଆ । ଜନ୍‌କୁଆଃ ମିଆଁଦ୍‌ଗି ସାନାଙ୍ଗ୍‌ତାନାଃ ଯେ, ଆପେ ଚିଲ୍‌କା ଆଇଁୟାଃତାଃଏତେ ରୁହାଡ଼କେଦ୍‌ତେ ଆକରେ ମନ୍ ଏମେୟାଃସେ । ୧୮ ବୁଗିନ୍ ଉଦେଶ୍ ନାଗେନ୍ତେ ଚିହୁଲଃତେୟାଃ ଠାଉକାଗିୟା । ଆଇଙ୍ଗ୍ ଆପେଲଃ ତାଇକାନ୍ ଜମ୍‌ତା ଏସକାନ୍ କାହାଗି, ମେନ୍‌ଦ ସବେନ୍ ଜମ୍‌ତା ଆପେ ନେ ଠାଉକାନ୍‌ତେୟାଃ ରିକା ଲାଗାତିଙ୍ଗ୍‌ୟାଃ । ୧୯ ଏ ଆଇଁୟାଃ ଦୁଲ୍‌କ୍ ହନ୍‌କ, ଆପେକେ ଖ୍ରୀଷ୍ଟ ଲେକା ବାଇ ନାଗେନ୍ତେ ଆଇଙ୍ଗ୍ ଆତଃମିସା ହନ୍ ଜାନାମଃ ଜମ୍‌ତାରେୟାଃ ଦୁକୁ ଲେକାଇଙ୍ଗ୍ ଆଟ୍‌କାରେତାନା । ୨୦ ଆଇଙ୍ଗ୍ ନାହାଁଃ ଆପେତାଃରେଇଙ୍ଗ୍ ତାଇକାନ୍‌ରେ, ଆପେୟାଃ ବିଷାଏରେ ଆଇଙ୍ଗ୍ ଏଟାଃ ଲେକାଇଙ୍ଗ୍ କାଜି ଦାଡ଼ିତେୟାଃ ମେନ୍ତେ ଆଇଁୟାଃ ସାନାଙ୍ଗ୍ । ଚିୟାଃଚି ଆଇଙ୍ଗ୍ ଆପେ ନାଗେନ୍ତେ ପୁରାଃଗିଜଙ୍ଗ୍ ପାହାମ୍‌ତାନା ।

ହାଗାର୍ ଆତଃ ସାରାଃ ନାମ୍‌ନା

୨୧ ଅକନ୍‌କ ଆନ୍‌ତୁରେୟାଃ ଆକ୍‌ତେୟାଃରେ ତାଇନଃ ନାଙ୍ଗ୍ ସାନାଙ୍ଗ୍‌ଆଃକ, ଆଇଙ୍ଗ୍ ଜନ୍‌କୁକେ କୁଲି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ଆନ୍‌ତୁରେ ଚିନାଃ ଅଲ୍‌କାନା, ଏନା କାପେଚି ସାରିକାଦା ? ୨୨ ଧାରାମ୍‌ପୁଥ୍ରେ ଅଲ୍‌କାନା, ଆହାଙ୍ଗ୍‌ମିଆଃ ବାରିୟା ହନ୍ ତାଇକେନାକିନ୍, ମିଆଁଦ୍ କାମ୍‌ଡ଼ି କୁଡ଼ିରାଃ ହନ୍ ଏନ୍ତେ ଆତଃମିଆଁଦ୍‌ନିଃ ଆୟାଃ କୁଡ଼ିତେୟାଃ ହନ୍ । ୨୩ କାମ୍‌ଡ଼ି କୁଡ଼ିଆଃ ହନ୍, ହଡ଼ମ୍‌ଲେକାତେ ଜାନାମ୍‌ୟାନା, ମେନ୍‌ଦ ଆୟାଃଲଃ ଆଶ୍‌ଦିକାନ୍ କୁଡ଼ିଆଃ ହନ୍, ପାର୍‌ମେଶ୍‌ବାର୍‌ଆଃ ବାନାନ୍‌ସା କାଜି ଲେକାତେ ଜାନାମ୍‌ୟାନା । ୨୪ ନେଆଁ ମିଆଁଦ୍ ଜନ୍‌କା ଲେକା କାଜିୟାଃଆ । ନେ ବାରାନ୍ କୁଡ଼ିକିନ୍ ବାରିୟା ରାଜିନାମାକାଦ୍ ଲେକାନ୍‌କିନ୍ ତାନ୍‌କିନ୍ । ମିଆଁଦ୍ ରାଜିନାମା ସିନାଇ ବୁରୁତାଃରେ ହବାକାନ୍ ତାଇକେନା । ନେ ରାଜିନାମା ଉଦେଶ୍‌ରେ ଅକ ହଡ଼କ ଜାନାମଃଆକ, ଜନ୍‌କୁ କିରିଙ୍ଗ୍‌ୟାକାନ୍ ଦାସି ଲେକା ତାନ୍‌କ । ହାଗାର୍ ନେ ରାଜିନାମାରେୟାଃ ଚିହ୍ନି ଲେକାନ୍‌ନିଃ ତାନିଃ । ୨୫ ହାଗାର୍ ମେନ୍‌ଲେରେ ଆରବ୍ ଦିଶ୍‌ମ୍‌ରେ ତାଇନ୍‌ତାନ୍ ସିନାଇ ବୁରୁକେ କାଜିୟାଃକ, ଆତଃ ଏନା ନାହାଁଃରେୟାଃ ଯୀରୁଶାଲେମ୍ ନାଗାର୍ ଲେକା ତାନା । ହାଗାର୍ ଲେକା ଯୀରୁଶାଲେମ୍ ଆତଃ ଆୟାଃ ହଡ଼କ ନାହାଁଃ କିରିଙ୍ଗ୍‌ୟାକାନ୍ ଦାସିରେୟାଃ ତନଲ୍‌ରେକ ତଲ୍‌କାନା । ୨୬ ମେନ୍‌ଦ ସିମ୍‌ରେୟାଃ ଯୀରୁଶାଲେମ୍ ରାଡ଼ାକାନା ଆତଃ ଏନା ଆବୁଆଃ ଏଙ୍ଗା ତାନିଃ । ୨୭ ଚିୟାଃଚି ଧାରାମ୍‌ପୁଥ୍ରେ ଅଲ୍‌କାନା, “ହେ ଚରିବ୍ କୁଡ଼ି, ଆମ୍ ରାସକାଆଃମେ, ହନ୍ ଜାନାମ୍ ହବାଅଃ ଜମ୍‌ତାରେୟାଃ ଦୁକୁ ଚିଉଲ୍‌ଆ କାମ୍ ଆଟ୍‌କାନ୍‌କାଦ୍‌ରେହ୍, ପୁରାଃଗି ରାସକାତେ କାଉରିମେ । ଚିୟାଃଚି କଡ଼ାଲଃ ତାଇନ୍‌ତାନ୍ କୁଡ଼ିଏତେ ମିଆଁଦ୍ ସାଜିନାକାନ୍ କୁଡ଼ିରାଃ ହନ୍‌କ ପୁରାଃଗି ହବାଅଃଆକ ।”

୨୮ ହେ ହାଗା ମିଶିକ, ଆପେ ସବେନ୍‌କ ଇସାକ୍ ଲେକାଗି ନାହାଁଃଦ ପାର୍‌ମେଶ୍‌ବାର୍‌ଆଃ ବାନାନ୍‌ସା ଏମ୍‌କାନ୍ ହନ୍‌କ ତାନ୍‌ପେ । ୨୯ ମୁସିଙ୍ଗ୍ ହଡ଼ମ୍‌ରେୟାଃ ସଭାଦ୍ ଲେକାତେ ଜାନାମାକାନ୍ ହନ୍, ପାର୍‌ମେଶ୍‌ବାର୍‌ଆଃ ଆମ୍‌ାତେ ଜାନାମାକାନ୍ ହନ୍‌କେ ସାସାତିକିୟାଏ । ଏନ୍‌ଲେକାଗି ନାହାଁଃହ୍ ହବାଅଃତାନା । ୩୦ ମେନ୍‌ଦ ନେ ବିଷାଏରେ ଧାରାମ୍‌ପୁଥ୍ ଚିନାଃଏ କାଜିତାନା ? ଏନାରେ ଅଲ୍‌କାନା, “କାମ୍‌ଡ଼ି କୁଡ଼ିକେ ଆତଃ ଜନିୟାଃ ହନ୍‌କେ ସାଜିନ୍‌କିନ୍‌ପେ, ଚିୟାଃଚି ଆଶ୍‌ଦିୟାକାନ୍ କୁଡ଼ିରାଃ ହନ୍‌ଲଃ କାମ୍‌ଡ଼ି କୁଡ଼ିରାଃ ହନ୍ ଆପୁଆଃ ଖୁଜ୍‌ରେ ଜେତାନ୍ ହିସା କାଏ ନାମେୟା ।” ୩୧ ଏନାମେନ୍ତେ ହେ ହାଗା ମିଶିକ, ଆବୁ କାମ୍‌ଡ଼ି କୁଡ଼ିଆଃ ହନ୍‌କ ନାହାଁଃଲାରୁ, ମେନ୍‌ଦ ଆଶ୍‌ଦିୟାକାନ୍ କୁଡ଼ିରାଃ ହନ୍‌କ ତାନ୍‌ବୁ ।



ଆପେୟାଃ ତନଲ୍‌ହେତେ ରାଡ଼ାକାନ୍‌ତେୟାଃକେ ବାଞ୍ଛାଏପେ

୧ ଆବୁ ତନଲ୍‌ହେତେ ରାଡ଼ାକାନାବୁ । ଖ୍ରୀଷ୍ଟ୍ ଆବୁକେ ତନଲ୍‌ହେତେ ରାଡ଼ାକାନ୍‌ବୁଆ । ଏନାମେନ୍ତେ ଆପେ ତନଲ୍‌ହେତେ ରାଡ଼ାକାନ୍‌ତେୟାଃରେ ସାଦ୍‌କେଟେଦ୍‌କେଦ୍‌ତେ ତାଇନ୍‌ପେ । ଆତଃମିସା କିରିଙ୍ଗ୍‌ୟାକାନ୍ ଦାସି ଲେକା ଆଡ଼ନାରେ ତଲଃ ନାଗେନ୍ତେ ଆଲ୍‌ପେ ରୁହାଡ଼ା ।

^୭ ଆଇଙ୍ଗ ପାଉଲ୍‌ସ୍, ଅକଥାଃ କାଜିତାନାଇଙ୍ଗ ଏନା ଆୟୁମେପେ, ଆପେ ଖାଡ଼ନାଥ ରିତିରିଖାନ୍ ମାନାତିଙ୍ଗତାନ୍ ରେଦ, ଏନାରେୟାଃ ମୁଣ୍ଡି ହବାଅଃଆ, ଆପେ ନାଗେନ୍ତେ ଖ୍ରୀଷ୍ଟଆଃ ଜେତାନ୍ ଲାଗାତିଙ୍ଗ ବାନଃଆ । ^୮ ଆଇଙ୍ଗ ଖାଡ଼ନାଥ ରିକାଅଃଆନ୍ ମିପିଆଦ୍ ହଡ଼କେ ଆତଃମିସା ଚେତାଅ ଏମାଜ ତାନାଇଙ୍ଗ ଯେ, ମୁଣା ଏମାକାଦ୍ ଆନୁଚୁକେ ପୁରା ମାନାତିଙ୍ଗ ଲାଗାତିଙ୍ଗୟାଃ । ^୯ ଆପେକଏତେ ଅକନ୍‌କ ଆନୁଚୁ ମାନାତିଙ୍ଗ ହରାତେ ପାର୍‌ମେଶ୍ୱାର୍‌ଆଃ ଆୟାନ୍‌ରେ ଧାର୍‌ମାନ୍ ହବାଅଃ ନାଗେନ୍ତେକ ସାନାଇଙ୍ଗତାନା, ଇନ୍‌କୁ ଆପାନ୍‌କେ ଖ୍ରୀଷ୍ଟତାଃଏତେ ବିନ୍‌ଗାଅକାନାକ, ଇନ୍‌କୁ ପାର୍‌ମେଶ୍ୱାର୍‌ଆଃ ସାୟାଦ୍‌ହେତେ ସାଜିନ୍‌କାନାକ । ^{୧୦} ମେନ୍‌ଦ ଆରୁ ଆସ୍ରାଏତାନାରୁ ଯେ, ପାର୍‌ମେଶ୍ୱାର୍‌ ଆରୁକେ ଆୟାଃ ନେପେଲ୍‌ରେ ଧାର୍‌ମାନ୍ ମେନ୍ତେ ପାହାରାଅରୁଆ, ଆରୁଆଃ ବିଶ୍ୱାସ୍‌ରେୟାଃ ଜ ଲେକାତେ ଆରୁଆଃ ମନ୍‌ସୁରୁଦ୍‌ରେ କାମି ରିକାତାନ୍ ପାବିତାର୍ ଆମ୍ବାରାଃ ପେଡ଼େଃ ହରାତେ, ନେ ସବେନାଃ ହବାଅଃଆ ମେନ୍ତେବୁ ନେଲ୍ ହରାତାନା । ^{୧୧} ଚିୟାଃତି ଯୀଶୁ ଖ୍ରୀଷ୍ଟଲଃ ମେସାକେଦ୍‌ତେ ଜୀଦାନ୍ ବିତାଅରେଦ, ଖାଡ଼ନାଥ ଚାଏ କା ଖାଡ଼ନାଥରେୟାଃ ଜେତାନ୍ ପାରାକ କା ତାଇନାଃ । ମିଆଁଦ୍‌ରି ଲାଗାତିଙ୍ଗତେୟାଃ ହବାଅଃଆନା, ବିଶ୍ୱାସ୍‌ରେ କେଚେଦ୍‌ ତାଇନ୍‌କେଦ୍‌ତେ ଦୁଲ୍‌ଡ଼ରେ କାମିକେ ପୁରା ଦାଡ଼ିୟାଃଆ ।

^{୧୨} ଆପେଦ ଆମିକରେ ବୁଗିଲେକାପେ ସେସେନ୍‌ ତାଇକେନା, ସାର୍‌ତି ହରାରେ ସେସେନ୍‌ ଇମ୍‌ତା ଅକଏ ଆପେକେ କାଜିକଟଙ୍ଗ କେଦ୍‌ପେୟା ? 「ଆପେକେ କେଡ଼ାକାଦ୍‌ପେ ପାର୍‌ମେଶ୍ୱାର୍‌ଆଃ ହରାତେ ନେ ଉସ୍‌କୁର୍ କା ହବାକାନା । ^{୧୩} କାଜିରେ ମେନାଃ, “ସିପୁଦାକାନ୍ ମାଏଦାକେ ମିଏ ନାଗେନ୍ତେ କାଟିଃ ଲେକାଗି ରାନ୍ ଲାଗାତିଙ୍ଗୟାଃ ।” ^{୧୪} ଏନା ଜାହାନାଃତେ ହବାଅଃଆ, ନାହାଁଃ ଜାକେଦ୍‌ ଆପେତାଃରେ ଆଇଁୟାଃ ଆସ୍ରା ମେନାଃ, ଚିଆଃତି ଆରୁ ସବେନ୍‌କ ପ୍ରାଭୁଲଃ ମେସାକାନାରୁ, ଆଇଁୟାଃ ପୁରାଃ କେଚେଦ୍‌ ବିଶ୍ୱାସ୍ ମେନାଃ ଯେ, ଆପେ ଜେତାଏ ଆଇଁୟାଃ କାଜିରାଃ ବିରୁଧ୍ କାପେ ରିକାଏୟା । ଆତଃ ଅକ ହଡ଼ ଆପେକେ ବିନ୍‌ଗାଅପେ ତାନା, ଇନ୍‌ଃ ଜେତାଏ ହବାଅଃରେୟାଗି ପାର୍‌ମେଶ୍ୱାର୍ ଇନ୍‌ଃକେ ସାଜାଇ ଏମାଜୟାଏ ।

^{୧୫} ମେନ୍‌ଦ ହେ ହାଗା ମିଶିକ, ଆଇଙ୍ଗ ଡିସିଙ୍ଗ ଜାକେଦ୍ ଖାଡ଼ନାଥ ବିଷାଏରେଇଙ୍ଗ ଉଦୁବେତାନ୍‌ରେଦ, ଚିନାଃ ମେନ୍ତେଇଙ୍ଗ ସିଗିଦଃତାନା ? ତାଦ୍‌ଦ ଖ୍ରୀଷ୍ଟଆଃ କ୍ରୁଗ ବିଷାଏରେ ଉଦୁବେତେୟାଃ ତହଦଃରାଃ କାଜି ନାହାଁଲାଃ । ^{୧୬} ଆଇଙ୍ଗ ସାନାଇଙ୍ଗ ତାନାଇଙ୍ଗ, ନେ ବିଷାଏରେ ଅକନ୍‌କ ଆପେକେ କାଜିକଟଙ୍ଗପେ ତାନାକ, ଇନ୍‌କୁ ଆତଃକାଟିଃ ଆୟାନ୍‌ରେୟାକାକ ଆତଃ କା ଖାଡ଼ନାଅକେଦ୍‌ତେ ପୁରାଗି କା ପେଡ଼େୟାନ୍ ହବାକାନ୍‌ରେଦ ବୁଗିନ୍‌ ହବାକାନ୍‌ତେୟାଃ ।

^{୧୭} ହେ ହାଗା ମିଶିକ, ଆପେଦ ତନଲ୍‌ହେତେ ରାଡ଼ାଅଃ ନାଗେନ୍ତେ କେଡ଼ାକାନ୍ ତାଇକେନାପେ । ମେନ୍‌ଦ ଚିଗାଲ୍‌କାନ୍‌ପେ, ଆପେୟାଃ ହଡ଼ମରେୟାଃ ସାନାଇଙ୍ଗକେ ଏସ୍‌କାର୍ ପୁରାଏ ନାଗେନ୍ତେ ଏନ୍‌ ତନଲ୍ ରାଡ଼ାକାନ୍‌ତେୟାଃକେ ସୁପୋର୍ ଲେକା ଆଲପେ ବେଭାର୍‌ରେୟା । ମେନ୍‌ଦ ଦୁଲ୍‌ଡ଼ତେ ସେସେନ୍‌କେଦ୍‌ତେ ଆପେ ମିହୁଡ଼, ଆତଃମିହୁଡ଼ରାଃ ସେଖାଏପେ । ^{୧୮} ଚିୟାଃତି ମିଆଁଦ୍‌ରି ଆନୁଚୁରେ ସବେନ୍‌ ଆନାରୁ ପୁରାଅଃତାନା, “ଆମାଃ ହୋପର୍‌ଜାପାଃନିଃକେ ଆପ୍‌ନାଃ ଲେକା ଦୁଲ୍‌ଡ଼ିମେ ।” ^{୧୯} ମେନ୍‌ଦ ଆପେ ଜାଁତୁକ ଲେକା ଚାଇଲ୍ ଚାଇଲ୍ ତାନ୍‌ଲଃ ମିହୁଡ଼, ଆତଃମିହୁଡ଼ଆଃ ହାନ୍ ଆତଃ ନକ୍‌ସାନ୍ କାମିକ ରିକାଏତାନ୍‌ରେଦ, ଚିଗାଲ୍‌କାନ୍ ତାଇନ୍‌ପେ, କାରେଦ ହବାସାକାଅଆଃ ଆପେ ମିହୁଡ଼, ଆତଃମିହୁଡ଼ଆଃ ପୁରା ଜିୟନ୍‌ ରିକାଏଆପେ ।

ପାବିତାର୍ ଆମ୍ବା ଆତଃ ମାନଖାରାଃ ସଭାବ୍

^{୨୦} ଆଇଙ୍ଗ କାଜିତାନ୍‌ତେୟାଃ ହବାଅଃତାନା, ପାବିତାର୍ ଆମ୍ବା ଆପେୟାଃ ଜୀଦାନ୍‌କେ ଆୟାନ୍‌ରେଦ ଚାଲାଇକିକା । ତାଦ୍‌ଦ ଆପେ ହଡ଼ମରେୟାଃ ପାପ୍ ସଭାବ୍‌କେ କାପେ ପୁରାଏୟା । ^{୨୧} ^{୨୨} ମାନଖାରାଃ ସଭାବ୍ ପାବିତାର୍ ଆମ୍ବାରାଃ ବିରୁଧ୍ ତାନାଃ, ଏନ୍ ଲେକାଗି ପାବିତାର୍ ଆମ୍ବାରେୟାଃ ଇଛା ମାନଖାରାଃ ବିରୁଧ୍ ତାନାଃ । ନେ ବାରାନ୍‌କିନ୍ ମିହୁଡ଼, ଆତଃମିହୁଡ଼ରାଃ ବାଇରି ତାନ୍‌କିନ୍ । ଏନାତେ ଆପେ ଅକ୍‌ନାଃ ରିକା ନାଗେନ୍ତେ ସାନାଇଙ୍ଗତାନାପେ, ଏନା କାପେ ରିକା ଦାଡ଼ିୟା । ^{୨୩} ପାବିତାର୍ ଆମ୍ବା ଆପେକେ ସୁତୁଃ ଇଦିପେ ତାନ୍‌ରେଦ, ଆପେ ମୁଣା ଏମାକାଦ୍ ଆନୁଚୁରାଃ ଆକ୍‌ତେୟାନ୍‌ରେ ବାଙ୍ଗପେୟା ।

^{୨୪} ମାନଖା ସଭାବ୍‌ରେୟାଃ କାଜିକାମି ସବେନ୍‌ ହଡ଼କ ସାରିତାନା । ଏନା ହବାଅଃତାନା, ଆପାଜିର୍ କାମି, ସଡ଼ରା କାମି, ଏଡ଼କାନ୍ ରିଜରାଙ୍ଗ, ^{୨୫} ମୁରୁଡ଼ ସେଖା, ଦେଅଁଣା କାମି, ବାଇରି ଆତଃ କାପ୍‌ଜି, ହିସ୍‌ଜା, ଖ୍‌ସ୍, ଆପ୍‌ନାଃ ନାଙ୍ଗ ଏସ୍‌କାର୍ ଉଡ଼୍‌ସ୍, ଝୁଣ୍‌କକେ ବିନ୍‌ଗାଅ, ^{୨୬} ଆତଃ ହିସ୍‌ଜା, ଇଲ୍‌ଆର୍‌ଗ୍‌ସ୍ ମୁଁ, ରିଜରାଙ୍ଗ, ଆତଃ ଏନ୍‌ଲେକା ଏଗାଃ ଏଗାଃ ଏଡ଼କାନ୍ କାମିରେ ତାଇନାଃକ । ଆଇଙ୍ଗ ସିଦା ଲେକା ନାହାଁଃ

✧ ୫:୧ ୫:୧୧ କରିଲ୍‌ଲିୟ ୫:୬. ✨ ୫:୧୭ ୫:୧୭ ରୋମି ୭:୧୫-୨୩.

ହରି ଆପେକେଇଜ୍ଞ ଚିରାଲପେ ତାନା । ଅକନ୍ଦକ ନେ'ଲେକା କାମିକ କାମିୟା, ଇନ୍ଦକୁ ପାର୍ମେଶ୍ଵାର୍‌ଆଃ ରାଇଜ୍ଞରେ ଆକ୍‌ଡେୟାର୍ କାକ ନାମେୟା ।

୨୨ ମେନ୍ଦ ପାବିତାର୍ ଆମ୍ବରେୟାଃ ବାଋଦାନ୍ ହବଅଃତାନା, ଦୁଲାଡ୍, ରାସ୍କା, ଜୀଉସୁକୁ, ସାହାତିଜ୍ଞ ଜାଝାନ୍, ଦାୟା, ବୁଗିନାଃ, ପାତିୟାରୁଋଋ ଲେକା, ୨୩ ଲେବେଃ ମନ୍, ଆଡଃ ଆପାନ୍‌କେ ଆବରରେ ଦହ, ନେ ସବେନାଃରେ ଆନ୍‌ରୁରାଃ ଜେତାନ୍ ବିରୁଧ୍ ବାନଆଃ । ୨୪ ଅକନ୍ଦକ ଯୀଶୁ ଖ୍ରୀଷ୍ଟଆଃ ତାନ୍‌କ, ଇନ୍ଦକୁ ସବେନ୍ ଲାଲାଡ୍ ଆଡଃ ହଡ଼ମରାଃ ଏଡ଼କାନ୍ ସାନାଜ୍ ମାନଝାରାଃ ସଭାବ୍‌କେ କୁଣ୍‌ଗରେ କିଲାକାଦାକ । ୨୫ ପାବିତାର୍ ଆମ୍ବ ଆବୁକେ ଜାଦାନ୍ ଏମାକାଦ୍‌ରୁଆଏ, ଇନିଃ ଆବୁଆଃ ଜୀଦାନ୍‌କେ ହରି ସୁତୁଃଇଦିକାଏ । ୨୬ ଏନାମେନ୍ତେ ଆବୁ ଆପାନ୍‌କେ ମାରାଜ୍ ମେନ୍ତେ କାଜିନ୍ ଚାଏ ଏଟାଃକକେ ଖ୍ଵ ଚାଏ ଏଟାଃକକେ ହିସ୍କା ଆବୁକେ ରିକା କା ଲାଗାତିଜ୍ଞୟାଃ ।



ମିହୁଡ୍ ଆଡଃମିହୁଡ଼ରାଃ ବାହାରମ୍ ଗଗେକାବୁ ।

୧ ହେ ହାଗା ମିଶିକ, ଜେତାଏ ଜେତାନ୍ ଗୁଣ୍ଠାଁ କାମିରେ ସାବଃରେଦ, ଆପେକଏତେ ଅକନ୍ଦକ ଆମ୍ବରେ ସେସେନ୍ ତାନାକ, ଇନ୍ଦକୁ ଇନିଃକେ ସୁଧରାଅ ଲାଗାତିଜ୍ଞୟାଃ, ମେନ୍ଦ ଆପେକେ ନେ କାମି ଲାବୁଃକେଦ୍‌ଡେ, ଲେବେଃ ମନ୍‌ଡେ ରିକା ଲାଗାତିଜ୍ଞୟାଃ । ଆଡଃ ଚିରାଲାକାନ୍‌ପେ, ଅକଏସାରି ଏନ୍ ଲେକା କାମି ରିକା ନାଗେନ୍ତେ ଆପେ ଆପେଗି ବିନିଡ଼ାଅରେ ଉୟୁଃ ସାକାଅଃଆପେ । ୨ ମିହୁଡ୍ ଆଡଃମିହୁଡ଼ରାଃ ବାହାରମ୍ ଗଅଃ ନାଗେନ୍ତେ ଦେଜାଅଃପେ, ଏନ୍‌ଲେକା ରିକା ହରାତେ ଆପେ ସବେନ୍‌କ ଖ୍ରୀଷ୍ଟଆଃ ଆନ୍‌ରୁକେପେ ମାନାତିୟେଆ । ୩ ଜେତାଏ ହଡ଼ ବେଗାଡ୍ ସାରିକେଦ୍‌ଡେ ସାରିକାଦିଜ୍ଞ ମେନ୍ତେ କାଜିନିଃ ଆପାନ୍‌କେଗି ବେଦାନ୍‌ତାନା । ୪ ଆପେ ସବେନ୍‌କ ଆପ୍‌ନାଃ ଆପ୍‌ନାଃ ଚାଇଲ୍ ଚାଲାନ୍‌କେ ବିଚାର୍‌କେଦ୍‌ଡେ ଆଡ଼କାଡ଼ରୁମ୍ ଲାଗାତିୟାଁ । ଏନା ବୁଗିନାଃତାନାଃ ରେଦ, ଏନା ନାଗେନ୍ତେ ଆପାନ୍‌କେ ମାରାଜ୍ ମେନ୍ତେ କାଜିନ୍‌କା ଆଡଃ ଏଗାଃନିୟାଃ କାମିକେ ଆପାନ୍‌ନାଃ କାମିଲଃ ଜକାକେଦ୍‌ଡେ ଇନିଃ ଆପାନ୍‌କେ ମାରାଜ୍ ମେନ୍ତେ ଆଲକାଏ କାଜିନ୍‌କା । ୫ ତିଆଃତି ମିମିଆଦ୍ ହଡ଼କେ ଆପ୍‌ନାଃ ଆପ୍‌ନାଃ ବାହାରମ୍ ଗଅଃ ଲାଗାତିଜ୍ଞୟାଃ ।

୩ ଖ୍ରୀଷ୍ଟଆଃ ସୁକୁକାଜି ଇଡୁତାନ୍ ଇମ୍‌ତା ଇଡୁନିଃକେ ଆପାନ୍‌ନାଃ ଲାଗାତିଜ୍ଞ ଲେକାନ୍ ସବେନ୍ ବୁଗିନ୍ ବିଷାଏରେ ଇନିଃକେ ହିସା ଏମ୍ ଲାଗାତିଜ୍ଞୟାଃ ।

୬ ଆପେ ଆପାନ୍‌କେ ଆଲପେ ବେଦାନାଃ, ପାର୍ମେଶ୍ଵାର୍ ବେଦାଅଃନିଃ ନାହାଁଲିଃ । ହଡ଼ହନ୍ ଅକଆଃ ହେରେୟାଏ ଏନାଗି ଇରେୟା । ୮ ଅକ ହଡ଼ ଆପାନ୍‌ନାଃ ପାପ୍‌ରେୟାଃ ସଭାବ୍‌କେ ସୁକୁଇତି ନାଗେନ୍ତେ ଲୟଜ୍ଞରେ ହିତାଏ ହେରେୟା, ଇନିଃ ଜିୟନଃରେୟାଃ ହିତାଏ ଇରେୟା । ମେନ୍ଦ ଜେତାଏ ପାବିତାର୍ ଆମ୍ବକେ ସୁକୁଇତି ନାଗେନ୍ତେ ଲୟଜ୍ଞରେ ହିତାଏ ହେରେୟା, ଇନିଃ ଆମ୍ବାଡଃଏତେ ଜାନାଅ ଜୀଦାନ୍‌ରେୟାଃ ହିତାଏ ଇରେୟା । ୯ ଏନାମେନ୍ତେ ବୁଗିନ୍ କାମି ରିକା ନାଗେନ୍ତେ ଆଲକାବୁ ଲାଗାଅଃକା । ତିୟାଃତି ଏନାଏତେ କା ଲାଗାନ୍‌ରେ, ଠାଉକାନ୍ ଦିପିଲିରେ ହିତାବୁ ଇର୍ ଦାଡ଼ିୟା । ୧୦ ଏନାମେନ୍ତେ ଆବୁ ତିମ୍‌ତା ସୁଯୋଗବୁ ନାମେୟା, ଇମ୍‌ତା ଆବୁକେ ବୁଗିନ୍ କାମି ରିକା ଲାଗାତିଜ୍ଞୟାଃ । ବିଶେଷକେଦ୍‌ଡେ ଅକନ୍ଦକ ଆବୁଆଃ ବିଶ୍ଵାସୀ ଅଡ଼ାଃରେନ୍ ତାନ୍‌କ, ଇନ୍ଦକୁଆଃ ବୁଗିନାଃ ରିକା ଲାଗାତିଜ୍ଞୟାଃ ।

ବୁଶ୍ଟି ଚୁତନେତାଅ କାଜି ଆଡଃ ଜହାର୍

୧୧ ନେଲେପେ, ଆଇଜ୍ଞ ଚିମିନ୍ ମାରାଜ୍ ମାରାଜ୍ ଅନଲ୍‌ରେ ଆପେଡ଼ାଃତେଇଜ୍ଞ ଅଲାକାଦା । ୧୨ ଅକନ୍ଦକ ହଡ଼ମରେୟାଃ ବାହାରି ବିଷାଏରେ ଉଦୁବେନ୍ ତାନାକ ଆଡଃ ଆପ୍‌ନାଃ ମାନାରାଜ୍ ରିକାତାନାକ, ଇନ୍ଦକୁଗି ଆପେକେ ଖାଡ଼ନାଅଃପେ ମେନ୍ତେକ ଆବୁପେତାନା । ଇନ୍ଦକୁ ଖ୍ରୀଷ୍ଟଆଃ କୁଣ୍ ଗାଗେନ୍ତେ ସାସାତି କା ନାମେ ଉଦେଶ୍‌ଗରେ ଏନ୍ ଲେକା ରିକାତାନାକ । ୧୩ ଅକନ୍ଦକ ଖାଡ଼ନାଅ ରିତିରିଝାଜ୍‌କେ ମାନାତିଜ୍ଞତାନାକ, ଇନ୍ଦକୁଗି ମୁଣାରାଃ ଆନ୍‌ରୁକେ କାକ ମାନାତିଜ୍ଞତାନା । ଆପେ ଖାଡ଼ନାଅଃପେ ମେନ୍ତେ ଇନ୍ଦକୁ ସାନାଜ୍‌ତାନାକ । ମେନ୍ଦ ନେ ହଡ଼ମରାଃ ରିତିରିଝାଜ୍‌କେ ମାନାତିଜ୍ଞ ନାଗେନ୍ତେ ଆପେକେ ଆବୁ ଦାଡ଼ିପେରେଦ, ଇନ୍ଦକୁ ଆପାନ୍‌କେ ମାରାଜ୍ ମେନ୍ତେକ କାଜିନ୍‌କା । ୧୪ ମେନ୍ଦ ଆଇଜ୍ଞ ଏସକାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ କୁଣ୍ ବିଷାଏରେ ଆପାନ୍‌କେ ମାରାଜ୍ ମେନ୍ତେଇଜ୍ଞ କାଜିନ୍‌ତାନା; ତିୟାଃତି ଇନିୟାଃ କୁଣ୍ ହରାତେ ଅତେଦିଶ୍ଵମ୍ ଆଇୟାଃ ନାଗେନ୍ତେ ଗଜାକାନା ଆଡଃ ଆଇଜ୍ଞ ଅତେଦିଶ୍ଵମ୍ ନାଗେନ୍ତେଇଜ୍ଞ ଗଜାକାନା । ୧୫ ଅକଏ ଖାଡ଼ନାଅକାନ୍ ଚାଏ କା ଖାଡ଼ନାଅକାନ୍, ଏନାରେ ଜେତାନ୍ କାଜି ବାନଃଆ, ମେନ୍ଦ ପାର୍ମେଶ୍ଵାର୍ ହରାତେ ନାଝା ବାଇରୁହାଡ଼ଃତେୟାଃ ଏସକାର୍

ବିଶେଷ କାଜିତାନାଃ । ^{୧୭} ଅକନ୍ଦକ ଆପ୍ତନାଃ ଜୀଞ୍ଜାନରେ ନେ ରିତିରିଖାଜକେ ମାନାତିଜ୍ଞତାନାକ, ଜନକୁଆଃ ଚେତାନରେ ଆତଃ ଇସ୍ତାଏଲ୍ ହତକଆଃ ଚେତାନରେ ପାର୍ମେଶ୍ଵାର୍ଆଃ ଜୀଉସୁକୁ ଆତଃ ସାୟାଦି ହବାଅଃକା ।

^{୧୭} ରୁଶ୍ଟୁର, ଆଇଜ୍ଞ ନିମିନାଜି କାଜି ସାନାଜ୍ଞତାନାଇଜ୍ଞ, ଜେତାଏ ଆଇଜ୍ଞକେ ଆଲକାଏ ସିଗିଦିଜ୍ଞକା । ଚିୟାଃଚି ଆଇୟାଃ ହତ୍ତମରେ ଅକନ୍ ସାସାତିରାଃ ଘାଅକ ମେନାଃ, ଏନାତେ ସାରିୟଃତାନା ଯେ, ଆଇଜ୍ଞ ଯୀଶୁଆଃ କିରିଜ୍ଞୟାକାନ୍ ଦାସି ତାନିଜ୍ଞ ।

^{୧୮} ହେ ହାଗା ମିଶିକ, ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାୟାଦ୍ ଆପେ ସବେନ୍ଦକଲଃ ଆମ୍ଭରେ ତାଇନ୍ଦକା । ଆମେନ୍ ।

ଏଫିସିୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଏଫିସୁସ୍ ନାଗାରରେୟାଃ କାଲିସିୟାତାଃତେ ଅଲ୍ଲାନାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲାନାନ । ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାନ୍ ତାୟନ୍ ୬୦ କରେ କଲସିୟ କାଲିସିୟାତାଃତେ ଅଲ୍ଲେତାଇକେନ୍ ଦିପିଲିରେରି ନେ ଚିଟାଉ ଅଲ୍ଲାନାନ୍ ତାଇକେନା । ଅନଲ୍ଲନିଃ ଆଇଃକ୍ରି ପ୍ରେରିତ୍ ପାଉଲୁସ୍ ମେନ୍ତେ ପାରିଟାଏ ଏମାଃଏ, ୧:୧ । କଲସିୟ ପୁଅରେ ଜହାର୍ ମେନ୍ତେ କାଏ କାଜିକାଦ୍‌ରେୟି ଚିମିନ୍ ବାଇବାଲ୍ ପାଣ୍ଡିଡ୍‌କ ଏଫିସୁସ୍ ପୁଅକେ ପାଉଲୁସ୍ ଅଲ୍ଲାନାଦାଏ ମେନ୍ତେକ କାଜିୟାଃ । ନେଆଁ ହରାତେ ହବାସାକାଅଆଃ ସବେନ୍ କାଲିସିୟାକେ ଚିଟାଉ ହାଟିଙ୍ଗ୍‌ରେୟାଃ ଉଦେଶ୍‌ରେ ଅଲ୍ଲସାକାଅଃକା । ପାଉଲୁସ୍ ନେଆଁ ହରି ଉଦୁବ୍‌କାଦା ଯେ, ନେ ଚିଟାଉ ଅଲ୍ଲତାଇକେନ୍ ଇମ୍‌ତା ଆଇଃକ୍ ଜେହେଲ୍ଲାନାନ୍ ତାଇକେନାଏ, ୩:୧;୪:୧-୬:୨୦ । ପାଉଲୁସ୍, ତୁଖ୍‌କେ ଏଫିସୁସ୍ କାଲିସିୟାତେ କୁଲ୍‌କିୟା ଆତଃ ଆୟାଃ ଡିଃଇରେ ନେ ଚିଟାଉକେ ଏମ୍ କୁଲ୍‌କେଦା ୬:୨୧-୨୨ ।

ଏଫିସୁସ୍, ଏସିଆ ପାର୍‌ମେଶ୍‌ଆଃ ମିଆଁଦ୍ ମାରାଙ୍ଗ୍ ସାହାର୍ ଆତଃ ମାରାଙ୍ଗ୍ ନାଗାର୍ ତାଇକେନା । ଏଫିସୁସ୍‌ରେନ୍ ଗ୍ରୀକ୍ ମାହାପୁରୁ ଆର୍ଜେମାରାଃ ସୁନ୍‌ସାର୍ ଆତଃ ଆୟାଃ ମାଦିର୍ ନାଗେନ୍ତେ ପୁରାଃ ନୁତୁମଃତାନା, ପ୍ରେରିତ୍ ୯:୨୩-୩୧ । ଏଫିସୁସ୍ କାଲିସିୟା ଏନେଟେଦ୍‌ରେ ଆମ୍‌ଗାତେ କେଟେୟାନ୍‌ଗିକ ତାଇକେନା, ମେନ୍‌ଦ୍ ତାୟମ୍‌ତେ ନେ କାଲିସିୟା ଆମ୍‌ଗାରେ ନାରାଦୁରା ହବାୟାନାକ, ଉନ୍‌ଦୁଦ୍ କାଜି ୨:୧-୭ ।

ପାଉଲୁସ୍ ଆୟାଃ ଅନଲ୍‌ରେୟାଃ ଚିମିନ୍ ହିସାକରେ, ପାର୍‌ମେଶ୍‌ଗାର୍ ଚିଲ୍‌କା ଆୟାଃ ହଡ୍‌କକେ ସାଲାକେଦ୍‌କଆ ଆତଃ ଚିଲ୍‌କା ଯୀଶୁଆଃ ହରାତେ ପାପ୍‌ଏତେ ବାସ୍ତାଅ ନାମାକାଦାକ, ଏନାଏ ଉଦୁବେତାନା । ପାଉଲୁସ୍ କାଲିସିୟାକେ ହଡ୍‌ମଲଃ ଜକାକେଦ୍‌ତେ, ଖ୍ରୀଷ୍ଟ୍ ଏନାରେନ୍ ବହଃ ଆତଃ କଟାରେନ୍ ମାରାଙ୍ଗ୍ ଦିରି ତାନିଃ, ଅକ୍‌ନାଃଲଃ ଚି ମେସାକେଦ୍‌ତେ ମିସାତେ ହାରା ଇଦିୟଃତାନା । ପାଉଲୁସ୍‌ଆଃ ଚିଟାଉରେୟାଃ ଆଧା ହିସାରେ ଖ୍ରୀଷ୍ଟିୟାନ୍ ଜାଃଖନ୍ ବିଷାଏରେ ଉଦୁବାକାଦା ।

ପୁଅ ଚିଟାଉରେ ତାଇକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାରିଟାଏ ଏମେତାନାଏ । ୧:୧-୨
- ୨. ଖ୍ରୀଷ୍ଟିୟାଃ କାଲିସିୟାରାଃ ନାତା । ୧:୩-୩:୨୧
- ୩. ଖ୍ରୀଷ୍ଟିୟାନ୍ ଜାଃଖନ୍ ବିତାଅରେୟାଃ ହରା । ୪:୧-୬:୨୦
- ୪. ପାଉଲୁସ୍‌ଆଃ ଚୁଣ୍ଡି ଜହାର୍ । ୬:୨୧-୨୪

୧ *ପାଉଲୁସ୍, ପାର୍‌ମେଶ୍‌ଗାର୍‌ଆଃ ମନେ ଲେକା ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ କୁଲ୍ଲାନାନ୍‌ନିଃ ତାନିଃ, ଇନିଃ ଯୀଶୁ ଖ୍ରୀଷ୍ଟ୍‌ରେ ମେସାକାନ୍ ପାଟିୟାଉରେ ଜାଃଖନ୍ ବିତାଅତାନ୍ ଏଫିସୁସ୍‌ରେନ୍ ପାର୍‌ମେଶ୍‌ଗାର୍‌ଆଃ ହଡ୍‌କତାଃତେ ନେ ଚିଟାଉ ଅଲ୍ଲାନାଦାଏ ।

୨ ଆବୁଆଃ ଆପୁ ପାର୍‌ମେଶ୍‌ଗାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଆମ୍‌ଗାରେୟାଃ ଆଶିଷ୍

୩ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ଆତଃ ପାର୍‌ମେଶ୍‌ଗାର୍‌ଆଃ ସାହାରାଅ ହବାଅଃକା । ଚିୟାଃଚି ଇନିଃ ଆବୁକେ ଖ୍ରୀଷ୍ଟିୟାଃ ମେସାକାଦ୍‌ବୁଆ ଆତଃ ସିମ୍‌ା ଦିଶ୍‌ଗ୍‌ରେୟାଃ ସବେନ୍ ଲେକାନ୍ ଆମ୍‌ଗାନ୍ ଆଶିଷ୍‌ତେ ଆଶିଷ୍‌କାଦ୍‌ବୁଆ । ୪ ଖ୍ରୀଷ୍ଟିୟାଃତାଃତେ ମେସାକେଦ୍‌ତେ, ଆବୁ ଜେ'ଲେକା ପାର୍‌ମେଶ୍‌ଗାର୍‌ଆଃ ହବାଅଃଆବୁ, ଏନାମେନ୍ତେ ଅଡେଦିଶ୍‌ଗ୍ ବାଇୟାନ୍ ସିଦାରେ ଇନିଃ ଆବୁକେ ସାଲାକାଦ୍‌ବୁଆ, ନେଆଁ ହରାତେ ଆବୁ ଆୟାଃ ଆୟାଃରେ ପାବିତାର୍ ଆତଃ ବେଗାର୍ ଦାଗିୟାକାନ୍‌ଗିବୁ ତାଇନ୍ ଦାଡିୟା । ଚିୟାଃଚି ଆୟାଃ ଦୁଲାଡ୍‌ତେ ୫ ଆବୁକେ ଯୀଶୁ ଖ୍ରୀଷ୍ଟ୍‌ଆଃ ହରାତେ ଆୟାଃ ଆସୁଲ୍ ହନକ୍‌କୁ ହବାଅଃକା ମେନ୍ତେ ଇନିଃ ସିଦାରେରି ଉହାଟ୍‌କାଦ୍ ତାଇକେନା, ନେଆଁଗି ଆୟାଃ ସୁକୁଆନ୍ ଆତଃ ମନେ ତାଇକେନା । ୬ ପାର୍‌ମେଶ୍‌ଗାର୍‌ଆଃ ପୁରାଃ ସାୟାଦ୍ ହରାତେ ଆତଃ ଆୟାଃ ଦୁଲାଡ୍ ହନକେ ବେଗାର୍ ଗନକ୍‌ତେ

* ୧:୧ ୧:୧ ପ୍ରେରିତ୍ ୧୮:୧୯-୨୧; ୧୯:୧.

ବାର୍ଦ୍ଦାନ ଲେକା ଆବୁକେ ଏମାକାବୁ ନାଗେନ୍ତେ, ଆବୁ ପାର୍ମେଣ୍ଟାୟାଃ ମାନାରାଙ୍ଗୁ ବିକାଏୟା ।
 ୭ *ଖ୍ରୀଷ୍ଟୁଆଃ ମାୟୋମ୍ ହରାତେ ଆବୁ ମୁଲ୍ଲିବୁ ନାମାକାଦା, ଅର୍ଥାତ୍ ଆବୁଆଃ ସବେନ୍ ପାପକ ଛାମାକାନା
 । ପାର୍ମେଣ୍ଟାୟାଃ ସାୟାଦ୍ ପୁରାଃ ମାରାଙ୍ଗିଆ । ୮ ଏନା ସବେନ୍, ଇନିଃ ଆୟାଃ ସେଣ୍ଟାନ୍ତେ
 ଆତଃ ଆର୍କାଉରୁମ୍ତେ ଆବୁକେ ପୁରାଃଶି ଏମାକାଦବୁଆ । ୯ ପାର୍ମେଣ୍ଟାୟାଃ ସିଦାରେ ଉହାଟ୍ କାଦ୍
 ତାଇକେନ୍ତେୟାଃ, ଖ୍ରୀଷ୍ଟଲ୍ଲୁର ପୁରାଏ ନାଗେନ୍ତେ ଅକନ୍ ଉକ୍ତୁଆକାନ୍ତେୟାଃ ତାଇକେନା, ଏନାକେ ଇନିଃ
 ଆୟାଃ ବୁରିନ୍ ସୁକ୍ତୁଆନ୍ ମନେ ଲେକାତେ ଆବୁକେ ଉଦୁବାକାଦବୁଆ । ୧୦ ନେ ଉହାଟ୍ ଲେକାତେ ସିମା
 ଆତଃ ଅତେଦିଶୁମ୍ତେ ସବେନ୍ ବାଇୟାକାନ୍ତେୟାଃ ମିଦଃଆ ଆତଃ ଖ୍ରୀଷ୍ଟ୍ ଏନ୍ ସବେନାଃରେନ୍ ବହଃ
 ଲେକାଏ ତାଇନା । ନେ ଉହାଟ୍ ପାର୍ମେଣ୍ଟାୟାଃ ବୁରିନ୍ ନେତାରେଗି ପୁରାଏୟା ।

୧୧ ସବେନାଃ ପାର୍ମେଣ୍ଟାୟାଃ ଉହାଟ୍ ଆତଃ ଇଛାସାନାଙ୍ଗୁ ଲେକାଗି ହବାଅଃଆ, ମୁନ୍ତୁଏତେ
 ଉହାଟ୍ କାନ୍ ଲେକାଗି ଆୟାଃ ଇଛାସାନାଙ୍ଗୁ ପୁରାଅଃ ନାଗେନ୍ତେ, ଖ୍ରୀଷ୍ଟ୍ ହରାତେ ଆୟାଃ ଆପାନାଃ
 ହଡ୍ ହବାଅଃ ନାଗେନ୍ତେ ପାର୍ମେଣ୍ଟାୟାଃ ଆବୁକେ ସାଲ୍ଲାକାଦବୁଆ । ୧୨ ଦଲ୍ଲାବୁ, ଅକନ୍ତକ ସିଦାରେଗି
 ଖ୍ରୀଷ୍ଟତାଃରେ ଆସ୍ରାକାଦ୍ ତାଇକେନାବୁ, ଏନ୍ ସବେନ୍ତକ ପାର୍ମେଣ୍ଟାୟାଃ ମାନାରାଙ୍ଗୁ ଦୁରାଙ୍ଗେଆ ।

୧୩ ଆପେୟାଗି ଆପେୟାଃ ଜୀଉବାଞ୍ଚାଏ ଏମେତାନ୍, ନେ ସୁକ୍ତକାଜିରେୟାଃ ସାର୍ତ୍ତି କାଜିପେ
 ଆୟୁମ୍କେଦା ଇମ୍ତାଏତେ ପାର୍ମେଣ୍ଟାୟାଃ ହଡ୍ପେ ହବାକାନା । ଆପେ ଖ୍ରୀଷ୍ଟକେ ବିଶ୍ୱାସକାଈ
 ହରାତେ ପାର୍ମେଣ୍ଟାୟାଃ ଆୟାଃ ବାନାରୁସା ଲେକାତେ ପାବିତାର୍ ଆମ୍ବାକେ ଏମ୍କିୟା, ଆତଃ ଆପେୟାଃ
 ତେତାନ୍ତେ ଆୟାଃ ମୋହରକାନ୍ ଚିହ୍ନାଏ ଏମାକାଦପେୟା । ୧୪ ପାର୍ମେଣ୍ଟାୟାଃ ଆୟାଃ ହଡ୍ପକେ
 ଆକଆଃ ହାନାଚିଙ୍ଗକ ନାମେୟା ମେନ୍ତେ ବାନାରୁସା ଏମାକାଦାଏ, ଏନାରେୟାଃ ଗାଞ୍ଜା ଏମ୍ନିଃ, ଆବୁ
 ନାମାକାଈ ପାବିତାର୍ ଆମ୍ବା ତାନିଃ । ପାର୍ମେଣ୍ଟାୟାଃ ଆୟାଃ ହଡ୍ପକେ ପୁରାଗି ରାଡ୍ଡାକଆ, ଏନାମେନ୍ତେ
 ଆୟାଃ ମାନାରାଙ୍ଗୁ ଦୁରାଙ୍ଗେଆ ।

ପାଉଲୁସ୍ଆଃ ବିକ୍ତି

୧୫ ନେଆଁମେନ୍ତେ ପ୍ରାଭୁ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍ମେଣ୍ଟାୟାଃ ହଡ୍ପକତାଃରେ
 ଆପେୟାଃ ଦୁଲ୍ଲାଡ୍ ମେନାଃ ମେନ୍ତେ ୧୬ ଆଇଙ୍ଗୁ ଆୟୁମ୍କେଦ୍ ଦିପିଲିହେତେ ଆପେୟାଃ
 ନାଗେନ୍ତେ ପାର୍ମେଣ୍ଟାୟାଃକେ ଧାନସାଦ୍ ଏମ୍ ନାଗେନ୍ତେ କାଇଙ୍ଗୁ ବାଗିତାନା, ଆଇଙ୍ଗୁ ବିକ୍ତିରେ
 ଆପେକେଇଙ୍ଗୁ ପାହାମ୍ପେତାନା । ୧୭ ଆତଃ ମାନାରାଙ୍ଗରେନ୍ ଆପୁ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ
 ପାର୍ମେଣ୍ଟାୟାଃକେଇଙ୍ଗୁ ବିକ୍ତିତାନା, ଜେଲେକାଗି ଇନିଃ ଆପେକେ ପାବିତାର୍ ଆମ୍ବାକେ ଏମାପେୟା
 । ଏନ୍ ପାବିତାର୍ ଆମ୍ବା ଆପେକେ ସେଣ୍ଟାଏ ଏମାପେୟା ଆତଃ ପାର୍ମେଣ୍ଟାୟାଃକେ ବୁରିଲେକାପେ
 ସାରି ନାଗେନ୍ତେ ଇନିଃକେ ଆପେତାଃରେ ଉଦୁବିୟା । ୧୮ ଇନିୟାଃ ମାସାଲ୍ଲ ନେଲ୍ ନାଗେନ୍ତେ
 ଆପେୟାଃ ମନ୍ସୁରୁଦ୍ରେୟାଃ ମେଦ୍ ରାସ୍ତକାଅଃକା ମେନ୍ତେଇଙ୍ଗୁ ବିକ୍ତିତାନା, ଜେଲେକାଗି ଇନିଃ
 ଆପେକେ ଅକନ୍ ଆସ୍ରା ନାଗେନ୍ତେ କେଡ୍ଡାକାଦପେୟା, ଆୟାଃ ପାବିତାର୍ ହଡ୍ପକ ନାଗେନ୍ତେ ଆୟାଃ
 ବାନାରୁସା ଚିମିନ୍ ମାନାରାଙ୍ଗରେୟାଃ ହାନାଚିଙ୍ଗ ତାନାଃ, ୧୯ ଆତଃ ଆବୁ ଲେକାନ୍ ବିଶ୍ୱାସକତାଃରେ
 କାମିୟଃତାନ୍ ଇନିୟାଃ ପେଡ଼େଃ ଚିମିନ୍ ମାରାଙ୍ଗିଆ, ଏନ୍ ପେଡ଼େଃଶି ଆବୁତାଃରେ ପୁରାଃ ପେଡ଼େଃତେ
 କାମିୟଃତାନା, ଏନା ଆପେ ଆର୍କାଉ ଦାଡ୍ଡିୟାପେ । ୨୦ ଏନ୍ ପେଡ଼େଃ ହରାତେଗି ପାର୍ମେଣ୍ଟାୟାଃ ଖ୍ରୀଷ୍ଟକେ
 ଗନଏଃହେତେ ଜୀଉବିଦିଦକିୟାଏ ଆତଃ ଇନିଃକେ ସିମାରେ ଆୟାଃ ଜମସାଃରେ ଦୁବକିୟା । ୨୧ ଖ୍ରୀଷ୍ଟ୍
 ସିମାରେନ୍ ସବେନ୍ ରାଇଜ୍ଡାନ୍ତକଏତେ, ଆକ୍ତେୟାର୍ ନାମାକାଦକଏତେ, ପେଡ଼େୟାନ୍ତକଏତେ, ଆତଃ
 ଗମ୍ବକେକଏତେ ତେତାନ୍ ନୁଡ୍ଡୁମ୍ରେ ଦହକିୟା, ନେ ଅତେଦିଶୁମ୍ ଆତଃ ହିଲ୍ଲୁଃତାନ୍ ଦିପିଲିରେୟାଃ
 ସବେନ୍ ଆକ୍ତେୟାର୍ଏତେ ତେତାନ୍ ଆକ୍ତେୟାର୍ ଇନିୟାଃ ତାନାଃ । ୨୨ *ପାର୍ମେଣ୍ଟାୟାଃ ସବେନାଃକେ
 ଖ୍ରୀଷ୍ଟୁଆଃ କାଟା ଲାଡାଡ୍ରେ ଦହକେଦା ଆତଃ ସବେନ୍ ବିଷାଏରେ ଇନିଃକେ ମାରାଙ୍ଗଉତାର୍ ପ୍ରାଭୁ
 ଲେକା କାଲିସିୟାକେ ଏମ୍କିୟା । ୨୩ କାଲିସିୟା ଖ୍ରୀଷ୍ଟୁଆଃ ହଡ୍ଡମ୍ ତାନାଃ, କାଲିସିୟା ହରାତେ ଖ୍ରୀଷ୍ଟୁଆଃ
 କାମିକ ପୁରାଅଃଆ, ଆତଃ ଖ୍ରୀଷ୍ଟ୍ ସବେନାଃଏ ପୁରାଏଆ ।



ଗନଏଃହେତେ ଜୀବାନ୍

* ୧:୭ ୧:୭ କଲସିନ୍ଦ୍ ୧:୧୪. * ୧:୨୨ ୧:୨୨ କଲସିନ୍ଦ୍ ୧:୧୮.

୧ *ଆପେୟାଃ କା ମାନାତିଞ୍ଜ ଆତଃ ପାଠ୍ ହରାତେ ସିଦା ଦିପିଲିରେ ଆମ୍ବାରେ ଗଜାକାନପେ ତାଇକେନା, ୨ ଇମ୍ବାତାଞ୍ଜ ଆପେ ଅତେଦିଶ୍ୱମରେୟାଃ ଏଡ଼କାନ ହରା ଅତଙ୍ଗତାନୁଲଃ, ଅତେ ଆତଃ ସିମ୍ବା ଆଲାରେୟାଃ ହୟରେ ରାଇଜ୍ ତାନନିଃକେପେ ମାନାତିଞ୍ଜ ତାଇକେନା । ନାହ୍ୱାଃ ଏନ୍ ଏଡ଼କାନ ଆମ୍ବା, ପାର୍ମେଶ୍ୱାରକେ କା ମାନାତିଞ୍ଜତାନ ହଡ଼କଆଃ ଚେତାନରେ ରାଇଜେତାନା । ୩ ସାର୍ତ୍ତି କାଜିଲେରେ, ଆବୁ ସବେନକ ଇନ୍କୁ ଲେକାଗି ଆପ୍ତନାଃ ହଡ଼ମରେୟାଃ ଏଡ଼କାନ ସାନାଞ୍ଜ ଆତଃ ମନ୍ରେୟାଃ ଏଡ଼କାନ ଉଡ଼ୁ ଲେକାତେବୁ ସେସେନତାନ ତାଇକେନା, ଏଟାଃକ ଲେକା ଆବୁହ ପାର୍ମେଶ୍ୱାରଆଃ ଖ୍ୱକାନ ହଡ଼କବୁ ତାଇକେନା ।

୪ ମେନ୍ଦ ପାର୍ମେଶ୍ୱାରଆଃ ପୁରାଃ ଲିନିବୁଇ ଆତଃ ଆୟାଃ ପୁରାଃ ଦୁଲାଡ଼୍ ଆବୁନାଞ୍ଜ ନିମିନାଞ୍ଜ ମେନାଃ ଯେ, ୫ ଆବୁଆଃ ପାଠ୍ ହରାତେ ଆମ୍ବାରେ ଗଜାକାନ ତାଇକେନ୍ ଇମ୍ବାତା, ଇନିଃ ଖ୍ରୀଷ୍ଟଲଃ ଆବୁକେ ଜାଦାନାଏ ଏମାଦବୁଆ । ନେଆଁ ପାର୍ମେଶ୍ୱାରଆଃ ସାୟାଦ୍ ହରାତେଗି ଆପେ ବାଞ୍ଚାଅକାନାପେ । ୬ ଆବୁ ଯାଶୁ ଖ୍ରୀଷ୍ଟଲଃ ମେସାୟାନ୍ ହରାତେ ଇନିଃଲଃ ସିମ୍ବାରେ ରାଇଜେ ନାଗେନ୍ତେ ଇନିଃ ଆବୁକେୟି ଜୀଉ ବିରିଦାକାଦବୁଆ । ୭ ଯାଶୁ ଖ୍ରୀଷ୍ଟରେ ଉଡୁବକେଦ୍ ଦୁଲାଡ଼ତେ ଆୟାଃ ସାୟାଦ୍ରେୟାଃ କା ଜକାଃଆ ପୁରାଃ ପେଡ଼େଃ ଆତଃ ଦାୟାକେ ସବେନ୍ ଦିପିଲିରେ ଉଡୁବେ ନାଗେନ୍ତେ ପାର୍ମେଶ୍ୱାର୍ ନେ ଲେକାଏ କାମିକେଦା । ୮ ଚିୟାଃତି ପାର୍ମେଶ୍ୱାରଆଃ ସାୟାଦ୍ ଆତଃ ବିଶ୍ୱାସ୍ ହରାତେ ଆପେ ଜୀଉବାଞ୍ଚାଅପେ ନାମାକାଦା । ନେଆଁ ଆପେୟାଃତେଦ କାହାରି, ମେନ୍ଦ ପାର୍ମେଶ୍ୱାରଆଃ ଦାନ ତାନାଃ । ୯ ଜେତାଏ ଆପାନକେ ମାଗାଞ୍ଜ ମେନ୍ତେ ଆଲକାଏ ଉଡୁଗେ ମେନ୍ତେ ଆପ୍ତନାଃ କାମିତେ କା ହବାକାନା । ୧୦ ଆବୁ ଅକ୍ନାଃ ହବା ଦାଡ଼ିକାନାବୁ, ଏନା ପାର୍ମେଶ୍ୱାରଗି ବାଇୟାକାଦବୁଆ, ଅକନ୍ ବୁଗିନ୍ କାମି ଆବୁ କାମିୟାବୁ ମେନ୍ତେ ପାର୍ମେଶ୍ୱାର୍ ସିଦାରେଗି ଠାହାରାଅକାଦ୍ ତାଇକେନା, ଆବୁ ଖ୍ରୀଷ୍ଟ ଯୀଶୁଲଃ ମେସାୟାନ୍ ହରାତେ ଏନା ହବା ସାକାଅକାନା ।

ଖ୍ରୀଷ୍ଟ ହରାତେ ମିଦଃ

୧୧ ଏନାମେନ୍ତେ ଆପେୟାଃ ସିଦା ଦିପିଲି ପାହାମେପେ, ଜାନାମରେ ଆପେ ସାର୍ଥସାର୍ ହଡ଼କ ତାଇକେନାପେ । ଆପାନକେ ଖାଡ଼ନାଅକାନକ ତାନଲେ ମେନ୍ତେ କାଜିନତାନ୍ ଯିହୁଦୀକ, ଆପେକେ କା ଖାଡ଼ନାଅକାନକ ମେନ୍ତେ କାଜିତାଇକେନାକ । ନେଆଁ, ହଡ଼କ ଆକଆଃ ହଡ଼ମରେ ଚିନାଃ ରିକାଃକ ଏନା ଏସ୍କାର୍ କାଜିୟାଃଏ । ୧୨ ଇମ୍ବାତା ଆପେ ଖ୍ରୀଷ୍ଟତାଃଏତେ ସାଜିନ୍ରେ ତାଇକେନାପେ । ଆପେ ଇସ୍ରାଏଲ୍ ଦିଶ୍ୱମହେତେ ବାହାରିକାନ ତାଇକେନାପେ, ଏଟାଃ ଦିଶ୍ୱମରେନ୍ ହଡ଼କ ଲେକା ତାଇକେନାପେ ଆତଃ ପାର୍ମେଶ୍ୱାରଆଃ ସାଲକାନ ହଡ଼କ କାପେ ତାଇକେନା । ପାର୍ମେଶ୍ୱାର୍ ଆୟାଃ ହଡ଼କଆଃ ନାଗେନ୍ତେ ଏମାକାଦ୍ ବାନାର୍ସା ଚେତାନରେ ଠାହାରାଅକାଦ୍ ରାଜିନାମାରେ ଆପେୟାଃ ଜେତାନ୍ ହିସା କା ତାଇକେନା । ବେଗାର୍ ଆସ୍ରାତେ ଆତଃ ବେଗାର୍ ପାର୍ମେଶ୍ୱାରତେ ଆପେ ନେ ଅତେଦିଶ୍ୱମରେପେ ତାଇନିଃତାନ ତାଇକେନା । ୧୩ ଖ୍ରୀଷ୍ଟ ଯୀଶୁରେ ଆପେ ସାଜିନ୍ରେ ତାଇକେନାପେ, ମେନ୍ଦ ନାହ୍ୱାଃ ଖ୍ରୀଷ୍ଟଆଃ ମାୟୋମତେପେ ନାଡ଼େୟାକାନା । ୧୪ ଚିୟାଃତି ଯିହୁଦୀ ଆତଃ ସାର୍ଥସାର୍ ହଡ଼କକେ ମିଦକେଦ୍ତେ ଖ୍ରୀଷ୍ଟ ଆଇଃକ୍ରି ଆବୁ ଆଲାରେ ଜୀଉସୁକ୍ତ ବାଇକେଦା । ଇନ୍କୁକେ ବିନ୍ଗାଅକେଦ୍ତେ ବାଇଗି ଲେକା ଦହକାଦ୍ ପାଡ଼ିକେ ଇନିଃ ଆୟାଃ ହଡ଼ମ ହରାତେ ହାଡୁଡ଼କେଦା । ୧୫ ଇନିଃ ଯିହୁଦୀକଆଃ ସବେନ୍ ଆଇନ୍, ଆନ୍ରୁ ଆତଃ ନିୟାମକ ଆତମକେଦ୍ତେ ଯିହୁଦୀ ଆତଃ ସାର୍ଥସାର୍ ହଡ଼କତାଃଏତେ ଆୟାଃଲଃ ମେନେସାରେ ମିଆଁଦ୍ ନାଞ୍ଜା ହଡ଼ ବାଇକିୟା, ନେ ଲେକାତେ ଜୀଉସୁକ୍ତ ବାଇକେଦା । ୧୬ ଶୁଗରେ ଖ୍ରୀଷ୍ଟଆଃ ଗନଏଃ ହରାତେ ଯିହୁଦୀ ଆତଃ ସାର୍ଥସାର୍ ହଡ଼କଆଃ ଆଲାରେ ତାଇକାନ ବାଇଗିକେ ଜିୟନ୍କେଦା ଆତଃ ମିଦ୍ ହଡ଼ମରେ ମେସାକେଦ୍କଆ, ଏନ୍ତେ ପାର୍ମେଶ୍ୱାରତାଃତେ ଆଉରୁହାଡ଼କେଦ୍କଆ । ୧୭ ଏନାମେନ୍ତେ ଖ୍ରୀଷ୍ଟ ହିଜୁଃକାନ ତାଇକେନାଏ ଆତଃ ପାର୍ମେଶ୍ୱାରତାଃଏତେ ସାଜିନ୍କାନ ସାର୍ଥସାର୍ ହଡ଼କତାଃରେ ଆତଃ ଆୟାଃ ହେପାଦ୍ରେନ୍ ଯିହୁଦୀ ହଡ଼କତାଃରେ ସୁକ୍ତକାଜି ଉଡୁବକେଦା । ୧୮ ଖ୍ରୀଷ୍ଟ ହରାତେଗି ଯିହୁଦୀକ, ସାର୍ଥସାର୍ ହଡ଼କ ଆତଃ ଆବୁ ସବେନକ ମିଦ୍ ଆମ୍ବାରେ ଆପ୍ତଆଃ ହେପାଦ୍ତେ ହିଜୁଃ ଦାଡ଼ିକାନାବୁ ।

୧୯ ଏନାତେ ହେ ସାର୍ଥସାର୍ ହଡ଼କ, ଆପେ ଏଟାଃ ଦିଶ୍ୱମରେନ୍ ଆତଃ କା ଚିହ୍ନାଁ ହଡ଼କ ନାହ୍ୱାଃଲାପେ, ନାହ୍ୱାଃ ପାର୍ମେଶ୍ୱାରଆଃ ହଡ଼କଲଃ ଆପେୟାଃ ଆୟାଃ ରାଇଜରେନ୍ ଆତଃ ଅଡ଼ାଃରେନ୍ ହଡ଼କ ତାନପେ । ୨୦ ଆପେୟାଃ ପ୍ରେରିଡ଼କଆଃ ଆତଃ ନାବାକଆଃ ହରାତେ ବାଇୟାକାନ ନିହ୍ ଗାତାରେ ବାଇୟାକାଦ୍

* ୨:୧ ୨:୧ କଲସିୟ ୨:୧୩. ✨ ୨:୧୫ ୨:୧୫ କଲସିୟ ୨:୧୪. ✨ ୨:୧୭ ୨:୧୭ କଲସିୟ ୧:୨୦.

ଅଡ଼ାଃ ଲେକାଃପେ । ଏନ୍ ଅଡ଼ାଃରେୟାଃ କତା ଦିରି ଖ୍ରୀଷ୍ଟ ଯୀଶୁଗ୍ରି ତାନିଃ । ୨୯ ଇନିଃରେ ବାଲକାନ୍ ମିପିଆଦ୍ ଅଡ଼ାଃ ତିରିଙ୍ଗକେଦତେ ଜଡ଼ାଇକାନା ଆତଃ ପ୍ରାଭୁ ନାଗେନ୍ତେ ରାକାବାକାନ୍ ପାବିତାର୍ ମାନ୍ଦିର୍ ଲେକା ହାରାଇଦିୟଃତାନା । ୨୭ ଆୟାଃଲଃ ମେନେସାରେ ଆପେୟରି ଏଟାଃ ସବେନ୍କଲଃ ମିସାତେ ଆମ୍ନା ଲେକାନ୍ ପାର୍ମେଶ୍ୱାର୍ଆଃ ତାଇନଃ ଠାୟାଦ୍ ନାଗେନ୍ତେ ଆପେ ମିଆଁଦ୍ ଅଡ଼ାଃପେ ବାଇୟଃତାନା ।

୩

ସାଅଁସାର୍ ହଡ଼କଆଃ ନାଗେନ୍ତେ ପାରଲୁସ୍ଆଃ କାମି

୯ ନେଆଁ ନାଗେନ୍ତେ ଆପେ ଲେକାନ୍ ସାଅଁସାର୍ ହଡ଼କ ନାଙ୍ଗ୍ ଯୀଶୁ ଖ୍ରୀଷ୍ଟଆଃ ହରାତେ ଜେହେଲକାନ୍ ଆଇଙ୍ଗ୍ ପାଉଲୁସ୍, ପାର୍ମେଶ୍ୱାର୍ତାଃରେଇଙ୍ଗ୍ ବିନ୍ତୁତାନା । ୨ ଆପେୟାଃ ବୁଗିନାଃ ନାଗେନ୍ତେ ପାର୍ମେଶ୍ୱାର୍ ଆୟାଃ ସାୟାଦତେ ଆଇଙ୍ଗକେ ନେ କାମି କାମି ନାଗେନ୍ତେ ଏମାକାଦିୟାଁ, ନେଆଁ ସାର୍ତିଗି ଆୟୁମକାଦାପେ । ୩ ପାର୍ମେଶ୍ୱାର୍ ଆୟାଃ ଉକ୍ତୁଆକାନ୍ କାଜିକେ ଉଦୁବକେଦତେ ଆଇଙ୍ଗକେ ଉଦୁବକାଦିୟାଁ, ଏନ୍ ବିଷାଏରେ ଆଇଙ୍ଗ୍ କାଟିଃ ଲେକାଇଙ୍ଗ୍ ଅଲ୍ଲକାଦା । ୪ ଏନା ପାଡ଼ାଅଲେରେ, ଖ୍ରୀଷ୍ଟଆଃ ଉକ୍ତୁଆକାନ୍ ବିଷାଏରେ ଆଇଙ୍ଗ୍ ଆବ୍କାର୍ ଉଦୁମକାଦତେୟାଃ, ଆପେ ଆବ୍କାର୍ ଉଦୁମ ଦାଡ଼ିୟାପେ । ୫ ସିଦା ଦିପିଲିରେ ମାନଖା ହଡ଼କେ ନେ ଉକ୍ତୁଆକାନ୍ କାଜି ବିଷାଏରେ କା କାଜିକାନ୍ ତାଇକେନା । ମେନ୍ଦ୍ ପାର୍ମେଶ୍ୱାର୍ ନାହାଁଃ ଆୟାଃ ପାବିତାର୍ ପ୍ରେରିଡ଼କ ଆତଃ ନାବୀକକେ ଆମ୍ନା ହରାତେ ନେଆଁଏ ଉଦୁବକାଦା । ୬ ଏନ୍ ଉକ୍ତୁଆକାନ୍ କାଜି ହବାଃଅତାନା, ସୁକ୍ତକାଜି ହରାତେ ଯିହୁଦୀକଲଃ ସାଅଁସାର୍ ହଡ଼କହଗି ପାର୍ମେଶ୍ୱାର୍ଆଃ ଆଶିଷ୍ ନାମେରେୟାଃ ହିସାକ ନାମାକାଦା । ଇନ୍କୁ ଏନ୍ ମିଆଁଦ୍ ହଡ଼ମରେନ୍ ହଡ଼କଗି ତାନ୍କ ଆତଃ ଯୀଶୁ ଖ୍ରୀଷ୍ଟଆଃ ଦେଙ୍ଗାତେ ପାର୍ମେଶ୍ୱାର୍ ଏମାକାଦ୍ ବାନାର୍ସାରେ ହାନାଟିଙ୍ଗକ ନାମେୟାଁ ।

୭ ପାର୍ମେଶ୍ୱାର୍ଆଃ କାମିଦାଡ଼ିୟଃ ପେଡ଼େଃ ଲେକାତେ ଆଇଙ୍ଗକେ ଏମାକାନ୍ ଆୟାଃ ସାୟାଦରେୟାଃ ବାର୍ଦଦାନ୍ ହରାତେ ଆଇଙ୍ଗ୍ ଏନ୍ ସୁକ୍ତକାଜି ଉଦୁବରେୟାଃ ମିହୁଡ୍ ଦାସିଇଙ୍ଗ୍ ହବାକାନା । ୮ ଆଇଙ୍ଗ୍ ପାର୍ମେଶ୍ୱାର୍ଆଃ ହଡ଼କ ଆଲ୍ଲାରେ ସବେନ୍କତାଃଏତେ ହୁଡ଼ିଙ୍ଗ୍ ତାନିଙ୍ଗ୍, ଏନ୍ରେୟ, ସାଅଁସାର୍ ହଡ଼କତାଃତେ ଖ୍ରୀଷ୍ଟଆଃ କା ଦାଣାଁନାମଃ ଖୁଜ୍ ବିଷାଏରେୟାଃ ସୁକ୍ତକାଜି ଉଦୁବ ନାଗେନ୍ତେ ପାର୍ମେଶ୍ୱାର୍ ଆଇଙ୍ଗକେ ସୁୟୋର୍ ଏମାକାଦିୟାଁଏ । ୯ ପାର୍ମେଶ୍ୱାର୍ଆଃ ଏନ୍ ଉକ୍ତୁଆକାନ୍ କାଜିକେ ଚିଲ୍ଲକା କାମିୟାଃଆ ଆତଃ ସବେନ୍ ହଡ଼କତାଃରେ ନେଲ୍ଲଦାଡ଼ିୟାଃଆ ଏନା କାଜିରେୟାଃ ସୁୟୋର୍ ନାମକାଦାଇଙ୍ଗ୍ । ସବେନାଃରେୟାଃ ବାବାଇନିଃ ପାର୍ମେଶ୍ୱାର୍ ଆୟାଃ ଉକ୍ତୁଆକାନ୍ କାଜିକେ ନାଙ୍ଗ୍ ପାରିୟାରେଗି ଦାନାଙ୍ଗକେଦତେ ଦହକାଦ୍ ତାଇକେନା । ୧୦ ଜେଲେକାଟି ନେ ଦିପିଲିରେ କାଲିସିୟାରେୟାଃ କାମି ହରାତେ ସିର୍ମାରେ ରାଇଜଡାନ୍କ ଆତଃ ସିର୍ମାରେ ଆକଡେୟାର୍ ନାମାକାଦକ, ପାର୍ମେଶ୍ୱାର୍ଆଃ ଚିମିନ୍ ରାକାମ୍ରେୟାଃ ସେଣାଁ ବିଷାଏରେକ ଆବ୍କାର୍ଉଦୁମ୍ ଦାଡ଼ିୟା । ୧୧ ପାର୍ମେଶ୍ୱାର୍ ଆୟାଃ ଜାନାଅ ଜାନାଅରେୟାଃ ଉଦେଗ୍ ଲେକାତେ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ନେଆଁଏ ରିକାକାଦା । ୧୨ ଖ୍ରୀଷ୍ଟଲଃ ମେସାକାନ୍ ହରାତେ ଆତଃ ଆୟାଃତାଃରେ ବିଶ୍ୱାସତାନ୍ ହରାତେ ପୁରାଃ ଭାର୍ସାକେଦତେ ପାର୍ମେଶ୍ୱାର୍ଆଃ ହେପାଦତେ ସେନ୍ ନାଙ୍ଗ୍ ଆବୁଆଃ ଜାଉରେ କେଟେଦ୍ ମେନାଃ । ୧୩ ଏନାମେନ୍ତେ ଆଇଙ୍ଗ୍ ବିନ୍ତୁତାନା, ଆପେ ନାଗେନ୍ତେଇଙ୍ଗ୍ ଦୁକ୍ତୁତାନା ମେନ୍ତେ ଆପେ ଆଲ୍ଲପେ ନାରାଜଃ, ତିୟାଟି ନେ ସବେନାଃ ଆପେୟାଃ ବୁଗିନାଃ ନାଗେନ୍ତେ ହବାକାନା ।

ଖ୍ରୀଷ୍ଟଆଃ ଦୁଲ୍ଲାଡ୍

୧୪ ନେଆଁମେନ୍ତେ ଆଇଙ୍ଗ୍ ଆପୁ ପାର୍ମେଶ୍ୱାର୍ଆଃ ସାମ୍ନାଙ୍ଗ୍ରେ ଇକଡ଼ମୁକେଦତେଇଙ୍ଗ୍ ବିନ୍ତୁ ତାନା, ୧୫ ଅକଏତାଃଏତେଟି ସିର୍ମା ଆତଃ ଅତେଦିଶୁମ୍ରେନ୍ ସବେନ୍ ପାରିବାର୍କ ଆୟାଃ ସାର୍ତି ନୁଡୁମକ ନାମାକାଦା । ୧୬ ଆଇଙ୍ଗ୍ ପାର୍ମେଶ୍ୱାର୍କେଇଙ୍ଗ୍ ବିନ୍ତୁତାନା, ଜେଲେକାଟି ଆୟାଃ ମାନାରାଙ୍ଗ୍ରେୟାଃ ଖୁଜ୍ ଲେକାତେ ଆୟାଃ ଆମ୍ନା ହରାତେ ଆପେୟାଃ ମନ୍ସୁରୁଦକେ ପୁରାଃ ପେଡ଼େଜେ ନାଗେନ୍ତେ ପେଡ଼େ ଏମାପେୟାଏ, ୧୭ ଆତଃ ବିଶ୍ୱାସ୍ ହରାତେ ଖ୍ରୀଷ୍ଟ ଆପେୟାଃ ମନ୍ସୁରୁଦକେ ତାଇନା । ଆପେୟାଃ ନିହଁଗାତା ଦୁଲ୍ଲାଡ୍ରେ କେଟେଜାକାନ୍ ହବାଅଆ । ୧୮ ଏନାରେ ଖ୍ରୀଷ୍ଟଆଃ ଦୁଲ୍ଲାଡ୍ ଚିମିନ୍ ଜିଲିଙ୍ଗ୍ ଆତଃ ଚାକାର୍, ଚିମିନ୍ ସାଲ୍ଲାଙ୍ଗ୍ ଆତଃ ଇକିର୍ ତାନାଃ, ଏନା ଆପେ ପାର୍ମେଶ୍ୱାର୍ଆଃ ହଡ଼କଲଃ ଆବ୍କାର୍ଉଦରମ୍ ଦାଡ଼ିରେୟାଃ ପେଡ଼େପେ ନାମ୍ ଦାଡ଼ିୟା । ୧୯ ହେଗି, ନେଆଁ ଚିରଲ୍ଲାଅ ପୁରା କା ଆବ୍କାର୍ ଦାଡ଼ିୟାଃରେୟ,

* ୩:୪ ୩:୪ କଲସିୟ ୧:୨୭,୨୭.

ଆପେ ଖ୍ରୀଷ୍ଟିଆ ଫୁଲ୍ଲାଡ଼ପେ ଆବ୍‌କାରେକା ମେନ୍ତେ ଆପେ ପାର୍‌ମେଶ୍ୱାର୍‌ଆଃ ସଭାବ୍‌ରେ ପୁରାଃତେପେ ପେରେଃ ବାଡ଼ିୟଃକା ।

୨୦ ପାର୍‌ମେଶ୍ୱାର୍ ଆବୁଆଃ ଆଲାରେ କାମିୟଃତାନ୍ ଆୟାଃ ପେଡ଼େଃ ହରାତେ ଆବୁଆଃ ଆନାସିଏତେ ଆଦ୍‌କା ଚାଏ ଆବୁଆଃ ଉଡ଼ୁସ୍‌ଏତେ ଆଦ୍‌କା ଏମ୍ ବାଡ଼ିନିଃ ତାନିଃ । ୨୧ କାଲିସିୟା ହରାତେ ଆଡ଼ଃ ଯାଶ୍ ଖ୍ରୀଷ୍ଟିଆଃ ହରାତେ ସବେନ୍ ଇମ୍‌ତା ଜାନାଏ ଜାନାଏ ଜାକେଦ୍ ଏନ୍ ପାର୍‌ମେଶ୍ୱାର୍‌ଆଃ ମାଜନାନ୍ ହବାଅଃକା ! ଆମେନ୍ ।

୪

ହଡ଼ମ୍‌ରେ ମିଦେନ୍

୧ ପ୍ରାଭୁଆଃ ସୁସାର୍‌ତାନ୍ ହରାତେ ଜେହେଲାକାନ୍ ଆଇଙ୍ଗ୍ ପାଉଲୁସ୍ ଆପେକେଇଙ୍ଗ୍ ବିକ୍ତିତାନା, ପାର୍‌ମେଶ୍ୱାର୍ ଆପେକେ କେଡ଼ାକାଦ୍‌ପେ ଲେକାରି ଜୀଞ୍ଜାନ୍ ବିତାଏପେ । ୨ *ସବେନ୍ ଇମ୍‌ତା ମନ୍ ହୁଡ଼ିଙ୍ଗ୍‌ୟେନ୍, ଲେବେଃ, ଆଡ଼ଃ ଧୁରାଜ୍ ଜୀଞ୍ଜାନ୍ ହବାଅଃପେ । ମିହୁଡ଼ ଆଡ଼ଃମିହୁଡ଼ଲଃ ସାହାତିଙ୍ଗ୍‌ତାନ୍‌ଲଃ ଫୁଲ୍ଲାଡ଼ରେ ତାଇନ୍‌ପେ । ୩ ପାବିତାର୍ ଆମ୍‌ରାଃ ଦେଙ୍ଗାତେ ଜୀଉସୁକ୍‌ରେ ତାଇନ୍‌ଃ ନାଗେନ୍ତେ ଆପେ ଆଲାରେ ତାଇନାକାନ୍ ମେନେସାରେୟାଃ ତନଲ୍‌କେ ଜୀଉଜାତାନ୍ ଦହକାପେ । ୪ ମିଆଁଦ୍‌ଗି ହଡ଼ମ୍‌ ଆଡ଼ଃ ମିଆଁଦ୍‌ଗି ଆମ୍‌, ଆଡ଼ଃ ମିଆଁଦ୍‌ଗି ଆସାତେ ପାର୍‌ମେଶ୍ୱାର୍ ଆପେକେ କେଡ଼ାକାଦ୍‌ପେୟା । ୫ ମିଆଁଦ୍‌ଗି ପ୍ରାଭୁ, ମିଆଁଦ୍‌ଗି ବିଶ୍ୱାସ୍ ଆଡ଼ଃ ମିଆଁଦ୍‌ଗି ବାପ୍ତିସ୍ମା ମେନାଃ । ୬ ସବେନ୍ ମାନଞ୍ଜାକ୍‌ଆଃ ପାର୍‌ମେଶ୍ୱାର୍ ଆଡ଼ଃ ଆପୁ ମିଆଁଦ୍‌ଗି ତାନିଃ, ଇନିଃ ସବେନ୍‌କ୍‌ଆଃ ପ୍ରାଭୁ, ସବେନ୍‌କ୍‌ଆଃ ଆଲାରେ ଆଡ଼ଃ ସବେନ୍‌କ୍‌ଆଃରେ ମେନାଈୟା ।

୭ ଖ୍ରୀଷ୍ଟି ଏମାକାଦ୍ ବାର୍‌ଦାନ୍ ଲେକାତେ ଆବୁ ସବେନ୍ ମିମିଆଦ୍ ହଡ଼କକେ ସାୟାଦ୍‌ରାଃ ବାର୍‌ଦାନ୍ ନାମାକାନା । ୮ ଧାରାମ୍‌ପୁଥିରେ ନେ ବିଷାଏରେ ଅଲ୍ଲାନା, “ଚିମ୍‌ତା ଇନିଃ ପୁରାଃ ଚେତାନ୍‌ତେ ସେନଃୟାନା, ଇମ୍‌ତା ଇନିଃ ପୁରାଃ ଜେହେଲାକାନ୍‌କକେ ଆୟାଃଲଃ ଇଦିକେଦ୍‌କଆ; ଆଡ଼ଃ ମାନଞ୍ଜାକକେ ପୁରାଃଗି ବାର୍‌ଦାନ୍ ଏମାଦ୍‌କଆଏ ।” ୯ “ଇନିଃ ପୁରାଃ ଚେତାନ୍‌ତେ ସେନଃୟାନା” ନେଆଁରେୟାଃ ମୁଣ୍ଡି ଚିନାଃ ତାନାଃ ? ନେଆଁରେୟାଃ ମୁଣ୍ଡି ହବାଅଃତାନା, ସିଦାତେ ଇନିଃ ପୁରାଃ ଲାତାର୍ ଠାୟାଦ୍ ଅତେତେ ଆଡ଼ଗୁୟାନା । ୧୦ ଏନାତେ ଆଡ଼ଗୁକାନ୍‌ନିଃ, ପୁରା ଅତେଦିଶ୍ୱମ୍‌କେ ପୁରାଏ ନାଗେନ୍ତେ ଇନିଃ ସିମ୍‌ରେୟାଃ ପୁରାଃ ଚେତାନ୍‌ତେ ସେନଃୟାନା । ୧୧ ଇନିଃଗି ହଡ଼କକେ ବାର୍‌ଦାନ୍ ଏମାକାଦ୍‌କଆଏ, ଚିମିନ୍‌କକେ ପ୍ରେରିଡ଼, ଚିମିନ୍‌କକେ ନାବୀ, ଚିମିନ୍‌କକେ ସୁକ୍‌କାଜି ଉଦୁବ୍, ଚିମିନ୍‌କକେ ପାର୍‌ଗାର୍ ଆଡ଼ଃ ଚିମିନ୍‌କକେ ଇଡ଼ରେୟାଃ ବାର୍‌ଦାନ୍ ଏମାଦ୍‌କଆଏ । ୧୨ ଖ୍ରୀଷ୍ଟିଆଃ ଏନ୍ ହଡ଼ମ୍ ବାଜୟେ ନାଗେନ୍ତେ, ଖ୍ରୀଷ୍ଟିଆଃ ସେଞ୍ଜା କାମି ନାଗେନ୍ତେ ଆଡ଼ଃ ପାର୍‌ମେଶ୍ୱାର୍‌ଆଃ ହଡ଼କକେ ସେକାଡ଼କ୍ ନାଗେନ୍ତେ ଇନିଃ ନେଆଁଏ କାମିକାଦା । ୧୩ ଏନାମେନ୍ତେ ଆବୁ ସବେନ୍‌କ୍ ଆବୁଆଃ ବିଶ୍ୱାସ୍‌ରେ ଆଡ଼ଃ ପାର୍‌ମେଶ୍ୱାର୍‌ଆଃ ହନ୍ ବିଷାଏରେୟାଃ ସେଣ୍ଟିରେବୁ ମିଦଃକା, ଚାଏ ଖ୍ରୀଷ୍ଟିଆଃ ପୁରାକାନ୍ ହଡ଼ମ୍‌ଲେକାତେ, ଆବୁ ପକ୍‌ତାକାନ୍ ହଡ଼କବୁ ହବାଅଃକା । ୧୪ ଆଲ୍‌ପୁଙ୍ଗ୍ ଆଡ଼ଃ ହୟତେ ଏକ୍‌ଲାଅଃତାନ୍ ଲେକା ଆଲ୍‌କାବୁ ହବାଅଃକା, ଆଡ଼ଃ ସିଚିଆ ଲେକା ଆବୁ ଆଲ୍‌କାବୁ ନେତେହାନ୍ତେୟାଃକା । ଏଗାଃକକେ ଏଗାଃ ହରାତେ ଇଦିତାନ୍ ବେଦା ହଡ଼କଆଃ ହସଡ଼ ଇନିଡ଼ରେ ଆବୁ ଆଲ୍‌କାବୁ ବେଦାଅଃକା । ୧୫ ମେନ୍‌ଦ୍ ଫୁଲ୍ଲାଡ଼ରେ ସାର୍‌ତି କାଜିତାନ୍‌ଲଃ ସବେନ୍ କାଜିକରେ ବହଃ ଲେକାନ୍ ଖ୍ରୀଷ୍ଟି ଲେକାବୁ ହବାଅଃକା । ୧୬ *ଇନିଃ ସାଃଏତେ ହଡ଼ମ୍‌ରେୟାଃ ସବେନ୍ ଏଗାଃ ଏଗାଃ ହିସାକ ମିଦ୍‌ରେ ଜଡ଼େନ୍‌କାନା ଆଡ଼ଃ ପୁରା ହଡ଼ମ୍ ଏଗାଃ ଏଗାଃ ହିସାଏତେ ମିଦ୍‌ରେ ଜଡ଼େନ୍‌କାନ୍‌ଲଃ ଏନାକେ ଦେଙ୍ଗାଏତାନା । ଏନାତେ ମିମିଆଦ୍‌କଆଃ ଏଗାଃ ଏଗାଃ କାମି ତାନାଃରେୟା ଫୁଲ୍ଲାଡ଼ତେ ପୁରା ହଡ଼ମ୍ ହାରା ଇଦିୟଃତାନା ଆଡ଼ଃ ଆଇଃକ୍‌ତେଗି ବାଜୟଃତାନା ।

ଖ୍ରୀଷ୍ଟିରେ ନାଞ୍ଜା ଜୀଦାନ୍

୧୭ ଏନାତେ ପ୍ରାଭୁଆଃ ନୁଡ଼ମ୍‌ତେ ଆଇଙ୍ଗ୍ ଚେତାଏପେ ତାନାଈଙ୍ଗ୍, ସାର୍‌ସାର୍ ହଡ଼କ ଲେକା ଜୀଦାନ୍ ଆଲ୍‌ପେ ବିତାଏ, ଇନ୍‌କୁଆଃ ଉଡ଼ୁକ୍ ଜେତାନ୍ କାମିରାଃ ନାହାଁଲାଃ ୧୮ ଆଡ଼ଃ ଇନ୍‌କୁଆଃ ମନ୍‌କ ନୁବାଃଗିଆ । ପାର୍‌ମେଶ୍ୱାର୍ ଏମାକାଦ୍ ଜୀଦାନ୍‌ରେ ଇନ୍‌କୁଆଃ ଜେତାନ୍ ହିସା ବାନଃଆ । ଚିୟାଃଚି ଇନ୍‌କୁ ପୁରାଗି ସାରିକେଦ୍‌ତେ କା ସାରି ଲେକା ମନ୍‌ସୁରୁଦ୍‌କେ କେଟେଜେତାନ୍ ହଡ଼କତାନ୍‌କ । ୧୯ ଇନ୍‌କୁ ବେଗାର୍ ଗିହୁଃତେ, ସବେନ୍ ଲେକାନ୍ ସଡ଼ରା କାମି ଆଡ଼ଃ ଆପାଜିନ୍‌କାମି କାମି ନାଗେନ୍ତେ ଆକ ଆକଗିକ ଜିମାକାନା ।

☆ ୪:୨ ୪:୨ କଲସିୟ ୩:୧୨,୧୩. ☆ ୪:୧୭ ୪:୧୭ କଲସିୟ ୨:୧୯.

୨୦ ନେ ଲେକାତେ ଆପେ ଶ୍ରୀଷ୍ଟକେ ସାରି ନାଙ୍ଗ କାପେ ଇତୁଆକାନା । ୨୧ ଆପେ ସାର୍ତ୍ତିଗି ଇନିୟାଃ ବିଷାଏରେ ଆୟୁମକାଦାପେ ଆତଃ ଆଇଃକକେ ଅତଙ୍ଗନିଃ ଲେକା ଯାଶୁଆଃ ସାର୍ତ୍ତି ବିଷାଏରେୟାଃ ଇନିତୁପେ ନାମାକାଦା । ୨୨ ଏନାତେ ଆପେ ଅକନ୍ ମାରି ସଭାବ୍ଦେ ଜୀଦାନ୍ ବିତାଅ ତାଇକେନାପେ, ଏନାକେ ବାଗିତାପେ, ଚିୟାଃଟି ଏନାରେୟାଃ ହସଡ଼ କାମି ହରାତେ ଆପେୟାଃ ଆମ୍ବା ଜିୟନଃ ତାଇକେନା । ୨୩ ଆପେୟାଃ ମନ୍ସୁରୁଦ୍ ଆତଃ ମନ୍କ ପୁରାଗି ନାଞ୍ଜା ହବାଅଃ ଲାଗାତିଙ୍ଗୟାଃ, ୨୪ ଏଆତଃ ପାର୍ମେଶ୍ଵାର୍ଆଃ ଲେକାଗି ବାଈୟାକାନ୍ ନାଞ୍ଜା ଆମ୍ବା ନାମେପେ । ଏନା ଆପେୟାଃ ସାର୍ତ୍ତି ଜୀଦାନ୍ରେ ପାବିତାର୍ ଆତଃ ଧାର୍ମାନ୍ ଉଦୁବଃକା ।

୨୫ ଏନାମେନ୍ତେ ଆତଃ ଆଲ୍ଲପେ ବେଦାଃ । ଶ୍ରୀଷ୍ଟ ବିଶ୍ଵାସୀକ ମିହୁଡ୍ ଆତଃମିହୁଡ୍ଦକେ ସାର୍ତ୍ତି କାଜି ଲାଗାତିଙ୍ଗୟାଃ, ଚିୟାଃଟି ଆବୁ ସବେନ୍ଦକ ଶ୍ରୀଷ୍ଟଆଃ ହଡ଼ମରେନ୍ ହିସାକ ତାନ୍ବୁ । ୨୬ ଆପେ ଶ୍ଵପ୍ତଃ ତାନ୍ରେଦ, ପାପ କାମି ଆଲ୍ଲପେ କାମିୟା । ସିଙ୍ଗି ହାସୁର ସିଦାରେ ଆପେୟାଃ ଶ୍ଵପ୍ତକ ବାଗିତାପେ । ୨୭ ସାଏତାନ୍କେ ଆପେରେ ଠାୟାଦ୍ ଆଲ୍ଲପେ ଏମାଈୟା । ୨୮ କୁମ୍ଭୁତୁ ଆତଃ ଆଲ୍ଲକାଏ କୁମ୍ଭୁତୁ, ମେନ୍ଦଦ ଆପାନାଃ ଜୀନିଦ୍ ନାଗେନ୍ତେ ଆତଃ ନାରାଦୁରା ହଡ଼କକେ ଆକଆଃ ଲାଗାତିଙ୍ଗତେୟାଃ ଏମ୍ ଦାଡ଼ି ନାଗେନ୍ତେ ବୁଗିନାଃ କାମିକା । ୨୯ ଆପେୟାଃ ମତାଏତେ କା ଲାଗାତିଙ୍ଗ କାଜିକ ଆଲ୍ଲକା ଅତଙ୍ଗଅଃକା, ମେନ୍ଦଦ ଲାଗାତିଙ୍ଗ ଇମ୍ତାକରେ ପୁରାଃ ବୁଗିନ୍ କାଜି ଅତଙ୍ଗଅଃକା, ଜେଲେକାଗି ଆୟୁମତାନ୍ ହଡ଼କଆଃ ନାଗେନ୍ତେ ବୁଗିନାଃ ହବାଅଃଆ । ୩୦ ଆତଃ ପାର୍ମେଶ୍ଵାର୍ଆଃ ପାବିତାର୍ ଆମ୍ବାକେ ଦୁକୁ ଆଲ୍ଲପେ ଏମାଈୟା, ଚିୟାଃଟି ପାବିତାର୍ ଆମ୍ବାଦ୍ ଆପେୟାଃ ତେତାନ୍ରେ ପାର୍ମେଶ୍ଵାର୍ଆଃ ଆପୁନାଃ ଆକ୍ତେୟାଃରେୟାଃ ଚିଙ୍ଗାଁ ଲେକାନ୍ନିଃ ତାନିଃ ଆତଃ ପାର୍ମେଶ୍ଵାର୍ ମୁସିଙ୍ଗ୍ ଆପେୟାଃ ମୁଚ୍ଛି କାମି ରିକାୟାଏ, ଏନା ସାର୍ତ୍ତି ତାନାଃ । ୩୧ ସବେନ୍ଦ ଲେକାନ୍ ମେହେର୍ କାଜି, ଆତଃ ଶ୍ଵପ୍ତ, ସାଙ୍ଗିନେପେ । ହିସିଙ୍ଗା କାଜି ଆତଃ ନିୟା କାଜିକ ଆଲ୍ଲପେୟାଃ । ଜେତାଏକେ ଆଲ୍ଲପେ ହିଲ୍ଲାଙ୍ଗକଆ । ୩୨ ମେନ୍ଦଦ ମିହୁଡ୍ ଆତଃମିହୁଡ୍ଲଃ ଦାୟା ଆତଃ ଲେବେଃ ମନ୍ସୁରୁଦ୍ ହବାଅଃପେ ଆତଃ ଶ୍ରୀଷ୍ଟଆଃ ହରାତେ ପାର୍ମେଶ୍ଵାର୍ ଆପେକେ ଛାମାକାଦ୍ପେ ଲେକାଗି ଆପେ ମିହୁଡ୍ ଆତଃମିହୁଡ୍ଦକେ ଛାମାକାପେ ।

୫

ମାର୍ସାଲ୍ଲରେ ଜୀନିଦ୍

୧ ଆପେ ପାର୍ମେଶ୍ଵାର୍ଆଃ ଦୁଲ୍ଲାଡ୍ ହନ୍ଦକ ତାନ୍ପେ, ଏନାତେ ଆପେ ଆୟାଃ ଲେକା ହବାଅଃପେ । ୨ ଶ୍ରୀଷ୍ଟ ଆବୁକେ ଦୁଲ୍ଲାଡ୍ଦକେଦ୍ବୁଆ ଆତଃ ପାର୍ମେଶ୍ଵାର୍ଆଃ ସୁକୁଆନ୍ ଲେକା ଆବୁଆଃ ନାଗେନ୍ତେ ଆୟାଃ ଜୀଦାନ୍କେ ବୁଗିନ୍ ସହାନ୍ ଲେକା ଦାନ୍ ଆତଃ ଦାଣେଁ ରାକାଦ୍ୟାନା, ଆପେୟାଃ ଜୀଦାନ୍ରେୟା ଏନ୍ଲେକାଗି ଦୁଲ୍ଲାଡ୍ରେ ତାଇଦ୍ପେ ।

୩ ପାର୍ମେଶ୍ଵାର୍ଆଃ ହଡ଼କ ହବାୟାନ୍ତେ, ଆପେ ଆଲ୍ଲାରେ ଆପାଙ୍ଗିର୍ କାମି, ସଡ଼ରା ଚାଏ ଖୁଜ୍ କରେୟାଃ ହାୟା ଆଲ୍ଲକା ହବାଅଃକା । ନେଆଁ ସାଧୁ ହଡ଼କ ନାଗେନ୍ତେୟା ରିକା କା ଲାଗାତିଙ୍ଗୟାଃ । ୪ ଆତଃ ଆପେୟାଃ ଆଲ୍ଲାରେ ଗିହୁଃ କାଜିକ, ତଣ୍ଡୁ କାଜିକ, ଆତଃ ଲାୟା କାଜିକ ଆଲ୍ଲକା ହବାଅଃକା । ମେନ୍ଦଦ ଆପେକେ ପାର୍ମେଶ୍ଵାର୍ଆଃ ଧାନାବାଦ୍ ଏମ୍ ଲାଗାତିଙ୍ଗୟାଃ । ୫ ନେଆଁ ସାର୍ତ୍ତି ତାନାଃ ମେନ୍ତେ ଆର୍ଚ୍ଚକାର୍କାପେ, ଜେତାଏ ଆପାଙ୍ଗିର୍ନିଃ, ସଡ଼ରାନିଃ ଆତଃ ଖୁଜ୍ କରେୟାଃ ହାୟାନିଃ ଚାଏ ମୁରୁଡ୍ ସେଞ୍ଜାନିଃ ଚିତଲ୍ଲାଅ ଶ୍ରୀଷ୍ଟ ଆତଃ ପାର୍ମେଶ୍ଵାର୍ଆଃ ରାଇଜ୍ରେୟାଃ ଜେତାନ୍ ହାନାଚିଙ୍ଗ କାଏ ନାମେୟା ।

୬ ଜେତାଏ ଆପେକେ ସାମାକାଜିକତେ ଆଲ୍ଲକାଏ ବେଦାପେକା, ନେ ସବେନାଃ ନାଗେନ୍ତେ ପାର୍ମେଶ୍ଵାର୍ଆଃ ଆନ୍ତୁକେ କା ମାନାତିଙ୍ଗତାନ୍ ହଡ଼କଆଃ ତେତାନ୍ରେ ପାର୍ମେଶ୍ଵାର୍ଆଃ ଶ୍ଵପ୍ତ ହିଜୁଃଆ । ୭ ଏନାତେ ନେ ଲେକାନ୍ ହଡ଼କଲଃ ଜେତାନ୍ ନାତା ଆଲ୍ଲପେ ଦହସୟା । ୮ ଚିୟାଃଟି ଆପେୟାଗି ମୁସିଙ୍ଗ୍ ନୁବାଃରେପେ ତାଇଦ୍କେନା । ମେନ୍ଦଦ ନାହାଁଃ ଆପେ ପ୍ରାଭୁଆଃ ହଡ଼କ ହବାକାନ୍ ହରାତେ ମାର୍ସାଲ୍ଲରେ ମେନାପେୟା । ଏନାତେ ଆପେ ମାର୍ସାଲ୍ଲରେନ୍ ହଡ଼କ ଲେକା ସେସେନ୍ଦ୍ପେ । ୯ ଚିୟାଃଟି ମାର୍ସାଲ୍ଲରେଗି ତାଇନଃରେ ସବେନ୍ଦ ଲେକାନ୍ ବୁଗିନାଃ ଧାର୍ମାନ୍ ଆତଃ ସାନାର୍ତ୍ତିରେୟାଃ କାମି ହବାଅଃଆ । ୧୦ ପ୍ରାଭୁଆଃ ଚିକ୍ନାଃ ସୁକୁଆନ୍ତେୟାଃ ତାନାଃ, ଏନାକେ ଆର୍ଚ୍ଚକାର୍ଚ୍ଚରୁମ୍ ଲାଗାତିୟା । ୧୧ ସାମାରେୟାଃ କାମି ନୁବାଃରେ କାମିତାନ୍ ହଡ଼କଲଃ ଆଲ୍ଲପେ ମେସାନା, ମେନ୍ଦଦ ଇନ୍ଦକୁଆଃ କାଜିକାମିକ ମାର୍ସାଲ୍ଲରେ ଉଦୁବେପେ । ୧୨ ଇନ୍ଦକୁ ଉକୁକେଦ୍ତେ କାମିତାନ୍ ବିଷାଏକେ କାଜିତେୟାଃ ପୁରାଃ ଗିହୁଃଗିୟା ।

୫:୨୨ ୪:୨୨ କଲସିନ୍ଧ ୩:୯. ୫:୨୫ ୪:୨୫ କଲସିନ୍ଧ ୩:୧୦. ୫:୩୨ ୪:୩୨ କଲସିନ୍ଧ ୩:୧୩.

୧୩ ଫେନ୍ଦ ଚିମ୍ତା ଏନ୍ ସବେନାଃ ମାର୍ଯ୍ୟାଲ୍ଲତେ ଆଉଃଆ, ଇମ୍ତା ଏନାରେୟାଃ ସାଠ୍ତି ସଭାଢ୍ ପୁରା ଉଦୁବଃଆ, ୧୪ ଚିୟାଃଚି ମାର୍ଯ୍ୟାଲ୍ଲରେ ସବେନାଃ ପୁରା ନେଲଃଆ । ଏନାତେ ନେଲେକା କାଜିକାନା, “ଏ ଦୁଡ୍ଡୁତାନନିଃ, ଏୟନଃମେ

ଆତଃ ଗଜାକାନକଏତେ ଜୀଉଚିରିଦ୍ମେ !

ଆତଃ ଖ୍ରୀଷ୍ଟ ଆମ୍ବକେ ମାର୍ଯ୍ୟାଲ୍ଲ ଏମାମେୟାଏ ।”

୧୫ ଏନାତେ ଆପେ ଚିଲ୍ଲକାପେ ସେସେନା ଏନା ଚିର୍ଗାଲ୍ଲକାନ ତାଇନ୍ଦପେ । କା ସେଣ୍ଡିନ୍ ଲେକା କା ହବାକେଦ୍ତେ ସେଣ୍ଡିନ୍ ଲେକା ହବାଅଃପେ । ୧୬ ଏସବେନ୍ ସୁୟୋଗକେ ବୁଗିଲେକା ବେଭାରେପେ, ଚିୟାଃଚି ଦିପିଲିକଦ ଏଡ୍‌କାନଗିୟା । ୧୭ ଡ଼ଣ୍ଡକଆଃ ଲେକା ଆଲ୍ଲପେ ହବାଅଃଆ, ଫେନ୍ଦ ପ୍ରାଭୁଆଃ ଇଛାସାନାଙ୍ଗ ଆଟ୍‌କାରୁଉରୁମେପେ ।

୧୮ ଆପେୟାଃ ଜିୟନ୍ ରିକାଏତାନ୍ ଇଲିଆରୁଖରେ ଆଲ୍ଲପେ ବୁଲଃଆ, ଫେନ୍ଦ ଆମ୍ବାତେ ପେରେଜଃପେ । ୧୯ ଏଦୁରାଙ୍ଗ, ଭାଜାନ୍ ଆତଃ ଆମ୍ବାତେ ଦୁରାଙ୍ଗତାନଲଃ ମିହୁଡ୍ ଆତଃମିହୁଡ୍‌କେ ରାସକାଇପେ । ମନ୍‌ସୁରୁଦରେୟାଃ ଦୁରାଙ୍ଗତେ ପ୍ରାଭୁଆଃ ନୁଡ୍‌ମତେ ଦୁରାଙ୍ଗୟେପେ । ୨୦ ସବେନ୍ ଇମ୍ତା ସବେନାଃ ନାଗେନ୍ତେ ପ୍ରାଭୁ ଯାଗ୍ଣି ଖ୍ରୀଷ୍ଟଆଃ ନୁଡ୍‌ମତେ ଆବା ପାର୍‌ମେଶ୍ଵାରକେ ଧାନ୍‌ଧାବାଦ୍ ଏମାଇପେ ।

କଡ଼ା ଆତଃ କୁଡ଼ି

୨୧ ଆପେ ଖ୍ରୀଷ୍ଟକେ ବରଭାଜିତାନଲଃ ମିହୁଡ୍ ଆତଃମିହୁଡ୍‌ତାଃରେ ଜିମାନ୍‌ପେ । ୨୨ ଏକୁଡ଼ିକ, ଆପେ ପ୍ରାଭୁତାଃରେ ଜିମାନ୍‌ତାନ୍ ଲେକାଗି ଆପାନ୍ କଡ଼ାକତାଃରେ ଜିମାନ୍‌ପେ । ୨୩ କାଲିସିୟା ଚେତାନ୍‌ରେ ଖ୍ରୀଷ୍ଟଆଃ ଆକ୍‌ତେୟାର୍ ମେନାଃ ଲେକା କୁଡ଼ି ଚେତାନ୍‌ରେ କଡ଼ାରାଃ ଆକ୍‌ତେୟାର୍ ମେନାଃ, ଆତଃ ଖ୍ରୀଷ୍ଟଗି ଆୟାଃ ହଡ୍‌ମ ଲେକାନ୍ କାଲିସିୟାରେୟାଃ ବାଞ୍ଚାଅନିଃ ତାନିଃ । ୨୪ କାଲିସିୟା ଆଇଃକ୍‌ଗି ଖ୍ରୀଷ୍ଟତାଃରେ ଜିମାନ୍‌ତାନ୍ ଲେକାଗି, କୁଡ଼ିକହ ଆକଗି ଆକଆଃ ଆପାନ୍ କଡ଼ାକତାଃରେ ଜିମାନ୍ ଲାଗାତିଙ୍ଗୟାଃ ।

୨୫ ଏକଡ଼ାକ, ଖ୍ରୀଷ୍ଟ କାଲିସିୟାକେ ଦୁଲ୍ଲାଡ୍‌କେଦ୍‌ତେ, ଏନା ନାଗେନ୍ତେ ଜୀଉ ଏମକେଦାଏ ଏନ୍ ଲେକାଗି ଆପେ ଆପେୟାଃ କୁଡ଼ିକକେ ଦୁଲ୍ଲାଡ୍‌କପେ । ୨୬ ଖ୍ରୀଷ୍ଟ କାଲିସିୟାକେ ଆୟାଃ ବାଚାନ୍ ଆତଃ ଦାଆଃତେ ଫାଟ୍‌ଚିକେଦ୍‌ତେ ନିୟାଡ୍‌କେଦା ଆତଃ ପାର୍‌ମେଶ୍ଵାର୍‌ଆଃ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାକେଦାଏ, ୨୭ ଆତଃ କାଲିସିୟାକେ ପାବିତାର୍, ବେଗାର୍ ଚିତାଃଆ, ବେଗାର୍ ଦାଗିୟଃ ଲେକା ପୁରାଃ ସୁଗାଡ୍‌ଗି ବାଇକେଦ୍‌ତେ ଆଇଃକ୍‌ଗି ତେଲାକେଦା । ୨୮ କଡ଼ାକ ଆପାନ୍ ହଡ୍‌ମ ଲେକାଗି ଆଟ୍‌କାରୁକେଦ୍‌ତେ ଆପନାଃ କୁଡ଼ିକେ ଦୁଲ୍ଲାଡ୍ ଲାଗାତିଙ୍ଗୟାଃ । ଜେତାଏ ଆପନାଃ କୁଡ଼ିକେ ଦୁଲ୍ଲାଡ଼ିନିଃ, ଆପାନ୍‌କେଗି ଦୁଲ୍ଲାଡ଼ାଃଏ । ୨୯ ଜେତାଏ ଆପନାଃ ହଡ୍‌ମକେ ଚିଉଲାଅ କାଏ ହିଲ୍ଲାଙ୍ଗାଆଁ । ଫେନ୍ଦ ହଡ୍‌ମରେୟାଃ ଲାଗାତିଙ୍ଗେୟାଃକ ଜଗାଅ ପୁରାତାନଲଃ ଏନାକେ ଜାଡ୍‌ନାଅଏୟା, ଜେଲେକାଚି ଖ୍ରୀଷ୍ଟ କାଲିସିୟାକେ ଜାଡ୍‌ନାଅଆ, ୩୦ ଚିୟାଃଚି ଆବୁ ସବେନ୍‌କ ଆୟାଃ ହଡ୍‌ମରେନ୍ ହିସା ତାନ୍‌ବୁ । ୩୧ ଧାରାମ୍‌ପୁଅରେ କାଜିକାନା, “ନେଆଁ ନାଗେନ୍ତେ ହଡ୍ ଏଙ୍ଗା ଆତଃ ଆପୁକେ ବାଗିକେଦ୍‌ତେ ଆପନାଃ କୁଡ଼ିଲଃ ମେସାନାଃଏ ଆତଃ ଏନ୍ ବାରାନ୍‌କିନ୍ ମିଆଁଦ୍ ହଡ୍‌ମକିନ୍ ହବାଅଃଆ ।” ୩୨ ନେଆଁରେ ଧାରାମ୍‌ପୁଅରେୟାଃ ମିଆଁଦ୍ ଉକୁଆକାନ୍ ସାର୍‌ଚି କାଜି ଉନ୍‌ଦୁବକାନା : ଏନା ଖ୍ରୀଷ୍ଟ ଆତଃ କାଲିସିୟା ନାଗେନ୍ତେ ଲାଗାତିଙ୍ଗୟାଃ ମେନ୍ତେଇଙ୍ଗ୍ ଆଟ୍‌କାରୁଉରୁମେ ତାନା । ୩୩ ଫେନ୍ଦ ନେଆଁ ଆପେ ନାଗେନ୍ତେୟଗି ଲାଗାତିୟାଁ । ମିମିଆଦ୍ କଡ଼ା ଆପନାଃ କୁଡ଼ିକେ ଆପନାଃ ଲେକାଗି ଦୁଲ୍ଲାଡ଼ିକାଏ ଆତଃ ମିମିଆଦ୍ କୁଡ଼ି ଆପନାଃ କଡ଼ାକେ ମାଇନ୍ ଲାଗାତିଙ୍ଗୟାଃ ।



ହନ୍‌କ ଆତଃ ଏଙ୍ଗାଆପୁକ

୧ ଏଏ ହନ୍‌କ, ପ୍ରାଭୁଆଃ ନାଗେନ୍ତେ ଆପେୟାଃ ଏଙ୍ଗାଆପୁକକେ ମାନାତିଙ୍ଗକପେ, ଚିୟାଃଚି ନେଆଁଗି ଠାଉକାତେୟାଃ ତାନାଃ । ୨ “ଆପେୟାଃ ଏଙ୍ଗାଆପୁକକେ ମାଇନ୍‌କପେ” ନେଆଁ ବାନାର୍‌ସାରେ ମେସାକାନ୍ ମିଆଁଦ୍ ପାହିଲ୍ଲା ଆନ୍‌ବୁ ତାନାଃ । ୩ “ଜେଲେକାଚି ଆପେୟାଃ ବୁଗିନାଃ ହବାଅଃଆ ଆତଃ ଆପେ ନେ ଅତେରେ ପୁରାଃ ସିମାପେ ଜୀହୁଦଃଆ ।”

☆ ୫:୧୭ ୫:୧୭ କଲସିୟ ୪:୫. ☆ ୫:୧୯ ୫:୧୯ କଲସିୟ ୩:୧୭,୧୭. ☆ ୫:୨୨ ୫:୨୨ କଲସିୟ ୩:୧୮; ୧ ପାଡ଼ରାସ୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପାଡ଼ରାସ୍ ୩:୭. ☆ ୬:୧ ୬:୧ କଲସିୟ ୩:୨୦.

୪ *ହେ ଆପ୍ତକ, ଆପେୟାଃ ହନକକେ ଆଲ୍ଲପେ ଖ୍ୱଜ୍ଜତିକଆ, ମେନ୍ଦ୍ ଇନ୍ଦକୁକେ ପ୍ରାଭୁଆଃ ଇନ୍ଦିତୁ ଆତଃ ଚେନେତାଅତେ ଜାଡ଼ନାଅକପେ ।

କିରିଙ୍ଗ୍ୟାକାନ୍ ଦାସିକ ଆତଃ ଗୁସିୟାକ

୫ *ହେ କିରିଙ୍ଗ୍ୟାକାନ୍ ଦାସିକ, ଆପେ ଶ୍ରୀଷ୍ଟକେ ମାନାତିଙ୍ଗତାନ୍ ଲେକାଗି, ମନ୍ସୁରୁଦ୍ରେ ବରତେ ଏକଲୀଅଃତାନ୍ଲଃ ଅତେରେନ୍ ମାନଝା ଗୁସିୟାକକେ ମାନାତିଙ୍ଗକପେ । ୬ ଗୁସିୟା ଆପେକେ ନେଲ୍ଲପେତାନ୍ ଇମ୍ତା ଆଇଃକ୍କେ ସୁକୁଇତି ନାଗେନ୍ତେ ଏସ୍କାର୍ କା କାମିକେଦ୍ତେ, ଶ୍ରୀଷ୍ଟଆଃ କିରିଙ୍ଗ୍ୟାକାନ୍ ଦାସିଲେକା ଆପେୟାଃ ସବେନ୍ ମନ୍ସୁରୁଦ୍ଲଃ ପାର୍ମେଶ୍ୱାର୍ଆଃ ମନେ ଲେକା କାମିପେ । ୭ ଆପେ ହଡ଼କଆଃ ଏସ୍କାର୍ ସୁସାର୍ତାନାଲେ ମେନ୍ତେ କା ଉଡ଼ୁକେଦ୍ତେ, ପ୍ରାଭୁଆଃ ସେଝାତାନାଲେ ମେନ୍ତେ ପୁରାଃ ସୁକୁମନ୍ତେ ଏନା କାମିପେ । ୮ ପାହାମାକାପେ, କିରିଙ୍ଗ୍ୟାକାନ୍ ଦାସି ଚାଏ କା କିରିଙ୍ଗ୍ୟାକାନ୍ ଦାସି ସବେନ୍ ମିମିଆଦ୍ ହଡ଼କଆଃ ବୁଗିନ୍ କାମିରେୟାଃ ନାଲୀ ପ୍ରାଭୁଗି ଏମାକଆ ।

୯ *ହେ ଗୁସିୟାକ, ଆପେୟାଃ କିରିଙ୍ଗ୍ୟାକାନ୍ ଦାସିକକେୟ ଏନ୍ଲେକାଗି ନେଲ୍ଲକପେ ଆତଃ ଇନ୍ଦକୁକେ ଆଲ୍ଲପେ ବଡ଼କଆ । ପାହାମାକାପେ, ଆପେ ଆତଃ ଆପେୟାଃ କିରିଙ୍ଗ୍ୟାକାନ୍ ଦାସିକ ସିମ୍ପାରେନ୍ ପ୍ରାଭୁଆଃ ତାନ୍ଦେ । ଇନିଃ ସବେନ୍କକେ ମିଦ୍ଗି ବିଚାରକଆ ।

ଆମ୍ବିକ୍ରେୟାଃ ଗଟା ହାଁତେୟାଃ

୧୦ ଟୁଣ୍ଡୁର, ପ୍ରାଭୁଲଃ ମେସାକେଦ୍ତେ ଆୟାଃ ମାରାଙ୍ଗ୍ ପେଡ଼େଃରେ ପୁରାଃଗି ପେଡ଼େଜଃପେ । ୧୧ ପାର୍ମେଶ୍ୱାର୍ ଏମାକାଦ୍ ସବେନ୍ ହାଁତେୟାଃ ତୁସିୟେନ୍ଦପେ, ଜେଲେକାଗି ଆପେ ସାଏତାନ୍ରାଃ ଏଡ଼କାନ୍ କାମିରେପେ ତିଙ୍ଗୁ ଦାଡ଼ିୟା । ୧୨ ଚିୟାଃଗି ଆବୁ ଅତେରେନ୍ ମାନଝାକଆଃ ବିରୁଧ୍ରେ କାବୁ ଲାଡ଼ାଇତାନା ମେନ୍ଦ୍ ସିମ୍ପା ଠାୟାଦ୍କରେନ୍ ଏଡ଼କାନ୍ ଆମ୍ବାରେୟାଃ ପେଡ଼େଃ ଆତଃ ନେ ନୁବାଃ ଦିପିଲିରେ ରାଇଜ୍ତାନ୍କଆଃ, ଆକ୍ତେୟାର୍ତାନ୍କଆଃ ବିରୁଧ୍ରେ ଲାଡ଼ାଇତାନାବୁ । ୧୩ ଏନାତେ ନାହିଃ ପାର୍ମେଶ୍ୱାର୍ ଏମାକାଦ୍ ହାଁତେୟାଃ ତୁସିଙ୍ଗକେଦ୍ତେ ଏଡ଼କାନ୍ ଦିପିଲିରେ ଆପେ ବାଇରିକଆଃ ଲାଡ଼ାଇରେ ତିଙ୍ଗୁ ଦାଡ଼ିୟାପେ, ଆତଃ ଟୁଣ୍ଡୁ ଜୁକେଦ୍ ଲାଡ଼ାଇରେୟ କେଟେଦ୍ରେ ତାଇନ୍ଦ୍ ଦାଡ଼ିୟାପେ ।

୧୪ ଏନା ନାଗେନ୍ତେ ଆପେୟାଃ ମାୟାଙ୍ଗ୍ରେ ସାନାର୍ତ୍ତରେୟାଃ କାସନାତେ ତଲ୍ଲକାନ୍ ଆତଃ ଧାରାମରେୟାଃ ବୁକୁପାଟା ତୁସିଙ୍ଗକେଦ୍ତେ ତିଙ୍ଗୁନ୍ଦପେ, ୧୫ କାଟାରେ ଜାଉସୁକୁରେୟାଃ ସୁକୁକାଜି ଲେକାନ୍ ଖାର୍ପା ତୁସିଙ୍ଗକାନ୍ଲଃ ସେକାଡ଼କେଦ୍ତେ ତିଙ୍ଗୁନ୍ଦପେ । ୧୬ ସବେନ୍ ଇମ୍ତା, ବିଶ୍ୱାସକେ ଭାଲ୍ ଲେକା ସାବ୍ଦକେଦ୍ତେ ସେସେନ୍ଦପେ, ନେଆଁରେୟାଃ ଦେଙ୍ଗାତେ ଏଡ଼କାନ୍ ହରାତେ ହୁରାଙ୍ଗ୍ଆଃତାନ୍ ସବେନ୍ ଜୁଲ୍ଲତାନ୍ ସେଙ୍ଗେଲ୍ରେୟାଃ ସରକକେ ହକା ଦାଡ଼ିୟାପେ । ୧୭ ପାରିତ୍ରାଣରେୟାଃ ଟୁପୁରି ଆତଃ ପାବିତାର୍ ଆମ୍ବା ଏମାକାଦ୍ପେ ପାର୍ମେଶ୍ୱାର୍ଆଃ ବାଟାନ୍ ଲେକାନ୍ ତାରାଉଡ଼ି ନାମ୍ଜମ୍ପେ ।

୧୮ ପାର୍ମେଶ୍ୱାର୍ଆଃ ଦେଙ୍ଗା ଆସିକେଦ୍ତେ ବିନ୍ତ୍ରି ହରାତେ ନେ ସବେନାଃ ରିକାଏପେ । ସବେନ୍ ଲେକାତେ ପାବିତାର୍ ଆମ୍ବାରେୟାଃ ହରାତେ ବିନ୍ତ୍ରିପେ । ଚିର୍ଗାଲକାନ୍ ତାଇନ୍ଦ୍ପେ, ତିଉଲୀଅ ଆଲ୍ଲପେ ଲାଗାଃଅଆ, ପାର୍ମେଶ୍ୱାର୍ଆଃ ହଡ଼କ ନାଗେନ୍ତେ ସବେନ୍ ଇମ୍ତା ବିନ୍ତ୍ରିରେ ତାଇନ୍ଦ୍ପେ । ୧୯ ଆଇୟାଃ ନାଗେନ୍ତେୟ ବିନ୍ତ୍ରିପେ, ଜେଲେକାଗି ସୁକୁକାଜିରେୟାଃ ଉଜୁଆକାନ୍ କାଜିକେ ବେଗାର୍ ବରତେ ଉଦ୍ଦ୍ ନାଙ୍ଗ୍ ପାର୍ମେଶ୍ୱାର୍ ଆଇଙ୍ଗକେ ଦେଙ୍ଗାଙ୍ଗୟା । ୨୦ ନାହିଃ ଆଇଙ୍ଗ୍ ଜେହେଲ୍ରେ ସିକ୍ତିକାନ୍ ତାଇନ୍ରେୟ, ସୁକୁକାଜି ନାଗେନ୍ତେ ଆଇଙ୍ଗ୍ ମିଆଦ୍ କାଜି ଇଦିସେଟେର୍ ହଡ଼ ତାନିଙ୍ଗ୍ । ବିନ୍ତ୍ରିପେ, ଜେଲେକାଗି ଆଇଙ୍ଗ୍ ବେଗାର୍ ବରତେ ସୁକୁକାଜିଇଙ୍ଗ୍ ଉଦ୍ଦ୍ ଦାଡ଼ିୟା ।

ଟୁଣ୍ଡୁ ଜୁହାର୍

୨୧ *ଆଇୟାଃ ବିଷାଏରେ ଆପେ ଜେଲେକା ସାରି ଦାଡ଼ିୟାପେ, ଏନାମେନ୍ତେ ଆଲେୟାଃ ଦୁଲ୍ଲାଡ଼୍ ହାଗା ଆତଃ ପ୍ରାଭୁଆଃ କାମିତାନ୍ ପାଡ଼ିୟାରଃ ଲେକାନ୍ ଦାସି ତୁଖ୍, ଆଇୟାଃ ବିଷାଏରେ ଆପେକେ ସବେନ୍ କାଜି କାଜିୟାପେଆ । ୨୨ ଆଲେ ସବେନ୍କ ଚିଲ୍ଲକା ମେନାଲେୟା, ଏନ୍ ବିଷାଏରେ ଉଦ୍ଦ୍ବକେଦ୍ତେ ଆପେୟାଃ ଜାଉରେ ରାସ୍କାପେ ନାଗେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା ।

* ୭:୪ ୭:୪ କଲସିୟ ୩:୨୧. * ୭:୫ ୭:୫ କଲସିୟ ୩:୨୨-୨୫. * ୭:୯ ୭:୯ କଲସିୟ ୪:୯; କଲସିୟ ୩:୨୫. * ୭:୨୧ ୭:୨୧ ପ୍ରେକ୍ଟି ୨୦:୪; ୨ ଚିମ୍ପ ୪:୧୨. * ୭:୨୧ ୭:୨୧ କଲସିୟ ୪:୨୮.

୨୩ ଆବା ପାରମେଶ୍ୱାର୍ ଆତଃ ପ୍ରାଭୁ ଯ1ଶୁ ଖ୍ରୀଷ୍ଟ ବିଶ୍ୱାସୀ ହାଗା ମିଗିକକେ ଜୀଉସୁକୁ, ଦୁଲ୍ଲାଡ୍ ଆତଃ ବିଶ୍ୱାସ୍ ଏମାକକାଏ । ୨୪ ଅକନକ ଆବୁଆଃ ପ୍ରାଭୁ ଯ1ଶୁ ଖ୍ରୀଷ୍ଟକେ କା ଚୁଣ୍ଡୁ ଦୁଲ୍ଲାଡ୍ତେ ଦୁଲ୍ଲାଡ୍ତାନାକ, ଇନ୍କୁଲିଃ ପାରମେଶ୍ୱାର୍ଆଃ ସାୟାଦ୍ ହବାଅଃକା ।

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ଫିଲିପିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଚାଏ

ୟୀଶୁ ଖ୍ରୀଷ୍ଟ୍‌ଆଃ ଜାନାମରେୟାଃ ୭୧ ବାରାଷ୍ଟ୍ ତାୟମ୍‌ତେ, ପାଉଲୁସ୍ ଫିଲିପି କାଲିସିୟାରେନ୍ ବିଶ୍ୱାସୀ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦ୍ ତାଇକେନାଏ । ହବାସାକାଅଥାଃ ପାଉଲୁସ୍ ରୋମ୍‌ରେ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲ୍ଲାକାଦ୍ ତାଇକେନାଏ ୧:୧୩ ।

ଫିଲିପି ସାହାରରେ ବାଇୟାକାନ୍ କାଲିସିୟାକତାଃତେ ନେ ଚିଟାଉ ଅଲ୍ଲାକାନ୍ ତାଇକେନା । ଆବୁ ପ୍ରେରିତ୍ ପୁଅକରେ ହରି ଫିଲିପି ଚିଟାଉ ବିଷାଏରେ ଚିମିନ୍ କାଜିକ ସାରିନାମ୍ ତାନାବୁ । ଫିଲିପି ମାକିଦନିଆ ପାର୍ଗାନ୍‌ରେୟାଃ ମାରାଙ୍ଗ୍ ସାହାର୍ ତାଇକେନା । ନେଆଁ ମାକିଦନିଆରେ ହବାକାନ୍ ପାହିଲା କାଲିସିୟା ତାଇକେନା । ପାଉଲୁସ୍ ଆତଃ ସିଲ୍ଲାସ୍ ବାରାନ୍‌କିନ୍ ମେସାକେଦ୍‌ତେ ନେ କାଲିସିୟା ଏଟେଦ୍‌କାଦ୍ ତାଇକେନାକିନ୍ । ଆତଃ ଇନ୍‌କିନ୍ ଏନ୍ତାଃରେ ତାଇକେନ୍ ଇମ୍‌ତା ମିଦ୍ ନିଦା ନାଙ୍ଗ୍ ଜେହେଲ୍ଲରେ ହାଣ୍ଡେଦାକାନ୍ ତାଇକେନାକିନ୍ ପ୍ରେରିତ୍ ୧୭ ।

ହବାସାକାଅଥାଃ ପାଉଲୁସ୍‌ଆଃ ନେ ଚିଟାଉ ଅନଲ୍‌ରେ ପୁରାଃରି ଉଦେଶ୍ ତାଇନ୍‌ସାକାଅଃଆ । କାଲିସିୟାରେନ୍ ହତ୍‌କ ପାଉଲୁସ୍ ଜେହେଲ୍ଲାକାନାଏ ମେନ୍ତେ ଆୟୁମ୍‌କେଦ୍‌ତି ଦାନ୍ ହାରମ୍‌କେଦ୍‌ତେ, ଆୟାଃତାଃ ଦାନ୍ କୁଲ୍ଲାକାଦ୍ ନାଙ୍ଗ୍ କାଲିସିୟାକେ ଧାନାବାଦ୍ ଏମ୍‌ରାଃ ଉଦେଶ୍‌ରେ ନେ ଚିଟାଉ ଅଲ୍ଲାକାନା ୪:୧୦-୧୯ । ଇନିଃ ଆୟାଃ ଜେହେଲ୍ଲାକାନ୍ ଇମ୍‌ତାରେୟାଃ କାଜିକ ଉଦ୍‌ବ୍‌କେଦ୍‌ଲଃ କାଲିସିୟାରେନ୍ ତାମଥ୍ ଆତଃ ଏପାପ୍‌ଦିତ୍‌କେ କାମି ନାଙ୍ଗ୍ ସାଲ୍ଲାକାଦ୍‌କିନାଏ, ବିଶ୍ୱାସୀକ ଇନ୍‌କିନ୍‌କେ ଜେ'ଲେକା ମାଇନ୍‌କେଦ୍‌ତେ ଜହାର୍‌କିନାକ ଆତଃ ଆକିନାଃ ଆଗୁଆଇରେ ମାଇନ୍‌କିନାକ ୨:୧୯-୩୦ ।

ପୁଅ ଚିଟାଉରେ ତାଇକାନ୍ କାଜି

- ୧. ପାଉଲୁସ୍ ଫିଲିପି କାଲିସିୟାକେ ଜହାର୍ କାଜିତାନାଏ । ୧:୧-୨
- ୨. ପାଉଲୁସ୍‌ଆଃ ଦୁକୁ ନେତା ଆତଃ ଆୟାଃ ଉଡ୍‌ଷ୍ଟୁକ । ୧:୩-୨:୩୦
- ୩. ଖ୍ରୀଷ୍ଟ୍ ଲେକା ଜୀଝାନ୍ ବିତାଅ ନାଗେନ୍ତେ ବିଶ୍ୱାସୀ ହାଗା ମିଶିକକେ ପାଉଲୁସ୍‌ଆଃ ଆନ୍‌ଚୁ । ୩:୧-୪:୯
- ୪. ପାଉଲୁସ୍ ଫିଲିପି କାଲିସିୟାକେ ଜହାର୍ ଆତଃ ଧାନାବାଦ୍ ଏମ୍‌ତାନାଏ । ୪:୧୦-୨୩

ଜହାର୍ ଆତଃ ପାଉଲୁସ୍‌ଆଃ ବିନ୍ତି

୧ ଫିଲିପି ସାହାରରେନ୍ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ପାର୍‌ମେଶ୍ୱାର୍‌ଆଃ ହତ୍‌କକେ, ଆତଃ କାଲିସିୟାରେନ୍ ଆଗୁଆଇକକେ, ଆତଃ ଡିକାନ୍‌କକେ ଯୀଶୁ ଖ୍ରୀଷ୍ଟ୍‌ଆଃ ଦାସି ପାଉଲୁସ୍ ଆତଃ ତାମଥ୍‌ଆଃ ଚିଟାଉ, ୨ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୩ ଆଇଙ୍ଗ୍ ଆପେକେ ଚିମିନ୍‌ସାଇଙ୍ଗ୍ ପାହାମ୍‌ପେତାନା, ଇମିନ୍‌ସା ଆଇଁୟାଃ ପାର୍‌ମେଶ୍ୱାର୍‌କେଇଙ୍ଗ୍ ଜହାରିତାନା । ୪ ଆତଃ ସବେନ୍ ଦିପିଲିରେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ସୁକୁଡେଇଙ୍ଗ୍ ବିନ୍ତିତାନା, ୫ ଚିଆଃତି ଆପେ ଆପେୟାଃ ବିଶ୍ୱାସ୍‌ରେୟାଃ ଏନେଟେଦ୍ ହୁଲ୍ଲାଙ୍ଗ୍‌ତାଃଏତେ ନାହିଁଃ ଜାକେଦ୍ ସୁକୁକାଜିରେୟାଃ କାମିରେ ଆଇଙ୍ଗ୍‌କେପେ ଦେଙ୍ଗାକାଦିୟାଁ । ୬ ଆତଃ ଆଇଙ୍ଗ୍ ପୁରାଃ ପକ୍‌ତାକେଦ୍‌ତେ ବିଶ୍ୱାସ୍ ତାନାଇଙ୍ଗ୍, ଅକନ୍ ପାର୍‌ମେଶ୍ୱାର୍ ଆପେରେ ବୁରିନ୍ କାମି କାମି ଏଟେଦ୍‌କାଦାଏ, ଯୀଶୁ ଖ୍ରୀଷ୍ଟ୍‌ରାଃ ହିଜୁଃଦିପିଲି ହୁଲ୍ଲାଙ୍ଗ୍‌ରେ ନେଆଁ ଚାବାଃଆ ଜାକେଦ୍ ଇନିଃ ଏନାକେ ପୁରାଏୟା । ୭ ଆପେ ସବେନ୍‌କ ସବେନ୍ ଇମ୍‌ତା ଆଇଁୟାଃ ମନ୍‌ସୁରୁଦ୍‌ରେ ମେନାପେୟା, ଏନା ନାଗେନ୍ତେ ଆପେୟାଃ ବିଷାଏରେ ନେ'ଲେକାଇଙ୍ଗ୍ ଉଡ୍‌ଷ୍ଟୁକେଦା । ଆଇଙ୍ଗ୍ ତନଲ୍‌ହେତେ ରାଡ୍‌କାନ୍ ଦିପିଲିରେ ଆତଃ ନାହିଁଃ ନେ ଜେହେଲ୍ଲାକାନ୍ ଦିପିଲିରେ, ନେ ବାରାନାଃରେ ସୁକୁକାଜିରେୟାଃ ସାନାର୍‌ଚିରେ ଡିଙ୍ଗ୍‌କେଟେଦ୍ ଆତଃ ଏଟାଃକକେ ଉଦ୍‌ବ୍‌ରେୟାଃ ଅକ ସୁୟୋଗ୍ ପାର୍‌ମେଶ୍ୱାର୍ ଏମାକାଦିୟାଁଏ, ଏନାରେ ଆପେ ସବେନ୍‌କ ହିସାପେ ନାମାକାଦା । ୮ ଚିଆଃତି ଯୀଶୁ ଖ୍ରୀଷ୍ଟ୍‌ଆଃ ଇକିରାନ୍ ଦୁଲ୍ଲାଡ୍ ହରାତେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ଚିଲ୍‌କାଇଙ୍ଗ୍ ତେତାଙ୍ଗ୍ ତାନା, ଏନ୍ ବିଷାଏରେ ପାର୍‌ମେଶ୍ୱାର୍ ଆଇଁୟାଃ ଗାଝା ତାନିଃ ।

☆ ୧:୧ ୧:୧ ପ୍ରେରିତ୍ ୧୭:୧୨.

୯ ଆଇଙ୍ଗ୍ ବିକ୍ରିତାନାଇଙ୍ଗ୍, ଆପେୟାଃ ଦୁଲାଡ଼ ସାର୍ତ୍ତି ସେଣ୍ଟାଲଃ ଆତଃ ଆଟ୍ଟକାର୍ତ୍ତରୁମଃଃଃ ମିସାତେ ପୁରାଃଃ ହାରାଇଦିୟଃକା । ୧୦ ଏନାତେ ଆପେ ଅକ୍ନାଃ ବୁଗିନାଃ ତାନାଃ ଏନାପେ ଆଟ୍ଟକାର୍ତ୍ତରୁମ୍ ଦାଡ଼ିୟା । ଏନ୍ତେ ଆପେ ଖ୍ରୀଷ୍ଟୁଆଃ ହିନିନ୍ତୁଃ ହୁଲାଙ୍ଗ୍ରେ ସବେନ୍ ଲେକାନ୍ ସତ୍ତାଏତେ ଫାର୍ତି ଆତଃ କା ଚିଟାକାନ୍ ତାଇନାଃପେ । ୧୧ ପାର୍ଟମେଶ୍ୱାର୍ଆଃ ମାନାରାଙ୍ଗ୍ ଆତଃ ସାହାରାଅ ନାଗେନ୍ତେ ଆପେୟାଃ ଜୀବାନ୍ ଯୀଶୁ ଖ୍ରୀଷ୍ଟୁଆଃ ଏମାକାନ୍ ସବେନ୍ ବୁଗିନ୍ ଗୁନ୍ତେ ପେରେଜଃଆ ।

ବାସ୍ତାଅରେୟାଃ ମୁଣ୍ଡିଦ ଖ୍ରୀଷ୍ଟ

୧୨ ହେ ଦୁଲାଡ଼ ହାଗା ମିଶିକ, ଆଇଙ୍ଗ୍ ନେଆଁ ସାରିପେ ମେନ୍ତେଇଙ୍ଗ୍ ସାନାଙ୍ଗ୍ତାନା, ଅକନ୍ କାଜିକ ଆଇୟାଃରେ ହବାକାନା, ଏନା ସୁକୁକାଜିକେ ଆୟାର୍ତେ ଇଦି ନାଗେନ୍ତେ ଦେଙ୍ଗାକାଦା । ୧୩ ଏନାତେ, ମାହାଲକେ ହରତାନ୍ ନେତାଃରେନ୍ ସବେନ୍ଦକ ଆତଃ ଏଗାଃ ସବେନ୍ଦକ ସାରିୟାଃକ ଯେ, ଆଇଙ୍ଗ୍ ଖ୍ରୀଷ୍ଟୁଆଃ ଦାସି ହବାକାନ୍ ହରାତେ ନାହାଁଃ ଜେହେଲ୍ଲରାଃ ସିକ୍ତିତେଇଙ୍ଗ୍ ତଲାକାନା । ୧୪ ମେନ୍ଦ ଆଇଙ୍ଗ୍ ଜେହେଲ୍ଲରାଃ ସିକ୍ତିତେଇଙ୍ଗ୍ ତଲାକାନ୍ ହରାତେ ପୁରାଃ ବିଶ୍ୱାସୀ ହାଗା ମିଶିକଆଃ ବିଶ୍ୱାସ ପ୍ରାଭୁରେ ପୁରାଃଃ ହବାକାନା, ଆତଃ ନେ ହରାତେ ବେଗାର୍ ବରତାନ୍ଲଃ ପାର୍ଟମେଶ୍ୱାର୍ଆଃ ବାଟାନ୍ ଉଦୁଦ୍ ନାଗେନ୍ତେ ଇନ୍ଦକୁଆଃ ଜୀଉରେ କେଟେଦ୍ ହବାକାନା ।

୧୫ ଇନ୍ଦକୁଏତେ ଚିମିନ୍ ହଡ଼କ ଖ୍ରୀଷ୍ଟୁଆଃ ବିଷାଏରେ ହିସଙ୍ଗାତାନ୍ଲଃ ଆତଃ ଏପେରାଙ୍ଗ୍ତାନ୍ଲଃ ବାଟାନ୍ ହାଟିଙ୍ଗ୍ତାନାକ, ମେନ୍ଦ ଚିମିନ୍ ହଡ଼କ ଖ୍ରୀଷ୍ଟୁ ବିଷାଏରେ ଫାର୍ତି ମନ୍ତେ କାମିତାନାକ । ୧୬ ଇନ୍ଦକୁ ଦୁଲାଡ଼ତାନ୍ ହରାତେ ବାଟାନ୍ ଉଦୁଦ୍ତାନାକ । ପାର୍ଟମେଶ୍ୱାର୍ ଆଇଙ୍ଗ୍କେ ସୁକୁକାଜି ବାସ୍ତାଅରାଃ କାମି ଏମାକାଦିୟା, ଏନା ସାରିତାନାକ । ୧୭ ଏଗାଃକ ଫାର୍ତିମନ୍ତେ ଖ୍ରୀଷ୍ଟୁଆଃ ବାଟାନ୍ କାକ ଉଦୁଦ୍, ମେନ୍ଦ ଆପ୍ନାଃ ସାନାଙ୍ଗ୍କେ ପୁରାଏ ନାଗେନ୍ତେ କାମିକେଦା । ଆଇଙ୍ଗ୍ ଜେହେଲ୍ଲରାଃ ସିକ୍ତିତେ ତଲାକାନ୍ ତାଇକେନ୍ଦ ଇମ୍ତା ଆଇୟାଃ ମନ୍ତେ ପୁରାଃ ଦୁକୁ ଏମାଇଙ୍ଗ୍ ନାଗେନ୍ତେ ଇନ୍ଦକୁ ଏନ୍ଲେକା କାମି ରିକାତାନାକ ।

୧୮ ଏନାରେ ଜେତାନ୍ କାଜି ବାନଃଆ । ସାର୍ତ୍ତି ଉଦେଶ୍ରେ ହବାଃଆ ଚାଏ ଏଡ଼କାନ୍ ଉଦେଶ୍ରେ ହବାଃଆ, ଜେଡ଼ନାଃତେ ହବାଃଆ, ଖ୍ରୀଷ୍ଟୁଆଃ ବିଷାଏରେୟାଃ କାଜି ଉଦୁବଃରେ, ଆଇଙ୍ଗ୍ ରାସ୍ତାଃଆଇଙ୍ଗ୍ ଆତଃ ରାସ୍ତା କାଟେୟାଃଇଙ୍ଗ୍, ୧୯ ଚିଆଃଟି ଆଇଙ୍ଗ୍ ସାରିତାନାଇଙ୍ଗ୍ ଆପେୟାଃ ବିକ୍ତି ଆତଃ ଯୀଶୁ ଖ୍ରୀଷ୍ଟୁଆଃ ଆମ୍ବାରେୟାଃ ଦେଙ୍ଗା ହରାତେ ଆଇଙ୍ଗ୍ ତନଲ୍ହେତେ ରାଡ଼ାକାନାଇଙ୍ଗ୍ । ୨୦ ଜୀବାନ୍ତରେ ଚାଏ ଗନଏଃରେ ଆଇଙ୍ଗ୍ ଖ୍ରୀଷ୍ଟୁଆଃ କାମି ଚିଉଲାଅ କାଇଙ୍ଗ୍ ବାଗିୟା । ମେନ୍ଦ ସବେନ୍ ଇମ୍ତା ବିଶେଷକେଦ୍ତେ ନେ ଏଡ଼କାନ୍ ହୁଲାଙ୍ଗ୍କରେ ଜୀଉ କେଟେଦ୍ତାନ୍ଲଃ ପୁରାଗି ଆଇଙ୍ଗ୍ ଆଇୟାଃ ହଡ଼ମରେ ଖ୍ରୀଷ୍ଟୁକେ ମାଇନାନ୍ ରିକାୟାଇଙ୍ଗ୍, ଏନାଗି ଆଇୟାଃ ପୁରାଃ ଆସ୍ରା ଆତଃ ଭାର୍ସା ତାନା । ୨୧ ଆଇୟାଃ ଜୀନିଦ୍ରେ ଖ୍ରୀଷ୍ଟୁଗି ସବେନାଃ ତାନିଃ । ଏନାତେ ଆଇୟାଃ ନାଙ୍ଗ୍ ଗନଏଃ ପୁରାଃଃଃ ବୁଗିନାଃ ହବାଃଆ । ୨୨ ମେନ୍ଦ ଆଇଙ୍ଗ୍ ହାସା ହଡ଼ମରେ ଜୀନିଦ୍ ତାଇକେଦ୍ତେ ପୁରାଃଃଃ ଜୀନାମଃ ଲେକାଇଙ୍ଗ୍ କାମି ଦାଡ଼ିତାନ୍ତରେଦ, ଜୀବାନ୍ ଚାଏ ଗନଏଃ ଅକ୍ନାଃକେଇଙ୍ଗ୍ ସାଲାସୟା ଏନା ଆଇଙ୍ଗ୍ କାଇଙ୍ଗ୍ ସାରିଦାଡ଼ିତାନା । ୨୩ ନେ ବାରାନ୍ କାଜି ଆଇଙ୍ଗ୍କେ ବାରାନ୍ସାଃତେ ତାହୁଜିଇଙ୍ଗ୍ତାନା । ନେ ଜୀବାନ୍ ବାଗିକେଦ୍ତେ ଖ୍ରୀଷ୍ଟୁଲଃ ତାଇନଃ ନାଗେନ୍ତେ ଆଇୟାଃ ପୁରାଃଃଃ ସାନାଙ୍ଗ୍ ଆତଃ ପୁରାଃଃଃ ବୁଗିନାଃ ତାନାଃ । ୨୪ ମେନ୍ଦ ଆପେ ନାଗେନ୍ତେ ହାସା ହଡ଼ମରେ ଜୀନିଦ୍ ତାଇନଃ ଆଇଙ୍ଗ୍କେ ପୁରାଃଃଃ ଲାଗାଟିଙ୍ଗ୍ୟାଃ । ୨୫ ନେଆଁ ଆଇଙ୍ଗ୍ ସାର୍ତ୍ତିଗିଙ୍ଗ୍ ସାରିତାନା, ଆଇଙ୍ଗ୍ ଆପେ ସବେନ୍ଦକଲଃ ତାଇନାଇଙ୍ଗ୍, ଆତଃ ଆପେକେ ବିଶ୍ୱାସ୍ରେଇଙ୍ଗ୍ ହାରାଇଦିପେୟା ଆତଃ ଜୀଉରେ ରାସ୍ତା ନାମେ ନାଗେନ୍ତେଇଙ୍ଗ୍ ଦେଙ୍ଗାପେୟା । ୨୬ ତାଦ୍, ଆଇଙ୍ଗ୍ ଆପେଲଃଆତଃମିସା ତାଇନ୍ତେ, ଆପେ ଜୀବାନ୍ତରେ ଖ୍ରୀଷ୍ଟୁଲଃ ମେନେସାରେ ତାଇନ୍ ହରାତେ ଆଇୟାଃ ନାଙ୍ଗ୍ ପୁରାଃଃଃ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ଦାଡ଼ିୟାଃପେ ।

୨୭ ଆଇଙ୍ଗ୍ ଆପେକେ ନେନେଲ୍ ନାଗେନ୍ତେ ସେନ୍ ଦାଡ଼ି ଚାଏ କା ଦାଡ଼ି, ନାହାଁଃ କାଜି ହବାଃଆତାନା, ଆପେ ଖ୍ରୀଷ୍ଟୁଆଃ ସୁକୁକାଜିରେୟାଃ ଲାଗାଟିଙ୍ଗ୍ ଲେକାଗି ଜୀବାନ୍ ବିତାଏପେ, ଜେଲେକାଟି ଆଇଙ୍ଗ୍ ଆୟୁମେୟାଇଙ୍ଗ୍ ଯେ ଆପେ ମିଆଁଦ୍ ଆମ୍ବାରେ ତିଙ୍ଗ୍ କେଟେଦ୍କାନାପେ ଆତଃ ମିଆଁଦ୍ ଉଦ୍ସାଲଃ ଆପେ ସୁକୁକାଜିରେୟାଃ ବିଶ୍ୱାସ୍ ନାଗେନ୍ତେ ମିସାତେ ଲାଡ଼ାଇତାନାପେ । ୨୮ ଆପେୟାଃ ବାଜରିକକେ ଆଲପେ ବରକଆ, ସବେନ୍ ଇମ୍ତା ଜୀଉ କେଟେଦ୍କେଦ୍ତେ ତାଇନ୍ତେ । ଏନାରେ, ଇନ୍ଦକୁ ସାରି ଦାଡ଼ିୟାକ ଯେ, ଇନ୍ଦକୁଆଃ ହାରାଅ ସାର୍ତ୍ତି ତାନାଃ ଆତଃ ଆପେ ଜିତାଃଆଃପେ, ଚିଆଃଟି ପାର୍ଟମେଶ୍ୱାର୍

* ୧:୧୩ ୧:୧୩ ପ୍ରେରିଡ଼ ୨୮:୩୦.

ଆପେକେ ଜିନିତାଅ ଏମାପେୟାଏ । ୨୯ ତିଆଃତି ଶ୍ରୀଷ୍ଟତାଃରେ ବିଶ୍ୱାସକେଦ୍ ହରାତେ ଏସ୍ୱକାର୍ କାଗି, ମେନ୍ଦ୍ ଆୟାଃ ନାଗେନ୍ତେ ଦୁକୁ ସାହାତିଙ୍ଗକେଦ୍ ହରାତେ ଆପେକେ ଶ୍ରୀଷ୍ଟକେ ସେଞ୍ଜା ନାଗେନ୍ତେ ସୁୟୋଗ୍ ଏମାକାନା । ୩୦ *ନାହାଃ ନେ ଲାଡ଼ାଇରେ ଆପେ ଆଇଁୟାଃଲଃ ମେସା ଦାଡ଼ିୟଃଆପେ । ସିଦା ଦିପିଲିରେ ଆପେ ଆଇଙ୍ଗକେ ଜେ'ଲେକା ଲାଡ଼ାଇତାନ୍ ନେଲାଇଦିଙ୍ଗ ତାଇକେନାପେ, ନାହାଃ ଜାକେଦ୍ ଆଇଙ୍ଗ ଏନ୍ ଲାଡ଼ାଇରେ ମେନାଇୟାଁ ମେନ୍ତେ ଆପେ ଆୟୁମ୍‌କାଦାପେ ।

୨

ଶ୍ରୀଷ୍ଟଆଃ ଲେବେୟେନ୍ ଆତଃ ମାରାଙ୍ଗ୍‌ୟେନ୍

୧ ଆପେ ଶ୍ରୀଷ୍ଟଆଃ ମେନେସା ହରାତେ ଆପେୟାଃ ଜୀଦାନ୍‌ରେ କେଟେଦ୍‌କାନାପେ, ଆତଃ ଆୟାଃ ଦୁଲାଡ୍ ଆପେକେ ଜୀଉରାଡ଼େଃ ଏମାପେତାନାଏ । ଆପେ ପାବିତାର୍ ଆମ୍‌ଲଃ ମେନେସାରେ ମେନାପେୟା ଆତଃ ଆପେୟାଃ ମିହୁଡ୍ ଆତଃମିହୁଡ୍‌ଲଃ ଲିନିବୁଇ ଆତଃ ଦାୟା ମେନାଃ । ୨ ଏନାତେ ଆଇଙ୍ଗ ଆପେକେ ବିନ୍ତ୍ରିତେ ତାନାଇଙ୍ଗ୍, ମିଦ୍ ଉଡ଼୍‌ରେ, ମିଦ୍ ଦୁଲାଡ୍‌ରେ, ମିଦ୍ ଜୀଉରେ ଆତଃ ମନ୍‌ରେ ତାଇନ୍‌କେଦ୍‌ତେ ଆପେ ଆଇଙ୍ଗକେ ପୁରାଃତେ ସୁକୁଇଙ୍ଗ୍‌ପେ । ୩ ଆପ୍‌ନାଃ ସାନାଙ୍ଗ୍ ପୁରାଃ ନାଗେନ୍ତେ ଚାଏ ମାରାଙ୍ଗ୍‌ୟେନ୍ ନାଗେନ୍ତେ ଜେତାନ୍ କାମି ଆଲପେ କାମିୟାଁ । ମେନ୍ଦ୍ ଏଟାଃକକେ ଆପାନ୍‌ତାଃଏତେ ମାରାଙ୍ଗ୍ ନେଲକେଦ୍‌ତେ, ମିହୁଡ୍ ଆତଃମିହୁଡ୍‌ଲଃ ସବେନ୍ ଇମ୍‌ତା ଲେବେଃ ମନ୍‌ରେ ତାଇନ୍‌ପେ । ୪ ଆତଃ ମିହୁଡ୍ ହଡ୍ ଆପ୍‌ନାଃ ନାଗେନ୍ତେ ଏସ୍ୱକାର୍ କା ଉଡ଼୍‌କେଦ୍‌ତେ ଏଟାଃକଆଃ ନାଗେନ୍ତେୟ ଉଡ଼୍‌ଗେକାଏ । ୫ ଯୀଶୁ ଶ୍ରୀଷ୍ଟଆଃ ମନ୍ ଉଡ଼୍ ଲେକାଗି ଆପେୟାଃ ମନ୍ ଉଡ଼୍ ହବାଅଃକା । ୬ ଇନିଃ ପାର୍‌ମେଶ୍ୱାର୍ ତାଇନ୍‌ରେୟ, ପାର୍‌ମେଶ୍ୱାର୍‌ଲଃ ମିଦ୍ ଜକାଗି ତାଇନଃ ନାଙ୍ଗ୍ କାଏ ମନେକେଦା । ୭ ମେନ୍ଦ୍ ଇନିଃ ଆପ୍‌ନାଃ ଇଛାସାନାଙ୍ଗ୍‌ତେ ସବେନାଃ ବାଗିକେଦାଏ, ଆତଃ ଦାସି ଲେକାଏ ବାଇୟାନା ଏନ୍ତେ ମାନାଏ ରୁପ୍‌ରେ ଜାନାମୟାନା । ୮ ଇନିଃ ଆଇଃକ୍‌ଗି ଲେବେଃ ମନ୍‌ତେ ହବାୟାନ୍‌ଲଃ ଆତଃ ସବେନ୍ ଗନ୍‌ଏଃରେୟାଃ ହରାରେ ଆୟାଃ କୁଗିରାଃ ଗନ୍‌ଏଃ ଜାକେଦ୍ କାଜି ମାନାଡିୟେନ୍ ଲେକାଏ ହବାୟାନା । ୯ ଏନାମେନ୍ତେ ପାର୍‌ମେଶ୍ୱାର୍ ଇନିଃକେ ସବେନାଃଏତେ ଚେତାନ୍ ଠାୟାଦ୍‌ତେ ଉଠାଅକିୟା, ଆତଃ ଏଟାଃ ସବେନ୍ ନୁଡୁମ୍‌ଏତେ ଆୟାଃ ନୁଡୁମ୍ ସବେନାଃଏତେ ଚେତାନ୍‌ରେ ଏମ୍‌କେଦା । ୧୦ ଏନାତେ ଯୀଶୁଆଃ ନୁଡୁମ୍‌ରେୟାଃ ମାଇନାନ୍ ନାଗେନ୍ତେ ସିମା, ଅତେ, ଆତଃ ଅତେଦିଶ୍ୱମ୍‌ରେ ଲାଡ଼ାର୍‌ରେ ତାଇନ୍‌ତାନ୍ ସବେନ୍‌କ ଆୟାଃ ଆୟାର୍‌ରେ ଇକ୍‌ତୁୟାନ୍ତେ ଉୟୁଗଃଆକ, ୧୧ ଆତଃ ସବେନ୍ ହଡ୍‌କ ଯୀଶୁ ଶ୍ରୀଷ୍ଟଗି ପ୍ରାଭୁ ତାନିଃ ମେନ୍ତେ ଉଦ୍‌ବତାନ୍‌ଲଃ ଆବା ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ରିକାୟାକ ।

ଅତେଦିଶ୍ୱମ୍‌ରେ ମାସ୍ତାଲ୍ ଲେକା ଜୁଲଃପେ

୧୨ ତାବ୍‌ଦ୍ ହେ ଦୁଲାଡ୍ ହାଗା ମିଗିକ, ଆଇଙ୍ଗ ଆପେଲଃ ତାଇନ୍‌ତାନ୍ ଦିପିଲିରେ ଆପେ ଜେ'ଲେକା ସବେନ୍ ଇମ୍‌ତା ମାନାଡିଙ୍ଗ୍ ତାଇକେନାପେ, ନାହାଃ ଆଇଙ୍ଗ୍ ଆପେତାଃଏତେ ସାଙ୍ଗିନ୍‌ରେ ତାଇନଃତାନ୍ ଦିପିଲିରେୟ ପୁରାଃଗି ବର ଆତଃ ଏକ୍‌ଲାଅଃତାନ୍‌ଲଃ ଆପେୟାଃ ଜୀଉବାସ୍ତାଅ ପୁରାଏପେ । ୧୩ ତିଆଃତି ପାର୍‌ମେଶ୍ୱାର୍ ଆପେ ଆଲରେ କାମିତାନା । ଇନିଃକେ ସୁକୁଇତି ଲେକା କାମି ନାଗେନ୍ତେ ଇନିଃ ଆପେକେ ଇଛାସାନାଙ୍ଗ୍ ଏମାଃଏ ଆତଃ ଏନା ରିକାଏ ନାଗେନ୍ତେ ପେଡ଼େଃହ୍ ଏମାଃଏ ।

୧୪ ବେଗାର୍ କାଜି କେସେଦ୍‌ତେ ଆତଃ କାପ୍‌ଜିତେ ସବେନ୍ କାମି ରିକାଏପେ । ୧୫ ଏନାରେ, ଆପେ ବେଗାର୍ ଚିତାକାନ୍ ଆତଃ ପାର୍‌ମେଶ୍ୱାର୍‌ଆଃ ଫାଡ୍‌ତିଆକାନ୍ ହନ୍‌କପେ ହବାଅଃଆ । ମେନ୍ଦ୍ ନେ ଅତେଦିଶ୍ୱମ୍‌ରେ ଜିୟନଃତାନ୍ ଏଡ୍‌କାନ୍ ହଡ୍‌କ ଆଲରେ ତାଇନଃତାନାପେ, ଏନାତେ ଆପେ ଇନ୍‌କୁକେ ଜୀଦାନ୍ ଏମାଃରେୟାଃ ବାତାନ୍ ଉଦ୍‌ବକ ଇମ୍‌ତା ରିମିଲ୍‌କେ ମାର୍‌ସାଲେତାନ୍ ଇପିଲ୍‌କ ଲେକା ଇନ୍‌କୁଆଃ ଆୟାର୍‌ରେ ଜୁଲଃ ଲାଗାଡିଙ୍ଗ୍‌ୟାଃ । ୧୬ ଏଟାଃକତାଃରେ ଜୀଦାନ୍ ଏମାଃ କାନାଜି ଉଦ୍‌ବେ ଇମ୍‌ତା, ଆପେ ସିମାକେ ମାର୍‌ସାଲେତାନ୍ ଇପିଲ୍‌କ ଲେକା ହବାଅଃ ଲାଗାଡିୟାଁ । ଆପେ ନେ'ଲେକା ହବାଅଃରେଦ୍, ଶ୍ରୀଷ୍ଟ ହୁଲାଙ୍ଗ୍‌ରେ ଆପେୟାଃ ବିଷାଏରେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନା, ତିଆଃତି ନେଆଁଲଃ ଉଦ୍‌ବଃଆ ଯେ, ଆଇଁୟାଃ ସବେନ୍ କେଟେଦ୍ କାମି କା ସାମାଏଶ୍ୱାଃ କାନା ।

୧୭ ହବାସାକାଅଆଃ ପାର୍‌ମେଶ୍ୱାର୍‌ଆଃ ଉଦେଶ୍‌ରେ ଆପେୟାଃ ବିଶ୍ୱାସ୍ ଲେକାନ୍ ସେଞ୍ଜାରାଃ ଦାଶେଁରେ ଆଇଁୟାଃ ଜୀଦାନ୍‌ରେୟାଃ ମାୟୋମ୍‌କେ ହ୍ ଆଇଙ୍ଗକେ ଏମାଃ ଲାଗାଡିଙ୍ଗ୍‌ୟାଃ । ଏନାମେନ୍ତେ ଆଇଙ୍ଗ୍ ରାସ୍‌କାଅଃତାନାଇଙ୍ଗ୍ ଆତଃ ଆଇଁୟାଃ ନେ ରାସ୍‌କାରେ ଆପେ ମେସାନ୍‌ପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ୧୮ ଏନ୍ ଲେକାଗି, ଆପେୟାଃ ରାସ୍‌କାଅଃପେ ଆତଃ ଆପେୟାଃ ରାସ୍‌କା ଆଇଁୟାଃଲଃ ହାଡିୟେପେ ।

* ୧:୩୦ ୧:୩୦ ପ୍ରେରିଡ୍ ୧୬:୧୯-୪୦.

ତାମଥି ଆତଃ ଏପାପ୍ରାଦିତ୍

୧୯ ପ୍ରାଭୁ ଯାଶୁଆଃ ସାନାଙ୍ଗ ହବାଅଃରେଦ, ଆପେତାଃତେ ତାମଥିକେ ଜାଲ୍‌ଦିଗିଇଙ୍ଗ କୁଲିୟା ମେନ୍ତେଇଙ୍ଗ ଆସ୍ରାଏତାନା । ଏନାତେ ଆପେୟାଃ ବିଷାଏରେ କାଜି ଆୟୁମକେଦ୍‌ତେ ରାସ୍‌କାଅଃଆଇଙ୍ଗ । ୨୦ ଜନିୟାଃ ମନ୍‌ରାଃ ଉଡ଼ୁକ ଆଇଁୟାଃ ଲେକା ମେନାଃ ଆତଃ ସାର୍‌ତିଗି ଜନିଃ ଆପେୟାଃ ବିଷାଏରେ ଉଡ଼ୁତାନା । ୨୧ ଏତାଃ ସବେନକ ଯାଶୁ ଖ୍ରୀଷ୍ଟୁଆଃ ବିଷାଏରେ କା ଉଡ଼ୁକେଦ୍‌ତେ ଆକଆଃ ଆପ୍‌ନାଃ ବିଷାଏରେ ଉଡ଼ୁତାନାକ । ୨୨ ଆପେ ସାରିତାନାପେ ଯେ ତାମଥି ଚିଲ୍‌କାନ ହଡ଼ ତାନିଃ । ହନ୍ ଜେ ଲେକା ଆପୁଆଃ ସୁସାର୍ ରିକାଃଏ, ଏନ୍‌ଲେକାଗି ଜନିଃ ଆଇଁୟାଃଲଃ ମିସାତେ ସୁକୁକାଜି ଉଦୁବ୍ ଜମ୍‌ତା ଆଇଁୟାଃ ସୁସାର୍ ରିକାକାଦାଏ । ୨୩ ଆଇଁୟାଃ ଚିକ୍‌ନାଃ ହବାଅଃରେ ସେନଃତାନା, ଏନା ସାରିକେଦ୍‌ତି ଆଇଙ୍ଗ ଜନିଃକେ ଆପେତାଃତେ କୁଲିୟାଇଙ୍ଗ ମେନ୍ତେଇଙ୍ଗ ଆସ୍ରାକାଦା । ୨୪ ଆତଃ ଆଇଙ୍ଗ ପ୍ରାଭୁତାଃରେ ବିଶ୍ୱାସ୍‌ତାନାଇଙ୍ଗ ଯେ, ଆଇଙ୍ଗ ଜାଲ୍‌ଦିଗି ଆପେତାଃତେଇଙ୍ଗ ହିଜୁଃ ଦାଡ଼ିୟା ।

୨୫ ଆଇଁୟାଃ କାମିରେ, ଆଇଁୟାଃ ଲାଗାତିଙ୍ଗ୍‌ତେୟାଃକ ପୁରାଏ ନାଙ୍ଗ ଆଇଙ୍ଗକେ ଦେଙ୍ଗାଇଙ୍ଗ ନାଗେନ୍ତେ ଆପେୟାଃ କୁଲକାନ ହାଗା ଏପାପ୍ରାଦିତ୍‌କେ ଆପେତାଃତେ କୁଲି ନାଙ୍ଗ ବୁଗିନାଃ ହବାଅଃଆ ମେନ୍ତେଇଙ୍ଗ ଆବ୍‌କାରେତାନା । ୨୬ ଜନିଃ ଆପେ ସବେନକକେ ନେନେଲ୍ ନାଗେନ୍ତେ ପୁରାଃଗି ସାନାଙ୍ଗ୍‌ତାନା ଆତଃ ଆପେ, ଜନିଃ କାଏ ସୁକୁତାନା ମେନ୍ତେ କାଜି ଆୟୁମକେଦ୍‌ ହରାତେ ଜନିଃ ପୁରାଃଗି ମନ୍‌ରେ ଦୁକୁୟାନା । ୨୭ ସାର୍‌ତି କାଜିଲେରେ, ଜନିଃ ବେମାର୍ ତାଇକେଦ୍‌ତେ ଗଜଃଲେକାଏ ହବାକାନ୍ ତାଇକେନା । ମେନ୍‌ଦ ପାର୍‌ମେଶ୍ୱାର୍ ଜନିଃକେ ଦାୟାକିୟା । ଜନିଃକେ ଏସ୍‌କାର୍ କାହାଗି, ମେନ୍‌ଦ ଆଇଁୟାଃ ଚେତାନ୍‌ରେୟାଗି ଆୟାଃ ଦାୟା ତାଇକେନ୍ ହରାତେ ଆଇଙ୍ଗକେ ଦୁକୁ ଚେତାନ୍ ଦୁକୁ ସାହାତିଙ୍ଗ୍ ନାଙ୍ଗ୍ କାଏ ଏମାଦିୟା । ୨୮ ଆଇଙ୍ଗ ଜନିଃକେ ଆପେତାଃତେ କୁଲି ନାଙ୍ଗ ପୁରାଃଗିଇଙ୍ଗ ସାନାଙ୍ଗ୍ ତାଇକେନା, ତିଆଃତି ଆପେ ଜନିଃକେ ଆତଃମିସା ନେଲ୍‌କେଦ୍‌ତେ ପୁରାଃଗିପେ ରାସ୍‌କାନା ଆତଃ ଆଇଁୟାଃ ଦୁକୁହଗି ଅହରାଅକଆ । ୨୯ ଏନାତେ ମିଆଁଦ୍ ପ୍ରାଭୁଆଃ ବିଶ୍ୱାସ୍‌ ହାଗା ଲେକା ଆପେ ଜନିଃକେ ସୁକୁତେ ଦାର୍‌ମିପେ ଆତଃ ଆୟାଃ ଲେକାନ୍ ସବେନ୍ ହଡ଼କକେ ମାଇନ୍‌କପେ । ୩୦ ତିଆଃତି ଆପେ ଆଇଙ୍ଗକେ ଅକ ଦେଙ୍ଗା କାପେ ଏମ୍ ଦାଡ଼ିୟାନା, ଏନା ପୁରାଏ ନାଗେନ୍ତେ ଜନିଃ ଖ୍ରୀଷ୍ଟୁଆଃ କାମିରେ ଆପ୍‌ନାଃ ଜାଉକେ ସାଙ୍ଗାବ୍‌ରେ ଉୟୁଃକେଦ୍‌ତେ ଗଜଃଲେକାଏ ହବାକାନ୍ ତାଇକେନା ।

୩

ସାର୍‌ତି ଧାର୍‌ମାନ୍

୧ ଚୁଶ୍‌ରୁରେ, ହେ ହାଗା ମିଶିକ, ପ୍ରାଭୁଲଃ ମେସାକାନ୍ ହରାତେ ଆପେ ରାସ୍‌କାଅଃପେ । ଆଇଙ୍ଗ ସିଦାରେ ଅଲ୍‌କାଦ୍‌ତେୟାଃ, ଆତଃମିସା କାଜି ନାଗେନ୍ତେ କାଇଙ୍ଗ ଲାଗାଅଃଆ, ତିଆଃତି ଆପେୟାଃ ବୁଗିନାଃ ନାଗେନ୍ତେ ନେଆଁଏ ଦେଙ୍ଗାପେୟା । ୨ ଏଡ଼କାନ୍ କାମିରେ ମେନାକଆ, ଏନ୍ ସେତାକଆଃଏତେ ଆତଃ ବାଞ୍ଛାଅଃ ନାଗେନ୍ତେ ଅକନ୍‌କ ଲାଗାତାର୍ ଖାଡ଼ନାଅରେୟାଃ କାଜି କାଜିୟାଃକ, ଏନ୍ କା ବିଶ୍ୱାସ୍‌ତାନ୍ ହଡ଼କ ଲେକା କାମିତାନ୍‌କଆଃଏତେ ଚିର୍ଗାଲ୍‌କାନ୍ ତାଇନ୍‌ପେ । ୩ ତିଆଃତି ଆବୁ ଖାଡ଼ନାଅକାନ୍‌କ ତାନ୍‌ବୁ ମେନ୍‌ଦ ଜନ୍‌କୁ ନାହାଁଲାଇ । ଆବୁ ପାବିତାର୍ ଆମ୍‌ରାଃ ଦେଙ୍ଗାତେ ପାର୍‌ମେଶ୍ୱାର୍‌କେ ସେଞ୍ଜାତାନାବୁ ଆତଃ ଖ୍ରୀଷ୍ଟୁ ଯାଶୁଲଃ ମେସାକେଦ୍‌ତେ ରାସ୍‌କାଅଃ ତାନାବୁ । ହାସା ହଡ଼ମ୍‌ରେୟାଃ ନେପେଲ୍ ରିତିରିଖାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆବୁଆଃ ଆସ୍ରା ବାନଃଆ । ୪ ସାର୍‌ତିଗି ଏନ୍ ସବେନାଃରେ ଆସ୍ରା ଦହ ନାଗେନ୍ତେ ଆଇଁୟାଃ ନାଙ୍ଗ ବୁଗିନାଃ ହବାଅଃତେୟାଃ । ଜେତାଏ ହାସା ହଡ଼ମ୍‌ରେୟାଃ ନେପେଲ୍ ରିତିରିଖାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆସ୍ରାଏ ରେଦ, ଏନ୍‌ଲେକା କାମି ନାଗେନ୍ତେ ଆଇଁୟାଃ ପୁରାଃଗି ଆସ୍ରା ମେନାଃ । ୫ *ଆଇଁୟାଃ ଜାନାମ୍‌ରାଃ ଜରିଲ୍‌ମାହାଁରେ* ଆଇଙ୍ଗ ଖାଡ଼ନାଅୟାନାଇଙ୍ଗ୍, ଆଇଙ୍ଗ ଇସ୍ରାଏଲ୍‌ରେନ୍ ବେଞ୍ଜାମିନ୍ କିଲିରେଇଙ୍ଗ ଜାନାମ୍‌ୟାନା, ଆତଃ ସାର୍‌ତି ଏବ୍ରୀ ତାନିଙ୍ଗ । ଯିହୁଦୀକଆଃ ଆନ୍‌ବୁ ମାନାତିଙ୍ଗ୍‌ରେ ଆଇଙ୍ଗ ମିୟାଦ୍ ପାରୁଶୀ ହଡ଼ତାନିଙ୍ଗ । ୬ *ଆତଃ ଆଇଁୟାଃ ଚିହ୍ନଲେଲ୍ କାଜି ମେନାଃରେଦ, ଆଇଙ୍ଗ ମିହୁଡ଼୍ କାଲିସିୟାକେ ସିରିଦ୍ ହଡ଼ ତାଇକେନାଇଙ୍ଗ । ଆନ୍‌ବୁ ମାନାତିଙ୍ଗ୍‌କେଦ୍ ହରାତେ ମିହୁଡ଼୍ ହଡ଼ ଧାର୍‌ମାନ୍ ହବାଦାଡ଼ିୟାଃରେଦ ଆଇଙ୍ଗ୍ ବେଗାର୍ ତିତାଅଃନିଃ ତାଇକେନାଇଙ୍ଗ । ୭ ମେନ୍‌ଦ ଅକ ସବେନାଃ ଆଇଙ୍ଗ ବୁଗିନାଃ ମେନ୍ତେ ଆବ୍‌କାରେ ତାଇକେନାଇଙ୍ଗ, ଏନାକେ ନାହାଁଃ ଆଇଙ୍ଗ୍ ଖ୍ରୀଷ୍ଟୁ ନାଗେନ୍ତେ ସାମାକାଜି ଲେକାଇଙ୍ଗ୍ ଆବ୍‌କାରେତାନା । ୮ ଏନାକ ଏସ୍‌କାର୍ କାଗି, ଆଇଁୟାଃ

* ୩:୫ ୩:୫ ରୋମି ୧୧:୧; ପ୍ରେରିଡ଼୍ ୨୩:୨; ୨୬:୫. * ୩:୫ ୩:୫ ଆବ୍ ଦିନ୍‌ରେ * ୩:୬ ୩:୬ ପ୍ରେରିଡ଼୍ ୮:୩; ୨୨:୪; ୨୬:୯-୧୧.

ପ୍ରାଭୁ ଯୀଶୁ ଖ୍ରୀଷ୍ଟଙ୍କେ ସାରିକିଃ ହରାତେ ଅକନ୍ ପୁରାଃ ଗନଙ୍ଗ୍‌ଆଁନ୍ ସେଣାଁ ନାମାକାଦାଈଙ୍ଗ୍, ଏନାଲଃ ଜକାଲେରେ ଏଗଃ ସବେନାଃକେ ଆଇଙ୍ଗ୍ ନାହାଁଃ ସାମାକାଜି ଲେକାଈଙ୍ଗ୍ ଆଟ୍‌କାରେତାନା । ଖ୍ରୀଷ୍ଟଙ୍କେ ନାମି ନାଗେନ୍ତେ ଆଇଙ୍ଗ୍ ସବେନାଃକଙ୍ଗ୍ ବାରିକାଦା, ^୯ ଆତଃ ଇନିଃଲଃ ପୁରାଃତେଇଙ୍ଗ୍ ମେସାକାନା । ଜେତା ଧାର୍ମାନ୍ ଆନ୍‌ତୁ ମାନାତିଙ୍ଗ୍‌କେଦ୍‌ତେ ନାମ୍ ଦାଡ଼ିୟଃଆ, ଏନ୍ ଲେକାଦ୍ ଜେତା ଧାର୍ମାନ୍ ଆଇଁୟଃ ବାନଃଆ । ନାହାଁଃତ ଆଇଁୟଃ ଅକ ଧାର୍ମାନ୍ ମେନାଃ, ଏନା ଖ୍ରୀଷ୍ଟଙ୍କେ ବିଶ୍ୱାସ୍‌କେଦ୍ ହରାତେ ନାମାକାନା, ଏନାଦ୍ ପାର୍‌ମେଶ୍ୱାଟ୍‌ରଃଏତେ ହିଜୁଃଆ ଆତଃ ବିଶ୍ୱାସ୍‌ତେ ହବାଅଃଆ । ^{୧୦} ନାହାଁଃଦ୍, ନେଆଁଇଙ୍ଗ୍ ସାନାଙ୍ଗ୍‌ତାନା, ଆଇଙ୍ଗ୍ ଖ୍ରୀଷ୍ଟଙ୍କେ ସାରିୟାଈଙ୍ଗ୍ ଆତଃ ଆୟଃ ଜୀଉବିନିରିଦ୍‌ରଃ ପେଡ଼େଃକେଇଙ୍ଗ୍ ଆଟ୍‌କାର୍ ଦାଡ଼ିକା, ଆୟଃ ଦୁକୁହାସୁକେ ଆଟ୍‌କାର୍‌କେଦ୍‌ତେ ଗନ୍‌ଏଃରେୟ୍ ଆୟଃ ଲେକାଈଙ୍ଗ୍ ହବାଅଃକା, ^{୧୧} ଆତଃ ଆଇଙ୍ଗ୍ ଆଇଙ୍ଗ୍‌ତେଗି ଗନ୍‌ଏଃହେତେ ଜୀଉବିନିରିଦ୍‌ରଃ ଆସ୍ୱାଇଙ୍ଗ୍ ନାମେକା ।

ନିର୍‌ସେଟେରେ ଠାୟାଦ୍‌ତେ ନିରେୟାବୁ

^{୧୨} ଆଇଙ୍ଗ୍ ଏନ୍ ସବେନାଃ ସିଦାରେଇଙ୍ଗ୍ ନାମ୍ ଚାବାକାଦା ଚାଏ ଆଇଙ୍ଗ୍ ସିଦାରେଇଙ୍ଗ୍ ପକ୍‌ତାଚାବାକାନା, ମେନ୍ତେଦ୍ କାଈଙ୍ଗ୍ କାଜିତାନା । ମେନ୍‌ଦ୍ ଆଇଙ୍ଗ୍ ନାଲା ନାମେ ନାଗେନ୍ତେଇଙ୍ଗ୍ ନିରେତାନା, ଆତଃ ଯୀଶୁ ଖ୍ରୀଷ୍ଟ୍ ଆଇଃକ୍‌ଗି ଆଇଙ୍ଗ୍‌କେ ସିଦାରେ ଜିତାଅକାଦିୟାଁ । ^{୧୩} ହେ ହାଗା ମିଶିକ୍, ସାର୍‌ତିଗି, ଆଇଙ୍ଗ୍ ନିର୍‌ ସେଟେରେ ଠାୟାଦ୍‌ତେ ନାହାଁଃ ଜାକେଦ୍ ଆଉରିଙ୍ଗ୍ ସେଟେରା । ମେନ୍‌ଦ୍ ଆଇଙ୍ଗ୍ ମିୟାଦ୍ କାମିରେଗି ମେନାଈୟାଁ, ଦୟାସାଃରେ ବାରିକାଦ୍ ବିଷାଏକେ ରିଡ଼ିଙ୍ଗ୍‌କେଦ୍‌ତେ, ଅକ୍‌ନାଃ ଆୟାବ୍‌ସାଃରେ ମେନାଃ ଏନାକେ ନାମେ ନାଗେନ୍ତେ ପୁରାଃଗିଇଙ୍ଗ୍ ଚେଷ୍ଟାତାନା । ^{୧୪} ଏନାତେ ଯୀଶୁ ଖ୍ରୀଷ୍ଟ୍‌ଆଃ ଦେଙ୍ଗାତେ ସିର୍‌ମାରେୟାଃ ଜୀଦାନ୍ ନାମେ ନାଗେନ୍ତେ ପାର୍‌ମେଶ୍ୱାଟ୍ ଆଇଙ୍ଗ୍‌କେ କେଡ଼ାକାଦିୟାଁ, ଏନ୍ ନାଲା ନାମ୍ ନାଗେନ୍ତେ ନିର୍‌ ସେଟେର ଠାୟାଦ୍‌ତେ ନିରେତାନା ।

^{୧୫} ଆବୁଆଃ ଆଲାରେ ଅକନ୍‌କ ଆମ୍‌ରେ ପକ୍‌ତାକାନାକ୍, ଇନ୍‌କୁଆଃ ନେ'ଲେକା ମନ୍‌ରେ ଉଡ଼ୁ ଲାଗାଡ଼ିଙ୍ଗ୍‌ୟାଁଃ । ମେନ୍‌ଦ୍ ଜେତାଏୟାଃ ଏଗଃ ଲେକାଗି ମନ୍‌ରେ ଉଡ଼ୁ ମେନାଃରେଦ୍, ପାର୍‌ମେଶ୍ୱାଟ୍ ଆପେକେ ସବେନ୍ କାଜି ବୁଗିଲେକାଏ ଉଦୁବାପେୟା । ^{୧୬} ମେନ୍‌ଦ୍ ଅକନ୍ ସାନାର୍‌ଡ଼ିକେ ଆବୁ ତିସିଙ୍ଗ୍ ଜାକେଦ୍ ମାନାତିଙ୍ଗ୍ ଆଉ ତାନାବୁ, ନାହାଁଃ ଏନ୍ ସାନାର୍‌ଡ଼ିରେଗି ଆୟାବ୍‌ତେ ସେନାବୁ ।

^{୧୭} *ହେ ହାଗା ମିଶିକ୍, ଆଇଙ୍ଗ୍‌କେ ଅଡ଼ଙ୍ଗ୍‌ଇଙ୍ଗ୍‌ପେ ଆତଃ ଆଲେ ସେସେନ୍‌ତାନ୍ ନାମୁନା ଲେକା ଅକନ୍‌କ ସେସେନ୍‌ତାନା ଇନ୍‌କୁକେ ନେଲ୍‌କୁପେ । ^{୧୮} ସିଦାଏତେଗି ଆଇଙ୍ଗ୍ ଆପେକେ ନେ କାଜି ଚିମିନ୍‌ସାଇଙ୍ଗ୍ କାଜିକାଦ୍‌ପେୟା, ଆତଃ ନାହାଁଃହଗି ମେଦ୍ ଦାଆଃ ଲିଙ୍ଗିତାନ୍‌ଲଃ ଆତଃମିସାଇଙ୍ଗ୍ କାଜିତାନା, ପୁରାଃ ହଡ଼କ୍ ଆକ୍‌ଆଃ ଆପ୍‌ନାଃ ଜୀଦାନ୍‌ରେ ଖ୍ରୀଷ୍ଟ୍‌ଆଃ ଜୁଙ୍ଗ୍ ଗନ୍‌ଏଃରେୟାଃ ବାଇରି ବାଇଲ୍ ଚାଲାନ୍ ରିକାତାନାକ୍ । ^{୧୯} ନାରାକ୍‌ରେ ଇନ୍‌କୁଆଃ ଜୀଦାନ୍ ଜିୟନଃତେ ସେନଃତାନା । ଚିଆଃତି ଇନ୍‌କୁଆଃ ହଡ଼ମ୍‌ରଃ ଇଛାସାନାଙ୍ଗି ଆକ୍‌ଆଃ ମାହାପୁରୁ ତାନିଃ, ଅକ୍‌ନାଃ ଗିହୁଗାନ୍‌ତେୟାଃ ତାନାଃ, ଏନା ନାଗେନ୍ତେ ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ୍ କାଜିନ୍‌ତାନା । ଅତେରେୟାଃ ବିଷାଏ ନାଗେନ୍ତେ ଏସ୍‌କାର୍ ଇନ୍‌କୁ ବଡ଼ଗୁାଃକ । ^{୨୦} ଏନା ଜାହାନାଃଗି ହବାଅଃକା, ଆବୁ ସିର୍‌ମା ଦିଶ୍ଟିମ୍‌ରେନ୍‌କ୍ ତାନ୍‌ବୁ, ସିର୍‌ମାଏତେ ଆବୁଆଃ ବାସ୍ତାଅନିଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଜୁଃକେ ନେଲ୍ ହରାତାନାବୁ । ^{୨୧} ଅକନ୍ ପେଡ଼େଃ ହରାତେ ଇନିଃ ସବେନ୍ ବିଷାଏକେ ଆୟାଃ ଆପ୍‌ନାଃ ଆବ୍‌ରେ ଦହ ଦାଡ଼ିୟା । ଏନ୍ ପେଡ଼େଃକେ କାମିରେ ଲାଗାଅକେଦ୍‌ତେ, ଇନିଃ ଆବୁଆଃ ଗନ୍‌ଏଃ ହବାଅଃ ହଡ଼ମ୍‌କେ ଆୟାଃ ମାନାରାଙ୍ଗ୍ ହବାଅଃ ହଡ଼ମ୍ ଲେକାଏ ବାଈୟା ।

୪

ଇନିଦୁଏମାଃ ଆତଃ ଇନିଦୁ

^୧ ହେ ଦୁଲାଡ଼ୁ ହାଗା ମିଶିକ୍, ଆପେକେ ନେନେଲ୍ ନାଗେନ୍ତେ ଆଇଁୟଃ ପୁରାଃଗି ସାନାଙ୍ଗ୍ । ଆପେୟାଃ ନାଗେନ୍ତେ ଆଇଁୟଃ ଚିମିନ୍‌ଗି ରାସ୍‌କା ଆତଃ ଚିମିନ୍‌ଗି ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା । ହାଗା ମିଶିକ୍ ଆଇଁୟଃ ଇନିଦୁ ଲେକାତେ ପ୍ରାଭୁତାଃରେ ତିଙ୍ଗ୍‌କେଟେଦ୍‌କେଦ୍‌ତେ ଜୀଦାନ୍ ବିତାଏପେ ।

^୨ ଇୟଦିଆ ଆତଃ ସନ୍ତୁଖିକେ ଆଇଁୟଃ ବିନ୍ତି, ଇନ୍‌କିନ୍ ପାର୍‌ମେଶ୍ୱାଟ୍‌ଆଃ ଆୟାବ୍‌ରେ ମିଶିଲେକା ମିଦ୍‌ମନ୍‌କେଦ୍‌ତେ ତାଈନଃକାକିନ୍ । ^୩ ହେ ଆଇଁୟଃ ପାତିୟାବ୍‌ରଃ ଲେକାନ୍ ଗାତିରେ କାମିତାନ୍‌ନିଃ । ଆମ୍‌କେୟାରି ଆଇଁୟଃ ବିନ୍ତି, ନେ ମିଶିକ୍‌କେ ଦେଙ୍ଗାକମେ, ଚିୟାଃତି ନିକୁ କ୍ଲେମେଣ୍ଟ୍ ଆତଃ ଆଇଁୟଃଲଃ

* ୩:୧୭ ୩:୧୭ ୧ କରିଲିୟ ୪:୧୭; ୧୧:୧.

ଗାଠିରେ କାମିତାନକ, ସୁକୁକାଜି ପାର୍ତ୍ତର କାମିରେ ଆଇଙ୍ଗକେ ପୁରାଃଗି ଦେଙ୍ଗାକାଦିୟାଁକ । ନେ ସବେନକଆଃ ନୁତୁମ୍ ପାର୍ତ୍ତମେଶ୍ୱାର୍ ଆଃ ଜୀଦାନ୍ ପୁଅରେ ଅଲ୍ଲାନା ।

୪ ପ୍ରାଭୁଲ୍ଲଃ ମେସାକାନ୍ ହରାତେ ଆପେ ସବେନ୍ ଇମ୍ତାଙ୍ଗ ରାସ୍ତାଅଃପେ । ଆଇଙ୍ଗ ଆତଃମିସା କାଜିପେତାନାଇଙ୍ଗ ରାସ୍ତାଅଃପେ ।

୫ ସବେନକଲଃ ଆପେୟାଃ ଲେବେଃମନ୍ ହବାଅଃକା । ପ୍ରାଭୁଆଃ ହିନିଜୁଃ ଦିପିଲି ନାଡେଃକାନା । ୬ ଜେତାନ୍ ବିଷାଏରେ ଆଲ୍ଲପେ ଉଡୁଗୁଃ, ମେନ୍ଦ ଆପେୟାଃ ଲାଗାତିଙ୍ଗତେୟାଃକ ବିକ୍ତିରେ ପାର୍ତ୍ତମେଶ୍ୱାର୍ କେ ଆସିପେ । ମନ୍ସୁରୁଦ୍ରେ ଧାନ୍ୟାବାଦ୍ ଏମ୍ତାନଲ୍ଲଃ ଆପେୟାଃ ବିକ୍ତି ପାର୍ତ୍ତମେଶ୍ୱାର୍ କେ ଉଦୁବିପେ । ୭ ଆତଃ ମାନସାରାଃ ଆର୍ତ୍ତକାରୁତୁମ୍ବତେ ତେତାନ୍, ପାର୍ତ୍ତମେଶ୍ୱାର୍ ଆଃ ଜୀଉସୁକୁ ଶ୍ରୀଷ୍ଟ୍ ଯାଶ୍ୱିଆଃ ମେନେସାରେ ଆପେୟାଃ ମନ୍ସୁରୁଦ୍ରେ ଆତଃ ମନ୍ଦକେ ବାସ୍ତାୟା ।

୮ ଗୁଣ୍ଡୁର, ହେ ଆଇଁୟାଃ ହାଗା ମିଶିକ, ଅକ ସବେନ୍ ବିଷାଏକ ବୁଗିନାଃ ଆତଃ ମାଇନଃ ଲେକାନାଃ ତାନାଃ, ଅକଆଃ ସାର୍ତି, ମାଇନାନ୍, ଠାଉକାନ୍, ପୁରାଃ ଫାର୍ତି, ସୁଗାଡାନ୍, ଆତଃ ମାଇନଃତେୟାଃ, ଏନ୍ ସବେନାଃ ଆପେୟାଃ ଉଡୁଗୁରାଃ ବିଷାଏ ହବାଃଅକା । ୯ ଆଇଁୟାଃ କାଜି ଆତଃ କାମିତେ ଅକଆଃ ଇତୁକାନାପେ ଆତଃ ନାମାକାଦାପେ, ଏନାକେ କାମିରେ ଉଦୁବେପେ । ଏନାରେ, ଜୀଉସୁକୁ ଏମ୍ତା ପାର୍ତ୍ତମେଶ୍ୱାର୍ ଆପେଲଃ ତାଇନାଏ ।

ବାର୍ଦାନ୍ ନାଗେନ୍ତେ ଧାନ୍ୟାବାଦ୍

୧୦ ପ୍ରାଭୁଲ୍ଲଃ ମେନେସାରେ ତାଇନକେଦ୍ରେ ଜୀଦାନ୍ ବିତାଅତାନ୍ ଇମ୍ତା ଆପେ ଆଇଁୟାଃ ନାଗେନ୍ତେ ପାହାମ୍ତାନାପେ ଏନାମେନ୍ତେ ଆଇଙ୍ଗ ପୁରାଃ ରାସ୍ତାଅଃତାନାଇଙ୍ଗ । ସାର୍ତି କାଜିଲେରେ, ଆପେ ଆଇଁୟାଃ ବିଷାଏରେ ପାହାମ୍ ଆତଃ ଉଡୁ ତାଇକେନାପେ, ମେନ୍ଦ ଏନା ଉଦୁବେ ନାଗେନ୍ତେ ସୁୟୋଗ୍ କାପେ ନାମେ ତାଇକେନା । ୧୧ ଆଇଙ୍ଗ ଆପାନ୍ଦକେ ଜଞ୍ଜିଆକାନ୍ ଲେକା ଆର୍ତ୍ତକାର୍ତ୍ତକେଦ୍ରେ କାଜିଙ୍ଗ କାଜିତାନା, ତିଆଃତି ଆଇଙ୍ଗ ଆଇଁୟାଃତାଃରେ ଅକଆଃ ମେନାଃ ଇମ୍ତାନାଙ୍ଗରେରି ରାସ୍ତାଅଃ ନାଜ୍ ଇତୁକାନାଇଙ୍ଗ । ୧୨ କାଟିକାନ୍ ହବାଃଥ ଚାଏ ଥୁମ୍ ହବାଃଥ, ଏନାରେ ତିଲ୍ଲକା ସାମ୍ତାନାଙ୍ଗ୍ ହବାଃଥ ଲାଗାତିଙ୍ଗୟାଃ ଏନାଇଙ୍ଗ ସାରିକାଦା । ଏନାତେ ଜେଲେକାନ୍ ଦିପିଲିରେ, ଜେଲେକାନ୍ ପାରିସ୍ଥିତିରେ, ରେଙ୍ଗେଃତାନ୍ ଇମ୍ତା, ବିୟାକାନ୍ ଇମ୍ତା, କାଟିକାନ୍ ହବାଃଥ ଚାଏ ଥୁମ୍ ହବାଃଥ ଆଇଙ୍ଗ ସବେନ୍ ଇମ୍ତା ରାସ୍ତାରେ ମେନାଇୟାଁ । ୧୩ ଆଇଙ୍ଗକେ ପେଡେଃ ଏମ୍ତାଃନିଃ ଶ୍ରୀଷ୍ଟ୍ ଆଃ ଦେଙ୍ଗାତେ ଆଇଙ୍ଗ ସବେନାଃଇଙ୍ଗ ରିକାଦାଡ଼ିୟା ।

୧୪ ଏନ୍ରେୟ ଆଇଁୟାଃ ଦୁକୁତାନ୍ ଦିପିଲିରେ ଆଇଙ୍ଗକେ ଦେଙ୍ଗାକେଦ୍ରେ ଆପେ ପୁରାଃ ବୁଗିନ୍ କାମିପେ ରିକାକାଦା । ୧୫ ହେ ଫିଲିପ୍ପିରେନ୍ ହାଗା ମିଶିକ, ଆଇଙ୍ଗ ସୁକୁକାଜି ପାର୍ତ୍ତରରେୟାଃ ଏନେଟେଦ୍ ଦିପିଲିରେ, ଆଇଙ୍ଗ ମାକିଦନିଆ ବାଗିକେଦାଇଙ୍ଗ ଇମ୍ତା ଆପେୟାଃ କାଲିସିୟା ଏସ୍କାର୍ ଆଇଙ୍ଗକେ ଦେଙ୍ଗାକେଦିୟାଁ, ଆତଃ ଆପେ ଏସ୍କାର୍ ଆଇଁୟାଃ ଲାଗାତିଙ୍ଗତେୟାଃରାଃ ଏମ୍ତାଦେମ୍ତାରେ ହିସାପେ ହବାକାନ୍ ତାଇକେନା । ଏନା ଆପେ ବୁଗିଲେକାପେ ସାରିକାଦା । ୧୬ ଆଇଙ୍ଗ ପେୟଲିନକାରେ ତାଇକେନ୍ ଦିପିଲିରେ, ଆପେ ମିସାଏତେ ଆଦକା ଆଇଁୟାଃ ଲାଗାତିଙ୍ଗତେୟାଃକ କୁଲ୍ଲକାଦ୍ ତାଇକେନାପେ । ୧୭ ମେନ୍ଦ ଆପେତାଃଏତେ ଆଇଙ୍ଗ ଦାନ୍ ଏସ୍କାର୍ ନାମେ ନାଗେନ୍ତେ କାଜିଙ୍ଗ ସାନାଙ୍ଗ୍ତାନା, ମେନ୍ଦ ଆପେ ଜେଲେକା ପୁରାଃ ଆଦକା ନାଲାପେ ନାମେୟାଁ, ମେନ୍ତେ ଆଇଁୟାଃ ସାନାଙ୍ଗ୍ । ୧୮ ଆପେତାଃଏତେ ଆଇଙ୍ଗ ନାମାକାଦ୍ ସବେନ୍ ଦାନ୍ ନାଗେନ୍ତେ ଆଇଁୟାଃ ପୁରାଃଗି ହବାକାନା । ଏନା ଆଇଁୟାଃ ଲାଗାତିଙ୍ଗୟାଃଏତେ ଆଦକାଗି ହବାକାନା । ଆପେ ଏପାପ୍ତାଦିତ୍ ଆଃ ତିଃଇରେ କୁଲ୍ଲକାଦ୍ ଦାନ୍, ଆଇଁୟାଃ ସବେନ୍ ଲାଗାତିଙ୍ଗତେୟାଃକେ ପୁରାକାଦା, ଏନା ପାର୍ତ୍ତମେଶ୍ୱାର୍ ଆଃ ଉକେଶ୍ୱରେ ରାକାବାକାନ୍ ବୁଗିନ୍ ସହାନ୍ ଦାଗେଁ ଆତଃ ଆଇଃକ୍ ତେଲାଏ ଚାଏ ଆଇଃକ୍ କେ ସୁକୁଆଇ ଦାଗେଁ ଲେକାନାଃ ତାନାଃ । ୧୯ ଶ୍ରୀଷ୍ଟ୍ ଆଃ ହରାତେ ଆଇଁୟାଃ ପାର୍ତ୍ତମେଶ୍ୱାର୍ ଆୟାଃ ପୁରାଃ ମାନାରାଙ୍ଗ୍ତେ ଆପେୟାଃ ସବେନ୍ ଲାଗାତିଙ୍ଗତେୟାଃକ ଏନାପେୟାଏ । ୨୦ ଜାନାଥ ଜାନାଥ ଆପୁ ପାର୍ତ୍ତମେଶ୍ୱାର୍ ଆଃ ମାନାରାଙ୍ଗ୍ ହବାଃଅକା । ଆମେନ୍ ।

ଚୁଣ୍ଡି ଜହାର୍

୨୧ ଶ୍ରୀଷ୍ଟ୍ ଯାଶ୍ୱିଆଃ ନୁତୁମ୍ତେ ଏନ୍ତାଃରେ ତାଇନଃତାନ୍ ସବେନ୍ ପାର୍ତ୍ତମେଶ୍ୱାର୍ ଆଃ ହଡକକେ ଆଇଁୟାଃ ଜହାର୍ କାଜିକତାନାଇଙ୍ଗ । ଆଇଁୟାଃଲଃ ତାଇନତାନ୍ ନେତାଃରେନ୍ ହାଗା ମିଶିକ ଆପେ ସବେନକକେ ଜହାର୍ ମେନ୍ତେକ କାଜିକୁଲ୍ଲକାଦା । ୨୨ ନେତାଃରେ ତାଇନତାନ୍ ପାର୍ତ୍ତମେଶ୍ୱାର୍ ଆଃ ହଡକ,

* ୪:୧୭ ୪:୧୭ ପ୍ରେରିଡ୍ ୧୭:୧. ✧ ୪:୧୭ ୪:୧୭ ୧ କଲିସ୍ଥିୟ ୧୧:୯.

ବିଶେଷକେନ୍ଦ୍ରରେ କାଲସାର୍ଥୀ ରାଜ୍ୟାହାଲରେ ତାଲନ୍ତାନ୍ ପାରମେଶ୍ୱାର୍ଥୀ ହୃଦ୍ୱକ ଆପେକେ
ଜହାର ମେନ୍ତେକ କାଜିକୁଲକାଦା ।

^{୨୩} ପ୍ରାଭୁ ଯୀଶୁ ଖ୍ରୀଷ୍ଟାର୍ଥୀ ସାୟାଦ୍ ଆପେ ସବେନ୍କଲିଃ ଆମ୍ଭରେ ହବାଅଃକା ।

କଲସୀୟମାନଙ୍କ ନିକଟକୁ ପାଉଳଙ୍କ ପତ୍ର କଲସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିତାଉ ପାରିତାଏ

କଲସିୟ କାଲିସିୟାତେ ଅଲ୍‌କାନ୍‌ ଚିତାଉ ପାଉଲୁସ୍‌ଆଃ ହରାତେ ଅଲ୍‌କାନ୍‌, ୧:୧ । ହବାସାକାଅଥାଃ ପାଉଲୁସ୍‌, ଯୀଶୁ ଖ୍ରୀଷ୍ଟ୍‌ଆଃ ଜାନାମ୍‌ ତାୟମ୍‌ ୭୦ କରେ ରୋମ୍‌ରେ ଜେହେଲ୍‌କାନ୍‌ ତାଇକେନ୍‌ ଇମ୍‌ତା ନେ ଚିତାଉ ଅଲ୍‌କାନ୍‌ଦାଏ । କଲସିୟ ଚିତାଉଲଃ ଏଫ୍‌ସୁସ୍‌ ଆତଃ ଫିଲିପି ଚିତାଉକେ ଜେହେଲ୍‌ରେ ଅଲ୍‌କାନ୍‌ ଚିତାଉ ମେନ୍ତେ କାଜିୟାଃକ, ଚିଆଃଚି ପାଉଲୁସ୍‌ ଜେହେଲ୍‌କାନ୍‌ ତାଇକେନ୍‌ ଇମ୍‌ତା ନେ ଚିତାଉକେ ଅଲ୍‌କାନ୍‌ଦ ତାଇକେନାଏ । ଇନିଃ କଲସିୟ ସାହାର୍‌ରେ ତାଇକାନ୍‌ କାଲିସିୟାତାଃତେ ନେ ଚିତାଉ ଅଲ୍‌କାନ୍‌ଦ ତାଇକେନାଏ । ପାଉଲୁସ୍‌ ନେ କାଲିସିୟାକେ କାଏ ଏଟେଦ୍‌କାଦ୍‌ ତାଇକେନା, ୨:୧ । ମେନ୍‌ଦ ପୁରାଃ ହତ୍‌କ ଏନାରେ ଆୟାଃ ବାହାର୍‌ମ୍‌ ଲାଦିକାନ୍‌ ତାଇକେନ୍‌ କାଜି ଆଟ୍‌କାର୍‌କାଦାକ । ଏପାପ୍ରସ୍‌ ନେ କାଲିସିୟା ବାଇୟାକାଦ୍‌ ତାଇକେନାଏ, ଏନାତେ ଇନିଃ କଲସିୟରେନ୍‌ ହତ୍‌ ତାଇକେନାଏ ।

ପାଉଲୁସ୍‌ କଲସିୟ କାଲିସିୟାରେୟାଃ ଚିମିନ୍‌ ହସ୍‌ତ୍‌ ଇନିତୁ ବିଷାଏରେ ଉତ୍‌ଖୁ ତାଇକେନା । ଇନିଃ ନେ ବିଷାଏରେ ଚିତାଉ ଅଲେ ନାଗେନ୍ତେ ପୁରାଃ ଦିପିଲି ବିତାଅକାଦା । ନେଆଁରେ ହବାସାକାଅଥାଃ ମିଦ୍‌ ଝୁଣ୍ଡି ଯିହୁଦୀ ଖ୍ରୀଷ୍ଟିୟାନ୍‌, ଅକନ୍‌କଚି ଏଗାଃ ଖ୍ରୀଷ୍ଟିୟାନ୍‌କକେ ମାରି ନିୟାମ୍‌ରେୟାଃ ଯିହୁଦୀ ଆନ୍‌ତୁ ଆତଃ ଖାତ୍‌ନାଅରେୟାଃ ଚିତ୍‌ରିଖାଜ୍‌କେ ମାନାତିଜ୍‌ ନାଗେନ୍ତେ ଜାବାର୍‌ଜାସ୍ତି ରିକା ନାଗେନ୍ତେ କାଜିକ ତାଇକେନାକ । ପାଉଲୁସ୍‌, ନୁତୁମରେନ୍‌ ଏସ୍‌କାର୍‌ ଖ୍ରୀଷ୍ଟିୟାନ୍‌କଆଃ ବିଷାଏରେ ଅଲ୍‌କାନ୍‌ଦା, ମିହୁଡ୍‌ ଜେତାଏ ତାଇନଃରେୟାଃ ଖ୍ରୀଷ୍ଟ୍‌ ବେଗାଡ୍‌ ପାର୍‌ମେଶ୍ୱାର୍‌ତାଃରେ କାଏ ତେଲ୍‌ଦାରମଃଆ, ୧:୧୫-୨୦ ଆତଃ ମାନଖା ହରାତେ ବାଇୟାକାନ୍‌ ଇନିତୁ ସାମାତାନାଃ, ୨:୮ ।

ପୁଅ୍‌ ଚିତାଉରେ ତାଇକାନ୍‌ କାଜି

- ୧. କଲସିୟ କାଲିସିୟାକେ ପାଉଲୁସ୍‌ଆଃ ଜହାର୍‌ । ୧:୧-୨
- ୨. ଖ୍ରୀଷ୍ଟ୍‌ଆଃ ମାନାରାଜ୍‌ ଆତଃ ହସ୍‌ତ୍‌ ଇତୁତାନ୍‌କଆଃ ବିରୁଧ୍‌ରେ ପାଉଲୁସ୍‌ଆଃ କାଜିକଚଞ୍‌ । ୧:୩-୩:୪
- ୩. ଦୁନିନ୍‌ ଖ୍ରୀଷ୍ଟିୟାନ୍‌ ଜୀଞ୍‌ଜାନ୍‌ ବିତାଅ ନାଗେନ୍ତେ ପାଉଲୁସ୍‌ଆଃ ଆନାଚୁ । ୩:୫-୪:୬
- ୪. ପାଉଲୁସ୍‌ ନେ ଚିତାଉକେ ଏଗାଃ କାଲିସିୟାରେୟାଃ ପାଢ଼ାଅ ନାଜ୍‌ କାଜିକେଦ୍‌ତେ ଜହାର୍‌ତାନ୍‌ଲଃ ଅଲ୍‌ ଚାବାକାଦାଏ । ୪:୭-୧୮

ଜହାର୍‌

୧ ପାର୍‌ମେଶ୍ୱାର୍‌ଆଃ ସାନାଜ୍‌ ଲେକାତେ ଯୀଶୁ ଖ୍ରୀଷ୍ଟ୍‌ଆଃ ମିୟାଦ୍‌ କୁଲ୍‌କାନ୍‌ନିଃ ପାଉଲୁସ୍‌ ଆତଃ ଆବୁଆଃ ହାଗା ତୀମଥ୍‌, ୨ କଲସିୟରେ ତାଇନଃତାନ୍‌ ପାର୍‌ମେଶ୍ୱାର୍‌ଆଃ ପାବିତାର୍‌ ହତ୍‌କକେ ଆତଃ ଖ୍ରୀଷ୍ଟ୍‌ରେ ମେସାକାନ୍‌ ଆବୁଆଃ ପାତିୟାବ୍‌ରଃ ଲେକାନ୍‌ ହାଗା ମିଶିକତାଃତେ ଆଲିଜ୍‌ ନେ ଚିତାଉଲିଜ୍‌ ଅଲେତାନା ।

ଆବୁଆଃ ଆପୁ ପାର୍‌ମେଶ୍ୱାର୍‌ ଆପେକେ ସାୟାଦ୍‌ ଆତଃ ଜାଉସୁକୁ ଏମାପେକାଏ ।

ଧାନ୍ୟବାଦ୍‌ରାଃ ବିକ୍ତି

୩ ଆଲେ ଆପେ ନାଗେନ୍ତେ ବିକ୍ତିତାନ୍‌ ଇମ୍‌ତା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ପାର୍‌ମେଶ୍ୱାର୍‌କେ ସବେନ୍‌ ଇମ୍‌ତା ଧାନ୍ୟାବାଦ୍‌ ଏମାଃଲେ । ୪ ଚିଆଃଚି ଆଲେ ଖ୍ରୀଷ୍ଟ୍‌ ଯୀଶୁତାଃରେ ଆପେୟାଃ ବିଶ୍ୱାସ୍‌ ଆତଃ ପାର୍‌ମେଶ୍ୱାର୍‌ଆଃ ହତ୍‌କଆଃ ନାଗେନ୍ତେ ଆପେୟାଃ ଦୁଲ୍‌ାଡ୍‌ ବିଷାଏରେ ଆୟୁମାକାଦାଲେ । ୫ ଚିମିନ୍‌ ପୁକୁକାଜିରେୟାଃ ସାର୍‌ତିକାଜି ଆପେତାଃଏତେ ପାହିଲ୍‌ା ହିଜୁଃୟାନା, ଆପେ ଏନା ହରାତେ ଏମାକାନ୍‌ ଆସ୍ତାଏରେୟାଃ କାଜି ଆୟୁମାକାଦ୍‌ ତାଇକେନାପେ । ଆପେ ଅକ୍‌ନାଃ ଆସ୍ତାଏ ତାନାପେ ଏନା ଆପେ ନାଗେନ୍ତେ ସିମିନ୍‌ରେ ଜାତୁନାଅକେଦ୍‌ତେ ଦହାକାନା, ଏନ୍‌ ଆସ୍ତାରେ ଆପେୟାଃ ବିଶ୍ୱାସ୍‌ ଆତଃ ଦୁଲ୍‌ାଡ୍‌ ଠାହାରାଅକାନା । ୬ ଏନ୍‌ ପୁକୁକାଜି ଉଦ୍‌ବଃ ହରାତେ ଆପେ ପାହିଲ୍‌ା ପାର୍‌ମେଶ୍ୱାର୍‌ଆଃ ସାୟାଦ୍‌ ବିଷାଏପେ ଆୟୁମାକେଦା ଆତଃ ଏନାରେୟାଃ ସାନାବ୍‌ତିକେପେ ସାରିକେଦା, ଏନ୍‌ ପୁକୁକାଜି ନାହାଃ ଗଟା ଅତେଦିଶ୍ୱାମ୍‌ରେ ନିଚିତ୍‌ଅଃ ତାନା ଆତଃ ଆଶିଷ୍‌ ଆଉଝେତାନାଏ । ୭ ଆଲେ ସାଃଏତେ

* ୧:୭ ୧:୭ କଲସିୟ ୪:୧୨; ଫିଲିମ୍‌ ୧:୨୩.

ଖ୍ରୀଷ୍ଟୁଆଃ ପାତିୟାନ୍ତରଃ ଲେକାନ ଦାସି ଆତଃ ଆବୁଲଃ ମିସାତେ କାମିତାନ୍ ଆବୁଆଃ ଦୁଲ୍ଲାଡ଼ ଗାତିଦାସି ଏପାପ୍ରାତଃଏତେ ଆପେ ପାର୍ମେଶ୍ଵାର୍ଆଃ ନେ ସାୟାଦ୍ ବିଷାଏରେ ଇଡୁଆକାନାପେ । ୮ ପାବିତାର୍ ଆମ୍ନା ଆପେକେ ଏମାକାଦପେ ଦୁଲ୍ଲାଡ଼ ବିଷାଏରେ ଇନିଃ ଆବୁକେ କାଳିକାଦବୁଆ ।

୯ ନେଆଁ ନାଗେନ୍ତେ, ଆଲେ ଆପେୟାଃ ବିଷାଏରେ ଆୟୁମ୍ବକେଦ୍ ହୁଲ୍ଲାଙ୍ଗତାଃଏତେ ସବେନ୍ ହୁଲ୍ଲାଙ୍ଗ ଆପେ ନାଗେନ୍ତେଲେ ବିକ୍ରିତାନା । ପାବିତାର୍ ଆମ୍ନା ଏମାକାଦ୍ ସବେନ୍ ସେଣ୍ଟାଁ ଆତଃ ଆର୍କାର୍ଡରୁମ୍ ଦାଡ଼ିରେୟାଃ ପେଡ଼େଃ ହରାତେ ପାର୍ମେଶ୍ଵାର୍ଆଃ ଇଛାସାନାଙ୍ଗ୍ରେ ଆପେକେ ବୁଦ୍ଧିତେ ପେରେଃପେକା ମେନ୍ତେ ପାର୍ମେଶ୍ଵାର୍କେଲେ ଆସିତାନା । ୧୦ ଏନାତେ ଆପେ ପ୍ରାଭୁଆଃ ଇଛାସାନାଙ୍ଗ୍ ଲେକାତେ ଜୀଦାନ୍ ବିତାଏ ଦାଡ଼ିୟାପେ ଆତଃ ଆଇଃକ୍ବକେ ସୁକୁଆଇ ଲେକା କାମି ରିକା ଦାଡ଼ିୟାପେ । ଆପେ ଜୀଦାନ୍ରେ ସବେନ୍ ଲେକାନ୍ ବୁଗିନ୍ କାମି ରିକା ଦାଡ଼ିୟାପେ ଆତଃ ଆପେ ପାର୍ମେଶ୍ଵାର୍ଆଃ ସେଣ୍ଟାଁରେ ହାରା ଇଦିୟାଆପେ । ୧୧ ଧିରାଜ୍ରେ ଆପେ ଜେ'ଲେକା ସବେନ୍ ବିଷାଏ ସାହାତିଙ୍ଗ୍ ଦାଡ଼ିୟାପେ, ଏନାମେନ୍ତେ ଆୟାଃ ମାନାରାଙ୍ଗ୍ରେୟାଃ ପେଡ଼େଃତେ ପେଡ଼େୟାନ୍ ହବାଅଃପେ । ୧୨ ଆପୁ ପାର୍ମେଶ୍ଵାର୍ ମାର୍ସାଲ୍ ହାଇଜ୍ରେ ଆୟାଃ ପାବିତାର୍ ହଡ଼କ ନାଗେନ୍ତେ ଅକ୍ନାଃ ବୁଗିନ୍ତେୟାଃ ଦହକାଦାଏ, ଏନାରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ ଏନା ନାମେ ଲେକାଏ ବାଇୟାକାଦପେୟା, ଏନାମେନ୍ତେ ରାସ୍ବକାତେ ଇନିଃକେ ଧାନାଏବାଦ୍ ଏମାଇପେ । ୧୩ ଇନିଃ ନୁବାଃରାଃ ପେଡ଼େଃହେତେ ଆବୁକେ ବାସ୍ତ୍ରାଅକାଦବୁଆ ଆତଃ ବେଗାର୍ ବିପାଦ୍ରେ ଆବୁକେ ଆୟାଃ ଦୁଲ୍ଲାଡ଼୍ ହନ୍ଆଃ ରାଇଜ୍ରେ ଆଉଝାକାଦବୁଆ । ୧୪ ଏନ୍ ହନ୍ଆଃ ହରାତେ ଆବୁ ରାଡ଼ାକାନାବୁ, ଚାଏ ଆବୁଆଃ ପାପ୍ ଛାମା ହବାକାନା ।

ଖ୍ରୀଷ୍ଟୁ ଆତଃ ଇନିୟାଃ କାମି

୧୫ ନେଲଃତାନ୍ ଖ୍ରୀଷ୍ଟୁ କା ନେଲଃତାନ୍ ପାର୍ମେଶ୍ଵାର୍ ଲେକାନ୍ନିଃ ତାନିଃ । ଇନିଃ ସବେନ୍ ବାଇୟାକାନ୍ତେୟାଃରାଃ ମାରାଙ୍ଗ୍ ଉତାର୍ନିଃ ଆତଃ ମୁଡ଼କୁଲ୍ ହନ୍ ତାନିଃ । ୧୬ ତିଆଃଟି ଇନିଃ ହରାତେ ପାର୍ମେଶ୍ଵାର୍ ସିର୍ମାରେ ଆତଃ ଅତେରେ, ସବେନ୍ ନେଲଃତାନ୍ ଆତଃ କା ନେଲଃତାନ୍ତେୟାଃ, ରାଜ୍ଗାଦିରେ ଦୁବାକାନ୍ଦକ, ପେଡ଼େଃକ, ରାଇଜ୍ରେତାନ୍ଦକ, ଆକ୍ତେୟାର୍କାଦକ, ନେ ସବେନାଃ ଆୟାଃ ହରାତେ ଆତଃ ଆୟାଃ ନାଗେନ୍ତେ ବାଇୟାକାନା । ୧୭ ସବେନାଃ ବାଇୟାନ୍ ସିଦାରେ ଖ୍ରୀଷ୍ଟୁ ତାଇକେନାଏ ଆତଃ ଆୟାଃଲଃ ମେସାୟାନ୍ ହରାତେ ସବେନାଃ ଆପାନାଃ ଆପାନାଃ ଠାୟାଦ୍ରେ ତାଇନ୍ୟାନା । ୧୮ ଏ ଇନିଃ ଗନ୍ଏଃ ହଡ଼ଫାଏତେ ଜୀଉବିରିଦାକାନ୍ ମୁଡ଼କୁଲ୍ ହନ୍ ତାନିଃ ଆତଃ ଆୟାଃ ସେଝାତାନ୍ଦକଆଃ କାଲିସିୟାୟାଃ ମାରାଙ୍ଗ୍ ଉତାର୍ନିଃ ତାନିଃ, ଇନିଃ ସବେନ୍ ବିଷାଏରେ ପାହିଲା ଠାୟାଦ୍ ନାମେନିଃ ତାନିଃ । ୧୯ ତିଆଃଟି ପାର୍ମେଶ୍ଵାର୍ ଆୟାଃ ସୁକୁଲେକାତେ ହନ୍ ଆଇଃକ୍ବି ପାର୍ମେଶ୍ଵାର୍ଆଃ ପୁରା ବାଗେଦ୍ ସାବାକାଦାଏ । ୨୦ ଏହନ୍ଆଃ ହରାତେ ପାର୍ମେଶ୍ଵାର୍ ସବେନ୍ ଅତେଦିଶ୍ଵମ୍ବକେ ଆଉ ରୁହାଡ଼୍ ନାଗେନ୍ତେ ଉହାଡ଼କେଦା । କ୍ରୁଶ୍ରେ ଆୟାଃ ହନ୍ଆଃ ଦାଣ୍ଟେ ମାୟୋମ୍ ହରାତେ ପାର୍ମେଶ୍ଵାର୍ ଜୀଉସୁକୁଇ ବାଇକେଦା, ଏନାତେ ଅତେ ଆତଃ ସିର୍ମାରେ ତାଇକାନ୍ ସବେନ୍ ବିଷାଏକେ ଆପାନ୍ତଃତେ ଆଉରୁହାଡ଼କାଦା ।

୨୧ ସିଦାଦ୍, ଆପେ ମନ୍ରେ ଏଡ଼କାନ୍ ଉଡ଼ୁ ଆତଃ ଏଡ଼କାନ୍ କାମିକ ରିକାତାନ୍ ହରାତେ ଆପେ ପାର୍ମେଶ୍ଵାର୍ତାଃଏତେ ସାଜିନ୍ରେ ତାଇକେନାପେ ଆତଃ ଆୟାଃ ବାଇରିକ ତାଇକେନାପେ । ୨୨ ମେନ୍ଦ୍ ନାହାଃ ପାର୍ମେଶ୍ଵାର୍ ଆପେକେ ପାବିତାର୍, ଫୀରତି, ଆତଃ ବେଗାର୍ ତିଟାକାନ୍ ଲେକା ଆୟାଃ ହେପାଦ୍ରେ ଆଉପେ ନାଙ୍ଗ୍ ଆୟାଃ ହନ୍ରାଃ ହଡ଼ଫା ଗନ୍ଏଃ ହରାତେ ଆପେକେ ଆୟାଃଲଃ ଆତଃମିସାଏ ମେସାକାଦପେୟା । ୨୩ ଆପେ ଆପେୟାଃ ବିଶ୍ଵାସରେୟାଃ କେଟେଦ୍ ନିହିଁ ଗାତାରେ ତିଙ୍ଗ୍ବକେଟେଦ୍ରେତେ ତାଇକାନ୍ଦପେ ଆତଃ ସୁକୁକାଜି ଆୟୁମେ ଇମ୍ବତା ଅକ ଆସ୍ତାପେ ନାମାକାଦା, ଏନାଏତେ ଆପେ ନେତେହାନ୍ତେଅଃ ଲେକା ଆଲପେ ହବାଅଃଆ । ଏନ୍ ସୁକୁକାଜିତି ଅତେଦିଶ୍ଵମ୍ବରେନ୍ ସବେନ୍କତଃରେ ଉଡ଼ବଃତାନା ଆତଃ ଆଇଙ୍ଗ୍, ପାଉଲ୍ସ୍ ଏନାରେନ୍ ମିଆଁଦ୍ ପାତିୟାନ୍ତରଃ ଲେକାନ୍ ଦାସି ହବାୟାନାଜ୍ ।

କାଲିସିୟାରେ ପାଉଲ୍ସ୍ଆଃ କାମି

୨୪ ନାହାଃତେ ଆପେ ନାଗେନ୍ତେ ଆଇଙ୍ଗ୍ ଅକ ଦୁକୁ ନାମେତାନାଇଙ୍ଗ୍, ଏନାମେନ୍ତେଇଙ୍ଗ୍ ରାସ୍ବକାଅଃତାନା । ତିଆଃଟି ଆଇୟାଃ ହଡ଼ଫାରେୟାଃ ଦୁକୁ ହରାତେ ଆଇଙ୍ଗ୍ ଖ୍ରୀଷ୍ଟୁଆଃ ହଡ଼ଫା ଲେକାନ୍ କାଲିସିୟା ସାଃଏତେ ଖ୍ରୀଷ୍ଟୁଆଃ ଦୁକୁହାସୁରେ ସାରେୟାକାନ୍ ତେୟାଃକେ ପୁରାଏ ନାଗେନ୍ତେଇଙ୍ଗ୍ ଦେଙ୍ଗାଏତାନା

* ୧:୧୪ ୧:୧୪ ଏପିସିୟ ୧:୭. * ୧:୧୮ ୧:୧୮ ଏପିସିୟ ୧:୨୨,୨୩. * ୧:୨୦ ୧:୨୦ ଏପିସିୟ ୨:୧୭.

। ୨୫ ଆପେୟାଃ ବୁଗିନାଃ ନାଗେନ୍ତେ ନେ କାମି ରିକା ନାଜ୍ ପାର୍ମେଣ୍ଟାୟାଃ ହରାତେ କାଲିସିୟାୟାଃ ମିଆଁଦ୍ ସୁସାର୍ତାନନିଃ ଲେକାଜ୍ ସାଲାନାନା । ନେ ସୁକ୍ମକାଜିକେ ପୁରାଗି ପ୍ରାତାର୍ ନାଗେନ୍ତେଜ୍ କାମିତାନା । ୨୬ ଏନ୍ ସୁକ୍ମକାଜିକେ ପାର୍ମେଣ୍ଟାୟାଃ ନାଜ୍ ପାରିୟାହେତେ ସବେନକତାଃଏତେ ଉକ୍ତକେଦ୍ଦତେ ଦହକାଦ୍ ତାଇକେନା, ମେନ୍ଦ୍ ନାହାଃ ଆୟାଃ ପାବିତାର୍ ହଡ଼କତାଃରେ ଉଦ୍‌ବାକାଦା । ୨୭ ଚିଆଃଚି ଆୟାଃ ହଡ଼କକେ ଏନ୍ ଉକ୍ତଆକାନ୍‌ତେୟାଃ ଉଦ୍‌ବୁଦ୍‌କ ନାଗେନ୍ତେ ପାର୍ମେଣ୍ଟାୟାଃ ଉହାଟ୍‌କେଦାଏ, ଆୟାଃ ନେ ପୁରାଃ ଗନଜ୍‌ଆଁନ୍ ଆତଃ ମାନାରାଜ୍‌ତେୟାଃ ସବେନ୍ ହଡ଼କ ନାଗେନ୍ତେ ତାନାଃ । ଏନ୍ ଉକ୍ତଆକାନ୍‌ତେୟାଃ ହବାଅଃତାନା, ଖ୍ରୀଷ୍ଟ ଆପେରେ ମେନାଇୟା । ନେଆଁରାଃ ମୁଣ୍ଡି ହବାଅଃତାନା, ଆପେ ପାର୍ମେଣ୍ଟାୟାଃ ମାନାରାଜ୍‌ରେୟାଃ ଆସ୍ତାରେନ୍ ହିସାତାନ୍‌ପେ । ୨୮ ଏନାମେନ୍ତେ ଆବୁ ସବେନକତାଃରେ ଖ୍ରୀଷ୍ଟାଃ ବିଷାଏରେ ଉଦ୍‌ବେତାନାବୁ । ମିମିୟାଦ୍ ସବେନକକେ ଖ୍ରୀଷ୍ଟଲଃ ମେସାକେଦ୍‌ତେ ମିଆଁଦ୍ ପକ୍ତା ହଡ଼ ଲେକା ପାର୍ମେଣ୍ଟାୟାଃ ଆୟାଃରେ ତିଜ୍‌କ ନାଗେନ୍ତେ ଆବୁଆଃ ସବେନ୍ ଲେକାନ୍ ସେଣ୍‌ତେ, ସବେନକକେ ତିରଗାଲ୍ ଆତଃ ଇତ୍‌କତାନାବୁ । ୨୯ ନେଆଁକେ ପୁରାଏ ନାଗେନ୍ତେ ଆଇଜ୍‌ତାଃରେ କାମିକାତେୟାଃତାନ୍ ଖ୍ରୀଷ୍ଟ ଆଇଜ୍‌କେ ଏମାକାଦିଜ୍ ମାରାଜ୍ ପେଡେଃତେ ଆଇଜ୍ ପୁରାଃ କେଟେଦ୍ କାମିତେଇଜ୍ ଲାଗାଉତାର୍‌କାନା ।

୨

୧ ଆପେ ନାଗେନ୍ତେ, ଲାଉଦିକିଆରେ ତାଇନ୍‌ତାନ୍ ହଡ଼କ ଆତଃ ଆଇଜ୍‌କେ ବୁଗିଲେକାତେ କା ସାରିୟାକାଦ୍ ସବେନ୍ ହଡ଼କ ନାଗେନ୍ତେ ଆଇଜ୍ ଚିମିନ୍ କେଟେଦ୍ କାମିକ କାମିତାନା । ଏନା ଆପେ ସାରିପେ ମେନ୍ତେଇଜ୍ ସାନାଜ୍‌ତାନା । ୨ ଇନ୍‌କୁ ସବେନକ ତିଲ୍‌କା ଜୀଉରେ ରାସ୍‌କାଅଃଆକ, ମିହୁଡ୍ ଆତଃମିହୁଡ୍‌ଲଃ ଦୁଲ୍‌ଡ୍‌ରେ ତାଇନାକ ଆତଃ ସାର୍‌ତି ସେଣ୍‌ ନାମକେଦ୍‌ତେ ଆସ୍ତାଏ ଲେକାନ୍ ଖୁଜ୍‌ରେୟାଃ ପୁରା ଆକ୍‌ତେୟାଃରକ ନାମେକା ମେନ୍ତେଇଜ୍ ସାନାଜ୍‌ତାନା । ନେଆଁ ହରାତେ ଇନ୍‌କୁ ସବେନକ ସାରିୟାକେ ଯେ, ଯୀଶୁ ଖ୍ରୀଷ୍ଟିକି ପାର୍ମେଣ୍ଟାୟାଃ ଏନ୍ ଉକ୍ତଆକାନିଃ ତାନିଃ । ୩ ଯୀଶୁ ଖ୍ରୀଷ୍ଟ ହବାଅଃତାନାଏ ଏନ୍ ଚାଉକ୍‌ସ୍ତ୍ରି, ଅକ୍‌ନାଃଚି ପାର୍ମେଣ୍ଟାୟାଃ ସେଣ୍‌ ଆତଃ ବୁଦ୍‌ ଲେକାନ୍ ସବେନ୍ ଦାନାଜ୍‌ଆଁକାନ୍ ଖୁଜ୍‌ରେୟାଃ ଭାଣ୍ଡାବୁ ନିଜଃଆ ।

୪ ଜେତାଏ ଆପେକେ ଏଡ଼କାନ୍ କାପ୍‌ଜିତେ ଆଲକାଏ ବେଦାପେକା, ଏନାମେନ୍ତେଇଜ୍ କାଜିପେତାନା । ୫ ଚିଆଃଚି ଆଇଜ୍ ହଡ଼ମଲେକାତେ କାଇଜ୍ ତାଇନଃରେୟ, ଆମ୍‌ଲେକାତେ ଆପେଲଃ ମେନାଇୟା । ଆଇଜ୍ ଆପେୟାଃ ବୁଗିନ୍ ଜୀଦାନ୍ ଆତଃ ଖ୍ରୀଷ୍ଟ ଚେତାନ୍‌ରେ ପୁରାଃ ବିଶ୍ୱାଏ ନେଲ୍‌କେଦ୍‌ତେ ରାସ୍‌କାଅଃ ତାନାଇଜ୍ ।

ୟୀଶୁ ଖ୍ରୀଷ୍ଟତାଃରେ ପୁରା ତାଇନ୍‌ପେ

୬ ଆପେ ଖ୍ରୀଷ୍ଟ ଯୀଶୁକେ ପ୍ରାଭୁ ମେନ୍ତେପେ ବିଶ୍ୱାସ୍‌କିଃ ହୁଲାଜ୍‌ତାଃଏତେ, ଆୟାଃଲଃ ମେସାକେଦ୍‌ତେ ଜୀଦାନ୍ ବିତାଏପେ । ୭ ଆପେୟାଃ ନିହିଁଗାତା ଆୟାଃ ଚେତାନ୍‌ରେ କେଟେୟାନ୍‌ଗି ବାଇକେଦ୍‌ତେ ଜୀଦାନ୍ ବାଇୟେପେ ଆତଃ ଆପେ ନାମାକାଦ୍ ଇନିତ୍ ଲେକାତେ ବିଶ୍ୱାସ୍‌ରେ ପୁରାଃ କେଟେଜଃପେ । ଆପେୟାଃ ମନ୍‌ସୁରୁଦ୍ ଧାନାବାଦ୍‌ତେ ପେରେଜଃକା ।

୮ ଚିରାଲ୍‌କାନ୍‌ପେ, ଜେତାଏ ଆପେକେ ହଡ଼ରାଃ ହସଡ୍ ସାମାକାଜିରେୟାଃ ସେଣ୍‌ତେ, ଆୟାଃ ଆକ୍‌ତେୟାଃରେ ଆଲକାଏ ଦହପେକା । ଏନ୍ ସବେନ୍ ସେଣ୍‌ ଖ୍ରୀଷ୍ଟାଃ ଇନିତ୍‌ହେତେ କା ହିଜୁଃଆ । ମେନ୍ଦ୍ ଏନା ହଡ଼କଆଃ ସାମାଜ୍‌ରେୟାଃ ରିତିରିଖାଜ୍‌ରାଃ ଇନିତ୍ ଆତଃ ଅତେଦିଶ୍ୱମରେ ରାଇଜ୍‌ତାନ୍ ପେଡେଃରେୟାଃ ଏଡ଼କାନ୍ ଏନେଟେ ଇନିତ୍‌ହେତେ ହିଜୁଃଆ । ୯ ଚିଆଃଚି ଖ୍ରୀଷ୍ଟାଃ ମାନାଃ ରୁପରେ, ପାର୍ମେଣ୍ଟାୟାଃ ପୁରା ସଭାଦ୍ ତାଇନଃତାନା । ୧୦ ଆତଃ ଆୟାଃଲଃ ମେସାୟାନ୍ ହରାତେ ଆପେ ପୁରା ଜୀଦାନ୍‌ପେ ନାମାକାଦା । ଏଟାଃ ସବେନ୍ ପେଡେଃ ଆତଃ ଆକ୍‌ତେୟାଃ ଚେତାନ୍‌ରେ ଖ୍ରୀଷ୍ଟାଃ ରାଇଜ୍‌ଗି ସାଲାଜି ଉତାର୍ ତାନାଃ ।

୧୧ ଖ୍ରୀଷ୍ଟଲଃ ମେସାକାନ୍ ଜୀଦାନ୍‌ଗି ଆପେୟାଃ ଖାଡ଼ନାଅ ଲେକାନାଃ ତାନାଃ । ନେ ଖାଡ଼ନାଅ ମାନାଃ ବାଇତେୟାଃ ନାହାଁଲାଃ, ଏନା ଖ୍ରୀଷ୍ଟ ହରାତେ ହବାକାନା । ଏନା ମାନାଃକେ ପାପ୍‌ତେ ପେରେଜାକାନ୍ ହଡ଼ମରାଃ ତନଲ୍‌ହେତେ ରାଡ଼ାଇୟା । ୧୨ ଚିଆଃଚି ବାପ୍‌ସ୍ତ୍ରା ଇଦ୍ ହରାତେ ଆପେ ଖ୍ରୀଷ୍ଟଲଃ କାବାର୍‌ରେ ତପାକାନ୍ ତାଇକେନାପେ ଆତଃ ଯୀଶୁ ଖ୍ରୀଷ୍ଟକେ ଜୀଉବିରିଦାକାଇ ପାର୍ମେଣ୍ଟାୟାଃ କାମିୟତାନ୍ ପେଡେଃରେ ବିଶ୍ୱାସ୍‌କେଦ୍ ହରାତେ ଖ୍ରୀଷ୍ଟଲଃ ଆପେୟାଃ ଜୀଉ ବିରିଦ୍‌କାନାପେ । ୧୩ ଆପେୟାଃ

* ୨:୧୨ ୨:୧୨ ରୋମି ୬:୪. * ୨:୧୩ ୨:୧୩ ଏପିସ୍‌ୟ ୨:୧-୫.

ପାପ ହରାତେ ଆତ୍ମ ଆପେ ସାଥୀସାଥୀ ହତକଥା ଆନନ୍ଦ କା ତାଲକେନ୍ ହରାତେ ମିସା ଆପେ ଆମ୍ବିକ ଜୀବାନ୍ରେ ଗଣକାନ୍ ତାଲକେନାପେ, ମେନ୍ଦ ପାର୍ମେଶ୍ୱାର ନାହାଁଃ ଖ୍ରୀଷ୍ଟଲ୍ଲ ଆପେକେ ଜୀବାନ୍ ଏମାକାଦପେୟାଏ । ପାର୍ମେଶ୍ୱାର୍ ଆବୁଆଃ ସବେନ୍ ପାପକଏ ଛାମାକାଦା । ୧୪ *ଆନନ୍ଦୁକ କା ମାନାତିଙ୍ଗ ହରାତେ ଆବୁଆଃ ବିରୁଧରେ ଅଲ୍ଲକାନ୍ ଅନଲ୍ଲଟିଠାକେ ପାର୍ମେଶ୍ୱାର୍ ସାମାତାନାଃ ମେଣ୍ଡେ ଉଦୁବକେଦା, ଆତ୍ମ ଆବୁକେ ଛାମାକେଦବୁଆ । ଆବୁଆଃ ବିରୁଧରେ ତାଲକାନ୍ ଅନଲ୍ଲଟିଠାକେ ପାର୍ମେଶ୍ୱାର୍ ଇଦିକେଦାଏ ଆତ୍ମ କୁଣ୍ଡ ରେତାନ୍ରେ କିଲ୍ଲକେଦା । ୧୫ ଆତ୍ମ ଏନ୍ କୁଣ୍ଡ ରେତାନ୍ରେ ଖ୍ରୀଷ୍ଟ ସବେନ୍ ଲେକାନ୍ ଆମ୍ବାରେୟାଃ ପେଡେଃ ଆତ୍ମ ଆକ୍ତେୟାର୍ ହେତେ ଆପାନ୍କେ ରାଡାକେଦତେ ଆତ୍ମ ଇନକ୍ତକେ ତଲ୍ଲକେଦତେ ଆଲ୍ଲକ୍ତକି ଜିତାୟାନ୍ । ପାର୍ମେଶ୍ୱାର୍ ସାଂସାରରେନ୍ ହତକକେ ଉଦୁବାଦକଆ ଯେ, ଇନକୁ କା ପେଡେୟାନ୍କ ତାନ୍କ ।

୧୬ *ଏନାତେ ଜେତାଏ ଆପେକେ ଜମ, ନୁଁ, ପାବିତାର୍ ବିଷାଏରେ, ଆମାସ୍ ପାରାସ୍, ଆତ୍ମ ରୁଡୁନୁ ହୁଲ୍ଲାଙ୍ଗ ବିଷାଏରେ ଆଲ୍ଲକାଏ ବିଚାରପେକା । ୧୭ ଏନ୍ ସବେନାଃ ହିଲ୍ଲୁଃ ଦିପିଲିରେ ହବାଅଃତେ ସେନଃତାନ୍ ବିଷାଏରେୟାଃ ଉମ୍ବଲ୍ଲ ଲେକାନାଃ ତାନାଃ । ନେ ସବେନାଃରେୟାଃ ସାର୍ତ୍ତତେୟାଃ ଖ୍ରୀଷ୍ଟି ତାନିଃ । ୧୮ ତିମିନ୍ ହତକ ଆପାନ୍କେ ଲେବେଃୟାନ୍ ମେଣ୍ଡେକ କାଜିନା, ଦୁଁଡକକେ ସେଝା ରିକାଃକ, ଇନକୁ ସବେନ୍ ଇମ୍ବତା ଦାର୍ଶାନ୍ ନେଲ୍ଲକାଦ୍ ବିଷାଏରେ ଜାଗାରାଃକ । ଆପେ ନେଲ୍ଲକାନ୍ ହତକକେ, ଦାର୍ଶାନ୍ କାପେ ନେଲ୍ଲତାନା, ଦୁଁଡକକେ କାପେ ସେଝାତାନା, ଏନାମେଣ୍ଡେ ଆପେ ବୁଗିନ୍ ହତ ନାହାଁଲାପେ ମେଣ୍ଡେ କାଜିନାଙ୍ଗ, ସୁୟୋଗ ଆଲପେ ଏମାକଆ । ଇନକୁ ହତକଥା ବିଚାରରେ ଏସକାର୍ ତାଲନ୍ ହରାତେ ଆତ୍ମ ପାର୍ମେଶ୍ୱାର୍ ଆତ୍ମ କାଜି କା ବିଚାରତାନ୍ ହରାତେ ସାମାରେ ଆପାନ୍କେ ମାରାଙ୍ଗ ମେଣ୍ଡେକ କାଜିନ୍ତାନା । ୧୯ *ମେନ୍ଦ ଇନକୁ ହତ୍ମରେୟାଃ ବହଃ ଲେକାନ୍ ଖ୍ରୀଷ୍ଟତାଏତେ ବିନ୍ଦାଅକାନାକ । ଖ୍ରୀଷ୍ଟଆଃ ଆକ୍ତେୟାର୍ରେ ଗଟା ହତ୍ମରେୟାଃ ଜଡେନ୍ ଆତ୍ମ ସିହିରକ ମିଦରେ ଜଡାକାନା ଆତ୍ମ ହତ୍ମ ପାର୍ମେଶ୍ୱାର୍ ଆତ୍ମ ମନେ ଲେକାତେ ହାରାକଦିୟାଃ ।

ଖ୍ରୀଷ୍ଟଲ୍ଲ ଗନଏଃ ଆତ୍ମ ଜାନିଦ୍

୨୦ ଆପେ ଖ୍ରୀଷ୍ଟଲ୍ଲ ଅତେଦିଶ୍ୱମ୍ରେୟାଃ ଏନେଟେଦ୍ ଇନିତୁ ନାଙ୍ଗ ଗଜାକାନାପେ ଆତ୍ମ ନେ ଅତେଦିଶ୍ୱମ୍ରେନ୍ ହତକ ଲେକା ଜୀବାନ୍ପେ ବିତାଅତାନା ? ତିନାମେଣ୍ଡେ ନେ ଲେକାନ୍ ନିୟାମ୍ପେ ମାନାତିଙ୍ଗ ତାନା ? ୨୧ ଅକ୍ନାଃଟି, “ନେଆଁ ଆଲପେ ସାବେଆ, ଏନା ଆଲପେ ଜମେୟାଁ, ଏନା ଆଲପେ ଜୁଚିଦେ,” ୨୨ ନେ ସବେନାଃ କାଟିଃ ଦିପିଲି ନାଙ୍ଗ ତାନାଃ । ନେଆଁ ବାଉରାଅତାନ୍ଲଃଟି ସାମାକାଜି ଲେକା ହବାଅଃଆ । ନେ ସବେନାଃ ହତ୍ତେ ବାଲୟାକାନ୍ ନିୟାମ୍ ଆତ୍ମ ଇନିତୁ ତାନାଃ । ୨୩ ଇନକୁଆଃ ଦୁଁଡକଥା ସେଝା, ହତକଥା ବେଦା ଲେବେଃମନ୍ ଆତ୍ମ ଆଟ୍ଟକାରଃ ତାନା, ମେନ୍ଦ ନେ ନିୟାମ୍ ଆପ୍ନାଃ ଇଛାସାନାଙ୍ଗ ଲେକା ସେଝାତାନ୍ତେୟାଃ ତାନାଃ । ନେଆଁ ଇନକୁକେ ଆକଥା ପାପ୍ ଉଡ଼ୁଆତ୍ମ ଏଡକାନ୍ କାମିହେତେ ସାଜିନ୍ରେ ତାଲନ୍ ନାଙ୍ଗ କାଏ ଦେଙ୍ଗାକଥା ।

୩

୧ ଆପେ ଖ୍ରୀଷ୍ଟଲ୍ଲ ଗନଏଃହେତେ ଜୀଉ ବିରିଦାକାନାପେ । ଏନାତେ ସିମ୍ବାରେୟାଃ ବିଷାଏକ ନାମେ ନାଗେଣ୍ଡେ ମନ୍ ଏମେପେ, ତିଆଃଟି ଖ୍ରୀଷ୍ଟ ସିମ୍ବାରେ ଆୟାଃ ରାଜଗାଦିରେ ପାର୍ମେଶ୍ୱାର୍ ଆତ୍ମ ଜମସାଃରେ ଦୁବାକାନା । ୨ ଅତେଦିଶ୍ୱମ୍ରେୟାଃ ବିଷାଏରେ ମନ୍ କା ଏମକେଦତେ ସିମ୍ବାରେୟାଃ ବିଷାଏରେ ମନ୍ ଏମେପେ ଆତ୍ମ ଉଡ଼ୁ ରିକାଏପେ । ୩ ତିଆଃଟି ଆପେ ଗଣକାନାପେ ଆତ୍ମ ଆପେୟାଃ ଜୀବାନ୍ ପାର୍ମେଶ୍ୱାର୍ତାଃରେ ଖ୍ରୀଷ୍ଟଲ୍ଲ ଉକୁଆକାନା । ୪ ଖ୍ରୀଷ୍ଟି ଆପେୟାଃ ସାର୍ତ୍ତ ଜୀବାନ୍ ତାନିଃ ଆତ୍ମ ଇନିଃ ତିମତାଏ ଉଦୁବେନା ଇମ୍ବତା ଆପେୟାଃ ଆୟାଃ ମାନାରାଙ୍ଗରେୟାଃ ହିସା ହବାକେଦତେ ଉଦୁବଃଆପେ ।

ମାରି ଆତ୍ମ ନାଝା ଜୀବାନ୍

୫ ଏନା ନାଗେଣ୍ଡେ ଆପେ ନେ ଅତେରେ ଆପାଜିନ୍ କାମି, ସଡ଼ା, ଏଡକାନ୍ ସାନାଙ୍ଗ, ଗିହୁଗାନ୍ ସାନାଙ୍ଗ, ଆତ୍ମ ଖୁଜ୍ କରେୟାଃ ହାୟାକ ବାଗିପେ । ଖୁଜ୍ କରାଃ ହାୟା ହବାଅତାନା ମୁରୁଦ୍ ସେଝା ।

* ୨:୧୪ ୨:୧୪ ଏପିସିୟ ୨:୧୫. ✧ ୨:୧୭ ୨:୧୭ ରୋମି ୧୪:୧-୬. ✧ ୨:୧୯ ୨:୧୯ ଏପିସିୟ ୪:୧୭.

୭ ତିଆରି ନେ ସବେନାଃରେ ତାଜନକେଦତେ ଅକନକ ପାର୍ମ୍ନେଶ୍ୱାରକେ କାକ ମାନାତିୟାଃ, ଇନ୍ଦୁଆଃ ଚେତାନରେ ପାର୍ମ୍ନେଶ୍ୱାରଆଃ ଖୁସ୍ ହିନ୍ଦୁଆଃ । ୭ ମିସା ଆପେ ନେ'ଲେକାନ ଏଡକାନ ସାନାଙ୍ଗରେ ଜୀଦାନ ବିତାଅ ତାଜକେନାପେ ।

୮ ମେନ୍ଦ ନାହାଃ ଆପେକେ ନେ'ଲେକାନ ଖୁସ୍, ହିସିଙ୍ଗା, ନିନ୍ଦା କାଜିକ ବାଗି ଲାଗାତିଙ୍ଗୟାଃ । ଆପେ ଏଟାଃକକେ ଲାନ୍ଦାକ ଲେକାନ କାଜିକ, ଆତଃ ଗିହୁଗଃ କାଜିକ ଆଲପେ ଜାଗାରେୟା । ୯ ଆପେ ଆପେରେ ବେଦା କାଜି ଆଲପେ କାଜିୟା, ତିଆଃଟି ଆପେ ମାରି ସଭାଏ ଚାଏ ଚାଜଲ୍ ଚାଲାନ ବାଗିକାଦାପେ, ୧୦ ଆତଃ ନାଞ୍ଜା ସଭାଏ ଚାଏ ଚାଜଲ୍ ଚାଲାନ ସାବାକାଦାପେ । ଆପେୟାଃ ନେ ନାଞ୍ଜା ଜୀଦାନ ହରାତେ ଆପେ ଅତେଦିଶୁମ୍ ବାବାଇନିଃ ଲେକାପେ ହବାକାନା, ଆତଃ ଆପେ ପାର୍ମ୍ନେଶ୍ୱାରଆଃ ବିଷାଏରେୟାଃ ସାରତି ସେଣାପେ ନାମଇଦାନା । ୧୧ ଏନାତେ ଯିହୁଦୀ ଆତଃ ସାଅଁସାର ହଡକ ଆଲରେ ଜେତାନ ଭେଦଭାଏ ବାନଃଆ, ଖାଡନାଅ ଚାଏ କା ଖାଡନାଅ, ଏଟାଃ ଦିଶୁମ୍ରେନ୍ ଚାଏ ଆପନାଃ ଦିଶୁମ୍ରେନ୍, ସୁଥୁୟା ହଡ, କିରିଙ୍ଗୟାକାନ ଦାସି ଚାଏ ତନଲ୍ ରାଡକାନ ଦାସି ସବେନ୍ଦ ମିଦ ସାମାନ ତାନକ । ମେନ୍ଦ ଖ୍ରୀଷ୍ଟ୍ ସବେନ୍ଦଆଃରେ ମେନାଇୟା ଆତଃ ଇନିଃ ହବାଅଃତାନାଏ ସବେନ୍ଦଆଃ ।

୧୨ ଆପେ ପାର୍ମ୍ନେଶ୍ୱାରଆଃ ହଡକ ତାନପେ । ଇନିଃ ଆପେକେ ଦୁଲ୍ଲାଡକେଦତେ ଆୟାଃ ନାଗେନ୍ତେ ସାଲ୍ଲକାଦପେୟା । ଏନାତେ ଆପେ ଲିନିବୁଇ, ଦାୟାଲ୍, ଲେବେୟେନ୍, ହୁଡିଙ୍ଗୟେନ୍ ଆତଃ ଧୁରାନ୍ ସାବେ ଲେକାନ ଲିଜାଃ ତୁସେୟେନ୍ପେ । ୧୩ ମିହୁଡ, ଆତଃମିହୁଡକେ ସାହାତିଙ୍ଗକ ତାନଲେକା ହବାଃଅପେ ଆତଃ ଜେତାଏୟାଃ ଏଟାଃନିଆଃ ବିରୁଧରେ କାଜି ମେନାଃରେଦ, ମିହୁଡ୍ ଆତଃମିହୁଡକେ ଛାମାଲପେ । ପ୍ରାଭୁ ଆପେକେ ଛାମାକାଦପେ ଲେକାଗି, ଆପେ ମିହୁଡ୍ ଆତଃମିହୁଡକେ ଛାମାଲପେ । ୧୪ ଆତଃ ନେ ସବେନ୍ ଚାଜଲ୍ ଚାଲାନଲଃ ଦୁଲ୍ଲାଡକେ ମେସାଏପେ । ଦୁଲ୍ଲାଡ୍ ସବେନ୍ ବିଷାଏକେ ମିଦତାଃରେ ମେସାଏତାନଲଃ ତଲ୍ଲକେଚେଦତାଃଏ । ୧୫ ଖ୍ରୀଷ୍ଟ୍ ଏମାକାଦ୍ ଜୀଉସୁକ୍ତେ ଆପେ ଉହାଡକାଦ୍ ତେୟାଃକକେ ଆୟୁରତେ ଇଦି ନାଙ୍ଗ୍ ଦେଙ୍ଗାପେକାଏ, ତିଆଃଟି ନେ ଜୀଉସୁକ୍ତ ନାଗେନ୍ତେ ପାର୍ମ୍ନେଶ୍ୱାର୍ ଆପେକେ ମିଦ୍ପେ ମିଆଁଦ୍ ହଡମ୍ ହବାଅଃ ନାଙ୍ଗ୍ ସାଲ୍ଲକାଦପେୟାଏ । ସବେନ୍ ଇମତା ଧାନ୍ୟାବାଦ୍ ହବାଅଃକା । ୧୬ ଖ୍ରୀଷ୍ଟ୍ ଆଃ ବିଷାଏରେୟାଃ ଇନିତୁ ଆପେୟାଃ ମନ୍ସୁରୁଦ୍ପେ ପୁରାଃରେ ତାଜନକା । ସେଣାନ୍ ଲେକାତେ ମିହୁଡ୍ ଆତଃମିହୁଡକେ ଇତୁ ଆତଃ ଆତୁକପେ । ଦୁରାଙ୍ଗ୍ ଗାମୁତାନଲଃ, ଆତଃ ଆମ୍ବାରେୟାଃ ଦୁରାଙ୍ଗ୍ ଦୁରାଙ୍ଗ୍ତାନଲଃ ପାର୍ମ୍ନେଶ୍ୱାରକେ ଆପେୟାଃ ମନ୍ସୁରୁଦ୍ପେ ଧାନ୍ୟାବାଦ୍ ଏମାଲପେ । ୧୭ ଆପେ କାଜିତେ ଚାଏ କାମିତେ ଜେତନାଃଗି ରିକାତାନତେୟାଃ ପ୍ରାଭୁ ଯୀଶୁଆଃ ନୁଡମ୍ପେତେ ରିକାତାନଲଃ ଆପୁ ପାର୍ମ୍ନେଶ୍ୱାରକେ ଧାନ୍ୟାବାଦ୍ ଏମାଲପେ ।

ନାଞ୍ଜା ଜୀଦାନରେ ଆତୁଆଃ ନାତ

୧୮ ଏ କୁଡିକ, ଆପେ ଆପେୟାଃ କଡକାତାଃରେ ଜିମାନପେ । ପ୍ରାଭୁକେ ଅତଙ୍ଗତାନକ ଲେକା ନେଆଁ ରିକା ଲାଗାତିଙ୍ଗୟାଃ ।

୧୯ ଏ କଡକା, ଆପେୟାଃ କୁଡିକକେ ଦୁଲ୍ଲାଡକପେ । ଇନ୍ଦୁକେ ଖୁସ୍ଆଃ ଲେକା ଆଲପେ ବାଜକଆ ।

୨୦ ଏ ହନ୍ଦକ, ଆପେ ସବେନ୍ ଇମତା ଆପେୟାଃ ଏଙ୍ଗାଆପୁକକେ ମାନାତିଙ୍ଗକପେ । ନେଆଁ ଖ୍ରୀଷ୍ଟ୍ କେ ଅତଙ୍ଗତାନକକେ ରିକା ଲାଗାତିଙ୍ଗୟାଃ, ତିଆଃଟି ପାର୍ମ୍ନେଶ୍ୱାର୍ ନେଆଁରେ ସୁକୁଆଃ ।

୨୧ ଏ ଏଙ୍ଗାଆପୁକ, ଆପେ ହନ୍ଦକକେ ଆଲପେ କାଏରାଅକଆ । କା'ରେଦ ଇନ୍ଦୁକୁ ହୁଡିଙ୍ଗ କାଉକଆଃକ ।

୨୨ ଏ କିରିଙ୍ଗୟାକାନ ଦାସିକ, ସବେନ୍ ବିଷାଏରେ ଅତେରେନ୍ ଆପେୟାଃ ମାନଞ୍ଜା ଗୁସିୟାକଆଃ କାଜି ଆୟୁମେପେ, ଇନ୍ଦୁକୁ ଆପେକେ ନେଲପେ ଇମତା ଇନ୍ଦୁକେ ସୁକୁଇଚିକ ନାଗେନ୍ତେ ଏସକାର୍ କାହାଗି, ମେନ୍ଦ ପ୍ରାଭୁଆଃ ନାଗେନ୍ତେ ବରଭାକ୍ତିତାନଲଃ ଆପନାଃ ମନ୍ସୁରୁଦ୍ପେରେୟାଃ ସାନାଙ୍ଗ୍ ଲେକାତେ କାମିପେ । ୨୩ ଆପେ କାମିତାନ କାମି, ହଡକଆଃ ନାଗେନ୍ତେ କା କାମିକେଦତେ ପାର୍ମ୍ନେଶ୍ୱାର୍ଆଃ ନାଗେନ୍ତେ କାମିତାନାଲେ ମେନ୍ତେ ଉଡ଼ଃତାନଲଃ ଆପେୟାଃ ସବେନ୍ ମନ୍ସୁରୁଦ୍ପେଲଃ କାମିପେ । ୨୪ ଦାହାମେପେ, ପାର୍ମ୍ନେଶ୍ୱାର୍ ଆୟାଃ ହଡକ ନାଗେନ୍ତେ ଅକନାଃ ଦହକାଦାଏ, ଏନା ଆପେକେ ନାଲ୍ଲ ଲେକାଏ ଏମାପେୟା । ତିଆଃଟି ଆପେ ସେଞ୍ଜାତାନ, ଖ୍ରୀଷ୍ଟି ଆପେୟାଃ ସାରତି ଗୁସିୟାଁ ତାନିଃ ।

୬ ୩:୯ ୩:୯ ଏପିସିୟ ୪:୨୨. ୭ ୩:୧୦ ୩:୧୦ ଏପିସିୟ ୪:୨୪. ୮ ୩:୧୨ ୩:୧୨ ଏପିସିୟ ୪:୨. ୯ ୩:୧୩ ୩:୧୩ ଏପିସିୟ ୪:୩୨. ୧୦ ୩:୧୬ ୩:୧୬ ଏପିସିୟ ୫:୧୯,୨୦. ୧୧ ୩:୧୮ ୩:୧୮ ଏପିସିୟ ୫:୨୨; ୧ ପାର୍ବରାସ୍ ୩:୧. ୧୨ ୩:୧୯ ୩:୧୯ ଏପିସିୟ ୫:୨୫; ୧ ପାର୍ବରାସ୍ ୩:୭. ୧୩ ୩:୨୦ ୩:୨୦ ଏପିସିୟ ୬:୧. ୧୪ ୩:୨୧ ୩:୨୧ ଏପିସିୟ ୬:୪. ୧୫ ୩:୨୨ ୩:୨୨ ଏପିସିୟ ୬:୫-୮.

୨୫ *ଆତଃ ସବେନ୍ ଏଡ଼କାନ୍ କାମିତାନ୍ କ ଆକଆଃ ଏଡ଼କାନ୍ କାମି ନାଗେନ୍ତେ ସାଜାଜକ ନାମେୟାଁ, ଚିଆଃଚି ପାର୍ମେଶ୍ୱାର୍ ସବେନ୍ ହଡ଼କକେ ଆକଆଃ କାମି ଲେକା ସାମାନ୍ତ୍ରି ବିଚାରକଆ ।

୪

୧*ଏ ଗୁସିୟାଁକ, ଆପେୟାଃ ଦାସିକଆଃ ଅକନାଃ ବୁଗିନାଃ ଆତଃ ଠାଉକାନ୍ତ୍ରି ହବାଅଃଆ ଏନ୍ଲେକାଗି ରିକାକପେ । ସିମାର୍ରେ ଆପେୟାଃହଚି ମିଆଁଦ୍ ଗୁସିୟାଁ ମେନାଇୟା ମେନ୍ତେ ପାହାମେପେ ।

ଏଗାଃ ଏଗାଃ ବିଷାଏରେ ଆନତୁ

୨ ସବେନ୍ ଇମ୍ତା ବିନ୍ତ୍ରିରେ ଜୀଦାନ୍ ବିତାଏପେ ଆତଃ ପାର୍ମେଶ୍ୱାର୍କେ ଆନଧାବାଦ୍ ଏମ୍ବେକଦ୍ତେ ବିନ୍ତ୍ରିରେ ଚିହ୍ନାକାନ୍ ତାଜନ୍ଦେ । ୩ ଖ୍ରୀଷ୍ଟଆଃ ବିଷାଏରେ ଉକ୍ତୁଆକାନ୍ କାଜିକେ ଉଦୁବେ ନାଜ୍ ଦୁଆର୍ ନିଜେକାଏ ମେନ୍ତେ ପାର୍ମେଶ୍ୱାର୍ ଆଲେକେ ବୁଗିନ୍ ସୁୟୋଗ୍ ଏମାଲେକାଏ, ଏନାମେନ୍ତେୟ୍ରି ଆଲେ ନାଗେନ୍ତେ ବିନ୍ତ୍ରିପେ । ଚିଆଃଚି ଏନା ନାଗେନ୍ତେ ଆଇଜ୍ ନାହାଁଃ ଜେହେଲ୍ରେ ମେନାଇୟାଁ, ୪ ଆତଃ ବିନ୍ତ୍ରିପେ, ଆଇଜ୍ ଜେ'ଲେକା ନେ କାଜିକେ ସାର୍ତି ଆତଃ ଆର୍କାର୍ଉରୁମ୍ ଦାଡ଼ିୟାଃ ଲେକାଆଇଜ୍ ଉଦୁବ୍ ଦାଡ଼ିୟା ।

୫ *ଆପେୟାଃ ସବେନ୍ ସୁୟୋଗ୍ରେ ବୁଗିଲେକା ବେଭାରକେଦ୍ତେ କା ବିଶ୍ୱାସ୍ତାନ୍ ହଡ଼କତାଃରେ ସେଣାନ୍ ଲେକାତେ ଚାଇଲ୍ ଚାଲାନ୍ ରିକାଏପେ । ୬ ଆପେୟାଃ ଜାଗାର୍କ ସବେନ୍ ଇମ୍ତା ହେଡ଼େମାନ୍ ଆତଃ ସୁକ୍ତୁଆନ୍ ଲେକା ହବାଅଃକା । ଆତଃ ଚିଲ୍କା ଆପେ ସବେନ୍କକେ ଠାଉକାଗି କାଜିରୁହାଡ଼୍, ଦାଡ଼ିୟାପେ, ଏନା ଆପେକେ ସାରି ଲାଗାଡ଼ିୟାଁ ।

ଚୁଣ୍ଡ ଜହାର୍

୬ *ଆବୁଆଃ ଦୁଲାଡ଼୍ ହାଗା ଚୁଖ୍, ଅକଏଚି ପ୍ରାଭୁଆଃ କାମିରେ ପାଡ଼ିୟାଃରେ ଲେକାନ୍ ସୁସାର୍ନିଃ ଆତଃ ଆଇୟାଃଲଃ ମିସାତେ କାମିତାନ୍ ଗାଡ଼ିଦାସି ତାନିଃ । ଇନିଃ ଆଇୟାଃ ବିଷାଏରେ ଆପେକେ ସବେନାଃଏ କାଜିୟାପେଆ । ୮ ଆଲେ ଚିଲ୍କା ମେନାଲେୟା, ଏନ୍ ସବେନ୍ ବିଷାଏ କାଜିକେଦ୍ତେ ଆପେକେ ଜୀଉରେ ରାସ୍ତାଏ ଏମ୍ ନାଜ୍ ଆଇଜ୍ ଇନିଃକେ ଆପେତାଃତେଇଜ୍ କୁଲିତାନା । ୯ *ଆୟାଃଲଃ ଆପେୟାଃ ଝୁଣ୍ଡରେନ୍ ଦୁଲାଡ଼୍ ପାଡ଼ିୟାଃରେ ଲେକାନ୍ ହାଗା ଅନିସିମସ୍ ସେନ୍ତାନାଏ । ଇନ୍କିନ୍ ଆପେକେ ନେତାଃରେ ହବାଅଃତାନ୍ ସବେନ୍ କାଜିକ ଉଦୁବାପେୟାକିନ୍ ।

୧୦ *ଆଇୟାଃଲଃ ଜେହେଲ୍କାନ୍ ଆରିସ୍ୱାର୍ଗ ଆତଃ ଆୟାଃଲଃ ବର୍ଣ୍ଣବାସ୍ତାଆ ଆପ୍ତାନା ହଡ଼ ମାର୍କହରି ଆପେକେ ଜହାର୍ ମେନ୍ତେ କାଜିକୁଲେ ତାନା । ମାର୍କ ଆପେତାଃତେ ସେନ୍ରେ ଇନିଃକେ ଦାରମିପେ । ନେ କାଜି ଆପେକେ ସିଦାରେଗି ଆତୁକାନା । ୧୧ ଯୁସ୍ତ ନୁହୁମ୍ତେ ସାରିୟାଃତାନ୍ ଯିହୋଶ୍ୱୟାହ୍ ଜହାର୍ ମେନ୍ତେ କାଜିକୁଲ୍ ତାନା । ଖ୍ରୀଷ୍ଟକେ ବିଶ୍ୱାସ୍ତେକଦ୍ତେ ନେ ଆପିହଡ଼୍ ଯିହୁଦୀକ ଏସ୍କାର୍ ପାର୍ମେଶ୍ୱାର୍ଆଃ ରାଜନ୍ ନାଗେନ୍ତେ ଆଇୟାଃଲଃ ମିସାତେ କାମିକେଦ୍ତେ ଆଇଜ୍କେ ପୁରାଃଗିକ ଦେଙ୍ଗାକାଦିୟାଁ ।

୧୨ *ଏପାପ୍ଟା ଆପେକେ ଜହାର୍ ମେନ୍ତେ କାଜିକୁଲ୍ ତାନା । ଇନିଃ ଯୀଶୁ ଖ୍ରୀଷ୍ଟଆଃ ଦାସି ଆତଃ ଆପେୟାଃ ଝୁଣ୍ଡରେନ୍ ହଡ଼ ତାନିଃ । ଆପେ ପାର୍ମେଶ୍ୱାର୍ଆଃ ଇଛାସାନାଜ୍ରେୟାଃ ପୁରା ମାନାଡ଼ିଜ୍ ତାନ୍କ ହବାକେଦ୍ତେ ପକ୍ତା ଆତଃ କେଟେୟାନ୍ ବିଶ୍ୱାସୀ ଲେକା ଡିଜ୍ଜୁକେଟେଦ୍ ଦାଡ଼ିୟାପେ, ଏନାମେନ୍ତେ ଇନିଃ ଆପେ ନାଗେନ୍ତେ ପାର୍ମେଶ୍ୱାର୍ତାଃରେ ସବେନ୍ ଇମ୍ତାଏ ବିନ୍ତ୍ରିତାନା । ୧୩ ଆପେ ନାଗେନ୍ତେ, ଲାଉଦିକିଆ ଆତଃ ହିଏରାପଲିରେନ୍ ହଡ଼କଆଃ ନାଗେନ୍ତେ ଇନିଃ ରିକାକାଦ୍ କେଟେଦ୍ କାମି ବିଷାଏରେ ଆଇଜ୍ ଗାଞ୍ଜା ଏମେତାନାଆଇଜ୍ । ୧୪ *ଆବୁଆଃ ଦୁଲାଡ଼୍ ବାଜଦ୍ ଲୁକ୍ ଆତଃ ଦିମା ଆପେକେ ଜହାର୍ ମେନ୍ତେ କାଜିକୁଲ୍ ତାନା ।

୧୫ ଲାଉଦିକିଆରେନ୍ ଖ୍ରୀଷ୍ଟ ବିଶ୍ୱାସୀ ହାଗାକକେ, ମିଗି ନୁମ୍ପା ଆତଃ ଆୟାଃ ଅଡ଼ାଃରେ ଝୁଣ୍ଡିୟାଃତାନ୍ କାଲିସିୟାରେନ୍ ସବେନ୍କକେ ଆଲେୟାଃ ଜହାର୍ ଉଦୁବାକପେ । ୧୬ ଆପେ ନେ ଚିତାଉ ପାଡ଼ାଅ ଚାବାକେଦ୍ ତାୟମନ୍ତେ, ଲାଉଦିକିଆ କାଲିସିୟାରେନ୍ ହଡ଼କକେ ନେ ଚିତାଉକେ ପାଡ଼ାଅ ନାଗେନ୍ତେ ଏମାକପେ । ଆତଃ ଆଇଜ୍ ଲାଉଦିକିଆକେ ଅକ ଚିତାଉ ଅଲ୍ଲାକାଦାଆଇଜ୍, ଏନାକେୟ୍ରି ଆପେ ପାଡ଼ାଏପେ । ୧୭ *ଆତଃ ଆଖି ପସ୍ତକେ କାଜିପେ, “ପ୍ରାଭୁଆଃ ସେଞ୍ଜା ନାଗେନ୍ତେ ଆମ୍ବକେ ଅକ ବାହାରମ୍

* ୩:୨୫ ୩:୨୫ ଏପିସିୟ ୬:୯. * ୪:୧ ୪:୧ ଏପିସିୟ ୬:୯. * ୪:୫ ୪:୫ ଏପିସିୟ ୫:୧୭. * ୪:୭ ୪:୭ ପ୍ରେରିବ୍ ୨୦:୪; ୨ ଡିମଥ୍ ୪:୧୨. * ୪:୭ ୪:୭ ଏପିସିୟ ୬:୨୧,୨୨. * ୪:୯ ୪:୯ ଡିଲ୍ମନ୍ ୧:୧୦-୧୨. * ୪:୧୦ ୪:୧୦ ପ୍ରେରିବ୍ ୧୯:୨୯; ୨୭:୨; ଡିଲ୍ମନ୍ ୧:୨୪; ପ୍ରେରିବ୍ ୧୨:୧୨,୨୫; ୧୩:୧୩; ୧୫:୩୭-୩୯. * ୪:୧୨ ୪:୧୨ କଲସିୟ ୧:୭; ଡିଲ୍ମନ୍ ୧:୨୩. * ୪:୧୪ ୪:୧୪ ୨ ଡିମଥ୍ ୪:୧୧; ଡିଲ୍ମନ୍ ୧:୨୪; ୨ ଡିମଥ୍ ୪:୧୦; ଡିଲ୍ମନ୍ ୧:୨୪. * ୪:୧୭ ୪:୧୭ ଡିଲ୍ମନ୍ ୧:୨.

ଏମାକାନ୍ ତାଇକେନା, ଏନା ରିକାତେଗି ରିକାଏମେ ।”

^{୧୮} ଆଇଙ୍ଗ୍ ପାଉଲୁସ୍ ଆଇୟାଃ ଆପ୍ନାଃ ଅନଲ୍ତେଗି ଜହାର୍ ମେନ୍ତେଇଙ୍ଗ୍ କାଜିକୁଲ୍ ତାନା । ଆଇଙ୍ଗ୍ ଜେହେଲ୍ରେ ସିକିଡ୍ତେ ତଲ୍ଲକାନ୍ତେୟାଃକେ ପାହାମାକାପେ । ପାର୍ମେଣ୍ଟାର୍ଆଃ ସାୟାଦ୍ ଆପେ ସବେନ୍କିଲିଃ ହବାଅଃକା ।

ଥେସଲନିକୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ଥେସଲନିକୀ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ ପାରିଟାଏ

ପ୍ରେରିତ୍ ପାଉଲୁସ୍ ଥେସଲନିକୀ କାଲିସିୟାତେ ନେ ଚିଟାଉ ଅଲ୍ଲାକାଦାଏ ୧:୧ । ନେ ଚିଟାଉ ଥେସଲନିକୀ କାଲିସିୟା ନାଙ୍ଗ ପାଉଲୁସ୍‌ଆଃ ପାହିଲା ଚିଟାଉ ତାନାଃ । ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୫୧ କରେ ଅଲ୍ଲାକାନା । ପାଉଲୁସ୍ ଚିମ୍ତା କରନ୍ତି କାଲିସିୟାରେ ତାଇକେନାଏ, ଇମ୍ତା ନେ ଚିଟାଉ ଅଲ୍ଲାକାଦ୍ ତାଇକେନାଏ । ନେ ଚିଟାଉ ଅକନ୍ କାଲିସିୟାକେ ଅଲ୍ଲାକାଦ୍ ତାଇକେନାଏ, ଏନା ଇନିଃ ବାର୍‌ସାତେ ମିସ୍‌ନାରି କାମି ହରାସେନକେନ୍ ଇମ୍ତା ନେ କାଲିସିୟାକେ ବାଇୟାକାଦ୍ ତାଇକେନା ପ୍ରେରିତ୍ ୧୭:୧-୧୦ । ଏନା ଚିମିନ୍ ଯିହୁଦୀକ ଆତଃ ଚିମିନ୍ ସାଆଁସାର୍ ହଡକଆଃ ହରାତେ ହାରାଇଦିକାନା ମେନ୍ତେ ପ୍ରେରିତ୍ ପୁଅରେ କାଜିକାନା ।

ପାଉଲୁସ୍ କାଲିସିୟା ବାଇକେଦ୍ ତାୟମ୍‌ତେ ଥୁମ୍ବା ମାହାଁ ଥେସଲନିକୀରେ କାଏ ତାଇନ୍ ଦାଡ଼ିୟାନା । ଏନାତେ ଟୁଣ୍ଡୁରେ ଏନ୍ତାଃରେ ମେନାକ ବିଶ୍ୱାସୀକକେ ଜୀଉରେ କେଟେଦ୍ ଏମାକ ନାଗେନ୍ତେ ନେ ଚିଟାଉ ଅଲ୍ଲକୁଲକେଦାଏ । ମିଆଁଦ୍ ଖ୍ରୀଷ୍ଟ୍‌ୟାନକେ ଚିଲ୍‌କା ଜୀହିଦ୍ ଲାଗାତିୟାଁ, ନେ ଚିଟାଉରେ ପୁରାଃ ବିଷାଏ ଆତଃ ଏଟାଃ ଏଟାଃ ଚିମିନ୍ ଆନ୍‌ଚୁକ ମେନାଃ ।

ପାଉଲୁସ୍‌ଆଃ ଆତଃମିସା ହିନିଜୁଃ ବିଷାଏରେ ଅଲ୍ଲାକାନା । ହବାସାକାଅଆଃ ଥେସଲନିକୀ କାଲିସିୟାରେନ୍ ବିଶ୍ୱାସୀକ ପୁରାଃତେ ନେ ବିଷାଏରେ ଚିହ୍ନୁଲକେଦ୍‌ତେ ତାଇକେନାକ । ପାଉଲୁସ୍ ଯୀଶୁଆଃ ଆତଃମିସା ହିନିଜୁଃକେ ନେଲକେଦ୍‌ତେ ପାର୍‌ମେଶ୍ୱାର୍‌କେ ସୁକୁଇଚି ଲେକା ଜୀଦାନ୍ ବିତାଏ ନାଗେନ୍ତେ ଉଦୁବାଃଏ ୫:୬-୮ ।

ପୁଅ ଚିଟାଉରେ ତାଇକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାର୍‌ମେଶ୍ୱାର୍‌କେ ଧାନ୍‌ଧାବାଦ୍ ଏମ୍‌କେଦ୍‌ତେ ନେ ଚିଟାଉରାଃ ଏନେଟେଦ୍ ହବାକାନା । ୧
- ୨. ତାୟମ୍‌ତେ ଇନିଃ ତାମଥୁ ଆଉଝାକାଦ୍ କାଜି ଆତଃ ଆୟାଃ କାମି ବିଷାଏରେ କାଜିକାଦା । ୨-୩
- ୩. ପାଉଲୁସ୍ ଆଚୁକାଦାଏ ଯେ, ଖ୍ରୀଷ୍ଟ୍‌ୟାନକେ ଚିଲ୍‌କା ଯୀଶୁ ଖ୍ରୀଷ୍ଟ୍‌ଆଃ ଆତଃମିସା ହିନିଜୁଃରେୟାଃ ମାର୍‌ସାଲ୍‌ରେକ ତାଇନା । ୪:୧-୫:୧୫
- ୪. ପାଉଲୁସ୍ ଆତଃମିସା କାଲିସିୟାକେ ଜହାର୍ ଆତଃ ଇନ୍‌କୁକେ ନେ ଚିଟାଉକେ ପାଢ଼ାଅ ଲାଗାତିଜ୍‌ୟାଃ ମେନ୍ତେ କାଜିଚୁଣ୍ଡୁକେଦା । ୫:୧୬-୨୮

୧୧* ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ତାଇକାନ୍ ଥେସଲନିକୀ କାଲିସିୟାରେନ୍ ହଡକତାଃତେ ପାଉଲୁସ୍, ସିଲାସ୍ ଆତଃ ତାମଥୁଆଃ ଚିଟାଉ । ସାୟାଦ୍ ଆତଃ ଜୀଉସୁକୁ ଆପେରେ ହବାଅଃକା ।

ଥେସଲନିକୀରେନକଆଃ ଜୀଦାନ୍ ଆତଃ ବିଶ୍ୱାସ୍

୧୨ ଆଲେ ସବେନ୍ ଇମ୍ତା ଆଲେୟାଃ ବିନ୍ତିରେ ଆପେକେ ପାହାମ୍‌ପେତାନ୍‌ଲଃ ପାର୍‌ମେଶ୍ୱାର୍‌କେଲେ ଜହାରିତାନା । ୧୩ ଚିୟାଃଚି ଆଲେ ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ସାମ୍‌ନାଙ୍ଗ୍‌ରେ ଆପେୟାଃ ବିଶ୍ୱାସିରାଃ କାମି ଆତଃ ଆପେୟାଃ ଦୁଲ୍ଲାଡ଼୍‌ତେ ଅତଙ୍ଗ୍‌ଅଃତାନ୍ କେଟେଦକାମି, ଆତଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ଆସ୍ରାଏତାନ୍ ଆପେୟାଃ ସାହାତିଙ୍ଗ୍ ଜୀଦାନ୍‌କେଲେ ପାହାମାକାଦା । ୧୪ ହେ ହାଗା ମିଶିକ, ଆଲେ ସାରିତାନାଲେ, ପାର୍‌ମେଶ୍ୱାର୍ ଆପେକେ ଦୁଲ୍ଲାଡ଼୍‌ପେତାନା ଆତଃ ଆୟାଃ ହଡ୍ ହବାଅଃ ନାଗେନ୍ତେ ଆପେକେ ସାଲ୍‌କାଦ୍‌ପେୟା । ୧୫ ଚିୟାଃଚି ବାଟାନ୍‌ତେ ଏସକାର୍ କା ମେନ୍‌ଦ୍ ପାବିତାର୍ ଆମ୍‌ରାଃ ଯେତେଃତେ, ସୁକୁକାଜିରେୟାଃ ସାନାର୍‌ତି ପୁରା ସେକାଡ଼୍‌କେଦ୍‌ତେ ଆପେତାଃତେ ସେଟେର୍‌ୟାନା । ଆଲେ ଆପେଲଃ ତାଇନ୍ ଇମ୍ତା ଆପେୟାଃ ବୁଗିନ୍ ନାଗେନ୍ତେ ଚିଲ୍‌କା ଜୀଦାନ୍ ବିତାଏ ତାଇକେନାଲେ ଏନା ଆପେ ସାରିତାନାପେ । ୧୬* ଆତଃ ଆପେ ଆଲେକେ ଆତଃ ପ୍ରାଭୁକେ ଅତଙ୍ଗ୍‌କାଇ ତାଇକେନାପେ,

* ୧:୧ ୧:୧ ପ୍ରେରିତ୍ ୧୭:୧. * ୧:୨ ୧:୨ ପ୍ରେରିତ୍ ୧୭:୫-୯.

ଆତ୍ମା ଆପେ ପୁରାଣ ଦୁକୁ ସାହାତିଙ୍ଗାତାନରେୟ ପାବିତାର୍ ଆମ୍ବାଏତେ ହିଜୁଃତାନ୍ ସୁକୁରାସକାଲଃ ଏନ୍ ସୁକୁକାଜିକେ ସୁକୁରାସକାଲଃ ତେଲାକାଦ୍ ତାଇକେନାପେ ।^୭ ନେ ଲେକାତେ ଆପେ ମାଜିଦନିଆ ଆତ୍ମା ଆଖାୟାରେ ତାଇଜତାନ୍ ସବେନ୍ ବିଶ୍ୱାସୀକଆଃ ନାଙ୍ଗ୍ ନାମୁନା ଲେକାପେ ହବାକାନ୍ ତାଇକେନା ।
 「ଆପେତାଃଏତେ ଏସକାର୍ ପ୍ରାଭୁଆଃ ସୁକୁକାଜି ମାଜିଦନିଆ ଆତ୍ମା ଆଖାୟାରେ ଉଦୁବକାନା ଏନା କାହାଗି, ମେନ୍ଦ୍ ଆପେ ପାର୍ମେଶ୍ୱାର୍ତାଃରେ ବିଶ୍ୱାସକାଦ୍ କାଜି ସବେନ୍ତାଃରେ ଉଦୁବକାନା, ଏନାତେ ନେ ବିଷାଏରେ ଆଲେକେ ଆତ୍ମା ଆଦକା ଜେଡନାଃ କାଜି କା ଲାଗାତିୟା ।^୮ ଆଲେ ଆପେତାଃତେ ସେନ୍ ଇମତା ଚିଲ୍ଲକା ଆପେ ଆଲେକେ ଦାରମ୍ବକେଦ୍ଲେୟାପେ, ଆତ୍ମା ମୁରୁଡ୍ ସେଖାକେ ବାଗିକେଦ୍ତେ ଆପେ ସାର୍ତି ଆତ୍ମା ଜାନିଦ୍ ପାର୍ମେଶ୍ୱାର୍ତକେ ସୁସାରି ନାଗେନ୍ତେ ମନ୍ଦେପେ ରୁହାଡ୍ଡକେଦା,^୯ ଆତ୍ମା ଚିଲ୍ଲକା ପାର୍ମେଶ୍ୱାର୍ତାଃ ଖୁସଏତେ ଆବୁକେ ବାସ୍ତାଅ ନାଙ୍ଗ୍, ଗଜାକାନ୍‌କଏତେ ଜୀଉବିଦିକାନ୍ ଆୟାଃ ହନ୍ ଯୀଶୁଆଃ ସିମାଏତେ ହିଜୁଃରୁହାଡ୍ଡକେ ନେଲ୍‌ହରା ନାଗେନ୍ତେ ପାର୍ମେଶ୍ୱାର୍ତାଃତେପେ ରୁହାଡ୍ଡୟାନା, ଏନ୍ ସବେନ୍ ବିଷାଏରେ ଏଗାଃରେନ୍ ହଡ୍ଡକେ ଜାଗାର୍ ତାନା ।

୨

ଏଥେସ୍‌ପଲନିକାରେ ପାରଲୁସ୍‌ଆଃ କାମି

୧ ହେ ହାଗା ମିଶିକ, ଆଲେ ଆପେତାଃତେ ହିଜୁଃତେୟାଃ କା ସାମାକାନା, ଏନା ଆପେୟପେ ସାରିତାନା ।
 ୨ ଆଲେ ଏଥେସ୍‌ପଲନିକାରେ ଆପେତାଃତେ ହିଜୁଃ ସିଦାରେଗି ଫିଲିପ୍ ନାଗାର୍ରେ ଚିଲ୍ଲକା ଆଲେ ଚେତାନରେ ଦୁକୁ ଆତ୍ମା ସାସାତି ହିଜୁଃକାନ୍ ତାଇକେନା, ଏନାପେ ସାରିକାଦା । ପୁରାଃ କାଜିକଟଙ୍ଗ୍ ହବାୟାନ୍ରେୟ ପାର୍ମେଶ୍ୱାର୍ତାଃଏତେ ନାମାକାଦ୍ ସୁକୁକାଜି ଆପେକେ ଉଦୁବ୍ ନାଗେନ୍ତେ ପାର୍ମେଶ୍ୱାର୍ ଆଲେକେ ପେଡେଃ ଏମାକାଦ୍ଲେ ତାଇକେନାଏ ।^୩ ଆଲେ ଜେତାନ୍ ଭୁଲ୍ ଚାଏ କା ଫାର୍ତି ଲେକାନ୍ ଉକେଶ୍ୱରେ ଆପେକେ କାଲେ ବିକ୍ରିକାଦ୍ପେ ତାଇକେନା, ଚାଏ ଆପେକେ ବେଦାପେ ନାଗେନ୍ତେ କାଲେ ସାନାଙ୍ଗ୍ ତାଇକେନା ।^୪ ମେନ୍ଦ୍ ଆଲେ ପାର୍ମେଶ୍ୱାର୍ତାଃ ସାନାଙ୍ଗ୍ଲେକା ସବେନ୍ ଇମତା କାଜିୟାଃଲେ, ଚିୟାଃଚି ଇନିଃ ସୁକୁକାଜି ଉଦୁବ୍ରେୟାଃ ବାହାରମ୍ ଆଲେକେ ଏମାକାଦ୍ଲେୟା । ହଡ୍ଡକକେ ସୁକୁକାଜିକ ନାଗେନ୍ତେଦ କା ମେନ୍ଦ୍ ଅକନ୍ ପାର୍ମେଶ୍ୱାର୍ ଆବୁଆଃ ମନ୍‌ସୁରୁଦ୍ ବିଡାଏକେଦ୍ତେ ଆଡ୍‌କାର୍‌ଉରୁମାଃଏ, ଇନିଃକେ ସୁକୁକାଜି ନାଗେନ୍ତେଲେ ସାନାଙ୍ଗ୍ତାନା ।^୫ ଆପେ ବୁଗିଲେକାପେ ସାରିତାନା, ଆଲେ ଆପେତାଃତେ ଚିଉଲ୍‌ହ ହସଡ୍ କାଜିକ କାଜିକେଦ୍ତେ କାଲେ ହିଜୁଃକାନ୍ ତାଇକେନା, ଚାଏ ଆଲେ ଖୁଜ୍ ରାଃ ହାୟାତେ ବେଦା କାଜି କାଲେ କାଜିକାଦ୍ ତାଇକେନା, ଏନାଗାଃ ଗାଝା ପାର୍ମେଶ୍ୱାର୍ ତାନିଃ ।^୬ ଆଲେ ଜେତାଏତାଃଏତେ ମାଇନ୍ ନାମେ ନାଗେନ୍ତେ କାଲେ ସାନାଙ୍ଗ୍‌କାଦ୍ ତାଇକେନା, ଆପେତାଃଏତେ ଚାଏ ଏତାଃକତାଃଏତେହ୍ ମାଇନ୍ ନାମେ ନାଗେନ୍ତେ କାଲେ ସାନାଙ୍ଗ୍‌କାଦ୍ ତାଇକେନ୍ରେୟ, ^୭ ଆଲେ ଯୀଶୁ ଖ୍ରୀଷ୍ଟ୍‌ଆଃ ପ୍ରେରିଡ୍‌କ ହବାୟାନ୍ତେ ଆପେତାଃଏତେ ଏନା ହାତି ଦାଡ୍ଡିକାଦ୍ତେ ତେୟାଃଲେ, ମେନ୍ଦ୍ ଏଙ୍ଗା ଆୟାଃ ହନ୍‌କକେ ସାକ୍‌ଲାଅ ଦାଡ୍ଡିଲେକା, ଆଲେ ଆପେତାଃରେ ତାଇକେନ୍ ଇମତା ଆପେକେୟ ଏନ୍‌ଲେକାଗି ଲେବେଃତେ ସାକ୍‌ଲାଅ କାଦ୍ପେ ତାଇକେନାଲେ ।^୮ ଆଲେୟାଃ ଦୁଲାଡ୍ ଆପେ ନାଗେନ୍ତେ ତାଇନ୍ ହରାତେ ଆଲେ ଆପେକେ ପାର୍ମେଶ୍ୱାର୍ତାଃ ସୁକୁକାଜି ଏସକାର୍ କାହା, ମେନ୍ଦ୍ ଆପେ ନାଗେନ୍ତେ ଆଲେୟାଃ ଜୀଦାନକେୟ ଏମ୍ ନାଙ୍ଗ୍ ସେକାଡ୍‌କାନ୍ ତାଇକେନାଲେ, ଚିୟାଃଚି ଆପେ ଆଲେୟାଃ ଦୁଲାଡ୍‌କେପେ ହବାକାନ୍ ତାଇକେନା ।^୯ ହେ ହାଗା ମିଶିକ, ଆପେଦ ଆଲେୟାଃ ହାମ୍‌ଲୁ କାମି ଆତ୍ମା ଦୁକୁପେ ପାହାମେତାନା, ଆପେଏତେ ଜେତାଏରେ ବାହାରମ୍ ଆଲକା ଲାଦିୟାଃକା ମେନ୍ତେ ଆଲେ ନିଦା ସିଙ୍ଗି କାମିକେଦ୍ତେ ଆପେ ଆଲାରେ ପାର୍ମେଶ୍ୱାର୍ତାଃ ସୁକୁକାଜିଲେ ଉଦୁବକାଦ୍ ତାଇକେନା ।

୧୦ ଆପେ ବିଶ୍ୱାସୀ ତାନ୍ଦେ, ଆପେ ଆଲାରେ ଆଲେ ଚିଲ୍ଲକା ପାବିତାର୍, ଧାର୍ମାନ୍ ଆତ୍ମା କା ଚିତାଃଆ ଲେକାଲେ କାମି ତାଇକେନା, ଏନାଗାଃ ଗାଝାକ ଆପେଗି ତାନ୍ଦେ ଆତ୍ମା ପାର୍ମେଶ୍ୱାର୍ ହଗି ତାନିଃ ।^{୧୧} ଆପେଦପେ ସାରିତାନା, ଆପ୍ ଆୟାଃ ହନ୍‌କଲଃ ରିକାଏ ଲେକା, ଆଲେ ଆପେ ସବେନ୍‌କଲଃ ଏନ୍‌ଲେକାଗିଲେ ରିକାକାଦ୍ ତାଇକେନା ।^{୧୨} ଆପେକେ କେଡ୍‌କାଦ୍ପେ ଏନ୍ ପାର୍ମେଶ୍ୱାର୍ତାଃ ରାଇଜ୍ ଆତ୍ମା ମାନାରଙ୍ଗ୍ରେ ମେସାଃଆ ନାଗେନ୍ତେ ଆପେ ଆଇଃକ୍‌କେ ସୁକୁଆଇ ଲେକାନ୍ ଜୀଦାନ୍ ବିତାଏପେ, ମେନ୍ତେ ଆଲେ ଆପେକେ ବିକ୍ରିତାନ୍‌ଲଃ ଜୀଉରାସକା ଆତ୍ମା ଜୀଉରେ କେଟେଦ୍ଲେ ଏମାକାଦ୍ପେ ତାଇକେନା ।

୧୩ ଆତ୍ମା ଆଲେ ଆପେତାଃରେ ପାର୍ମେଶ୍ୱାର୍ତାଃ ବାତାନ୍ ହାଚିଙ୍ଗ୍‌କେଦ୍ ଇମତା, ଆପେ ଏନାକେ ହଡ୍ଡକଆଃ କାଜିତାନାଃ ମେନ୍ତେ କା କାଜିକେଦ୍ତେ, ପାର୍ମେଶ୍ୱାର୍ତାଃ ବାତାନ୍ ଲେକା ଆୟୁମ୍‌ତାନ୍‌ଲଃ

* ୨:୨ ୨:୨ ପ୍ରେରିଡ୍ ୧୭:୧୯-୨୪: ପ୍ରେରିଡ୍ ୧୭:୧-୯.

ତେଲକାନ୍ଦ ତାଜକେନାପେ । ଆତଃ ଏନା ସାର୍ବତ୍ରି ପାର୍ବମେଶ୍ଵାର୍ଥାଃ ବାଚାନ୍ ତାନାଃ, ଆତଃ ଆପେ ଲେକାନ୍ଦ ବିଶ୍ଵାସୀକଥାଃ ମନ୍‌ସୁରୁଦ୍‌ରେ କାମିୟଃତାନା । ଏନାମେନ୍ତେ ଆଲେ ପାର୍ବମେଶ୍ଵାର୍‌କେ ଜାନାଅରିଲେ ଜହାରିତାନା । ୧୪ ଚିୟାଃଟି, ହେ ହାଗା ମିଶିକ, ଯିହୁଦା ବିଶ୍ଵାସରେ ତାଜକେନାନ୍ ପାର୍ବମେଶ୍ଵାର୍‌ଥାଃ କାଲିସିୟାକରେ ଆତଃ ଏନ୍ତାଃରେନ୍ ଖ୍ରୀଷ୍ଟ ବିଶ୍ଵାସୀକରେ ହବାଲେନ୍ ଲେକାରି ଆପେରେହିଁ ହବାଅଃତାନା । ଇନ୍‌କୁ ଯିହୁଦୀକତାଃଏତେ ସାସାତି ନାମକେଦ୍ ଲେକାରି ଆପେୟ ଆପେୟାଃ ହତ୍‌କତାଃଏତେ ସାସାତିପେ ନାମେତାନା । ୧୫ ଏନ୍‌ ଯିହୁଦୀକଦ୍ ପ୍ରାଭୁ ଯୀଶୁକେ ଆତଃ ନାବୀକକେୟ ଗଏଃକେଦ୍‌କଥାକ ଆତଃ ଆବୁକେ ସାସାତିକେଦ୍‌ବୁଆକ । ଇନ୍‌କୁ ପାର୍ବମେଶ୍ଵାର୍‌ଥାଃ କା ସୁକୁଆନ୍‌କ ତାନ୍‌କ ଆତଃ ସବେନ୍‌ ହତ୍‌କଥାଃ ବାଜରିକ ତାନ୍‌କ । ୧୬ ସାର୍ଥସାର୍ ହତ୍‌କଥାଃ ଜୀଉବାସ୍ତାଅ ନାମେ ନାଗେନ୍ତେ ଅକନ୍‌ ସୁକୁକାଜି ଉଦୁବଃତାନା, ଏନାକେୟ ଆଲେକେ ଉଦୁଦ୍ ନାଗେନ୍ତେ କାଜିକଟଙ୍ଗ ନାଙ୍ଗ ସାନାଙ୍ଗତାନାକ । ଏନ୍‌ଲେକା ଇନ୍‌କୁ ସବେନ୍‌ ଇମ୍‌ତା ଆକଥାଃ ଆକଥାଃ ପାପରେ ପେରେଜାକାନାକ । ଆତଃ ତୁଶ୍ଵୁରେ ନାହାଁଃ ପାର୍ବମେଶ୍ଵାର୍‌ଥାଃ ଖ୍ଵୟ ଇନ୍‌କୁଆଃ ବିରୁଧରେ ସେଟେରାକାନା ।

ପାଉଲୁସ୍ ଆତଃମିସା ଇନ୍‌କୁତାଃତେ ସେନ୍ ନାଗେନ୍ତେ ସାନାଙ୍ଗକେଦା

୧୬ ହେ ହାଗା ମିଶିକ, ଆଲେ ଆପେତାଃଏତେ ମନ୍‌ରେଦ୍ କା ମେନ୍‌ଦ୍ ହତ୍‌ମରେ ହୁଡିଙ୍ଗ୍ ଦିପିଲି ବିନ୍‌ଗାଅକାନ୍ ନାଗେନ୍ତେ ଆପେକେ ଆତଃମିସା ନେଲ୍ ନାଙ୍ଗ ପୁରାଃଲେ ସାନାଙ୍ଗ୍ ତାଜକେନା । ୧୭ ଏନା ନାଗେନ୍ତେ ଆଲେ ଆପେତାଃତେ ସେନ୍ ନାଗେନ୍ତେଲେ ଉହାଡିକାଦ୍ ତାଜକେନା, ଆଇଙ୍ଗ୍ ପାଉଲୁସ୍ ମିସା, ବାର୍‌ସାଏତେ ଆଦକା ଆପେତାଃତେ ସେନ୍ ନାଙ୍ଗ୍ ମନେକାଦ୍ ତାଜକେନାଇଙ୍ଗ୍, ମେନ୍‌ଦ୍ ସାଏତାନ୍ ଆଲେକେ ଛେକାଦ୍ କେଦ୍‌ଲେୟା । ୧୯ ଚିୟାଃଟି ଆବୁଆଃ ପ୍ରାଭୁ ଯୀଶୁଆଃ ହିନ୍‌ଜୁଃ ଦିପିଲିରେ ଆୟାଃ ସାମ୍‌ନାଙ୍ଗ୍‌ରେ ଏଟାଃକ ଲେକା ଆପେୟ ଆଲେୟାଃ ଆସା, ରାସ୍‌କା ଚାଏ ମାନାରାଙ୍ଗ୍‌ରାଃ ମୁକୁଟ୍ ଚିନାଃତାନାଃ ? ଚିୟାଃ ଆପେରି ନାହାଁଲପେତି ? ୨୦ ଆପେରିଦ୍ ଆଲେୟାଃ ମାନାରାଙ୍ଗ୍ ଆତଃ ରାସ୍‌କା ତାନ୍‌ପେ ।

୩

୧ ଆଲେ ସାହାଡିଙ୍ଗ୍ କାଲେ ଦାଡିୟାନା, ଏନା ନାଗେନ୍ତେ ଏଥେନ୍‌ସରେ ଏସକାର୍ ତାଜନ୍ ନାଗେନ୍ତେଲେ ଉହାଡିକେଦା । ୨ ଆପେକେ ପେଡେଃତେ ନାଗେନ୍ତେ ଆତଃ ବିଶ୍ଵାସରେ ତାଜନ୍ ନାଙ୍ଗ୍ ଜୀଉରେ ରାସ୍‌କା ଏନାପେ ନାଗେନ୍ତେ ଆପେତାଃତେ ଆଲେୟାଃ ହାଗା ତାମଥୁକେଲେ କୁଲିୟା । ଇନିଃ ଖ୍ରୀଷ୍ଟ୍‌ଆଃ ସୁକୁକାଜି ଉଦୁଦ୍ ନାଙ୍ଗ୍ ପାର୍ବମେଶ୍ଵାର୍‌ଥାଃ ସେଝା କାମିରେ ଆଲେଲଃ ମିସାତେ କାମିନିଃ ତାନିଃ । ୩ ଜେ'ଲେକାରି ନେ ସବେନ୍‌ ସାସାତି ହରାତେ ଜେତାଏ ବିଶ୍ଵାସ୍‌ଏତେ ଆଲକାଏ ରୁହାଡିକା । ଆବୁ ନେ'ଲେକାରି ସାସାତି ନାମେନାଙ୍ଗ୍‌ରୁ ଦହାକାନା, ଏନା ପାର୍ବମେଶ୍ଵାର୍‌ଥାଃ ସାନାଙ୍ଗ୍‌ତାନାଃ, ଏନାଦପେ ସାରିତାନା । ୪ ଚିୟାଃଟି ଆବୁଆଃ ସାସାତି ହବାଅଥାଃ ମେନ୍ତେ ଆଲେ ଆପେଲଃ ତାଜକେନ୍ ଇମ୍‌ତାରେରି ଆପେକେ ସିଦାରେ କାଜିକାଦ୍‌ପେ ତାଜକେନାଲେ । ଏନା ଏନ୍‌ଲେକାରି ହବାଅଃତାନା, ଏନାପେ ସାରିତାନା । ୫ ହବାସାକଅଥାଃ ସାଏତାନ୍ ଆପେକେ ବିଡାଅକାଦ୍‌ପେୟା ଆତଃ ଆଲେୟାଃ କାମିକ ସାମାଏଶ୍ଵାଗଃଆ, ନେଆଁ ଉଡ଼ୁକେଦ୍‌ତେ ଆଇଙ୍ଗ୍ କାଜଙ୍ଗ୍ ସାହାଡିଙ୍ଗ୍ ଦାଡିୟାନା, ଏନା ନାଗେନ୍ତେ ଆଇଙ୍ଗ୍ ଆପେୟାଃ ବିଶ୍ଵାସ୍ ବିଷାଏରେ ସାରିନାଙ୍ଗ୍ ତାମଥୁକେ ଆପେତାଃତେଇଙ୍ଗ୍ କୁଲ୍‌କିୟା ।

୬ ମେନ୍‌ଦ୍ ନାହାଁଃ ତାମଥୁ ଆପେତାଃଏତେ ଆଲେତାଃ ହିନ୍‌ଜୁଃକାନାଏ ଆତଃ ଆପେୟାଃ ବିଶ୍ଵାସ୍ ଆତଃ ଦୁଲାଡି ବିଷାଏରେ ରାସ୍‌କାରାଃ ସୁକୁକାଜି ଆଉକାଦା । ଆମ୍ ଆଲେୟାଃ ନାଙ୍ଗ୍ ବୁଗିନ୍‌ଡେୟାଃ ଉଡ଼ୁଆତଃ ଆଲେ ଆମ୍‌କେ ନେନେଲ୍ ସାନାଙ୍ଗ୍‌ତାନ୍‌ଲେକା ଆମ୍‌ହ ଆଲେକେ ନେନେଲ୍ ସାନାଙ୍ଗ୍‌ତାନାମ୍ ମେନ୍ତେ ଇନିଃ କାଜିକାଦ୍‌ଲେୟାଏ । ୭ ଏନାମେନ୍ତେ ହେ ହାଗା ମିଶିକ, ଆପେୟାଃ ବିଶ୍ଵାସ୍ ନାଙ୍ଗ୍ ଆଲେୟାଃ ସବେନ୍‌ ଦୁକୁ ଆତଃ ହାସୁ ଇମ୍‌ତା ଆଲେ ଆପେୟାଃ ହରାତେ ଜୀଉରାଡେଃକଲେ ନାମାକାଦା । ୮ ନାହାଁଃ ଆପେ ପ୍ରାଭୁରେ ଚିଙ୍ଗ୍‌କେଟେଦ୍ କାନ୍‌ରେଦ୍, ଆବୁ ସାର୍‌ବତ୍ରି ଜୀହୁଦଃ ତାନାବୁ । ୯ ନାହାଁଃଦ୍ ଆଲେ ଆପେୟାଃ ହରାତେ ପୁରାଃ ରାସ୍‌କାଲେ ନାମାକାଦା, ଏନାମେନ୍ତେ, ଏନାରେୟାଃ ବାଦ୍‌ଲାରେ ନାହାଁଃ ପାର୍ବମେଶ୍ଵାର୍‌କେ ଧାନାବାଦଲେ ଏମାଜତାନା । ୧୦ ଆପେକେ ଆତଃମିସା ନେନେଲ୍ ନାଙ୍ଗ୍ ଆତଃ ଆପେୟାଃ ବିଶ୍ଵାସ୍‌ରେ ଜାଞ୍ଜିକାନ୍‌ଡେୟାଃ ପୁରାଅଃ ନାଗେନ୍ତେ ନିଦାସିଙ୍ଗି ବିଗ୍ତିତାନାଲେ ।

☆ ୨:୧୪ ୨:୧୪ ପ୍ରେରିଡ୍ ୧୭:୫. ☆ ୨:୧୫ ୨:୧୫ ପ୍ରେରିଡ୍ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. ☆ ୩:୧ ୩:୧ ପ୍ରେରିଡ୍ ୧୭:୧୫. ☆ ୩:୬ ୩:୬ ପ୍ରେରିଡ୍ ୧୮:୫.

^{୧୧} ଆପେତାଃତେ ହିନ୍ଦୁଃ ନାଜ୍ ଆବୁଆଃ ଆପୁ ପାର୍ମେଶ୍ୱାର୍ ଆଇଃକ୍ତି ଆତଃ ଆବୁଆଃ ପ୍ରାଭୁ ଯୀଶୁ ଆବୁଆଃ ହରାଏ ବାଇୟେକା । ^{୧୨} ଆପେୟାଃ ନାଜ୍ ଆଲେୟାଃ ଦୁଲାଡ୍ ଜେ'ଲେକା ପୁରାଃଗିଆ, ଏନ୍ଲେକାଗି ମିହୁଡ୍ ଆତଃମିହୁଡ୍ ନାଜ୍ ଆତଃ ସବେନ୍ନକ ନାଜ୍ ପ୍ରାଭୁ ଆପେୟାଃ ଦୁଲାଡ୍ କେ ଆତଃଗି ପୁରାଃତେ ହାରାଇଦିକା । ^{୧୩} ଏନ୍ଲେକାଗି ଜନିଃ ଆପେୟାଃ ମନ୍ଦକେ ପେଡେଦ୍ପେୟା, ଏନାତେ ଆବୁଆଃ ପ୍ରାଭୁ ଯୀଶୁ ଆୟାଃ ପାବିତାର୍ ହଡ୍ କଲଃ ହିନ୍ଦୁଃ ଜମତା ଆବୁଆଃ ଆପୁ ପାର୍ମେଶ୍ୱାର୍ ଆୟାର୍ରେ ଆପେ ପକ୍ତାକାନ୍ ଆତଃ ପାବିତାର୍ରେ ବେଗାର୍ ଚିତାକାନ୍ ଲେକାପେ ହବାଅଥା ।

୪

ପାର୍ମେଶ୍ୱାର୍ କେ ସୁକୁଆଇଲେକାନ୍ ଜୀଦାନ୍

^୧ ଟୁଣ୍ଡୁର, ହେ ହାଗା ମିଶିକ, ପାର୍ମେଶ୍ୱାର୍ କେ ସୁକୁଆଇଲେକା ଚିଲ୍ଲକା ଜୀଦାନ୍ ବିତାଅ ଲାଗାତିଙ୍ଗ୍ ଯାଃ, ଏନା ଆଲେତାଃଏତେ ଇତୁକାନାପେ, ଏନ୍ଲେକାଗି ଆପେୟାଃ ଜୀଦାନ୍ ବିତାଅତାନାପେ । ମେନ୍ଦ ଏନାଏତେ ଆଦକା ରିକାନାଜ୍ ଆଲେ ଆପେକେ ପ୍ରାଭୁ ଯୀଶୁଆଃ ନୁଡ୍ମତେ ପୁରାଃଗି ହାରାଇଦିୟଃତେ ମେନ୍ତେ ବିନ୍ତି ଆତଃ ଉସକୁରପେ ତାନାଲେ । ^୨ ଚିୟାଃତି ଆଲେ ପ୍ରାଭୁ ଯୀଶୁଆଃ ଆକ୍ତେୟାର୍ରେତେ ଆପେକେ ଏମାକାଦ୍ ଆନାଚୁକେ, ଆପେଦ୍ ବୁରିଲେକାପେ ସାରିଆକାଦା । ^୩ ଆପେ ପାବିତାର୍ ହବାଅଥାପେ ଆତଃ ଆପାଙ୍ଗ୍ ଚି କାମିଏତେ ସାଙ୍ଗିନ୍ରେ ତାଇନ୍ଦେ, ନେଆଁ ପାର୍ମେଶ୍ୱାର୍ ଆଃ ସାନାଙ୍ଗ୍ ତାନାଃ । ^୪ ଆପେ ସବେନ୍ନକ ଆପେୟାଃ କୁଡ୍ କିଲଃ ପାବିତାର୍ରେତେ ଆତଃ ମାଇନ୍ ନାମେଲେକା ଚିଲ୍ଲକା ତାଇନାଃତେ, ଏନା ଆପେକେଗି ସାରି ଲାଗାତିଙ୍ଗ୍ ଯାଃ, ^୫ ପାର୍ମେଶ୍ୱାର୍ କେ କା ସାରିତାନ୍ ସାଆଁସାର୍ ହଡ୍ କଥାଃ ଲେକା ହଡ୍ ମରେୟାଃ ଏଡ୍ କାନ୍ ସାନାଙ୍ଗ୍ ଲେକା ଆଲ୍ପେ ହବାଅଥା । ^୬ ଆତଃ ଜେତାଏ ହଡ୍ ଖ୍ରୀଷ୍ଟିୟାନ୍ ହାଗାକେ ଆଲକାଏ ବେଦାଇକା ଆତଃ ଏଡ୍ କାନ୍ ଆଲକାଏ ରିକାଇକା । ଏନ୍ଲେକାଗି କାମିତାନ୍ କେ ପ୍ରାଭୁ ସାଜାଇ ଏମାକାଏ ମେନ୍ତେ ଆଲେ ଆପେକେ ସିଦାରେଗି କାଜିକେଦ୍ରେ ପୁରାଃ କେଟେଦ୍ରେ ଚେତାଅକାଦ୍ ପେୟାଲେ । ^୭ ପାର୍ମେଶ୍ୱାର୍ ଆବୁକେ ସଡ୍ ରାଲେକା ଜୀଦାନ୍ ବିତାଅ ନାଗେନ୍ତେ କାହା ମେନ୍ଦ୍ ପାବିତାର୍ ଜୀଦାନ୍ ବିତାଅ ନାଗେନ୍ତେ କେଡାକାଦ୍ ବୁଆ । ^୮ ଏନା ନାଗେନ୍ତେ ଜେତାଏ ନେ ଜନିତୁକେ କାଏ ତେଲ୍ୟାଏନିଃ, ହଡ୍ କେ କାଏ ହିଲାଇଆଃ, ମେନ୍ଦ୍ ପାବିତାର୍ ଆମ୍ବାକେ ଏନିତାନ୍ ପାର୍ମେଶ୍ୱାର୍ କେ ହିଲାଇଆତାନା ।

^୯ ଖ୍ରୀଷ୍ଟିୟାନ୍ ବିଶ୍ୱାସୀ ଦୁଲାଡ୍ ବିଷାଏରେ ଆପେତାଃତେ ଆତଃଗି ଅଲ୍ ନାଜ୍ କା ଲାଗାତିଙ୍ଗ୍ ଯାଃ, ଚିୟାଃତି ଆପେ ସବେନ୍ନକ ଦୁପୁଲାଡ୍ରେ ତାଇନ୍ ନାଗେନ୍ତେ ପାର୍ମେଶ୍ୱାର୍ ତାଃଏତେ ଆପେଗିପେ ଇତୁକାନା । ^{୧୦} ଆତଃ ଆପେୟାଃ ତାଇଲ୍ ତାଲାନ୍ ମାକିଦ୍ ନିଆରେନ୍ ସବେନ୍ ଖ୍ରୀଷ୍ଟିୟାନ୍ ବିଶ୍ୱାସୀକଲଃ ଏନ୍ଲେକାଗି ହବାକାନା । ଏନାତେ ହେ ହାଗା ମିଶିକ, ନେଲେକା ଆତଃଗି ପୁରାଃତେ ରିକାଏପେ ମେନ୍ତେଲେ ବିନ୍ତିପେ ତାନା । ^{୧୧} ଆପେକେ ପାହିଲାରେ ଆଚୁକାଦ୍ ପେ ଲେକା, ସୁକୁଜୀତେ ଜୀଦାନ୍ ବିତାଅତାନ୍ ଲଃ ଆପ୍ନାଃ ଆପ୍ନାଃ କାମି କାମିପେ ଆତଃ ଆପେୟାଃ ଜୀହୁଦ୍ ନାଜ୍ ଜଗାଏପେ । ^{୧୨} ଏନ୍ଲେକା କାମି ହରାତେ ଆପେ କା ବିଶ୍ୱାସ୍ତାନ୍ ହଡ୍ କତାଃଏତେ ହଗି ମାଇନ୍ଦେ ନାମେୟା ଆତଃ ଆପେୟାଃ ଜେଡ୍ ନାଃରେ କା କାଞ୍ଜିଅଥା ।

ପ୍ରାଭୁଆଃ ହିନିକୁଃ

^{୧୩} ହେ ହାଗା ମିଶିକ, ଗଜାକାନ୍ ହଡ୍ କଥାଃ ସାର୍ ତି ବିଷାଏରେ ଆପେ ସାରିପେ ଆତଃ ଆପ୍ବା ବାନଃତାନ୍ ଏତାଃ ହଡ୍ କଲେକା ଆପେ ଆଲ୍ପେ ଦୁକୁନାଃ, ଏନା ଆଲେୟାଃ ସାନାଙ୍ଗ୍ ତାନାଃ । ^{୧୪} ଚିୟାଃତି ଆବୁ, ଯୀଶୁ ଗଏଃୟାନାଏ ଆତଃ ଜୀଉବିଦିୟାନାଏ ମେନ୍ତେବୁ ବିଶ୍ୱାସ୍ତାନା । ଏନ୍ଲେକାଗି ଯୀଶୁରେ ବିଶ୍ୱାସ୍ କେଦ୍ରେ ଗଜାକାନ୍, ଯୀଶୁ ଆତଃମିସାଏ ହିନ୍ଦୁଃ ଜମତା ପାର୍ମେଶ୍ୱାର୍ ଜନକୁକେ ଯୀଶୁଲଃ ଆଉତର୍ ସାକଥା, ଏନାହଗି ଆବୁକେ ବିଶ୍ୱାସ୍ ଲାଗାତିଙ୍ଗ୍ ଯାଃ ।

^{୧୫} ଆଲେ ନାହାଁଆ ଆପେକେ ଇତୁପେତାନ୍ ତେୟାଃ ପ୍ରାଭୁଆଃ ଜନିତୁ ତାନାଃ । ଆବୁ ସବେନ୍ନକଏତେ ଅକନ୍ଦ୍ ପ୍ରାଭୁଆଃ ହିନିକୁଃ ଜାକେଦ୍ ଜୀହିଦ୍ ଗିକ ତାଇନା, ଜନକୁ ସିଦାରେ ଗଜାକାନ୍ ହଡ୍ କତାଃଏତେ ଜେତାଲେକାତେ କାକ ଆୟାଃଅଥା । ^{୧୬} ଚିୟାଃତି ପ୍ରାଭୁଦ୍ ଆଇଃକ୍ତି ଆଚୁକେଦ୍ରେ ମାରାଙ୍ଗ୍ ଦୁଡ୍ କଥାଃ ଲାବ୍ ଜା ଆତଃ ପାର୍ମେଶ୍ୱାର୍ ବିଙ୍ଗ୍ ବାଜା ସାଡ୍ ତାନ୍ ଲଃ ସିମାଏତେ ଆଡ୍ ଗୁନାଃ ଆତଃ ଖ୍ରୀଷ୍ଟାତାଃରେ ବିଶ୍ୱାସ୍ କେଦ୍ରେ ଗଜାକାନ୍ ସିଦାକ ବିରିଦାଃ । ^{୧୭} ଏନ୍ତେ ଆବୁ ସବେନ୍ନକଏତେ ଅକନ୍ଦ୍ ଜୀହିଦ୍ ଗିବୁ ତାଇନା, ପ୍ରାଭୁଲଃ ନେପେଲ୍ ନାଗେନ୍ତେ ଆବୁକେ ଇଦିକେଦ୍ରେ ଜନକୁଲଃ ମିସାତେ ରିମିଲ୍ ହୟରେ

* ୪:୧୫ ୪:୧୫ ୧ କରଲିୟା ୧୫:୫୧.୫୨.

ହୁଣ୍ଡିରୁଆ । ଆତଃ ଆବୁ ପ୍ରାଭୁଲଃ ସବେନ୍ ହୁଲ୍ଲାଙ୍ଗୁ ତାଇନ । ୧୮ ଏନାମେନ୍ତେ ଆପେ ନେ ସବେନ୍ କାଜିତେଗି ମିହୁଡ୍ ଆତଃମିହୁଡ୍‌କେ ଜାଉରାଡ଼େଃ ଏମଃପେ ।

୫

ପ୍ରାଭୁଆଃ ହିଜୁଃ ଦିପିଲି ନାଗେନ୍ତେ ସେକାଡ଼ାକାନ୍ ତାଇନ୍‌ପେ

୧୧ ମେନ୍‌ଦ ହେ ହାଗା ମିଶିକ, ନେ ସବେନ୍ ବିଷାଏ ଚିଉଲ୍ଲା ହବାଅଃଆ ଆତଃ ଅକ ନେଡ଼ାରେ ହବାଅଃଆ, ଏନ୍ ବିଷାଏରେ ଆଲେକେ ଆପେତାଃତେ ଜେଡ଼ନାଃ ଅଲ୍ କା ଲାଗାତିଙ୍ଗ୍‌ୟାଃ । ୧୨* ଚିୟାଃଚି ନୁବାଃରେ କୁମ୍‌ପୁ ହିଜୁଃ ଲେକା ପ୍ରାଭୁ ହିଜୁଃଆଏ, ନେଆଁ ଆପେ ବୁଗିଲେକାପେ ସାରିତାନା । ୧୩ ଚିମ୍‌ତା ହଡ଼କ ଜାଉରେ “ସୁକୁ ଆତଃ ଜେତାନ୍ ବର ବାନଆଃ” ମେନେତାନ୍ ଇମ୍‌ତା, ବାଜି ଆକାନ୍ କୁଡ଼ିତାଃରେ ସେଟେରାକାନ୍ ଦୁକୁ ଲେକା ଇମ୍‌ତାଗି ଇନ୍‌କୁତାଃରେ ଜିୟନଃ ସେଟେରାଃ ଆତଃ ଇନ୍‌କୁ ଜେତାଲେକାତେ କା ବାଞ୍ଚାଅଃଆ । ୧୪ ମେନ୍‌ଦ ହେ ହାଗା ମିଶିକ, ଆପେ ନୁବାଃରେ ବାଙ୍ଗ୍‌ପେୟା, ଏନାତେ ଏନ୍ ହୁଲ୍ଲାଙ୍ଗ୍ ବେଗା଼ ସାରିତାନ୍‌ଲଃ ଆପେତାଃତେ କୁମ୍‌ପୁ ହିଜୁଃତାନ୍ ଲେକା କା ସେଟେରା । ୧୫ ଆପେ ସବେନ୍‌କ ମାସ୍‌ଲରେନ୍ ଆତଃ ସିଙ୍ଗିରେନ୍ ହଡ଼କ ତାନ୍‌ପେ । ଆବୁ ନିଦା ଚାଏ ନୁବାଃରେନ୍ ହଡ଼କ ନାହାଁଲାବୁ । ୧୬ ଏନାମେନ୍ତେ ଆବୁ ଏତାଃକେ ଲେକା ଆଲକାବୁ ଦୁଡ଼ମ୍‌କା, ମେନ୍‌ଦ ଏୟନାକାନ୍ ଆତଃ ଚିଗାଁଲାକାନ୍‌ବୁ ତାଇନ୍‌କା । ୧୭ ଚିୟାଃଚି ଦୁଡ଼ମ୍‌ତାନ୍‌କ ନିଦାରେକ ଦୁଡ଼ମ୍‌ତାଃ, ଆତଃ ଇଲିଆର୍‌ଖରେ ବୁଲଃତାନ୍‌କ ନିଦାରେକ ବୁଲଃଆଃ । ୧୮* ମେନ୍‌ଦ ଆବୁ ସିଙ୍ଗିରେନ୍ ହଡ଼କ ହବାୟାନ୍ତେ, ମେଡ଼େଦ୍‌ରାଃ ତୁସିଙ୍ଗ୍‌ତେୟାଃ କୁଡ଼ାମ୍‌ରେ ତୁସିଙ୍ଗ୍‌କାନ୍ ଲେକା, ବିଶ୍ୱାସ୍ ଆତଃ ବୁଲ୍ଲାଡ଼ରେବୁ ତୁସିଙ୍ଗ୍‌କାନଃଆ । ଆତଃ ବହଃରେ ଟୁପୁରି ତୁସିଙ୍ଗ୍‌କାନ୍ ଲେକା ଜାଉବାଞ୍ଚାଅରେୟାଃ ଆସ୍ତାବୁ ତୁସିଙ୍ଗ୍‌କାନଃଆ । ଏନ୍ତେ ଆବୁ ଆବରରେବୁ ତାଇନ୍‌କା । ୧୯ ଚିୟାଃଚି ପାର୍‌ମେଶ୍ୱାର୍ ଆବୁକେ ଖ୍ୱାସ୍ ନାଗେନ୍ତେଦ କା ମେନ୍‌ଦ ଆବୁଆଃ ପ୍ରାଭୁ ଯାଶ୍ୱ ଖ୍ରୀଷ୍ଟଆଃ ହରାତେ ଜାଉବାଞ୍ଚା ନାମେ ନାଗେନ୍ତେ ସାଲ୍ଲାକାଦ୍‌ବୁଆ । ୨୦ ଆବୁ ନେ ଜାଦାନ୍‌ରେ ଜାହିଦ୍‌କାନ୍ ଚାଏ ଗଜାକାନ୍ ତାଇନ୍‌ରେୟ ଇନିଃଲଃ ମିଦ୍‌ରେବୁ ଜାହିଦଃକା ମେନ୍ତେ ଇନିଃ ଆବୁନାଙ୍ଗ୍ ଗଏଃୟାନାଏ । ୨୧ ଏନା ନାଗେନ୍ତେ ଆପେ ନାହାଁଃ ରିକାତାନ୍ ଲେକା ମିହୁଡ୍ ଆତଃମିହୁଡ୍‌କେ ଜାଉରାଡ଼େଃ ଆତଃ ଦେଙ୍ଗାଈପେ ।

ଚୁଣ୍ଡୁ ଆନାବୁ ଆତଃ ଜହା଼

୨୨ ମେନ୍‌ଦ ହେ ହାଗା ମିଶିକ, ଆଲେ ଆପେକେ ବିନ୍ତିପେ ତାନାଲେ, ଅକନ୍‌କ ଆପେ ଆଲାରେ କାମିତାନାକ ଆତଃ ପ୍ରାଭୁଆଃ ସେଖାକାମିରେ ଆପେୟାଃ ଆଗୁଆଇ ଲେକା ସାଲ୍ଲାକେଦ୍‌ତେ ଚେତାଅପେତାନାକ, ଇନ୍‌କୁକେ ମାଈନକପେ । ୨୩ ଆତଃ ଇନ୍‌କୁଆଃ କାମି ନାଗେନ୍ତେ ଇନ୍‌କୁକେ ପୁରାଃ ବୁଲ୍ଲାଡ଼େତେ ମାଈନକପେ । ଆତଃ ଆପେ ସବେନ୍‌କଲଃ ସୁକୁରେ ତାଇନ୍‌ପେ ।

୨୪ ମେନ୍‌ଦ ହେ ହାଗା ମିଶିକ, ଆପେକେ ବିନ୍ତିପେତାନାଲେ, ଆଲ୍‌ସି ହଡ଼କକେ ଚେତାଅକପେ, ବରତାନ୍ ହଡ଼କକେ ଜାଉରେ କେଟେଦ୍ ଏମାକପେ, ନାରାଦୁରାକକେ ଦେଙ୍ଗାକପେ, ସବେନ୍‌କଲଃ ସାହାତିଙ୍ଗ୍ ଜାଦାନ୍ ବିତାଏପେ । ୨୫ ଜେତାଏ ଏଡ଼କାନାଃରାଃ ବାଦ୍‌ଲାରେ ଏଡ଼କାନାଃ ଆଲକାଏ ରିକାଏକା, ମେନ୍‌ଦ ଆପେ ସବେନ୍ ଇମ୍‌ତା ମିହୁଡ୍ ଆତଃମିହୁଡ୍‌ଆଃ ଆତଃ ସବେନ୍‌କଆଃ ବୁଗିନାଃ ରିକା ନାଙ୍ଗ୍ ସାନାଙ୍ଗ୍‌ପେ ।

୨୬ ଜାନାଅଗି ରାସ୍‌କାଅଃପେ, ୨୭ ସବେନ୍ ଇମ୍‌ତା ବିନ୍ତିପେ । ୨୮ ସବେନ୍ ଲେକାନ୍ କାଜିକରେ ଧାନାବାଦ୍ ଏମେପେ । ଆପେ ଯାଶ୍ୱ ଖ୍ରୀଷ୍ଟଆଃ ମେନେସାରେ ଜାଦାନ୍ ବିତାଅକାଦ୍ ହରାତେ, ଆପେ ନାଙ୍ଗ୍ ନେଆଁ ପାର୍‌ମେଶ୍ୱାର୍‌ଆଃ ମନେତାନା ।

୨୯ ପାବିତାର୍ ଆମ୍‌କେ ଦୁକୁ ଆଲ୍‌ପେ ଏମାଈୟା । ୩୦ ପ୍ରାଭୁଆଃ କାଜିଏମକେ ଆଲ୍‌ପେ ହିଲ୍ଲାଙ୍ଗ୍‌ୟେ । ୩୧ ସବେନାଃ ବିଡ଼ାଅକେଦ୍‌ତେ, ବୁଗିନ୍‌ଡେୟାଃ ସାବେପେ, ୩୨ ଆତଃ ସବେନ୍ ଲେକାନ୍ ଏଡ଼କାନ୍‌ଡେୟାଃ ସାଙ୍ଗିନେପେ ।

୩୩ ଅକ ପାର୍‌ମେଶ୍ୱାର୍ ଆବୁକେ ଜାଉସୁକୁ ଏମାଃଏ, ଇନିଃଚି ଆପେକେ ସବେନ୍ ବିଷାଏରେ ପୁରାଃତେ ପାବିତାର୍‌ପେକା, ଆତଃ ଆବୁଆଃ ପ୍ରାଭୁ ଯାଶ୍ୱ ଖ୍ରୀଷ୍ଟଆଃ ହିନିଜୁଃ ଇମ୍‌ତା ଆପେୟାଃ ସବେନ୍ ଆମ୍‌କା, ଜାଉ, ଆତଃ ହଡ଼ମକେ କା ଚିଟାଃଆ ଲେକା ଦହେପେ । ୩୪ ଆପେକେ ହାକାଅନିଃ ସବେନାଃ ରିକାଏ ଗିୟାଏ, ଚିୟାଃଚି ଇନିଃ ପାତିୟାରଃଲେକାନ୍‌ନିଃ ତାନିଃ ।

୩୫ ହେ ହାଗା ମିଶିକ, ଆଲେ ନାଗେନ୍ତେ ସବେନ୍‌କ ବିନ୍ତିପେ ।

* ୫:୨ ୫:୨ ମାଥୁର ୨୪:୪୩; ଲୁକ ୧୨:୩୯; ୨ ପାର୍‌ରାସ୍ ୩:୧୦. ✪ ୫:୮ ୫:୮ ଏପିସିୟ ୬:୧୩-୧୭.

୨୬ ସବେନ୍ ହାଗା ମିଶିକକେ ଖ୍ରୀଷ୍ଟ ଦୁଲ୍ଲାଡ଼ତେ ଜହାରକପେ ।

୨୭ ସବେନ୍ ହାଗା ମିଶିକଆଃ ଆୟାରରେ ନେ ଚିଟାଉ ପାଢ଼ାଅଃକା ମେନ୍ତେ ଆଇଙ୍ଗ ପ୍ରାଭୁଆଃ ନୁତୁମ୍ତେ ଆପେକେଇଙ୍ଗ ବିକ୍ରିପେତାନା ।

୨୮ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାୟାଦ୍ ଆପେଲଃ ହବାଅଃକା ।

ଥେସ୍‌ଲନିକାୟମାନଙ୍କ ନିକଟକୁ ପାଉଲଙ୍କ ଦ୍ଵିତୀୟ ପତ୍ର ଥେସ୍‌ଲନିକା ବିଶ୍ଵାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟାଏ

ପ୍ରେରିତ୍ ପାଉଲୁସ୍, ଥେସ୍‌ଲନିକା କାଲିସିୟାତେ ଆଡ଼ଃମିଆଁଦ୍ ଚିଟାଉ ଅଲ୍‌କାଦାଏ, ୧:୧ । ଥେସ୍‌ଲନିକା କାଲିସିୟାତାଃ ପାହିଲା ଚିଟାଉ ଅନଲ୍‌ରେୟାଃ କାଟିଃ ତାୟମ୍‌ତେ ଖ୍ରୀଷ୍ଟ୍ ଜାନାମ୍ ତାୟମ୍ ୫୧ କରେ ନେ ଚିଟାଉକେ ଅଲ୍‌କାଦ୍ ତାଇକେନା । ପାଉଲୁସ୍ ଚିମ୍‌ତା କଚିଛି କାଲିସିୟାରେ ତାଇକେନା ଇମ୍‌ତା ନେ ଚିଟାଉ ଥେସ୍‌ଲନିକା କାଲିସିୟାତେ ଅଲ୍‌କାଦ୍ ତାଇକେନା । ଇନିଃ ବାୟାତେ ମିସ୍‌ନାରି କାମି ହରାସେନ୍‌କେନ୍ ଇମ୍‌ତା ଥେସ୍‌ଲନିକା କାଲିସିୟାକେ ବାଈୟାକାଦ୍ ତାଇକେନା, ପ୍ରେରିତ୍ ୧୭:୧-୧୦ ।

ଚିମିନ୍‌ ହିୟୁଦୀ ଆଡ଼ଃ ଚିମିନ୍‌ ସାଅଁସାର ହଡ଼କଆଃ ହରାତେ ନେ କାଲିସିୟା ବାଈୟାକାନ୍ ତାଇକେନା । ଥେସ୍‌ଲନିକା କାଲିସିୟାତାଃତେ ଅଲ୍‌କାନ୍ ଚିଟାଉରେ ଖ୍ରୀଷ୍ଟ୍‌ଆଃ ଆଡ଼ଃମିସା ହିନିଜୁଃ ଆଡ଼ଃ ଚୁଣ୍ଟ୍ ହିପିଲି ବିଷାଏରେ ଅଲ୍‌କାନା । ଚିୟାଃଚି ପାଉଲୁସ୍ ଆୟାଃ ବାରାନ୍ ଚିଟାଉରେ ଥେସ୍‌ଲନିକା କାଲିସିୟାତାଃତେ ଅଲ୍‌କାଦା । ପାଉଲୁସ୍ ଆଲୁସି ବିଷାଏରେ ଚେଡ଼ଗାର୍ ଏମାଃଏ । ମିମିଆଦ୍ ହଡ଼ ଆପ୍‌ନାଃ ଜମେୟାଃ ନାଗେନ୍ତେ କାମି ଲାଗାଡ଼ିଙ୍ଗ୍‌ୟାଃ, ୩:୬-୧୦ ।

ପୁଅ୍ ଉଚାରରେ ତାଇକେ କାଚି

୧. ପାଉଲୁସ୍ ଆୟାଃ ଚିଟାଉରେ ଆୟାଃ ଆପ୍‌ନାଃ ଆଡ଼ଃ ଗାଡ଼ିରେ କାମିତାନ୍ ହାଗାକଆଃ ପାରିଟାଏ ଏମ୍‌କେଦ୍‌ତେ ଏନେଚେଦ୍ ରିକାକାଦାଏ । ୧:୧-୨
୨. ଥେସ୍‌ଲନିକା କାଲିସିୟା ନାଗେନ୍ତେ ପାର୍‌ମେଶ୍ଵାର୍‌କେ ଧାନ୍ୟାବାଦ୍ ଏମାଃଏ ଆଡ଼ଃ ବିଚ୍ଛି ରିକାଃଏ । ୧:୩-୧୨
୩. ଅଡେଡିଶ୍ଵମ୍‌ରେୟାଃ ଚୁଣ୍ଟ୍ ହିପିଲି ବିଷାଏରେ କାଜିୟାଃଏ । ୨
୪. ଇନିଃ ଆଲୁସି ବିରୁଧ୍‌ରେ ଆଡ଼ଃ କେଚେଦ୍‌କାମି ରିକା ବିଷାଏରେ କାଜିୟାଃଏ । ୩:୧-୧୫
୫. ପାଉଲୁସ୍ ଆଡ଼ଃମିସା କାଲିସିୟାରେନ୍ ହଡ଼କକେ ଜହାର୍ କାଜିକେଦ୍‌ତେ ଅଲ୍‌ଚୁଣ୍ଟ୍‌କୁଦା । ୩:୧୬-୧୮

୧୦* ଆରୁଆଃ ଆପୁ ପାର୍‌ମେଶ୍ଵାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ତାଇକାନ୍ ଥେସ୍‌ଲନିକା କାଲିସିୟାରେନ୍ ହଡ଼କତାଃତେ ପାଉଲୁସ୍, ସିଲ୍‌ୟ୍ ଆଡ଼ଃ ତୀମଥୁଆଃ ଚିଟାଉ ।

୧୧* ଆରୁଆଃ ଆପୁ ପାର୍‌ମେଶ୍ଵାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାଃଏତେ ସାୟାଦ୍ ଆଡ଼ଃ ଜାଉସୁକୁ ଆପେୟାଃ ହବାଅଃକା ।

ଖ୍ରୀଷ୍ଟ୍‌ଆଃ ହିଜୁଃ ଦିପିଲିରାଃ ବିଚାର୍

୧୨* ହେ ହାଗା ମିଶିକ, ଆଲେ ଆପେ ନାଙ୍ଗ୍ ସବେନ୍ ଇମ୍‌ତା ପାର୍‌ମେଶ୍ଵାର୍‌କେ ଧାନ୍ୟାବାଦ୍ ଏମ୍ ଲାଗାଡ଼ିଙ୍ଗ୍‌ୟାଃ, ଆଡ଼ଃ ଏନା ଠାଉକାରିୟା, ଚିୟାଃଚି ଆପେୟାଃ ବିଶ୍ଵାସ୍ ଆଡ଼ଃଚି ପସା ଇଦିୟାଃତାନା, ଆଡ଼ଃ ଆପେୟାଃ ଦୁଲ୍‌ାଡ଼୍ ସବେନ୍‌କଆଃ ନାଙ୍ଗ୍ ପୁରାଃଚି ହାରା ଇଦିୟାଃତାନା । ୪ ନେ ଲେକାତେ ଆପେୟାଃ ସବେନ୍ ସାସାଡ଼ି ଆଡ଼ଃ ଦୁକୁ ଇମ୍‌ତାରାଃ ସାହାଡ଼ିଙ୍ଗ୍ ଜୀଦାନ୍ ଆଡ଼ଃ ବିଶ୍ଵାସ୍ ନାଗେନ୍ତେ ଆଲେ ପାର୍‌ମେଶ୍ଵାର୍‌ଆଃ କାଲିସିୟାକରେ ଆପେୟାଃ ବିଷାଏଲେ ଉଦ୍‌ବ୍‌କେଦା ।

୧୩* ପାର୍‌ମେଶ୍ଵାର୍‌ଆଃ ବିଚାର୍ ଠାଉକାରିୟା, ମେନ୍ତେ ନେ ସବେନାଃତେ ସାରିୟାଃତାନା ଆଡ଼ଃ ଏନାତେ ଆପେ ପାର୍‌ମେଶ୍ଵାର୍‌ଆଃ ରାଈଜ୍ ନାମେ ଲେକାନ୍‌କପେ ହବାଅଆଃ, ଚିୟାଃଚି ଏନ୍ ରାଈଜ୍ ନାମେ ନାଗେନ୍ତେ ଆପେ ଦୁକୁପେ ସାହାଡ଼ିଙ୍ଗ୍‌ତାନା । ୬ ଠାଉକାନ୍‌ତେୟାଃ ପାର୍‌ମେଶ୍ଵାର୍ ରିକାୟାଏ, ନାହାଁଃ ଆପେକେ ଅକନ୍‌କ ଦୁକୁ ଏମାପେତାନାକ, ଇନ୍‌କୁକେ ଇନିଃ ଦୁକୁ ଏମ୍ ରୁହାଡ଼କଆଏ, ୭ ଆଡ଼ଃ ଆପେୟାଃ ଦୁକୁ ସାଜିନ୍‌କେଦ୍‌ତେ, ଆଲେକେୟ ଜୀଉରାଡ଼େଃ ଏମାଲେୟାଏ । ନେଆଁ ପ୍ରାଭୁ ଯୀଶୁ, ଆୟାଃ ପୁରାଃ ପେଡ଼େୟାନ୍ ଦୁଡ଼କଲଃ ସିମ୍‌ାହେତେ ହିଜୁଃ ଇମ୍‌ତା ହବାଅଆ । ୮ ପାର୍‌ମେଶ୍ଵାର୍‌କେ କା ସାରିତାନ୍‌କକେ, ଆଡ଼ଃ ଆରୁଆଃ ପ୍ରାଭୁ ଯୀଶୁଆଃ ସୁକୁକାଜି କା ମାନାଡ଼ିଙ୍ଗ୍ ତାନ୍‌କକେ ଇନିଃ ସାଜାଜ

* ୧:୧ ୧:୧ ପ୍ରେରିତ୍ ୧୭:୧.

ଏମାନ ନାଗେନ୍ତେ ସେଜେଲ୍ ଲେକା ଜୁଲ୍‌ତାନ୍ ହୁକା ସାବକେଦ୍‌ତେ ହିଜୁଃଆ । ୯ ଏନ୍ ହଡ଼କ ପ୍ରାଭୁଆଃ ହେପାଦ୍‌ହେତେ ଆତଃ ଆୟାଃ ପେଡ଼େୟାନ୍ ମାନାରାଜ୍‌ହେତେ ବିନ୍‌ଗାଅଃତାନ୍‌ଲଃ ଜାନାଅ ଜାନାଅ ନାଗେନ୍ତେକ ଜିୟନଃଆ । ୧୦ ମେନ୍‌ଦ ଏନ୍ ହୁଲାଙ୍ଗ୍ ଜନିଃ ଆୟାଃ ପାବିତାର୍ ହଡ଼କତାଃଏତେ ଆତଃ ସବେନ୍ ବିଶ୍ୱାସୀକତାଃଏତେ ମାଇନାନ୍ ଆତଃ ମାନାରାଜ୍ ନାମେୟାଏ । ଜନ୍‌କୁଆଃ ଆଲାରୋ ଆପେୟାଗି ତାନ୍‌ପେ, ଚିୟାଃଚି ଆପେ, ଆଲେ ଉଦୁବକେଦ୍ କାଜିରେପେ ବିଶ୍ୱାସକେଦା ।

୧୧ ଏନା ନାଗେନ୍ତେ ଆପେ ପାର୍‌ମେଶ୍ୱାର୍‌ଆଃ କେନେଡ଼ା ଲେକାଗି ଜୀବାନ୍ ବିତାଏପେ ମେନ୍ତେ ଆଲେ ଆପେ ନାଜ୍ ପାର୍‌ମେଶ୍ୱାର୍‌ତାଃରେ ଜାନାଅଗିଲେ ବିନ୍ତିତାନା । ଆୟାଃ ପେଡ଼େଃତେ ଜନିଃ ଆପେୟାଃ ସବେନ୍ ବୁଗିନାଃ ଆତଃ ଆପେୟାଃ ବିଶ୍ୱାସରାଃ କାମିକେ ପୁରାଏକା । ୧୨ ଏନ୍‌ଲେକାତେ ଆବୁଆଃ ପ୍ରାଭୁ ଯୀଶୁଆଃ ନୁତୁମ୍ ଆପେରେ ମାନାରାଜ୍ ହବାଅଃକା, ଆତଃ ଆବୁଆଃ ପାର୍‌ମେଶ୍ୱାର୍ ଆତଃ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଲେକାତେ ଆପେ ଜନିଃରେଗି ମାନାରାଜ୍ ହବାଅଃତେ ।

୨

ଏଡ଼କାନ୍ ହଡ଼

୧୨ ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଜୁଃ ଆତଃ ଆବୁ ଆୟାଃତାଃରେ ହୁଣ୍ଡିୟଃ ନାଗେନ୍ତେ ଆଲେ ଆପେକେ ବିନ୍ତିପେ ତାନାଲେ । ୧୩ ଆପେ ପ୍ରାଭୁଆଃ ହୁଲାଙ୍ଗ୍ ସେଟେରାକାନା ମେନ୍ତେ ଜେତାଏତାଃଏତେ ଆୟୁମକେଦ୍‌ତେ, ଆମ୍ବାରୋ ଆଲ୍‌ପେ ଆକ୍‌ବାକାଅଃଆ ଚାଏ ବେଦାଅଃଆ । ଆଲେ ବାତାନ୍ ହାଟିଙ୍ଗ୍ ଜମତା ନେକାନ୍ କାଜିଲେ କାଜିକାଦା ଚାଏ ନେ ବିଷାଏରେ ଚିତାଉଲେ ଅଲକାଦା ମେନ୍ତେ ଚିମିନ୍ ହଡ଼କ କାଜିତାନା । ୧୪ ଜେତାଏ ଆପେକେ ଜେତାଲେକାତେ ଆଲକାକ ବେଦାପେକା, ଚିୟାଃଚି ବୁଣ୍ଡୁ ମାପାଃତୁପୁଇଙ୍ଗ୍ ହବାଅଃଆ ଆତଃ ଏନ୍ ଏଡ଼କାନ୍ ହଡ଼ ଉନ୍‌ଦୁବଃଆଏ । ଆତଃ ଜନିଃକେ ଜିୟନଃ ନାଜ୍ ନାରାକ୍‌ତେ ଆଉରି ଇଦିୟଃ ଜାକେଦ୍, ଏନ୍ ହୁଲାଙ୍ଗ୍ କା ହିଜୁଃଆ । ୧୫ ଏନ୍ ଏଡ଼କାନ୍ ହଡ଼, ବଜାବୁରୁ ସେଝାତାନ୍ ଆତଃ ପାର୍‌ମେଶ୍ୱାର୍‌କେ ସୁସାର୍‌ତାନ୍ ସବେନ୍‌କଆଃ ବିରୁଧିରେ ତାଇନା ଆତଃ ଆଇଃକ୍‌ଗି ସବେନ୍‌କଆଃ ଚେତାନ୍‌ରେ ତାଇନା ଆତଃ ପାର୍‌ମେଶ୍ୱାର୍‌ଆଃ ମାନ୍‌ବିର୍ ଅଡ଼ାଃରେ ଦୁବକେଦ୍‌ତେ ଆଇଙ୍ଗ୍ ପାର୍‌ମେଶ୍ୱାର୍ ତାନିଙ୍ଗ୍ ମେନ୍ତେ କାଜିୟା ।

୧୬ ଆଇଙ୍ଗ୍ ଆପେଲଃ ତାଇକେନ୍ ଜମତା, ନେ ସବେନ୍ ବିଷାଏରେ ଆପେକେ କାଜିକାଦ୍‌ପେ ତାଇକେନ୍‌ଡେୟାଃ କାପେଚି ପାହାମେତାନା ? ୧୭ ଆତଃ ଜନିଃଏ ଏଡ଼କାନ୍ ହଡ଼, ଦହାକାନ୍ ଦିପିଲିରେ ଉଦୁବଃ ନାଗେନ୍ତେ ଚିକ୍‌ନାଃ ଆପେକେ ଛେକାଦ୍‌ପେ ତାନା, ଏନାଦ୍‌ପେ ସାରିତାନା । ୧୮ ଚିୟାଃଚି ଏଡ଼କାନାଃରେ ଉକୁଆକାନ୍ ପେଡ଼େଃ ନାହିଁଃହିଁ କାମିତାନାଏ, କାଜିଛେକାଦ୍‌ତାନ୍ ହଡ଼ ଆଉରି ସାଜିନଃ ଜାକେଦ୍ ଏନାଏଁ କାମିକାତେୟାଃ । ୧୯ ଏନ୍ ଆନ୍‌ଚୁ ବାନଃନିଃ ଉଦୁବଃଆଏ, ଜନିଃକେ ପ୍ରାଭୁ ଯୀଶୁ ଆୟାଃ ମତାରେୟାଃ ସାହେଦ୍‌ତେ ଗଜିୟା ଆତଃ ଆୟାଃ ହିନିଜୁଃରାଃ ଜୁନ୍‌ଲ୍‌କେ ଜିୟନିଆ । ୨୦ ଏନ୍ ଏଡ଼କାନ୍‌ନିଃ ସାଏତାନ୍‌ରାଃ ପେଡ଼େଃଲଃ ହିଜୁଃଆଏ ଆତଃ ସବେନ୍ ଲେକାନ୍ ହସଡ଼ରାଃ ପେଡ଼େୟାନ୍‌କାମି, ଚିହ୍ନା, ଆତଃ ଆକ୍‌ଦାନ୍‌ଆ କାମିକ ରିକାଏୟାଏ । ୨୧ ଆତଃ ପୁରାଃ ହଡ଼କ ଜନିଃୟାଃ ଏଡ଼କାନ୍ ବେଦାରେ ଜିୟନଃଆକ । ଅକନ୍ ଦୁଲାଡ଼ରେୟାଃ ସାନାର୍‌ଡିକେ ତେଲା ଦାରମ୍‌କେଦ୍‌ତେ ଜନ୍‌କୁ ଜୀଉବାଞ୍ଚାଅ ନାମେତେୟାଃକ, ଏନାକେ କା ତେଲା ଦାରମ୍‌କେଦ୍ ହରାତେ ଜନ୍‌କୁ ଜିୟନଃଆକ । ୨୨ ଏନାମେନ୍ତେ ଜନ୍‌କୁ ଜେଲେକା ହସଡ଼ରେକ ବିଶ୍ୱାସେୟା, ଏନାମେନ୍ତେ ପାର୍‌ମେଶ୍ୱାର୍ ଜନ୍‌କୁତାଃତେ ପେଡ଼େୟାନ୍ ହସଡ଼କେ କୁଲ୍‌କେଦା । ୨୩ ଏନ୍ତେ ସାନାର୍‌ଡିରେ କା ବିଶ୍ୱାସକେଦ୍‌ତେ ପାଦ୍ କାମିରେ ସୁକୁନାମେତାନ୍ ସବେନ୍‌କ ସାଜାଇକ ନାମେୟା ।

ଆପେ ଜୀଉବାଞ୍ଚାଅ ନାମେ ନାଗେନ୍ତେପେ ସାଲାକାନା

୨୪ ମେନ୍‌ଦ ହେ ପ୍ରାଭୁଆଃ ଦୁଲାଡ଼ ହାଗାକ, ଆଲେ ଆପେ ନାଗେନ୍ତେ ସବେନ୍ ଜମତା ପାର୍‌ମେଶ୍ୱାର୍‌କେ ଧାନାଏକ୍ ଏମ୍ ଲାଗାଡିଙ୍ଗ୍‌ୟାଃ । ଚିୟାଃଚି ପାବିତାର୍ ଆମ୍ବାରାଃ ପେଡ଼େଃତେ, ଆତଃ ସାନାର୍‌ଡିରାଃ ବିଶ୍ୱାସ୍‌ତେ ଜୀଉବାଞ୍ଚାଅ ନାମେ ନାଗେନ୍ତେ ପାର୍‌ମେଶ୍ୱାର୍ ଆପେକେ ମୁନ୍‌ସ୍‌ତେ ଆୟାଃ ପାବିତାର୍ ହଡ଼ ମେନ୍ତେ ସାଲାକାଦ୍‌ପେୟା । ୨୫ ଆଲେ ଆପେତାଃରେ ଅକନ୍ ସୁକୁକାଜି ଉଦୁବକାଦାଲେ, ଏନା ହରାତେ ପାର୍‌ମେଶ୍ୱାର୍ ଆପେକେ ଏନ୍ ସୁକୁକାଜି ନାଗେନ୍ତେ କେଡ଼ାକାଦ୍‌ପେୟା । ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ମାନାରାଜ୍‌ରେୟାଃ ହିସା ହବାଅଃ ନାଗେନ୍ତେ ଜନିଃ ଆପେକେ କେଡ଼ାକାଦ୍‌ପେୟା । ୨୬ ଏନା ନାଗେନ୍ତେ, ହେ ହାଗା ମିଶିକ, ଆଲେୟାଃ ଜନିତୁ ଆତଃ ଆଲେୟାଃ ଅନଲ୍‌ତେ ଆପେ ଇତୁକାନ୍‌ଡେୟାଃ ତିଙ୍ଗ୍ କେରେଦ୍‌କେଦ୍‌ତେ ସାବାକାପେ ।

୨:୧ ୨:୧ ୧ ଥେପଲନିକା ୪:୧୫-୧୭. ୨:୯ ୨:୯ ମାଥୁର ୨୪:୨୪.

୧୭ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ ଆଇଃକରି ଆତଃ ଆବୁଆଃ ଆପୁ ପାର୍ବମେଶ୍ୱାର୍ ଆବୁକେ ଦୁଲ୍ଲାଡ଼କେଦତେ ଆୟାଃ ସାୟାଦ୍ ହରାତେ ଆବୁକେ ଜାନାଅଗି ଜୀଉରାଡ଼େଃ ଆତଃ ବୁଗିନ୍ ଆସ୍ତା ଏମାକାଦବୁଆଏ, ୧୭ ଇନିଃ ଆପେକେ ସବେନ୍ ଇମ୍ବତା ବୁଗିନ୍ କାମି ନାଗେନ୍ତେ ଆତଃ ସାର୍ତି କାଜି ନାଜ୍ ପେଡ଼େଃ ଆତଃ ଜାଉରେ ରାସ୍ତା ଏମାପେକାଏ ।

୩

ଆଲେ ନାଗେନ୍ତେ ବିକ୍ରିପେ

୧ ହେ ହାଗା ମିଶିକ ବୁଣ୍ଡୁରୁ ଆଲେ ନାଜ୍ ବିକ୍ରିପେ, ପ୍ରାଭୁଆଃ କାଜି ଆପେତାଃରେ ନିଡିରୟାନ୍* ଲେକାଗି ଏନା ଚାରିୟାଃରେ ନିଡିରକେଦତେ ମାନାରାଜ୍ ହବାଅଃକା । ୨ ଆତଃଗି ବିକ୍ରିପେ, ପାର୍ବମେଶ୍ୱାର୍ ଆଲେକେ ଏଡ଼କାନାଃଏତେ ଆତଃ ଏଡ଼କାନ୍ ହଡ଼କତାଃଏତେ ବାଞ୍ଛାଅଲେକାଏ, ଚିୟାଃଟି ସବେନ୍ଦକ ସୁକ୍ତକାଜିରେ ବିଶ୍ୱାସୀ ନାହାଁଲାକ ।

୩ ମେନ୍ଦ୍ ପ୍ରାଭୁ ପାତିୟାରୁରଃନିଃ ତାନିଃ, ଆତଃ ଇନିଃ ପେଡ଼େଃ ଏମାପେୟାଏ, ଏନ୍ତେ ଏଡ଼କାନ୍ ହଡ଼ଏତେ ବାଞ୍ଛାଅପେୟା । ୪ ଆତଃ ଆଲେ ଆପେକେ ଆବୁକାଦପେଡେୟାଃ ସବେନାଃପେ କାମିତାନା ଆତଃ କାମିୟାପେ, ମେନ୍ତେ ଆଲେ ପାର୍ବମେଶ୍ୱାର୍ତାଃରେ ଆପେୟାଃ ବିଷାଏରେ ପୁରାଃ ବିଶ୍ୱାସ୍ ମେନାଃ ।

୫ ପ୍ରାଭୁ ଆପେୟାଃ ମନ୍ଦସୁରୁଦରେ ପାର୍ବମେଶ୍ୱାର୍ତାଃ ଦୁଲ୍ଲାଡ଼୍ ଆତଃ ଖ୍ରୀଷ୍ଟ୍ ଏମାକାଦ୍ ସାହାତିଙ୍ଗ୍‌ୟେଁ ଲେକାନ୍ ହରାରେ ସୁତୁଃ ଇଦିପେକା ।

ସବେନ୍ କାମି ରିକା ଲାଗାତିଙ୍ଗ୍‌ୟାଃ

୬ ହେ ହାଗା ମିଶିକ, ଆଲେ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ନୁତୁମତେ ଆତୁପେ ତନାଲେ, ଜେତାଏ ହାଗା, ଆଲେତାଃଏତେ ନାମାକାଦ୍ ଇନିଡୁଲେକା କା ସେସେନ୍ଦକେଦତେ ଆଲ୍ଲିସି ଜୀଦାନ୍ ବିତାଅତାନ୍‌ରେଦ୍, ଇନିଃତାଃଏତେ ସାଜିନ୍‌ରେ ତାଇନ୍‌ପେ । ୭ ଆପେଦ୍ ଚିଲ୍ଲକାତେ ଆଲେକେ ଅତଙ୍ଗ୍ ଲାଗାତିଙ୍ଗ୍‌ୟାଃ ଏନା ବୁଗିଲେକାପେ ଇଡ଼କାନା, ଆଲେଦ୍ ଆପେଲଃ ତାଇକେନ୍ଦ୍ ଇମ୍ବତା ଆଲ୍ଲିସି କାଲେ ତାଇକେନା । ୮ ଆତଃ ବେଗାର୍ ଗନଙ୍ଗ୍‌ତେ ଜେତାଏତାଃରେ କାଲେ ଜମ୍ ତାଇକେନା, ମେନ୍ଦ୍ ଆପେତାଃଏତେ ଜେତାଏୟାଃ ବାହାରମ୍ ଲେକା ଆଲକାଲେ ଲାଦିୟଃ ମେନ୍ତେ ଦୁକୁ ସାହାତିଙ୍ଗ୍‌ତାନ୍‌ଲଃ ନିଦା ସିଙ୍ଗି ପୁରାଃ କେଟେଦ୍ କାମିଲେ କାମି ତାଇକେନା । ୯ ଆପେତାଃଏତେ ଜେତୁନାଃ ନାମେ ନାଗେନ୍ତେ ଆଲେୟାଃ ଆକ୍‌ତେୟାର୍ ବାନଃଆ ମେନ୍ତେଦ୍ କା, ମେନ୍ଦ୍ ଆପେ ଆଲେକେ ଅତଙ୍ଗ୍‌ଲେପେ ମେନ୍ତେ, ଆଲେ ଆପେତାଃରେ ନାମୁନା ଲେକା ବାଇୟେନ୍ ନାଗେନ୍ତେଲେ ରିକାକେଦା । ୧୦ ଚିୟାଃଟି ଆଲେ ଆପେଲଃ ତାଇକେନ୍ଦ୍ ଇମ୍ବତାଗି ଆପେକେ ନେଆଁ ଆବୁକାଦପେ ତାଇକେନାଲେ, ଜେତାଏ କା କାମି ସାନାଜ୍‌ତାନ୍‌ନିଃ ଆଲକାଏ ଜମେକା ।

୧୧ ଆଲେ ଆପେକେ ନେଆଁ କାଜିପେତାନାଲେ, ଚିୟାଃଟି ଆପେ ଆଲାରେ ଚିମିନ୍ ହଡ଼କ ଆଲ୍ଲିସି ଜୀଦାନ୍ ବିତାଅତାନ୍‌ଲଃ ଏଗାଃକଆଃ କାମିରେ ଆଲା ଆଲାଅଃତାନାକ ଆତଃ ଜେତୁନାଃ କାକ କାମିତାନା, ମେନ୍ତେଲେ ଆୟୁମେତାନା । ୧୨ ଏନ୍ ଲେକାନ୍ ହଡ଼କକେ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ନୁତୁମତେ ଚେତାଅକେଦ୍‌ତେଲେ ଆବୁକତାନା, ଇନ୍‌କୁ ଆକଆଃ ଜୀଦାନ୍‌ରେ ସୁକୁରେ ତାଇକେଦ୍‌ତେ ଆକଆଃ ଜମେନାଜ୍‌କ କାମିକା ।

୧୩ ମେନ୍ଦ୍ ହେ ହାଗା ମିଶିକ, ବୁଗିନ୍ କାମିରେ ଆଲ୍ଲିପେ ଲାଗାଅଃଆ । ୧୪ ଆତଃ ଆଲେ କୁଲ୍ଲକାଦ୍ ନେ ଚିଠିରେୟାଃ କାଜି କା ମାନାତିଙ୍ଗ୍‌ତାନ୍‌କକେ ନେଲ୍ ଉତୁମାକାକପେ, ଆତଃ ଇନ୍‌କୁ ଚିହ୍ନଗଃକାକ ମେନ୍ତେ ଆପେ ଇନ୍‌କୁଲଃ ଆଲ୍ଲିପେ ମେସାନା । ୧୫ ମେନ୍ଦ୍ ଇନ୍‌କୁକେ ବାଇରି ଲେକା କା ନେଲ୍‌କେଦ୍‌ତେ ଖ୍ରୀଷ୍ଟ୍ ବିଶ୍ୱାସୀ ହାଗାଲେକା ମନେତାନ୍‌ଲଃ ଚେତାଅକପେ ।

ବୁଣ୍ଡୁ କାଜି

୧୬ ଅକନ୍ ପ୍ରାଭୁ ଆବୁଆଃ ଜୀଉସୁକୁ ଏମାଃନିଃ ତାନିଃ, ଇନିଃ ଆପେକେ ସବେନ୍ ଇମ୍ବତା ଆତଃ ସବେନ୍ ଲେକାତେ ଜୀଉସୁକୁ ଏମାପେକାଏ । ପ୍ରାଭୁ ଆପେ ସବେନ୍‌କଲଃ ହବାଅଃକା ।

୧୭ ଆଇଙ୍ଗ୍ ପାଉଲ୍ଲିସ୍, ତିଃଇ ତାଇୟାଃଃତେ ଅଲ୍ଲକେଦ୍‌ତେଇଙ୍ଗ୍ ଜହାର୍‌ପେତାନା, ନେ ଲେକାଗି ସବେନ୍ ଚିଠିକରେ ଚିହ୍ନାଁ ଲେକାଲଙ୍ଗ୍ ଅଲେତାନା ।

୧୮ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

* ୩:୧ ୩:୧ ପାସ୍‌ଗାଅ

ତୀମଥ୍ୟ ନିକଟକୁ ପାଉଲଙ୍କ ପ୍ରଥମ ପତ୍ର ତୀମଥ୍ୟତାଃତେ ପ୍ରେରିତ୍ ପାଉଲ୍ୟୁଆଃ ପାହିଲା ଚିତାତ ପାରିବା

ପାହିଲା ତୀମଥ୍ୟ ପୁଅ ମିଆଁଦ୍ ଚିତାତ ପ୍ରେରିତ୍ ପାଉଲ୍ୟୁଆଃ ହରାତେ ଆୟାଃ ତେଲା ତୀମଥ୍ୟକେ ଅଲାକାନା । ପାହିଲା ତୀମଥ୍ୟ ହବାସାକାଅଥାଃ ୬୨-୬୪ କରେ ଯାଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ତେ ଅଲାକାନା । ହବା ଦାଡ଼ିୟଃଆ ନେଆଁ ପାଉଲ୍ୟୁଆଃ ଜୀଦାନରେୟାଃ ଚୁଣ୍ଡ ଦୁପିଲି ତାନାଃ । ପାଉଲ୍ୟୁୟଲଃ ତୀମଥ୍ୟଆଃ ପୁରାଃ ବୁରିନ୍ ନାତା ତାଇକେନା, ଜନିଃ ପୁରାଃସାଃ ତୀମଥ୍ୟକେ ହନ୍ ମେଟ୍ରେ କାଜିକାଦା ଫିଲିପିୟ ୨:୨୨:୧ ତିମଥ୍ ୧:୨-୧୮ । ପାଉଲ୍ୟୁଆଃ ହରାତେ ମିହୁଡ଼କେ ଏସକାର୍ ଅଲାକାନ୍ ଉଦୁନିୟା ଚିତାତକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀମଥ୍ୟ, ତିତସ୍, ଆତଃ ଫିଲ୍ମାନ୍ । ପାହିଲା ତୀମଥ୍ୟରେ କାଲିସିୟାରାଃ ସୁନ୍ସାବ୍ ବିଷାଏରେ ମେନାଃ । ୨:୧-୫ ।

ନେଆଁରେ କାଲିସିୟାରେନ୍ ଆଗୁଆଇକଆଃ ତାଇଲ୍ ତାଲାନ୍ ବିଷାଏରେ ମେନାଃ ୩:୧-୧୩ଆତଃ ହସଡ଼ ଇତୁକଆଃ ବିଷାଏରେ ତେନେତାଅ କାଜି ମେନାଃ ୧:୩-୧୧;୪:୧-୫;୬:୨-୫ । କାଲିସିୟାରେ ତୀମଥ୍ୟ ଚିଲ୍ଲକା ମିଆଁଦ୍ ଆଗୁଆଇ ହବାଅଃ ଲାଗାତିଙ୍ଗ୍ୟାଃ, ଏନ୍ ବିଷାଏରେ ପାଉଲ୍ୟୁ ନେ ଚିତାତରେ ଉଦୁବକାଦା । ପାହିଲା ତୀମଥ୍ୟରେ ନାହାଁରେୟାଃ ହାତୁ କାଲିସିୟାକରେ କାମି ରିକା ଲାଗାତିଙ୍ଗ୍ ନାଗେଟ୍ରେ କାଲିସିୟାରେନ୍ ଆଗୁଆଇକକେ ପୁରାଃଗି ଏନେଟେଦ୍ ଜନିତୁକ ଏମାକାନା ।

ପୁଅ ତିତାତରେ ତାଇକାନ୍ କାଜି

- ୧. ପାଉଲ୍ୟୁ ତୀମଥ୍ୟକେ ଜହାର୍ କାଜିକେଦ୍ତେ ଅନଲ୍ ଏଟେଦ୍ କାଦାଏ । ୧:୧-୨
- ୨. ପାଉଲ୍ୟୁ ତୀମଥ୍ୟକେ ହସଡ଼ ଇତୁକଆଃ ବିରୁଧ୍ରେ ତେନେତାଅ ଉଦୁବକାଦାଏ । ୧:୩-୧୧
- ୩. ଖ୍ରୀଷ୍ଟୁଆଃରେ ପାଉଲ୍ୟୁଆଃ ଧାନାଧାବାଦ୍ । ୧:୧୨-୧୯
- ୪. କାଲିସିୟାରେୟାଃ ସେଝା କାମି ଆତଃ ଆଗୁଆଇକଆଃ ବିଷାଏରେ ତୀମଥ୍ୟକେ ପାଉଲ୍ୟୁଆଃ ଜନିତୁ । ୨-୩
- ୫. ତୀମଥ୍ୟକେ ପାଉଲ୍ୟୁଆଃ ଚୁଣ୍ଡ ଜନିତୁ । ୪-୬

୧ ଆଇଙ୍ଗ୍ ପାଉଲ୍ୟୁ, ଆରୁଆଃ ଜୀଉବାସ୍ଥାଅ ଏମାଃନିଃ ପାର୍ମେଶ୍ୱାର୍ ଆତଃ ଆରୁ ଆସ୍ରାଏତାନ୍ ଯାଶୁ ଖ୍ରୀଷ୍ଟୁଆଃ ଆନାତୁ ଲେକାତେ କୁଲାକାନନିଃ ତାନିଙ୍ଗ୍,

୨ *ବିଶ୍ୱାସରେନ୍ ସାର୍ତ୍ତି ହନ୍ ତୀମଥ୍ୟତାଃତେ ଅଲାକାନ୍ ଚିତାତ : ଆପୁ ପାର୍ମେଶ୍ୱାର୍ ଆତଃ ଆରୁଆଃ ପ୍ରାଭୁ ଯାଶୁ ଖ୍ରୀଷ୍ଟୁ ଆପେକେ ସାୟାଦ୍, ଲିନିବୁଇ ଆତଃ ଜୀଉସୁକୁ ଏମାପେକାଏ ।

ହସଡ଼ ଜନିତୁଏତେ ଚିର୍ଗାଲାକାନ୍ଦପେ

୩ ଆଇଙ୍ଗ୍ ମାକିଦନିଆତେ ସେନଃତାନ୍ ଇମତା ଆମକେ କାଜିକେଦ୍ମେ ଲେକା ଆମ୍ ଏଫିସୁସ୍ ନାଗାର୍ରେୟା ତାଇନମେ ଆତଃ ଚିମିନ୍ ହଡ଼କ ଏକ୍ତାଃରେ ହସଡ଼କାଜିକ ଇତୁକତାନା, ଇନ୍କୁକେ ଏନ୍ ହସଡ଼କାଜିକ ଆଲ୍ପେ ଇତୁକଆ ମେଟ୍ରେ ଆରୁକମେ । ୪ ଆତଃ ହଡ଼ତେ ବାଲୟାକାନ୍ କାଥିନ୍ ଆତଃ ହାଡ଼ାମ୍ହଡ଼କଆଃ ଜିଲିଙ୍ଗ୍ କିଲିକଆଃ ଉଡ଼ୁକ ଆଲ୍ପେ ଆୟୁମାଃ ମେଟ୍ରେ ଆରୁକମେ, ତିୟାଃଚି ନେ ସବେନାଃତେଗି ପାତିୟାର୍ରେତେ ସାରିୟଃତାନା ପାର୍ମେଶ୍ୱାର୍ଆଃ ସେଝା କାମି କା ହବାକେଦ୍ତେ କାପ୍ତିକ ଅତଙ୍ଗ୍ଅଃଆ । ୫ ଦାର୍ଚି ମନ୍ସୁରୁଦ୍ତେ, ବୁରିନ୍ ମନ୍ତେ ଆତଃ ସାର୍ତ୍ତି ବିଶ୍ୱାସ୍ତେ ଅତଙ୍ଗ୍ଅଃତାନ୍ ଦୁଲାଡ଼କେ ଚିହୁଟ୍ ରିକାନାଙ୍ଗ୍ ଆଇଙ୍ଗ୍ ଆମକେଇଙ୍ଗ୍ ଆରୁମେତାନା । ନେଆଁଗି ଧାର୍ମାନ୍ ଜନିତୁ ତାନାଃ । ୬ ଚିମିନ୍ ହଡ଼କ ନେ ବିଶେଷ୍ କାଜିକ ବାଗିକେଦ୍ତେ ସାମାକାଜିକରେ ପାତିୟାର୍ରେକେଦ୍ତେ ଆକଆଃ ହରାକ ଆଦାକାଦା । ୭ ଇନ୍କୁ ମୁଣା ନାବାଆଃ ଆନ୍ତୁରାଃ ଆଇନ୍ ଇତୁକ ହବାଅଃ ନାଙ୍ଗ୍ ସାନାଙ୍ଗ୍ତାନା, ମେନ୍ଦ୍ ଜନକୁ ଆକଗି କାଜିତାନ୍ତେୟାଃ ଆତଃ ଆକଗି ଇତୁକତାନ୍ ପକ୍ତାନ୍ କାଜିକେ କାକ ଆବ୍କାର୍ଉରେମେତାନା ।

୮ ଆରୁ ସାରିତାନାବୁ ଯେ, ଜେତାଏ ହଡ଼ ମୁଣାଃରାଃ ଆନ୍ତୁ ଲେକାଗି ବୁଗିଲେକାଏ କାମିରେଦ୍ ଏନା ବୁରିନ୍ ତାନାଃ । ୯ ଆତଃ ଧାର୍ମାନ୍ ହଡ଼କ ନାଗେଟ୍ରେ ଆନ୍ତୁ କା ଦହାକାନା, ମେନ୍ଦ୍ ଆନ୍ତୁ ବାନଃ ଏଡ଼କାନ୍ ହଡ଼କ ନାଙ୍ଗ୍, ଆପାନ୍ ସାନାଙ୍ଗ୍ତାନ୍ଲେକା କାମିତାନ୍କ ନାଙ୍ଗ୍, ପାର୍ମେଶ୍ୱାର୍କେ କା ବରତାନ୍କ

* ୧:୨ ୧:୨ ପ୍ରେରିତ୍ ୧୭:୧.

ନାଜ୍, ପାପକାମିରେ ତାଇନତାନ୍ କ ନାଜ୍, ସତ୍ତ୍ଵରାକାନ୍ କ ନାଜ୍, ଆତଃ କା ଧାର୍ଵାନ କାମି କାମିତାନ୍ କ ନାଜ୍, ଏକ୍ଷା, ଆପୁକିନକେ ଗଏଃତାନ୍ କ ନାଜ୍, ହତ୍ ଗଗଏଃକ ନାଜ୍, ^{୧୦} ଆପାଜ୍ଠିତାନ୍ କ ନାଜ୍, କଡ଼ା କଡ଼ାକଲଃ ଆପାଜ୍ଠିତାନ୍ କ ନାଜ୍, ହତ୍ ଆଖ୍ଠିଜ୍ଠାତାନ୍ କ ନାଜ୍, ବେଦାତାନ୍ କ ନାଜ୍, ହସତ୍ ଗାଞ୍ଜା ଏମ୍ତାନ୍ କ ନାଜ୍ ଆତଃ ସବେନ୍ ବୁଗିନ୍ ଜନିତୁରେ କାଜିକେସେଦ୍ତାନ୍ କ ନାଜ୍ ନେ ଆଇନ୍ ବାଇୟାକାନା । ^{୧୧} ପୁରାଃ ମାନାରାଜ୍ ସୁକୁଆନ୍ ପାର୍ଵନେଶ୍ଵାର୍ ଆଃ ସୁକୁକାଜିରେ ସବେନ୍ ବୁଗିନ୍ ଜନିତୁ ଦହାକାନା । ଏନ୍ ସୁକୁକାଜିକେ ଉଦ୍ ଦ୍ ନାଗେନ୍ତେ ଆଇଜ୍ଠାକେ ବାହାରମ୍ ଏମାକାନ୍ ତାଇକେନା ।

ପାର୍ଵନେଶ୍ଵାର୍ ଆଃ ଲିନିବୁଜ ନାଗେନ୍ତେ ଧାନ୍ୟାବାଦ୍

^{୧୨} ଆୟାଃ କାମିରେ ପେଡ଼େଃ ଏମାକାଦିଜ୍ ଆବୁଆଃ ପ୍ରାଭୁ ଯାଶୁ ଖ୍ରୀଷ୍ଟକେଇଜ୍ ଜହାରିତାନା । ଜନିଃ ଆଇଜ୍ଠାକେ ପାତିୟାର୍ଠନିଃ ଲେକା ଆବ୍ କାରକେଦ୍ତେ ଆଇଃକ୍ କେ ସେଞ୍ଜା ନାଜ୍ ସାଲ୍ଲାକାଦିୟାଏ । ^{୧୩} *ଆଇଜ୍ଠାକେ ସିଦାକରେ ଯାଶୁ ଖ୍ରୀଷ୍ଟକେଇଜ୍ ନିଯାକିୟା, ସାପାତିକିୟା, ଆତଃ ଲାୟାକିୟା, ଏନ୍ରେହ ପାର୍ଵନେଶ୍ଵାର୍ ଆଇଜ୍ଠାକେ ଦାୟାକେଦିୟା, ମେନ୍ଦ୍ ଆଇଜ୍ଠାକେ ତିନାଃ କାମି ତାଇନାଇଜ୍ ଏନା କା ବିଶ୍ଵାସ୍ତେ ଆତଃ ବେଗାର୍ ସାରିତେଇଜ୍ କାମିକାଦା । ^{୧୪} ଆତଃ ଆବୁଆଃ ପ୍ରାଭୁଆଃ ସାୟାଦ୍ ପୁରାଃଗି ଆଦକାୟାନ୍ ହରାତେ ଆଇଜ୍ଠାକେ ଯାଶୁ ଖ୍ରୀଷ୍ଟରେ ବିଶ୍ଵାସ୍ ଆତଃ ଦୁଲ୍ଲାଡ଼ରାଃ ମେନେସାରେ ମେନାଇୟା । ^{୧୫} ପାପି ହତ୍ କେକେ ବାଞ୍ଛାଅ ନାଗେନ୍ତେ ଯାଶୁ ଖ୍ରୀଷ୍ଟ ଅତେଦିଶ୍ଵମ୍ତେ ହିଜ୍ଠୟାନା, ନେ କାଜି ପାତିୟାର୍ଠନିଃ ଲେକାନ୍ କାଜି ତାନାଃ, ନେଆଁକେ ସବେନ୍ କ ବିଶ୍ଵାସ୍ ଆତଃ ତେଲ୍ଲାଦାରମେ ଲାଗାତିଜ୍ଠାୟାଃ । ଆଇଜ୍ଠାକେ ଜନ୍ କୁଏତେ ପୁରାଃଗି ଏଡ଼କାନ୍ନିଃ ତାନିଜ୍ । ^{୧୬} ଆଇଜ୍ଠାକେ ମାରାଜ୍ଠାତାର୍ ପାପି ତାନିଜ୍ଠାରେୟ ଯାଶୁ ଖ୍ରୀଷ୍ଟଆଃ ସବେନ୍ ସାହାତିଜ୍ଠା ଜାଞ୍ଜାନ୍ ଉଦ୍ ଦ୍ ନାଗେନ୍ତେ ପାର୍ଵନେଶ୍ଵାର୍ ଆଇଜ୍ଠାକେ ଦାୟାକେଦିୟା । ଏଗାଃକ ଜେଲେକା ଯାଶୁ ଖ୍ରୀଷ୍ଟତାଃରେ ବିଶ୍ଵାସେୟାକ ଆତଃ ଜାନାଅ ଜୀଦାନ୍ କ ନାମେୟା । ଏନା ନାଗେନ୍ତେ ଆଇଜ୍ଠାକେ ଜନ୍ କୁଆଃ ନାଜ୍ ନାମୁନାଇଜ୍ ବାଇୟାକାନା । ^{୧୭} କା ଜିୟନଃତାନ୍, କା ନେଲଃତାନ୍, ମିଆଁଦ୍ଗି ପାର୍ଵନେଶ୍ଵାର୍ ଜାନାଅ ଜାନାଅରେନ୍ ରାଜା, ଜନିୟାଃ ଏସ୍ କାର୍ ମାଇନାନ୍ ଆତଃ ମାନାରାଜ୍ ଯୁଗ୍ ଯୁଗ୍ ହବାଃଅକା ! ଆମେନ୍ ।

^{୧୮} ହେ ଦୁଲ୍ଲାଡ଼୍ ହନ୍ ତାମଥୁ, ଆମାଃ ନାଜ୍ ସିଦାରେ କାଜିୟାକାନ୍ ଆୟାର୍ କାଜି ଲେକାତେ ଆଇଜ୍ଠାକେ ଆମ୍ କେ ଆତୁମେତାନାଇଜ୍, ଏନ୍ ଲେକାଗି ଆମ୍ ସବେନ୍ ଆୟାର୍ କାଜି ହରାତେ ବୁଗିଲେକାମ୍ ଲାଡ଼ାଇ ଦାଡ଼ିୟା । ^{୧୯} ଆମ୍ ବିଶ୍ଵାସ୍ ଆତଃ ବୁଗିନ୍ ସେଣ୍ ସାବେମେ, ନେଆଁ ବାଗିକେଦ୍ ନାଗେନ୍ତେ ତିମିନ୍ ହତ୍ କ ଆକଆଃ ବିଶ୍ଵାସ୍ କ ଜିୟନକାଦା । ^{୨୦} ଜନ୍ କୁଏତେ ହୁମାୟ ଆତଃ ଆଲେକ୍ ଜାଣ୍ଡାର୍, ନେ ବାରାନ୍ କିନ୍ ତାନ୍ କିନ୍ । ନେ ବାରାନ୍ କିନ୍ କେ ଆଇଜ୍ଠାକେ ସାଏତାନ୍ ଆଃ ତିଃଇରେଇଜ୍ ଜିମାକେଦ୍ କିନା, ଜେଲେକାଜି ଜନ୍ କିନ୍ ପାର୍ଵନେଶ୍ଵାର୍ କେ କା ନିଯାକ ନାଗେନ୍ତେ ଜନିତୁକିନ୍ ନାମେୟା ।

୨

କାଲିସିୟାରେ ପ୍ରାଭୁକେ ସେଞ୍ଜାକରାଃ ଜନିତୁ

^୧ ଆଇଜ୍ଠାକେ ସିଦାତେ କାଜିଗରଜ୍ ତାନାଇଜ୍, ସେଞ୍ଜାତାନ୍ ଜମ୍ତା ସବେନ୍ କ ନାଗେନ୍ତେ ପାର୍ଵନେଶ୍ଵାର୍ ତାଃରେ ବିନ୍ତି, ଏଗାଃକ ନାଜ୍ ବିନ୍ତି, ଆତଃ ଧାନ୍ୟାବାଦ୍ ଏମେପେ । ^୨ ନେଲେକାଗି ରାଜାକଆଃ ନାଜ୍ ଆତଃ ଆକ୍ତେୟାର୍ ନାମାକାଦ୍ କ ନାଜ୍ ବିନ୍ତିପେ, ଜେଲେକା ପାର୍ଵନେଶ୍ଵାର୍ କେ ବରଭାଜ୍ଠିତାନ୍ ଲଃ ସାଲ୍ଲାସନ୍ତ୍ରିବୁ ତାଇନା ଆତଃ ଏଗାଃକଲଃ ସୁକୁଜାଠରେ ଜୀଦାନ୍ ବୁ ବିତାଏ ଦାଡ଼ିୟା । ^୩ ନେଲେକାନ୍ ବିନ୍ତି ଆବୁଆଃ ଜୀଦ ବାଞ୍ଛାଅନିଃ ପାର୍ଵନେଶ୍ଵାର୍ ଆଃ ଆୟାର୍ରେ ବୁଗିନ୍ ଆତଃ ସୁକୁଆନ୍ ଗିୟା । ^୪ ସବେନ୍ ହତ୍ କ ଆଃ ଜୀଦ ବାଞ୍ଛାଅଃକା ଆତଃ ସାର୍ ତି ବିଶ୍ଵାସ୍ରେ ସେଣ୍ କ ନାମେକା ମେନ୍ତେ ଜନିୟାଃ ସାନାଜ୍ଠାତାନାଃ । ^୫ ତିୟାଃଗି ମିଆଁଦ୍ଗି ପାର୍ଵନେଶ୍ଵାର୍ ମେନାଇୟା । ହତ୍ କେକେ ପାର୍ଵନେଶ୍ଵାର୍ ତାଃରେ ଆଉ ହୁଣ୍ଡିକ ନାଜ୍ ମିହୁଡ଼ି ମେନାଇୟା, ଜନିଃ ହବାଃଅତାନାଏ ମାନଞ୍ଜାହନ୍ ଯାଶୁ ଖ୍ରୀଷ୍ଟ । ^୬ ଜନିଃ ସବେନ୍ କେକେ ପାପହେତେ ରାଡ଼ା ନାଗେନ୍ତେ ଆଇଃକ୍ ଗି ଦାଣ୍ଡୋରାକାବୟାନାଏ, ନେଆଁତେ ଆବ୍ କାରୟାନା ଯେ, ପାର୍ଵନେଶ୍ଵାର୍ ଠାଉକା ନେତାରେ ସବେନ୍ ହତ୍ କେକେ ବାଞ୍ଛାଅ ନାଗେନ୍ତେ ସାନାଜ୍ଠାତାନା, ଏନାରେୟାଃ ସାରୁଦ୍ ଏମାକାଦାଏ । ^୭ *ଏନ୍ ସାର୍ ତି ଆତଃ ବିଶ୍ଵାସ୍ ରାଃ କାଜି ସାଆଁସାର୍ କତାଃରେ ଉଦ୍ ଦ୍ ନାଗେନ୍ତେ ଆଇଜ୍ଠାକେ ମିଆଁଦ୍ ଜନ୍ ନିଃ ଆତଃ କୁଲ୍ଲାକାନ୍ନିଃ ଲେକାଇଜ୍ ସାଲ୍ଲାକାନା । ଆଇଜ୍ଠାକେ ବେଦାତାନା, ସାର୍ ତିଗିଜ୍ଠା କାଜିତାନା ।

* ୧:୧୩ ୧:୧୩ ପ୍ରେରିଡ୍ ଟ:୩: ୯:୪:୫. * ୨:୭ ୨:୭ ୨ ଡିମ୍ବ ୧:୧୧.

୮ ସବେନ୍ କାଲିସିୟାରେୟାଃ ସେଝାକାମିରେ ହଡ଼କ, ପାବିତାର୍ ହଡ଼କ ବେଗାର୍ ଖୁସ୍ତେ ଆତଃ ବେଗାର୍ କାପୁଜିତେ ତିଃଇ ରିମ୍ବକେଦ୍ତେ ବିକ୍ରିପେ ମେନ୍ତେ ଆଇଙ୍ଗ୍ ସାନାଙ୍ଗ୍ତାନାଇଙ୍ଗ୍ ।^୯ *ଏନ୍ଲେକାରି କୁଡ଼ିକହରି ଆକଆଃ ଲିଜାଃ ତୁସିଙ୍ଗ୍ଅଃରେ ବୁରିଲେକାତେ ତୁସିଙ୍ଗ୍ଅଃକାକ, ଉବ୍ବେକେ ବାଇ ବାଇତେ କା ଗାଲାଙ୍ଗ୍କେଦ୍ତେ, ସୋନା ଚାଏ ମତି ଚାଏ ପୁରାଃ ଗନଙ୍ଗ୍ରାଃ ଲିଜାଃ ଆଲକାକ ତୁସିଙ୍ଗ୍ଅଃକା ।^{୧୦} ମେନ୍ଦ୍ ବୁରିନ୍ କାମିରେୟାଃ ସିଙ୍ଗ୍ଗ୍ରେ ଆକ ଆକରି ସିଙ୍ଗ୍ଗ୍ରେକାକ, ଆତଃ ଧାର୍ମାନ୍ କୁଡ଼ିକ ମେନ୍ତେକ କାଜିନ୍କା ।^{୧୧} କୁଡ଼ିକ ସବେନ୍ କାଜିକରେ ହାପାଆଃ ନାଗେନ୍ତେ ଆତଃ ଲେବେଃ ମନ୍ଦରେ ଇହୁନ୍ ନାଗେନ୍ତେ ଲାଗାତିଙ୍ଗ୍ୟାଃ ।^{୧୨} କୁଡ଼ିକ ଇହୁକକାକ ଚାଏ କଡ଼ାକଆଃ ରେତାନ୍ଦରେ ଆକ୍ତେୟାର୍ରେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ଆହୁକତାନା, ମେନ୍ଦ୍ ଇନ୍କୁ ହାପାକାନ୍ରି ତାଇନ୍କାକ ।^{୧୩} ଚିୟାଃତି ପାର୍ମେଶ୍ୱାର୍ ସିଦାତେ ଆଦାମ୍ବେକେ ବାଇକିୟା, ଏନ୍ ତାୟମ୍ବେକେ ହାଝାକେ ।^{୧୪} ଆତଃ ସିଦାତେ ଆଦାମ୍ବେକେ ବେଦାୟାନା, ମେନ୍ଦ୍ କୁଡ଼ି ବେଦାୟାନାଏ ଆତଃ ପାର୍ମେଶ୍ୱାର୍ଆଃ ଆନ୍ଦୁକେ ଟଟାଃକେଦା ।^{୧୫} ମେନ୍ଦ୍ ଇନ୍କୁ ବୁରିନ୍ ସେର୍ଲାଙ୍ଗ୍ ବିଶ୍ୱାସ୍, ଦୁଲ୍ଲାଡ଼୍ ଆତଃ ପାବିତାର୍ରେ ଆବର୍ତ୍ତା ତାଇନଃରେଦ୍, ଇନ୍କୁ ଏଙ୍ଗ୍ ହବାଆଃ ହରାତେ ପାରିତ୍ରାଣ୍ ନାମ୍ ଦାଡ଼ିୟାକ ।

୩

କାଲିସିୟାରେନ୍ ଆଗୁଆଇକ

୯ ନେ କାଜି ସାର୍ତ୍ତାରି ତାନାଃ, ଜେତାଏ କାଲିସିୟାରେନ୍ ଆଗୁଆଇ ହବାଆଃନାଙ୍ଗ୍ ସାନାଙ୍ଗ୍ରେଦ୍, ଇନିଃ ବୁରିନ୍ କାମି ରିକା ନାଙ୍ଗ୍ ସାନାଙ୍ଗ୍ଆଃଏ ।^୧ *ଚିୟାଃତି କାଲିସିୟାରେନ୍ ଆଗୁଆଇକଦ୍ ବେଗାର୍ ଚିଟାକାନ୍ ଲେକା ତାଇନ୍ ଲାଗାତିଙ୍ଗ୍ୟାଃ, ଇନିୟାଃ ମିଆଁଦ୍ରି କୁଡ଼ି ତାଇନ୍ ଲାଗାତିଙ୍ଗ୍ୟାଃ, ଲେବେଃମନ୍ଦିନିଃ, ଆପାନ୍ଦକେ ଆବର୍ତ୍ତରେ ଦହନିଃ, ମାଇନ୍ ନାମେତାନ୍ଦିନିଃ, ଆପନାଃ ଅଡ଼ାଃତେ ହିଞ୍ଜନିଃକେ ଦାରମିନିଃ ଆତଃ ଇନିଃ ଇହୁ ଦାଡ଼ିଲେକାନ୍ଦିନିଃ ତାଇନ୍କାଏ, ^୩ ଇନିଃ ଇଲିଆର୍ଖ୍ତେ ବୁଲ୍ଲିଃମନ୍ଦିନିଃ ଚାଏ ଏଡ଼କାନ୍ଦିନିଃ ଆଲକାଏ ହବାଆଃକା, ମେନ୍ଦ୍ ଲେବେଃମନ୍ଦିନିଃ ଆତଃ ବାପାଇନିଃ ତାଇନ୍କାଏ । ଟାକା ପାଏସା ଦୁଲ୍ଲାଡ଼ିନିଃ ଆଲକାଏ ହବାଆଃକା, ^୪ ଇନିଃ ଆୟାଃ ଅଡ଼ାଃରେନ୍କେ ବୁରିଲେକାତେ ଚାଲାଅ ଦାଡ଼ିକ ଲେକା ଆତଃ ଆୟାଃ ହନ୍ଦ୍ ଆଇଃକକେ ସବେନ୍ ଲେକାନ୍ ମାଇନ୍ଦେ ମାନାଡ଼ିଙ୍ଗ୍ ଲେକାଏ ତାଇନ୍କା । ^୫ ଜେତାଏ ଆୟାଃ ଅଡ଼ାଃରେନ୍କକେ ବୁରିଲେକାତେ ଚାଲାଅ ନାଗେନ୍ତେ କାଏ ଇହୁଆନ୍ଦରେଦ୍ ଇନିଃ ପାର୍ମେଶ୍ୱାର୍ଆଃ କାଲିସିୟାକେ ଚିଲ୍ଲକାତେ ଚାଲାଅ ଦାଡ଼ିୟା ? ^୬ ଆତଃ ଇନିଃ ଖ୍ରୀଷ୍ଟ୍ ବିଶ୍ୱାସ୍ରେ ପକ୍ତକାନ୍ଦିନିଃ ତାଇନ୍ ଲାଗାତିଙ୍ଗ୍ୟାଃ, କା'ରେଦ୍ ଇନିଃ ସାମାରି ଆପାନ୍ଦକେ ମାରାଙ୍ଗ୍ ମେନ୍ତେ କାଜିନ୍ତାନ୍ଲଃ ସାଏତାନ୍ ଲେକା ସାଜାଇରେ ଉୟୁଗଃଆ । ^୭ ଇନିଃ ଆଲକାଏ ଗିହୁଗଃକା ଆତଃ ସାଏତାନ୍ରାଃ ଫିଏସ୍ତିରେ ଆଲକାଏ ଉୟୁଗଃକା, ଏନାମେନ୍ତେ ଇନିଃକେ ବାହାରି କାଲିସିୟାରେନ୍ ହଡ଼କତାଃଏତେ ହରି ମାଇନ୍ ନାମେଲେକାନ୍ଦିନିଃ ହବାଆଃ ଲାଗାତିଙ୍ଗ୍ୟାଃ ।

କାଲିସିୟାରେ ଦେଙ୍ଗାତାନ୍କ

୮ କାଲିସିୟାରେନ୍ ଦିକାନ୍ଦ୍ ବୁରିନ୍ ତାଇଲ୍ ଚାଲାନ୍ ଆତଃ ମାଇନ୍ ନାମେଲେକା ହବାଆଃ ଲାଗାତିଙ୍ଗ୍ୟାଃ । ଇନ୍କୁ ଇଲିଆର୍ଖ୍ ଆଲକାକ ନୁଁଏକା ଆତଃ ଟାକା ପାଏସାରେଆଃ ଲାଲାଡ଼ରେ ଆଲକାକ ତାଇନ୍କା । ^୯ ଇନ୍କୁ ଆଗୁଆଃ ଧାରାମ୍ ବିଶ୍ୱାସ୍ରେୟାଃ ଉନ୍ନୁଦ୍ କାଜିରେୟାଃ ସାର୍ତ୍ତାରେୟାଃକେ ଫାର୍ଟି ବିବେକ୍ତେ ପୁରାଃ କେଟେଦ୍ ବିଶ୍ୱାସ୍ରେ ତାଇନ୍କାକ । ^{୧୦} ଇନ୍କୁକେ ହରି ସିଦାତେ ବିଡ଼ାଅ ଲାଗାତିଙ୍ଗ୍ୟାଃ, ଏନ୍ତେ ବେଗାର୍ ଚିଟାକାନ୍ ଲେକାକ ନେଲଃରେଦ୍, ଦିକାନ୍ ଲେକା ସୁନ୍ଦାୟର୍ କାମିକ କାମିକା । ^{୧୧} ଏନ୍ଲେକାରି ଆକଆଃ କୁଡ଼ିକଆଃ ତାଇଲ୍ ଚାଲାନ୍ ବୁରିନ୍ ହବାଆଃ ଲାଗାତିଙ୍ଗ୍ୟାଃ ଆତଃ ଏଟାଃନିୟାଃ ବିରୁଧ୍ରେ ନିୟା କାଜିକ କା କାଜିକେଦ୍ତେ ଲେବେଃମନ୍ଦିନିଃ, ଆତଃ ସବେନ୍ କାଜିକରେ ପାତିୟାର୍ରେ ଲେକା ତାଇନ୍ ଲାଗାତିଙ୍ଗ୍ୟାଃ । ^{୧୨} କାଲିସିୟାରେନ୍ ଦିକାନ୍ଦ୍ଆଃ ମିଆଁଦ୍ରି କୁଡ଼ି ତାଇନ୍ ଲାଗାତିଙ୍ଗ୍ୟାଃ ଆତଃ ଆକଆଃ ହନ୍ଦ୍ ଆତଃ ଆକଆଃ ଅଡ଼ାଃରେନ୍କକେ ବୁରିଲେକାତେ ଚାଲାଅକୁକାକ । ^{୧୩} ବୁରିଲେକାତେ ସୁସାର୍ତାନ୍ ଦିକାନ୍ଦ୍, କାଲିସିୟାରେ ଇନ୍କୁ ଆକଆଃ ନାଗେନ୍ତେ ମାଇନ୍ଦ୍ ନାମେୟା ଆତଃ ଯିଶୁ ଖ୍ରୀଷ୍ଟ୍ରେ ବିଶ୍ୱାସ୍କାଦ୍ କାଜି ପୁରାଃ ସାହାସ୍କେଦ୍ତେକ କାଜି ଦାଡ଼ିୟା ।

ପାର୍ମେଶ୍ୱାର୍ଆଃ ଉକୁଆକାନ୍ କାଜି

* ୨:୯ ୨:୯ ପାର୍ମେଶ୍ୱା. ୩.୩. * ୩:୨ ୩:୨ ତିତ୍ତ୍ୱ ୧:୭.୯.

୧୪ ଆଇଙ୍ଗ ଜାଲୁଦିଗି ହିଜୁଃକେଦତେ ଆମକେ ନେଲୁମେରାଃ ଆସ୍ତାରେ, ନେ ତିଠାଉ ଆମାଃତାଃତେଇଙ୍ଗ ଅଲେତାନା । ୧୫ ମେନ୍ଦ ଆଇଙ୍ଗ ହିଜୁଃ ନାଙ୍ଗ ବିଲାମେରେଦ, ଜାନିଦ୍ ପାର୍ମେଶ୍ୱାର୍ଆଃ ଅଡ଼ାଃରେ ଆରୁଆଃ ତାଇଲ୍ ତାଇଲ୍ ଚିଲ୍କା ହବାଅଃ ଲାଗାଡିଙ୍ଗୟାଃ, ଏନା ଆମ୍ ନେ ତିଠାଉରେମ୍ ସାରି ଦାଡ଼ିୟା । ନେ ଜାନିଦ୍ ପାର୍ମେଶ୍ୱାର୍ଆଃ କାଲିସିୟାଗି ସାନାରୁଡିରାଃ ଖୁଣ୍ଟୁ ଆଡ଼ଃ ନିହିଁ ଗାଡ଼ା ତାନାଃ । ୧୬ ଆରୁଆଃ ଧାରାମ୍ ବିଶ୍ୱାସ୍ତରାଃ ନେ ମାରାଙ୍ଗ ଉକୁଆକାନ୍ ବିଷାଏକେ ସବେନ୍ଦକ ମାନାଡିଙ୍ଗ ଦାଡ଼ିୟଃତେୟାଃ ତାନାଃ, ଖ୍ରୀଷ୍ଟ ମାନଖା ହଡ଼ମ୍ତେ ହିଜୁଃୟାନା, ପାବିତାର୍ ଆମ୍ ଜନିଃକେ ଧାର୍ମାନ୍ ହଡ଼ ମେଟ୍ରେ ସାରୁଦକିୟା, ଦୁଡ଼କତାଃରେ ନେଲୁରିକାୟାନା, ସବେନ୍ ହଡ଼କତାଃରେ ଜନିୟାଃ ବିଷାଏ ଉଦୁଦିୟାନା, ଅଡେଦିଶ୍ୱମ୍ରେ ଜନିଃ ପାଡିୟାରୁଃ ଲେକାଏ ହବାୟାନା, ଆଡ଼ ମାନାରାଙ୍ଗରେ ସିମାତେ ଇଦିୟାନା ।

୪

ହସଡ଼ ଇତୁକ

୧ ପାବିତାର୍ ଆମ୍ ଫାରାଫାର୍ଡି କାଜିତାନା, ତାୟମ୍ ଦିପିଲିରେ ତିମିନ୍ ହଡ଼କ ଖ୍ରୀଷ୍ଟ ବିଶ୍ୱାସ୍ତକେକ ବାଗିୟା ଆଡ଼ଃ ବେଦାତାନ୍ ଆମ୍ବାକକେ ମାନାଡିଙ୍ଗକେଦତେ ବଙ୍ଗାକଆଃ ଜନିତୁ ହରାକ ଅଡଙ୍ଗୟେଆ । ୨ ଜନକୁ ହସଡ଼ ଇତୁକ ଆଡ଼ଃ ବେଦାତାନ୍ ହଡ଼କ ତାନ୍କ । ଜନକୁଆଃ ବିବେକ୍ ଗଜାକାନା ଆଡ଼ଃ ଅଣ୍ଡରକାନା । ୩ ଏନ୍ ହସଡ଼ ଇତୁକତାନ୍କ ଆଣ୍ଡି ନାଗେଟ୍ରେ ଆଡ଼ଃ ତିମିନ୍ ଜମେତେୟାଃକ ଜମ୍ ନାଗେଟ୍ରେ କା ବୁଗିନାଃ ମେଟ୍ରେକ ଇତୁଆଃ । ମେନ୍ଦ ପାର୍ମେଶ୍ୱାର୍ଡକେ ବିଶ୍ୱାସ୍ତତାନ୍କ ଆଡ଼ଃ ସାନାରୁଡିକେ ସାରିତାନ୍ ହଡ଼କ ନାଙ୍ଗ ଧାନାବାଦ୍ ଏମ୍ତାନ୍ଲଃ ଜମେ ନାଗେଟ୍ରେ ପାର୍ମେଶ୍ୱାର୍ ନେ ସବେନାଃଏ ବାଜୟାକାଦା । ୪ ତିୟାଃତି ପାର୍ମେଶ୍ୱାର୍ ବାଜୟାକାଦ୍ ସବେନାଃ ବୁଗିନ୍ଗିୟା, ଆଡ଼ଃ ପାର୍ମେଶ୍ୱାର୍ଡକେ ଧାନାବାଦ୍ ଏମ୍କେଦତେ ବିନ୍ତିତାନ୍ଲଃ ତେଲ୍ଏରେଦ୍ ଜେଡ଼ନାଃ କା ଗେନାଆଡ଼ମଃଆ । ୫ ତିୟାଃତି ପାର୍ମେଶ୍ୱାର୍ଡଆଃ ବାଚାନ୍ ଆଡ଼ଃ ବିନ୍ତି ହରାତେ ଏନା ପାବିତାର୍କାନା ।

ୟାଶୁ ଖ୍ରୀଷ୍ଟଆଃ ବୁଗିନ୍ ଦାସି

୬ ହେ ତାମଥ, ଆମ୍ ବିଶ୍ୱାସ୍ତକାଦ୍ ଆଡ଼ଃ ଅଡଙ୍ଗଆଉକାଦ୍ ସାରୁଡି ଜନିତୁକେ ଆମାଃ ହାଗା ମିଗିକକେମ୍ ଇତୁକରେଦ, ଆମ୍ ଯାଶୁ ଖ୍ରୀଷ୍ଟଆଃ ବୁଗିନ୍ ଦାସିମ୍ ହବାଅଃଆ । ୭ ପାର୍ମେଶ୍ୱାର୍ କାଏ ସୁକୁଃ ଲେକାନ୍ ସାମାକାଜିକକେ ବାଗିକେଦତେ ଆମାଃ ଧାର୍ମାନ୍ ଜାଦାନ୍କେ କେଟେଜେ ନାଗେଟ୍ରେ ଇତୁନ୍ମେ । ୮ ତିୟାଃତି ହଡ଼ମ୍ରେୟାଃ କାସ୍ତାଡ଼ କାଟିଃଲେକା ବୁଗିନ୍ଗିୟାଃ, ମେନ୍ଦ ପାର୍ମେଶ୍ୱାର୍ଡଆଃ କାଜିଲେକା ଜାଦାନ୍ ବିତାଅଡେୟାଃ ସବେନ୍ ଲେକାତେ ବୁଗିନାଃ, ତିୟାଃତି ନେ ଦିପିଲି ଆଡ଼ଃ ହିଜୁଃ ଦିପିଲି, ନେ ବାଜୟାକାଦ୍ ଦିପିଲିରେୟାଃ ଜାଦାନ୍ ନାଗେଟ୍ରେ ବାନାର୍ସା ଏମାକାନା ଆଡ଼ଃ ଏନା ପୁରାଃଗି ବୁଗିନାଃ ତାନାଃ । ୯ ନେଆଁ ସାରୁଡି କାଜି ତାନାଃ, ଆଡ଼ଃ ନେଆଁକେ ତେଲ୍ଏ ଲେକାନାଃ ତାନାଃ । ୧୦ ଏନା ନାଗେଟ୍ରେଦ୍ ଆବୁ ସବେନ୍ଦକ ଲାଗାଉତାଃଗିବୁ କାମିତାନା, ତିୟାଃତି ଆବୁ ଜାନିଦ୍ ପାର୍ମେଶ୍ୱାର୍ଡତାଃରେଦୁ ଆସ୍ତାକାଦା, ଜନିଃ ସବେନ୍ ହଡ଼କଆଃ ଆଡ଼ଃ ଆଇଃକକେ ବିଶ୍ୱାସ୍ତତାନ୍କଆଃ ବାଞ୍ଛାଅନିଃ ତାନିଃ ।

୧୧ ଆମ୍ ଜନକୁକେ ନେ ସବେନ୍ ବିଷାଏକ ଆତୁକମେ ଆଡ଼ଃ ଇତୁକମେ । ୧୨ ଆମାଃ ଜାଖାନ୍ ଦିପିଲି ନାଗେଟ୍ରେ ଜେତାଏ ଆମକେ ଆଲକାକ ହିଲାଙ୍ଗମେକା, ମେନ୍ଦ ଆମାଃ କାଜିରେ, ତାଇଲ୍ ତାଇଲ୍ରେ, ଦୁଲାଡ଼ରେ, ବିଶ୍ୱାସ୍ତରେ ଆଡ଼ଃ ଫାର୍ଡିରେ, ବିଶ୍ୱାସ୍ତକ ନାଙ୍ଗ ନାମ୍ନା ହବାଅଃମେ । ୧୩ ଆଇଙ୍ଗ ଆମାଃତାଃ ଆଉରି ହିଜୁଃ ଜାକେଦ୍, ଧାରାମ୍ପୁଥୁ ପାଢାଅରେ, ପାର୍ତତାର୍ କାମିରେ, ଆଡ଼ଃ ଜନିତୁରେ ନେଡା ଏମେମେ । ୧୪ କାଲିସିୟାରେନ୍ ପ୍ରାଡିନ୍କ ଆମକେ ପାର୍ମେଶ୍ୱାର୍ଡଆଃ କାଜି କାଜିକେଦତେ ଆମାଃ ବହଃ ଚେତାନ୍ରେ ତିଃଇ ଦହକେଦ୍ ଇମ୍ତା ଆମ୍ ଅକ ଆମ୍ବିକ୍ ଦାନ୍କ ନାମାକାଦ୍ ତାଇକେନାମ୍, ଏନାକେ ଆଲମ୍ ହେଡ଼ା* ଏୟା । ୧୫ ଏନ୍ ସବେନ୍ କାଜିକାମିକରେ ବୁଗିନ୍ କାମିନିଃ ହବାଅଃମେ ଆଡ଼ଃ ଏନାକରେ ତାଇକାନ୍ମେ, ଏନାତେ ଆମାଃ କାଜିକାମି ସବେନ୍ଦକତାଃରେ ଆୟୁଡେତେ ବାଢାଅଇଦିୟାଃଆ । ୧୬ ଆମାଃ ନାଙ୍ଗ ଆଡ଼ଃ ଆମାଃ ଜନିତୁ ନାଙ୍ଗ ଚିଗାଲାକାନ୍ ତାଇନ୍ମେ, ନେ ସବେନ୍ କାଜିକାମିକରେ ତାଇକାନ୍ମେ, ତିୟାଃତି ଆମ୍ ନେ କାମିମ୍ ରିକାଏରେଦ, ଆମ୍ ଆମାଃ ପାରିତ୍ରାଣ୍ ଆଡ଼ଃ ଆମକେ ଆୟୁମେତାନ୍କ ବାଞ୍ଛାଅଃଆ ।

* ୪:୧୪ ୪:୧୪ ଅବହେଲ୍



ବିଶ୍ୱାସୀକଥାଃ କାମିରାଃ ବାହାରମ୍

୧ ହାତ୍ତାମ୍ ହତକକେ ଆଲମ୍ ମାରାଙ୍ଗମଚାକଥା, ମେନ୍ଦ ଆପୁଲେକା ମାଇନକମେ ଆତଃ ସେପେଡେଦକକେ ହାଗାକଲେକା ମାଇନକମେ । ୨ ବୁଢ଼ିଆକକେ ଏଙ୍ଗାଲେକା ଆତଃ ତିଣ୍ଡା କୁଡ଼ିକକେ ଫାଟ୍ଟି ମନ୍ଦେ ମିଶିଲେକା ମାଇନକମେ ।

୩ ଏସକାରାକାନ୍ ରାଣ୍ଡିକୁଡ଼ିକକେ ଯାତନାଅକମେ । ୪ ମେନ୍ଦ ଜେତା ରାଣ୍ଡିକୁଡ଼ିଆଃ ହନ୍ଗାଣା ଚାଏ ଆୟାଃ ଜାଇହନ୍ଦ ମେନାକରେଦ, ଇନ୍ଦକୁ ସିଦାତେ ଆକଥାଃ ଅଡ଼ାଃରେନ୍ଦକକେ ଭାନ୍ତି ଦେଖାଅ ନାଗେନ୍ତେ ଆତଃ ଏଙ୍ଗାଆପୁକଥାଃ ବୁରିନାଃ ରିକା ନାଗେନ୍ତେକ ଇତୁନ୍କା, ତିୟାଃଚି ନେଆଁଦ ପାରମେଶ୍ୱାରୁଆଃ ନେଦେଲରେ ସୁଗାତାନ୍ଦରିଆ । ୫ ସାର୍ତ୍ତିରି ଏସକାରାକାନ୍ ଆତଃ ଜେତାଏ କାକ ଜାତାନିତାନ୍ ରାଣ୍ଡିକୁଡ଼ି, ପାରମେଶ୍ୱାରୁତାଃରେ ଆସ୍ତା ଦହକେଦତେ ନିଦା ସିଙ୍ଗି ଆୟାଃ ଦେଙ୍ଗାନାଙ୍ଗ ବିନ୍ତ୍ରତାନ୍ଦଲଃ ତାଇନକାଏ । ୬ ମେନ୍ଦ ଜେତାଏ ରାଣ୍ଡିକାନ୍ଦରେୟ ରିଜରାଙ୍ଗରେ ତାଇନତାନ୍ନିଃ, ଜାନିଦ୍ ତାଇନରେୟରି ଗଜାନାଏ । ୭ ଇନ୍ଦକୁ ବେଗାର୍ ତିଚାକାନ୍ ଲେକା ହବାଅଃଆ, ଏନାମେନ୍ତେ ଆମ୍ ନେ ସବେନାଃହରି ଇନ୍ଦକୁକେ ଆତୁକମେ । ୮ ମେନ୍ଦ ଜେତାଏ ଆୟାଃ କୁଟୁମ୍କଥାଃ ଆତଃ ଆୟାଃ ଅଡ଼ାଃରେନ୍ଦକଥାଃ ଯାତାନ୍ ଇଦି କାଏ ଦାଡ଼ିନିଃ ବିଶ୍ୱାସକେ ବାରିକାଦା ଆତଃ ଇନିଃ କା ବିଶ୍ୱାସ୍ତାନ୍ଦକଏତେ ପୁରାଃଚି ଏଡ଼କାନଃଆ ।

୯ ଜେତା ରାଣ୍ଡିକୁଡ଼ିଆଃ ବାୟାସ୍ତ ସାଠିଏତେ ଆଦକା ବାରାଷ୍ଟ ଆଉରି ହବାଅଃ ଜାକେଦ୍ ରାଣ୍ଡିକୁଡ଼ି ମେନ୍ତେ ଆଲକାଏ ହିସାବଃକା, ଇନିଃ ମିସାରି ଆଣ୍ଡିକାନ୍ନିଃ ହବାଅଃକାଏ । ୧୦ ଆତଃ ଇନିଃ ଆୟାଃ ବୁରିନ୍ କାମିରେ ନୁତୁମାକାନ୍ନିଃ, ନେଲେକାଚି ଆୟାଃ ହନ୍ଦକଥାଃ ହାରାଆସୁଲ୍ନିଃ, କା ତିହ୍ନାନ୍ଦକଥାଃ ସେଖାନିଃ, ପାବିତାର୍ ହତକଥାଃ କାଟା ଆତୁଙ୍ଗନିଃ, ଦୁକୁତାନ୍ଦକକେ ଦେଙ୍ଗାନିଃ ଆତଃ ସବେନ୍ ଲେକାନ୍ ବୁରିନ୍ କାମିକରେ ତିହ୍ନୁଲ୍ନିଃ ତାନିଃରେଦ, ଇନିଃ ରାଣ୍ଡିକୁଡ଼ିକଥାଃ ନୁତୁମରେ ହିସାବଃକା ।

୧୧ ମେନ୍ଦ ଧାଙ୍ଗଡ଼ି ରାଣ୍ଡିକୁଡ଼ିକକେ ଆଲମ୍ ମେସାକଥା, ତିୟାଃଚି ଇନ୍ଦକୁ କଡ଼ାକଲଃ ଏଡ଼କାନ୍ ସାନାଙ୍ଗରେ ଉୟାଃକେଦତେ ଆଣ୍ଡିଦିୟଃ ନାଙ୍ଗକ ସାନାଙ୍ଗଥାଃ, ଇମ୍ତା ଇନ୍ଦକୁ ଯାଣ୍ଡି ଖ୍ରୀଷ୍ଟଥାଃଏତେକ ସାଙ୍ଗିନିଃଆ । ୧୨ ଆତଃ ଇନ୍ଦକୁ ଆକଥାଃ ପାହିଲା ବାନାର୍ସାକେ ବାରିକାଦ୍ ନାଗେନ୍ତେ ଆକଗି ସାଜାଇକ ଆଉକାଦା । ୧୩ ଇନ୍ଦକୁ ଜେତନାଃ କା କାମିକେଦତେ ଅଡ଼ାଃ ଅଡ଼ାଃ ହନ୍ଦବ୍ରାତାତାନ୍ଦଲଃ ସାମାଏ ବିତାଅ ନାଗେନ୍ତେକ ଇତୁକାନା, ଏନା ଏସକାର୍ କାହାଗି, ମେନ୍ଦ ସାମାକାଜିକ ଆତଃ ଏଗାଃକଥାଃ ତୁପ୍ପକା କାଜିକ କାଜିତାନ୍ଦଲଃ କା ଠାଉକାନ୍ କାଜିକ ଜାଗାରୁଃଆ । ୧୪ ଏନାମେନ୍ତେ ଧାଙ୍ଗଡ଼ି ରାଣ୍ଡିକ ଆଣ୍ଡିକେଦତେ ହନ୍ଦ ଜାନାମକକାକ, ଆକଥାଃ ଅଡ଼ାଃରେୟାଃ କାମିକ କାମିକା, ମେନ୍ତେଇଙ୍ଗ ସାନାଙ୍ଗତାନା, ନେକା ରିକାଲେରେ ବାଇରିକକେ ଆବୁଆଃ ବିରୁଧରେ ଏଡ଼କାନ୍ କାଜି ନାଗେନ୍ତେ ହରା କାକ ନାମେୟା ।

୧୫ ତିୟାଃଚି ନାହାଃହରି ତିମିନ୍ ଧାଙ୍ଗଡ଼ି ରାଣ୍ଡିକୁଡ଼ିକ ସାଏତାନ୍ଦକେ ଅତଙ୍ଗ ନାଗେନ୍ତେ ରୁହାଡ଼ିୟାନ୍ଦିଆକ । ୧୬ ଜେତାଏ ବିଶ୍ୱାସୀ କୁଡ଼ିଆଃ ଅଡ଼ାଃରେ ରାଣ୍ଡିକୁଡ଼ିକ ମେନାକରେଦ, ଇନିଃ ଇନ୍ଦକୁକେ ଦେଙ୍ଗାକକାଏ । ଏନାତେ କାଲିସିୟା ତେତାନ୍ଦରେ ଇନ୍ଦକୁଆଃ ବାହାରମ୍ ଆଲକା ଲାଦିୟାଃକା, ଆତଃ କାଲିସିୟା, ଏସକାରାକାନ୍ ରାଣ୍ଡିକୁଡ଼ିକଥାଃ ଯାତାନ୍ ଇଦି ନାଗେନ୍ତେ ଦାଡ଼ିୟା ।

୧୭ କାଲିସିୟାରେ ଅକନ୍ ପ୍ରାଚିନ୍ଦ ବୁରିଲେକାତେ କାମିତାନ୍ଦକକେ, ବିଶେଷକେଦତେ ଅକନ୍ଦ ବାଚାନ୍ ଉଦୁଦରେ ଆତଃ ଇନିତୁରେ ଲାଗାଉତାରଃଚି କାମିତାନ୍ଦକକେ ବାର୍ ହିସା ଆଦକା ମାଇନ୍ ନାମେଲେକା ବୁରିନ୍ ନାଲା ଏମାକପେ । ୧୮ ଚିୟାଃଚି ଧାରାମ୍ପୁଥରେ ଅଲାନା, “ବାବା ଦାଉଁରିତାନ୍ ଉରିଃକ୍ଦକଥାଃ ମଗା ଆଲ୍ପେଦେ ତଲେୟା,” ଆତଃ “କାମିତାନ୍ନିଃ ଆୟାଃ ନାଲା ନାମେରିୟାଏ ।” ୧୯ ବାର୍ହତ୍, ତାଏ ଆପିହତ୍ଏତେ ଆଦକା ଗାଞ୍ଜା ବାଙ୍ଗକରେଦ, ପ୍ରାଚିନ୍ଦକଥାଃ ବିରୁଧରେ ତିଚାତାନ୍ଦକଥାଃ କାଜି ଆଲମ୍ ଆୟୁମାଃ । ୨୦ ଏଗାଃ ହତକ ବରଏକାକ ମେନ୍ତେ ପାପ୍ତାନ୍ଦକକେ ସିବେନ୍ଦକଥାଃ ଆୟାରରେ ବଡ଼ଙ୍ଗକମେ ।

୨୧ ଆଇଙ୍ଗ ଆମ୍କେ ପାରମେଶ୍ୱାରୁଆଃ, ଯାଣ୍ଡି ଖ୍ରୀଷ୍ଟଥାଃ ଆତଃ ସାଲକାନ୍ ହୁଡ଼କଥାଃ ଆୟାରରେଇଙ୍ଗ ଆତୁମେତାନ୍ ଆନାତୁକେ ମାନାତିଙ୍ଗମେ । ଜେତାଏୟାଃ ବିରୁଧରେ ମେଦମ୍ପୁହାଡ଼ି ନେଲ୍ଲକେଦତେ ଆଲମ୍ ବିଚାରେୟା ଚାଏ ଜେତନାଃ ଆଲମ୍ ରିକାୟା । ୨୨ ଜେତାଏରେ ଇମ୍ତାଗି ତିଃଇ ଦହକେଦତେ ବିନ୍ତ୍ରତାନ୍ଦଲଃ ପାରମେଶ୍ୱାରୁଆଃ ସେଖା କାମିନାଙ୍ଗ ଆଲମ୍ ସାଲକାଥା । ଏଗାଃକଥାଃ ପାପ୍ତେ ଆଲମ୍ ମେସାନାଃ, ଆମ୍ ଆମ୍ଗି ଫାଟ୍ଟିଆକାନ୍ ତାଇନକମେ ।

୫:୧୮ ୫:୧୮ ମାଥ୍ତ ୧୦:୧୦; ଲୁକ ୧୦:୭.

୩୩ ଦାଆଃ ଏସକାର୍ କା ନୁଁକେଦତେ ଆମାଃ ଲାହିଦରାଃ ହାସୁଏତେ ଆତଃ ସବେନ୍ ଇମ୍ଭା ଆମାଃ ହତ୍ତଫ ବେଶ୍ କା ତାଜନତାନ୍ ହରାତେ ଆମ୍ ହୃଡ଼ିଜ୍ଜଲେକା ଦାଖରାସି ନୁଁଜମେ ।

୩୪ ତିମିନ୍ ହତ୍ତକଆଃ ପାପକ ବିଚାରରେୟାଃ ସିଦାରେ ନେଲଃତାନା ମେନ୍ଦ ତିମିନ୍ ହତ୍ତକଆଃ ପାପକ, ତାୟମତେ ନେଲଃତାନା । ୩୫ ଏନ୍ଲେକାଗି ବୁଗିନ୍ କାମିକ ବୁଗିଲେକା ନେଲଃତାନା ଆତଃ କା ନେଲଃତାନ୍ତେୟାଃ ଉକ୍ତକାନ୍ତରି କା ତାଜନ୍ ଦାଡ଼ିୟଃଆ ।



୧ୟାଶୁ ଶ୍ରୀଷ୍ଟକେ ବିଶ୍ୱାସତାନ୍ କିରିଜ୍ଜୟାକାନ୍ ଦାସି ଲେକା ଆଡ଼ନାରେୟାଃ ଆକ୍ତେୟାରରେ ମେନାକ ସବେନ୍ ଦାସିକ ଆପ୍ତନାଃ ଗୁସିୟାକକେ ସବେନ୍ ଲେକାତେ ମାଜନ୍କପେ, ଜେ'ଲେକାଟି ଜେତାଏ ପାର୍ମେଶ୍ୱାର୍ଆଃ ନୁତୁମ୍ ଆତଃ ଆବୁଆଃ ଇନିତୁକେ ଏଡ଼କାନାଃ ତାନାଃ ମେନ୍ତେ କାକ କାଜିୟା । ୨ ଆତଃ ଅକନ୍ ଦାସିକଆଃ ଗୁସିୟାକ ବିଶ୍ୱାସାତାନ୍କ, ଇନିକ୍ତକେ ଆବୁଆଃ ହାଗାକ ତାନ୍କ ମେନ୍ତେ ମାଜନ୍ ଏମ୍ ନାଗେନ୍ତେ ଆଲପେ ହିଡ଼କିତାଃଆ, ମେନ୍ଦ ପୁରାଃତେ ଇନିକ୍ତକେ ସୁସାରକପେ, ତିୟାଃଟି ଅକନ୍କ ଆକଆଃ କାମିତେ ଲାଭକ ନାମେତାନା, ଇନିକ୍ତ ହଗି ବିଶ୍ୱାସୀ ଆତଃ ପୁରାଃ ଦୁଲାଡ଼ ନାମେ ଲେକାନ୍କ ତାନ୍କ । ନେ ସବେନାଃ ଆମ୍କେ ଇତୁ ଆତଃ ଉଦୁବ୍ ଲାଗାତିଜ୍ଜୟାଃ ।

ହସଡ଼ ଇନିତୁ ଆତଃ ସାରତି ଶୁକ୍

୩ ଜେତାଏ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟଆଃ ସାରତି ଇନିତୁ ଲେକା କାଏ ଇତୁତାନା, ଚାଏ ଆୟାଃ ଇନିତୁ କା ମେସାଅଃତାନା ଆତଃ ଧାରାମ୍ ବିଶ୍ୱାସରେୟାଃ ଇନିତୁଏତେ ଏଗାଃଲେକାଏ ଇତୁତାନ୍ରେଦ, ୪ ଇନିଃ ଜେଡ଼ନାଃ କା ସାରିକେଦତେ ଆପାନ୍କେ ମାରାଜ୍ ମେନ୍ତେ କାଜିନାଃ । ଇନିଃ ଏଡ଼କାନ୍ ସାନାଜ୍, ଧାରାମ୍ପପୁରାଃ ବାଗାନ୍ ବିଷାଏରେ କାପ୍ଜି, ହିସଜ୍ଜା, ଏପୁରାଜ୍, ଏଗାଃକଆଃ ନିଦାକାଜି, ଆତଃ ଏଡ଼କାନାଃକ ଉଡ଼ଶ୍ୱାଃଏ, ୫ ଆତଃ ଅକନ୍କ ଧାରାମ୍ ବିଶ୍ୱାସଗି କିସାଣ୍ ହବାଅଃ ନାଗେନ୍ତେ ମିଆଁଦ୍ ହରାତାନାଃ ମେନ୍ତେକ ଉଡ଼ଶ୍ୱଲୟା, ନେ ଲେକାନ୍ ହତ୍ତକ ବେଗାର୍ ଉଡ଼ଶ୍ୱକେଦତେ ସାମାକାଜିତେକ କାପ୍ଜିୟାଃ ଆତଃ ସାନାରତି ଇନିକ୍ତୁତାଃରେ ବାନଃଆ ।

୬ ଧାର୍ମାନ୍ ହତ୍ତ ସାରତିରେ କିସାଣ୍ ତାନିଃ, ତିୟାଃଟି ଇନିଃତାଃରେ ଅକ୍ନାଃ ମେନାଃ ଇମ୍ଭାଜ୍ରେଗି ଇନିଃ ସୁକ୍ଷତାନାଏ । ୭ ତିୟାଃଟି ଆଦୁ ଅତେଦିଶୁମ୍ତେ ଜେଡ଼ନାଃ କାବୁ ଆଉ, ଆତଃ ନେତାଃଏତେ ଜେଡ଼ନାଃ କାବୁ ଇଦି ଦାଡ଼ିୟା । ୮ ମେନ୍ଦ ଆବୁତାଃରେ ଜମେୟାଃ, ଆତଃ ତୁସିଜ୍ ନାଗେନ୍ତେ ଲିଜାଃ ମେନାଃରେଦ, ଆବୁ ନାଜ୍ ଇମ୍ଭାଜ୍ଗି ଲାଗାତିଜ୍ଜୟାଃ । ୯ ଜେତାଏ କିସାଣ୍ ହବାଅଃ ନାଜ୍ ସାନାଜ୍ତାନ୍ରେଦ, ବିଡ଼ାଅ ଆତଃ ଏଡ଼କାନ୍ ଫାସରେକ ଉୟୁଗଃଆ, ଆତଃ ଆକଆଃ ମନ୍ରେ ପୁରାଃ କା ଲାଗାତିଜ୍ ଏଡ଼କାନ୍ରାଃ ସାନାଜ୍ରେକ ଉୟୁଗଃଆ, ନେ ସବେନାଃ ଇନିକ୍ତକେ ଜିୟନଃ ନାଗେନ୍ତେ ଆଇଜ୍ ଇଦିକଆ । ୧୦ ତିୟାଃଟି ଟାକା ପାଏସାରାଃ ଦୁଲାଡ଼୍ ସବେନ୍ ଲେକାନ୍ ଏଡ଼କାନାଃରାଃ ରେହେଦ୍ ତାନାଃ । ତିମିନ୍ ହତ୍ତକ ଟାକା ପାଏସା ନାମେ ନାଜ୍ ପୁରାଃ ସାନାଜ୍ତାନ୍ ହରାତେ, ଇନିକ୍ତୁ ଆକଆଃ ବିଶ୍ୱାସକ ବାଗିକେଦତେ ଏଡ଼କାନ୍ ହରାକ ଅତଜ୍ଜକାଦା ଆତଃ ପୁରାଃ ଦୁକ୍ତେ ଆକଆଃ ମନ୍ସୁରୁଦକ ଦୁକ୍ଷତାନା ।

ବୁଶୁ କାଜି

୧୧ ମେନ୍ଦ ହେ ତାମଅ, ଆମ୍ ମିହୁଡ଼୍ ପାର୍ମେଶ୍ୱାର୍ଆଃ ହତ୍ତ ତାନ୍ମେ, ଏନାତେ ନେ ସବେନାଃଏତେ ସାଜିନଃମେ ଆତଃ ଧାର୍ମାନ୍, ପାର୍ମେଶ୍ୱାର୍ଆଃ କାଜିଲେକା ସେସେନମେ, ବିଶ୍ୱାସ, ଦୁଲାଡ଼୍, ସାହାତିଜ୍ ଜାଝାନ୍ ଆତଃ ଲେବେଃମନ୍ତେ ସେସେନମେ । ୧୨ ଶ୍ରୀଷ୍ଟ ବିଶ୍ୱାସରାଃ ବୁଗିନ୍ ଲାଡ଼ାଜ୍ରେ ଲାଡ଼ାଜ୍ମେ, ଜାନାଅ ଜାନାଅରେୟାଃ ଜାଦାନ୍ ସାବାକାମେ, ଏନା ନାଗେନ୍ତେ ପାର୍ମେଶ୍ୱାର୍ ଆମ୍କେ ସାଲାକାଦ୍ମେୟା ଆତଃ ପୁରାଃ ଗାଝାକଆଃ ସାମ୍ଭାଜ୍ରେ ବୁଗିନ୍ ଗାଝାମ୍ ଏମାକାଦା । ୧୩ ସବେନକକେ ଜାଦାନ୍ ଏମ୍ତାନ୍ ପାର୍ମେଶ୍ୱାର୍ଆଃ ସାମ୍ଭାଜ୍ରେ ଆତଃ ପଜିୟସ ପିଲାଡ଼ୁସଆଃ ଆୟାରରେ ବୁଗିନ୍ ଗାଝା ଏମ୍ତାନ୍ନିଃ ଯାଶୁ ଶ୍ରୀଷ୍ଟଆଃ ସାମ୍ଭାଜ୍ରେ, ଆଇଜ୍ ଆମ୍କେଇଜ୍ ଆତୁମେତାନା । ୧୪ ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟଆଃ ଆତଃମିସା ହିନିଜ୍ଜୁଃ ଜାକେଦ୍ ଆମ୍କେ ଏମାକାଦ୍ମେ ଆନାତୁକେ ମାନାତିଜ୍ତାନ୍ଲଃ, ବେଗାର୍ ଦାଗିୟଃ ଆତଃ କା ନିଦାଅଃ ଲେକା ତାଜନ୍ମେ । ୧୫ ଯାଶୁ ଶ୍ରୀଷ୍ଟଆଃ ଆତଃମିସା ହିନିଜ୍ଜୁଃ ବିଷାଏରେ ପାର୍ମେଶ୍ୱାର୍ ଆଇଃକ୍ରି ଦିପିଲି ସାଲାଏୟା, ଇନିଃ ଧାଜନ୍ନିୟାଏ ଆତଃ ଇନିଃ ଏସକାର୍ ଆକ୍ତେୟାର୍ ନାମାକାଦ୍ନିଃ, ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ତାନିଃ । ୧୬ ଇନିଃ ଏସକାର୍ ତିତଲାଅ କାଏ ଗଜଃଆ, ଆତଃ

☆ ୬:୧୩ ୬:୧୩ ଯୋହାନ୍ ୧୮:୩୭

ଜେତାଏ ଇନିଃକେ କା ତେବାଃ ଦାଢ଼ିୟଃଲେକାନ୍ ମାସ୍ତାଲ୍ଲରେ ତାଇନଃତାନା । ଇନିଃକେ ଜେତାଏ ହତ୍ତ ଚିତ୍ତଲାଅ କାକ ନେଲ୍ଲ ଚାଏ କାକ ନେଲ୍ଲଦାଢ଼ିୟା । ଇନିୟଃ ମାଇନାନ୍ ଆତଃ ପେଡ଼େଃ ଜାନାଅ ଜାନାଅ ହବାଃଅକା ! ଆମେନ୍ ।

^{୧୭} ନେ ଅତେଦିଶ୍ୱମ୍ରେନ୍ କିସାଁଶ ହତ୍ତକ, ଆପେ ଆପାନ୍‌କେ ମାରାଙ୍ଗ ମେନ୍ତେ ଆଲପେ କାଜିନ୍ ଆତଃ କା ତାଇନଃ ଜିନିଷ୍ଟରେ ଆଲପେ ଆସ୍ତାଏୟା, ମେନ୍ଦଦ ଆବୁକେ ଆବୁଆଃ ସୁକୁରାସ୍ତକା ନାଙ୍ଗ ସବେନାଃ ଏମାରୁତାନ୍ ପାରମେଶ୍ୱାରତାଃରେ ଆସ୍ତାଏପେ ମେନ୍ତେ ଆରୁକମ୍ । ^{୧୮} ଆତଃ ବୁଗିନାଃ ରିକାକେଦତେ ବୁଗିନ୍ କାମିକରେ କିସାଁଶଃପେ, ଆତଃ ଲେବେଃ ମନ୍ତେ ଏଟାଃକଲଃ ହାରିଙ୍ଗ୍ ନାଙ୍ଗ ସେକାଡ଼ାକାନ୍‌ପେ ମେନ୍ତେ ଆରୁକମେ । ^{୧୯} ନେ ଲେକାକ ରିକାଏରେଦ, ଇନ୍‌କୁ ଆକଆଃ ନାଗେନ୍ତେ ହିଜୁଃ ଦିପିଲିରେ ପୁରାଃ ଖୁଜ୍ ହୁଣ୍ଡିୟାକ । ଏନ୍ ଖୁଜ୍ ହବାଅଃତାନା ନିହିଗାତା, ଅକନାଃରେଚି ଇନ୍‌କୁଆଃ ହିଜୁଃ ଦିପିଲିରାଃ ଜାଦାନ୍ ତିଙ୍ଗ୍ ଦାଢ଼ିୟଃଆ । ଏନ୍ତେ ଚୁଣ୍ଡୁରୁ ଇନ୍‌କୁ ସାର୍ତ୍ତି ଜାଦାନ୍‌କ ନାମେୟା ।

^{୨୦} ହେ ତାମଥୁ, ଆମାଃତାଃରେ ଜିମାକାନ୍ ବାହାରମ୍‌କେ ବୁଗିଲେକା ମାନାତିୟେମେ, ଚିମିନ୍ ହତ୍ତକ ସାମାକାଜିକେ ଆତଃ ତଣ୍ଡ କାପ୍‌ଜିକେ ବୁଗିନ୍ ସେଣାଁ ତାନାଃ ମେନ୍ତେ କାଜିତାନା, ଏନାକଏତେ ଆମ୍ ସାଜିନ୍‌ରେ ତାଇନମେ । ^{୨୧} ଚିମିନ୍ ହତ୍ତକ ଏନାଗି ସାର୍ତ୍ତି ତାନାଃ ମେନ୍ତେ କାଜିତାନ୍‌ଲଃ, ଇନ୍‌କୁ ଆକଆଃ ବିଶ୍ୱାସ୍ତକ ଆଦାକାଦା । ପାରମେଶ୍ୱାରଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

ତୀମଥୁଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ତୀମଥୁତାଃତେ ପ୍ରେରିତ୍ ପାଉଲୁସ୍‌ଆଃ ଏଗାଃ ଚିତାଉ ପାରିଗଏ

ନେ ପୁଅ, ତୀମଥୁତାଃତେ ଅଲ୍ଲାକାନ୍ ପାଉଲୁସ୍‌ଆଃ ଏଗାଃ ଚିତାଉ ତାନାଃ । ତୀମଥୁତାଃତେ ଅଲ୍ଲାକାନ୍ ଏଗାଃ ଚିତାଉ ପାଉଲୁସ୍‌ଆଃ ଜୀବାନ୍‌ରେୟାଃ ତୁଣ୍ଡୁ ଦୁପିଲିରେ ଅଲ୍ଲାକାନ୍ ଚିତାଉ ତାନାଃ । ନେ ଦିପିଲିରେ ପାଉଲୁସ୍ ରୋମ୍ ନାଗାରୁରେ ଜେହେଲ୍ଲାକାନ୍ ତାଇକେନା ୧:୧୬ । ପାଉଲୁସ୍‌ଲଃ ତୀମଥୁଆଃ ପୁରାଃ ବୁଗିନ୍ ନାତା ତାଇକେନା ଆତଃ ସବେନ୍ ଇମ୍‌ତା ଇନିଃକେ ହନ୍ ଲେକାଏ ଉଦୁବ୍‌କାଇଜା ଫିଲିପିୟ ୨:୨୨;୧ ତିମଥୁ ୧:୨:୧:୧୮ ।

ପାଉଲୁସ୍‌ଆଃ ହରାତେ ମିହୁଡ଼କେ ଏସକାର୍ ଅଲ୍ଲାକାନ୍ ଉପୁନିୟା ଚିତାଉକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀମଥୁ, ତିତସ୍, ଆତଃ ଫିଲ୍‌ମନ୍ । ତୀମଥୁତାଃତେ ଏଗାଃ ଚିତାଉ ଅଲଃତାଇକେନ୍ ଇମ୍‌ତା ରୋମ୍ ନାଗାରୁରେ ସାସାତି ହବାଅଃତାଇକେନା । ହବାସାକାଅଆଃ ନେଆଁ ନାଗେନ୍ତେ ପାଉଲୁସ୍ ଜେହେଲ୍ଲାକାନ୍ ତାଇକେନାଏ ଆତଃ ତୀମଥୁକେ ଦୁକୁ ସାହାତିଙ୍ଗ୍‌ୟେ ନାଜ୍ କାଜିୟାଲ୍ ତାଇକେନାଏ । ତୀମଥୁତାଃତେ ଅଲ୍ଲାକାନ୍ ପାହିଲା ଚିତାଉ ଲେକାତେ ପାଉଲୁସ୍ ତୀମଥୁକେ ହସଡ଼ ଇଡ଼ୁକଆଃ ବିଷାଏରେ ପୁରାଃ ଚେନେତାଅ କାଜିକ କାଜିକାଦା । ୧ ତିମଥୁ ୧:୧୬-୧୮ ପାଉଲୁସ୍ ତୀମଥୁକେ କାଜିୟାଃ ଯେ, ହିଜୁଃ ଦିପିଲିରେ ପୁରାଃ ଦୁକୁହାସୁରେୟାଃ ଦିପିଲି ମେନାଃ ୩:୧ ।

ପୁଅ ତିତାଉରେ ତାଇକାନ୍ କାଜି

- ୧. ପାଉଲୁସ୍ ତୀମଥୁକେ ଜହାର୍ କାଜିତାନଲଃ ଇନିଃକେ ଜାଉରେ କେଚେଦ୍ ଏମାଇତାନାଏ । ୧:୧-୧୮
- ୨. ତୀମଥୁକେ ଧୂରାଜରେୟାଃ ସାବୁଦ୍ ଏମକେଦ୍‌ତେ ଉଦୁବେନ୍ ନାଗେନ୍ତେ ପାଉଲୁସ୍ ଜାଉରେ କେଚେଦ୍ ଏମାଇତାନାଏ । ୨:୧-୧୩
- ୩. ପାଉଲୁସ୍ ତୀମଥୁକେ ହୁପ୍‌ତିଙ୍ଗ୍ ବିଷାଏରେ ଇନିତୁ ଏମାଇତାନା । ୨:୧୪-୨୬
- ୪. ହିଜୁଃ ଦିପିଲି ବିଷାଏରେ ଚିର୍ଗାଲ୍ଲାକାନ୍ ତାଇନଃ ଆତଃ ସାର୍‌ତି ହରା ସାଲାଏ ନାଗେନ୍ତେ ଚେନେତାଅ ଏମେତାନାଏ । ୩:୧-୪:୮
- ୫. ପାଉଲୁସ୍ ତୀମଥୁକେ ଆୟାଃ ଏସକାରୁରେୟାଃ କାଜିକ ଏମକେଦ୍‌ତେ ଅନଲ୍ ଚାବାକେଦାଏ । ୪:୯-୨୨

୧ ଆଇଙ୍ଗ୍ ପାଉଲୁସ୍, ଯୀଶୁ ଖ୍ରୀଷ୍ଟ୍‌ଆଃ କୁଲ୍ଲାକାନ୍‌ନିଃ ତାନିଙ୍ଗ୍ । ଆବୁ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ପାର୍‌ମେଶ୍ୱାର୍‌ଆଃ ବାନାର୍‌ସା ଲେକାତେ ଯୀଶୁ ଖ୍ରୀଷ୍ଟ୍‌ରେ ଜୀବାନ୍‌ବୁ ନାମାକାଦା । ଏନା ଉଦୁବ୍ ନାଗେନ୍ତେ ଆଇଙ୍ଗ୍ ପାର୍‌ମେଶ୍ୱାର୍‌ଆଃ ମନେଲେକାତେଇଙ୍ଗ୍ କୁଲ୍ଲାକାନା ।

୨ *ଆଇଁୟାଃ ଦୁଲ୍ଲାଡ଼୍ ହନ୍ ତୀମଥୁତାଃତେ ନେ ଚିତାଉ ଅଲେତାନାଇଙ୍ଗ୍ ।

ଆପୁ ପାର୍‌ମେଶ୍ୱାର୍ ଆତଃ ଆବୁଆଃ ଯୀଶୁ ଖ୍ରୀଷ୍ଟ୍‌ସାଃଏତେ ସାୟାଦ୍, ଲିବୁଇ ଆତଃ ଜାଉସୁକୁ ଆମାଃ ହବାଅଃକା ।

ଧାନ୍ୟାବାଦ୍ ଏମଃ ଆତଃ ପାତିୟାରୁରେନ୍ ହବାଅଃ

୩ ଆଇଁୟାଃ ହାଡ଼ାମ୍‌ହଡ଼କଆଃ ଲେକା ଆଇଙ୍ଗ୍ ଫୀର୍‌ତି ମନ୍‌ତେ ସେଝାଇତାନ୍ ପାର୍‌ମେଶ୍ୱାର୍‌କେ ନିଦାସିଙ୍ଗ୍ ବିନ୍ତିତାନ୍ ଇମ୍‌ତା ଆମ୍‌କେ ପାହାମ୍‌କେଦ୍‌ତେ ଆଇଙ୍ଗ୍ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଇତାନିଙ୍ଗ୍ । ୪ ଆଇଙ୍ଗ୍ ରାସ୍‌କାତେ ପେରେଜଃକାଇଙ୍ଗ୍ ମେନ୍ତେ ଆମାଃ ମେଦ୍ ଦାଆଃ ପାହାମ୍‌ତାନଲଃ ଆମ୍‌କେ ନେଲ୍ ନାଗେନ୍ତେଇଙ୍ଗ୍ ସାନାଙ୍ଗ୍ ତାନା । ୫ *ଆମାଃ ବୁଡ଼ିମାଁ ଲଇସ୍ ଆତଃ ଆମାଃ ଏଙ୍ଗା ଇଉନିକିତାଃରେ ତାଇକାନ୍ ସାର୍‌ତି ବିଶ୍ୱାସ୍ ଆମାଃତାଃରେୟା ମେନାଃ ମେନ୍ତେ ଆଇଁୟାଃ ପୁରାଃ ବିଶ୍ୱାସ୍ ମେନାଃ, ଆମାଃ ଏନ୍ ସାର୍‌ତି ବିଶ୍ୱାସ୍ ବିଷାଏରେ ଆଇଙ୍ଗ୍ ଆୟୁମ୍‌କାଦା । ୬ ଆଇଙ୍ଗ୍ ଆମାଃ ଚେତାନୁରେ ତିଃଇ ଦହକେଦ୍‌ତେ ବିନ୍ତିତାନ୍ ଇମ୍‌ତା ପାର୍‌ମେଶ୍ୱାର୍‌ତାଃଏତେ ଅକ ବାର୍‌ଦାନ୍ ନାମାକାଦାମ୍ ଏନାକେ ଜାହିଦ୍‌ଗି ଦହେମେ, ମେନ୍ତେଇଙ୍ଗ୍ ପାହାମ୍‌ଜିମେ ତାନା । ୭ ତିୟାଃତି ପାର୍‌ମେଶ୍ୱାର୍‌ଦ୍ ବରଏଲେକାନ୍ ଆମ୍‌ ଆବୁକେ କାଏ ଏମ୍, ମେନ୍‌ଦ୍ ପେଡ଼େଃ, ଦୁଲ୍ଲାଡ଼୍ ଆତଃ ବୁଗିନ୍ ସେଣ୍‌ନରେନ୍ ଆମ୍‌ ଏମାକାଦ୍‌ବୁଆଏ ।

* ୧:୨ ୧:୨ ପ୍ରେରିତ୍ ୧୬:୧. * ୧:୫ ୧:୫ ପ୍ରେରିତ୍ ୧୬:୧.

୮ ଏନାମେନ୍ତେ ଆବୁଆଃ ପ୍ରାଭୁଆଃ ବିଷାଏରେ ଗାଞ୍ଜା ଏମ୍ ନାଗେନ୍ତେ ଚାଏ ଆଇଙ୍ଗ୍ ଇନିୟାଃ ନାଗେନ୍ତେ ଜେହେଲ୍‌କାନାଇଙ୍ଗ୍ ମେନ୍ତେ ଆଲମ୍ ଗିହୁଗଃଆ, ମେନ୍ଦ୍ ପାର୍ମେଶ୍ୱାର୍‌ଆଃ ପେଡ଼େଃଡେ ସୁକ୍କାକି ନାଗେନ୍ତେ ଆଇଁୟାଃଲଃ ଦୁକ୍ତୁ ସାହାତିଙ୍ଗ୍‌ୟେମେ । ୯ ଇନିଃ ଆବୁକେ ବାଞ୍ଚାଅକେଦ୍‌ବୁଆ ଆଡଃ ପାବିତାର୍ କେନେଡ଼ାଡେ କେଡ଼ାକେଦ୍‌ବୁଆ, ଆବୁଆଃ ବୁଗିନ୍ କାମିକ ନାଗେନ୍ତେଦ୍ କା ମେନ୍ଦ୍ ଆୟାଃ ଉଦେଶ୍‌ଡେ ଆଡଃ ସାୟାଦ୍‌ଡେ ରିକାକାଦା, ଏନ୍ ସାୟାଦ୍ ନେଡ଼ାରେୟାଃ ମୁକ୍ତୁ ସିଦାରେ ଖ୍ରୀଷ୍ଟ୍ ଯାଶ୍‌ବେ ଆବୁକେ ଏମାଦ୍‌ବୁଆ । ୧୦ ମେନ୍ଦ୍ ନାହାଁଃ ଆବୁଆଃ ଜାଉ ବାଞ୍ଚାଅନିଃ ଯାଶ୍‌ବେ ଖ୍ରୀଷ୍ଟ୍‌ଆଃ ହିନିଜୁଃ ହରାଡେ ଉଦୁଦ୍‌ୟାନା, ଇନିଃ ଗନ୍‌ଏଃରାଃ ପେଡ଼େଃଡେ ଟୁଣ୍ଡୁକଦା ଆଡଃ ସୁକ୍କାକି ହରାଡେ ଜାନାଅ ଜାଦାନରାଃ ହରା ଉଦୁଦ୍‌ୟାନା ।

୧୧ ଏନ୍ ସୁକ୍କାକି ଉଦୁଦ୍‌କେଦ୍‌ଡେ ଇଡୁନାଙ୍ଗ୍ ପାର୍ମେଶ୍ୱାର୍ ଆଇଙ୍ଗ୍‌କେ ମିଆଁଦ୍ କୁଲ୍‌କାନ୍ ଚେଲା ଲେକାନିଃ ଆଡଃ ଇଡୁନିଃଲେକାଏ ସାଲାକାଦିୟା । ୧୨ ଏନା ନାଗେନ୍ତେ ଆଇଙ୍ଗ୍ ଦୁକ୍ତୁ ସାହାତିଙ୍ଗ୍ ଡାନ୍‌ରେୟା କାଲଙ୍ଗ୍ ବରତାନା । ତିୟାଃତି ଆଇଙ୍ଗ୍ ବିଶ୍ୱାସକାଈନିଃକେ ସାରିତାନାଇଙ୍ଗ୍ ଆଡଃ ଇନିୟାଃ ଡିଃଇରେଇଙ୍ଗ୍ ଜିମାକାନା । ଆଡଃ ଇନିଃ ଏମାକାଦିଙ୍ଗ୍ କାମିରାଃ ବାହାରମକେ ରିକାଏ ନାଗେନ୍ତେ ମାରାଙ୍ଗ୍ ବିଚାର୍ ହୁଲାଙ୍ଗ୍ ଜାକେଦ୍ ଆଇଙ୍ଗ୍‌କେ ବାଞ୍ଚାଅ ନାଙ୍ଗ୍ ଇନିଃଡଃଠରେ ପେଡ଼େଃ ମେନାଃ, ଏନା ଆଇଙ୍ଗ୍ ପୁରା କେଟେଦ୍‌ଡେଇଙ୍ଗ୍ ବିଶ୍ୱାସତାନା । ୧୩ ଆଇଙ୍ଗ୍ ଆମ୍‌କେ ଇଡୁକାଦ୍‌ମେ ସାର୍‌ତି କାଜିକକେ ଆମ୍ ନାମୁନାମ୍ ହବାଅଃଲେକା ପୁରା କେଟେୟାନ୍‌ଗି ସାବାକାମେ । ଅକ୍‌ନାଃତି ଯାଶ୍‌ବେ ଖ୍ରୀଷ୍ଟ୍‌ରେ ବିଶ୍ୱାସ୍ ଆଡଃ ଦୁଲାଡ଼ତାନାଃ । ୧୪ ଆମ୍‌କେ ଜିମାକାଦ୍‌ମେ ବୁଗିନ୍ ବିଷାଏକେ ଆବୁଡ଼ାଃରେ ତାଇନ୍‌ତାନ୍ ପାବିତାର୍ ଆମ୍‌ରାଃ ପେଡ଼େଃଡେ ଏନାକେ ଯାଡ଼ନାଅ କେଦ୍‌ଡେ ଦହେମେ ।

୧୫ ଫୁଗେଲ୍ ଆଡଃ ହର୍‌ଗିନ୍‌ସ୍ ମେସାକେଦ୍‌ଡେ ଏସିଆ ପାର୍‌ଗାନ୍‌ରେନ୍ ସବେନ୍‌କ ଆଇଙ୍ଗ୍‌କେ ବାଗିକେଦିୟା, ଏନା ଆମ୍ ସାରିତାନା । ୧୬ ଅନିସିଫ୍‌ରୁଆଃ ଅଡ଼ାଃରେନ୍‌କକେ ପ୍ରାଭୁ ଦାୟା ଏମାକାଏ, ତିୟାଃତି ଇନିଃ ପୁରାଃଡେ ଆଇଙ୍ଗ୍‌କେ ଜୀଉରାଡ଼େଃ ଏମ୍‌ନାଙ୍ଗ୍ ଆଡଃ ଜୀଉରେ ରାସକା ଏମ୍‌ନାଙ୍ଗ୍ ହିଜୁଃକାନ୍ ତାଇକେନାଏ । ଆଇଙ୍ଗ୍ ଜେହେଲ୍‌କାନ୍‌ରେୟା ଇନିଃକେ କା ଗିହୁଃକିୟା । ୧୭ ରୋମ୍ ନାଗାଡ଼େ ସେଟେୟାନ୍‌ଗି ଇନିଃ ଆଇଙ୍ଗ୍‌କେ କା ନାମ୍ ଜାକେଦ୍ ଦାଣ୍ଟିକେଦିୟା । ୧୮ ମାରାଙ୍ଗ୍ ବିଚାର୍ ହୁଲାଙ୍ଗ୍‌ରେ ପ୍ରାଭୁ ଇନିଃକେ ଦାୟାଇକାଏ । ଏଫିସୁସ୍‌ରେ ଇନିଃ ଆଇଙ୍ଗ୍‌କେ ପୁରାଃଗି ସୁସାର୍‌କେଦିୟା, ଏନା ଆମ୍ ବୁଗିଲେକାଡେମ୍ ସାରିତାନା ।

୨

ୟାଶ୍‌ବେ ବିଶ୍ୱାସ୍‌ତାନ୍ ପାଲେଟାନ୍‌କ

୧ ଏନାମେନ୍ତେ, ଏ ଆଇଁୟାଃ ଦୁଲାଡ଼୍ ହନ୍, ଯାଶ୍‌ବେ ଖ୍ରୀଷ୍ଟ୍‌ରେ ତାଇନ୍‌କେଦ୍‌ଡେ ଆୟାଃ ସାୟାଦ୍‌ଡେ ନାମଃଡ଼ାନ୍ ପେଡ଼େଃଡେରେ ପେଡ଼େୟେନ୍‌ମେ । ୨ ଆଡଃ ପୁରାଃ ଗାଞ୍ଜାକ୍‌ଆଃ ସାମ୍‌ନାଙ୍ଗ୍‌ରେ ଆଇଙ୍ଗ୍‌ଡ଼ାଃଏଡେ ଆୟୁମାକାଦ୍ କାଜିକ, ଏଗଃକକେ ଇଡୁ ଦାଡ଼ିଲେକାନ୍ ପାଡିୟାନ୍‌ରେନ୍ ହଡ଼କଡ଼ାଃରେ ଜିମାଏମେ ।

୩ ଯାଶ୍‌ବେ ଖ୍ରୀଷ୍ଟ୍‌ଆଃ ମିଆଁଦ୍ ବୁଗିନ୍ ପାଲେଟାନ୍‌ଲେକା ଆଇଁୟାଃଲଃ ଦୁକ୍ତୁ ସାହାତିଙ୍ଗ୍‌ୟେମେ । ୪ ଜେତାଏ ପାଲେଟାନ୍ କାମିରେ କାମିତାନ୍ ହଡ଼, ପାଲେଟାନ୍‌କ୍‌ଆଃ ମାରାଙ୍ଗ୍‌ନିଃକେ ସୁକ୍ତୁ ଏମ୍ ନାଗେନ୍ତେ ସାନାଙ୍ଗ୍‌ଆଃଏ, ଇନିଃ ଲାଡ଼ାଇ କାମି ବାଗିକେଦ୍‌ଡେ ଏଗଃ କାମିରେ କାଏ ମେସାନା । ୫ ଜେତାଏ ଆଖ୍‌ଡ଼ାରେ ହାରାଜିତା ଏନେଃ ଇମ୍‌ତା ନିୟାମ୍ ଲେକା କାଏ ଏନେଃରେଦ୍, ଇନିଃ ମୁକ୍ତୁର୍ କାଏ ନାମେୟା । ୬ କେଟେଦ୍ କାମିତାନ୍ ବାଷିକେ ପାହିଲା ଇରାକାନ୍ ଜି' ନାମଃଡ଼ି ଲାଗାଡିଙ୍ଗ୍‌ୟାଃ । ୭ ଆଇଙ୍ଗ୍ କାଜିତାନ୍‌ଡେୟାଃ, ବୁଗିଲେକାଡେ ଉଡ଼ୁଜୁକେ, ତିୟାଃତି ପ୍ରାଭୁଦ୍ ନେ ସବେନ୍ କାଜିକ ଆର୍‌କାନ୍‌ଉରୁମ୍ ନାଗେନ୍ତେ ପେଡ଼େଃ ଏମାମେୟାଏ ।

୮ ଆଇଙ୍ଗ୍ ପ୍ରାଚାର୍‌କାଦ୍ ସୁକ୍କାକି ଲେକାଡେ, ଗଜାକାନ୍‌କ୍‌ଏଡେ ଜୀଉବିଦିଦାକାନ୍ ଯାଶ୍‌ବେ ଖ୍ରୀଷ୍ଟ୍, ଦାଉଦ୍ ରାଜାରାଃ କିଲି ତାନିଃ, ଇନିଃକେ ପାହାମିମେ । ୯ ନେ ସୁକ୍କାକିକେ ଉଦୁଦ୍‌ତାନ୍ ହରାଡେ, ଆଇଙ୍ଗ୍ ଗୁହ୍‌ନାକାଦ୍‌ନିଃ ଲେକା ସିକିଡିଡେ ତଲ୍‌ୟାନାଇଙ୍ଗ୍ ଆଡଃ ଦୁକ୍ତୁଇଙ୍ଗ୍ ସାହାତିଙ୍ଗ୍‌ତାନା, ମେନ୍ଦ୍ ପାର୍ମେଶ୍ୱାର୍‌ଆଃ କାଜି କା ତଲ୍‌ୟା । ୧୦ ଏନା ନାଗେନ୍ତେ ପାର୍ମେଶ୍ୱାର୍‌ଆଃ ସାଲାକାନ୍ ହଡ଼କହ ଯାଶ୍‌ବେ ଖ୍ରୀଷ୍ଟ୍‌ଡ଼ାଃଏଡେ ଜୀଉ ବାଞ୍ଚାଅ ଆଡଃ ଜାନାଅ ଜାନାଅରେୟାଃ ମାନାରାଙ୍ଗ୍‌କ ନାମେକା, ଏନାମେନ୍ତେ ଆଇଙ୍ଗ୍ ଇନ୍‌କୁ ନାଗେନ୍ତେ ସବେନ୍ ଲେକାନ୍ ଦୁକ୍ତୁଇଙ୍ଗ୍ ସାହାତିଙ୍ଗ୍‌ତାନା । ୧୧ ନେ କାଜି ପାଡିୟାନ୍‌ରେ ଲେକାଗିୟା,

“ଆବୁ ଇନିଃଲଃ ଗଜାକାନ୍‌ରେଦ୍,

* ୧:୧୧ ୧:୧୧ ୧ ତିମସ୍ତ ୨:୭.

ଆବୁହ ଇନିଷଲକ୍ଷ୍ମୀ ଜାହିଦଃଆ ।

୧୭ *ଆବୁ ଇନିଷଲକ୍ଷ୍ମୀ ଦୁକୁ ସାହାତିଙ୍ଗରେଦ,
ଆବୁହ ଇନିଷଲକ୍ଷ୍ମୀ ରାଇଜେୟା,
ଆବୁ ଇନିଷକେ କାଲେ ସାରିୟା ମେନ୍ତେବୁ କାଜିରେଦ,
ଇନିଷହ ଆବୁକେ କାଇଙ୍ଗ ସାରିୟା ମେତାବୁଆଏ ।

୧୮ ଆବୁ ପାତିୟାରକଲେକା କା ତାଇନ୍ରେୟ,
ଇନିଷ ପାତିୟାରକ ଲେକାଗି ତାଇନାଏ,
ଚିୟାଃଚି ଇନିଷ ଆପାନ୍କେଗି କାଇଙ୍ଗ ସାରିୟା ମେନ୍ତେ କାଜି କାଏ ଦାଡ଼ିୟା ।”

ବିଶ୍ୱାସତେ କାମିତାନ୍ଦକ

୧୯ ଆମାଃ ସବେନ୍ ବିଶ୍ୱାସୀକକେ ନେ ସବେନ୍ ବିଷାଏ ପାହାମ୍ ଇଚିକମେ ଆତଃ ଧାରାମ୍ ପୁଅରେୟାଃ କାଜି ଇଚୁକେଦତେ କା ବୁଗିନ୍ତେୟାଃକ ଆତଃ ଜିୟନଃ ଲେକନାଃକ କା ଏପେଗେର୍ ନାଗେନ୍ତେ ଇନ୍କୁକେ ପାର୍ମେଶ୍ୱାର୍ଆଃ ସାମନାଙ୍ଗରେ କେତେୟାନ୍ଗି ଆଚୁକମେ । ୧୯ ଆମ୍ ଆମ୍‌କେଗି ପାର୍ମେଶ୍ୱାର୍ଆଃ ଆୟାନ୍ରେ ମାଇନ୍ ନାମେନିଃ ଲେକାମ୍ ହବାଅଃ ସାନାଙ୍ଗରେଦ, ଆମ୍ କା ଗିହୁଃକେଦତେ ପାର୍ମେଶ୍ୱାର୍ଆଃ ସାର୍ତି କାଜିକ ମାଇନ୍ ନାମେନିଃ ଲେକା ଇଚୁକମ୍ । ୧୯ ମେନ୍ଦ ସାମାକାଜିକଏତେ ଆତଃ ତଣ୍ଡ କାପୁଜିଏତେ ସାଜିନ୍ରେ ତାଇନ୍ମେ, ଚିୟାଃଚି ଜେତାଏ ଏନାରେ ତାଇନ୍କାନ୍ଦକ ପାର୍ମେଶ୍ୱାର୍ତାଃଏତେ ଆତଃଗି ସାଜିନ୍ ଇଦିୟଃଆକ । ୧୯ ଆତଃ ଇନ୍କୁଆଃ ଇନିଚୁ ସୟା ଘାଅଲେକା ପାସରାଅ ଇଦିୟଃଆ । ଇନ୍କୁଏତେ ହୁମନାୟ ଆତଃ ଫିଲିଚୁସ୍, ନେ ବାରାନ୍କିନ୍ ତାନ୍କିନ୍ । ୧୮ ଇନ୍କିନ୍ ଜାଉବିନିରିଦ୍ ହବାୟାନା ମେନ୍ତେ କାଜିକେଦତେ ସାର୍ତି ହରା ବାଗିକାଦାକିନ୍, ଆତଃ ଚିମିନ୍ ହଡକଆଃ ବିଶ୍ୱାସ୍ ଜିୟନାକାନା । ୧୯ ଏନ୍ରେୟ ପାର୍ମେଶ୍ୱାର୍ଆଃ ମାଜୁବୁଚ୍ ନିହିଁଗାତା ଡିଙ୍ଗୁଆକାନା, ଆତଃ ଏନାରେ ନେ କାଜି ଅଲକାନା, “ପ୍ରାଭୁ ଆୟାଃ ହଡକକେ ସାରିୟାଏ, ଆତଃ ଜେତାଏ ଆଇଙ୍ଗ ପ୍ରାଭୁଆଃ ହଡ ତାନିଙ୍ଗ ମେନ୍ତେ କାଜିନିଃ ଏଡକାନ୍ କାମିକଏତେ ସାଜିନ୍ରେ ତାଇନଃ ଲାଗାତିଙ୍ଗୟାଃ ।”

୨୦ ମିଆଁଦ୍ ମାରାଙ୍ଗ୍ ଅଡ଼ାଃରେ ସୋନା ଆତଃ ରୁପାତେ ବାଇୟାକାନ୍ ତୁବହା ଏସକାର୍ କା ତାଇନା, ମେନ୍ଦ ଦାଭୁରାଃ ଆତଃ ହାସାରାଃ ବାଇୟାକାନ୍ ତୁବହାହରି ତାଇନାଃ, ଚିମିନ୍ତେୟାଃ ପାରାବ୍ରେ ମାଇନ୍ ଏମ୍ ନାଙ୍ଗ୍ ଆତଃ ଚିମିନ୍ତେୟାଃ ସବେନ୍ ହୁଲାଇଙ୍ଗ ନାଙ୍ଗ୍ ବାଉରାଅ ତାନା । ୨୧ ଜେତାଏ ଏନ୍ ଏଡକାନ୍ କାମିକଏତେ ଆପାନ୍କେ ଫାର୍ତିନ୍ତାନ୍ ହଡ ପାବିତାର୍‌କାନାଏ, ଆତଃ ଇନିଷ ପାର୍ମେଶ୍ୱାର୍ଆଃ ବିଶେଷ୍ କାମିନାଙ୍ଗ୍ ବେଭାରଃଆଏ, ଚିୟାଃଚି ଇନିଷ ଆୟାଃ ଗମ୍‌କେୟାଃ ବେଭାରଃ ନାଗେନ୍ତେ ଜିମାକାନ୍, ଆତଃ ସବେନ୍ ବୁଗିନ୍ କାମି ନାଙ୍ଗ୍ ସେକାଡ଼ାକାନ୍‌ଗି ତାଇନାଃ । ୨୨ ମେନ୍ଦ୍ ଆମ୍ ଜାଝାନ୍ ସାମାଏରାଃ ଏଡକାନ୍ ସାନାଙ୍ଗକଏତେ ସାଜିନେନ୍ମେ, ଅକନ୍ଦ ଫାର୍ତି ମନ୍ତେ ପାର୍ମେଶ୍ୱାର୍ତାଃରେ ବିନ୍ତିତାନ୍‌କଲଃ ଧାରାମ୍, ବିଶ୍ୱାସ୍, ଦୁଲ୍ଲାଡ୍, ଆତଃ ଜାଉସୁକୁ ହବାଅଃନାଙ୍ଗ୍ କାମିମେ । ୨୩ ମେନ୍ଦ୍ ତଣ୍ଡ ଆତଃ କା ଲାଗାତିଙ୍ଗ୍ କାପୁଜିକଏତେ ସାଜିନ୍ରେ ତାଇନ୍ମେ, ଏନାଏତେଦ୍ ଏପେରାଙ୍ଗ୍ ଅମନଆଃ ଏନାଦ୍ ସାରିତାନାମ୍ । ୨୪ ପ୍ରାଭୁଆଃ ଦାସି ହବାକେଦତେ ଏପେରାଙ୍ଗ୍ ନାଙ୍ଗ୍ କା ବୁଗିନାଃ, ମେନ୍ଦ୍ ଇନିଷ ସବେନ୍‌କଆଃ ନାଙ୍ଗ୍ ଲେବେଃ ମନ୍ତେ ସାହାତିଙ୍ଗ୍‌ତାନିଷ ବୁଗିଲେକା ଇଚୁକକାଏ । ୨୫ ଆତଃ ଆୟାଃ ବିରୁଧରେ ତାଇନ୍ତାନ୍ ହଡକକେ ଲେବେଃମନ୍ତେ ବୁଝାଅକକାଏ, ଏନାରେଦ୍ ଇଦୁ ପାର୍ମେଶ୍ୱାର୍ ଇନ୍କୁକେ ହେୟାତିଙ୍ଗ୍ ନାଙ୍ଗ୍ ଆତଃ ସାର୍ତି ବିଷାଏ ସାରି ନାଙ୍ଗ୍ ନେତା ଏମାକଆଏ । ୨୬ ଆତଃ ସାଏତାନ୍ ଅକନ୍ଦକେ ଆୟାଃ ସାନାଙ୍ଗ୍‌ଲେକା କାମି ନାଗେନ୍ତେ ତଲକାଦକ୍ ତାଇକେନାଏ, ଇନ୍କୁ ଆକଆଃ ଚେତା ନାମ୍‌କେଦତେ ସାଏତାନ୍‌ଆଃ ଫାଁସ୍‌ହେତେକ ରାଡ଼ାଅଃଆ ।

୩

ଚୁଣ୍ଡ ଦିପିଲି

୧ ମେନ୍ଦ୍ ନେୟାଁ ସାରିମେ, ଚୁଣ୍ଡ ହୁଲାଇଙ୍ଗରେ ପୁରାଃ ବରଝାନ୍ ଦିପିଲି ହିଜୁଃଆ । ୨ ଚିୟାଃଚି ହଡକ ଆପନାଃ ନାଙ୍ଗ୍ ଏସକାର୍ ଉଡ଼ଗୁାଃକ, ଟାକା ପାଏସାରାଃ ହାୟା, ଘାମାଣ୍ଡ, ହାଁକାର୍, ନିନ୍ଦା କାଜି, ଏଙ୍ଗା ଆପୁକେ କା ମାନାତିଙ୍ଗ୍, ମାଇନ୍ କା ଏମ୍, ସଡ଼ରାକାନ୍‌କ, ୩ ଦୁଲ୍ଲାଡ୍, ବାନଃକ, ଦାୟା ବାନଃକ, ଏଗାଃନିୟାଃ ବିରୁଧରେ ନିନ୍ଦା କାଜିକ, ଆପାନ୍‌କେଗି ଆବରରେ କା ଦହ ଦାଡ଼ିକ, ପୁରାଃଗି ଛିବ୍‌କ, ଇନ୍କୁ ବୁଗିନାଃତେୟାଃକ ହିଲାଇଙ୍ଗୟାଁଆ । ୪ ଇନ୍କୁ ବାଏମାନ୍‌କ, କା ଚେଡ଼ଗାର୍‌କ ହବାଅଃଆ ଆତଃ

* ୨:୧୨ ୨:୧୨ ମାଥୁର ୧୦:୩୩; ଲୁକ ୧୨:୯.

ପାର୍ମେଶ୍ୱରଙ୍କ ଦୁଲ୍ଲଭ ବାରିକେଦତେ ରିଜରାଜ୍‌ରେକ ତାଇନା । ^୫ ଇନ୍‌କୁ ଧାରାମରେୟାଃ କାଜିକ ସାବେୟା, ମେନ୍‌ଦ ଧାରାମରେୟାଃ ସାରୁତି ପେଡ଼େଃକେ କାକ ମାନାତିୟାଃ, ନେ ଲେକାନ୍ ହଡ଼କଏଡେ ସାଜିନ୍‌ରେ ତାଇନ୍‌ମେ । ^୬ ଚିୟାଃତି ନିକୁଦ ଚିମିନ୍ ହଡ଼କଆଃ ଅଡ଼ାଃଡେ ସେନ୍‌କେଦତେ କା ପେଡ଼େୟାନ୍ କୁଡ଼ିକକେ, ଅକନ୍‌କତି ଆକଆଃ ପାପୁଡେ ଲାଦିୟାକାନ୍ ଆଡ଼ଃ ସବେନ୍ ଲେକାନ୍ ଏଡ଼କାନ୍ ସାନାଙ୍ଗଡେ ପେରେକାକାନ୍‌କକେ ଆକଆଃ ଆକଡେୟାରରେକ ଦହକତାନା । ^୭ ନେ କୁଡ଼ିକ ସବେନ୍ ଇମ୍‌ତା ଇଡୁନ୍‌ତାନରେୟ ସାନାରୁତିରାଃ ସେଣାଁ ଚିଉଲହ କାକ ସାରି ଦାଡ଼ିୟାଃ । ^୮ ଯନ୍‌ସ୍‌ୟ ଆଡ଼ଃ ଯମ୍‌ସ୍‌ୟ ମୁଗାରାଃ ବିରୁଧରେକିନ୍ ତିଜୁକାନ୍ ତାଇକେନା, ଏନ୍‌ଲେକାଗି ନେ ହଡ଼କଆଃ ମନ୍ କାମି କାଏ ଏମେୟା, ଆଡ଼ଃ ସାନାରୁତିରାଃ ବିରୁଧରେକ ତିଜୁକାନ୍ ଆଡ଼ଃ ଇନ୍‌କୁଆଃ ଧାରାମରେୟାଃ ବିଶ୍ୱାସ୍‌କା ପକ୍‌ତାକାନା । ^୯ ମେନ୍‌ଦ ଇନ୍‌କୁ ଥମ୍‌ସ୍‌ୟ ସାଜିନ୍ କାକ ସେନ୍ ଦାଡ଼ିୟା, ଚିୟାଃତି ଏନ୍ ବାରାନ୍‌କିନ୍ ଚିମିନ୍ ତଣ୍ଡ ତାନ୍‌କିନ୍, ଏନା ସବେନ୍‌କ ସାରିକେଦା, ଏନ୍ ଲେକାଗି ଇନ୍‌କୁଆଃହଗି ସବେନ୍‌କ ସାରିୟା ।

ତୃତୀୟ ଜାତି

^{୧୦} ମେନ୍‌ଦ ଆମ୍ ଆଇୟାଃ ଇନିଡୁ, ଚାଇଲ ଚାଲାନ, ଆଡ଼ଃ ଆଇୟାଃ ଜୀଝାନ୍ ହରାକେ ଅତଙ୍ଗକାଦାମ୍ । ଆଇୟାଃ ବିଶ୍ୱାସ୍‌ୟ, ଧୁରାଜ, ଦୁଲ୍ଲଭ, ସାହାତିଙ୍ଗ ଜୀଝାନ୍, ^{୧୧} ଆଇୟାଃ ସାସାତି, ଆଡ଼ଃ ଦୁକୁକେମ୍ ଆଡ଼କାରକାଦା । ଆଇୟାଃ ଚେତାନରେ ଆଗ୍ରିୟୋଖ, ଇକନିୟା ଆଡ଼ଃ ଲୁସ୍‌ତ୍ରାରେ ହବାଲେନ୍ ବରଝାନ୍ ଦୁକୁ ସାସାତିକଇଙ୍ଗ ସାହାତିଙ୍ଗକେଦା । ମେନ୍‌ଦ ଏନ୍ ସବେନାଃଏଡେ ପାର୍ମେଶ୍ୱର ଆଇଙ୍ଗକେ ବାଞ୍ଛାଅକେଦିୟାଃ । ^{୧୨} ଯୀଶୁ ଖ୍ରୀଷ୍ଟଆଃ ମେନେସାରେ ଧାରାମ ଜୀଝାନ୍ ବିତାଅ ନାଙ୍ଗ ସାନାଙ୍ଗତାନ୍ ସବେନ୍‌କ ଦୁକୁ ସାସାତିକ ନାମେରିୟା । ^{୧୩} ମେନ୍‌ଦ ଏଡ଼କାନ୍ ହଡ଼କ ଆଡ଼ଃ ବେଦା ହଡ଼କ ପୁରାଃଗି ଏଡ଼କାନ୍‌ରେକ ସେନା ଆଡ଼ଃ ଏଗାଃକକେ ବେଦାତାନ୍‌ଲଃ ଆକ ଆକଗିକ ବେଦାଅଃଆ । ^{୧୪} ମେନ୍‌ଦ ଆମ୍ ସାରୁତି ବିଷାଏ ଇଡୁକାନ୍‌ଡେୟାଃ ପୁରାଃଡେ ବିଶ୍ୱାସ୍‌ତାନାମ୍, ଏନ୍ ସବେନାଃରେ ପକ୍‌ତାକାନ୍‌ମେ । ଚିୟାଃତି ଆମ୍‌କେ ଇଡୁକାନ୍‌ମେ ହଡ଼କକେ ଆମ୍ ସାରିତାନାମ୍ । ^{୧୫} ଆଡ଼ଃ ଯୀଶୁ ଖ୍ରୀଷ୍ଟାଃରେ ବିଶ୍ୱାସ୍‌କେଦ୍ ହରାଡେ ଜୀଠ ବାଞ୍ଛାଅ ନାଙ୍ଗ ଆମ୍‌କେ ସେଣାଁ ଏମ୍ ଦାଡ଼ିୟାଏ, ଏନା ଆମ୍ ମିଦ୍ ହୁଡ଼ିଙ୍ଗଏଡେ ଧାରାମ୍‌ପୁଅରେମ୍ ସାରିକାଦା । ^{୧୬} ଧାରାମ୍‌ପୁଅରେ ଅଲକାନ୍ ସବେନାଃ ପାର୍ମେଶ୍ୱରଆଃ ସାହେଦ୍‌ଡେ ଏମାକାନା, ସାରୁତି ଇନିଡୁ ନାଙ୍ଗ, ଭୁଲ୍‌ତାନ୍‌କକେ ଏଗେର, କାଜି ବାଲୁହାଡ଼, ଆଡ଼ଃ ଧାରାମ ଲେକାଡେ ଜୀହୁଦଃ ନାଙ୍ଗ ଆତୁଆଃଏ, ^{୧୭} ଏନାଡେ ପାର୍ମେଶ୍ୱରକେ ସେଝାତାନ୍ ହଡ଼କ ପକ୍‌ତାକେଦତେ, ସବେନ୍ ଲେକାନ୍ ବୁଗିନ୍ କାମି ନାଗେଡେ ସେକାଡ଼ାକାନ୍‌ଗି ତାଇନ୍ ଦାଡ଼ିୟାକ ।

୪

^୧ ଆଇଙ୍ଗ ପାର୍ମେଶ୍ୱରଆଃ ସାମ୍‌ନାଙ୍ଗରେ ଆଡ଼ଃ ସବେନ୍ ଜୀନିଦ୍ ଆଡ଼ଃ ଗଜାକାନ୍‌କଆଃ ବିଚାର୍ ନାଗେଡେ ଆଡ଼ଃ ରାଇଜ୍ ରିକାଏ ନାଗେଡେ ହିଜୁଡାନ୍ ଯୀଶୁ ଖ୍ରୀଷ୍ଟଆଃ ସାମ୍‌ନାଙ୍ଗରେ କିରିୟାତାନ୍‌ଲଃ ଆମ୍‌କେଇଙ୍ଗ ଆତୁମେତାନା । ^୨ ନେଡାରେ ଚାଏ କା ନେଡାରେ ସବେନ୍ ଇମ୍‌ତା ବାଚାନ୍ ଉଦୁବେମେ, ପୁରାଃ ସାହାତିଙ୍ଗଡେ ଇଡୁତାନ୍‌ଲଃ ମିସା ମିସା ଏଗେରକୁମେ ଆଡ଼ଃ ମିସା ମିସା ବୁଗିନାଃ କାମିନାଙ୍ଗ ଜୀଠରେ ରାସ୍‌କା ଏମାକମେ । ^୩ ଚିୟାଃତି ନେଡା ସେଚେରାଃ, ଏନାରେ ହଡ଼କ ବୁଗିନ୍ ଇନିଡୁ କାକ ଆୟୁମେୟା, ମେନ୍‌ଦ ଆକଆଃ ସାନାଙ୍ଗଲେକାକ ସେସେନା ଆଡ଼ଃ ଆକଆଃ ନାଙ୍ଗ ହସଡ଼ ଇଡୁକକେ ହୁଣ୍ଡିକଆକ, ଏଡେ ଇନ୍‌କୁଆଃ ଇନିଡୁକ ଆୟୁମେୟା । ^୪ ଆଡ଼ଃ ସାନାରୁତି କାଜି କା ଆୟୁମ୍‌କେଦତେ ହଡ଼କଆଃ କାଥୁନି ଆୟୁମ୍ ନାଗେଡେ ମନ୍‌କ ଏମେୟା । ^୫ ମେନ୍‌ଦ ଆମ୍ ସବେନ୍ କାଜିକରେ ଚିଗାଲକାନ୍ ତାଇନ୍‌ମେ, ଦୁକୁ ସାହାତିଙ୍ଗୟେମେ, ସୁକୁକାଜି ଉଦୁବତାନ୍‌ନିଆଃ କାମି କାମିମେ, ଆଡ଼ଃ ପାର୍ମେଶ୍ୱରଆଃ ଦାସିଲେକା ସେଝାକାମି ପୁରାଏମେ ।

^୬ ଆଇଙ୍ଗ ଆଇୟାଃ ଜୀଝାନ୍‌କେ ଦାଣେଁ ଏମ୍‌ରେୟାଃ ନେଡା ସେଚେରାକାନା, ଆଡ଼ଃ ନାହାଁଗି ଆଇୟାଃ ନାଙ୍ଗ ନେ ଜୀଠକେ ବାରିରେଆଃ ଦିପିଲି ସେଚେରାକାନା । ^୭ ଆଇଙ୍ଗ ଜୀଝାନ୍‌ରାଃ ଲାଡ଼ାଇରେ ବୁଗିଲେକାଡେଇଙ୍ଗ ଲାଡ଼ାଇକାନା, ଆଡ଼ଃ ଜୀଝାନ୍‌ରାଃ ନିରରେ ତୁଣ୍ଡ ଜାକେଦ୍ ନିର୍ ସେଚେରାକାନିଙ୍ଗ, ଆଇଙ୍ଗ ବିଶ୍ୱାସ୍‌ ଦହକାଦାଇଙ୍ଗ । ^୮ ଆଡ଼ଃ ନାହାଁଃ ଆଇୟାଃ ନାଙ୍ଗ ଧାର୍‌ମାନ୍ ମୁକୁଟ୍ ଦହକାନା, ଏନା ଏନ୍ ମାରାଙ୍ଗ ହୁଲାଇରେ ଧାରାମ୍‌ଡେ ବିଚାରୁତାନ୍ ପ୍ରାଭୁ ଆଇଙ୍ଗକେ ଏମାକୟାଁ ଆଡ଼ଃ ଆଇଙ୍ଗକେ ଏସକାର୍ କା ମେନ୍‌ଦ ଆୟାଃ ହିନିଜୁଃକେ ଦୁଲ୍ଲଭଡେ ତାଙ୍ଗିକାଦ୍ ସବେନ୍‌କକେ ଏମାକଆ ।

ତୀମଥୁ ନାଗେଡେ ପାଠଲୁସ୍‌ଆଃ ଏସକାର୍ କାଜି

୩:୧୧ ୩:୧୧ ପ୍ରେରିଡ଼ ୧୩:୧୪-୫୨; ପ୍ରେରିଡ଼ ୧୪:୧-୭; ପ୍ରେରିଡ଼ ୧୪:୮-୨୦.

୯ ଆଇଁୟାଃତାଃତେ ଜାଲ୍‌ଦି ହିନ୍ଦୁଃ ନାଗେନ୍ତେ ସେକାଡ଼ଃତେ । ୧୦ ଧିୟାଃତି ଦିମା ନାହାଃରାଃ ନେ ଅତେଦିଶ୍ୱମକେ ଦୁଲ୍‌ତକେଦତେ ଆଇଙ୍ଗକେ ବାଗିକେଦିୟା ଆତଃ ଥେସ୍‌ଲନିକାତେ ସେନଃକାନା । କ୍ରେସ୍‌କେନ୍‌ସ୍, ଗାଲାତିୟତେ ଆତଃ ତିତସ୍, ତାଲ୍‌ମାତିଆତେ ସେନଃୟାନା । ୧୧ ଧଲ୍‌କ୍ ଏସ୍‌କାର୍ ଆଇଁୟାଃଲଃ ମେନାଲୟା । ମାର୍କକେ ଆମାଃଲଃ ଆଉଞ୍ଜିମେ, ଚିୟାଃତି ଜନିଃଦ ଆଇଁୟାଃ ସେଞ୍ଜା କାମିରେ ଦେଙ୍ଗା ଦାଡ଼ିୟା । ୧୨ ଆଇଙ୍ଗ୍ ତୁଖ୍‌କକେ ଏଫିସୁସ୍‌ତେଇଙ୍ଗ୍ କୁଲ୍‌କିୟା । ୧୩ ଧିୟାସ୍ ସାହାର୍‌ରେ ଆଇଙ୍ଗ୍ କାର୍‌ପସ୍‌ତାଃରେ ବାଗିକାଦ୍ ଲିଜାଃ ଆତଃ ପୁଥ୍‌କହଗି ଆଉତର୍‌ସାଏମେ, ବିଶେଷ୍‌କେଦତେ ଉହ୍‌ରତେ ବାଇୟାକାନିତେୟାଃତେ ଆଉଞ୍ଜିମେ ।

୧୪ ଆଲେକ୍‌ଜାଣ୍ଡାର୍ କାସାରି ଆଇଁୟାଃ ପୁରାଃ ଏଡ଼କାନାଃ ରିକାକାଦାଏ, ପ୍ରାଭୁ ଜନିୟାଃ କାମିଲେକା ନାଲା ଏମାଲୟାଏ । ୧୫ ଆମ୍‌ହ ଜନିଃତାଃଏତେ ଚିଗାଲାକାନ୍ ତାଇନ୍‌ମେ, ଚିୟାଃତି ଜନିଃଦ ଆବୁଆଃ କାଜିକ ପୁରାଃତେ କା ଆୟୁମତାନ୍‌ଲଃ କାଜିଞ୍ଜେକାଦ୍ ତାଇକେନାଏ ।

୧୬ ଆଇଁୟାଃ ପାହିଲା ଇଝାର୍ ଇମତା ଜେତାଏ ଆଇଙ୍ଗକେ କାକ ଦେଙ୍ଗାକେଦିୟା, ଆତଃ ସବେନ୍‌କ ବାଗିକେଦିୟା । ପାର୍‌ମେଶ୍ୱାର୍ ଇନ୍‌କୁଆଃ ନେ ଗୁନ୍ନା ଆଲକାଏ ଲେକାଏକା । ୧୭ ମେନ୍‌ଦ ପ୍ରାଭୁ ଆଇଁୟାଃସାଃରେ ତିଙ୍ଗ୍‌କେଦତେ ପେଡ଼େଃ ଏମାଦିୟାଏ, ଆତଃ ଆଇଙ୍ଗ୍ କୁଲାତାଃଏତେ ବାସ୍ତାଅୟାନାଇଙ୍ଗ୍, ଜେଲେକାଚି ଆଇଁୟାଃ ହରାତେ ସୁକୁକାଜି ପୁରାଃଗି ଉଦୁଦ୍ ଦାଡ଼ିୟାଃଆ ଆତଃ ସବେନ୍‌ ସାର୍‌ସାର୍‌କ ଏନା ଆୟୁମ୍ ଦାଡ଼ିୟାକ । ୧୮ ପ୍ରାଭୁ ଆଇଙ୍ଗକେ ସବେନ୍‌ ଏଡ଼କାନ୍ କାମିକଏତେ ବାସ୍ତାଅକେଦତେ ଟୁଣ୍ଡୁରେ ଆୟାଃ ସିମା ରାଇଜ୍‌ତେ ବୁଗିଲେକାତେ ଇଦିୟା । ଜନିୟାଃ ମାନାରାଇଙ୍ଗ୍ ଜାନାଅ ଜାନାଅ କାଜେଦ୍ ହବାଅଃକା ! ଆମେନ୍ ।

ଚୁଣ୍ଡ ଜୁହାର୍

୧୯ ପ୍ରିସ୍‌କିଲା, ଆକିଲା ଆତଃ ଅନିସିଫରୁଆଃ ଅଡ଼ାଃରେନ୍‌କକେ ଆଇଁୟାଃ ଜହାର୍ ଉଦୁବାକମେ । ୨୦ ଏରାଷ୍ଟ୍ରି କରିନ୍ଥ୍ରିୟରେ ତାଇନ୍‌ୟାନାଏ । ମେନ୍‌ଦ ବ୍ରୁଫିମରାଃ ହଡ଼ମ୍ ବେଶ୍ କା ତାଇନ୍‌ ହରାତେ ଆଇଙ୍ଗ୍ ଜନିଃକେ ମିଲିତସ୍‌ରେ ବାଗିକେଦତେଇଙ୍ଗ୍ ହିନ୍ଦୁଃୟାନା । ୨୧ ରାବାଙ୍ଗ୍ ସାହା ସିଦାରେ ହିନ୍ଦୁଃନାଇ ସେକାଡ଼େନ୍‌ମେ ।

ଇଉବୁଲ୍, ପୁଦେନ୍‌ସ୍, ଲାଇନାସ୍, କ୍ଲଉଦିଆ ଆତଃ ସବେନ୍‌ ବିଶ୍ୱାସୀ ହାଗା ମିଶିକ ଆମ୍‌କେ ଜହାର୍ ଆତଃ ଇଶ୍ୱାସାଏ କାଜିକୁଲ୍‌କାଦାକ ।

୨୨ ପ୍ରାଭୁ ଆମାଃ ଆମ୍‌ଲିଃ ତାଇନ୍‌କାଏ । ଆପେ ସବେନ୍‌କଲଃ ସାୟାଦ୍ ହବାଅଃକା ।

୧୦ ୪:୧୦ ୪:୧୦ କଲସିୟ ୪:୧୫; ଫିଲ୍‌ମନ୍ ୧:୨୫; ୨ କରିନ୍ଥ୍ରିୟ ୮:୨୩; ଗାଲାତିୟ ୨:୩; ତିତସ୍ ୧:୪. ୧୧ ୪:୧୧ ୪:୧୧କଲସିୟ ୪:୧୫; ଫିଲ୍‌ମନ୍ ୧:୨୫; ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲ୍‌ମନ୍ ୧:୨୫. ୧୨ ୪:୧୨ ୪:୧୨ ପ୍ରେରିଡ୍ ୨୦:୪; ଏଫିସିୟ ୬:୨୧,୨୨; କଲସିୟ ୪:୬,୮. ୧୩ ୪:୧୩ ୪:୧୩ ପ୍ରେରିଡ୍ ୨୦:୬. ୧୪ ୪:୧୪ ୪:୧୪ ୧ ତିମଥୁ ୧:୨୦; ରୋମି ୨:୬. ୧୫ ୪:୧୫ ୪:୧୫ ପ୍ରେରିଡ୍ ୧୮:୨; ୨ ତିମଥୁ ୧:୧୬,୧୭. ୧୬ ୪:୨୦ ୪:୨୦ ପ୍ରେରିଡ୍ ୧୯:୨୨; ରୋମି ୧୨:୨୩; ପ୍ରେରିଡ୍ ୨୦:୪; ୨୧:୨୯.

ତୀତସକ ନିକଟକୁ ପାଉଲକ ପତ୍ର ତିତସ୍ତାଃତେ ପ୍ରେରିତ୍ ପାଉଲୁସ୍ଆଃ ଚିତାଉ ପାରିଚାଏ

ପାଉଲୁସ୍ଆଃ ଉପୁନିୟା ପାର୍ବରା ଚିତାଉହେତେ ତିତସ୍ ହବାଅଃତାନା ମିଆଁଦ୍, ଅକ୍ନାଃଚି କାଲିସିୟାରେୟାଃ ବାଦ୍ଲାରେ ହଡ଼ରାଃ ପାରିଚାଏ ଏମାକାଦାଏ । ଏତାଃ ଆପିୟା ଚିତାଉ ହବାଅଃତାନା, ତାମଥୁତାଃତେ ଅଲ୍ଲାକାନ୍ ବାରାନ୍ ଚିତାଉ, ଆତଃ ଫିଲ୍ଲମନ୍ । ତିତସ୍ ନେ ଚିତାଉକେ ସବେନକଆଃ ସାମନାଙ୍ଗରେ ପୁରାଃ କାଉରିକେଦ୍ତେ ପାଢ଼ାଅ ଲାଗାତିଙ୍ଗୟାଃ ମେନ୍ତେ ପାଉଲୁସ୍ ତିତସ୍ତାଃତେ ନେ ଚିତାଉକେ ଅଲେତାନା । କୁଲ୍ଲାକାନ୍ନିଃ ତାନିଃ ଲେକା ଆୟାଃ ଚାଇଲ୍ ଚାଲାନ୍ ହବାଅଃ ଲାଗାତିଙ୍ଗୟାଃ ମେନ୍ତେ କାଜିକାଦା । ନେଆଁକେ ତିତସ୍ ସିଦାରେ କାଚିଃ ଲେକାଏ ସାରିକାଦ୍ ତାଇକେନା । ହବାସାକାଅଆଃ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୩ ହେତେ ୬୫ ଭିତାଋକରେ ପାଉଲୁସ୍ ନେ ଚିତାଉକେ ଅଲ୍ଲାକାଦା ।

ପାଉଲୁସ୍ କ୍ରିତ୍ରେୟାଃ ଟାପୁରେ ତାଇନକାନ୍ କାଲିସିୟାକକେ ନେଲ୍ ନାଗେନ୍ତେ ତିତସ୍କେ ଆରୁକିୟା, ଏନ୍ ମିଦ୍ ଜନିତୁକେଚି ତାମଥୁକେୟ ଏମାକାଇ ତାଇକେନାଏ । ପାଉଲୁସ୍ ନେ ଚିତାଉରେ ତିତସ୍କେ କାଲିସିୟାରେନ୍ ପ୍ରାଚିନକକେ ସାଲ୍ଲାକେଦ୍ତେ ଇଡୁକରେୟାଃ ବିଷାଏରେ ଅଲ୍ଲାକାଦା । ତିସିଙ୍ଗରେୟାଃ କାଲିସିୟା ଆତଃ କାଲିସିୟାରେନ୍ ପ୍ରାଚିନକଆଃ ଆଗୁଆଇ ନାଗେନ୍ତେ ପାର୍ବମେଶ୍ୱାର୍ଆଃ ମନେ ଲେକାତେ ଚିଲ୍ଲକା ହବାଅଃ ଲାଗାତିଙ୍ଗୟାଃ ଏନା ପୁରାଃ ଜାତ୍ନାଅକେଦ୍ତେ ଧ୍ୟାନ୍ ଏମ୍ ଲାଗାତିଙ୍ଗୟାଃ, ଏନା ନେ ଚିତାଉରେ ଅଲ୍ଲାକାନା ।

ପୁଥ୍ ଭିତାଋରେ ତାଇକାନ୍ କାଚି

- ୧. ପାଉଲୁସ୍ ତିତସ୍କେ ଧାରମାନ୍ ହଡ଼କକେ ସାଲ୍ଲାକ ନାଗେନ୍ତେ ଆରୁକାଦା । ୧:୧-୧୬
- ୨. ଇନିଃହଗି ହଡ଼କକେ ପାର୍ବମେଶ୍ୱାରକେ ସୁକୁଇତି ଲେକା ଜୀଦାନ୍ ବିତାଅ ନାଗେନ୍ତେ ଇଡୁକ ନାଙ୍ଗ ଆରୁକାଦାଏ । ୨:୧-୩:୧୧
- ୩. ପାଉଲୁସ୍ ଟୁଣ୍ଡୁକାଜି କାଜିକେଦ୍ତେ କାଜିଟୁଣ୍ଡୁକେଦା । ୩:୧୨-୧୫

୧ ଆଇଙ୍ଗ୍ ପାଉଲୁସ୍, ପାର୍ବମେଶ୍ୱାର୍ଆଃ ଦାସି ଆତଃ ଯୀଶୁ ଖ୍ରୀଷ୍ଟୁଆଃ କୁଲ୍ଲାକାନ୍ନିଃ ତାନିଙ୍ଗ୍ । ବିଶ୍ୱାସ୍ରେୟାଃ ମେନେସା ଲେକାତେ ସାନାଋତିରେନ୍ ହନ୍ ତିତସ୍ତାଃତେ ନେ ଚିତାଉ ଅଲେତାନାଇଙ୍ଗ୍ ।

ପାର୍ବମେଶ୍ୱାର୍ଆଃ ସାଲ୍ଲାକାନ୍ ହଡ଼କଆଃ ବିଶ୍ୱାସ୍କେ କେଚେଜେ ନାଗେନ୍ତେ ଆତଃ ଆରୁଆଃ ଧାରାମ୍ ବିଶ୍ୱାସ୍ରେୟାଃ ସାନାଋତି ନାଙ୍ଗ୍ ଚେଡ଼ଗାର୍ ନାଗେନ୍ତେ ଆଇଙ୍ଗ୍ କୁଲ୍ଲାକାନାଇଙ୍ଗ୍ ।

୨ ଅକ୍ନାଃ ଜାନାଅ ଜୀଦାନ୍ ନାମେରେୟାଃ ଆସ୍ତା ନାଗେନ୍ତେ ଠାହାରାଅକାନା । ପାର୍ବମେଶ୍ୱାର୍ ହସଡ଼ ନାହାଁଲିଃ । ଇନିଃ ମୁନୁହେତେ ସିଦାରେ ଆରୁକେ ଜୀଦାନ୍ ଏମରେୟାଃ ବାନାର୍ସା ଏମାକାଦାଏ ।

୩ ଠାଉକାନ୍ ନେତାରେ ନେ କାଜି ଉଦୁବକାଦା । ଆବୁଆଃ ଜୀଉବାସ୍ତାଏ ଏମ୍ନିଃ ପାର୍ବମେଶ୍ୱାର୍ଆଃ ଆନାରୁତେ ନେଆଁ ଉଦୁବ୍ ନାଗେନ୍ତେ ଆଇଙ୍ଗ୍କେ ବାହାରମ୍ ଏମକାନା ।

୪ ଧିତସ୍ ଆଇଁୟାଃ ମିଦ୍ ବିଶ୍ୱାସ୍ରେନ୍ ହନ୍ ତାନିଃ । ଆପୁ ପାର୍ବମେଶ୍ୱାର୍ ଆତଃ ଆବୁଆଃ ବାସ୍ତାଅନିଃ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଜୀଉସୁକୁ ଏମାପେକାଏ ।

କ୍ରିତ୍ରେ ତିତସ୍ଆଃ କାମି

୫ କା ଚାବାକାନ୍ କାମିକେ ଚାବା ନାଗେନ୍ତେ ଆତଃ ଆଇଁୟାଃ ଆନାରୁକେ ପାହାମ୍ତାନୁଲ୍ଲଃ ସବେନ୍ ନାଗାରୁରେ କାଲିସିୟାରେନ୍ ପ୍ରାଚିନକକେ ସାଲ୍ଲାକ ନାଗେନ୍ତେ ଆଇଙ୍ଗ୍ ଆମ୍କେ କ୍ରିତ୍ରେ ବାରିକେଦ୍ମେୟାଈଙ୍ଗ୍ । ୬ ଧିତେତାଏ କାଲିସିୟାରେନ୍ ପ୍ରାଚିନ୍ ଲେକା ସାଲ୍ଲାଆଃ ହଡ଼, ବେଗାର୍ ଗୁହାଁ ହବାଅଃ ଲାଗାତିଙ୍ଗୟାଃ । ଇନିୟାଃ ମିଆଁଦ୍ଗି କୁଡ଼ି ହବାଅଃ ଲାଗାତିଙ୍ଗୟାଃ, ଆୟାଃ ହନ୍ଗାଁଣାକ ବିଶ୍ୱାସୀ ହବାଅଃ ଲାଗାତିଙ୍ଗୟାଈ, ଇନିଃ ବେଗାର୍ ଚିତାକାନ୍ନିଃ ହବାଅଃକାଏ ଆତଃ କା ମାନାତିଙ୍ଗିନିଃ ଆଲକାଏ ହବାଅଃକା । ୭ ଚିୟାଃଚି କାଲିସିୟାରେନ୍ ଆଗୁଆଇ, ପାର୍ବମେଶ୍ୱାର୍ଆଃ ଖୁଜ୍ ଅତାଃରେନ୍ ଭାଣ୍ଡାରି ହବାୟାନ୍ତେ ଇନିଃ ବେଗାର୍ ଚିତାକାନ୍ନିଃ ଲେକା ତାଇନକାଏ । ଇନିଃ ଆୟାଃ ସାନାଙ୍ଗ୍ଲେକା

* ୧:୫ ୧:୪ ୪ କରିଲ୍ଲିୟ ୮:୨୩; ଗାଲାତିୟ ୨:୩; ୨ ତିମଥୁ ୪:୧୦. * ୧:୬ ୧:୬ ୧ ତିମଥୁ ୩:୨୦.

କାମିନିଃ, ଜାଲଦି ଖସିନିଃ, ଇଲିଆରଖୁ ନୁଁତାନିଃ, ଏପେଗେରୁନିଃ, ଆତଃ ଟାକା ପାଏସା ହାୟାନିଃ ଲେକା ଆଲକାଏ ହବାଅଃକା । ୮ ଫେନ୍ଦ ଇନିଃ ସୁସାର୍‌ନିଃ, ବୁଗିନାଃ ଦୁଲ୍‌ତେନିଃ, ଆତଃ ଆୟାଃ ଫନ୍ ଆବରୁନିଃ, ଧାର୍‌ଫାନିଃ, ପାବିତାରୁନିଃ, ଆତଃ ନେତେହେନ୍ତେ କା ବାଗ୍‌ଶାନିଃ ଲେକା ହବାଅଃ ଲାଗାତିଙ୍ଗ୍‌ୟାଃ । ୯ ଫେନ୍ଦ ବୁଗିନ୍ ସାର୍‌ତିକାଜିକେ ଏଟାଃକକେ ଇତୁକେଦତେ ଜୀଉରେ ରାସ୍‌କା ଏମ୍ ଦାଡ଼ିନାଙ୍ଗ୍ ଆତଃ ଏନାକେ କାଜି କେସେଦତାନକଆଃ ଗାଲ୍‌ତି ଉଦୁବ୍ ଦାଡ଼ିୟାଏ, ଏନାମେନ୍ତେ ଇନିଃକେ ନେ ଇତୁଆକାନ୍ ପାଡ଼ିୟାର୍‌ରେଲେକାନ୍ କାଜିକେ ବିଶ୍ୱାସ୍‌ତାନଲଃ ଏନାରେ ପକତାନ୍ ଲାଗାତିଙ୍ଗ୍‌ୟାଃ ।

୧୦ ଚିୟାଃଟି ପୁରାଃ କା ମାନାତିଙ୍ଗ୍ ହଡ଼କ, ସାମାକାଜିତାନ୍ ହଡ଼କ, ଆତଃ ବେଦା ହଡ଼କ ସବେନାଃଏତେ ଆଦକା ଯିହୁଦାକଆଃ ଖାଡ଼ନାଅକାନ୍‌କ, ଝୁଣ୍ଡରେ ମେନାକଆ । ୧୧ ଇନ୍‌କୁକେ ଜେଡ଼ନାଃ କାଜି ନାଙ୍ଗ୍ କା ଲାଗାତିଙ୍ଗ୍‌ୟାଃ, ଚିୟାଃଟି ଇନ୍‌କୁଦ ଏଡ଼କାନ୍‌ଲେକାତେ ଟାକା ପାଏସା ନାମେ ନାଗେନ୍ତେ କା ଲାଗାତିଙ୍ଗ୍ ଇନ୍‌ତୁକ ଇତୁକତାନା ଆତଃ ଗଟା ଅଡ଼ାଃରେନକକେ କାକ ବାପାଈକ ତାନା । ୧୨ ଇନ୍‌କୁଏତେ ଆକଆଃ ମିହୁଡ଼୍ ନାବୀ କାଜିକାଦାଏ, “କ୍ରିତ୍‌ରେନ୍ ହଡ଼କ ସବେନ୍ ଇମ୍‌ତା ହସଡ଼କ, ଏଡ଼କାନ୍ ବିରୁ ଜାତୁକ ଆତଃ ଆଲ୍‌ଶିଏ ପେଟୁକ ତାନ୍‌କ ।” ୧୩ ନେ ଗାଖା ସାର୍‌ତିଗି ତାନାଃ । ଏନାମେନ୍ତେ ଏନ୍‌ଲେକାନ୍ ହଡ଼କକେ ପୁରାଃ କେଟେୟାନ୍‌ଗି କାଜିକମେ, ଜେଲେକାଚି ଇନ୍‌କୁ ବୁଗିନ୍ ବିଶ୍ୱାସୀକ ହବାଅଃଆ । ୧୪ ଇନ୍‌କୁଦ ସାର୍‌ତିକେ ବାଗିକାଦ୍ ହଡ଼କ ତାନକ, ଇନ୍‌କୁ ହଡ଼କଆଃ ଆତୁତେ ବାଈୟାକାନ୍ ରିତିରିଖାନ୍ ଆତଃ ଯିହୁଦାକଆଃ କାଅନି ବାଗିକାକ ମେନ୍ତେ ଇନ୍‌କୁକେ ଇତୁକମେ । ୧୫ ଫାଡ଼ି ହଡ଼କ ନାଙ୍ଗ୍ ସବେନାଃ ଫାଡ଼ିୟାକାନା । ସଡ଼ରାକାନ୍ ଆତଃ କା ବିଶ୍ୱାସ୍‌ତାନ୍‌କ ନାଗେନ୍ତେ ଜେତାନ୍ ବିଷାଏ ଫାଡ଼ି ବାନଆଃ ମେନ୍ଦ ଇନ୍‌କୁଆଃ ମନ୍ ଆତଃ ବିବେକ୍ ବାରାନାଃ ସଡ଼ରାକାନା । ୧୬ ଇନ୍‌କୁଦ ପାର୍‌ମେଶ୍ୱାଡ଼କେ ସାରିଆଲେ ମେନ୍ତେକ କାଜିୟା, ମେନ୍ଦ ଆକଆଃ କାମିତେ ଇନିଃକେକ ଦଧାଦିତାନା । ଇନ୍‌କୁଦ ହିଲ୍‌ଙ୍ଗ୍‌ଅଃତାନ୍ ଆତଃ କା ମାନାତିଙ୍ଗ୍‌ତାନ୍ ହଡ଼କ ତାନ୍‌କ ଆତଃ ସବେନ୍ ବୁଗିନ୍ କାମିନାଙ୍ଗ୍ କା ଠାଉକାନ୍‌କ ତାନ୍‌କ ।

୨

ସାର୍‌ତି ଇନିତୁ

୧ ଫେନ୍ଦ ଆମକେ ଏନ୍ ବୁଗିନ୍ ଇନିତୁଲେକା ଇତୁ ଲାଗାତିଙ୍ଗ୍‌ୟାଃ । ୨ ହାଡ଼ାମ୍ ହଡ଼କକେ ସାଲ୍‌ସାନ୍ତଃ, ମାଈନ୍ ନାମେ, ମନ୍ ଆବରୁ, ବିଶ୍ୱାସ୍‌ରେ କେଟେୟାଃ, ଦୁଲ୍‌ତା, ଆତଃ ସାହାତିଙ୍ଗ୍‌ରେ ପକଡ଼ାଃ ନାଗେନ୍ତେ ଇତୁକମେ । ୩ ଏନ୍‌ଲେକାଗି ବୁଢ଼ିଆକକେ ପାବିତାର୍ ଜାଖାନ୍ ବିତାଏ ନାଗେନ୍ତେ ଇତୁକମେ । ଇନ୍‌କୁ ଏଟାଃନିୟାଃ ବିରୁଧରେ ନିୟା ଆଲକାକ କାଜିକା, ଇଲିଆରଖୁରେ ଆଲକାକ ଲିଲ୍‌କାଅଃକା ଚାଏ ଏନାରେୟାଃ ଦାସି ଆଲକାକ ହବାଅଃକା । ଇନ୍‌କୁ ଅକ୍‌ନାଃ ବୁଗିନାଃ ତାନାଃ ଏନା ଇତୁ ଲାଗାତିଙ୍ଗ୍‌ୟାଃ । ୪ ଧାଙ୍ଗ୍‌ଡ଼ି କୁଡ଼ିକ, ନେ ଲେକା ଇତୁକମେ, ଆକଆଃ କଡ଼ାକକେ ଆତଃ ହନ୍‌ଗାଁଶାକକେ ତାଲଡ଼କକାକ, ୫ ମନ୍‌କ ଆବରୁରେ ଦହେକାକ, ଆତଃ ଫାଡ଼ିଗି ତାଈନ୍‌କାକ, ଆପାନ୍ ଆପାନ୍ ଅଡ଼ାଃରେ ବୁଗିଲେକାତେ କାମିକାକ, ବିଲ୍‌କାଅଃକାକ, ଆପାନ୍ ଆପାନ୍ କଡ଼ାକଆଃ ଆବରୁରେ ତାଈନ୍‌କାକ, ଏନାତେ ପାର୍‌ମେଶ୍ୱାଡ଼ାଃଏତେ ହିଜୁଃତାନ୍ କାଜିରେ ଜେତାଏ ଏଡ଼କାନାଃ କାକ କାଜି ଦାଡ଼ିୟା ।

୬ ଏନ୍‌ଲେକାଗି ଧାଙ୍ଗ୍‌ଡ଼ା କଡ଼ାକକେ ଆକଆଃ ମନ୍ ଆବରୁରେ ଦହ ନାଗେନ୍ତେ ଆତୁକମେ । ୭ ଆତଃ ଆମ୍‌ଗି ସବେନ୍ ବୁଗିନ୍ କାଜିକାମିକରେ ଇନ୍‌କୁଡ଼ାଃରେ ନାମୁନାତେ ଉଦୁବେନ୍‌ମେ, ଆମାଃ ଇନିତୁରେ ଫାଡ଼ି ମନ୍, ମାଈନଃଲେକାନ୍ ସେସେନ୍, ବୁଗିନ୍ ଆତଃ କା ଚିଟାଅଃଲେକାନ୍ କାଜି ଉଦୁବେମେ । ୮ ଏନାତେ ଆମାଃ କାଜିକେସେଦ୍ ହଡ଼କ, ଆବୁ ଚିଟାଅଃଲେକାନ୍ ଏଡ଼କାନ୍‌କାଜି କାକ କାଜିଦାଡ଼ି ହରାତେ ଗିହୁଗଃଆକ ।

୯ ଦାସିକ, ଆକଆଃ ଗମକେକଆଃ ଆବରୁରେ ତାଈନ୍‌କାକ ଆତଃ ସବେନ୍ କାଜିକରେ ସୁକୁଭିକକାକ ଆତଃ ଆଲ୍‌ପେ କାଜିରୁହାଡ଼କଆ, ୧୦ ଆତଃ ଆଲକାକ କୁମୁଡ଼ୁକା ମେନ୍ଦ ବୁଗିନ୍ ଆତଃ ପାଡ଼ିୟାରୁଃ ଲେକାନ୍ କାଜିକରେ ଉଦୁବେନ୍‌କାକ, ଏନାତେ ଇନ୍‌କୁ ସବେନ୍ କାଜିକରେ ଆବୁଆଃ ବାଞ୍ଛାଅନିଃ ପାର୍‌ମେଶ୍ୱାଡ଼ାଃ ବିଷାଏରେ ଆବୁଆଃ ଇନିତୁକେ ମାଈନାନ୍‌କ ଆଉଈୟା ।

୧୧ ଚିୟାଃଟି ସବେନ୍ ହଡ଼କଆଃ ପାରିଡ଼ାଶ୍ ନାଗେନ୍ତେ ପାର୍‌ମେଶ୍ୱାଡ଼ାଃ ସାୟାଦତେ ଉଦୁବାକାନା । ୧୨ ଆତଃ ଏଡ଼କାନ୍‌ଲେକାତେ ଜୀହୁଦଃ ଆତଃ ଅତେଦିଶ୍ୱମ୍‌ରାଃ ଏଡ଼କାନ୍ ସାନାଙ୍ଗ୍ ବାଗିକେଦତେ ଏନ୍ ସାୟାଦ୍ ଇତୁକାଦୁବୁ ଲେକା ନେ ପାରିୟାରେ ମନ୍ ଆବରୁ, ଧାର୍‌ଫାନ୍, ଆତଃ ଭାକ୍ତିଲେକାତେବୁ ଜୀହୁଦଃଆ । ୧୩ ଆତଃ ଏନ୍ ସୁକୁରାସ୍‌କାରାଃ ଆସ୍ତା ଆତଃ ଆବୁଆଃ ମାରାଙ୍ଗ୍‌ଡ଼ତାର୍ ପାର୍‌ମେଶ୍ୱାଡ଼ାଃ

ଆତଃ ବାସ୍ତାଅନିଃ ଯାଶୁ ଶ୍ରୀଷ୍ଟିଆଃ ମାନାରାଜ୍ ଉଦୁବଃ ଦିପିଲିକେ ନେଲହରା ତାନାବୁ । ୧୪ *ଏନ୍ ଯାଶୁ ଶ୍ରୀଷ୍ଟି, ଆବୁକେ ସବେନ୍ ଏଡକାନାଃଏତେ ମୁକ୍ତି ଏମାବୁ ନାଜ୍ ଆତଃ ଆୟାଃ ଆପ୍ତନାଃ ବୁଗିନ୍ କାମିରେ ତିହୁଲାନ ହଡକକେ ଆୟାଃ ନାଜ୍ ନିୟାଋକ ନାଗେନ୍ତେ ଆବୁଆଃ ନାଜ୍ ଆଇଃକ୍ରି ଆପାନ୍ଦକେ ଏମ୍ପୟାନା ।

୧୫ ନେ ସବେନ୍ କାଜିକ ଆକ୍ତେୟାଋତେ କାଜିକମ୍ ଆତଃ ଜୀଉରେ ରାସକା ଏମ୍ପକେଦତେ ତେତାଅକମେ । ଜେତାଏ ଆମ୍ପକେ ଆଲକାକ ହିଲାଇମେକା ।

୩

ଶ୍ରୀଷ୍ଟିୟାନକଆଃ ଚାଇଲ୍ ଚାଇଲ୍

୧ ହାକିମ୍ପକଆଃ ଆତଃ ଆକ୍ତେୟାଋ ନାମାକାଦ୍ ହଡକଆଃ କାଜି ମାନାତିଜ୍ ନାଗେନ୍ତେ ଆତଃ ସବେନ୍ ବୁଗିନ୍ କାମି ନାଗେନ୍ତେ ସେକାଡାକାନ୍ଦେ, ୨ ଜେତାଏୟାଃ ଏଡକାନ୍ ଆଲପେ କାଜିୟା, ମେନ୍ଦ୍ ପୁକୁଜୀଉତେ ଆତଃ ଗାତିସାଙ୍ଗାତିତେ ସେସେନ୍ ନାଜ୍ ସବେନ୍ ହଡକତାଃରେ ଲେବେଃମନ୍ଦେ ସବେନ୍ ଇମ୍ପତା ଉଦୁବେନ୍ଦେ ମେନ୍ତେ ଇନ୍କୁକେ ପାହାମାକମେ । ୩ ଚିୟାଃଚି ସିଦା ଆବୁହରି ତଣ୍ଡ, କା ମାନାତିଜ୍, ଆଦାକାନ୍, ସବେନ୍ ଲେକାନ୍ ଏଡକାନ୍ ସାନାଜ୍ ଆତଃ ରିଜରାଜ୍ରେନ୍ ଦାସିକବୁ ତାଇକେନା । ଆବୁ ଏଡକାନାଃ ଆତଃ ହିସଙ୍ଗାରେ ସେସେନ୍ତାନ୍, ହିଲାଇମ୍ପାକାନ୍ ଆତଃ ଏଗାଃକକେ ହିଲାଇକ୍ ତାଇକେନାବୁ । ୪ ମେନ୍ଦ୍ ଚିମ୍ପତା ଆବୁଆଃ ବାସ୍ତାଅନିଃ ପାର୍ମେଶ୍ଵାର୍ଆଃ ଦୁପୁଲ୍ଲାତ୍ତାଃ ଦାୟା ଉଦୁବ୍ପୟାନା, ୫ ଇମ୍ପତା ଇନିଃ ଆବୁକେ ବାସ୍ତାଅକେଦ୍ବୁଆ, ନେଆଁ ଆବୁଆଃ ଧାର୍ମାନ୍ କାମିକରେୟାଃ ନାଗେନ୍ତେତେଦ କାହା ମେନ୍ଦ୍ ଆୟାଃ ଲିବୁଲ୍ ଆତଃ ପାବିତାର୍ ଆମ୍ପାରାଃ ହରାତେ ଆବୁ ନାଞା ଜାନାମ୍ ଆତଃ ନାଞା ଜାଞାନ୍ଦୁ ନାମାକାଦା । ୬ ଆବୁଆଃ ବାସ୍ତାଅନିଃ ଯାଶୁ ଶ୍ରୀଷ୍ଟିଆଃ ହରାତେ ପାର୍ମେଶ୍ଵାର୍ ଆବୁକେ ପୁରାଃତେ ପାବିତାର୍ ଆମ୍ପା ଏମାକାଦ୍ବୁଆଏ । ୭ ଏନାତେ, ଇନିୟାଃ ସାୟାଦ୍ତେ ଆବୁ ପାର୍ମେଶ୍ଵାର୍ଆଃ ଆୟାଋରେ ଧାର୍ମାନ୍ ହଡକ୍ ବାଇୟାକାନା ଆତଃ ଆବୁଆଃ ଆମ୍ପା ଲେକାତେ ଜାନାଆଁ ଜାଦାନ୍ରେ ବଲ ନାଗେନ୍ତେ ଆକ୍ତେୟାଋବୁ ନାମାକାଦା । ୮ ନେ କାଜି ସାର୍ଚିଚି ତାନାଃ ।

ଆତଃ ପାର୍ମେଶ୍ଵାର୍କେ ବିଶ୍ଵାସ୍ତାନ୍ଦକ, ସବେନ୍ ବୁଗିନ୍ କାମି ରିକା ନାଗେନ୍ତେ ସାନାଜ୍କାକ, ଏନା ନାଗେନ୍ତେ ଆମ୍ପ ଇନ୍କୁକେ ନେ ସବେନ୍ ବିଷାଏରେ ପୁରାଃ କେଟେଦ୍ତେ ଇତୁକମେ, ନେଆଁଇଜ୍ ମନେତାନା । ନେଆଁଦ୍ ହଡକ ନାଗେନ୍ତେ ପୁରାଃ ବୁଗିନାଃ । ୯ ମେନ୍ଦ୍ ତଣ୍ଡ କାଜିକ ଆତଃ ପୁରାଞା ହାଡାମ୍ପକଆଃ ନୁଡୁମ୍ପରାଃ ଜିଲିଜ୍ ତାଲିକା, ଏପରାଜ୍, ଆତଃ ଆଇନ୍ରେୟାଃ କାପ୍ତଜିକଏତେ ଆତମେନ୍ଦେ, ଚିୟାଃଚି ଏନା ସବେନ୍ ଏଡକାନାଃ ତାନାଃ ଆତଃ ସାମାଗିୟା । ୧୦ ବେଦା କାଜିତେ ବିନ୍ଦାମତାନ୍ ହଡକକେ ମିସା ବାଋସା ତେତାଅକେଦ୍ତେ ବାଗିତାକମ୍ । ୧୧ ନେ ଲେକାନ୍ ହଡକ ହରାଆଦାକାଦାକ ଆତଃ ପାପ୍କେଦ୍ତେ ଆକ୍ରି ଚିଟାଅଃତାନାକ, ଏନାଦମ୍ ସାରିତାନା ।

ଚୁଣ୍ଡି ଉଦୁବୁବ୍

୧୨ *ଚିମ୍ପତା ଆଇଜ୍ ଆର୍ଡେମା ଆତଃ ତୁଖ୍ଟକେ ଆମାଃତାଃତେଇଜ୍ କୁଲିରେ, ଆମ୍ପ ଆଇୟାଃତାଃତେ ନିକପଲି ସାହାର୍ତେ ହିଜୁଃମେ, ଚିୟାଃଚି ଆଇଜ୍ ରାବାଜ୍ସାହାକେ ଏନ୍ତାଃରେ ବିତାଅନାଜ୍ ଉହାଟ୍କାଦାଇଜ୍ । ୧୩ *ଆଇନ୍ ଇତୁନିଃ ଜାନସ୍ ଆତଃ ଆପୋଲୋ, ନେ ବାରାନ୍କିନ୍ନାଃ ହରାସେନ୍ ନାଜ୍, ଅକ୍ନାଃ ଲାଗାତିଜ୍ତେୟାଃ ସବେନାଃ ଏମ୍ପକେଦ୍ତେ ହରାସେନ୍ ଏଟେଦ୍ ନାଗେନ୍ତେ ଦେଜାକିନ୍ଦମେ । ୧୪ ଆବୁଆଃ ହଡକ ଆକଆଃ ଲାଗାତିଜ୍ତେୟାଃକ ନାମେ ନାଗେନ୍ତେ ବୁଗିନ୍ କାମି ନାଜ୍ ଇତୁଃକାକ, ଏନାରେ ଇନ୍କୁ ଜେଡନାଃତେ କାକ ଜାଞ୍ଜିଅଃଆ ।

୧୫ ଆଇୟାଃଲଃ ତାଇନ୍ତାନ୍ ସବେନ୍ଦ୍ ଆମ୍ପକେ ଜହାର୍ମେତାନାକ । ବିଶ୍ଵାସ୍ତେ ଆଲେକେ ଦୁଲ୍ଲାଡ୍ଲେତାନ୍ ସବେନ୍ଦ୍କକେ ଆଲେୟାଃ ଜହାର୍ ଉଦୁବାକମେ । ପାର୍ମେଶ୍ଵାର୍ଆଃ ସାୟାଦ୍ ଆପେ ସବେନ୍ଦ୍କଲଃ ହବିଅଃକା ।

* ୨:୧୪ ୨:୧୪ ୧ ପାଠ୍ୟାୟ ୨:୯. * ୩:୧୨ ୩:୧୨ ପ୍ରେରିତ୍ ୨୦:୪; ଏପିସିୟ ୬:୨୧,୨୨; କଲସିୟ ୪:୭,୮; ୨ ଚିମ୍ପଥ ୪:୧୨. * ୩:୧୩ ୩:୧୩ ପ୍ରେରିତ୍ ୧୮:୨୪; ୧ କରିନ୍ଥ୍ରିୟ ୧୭:୧୨.

ଫିଲ୍ମମନଙ୍କ ନିକଟକୁ ପାଉଲଙ୍କ ପତ୍ର ଫିଲ୍ମମନ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଚାଏ

ଫିଲ୍ମମନ୍ ପୁଅକେ ପ୍ରେରିତ୍ ପାଉଲୁସ୍ ଅଲ୍ଲାକାଦାଏ ୧:୧ । ଇନିଃ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ପୁଅକେ ଅଲ୍ଲାକାଦ୍ ତାଇକେନା, ହବାସାକାଅଃ ତାନା, ରୋମ୍‌ରେ ତାଇକେନ୍ ଇମ୍‌ତାଏ ଅଲ୍ଲାକାଃ । ଇନିଃ ରୋମ୍‌ରେ ତାଇକେନ୍‌ରେଦ୍ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୬୧ କରେ ନେ ଚିଟାଉକେ ଅଲ୍ଲ୍ ସାକାଅଃକା । ଇନିଃ ଏନ୍ ମିଦ୍‌ସାମାନ୍ ଦିପିଲିରେଗି କଲସିୟ କାଲିସିୟାକେ ଅଲ୍ଲାକାଃ । ଇନିଃ ନେ ଚିଟାଉ ଫିଲ୍ମମନ୍ ନୁତୁମ୍ ମିଆଁଦ୍ ହତ୍‌ତାଃତେ ଅଲ୍ଲକେଦା । ଫିଲ୍ମମନ୍ କାଲିସିୟାରେନ୍ ମିହୁଡ୍, ପ୍ରାଚିନ୍ ତାଇକେନାଏ ଆତଃ ଦାସିକାଅଃ ଗମ୍‌କେ ତାଇକେନା । ଫିଲ୍ମମନ୍‌ତାଃଏତେ କୁମ୍‌ତୁକ୍‌କେଦ୍‌ତେ ସାଜିନ୍‌ତେ ସେନଃକାନ୍ ଅନିସିମସ୍‌କେ ସାଜାଇ ଆଲମ୍ ଏମାଲୟା, ମେନ୍ତେ ପାଉଲୁସ୍ ନେ ଚିଟାଉରେ ଅଲ୍ଲାକାଦା । ରୋମ୍‌ରେୟାଃ ରିତିରିଖାଜ୍ ଲେକାତେ ଫିଲ୍ମମନ୍, ଅନିସିମସ୍‌କେ ଗନଏଃ ସାଜାଇ ଏମ୍‌ରେୟାଃ ଆକ୍‌ତେୟାର୍ ତାଇକେନା ।

ଅନିସିମସ୍‌କେ ଖ୍ରୀଷ୍ଟ୍‌ରେ ହାଗା ଲେକା ମାନାତିଜ୍‌କେଦ୍‌ତେ ତେଲ୍ଲାଦାରମିମେ ମେନ୍ତେ ଫିଲ୍ମମନ୍‌କେ ବିକ୍ରିତାନ୍‌ଲଃ ଜୀଉରାଡ୍‌ତେଃ ଏମାଲତାନାଏ । ପାଉଲୁସ୍ ଅନିସିମସ୍‌କେ ଆୟାଃ ଠାୟାଦ୍‌ରେ ସେଖା କାମି ରିକାନାଜ୍ ଆଚୁଲମେ ମେନ୍ତେ ଆଚୁକିୟା, ୧:୧୩-୧୪ ।

ପୁଅ ଭିଟାବ୍‌ରେ ଡାଇକାନ୍ କାଜି

- ୧. ପାଉଲୁସ୍ ଫିଲ୍ମମନ୍‌କେ ଜହାର୍ ମେନ୍ତେ ଉଦୁବେତାନା । ୧:୧-୩
- ୨. ପାଉଲୁସ୍ ଅନିସିମସ୍‌ଆଃ ହରାତେ ଫିଲ୍ମମନ୍‌କେ ମିଆଁଦ୍ ଖ୍ରୀଷ୍ଟ୍‌ରେ ହାଗା ଲେକା ତେଲ୍ଲାଦାରମିମେ ମେନ୍ତେ କାଜିକାଦା । ୧:୪-୨୧
- ୩. ପାଉଲୁସ୍ ଆୟାଃ ହରାସେନ୍ ବିଷାଏରେ ଉଦୁବେତାନା ଆତଃ ଜହାର୍ ମେନ୍ତେ ଉଦୁବେତାନା । ୧:୨୨-୨୫

୧ ଯୀଶୁ ଖ୍ରୀଷ୍ଟ୍‌ଆଃ ନାଗେନ୍ତେ ଜେହେଲ୍ଲାକାନ୍ ଆଇଜ୍ ପାଉଲୁସ୍ ଆତଃ ହାଗା ତୀମଥ୍‌ତାଃଏତେ, ଆବୁଆଃ ଦୁଲ୍ଲାଡ୍ ଗାତି ଆତଃ ମିସାତେ କାମିତାନ୍‌ନିଃ ଫିଲ୍ମମନ୍, ^୨ *ଆୟାଃ ଅଡ଼ାଃରେ ହୁଣ୍ଡିକେଦ୍‌ତେ ଗିର୍ଜାତାନ୍‌କ ନାଗେନ୍ତେ, ଆବୁଆଃ ମିଗି ଆଫ୍‌ପିୟା, ଆତଃ ଧାରାମ୍ କାମିରେ ଆବୁଲଃ ମିସାତେ ଲାଡ଼ାଇତାନ୍ ଆଖି ପସ୍‌ତାଃତେ ନେ ଚିଟାଉ ଅଲେତାନାଲେ ।

^୩ ଆବୁଆଃ ଆପୁ ପାର୍‌ମେଶ୍‌ଆର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଫିଲ୍ମମନ୍‌ଆଃ ଦୁଲ୍ଲାଡ୍‌ଆତଃ ବିଶ୍ୱାସ୍

୪ ହାଗା ଫିଲ୍ମମନ୍, ଆଇଜ୍ ବିକ୍ରିତାନ୍ ଇମ୍‌ତା ସବେନ୍ ହୁଲ୍ଲାଇ ଆମ୍‌କେ ପାହାମ୍‌ତାନ୍‌ଲଃ ପାର୍‌ମେଶ୍‌ଆର୍‌କେ ଧାନ୍ୟାବାଦ୍ ଏମାଲତାନାଇଜ୍ । ^୫ ଚିୟାଃଚି ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ଆମାଃ ବିଶ୍ୱାସ୍ ଆତଃ ପାର୍‌ମେଶ୍‌ଆର୍‌ଆଃ ହତ୍‌କଲଃ ଆମାଃ ଦୁଲ୍ଲାଡ୍ ମେନାଃ, ଏନା ଆଇଜ୍ ଆୟୁମ୍‌କାଦା । ^୬ ଖ୍ରୀଷ୍ଟ୍‌ଲଃ ଆବୁଆଃ ମେନେସା ହବାୟାନ୍ ହରାତେ ଆବୁଆଃ ଜୀଦାନ୍‌ରେ ଆଗିଷ୍ଟୁ ନାମାକାଦା । ଖ୍ରୀଷ୍ଟ୍‌କେ ବିଶ୍ୱାସ୍‌ତାନ୍ ହରାତେ ଆମାଃଲଃ ଆଲେୟାଃ ମେନେସା, ଏନ୍ ସବେନ୍ ବୁଗିନ୍ ବିଷାଏରେୟାଃ ଇକିରାନ୍‌ତେୟାଃ ଆବ୍‌କାର୍‌ଉରୁମ୍ ନାଗେନ୍ତେ ଆମ୍‌କେ ଦେଙ୍ଗାମେକାଏ, ଏନା ଆଇୟାଃ ବିକ୍ରି । ^୭ ଏ ହାଗା, ଆମାଃ ଦୁଲ୍ଲାଡ୍‌ତେଦ୍ ଆଇଜ୍ ପୁରାଃଗିଜ୍ ରାସକାୟାନା ଆତଃ ଜୀଉରାଡ୍‌ତେଃ ନାମକେଦାଇଜ୍ । ଚିୟାଃଚି ଆମାଃ ହରାତେ, ପାର୍‌ମେଶ୍‌ଆର୍‌ଆଃ ହତ୍‌କାଅଃ ମନ୍‌ସୁରୁଦ୍ ରାସକାତେ ପେରେଜାକାନା ।

ଅନିସିମସ୍ ନାଗେନ୍ତେ ପାଉଲୁସ୍‌ଆଃ ବିକ୍ରି

^୮ ଏନା ନାଗେନ୍ତେ ଆମ୍ ଖ୍ରୀଷ୍ଟ୍‌ରେ ବିଶ୍ୱାସୀ ହାଗାତାନ୍‌ମେ ମେନ୍ତେ ଆଇଜ୍ ଆମ୍‌କେ କାମିକ ଆଚୁ ନାଜ୍ ଆଇୟାଃ ପୁରାଃଗି ଜୀଉରେ କେଟେଦ୍ ମେନାଃ । ^୯ ମେନ୍‌ଦ୍ ଆଇଜ୍ ହାଡ଼ାମାତାନ୍ ପାଉଲୁସ୍, ଦୁଲ୍ଲାଡ୍, ହରାତେ ଆଇଜ୍ ଆମ୍‌କେ ବିକ୍ରିମେ ତାନାଇଜ୍, ଆତଃ ଯୀଶୁ ଖ୍ରୀଷ୍ଟ୍ ନାଗେନ୍ତେ ଆଇଜ୍ ନାହିଁଃ ଜେହେଲ୍ଲା କାନାଇଜ୍ । ^{୧୦} *ଆଇଜ୍ ଜେହେଲ୍ଲରେ ସିକିଡ୍‌ତେ ତଲ୍ଲକାନ୍ ତାଇକେନ୍ ଇମ୍‌ତା ଅନିସିମସ୍‌କେ ଯୀଶୁ

* ୧:୨ ୧:୨ କଲସିୟ ୪:୧୭. * ୧:୧୦ ୧:୧୦ କଲସିୟ ୪:୧.

ଶ୍ରୀଷ୍ଟିଆଃ ହରାତେ ହନିଙ୍ଗକଡ଼ା ଲେକାଇଙ୍ଗ ନାମକିୟା, ଆଇଙ୍ଗ ନାହାଁଃ ଆମ୍ବିକ୍ ଆପ୍ପୁ ଲେକାଇଙ୍ଗ ହବାକାନା ଆତଃ ଇନିଃ ନାଗେନ୍ତେଇଙ୍ଗ ବିନ୍ତ୍ରମେତାନା । ୧୧ ସିଦା ଇନିଃ ଆମାଃ ଜେତାନ୍ କାମି ରିକାଏ ଲେକାନିଃ କାଏ ତାଇକେନା, ମେନ୍ଦ୍ ଇନିଃ ନାହାଁଃ ଆଇଁୟାଃ ନାଙ୍ଗ୍ ଆତଃ ଆମାଃ ନାଙ୍ଗ୍ ପୁରାଃ କାମି ରିକାଏନିଃ ହବାକାନାଏ ।

୧୨ ଆଇଙ୍ଗ୍ ନାହାଁଃ ଇନିଃକେ ଆପେତାଃତେଇଙ୍ଗ୍ କୁଲ୍ ରୁହାଡ଼ିତାନା, ଆତଃ ଆଇଁୟାଃ ମନ୍ଦ୍ପୁରୁଦ୍ ଇନିଃଈଈ ସେନ୍ତାନା । ୧୩ ଆଇଙ୍ଗ୍ ସ୍ତୁକ୍ତକାଜି ନାଙ୍ଗ୍ ଜେହେଲ୍ରେ ସିକିଡ଼ିତେ ତଲ୍ଲାନାନ୍ ତାଇକେନ୍ ଇମତା ଆମାଃ ବାଦଲ୍ଲାରେ ଆଇଙ୍ଗ୍କେ ଦେଙ୍ଗାନାଙ୍ଗ୍ ଇନିଃକେ ଆଇଁୟାଃ ହେପାଦ୍ରେ ଦହନାଙ୍ଗ୍ ସାନାଙ୍ଗ୍ ତାଇକେନାଙ୍ଗ୍ । ୧୪ ଆମ୍ ଆଇଙ୍ଗ୍କେ ଦେଙ୍ଗାଇଙ୍ଗ୍ମେରି ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ତାନା, ମେନ୍ଦ୍ ଆମ୍ ଆମାଃ ବୁଗିନ୍ କାମି ବେଗାର୍ ଇଛାସାନାଙ୍ଗ୍ତେ କା ହବାକେଦ୍ତେ, ଆମାଃ ଇଛାସାନାଙ୍ଗ୍ତେ ହବାଅଃକା, ମେନ୍ତେ ଆଇଙ୍ଗ୍ ଜେଡ୍ନାଃ ରିକାନାଙ୍ଗ୍ କାଇଙ୍ଗ୍ ମନେତାନା ।

୧୫ ହବାସାକାଅଆଃ, ଜାନାଅ ଆମାଃତାଃରେ ତାଇନ୍ ଲାଗାଡ଼ିଙ୍ଗ୍ୟାଃ ମେନ୍ତେ ଅନିସିମସ୍ ଚିମିନ୍ ମାହାଁ ଆମାଃତାଃଏତେ ସାଜିନ୍ରେ ତାଇକେନା । ୧୬ ଆତଃ ନାହାଁଃଦ୍ ଇନିଃ କିରିଙ୍ଗ୍ ଦାସି ଲେକା କାହାରି, ମେନ୍ଦ୍ କିରିଙ୍ଗ୍ଦାସିଏତେ ମାରାଙ୍ଗ୍ ଶ୍ରୀଷ୍ଟିଆଃ ବିଶ୍ୱାସୀ ଲେକାତେ ଇନିଃ ମିଆଁଦ୍ ଦୁଲ୍ଲାଡ୍ ହାଗା ଲେକା ତାନିଃ । ଏନାତେ ଇନିଃ ଆଇଁୟାଃ ଦୁଲ୍ଲାଡ୍ ହାଗା ତାନିଃ । ଇନିଃ ମିଆଁଦ୍ ଦୁଲ୍ଲାଡ୍ ହଡ୍ ଲେକା ଆତଃ ପ୍ରାଭୁରେ ମିଆଁଦ୍ ହାଗା ଲେକା ଆମାଃ ନାଙ୍ଗ୍ ଚିମିନ୍ ବୁଗିନାଃ ହବାଅଃଆ ।

୧୭ ଏନାମେନ୍ତେ ଆମ୍ ଆଇଙ୍ଗ୍କେ ମିଆଁଦ୍ ମିସାତେ କାମିନିଃ ମେନ୍ତେମ୍ ଆଡ୍କାରିଙ୍ଗ୍ ତାନ୍ରେଦ୍, ଆଇଙ୍ଗ୍କେ ଦାରମ୍ତାନ୍ଲେକାରି ଇନିଃକେ ଦାରମିମେ । ୧୮ ଇନିଃ ଜେଡ୍ନାଃ ଆମାଃ ହାନି ରିକାକାଦ୍ରେଦ୍ ଚାଏ ଆମାଃତାଃଏତେ ରିଶୀ ଇଦିକାଦ୍ରେଦ୍, ଏନାକେ ଆମ୍ ଆଇଁୟାଃ ନୁଡ୍ଡୁମ୍ରେ ଅଲ୍ତାମେ । ୧୯ ଆଇଙ୍ଗ୍ ପାଉଲ୍ଲୁସ୍, ଡିଃଇ ତାଇୟାଃତେ ଅଲେତାନାଙ୍ଗ୍, ଏନାଙ୍ଗ୍ ହାଲ୍ଲୁରୁହାଡ଼େଆ । ଆମାଃ ମନ୍ଦ୍ପୁରୁଦ୍ ଆଇଁୟାଃତାଃରେ ରିଶୀ କାନା, ଏନ୍ ବିଷାଏରେ ଆଇଙ୍ଗ୍ କାଜି ନାଙ୍ଗ୍ କାଇଙ୍ଗ୍ ସାନାଙ୍ଗ୍ତାନା । ୨୦ ଏନାତେ ଏ ହାଗା, ପ୍ରାଭୁଆଃ ମେନେସାରେ ଆମାଃ ହରାତେ ଆଇଁୟାଃ ବୁଗିନାଃ ହବାଅଃକା, ଆତଃ ଶ୍ରୀଷ୍ଟିରେ ହାଗାଲେକା ରାସିକାଇଙ୍ଗ୍ମେ ।

୨୧ ଆଇଁୟାଃ ପୁରା ବିଶ୍ୱାସ୍ ମେନାଃ, ଆମ୍ ଆଇଁୟାଃ କାଜି ମାଗାଡ଼ିଙ୍ଗ୍ତାନାମ୍ ମେନ୍ତେ ଆଇଙ୍ଗ୍ ଆମାତାଃତେଇଙ୍ଗ୍ ଅଲେତାନା, ଆଇଁୟାଃ କାଜିଏତେ ଆମ୍ ଆଦ୍କାମ୍ ରିକାୟା, ଏନାଙ୍ଗ୍ ସାରିତାନା । ୨୨ ଆତଃ ଆଇଁୟାଃ ନାଙ୍ଗ୍ ଏନ୍ତାଃରେ ତେରା ଠାୟାଦ୍ ସେକାଡ଼କେଦ୍ତେ ଦହକାମେ ଚିୟାଃତି ଆଇଁୟାଃ ଆସ୍ତା ମେନାଃ, ପାଠ୍ମେଶ୍ୱାର୍ ଆପେୟାଃ ବିନ୍ତ୍ର ଆୟ୍ମୁମେୟା ଆତଃ ଆଇଙ୍ଗ୍ ଆପେତାଃତେ ହିଜୁଃରୁହାଡ଼ାଇଙ୍ଗ୍ ।

ବୁଣ୍ଡୁ ଜୁହାର୍

୨୩ *ୟୀଶୁ ଶ୍ରୀଷ୍ଟି ନାଙ୍ଗ୍ ଆଇଁୟାଃଈଈ ଜେହେଲ୍ଲାନାନ୍ ଏପାପ୍ତା, ଆମ୍ବକେ ଆୟାଃ ଜହାର୍ କାଜିକୁଲେତାନାଏ, ୨୪ *ଆତଃ ଆଇଁୟାଃଈଈ ମିସାତେ କାମିତାନ୍ ମାର୍କ୍, ଆରିସ୍ତାର୍ସ୍, ଦିମା, ଲୁକ୍ ଆମ୍ବକେ ଜହାର୍ ମେନ୍ତେକ କାଜିକୁଲେତାନା ।

୨୫ ପ୍ରାଭୁ ଯୀଶୁ ଶ୍ରୀଷ୍ଟିଆଃ ସାୟାଦ୍ ଆପେ ସବେନ୍କଲ୍ଲଃ ଆମ୍ବରେ ହବାଅଃକା ।

* ୧:୨୩ ୧:୨୩ କଲସିୟ ୧:୭; ୪:୧୨. * ୧:୨୪ ୧:୨୪ ପ୍ରେରିକ୍ ୧୨:୧୨,୨୫; ୧୫:୧୩; ୧୫:୩୭-୩୯; କଲସିୟ ୪:୧୦; ପ୍ରେରିକ୍ ୧୯:୨୯; ୨୭:୨; କଲସିୟ ୪:୧୦; କଲସିୟ ୪:୧୪; ୨ ତିମଥ୍ ୪:୧୦; କଲସିୟ ୪:୧୪; ୨ ତିମଥ୍ ୪:୧୧.

ହିବୁମାନଙ୍କୁ ଲିଖିତ ପତ୍ର ଏତ୍ରୀ ହତ୍‌କତାଃତେ ଅଲ୍‌ଲାନ ଚିତାଉ ପାରିଚାଏ

ଏତ୍ରୀ ଚିତାଉ ମିଆଁଦ୍ ଜୀଉରେ ରାସ୍‌କା ଏମଃ ଚିତାଉ ତାନାଃ । ମାରି ନିୟାମରେୟାଃ ଆୟାଋକାଜି ସବେନାଃ ପୁରାକାନ୍ ବିଷାଏ ନେ ଚିତାଉରେ ନାମଃଆ । ନେଆଁ ମିଆଁଦ୍ ଇତୁ ଏମଃ ଲେକାନାଃ ତାନାଃ । ନେ ଚିତାଉରେ ୭୦ ଏତେ ଆଦକା ମାରି ନିୟାମରାଃ ଅନଲ୍‌ତେୟାଃ ମେନାଃ । ଯୀଶୁ ଖ୍ରୀଷ୍ଟ୍ ଚିଲ୍‌କା ଆୟାଋକାଜି ଆତଃ ଯିହୁଦୀ ଯାଜାକ୍‌କଥାଃ କାମି ପୁରାକେଦାଏ, ଏନା ନେ ଚିତାଉରେ ନାମଃଆ । ଏନା ନାଗେନ୍ତେ ନେଆଁ ଯିହୁଦୀ ଖ୍ରୀଷ୍ଟିୟାନ୍‌କକେ ଜୀଉରେ ରାସ୍‌କା ଏମଃ ଚିତାଉ ତାନାଃ । ଏତ୍ରୀ ଚିତାଉରେ ନେଲଃଆ ଯେ, ଯୀଶୁ ଚିଲ୍‌କା ଆନ୍‌ତୁକେ ଚାବାକେଦା, ଅକ୍‌ନାଃ ହରାତେ ଯାଜାକ୍‌କେ ଆତଃମିସା ଚିଉଲ୍‌ହ ଦାଣ୍ଠେ ରାକାବ୍ କା ଲାଗାତିୟାଃଆ । ଯୀଶୁ ଖ୍ରୀଷ୍ଟ୍ ହବାଅଃତାନାଏ ସବେନ୍ ପାପରେୟାଃ ଦାଣ୍ଠେ ରାକାବ୍, ନେଆଁ ମିସାତରା ସବେନ୍ ହୁଲ୍‌ଲ୍ ନାଗେନ୍ତେ ତାନାଃ । ନାହାଁଠ ପାତିୟାଋତାନ୍ ଖ୍ରୀଷ୍ଟିୟାନ୍‌କ ନାଗେନ୍ତେ ଏତ୍ରୀ ଚିତାଉରେ ଜୀଉରେ ରାସ୍‌କା ନେଲଃଆ । ଖ୍ରୀଷ୍ଟ୍ ଏସ୍‌କାଋ ଆତୁକେ ପାର୍‌ମେଶ୍ୱାର୍‌ତାଃରେ ଆସ୍ତା ଦହ ନାଗେନ୍ତେ ରିକା ଦାଢ଼ିୟାବୁଆ, ଆତଃ ଆୟାଃତାଃରେ ଆସ୍ତା ଦହତାନ୍‌ଲଃ ଅତଙ୍ଗକେଦ୍‌ତେ ସେନ୍ ଦାଢ଼ିୟାବୁ ୧୨:୨ ।

ଏତ୍ରୀ ଚିତାଉ ଅକଏ ଅଲ୍‌ଲାନାଦାଏ ଏନା କା ସାରିୟାଃତାନା, ମେନ୍‌ଦ ପାଣ୍ଡିତ୍‌କ କାଜିୟାଃକ, ହବାସାକାଅଥାଃ ପ୍ରେରିତ୍ ପାଉଲୁସ, ଲୁକ, ଚାଏ ବର୍ଣ୍ଣବାସ୍ । ନେଆଁରେୟାଃ ଅନଲ୍‌ତେୟାଃ ଦିପିଲି ହରି କା ସାରିୟାଃତାନା, ମେନ୍‌ଦ ପୁରାଃ ହତ୍‌କ ବିଶ୍ୱାସାଃକ, ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୭୦ କରେ ଅଲ୍‌ଲାନା । ଯୀରୁଶାଲେମ୍ ମାହିର୍ ୭୦ କରେ ଜିୟନ୍‌ୟାନା, ମେନ୍‌ଦ ନେ ଚିତାଉରେନ୍ ଅନଲ୍‌ନିଃ ନେଆଁ କା ଜିୟନ୍‌କାନ୍ ଲେକା କାଜିୟାଃଏ । ଏତ୍ରୀ ଚିତାଉ ହବାସାକାଅଥାଃ ରୋମ୍ ନାଗାର୍‌ରେ ଅଲ୍‌ଲାନା ତାଇକେନା ୧୩:୨୪, ଆତଃ ଏଗଃ ଏଗଃ କାଲିସିୟାରେ ହାଚିଙ୍ଗକାନ୍ ତାଇକେନା ।

ପୃଥ୍ ବିତାରେ ଅଲ୍‌ଲାନ କାଜି

- ୧. ଯୀଶୁ ଖ୍ରୀଷ୍ଟ୍ ନାବୀ ଆତଃ ଦୁଁତ୍‌କତାଃଏତେ ହରି ମାରାଙ୍ଗ୍ ତାନିଃ । ୧:୧-୪:୧୩
- ୨. ଯୀଶୁ ଖ୍ରୀଷ୍ଟ୍ ମାରାଙ୍ଗ୍ ଯାଜାକ୍ ତାନିଃ । ୪:୧୪-୭:୨୮
- ୩. ଯୀଶୁଆଃ ସେସା କାମି ମାରାଙ୍ଗ୍ ତାନାଃ । ୮:୧-୧୦:୩୧
- ୪. ଯୀଶୁଗି ସବେନାଃଏତେ ମାରାଙ୍ଗ୍ ତାନିଃ । ୧୦:୩୨-୧୩:୧୭
- ୫. ଜୀଉରେ ରାସ୍‌କାନ୍ କାଜି ଏମଃ ଆତଃ ଚୁଣ୍ଟ ଜୁହାଋ । ୧୩:୧୮-୨୫

ପାର୍‌ମେଶ୍ୱାଋ ହନ୍ ହରାତେ ପାର୍‌ମେଶ୍ୱାଋଆଃ ଏମାକାନ୍ ବାଚାନ୍

୧ ସିଦା ଦିପିଲିରେ ପାର୍‌ମେଶ୍ୱାଋ ଚିମିନ୍ ମାହାଁ ଆତଃ ସବେନ୍ ଲେକାତେ ନାବୀକଥାଃ ହରାତେ ଆବୁଆଃ ପୁରାଃ ହାଡ଼ାମକକେ କାଜିକାଦ୍‌କଥା ୨ ମେନ୍‌ଦ ନେ ଚୁଣ୍ଟ ଦିପିଲିରେ ପାର୍‌ମେଶ୍ୱାଋ ଆୟାଃ ହନ୍ତେକଡ଼ା ହରାତେ ଆବୁକେ କାଜିକାଦ୍‌ବୁଆ । ଏନ୍ ହନ୍ତେକଡ଼ା ହରାତେଗି ପାର୍‌ମେଶ୍ୱାଋ ଅତେଦିଶ୍ୱମ୍‌କେ ବାଇକେଦା, ଏନ୍ତେ ଚୁଣ୍ଟୁରେ ସବେନାଃରେୟାଃ ଆକ୍‌ତେୟାଃ ହବାଆ ନାଗେନ୍ତେ ଇନିଃ ହନ୍ତେକଡ଼ାକେ ସାଲ୍‌କିୟା । ୩ ହନ୍ତେକଡ଼ାତାଃରେ ପାର୍‌ମେଶ୍ୱାଋଆଃ ମାନାରାଙ୍ଗ୍‌ରେୟାଃ ଜୁନ୍‌ଲ୍ ଖାଲ୍‌ସାଃଆ ତାନା ଆତଃ ପୁରା ପାର୍‌ମେଶ୍ୱାଋଆଃ ଲେକାଗି ଆୟାଃ ସଭାବ୍ ମେନାଃ । ଇନିଃ ଆୟାଃ କାଜିରେୟାଃ ପେଡ଼େଃତେ ଗଟା ଅତେଦିଶ୍ୱମ୍‌କେ ଆକ୍‌ତେୟାଋରେ ତାନା । ଇନିଃ ସବେନ୍ ମାନଝାକଥାଃ ପାପକ ଛାମାକେଦ୍‌ତେ, ସିମାରେ ସାଲ୍‌ଜିଉତାଋ ପେଡ଼େୟାନ୍ ପାର୍‌ମେଶ୍ୱାଋଆଃ ଜମ୍‌ସାଃରେ ଦୁବାକାନା ।

ପାର୍‌ମେଶ୍ୱାଋଆଃ ହନ୍ ମାରାଙ୍ଗ୍ ତାନିଃ

୪ ଇନିଃ ସିମାରେନ୍ ଦୁଁତ୍‌କଏତେ ଜେ'ଲେକା ମାରାଙ୍ଗ୍, ଏନ୍‌ଲେକାଗି ଆୟାଃ ନୁହୁମ୍‌ହରି ଇନ୍‌କୁଆଃ ନୁହୁମ୍‌ଏତେ ପୁରାଃ ମାରାଙ୍ଗ୍‌ଆଁ,

୫ ଚିୟାଃଚି ଚିଉଲ୍‌ହରି ପାର୍‌ମେଶ୍ୱାଋ ଦୁଁତ୍‌କକେ କାଏ କାଜି :

“ଆପେ ଆଇଁୟାଃ ହନ୍,

ତିସିଙ୍ଗତାଃଏତେ ଆଇଙ୍ଗ ଆପେୟାଃ ଆପୁ ତାନିଙ୍ଗ,” ପାର୍ମେଶ୍ୱାର୍ ଆତଃଗି କାଜିକେଦା,
 “ଆଇଙ୍ଗ ଇନିୟାଃ ଆପୁ ତାନିଙ୍ଗ
 ଆତଃ ଇନିଃ ଆଇଁୟାଃ ହନ୍ ତାନିଃ ।”
 ୬ ଫେନ୍ଦ୍ ପାର୍ମେଶ୍ୱାର୍ ଆୟାଃ ମୁଡ଼କୁଲ୍ ହନ୍କେ ନେ ଅତେଦିଶ୍ୱମ୍ତେ କୁଲ୍କିୟା ଇମ୍ତା ନେଲେକାଏ
 କାଜିକାଦ୍ ତାଇକେନା,
 “ପାର୍ମେଶ୍ୱାର୍ଆଃ ସବେନ୍ ଦୁଁଡ଼କ ଇନିଃକେକ ଜହାରିୟା ।” ୭ ଫେନ୍ଦ୍ ସିର୍ମାରେନ୍ ଦୁଁଡ଼କଆଃ
 ବିଷାଏରେ ପାର୍ମେଶ୍ୱାର୍ ନେ କାଜି କାଜିକାଦା;
 “ପାର୍ମେଶ୍ୱାର୍ ଆୟାଃ ଦୁଁଡ଼କକେ ଆମ୍ବା ଲେକା
 ଆତଃ ଆଇଃକକେ ସେଞ୍ଜାତାନ୍ ଦାସିକକେ ଜୁଲ୍ତାନ୍ ସେଙ୍ଗେଲ୍ ଲେକାଏ ବାଈୟାକାଦ୍କଆ ।”
 ୮ ଆୟାଃ ହକ୍ତେକଡ଼ାରାଃ ବିଷାଏରେ କାଜିକେଦା,
 “ହେ ପାର୍ମେଶ୍ୱାର୍, ଆମାଃ ରାଜଗାଦ୍ ଜାନାଅ ଜାନାଅ ଫେନାଃ !
 ଆମ୍ବା ନ୍ୟାୟ ବିଚାରରେ ଆମାଃ ହଡ଼କକେମ୍ ତାଲାଅକ ତାନା । ୯ ଆମ୍ ଧାର୍ମାନ୍କେ ଦୁଲାଡ଼ାଃଫେ
 ଆତଃ ଏଡ଼କାନାଃକେ ହିଲାଙ୍ଗଆଃଫେ । ଏନାଫେକ୍ତେ ପାର୍ମେଶ୍ୱାର୍, ଆମାଃ ପାର୍ମେଶ୍ୱାର୍
 ଆମ୍ବକେ ଆମାଃ ଗାଡ଼ିକଏତେ ଆଦକା ପୁରାଃଗି ରାସକାଅଃ ଲେକା, ଆମ୍ବକେ ସୁନୁମ୍ତେ
 ଆଭିଷେକ୍* କାଦ୍ମେୟା ।”
 ୧୦ ଇନିଃ ଆତଃଗି କାଜିକାଦ୍ମେୟା,
 “ହେ ପ୍ରାଭୁ, ଆମ୍ ଏନେଟେଦ୍ରେ ଅତେରେୟାଃ ନିହିଁ ଗାଡ଼ାମ୍ ବାଇକେଦା
 ଆତଃ ଆମାଃ ତିଃଇତେଗି ସିର୍ମାମ୍ ବାଇକେଦା ।
 ୧୧ ଏନା ସବେନାଃ ମୁସିଙ୍ଗ ହୁଲାଙ୍ଗ ଜିୟନଃଆ । ଫେନ୍ଦ୍ ଆମ୍ ଜାନାଅଗିମ୍ ତାଇନା,
 ଆତଃ ଏନା ସବେନ୍ ମାରି ଲିଜାଃ ଲେକା ଜିୟନଃଆ ।
 ୧୨ ଲିଜାଃ କୁଡ଼ାତାନ୍ ଲେକା ଆମ୍ ଏନ୍ ସବେନାଃକେମ୍ ସତଃଏୟା
 ଆତଃ ଲିଜାଃ ବାଦ୍ଲାଅତାନ୍ ଲେକାଗିମ୍ ବାଦ୍ଲାଅଏୟା ।
 ଫେନ୍ଦ୍ ଆମ୍ ଚିଉଲାଅ କାମ୍ ବାଦ୍ଲାଅଃଆ
 ଆତଃ ଆମାଃ ଜୀଞ୍ଜାନ୍ ଚିଉଲାଅ କା ଚୁଣ୍ଡୁଆ ।”
 ୧୩ “ଆଇଙ୍ଗ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍ ଆମ୍ ଆଇଁୟାଃ ଜମ୍ସାଃରେ
 ଦୁବାକାନ୍ମେ” ଫେକ୍ତେ ପାର୍ମେଶ୍ୱାର୍ ଆୟାଃ ଦୁଁଡ଼କଏତେ ଜେତାଏକେ ଚିଉଲାଅ କାଏ କାଜିକାଦ୍କଆ
 ।
 ୧୪ ତାବ୍ଦ୍, ସିର୍ମାରେନ୍ ଦୁଁଡ଼କ ଅକଏତାନ୍କ ? ଇନ୍କୁ ହବାଅଃତାନାକ ପାର୍ମେଶ୍ୱାର୍ବକେ ସେଞ୍ଜାତାନ୍
 ଆମ୍ବାକ ଆତଃ ଜୀଉବାଞ୍ଚାଅ ନାମାକାଦ୍ ହଡ଼କକେ ଦେଙ୍ଗା ନାଗେକ୍ତେ ପାର୍ମେଶ୍ୱାର୍ବତେ କୁଲାକାନ୍ ଆମ୍ବାକ
 ।

୨

ପୁରାଃ ମାରାଙ୍ଗ୍ ପାରିତ୍ରାଣ୍

୯ ଆବୁ ସାନାର୍ଚ୍ଚିହେତେ ଆଲକାବୁ ହିଗାଡ଼ଃକା ଫେକ୍ତେ ଆବୁ ଆୟୁମାକାଦ୍ ସାନାର୍ଚ୍ଚି କାଜିରେ ପୁରାଃ
 ପକ୍ତାକେଦ୍ତେ ତାଇନ୍ ଲାଗାଡ଼ିଙ୍ଗ୍ମୟାଃ । ୨ ଆବୁଆଃ ପୁରୁଖା ହାଡ଼ାମ୍ବକକେ ସିର୍ମାରେନ୍ ଦୁଁଡ଼କ ଅକନ୍
 କାଜି ଏମାକାଦ୍କଆକ, ଏନା ସାର୍ଚ୍ଚି ଫେକ୍ତେ ଉଦୁବାକାନା, ଅକନ୍କ ଏନାକେ କାକ ଅତଙ୍ଗକେଦା ଆତଃ
 କାକ ମାନାଡ଼ିଙ୍ଗକେଦା ଇନ୍କୁ ସବେନ୍କ ସାଜାଇକ ନାଫେଗିୟା । ୩ ତାବ୍ଦ୍, ନେଲେକାନ୍ ପୁରାଃ ମାରାଙ୍ଗ୍
 ଜୀଉବାଞ୍ଚାଅକେ ଦୟାକୁଣ୍ଡାମ୍ଲେରେ ଆବୁ ଚିଲ୍ଲକାତେ ବାଞ୍ଚାଅବୁ ନାମେୟା ? ନେ ଜୀଉବାଞ୍ଚାଅକେ ପ୍ରାଭୁ
 ଆଇଃକ୍ଚି ସିଦାତେ ଉଦୁବକାଦା, ଆତଃ ଇନିଃତାଃଏତେ ଆୟୁମାକାଦ୍ ହଡ଼କ ଏନାରେୟାଃ ସାନାର୍ଚ୍ଚିକେ
 ଆବୁତାଃରେକ ଉଦୁବକାଦା । ୪ ଆତଃଗି, ପାର୍ମେଶ୍ୱାର୍ ସବେନ୍ ରାକାମ୍ରେୟାଃ ଚିହ୍ନାଁ, ଆକ୍ଦାଦାଅ
 କାମି ଆତଃ ପେଡ଼େୟାନ୍ କାମିକ କାମିକାଦ୍ ହରାତେ ଏନ୍ ସବେନ୍ କାଜି ସାର୍ଚ୍ଚି ତାନାଃ ଫେକ୍ତେ ଗାଞ୍ଜା
 ଏମାକାଦାଏ ଆତଃ ଆୟାଃ ସାନାଙ୍ଗ୍ଲେକାତେ ପାବିତାର୍ ଆମ୍ବରେୟାଃ ବାବ୍ଦାନ୍ ଏମାକାଦାଏ ।

ପାରିତ୍ରାଣ୍ ହରାତେ ଇଦିନିଃ ଖ୍ରୀଷ୍ଟ୍ ତାନିଃ

* ୧:୯ ୧:୯ ବହଃରେ ସୁନୁମ୍ ବୁଲ୍କେଦ୍ତେ ସାଲା

୫ ପାର୍ମ୍ଭେଶ୍ୱାର୍ ଅକନ୍ ନାଞ୍ଜା ଅତେଦିଶ୍ୱମ୍ ବାଇୟାଏ ଆତଃ ଆଲେ ଅକନ୍ ଅତେଦିଶ୍ୱମ୍ରେୟାଃ କାଜିଲେ କାଜିତାନା, ଏନାକେ ରାଇଜେ ନାଗେନ୍ତେ ହୁଡ଼କକେ କାଏ ସାଲାକାଦକଥା । ୬ ମେନ୍ଦଦ ଧାରାମ୍ପୁଥିରେ ଅଲୀକାନା,

“ହେ ପାର୍ମ୍ଭେଶ୍ୱାର୍, ମାନଞ୍ଜାହନ୍ ଅକଏ ତାନିଃ,

ଆମ୍ ଜନିୟାଃ ନାଗେନ୍ତେମ୍ ଉଡ଼ଶ୍ୱତାନା ଆତଃ ଜନିୟାଃ ଜାତାନ୍ ଇଦିତାନାମ୍ ?

୭ ଆମ୍ ମାନଞ୍ଜାକେ ହୁଡ଼କତାଃଏତେ କାଟିଃଲେକାମ୍ ହୁଡ଼ିକ୍କିୟା ।

ଆମ୍ ଜନିଃକେ ମାଇନ୍ ଆତଃ ମାନାରାଜ୍ରେୟାଃ ଚୁପୁରିମ୍ ତୁସିକ୍କିୟା ।

୮ ଆତଃ ସବେନାଃ ରାଇଜେ ନାଗେନ୍ତେ ଆକ୍ତେୟାର୍ ଏମ୍କିୟାମ୍ ।”

“ସବେନ୍ ବିଷାଏ” ମେନ୍ଲେରେ, ଜେଡ଼ନାଃକେ କା ବାଗିକେଦ୍ତେ ସବେନ୍ ବିଷାଏତେୟାଃରେ ଆକ୍ତେୟାର୍ ଏମାକାଦାଏ । ନେଆଁତେ ପୁରା ଆଟ୍ଟକାରଃ ତାନା, ସବେନ୍ ବିଷାଏ ଜନିୟାଃ ଆକ୍ତେୟାର୍ରେଗି ମେନାଃ । ଆବୁ ସାର୍ତ୍ତିଗିବୁ ସାରିତାନା, ନାହାଁଃ ସବେନାଃରେ ମାନଞ୍ଜା କାଏ ରାଇଜେ ତାନା । ୯ ମେନ୍ଦଦ ଆବୁ ନେଲେତାନାବୁ, ଚିଲ୍ଲକା ଯିଶୁ ଘାଡ଼ିକାଦ୍ ନାଗେନ୍ତେ ସିମାରେନ୍ ହୁଡ଼କତାଃଏତେ କାଟିଃଲେକାଏ ହୁଡ଼ିକ୍କିୟାକାନ୍ ତାଇକେନା, ଜେଲେକା ପାର୍ମ୍ଭେଶ୍ୱାର୍ଆଃ ସାୟାଦ୍ରେ ମିମିୟାଦ୍ ସବେନ୍ ହଡ଼କ ନାଗେନ୍ତେ ଜନିଃ ଗନ୍ଏଃ ଚାଖାଅକାଦାଏ । ଆବୁ ଆୟାଃ ଗନ୍ଏଃରେୟାଃ ଦୁକୁ ହରାତେ ମାଇନ୍ ଆତଃ ମାନାରାଜ୍ରେୟାଃ ଚୁପୁରି ତୁସିକ୍କିୟାନ୍ବୁ ନେଲ୍ଲକିୟା । ୧୦ ସବେନ୍କଥାଃ ବାବାଜନିଃ ଆତଃ ବାଞ୍ଚାଅନିଃ, ପାର୍ମ୍ଭେଶ୍ୱାର୍ ତାନିଃ । ଜନିଃ ଆୟାଃ ପୁରାଃ ହନ୍କକେ ଯିଶୁଆଃ ମାନାରାଜ୍ରେ ହିସା ଏମାକ ନାଗେନ୍ତେ, ଗନ୍ଏଃ ହରାଲଃ ଯିଶୁକେ ପକ୍ତାକେଦ୍ତେ ପୁରାଃ ବୁଗିନ୍ କାମି କାମିକାଦା । ତିୟାଃଚି ଯିଶୁଗି ଜୀଉବାଞ୍ଚାଏ ହରାତେ ଜନକୁକେ ସୁତୁଃଇଦିକଥା ।

୧୧ ଜନିଃ ହଡ଼କକେ ପାପ୍ତହେତେ ଫାର୍ଡ଼ିକଥା । ଆତଃ ଆୟାଃ ଏନ୍ତେ ଆୟାଃତେ ପାବିତାର୍କାନ୍ ହଡ଼କଥାଃ ଆପୁ ମିଆଁଦ୍ ତାନିଃ । ଏନାମେନ୍ତେ ଯିଶୁ ଜନକୁକେ ହାଗା ମିଶି ମେନ୍ତେ ହାକାଅ ନାଜ୍ କାଏ ଗିହୁଗାଃ । ୧୨ ଜନିଃ ପାର୍ମ୍ଭେଶ୍ୱାର୍କେ କାଜିକିୟା,

“ଆଇଜ୍ ଆମାଃ ନୁଡ଼ମ୍ ଆତଃ ସବେନ୍ କାମି ଆଇୟାଃ ହାଗା ମିଶିକକେଇଜ୍ ଉଦୁବକଥା ।

ଆଇଜ୍ ଜନକୁ ହୁଣ୍ଡିକାନ୍ ଆଲାରେ ଆମାଃ ମାନାରାଜ୍ ଦୁରାଜ୍ଝେଇଜ୍ ।”

୧୩ ଜନିଃ ନେୟାହରି କାଜିକାଦାଏ, “ଆଇଜ୍ ପାର୍ମ୍ଭେଶ୍ୱାର୍ତାଃରେ ଆଇୟାଃ ବିଶ୍ୱାସାଇଜ୍ ଦହେୟା” ଆତଃ “ପାର୍ମ୍ଭେଶ୍ୱାର୍ ଆଇଜ୍କେ ଅକନ୍ ହନ୍କକେ ଏମାକାଦିୟା, ଜନକୁ ଆଇୟାଃଲଃ ମେନାକଥା ।”

୧୪ ଜନିଃ ଅକନ୍କକେ ହନ୍କ ମେନ୍ତେ କାଜିତାନା, ଜନକୁ ମାୟୋମ୍ ମାୟ ହଡ଼ମ୍ ଲେକାନ୍ ହଡ଼କ ହବାକାନ୍ ହରାତେ ଯିଶୁହ୍ ଆଇଃକ୍ଚି ଜନକୁଆଃ ଲେକା ମାନଞ୍ଜା ହଡ଼ମ୍ ଆତଃ ସଭାଦ୍ରେ ମେସାୟାନା । ଜନିଃ ନେୟା କାଜିକେଦ୍ରେୟାଃ ମୁଣ୍ଡି ହବାଅଃତାନା, ଜନିଃ ଆୟାଃ ଗନ୍ଏଃ ହରାତେ ସାଏତାନ୍କେ ଜିୟନିଆ, ତିୟାଃଚି ଗନ୍ଏଃରେ ସାଏତାନ୍ଆଃ ପେଡ଼େଃ ତାଇକେନା । ୧୫ ନେଆଁ ହରାତେ ଗଟା ଜୀଦାନ୍ ଗନ୍ଏଃ ବର ଲେକାନ୍ ଦାସିରେୟାଃ ତନଲ୍ରେ ତାଇନ୍ତାନ୍ ହଡ଼କକେ ଜନିଃ ରାଡ଼ାକାଦକଥାଏ ।

୧୬ ନେଆଁତେ ପୁରା ଆଟ୍ଟକାରଃ ତାନା, ଜନିଃ ସିମାରେନ୍ ହୁଡ଼କକେ କାଏ ଦେଜ୍ଠାଃ, ମେନ୍ଦଦ ଜନିଃ ଆବୁହାମ୍ଆଃ କିଲକକେ ଦେଜ୍ଠାଃଏ । ୧୭ ଏନାମେନ୍ତେ, ସବେନ୍ ବିଷାଏରେ ଆୟାଃ ହାଗା ମିଶିକ ଲେକା ହବାଃଅତେୟାଃ ଆୟାଃ ଲାଗାଡ଼ିଜ୍ ତାଇକେନା, ଏନା ହରାତେ ଜନିଃ ଜନକୁଆଃ ପାଡ଼ିୟାରଃ ଲେକାନ୍ ଆତଃ ଦାୟା ଏମାଃ ମାରାଜ୍ ଯାଜାକ୍ ହବାକେଦ୍ତେ ପାର୍ମ୍ଭେଶ୍ୱାର୍ଆଃ ସେଞ୍ଜା ରିକା ଦାଡ଼ିୟାଏ ଆତଃ ହଡ଼କ ପାପ୍ତ ଛାମାକ ନାମ୍ ଦାଡ଼ିୟା । ୧୮ ଜନିଃ ଆଇଃକ୍ଚି ବିନିଡ଼ାଅରେ ଉୟୁଃକେଦ୍ତେ ଦୁକୁ ନାମ୍କେଦ୍ ହରାତେ, ଜନିଃ ବିନିଡ଼ାଅରେ ଉୟୁଗାକାନ୍ ହଡ଼କକେ ଦେଜ୍ଠା ଦାଡ଼ିୟା ।

୩

ୟିଶୁ ମୁଣାଏତେ ମାରାଜ୍

୧ ହେ ଖ୍ରୀଷ୍ଟରେ ପାଡ଼ିୟାର୍ରେ ଲେକାନ୍ ପାବିତାର୍ ହାଗା ମିଶିକ, ଆପେୟଗି ପାର୍ମ୍ଭେଶ୍ୱାର୍କେ କେଡ଼ାକାନ୍କଥାଃ ହିସାରେନ୍ ହଡ଼କ ତାନ୍ଦେ ! ଆପେ ଯିଶୁଆଃ ବିଷାଏରେ ଉଡ଼ଶ୍ୱଏପେ, ଜନିଃ ଆବୁଆଃ ଧାରାମ୍ ବିଶ୍ୱାସରେୟାଃ ମାରାଜ୍ ଯାଜାକ୍ ହବାଃ ନାଗେନ୍ତେ ପାର୍ମ୍ଭେଶ୍ୱାର୍ଆଃ ହରାତେ କୁଲାକାନା । ୨ ମୁଣା ପାର୍ମ୍ଭେଶ୍ୱାର୍ଆଃ ଅଡ଼ାଃରେ ପାଡ଼ିୟାର୍ରେ ଲେକାଏ କାମିକେଦା, ଏନ୍ଲେକାଗି, ପାର୍ମ୍ଭେଶ୍ୱାର୍ଆଃ ସାଲାକାନ୍ ଯିଶୁ ନେ କାମି ନାଗେନ୍ତେ ପାର୍ମ୍ଭେଶ୍ୱାର୍ଆଃ ନାଜ୍ ପାଡ଼ିୟାର୍ରେ ଲେକାଏ କାମିକେଦା । ୩ ଅଡ଼ାଃଏତେ ଅଡ଼ାଃ ବାବାଜନିଃକେ ପୁରାଃ ମାଇନ୍ ଏମଥା । ଏନ୍ଲେକାଗି ମୁଣାଏତେ ଯିଶୁ ପୁରାଃଚି

ମାଉଁଶ ନାମେ ଲେକାଏ ହବାକାନା । ^୪ ସବେନ୍ ଅଡ଼ାଃକେ ଜେତାଏ ମିହୁଡ଼ ବାଈୟାକାଦାଏ, ମେନ୍ଦଦ ପାର୍ମେଶ୍ୱାର୍ ସବେନାଃରେୟାଃ ବାବାଇନିଃ ତାନିଃ । ^୫ ଦାସି ଲେକା ମୁଣା ପାର୍ମେଶ୍ୱାର୍ଆଃ ଅଡ଼ାଃରେ ପାତିୟାର୍ରେଃ ଲେକାଏ କାମିକେଦା ଆତଃ ଆୟାଃ କାମି ପାର୍ମେଶ୍ୱାର୍ ହିନ୍ତୁଃ ଦିପିଲିରେ ଉଦୁଦ୍ ନାଗେନ୍ତେ ମନେକାଦ୍ ତାଇକେନ୍ ବିଷାଏ ନାମୁନା ଲେକା ତାଇକେନା । ^୬ ମେନ୍ଦଦ ପାର୍ମେଶ୍ୱାର୍ଆଃ ଅଡ଼ାଃରେ ଖ୍ରୀଷ୍ଟ ହନ୍ ଲେକା ପାତିୟାର୍ରେଃ ଲେକାନ୍ ଗୁସିୟାଁ ତାନିଃ । ଆବୁ ଜାତରେ କେଟେଦକେଦତେ ଆସ୍ରାକାଦତେୟାଃ ନାମେୟାଁବୁ ମେନ୍ତେ ପୁରା ପକ୍ତାକେଦତେବୁ ତାଇନଃରେଦ, ଆବୁ ଆୟାଃ ଅଡ଼ାଃ ତାନିବୁ ।

ପାର୍ମେଶ୍ୱାର୍ଆଃ ହଡ଼କ ନାଗେନ୍ତେ ରୁଡ଼ନୁ

^୭ ଏନାତେ ପାବିତାର୍ ଆମ୍ବା ନେ'ଲେକାଏ କାଜିୟା,

“ତିସିଙ୍ଗ୍ ଆପେ ପାର୍ମେଶ୍ୱାର୍ଆଃ କାଜିପେ ଆୟୁମେରେଦ,

୮ ଆପେୟାଃ ପୁରୁଖା ହାଡ଼ାମକଆଃ ଲେକା ମନ୍ସୁରୁଦକେ ଆଲପେ କେଟେଜେୟା ।

ଇନ୍କୁ ଏନ୍ ହୁଲାଙ୍ଗ୍ ବିରରେ ପାର୍ମେଶ୍ୱାର୍କେକ ବିଡ଼ାଅକିୟା

ଆତଃ ଆୟାଃ ବିରୁଧରେ ଏପେରାଙ୍ଗକେନାକ ।

^୯ ପାର୍ମେଶ୍ୱାର୍ କାଜିୟାଃଏ, ଏନ୍ ବିରରେ ଆପେୟାଃ ପୁରୁଖା ହାଡ଼ାମକ ଆଇୟାଃ ପେଡ଼େଃ ଆତଃ ଧୁରାଜ୍ତାଇୟାଃକେକ ବିଡ଼ାଅକେଦା,

ଆତଃ ବାର୍ ହସି ବାରାଷ୍ ଜାକେଦ୍ ଆଇଙ୍ଗ୍ କାମିକେଦତେୟାଃକ ନେଲ୍କେଦା ।

^{୧୦} ଏନାତେ ଆଇଙ୍ଗ୍ ଇନ୍କୁଆଃ ତେତାନରେ ଖୁସ୍କେଦତେ କାଜିକେଦାଈଙ୍ଗ୍,

“ଇନ୍କୁଆଃ ମନ୍ସୁରୁଦକ ସବେନ୍ ଇମ୍ତା ଏଡ଼କାନ୍ ହରାତେ ସେନଃତାନା, ଆତଃ ଆଇୟାଃ ହରା କାକ ସାରିୟାଃ,

ଆତଃ ଆଇୟାଃ ଆନାରୁ ମାନାତିଙ୍ଗ୍ ନାଗେନ୍ତେ କା ସାନାଙ୍ଗ୍ତାନ୍ ହଡ଼କ ତାନକ ।”

^{୧୧} ଆଇଙ୍ଗ୍ ଖୁସ୍ତେ କିରିୟାକେଦାଈଙ୍ଗ୍ :

ଆଇଙ୍ଗ୍ ଇନ୍କୁକେ ଅକନ୍ ଦିଶୁମ୍ରେ ରୁଡ଼ନୁ ନାଗେନ୍ତେଇଙ୍ଗ୍ ଏମାକାକତେୟାଃ, ଇନ୍କୁ ଏନ୍ ଦିଶୁମ୍ରେତେ ଜେତାଲେକାତେ କାକ ବଲ ଦାଡ଼ିୟା ।”

^{୧୨} ହେ ବିଶ୍ୱାସୀ ହାଗା ମିଶିକ, ଚିର୍ଗାଲାନାପେ, ଆପେକଏତେ ଜେତାଏୟାଃ ମନ୍ସୁରୁଦ୍ ପାପ୍ରେ ଆତଃ କା ବିଶ୍ୱାସରେ ପେରେଃକେଦତେ ଜାନିଦ୍ ପାର୍ମେଶ୍ୱାର୍ତାଃଏତେ ଆଲକା ସାଜିନଃକା ।

^{୧୩} ମେନ୍ଦଦ, ଆପେକଏତେ ଜେତାଏ ପାପ୍ରେ ବେଦାକେଦତେ କେଟେଦ୍ ମନ୍ସୁରୁଦ୍ ଆଲକାଏ ହବାଅଃକା, ଏନାଗେନ୍ତେ ମିହୁଡ଼ ଆତଃମିହୁଡ଼କେ ସବେନ୍ ହୁଲାଙ୍ଗ୍ ଜାତରେ ରାସକା ଏମ୍କେଦତେ ଦେଙ୍ଗାଈକାଏ । ଆତଃ ଧାରାମ୍ ପୁଥିରେ “ତିସିଙ୍ଗ୍” ମେନ୍ତେ ଅଲକାନ୍ ଲାବ୍ଜା ଆବୁ ନାଗେନ୍ତେ ଲାଗାତିଙ୍ଗ୍ ହବାଅଃ ଜାକେଦ୍ ଏନା କାମିକାଦତେପେ । ^{୧୪} ଚିୟାଃଚି ଆବୁ ରୁଣ୍ଡୁ ଜାକେଦ୍ ଆବୁଆଃ ଏନେଟେଦ୍ ବିଶ୍ୱାସରେ କେଟେଦକେଦତେବୁ ତାଇନଃରେଦ, ଆବୁ ସବେନକ ଖ୍ରୀଷ୍ଟଆଃ ହିସାରେବୁ ତାଇନ୍ ଦାଡ଼ିୟାଆ ।

^{୧୫} ଧାରାମ୍ ପୁଥିରେ ଅଲକାନା,

“ତିସିଙ୍ଗ୍ ଆପେ ପାର୍ମେଶ୍ୱାର୍ଆଃ ବାଚାନପେ ଆୟୁମେରେଦ,

ଆପେୟାଃ ପୁରୁଖା ହାଡ଼ାମକଆଃ ମନ୍ସୁରୁଦ୍ କେଟେଦକେଦତେ ପାର୍ମେଶ୍ୱାର୍ଆଃ ବିରୁଧରେ ଏପ୍ପରାଙ୍ଗକେନାକ,

ଏନ୍ଲେକା ଆପେ ଆଲପେ ରିକାୟା ।”

^{୧୬} ପାର୍ମେଶ୍ୱାର୍ଆଃ ବାଚାନ୍ ଆୟୁମ୍କେଦରେୟ ଅକନ୍କ ପାର୍ମେଶ୍ୱାର୍ଆଃ ବିରୁଧରେ ଏପ୍ପରାଙ୍ଗକେନାକ, ଇନ୍କୁ ଅକନ୍କ ତାନକ ? ମୁଣା ନାବୀ ମିସାର୍ ଦିଶୁମ୍ଏତେ ସୁଡ଼ୁଃ ଆଉକାଦକ ତାଇକେନାଏ, ଇନ୍କୁ ଚିନାଃ ନାହାଁଲକଚି ? ^{୧୭} ବାର୍‌ହିସି ବାରାଷ୍ ଜାକେଦ୍ ଅକନ୍ ପାର୍ମେଶ୍ୱାର୍ ଖୁସ୍କାନ୍ ତାଇକେନାଏ, ଇନ୍କୁ ଅକନ୍କ ତାନକ ? ପାପ୍କାମିକେଦ୍ ହରାତେ ଗଏଃୟାନ୍କ ଆତଃ ବିରରେ ଉୟୁଗାକାନ୍ ତାଇକେନାକ, ଇନ୍କୁ ଚିନାଃ ନାହାଁଲକଚି ? ^{୧୮} ପାର୍ମେଶ୍ୱାର୍ କିରିୟାକେଦତେ ବାନାର୍‌ସାକାଦ୍ ତାଇକେନା, ଇନ୍କୁ ଆୟାଃ ବାନାର୍‌ସା ଏମାକାଦ୍ ରୁଡ଼ନୁରେୟାଃ ଦିଶୁମ୍ରେ ଚିଉଲାଅ କାକ ବଲଦାଡ଼ିୟା, ଇମ୍ତା ଇନିଃ ଅକନ୍କଆଃ ବିଷାଏରେ କାଜିକାଦ୍ ତାଇକେନା ? ଅକନ୍କ ଏପ୍ପରାଙ୍ଗକେନାକ ଇନ୍କୁଆଃ ବିଷାଏରେ ଏନା କାଜିକାଦ୍ ତାଇକେନା । ^{୧୯} ତାବ୍ଦ, ଆବୁ ନେଲେତାନାବୁ, ଇନ୍କୁ ଆକଆଃ କା ବିଶ୍ୱାସ୍ ହରାତେ ପାର୍ମେଶ୍ୱାର୍ ବାନାର୍‌ସାକାଦ୍ ରୁଡ଼ନୁରେୟାଃ ଦିଶୁମ୍ କିନାନ୍ରେ କାକ ବଲ ଦାଡ଼ିୟାନ୍ ।

୪

୧ ଆବୁକେ ଅକନ ରୁଡ଼ନୁ ଏମଃଆ ମେନ୍ତେ ପାର୍ମେଶ୍ୱାର୍ କାଜିକାଦ୍ ତାଇକେନାଏ, ଏନା ଆବୁ ନାମ୍ ଦାଡ଼ିୟାବୁ ମେନ୍ତେ ପାର୍ମେଶ୍ୱାର୍ ବାନାର୍‌ୟା ଏମାକାଦାଏ । ଏନ୍ ବାନାର୍‌ୟା ଏମାକାନ୍ ରୁଡ଼ନୁଏତେ ଜେ'ଲେକା ଜେତାଏ ଆଲକାକ ବାରିୟଃକା, ଏନାମେନ୍ତେ ଚିର୍ଗାଲାକାନ୍ ତାଇନ୍‌ପେ । ୨ ଚିୟାଃଚି ଇନକୁଆଃ ଲେକା ଆବୁହଗି ସୁକୁକାଜିକୁ ଆୟୁମକାଦା । ଇନକୁ ଏନାକେ ଆୟୁମକେଦ୍ ରେୟ ପାଡ଼ିୟାର୍‌ତେ କାକ ତେଲାଇକେଦା । ଏନାମେନ୍ତେ ଇନକୁଆଃ ନାଙ୍ଗ ବୁଗିନାଃ ଲେକା କା ହବାୟାନା । ୩ ମେନ୍‌ଦ ଆବୁକଏତେ ଅକନ୍କ ବିଶ୍ୱାସେୟା, ଇନକୁଗି ପାର୍ମେଶ୍ୱାର୍ ଏମାକାଦ୍ ବାନାର୍‌ୟା ଲେକାତେ ରୁଡ଼ନୁକ ନାମେୟା, ଚିୟାଃଚି ପାର୍ମେଶ୍ୱାର୍ କାଜିକାଦାଏ,

“ଆଇଙ୍ଗ୍ ଖସକେଦ୍‌ତେ କିରିୟାକେଦାଇଙ୍ଗ୍,

‘ଆଇଙ୍ଗ୍ ରୁଡ଼ନୁ ଏମାକ ଦିଶୁମ୍‌ରେ ଇନକୁ ଚିଉଲାଅ କାକ ବଲଆ ।’”

ନେ ରୁଡ଼ନୁତେୟାଃ ଅତେଦିଶୁମ୍‌ରେୟାଃ ମୁନ୍‌ଏତେ ପାର୍ମେଶ୍ୱାର୍‌ଆଃ କାମି ପୁରାକାନ୍‌ରେୟ ପାର୍ମେଶ୍ୱାର୍ ନେ କାଜି କାଜିକାଦ୍ ତାଇକେନା । ୪ ଧାରାମ୍‌ପୁଅରେ ଅଲ୍ଲାକାନା, “ଏୟା ହୁଲାଙ୍ଗ୍” ବିଷାଏରେ, ନେଲେକା ଅଲ୍ଲାକାନା, “ପାର୍ମେଶ୍ୱାର୍ ଆୟାଃ ସବେନ୍ କାମି ଚାବାକେଦ୍‌ତେ ଏୟା ହୁଲାଙ୍ଗ୍‌ରେ ରୁଡ଼ମ୍‌ନା ।” ୫ ଆତଃ ନେ ବିଷାଏରେ ଏଟାଃତାଃରେ ଆତଃଚି ଅଲ୍ଲାକାନା, ପାର୍ମେଶ୍ୱାର୍ କାଜିକେଦାଏ, “ଆଇଙ୍ଗ୍ ରୁଡ଼ନୁ ଏମାକ ଦିଶୁମ୍‌ରେ ଇନକୁ ଚିଉଲାଅ କାକ ବଲ ଦାଡ଼ିୟା । ୬ ଅକନ୍କ ସିଦାତେ ସୁକୁକାଜି ଆୟୁମାକାଦ୍ ତାଇକେନାକ, ଇନକୁ ଆକଆଃ କା ପାଡ଼ିୟାର୍ ହରାତେ ପାର୍ମେଶ୍ୱାର୍‌ଆଃ ଏନ୍ ରୁଡ଼ନୁ କାକ ନାମ୍ ଦାଡ଼ିକେଦା । ନାହାଁଃ ଏଟାଃ ହଡ଼କ ଏନ୍ ରୁଡ଼ନୁ ନାମେ ନାଗେନ୍ତେ ସୁଯୋଗକ ନାମେତାନା, ୭ ଚିୟାଃଚି ଇନକୁଆଃ ନାଗେନ୍ତେ ପାର୍ମେଶ୍ୱାର୍ ଏଟାଃ ମିଆଁଦ୍ ହୁଲାଙ୍ଗ୍‌କେ ସାଲ୍ଲାକାଦା ଆତଃ ଏନା ହାବାଅଃତାନା ‘ତିସିଙ୍ଗ୍’ । ନେଆଁକେ ପୁରାଃ ଦିପିଲି ସିଦାରେ ପାର୍ମେଶ୍ୱାର୍, ଦାଉଦ୍ ରାଜାରାଃ ହରାତେ ନେ ବିଷାଏକ କାଜିକାଦା,

‘ତିସିଙ୍ଗ୍ ଆପେ ପାର୍ମେଶ୍ୱାର୍‌ଆଃ କାଜିପେ ଆୟୁମେରେଦ୍, ମନ୍‌ସୁରୁଦ୍ ଆଲ୍‌ପେ କେଟେଜେୟା ।’”

୮ ଚିୟାଃଚି ଯିହୋଶୁୟ ହଡ଼କକେ ପାର୍ମେଶ୍ୱାର୍‌ଆଃ ବାନାର୍‌ୟାକାଦ୍ ରୁଡ଼ନୁ ଏମାକାକତେୟାଃଏ ରେଦ୍, ପାର୍ମେଶ୍ୱାର୍ ତାୟମତେ ଏଟାଃ ମିଆଁଦ୍ ରୁଡ଼ନୁ କାଜି କାଏ କାଜିକାକତେତେୟାଃ । ୯ ଏନାତେ, ନେଆଁ ଆଟ୍‌କାରଃତାନା, ଏୟା ହୁଲାଙ୍ଗ୍‌ରେ ପାର୍ମେଶ୍ୱାର୍ ରୁଡ଼ମ୍‌ନାଏ, ଏନ୍‌ଲେକାଗି, ପାର୍ମେଶ୍ୱାର୍ ଆୟାଃ ହଡ଼କଆଃ ନାଗେନ୍ତେ ବିଶେଷ୍ ରୁଡ଼ନୁ ଦହାକାଦାଏ । ୧୦ ପାର୍ମେଶ୍ୱାର୍ ଆୟାଃ କାମିଏତେ ରୁଡ଼ମ୍‌ନା ଲେକାଗି, ଜେତାଏ ଆୟାଃ ଏମାକାଦ୍ ରୁଡ଼ନୁରେ ବଲକାନା, ଇନିଃ ଆପ୍‌ନାଃ କାମିଏତେ ରୁଡ଼ନୁ ନାମାକାଦାଏ । ୧୧ ଏନାତେ ଆବୁ ଏନ୍ ରୁଡ଼ନୁରେ ବଲ ନାଗେନ୍ତେ ପୁରାଃ ତେଷ୍ଟାଏକାବୁ, ଜେ'ଲେକାଚି ଆବୁଏତେ ଜେତାଏ ହଡ଼, ଏନ୍ କା ପାଡ଼ିୟାର୍‌କେଦ୍ ହଡ଼କଆଃ ନାମ୍‌ନା ଲେକା ଆଲକାଏ ଉୟୁଗଃକା ।

୧୨ ଚିୟାଃଚି ପାର୍ମେଶ୍ୱାର୍‌ଆଃ ବାଗନ୍ ଜାନିଦ୍ ଆତଃ କାମିୟଃତେୟାଃ ତାନାଃ ଆତଃ ବାରାନ୍‌ହରା ଲେସେବକାନ୍ ତାରାଉଡ଼ିଏତେ ପୁରାଃ ଲେସେବତେୟାଃ ତାନାଃ, ନେ ବାଗନ୍‌ତେ ଜାଉ ଆତଃ ଆମ୍‌ ମେସାନାଃ, ଜଡ଼େନ୍ ଜାଙ୍ଗ୍‌ରେ ଭେଦାଅଆଃ, ଆତଃ ହଡ଼କଆଃ ମନ୍‌ସୁରୁଦ୍‌ରେୟାଃ ଏଡ଼କାନ୍ ସାନାଙ୍ଗ୍ ଆତଃ ଉଡ଼ଃରେୟାଃ ବିଚାର୍ ହବାଅଃଆ । ୧୩ ପାର୍ମେଶ୍ୱାର୍‌ତାଃଏତେ ଜେଡ଼ନାଃ କା ଉକୁ ଦାଡ଼ିୟଃଆ, ବାଇୟାକାନ୍‌ତେୟାଃ ସବେନାଃ ଇନିୟାଃ ସାମ୍‌ନାଙ୍ଗ୍‌ରେ କା ଉକୁଆକାନା ମେନ୍‌ଦ ଇନିୟାଃ ମେଦ୍ ସାମ୍‌ନାଙ୍ଗ୍‌ରେ ନେଲଃତାନା । ଆତଃ ଏନ୍ ପାର୍ମେଶ୍ୱାର୍‌ଆଃ ସାମ୍‌ନାଙ୍ଗ୍‌ରେ ଆବୁକେ ହିସାବ୍ ଏମ୍ ଲାଗାଡ଼ିଙ୍ଗ୍‌ୟାଃ ।

ୟାଶୁଗି ମାରାଙ୍ଗ୍ ଯାଜାକ୍

୧୪ ଏନାତେ, ସିର୍ମାସାଲିମ୍ ହରାତେ ସେନ୍ ସେଟେରାକାନ୍ ପାର୍ମେଶ୍ୱାର୍‌ଆଃ ହନ୍ ଯାଶୁଗି ଆବୁଆଃ ମାରାଙ୍ଗ୍ ଯାଜାକ୍ ତାନିଃ, ଏନାତେ ଏଲ୍ଲା ହିଜୁଃପେ, ଆବୁ ଆବୁଆଃ ବିଶ୍ୱାସରେ ପୁରାଃ କେଟେୟାନ୍‌ଗି ତାଇନ୍ ଲାଗାଡ଼ିଙ୍ଗ୍‌ୟାଃ । ୧୫ ଚିୟାଃଚି ଇନିଃ ଆବୁଆଃ ନାରାଦୁରା ଇମ୍‌ତା କାଏ ଆଟ୍‌କାର୍‌ଉରୁମ୍ ଦାଡ଼ିୟା ଏନ୍‌ଲେକାନ୍ ମାରାଙ୍ଗ୍ ଯାଜାକ୍ ନାହାଁଲିଃ । ମେନ୍‌ଦ ଚିମିନ୍ ରାକାମ୍‌ରେୟାଃ ବିନିଡ଼ାଅରେ ଉୟୁଗକାନ୍ ତାଇକେନ୍‌ରେୟ, ଇନିଃ କାଏ ପାପକେଦା । ୧୬ ଏନାତେ ଆବୁ ଜାଉ କେଟେଦ୍‌ତାନିଃ ପାର୍ମେଶ୍ୱାର୍‌ଆଃ ସାୟାଦ୍‌ରେୟାଃ ରାଜ୍‌ଗାଦି ହେପାଦ୍‌ତେବୁ ସେନା, ଏନ୍ତାଃରେ ଆବୁ ଆବୁଆଃ ଦେଙ୍ଗା ନାମେ ନାଗେନ୍ତେ ଲାଗାଡ଼ିଙ୍ଗ୍‌ ଦିପିଲିରେ ଦାୟା ଆତଃ ସାୟାଦ୍‌ବୁ ନାମେୟା ।

୫

୧ ସବେନ୍ ମାରାଜ୍ ଯାଜାକ୍ ଆପାନ୍ ହଡ଼କତାଃଏତେ ସାଲାକେଦତେ କାମିୟାଃ । ଜନିଃ ଜନ୍ମୁଆଃ ହରାତେ ପାପ୍ ଛାମାରେୟାଃ ଦାଣ୍ଠେ ରାକାବେ ନାଗେନ୍ତେ ଆତଃ ଦାନ୍ ରାକାବେ ନାଗେନ୍ତେ ପାର୍ମେଶ୍ଵାର୍ଆଃ ସେଞ୍ଜା କାମିୟାଃଏ । ୨ ଜନିଃ ଆଇଃକ୍ରି ତିମିନ୍ ରାକାମରାଃ ଗୁହ୍ନା, କା ପେଡ଼େଃତେ ପେରେକାକାନ୍ ହରାତେ, କା ସାରିକେଦତେ ଗୁହ୍ନା କାମିକାଦ୍ ତଣ୍ଡ ହଡ଼କଆଃ ନାଗେନ୍ତେ ଜନିଃ ଲିବୁୟାନ୍ନିଃ ତାନିଃ । ୩ ଆତଃ ଜନିଃ ଏଟାଃକଆଃ ପାପ୍ ନାଗେନ୍ତେ ଏସକାର୍ ଦାଣ୍ଠେ ରାକାବାଃଏ ମେନ୍ତେଦ କାହା ମେନ୍ଦ୍ ଆୟାଃ ଆପାନାଃ ପାପ୍ ନାଗେନ୍ତେୟ ଜନିଃକେ ଦାଣ୍ଠେରାକାଦ୍ ଲାଗାତିକ୍ଫୟାଃ । ୪ ଜେତାଏ ଆପାନ୍କେଗି ମାରାଜ୍ ଯାଜାକ୍ ସାଲାକେଦତେ ଆପାନାଃ ମାଜନ୍ କାଏ ରିକାଦାଡ଼ିୟା । ହାରୁନ୍ଆଃ ଲେକା ପାର୍ମେଶ୍ଵାର୍ଆଃ ହରାତେ କେଡ଼ାକାନ୍ନିଃ ଏସକାର୍ ମାରାଜ୍ ଯାଜାକ୍ ହବା ଦାଡ଼ିୟଃଆଏ ।

୫ ଏନ୍ଲେକାଗି ମାରାଜ୍ ଯାଜାକ୍ରେୟାଃ ମାଜନାନ୍ ନାମେ ନାଗେନ୍ତେ ଶ୍ରୀଷ୍ ଆଇଃକ୍ରି ଆଇଃକ୍କେ କାଏ ସାଲ୍ଲା । ମେନ୍ଦ୍ ପାର୍ମେଶ୍ଵାର୍ ଜନିଃକେ ସାଲାକେଦତେ କାଜିକିୟା, “ଆମ୍ ଆଇୟାଃ ହନ୍,

ତିସିକ୍ ଆଇକ୍ ଆମାଃ ଆପ୍ ହବାୟାନାଜକ୍ ।”

୬ ଆତଃ ଜନିଃ ନେଆଁହ କାଜିକାଦାଏ, “ଆମ୍ ଯାଜାକ୍ କାମିରେ ମଲ୍ଲକିସେଦକ୍ଆଃ ଆକ୍ତେୟାର୍ନିଃ ଲେକା ଜାନାଅ ଜାନାଅରେନ୍ ଯାଜାକ୍ ତାନ୍ମେ ।”

୭ *ଅକନ୍ ପାର୍ମେଶ୍ଵାର୍ ଜନିଃକେ ଗନ୍ଏଃଏତେ ବାଞ୍ଛାଅ ଦାଡ଼ିୟାଏ, ଜନିଃତାଃରେ ଯାଶୁ ନେ ଅତେଦିଶ୍ଵାରେୟାଃ ଜାଞ୍ଜନ୍ରେ ପୁରାଃ ରାନାଃତାନ୍ଲଃ ମେଦ୍ ଦାଆଃ ଚିପାଃକେଦତେ ବିକ୍ତିକେଦା । ଜନିଃ ଲେବେଃ ଆତଃ ସାଧୁ ହଡ଼ ହବାକାନ୍ ହରାତେ ପାର୍ମେଶ୍ଵାର୍ ଆୟାଃ ବିକ୍ତି ଆୟୁମକେଦା । ୮ ଜନିଃ ପାର୍ମେଶ୍ଵାର୍ଆଃ ହନ୍ ତାଜକେନ୍ରେୟ, ଦୁକୁ ସାହାତିକ୍ଫକେଦତେ କାଜି ମାନାତିକ୍ଫତେୟାଃ ଇତୁୟାନାଏ । ୯ ନେଲେକା ପାର୍ମେଶ୍ଵାର୍ ଜନିଃକେ ମିଆଁଦ୍ ପକ୍ତାକାନ୍ ମାରାଜ୍ ଯାଜାକ୍ ଲେକା ହବା ଦାଡ଼ିୟଃଆଏ ମେନ୍ତେ କାଜିକେଦାଏ, ଆତଃ ଜନିଃ ଆୟାଃ ମାନାତିକ୍ଫତାନ୍ ସବେନ୍କଆଃ ନାଗେନ୍ତେ ଜାନାଅ ଜୀଉ ବାଞ୍ଛାଅରେୟାଃ ଏନେଟେଦ୍ ଠାୟାଦ୍ ହବାୟାନାଏ । ୧୦ ଆତଃ ଜନିଃ ମଲ୍ଲକିସେଦକ୍ଆଃ ଆକ୍ତେୟାର୍ନିଃ ଲେକା ମାରାଜ୍ ଯାଜାକ୍ ହବାୟାନାଏ ମେନ୍ତେ ପାର୍ମେଶ୍ଵାର୍ ଉଦୁବକେଦାଏ ।

ପାଡ଼ିୟାର୍ ଆଦେରେୟାଃ ଦାସା

୧୧ ନେ ବିଷାଏରେ ଆଲେୟାଃ ପୁରାଃଗି କାଜି ମେନାଃ, ଏନା କାଜି ନାଗେନ୍ତେଲେ ସାନାକ୍ତାନା । ମେନ୍ଦ୍ ଆପେକେ ଉଦୁବ୍ ନାଗେନ୍ତେ ହାମ୍ପାଲ୍ଲିୟା, ଚିଆଃତି ଆପେୟାଃ ଆମ୍ବିକ୍ ଜାଞ୍ଜନ୍ରେ ଆୟୁମ୍ ଆତଃ ଆଡ଼କାର୍ତ୍ତୁମ୍ ନାଗେନ୍ତେ କାପେ ଚିହ୍ନୁଲାନା । ୧୨ *ଆପେ ଏଟାଃକକେ ଇତୁରେୟାଃ ଦିପିଲି ସେଟେରାକାନ୍ରେୟ, ପାର୍ମେଶ୍ଵାର୍ଆଃ ବାତାନ୍ରେୟାଃ ଏନେଟେଦ୍ ଜନିତୁକେ, ଆପେକେ ଇତୁ ନାଗେନ୍ତେ ଇତୁନିଃ ଲାଗାତିକ୍ ହବାଅଃତାନା । ଆପେ କେଟେଦ୍ ଜମେୟାଃ ବାଦ୍ଲରେ ନାହାଁଃ ଜାକେଦ୍ ତଆପେ ନୁଁ ତାନା । ୧୩ ଜେତାଏ ତଆ ନୁଁ ତାନ୍ନିଃ, ସିଟିଆ ହନ୍ ଲେକାନ୍ନିଃ ତାନିଃ । ବୁଗିନାଃ ଆତଃ ଏଡ଼କାନାଃ ବିଷାଏରେ ଆୟାଃ ସେଣାଁ ବାନଃଆ । ୧୪ ମେନ୍ଦ୍ କେଟେଦ୍ ଜମେୟାଃ, ହାରା ଦାଡ଼ିକାନ୍ ହଡ଼କ ନାଗେନ୍ତେ ତାନାଃ, ଜନ୍ମୁ ହାରା ଦାଡ଼ିୟାନ୍ ହରାତେ ବୁଗିନାଃ ଆତଃ ଏଡ଼କାନାଃ ଆଡ଼କାର୍ ଉରୁମ୍ ଦାଡ଼ିୟାକ୍ ।

୬

୧ ଏନାତେ ଆବୁ ଶ୍ରୀଷ୍ ଧାରାମ୍ ବିଷାଏରେୟାଃ ଏନେଟେଦ୍ ଜନିତୁ ବାଗିକେଦତେ ଆମ୍ରେ ହାରାଜ୍ଦିୟାଃ ଲେକାନ୍ ପକ୍ତାନ୍ ଜନିତୁରେ ଇତୁନ୍ ଲାଗାତିକ୍ଫୟାଃ । ଆବୁ ଧାରାମ୍ ବିଶ୍ଵାସରେୟାଃ ଏନେଟେଦ୍ ଜନିତୁ ଅକନାଃଟି, ସାମାକାଜି କାମିକଏତେ ରୁହାଡ଼ତାନ୍ଲଃ ପାର୍ମେଶ୍ଵାର୍ତାଃରେ ବିଶ୍ଵାସ, ୨ ବାପ୍ତୁଶ୍ଵା ବିଷାଏରେୟାଃ ଜନିତୁ, ବାରାନ୍ ତିଃଇ ଜିଲିକ୍, ଗନ୍ଏଃ ହଡ଼କଆଃ ଜୀଉବିନିରିଦ୍ ଆତଃ ଜାନାଅ ଜାନାଅରେୟାଃ ସାଜାକ୍, ନେ ସବେନାଃରେୟାଃ ଇତୁ ନାଜ୍ ଆତଃମିସା ନିହଁଗାତା ବାଇ କା ଲାଗାତିକ୍ଫୟାଃ । ୩ ଆବୁ ଆୟାଃତେ ସେନ୍ ଇଦିନାଃବୁ ! ଆତଃ ପାର୍ମେଶ୍ଵାର୍ ଆବୁକେ ଆବୁବୁରେଦ୍, ଆବୁ ନେଆଁବୁ କାମିୟା ।

୪ ଅକନ୍କ ଆକଆଃ ବିଶ୍ଵାସକ୍ ଆଦାକାଦା, ଜନ୍ମୁ ହେୟାତିକ୍ଫକେଦତେ ଆତଃମିସାକ୍ ରୁହାଡ଼ ଦାଡ଼ିୟା ? ଜନ୍ମୁ ମିସା ପାର୍ମେଶ୍ଵାର୍ଆଃ ମାସାଲ୍ରେ ତାଜନଃ ତାଜକେନାକ୍, ସିମାରେୟାଃ ବାଡ଼ଦାନ୍

* ୫:୨ ୫:୩ ମାଥୁର ୨୬:୫-୪୬; ମାର୍କ ୧୪:୩୨-୪୨; ଲୁକ ୨୨:୩୯-୪୬. * ୫:୧୨ ୫:୧୨ ୧ କରିଷ୍ଟିୟ ୩:୨.

ଗାଢାଅକାଦାକ ଆତଃ ପାବିତାର୍ ଆମ୍ବାରାଃ ହିସାଦାର୍ ହବାକାନାକ, ^୫ ଇନ୍କୁ ପାର୍ମେଶ୍ୱାର୍ଆଃ ବୁଗିନ୍ ବାତାନକେ ଆତଃ ହିକ୍ତଃ ଦିପିଲିରେୟାଃ ପେଡେଃକେ ଆଟ୍ଟକାର୍ ଉରୁମକାଦାକ । ^୬ ଏନ୍ରେୟ ଇନ୍କୁ ଆକଆଃ ବିଶ୍ୱାସ୍ତକେ ଆଦାକାଦାକ । ଏନାତେ ଆତଃମିସା ହେୟାତିକ୍ଷକେଦ୍ତେ ରୁହାଡ୍ତେୟାଃ ଇନ୍କୁ ନାଗେନ୍ତେ କା ହବାସାକାଅଥାଃ, ତିୟାଃତି ଇନ୍କୁ ଆକଆଃ ଜିୟନଃ ନାଗେନ୍ତେ ପାର୍ମେଶ୍ୱାର୍ଆଃ ହନ୍ଦକେ ଆତଃମିସା କୁଶ୍ରେ କିଲ୍ଲକେଦ୍ତେ ହଡ୍ ଆଲ୍ଲାରେ ଗିହୁଗିତାନାକ ।

^୭ ଅକ ଅତେରେ ସବେନ୍ ଇମ୍ତା ଗାମା ଦାଆଃ ଉୟୁଃକେଦ୍ତେ ବେଭାରେ ଲେକାନ୍ ହିତାକଏ ଅମନେଆଁ, ଏନ୍ ଅତେରେ ପାର୍ମେଶ୍ୱାର୍ଆଃ ଆଶିଷ୍ ମେନାଃ । ^୮ ମେନ୍ଦ୍ ଏନ୍ ଅତେ ଜାନୁମ୍ ଦାରୁ ଆତଃ ବୁଲିତସାଦ୍ ଅମନେରେଦ୍, ଏନାରେୟାଃ ଜେତାନ୍ ଗନଙ୍ କା ତାଜନାଃ, ଏନା ପାର୍ମେଶ୍ୱାର୍ ସାର୍ପାଆକାଦ୍ ଲେକାନାଃ ହବାଅଥା ଆତଃ ସେଜେଲ୍ଲେତେ ଜିୟନଃଆ ।

^୯ ହେ ଦୁଲ୍ଲାଡ୍, ଆଲେ ଆପେକେ ନେଲେକା କାଜିଲେରେୟ, ଆପେ ଆପେୟାଃ ଜୀଉ ବାସ୍ତାଅ ନାମେ ନାଗେନ୍ତେ ଆଶିଷ୍ ନାମେ ଲେକାପେ ହବାକାନା, ମେନ୍ତେ ଆପେୟାଃ ତେତାନରେ ଆଲେୟାଃ ବିଶ୍ୱାସ୍ ମେନାଃ । ^{୧୦} ପାର୍ମେଶ୍ୱାର୍ କା ଧାର୍ମାନ୍ନିଃ ନାହାଲିଃ । ଇନିଃ ଆପେୟାଃ କାମିକ, ବିଶେଷ୍ଟକେଦ୍ତେ ପାବିତାର୍ ହଡ୍ତକକେ ଦେଙ୍ଗା ଆତଃ ନାହା଼ ଜାକେଦ୍ ସୁସାର୍କତାନ୍ ହରାତେ ପାର୍ମେଶ୍ୱାର୍ଆଃ ନୁଡୁମ୍ ନାଙ୍ଗ୍ ଆପେ ଅକନ୍ ଦୁଲ୍ଲାଡ୍ ଉଦୁବକାଦାପେ, ଏନା ଇନିଃ କାଏ ରିଡ୍ଡିକ୍ସେୟା । ^{୧୧} ମେନ୍ଦ୍ ଆଲେୟାଃ ଇଛାସାନାଙ୍ଗ୍ ନେଆଁ ତାନାଃ, ବୁଣ୍ଡୁ ଦ୍ୱିପିଲି ଜାକେଦ୍ ଏଟାଃକ ନାଗେନ୍ତେ ଆପେୟାଃ ଦୁଲ୍ଲାଡ୍ ସବେନ୍ ଇମ୍ତା ତାଜନକା । ଏନାରେ ଆପେୟାଃ ଆସ୍ତାକାଦ୍ ସବେନାଃ ପୁରାଅଥା । ^{୧୨} ଆପେ କୁଡ୍ଡି ହବାଅଥାପେ ମେନ୍ତେ ଆଲେ କାଲେ ସାନାଙ୍ଗ୍ତାନା, ମେନ୍ଦ୍ ବିଶ୍ୱାସ୍ତରେ ପକ୍ତାକାନ୍ଦକେ ଆତଃ ଧୁରାଜ୍ରେ ତାଜନତାନ୍ ହଡ୍ତକକେ ଅତଙ୍ଗକପେ, ଆତଃ ପାର୍ମେଶ୍ୱାର୍ ବାନାର୍ସା ଏମାକାଦ୍ ସବେନ୍ ବିଷାଏ ନାମେପେ ।

ପାର୍ମେଶ୍ୱାର୍ଆଃ ବାନାର୍ସା କା ବାଦ୍ଲୀଅଥା

^{୧୩} ପାର୍ମେଶ୍ୱାର୍ ଆଗ୍ରାହାମ୍ତକେ ବାନାର୍ସା ଏମକିଃ ଇମ୍ତା, ପାର୍ମେଶ୍ୱାର୍ ଇନିଃକେ ଏମାକାଜ ବାନାର୍ସାକେ ପୁରାଏୟା ମେନ୍ତେ କିରିୟାକେଦା । ଆୟାଃତାଃଏତେ ଜେତାଏ ମାରାଙ୍ଗ୍ କା ତାଜନ୍ ହରାତେ ଇନିଃ ଆୟାଃ ନୁଡୁମ୍ତେ କିରିୟାକେଦା । ^{୧୪} ଇନିଃ କାଜିକେଦାଏ, “ଆଇଙ୍ଗ୍ ଆମ୍ତକେ ଆଶିଷ୍ମେୟାଇଙ୍ଗ୍, ଆମାଃ କିଲିକକେ ପୁରାଃଗିଇଙ୍ଗ୍ ପସାକଆ ।” ^{୧୫} ଆଗ୍ରାହାମ୍ ଧୁରାଜ୍ ସାବ୍ଦକେଦ୍ତେ ତାଙ୍ଗିକେଦା । ଏନାତେ ଇନିଃ ପାର୍ମେଶ୍ୱାର୍ଆଃ ବାନାର୍ସା ବିଷାଏ ସବେନାଃ ନାମକେଦାଏ । ^{୧୬} ହଡ୍ତକ କିରିୟାଏ ଇମ୍ତା ଆୟାଃତାଃଏତେ ମାରାଙ୍ଗ୍ ହଡ୍ତାଃ ନୁଡୁମ୍ତେ କିରିୟା ରିକାଃକ, ନେଲେକା କିରିୟାକେଦ୍ ହରାତେ ସବେନ୍ କାପ୍ତିକେୟାଃ ହକାଅଥା । ^{୧୭} ପାର୍ମେଶ୍ୱାର୍ ଅକନ୍ଦକେ ଏନ୍ ସବେନାଃ ଏମାକଆଇଙ୍ଗ୍ ମେନ୍ତେ ବାନାର୍ସା ଏମାକାଦକଆଏ, ଏନ୍ ଏମାକାଦ୍ ବାନାର୍ସାକେ ଚିଉଲ୍ଲାଅ କାଏ ବାଦ୍ଲୀଅ ଦାଡ୍ଡିୟା ମେନ୍ତେ ଇନ୍କୁକେ ବୁଗିଲେକା ଉଦୁବ୍ ନାଗେନ୍ତେ ଇନିଃ ଆୟାଃ ବାନାର୍ସାଲଃ କିରିୟାକେହ୍ ମେସାକାଦାଏ । ^{୧୮} ଆୟାଃ ବାନାର୍ସା ଆତଃ କିରିୟା, ନେ ବାରାନାଃ କା ବାଦ୍ଲୀଅଥା, ଏନାକେ ବାଦ୍ଲୀଅକେଦ୍ତେ ପାର୍ମେଶ୍ୱାର୍ ହସଡ୍ କାଏ ହବାଅଥା । ଏନାତେ ଆୟାଃତାଃରେ ତାଜନତାନ୍ ଆବୁ ସବେନ୍ଦକ ସାମନାଙ୍ଗ୍ରେ ଅକନ୍ ଆସ୍ତା ମେନାଃ ଏନାକେ ସାବ୍ଦକେତେଜେ ନାଗେନ୍ତେ ପୁରାଃଗି ଜୀଉରେ ରାସ୍ତାବୁ ନାମାକାଦା । ^{୧୯} ନେ ଆସ୍ତା ଆବୁଆଃ ଜୀଦାନରେ ଜାହାଜ୍ଜକେ ଆବ୍ଦାଏତାନ୍ ହାମ୍ତାଲ୍ ମେଡ୍ଡେ ଲେକାନାଃ ତାନାଃ । ନେଆଁ ଆସ୍ତାଏ ଆତଃ ଭାର୍ସାଏ ଲେକନାଃ ତାନାଃ । ଏନା ସିମ୍ବିଦ୍ଗୁମ୍ ମାନ୍ଦିର୍ ଅଡ଼ାଃରେୟାଃ ହାନାଡିଙ୍ଗ୍ ଦାନାଙ୍ଗ୍ଲିଜାଃ ପାରମକେଦ୍ତେ ମାରାଙ୍ଗ୍ ପାବିତାର୍ ଠାୟାଦ୍ରେ ସେଚେର୍ ଦାଡ୍ଡିକାମା । ^{୨୦} ଆବୁଆଃ ନାଗେନ୍ତେ ଯାଶୁ ସିଦାରେ ଏଗ୍ରାଃତେ ସେନ୍ ସେଚେର୍ବକାନା । ଇନିଃ ମଲ୍ଲକିସେଦକ୍ଆଃ ଆକ୍ତେୟାର୍ନିଃ ଲେକା ଜାନାଅ ଜାନାଅ ନାଗେନ୍ତେ ମାରାଙ୍ଗ୍ ଯାଜାକ୍ ହବାକାନାଏ ।



ଯାଜାକ୍ ମଲ୍ଲକିସେଦକ୍

^୧ ନେ ମଲ୍ଲକିସେଦକ୍ ସାଲେମ୍ବରାଃ ରାଜା ଆତଃ ସାଲ୍ଲାଜି ଉତାର୍ ପାର୍ମେଶ୍ୱାର୍ଆଃ ଯାଜାକ୍ ତାଜକେନାଏ । ଆଗ୍ରାହାମ୍ ଆୟାଃ ଗାତିକ ଉପୁନିୟା ରାଜାକକେ ଲାଡ଼ାଜରେ ହାରାଅକେଦ୍ତେ ରୁହାଡ୍, ତାଜକେନାକ ଇମ୍ତା, ମଲ୍ଲକିସେଦକ୍ ଇନିଃଲଃ ନେପେଲ୍ଲକେଦ୍ତେ ଇନିଃକେ ଆଶିଷ୍ଟକାଜ ତାଜକେନାଏ । ^୨ ଆତଃ ଆଗ୍ରାହାମ୍ ଇନିଃକେ ଲାଡ଼ାଜହେତେ ନାମାକାଦ୍ ହିସାଏତେ ଗେଲ୍ଲିହିସା ଏମାକାଜ ତାଜକେନାଏ । ମଲ୍ଲକିସେଦକ୍ଆଃ ନୁଡୁମ୍ରେୟାଃ ମୁଣ୍ଡି ହବାଅଥାତାନା “ଧାରାମ୍ରେନ୍ ରାଜା,” ଇନିଃ ସାଲେମ୍ରେନ୍ ରାଜା ହବାକାନ୍ ହରାତେ ଆୟାଃ ନୁଡୁମ୍ରେୟାଃ ଆତଃମିଆଦ୍ ମୁଣ୍ଡି ହବାଅଥାତାନା

“ଜୀଉସୁକୁରେନ୍ ରାଜା” । ^୩ ଫଲ୍‌କିସେଦକ୍‌ଆଃ ଏଙ୍ଗାଆପୁ ଚାଏ ପୁରୁଖା ହାଡ଼ାମକଆଃ ଚାଏ ଆୟାଃ ଜାନାମ୍ ଆତଃ ଗନଏଃ ବିଷାଏରେ ଜେଡ଼ନାଃ କା ସାରିକାନା । ଇନିଃ ପାର୍‌ମେଶ୍‌ବରଆଃ ହନ୍ ଲେକା, ଆୟାଃ ଯାଜାକ୍ କାମି ଜୀବାନ୍‌ରାଃ କା ଚୁଣ୍ଡୁ ଜାକେଦ୍ ଜାନାଅ ଜାନାଅରି ତାଇନା ।

^୪ ଏନାତେ ଉଡ଼ୁଲେପେ, ଇନିଃ ତିମିନ୍ ମାରାଙ୍ଗ୍ ତାନିଃ । ଆବୁଆଃ ସାରିୟାକାନ୍ ପୁରୁଖା ହାଡ଼ାମ୍ ଆବ୍ରାହାମ୍ ଲାଡ଼ାଜହେତେ ଜିତାଅକାନ୍ ଖୁଜ୍‌ରାଃ ମିଦ୍ ଗେଲ୍‌ହିସା* ଇନିଃକେ ଏମାକାଇ ତାଇକେନା । ^୫ ଲେବୀକଆଃ କିଲିକ୍ ଯାଜାକ୍ କାମିକ୍ କାମିୟାଃ, ଇନ୍‌କୁ ଆନ୍‌ଚୁରେୟାଃ କାଜିଲେକାତେ ଇସ୍ରାଏଲ୍ ହାଗାକତାଃଏତେ ଗେଲ୍‌ହିସାକ୍ ହାରମେୟାଁ ମେନ୍ତେ ଆଚୁକାନା । ଏନାତେ ଇସ୍ରାଏଲ୍ ହଡ଼କ୍ ଆବ୍ରାହାମ୍‌ଆଃ କିଲିକ୍ ଆତଃ ଲେବୀକଆଃ ଆପାନାଃ ହଡ଼କ୍ ତାନ୍‌କରେୟ, ଇନ୍‌କୁତାଃଏତେ ନେ'ଲେକା ଗେଲ୍‌ହିସାକ୍ ହାରମ୍ ତାଇକେନା । ^୬ ଫଲ୍‌କିସେଦକ୍ ଲେବୀ କିଲିରେନ୍ କାଏ ତାଇକେନ୍‌ରେୟ, ଇନିଃ ପାର୍‌ମେଶ୍‌ବରଆଃ ବାନାର୍‌ସା ନାମାକାଦ୍ ଆବ୍ରାହାମ୍‌ତାଃଏତେ ମିଦ୍ ଗେଲ୍‌ହିସା ନାମ୍‌କେଦ୍‌ତେ ଇନିଃକେ ଆଶିଷ୍‌କିୟା । ^୭ ଆଶିଷ୍ ଏମ୍ ହଡ଼, ଆଶିଷ୍ ନାମେ ହଡ଼ତାଃଏତେ ପୁରାଃରି ମାରାଙ୍ଗ୍‌ଆଁ, ନେଆଁରେ ଜେତାନ୍ ଆଡ଼ାଃଉଡ଼ୁ ବାନଃଆ । ^୮ ମିଦ୍ ଗେଲ୍‌ହିସା ନାମେ ଯାଜାକ୍‌କ, ମୁସିଙ୍ଗ୍ ହୁଲାଙ୍ଗ୍ ଗଜଃଆକ, ମେନ୍‌ଦ୍ ଫଲ୍‌କିସେଦକ୍ ଇନ୍‌କୁତାଃଏତେ ମାରାଙ୍ଗ୍ ତାନିଃ ମେନ୍ତେ ଗାଞ୍ଜା ଏମଃତାନା, ତିଆଃତି ଧାରାମ୍‌ପୁଅଁ ଲେକାତେ ଇନିଃ ନାହାଃ ଜାକେଦ୍ ଜାନିଦ୍ ମେନାଇୟା । ^୯ ଏନାତେ ଆବ୍ରାହାମ୍ ଫଲ୍‌କିସେଦକ୍‌କେ ଗେଲ୍‌ହିସା ଏମ୍‌କିଃ ଇମ୍‌ତା, ଅକନ୍ ଲେବୀ ନାହାଃ ଗେଲ୍‌ହିସା ନାମେତାନାଏ, ଏନ୍ ଲେବୀହରି ଫଲ୍‌କିସେଦକ୍‌କେ ଗେଲ୍‌ହିସା ଏମାକାଇ ତାଇକେନାଏ ମେନ୍ତେ କାଜିୟଃତାନା । ^{୧୦} ଇମ୍‌ତା ଲେବୀ କାଏ ଜାନାମ୍‌କାନ୍ ତାଇକେନା ଏନା ସାର୍‌ତିକାଜି ତାନାଃ, ମେନ୍‌ଦ୍ ଆବ୍ରାହାମ୍ ଫଲ୍‌କିସେଦକ୍‌ଲଃ ନେପେଲ୍‌କେନ୍ ଇମ୍‌ତା, ଇନିୟାଃ ହଡ଼ମ୍ ପୁରୁଖା ହାଡ଼ାମ୍ ଆବ୍ରାହାମ୍‌ଲଃ ତାଇକେନା ମେନ୍ତେ କାଜିଲେରେୟ ବାୟୁଃଆ ।

^{୧୧} ନେ ଲେବୀକଆଃ ଯାଜାକ୍ ହବାଅଃ ହରାତେ ଇସ୍ରାଏଲ୍ ହଡ଼କକେ ଆନ୍‌ଚୁ ଏମାକାନା । ଲେବୀକଆଃ ଯାଜାକ୍ କାମି ହରାତେ ପକ୍‌ତାକାନ୍ ହବାଅଃତେୟାଃରେଦ, ହାରୁନ୍‌ଆଃ ଆକ୍‌ତେୟାର୍‌ତେ ନେ ଲେବୀକଆଃ ଯାଜାକ୍ କାମି ହକାକେଦ୍‌ତେ, ଫଲ୍‌କିସେଦକ୍‌ଆଃ ଆକ୍‌ତେୟାର୍ ଲେକାତେ ଏଗାଃ ଆତଃମିଆଁଦ୍ ଯାଜାକ୍‌ଆଃ ଲାଗାଡ଼ିଙ୍ଗ୍ କା ତାଇକେନା । ^{୧୨} ତିୟାଃତି ଯାଜାକ୍ କାମି ବାଦ୍‌ଲାଅଃତେୟାଃରେଦ, ମୁଗାରାଃ ଆନ୍‌ଚୁହରି ବାଦ୍‌ଲାଅଃତେୟାଃ । ^{୧୩} ଅକ୍‌ଏୟାଃ ବିଷାଏରେ ଆଲେ ନେ ସବେନାଃ କାଜିତାନାଲେ, ଇନିଃ ଆବୁଆଃ ପ୍ରାଭୁ ଯୀଶୁ ତାନିଃ ଆତଃ ଏଗାଃ କିଲିରେନ୍ ତାନିଃ । ଏନ୍ କିଲିରେନ୍ ଜେତାଏ ତିଉଲାଅ ବେଦି ତେତାନ୍‌ରେ ଯାଜାକ୍ କାମି କାକ୍ ରିକା । ^{୧୪} ନେଆଁତେ ସାରିୟଃତାନା, ଇନିଃ ଆବୁଆଃ ପ୍ରାଭୁ ଯିହୁଦା କିଲିରେ ଜାନାମ୍‌କାନ୍ ତାଇକେନା ଆତଃ ଯାଜାକ୍ ହବାଅଃ ନାଗେନ୍ତେ ମୁଣା ନାବୀ ନେ କିଲିରେୟାଃ ନୁଡ଼ମ୍ ତିଉଲାଅ କାଏ କାଜି ।

ଫଲ୍‌କିସେଦକ୍‌ଆଃ ଲେକା ଆତଃମିଆଁଦ୍ ଯାଜାକ୍

^{୧୫} ନେଆଁତେ ପୁରାଃରି ସାରିୟଃତାନା, ଫଲ୍‌କିସେଦକ୍‌ଆଃ ଲେକା ଆତଃମିଆଁଦ୍ ଯାଜାକ୍‌ଆଃ ଉନ୍‌ଦୁବ୍ ହବାୟାନା । ^{୧୬} ଇନିଃ ମାନଖା ବାଜୟାକାଦ୍ ଆନ୍‌ଚୁ ଲେକାତେ ଯାଜାକ୍ କାଏ ହବାକାନ୍ ତାଇକେନା, ମେନ୍‌ଦ୍ କା ଚୁଣ୍ଡୁ ଜୀବାନ୍‌ରାଃ ପେଡ଼େଃ ହରାତେ ଯାଜାକ୍ ହବାକାନ୍ ତାଇକେନାଏ । ^{୧୭} ତିୟାଃତି ଧାରାମ୍‌ପୁଅଁରେ ଅଲ୍‌କାନା, “ଆମ୍ ଫଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାକ୍ ହବାଅଃଆମ୍, ମେନ୍ତେ ଗାଞ୍ଜା ଏମଃତାନା ।” ^{୧୮} ଏନାତେ ମାରି ଆନ୍‌ଚୁଦ୍ ନାରାବୁରା ଆତଃ ଜେତାନ୍ କାମିରେୟାଃ କା ହବାଅଃତାନ୍ ହରାତେ ଏନାକେ ବାରିୟଃତାନା । ^{୧୯} ତିୟାଃତି ମୁଣା ନାବୀ ଏମାକାଦ୍ ଆନ୍‌ଚୁ ହରାତେ ଜେଡ଼ନାଃ ପୁରାଃ ବୁଗିନାଃ ଲେକା ପକ୍‌ତା କା ହବାଦାଡ଼ିୟାନା, ମେନ୍‌ଦ୍ ନାହାଃ ଆବୁକେ ପୁରାଃ ବୁଗିନ୍ ଆସା ଏମାକାନ୍ ହରାତେ, ଆବୁ ପାର୍‌ମେଶ୍‌ବରଆଃ ହେପାଦ୍‌ତେ ସେନ୍‌ନାଙ୍ଗ୍ ଦାଡ଼ିତାନାବୁ ।

^{୨୦} ନେଆଁଏତେ ଆଦକା, ଆବୁ ନାଗେନ୍ତେ ପାର୍‌ମେଶ୍‌ବରଆଃ କିରିୟାହରି ମେନାଃ । ହାରୁନ୍‌ଆଃ କିଲିକ୍ ଯାଜାକ୍ କାମିରେ ସାଲ୍‌ୟାନ୍ ଇମ୍‌ତା ନେ'ଲେକା ଜେତାନ୍ କିରିୟା କା ଏମାକାନ୍ ତାଇକେନା । ^{୨୧} ମେନ୍‌ଦ୍ ଯୀଶୁ ଯାଜାକ୍ ହବାୟାନ୍ ଇମ୍‌ତା ପାର୍‌ମେଶ୍‌ବର କିରିୟାକେଦ୍‌ତେ କାଜିକିୟା,

“ପ୍ରାଭୁ ମିଆଁଦ୍ କିରିୟାକାଦାଏ,
ଇନିଃ ଆୟାଃ କିରିୟା କାଏ ବାଦ୍‌ଲାଅଏୟା,
ଆମ୍ ଜାନାଅ ଜାନାଅରି ଯାଜାକ୍ ହବାଅଃଆମ୍ ।”

^{୨୨} ନେ ରାଜିନାମା ହରାତେ ଯୀଶୁ ମିଆଁଦ୍ ପୁରାଃ ବୁଗିନ୍ ରାଜିନାମାରେୟାଃ ଗାଞ୍ଜାଏ ହବାକାନା ।

* ୭:୪ ୭:୪ ଦାଣ୍ଡ ଭାଗ୍

୨୩ ନେଆଁ ବାଗିକେଦ୍‌ତେ ଆଡ଼ଝମିଆଁଦ୍ ଧାରା ମେନାଃ, ଏନା ହବଅଃତାନା, ଯାଜାକ୍‌କଆଃ ଗନଏଃ ହବଅଃରେ, ଏଗାଃ ଯାଜାକ୍‌କ ଯାଜାକ୍‌ କାମିକ କାମିୟାଃ, ଏନାତେ ଯାଜାକ୍‌କ ପୁରାଃଗି ମେନାକଆ ଆତଃ ଜନକୁକେ ସବେନ୍ ହୁଲାଙ୍ଗ୍ କାଏ କାମିକଟିକତାନା । ୨୪ ମେନ୍‌ଦ୍ ଯାଶୁ ଜାନାଅ ଜାନାଅ ତାଜନାଏ ଆତଃ ଜନିୟାଃ ଯାଜାକ୍‌ କାମି ହଗି ଜାନାଅ ଜାନାଅ ତାନାଃ । ୨୫ ଆତଃ ଜନିୟାଃ ହରାତେ ପାର୍‌ମେଶ୍‌ବରଆଃ ହପରଜାପାଃତେ ହିଜୁଃତାନକକେ ନାହାଁଃ ଆତଃ ସବେନ୍ ଜମତା ଜନିଃ ଜୀଉବାଞ୍ଚାଅ ଦାଡିନିଃ ତାନିଃ, ଚିୟାଃଟି ଜନକୁ ନାଗେନ୍ତେ ପାର୍‌ମେଶ୍‌ବରାଃରେ ବିକ୍ତି ନାଙ୍ଗ୍ ଜନିଃ ଜାନାଅ ଜାନାଅଗି ତାଜନା ।

୨୬ ଆବୁଆଃ ସବେନ୍ ଲାଗାଡିଙ୍ଗ୍‌ଡେୟାଃକ ଯୋଗାଅନିଃ ଯାଶୁଗି ମାରାଙ୍ଗ୍ ଯାଜାକ୍‌ ତାନିଃ । ଜନିଃ ପାବିତାର୍, କା ଚିଟାକାନ୍, ପାପିକତାଃଏତେ ସାଙ୍ଗିନାକାନା, ଆତଃ ସିର୍ମାରେ ସବେନାଃଏତେ ପୁରାଃ ମାରାଙ୍ଗ୍ ମାଜନାନ୍ ଏମାକାନା । ୨୭ ଜନିଃ ଏଗାଃ ମାରାଙ୍ଗ୍ ଯାଜାକ୍‌ ଲେକାନ୍‌ନିଃ ନାହାଁଲିଃ, ଜନକୁଆଃ ଲେକା ଜନିଃକେ ସିଦାତେ ଆୟାଃ ପାପ୍ ନାଗେନ୍ତେ ଆତଃ ତାୟମ୍‌ତେ ଏଗାଃକଆଃ ପାପ୍ ନାଗେନ୍ତେ ସବେନ୍ ହୁଲାଙ୍ଗ୍ ଦାଗେଁରାକାବ୍ କା ଲାଗାଡିଙ୍ଗ୍‌ୟାଃ । ଜନିଃ ଆଇଃକକେଗି ଦାଗେଁ ରାକାବ୍‌କେଦ୍‌ତେ ମିସାତରା ସବେନାଃ ପୁରାଟାବାକାଦା । ୨୮ ମୁଶା ନାବୀଆଃ ଆନ୍‌ହୁ ନାରାଦୁରା ହଡ଼କକେ ମାରାଙ୍ଗ୍ ଯାଜାକ୍‌ରେୟାଃ କାମି ନାଗେନ୍ତେ ସାଲକାନା । ମେନ୍‌ଦ୍ ଆନ୍‌ହୁ ହବାୟାନ୍ ତାୟମ୍‌ତେ ପାର୍‌ମେଶ୍‌ବର ଆୟାଃ ବାନାର୍‌ସା ଆତଃ କିରିୟା ଲେକାତେ ଆୟାଃ ହନ୍‌କେ ମାରାଙ୍ଗ୍ ଯାଜାକ୍‌ ଲେକାଏ ସାଲକିୟା, ଜନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାନା ।



ୟାଶୁ ଆବୁଆଃ ମାରାଙ୍ଗ୍ ଯାଜାକ୍

୧ ଆଲେ କାଜିତାନ୍ କାଜିରେୟାଃ ମୁଣ୍ଡି ନେଆଁ ତାନାଃ, ଆବୁ ନାମାକାଇ ମାରାଙ୍ଗ୍ ଯାଜାକ୍, ସିର୍ମାରେନ୍ ମାରାଙ୍ଗ୍ ମାନାରାଙ୍ଗିନିଆଃ ରାଜଗାଦିରାଃ ଜମ୍‌ସାଃରେ ଦୁବାକାନା । ୨ ଜନିଃ ଅକନ୍ ପୁରାଃ ପାବିତାର୍ ଠାୟାଦରାଃ ସାର୍‌ଡି କୁମ୍ବା ଲାତାର୍‌ରେ ମାରାଙ୍ଗ୍ ଯାଜାକ୍ ଲେକାଏ କାମିତାନା, ଏନା ହଡ଼ତେ କା ବାଇୟାକାନା, ମେନ୍‌ଦ୍ ପ୍ରାଭୁ ଏନାକେ ବାଇୟାକାଦା ।

୩ ସବେନ୍ ମାରାଙ୍ଗ୍ ଯାଜାକ୍‌କ ପାର୍‌ମେଶ୍‌ବରଆଃ ନୁହୁମ୍‌ତେ ଦାନ୍ ରାକାବ୍ ଆତଃ ଜାଁହୁକଆଃ ଦାଗେଁ ରାକାବ୍ ନାଗେନ୍ତେକ ସାଲକାନା । ଏନାତେ ଆବୁଆଃ ନେ ମାରାଙ୍ଗ୍ ଯାଜାକ୍‌କେହଁ ଜେଡ଼ନାଃ ଦାନ୍ ରାକାବେ ନାଗେନ୍ତେ ଲାଗାଡିଙ୍ଗ୍‌ୟାଃ । ୪ ଜନିଃ ନେ ଅତେରେ ତାଇନ୍‌ଡେୟାଃରେଦ୍, ଯାଜାକ୍‌ହଁ କାଏ ହବା ସାକାଅକାନ୍‌ଡେୟାଃ, ଚିୟାଃଟି ଯିହୁଦୀକଆଃ ଆନ୍‌ହୁ ଲେକାତେ ଦାଗେଁରେୟାଃ ଦାନ୍ ରାକାବ୍ ନାଙ୍ଗ୍ ଯାଜାକ୍‌କ ମେନାକଆ । ୫ ଜନକୁ ଯାଜାକ୍‌ କାମି କାମିତାନ୍‌ଡେୟାଃ, ସିର୍ମାରେୟାଃ ନାକାଙ୍ଗ୍ ଆତଃ ଉମୁଲ୍ ଲେକନାଃ ଏସକାର୍ ତାନାଃ । ମୁଶା ନାବୀଆଃ ଦିପିଲିହେତେ ନେଲେକା ହବା ଆଉଅଃତାନା । ମୁଶା ନାବୀ ପାବିତାର୍ କୁମ୍ବା ବାଇ ନାଗେନ୍ତେ ସେକାଡ଼ଃ ତାଇକେନ୍ ଜମତା, ପାର୍‌ମେଶ୍‌ବର ଜନିଃକେ କାଜିକାଇ ତାଇକେନା, “ନେଲେମେ, ବୁରୁରେ ଆମକେ ଅକନ୍ ନାମୁନା ଉଦୁବକାନ୍ ତାଇକେନା, ଏନ୍‌ଲେକାଗି ସବେନାଃ ବାଇୟେମେ ।” ୬ ମେନ୍‌ଦ୍ ନାହାଁଃ ଯାଶୁକେ ଅକନ୍ ଯାଜାକ୍‌ କାମି ଏମାକାନା, ଏନା ଏଗାଃକଆଃ ଯାଜାକ୍‌ କାମିହେତେ ପୁରାଃ ବୁଗିନାଃ ତାନାଃ । ଏନ୍‌ଲେକାଗି ପାର୍‌ମେଶ୍‌ବର ଆତଃ ହଡ଼କଆଃ ଆଲାରେ ଜନିଃ ଅକ ରାଜିନାମା ବାଇୟାକାଦାଏ, ଏନା ପୁରାଃ ବୁଗିନାଃ ତାନାଃ, ଚିୟାଃଟି ନେ ରାଜିନାମା ପୁରାଃ ବୁଗିନାଃ ହବଅଃ ନାଗେନ୍ତେ ବାନାର୍‌ସା ଏମାକାନା ।

୭ ସିଦା ନିୟାମ୍‌ରେ ଜେତାନ୍ ଗୁହଁ କା ତାଇକାନ୍‌ରେଦ୍, ଆଡ଼ଝମିଆଁଦ୍ ନିୟାମ୍ କା ଲାଗାଡିୟାଃଡେୟାଃ । ୮ ମେନ୍‌ଦ୍ ପାର୍‌ମେଶ୍‌ବର ଆୟାଃ ହଡ଼କଆଃ ଗୁହଁ ଉଦୁବକେଦ୍‌ତେ କାଜିକେଦା,

“ପ୍ରାଭୁ କାଜିତାନାଏ, ନେତା ସେବେରଃତାନା,

ଆଇଙ୍ଗ୍ ଇସ୍ରାଏଲ୍ ହଡ଼ ଆତଃ ଯିହୁଦାରେନ୍ ହଡ଼କଲଃ ମିଆଁଦ୍ ନାଙ୍ଗା ରାଜିନାମା ବାଇୟାକଙ୍ଗ୍ ।

୯ ଆଇଙ୍ଗ୍ ଜନକୁଆଃ ପୁରଃତା ହାଡ଼ାମ୍ ହଡ଼କଆଃ ଡିଃଇ ସାବକେଦ୍‌ତେ ମିସାବ୍ ଦିଶୁମ୍‌ଏତେ ଅଡ଼ଙ୍ଗ୍ ଆଡ଼କେଦକ୍ ଜମତା,

ଅକ ରାଜିନାମା ବାଇୟାକାଦ୍ ତାଇକେନାଇଙ୍ଗ୍ ଏନା, ନେ ରାଜିନାମା ଲେକାନାଃ ନାହାଁଲିଃ । ଆଇଙ୍ଗ୍ ଜନକୁଲଃ ଅକ ରାଜିନାମା ବାଇୟାକାଦ୍ ତାଇକେନାଇଙ୍ଗ୍,

ଏନାରେ ଜନକୁ ପାଡିୟାରଃ ଲେକା କାକ ହବାୟାନା,

ଏନାତେ ଆଇଙ୍ଗ୍ ଜନକୁଆଃ କାଇଙ୍ଗ୍ ଧ୍ୟାନ୍ କେଦା ।” ପ୍ରାଭୁ କାଜିତାନାଏ,

୧୦ “ଆଇଙ୍ଗ୍ ହିଜୁଃ ଦିପିଲିରେ

ଇସ୍ରାଏଲରେନ୍ ହତକଲଃ ନେ ରାଜିନାମା ବାଇୟାଇଙ୍ଗ୍,
 ଆଇଙ୍ଗ୍ ଆଇୟାଃ ଆନୁକୃକେ ଇନକୁଆଃ ମନ୍
 ଆତଃ ମନ୍ସୁରୁଦ୍ରେ ଅଲେୟାଇଙ୍ଗ୍,
 ଆତଃ ଇନକୁଆଃ ପାର୍ମେଶ୍ୱାର୍ ହବାଅଃଇଙ୍ଗ୍,
 ଆତଃ ଇନକୁ ଆଇୟାଃ ହତ୍ ହବାଅଃଆକ ।

୧୧ ଇମ୍ବା ଇନକୁ ହପର୍ତ୍ତାପାଃରେନକକେ ତାଏ ହାଗା ମିଗିକକେ ଇନିତୁ ଏମ୍ କା ଲାଗାତିଙ୍ଗ୍ୟାଃ, ଆତଃ
 ‘ପ୍ରାଭୁକେ ଆର୍କାରିପେ ମେନ୍ତେ ଜେତାଏକେ କାଜି କା ଲାଗାତିଙ୍ଗ୍ୟାଃ,’

ତିୟାଃତି ହୁଡ୍ଡିଏତେ ମାରାଙ୍ଗ୍ ସବେନକ ଆଇଙ୍ଗ୍କେ ସାରିୟାକ ।

୧୨ ଆଇଙ୍ଗ୍ ଇନକୁଆଃ ସବେନ୍ ପାପ୍ ଛାମାକଆଇଙ୍ଗ୍

ଆତଃ ଇନକୁଆଃ ଜେତାନ୍ ଏଡକାନ୍ଆଃ କାଇଙ୍ଗ୍ ପାହାମେୟାଃ ।”

୧୩ ନେଆଁକେ ନାଞ୍ଜା ନିୟାମ୍ ମେନ୍ତେ କାଜିକେଦ୍ ହରାତେ ପାର୍ମେଶ୍ୱାର୍ ସିଦାତେୟାଃକେ ମାରିତେୟାଃ
 ମେନ୍ତେ କାଜିକେଦା ଆତଃ ଅକ୍ନାଃ ମାରିତେୟାଃ ତାନାଃ, ଏନା ଜାଲ୍ଦିନ ଜିୟନଃଆ ।



ଅତେଦିଶ୍ୱମ୍ ଆତଃ ସିର୍ମାରେୟାଃ ସେଞ୍ଜା

୧ ସିଦା ନିୟାମ୍ରେୟ ସେଞ୍ଜା ବିଷାଏରେ ତିମିନ୍ ନିୟାମ୍ କାନୁନ୍କ ବାଇୟାକାନ୍ ତାଇକେନା ଆତଃ
 ଅତେରେ ମିଆଁଦ୍ ପାବିତାର୍ ଠାୟାଦ୍ ତାଇକେନା । ୨ ଏନ୍ଲେକାଗି ମିଆଁଦ୍ ସେଞ୍ଜାରେୟାଃ କୁମ୍ବା
 ବାଇୟାକାନ୍ ତାଇକେନା । ଏନାରେ ତାଇକାନ୍ ପାହିଲା ହିସାରେ ଦିଆ ଦହ ଖୁଶୁ, ମିଆଁଦ୍ ଚେତୁଲ୍
 ଆତଃ ଚେତୁଲ୍ ଚେତାନ୍ରେ ପାର୍ମେଶ୍ୱାର୍କେ ଏମାକାନ୍ ହଲଙ୍ଗ୍ ତାଇକେନା । ଏନାକେ ପୁରାଃ ପାବିତାର୍
 ଠାୟାଦ୍ ମେନ୍ତେ କାଜିୟାଃକ । ୩ କୁମ୍ବାରେୟାଃ ପାବିତାର୍ ଠାୟାଦ୍ତାଃରେ ହାନାରିଙ୍ଗ୍ ଦାନାଙ୍ଗ୍ଲିଜାଃରାଃ
 ତାୟମ୍ରେ ଅକନ୍ ଠାୟାଦ୍ ମେନାଃ, ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେ କାଜିୟାଃ । ୪ ଏନ୍ତାଃରେ
 ମିଆଁଦ୍ ବୁଗିନ୍ ସହାନ୍ ନାଙ୍ଗ୍ ଧୁଆନ୍ ଉରୁବେତେୟାଃ ସୋନାରେୟାଃ ଆତଃ ଉପୁନ୍ସାଃରେ ସୋନାତେ
 ଦାପାଲାକାନ୍ “ରାଜିନାମାରାଃ ବାକ୍ସା” ତାଇକେନା । ଏନ୍ ବାକ୍ସା ଭିତାର୍ରେ “ମାନ୍ନା” ଦହାକାନ୍
 ସୋନାରେୟାଃ ମିଆଁଦ୍ ତାସ୍ଜି ତାଇକେନା, ହାରୁନ୍ଆଃ ପୁଡାକାନ୍* ମିଆଁଦ୍ ସମା ଆତଃ ପାର୍ମେଶ୍ୱାର୍ଆଃ
 ଆନ୍ରୁ ଅଲ୍ଲାକାନ୍ ବାରିଆ ଚାକାର୍ ଦିରି ତାଇକେନା । ୫ ବାକ୍ସା ଚେତାନ୍ରେ ପାର୍ମେଶ୍ୱାର୍ ମେନାଇୟା
 ମେନ୍ତେ ଉତୁବେତାନ୍ ମାନାରାଙ୍ଗ୍ରେନ୍ ବାରିଆ ଆପୁର୍ବ୍ ତାଇକେନ୍ କିରୁବ୍ଦୁଡ୍କିନ୍ ତାଇକେନା ।
 ଇନ୍କିନ୍ ପାପ୍ ଛାମା ଠାୟାଦ୍ ଚେତାନ୍ରେ ଆପୁର୍ବ୍ ଚାକାର୍କେଦ୍ତେ ତାଇକେନାକିନ୍, ମେନ୍ଦ୍ ନେ
 ସବେନାଃରାଃ ସାର୍ଡିକାଜି ମିମିଆଦ୍ତେ ଉତୁବ୍ କା ଲାଗାତିଙ୍ଗ୍ୟାଃ ।

୬ ଏନ୍ତାଃରେ ନେଲେକା ବାଇକାନ୍ ତାଇକେନା, ଯାଜକ୍ ସେଞ୍ଜା ନାଗେନ୍ତେ ସବେନ୍ ହୁଲାଙ୍ଗ୍
 କୁମ୍ବାରେୟାଃ ପାହିଲା ହିସାତେ ବଲୟାନ୍ଲଃ ଆକଆଃ କାମିକ କାମିୟାଃ, ୭ ମେନ୍ଦ୍ କୁମ୍ବାରେୟାଃ
 ଆତଃମିଆଁଦ୍ ହିସାତେ ମାରାଙ୍ଗ୍ ଯାଜାକ୍ ଏସକାର୍ ବଲ ଦାଡ୍ଡିୟାଏ । ଇନିଃଆୟାଃ ନାଗେନ୍ତେ ଆତଃ ହତ୍ତକ
 ବେଗାର୍ ସାରିତେ ପାପ୍କାଦ୍ ନାଗେନ୍ତେ, ପାର୍ମେଶ୍ୱାର୍ତାଃରେ ଏମାକାଦ୍ ମାୟୋମକେ ସାବ୍କେଦ୍ତେ
 ମିଦ୍ ବାରାଷ୍ଟରେ ମିସାଗି ଏନ୍ ଠାୟାଦ୍ତେ ବଲଆ । ୮ ପାବିତାର୍ ଆମ୍ବା ନେ ସବେନାଃ ହରାତେ
 ବୁଗିଲେକାଏ ଇତୁଆଃ ଯେ, କୁମ୍ବାରେୟାଃ ପାହିଲା ହିସା ତାଇକନ୍ ଜାକେଦ୍, ପୁରାଃ ପାବିତାର୍ ଠାୟାଦ୍ତେ
 ବଲ ନାଗେନ୍ତେ ହରା କା ନିଜାକାନା । ୯ କୁମ୍ବାରେୟାଃ ନେ ପାହିଲା ହିସା, ନେ ଦିପିଲି ନାଗେନ୍ତେ ଜନ୍କା
 ଲେକାନାଃ ତାନାଃ । ନେଆଁରେୟାଃ ମୁଣ୍ଡି ହବାଅଃତାନା, ପାର୍ମେଶ୍ୱାର୍ଆଃ ନାଗେନ୍ତେ ଦାନ୍ ରାକାଦ୍ ଆତଃ
 ଜାଁତୁକଆଃ ଦାଣ୍ଡୋରାକାଦ୍ ସେଞ୍ଜାତାନ୍ନିଆଃ ମନ୍ସୁରୁଦ୍କେ କାଏ ପକ୍ତା ଦାଡ୍ଡିୟା । ୧୦ ତିୟାଃତି ଏନ୍
 ସବେନାଃ ଜମେ, ନୁଁଏତେୟାଃ ଏସକାର୍ ତାନାଃ ଆତଃ ରାକାମ୍ ରାକାମ୍ରେୟାଃ ଆବୁଙ୍ଗ୍ ଫାଡ୍ଡିୟାଃ
 କାମିକ ଆତଃ ହତ୍ ନେପେଲ୍ରେ କାମିୟାଃତାନ୍ ଲେକାନାଃ ଏସକାର୍ ତାନାଃ । ପାର୍ମେଶ୍ୱାର୍ଆଃ ନାଞ୍ଜା
 ନିୟାମ୍ କାନୁନ୍କ ହବାଅଃ ଜାକେଦ୍ ନେ ସବେନାଃରାଃ ଲାଗାତିଙ୍ଗ୍ ତାଇକେନା ।

୧୧ ମେନ୍ଦ୍ ନାହାଁଃ ଅକନ୍ ସବେନ୍ ବୁଗିନ୍ ବିଷାଏ ଆବୁ ନାମାକାଦାବୁ, ଏନ୍ ସବେନାଃରାଃ ମାରାଙ୍ଗ୍
 ଯାଜାକ୍ ଲେକା ଖ୍ରୀଷ୍ଟ୍ ହିଜୁଃକାନାଏ । ଅକନ୍ କୁମ୍ବାରେ ଇନିଃସେଞ୍ଜା କାମିତାନାଏ, ଏନା ପୁରାଃ ମାରାଙ୍ଗ୍ଆଁ
 ଆତଃ ସିର୍ମାରେ ପୁରାଃ ବୁଗିନାଃ ତାନାଃ । ଏନାଦ୍ ହତ୍ତେ କା ବାଇୟାକାନା, ଆତଃ ବାଇୟାକାନ୍
 ଅତେଦିଶ୍ୱମ୍ରେୟାଃ ହିସା ନାହାଁଲାଃ । ୧୨ ଖ୍ରୀଷ୍ଟ୍ ଏନ୍ କୁମ୍ବା ହରାତେ ମିସାଗି ପୁରାଃ ପାବିତାର୍ ଠାୟାଦ୍ତେ

* ୧:୪ 9:4 ନାଗ୍ଗା

ବଲୟାନ୍ ଇମ୍ପତା ଇନିଃ ମେରମ୍ ତାଏ ବାଛାରାଃ ମାୟୋମ୍‌କେ ଦାଣ୍ଠେଁ ରାକାବ୍ ନାଜ୍ କା ଇଦିକେଦ୍‌ତେ ଆୟାଃ ମାୟୋମ୍‌କେଗି ଇଦିକେଦା ଆତଃ ଆବୁଆଃ ନାଗେନ୍ତେ ଜାନାଅ ଜାନାଅ ଜୀଉ ବାଆଅରେୟାଃ କାମି କାମିକେଦା । ୧୩ ଅକନ୍ ହଡ଼କ କାଜିକାମି କା ମାନାତିଜ୍ ହରାତେ ସତ୍‌ରାଅଃତାନାକ, ଇନ୍‌କୁ ମେରମ୍‌କଆଃ ମାୟୋମ୍ ତାଏ ସୀଣ୍‌କଆଃ ମାୟୋମ୍ ଆତଃ ଉରୁବାକାନ୍ ଦାମୁରୁହନ୍‌ଆଃ ତରେକ୍‌ତେ ହିରୁତିକେଦ୍‌ତେ ଆକଆଃ ସତ୍‌ରାଏତେକ ଫାର୍‌ତିୟଃତାନା । ୧୪ ନେଆଁ ସାର୍‌ତି ତାନାଃରେଦ, ଅକନ୍ ଖ୍ରୀଷ୍ଟ ଜାନାଅ ଜାନାଅ ଆମ୍‌ରାଃ ହରାତେ ପାର୍‌ମେଶ୍ୱାର୍‌ଆଃ ଆୟାରରେ ଆପାନ୍‌କେ ବେଗାର୍ ଦାଗିୟାକାନ୍ ଦାଣ୍ଠେଁରାକାବ୍ ଲେକାଏ ଦାଣ୍ଠେଁୟାନା । ଇନିୟାଃ ମାୟୋମ୍ ଚିମିନାଜ୍ ପୁରାଃ ଆଦକା ଲାଗାତିଜ୍ କା ହବାଅଃଆ ? ଇନିୟାଃ ଏନ୍ ମାୟୋମ୍ ହରାତେ ରିତିରିଝାଜ୍‌ରେୟାଃ ସାମାକାଜି କାମିକ୍‌ଏତେ ଆବୁଆଃ ବିବେକ୍ ଫାର୍‌ତିୟଃଆ, ଏନାତେ ଆବୁ ଜାନିଦ୍ ପାର୍‌ମେଶ୍ୱାର୍‌ଆଃ ସେଝାବୁ ରିକାଦାଡ଼ିୟା ।

୧୫ ନେ ହରାତେ ଖ୍ରୀଷ୍ଟି ନାଝା ରାଜିନାମା ଠାହାରାଅକାଦାଏ, ଏନାତେ ଅକନ୍‌କ ପାର୍‌ମେଶ୍ୱାର୍‌ତେ କେଡ଼ାକାନାକ, ଇନ୍‌କୁକେ ପାର୍‌ମେଶ୍ୱାର୍‌ଆଃ ବାନାରୁସା ଏମାକାଦ୍ ଜାନାଅ ଆଣିଷ୍ଟକ ନାମେୟାଁ । ସିଦାରାଃ ରାଜିନାମାରେ କାମିୟଃତାନ୍ ତାଇକେନ୍ ଇମ୍ପତା, ହଡ଼କ ଅକନ୍ ପାପ୍‌କାମିକ କାମିକାଦା, ଏନା ଖ୍ରୀଷ୍ଟଆଃ ଗନଏଃହେତେ ଏସକାର୍ ରାଡ଼ାଅଃଆ ।

୧୬ ମିଆଁଦ୍ ଏମଃ ଅନଲ୍‌ଚିଠା ନିୟାମ୍ ଲେକା ହବାକାନ୍‌ରେ, ଏମଃ ଅନଲ୍‌ଚିଠା ବାଇୟାକାଦ୍ ହଡ଼ଆଃ ଗନଏଃ ହବାକାନା ମେନ୍ତେ ଉଦୁବ୍ ଲାଗାତିଜ୍‌ୟାଃ । ୧୭ ଚିୟାଃଚି ଏମଃ ଅନଲ୍‌ଚିଠା ବାଇୟାକାଦ୍ ହଡ଼ ଜାନିଦ୍ ତାଇନ୍ ଜାକେଦ୍ ଅନଲ୍‌ଚିଠାରାଃ ନିୟାମ୍ ଜେତାନ୍ କାମିରେ ବାନଃଆ, ଇନିୟାଃ ଗନଏଃ ତାୟମ୍‌ତେ ଏସକାର୍ ଏନାରେୟାଃ କାମି ହବା ଦାଡ଼ିୟଃଆ । ୧୮ ଏନାମେନ୍ତେ ସିଦା ରାଜିନାମାଁ ହଗି ବେଗାର୍ ମାୟୋମ୍ ଲିଜ୍‌ତେ କା ବାଇୟାକାନା । ୧୯ ସିଦାତେ ମୁଗା ନାବୀ ଆନ୍‌ଚୁରାଃ ଆନାଚୁକ ହଡ଼କତାଃରେ ଉଦୁବ୍‌କେଦା । ଏନ୍ତେ ଇନିଃ ବାଛା ଆତଃ ମେରମ୍‌କଆଃ ମାୟୋମ୍‌ଲଃ ଦାଆଃ ମେସାକେଦ୍‌ତେ, ଏସାଏବ୍ କତ ଆତଃ ବାଇଗିନିଆ ଉନ୍‌ତେ ଆନ୍‌ଚୁରେୟାଃ ପୁଅରେ ଆତଃ ସବେନ୍ ହଡ଼କଆଃ ଚେତାନ୍‌ରେ ହିରୁତିକେଦା । ୨୦ ଇନିଃ କାଜିକେଦାଏ, “ପାର୍‌ମେଶ୍ୱାର୍ ଆପେକେ ଅକନ୍ ରାଜିନାମା ମାନାତିଜ୍ ନାଗେନ୍ତେ ଅଧୁକାଦ୍‌ପେୟା, ନେ ମାୟୋମ୍ ଏନ୍ ରାଜିନାମାକେ ମୋହର୍ କାଦା ।” ୨୧ ଏନ୍‌ଲେକାଗି ଇନିଃ ପାବିତାର୍ କୁମ୍‌ଆତଃ ସେଝା କାମିରେ ଅତଜ୍‌ଅଃତାନ୍ ସବେନାଃରେ ମାୟୋମ୍‌କେ ହିରୁତିକେଦା । ୨୨ ଆତଃ ଆନ୍‌ଚୁ ଲେକାତେ ସବେନାଃରେ ମାୟୋମ୍‌ତେ ଫାର୍‌ତିୟଃଆ, ଆତଃ ବେଗାର୍ ମାୟୋମ୍ ଲିଜ୍‌ତେ ପାପ୍ ଛାମା କା ହବାଅଃଆ ।

ଖ୍ରୀଷ୍ଟଆଃ ଦାଣ୍ଠେଁରାକାବ୍ ପାପ୍‌କେ ସାଜ୍‌ନେୟା

୨୩ ଅକନ୍ ବିଷାଏକ ସିମ୍‌ରେୟାଃ ନାମୁନା ଲେକ୍‌ନାଃ ତାନାଃ, ଏନ୍ ସବେନାଃ ମାୟୋମ୍‌ତେ ଫାର୍‌ତିୟଃ ଲାଗାତିଜ୍ ତାଇକେନା, ମେନ୍‌ଦ୍ ସିମ୍‌ରେୟାଃ ବିଷାଏକ ନାଗେନ୍ତେ ନେ ସବେନାଃଏତେ ପୁରାଃ ମାରାଜ୍ ଦାଣ୍ଠେଁ ରାକାବ୍‌କେଦ୍‌ତେ ଫାର୍‌ତିୟଃ ଲାଗାତିଜ୍ ମେନାଃ । ୨୪ ଅକ୍‌ନାଃ ହଡ଼ତେ କା ବାଇୟାକାନା, ଏନ୍‌ଲେକାନ୍ ମିଆଁଦ୍ ପୁରାଃ ପାବିତାର୍ ଠାୟାଦ୍‌ତେ ଖ୍ରୀଷ୍ଟ ସେନାକାନାଏ । ଏନା ସାର୍‌ତିତେୟାଃରାଃ ନାକାଲ୍ ତାନାଃ । ଇନିଃ ଆଇଃକ୍‌ଗି ସିମ୍‌ତେ ସେନାକାନା, ଏନ୍ତାଃରେ ଆବୁଆଃ ନାଗେନ୍ତେ ନାହାଁଃ ପାର୍‌ମେଶ୍ୱାର୍‌ଆଃ ହେପାଦ୍‌ରେ ମେନାଲୟା । ୨୫ ଯିହୁଦୀ ମାରାଜ୍ ଯାଜାକ୍ ଜେଁଲେକା ମିଦ୍ ବାରାଷ୍‌ରେ ମିସା ଜାଁଚୁରାଃ ମାୟୋମ୍ ସାବ୍‌କେଦ୍‌ତେ ପୁରାଃ ପାବିତାର୍ ଠାୟାଦ୍‌ତେ ସେନା, ଏନ୍‌ଲେକା ଇନିଃ ପାଡ଼ିୟାଡ଼ି ଦାଣ୍ଠେଁ ରାକାବ୍ ନାଗେନ୍ତେ କାଏ ସେନ୍ । ୨୬ ତାବ୍‌ଦ୍ ଇନିଃକେ ଅତେଦିଶ୍ୱମରାଃ ବାଇୟଃ ହୁଲାଜ୍‌ତାଃଏତେ ପୁରାଃଗି ଦୁକୁ ସାହାତିଜ୍ ହବାକାନ୍‌ତେୟାଃ । ମେନ୍‌ଦ୍ ଚୁଣ୍ଟୁ ଦିପିଲିରେ ଇନିଃ ଆପାନ୍‌କେ ଦାଣ୍ଠେଁ ରାକାବ୍ ହରାତେ ଜାନାଅ ଯୁଗ୍ ନାଜ୍ ପାପ୍‌ରାଃ ପେଡ଼େଃକେ ଜିୟନେ ନାଗେନ୍ତେ ହିଜୁଃକାନ୍ ତାଇକେନାଏ । ୨୭ ସବେନ୍ ହଡ଼କଆଃ ମିସାଗି ଗନଏଃ ହବାଅଃଆ ଆତଃ ଏନ୍ ତାୟମ୍‌ତେ ପାର୍‌ମେଶ୍ୱାର୍‌ଆଃ ବିଚାର୍ ହବାଅଃଆ । ୨୮ ଏନ୍‌ଲେକାଗି ପୁରାଃ ହଡ଼କଆଃ ପାପ୍ ସାଜ୍‌ନେ ନାଗେନ୍ତେ ଖ୍ରୀଷ୍ଟ ମିସାଗି ଦାଣ୍ଠେଁୟାନା । ଇନିଃ ଆତଃମିସାଏ ହିଜୁଃଆ, ଇମ୍ପତା ପାପ୍ ନାଗେନ୍ତେଦ୍ ବାନଃଗି, ମେନ୍‌ଦ୍ ଆଇଃକ୍‌କେ ନେଲ୍‌ହରାଇ ତାନ୍‌କେକେ ଜୀଉବାଆଅ ନାଗେନ୍ତେ ହିଜୁଃଆ ।

୧୦

୧ ଯିହୁଦୀକଆଃ ଆନ୍‌ଚୁ ହିଜୁଃତାନ୍ ବୁଗିନ୍ ସାର୍‌ତି ବିଷାଏରେୟାଃ ମିଆଁଦ୍ ଉମ୍‌ଲୁ ଲେକାନାଃ ତାନାଃ । ସବେନ୍ ଇମ୍ପତା ବାରାଷ୍‌କେ ବାରାଷ୍ ଏନ୍ ମିଦ୍ ରାକାମ୍ ଦାଣ୍ଠେଁ ରାକାବଃତାନା । ଅକନ୍‌କ

† e:er 9:18 ଭୁକ୍ତି

ପାର୍ବତ୍ୟାଶ୍ରମରେ ଯେତେବେଳେ ହିନ୍ଦୁମାନେ, ଆଇନରେୟାଃ ଏବଂ ସବେନ୍ ଦାଣ୍ଡେ ହରାତେ ଇନ୍ଦୁ ତିନାଃ ପକ୍ତା ଦାଢ଼ିୟାଃତାନାକ ? ^୨ ନେଲେକାତେ ପାର୍ବତ୍ୟାଶ୍ରମରେ ଯେତେବେଳେ ପାପୁହେତେ ସାର୍ବତ୍ରି ବିବେକରେ ଫାର୍ତ୍ତି ଦାଢ଼ିୟାଃତେୟାଃକରେଦ, ଇନ୍ଦୁ ଆପାନ୍ଦକେ ପାପି ମେନ୍ତେ କାକ ଆବ୍ଦାରେନ୍ତେୟାଃ ଆତଃ ସବେନ୍ ଦାଣ୍ଡେ ହକାଅଃତେୟାଃ । ^୩ ମେନ୍ଦ ଏନ୍ଲେକା କା ହବାକେଦତେ ବାରାଷ୍ଟକେ ବାରାଷ୍ଟ ଦାଣ୍ଡେ ରାକାବ୍ ହରାତେ ହଡ଼କକେ ଆକଆଃ ପାପୁକେ ପାହାମ୍ଭଜତିକ ତାନା । ^୪ ଚିୟାଃତି ସାଣ୍ଡକଆଃ ଆତଃ ମେରମକଆଃ ମାୟୋମ୍ଭତେ ପାପୁ କା ସାଜ୍ଜିନ୍ଦ ଦାଢ଼ିୟାଃତି ।

^୫ ଏନାମେନ୍ତେ ଖ୍ରୀଷ୍ଟ ଅତେଦିଶ୍ୱମତେ ହିନ୍ଦୁସିଦାରେ ପାର୍ବତ୍ୟାଶ୍ରମକେ କାଜିକିୟା,

“ଆମ୍ ଦାଣ୍ଡେ ଆତଃ ଦାନ୍ ଏମକରେ କାମ୍ ସୁକୁଃଆ,

ମେନ୍ଦ ଆଇଁୟାଃ ନାଗେନ୍ତେ ମିଆଁଦ୍ ହଡ଼ମ୍ ସେକାଡ଼ାକାଦାମ୍ ।

^୬ ପାପୁକ ସାଜ୍ଜିନେ ନାଗେନ୍ତେ ଆମ୍ ବେଦି ଚେତାନ୍ରେ ଉରୁବ୍ ଦାଣ୍ଡେ ତାଏ ଜାଁତୁକଆଃ ଦାଣ୍ଡେରେ କାମ୍ ସୁକୁଃଆ ।

^୭ ଏନାତେ ଆଇଁକା କାଜିକିୟାଇଙ୍ଗ୍,

ଆନ୍ଦୁ ପୁଅରେ ଆଇଁୟାଃ ବିଷାଏ ଅଲ୍ଲାନା,

ହେ ପାର୍ବତ୍ୟାଶ୍ରମ, ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିନ୍ଦୁଆକାନା ।”

^୮ ସିଦାତେ ଇନିଃ କାଜିକେଦାଏ, “ଆମ୍ ହଡ଼ରାଃ ପାପୁ ସାଜ୍ଜିନେ ନାଗେନ୍ତେ ଦାଣ୍ଡେରାକାବ୍ ତାଏ ଦାନ୍ ଏମ୍ ଆତଃ ବେଦି ଚେତାନ୍ରେ ଜାଁତୁକଆଃ ଉରୁବ୍ ଦାଣ୍ଡେକ କାମ୍ ଆସିୟା, ଏନ୍ ସବେନାଃରେ ଆମାଃ ସୁକୁ ବାନଃଆ ।” ନେ ସବେନ୍ ଦାଣ୍ଡେ ମୁଣାଋଃ ଆନ୍ଦୁ ଲେକାତେ ହବାଅଃ ତାଇକେନ୍ରେୟା, ଇନିଃ ନେ ଲେକାଏ କାଜିକାଦ୍ ତାଇକେନା । ^୯ ଏନ୍ତେ ଇନିଃ କାଜିକେଦାଏ, “ହେ ପାର୍ବତ୍ୟାଶ୍ରମ, ଆଇଙ୍ଗ୍ ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିନ୍ଦୁଆକାନା ।” ଏନାତେ ପାର୍ବତ୍ୟାଶ୍ରମ ସିଦା ଦାଣ୍ଡେରାକାବ୍ତେୟାଃକେ ଆତମକେଦତେ, ଏନାରେୟାଃ ବାଦଲ୍ଲାରେ ଖ୍ରୀଷ୍ଟଆଃ ଦାଣ୍ଡେକେ ଦହକେଦା । ^{୧୦} ଚିୟାଃତି ଯାଶୁ ଖ୍ରୀଷ୍ଟ ମିସାରି ଆୟାଃ ହଡ଼ମକେ ସବେନ୍ଦକଆଃ ନାଙ୍ଗ୍ ଦାନ୍ ଏମକେଦତେ ପାର୍ବତ୍ୟାଶ୍ରମ ମନେଲେକାଏ କାମିକେଦା, ଏନାତେ ଆବୁ ସବେନ୍ଦକ ପାପୁହେତେ ଫାର୍ତ୍ତିୟାକାନାବୁ ।

^{୧୧} ଯିହୁଦୀ ଯାଜାକ୍ ସବେନ୍ ହୁଲ୍ଲାଙ୍ଗ୍ ଆକଆଃ ସୁସାର୍ କାମି ନାଗେନ୍ତେ ଆତଃ ପାପୁପାପୁ ଏନ୍ ମିଦରାକାମ୍ରି ଦାଣ୍ଡେରାକାବ୍ ତାନାକ, ମେନ୍ଦ ନେ ସବେନ୍ ଦାଣ୍ଡେରାକାବ୍ ହରାତେ ଚିଉଲ୍ଲାଅ ପାପୁ କା ସାଜ୍ଜିନଃଆ । ^{୧୨} ମେନ୍ଦ ଖ୍ରୀଷ୍ଟ ପାପୁ ନାଗେନ୍ତେ ମିସାରି ଦାଣ୍ଡେୟାନ୍ତି ଜାନାଅ ଜାନାଅ ନାଗେନ୍ତେ ପାର୍ବତ୍ୟାଶ୍ରମ ଜମ୍ଭିଃସାଃରେ ଦୁବ୍‌ୟାନା । ^{୧୩} ପାର୍ବତ୍ୟାଶ୍ରମ ଆୟାଃ ବାଞ୍ଚିକକେ ପୁରା ଆଉରି ହାରାଅକ ଜାକେଦ୍ ଇନିଃ ଏନ୍ତାଃରେଗି ନେଲ୍ ହରାତାନା । ^{୧୪} ମିଆଁଦ୍ ଦାଣ୍ଡେରାକାବ୍ ହରାତେ ଅକନ୍ଦକ ପାପୁହେତେ ଫାର୍ତ୍ତିୟାକାନାକ, ଇନ୍ଦୁକେ ଇନିଃ ଜାନାଅ ଜାନାଅ ନାଗେନ୍ତେ ପକ୍ତାକାଦକଆ ।

^{୧୫} ଆତଃ ପାବିତାର୍ ଆମ୍‌ହରି ଆବୁକେ ଇନିୟାଃ ଗାଞ୍ଜା ଏମକେଦତେ କାଜିକାଦା,

^{୧୬} “ପ୍ରାଭୁ କାଜିୟାଃଏ,

ହିନ୍ଦୁସିଦାରେ ଆଇଙ୍ଗ୍ ଇନ୍ଦୁଲ୍ଲଃ ନେ ନାଞ୍ଜା ରାଜିନାମା ବାଈୟାଇଙ୍ଗ୍,

ଆଇଙ୍ଗ୍ ଆଇଁୟାଃ ଆନ୍ଦୁକେ ଇନ୍ଦୁଆଃ ମନ୍‌ସୁରୁଦ୍ରେଇଙ୍ଗ୍ ଦହୟା

ଆତଃ ଆକଆଃ ମନ୍‌ରେଇଙ୍ଗ୍ ଅଲେୟା ।”

^{୧୭} ଇନିଃ ଆତଃଗି କାଜିୟାଃ, “ଆଇଙ୍ଗ୍ ଇନ୍ଦୁଆଃ ପାପୁ ଆତଃ ଏଡ଼କାନ୍ କାମିକ କାଈଙ୍ଗ୍ ପାହାମେୟା ।” ^{୧୮} ଏନାତେ ଇନ୍ଦୁ ଛାମା ନାମାକାଦ୍ରେଦ, ପାପୁ ଛାମା ନାଗେନ୍ତେ ଆତଃମିସା ଦାଣ୍ଡେରାକାବ୍ କା ଲାଗାତିଙ୍ଗ୍‌ୟାଃ ।

ପାର୍ବତ୍ୟାଶ୍ରମରେ ହେପାଦତେ ହିନ୍ଦୁମାନେ

^{୧୯} ଏନାତେ ହେ ହାଗା ମିଶିକ, ଯାଶୁଆଃ ଗନଏଃ ହରାତେ ଆବୁ ପୁରାଃ ପାବିତାର୍ ଠାୟାଦ୍ରେ ବଲ୍ଲ ନାଗେନ୍ତେ ପୁରା ଆକ୍ତେୟାବ୍‌ରୁ ନାମାକାଦା । ^{୨୦} ପାବିତାର୍ ଆତଃ ପୁରାଃ ପାବିତାର୍ ଠାୟାଦ୍ରେୟାଃ ହାନାରିଙ୍ଗ୍ ଆଲ୍ଲାରେ ତୁଙ୍ଗାକାନ୍ ଦାନାଙ୍ଗ୍‌ଲିଜାଃ ହରାତେ ବଲ୍ଲ ନାଙ୍ଗ୍ ଯାଶୁଆଃ ଗନଏଃ ହରାତେ ଆବୁଆଃ ନାଙ୍ଗ୍ ମିଆଁଦ୍ ଜାନିଦ୍‌ରାଃ ନାଞ୍ଜା ହରା ନିଜାକାନା । ^{୨୧} ପାର୍ବତ୍ୟାଶ୍ରମ ଅତଃ ନାହାଁଃ ଆବୁଆଃ ମାରାଙ୍ଗ୍ ଯାଜାକ୍‌ଆଃ ଜିମାରେ ମେନାଃ । ^{୨୨} ଏନାତେ ଆବୁ ଫାର୍ତ୍ତି ମନ୍‌ସୁରୁଦ୍ରେ ଆତଃ ସାର୍ବତ୍ରି ବିଶ୍ୱାସଲ୍ଲଃ ପାର୍ବତ୍ୟାଶ୍ରମ ହେପାଦତେବୁ ସେନା, ଚିଆଃତି ଆବୁ ନାହାଁଃ ଚିଟାକାନ୍ ବିବେକ୍‌ହେତେ ଖ୍ରୀଷ୍ଟଆଃ ମାୟୋମ୍ଭତେ ଫାର୍ତ୍ତିକାନାବୁ ଆତଃ ଆବୁଆଃ ହଡ଼ମ ନିରାଲ୍ ଦାଆଃରେ ଆବୁଙ୍ଗ୍‌କାନା ।

୨୩ ଆବୁଆଃ ଅକନ୍ଦ ଆସ୍ତା ମେନାଃ ମେନ୍ତେ କାଜିତାନାବୁ, ଏନାରେ ଆବୁ ପୁରାଃ ପକ୍ତାକେଦ୍ଦେତେ ତାଇନ୍ଦ ଲାଗାଡିଙ୍ଗିୟାଃ, ଚିୟାଃତି ଆବୁ ପାର୍ମେଶ୍ୱାରୁଆଃ ବାନାର୍ସାରେ ପାଡିୟାର ଦାଡିୟାବୁ । ୨୪ ଦୁଲାଡୁ ଆଡଃ ବୁଗିନ୍ କାମି ନାଗେନ୍ତେ ମିହୁଡୁ, ଆଡଃମିହୁଡୁଲିଃ ଦେଙ୍ଗାଝାଃବୁ । ୨୫ ଅକନ୍ଦକ କାଲିସିୟାରେ ହୁଣ୍ଡିୟଃ ନାଗେନ୍ତେ କାକ ସାନାଙ୍ଗତାନା, ଇନ୍ଦକୁଆଃ ଲେକା ଆବୁ କାବୁ କାମିୟା । ମେନ୍ଦ୍ ପ୍ରାଭୁଆଃ ହିନ୍ଦୁଃ ହୁଲାଙ୍ଗ ନାଡେଜଃ ତାନା ମେନ୍ତେ ସାରିକେଦ୍ଦେତେ ମିହୁଡୁ, ଆଡଃମିହୁଡୁଆଃ ଜାଉରେ ରାସ୍କା ଏମ୍ତାନିଲିଃ ତାଇନାଃବୁ ।

୨୬ ଆବୁତାଃରେ ସାନାରୁଡି ଉଦୁବୟନ୍ଦ ତାୟମ୍ତେ ଆବୁ ସାରି ସାରିଗି ପାପ କାମିରେ ତାଇନାଃବୁରେଦ୍, ଆଡଃ ଜେତାନ୍ ଦାଣ୍ଡେ ଆବୁକେ ପାପୁହେତେ ରାଡ଼ା କାଏ ଦାଡିୟା । ୨୭ ତାବ୍ଦ, ଆବୁ ହିନ୍ଦୁଃତାନ୍ ମାରାଙ୍ଗ ବିଚାରରେ ପାର୍ମେଶ୍ୱାରୁଆଃ ବିରୁଧରେ କାଜିକଟଙ୍ଗ ହଡ଼କ ନାଗେନ୍ତେ ତାଇନ୍ଦକାନ୍ ପୁରାଃଗି ସେଜେଲରେ ଜିୟନଃ ଦାସାକେ ବରକେଦ୍ଦେତେ ତାଜିତେୟାଃଏତେ ଆବୁଆଃ ଏଗାଃ ଦାସା ବାନଃଆ । ୨୮ ଜେତାଏ ମୁଣା ନାବୀଆଃ ଆନ୍ଦୁ କାଏ ମାନାତିୟେଆ ଆଡଃ ବାରିଆ ଚାଏ ଏନାଏତେ ଆଦକା ଗାଝା ଏମ୍ ହଡ଼କଆଃ ଗାଝାତେ ଇନିଃ ଗୁଞ୍ଜା ମେନ୍ତେ କାଜିୟଃଆ, ଆଡଃ ଇନିଃକେ କା ଲିନିବୁଲକେଦ୍ଦେତେ ଗନ୍-ଏଃ ସାଜାଇ ଏମାଃଏ । ୨୯ ତାବ୍ଦ ଉଡ଼ୁଲେପେ, ଜେତାଏ ପାର୍ମେଶ୍ୱାରୁଆଃ ହନ୍ଦକେ ହିଲାଙ୍ଗଇତାନା ଆଡଃ ପାର୍ମେଶ୍ୱାରୁଆଃ ନାଝା ରାଜିନାମାରେୟାଃ ମାୟୋମ୍ ହରାତେ ପାପୁହେତେ ଫାଡ଼ିକାନ୍ ତାଇକେନ୍ଦରେୟ, ଇନିଃ ଏନାକେ ହିଲାଙ୍ଗୟେତାନା ଆଡଃ ସାୟାଦ୍ ଏମ୍ନିଃ ପାବିତାର୍ ଆମ୍ବାକେ କା ମାନାତିଙ୍ଗରେଦ୍, ଇନିଃ ଚିମିନ୍ ପୁରାଃଗି ସାଜାଇ ନାମେ ଲେକାଏ ହବାଅଃଆ ? ୩୦ ଚିୟାଃତି “ଆଇୟାଃ ବାଦଲ୍ଲା ଇଦିରେୟାଃ ଆକ୍ତେୟାର୍ ମେନାଃ, ଆଇଙ୍ଗ୍ ସାଜାଇ ଏମ୍ନିଃ ତାନିଙ୍ଗ୍” ନେ କାଜି କାଜିକେଦ୍ନିଃକେ ଆବୁ ସାରିତାନାବୁ । ଇନିଃ ଆଡଃଗି କାଜିକାଦା, “ପ୍ରାଭୁ ଆୟାଃ ହଡ଼କକେ ବିଚାରକଥା ।” ୩୧ ଜାନିଦ୍ ପାର୍ମେଶ୍ୱାରୁଆଃ ବିଚାରରେ ତିଙ୍ଗନ୍ଦେୟାଃ ଚିମିନ୍ ବରଝାନ୍ଦରିୟା ।

୩୨ ଆପେ ଆପେୟାଃ ସିଦା ଦିପିଲିକେ ପାହାମେପେ, ପାର୍ମେଶ୍ୱାରୁଆଃ ମାର୍ସାଲ୍ ନାମ୍ବକେଦ୍ ତାୟମ୍ତେ, ଆପେ ଚିମିନ୍ ରାକାମ୍ରେୟାଃ ଦୁକୁ ସାସାତିପେ ନାମ୍ବକେଦା, ଏନ୍ଦରେୟ ଆପେ କାପେ ହାରାଅୟାନା । ୩୩ ମିସା ମିସାଦ୍ ଆପେ ହଡ଼କଆଃ ଆୟାରରେ ହିଲାଙ୍ଗୁଆଃ ଲେକା ଆଡଃ ଦୁକୁତେ ଲାନ୍ଦାଆଃ ଲେକାପେ ହବାୟାନା । ଏନ୍ଲେକାତେ ଆପେ ଅକନ୍ଦ ହଡ଼କ ନେ’ଲେକା ସାହାଡିଙ୍ଗ୍ ତାଇକେନାକ, ଇନ୍ଦକୁଲିଃ ମେସା ନାଗେନ୍ତେ ସେକାଡ଼ୟାନାପେ । ୩୪ ଆପେ ଜେହେଲାକାନ୍ଦକଆଃ ଦୁକୁ ହାପୁରେପେ ଦୁକୁୟାନା ଆଡଃ ଆପେୟାଃ ଖୁଙ୍ଗିକ ସବେନାଃ ରେଃକ୍ତକଦିୟାନା, ଇମ୍ତା ଆପେ ରାସ୍କାତେ ସାହାଡିଙ୍ଗକେଦାପେ, ଚିୟାଃତି ଆପେୟାଃ ପୁରାଃ ବୁଗିନାଃ ଜାନାଅ ଜାନାଅରେୟାଃ ଖୁଙ୍ଗି ମେନାଃ, ଏନାପେ ସାରିକାଦା । ୩୫ ଏନାମେନ୍ତେ ଆପେ ଜାଉରେ କେଟେଦକାଦ୍ତେୟାଃ ଆଲ୍ଲପେ ଆଦେୟା, ଚିୟାଃତି ଏନାରେ ପୁରାଃଗି ନାଲା ନାମାଃଆ । ୩୬ ପାର୍ମେଶ୍ୱାରୁଆଃ ମନେ ପୁରାକେଦ୍ଦେତେ, ଇନିଃ ଏମାବୁଆଏ ମେନ୍ତେ ବାନାର୍ସା ଏମାକାଦାଏ, ଏନାକେ ନାମେ ନାଙ୍ଗ୍ ଧିରାଜ୍ ସାବ୍ଦକେଦ୍ଦେତେ ତାଇନ୍ଦପେ । ୩୭ ଚିୟାଃତି ଧାରାମ୍ ପୁଅରେ ଅଲାକାନା,

“ଆଡଃ କାଟିଃ ଘାଡ଼ିକାଦ୍ ତାଜିପେ,
 ଅକଏୟାଃ ହିନ୍ଦୁଃରାଃ ମେନାଃ,
 ଇନିଃ ହିନ୍ଦୁଃଆଏ, କାଏ ବିଲାମେୟା,

୩୮ ଆଇୟାଃ ଧାର୍ମାନ୍ ହଡ଼ ବିଶ୍ୱାସ୍ ହରାତେ ବାଞ୍ଛାଅଃଆ,
 ମେନ୍ଦ୍ ଜେତାଏ ତାୟମ୍ତେ ରୁହାଡ଼ନିଃକେ
 ଆଇଙ୍ଗ୍ କାଇଙ୍ଗ୍ ସୁକୁଃଆ ।”

୩୯ ଆଲେ ଦୟା ରୁହାଡ଼କେଦ୍ଦେତେ ଜିୟନଃ ଲେକାନ୍ ହଡ଼କ ନାହାଁଲାଲେ, ମେନ୍ଦ୍ ପୁରାଃ ବିଶ୍ୱାସ୍କାଦ୍ ଆଡଃ ଜାଉ ବାଞ୍ଛାଅ ନାମାକାଦ୍ ହଡ଼କ ତାନ୍ଲେ ।

୧୧

ବିଶ୍ୱାସରେୟାଃ ନାମ୍ନା

୧ ଆବୁ ଆସ୍ତାକାଦ୍ତେୟାଃ ନାମ୍ନାମା ମେନ୍ତେ ସାରିତେୟାଃ ଆଡଃ କା ନେଲିଃତାନ୍ଦେତେୟାଃରାଃ ସାରୁଡି ସେଣ୍ଡାଗି ବିଶ୍ୱାସ୍ ତାନାଃ । ୨ ସିଦା ଦିପିଲିରେନ୍ଦ୍ ପ୍ରାଚିନ୍ଦକ ଆକଆଃ ବିଶ୍ୱାସ୍ ହରାତେ ପାର୍ମେଶ୍ୱାରୁଆଃ ମାଇନ୍ ନାମେ ଲେକାକ ହବାୟାନା ।

୩ *ପାର୍ବଣେଶ୍ୱାରୀଆଃ ଆନାତୁତେ ନେ ଅତେଦିଶ୍ୱମ୍ ବାଲ୍ୟାନ୍ନା ଆତଃ କା ନେଲଃତେୟାଃଏତେ ନେଲଃତେୟାଃ ବାଲ୍ୟାନ୍ନା, ନେ କାଜି ବିଶ୍ୱାସତେ ଏସକାର୍ ଆତୁ ସାରିତାନାତୁ ।

୪ ବିଶ୍ୱାସ୍ ହରାତେ ହାବିଲ୍ ପାର୍ବଣେଶ୍ୱାରୀଆଃ ଆୟାଃରରେ କୟିନ୍ଏତେ ପୁରାଃ ବୁଗିନ୍ ଦାଣ୍ଠେ ରାକାବକେଦା । ଆୟାଃ ବିଶ୍ୱାସ୍ ହରାତେ ଜନିଃ ଧାର୍ମାନ୍ ମେତ୍ରେ ଉଦୁବେନ୍ୟାନ୍ନା, ପାର୍ବଣେଶ୍ୱାର୍ ଆଇଃକ୍ରି ଆୟାଃ ଦାନ୍ ବିଷାଏରେ ଗାଞ୍ଜା ଏମକେଦାଏ, ଆତଃ ଜନିଃ ଗଏଃକାନ୍ରେୟ ବିଶ୍ୱାସ୍ ହରାତେ ତିସିଜ୍ ଜାକେଦ୍ ବାଣ୍ଠାଣ୍ଡତାନାଏ ।

୫ ବିଶ୍ୱାସ୍ ହରାତେ ହନୋକ୍ ବେଗାର୍ ଗନ୍ଏଃତେ ପାର୍ବଣେଶ୍ୱାରୀଆଃ ଜାପାଃତେ ସେନଃୟାନ୍ନା ଆତଃ ଜେତାଏ ଜନିଃକେ କାକ ନେଲ୍ ଦାଡ଼ିକେନା । ଧାରାମ୍ ପୁଅରେ ଅଲ୍ଲାନା, ହନୋକ୍ ପାର୍ବଣେଶ୍ୱାରୀଆଃ ହେପାଦ୍ତେ ସେନଃ ସିଦାରେ ଆୟାଃ ସୁକୁଆନ୍ ଲେକାଗି ହବାୟାନ୍ନା । ୬ ବିଶ୍ୱାସ୍ ବେଗାର୍ ଜେତାଏ ପାର୍ବଣେଶ୍ୱାରକେ ସୁକୁ କାଏ ଦାଡ଼ିୟା, ତିୟାଃତି ଜେତାଏ ପାର୍ବଣେଶ୍ୱାରୀଆଃ ହେପାଦ୍ତେ ହିଜ୍ଜୁଆ ଜନିଃକେ ପାର୍ବଣେଶ୍ୱାର୍ ମେନାଲୟା ମେତ୍ରେ ବିଶ୍ୱାସ୍ ରିକା ଲାଗାତିଜ୍ଝୟାଃ, ପାର୍ବଣେଶ୍ୱାରକେ ଦାଣ୍ଠାତାନ୍ ହଡ଼କଆଃ ଆସ୍ୱା ପୁରାଏୟାଏ ମେତ୍ରେହ୍ ବିଶ୍ୱାସ୍ ରିକା ଲାଗାତିଜ୍ଝୟାଃ ।

୭ ବିଶ୍ୱାସ୍ ହରାତେ ନୁହ୍ ହିଜ୍ଜୁଃ ଦିପିଲିରେୟାଃ କା ନେଲଃତାନ୍ ବିଷାଏରେ ପାର୍ବଣେଶ୍ୱାରୀଆଃ ବେନେତାଏ କାଜି ଆୟୁମ୍ ଦାଡ଼ିକେନା । ଜନିଃ ପାର୍ବଣେଶ୍ୱାରୀଆଃ ଆନାତୁ ମାନାତିଜ୍ଝକେଦ୍ତେ ମିଆଁଦ୍ ଜାହାଜ୍ ବାଲକେଦାଏ । ଏନାରେ ଆଇଃକ୍ ଆତଃ ଆୟାଃ ଅଡ଼ାଃରେନକ୍ ବାଞ୍ଚାଅ ଦାଡ଼ିୟାନ୍ନା । ଆତଃ ଅତେଦିଶ୍ୱମ୍ରେନ୍ ହଡ଼କ ସାଜାକକ ନାମକେଦା, ମେନ୍ଦ୍ ନୁହ୍ ଆୟାଃ ବିଶ୍ୱାସ୍ ହରାତେ ଧାର୍ମାନ୍ରେୟାଃ ନାଲାଏ ନାମକେଦା ।

୮ ପାର୍ବଣେଶ୍ୱାର୍ ଆତ୍ରାହାମକେ ଅକନ୍ଦ୍ ଦିଶ୍ୱମ୍ ଏମାମେୟାଁଜ୍ଜ ମେତ୍ରେ ବାନାର୍ଯା ଏମାକାଜ୍ ତାଜକେନାଏ, ଏନ୍ ଦିଶ୍ୱମ୍ତେ ସେନଃ ନାଗେତ୍ରେ ପାର୍ବଣେଶ୍ୱାର୍ କେଡ଼ାକିଃ ଜମତା ଆତ୍ରାହାମ ବିଶ୍ୱାସ୍ତେ ପାର୍ବଣେଶ୍ୱାରୀଆଃ ଆନାତୁ ଆୟୁମକେଦାଏ, ଆତଃ ଆଇଃକ୍କେ କତାଃତେ ସେନ୍ ଲାଗାତିଜ୍ଝୟାଃ ଏନାହ ବେଗାର୍ ସାରିତେ ଜନିଃ ଆୟାଃ ଦିଶ୍ୱମକେ ବାଗିକେଦ୍ତେ ଅତଜ୍ଝୟାନ୍ନା । ୯ ଜନିଃ ବିଶ୍ୱାସ୍ ହରାତେ ପାର୍ବଣେଶ୍ୱାର୍ ବାନାର୍ଯା ଏମାକାଦ୍ ଦିଶ୍ୱମ୍ରେ ଏଗାଃ ଦିଶ୍ୱମ୍ରେନ୍ ଲେକାଏ ତାଜନ୍ୟାନ୍ନା । ଜନିଃ କୁମ୍ପାରେ ତାଜନ୍ୟାନ୍ନା ଆତଃ ଆୟାଃ ଲେକା ପାର୍ବଣେଶ୍ୱାର୍ତେ ବାନାର୍ଯା ଏମାକାନ୍ ଜସାକ୍ ଆତଃ ଯାକ୍ୱହଗି ଏନ୍ଲେକା କୁମ୍ପାରେ ତାଜନ୍ୟାନ୍ ତାଜକେନାକିନ୍ । ୧୦ ତିୟାଃତି ଅକନ୍ ନାଗାର୍ ଜାନାଅରେୟାଃ ନିହ୍ ଗାଡ଼ା ତାନାଃ, ଏନାକେ ନାକ୍ଯା ଏମ୍ନିଃ ଆତଃ ବାବାଜିନିଃ ପାର୍ବଣେଶ୍ୱାରଗି ତାନିଃ । ଆତ୍ରାହାମ୍ ଏନ୍ ନାଗାର୍ତ୍ତେ ନେଲ୍ହରା ତାଜକେନା ।

୧୧ ସାରା ପୁରାଃଗି ବୁଡ଼ିଆକାନ୍ ହରାତେ ଆୟାଃ ହନ୍ଗାଁଣା ହବାଅଃରେୟାଃ ପେଡ଼େଃ କା ତାଜକେନ୍ରେୟ, ବିଶ୍ୱାସ୍ ହରାତେ ଆତ୍ରାହାମ୍ ହାଡ଼ାମ୍ ଦିପିଲିରେ ଆପୁ ହବା ଦାଡ଼ିୟାନ୍ନାଏ । ପାର୍ବଣେଶ୍ୱାର୍ ଆୟାଃ ବାନାର୍ଯାକେ ପୁରାଏୟା ମେତ୍ରେ ଆତ୍ରାହାମ୍ ବିଶ୍ୱାସ୍କାଦ୍ ତାଜକେନାଏ ।

୧୨ ଆତ୍ରାହାମ୍ ଗଠଃଲେକାଏ ତାଜକେନ୍ରେୟ, ଆୟାଃତାଃଏତେ ସିମ୍ପାରେ ମେନାକ୍ ଜପିଲ୍ ଆତଃ ଦରେୟା ଗେନାରେୟାଃ କା ଲେକାଅଃ ଗିତିଲ୍ ଜମନାଜ୍ ହନ୍ଗାଁଣାକ୍ ହବାୟାନ୍ନା ।

୧୩ ଏନ୍ ସବେନକ୍ ବିଶ୍ୱାସ୍ରେକ ଗଏଃୟାନ୍ନା । ପାର୍ବଣେଶ୍ୱାର୍ ଜନ୍କୁକେ ବାନାର୍ଯା ଏମାକାଦ୍କ ତାଜକେନ୍ତେୟାଃ ଜନ୍କୁ କାକ ନାମ୍ ଦାଡ଼ିକେଦା, ମେନ୍ଦ୍ ସାଜିନେତେ ଏନାକେ ନେଲ୍କେଦ୍ତେକ ଦାରମକେଦା, ଆତଃ ଜନ୍କୁ ଆପାନ୍ତେକ ଏଗାଃ ଦିଶ୍ୱମ୍ରେନ୍ ତାନ୍ବୁ ମେନ୍ଦ୍ ନେ ଅତେଦିଶ୍ୱମ୍ରେ ତାଜନ୍ତାନାତୁ ମେତ୍ରେକ ମାନାତିଜ୍ଝକେଦା । ୧୪ ନେଲେକା କାଜିତାନ୍ଦକ୍, ଆଲେ ନାଗେତ୍ରେ ଆଲେୟାଃ ଦିଶ୍ୱମଲେ ଦାଣ୍ଠାତାନା ମେତ୍ରେକ ଉଦୁବେନ୍ତାନା । ୧୫ ଜନ୍କୁ ବାଗିକାଦ୍ ଦିଶ୍ୱମକେ ଆତଃ କାକ ଉଡ଼ିଃ ତାଜକେନା, ଜନ୍କୁ ଉଡ଼ିଃକାତେ ତେୟାଃକରେଦ୍, ଏତ୍ତାଃତେ ରୁହାଡ଼୍ ନାଗେତ୍ରେ ହରାକ ନାମାକାତେତେୟାଃ । ୧୬ ମେନ୍ଦ୍ ଜନ୍କୁ ପୁରାଃ ବୁଗିନ୍ ଦିଶ୍ୱମ୍, ଚାଏ ସିମ୍ପା ଦିଶ୍ୱମ୍ତେ ସେନଃ ନାଗେତ୍ରେକ ତେତାଜ୍ତାନା । ଏନା ନାଗେତ୍ରେ ଆଇଜ୍ ଜନ୍କୁଆଃ ପାର୍ବଣେଶ୍ୱାରାଜ୍ଜ କାଜିୟଃଆ ମେତ୍ରେ ପାର୍ବଣେଶ୍ୱାର୍ କାଏ ଗିହୁଃକାନ୍ ତାଜକେନା, ତିୟାଃତି ଜନିଃ ଜନ୍କୁ ନାଗେତ୍ରେ ମିଆଁଦ୍ ନାଗାର୍ ବାଜସେକାଡ଼ାକାଦାଏ ।

୧୭ ପାର୍ବଣେଶ୍ୱାର୍ ଆତ୍ରାହାମକେ ବିଡ଼ାଅକିଃ ଜମତା, ବିଶ୍ୱାସ୍ତେ ଆତ୍ରାହାମ୍ ଆୟାଃ ହନ୍କଡ଼ା ଜସାକ୍କେ ଦାଣ୍ଠେ ରାକାବ୍ ନାଜ୍ ସେକାଡ଼ୟାନ୍ନାଏ । ପାର୍ବଣେଶ୍ୱାର୍ ଆତ୍ରାହାମକେଗି ଆୟାଃ ବାନାର୍ଯା କାଜି ଏମାକାଜ୍ ତାଜକେନାଏ, ଏନ୍ରେୟ ଆତ୍ରାହାମ୍ ଆୟାଃ ମିଆଁଦ୍ଗି ହନ୍କଡ଼ାକେ ଦାଣ୍ଠେ ରାକାବ୍ ନାଗେତ୍ରେ

* ୧୧.୩ ୧୧.୩ ଯୋହାନ୍ ୧.୩.

ସେକାଡ଼ିୟାମା । ୧୮ ପାର୍ମେଶ୍ୱର ଇନିଷକେ କାଜିକିୟା, “ଆଇଙ୍ଗ ଆମକେ ଅକନ୍ କିଲି ଏମାମେୟାଈଇଙ୍ଗ ମେନ୍ତେ ବାନାର୍ଯ୍ୟା ଏମାକାଦମେୟା, ଏନା ଇସାକ୍ ହରାତେଗିମ ନାମେୟା ।” ୧୯ ପାର୍ମେଶ୍ୱର ଇସାକ୍‌କେ ଗନଏଃହେତେୟ ଜାଉବିରିଦ୍ ଦାଡ଼ିୟାଏ, ନେ ବିଶ୍ୱାସ୍ ଆତ୍ମାହାମଆଃ ତାଜନ୍‌କେନା । ଆତଃ ସାର୍ତ୍ତି କାଜିଲେରେ, ଆତ୍ମାହାମ୍ ଜନ୍‌କା ଲେକା ଇସାକ୍‌କେ ଗନଏଃହେତେ ନାମ୍ ରୁହାଡ଼କିୟା ।

୨୦ ଇସାକ୍ ଆୟାଃ ବିଶ୍ୱାସ୍ ହରାତେ ଯାକ୍ତୁଦ୍ ଆତଃ ଏର୍ଷୋକେ ହିଜୁଃ ଦିପିଲି ନାଜ୍ ଆଶିଷ୍‌ବେନାଈଇଙ୍ଗ ମେନ୍ତେ ବାନାର୍ଯ୍ୟାଏ ଏମାଦକିନା ।

୨୧ ବିଶ୍ୱାସ୍ ହରାତେଗି ଯାକ୍ତୁଦ୍ ଗନଏଃ ସିଦାରେ ଯୋଷେଦ୍ ଆୟାଃ ବାରାନ୍ ହନ୍‌କିନ୍‌କେ ଆଶିଷ୍‌କେଦକିନା । ଇନିଃ ଆୟାଃ ସେସେନ୍ ସପାରେୟାଃ ତୁଚିରେ ଅଧିଲଅକେଦ୍‌ତେ ପାର୍ମେଶ୍ୱରକେ ଜହାରକିୟା ।

୨୨ ଯୋଷେଦ୍ ଆୟାଃ ଗନଏଃ ଇମ୍‌ତାରେ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କଆଃ ମିସାର୍ ଦିଶ୍ୱମ୍‌ଏତେ ସେନଃ ବିଷାଏରେ ସିଦାରେ କାଜିକାଦ୍ ତାଇକେନା, ଆତଃ ଆୟାଃ ଗନଏଃ ହଡ଼ମ୍ ଚିକନାଃ ଚିକାଅଃଆ ଏନ୍ ବିଷାଏରେ ଆତୁକାଦ୍ ତାଇକେନା ।

୨୩ ବିଶ୍ୱାସ୍ ହରାତେ ମୁଣା ନାବୀଆଃ ଏଙ୍ଗାଆପୁକିନ୍ ଆୟାଃ ଜାନାମ୍ ଦିପିଲିରେ ଇନିଷକେ ମିଆଁଦ୍ ସୁଗାଡ଼ାନ୍ ହନ୍ ମେନ୍ତେ ନେଲ୍‌କେଦ୍‌ତେ ରାଜା ହୁକୁମାକାଦ୍ ଆନାରୁକେହ୍ କା ମାନାତିଙ୍ଗ୍ ନାଗେନ୍ତେ କାକିନ୍ ବରକେଦା, ଆତଃ ଆପି ଚାଣ୍ଡୁ* ଜାକେଦ୍ ଇନିଷକେକିନ୍ ଉକୁକିୟା ।

୨୪ ମୁଣା ନାବୀ ହାରା ଦାଡ଼ିୟାନ୍ ତାୟମ୍‌ତେ ବିଶ୍ୱାସ୍ ହରାତେ ଫାରୋ ରାଜାରାଃ ହନ୍ତେକୁଡ଼ିରାଃ ହନ୍ ନାହାଁଲିଙ୍ଗ୍ ମେନ୍ତେ କାଜିକେଦା ୨୫ ପାଦ୍‌ରେ ତାଇକେଦ୍‌ତେ କାରିଃ ଲେକା ସୁକୁ ନାମେତେୟାଃଏତେଦ୍ ପାର୍ମେଶ୍ୱରଆଃ ହଡ଼କଲଃ ଦୁକୁ ସାହାତିଙ୍ଗ୍‌ତେୟାଃ ବୁଗିନାଃ ତାନାଃ ମେନ୍ତେ ଇନିଷକେ ସୁକୁକିୟା । ୨୬ ଇନିଷକେ ମିସାର୍ ଦିଶ୍ୱମ୍‌ରେୟାଃ ସବେନ୍ ଖୁଲ୍ କଏତେ ମାସି ନାଗେନ୍ତେ ନିନ୍‌ଆଃତେୟାଃ ପୁରାଃ ବୁଗିନାଃ ତାନାଃ ମେନ୍ତେ ଆବ୍‌କାରକେଦା, ଚିୟାଃଚି ହିଜୁଃ ଦିପିଲିରେୟାଃ ନାଲାଇକେ ହେତାକାଦ୍ ତାଇକେନା ।

୨୭ ମୁଣା ନାବୀ ଆୟାଃ ବିଶ୍ୱାସ୍ ହରାତେ ରାଜାରାଃ ଖ୍ୱକେ କା ବରକେଦ୍‌ତେ ମିସାର୍ ଦିଶ୍ୱମ୍‌କେ ବାଗିକେଦା, ଆତଃ ଇନିଷ କା ନେଲଃ ପାର୍ମେଶ୍ୱରକେ ନେଲାଇକାଈଃ ଲେକାଗି ଆବ୍‌କାରକେଦ୍‌ତେ ହିଜୁଃ ରୁହାଡ଼, ନାଗେନ୍ତେ କାଏ ସାନାଙ୍ଗକେଦା । ୨୮ ଇସ୍ରାଏଲ୍‌ରେନ୍ ମୁଡ଼କୁଲ୍ ହନ୍‌କକେ ଗନଏଃରେନ୍ ଦୁଡ଼ ଆଲକାଏ ଗଏଃକକା ମେନ୍ତେ ଇନିଷ ବିଶ୍ୱାସ୍ ହରାତେ ପାସ୍‌କା ପାରାବ୍‌କେ ମାନାତିଙ୍ଗ୍ ନାଗେନ୍ତେ ଆତଃ ଦୁଆରେ ମାୟୋମ୍ ହିଚ୍‌ଚି ନାଗେନ୍ତେ ଆତୁକେଦା ।

୨୯ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କ ରହଡ଼୍ ଅତେରେ ସେସେନ୍‌ତାନ୍ ଲେକା ଆରାଃ ଦରେୟାକେକ ସେନ୍ ପାରମ୍‌କେଦା, ମେନ୍‌ଦ୍ ମିସାର୍‌ରେନ୍ ହଡ଼କ ସେନ୍ ପାରମଃ ତାଇକେନ୍‌ରେ, ଏନାରେ ତୁବିଷଗ୍ ଗଏଃୟାନାକ ।

୩୦ ବିଶ୍ୱାସ୍ ହରାତେ ଇସ୍ରାଏଲ୍‌ରେନ୍ ହଡ଼କ ଯିରିହୋ ନାଗାର୍‌ରେୟାଃ ଭିଡ଼'ରାଃ ଚାରିୟାଃରେ ସାଡ଼ ଦିନ୍ ହନ୍‌ରୁ ବିୟୁରକେଦ୍ ତାୟମ୍‌ତେ ଏନାରେୟାଃ ଭିଡ଼ ଉୟୁଃୟାନା । ୩୧ ବିଶ୍ୱାସ୍ ହରାତେ ବେଶ୍ୱା କୁଡ଼ି ରାହାବ୍, ଇସ୍ରାଏଲ୍‌ରେନ୍ ହଡ଼କକେ ଅକନ୍‌କଚି ଉକୁକେଦ୍‌ତେ ସେନାକାନ୍ ତାଇକେନାକ, ଇନ୍‌କୁକେ ନାମ୍‌କେଦକ୍ ହରାତେ ପାର୍ମେଶ୍ୱରକେ କା ମାନାତିଙ୍ଗ୍‌ତାନ୍ ହଡ଼କଲଃ କା ଗଏଃକେଦ୍‌ତେ ବାଞ୍ଚାଅ ନାମ୍‌କେଦାଏ ।

୩୨ ଆତଃ ଆଦକା ଚିନାଃ କାଜିୟାଈଇଙ୍ଗ ? ଗିଦିୟନ୍, ବାରାକ୍, ସାମ୍‌ସନ୍, ଯିପ୍ରାହ୍, ଦାଉଦ୍, ଶାମୁଏଲ୍ ଆତଃ ଆୟାଡ଼କାଜିକଆଃ ବିଷାଏରେ କାଜିଲେରେ, ନେତା କା ହବାଅଃଆ । ୩୩ ବିଶ୍ୱାସ୍ ହରାତେ ଇନ୍‌କୁ ଲାଡ଼ାଈକେଦ୍‌ତେ ରାଜଜକ୍ ଆମାଲଅକେଦା । ଇନ୍‌କୁ ପୁରାଃ ବୁଗିନାଃ କାମିକ କାମିକେଦା ଆତଃ ପାର୍ମେଶ୍ୱର ଏମାକାଦ୍ ବାନାର୍ଯ୍ୟାକ ନାମ୍‌କେଦା । ଇନ୍‌କୁ କୁଲାଇକଆଃ ମତାକ ତେପେଦ୍‌କେଦା, ୩୪ ସେଙ୍ଗେଲ୍‌ରେୟାଃ ପୁରାଃ ଏଲାଇକ୍ ହକାକେଦା ଆତଃ ଲେସେର୍ ତାରାଉଡ଼ିଏତେକ ବାଞ୍ଚାଅୟାନା । ଇନ୍‌କୁ କା ପେଡ଼େୟାନ୍‌ଗିକ ତାଇକେନା, ମେନ୍‌ଦ୍ ପୁରାଃ ପେଡ଼େୟାନ୍‌କ ହବାୟାନା, ଲାଡ଼ାଈରେ ଜିତାଅୟାନାକ ଆତଃ ଏଗାଃ ଦିଶ୍ୱମ୍‌ରେନ୍ ପାଲ୍‌ଗାନ୍‌କଆଃ ଗାଡ଼କନେ ଧାସ୍‌ଡ଼କେଦାକ । ୩୫ ବିଶ୍ୱାସ୍ ହରାତେ କୁଡ଼ିକ ଆକଆଃ ଗଜାକାନ୍ କୁଟୁମ୍‌କକେ ଜାଉବିରିଦାକାନ୍ ନାମ୍‌ରୁହାଡ଼୍ କେଦକଆକ । ଏଗାଃକ ପୁରାଃ ବୁଗିନ୍ ଜାଉବିରିଦ୍ ନାମେରେୟାଃ ଆସ୍ତାରେ, ରାଡ଼ାନ୍ କା ସାନାଙ୍ଗକେଦ୍‌ତେ ପୁରାଃ ସାସାଡ଼ିକ ନାମ୍‌କେଦା ।

* ୧୧:୨୩ ୧୧:୨୩ ମାହିଲ୍ † ୧୧:୩୦ ୧୧:୩୦ ପାଡ଼ି

୩୬ ଚିମିନ୍ ହଡ଼କକେ ଲାନ୍ଦାକେଦକଆକ, ଆତଃ ଚିମିନ୍‌କକେ ଚାବୁକତେକ ହାଁଣ୍ଡାକେଦକଆ, ଆତଃକକେ ସିକିଡ଼ିତେ ତଲ୍ଲକେଦତେ ଜେହେଲ୍‌ତେକ ଇଦିକେଦକଆ । ୩୭ ଆତଃ ଚିମିନ୍ ହଡ଼କକେ ଦିରିତେକ ଚିଦ୍‌ଗି ଗଏଃକେଦକଆ ଆତଃ କାରାଡ଼ତେକ ବାର୍ ହିସାକେଦକଆ, ଆତଃ ତାରାଡ଼ତେକ ଗଏଃକେଦକଆ, ଆତଃ ଅକଏ ଅକଏଦ ମିଣ୍ଡି ଆତଃ ମେରମକଆଃ ଉହୁର୍ ତୁସିଙ୍ଗକେଦତେ ନାରାଦୁରାଗି, ସାସାଡ଼ି ଆତଃ ସିଗିଦୟାନ୍‌ଲଃ ନେତେ ହାଡ଼େକ ହନର୍‌ବାଡ଼ା ତାଇକେନା । ୩୮ ନେ ଲେକାନ୍ ହଡ଼କ ନାଗେନ୍ତେ ଅତେଦିଶ୍ୱମ୍‌ରେ ବୁଗିନ୍ ଠାୟାଦ୍ କା ତାଇକେନା । ଇନ୍‌କୁ କା ଚିହ୍ନାଁର୍ ହଡ଼କ ଲେକା ହନର୍‌ତାନୁଲଃ ବିରୁରେ, ବୁରୁରେ, ଆତଃ ଅତେରେୟାଃ ଲାପାଙ୍ଗା ଆତଃ ସୁରୁଙ୍ଗରେ ତାଇନଃ ତାଇକେନାକ ।

୩୯ ନେ ସବେନ୍ ହଡ଼କ ଆକଆଃ ବିଶ୍ୱାସ୍ ହରାତେ ମାଇନ୍ ନାମେଲେକାକ ହବାକାନା । ଏନ୍‌ରେୟା ଇନ୍‌କୁ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକେ କାକ ନାମକେଦା, ୪୦ ଚିୟାଃତି ପାର୍‌ମେଶ୍ୱାର୍ ଆବୁ ନାଗେନ୍ତେ ମିଆଁଦ୍ ପୁରାଃ ବୁଗିନାଃଏ ଉହାଟ୍‌କାଦ୍ ତାଇକେନା । ଇନ୍‌କୁ ଆବୁଲଃ ଏସକାର୍ ପକ୍‌ତାଃଅକାକ ମେନ୍ତେ ଆୟାଃ ଇଛାସାନାଙ୍ଗ ତାଇକେନା ।

୧୨

ପାର୍‌ମେଶ୍ୱାର୍ ଆବୁଆଃ ଆପୁ

୧ ନେଲେକା ଗାଝାତେ ପେରେଜାକାନ୍ ଗାଦେଲ୍ ହଡ଼କ ଆବୁଆଃ ଚାରିୟାସାଃରେ ମେନାକଆ, ଏନାମେନ୍ତେ ମାର୍ ହିକ୍‌୪୮୧, ଆବୁ ନିରେତାନ୍ ଇମତା ଅକନାଃ ଆବୁକେ ଛେକାଦ୍‌ବୁତାନା ଆତଃ କେଟେୟାନ୍‌ଗି ସାବ୍‌ବୁତାନ୍ ପାପ୍‌କେ ବାଗିତାନ୍‌ଲଃ, ଦଲ୍‌ଗୁ, ଏନ୍ତାଃତେ ନିର୍ ସେଟେରେ ନାଙ୍ଗ୍ ଧିରାଜ୍ ସାବ୍‌କେଦତେ ଆବୁଆଃ ଆୟାଃରେୟାଃ ନିର୍ରେ ହରାରେବୁ ନିର୍ରେୟା । ୨ ଅକନ୍ ଯାଣ୍ଟୁକେ ଆବୁ ମୁନ୍‌ଏତେ ଚୁଣ୍ଡି ଜାକେଦ୍ ବିଶ୍ୱାସ୍‌କାଈଜାବୁ, ଇନିୟାଃ ତେତାନ୍‌ରେଗି ଆବୁଆଃ ମେଦ୍ ଦହକାନ୍‌କା । ଇନିଃ କୁଶ୍‌ରାଃ ବରେତେ ଆୟାଃ କାମିହେତେ କାଏ ରୁହାଡ଼ାକାନ୍ ତାଇକେନା, ମେନ୍‌ଦ୍ ହିକ୍‌୪୮ ଦିପିଲିରେ ଆୟାଃ ନାଙ୍ଗ୍ ଅକନ୍ ରାସକା ମେନାଃ, ଏନା ନାଗେନ୍ତେ କୁଶ୍‌ରେୟାଃ ଗନ୍‌ଏଃକେ ଇନିଃ ବାନଃ ମେନ୍ତେ କାଏ କାଜିକେଦା, ଆତଃ ନାହାଁଃ ଇନିଃ ପାର୍‌ମେଶ୍ୱାର୍‌ଆଃ ରାଜ୍‌ଗାଦିରେୟାଃ ଜମସାଃରେ ଦୁବାକାନା ।

୩ ଇନିଃ ପାପିକତାଃଏତେ ଚିମିନ୍ ପୁରାଃତି ହିଲ୍‌ଙ୍ଗ୍‌ୟାନା ଆତଃ ଚିମିନ୍‌ଗି ଦୁକୁ ସାହାଡ଼ିଙ୍ଗକେଦା, ଏନା ଉଡ଼ୁଲେପେ ! ଏନାତେ ଆପେ ଆପେୟାଃ ମନ୍‌ରେ ଆଲ୍‌ପେ ହୁଡ଼ିଙ୍ଗାଠଃଆ ଆତଃ ଆଲ୍‌ପେ ଲାଗାଉତାରଃଆ । ୪ ଚିୟାଃତି ଆପେକେ ପାପ୍ ବିରୁଧିରେ ଲାଡ଼ାକେଦତେ ନାହାଁଃ ଜାକେଦ୍ ମାୟୋମ୍ ଲିଙ୍ଗ୍‌ୟାଃ ଲେକା ଆଉରିପେ ହବାଅଃଆ । ୫ ପାର୍‌ମେଶ୍ୱାର୍ ଆୟାଃ ହନ୍‌କ ଲେକା ଆପେକେ ଅକ ଜାଉରାଡ଼େଃରାଃ କାଜି ଉଦୁବାପେ ତାନା, ଏନା ଚିନାଃ ଆପେ ରିଡ଼ିୟାକାଦାପେ ?

“ଏ ଆଇୟାଃ ହନ୍, ପ୍ରାଭୁଆଃ ତେନେତାଅ କାଜିକେ ରାଝାଲ୍‌ନ୍ କାଜିଲେକା ଆଲ୍‌ମ୍ ଆବ୍‌କାରେୟା,

ଚାଏ ଇନିଃ ଆମ୍‌କେ ଏଗେରୁମେ ଇମତା ଆଲ୍‌ମ୍ ହୁଡ଼ିଙ୍ଗାଠଃଆ ।

୬ ଚିୟାଃତି ପ୍ରାଭୁ ଜେତାଏକେ ଦୁଲ୍‌ଲାଡ଼ାଃଏ, ଇନିଃକେ ଚେତାଅଆଃ,

ଆତଃ ଜେତାଏକେ ଆୟାଃ ହନ୍ ଲେକାଏ ନେଲିଆ, ଇନିଃକେ ସାଜାଇ ଏମାଃଏ ।”

୭ ଆପେୟାଃ ଦୁକୁହାସୁକେ ପାର୍‌ମେଶ୍ୱାର୍‌ଆଃ ସାଜାଇତାନାଃ ମେନ୍ତେ ଆବ୍‌କାର୍‌କେଦତେ ସାହାଡ଼ିଙ୍ଗୟେ, ନେ ହରାତେ ଇନିଃ ଆପେକେ ହନ୍ ଲେକାଏ ରିକାପେତାନା ମେନ୍ତେ ଆପେୟାଃ ଦୁକୁହାସୁଗି ଉଦୁବେତାନା । ଆପୁତାଃଏତେ ଚିଉଲ୍‌ଆ ସାଜାଇ କା ନାମାକାଦ୍ ଜେତା ହନ୍ ମେନାଲ୍‌ୟା ଚି ? 「ମେନ୍‌ଦ୍ ଆପେ ସବେନ୍‌କ ଆୟାଃ ହନ୍‌କ ଲେକା ସାଜାଇ କାପେ ନାମାକାଦ୍‌ରେଦ୍, ଆପେ ସାର୍‌ଡ଼ି ହନ୍ ନାହାଁଲ୍‌ାପେ, ମେନ୍‌ଦ୍ ଲାମ୍‌ି* ହନ୍‌ତାନ୍‌ପେ । ୮ ଅତେଦିଶ୍ୱମ୍‌ରେନ୍ ଆବୁଆଃ ଆପୁକ୍ ଆବୁକେ ସାଜାଇ ଏମାବୁତାନରେୟା, ଆବୁ ଇନ୍‌କୁକେ ମାଇନକ ତାନାବୁ, ତାବ୍‌ଦ୍ ଆବୁଆଃ ଆମ୍‌ିକ୍ ଆପୁଆଃ ତେନେତାଅରେ ଜାନ୍‌ଦ୍ ତାଇନଃ ନାଙ୍ଗ୍ ଚିମିନ୍ ଆଦ୍‌କା ବୁଗିନ୍ ତାଇନ୍ ତାଇନ୍ ଲାଗାଡ଼ିଙ୍ଗୟାଃ । ୯ ଅତେଦିଶ୍ୱମ୍‌ରେନ୍ ଆବୁଆଃ ଆପୁକ୍‌ଆଃ ନେପେଲ୍‌ରେ ଅକନାଃ ଠାଉଗାଗିୟା, ଏନ୍‌ଲେକାଗି ଆବୁକେ କାଚିଃ ଘାଡ଼ିକାଦ୍ ନାଙ୍ଗ୍ ସାଜାଇ ଏମାଦ୍‌ବୁତାନାକ, ମେନ୍‌ଦ୍ ଆବୁ ପାର୍‌ମେଶ୍ୱାର୍‌ଆଃ ପାବିତାର୍‌ରେୟାଃ ହାନାଗିଙ୍ଗୁ ନାମେକା ମେନ୍ତେ ଇନିଃ ଆବୁଆଃ ବୁଗିନାଃ ନାଗେନ୍ତେ ଆବୁକେ ସାଜାଇ ଏମାଃଏ । ୧୦ ସାଜାଇ ନାମେ ଇମତା ଆବୁକେ ଦୁକୁ ଆବ୍‌କାରାଃ, ସୁକୁ କା ଆବ୍‌କାରାଃ । ମେନ୍‌ଦ୍ ସାଜାଇ ନାମକେଦତେ ଅକନ୍‌କ ଆକଆଃ ଜାଦାନ୍ ବାଈୟାକାଦାକ, ଇନ୍‌କୁ ତାୟମ୍‌ତେ ଜାଉସୁକୁରେୟାଃ ଧାର୍‌ମାନ୍ ଜାଦାନ୍ ଲେକାନ୍ ନାଲ୍‌କା ନାମେୟା ।

ଇନିତୁ ଆତଃ ତେନେତାଅ

* ୧୨:୮ ୧୨:୮ ବେଗାଡ୍ ଆପୁରେନ୍ ହନ୍

୧୭ ଏନାତେ ଆପେୟାଃ କା ପେଡେୟାନ୍ ତିଃଇକେ ଆତଃ ଏକଲୀଅଃତାନ୍ ମୁକ୍ତିକେ କେଟେଜେପେ । ୧୩ କା ସେସେନ୍ ଦାଡ଼ିତାନ୍ କାତା ଆଲକା ଆତ୍ମାଃକା ମେନ୍ଦ ଦୁରିୟଃକା ମେଟ୍ରେ ସିଧା ହରାରେ ସେନ୍କାତେକାଏ ।

୧୪ ସବେନ୍କଲଃ ସୁକ୍ତାଃତେ ତାଇନଃ ନାଗେଟ୍ରେ ଆତଃ ପାବିତାର୍ ଜୀଞ୍ଜାନ୍ ବିତାଅ ନାଗେଟ୍ରେ ଚିହ୍ନଲେନ୍ଦେପେ, ଚିୟାଃଚି ନେଆଁ ବେଗାର୍ ଜେତାଏ ପ୍ରାଭୁକେ ନେଲ୍ କାଏ ଦାଡ଼ିୟା । ୧୫ ଜେତାଏ ପାର୍ମେଶ୍ୱାର୍ଆଃ ସାୟାଦହେତେ ଆଲକାଏ ରୁହାଡ଼କା, ଏନାମେଟ୍ରେ ଚିର୍ଗାଲୀକାନ୍ ତାଇନ୍ଦେ । ଜେତାଏ ମେହେର୍ ଦାରୁ ଲେକା ଆଲକାଏ ହବାଅଃକା, ଏନାରେୟାଃ ଚୁଟା ହାରାକରେ, ଏନାରେୟାଃ ମାହୁରାତେ ପୁରାଃ ହଡ଼କଆଃ ଜିୟନ୍ ହବାଅଃଆ । ୧୬ ଜେତାଏ ଆପାଙ୍ଗ୍ କାମିନିଃ ଚାଏ ମିସାରି ଜମେ ନାଗେଟ୍ରେ ଆପୁନାଃ ମୁଡ଼କୁଲ୍ରେୟାଃ ଆକ୍ତେୟାର୍କେ ଆଖିକେଦ୍ ଏସୌ ଲେକା କା ଧାର୍ମାନ୍ ଆଲକାଏ ହବାଅଃକା । ୧୭ ତାୟମତେ ଜନିଃ ଆପୁତେୟାଃ ଆଶିଷ୍ରେୟାଃ ଆକ୍ତେୟାର୍ ନାମେ ନାଗେଟ୍ରେ ସାନାଙ୍ଗ୍କେଦ୍ରେୟ, ଜନିଃ ଗେନା ଆତମୟାନାଏ, ପୁରାଃଚି ରାଆଃକେଦ୍ରେୟ ଆଇଃକ୍ କାମିକାଦ୍ତେୟାଃ କାଏ ବାଦ୍ଲୀଅ ଦାଡ଼ିୟାନା ।

୧୮ ଇସ୍ରାଏଲ୍ ହଡ଼କ ଲେକା ସିନାଇ ବୁରୁରେ ଜୁଲଃତାନ୍ ସେଙ୍ଗେଲ୍, କୁଲ୍କୁଲ୍ ନୁବାଃ, ହୁରଲୀସି ହୟ, ୧୯ ବିଲ୍ଲୁଲ୍ ବାଜା ସାଡ଼ି, କାଜିରେୟାଃ ସାଡ଼ି ଆପେ କାପେ ଆୟୁମ୍ । ଇସ୍ରାଏଲ୍ ହଡ଼କ ଏନ୍ ସାଡ଼ି ଆୟୁମ୍କେଦ୍ତେ, ଆତଃ କାଲେ ଆୟୁମାଃ ମେଟ୍ରେ ବିକ୍ରିକୟାକ୍, ୨୦ ଚିୟାଃଚି “ଜେତା ଜାଁତୁହରି ଏନ୍ ବୁରୁକେ ଜୁଟିଦ୍ତାରେ, ଜନିଃକେ ଦିରିତେ ଚିଦ୍ରି ଚାଏଃ ଲାଗାତିଙ୍ଗ୍ୟାଃ” ମେଟ୍ରେ ଆଚୁକାନ୍ ତାଇକେନା, ଏନାକେ ଜନ୍ମକୁ କାକ ସାହାତିଙ୍ଗ୍ ଦାଡ଼ିକେନା । ୨୧ ଏନା ନେଲଃରେ ପୁରାଃ ବରଞ୍ଜାନ୍ଦି ତାଇକେନା ଯେ, ମୁଣା ନାବୀ କାଜିକେଦା, “ଆଇଙ୍ଗ୍ ପୁରାଃଚିଇଙ୍ଗ୍ ବରତାନା ଆତଃ ଏକଲୀଅଃତାନା ।”

୨୨ ମେନ୍ଦ ଆପେ ସିନାଇ ବୁରୁତେ, ଜାନିଦ୍ ପାର୍ମେଶ୍ୱାର୍ଆଃ ନାଗାର୍ ସିର୍ମାରେୟାଃ ଯାରୁଶାଲେମ୍ତେପେ ହିଜୁଃକାନା, ଅକ୍ତାଃରେଚି କା ଲେକାଦାଡ଼ିୟା ସିର୍ମା ଦୁଡ଼କ ହୁଣ୍ଡିୟଃତାନା । ୨୩ ପାର୍ମେଶ୍ୱାର୍ଆଃ ଅକନ୍ ମୁଡ଼କୁଲ୍ ହନ୍କଆଃ ନୁଡୁମ୍ ସିର୍ମାରେ ଅଲୀକାନା, ଆପେ ଜନ୍ମକୁଆଃ ରାସ୍ତାରେ ହୁଣ୍ଡିନ୍ ନାଗେଟ୍ରେପେ ହିଜୁଃକାନା । ପାର୍ମେଶ୍ୱାର୍ ସବେନ୍କଆଃ ବିଚାର୍ନିଃ ତାନିଃ, ଆପେ ଜନିଃତାଃତେ ଆତଃ ପକ୍ତାକାନ୍ ଧାର୍ମାନ୍ ହଡ଼କଆଃ ଆମ୍ବାକତାଃତେପେ ହିଜୁଃକାନା । ୨୪ ନାଞ୍ଜା ରାଜିନାମାକେ ଠାହାରାଅକାଦ୍ ଯୀଶୁତାଃତେ ଆତଃ ନେ ହିଚ୍ଚିୟାକାନ୍ ମାୟୋମ୍ ହେପାଦ୍ତେପେ ହିଜୁଃକାନା । ଏନ୍ ହିଚ୍ଚିୟାକାନ୍ ମାୟୋମ୍ ହାବିଲ୍ଆଃ ମାୟୋମ୍ଏତେ ପୁରାଃଚି ବୁରିନାଃ ତାନା ।

୨୫ ଏନାତେ ଚିର୍ଗାଲୀକାନ୍ ତାଇନ୍ଦେ, ଜନିୟାଃ କାଜିକେ ଆୟୁମ୍ ନାଗେଟ୍ରେ ଆଲ୍ପେ ହିଚ୍ଚିତାଅଃଆ, ଚିୟାଃଚି ସିର୍ମାରେୟାଃ କାଜି ଅତେଦିଶ୍ୱମ୍ରେ ଉଦୁବ୍କେଦ୍ନିଃକେ ଅକନ୍କ କାକ ଆୟୁମ୍କିୟା, ଜନ୍ମକୁ ଜେତାଏ କାକ ବାତାଅୟାନା । ଏନ୍ରେଦ୍, ନାହାଃ ଅକଏଚି ସିର୍ମାରେ ତାଇନ୍ଦେଦ୍ତେ କାଜିତାନାଏ, ଜନିଃକେ ଆବୁ କାବୁ ମାନାତିଙ୍ଗ୍ରେଦ୍ ଚିନାଃ ଆବୁ ବାଞ୍ଜାଞ୍ଜେନ୍ ଦାଡ଼ିୟାବୁ ? ୨୬ ଏନ୍ ଦିପିଲିରେ ଜନିୟାଃ ଲାଦ୍ଜା ଅତେକେ ଏକଲୀଅକେଦାଏ, ମେନ୍ଦ ନାହାଃ ଜନିଃ ବାନାର୍ସା ଏମାକାଦାଏ, “ଆଇଙ୍ଗ୍ ଆତଃଚିସା ଅତେକେ ଏସ୍କାର୍ କାହା, ମେନ୍ଦ ସିର୍ମାକେହ୍ ଏକଲୀଅୟାଇଙ୍ଗ୍ ।” ୨୭ “ଆତଃଚିସା” ମେଟ୍ରେ କାଜିକେଦ୍ ହରାତେ ଆଚ୍ଚକାରଃତାନା ଯେ, ବାଇୟାକାନ୍ତେୟାଃ ସବେନାଃ ଏକଲୀଅଃଆ ଆତଃ ଆତମାଃଆ ଆତଃ ଅକ୍ନାଃ କା ଏକଲୀଅଃଆ ଏନା ତାଇନଃଆ ।

୨୮ ଏନାତେ ଆବୁ କା ଏକଲୀଅଃ ରାଇକେବୁ ନାମେତାନ୍ ନାଗେଟ୍ରେ ଏଲା ହିଜୁଃପେ, ଆବୁ ପାର୍ମେଶ୍ୱାର୍କେବୁ ଜହାରିୟା ଆତଃ ବରଭାକ୍ତିତାନ୍ଲଃ ଆୟାଃ ସୁକ୍ତାନ୍ ହବାଅଃ ଲେକାବୁ ସୁସାରିୟା । ୨୯ ଚିୟାଃଚି ଆବୁଆ ପାର୍ମେଶ୍ୱାର୍ ଜିୟନେତାନ୍ ସେଙ୍ଗେଲ୍ ତାନିଃ ।

୧୩

ପାର୍ମେଶ୍ୱାର୍କେ ସୁକ୍ତାଚି

୧ ଶ୍ରୀଷ୍ଟିୟାନ୍ ହାଗା ମିଶିକ ମିହୁଡ୍ ଆତଃଚିମିହୁଡ୍କେ ଦୁଲ୍ଲାଡ଼କାତେକ୍ତେପେ । ୨ ଆପେୟାଃ ଅତାଃତେ ହିଜୁଃତାନ୍ ହଡ଼କକେ ଦାରମକ ନାଗେଟ୍ରେ ଆଲ୍ପେ ରିଡ଼ିଙ୍ଗ୍ୟେଆ । ଚିମିନ୍ ହଡ଼କ ନେଲେକା କାମିତାନ୍ ହରାତେ ବେଗାର୍ ସାରିତେ ସିର୍ମାରେନ୍ ଦୁଡ଼କକେ ଦାରମକେଦ୍କଆକ । ୩ ଜେହେଲୀକାନ୍ ହଡ଼କଲଃ ଆପେୟାଃ ଜନକୁଲଃ ଜେହେଲୀକାନ୍ ଲେକା ଉଡ଼୍ଟକେଦ୍ତେ ଜନ୍ମକୁକେ ପାହାମ୍ବୁପେ । ଆପେୟାଃ ହାସା ହଡ଼ଫରେନ୍ ହଡ଼କତାନ୍ଦେ ମେଟ୍ରେ ଆଚ୍ଚକାର୍ତାନ୍ଲଃ ଦୁକ୍ତହାସୁ ନାମେତାନ୍ ହଡ଼କକେ ପାହାମ୍ବୁପେ ।

୪ ଆଣ୍ଡିୟରତେୟାଃ ସବେନକ ନାଗେନ୍ତେ ମାଜନାନ୍ ହବାଅଃକା, ଆତଃ କଡ଼ା କୁଡ଼ି ବାବାନକିନ୍ଦି ପାତିୟାରରଃ ଲେକାକିନ୍ ହବାଅଃକା । ପାର୍ମେଶ୍ୱାର୍ ହଡ଼ମରାଃ ଏଡ଼କାନ୍ ସାନାଙ୍ଗ୍ କାମିତାନ୍ ଆତଃ ଆପାଙ୍ଗିର୍ କାମିତାନ୍କକେ ବିଚାରକଥା ।

୫ ଆପେୟାଃ ଜୀବାନ୍ରେ ଟାକା ପାଏସାରାଃ ହାୟାହେତେ ସାଙ୍ଗିନ୍ରେ ତାଇନ୍ଦେ, ଆତଃ ଆପେତାଃରେ ଅକନାଃ ମେନାଃ ଇମନାଙ୍ଗ୍ରେରି ସୁକୁକେଦ୍ ତାଇନ୍ଦେ । ତିୟାଃତି ପାର୍ମେଶ୍ୱାର୍ କାଜିକେଦାଏ, “ଆଇଙ୍ଗ୍ ଆମକେ ଚିଉଲ୍ୟା କାଇଙ୍ଗ୍ ଆଡ଼ାଃମେୟାଁ, ଚି ଚିଉଲ୍ୟା କାଇଙ୍ଗ୍ ବାଗିମେୟାଁ ।”

୬ ଏନାତେ ଆବୁ ଜୀଉରେ କେଟେଦକେଦତେ କାଜି ଦାଡ଼ିୟାବୁ,

“ପ୍ରାଭୁ ଆଇଁୟାଃ ଦେଙ୍ଗାନିଃ ତାନିଃ,

ଆଇଙ୍ଗ୍ କାଇଙ୍ଗ୍ ବରଏୟା ।

ହଡ଼ ଆଇଁୟାଃ ଚିନାଃ ରିକା ଦାଡ଼ିୟାଏ ?”

୭ ଆପେୟାଃ ସିଦାରେନ୍ ଆଗୁଆଇକ ଆପେକେ ପାର୍ମେଶ୍ୱାର୍ଆଃ କାଜିକ କାଜିକେଦପେୟା ଏନା ପାହାମେପେ । ଇନ୍କୁଆଃ ଜୀବାନ୍ ଆତଃ ଗନଏଃ ଚିଲ୍ଲକା ହବାଲେନା ଏନା ପାହାମ୍ ରୁହାଡ଼େପେ ଆତଃ ଇନ୍କୁଆଃ ବିଶ୍ୱାସକେ ଆପେୟାଃ ଜୀବାନ୍ରେ ଅତଙ୍ଗ୍ରେୟେ । ୮ ଯୀଶୁ ଶ୍ରୀଷ୍ଟ୍ ହଲ୍ୟା, ତିସିଙ୍ଗ୍, ଆତଃ ଜାନାଅ ଜାନାଅ ଜାକେଦ୍ ମିଦ୍ରି ତାଇନା । ୯ ରାକାମ୍ ରାକାମ୍ ଏଗାଃ ଇନିତୁତେ ଆପେୟାଃ ବୁଗିନ୍ ହରା ଆଲକା ଆଦଃକା । ତିୟାଃତି ଜମ୍ ନୁଁରେୟାଃ ନିୟାମ୍ ମାନାତିଙ୍ଗ୍କେଦତେଦ କାହାଗି, ମେନ୍ଦ୍ ପାର୍ମେଶ୍ୱାର୍ଆଃ ସାୟାଦତେ ମନ୍ସୁରୁଦ୍ରେୟାଃ ପେଡ଼େଃ ନାମେତେୟାଃ ବୁଗିନାଃ ତାନାଃ । ଅକନକ ଜମ୍ ନୁଁରେୟାଃ ନିୟାମ୍ ମାନାତିଙ୍ଗ୍ ତାନାକ, ଇନ୍କୁଆଃ ଜେଡ଼ନାଃ ବୁଗିନାଃ କା ହବାକାନା ।

୧୦ ଆବୁଆଃ ମିଆଁଦ୍ ଦାଣେଁ ରାକାବ୍ରେୟାଃ ବେଦି ମେନାଃ, ଏନାରେ ତାଇନାକାନ୍ ଜମେୟାଁଃ ଜମ୍ ନାଗେନ୍ତେ ଯିହୁଦାକଆଃ କୁମ୍ପାରେ ସୁସାର୍ତାନ୍ ଯାଜାକକଆଃ ଆକତେୟାର୍ ବାନଃଆ । ୧୧ ଯିହୁଦା ମାରାଙ୍ଗ୍ ଯାଜାକ୍ ଜାତୁରାଃ ମାୟୋମକେ ପାପ୍ରେୟାଃ ଦାଣେଁ ରାକାବ୍ ନାଗେନ୍ତେ ପୁରାଃ ପାବିତାର୍ ଠାୟାଦତେ ଆଉଇୟା, ମେନ୍ଦ୍ ଏନ୍ ଜାତୁରାଃ ହଡ଼ମକେ କୁମ୍ପାରେୟାଃ ବାହାରି ଇଦିକେଦତେ ସେଙ୍ଗେଲ୍ରେ ଉରୁବଃଆ । ୧୨ ଏନ୍ଲେକାଗି ଯୀଶୁହ୍ ଆୟାଃ ମାୟୋମତେ ହଡ଼କକେ ପାପ୍ରେୟାଃ ଫାଡ଼ିକ ନାଗେନ୍ତେ ନାଗାର୍ରେୟାଃ ବାହାରିରେ ଗଏଃୟା । ୧୩ ଏନାତେ ଦଲ୍ୟାବୁ, ଆବୁହ ଆୟାଃ ଲେକାଗି ଆବୁକେ ଲାଦାବୁତେୟାଃକ ସାହାତିଙ୍ଗ୍କେଦତେ ନାଗାର୍ରେୟାଃ ବାହାରି କୁମ୍ପାରେ ଆୟାଃ ହେପାଦତେବୁ ସେନା । ୧୪ ତିୟାଃତି ନେ ଅତେଦିଶ୍ୱମରେ ଆବୁ ନାଗେନ୍ତେ ସବେନ୍ ହୁଲ୍ୟାଙ୍ଗ୍ ନାଙ୍ଗ୍ ଜେତା ନାଗାର୍ ବାନଃଆ, ମେନ୍ଦ୍ ଆବୁ ନାଙ୍ଗ୍ ଅକ ନାଗାର୍ ହିଜୁଃ ଦିପିଲିକରେ ବାୟୁଃଆ, ଏନ୍ ନାଗାର୍କେବୁ ନେଲ୍ହରାତାନା । ୧୫ ଏନାତେ ହିଜୁଃପେ, ଆବୁ ଯୀଶୁଆଃ ହରାତେ ପାର୍ମେଶ୍ୱାର୍ଆଃ ନୁଡ଼ମ୍ରେ ଆବୁଆଃ ସାହାରାଅ ଦାଣେଁବୁ ରାକାବେୟା । ନେ ଦାଣେଁ ଆବୁଆଃ ଲାତଡ଼ାତେ ଯୀଶୁକେ “ପ୍ରାଭୁ” ମେନ୍ତେ ମାରାଙ୍ଗ୍ଇତାନା । ୧୬ ଏଗାଃକଆଃ ବୁଗିନାଃ କାମି ନାଗେନ୍ତେ ଆତଃ ଇନ୍କୁକେ ଦେଙ୍ଗାକ ନାଗେନ୍ତେ ଆଲ୍ପେ ଚିଡ଼ିଙ୍ଗ୍ରେୟା, ତିୟାଃତି ନେ ସବେନାଃଗି ପାର୍ମେଶ୍ୱାର୍ଆଃ ସୁକୁଆନ୍ ଦାଣେଁ ତାନାଃ ।

୧୭ ଆପେୟାଃ ଆଗୁଆଇକଆଃ କାଜି ମାନାତିଙ୍ଗ୍ପେ ଆତଃ ଆକଆଃ କାଜି ଆୟୁମେପେ । ଇନ୍କୁ ହର ହଡ଼ଲେକା ବେଗାର୍ ରୁଡ଼କେଦତେ ଆପେୟାଃ ଜୀଉକ ହରତାନା, ତିୟାଃତି ଇନ୍କୁକେ ପାର୍ମେଶ୍ୱାର୍ତାଃରେ ଆକଆଃ କାମିରେୟାଃ ହିସାବ୍ ଏମ୍ ଲାଗାତିଙ୍ଗ୍ରେୟାଃ । ଆପେ ଇନ୍କୁକେ ମାନାତିଙ୍ଗ୍କରେଦ, ଇନ୍କୁ ସୁକୁମନ୍ଦେତେ ଆକଆଃ କାମିକ କାମିୟାଁ, ମେନ୍ଦ୍ ଆପେ କାପେୟାଃରେଦ, ଇନ୍କୁ ବୁକୁ ମନ୍ଦେକ କାମିୟାଁ, ଆତଃ ଏନାରେ ଆପେୟାଃ ନାଙ୍ଗ୍ ଜେତାନ୍ ବୁଗିନାଃ କା ହବାଅଃଆ ।

୧୮ ଆଲେ ନାଗେନ୍ତେ ବିକ୍ରିକାତେପେ । ଆଲେୟାଃ ବିବେକ୍ ନିରାଲ୍ଗିୟା, ଏନା ସାଡ଼ି ତାନାଃ, ତିୟାଃତି ଆଲେ ସବେନ୍ ଇମ୍ତା ବୁଗିନ୍ ତାଇଲ୍ ଚାଲ୍ଲନ୍ ରିକା ନାଗେନ୍ତେଲେ ସାନାଙ୍ଗ୍ ତାନା । ୧୯ ଆତଃ ପାର୍ମେଶ୍ୱାର୍ ଆଇଙ୍ଗ୍କେ ଆପେତାଃତେ ଜାଲ୍ପିଗି କୁଲ୍ତାଇଙ୍ଗ୍କା ମେନ୍ତେ ବିକ୍ରିପେ । ଆଇଙ୍ଗ୍ ନେଆଁ ଆପେତାଃରେ ଆଇଁୟାଃ ମନ୍ସୁରୁଦତେଇଙ୍ଗ୍ ବିକ୍ରିତାନା ।

ବୁଣ୍ଡୁକ୍ରିତି

୨୦ ଅକଏଚି ଆୟାଃ ଗନଏଃ ହରାତେ ମିଣ୍ଡିକଆଃ ମାରାଙ୍ଗ୍ ମିଣ୍ଡିପୁପିନିଃ ହବାକାନାଏ, ଆବୁଆଃ ଜୀଉସୁକୁ ଏମଃନିଃ ପାର୍ମେଶ୍ୱାର୍ ଏନ୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିଦିକିୟାଏ । ଏନ୍ ଯୀଶୁଆଃ ଗନଏଃରେୟାଃ ମାୟୋମତେ ମିଆଁଦ୍ ଜାନାଅ ଜାନାଅ ତାଇନଃ ରାଜିନାମାରାଃ ମୋହ୍ ଏମାକାନା । ୨୧ ଜୀଉସୁକୁ ଏମଃନିଃ ପାର୍ମେଶ୍ୱାର୍, ଆୟାଃ ସାନାଙ୍ଗ୍ ଲେକା କାମି ନାଗେନ୍ତେ ଆପେକେ

ଆପେୟାଃ ଲାଗାତିଈଁ ଲେକା ସବେନ୍ ବୁଗିନାଃତେୟାଃକଏ ଏମାପେକା, ଆତଃ ଯଶୁ ଶ୍ରୀଷ୍ଟିଆଃ ହରାତେ ଆବୁଆଃ ଜୀଦାନରେ ଇନିୟାଃ ସୁକୁଆନ୍ କାମିକ ହବାଅଃକା । ଆତଃ ଜାନାଅ ଜାନାଅ ଶ୍ରୀଷ୍ଟିଆଃ ମାନାରାଈଁ ହବାଅଃକା ! ଆମେନ୍ ।

ବୁଶୁ କୁଜି

^{୨୨} ହେ ହାଗା ମିଗିକ, ଆଇଈଁ ବିକ୍ରିପେ ତାନାଇଈଁ, ଆଇଁୟାଃ ନେ ହୁଡିଈଁ ଲେକାନ୍ ଅନଲ୍ କାଜିକେ ଧ୍ୟାନ୍ ଏମକେଦ୍ତେ ଆୟୁମେପେ । ଆଇଈଁ ଆପେକେ ଜୀଉରେ ରାସ୍ତକାପେ ନାଗେନ୍ତେ ନେଆଁଇଈଁ ଅଲକାଦା । ^{୨୩}ଆପେ ସାରିପେ ମେନ୍ତେଇଈଁ ସାନାଈଁତାନା ଯେ, ଆବୁଆଃ ହାଗା ଚୀମଥୁ ଜେହେଲ୍ହେତେ ଅତଈଁଆଁକାନା, ଇନିଃ ଜାଲ୍ଦି ହିଜୁଃରେଦ୍, ଆଇଈଁ ଆୟାଃଲଃ ମିସାତେ ଆପେତାଃତେ ନେପେଲ୍ ନାଗେନ୍ତେଇଈଁ ହିଜୁଃଆ ।

^{୨୪} ଆପେୟାଃ ସବେନ୍ ଆଗୁଆଇକକେ ଆତଃ ପାର୍ମେଶ୍ୱାର୍ଆଃ ହଡକକେ ଆଲେୟାଃ ଜହାର୍ ଉଦୁବାକପେ । ଇଟାଲି ଦିଶ୍ୱମ୍ହେତେ ହିଜୁଃକାନ୍ ହାଗାକ ଆପେକେହଗି ଜହାର୍ ମେନ୍ତେକ କାଜିକୁଲେତାନା ।

^{୨୫} ପାର୍ମେଶ୍ୱାର୍ଆଃ ସାୟାଦ୍ ଆପେ ସବେନ୍କଲଃ ହବାଅଃକା ।

ଯାକୁବଙ୍କ ଲିଖିତ ପତ୍ର ଯାକୁବ୍ ଅଲ୍ଲାକାଦ୍ ଚିତାଉ ପାରିବାଏ

ଯାକୁବ୍ ପୁଅ ଯାକୁବ୍ ନୁହୁମ୍‌ରେ ସାରିୟାଃତାନ୍ ମିଆଁଦ୍ ହତ୍ ଅଲ୍ଲାକାଦାଏ । ହବାସାକାଅଆଃ ନେ ଯାକୁବ୍ ଯାଶୁ ଖ୍ରୀଷ୍ଟିଆଃ ହାଗାତେ ତାଇକେନା, ଅକଏଚି ଏନେଟେଦ୍ କାଲିସିୟାରେନ୍ ମିଆଁଦ୍ ଆଗୁଆଇ ଆତଃ ଯାରୁଶାଲେମ୍ ପାଞ୍ଚେଟ୍ରେନ୍ ହତ୍ ତାଇକେନାଏ ପ୍ରେରିତ୍ ୧୫:୧୩ । ପ୍ରେରିତ୍ ପାଉଲୁସ୍‌ହଗି ଯାକୁବ୍‌କେ କାଲିସିୟାରେନ୍ ଖୁଶୁ ମେଟ୍ରେ କାଜିୟା ଗାଲାତିୟ ୨:୯ ।

ଯାକୁବ୍ ପୁଅ ଯାଶୁ ଖ୍ରୀଷ୍ଟିଆଃ ଜାନାମ୍‌ରେୟାଃ ୫୦ ବାରାଷ୍ଟ ତାୟମ୍‌ରେ ଅଲ୍ଲାକାନା ମେଟ୍ରେ ବାଇବାଲ୍ ପାଣ୍ଡିତ୍‌କ ବିଶ୍ୱାସ୍ ରିକାଃକ । ଯାକୁବ୍ ଯାରୁଶାଲେମ୍‌ରେନ୍ ଆଗୁଆଇ ତାଇକେନାଏ, ଏନାତେ ହବାସାକାଅଆଃ ଜନିଃ ଏଗ୍ରାଃରେ ତାଇନତାନ୍ ଇମ୍‌ତା ଜନିଃ ନେ ପୁଅ ଅଲ୍ଲାକାଦ୍ ତାଇକେନାଏ ।

ଯାକୁବ୍ ଅତେଦିଶୁମ୍‌ରେ ଛିତିବିତିକାନ୍ ଗେଲ୍‌ବାର୍ କିଲିକଆଃ ବିଷାଏରେ ଆୟାଃ ପୁଅରେ ଉଦୁବାକାଦା ଯାକୁବ୍ ୧:୧ । ଯାକୁବ୍ ପୁଅରେୟାଃ ଜନିତୁ ସବେନ୍ ଖ୍ରୀଷ୍ଟିୟାନ୍‌କଆଃ ନାଗେଟ୍ରେ ଲାଗାତିଙ୍ଗ୍ ତାନା । ମେନ୍‌ଦ୍ “ଗେଲ୍‌ବାର୍ କିଲିକ” ମେଟ୍ରେ କାଜିକାନ୍ କାଜି, ହବାସାକାଅଆଃ ଯାକୁବ୍ ଯିହୁଦୀ ଖ୍ରୀଷ୍ଟିୟାନ୍‌କକେ ଅଲ୍ଲାକାଦକଆ । ତିଆଃଚି ନେ ପୁଅ ପୁରାଃ ପାଢ଼ାଅଃତାନ୍ ହତ୍‌କତାଃରେ ସେଟେରେ ନାଗେଟ୍ରେ ତାଇକେନା, ନେଆଁରେ ପୁରାଃ ବିଷାଏକ ଅଲ୍ଲାକାନା । ଯାକୁବ୍ ବିଶ୍ୱାସ୍ ଆତଃ କାମିରେୟାଃ ଚେତାନ୍‌ରେ କାଜିକାଦା ଯେ, ସାର୍‌ତି ବିଶ୍ୱାସ୍ କାମିରେ ଉଦୁବଃଆ ୨:୧୭ । ଜନିଃ କିର୍ସାଣ୍ ହତ୍‌କକେ ଏସ୍‌କାର୍ ମାଇନ୍ ଏମାକ ବିଷାଏରେ ଚେତାଏ କାଜି କାଜିକାଦା ୨:୧-୪ । ଆତଃ ଆବୁକେ ଉଦୁବ୍‌ରୁ ତାନା ଯେ, ଆବୁ ଜାଗାର୍‌ତାନ୍ ବିଷାଏରେ ତିର୍ଗାଲ୍‌କାନ୍‌ରୁ ତାଇନା ୩:୧-୧୨ ।

ପୁଅ ତିତାନ୍‌ରେ ଅଲ୍ଲାକାନ୍ ବାଜି

୧. ଯାକୁବ୍ ଆୟାଃ ପାଢ଼ାଅତାନ୍‌କକେ ଜହାର୍ ମେଟ୍ରେ କାଜିକତାନାଏ । ୧:୧
୨. ଜନିଃ ଖ୍ରୀଷ୍ଟିୟାନ୍‌କକେ ଦୁକୁ ଇମ୍‌ତା ଧୂରାଜ୍ ସାଏକେଦ୍‌ତେ ତାଇନ୍ ନାଗେଟ୍ରେ ଜୀଉରେ କେଟେଦ୍ ଏମାକତାନାଏ । ୧:୨-୨୭
୩. କାମି ହରାତେ ଚିଲ୍‌କା ବିଶ୍ୱାସ୍‌କେ ଉଦୁବ୍ ଲାଗାତିଙ୍ଗ୍‌ୟାଃ ଏନ୍ ବିଷାଏରେ କାଜିକାଦା । ୨:୧-୨୭
୪. ବାରାନ୍ ଚିଲ୍‌କା ପେଡେୟାନ୍ ହବାଅଃଆ ଏନା ଜନିଃ କାଜିକାଦାଏ । ୩:୧-୧୨
୫. ଯାକୁବ୍ ଅତେଦିଶୁମ୍‌ରେୟାଃ ସେଣାଁ ପାର୍‌ମେଶ୍ୱାର୍‌ଆଃ ସେଣାଁ ଲେକା ନାହାଁଲାଃ ମେଟ୍ରେ କାଜିକାଦା । ୩:୧୩-୪:୧୦
୬. ପାଢ଼ାଅତାନ୍ ହତ୍‌କକେ ଆପାନ୍‌କେ ମାରାଙ୍ଗ୍ ମେଟ୍ରେ ଆଲପେ କାଜିନ୍ ମେଟ୍ରେ ଚେତାଏକ ତାନା । ୪:୧୧-୫:୬
୭. ଚୁଣ୍ଡିରେ ଯାକୁବ୍ ଚିମିନ୍ ହୁପତିଙ୍ଗ୍ ଜନିତୁକ ଏମକେଦ୍‌ତେ ଆୟାଃ ଅନଲ୍ ଚାବାକେଦାଏ । ୫:୭-୨୦

ଜହାର୍

୧୦*ଆଇଙ୍ଗ୍ ଯାକୁବ୍ ପାର୍‌ମେଶ୍ୱାର୍‌ଆଃ ଆତଃ ପାଲୁ ଯାଶୁ ଖ୍ରୀଷ୍ଟିଆଃ ଦାସି ତାନିଙ୍ଗ୍, ଗଗା ଅତେଦିଶୁମ୍‌ରେ ଛିତିବିତିକାନ୍ ପାର୍‌ମେଶ୍ୱାର୍‌ଆଃ ହତ୍‌କକେ ଜହାର୍ କାଜିତାନ୍‌ଲଃ ନେ ଚିତାଉ ଅଲେତାନାଇଙ୍ଗ୍ ।

ବିଶ୍ୱାସ୍ ଆତଃ ସେଣାଁ

୧୧ ହେ ଆଇଁୟାଃ ହାଗା ମିଶିକ, ଜୀଦାନ୍‌ରେୟାଃ ସେସେନ୍ ହରାରେ ଚିମିନ୍ ରାକାମ୍‌ରେୟାଃ ବିନିତ୍ତାଅ ହିନ୍ଦୁଃରେଦ୍, ଏନାକେ ରାସକାରେୟାଃ ବିଷାଏ ତାନାଃ ମେଟ୍ରେ ଆଟ୍‌କାରେପେ । ୩ ଚିୟାଃଚି ଆପେ ସାରିତାନାପେ, ନେ'ଲେକାନ୍ ବିନିତ୍ତାଅ ହିନ୍ଦୁଃତାନ୍ ଇମ୍‌ତା ବିଶ୍ୱାସ୍‌ରେ କେଟେଦ୍ ତାଇନଃରେ, ଆପେୟାଃ ସାହାତିଙ୍ଗ୍‌ରେୟାଃ ପେଡେଃ ହାରାଇଦିୟାଃଆ । ୪ ଆପେ ଚୁଣ୍ଡୁ ଜାକେଦ୍ ସାହାତିଙ୍ଗ୍‌କେଦ୍‌ତେପେ ତାଇନଃରେଦ୍, ଜେତାନ୍ ବିଷାଏରେ କା ଜାଞ୍ଜିକେଦ୍‌ତେ ପକ୍‌ତା ଆତଃ ପୁରାକେଦ୍‌ତେପେ ତାଇନାଃ । ୫ ମେନ୍‌ଦ୍ ଆପେକଏତେ ଜେତାଏ ସେଣାଁରେ ଜାଞ୍ଜିକାନ୍‌ରେଦ୍, ଜନିଃ ପାର୍‌ମେଶ୍ୱାର୍‌ତାଃରେ ବିକ୍ରିକା, ଏନାରେ ପାର୍‌ମେଶ୍ୱାର୍ ଜନିଃକେ ସେଣାଁଏ ଏମାଇୟା, ଚିୟାଃଚି ପାର୍‌ମେଶ୍ୱାର୍‌ଦ୍ ବେଗାର୍ ହିକ୍‌କିଚାଅକେଦ୍‌ତେ ଆତଃ ଲେବେଃ ମନ୍‌ଦେତେ ସବେନ୍‌କକେ ଏମାଃଏ । ୬ ମେନ୍‌ଦ୍ ଆପେ ବିକ୍ରି ଇମ୍‌ତା,

* ୧:୧ ୧:୧ ମାଥୁର ୧୩:୫୫; ମାର୍ଚ୍ଚ ୭:୩; ପ୍ରେରିତ୍ ୧୫:୧୩; ଗାଲାତିୟ ୧:୧୯.

ବେଗାରୁ ଆଡ଼ାଃଉଡ଼ୁକେଦତେ ବିଶ୍ୱାସ୍ତାନଲଃ ବିନ୍ନିପେ । ଆଡ଼ାଃଉଡ଼ୁକେଦେ ବିନ୍ନିତାନନିଃ, ହୟତେ କା ଆବରୁଅଃ ଦରେୟାରେୟାଃ ଆଲ୍ପୁକ୍ଷ୍ ଲେକାଃଏ । ୭ ଏନ୍ଲେକାନ ହଡ଼ଦ, ପ୍ରାଭୁତାଃଏତେ ଜେଡ଼ନାଃ ନାମେୟାଃଏ ମେନ୍ତେ ଆଲକାଏ ଉଡ଼ୁଗେକା, ୮ ତିୟାଃତି ଜନିଃଦ ବାରିଆ ମନ୍ରେନ୍ ହଡ଼ତାନିଃ, ଏନାତେ ଜନିଃ ଆୟାଃ ଉହାଟ୍‌କାଦତେୟାଃ କାଏ ରିକା ଦାଡ଼ିୟା ।

କିର୍ଯାଣ୍ଡ ଆତଃ ଗାରିବ

୯ ଗାରିବ ଶ୍ରୀଷ୍ଟ ବିଶ୍ୱାସୀ ହାଗାକକେ ପାର୍ମେଶ୍ୱାର୍ ଜନକୁଆଃ ଜୀଦାନରେ ହାରାଇଦିକ ଜମତା ଜନକୁ ରାସ୍ତକାଅଃକାକ, ୧୦ ଆତଃ କିର୍ଯାଣ୍ଡ ଶ୍ରୀଷ୍ଟ ବିଶ୍ୱାସୀକକେ ପାର୍ମେଶ୍ୱାର୍ ଲାତାରରେ ଉୟୁଃକ ଜମତା ଜନକୁ ରାସ୍ତକାଅଃକାକ । ତିଆଃତି ଜନକୁଆଃ କିର୍ଯାଣ୍ଡତେୟାଃ ତାସାଦ୍ ବାହା ଲେକା ନୁରକେନଃଆ । ୧୧ ସିକ୍ଷି ରାପ୍‌ରେୟାଃ ଲଲ ହୟତେ ତାସାଦ୍ ରହଡ଼କ୍‌ଆଃ, ଆତଃ ଏନାରେୟାଃ ବାହା ନୁରକ୍‌ଆଃ ଏନ୍ତେ ଏନାରେୟାଃ ସୁଗାଡ଼ାନତେୟାଃ ଜିୟନକ୍‌ଆଃ । ଏନ୍ଲେକାଗି, କିର୍ଯାଣ୍ଡ ହଡ଼ହ୍ ଆୟାଃ ସବେନ୍ କାଜିକାମିରେୟାଃ ଭିଡ଼ରେ ମୁସିକ୍ ହୁଲାକ୍ ଜିୟନଃଆଏ ।

ବିନିତାଅ ଆତଃ ଲାଲାର୍

୧୨ ବିନିତାଅରେ ସାହାତିକ୍‌ତାନ ହଡ଼କ ସୁକ୍ତତାନଗିୟାକ, ତିୟାଃତି ନେ ଲେକାନ ବିନିତାଅରେ ଜିତାଅଃରେଦ, ପାର୍ମେଶ୍ୱାର୍ ଅକ ଜୀଦାନ ଏମ୍ ନାଗେନ୍ତେ ଆଇଃକକେ ଦୁଲାଡ଼ିତାନ ହଡ଼କକେ ବାନାରସା ଏମାକାଦକ୍‌ଆଏ, ଜନକୁ ଏନାକେ ମୁକୁର୍ ଲେକାକ ନାମେୟାଃ । ୧୩ ଜେତା ହଡ଼ ବିତାଅରେ ଉୟୁଗଃରେ, “ଆଇଁୟାଃ ନେ ବିତାଅ ପାର୍ମେଶ୍ୱାର୍ ସାଃଏତେ ହିଜୁଆକାନା” ମେନ୍ତେ ଆଲକାଏ କାଜିକା, ତିୟାଃତି ପାର୍ମେଶ୍ୱାର୍ ଏଡ଼କାନାଃତେ କାଏ ବିତାଅ ଦାଡ଼ିୟାଃଆଃ, ଆତଃ ଜନିଃ ଜେତାଏକେ କାଏ ବିତାଅକ୍‌ଆ । ୧୪ ମେନ୍‌ଦ ଜେତା ହଡ଼ ଆୟାଃ ଏଡ଼କାନ୍ ସାନାକ୍‌ରେ ତାଇନକେଦତେ ବିତାଅରେ ଉୟୁଗଃଆ । ୧୫ ଏଡ଼କାନ୍ ସାନାକ୍‌ରେୟାଃ ହାମ୍‌ଲାରୋଝାଏତେ ପାପ୍ ସିରଜାଅଃଆ ଆତଃ ଏନ୍ ପାପ୍ ପୁରା ହାରାଇଦିକେନଃରେ ଗନହଃ ହବାଅଃଆ ।

୧୬ ହେ ଦୁଲାଡ଼୍ ହାଗା ମିଶିକ, ଆଲପେ ବେଦାଅଃଆ । ୧୭ ସବେନ୍ ବୁଗିନ୍ ବାରଦାନ ଆତଃ ସବେନାଃଏତେ ପୁରାଃ ବୁଗିନ୍ ଦାନ୍ ସିର୍ମାରେନ୍ ଆପୁ ପାର୍ମେଶ୍ୱାର୍‌ତାଃଏତେଗି ହିଜୁଃଆ । ଜନିଃ ସିର୍ମାରେ ମାର୍ଯାଲେତାନ ସିକ୍ଷି, ତାଣ୍ଡୁ ଇପିଲକକେ ବାବାଜନିଃ ତାନିଃ । ଜନିଃ ଉମ୍‌ଲୁ ଲେକା ବାଦ୍‌ଲାଅନିଃ ନାହାଁଲିଃ । ୧୮ ଗତା ଅତେଦିଶୁମ୍‌ରେ ଆଇଃକ୍ ବାଇୟାକାଦ୍ ଜାଡ଼ୁକ୍‌ଆଃ ଆଲରେ ଆବୁ ଜେଲେକା ପାହିଲା ଠାୟାଦ୍‌ରେବୁ ତାଇନା, ଏନାମେନ୍ତେ ଜନିଃ ଆୟାଃ ଇଛାସାନାକ୍‌ରେ ସାଡ଼ତି କାଜିତେ ଆବୁକେ ବାଇୟାକାଦ୍‌ବୁଆ ।

ଆୟୁମ୍ ଆତଃ କାମିରିକା

୧୯ ଆଇଁୟାଃ ଦୁଲାଡ଼୍ ହାଗା ମିଶିକ, ନେଆଁ ପାହାମେପେ, ଆପେ ସବେନକ୍‌ ଆୟୁମ୍ ନାଗେନ୍ତେ ଏୟନାକାନପେ, ମେନ୍‌ଦ୍ ସୁଆଏତେ ଜାଗାର୍ ନାକ୍‌ ଆତଃ ସୁଆଏତେ ଖସ୍‌ଆ ନାଗେନ୍ତେ ହବାଅଃପେ । ୨୦ ତିୟାଃତି ହଡ଼ଆଃ ଖସ୍‌ ହରାତେ ପାର୍ମେଶ୍ୱାର୍‌ଆଃ ଇଛା ଧାର୍ମାନ କାଏ ରିକାଦାଡ଼ିୟା । ୨୧ ଏନାମେନ୍ତେ ସବେନ୍ ଲେକାନ୍ ଏଡ଼କାନ୍ ଗିନିକାନ୍‌ତେୟାଃକ ଆତଃ ଏଡ଼କାନ୍ ଚାଇଲ୍ ଚାଲାନ କାମିକ ବାଗିପେ । ଆପାନକେ ପାର୍ମେଶ୍ୱାର୍‌ତାଃରେ ଜିମାକେଦତେ, ଆପେୟାଃ ମନ୍‌ସୁରୁଦ୍‌ରେ ଜନିଃ ଅକ ବାତାନ୍ ହେରାକାଦାଏ, ଏନାକେ ତେଲ୍ୟାପେ । ଏନା ଆପେକେ ବାଞ୍ଛାଅ ଦାଡ଼ିୟାପେୟା ।

୨୨ ଆପେ ଆପାନକେ ଆଲପେ ବେଦାନାଃ । ଜନିୟାଃ ବାତାନ୍ ଏସକାର୍ ଆୟୁମ୍‌ଲେରେ କା ହବାଅଃଆ ମେନ୍‌ଦ୍ ଏନ୍ ବାତାନ୍ ଲେକାତେ କାମି ରିକା ଲାଗାତିକ୍‌ୟାଃ । ୨୩ ଅକ ହଡ଼ ପାର୍ମେଶ୍ୱାର୍‌ଆଃ କାଜି ଏସକାର୍ ଆୟୁମାଃଏ, ତାଏ ଆୟୁମ୍‌କେଦତେ କାଏ କାମିୟାଃ, ଜନିଃ ଆଏନାରେ ଆୟାଃ ମେଦ୍‌ମୁହାଁଡ଼୍ ନେଲେତାନ ହଡ଼ ଲେକାଃଏ । ୨୪ ଜନିଃଦ ବୁଗିଲେକା ଆୟାଃ ମେଦ୍‌ମୁହାଁଡ଼୍‌କେ ଆଏନାରେ ଜେତନା, ମେନ୍‌ଦ୍ ଜନିଃ ଏନ୍ନାଃଏତେ ଅତଜ୍‌ୟାନ୍‌ତେ ଆୟାଃ ଆପ୍‌ନାଃ ମେଦ୍‌ମୁହାଁଡ଼୍‌କେ ଜମତାଗି ରିଡ଼ିକ୍‌ତାଃ । ୨୫ ମେନ୍‌ଦ୍ ହଡ଼ରାଃ ଜୀଉବାଞ୍ଛାଅ ନାଗେନ୍ତେ ମିଆଁଦ୍ ପୁରା ପକ୍‌ତାକାନ୍ ଆନ୍‌ରୁ ମେନାଃ । ଜେତାଏ ଏନା ଆୟୁମ୍‌କେଦତେ କାଏ ରିଡ଼ିକ୍‌ୟେଆ ଆତଃ ଆୟାଃ ନାଗେନ୍ତେ ପୁରା ମନ୍‌ସୁରୁଦ୍‌ରେ ମିଦ୍‌ମନ୍‌ତେ ଏନାକେ ମାନାଡ଼ିୟେରେଦ, ପାର୍ମେଶ୍ୱାର୍ ଜନିୟାଃ ସବେନ୍ କାମିରେ ଆଶିଷ୍ ଏମାଇୟାଃ ।

୨୬ ଜେତାଏ ଚିନାଃ ଆପାନକେ ଧାର୍ମାନ ମେନ୍ତେ ଆବ୍‌କାରେନ୍ ତାନା ? ଜନିଃ ଆୟାଃ ଆଲାକ୍‌କେ ଆବ୍‌ରେ କାଏ ଦହ ଦାଡ଼ିତାନରେଦ, ଜନିୟାଃ ଧାରାମ୍ କାମିକ ସବେନାଃ ସାମାତାନାଃ ଆତଃ ଜନିଃ ଆପ୍‌ନାଃ ମନ୍‌କେ ବେଦାତାନା । ୨୭ ତୁଆର୍ ହନ୍‌କ୍‌ଆଃ ଆତଃ ରାଣ୍ଡିକ୍‌ଆଃ ନାରାଦୁରା ଜମତାକ୍

ଯାହାକୁ ଅଭିକେଦତେ, ଅତେଦିଶ୍ୱମରେୟାଃ ଏଡକାନାଃଏତେ ଆପାନ୍ଦକେ ବେଗାଠ ଦାଗିକେଦତେ ଦହତେୟାଃଗି, ଆବୁଆଃ ଆପୁ ପାର୍ମେଶ୍ୱାର୍ଆଃ ଆୟାରରେ ପୁରାଃ ଫାର୍ତ୍ତୟାନ୍ ଆତଃ ସୁଗାଡାନ୍ ଧାର୍ମାନ୍ କାମି ତାନାଃ ।

୨

ମେଦମୁହାଁଡ଼ ନେଲ୍ଲରେୟାଃ କାଜି

୧ ହେ ଆଇଁୟାଃ ହାଗା ମିଶିକ, ଆବୁଆଃ ମାନାରାଜ୍ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସକାଦ୍ ହରାତେ, ଆପେ ହଡକଆଃ ମେଦମୁହାଁଡ଼ ନେଲ୍ଲକେଦତେ ଆଲପେ ସୁସାରକଆ । ୨ ହବାସାକାଆଆଃ, ଆପେୟାଃ ସାମାଜ୍ ଅଡ଼ାଃତେ ଜେତାଏ ମିହୁଡ଼, ସୋନାରେୟାଃ ମୁଦାମ୍ ଆତଃ ଗନଜ୍ଆଁନ୍ ଲିଜାଃ ତୁସିଜ୍ଜକେଦତେ ହିଜୁଃରେ ଆତଃ ଏଗାଃ ମିହୁଡ଼, ତୁମ୍ ଲିଜାଃ ଆତଃ ଚେଟାଃ ଲିଜାଃ ତୁସିଜ୍ଜକେଦତେ ହିଜୁଃ ଇମ୍ତା, ୩ ଆପେ ଗନଜ୍ଆଁନ୍ ଲିଜାଃ ତୁସିଜ୍ଜୟାକାନ୍ ହଡକେ ପୁରାଃଗି ମାଇନ୍କେଦତେ “ନେତାଃ ଦେଲା ନେ ବୁଗିନ୍ ଠାୟାଦ୍ରେ ଦୁବ୍ମେ ମେନ୍ତେପେ କାଜିୟା, ୪ ମେନ୍ଦ ମିଆଁଦ୍ ଗାରିବ୍ ହଡକେ, “ଜୁ ଏଗାଃରେ ତିଜ୍ଜୁନ୍ମେ, ଚାଏ ଏନ୍ ଅତେ ଲାତାରରେ ଦୁବ୍ମେ” ମେନ୍ତେପେ କାଜିୟା, ୫ ଏନ୍ରେଦ ଆପେ ଆପେୟାଃ ଆଲ୍ଲରେ ମାରାଜ୍ ହୁଡିଜ୍ଜରେୟାଃ ଭେଦଭାବ୍ ରିକାଏତାନାପେ ଆତଃ ଏଡକାନ୍ ଉଡ଼ୁତାନ୍ଲିଃ ମେଦମୁହାଁଡ଼ ନେଲ୍ଲକେଦତେପେ ବିଚାର୍ତାନା ।

୬ ହେ ଆଇଁୟାଃ ଦୁଲ୍ଲାଡ଼ ହାଗା ମିଶିକ ଆୟୁମେପେ, ପାର୍ମେଶ୍ୱାର୍ ଚିନାଃ ନେ ଅତେଦିଶ୍ୱମରେନ୍ ନାରାଦୁରା ହଡକକେ ବିଶ୍ୱାସରେୟାଃ ଖୁଜ୍ରେ କିସାଁଣାଃ ନାଗେନ୍ତେ ଆତଃ ଆଇଃକକେ ଦୁଲ୍ଲାଡ଼ିତାନ୍ ହଡକକେ ଅକ ରାଇଜ୍ ଏମାକ ନାଗେନ୍ତେ ବାନାର୍ସାଏ ଏମାକାଦକଆ, ଏନାରେୟାଃ ଆକ୍ତେୟାର୍ ନାମେ ନାଗେନ୍ତେ କାଏତି ସାଲ୍ଲକାଦକଆ ? ୭ ମେନ୍ଦ, ଆପେ ଗାରିବ୍ ହଡକକେ କାପେ ମାଇନ୍କତାନା । ଅକନ୍ ହଡକ ଆପେକେ ସିଗିଦ୍ପେତାନାକ ଆତଃ କାଚାଇରିତେ ଆଇଜ୍ ଇଦିପେତାନାକ, ଇନ୍କୁ ଅକଏ ତାନ୍କୁ ? ଇନ୍କୁଗି ଏନ୍ କିସାଁଣ୍ ହଡକ ତାନ୍କୁ । ୮ ଅକ ଯୀଶୁ ଖ୍ରୀଷ୍ଟଆଃ ନୁଡୁମ୍ ଆପେକେ ଏମାକାନା, ଇନ୍କୁ ଏନ୍ ବୁଗିନ୍ ନୁଡୁମରେୟାଃ ଏଡକାନ୍ କାଜିକ କାଜିୟାଃ ।

୯ “ଆମାଃ ହପଡକାପାଃ ନିଃକେ ଆମାଃ ଲେକାଗି ଦୁଲ୍ଲାଡ଼ିମେ,” ଧାରାମ୍ପୁଥିରେ ଅଲ୍ଲକାନ୍ ପାର୍ମେଶ୍ୱାର୍ଆଃ ରାଇଜ୍ଗାଃ ନେ ଆନ୍ତୁକେପେ ମାନାଡିଜ୍ତାନ୍ ରେଦ, ଆପେ ଠାଉକାନ୍ କାମିପେ କାମିତାନା । ୧୦ ମେନ୍ଦ ଆପେ ହଡରାଃ ଏୟରଃତୁସିଜ୍ଜ୍ଆଃ ନେଲ୍ଲକେଦତେ ହଡକକେପେ ମାଇନ୍କ ତାନ୍ରେଦ, ଆପେ ପାଦ୍ କାମିତାନାପେ ଆତଃ ଆନ୍ତୁ ଲେକାକେ ଆପେ ମିହୁଡ଼, ଆନ୍ତୁକେ କା ମାନାଡିଜ୍ତାନ୍ ହଡ ଲେକାନ୍ଦକ ତାନ୍ପେ । ୧୧ ଜେତାଏ ସବେନ୍ ଆନ୍ତୁକେ ମାନାଡିଜ୍ ତାନାଏ, ମେନ୍ଦ ମିଆଁଦ୍ ଆନ୍ତୁ ଏସକାର୍ କାଏ ମାନାଡିଜ୍ ତାନା, ଇନିଃ ସବେନ୍ ଆନ୍ତୁକେ କା ମାନାଡିଜ୍ତାନ୍ନିଃ ତାନିଃ । ୧୨ ଚିୟାଃଗି, ପାର୍ମେଶ୍ୱାର୍ କାଜିକାଦାଏ, “ଆପାଜିର୍ କାମି ଆଲମାଃ,” ଏନ୍ ପାର୍ମେଶ୍ୱାର୍ଗି ଆତଃମିଆଁଦ୍ କାଜିକାଦାଏ, “ହଡ ଗଗଏଃ ଆଲମାଃ ।” ଏନାତେ, ଆମ୍ କାମ୍ ଆପାଜିର୍ ତାନ୍ରେୟାଗି, ହଡ ଗଗଏଃ ତାନ୍ରେଦମ୍, ଆମ୍ ମିହୁଡ଼, ଆନ୍ତୁ କା ମାନାଡିଜ୍ନିଃ ତାନ୍ମେ । ୧୩ ରାଡ଼ାଅଃରେୟାଃ କାମି ଏମ୍ ଦାଡିତାନ୍ ମୁଶାରାଃ ଆନ୍ତୁ ହରାତେ ଆମାଃ ବିଚାର୍ ହବାଅଆ, ଏନା ଆମାଃ ଜାଗାର୍ତେ ଆତଃ କାମିତେ ଉଦୁବେମେ । ୧୪ ଚିୟାଃଗି ଜେତାଏ ଏଗାଃନିଃକେ କାଏ ଦାୟାଈୟା, ପାର୍ମେଶ୍ୱାର୍ ଇନିଃକେ କାଏ ଦାୟାଈୟା, ମେନ୍ଦ ଅକନ୍ଦ ଏଗାଃକକେ ଦାୟାକାଦକଆକ, ଇନ୍କୁକେ ପାର୍ମେଶ୍ୱାର୍ ବିଚାର୍ ନେନାରେ ଦାୟାକଆ ।

କାମି ବେଗାର୍ ବିଶ୍ୱାସ୍ ଗନଏଃ

୧୫ ହେ ହାଗା ମିଶିକ, ଜେତାଏ ଆଇଁୟାଃ ବିଶ୍ୱାସ୍ ମେନାଃ ମେନ୍ତେ କାଜିତାନା, ମେନ୍ଦ କାମିରେ କାଏ ଉଦୁବେତାନ୍ ରେଦ, ଇନିୟାଃ କାଜିରେ ଜେତାନ୍ ଲାଭ୍ ବାନଃଆ । ତିନାଃ ଏନ୍ ଲେକାନ୍ ବିଶ୍ୱାସ୍ ଜେତାଏକେ ବାଆଅ ଦାଡିୟାଃଏଡି ? ୧୬ ମେନ୍ଦ ଜେତାଏ ହାଗା ଚାଏ ମିଶିଆଃ ଲିଜାଃ ଆତଃ ଜଜମାଃ ବାନଃରେଦ, ୧୭ ଆତଃ ଆପେ ଇନିୟାଃ ଲାଗାଡିଜ୍ତେୟାଃକେ କା ଏମ୍କେଦତେ କାଜିୟାପେ, “ପାର୍ମେଶ୍ୱାର୍ ଆମକେ ଆଶିଷମେକା, ଜମ୍ ନୁଁକେଦତେ ଜାଉସୁକୁରେ ତାଇନ୍ମେ ।” ୧୮ ବିଶ୍ୱାସ୍ ହଗି ଠିକ୍ । ଏନ୍ଲେକାଗି ବେଗାର୍ କାମିତେ ବିଶ୍ୱାସ୍ ଗଜାକାନା ।

୧୯ ମେନ୍ଦ ଜେତାଏ କାଜି ଦାଡିୟାଏ, “ମିହୁଡ଼ରାଃ ବିଶ୍ୱାସ୍ ମେନାଃ, ଏଗାଃ ମିହୁଡ଼ରାଃ କାମି ମେନାଃ ।” ମେନ୍ଦ ଆଇଜ୍ କାଜିୟାଈଜ୍, “କାମି ବେଗାର୍ ଆପେୟାଃ ବିଶ୍ୱାସ୍ ଆଇଜ୍କେ ଉଦୁବାଇଜ୍ପେ ଆତଃ ଆଇଜ୍ କାମି ହରାତେ ଆପେକେ ଆଇଁୟାଃ ବିଶ୍ୱାସ୍ ଉଦୁବାପେୟାଈଜ୍ ।” ୨୦ ପାର୍ମେଶ୍ୱାର୍ ମିହୁଡ଼ରିୟାଏ

ଏନା ଆପେ ବିଶ୍ୱାସତାନାପେ ବୁଗିନ୍ କାଜିତାନାଃ । ବଜ୍ଞାକହଗି ବିଶ୍ୱାସକେଦତେ ବରତେ ଆର୍ଥାଆଃଠାଃକ
 । ୨୦ ହେ ତଣ୍ଡକ, କାମି ବେଗାର୍ ବିଶ୍ୱାସ୍ ସାମାତାନାଃ, ନେଆଁ ଚିନାଃ କାପେ ସାରିତାନା ? ୨୧ ଆବୁଆଃ
 ପୁରୁଖା ହାଡ଼ାମ୍ ଆବୁହାମ୍, ପାର୍ମେଶ୍ୱାର୍ଆଃ ନେପେଲ୍ରେ ଚିଲ୍ଲକା ଧାର୍ମାନ୍ ହବାୟାନାଏ ? ଇନିଃ
 ଆୟାଃ ହନ୍ ଇସାକ୍କେ ବେଦି ଚେତାନ୍ରେ ଦାଣ୍ଠେଁ ରାକାବ୍କିୟାଏ ଇମ୍ତାଜ୍ ଆୟାଃ କାମି ହରାତେ
 ଧାର୍ମାନ୍ ମେନ୍ତେ କାଜିୟାନା । ୨୨ ଆପେ ଚିନାଃ କାପେ ଆର୍ବକାର୍ଉରୁମ୍ ଦାଡ଼ିତାନା ? ଆବୁହାମ୍ଆଃ
 ବିଶ୍ୱାସ୍, କାମିତେ ଉଦୁବୟାନା, କାମି ହରାତେ ଇନିୟାଃ ବିଶ୍ୱାସ୍ ପକ୍ତାୟାନା । ୨୩ ନେଆଁ ହରାତେ
 ଧାର୍ମାପୁଅରେୟାଃ କାଜି ପୁରାୟାନା : “ଆବୁହାମ୍ ପାର୍ମେଶ୍ୱାର୍କେ ବିଶ୍ୱାସ୍କିୟା ଆତଃ ଇନିୟାଃ ବିଶ୍ୱାସ୍
 ହରାତେ ପାର୍ମେଶ୍ୱାର୍ଆଃ ନେପେଲ୍ରେ ଇନିଃ ଧାର୍ମାନ୍ ମେନ୍ତେ ଲେକାୟାନା ।” ଆତଃ ଆବୁହାମ୍
 ପାର୍ମେଶ୍ୱାର୍ଆଃ ଗାତି ମେନ୍ତେ କାଜିୟାନା । ୨୪ ଏନାତେ, ଆପେ ଆର୍ବକାର୍ଉରୁମ୍ ଦାଡ଼ିୟାପେ ଯେ,
 ହଡ଼ହନ୍ ବିଶ୍ୱାସ୍ ହରାତେ ଏସକାର୍ କା ମେନ୍ଦ୍ କାମି ହରାତେ ଧାର୍ମାନ୍ ମେନ୍ତେ କାଜିୟାଆ ।

୨୫ ଏନ୍ଲେକାଗି ହଡ଼ମ୍ରେୟାଃ ଏଡ଼କାନ୍ କାମିରେ ତାଜନ୍ତାନ୍ କୁଡ଼ି ରାହାବ୍ ହଗି ଆୟାଃ ବୁଗିନ୍ କାମି
 ହରାତେ ଧାର୍ମାନ୍ ମେନ୍ତେ କାଜିୟାନା । ଇସ୍ରାଏଲ୍ରେନ୍ ଅକନ୍ ହଡ଼କକେ ଉକୁକେଦତେ କୁଲକାନ୍
 ତାଜକେନା, ଇନ୍କୁକେ ଇନିଃ ଉକ୍ତୁ ନାଗେନ୍ତେ ଆତଃ ଏଗାଃ ହରାରେ ସେନଃ ନାଜ୍ ଦେଜ୍ଜାକାଦ୍
 ତାଜକେନାଏ, ଏନା ପାର୍ମେଶ୍ୱାର୍ଆଃ ଆୟାଃରେ ଠାଉକାନ୍ କାମି ତାଜକେନା ।

୨୬ ଏନାତେ, ଆମ୍ ବେଗାର୍ ହଡ଼ମ୍ ଜେ'ଲେକା ଗଜାକାନା, ଏନ୍ଲେକାଗି କାମି ବେଗାର୍ ବିଶ୍ୱାସ୍ ହଗି
 ଗଜାକାନା ।

୩

ଆଲାଜ୍ରେୟାଃ ଜନ୍ଦକା

୯ ହେ ହାଗା ମିଶିକ, ଆପେକ୍ଷତେ ପୁରାଃ ଇନିତୁକ ଆଲପେ ହବାଅଃଆ । ଚିୟାଃଟି ଆପେ
 ସାରିତାନାପେ ଯେ, ଆଲେ ଲେକାନ୍ ଇନିତୁକ ଏଗାଃକଆଃ ତାଃଏତେ ପୁରାଃଟି ସାଜାକ ନାମେୟା ।
 ୨ ଆବୁ ସବେନ୍ଦକ୍ ଚିମିନ୍ଦା ଡୁଲ୍ ରିକାଃବୁ । ଜେତାଏ ଆୟାଃ ଜାଗାର୍ତାନ୍ ଇମ୍ତା କାଏ ଡୁଲ୍ଲେତାନ୍
 ରେଦ୍, ଇନିଃ ପକ୍ତାକାନ୍ ଆତଃ ଆପ୍ନାଃ ହଡ଼ମ୍ରେ ପୁରା ଆବରକେଦତେ ଦହ ଦାଡ଼ିତାନ୍ ହଡ଼ ତାନିଃ
 । ୩ ସାଦମ୍ଆଃ ହଡ଼ମ୍ରେ ଆବରରେ ଦହ ନାଗେନ୍ତେ ଆବୁ ଆୟାଃ ମଗାରେ ଲାଗିମ୍ ତଲାଃବୁ ଆତଃ
 ଆବୁ ଇନିଃକେ ଆବୁଆଃ ଇଛାସାନାଜ୍ ଲେକାତେ ଇଦି ଦାଡ଼ିୟାଃବୁ । ୪ ମିଆଁଦ୍ ମାରାଜ୍ ଦାଆଃ ଜାହାଜ୍
 ବିଷାଏରେ ଉଡ଼ୁଇପେ, ଦାଆଃ ଜାହାଜ୍ କେ ଚାଲାଅତାନ୍ନିଃ ପୁରାଃ ହୟ ହିଜ୍ଜାତାନ୍ରେୟା ମିଆଁଦ୍ ହୁଡ଼ିଜ୍
 ପାତଃଞ୍ଚରେୟାଃ ଦେଜ୍ଜାତେ ଏନାକେ ଆବରରେ ଦହକେଦତେ ଆପ୍ନାଃ ଇଛାସାନାଜ୍ ଲେକାତେ
 ଚାଲାଅ ଇଦିୟାଏ । ୫ ଏନ୍ଲେକାଗି ନେ ଆଲାଜ୍ ହୁଡ଼ିଜ୍ଆ, ଏନ୍ରେୟା ମାପ୍ପରାଜ୍ କାଜି କାଜିକେଦତେ
 ଆପାନ୍ଦକେ ମାରାଜ୍ ମେନ୍ତେ କାଜିନାଃ ।

ଉଡ଼ୁ ଲେକାପେ ଚିଲ୍ଲକା ସେଜେଲ୍ ଆଜ୍ଞା ହୁଡ଼ିଜ୍ରେୟାଗି ମାରାଜ୍ ବିରକେ ଅଣ୍ଡୁରତାଃଏ
 । ୬ ମଗାରେୟାଃ ଆଲାଜ୍ ସେଜେଲ୍ ଲେକ୍ନାଃ ତାନାଃ, ଆବୁଆଃ ହଡ଼ମ୍ରେୟାଃ ହିସାରେ
 ଅତେଦିଶ୍ୱାମ୍ରେୟାଃ ସବେନ୍ ଏଡ଼କାନ୍ରେୟାଃ ଏନେଟେଦ୍ ଲେକ୍ନାଃ ତାନାଃ । ଏନା ଆବୁଆଃ
 ହଡ଼ମ୍ରେ ତାଜନ୍ତାନ୍ ହରାତେ ହସଡ଼ କାଜିକ ନିଡିରୟାନ୍ଲାଃ ଆବୁଆଃ ପୁରା ହଡ଼ମ୍ରେ ସଡ଼ରାକାଦା
 । ଆଲାଜ୍ରେୟାଃ ନାରାକ୍ ସେଜେଲ୍ରେ ଆବୁଆଃ ଗଗା ଜାଦାନ୍ଦକେ ଅଣ୍ଡୁରତାଃଏ । ୭ ମାନାଃ
 ସବେନ୍ ବିର୍ ଜାଁତୁକକେ, ଚେଣ୍ଠେଁ, ରେଜ୍ଜାଜାଁତୁ ଆତଃ ଦାଆଃରେ ତାଜନ୍ତାନ୍ ଜାଁତୁକକେ ଆପ୍ନାଃ
 ଆକ୍ତେୟାଃରେ ଦହକାଦକଆ । ୮ ମେନ୍ଦ୍ ଜେତାଏ ଚିତ୍ତାହ ଆଲାଜ୍ କେ ଆବରରେ ଦହ କାକ
 ଦାଡ଼ିୟା । ଏନା ହସଡ଼ତେ ଆତଃ ଗନ୍ଏଃରାଃ ମାହୁରାତେ ପେରେଜାକାନା । ୯ ଆବୁ ଆଲାଜ୍
 ହରାତେ ପ୍ରାଭୁ ଆତଃ ଆପୁ ପାର୍ମେଶ୍ୱାର୍କେ ଧାନାବାଦ୍ ଏମାଃବୁ । ଆତଃ ଏନ୍ ଆଲାଜ୍ ହରାତେ
 ପାର୍ମେଶ୍ୱାର୍ଆଃ ସଭାବ୍ ଲେକାଗି ବାଇୟାକାନ୍ ହଡ଼କକେ ସାର୍ପାଅକ ତାନାବୁ । ୧୦ ଏନ୍ ମଗା
 ହରାତେଗି ଧାନାବାଦ୍ ଆତଃ ସାର୍ପାଅ ଅତଜ୍ଆଃତାନା । ହେ ହାଗା ମିଶିକ, ଏନ୍ଲେକା ଆଲାକା
 ହବାଅଃକା । ୧୧ ମିଆଁଦ୍ ସେତେଜ୍ଏତେ ହେଡ଼ମ୍ ଆତଃ ମେହେର୍ ଦାଆଃ ଲିଜ୍ ଦାଡ଼ିୟାଆତି ?
 ୧୨ ହାଗା ମିଶିକ, ଲଆଦାରୁଏତେ ଚିନାଃ ଜାଜଡୁନ୍ ଜ ଜ'ଆ ? ଚାଏ ଦାଖନାଡ଼ିଏତେ ଚିନାଃ ଲଆ ଜ କ'ଆ
 ? ଏନ୍ଲେକାଗି ବୁଲ୍ଲୁଜ୍ ଦାଆଃ ଲିଜ୍ୟତାନ୍ ସେତେଜ୍ଏତେ ହେଡ଼ମ୍ ଦାଆଃ କା ଲିଜ୍ୟଆ ।

ସିମାଏତେ ହିଜ୍ଜାତାନ୍ ସେଣ୍ଠାଁ

୧୩ ଆପେକ୍ଷତେ ସେଣ୍ଠାଁନିଃ ଚାଏ ଆର୍ବକାର୍ଉରୁମ୍ନିଃ ଅକଏ ମେନାଇୟା ? ଇନିଃ ସେଣ୍ଠାଁନିଃ
 ଆତଃ ଲେବେଃତେ ବୁଗିନ୍ କାମି ରିକାକେଦତେ ଆୟାଃ ଜାଦାନ୍ରେ ଉଦୁବେକାଏ । ୧୪ ମେନ୍ଦ୍

ଆପେୟାଃ ମନ୍‌ସ୍ତୁରୁଦ୍‌ରେ ହିସ୍‌ଜା, ମେହେଦ୍ ଆତଃ ଆପନାଃ ନାଜ୍ ଏସ୍‌କାର୍ ଉତ୍ତୁଷ୍ଟେ ଯେରେଜାକାନ୍ ରେଦ୍, ଆପନାଃ ସେଣ୍‌ନ୍ ହରାତେ ସାନାର୍‌ତିରାଃ ବିରୁଧ୍‌ରେ ଆପାନ୍କେ ମାରାଜ୍ ମେନ୍ତେ ଆଲପେ କାଜିନ୍ ଆତଃ ହସ୍‌ଡ୍ କାଜି ଆଲପେ କାଜିୟା । ^{୧୫} ନେ'ଲେକାନ୍ ସେଣ୍‌ନ୍ ପାର୍‌ମେଶ୍‌ବରାଃଏତେ କା ହିଜୁଃଆ, ମେନ୍‌ଦ ନେ ସେଣ୍‌ନ୍ ଅତେଦିଶ୍‌ମ୍‌ଏତେ ହିଜୁଃଆ । ନେଆଁ ଆମ୍‌ଏତେ କାହା ମେନ୍‌ଦ ସାଏତାନ୍‌ତାଃଏତେ ହିଜୁଃଆ । ^{୧୬} ତିୟାଃତି ଅକ୍‌ତାଃରେ ହିସ୍‌ଜା, ଆପନାଃ ନାଜ୍ ଏସ୍‌କାର୍ ଉତ୍ତୁଃ ମେନାଃ, ଏନ୍ତାଃରେ ବିନ୍‌ଗାଆ, ଆତଃ ସବେନ୍ ଲେକାନ୍ ଏଡ୍‌କାନ୍ କାଜିକ ତାଇନାଃ । ^{୧୭} ମେନ୍‌ଦ ସିର୍ମାଏତେ ଆଡ୍‌ଗୁଃତାନ୍ ସେଣ୍‌ନ୍ ସବେନାଃଏତେ ସିଦାତେଦ ଫାର୍‌ତି, ସୁକୁ ଏନାଃ, ଲେବେଃମନ୍, ଆତଃ ଗାତିସାଜାତି ତାନାଃ, ଏନା ଦାୟାତେ ଯେରେଜାକାନା ଆତଃ ପୁରାଃଗି ବୁଗିନ୍ କାମିରେୟାଃ ଜ'ତେ ଯେରେଜାକାନା । ନେଆଁ ସାର୍‌ତିତେ ଆତଃ ବେଗାର୍ ଆଡ୍‌ଃଉତ୍ତୁଷ୍ଟେ ହବାଅଃତାନା । ^{୧୮} ଜାଉସୁକୁ ବାବାଇ ହଡ୍‌କ ହରାତେ ହେରାକାନ୍ ହିତାଏତେ ଧାର୍‌ମାନ୍‌ରେୟାଃ ଜ' ଏମାଃଏ ।

୪

ଅତେଦିଶ୍‌ମ୍‌ଲଃ ଗାତିସାଜାତି

^୧ ଆପେ ଆଲାରେ ଲାଡାଜ ଆତଃ ଏପେଗେର୍ ତିନାଃମେନ୍ତେ ହବାଅଃତାନା ? ଆପେରେ ତାଇନ୍‌ତାନ୍ ରିଜ୍‌ରାଜ୍‌ରେୟାଃ ସାନାଜାତି ଏନ୍ ଲେକାଏ ରିକାଏତାନା । ^୨ ତିୟାଃତି ଆପେ ଅକଆଃ ନାମ୍ ନାଗେନ୍ତେପେ ସାନାଜାତାନା, ଏନା କାପେ ନାମେରେ ମାଆଃ ଗଗଏଃ ନାଗେନ୍ତେପେ ସେକାଡେନ୍ ତାନା । ଅକ୍‌ନାଃ ନାମେ ନାଗେନ୍ତେ ଆପେୟାଃ ପୁରାଃଗି ସାନାଜା ହବାଅଃଆ, ଏନା କାପେ ନାମ୍‌ଲେରେ ଏପେଗେର୍ ଆତଃ ଲାଡାଜୟାଃପେ । ତିୟାଃତି ଆପେ ପାର୍‌ମେଶ୍‌ବରାକେ ଆପେୟାଃ ଲାଗାତିଜ୍‌ତେୟାଃକ କାପେ ଆସିୟାଃ, ଏନାମେନ୍ତେ ଆପେ ଏନ୍ ସବେନାଃ କାପେ ନାମାଃ । ^୩ ଆତଃ ଆପେ ଆସିରେୟା କାପେ ନାମେରେୟାଃ ବିଷାଏ ହବାଅଃତାନା, ଆପେୟାଃ ଆସିରେୟାଃ ଉଦେଶ୍ ଏଡ୍‌କାନାଃ ତାନାଃ । ଆପେ ଆପେୟାଃ ରିଜ୍‌ରାଜ୍ ନାଗେନ୍ତେ ଆସିୟାଃପେ । ^୪ ଏ ଆପାଜିର୍ କାମିତାନ୍ କୁଡି ଲେକାନ୍ ହଡ୍‌କ, ଅତେଦିଶ୍‌ମ୍‌ରେୟାଃ ଗାତିସାଜାତି ପାର୍‌ମେଶ୍‌ବରାଆଃ ବାଇରି ତାନାଃ, ଏନା ତିନାଃ ଆପେ କାପେ ସାରିତାନା ? ଜେତାଏ ନେ ଅତେଦିଶ୍‌ମ୍‌ଲଃ ଗାତିସାଜାତି ରିକାଃଏ ଇନିଃ ପାର୍‌ମେଶ୍‌ବରାଆଃ ବାଇରି ତାନିଃ । ^୫ ଆପେ ତିନାଃ ଧାରାମ୍‌ପୁଅରେୟାଃ ନେ କାଜିରେ ସାର୍‌ତି ବାନଃଆ ମେନ୍ତେପେ ଆଡ୍‌କାରେତାନା, “ପାର୍‌ମେଶ୍‌ବର ଆବୁତାଃରେ ଅକ ଆମ୍‌କେ ତାଇନଃ ନାଗେନ୍ତେ ଏମ୍‌କିୟା, ଇନିଃ ଆବୁକେ ପୁରା ଆକ୍‌ତେୟାର୍‌ବୁ ନାଗେନ୍ତେ ପୁରାଃଗି ସାନାଜାତାନା ?” ^୬ ମେନ୍‌ଦ ପାର୍‌ମେଶ୍‌ବର ଅକ ସାୟାଦ୍ ଏମାଃ, ଏନା ପୁରାଃଗି ପେଡେୟାନ୍‌ରିୟା । ଧାରାମ୍‌ପୁଅରେ ଆଲକାନା, “ପାର୍‌ମେଶ୍‌ବର ହିସ୍‌ଜାତାନ୍‌କଆଃ କାଜିକଟ୍‌ଜ୍ ରିକାଃଏ ମେନ୍‌ଦ ଲେବେଃମନ୍ ହଡ୍‌କକେ ସାୟାଦ୍ ଏମାଃଏ ।”

^୭ ଏନାତେ, ଆପେ ପାର୍‌ମେଶ୍‌ବରାଃରେ ଆପାନ୍କେ ଜିମାନ୍‌ପେ । ସାଏତାନ୍‌କେ କାଜିକଟ୍‌ଜ୍ ରିକାଜପେ । ଏନ୍‌ରେଦ ଇନିଃ ଆପେତାଃଏତେ ନିରାଃଏ । ^୮ ପାର୍‌ମେଶ୍‌ବରାଆଃ ହେପାଦ୍‌ତେ ହିଜୁଃପେ, ଏନାରେ ଇନିଃ ଆପେୟାଃ ହେପାଦ୍‌ତେ ହିଜୁଃଆ । ଏ ପାପି ହଡ୍‌କ, ଆପେୟାଃ ତିଃଇକେ ଆବୁଜ୍‌ୟେଁପେ ଆତଃ ଏ ବାରିୟା ମନ୍‌ରେନ୍ ହଡ୍‌କ, ଆପେୟାଃ ମନ୍‌ସ୍ତୁରୁଦ୍‌କେ ଫାର୍‌ତିପେ । ^୯ ଏୟମ୍‌ତାନ୍, ଦୁକୁଃତାନ୍‌ଲଃ ରାଆଃଏପେ, ଆପେୟାଃ ଲାନ୍‌ ରାନାଃରେ ଆତଃ ଆପେୟାଃ ରାସ୍‌କା ଦୁକୁରେ ବାଦ୍‌ଲାଅଃକା । ^{୧୦} ପାତ୍ରୁଆଃ ଆୟାଃରେ ଆପେ ଆପାନ୍କେ ଲେବେୟେନ୍‌ପେ, ଏନାରେ ଇନିଃ ଆପେକେ ମାରାଜ୍‌ପେୟା ।

ମିହୁଡ୍‌ ଆତଃମିହୁଡ୍‌କେ ଆଲପେ ବିଚାରାଃ

^{୧୧} ହେ ଦୁଲାଡ୍‌ ହାଗା ମିଶିକ, ମିହୁଡ୍‌, ଆତଃମିହୁଡ୍‌ଆଃ ବିରୁଧ୍‌ରେ ଏଡ୍‌କାନ୍ କାଜି ଆଲପେୟାଃ । ଜେତାଏ ବିଶ୍ୱାସୀ ହାଗାରାଃ ବିଚାର୍‌କେଦ୍‌ତେ ଇନିୟାଃ ବିରୁଧ୍‌ରେ ଏଡ୍‌କାନ୍ କାଜି କାଜିରେଦ୍, ଇନିଃ ଆନ୍‌ତୁରେୟାଃ ବିଚାର୍‌ ଆତଃ ଏନାରେୟାଃ ବିରୁଧ୍‌ରେ ଏଡ୍‌କାନ୍ କାଜି କାଜିୟା । ଆପେ ଆନ୍‌ତୁରେୟାଃ ବିଚାର୍‌ ରିକାଏରେଦ୍, ଆପେ ଏନା କାପେ ମାନାତିଜ୍‌ତାନା, ମେନ୍‌ଦ ଏନାରେୟାଃ ବିଚାର୍‌ନିଃପେ ହବାକାନା । ^{୧୨} ପାର୍‌ମେଶ୍‌ବର ଏସ୍‌କାର୍ ଆନ୍‌ତୁ ଏମାଃନିଃ ଆତଃ ବିଚାର୍‌ନିଃ ତାନିଃ । ଇନିଃ ଏସ୍‌କାର୍ ବାଞ୍ଛାଆ ଆତଃ ଜିୟନ୍ ଦାଡିନିଃ ତାନିଃ । ଏନାମେନ୍ତେ ହପର୍‌ଜାପାଃରେନ୍‌କଆଃ ଗୁଣ୍ଡାଁ ବିଚାର୍‌ ନାଗେନ୍ତେ ଆପେ ଅକଏ ତାନ୍‌ପେ ?

ଆପାନ୍କେ ମାରାଜ୍ ମେନ୍ତେ କାଜିନ୍ ବିଷାଏରେ ତେତାଅ

୧୩ ନାହାଁଠ ଆୟୁମେଫେ, ଆପେକଏତେ ଚିମିନ୍‌ହତୁକ କାଜିୟାଃପେ, “ଆଲେ ତିସିଙ୍ଗ ଚାଏ ଗାପା ଏନ୍ ନାଗାବ୍‌ତେ ସେନାଲେ, ଆତଃ ଏନ୍ତାଃରେ ମିଦ୍ ବାରାଷ୍ଟ ତାଇନାଲେ ଏନ୍ତେ କାମିଉଦାମ୍‌କେଦ୍‌ତେ ପୁରାଃଗି ଚାକା ପାଏସାଲେ ନାମ୍‌ନେୟା ।” ୧୪ ମେନ୍‌ଦ୍ ଗାପା ଆପେୟାଃ ଜୀଦାନ୍‌ରେ ଚିନାଃ ହବାଅଃଆ, ଏନାଦ ଆପେ କାପେ ସାରିୟା ! ଆପେୟାଃ ଜୀଦାନ୍‌ଦ୍ କୁହୁଡ଼ି ଲେକା, ଘାଡ଼ିକାଦ୍‌ଗି ନେଲଃଆ ଏନ୍ତେ ଆତଃକାଚିଃ ଘାଡ଼ିକାଦ୍‌ରେ କା ନେଲଃଆ । ୧୫ ଏନାମେନ୍ତେ ଆପେକେ ନେଲେକା କାଜି ଲାଗାତିଙ୍ଗ୍‌ୟାଃ, “ପ୍ରାଭୁଆଃ ସାନାଙ୍ଗ୍ ହବାଅଃରେଦ୍, ଆଲେ ଜୀନିଦ୍ ତାଇନ୍‌କେଦ୍‌ତେ ନେଆଁଲେ ରିକାୟା ଚାଏ ଏନାଲେ ରିକାୟା ।” ୧୬ ମେନ୍‌ଦ୍ ନାହାଁଠ ଆପେ ଆପନାଃ ମାନାରାଙ୍ଗ୍ ରିକାକେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନତାନା; ନେଲେକାନ୍ ମାରାଙ୍ଗ୍‌ୟେନ୍‌ତେୟାଃ ଏଦ୍‌କାନାଃ ତାନାଃ ।

୧୭ ଏନାମେନ୍ତେ, ଜେତା ହତ୍‌ତୁ ଚୁଗିନ୍ କାମି ରିକା ଲାଗାତିଙ୍ଗ୍‌ୟାଃ ମେନ୍ତେ ସାରିକାଦ୍‌ରେୟ ଏନା କାଏ ରିକାଏ ରେଦ୍, ଇନିଃ ପାପ୍ କାମିତାନାଏ ।

୫

କିସାଁଶ୍ ହତୁକ ନାଗେନ୍ତେ ଚେତାଅରେୟାଃ କାଜି

୧ ହେ କିସାଁଶ୍ ହତୁକ ଆଇୟାଃ କାଜି ଆୟୁମେଫେ, ଆପେୟାଃ ନାଗେନ୍ତେ ହିଜୁଃତାନ୍ ବରଞ୍ଜନ୍ ଦୁକୁ ହବାଅଃରେ ସେନ୍‌ତାନା, ଏନାମେନ୍ତେ ରାଆଃଏପେ ଆତଃ ଏୟମେପେ । ୨ ଆପେୟାଃ ଖୁଜ୍‌କ ଜିୟନଃଆ ଆତଃ ଲିଜାଃକକେ ନିଦିରକ୍ ଜମେୟାଁ । ୩ ଆପେୟାଃ ସୋନା ରୁପାକରେ ମୂର୍ତ୍ତୀ ସାବ୍‌କେଦାକ୍, ଆତଃ ଏନ୍ ମୂର୍ତ୍ତୀ ଆପେୟାଃ ବିରୁଧ୍‌ରେ ଗାଞ୍ଜାଏ ଏମେୟା ଆତଃ ଆପେୟାଃ ହତୁମକେ ସେଙ୍ଗେଲ୍ ଲେକା ଜୁଲ୍ ଅଣ୍ଡରେଆଏ । ନେ ଚୁଣ୍ଡୁ ଦିପିଲିରେ ଆପେ ଖୁଜ୍‌କପେ ହୁଣ୍ଡିଆକାଦା । ୪ ଆପେୟାଃ ପିଡ଼ିରେ କାମିତାନ୍‌କକେ ନାଲା କାପେ ଏମାକାଦ୍‌କଆ । ଇନ୍‌କୁଆଃ କାଜିଗହାନ୍ ଆୟୁମେଫେ । ବାବା ଇଋକଆଃ ରାନାଃ ସବେନାଃଏତେ ପେଡ଼େଃୟାନ୍ ପ୍ରାଭୁ ପାର୍‌ମେଶ୍‌ବାର୍ ଆୟୁମାକାଦାଏ । ୫ ନେ ଅତେଦିଶ୍‌ମ୍‌ରେ ଆପେୟାଃ ଜୀଦାନ୍ ରିଜ୍‌ରାଙ୍ଗ୍‌ରେ ପେରେଜାକାନା । ଗନ୍‌ଏଃରେୟାଃ ହୁଲାଙ୍ଗ୍ ନାଗେନ୍ତେ ଆପେ ଆପେୟାଃ ମନ୍‌ସୁରୁଦ୍‌କେ ମଟାକାଦାପେ । ୬ ଆପେ ଧାର୍‌ମାନ୍ ହତୁକକେ ଚିଟାକେଦ୍‌ତେ ମାଆଃଗଏଃ କାଦ୍‌କଆପେ; ଇନ୍‌କୁ ଆପେୟାଃ କାଜିକଗଙ୍ଗ୍ କାକ ରିକା ଦାଡ଼ିୟା ।

ଧିରାଜ୍ ସାବ୍‌କେଦ୍‌ତେ ବିକ୍ରିପେ

୭ ହେ ହାଗା ମିଶିକ, ପ୍ରାଭୁଆଃ ଆତଃମିସା ହିଜୁଃ ଜାକେଦ୍ ଧିରାଜ୍ ସାବ୍‌କେଦ୍‌ତେ ତାଇନ୍‌ପେ । ନେଲେପେ, ଚାଷିହତ୍‌ ଚିଲ୍‌କା ଆୟାଃ ଅତେରେ ପୁରାଃ ଗନ୍‌ଙ୍‌ଆଁନ୍ ଜ ନାମେ ନାଙ୍ଗ୍ ଧିରାଜ୍ ସାବ୍‌କେଦ୍‌ତେ ଗାମାଦାଆଃକେକ ତାଙ୍ଗିଆ । ୮ ଏନ୍‌ଲେକାଗି ଆପେୟା ଧିରାଜ୍ ସାବ୍‌କେଦ୍‌ତେ ଆପେୟାଃ ମନ୍‌ସୁରୁଦ୍‌କେ ସାଲ୍‌ସାନ୍ତ୍ ରିକାଏପେ । ଆପେୟାଃ ଆସ୍ତା କେଟେଦ୍‌ଗି ତାଇନ୍‌କା, ଚିଆଃତି ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡ଼େଜାକାନା ।

୯ ହେ ହାଗା ମିଶିକ, ମିହୁଡ୍ ଆତଃମିହୁଡ୍‌ନିୟାଃ ବିରୁଧ୍‌ରେ ଆଲପେ କାଜିୟା, ଏନାରେ ପାର୍‌ମେଶ୍‌ବାର୍ ଆପେୟାଃ ବିଚାର୍ କାଏ ରିକାଏୟା । ନେଲେପେ, ମାରାଙ୍ଗ୍ ବିଚାର୍‌ନିଃ ଦୁଆର୍ ହେପାଦ୍‌ରେ ତିଙ୍ଗୁଆକାନା । ୧୦ ହେ ହାଗା ମିଶିକ, ଅକ ନାବୀକ ପ୍ରାଭୁଆଃ ନୁଡୁମ୍‌ତେ କାଜିକାଦ୍ ତାଇକେନାକ, ଇନ୍‌କୁକେ ଧିରାଜ୍ ଆତଃ ସାସାତି ନାମେକେଦ୍‌ରେୟାଃ ନାମ୍‌ନା ଲେକା ତେଲ୍‌କପେ । ୧୧ ଇନ୍‌କୁଆଃ ସାହାତିଙ୍ଗ୍ ଜୀଞ୍ଜାନ୍ ହରାତେ ଆବୁ ଇନ୍‌କୁକେ ଧାଇନ୍ ମେନ୍ତେକୁ କାଜିତାନା । ଆପେ ଆୟୁବରାଃ ସାହାତିଙ୍ଗ୍ ଜୀଞ୍ଜାନ୍ ବିଷାଏରେ ଆୟୁମାକାଦାପେ ଆତଃ ଚୁଣ୍ଡୁରେ ପ୍ରାଭୁ ଚିଲ୍‌କା ଇନିଃକେ ଆଶିଷ୍ ଏମକିୟାଏ, ଏନା ସାରିତାନାପେ । ଚିୟାଃତି ପ୍ରାଭୁଦ୍ ପୁରା ଲିବୁଇତେ ଆତଃ ଦାୟାତେ ପେରେଜାକାନ୍‌ନିଃ ତାନିଃ ।

୧୨ ହେ ହାଗା ମିଶିକ, କିରିୟାଏ ଇମ୍‌ତା ସିର୍ମା ଦିଶ୍‌ମ୍‌ରେୟାଃ ଚାଏ ଅତେରେୟାଃ ଚାଏ ଏଟାଃ ଜେତାନ୍ ବିଷାଏରେ କିରିୟା ଆଲପେ ରିକାଏ । ଆପେୟାଃ “ହୁ” ମେନ୍‌ତେୟାଃ ହୁ ତାଇନ୍‌କା ଆତଃ “ବାନଃ” ମେନ୍‌ତେୟାଃ ବାନଃ ତାଇନ୍‌କା । ଏନ୍‌ରେଦ୍ ପାର୍‌ମେଶ୍‌ବାର୍‌ଆଃ ବିଚାର୍‌ରେ ସାଜାଇ କାପେ ନାମେୟା ।

୧୩ ଆପେକଏତେ ଜେତାଏ ଚିନାଃ ନାରାଦୁରାଗିୟାଏ ? ଇନିଃ ବିକ୍ରିକାଏ । ଜେତାଏ ଚିନାଃ ରାସ୍‌କାଗିୟାଏ ? ଇନିଃ ମାନାରାଙ୍ଗ୍‌ରେୟାଃ ଦୁରାଙ୍ଗେକାଏ । ୧୪ ଆପେକଏତେ ଜେତାଏ ଚିନାଃ ଦୁକୁତାନାଏ ? ଇନିଃ କାଲିସିୟାରେନ୍ ପ୍ରାଚିନ୍‌କକେ କେଡାକକାଏ; ଇନ୍‌କୁ ପ୍ରାଭୁଆଃ ନୁଡୁମ୍‌ତେ ସୁନ୍‌ମ୍‌ ଗସଃକେଦ୍‌ତେ ଆୟାଃ ନାଗେନ୍ତେ ବିକ୍ରିକାକ । ୧୫ ନେଲେକାନ୍ ବିଶ୍‌ୟାରେୟାଃ ବିକ୍ରି ଦୁକୁତାନ୍‌ନିଃକେ

☆ ୫:୭ ୫:୭ ମାଥୁର ୭:୧୯. ☆ ୫:୧୨ ୫:୧୨ ମାଥୁର ୫:୩୪-୩୭. ☆ ୫:୧୪ ୫:୧୪ ମାର୍କ ୭:୧୩.

ବୁଗିୟା । ପ୍ରାଭୁ ଇନିଃକେ ବୁଗିୟାଏ ଆଡ଼ଃ ଇନିଃ ପାପ୍ କାମିକାଦ୍ରେଦ୍, ଇନିଃକେ ଛାମା ଏମାଈୟାଏ । ^{୧୭} ମିହୁଡ୍, ଆଡ଼ଃମିହୁଡ୍ନିୟାଃ ଆୟାର୍ରେ ପାପ୍କାଦାଈଙ୍ଗ୍ ମେନ୍ତେ ମାନାତିଙ୍ଗ୍ପେ ଆଡ଼ଃ ମିହୁଡ୍, ଆଡ଼ଃମିହୁଡ୍ଆଃ ବୁଗିୟାଃ ନାଗେନ୍ତେ ବିକ୍ତିପେ । ଧାର୍ମାନ୍ ହଡ୍କଆଃ ବିକ୍ତିରେ ପୁରାଃ ପେଡ଼େଃମେନା ଆଡ଼ଃ କାମି ରିକା ଦାଡ଼ିୟାଃତେୟାଃ ତାନାଃ । ^{୧୭} ଏଲିୟ୍ ଆବୁଲେକା ହଡ୍ ତାଇକେନାଏ । ଇନିଃ ଦାଆଃ ଆଲକାଏ ଗାମାଏକା ମେନ୍ତେ ମିଦ୍ମନ୍ତେ ବିକ୍ତିକାଦ୍ ତାଇକେନା, ଆପିୟା ଆଡ଼ଃ ଆଧା ବାରାଷ୍ ଅଡେଦିଶୁମ୍ରେ ଦାଆଃ କାଏ ଗାମାକେଦା । ^{୧୮} ଇନିଃ ଆଡ଼ଃମିସା ବିକ୍ତିକେଦାଏ, ଆଡ଼ଃ ସିର୍ମାଏଡେ ଦାଆଃ ଗାମାକେଦାଏ, ଆଡ଼ଃ ଅଡେରେ ହିଡା ଜ ଅମନ୍ୟାନା ।

^{୧୯} ହେ ଆଇୟାଃ ହାଗା ମିଗିକ୍, ଆପେକଏଡେ ଜେତାଏ ହରା ଆଦେରେଦ୍, ଏଟାଃନିଃ ଇନିଃକେ ସାର୍ତି ହରାଡେ ରୁହାଡ୍ ଆଉଇୟାଏ । ^{୨୦} ତାଦ୍ ପାହାମେପେ, ଜେତାଏ ଆଦାକାନ୍ ହରାଏଡେ ପାପି ହଡ୍କେ ରୁହାଡ୍ ଆଉଇୟାଏ, ଇନିଃ ଏନ୍ ପାପି ହଡ୍ରାଃ ଆମ୍ବାକେ ଗନଏଃହେଡେ ବାଞ୍ଚାଅୟା ଆଡ଼ଃ ପୁରାଃ ପାପ୍କ ଛାମା ହବାଅଃଆ ।

ପିତରଙ୍କ ଲିଖିତ ପ୍ରଥମ ପତ୍ର ପାଢ଼ରାସ୍ ଅଲୀକାଦ୍ ପାହିଲା ଚିତାଉ ପାରିବାସ

ପାଢ଼ରାସ୍ ଆଃ ପାହିଲା ଚିତାଉ ପ୍ରେରିତ୍ ପାଢ଼ରାସ୍ ହରାତେ ଅଲୀକାନା । ପାଢ଼ରାସ୍ ଅକ୍ଷ ତାନିଃ ଆତଃ ନେ ଚିତାଉ ଅକ୍ଷ-ଏତାଃ ଅଲୀକାଦାଏ, ନେ ବିଷାଏରେ କାଳିକେଦ୍ତେ ଚିତାଉ ଅଲ୍ ଏଟେଦ୍ କାଦାଏ । ଇନିଃ ନେ ଚିତାଉରେ ବେଗାଋ ଚିହ୍ନାଋ ଖ୍ରୀଷ୍ଟିୟାନ୍ ହତ୍ତକକେ ଅଲୀକାଦ୍ କଥା ୧:୧; ୧:୧୭; ୨:୧୧ । ଇନକୁ ଅତେଦିଶ୍ୱମ୍ରେ ଛିତିବିତିକାନ୍ ହରାତେ ଇନିଃ ଆୟାଃ ପାଢ଼ାଅତାନ୍ ହତ୍ତକକେ ପୁରାଃସାଃ ନେଲେକାଏ କାଳିକାଦ୍ କଥା । ଚିଆଃତି ନେ ଚିତାଉ ଏଫିସୁସ୍ କାଲିସିୟାତେ ଅଲୀକାଦ୍ ପାଉଲୁସ୍ ଆଃ ଚିତାଉ ଲେକା ତାନାଃ । ପୁରାଃ ହତ୍ତକ ବିଶ୍ୱାସାଃକ ଯେ, ପାହିଲା ପାଢ଼ରାସ୍ ଯୀଶୁ ଖ୍ରୀଷ୍ଟିଆଃ ଜାନାମ୍ରେୟାଃ ୬୫ ବାରାସ୍ ତାୟମ୍ତେ ଅଲୀକାନ୍ ତାଇକେନା । ପାଢ଼ରାସ୍ ନେ ଚିତାଉ ରୋମ୍ ନାଗାର୍ ହେତେ ଅଲୀକାଦା, ଅକ୍ନାଃକେଚି ବାବିଲୋନ୍ ମେନ୍ତେ ଇନିଃ କାଲିୟାଃଏ ୫:୧୩ ।

ପାଢ଼ରାସ୍ ନେ ଚିତାଉରେ କାଲିୟାଃଏ ଯେ, ନେ ଚିତାଉରେୟାଃ ଉଦେଶ୍ ଆପେକେ ଜୀଉରେ ରାସ୍ କା ଏମ୍ ନାଗେନ୍ତେ ଆତଃ ପାର୍ମେଶ୍ୱାର୍ ଆଃ ସାର୍ତ୍ତି ସାୟାଦ୍ରେୟାଃ ଗାଞ୍ଜା ଏମ୍ ନାଗେନ୍ତେ ତାନାଃ ୫:୧୨; ୧ ପାଢ଼ରାସ୍ ୨:୧୧-୩:୭; ଏଫିସିୟ ୫:୧୮-୬:୯, ଆତଃ କଲସିୟ ୩:୧୮-୪:୬ ନେଆଁରେ ମିଦ୍ ଜକାରି ମେନାଃ । ନେ ଆପିୟା ଚିତାଉରେୟାଃ ସବେନ୍ ଆଧ୍ୟାୟରେ କୁଟୁମ୍ କୁପୁଲ୍ କଥାଃ ନାତା ବିଷାଏରେ ଆତଃ ଆକ୍ତେୟାଃ ନାମାକାଦ୍ କକେ ମାନାତିଙ୍ଗ୍ ବିଷାଏରେ ଇନିତୁ ଏମାଃଏ । ତୁଣ୍ଡୁ ଦୁପିଲି ନାଡେଜଃତାନ୍ ହରାତେ ଇନିଃ ଦୁକୁ ଇମ୍ତାହରି ସାହାତିଙ୍ଗ୍ କେଦ୍ତେ ତାଇନଃ ନାଗେନ୍ତେ ଖ୍ରୀଷ୍ଟିୟାନ୍ ହତ୍ତକକେ ଜୀଉରେ ରାସ୍ କା ଏମାଃଏ ୪:୧ ।

ପୁଅ ବିତାରେ ତାଇକାନ୍ କାଜି

- ୧. ପାଢ଼ରାସ୍ ଆୟାଃ ପାଢ଼ାଅତାନ୍ ହତ୍ତକକେ ଆୟାଃ ବିଷାଏରେ ପାରିବାସ ଆତଃ ଆୟାଃ ଆପୁଆଃ ଅଡ଼ାଃ ଠାୟାଦ୍ ଏମାଃଏ । ୧:୧-୨
- ୨. ପାଢ଼ରାସ୍ ପାର୍ମେଶ୍ୱାର୍ କେ ଧାନାବାଦ୍ ଏମାଃଏ ଯେ, ସବେନ୍ କ ପାର୍ମେଶ୍ୱାର୍ ଆଃ ପାରିତ୍ୱାଶ୍ରେୟାଃ ହିସା ହବାଅଃଆକ, ଅକ୍ନାଃ ଆକଥାଃ ଜୀବାନ୍ରେୟାଃ ଉଦେଶ୍ ତାନାଃ । ୧:୩-୨:୧୦
- ୩. ଅତେଦିଶ୍ୱମ୍ରେ ଚିଲ୍ କା ରୁଗିଲେକା ଜୀବାନ୍ ବିତାଏ ହବାଅଃ ଲାଗାତିଙ୍ଗ୍ ଯାଃ ଆତଃ କଡ଼ା କୁଡ଼ି, ଗୁସିୟାଃ ଆତଃ ଦାସି ଆଲାରେ ଚିଲ୍ କା ନାତା ଦହ ଲାଗାତିଙ୍ଗ୍ ଯାଃ ଏନାରେୟାଃ ଇନିତୁ ଏମାଃଏ । ୨:୧୧-୪:୧୧
- ୪. ଦୁକୁ ଇମ୍ତାକରେ ସାହାତିଙ୍ଗ୍ କେଦ୍ତେ ତାଇନଃ ନାଗେନ୍ତେ ପାଢ଼ରାସ୍ ଇନକୁକେ ଜୀଉରେ ରାସ୍ କା ଏମାଃଏ । ୪:୧୨-୫:୧୧
- ୫. ଏନ୍ତେ ଇନିଃ ଆୟାଃ ଚିତାଉ ଅଲ୍ କେଦ୍ତେ ଚାବାକେଦା । ୫:୧୨-୧୪

୧ ଅଇଙ୍ଗ୍ ପାଢ଼ରାସ୍ ଯୀଶୁ ଖ୍ରୀଷ୍ଟିଆଃ ମିଆଁଦ୍ କୁଲୀକାନ୍ ନିଃ ତାନିଙ୍ଗ୍, ପନ୍ତସ୍, ଗାଲାତିୟ, କାପାଦକିଆ, ଏସିଆ, ବେଥନିଆ, ରାଇଜ୍ କରେ ଛିତିବିତିକେଦ୍ତେ ତାଇନଃତାନ୍ ପାର୍ମେଶ୍ୱାର୍ ଆଃ ସାଲୀକାନ୍ ହତ୍ତକକେ ନେ ଚିତାଉ ଅଲେତାନାଇଙ୍ଗ୍ ।

୨ ଆପୁ ପାର୍ମେଶ୍ୱାର୍ ସିଦାରେ ଉହାବ୍ କାଦ୍ ସେଣାଁ ଲେକାତେ ଆପେ ସାଲୀକାନାପେ ଆତଃ ଯୀଶୁ ଖ୍ରୀଷ୍ଟିଆଃ କାଜି ମାନାତିଙ୍ଗ୍ କେଦ୍ତେ ଆୟାଃ ମାୟୋମ୍ରେ ଫାର୍ତିୟାଃ ନାଗେନ୍ତେ ଆପେ ପାବିତାର୍ ଆମ୍ବାତେ ପାବିତାର୍ ହତ୍ତପେ ବାଇୟାକାନା । ପାର୍ମେଶ୍ୱାର୍ ଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ପୁରାଃତେ ହବାଅଃକା ।

ମିଆଁଦ୍ ଜାନିଦ୍ରେୟାଃ ଆସ୍ୱା

୩ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ, ଆପୁ ପାର୍ମେଶ୍ୱାର୍ ଆଃ ସାହାରାଅ ହବାଅଃକା, ଚିୟାଃତି ଆୟାଃ ମାରାଙ୍ଗ୍ ଦାୟାତେ ଯୀଶୁ ଖ୍ରୀଷ୍ଟକେ ଗନ-ଏଃହେତେ ଜୀଉବିରିଦ୍ କିୟାଏ, ଆତଃ ଆବୁକେ ନାଞ୍ଜା ଜୀଞ୍ଜାନ୍ ଏମାକାଦ୍ ବୁଆଏ । ନେଆଁ ଆବୁକେ ଜାନିଦ୍ ଆସ୍ୱାରେ ପେରେଜାକାଦ୍ ବୁଆ । ୪ ଏନାମେନ୍ତେ ପାର୍ମେଶ୍ୱାର୍ ଆୟାଃ ହତ୍ତକ ନାଙ୍ଗ୍ ମାରାଙ୍ଗ୍ ଆଶିଷ୍ ଦହାକାଦାଏ, ଏନାକେ ନାମେ ନାଗେନ୍ତେ ଆବୁ ସବେନ୍ କ ତାଜିତାନାବୁ । ଇନିଃ ଏନାକେ ଆପେ ନାଗେନ୍ତେ ସିମାରେ ଦହାକାଦା । ଏନ୍ତାଃରେ ଏନା କା ପୟାଃଖା, କା

ଜିୟନଃଆ, ଆତଃ କା ଗସଃଆ ।^୫ ଚୁଷ୍ଟୁ ହିପିଲିରେ ଅକ ଜୀଉବାଞ୍ଚାଅ ଉଦୁବଃ ନାଗେନ୍ତେ ସେକାଡ଼ାକାନା, ଏନାକେ ନାମେ ନାଜ୍ ଆପେୟାଃ ବିଶ୍ୱାୟ ହରାତେ ପାର୍ମେଶ୍ୱାର୍‌ଆଃ ପେଡ଼େଃତେ ଜାଡ଼ନାଅ କାନାପେ ।

^୬ ଏନାତେ ଆପେ ରାସ୍‌କାଅଃପେ । ହବାସାକାଅଆଃ ଚିମିନ୍ ରାକାମରେୟାଃ ଦୁକୁହାସୁ ହରାତେ ଆପେକେ ନାହାଁଃ କାଟିଃ ପାଡ଼ିକାଦ୍ ନାଜ୍ ଦୁକୁ ହବାଅଃ ଲାଗାଡ଼ିଜ୍‌ୟାଃ ।^୭ ଆପେୟାଃ ବିଶ୍ୱାୟ ସାର୍‌ତିତାନାଃଟି ନାହାଁଲାଃ ଏନା ବିଡ଼ାଅ ନାଗେନ୍ତେ ନେ ସବେନାଃରାଃ ଉଦେଶ୍‌ ତାନାଃ । ସୋନାକେ ସେଜ୍‌ଲେରେ ବିଡ଼ାଅକେଦ୍‌ତେ ବୁଗିନାଃ ତାନାଃଟି ନାହାଁଲାଃ ଏନା ସାରିୟଃଆ, ମେନ୍‌ଦ୍ ଏନା ଜିୟନଃତେୟାଃ ତାନାଃ । ଆପେୟାଃ ବିଶ୍ୱାୟ ସୋନାଏତେୟାରି ପୁରାଃ ଗନଜ୍‌ଆନ୍ ତାନାଃ ଏନା ନାଗେନ୍ତେ ବିନିଡ଼ାଅ ହରାତେ ଏନାକେ ପକତାଏ ଲାଗାଡ଼ିଜ୍‌ୟାଃ । ଏନା ହବା ଦାଡ଼ିୟଃରେ, ଯାଶୁ ଖ୍ରୀଷ୍ଟାଆଃ ଉନୁଦୁବ୍ ଦିପିଲିରେ ଆପେ ମାଇନାନ୍, ମାନାରାଜ୍, ଆତଃ ସାହାରାଅପେ ନାମେୟା ।^୮ ଆପେ ଜନିଃକେ କାପେ ନେଲ୍‌କାଇରେୟା ଦୁଲ୍‌ଡ଼ିତାନାପେ ଆତଃ ନାହାଁଃ ହ୍ କାପେ ନେଲିତାନରେୟା ଜନିଃତାଃରେ ବିଶ୍ୱାୟକେଦ୍‌ତେ କା କାଜି ଦାଡ଼ିୟଃ ଲେକା ମାନାରାଜ୍ ରାସ୍‌କାତେପେ ରାସ୍‌କାଅଃତାନା,^୯ ଚିଆଃଟି ଆପେୟାଃ ବିଶ୍ୱାୟରେଆଃ ନାଲା ଆପେୟାଃ ଆମ୍ବାରାଃ ଜୀଉବାଞ୍ଚାଅ ତାନା, ଏନାପେ ନାମାକାଦା ।

^{୧୦} ନେ ଜୀଉବାଞ୍ଚାଅ ବିଷାଏରେ ନାବୀକ ପୁରାଃ ବୁଗିଲେକା ଦାଣାଁ ନାମକେଦ୍‌ତେ ଜନ୍‌କୁ ପାର୍ମେଶ୍ୱାର୍‌ଆଃ ନେ ସାୟାଦ୍‌ରେୟାଃ ବାଦ୍‌ଦାନ୍ ବିଷାଏରେକ କାଜିଆୟାଦ୍‌କେଦା ।^{୧୧} ଏନ୍ ବାଦ୍‌ଦାନ୍‌କେ ଆପେ ଚିଉଲା ଆତଃ ଚିଲ୍‌କାତେପେ ନାମେୟା, ଏନା ସାରିନାମ୍ ନାଗେନ୍ତେ ଜନ୍‌କୁ ଚେଷ୍ଟା ତାଇକେନାକ । ଏନ୍ ବିଷାଏରେ ପାବିତାର୍ ଆମ୍ବାରାଃ ଦେଜ୍‌ପାତେ ଜନ୍‌କୁ ଖ୍ରୀଷ୍ଟାଆଃ ଦୁକୁ ଆତଃ ତାୟମତେରାଃ ମାନାରାଜ୍ ବିଷାଏରେ ଆୟାଦ୍‌କାଜି କାଜିକାଦ୍ ତାଇକେନାକ ।^{୧୨} ନେ ସବେନ୍ ବିଷାଏରେ ଜନ୍‌କୁ ଆକଆଃ ଆପ୍‌ନାଃ ସୁନ୍‌ସାର୍ କା ରିକାକେଦ୍‌ତେ ଆପେୟାଃ ସୁନ୍‌ସାର୍ ରିକା ତାଇକେନାକ, ମେନ୍‌ଦ୍ ଜନ୍‌କୁ ଆକଆଃ ବୁଗିନ୍ ନାଗେନ୍ତେ ଜେଡ଼ନାଃ କାକ କାମିକେଦା । ଜନ୍‌କୁ କାଜି ତାଇକେନ୍‌ତେୟାଃ ଆପେ ନାଗେନ୍ତେ ଉଦୁବ୍‌କାନ୍ ତାଇକେନା । ଏନା ସିମାଏତେ କୁଲ୍‌କାନ୍ ପାବିତାର୍ ଆମ୍ବାରାଃ ପେଡ଼େଃତେ ନାହାଁଃ କାଜି ଏମତାନକଆଃ ହରାତେ ଆପେତାଃତେ ସୁକୁକାଜି ଉଦୁବାକାନା, ଏନ୍ ସବେନ୍ ବିଷାଏ ସୁଡ଼କହ ନେଲ୍ ନାଗେନ୍ତେକ ସାନାଜ୍‌ତାନା ।

ପାବିତାର୍ ଜାଖାନ୍ ବିତାଅ ନାଗେନ୍ତେ କେନେଡ଼ା

^{୧୩} ଏନାମେନ୍ତେ, କାମି ନାଜ୍ ଆପେୟାଃ ମନ୍‌ରେ ସେକାଡ଼ାକାନ୍ ତାଇକେପେ । ଚିଗାଲ୍‌କାନ୍‌ପେ, ଯାଶୁ ଖ୍ରୀଷ୍ଟ ଉଦୁବଃ ଜମତାରେ ଆପେକେ ଅକ ସାୟାଦ୍‌ରେୟାଃ ଜୀଉବାଞ୍ଚାଅ ଏମଆ ଏନାରେ ପୁରାଃତେ ଆସ୍ତା ଦହେପେ ।^{୧୪} ପାର୍ମେଶ୍ୱାର୍‌ଆଃ କାଜି ମାନାଡ଼ିଜ୍‌ପେ, ଆତଃ ଆପେ ବେଗାର୍ ସାରିତେ ଏଡ଼କାନ୍ ସାନାଜ୍‌ରେପେ ଜୀହୁଦଃ ତାଇକେନ୍‌ ଲେକା ଆଲ୍‌ପେ ସେସେନା ।^{୧୫} ମେନ୍‌ଦ୍ ଆପେକେ କେଡ଼ାକେନ୍‌ନିଃ ପାବିତାର୍ ମେନାଇ ଲେକାଗି ଆପେୟା ସବେନ୍ ତାଇଲ୍ ତାଇଲ୍‌ରେ ପାବିତାରଃପେ ।^{୧୬} ଆରାମ୍‌ପୁଅରେ ଅଲ୍‌କାନା, “ଆପେ ପାବିତାରଃପେ ଚିୟାଃଟି ଆଇଜ୍ ପାବିତାର୍ ତାନିଜ୍ ।”

^{୧୭} ପାର୍ମେଶ୍ୱାର୍ ଜେତାଏୟାଃ ମେଦ୍‌ମୁହାଁଡ୍ କା ନେଲ୍‌କେଦ୍‌ତେ ଆକଆଃ କାମି ଲେକାତେ ବିଚାରକଆ । ଆପେ ଜନିଃତାଃରେ ବିକ୍ତି ଜମତା ଜନିଃକେ ଆପୁ ମେନ୍ତେପେ ମାଇନିତାନ୍‌ରେଦ୍, ନେ ଅତେରେ ଆପେୟାଃ ଜାଖାନ୍ ବାଗାଅକାନ୍ ନେତାରେ ଜନିଃକେ ବରଭାକ୍ତିତାନ୍‌ଲଃ ଜାଖାନ୍ ବିତାଏପେ ।^{୧୮} ଆପେଦ ସାରିତାନାପେ, ଆପେୟାଃ ପୁରୁଶା ହଡ଼କତାଃଏତେ ହିନ୍‌ଡ଼କାନ୍ ରିଚିରିଖାଜ୍ ଆତଃ ସାମାରେୟାଃ ଜାଖାନ୍‌ଏତେ ଆପେକେ ମୁକ୍ତି ଏମ୍ ନାଜ୍ ପାର୍ମେଶ୍ୱାର୍‌କେ ଗନଜ୍ ଏମ୍ ଲାଗାଡ଼ିଜ୍ ତାଇକେନା । ଏନା ରୁପା ତାଏ ସୋନା ଲେକାନ୍ ଜିୟନଃ ଜିନିଷ୍ କା ତାଇକେନା,^{୧୯} ମେନ୍‌ଦ୍ ବେଗାର୍ ଦାରିକାନ୍ ଆତଃ କା ଚିଟାକାନ୍ ମିଶ୍ଟିହନ୍ ଲେକା ଯାଶୁ ଖ୍ରୀଷ୍ଟାଆଃ ପୁରାଃ ଗନଜ୍‌ଆନ୍ ମାୟୋମତେ ରାଡ଼ାକାନାପେ ।^{୨୦} ଜନିଃଦ୍ ଅତେଦିଶ୍ୱାମରେୟାଃ ବାଇୟାଃ ସିଦାରେ ପାର୍ମେଶ୍ୱାର୍‌ତେ ସାଲ୍‌କାନ୍ ତାଇକେନାଏ ଆତଃ ଆପେ ନାଗେନ୍ତେ ନେ ଚୁଷ୍ଟୁ ହିପିଲିରେ ଉଦୁବାକାନା ।^{୨୧} ପାର୍ମେଶ୍ୱାର୍ ଜନିଃକେ ଗଜାକାନ୍‌କଏତେ ଜୀଉବିରିଦ୍‌କିୟା ଆତଃ ମାନାରାଜ୍ ଏମକିୟାଏ । ଜନିୟାଃ ହରାତେ ଆପେ ପାର୍ମେଶ୍ୱାର୍‌କେପେ ବିଶ୍ୱାସୀ ତାନା, ଏନାତେ ପାର୍ମେଶ୍ୱାର୍‌ତାଃରେ ଆପେୟାଃ ବିଶ୍ୱାୟ ଆତଃ ଆସ୍ତା କେଟେୟାଃ ତାନା ।

^{୨୨} ନାହାଁଃ ଆପେ ସାର୍‌ତି ମାନାଡ଼ିଜ୍‌ତାନ୍ ହରାତେ ଆପେ ଆପେଗି ଫାର୍‌ଟିଆକାନାପେ ଆତଃ ବିଶ୍ୱାୟତାନ୍ ହାଗାକକେ ଆପେୟାଃ ସବେନ୍ ମନ୍‌ସୁରୁଦ୍‌ତେ ଦୁଲ୍‌ଡ଼କପେ, ଆତଃ ସବେନ୍‌କଲଃ ଦୁପୁଲ୍‌ଡ଼ରେ ତାଇକେପେ ।^{୨୩} ଚିୟାଃଟି ପାର୍ମେଶ୍ୱାର୍‌ଆଃ ଜୀନିଦ୍ ଆତଃ କା ଜିୟନଃ ବାଚାନ୍‌ତେ ତାଏ

ଆପେଦ ଗନ୍-ଏଠରେନ୍ ଆପୁଆଃ ହନ୍ ଲେକା କାହାଗି ଫେନ୍ଦ୍ କା ଗନ୍-ଏଠ ଆପୁଆଃ ହନ୍ ଲେକାପେ ଜାନାମରୁହାଡ଼କାନା । ^{୨୪} ଧାରାମପୁଅରେ ଅଲ୍ଲକାନା, "ସବେନ୍ ହଡ଼କ ତାସାଦ୍ ଲେକାଃକ,

ଆତଃ ଇନ୍କୁଆଃ ସବେନ୍ ସୁଗାଡ଼ାନ୍ତେୟାଃ ବିର୍ ବାହା ଲେକାଃ ।

ତାସାଦ୍ ରହଡ଼କଆଃ ଆତଃ ବାହା ଗାସାରକଆଃ,

^{୨୫} ଫେନ୍ଦ୍ ପାର୍ମେଶ୍ୱାର୍ଆଃ ବାଚାନ୍ ଜାନାଅ ଜାନାଅ ଜାକେଦ୍ ତାଇନାଃ ।"

ନେଆଁ ଏନ୍ ସୁକୁକାଜି ଅକ୍ନାଃ ଆପେତାଃରେ ଉଦୁବାକାନା ।

୨

ଜାନିଦ୍ ଦିରି ଆତଃ ପାବିତାର୍ ହଡ଼କ

^୧ ଆପେ ସବେନ୍ ଲେକାନ୍ ଏଡ଼କାନାଃଏତେ ସାଜିନେନ୍ଦେ । ସବେନ୍ ଏଡ଼କାନ୍ କାଜି ଚାଏ ହସଡ଼ କାଜି ଚାଏ ହିସକ୍ କାଜି ଚାଏ ଦୁପରା କାଜିକ ବାଗିପେ । ^୨ ନାଞ୍ଜାଜାନାମ୍ ହନ୍ଲେକା ହବାଅଃପେ । ସବେନ୍ ଇମତା ଫାର୍ତି ଆମ୍ବିକ୍ ତଆ ନୁଁ ନାଗେନ୍ତେ ତେତାଜ୍ଆଃପେ, ଜେ'ଲେକାଟି ଆପେ ନୁଁକେଦ୍ତେ ହାରା ଦାଡ଼ିୟାଆପେ ଆତଃ ବାଞ୍ଚାଅପେ ନାମେୟା । ^୩ ଧାରାମପୁଅରେ ଅଲ୍ଲକାନା, "ପ୍ରାଭୁ ଚିନିନ୍ ଦାୟାଲୁ ତାନିଃ, ଏନା ଆପେ ଆଡ଼କାର୍ତ୍ତରୁମ୍ କାଦାପେ ।"

^୪ ଜାନିଦ୍ ଦିରି ଲେକାନ୍ନିଃଗି ଏନ୍ ପ୍ରାଭୁ ତାନିଃ, ହଡ଼କ ଇନିଃକେ କା ଗନଙ୍ଗ୍ଆଁନ୍ ଲେକା ଗେନା ଆତମ୍ବିକ୍ୟାକ, ଇନିଃତାଃତେ ହିଜୁଃପେ, ଚିୟାଃଟି ପାର୍ମେଶ୍ୱାର୍ତାଃରେ ଇନିଃ ପୁରାଃ ଗନଙ୍ଗ୍ଆଁନ୍ ହବାକେଦ୍ତେ ସାଲ୍ଲାୟାନାଏ । ^୫ ଆପେ ମିଆଁଦ୍ ଆମ୍ବିକ୍ ମାନ୍ଦିର୍ ବାଇୟେନ୍ ନାଜ୍ ଜାନିଦ୍ ଦିରି ଲେକା ବାଉରାଅଃ ନାଗେନ୍ତେ ହିଜୁଃପେ । ଏନ୍ ମାନ୍ଦିର୍ ଅଡ଼ାଃରେ ଆପେ ଯାଶୁ ଖ୍ରୀଷ୍ଟାଃ ହରାତେ ପାର୍ମେଶ୍ୱାର୍ ସୁକୁଃଆଏ ଲେକା ଆମ୍ବିକ୍ ଦାଣେଁ ରାକାଦ୍ ନାଗେନ୍ତେ ପାବିତାର୍ ଯାଜାକ୍ କାମି କାମିୟାପେ । ^୬ ଚିୟାଃଟି ଧାରାମପୁଅରେ ଅଲ୍ଲକାନା,

"ଆଲେ ମିଆଁଦ୍ ପୁରାଃ ଗନଙ୍ଗ୍ଆଁନ୍ ଦିରି ସାଲ୍ଲକାଦାଲେ,

ଏନାକେ ଆଲେ ସିୟୋନ୍ରେୟାଃ କତା ଦିରି ଲେକାଲେ ମାଣ୍ଡାଅକାଦା ।

ଜେତାଏ ଇନିଃରେ ବିଶ୍ୱାସେନିଃ, ଚିତ୍ତଲାଅ କାଏ ଗିହୁଗଃଆ ।"

^୭ ଆପେ ବିଶ୍ୱାସ୍ତାନ୍ ହରାତେ ନେ ଦିରି ଆପେୟାଃ ନାଜ୍ ପୁରାଃଗି ଗନଙ୍ଗ୍ଆଁନ୍ ତାନାଃ । ଫେନ୍ଦ୍ କା ବିଶ୍ୱାସ୍ତାନକଆଃ ନାଜ୍,

"ଅଡ଼ାଃ ବାବାଇକ୍ ଅକନ୍ ଦିରିକେ ଗେନା ଆତମ୍ବକେଦାକ,

ଏନା ନାହାଁଃ ସବେନାଃରାଃ କତା ଦିରି ହବାୟାନା ।"

୮ ଧାରାମପୁଅରେ ଆତଃଗି ଅଲ୍ଲକାନା,

"ନେ ସେରେଙ୍ଗ୍ ଦିରି ଚେତାନ୍ରେ ପୁରାଃ ହଡ଼କ ତହଦଃଆକ,

ନେ ସେରେଙ୍ଗ୍ ହରାତେ ଇନ୍କୁଆଃ ଜିୟନ୍ ହବାଅଃଆ ।" ଇନ୍କୁ ପାର୍ମେଶ୍ୱାର୍ଆଃ ବାଚାନ୍କେ କାକ ମାନାତଜ୍ଜକେଦା, ଏନାତେ ଇନ୍କୁ ତହଦ୍ୟାନାକ । ନେଆଁ ଇନ୍କୁଆଃ ନାଗେନ୍ତେ ପାର୍ମେଶ୍ୱାର୍ଆଃ ସାନାଜ୍ ତାଇକେନା ।

^୯ ^{୧୦} ଫେନ୍ଦ୍ ପାର୍ମେଶ୍ୱାର୍ ଆପେକେ ନୁବାଃହେତେ ଆୟାଃ ଆକ୍ଦାନ୍ଦାଅ ମାସ୍ତାଲ୍ତେ କେଡ଼ାକାଦ୍ପେୟା, ଜେ'ଲେକାଟି ଆପେ ପାର୍ମେଶ୍ୱାର୍ଆଃ ଆକ୍ରାକାଅ କାମିକପେ ଉଦୁବେଆ, ଏନାମେତେ ଆପେ ମିପିହୁଡ଼୍ ସାଲ୍ଲକାନ୍ ହଡ଼କ ତାନ୍ଦେ, ରାଜା ଲେକାନ୍ ଯାଜାକ୍ କିଲିକ, ପାବିତାର୍ ହଡ଼କ, ଆତଃ ପାର୍ମେଶ୍ୱାର୍ଆଃ ଆୟାଃ ହଡ଼କପେ ହବାକାନା । ^{୧୧} ସିଦା ଆପେ ପାର୍ମେଶ୍ୱାର୍ଆଃ ହଡ଼କ କାପେ ତାଇକେନା, ଫେନ୍ଦ୍ ନାହାଁଃ ଆୟାଃ ହଡ଼କ ତାନ୍ଦେ । ସିଦା ପାର୍ମେଶ୍ୱାର୍ଆଃ ଦାୟା କାପେ ସାରିକାଦ୍ ତାଇକେନା, ଫେନ୍ଦ୍ ନାହାଁଃ ଆପେ ଇନିୟାଃ ଦାୟା ନାମାକାଦାପେ ।

ପାର୍ମେଶ୍ୱାର୍ଆଃ ଦାସି

^{୧୨} ହେ ଦୁଲ୍ଲାଡ଼୍ ହାଗା ମିଶିକ, ଆପେ ନେ ଅତେଦିଶ୍ୱମ୍ରେନ୍ଦ୍ ନାହାଁଲ୍ଲାପେ ଆତଃ କା ଚିହ୍ନାଁର୍ ଲେକାନ୍କ ତାନ୍ଦେ, ଏନାମେତେ ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, ଆପେ ହଡ଼ମ୍ରେୟାଃ ଏଡ଼କାନ୍ ସାନାଜ୍କଏତେ ସାଜିନେନ୍ଦେ, ଏନାକଦ୍ ଆମ୍ବାରେୟାଃ ବିରୁଧ୍ରେ ଲାଡ଼ାଲୟାଃ । ^{୧୩} ସାଅଁସାଦ୍ ହଡ଼କଆଃ ଆଲ୍ଲାରେ ଆପେୟାଃ ତାଇଲ୍ ତାଲ୍ଲାନ୍ ବୁଗିଲେକା ହବାଅଃ ଲାଗାତିୟାଁ, ଚିମ୍ତା ଇନ୍କୁ

* ୨:୯ ୨:୯ ବିତସ୍ ୨:୧୪.

ଆପେକେ ଏଡ଼କାନ୍ କାମିହଡ଼ ମେନ୍ତେକ ହିଲାଙ୍ଗପେରେ, ଆପେୟାଃ ବୁଗିନ୍ କାମି ନେଲକେଦତେ ଯାଶୁ ଖ୍ରୀଷ୍ଟଆଃ ହିନିଜୁଃ ହୁଲାଙ୍ଗରେ ପାର୍ମେଶ୍ଵାରକେକ ମାଇନିୟା ।

^{୧୩} ପ୍ରାଭୁଆଃ ନୁହୁମତେଇଙ୍ଗ ବିନ୍ଧିପେ ତାନା, ସବେନ୍ ଆକଡେୟାର୍ ନାମାକାଦ୍ ହଡ଼କଆଃ ଆବରରେ ତାଇନ୍ପେ । ରାଜା ତାଇନଃ ଚାଏ, ଲାଟ୍‌ସାହେବ୍, ଆତଃ ଏଟାଃ ହାକିମକେକେ ମାନାତିଙ୍ଗକେପେ । ^{୧୪} ହାକିମକ, ଏଡ଼କାନ୍ ହଡ଼କକେକେ ସାଜାଇ ଏମ୍ ନାଗେନ୍ତେ ଆତଃ ବୁଗିନ୍ କାମି କାମିକାଦ୍ ହଡ଼କକେ ସାହାରାଅକ ନାଗେନ୍ତେ ଇନିଃ ଇନ୍‌କୁକେ ସାଲକାଦକଆ । ^{୧୫} ଆପେ ବୁଗିନ୍ କାମିତେ କା ସେଣ୍ଡାନ୍ ତଣ୍ଡି ହଡ଼କକେ ହାପାଉତାରକପେ, ଏନା ପାର୍ମେଶ୍ଵାରଆଃ ସାନାଙ୍ଗ୍ ତାନାଃ । ^{୧୬} ରାଡ଼ାକାନ୍ ହଡ଼କ ଲେକା ଜୀହୁଦଃପେ, ମେନ୍ଦ୍ ଆପେ ରାଡ଼ାକାନାଲେ ମେନ୍ତେ ଏଡ଼କାନ୍ କାମିରେଲେ ତାଇନା ମେନ୍ତେ କା ଉଡ଼ୁକେଦତେ, ପାର୍ମେଶ୍ଵାରଆଃ କିରିଙ୍ଗ୍‌ୟାକାନ୍ ଦାସି ଲେକା ଜୀଝାନ୍ ବିତାଏପେ । ^{୧୭} ସବେନ୍‌କେକେ ମାଇନକପେ, ଏଟାଃ ବିଶ୍ଵାସୀ ହାଗା ମିଶିକକେ ଦୁଲଡ଼କପେ, ପାର୍ମେଶ୍ଵାରକେ ବରଆଇପେ, ଆତଃ ରାଜାକେ ମାଇନିପେ ।

ୟାଶୁ ଖ୍ରୀଷ୍ଟଆଃ ଦୁକୁରେୟାଃ ନାମୁନ

^{୧୮} ହେ ଦାସିକ, ଆପେ ବରତାନ୍‌ଲଃ ଆପେୟାଃ ଗମକେକକେ ମାଇନକପେ, ବୁଗିନ୍ ଆତଃ ଲେବେଃମନ୍‌ରେନ୍ ହଡ଼କକେ ଏସକାର୍ କାହା, ମେନ୍ଦ୍ କା ଲେବେଃମନ୍‌ରେନ୍ ହଡ଼କକେହ ମାଇନକପେ । ^{୧୯} ଆପେ ପାର୍ମେଶ୍ଵାରଆଃ ଇଛା ସାରିକାଦ୍ ହରାତେ ବେଗାର୍ ଗୁଣ୍ଡାରେ ସାସାତି ନାମେତାନ୍‌ଲଃ ଦୁକୁପେ ସାହାତିଙ୍ଗ୍ ତାନ୍‌ରେଦ, ପାର୍ମେଶ୍ଵାର ଆପେକେ ଆଶିଷ୍ପେୟା । ^{୨୦} ଆପେ ଗୁଣ୍ଡାକେଦତେ ସାଜାଇପେ ନାମେରେଦ, ଏନାରେ ଚିକାନ୍ ମାରାଙ୍ଗ୍ ତାନାଃ ? ମେନ୍ଦ୍ ଆପେ ବୁଗିନ୍ କାମିକେଦତେ ଦୁକୁପେ ସାହାତିଙ୍ଗ୍ ତାନ୍‌ରେଦ, ଏନାରେ ପାର୍ମେଶ୍ଵାର ଆପେକେ ଆଶିଷ୍ପେୟା । ^{୨୧} ପାର୍ମେଶ୍ଵାର ନେଆଁ ନାଗେନ୍ତେ ଆପେକେ କେଡ଼ାକାଦପେୟା । ଯାଶୁ ଖ୍ରୀଷ୍ଟ ଆଇଃକ୍ରି ଆପେ ନାଗେନ୍ତେ ଦୁକୁ ସାହାତିଙ୍ଗ୍‌କେଦତେ ନାମୁନା ଉଦୁବକାଦା, ଜେ'ଲେକାଚି ଆପେ ଆୟାଃ ଉଦୁବକାଦ୍ ହରାକେପେ ଅତଙ୍ଗ୍ ଦାଡ଼ିୟା । ^{୨୨} ଇନିଃ ଜେଡ଼ନାଃ କାଏ ପାପକାଦା, ଆତଃ ଆୟାଃ ମଚାଏତେ ବେଦା କାଜି ଅତଙ୍ଗ୍‌ଅଃତେୟାଃ ଜେତାଏ ଚିତଲାଇଅ କାକ ଆୟୁମକାଦା । ^{୨୩} ଇନିଃକେ ଲାୟାକିୟାକ ଇମ୍‌ତା ଇନିଃ ଇନ୍‌କୁକେ କାଏ ଲାୟାରୁହାଡ଼କେଦକଆ, ଦୁକୁ ନାମକେଦ ଇମ୍‌ତା ଇନ୍‌କୁଆଃ ବାଦଲାଇ ଇଦିନାଙ୍ଗ୍ କାଏ ବଡ଼କେଦକଆ, ମେନ୍ଦ୍ ନ୍ୟାୟ ବିଚାରନିଃ ପାର୍ମେଶ୍ଵାରତାଃରେ ପୁରାଃଗି ଆସ୍ତାକାଦ୍ ତାଇକେନାଏ । ^{୨୪} ଆବୁ ଜେ'ଲେକା ପାପ ନାଙ୍ଗ୍ ଗଏଃକେଦତେ, ଧାର୍ମାନ୍ ନାଗେନ୍ତେବୁ ଜୀହୁଦଃକା, ଏନାମେନ୍ତେ ଯାଶୁ ଖ୍ରୀଷ୍ଟ ଆଇଃକ୍ରି କ୍ରୁଶ୍ ଚେତାନ୍‌ରେ ଆୟାଃ ହଡ଼ମରେ ଆବୁଆଃ ପାପକାଏ ଗଅଃକେଦା । ଆବୁ ଆୟାଃ ହଡ଼ମରେ ହାଁଶାସକାନ୍ ଘାଅ ହରାତେ ବୁଗିକାନାବୁ । ^{୨୫} ଆପେଦ ଆଦାକାନ୍ ମିଶ୍ରିକ ଲେକାପେ ତାଇକେନା, ମେନ୍ଦ୍ ନାହାଁଃ ଆପେୟାଃ ଆମ୍ବାରେନ୍ ମିଶ୍ରିଗୁପିନିଃ ଆତଃ ଆଗୁଆଇନିଃକେ ଅତଙ୍ଗ୍‌ଇଁ ନାଗେନ୍ତେପେ ଆଉରୁହାଡ଼ାକାନା ।

୩

ଆଣ୍ଡି କଡ଼ା କୁଡ଼ିକ ନାଙ୍ଗ୍ ଇନିଡୁ

^୧ ଏହେ ଆଣ୍ଡି କୁଡ଼ିକ, ଏନ୍‌ଲେକାଗି ଆପେ ଆପାନ୍ ଆପାନ୍ କଡ଼ାକଆଃ ଆବରରେ ତାଇନ୍ପେ । ଏନାତେ ଜେତା କଡ଼ା ପାର୍ମେଶ୍ଵାରଆଃ ବାଚାନ୍ କାଏ ମାନାତିଙ୍ଗ୍‌ରେଦ, ଆୟାଃ କୁଡ଼ିଆଃ ବୁଗିନ୍ ତାଇଲ୍ ଚାଲାନ୍ ହରାତେ ଇନିଃ ବିଶ୍ଵାସେ ନାଙ୍ଗ୍ ଜିତାଅଇୟାଏ । ଆପେକେ ମିଦ୍‌ପଦ୍‌ହଁ କାଜି କା ଲାଗାତିଙ୍ଗ୍‌ୟାଃ, ^୨ ଚିୟାଃତି ଇନ୍‌କୁ ଆପେୟାଃ ବୁଗିନ୍ ଫା'ରଚିତେୟାଃ ଆତଃ ବରଭାକ୍ତିକ ନେଲେୟା । ^୩ ଏଆପେୟାଃ ସିଙ୍ଗାରେନ୍, ଉଦ୍ ଗାଲାଙ୍ଗ୍‌ୟେନ୍, ସୋନା ତୁସିୟେନ୍, ଚାଏ ଲିଜାଃ ତୁସିୟେନ୍, ନେ ସବେନାଃ, ନେପେଲ୍ ସିଙ୍ଗାର୍ ଏସକାର୍ ଆଲକା ହବାଅଃକା, ^୪ ମେନ୍ଦ୍ ଆପେୟାଃ ମନ୍‌ସୁରୁଦ୍‌ରେୟାଃ ସିଙ୍ଗାରେନ୍ ହବାଅଃତାନା, ଲେବେଃମନ୍ ଆତଃ ବୁଗିନ୍ ସଭାବ୍, ଏନା ପାର୍ମେଶ୍ଵାରଆଃ ନେପେଲ୍‌ରେ ସବେନାଃଏତେ ଗନଙ୍ଗ୍‌ଆଁନ୍ ଆତଃ କା ଜିୟନଃତେୟାଃ ତାନାଃ । ^୫ ଚିୟାଃତି ପାର୍ମେଶ୍ଵାରତାଃରେ ଆସ୍ତାକାଦ୍ ସିଦା ଦିପିଲିରେନ୍ ପାବିତାର୍ କୁଡ଼ିକ ଆକଆଃ କଡ଼ାକଆଃ ଆବରରେ ତାଇନ୍‌ତାନ୍ ହରାତେ ଆକ ଆକଗି ସିଙ୍ଗାଃ ତାଇକେନାକ । ^୬ ଏନ୍‌ଲେକାଗି ସାରା ଆବୁହାମଆଃ କାଜି ମାନାତିଙ୍ଗ୍‌କେଦତେ ଇନିଃକେ ଆୟାଃ ଗମକେ ମେନ୍ତେ କାଜି ତାଇକେନା । ନାହାଁଃ ଆପେୟାଃ ଇନିୟାଃ କୁଡ଼ିହନ୍‌କ ତାନ୍‌ପେ, ଆତଃ ଆପେ ବୁଗିନ୍ କାମିପେ ରିକାଏରେଦ, ଜେତାନ୍ ବିଷାଏରେ କାପେ ବରଏୟା ।

* ୩:୧ ୩:୧ ଏଡ଼ିସିୟ ୫:୨୨; କଲସିୟ ୩:୧୮. * ୩:୩ ୩:୩ ୧ ଡିମଥ ୨:୯.

୭ ଏବଂନଲେକାଗି ଏ କଡ଼ାକ, ଆପେୟାଃ କୁଡ଼ିକ, ଆପେଏତେ ପୁରାଃଗି ନାରାଦୁରା ମେନ୍ତେ ସାରିତାନଲଃ ଇନ୍କୁଲଃ ହାହାଡ଼ିଙ୍ଗୟେଁ ଲେକା ଜୀଦାନ ବିତାଏପେ । ଇନ୍କୁକେ ମାଈନ୍କପେ, ଇନ୍କୁହ ପାର୍ମେଶ୍ୱାର୍ଆଃ ସାୟାଦତେ ଆପେଲଃ ଜୀନିଦରାଃ ନାଲକ ନାମେୟା ଆପେ ଇନ୍କୁକେ ବୁଗିଲେକାପେ ମାଈନ୍କରେଦ, ଆପେୟାଃ ବିନ୍ତରେ କାଜିକଟଙ୍ଗ କାପେ ନାମେୟା ।

ବୁଗିନ୍ କାମି ନାଗେନ୍ତେ ଦୁକୁ

୮ ଶୁଭୁର, ଆପେ ସବେନ୍କ ମିଦ୍ ମନ୍ରେ ତାଇନ୍କେଦତେ ମିହୁଡ୍ ଆତଃମିହୁଡ୍ଲଃ ହାଗା ମିଗିଲେକା ଦୁପୁଲ୍ଲାଡ଼ଃପେ ଆତଃ ମିହୁଡ୍ ଆତଃମିହୁଡ୍କେ ଦାୟାତାନଲଃ ଲେବେଃମନ୍ ଲେକା ହବାଅଃପେ । ୯ ଏଡ଼କାନାଃ ନାଗେନ୍ତେ ଏଡ଼କାନାଃ, ଚାଏ ସାର୍ପାଅ ନାଗେନ୍ତେ ସାର୍ପାଅ ଆଲ୍ପେ ଏମରୁହାଡ଼କଆ, ମେନ୍ଦ ଆଗିଷକପେ, ଚିୟାଃଗି ଆପେ ପାର୍ମେଶ୍ୱାର୍ତାଃଏତେ ଆଗିଷ୍ ନାମେ ନାଗେନ୍ତେପେ କେଡ଼ାକାନ । ୧୦ ଧାରାମ୍ପୁଅରେ ଅଲକାନା,

“ଜେତାଏ ଜୀଦାନରେ ସୁକୁ ନାମେ ନାଗେନ୍ତେ

ଆତଃ ସୁକୁରାଃ ଦିନ୍ ନେଲ୍ ନାଗେନ୍ତେ ସାନାଙ୍ଗତାନରେଦ,

ଇନିଃ ଏଡ଼କାନାଃ ଆଲକାଏ କାଜିକା

ଆତଃ ହସଡ୍ ଆଲକାଏ କାଜିକା ।

୧୧ ଇନିଃ ଏଡ଼କାନାଃଏତେ ସାଜିନ୍କେଦତେ ବୁଗିନାଃଏ କାମିକା,

ଆତଃ ଜାଉସୁକୁ ଦାଣ୍ଟିକେଦତେ ଅତଙ୍ଗୟେଁକା ।

୧୨ ପ୍ରାଭୁଆଃ ନେପେଲ୍ରେ ଧାର୍ମାନ ହଡ଼କସାଃରେ ମେନାଃ,

ଆତଃ ଇନ୍କୁଆଃ ବିନ୍ତ ଆୟୁମାଃଏ,

ମେନ୍ଦ ଏଡ଼କାନ କାମିତାନକଆଃ ବିନ୍ତ କାଏ ଆୟୁମାଃ ।”

୧୩ ଆତଃ ଆପେ ବୁଗିନାଃତେୟାଃରେ ଚିହୁଲାନଗିପେ ହବାଅଃରେଦ, ଅକଏ ଆପେୟାଃ ଏଡ଼କାନ୍ ରିକାୟାଏ ? ୧୪ ଏମେନ୍ଦ ଧାର୍ମାନ ନାଗେନ୍ତେ ଆପେକେ ଦୁକୁ ସାହାଡ଼ିଙ୍ଗ ହବାଅଃରେୟ, ଆପେ ସୁକୁତାନଗିଆ । ଇନ୍କୁ ଆପେକେ ବତଙ୍ଗପେରେ ଆଲ୍ପେ ବରଏୟା, ଆତଃ ଆଲ୍ପେ ଆକ୍ବାକାଅଃଆ । ୧୫ ମେନ୍ଦ ଯାଶୁ ଖ୍ରୀଷ୍ଟକେ ପ୍ରାଭୁ ମେନ୍ତେ ଆପେୟାଃ ମନ୍ସୁରୁଦ୍ରେ ମାଈନିପେ । ଆପେତାଃରେ ତାଇନଃତାନ ଆସ୍ତା ବିଷାଏରେ ଜେତାଏ ଆପେକେ କୁଲିପେରେ, ଇନିଃକେ କାଜିରୁହାଡ୍ ନାଜ୍ ସବେନ୍ ଇମତା ସେକାଡ଼ାକାନ୍ ତାଇନ୍ଦପେ, ୧୬ ମେନ୍ଦ ଲେବେଃମନ୍ତେ ଆତଃ ବୁଗିନ୍ ମାଈନ୍ତେ କାଜିରୁହାଡ଼କପେ । ଆପେୟାଃ ବିବେକ୍ ନିରାଲ୍ ଦହେପେ, ଏନ୍ତେ ଆପେ ଯାଶୁ ଖ୍ରୀଷ୍ଟକେ ଅତଙ୍ଗ ନାଙ୍ଗ ବୁଗିନ୍ ତାଇଲ୍ ତାଇଲ୍ରେ ତାଇନ୍ ଇମତା ଆପେୟାଃ ବିଷାଏରେ ଏଡ଼କାନ କାଜି କାଜିତାନକ ଚିହୁଗଃଆକ ୧୭ ଏଡ଼କାନ କାମି କାମିକେଦତେ ଦୁକୁ ନାମହେତେ, ପାର୍ମେଶ୍ୱାର୍ଆଃ ମନେଲେକା ବୁଗିନ୍ କାମି କାମିକେଦତେ ଦୁକୁ ନାମେତେୟାଃ ବୁଗିନାଃ ତାନାଃ । ୧୮ ଆପେକେ ପାର୍ମେଶ୍ୱାର୍ତାଃରେ ପୁଡ଼ୁଆଃରେ ନାଗେନ୍ତେ ଯାଶୁ ଖ୍ରୀଷ୍ଟ ଆଇଃକ୍ରି ଧାର୍ମାନ ତାଇକେନ୍ରେୟ କା ଧାର୍ମାନ ହଡ଼କଆଃ ପାପ୍ ନାଗେନ୍ତେ ମିସାଗି ଗଏୟାନ୍ । ଇନିଃ ହଡ଼ମ ଲେକାତେ ଗଏୟାନ୍ ମେନ୍ଦ ଆମ୍ ଲେକାତେ ଜୀହୁଦୟାନ୍, ୧୯ ଏନ୍ତେ ଆମ୍ତେ ଇନିଃ ତଲକାନ ଆମ୍ତାକତାଃ ସେନ୍କେଦତେ ପ୍ରାଚାରକେଦା । ୨୦ ନୁହୁଁ ଲାଉକା ବାଈତାନ୍ ଇମତା ପାର୍ମେଶ୍ୱାର୍ ଧୁରାଜ୍ ସାବ୍କେଦତେ ତାଜିତାନ୍ ତାଇକେନାଏ, ଇମତା ଅକନ୍ ହଡ଼କ ପାର୍ମେଶ୍ୱାର୍କେ କାକ ମାନାଡ଼ିଙ୍ଗ ତାଇକେନା, ଇନ୍କୁ ଏନ୍ ଆମ୍ତାକ ତାନକ । ଏନ୍ ଦାଆଃ ଜାହାଜ୍ରେ ବଲକେଦତେ କାମଡ଼ିଗି ହଡ଼, ଚାଏ ସବେନ୍ ମେସାକେଦତେ ଇରାଲିୟା* ଝାନ୍ଗି ଚୁଡ଼ା ଦାଆଃହେତେ ବାଞ୍ଛାଅୟାନାକ । ୨୧ ଏନାଦ ଆପେୟାଃ ଜୀଉବାଞ୍ଛାଅ ହବାଅଃତାନ୍ ବାପ୍ତିସ୍ମାରେୟାଃ ଜନ୍କା ତାନାଃ । ନେ ବାପ୍ତିସ୍ମା ଆପେୟାଃ ହଡ଼ମରେୟାଃ ହୁମ୍ କାଏ ସାଜିନେଆଁ, ମେନ୍ଦ ପାର୍ମେଶ୍ୱାର୍ତାଃରେ ବୁଗିନ୍ ବିବେକ୍ ନାମେ ନାଗେନ୍ତେ ବିନ୍ତ, ଆତଃ ଯାଶୁ ଖ୍ରୀଷ୍ଟଆଃ ଜୀଉବିନିଦ୍ ହରାତେ ଆପେୟାଃ ଜୀଉବାଞ୍ଛାଅ ହବାଅଃତାନା ୨୨ ଏନ୍ ଯାଶୁ ଖ୍ରୀଷ୍ଟ ସିମାତେ ରାକ୍ବୟାନ୍ ଆତଃ ପାର୍ମେଶ୍ୱାର୍ଆଃ ଜମଡ଼ିସାଃରେ ଦୁବାକାନା, ଆତଃ ସିମାରେନ୍ ଦୁଡ଼କ, ଆକ୍ତେୟାର୍ ନାମାକାଦକ୍, ପେଡ଼ଃ ନାମାକାଦକ୍ ଇନିୟାଃ ଆବ୍ରେରେ ମେନାକଆ ।



ମନ୍ ବାଦ୍ଲାଅକାନ୍ ଜୀଞ୍ଜାନ୍

* ୩:୭ ୩:୭ ଏପିସିୟ ୫:୨୫; କଲସିୟ ୩:୧୯. * ୩:୧୪ ୩:୧୪ ମାଥୁର ୫:୧୦. * ୩:୨୦ ୩:୨୦ ଆଠ୍

୧ ଯୀଶୁ ଖ୍ରୀଷ୍ଟ ହତ୍ତମରେ ଦୁକୁ ନାମାକାଦ୍ ହରାତେ, ଆପେୟ ଇନିୟାଃ ଲେକାଗି ମନ୍ଦ ବାଈକେଦ୍ତେ ଆପେଗି ପେଡ଼େୟେନ୍ଦେ, ତିୟାଃଟି ଜେତାଏ ଖ୍ରୀଷ୍ଟୁଆଃ ନାଗେନ୍ତେ ହତ୍ତମରେ ଦୁକୁ ନାମାକାଦ୍ନିଃ ପାପରେ ଆତଃ କାଏ ତାଇନାଃ । ୨ ନାହାଁଃଏତେ ଆପେୟାଃ ଅତେଦିଶ୍ୱମରେ ବାତାଅକାନ୍ ଜୀଞ୍ଜାନକେ ହତ୍ତକଆଃ ଏଡ଼କାନ୍ ସାନାଙ୍ଗ ଲେକାତେ କା ସେସେନ୍ଦେଦ୍ତେ ପାର୍ମେଶ୍ୱାରୁଆଃ ମନେଲେକାତେ ସେସେନ୍ଦ ଲାଗାତିଙ୍ଗୟାଃ । ୩ ସେନ୍ଦୟାନ୍ ଦିପିଲିକରେ ଆପେ ସାଅଁସାର୍ ହତ୍ତକଲେକା ପୁରାଃଟି ଜୀଞ୍ଜାନ୍ ବିତାଅକାଦାପେ । ଆପେୟାଃ ଜୀଞ୍ଜାନ୍ ଏଡ଼କାନ୍ ସାନାଙ୍ଗ, ଇଲିଆର୍ଗ୍ସ ନୁଁରେ ବୁଲିଃ, ରିଜରାଙ୍ଗ, ଆତଃ ମୁରୁଡ଼ ସେଞ୍ଜା ତାଇକେନାପେ । ୪ ନାହାଁଃ ଆପେ ସାଅଁସାର୍ ହତ୍ତକ ଲେକା କା ଫାର୍ଟି କାମିରେ ରାସକାନ୍ ନାଙ୍ଗ କାପେ ମେସାନ୍ତାନା, ଏନାତେ ଇନ୍ଦକୁ ଆକଦାଦାଅକେଦ୍ତେ ଆପେକେ ଲାଦାପେ ତାନାକ । ୫ ମେନ୍ଦ ଅକ ପାର୍ମେଶ୍ୱାର୍ ଜାନିନ୍ଦ୍ ଆତଃ ଗଜାକାନ୍ଦକଆଃ ବିଚାର୍ ରିକାଃଏ, ଇନିଃତାଃରେ ଇନ୍ଦକୁକେ ହିସାବ୍ ଏମ୍ ଲାଗାତିଙ୍ଗୟାଃ । ୬ ଏନାମେନ୍ତେ ଗଜାକାନ୍ଦକତାଃରେ ସୁକୁକାଜି ଉଦୁବୟାନା, ଜେଲେକାଟି ଇନ୍ଦକୁ ହତ୍ତକଆଃ ଲେକା ହତ୍ତମରେ ବିଚାର୍ ହବାନ୍ୟାନ୍ଦରେୟ, ପାର୍ମେଶ୍ୱାରୁଆଃ ଲେକା ଆମ୍ବରେ ଜୀହୁଦଃଆକ ।

ପାର୍ମେଶ୍ୱାରୁଆଃ ଖୁଲିରାଃ ବୁଗିନ୍ ଭାଣ୍ଡାରି

୭ ସବେନାଃରେୟାଃ ଚୁଣ୍ଡୁ ଚୁସଚେରାକାନା । ଏନାମେନ୍ତେ ଆପେୟାଃ ମନ୍ଦ ଆବରରେ ଦହକେଦ୍ତେ, ବିକ୍ତି ନାଙ୍ଗ୍ ବିର୍ଗାଲାନାନ୍ ତାଇନ୍ଦପେ । ୮ ସବେନାଃଏତେ ଆଦକା ପୁରାଃତେ ଦୁପୁଲ୍ଲାଡ଼ରେ ତାଇନ୍ଦପେ, ତିୟାଃଟି ଦୁଲ୍ଲାଡ଼ଦ୍ ପୁରାଃ ପାପକଏ ଦାଲବେଆ । ୯ ବେଗାର୍ ନଗମ୍ ତଗମତେ ମିହୁଡ଼ ଆତଃମିହୁଡ଼କେ ପେଡ଼ାକପେ । ୧୦ ଆପେ ସବେନ୍ଦକେ ଜେଲେକା ସାୟାଦ୍ରେୟାଃ ବାର୍ଦ୍ଦାନ୍ ନାମାକାଦାପେ, ଏନ୍ଲେକାଗି ପାର୍ମେଶ୍ୱାରୁଆଃ ସାୟାଦ୍ରେୟାଃ ବୁଗିନ୍ ଭାଣ୍ଡାରି ଲେକା ମିହୁଡ଼ ଆତଃମିହୁଡ଼ରାଃ ସୁସାର୍ ରିକାଏପେ । ୧୧ ଜେତାଏ ପାର୍ଚ୍ଚାର୍ ରିକାଏରେଦ, ଇନିଃ ପାର୍ମେଶ୍ୱାରୁଆଃ କାଜି ପାର୍ଚ୍ଚାର୍ତାନ ଲେକା ପାର୍ଚ୍ଚାରେକାଏ । ଜେତାଏ ସୁସାର୍ତାନରେଦ ଇନିଃ ପାର୍ମେଶ୍ୱାରୁତାଃଏତେ ପେଡ଼େଃ ନାମାକାଦ୍ ହତ୍ତଲେକା ସୁସାରେକାଏ । ଏନାତେ ଯୀଶୁ ଖ୍ରୀଷ୍ଟୁଆଃ ହରାତେ ପାର୍ମେଶ୍ୱାରୁଆଃ ମାଇନାନ୍ ହବାଅଆଃ । ଇନିୟାଃ ମାନାରାଙ୍ଗ୍ ଆତଃ ପେଡ଼େଃ ଜାନାଅ ଜାନାଅ ହବାଅଆଃ । ଆମେନ୍ ।

ଖ୍ରୀଷ୍ଟିୟାନ୍ ନାଗେନ୍ତେ ଦୁକୁ

୧୨ ହେ ଦୁଲ୍ଲାଡ଼ ହାଗା ମିଗିକ, ଅକନ୍ ସେଙ୍ଗେଲ୍ ବିନିଡ଼ାଅରେ ଆପେ ଦୁକୁଃତାନା, ଏନା ମିଆଁଦ୍ ଆକଦାଦାଅନ୍ କାଜି ହବାଅଃତାନା ମେନ୍ତେ ଆଲପେ ଆକତାକାଅଆ । ୧୩ ମେନ୍ଦ୍ ରାସକାଅଃପେ, ତିୟାଃଟି ଆପେ ଯୀଶୁ ଖ୍ରୀଷ୍ଟୁଆଃ ଦୁକୁରେୟାଃ ହାନାଟିଙ୍ଗପେ ନାମାକାଦ୍ ହରାତେ ଆୟାଃ ମାନାରାଙ୍ଗ୍ ହବାଅଃ ଇମ୍ତା ଆପେ ପୁରାଃ ରାସକାରେପେ ରାସକାଅଆ । ୧୪ ଆପେ ଯୀଶୁ ଖ୍ରୀଷ୍ଟୁଆଃ ନୁଡ଼ମ୍ ନାଗେନ୍ତେପେ ହିଲ୍ଲାଙ୍ଗ୍ଆଃରେଦ, ଆପେ ସୁକୁତାନ୍ଗିଆ, ତିୟାଃଟି ପାର୍ମେଶ୍ୱାରୁଆଃ ମାନାରାଙ୍ଗ୍ରେନ୍ଦ୍ ଆମ୍ । ଆପେରେ ମେନାଇୟା । ୧୫ ଏନାତେ ଆପେଏତେ ଜେତାଏ ହଡ଼ ଗଗଏନିଃ ଚାଏ କୁମ୍ପୁ ଚାଏ ଏଡ଼କାନାଃ କାମିନିଃ ଚାଏ ଏଗାଃନିଆଃ କାମିରେ ଆଲାଆଲାନିନିଃ ହବାକେଦ୍ତେ ଦୁକୁ ଆଲକାଏ ସାହାତିଙ୍ଗୟାକା । ୧୬ ଜେତାଏ ଖ୍ରୀଷ୍ଟିୟାନ୍ ତାନିଃ ମେନ୍ତେ ଦୁକୁ ସାହାତିଙ୍ଗ୍ ତାନ୍ରେଦ ଆଲକାଏ ଗିହୁଗଃକା, ମେନ୍ଦ୍ ଯୀଶୁ ଖ୍ରୀଷ୍ଟୁଆଃ ନୁଡ଼ମ୍ ନାମାକାଦ୍ ନାଗେନ୍ତେ ପାର୍ମେଶ୍ୱାରୁକେ ଧାନାବାଦ୍ ଏମାଈକାଏ ।

୧୭ ପାର୍ମେଶ୍ୱାରୁଆଃ ଅଡ଼ାଃତାଃଏତେ ଏଚେଦ୍କେଦ୍ତେ ବିଚାର୍ ଦିପିଲିରେୟାଃ ନେତା ସେଚେରାକାନା, ଆତଃ ପାହିଲା ପାର୍ମେଶ୍ୱାରୁଆଃ ହତ୍ତକଆଃ ବିଚାର୍ ହବାଅଆ । ଆବୁତାଃଏତେ ଏନେଚେଦ୍ ହବାଅଃତାନ୍ରେଦ, ଅକନ୍ଦକ ପାର୍ମେଶ୍ୱାରୁଆଃ ସୁକୁକାଜିରେ କାକ ବିଶ୍ୱାସତାନା, ଇନ୍ଦକୁଆଃ ଚୁଣ୍ଡୁ ଦିପିଲି ଚିଲ୍ଲକାଅଆ ? ୧୮ ଧାରମ୍ପପୁଅରେ ଅଲ୍ଲାକାନା, “ଧାର୍ମାନ୍ ହତ୍ତକଆଃ ଜୀଉବାଞ୍ଚାଅ ନାମେତେୟାଃ ନିମିନ୍ଦ୍ କେଚେଦ୍ତାନ୍ରେଦ, କା ଧାର୍ମାନ୍ ହତ୍ତ ଆତଃ ପାପି ହତ୍ତକଆଃ ତିନାଃ ହବାଅଆ ?”

୧୯ ଏନାତେ, ଅକନ୍ଦକ ପାର୍ମେଶ୍ୱାରୁଆଃ ମନେଲେକା ଦୁକୁ ସାହାତିଙ୍ଗ୍ତାନାକ, ଇନ୍ଦକୁ ଆକଆଃ ଆମ୍ବକେ ଜିମାକେଦ୍ତେ ବୁଗିନ୍ କାମିରେ ତାଇନ୍ଦକାକ । ବାବାଇନିଃ ସାର୍ତ୍ତି ପାର୍ମେଶ୍ୱାର୍ ଇନ୍ଦକୁଆଃ ନାଙ୍ଗ୍ ଏମାକାଦ୍ ଆୟାଃ ବାନାର୍ସାକେ ପୁରାଏ ନାଗେନ୍ତେ କାଏ ରିଡ଼ିଙ୍ଗୟାକା ।



^୧ ଆଇଙ୍ଗ୍ ମିଛୁଡ଼ ପ୍ରାଚିନ୍ ଆଗୁଆଇ ଲେକା ଆପେୟାଃ କାଲିସିୟାରେନ୍ ପ୍ରାଚିନ୍ ଆଗୁଆଇକକେ ବିଚ୍ଛିତାନ୍ଲଃ କାଜିକତାନାଇଙ୍ଗ୍ । ଆଇଙ୍ଗ୍ ଯୀଶୁ ଖ୍ରୀଷ୍ଟଆଃ ଦୁକୁରେୟାଃ ଗାଞ୍ଜା ତାନିଙ୍ଗ୍, ଆତଃ ଜନିୟାଃ ମାନାରାଙ୍ଗ୍ ଉଦୁବଃ ଇମ୍ତାରେ ଆଇଙ୍ଗ୍‌ହ୍ ଏନାରେୟାଃ ହିସାଇଙ୍ଗ୍ ହବାଅଃଆ । ^୨ *ପାର୍ମେଶ୍ୱାର୍ ଆପେକେ ଏମାକାଦପେ ମିଣ୍ଡିଗୋଟକକେ ଯାତନାଅକପେ, କା ସାନାଙ୍ଗ୍‌ତାନ ଲେକା କାହାଗି, ମେନ୍ଦ ପାର୍ମେଶ୍ୱାର୍‌ଆଃ ସାନାଙ୍ଗ୍‌ଲେକା ସୁକୁ ମନ୍ତେ ଯାତନାଅକପେ । ଟାକା ପାଏସା ନାମେ ନାଗେନ୍ତେଦ କାହାଗି, ମେନ୍ଦ ରାସକା ମନ୍ତେ ସୁସାରକପେ । ^୩ ଆପେକେ ଅକନ୍‌କଆଃ ଯାତନାଅ ନାଗେନ୍ତେ ଏମାକାନା, ଇନ୍‌କୁଆଃ ଚେତାନରେ କା ରାଇଙ୍ଗ୍‌କେଦତେ ଗୋଟକଆଃ ନାମୁନା ହବାଅଃପେ । ^୪ ଆତଃ ମାରାଙ୍ଗ୍ ଗୁପିନିଃ ହିଜୁଃ ଇମ୍ତା, ଆପେ ମାନାରାଙ୍ଗ୍‌ରେୟାଃ ଟୁପୁରିପେ ନାମେୟା । ଅକ୍‌ନାଃଚି ଚିଉଲାଅ କା ମୁର୍ତ୍ତୀଅଃଆ ।

^୫ ଏନ୍‌ଲେକାଗି, ଏ ସେପେଡେଦକ, ଆପେ ପ୍ରାଚିନ୍‌କଆଃ ଆକ୍‌ତେୟାରରେ ତାଇନ୍‌ପେ । ଆପେ ସବେନ୍‌କ ମିଛୁଡ଼ ଆତଃମିଛୁଡ଼କେ ସୁସାରି ନାଗେନ୍ତେ ଲେବେଃମନ୍ ଲେକାନ୍ ଲିଜାଃ ତୁସିୟେନ୍‌ପେ । ଚିୟାଃଚି ଧାରମପୁଅରେ ଅଲ୍‌କାନା, “ପାର୍ମେଶ୍ୱାର୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ହଡ଼କଆଃ ସାୟାଦ୍ ହକାଏୟାଏ, ମେନ୍ଦ ଲେବେଃମନ୍ ହଡ଼କକେ ସାୟାଦ୍ ଏମାକଆଏ ।” ^୬ ଏନାନାଗେନ୍ତେ ପାର୍ମେଶ୍ୱାର୍‌ଆଃ ପେଡେୟାନ୍ ତିଃଇ ଲାତାରରେ ଲେବେୟେନ୍‌ପେ, ଇନିଃ ଆୟାଃ ନେତାରେ ଆପେକେ ମାରାଙ୍ଗ୍‌ପେୟା । ^୭ ଆପେୟାଃ ସବେନ୍ ଉଡ଼୍‌ରେୟାଃ ବାହାରମ୍ ପାର୍ମେଶ୍ୱାର୍‌ତାଃରେ ଏମେପେ, ଚିୟାଃଚି ଇନିଃ ଆପେ ନାଗେନ୍ତେ ଉଡ଼୍‌ହୁତାନା ।

^୮ ଆପେ ଚିଗାଲ୍‌କାନ୍ ଆତଃ ଏୟନାକାନ୍ ତାଇନ୍‌ପେ । ଆପେୟାଃ ବାଇରି, ସାଏତାନ୍, କୁଲା ଲେକାଏ ହୁକ୍‌ରାଅ ତାନା । ଅକଏକେ ଜିୟନିଆ ଏନାଏ ଦାଣ୍ଡାବାଡ଼ା ତାନା । ^୯ ଆପେ ବିଶ୍ୱାସରେ କେଟେୟେନ୍‌ପେ ଆତଃ ସାଏତାନ୍‌କେ ହକାଇପେ, ଚିୟାଃଚି ଆପେ ସାରିତାନାପେ, ନେ ଅଡେଦିଶ୍ୱମ୍‌ରେ ଆପେୟାଃ ଏଗଃ ବିଶ୍ୱାସୀ ହାଗା ମିଶିକରେ ନେ ଲେକାନ୍ ଦୁକୁକ ହବାଅଃତାନା । ^{୧୦} ଆତଃ ଯୀଶୁ ଖ୍ରୀଷ୍ଟଲଃ ମେସାକେଦତେ ଆୟାଃ ଜାନାଅ ଜାନାଅ ମାନାରାଙ୍ଗ୍‌ରେ ହିସାଦାର୍ ହବାଅଃ ନାଗେନ୍ତେ ସବେନ୍ ସାୟାଦ୍‌ରେନ୍ ପାର୍ମେଶ୍ୱାର୍ ଆପେକେ କେଡାକାଦପେୟା । ଆପେୟାଃ ପାଡ଼ିକାଦ୍‌ରେୟାଃ ଦୁକୁ ସାହାଡିଙ୍ଗ୍‌କେଦ ତାୟମ୍‌ତେ, ଇନିଃ ଆଇଃକ୍‌ଗି ଆପେକେ ପକ୍‌ତାପେୟା, ସାଲ୍‌ସାନ୍ତପେୟା, କେଟେଦପେୟା, ଆତଃ ବାଇରୁହାଡ଼ପେୟା । ^{୧୧} ଇନିୟାଃ ପେଡେଃ ଜାନାଅ ଜାନାଅଗି ହବାଅଃକା । ଆମେନ୍ ।

ତୁଣ୍ଡ ଜୁହାର୍

^{୧୨} *ଆଇଙ୍ଗ୍ ସିଲ୍‌ସକେ ପାତିୟାରରେନ୍ ଖ୍ରୀଷ୍ଟ୍ ହାଗା ଲେକାଇଙ୍ଗ୍ ମାଇନିତାନା ଆତଃ ଆୟାଃ ଦେଙ୍ଗାତେ ଆଇଙ୍ଗ୍ ନେ ହୁଡିଙ୍ଗ୍ ଚିଗାଉ ଅଲ୍‌କାଦାଇଙ୍ଗ୍ । ଆଇଙ୍ଗ୍ ପାର୍ମେଶ୍ୱାର୍‌ଆଃ ସାର୍‌ତ ସାୟାଦ୍ ବିଷାଏରେ ଗାଞ୍ଜା ଏମକେଦତେ ଆପେକେ ଜୀଉରେ ରାସକା ଏମ୍ ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ଆପେ ଏନ୍ ସାୟାଦ୍‌ରେ ତିଙ୍ଗ୍‌କେଟେୟାକାନ୍ ତାଇନ୍‌ପେ ।

^{୧୩} *ପାର୍ମେଶ୍ୱାର୍‌ତେ ସାଲ୍‌କାନ୍ ବାବିଲୋନ୍‌ରେୟାଃ କାଲିସିୟା ଆତଃ ଆଇଁୟାଃ ଧାରାମ୍‌ହନ୍ ମାର୍କ୍‌ହ୍ ଆପେକେ ଜହାର୍ କାଜିକୁଲ୍‌କାଦା । ^{୧୪} ଖ୍ରୀଷ୍ଟିୟାନ୍ ଦୁଲାଡ଼ତେ ମିଛୁଡ଼ ଆତଃମିଛୁଡ଼କେ ପାବିତାର୍ ଜହାର୍‌ତେ ଜହାରଃପେ । ଯୀଶୁ ଖ୍ରୀଷ୍ଟ୍‌ତାଃରେ ମେନାପେ ସବେନ୍‌କଆଃ ଜୀଉସୁକୁ ହବାଅଃକା ।

* ୫:୨ ୫:୨ ଯୋହାନ୍ ୨:୧୫-୧୭. * ୫:୬ ୫:୬ ମାଥୁର ୨୩:୧୨; ଲୁକ ୧୪:୧୧; ୧୮:୧୪. * ୫:୧୨ ୫:୧୨ ପ୍ରେରିଡ଼ ୧୫:୨୨,୪୦.
 * ୫:୧୩ ୫:୧୩ ପ୍ରେରିଡ଼ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଟିଲ୍‌ମନ୍ ୧:୨୪.

ପିତରଙ୍କ ଲିଖିତ ଦ୍ଵିତୀୟ ପତ୍ର ପାଢ଼ରାସ୍ ଅଲ୍ଲାକାଦ୍ ଏଗାଃ ଚିଟାଉ ପାରିବାସ

ପାଢ଼ରାସ୍‌ଆଃ ଏଗାଃ ଚିଟାଉ କାଜିୟାଃଏ ଯେ, ନେ ଚିଟାଉ ପ୍ରେରିତ୍ ପାଢ଼ରାସ୍‌ଆଃ ହରାତେ ଅଲ୍ଲାକାନା । ମେନ୍ଦ୍ ନାହାଁଃ ପୁରାଃ ପାଣ୍ଡିତ୍ କେନେଆଁ ସାବ୍ତି ନାହାଁଲାଃ ମେନ୍ତେ କାଜିୟାଃକ । ହବାସାକାଅଆଃ ନେଆଁ ପାଢ଼ରାସ୍‌ଆଃ ବାଦ୍‌ଲ୍ଲାରେ ଏଗାଃ ମିହୁଡ୍ ଅଲ୍ଲାକାଦାଏ ମେନ୍ତେ କାଜିୟାଃ । ଅନଲ୍‌ନିଃ କାଜିୟାଃଏ ଯେ, ଜନିଃ ଯାଶୁ ଖ୍ରୀଷ୍ଟ୍ କେ ମେଦ୍‌ତେ ନେଲ୍ଲାକାଇ ହଡ୍ ତାନିଃ । ବିଶେଷକେଦ୍‌ତେ ଯାଶୁଆଃ ରୁପ୍ ବାଦ୍‌ଲ୍ଲାଅ ବିଷାଏରେ କାଜିୟାଃକ ୧:୧୭-୧୮ । ପାଢ଼ରାସ୍ ନେ ଚିଟାଉ ଅଲ୍ଲାକାଦ୍‌ରେଦ୍, ହବାସାକାଅଆଃ ରୋମ୍‌ରେ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୫୭-୬୯ କରେ, ଆୟାଃ ଗନଏଃ ସିଦାରେ ନେ ଚିଟାଉ ଅଲ୍ଲାକାଦାଏ । ପାଢ଼ରାସ୍ ହରି ନେଆଁ ଆୟାଃ ଏଗାଃ ଚିଟାଉ ମେନ୍ତେ କାଜିୟାଃ ୩:୧ । ପାଢ଼ରାସ୍ ଆୟାଃ ପାହିଲା ଚିଟାଉ ଅଲ୍ଲକେଦ୍ ତାୟମ୍‌ତେ, ଏନ୍ ଅନଲ୍ ବିପିଲିରାଃ ଠାୟାଦ୍ ଏମ୍‌କେଦ୍ ହରାତେ ନେଆଁକେ ଏଗାଃ ଚିଟାଉ ମେନ୍ତେ କାଜିୟାଃକ । ଜନିଃ ସବେନ୍ ଖ୍ରୀଷ୍ଟ୍‌ୟାନ୍ ହଡ୍‌କକେ ନେ ଚିଟାଉ ଉଦ୍‌ବଦାଦାକାଆଏ ।

ପାଢ଼ରାସ୍ ବିଶ୍ଵାସୀକକେ ଜୀଉରେ ରାସ୍‌କା ଏମ୍ ନାଜ୍, ବୁଗିନ୍ ଜୀଦାନ୍ ବିତାଅ ନାଜ୍, ହସଡ୍ ଜନିତ୍‌କକେ କା ଅତଙ୍ଗକ ନାଜ୍ ଆତଃ ଚେତାଅକ ନାଜ୍ ନେ ଚିଟାଉ 9 ଆଧ୍ୟାୟରେ ଅଲ୍ଲାକାଦାଏ । ଯାଶୁ ହିଜ୍‌ଜୁ ନାଗେନ୍ତେ ପୁରାଃ ବିଲାମେ ତାନାଏ ମେନ୍ତେ କାଜିତାନ୍ ହଡ୍‌କକେ ଜନିଃ ଆଲପେ କାଜିୟା ମେନ୍ତେ ଜୀଉରେ ରାସ୍‌କାଏ ଏମାକତାନା । ପାର୍‌ମେଶ୍ଵାର୍ ବିଲାମେନିଃ ନାହାଁଲିଃ ମେନ୍ଦ୍ ସବେନ୍‌କ ଜୀଉବାଞ୍ଚାଅକ ନାମେକା ମେନ୍ତେ ଜନିୟାଃ ସାନାଜ୍ ତାନା ୩:୮-୯ । ନେଆଁ ମିଆଁଦ୍ ବୁଗିନ୍ ଜୀଦାନ୍‌ରେୟାଃ ବିଷାଏ ତାନାଃ ୩:୧୪ ।

ପୁଅ ବିତାଉରେ ତାଇକାନ୍ କାଜି

- ୧. ପାଢ଼ରାସ୍ ଆୟାଃ ପାରିବାସ ଉଦ୍‌ବାଃଏ ଆତଃ ଆୟାଃ ପାଢାଅତାନ୍ ହଡ୍‌କକେ ଆୟାଃ ଅଡ଼ାଃରେୟାଃ ଠାୟାଦ୍ ଉଦ୍‌ବାଃଏ । ୧:୧-9
- ୨. ଏନ୍ତେ ବିଶ୍ଵାସୀକକେ ବୁଗିନ୍ ଜୀଦାନ୍ ବିତାଅ ନାଗେନ୍ତେ ପାହାମ୍‌ଇତିକ ତାନା, ଚିଆଃତି ପାର୍‌ମେଶ୍ଵାର୍ ଆବୁକେ ପେଡ଼େଃ ଏମାଃଏ । ୧:୩-9୧
- ୩. ଜନିଃ ହସଡ୍ ଜଡ୍‌କକେ ଚେତାଅକେଦ୍‌ତେ ଟୁଣ୍ଡୁ ଦ୍ଵିପିଲିରେ ଜନ୍‌କୁଆଃ ଚିନାଃ ହବାଅଃଆ ଏନାଏ କାଜିକାଦା । 9:୧-99
- ୪. ପାଢ଼ରାସ୍ ଯାଶୁ ଖ୍ରୀଷ୍ଟ୍‌ଆଃ ଆତଃମିସା ହିଜ୍‌ଜୁ ନାଜ୍ ସେକାଡ଼ାକାନ୍‌ଲଃ ତାଇକ୍‌କେଦ୍‌ତେ ବୁଗିନ୍ ଜୀଦାନ୍ ବିତାଅ ନାଜ୍ ଜୀଉରେ ରାସ୍‌କା ଏମାଃଏ । ୩:୧-୧୮

୧ ଯାଶୁ ଖ୍ରୀଷ୍ଟ୍‌ଆଃ ଦାସି, କୁଲ୍ଲାକାନ୍ ଶିମୋନ୍ ପାଢ଼ରାସ୍ ଆବୁଆଃ ପାର୍‌ମେଶ୍ଵାର୍ ଆତଃ ଜୀଉବାଞ୍ଚାଅନିଃ ଯାଶୁ ଖ୍ରୀଷ୍ଟ୍‌ଆଃ ଧାର୍‌ମାନ୍ କାମି ହରାତେ ବିଶ୍ଵାସ୍ ଲେକାନ୍ ପୁରାଃ ଗନଜ୍‌ଆଁନ୍ ଦାନ୍‌କ ନାମାକାଦା, ଜନ୍‌କୁତାଃତେ ଆଇଜ୍ ନେ ଚିଟାଉ ଅଲେତାନାଇଜ୍ ।

୨ ପାର୍‌ମେଶ୍ଵାର୍ ଆତଃ ଆବୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ସେଣାଁ ହରାତେ ଆପେୟାଃ ପୁରା ସାୟାଦ୍ ଆତଃ ଜୀଉସୁଜ୍ ହବାଅଃକା ।

ପାର୍‌ମେଶ୍ଵାର୍‌ଆଃ କେନେଡ଼ା ଆତଃ ସାଲା

୩ ଧାର୍‌ମାନ୍ ଜୀଦାନ୍ ବିତାଅ ନାଗେନ୍ତେ ଆବୁକେ ଲାଗାତିଜ୍‌ତେୟାଃ ପାର୍‌ମେଶ୍ଵାର୍ ଆୟାଃ ମାରାଜ୍ ପେଡ଼େଃ ଏମାକାଦ୍‌କୁଆ । ଆୟାଃ ମାନାରାଜ୍ ଆତଃ ଧାର୍‌ମାନ୍ କାମିରେ ହିସାଦାର୍ ହବାଅଃ ନାଗେନ୍ତେ କେଡ଼ାକେଦ୍‌କୁଆ । ଜନିଃକେ ସାରିକିଃ ହରାତେ ଆବୁ ନେ ସବେନ୍ ବାର୍‌ଦାନ୍‌କୁ ନାମାକାଦା । ୪ ନେଲ୍‌କା ଜନିଃ ଆବୁକେ ଆୟାଃ ବାନାର୍‌ସା ଲେକାତେ ପୁରାଃ ଗନଜ୍‌ଆଁନ୍ ଆତଃ ମାରାଜ୍ ବାର୍‌ଦାନ୍ ଏମାକାଦ୍‌କୁଆଏ, ଏନ୍ ସବେନ୍ ବାର୍‌ଦାନ୍ ହରାତେ ଆପେ ନେ ଜିୟନିଃ ଅତେଦିଶ୍ଵମ୍‌ରେ ତାଇଜନିଃତାନ୍ ଏଡ୍‌କାନ୍ ସାନାଜ୍‌ଏତେ ବାଞ୍ଚାଅପେ ନାମେୟା, ଆତଃ ପାର୍‌ମେଶ୍ଵାର୍‌ଆଃ ଲେକାନ୍ ସଭାବ୍‌ରେ ହିସାଦାର୍ ହବା ଦାଡ଼ିୟାଃଆପେ । ୫ ଏନା ନାଗେନ୍ତେ, ଆପେ ପୁରାଃ ବୁଗିଲେକାତେ ଆପେୟାଃ ବିଶ୍ଵାସ୍‌ଲଃ ବୁଗିନାଃ ମେସାଏପେ, ବୁଗିନାଃଲଃ ସେଣାଁକେ ମେସାଏପେ, ୬ ସେଣାଁଲଃ ଆପାନ୍‌କେ ଆବର୍ ଦହନାଜ୍ ମେସାଏପେ, ଆପାନ୍‌କେ ଆବର୍‌ରେ ଦହଲଃ ସାହାତିଜ୍ ଜାଝାନ୍ ମେସାଏପେ, ସାହାତିଜ୍ ଜାଝାନ୍‌ଲଃ

ପାର୍ବଣେଶ୍ୱରକେ ବରଭାକ୍ତି ମେସାଏପେ, ^୭ ପାର୍ବଣେଶ୍ୱରକେ ବରଭାକ୍ତିଲକ୍ଷ ଶ୍ରୀଷ୍ଟ ହାଗା ଦୁଲ୍ଲାଡ଼, ମେସାଏପେ, ଆତଃ ଶ୍ରୀଷ୍ଟ ହାଗା ଦୁଲ୍ଲାଡ଼ଲକ୍ଷ ଦୁଲ୍ଲାଡ଼ ମେସାଏପେ । ^୮ ନେ ସବେନ୍ ବୁଗିନାଃ ଆପେତାଃରେ ହାରାଜଦିୟଃରେ, ଆପେ ନାମାକାଦ୍ ପ୍ରାଭୁ ଯୀଶୁ ଶ୍ରୀଷ୍ଟଆଃ ସେଣ୍ଟି ଆପେକେ କାମି ଇତିପେୟା ଆତଃ ଜ ବାନଃଲେକା କାଏ ବାଇପେୟା । ^୯ ମେନ୍ଦ୍ ଜେତାଏତାଃରେ ନେ ସବେନାଃ ବାନଃରେଦ, ଇନିଃ ସାଜିନ୍ଦେ କା ନେଲ୍ ଦାଡ଼ିତାନ୍ ଆକ୍ଷା ତାନିଃ ଆତଃ ଆୟାଃ ସିଦା କାମିକାଦ୍ ପାପ୍କଏତେ ଫୀରୁଟିଆକାନା ଏନାଏ ରିଡ଼ିକ୍ସକାଦା ।

^{୧୦} ଏନାମେନ୍ତେ, ହେ ହାଗା ମିଶିକ, ପାର୍ବଣେଶ୍ୱର ଆପେକେ ସାଲକେଦ୍ଦେ କେଡ଼ାକାଦ୍ପେୟା, ଏନାକେ ଜାନାଅଗି ଦହ ନାଗେନ୍ତେ ପୁରାଃ ଜାଦ୍ନାଆଃପେ । ନେଲେକା କାମିଲେରେ ଆପେ ବିଶ୍ୱାସ୍ତେ ଚିଭଲାଅ କାପେ ତହଦଃଆ । ^{୧୧} ନେ ଲେକାତେ ଆବୁଆଃ ପ୍ରାଭୁ ଆତଃ ଜାଭାଆଅନିଃ ଯୀଶୁ ଶ୍ରୀଷ୍ଟଆଃ ଜାନାଅ ରାଜଜ୍ରେ ବଲ ନାଗେନ୍ତେ ଆପେ ପୁରା ଆକ୍ତେୟାବ୍ଦେ ନାମେୟା ।

^{୧୨} ଆପେ ନେ ସବେନାଃ ସାରିତାନାପେ ଆତଃ ନାମାକାଦ୍ ସାନାରୁତିରେପେ କେଟେୟାକାନା, ନେ ସବେନ୍ କାଜି ଆଇଜ୍ ଆପେକେ ସବେନ୍ ଇମ୍ତା ପାହାମିଇତି ନାଗେନ୍ତେଇଜ୍ ସାନାଜ୍ତାନା । ^{୧୩} ଆଇଜ୍ ନେ କୁମ୍ବା ଲେକାନ୍ ଗନ୍ଏଃ ହଡ଼ମରେ ଜାନିଦ୍ ତାଇନଃ ଜାକେଦ୍, ନେ ସବେନ୍ ବିଷାଏରେ ଆପେ ପାହାମିକାତେପେ ନେଆଁ ଠାଉକାଗି ତାନାଃ ମେନ୍ତେଇଜ୍ ଉଡ଼ୁତାନା । ^{୧୪} ଆବୁଆଃ ପ୍ରାଭୁ ଯୀଶୁ ଶ୍ରୀଷ୍ଟ ଆଇଜ୍କେ ଉଦୁବାକାଦିଜ୍ ଲେକା ଜାଲ୍ଦିଗି ନେ କୁମ୍ବା ଲେକାନ୍ ଗନ୍ଏଃ ହଡ଼ମକେ ବାଗି ଲାଗାଡ଼ିୟା ମେନ୍ତେଇଜ୍ ସାରିତାନା । ^{୧୫} ଆଇୟାଃ ଗନ୍ଏଃ ତାୟମ୍ତେୟ ଆପେ ନେ ସବେନାଃ ସବେନ୍ ଦିପିଲିରେପେ ପାହାମେୟା, ଏନାମେନ୍ତେଇଜ୍ ସାନାଜ୍ତାନା ।

ଶ୍ରୀଷ୍ଟଆଃ ମାନାରାଜ୍କେ ମେଦ୍ତେ ନେଲ୍ଲାକାଦ୍ ଗାଞ୍ଜା

^{୧୬} ଆବୁଆଃ ପ୍ରାଭୁ ଯୀଶୁ ଶ୍ରୀଷ୍ଟଆଃ ପେଡ଼େଃ ଆତଃ ହିନିଜୁଃରେଆଃ କାଜି, ଆଲେ ଆପେକେ ଉଦୁବାଦ୍ପେତେୟାଃ ହଡ଼ ବାଇକାଦ୍ କାଅନି ଲେକା କାଲେ ଉଦୁବ୍, ମେନ୍ଦ୍ ଇନିୟାଃ ମାନାରାଜ୍ ବିଷାଏରେ ମେଦ୍ତେ ନେଲ୍ଲାକାଦ୍ ଗାଞ୍ଜାଲେ ଏମ୍କେଦା । ^{୧୭} ଏଆପୁ ପାର୍ବଣେଶ୍ୱରକେ ମାଲନ୍ ଆତଃ ମାନାରାଜ୍ ତାଇକେନ୍ ଇମ୍ତା ଆଲେୟ ଏନ୍ତାଃରେ ତାଇକେନାଲେ । ମାରାଜ୍ଉତାର୍ ମାଲନାନ୍ତାଃଏତେ ଇନିୟାଃ ବିଷାଏରେ ମିଆଦ୍ ସାଡ଼ି ଆୟୁମୟାନା, “ନିଃ ଆଇୟାଃ ଦୁଲ୍ଲାଡ଼ ହନ୍, ନିଃକେ ଆଇଜ୍ ପୁରାଃଗିଇଜ୍ ସୁକୁଃଆ ।” ^{୧୮} ଆଲେ ଇନିଃଲକ୍ଷ ଏନ୍ ପାବିତାର୍ ବୁରୁରେଲେ ତାଇକେନ୍ ଇମ୍ତା, ଆଲେଗି ସିମାଏତେ ଉଦୁବଃତାନ୍ ନେ କାଜିଲେ ଆୟୁମ୍କେଦା ।

^{୧୯} ଏନାମେନ୍ ନାବୀକଆଃ ଆୟାର୍କାଜିରେ ଆଲେୟାଃ ବିଶ୍ୱାସ୍ତ ପୁରାଃଗି କେଟେଦ୍କାନା । ଏନାମେନ୍ତେ ଆପେକେୟ ଏନାରେ ଧ୍ୟାନ୍ ଏମ୍ ଲାଗାଡ଼ିୟାଃ, ଚିୟାଃତି ଏନା ନୁବାଃରେ ଦିମି ଲେକା ମାସ୍ତାଲେ ଲେକାନାଃ ତାନାଃ ଆତଃ ଆଜ୍ଆଃ ଇପିଲ୍ ଆପେୟାଃ ମନ୍ସୁରୁଦ୍ରେ ଆଭରି ତୁରଃ ଜାକେଦ୍ ଏନା ଜୁଲ୍କାତେୟଃଆ । ^{୨୦} ଆପେ ନିମିନାଜ୍ ସାରିପେ, ଧାରାମ୍ପୁଅରେ ଅଲ୍ଲାକାନ୍ ଆୟାର୍କାଜିକେ, ଜେତା ହଡ଼ ଆପାନ୍ ସେଣ୍ଟିତେ କାଏ ଆବ୍କାଡ଼ରୁମ୍ ଦାଡ଼ିୟା । ^{୨୧} ଆୟାର୍କାଜି ହଡ଼କଆଃ ସାନାଜ୍ ଲେକାତେ ଚିଭଲାଅ କା ହିଜୁଆକାନା, ମେନ୍ଦ୍ ପାର୍ବଣେଶ୍ୱରକେ କୁଲ୍ଲାକାନ୍ ହଡ଼କ ପାବିତାର୍ ଆମ୍ବା ହରାତେ ପାର୍ବଣେଶ୍ୱରତାଃଏତେ ହିଜୁଆକାନ୍ କାଜିକ ଉଦୁବକାଦ୍ ତାଇକେନା ।

୨

ହସଡ଼ ଇନିଡୁକ

^୧ ସିଦା ଦିପିଲିରେ ଜେଲେକା ହଡ଼କ ଆଲାରେ ହସଡ଼ ନାବୀକ ତାଇକେନା, ଏନ୍ଲେକାଗି ଆପେ ଆଲାରେୟ ହସଡ଼ ଇନିଡୁକ ଅତଜ୍ଆଃଆ । ଇନକୁ ଜିୟନଃ ଏଡ଼କାନ୍ ଇନିଡୁକେ ଉକୁଉକୁତେକ ଉଦୁବେଆ ଆତଃ ଆବୁକେ କିରିଜ୍କାଦ୍ବୁ ପ୍ରାଭୁକେ କାଲେ ସାରିୟା ମେନ୍ତେକ କାଜିୟା, ଏନାତେ କା ସାରିଲେକା ଇନକୁଆଃ ଚେତାନ୍ରେ ଜିୟନଃ ହିଜୁଆ । ^୨ ଆତଃ ପୁରାଃ ହଡ଼କ ଇନକୁଆଃ ଏଡ଼କାନ୍ କାମିକ ଅତଜ୍ଆୟା । ଏଗାଃ ହଡ଼କ ଇନକୁଆଃ ତାଇଲ୍ ଚାଲାନ୍ ନେଲ୍କେଦ୍ତେ ସାନାରୁତିରେୟାଃ ବିରୁଧ୍ରେ ଏଡ଼କାନାଃକ କାଜିୟା । ^୩ ଇନକୁ ଟାକା ପାଏସାରେୟାଃ ହାୟାତେ ବେଦାତାନ୍ଲକ୍ଷ ଆପେତାଃଏତେ ଖୁଜ୍ ନାମେ ନାଗେନ୍ତେକ ସାନାଜ୍ଆଃ, ମେନ୍ଦ୍ ସିଦାଏତେଗି ପାର୍ବଣେଶ୍ୱର ଇନକୁଆଃ ବିଚାର୍କାଦାଏ ଆତଃ ଇନକୁଆଃ ଗନ୍ଏଃରେୟାଃ ନେତା ନାଡ଼େଃତେ ସେଟେରାକାନା ।

* ୧:୧୭ ୧:୧୭ ମାଥୁର ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫.

୪ ପାର୍ମ୍ଭେଶ୍ୱର ପାପକେଦ୍ ଦୁଃଖକେ କା ଛାମାକେଦ୍ତେ ନାରାକ୍ରେ ହୁରାଙ୍ଗକେଦକଥା ଆତଃ ମାରାଙ୍ଗ ବିଚାର ହୁଲାଙ୍ଗ ଜାକେଦ୍ ନୁବାଃ ଗାଡ଼ାରେ ଦହକାଦକଥା । ୫ ପାର୍ମ୍ଭେଶ୍ୱର ସିଦା ପାରିୟାରେନ୍ ଅତେଦିଶ୍ୱମ୍ଭକେହ୍ ସାଜାଇ ଏମ୍ ନାଗେନ୍ତେ କାଏ ବାରିକେଦା, ଏଡ଼କାନ୍ତେ ପେରେଜାକାନ୍ ଅତେଦିଶ୍ୱମ୍ଭରେନ୍ ହଡ଼କକେ ଦାଆଃତେ ତୁବାକେଦକଥା । ଧାରାମ୍ ପାର୍ମ୍ଭେଶ୍ୱରକେଦ୍ ନୁହ୍ଣୁ ଆତଃ ଏଗାଃ ଏୟା* ଝାନ୍ ହଡ଼କକେ ଏସ୍କାର୍ ବାଗାଅକେଦକଥା । ୬ ତାୟମ୍ତେ ପାର୍ମ୍ଭେଶ୍ୱର ସୋଦମ୍ ଆତଃ ଗମ୍ଭା ନାଗାର୍ ବାରାନାଃକେ ସାଜାଇ ଏମ୍କେଦ୍ତେ ସେଙ୍ଗେଲ୍ତେ ଜିୟନ୍କେଦା ଆତଃ କା ଧାର୍ମ୍ଭାନୁକଥାଃ ଚିନାଃ ହବାଅଃଥା, ଏନା ନେ ବାରାନ୍ ନାଗାର୍ତ୍ତା ଏନାରେୟାଃ ନାମ୍ନା ଲେକା ହବାକାନା । ୭ ଏଡ଼କାନ୍ଦକଥାଃ କା ଧାର୍ମ୍ଭାନ୍ ତାଇଲ୍ ତାଇଲ୍ ହରାତେ ଲାଗାକାନ୍ ଧାର୍ମ୍ଭାନ୍ ଲୁଡ଼କେ ପାର୍ମ୍ଭେଶ୍ୱର ବାଞ୍ଛାଅକିୟାଏ । ୮ ଏନ୍ତେ ଏନ୍ ଧାର୍ମ୍ଭାନ୍ ହଡ଼ ଜନ୍ମକୁଲଃ ତାଇକେନ୍ ଇମ୍ତା ଇନ୍କୁଆଃ କା ଠାଉକାନ୍ କାମିକ ନେଲ୍କେଦ୍ତେ ଆତଃ ଆୟୁମ୍କେଦ୍ତେ ସବେନ୍ ହୁଲାଙ୍ଗ ଆୟାଃ ମନ୍ତରେ ପୁରାଃଗି ଦୁକୁ ଆଡ଼କାରେ ତାଇକେନାଏ । ୯ ଆତଃ ଧାର୍ମ୍ଭାନ୍ ହଡ଼କକେ ଆକଥାଃ ବିତାଅହେତେ ଚିଲ୍ଲକା ବାଞ୍ଛାଅ ଲାଗାଡ଼ିଙ୍ଗୟାଃ, ଆତଃ ଏଡ଼କାନ୍ଦକେ ବିଚାର୍ ହୁଲାଙ୍ଗରେ ସାଜାଇ ଏମ୍ ନାଗେନ୍ତେ ଚିଲ୍ଲକା ଦହକାନାକ, ଏନା ପ୍ରାଭୁ ସାରିୟାଏ । ୧୦ ବିଶେଷକେଦ୍ତେ ଅକନ୍ଦକ ପାର୍ମ୍ଭେଶ୍ୱରଆଃ ଆକ୍ତେୟାର୍କେ କା ମାନାଡ଼ିଙ୍ଗକେଦ୍ତେ ଆକଥାଃ ହଡ଼ମ୍ରେୟାଃ ଏଡ଼କାନ୍ ସାନାଙ୍ଗକେକ ଅତଙ୍ଗତାନା । ନେ ହସଡ଼ ଇଡୁକ ଜାଉରେ କେଟେଦ୍କେଦ୍ତେ, ଆପ୍ନାଃ ହଡ଼ମ୍ଭରାଃ ଇଛା ସାନାଙ୍ଗ ଲେକା କାମିତାନାକ । ଇନ୍କୁ ମାନାରାଙ୍ଗରେୟାଃ ପେଡ଼େଃକକେ ନିନ୍ଦା ରିକା ନାଗେନ୍ତେ କାକ ବରତାନା । ୧୧ ନେ ହସଡ଼ ଇଡୁକଏତେ ଦୁଃଖଦ୍ ପୁରାଃ କେଟେୟାନ୍ ଆତଃ ପେଡ଼େୟାନ୍ଦକ ତାନ୍ଦରେୟା ପାର୍ମ୍ଭେଶ୍ୱରଆଃ ସାମ୍ନାଙ୍ଗରେ ନିନ୍ଦାକେଦ୍ତେ ଇନ୍କୁଆଃ ବିଚାର୍ କାକ ରିକା ତାନା । ୧୨ ମେନ୍ଦ୍ ନେ ହଡ଼କଥାଃ କାମି ବିର୍ ଜାଁଡୁକ ଲେକା ଆକ୍ତେୟାର୍ରେ ଆତଃ ଗଗଏଃତେୟାଃ ତାନା, ଅକ୍ନାଃ କାକ ଆଡ଼କାର୍ଭରୁମ୍ ଦାଡ଼ିୟା, ଏନାକେ ଇନ୍କୁ ହିଲାଙ୍ଗୟେତାନ୍ଲଃକ କାଜିୟା, ଆତଃ ଇନ୍କୁ ବିର୍ ଜାଁଡୁ ଲେକାକ ଜିୟନଃଥା, ୧୩ ଆତଃ ଇନ୍କୁ ଏଗାଃକଥାଃ ହାନି ରିକାକାଦ୍ ଲେକାଗି ଆକଥାଃ ହାନି ହବାଅଃଥା । ଅକ୍ନାଃରେ ଇନ୍କୁଆଃ ହଡ଼ମ୍ରେୟାଃ ରିଜ୍ଜରାଙ୍ଗ ବିୟଃଥା, ଏନାକେ ଇନ୍କୁ ସିଙ୍ଗିରେ ରିକାକେଦ୍ତେ ରାସ୍କାଃଥ ନାଗେନ୍ତେକ ସୁକୁଃଥା, ଆତଃ ଅକନ୍ଦକ ଆକଥାଃ ହସଡ଼ତେ ପେରେଜାକାନ୍ କାମିରେ ରାସ୍କାଅଃତାନ୍ଲଃ ଆପେଲଃ ମିସାତେ ଜମାଃକ । ୧୪ ଇନ୍କୁଆଃ ମେଦ୍ ଆପାଙ୍ଗିରତେ ପେରେଜାକାନା ଆତଃ ପାପକାମି ବିଭଲା କାକ ବାରିୟା । ଇନ୍କୁ ନାରାଦୁରା ମନ୍ତରେନ୍ ହଡ଼କକେ ବେଦା ଇଦିକଥାକ, ଆତଃ ଇନ୍କୁଆଃ ମନ୍ସୁରୁଦ୍ ଟାକା ପାଏସାରେଆଃ ହାୟାରେ ପେରେଜାକାନା । ଇନ୍କୁ ପାର୍ମ୍ଭେଶ୍ୱରତାଃଏତେ ସାର୍ପାଅ ନାମେମିୟାକ । ୧୫ ଇନ୍କୁ ସିଧା ହରା ବାରିକେଦ୍ତେ ଆକଥାଃ ହରାକ ଆଦାକାଦା, ଆତଃ ଇନ୍କୁ ବିୟାର୍ଭରାଃ ହନ୍ତେକଡ଼ା ବାଲାମ୍ଆଃ ହରାକ ଅତଙ୍ଗକାଦା । ଇନିଃ ଟାକା ପାଏସାରାଃ ଦୁଲାଡ଼ତେ ଏଡ଼କାନ୍ କାମି କାମିକେଦାଏ, ୧୬ ଆତଃ ଆୟାଃ ଏନ୍ ପାପ୍ ନାଗେନ୍ତେ ହିଲାଙ୍ଗୟାନା । ଆୟାଃ ଗାଧା ହଡ଼କଥାଃ ଲାବ୍ଜାତେ କାଜିକେଦା, ଆତଃ ନାବଆଃ ବାଉଡ଼ାଂ କାମିହେତେ ହକାକିୟା ।

୧୭ ନେ ହସଡ଼ ଇନ୍ଦୁକ ରହଡ଼ ସେତେଙ୍ଗ୍ ଲେକା ଆତଃ ଦୁଦ୍ଗାର୍ ହୟତେ ଅଗାଙ୍ଗଅଃତାନ୍ ରିମିଲ୍ ଲେକାନ୍ଦକ ତାନ୍ଦକ । ପାର୍ମ୍ଭେଶ୍ୱର ଇନ୍କୁ ନାଗେନ୍ତେ ପୁରାଃ ନୁବାଃ ହୁଆଙ୍ଗାଡ଼ା ଦହକାଦାଏ । ୧୮ ଇନ୍କୁ ଆପାନ୍ଦକେ ମାରାଙ୍ଗ ମେନ୍ତେକ କାଜିନ୍ତାନା ଆତଃ ସାମାକାଜିକ କାଜିତାନା, ଏଡ଼କାନାଃରେ ସେସେନ୍ତାନ୍ ହଡ଼କତାଃଏତେ ବାଗାଅ ନାମକେଦ୍ତେ ହିକୁଃ ରୁହାଡ଼ାକାନ୍ ହଡ଼କକେ ହଡ଼ମ୍ଭରାଃ ଏଡ଼କାନ୍ ସାନାଙ୍ଗରେୟାଃ ରିଜ୍ଜରାଙ୍ଗ ଦେଖାଅତାନ୍ଲଃ ବେଦାକତାନାକ । ୧୯ ଏନ୍ ହସଡ଼ ଇନ୍ଦୁକ ଇନ୍କୁକେ ତନଲ୍ହେତେ ରାଡ଼ାଅଃରେୟାଃ ବାନାର୍ସାକ ଏମାକଥା, ମେନ୍ଦ୍ ଇନ୍କୁ ଆକଗି ଜିୟନଃରେୟାଃ ଦାସିତାନ୍ଦକ, ଚିୟାଃତ ଜେତାଏ ଅକ୍ନାଃରେ ହାରାଅକାନା, ଇନିଃ ଏନାରେୟାଃ ଦାସି ତାନିଃ । ୨୦ ଆରୁଆଃ ପ୍ରାଭୁ ଆତଃ ଜାଉବାଞ୍ଛାଅନିଃ ଯାଶୁ ଖ୍ରୀଷ୍ଟତାଃଏତେ ସେଣାଁ ନାମକେଦ୍ତେ ଅକନ୍ଦକ ଅତେଦିଶ୍ୱମ୍ଭରେୟାଃ ଏଡ଼କାନାଃଏତେ ବାଞ୍ଛାଅ ନାମାକାଦାକ, ଇନ୍କୁ ଆତଃମିସା ଏନ୍ ଏଡ଼କାନାଃରେୟାଃ ତନଲ୍ହେତେ ତଲ୍ଲକେଦ୍ତେ ହାରାଅ କାନ୍ତରେଦ୍, ଇନ୍କୁଆଃ ଚୁଣ୍ଡୁଦାସା, ପାହିଲା ଦାସାଏତେ ପୁରାଃଗି ଆଦ୍ କା ହବାଅଃଥା । ୨୧ ଧାର୍ମ୍ଭାନ୍ ହରା ସାରିକେଦ୍ତେ, ଏନାରେ ଏମାକାନ୍ ପାବିତାର୍ ଆନ୍ଦୁ ବାରିତେୟାଃଏତେ, ଏନ୍ ହରା କାକ ସାରିକାରେ ଇନ୍କୁଆଃ ନାଗେନ୍ତେ ପୁରାଃ ଚୁଗିନାଃ ହବାକାନ୍ତେୟାଃ । ୨୨ ଇନ୍କୁ ନାଗେନ୍ତେ ଅକ୍ନାଃ ହବାକାନା, ଏନାଏତେ ନେ କାଜିୟାକାନ୍ କାଜି ସାର୍ତ୍ତ ହବାଅଃତାନା, “ସେତା ଅକ୍ନାଃ ଉସାଡ଼କାଦାଏ, ଏନାକେ ଆତଃମିସା ଜମ୍ ରୁହାଡ଼େଆଏ,” ସୁକୁରିକେ ଆବୁଙ୍ଗକେଦ୍

* 9:୫ 9:୫ ସାଡ଼ † 9:୧9 9:୧9 ବାସହ ‡ 9:୧9 9:୧9 ଝାରେନ୍

ତାୟମତେ ଆତଃମିଷା ଲସଦରେ ବାଚିନ୍ ନାଗେନ୍ତେ ସେନା ।”

୩

ପ୍ରାଭୁଆଃ ହିନ୍ଦୁଃ

୧ ହେ ଦୁଲ୍ଲଭ୍, ହାଗା ମିଶିକ, ଆଇଙ୍ଗ ଆପେତାଃତେ ଆତଃମିଆଁଦ୍ ଚିଗାଉ ଅଲେତାନାଇଙ୍ଗ୍ । ନେ ବାରାନ୍ ଚିଗାଉରେ ଆଇଙ୍ଗ୍ ଆପେକେ ନେ ସବେନ୍ ବିଷାଏରେ ପାହାନ୍ ଇଚିକେଦ୍ତେ ଆପେୟାଃ ମନ୍ଦରେ ଫାଋତି ଉଡ଼ୁ ନାଙ୍ଗ୍ ଚିହୁଟଃସେ ମେନ୍ତେଇଙ୍ଗ୍ ସାନାଙ୍ଗ୍ତାନା । ୨ ଆପେ ପାବିତାର୍ ନାବୀକଆଃ ହରାତେ ସିଦାରେ ଉଦୁବକାନ୍ କାଜିକ ଆତଃ ଜୀଉ ବାଞ୍ଛାଅନିଃ ପ୍ରାଭୁଆଃ ଆନ୍ତୁକେ କୁଲ୍ଲକାନ୍ ପ୍ରେରିତ୍ତକ ଆପେକେ ଏମାକାଦ୍ପେୟାକ, ଏନା ଆଇଙ୍ଗ୍ ଆପେକେ ପାହାନ୍ଇଚି ନାଗେନ୍ତେଇଙ୍ଗ୍ ସାନାଙ୍ଗ୍ତାନା । ୩ *ସବେନାଃଏତେ ସିଦା ଆପେକେ ସାରି ଲାଗାତିଙ୍ଗ୍ୟାଃ, ନେ ତୁଣ୍ଡୁଦିପିଲିକରେ ଚିମିନ୍ ହଡ଼କ ସାଋତିକେ ଲାନ୍ଦାକେଦ୍ତେ ଆକଆଃ ଏଡ଼କାନ୍ ସାନାଙ୍ଗ୍ତେ ଏସକାର୍କ ସେସେନା, ୪ ଆତଃ ଇନ୍ଦକୁ ଆପେକେ ଲାନ୍ଦାକେଦ୍ତେ କାଜିୟାକ, “ୟାଶୁଆଃ ହିନ୍ଦୁଃରାଃ ବାନାର୍ସା କାଜି କତାଃରେୟା ? ଆବୁଆଃ ପୁରଃା ହାଡ଼ାମକ ଗଏଃ ଚାବାୟାନ୍ରିୟାକ, ମେନ୍ଦ୍ ଏନେଟେଦ୍ରେ ଅତେଦିଶୁମ୍ ଚିଲ୍ଲକା ବାଇକାନ୍ ତାଇକେନା ଏନ୍ଲେକାଚି ନାହାଁଃ ଜାକେଦ୍ ମେନାଃ ।” ୫ ଇନ୍ଦକୁ ସାରିସାରିତେଚି ରିଡ଼ିଙ୍ଗ୍ତାଃକ ଯେ, ସିଦା ଦିପିଲିରେ ପାର୍ମେଶ୍ୱାର୍ଆଃ ହୁଲ୍ଲମତେ ଅତେ ଆତଃ ସିମା ବାଇୟାନା । ନେ ଅତେଦିଶୁମ୍ ଦାଆଃଏତେ ଆତଃ ଦାଆଃତେ ବାଇୟାକାନା । ୬ ଆତଃ ଏନ୍ ମାରି ଅତେଦିଶୁମ୍ ଇନ୍ଦୟାଃ ହରାତେ ମୁସିଙ୍ଗ୍ ଦାଆଃ ଚୁଡ଼ାକେଦ୍ତେ ଜିୟନ୍ଦୟାନା । ୭ ମେନ୍ଦ୍ ନାହାଁଃ ଅକନ୍ଦ୍ ଅତେଦିଶୁମ୍ ଆତଃ ସିମା ମେନାଃ, ଏନା ପାର୍ମେଶ୍ୱାର୍ଆଃ ଏନ୍ ସାମାନ୍ ହୁଲ୍ଲମତେଚି ସେଙ୍ଗେଲରେ ଜିୟନ୍ଦ ନାଗେନ୍ତେ ଦହାକାନା । ଅକ ହୁଲ୍ଲାଇଙ୍ଗ୍ କେ ଧାର୍ମାନ୍ ହଡ଼କ ବିଚାରଃଆକ, ଏନ୍ ହୁଲ୍ଲାଇଙ୍ଗ୍ ଜାକେଦ୍ ଏନାକେ ଦହାକାନା ।

୮ ମେନ୍ଦ୍ ହେ ଦୁଲ୍ଲଭ୍, ହାଗା ମିଶିକ, ମିଆଁଦ୍ କାଜି ଆଲ୍ଲୁସେ ରିଡ଼ିଙ୍ଗ୍ୟେଆ, ପାର୍ମେଶ୍ୱାର୍ଆଃ ଆୟାଋରେ ମୁସିଙ୍ଗ୍କେ, ମିଦ୍ ହାଜାର୍ ବାରାଷ୍ ମେନ୍ତେ ହିସାବଃଆ ଆତଃ ମିଦ୍ ହାଜାର୍ ବାରାଷ୍କେ, ମୁସିଙ୍ଗ୍ ମେନ୍ତେ ହିସାବଃଆ । ନେ ବାରାନ୍ୟ ସାମାନ୍ ତାନାଃ । ୯ ଚିମିନ୍ ହଡ଼କ ବିଲ୍ଲମଃ ତାନାଃ ମେନ୍ତେକ ଉଡ଼ୁତାନ୍ ଲେକା, ପ୍ରାଭୁ ଆୟାଃ ବାନାର୍ସା କାଜିକେ ପୁରାଏ ବିଲ୍ଲମେ ତାନା, ମେନ୍ଦ୍ ଜେତା ହଡ଼ ଆଲ୍ଲକାକ ଜିୟନ୍ଦଃଆତଃ ପାଦ୍ହେତେ ମନ୍ଦ ରୁହାଡ଼େକାକ ମେନ୍ତେ ଇନ୍ଦୟାଃ ସାନାଙ୍ଗ୍ ।

୧୦ *ମେନ୍ଦ୍ ପ୍ରାଭୁଆଃ ହିନ୍ଦୁଃ ହୁଲ୍ଲାଇଙ୍ଗ୍ କୁମୁଡ଼ୁଲ୍ଲକା ହିନ୍ଦୁଃଆ । ଏନ୍ ହୁଲ୍ଲାଇଙ୍ଗ୍ ସିମାକ ପୁରାଃ ସାଡ଼ିତେ ଜିୟନ୍ଦଃଆ, ଆତଃ ନେ ଅତେଦିଶୁମ୍ ଅକ୍ନାଃତେ ବାଇକାନା, ଏନ୍ ଏନେଟେଦ୍ ବିଷାଏକ ସବେନ୍ ସେଙ୍ଗେଲ୍ତେ ସେରଃଆ, ଅତେରେ ବାଇୟାକାନ୍ ସବେନାଃ ଜିୟନ୍ଦଃଆ । ୧୧ ନେ ସବେନାଃ ନେଲ୍ଲେକା ଜିୟନ୍ଦଃରେଦ୍, ଆପେୟାଃ ଚିଲ୍ଲକାନ୍ ଜୀଞ୍ଜାନ୍ ହବାଆଃ ଲାଗାତିଙ୍ଗ୍ୟାଃ, ଏନା କାଟିଃ ଉଡ଼ୁଲେପେ । ଆପେକେ ପାବିତାର୍ ଆତଃ ପାର୍ମେଶ୍ୱାର୍ତାଃରେ ଜିମାକାନ୍ ଜୀଞ୍ଜାନ୍ ଲେକା ହବାଆଃ ଲାଗାତିଙ୍ଗ୍ୟାଃ । ୧୨ ଆପେ ପାର୍ମେଶ୍ୱାର୍ଆଃ ହିନ୍ଦୁଃ ହୁଲ୍ଲାଇଙ୍ଗ୍କେ ନେଲ୍ ହରାତାନ୍ରେଦ୍, ଏନା ଜାଲ୍ଲଦି ହିନ୍ଦୁଃ ନାଗେନ୍ତେ ସେକାଡ଼ାକାନ୍ପେ । ଏନ୍ ହୁଲ୍ଲାଇଙ୍ଗ୍ ସିମାରେୟାଃ ଏନେଟେଦ୍ ବିଷାଏ ସବେନ୍ ଜୁଲ୍ଲକେଦ୍ତେ ଜିୟନ୍ଦଃଆ ଆତଃ ସିମାରେନ୍ ଇପିଲ୍ ଚାଣ୍ଡୁ ପୁରାଃ ଜୁନ୍ଦୁଲ୍ଲରାଃ ଏଲ୍ଲାଇଙ୍ଗ୍ତେ ଲେୟାଙ୍ଗ୍ଆଃଆ । ୧୩ *ମେନ୍ଦ୍ ପାର୍ମେଶ୍ୱାର୍ ଆବୁକେ ଏମାକାଦ୍ବୁ ବାନାର୍ସା କାଜିଲେକାତେ, ମିଆଁଦ୍ ନାଞ୍ଜା ସିମା ଆତଃ ନାଞ୍ଜା ଅତେବୁ ନେଲ୍ହରାତାନା, ଅକ୍ନାଃଚି ଧାର୍ମାନ୍କଆଃ ତାଇନଃ ଠାୟାଦ୍ ହବାଆଃଆ ।

୧୪ ଏନାତେ ହେ ଦୁଲ୍ଲଭ୍, ହାଗା ମିଶିକ, ଆପେ ନେ ସବେନାଃକେ ନେଲ୍ହରାତାନ୍ ନାଗେନ୍ତେ ପାର୍ମେଶ୍ୱାର୍ଆଃ ନେପେଲ୍ରେ ପାବିତାର୍ ଆତଃ ବେଗାର୍ ଦାଗିକାନ୍ ଲେକା ସୁକୁଜାଉତେ ତାଇନଃ ନାଗେନ୍ତେ ବୁଗିଲେକା ଚେଷ୍ଟାଏପେ । ୧୫ ଆବୁଆଃ ପ୍ରାଭୁ ଚିମିନ୍ ସାହାଡ଼ିଙ୍ଗ୍ନିଃ ତାନିଃ । ଆପେୟାଃ ଜୀଉବାଞ୍ଛାଅ ନାମ୍ ନାଗେନ୍ତେ ଇନିଃ ଚିମିନ୍ ନେତା ଏମାକାଦାଏ, ଏନା ଆବୁଆଃ ଦୁଲ୍ଲଭ୍ ହାଗା, ପାଉଲ୍ଲୁସ୍ ପାର୍ମେଶ୍ୱାର୍ତାଃଏତେ ସେଣାଁ ନାମକେଦ୍ତେ ଆପେତାଃତେ ନେ ଚିଗାଉ ଅଲ୍ଲକାଦାଏ । ୧୬ ଇନିଃ ଆୟାଃ ସବେନ୍ ଚିଗାଉରେ, ନେ ସବେନ୍ ବିଷାଏ ଉଦୁବକେଦ୍ତେ କାଜିକାଦାଏ, ଏନ୍ ସବେନାଃରେ ନେଲ୍ଲେକା ଚିମିନ୍ ହାମ୍ପାଲ୍ କାଜିକ ମେନାଃ, ଅକ୍ନାଃକଚି ଆବ୍ବକାର୍ଉଦ୍ ନାଗେନ୍ତେ ପୁରାଃଚି ହାମ୍ପାଲ୍ । ଆବ୍ବରେ କା ତାଇନଃ ବେଗାର୍ ସେଣାଁ ହଡ଼କ ଏଟାଃ ସବେନ୍ ଧାର୍ମାନ୍ପୁଅ ଲେକାଚି ପାଉଲ୍ଲୁସ୍ଆଃ ଚିଗାଉକରେୟ ଏନ୍ଲେକାଚି ମୁଣ୍ଡିକ ଉଦୁବାଃ । ନେଆଁତେ ଇନ୍ଦକୁ ଆକଆଃ ଜିୟନ୍ଦଃକ ଆଉତାନା ।

* ୩:୩ ୩:୩ ଯିହୁଦା ୧:୧୮. * ୩:୧୦ ୩:୧୦ ମାଥୁଉ ୨୪:୪୩; ଲୁକ ୧୨:୩୯; ୧ ପେପଲ୍ଲନିକା ୫:୨; ଉନ୍ନୁଦୁବ୍ କାଜି ୧୬:୧୫. * ୩:୧୩ ୩:୧୩ ଉନ୍ନୁଦୁବ୍ କାଜି ୨୧:୧.

୧୭) ମେନ୍ଦୁ ହେ ଦୁଲ୍ଲଭ ହାଗା ମିଶିକ, ଆପେ ନେ ସବେନାଃ ସିଦାରେ ସାରିକାଦାପେ । ଏନାତେ ଚିର୍ଗାଲକାନ୍ ତାଇନ୍ଦପେ, ଜେଲେକା ଏଡକାନ୍ ହଡକଆଃ ହସଡ ଇନିଡୁରେ ଉୟୁଃକେଦ୍ତେ ଆପେୟାଃ କେଟେଦ୍ ବିଶ୍ୱାସ୍ତେ ଆଲପେ ସାଜିନଃଆ । ୧୮) ମେନ୍ଦୁ ଆବୁଆଃ ପ୍ରାଭୁ ଆଡଃ ଜୀରବାଞ୍ଚାଅ ଯୀଶୁ ଖ୍ରୀଷ୍ଟଆଃ ସାୟାଦ୍ ଆଡଃ ସେଣ୍ଟେ ହାରାଇଦିଅଃପେ । ନାହାଃ ଆଡଃ ଜାନାଅ ଜାନାଅ ଜାକେଦ୍ ଇନିୟାଃ ମାନାରାଜ୍ ହବାଅଃକା, ଆମେନ୍ ।

ଯୋହନଙ୍କ ଲିଖିତ ପ୍ରଥମ ପତ୍ର ଯୋହାନ୍ ଅଲ୍ଲାକାଦ୍ ପାହିଲା ଚିଟାଉ ପାରିବାଏ

ଯୋହାନ୍‌ଆଃ ପାହିଲା ଚିଟାଉ ଯାଶୁ ଖ୍ରୀଷ୍ଟିଆଃ ଜାନାମ୍ ତାୟମ୍‌ତେ ୫୦ – ୧୦୦ କରେ ପ୍ରେରିତ୍ ଯୋହାନ୍‌ଆଃ ହରାତେ ଅଲ୍ଲାକାନା । ଯୋହାନ୍ ଆଇଃକକ୍‌କେ ଅନଲ୍‌ନିଃ ଲେକା ପାରିବାଏ କାଏ ଏମ୍, ମେନ୍‌ଦ ପାହିଲା ଆଧ୍ୟାୟରେ ଇନିଃ ଯାଶୁ ଖ୍ରୀଷ୍ଟିଆଃ ଜୀଦାନ୍ ଆତଃ ଜୀଉବିନିରିଦ୍‌କେ ମେଦ୍‌ତେ ନେଲ୍‌କାଦ୍‌ନିଃ ତାନିଃ ମେନ୍ତେ ସାରିୟଃତାନା ୧:୧-୩ । ପାହିଲା ଯୋହାନ୍‌ରେୟାଃ ଅନଲ୍ ତାରିକା, ଯୋହାନ୍ ଅଲ୍ଲାକାଦ୍ ସୁକୁକାଜିରେୟାଃ ଅନଲ୍ ତାରିକାଲଃ ମିଦ୍‌ଜକା ଲେକାଗି ନେଲଃଆ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସରେ ତାଇକେନା ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜି ଆତଃ ଯୋହାନ୍‌ଆଃ ଆପିୟା ଚିଟାଉ ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ସେଣ୍‌ନିକ୍ ମେନ୍ତେ କାଜିୟଃତାନ୍ ଝୁଣ୍ଡରେନ୍ ହଡକ୍ ହରାତେ କାଲିସିୟା ସାଙ୍କାଟ୍‌ରେ ତାଇଜନ୍ ତାଇକେନ୍ ଦିପିଲିରେ ଯୋହାନ୍ ସବେନ୍ ଖ୍ରୀଷ୍ଟିୟାନ୍ ହଡକକେ ନେ ଚିଟାଉ ଅଲ୍ଲାକାଦ୍‌କ ତାଇକେନାଏ । ଇନ୍‌କୁ ବିଶ୍ୱାସାଃକ ଯେ, ଯାଶୁ ସାର୍‌ତିଗି ପୁରା ପାର୍‌ମେଶ୍ୱାର୍ ତାନିଃ, ମେନ୍‌ଦ ଅତେଦିଶ୍ୱମ୍‌ରେ ତାଇକେନ୍ ଦିପିଲିରେ ଇନିଃ ମାୟୋମ୍, ମାସ ହଡ଼ମ୍‌ରେନ୍ ସାର୍‌ତି ମାନଖା ହଡ୍ ନାହାଁଲିଃ । ଯୋହାନ୍ ଯାଶୁ ଖ୍ରୀଷ୍ଟିକେ ମେଦ୍‌ତେ ନେଲ୍‌କାଲିନିଃ ତାନିଃ ଆତଃ ଆୟାଃ ତିଃଇ ଯାଶୁକେ କୁଟିଦ୍‌କାଇ ହରାତେ, ଇନିଃ ନେଆଁ ଅଲ୍ଲାକାଦାଏ ୧:୧-୩ । ଯୋହାନ୍ ଆୟାଃ ରାସକାକେ ପୁରାଏତେୟାଃଗି ନେ ଚିଟାଉ ଅନଲ୍‌ରେୟାଃ ଉଦେଶ୍ ତାନାଃ ୧ ଯୋହାନ୍ ୧:୪, ଆତଃ ବିଶ୍ୱାସୀକକେ ପାପ୍ କାମିହେତେ ହକାକ ନାଗେନ୍ତେ, ୧ ଯୋହାନ୍ ୨:୧ ଆତଃ ହସଡ୍ ଇନିତୁହେତେ ବିଶ୍ୱାସୀକକେ ବାସ୍ତାଅକ ନାଗେନ୍ତେ ୧ ଯୋହାନ୍ ୨:୨୬ ଆତଃ ଏନ୍ ବିଶ୍ୱାସୀକ ବାସ୍ତାଅକାନାକ ଏନା ସାର୍‌ତି ତାନାଃ ମେନ୍ତେ କାଜିକନାଜ୍ ୫:୧୩ ।

ପୁଅ ଭିତାରେ ତାଇକାନ୍ କାଜି

- ୧. ଯୋହାନ୍ ଆୟାଃ ଚିଟାଉରେ ପାରିବାଏ ଉଦ୍‌ବ୍‌କେଦ୍‌ତେ ଅନଲ୍‌ରାଃ ଉଦେଶ୍ ଅଲ୍ଲାକାଦାଏ । ୧:୧-୪
- ୨. ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଏନା କାଜିକେଦ୍‌ତେ ଯାଶୁଆଃ ଲେକା ଜୀଦାନ୍ ବିତାଅ ନାଗେନ୍ତେ କାଜିୟାଃ । ୧:୫-୩:୧୦
- ୩. ମିହୁଡ୍ ଆତଃମିହୁଡ୍‌କେ ଦୁଲ୍ଲାଡ୍ ବିଷାଏରେ ଆବୁକେ ପାହାମ୍‌ଇତିବୁ ତାନା । ୩:୧୧-୫:୧୨
- ୪. ଯୋହାନ୍ ଆୟାଃ ଅନଲ୍ ଅଲ୍ ଚାବାକେଦାଏ । ୫:୧୩-୨୧

ଜାନିଦ୍‌ରାଃ ବାଚାନ୍

୧ *ଆଲେ ଅତେଦିଶ୍ୱମ୍‌ରାଃ ଏନେଟେଦ୍ ସିଦାରେ ତାଇକାନ୍ ଏନ୍ ଜୀଦାନ୍ ବାଚାନ୍ ବିଷାଏରେ ଉଦ୍‌ବ୍‌ତାନା, ଅକ୍‌ନାଃକେଚି, ଆଲେ ଆୟୁମାକାଦା, ନେଲ୍‌କାଦା, ନେଲ୍‌ବାଇକାଦା, ଆତଃ ତିଃଇତେଲେ କୁଟିଦାକାଦା । ୨ *ଏନ୍ ଜୀଦାନ୍ ବାଚାନ୍ ଉଦ୍‌ବେନ୍‌ୟାନା, ଆତଃ ଆଲେ ଏନା ନେଲ୍‌କେଦ୍‌ତେ ଗାଞ୍ଜା ଏମ୍‌ତାନ୍‌ଲଃ କାଜିତାନାଲେ, ଅକ୍‌ନ୍ ଜାନାଅ ଜୀଦାନ୍ ଆପୁ ପାର୍‌ମେଶ୍ୱାର୍‌ଲଃ ତାଇକେନା ଆତଃ ଆଲେତାଃରେ ଉଦ୍‌ବେନ୍‌ୟାନା, ଏନ୍ ବିଷାଏରେ ଆପେକେଲେ ଉଦ୍‌ବ୍‌ତାନା । ୩ ଆଲେ ଅକ୍‌ନାଃ ନେଲ୍‌କାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ ଆପେକେୟ ଉଦ୍‌ବ୍‌ପେତାନାଲେ, ଜେ'ଲେକାଚି ଆପେୟ ଆଲେୟାଃ ମେନେସାରେ ମେସାଦାଡ୍‌ୟାଆପେ, ଆତଃ ଆଲେୟାଃ ମେନେସା ଆପୁ ପାର୍‌ମେଶ୍ୱାର୍ ଆତଃ ଆୟାଃ ହନ୍ ଯାଶୁ ଖ୍ରୀଷ୍ଟିଲଃ ମେନାଃ । ୪ ଆବୁଆଃ ସୁକୁରାସକା ପୁରାଅଃକା ମେନ୍ତେ ଆଲେ ନେ ସବେନାଃ ଅଲେତାନାଲେ ।

ପାର୍‌ମେଶ୍ୱାର୍ ମାର୍‌ସାଲ୍ ତାନିଃ

୫ ଆଲେ ପାର୍‌ମେଶ୍ୱାର୍‌ଆଃ ହନ୍‌ତାଃଏତେ ଆୟୁମାକାଦ୍ କାଜିକେ ଆପେକେ ଉଦ୍‌ବ୍‌ପେତାନାଲେ, ଏନା ନେଆଁ ତାନାଃ, ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଆତଃ ଇନିଃରେ ଜେତାନ୍ ନୁବାଃ ବାନଆଃ । ୬ ଇନିଃଲଃ ଆବୁଆଃ ମେନେସା ମେନାଃ ମେନ୍ତେ କାଜିକେଦ୍‌ତେ ନୁବାଃରେବୁ ତାଇଜନ୍‌ତାନ୍ ରେଦ୍ ଆବୁ ହସଡ୍ ତାନ୍‌ବୁ, ଆତଃ ଆବୁଆଃ ଜାଗାରେ ଆତଃ କାମିରେ ସାନାର୍‌ତି ବାନଆଃ । ୭ ମେନ୍‌ଦ୍ ପାର୍‌ମେଶ୍ୱାର୍ ମାୟାଲ୍‌ରେ

* ୧:୧ ୧:୧ ଯୋହାନ୍ ୧:୧. * ୧:୨ ୧:୨ ଯୋହାନ୍ ୧:୧୪.

ମେନାଇ ଲେକା ଆବୁହ ମାସ୍କାଲରେ ମେନାବୁରେଦ ଆବୁଆ୪ ମେନେସା ମିହୁଡୁ ଆତ୪ମିହୁଡୁଲ୪ ମେନା୪ ଆତ୪ ଇନିୟା୪ ହନ୍ ଯୀଶୁ ଖ୍ରୀଷ୍ଟୁଆ୪ ମାୟୋମ୍ ସବେନ୍ ପାପହେତେ ଆବୁକେ ଫାର୍ତିବୁଆ ।

୮ ଆବୁରେ ପାପ୍ ବାନଆ୪ ମେନ୍ତେବୁ କାଲିରେଦ, ଆବୁ ଆବୁଗି ବେଦାନତାନାବୁ, ଆତ୪ ଆବୁତା୪ରେ ସାର୍ତି ବାନଆ୪ । ୯ ମେନ୍ଦ୍ ପାର୍ମେଶ୍ୱାର୍ତା୪ରେ ଆବୁ ପାପ୍କାଦାବୁ ମେନ୍ତେ ମାନାତିଙ୍ଗଲେରେ, ଇନି୪ ଆବୁଆ୪ ପାପ୍ କ୍ଷାମା ଏମ୍ ନାଗେନ୍ତେ ଆତ୪ ସବେନ୍ ଏଡକାନ୍ଆ୪ଏତେ ଫାର୍ତିବୁ ନାଗେନ୍ତେ ପାତିୟାର୪ ଲେକାନ୍ନି୪ ତାନି୪ ଆତ୪ ଠାଉକାନ୍ତେୟା୪ଗି ରିକାଏୟା । ୧୦ ଆବୁ କାବୁ ପାପ୍କାଦା ମେନେରେଦ, ଆବୁ ପାର୍ମେଶ୍ୱାର୍ତକେ ହସଡ୍ନି୪ ମେନ୍ତେବୁ ମେତାଇତାନା, ଆତ୪ ଇନିୟା୪ କାଜି ଆବୁରେ ବାନଆ୪ ।

୨

ୟୀଶୁ ଖ୍ରୀଷ୍ଟୁ ଆବୁଆ୪ ଦେଙ୍ଗାନି୪

୧ ହେ ଦୁଲ୍ଲାଡ୍ ହନ୍କ, ଆପେ ପାପ୍ କାମି ଆଲପେ ରିକାଏ ମେନ୍ତେ ଆଇଙ୍ଗ୍ ନେ କାଜିକ ଆପେତା୪ତେଇଙ୍ଗ୍ ଅଲେତାନା । ମେନ୍ଦ୍ ଜେତାଏ ପାପ୍ କାମି ରିକାଏରେଦ, ଆବୁ ନାଗେନ୍ତେ ଆପୁ ପାର୍ମେଶ୍ୱାର୍ତା୪ରେ ବିକ୍ରି ନାଙ୍ଗ୍ ମିଆଁଦ୍ ଦେଙ୍ଗାନି୪ ମେନାଇୟା, ଇନି୪ ଧାର୍ମାନ୍ ଯୀଶୁ ଖ୍ରୀଷ୍ଟୁ ତାନି୪ । ୨ ଆତ୪ ଯୀଶୁ ଖ୍ରୀଷ୍ଟୁ ଆଇ୪କଗି ଆବୁଆ୪ ପାପ୍ କ୍ଷାମା ନାଗେନ୍ତେ ଏସକାର୍ କାହା, ମେନ୍ଦ୍ ଗଟା ଅତେଦିଶ୍ୱମରେନ୍ ହଡକଆ୪ ପାପ୍ କ୍ଷାମା ନାଗେନ୍ତେ ଦାଗ୍ଟି ରାକାବ୍ୟାନା ।

୩ ଆବୁ ପାର୍ମେଶ୍ୱାର୍ତା୪ ହୁକୁମକେ ମାନାତିଙ୍ଗରେଦ, ଇନି୪କେବୁ ସାରିୟା । ୪ ଆତ୪ ଇନିୟା୪ ହୁକୁମ୍ କା ମାନାତିଙ୍ଗକେଦ୍ତେ, ଇନି୪କେଇଙ୍ଗ୍ ସାରିୟା ମେନ୍ତେ କାଜିନି୪ ହସଡ୍ ତାନି୪ ଆତ୪ ଇନି୪ରେ ସାର୍ତି ବାନଅଥା । ୫ ମେନ୍ଦ୍ ଜେତାଏ ଇନିୟା୪ ବାତାନ୍କେ ମାନାତିଙ୍ଗରେ, ଇନି୪ତା୪ରେ ପାର୍ମେଶ୍ୱାର୍ତା୪ ଦୁଲ୍ଲାଡ୍ ସାର୍ତିଗି ପୁରାକାନା । ନେଲେକାତେ ଆବୁ ଇନି୪ରେ ମେନାବୁଆ ମେନ୍ତେବୁ ସାରିତାନା । ୬ ଜେତାଏ ପାର୍ମେଶ୍ୱାର୍ତଲ୪ ତାଇନ୍ ତାନାଇଙ୍ଗ୍ ମେନ୍ତେ କାଜିନି୪, ଯୀଶୁ ଖ୍ରୀଷ୍ଟୁ ଲେକା ଜୀୱାନ୍ ବିତାଅ ଲାଗାତିଙ୍ଗୟା୪ ।

ନାୱା ଆନାବୁ

୭ ହେ ଦୁଲ୍ଲାଡ୍ ହାଗା ମିଗିକ, ଆଇଙ୍ଗ୍ ଆପେତା୪ତେ ନାୱା ଆନ୍ତୁଦ୍ କା ମେନ୍ଦ୍ ମୁନ୍ତୁଏତେ ଆପେତା୪ରେ ତାଇକେନ୍ ମାରି ଆନ୍ତୁକେଗିଇଙ୍ଗ୍ ଅଲେତାନା, ଆପେ ଆୟୁମାକାଦ୍ କାଜି, ଏନ୍ ମାରି ଆନ୍ତୁଗି ତାନା୪ । ୮ ଏନ୍ରେୟ, ଆଇଙ୍ଗ୍ ଏନାକେ ନାୱା ଆନ୍ତୁ ଲେକାଇଙ୍ଗ୍ ଅଲେତାନା, ଏନାରେୟା୪ ସାର୍ତି, ଯୀଶୁ ଖ୍ରୀଷ୍ଟୁରେ ଆତ୪ ଆପେରେହିଁ ନେଲଅ, ଚିୟା୪ଗି ନୁବା୪ ସେନଅତାନା ଆତ୪ ସାର୍ତି ମାର୍ସାଲ୍ ଚାମ୍ବାଅ୪ ତାନା ।

୯ ଜେତାଏ ମାସ୍କାଲରେନ୍ ତାନିଙ୍ଗ୍ ମେନ୍ତେ କାଜିକେଦ୍ତେ, ଆପ୍ନା୪ ହାଗା ମିଗିକକେ ହିଲ୍ଲାଙ୍ଗ୍ କ ତାନ୍ରେଦ ଇନି୪ ନାହିଁ୪ ଜାକେଦ୍ ନୁବା୪ରେ ମେନାଇୟା । ୧୦ ଜେତାଏ ଆପ୍ନା୪ ହାଗା ମିଗିକକେ ଦୁଲ୍ଲାଡ୍ ତାନ୍ରେଦ, ଇନି୪ ମାସ୍କାଲରେନ୍ ତାନି୪ ଆତ୪ ଇନି୪ ଜେତାଲେକାତେ କାଏ ତହଦଅଥା । ୧୧ ମେନ୍ଦ୍ ଜେତାଏ ଆପ୍ନା୪ ହାଗା ମିଗିକକେ ହିଲ୍ଲାଙ୍ଗ୍ କରେଦ, ଇନି୪ ନୁବା୪ରେ ମେନାଇୟା, ଆତ୪ ନୁବା୪ରେ ସେନେତାନା ଆତ୪ କତେ ସେନଅତାନା ଏନା କାଏ ସାରିୟା ଚିୟା୪ଗି ନୁବା୪ ଇନିୟା୪ ମେଦକେ ନୁବା୪କାଦା ।

୧୨ ଏ ହନ୍କ, ଆଇଙ୍ଗ୍ ଆପେତା୪ତେଇଙ୍ଗ୍ ଅଲେତାନା, ଚିୟା୪ଗି ଆପେୟା୪ ପାପକଦ୍ ଯୀଶୁ ଖ୍ରୀଷ୍ଟୁଆ୪ ନୁଡୁମତେ କ୍ଷାମାକାନା । ୧୩ ହେ ଆପ୍ତକ, ଆଇଙ୍ଗ୍ ଆପେତା୪ତେଇଙ୍ଗ୍ ଅଲେତାନା, ଚିୟା୪ଗି ଆପେଦ ଅତେଦିଶ୍ୱମରା୪ ଏନେଟେଦ୍ ସିଦାରେ ତାଇକେନ୍ନି୪କେପେ ଇଡୁଆନା । ଏ ସେପେଡ୍ଡକ, ଆଇଙ୍ଗ୍ ଆପେତା୪ତେଇଙ୍ଗ୍ ଅଲେତାନା, ଚିୟା୪ଗି ଆପେଦ ଏନ୍ ଏଡକାନ୍ନି୪କେପେ ହାରାଅକିୟା ।

୧୪ ଏ ହନ୍କ, ଆଇଙ୍ଗ୍ ଆପେତା୪ତେଇଙ୍ଗ୍ ଅଲ୍ଲାକାଦା, ଚିୟା୪ଗି ଆପେଦ ଆପୁକେପେ ସାରିୟା । ହେ ଆପ୍ତକ, ଆଇଙ୍ଗ୍ ଆପେତା୪ତେଇଙ୍ଗ୍ ଅଲ୍ଲାକାଦା, ଚିୟା୪ଗି ଆପେଦ ଅତେଦିଶ୍ୱମରା୪ ଏନେଟେଦ୍ ସିଦାରେ ମେନାଇ ଖ୍ରୀଷ୍ଟୁକେପେ ସାରିୟା । ଏ ସେପେଡ୍ଡକ, ଆଇଙ୍ଗ୍ ଆପେତା୪ତେଇଙ୍ଗ୍ ଅଲ୍ଲାକାଦା, ଚିୟା୪ଗି ଆପେଦ ପେଡ୍ଡେୟାନ୍ କ ତାନ୍ପେ, ଆପେରେ ପାର୍ମେଶ୍ୱାର୍ତା୪ ବାତାନ୍ ମେନା୪ ଆତ୪ ଏଡକାନ୍ନି୪କେପେ ହାରାଅକିୟା ।

ଅତେଦିଶ୍ୱମକେ ଆଲପେ ଦୁଲ୍ଲାଡା୪

୨:୭ ୨:୭ ଯୋହାନ୍ ୧୩:୩୪.

୧୫ ଆପେ ନେ ଅତେଦିଶ୍ୱମ୍ ଆତଃ ଅତେଦିଶ୍ୱମ୍‌ରାଃ ଜେଡ଼ନାଃ ଆଲ୍‌ପେ ଦୁଲ୍ଲାଡ଼େୟା । ଆପେ ନେ ଅତେଦିଶ୍ୱମ୍‌କେ ଦୁଲ୍ଲାଡ଼େତାନ୍‌ରେଦ୍, ଆପୁ ପାର୍‌ମେଶ୍ୱାର୍‌ଆଃ ଦୁଲ୍ଲାଡ଼୍ ଆପେରେ ବାନଃଆ । ୧୬ ତିୟାଃତି ହଡ଼ମ୍‌ରେୟାଃ ଏଡ଼କାନ୍ ସାନାଙ୍ଗ୍, ମେନ୍‌ଦ୍‌ରେଆଃ ଏଡ଼କାନ୍ ସାନାଙ୍ଗ୍, ଆତଃ ଆକ୍‌ଆଃ ମେନାଃତେୟାଃ ନାଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ଡେୟାଃ, ନେ ଅତେଦିଶ୍ୱମ୍‌ରେ ତାଇନଃତାନ୍ ବିଷାଏ ତାନାଃ, ନେ ସବେନାଃ ଆପୁସାଃଏତେଦ୍ କାହା, ମେନ୍‌ଦ୍ ଅତେଦିଶ୍ୱମ୍‌ସାଃଏତେ ହିଜୁଃତାନା । ୧୭ ଅତେଦିଶ୍ୱମ୍ ଆତଃ ଏନାରେୟାଃ ସବେନ୍ ଏଡ଼କାନ୍ ସୁକ୍‌ରାସ୍‌କା ଜିୟନଃଆ, ମେନ୍‌ଦ୍ ଜେତାଏ ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକା କାମିନିଃ ଜାନାଅ ଜାନାଅ ଜାକେଦ୍ ତାଇନାଏ ।

ୟାଶୁ ଖ୍ରୀଷ୍ଟ୍‌ଆଃ ବାଇରି

୧୮ ହେ ଦୁଲ୍ଲାଡ଼୍ ହନ୍‌କ୍, ଚୁଣ୍ଡୁ ଦିପିଲି ନାଡ଼େଃକାନା, ଆତଃ ଖ୍ରୀଷ୍ଟ୍‌ଆଃ ବାଇରି ହିଜୁଃଆଏ ମେନ୍ତେପେ ଆୟୁମ୍‌କେଦ୍‌ଲେକା ନାହାଁଃହ ଯାଶୁ ଖ୍ରୀଷ୍ଟ୍‌ଆଃ ବାଇରିକ ପୁରାଃତି ମେନାକ୍‌ଆ, ଏନାତେ ଚୁଣ୍ଡୁ ଦିପିଲି ନାଡ଼େଃକାନା ମେନ୍ତେବୁ ଆଡ଼୍‌କାରେତାନା । ୧୯ ଇନ୍‌କୁ ଆବୁତାଃଏତେକ୍ ଅତଙ୍ଗ୍‌ୟାନା ମେନ୍‌ଦ୍ ଇନ୍‌କୁ ସାର୍‌ତିରି ଆବୁତାଃ ମେନେସାରେ କାକ୍ ତାଇକେନା, ତିୟାଃତି ଇନ୍‌କୁ ଆବୁତାଃ ମେନେସାରେ ତାଇକାନ୍‌ରେଦ୍ ଆବୁଲଃକ୍ ତାଇକାନ୍‌ଡେୟାଃ ହନାଙ୍ଗ୍‌ଆଃ । ମେନ୍‌ଦ୍ ଇନ୍‌କୁ ଯେ, ଆବୁତାଃ ଝୁଣ୍ଡୁରେନ୍ ନାହାଁଲାକ୍, ଏନା ଜେ'ଲେକା ଉଦୁବଃଆ, ଏନାମେନ୍ତେ ଇନ୍‌କୁ ଆବୁତାଃ ଝୁଣ୍ଡୁଏତେ ଅତଙ୍ଗ୍‌ୟାନାକ୍ ।

୨୦ ମେନ୍‌ଦ୍ ଯାଶୁ ଖ୍ରୀଷ୍ଟ୍‌ଆଃ ସାୟାଦ୍‌ତେ ପାବିତାର୍ ଆମ୍ବା ଆପେକେ ଆଭିଷେକ୍ କାଦ୍‌ପେୟା, ଆତଃ ଆପେ ସବେନ୍‌କ୍ ସାର୍‌ତିପେ ସାରିକାଦା । ୨୧ ଆପେ ସାର୍‌ତି କାପେ ସାରିକାଦା ମେନ୍ତେଦ୍ କାହା, ମେନ୍‌ଦ୍ ଆପେ ସାର୍‌ତିକେପେ ସାରିତାନା, ଆତଃ ସାର୍‌ତିଏତେ ଜେତାନ୍ ହସଡ୍ କାଜି କା ଅତଙ୍ଗ୍‌ଅଃଆ ମେନ୍ତେ ସାରିତାନ୍ ହରାତେ ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍‌କେଦା ।

୨୨ ଅକ୍‌ଏ ହସଡ୍ ତାନିଃ ? ଅକ୍‌ଏ ଯାଶୁକେ ଜାଉବାଞ୍ଚାଅନିଃ ଖ୍ରୀଷ୍ଟ୍ ନାହାଁଲିଃ ମେନ୍ତେ କାଜିନିଃତି ହସଡ୍ ତାନିଃ । ନେ ଲେକାନ୍ ହଡ୍ ଯାଶୁ ଖ୍ରୀଷ୍ଟ୍‌ଆଃ ବାଇରି ତାନିଃ ଆତଃ ଇନିଃ ହନ୍ ଆତଃ ଆପୁ ବାରାନ୍‌କିନ୍‌କେ କାଏ ମାନାତିଙ୍ଗ୍‌କିନା । ୨୩ ଜେତାଏ ହନ୍‌କେ କାଏ ମାନାତିଙ୍ଗ୍‌ନିଃ ଆପୁକେହ୍ କାଏ ମାନାତିୟାଃ, ଜେତାଏ ହନ୍‌କେ ମାନାତିୟାଃ ଆପୁକେହ୍ ମାନାତିୟାଃ ।

୨୪ ଆପେ ମୁନ୍‌ଏତେ ଆୟୁମାକାଦ୍ କାଜି, ଆପେତାଃରେଗି ତାଇନକା । ଆପେ ମୁନ୍‌ଏତେ ଆୟୁମାକାଦ୍ କାଜି, ଆପେତାଃରେଗି ତାଇନରେଦ୍, ଆପେୟ ହନ୍ ଆତଃ ଆପୁତାଃରେ ସବେନ୍ ଇମ୍‌ତାପେ ତାଇନା । ୨୫ ଆତଃ ଯାଶୁ ଖ୍ରୀଷ୍ଟ୍ ଏମାକାଦ୍‌ବୁ ବାନାର୍‌ସା କାଜିଗି ଜାନାଅ ଜୀଦାନ୍ ତାନାଃ ।

୨୬ ଆପେକେ ବେଦାପେ ନାଗେନ୍ତେ ସାନାଙ୍ଗ୍‌ତାନ୍ ହଡ଼କ୍‌ଆଃ ବିଷାଏରେ ଆଇଙ୍ଗ୍ ଆପେତାଃତେ ନେଆଁଇଙ୍ଗ୍ ଅଲେତାନା । ୨୭ ମେନ୍‌ଦ୍ ଆପେକେ ଯାଶୁ ଖ୍ରୀଷ୍ଟ୍ ଆୟାଃ ପାବିତାର୍ ଆମ୍ବାତେ ଆଭିଷେକ୍ କାଦ୍‌ପେୟା । ନେ ପାବିତାର୍ ଆମ୍ବା ଆପେରେ ତାଇନ୍ ଜାକେଦ୍ ଏଗାଃକତାଃଏତେ ଆପେକେ ଇନିତୁ କା ଲାଗାତିଙ୍ଗ୍‌ୟାଃ । ତିୟାଃତି ପାବିତାର୍ ଆମ୍ବା ସବେନ୍ ବିଷାଏରେ ଆପେକେ ଇତୁପେୟା ଆତଃ ଆୟାଃ ଇନିତୁ ସାର୍‌ତି ତାନାଃ ଏନା ହସଡ୍ ନାହାଁଲାଃ । ପାବିତାର୍ ଆମ୍ବାରାଃ ଏନ୍ ଇନିତୁକେ ମାନାତିଙ୍ଗ୍‌କେଦ୍‌ତେ ଯାଶୁ ଖ୍ରୀଷ୍ଟ୍‌ଲଃ ମେନେସାରେ ତାଇନ୍‌ପେ ।

୨୮ ଏନାତେ ଏ ହନ୍‌କ୍, ଯାଶୁ ଖ୍ରୀଷ୍ଟ୍‌ରେ ମେସାକେଦ୍‌ତେ ତାଇନ୍‌ପେ, ଏନ୍‌ରେଦ୍ ଆୟାଃ ହିନିଜୁଃ ନେତାରେ ଜାଉ କେଟେଦ୍‌କେଦ୍‌ତେବୁ ଦାରମିୟାଁ ଆତଃ ଆବୁ ସବେନ୍‌କ୍ ଆୟାଃ ଆୟାର୍‌ରେ କାରୁ ଗିହୁଗଃଆ । ୨୯ ଆବୁ ସାରିୟାଃବୁ ଯେ, ଯାଶୁ ଖ୍ରୀଷ୍ଟ୍ ଧାର୍‌ମାନ୍‌ନିଃ ତାନିଃ, ନେଆଁହିଁ ସାରିୟାଃବୁ ଯେ, ଜେତାଏ ଧାର୍‌ମାନ୍ କାମି କାମିନିଃ ପାର୍‌ମେଶ୍ୱାର୍‌ଆଃ ହନ୍ ତାନିଃ ।

୩

ପାର୍‌ମେଶ୍ୱାର୍‌ଆଃ ହନ୍‌କ୍

୧ *ପାର୍‌ମେଶ୍ୱାର୍ ଆବୁକେ ଆୟାଃ ଦୁଲ୍ଲାଡ଼େତେ ଚିମିନାଙ୍ଗ୍ ଦୁଲ୍ଲାଡ଼କେଦ୍‌ବୁଆଏ, ଏନା କାଟିଃ ଉଡ଼ୁଲେପେ । ଆବୁ ପାର୍‌ମେଶ୍ୱାର୍‌ଆଃ ହନ୍‌କ୍‌ବୁ ନୁଡୁମାକାନା । ଆତଃ ଆବୁ ଆୟାଃ ହନ୍‌କ୍‌ଗି ତାନ୍‌ବୁ । ଅତେଦିଶ୍ୱମ୍ ପାର୍‌ମେଶ୍ୱାର୍‌କେ କାଏ ସାରିୟା, ଏନାମେନ୍ତେ ଅତେଦିଶ୍ୱମ୍ ଆବୁକେ କାଏ ସାରିୟା । ୨ ହେ ଦୁଲ୍ଲାଡ଼୍ ହାଗା ମିଶିକ୍, ନାହାଁଃ ଆବୁ ପାର୍‌ମେଶ୍ୱାର୍‌ଆଃ ହନ୍‌କ୍ ତାନ୍‌ବୁ, ମେନ୍‌ଦ୍ ହିଜୁଃତାନ୍ ଦିପିଲିରେ ତିନାଃବୁ ହବାଅଃଆ ଏନା କା ସାରିୟାଃତାନା । ମେନ୍‌ଦ୍ ଯାଶୁ ଖ୍ରୀଷ୍ଟ୍ ଆତଃମିସା ହିଜୁଃରେ ଆବୁହ୍ ଆୟାଃ

* ୩:୧ ଯୋହାନ୍ ୧:୨୬.

ଲୋକାଗିବୁ ହବାଅଃଆ, ଚିୟାଃତି ଜନିଃକେ ଆଇଃକ୍ତି ତାନିଃ ଲୋକାବୁ ନେଲିୟା । ୩ ଆତଃ ଜନିଃକେ ଆସ୍ତା ଦହକାଦକ, ଜନିଃ ଫାଠ୍‌ଚିଚି ଫେନାଜଲେକା, ଜନକୁ ଫାଠ୍‌ଚିଚିକି ତାଇନକା ।

୪ ଜେତାଏ ପାପ୍ ରିକାଏତାନନିଃ, ପାର୍‌ଫେଶ୍‌ବାର୍‌ଆଃ ଆନକୁକେ କାଏ ମାନାତିଙ୍ଗ୍ ତାନା, ଚିୟାଃତି ଆନକୁ କା ମାନାତିଙ୍ଗ୍‌ତେୟାଃତି ପାପ୍ ତାନାଃ । ୫ ଆପେ ସାରିତାନାପେ ଯେ, ଯାଶୁ ଖ୍ରୀଷ୍ଟ୍ ଆବୁଆଃ ପାପକ ଗଅଃଜଦି ନାଙ୍ଗ୍ ହିଜୁଃୟାନାଏ ଆତଃ ଜନିଃକେ ଜେତାନ୍ ପାପ୍ ବାନଃଆ । ୬ ଜେତାଏ ଜନିଃକେ ତାଇନତାନନିଃ ପାପ୍ କାମି କାଏ ରିକାୟା, ଆତଃ ଜେତାଏ ପାପ୍ କାମିତାନନିଃ ଜନିଃକେ ଚିଉଲଅ କାଏ ନେଲାଇୟା ଚାଏ କାଏ ସାରିକାଇୟା ।

୭ ହେ ଦୁଲ୍‌ଭ୍ ହନକ, ଜେତାଏ ଆପେକେ ଆଲକାକ ବେଦାପେକା, ଜେତାଏ ବୁଗିନ୍ କାମି କାମିୟାଏ, ଜନିଃ ଏସକାର୍ ଯାଶୁ ଖ୍ରୀଷ୍ଟ୍ ଲୋକା ଧାର୍‌ମାନିଃ ତାନିଃ । ୮ ଆତଃ ଜେତାଏ ପାପ୍ କାମି ରିକାତାନନିଃ, ସାଏତାନରେନ୍ ତାନିଃ, ଚିୟାଃତି ସାଏତାନ୍ ମୁନୁଏତେ ପାପ୍ କାମି ରିକାଆଉତାନାଏ । ଏନ୍ ସାଏତାନରାଃ କାମିକେ ଜିୟନେ ନାଗେନ୍ତେ ପାର୍‌ଫେଶ୍‌ବାର୍‌ଆଃ ହନ୍ ହିଜୁଃୟାନାଏ ।

୯ ଅକନକ ପାର୍‌ଫେଶ୍‌ବାର୍‌ଆଃ ହନ୍ ତାନକ, ଜନକୁ ପାପ୍ କାମିରେ କାକ ତାଇନା, ଚିୟାଃତି ପାର୍‌ଫେଶ୍‌ବାର୍‌ଆଃ ସଭାଏ ଜନକୁରେ ମେନାଃ, ଆତଃ ପାର୍‌ଫେଶ୍‌ବାର୍‌ ଜନକୁଆଃ ଆପୁ ତାନିଃ, ଏନାତେ ଜନକୁ ପାପ୍‌ରେ କାକ ତାଇନ୍ ଦାଡିୟା । ୧୦ ପାର୍‌ଫେଶ୍‌ବାର୍‌ଆଃ ହନକ ଆତଃ ସାଏତାନଆଃ ହନକ ଅକନକ ତାନକ, ଏନା ନେଲୋକାତେକ ସାରିୟଃଆ, ଜେତାଏ ଧାର୍‌ମାନ୍ କାମି କାଏ କାମିନିଃ, ଚାଏ ବିଶ୍ୱାସୀ ହାଗା ମିଶିକେ କାଏ ଦୁଲ୍‌ଭିନିଃ ପାର୍‌ଫେଶ୍‌ବାର୍‌ଆଃ ହନ୍ ନାହାଁଲିଃ ।

ମିହୁଡ୍ ଆତଃମିହୁଡ୍‌କେ ଦୁଲ୍‌ଭିପେ

୧୧ ଆବୁକେ ଦୁଲ୍‌ଭିରେ ତାଇନଃ ଲାଗାତିଙ୍ଗ୍‌ୟାଃ, ନେଆଁଏ ଆପେ ମୁନୁଏତେ ଆୟୁମକାଦ୍ କାଜି ତାନାଃ । ୧୨ ଆବୁ କୟିନ୍ ଲୋକା କାବୁ ହବାଅଃଆ, ଜନିଃକେ ଏଡ୍‌କାନ୍ ଏସେରୟାନା ଆତଃ ହାଗାତେ ହାବିଲ୍‌କେ ଗଏଃକିୟା । କୟିନ୍ ହାଗାତେକେ ଚିନାଃ ନାଗେନ୍ତେ ଗଏଃକିୟା ? ଚିୟାଃତି କୟିନ୍‌ଆଃ କାମି ଏଡ୍‌କାନାଃ ଆତଃ ହାଗାତେୟାଃ କାମି ଠାଉକାତେୟାଃ ତାଇକେନା ।

୧୩ ଏନାତେ ହେ ହାଗା ମିଶିକ, ନେ ଅତେଦିଶ୍‌ମ୍‌ରେନ୍ ହଡ୍‌କ ଆପେକେ ହିଲ୍‌ଙ୍ଗ୍‌ପେରେ ଆଲ୍‌ପେ ହାଏକାଟଃଆ । ୧୪ ଆବୁ ଖ୍ରୀଷ୍ଟ୍ ହାଗା ମିଶିକକେବୁ ଦୁଲ୍‌ଭିକ ତାନରେଦ, ଆବୁ ଗନଏଃକେ ପାରମକେଦ୍‌ତେ ଜୀଦାନରେବୁ ବଲକାନା ଏନାବୁ ସାରିତାନା । ଜେତାଏ କାଏ ଦୁଲ୍‌ଭିତାନନିଃ ନାହାଁଃ ଜାକେଦ୍ ଗନଏଃକେୟାଃ ଆକ୍‌ତେୟାଃରେ ମେନାଇୟା । ୧୫ ଜେତାଏ ଖ୍ରୀଷ୍ଟ୍ ହାଗା ମିଶିକେ ହିଲ୍‌ଙ୍ଗ୍‌ନିଃ, ହଡ୍ ଗରଏଃନିଃ ତାନିଃ । ଆତଃ ହଡ୍ ଗରଏଃନିଃ ଜାନାଅ ଜୀଦାନ୍ ବାନଃଆ ମେନ୍ତେ ଆପେ ସାରିତାନା । ୧୬ ଯାଶୁ ଖ୍ରୀଷ୍ଟ୍ ଆବୁ ନାଙ୍ଗ୍ ଆୟାଃ ଜୀଉ ଏମକେଦାଏ ଏନାତେ ଆବୁ ଦୁଲ୍‌ଭି ଚିନାଃ ତାନା ଏନାବୁ ସାରିତାନା । ଆତଃ ଆବୁକେୟା ଖ୍ରୀଷ୍ଟ୍ ହାଗା ମିଶିକ ନାଗେନ୍ତେ ଆବୁଆଃ ଜୀଉ ଏମ୍ ଲାଗାତିଙ୍ଗ୍‌ୟାଃ । ୧୭ ଜେତା ହଡ୍ ଅତେଦିଶ୍‌ମ୍ ଲୋକା ଆୟାଃ ମେନାଃତେୟାଃକ ପୁରାଃତି ତାଇନକେଦ୍‌ତେ ଖ୍ରୀଷ୍ଟ୍ ହାଗା ମିଶି ଜାଞ୍ଜିୟଃତାନ୍ ନେଲ୍‌ରେୟା ଜନିଃ ନାଗେନ୍ତେ ଆୟାଃ ମନ୍‌ସୁରୁଦ୍‌କେ କେଟେଜେରେଦ, ଜନିଃ ଚିଲ୍‌କାତେ ଆଇଙ୍ଗ୍ ପାର୍‌ଫେଶ୍‌ବାର୍‌କେ ଦୁଲ୍‌ଭି ତାନାଇଙ୍ଗ୍ ମେନ୍ତେ କାଜିୟାଏ ? ୧୮ ଏ ହନକ, ଆବୁଆଃ ଦୁଲ୍‌ଭି, କାଜିତେ ଚାଏ ଜାଗାର୍‌ତେ ଏସକାର୍ ଆଲକା ହବାଅଃକା, ମେନ୍ଦ୍ ସାଠ୍‌ଚିତେ ଆତଃ କାମିତେ ଉଦୁବ୍ ଲାଗାତିଙ୍ଗ୍‌ୟାଃ ।

୧୯ ଆବୁଆଃ କାଜିକାମି ହରାତେ ଆବୁ ସାନାର୍‌ତିରେନ୍ ହନକ ତାନବୁ ମେନ୍ତେ ମନ୍‌ରେ ଆବ୍‌କାର୍ ଦାଡିୟାବୁ । ୨୦ ଆବୁଆଃ ମନ୍‌ସୁରୁଦ୍ ଆବୁକେ ଚିଟାବୁରେଦ, ପାର୍‌ଫେଶ୍‌ବାର୍‌ ଆବୁଆଃ ମନ୍‌ସୁରୁଦ୍‌ହେତେ ପୁରାଃ ମାରାଙ୍ଗ୍ ତାନିଃ, ଜନିଃ ସବେନାଃ ସାରିୟାଏ । ୨୧ ଏନାତେ ହେ ଦୁଲ୍‌ଭି, ହାଗା ମିଶିକ, ଆବୁଆଃ ମନ୍‌ସୁରୁଦ୍ କାଏ ଚିଟାବୁରେଦ, ଆବୁ ପାର୍‌ଫେଶ୍‌ବାର୍‌ଆଃ ସାମ୍‌ନାଙ୍ଗ୍‌ରେ ବେଗାର୍ ବରତେ ତିଙ୍ଗ୍‌ନ୍‌ବୁ ଦାଡିୟା । ୨୨ ଆତଃ ଆବୁ ଆସିତେୟାଃ ସବେନାଃ, ଜନିଃ ଆବୁକେ ଏନାବୁଆ, ଚିୟାଃତି ଆବୁ ଆୟାଃ ଆନାତୁକବୁ ମାନାତିଙ୍ଗ୍ ତାନା ଆତଃ ଆୟାଃ ସୁକୁଆନ୍ ଲୋକାବୁ କାମିତାନା । ୨୩ ଆବୁ ଆୟାଃ ହନ୍ ଯାଶୁ ଖ୍ରୀଷ୍ଟ୍ ଆଃ ନୁଡ୍‌ମରେବୁ ବିଶ୍ୱାସେକା ଆତଃ ଯାଶୁ ଖ୍ରୀଷ୍ଟ୍ ଏମାକାଦ୍ ଆନାବୁ ଲୋକା ମିହୁଡ୍ ଆତଃମିହୁଡ୍‌ଲଃ ଦୁଲ୍‌ଭିରେବୁ ତାଇନକା । ୨୪ ଜେତାଏ ପାର୍‌ଫେଶ୍‌ବାର୍‌ଆଃ ଆନାବୁ ମାନାତିଙ୍ଗ୍‌ନିଃ ପାର୍‌ଫେଶ୍‌ବାର୍‌ରେ ତାଇନା, ଆତଃ ପାର୍‌ଫେଶ୍‌ବାର୍‌ ଜନିଃକେ ତାଇନା । ନେଆଁ ପାର୍‌ଫେଶ୍‌ବାର୍‌ ଆବୁକେ ଏମାକାଦ୍‌ବୁ ପାବିତାର୍ ଆମ୍‌ ହରାତେ ପାର୍‌ଫେଶ୍‌ବାର୍‌ ଆବୁରେ ମେନାଇୟା ମେନ୍ତେବୁ ସାରିୟା ।

☆ ୩:୫ ୩:୫ ଯୋହାନ୍ ୧:୨୯. ☆ ୩:୧୧ ୩:୧୧ ଯୋହାନ୍ ୧୩:୩୪. ☆ ୩:୧୪ ୩:୧୪ ଯୋହାନ୍ ୫:୨୪. ☆ ୩:୨୩ ୩:୨୩ ଯୋହାନ୍ ୧୩:୩୪; ୧୫:୧୨, ୧୭.



ପାର୍ମ୍ଭେଶ୍ୱାର୍‌ଆଃ ଆମ୍ବା ଆତଃ ହସଡ଼ ଆମ୍ବା

୧ ହେ ଦୁଲ୍ଲାଡ଼, ହାଗା ମିଶିକ, ପାର୍ମ୍ଭେଶ୍ୱାର୍‌ତାଃଏତେ ଆମ୍ବା ନାମାକାଦାଲେ ମେନ୍ତେ କାଜିତାନ୍ ସବେନକକେ ଆଲ୍‌ପେ ବିଶ୍ୱାସକଆ, ଇନ୍‌କୁ ନାମାକାଦ୍‌ଆମ୍ବା ପାର୍ମ୍ଭେଶ୍ୱାର୍‌ତାଃଏତେ ହିନ୍ତୁଃକାନାଟି କାହା ଏନା ବିତ୍ତାଅକୁପେ, ଚିୟାଃଟି ପୁରାଃ ହସଡ଼ ନାବୀକ ଅତେଦିଶ୍ୱମ୍‌ରେକ ଅତଙ୍ଗକାନା । ୧ ନେ'ଲେକାତେ ଆପେ ପାର୍ମ୍ଭେଶ୍ୱାର୍‌ଆଃ ଆମ୍ବାକେପେ ନେଲ୍‌ଉରୁମ୍‌ଆ, ଯୀଶୁ ଖ୍ରୀଷ୍ଟ ମାନୁଃ ରୁପରେ ହିନ୍ତୁଃକାନା ମେନ୍ତେ ମାନାତିଙ୍ଗତାନ୍ ସବେନ୍ ଆମ୍ବାକ ପାର୍ମ୍ଭେଶ୍ୱାର୍‌ତାଃଏତେ ହିନ୍ତୁଃକାନା । ୩ ମେନ୍‌ଦ ଜେତାଏ ଯୀଶୁ ଖ୍ରୀଷ୍ଟ୍‌ଆଃ ବିଷାଏରେ ନେ କାଜି କା ମାନାତିଙ୍ଗତାନ୍‌ନିଃ ପାର୍ମ୍ଭେଶ୍ୱାର୍‌ଆଃ ଆମ୍ବା କାଏ ନାମ୍ । ଇନିଃଦ ଖ୍ରୀଷ୍ଟ୍‌ଆଃ ବାଈରିତାଃଏତେ ହିନ୍ତୁଃକାନ୍ ଆମ୍ବାକେ ନାମ୍‌କାଦା । ଇନିଃ ହିନ୍ତୁଃଆଏ ମେନ୍ତେପେ ଆୟୁମାକାଦ୍ ତାଇକେନିଃ ନାହାଁଃଟି ଅତେଦିଶ୍ୱମ୍‌ରେ ମେନାଇୟା ।

୪ ହେ ଦୁଲ୍ଲାଡ଼, ହନ୍‌କ, ଆପେନ୍‌ଦ ପାର୍ମ୍ଭେଶ୍ୱାର୍‌ଆଃ ତାନ୍‌ପେ ଆତଃ ଏନ୍ ହସଡ଼ ନାବୀକକେ ହାରାଅକାଦକଆପେ, ଚିୟାଃଟି ଆପେୟାଃ ମନ୍‌ସୁରୁଦ୍‌ରେ ତାଇନ୍‌ତାନ୍ ପାର୍ମ୍ଭେଶ୍ୱାର୍‌ଆଃ ଆମ୍ବା ନେ ଅତେଦିଶ୍ୱମ୍‌ରେନ୍ ହଡ଼କତାଃରେ ତାଇନ୍‌ତାନ୍ ଆମ୍ବାଏତେ ପୁରାଃ ପେଡେୟାନ୍‌ଗିୟାଏ । ୫ ହସଡ଼ ନାବୀକ ଅତେଦିଶ୍ୱମ୍‌ରେନ୍ ତାନ୍‌କ, ଇନ୍‌କୁ ନେ ଅତେଦିଶ୍ୱମ୍‌ରେୟାଃ କାଜିକ କାଜିତାଆ ଆତଃ ଅତେଦିଶ୍ୱମ୍‌ରେନ୍ ହଡ଼କ ଇନ୍‌କୁଆଃ କାଜିକ ଆୟୁମାଃ । ୬ ମେନ୍‌ଦ ଆବୁ ପାର୍ମ୍ଭେଶ୍ୱାର୍‌ଆଃ ତାନ୍‌କୁ । ଜେତାଏ ପାର୍ମ୍ଭେଶ୍ୱାର୍‌କେ ସାରିନିଃ, ଆବୁଆଃ କାଜି ଆୟୁମାଃଏ । ଜେତାଏ ପାର୍ମ୍ଭେଶ୍ୱାର୍‌କେ କାଏ ସାରିନିଃ, ଆବୁଆଃ କାଜି କାଏ ଆୟୁମାଃ । ନେ'ଲେକାତେ ଆବୁ ସାନାଡ଼ିରେନ୍ ଆମ୍ବା ଆତଃ ହସଡ଼ରେନ୍ ଆମ୍ବାକେବୁ ନେଲ୍‌ଉରୁମ୍‌ ଦାଡ଼ିୟା ।

ମିହୁଡ଼ ଆତଃମିହୁଡ଼ଲଃ ଦୁପୁଲ୍ଲାଡ଼ପେ

୭ ହେ ଦୁଲ୍ଲାଡ଼, ହାଗା ମିଶିକ, ଦୁପୁଲ୍ଲାଡ଼ରେବୁ ତାଇନା, ଚିୟାଃଟି ଦୁଲ୍ଲାଡ଼ ପାର୍ମ୍ଭେଶ୍ୱାର୍‌ତାଃଏତେ ହିନ୍ତୁଃଆ । ଜେତାଏ ଦୁଲ୍ଲାଡ଼ନିଃ ପାର୍ମ୍ଭେଶ୍ୱାର୍‌ଆଃ ହନ୍ ତାନିଃ, ଆତଃ ପାର୍ମ୍ଭେଶ୍ୱାର୍‌କେ ସାରିତାନା । ୮ ଜେତାଏ କାଏ ଦୁଲ୍ଲାଡ଼ନିଃ ପାର୍ମ୍ଭେଶ୍ୱାର୍‌କେ କାଏ ସାରିୟା, ଚିୟାଃଟି ପାର୍ମ୍ଭେଶ୍ୱାର୍‌ ଦୁଲ୍ଲାଡ଼ନିଃ ତାନିଃ । ୯ ଆବୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ଜାନାଅ ଜୀଦାନ୍ ନାମେ ନାଗେନ୍ତେ ପାର୍ମ୍ଭେଶ୍ୱାର୍‌ ଆୟାଃ ମିଆଁଦ୍‌ଗି ହନ୍ ଯୀଶୁ ଖ୍ରୀଷ୍ଟ୍‌କେ ଅତେଦିଶ୍ୱମ୍‌ତେ କୁଲ୍‌କିୟା, ନେ'ଆଁତେ ପାର୍ମ୍ଭେଶ୍ୱାର୍‌ଆଃ ଦୁଲ୍ଲାଡ଼ ଆବୁ ନାଙ୍ଗ୍ ଉଦୁବୟାନା । ୧୦ ନେ'ଆଁଗି ସାର୍‌ତି ଦୁଲ୍ଲାଡ଼ ତାନାଃ, ଆବୁ ପାର୍ମ୍ଭେଶ୍ୱାର୍‌କେବୁ ଦୁଲ୍ଲାଡ଼କିୟା ଏନାତେଦ କାହା, ମେନ୍‌ଦ ଇନିଃ ଆବୁକେ ଦୁଲ୍ଲାଡ଼କେଦ୍‌ବୁଆ ଆତଃ ଆବୁଆଃ ପାପ୍ ଛାମା ନାଗେନ୍ତେ ଆୟାଃ ହନ୍‌କେ କୁଲ୍‌କିୟା ।

୧୧ ହେ ଦୁଲ୍ଲାଡ଼, ହାଗା ମିଶିକ, ପାର୍ମ୍ଭେଶ୍ୱାର୍‌ ଆବୁକେ ନେ'ଲେକା ଦୁଲ୍ଲାଡ଼ବୁତାନ୍‌ରେଦ, ଆବୁକେୟ ଏନ୍ ଲେକା ଦୁପୁଲ୍ଲାଡ଼ରେ ତାଇନ୍ ଲାଗାତିଙ୍ଗୟାଃ । ୧୨ *ପାର୍ମ୍ଭେଶ୍ୱାର୍‌କେ ଜେତାଏ ଚିତଲ୍‌ହା କାଏ ନେଲ୍, ମେନ୍‌ଦ ଆବୁ ଦୁପୁଲ୍ଲାଡ଼ରେ ତାଇନ୍‌ରେଦ ପାର୍ମ୍ଭେଶ୍ୱାର୍‌ ଆବୁଲଃ ମେନାଇୟା, ଆତଃ ଆୟାଃ ଦୁଲ୍ଲାଡ଼ ଆବୁତାଃରେ ପକ୍‌ତାକାନା ।

୧୩ ଆବୁ ପାର୍ମ୍ଭେଶ୍ୱାର୍‌ଲଃ ତାଇନ୍‌ତାନାବୁ ଆତଃ ଇନିଃ ଆବୁଲଃ ତାଇନ୍‌ତାନାଏ, ଏନାବୁ ସାରିତାନା, ଚିୟାଃଟି ଇନିଃ ଆବୁକେ ଆୟାଃ ଆମ୍ବାରାଃ ମେନେସା ଏମାକାଦ୍‌ବୁଆଏ । ୧୪ ଅତେଦିଶ୍ୱମ୍‌ରାଃ ବାଞ୍ଚାଅନିଃ ହବାଅଃ ନାଗେନ୍ତେ ଆପୁ ପାର୍ମ୍ଭେଶ୍ୱାର୍‌ ଆୟାଃ ହନ୍‌କେ କୁଲ୍‌କିୟା । ଆବୁ ଇନିଃକେ ନେଲ୍‌କେଦ୍‌ତେ ଇନିୟାଃ ବିଷାଏରେ ଏତାଃକକେବୁ ଉଦୁବକତାନା । ୧୫ ଜେତାଏ ଯୀଶୁ ଖ୍ରୀଷ୍ଟ୍‌କେ ପାର୍ମ୍ଭେଶ୍ୱାର୍‌ଆଃ ହନ୍ ତାନିଃ ମେନ୍ତେ ମାନାତିଙ୍ଗତାନ୍‌ରେଦ, ପାର୍ମ୍ଭେଶ୍ୱାର୍‌ ଇନିଃରେ ତାଇନ୍‌ତାନା ଆତଃ ଇନିଃ ପାର୍ମ୍ଭେଶ୍ୱାର୍‌ତାଃରେ ତାଇନ୍‌ତାନା । ୧୬ ଆତଃ ପାର୍ମ୍ଭେଶ୍ୱାର୍‌ ଆବୁକେ ଦୁଲ୍ଲାଡ଼ବୁ ତାନ୍‌ତେୟାଃ ସାରିତାନାବୁ ଆତଃ ଏନାରେ ଆବୁଆଃ ପୁରାଃ ବିଶ୍ୱାସ୍ ମେନାଃ । ପାର୍ମ୍ଭେଶ୍ୱାର୍‌ ଦୁଲ୍ଲାଡ଼ ତାନିଃ, ଜେତାଏ ଦୁଲ୍ଲାଡ଼ରେ ତାଇନ୍‌ନିଃ ପାର୍ମ୍ଭେଶ୍ୱାର୍‌ରେ ତାଇନା ଆତଃ ପାର୍ମ୍ଭେଶ୍ୱାର୍‌ ଇନିଃରେ ତାଇନା । ୧୭ ଆବୁଆଃ ଜୀଦାନ୍‌ରେ ନେ ଦୁଲ୍ଲାଡ଼ ପକ୍‌ତାକାନ୍‌ଗି ତାଇନଃରେଦ, ଆବୁ ବେଗାର୍‌ ବରକେଦ୍‌ତେ ବିତାର୍ ହୁଲ୍ଲାଙ୍ଗ୍‌ରେୟାଃ ଆୟାଃରେ ତିଙ୍ଗ୍‌ନ୍‌ବୁ ଦାଡ଼ିୟା, ଚିୟାଃଟି ନେ ଅତେଦିଶ୍ୱମ୍‌ରେ ତାଇନ୍‌କେଦ୍‌ତେ ଆବୁହ ଯୀଶୁ ଖ୍ରୀଷ୍ଟ୍‌ ଲେକା ଜୀଝାନ୍ ବିତାଅ ତାନାବୁ । ୧୮ ଦୁଲ୍ଲାଡ଼ରେ ବର ବାନଃଆ, ମେନ୍‌ଦ ପକ୍‌ତାକାନ୍ ଦୁଲ୍ଲାଡ଼ ସବେନ୍ ବରକେ ସାଜିନେଆଁ । ଜେତାଏ ବରତାନ୍‌ନିଃ ଦୁଲ୍ଲାଡ଼ରେ କାଏ ପକ୍‌ତାକାନା, ଚିୟାଃଟି ସାଜାଇ ନାମେରେୟାଃ ବର ଇନିଃରେ ମେନାଃ ।

* ୪:୧୨ ୪:୧୨ ଯୋହାନ୍ ୧:୧୮.

୧୯ ପାର୍ମ୍ଭେଶ୍ୱର ଆବୁକେ ପାହିଲା ଦୁଲାଡ଼କେଦବୁ ହରାତେ ଆବୁ ଦୁଲାଡ଼, ତାନାବୁ । ୨୦ ଜେତାଏ ପାର୍ମ୍ଭେଶ୍ୱରକେ ଦୁଲାଡ଼, ତାନିଙ୍ଗ୍ ମେନ୍ତେ କାଜିକେଦତେ ଖ୍ରୀଷ୍ଟ ହାଗା ଚାଏ ମିଶିକେ ହିଲାଙ୍ଗ୍ରେଦ, ଇନିଃ ହସଡ଼ ତାନିଃ । ନେଲକାଇ ହାଗା ଚାଏ ମିଶିକେ କାଏ ଦୁଲାଡ଼ରେଦ, କା ନେଲକାଇ ପାର୍ମ୍ଭେଶ୍ୱରକେ ଚିଉଲାଅ କାଏ ଦୁଲାଡ଼, ଦାଡ଼ିୟା । ୨୧ ଜେତାଏ ପାର୍ମ୍ଭେଶ୍ୱରକେ ଦୁଲାଡ଼ିତାନିଃ ଖ୍ରୀଷ୍ଟ ହାଗା ଚାଏ ମିଶିକେହିଁ ଦୁଲାଡ଼ିକାଏ, ନେ ଆନାବୁ ଆବୁ ଯୀଶୁ ଖ୍ରୀଷ୍ଟତାଃଏତେ ନାମାକାଦାବୁ ।

୫

ଅତେଦିଶ୍ୱମକେ ଜିତାଅ

୧ ଜେତାଏ ଯୀଶୁକେ ଖ୍ରୀଷ୍ଟ ତାନିଃ ମେନ୍ତେ ବିଶ୍ୱାସ୍ତାନିଃ ପାର୍ମ୍ଭେଶ୍ୱରଆଃ ହନ୍ ତାନିଃ, ଆତଃ ଜେତାଏ ଆପୁକେ ଦୁଲାଡ଼ିନିଃ, ଏନ୍ ଆପୁତେୟାଃ ହନ୍କେହିଁ ଦୁଲାଡ଼ିୟାଏ । ୨ ଆବୁ ପାର୍ମ୍ଭେଶ୍ୱରକେ ଦୁଲାଡ଼କେଦତେ ଆୟାଃ ଆନାରୁକବୁ ମାନାତିଙ୍ଗ୍ତାନରେଦ, ନେଆଁତେବୁ ସାରିତାନା ଯେ, ଆବୁ ପାର୍ମ୍ଭେଶ୍ୱରଆଃ ହନ୍କବୁ ଦୁଲାଡ଼କ ତାନା । ୩ *ପାର୍ମ୍ଭେଶ୍ୱରଆଃ ଆନାରୁକ ମାନାତିଙ୍ଗ୍ତେୟାଃଟି ପାର୍ମ୍ଭେଶ୍ୱରକେ ଦୁଲାଡ଼କେୟାଃ ତାନାଃ । ଆତଃ ଆୟାଃ ଆନାରୁକ ମାନାତିଙ୍ଗ୍ ନାଙ୍ଗ୍ କା ହାସ୍ତାଲାଃ । ୪ ଚିୟାଃଟି ପାର୍ମ୍ଭେଶ୍ୱରଆଃ ସବେନ୍ ହନ୍କ ନେ ଅତେଦିଶ୍ୱମକେ ହାରାଅ ନାଗେନ୍ତେ ପେଡ଼େଃକ ନାମାକାଦା । ଆବୁ ବିଶ୍ୱାସ୍ତେ ନେ ଅତେଦିଶ୍ୱମକେ ଜିତାଅ ଦାଡ଼ିୟାବୁ । ୫ ଯୀଶୁକେ ପାର୍ମ୍ଭେଶ୍ୱରଆଃ ହନ୍ ତାନିଃ ମେନ୍ତେ ବିଶ୍ୱାସ୍ତାନିଃ ଏସ୍କାବୁ ଅତେଦିଶ୍ୱମକେ ଜିତାଅ ଦାଡ଼ିୟାଏ ।

ଯୀଶୁ ଖ୍ରୀଷ୍ଟଆଃ ବିଷାଏରେ ଗାଞ୍ଜା

୬ ଏନ୍ ଯୀଶୁ ଖ୍ରୀଷ୍ଟ ଦାଆଃରେ ବାପ୍ତିସ୍ମା ଲିକିକେଦତେ ଆୟାଃ କାମି ଏଗେଦକାଦ୍ ତାଇକେନା, ଆତଃ ଆୟାଃ ମାୟୋମ୍ ଲିକିକେଦତେ ମାନଞ୍ଜାରାଃ ଜୀଉବାଞ୍ଚାଅ ରିକା ଦାଡ଼ିକେଦାଏ । ଦାଆଃତେ ଏସ୍କାବୁ କାହାରି ମେନ୍ଦ୍ ବାରାନାଃ ଦାଆଃ ଆତଃ ମାୟୋମ୍ ହରାତେ ହିଜୁଃୟାନା । ନେଆଁ ସାର୍ତି ତାନାଃ ମେନ୍ତେ ପାବିତାର୍ ଆମ୍ବା ଆଇଃକ୍ରି ଗାଞ୍ଜା ଏମେତାନା, ଚିୟାଃଟି ପାବିତାର୍ ଆମ୍ବା ସାର୍ତି ତାନିଃ । ୭ ଆତଃ ନେ ଆପିୟା ଗାଞ୍ଜା ମେନାଃ : 「ଆମ୍ବା, ଦାଆଃ, ଆତଃ ମାୟୋମ୍, ନେ ଆପିୟା ଗାଞ୍ଜା ମିଦ୍ରିୟା । ୮ ଆବୁ ହଡ଼କଆଃ ଗାଞ୍ଜାବୁ ମାନାତିଙ୍ଗ୍ତାନରେଦ, ପାର୍ମ୍ଭେଶ୍ୱରଆଃ ଗାଞ୍ଜାଏ ଏନାଏତେ ମାରାଙ୍ଗ୍ଆଃ, ଆତଃ ପାର୍ମ୍ଭେଶ୍ୱରଆଃ ଗାଞ୍ଜା ନେଆଁ ତାନାଃ ଯେ, ପାର୍ମ୍ଭେଶ୍ୱର ଆଇଃକ୍ରି ଆୟାଃ ହନ୍ ବିଷାଏରେ ଗାଞ୍ଜା ଏମାକାଦାଏ । ୯ ଜେତାଏ ପାର୍ମ୍ଭେଶ୍ୱରଆଃ ହନ୍ତାଃରେ ବିଶ୍ୱାସ୍ତେନିଃ, ଆୟାଃ ମନ୍ସୁରୁଦ୍ରେ ଗାଞ୍ଜା ନାମାକାଦାଏ, ମେନ୍ଦ୍ ଜେତାଏ ପାର୍ମ୍ଭେଶ୍ୱରତାଃରେ କା ବିଶ୍ୱାସ୍ତେନିଃ ହସଡ଼ ବାଇୟାକାନାଏ, ଚିୟାଃଟି ପାର୍ମ୍ଭେଶ୍ୱର ଆୟାଃ ଆପ୍ତନାଃ ହନ୍ ବିଷାଏରେ କାଜିକାଦ୍ତେୟାଃ ଇନିଃ କାଏ ବିଶ୍ୱାସ୍ତେଦା । ୧୦ ଏନ୍ ଗାଞ୍ଜା ନେଆଁ ତାନାଃ, ପାର୍ମ୍ଭେଶ୍ୱର ଆବୁକେ ଜାନାଅ ଜୀଦାନ୍ ଏମାକାଦ୍ବୁଆଏ, ଆତଃ ଏନ୍ ଜୀଦାନ୍ ଆୟାଃ ହନ୍ତାଃରେ ମେନାଃ । ୧୧ ଜେତାଏତାଃରେ ପାର୍ମ୍ଭେଶ୍ୱରଆଃ ହନ୍ ମେନାଇୟା, ଇନିଃ ଜୀଦାନ୍ ନାମାକାଦାଏ, ଆତଃ ଜେତାଏତାଃରେ ପାର୍ମ୍ଭେଶ୍ୱରଆଃ ହନ୍ ବାଙ୍ଗାଲୟା, ଇନିଃ ଜୀଦାନ୍ରି କାଏ ନାମ୍ ।

ଜାନାଅ ଜୀଦାନ୍

୧୨ ଆପେରେ ଜାନାଅ ଜୀଦାନ୍ରେୟାଃ ଜୀଦାନ୍ ମେନାଃ ଏନାପେ ଆବୁକାରେକା ମେନ୍ତେ ଆପେ ପାର୍ମ୍ଭେଶ୍ୱରଆଃ ହନ୍ଆଃ ନୁଡୁମ୍ରେ ବିଶ୍ୱାସ୍ତାନାପେ, ଏନାମେନ୍ତେ ଆଇଙ୍ଗ୍ ଆପେତାଃ ନେ ସବେନାଃଇଙ୍ଗ୍ ଅଲେତାନା । ୧୪ ଆବୁ ବେଗାର୍ ବରତେ ପାର୍ମ୍ଭେଶ୍ୱରଆଃ ଆୟାଃରେ ହିଜୁଃବୁ ଦାଡ଼ିୟା, ଚିୟାଃଟି ଆବୁ ଜେଡ଼ନାଃ ଆୟାଃ ଇଙ୍ଗା ଲେକାବୁ ଆସିରେଦ, ଇନିଃ ଆବୁଆଃ ବିକ୍ରି ଆୟୁମେୟାଏ । ୧୫ ଆତଃ ଆବୁ ଆୟାଃତାଃରେ ବିକ୍ରିକେଦତେ ଜେଡ଼ନାଃ ଆସିତେୟାଃ ଏନା ଆୟୁମାଃଏ, ଏନା ସାର୍ତି ତାନାଃ ମେନ୍ତେବୁ ସାରିତାନା । ଏନାତେ ଆବୁ ଆୟାଃତାଃରେ ବିକ୍ରିକେଦତେ ଆସିକାଦ୍ତେୟାଃ ନାମାକାଦାବୁ ଏନାହରି ସାରିତାନାବୁ ।

୧୬ ଜେତାଏ ଆପେୟାଃ ଖ୍ରୀଷ୍ଟ ହାଗା ଚାଏ ମିଶିକେ ପାପ୍ କାମିତାନ୍ ନେଲିରେ ଆତଃ ଏନ୍ ପାପ୍ ଗଜଃ ଲେକାନାଃ କା ତାଇନ୍ରେ, ଇନିଃ ନାଗେନ୍ତେ ପାର୍ମ୍ଭେଶ୍ୱରତାଃରେ ବିକ୍ରିପେ, ଆତଃ ପାର୍ମ୍ଭେଶ୍ୱର କା ଗଜଃଲେକାନ୍ ପାପ୍ କାମିକାଦ୍ ହଡ଼କକେ ଜୀଦାନ୍ ଏମାକାତାନ୍ଲେକା, ଇନିଃକେହିଁ ଜୀଦାନ୍ ଏମ୍ଦାଡ଼ିୟାଏ । ଚିମିନ୍ ପାପ୍କ ମେନାଃ ଅକ୍ନାଃଟି ଗନ୍ଧାଃତେ ଇଦିୟାଏ, ଏନ୍ ବିଷାଏରେ

* ୫:୩ ୫:୩ ଯୋହାନ୍ ୧୪:୧୫. * ୫:୧୧ ୫:୧୧ ଯୋହାନ୍ ୩:୩୭.

ପାର୍ମେଶ୍ଵାର୍‌ତାଃରେ ବିକ୍ରିପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ୧୭ ସବେନ୍ ଏଡ୍‌କାନ୍ କାମିଗି ପାପ୍ ତାନାଃ, ମେନ୍‌ଦ ସବେନ୍ ପାପ୍ ଗଜଃଲେକାନାଃ ନାହାଁଲାଃ ।

୧୮ ପାର୍ମେଶ୍ଵାର୍‌ରେ ମେନାଲନିଃ ପାପ୍‌ରେ କାଏ ତାଇନ୍ ଦାଡ଼ିୟା ମେନ୍ତେ ଆବୁ ସାରିତାନା, ଚିୟାଃତି ପାର୍ମେଶ୍ଵାର୍‌ଆଃ ହନ୍ ଇନିଃକେ ବାଞ୍ଛାଅଇୟା, ଆତଃ ସାଏତାନ୍ ଇନିୟାଃ ଜେଡ୍‌ନାଃ ଏଡ୍‌କାନ୍ ରିକା କାଏ ଦାଡ଼ିୟା ।

୧୯ ଆବୁ ସାରିତାନାବୁ, ଗଟା ଅତେଦିଶୁମ୍ ଏଡ୍‌କାନ୍‌ନିଆଃ ଆବର୍‌ରେ ମେନାଃରେୟ, ଆବୁ ପାର୍ମେଶ୍ଵାର୍‌ଆଃ ତାନ୍‌ବୁ ।

୨୦ ଆତଃ ପାର୍ମେଶ୍ଵାର୍‌ଆଃ ହନ୍ ହିଲୁଃକେଦ୍‌ତେ ସାର୍‌ତି ପାର୍ମେଶ୍ଵାର୍‌କେ ଆର୍‌କାର୍‌ରୁମ୍ ନାଗେନ୍ତେ ଆବୁକେ ସେଣାଁ ଏମାକାଦ୍‌ବୁଆଏ । ଆବୁ ସାର୍‌ତି ପାର୍ମେଶ୍ଵାର୍‌ରେ ଆତଃ ଆୟାଃ ହନ୍ ଯିଶୁ ଖ୍ରୀଷ୍ଟ୍‌ରେ ମେନାବୁଆ । ଇନିଃଗି ସାର୍‌ତି ପାର୍ମେଶ୍ଵାର୍‌ ଆତଃ ଜାନାଅ ଜାଦାନ୍ ତାନିଃ ।

୨୧ ହେ ଦୁଲାଡ୍, ହନ୍‌କ, ମୁରୁଦ୍ ବଙ୍ଗାକତାଃଏତେ ସାଙ୍ଗିନ୍‌ରେ ତାଇନ୍‌ପେ ।

ଯୋହନଙ୍କ ଲିଖିତ ଦ୍ୱିତୀୟ ପତ୍ର ଯୋହାନ ଅଲୀକାଦ୍ ଏଠାଃ ଚିଟାଉ ପାରିଚାଏ

ଯୋହାନ ଅଲୀକାଦ୍ ଏଠାଃ ଚିଟାଉ ଯୀଶୁ ଖ୍ରୀଷ୍ଟଆଃ ଜାନାମରେୟାଃ ୫୦-୧୦୦ କରେ ପ୍ରେରିତ୍ ହୋହାନ୍ ହରାତେ ଅଲୀକାନ୍ ତାଇକେନା । ଯୋହାନ୍ ଆପାନ୍‌କେ ଅନଲ୍‌ନିଃ ଲେକା ପାରିଚାଏ କାଏ ଏମାଃ, ଏନାରେୟାଃ ବାଦ୍‌ଲାରେ ଜନିଃ ଆପାନ୍‌କେ ପ୍ରାଚିନ୍ ମେନ୍ତେ ପାରିଚାଏ ଏମାଃଏ । ଯୋହାନ୍‌ଆଃ ଏଠାଃ ଚିଟାଉରେୟାଃ ଅନଲ୍ ବିଷାଏକ ଯୋହାନ ଅଲୀକାଦ୍ ସୁକୁକାଜିଲିଃ ମିଦ୍‌ସାମାନ୍‌ଗିଆ । ନେଆଁ ବିଶେଷକେଦ୍‌ତେ ଯୀଶୁକେ ଅକଲେକା, ଜନିଃ ମିହୁଡ୍, ଆତଃମିହୁଡ୍‌କେ ଦୁଲାଡ୍, ବିଷାଏରେ ଯୀଶୁଆଃ ଆନାଟୁକେ ଲାଗାତିଙ୍ଗ୍ ତାନାଃ ମେନ୍ତେ କାଜିୟାଃ, ଏନ୍ ଲେକାଗି ଯୀଶୁଆଃ ଆନାଟୁ ମାନାତିଙ୍ଗ୍‌ତେୟାଃ ହବାଃଅ ତାନାଃ, ଆଇଃକ୍‌କେ ଦୁଲାଡ୍‌ତେୟାଃ ୨ ଯୋହାନ୍ ୧:୫-୬; ଯୋହାନ୍ ୧୫:୯-୧୦ । ନେଆଁ ବିଶ୍ୱାସ୍ୟ ତାନା ଯେ, ଯୋହାନ୍ ଏଠି-ସୁସ୍‌ରେ ତାଇନ୍‌ତାନ୍ ଜମ୍‌ତା, ଯୋହାନ୍ ସୁକୁକାଜିଲିଃ ଯୋହାନ୍‌ଆଃ ଆପିୟା ଚିଟାଉ ହଗି ଅଲୀକାନ୍ ତାଇକେନା, ଏନା ହବାଃଅତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ନେ ଚିଟାଉରେ ସାଲୀକାନ୍ କୁଡି ଆତଃ ଆୟାଃ ହନ୍‌କ ବିଷାଏରେ ପାରିଚାଏ ଏମାକାଦାଏ, ଜନିଃ ଏନା କାଲିସିୟାକେ କାଜିକାଦା । ଯୋହାନ୍‌ଆଃ ନେ ଚିଟାଉ ଅନଲ୍‌ରେୟାଃ ଉଦେଙ୍ଗ୍ ତାନାଃ, ବିଶ୍ୱାସୀକେ ଜୀଉରେ ରାସ୍‌କା ଏମ୍ ଆତଃ ହସଡ୍ ଇତୁକତାଃଏତେ ଚିର୍ଗାଲ୍‌କେଦ୍‌ତେ ତାଇନଃତେୟାଃ ତାନାଃ ।

ପୁଅ ବିତାଉରେ ଅଲୀକାନ୍ କାଜି

- ୧. ଯୋହାନ୍ ନେ ଚିଟାଉରେ ଅକଏୟାଃ ନାଗେନ୍ତେ ଅଲେତାନା, ନେଆଁ କାଜିକେଦ୍‌ତେ ଆୟାଃ ତେଲ୍‌ଦାରମ୍‌କେ ଜହାର୍ କାଜିୟାଏ । ୧:୧-୩
- ୨. ଯୋହାନ୍ କାଲିସିୟାକେ ଜୀଉରେ ରାସ୍‌କା ଏମ୍‌କେଦ୍‌ତେ ମାରାଙ୍ଗ୍ ଆନ୍‌ରୁ ବିଷାଏରେ ପାହାମ୍‌ଜତିକ ତାନା । ୧:୪-୬
- ୩. ଯୋହାନ୍ ହସଡ୍ ଇତୁକଆଃ ବିଷାଏରେ ଚେତାଅକତାନା । ୧:୭-୧୧
- ୪. ଯୋହାନ୍ ଅକ୍‌ତାଃରେ ତାଇନଃତାନା ଏନ୍ତାଃରେନ୍ ବିଶ୍ୱାସୀକେ ଜହାର୍ କାଜିକେଦ୍‌ତେ ଅନଲ୍ ଅଲ୍ ତାବାଏତାନାଏ । ୧:୧୨-୧୩

୧ ପ୍ରାଚିନ୍ ଯୋହାନ୍ ଆଇଙ୍ଗ୍ ତାନିଙ୍ଗ୍, ମିଆଁଦ୍ ସାଲୀକାନ୍ ଆଣ୍‌ଦି କୁଡି ଆତଃ ଆୟାଃ ହନ୍‌କ* ତାଃତେ ନେ ଚିଟାଉ ଅଲେତାନାଇଙ୍ଗ୍ । ଇନ୍‌କୁକେ ଆଇଙ୍ଗ୍ ସାର୍‌ତିଗିଙ୍ଗ୍ ଦୁଲାଡ୍‌କ ତାନା, ଆତଃ ଆଇଙ୍ଗ୍ ଏସ୍‌କାର୍ କା, ମେନ୍‌ଦ୍ ସାର୍‌ତି ସାରିକାଦ୍ ସବେନ୍‌କହିଁ ଦୁଲାଡାଃକ । ୨ ଚିୟାଃତି ଏନ୍ ସାର୍‌ତି ଆଗୁରେ ତାଇନଃତାନା ଆତଃ ଜାନାଏ ଜାକେଦ୍ ଆଗୁଲଃ ତାଇନାଃ ।

୩ ଆପୁ ପାର୍‌ମେଶ୍ୱାର୍ ଆତଃ ଏନ୍ ଆପୁଆଃ ହନ୍ ଯୀଶୁ ଖ୍ରୀଷ୍ଟତାଃଏତେ ସାୟାଦ୍, ଲିବୁଇ ଆତଃ ଜୀଉସୁକୁ ଆଗୁଲଃ ସାର୍‌ତି ଆତଃ ଦୁଲାଡ୍‌ରେ ତାଇନ୍‌କା ।

ସାନାର୍‌ତି ଆତଃ ଦୁଲାଡ୍

୪ ଆପୁ ପାର୍‌ମେଶ୍ୱାର୍‌ଆଃ ଆନାଟୁ ଲେକା ଆମାଃ ଚିମିନ୍ ହନ୍‌କ ସାନାର୍‌ତିରେ ସେସେନ୍‌ତାନ୍ ନେଲ୍‌କେଦ୍‌ତେ ଆଇଙ୍ଗ୍ ପୁରାଃଗିଇଙ୍ଗ୍ ସୁକୁୟାନା । ୫* ହେ ଦୁଲାଡ୍ ମାଈ, ନାହିଁଆଃ ଆଇଙ୍ଗ୍ ନାଏା ଆନ୍‌ରୁ ଅଲେତାନ୍ ଲେକାଦ୍ କାହା ମେନ୍‌ଦ୍ ମୁନ୍‌ଏତେ ଆଗୁତାଃରେ ତାଇକେନ୍ ଆନ୍‌ରୁକେଗି ଅଲ୍‌ତାନ୍‌ଲଃ ବିକ୍ରିପେତାନାଇଙ୍ଗ୍ ଯେ, ଆବୁ ସବେନ୍‌କ ଦୁପୁଲାଡ୍‌ରେଗିବୁ ତାଇନ୍‌କା । ୬ ଆତଃ ଆବୁ ପାର୍‌ମେଶ୍ୱାର୍‌ଆଃ ଆନ୍‌ରୁଲେକାବୁ ସେସେନ୍‌ତାନା, ନେଆଁ ସାର୍‌ତି ଦୁଲାଡ୍‌ତାନାଃ । ଆତଃ ଆପେ ମୁନ୍‌ଏତେ ଆୟୁମାକାଦ୍ ଲେକାଗି ସେସେନ୍‌ପେ, ନେଆଁ ଏନ୍ ଆନାଟୁ ତାନାଃ ।

୭ ଆଇଙ୍ଗ୍ ନେଆଁ କାଜିତାନାଇଙ୍ଗ୍ ଚିଆଃତି ପୁରାଃ ବେଦାହଡ୍‌କ ଅତେଦିଶ୍ୱମ୍‌ରେକ ଅତଙ୍ଗ୍‌କାନା । ଜେତାଏ ଯୀଶୁ ଖ୍ରୀଷ୍ଟକେ ମାନ‌ଏା ହଡ୍‌ମରେ ହିଜୁଃୟାନା ମେନ୍ତେ କା ମାନାତିଙ୍ଗ୍‌ନିଃଗି ବେଦାହଡ୍ ଆତଃ

* ୧:୧ 1:1 ଆଣ୍‌ଦି କୁଡି ଆତଃ ଆୟାଃ ହନ୍‌କ ମେନ୍ତେ କାଜିଲେରେ ହବାସାକଅଆଃ କାଲିସିୟା ଆତଃ କାଲିସିୟାରେନ୍ ହଡ୍‌କକେ କାଜିୟାକାନା ୧:୫ ୧:୫ ଯୋହାନ୍ ୧୩:୩୪; ୧୫:୧୨, ୧୭.

ୟୀଶୁ ଖ୍ରୀଷ୍ଟୁଆଃ ବାଇରି ତାନିଃ । ୮ ଆଲେ ଆପେ ନାଗେନ୍ତେ କାମିକାଦ୍‌ତେୟାଃ ଆଲକାପେ ଆଦେ ଆତଃ ପୁରା ନାଲା ନାମେ ନାଗେନ୍ତେ ଚିର୍ଗାଲାକାନ୍‌ପେ ।

^୯ ଜେତାଏ ଯୀଶୁ ଖ୍ରୀଷ୍ଟୁଆଃ ଇନିତୁରେ କାଏ ତାଇନ୍‌ତାନା, ଏନ୍ ହଡ଼ତାଃରେ ପାର୍‌ମେଶ୍ୱାର୍ ବାଙ୍ଗାଇୟା । ଆତଃ ଜେତାଏ ଯୀଶୁ ଖ୍ରୀଷ୍ଟୁଆଃ ଇନିତୁରେ ତାଇନ୍‌ତାନା, ଏନ୍ ହଡ଼ତାଃରେ ପାର୍‌ମେଶ୍ୱାର୍ ଆତଃ ଆୟାଃ ହନ୍, ନେ ବାରାନ୍‌କିନ୍ ମେନାକିନା । ^{୧୦} ଜେତାଏ ଆପେତାଃତେ ହିଜୁଃକେଦ୍‌ତେ ନେ ଇନିତୁ କାଏ ଇତୁପେରେଦ୍, ଇନିଃକେ ଆପେୟାଃ ଅଡ଼ାଃତେ ଆଲ୍‌ପେ ଦାରମ୍‌ମିୟା ଆତଃ “ଆମାଃ ଜୀଉସୁକୁ ହବାଅଃକା” ମେନ୍ତେ ଆଲ୍‌ପେ କାଜିୟା । ^{୧୧} ଜେତାଏ ଇନିଃକେ ଜହାରିନିଃ, ଇନିୟାଃ ଏଡ଼କାନ୍ କାମିକରାଃ ହାନାଚିଙ୍ଗ୍ ନାମେୟାଏ ।

ଚୁଣ୍ଟ କ୍ୱାଜି

^{୧୨} ଆପେତାଃତେ ପୁରାଃ ଅଲ୍ ନାଗେନ୍ତେ ମେନାଃ, ମେନ୍‌ଦ କାଗାଜ୍ ଆତଃ ସିହାଇତେ ଅଲ୍ ନାଜ୍ କାଇଙ୍ଗ୍ ସାନାଙ୍ଗ୍‌ତାନା । ଆପେତାଃତେ ହିଜୁଃକେଦ୍‌ତେ ନେପେଲ୍‌ରେଇଙ୍ଗ୍ ଜାଗାରେୟା ମେନ୍ତେଇଙ୍ଗ୍ ଆସ୍ତାଏ ତାନା, ଜେଲେକାଚି ଆବୁଆଃ ସୁକୁରାସକା ପୁରାଅଃଆ ।

^{୧୩} ପାର୍‌ମେଶ୍ୱାର୍‌ଆଃ ସାଲାକାନ୍ ଆମାଃ ମିଶି[†]କଆଃ ହନ୍‌କ ଆମ୍‌କେ ଜହାର୍ କାଜିକୁଲ୍‌କାଦାକ ।

[†] ୧:୧୩ 1:13 ନେତାଃରେ ମିଶି, ମେନ୍‌ଲେରେ ହବାସାକାଅଃଆଃ କାଲିସିୟାକେ କାଜିୟାକାନା

ଯୋହନଙ୍କ ଲିଖିତ ତୃତୀୟ ପତ୍ର ଯୋହାନ୍ ଅଲ୍ଲାକାଦ୍ ଆପିୟା ଚିଟାଉ ପାରିଚାଏ

ଯୋହାନ୍‌ଆଃ ଆପିୟା ଚିଟାଉ ଯୋହାନ୍‌ଆଃ ହରାତେ ୫୦-୧୦୦ କରେ ଯିଶୁ ଖ୍ରୀଷ୍ଟିଆଃ ଜାନାମ୍ ତାୟମ୍‌ତେ ଅଲ୍ଲାକାନ୍ ତାଜକେନା । ଯୋହାନ୍ ଆଇଃକକେ ଅନଲ୍‌ନିଃ ଲେକା ପାରିଚାଏ କା ଏମ୍‌କେଦ୍‌ତେ ଆପାନ୍‌କେ ପ୍ରାଚିନ୍ ଲେକା ପାରିଚାଏ ଏମାକାଦାଏ, ଏନ୍‌ଲେକାଗି ଯୋହାନ୍ ଆୟାଃ ଏଟାଃ ଚିଟାଉରେ ପାରିଚାଏ ଏମାକାଦାଏ ୧:୧; ୨ ଯୋହାନ୍ ୧:୧ । ନେଆଁ ବିଶ୍ୱାସଃ ତାନା ଯେ, ଇନିଃ ଏଦିସୁସ୍‌ରେ ତାଜକେନ୍ ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜିଲ୍‌ଃ ଆପିୟା ଚିଟାଉକହଗି ଅଲ୍ଲାକାଦ୍ ତାଜକେନାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ଗାୟସ୍ ନୁତୁମ୍ ମିଆଁଦ୍ ବିଶ୍ୱାସୀକେ ନେ ଚିଟାଉରେ ଉଦ୍‌ବିତାନା । ଇନିଃ ଗାୟସ୍‌କେ ମିଆଁଦ୍ ଗାତି ଲେକା କାଜିକେଦ୍‌ତେ ଏନ୍ ପାର୍‌ଗାନ୍‌ରେ ହରାସେନ୍‌ତାନ୍ ଖ୍ରୀଷ୍ଟିୟାନ୍ ହାଗାକକେ ପେଡ଼ାକ ନାଜ୍ କାଜିକାଉ ତାଜକେନାଏ ।

ପୃଥ୍ ବିଚାରରେ ଅଲ୍ଲାକାନ୍ କାଜି

- ୧. ଯୋହାନ୍ ଆୟାଃ ପାରିଚାଏ ଏମାଃଏ । ୧:୧
- ୨. ଯୋହାନ୍ ଗାୟସ୍‌କେ ଜାଉରେ କେଟେଦ୍‌କେଦ୍‌ତେ ହରାସେନ୍‌ତାନ୍‌କକେ ପେଡ଼ାକ ନାଜ୍ ଇନିତୁ ଏମାଃଏ । ୧:୨-୮
- ୩. ଯୋହାନ୍, ଦିୟତ୍ରାଫା ଆତଃ ଦିମିତ୍ରାୟ, ନେ ବାରହଡ଼କିନାଃ ବିଷାଏରେ କାଜିୟାଃ । ୧:୯-୧୨
- ୪. ତୁଣ୍ଡୁର ଆୟାଃ ଅନଲ୍ ଅଲ୍ ଚାବାକେଦାଏ । ୧:୧୩-୧୪

୧*ପ୍ରାଚିନ୍ ଯୋହାନ୍ ଅଇଜ୍ ତାନିଜ୍, ଆଇୟାଃ ଦୁଲ୍ଲାଡ୍ ଗାୟସ୍‌ତାଃତେ ନେ ଚିଟାଉ ଅଲେତାନାଇଜ୍ । ଇନିଃକେ ଆଇଜ୍ ସାର୍‌ତିଗିଜ୍ ଦୁଲ୍ଲାଡ଼ିତାନା ।

୨ ହେ ଦୁଲ୍ଲାଡ୍ ଗାତି, ଆମାଃ ମନ୍‌ସୁରୁଦ୍ ସୁକୁରେ ମେନାଃଲେକା, ଆମାଃ ସବେନ୍ କାଜିକାମିକରେ ସୁକୁ ହବାଅଃକା ଆତଃ ଆମ୍ ଜାଉସୁକୁରେ ତାଜନମେ ମେନ୍ତେ ଆଇଜ୍ ବିକ୍ରିତାନା । ୩ ଆମ୍ ସାନାରୁଡ଼ିରେ ପାତିୟାରୁଃ ଲେକା ମେନାମେୟା ଆତଃ ସବେନ୍ ଇମ୍‌ତା ସାନାରୁଡ଼ିରେମ୍ ସେସେନ୍‌ତାନା ମେନ୍ତେ ଚିମିନ୍ ବିଶ୍ୱାସୀ ହାଗାକତାଃଏତେ ଗାଝାକ ଆୟୁମ୍‌କେଦ୍‌ତେଇଜ୍ ସୁକୁୟାନା । ୪ ଆଇୟାଃ ହନ୍‌କ ସାନାରୁଡ଼ିରେ ସେସେନ୍‌ତାନାକ ମେନ୍ତେ ଆୟୁମ୍‌ତେୟାଃଏତେ ପୁରାଃ ରାସ୍‌କା ବାନଃଆ ।

ଗାୟସ୍‌ଆଃ ବୁଗିନ୍ କାମିରେୟାଃ ମାନାରାଜ୍

୫ ହେ ଦୁଲ୍ଲାଡ୍ ଗାତି, ଖ୍ରୀଷ୍ଟ ବିଶ୍ୱାସୀ ହାଗା ମିଶିକ ନାଗେନ୍ତେ ନେ'ଲେକାଟି ଇନ୍‌କୁକେ କା ନେଲ୍ ଉରୁମ୍‌କାକରେୟ, ଆପେ ଇନ୍‌କୁକେ ପାତିୟାରୁଃ ଲେକା ମାଜନ୍‌କତାନାପେ । ୬ ଇନ୍‌କୁ କାଲିସିୟା ସାମନାଜ୍‌ରେ ଆମାଃ ଦୁଲ୍ଲାଡ୍ ବିଷାଏରେ ଗାଝାକ ଏମେତାନା । ଆମ୍ ପାରମେଶ୍ୱାର୍‌ଆଃ ମନେଲେକା ଇନ୍‌କୁକେ ଦେଙ୍ଗାକେଦ୍‌ତେମ୍ କୁଲ୍‌କରେଦ୍ ଆମ୍ ବୁଗିନ୍ କାମିମ୍ କାମିୟା । ୭ ଚିୟାଃଟି ଇନ୍‌କୁ ସାଆଁସାର୍ ହଡ଼କତାଃଏତେ ଜେତାନ୍ ଦେଙ୍ଗା କା ଇଦିକେଦ୍‌ତେ ଯିଶୁ ଖ୍ରୀଷ୍ଟିଆଃ ନୁତୁମ୍‌ତେ ସେଝା ନାଗେନ୍ତେକ ଅଡ଼ଙ୍ଗକାନା । ୮ ଏନା ନାଗେନ୍ତେ ଆବୁ ଖ୍ରୀଷ୍ଟିୟାନ୍‌କ ଇନ୍‌କୁକେ ଦେଙ୍ଗାକେଦ୍‌ତେ ସାନାରୁଡ଼ି ଉଦ୍‌ବ ନାଜ୍ ଇନ୍‌କୁଆଃ କାମିରେ ମେସାନ୍ ଲାଗାତିଙ୍ଗୟାଃ ।

ଦିୟତ୍ରାଫା ଆତଃ ଦିମିତ୍ରାୟ

୯ ଆଇଜ୍ ଆପେୟାଃ କାଲିସିୟାତେ ହୁଡ଼ିଙ୍ଗଲେକାଈଜ୍ ଅଲ୍‌କୁଲ୍‌କେଦା, ମେନ୍‌ଦ୍ କାଲିସିୟାରାଃ ଆଗୁଆଇ ହବାଅଃ ନାଜ୍ ସାନାଜ୍‌ତାନ୍ ଦିୟତ୍ରାଫା ଆଇୟାଃ କାଜିକେ କାଏ ଆୟୁମ୍‌କେଦା । ୧୦ ଆଇଜ୍ ଏଡ଼ାଃତେ ହିକୁଃରେ, ଇନିଃ କାମିକାଦ୍ ଏଡ଼କାନ୍ କାମିକ ସବେନାଃଇଜ୍ ଉଦ୍‌ବେୟା । ଇନିଃ ଆଗୁଆଃ ବିରୁଧରେ ଏଡ଼କାନ୍ କାଜି କାଜିକେଦ୍‌ତେ ଆବୁକେ ହିଲ୍‌ଜ୍‌ବୁ ତାନାଏ, ଏନ୍‌ରେୟ କାଏ ଆବରୁୟାନା । ଆତଃ ଇନିଃ ଆଇଃକକି ଖ୍ରୀଷ୍ଟିୟାନ୍ ହାଗାକକେ କାଏ ଦାରମ୍‌କ ତାନା ଚି ଜେତାଏକେ କାଏ ଦାରମ୍‌କଚିକ ତାନା । ଆତଃ ଦାରମ୍‌ନାଜ୍ ସାନାଜ୍‌ତାନ୍‌କକେ କାଲିସିୟାଏତେ ଅଡ଼ଙ୍ଗକତାନା ।

* ୧:୧ ୧:୧ ପ୍ରେରିଡ୍ ୧୯:୨୯; ରୋମି ୧୬:୨୩; ୧ କରିନ୍ଥ୍‌ୟ ୧:୧୪.

^{୧୧} ହେ ଦୁଲ୍ଲଭ, ଗାଢ଼ି, ଏଡ଼କାନ୍ତେୟାଃକ ଆଲମ୍ ଅତଙ୍ଗାଆଁଃ, ମେନ୍ଦ ଦୁଗିନ୍ତେୟାଃକ ଅତଙ୍ଗାୟେମେ । ଜେତାଏ ବୁଗିନ୍ କାମିନିଃ ପାର୍ମେଶ୍ୱାର୍ଆଃ ହଡ଼ ତାନିଃ, ଆତଃ ଜେତାଏ ଏଡ଼କାନ୍ତେୟାଃ କାମିନିଃ ପାର୍ମେଶ୍ୱାର୍କେ କାଏ ସାରିୟା ।

^{୧୨} ଦିମିତ୍ରୀୟଆଃ ବିଷାଏରେ ବୁଗିନ୍ କାଜିତାନ୍ ସବେନ୍କ ଆତଃ ସାନାର୍ତ୍ତିୟଗି ଇନିୟାଃ ବୁଗିନ୍ ବିଷାଏ କାଜିତାନା । ଆଲେୟଗି ଇନିୟାଃ ଗାଝାଲେ ଏମ୍ତାନା ଆତଃ ଆପେ, ଆଲେୟାଃ ଗାଝା ସାର୍ତ୍ତିଗିଆ ମେନ୍ତେପେ ସାରିତାନା ।

ଚୁଣ୍ଡ ଜହାର୍

^{୧୩} ଆଇଙ୍ଗ୍ ଆମ୍ବକେ ପୁରାଃ କାଜି କାଜିରାଃ ମେନାଃ, ମେନ୍ଦ ଏନ୍ ସବେନାଃ ସିହାଇ ଆତଃ କାଲମ୍ବେ ଅଲ୍ ନାଙ୍ କାଇଙ୍ଗ୍ ସାନାଙ୍ଗ୍ତାନା । ^{୧୪} ଆଇଙ୍ଗ୍ ଆମାଃଲଃ ଜାଲ୍ଦିଗିଇଙ୍ଗ୍ ନେପେଲା ମେନ୍ତେଇଙ୍ଗ୍ ଆସ୍ତାକାଦା, ଇମ୍ତା ଆଲାଇଙ୍ଗ୍ ବାରାନ୍କିନ୍ ନେପେଲ୍ରେଲାଇଙ୍ଗ୍ ଜାଗାରେୟା ମେନ୍ତେଇଙ୍ଗ୍ ସାନାଙ୍ଗ୍ତାନା ।

^{୧୫} ଆମାଃ ଜୀଉସ୍ତୁ ହବଃଅକା । ଆମାଃ ସବେନ୍ ଗାଡ଼ିକ ଆମ୍ବକେ ଜହାର୍ ମେନ୍ତେକ କାଜିକୁଲ୍କାଦା । ଆତଃ ଆଲେୟାଃ ଜହାର୍ ଆମାଃ ସବେନ୍ ଗାଡ଼ିକଆଃ ନୁତୁମ୍ ସାବ୍କେଦ୍ତେ ଜହାର୍ ଉଦୁବାକମେ ।

ଯିହୁଦାଙ୍କ ଲିଖିତ ପତ୍ର ଯିହୁଦା ଅଲ୍ଲାକାଦ୍ ଚିଟାଉ ପାରିଚାଏ

ନେ ଚିଟାଉ ଅଲ୍ଲାକାଦ୍‌ନିଆଁଃ ନୁତୁମ୍ ଲେକାରି ନେ ପୁଥିରେୟାଃ ନୁତୁମ୍ ଏମାକାନା । ଯିହୁଦା ଆପାନ୍‌କେ ଯାକୁବ୍, ଯୀଶୁଆଃ ହାଗା ମେନ୍ତେ ଉଦୁବେନ୍ ତାନା । ଏନାତେ ଇନିଃକେ ଯୀଶୁଆଃ ହାଗାକଏତେ ମିହୁଡ୍ ତାନିଃ ମେନ୍ତେ କାଜିୟାଃକ, ଆଧ୍ୟାୟ ୧ । ମାରି ନିୟାମ୍‌ରେୟାଃ ଅନଲ୍‌କେୟାଃକ ନେ ଚିଟାଉରେ ଅଲ୍ଲାକାନ୍ ହରାତେ, ନେଆଁ ମିଆଁଦ୍ କାଲିସିୟାକେ ଅଲ୍ଲାକାନ୍ ଲେକା ଆଡ଼କାରଃଆ । ଯିହୁଦା ଚିଟାଉକେ ପାଢ଼ାଅତାନ୍ ହଡ଼କ, ଯିହୁଦୀ ହଡ଼ ମେନ୍ତେକ ଉଦୁବେନ୍ ତାନା, ଅକନ୍‌କଚି ଆପୁ ପାର୍‌ମେଶ୍ୱାର୍‌ଆଃ ଦୁଲ୍ଲାଡ଼ରେ ଖ୍ରୀଷ୍ଟିଆଃ ନାଗେନ୍ତେ ଦହାକାନାକ, ଆଧ୍ୟାୟ ୧ । ଯିହୁଦା ସବେନ୍ କେଡ଼ାକାନ୍ ହଡ଼କକେ ପାରିଚାଏ ଏମାକାଦ୍‌କଆଏ । ନେ ଚିଟାଉ ହବାସାକାଅଆଃ ଯୀଶୁ ଖ୍ରୀଷ୍ଟିଆଃ ଜାନାମ୍ ତାୟମ୍ ୭୦ କରେ ଅଲ୍ଲାକାନା ।

ନେ ଚିଟାଉ ବିଷେଶ୍‌କେଦ୍‌ତେ ଅକନ୍ ହଡ଼କ ହସଡ଼ଖ୍ରୀଷ୍ଟକେକ ଅତଙ୍ଗ୍‌ତାଲକେନା, ଏନ୍ ସବେନ୍ ଖ୍ରୀଷ୍ଟିୟାନ୍ ହଡ଼କକେ ଚେତାଅକ ନାଗେନ୍ତେ ଅଲ୍ଲାକାନ୍ ତାଲକେନା । ଇନିଃ ଆୟାଃ କାପୁଲିକେ ପକ୍ତାଏ ନାଗେନ୍ତେ ମାରି ନିୟାମ୍‌ରେୟାଃ ଅନଲ୍ ଆତଃ ହବାକାନ୍‌ତେୟାଃ ଅଲ୍‌ମେସାକାଦାଏ । ନେ ଚିଟାଉରେ ହସଡ଼ ଇଡ଼ୁକଆଃ ବିରୁଧ୍‌ରେ ପାଡ଼ରାଏଆଃ ଏଟାଃ ଚିଟାଉରେ ଅଲ୍ଲାକାନ୍‌ତେୟାଃଲଃ ଜକାଃଅତାନା । ନେଆଁରେ ଦୁଡ଼କ ଆତଃ ସଦୋମ୍ ଗମ୍‌ରା ବିଷାଏରେହଗି ଅଲ୍ଲାକାନା ଯିହୁଦା ୧:୪ ପାଦ୍ ଆତଃ ୨ ପାଡ଼ରାଏ ୨:୧ ।

ପୁଥି ଭିତାଉରେ ତାଲକାନ୍ କାଜି

- ୧. ଯିହୁଦା ସିଦାତେ ଆୟାଃ ପାଢ଼ାଅନିକୁକେ ପାରିଚାଏ ଏମାଃଏ । ୧:୧-୨
- ୨. ହସଡ଼ ଇଡ଼ୁକଆଃ ବିରୁଧ୍‌ରେ ଚେତାଅକ ତାନା । ୧:୩-୪
- ୩. ଇନିଃ ମାରି ନିୟାମ୍‌ରେନ୍ ହଡ଼କକେ ଆତଃ ହବାକାନ୍‌ତେୟାଃ ଇଦିକେଦ୍‌ତେ ନାମୁନା ଏମାଃଏ । ୧:୫-୧୭
- ୪. ଯାକୁବ୍‌ଆଃ ଚେନେତାଅ କାଜିରେ ଇନ୍‌କୁଆଃ କାମି ଚିନାଃ ହବାଅଃଆ ଏନ୍ ବିଷାଏରେ କାଜିକାଦା । ୧:୧୭-୨୩
- ୫. ତୁଣ୍ଡୁରେ ପାର୍‌ମେଶ୍ୱାର୍‌କେ ମାଲ୍‌ନାନ୍ ଏମକେଦ୍‌ତେ ଚିଟାଉକେ ଅଲ୍ ଚାବାକେଦା । ୧:୨୪-୨୫

୧୦* ଆଇଙ୍ଗ୍ ଯିହୁଦା, ଯୀଶୁ ଖ୍ରୀଷ୍ଟିଆଃ ମିଆଁଦ୍ ଦାସି, ଆତଃ ଯାକୁବ୍‌ଆଃ ହାଗାତେ ତାନିଙ୍ଗ୍ । ପାର୍‌ମେଶ୍ୱାର୍ ଅକନ୍‌କକେ କେଡ଼ାକାଦ୍‌କଆ, ଆପୁ ପାର୍‌ମେଶ୍ୱାର୍ ଅକନ୍‌କକେ ଦୁଲ୍ଲାଡ଼କାଦ୍‌କଆ, ଆତଃ ଯୀଶୁ ଖ୍ରୀଷ୍ଟି ନାଗେନ୍ତେ ଅକନ୍‌କ ଜାଡ଼ନାଅକେଦ୍‌ତେ ମାଣ୍ଡାଅକାନାକ, ଇନ୍‌କୁତାଃତେ ନେ ଚିଟାଉ ଅଲେତାନାଲଙ୍ଗ୍ ।

୨ ପାର୍‌ମେଶ୍ୱାର୍‌ଆଃ ଲିନିବୁଲ୍, ଜୀଉସୁଲ୍, ଆତଃ ଦୁଲ୍ଲାଡ଼୍, ପୁରାଃଗି ଆପେଲଃ ହବାଃଆକା ।

ହସଡ଼ ଇନିଡ଼ୁକ

୩ ହେ ଦୁଲ୍ଲାଡ଼୍ ହାଗା ମିଗିକ, ଆଇଙ୍ଗ୍ ଆବୁ ସବେନ୍‌କଆଃ ଏନ୍ ମିଆଁଦ୍ ଜୀଉବାଞ୍ଚାଅ ବିଷାଏରେ ପୁରାଃ ଚିହ୍ନୁତାନ୍‌ଲଃ ଆପେତାଃତେ ଅଲ୍ ନାଙ୍ଗ୍ ସାନାଙ୍ଗ୍ ତାଲକେନାଲଙ୍ଗ୍ । ମେନ୍‌ଦ୍ ପାର୍‌ମେଶ୍ୱାର୍ ଆୟାଃ ପାବିତାର୍ ହଡ଼କକେ ମିସାରି ଏମାକାଦ୍‌କ ବିଶ୍ୱାସ୍ ନାଗେନ୍ତେ ଲାଡ଼ାଲ୍ ଆତଃ ଆପେକେ ଜୀଉରେ ରାସକା ଏମ୍ ନାଗେନ୍ତେ ଅଲ୍ ନାଙ୍ଗ୍ ଲାଗାଡ଼ିଙ୍ଗ୍‌ୟାଃ ମେନ୍ତେଇଙ୍ଗ୍ ମନେକେଦା । ୪ ଚିନିନ୍ ହଡ଼କଦ୍ ଉକ୍ତୁଡ଼କେକ ବଲ୍‌ଆକାନା, ଇନ୍‌କୁ ନାଗେନ୍ତେ ନାକ୍ ପାରିୟାଏତେ ନେ ସାଜାଲ୍‌ରେୟାଃ ବିଚାର୍ କାଜିଆୟାରାକାନା । ଇନ୍‌କୁ ଏଡ଼କାନ୍‌କତାନ୍‌କ ଆତଃ ଆବୁଆଃ ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏରେୟାଃ କାଜିକେ ବାଦ୍‌ଲାଏତାନାକ । ଆତଃ ଆବୁଆଃ ମିଆଁଦ୍‌ଗି ଗମ୍‌କେ ଆତଃ ପ୍ରାଭୁ ଯୀଶୁ ଖ୍ରୀଷ୍ଟକେ କାକ ମାନାଡ଼ିଙ୍ଗ୍ ତାନା ।

୫ ପ୍ରାଭୁ ମିସାର୍ ଦିଶୁମ୍‌ଏତେ ଇସାଏଲ୍ ହଡ଼କକେ ବାଞ୍ଚାଅକେଦ୍‌କଆ, ଆତଃ କା ବିଶ୍ୱାସ୍‌ତାନ୍‌କକେ ଜିୟନ୍‌କେଦ୍‌କଆ ନେ ସବେନାଃ ଆପେ ସାରିତାନ୍‌ରେୟା, ଆଇଙ୍ଗ୍ ଆପେକେ ପାହାମ୍‌ଜିଚି ନାଙ୍ଗ୍ ମନେକେଦାଲଙ୍ଗ୍ । ୬ ଦୁଡ଼କ୍ ଆକଆଃ ମାରାଙ୍ଗ୍ ଠାୟାଦ୍ କା ଦହକେଦ୍‌ତେ ଆକଆଃ ତାଲନଃ ଠାୟାଦ୍ ବାରିକେଦାକ । ପାର୍‌ମେଶ୍ୱାର୍ ଇନ୍‌କୁକେ ଏନ୍ ମାରାଙ୍ଗ୍ ସାଜାଲ୍‌ହୁଲ୍‌ଲାଙ୍ଗ୍ ଜାକେଦ୍ ଜାନାଅ ଜାନାଅରେୟାଃ

* ୧:୧ ୧:୧ ମାଥୁର ୧୩:୫୫; ମାର୍କ ୭:୩.

ସିକ୍ତ ତନଲରେ ତଲକେଦତେ ନୁବାଗାକାନୁ ଠାୟାଦରେ ଦହକାଦକଆ, ଏନା ପାହାମେପେ ।^୭ ସୋଦମ୍ ଆତଃ ଗମ୍ବରା, ଆତଃ ହପ୍ତରଜାପାଃକରାଃ ନାଗାରରେନ୍ ହତକକେ ପାହାମକପେ । ଇନ୍କୁ ଆପାଜ୍ଜିରକାମି ଆତଃ କା ବାୟୁଃଲେକାନୁ ଏତକାନକାମିକରେକ ବାଲୁୟନା । ଏତଃ ସବେନକକେ ଚେତାଅ ନାଗେନ୍ତେ ଇନ୍କୁ ଜାନାଅ ସେଜେଲରେ ସାଜାଇକ ନାମେତାନା ।

୮ ଏନଲେକାଗି, କୁମ୍ବନେଲତାନୁ ନେ ସବେନକହରି ଆକଥାଃ ହତ୍ତମକ ସତ୍ତରାଏତାନା, ଆତଃ ପାର୍ବେଶ୍ୱାରୁଆଃ ଆକ୍ତେୟାର କାକ ମାନାଡିଜ୍ ତାନା ଆତଃ ମାନାରାଜ୍ରେୟାଃ ପେଡେଃକେକ ହିଲାଜ୍ ତାନା ।^୯ ଫେନ୍ଦ୍ ମୁଲ୍ ସିର୍ମାଦୁଡ୍ ମିଖେଲ୍ହ ନେ'ଲେକା କାମି କାଏ କାମିକାଦ୍ ତାଇକେନା । ମୁଣା ନାବାରାଃ ଗଏଃ ହତ୍ତମ ଇଦିକେଦ୍ତେ ସାଏତାନଲଃ କାପ୍ତିତାଇକେନ୍ ଇମ୍ତା ମିଖେଲ୍ ନିନ୍ଦାକେଦ୍ତେ ସାଏତାନକେ କାଏ ବିଚାରକାଇ ତାଇକେନା । ପ୍ରାଭୁ ଆମ୍ବକେ ଏଗେରମେକାଏ ମେନ୍ତେ ଇନିଃ କାଜିକାଦ୍ ତାଇକେନାଏ ।^{୧୦} ମେନ୍ଦ୍ ନେ ହତ୍ତକ ଅକ୍ନାଃ କାକ ଆବ୍ବକାରୁରୁମେୟାଁ ଏନ୍ ବିଷାଏରେ ଏତକାନୁ କାଜିକ କାଜିୟା, ଆତଃ ଜାଁତୁ ଲେକା ଆକଥାଃ ସଭାବଲଃ ଆବ୍ବକାରୁରୁମେୟାକ୍, ଆତଃ ଏନ୍ ସବେନାଃ ନାଗେନ୍ତେ ଜିୟନଃଆ ।^{୧୧} ହାଏ, ଇନ୍କୁ ନାଗେନ୍ତେ ନେଆଁ ପୁରାଃ ବରଞ୍ଜନଗିୟା, ଚିୟାଃତି ଇନ୍କୁଦ୍ କୟିନୁଆଃ ଏତକାନୁ ହରାକ ଅତଜ୍ଜକାଦା । ବାଲାମ୍ ଟାକା ପାଏସାରାଃ ହାୟାତେ ଭୁଲ୍ କାମିକେଦାଏ । ଏନ୍ଲେକାଗି ଇନ୍କୁ ବେଦାକାନାକ ଆତଃ କୋରହ ଲେକା ହାଲାଗୁଲାରେକ ଜିୟନଃତାନା ।^{୧୨} ଇନ୍କୁ ବେଗାର୍ ଗିହୁଃତେ ଆପେଲଃ ଜମ୍ ନୁଁ କେଦ୍ତେ ଆପେୟାଃ ଦୁପୁଲାଡ୍, ମେନେସା ଜମେୟାଃରେ ମାଇଲକାନୁ ଦାଗଲେକାନୁକ ତାନୁକ । ଇନ୍କୁ ଆକଥାଃନାଜ୍ ଏସ୍ବକାର୍ ଜାତାନୁଇଦିୟାକ୍, ଇନ୍କୁ ହୟତେ ଅଟାଜ୍ଅଃତାନୁ ଦାଆଃ ବାନଃ ରିମିଲ୍ ଲେକାନୁକ ତାନୁକ । ଇନ୍କୁ ରାବାଜ୍ ସାହାରେ ଜ ବାନଃ ଦାରୁ ଲେକାନୁକ ତାନୁକ, ଆତଃ ରେହେଦ୍ସାମେଦ୍ ତୁଦ୍କେଦ୍ତେ ଗଜକାନୁ ଲେକାନୁକ ତାନୁକ ।^{୧୩} ଇନ୍କୁ ଦରେୟାରାଃ ବରଞ୍ଜନୁ ଆଲ୍ପୁଜ୍ ଲେକାନୁକ ତାନୁକ, ଆକଥାଃ ଗିହୁଗଃ ଲେକାନୁ କାମିକ ପୁଡ୍ରିଦ୍ ଲେକା ଚେତାନୁରେ ନେଲଃତାନା । ଇନ୍କୁ ହନରୁବାଡ୍ତାତାନୁ ଇପିଲ୍ଲକ ଲେକାନୁକ ତାନୁକ, ପାର୍ବେଶ୍ୱାର୍ ଇନ୍କୁନାଜ୍ କୁଲ୍କୁଲ୍ ନୁବାରରେୟାଃ ଗାଡ୍ଡା ଜାନାଅ ଜାନାଅ ନାଜ୍ ଦହକାଦାଏ ।

୧୪ ଆଦାମ୍ପତଃଏତେ ସାଡ୍ କିଲିରେନ୍ ହନୋକ୍ ନୁଡ୍ମ୍ ହତ୍ତ ସିଦା ଦିପିଲିଏତେ ନେ ବିଷାଏରେ ଆୟାବ୍ବକାଜି କାଜିକାଦ୍ ତାଇକେନା : “ପ୍ରାଭୁ ଆୟାଃ ହାଜାର୍ ହାଜାର୍ ପାବିତାର୍ ଦୁଁଡ୍କଲଃ^{୧୫} ସବେନକଥାଃ ବିଚାର ନାଗେନ୍ତେ ହିଜୁଃଆ । କା ଧାର୍ମାନୁ ହତ୍ତକ ଏତକାନୁ କାମିକାଦ୍ ନାଗେନ୍ତେ ଆତଃ ପ୍ରାଭୁଆଃ ବିରୁଧ୍ରେ ଏତକାନୁ କାଜି କାଜିକାଦ୍ ନାଗେନ୍ତେ ଜାତରେ ସାଜାଇ ଏମାକଥାଏ ।”

୧୬ ନେ ହତ୍ତକ ସବେନ୍ ଇମ୍ତା କା ସୁକୁଆନ୍ କାଜିକ କାଜିତାନା ଆତଃ ଏଗଃକକେ ଚିଟାକ ତାନା । ଇନ୍କୁ ଆକଥାଃ ଏତକାନୁ ସାନାଜ୍ଲେକାକ ସେସେନ୍ତାନା, ଆକଥାଃ ମତାଏତେ ମାପ୍ବରାଜ୍ କାଜିକ ଅତଜ୍ଜଅଃତାନା ଆତଃ ଇନ୍କୁ ଆକଥାଃ ବୁଗିନାଃ ନାଗେନ୍ତେ ଏଗଃକଥାଃ ମାଇନାନ୍ କାଜିକ କାଜିୟାଃ ।

ଚେତାଞ୍ଜାନୁ କାଜି ଆତଃ ଇତ୍ତୁଆନ୍ କାଜି

୧୭ ହେ ଦୁଲ୍ଲାଡ୍, ହାଗା ମିଗିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ପ୍ରେରିଡ୍କ ସିଦା ଦିପିଲିରେ କାଜିକାଦ୍ତେୟାଃ ପାହାମେପେ, ^{୧୮} ଇନ୍କୁ ଆପେକେ କାଜିକାଦ୍ପେୟାକ୍, “ବୁଣ୍ଡ୍ ଦିପିଲି ହିଜୁଃରେ, ଆକଥାଃ ଏତକାନୁ ସାନାଜ୍ରେ ସେସେନ୍ତାନୁ ହତ୍ତକ ହିଜୁଃଆ ଆତଃ ଆପେକେ ଲାନ୍ଦାପେୟାକ୍ ।”^{୧୯} ଏନ୍ ହତ୍ତକଗି ବିନଗାଅତେୟାଃ ଏଟେଦାଃକ । ଇନ୍କୁ ଆକଥାଃ ହତ୍ତମରାଃ ଏତକାନୁ ସାନାଜ୍ରେ ସେସେନଃକ ଆତଃ ଇନ୍କୁରେ ପାର୍ବେଶ୍ୱାରୁଆଃ ଆମ୍ବ ବାନଃଆ ।^{୨୦} ମେନ୍ଦ୍ ହେ ଦୁଲ୍ଲାଡ୍, ଆପେ ପାବିତାର୍ ଧାରାମ୍ ବିଶ୍ୱାସ୍ରେ ଆପେୟାଃ ଜୀଞ୍ଜାନୁକେ ବାଇକାତେପେ, ଆତଃ ପାବିତାର୍ ଆମ୍ବରାଃ ପେଡେଃତେ ବିନ୍ତିପେ ।^{୨୧} ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଲିବୁଇତେ ଜାନାଅ ଜୀଦାନୁ ନାମେ ନାଜ୍ ତାଜ୍ଜିତାନୁଲଃ ପାର୍ବେଶ୍ୱାରୁଆଃ ଦୁଲ୍ଲାଡ୍ରେ ତାଇନକାନୁପେ ।

୨୨ ଆଡ଼ାଃଉଡ୍ଝୁଗଃ ତାନୁ ହତ୍ତକଥାଃ ମନ୍ରେ ଲିନିବୁଇ ଉଦୁକକପେ;^{୨୩} ଏଗଃକକେ ସେଜେଲ୍ହେତେ ଆଇଜ୍ ଅତଜ୍ଜକତାନୁ ଲେକା ବଞ୍ଚାଅକପେ, ଆତଃ ଚିମିନ୍ ହତ୍ତକଥାଃ ପାପ୍ତେ ହୁମୁଆକାନୁ ତୁସିଜ୍ ଲିଜାଃକେହ ହିଲାଜ୍ରେୟେ, ମେନ୍ଦ୍ ବରତାନୁଲଃ ଇନ୍କୁକେ ଲିବୁଇକପେ ।

ଧାନ୍ୟାବାଦରାଃ ବିନ୍ତି

୨୪ ଅକଏଚି ଆପେକେ ଗୁହ୍ନାଏତେ ବାଗଅ ଦାଡ୍ରିୟାଏ, ଆତଃ ଆୟାଃ ମାନାରାଜ୍ରେୟାଃ ଆୟାବ୍ରେ ବେଗାର୍ ଚିଟାକାନୁ ଆତଃ ପୁରାଃ ରାସ୍କାତେ ଆଉ ଦାଡ୍ରିୟାଏ,^{୨୫} ଏନ୍ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ

* ୧:୯ ୧:୯ ରନୁଦ୍ କାଜି ୧୨:୭. * ୧:୧୮ ୧:୧୮ ୨ ପାର୍ବରାସ୍ ୩:୩.

ଆବୁଆଃ ନିଆଁଦ୍‌ଗି ଜୀଉବାଞ୍ଚାଅନିଃ ପାର୍‌ମେଶ୍ଵାର୍‌ଆଃ ମାନାରାଜ୍, ମାଇନାନ୍, ପୁରାଃ ପେଡ଼େଃ, ଆଡ଼ଃ
ଆକଡେୟାର୍, ସବେନ୍ ଯୁଗହେତେ ସିଦା, ନାହାଁଃ ଆଡ଼ଃ ଜାନାଅ ଜାନାଅଗି ଆୟାଃ ହବାଅଃକା ! ଆମେନ୍
।

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଯୋହାନ୍‌ଆଃ ନାଗେନ୍ତେ ଉତ୍କଳୁବ୍ କାଜି ପାରିଚାଏ

ଯୋହାନ୍‌ଆଃ ଉତ୍କଳୁବ୍ କାଜି ନାମ୍ନା ନିୟାମରେୟାଃ ଚୁଣ୍ଡୁପୁଅ ତାନାଃ । ନେ ପୁଅ ଯୀଶୁଆଃ ଜାନାମରେୟାଃ ୯୫ ଦିପିଲିକରେ ଯୋହାନ୍‌ଆଃ ହରାତେ ଅଲ୍ଲାନାନ୍ ତାଇକେନା, ୧:୧ । ଜନିଃ ଯୋହାନ୍ ପୁକୁକାଜିଲଃ ଆତଃ ଆପିୟା ଚିଟାଉ ହରି ଅଲ୍ଲାନାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ । ନେ ଯୋହାନ୍‌କେ ଯୀଶୁ ପୁରାଃଚି ଦୁଲ୍ଲାଡ଼ ତାଇକେନା ମେନ୍ତେ ସାରିୟଃ ତାଇକେନା, ଯୋହାନ୍ ୧୩:୨୩ । ଯୋହାନ୍ ଆଇସଲ୍ଲ୍ୟାଣ୍ଡରେୟାଃ ପାଢ଼ିମସ୍ ଟାପୁରେ ତାଇକେନ୍ ଜମ୍‌ତା, ନେ ଉତ୍କଳୁବ୍ କାଜିକେ ଅଲ୍ଲାନାଦ୍ ତାଇକେନା । ଚିୟାଃଚି ଯୀଶୁ ଖ୍ରୀଷ୍ଟଆଃ ପୁକୁକାଜି ଉଦୁବ୍ ନାଗେନ୍ତେ ଏନ୍ତାଃତେ ଜନିଃକେ କୁଲ୍ଲାନାନ୍ ତାଇକେନା, ୧:୯ ।

ଯୀଶୁଆଃ ହିନିକୃଃ ଦିପିଲି ସେଟେର ତାଇକେନ୍ ହରାତେ, ଯୀଶୁ ଖ୍ରୀଷ୍ଟତାଃରେ ପାତିୟାରୁରଃ ଲେକା ତାଇନଃ ନାଗେନ୍ତେ ନେ ପୁଅକେ ପାଢ଼ାଅ ହଡ଼କକେ ଜୀଉରେ କେଟେଦ୍ ଆତଃ ଆସ୍ତା ଏମ୍ ନାଗେନ୍ତେ ଯୋହାନ୍ ନେ ଚିଟାଉ ଅଲ୍ଲାନାଦାଏ, ୧:୩:୨୨-୭ । ଜନିଃ ସବେନ୍ ବିଶ୍ୱାସୀକକେ ଆତଃ ବିଶେଷକେଦ୍‌ତେ ଏୟା କାଲିସିୟାକକେ ନେ ଚିଟାଉ ଅଲ୍ଲାନାଦାଏ, ୨-୩ । ଯୋହାନ୍ ଆୟାଃ ଅନଲ୍ଲରେ ଆୟାରୁକାଜି ୧:୩ ଆତଃ ଆଇଃକ୍ ନେଲ୍ଲାନାଦ୍ ରାକାମ୍ ରାକାମ୍ ମୁରୁଡ଼ ବିଷାଏରେ ଅଲ୍ଲାନାଦା । ନେ ପୁଅରେୟାଃ ଚିମିନ୍ ଅନଲ୍ଲତେୟାଃ ମାରି ନିୟାମରେୟାଃ ଅନଲ୍ଲଲଃ ମିଦ୍‌ଗିୟା, ବିଶେଷକେଦ୍‌ତେ ଜାଖ୍‌ରିୟା ୬:୧-୮ ରେ ନାମେ ତାନାକୁ ।

ଏନା ହବାଅଃତାନା ଏୟା ବିକ୍ଲୁଲ୍‌ବାଜା ଆତଃ ଏୟା ତୁଭାରେୟାଃ ବିଷାଏରେ ଅକଆଃଚି ପାର୍‌ମେଶ୍ୱାର୍ ମିସାରରେନ୍ ହଡ଼କକେ ସାସାତି ଏମ୍ ନାଗେନ୍ତେ ଦୁକୁହାସୁ କୁଲ୍ଲକେଦା ହରାସେନ୍‌ପୁଅ ୭-୯ । ଉତ୍କଳୁବ୍‌ରେୟାଃ ପୁଅ ଚୁଣ୍ଡୁ ଦିପିଲିକେ ଉଦୁବେ ତାନା । ଯୀଶୁ ଚୁଣ୍ଡୁରେ ଜିତାଅଃଖା ଆତଃ ଅକ ହଡ଼କ ଆୟାଃତାଃରେ ଆସ୍ତା ଦହେୟାକ, ଜନୁକୁ ଜାନାଅ ଜାନାଅରି ଆୟାଃଲଃ ତାଇନାଃକ । ନେ ପୁଅ ଆପାନକେ ଚେତାଅ ଆତଃ ଆସ୍ତା ଏମ୍ ତାନାଏ ଯେ, ଯୀଶୁ ଜାଲ୍‌ଦିରି ହିକୃଃତାନା ।

ପୁଅ ଚିଟାବ୍‌ରେ ତାଇକାନ୍ କାଜି

- ୧. ଯୋହାନ୍‌ଆଃ ପାରିଚାଏ ଆତଃ ଆଇଃକ୍ ନେଲ୍ଲାନାଦ୍ ଆୟାରୁକାଜିରେୟାଃ ଦାର୍‌ଗାନ୍ । ୧:୧-୨୦
- ୨. ଯୀଶୁ ଖ୍ରୀଷ୍ଟପାଃଏତେ ଏୟା କାଲିସିୟା ନାଗେନ୍ତେ ଯୋହାନ୍‌ଆଃ କାନାଜି । ୧:୧-୩:୨୨
- ୩. ଏୟା ମୋହୁର୍ । ୪:୧-୮:୫
- ୪. ଏୟା ବିକ୍ଲୁଲ୍‌ବାଜା । ୮:୬-୧୧:୧୯
- ୫. ସାଏତାନଲଃ ହନକଆଃ ଲାଡ଼ାଇ । ୧୨:୧-୧୪:୨୦
- ୬. ଖୁସ୍‌ରେୟାଃ ଏୟା ତୁଭା । ୧୫:୧-୧୬:୧-୧୮
- ୭. ପାର୍‌ମେଶ୍ୱାର୍ ସିର୍ମା ଦିଶ୍‌ମ୍‌ରେ ଆୟାଃ ବାଇରି ସାଏତାନକେ ହାରାଅଇୟା । ୧୭:୧-୨୦:୧୫
- ୮. ନାମ୍ନା ସିର୍ମା ଦିଶ୍‌ମ୍‌ ଆତଃ ନାମ୍ନା ଅତେଦିଶ୍‌ମ୍ । ୨୧:୧-୨୨:୨୧

୧ ପାର୍‌ମେଶ୍ୱାର୍, ଯୀଶୁ ଖ୍ରୀଷ୍ଟତାଃରେ ଉଦୁବାକାଦ୍ କାଜିକ ନେ ପୁଅରେ ଅଲ୍ଲାନାନା, ଅକଆଃଚି ହୁଡ଼ିଲ୍ ଦିପିଲିରେଚି ହବାଅଃ ଲାଗାତିଙ୍ଗ୍‌ୟାଃ । ଏନ୍ ସବେନାଃ ଆୟାଃ ଦାସିକକେ ଉଦ୍‌ବାକ ନାଙ୍ଗ୍ ଖ୍ରୀଷ୍ଟ ଆୟାଃ ଦାସି ଯୋହାନ୍‌କେ ନେ ସବେନାଃ ସାରିକାଏ ମେନ୍ତେ ମିଆଁଦ୍ ଦୁଡ଼କେ ଜନିଃତାଃରେ କୁଲ୍‌କିୟା । ^୨ ଆତଃ ଯୋହାନ୍ ଆଇଃକ୍‌ଚି ନେଲ୍ଲାନାଦ୍‌ତେୟାଃ ସବେନାଃଏ ଉଦୁବ୍‌କେଦା । ନେ ଅନଲ୍ଲରେ ପାର୍‌ମେଶ୍ୱାର୍‌ଆଃ କାନାଜି ଆତଃ ଯୀଶୁ ଖ୍ରୀଷ୍ଟଆଃ ହରାତେ ସାର୍‌ତି କାଜିକ ଉଦୁବାକାନା । ^୩ ଜେତାଏ ନେ ଚିଟାଉରେ ଅଲ୍ଲାନାନ୍ କାଜିକ ପାଢ଼ାଅୟାଏ ଆତଃ ଅକନ୍‌କ ଏନାରେ ଅଲ୍ଲାନାନ୍ ଆୟାରୁକାଜିକେ ଆୟୁକେଦ୍‌ତେକ ମାନାତିୟା, ଜନୁକୁ ସୁକୁତାନ୍‌ଗିୟା, ଚିଆଃଚି ଏନ୍ ସବେନାଃ ହବାଅଃରେୟାଃ ନେତା ନାଡ଼େଃଗିୟା ।

ଏୟା କାଲିସିୟାକକେ ଜହାର୍

୪ *ଯୋହାନ୍ ଏସିଆ ପାର୍‌ଗାନ୍‌ରେ ତାଇନତାନ୍ ଏୟା କାଲିସିୟାକକେ ଆଇଁୟାଃ ଜହାର୍ । ପାର୍‌ମେଶ୍ୱାର୍‌ତାଃଏତେ ଆପେୟାଃ ସାୟାଦ୍ ଆତଃ ଜୀଉସୁକୁ ହବାଅଃକା, ଅକ୍‌ନିଃଚି ମେନାଜନିଃ,

* ୧:୪ ୧:୪ ଉତ୍କଳୁବ୍ କାଜି ୪:୫.

ତାଜକେନନିଃ, ହିକୁଃନିଃ, ଆତଃ ଆୟାଃ ରାଜଗାଦି ସାମନାଙ୍ଗେତେ ତାଜକାନ୍ ଏୟା ଆମ୍ରାତାଃଏତେ, ୫ ଆତଃ ଗନଏଃକଏତେ ପାହିଲା ଜୀଉ ବିରିଦାକାନନିଃ, ପାତିୟାରୁରଃ ଲେକାନ୍ ଗାଞ୍ଜା ଆତଃ ଅତେଦିଶ୍ୱମରେନ୍ ରାଜାକଆଃ ରାଜା ଯୀଶୁ ଖ୍ରୀଷ୍ଟଆଃ ସାୟାଦ୍ ଆତଃ ଜୀଉସ୍ତୁ ଆପେୟାଃ ହବାଅଃକା । ଜନିଃ ଆବୁକେ ଦୁଲାଡ଼୍ ରିକାଃଏ ଆତଃ ଆୟାଃ ଦାଣ୍ଠେ ରାକାବ୍ ଗନଏଃ ହରାତେ ଆବୁକେ ପାପ୍ତହେତେ ରାଡ଼ାକାଦବୁଆ । ୬ *ଆତଃ ଆୟାଃ ଆପୁ ପାର୍ମେଶ୍ୱରଆଃ ସେଞ୍ଜା ନାଗେନ୍ତେ ଜନିଃ ଆବୁକେ ରାଜଜ୍ ରିକାଏ ଲେକା ରାଜାଉଡ଼ି କିଲି ଆତଃ ମିଆଁଦ୍ ଯାଜାକ୍ ଲେକାଏ ବାଜୟାକାଦବୁଆ । ସବେନ୍ ମାନାରାଙ୍ଗ୍ ଆତଃ ପେଡ଼େଃ ଜାନାଅ ଜାନାଅ ଜାକେଦ୍ ଯୀଶୁ ଖ୍ରୀଷ୍ଟଆଃ ହବାଅଃକା ! ଆମେନ୍ ।

୭ *ନେଲେପେ, ଜନିଃ ରିମିଲ୍ରେ ହିକୁଃତାନା, ଅତେଦିଶ୍ୱମରେନ୍ ସବେନ୍ ହଡ଼କ ଜନିଃକେ ନେଲିୟାକ, ଆତଃ ଅକନ୍ଦ୍ ଆଇଃକ୍ରେ କିଲାକାଜ ତାଜକେନାକ ଜନ୍କୁ ହରି ଜନିଃକେ ନେଲ୍ଲକେଦ୍ତେ ବରଞ୍ଜାଇତାନଲ୍ଲଃ ଏୟମେୟାକ । ନେ ସବେନାଃ ସାର୍ତ୍ତିଗି ହବାଅଆଃ ! ଆମେନ୍ ।

୮ *ପେଡ଼େୟାନ୍ ପ୍ରାଭୁ ପାର୍ମେଶ୍ୱର କାଜିତାନାଏ, “ଆଇଙ୍ଗିରି ଏନେବେଦ୍ ଆତଃ ଚୁଣ୍ଡୁ ତାନିଙ୍ଗ୍,” ସିଦାରେ ତାଜକେନାଜଙ୍ଗ୍, ନାହାଁଃ ମେନାଇୟାଁ ଆତଃ ହିକୁଃ ଦିପିଲିରେଇଙ୍ଗ୍ ହିକୁଃଆ ।

ୟୀଶୁ ଖ୍ରୀଷ୍ଟଆଃ ଉଦୁବେନ୍

୯ ଆଇଙ୍ଗ୍ ଯୋହାନ୍, ଆପେୟାଃ ହାଗା, ଆତଃ ଯୀଶୁଆଃ ଅତଜନିଃ ହବାୟାନ୍ତେ ଆୟାଃ ରାଜଜ୍ରେୟାଃ ହଡ଼କ ଚେତାନ୍ରେ ହବାଅଃତାନ୍ ଦୁକୁହାସୁକେ ଧିରାଜ୍ ସାବ୍କେଦ୍ତେ ସାହାତିଙ୍ଗ୍ ନାଗେନ୍ତେ ଆଇଙ୍ଗ୍ ଆପେୟାଃ ମିଆଁଦ୍ ହିସାଦାର୍ ତାନିଙ୍ଗ୍ । ଯୀଶୁ ଉଦୁବକାଦ୍ ସାନାରୁଡ଼ି ଆତଃ ପାର୍ମେଶ୍ୱରଆଃ ବାଚାନ୍ ଉଦୁବକେଦ୍ ହରାତେ ଆଇଙ୍ଗ୍ ପାଦ୍ମସ୍ ଟାପୁଡେଇଙ୍ଗ୍ କୁଲାକାନ୍ ତାଜକେନା । ୧୦ ପ୍ରାଭୁଆଃ ହୁଲାଙ୍ଗ୍ରେ ପାବିତାର୍ ଆମ୍ରା ଆଇଙ୍ଗ୍କେ ଆବ୍‌ରାଅକେଦିୟାଁ, ଆତଃ ଆଇଁୟାଃ ତାୟମସାଃରେ ବିଙ୍ଗ୍ଲୁ ବାଜା ସାଡ଼ିଲେକା ମିଆଁଦ୍ ପୁରାଃଗି ସାଡ଼ିଇଙ୍ଗ୍ ଆୟୁମକେଦା । ୧୧ ଜେତାଏ ମିହୁଡ୍ ଆଇଙ୍ଗ୍କେ କାଜିକେଦିୟାଁ, “ଆମ୍ ନେଲ୍ଲତାନ୍ତେୟାଃ ମିଆଁଦ୍ ପୁଥିରେ ଅଲ୍ଲକେଦ୍ତେ ଦହେମେ ଆତଃ ଏଫିସୁସ୍, ସ୍ପୁର୍ଣ୍ଣା, ପାର୍ଗାମ୍, ଥୁୟଡିଗା, ସାଦ୍ ସ୍, ଫିଲାଦେଲ୍‌ଫିୟା, ଆତଃ ଲାଉଦିକିଆ, ନେ ଏୟା କାଲିସିୟାତାଃତେ ନେ ପୁଥିକେ କୁଲ୍ଲତାମେ ।”

୧୨ ଅକଏ ଆଇଁୟାଃଲଃ ଜାଗାର୍ତାନାଏ, ନେଆଁ ନେଲ୍ ନାଗେନ୍ତେଇଙ୍ଗ୍ ହେତାରୁହାଡ଼କେଦା ଆତଃ ଏୟା ସୋନାରାଃ ଦିଆ ମାଣ୍ଡାଅତେୟାଃ, ୧୩ ଆତଃ ଏନ୍ ଦିଆ ମାଣ୍ଡାଅତେୟାଃରାଃ ଆଲାରେ ମାନଞ୍ଜାହନ୍‌ଲେକା ମିହୁଡ଼କେଇଙ୍ଗ୍ ନେଲ୍‌କିୟା । ଆୟାଃ କାଟା ଜାକେଦ୍ ଜିଲିଙ୍ଗ୍ ଲିଜାଃ ତୁସିଙ୍ଗ୍‌ୟାକାନ୍ ଆତଃ ଆୟାଃ କୁଡ଼ାମ୍ରେ ସୋନାରାଃ କାସ୍ନାତେ ତଲ୍‌ବିହୁରାକାନ୍ ତାଜକେନା । ୧୪ ଜନିୟାଃ ବହଃରାଃ ଉଦ୍, କପା ଚାଏ ବାରାଫ୍ ଲେକା ପୁଣ୍ଡିଗି ତାଜକେନା ଆତଃ ଆୟାଃ ମେଦ୍ ସେଙ୍ଗେଲ୍ ଲେକା ଜୁଲଃତାଜକେନା । ୧୫ ଜନିୟାଃ କାଟା ସେଙ୍ଗେଲ୍ ଭାରିରେ ଫାର୍‌ତିକେଦ୍ତେ ଚାମ୍‌କାଅଃତାନ୍ ପିତାଲ୍ ଲେକା ଝାଲ୍‌ସାଃଅ ତାଜକେନା ଆତଃ ଆୟାଃ ସାଡ଼ି ଲିଙ୍ଗିୟାତାନ୍ ଦାଆଃରାଃ ସାଡ଼ି ଲେକା ଆୟୁମଃ ତାଜକେନା । ୧୬ ଜନିଃ ଆୟାଃ ଜମ୍‌ତିସାଃରେ ଏୟା ଇପିଲ୍‌କକେ ସାବାକାଦ୍‌କ ତାଜକେନାଏ, ଆତଃ ଆୟାଃ ମଚାଏତେ ବାରାନ୍‌ସାଃ ଲେସେରାକାନ୍ ତାରାଉଡ଼ି ଅତଙ୍ଗାଃ ତାଜକେନା, ଆତଃ ଆୟାଃ ମେଦ୍‌ମୁହାଁଡ଼ି ଡିକିନ୍ ସିଙ୍ଗି ଲେକା ଜୁଲଃ ତାଜକେନା । ୧୭ *ଆଇଙ୍ଗ୍ ଜନିଃକେ ନେଲ୍‌ଲଃଗି ଜନିୟାଃ କାଟା ସୁବାରେ ଗଜାକାନନିଃ ଲେକାଜଙ୍ଗ୍ ଉୟୁଃୟାନା । ଜନିଃ ଆଇଁୟାଃ ଚେତାନ୍ରେ ଆୟାଃ ଜମ୍‌ତିଃଇ ଦହକେଦ୍ତେ କାଜିକେଦା, “ଆଲମ୍ ବରଏୟା ! ଆଇଙ୍ଗ୍‌ଦ୍ ଏନେବେଦ୍ ଆତଃ ଚୁଣ୍ଡୁ ତାନିଙ୍ଗ୍ । ୧୮ ଆଇଙ୍ଗିରି ଜାନିଦ୍‌ନିଃ ତାନିଙ୍ଗ୍, ଆଇଙ୍ଗ୍ ଗଜାକାନ୍ ତାଜକେନାଜଙ୍ଗ୍, ମେନ୍‌ଦ୍ ନାହାଁଃ ଆଇଙ୍ଗ୍ ଜାନାଅ ଜାନାଅ ଜାନିଦ୍‌ଗି ତାଜନାଜଙ୍ଗ୍ । ଗନଏଃ ଆତଃ ହୁଆଙ୍ଗ୍‌ଗାଡ଼ା ଚେତାନ୍ରେ ଆଇଁୟାଃ ଆକ୍‌ତେୟାର୍ ମେନାଃ । ୧୯ ଏନାମେନ୍ତେ, ଆମ୍ ନେଲ୍‌କାଦ୍‌ତେୟାଃ, ନାହାଁଃ ହବାଅଃତାନ୍‌ତେୟାଃ, ଆତଃ ତାୟମ୍‌ତେ ହବାଅଃତେୟାଃ ଅଲ୍ଲକେଦ୍ତେ ଦହେମେ । ୨୦ ଆଇଁୟାଃ ଜମ୍‌ତିଃଇରେ ମେନାକ ଏୟା ଇପିଲ୍‌କ ଆତଃ ଏୟା ସୋନାରାଃ ଦିଆ ମାଣ୍ଡାଅତେୟାଃରାଃ ମୁଣ୍ଡି ହବାଅଃ ତାନା, ଏନ୍ ଏୟା ଇପିଲ୍‌କ ମେନ୍‌ଲେରେ ଏୟା କାଲିସିୟାରେନ୍ ଦୁଡ଼କ୍ ତାନ୍‌କ ଆତଃ ଏୟା ଦିଆ ମେନ୍‌ଲେରେ ଏୟା କାଲିସିୟା ତାନାଃ ।

୨

ଏଫିସୁସ୍ କାଲିସିୟା ନାଗେନ୍ତେ କାନାଜି

* ୧:୬ ୧:୬ ଉଦୁବ୍ କାଜି ୫:୧୦. * ୧:୭ ୧:୭ ମାଥୁର ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ ଅପେଲ୍‌କା ୪:୧୭; ଯୋହାନ୍ ୧୯:୩୪, ୩୭; ମାଥୁର ୨୪:୩୦. * ୧:୮ ୧:୮ ଉଦୁବ୍ କାଜି ୨୨:୧୩. * ୧:୧୭ ୧:୧୭ ଉଦୁବ୍ କାଜି ୨:୮; ୨୨:୧୩.

^୧ “ଏଠିସ୍ତସ୍ କାଲିସିୟାରେନ୍ ଦୁଢ଼ତାଃତେ ଅଲେମେ, ଜେତାଏ ଆୟାଃ ଜମ୍ ତିଃଇରେ ଏୟା ଇପିଲ୍ ଆତଃ ଏୟା ସୋନାରେୟାଃ ଦିଆ ଆଲାରେ ହିଜୁଃସେନଃ ରିକାଃଏ, ଇନିଃ ନେଆଁ କାଜିତାନାଏ, ^୨ ଆଇଙ୍ଗ୍ ଆମାଃ କାଜିକାମିକ, କେଟେଦ୍ କାମିକ, ଆତଃ ଧୂରାଜକେଇଙ୍ଗ୍ ସାରିତାନା । ଆମ୍ ଏଡ଼କାନ୍ କାମିତାନକକେ କାମ୍ ସାହାତିଙ୍ଗ୍ ଦାଡ଼ିୟା, ଏନାହ ଆଇଙ୍ଗ୍ ସାରିତାନାଇଙ୍ଗ୍ । ଅକ ହଡ଼କ, ଆପାନକେ ପ୍ରେରିଡ଼ ମେଡ୍ରେକ କାଜିନ୍ତାନା, ମେନ୍ଦ୍ ସାରୁତିରେ ଇନ୍କୁ ପ୍ରେରିଡ଼ ନାହାଁଲାକ, ଇନ୍କୁକେ ବିଡ଼ାଅକେଦ୍ତେ ହସଡ଼ତାନ୍କ ମେଡ୍ରେମ୍ ଆଡ଼କାରକାଦକଆ । ^୩ ଆମ୍ ଧୂରାଜ୍ ସାବାକାଦ୍ ହଡ଼ ତାନ୍ମେ । ଆଇଁୟାଃ ନୁଡ଼ମ୍ ନାଗେଡ୍ରେ ଆମ୍ ଦୁକୁ ସାହାତିଙ୍ଗ୍କେଦ୍ରେୟ କାମ୍ ଲାଗାୟାନା । ^୪ ଏନ୍ରେୟ ଆମାଃ ବିରୁଧ୍ରେ ଆଇଁୟାଃ କାଜି ମେନାଃ, ଆମ୍ ସିଦାରେ ଚିଲ୍ଲକା ଦୁଲାଡ଼ ତାଇକେନାମ୍, ଏନ୍ଲେକା ଆମ୍ ନାହାଁଃ କାମ୍ ଦୁଲାଡ଼ ତାନା । ^୫ ଆମ୍ ଅକଡ଼ାଃଏଡେମ୍ ଉୟୁଗାକାନା, ଏନା ପାହାମେମେ, ଆମାଃ ପାପ୍ହେଡେ ମନ୍ରୁହାଡେମେ ଆତଃ ସିଦା ଲେକା ବୁଗିନ୍ କାମିକ କାମିମେ । ପାପ୍ହେଡେ ମନ୍ କାମ୍ ରୁହାଡେରେଦ, ଆଇଙ୍ଗ୍ ଆମାଃତାଃତେ ହିଜୁଃକେଦ୍ତେ ଆମାଃ ଦିଆ ଦହଡେୟାଃକେଇଙ୍ଗ୍ ଆତମେୟା । ^୬ ମେନ୍ଦ୍ ମିଆଁଦ୍ ବୁଗିନ୍ କାଜି ଆମାଃତାଃତେ ମେନାଃ, ଏନା ହବାଅଃତାନା, ଆଇଙ୍ଗ୍ ନିକଲାତାୟକଆଃ ସବେନ୍ କାଜିକାମିକଇଙ୍ଗ୍ ହିଲାଙ୍ଗ୍ୟେତାନ୍ ଲେକା ଆମ୍ ହଗିମ୍ ହିଲାଙ୍ଗ୍ୟେତାନା ।

^୭ *ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେଡ୍ରେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକ ହଡ଼କ ଜିତାଅଃଃଃକ, ଆଇଙ୍ଗ୍ ଇନ୍କୁକେ ପାରମେଶ୍ଵାରଆଃ ପାରିଦେସରେୟାଃ ବାଗାଇଚାରେ ଜ'ଅଃତାନ୍ ଜୀଦାନ୍ ଦାରୁରାଃ ଜି ଜମେନାଙ୍ଗ୍ ଆକ୍ତେୟାର୍ ଏମାଇୟାଇଙ୍ଗ୍ ।

ସ୍ଵର୍ଣ୍ଣା କାଲିସିୟା ନାଗେଡ୍ରେ କାନାଜି

^୮ *ସ୍ଵର୍ଣ୍ଣା କାଲିସିୟାରେନ୍ ଦୁଢ଼ତାଃତେ ଅଲେମେ, ଅକଏ ପାହିଲା ଆତଃ ଚୁଣ୍ଡ ହାନିଃ, ଗଏଃକେଦ୍ତେ ଆତଃନିପା ଜାଉବିରିଦ୍ୟାନାଏ, ଇନିଃ ନେଆଁ କାଜିତାନାଏ, ^୯ ଆଇଙ୍ଗ୍ ଆମାଃ ସବେନ୍ ନାରାଦୁରା ଆତଃ ଗାରିବଡେୟାଃକଇଙ୍ଗ୍ ସାରିତାନା, ମେନ୍ଦ୍ ସାରୁତି କାଜିଲେରେ ଆମ୍ କିସାଁ ତାନ୍ମେ । ଅକ ହଡ଼କ ଆପାନକେ ଯିହୁଦୀ ମେଡ୍ରେକ କାଜିନ୍ତାନା, ଇନ୍କୁ ଯିହୁଦୀ ନାହାଁଲାକ ମେନ୍ଦ୍ ସାଏତାନ୍ରାଃ ଝୁଣ୍ଡରେ ତାନ୍କ, ଇନ୍କୁଆଃ ନିୟା କାଜିକଇଙ୍ଗ୍ ସାରିତାନା । ^{୧୦} ଆମ୍ ଅକ ଦୁକୁହାସ୍ତ୍ ନାମେ ନାଗେଡ୍ରେମ୍ ସେନ୍ତାନା, ଏନା ନାଗେଡ୍ରେ ଆଲମ୍ ବରଏୟା । ଆୟୁମେମେ, ସାଏତାନ୍ ଆମାଃଏଡେ ଚିମିନ୍ ହଡ଼କକେ ଜେହେଲ୍ ଇଦିକେଦ୍ତେ ବିଡ଼ାଅକଆ । ମେନ୍ଦ୍ ଆମାଃ ନେ ନାରାଦୁରା ଗେଲେୟା ହୁଲାଙ୍ଗ୍ ଜାକେଦ୍ ହବାଅଃଆ । ନେଆଁରେ ଗନ୍ଏଃରାଃ ବର ତାଇନ୍ରେୟ ଆମ୍ ଆଇଁୟାଃ ନାଙ୍ଗ୍ ପାତିୟାବ୍ରେଃ ଲେକାମ୍ ତାଇନଃ ରେଦ, ଆଇଙ୍ଗ୍ ଆମ୍କେ ଜୀଦାନ୍ରେୟାଃ ମ୍କୁଟ୍ ଏମାମେୟାଈଙ୍ଗ୍ ।

^{୧୧} *ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେଡ୍ରେ ଜେତାଏୟାଃ ଲୁଡୁର୍ ମେନାଃନିଃ ଆୟୁମେକାଏ । ଅକନ୍କ ଜିତାଅଃଃଃକ, ଇନ୍କୁଆଃ ବାର୍ଯ୍ୟା ଗନ୍ଏଃ ହବାଅଃରେୟ ଜେଡ଼ନାଃ କା ହାନିୟଃଆ ।

ପାର୍ଗାମ୍ କାଲିସିୟା ନାଗେଡ୍ରେ କାନାଜି

^{୧୨} “ପାର୍ଗାମ୍ କାଲିସିୟାରେନ୍ ଦୁଢ଼ତାଃତେ ଅଲେମେ, ଅକଏତାଃରେ ବାରାନ୍ସାଃ ଲେସେରାକାନ୍ ତାରାଉଡ଼ି ମେନାଃ, ଇନିଃ ନେଆଁ କାଜିତାନାଏ, ^{୧୩} ଆଇଙ୍ଗ୍ ସାରିତାନାଇଙ୍ଗ୍, ଆମ୍ ସାଏତାନ୍ରାଃ ରାଜ୍ଗାଦି ଆୟାବ୍ରେମ୍ ତାଇନଃତାନା । ଏନ୍ରେୟ ଆମ୍ ଆଇଁୟାଃ ନୁଡ଼ମ୍କେ କେଟେୟାନ୍ଗି ସାବାକାଦାମ୍, ଆତଃ ଆମ୍ ଆଇଁୟାଃ ନାଗେଡ୍ରେ ପାତିୟାବ୍ରେଃ ଲେକାନ୍ନିଃ ତାନ୍ମେ । ଆତଃ ଚିମ୍ତା ସାଏତାନ୍ରାଃ ତାଇନଃ ଠାୟାଦ୍ତାଃରେ ଆଇଁୟାଃ ମିଆଁଦ୍ ପାତିୟାବ୍ରେଃ ଲେକାନ୍ ଗାଞ୍ଜା ଏମ୍ନିଃ ଆନ୍ତିପାକେ ଗଏଃକିୟାକ, ଇମ୍ତାହଗି ଆମ୍ ଆମାଃ ବିଶ୍ଵାସ୍ କାମ୍ ବାଗିକେଦା । ^{୧୪} ମେନ୍ଦ୍ ଆଇଁୟାଃ, ଆମାଃ ବିରୁଧ୍ରେ ଚିମିନ୍ କାଜିକ ମେନାଃ । ଏନ୍ତାଃରେ ଆମାଃତାଃ ତାଇନ୍ତାନ୍ ଚିମିନ୍ ହଡ଼କ ବାଲାମ୍ଆଃ ଇନିଡୁକେ ଅଡଙ୍ଗ୍ତାନାକ । ମୁଡ଼ତାଃରେ ଦାନ୍ ରାକାବାକାନ୍ ଜମେୟାଈଃକେ ଜମ୍ନାଙ୍ଗ୍ ଆତଃ ଆପାଙ୍ଗ୍ କାମିକ ରିକା ନାଗେଡ୍ରେ ଇସ୍ତାଏଲ୍ ହଡ଼କକେ ଆରୁକ ନାଙ୍ଗ୍, ବାଲାମ୍, ବାଲାକ୍କେ ଇଡୁକାଇ ତାଇକେନା । ^{୧୫} ଏନ୍ଲେକାଗି ନିକଲାତାୟ ହଡ଼କଆଃ ଇନିଡୁକେ ଅଡଙ୍ଗ୍ତାନ୍ ଚିମିନ୍ ହଡ଼କ ଆମାଃ ଆଲାରେ ମେନାକଆ । ^{୧୬} ଏନାତେ ଆମ୍ ପାପ୍ହେଡେ ମନ୍ରୁହାଡେମେ, କା'ରେଦ ଆଇଙ୍ଗ୍ ଜାଲ୍ଦିଗି ଆମାଃତାଃତେ ହିଜୁଃକେଦ୍ତେ ଆଇଁୟାଃ ମତାଏଡେ ଅଡଙ୍ଗ୍ଅଃତାନ୍ ତାରାଉଡ଼ିଲଃ ଇନ୍କୁଆଃ ବିରୁଧ୍ରେଇଙ୍ଗ୍ ଲାଡ଼ାଇୟା ।

* ୨:୭ ୨:୭ ଉତ୍କଳ କାଜି ୨୨:୨. * ୨:୮ ୨:୮ ଉତ୍କଳ କାଜି ୧:୧୭; ୨୨:୧୩. * ୨:୧୧ ୨:୧୧ ଉତ୍କଳ କାଜି ୨୦:୧୪; ୨୧:୮.

୧୭ “ପାବିତାରୁ ଆମ୍ଭା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁହୁର୍ ଫେନାଃନିଃ ଆୟୁମେକାଏ । ଅକ ହଡକ ଜିତାଅଝାଃକ, ଆଇଙ୍ଗ ଇନକୁକେ ଉକୁଆକାନ୍ ଫାନ୍ନା ଏମାକଆଇଙ୍ଗ, ଇନକୁଏତେ ମିପିଆଦ୍ ହଡକକେ ନାଝା ନୁହୁମ୍ ଅଲ୍ଲାକାନ୍ ମିଆଁଦ୍ ପୁଣ୍ଡି ଦିରି ଏମାକଆଇଙ୍ଗ । ଏନ୍ ନାଝା ନୁହୁମ୍ ଚିନାଃ ତାନାଃ, ଏନା ଏନ୍ ଦିରିକେ ନାମେ ହଡ ବାଗିକେଦ୍ତେ ଏଟାଃ ଜେତା ହଡ କାକ ସାରି ଦାଡ଼ିୟା ।

ଧୂୟତିରା କାଲିସିୟା ନାଗେନ୍ତେ କାନାଜି

୧୮ “ଧୂୟତିରା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏୟାଃ ମେଦ୍ ଜୁଲଃତାନ୍ ସେଙ୍ଗେଲ୍ ଲେକା ଆତଃ ଆୟାଃ ବାରାନ୍ କାଟା ଚାମ୍ବକାଅଃତାନ୍ ପିତାଲ୍ ଲେକା ନେଲଃତାନା, ଏନ୍ ପାର୍ମେଶ୍ୱାର୍ଆଃ ହନ୍, ନେଆଁଏ କାଜିତାନା, ୧୯ ଆଇଙ୍ଗ ଆମାଃ କାଜିକାମିକଇଙ୍ଗ ସାରିତାନା । ଆମାଃ ଦୁଲ୍ଲଡ଼, ବିଶ୍ୱାସ୍, ସୁସାର୍, ଆତଃ ଧିରାନ୍ ଜୀଝାନ୍ ସାରିତାନାଇଙ୍ଗ । ନାହାଁଃ ଆମ୍ କାମିତାନ୍ତେୟାଃ, ସିପାମ୍ କାମି ତାଇକେନ୍ତାଃଏତେ ଆଦ୍କାମ୍ କାମିତାନା । ୨୦ ମେନ୍ଦ୍ ଆମାଃ ବିରୁଧ୍ରେ ଆଇଁୟାଃ ମିଆଁଦ୍ କାଜି ମେନାଃ, ଏନା ହବାଅଃତାନା, କୁଡ଼ିନାବୀ ତାନିଙ୍ଗ୍ ମେନ୍ତେ ଆପାନ୍ତକେ କାଜିନ୍ତାନ୍ ଯିଜେବଲ୍ ନୁହୁମ୍ କୁଡ଼ିକେ ଆମ୍ ଆସ୍ତା ଏମାକାଇଙ୍ଗାମ୍ । ଇନିଃ ଆଇଁୟାଃ ଦାସିକକେ ଆପାଙ୍ଗିର୍ କାମିକ ରିକା ନାଗେନ୍ତେ ଆତଃ ମୁରୁଡ଼କତାଃରେ ଦାନ୍ ରାକାବାକାନ୍ ଜଜମାଃକ ଜମେ ନାଗେନ୍ତେ ଇନକୁକେ ଇହୁତାନ୍ଲଃ ଏଟାଃ ହରାତେ ସୁହୁଃଇଦିକତାନା । ୨୧ ଏନାମେନ୍ତେ ଇନିଃକେ ପାପ୍ତହେତେ ମନ୍ରୁହାଡ଼୍ ନାଙ୍ଗ୍ ନେତା ଏମାକାନା, ମେନ୍ଦ୍ ଇନିଃ ଆୟାଃ ଆପାଙ୍ଗିର୍ କାମିକେ ବାଗି ନାଗେନ୍ତେ କାଏ ସାନାଙ୍ଗ୍ତାନା । ୨୨ ଏନାତେ ଆଇଙ୍ଗ ଇନିଃକେ ଆତଃ ଇନିଃଲଃ ଆପାଙ୍ଗିର୍ କାମିତାନ୍ ସବେନ୍ଦକ ଆକଆଃ ଏଡ଼କାନ୍ କାମିଏତେ କାକ ମନ୍ରୁହାଡ଼୍ରେ, ପୁରାଃଗି ବରଝାନ୍ ଦୁକୁରେଇଙ୍ଗ୍ ଉୟାଃକଆ । ୨୩ ଆୟାଃ ହନ୍ଦକେ ହଗି ଗଏଃକଆଇଙ୍ଗ୍ । ଏନାରେ ସବେନ୍ କାଲିସିୟାକ ସାରିୟାକ ଯେ, ଆଇଙ୍ଗ୍ ମନ୍ସୁରୁଦ୍ ସାରିନିଃ, ମାନଝାରାଃ ସବେନ୍ ଉଡ଼ୁ ଆତଃ ଇଛାସାନାଙ୍ଗ୍ ସାରିନିଃ ତାନିଙ୍ଗ୍ । ଆପେ ମିପିହୁଡ଼୍ ରିକାକାଦ୍ କାମି ଲେକାଗି ଆଇଙ୍ଗ୍ ଏମ୍ ରୁହାଡ଼୍ପେୟାଇଙ୍ଗ୍ ।

୨୪ “ମେନ୍ଦ୍ ଧୂୟତିରାରେ ଆପେକଏତେ ଅକନ୍ ହଡକ ନେ ହସଡ଼ ଇନିତୁ କାପେ ଅତଙ୍ଗକାଦା ଆତଃ ଅକ୍ନାଃକେ ସାଏତାନ୍ରାଃ ଇକିର୍ ଇନିତୁ ମେନ୍ତେ କାଜିୟାଃକ, ଏନାକେ କାପେ ଇତୁକାନା, ଇନକୁକେ ଆଇଙ୍ଗ୍ କାଜିକତାନାଇଙ୍ଗ୍, ଆଇଙ୍ଗ୍ ଆପେ ଚେତାନ୍ରେ ଆତଃ ଜେତାନ୍ ବାହାରମ୍ କାଇଙ୍ଗ ଲାଦିପେୟା । ୨୫ ଆପେତାଃରେ ଅକ୍ନାଃ ମେନାଃ, ଏନା ଏସକାର୍ ଆଇଁୟାଃ ହିଜୁଃ ଜାକେଦ୍ ପୁରାଃ କେଚେଦ୍ୟାନ୍ଗି ସାବ୍କେଦ୍ତେ ଦହକାପେ । ୨୬ ଅକ ହଡକ ଜିତାଅଝାଃକ, ଆତଃ ରୁଣ୍ଡ୍ ଜାକେଦ୍ ଆଇଁୟାଃ ଇଛାସାନାଙ୍ଗ୍ ଲେକାତେ କାମିୟାକ, ଆଇଙ୍ଗ୍ ଆପୁତାଃଏତେ ଅକ ଆକ୍ତେୟାର୍ ନାମାକାଦାଇଙ୍ଗ୍, ଏନା ଇନକୁକେଇଙ୍ଗ୍ ଏମାକଆ । ୨୭ ଅତେଦିଶ୍ୱମ୍ରେୟାଃ ଏଟାଃ ଏଟାଃ କିଲିରେନ୍ ହଡକକେ ମେଡ଼େଦ୍ ସଟାତେ ସାଜାଇ ଏମାକ ନାଗେନ୍ତେ ଆତଃ ହାସାରାଃ ଚାଟୁ ଲେକା ମିଦ୍ ବା଼ ହିସା ରାପୁଦଃ ନାଙ୍ଗ୍, ଆଇଙ୍ଗ୍ ଇନକୁକେ ଆକ୍ତେୟାର୍ ଏମାକଆଇଙ୍ଗ୍ । ୨୮ ଆଇଙ୍ଗ ଇନକୁକେ ଆଙ୍ଗାଅଃ ଇପିଲ୍ ହଗି ଏମାକଆଇଙ୍ଗ୍ ।

୨୯ “ପାବିତାରୁ ଆମ୍ଭା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁହୁର୍ ଫେନାଃନିଃ ଆୟୁମେକାଏ ।

୩

ସାଦ୍ ସ କାଲିସିୟା ନାଗେନ୍ତେ କାନାଜି

୧ “ସାଦ୍ ସ କାଲିସିୟାରେନ୍ ଦୁଁଡ଼ତାଃତେ ଅଲେମେ, ପାର୍ମେଶ୍ୱାର୍ଆଃ ଏୟା ଆମ୍ଭା ଆତଃ ଏୟା ଇପିଲ୍ ସାବାକାଦ୍ନିଃତାଃଏତେ ନେ କାନାଜି । ଆଇଙ୍ଗ୍ ଆମାଃ କାମିକଇଙ୍ଗ ସାରିତାନା, ଆମ୍ ନୁହୁମ୍ତେ ଏସକାର୍ ଜାନିଦ୍ ମେନାମେୟା, ମେନ୍ଦ୍ ସାର୍ତ୍ତି କାଜିଲେରେ ଗଜାକାନାମ୍ । ୨ ଏନାମେନ୍ତେ ଏୟନଃମେ ଆତଃ ଆମାଃତାଃରେ ଅକଆଃ ମେନାଃ, ଏନା ପୁରାଃଗି ଜିୟନଃ ସିଦାରେ ଏନାକେ ପକ୍ତାଏମେ । ଚିୟାଃଚି ଆଇଙ୍ଗ ସାରିତାନାଇଙ୍ଗ୍, ଆମାଃ କାମିକ ପାର୍ମେଶ୍ୱାର୍ଆଃ ଆୟାରରେ ନାହାଁଃ ଜାକେଦ୍ କା ପକ୍ତାକାନା । ୩ *ଆମ୍ବକେ ଅକଆଃ ଇତୁଆକାନ୍ ତାଇକେନା ଆତଃ ଆମ୍ ଅକଆଃ ଆୟୁମାକାଦ୍ ତାଇକେନାମ୍, ଏନାକେ ପାହାମ୍ବକେଦ୍ତେ ମାନାତିୟେମେ ଆତଃ ଆମାଃ ପାପ୍ତହେତେ ମନ୍ରୁହାଡ଼୍ରେ । ଆମ୍ କାମ୍ ଏୟନଃରେଦ୍, ଆଇଙ୍ଗ୍ ଆମାଃତାଃତେ କୁମ୍ବୁକୁ ଲେକାଇଙ୍ଗ୍ ହିଜୁଃଆ । ଅକ ଦିପିଲିରେଇଙ୍ଗ୍

* ୨:୧୭ ୨:୧୭ ଯୋହାନ୍ ୬:୫୮-୫୦. * ୩:୩ ୩:୩ ମାଥୁର ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ୍ କାଜି ୧୭:୧୫.

ହିନ୍ଦୁଆ, ଏନା ଆମ୍ଭ କାମ୍ ସାରିଦାଡ଼ିୟା ।^୪ ଫେନ୍ଦ୍ ସାଦ୍ ସ୍ଵରୋ ଆପେକ୍ୟତେ ଚିମିନ୍ ହଡ଼କ ଏସକାନ୍ ଆକଥାଃ ଲିଜାଃ ନିରାଲ୍ଲଗି ଦହକାଦାକ । ଇନ୍ଦୁ ପୁଣ୍ଡି ଲିଜାଃ ତୁସିଙ୍ଗକେଦ୍ତେ ଆଇଁୟାଃଲଃ ହିନ୍ଦୁସେନଃ ରିକାଏୟାକ, ଚିଆଃଚି ଇନ୍ଦୁ ନେଆଁ ରିକା ଦାଡ଼ିକାଦାକ ।^୫ ଅକ ହଡ଼କ ଜିତାଅଃଃଃ, ଇନ୍ଦୁ ନେଲେକା ପୁଣ୍ଡି ଲିଜାଃ ତୁସିଙ୍ଗଅଃଆକ । ଜୀଦାନ୍ରେୟାଃ ପୁଅକ୍ୟତେ ଇନ୍ଦୁଆଃ ନୁତୁମ୍ ଚିତଲାହ କା ଜିୟନଃଆ । ଆଇଁୟାଃ ଆପୁ ଆତଃ ଆୟାଃ ଦୁଁଡକଆଃ ଆୟାଃରେ ଇନ୍ଦୁକେ ଆଇଙ୍ଗ, ଆଇଙ୍ଗକେ ଅତଙ୍ଗତାନ୍ ହଡ଼କତାନ୍କ ଫେଟ୍ଟେଇଙ୍ଗ କାଜିୟା ।

^୬ “ପାବିତାର୍ ଆମ୍ଭା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେଟ୍ଟେ ଜେତାଏୟାଃ ଲୁତୁର୍ ଫେନାଃନିଃ ଆୟୁମେକାଏ ।

ଫିଲାଦେଲ୍ଫିୟା କାଲିସିୟା ନାଗେଟ୍ଟେ କାନାଜି

^୭ “ଫିଲାଦେଲ୍ଫିୟା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଜେତାଏ ପାବିତାର୍ ଆତଃ ସାର୍ଚ୍ଚିନିଃ ତାନିଃ, ଇନିଃତାଃଏତେ ନେ କାନାଜି ଆୟୁମେପେ, ଇନିଃତାଃରେ ଦାଉଦ୍ ଆଃ ଚାଢି ଫେନାଃ, ଇନିଃ ଅକ ଦୁଆର୍ ନିଜାଃଏ, ଏନାକେ ଜେତାଏ କାକ ହାଣ୍ଡେଦ୍ ଦାଡ଼ିୟା ଆତଃ ଇନିଃ ଅକନାଃ ହାଣ୍ଡେଦାଃଏ, ଏନାକେ ଜେତାଏ କାକ ନିଜ୍ ଦାଡ଼ିୟା । ି ଆଇଙ୍ଗ ଆମାଃ କାଜି କାମିକଇଙ୍ଗ ସାରିତାନା, ନାହାଁଃ ଜାକେଦ୍ ଆମାଃ କାଟିଃଲେକା ପେଡ଼େଫେନାଃ, ନେଆଁହଗି ସାରିତାନାଇଙ୍ଗ । ଆମ୍ଭ ଆଇଁୟାଃ ଇନିତୁକମ୍ ମାନାଡିଙ୍ଗକାଦା ଆତଃ ଆଇଁୟାଃ ନୁତୁମ୍ କାମ୍ ବାଗିୟାକାଦା । ଏନାତେ ଆଇଙ୍ଗ ଆମାଃ ଆୟାଃରେ ମିଆଁଦ୍ ଦୁଆର୍ ନିଜାକାଦାଇଙ୍ଗ, ଏନାକେ ଜେତାଏ କାକ ହାଣ୍ଡେଦ୍ ଦାଡ଼ିୟା ।^୮ ଆୟୁମେମେ, ଅକ ହଡ଼କ ଯିହୁଦୀ ନାହାଁଲାଃକ, ଫେନ୍ଦ୍ ବେଦାତେ ଆପାନ୍କେ ଯିହୁଦୀ ଫେଟ୍ଟେକ କାଜିନ୍ଦତାନା, ନେଲେକାନ୍ ସାଏତାନ୍ରାଃ ଝୁଣ୍ଡରେନ୍ ହଡ଼କକେ ଆଇଙ୍ଗ ଆମାଃ କାଟା ଲାତାରେଇଙ୍ଗ ଜହା଼ଇଚିକଥା । ଆତଃ ଆଇଙ୍ଗ ଆମ୍ଭକେ ଦୁଲ୍ଲାଡ଼ତାନାଇଙ୍ଗ ଫେଟ୍ଟେ ଇନ୍ଦୁ ସାରିୟାକ ।^୯ ଚିୟାଃଚି ଆମ୍ଭ ଆଇଁୟାଃ କାନାଜି ଧୂରାଜ୍ ସାବ୍କେଦ୍ତେମ୍ ମାନାଡିଙ୍ଗକାଦା । ଏନାତେ ଅତେଦିଶୁମ୍ରେନ୍ ହଡ଼କକେ ବିଡ଼ାଅକ ନାଗେଟ୍ଟେ ଗଟା ଅତେଦିଶୁମ୍ରେ ସାସାଡିରାଃ ବିନିତାଅ ହିନ୍ଦୁଆ ଇମ୍ତା ଆଇଙ୍ଗ ଆମ୍ଭକେ ଏନାଏତେ ବାଞ୍ଛାମେୟାଈଇଙ୍ଗ ।^{୧୦} ଆଇଙ୍ଗ ଜାଲ୍ଦିଗିଇଙ୍ଗ ହିନ୍ଦୁଆ, ଆମାଃତାଃରେ ଅକଥାଃ ଫେନାଃ, ଏନାକେ ବାଞ୍ଛାଅକେଦ୍ତେ ଦହକାମେ, ଜେଲେକାଚି ଆମାଃତାଃଏତେ ଆମାଃ ଜିନିତାଅ ମ୍ଭୁବ୍ବକେ ଜେତାଏ ଆଲକାକ କୁମ୍ଭୁଲ୍ଲକା ।^{୧୧} ଈଡ଼ିତାଅକାନ୍ନିଃକେ, ଆଇଙ୍ଗ ଆଇଁୟାଃ ପାର୍ମେଶ୍ଵାର୍ ଆଃ ମାଦିର୍ରେ ଖୁଣ୍ଟ ଲେକାଇଙ୍ଗ ବାଈୟା ଆତଃ ଇନିଃ ଚିତଲାଅ ଏନ୍ତାଃଏତେ କାଏ ସେନଃଆ । ଆଇଙ୍ଗ ଆୟାଃ ଚେତାନ୍ରେ ପାର୍ମେଶ୍ଵାର୍ ଆଃ ନୁତୁମ୍ ଅଲେୟାଈଇଙ୍ଗ । ସିମା ଦିଶୁମ୍ରେନ୍ ଆଇଁୟାଃ ପାର୍ମେଶ୍ଵାର୍ତାଃଏତେ ହିନ୍ଦୁତାନ୍ ପାର୍ମେଶ୍ଵାର୍ ଆଃ ନାଗା଼ରେୟାଃ ନୁତୁମ୍ ହଗି ଆୟାଃ ଚେତାନ୍ରେ ଅଲେୟାଈଇଙ୍ଗ । ଏନ୍ ନାଗା଼ରେୟାଃ ନୁତୁମ୍ ନାଞ୍ଚା ଯାରୁଶାଲେମ୍ । ଆଇଙ୍ଗ ଆଇଁୟାଃ ନାଞ୍ଚା ନୁତୁମ୍ ହଗି ଆୟାଃ ଚେତାନ୍ରେ ଅଲେୟାଈଇଙ୍ଗ ।

^{୧୨} “ପାବିତାର୍ ଆମ୍ଭା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେଟ୍ଟେ ଜେତାଏୟାଃ ଲୁତୁର୍ ଫେନାଃନିଃ ଆୟୁମେକାଏ ।

ଲାଉଦିକିଆ କାଲିସିୟା ନାଗେଟ୍ଟେ କାନାଜି

^{୧୩} “ଲାଉଦିକିଆ କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏ ନେ ସବେନ୍ ଆମ୍ଭକେ କାଜିତାନାଏ, ଇନିଃ ଆମେନ୍, ପାଡିୟା଼ରେ ଲେକାନ୍ନିଃ ଆତଃ ସାର୍ଚ୍ଚି ଗାଞ୍ଚା ତାନିଃ । ପାର୍ମେଶ୍ଵାର୍ ବାଈୟାକାଦ୍ ସବେନ୍ ବିଷାଏରେୟାଃ ଏନେଟେଦ୍ନିଃ, ନେଆଁଏ କାଜିତାନା,^{୧୪} ଆଇଙ୍ଗ ଆମାଃ କାଜି କାମିକଇଙ୍ଗ ସାରିତାନା, ଆମ୍ଭ ରେହାଡ଼୍ ବାଙ୍ଗମେୟାଁ ଚାଏ ଲଲ ବାଙ୍ଗମେୟାଁ, ନେଆଁ ଆଇଙ୍ଗ ସାରିତାନାଇଙ୍ଗ । ଆମ୍ଭ ରେହାଡ଼୍ ଚାଏ ଲଲ ତାଇନ୍କାରେଦ୍, ବୁଗିନାଃ ହବାଅଃତେୟାଃ ।^{୧୫} ଫେନ୍ଦ୍ ଆମ୍ଭ ରେହାଡ଼୍ ଚାଏ ଲଲ କା ହବାକେଦ୍ତେ ଉର୍ଗୁମିଗି ଫେନାମେ ହରାତେ, ଆଇଙ୍ଗ ଆମ୍ଭକେ ଆଇଁୟାଃ ମତାଏତେଇଙ୍ଗ ବେଏକ୍ ଅତଙ୍ଗମେୟାଁ ।^{୧୬} ଆମ୍ଭ କାଜିତାନାମ୍, ‘ଆଇଙ୍ଗ କିସାଁଗିୟାଈଇଙ୍ଗ ଆତଃ ପୁରାଃଚି ଖୁଜ୍ କ ଫେନାଃ, ଆଇଁୟାଃ ଲାଗାଡିଙ୍ଗତେୟାଈକ ସବେନାଃ ଫେନାଃ ।’ ଏନ୍ରେୟ ଆମ୍ଭ ସାର୍ଚ୍ଚିଗି ଚିମିନ୍ ନାରାଦୁରା ଆତଃ ଲିନିବୁଇ ନାମେ ଲେକାନିଃ ତାନ୍ମେ, ନେଆଁ କାମ୍ ସାରିତାନା । ଆମ୍ଭ ଗାରିବ୍, ସାମାହଡ଼ମ୍, ମେଦ୍ କା ନେଲ୍ ଦାଡ଼ିନିଃ ତାନ୍ମେ ।^{୧୭} ଏନାମେଟ୍ଟେ ଆଇଙ୍ଗ ଆମ୍ଭକେଇଙ୍ଗ ଆତୁମେତାନା, କିସାଁଃଃ ନାଗେଟ୍ଟେ ଆଇଙ୍ଗତାଃଏତେ ଫା଼ଚି ସୋନା କିରିଙ୍ଗୟେମେ, ଆତଃ ପୁଣ୍ଡି ଲିଜାଃ ହଗି କିରିଙ୍ଗୟେମେ,

* ୩:୫ ଉତ୍କଳ କାଜି ୨୦:୧୨; ମାଥୁର ୧୦:୩୨; ଲୁକ ୧୨:୮. * ୩:୧୨ ୩:୧୨ ଉତ୍କଳ କାଜି ୨୧:୨.

ଏନାରେ ଆମ୍ଭ ଆମାଃ ଗିହୁଗାନ୍ ସାମାହତ୍ୟାକେ ଦାନାଙ୍ଗ ଦାଡ଼ିୟାମେ । ନେଲ୍ ଦାଡ଼ି ନାଗେନ୍ତେ ମେଦରେ ଗସଃ ନାଙ୍ଗ ଆଇଙ୍ଗତାଃଏତେ କାଜାଲ୍ କିରିଙ୍ଗୟେମେ ।^{୧୯} *ଆଇଙ୍ଗ ଅକ ହତକକେ ଦୁଲ୍ଲାଡ଼ାଃଇଙ୍ଗ, ଇନ୍ଦ୍ରକେ ସୁଧରାଅ ନାଙ୍ଗ ସାଜାଇ ଏମାଃଇଙ୍ଗ । ଏନାମେନ୍ତେ ଆମାଃ ମନ୍ଦସୁରୁଦ୍ଲଃ ପାଠ ହରାଏତେ ମନ୍ଦରୁହାଡ଼େମେ ।^{୨୦} ନେଲେମେ, ଆଇଙ୍ଗ ଦୁଆରତାଃରେ ତିଙ୍ଗୁକେଦତେ ଦୁଆରୁ ଠକ୍ ଠକାଅ ତାନାଇଙ୍ଗ, ଜେତାଏ ଆଇଁୟାଃ ଲାଦ୍ଜା ଆୟୁମକେଦତେ ଦୁଆରୁ ନିଜେୟାଏ, ଆଇଙ୍ଗ ଆୟାଃ ଅତାଃ ଭିତାରତେ ହିନ୍ଦୁଃକେଦତେ ଆୟାଃଈଃ ଜମେୟାଈଙ୍ଗ ଆତଃ ଇନିଃ ଆଇଁୟାଈଈଈ ଜମେୟାଏ ।^{୨୧} ଆଇଙ୍ଗ ଜେଲେକା ଜିତାଅକେଦତେ, ଆଇଁୟାଃ ଆପୁଲଃ ଆୟାଃ ରାଜଗାଦିରେ ଦୁବାକାନାଇଙ୍ଗ, ଏନ୍ ଲେକାଗି ଅକ ହତକ ଜିତାଅଃଃଃ, ଆଇଙ୍ଗ ଇନ୍ଦ୍ରକେ ଆଇଁୟାଈଈଈ ଆଇଁୟାଈ ରାଜଗାଦିରେ ଦୁବ ନାଗେନ୍ତେଇଙ୍ଗ ଏମାକଆ ।

^{୨୨} “ପାବିତାରୁ ଆମ୍ଭା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁଚୁର ମେନାଃନିଃ ଆୟୁମେକାଏ ।”

୪

ସିର୍ମାରେ ପାରମେଶ୍ୱରଆଃ ସୁନ୍ନସାର

^୧ ନେ ନେତାରେଗି ଆଇଙ୍ଗ ଆତଃମିଆଁଦ ଦାର୍ଗାନ୍ ନେଲ୍କେଦାଇଙ୍ଗ । ସିର୍ମା ଦିଶ୍ୱମ୍ରେ ଦୁଆରୁ ନିଜାକାନ୍ ତାଇକେନା ଆତଃ ବିକ୍ତୁଲ୍ ବାଜା ସାଡ଼ି ଲେକା ମିଆଁଦ ଲାଦ୍ଜା ଆଇଙ୍ଗକେ କାଜିତାନ୍ ଆୟୁମକେଦାଇଙ୍ଗ, “ନେତାଃରେ ହିନ୍ଦୁଃମେ, ଆତଃ ତାୟମତେ ଅକନାଃ ହବଅଥଆ ଏନା ଆଇଙ୍ଗ ଆମ୍ଭକେଇଙ୍ଗ ଉଦୁବାମେୟା ।”^୨ ଆଇଙ୍ଗ ଇମ୍ତାଗି ପାବିତାରୁ ଆମ୍ଭତେଇଙ୍ଗ ପେରେଃୟାନା ଆତଃ ନେଲ୍କେଦାଇଙ୍ଗ, ସିର୍ମା ଦିଶ୍ୱମ୍ରେୟା ମିଆଁଦ ରାଜଗାଦିରେ ଜେତାଏ ମିହୁଡ଼ ଦୁବାକାନାଏ ।^୩ ଆୟାଃ ମେଦମୁହାଁଡ଼ ହିରା ଆତଃ ମତି ଲେକା ଝାଲ୍ସାଃଅ ତାଇକେନା, ଆତଃ ରାଜଗାଦିରେୟାଃ ଚାରିୟସାଃରେ ଗନଙ୍ଗମିଆଁଦ ଦିରେ ଲେକା ମିଆଁଦ ଲୁରବିଙ୍ଗ* ତାଇକେନା ।^୪ ଆତଃ ଏନ୍ ରାଜଗାଦିରାଃ ଚାରିୟସାଃରେ ବାରୁହିସି ଉପୁନିୟା ଏଟାଃ ରାଜଗାଦି ତାଇକେନା । ଏନ୍ ବାରୁହିସି ଉପୁନିୟା ରାଜଗାଦିରେ ବାରୁହିସି ଉପୁନିୟା ପ୍ରାଚିନ୍ଦକ ଦୁବାକାନ୍ ତାଇକେନା । ଇନ୍ଦ୍ର ପୁଣ୍ଡି ଲିଜାଃଆତଃ ଅକଆଃ ବହଃରେ ସୋନାରେୟାଃ ମୁକ୍ତୁ ବୁସିଙ୍ଗକାନ୍ ତାଇକେନାକ ।^୫ ଏନ୍ ରାଜଗାଦିଏତେ ହିଚିରାଃ ମାର୍ଯାଲ୍ ଆତଃ ରିମିଲ୍ରାଃ ସାଡ଼ି ଆୟୁମଃ ତାଇକେନା । ରାଜଗାଦି ହେପାଦରେ ଏୟା ଜୁଲ୍ତାନ୍ ଦିଆ ତାଇକେନା । ନେ ଦିଆ ପାରମେଶ୍ୱରଆଃ ଏୟା ଆମ୍ଭା ତାନାଃ ।^୬ ଆତଃ ରାଜଗାଦି ଆୟାଃରେ କାଁଡ଼ ଲେକା ନିରାଲ୍ ଦରେୟା ନେଲଃ ତାଇକେନା । ଏନ୍ ରାଜଗାଦିରାଃ ଚାରିୟସାଃରେ ଉପୁନିୟା ଜାନିଦ୍ ଜାଁତୁ ତାଇକେନାକ । ଏନ୍ ଜାନିଦ୍ ଜାଁତୁକଆଃ ଆୟୁରୁ ତାୟମ୍ ବାରାନ୍ସାଃରେ ମେଦତେ ପେରେଜାକାନ୍ ତାଇକେନା ।^୭ ପାହିଲା ଜାଁତୁ କୁଲା ଲେକାଏ ନେଲଃ ତାଇକେନା, ଏଟାଃନିଃ ବାଞ୍ଛା ଲେକାଏ ନେଲଃ ତାଇକେନା । ଆପିୟାନିୟାଃ ମେଦମୁହାଁଡ଼ ହତରାଃ ମେଦମୁହାଁଡ଼ ଲେକା ତାଇକେନା ଆତଃ ଉପୁନିୟାନିଃ ଆଫିରତାନ୍ ବାଜ୍ ଲେକାଏ ନେଲଃ ତାଇକେନା ।^୮ ନେ ଉପୁନିୟା ଜାଁତୁକଆଃ ତୁରିୟା ଆପୁରବ୍ ତାଇକେନା । ନେ ଜାଁତୁକଆଃ ଭିତାରୁ ଆତଃ ବାହାରି ଚାରିୟସାଃରେ ମେଦତେ ପେରେଜାକାନ୍ ତାଇକେନା । ଇନ୍ଦ୍ର କୁ ନିଦାସିଙ୍ଗି ବେଗାଡ଼ ରୁଡ଼ତୁତ କାଜିତାଇକେନାକ,

“ଏବେନ୍ ପେଡ଼େୟାନ୍ ପ୍ରାଭୁ ପାରମେଶ୍ୱର ପାବିତାରୁ, ପାବିତାରୁ, ପାବିତାରୁ ।

ଇନିଃ ସିଦା ତାଇକେନିଃ, ନାହାଃ ମେନାଈନିଃ ଆତଃ ହିନ୍ଦୁ ଦିପିଲିରେ ତାଇନଃନିଃ ।”

^୯ ଏନ୍ ଉପୁନି ଜାନିଦ୍ ଜାଁତୁକ ରାଜଗାଦିରେ ଦୁବାକାନ୍ ଜାନାଅ ଜାନାଅ ଜାକେଦ୍ ତାଇନଃନିଃକେ ମାନାରାଙ୍ଗ, ମାଇନାନ୍ ଆତଃ ଧାନାବାଦ୍ ଏମକେଦତେ ଆୟାଃ ଦୁରାଙ୍ଗତାନ୍ ତାଇକେନ୍ଦ ଇମତା,^{୧୦} ସିଦାରେନ୍ ଏନ୍ ବାରୁହିସି ଉପୁନ୍ ପ୍ରାଚିନ୍ଦକ ଜାନାଅ ଜାନାଅ ଜାନିଦ୍ ତାଇନଃନିଃତାଃରେ ଅମ୍ଭାଃକେଦତେ ଜହାରତାନ୍ଲଃ ଆୟାଃ ସୁନ୍ନସାରୁ ରିକାକେଦାକ । ଆତଃ ରାଜଗାଦି ଲାତାରରେ ଅକଆଃ ଆପୁନାଃ ମୁକ୍ତୁ ଦହକେଦତେ କାଜିକେଦାକ,

^{୧୧} “ହେ ପ୍ରାଭୁ ଆଲେୟାଃ ପାରମେଶ୍ୱର,

ଆମ୍ଭାଗି ମାନାରାଙ୍ଗ, ମାଇନାନ୍ ଆତଃ ପେଡ଼େ ନାମେ ଲେକାନ୍ନିଃ ତାନ୍ମେ,

ତିଆଡ଼ି ଆମ୍ଭାଗି ନେ ସବେନାଃମ୍ ବାଈୟାକାଦା,

ଆତଃ ଆମାଃ ଇଛାସାନାଙ୍ଗ ଲେକାତେ ଏନାକ ତାଇନ୍ୟାନା ଆତଃ ଜାନିଦ୍ ହବାୟାନା ।”

* ୩:୧୯ ୩:୧୯ ଏବ୍ରୀ ୧୨:୬. * ୪:୩ 4:3 ଇନ୍ଦ୍ରଧ୍ୱ * ୪:୫ ୪:୫ ଉତ୍କଳ କାଜି ୮:୫; ୧୧:୧୯; ୧୭:୧୮; ଉତ୍କଳ କାଜି ୧:୪.



ପୁଅ ଆତଃ ମିଶ୍ରିହନ

୧ ଆଇଁଜୀ ରାଜଗାଦିରେ ଦୁବାକାନନ୍ଦିୟାଃ ଜମ୍ ଡିଃଇରେ ମିଆଁଦ ମାରି ପୁଅ ନେଲୁକେଦାଈଈ, ଏନାରେୟାଃ ବାବାନସିଃରେ ଅଲ୍ଲାନାନ୍ ତାଇକେନା ଆତଃ ଏନାରେ ଏୟା ମୋହରାଃ ଚିହ୍ନି ତାଇକେନା । ୨ ଆତଃ ଆଇଁଜୀ ମିଆଁଦ ପୁରାଃ ପେଡ଼େୟାନ୍ ଦୁଢ଼କେଇଈ ନେଲୁକିୟା, ଈନିଃ ପୁରାଃ କାଉରିତାନଲଃ କାଜିକେଦାଏ, “ମୋହରକେ ରାଡ଼ାକେଦଡ଼େ, ନେ ମାରି ପୁଅକେ ଜେତାଏ ଅଟାଃ ଦାଡ଼ି ଲେକାନନ୍ଦିଃ ମେନାଈରେଦ ଅତଈଅଃକାଏ ।” ୩ ମେନ୍ଦ ଏନ୍ ମାରି ପୁଅ ଅଟାଃକେଦଡ଼େ ଏନାରେ ଅଲ୍ଲାନାନ୍ତେୟାଃ ପାଢ଼ାଅ ନାଗେନ୍ତେ ସିମ୍ବାରେ, ଅତେରେ ଚାଏ ହୁଆଈଗାଡ଼ାରେ ଜେତାଏ କାକ ଅତଈୟାନା । ୪ ଏନ୍ ମାରି ପୁଅକେ ଅଟାଃକେଦଡ଼େ ଏନାରେ ଚିନାଃ ଅଲ୍ଲାନାନା, ଏନା ପାଢ଼ାଅ ନାଗେନ୍ତେ ଜେତାଏ ମିହୁଡ଼ ହରି ପାଢ଼ାଏ ଲେକାନ୍ ହଡ଼କ କାକ ନାମୟାନ୍ ହରାତେ ଆଇଁଜୀ ପୁରାଃଗିଈଈ ରାଆଃକେଦା । ୫ ଏନ୍ତେ ପ୍ରାଚିନ୍ଦକଏତେ ମିହୁଡ଼ ଆଇଁଜୀକେ କାଜିକେଦିୟା, “ଆଲମ୍ ରାଆଃଏୟା, ନେଲେମେ ! ଦାଉଦଆଃ ମାରାଈ କିଲି, ଯିହୁଦା କିଲିରେନ୍ କୁଲ୍ଲା ଜିତାଅକେଦଡ଼େ ହିଈଃଃତାନା, ଈନିଃ ନେ ଏୟା ମୋହର ରାଡ଼ାକେଦଡ଼େ ମାରି ପୁଅ ଅଟାଃ ନାଗେନ୍ତେ ଦାଡ଼ିୟା ।”

୬ ଏନ୍ତେ ରାଜଗାଦିରେୟାଃ ଆଲ୍ଲାମାଲ୍ଲାରେ ସିଦାରେନ୍ ଉପୁନିୟା ଜାଁଡୁ ଆତଃ ପ୍ରାଚିନ୍ଦକଆଃ ଆଲ୍ଲାରେ ମିଆଁଦ ମିଶ୍ରିହନକେ ତିଈଆକାନ୍ ନେଲୁକିୟାଈଈ । ମିଶ୍ରିହନ ଦାଣ୍ଡେରାକାଦକାନ୍ ଲେକାଏ ଆବ୍ଦକାରଃ ତାଇକେନା । ଆୟାଃ ଏୟା ଦିରିଈ ଆତଃ ଏୟା ମେଦ ତାଇକେନା । ଏନ୍ ମେଦକ ସବେନ୍ ଅତେଦିଶୁମ୍ତେ କୁଲ୍ଲାନାନ୍ ପାରମେଶ୍ୱରଆଃ ଏୟା ଆମ୍ ଡାନାଃ । ୭ ଏନ୍ ମିଶ୍ରିହନ ରାଜଗାଦିରେ ଦୁବାକାନନ୍ଦିଃତାଃତେ ସେନ୍ଦକେଦଡ଼େ, ଈନିୟାଃ ଜମ୍ ଡିଃଇଏତେ ମାରି ପୁଅକେ ଈଦିକେଦା । ୮ ଆତଃ ଈନିଃ ମାରି ପୁଅ ତେଲ୍ଲାକେଦ ଈମ୍ତାଗି, ଉପୁନିୟା ଜାଁଡୁ ଆତଃ ମିଦ୍ଦହସି ଉପୁନ୍ ପ୍ରାଚିନ୍ଦ ମିଶ୍ରିହନଆଃ ଆୟାଃରେ ଏମ୍ପାଃୟାନାକ । ଈନ୍କୁ ସବେନ୍ଦ ମିପିଆଦ୍ ବାନାମ୍, ଆତଃ ବୁଗିନ୍ ସହାନ୍ ଧୁଆନ୍ତେ ପେରେଜାକାନ୍ ସୋନାରେୟାଃ ତୁଢା ସାବାକାଦ୍ ତାଇକେନାକ । ଏନ୍ ବୁଗିନ୍ ସହାନ୍ ଧୁଆନ୍ତରାଃ ତୁଢାକ ହବାଅଃତାନା, ପାରମେଶ୍ୱରଆଃ ହଡ଼କଆଃ ବିଡ଼ି । ୯ ଈନ୍କୁ ମିଆଁଦ ନାଃା ଦୁରାଈକ ଦୁରାଈକେଦା, “ମାରି ପୁଅ ତେଲ୍ଲାକେଦଡ଼େ

ଏନାରେୟାଃ ମୋହର ରାଡ଼ା ନାଈ ଆମ୍ ଏସକାର୍ ଦାଡ଼ିୟାମେ ।

ତିୟାଃତି ଆମ୍ ଦାଣ୍ଡେକାନ୍ ତାଇକେନାମ୍, ଆମ୍ତେ ଦାଣ୍ଡେ ଗନ୍ଏଃ ହବାୟାନ୍ ହରାତେ

ସବେନ୍ କିଲି, ଏଟାଃ ଏଟାଃ ଜାଗାର୍ତାନକ, ଦିଶୁମ୍ ଆତଃ ଜାତିକଏତେ ପାରମେଶ୍ୱରଆଃ ନାଈ ହଡ଼କକେମ୍ କିରିଈକାଦକଆ ।

୧୦ ଆତଃ ପାରମେଶ୍ୱରଆଃ ସେଃା ରିକା ନାଗେନ୍ତେ ଈନ୍କୁକେ ମିଆଁଦ ରାଜାଉଡ଼ି ଆତଃ ଯାଜାକ୍ କିଲିରେମ୍ ବାଇକେଦକଆ

ଆତଃ ଈନ୍କୁ ଅତେରେକ ରାଈଜେୟା ।”

୧୧ ଆଇଁଜୀ ଆତଃଗିଈଈ ନେଲୁକେଦା, କାକ ଲେକା ଦାଡ଼ିୟାଃ ଦୁଢ଼କ ରାଜଗାଦିକେ, ଉପୁନିୟା ଜାଁଡୁ ଆତଃ ପ୍ରାଚିନ୍ଦକଆଃ ଚାରିୟସାଃରେ ତିଈଆକାନାକ । ୧୨ କାଉରିକେଦଡ଼େ ଦୁରାଈତାନଲଃ କାଜିକେଦାକ, “ଦାଣ୍ଡେ ରାକାବାକାନ୍ ଏନ୍ ମିଶ୍ରିହନ ପେଡ଼େଃ, କିସାଈ, ସେଶାଁ, ଆକ୍ତେୟାର୍, ମାନାରାଈ, ମାଈନାନ୍ ଆତଃ ସାହାରାଅ ନାମେ ଲେକାନନ୍ଦିଃ ତାନିଃ ।”

୧୩ ଆତଃ ଆଇଁଜୀ ସିମ୍ବା ଦିଶୁମ୍, ଅତେ, ହୁଆଈଗାଡ଼ା ଆତଃ ଦରେୟାରେନ୍ ସବେନ୍ ଜାନିଦ୍ ଜାଁଡୁକ ଆତଃ ଅତେଦିଶୁମ୍ତେ ସବେନ୍ ଜାଁଡୁକକେ ଦୁରାଈତାନ୍ ଆୟୁକେଦକଆଈଈ । ଈନ୍କୁ “ରାଜଗାଦିରେ ଦୁବାକାନନ୍ଦିୟାଃ ଆତଃ ଆୟାଃ ମିଶ୍ରିହନଆଃ ସାହାରାଅ, ମାନାରାଈ, ମାଈନାନ୍ ଆତଃ ପେଡ଼େଃ ଜାନାଅ ଜାନାଅ ତାଇନାଃ !” ମେନ୍ତେକ ଦୁରାଈକ ତାଇକେନା ।

୧୪ ଏନ୍ ଉପୁନିୟା ଜାଁଡୁକ କାଜିରୁହାଡ଼୍ ତାଇକେନାକ, “ଆମେନ୍ !” ଆତଃ ପ୍ରାଚିନ୍ଦକ ଅପାଃକେଦଡ଼େ ଈନିଃକେ ଜହାରକିୟାକ ।



ମୋହର ଏନାକାନ୍ କାଜିରାଃ ମୁଣ୍ଡି

* ୫:୧୦ ୫:୧୦ ଉତ୍କଳ କାଳି ୧:୭.

୧ ଏଣେ ଆଇଙ୍ଗ ନେଲକିୟାଇଙ୍ଗ, ଏନ୍ ମିଣ୍ଡିହନ୍ ଏୟା ମୋହରୁଏତେ ପାହିଲା ମୋହରୁକେ ରାଡ଼ାକେଦା, ଆତଃ ଉପୁନିୟା ଜାଁତୁକଏତେ ମିଆଁଦନିଃ ଆଇଙ୍ଗକେ ହିଚିର୍ ଯାଡ଼ି ଲେକାଏ କାଜିକେଦିୟା, “ହିଜୁଃମେ !” ୨ ଆଇଙ୍ଗ ଆରିଦ୍ ରାକାବକେଦତେ ମିଆଁଦ୍ ପୁଣି ରାଙ୍ଗରେନ୍ ସାଦମ୍ ଆତଃ ସାଦମ୍ ଚେତାନରେ ଦୁବାକାନିଃକେ ଧାନ୍ ସାବାକାଦତେୟାଃ ନେଲକିୟାଇଙ୍ଗ । ଇନିଃକେ ମିଆଁଦ୍ ମୁକୁଟ୍ ଏମ୍‌ୟାନା ଆତଃ ଜିତାଅଃ ନାଗେଣେ ଅତଙ୍ଗୟାନା ।

୩ ଏଣେ ମିଣ୍ଡିହନ୍ ଏଗାଃ ଆତଃମିଆଁଦ୍ ମୋହରୁ ରାଡ଼ାକେଦାଏ ଆତଃ ଏଗାଃ ଆତଃମିଆଁଦ୍ ଜାଁତୁ ଆଇଙ୍ଗକେ କାଜିକେଦିୟା, “ହିଜୁଃମେ !” ୪ ଆଇଙ୍ଗ ଆରାଃ ରାଙ୍ଗରେନ୍ ଆତଃମିଆଁଦ୍ ସାଦମ୍‌କେ ନେଲକିୟାଇଙ୍ଗ, ଏନ୍ ସାଦମ୍ ଚେତାନରେ ଦୁବାକାନିଃକେ ଅତେଦିଶ୍ଟମ୍‌ଏତେ ଜାଉଖୁକୁ ସାଜିନେ ନାଗେଣେ ଆକତେୟାଃ ଏମ୍‌ୟାନା । ହଡ଼କ ଲାପ୍‌ଡ଼ାଇକେଦତେ ମିହୁଡ଼୍ ଆତଃମିହୁଡ଼କେ ଗଏଃ ନାଙ୍ଗ, ଆୟାଃ ତିଃଇରେ ମିଆଁଦ୍ ମାରାଙ୍ଗ ତାରାଉଡ଼ି ଏମ୍‌ୟାନା ।

୫ ଏଣେ ମିଣ୍ଡିହନ୍ ଆପିୟା ମୋହରୁ ରାଡ଼ାକେଦାଏ ଆତଃ ଆପିୟା ଜାଁତୁ ଆଇଙ୍ଗକେ କାଜିକେଦିୟା, “ହିଜୁଃମେକେଦତେ ନେଲେମେ !” ଏଣେ ଆଇଙ୍ଗ ମିଆଁଦ୍ ହେନ୍‌ଦେ ରାଙ୍ଗରେନ୍ ସାଦମ୍ ଚେତାନରେ ଦୁବାକାନିଃକେ ନେଲକିୟାଇଙ୍ଗ, ଆୟାଃ ତିଃଇରେ ମିଆଁଦ୍ ତାରାଜୁ ତାଇକେନା । ୬ ଏଣେ ଆଇଙ୍ଗ ଉପୁନିୟା ଜାଁତୁକ ମିଦ୍ ଲାବଜାତେ କାଜିତାନ୍ ଲେକା ଆୟାଃକେଦାାଇଙ୍ଗ, “ମୁସିଙ୍ଗରାଃ ନାଲା ସିକାତେ ମିଦ୍ ତାମ୍‌ଗି ଗହମ୍ ଚାଏ ଆପି ତାମ୍‌ଗି କଦେ ନାମଃଆ । ମେନ୍‌ଦ୍ ଜାଲ୍‌ପାଇ ସୁନ୍‌ମ୍ ଆତଃ ଦାଖରାସିକେ ଆଲପେ ନକ୍‌ସାନେୟା ।”

୭ ଏଣେ ମିଣ୍ଡିହନ୍ ଉପୁନିୟା ମୋହରୁ ରାଡ଼ାକେଦାଏ, ଆତଃ ଉପୁନିୟା ଜାଁତୁ ଆଇଙ୍ଗକେ କାଜିକେଦିୟାଏ, “ହିଜୁଃମେ !” ୮ ଏନାରେ ଆଇଙ୍ଗ ମିଆଁଦ୍ ମାରିୟା ରାଙ୍ଗରେନ୍ ସାଦମ୍ ନେଲକିୟାଇଙ୍ଗ । ଏନ୍ ସାଦମ୍‌ରେ ଦୁବାକାନିଃକେ ନୁଡ଼ମ୍ ଗନଏଃ, ହୁଆଙ୍ଗଗାଡ଼ା ଆଇଃକ୍‌କେ ଅତଙ୍ଗଇଁ ତାଇକେନା । ମାପାଃତୁପୁଇଙ୍ଗ ରିଙ୍ଗା, ବେମାର୍, ଆତଃ ବିର୍ ଜାଁତୁକଆଃ ହରାତେ ଜିୟନ୍ ରିକା ନାଙ୍ଗ ଅତେଦିଶ୍ଟମ୍‌ରେୟାଃ ଉପୁନିହସା ଚେତାନରେ ଇନ୍‌କୁକେ ଆକତେୟାଃ ଏମ୍‌ୟାନା ।

୯ ଏଣେ ମିଣ୍ଡିହନ୍ ମଣେୟା ମୋହରୁ ରାଡ଼ାକେଦାଏ ଇମ୍‌ତା, ଆଇଙ୍ଗ ମିଆଁଦ୍ ବେଦି ନେଲକେଦାାଇଙ୍ଗ । ପାର୍‌ମେଶ୍‌ବାର୍‌ଆଃ ବାଚାନ୍ ଉଦ୍‌ବକେଦତେ ଗାଞ୍ଜା ଏମ୍‌ରେ ପାଡ଼ିୟାରୁଃଃ ଲେକା ତାଇକାନ୍ ହରାତେ ଗନଏଃ ନାମାକାଦ୍ ହଡ଼କଆଃ ଆମ୍‌କା, ଏନ୍ ବେଦି ଲାତାରରେ ଜାଡ଼ନାଅକେଦତେ ତାଇକେନା । ୧୦ ଇନ୍‌କୁ କାଉରିକେଦତେ କାଜିତାଇକେନାକ, “ହେ ପାବିତାର୍, ସାର୍‌ଡ଼ି ଆତଃ ପୁରାଃ ପେଡ଼େୟାନ୍ ପ୍ରାଭୁ ! ଅତେରେ ଅକନ୍‌କ ଆଲେକେ ଗଏଃକାଲେ ତାଇକେନାକ, ଇନ୍‌କୁକେ ବିଚାରକେଦତେ ସାଜାଇ ଏମାକ ନାଗେଣେ ଆତଃଚିମିନ୍ ମାହାଁ ବିଲାମଃଆ ?” ୧୧ ଏନ୍ ଆମ୍‌କାଏତେ ମିପିୟାଦକକେ ପୁଣି ଲିଜାଃ ଏମ୍‌ୟାନା । ଇନ୍‌କୁଆଃ ଗାଡ଼ିଦାସିକେ ଆତଃ ହାଗା ମିଶିକକେ ଇନ୍‌କୁଆଃ ଲେକାରି ଗନଏଃ ସାଜାଇ ନାମଃଆ, ଇନ୍‌କୁଆଃ ଗନଏଃ ଆଉରି ପୁରାଃଆ ଜାକେଦ୍ ଆତଃକାରିଃ ଦାଡ଼ିକାଦ୍ ରୁଡ଼ନ୍ ନାଙ୍ଗ ଇନ୍‌କୁକେ କାଜିୟାନା ।

୧୨ ଏଣେ ଆଇଙ୍ଗ ଏନ୍ ମିଣ୍ଡିହନ୍‌କେ ତୁରିୟା ମୋହରୁ ରାଡ଼ାତାନ୍ ନେଲକିୟାଇଙ୍ଗ ଇମ୍‌ତା, ପୁରାଃଗି ଅତେ ଏକ୍‌ଲାଅୟାନା । ସିଜି, ଉନ୍‌ଡେ ବାଇୟାକାନ୍ କାମ୍‌ଲ୍ ଲେକା ହେନ୍‌ଦେ ରାଙ୍ଗ ଆତଃ ଚାଣ୍ଡୁ ମାୟୋମ୍ ଲେକା ପୁରା ଆରାଃ ରାଙ୍ଗୟାନା । ୧୩ ପୁରାଃଗି ହୟକେଦ୍ ହରାତେ ଲଆଦାରୁରାଃ ବେରେଲ୍ ଲଆ ଉୟୁଗଃ ଲେକା, ସିମ୍‌ଏତେ ଇପିଲ୍‌କ ଅତେରେକ ଉୟୁଃୟାନା । ୧୪ ଉହୁରୋଃ ପୁଅ କୁଡ଼ାଏ ଲେକା ସିମ୍‌ କୁଡ଼ାୟାନା ଆତଃ କା ନେଲଃୟାନା । ବୁରୁ ଆତଃ ଚାପୁକ ମିଦ୍‌ତାଃଏତେ ଆତଃମିଦ୍‌ତାଃ ଆତମୟାନା । ୧୫ ଏନ୍ ଦିପିଲିରେ ଅତେଦିଶ୍ଟମ୍‌ରେନ୍ ସବେନ୍ ରାଜା, ରାଇଜ୍ ଚାଲାଅକ, ପାଲ୍‌ଗାନ୍‌କଆଃ ମାରାଙ୍ଗନିଃ, କିସାଁଣ, ପେଡ଼େୟାନ୍‌କ, ଏଗାଃ ସବେନ୍ ହଡ଼କ, ଆଖରିଙ୍ଗ ଦାସିକ, ତନଲ୍‌ହେତେ ରାଡ଼ାକାନ୍‌କ, ବୁରୁରେୟାଃ ସବେନ୍ ଖଡ଼ପଃ ଆତଃ ସେରେଙ୍ଗ ଲାତାର୍ ଲାପାଙ୍ଗାତେ ସେନଃୟାନାକ ଆତଃ ଉକୁୟାନାକ । ୧୬ ଉକୁ ବୁରୁ ଆତଃ ସେରେଙ୍ଗକକେ ହାକାଅକେଦତେ କାଜିତାଇକେନାକ, “ଆଲେୟାଃ ଚେତାନରେ ଉୟୁଗଃପେ, ରାଜ୍‌ଗାଦିରେ ଦୁବାକାନ୍ ହଡ଼ତାଃଏତେ ଆତଃ ମିଣ୍ଡିହନ୍‌ଆଃ ଖ୍‌ସଏତେ ଆଲେକେ ଉକୁଲେପେ । ୧୭ ଇନ୍‌କିନାଃ ଖ୍‌ସରାଃ ବରଞ୍ଜାନ୍ ହୁଲାଙ୍ଗ୍ ସେଟେରାକାନା ଆତଃ ଅକଏ ଏନାରେୟାଃ ବିରୁଧରେ ତିଙ୍ଗ ଦାଡ଼ିୟା ?”

୬:୧୭ ୬:୧୭ ଉତ୍କଳ କାଜି ୧୧:୧୩; ୧୬:୧୮; ମାଥୁର ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ୬:୧୪ ୬:୧୪ ଉତ୍କଳ କାଜି ୧୬:୨୦. ୬:୧୭ ୬:୧୭ ଲୁକ ୨୩:୩୦.



୧୪୪,୦୦୦ ଇସ୍ରାଏଲ୍ ହତକ

୧ ନେଆଁ ତାୟମତେ ଆଇଜ୍ ଅତେରେୟାଃ ଉପୁନ୍ କଚାରେ ଉପୁନ୍ୟା ଦୁଁଡକକେ ତିଙ୍ଗୁଆକାନ୍ ନେଲ୍ଲକେଦକଆଇଜ୍ । ଇନ୍କୁ ଅତେରେୟାଃ ଉପୁନ୍ୟାଃରେ ହୟକେ କେସେଦକେଦତେ ତାଇକେନାକ । ଏନାକେ ଅତେଦିଶ୍ୱମ୍, ଦରେୟା ଚାଏ ଜେତା ଦାରୁରେ କାଟିଃଲେକାହିଁ ହୟ କା ହିଜୁଃତାଇକେନା । ୨ ଆତଃ ଆଇଜ୍ ଏଗାଃ ଆତଃମିଆଁଦ ଦୁଁଡକେ ଜାନିଦ୍ ପାର୍ମେଶ୍ୱାର୍ଆଃ ମୋହର୍ ସାବକେଦତେ ସିଙ୍ଗିତୁରସାଃଏତେ ହିଜୁଃତାନ୍ ନେଲ୍ଲକିୟାଇଜ୍ । ନେ ଦୁଁଡ୍ ଅତେଦିଶ୍ୱମ୍ ଆତଃ ଦରେୟାକେ ଜିୟନେ ନାଗେନ୍ତେ ପାର୍ମେଶ୍ୱାର୍ ଅକ ଉପୁନ୍ୟା ଦୁଁଡକକେ ଆକତେୟାର୍ ଏମାକାଦକ ତାଇକେନାଏ, ଇନ୍କୁକେ କାଉରିକେଦତେ କାଜିକେଦକଆ, ୩ “ଆଲେ ଆବୁଆଃ ପାର୍ମେଶ୍ୱାର୍ଆଃ ଦାସିକଆଃ ମଲଜ୍ରେ ମୋହର୍ରାଃ ଚିହ୍ନାଁ ଆଉରି ଏମାକ ଜାକେଦ୍ ଅତେଦିଶ୍ୱମ୍, ଦରେୟା ଚାଏ ଦାରୁକରାଃ ଜେଡ୍ନାଃ ଆଲପେ ନକ୍ସାନେୟା ।” ୪ ଅକ ହତକଆଃ ମଲଜ୍ରେ ପାର୍ମେଶ୍ୱାର୍ଆଃ ମୋହର୍ରାଃ ଚିହ୍ନାଁ ଏମୟାନା, ଇନ୍କୁ ୧୪୪,୦୦୦ ହତକ ମେନାକଆ ମେନ୍ତେଇଜ୍ ଆୟୁମକେଦା । ଇନ୍କୁ ଇସ୍ରାଏଲ୍ରେନ୍ ଗେଲ୍ବାର୍ କିଲିକଆଃ ହତକତାନ୍କ । ୫ ଯିହୁଦା କିଲିକଏତେ ୧୨,୦୦୦, ରୁବେନ୍ କିଲିକଏତେ ୧୨,୦୦୦, ଗାଦ୍ କିଲିକଏତେ ୧୨,୦୦୦, ୬ ଆସେର୍ କିଲିକଏତେ ୧୨,୦୦୦, ନପ୍ତାଲି କିଲିକଏତେ ୧୨,୦୦୦, ମନାସି କିଲିକଏତେ ୧୨,୦୦୦, ୭ ଶିମିୟନ୍ କିଲିକଏତେ ୧୨,୦୦୦, ଲେବୀ କିଲିକଏତେ ୧୨,୦୦୦, ଇସାଖର୍ କିଲିକଏତେ ୧୨,୦୦୦, ୮ ସବ୍ଲୁନ୍ କିଲିକଏତେ ୧୨,୦୦୦, ଯୋଷେଫ୍ କିଲିକଏତେ ୧୨,୦୦୦, ଆତଃ ବେଞ୍ସାମିନ୍ କିଲିକଏତେ ୧୨,୦୦୦ ।

ପୁରାଃ ଗାଦେଲ୍ ହତକ

୯ ଏନ୍ତେ ଆଇଜ୍ ପୁରାଃ ଗାଦେଲ୍ ହତକକେଇଜ୍ ନେଲ୍ଲକେଦକଆ, ଇନ୍କୁକେ ଲେକାଲେକରେ କାକ ଲେକା ଦାଡ୍ରିୟଃଆ । ଇନ୍କୁ ମିପିୟାଦ୍ ଜାତିରେନ୍, କିଲିରେନ୍, ଦିଶ୍ୱମ୍ରେନ୍, ଆତଃ ଏଗାଃ ଏଗାଃ ଜାଗାର୍ତନା ହତକଏତେ ହିଜାକାନ୍ ତାଇକେନାକ । ଇନ୍କୁ ପୁଣି ଲିଜାଃ ତୁସିଙ୍ଗକେଦତେ ଆତଃ ତିଃଇରେ କିତା ଛାଉଡା ସାବକେଦତେ, ରାଜ୍ଗାଦି ଆତଃ ମିଶ୍ୱିହନ୍ଆଃ ଆୟାର୍ରେ ତିଙ୍ଗୁଆକାନ୍ ତାଇକେନାକ । ୧୦ ଇନ୍କୁ ପୁରାଃ କାଉରିକେଦତେ କାଜିତାଇକେନାକ, “ରାଜ୍ଗାଦିରେ ଦୁବାକାନ୍ ପାର୍ମେଶ୍ୱାର୍ ଆତଃ ମିଶ୍ୱିହନ୍ ଏସ୍କାର୍ ଆବୁଆଃ ଜୀଉବାଞ୍ଚାଅନିଃ ତାନିଃ ।” ୧୧ ସବେନ୍ ଦୁଁଡକ ରାଜ୍ଗାଦି, ପ୍ରାତିନ୍କଆଃ, ଆତଃ ଉପୁନ୍ୟା ଜାତୁକଆଃ ଚାରିୟସାଃରେ ତିଙ୍ଗୁଆକାନ୍ ତାଇକେନାକ । ଇନ୍କୁ ରାଜ୍ଗାଦି ଆୟାର୍ରେ ଅମ୍ମାଃକେଦତେ ପାର୍ମେଶ୍ୱାର୍ରେ ଜହାର୍ତାନଲ୍ ଆତଃ ସୁନ୍ସାର୍ ରିକାତାନଲ୍ ୧୨ କାଜିକେଦକ, “ଆମେନ୍ ! ସାହାରାଅ, ମାନାରାଜ୍, ସେଣାଁ, ଧାନ୍ୟାବାଦ୍, ମାଇନାନ୍, ପେଡ଼େଃ ଆତଃ ଆୟାଃ ଆକ୍ତେୟାର୍ ଜାନାଅ ଜାନାଅ ଆବୁଆଃ ପାର୍ମେଶ୍ୱାର୍ଆଃ ହବାଅଃକ ଆମେନ୍ !”

୧୩ ଏନ୍ ପ୍ରାତିନ୍କଏତେ ମିଶ୍ୱିହନ୍ ଆଇଜ୍ରେ କୁଲିକେଦିୟାଁ, “ପୁଣି ଲିଜାଃ ତୁସିଙ୍ଗିୟାକାନ୍ ଏନ୍ ହତକ ଅକଏତାନ୍କ ? ଆତଃ ଇନ୍କୁ କତାଃଏତେ ହିଜୁଃକାନାକ ?”

୧୪ *ଆଇଜ୍ କାଜିରୁହାଡକେଦାଇଜ୍, “ହେ ମାଇନାନ୍, ଆଇଜ୍ କାଜ୍ ସାରି, ଆବେନ୍ ସାରିକାଃବେନ୍ ।” ଇନିଃ ଆଇଜ୍ରେ କାଜିକେଦିୟାଁ, “ନେ ହତକ ବରଞ୍ଜନି ସାସାତି ନାମକେଦତେ ହିଜୁଃକାନାକ । ଇନ୍କୁ ମିଶ୍ୱିହନ୍ଆଃ ମାୟୋମତେ ଆକଆଃ ଲିଜାଃ ଚପିକେଦତେ ପୁଣିକାଦାକ । ୧୫ ଏନାମେନ୍ତେ ଇନ୍କୁ ପାର୍ମେଶ୍ୱାର୍ଆଃ ରାଜ୍ଗାଦି ଆୟାର୍ରେ ତେରାକେଦତେ ନିଦାସିଙ୍ଗି ଆୟାଃ ମାନ୍ଦିର୍ ଅଡ଼ାଃରେ ଆୟାଃ ସୁନ୍ସାର୍ ରିକାତାନାକ । ଆତଃ ରାଜ୍ଗାଦିରେ ଦୁବାକାନ୍ ହତ ଇନ୍କୁକେ ବାଞ୍ଚାଅକଆ । ୧୬ ଇନ୍କୁ ତିଉଲହ କାକ ରେଙ୍ଗେଜଆଃ ଚାଏ କାକ ତେତାଜ୍ଆଃଆ, ସିଙ୍ଗିରାଃ ରାପ୍ ଚାଏ ଏଗାଃ ଜେତାନ୍ ରାପ୍ ଇନ୍କୁକେ କାଏ ଜୁଲ୍ ଦାଡ୍ରିୟା । ୧୭ ତିୟାଃରେ ରାଜ୍ଗାଦି ଆଲ୍ମାମାଲ୍ରେ ଦୁବାକାନ୍ ମିଶ୍ୱିହନ୍ ଇନ୍କୁଆଃ ଗୁପିନିଃ ହବାଅଃଆଏ । ଇନିଃ ଜୀଦାନ୍ରେୟାଃ ସେତେଜ୍ ଦାଆଃ ହେପାଦତେ ଇନ୍କୁକେ ସୁତୁଃଇଦକଆ ଆତଃ ପାର୍ମେଶ୍ୱାର୍ ଇନ୍କୁଆଃ ମେଦଦାଆଃ ସବେନାଃଏ ଜଦକଆ ।”



ଏୟା ମୋହର୍

* ୭:୧୪ ୭:୧୪ ମାଥୁର ୨୪:୨୧; ମାର୍ଚ୍ଚ ୧୩:୧୯.

୧ ମିଶ୍ରିହନ୍ଦ ଏୟା ମୋହର ରାଡ଼ାକେଦଡ଼ି, ସିର୍ମା ଦିଶୁମ୍ବରେ ଆଧା ଘାଣ୍ଟା ଜାକେଦ୍ ସିଃସଂଝୟାନା ।
୨ ଏନ୍ତେ ଆଇଙ୍ଗ ପାର୍ମେଶ୍ୱାର୍ଆଃ ଆୟାବ୍ରେ ତିଙ୍ଗୁଆକାନ୍ ଏୟା ଦୁଁଡ଼କକେଇଙ୍ଗ ନେଲକେଦକଆ
ଆତଃ ଜନକୁକେ ଏୟା ବିଙ୍ଗୁଲବାଜା ଏମୟାନା ।

୩ ଏଗାଃ ଆତଃମିଆଁଦ୍ ଦୁଁଡ଼ ମିଆଁଦ୍ ସୋନାରେୟାଃ ଧୁଆନ୍ ଉରୁବ୍ରେୟାଃ ସାବ୍ରେକେଦ୍ରେ ବେଦି
ଜାପାଃରେ ତିଙ୍ଗୁୟାନା । ରାଜଗାଦି ହେପାଦ୍ରେ ତାଇନଃତାନ୍ ସୋନାରେୟାଃ ବେଦି ଚେତାନ୍ରେ
ପାର୍ମେଶ୍ୱାର୍ଆଃ ହଡ଼କଆଃ ବିକ୍ରିଲଃ ମେସାକେଦ୍ରେ ଦାନ୍ ରାକାବେ ନାଙ୍ଗ୍ ଜନିଃକେ ପୁରାଃମି ଧୁଆନ୍
ଏମୟାନା । ୪ ଏନ୍ ଦୁଁଡ଼ଆଃ ତିଃଇରେ ଜୁଲଃତାନ୍ ଧୁଆନ୍ରାଃ ସୁକୁଲଲଃ ପାର୍ମେଶ୍ୱାର୍ଆଃ ହଡ଼କଆଃ ବିକ୍ରି
ମେସାକେଦ୍ରେ ଚେତାନ୍ରେ ରାକାଦ୍‌ୟାନା । ୫ ଏନ୍ତେ ଦୁଁଡ଼ ଧୁଆନ୍ ଉରୁବ୍ରେୟାଃରେ ବେଦିରେୟାଃ
ସେଙ୍ଗେଲ୍ ପେରେଃକେଦାଏ ଆତଃ ଏନାକେ ଅତେରେ ହୁରାଙ୍ଗକେଦା । ନେଆଁ ହରାତେ ରିମିଲ୍
ସାଡ଼ିୟାନା, ହିଡ଼ିରକେଦାଏ ଆତଃ ଅତେ ଏକଲାଅୟାନା ।

ଏୟା ବିଙ୍ଗୁଲବାଜା

୬ ଏନ୍ତେ ଏୟା ଦୁଁଡ଼କ ଏୟା ବିଙ୍ଗୁଲବାଜା ସାଡ଼ି ନାଙ୍ଗ୍ ସେକାଡ଼ୟାନାକ ।

୭ ପାହିଲା ଦୁଁଡ଼ ବିଙ୍ଗୁଲବାଜା ସାଡ଼ିକେଦ୍ରି ଆରିଲ୍, ସେଙ୍ଗେଲ୍ ଆତଃ ମାୟୋମ୍ ଅତେ ଚେତାନ୍ରେ
ଦୁଲ୍‌ୟାନା । ଏନାତେ ସବେନ୍ ଦାରୁ, ହାରିୟାର୍ ତାସାଦ୍ ଆତଃ ଅତେରେୟାଃ ଆପିହିସା ଜୁଲ୍‌ୟାନା ।

୮ ଏନ୍ତେ ଏଗାଃ ଆତଃମିଆଁଦ୍ ଦୁଁଡ଼ ଆୟାଃ ବିଙ୍ଗୁଲବାଜା ସାଡ଼ିକେଦ୍ରି ସେଙ୍ଗେଲ୍ ଜୁଲ୍‌ତାନ୍ ଲେକା
ମିଆଁଦ୍ ମାରାଙ୍ଗ୍ ଦରେୟାରେ ହୁରାଙ୍ଗୟାନା । ଏନାତେ ଦରେୟାରେୟାଃ ଆପିହିସା ଦାଆଃ, ମାୟୋମ୍
ବାଇୟାନା । ୯ ଦରେୟାରେନ୍ ଜାନିଦ୍ ଜାଁଡୁକଏତେ ଆପିହିସା ଗଂଝୟାନାକ, ଆତଃ ଦରେୟାରେୟାଃ
ଦାଆଃ ଜାହାଜ୍‌କ ଆପିହିସା ନକ୍‌ସାନ୍‌ୟାନା ।

୧୦ ଏନ୍ତେ ଆପିୟା ଦୁଁଡ଼ ଆୟାଃ ବିଙ୍ଗୁଲବାଜା ସାଡ଼ିକେଦ୍ରି ସିର୍ମାଏତେ ସେଙ୍ଗେଲ୍ ଲୁଠି ଲେକା
ଜୁଲଃତାନ୍ ମିଆଁଦ୍ ମାରାଙ୍ଗ୍ ଇପିଲ୍ ସବେନ୍ ଗାଡ଼ାରେୟାଃ ଆପିହିସା ଆତଃ ସେତେଙ୍ଗ୍ ଚେତାନ୍ରେ
ଉୟାଃୟାନା । ୧୧ ଏନ୍ ଇପିଲ୍‌ରାଃ ନୁଡୁମ୍ "ମେହେର୍ ।" ଏନାରେ ଦାଆଃରେୟାଃ ଆପିହିସା
ମେହେର୍‌ୟାନା, ଆତଃ ଏନ୍ ଦାଆଃ ନୁଁକେଦ୍ରେ ପୁରାଃ ହଡ଼କଆଃ ଗନଏଃ ହବାୟାନା ।

୧୨ ଏନ୍ତେ ଉପୁନିୟା ଦୁଁଡ଼ ଆୟାଃ ବିଙ୍ଗୁଲବାଜା ସାଡ଼ିକେଦ୍ରି ସିଙ୍ଗିରାଃ ଆପିହିସା, ଚାଣ୍ଡୁରାଃ ଆପିହିସା,
ଆତଃ ଇପିଲ୍‌କଆଃ ଆପିହିସା ଜିୟନ୍‌ୟାନା । ଏନାତେ ମାସ୍ତାଲ୍‌ରେୟାଃ ଆପିହିସା ନୁବାଃୟାନା ।
ସିଙ୍ଗିରେୟାଃ ଆପିହିସା ଆତଃ ନୁବାଃରେୟାଃ ଆପିହିସା କା ମାସ୍ତାଲ୍‌ୟାନା ।

୧୩ ଏନ୍ତେ ଆଇଙ୍ଗ ଆରିଦ୍ ରାକାବ୍‌କେଦାଇଙ୍ଗ୍, ଆଲା ସିର୍ମାରେ ମିଆଁଦ୍ ବାଜ୍ ଅଡ଼େ ଆପିର୍‌ତାନ୍‌ଲଃ
କାଉରିକେଦ୍ରେ କାଜିତାନା, "ହାଏ, ଚିମିନ୍ ବରଞ୍ଜାନ୍‌ରିୟା! ଏଗାଃ ଆପିୟା ଦୁଁଡ଼କ ଆକଆଃ ବିଙ୍ଗୁଲବାଜା
ସାଡ଼ି ଇମ୍ତା, ଅତେଦିଶୁମ୍ବରେନ୍ ହଡ଼କଆଃ ଦୁର୍‌ଦାସା ଚିମିନ୍ ବରଞ୍ଜାନ୍‌ରି ହବାଅଥା ।"

୯

୧ ଏନ୍ତେ ମଶୋୟାଁ ଦୁଁଡ଼ ବିଙ୍ଗୁଲବାଜା ସାଡ଼ିକେଦ୍ରି, ଆଇଙ୍ଗ ସିର୍ମାଏତେ ମିଆଁଦ୍ ଇପିଲ୍ ଅତେରେ
ଉୟାଃତାନ୍ ନେଲକିୟାଇଙ୍ଗ୍, ଜନିଃକେ ହୁଆଙ୍ଗାଡ଼ାରେୟାଃ ଚାଡ଼ି ଏମାକାନ୍ ତାଇକେନା । ୨ ଜନିଃ
ହିଜୁଃକେଦ୍ରେ ହୁଆଙ୍ଗାଡ଼ାରେୟାଃ ଦୁଆର୍ ନିଜ୍‌କେଦ୍ରି, ମିଆଁଦ୍ ମାରାଙ୍ଗ୍ ଭାତିଏତେ ଅତଙ୍ଗଅଃତାନ୍
ସୁକୁଲ୍ ଲେକା ହୁଆଙ୍ଗାଡ଼ାଏତେ ସୁକୁଲ୍ ଅତଙ୍ଗୟାନା, ଆତଃ ଏନ୍ ସୁକୁଲ୍ ହରାତେ ସିଙ୍ଗି ଆତଃ
ସିର୍ମା ଲାତାର୍ ନୁବାଃୟାନା । ୩ ଆତଃ ଏନ୍ ସୁକୁଲ୍‌ଏତେ ସନ୍‌ସରେଦ୍‌କ ଅତଙ୍ଗକେଦ୍ରେ ଅତେରେକ
ପାସ୍‌ରାଅୟାନା । ଜନକୁକେ ମାର୍‌ମାର୍ ଲେକା ତୁଡ଼ ଦାଡ଼ିରେୟାଃ ପେଡ଼େଃ ଏମୟାନା । ୪ ଅତେରେୟାଃ
ତାସାଦ୍, ଆଡ଼ାଃ ଚାଏ ଜେତାନ୍ ଦାରୁକେ ଆଲପେ ନକ୍‌ସାନ୍‌ୟା, ମେନ୍‌ଦ୍ ଅକନ୍‌କଆଃ ମଲ୍‌ଙ୍ଗ୍‌ରେ
ପାର୍ମେଶ୍ୱାର୍ଆଃ ତିହ୍ନାଁ କା ତାଇକେନା, ଜନକୁଆଃ ଏସ୍‌କାର୍ ନକ୍‌ସାନ୍ ରିକା ନାଗେନ୍ତେ ଏନ୍
ସନ୍‌ସରେଦ୍‌କକେ କାଜିକାନ୍ ତାଇକେନା । ୫ ଆତଃ ଏନ୍ ହଡ଼କକେ ଆଲପେ ଗଂଝକଆ, ମେନ୍‌ଦ୍
ମଶୋୟାଁ ମାହଁନା ଜାକେଦ୍ ଦୁକୁ ଏମାକପେ ମେନ୍ତେ ଏନ୍ ସନ୍‌ସରେଦ୍‌କକେ ଆରୁକାନ୍ ତାଇକେନା ।
ଏନ୍ ଦୁକୁହାସୁ, ମାର୍‌ମାର୍‌କଆଃ ତୁଡ଼ ଲେକା ହାସୁ ତାଇକେନା । ୬ ଏନ୍ ମଶୋୟାଁ ମାହଁନା ଭିତାର୍ରେ
ଦୁକୁହାସୁତାନ୍ ହଡ଼କ ଗନଏଃ ଦାଣ୍ଡାୟାକ, ମେନ୍‌ଦ୍ ଗନଏଃ କାକ ନାମେୟା । ଜନକୁ ଗଜଃ ସାନାଙ୍ଗାଆଃକ,
ମେନ୍‌ଦ୍ ଗନଏଃ ଜନକୁତାଃଏତେ ନିରାଃ ।

* ୮:୫ ୮:୫ ଉତ୍କଳ କାଳି ୧୧:୧୯; ୧୭:୧୮.

୭ ଏନ୍ ସନ୍ସରେଦକ ଲାଡ଼ାଇ ନାଗେନ୍ତେ ସେକାଡ଼ାକାନ୍ ସାଦମ୍ ଲେକାକ ନେଲଃ ତାଇକେନା । ଇନକୁଆଃ ବହଃରେ ସୋନାରେୟାଃ ମୁକୁର୍ ଲେକା, ମେଦମୁହାଁଡ଼ ହଡ଼କଆଃ ମେଦମୁହାଁଡ଼ ଲେକା, ଠ ଉଦ୍ କୁଡ଼ିକଆଃ ଉଦ୍ ଲେକା ଆତଃ ତାଟା କୁଲାଇଆଃ ତାଟା ଲେକା ତାଇକେନା । ଘ ଇନକୁଆଃ କୁଡ଼ାମକେ ମେଡ଼େଦ୍ତେ ବାଇୟାକାନ୍ ତୁସିୟେନ୍ତେୟାଃ ଲେକନାଃଲଃ ପଟମାକାନ୍ ତାଇକେନା ଆତଃ ସାଦମ୍ ଗାଡ଼ିତେ ଲାଡ଼ାଇପିଡ଼ି ନିରେତାନ୍ ପୁରାଃଗି ସାଦମକଆଃ ଲାବଜା ଲେକା, ଇନକୁଆଃ ଆପରବରାଃ ଲାବଜା ଅତଙ୍ଗଆଃ ତାଇକେନା । ଞ ଇନକୁଆଃ ଚାଆଃଲମ୍ ଆତଃ ତୁଡ଼ତେୟାଃ, ମାର୍ମାଠକଆଃ ଚାଆଃଲମ୍ ଆତଃ ତୁଡ଼ତେୟାଃ ଲେକା ତାଇକେନା । ଏନ୍ ଚାଆଃଲମ୍ତେ ମଣେୟାଁ ମାହିଁ ନା ଜାକେଦ୍ ହଡ଼କଆଃ ନକସାନ୍ ରିକା ନାଗେନ୍ତେ ଇନକୁକେ ଆକ୍ତେୟାର୍ ଏମାକାନ୍ ତାଇକେନା । ଟ ଇନକୁଆଃ ତେତାନରେ ମିଆଁଦ୍ ରାଜା ରାଇଜେ ତାଇନାଏ । ଇନିଃ ହୁଆଙ୍ଗଗାଡ଼ାରେନ୍ ମାରାଇଁ ଦୁଁଡ଼ ତାନିଃ । ଏହା ଜାଗାର୍ତେ ଆୟାଃ ନୁଡୁମ୍ ଆବଦୋନ୍ ଆତଃ ଗ୍ରାକ୍ ଜାଗାର୍ତେ ଏନ୍ ନୁଡୁମ୍ ହବାଅଃତାନା ଆପୋଲିୟୋନ୍, ଏନାରେୟାଃ ମୁଣ୍ଡି ଜିୟନେନିଃ ।

୧୨ ପାହିଲା ଦୁକୁହାସୁ ଚାବାୟାନା, ଏଗାଃ ଆତଃମିଆଁଦ୍ ଦୁକୁହାସୁ ହିକୁଃତାନା ।

୧୩ ଏନ୍ତେ ତୁରିୟା ଦୁଁଡ଼ ଆୟାଃ ବିଙ୍ଗୁଲ୍ବାଜା ସାଡ଼ିକେଦ୍ତି, ପାର୍ମେଗ୍ସାର୍ଆଃ ଆୟାର୍ତରେ ଦହାକାନ୍ ସୋନା ବେଦିରେୟାଃ ଉପୁନିୟା ଦିରିଙ୍ଗ୍ହେତେ ମିଆଁଦ୍ ଲାବଜା ଆୟୁମକେଦାଈଙ୍ଗ । ୧୪ ଏନ୍ ଲାବଜା ବିଙ୍ଗୁଲ୍ବାଜା ସାବାକାଦ୍ ତୁରିୟା ଦୁଁଡ଼କେ କାଜିକିୟା, “ଇଉପ୍ରାଟିସ୍ ନୁଡୁମଃତାନ୍ ମାରାଇଁ ଗାଡ଼ା ହେପାଦ୍ରେ ତଲାଇକାନ୍ ଉପୁନିୟା ଦୁଁଡ଼କକେ ରାଡ଼ାତାକମେ ।” ୧୫ ଏନାମେନ୍ତେ ନେ ସାଲାଇକାନ୍ ବାରାଷ୍, ମାହିଁ ନା, ଦିନ୍ ଆତଃ ଘାଡ଼ିରେ, ସବେନ୍ ହଡ଼କଆଃ ଆପିହିସା ହଡ଼କକେ ଗଗଏଃ ନାଗେନ୍ତେ ସେକାଡ଼ାକାନ୍ ଏନ୍ ଉପୁନିୟା ଦୁଁଡ଼କକେ ରାଡ଼ାୟାନା । ୧୬ ଏନ୍ତେ ଆଇଙ୍ଗ୍ ସାଦମ୍ ତେତାନରେ ଦୁବକେଦ୍ତେ ଲାଡ଼ାଇତାନ୍ ସିପାଇକ ୨୦୦,୦୦୦,୦୦୦ ତାଇକେନାକ ମେନ୍ତେଇଙ୍ଗ୍ ଆୟୁମକେଦା । ୧୭ ଆତଃ ଆଇଙ୍ଗ୍ ଦାର୍ଶାନରେ ନେଲେକାଇଙ୍ଗ୍ ନେଲ୍କେଦା, ଇନକୁଆଃ କୁଡ଼ାମରେ ମେଡ଼େଦ୍ତେ ବାଇୟାକାନ୍ ତୁସିୟେନ୍ତେୟାଃ, ସେଙ୍ଗେଲ୍ ଲେକା ଆରାଃ, ନିଲିୟା ରାଙ୍ଗ୍, ଆତଃ ସାସାଙ୍ଗ୍ ରାଙ୍ଗ୍ ତାଇକେନା । ସାଦମକଆଃ କୁଲାଇ ଲେକା ବହଃ ତାଇକେନା ଆତଃ ଇନକୁଆଃ ମଟାଏତେ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଅତଙ୍ଗଆଃ ତାଇକେନା । ୧୮ ଆତଃ ଇନକୁଆଃ ମଟାଏତେ ଅତଙ୍ଗଆଃତାନ୍ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଲେକାନ୍ ନେ ଆପିୟା ଦୁକୁହାସୁତେ ହଡ଼କଆଃ ଆପିହିସା ଗନଏଃ ହବାୟାନା । ୧୯ ସାଦମକଆଃ ପେଡ଼େଃ, ଇନକୁଆଃ ମେଦମୁହାଁଡ଼, ଆତଃ ଚାଆଃଲମ୍ରେ ତାଇକେନା । ଇନକୁଆଃ ଚାଆଃଲମ୍ ବିଙ୍ଗକଆଃ ବହଃ ଲେକା ତାଇକେନା ଆତଃ ଏନାତେ ଇନକୁ ହଡ଼କକେ ନକସାନ୍କେ ତାଇକେନାକ ।

୨୦ ଦୁକୁହାସୁକରେ କା ଜିୟନକେଦ୍ତେ ସାରେଜାକାନ୍ ହଡ଼କ ଆକଆଃ ଏଡ଼କାନ୍ କାଜି କାମିକଏତେ କାକ ହେୟାଡ଼ିଙ୍ଗକେଦା । ଇନକୁ ବଙ୍ଗା ସେଧା, ଡିଃଇତେ ବାଇୟାକାନ୍ ସୋନା, ରୁପା, ପିତାଲ୍, ଦିରି ଆତଃ ଦାରୁରେୟାଃ ମୁରୁଡ଼କକେ, ଅକନକତି କାକ ନେଲ୍ ଦାଡ଼ିୟା, କାକ ଆୟୁମ୍ ଦାଡ଼ିୟା ଆତଃ କାକ ସେସେନ୍ ଦାଡ଼ିୟା ଇନକୁକେ ସେଧା ନାଙ୍ଗ୍ କାକ ବାରିକେଦା । ୨୧ ଇନକୁ କା ହେୟାଡ଼ିଙ୍ଗକେଦ୍ତେ ହଡ଼ ଗଗଏଃ, ଦେଅଁଣା କାମି, ଆପାଙ୍ଗିର୍ କାମି, ଆତଃ କୁମୁଡୁ କୁମି କାକ ବାରିକେଦା ।

୧୦

ଦୁଁଡ଼ ଆତଃ ହୁଡ଼ିଙ୍ଗ୍ ମାରି ପୁଥୁ

୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ପେଡ଼େୟାନ୍ ଦୁଁଡ଼କେ ସିର୍ମାଏତେ ଆଡ଼ଗୁଃତାନ୍ ନେଲ୍କିୟାଇଙ୍ଗ । ଇନିଃ ରିମିଲ୍ରେ ଦାନାଙ୍ଗାକାନ୍ ତାଇକେନା ଆତଃ ଲୁର୍ବିଙ୍ଗ୍* ଆୟାଃ ବହଃରେ ବିୟୁରାକାନ୍ ତାଇକେନା । ଇନିୟାଃ ମେଦମୁହାଁଡ଼, ସିଙ୍ଗିଲେକା ଆତଃ ଆୟାଃ ବାରାନ୍ କାଟା ସେଙ୍ଗେଲ୍ବାରାଃ ଖୁଣ୍ଟୁ ଲେକା ନେଲଃ ତାଇକେନା । ୨ ଇନିୟାଃ ଡିଃଇରେ ମିଆଁଦ୍ ହୁଡ଼ିଙ୍ଗ୍ ମାରି ପୁଥୁ ଅଟାଃକାନ୍ ତାଇକେନା । ଇନିଃ ଆୟାଃ ଜମ୍ କାଟାକେ ଦରେୟା ତେତାନରେ ଆତଃ ଲେଙ୍ଗା କାଟାକେ ଅତେ ତେତାନରେ ଦହକାଦ୍ ତାଇକେନା । ୩ କୁଲାଇଃ ହୁକ୍ତାଅ ଲେକା ଇନିଃ କାଉରିକେଦ୍ତେ କେଡ଼ାକେଦା, ଏନ୍ ଲେକାଗି ହୁକ୍ତାଅକେଦ୍ତେ ଏୟା ରିମିଲ୍ସାଡ଼ିକ ଇନିୟାଃ କେନେଡ଼ାରାଃ କାଜିରୁହାଡ଼କେଦାକ । ୪ ଇନକୁ ଜାଗାର୍ତକେନ୍ତେୟାଃ, ଏନାକେ ଆଇଙ୍ଗ୍ ଅଲେ ନାଗେନ୍ତେଇଙ୍ଗ୍ ସେକାଡ଼ଃ ତାଇକେନା, ମେନ୍ଦ୍ ସିର୍ମାଏତେ ମିଆଁଦ୍ ଲାବଜା ଆୟୁମକେଦାଈଙ୍ଗ । ଏନ୍ ଲାବଜା ଆଇଙ୍ଗ୍କେ କାଜିକେଦିୟାଁ, “ରିମିଲ୍ସାଡ଼ିରେ ଅକଆଃ ଆୟୁମକେଦାମ୍, ଏନାକେ ଉକ୍ତକେଦ୍ତେ ଦହେମେ, ଆଲ୍ମେ ଅଲେୟା ।”

* ୧୦:୧ 10:1 ଇନ୍ଦ୍ରଧନୁ

୫ ଏଣେ ଆଇଙ୍ଗ ଅକ ଦୁଢ଼କେ ଦରେୟା ଆତଃ ଅତେ ଚେତାନରେ ତିଙ୍ଗୁଆକାନ୍ ନେଲକାଇ ତାଇକେନାଇଙ୍ଗ, ଇନିଃ ଆୟାଃ ଜମ୍ ତିଃଇକେ ସିର୍ମାସାଃତେ ଉଠାଅକେଦା, ୬ ଆତଃ ଇନିଃ ସିର୍ମା, ଅତେ, ଦରେୟା, ଆତଃ ଏନାରେୟାଃ ସବେନ୍ ବିଷାଏକେ ବାଇୟାକାଦ୍‌ନିଃ ଜାନାଅ ଜାନାଅ ଜାନିଦ୍ ପାର୍ମେଶ୍ଵାର୍‌ଆଃ ନୁତୁମତେ କିରିୟାକେଦତେ କାଜିକେଦା, “ଆତଃ ଦିପିଲି କା ବିଲାନଃଆ ! ୭ ଏୟା ଦୁଢ଼ ବିଙ୍ଗୁଲ୍‌ବାଜା ସାଡ଼ିୟାଏ ଇମ୍ତା, ପାର୍ମେଶ୍ଵାର୍‌ ଆୟାଃ ଦାସିକଆଃ ଆତଃ ନାବୀକଆଃ ଆୟାଃରେ, ଅକ ସୁକୁକାଜି ଉଦୁବକାଦ୍ ତାଇକେନାଏ, ଏନାକେ ପୁରାଏୟାଏ ।”

୮ ଏଣେ ସିର୍ମାରେୟାଃ ଏନ୍ ଲାବ୍‌ଜା ଆଇଙ୍ଗକେ ଆତଃମିସା କାଜିକେଦିୟା, “ଜୁ, ଦରେୟା ଆତଃ ଅତେ ଚେତାନରେ ତିଙ୍ଗୁଆକାନ୍ ଦୁଢ଼ଆଃ ତିଃଇଏତେ ଅଟାଃକାନ୍ ମାରି ପୁଥୁ ଇଦିମେ ।”

୯ ଆଇଙ୍ଗ ଦୁଢ଼ତାଃ ସେନ୍‌କେଦତେ ଏନ୍ ହୁଡ଼ିଙ୍ଗ୍ ମାରି ପୁଥୁକେଇଙ୍ଗ ଆସିକିୟା । ଇନିଃ ଆଇଙ୍ଗକେ କାଜିକେଦିୟା, “ନେଆଁ ଇଦିକେଦତେ ଜମେମେ । ଆମାଃ ଲାହିଦ୍ ନାଗେଣେ ନେଆଁ ମେହେରୁଗିୟା, ମେନ୍‌ଦ ଆମାଃ ମଚାରେ ନେଆଁ ହୁରୁମ୍‌ସୁକୁ ରାସି ଲେକା ହେଡ଼େମ୍‌ଗିୟା ।”

୧୦ ଆଇଙ୍ଗ ଏନ୍ ହୁଡ଼ିଙ୍ଗ୍ ମାରି ପୁଥୁକେ, ଏନ୍ ଦୁଢ଼ଆଃ ତିଃଇଏତେ ଇଦିକେଦତେ ଜମକେଦାଇଙ୍ଗ୍ । ଏନା ଆଇଙ୍ଗାଃ ମଚାରେ ହୁରୁମ୍‌ସୁକୁ ରାସି ଲେକା ହେଡ଼େମକେନା, ମେନ୍‌ଦ ଉଦକେଦ୍ ତାୟମତେ ଲାହିଦ୍ ଭିତାରରେ ମେହେରୁୟାନା । ୧୧ ଏଣେ ଜେତାଏ ମିହୁଡ଼୍ ଆଇଙ୍ଗକେ କାଜିକେଦିୟା, “ପୁରାଃ ଦିଶ୍ମ୍, ଜାତି, ରାକାମ୍ ରାକାମ୍ ଜାଗାର୍‌ତାନ୍ ହଡ଼ ଆତଃ ରାଜାକଆଃ ବିଷାଏରେ ପାର୍ମେଶ୍ଵାର୍‌ଆଃ କାନାଜି, ଆମ୍ ଆତଃମିସା ସେନ୍‌କେଦତେ ଉଦୁବେମେ ।”

୧୧

ବାରିୟା ଗାଞ୍ଜାକିନ୍

୧ ଏଣେ ଜେତାଏ ମିହୁଡ଼୍ ଆଇଙ୍ଗକେ ସଙ୍ଗସତା ଲେକା ମିଆଁଦ୍ ସତା ଏମକେଦତେ କାଜିକେଦିୟା, “ଜୁ, ପାର୍ମେଶ୍ଵାର୍‌ଆଃ ମାହିର୍ ଆତଃ ବେଦି ସଙ୍ଗକେଦତେ, ମାହିର୍‌ରେ ସେଞ୍ଜାତାନ୍ ହଡ଼କକେ ଲେକାକମେ । ୨ ମେନ୍‌ଦ ମାହିର୍ ଅଡ଼ାଃରାଚାକେ ଆଲମ୍ ସଜେୟା । ଚିୟାଃତି ଏନାଦ ସାଆଁସାର୍ ହଡ଼କକେ ଏମାକାନା ଆତଃ ଇନ୍‌କୁ ବାହ୍‌ସି ବାର୍ ମାହିଁନା ଜାକେଦ୍ ନେ ପାବିତାର୍ ନାଗାର୍‌କେ ଆକଆଃ କାଟାଲଃ ତିକାଏୟାକ । ୩ ବାସ୍ତା ଲିଜାଃ ତୁସିଙ୍ଗ୍‌ୟାକାନ୍ ଆଇଁୟାଃ ବାହ୍‌ହଡ଼୍ ଗାଞ୍ଜାକିନ୍‌କେଇଙ୍ଗ୍ କୁଲ୍‌କେଦକିନା । ଇନ୍‌କିନ୍ ୧,୨୭୦ ମାହିଁ ଜାକେଦ୍ ପାର୍ମେଶ୍ଵାର୍‌ଆଃ କାନାଜିକେ ଉଦୁବେୟାକିନ୍ ।”

୪ ଏନ୍ ବାରାନ୍ ଗାଞ୍ଜା ହବାଅଃତାନାକିନ୍, ଅତେରେ ପାର୍ମେଶ୍ଵାର୍‌ଆଃ ଆୟାଃରେ ତିଙ୍ଗୁଆକାନ୍ ବାରିୟା ଜାଇତୁନ୍ ଦାରୁ ଆତଃ ବାରିୟା ଦିଆ ଦହ ଖୁଣ୍ଟୁ ତାନ୍‌କିନ୍ । ୫ ଜେତାଏ ଇନ୍‌କିନାଃ ନକସାନ୍ ରିକା ନାଙ୍ଗ୍ ସାନାଙ୍ଗ୍‌ରେଦ, ଇନ୍‌କିନାଃ ମଚାଏତେ ସେଜେଲ୍ ଅଡ଼ଙ୍ଗକେଦତେ ବାଇରିକ ଜିୟନଃଆ । ନେଲେକା ଜେତାଏ ଇନ୍‌କିନାଃ ନକସାନ୍ ରିକା ନାଗେଣେକ ଅଡ଼ଙ୍ଗଅଃଆ, ଇନ୍‌କୁ ଜିୟନଃଆକ । ୬ ପାର୍ମେଶ୍ଵାର୍‌ଆଃ କାନାଜି ଉଦୁବ୍ ଇମ୍ତା ସିର୍ମାଏତେ ଦାଆଃ ଆଲକାଏ ଗାମାଏ ମେଣେ, ସିର୍ମାରେୟାଃ ରିମିଲ୍‌କେ ହକା ନାଗେଣେ, ସେଡେଙ୍ଗ୍ ଦାଆଃ, ମାୟେମ୍ ହବାଅଃ ନାଗେଣେ ଆତଃ ଆପାନାଃ ଇଛାସାନାଙ୍ଗ୍ ଲେକା ଅତେରେ ମଣେୟା ଦୁକୁହାସ୍ ହବାଅଃ ନାଗେଣେ ଇନ୍‌କିନକେ ଆକଡେୟାର୍ ଏମାକାନା ।

୭ ଇନ୍‌କିନ୍ କାନାଜି ଉଦୁବ୍ ଚାବାକେଦ୍ ତାୟମତେ, ହୁଆଙ୍ଗାଗାଥାଏତେ ମିଆଁଦ୍ ଜାଁତୁ ହିନ୍‌କେଦତେ, ଇନ୍‌କିନ୍‌ଲଃ ଲାପଡ଼ାଇ ରିକାଏୟାଏ । ଇନିଃ ଇନ୍‌କିନକେ ହାରାଅକେଦତେ ଗଏଃକିନା । ୮ ଅକ ମାରାଙ୍ଗ୍ ନାଗାର୍‌ରେୟାଃ ହରାରେ ପ୍ରାଭୁ କୁଶିରେ କିଲାକାନ୍ ତାଇକେନା, ଏନ୍ତାଃରେ ଇନ୍‌କିନାଃ ଗନ୍‌ଏଃ ହଡ଼ମ୍ ଉୟୁଗାକାନ୍ ତାଇନା । ଏନ୍ ମାରାଙ୍ଗ୍ ନାଗାର୍‌କେ ଆମ୍‌କି ଲେକାତେ ସୋଦମ୍ ତାଏ ମିସାର୍ ମେଣେ କାଜିୟାଃକ । ୯ ସବେନ୍ ଦିଶ୍ମ୍‌ରେନ୍ ହଡ଼କ, କିଲିକ, ଏଟାଃ ଏଟାଃ ଜାଗାର୍‌ତାନ୍‌କ, ଆତଃ ଜାତିରେନ୍ ହଡ଼କ ଆପିୟା ଆତଃ ଆଧା ମାହିଁ ଜାକେଦ୍ ଇନ୍‌କିନାଃ ଗନ୍‌ଏଃ ହଡ଼ମ୍‌କ ନେଲେୟା ଆତଃ ଇନ୍‌କିନକେ ତପାଗାଡ଼ାରେ ଜେତାଏ କାକ ତପାକିନା । ୧୦ ନେ ବାରାନ୍‌କିନାଃ ଗନ୍‌ଏଃ ହରାତେ ଅଡେଦିଶ୍ମ୍‌ରେନ୍ ହଡ଼କ ରାସ୍‌କାନାଃକ, ରିଜରାଙ୍ଗକେଦତେ ମିହୁଡ଼୍ ଆତଃମିହୁଡ଼୍‌ତାଃତେ ଦାନକ କୁଲେୟା । ତିଆଃତି ଏନ୍ ନାବୀକିନାଃ ହରାତେ ଅଡେଦିଶ୍ମ୍‌ରେନ୍ ହଡ଼କ ପୁରାଃଗି ଦୁକୁକ ନାମେ ତାଇକେନା । ୧୧ ମେନ୍‌ଦ ଆପିୟା ଆତଃ ଆଧା ମାହିଁ ତାୟମତେ ପାର୍ମେଶ୍ଵାର୍‌ତାଃଏତେ ଜୀଦାନ୍ ଏମାଃରେୟାଃ ହୟ ହିନ୍‌କେଦତେ ଇନ୍‌କିନାଃ ହଡ଼ମରେ ବଲୟାନା ଆତଃ ଇନ୍‌କିନ୍ ବିରିଦକେଦତେ ତିଙ୍ଗୁୟାନାକିନ୍ । ଅକନ୍‌କ ନେଆଁ

* ୧୧:୨ ୧୧:୨ ଲୁକ ୨୧:୨୪. * ୧୧:୨ ୧୧:୨ ଉତ୍କଳ କାଜି ୧୩:୫-୭; ୧୭:୮.

ନେଲକେଦାକ, ଇନ୍ଦ୍ର ପୁରାଣର ବରକେଦାକ । ୧୨ ଆତଃ ଏନ୍ ବାରାନ୍ ନାବାକିନ୍ ମିଆଁଦ୍ ଲାବଜା ସିର୍ମାଏତେ କାଜିତାନ୍ ଆୟୁମ୍ବକେଦାକିନ୍, “ନେତାଃତେ ହିନ୍ଦୁଃବେନ୍ !” ଇନ୍ଦ୍ରକିନାଃ ବାଈରିକ ନେଲ୍ ତାଈକେନ୍ ଇମ୍ବତାରି ଇନ୍ଦ୍ରକିନ୍ ରିମିଲ୍ରେ ସିର୍ମାତେକିନ୍ ରାକାବୟାନା । ୧୩ ଏନ୍ ଦିପିଲିରେ ପୁରାଣର ଅତେ ଏକଲାଅୟାନା, ନାଗାରରେୟାଃ ଗେଲ୍ହିସା ଜିୟନ୍ୟାନା ଆତଃ ଅତେ ଏକଲାଅୟାନ୍ ହରାତେ ୭,୦୦୦ ହାଜାର୍ ହଡ଼କ ଗଏଃୟାନାକ । ଜାନିଦ୍ ତାଈକାନ୍ ହଡ଼କ ବରତେ ସିର୍ମାରେନ୍ ପାର୍ମେଶ୍ଵାର୍ଆଃ ମାନାରାଙ୍ଗ୍ ରିକାକେଦାକ ।

୧୪ ବାରିୟା ସାଈାଟ୍ ଚାବାୟାନା, ମେନ୍ଦ୍ ଆପିୟା ସାଈାଟ୍ ଜାଲ୍ଦି ହିନ୍ଦୁଃତାନା ।

ଏୟା ବିଈଲ୍

୧୫ ଏତ୍ରେ ଏୟା ଦୁଁଦ୍ ଆୟାଃ ବିଈଲ୍ ସାଡ଼ିକେଦାଏ, ଆତଃ ସିର୍ମାରେ କାଉରିକେଦତେ କାଜିତାନ୍ ମିଆଁଦ୍ ଲାବଜା ଆୟୁମ୍ବୟାନା, “ଆରୁଆଃ ପ୍ରାଭୁ ଆତଃ ଆୟାଃ ଖ୍ରୀଷ୍ଟ୍ ଅତେଦିଶ୍ଵମ୍ରେ ରାଈଜେରେୟାଃ ଆକ୍ତେୟାର୍ ନାହିଃଦ୍ ଆୟାଃ ଆପ୍ତନାଃ ତିଃଜରେ ମେନାଃ, ଆତଃ ଇନିଃ ଜାନଅ ଜାନଅ ରାଈଜେୟାଏ । ୧୬ ଏତ୍ରେ ପାର୍ମେଶ୍ଵାର୍ଆଃ ଆୟାଃରେ ଆକଥାଃ ଆପ୍ତନାଃ ରାଜଗାଦିରେ ଦୁବ୍ତାନ୍ ବାର୍ହିସି ଉପ୍ତୁନିୟା ପ୍ରାଚିନ୍ଦ୍ରକ ବହଃ ତିରୁବକେଦତେ ପାର୍ମେଶ୍ଵାର୍କେ ଜହାର୍କିୟାକ ଆତଃ ଆୟାଃ ସୁନ୍ଦସାର୍ ରିକାତାନ୍ଲଃ, ୧୭ କାଜିକେଦାକ,

“ହେ ପ୍ରାଭୁ, ସବେନ୍ ପେଡ଼େୟାନ୍ ପାର୍ମେଶ୍ଵାର୍, ଆମ୍ ତାଈକେନ୍ଦିନିଃ ଆତଃ ମେନାମେନିଃ ତାନ୍ମେ, ଆଲେ ଆମ୍ବକେ ଧାନ୍ୟାବାଦ୍ ଏମାମେତାନାଲେ, ତିଆଃତି ଆମ୍ ପୁରାଃ ପେଡ଼େଃତେ ରାଈଜେ ନାଗେତ୍ରେମ୍ ଏଟେଦ୍କାଦା ।

୧୮ ସାର୍ଥସାର୍ ହଡ଼କ ଖ୍ଵତେ ପେରେଃୟାନାକ,
 ଚିୟାଃତି ଆମାଃ ଖ୍ଵସରାଃ ଦିପିଲି ହିନ୍ଦୁଃକାନା,
 ଗଜାକାନ୍ଦକ ବିଚାରଃଆକ ।

ଆମାଃ ଦାସିକକେ, ନାବାକକେ, ପାବିତାର୍ ହଡ଼କକେ ଆତଃ ଅକନ୍ଦ୍ ଆମ୍ବକେ ବରମେତାନ୍ ହୁଡ଼ିଙ୍ଗ୍ ଆତଃ ମାରାଙ୍ଗ୍ ସବେନ୍ଦକକେ ନାଲା ଏମ୍ରେୟାଃ ଆତଃ ଅକନ୍ଦ୍ ଅତେଦିଶ୍ଵମ୍ବକେ ଜିୟନେୟାକ, ଇନ୍ଦ୍ରକେ ହି ଇୟନଃରେୟାଃ ନେତା ସେଟେରାକାନା ।”

୧୯ ଏସିର୍ମାରେ ତାଈନଃତାନ୍ ପାର୍ମେଶ୍ଵାର୍ଆଃ ମାହିର୍ ନିଜୟାନା ଆତଃ ମାହିର୍ ଈତାର୍ରେ ରାଜିନାମାରେୟାଃ ବାକସା ନେଲଃୟାନା । ଏତ୍ରେ ରିମିଲ୍ ହିବିବକେଦାଏ, ଠେରକେଦାଏ, ଅତେ ଏକଲାଅୟାନା ଆତଃ ପୁରାଣର ଆରିଲ୍ ଉୟାୟାନା ।

୧୨

ମିଆଁଦ୍ କୁଡ଼ି ଆତଃ ମାରାଙ୍ଗ୍ ବିଈ

୧ ଏତ୍ରେ ସିର୍ମାରେୟାଃ ରିମିଲ୍ରେ ମିଆଁଦ୍ ଆକ୍ଦାନ୍ଦାଅ ଚିହ୍ନାଁ ନେଲଃୟାନା, ଏନ୍ତାଃରେ ମିଆଁଦ୍ କୁଡ଼ି ସିଈରାଃ ରାଁପ୍ ଲେକା ଦୁସିଙ୍ଗ୍ୟାକାନ୍ ତାଈକେନାଏ । ଆୟାଃ କାଟା ଲାତାର୍ରେ ଚାଣ୍ଡୁ ଆତଃ ବହଃରେ ଗେଲ୍ବାର ଈପିଲ୍ଚରାଃ ମୁକୁଟ୍ ତାଈକେନା । ୨ ଏନ୍ କୁଡ଼ି ହାମ୍ବାଲ୍ଚରୋଝାକାନ୍ ତାଈକେନାଏ ଆତଃ ହନ୍ ଜାନାମାଃରେୟାଃ ଦୁକୁରେ ହାସୁଲ୍ ନାମେ ତାଈକେନା ।

୩ ସିର୍ମାରେୟାଃ ରିମିଲ୍ରେ ଆତଃମିଆଁଦ୍ ଚିହ୍ନାଁ ନେଲଃୟାନା । ଏନ୍ତାଃରେ ଆଈଙ୍ଗ୍ ଆରାଃ ରାଈରେନ୍ ମିଆଁଦ୍ ମାରାଙ୍ଗ୍ ବିଈ ନେଲ୍କିୟାଈଙ୍ଗ୍, ଇନିୟାଃ ଏୟା ବହଃ, ଗେଲ୍ ଦିରିଙ୍ଗ୍ ଆତଃ ମିପିଆଦ୍ ବହଃରେ ମିପିଆଦ୍ ମୁକୁଟ୍ ତାଈକେନା । ୪ ଇନିଃ ଆୟାଃ ଚାଆଈଲମ୍ବତେ ସିର୍ମାରେନ୍ ଆପି ହିସା ଈପିଲ୍କକେ ଅତେରେ ହୁରାଙ୍ଗ୍କେଦ୍କଥା । ଏନ୍ କୁଡ଼ିରାଃ ହନ୍ ଜାନାମ୍ବୟାନ୍ତି, ଇନିଃକେ ଉଦି ନାଗେତ୍ରେ ମାରାଙ୍ଗ୍ ବିଈ ଏନ୍ କୁଡ଼ିଆଃ ଆୟାଃରେ ତିଈୟାନା । ୫ ଏତ୍ରେ ଏନ୍ କୁଡ଼ି, କଡ଼ାହନ୍ ଜାନାମ୍ବକିୟାଏ, ଇନିଃ ସବେନ୍ ଦିଶ୍ଵମ୍ବକେ ମିଆଁଦ୍ ମେଡ଼େଦ୍ ସଗାତେ ରାଈଜେୟା । ମେନ୍ଦ୍ ଏନ୍ ହନ୍କେ ଛଡ଼ାଅ ଈଦିକେଦ୍ତେ ପାର୍ମେଶ୍ଵାର୍ଆଃ ରାଜଗାଦି ଆୟାଃରେ ଈଦିୟାନା । ୬ ଆତଃ ଏନ୍ କୁଡ଼ି ବିରୁତେ ନିରୟାନା । ଏନ୍ତାଃରେ ୧,୨୭୦ ମାହିଁ ଜାକେଦ୍ ଆୟାଃ ତାଈନଃ ନାଗେତ୍ରେ ପାର୍ମେଶ୍ଵାର୍ ଠାୟାଦ୍ ବାଈକେଦାଏ ।

* ୧୧:୧୩ ୧୧:୧୩ ଉତ୍କଳ କାଜି ୬:୧୨; ୧୭:୧୮. * ୧୧:୧୯ ୧୧:୧୯ ଉତ୍କଳ କାଜି ୮:୫; ୧୭:୧୮; ଉତ୍କଳ କାଜି ୧୭:୨୧.

୭ ଏବଂ ସିମ୍ଭାରେ ମାପାଠପୁରୁଷଙ୍କ ଏନେଚେଦୟାନା । ମିଖେଲ୍ ଆତଃ ଆୟାଃ ଦୁଃକ, ଏନ ମାରାଙ୍ଗ ବିଜ୍ଞ ଆତଃ ଆଇଃକକେ ଅତଙ୍ଗତାନ ଦୁଃକଲଃ ଲାପାଡ଼ାଇୟାନାକ । ୮ ମେନ୍ଦ ଦ୍ଵାପାଡ଼ାଇରେ ମାରାଙ୍ଗ ବିଜ୍ଞ ଆତଃ ଆଇଃକକେ ଅତଙ୍ଗତାନ ଦୁଃକ କାକ ଜିତାଅ ଦାଡ଼ିୟାନା ଆତଃ ଇନ୍କୁ ସିମ୍ଭାରେ ଠାୟାଦ୍ କାକ ନାମକେଦା । ୯ ଏନ୍ ମାରାଙ୍ଗ ବିଜ୍ଞ ହବାଅଃତାନାଏ, ସବେନ୍ ଅତେଦିଶ୍ଵମ୍ଭାକେ ବେଦାକାଦ୍ ମାରି ମାରାଙ୍ଗ ବିଜ୍ଞ, ସାଏତାନ; ଆୟାଃ ଦୁଃ ଆତଃ ପେଡ଼େୟାନ୍ ଝୁଣ୍ଡଲଃ ଅତେଦିଶ୍ଵମ୍ଭାକେ ହୁରାଙ୍ଗୟାନା ।

୧୦ ଏବଂ ଆଇଙ୍ଗ ସିମ୍ଭାରେ ପୁରାଃ କାଉରିକେଦତେ ମିଆଁଦ୍ ଲାବ୍ଜା ଆୟୁମ୍ଭାକେଦାଈଙ୍ଗ, “ନାହିଃଦ ପାର୍ଠମେଶ୍ଵାର୍ଆଃ ଜୀଉବାଞ୍ଚାଅ ସେଚେରାକାନା । ଆୟାଃ ପୁରାଃ ପେଡ଼େଃ, ରାଈଙ୍ଗ ଆତଃ ଆୟାଃ ମାସିଆଃ ଆକ୍ତେୟାର୍ ଉଦୁବାକାନା । ଅକ ପୈସିରିରେ ଉୟୁଃ ନାଙ୍ଗ ନିଦାସିଙ୍ଗି ପାର୍ଠମେଶ୍ଵାର୍ଆଃ ଆୟାର୍ରେ ତିଙ୍ଗକେଦତେ, ଆବୁଆଃ ହାଗା ମିଶିକଆଃ ବିରୁଧରେ ହସଡ୍ କାଜିନିଃ ତିସିଙ୍ଗ ସିମ୍ଭାଏତେ ହୁରାଙ୍ଗ ଏଶ୍ଵାଃକାନା । ୧୧ ମିଶ୍ଵିହନ୍ଆଃ ମାୟୋମରାଃ ପେଡ଼େଃତେ ଆତଃ ଆକଆଃ ଗାଞ୍ଜାରେୟାଃ କାଜି ଉଦୁଦ୍ ହରାତେ ଆବୁଆଃ ହାଗା ମିଶିକ ଜିତାଅକାନାକ, ଆତଃ ଗନଏଃ ଜାକେଦ୍ ଇନ୍କୁ ଆକଆଃ ଆପ୍ତାନାଃ ଜୀଉକେ କା ଦୁଲ୍ଲାଡ଼କେଦତେ ଜୀଉ ଏମ୍ ନାଗେତ୍ରେ ସେକାଡ଼ାକାନ୍ ତାଇକେନାକ । ୧୨ ଏନାତେ ସିମ୍ଭା ଆତଃ ସିମ୍ଭାରେ ତାଇନତାନ ସବେନ୍ଦକ ରାସ୍ଵକାଅଃପେ । ମେନ୍ଦ୍ ହାଏ, ଅତେ ଆତଃ ଦରେୟାରେନ୍ ସବେନ୍ଦକ, ଆପେୟାଃ ଦୁର୍ଦଦାଏ ଚିମିନ୍ ବରଞ୍ଜାନଗିଆ ! ନାହିଃ ସାଏତାନ ଆପେତାଃରେ ପୁରାଃଗି ଖ୍ଵକାନା, ତିଆଃତି ଈନିଃ ସାରିତାନାଏ ଆୟାଃ ନେତା ପୁରାୟାନଗିଆ ।”

୧୩ ଏନ୍ ମାରାଙ୍ଗ ବିଜ୍ଞ ଆପ୍ତାନକେ ଅତେରେ ହୁରାଙ୍ଗକାନ୍ ନେଲ୍ଲକେଦତେ ଏନ୍ ହନ୍ ଜାନାମାକାଈ କୁଡ଼ିଆଃ ଦୟା ଦୟା କୁଦାଅକିୟାଏ । ୧୪ ଏନ୍ ବିଜ୍ଞତାଃଏତେ ବାଞ୍ଚାଆଃ ନାଗେତ୍ରେ, ଏନ୍ କୁଡ଼ିକେ ବାଜ୍ ଅଡ଼େରାଃ ବାରିୟା ମାପ୍ତରାଙ୍ଗ ଆପ୍ତରଦ୍ ଏମ୍ୟାନା । ଏନାଃଲଃ ଈନିଃ ବିରୁତେ ଆପ୍ତରୟାନା ଆତଃ ଏନ୍ତାଃରେ ଆପିୟା ଆତଃ ଆଧା ବାରାଷ୍ଠ ଜାକେଦ୍ ବୁଗିଲେକା ତାଇନକେଦତେ ଆୟୁଲ୍ୟାନା । ୧୫ ଏବଂ ଏନ୍ କୁଡ଼ି ଗାଡ଼ାରେୟାଃ ଦାଆଃରେ ଆତୁଃକାଏ ମେତ୍ରେ ମାରାଙ୍ଗ ବିଜ୍ଞ ଆୟାଃ ମତାଏତେ ଚୁଡା ଦାଆଃ ପୁରକାଅ ଅତଙ୍ଗକେଦାଏ । ୧୬ ମେନ୍ଦ୍ ଏନ୍ କୁଡ଼ିକେ ବାଞ୍ଚାଅ ନାଗେତ୍ରେ ଅତେ ଆୟାଃ ମତା ଅତାଃକେଦତେ, ମାରାଙ୍ଗ ବିଜ୍ଞରାଃ ମତାଏତେ ଅତଙ୍ଗଆଃତାନ ସବେନ୍ ଚୁଡା ଦାଆଃ ନୁଁ ଆଞ୍ଜେଦ୍ କେଦାଏ । ୧୭ ଏନାରେ ମାରାଙ୍ଗ ବିଜ୍ଞ ଏନ୍ କୁଡ଼ି ଚେତାନରେ ପୁରାଃଗି ଖ୍ଵୟାନା ଆତଃ ଆୟାଃ କିଲିରେନ୍ ସାରେଜାକାନ୍ ହନ୍କଲଃ ଲାପ୍ତାଈ ନାଗେତ୍ରେ ଅତଙ୍ଗୟାନା । ଅକନ୍ଦକ ପାର୍ଠମେଶ୍ଵାର୍ଆଃ ଆନ୍ତୁକ ମାନାତିଙ୍ଗ ତାନା ଆତଃ ଯୀଶୁଆଃ ବିଷାଏରେ ଗାଞ୍ଜା ଏମାଃକ, ଇନ୍କୁ ଆୟାଃ ହନ୍ଦକ ତାନ୍ଦକ । ୧୮ ଆତଃ ଏନ୍ ମାରାଙ୍ଗ ବିଜ୍ଞ ଦରେୟା ଗେନାରେ ତିଙ୍ଗୟାନା ।

୧୩

ବାରିୟା ଜାଁତୁ

୧ ଏବଂ ଆଇଙ୍ଗ ଦରେୟାଏତେ ମିଆଁଦ୍ ଜାଁତୁକେ ରାକାଦ୍ତେୟାଃ ନେଲ୍ଲକିୟାଈଙ୍ଗ । ଈନିୟାଃ ଗେଲ୍ ଦିରିଙ୍ଗ ଆତଃ ଏୟା ବହଃ ତାଇକେନା । ମିପିଆଦ୍ ଦିରିଙ୍ଗକରେ ମିପିଆଦ୍ ମୁକୁର୍ଦ୍ ଆତଃ ମିପିଆଦ୍ ବହଃକରେ ପାର୍ଠମେଶ୍ଵାର୍ରେକ ନିଯାଇ ମିପିଆଦ୍ ନୁଡୁମ୍ ଅଲ୍ଲକାନ୍ ତାଇକେନା । ୨ ଆଇଙ୍ଗ ନେଲ୍ଲକାଈ ଜାଁତୁ କୁଲ୍ଲା ଲେକାଏ ତାଇକେନା, ଈନିୟାଃ କାଟା ଭାଲୁରାଃ କାଟା ଲେକା ଆତଃ ଈନିୟାଃ ମତା ସିଂହରାଃ ମତା ଲେକା ତାଇକେନା । ଏନ୍ ମାରାଙ୍ଗ ବିଜ୍ଞ ଦରେୟା ଗେନାରେ ତାଇକେଦତେ, ଆୟାଃ ସବେନ୍ ପେଡ଼େଃ ରାଜ୍ଗାଦି ଆତଃ ମାରାଙ୍ଗ ଆକ୍ତେୟାର୍ ଆଇଃକକେ ଏମ୍ୟାନା । ୩ ଜାଁତୁରାଃ ମିଆଁଦ୍ ବହଃ ଅମ୍ଭାଗି ଠଗାକାନ୍ ଲେକା ଆର୍ଦକାରଃ ତାଇକେନା । ମେନ୍ଦ୍ ଘାଅକାନ୍ତାଃ ବୁଗିକାନ୍ ତାଇକେନା ଆତଃ ଗଗା ଅତେଦିଶ୍ଵମ୍ଭାକେ ସବେନ୍ଦକ ଆକ୍ତାଦାଅକେଦତେ ଜାଁତୁକେ ଅତଙ୍ଗକିୟାକ । ୪ ଆତଃ ସବେନ୍ଦକ ଏନ୍ ମାରାଙ୍ଗ ବିଜ୍ଞକେ ସ୍ଵନ୍ଦସାର୍କିୟାକ, ତିଆଃତି ଈନିଃ ଆୟାଃ ପେଡ଼େଃ ଏନ୍ ଜାଁତୁକେ ଏମ୍କିୟା । ଇନ୍କୁ ଜାଁତୁକେହଗି ସ୍ଵନ୍ଦସାର୍କେଦତେ କାଜିକେଦାକ, “ଅକଏ ନେ ଜାଁତୁ ଲେକାଏ ହବାଦାଡ଼ିୟଃଆ ? ଅକଏ ଆୟାଃଲଃ ଲାଡ଼ାଇ ଦାଡ଼ିୟାଏ ?”

୫ ଏନ୍ ଜାଁତୁକେ ପାର୍ଠମେଶ୍ଵାର୍ଆଃ ବିରୁଧରେ ହିଲ୍ଲାଙ୍ଗ କାଜି ଆତଃ ନିଯାଇ କାଜିକ କାଜି ନାଗେତ୍ରେ ଆତୁକାନା, ଆତଃ ବାରୁହିସି ବାର ମାହ୍ ଲାକେଦ୍ ଆକ୍ତେୟାର୍ରେ ନାଗେତ୍ରେ ଈନିଃକେ ଆତୁକାନ୍ ତାଇକେନା । ୬ ଏନ୍ ଜାଁତୁ ପାର୍ଠମେଶ୍ଵାର୍ଆଃ ବିରୁଧରେ କାଜି ଏଚେଦକେଦତେ, ଆୟାଃ ନୁଡୁମ୍, ଆୟାଃ

* ୧୨:୭ ୧୨:୭ ଛିତ୍ରଦା ୧:୯. * ୧୨:୯ ୧୨:୯ ଲୁକ ୧୦:୧୮. * ୧୩:୧ ୧୩:୧ ଉତ୍କଳ କାଜି ୧୩:୭-୧୨.

ତାଙ୍କନଃ ଠାୟାଦ୍, ଆତଃ ସିର୍ମାରେ ତାଙ୍କନତାନ୍ ସବେନକକେ ନିନ୍ଦାକେଦକଥା ।^୭ ପାର୍ମ୍ବେଶ୍ୱାର୍ଥାଃ ହତକଥାଃ ବିରୁଧ୍ରେ ଲାଡ଼ାକକେଦତେ ଜନକ୍ରୁକେ ହାରାଥ ନାଗେନ୍ତେ ଜନିଃକେ ଆକ୍ତେୟାର୍ ନାମୟାନା ଆତଃ ମିପିଆଦ୍ କିଲି, ଦିଶ୍ୱମ୍, ଏତାଃ ଏତାଃ ଜାଗାର୍ତାନଃ ଆତଃ ଜାତିକଥାଃ ଚେତାନରେ ଜନିଃକେ ଆକ୍ତେୟାର୍ ଏମୟାନା ।^୮ ଅତେଦିଶ୍ୱମ୍ବରାଃ ଏନେଚେଦ୍ ସିଦାରେ ଅକନ୍ ହତକଥାଃ ନୁତୁମ୍ ଦାଣ୍ଠେ ରାକାବଠତାନ୍ ମିଶ୍ୱିହନ୍ଥାଃ ଜାଦାନ୍ ପୁଥୁରେ ଅଲ୍ଲାନାନ୍ ତାଙ୍କନେନା, ଜନକ୍ରୁକେ ବାଗିକେଦତେ ଅତେଦିଶ୍ୱମ୍ବରେନ୍ ଏତାଃ ସବେନକ ଏନ୍ ଜାତୁରାଃ ସୁନୁସାର୍ ରିକାଏୟାକ ।

^୯ ଆୟୁମ୍ ନାଗେନ୍ତେ ଜୁତୁର୍ ମେନାଃନିଃ ଆୟୁମେକାଏ ।^{୧୦} ପାର୍ମ୍ବେଶ୍ୱାର୍ଥାଃ ସାନାଙ୍ଗ ଲେକାତେ, ଜେତାଏ ତଲ୍ଲ ଜଦିୟଃନିଃ ସାର୍ତ୍ତଗି ତଲ୍ଲ ଜଦିୟଃଥା । ଜେତାଏ ଏତାଃନିଃକେ ତାରାଉଡ଼ିତେ ମାଆଃ ଗଜିନିଃ, ଆକ୍ଷକ୍ତା ତାରାଉଡ଼ିତେ ମାଆଃ ଗଜଃଥା । ନେ ଦିପିଲିରେ ପାର୍ମ୍ବେଶ୍ୱାର୍ଥାଃ ହତକ ନାଗେନ୍ତେ ଧୂରାଜ୍ ଆତଃ ବିଶ୍ୱାସ୍ ତାଙ୍କନଃନି ଲାଗାତିଙ୍ଗୟାଃ ।

^{୧୧} ଏନ୍ତେ ଆଇଙ୍ଗ୍ ଆତଃନିଆଦ୍ ଜାତୁକେ ଅତେହେତେ ଚେତାନତେ ବିରିଦ୍ ରାକାବତେୟାଃ ନେଲ୍ଲକିୟାକ୍ତା । ମିଶ୍ୱିହନ୍ଥାଃ ଦିରିଙ୍ଗ୍ ଲେକାଗି ଜନିୟାଃ ବାରିୟା ଦିରିଙ୍ଗ୍ ତାଙ୍କନେନା ଆତଃ ଜନିଃ ମାରାଙ୍ଗ୍ ବିଙ୍ଗ୍ ଲେକାଏ ଜାଗାର୍ତାନଃ ତାଙ୍କନେନା ।^{୧୨} ଏନ୍ ଏତାଃ ଜାତୁ ପାହିଲା ଜାତୁରାଃ ନେପେଲ୍ଲରେ ଆୟାଃ ପେଡ଼େଃକେ ଉଦୁବକେଦା । ଆତଃ ଏନ୍ ପାହିଲା ଜାତୁ, ଅକଏୟାଃଚି ଘାଥ ବୁଗିୟାକାନ୍ ତାଙ୍କନେନା, ଜନିୟାଃ ସୁନୁସାର୍ ରିକା ନାଗେନ୍ତେ ଅତେଦିଶ୍ୱମ୍ବରେନ୍ ସବେନକକେ ଜାବାର୍ତ୍ତାସ୍ତ୍ରକେଦକଥା ।^{୧୩} ଏତାଃ ଜାତୁ ପୁରାଃ ଆକ୍ଦାନ୍ଥା କାମିକଏ କାମିକେଦା । ସବେନକଥାଃ ଆୟାର୍ରେ ସିର୍ମାଏତେ ଅତେରେ ସେଙ୍ଗେଲ୍ଲଗାମା ଗାମାଜିକେଦାଏ ।^{୧୪} ଆତଃ ପାହିଲା ଜାତୁରାଃ ତାଙ୍କନଃ ଦିପିଲିରେଗି, ନେଲ୍ଲେକା ପୁରାଃନି ଆକ୍ଦାନ୍ଥା କାମିକ ରିକାକେଦତେ ଅତେଦିଶ୍ୱମ୍ବରେନ୍ ସବେନକକେ ବେଦାକେଦକଥା । ତାରାଉଡ଼ିତେ ମାଆଃକାନ୍ରେୟ, ବାଞ୍ଛାଥକାନ୍ ପାହିଲା ଜାତୁରାଃ ମାଙ୍କନଃ ନାଙ୍ଗ୍ ଆୟାଃ ମିଆଦ୍ ମୁରୁଦ୍ ବାଜ ନାଗେନ୍ତେ ଏତାଃ ଆତଃନିଆଦ୍ ଜାତୁ ହତକକେ ଆରୁକେଦକଥା ।^{୧୫} ପାହିଲା ଜାତୁରାଃ ମୁରୁଦ୍ ଜେଲ୍ଲେକା ଜାଗାର୍ ଦାଡ଼ିୟାଏ ଆତଃ ଏନ୍ ମୁରୁଦ୍ କେ କାକ ସୁନୁସାର୍ତାନଃ ହତକକେ ଜେଲ୍ଲେକା ଗନଏଃ ସାଜାକ୍ ଏମଃଥା, ଏନାମେନ୍ତେ ଏତାଃ ଆତଃନିଆଦ୍ ଜାତୁକେ ଏନ୍ ମୁରୁଦ୍ରେ ଜୀଉ ଏମରେୟାଃ ଆକ୍ତେୟାର୍ ଏମୟାନା ।^{୧୬} ହୁତିଙ୍ଗ୍ ଆତଃ ମାରାଙ୍ଗ୍, ଗାରିଦ୍ ଆତଃ କିର୍ସାଣ୍, ଦାସିକାନ୍ ଆତଃ କା ଦାସିକାନ୍, ସବେନକକେ ଜନକ୍ରୁଥାଃ ଜମ୍ବିଃକରେ ଚାଏ ମଲ୍ଲକ୍ରେ ମିଆଦ୍ ଖଦାକାନ୍ ଚିଙ୍ଗାଁ ଦହ ନାଗେନ୍ତେ ଜନିଃ ଜାବାର୍ତ୍ତାସ୍ତ୍ରକେଦକଥାଏ ।^{୧୭} ଅକ ହତ୍ ଏନ୍ ଜାତୁରାଃ ନୁତୁମ୍ ଚାଏ ଆୟାଃ ନୁତୁମ୍ବରାଃ ନାମ୍ବାର୍ କାଏ ଖଦାକାନ୍ରିୟା, ଜନିଃ ଜେତନାଃ କିରିଙ୍ଗ୍ ଚାଏ ଆଖିରିଙ୍ଗ୍ କାଏ ଦାଡ଼ିୟା ।

^{୧୮} ନେତାଃରେ ସେଣାଁ ତାଙ୍କନଃ ଲାଗାତିଙ୍ଗୟାଃ । ଏନ୍ ଜାତୁରାଃ ନାମ୍ବାର୍ ସେଣାଁନ୍ ହତ୍ ଏସ୍କାର୍ ସାରି ଦାଡ଼ିୟାକ । ଚିଆଃଚି ନେ ନାମ୍ବାର୍ ମିଆଦ୍ ହତୁରାଃ ନାମ୍ବାର୍ ତାନାଃ, ଏନା ହବାଥତାନା ୭୬୭ ।

୧୪

ମିଶ୍ୱିହନ୍ ଆତଃ ଆକ୍ଷକ୍ତେ ଅତଙ୍ଗ୍‌ଜାତାନକ

^୧ ଏନ୍ତେ ଆଇଙ୍ଗ୍ ଏନ୍ ମିଶ୍ୱିହନ୍ କେ ସିନାକ୍ ବୁରୁରେ ତିଙ୍ଗ୍‌ଆକାନ୍ ନେଲ୍ଲକିୟାକ୍ତା ଆତଃ ଜନିଃକଲ ୧୪୪,୦୦୦ ହତକ ତାଙ୍କନେନାକ । ଜନକ୍ରୁଥାଃ ମଲ୍ଲକ୍ରେ ମିଶ୍ୱିହନ୍ ଆତଃ ଆୟାଃ ଆପୁଥାଃ ନୁତୁମ୍ ଅଲ୍ଲାନାନ୍ ତାଙ୍କନେନା ।^୨ ଏନ୍ତେ ଆଇଙ୍ଗ୍ ପୁରାଃନି ଲିଙ୍ଗିୟଃତାନ୍ ସେତେଙ୍ଗ୍ ଦାଆଃରାଃ ସାଡ଼ି ଆତଃ ରିମିଲ୍ ସାଡ଼ି ଲେକା ମିଆଦ୍ ସାଡ଼ି ସିର୍ମାଏତେଇଙ୍ଗ୍ ଆୟୁମ୍ କେଦା । ବାନାମ୍ ସାଡ଼ିତାନକଥାଃ ବାନାମ୍ ସାଡ଼ି ଲେକା ଆୟୁମଃ ତାଙ୍କନେନା ।^୩ ଅତେଦିଶ୍ୱମ୍ବରେ ମୁକ୍ତି ନାମାକାଦ୍ ଏନ୍ ୧୪୪,୦୦୦ ହତକ, ସିର୍ମାରେୟାଃ ରାଜ୍‌ଗାଦି, ଉପୁନିୟା ଜାତୁକଥାଃ ଆତଃ କାଲିସିୟାରେନ୍ ପ୍ରାଚିନକଥାଃ ଆୟାର୍ରେ ତିଙ୍ଗ୍‌ୟାନାକ । ଜନକ୍ରୁ ନାଞ୍ଜାଦୁରାଙ୍ଗ୍ ଦୁରାଙ୍ଗ୍ ତାଙ୍କନେନାକ । ଜନକ୍ରୁକେ ବାଗିକେଦତେ ଆତଃଜେତାଏ କାକ ଦୁରାଙ୍ଗ୍ ଦାଡ଼ିତାଙ୍କନେନା । ସବେନ୍ ମାନଞ୍ଜାକଏତେ ଜନକ୍ରୁ ଏସ୍କାର୍ ଜୀଉବାଞ୍ଛାଥ ନାମାକାଦ୍ ତାଙ୍କନେନାକ ।^୪ ଜନକ୍ରୁ କୁଡ଼ିକଲଃ ହତମରେୟାଃ ଏଡ଼କାନ୍ କାମି ଚିଉଲାଥ କା ରିକାକେଦତେ କା ସଡ଼ରାକାନ୍ ତିଶ୍ୱାଗିକ ତାଙ୍କନେନା, ଆତଃ ସବେନ୍ ଜମ୍ବାତା ମିଶ୍ୱିହନ୍ କେ ଅତଙ୍ଗ୍‌ତାନ୍ ହତକ ତାଙ୍କନେନା । ଜନକ୍ରୁ ମାନଞ୍ଜାକ ଆଲାଏତେ ମୁକ୍ତି ନାମକେଦତେ ପାର୍ମ୍ବେଶ୍ୱାର୍ ଆତଃ ମିଶ୍ୱିହନ୍ତାଃରେ ଦାନ୍ ରାକାବାକାନାକ ।^୫ ଜନକ୍ରୁ ଚିଉଲାଥ ହସଡ଼କାଜି କାକ କାଜି, ଆତଃ ପୁରାଗି ବେଗାର୍ ଚିଚାକାନ୍ ହତକ ତାନ୍କ ।

* ୧୪:୧ ୧୪:୧ ଉତ୍କଳ କାଜି ୭୩.

ଆପିୟା ଦୁର୍ଦ୍ଦ

୭ ଏନ୍ତେ ଆଇଙ୍ଗ ଏଗାଃ ମିଆଁଦ ଦୁର୍ଦ୍ଦକେ ଆଲା ସିର୍ମାରେ ଆପିରତାନ ନେଲକିୟାଇଙ୍ଗ । ଅତେରେନ୍ ସବେନ୍ ହଡ଼, କିଲି, ଏଗାଃ ଏଗାଃ ଜାଗାରତାନକ ଆତଃ ଦିଶ୍ୱମରେନ୍ ହଡ଼କଆଃ ଆୟାରରେ ପାର୍ମେଶ୍ୱାରଆଃ ଏନ୍ ଜାନାଅ ଜାନାଅରେୟାଃ ସୁକୁକାଜି ଉଦ୍‌ବତାନାକ । ୭ ଇନିଃ କାରରିକେଦତେ କାଜିତାଇକେନା, “ପାର୍ମେଶ୍ୱାରକେ ବରଇଦେ, ଆୟାଃ ମାନାରାଙ୍ଗ୍ ରିକାଏଦେ, ତିଆଃଟି ମାନଖାରାଃ ବିତାର୍ ନେତା ସେଟେରାକାନା । ସିର୍ମା, ଅତେ, ଦରେୟା ଆତଃ ସେତେଙ୍ଗ୍ ବାବାଇନିୟାଃ ସୁନୁସାର୍ ରିକାଏଦେ ।”

୮ *ଏନ୍ ପାହିଲା ଦୁର୍ଦ୍ଦଆଃ ତାୟମତେ ଏଗାଃ ଦୁର୍ଦ୍ଦ କାଜିକେଦାଏ, “ଅକ ମାରାଙ୍ଗ୍ ନାଗାର୍ ବାବିଲୋନ୍, ସବେନ୍ ହଡ଼କକେ ଆୟାଃ ଆପାଜିର୍ କାମି ଲେକାନ୍ ଇଲିଆର୍ଖ୍ ଆନୁକାଦକଆଏ, ଇନିୟାଃ ଜିୟନ୍ ହବାକାନା ।”

୯ ଏନ୍ତେ ନେ ବାରିୟା ଦୁର୍ଦ୍ଦକିନାଃ ତାୟମତେ, ଆତଃମିଆଁଦ ଦୁର୍ଦ୍ଦ କାରରିକେଦତେ କାଜିକେଦା, “ଜେତାଏ ଜାଁତୁ ଆତଃ ଆୟାଃ ମୁରୁଡ଼କେ ସୁନୁସାର୍ ରିକାଏୟା ଆତଃ ଆପନାଃ ମଲଙ୍ଗ୍ରେ ଚାଏ ଡିଃଇରେ ଆୟାଃ ଚିହ୍ନାଁ ଖଦାକାନରେଦ, ୧୦ ଇନିଃ ପାର୍ମେଶ୍ୱାରଆଃ ଖ୍ୱୟଅଃ ଲେକାନ୍ କାଟୋରାରେ ଦୁଲାକାନ୍ ଆୟାଃ ପୁରାଃ ଖ୍ୱୟରେୟାଃ ଇଲିଆର୍ଖ୍ ନୁଁଇଆ । ଅକ ହଡ଼କ ନେ କାମିକ ରିକାଏୟା, ଇନ୍‌କୁ ସବେନ୍‌କ ମିଶ୍ୱିହନ୍ ଆତଃ ପାବିତାର୍ ଦୁର୍ଦ୍ଦକଆଃ ସାମ୍ନାଙ୍ଗ୍ରେ ସେଙ୍ଗେଲ୍ ଆତଃ ଗାନ୍ଧାକ୍ରେ ଦୁକୁକ ନାମେୟା । ୧୧ ଏନ୍ ଦୁକୁରେୟାଃ ସୁକୁଲ୍ ଜାନାଅ ଜାନାଅ ସୁକୁଲଃଆ । ଅକ ହଡ଼କ ଜାଁତୁ ଆତଃ ଆୟାଃ ମୁରୁଡ଼କେ ସୁନୁସାର୍ ରିକାଏୟାକ, ଚାଏ ଆୟାଃ ଚିହ୍ନାଁ ଖଦାନାଃକ, ଇନ୍‌କୁ ନିଦାସିଲି ସବେନ୍ ଇମ୍ତା କା ରୁଡ଼ନୁ ଦୁକୁକ ନାମେୟା ।”

୧୨ ଅକ ପାବିତାର୍ ହଡ଼କ ପାର୍ମେଶ୍ୱାରଆଃ ହୁକୁମକ ମାନାଡିୟାଃ ଆତଃ ଯୀଶୁକେ ବିଶ୍ୱାସାଃକ, ଇନ୍‌କୁ ମାନାଡିଙ୍ଗ୍ରେ ଆତଃ ବିଶ୍ୱାସରେ ପାଡିୟାରଃ ଲେକା ତାଇନ୍ ଲାଗାଡିଙ୍ଗ୍ୟାଃ ।

୧୩ ଏନ୍ତେ ଆଇଙ୍ଗ ସିର୍ମାଏତେ ମିଆଁଦ ଲାବ୍‌କା ଆୟୁମକେଦାଈଙ୍ଗ, “ନେ କାଜି ଅଲେମେ, ନାହାଃଏତେ ପ୍ରାଭୁତାଃରେ ବିଶ୍ୱାସକେଦତେ ଅକ ହଡ଼କଆଃ ଗନଏଃ ହବାଅଃଆ, ଇନ୍‌କୁ ସୁକୁତାନିୟାକ ।” ଆତଃଗିଇଙ୍ଗ୍ ଆୟୁମକେଦା, ପାବିତାର୍ ଆମ୍ବା କାଜିତାନାଏ, ନେଆଁ ସାର୍ଡିଗି ହବାଅଃଆ । “ଏନ୍ ହଡ଼କ ଆକଆଃ କେଟେଦ କାମିଏତେ ରୁଡ଼ନୁକ ନାମେୟା, ତିଆଃଟି ଇନ୍‌କୁ କାମିକାଦ୍ କାମି ଆକଲଃ ମିସାତେ ସେନା ।”

ଅତେରେ ଇରଃ ଦିପିଲି

୧୪ ଏନ୍ତେ ଆଇଙ୍ଗ ମିଆଁଦ ପୁଣ୍ଡି ରିମିଲ୍ ଆତଃ ଏନ୍ ରିମିଲ୍ରେ ମାନଖାହନ୍ ଲେକା ମିହୁଡ଼କେ ଦୁବାକାନ୍ ନେଲକିୟାଇଙ୍ଗ । ଇନିୟାଃ ବହଃରେ ସୋନାରେୟାଃ ମୁକୁର୍ ଆତଃ ଇନିୟାଃ ଡିଃଇରେ ମିଆଁଦ ଲେସେର୍ ଦାଡ଼ରମ୍ ତାଇକେନା । ୧୫ ଏନ୍ତେ ମିଆଁଦ ଦୁର୍ଦ୍ଦ ମାନ୍ଦିରହେତେ ଅତଙ୍ଗ୍‌ୟାନ୍‌ଲଃ, ଏନ୍ ରିମିଲ୍ରେ ଦୁବାକାନ୍‌ନିଃକେ କାରରିକେଦତେ କାଜିକିୟା, “ଆମାଃ ଦାଡ଼ରମ୍ ସାବକେଦତେ ମାତାକାନ୍ ବାବା ଇରେମେ । ଅତେରେୟାଃ ବାବା ଇରେ ନାଗେନ୍ତେ ଦିପିଲି ସେଟେରାକାନା ।” ୧୬ ନେଆଁ ଆୟୁମକେଦତେ ରିମିଲ୍ରେ ଦୁବାକାନ୍‌ନିଃ ଦାଡ଼ରମ୍‌ଲଃ ମାତାବାବା ଇର୍ ଏଟେଦକେଦାଏ ଆତଃ ଅତେରେୟାଃ ସବେନ୍ ବାବା ହୁଣ୍ଡିକେଦାଏ ।

୧୭ ଏନ୍ତେ ଏଗାଃ ଆତଃମିଆଁଦ ଦୁର୍ଦ୍ଦ ସିର୍ମାରେୟାଃ ମାନ୍ଦିରହେତେ ହିଜୁଡ଼କାନ୍ ନେଲକିୟାଇଙ୍ଗ, ଇନିୟାଃ ଡିଃଇରେୟା ମିଆଁଦ ଲେସେର୍ ଦାଡ଼ରମ୍ ତାଇକେନା ।

୧୮ ଏନ୍ତେ ଆତଃମିଆଁଦ ଦୁର୍ଦ୍ଦ ବେଦିହେତେ ହିଜୁଡ଼ୟାନା । ଇନିୟାଃ ସେଙ୍ଗେଲ୍ ଚେତାନରେ ଆକ୍‌ତେୟାର୍ ତାଇକେନା । ଇନିଃ ଲେସେର୍ ଦାଡ଼ରମ୍ ସାବାକାଦ୍ ଦୁର୍ଦ୍ଦକେ କାରରିକେଦତେ କାଜିକିୟା, “ଅତେରେୟାଃ ଦାଖ୍‌ନାଡିରେ ଜାକାନ୍ ଅଙ୍ଗ୍‌ର୍ ଝୁପାକକେ ଦାଡ଼ରମ୍‌ଲଃ ଇରେମେ । ତିଆଃଟି ଅଙ୍ଗ୍‌ର୍ ମାତାୟାନିୟା ।” ୧୯ ଏନ୍ତେ ଏନ୍ ଦୁର୍ଦ୍ଦ ଅତେଦିଶ୍ୱମରେୟାଃ ଦାଖ୍‌ନାଡିରାଃ ଅଙ୍ଗ୍‌ର୍‌କ ଦାଡ଼ରମ୍‌ଲଃ ଇରକେଦାଏ । ଆତଃ ଏନ୍ ସବେନାଃ ପାର୍ମେଶ୍ୱାରଆଃ ପୁରାଃ ଖ୍ୱୟରେୟାଃ ଦାଖ୍‌ରାସି ଘାନାରେ ହୁରାଙ୍ଗ୍‌କେଦା । ୨୦ *ନାଗାର୍ ବାହାରିରେ ତାଇକାନ୍ ଏନ୍ ଦାଖ୍‌ରାସି ଘାନାରେ ହୁରାଙ୍ଗ୍‌ୟାନା ଆତଃ ଏନ୍ ଘାନାରେ ଦାଖ୍‌ରାସି ପେସାୟାନା । ଏନାଏତେ ୩୦୦ କିଲୋମିଟର୍ ଜିଲିଙ୍ଗ୍ ଆତଃ ସାଦମ୍‌ରାଃ ମଗାରେୟାଃ ଲାଗମ୍ ଜାକେଦ୍ ମେନ୍‌ଲେରେ, ବାର୍ ମିଟର୍ ଲେକା ସାଲାଙ୍ଗି ମାୟୋମରେୟାଃ ଗାଡ଼ା ଲିଲିୟାନା ।

* ୧୪:୮ ୧୪:୮ ଉତ୍କଳ କାଜି ୧୮:୨. * ୧୪:୨୦ ୧୪:୨୦ ଉତ୍କଳ କାଜି ୧୯:୧୫.

୧୫

ଚୁଣ୍ଡ ଚୁକ୍ତହାସୁ

୧ ଏନ୍ତେ ସିର୍ମାରେ ଆଇଙ୍ଗ ଆତଃମିଆଁଦ୍ ହାଏକାର୍ ଆତଃ ଆକଦାନ୍ୟା ଚିହ୍ନାଁ ନେଲକେଦାଇଙ୍ଗ । ଏନ୍ତାଃରେ ଏୟା ଝାନ୍ ଦୁଁଡକ ମିପିଆଦ୍ ଚୁଣ୍ଡ ଚୁକ୍ତହାସୁ ସାବକେଦତେ ଆଡ଼ଗୁୟାନାକ । ନେଆଁ ହବାଅଃ ତାୟମତେ, ପାର୍ମେଶ୍ୱାର୍ ଆଃ ଖସରାଃ ଚୁଣ୍ଡ ହୁବାଅଃଆ ।

୨ ଏନ୍ତେ ଆଇଙ୍ଗ ସେଙ୍ଗେଲଲଃ ମେସାକାନ୍ କାଁର୍ ଲେକା ମିଆଁଦ୍ ଦରେୟା ନେଲକେଦାଇଙ୍ଗ । ଅକ ହଡକ ଏନ୍ ଜାଁଚୁ, ଆୟାଃ ମୁରୁର୍ ଆତଃ ଆୟାଃ ନୁଚୁମରାଃ ନାମ୍ବାର୍ ଚେତାନ୍ରେ ଜିତାଅକାନ୍ ତାଇକେନାକ, ଇନ୍କୁକେ ଏନ୍ ଦରେୟା ଗେନାରେ ତିଙ୍ଗୁଆକାନ୍ ନେଲକେଦକଆଇଙ୍ଗ । ଇନ୍କୁଆଃ ତିଃଈରେ ପାର୍ମେଶ୍ୱାର୍ ଏମାକାଦ୍ ବାନାମ୍ ତାଇକେନା । ୩ ଇନ୍କୁ ପାର୍ମେଶ୍ୱାର୍ ଆଃ ଦାସି ମୁଣାରାଃ ଆତଃ ମିଣ୍ଡିହନ୍ ଆଃ ଦୁରାଙ୍ଗ ଦୁରାଙ୍ଗତାଇକେନା । “ହେ ସବେନ୍ ପେଡ଼େୟାନ୍ନିଃ ପ୍ରାଭୁ ପାର୍ମେଶ୍ୱାର୍, ଆମାଃ କାମିକ ପୁରାଃ ମାରାଙ୍ଗ ଆତଃ ଆକଦାନ୍ୟାରିୟା ! ସବେନ୍ ହଡକଆଃ ରାଜା, ଆମାଃ ହରାକ ଠାଉକାରିୟା ଆତଃ ସାର୍ତି ତାନାଃ ! ୪ ହେ ପ୍ରାଭୁ, ଅକଏ ଆମ୍ବେକ କାଏ ବରମେୟାଁ ? ଆମାଃ ନୁଚୁମରାଃ ମାନାରାଙ୍ଗେ ଅକଏ କାଏ ଉଦୁବେୟା ? ଆମ୍ ସକ୍ତାର୍ ପାବିତାର୍ ତାନ୍ମେ, ସବେନ୍ ହଡକ ହିଜୁଃକେଦତେ ଆମାଃ ସୁନ୍ସାର୍ କିକାଏୟା । ଚିଆଃଟି ଆମାଃ ଧାର୍ମାନ୍ କାମିକ ସବେନ୍ ହଡକ ନେଲକାଦାକ ।”

୫ ଏନ୍ ତାୟମତେ ଆଇଙ୍ଗ ସିର୍ମା ଦିଶୁମ୍ରେ ମାନ୍ଦିର୍ ଅଡ଼ାଃରାଃ ଦୁଆର୍ ନିଜାକାନ୍ ନେଲକେଦାଇଙ୍ଗ । ଏନାରେ ସାବୁଦ୍ ଲେକା ପାର୍ମେଶ୍ୱାର୍ ଆଃ ତାଇନଃ ପାବିତାର୍ ଠାୟାଦ୍ କୁମ୍ପା ତାଇକେନା । ୬ ଏୟା ଦୁକ୍ତହାସୁ ସାବାକାଦ୍ ଏୟା ଦୁଁଡ୍, ସିର୍ମାରେୟାଃ ମାନ୍ଦିର୍ ଭିତାର୍ଏତେକ ଅତଙ୍ଗୟାନା, ଇନ୍କୁ କା ଦାରିୟାକାନ୍ ନିରାଲଲିଜାଃ ତୁସିଙ୍ଗୟାକାନ୍ ତାଇକେନାକ ଆତଃ କୁଡ଼ାମ୍ରେ ସୋନାରେୟାଃ କାସନା ତଲ୍ଲିହୁରକାନ୍ ତାଇକେନାକ । ୭ ଏନ୍ତେ ଉପୁନିୟା ଜାଁଡୁକଏତେ ମିଆଁଦ୍ନିଃ ଜାନାଅ ଜାନାଅ ଜାନିଦ୍ରି ତାଇନଃ ପାର୍ମେଶ୍ୱାର୍ ଆଃ ଖସ୍ତେ ପେରେଜାକାନ୍, ଏୟା ସୋନାରେୟାଃ ତୁଭା, ଏନ୍ ଏୟା ଦୁଁଡକକେ ଏମାଦକଆ । ୮ ପାର୍ମେଶ୍ୱାର୍ ଆଃ ମାନାରାଙ୍ଗ ଆତଃ ପେଡ଼େୟାନ୍ନିଃ ସୁକୁଲ୍ରେ ମାନ୍ଦିର୍ ଅଡ଼ାଃ ପେରେୟାନ୍ନା, ଏୟା ଦୁଁଡ୍ ଆଉଝାକାଦ୍ ଏୟା ଦୁକ୍ତହାସୁରେୟାଃ ଚୁଣ୍ଡ ଆଉରି ହବାଅଃ ଜାକେଦ୍, ନେ ମାନ୍ଦିର୍ ଅଡ଼ାଃରେ ଆତଃଜେତାଏ କାକ ବଲଦାଡ଼ିୟାନା ।

୧୬

ପାର୍ମେଶ୍ୱାର୍ ଆଃ ଖସ୍ତେ ପେରେଜାକାନ୍ ଏୟା ତୁଭା

୧ ଏନ୍ତେ ଆଇଙ୍ଗ ଆୟୁମ୍ବେଦାଇଙ୍ଗ, ମାନ୍ଦିର୍ ଅଡ଼ାଃଏତେ ଜେତାଏ ମିହୁଡ୍ କାଉରିକେଦତେ, ଏନ୍ ଏୟା ଦୁଁଡକକେ କାଜିୟାକତାନା, “ଜୁ ସେନଃପେ, ଏୟା ତୁଭାରେ ତାଇକାନ୍ ପାର୍ମେଶ୍ୱାର୍ ଆଃ ଖସ୍ତେ ଅତେ ଚେତାନ୍ରେ ଦୁଲ୍ତାପେ ।”

୨ ନେଆଁ ଆୟୁମ୍ବେଦତେ, ପାହିଲା ଦୁଁଡ୍ ସେନଃୟାନାଏ ଆତଃ ଆୟାଃ ତୁଭାରେ ତାଇକେନ୍ ସବେନାଃ ଅତେ ଚେତାନ୍ରେ ଦୁଲ୍ତକେଦା । ଇମ୍ତାରି ଅକନ୍ କାଁଡୁରାଃ ଚିହ୍ନାଁ ଖଦାକାନ୍ ତାଇକେନାକ ଆତଃ ଆୟାଃ ଲେକାନ୍ ମୁରୁଡକେ ସେଝା ତାଇକେନାକ, ଇନ୍କୁଆଃ ହଡ଼ମ୍ରେ ପୁରାଃଟି ହାସୁ ଲେକାନ୍ ଘାଅ ଅତଙ୍ଗୟାନା ।

୩ ଏନ୍ତେ ଏଗାଃ ଦୁଁଡ୍ ଆୟାଃ ତୁଭାରେ ଖସ୍ତେ ଦରେୟାରେ ଦୁଲ୍ତକେଦା । ଦରେୟାରେ ଦାଆଃ ଗଜାକାନ୍ ହଡ଼ରାଃ ମାୟୋମ୍ ଲେକା ହବାୟାନା ଆତଃ ଦରେୟାରେ ତାଇନତାନ୍ ସବେନ୍ ଜୀଉଜାଁଡୁକ ଗଏଃୟାନା ।

୪ ଏନ୍ତେ ଆପିୟା ଦୁଁଡ୍, ଆୟାଃ ତୁଭାରେ ତାଇକେନ୍ ସବେନାଃ ନାହିଁ ଆତଃ ସେତେଙ୍ଗ୍ ଚେତାନ୍ରେ ଦୁଲ୍ତକେଦା । ଏନାରେ ସବେନ୍ ଦାଆଃ ମାୟୋମ୍ୟାନା । ୫ ଇମ୍ତା ଆଇଙ୍ଗ ଆୟୁମ୍ବେଦାଇଙ୍ଗ, ଦାଆଃରେୟାଃ ଆକ୍ତେୟାର୍ ନାମାକାଦ୍ ଦୁଁଡ୍ କାଜିତାନାଏ, “ଆମ୍ ପାବିତାର୍, ଆମ୍ ନାହାଁଃ ମେନାମେନିଃ ଆତଃ ସିଦାରେ ତାଇକେନ୍ନିଃ ତାନ୍ମେ, ଆମ୍ ଠାଉକାଗିମ୍ ବିତାର୍କାଦା । ୬ ଇନ୍କୁ ପାର୍ମେଶ୍ୱାର୍ ଆଃ ପାବିତାର୍ ହଡକଆଃ ଆତଃ ନାବୀକଆଃ, ଅକ ମାୟୋମ୍ ଲିଙ୍ଗିକାଦାକ, ଏନା ଆମ୍ ଇନ୍କୁକେମ୍ ଆନୁକାଦକଆ । ଇନ୍କୁ ଆକଆଃ ନାଲା ନାମାକାଦାକ ।” ୭ ଏନ୍ତେ ଆଇଙ୍ଗ୍ ବେଦିହେତେ ମିଆଁଦ୍ ଲାବଜା ଆୟୁମ୍ବେଦାଇଙ୍ଗ, “ପ୍ରାଭୁ ପାର୍ମେଶ୍ୱାର୍ ସବେନ୍ ପେଡ଼େୟାନ୍ନିଃ ତାନିଃ ! ଆମାଃ ବିଚାର୍ କାସ୍ତିରିୟା ଆତଃ ଠାଉକାରିୟା ।”

୮ ଏନ୍ତେ ଉପୁନିୟା ଦୁଢ଼ି, ଆୟାଃ ତୁଭାରେ ତାଇକେନ୍ ସବେନାଃ ସିଙ୍ଗି ଚେତାନ୍ରେ ଦୁଲ୍ଲକେଦା । ଏନାରେ ସିଙ୍ଗିକେ ସେଙ୍ଗେଲ୍ରେ ହଡ଼କକେ ଅଣ୍ଡର ନାଙ୍ଗ ଆକତେୟାର୍ ଏମ୍ପୟାନା । ୯ ଇମ୍ପତା ହଡ଼କ ସିଙ୍ଗି ରାଁପରାଃ ଏଲାଇଙ୍ଗେ ଅଣ୍ଡରୟାନାକ ଆତଃ ଅକ ପାର୍ମେଶ୍ଵାର୍ଆଃ ନେ ସବେନ୍ ହାପୁରାଃ ସାସାତି ଚେତାନ୍ରେ ଆକତେୟାର୍ ମେନାଃ, ଏନ୍ ପାର୍ମେଶ୍ଵାର୍ଆଃ ନୁତୁମ୍ବକେ ସାର୍ପାଅକେଦାକ । ଆତଃ ଆୟାଃ ମାନାରାଙ୍ଗ ରିକା ନାଗେନ୍ତେ କାକ ହେୟାତିଙ୍ଗକେଦା ।

୧୦ ଏନ୍ତେ ମଣେୟା ଦୁଢ଼ି ଆୟାଃ ତୁଭାକେ ଜାଁତୁରାଃ ରାଜଗାଦି ଚେତାନ୍ରେ ଦୁଲ୍ଲକେଦା । ଜାଁତୁରାଃ ରାଇଜ ଚେତାନ୍ରେ କୁଲ୍ଲକୁଲ୍ଲ ନୁବାଃୟାନା ଆତଃ ହଡ଼କ ପୁରାଃ ହାସୁତେ ଆକଆଃ ଆଲାଇଙ୍ଗେ ହାବ୍ବକେଦାକ । ୧୧ ଆତଃ ଇନ୍କୁ ଆକଆଃ ହାନାସୁ ଆତଃ ହଡ଼ମରାଃ ଘାଅ ନାଗେନ୍ତେ ସିର୍ମାରେନ୍ ପାର୍ମେଶ୍ଵାର୍ବକେ ସାର୍ପାଅକିୟାକ । ମେନ୍ଦ ଆକଆଃ ଏଡ଼କାନ୍ କାମିକଏତେ କାକ ହେୟାତିଙ୍ଗକେଦା ।

୧୨ ଏନ୍ତେ ତୁରିୟା ଦୁଢ଼ି ଇଉଫାଟିସ୍ ନୁତୁମ୍ବ ମାରାଙ୍ଗ ଗାଡ଼ାରେ ଆୟାଃ ତୁଭାକେ ଦୁଲ୍ଲକେଦା । ଇମ୍ପତାଗି ଏନ୍ ଗାଡ଼ାରାଃ ଦାଆଃ ଆଞ୍ଜେଦୟାନା ଆତଃ ସିଙ୍ଗି ତୁରଃସାଃଏତେ ବାଇରି ରାଜାକଆଃ ନାଗେନ୍ତେ ହରା ନିଜୟାନା । ୧୩ ଏନ୍ତେ ଆଇଙ୍ଗ ଆପିୟା ସଡ଼ରାକାନ୍ ଆମ୍ବାକକେଇଙ୍ଗ ନେଲ୍ଲକେଦକଆ । ଇନ୍କୁ ଚକେ ଲେକା ନେଲ୍ଲ ତାଇକେନାକ । ଇନ୍କୁ ଏନ୍ ମାରାଙ୍ଗ ବିଙ୍ଗ ମଗାଏତେ, ଜାଁତୁ ମଗାଏତେ ଆତଃ ହସଡ଼ ନାବାଆଃ ମଗାଏତେ ଅତଙ୍ଗୟାନାକ । ୧୪ ଏନ୍ ବଙ୍ଗାକଆଃ ଆମ୍ବା ଆକଦାଦାଅ କାମିକ ରିକାଦାଡ଼ିୟା । ଆତଃ ଇନ୍କୁ ପେଡ଼େୟାନ୍ ପାର୍ମେଶ୍ଵାର୍ଆଃ ହୁଲାଇଙ୍ଗରେ ଲାଡ଼ାକ ନାଗେନ୍ତେ ଅତେଦିଶ୍ଵମ୍ରେନ୍ ରାଜାକକେ ମିଦତାଃରେ ହୁଣ୍ଡି ନାଗେନ୍ତେ ଅତଙ୍ଗୟାନାକ ।

୧୫ *ଆୟୁମେପେ, ଆଇଙ୍ଗ କୁମ୍ପୁଟ୍ଟୁଲେକାଇଙ୍ଗ ହିଜୁଃଆ । ଅକ ହଡ଼ ଏୟନକାନ୍ ତାଇକେଦତେ ଆୟାଃ ଲିଜାଃ ସେକାଡ଼କେଦତେ ଦହକାଃ, ଏନ୍ ହଡ଼ ସୁକୁତାନ୍ରିୟାଏ । ଇନିଃକେ ସାମା ହଡ଼ମଗି ସେନ୍ ନାଗେନ୍ତେ କା ଲାଗାତିଙ୍ଗୟାଃ ଆତଃ ହଡ଼କ ଆୟାଃ ଗିହୁଃ କାକ ନେଲେୟା । ୧

୧୬ ସଡ଼ରାକାନ୍ ଆମ୍ବା ରାଜାକକେ ଏବ୍ରୀ ଜାଗାର୍ବତେ କାଜିୟଃତାନ୍ ଆର୍ମାଗେଦୋନ୍ ନୁତୁମ୍ବ ଠାୟାଦ୍ରେ ହୁଣ୍ଡିକେଦକଆକ ।

୧୭ ଏନ୍ତେ ଏୟା ଦୁଢ଼ି ଆୟାଃ ତୁଭାକେ ହୟରେ ଦୁଲ୍ଲକେଦା ଆତଃ ମାନ୍ଦିର୍ରେ ତାଇକେନ୍ ରାଜଗାଦିଏତେ କାଉରିକେଦତେ ମିଆଁଦ୍ ଲାବ୍ଜା ଆୟୁମ୍ପୟାନା, “କାମି ପୁରାୟାନା ।” ୧୮ *ଇମ୍ପତାଗି ହିଚିରକେଦାଏ, ରିମିଲ୍ ସାଡ଼ିୟାନା ଆତଃ ଅତେ ପୁରାଃଗି ଏକଲଆୟାନା । ନେଲେକା ବରଝାନ୍ ଅତେ ଏକଲଆଅତେୟାଃ ମାନଝାରାଃ ମୁନ୍ଦହେତେ ଚିଉଲାଇଅ କା ହବାକାନ୍ ତାଇକେନା । ୧୯ ମାରାଙ୍ଗ ନାଗାର୍ ଆପି ହିସାରେ ହାଟିଙ୍ଗୟାନା, ଆତଃ ଦିଶ୍ଵମ୍ରେୟାଃ ସବେନ୍ ନାଗାର୍ବକ ଜିୟନ୍ୟାନା । ପାର୍ମେଶ୍ଵାର୍ ମାରାଙ୍ଗ ନାଗାର୍ ବାବିଲୋନ୍କେ କାଏ ରିଡ଼ିଙ୍ଗକାଦ୍ ତାଇକେନା । ଇନିଃ ଆୟାଃ ନୁଁଏ କାଟୋରାଏତେ ଆୟାଃ ପୁରାଃ ଖୁସରାଃ ଇଲିଆର୍ଖୁ ଆନୁକିୟା । ୨୦ *ସବେନ୍ ଟାପୁକ କା ନେଲୟାନା ଆତଃ ବୁରୁ ବେଡ଼ାକ କା ତାଇନ୍ୟାନା । ୨୧ *ସିର୍ମାଏତେ ହଡ଼କଆଃ ଚେତାନ୍ରେ ପୁରାଃ ମାପୁରାଙ୍ଗ ଆରିଲ୍ଲକ ଉୟୁଃୟାନା । ମିପିଆଦ୍ ଆରିଲ୍ଲରାଃ ହାମ୍ପାଲ୍ ୫୦ କେ.ଜି ଲେକା ତାଇକେନା । ହଡ଼କ ନେ ବରଝାନ୍ ଆରିଲ୍ଲ ନାଗେନ୍ତେ ପାର୍ମେଶ୍ଵାର୍ବକେ ସାର୍ପାଅକିୟାକ ।

୧୭

ସବେନ୍କ ସାରିକାଲ ବେଶ୍ୟା କୁଡ଼ି

୧ ଏନ୍ତେ ଏୟା ତୁଭା ସାବାକାଦ୍ ଏୟା ଦୁଢ଼ିକଏତେ ମିହୁଡ଼, ଆଇଙ୍ଗତାଃତେ ହିଜୁଃୟାନ୍ଲଃ କାଜିକେଦିୟାଏ, “ହିଜୁଃମେ, ଆଇଙ୍ଗ ମିଆଁଦ୍ହେତେ ଆଦ୍କା ଗାଡ଼ା ଜାପାଃରେ ବାଇୟାକାନ୍ ବେଶ୍ୟା ଲେକାନ୍ ଏନ୍ ମାରାଙ୍ଗ ନାଗାର୍ ଚିଲ୍ଲକା ସାଜାକ ନାମେୟାଏ, ଏନାଇଙ୍ଗ ଉଦୁବାମେୟା । ୨ ଅତେରେନ୍ ରାଜାକ ଏନ୍ ବେଶ୍ୟାଲଃ ଆପାଙ୍ଗିର୍ କାମିକ କାମିକାଦା, ଆତଃ ଅତେଦିଶ୍ଵମ୍ରେନ୍ ହଡ଼କ ଇନିୟାଃ ଆପାଙ୍ଗିର୍ କାମି ଲେକାନ୍ ଇଲିଆର୍ଖୁ ନୁଁକେଦତେ ବୁଲାଇନାକ ।”

୩ *ଏନ୍ତେ ଦୁଢ଼ି ଆଇଙ୍ଗକେ ଆମ୍ବା ହରାତେ ବିରୁତେ ଇଦିକିୟା । ଏନ୍ତାଃରେ ମିଆଁଦ୍ କୁଡ଼ିକେ ବାଇଗିନିଆ ରାଙ୍ଗରେନ୍ ଜାଁତୁ ଚେତାନ୍ରେ ଦୁବାକାନ୍ ନେଲ୍ଲକିୟାଇଙ୍ଗ । ଏନ୍ ଜାଁତୁରାଃ ସବେନ୍ସାଃରେ ପାର୍ମେଶ୍ଵାର୍ଆଃ ବିରୁଧରେ ନିୟା ନୁତୁମ୍ବକ ଅଲାଇକାନ୍ ତାଇକେନା । ଏନ୍ ଜାଁତୁରାଃ ଏୟା ବହଃ

* ୧୭:୧୫ ୧୭:୧୫ ମାଥୁର ୨୪:୪୩,୪୪; ଲୁକ ୧୭:୩୯,୪୦; ଉତ୍କଳ କାଳି ୩:୩. * ୧୭:୧୮ ୧୭:୧୮ ଉତ୍କଳ କାଳି ୮:୫; ୧୧:୧୩,୧୯.
 * ୧୭:୨୦ ୧୭:୨୦ ଉତ୍କଳ କାଳି ୨:୧୪. * ୧୭:୨୧ ୧୭:୨୧ ଉତ୍କଳ କାଳି ୧୧:୧୯. * ୧୭:୩ ୧୭:୩ ଉତ୍କଳ କାଳି ୧୩:୧.

ଆତଃ ଗେଲ୍ ଦିରିଙ୍ଗ ତାଇକେନା ।^୪ ଏନ୍ କୁଡ଼ି ବାଇଗିନିଆ ଆତଃ ଆରାଆଃ ଲିଜାଃ ହୁସିଙ୍ଗିୟାକାନ୍ ତାଇକେନାଏ ଆତଃ ସୋନା, ପୁରାଃ ଗନଙ୍ଗାୟାନ୍ ମଣି, ଆତଃ ମତିତେ ସିଙ୍ଗାରାକାନ୍ ତାଇକେନା । ଆୟାଃ ଡିଃଇରେ ମିଆଁଦ୍ ସୋନାରେୟାଃ କାଟୋରା ତାଇକେନା । ଏନାରେ ହିଲାଙ୍ଗାଆଃ ବିଷାଏ ଆତଃ ଇନିୟାଃ ଆପାଙ୍ଗିର୍ କାମି ଲେକାନ୍ ସତ୍ତରା କାମିକ ପେରେଜାକାନ୍ ତାଇକେନା ।^୫ ଇନିୟାଃ ମଲଙ୍ଗରେ ମିଆଁଦ୍ ଉକୁଆକାନ୍ ନୁଡୁମ୍ ଅଲାଇକାନ୍ ତାଇକେନା, ଏନାରାଃ ମୁଣ୍ଡି, “ମାରାଙ୍ଗ୍ ବାବିଲୋନ୍, ବେଶ୍ୟାକଆଃ ଆତଃ ଅତେଦିଶ୍ୱମ୍ରେନ୍ ସବେନ୍ ଲେକାନ୍ ହିଲାଙ୍ଗାଆଃ ବିଷାଏରେନ୍ ଏଙ୍ଗା ।”^୬ ଆଇଙ୍ଗ୍ ଆତଃଠିଇଙ୍ଗ୍ ନେଲ୍କେଦା, ଏନ୍ କୁଡ଼ି ପାରମେଶ୍ୱାର୍ଆଃ ହଡ଼କଆଃ ଆତଃ ଯାଶ୍ୱଆଃ ନାଗେନ୍ତେ ଗାଞ୍ଜା ଏମାକାଦ୍ ହଡ଼କଆଃ ମାୟୋମ୍ ନୁଁକେଦ୍ତେ ବୁଲାଇକାନ୍ ତାଇକେନା । ଇନିଃକେ ନେଲ୍କେଦ୍ତେ ଆଇଙ୍ଗ୍ ଆକ୍ତାକାଆୟାନାଇଙ୍ଗ୍ ।^୭ ଦୁଁଦ୍ ଆଇଙ୍ଗ୍କେ କାଜିକେଦିୟାଁ, “ଚିନାଃ ମେନ୍ତେମ୍ ଆକ୍ଦାଦାଆଃତାନା ? ଆଇଙ୍ଗ୍ ଆମକେ ଏନ୍ କୁଡ଼ି, ଆତଃ ଆଇଃକ୍କେ ଗଃଃ ଇଦିତାନ୍ ଜାଁତୁ, ଅକ୍ଷୟାଃଚି ଏୟା ବହଃ, ଗେଲ୍ ଦିରିଙ୍ଗ୍ ମେନାଃ, ଇନିୟାଃ ବିଷାଏରେ ଉକୁଆକାନ୍ କାଜିଇଙ୍ଗ୍ ଉଦୁବାମେୟାଁ ।”^୮ *ଆମ୍ ଅକ୍ ଜାଁତୁକେ ନେଲ୍କାଇ ତାଇକେନାମ୍, ଇନିଃ ଜାନିଦ୍ ତାଇକେନାଏ ଆତଃ ନାହାଁଃ ବାଙ୍ଗାଇୟା । ମେନ୍ଦ୍ ଇନିଃ ହୁଆଙ୍ଗାଡାଏତେ ହିଲୁଃଆ ଆତଃ ଜିୟନଃଆଏ । ଏନାରେ ଅତେଦିଶ୍ୱମ୍ରେୟାଃ ମୁନୁଏତେ ଅକ୍ ହଡ଼କଆଃ ନୁଡୁମ୍ ଜୀଦାନ ପୁଅରେ କା ଅଲାଇକାନ୍, ଏନ୍ ହଡ଼କ ଇନିଃକେ ନେଲ୍କେଦ୍ତେ ଆକ୍ଦାଦାଆଃଆକ୍ । ଚିଆଃଚି ଇନିଃ ଜାନିଦ୍ ତାଇକେନାଏ, ନାହାଁଃ ବାଙ୍ଗାଇୟା ଆତଃ ତାୟମତେ ହିଲୁଃଆ ।

^୯ “ନେ ସବେନାଃ ଆବ୍କାର୍ତ୍ତରୁମ୍ ନାଗେନ୍ତେ ସେଣାଁ ଲାଗାଡିଙ୍ଗିୟାଃ । ନେ ଜାଁତୁରାଃ ଏୟା ବହଃ ହବାଆଃତାନା ଏୟା ବୁରୁ । ଅକ୍ ଚେତାନରେଚି ଏନ୍ କୁଡ଼ି ଦୁବାକାନା । ଏନା ଏୟା ରାଜାକକେ ହରି କାଜିୟଃତାନା ।^{୧୦} ଇନ୍କୁଏତେ ମଣୋୟାଁ ରାଜା ଗଂଃୟାନାକ । ମିଆଁଦ୍ନିଃ ରାଇଜେତାନାଏ, ଆତଃ ଏଟାଃନିଃ ନାହାଁଃ ଜାକେଦ୍ ଆଉରି ହିଲୁଃଆଏ । ଇନିଃ ହିଲୁଃରେ, ଘାଡ଼ିକାଦ୍ରି ରାଇଜେୟା ।^{୧୧} ଅକ୍ ଜାଁତୁ ଜାନିଦ୍ ତାଇକେନାଏ, ନାହାଁଃଦ୍ ଇନିଃ ବାଙ୍ଗାଇୟା, ଇନିଃ ହବାଆଃତାନାଏ ଇରାଲିୟା ରାଜା । ଇନିଃ ଏନ୍ ଏୟା ରାଜାକଏତେ ମିଆଁଦ୍ନିଃ ତାନିଃ ଆତଃ ଇନିଃ ହରି ଜିୟନଃଆ ।

^{୧୨} “ଆମ୍ ନେଲାଇକାଦ୍ ଗେଲ୍ ଦିରିଙ୍ଗ୍ ମେନ୍ଲେରେ ଗେଲ୍ ରାଜାକ ତାନକ୍ । ଇନ୍କୁ ନାହାଁଃ ଜାକେଦ୍ ଆଉରି ରାଇଜେୟାକ । ମେନ୍ଦ୍ ଇନ୍କୁକେ ଏନ୍ ଜାଁତୁଲଃ ମିଦ୍ ଘାଡ଼ିଗି ରାଇଜେ ନାଗେନ୍ତେ ଆକ୍ତେୟାର୍ ଏମଃଆ ।^{୧୩} ନେ ଗେଲ୍ ରାଜାକଆଃ ଉଦେଶ୍ ମିଦ୍ରିୟା । ଇନ୍କୁ ଆକ୍ଆଃ ଆପ୍ତାନାଃ ସବେନ୍ ପେଡେଃ ଆତଃ ଆକ୍ତେୟାର୍ ଜାଁତୁକେ ଜିମାଇୟାକ ।^{୧୪} ଇନ୍କୁ ମିଣ୍ଡିହନ୍ଆଃ ବିରୁଧରେ ଲାପାଡାଲୟାଃକ, ଆତଃ ମିଣ୍ଡିହନ୍ ଇନ୍କୁକେ ହାରାଅକଆ, ଚିୟାଃଚି ଇନିଃ ପ୍ରାଭୁକଆଃ ପ୍ରାଭୁ ଆତଃ ରାଜାକଆଃ ରାଜା ତାନିଃ । ଆତଃ ଅକ୍ନକ୍ ଆୟାଃଲଃ ମେନାକଆ, ଏନ୍ କେଡାକାନ୍କ, ସାଲାଇକାନ୍କ, ଆଇଃକ୍କେ ଅତଙ୍ଗାନ୍କ ଆତଃ ପାତିୟାର୍ରେ ଲେକାନ୍ ହଡ଼କ ହରି ଜିତାଆଃଆକ୍ ।”

^{୧୫} ଦୁଁଦ୍ ଆଇଙ୍ଗ୍କେ ଆତଃଠି କାଜିକେଦିୟାଁ, “ଆମ୍ ଅକ୍ ଦାଆଃ ଚେତାନରେ ବେଶ୍ୟାକେ ଦୁବାକାନାମ୍ ନେଲ୍କିୟା, ଏନ୍ ଦାଆଃ, ଦିଶ୍ୱମ୍ରେନ୍ ସବେନ୍ ହଡ଼କ ଆତଃ ଏଟାଃ ଏଟାଃ ଜାଗାର୍ତାନ ହଡ଼କକେ କାଜିୟଃତାନା ।^{୧୬} ଆମ୍ ନେଲାଇକାଦ୍ ଗେଲ୍ ଦିରିଙ୍ଗ୍ ଆତଃ ଏନ୍ ଜାଁତୁ, ବେଶ୍ୟାକେ ହିଲାଙ୍ଗାଆଃକ, ଇନ୍କୁ ଇନିଃତାଃଏତେ, ଆୟାଃ ସବେନାଃ ରେଃଇଦିୟାକ ଆତଃ ଇନିଃକେ ସାମା ହଡ଼କକେଦ୍ତେ ବାଗିତାଇୟାକ । ଇନ୍କୁ ଆୟାଃ ଜିଲ୍ ଜମକେଦ୍ତେ, ଇନିଃକେ ସେଙ୍ଗେଲ୍ରେ ହୁରାଙ୍ଗକେଦ୍ତେ ଜିୟନତାଇୟାକ ।^{୧୭} ଚିୟାଃଚି ପାରମେଶ୍ୱାର୍ ଆୟାଃ ଇଛା ସାନାଇଙ୍ଗେ ପୁରାଏ ନାଗେନ୍ତେ ନେଲ୍ଲେକା ଇନ୍କୁକେ କାଜିକାଦ୍କଆ । ଇନ୍କୁ ମିଦ୍ ମନ୍ତେକେ କାମିୟା ଆତଃ ପାରମେଶ୍ୱାର୍ଆଃ କାଜି ସାର୍ତ୍ତିଗି ଆଉରି ହବାଆଃ ଜାକେଦ୍, ରାଇଙ୍ଗେ ଚାଲାଅରେୟାଃ ବାହାରମ୍, ଏନ୍ ଜାଁତୁଆଃ ଡିଃଇରେ ବାଗିତାଃକ ।

^{୧୮} “ଆମ୍ ଅକ୍ କୁଡ଼ିକେମ୍ ନେଲ୍କିୟା, ଇନିଃ ହବାଆଃତାନାଏ, ଅତେଦିଶ୍ୱମ୍ରେନ୍ ରାଜାକଆଃ ଚେତାନରେ ରାଇଜେତାନ୍, ଏନ୍ ମାରାଙ୍ଗ୍ ନାଗାର୍ ।”

୧୮

ବାବିଲୁରାଃ ଜିୟନଃ

^୧ ଏନ୍ ତାୟମତେ ଆଇଙ୍ଗ୍ ଏଟାଃ ମିଆଁଦ୍ ଦୁଁଡ଼କେ ସିର୍ମାଏତେ ଆଡ଼ଗୁଃତାନ୍ ନେଲ୍କିୟାଇଙ୍ଗ୍ । ଇନିଃ ପୁରାଃଠି ଆକ୍ତେୟାର୍ ନାମାକାଦ୍ନିଃ ତାଇକେନାଏ ଆତଃ ଇନିୟାଃ ମାନାରାଙ୍ଗ୍ ଗଟା ଅତେଦିଶ୍ୱମ୍ରେକେ ମାସାଲ୍ଲକାଦ୍ ତାଇକେନା ।^୨ *ଇନିଃ କାଉରିକେଦ୍ତେ କାଜିକେଦା, “ଇନିୟାଃ ଜିୟନ୍ ହବାକାନା ।

* ୧୭:୮ ୧୭:୮ ଉତ୍କଳ କାଜି ୧୧:୭. * ୧୮:୨ ୧୮:୨ ଉତ୍କଳ କାଜି ୧୪:୮.

ଏନ୍ ମାରାଜ୍ ବାବିଲୋନ୍ ହାଦୁଡ଼ାକାନା । ଏନା ନାହାଁଠଦ ବଜା ଆତଃ ସତ୍ରା ଆମ୍ବାଜିଆଃ ତାଇନଃ ଠାୟାଦ ହବାକାନା । ସବେନ୍ ରାକାମରେନ୍ ସତ୍ରା ଜାଁତୁ ଆତଃ ହିଲାଇଁ ଚେଟ୍ଟେକିଆଃ ତାଇନଃ ଠାୟାଦ ବାଇୟାକାନା । ୩ ଚିୟାଠି ଜନିଃ ସବେନ୍ କିଲିରେନ୍ ହଡ଼କକେ ଆୟାଃ ଆପାଜିର୍ କାମି ଲେକାନ୍ ଜଲିଆର୍ଗୁ ଆନୁକାଦକଆ । ଅତେରେନ୍ ରାଜାକକେ ଆୟାଃଲଃ ଆପାଜିର୍ କାମିରେ ମେସାକାଦକଆ । ଅତେଦିଶୁମ୍ରେନ୍ କିରିଜ୍ ଆଖିରିଜ୍ତାନକ ଆୟାଃ ଏଡ଼କାନ୍ ରିଜ୍ରାଜ୍ ହରାତେ କିର୍ସାଣକାନାକ ।”

୪ ଏତ୍ରେ ଆଇଜ୍ ସିର୍ମାଏତେ ମିଆଁଦ୍ ଲାବ୍ଜା ଆୟୁମ୍ନକେଦାଇଜ୍, “ଆଇୟାଃ ସବେନ୍ ହଡ଼କ ଅଡ଼କ୍ଅଃପେ ! ଜନିଃତାଃଏତେ ଅଡ଼କ୍ଅଃପେ ! ଆପେ ଜନିୟାଃ ପାପ୍ରେ ଆତଃ ଆଲପେ ତାଇନଃଆ । ଜନିଃ ଅକ ସାସାତି ନାମେୟାଏ, ଏନାରେୟାଃ ହିସା ଆଲପେ ହବାଅଃଆ । ୫ ଜନିୟାଃ ପାପକଦ ସିର୍ମା ଜାକେଦ୍ ସେଟେରାକାନା । ପାର୍ମେଶ୍ୱାର୍ ଜନିୟାଃ ଏଡ଼କାନ୍ କାମିକଏ ପାହାମାକାଦା । ୬ ଜନିଃ ଜେଲେକା ଆପେଲଃ ବେଭାରକାଦା, ଆପେ ଏନଲେକାଗି ଆୟାଃଲଃ ବେଭାରେପେ, ଜନିଃ ଅକନାଃ ରିକାକାଦଏ, ଏନାଏତେ ବାଡ଼ଗୁନା ଏମ୍ ରୁହାଡ଼ାଇପେ । ଆପେକେ ହୁଁ ନାଗେତ୍ରେ ଜନିଃ ଅକ ନୁଁଏତେୟାଃ ବାଇୟାକାଦ୍ ତାଇକେନାଏ, ଏନାଏତେ ବାଡ଼ଗୁନା ବାଇରୁହାଡ଼ାଇପେ । ୭ ଜନିଃ ଆପାନାଃ ଚିମିନ୍ ମାନାରାଜ୍ ରିକାଏ ତାଇକେନାଏ ଆତଃ ଏଡ଼କାନ୍ ରିଜ୍ରାଜ୍ରେ ତୁବିଃଗକାନ୍ ତାଇକେନା, ଏନ୍ ଜମନାଜ୍ରେରି ଜନିଃକେ ଦୁକୁହାସ୍ ଏମାଇପେ । ଚିଆଠି ଜନିଃ ଆୟାଃ ମନ୍ରେ ଆପାନ୍କେ ମାରାଜ୍ ମେତ୍ରେ କାଜିନ୍ତାନଲଃ କାଜିତାନାଏ, ଆଇଜ୍ ନେତାଃରେ ରାନୀ ଲେକା ଦୁବାକାନାଇଜ୍, ଆଇଜ୍ ଚଣିବ୍ ନାହାଁଲିଜ୍, ଆଇୟାଃ ଚିଉଲ୍ଲାଅଗି ଏୟମ୍ କା ହବାଅଃଆ । ୮ ଜନିୟାଃ ନେ ସବେନ୍ ପାପକ ନାଗେତ୍ରେ ବେମାର୍, ଦୁକୁରେୟାଃ ରାନାଃ, ଆତଃ ରିଜ୍ ମୁସିଜ୍ ଜନିଃକେ ମିସାତେ ସାବିଆ । ଆତଃ ଜନିଃ ସେଜ୍ଲେରେ ପୁରା ଜିୟନଃଆଏ । ଚିୟାଠି ଜନିୟାଃ ଅକଏ ବିଚାର୍ ତାନାଏ, ଏନ୍ ପ୍ରାଭୁ ପାର୍ମେଶ୍ୱାର୍ ପୁରାଃ ପେଡ଼େୟାନ୍ନିଃ ତାନିଃ ।”

୯ ଅତେରେନ୍ ଅକ ରାଜାକ ଜନିଃଲଃ ଆପାଜିର୍ ଆତଃ ପାପ୍ କାମିକ ରିକାକାଦ୍ ତାଇକେନା, ଜନକୁ ଜନିୟାଃ ହଡ଼ମ୍ ସେଜ୍ଲେଲ୍ ଜୁନୁଲ୍ରେ ଜିୟନଃତାନୁ ସୁକୁଲ୍ ନେଲ୍ଲକେଦ୍ରେ ରାଆଃଏୟାକ । ୧୦ ଜନିୟାଃ ଦୁକୁହାସ୍ରେ ହିସା ହବାଅଃ ନାଜ୍ ବରକେଦ୍ରେ ଜନକୁ ଜନିଃତାଃଏତେ ପୁରାଃ ସାଜିନ୍ରେ ଡିଜ୍ଜକେଦ୍ରେକେ ତାଇନା, ଆତଃ କାଜିୟାକ, “ହାଏରେ ଚିମିନ୍ ବରଝାନ୍ ଆତଃ ଆକ୍ଦାନ୍ଦାଏ ବିଷାଏ ତାନାଃ ! ଆମ୍ ଚିନାଃ ଏନ୍ ପୁରାଃ ପେଡ଼େୟାନ୍ ବାବିଲୋନ୍ ନାଗାର୍ ତାନମେ ! ମେନ୍ଦ୍ ମିଦ୍ ଘାଡ଼ିରେରି ନେଲେକା ସାଜାଜ ନାମକେଦାମ୍ ।”

୧୧ ଅତେରେନ୍ କିରିଜ୍ ଆଖିରିଜ୍ତାନକ ଜନିଃ ନାଗେତ୍ରେକ ଏୟମେୟା, ଚିୟାଠି ଜେତାଏ ଜନକୁଆଃ ଜିନିଷକକେ କାକ କିରିଜ୍ରେୟାଆ । ୧୨ ଜନକୁଆଃ ସୋନା, ରୁପା, ମଣି, ମତି, ଉନ୍ରାଃ ଲିଜାଃ, ବାଜିରିନିଆ ଲିଜାଃ, ସିନ୍ଦୁର୍ ରାଜ୍ଠାଃ ଲିଜାଃ, ସବେନ୍ ଲେକାନ୍ ଗନଜ୍ଆନ୍ ଚନ୍ଦ୍ ସାହାନ୍, ହାଁତି ତାଟାତେ ବାଇୟାକାନ୍ ସବେନ୍ ଲେକାନ୍ ଜିନିଷକ, ପୁରାଃ ଗନଜ୍ଆନ୍ ଦାରୁ, ପିତାଲ୍, ମେଡ୍ଡେଦ୍, ମାର୍ବଲ୍ରେ ବାଇୟାକାନ୍ ସବେନ୍ ଲେକାନ୍ ଜିନିଷ, ୧୩ ଆତଃ ଦାଲ୍ଚିନି, ଏଗାଃ ଏଗାଃ ମାସ୍ଲାକ, ଧୁଆନ୍, ବୁଗିନ୍ ସହାନ୍ ସୁନୁମ୍, ବୁଗିନ୍ ସହାନ୍ ମାଲାମ୍, ଦାଖରାସି, ଅଲିଭ୍ ସୁନୁମ୍, ମାଏଦା, ଗହମ୍, ଉରିଃକ, ମିଶ୍ଟି, ସାଦମ୍, ସାଦମ୍ ଗାଡ଼ି, କିରିଜ୍ଦାସି ଆତଃ ଜାତ୍ ତାଇନଃ ମାନଝାକକେ ହଗି କିରିଜ୍ ନାଗେତ୍ରେ ଜେତାଏ ହଡ଼ କାକ ଅଡ଼କ୍ଅଃଆ । ୧୪ କିରିଜ୍ ଆଖିରିଜ୍ତାନ ହଡ଼କ ଜନିଃକେକ କାଜିକିୟା, “ଆମାଃ ଜୀଦାନ୍ରେୟାଃ ରିଜ୍ରାଜ୍ ସବେନ୍ ବୁଗିନ୍ ବିଷାଏକ ଆମାଃତାଃଏତେ ସାଜିନ୍ୟାନା । ଆତଃ ଆମାଃ ଖୁଜ୍ ରେୟାଃ ସୁଗାଡ଼ାନ୍ତେୟାଃକ ଆମାଃତାଃଏତେ ଆତମ୍ୟାନା, ଆମ୍ ଏନ୍ ସବେନାଃକେ ଆତଃ ଚିଉଲ୍ଲାଅ କାମ୍ ନାମ୍ରୁହାଡ଼େୟା ।” ୧୫ ଅକନ୍ କିରିଜ୍ ଆଖିରିଜ୍ତାନ ହଡ଼କ ଏନ୍ ନାଗାର୍ରେ ଆଖିରିଜ୍କେଦ୍ରେ କିର୍ସାଣକାନ୍ ତାଇକେନାକ, ଜନକୁ ଜନିୟାଃ ଦୁକୁହାସ୍ରେ ହିସା ହବାଅଃ ନାଗେତ୍ରେ ବରକେଦ୍ରେ ପୁରାଃ ସାଜିନ୍ରେକେ ଡିଜ୍ଜନା । ୧୬ ଜନକୁ ରାଆଃ ଆତଃ ଏୟମ୍ତାନଲଃ କାଜିୟାକ, “ହାଏରେ, ଏନ୍ ମାରାଜ୍ ନାଗାର୍ରେୟାଃ ଦୁକୁ, ଚିମିନ୍ ବରଝାନ୍ରିୟା ! ଚିମିୟାଜ୍ କା ସାହାଡ଼ିଜ୍ରେୟାଃ ଲେକା ମୋନାଃ ! ଅକ ମାରାଜ୍ ନାଗାର୍ ଉନ୍ରାଃ ଲିଜାଃ, ବାଜିରିନିଆ ଲିଜାଃ ଆତଃ ସିନ୍ଦୁର୍ ରାଜ୍ଠାରେୟାଃ ଲିଜାଃ ତୁସିଜ୍ରେୟାକାନ୍ ତାଇକେନାଏ, ଆତଃ ସୋନା, ମଣି, ମତିତେ ସିଜ୍ଠାଅଥାକାନ୍ ତାଇକେନା । ୧୭ ମେନ୍ଦ୍ ମିଦ୍ ଘାଡ଼ିରେରି ନେ ସବେନ୍ ଖୁଜ୍ କଏ ଆଦ୍ରେକା !” ଦାଆଃ ଜାହାଜ୍ ଚାଲାଅଥାକାନ୍ଆଃ ଆଗୁଆଇ ଆତଃ ଏନାରେ ଦୁବାକାନ୍କ, ଦାଆଃ ଜାହାଜ୍ ଚାଲାଅଥାକାନ୍କ, ଆତଃ ଦରେୟାରେ କିରିଜ୍ ଆଖିରିଜ୍ତାନ ହଡ଼କ ସାଜିନ୍ରେ ଡିଜ୍ଜିୟାନାକ । ୧୮ ଆତଃ ଜିୟନଃତାନ ନାଗାର୍ରେୟାଃ ସୁକୁଲ୍ ନେଲ୍ଲକେଦ୍ରେ, କାଉରିତାନଲଃ କାଜିକେଦାକ, “ନେ ମାରାଜ୍ ନାଗାର୍ ଲେକା ଆତଃ ଜେତା ନାଗାର୍

କା ତାଇକେନା ।”^{୧୯} ଇନ୍ଦୁ ଆକଥାଃ ବହୁଃରେ ଧୃତିକ ହେରକେଦତେ ଏୟମତାନ୍ଲଃ କାଜିକେଦାକ, “ଚିମିନ୍ ବରଞ୍ଜାନଗିୟା, ନାଗାରରେୟାଃ ଦୁର୍ଦାୟା କା ସାହାଡିକ୍ଷୟଃ ଲେକା ହବାକାନା ! ଦରେୟାରେ ସେନ୍ଦତାନ୍ ଦାଆଃ ଜାହାଜକ ଆୟାଃ ଶୁଜ୍ ଡେଗି କିସାଣକାନ୍ ତାଇକେନା ! ମେନ୍ଦ ମିଦ୍ ଘାଡିରେଗି ସବେନାଃ ଜିୟନ୍ୟାନା !”

^{୨୦} ହେ ସିର୍ମାରେନ୍ ହଡକ, ଜନିଃ ଜିୟନ୍କାନ୍ ହରାତେ ରାସକାଅଃଠେ । ହେ ପାର୍ମେଶ୍ୱାରୁଆଃ ହଡକ, ପ୍ରେରିଡକ ଆତଃ ନାବୀକ ରାସକାଅଃଠେ । ଚିଆଃଚି ଆପେ ନାଗେନ୍ତେ ଅକନାଃ ରିକାକାଦ୍ ତାଇକେନାଏ, ଏନାମେନ୍ତେ ପାର୍ମେଶ୍ୱାର୍ ଜନିଃଠେ ସାଜାଇ ଏମାକାଇଜାଏ ।

^{୨୧} ଏନ୍ତେ ମିଆଁଦ୍ ପୁରାଃ ପେଡେୟାନ୍ ହୁଡ୍, ଜାନ୍ତାଦିରି ଲେକା ମିଆଁଦ୍ ଦିରି ଇଦିକେଦତେ ଦରେୟାରେ ହୁରାଜ୍ଜକେଦତେ କାଜିକେଦା, “ମାରାଜ୍ ନାଗାର୍ ବାବିଲୋନ୍, ନେଲେକା ହୁରାଜ୍ ଅଃଆଏ ଯେ, ଜନିଃଠେ ଆତଃମିସା ଜେତାଏ କାକ ନେଲ୍ ଦାଡିୟା ।”^{୨୨} ବାନାମ୍ ସାଡିତାନ୍କଥାଃ ସାଡି, ମାନଞ୍ଜକଥାଃ ଲାବ୍ଜା ଦୁରାଜ୍, ମୁରଲି ସାଡି, ବିକ୍ତୁଲ୍ ସାଡି ଚିଭଲାଅ ଆମାଃତାଃରେ ଆତଃ କା ଆୟୁମଃଆ । ଜେତନାଃଗି ବାବାଜ ହଡକ ଆମାଃତାଃରେ ଆତଃ ଚିଭଲାଅ କାକ ନେଲଃଆ, ଚାଏ ଜାନ୍ତାଦିରିରେ ରିଦେତାନ୍ ଲାବ୍ଜା କା ଆୟୁମଃଆ ।^{୨୩} ଆମାଃତାଃରେ ଆତଃ ଚିଭଲାଅ ଦିମି କା ଜୁଲଃଆ, ଚାଏ ନାଞ୍ଜା କଡାକୃତିକିନାଃ ଲାବ୍ଜା କା ଆୟୁମଃଆ । ଚିଆଃଚି ଆମାଃତାଃରେ କିରିଜ୍ ଆଖିରିଜ୍ତାନ୍ ହଡକ ଅତେଦିଶ୍ୱମରେ ପୁରାଃଗି ପେଡେୟାନ୍ଗିକ ତାଇକେନା, ଆମାଃ ଯାଦୁଟଣାତେ ଆମ୍ ସବେନ୍ ହଡକକେ ବେଦାକେଦତେ ଦହକାଦକ ତାଇକେନାମ୍ ।^{୨୪}

^{୨୫} ଆତଃ ନେ ବାବିଲୋନ୍ ନାଗାରରେ ଅତେଦିଶ୍ୱମରେନ୍ ପୁରାଃ ନାବୀକ ଆତଃ ପାର୍ମେଶ୍ୱାରୁଆଃ ହଡକଆଃ ମାୟୋମ୍ ଲିଜିକାନ୍ ତାଇକେନା । ନେ ସବେନ୍ ପାପ୍ ନାଗେନ୍ତେ ଜନିଃ ସାଜାଇ ନାମାକାଦାଏ ।

୧୯

ସିର୍ମାରେ ରାସକାରେୟାଃ ଦୁରାଜ୍

^୧ ଏନ୍ ତାୟମତେ ଆଇଜ୍ ସିର୍ମାରେ ପୁରାଃ ଗାଦେଲ୍ ହଡକକେ କାଉରିକେଦତେ ଜାଗାର୍ତେୟାଃ ଆୟୁମକେଦକଆଇଜ୍ । ଇନ୍ଦୁ କାଜିତାଇକେନାକ, “ପାର୍ମେଶ୍ୱାରୁଆଃ ସାହାରାଅ ରିକାଏପେ । ଜାଉବାଞ୍ଜାଅ, ମାନାରାଜ୍ ଆତଃ ପେଡେଃ ଆବୁଆଃ ପାର୍ମେଶ୍ୱାରୁଆଃ ତାନାଃ ।”^୨ ପାର୍ମେଶ୍ୱାରୁଆଃ ବିଚାଡି ସାରତି ଆତଃ ନ୍ୟାୟ ତାନାଃ । ଆପାଜ୍ଜିର୍ କାମି ହରାତେ ଅତେଦିଶ୍ୱମକେ ସଡକାକାଦ୍ ବେଶ୍ୟା କୁଡି ନାଗେନ୍ତେ ଠାଉକାଗି ସାଜାଇ ଏମାକାନା । ପାର୍ମେଶ୍ୱାରୁଆଃ ଦାସିକଆଃ ମାୟୋମ୍ ଲିଜିକାଦ୍ ହରାତେ, ଜନିଃଠେ ପାର୍ମେଶ୍ୱାର୍ ସାଜାଇ ଏମାକାଇଜାଏ ।”^୩ ଆଇଜ୍ ଇନ୍ଦୁକେ ଆତଃମିସା କାଉରିକେଦତେ କାଜିତାନ୍ ଆୟୁମକେଦକଆଇଜ୍, “ପାର୍ମେଶ୍ୱାରୁଆଃ ସାହାରାଅ ରିକାଏପେ । ଏନ୍ ମାରାଜ୍ ନାଗାର୍ତେ ଜିୟନେତାନ୍ ସେଜେଲ୍ରେୟାଃ ସୁକୁଲ୍ ଜାନାଅ ଜାନାଅଗି ଚେତାନ୍ତେ ସୁକୁଲଃଆ ।”^୪ ରାଜଗାଦିରେ ଦୁବାକାନ୍ ପାର୍ମେଶ୍ୱାରୁଆଃ ଆୟାରରେ ବାହୁସି ଉପୁନିୟା ପ୍ରାଚିନ୍ଦ ଆତଃ ଉପୁନିୟା ଜାଡକ ଅମ୍ପାଃୟାନ୍ଲଃ ଜହାଡକେଦତେ କାଜିକେଦାକ, “ଆମେନ୍ ! ପାର୍ମେଶ୍ୱାରୁଆଃ ସାହାରାଅ ହବାଅଃକା ।”

ମିଶ୍ରିହନ୍ଆଃ ଆଶ୍ୱଦି ଭୋଜି

^୫ ଏନ୍ତେ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମୟାନା, “ପାର୍ମେଶ୍ୱାରୁଆଃ ଦାସିକ ଆତଃ ଆଇଃକକେ ବରଭାକ୍ତିତାନ୍ ହୁଡିଜ୍, ମାରାଜ୍ ସବେନ୍ ହଡକ ଜନିୟାଃ ସାହାରାଅ ରିକାଏପେ ।”^୬ ଆଇଜ୍ ଆତଃଗି ଗାଦେଲ୍ ହଡକଆଃ ଲାବ୍ଜା ଲେକା, ଦରେୟାରେୟାଃ ଆଲ୍ପୁଜ୍ ସାଡିତାନ୍ ଲେକା, ରିମିଲ୍ ସାଡିତାନ୍ ଲେକା ଆତଃ ଠେରତାନ୍ରେୟାଃ ସାଡି ଲେକା ମିଆଁଦ୍ ସାଡିଜ୍ ଆୟୁମକେଦା, “ପାର୍ମେଶ୍ୱାରୁଆଃ ସାହାରାଅ ହବାଅଃକା, ଚିଆଃଚି ଆବୁଆଃ ପ୍ରାଭୁ ପୁରାଃ ପେଡେୟାନ୍ ପାର୍ମେଶ୍ୱାର୍ ତାନିଃ, ଜନିଃ ଏସକାଦ୍ ଆବୁଆଃ ରାଜା ତାନିଃ !”^୭ ଲାନ୍ଦା ରାସକାତାନ୍ଲଃ ଏଲା ହିଜୁଃଠେ, ଜନିୟାଃ ମାଇନାନ୍ଦୁ ରିକାଏୟା, ମିଶ୍ରିହନ୍ଆଃ ଆଶ୍ୱଦିରେୟାଃ ଦିପିଲି ସେଟେରାକାନା, ଏନାମେନ୍ତେ ଆୟାଃ ନାଞ୍ଜା କୁଡି ଆପାନ୍ଦକେ ସେକାଡେନ୍ତାନା ।^୮ ଆୟାଃ ତୁସିରେନ୍ ନାଗେନ୍ତେ ଫାଡି ଆତଃ ପୁରାଃ ପୁଣି ଝାକ୍ମାକ ଉନ୍ରାଃ ଲିଜାଃ ନାମାକାଦାଏ ।” ପାର୍ମେଶ୍ୱାରୁଆଃ ହଡକଆଃ ଧାର୍ମାନ୍ କାମି ହବାଅଃତାନା ଏନ୍ ନାରାମ୍ ଲିଜାଃ ।

୯ ଏଗ୍ରେ ଦୁଢ଼ ଆଇଙ୍ଗକେ କାଜିକେଦିୟା, “ଅଲକେଦତେ ଦହେମେ, ଅକନକ ମିଣ୍ଡିହନ୍ଦଆଃ ଆଣଦି ଭୋଜିରେ କେଡ଼ାକାନାକ ଇନ୍ଦକୁ ଧାଇନ୍ଦିୟାକ ।” ଇନିଃ ଆତଃଗି କାଜିକେଦାଏ, “ନେଆଁ ପାର୍ମେଶ୍ୱାର୍ ଆଃ ସାର୍ତ୍ତ ବାଚାନ୍ ତାନାଃ ।”

୧୦ ଆଇଙ୍ଗ ଏନ୍ ଦୁଢ଼କେ ସୁନ୍ଦସାର୍ ରିକା ନାଗେଗ୍ରେ ଆୟାଃ କାଟା ସୁବାରେଇଙ୍ଗ ଉୟାୟାନା । ମେନ୍ଦଦ ଇନିଃ ଆଇଙ୍ଗକେ କାଜିକେଦିୟା, “ଏନ୍ ଲେକା ଆଲମ୍ ରିକାଏୟା । ଆଇଙ୍ଗ ଆମାଃ ଗାତିଦାସି ତାନିଙ୍ଗ ଆତଃ ଆମାଃ ହାଗା ମିଶିକ ଲେକାରି ଆଇଙ୍ଗ ଯାଶୁଆଃ ଗାଞ୍ଜା ଏମ୍ନିଃ ତାନିଙ୍ଗ । ଆପେ ଲେକା ଆଇଙ୍ଗ ହରି ଯାଶୁ ଉଦୁବାକାଦ ସାନାର୍ତ୍ତିକେଇଙ୍ଗ ତେଲାଇକାଦା । ପାର୍ମେଶ୍ୱାର୍ କେ ଏସକାର୍ ସୁସାରିମେ ।” ତିଆଃତି ଯାଶୁ ନାଗେଗ୍ରେ ଗାଞ୍ଜା ହବାଅଃତାନା, ଆୟାର୍ କାଜିରାଃ ଏନେଗେଦ୍ ଆମ୍ ଲେକନାଃ ।

ପୁଣି ସାଦମ୍ରେ ଦୁବାକାନିଃ

୧୧ ଏଗ୍ରେ ଆଇଙ୍ଗ ସିମା ନିଜାକାନ୍ ନେଲକେଦାଇଙ୍ଗ । ଏନ୍ତାଃରେ ପୁଣି ସାଦମ୍ରେ ଦୁବାକାନିଃକେ ନେଲକିଜାଇଙ୍ଗ । ଏନ୍ ସାଦମ୍ରେ ଦୁବାକାନିୟାଃ ନୁତୁମ୍ ପାତିୟାର୍ତ୍ତନିଃ ଆତଃ ସାର୍ତ୍ତି । ଇନିଃ ନ୍ୟାୟ ଲେକାତେ ବିଚାର୍ ରିକାଃଏ ଲାଡ଼ାଇ ରିକାଃଏ । ୧୨ ଇନିୟାଃ ମେଦ୍ ଜୁଲିଃତାନ୍ ସେଙ୍ଗେଲ୍ ଲେକା ଆତଃ ଇନିୟାଃ ବହଃରେ ପୁରାଃଗି ମୁକୁଟ୍ ତାଇକେନା । ଇନିୟାଃ ତେତାନ୍ରେ ମିଆଁଦ୍ ନୁତୁମ୍ ଅଲାଇକାନ୍ ତାଇକେନା, ମେନ୍ଦ ଏନା ତିନାଃ ତାନାଃ, ଏନା ଆଇଃକକେ ବାଗିକେଦତେ ଜେତାଏ କାକ ସାରିୟା । ୧୩ ଇନିଃ ତୁସିଙ୍ଗକାନ୍ ଲିଜାଃ ମାୟୋମ୍ କାନ୍ ତାଇକେନା । ଇନିୟାଃ ନୁତୁମ୍ “ପାର୍ମେଶ୍ୱାର୍ ଆଃ ବାଚାନ୍ ମେଗ୍ରେ ସାରିୟାଃ ତାଇକେନା ।” ୧୪ ସିମାରେନ୍ ଫାଉଦକ୍, ନିରାଲ୍, ପୁରାଃ ପୁଣି ଫାର୍ତି ଆତଃ ଝାକ୍ମାକ୍ ଉନ୍ଦରାଃ ଲିଜାଃ ତୁସିଙ୍ଗୟାନ୍ଲିଃ, ପୁଣି ସାଦମ୍ ତେତାନ୍ରେ ଦୁବକେଦତେ ଇନିଃକେକ ଅତଙ୍ଗେ ତାଇକେନା । ୧୫ ଇନିୟାଃ ମତାଏତେ ମିଆଁଦ୍ ଲେସେରାକାନ୍ ତାରାଉଡ଼ି ଅତଙ୍ଗେଅଃଆ । ଏନାଲିଃ ଅତେରେନ୍ ସବେନ୍ ହଡକକେ ହାରାଅକଆ । ଆତଃ ଇନିଃ ଇନ୍ଦକୁକେ ମେଡେଦରାଃ ସଗାତେ ହୁମାଃକଆ ଆତଃ ପେଡେୟାନ୍ ପାର୍ମେଶ୍ୱାର୍ ଆଃ ପୁରାଃ ଖସ୍ ଲେକାନ୍ ଦାଖନାଡ଼ିକେ ଘାନାରେ ଆଇଃକଗି ପେରାଅକେଦତେ ଏନାଏତେ ଦାଖରାସି ଅତଙ୍ଗେୟେଆ । ୧୬ ଇନିୟାଃ ଲିଜାଃ ତେତାନ୍ରେ ଆତଃ ବୁଲ୍ରେ ନେ ନୁତୁମ୍ ଅଲାଇକାନ୍ ତାଇକେନା, “ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ।”

୧୭ ଏଗ୍ରେ ଆଇଙ୍ଗ ମିଆଁଦ୍ ଦୁଢ଼କେ ସିଙ୍ଗି ତେତାନ୍ରେ ତିଣ୍ଡୁଆକାନ୍ ନେଲକିୟାଇଙ୍ଗ । ଆଲା ସିମାରେ ଆପିନ୍ତାନ୍ ସବେନ୍ ଚେଣ୍ଟେକକେ କାଉରିକେଦତେ କାଜିକେଦକଆ, “ଏଲା, ପାର୍ମେଶ୍ୱାର୍ ଆଃ ମାରାଙ୍ଗ ଭୋଜିରେ ମେସାନ୍ ନାଗେଗ୍ରେ ହୁଣ୍ଡିନ୍ଦେ !” ୧୮ ରାଜା, ପାଲଟାନ୍, ସିପାଇ, ସାଦମ୍, ସାଦମ୍ରେ ଦୁବାକାନ୍, କିରିଙ୍ଗୟାକାନ୍ ଦାସି, ପେଡେୟାନ୍ ହଡ୍, କା ପେଡେୟାନ୍ ହଡ୍, ନେ ସବେନ୍ଦକଆଃ ଜିଲୁକେ ହିଲୁଃକେଦତେ ଜମେପେ ।”

୧୯ ଏଗ୍ରେ ଆଇଙ୍ଗ ନେଲକେଦାଇଙ୍ଗ, ଏନ୍ ସାଦମ୍ରେ ଦୁବାକାନିଃ ଆତଃ ଆୟାଃ ପାଲଟାନ୍ଦକଆଃ ବିରୁଧରେ ଲାଡ଼ାଇ ନାଗେଗ୍ରେ ଏନ୍ ଜାଁତୁ ଆତଃ ଅତେଦିଶ୍ଟିମ୍ରେନ୍ ସବେନ୍ ରାଜା ଆତଃ ଇନ୍ଦକୁଆଃ ସବେନ୍ ପାଲଟାନ୍ଦକ ମିଦତାଃରେ ହୁଣ୍ଡିୟାନାକ । ୨୦ ଏନ୍ ମାପାଃତୁପୁଇଙ୍ଗରେ ଜାଁତୁ ଆତଃ ଇନିୟାଃ ଆୟାନ୍ରେ ଆକ୍ଦାନ୍ଦାଅ କାମିକ ରିକାତାନ୍, ଏନ୍ ହସଡ୍ ନାବୀ ସାନାବ୍ୟାନ୍ଲିଃ ତନଲ୍ରେ ଦହୟାନା । ଅକନକଆଃରେ ଜାଁତୁରାଃ ତିଣ୍ଡାଁ ତାଇକେନା ଆତଃ ଅକନକ ଆୟାଃ ମୁରୁଡ଼କେକ ସେଞ୍ଜା ତାଇକେନା, ଇନ୍ଦକୁକେ ଏନ୍ ଜାଁତୁ ଆୟାଃ ଆକ୍ଦାନ୍ଦାଅ କାମିତେ ବେଦାକ ତାଇକେନା । ଜାଁତୁ ଆତଃ ଏନ୍ ହସଡ୍ ନାବୀ ହୁଆଙ୍ଗାଡ଼ାରେ ଜାନିଦ୍ଗି ହୁରାଙ୍ଗୟାନାକିନ୍ । ୨୧ ଆତଃ ଇନ୍ଦକିନାଃ ପାଲଟାନ୍ଦକ ଆତଃ ସାଦମ୍ରେ ଦୁବାକାନ୍ଦକ, ମତାଏତେ ଅତଙ୍ଗେଅଃତାନ୍ ତାରାଉଡ଼ିଲିଃ ମାଆଃୟାନାକ, ଆତଃ ସବେନ୍ ଚେଣ୍ଟେକ ଆକଆଃ ଇଛାସାନାଙ୍ଗ ଲେକା ଇନ୍ଦକୁଆଃ ଜିଲୁ ଜମକେଦାକ ।

୨୦

ମିଦ୍ ହାଜାର୍ ବାରାଷ୍ରେୟାଃ ରାଇଜ୍

୧ ଏଗ୍ରେ ଆଇଙ୍ଗ ଆତଃମିଆଁଦ୍ ଦୁଢ଼କେ ସିମାଏତେ ଆଡ଼ଗୁନ୍ଦତାନ୍ ନେଲକିୟାଇଙ୍ଗ । ଇନିୟାଃ ତିଃଇରେ ହୁଆଙ୍ଗାଡ଼ାରେୟାଃ ରାଜି ଆତଃ ମିଆଁଦ୍ ହାମ୍ଲାଲ୍ ସିକଡ଼ି ତାଇକେନା । ୨ ଇନିଃ ଏନ୍ ମାରାଙ୍ଗ ବିଙ୍ଗ, ଚାଏ ସାଏତାନ୍ଦକେ ସାବକେଦତେ ମିଦ୍ ହାଜାର୍ ବାରାଷ୍ ଜାକେଦ୍ ସିକଡ଼ିତେ ତଲକିୟାଏ, ୩ ଆତଃ ହୁଆଙ୍ଗାଡ଼ାରେ ହୁରାଙ୍ଗକେଦତେ ଏନାରେୟାଃ ଦୁଆର୍ ହାଣ୍ଡେଦକେଦାଏ ଆତଃ ଏନ୍ ତେତାନ୍ରେ

* ୧୯:୯ ୧୯:୯ ମାପ୍ରଜ ୨୨:୨,୩. * ୧୯:୧୫ ୧୯:୧୫ ଉତ୍କଳ କାଜି ୧୪:୨୦. * ୧୯:୨୦ ୧୯:୨୦ ଉତ୍କଳ କାଜି ୧୩:୧-୧୮.

ମୋହରୁ ଏମକେଦାଏ । ମିଦ ହାଜାର ବାରାଷ ଆଉରି ପୁରାଃଥ ଜାକେଦ ଇନିଃ ଆତଃ ଜେତାନ୍ ଦିଶ୍ୱମରେନ୍ ହତକକେ ବେଦା କାଏ ଦାଡ଼ିୟା । ନେଆଁ ତାୟମତେ ଘାଡ଼ିକାଦ୍ ନାଜ୍ ଇନିଃକେ ଆତଃମିସା ରାଡ଼ାଅଃଥା ।

ଏତେ ଆଇଜ୍ ନେଲକେଦାଇଜ୍, ଚିମିନ୍ ରାଜଗାଦିକ ଆତଃ ଏନାକରେ ଦୁବାକାନ୍ ହତକକେ ବିଚାର ନାଗେତେ ଆକତେୟାଦ୍ ଏମାକାନା । ଆତଃଗି ଚିମିନ୍ ଗଜାକାନ୍ ହତକଆଃ ଆମ୍ବାକକେଇଜ୍ ନେଲକେଦକଆ, ଇନକୁ ଯାଶ୍ୱ ଉଦୁବାକାଦ୍ ସାନାରୁତି ଆତଃ ପାରମେଶ୍ୱାର୍ଥାଃ ବାଚାନ୍କେ ଉଦୁବକେଦ୍ ହରାତେ ଏନ୍ ହତକ ଗନଏଃ ସାଜାଜ ନାମାକାଦ୍ ତାଇକେନାକ । ଇନକୁ ଜାତୁ ଚାଏ ମୁରୁତକକେ କାକ ଜହାରକାଦକ ତାଇକେନା, ଚାଏ ମଲଜ୍ ଆତଃ ତିଃଇରେ ଜାତୁରାଃ ଚିହ୍ନାଁ କାକ ଖଦାକାନ୍ ତାଇକେନା । ଇନକୁ ଖ୍ରୀଷ୍ଟଲଃ ମିଦ ହାଜାର ବାରାଷ ରାଇଜେ ନାଗେତେ ଜୀଉବିଦିଦାକାନ୍ ତାଇକେନାକ । ଏନ୍ ମିଦ ହାଜାର ବାରାଷ ଆଉରି ପୁରାଃଥ ଜାକେଦ୍ ଏଗଃ ଜେତାନ୍ ଗଜାକାନ୍ ହତକଆଃ ଜୀଉବିନିରିଦ୍ କା ହବାକାନ୍ ତାଇକେନା । ନେଆଁଦ୍ ପାହିଲା ଜୀଉବିନିରିଦ୍ ତାନାଃ । ଗଜାକାନ୍ ହତକଆଃ ନେ ପାହିଲା ଜୀଉବିନିରିଦ୍ରେ ଅକନକ ହିସାକ ନାମାକାଦା, ଇନକୁ ଚିମିନ୍ ଧାଇଜ୍ ଆତଃ ପାବିତାରୁଗିୟାଃକ ! ଇନକୁଆଃ ବାରସା ଗନଏଃ କା ହବାଅଃଥା । ଇନକୁ ପାରମେଶ୍ୱାର୍ଥାଃ ଆତଃ ଖ୍ରୀଷ୍ଟଆଃ ଯାଜାକ୍ ହବାକେଦ୍ତେ ଖ୍ରୀଷ୍ଟଲଃ ମିଦ ହାଜାର ବାରାଷ୍ ଜାକେଦ୍ ରାଇଜେୟାକ ।

ସାଏତାନ୍ରାଃ ଚୁଶ୍ୱ ହାରାଥ

ମିଦ ହାଜାର ବାରାଷ୍ ପୁରାୟାନ୍ ତାୟମତେ ସାଏତାନ୍କେ ତଲକାନ୍ହେତେ ରାଡ଼ାଅଃଥା, ଗୋଗ୍ ଆତଃ ମାଗୋଗ୍ ଲେକା ଅତେରେୟାଃ ଚାରିୟସାଃରେ ଦରେୟାରେନ୍ ଗିତିଲ୍ ଲେକା ଛିତିବିତିକାନ୍ କିଲିକଆଃ କା ଲେକା ଦାଡ଼ିୟଃ ହତକକେ ସାଏତାନ୍ ବେଦାକେଦ୍ତେ ଲାଡ଼ାଜ ନାଗେତେ ମିଦ୍ରେ ଚୁଶ୍ୱକଥା । ଲେକ୍ ଅତେରେୟାଃ ଚାରିୟସାଃ ସେନକେଦ୍ତେ ପାରମେଶ୍ୱାର୍ଥାଃ ହତକଆଃ ତାଇନଃ ଠାୟାଦ୍ କୁମ୍ବାକକେ ଆତଃ ପାରମେଶ୍ୱାର୍ଥାଃ ଦୁଲ୍ଲାଡ଼୍ ନାଗାରକେ କେସେଦ୍ ବିୟୁରେୟାକ । ମେନ୍ଦ୍ ସିମାଏତେ ସେଜେଲ୍ ଉୟୁଃକେଦ୍ତେ ଇନକୁକେ ଜିୟନତାକଥା, ଆତଃ ଅକ ଜୁଲଃତାନ୍ ହୁଆଜ୍ଗାଡ଼ାରେ ଜାତୁ ଆତଃ ହସଡ଼ ନାବୀ ହୁରାଜ୍କାନ୍ ତାଇକେନାକ, ହସଡ଼ନିଃ ସାଏତାନ୍ ହଗି ଏନାରେ ହୁରାଜ୍ଅଃଥା । ଏଡ଼ାଃରେ ଇନକୁ ନିଦାସିଜ୍ ଜାନାଥ ଜାନାଥ ଦୁକୁକ ନାମେୟା ।

ଚୁଶ୍ୱ ବିଚାର

ଏତେ ଆଇଜ୍ ମିଆଁଦ୍ ମାରାଜ୍ ପୁଶ୍ୱି ରାଜଗାଦି ଆତଃ ଏନାରେ ମିହୁଡ଼୍ ଦୁବାକାନ୍ନିଃକେଇଜ୍ ନେଲକିୟା । ଇନିୟାଃ ହେପାଦ୍ହେତେ ଅତେ ଆତଃ ସିମା ନିରୁୟାନ୍ ଆତଃ ଇନକିନାଃ ନାଗେତେ ଉକ୍ତଃ ନାଜ୍ ଠାୟାଦ୍ କା ନାମିୟାନ୍ । ଏତେ ଆଇଜ୍ ଗଜାକାନ୍କକେ, ମାପୁରାଜ୍କକେ ଆତଃ ହୁପତିଜ୍କକେ ପାରମେଶ୍ୱାର୍ଥାଃ ରାଜଗାଦି ଆୟାନ୍ରେ ତିଜ୍ଆକାନାଇଜ୍ ନେଲକେଦକଥା । ଆତଃ ପୁଥକ ଅଗଃୟାନା, ଏନ୍ ପୁଥକଏତେ ଜୀଦାନ୍ ପୁଥ୍ ନୁହୁମ୍ ମିଆଁଦ୍ ପୁଥ୍ ତାଇକେନା । ଏନ୍ ଜୀଦାନ୍ ପୁଥ୍ରେ ହତକଆଃ କାମିଉଦାମ୍ ବିଷାଏରେ ଅକନାଃ ଅଲକାନ୍ ତାଇକେନା, ଏନ୍ ଲେକାତେ ଇନକୁଆଃ ବିଚାର ହବାୟାନା । ଏତେ ଦରେୟା ଭିତାନ୍ରେ ଗଜାକାନ୍ ହତକ ବିରିଦ୍ୟାନାକ । ଗନଏଃଗାଡ଼ାରେ ଗଜାକାନ୍ ହତକ ହଗି ବିରିଦ୍ୟାନାକ । ଇନକୁ ସବେନକ ଆକଆଃ ଆକଆଃ କାମିଉଦାମ୍ ଲେକାତେ ବିଚାରୟାନାକ । ଏତେ ଗନଏଃ ଆତଃ ଗନଏଃ ଗାତାକେ, ଏନ୍ ହୁଆଜ୍ଗାଡ଼ାରେ ହୁରାଜ୍ ଏଶ୍ୱାଃୟାନା । ନେ ହୁଆଜ୍ଗାଡ଼ା ହବାଅଃଥାନା ବାରସା ଗନଏଃ । ଅକନ୍ ହତକଆଃ ନୁହୁମ୍ ଜୀଦାନ୍ ପୁଥ୍ରେ କା ଅଲକାନ୍ ତାଇକେନା, ଇନକୁ ହଗି ସବେନକ ହୁଆଜ୍ଗାଡ଼ାରେ ହୁରାଜ୍ୟାନାକ ।

୨୧

ନାଖା ସିମା ଆତଃ ନାଖା ଅତେ

ଏତେ ଚୁଶ୍ୱଚୁର ଆଇଜ୍ ନାଖା ସିମା ଆତଃ ନାଖା ଅତେ ନେଲକେଦାଇଜ୍ । ପାହିଲାରେୟାଃ ଅତେ, ସିମା ଆତଃ ଦରେୟା କା ନେଲଃୟାନା । ଏତେ ଆଇଜ୍ ସିମାରେନ୍ ପାରମେଶ୍ୱାର୍ତଃଏତେ ପାବିତାର୍ ନାଗାର୍ ଲାତାର୍ତେ ଆଡ଼ଗୁଃତାନ୍ ନେଲକେଦାଇଜ୍ । ନେ ପାବିତାର୍ ନାଗାର୍ଗି ନାଖା ଯୀରୁଶାଲେମ୍ ତାନାଃ । କଡ଼ା ନାଗେତେ କୁଡ଼ି ଜେ ଲେକା ସିଜ୍ରାଅକାନ୍ଗି ତାଇନାଃ, ଏନ୍ଲେକାଗି ନେଆଁ ସାପ୍ତାକାନ୍ ତାଇକେନା । ଆତଃ ସିମାରେୟାଃ ରାଜଗାଦିଏତେ ମିଆଁଦ୍ ଲାବଜା ଆୟୁମକେଦାଇଜ୍, “ନାହିଃଦ୍ ପାରମେଶ୍ୱାର୍ଥାଃ ତାଇନଃ ଠାୟାଦ୍ ହତକ ଆଲାରେ ମେନାଃ, ଇନିଃ ଇନକୁଆଃ ଆଲାରେ ତାଇନା ଆତଃ

୨୧:୧ ୨୧:୧ ୨ ପାବିତାର୍ ୩:୧୩. ୨୧:୨ ୨୧:୨ ଉତ୍କଳ୍ କାଜି ୩:୧୨.

ଇନ୍ଦ୍ରକୁ ଆୟାଃ ହତୁକ ହବାଅଥାଃକ । ପାର୍ବତେଶ୍ୱର ଇନ୍ଦ୍ରକୁଲଃ ତାଇନାଏ ଆତଃ ଇନ୍ଦ୍ରକୁଆଃ ପାର୍ବତେଶ୍ୱର ହବାଅଥାଃଏ । ୪ ଈନିଃ ଇନ୍ଦ୍ରକୁଆଃ ମେଦ ଦାଆଃ ଜଦେୟାଏ । ଗନଏଃ, ଏୟମ୍, ରାନାଃ, ଆତଃ ହାପୁ ଜେତନାଃ କା ହବାଅଥା । ସବେନ୍ ମାରିତେୟାଃକ କା ନେଲଃତାନା ।”

୫ ରାଜଗାଦିରେ ଦ୍ରୁବାକାନ ହତୁ କାଳିକେଦାଏ, “ହେଗି, ଆଇଙ୍ଗ ସବେନାଃକେଇଙ୍ଗ ନାଞ୍ଜାକାଦା ।” ଆତଃ ଇନିଃ ଆଇଙ୍ଗକେ କାଳିକେଦିୟା, “ନେ ସବେନ୍ କାଳି ଆଲ୍ଲକେଦତେ ଦହେମେ, ତିଆଃତି ନେଆଁ ସାର୍ତ୍ତି ଆତଃ ପାତିୟାରଃତେୟାଃ ତାନାଃ ।” ୬ ଆତଃଗି ଈନିଃ କାଳିକେଦିୟାଏ, “କାମି ଚାବାକାନା । ଆଇଙ୍ଗ ସୁରୁଇନିଃ ଆତଃ ଚାବାଏନିଃ, ମୁନୁ ଆତଃ ଚୁଣ୍ଡାଦିଙ୍ଗ । ତେତାଙ୍ଗତାନିଃକେ ଜାଦାନରେୟାଃ ସେତେଙ୍ଗ ଦାଆଃ ବେଗାର୍ ଗନଙ୍ଗତେ ନୁଏ ନାଙ୍ଗ ଏମାଲୟାଇଙ୍ଗ । ୭ ଅକନକ ଜିତାଅଃଥାକ, ଆଇଙ୍ଗ ଇନ୍ଦ୍ରକେ ନେ ନାଲା ଏମାକଆଇଙ୍ଗ, ଆଇଙ୍ଗ ଇନ୍ଦ୍ରକୁଆଃ ପାର୍ବତେଶ୍ୱର ହବାଅଥାଆଇଙ୍ଗ ଆତଃ ଇନ୍ଦ୍ରକୁ ଆଇଙ୍ଗୟାଃ ହନକ ହବାଅଥାକ । ୮ ମେନ୍ଦ ବରଏତାନକ, କା ବିଶ୍ୱାସତାନକ, ଏତୁକାନ୍ ଚାଇଲ୍ଲ ଚାଇଲ୍ଲକ, ହତ ଗଗଏଃକ, ଆପାଙ୍ଗିର୍ କାମିତାନକ, ଦେଅଁଣାତାନକ, ମୁରୁତ ସୁନୁସାର୍କ, ଆତଃ ହସତ କାଳିତାନକ, ନେଲେକାନ ସବେନ୍ ହତୁକଆଃ ଠାୟାଦ ହବାଅଥାନା ଜୁଲଃତାନ ହୁଆଙ୍ଗଗାଡ଼ା । ନେଆଁଗି ଇନ୍ଦ୍ରକୁଆଃ ବାବ୍ସା ଗନଏଃ ତାନାଃ ।”

ନାଞ୍ଜା ଯାରୁଣାଲେମ୍

୯ ଏୟା ଚୁଣ୍ଡା ଦୁକୁହାସୁତେ ପେରେଜାକାନ ଏୟା ତୁଭା ସାବାକାଦ ଏୟା ଦୁଁତକଏତେ ମିହୁଡ଼, ଆଇଙ୍ଗତାଃତେ ହିଜୁଃକେଦତେ କାଳିକେଦିୟା, “ହିଜୁଃମେ, ଆଇଙ୍ଗ ନାଞ୍ଜା ଆଣ୍ଡିକାନ କୁଡ଼ିକେଇଙ୍ଗ ଉଦୁବାମେୟା, ଇନିଃ ମିଶ୍ଟିହନ୍ଦଆଃ କୁଡ଼ି ତାନିଃ ।” ୧୦ ଏତ୍ତେ ପାବିତାର୍ ଆମ୍ନା ଆଇଙ୍ଗକେ ଆକ୍ତେୟାର୍କିଦିୟା ଆତଃ ଦୁଁତ୍ ଆଇଙ୍ଗକେ ମିଆଁଦ ମାରାଙ୍ଗ ସାଲାଙ୍ଗି ବୁରୁ ରୁଚିତେ ଇଦିକିଦିୟା, ଇନିଃ ଆଇଙ୍ଗକେ ପାବିତାର୍ ନାଗାର୍ ଯାରୁଣାଲେମ୍କେ ଉଦୁବାଦିୟା । ଆଇଙ୍ଗ ଏନ୍ ନାଗାର୍କେ ପାର୍ବତେଶ୍ୱରତାଃଏତେ ସିମ୍ପାଏତେ ଆଡ଼ଗୁଃତାନ ନେଲ୍ଲକେଦାଇଙ୍ଗ । ୧୧ ଏନ୍ ନାଗାର୍ ପାର୍ବତେଶ୍ୱରଆଃ ମାନାରାଙ୍ଗରେ ଚାମକାଅଃ ତାଇକେନା, ଏନାରେୟାଃ ମାର୍ଯ୍ୟାଲ୍ ପୁରାଃ ଗନଙ୍ଗଆଁନ୍ ମତି ଆତଃ ସିଙ୍ଗିରାଃ ନିରାଲ୍ ଆଏନା ଲେକା ଝାଲ୍ସାଃଥା ତାଇକେନା । ୧୨ ଏନାରେ ମିଆଁଦ ମାରାଙ୍ଗ ସାଲାଙ୍ଗି ପାବ୍ରି ତାଇକେନା । ଏନାରେ ଗେଲ୍ଲବାର୍ ଦୁଆର୍ ତାଇକେନା, ଏନାକେ ଗେଲ୍ଲବାର୍ ଦୁଁତକ ହରତାଇକେନାକ ଆତଃ ଏନ୍ ଦୁଆର୍ ତେତାନରେ ଇସ୍ତାଏଲ୍ ହତୁକଆଃ ଗେଲ୍ଲବାର୍ କିଲିକଆଃ ନୁତୁମ୍ ଅଲ୍ଲାକାନ ତାଇକେନା । ୧୩ ଆତଃ ଏନ୍ ପାବ୍ରିରେୟାଃ ଉପୁନ୍ସାଃରେ ଆପିୟା ଦୁଆର୍ ତାଇକେନା, ପୁରାବ୍ସାଃରେ ଆପିୟା ଦୁଆର୍, ଉଭାବ୍ସାଃରେ ଆପିୟା ଦୁଆର୍, ଦାଣ୍ଡିସାଃରେ ଆପିୟା ଦୁଆର୍, ସାଣ୍ଡିମ୍ସାଃରେ ଆପିୟା ଦୁଆର୍ ତାଇକେନା । ୧୪ ନାଗାର୍ରେୟାଃ ନେ ପାବ୍ରି ଗେଲ୍ଲବାର୍ ଦିରିତେ ବାଲୟାକାନ ନିହଁଗାଡ଼ା ତାଇକେନା ଆତଃ ଏନ୍ ନିହଁଗାଡ଼ା ତେତାନରେ ମିଶ୍ଟିହନ୍ଦଆଃ ଗେଲ୍ଲବାର୍ ପ୍ରେରିତୁକଆଃ ନୁତୁମ୍ ଅଲ୍ଲାକାନ ତାଇକେନା । ୧୫ ଆଇଙ୍ଗୟାଃ ଜାଗାର୍ତାନ ଦୁଁତଆଃ ତିଃଜରେ ନାଗାର୍, ପାବ୍ରି ଆତଃ ଦୁଆର୍କକେ ସଙ୍ଗଏ ନାଗେତ୍ତେ ମିଆଁଦ ସୋନାରାଃ ସଙ୍ଗଏ ସଗା ତାଇକେନା । ୧୬ ଏନ୍ ନାଗାର୍ରେୟାଃ ଚାରିୟସାଃ ମିଦ୍ଗି ତାଇକେନା, ଏନାରାଃ ଚାକାର୍ ଆତଃ ଜିଲିଙ୍ଗ ମିଦ୍ଗି ତାଇକେନା । ଦୁଁତ୍ ଆୟାଃ ସଙ୍ଗଏ ସଗାତେ ନାଗାର୍କେ ସଙ୍ଗକେଦା । ଏନାରେୟାଃ ଚାକାର୍ ୨,୪୦୦ କିଲୋମିଟର୍ ତାଇକେନା । ଏନାରେୟାଃ ଜିଲିଙ୍ଗ ଆତଃ ସାଲାଙ୍ଗି ଚାକାର୍ଲଃ ମିଦ୍ଗି ତାଇକେନା । ୧୭ ଦୁଁତ୍ ଏନ୍ ପାବ୍ରିରେୟାଃ ସାଲାଙ୍ଗି ହଗି ସଙ୍ଗକେଦାଏ, ଏନା ୬୦ ମିଟର୍ ତାଇକେନା । ୧୮ ଏନ୍ ପାବ୍ରି ପୁରାଃ ଗନଙ୍ଗଆଁନ୍ ଝାକମାକ୍ ଦିରିତେ ବାଲୟାକାନ ତାଇକେନା, ଏତ୍ତେ ଏନ୍ ନାଗାର୍ ଫାଟ୍ରି ସୋନା ଆତଃ କାଁବ୍ତେ ବାଲୟାକାନ ତାଇକେନା । ୧୯ ନାଗାର୍ରେୟାଃ ଚାରିୟସାଃରେ ତାଇକାନ ପାବ୍ରିରେୟାଃ ନିହଁଗାଡ଼ାରେ ସବେନ୍ ଲେକାନ ଗନଙ୍ଗଆଁନ୍ ଦିରିତେ ସିଙ୍ଗିରାଅକାନ ତାଇକେନା । ପାହିଲା ନିହଁଗାଡ଼ା ହିରାତେ, ଏଗାଃ ନିହଁଗାଡ଼ା ମଣିତେ, ଆପିୟାତେୟାଃ ରାଙ୍ଗିବିରାଙ୍ଗ ଗନଙ୍ଗଆଁନ୍ ଦିରିତେ, ଉପୁନ୍ସାତେୟାଃ ଝାଲ୍ଲକାଅଃତାନ ହାରିୟାର୍ ଦିରିତେ ବାଲୟାକାନ ତାଇକେନା । ୨୦ ମଣେୟାତେୟାଃ ପୁଲ୍ଲକ ମଣିତେ, ତୁରିୟାତେୟାଃ ମାଣିକ୍ୟ ମଣିତେ, ଏୟାତେୟାଃ ପୁଷ୍ପରାଗ ମଣିତେ, ଇରାଲିୟାତେୟାଃ ଫିରୋଜ୍ ମଣିତେ, ଅରେୟାତେୟାଃ ଗୋମେଦକ୍ ମଣିତେ, ଗେଲ୍ଲେୟାତେୟାଃ ଲଶୁନୀୟ ମଣିତେ, ଗେଲ୍ଲିଆଁଦ୍ ଇନ୍ଦ୍ରନିଲ୍ ମଣିତେ ଆତଃ ଗେଲ୍ଲବାର୍ତେୟାଃ ବୁଗିନ୍ସହାନ୍ ମଣିତେ ବାଲୟାକାନ ତାଇକେନା । ୨୧ ଗେଲ୍ଲବାର୍ ଦୁଆର୍ ତାଇକେନା ଆତଃ ଗେଲ୍ଲବାର୍ ମୋତି ତାଇକେନା । ମିମିଆଦ୍ ଦୁଆର୍, ମିମିଆଦ୍ ମୋତିତେ ବାଲୟାକାନ ତାଇକେନା, ନାଗାର୍ରେୟାଃ ହରା ଫାଟ୍ରି ସୋନା ଆତଃ କାଁବ୍ ଲେକା ସୁଗାଡ଼ାନି ବାଲୟାକାନ ତାଇକେନା ।

୨୨ ଆଇଙ୍ଗ ନାଗାଋରେ ଜେତାନ୍ ଫାନ୍ଦିର୍ କାଇଙ୍ଗ ନେଲକେଦା, ଚିୟାଠଟି ପୁରାଃ ପେଡ଼େୟାନ୍ ପ୍ରାଭୁ ପାର୍ମେଶ୍ଵାର୍ ଆତଃ ମିଶ୍ଟିହନ୍ ଏନାରେନ୍ ଫାନ୍ଦିର୍ ତାନ୍ଦକିନ୍ । ୨୩ ଏନ୍ ନାଗାଋକେ ମାର୍ଯାଲେ ନାଗେନ୍ତେ ଏନ୍ତାଋରେ ସିଙ୍ଗି ଚାଏ ଚାଣ୍ଡୁ କା ଲାଗାତିଙ୍ଗୟାଋ, ଚିୟାଠଟି ପାର୍ମେଶ୍ଵାର୍ଆଋ ମାନାରାଙ୍ଗରେ ଏନା ମାର୍ଯାଲଠତାନା ଆତଃ ମିଶ୍ଟିହନ୍ ଏନାରେୟାଋ ଦିମି ତାନିଃ । ୨୪ ଅତେରେନ୍ ସବେନ୍ ହଡ଼କ ଇନିୟାଋ ମାର୍ଯାଲରେ ହିନ୍ତୁଋସେନଋ ରିକାଏୟାକ । ଅତେଦିଶ୍ଵମ୍ରେନ୍ ରାଜାକ ଆକଆଋ ମାନାରାଙ୍ଗକେ ପାର୍ମେଶ୍ଵାର୍ତଠାଋକ ଆଉଇୟା । ୨୫ ନାଗାଋରେୟାଋ ସବେନ୍ ଦୁଆରକ ସବେନ୍ ଇମତା ନିଜାକାନ୍ଦି ତାଇନା । ଏନା ତିଉଲାଇ ଅ କା ହାଣ୍ଡେଦଠଆ, ତିଆଠଟି ଏନ୍ତାଋରେ ତିଉଲାଇ କା ନୁବାଗଠଆ । ୨୬ ସବେନ୍ ଦିଶ୍ଵମ୍ରେନ୍ ମାନାରାଙ୍ଗ ଆତଃ ମାଇନାନ୍ ନେ ନାଗାଋରେ ହିନ୍ତୁଋକେଦ୍ତେ ମିଦ୍ତଠାଋରେ ହୁଣ୍ଡିୟାଋଆ । ୨୭ ଜେତାନ୍ ସଦ୍‌ରାକାନ୍ଦେୟାଋକ ନେ ନାଗାଋଡେ କା ଆଉଅଠଆ । ହିଲାଇଆଋ ଲେକା କାଜିକାମିତାନ୍ଦକ ଆତଃ ହସଡ଼ କାଜିତାନ୍ଦକ, ଜେତାଏ ନେ ନାଗାଋ କାକ ବଲ ଦାଡ଼ିୟା । ଅକନ୍ଦକଆଋ ନୁଡୁମ୍ ମିଶ୍ଟିହନ୍ଆଋ ଜୀଦାନ୍ ପୁଅରେ ଅଲାଇନା, ଇନ୍ଦକୁ ଏସକାର୍ ନେ ନାଗାଋରେ ବଲ ଦାଡ଼ିୟାକ ।

୨୨

୧ ଏନ୍ତେ ଏନ୍ ଦୁଡ଼, ନାଝା ଅତେଦିଶ୍ଵମ୍ରେ ଜୀଦାନ୍ ଦାଆଠରାଋ ଗାଡ଼ାଏ ଉଦୁବାଦିୟା, ଏନା ଫାଋରି ଆତଃ ନିରାଲ୍ଲିଗି ତାଇକେନା । ନେ ଗାଡ଼ା ପାର୍ମେଶ୍ଵାର୍ଆଋ ଆତଃ ମିଶ୍ଟି ହନ୍ଦିଆଋ ରାଜଗାଦିହେଡେ ଅତଙ୍ଗକେଦ୍ତେ, ୨ ନାଗାଋରେୟାଋ ଆଲା ମାଲା ହରାରେ ଲିଙ୍ଗିୟାଋତାନା । ଗାଡ଼ାରେୟାଋ ବାରାନ୍ ସାଋରେ ଜୀଦାନ୍ରେୟାଋ ଦାରୁକ ତାଇକେନା, ଏନା ବାରାଷ୍ଠରେୟାଋ ମିପିଆଦ୍ ମାହିଁ ନାରେ ଚାଏ ମିଦ୍ ବାରାଷ୍ଠରେ ଗେଲ୍‌ବାଋସାଋ ଜାଅଅଠଆ, ଆତଃ ଏନାରେୟାଋ ସାକାମ୍ତେ ହାସୁ ଦୁକୁଠତାନ୍ ହଡ଼କ ବୁଗିୟାଋଆ । ୩ ପାର୍ମେଶ୍ଵାର୍ଆଋ ହରାଡେ ସାର୍ପାଅକାନ୍ ଜେତାନ୍ ବିଷାଏ ଏନ୍ ନାଗାଋରେ କା ନେଲଠଆ । ପାର୍ମେଶ୍ଵାର୍ ଆତଃ ମିଶ୍ଟି ହନ୍ଦିଆଋ ରାଜଗାଦି, ଏନ୍ ନାଗାଋରେ ତାଇନାଋ ଆତଃ ଏନ୍ତାଋରେ ଆୟାଋ ଦାସିକ ଇନିୟାଋ ସୁନୁସାରକ ରିକାୟା । ୪ ଇନ୍ଦକୁ ଇନିୟାଋ ମେଦ୍‌ମୁହାଡ଼କ ନେଲେୟା ଆତଃ ଇନ୍ଦକୁଆଋ ମଲଙ୍ଗରେ ଇନିୟାଋ ନୁଡୁମ୍ ଅଲଠଆ । ୫ ଏନ୍ତାଋରେ କା ନୁବାଗଠଆ ଆତଃ ଦିମି ଚାଏ ସିଙ୍ଗିରାଋ ମାର୍ଯାଲ ଇନ୍ଦକୁଆଋ ଲାଗାତିଙ୍ଗ କା ହବାଅଠଆ, ଚିୟାଠଟି ପ୍ରାଭୁ ପାର୍ମେଶ୍ଵାର୍ ଇନ୍ଦକୁଆଋ ମାର୍ଯାଲ ହବାଅଠଆଏ ଆତଃ ଇନ୍ଦକୁ ଜାନାଅ ଜାନାଅ ରାଜା ଲେକାକ ରାଇଜେୟା ।

ୟାଶୁଆଋ ହିନ୍ଦୁଋ ରୁହାଡ଼

୨ ଦୁଡ଼ ଆଇଙ୍ଗକେ କାଜିକେଦିୟା, “ନେ ସବେନ୍ କାଜିକ ସାର୍ଡି ଆତଃ ପାତିୟାର୍ଠରେ ଲେକାନାଋ ତାନାଋ । ଅକ୍‌ନାଋକ ଜାଲ୍‌ଦିଗି ହବାଅଠଆ, ଏନା ଆୟାଋ ଦାସିକକେ ଉଦୁବକ ନାଗେନ୍ତେ ନାବାକକେ ଆମ୍ବିକ ସେଣାଁ ଏମାକତାନ୍ ପ୍ରାଭୁ ପାର୍ମେଶ୍ଵାର୍ ଆୟାଋ ଦୁଡ଼କେ କୁଲାଇକା ।”

୩ ଯାଶୁ କାଜିତାନାଏ ଆୟୁମେପେ, “ଆଇଙ୍ଗ ଜାଲ୍‌ଦିଗିଇଙ୍ଗ ହିନ୍ତୁଋତାନା, ଅକନ୍ଦକ ନେ ପୁଅରେ ଉନ୍ଦୁବକାନ୍ ଆୟାଋକାଜିକେ ମାନାତିୟାଋକ, ଇନ୍ଦକୁ ସୁକୁତାନ୍ରିୟାକ ।”

୪ ଆଇଙ୍ଗ ଯୋହାନ୍, ନେ ସବେନାଋ ଆଇଙ୍ଗରି ଆୟୁମାକାଦାଇଙ୍ଗ ଆତଃ ନେଲାଇଦାଇଙ୍ଗ । ଆଇଙ୍ଗ ଆୟୁମକେଦ୍ତେ ନେଲକେଦ୍ ତାୟମ୍ତେ, ଅକ ଦୁଡ଼ ଆଇଙ୍ଗତଠାଋରେ ଏନାଏ ଉଦୁବକେଦା, ଆଇଙ୍ଗ ଇନିୟାଋ କାଟାସୁବାରେ ଅମ୍ବାଋକେଦ୍ତେ ସୁନୁସାର୍ ନାଙ୍ଗ ସେନ୍ ତାଇକେନାଇଙ୍ଗ । ୫ ମେନ୍ଦ୍ ଇନିଋ କାଜିକିୟାଏ, “ଏନ୍‌ଲେକା ଆଲମ୍ ରିକାଏୟା ତିଆଠଟି ଆଇଙ୍ଗହିଁ ଆମାଋ ଲେକା ମିହୁଡ଼୍ ତାନିଙ୍ଗ । ଆମାଋ ଅକ ହାଗାକ, ନାବୀତାନ୍ଦକ ଆତଃ ଅକ ସବେନ୍ଦକ, ନେ ପୁଅରେୟାଋ କାଜି ଲେକା ମାନାତିଙ୍ଗ ତାନ୍ଦକଆଋ ଗାତିଦାସି ତାନିଙ୍ଗ । ପାର୍ମେଶ୍ଵାର୍ଆଋ ସୁନୁସାର୍ ରିକାଇପେ ।” ୬ ଇନିଋ ଆଇଙ୍ଗକେ ଆତଠଟି କାଜିକେଦିୟା, “ନେ ପୁଅରେୟାଋ ଆୟାଋକାଜିକକେ ଆଲମ୍ ଉକୁଇୟା, ଚିୟାଠଟି ନେ ସବେନାଋ ହବାଅଠରେୟାଋ ନେଡା ନାଡ଼େୟାନ୍ରିୟା । ୭ ଏନାମେଡ୍ତେ ନେ କାଜି ସାରିକେଦ୍ତେ, ଅକଏକେ ଚିଲ୍‌କା ସାନାଙ୍ଗ ଏନ୍‌ଲେକାଗି ରିକାଏକା । ଏଡ଼କାନ୍ କାମିତାନ୍ ହଡ଼ ଆତଠଟି ଏଡ଼କାନ୍ କାମିକାଏ, ସଦ୍‌ରାକାନ୍ ହଡ଼ ସଦ୍‌ରାକାନ୍ରି ତାଇନକା, ଧାର୍‌ମାନ୍ ହଡ଼ ଆତଠଟି ଧାରାମ୍ କାମି କାମିକାଏ, ପାବିତାର୍ ହଡ଼ ଆତଠଟି ପାବିତାର୍ଠରେକା ।”

୮ ଯାଶୁ କାଜିତାନାଏ, “ଆୟୁମେପେ, ଆଇଙ୍ଗ ମିପିଆଦ୍ ହଡ଼କକେ ଆକଝା କାମିରେୟାଋ ଗନଙ୍ଗ ଏମାକ ନାଗେନ୍ତେ ନାଲା ସାବ୍‌କେଦ୍ତେ ଜାଲ୍‌ଦିଗିଇଙ୍ଗ ହିନ୍ତୁଋତାନା । ୯ ଆଇଙ୍ଗ ସୁରୁଇନିଋ ଆତଋ ଚାବାଏନିଋ, ମୁନୁ ଆତଋ ଚୁଣ୍ଡୁ ତାନିଙ୍ଗ ।”

୨୨:୧୩ ୨୨:୧୩ ଉନ୍ଦୁବକ କାଜି ୧:୮; ଉନ୍ଦୁବକ କାଜି ୧:୧୭; ୨:୮.

^{୧୪} ଅକନ୍ଦକ ଆକଥାଃ ଆପ୍ତନାଃ ଲିଜାଃ ସାଫାକାଦାକ, ଇନ୍ଦକୁ ସୁକ୍ରତାନ୍‌ଗିୟାକ । ଜୀଦାନ୍ ଦାରୁରେୟାଃ ଜ ଜମେ ନାଗେନ୍ତେ ଆତଃ ଦୁଆର୍ ହରାତେ ବଲ ନାଜ୍ ଇନ୍ଦକୁଆଃ ଆକ୍‌ତେୟାର୍ ମେନାଃ । ^{୧୫} ମେନ୍‌ଦ ଏଡକାନ୍ ଚାଇଲ୍ ଚାଲାନକ, ଦେଅଁଣାତାନ୍‌କ, ହଡ ଗଗଏଃକ, ମୁରୁଡ୍ ସେଝାତାନ୍‌କ, ହସଡ୍ ହଡକ, ବେଦାତାନ୍‌କ, ଆତଃ ନେ ସବେନାଃ ଦୁଲ୍‌ଡ଼ତାନ୍ ସବେନ୍ ହଡକ ନାଗାରୁରେୟାଃ ବାହାରିରେ ତାଇନାକ ।

^{୧୬} “ଆଇଙ୍ଗ ଯୀଶୁ, କାଲିସିୟାକରେ ଆପେୟାଃ ବୁଗିନାଃ ନାଗେନ୍ତେ ନେ ସବେନ୍ ବିଷାଏକ ଉଦୁବେ ନାଜ୍ ଆଇଁୟାଃ ଦୁଁଡକେ କୁଲ୍‌କାଇଜାଇଙ୍ଗ । ଆଇଙ୍ଗ ଦାଉଦ୍‌ଆଃ କିଲିରେନ୍, ଆତଃ ଏନ୍ ଜୁଲ୍‌ଝତାନ୍ ଜନଃଇପିଲ୍ ତାନିଙ୍ଗ ।”

^{୧୭} ପାବିତାର୍ ଆମ୍ବା ଆତଃ ଏନ୍ ନାଝା ଆଣ୍‌ଦିକାନ୍ କୁଡ଼ି କାଜିତାନାକିନ୍, “ହିଜୁଃମେ,” ନେ କାଜି ଆୟୁମ୍‌ତାନ୍ ସବେନ୍‌କ କାଜିୟାକ, “ହିଜୁଃମେ,” ଜେତାଏ ତେତାଙ୍ଗ୍‌ତାନ୍‌ନିଃ ହିଜୁଃକାଏ । ଜୀଦାନ୍‌ରେୟାଃ ଦାଆଃ ନୁଏ ନାଗେନ୍ତେ ଅକଏ ସାନାଙ୍ଗ୍‌ତାନ୍‌ନିଃ ହିଜୁଃକେଦ୍‌ତେ ବେଗାର୍ ଗନଙ୍ଗ୍‌ତେ ନୁଏକା ।

ବୁଣ୍ଡ କ୍ଳାଜି

^{୧୮} ଆଇଙ୍ଗ ଯୋହାନ୍, ନେ ପୁଥ୍‌ରେ ଅଲ୍‌କାନ୍ ସବେନ୍ ଆୟାର୍‌କାଜି କାଜିକାନ୍‌ତେୟାଃକେ ଅକନ୍ଦକ ଆୟୁମ୍‌ମେୟାକ, ଇନ୍ଦକୁକେ ଆଇଙ୍ଗ୍ ଚେତାଅକ ତାନାଇଙ୍ଗ୍, ଜେତାଏ ନେ ପୁଥ୍‌ରେୟାଃ ଅନଲ୍‌ରେ ଜେଡନାଃ ମେସାଏ ରେଦ, ପାର୍‌ମେଶ୍‌ବାର୍ ନେ ପୁଥ୍‌ରେ ଅଲ୍‌କାନ୍ ଦୁକୁହାସୁକଏ ଏମାକଆ, ମେନ୍ତେ ସାରୁଦ୍ ଏମେତାନାଇଙ୍ଗ୍ । ^{୧୯} ଆତଃ ନେ ପୁଥ୍‌ରେ ଅଲ୍‌କାନ୍ ଆୟାର୍‌କାଜିକଏତେ ଜେତାଏ ଜେଡନାଃ ଆଡ଼ମେରେଦ, ପାର୍‌ମେଶ୍‌ବାର୍ ଇନିଃକେ ନେ ପୁଥ୍‌ରେ ଅଲ୍‌କାନ୍ ଜୀଦାନ୍ ଦାରୁରେୟାଃ ଜ'ହେତେ ଆତଃ ପାବିତାର୍ ନାଗାରୁହେତେ ହିଗାଡ଼ିୟା ।

^{୨୦} ନେ ସବେନ୍ ବିଷାଏରେୟାଃ ଗାଝା ଏମ୍‌ତାନ୍‌ନିଃ କାଜିତାନାଏ, “ନେଆଁ ସାର୍‌ଡିଗି ହବାଅଃଗିୟା । ଆଇଙ୍ଗ୍ ସାର୍‌ଡିଗି ଜାଲ୍‌ଦିଗିଇଙ୍ଗ୍ ହିଜୁଃଆ ।” ଏନାଗି ହବାଅଃକା । ହେ ପ୍ରାଭୁ ଯୀଶୁ, ହିଜୁଃମେ । ^{୨୧} ପ୍ରାଭୁ ଯୀଶୁଆଃ ସାୟାଦ୍ ମିମିଆଦ୍ ସବେନ୍‌କ ଆଟ୍‌କାରେପେ । ଆମେନ୍ ।